







24 = 1 99 = 2

Int 209
m 106

THESAVRVS
ANTIQVITATVM

ET

HISTORIARVM
ITALIAE.

ETRVRIAE, VMBRIAE,

SABINORVM

ET

L A T I I.

TOMI OCTAVI PARS PRIMA.



THESSALVS
ANTIOCHITVM

ET

HISTORIAM
ITALIAM


ETRURIAM VMBRIAM

SABINORVM

ET

ITALIAM


TOMI OCTAVI PARS PRIMA




THE SAURUS
ANTIQUITATUM
ET
HISTORIARUM
ITALIAE,

ETRURIAM, VMBRIAM,
ETC.
CONTINENS.
TOMI OCTAVI PARS PRIMA.

LUGD. BAT.
Apud PETRUM VANDER Aa.





THE SAVVS
ANTIQVITATVM
ET
HISTORIARVM
ITALIAE.

Quo continentur
Optimi quique Scriptores,
Qui

ETRVRIAE, VMBRIAE,
SABINORVM, LATII,

*Confiniumque Populorum ac Civitatum Res Antiquas, aliasque vario
tempore gestas, memoriae prodiderunt:*

Digeri olim coeptus Cura & Studio

JOANNIS GEORGII GRAEVII.

Accesserunt

Variae & accuratae Tabulae, tam Geographicae, quam aliae,
ut & Indices ad singulos Libros locupletissimi:

CVM PRAEFATIONIBVS

PETRI BVRMANNI,

*J.U.D. Historiarum, Graecae Linguae, Eloquentiae & Historiae foederati Belgii,
in Academia Lugduno-Batava Professoris.*

TOMI OCTAVI PARS PRIMA.

Scriptores hujus Tomi post Praefationem reperientur.



LVGDVNI BATAVORVM,
Excudit PETRVS VANDER Aa,
Bibliopola, Civitatis atque Academiae Typographus, MDCCXXIII.
Cum speciali Privilegio Illustr. ac Praepotent. Ordinum Hollandiae & West-Frisiae.

THE
HISTORICAL
I T A L I A N

OF THE
ETHELIAE, VARRIAE
MABINOVAM, IATII

JOHN'S GEORGE CRASH

THE
I T A L I A N
I T A L I A N

THE
I T A L I A N
I T A L I A N

GUILIELMI POSTELLI,


Linguarum Orientalium Professoris Regii Parisiensis,

DE

ETRURIÆ
REGIONIS

Originibus , Institutis , Religione , ac
Moribus Commentatio.

*Editio Nova , priori nitidior ac elegantior ,
innumerisque erroribus repurgata.*



LUGDUNI BATAVORUM,

Sumptibus PETRI VANDER Aa,

Bibliopola & Typographi Academiae & Urbis.

ADMONITIO BIBLIOPOLÆ AD LECTOREM.



habes hîc, Benevole Lector, Opus GUIELMI POSTELLI, Viri eruditissimi, suique temporis Doctorum omnium facile principis. Illud inscripsit, DE ETRURIÆ REGIONIS ORIGINIBUS, INSTITUTIS, RELIGIONE, ET MORIBUS COMMENTATIO, eamque dedicavit COSMO MEDICÆO, Etruriæ seu Tusciæ Principi summo, atque sui seculi Eruditorum omnium Fautori & Mæcenati optimo ac generosissimo. In illa aggressus Auctor prædicare ac extollere antiquitatem Etruriæ, altiùs originem illius Regionis repetit, imò ab Adamo ipso, nec non Noacho deducit, quem sub nomine Jani statuit auctorem ac fundatorem omnium institutionum rituumque tam sacrorum quàm civilium in tota Italia, ac præsertim in Etruria; & sic ad illud probandum multa adducit antiquitatem redolentia, & ex secretis disciplinis, quas vocat, deprompta, miscetque rara & illustriora exempla & argumenta auctoritatesque ad ulteriorem confirmationem sui incepti. Quid à nobis in ista nova hujus Operis Editione præstitum sit, paucis accipe. Multis in locis textum ac sensum restituimus, quantum in nobis fuit; errata penè infinita, quæ in primam Editionem (Florentiæ 1551. impressam in quarto) irreperant, pro virili emendavimus; loca ac testimonia Auctorum in isto Opere citata clarè litteris Italicis distinximus atque notavimus; Indicem rerum memorabilium in meliorem ordinem redeimus, atque pluribus in locis auximus; nec non Tabulam, quæ & veteris & novæ Editionis paginas indicat, addidimus; tandemque papyro nitidiori ac typis elegantioribus in ista nostra Editione usi sumus. Cæterum, Amice Lector, æqui bonique consule, laboribus nostris tranquillius frui, atque conatibus nostris favere perge.



ADMONITIO AD LECTOREM.

Cum ea *Guiljelmi Postelli de Etruriæ Regionis Originibus, Institutis, Religione, ac Moribus singularis Commentatio* secundum veteris Editionis paginas apud multos Auctores allegata inveniatur, quæ paginæ huic novæ non congruunt Editioni, nos, ad Lectorum commoditatem, qui hac nova utentur Editione, hic sequentem adjecimus Tabulam, quâ in columna priori veteris reperiuntur paginæ, sicuti etiam in columna posteriori paginæ hujus novæ Editionis: quapropter, qui hunc Auctorem in aliis allegatum inveniet Libris, jam primo adpectu, quâ hujus novæ Editionis paginâ istius veteris Editionis paginæ sunt reperiendæ, reperire hic poterit.

Paginæ Veteris Editionis.	Paginæ hujus Novæ Editionis.	Paginæ Veteris Editionis.	Paginæ hujus Novæ Editionis.	Paginæ Veteris Editionis.	Paginæ hujus Novæ Editionis.	Paginæ Veteris Editionis.	Paginæ hujus Novæ Editionis.
Pag. 3	Auctoris De- dicatio.	66	23	129	46	192	69
4		67	ibid.	130	ibid.	193	ibid.
5		68	ibid.	131	ibid.	194	70
6		69	24	132	47	195	ibid.
7	Pag. 1	70	ibid.	133	ibid.	196	ibid.
8	ibid.	71	ibid.	134	ibid.	197	71
9	ibid.	72	25	135	48	198	ibid.
10	2	73	ibid.	136	ibid.	199	72
11	ibid.	74	ibid.	137	ibid.	200	ibid.
12	3	75	26	138	49	201	ibid.
13	ibid.	76	ibid.	139	ibid.	202	73
14	4	77	ibid.	140	50	203	ibid.
15	ibid.	78	27	141	ibid.	204	ibid.
16	ibid.	79	ibid.	142	ibid.	205	74
17	5	80	28	143	51	206	ibid.
18	ibid.	81	ibid.	144	ibid.	207	75
19	ibid.	82	ibid.	145	ibid.	208	ibid.
20	6	83	29	146	52	209	ibid.
21	ibid.	84	ibid.	147	ibid.	210	76
22	7	85	ibid.	148	53	211	ibid.
23	ibid.	86	30	149	ibid.	212	ibid.
24	ibid.	87	ibid.	150	ibid.	213	77
25	8	88	ibid.	151	54	214	ibid.
26	ibid.	89	31	152	ibid.	215	ibid.
27	ibid.	90	ibid.	153	ibid.	216	78
28	9	91	32	154	55	217	ibid.
29	ibid.	92	ibid.	155	ibid.	218	79
30	ibid.	93	ibid.	156	ibid.	219	ibid.
31	10	94	33	157	56	220	ibid.
32	ibid.	95	ibid.	158	ibid.	221	80
33	11	96	ibid.	159	57	222	ibid.
34	ibid.	97	34	160	ibid.	223	ibid.
35	ibid.	98	ibid.	161	ibid.	224	ibid.
36	12	99	ibid.	162	58	225	81
37	ibid.	100	35	163	ibid.	226	ibid.
38	ibid.	101	ibid.	164	ibid.	227	82
39	13	102	36	165	59	228	ibid.
40	ibid.	103	ibid.	166	ibid.	229	ibid.
41	ibid.	104	ibid.	167	60	230	83
42	14	105	37	168	ibid.	231	ibid.
43	ibid.	106	ibid.	169	ibid.	232	ibid.
44	15	107	ibid.	170	61	233	84
45	ibid.	108	38	171	ibid.	234	ibid.
46	ibid.	109	ibid.	172	62	235	ibid.
47	16	110	ibid.	173	ibid.	236	85
48	ibid.	111	39	174	ibid.	237	ibid.
49	ibid.	112	ibid.	175	63	238	86
50	17	113	40	176	ibid.	239	ibid.
51	ibid.	114	ibid.	177	ibid.	240	ibid.
52	ibid.	115	ibid.	178	64	241	87
53	18	116	41	179	ibid.	242	ibid.
54	ibid.	117	ibid.	180	ibid.	243	ibid.
55	19	118	42	181	65	244	88
56	ibid.	119	ibid.	182	ibid.	245	ibid.
57	ibid.	120	ibid.	183	66	246	89
58	20	121	43	184	ibid.	247	ibid.
59	ibid.	122	ibid.	185	ibid.	248	ibid.
60	ibid.	123	ibid.	186	67	249	90
61	21	124	44	187	ibid.	250	ibid.
62	ibid.	125	ibid.	188	ibid.	251	ibid.
63	ibid.	126	ibid.	189	68		
64	22	127	45	190	ibid.		
65	ibid.	128	ibid.	191	69		

VITA & ELOGIUM AUCTORIS.

Ex Hofmanni Lexico.

Gulielmus Postellus, Normannus, abyssus scientiarum dictus, Polyglottus, Mathematicus, Cabalista, &c. insignis Obiit cælebs A. C. 1581. Æt. 100. nullo nunquam morbo tentatus.

Ex Teissier Eloges des Hommes Savans, 8°.

Tom. 3. Pag. 196.

Guillaume Postel étoit né d'une famille abjecte, & enseigna long-tems les enfans dans le village de Sabi proche Pontoise. Après qu'il eût fait connoître son érudition par quelques Ouvrages, & surtout par un Traité de douze Langues différentes, il fut honoré de la Charge de Professeur Royal aux Langues étrangères. Puis il fut reçu Bachelier en Médecine dans l'Université de Paris, & ensuite il se fit Prêtre. C'étoit en matiere de doctrine le plus grand esprit de son Siècle. Il avoit une vivacité, une pénétration, & une memoire qui alloient jusqu'au prodige, un génie universel, qui n'ignoroit rien, & qui excelloit particulièrement dans la connoissance des Langues; outre la Latine, la Gréque, l'Hébraïque, la Chaldaïque, la Syriacque, il savoit si bien celles qui se parlent & qui sont vivantes, qu'il se vantoit de pouvoir faire le tour de la terre sans Trucheman. François I. qui aimoit les Lettres, & la Reine de Navarre qui étoit savante, regardoient Postel comme la merveille du monde. &c. &c.

Ibid. Pag. 209.

Le Livre de Postel, de Magistratibus Atheniensium, a été imprimé à Leide en 1648. in 12°. & ensuite à Leipfic avec des Notes de Jean-Frederic

Heckelius l'An 1691. in 8°. Son Traité de Etruriæ Originibus a mérité l'estime de Burcard Gotthelfius Struvius. Bibl. Selecta Hist. p. 697.

Ibid. pag. 203.

L'Eloge de Postel se trouve imprimé dans l'Histoire du Monastere de S. Martin des Champs, où il est mort. Je me contenterai de rapporter son Epitaphe, qui y est gravée sur une planche de cuivre,

Postellus postquam peragravit plurima,

Passus pro pietate, polos Parisiis petiit.

Obiit sexto Septembris 1581.

Mærens ponebat Adrianus Terrier Medicus.

Illi, qui de hujus celeberrimi Auctoris Vita Scriptisque plura scire desiderant, possunt ea apud sequentes invenire Scriptores.

Henr. Stephanus dans l'Apologie pour Herodote. Franciscus Baco. Florimond de Remond. Du

Verdier dans sa Bibliothèque & sa Prosopographie.

Scævola Sammarthani Elogia Gallorum Illustrium.

Josephus Scaliger. Simleri Bibliotheca. Beza.

Nic. Orlandini Hist. Soc. Jesu. Bellarminus de Sacramentis. Florimond de Orig. Hæret.

Genebrardi Chronic. Continuat. Ste. Marthe Bi-

bliothèque Française. Naudé Bibliographia. Baillet

Enfans Celebres. Freheri Theatrum Illustrium Viro-

rum. Moreri Dict. Histor. Simon Lettres.

Baile Dictionnaire Critique. Bibliothèque Universelle.

Placcius de Scriptor. Anonym. Morhof Polyhistor.

Jurieu Hist. du Calvinisme. Essais de Litterature.

Aliique complures.

C O S M O M E D I C I,

ILLUSTRISSIMO ETRURIÆ OCCIDUÆ DUCI,

salus & vera absolutaque victoria.



SAPIENTISSIMORUM Philosophorum decreto judicatum est, tunc fore Respublicas felicissimas, quum aut Sapientum aut sapientiæ studiosorum amatorum-ve Principum imperiis audientes esse cœperint; unde in summa relinquitur difficultate judicandum, quàm sint felices illæ quibus non tantum in omni doctrinarum genere principes viros imperare contigerit, sed ubi ad summos dignitatum gradus iidem fuerint evecti, tantò ardentius sapientiæ studiis inhæserint, quantò in majori publicarum curarum culmine fuerint constituti. Crediderim itaque hodie Etruriæ Gentem præclarissimam Florentinos in summo felicitatis humanæ gradu versari, nisi morbo humanæ naturæ peculiari suarum ipsimet calamitatum auctores essent, quum utrumque Sapientum votum in te illis contigisse videam. Licet enim per publicarum functionum curas, quibus assidue optimos urgeri Principes necesse est, tibi non liceat in Academia Philosophorum versari, tamen & ex tuis in tuam Rempublicam institutis, & ex summo in Doctos omnes amore, favore, officio, & liberalitate ipsi relinquis posteritati cogitandum, te facile ipsis virtutis actionibus, in quibus laus solida consistit, omnibus

Philosophiæ partibus te universos antecellere. Quare, hac tempestate, in qua ingeniorum laus & litterarum rerumque splendor rursus incipit enitescere ut tibi principi omnium doctrinarum alumno inscriberem has nostras *de Originibus Etruriæ & prisco aureoque ejus cultu rituque* Commentationes, & tuæ amplissimæ dignitatis nomine, & absolutæ virtutis ergo sum vehementer incitatus. Mole quidem perexiguâ munus est, Opusque in summa & Latinorum & Græcorum Auctorum penuria conscriptum, æque solius memoriæ monumentis illisque tenuissimis repetitum, quum jam ferè totum decennium, ex quo prælectioni regiæ sub litterarum instauratore Rege Francisco in ipsa Gallia finem feceram, humanarum litterarum monumentis valefeceram. Media enim in Asia, quum studiis & Auctoribus Arabicis conquiendis incumberem, raptim & ex originum Syriacarum ratione occasioneque exaratum est, quicquid id est; sed tamen qualecumque est, maxima priscae doctrinæ & disciplinarum nostro sæculo deperditarum monumenta continet, & ex quibus nostro sæculo summam lucem oboriri necesse est. At quia in Etruria primariae magnitudinis astro subjecta orta est olim & sacra de externo cultu disciplina, & aurei sæculi institutio, historiaque, ibidemque ubi nata est funditus periit, ibidem te duce instaurari optamus, & tibi hoc nomine hos Commentarios nuncupatos volumus. Non dubito futurum, ut quâ fronte aliorum pleraque scripta monumenta-ve solitus es accipere, etiam nostra accipias, animumque tuæ veræ solidæque & victoriæ & gloriæ cupidissimum tibi gratificandi cupidissimum tantò magis amplectare, quantò minùs precium operæ & tuis & meis votis responderit. Vale.

*Et tibi & virtuti & dignitati
tuæ addictissimus*

GUILIELMUS POSTELLUS.

SERIES CAPITUM.

CAP. I. De summo genere cognitionis doctrinæ-ve, quæ est Divinatio, & quot modis possit cognitio futurorum haberi prædique.

Pag. 1

CAP. II. Probatur esse necessariò, eò quòd DEUS habet rerum humanarum curam, Disciplinæ genus summum, præstantissimumque, ad quod quum omnes homines adspirent, nullus tamen possit nisi per Divinationem consequi.

3

CAP. III. Quæ Historia humana debet esse summa fide post illas, quæ in sacris habentur Divinationibus.

4

CAP. IV. Quòd ea quæ nunc circumferuntur nomine Berosi Fragmenta, ea revera sint prisca illius Berosi, qui deflorationem Chaldaicæ scripserat Historiæ.

6

CAP. V. Quòd sacrarum Constitutionum seu Divinationum Libri sint ea fide & integritate, ut necessariò omnibus sæculis fuerint sint-ve inter optimos sapientissimosque probandi, summumque bonum suafuri.

7

CAP. VI. Quòd necesse est præcipuum Sacrae Divinationis Auctorem esse summâ, quæ unquam in mundo possit oboriri, potentiâ, sapientiâ, & bonitate, ejusque Doctrinam rationi conjunctissimam.

9

CAP. VII. Quòd nulla unquam discussio gravior est in ullos Auctores habita quàm in eos qui Sacrae Divinationis Libros scripserunt.

11

CAP. VIII. Externa probatorum Auctorum testimonia pro sacrorum fide.

12

CAP. IX. Quæ res sit tractatu dignissima in causis & originibus.

17

CAP. X. Qua ratione post tam multos Scriptores, qui in hoc versati sunt argumento, hæc nunc Tractatio sit suscepta?

18

CAP. XI. Quòd primus locus sacer totius Europæ sit statim ad primam Transiberinæ Regionis partem Romæ constitutus, idque ab omnium hominum Parente Saturno prisco.

19

CAP. XII. De ratione etymi Etruriæ & Tusciæ.

20

CAP. XIII. De Jani Ogygisque & cæteris Noachi vocabulis, à Linguae Sanctæ usu deductis, nec satis cognitis.

21

CAP. XIV. De Umbriæ origine & vocabulo.

22

CAP. XV. Quomodo possint esse primi habitatores Italiæ Umbri, & Eturi, & Aborigines.

24

CAP. XVI. Unde revera Aborigines dicti sint.

25

CAP.

CAP. XVII. *Quæ esset in Eturia Razi-Hinuorum facultas auctoritasque.* 27

CAP. XVIII. *Quomodo possit constare, quod Janus instituerit Razi-Hinuos & sint iidem cum Eturiscis, quum Etrusci à Tagete se accepisse suas doctrinas affirmant.* 29

CAP. XIX. *Quod in gloria posuit Moses & Salomon in scientia Orientalium & Ægyptiorum excelluisse, multò verò magis Noachus.* 31

CAP. XX. *Quod prisca Romanorum religio ortum ab Etruscis habuerit.* 32

CAP. XXI. *Unde primò emerfit falsus inter Romanos cultus.* 33

CAP. XXII. *Quàm multis nominibus Janus sit vocatus.* 33

CAP. XXIII. *Quàm multiplici nomine diceretur Noachi uxor Vesta, quaque ratione, deque varia intelligentiarum specie.* 36

CAP. XXIV. *Quod quicquid à Mose positum in Lege est, quoque est usus in Reipublicæ Divinæ institutione, Noachus jam suo seculo aureo quatenus licuit exposuerit, & primò de litteris.* 38

CAP. XXV. *Quum infinita sint institutionis humanæ adminicula, quare litteras in prima ratione putemus considerandas.* 40

CAP. XXVI. *Quomodo litteræ & Græcæ & Latine sunt ab externis Hebraicis, quæ nunc sunt Samaritanorum Judæorum, deductæ à Jano Razi-Hinuo, quem Noachus dixit Antiquitas.* 41

CAP. XXVII. *Quod diutissimè antequam ab ipsis Phœnicibus aut Punicis, ut etiamnum Syri legunt, Cadmus adferret litteras Græcorum, quas adinstar Jani ipsis Græcis inverteret, multis sæculis jam in Gallia & in Hispania fuerant.* 42

CAP. XXVIII. *Sicut Moses suo seculo à DEO vocatus nil prius habuit quàm in litteris divinitus scriptis legum omnium compendium in Decalogo positum exponere, sic aurei sæculi dux Noachus nil prius curavit quàm in animis latissimè & in litteris Samaritanis ne periret, Testamentum seu Legem aternam exposuisse & inter primogenitos & inter Razi-Hinuos.* 44

CAP. XXIX. *Lex sive Testamentum æternum.* 45

CAP. XXX. *Quod, posita lege omnibus æquivalente legibus, etiam sui Populi capita, ad instar cæli & Divini Populi, divisit Janus in Eturia.* 45

CAP. XXXI. *Quod sicut ad instar sacrorum duodecim Capita & Populos in suis Eturiis instituit Janus, sic fecit ut prima Populi subiecti divisio in duo & septuaginta Capita esset sacrorum instar.* 47

CAP. XXXII. *Quod non tantum religiosa Saturniæ Romæ-ve institutio omnino à disciplina Etrusca dependeret, sed quod in fæmineæ partis loco esset reposita.* 49

CAP. XXXIII. *Cur Janus Bifrons & Quadrifrons pingeretur dicereturque, & revera haberetur essetque.* 50

CAP. XXXIV. *Cur Janus Quadrifrons.* 52

CAP. XXXV. *De inaugurandi ratione. Quodque ejusdem inaugurationis ratione Roma ipsa ab Etrusco jure in sacris dependeret.* 55

CAP. XXXVI. *Quod Idæa Mater Deorum non est ab Ida monte primùm à Trojanis Romam delata, sed illa eadem sit quæ Vesta ab ipsis Razi-Hinuus consecrata.* 57

CAP. XXXVII. *Quod ex Ciceronis sententia videtur summam Romanæ religionis auctoritatem semper ab ipsis Etruscis venisse.* 58

CAP. XXXVIII. *Quod Janiculum, arx Etruriæ, erat persugium summum rerum sacrarum, quæ Romæ erant.* 60

CAP. XXXIX. *Quid sibi voluerit olim pontis inter Romanos & Etruscos refectio, aut factio, si dici posset, unde Pontificum vocabulum tractum est.* 61

CAP. XL. *De Geniorum natura & origine cultuque.* 63

CAP. XLI. *Quod Etrusci tantâ erant Geniorum Angelorum-ve cognitione, ut scirent qui cultus & quæ sacra eos decerent.* 67

CAP. XLII. *De Geniorum, Spectrorum, Heroum, & Mentium natura, & quomodo per cælestium rerum cognitionem etiam prima Mens Genius-ve potuerit cognosci.* 68

CAP. XLIII. *Quæ hostia summæ Intelligentiæ Mundi creverit, quis-ve cultus summus, & qua de causa maximè debeatur & DEO & HOMINI-DEO Mundi Arbitro.* 70

CAP. XLIV. *Quo mense quoque die, re ad nostros menses æstimatâ, incepit & finem acceperit Diluvium.* 72

CAP. XLV. *Quod in Eturia & Romæ Janus, Sanctorum Deorum-ve & hominum Patrens, ita sæculi aurei Religionem constituerit, ut Romana semper fuerit (uti primus Etruscæ partus) cæteris incorruptior, & ferè ea omnia quæ apud Judæos observarentur observarit.* 74

CAP. XLVI. *In quem potissimum finem sit institutum hoc Opus, & in quem exitum, stante Providentiâ DEI, necessariò deveniet terrarum Orbis.* 77

CAP. XLVII. *De summa veritatis basi in triplici ratione posita ad Giambullarium.* 80

CAP. XLVIII. *Quod sint Berosi Chaldaei quæ ejus nomine circumferuntur.* 81

CAP. XLIX. *Argumenta ex ipso Beroso petita, quod sit impossibile quicquam illum in sua Historia finxisse.* 83

CAP. L. *Quod Janus idem sit qui & Noachus, & quod sepultura ejus locum sacrum Romæ futura in Janiculo fecerit, quasque litteras, ritum, & religionem instituerit.* 84

CAP. LI. *Quæ unquam fuerint primæ litteræ publicæ, & quasnam attulerit Noachus in Occasum.* 87



PETRI BURMANNI
 PRAEFATIO
 IN TOMVM OCTAVVM
 THESAURI ITALICI.
 LECTORI AEQVO

S. D.

PETRVS BURMANNV S.



um prioribus tomis omnem illam *Italiae* partem, quae Alpibus proxima est, & olim *Galliae* fere *Cisalpinæ*, sive *Togatae* nomine appellabatur, variis & insignibus scriptoribus, magno labore & sumptu undique conquisitis, illustratam dederit Operis hujus magnifici collector, nunc ad interiores ejus regiones gradum facit, & *Etruriae*, *Umbriae*, *Sabinorum* & *Latii*, vicinarumque regionum Antiquitatum & Historiarum momenta in octavum hunc tomum conjuncta exhibet. In ipso limine primus se ostendit, Vir varia olim fama & fortuna jactatus, GUILIELMUS POSTELLUS, qui origines *Etruriae*, religionem primorum incolarum, & mores hoc libro illustrandos in se suscepit. Notior est *Postellus*, ejusque doctrina & vita, quam ut in illis enarrandis diu haereamus, & satisfacere cupidis poterunt scriptores, ex quibus elogia & testimonia describi, & libro huic praeponi curavit editor. Qui vero ejus opiniones, & si vero nomine ea vocare velimus, somnia & deliria plenius cognoscere velit, ea optime intelliget ex *Rich. Simonii* Epistola, quæ inter Selectas est XXI. & *Observ. Hallens. Tom. I. Obs. 21. & IV. Obs. 12.* & ex Elogiis, quae collegit Pop. Blountius, & Auctor Commentariorum Literariorum (*Memoires de Literature*) T. I. cap. 1. & aliis, quos illi citant. Peculiarem etiam de *Guilielmo Postello* exercitationem Historico-Theologicam divulgavit *Lipsiae* 1704. *Thomas Ittigius*, ex quibus sine ullo malevolentiae aut detractionis metu conficere licet, ingenio valuisse *Postellum*, doctissimum etiam & linguarum plurimarum peritissimum fuisse Virum, sed simul confirmasse eum commune illud dictum, *nullum magnum esse ingenium sine admixtione dementiae*: cum enim multum temporis & laboris in studiis Astronomicis, Mathematicis, & praecipue Cabalisticis consumsisset, tantam inde labem contraxerat, ut nugae & deliramenta infinita ad alias eruditionis partes transferret, & simplicitatem religionis Christianae inauditis & falsis opinionibus & hallucinationibus contaminaret. Dum enim omnia, quae de gentium antiquarum religionibus & ritibus legerat, ad secretiora mysteria, & a populo ignoratas disciplinas referre studet, effecit, ut omnis religionis Christianae veritas & simplicitas periret. Atheorum, Deistarum, Naturalistarum, ut vocari solent, sectis eum adscribere plurimi, & sub eo crimine vexatus, & ab illis, qui jus sibi etiam in mentes hominum & opiniones vindicant, carcere & poenis saepe coercitus fuit, sed a nemine, quam a *Venetarum* Reipubl. tribunali, ex merito magis tractatus, aut justior sententia in eum lata fuit, cum amentiae crimine damnatus, haereseos absolutus fuerit. Stultitiae vero ejus

(2) P E T R I B U R M A N N I P R A E F A T I O

insigne monumentum in hoc ipso libro reliquit, qui tamen eo nomine, ut reliqua ejus scripta, avidos emptores reperit, ideoque pretium etiam hujus Thesauri augere poterit. Regnat vero toto hoc volumine praecipua, in qua sibi placere solebat, illa opinio, Unius veri Dei cultum ab initio rerum *Adamo* insitum & traditum, ad omnes omnino gentes pervasisse, sed veram de Deo sententiam per Tyrannos & pessimos homines adulteratam, & falsas opiniones de fictis Diis in populum proditas, cum apud sapientes & sacerdotes veritas, arcanis quibusdam disciplinis velata, remanserit. *Adamum* in *Syria* primam verae religionis sedem posuisse, & ad ejus sepulchrum regni prioris & coelestis locum sacrum esse constitutum, ubi, cum depravatus postea fuerit cultus, *Christus*, in *propria sua* veniens, illum restituerit. Post Diluvium vero *Noachum* instituisse, ut inter posteros ejus, per omnem orbem dispergendos, vero & summo Deo sacra fierent, sed simul Geniis sive Angelis locorum, tamquam mentis aut spiritus generalis membris, ritus & ceremoniae peculiares instituerentur. *Noachum* vero, quem & *Janum*, *Ogygem*, *Deucalionem*, *Protea*, *Vertumnum* &c. esse statuit, relicto in *Syria Semo*, qui est *Melchisedecus*, ut Adamiticam disciplinam tueretur, abiisse, cum per diluvium nauticam artem didicisset, in *Italiam*, & ex siderum positu primum locum sacrum in *Etruria* consecrasset ad *Tiberis* ripam, quae esset *Ariel*, & *Janiculum* vocaretur, oppositum *Saturniae*, unde & *Antipolis*; ibique instituisse traditum ab *Adamo* veri Dei cultum: deinde ab *Aboriginibus*, qui a *Japetitis* sunt extrusi, inhumanitatem & tyrannidem affectantibus, aureum seclum, quod sub *Noacho* erat, corruptum, eosque cum *Chamesi* in *Italiam* venisse. Quare ab eo tempore duplicem esse factam doctrinam, popularem unam & communem; alteram inter sapientes & sacerdotes retentam, secretiorem & divinam, qualem etiam *Abrahmanes*, sive *Brahmanes* inter Indos, *Druidae* inter Gallos, inter Hebraeos *Cabalistae* profitebantur; Inter Etruscos vero fuisse *Razi-Himnos* dictos, qui ad *Janiculum*, ubi exuviae *Noachi* erant conditae, & vim & miracula sua exhibebant, sacra instituerunt sollemnia; quae ut negligi coeperunt, e terra, ut spectrum, prodiisse *Tagen*, Genium illum sive Angelum *Etruriae*, qui *Etrusca* sacra dictavit, ad quae addiscenda Romani juvenes suos solebant in *Etruriam* mittere, qui verae religionis mysteria, per auguria, extispicinas & prodigiorum interpretationes Romam transtulerunt: omnem enim Romanorum religionem ex Etruscis mysteriis esse derivatam, sed Graecorum fabulis sensim depravatam censet. Potuisse quidem *Noachum* eodem jure, quo *Moyse* postea *Judaeis*, tradere Etruscis scripto consignatam veri cultus doctrinam, sed auctoritatem divinae revelationis locis sacris in *Syria*, ubi *Adamus* instituerat, deberi, & quo postea *Christus*, Mens mentium, tamquam in propria sua venturus esset; Etruscis vero sufficere debuisse palpabile & sensibile disciplinae genus, unde postea per *Petrum* Apostolum transfret ad verum & divinum. Hoc disciplinae Etruscae genus, etiam Romae fuisse celebratum, & Geniorum cultum & sacras ceremonias a Sacerdotibus etiam Romanis peractas, sed ita ut semper subessent, etiam Pontifex Maximus, Etruscis illis *Razi-Himnis*, quibus *Noachus* testamentum suum, sive legem aeternam, consignaverat, & qui imperitabant naturae & spiritibus, ut *certissimis est proditum historiis*. Deinde ex numerorum mysterio, *Noachum* instituisse duodecim Lucumones, sive magistratus Etruscorum, qui evocatis duodecim Geniis, qui praeerant totidem populis, populum instruerent, eodem modo, ut olim duodecim patriarchae, duodecim arae a *Moyse* erectae, & totidem a *Christo* Apostoli instituti fuere. Et ut *Moyse* LXX. senes, qui populo *Israëlitico* jura redderent, & *Christus* LXXII. discipulos Apostolis adjunxerit, ita & teste *Cicerone* I. de *Divin.* 41. totidem principum filios sin-

gu-

gulis Etruriae populis in disciplinam traditos, qui mysteria discerent, & hinc Janiculum sive Etruriam verae religionis sedem & perfugium fuisse, & Romanos per *pontem Sublicium*, de quo plura mysteria comminiscitur, hoc sacrorum commercium exercuisse. Deinde Petrum Apostolum a Christo, qui, ad Adami sepulchrum cruci adfixus, ibi restituerat aeternam legem, & Melchisedicanum regnum spirituale, missum in Italiam, qui ad tumulum Noachi, in Janiculo super reliquias Noachi animam effunderet: & hinc ibi sedem positam summi pontificatus, & a Gothis, destructa omni veteri Roma, in Urbem Leoninam, sedem aeterni imperii & temporalis regni esse constitutam. Haec fere sunt senilis dementiae & delirationis Postellianae in compendium missa capita, quibus alia plurima de literis, & etymologiis Etruscorum & Umbrorum, Libris Sibyllinis, Berosi falsi nugis (quas pro verissimis habet) & aliis immiscet, quibus immorari piget; nec refellere vacat, aut valde opus esse puto.

Postellum excipit FRANCISCUS DYNUS, longe ab ejus aetate remotus, & nostrorum temporum scriptor, qui se Advocatum Senensem vocat, & Ducatus Camerini praeturam, in praefatione *dissertationis apologeticae de Antiquitatibus Umbriae* &c. egisse scribit; & plura de eo in elogiis praemissis legi possunt. Initio libri de origine Tuscorum & Umbrorum agit, plurima constipans, ordine satis perturbato, & immixtis, non multum ad argumentum pertinentibus Taciti & aliorum sententiis; unde facile lector colliget declamatorem potius, quam historicum egisse, neque elaboratum satis opus esse. quod ipse Balderschius, in notis suis docens crebris litutis fuisse deformatum, fatetur. Exemplum manifestum occurrit pag. 6. ubi de rebellionem Aretinorum ex Livii Lib. x. cap. 3. agens, in illa Civitate *Licinium* genus praepotens fuisse, ait, & ea occasione de Liciniis & monumentis illius gentis quaedam corradit. quae omnia cadunt, si *Cilnium* genus, ut ibi, post Lipsii emendationem, recentiores editiones exhibent, legatur. quare infirmo talo niti videntur, quae de Oppidi *Liciniani* origine, ab his Liciniis olim possessi, differit: quod a Lucio Sulla dictatore nomen habere contendit, cum inauditum sit a praenomine oppidorum appellationes deduci. hinc etiam si a Lucio Sulla nomen sit deducendum, oppidum *Licinianum* dictum, *Lucianum* vocari deberet, ut in lapidibus *Luciani* & *Lucianenses* exhibentur, cum tamen *Licinianum* ipse, & *Lucinianum* varia scriptura ubique vocet. Inscriptio etiam, quam ex *Gammurini* Historia Aretina inedita profert, multis nominibus suspecta est. nam & cognomen *Felcis* post Dictatoris titulum ponitur, cum in aliis vocetur, *L. Corn. Sulla Felix, Dictator*, non *Dictator Felix*. Vid. Gruter. cccxcviii. 4. & 5. quod ex similis notae titulo, quem supposititium recte censet Reinesius Clas. vi. 107. egregie confirmatur, ubi legitur *L. Cornelio Sullae Imperatori Fortunato*. Deinde, *Decuriones indicto nomine Lucianenses*, quid significare possit non video. quare haec omnia potius amor patriae, quam veritati data esse credimus. in reliquis facta illius partis Etruriae, & oppidorum ibi sitorum ex scriptoribus narrat, parum novi adferens. Pag. 2. iterum insignem amorem patriae ostentat, cum indignetur, Plinium lib. xv. 2. *Oleum Licinianum* soli agro Venafrano fatue adsignare, quod *Valli Clanarum* majori jure attribuere debuisset.

Idem DYNUS in *dissertatione de antiquitate Umbrorum*, Cluverii, eumque secuti Papebrochii, sententiam de origine & antiqua sede Etruscorum & Camertinorum excutit, quam controversiam, quae dubiis antiquitatum monumentis involuta est, ad disquisitionem vocare non vacat. Nisi quod non sine veri specie *Camertum* oppidum excisum fuisse a Sulla, & ejus rudera prope Spoletium & Fulgineum hodie superesse censeat, *Camerinum*que longe recentius,

ex levi nominis argumento & similitudine, nihil commune habere cum Camertibus. Capite v. renovat omnia, quae in priori dissertatione de origine *Liciniani*, a Lucio Sulla adfirmaverat, & lapidis spurii vetustatem adserere, infeliciter tamen, conatur. Ipse vero vicissim lapidem a Camertibus Imperatori Septimio Severo positum, & qui apud Gruter. pag. cclxvi. 1. legitur, falsi arguere variis argumentis nititur. ac primo quidem satis levi, quod CAMERTES forma literarum majori, quam reliqua vocabula ibi legantur, eamque formam manum recentiorem indicare judicat ex alia inscriptione *Lycoris Matris*, quae exstat in eodem foro. Sed si omnes lapides damnandi essent, qui inaequali charactere sunt signati, pauci veteri aevo adscribi possent. neque ullos, credo, antiquariorum haec nota lapidum induxit, ut pro spuriiis haberent. & cum Gudius, peritissimus antiquorum monumentorum iudex, ipse se lapidem hunc vidisse testetur, & tribus literis (quamvis jam *Camertes* apud Panvinum legatur) auxerit, nihil vero eum major literarum forma offenderit, ab hac parte securis nobis esse licet. Alterum argumentum, multo adhuc levius, quo lapidis auctoritatem elevat, est, quod in Imperatoris titulis omissi sint *Proconsulis & Pontificis M.* tituli, cum ex Demstero (at quanto & quam gravi auctore!) probet, omnes Imperatores, eos titulos sumsisse; sed Proconsulis, & Pontificis titulum saepe omitti in monumentis publicis infiniti lapides ostendunt. perlustret modo quis ipsius huius Septimii Severi titulos apud Gruterum a pag. cclxi. 1. plurimos reperiet sine Proconsulatus aut Pontificatus M. immo sine Tribunitiae potestatis etiam nota. idem in aliorum Imperatorum lapidibus observari poterit. quare absurdum est exigere, ne lapides ullos omnino titulos omittant, cum eo nomine maxima eorum pars falsi posset argui. Reliqua, quae de aequo foedere, & aliis verbis habet, speciosius argumentum habent, & multa non absurda undique adfert, quibus minime verosimile esse aequi foederis confirmationem tam ignobili municipio esse datam ab Imperatore, colligit; sed quae omittimus, memores nos praefationem, non commentarios scribere, & facile esse unicuique rerum Romanarum perito, de iis existimare. Recte verò *Lilium* Camerinenfis historiae scriptorem a Dyno refutari puto, quod Lapidem, qui ab Onufr. Panvino in Fastis ad An. dcccclxi. 1. & a Grutero p. cclxv. 3. prolatus est, Romae fuisse, non Camerini positum, & a II. cohorte Vigilum Sept. Severo dedicatum esse censeat. & stultum esse, credere Camerinos habuisse suae gentis cohortem vigilum, & aliam Praetoriam, quae Imperatorem stiparent, quod ex alio lapide apud Gruter. p. xlvi. 10. probari contendit Lilius, ubi COH. X PR. V. ANT., *Praetoria ultrix* redditur, quod inauditum cognomen: Scaliger vero ex aliis lapidibus, *Praetoriam Piam victricem Antoninianam* interpretatur. vid. & xlvi. 13. sed Fabricius p. 140. nulla Praetoriis cohortibus cognomina addi patitur, & illas notas P. V. *Praetorii Urbis* explicat; ut hae cohortes a praetorianis distinguantur, quae legionibus additae, vel in provinciis erant. de quo nondum mihi liquere profiteor. in reliquis satis ostendit, *Camerinum* non fuisse antiquum *Camertium* oppidum, aut caput Etruscarum Civitatum, contra *Lilium* & alios, quamvis sermone impolitiori & saepe obscuro.

Cum vero nulla, non dico Etruriae, sed si Romam excipias, totius Italiae nobilior urbs habeatur, *Florentia*, & quae majori ingeniorum & eruditissimorum hominum proventu magis floruit, non mirum accidere potest, si princeps illa Etruriae civitas multos & egregios rerum suarum scriptores pepererit, qui variis casibus jactatam rempublicam, & civium fortunam posteris prodiderunt. Ex magna copia quinque potissimum huic Thesauro inferere visum operis editori fuit. *Scalam, Poggium, Brutum, Contarenum & Varchium*, de quibus singulis breviter agemus.

BARTHOLOMAEI SCALAE, equitis Florentini, ingenium, eruditionem & merita abunde ex testimoniis ejus historiae praemissis lector cognoscere poterit; unicum vero dolebit: ex xx. nimirum libris, quibus fata civitatis explicare destinaverat, quinque tantum nobis superesse; reliqua enim absolvere mors properata prohibuit. hanc historiam avidissime se legisse, & summam inde voluptatem cepisse scribit *C. S. Schurzfleischius* Tom. 1. Ep. 481. ubi ejus merita & virtutes etiam egregiis laudibus ornat & commendat. Initio operis in originem Urbis inquit, & Faesulas olim celebrem urbem & vicinam, originem fere Florentiae dedisse vulgo statui prodit; quae cum ad montis pedem, & ripam fluvii Munionis haberet locum aptum mercatui, eo negotiatores externos convenisse, & cum ibi pratum floribus, & praecipue Liliis distinctum esset, inde *Florentiae* nomen natum esse vulgo traditum. Ipse vero nihil certi definit, sed Romanis originem debere, qui ad imaginem & formam Romae eam aedificaverint, credit. natam vero Urbem circa A. U. C. 680. ante Christum natum 70. Sed quia, ut pag. 31. narrat, incendio periere omnia veteris temporis acta, nihil mirum, omnia non modo obscura, sed etiam fabulosa esse, quae de Urbis Origine vulgo jaçantur, cum certior demum Historia a Friderici II. temporibus deducatur; licet libro II. a restitutione Urbis, quae Carolo M. deberi creditur, primordia urbis altera repetat. ubi etiam res gestas, quae ad reliquam Italiam pertinent, seorsum aliquot libris explicuisse se dicit. Nec majorem fidem merentur, quae pag. 7. de *Romulo*, Pontifice Faesulano, & qui sacra Christiana primus intulisse creditur, (ut & *Dynus* pag. 11. narrat) & Martyre *Mimate* pag. 10. & *Zenobio Hieronymo* Episcopo primo tradit. Quae vero libro II. narrat de restitutione Urbis, a Carolo M. aedificatae, fabulis etiam propiora videntur. Quis enim credat post trium seculorum lapsum, quam urbs a Totila funditus deleta creditur, exsules Florentinos, legatione ad Senatum Romanum missa, obtinuisse urbis renovationem, & ex Senatusconsulto Carolum M. eum in modum urbem restituisse, ut admiranda celeritate, profundis & latis fossis fuerit urbs circumdata, muris munita & turribus 150. ornata, & ad novae Urbis famam undique exsules Florentini, & aliunde nobiles ex Etruria, immo ex ipsa Roma habitatores plurimi confluerint. Favisse vero Scalae Pontificiis partibus, & Imperatoribus Germanis iniquiorem fuisse multa se produnt documenta. Pag. 27. tradit decretum fuisse, ne posthac Imperator, nisi e Germanis crearetur, additumque decreto, ne Imperium hereditate ad filios transfret, neque Imperator legitimus esset, nisi quem Romanus Pontifex comprobaret; nec etiam Papa Germanus umquam Romanae sedis praeficeretur, ne duobus summis Christianorum Magistratibus una gens potiretur. Quam fabulam, dudum a viris doctis explosam, hic pluribus confutare non vacat, neque alii scriptores, licet fabulam de VII. Electoribus a Gregorio institutis narrent, hoc de Papa ex Germanis non eligendo, quantum quidem sciam, adjicere solent. Sed si statuamus decretum fuisse, ne Imperator, nisi Germanus, legitimus esset, Itali certe hanc legem violasse statim argui possunt, cum *Ottone III.* mortuo, *Henricum Sanctum* cognomine agnoscere noluerint, eique *Ardoinum* obduxerint, de quo ne verbo quidem Scala monuit, in eo quoque errans, quod *Henricum illum* Ottonis II. Filium faciat, cum ex *Henrico Ottonis I.* fratre descenderit. Filius enim fuit *Henrici*, cognomine *Minoris*, ducis Bavariae, qui filius *Henrici Ottonis I.* fratris fuit, ut ex *Dithmaro*, eorum temporum scriptore, notum est, & stemma, a *Reineccio*, *Dithmaro* subjectum, docet, & egregie firmavit *Leibnitius* in praefatione Tom. 1. Rerum Brunsvicensium. Et non satis instructum fuisse a notitia temporum priorum Scalae, multa alia declarant,

quae hic recensere omnia piget. Pag. 29. in fine de *Normannorum* in Italia origine agens, illos ex Normannis illis, quibus Carolus M. sedes ultra Sequanam dedit, deducit, cum reliqui scriptores vel Carolo Calvo, vel Simplici id adscribant. Perplexum quoque est, quod *Cunrado Salico*, *Henricum* alterum Leopoldi filium, generum miro modo Cunrado factum, successisse ait, & deinde *Henricum III.* Henrici filium eum excepisse scribit. Quae de celeberrima *Mathilde* profert, ipse tamen dubitans, omnia hodie in clariore luce posita, & egregie ab Illustri *Leibnitio*, uberius quoque a Doctissimo, & horum temporum peritissimo Cl. *Muratorio*, in libro, eruditionis omnigenae plenissimo, de *Antiquitate Estensi*, enarrata & probata sunt. Quo auctore etiam Urbem Aegypti *Damiatam* (quam expugnatam A. 1214. dicit, cum Joannes de Vitriaco lib. III. Hist. Orientalis ad annum 1219. referat) *Aeliopolim* vocatam, & ab *Aelio Pertinace* (qui *Helvius* fuit dictus) muris cinctam, & de suo nomine appellatam adfirmet, nescio. Multa tamen ex hoc libro ad aevi illius illustrationem colligi possunt; sic exempli causa ad temporum illorum consuetudines notandas, egregie faciunt illa, quae de more bellum indicendi hostibus & gerendi apud Florentinos adfert pag. 35. & de *Guelforum & Gibellinorum* factionibus pag. 40. ubi notat illos fidem promississe pollice, hos vero indice; illos gessisse lilium rubrum, hos album pag. 49. & tanta rabie fuisse inter se dissidentes, ut nihil fere, nec in moribus, nec in sermone, nec in habitu, commune haberent diversae factionis homines. Nullam vero fuisse civitatem, quae majoribus turbis & domesticis & vicinorum fuerit agitata & vexata, quam *Florentia* constat: in qua studia civilium partium ab *Ubertis*, nimia potentia florentibus & ambitione ablatis, originem sumsisse narrat; quibus deinde *Guelficae & Gibellinae* Sectarum nomina acceperunt. De quorum origine illam opinionem sequitur, quae ex clamore bellico ante proelium inter Germanos & Romanos, in loco *Elenofere* (quem me ignorare fateor) sublato deducit. sed nemo mea sententia eruditius & certius factionis & appellationis hujus initia ostendit celeberrimo *Muratorio*, viro doctissimo, qui in *Antiquitate Estensi* cap. xxxi. luculenter & eruditissime ostendit, odium inter duas familias potentissimas in Germania, *Guelficam*, unde Bavari & Estenses, & *Gibellinam* a Conrado Salico, in Villa Gibelinga nato, deductam, fuisse olim internecinum & mutuis damnis crudeliter exercitum. successores vero *Henrici Gibellini* maxime *Guelfos* adflixisse, donec *Conradus III.* *Henricum Guelfum* Bavariae ducatu spoliaverit. Cum autem in *Friderico Barbarossa*, qui origine erat Gibellinus, sed matrem haberet Henrici Guelfi filiam, spes esset concepta factiones in concordiam redigendi, ille contra, Gibellinorum partes acrius sectatus, *Henricum Leonem* bello acerrimo vexavit, unde Guelfi Paparum partes amplexi, & Italos, Germanis semper inimicos, beneficiis & auxiliis datis, sibi devinxerunt: unde *Guelfi Estenses*, Henrici Leonis consanguinei semper fere Imperatoribus adversati, hoc nomen Italiae quoque intulerunt; & circa Frederici Barbarossae tempora, ante quae in Germania diu audita fuerant, reviviscere in Italia quasi coeperunt infausta illa factionum nomina. Quas turbas vero in Italia haec partium studia edidere satis omnibus constat, & *Scala* misere agitatam Urbem factionibus narrat usque ad *Conradini* mortem, ubi imperfectam historiam reliquit, Libro quinto nondum absoluto.

Ejusdem SCALAE vitam *Vitaliani Borrbomaei* addidit operis hujus collector, qua Gentis amplissimae & nobilissimae origines illustrare conatus est. Et licet a fabulis exordiri videri posset, & a *Vitaliano* rege Patavii, cujus filia *Justina* inter divas relata fuerit, gentis primordia repetat, excusare cum omnium fere insignium familiarum infania potest, quae semper ob-

scu-

scuras origines suas ex commentitia antiquitate deducere solent. illud vero ex omni ejus narratione efficere licet, gentem *Borrbomaeam*, cum mercatura ingentes sibi opes acquisivisset, nobilitatem & antiquitatem generis postea affectasse, ut infinitae per totum orbem, & non paucae in patria nostra familiae, ubi divitiae animos fecere, nobilium gentibus se inferere studuerunt.

Sequuntur deinde duo nobilissimi & omnibus eruditis notissimi scriptores rerum Florentinarum, POGGIUS BRACCIOLINUS, & MICHAEL BRUTUS. Quorum ille cum breviter initia Urbis perstrinxisset, praecipue Historiam suam orditur ab A. 1343. quo cum Vicecomitibus Mediolanensibus bella gerere Florentina respublica incepit, & ad Ann. 1455. quo pax cum *Alphonso rege* Neapolitano convenit, deduxit. De Meritis *Poggii*, & quo studio historiam patriam scripserit, nota sunt eruditorum omnibus judicia, & vita *Poggii*, & ejus elogia huic editioni praemissa, abunde edocere lectorem possunt. ipsam etiam Historiam in compendium contractam qui legere cupit, in tertia *Poggianorum* parte nuper Amstel. 1722. ab anonymo, sed quem Gallum Berolini agentem, *L'Enfant* dictum, esse constat, reperire poterit. quare nobis hujus rei gratiam fieri petimus. Haec autem Historia cum ab ipso *Poggio* Latino sermone esset conscripta, & a Filio ejus in Etruscam linguam versa & edita, Latina fere oblitterata & perdita esse videbatur. quare Vir doctissimus & reipub. Venetae patricius, & splendor maximus, *Joannes Baptista Recanatus* Latinam ante biennium Venetiis produxit, notisque & eruditis & utilibus ad illorum temporum notitiam illustravit, multorumque, & ipsius quoque *Poggii*, insigniores errores castigavit. Hic vero Vir insignis & eruditus cum accepisset a Typographo nostro hanc *Poggii* historiam Thesauro inferendam esse, per literas petiit errorem, qui vel operarum vitio vel calami lapsu, in notis ad Pag. 3. n. 18. irrepsit, emendari, ubi Henricus quartus, dicitur *hujus nominis Gallorum rex quartus, Romanorum Imperator tertius*, cum fuerit scribendum, *Germanorum rex quartus*.

MICHAELIS BRUTI (cujus vitae brevis narratio praemittitur) historia ita omnium eruditorum calculos & laudes meruit, & propter veritatis studium & stili nitorem est celebrata, ut nihil fere nobis sit relictum ad ejus peritiam & praestantiam commendandam. Hunc Victorius Lib. xxxii. Var. lect. 13. *magno ingenio & doctrina praeditum virum celebrat*. Cl. Graevius ad Cicer. I. ad Att. 11. *virum pereruditum & acerrimi judicii* vocat. Praemisit Brutus Historiae suae praefationem insignem & memorabilem, in qua de Historici officio egregie agit, & praecipue *Pauli Jovii* odium erga Florentinos, & malam ejus fidem, quam jam alii adnotaverant, manifestis argumentis arguit & ostendit. Ipsam vero Historiam, paucis praemissis de statu & ordine reipublicae, quo olim administrari solebat, quae ad rem videbantur, praecipue a *Joanne Medice*, & ejus deinde filio *Cosmo* deducit, & ostendit, quibus artibus haec *Mediceorum* gens ad illam in republ. potentiam adscenderit, & ad *Laurentii Medicei* mortem perduxit.

His historicis, qui longioris temporis, & rerum, quae ad universam Etruriam spectabant, memoriam posteris prodiderunt, subjungere visum est Typographo, FRANCISCI CONTARENI commentarios *De Rebus & bello inter Etruscos & Senenses gesto*, cum propter famam, & celebritatem scriptoris, tum quia idem *Brutus*, cujus historiam modo memoravimus, eam cura sua dignam judicaverit, quam cum erudito orbe communicaret: & ab interitu vindicaret, ut ex praefationibus & Vossii elogio unicuique patere poterit. Egregium hoc opus, a viro eruditione & generis splendore

florentissimo *Contareno* conscriptum fortasse aeternum latuisset, nisi in *Bruti* manus incidisset, qui cum maximo elegantiae & Latini nitoris studio teneretur, multa in dictione auctoris emendavit & polivit, Gryphioque excudendum dedit. Atque haec est editio, quam hic expressit Typographus, cum copia ipsi fieri non posset alterius, quae deinde A. C. MDCXXIII. Venetiis ex praelo Pinelliano prodiit, cura *Balthasaris Bonifacii*, Jcti Rhodigini, & postea Episcopi Justinopolitani, qui cum Familiae Illustrissimae *Contarenae* elogia xxx. concinnasset, hanc quoque historiam recensuit. Cujus si nobis facultas videndae facta esset, lectorem docere liceret, quid inter utramque intersit, & num sibi *Brutus* plus aequo in alieno opere permiserit, dijudicare. Alterius hujus editionis indicium debet Typographus eruditissimo Viro *Petro Chatanno Zeni*, qui hodie Venetiis magna doctrinae & industriae laude floret. qui simul monuit, hunc *Contarenum* non recte *Legatum ad Pium II.* dici (licet & Vossius eum ita vocet,) cum non a Republ. Veneta missus fuerit orator ad Papam, sed in hoc bello quod descripsit, & quod Veneti cum Florentinis, iusto foedere cum Papa & Senensibus, gererent, in Castris Venetorum publica auctoritate fuerit versatus, titulo reipub. illi consueto *Provisoris (Proveditore in Campo)* ornatus; Eodem modo ut olim Romani saepe principes e civitate & Senatu viros legatos ad exercitus mittebant, qui res inspicerent, & cujus consilio & opera Imperatores & duces uterentur. Quod sapientissimum institutum & nostra respublica sequi amat, quae ducibus suis certos legatos adjungere solet, sine quorum consilio nihil fere magnae rei Imperatori administrare licet.

Cum vero in Etruria nihil magis memorabile acciderit, & quod historicorum ingenia & labores magis exercuerit, quam rerum & status conversio, quae Florentinam rempb. in principatum mutavit, & gentem *Mediceam* ita extulit, ut dominationem constitutam hereditate deinde in posteros ad nostra usque tempora transmiserit, ideo semper votis eruditorum Historia Florentina, a BENEDICTO VARCHIO literis consignata, flagitata fuit. Hanc vir illustris, & in ipsis reipb. gravissimis rebus versatus, jussu *Cosmi* Ducis Etruriae composuerat, sed ita leges Historicas & libertatem illam vera dicendi, & nihil falsi immiscendi, servaverat, ut postea *Medicei* librum illum in vulgus exire noluerint, sed in tabulario inter monumenta prioris aevi repositum servaverint. Quo fato nunc exierit, ex praefatione ipsi historiae praemissa discere lector poterit, & simul quanti habendus *Varchius*, qui ab ipso Principe Florentinorum ad scribendam historiam excitatus & compulsus, nihil tamen gratiae aut adulationi dedit, sed soli veritati se addixit. Cujus egregia in toto hoc opere documenta supersunt: nec enim metuit perstringere mores eorum, qui sacris praesunt, eorumque ambitionem & avaritiam pag. 9. & 11. vivis coloribus depingere. simulatam etiam monachorum & sacerdotum pietatem videbis jure notatam pag. 73. & seq. Opinionis eum fuisse hujus, ne in republ. omnibus de religionis constitutae capitibus disceptare aut altercari liceat, nisi illis, quibus cura sacrorum mandata est, patet ex illis, quae pag. 77. tradit. Jurisconsultorum etiam & doctorum juris ignorantiam, & malitiam dignis verbis perstringit lib. vi. pag. 137. & quae mala inde in remp. manare consueverunt, ostendit. omnem vero hujus Viri egregii & docti etiam Historiam, vel potius Annales, recensere nec est animus, nec otium permittit, sed bonis & patriae amantibus de meliori nota commendare possumus, cum ubique viri probi & honesti indicia elucere certissimis argumentis deprehenderimus: Constabit etiam lectori, eum libertatis licet avitae acerrimum assertorem, tamen, postquam summo cum dolore factionibus divisam urbem, & mala, quae inde provenerant, deplo-

plorasset, unicum laborantis & interitum minantis reipub., si qua salus superesse posset, remedium fateri coactum fuisse, si in *Mediceae* familiae dominationem concederet. Eodem modo ut plurimi Romani, ubi perditam factionibus potentium rempublicam dolerent, non aliam spem salutis viderunt, nisi ad Augusti Tyrannidem confugerent, quia simili in statu, non quaeri soleat, an serviendum sit, sed cui. Hoc saltem ex similibus discere omnes possunt magistratus, & qui rebus publicis praesunt, ita eos versari in administratione rerum civilium oportere, ne quem facile praesentis status poeniteat: quia si ille evertatur, non magis servitutis jugum optimates, quam reliqui effugere poterunt; immo durius premi, quo altius olim evecti fuerunt, se dolituri sunt. Sed haec latius disputandi hîc locus non est: unum superest, de quo monendus est lector. Praefationis Italicae auctor, primum nunc prodire in lucem publicam hanc historiam *Varchii* scribit, neque dum eam scribebat, fallebat lectores, aut ipse fallebatur. sed dum hîc imprimitur ex manu exarato exemplari, quod *Vir* primariae dignitatis, & meritis in rempublicam, & favore erga literas & literatos insignis, liberaliter concesserat, interim ex alio codice in Germania Historia prodit, titulum mentita *Coloniae*, quam nos *Augustae Vindelicorum* exiisse didicimus. Si majus otium fuisset, utramque conferendi editionem laborem subiissem, sed cum ex paucis paginis nihil vel parum differre cognoverim, & in utraque hîc & illic leviores tantum quosdam, propter librariorum, ut credo, vel imperitiam vel festinationem, errores admissos deprehenderim, hoc me fasce levare volui, lectores rogans, ut ad leviora haec non exigant universi operis praestantiam & utilitatem. Haec vero editio insigni accessione Germanicam vincit: adjecta enim est ejusdem *VARCHII Apologia Laurentii Medicei de natalibus & morte Alexandri Medicei*, primi Ducis Florentiae: & numquam antea edita, vita *Philippi Strozzi*, nobilis Florentini, acerrimi libertatis avitae propugnatoris, & qui *Ultimus Italarum* dictus est, ut *Cassius* Romanorum olim ultimus celebratus est: scripta haec est per *Laurentium Strozzi*, fratrem Philippi. Quae omnia tantum huic Thesauro pretium addunt, ut vel ob hos libros unice comparari mereatur.

Cum nihil magis Florentinorum potentiam auxerit, quam *Pisarum* urbis ad eorum imperium accessio, qua urbe domita & subacta, gradum ad totius Etruriae dominationem fecerunt, necessarium videtur, scire modum, quo urbs haec celeberrima, & ipsa Florentia antiquior, & quondam terra marique potentior, aemulae succubuerit. Quam Historiae partem egregie tractavit *MATTHEUS PALMERIUS*, in brevi commentatione de *Captivitate Pisarum*. Hic Scriptor, postquam origines discordiarum inter *Florentinos*, qui *Guelficas*; & *Pisanos*, qui *Gibellinas* partes sequebantur, ab initio repetiisset, deinde ab A. 1405. belli principia refert, quod variis casibus gestum libertate Pisanos privavit & Florentinis subjecit. Cum vero brevissimus sit libellus, excerpti ex eo memorabilia labore nos levatos esse credimus; nam unusquisque facile & brevi tempore perlegere poterit. Antiquitatum istorum temporum studioso notandum puto, quae pag. xi. narrat, de Machinis istis temporibus usitatis, quae, Balistis Romanorum non absimiles, ingentem vim lapidum in propugnatores urbium effundebant, & quas *Bricolas* vocabant: de quibus videri possunt *Ferrarius* in Originibus Linguae Italicae, *Menagius* in Originibus Linguae Francicae, & *Cangius* in Glossario; sed nullius descriptio accuratior mihi hac Palmerii videtur, quod ideo magis adnotare visum fuit, ut emendetur error illius, qui indicem in hunc libellum fecit, notabilis: *Bricolas* enim Galliae Cisalpinæ incolas fecit. Famis, quam Pisani, a Florentinis obsessi, tolerarunt, descriptio, nec

Numantinae apud veteres, nec Leidenſi, quam olim majores noſtri ſuſtinerunt, cedit atrocitate & rerum omnium fere deſperatione, ad quam reſtaſti fuerunt miſerae & exhaustae civitatis incolae.

Maximam vero Piſarum urbi famam dederunt inter eruditae antiquitatis ſtudioſos monumenta illa inſignia, in honorem CAJI & LUCII Caefarum olim condita, quae vulgo *Cenotaphia Piſana* vocari ſolent: quae cum a quibuſdam ſpuria, & non aevi Auguſtei habita fuerint, ad illorum antiquitatem vindicandam omni eruditionis genere & copia inſtruſtiſſimus NORISIIUS ſe accinxit, & quatuor Diſſertationibus, & Urbis Piſanae origines, & rerum civilium ſtatum, deinde Caefarum horum vitas & mortem, & tandem Monumentorum iſtorum Latinitatem luculenter illuſtravit, & adſerere conatus eſt. Cujus quidem Libri ſi merita & eruditionis apparatus incredibilem, quo eſt reſertus, recensere vellemus, praefationis modum egrederemur. Et eo minus id neceſſarium eſſe credimus, quia & Eruditi Lipſienſes A. 1683. p. 113. & Pariſienſes Ephemeridum ſcriptores A. 1682. T. x. p. 359. & Bibliothecae ſelectae auctor T. iv. p. 9. id abunde fecerunt. Neque pretio hujus libri aliquid per maledicentiam & calumnias invidorum decedere debet. Pauci, immo nulli fere, ſunt hodie inter humanitatis Literatae cultores, quos movebunt detrectationes aut *Harduini* in *Hiſtoria Herodiadum* & aliis Operibus, aut *Jacobi Gronovii* in commentario ad Monumentum Ancyranum, qui cum nihil fere alicujus ponderis in erudito hoc opere carpere dente maligno poſſet, molem libri arguit, & *Crasſum commentatorem*, & *grandes Commentarios*, plebejo convicio ubique infamat. Qui enim noverit lites, quae Noriſio cum Harduino interceſſerunt, & deinde didicerit, jam ab eo tempore, quo Cl. Gronovius Piſis literas profiteretur, Collega Noriſio, qui ibi Theologiam & Hiſtoriam ſacram docebat, acerrima jurgia & altercationes inter illos fuiſſe, minime mirabitur implacatos horum Athletarum animos: Ego certe ex illius ſcriptis, plus didiciſſe & profeciſſe me ſentio, quam ex infinitis id generis obtrectatorum voluminibus. NORISIO Cl. Schurtzſchius, qui in itinere ſuo in Italiam propius noverat, egregium eruditionis dat teſtimonium in *Epistol. Arcan. LXIV. & LXVIII.* Vitam vero celeberrimi viri ex *Pini* Bibliotheca Eccleſiaſtica collectam editor huic operi praefixit. in ſummam etiam contulerunt Eruditi Lipſienſes Act. A. 1704. pag. 237. & *Bandurus* in Bibliotheca Nummaria pag. lx. quare hoc libro, ut gemma, qua hic Italiae Theſaurus ſplendet, omnibus de meliori nota commendato, ad reliquos auctores progredimur.

Sequentem hiſtoriam DOMINICI ANGELI de *Depraedatione Caſtri*, patriae ſuae, debemus Viro inſigni ad laudem doctrinae & ſtudio proferendi monumenta in ſcriniis latentia, *Juſto Fontanino*, qui deſcriptam miſit editori hujus Theſauri. Cum vero molis ſit exiguae haec hiſtoria, & facile ab unoquoque perlegi poſſit, de ea verba multa facere nihil attinet. Ipſe Auctor *Caſtrenſis*, patre *Dominico Angelo* & *Bartholomaea*, ut videtur, *Mozettorum* ex gente oriunda, natus, plures ex familia ſua in hoc Opusculo narrat, quos etiam calamitati patriae ſuae involutos narrat. Hanc vero inſignem Urbis *Caſtri* infelicitatem, quae die V. Kal. Januar. A. MDXXVII. octennio ante natales auctoris, accidit, diſcordiae civium & conſpirationi poſtentiorum adſcribit: & deinde, ut Urbs ſub *Alexandro Farnesio*, qui Pontifex factus, *Paulus Tertius* dictus fuit, a malis recreata fuerit, & data fuerit gentili ejus *Petro Aloyſio Farnesio*, qui *Caſtri* dux creatus, deinde ut ad alios *Farnesios* tranſierit ejus urbis dominatio, narrat. Majorem deinde urbs haec ſubiit calamitatem: nam A. 1649. a Pontifice *Innocentio X.* funditus fuit everſa & deleta.

Nec solum hoc dono obligavit eruditos insigne huius seculi, & praesertim Italiae, in quam profugas fere Musas & humaniorum studiorum cultum magno animo & successu revocat, decus, Vir eruditissimus JUSTUS FONTANINUS; Qui cum ipse tot egregia ingenii & eruditionis documenta dederit, nullo fere opere memorabilior posteritati erit, quam *Antiquitatibus Hortae* a se illustratis; quo opere maiorem famam consecutus videtur, quam si ipsius Florentiae, aut primariae alicujus Etruriae Civitatis fata prodidisset. Hae enim infinitos sortitae scriptores, qui certatim celeberrimarum civitatum origines & res gestas tradiderunt. Haec vero urbs cum obscura, & a nemine veterum fere memorata sit, nec vestigia satis expressa Antiquitatis suae reliquerit, difficillimam fecit sui investigationem. Cum tamen nulla non modo urbs, sed ne pagus quidem aut locus in tota fere Italia supersit, qui, si non splendorem aliquem reliquum, saltem rudera & reliquias ostendet, magni animi certe & eruditionis non vulgaris esse puto, urbis paucis antea notae Antiquitates eruere, & memoriam renovare. Hoc vero felicissime praestitit Cl. FONTANINUS, & duobus libris, intermixtis dissertationibus varii argumenti de aliis etiam antiqui aevi monumentis, *Viris illustribus, aedificiis, Etruriae origine, Dynastiis, antiquo sermone, Falconia Proba, Episcopis Hortensibus* & aliis, egregie exsecutus est. Cujus operis merita laudare, post universi orbis eruditi suffragia, quae tulit, putidum foret. Qui brevi in tabella, quid ferat liber, inspicere velit, illi satisficient Eruditi Lipsienses in Actis MDCCIX. pag. I. Nos, cum in praecedentibus praefationibus Viri egregii laudes jam celebraverimus, hinc nihil adjiciemus, nisi vota, ut diuturna viro docto vita, & fortuna aequa meritis & eruditione eveniat, ut & ornare rempub. literariam, & ingenii novis subinde foetibus nos & omnes, qui studia colunt, recreare velit & possit.

ANDREAE MUGNOTII, sive ut Hispanis vocatur, MUNNOZ, *Eremitae Camaldulensis*, sive descriptio loci, solitudine & amoenitate nobilis, & triginta millibus passuum a Florentia distantis, inter Etruriae celeberrimas regiones hinc quoque legi merebatur; in hac regione Coenobium ordinis Camaldulensis, qui originem a Romualdo arcessit, situm est, & in eam sodalitatem auctor se adscribi voluit, ut testatur *Nic. Antonius* in Bibliotheca Hispaniae scriptorum recentiorum Tom. I. pag. 63. Editus hic libellus fuit in *Italia Illustrata*, quae auctorem habet Andream Schottum, teste Miraeo lib. II. de Orig. Monast. cap. 4. an vero antea separatim prodierit, cum nec *Nic. Antonius* memoret, nec ulla praefatione Italia illa illustrata sit ornata, nescio. Complectitur vero Auctor duobus libris non modo ipsius loci situm, sed & Ordinis instituta & rationem vivendi, quae latius hinc exsequi nihil attinet.

De nobilissimae Urbis Senae, & ejus Episcopatus Antiquitate eruditum sane libellum nobis edidit CAESAR ORLANDIUS, qui nec amore patriae, nec perversa omnium fere scriptorum ambitione ablatus, origines ab anilibus fabulis repetit, sed rejectis Annianis commentis & Etruscis fabulis; (quas recte traducit Naudaeus de Sena pag. 11. ubi de hujus Senae urbis origine agit) certiora sibi documenta conquisivit. Quis fuerit hic ORLANDIUS mihi latet. Ipse sub finem libri se Senensem esse, & Petri Mariae Orlandii filium dicit. Jurisconsultum fuisse inde colligo, quod *Scaevolam & Alfenum* suos vocet, pag. 3. Ejus cum laude etiam saepe *Naudaeus* in libello de Sena meminit. vid. pag. 13. & 15. nec cupide nimis, ut multi solent, vindicat patriae suae multa veterum loca, qui *Senae* mentionem faciunt, sed ad *Senam Piceni* refert, & summa cum diligentia legibus Historiae servatis, & falsis antea refutatis, ad veras Urbis origines adgreditur, quas refert ad A. U. C. 543. eo argumento, quia tunc mentio *Senae ad mare superum*, &

in *Piceno* fiat apud *Livium* & alios. quod addidisse minime opus foret, si nulla *Sena* ad inferum mare, & in *Etruria* fuisset. *Coloniam* vero factam contendit ab *Augusto*, qui teste *Suetonio* Cap. XLVI. *Italiam* XXVIII. *Coloniis* frequentavit. Et ut Auctor noster *Civitatis* origines non a fabulis arcescit, ita nec *Episcoporum* seriem, ut alias in *Italia* civitates fecisse jam vidimus, ab *Apostolorum* discipulis repetit, sed primum *Episcopum* sub *Hilario* Papa A. C. CCCCLXV. reperit in prima *Romana Synodo*, & deinceps ex *Conciliorum* & *Synodorum* subscriptionibus quosdam certiori fide memorat. Et ita parvum quidem, sed egregium libellum finit, memorando scriptores, partim editos, partim adhuc excudendos, ex quibus plenior *Senae* urbis *Historia* peti potest.

ANTONII MASSAE GALLESII libellus de *Origine & rebus Faliscorum*, editus etiam olim a Schotto in *Italia* illustrata, dignissimus, qui huic *Thesauro* inferatur. Fuit hic *Massa* & generis nobilitate & eruditione insignis. Gentem *Massarum* magno virorum illustrium, tam armis, quam literis proventu nobilem, deducit *Manutius* ad *Cicer.* lib. IX. ad *Famil. Ep.* 21. a *Masonibus* sive *Massonibus* Romanis, quo cognomine gens *Papiria* insignita fuit, & inter plures nostrum *Antonium Massam* celebrat, qui juris civilis laude praestantissimus *Romanam Civitatem* consilio saepe juvit, exemploque suo multos ad recte de patria merendum docuit. recenset etiam plurima ejus in jure civili scripta, hunc vero libellum non memorat. Ut nec *Gesnerus* in *Bibliotheca*, neque *Sanderus*, qui lib. III. de *Claris Antoniiis Operum* *Massae* catalogum exhibet. floruit medio *Seculo* XVI. scripsisse vero hunc librum Anno Ch. MDXLI. colligi potest ex illis, quae narrat pag. 27. hujus editionis. Ipsum Opusculum, quod facili negotio perlegi potest, recensere vix opus esse putem. indicasse id solum sufficiet, id praecipue agere auctorem, ut verum situm & fines *Faliscorum* ostendat, de quibus magna est dissensio inter eruditos, quorum multi duplices *Faliscos* statuunt; & *Falerios* & *Faliscos* distinguunt, quos eisdem esse plurimi statuunt. videantur *Heinsius* ad *Ovid.* III. *Amor.* XIII. I. & *Neapolis* ad IV. *Fast.* 74. & in primis *Fontanus* de *Antiq. Hortae* lib. I. cap. 4. ubi *Massam*, recte fines *Faliscorum* statuuisse affirmat. De patria vero sua agens *Massa*, *Galesium* esse putat oppidum *Faliscorum*, quod ab *Haleso* conditum fuit, quod tamen levi argumento ab affinitate literarum probari credit *Cl. Fontanus*, & potius illud oppidum esse hodie *Civitatem Castellanam* dictum censet. licet alii *Vejos* fuisse contendunt. De qua controversia ingentibus animis in *Italia* certatum fuit. Quare visum fuit Editori scripta quoque CURSII, MAZZOCHII, & NARDINI huic *Thesauro* intexere.

Ex quibus PETRUS CURSIUS Civis Romanus Poëma edidit, quo *Civitatem Castellanam* fuisse oppidum *Faliscorum*, non *Vejentium* esse contendit. MAZZOCHIUS deinde *Vejos* fuisse, quae nunc *Civitas Castellana* dicitur affirmat, & variis argumentis probare conatur, cui contradicit NARDINUS, & illi iterum MAZZOCHIUS opposuit *Apologiam*. quae omnia recensere plena taedii res foret, cum singula argumenta & ad ea responsiones, in quibus eadem saepe iterantur, essent enarranda. hos autem libros rarissimos inventu, & varia eruditione commendabiles ex *Italico* vertit vir doctissimus *Abraham Preigerus*, & in praefatione de eorum meritis abunde egit, & recte judicavit, imparem *Nardino* fuisse adversarium *Mazzochium*.

Sequitur POMPEJI ANGELOTTI, descriptio urbis *Reate*, ex *Italico* a *Cl. Havercampo* in *Latinum sermonem* versa, qui etiam de *Operis merito* & auctoris vita ex *Ghilio* praefatus, & sub singulis fere paginis quaedam adnotans, quae illustrando Auctori faciunt, nobis magnae differendi de his

partis otium fecit. Licet vero liber ille plurima eruditionis documenta habeat, rectius tamen facturum fuisse auctorem credimus, si aliquem temporum ordinem secutus esset, non vero ex Dissertationibus quasi miscellis librum suum confecisset. Urbem *Reate*, cor & umbilicum Italiae dum esse contendit, eò trahere Virgilii ex lib. VII. 563. carmina conatur; & *Amsanctos* illos *valles* ex Apulia in Reatinum agrum retrahere. Quod an probet satis dubito, cum verosimilior mihi videatur sententia Servii, qui in Hirpinis statuit. Erroris vero causam praebere potuit non accurata satis distinctio inter *Hirpinos* & *Hirpos*, de quibus videndus Salmaf. Exerc. Plin. T. 1. pag. 59. Quod etiam *Curim* (melius *Cures* dixisset) unde Numa natus, esse Coloniam Reatinam, dicat, vellem indubitata auctoritate firmasset. Et similis fidei esse puto, quae cap. VII. de Saturno, qui condidisse Reate fertur, narrat, unde nec ab Annianis sibi imposturis satis cavisse auctor videtur. Quis etiam ille *Modius Fatidius*, homo mihi ignotus, fuerit, lectores docere debuisset. Potuisset etiam facile abstinere foedo & inhumano convicio, quo pag. 28. proscindit *Erasmum*, quem *monstrum* vocat, & mille erroribus *Hieronymi* opera obscurasse jactat; cum fides & industria viri optimi omnibus, etiam iis, qui a nobis circa sacra diversas opiniones sequuntur, satis sit testata, nec me vindice egeat. Praecipuam vero, quam eruditi ex hoc libello capere possunt, voluptatem esse puto, quod nobis lapides quosdam antiquos, a Grutero non editos, servaverit, circa quos diligenter versatus doctissimus interpretes nihil fere spicilegii nobis reliquit. Haec tamen pauca inter legendum observavimus. Lapidem qui pag. 32. secundus legitur, conferendum esse cum simili apud Gruter. pag. MXXIX. 8. qui & *Reate* dicitur positus, & *L. Valerii Martialis* nomen exhibet; ut & *Q. Pompeji Honorati*. Quarta ejusdem paginae inscriptio apud Gruterum pag. CCCCL. 8. recte exstare notatur, in eo vero leve quidem commissum; quia tamen aliis idem tradendi inde facilitas esset, animadvertendum puto, in nova editione Inscriptionum minime adfirmari, lapidem hunc a Grutero ex MS. Pighii adferri, & illum exstare in S. Angelo: cum hunc Pighianum codicem vidisse Gruterum vix putem: sed nos illo usi sumus, in recensendo, post fatum Magni Graevii, Grutero, liberaliter ex Bibliotheca sua Viro Amplissimo *Joanne Sixio*, Consule Amstelædamenti, eum concedente, ut ex praefatione nostra ante Gruteri inscriptiones, pag. 12. quivis discere potest. Diverso vero modo lapides saepe a variis, qui eos describunt, prodi, vidimus jam in superioribus praefationibus, & hic argumento esse potest, qui longe iterum aliter profertur a Grutero pag. MXXVIII. 3, nec ibi *Reate*, sed *al Borghetto* prope Otriculum exstare dicitur. Lapidem positum *Ti. Claudio Fausto* exhibet ex *Camelo* Fabrettus cap. V. p. 409. ex cujus *Cameli*, (ut vocat) Reginae Sueciae Antiquarii, schedis, Reatinos etiam quosdam lapides, Sponius profert in Miscell. Erud. Ant. Sect. V. pag. 196. inter quos sequens apud Angelottum inscriptio *C. Cominio*, eisdem fere verbis legitur. Notabilis deinde ille lapis, *C. Julio Claudio* positus legitur apud Reines. Claf. IX. 52. ex Sirmondi Comm. ad Sidon. VIII. 16. sed rectius, ut puto, ibi vocatur ille libertus, *Ti. Claudius Felix*. duo enim gentium diversarum nomina *Julius Claudius* vix uni homini liberto congruere videntur. nec GLICEROTI nec FELICIS SCAPIANIAE in Reinesiano legitur, & pro D. II. Q. SI NONIS Reinesius habet, HONORIS, & pro ATEMETUS. legitur, ATIMETUS. pag. 34. *Claudiae Primae* titulus posset videri pars reliqua inscriptionis, quam Fabrett. cap. II. p. 108 habet ex Villa Carpinea: sed cum plures *Claudiae Primae* apud Gruterum, Fabrettum & Reinesium occurrant, nihil definitio. Inscriptio *P. Vatinius* posita mihi ficta videtur, & ex Valerii Maximi verbis ex-

pressa, certe non tempore Vatinii posita. Et plures simili fraude in urbium patriarum honorem obtruserunt transalpinis Itali & alii. Exhibet ex schedis Cameli eam Sponius loco laudato, sed in Consulibus misere errat, & miratur, cum A. U. C. 537. Consules fuerint *L. Aemilius Paullus*, & *C. Terentius Varro*, unde hinc substitutus sit *C. Licinius Crassus*. Certe si Valerium Max. legisset, illa accidisse eo anno, quo captus est Perseus, rex Macedoniae, cognovisset, & ex fastis didicisset simul, eo anno Consules fuisse *L. Aemil. Paullum* & *C. Licinium Crassum*. Lapidem ultimum hujus capitis iv. ubi C. ANNIUS NEPTUNDIALIS memoratur, a Naudaeo sibi submissum exhibet etiam Tomafinus de donariis cap. 25. qui legit CANNIUS NEPTUNI. DIALIS. sed merito castigavit eum Reinesius ad Clas. I. 97. qui *Neptuni Dialectem* inauditum ostendit, & legit NEPTUNALIS, cui assentitur Fabret. Insc. C. III. p. 126. certe C. ANNIUM debere legi tot alii *Annii*, & hinc & alibi in lapidibus memorati, probant. Quare & lapidem in fine libri hujus adductum ita corrigendum puto. C. ANNIO C. F. QUIR. PUDENT. MIL. COH. III. PH. VII. (hic numerus quid velit nescio, nisi fuerit 7. id est, centurio, vel sit pro P. VI. id est, *Piae Victricis*, ut apud Reines. VIII. 15.) C. ANNIUS. C. F. QUIR. PASTOR. IIIIVIR. JUR. DIC. A. P. MAG. JUV. Q. R. P. PATRI DULCISIMO. & literas interpretor, *quatuorvir Juridicundo, Aedilitiae potestatis, Magister Juvenum Quinquennalis Reatinae reipubl.* Ita *Magistrum Juvenum* habet & lapis supra cap. iv. p. 32. pro QUI scripsimus, QUIR. id est, Quirina tribu: licet & QUI. saepe occurrat in lapidibus, ut index Gruteri docet. in cap. vii. de *Saturno*, seu *Sabazio*, conditore Reatis incerta admodum profert, ut & de *Sabo*, unde *Sabini*, & *Sanco*; sed quae hinc refutare non lubet, nec excutere lapides, quos hinc & alibi adductos & Angelottus & Gruterus debent *Aldo Manutio*, qui Epistolam, quae inter ejus *Quaesita per Epist.* est prima, de Reate urbe, & agro Reatino & Sabinis edidit, quae non incongrue addi potuisset descriptioni Angelotti, nisi ille omnia fere inde excerpisset, quae sunt alicujus momenti; ideoque hunc missum scriptorem facimus, & ad alios nos conferimus.

Tandem in Latium transit editor, & primum locum dat DOMINICO BARNABAE MATTHAEO, qui nuper Anno 1711. edidit Italica lingua commentarium Historicum, de *Antiquo Tusculo*, cujus epitomen nobis dedere Eruditi Lipsienses in Actis An. 1712 pag. 499. unde satis de hoc opere existimare poterit Lector. licet vero eruditionem satis ostendet auctor, magis tamen versatum in recentioris aevi scriptoribus, quam veteris patet, cum saepe ex *Guidone Colonna*, *Gilberto*, *Leandro* & aliis, argumenta petat; quae, nisi veterum testimonio comprobentur, pondere carere solent. Pag. 3. dicit *Martinum Polonum*, testimonio *Methodii*, antiquissimi scriptoris, reliquisse scriptum, Romulum A. 422. post Trojam eversam Romam condidisse, quae verba in Martini Chronico invenire nequii, neque Polonum ultra Augusti tempora adscendisse repperi. quare certiora citare debuisset. nec, quis iste *Methodius* sit, scio; an ille, de quo late agit Cl. Fabric. lib. V. Bibl. Graec. cap. 1. ubi pag. 258. ejus *Chronicon* laudat? In citandis etiam veterum scriptis, obscurioribus titulis usum video: ut pag. 4. *Sextum Pompejum de Origine Gentis Romanae*. cum sit ex *Festo de Verborum significatione*. & mox eadem pagina, *Festum* laudat de *Origine gent.* ex *Theatro Linguae Latinae*, nescio quo, pag. 5. *Suidam de Augur.* pag. 8. dicit *Paterculum* esse commentatum in *Tibullum*. verba vero, quae adducit, leguntur fere in *Bernardini Cyllaenii* Veronensis commentario ad Tibul. I. VIII. (vel VII.) 57. Pag. 19. ex *Obsequente* quaedam profert, quae sunt *Lycosthenis*, communi quodam cum

cum aliis errore, sed A. U. C. DXXXIX. citat pro DXLIV. quo consules fuere, quos profert. nec DLIX. consules fuere Scipio & Laelius, sed Scipio & Sempronius Longus. pag. 16. profert inscriptionem Servii Tullii regis, quam spuriam esse docet adjecta formula, *devotus numini Majestatique ejus*, quae sub Imperatoribus demum ab adulatoribus profecta & frequentata fuit. pag. 20. & 38. *Gruteri Ligurinum* citat, quod recte Interpres mutavit in *Gunttherum*. pag. 29. ubi contendit Tusculanum Ciceronis fuisse, ubi nunc est *Grotta ferrata*, argumenti loco adfert mensam ex marmore candidissimo ibi effossam; quam eam esse putat, quam Cicero Lib. VII. ad. Fam. 23. *Trapezopharon* (*Trapezophoron* debuit scribere) appellat. atqui *Trapezophorus* non est mensa, sed Sacerdotis signum, quae, ut ex Harpocracione, Suida & aliis probat Meurs. Lect. Att. IV. 11. in Minervae sacris simul cum Cosmo omnia curabat. p. 30. inscriptionem ex Gruter. VIII. 5. deformat in IO. METE-GENIO. pro I. O. M. ET. GENIO. & reliqua confundit, & spuria de Cicerone pro vetustis habet. nec accuratius lapides ex Fabretto (quem & saepe *Fabrectum* vocat, & cujus lib. x. pro capite x. hîc & alibi citat) profert, ut p. 31. ACQUITAS, pro AEQUITAS. In lapide p. 32. Latino sermone, sed Graecis literis exarato, pro *Flavia Sabina*, ut est apud Fabret. pag. 756. dat nobis *Albinam*, an melius Fabretto, ignoro. pag. 41. dicit Ciceronem in Tusculanae Academiae ornamentum posuisse signum Mercurii cum Venere sub Hermaphroditi figura, citans lib. 1. ad Att. Ep. 3. & *Farnab.* ad Cicer. lib. VIII. cap. XIV. (quem librum ignoro,) cum Cicero I. ad Att. 4. illud signum *Hermathenam* vocet, de quo vide Manutium. In sequenti lapide, ex Vignolio, producto, post nomen AURELIUS, omisit STEPHANUS. Sed haec sufficiant, quae non eo adduxi, ut libri pretium minuerem, utilissima enim plurima continet, & praesertim lapides multos ineditos, quales utinam plures proferre vellet Vir eruditus, ut posse indicare videtur pag. 38. sed ut pateat Lectoribus, caute in his monumentis esse versandum, & omnem diligentiam & curam editoribus adhibendam, ne alii, quibus inspicendi copia non fieri potest, in errores inducantur, de quo etiam priore praefatione & alibi egimus. praeterea hinc patere puto, scriptorem non satis instructum a libris, & editionibus scriptorum optimis fuisse.

Sequens opus, JACOBI MANILLI *Villa Borghesia*, oculos & mentem lectoris varia voluptate tenere poterit, cum nullum praetorium aequae & fama & scriptorum laudationibus sit celebratum. Quis enim unquam Romam visendi antiquitatis venerandas reliquias caussa abiit, qui non in hanc villam exspatiatur, & contemplando magnificentissima opera, statuas, lapides inscriptos, viridaria, hortos, silvas & vivaria se fatiare possit? quare singulare hujus Thesauri ornamentum hic liber haberi debet, quem beneficio Cl. *Havercampi* jam Latine legere datur, qui & in doctissima praefatione totius operis rationem reddidit, & praecipuarum statuarum recensum egit. Adjunxit *Borghesiae Villae Hadrianeae Tibertinae*, a PYRRHO LIGORIO descriptam, quae numquam ante edita pretium hujus Thesauri auget. Cum praemisisset Pyrrhus Urbis & locorum publicorum, olim in illa celebratorum, commemorationem, ad *Villae Hadrianeae* accuratam descriptionem pergit, quam in hac praefatione iterare putidum foret, cum exigua libelli moles diu lectorem detinere non possit.

Quia autem inter amoenissima loca, quae agrum Romae suburbanum illustrabant, erat urbs *Tibur*, hinc grata Antiquitatum studiosis accidere debet ejus urbis historia, quam FRANCISCUS MARTIUS, ejus Civis, & cujus vita operi praemittitur, elaboravit. Cum primo libro urbis situm, & regendi eam rationem & formam prodidisset, libro II. originem repetit ex fabulosa

historia a *Catillo* filio *Amphiarai*, qui urbis conditor *Tiburto* filio urbem reliquit, quam a suo nomine vocavit *Tibur*, quae omnia fabulis incertis in- nituntur. Deinde de celeberrimo *Herculis Templo*, & *Bibliotheca* in illo, magnis ab Antiquitate laudibus celebrata, agit. Libro tertio res *Tiburtinas* sub *Fauno*, *Turno* & *Latinis* & *Romanis* regibus memorat, & sub *Tullo Hostilio*, qui *Albanis* devictis, *Tiburtinos* & reliquos *Latinos* subigere cogitabat, formam reipub. describit; illam nempe rexisse *Senatores*, qui in *Palatio* solebant coire. Quod etsi verum esse possit, non tamen ad illud probandum *Lapides*, quos adfert, satis efficax documentum praebere mihi videntur: nam in primo *M. TURPILIUS L. F. ET M. POPILIUS M. F.* dicuntur *FORNICES FECISSE*, sed non eos tempore *Tulli Hostilii* vixisse, aut *Palatii* istius fornices construxisse, inde conficitur. neque tam altae Antiquitatis lapides superesse credo. & non vane conjicere liceret, *M. Turpilium* illum eundem esse, qui *Corae* (quam urbem noster a *Tiburti* fratre *Corace* conditam tradidit lib. II.) aedem *Herculi* faciendam curavit, vid. *Gruter.* XLIII. 5. & quem aedem *Matris Matutae Corae* fecisse conjicit *Fabrett.* cap. IV. p. 342. deinde per tempora *Consulum* res *Tiburtinas* prosequitur, an semper ex certis & indubitatis monumentis, *Lectori* dijudicandum relinquimus. Sic quo argumento adfirmet p. 55. *Plotium Tuccam*, & *Varium* Poëtas fuisse *Tiburtinos* nescio. in quorum mentione videtur duos diversos Poëtas facere, *Plotium* & *Tuccam*, cum distinctione posita memorat *Plotium*, *Tuccam* & *Varium*, quod ne operarum errori adscribam, facit quod iterum pag. 58. ita exhibeat. Nec penitus a fabulis abstinere pro loci, ubi natus, & sacrorum, quae profitebatur, conditione potuit auctor. ut cum ab *Augusto aram Primogeniti Dei*, nascente *Christo*, in *Capitolio* erectam narret. Saltem Latine loquentem eruditissimum Principem finxissent fabulae architecti, & vocem *primogeniti*, inauditam veteribus *Romanis*, in usitatam mutassent, *fili majoris*, vel *maximi natu*, vel *primaevi*, ut solebant *Latini* loqui. Nec certioris fidei sunt, quae de *Sibylla Tiburtina* (quam nescio unde vocet *Sibyllam Hydaspidem*, (*d' Hydaspes*) pag. 87.) & ejus oraculo profert, pudendorum auctorum, *Honorii Augustodunensis*, *Philippi Siculi*, & nescio quorum testimonio subnixus. neque rationem satis temporum habuit in exponendo lapide, ubi *Plautium Aelianum* amicum *Augusti*, *Tiberii*, *Claudii* & deinde *Vespasiani* facit, cum de *Augusto* nullum in Lapide sit vestigium, nisi quod *Sodalis Aug.* dicatur, quod cepisse videtur *Martius pro*, *Favorito di Augusto*, cum notum sit *Sacerdotii* honorem iis verbis indicari. Sed pater hujus *Ti. Plautii*, fuit *M. Plautius Silvanus* (de quo inscriptio praecedens, in qua male *L.* vocatur. Vid. *Gruter.* CCCCLII. & *Fabret.* pag. 171.) qui *Consul* cum *Augusto* fuit A. DCCLII. Pag. 70. agens de *Rubellio Blando*, qui duxit *Juliam Drusi Caesaris* filiam, hanc dicit fuisse sororem *Claudii*, *Caligulae* amitam, patremque habuisse *Drusum Tiberii* fratrem, matremque *Antoniam*, filiam *Octaviae* ex *Antonio Triumviro*, omnia confundens. cum illa *Julia* fuerit filia *Drusi*, *Filii Tiberii*, & *Liviae* seu *Livillae Germanici* sororis, ut ex stemmate *Familiae Caesarum Augustae* a *Peschwitzio*, *Moningero*, *Glandorpio* & aliis edito, inspicienti patet. unde *Rubellius progener Tiberii* dicitur a *Tacit.* VI. Ann. 45. Lib. VII. P. 79. dicit auctor, *Baronium* sequens, *Adrianum* celebre illud edictum de vicesima parte hereditarium *Fisco* adplicanda edidisse. Unde quis *Adrianum* ejus vectigalis auctorem fuisse colligeret, cum jam *Augustus* induxisset, & reliquos *Imperatores* legi *Juliae* de vicesima aut addidisse aut mutasse tantum aliquid ostenderimus in *Dissertatione de Vectigalibus* P. R. cap. XI. & de *Adriano* ibi pag. 209. egerimus. propter hoc *Adriani* edictum tunc etiam institutum fuisse *Advocatum Fisci* credit, eumque fuisse illum

illum *Hortensium Faustinum* in lapide, quem Gruterus pleniorē nostro auctore habet pag. ccccxix 5. Quod cum sola conjectura nitatur, licet fieri potuerit, nobis tamen non sit verosimile. edictum enim A. Christi cxxxiv. emissum fuisse statuit Baronius. hic *Faustinus* vero Advocatus Fisci in Lapide memoratur, Orfito & Maximo consulibus, id est A. C. clxxiv. & Martius hunc *Faustinum* eundem esse statuit, cujus Martialis lib. iv. Ep. 57. meminit. quod epigramma cum vivente Domitiano sit scriptum, qui interfectus est A. Ch. xc. debuit ergo ille *Faustinus*, qui eo tempore, quo Martialis scribebat, jam certe vir fuit, & aetatis saltem mediae, ultra seculum vixisse. nam lib. i. Ep. 26. hortatur jam Poëta *Faustinum*, ut libros suos edat, & ipse sua carmina ipsi emendanda mittit lib. iv. 10. Ubi Raderus notat esse, qui, hunc *Faustinum*, Clementis Papae patrem fuisse, credant. *Faustinum* Advocatum Fisci rectius memorari quis putet in l. 4. ff. de Legation. ubi Divus Pius ad eum rescripsisse dicitur. Pag. 89. in inscriptione de Aqua Martia vitio operarum legitur PONAE NOVO ANAONIAN, pro *ponte novo Antoniano*, ut habet Italica editio. sed FONTE exhibet Gruter. p. clxxvii.

Martio non male sociatur ANTONIUS DEL RE, Tiburtinus, qui libris xii. Antiquitates patrias complexus erat, sed ex quibus ii tantum lucem viderunt, qui hic conspiciuntur; quibus id praecipue egit, ut villas Principum virorum tam veteris, quam recentioris aevi, recensere, quae agri Tiburtini amoenitatem auxerunt. Cum vero de hoc Opere, Doctissimus ejus Interpres Havercampus in Praefatione satis egerit, nos ad alia properamus.

Tiburi succedit *Praeneste*, urbs Latii antiquissima, & de qua egregie meruit JOSEPHUS MARIA SUARESIUS Jctus, Praepositus Avenionensis, & Cardinali Barberino a Bibliotheca, deinde Episcopus Vasionensis, qui multis scriptis nomen sibi inter eruditos fecit. de quo vide Leonis Allatii Apes Urbanas pag. 167. ubi scripta, quae ad annum mdcxxxiii. ediderat, recenset, & plura, quae moliebatur. Laudat ejus eruditionem etiam Spon. Miscell. Erudit. Antiq. pag. 201. Magni ejus eruditionem fecisse Gab. Naudaeum constat, qui ipsi *Quaestionum Iatro-Philologicarum* secundam, qua disquirat, *an vita hominum hodie brevior sit quam olim*, inscripsit & eruditionem eleganti dedicatione celebravit. SUARESIUS vero studio, quo erga familiam Barberinorum ferebatur, nobilissimae urbis Antiquitates illustrasse videtur, & maxime sub auspiciis *Maphaei Barberini*, Praenestes Principis, ut ex dedicatione operis constat. Egregie vero partes sibi impositas egit, & a fabulis abhorrens ex certioribus antiqui aevi monumentis diligenter omnia collegit, quae varia urbis fata ab ipsa origine ad sua usque tempora fuere, deduxit. Alieno certe hunc Episcopum a commentitiis nugis animo fuisse, argumento est, insigne ejus factum, & quod probat verae pietatis studiosum fuisse, & superstitiones abolendas plurimas censuisse; refert hoc magna cum laudis praedicatione *Boëssius Salvagnius* ad Ovidii Ibin. vf. 585. Nimirum, apud Vocontios statuam quamdam *Niobes* ex antiquo aevo superfuisset, quam Vicani in Sacello vici cujusdam, non longe a Vasionē, oppido Pontificis Romani in ditione, positam venerari sub nomine *Sanctae Nieblae*, & ad eliciendam pluviam aliquando circumferre solebant. Episcopum vero Antiquitatis peritissimum, cum ex lugentis habitu, & aliis indiciis Nioben esse deprehendisset, statuam confringendam & superstitionem abolendam curasse. Rectius tamen fecisset, si irae & ardori modum posuisset, & in magni alicujus Principis aut Illustris Viri Museum statuam hanc transtulisset. meretur certe hoc exemplum addi similibus, quae Doctissimus *Mabillonius* in Epistola de Cultu Sanctorum ignotorum enumeravit. Aliud etiam perversae & ridiculae superstitionis memorabile exemplum narrat Anonymus Auctor,

qui sub literis I. H. K. P. E. M. D. later, & Francof. 1692. edidit *Critica Miscellanea*, & bis *Sexaginta Animadversiones*, in errores fere Doctorum. Videtur vero Pragensis fuisse. Is parte I. Obs. xxiii. *Achaten* quemdam, qui olim Pyrrhi fuerat, & in quo Apollo cum Novem Musis erat, non arte sed naturae sponte expressus (vide Plin. lib. xxxvii. 1.) habitum pro *S. Agatha*, quia achates Italis *Agata*, refert ex variis scriptoribus se antiquioribus. Sed ad Suaresium redeamus. Primo libro omnia complexus, quae ad Christi natales & religionis Christianae exordia in urbe hac notabilia apud veteres occurrunt. Altero quae post Christum natum acciderunt, non aequè probabilibus argumentis (sed quae ibi valent, ubi aliter sentire non licet sine periculo,) illustravit. quae omnia recensere nostri instituti fines egrederetur. Lib. i. cap. 10. agens de *praediis Gabinianis*, refert inscriptionem ex Grutero (ubi in margine perperam pag. 169. citatur pro 1069. ut & alibi in paginis Gruteri aberratum video.) in qua *L. Genium Primigenium* video exhiberi pro *L. Junio*. Cap. xiii. pleniorē exhibet inscriptionem illā, quam Gruterus dedit cccclxxxiii. 9. ut & sequentem *M. Aurelii Agilii, Septemtrionis Pantomimi*, quam Gruterus pag. cccxxx. 3. habet verbis longe aliis conceptam, ita ut diversi fere uni homini lapides positi videantur. & ita duas sequentes etiam inscriptiones *A. Munii*, quae apud Gruter. p. ccccxli., & *CN. Voessii*, quae pag. cccclxxxixii. leguntur, in quibusdam variare video. in ultima vero Reinesius ad Insc. Cl. i. 278. pro *Voessio* legendum censet, *Groesium*. Cap. xiv. & xv. multa & erudita de *Fortuna Praenestina*, quae *Primigenia* dicta, & ejus fortibus & templo collegit. vellem vero rationem cognominis *Primigeniae* nobis explicuisset, quod nobis obscurius visum illustrare conati sumus in notis ad Ovid. V. Fast. 730. licet nondum plane nobis satisfaciamus. Cap. xvi. inscriptionem a Grutero non p. 58. sed 172. relata, etiam in quibusdam discrepare videbis, quod & in pluribus observavi, nescius Gruteri, an Suaresii, an librariorum vitio. certe hoc nomine maxime hic gratus esse debet liber, quod diligentissime lapides Praenestinos collegerit, ex quibus etiam Fabrettus quosdam delegit, quibus suam penum ditaret. Secundum librum, qui Episcopos Praenestinos, & res Christianas complectitur Lectoribus relinquinus, ut qui minus certa in illius partis Historia, nisi ubi ad propiora tempora descendit, deprehendimus documenta.

Neque etiam operosam commendationem postulat omni eruditionis copia instructissimus PHILIPPUS A TURRE, Episcopus Adriensis, qui praeter reliqua doctrinae & ingenii pignora, nobis *Monumenta Veteris Antii* collegit & illustravit. cum & merita magni hujus viri sint recentissima, & liber ille omnium Doctorum manibus tritus, & frequens; & nos in praefatione Tomi VI. in quem ejus scripta de *Colonia Foro Julensi*, & de *Beleno* conjecta sunt, ejus laudes jam celebraverimus. Plura poterunt harum deliciarum studiosi legere in Actis Erud. Lipsiensem A. MDCCI. pag. 257. & Commentariis Trevoltianis A. MDCCIII. pag. 278. Inseruit quoque *Joh. Clericus* Bibliothecae suae selectae Tom. XVII. p. 167. dissertationem hujus Episcopi de *Taurobolio Matris Deum Magnae Idaeae*, qua materiem hanc multa eruditionis copia illustravit. Saepe etiam, & meritis laudibus Virum egregium, & hoc ejus opus ornavit Ber. Montfauconius in Diario suo Italico. Vitam vero & fata ejus eleganti elogio nobis exposuit *Jacobus Facciolatus*, quod eruditi Lipsienses Actis suis adjecerunt A. MDCCXVII. pag. 381. qui annus ipsi finem vitae attulit magno cum rei literariae detrimento, quia pluribus eam scriptis demereri potuisset.

Agmen scriptorum hujus Tomi claudit celeberrimus Vir, NICOLAUS ALEMANNUS, qui multis in rempb. literariam meritis initio seculi superio-

rioris floruit, & praecipuum sibi nomen peperit, prodita ex Vaticanis scriniis *Procopii Arcana Historia*. Elogium & vitae brevem historiam dedit nobis J. Nic. Erythraeus Pinacoth. I. pag. 125. & nuper Urbanus Gottofredus Siberus in libro de Illustribus Alemannis §. XLIV. Huic vero Thesauro, propter insignem libri raritatem, visum fuit editori, adjicere *Dissertationem Historicam de Lateranensibus Parietinis restitutis*, qua, quidem sub specie illam Urbis Romae partem, quae *Lateranum* vocari solet, & quae ruinis & parietinis est deformis, illustrandi, id praecipue intendit, ut Imperatoribus nullum in urbem Romam jus olim fuisse ostendat, & Carolum M. & alios, si quid pro Imperio egisse dicantur in urbe, nihil suis auspiciis & vi summi Imperii egisse, sed vicariam modo Papae potestatem exercuisse. Neque Carolum M. Aulam vel Palatium in Laterano aedificasse, sed Leonem III. Id vero summo studio agit, ut omnium fere eruditorum sententiam, qui Carolum M. titulo *Patricii*, & deinde *Imperatoris*, imperium in ipsam Urbem exercuisse, tradunt, evertat: cum certum tamen sit, *Patricii* titulum, idem dedisse juris in urbem, quod *Exarchus* olim exercebat, & quem deinde Carolus mutavit *Imperatoris*, ut pleniori, titulo: quae egregie probavit *Conringius de Germanor. Imperio Romano* Cap. VI. & VII. Insurrexit etiam in Alemannum, quod & monuit Siberus, *Franciscus le Blanc*, qui postquam in *Dissertatione de Nummis Caroli M. & sequentium Regum Romae percussis*, jus Imperatorum egregie vindicasset, ultimo Capite argumenta omnia Alemanni excutit & enervat, & titulum *Patricii* non defensorem Papae, & ejus vicarium notare, sed summi juris in Romam esse argumentum, egregie probat. ejusdem fuisse sententiae cordatiores viros in Francia, hic ipse operis Alemanniani Codex, ex quo Typographus suum in Thesauro hoc expressit, indicat. Hunc olim fuisse credo *Alexandri Petavii*, Primarii in Gallia viri, & eruditione non minus quam dignitate conspicui, qui in fronte libri sua manu scripserat, *Se non è vero, è ben trovato*. Speciosa magis quam vera Alemanni argumenta esse indicans. Atqui ita hujus Tomi descriptione defuncti, & librorum egregiorum & rarissimorum recensu, mox ad Neapolitani Regni Antiquitates & historias, Scriptoribus insignibus & eruditissimis illustratas, transibimus. Vale. Leidae ipsis Kal. Novembribus MDCCXXII.

In hac Praefatione pag. (8.) lin. 12. lege, Petro Catarino Zeni.





Tomum VIII. & IX. hujus non modo egregii, sed & pretiosi operis, pro mea in Praefationibus T. IV. & VI. promissione facta, publici nunc, bono cum Deo, juris facio: quorum prior, VIII. scilicet, in tantam excrevit molem, ut in quatuor partes, cum antea, in duas modo distribuendum, de quorum acquisitione valde dubitabam, qua de causa in Catalogo edito asterisco notaveram, nec in praecedentibus, nec in hisce Tomis desiderari; sed istos albo corvo rarioribus, in omni re optimis & exploratissimis opusculis, quorum eruditissimi atque celeberrimi Viri exteri in reipublica literariae ornamentum, & eorum, qui studia colunt, recreationem copiam fecerunt, esse ditatos donatosque, inter omnes liquet. Quo factum est, ut ad hos duos Tomos quindecim diversi selectissimi & exquisitissimi tractatus, cum editi, tum inediti, quos non in Catalogo antea in publicum emisso, sed in auctorum serie hisce Tomis praefixa, hoc (+) signo notatos, offendes, acceperint. Cum igitur Tomi hi (Deo sit laus) huic operi eximio, rerum Italicarum Scriptores comprehendenti, coronidem imponunt, magno jam conatu studioque ago, reliquam Thesauri hujus consecutionem, Siciliam, Sardiniam, & Corsicam continentem ad exitum perducere, & quoniam nonnulli Proceres & literarum antesignani a me petunt, ut bipartito eam evulgem, quo citius ad commodum suum convertere possent, conabor etiam pro facultate, eorum votis respondere. Haec consecutio ex pretiosissimis & auro carioribus tractatibus, qui in manibus paucorum, imo ferè nullorum sunt, vel fuerunt, constabit: quare non dubito quin orbis literatus, & ii, quos libros possidendi ingens tenet cupiditas, cum eam viderint, admiratione sint afficiendi, & res tam magni molimenti, inquam sumptus magnos, labores immensos, diligentiamque assiduam impendi, omnibus æquissimis non inelegantium operum aestimatoribus & iudicibus sit satisfactura. Caterum, si Deus vitam & animam reliquerit, me, ut in publicum prodeat, maturaturum, & pressurum illos, sed cum erudito orbe sincerè communicaturum esse, sancte polliceor. Vale. Lugduni Batavorum Die I. Novemb. MDCCXXII.

ADMONITIO AD BIBLIOPEGAM de Figuris inferendis.

IN TOMI OCTAVI PARTE PRIMA.

<i>In G. Postelli Etruria.</i>	
Guilielmus Postellus.	Pag. 1
<i>In Poggii Historia Florentina.</i>	
Poggius Bracciolinus.	(8)
Bracciolini Genealogia &c. bladplaat.	(18 a)
Epitaphium Joann. Francisc. Poggii.	(18 b)
Johannes Augutus.	71
Brachius Perusinus.	116
Cosmus Medices.	175
Leonardus Aretinus.	215
Epitaphium Leonardi Aretini.	226

<i>In J. M. Bruti Historia Florentina.</i>	
Magnus Ducatus Hetruriae, bladcaart.	1
Florentia pulcherrima Etruriae Civitas 2. bladen.	4

IN TOMI OCTAVI PARTE SECUNDA.

<i>In Istoria di B. Varchi.</i>	
Benedetto Varchi.	(5)
Cosimo de Medici Duca II. di Fiorenzo.	3
Arbore della Casa de Medici.	7
Giulio Cardinal de Medici.	8
Francisco I.	127
Ippolito de Medici.	187
Malatesta Baglioni.	357
Alessandro de Medici.	498
Carlo V.	612

IN TOMI OCTAVI PARTE TERTIA.

<i>In F. Henrici Noris Cenotaphiis Pisanis.</i>	
Fr. Henricus Noris.	1
Pisa Urbs Etruriae, bladplaat.	1
TAB. I. II. Cenotaphia Caji & Lucii Caesarum &c. bladp.	2
TAB. III. Nummi antiqui.	80
TAB. IV. Nummi antiqui &c.	96
<i>In Justo Fontanini Antiquitatibus Hortae.</i>	
TAB. I. Ager Hortanus.	1
TAB. II. Hortae conspectus Septentrionalis, bladplaat.	3
TAB. III. Tiberis &c.	13
TAB. IV. Vier Beelden, bladplaat.	46

TAB. V. Vyf Medalien.	—	—	Pag. 48
TAB. VI. Vier Medalien.	—	—	53
TAB. VII. Puer &c.	—	—	55

<i>In A. Mugnotii Eremitae Camaldulensis descriptione.</i>	
Eremitae Camaldulensis.	1

<i>In Caesaris Orlandii Sena.</i>	
Tabula territorii Senensis, bladplaat.	1
Sena Urbs Hetruriae, bladplaat.	4

<i>In Famiano Nardino de Vejis.</i>	
Antiqua divisio Hetruriae Cisciminiae, bladplaat.	1

IN TOMI OCTAVI PARTE QUARTA.

<i>In Dom. Barnab. Matthaei Tusculo.</i>	
Tusculum antiquum &c.	4
4. Medalien &c.	41

<i>In Ant. del Re Antiquitatibus Tiburtinis.</i>	
Villa Eftenfis.	2

<i>In Jos. Mar. Suaresii Praeneste.</i>	
Aqua, Navis, Arbor &c. bladplaat.	10
Orthographia Templi Fortunae, bladplaat.	26 a
Sciographia Templi Fortunae, bladplaat.	26 b
Ichnographia Templi Fortunae, bladplaat.	26 c
Milites &c.	37
Ex Museo D. Abbatis Cassiani de Puteo.	38

<i>In Ph. a Turre monumentis Veteris Antii.</i>	
15. Ronden van Medalien.	4
3. Figuren onder malkander.	85
Deo Soli invicto Mithrae.	87

<i>In Nicol. Alemanno de Lateranensibus parietinis.</i>	
TAB. I. Ichnographia Triclinii Leoniani.	1
TAB. II. Orthographia Apidis &c.	1
TAB. III. Triclinii Leoniani Apidis primaria restituta.	1
TAB. IV. Fig. 1. 2. 3. 4. 5. 6. 7.	4
TAB. V. Fig. 1. 2. Euntes docete omnes &c.	18
TAB. VI. Fig. 1. 2. 3. 4. 5. Ordino Rex &c.	24
TAB. VII. Fig. 1. 2. 3. 4.	33
TAB. VIII. Fig. 1. 2.	48



S E R I E S S C R I P T O R U M

Qui in Octavo Tomo Thesauri Antiquitatum
& Historiarum Italiæ inveniuntur.

P A R S P R I M A.



Guilielmi Postelli, *Linguarum Orientalium Professoris Regii Parisiensis*, de Etruriæ Regionis Originibus, Institutis, Religione, ac Moribus Commentatio.

D. Francisci Dyni, *Lucinianensis, Advocati Senensis, &c.* Antiquitates Etruriæ, seu de Situ Clanarum Fragmenta Historica, deque Rebus feliciter gestis Civitatum Aretinæ, Clusinæ, ac Cortonen-

sis, cum Senensibus, Florentinis, Exterisque. Adjunctæ sunt ad finem Annotationes D. Francisci Baldereschi, *J. C. Palaiensis Judicis Clarissimi.*

(†) Francisci Dyni, *Lucinianensis, Advocati Senensis, &c.* de Antiquitatibus Umbrorum, Thuscorumque Sede, ac Imperio, deque Camerio, ac Camertibus a Sylla excisis Dissertatio Historica, *Adversus Opiniones Blondi, Aldi, Sigonii, Cluverii, P. Papebrochii Soc. Jesu, ac Recentiorum*, In qua plures inscriptiones *Gruterianæ* solidissimis fundamentis ad crism revocantur, Lillii fundamenta de sui *Camerini* Antiquitate exploduntur. *Agitur incidenter de Liciniani in Etruria Antiquitate: esse à Lucii Syllæ Militibus Lucinianum dictum, Coloniam ductum ex vetusta Inscriptione eruitur: Patriam esse C. Mæcenatis adversus Recentiores ostenditur.* Accesserunt Notæ Rev. Francisci Regazetti, *Falconensis, Ditionis Venetæ.*

Bartholomæi Scalæ, *Equitis Florentini*, Historiæ Florentinorum Libri Quinque; nec non & *Ejusdem Vita Vitaliani Borrhomæi: Quæ primum e Cod. Bibliothecæ Medicæ edita fuerunt.*

Poggii Bracciolini, *Florentini*, Historiæ Florentinæ, Libri Octo: Primum à Joanne Baptista Recanato, Patritio Veneto, Academico Florentino in lucem editi, notisque, & Auctoris vita illustrati.

Joannis Michaëlis Bruti, Historiæ Florentinæ, *Libri Octo.*

P A R S S E C U N D A.

Francisci Contareni, *Patritii Veneti, Legati ad Pium II. P. M.* Historia Hetruriæ, sive, Commentariorum de Rebus in Hetruria a Senensibus gestis cum adversus Florentinos, tum adversus Ildibrandinum Ursinum, Petilianensium Comitem, Libri Tres, a Joanne Michaële Bruto, antehac primum editi. *Subjecta sunt, Additamenta & Testimonia, tum ex Cardinalis Jacobi*

Piccolhominei Epistolis, tum ex *Platina*, de Vitis Pontificum Romanorum: ex quibus multa ad hanc Historiam pertinentia intelliguntur.

Istoria Delle Guerre della Republica Fiorentina, *Succeffe nel tempo, che la Casa de Medici s'impadronì del Governo: Scritta da Benedetto Varchi, Istorico Fiorentino*, Colla Vita dell' Istesso, & Un Discorso, ò Apologia di Lorenzo de Medici sopra la Nascita, & Morte d'Alessandro de Medici primo Duca di Firenze: *Opera tirata dall' Originale dell' Autore da Giovan Filippo Varchi Fiorentino*. Con una Tavola copiosa delle cose più importanti. Ornata d'alcuni Ritratti de principali Personaggi mentovati nella detta Istoria: Aggiuntovi *La Vita di Filippo Strozzi, figlimolo di Filippo Nobile Fiorentino, col suo Indice, scritta da Lorenzo suo fratello, la quale da molto lume alla detta Istoria.*

(†) Matthæi Palmerii, *Florentini*, de Captivitate Pisarum Historia: Veteres non solum inter Florentinos & Pisanos inimicitias, & odia diu continuata, sed etiam recentes hujus belli causas & Urbis Pisanae obstinatum Obsidionem & Deditionem continens. *Ex MS. Bibliothecæ Joannis Baptistæ Recanati, Patricii Veneti, Nunc primum edita, Vita Auctoris & Indice adornata & aucta.*

P A R S T E R T I A.

(†) F. Henrici Noris, *Veronensis, S. R. E. Presbyteri Cardinalis Ordin. Eremitarum S. Augustini, ejusdemque S. R. E. Bibliothecarii*, Dissertationes IV, Cenotaphia Pisana Caji & Lucii Cæsarum Illustrantes. Coloniae Obsequentis Juliae Pisanae origo, vetusti Magistratus, & Sacerdotum Collegia: Cæsaris utriusque Vita, gesta, & annuæ eorundem inferiæ exponuntur: ac aurea utriusque Cenotaphii Latinitas demonstratur. Parergon *De Annis regni Herodis: de Præsidibus Syriae, ac Romanis in Asia Provinciis.*

Dominici Angeli, *Castrensis*, de Deprædatione Castrensium, & Suae Patriæ Historia.

(†) Justi Fontanini, *Forojuliensis, a Cubiculo honorario Clementis Pontificis XI. de Antiquitatibus Hortæ Coloniae Etruscorum Libri Duo*. Ubi præter Historiam Hortanam alia etiam non pauca Res Romanas Italicasque illustrantia, proferuntur. *Accedunt Acta Vetera, Inter quæ Decretum sincerum Gelasii I. Pontificis ex insigni Codice Vaticano.*

Andreae Mugnotii, *Conchensis, Hispani*, Eremitæ Camaldulensis Descriptio, duobus Libris absoluta.

Cæsar Orlandius, de Urbis Senæ ejusque Episcopatus Antiquitate.

Antonii Massæ, *Galleſii, Jurisconsulti*, de Origine & Rebus Faliscorum, Liber. Cui annexum, Petri Cursii, *Civis Romani*, Civitatem Castellanam Faliscorum, non Vejentum oppidum esse, Poëma, cum Julii Roscii Hortiani *Additamentis.*

Jacobi Mazzochii *J. U. D.* Veji Defensio, seu Dissertatio, qua demonstratur Antiquos Vejos hodiernam Civitatem Castellanam esse. *Ex Italico La-*

Latine vertit, Præfationem, Notulas, & Indices adjecit Abrahamus Preigerus.

Famiani Nardini Veji Antiqui. *Seu Dissertatio, investigans veram ejus Urbis situm, Ad Illustrissimum & Reverendissimum Dominum Cardinalem Antonium Barbarinum. Latine ex Italico vertit, Præfationem Notulasque & Indices addidit Abrahamus Preigerus.*

Dominici Mazzocchi J. U. D. Vejorum Defensoris, Epistola Apologetica; In qua discutiuntur multæ Oppositiones illi factæ a Vejorum eorundem Investigatore. *Ex Italico Latine vertit, Præfationem Notulasque adjecit Abrahamus Preigerus.*

Pompeji Angelotti, J. U. D. Romani, Descriptio & Antiquitates Urbis Reate, Sabinorum Antiquissimæ, Saturni & Rheæ quondam Regiæ. *Ex Italo Latine vertit, Notulis, Indicibus atque Capitulorum Argumentis auxit Sigebertus Havercampus.*

P A R S Q U A R T A.

(†) Dominici Barnabæ Matthæi, Memoriam Historicam Tusculi Antiqui, *Quod nunc dicitur Frascati; Ad Illustrissimos Dominos, Dominos Conservatores Consiliariosque ejusdem Civitatis. Ex Italico vertit, Latine, Præfationem atque Indices adjecit Sigebertus Havercampus.*

(†) Jacobi Manilli, Romani, Villæ Burghesiæ Vestiariorum Præfati, Descriptio Villæ Burghesiæ, Extra Portam Pincianam. *Latine ex Italicis vertit, Præfationem, Elenchum Rerum præcipuarum, atque Indicem adjecit Sigebertus Havercampus.*

(†) Pyrrhi Ligorii, Omnium Antiquariorum Antesignani, Descriptio Superbæ & Magnificentissimæ Villæ Tiburtinæ Hadrianæ. *Ad Illustrissimum & Reverendissimum Hippolytum, Cardinalem Ferrariensem. Ex Bibliotheca Lugduno-Batava nunc primum produxit, qui & Latine vertit, Sigebertus Havercampus. Accedunt, ipse Contextus Italicus, Præfatio, & Indices necessarii.*

(†) Francisci Martii, Canonici, Nobilis & Jurisconsulti Tiburtini, Historia Tiburtina Amplificata. *Accedunt Dedicatio Caroli Martii & Illustrissimi Abbatis Michaëlis Justiniani, Patritii Genuensis, ex Dominis Di Scio, Prolegomena ad Lectorem, ut & Vita Francisci Martii. Latine ex Italicis reddita, Præfatione atque Indicibus aucta Cura Sigeberti Havercampi.*

(†) Antonii Del Rè, Tiburtini, Juris Utriusque Doctoris, Antiquitates Tiburtinæ, *in Duas Partes Divisæ. Parte prima agitur De Mirabilibus Palatii Hortique Serenissimæ Familiæ Estensis, ejusque Fontibus atque Statuis, addita brevi Historiarum Fabularumque expositione; Parte Secunda continetur Compendium Ædificiorum superbissimæ Villæ Hadriani Imperatoris, Collectum ex MS. Descriptione Pyrrhi Ligorii. Inquiruntur deinde in Villas,*

quas in Agro Tiburtino habuerunt Cajus Cæsar, Syphax Rex Numidarum, & Zenobia Palmyrenorum Regina, alique. *Accedit in fine Defensio Aquæ Anienis nunc Teverone. Latine ex Italico vertit, Notulis, Præfatione & Indicibus auxit, ut & Ichnographia Villæ Estensis Sigebertus Havercampus.*

(†) Josephi Mariæ Suaresii, *Episcopi Vafionensis*, Prænestes Antiquæ *Libri Duo*. Quibus non solum Conditores Urbis, Situs, Latifundia, Possessiones priscae, Oppida, Vici, Ecclesiæ antiquæ & Reliquiæ Sanctorum; Verum etiam Viri Illustres, sanctitate ac virtutibus insignes, ortuque suo vel mora Prænesten nobilitantes recensentur.

(†) Philippi a Turre, *Forojuliensis*, *Episcopi Adriensis*, Monumenta Veteris Antii, hoc est Inscriptio M. Aquilii, & Tabula Solis Mithræ Variis Figuris & Symbolis exsculpta, *Inibi sub finem Seculi XVII. reperta, mox Commentario illustrata, & accuratè explicata.* Addita nunc est ejusdem Auctoris Explicatio Inscriptionis cujusdam Antiquæ de Taurobolio.

(†) Nicolai Alemanni de Lateranensibus Parietinis ab Illustrissimo & Reverendissimo Domino D. Francisco Card. Barberino Restitutis Dissertatio Historica, *Figuris Æneis Illustrata.* Ubi de Ædificio, ejusque loco, de Mursi Emblemate, atque ejus Historia differitur, & inscripti imaginibus tituli expenduntur.







GULJELMUS POSTELLUS,
*Linguarum Orientalium Professoris Regii
Parisiensis.*

GUILIELMI POSTELLI

DE

ETRURIÆ REGIONIS

ORIGINIBUS, INSTITUTIS, RELIGIONE, ET MORIBUS COMMENTATIO.

CAP. I.

*De summo genere cognitionis doctrinae-ve,
quæ est Divinatio, & quot modis
possit cognitio futurorum ha-
beri prædicique.*



Nunc On censeo ullo modo esse cum illis de veritate agendum, qui de sequentibus ambigere sententiis volunt, sit-ne DEUS, & curam-ne rerum sensibus objectarum habeat; multo minus judico debere contendere cum illis, qui sensus nostros exteriores & demum ipsum intellectum veritatis judicem falli in rerum cognitione ita volunt, ut nil esse veri, sed omnia dubia esse affirmant. Hi enim principia negantes, satisfactionem hanc merentur, ut citò qui humanitatem exuant ipsâ spoliarentur. Cum illis itaque mihi volo rem esse, qui causam mundo & veritatem homini tribuant. Hæc enim sunt duo necessaria primæque & indemonstrabilia, quod res sensui aut intellectui obnoxia causas habeant & supra omnes summam primamque, quodque duce ipsa rerum apprehensione, consideratione, & perpensione veritas rerum virtute causæ suæ productarum possit haberi. Veritas enim quatenus est intellectus in homine agentis finis & scopus, est adæquata cum ipsis rebus nostri intellectus consensus, ut scilicet quales in se sunt, tales intellectus illas apprehendat, quatenus debent possuntque ab eo apprehendi. Dixi itaque hæc duo indemonstrabilia, eò quod maximè & primò & per se sunt, sicut Geometra non demonstrat esse punctum, lineam, superficiem, quia maximè notum est. His suppositis nemo negabit, illum esse maximè veritatis participem, qui res ipsas non tantum per se & in se, sed per causam etiam cognoverit. Quare sunt veritatis varii gradus. Minimus est, ut res ipsas in se concipias; maximus, ut causam primam aut solo intellectu, sine rerum sensibilibus medio, si fieri posset, cognoscas, aut quia fieri à nobis non potest, duce eo beneficio, quod in te DEUS contulit, quodque in tota natura respergit, mente comprehendere satagas. Quum autem prima causa sit omnino infinita & ea de re omnino incomprehensibilis, jure quidem merito ille divinissimus hominum est judicandus, qui maximè ad ejus accedit cognitionem. Quum autem ea quæ cognoscuntur, si bona sunt, & bona esse cognoscuntur, sint tantum amanda, optanda, observanda, & requirenda, quantum bonitatis in illis cognoscitur, summa quæ de prima causa cognitio habetur, (siquidem, ut parens Philosophorum ait, quia bonus est, bonitatem suam maximè communicando, omnia, quatenus sunt bona, bona fecit) in amore infinito ponatur oportet.

A Summa itaque in homine veritas est, ut illam causam, quam intellectu ob infinitudinem assequi non potest, ea animæ parte, quæ in nobis infinita est, voluntate videlicet, & affectu, quæ infinita cupidine tenentur, infinitum videlicet DEUM amet, cupiat, colat, ejusque nomine universitatis felicitate, si adsit, libentissimè spoliatur. Eò verò quod cupiditas rerum sensui & gloriæ obnoxiarum, & timor, ne secundis rebus, aut jam concessis, aut quas possemus consequi, privemur, tanquam duo Tyranni assidue obstant nostræ Divinationi; ideo causam primam cognoscences eandem spernimus, cognitioneque futuri carcemus. Quum itaque in DEO ipso sint omnium futurorum ordines ab æterno dispositi, ille sit Divinationi proximus necesse est, qui summo mentis affectu DEO per amorem summum est conjunctissimus. Tantò autem veriora falsis, aut falsiora veris prædictionibus coarpet necesse est, quanto est purior aut turbidior affectus. Hinc quum Divinationis familiarissimum genus in somniis posuerit Antiquitas, meritò revera Cicero lib. 1. de Divinatione Platonis adduxit verba ex Politicæ libris, ut rationes adferat veritatis. Ait enim ideo à veritate ejus Divinationis, quæ per somnia posset haberi, nos destitui, quod nimis iracundiæ motibus agitata est in nobis pars irascibilis, aut nimio luxu diffuit ea, in qua cupido & voluptatum fomes inhabitat, unde perturbata animi parte irascibili, quæ à corde est, & concupiscibili, quæ ab hepate oritur, ratio ipsa & pars superior, quæ in cerebro sedes habet, communi consensione turbatur, ne possit ulla vera earum imaginum, quæ noctu occurrunt, ratio colligi. Quod si sedatis & veluti rescissis cupiditatibus, jejunoque aut ut minimùm cibus cupiditatibusque obruto corpore, repressisque animi passionibus, quæ nos ultro in iram aut cupiditatem rapiunt, nos componeremus dormituri, procul dubio ex somniis posset à nobis obtineri Divinatio. Primus itaque hic est modus, ut sublato ob causæ causarum amorem, quantum fieri potest, amore aut timore creaturarum, moveamur, nosque totos summæ luci dedamus. Primus autem, qui à divina luce in nobis agente procedit, in causa est ut cæteri veri sint. Nisi enim in nobis est summus summæ primæque veritatis amor, & summa rerum quæ nos perturbant abstinentia, ut summa lux veritatis in nobis sit omnium veritatum principium, nullà potest à nobis vera procedere Divinatio: peti autem ab intelligentiis, à coelis eorumque variis motibus, ab elementis igne, aëre, aqua, & terra, ab animalibus eorumque partibus, à plantis, & ante omnia à prodigiis solet. Sacerdotes etiam Hebræorum ex duodecim variarum gemmarum contuitu, quæ, ad hoc ut suis excitarentur motibus, super humeros Sacerdotis ponebantur, futura prædicebant. אֶפְרַיִם Ephodion nomen erat huic ornamento. Cæterum quod fuerint Prophetæ, & Vates, Sibyllæque ubivis gentium, à quibus scita

ferè omnia, quibus habent Reipublicæ regantur, aut olim sint rectæ gubernatæque, in consensu omnium Gentium est. Si qui autem sint in ea impietate, ut, eò quod incenarrabilis falsitas, fictio, & fabulositas in falso cultu deprehensa est, putent (ut ait *Dionysius Halicarnassensis*) quicquid de DEO, religione, miraculisque olim scriptum est, id esse inter fabulas referendum, quum prætextu falsi verum ipsum tollant, Mundumque nullo Rectore moveri asserant, censeo illis vitam esse tollendam. Necessarium enim unum est, ESSE DEUM videlicet, & ut se curam habere rerum humanarum demonstret, quod item est omnino necesse, opus est inter cæteras Divinationes vaticinationesque esse unam, à divino lumine in sobrios, sanctos, simplicesque homines transfusam, ob solum amorem & cultum summæ causæ, in qua totius vitæ humanæ & non solum unius aut alterius Populi cursus sit adumbratus, ad hoc ut quum ea quæ sunt divinata & prænunciata toti Orbi eveniant, ex ipso cognoscatur eventus, quod & Divinatio est, & à DEO est, & DEUM ejus auctorem probat curam habere rerum humanarum.

C A P. II.

Probatur esse necessario, eò quod DEUS habet rerum humanarum curam, Disciplinæ genus summum, præstantissimumque, ad quod quum omnes homines adspiciant, nullus tamen possit nisi per Divinationem consequi.

Quum sit apud Philosophos recepta illa sententia, quod DEUS nil frustra faciat, sed præstantissima vota sint finis præstantissimi gratiæ constituta, opus est, ut omnino primus hominis appetitus, qui est verissima præstantissimaque rerum cognitio, possit suo fine frui ad hoc ut cognitis rebus possit delectum facere & præstantiora sibi seligere. Necesse ergo est omnino, ut à Divina Providentia rerum humanarum curatrice nobis sit institutus modus, quo ea quæ magis expectimus magis assequamur. Omnes autem principes in Philosophia viri asserunt esse verissimum, quod magis afficimur si vel modicum quid de substantiis cœlestibus aut separatis comprehendamus, quam si in hoc Orbe terreno totam rerum naturam assequamur, quum tamen constet illa, quæ magis appetimus, esse à nobis remotissima, naturæ autem familiarissima. Quum itaque præstantissima veritatis consequutio sit rerum per suas causas cognitio, causæque sint summopere ad intellectus foelicitatem necessariæ, opus est necessarium, ut supra genus demonstrativum disciplinæ, quod quidem ferè nil de causis (potissimum ut sunt amandæ) tradit, sit unum, summum, totum in Divinatione positum, cui adnexum addit alterum demonstratione carens, & totum in universitatis Historia constitutum. Nam si desit Divinatio illa, quæ summopere desiderabilem de causis cognitionem rationeque humana nullo modo investigabilem nobis aperiat, frustra & DEUS & Natura hoc desiderium in nobis ingenuere, quum finem ejus non possimus consequi, quod est falsum. Si autem sit Divinatio ut est, opus est etiam ut possit ejus finis videri, ut in toto Orbe terrarum sint asservatæ ejusmodi Historiæ, ut quarum veritas non possit aut debeat ullo modo tolli, maximè ubi *Græcorum* *Georgias* aut fabulæ non fuerint, & ubi sine ulla cupiditatis aut timoris ratione Scriptores de regnorum originibus & everfionibus translationibus-ve ex communi consensu agunt. Quum enim omnes principales Mundi

A Potestates à DEO sint ordinatæ, & suis Geniis Angelis-ve, ut vocant, munitæ, fieri non potest, ut sine Providentiæ nutu intercedant. Quisquis itaque sacræ Divinationis, quam sacra vocant, voluerit fidem elevare, quum sit præstantissimum doctrinæ genus, & per quod maximè homo suum finem consequitur, cognita, aut saltem, si incognita est, amatâ causarum causâ, ille ex hominum numero, quem immerito auget, tollendus est. Qui verò ita fidem Historiis detrahit, ut res originum & everfionum sine passionibus aut fabulis (nam quis admittat concubuisse & genuisse Deos?) scriptæ in dubium ab eo vocentur, meritò etiam ipse Historiæ Legumque beneficio destitutus, habebitur inter suos exfors extorrisque, & supposititio credetur ortu partuque. Meritò itaque laudanda venit illa *Platonis* in *Epinomide* sententia, quâ sanctè ait, esse parricidio affine, si quis illi doctrinæ, quam de DEO, religione, & stellarum virtute nobis tradidit Antiquitas, detrahit. Illi enim auctores posteritatis, qui ab ipso omnium opifice proximè ortum duxere, non potuere nisi à DEO auctore ista habuisse, quæ filiis instar testamenti servanda tradere tanquam sibi ipsis vellent. Et ne ambigeremus de qua diceret doctrina, ait: nam qui hæc Orbi ab initio tradidit *Syrus* erat. Unde de ipsis *Hebræorum* sacris eum intelligere non est dubium. In illis enim folis agitur de illa causâ, quæ cæteris causis, Angelis, Geniis, Diis, Mentibus, Spiritibus, aut Heroibus in causâ est ut sint: nec enim per se sunt immortales. *Syrus* itaque ille aut *Adamus*, aut *Noachus*, aut *Abrahamus*, aut *Moses* est. Omnes enim ob locum sepulturæ præter *Noachum Syri* sunt: nam eorum sepultura fecit in *Syria* posteritati locum sacrum. Summa itaque Divinatio in sacris *Hebræorum* & eorum sacris appendicibus constituta est. Per ejus itaque studium solum potest homo in eum finem, ad quem maximè adspirat, pervenire. Sed videndum est, quænam sint Historiæ illæ, quæ secundum sacras Divinationes maximam mereantur fidem. Divinationes autem omnia illa Scripta voco, quæ in toto Scripturarum veterum & novarum volumine continentur, eò quod omnes sententiæ sacrorum præter illas, quæ ad mores faciunt, ad doctrinam posteritatis ita pertinent, ut sint etiam futurarum figuræ: sicut enim usu rerum naturalium videmus in omnibus, quæ naturaliter accidunt, cuivis semini aut arbori esse veluti præscriptum, & prædictio Divinatioque eorum, quæ unquam olim accident eidem generi aut speciei, cujus erat individuum, sic omnino in sacris est. Sub umbra enim personæ aut cujusvis Ecclesiæ electæ vel reprobatæ res gestæ sunt, quæ olim revolutionibus sæculorum, influxuum, & spirituum in variis Orbis partibus contingent, ad hoc ut DEUM habere rerum humanarum curam ostendant. Hæc autem mihi de *Etruriæ* origine dicturo fuisse præmittenda confirmandaque, eò quod basis meæ Historiæ ex sacris pendet.

C A P. III.

Quæ Historia humana debet esse summa fide post illas, quæ in sacris habentur Divinationibus.

Licet nondum ostenderim Linguam primam & perfectissimam rerum, de quibus tractat, etymo, esse *Syram*, illam videlicet, quæ *Syri* illius hominis est, in quem *Plato* omnia refert divina, tamen eò quod sit licitum in omni doctrinæ genere supponere interea aliquid donec probes, quia clarissimè postea sum demonstraturus primam æ-

ternamque Linguam esse *Syram*, quæ & *Affyria* & *Phœnicia* *Panicave* dicitur, hoc nunc pro concessio assumo. Quum itaque sit prima, & ea de re summum Divinationis genus habeat, & summam etymi veritatem, opus est eos Auctores Historiæ, qui in ea scribere & maximè cum ea consentiunt, summa esse fide, ubi maximè ea scribere quæ sunt ab affectibus & falsitate alienissima, & quæ etiam apud ipsius veritatis historiæ hostes fidem faciant. Quin itaque *Josephus* sit fide dignissimus in *Antiquitatis Judaicæ* Libris & *Lingua Græca* & *Hebræa* descriptis, in quibus Populis omnino à vera sacrorum traditione alienis, & contra adversarios gratiosissimos, nemo facile dubitarit: ea enim omnia, quæ videntur minùs fidem mereri, non minùs externis quàm propriis asseruit Auctoribus. Quum autem *Chaldaea* Lingua sit *Hebræa* familiarissima, ut, post sacræ Divinationis Libros, apud *Chaldaeos*, *Affyrios*, *Magos*, *Abrachmanasque* cœlestis Divinationis Professores sit secunda prædictionis futurorum via, nullum est dubium quin etiam sint summâ post *Hebræos* fide Historici *Chaldaei*. Quum enim constet eorum auctoritate, qui res *Chaldaeorum* observarunt, fuisse ad hoc ut veritas in illis maximè conservaretur constitutos primariâ auctoritate Viros & summâ (ut id temporis res erant) pietate Sacerdotes, ut verissimè religiosissimèque origines, res gestas, mutationesque regnorum celebriorum in publicis conscriberent Diariis, nemo facile eorum elevarit auctoritatem: erat enim illis semper proposita una ratio, quæ illos maximè veritati adstringeret. Sicut enim *Syræ* Divinationes & Historiæ hoc habent, ut religiosissimè rerum successus scribant, ad hoc ut summæ causæ Providentia videatur rerum humanarum curam habere secundum Prognostica sacra: sic etiam *Chaldaei* ad hoc ut ex Historiis & rerum eventum fidem cœlestium facerent Prædictionum, & posteris fidem doctrinamque suæ sapientiæ per apotelesmata traderent sanctissimè, omnium gentium Historias conscribere. Tercio in ordine est *Romana* Historia, illa potissimum, quæ post acceptos in Reipublicæ caput Libros *Sibyllinos* est observata, quæque est ab illis Auctoribus externis scripta, qui in rerum originibus & hominum generatione longissimè à fabulis Deorumque excogitatorum concubitu recedere sategerunt. Si integri nobis superessent *Cato* & *Varro*, illi instar omnium essent. Unus porro *Hesiodus* post *Orphicæ* doctrinæ Auctores satis nobis in sua *Theogonia* reliquit cogitandum, quantum fidei mereantur qui inter *Græcos* scribere origines. Sicut itaque tria potissimum sunt veræ Divinationis genera, supracœlestis verèque divinum apud *Syros*, de quo *Plato*, cœlestis apud *Chaldaeos* *Affyriosque*, *Sibyllinum* autem & hominibus mundoque inferiori aptius, quo usi sunt ante omnes *Romani*: sic ab iis potissimum, qui Historias *Syriacas*, *Chaldaicas*, & *Romanas* scribere, petenda est Historiæ fides. Jam verò dixi in *Appendicibus* sacrorum *Hebræorum*, quatenus Historiæ sacris adnexæ sunt, variis temporibus in Ecclesia à Viris tam in scribendo quàm in probando à mendacio omnino alienis scripta & probata in hoc solum, ut *DEUS* curam habere rerum humanarum videatur. Licet enim non expressissem quid nomine *Appendicum* intellectum vellem, tamen ea, quæ ad Sacræ Historiæ successus pertinent, & jam sunt ab innumeris Auctoribus scripta & probata, possunt intelligi. *Josephus* itaque *Hebræi* Scriptoris, & non minùs *Græcis* humanisque doctrinis quàm suis imbuti, fides est in primo habenda loco. *Berosus Chaldaeus* similiter *Græcè* tempore florentis *Græciæ* mediis in *Athenis* ad miraculum usque doctus, & statux publicæ linguâ

A aureâ ornatæ meritum consequutus, nomine summæ eruditionis & fidei, ex publica *Chaldaeorum* Bibliotheca Compendium ferum à Cataclysmo ad sua usque tempora gestarum scripsit, cujus testimoniis frequentissimè *Josephus* utitur. *Plinius*, *Solinus*, *Cato*, *Varro*, si exstabit, & alii ejus classis Viri cum *Dionysio Halicarnasseo* & cæteris fide dignis Auctoribus facient *Romanæ* Historiæ fidem. Nam res *Etruscorum* funditus apud suos olim perierunt, quare & res eorum ex ipsa *Romana* aut ex universali Historia sunt decerpendæ & suscitandæ. Quum enim cultus *Etruscorum*, *Druïdarum*, *Abrachmanum*, *Indorum*, *Æthiopumque*, qui in suis principiis locisque erat aptissimus, in *Syriæ* Divinationis verba transire debebat, unâ cum ipso cultu & Disciplinæ & Historiæ interciderunt. Nam nisi imperfecta Geniorum fuisset deturbata unâ cum Idololatria Religio, non fuisset cognitus Princeps omnium Spirituum, Mentium, Angelorumque, & Hominum CHRISTUS.

CAP. IV.

Quod ea quæ nunc circumferuntur nomine *Berosi* Fragmenta, ea revera sint prisca illius *Berosi*, qui deflorationem *Chaldaicæ* scripserat Historiæ.

QUUM Apologum de hoc argumento ad *Petrum Franciscum Giambullarium*, Canonicum D. *Laurentii* & Academicum *Florentinum*, qui de prisca *Etruscæ* Linguae origine scripsit, miserim, in quo satis abundè me puto suasisse ea quæ circumferuntur Fragmenta nomine *Berosi*, esse revera illius *Berosi* *Chaldaei*, quem *Josephus* citat, non est quod repetam illud idem: potest enim aut seorsum illud edi, aut hic interferi. Unum addam omni exceptione majus, quod sententiæ ex eodem *Beroso*, antequam unquam veniret in manus *Annii Viterbiensis*, quo creditur Auctore confictus, jam in *Germania* & in *Gallia* exstabant, ut ex ejus citationibus locis-ve suo tempore ostendat. Quod autem maximè movet illos qui fidem *Berosi* elevant illud unum est, quod non solum suæ gentis, sed etiam occiduorum Populorum à *Babylonicis* remotissimorum ita tractat Historiam, ut videatur sua perfunctoriè, aliena autem seriò tractare. Quid enim ad rem ajunt quod statim *Affyriis* subjungat *Italos*, *Gallos*, *Hispanos*? Satisfacio. Licet sint duodecim Orbis terræ partes duodecim cœli signis obnoxie, tamen quum *DEUS* & Natura nil frustra faciant, opus est omnino ut Populi primo signo & primæ stellæ cœli subjecti sint etiam digniores, & aliquando Universi imperium habituri. Præterquam quod eam Genealogiam Universi, quæ aureo sæculo in totum Orbem est dispersa, *Moses* in Sacris Libris *Geneseos* sacram fecit, ipsa jam suis sæculis ante octingentos annos observari in Libris Patrum solita erat. Ut autem illi Populi, qui de cœlo servabant ante alios, etiam suarum prædictionum redderent rationes, (nam & cœlum & *DEUS* sacra-ve omnino consentiunt) opus erat in Bibliotheca *Chaldaica* omnino illud idem, sed tantò amplius quantò cœlum, quàm *DEUS*, clariùs nobis patet, observare & scribere quod sacra fecerunt. Semper autem apud omnes Astronomiæ peritos fuit duplex effectuum cœli influxus in observatione. Est enim primus cœli impulsus à motu diurno, alter à motu planetarum, ille orientalis, hic occiduus; unde quum putarint esse omnino necessarium ut una potentia generalis in *Asia* & Oriente consurgeret, quæ instar primi mobilis Universum contineret, & altera ab Occidente,

quæ inferiori & temporali omnia moderaretur imperio, non minus Occidentis quam Orientis regna curare debuere. Unde & apud *Græcos*, antequam per fabulas periissent priscae memoriae, ponebantur *Chaldaei Indi*-ve tanquam ejusdem professionis in Oriente: *Celtæ* seu *Galatæ* in Occasu: *Æthiopes* in Austro: & *Scythæ* in Aquilone; tanquam capita mundi, ut est in parasceva *Sirabonis*. Verum quia illi tantum in imperiis primi futuri sunt, qui in differenti cœli longitudine sub primis influxibus positi sunt in vera regione Orbis habitabilis, id est, temperata, ideo *Berosus* magis neglexit *Scythas* & *Æthiopes*. Licet enim & *Scythæ* in frigida & *Æthiopes* in calida regione habitent, DEI cœlique vera beneficentia in regionem temperatam est transfusa. In hoc autem maxime fidem meretur, quod consentiens ipsi *Mosi Nimrotum*, quem suum *Saturnum* primum fuisse scribit, auctoremque *Babylonicæ* turris & regni, facit parum probum, ut qui rituales Libros magni *Jovis* est furatus ab omnium parente *Noacho*: per illos enim Libros *Chaldaei* eadem habere coeperunt quæ & sancti Patres, donec sacra disciplina ad ambitionem & maleficas artes est conversa, sicut nostram videmus ad id redactam, ut hominibus omnino dissimilibus iis, qui eam instituere, videatur ipso usu aut abusu potius patrocinari. Sic usu comparatum est, ut corrupti singulis sæculis homines ex præstantissimis institutionibus pessimos mores sanctis ornatos titulis producant. Superfuit ex illis ritualibus doctrina rerum cœlestium, in qua post Diluvium excelluisse *Chaldaei* non potuissent, nisi jam ante Diluvium fuissent observationes à sanctis Patribus factæ & conscriptæ, Religionique Geniorum Angelorum-ve, qui primum cœlo influunt, conjunctæ, quales antea *Chanochus* Vates scripserat, cujus Opus inter primos rituales sacrosque Libros in *Æthiopica* Ecclesia exstat, ut ipsius fidem & argumenta ab ipsis audiui *Æthiopicis Candacum* regno subjectis. Quum itaque in *Berosi* Fragmentis, quæ adhuc exstant, nil sit scriptum nisi quod veritati sacrorum aut Astronomiæ, aut humanæ & cui nil repugnat Historiæ per omnia consentiat, eò quod parum plerisque placeat, non est rejiciendus. Rationibus enim & auctoritate præstantiore, non solis convitiis aut detestatione risu-ve sunt improbandi Scriptores sicubi displicent. Deest autem plusquam dimidium, unde constat certissime non esse confictum Opus: clarè enim liquet ex *Josepho* ad *Nebucadnezarum* usque *Babylonis* instauratorem scripsisse.

C A P. V.

Quod sacrarum Constitutionum seu Divinationum Libri sint ea fide & integritate, ut necessario omnibus sæculis fuerint sint-ve inter optimos sapientissimosque probandi, summumque bonum suasuri.

Fuit semper usu omnium gentium receptissimum, ut prima fides Oratoris aut Scriptoris ab ipsius persona peteretur. Quisquis enim etiam de rebus præstantissimis verba facturus aut dicturus, sola auctoritate, aut solo rerum fine moveri debere suos Auditores, ita ut semper illis persuadeat, velit, toto errat cœlo. Quot enim jam à condito Orbe Principes fategere, ut suis Populis ob solam auctoritatis rationem ponerent ad hoc ut in officio retinere homines possent? Tamen ex totius Orbis terrarum imperio, in quo ad hanc diem fuere innumerabiles summaque auctoritate Principes, si Leges *Juris Romani Justiniani* Imperatoris curâ conservatas excipias, nil planè super-

A esse reperias. Licet verò sint præstantissima & ad homines in officium cogendos aut in eodem retinendos aptissima, quæ innumeri sapientiâ, aut, ut rectius loquar, prudentiâ insignes Viri de Politia, de Oeconomica, de Moribus, de Legibus, & in summa de omnibus illis Doctrinis, quæ ad officiorum rationem spectant, præclarissime, doctissime, argutissimeque scripserint; tamen illa omnia aut interierunt, aut si exstant, ut innumera adhuc exstant, tantumdem planè faciunt in promovendo, quantum si scripta non essent. Hinc licet innumeri in toto terrarum Orbe dent operam

B *Platoni, Aristoteli, Isocrati, Ciceroni*, & cæteris hujus notæ primariæ Viris, nullum tamen unquam reperire liceat, qui revera moribus sanctioribus sit effectus ex eorum lectione. Illæ enim disciplinæ doctiores quidem, sed sanctiores non reddunt, ea una de re quod ne ipsis quidem Scriptoribus, quamvis sint verissima, fidem suæ veritatis fecerunt: fuere enim corruptissimi in se, qui optimè cæteris tantum, & non sibi scripserunt. Quod si ipsa accesserit vitæ morumque probitas, veraque in Scriptoribus sapientiâ, quæ in bonitate consistit, conjunctaque cum auctoritate & doctrina fuerit, est omnino necessarium ut

C summam omnibus sæculis fidem faciat, & è converso, est omnino impossibile, ut ulla doctrina aut legislatio post dissipatos suos Populos sit superstes, & multò minus possibile, ut ex primis ad alios informandos transeat, nisi sit divina institutio à summa auctoritate potentia-ve, à summa sapientiâ, & à summa bonitate profecta. Inde verissime est ab *Horatio* scriptum, si verè, ut scripsit, intellectum voluisset,

— si vis me flere, dolendum est
Primum ipsi tibi — — —

D Quasi dicat, sis bonus oportet, si mihi vis suadere ut ipse bonus sim. Quotquot itaque aliter docuere quàm fecerunt, & se & suos luserunt Auditores. Hinc perdita veri fides: quamvis enim verissima utilissimaque scribantur, si non suasurunt ipsimet Oratori & Scriptori, qui fieri poterit ut mihi suadeant? Quum autem videamus ipsos sacræ Divinationis Libros, qui in *Hebræorum* litteris potissimum servantur, jam totis tribus annorum millibus (quum tamen meræ videantur ineptiæ, si ad summorum Philosophorum scripta conferantur) non tantum fuisse inter suos ubivis terrarum sparsos, conservatos, & litteris moribusque observatos assidue, sed sensim tantam suæ veritatis fidem fecisse, ut ferè totius Orbis terrarum institutio ab ipsis dependeat, divinitus hoc fieri fateamur oportet. Si quis autem diligentissime apud se consideret tempus, quando apud suos destructo *Judeorum* imperio periisse omnino debebant, tunc sensim unâ cum summa absurditate mundi, Orbem terrarum summâ auctoritate, sapientiâ, & verâ bonitate replevisse, necessario colliget isthæc Axiomata. Quod, quum videantur absurdissimæ doctrinæ, & ab eloquentia rationeque humana omnino alienæ, tamen quando apud suos periisse debebant Orbem replevere, opus est illud à Divina Providentia esse factum, quod contra voluntatem judiciumque humanum factum videmus. Quod, quum non solum suâ simplicitate & infantia fretæ, sed mysterio Crucis toti mundo deridendo unitæ contra gloriam & cupitos honores, contra luxum & superfluas voluptates, contra avaritiam & fluxas opes, probra, dolores, paupertatemque suis sectatoribus suasere, rem omnino humanæ sapientiæ, quæ contra ista pugnat, contrariam. Adde, Quod tunc omnes doctrinæ mundi & *Græcis* & *Latinis* ingeniis excul-

E

F

tissimæ, summæque eloquentiâ expositæ, tunc summo in imperio mundi versabantur, quum isthæc insipiens sapientia illis invitis & obsistentibus vicit Orbem terrarum. Unde est omnino colligendum pro Axiomate generali, Hujusmodi scripta esse divinitus inspirata, & ab optimis Viris, quique primi illa observarunt, esse scripta, & ut impiis solæque nomine Philosophis sunt ridicula, ita ab integerrimis sunt assidue probata inque præsentem deducta auctoritatem. Quum autem obsistentibus huic doctrinæ omnibus potentiis & sapientiis mundi, tantò magis Orbem occuparint, quantò magis sunt oppressæ, necesse est ut ratione solius bonitatis, tam in ipsis scriptis resperse, quam in suis Auctoribus inhabitantis, contra Universi potentiam obtinuerint. Colligitur præterea in æternum ideo duraturas has Litteras, quamdiu videlicet mundus durabit, eò quòd sicut causa causarum non solâ potentiâ, aut solâ sapientiâ, aut potentiâ & sapientiâ solùm, sed potissimum bonitate aut benevolentia fuit & est causa omnium rerum, sic hæc Sacra Scripta non solâ potentiâ auctoritate-ve, instar legum aut constitutionum Principum, nec solâ humanâ sapientiâ, ut Scripta Philosophorum, nec auctoritate & prudentiâ tantum, ut sunt ea quæ a potentibus sapientibusque Viris sunt de Moribus aut Religione conscripta, sed potissimum ab ipsa divina bonitate in bonos viros transfusa divino jussu sunt conscripta. Una ista causa, bonitas videlicet, defuit illis Scriptoribus humanitatis pro gloriæ & amoris proprii compendio scribentibus, quam ideo sapientissimi Vates sanctissimique Prophetæ in paupertate, probro, & dolore quæsierunt, ut universi gloriam causæ universorum redderent, verosque honores, delicias, & opes, fluxa omnia fugiendo, & sibi & Orbi compararent.

CAP. VI.

Quòd necesse est præcipuum Sacræ Divinationis Auctorem esse summâ, quæ unquam in mundo possit oboriri, potentiâ, sapientiâ, & bonitate, ejusque Doctrinam esse rationi conjunctissimam.

Licet universa ejus Doctrinæ tractatio, quæ tam in legibus, quam iis libris sententiisque, quæ ad mores spectant, est exposita, visa sit suis ipsis Auctoribus rationi tam conjuncta ut duce ratione ubivis gentium probari debuerit, tamen illi præstantissimam sui partem omnino deesse ideo judicandum est, & quòd nullum unquam bonum virum aut fecerit aut se ipso reddiderit meliorem, & quòd illis tam egregiè, ornatè, eloquenterque tractatis sensum mundus prætulit eas Doctrinas, quæ ipsis mundi Sapientibus videntur etiam lectu indignæ. Quòd si mihi opponant hoc propterea fieri, quòd deteriora semper vincere soleant, (quòd non ambigo renascentem ubivis Impietatem dicere) aut falsò objicere se, aut nullam esse mundo causam providentiam-ve, quæ curam rerum humanarum habeat, affirmabunt, ipsiusque impietatis assertionem ex numero hominum tolli merebuntur. Hoc autem ultimum, quum nusquam gentium sint liberè dicturi, etsi id maximè cupiunt effutire, quin se hac una ratione mentiri deprehendant nemo dubitarit. Nam inter multos mundi Principes extra veri DEI cognitionem positos quin fuerint aliqui, iique non pauci, qui saltegerunt ut leges institutiones-ve suorum Populorum essent & rationi conjunctissimæ & diuturnissimæ, mihi nusquam negabunt. *Lycurgus* saltem, & *Numa*, *Charondas*, & *Zamolxis*, qui imperia

A suorum cum summa prudentia retinere, legibusque sanctissimis, ut sibi visum est, suos instituerunt, nec tamen facere potuerunt ut ad posteros eorum doctrinæ pervenerint, quamvis nemo non applausit illorum sententiæ. Factum itaque non est ut sacra vicerint eò quòd deteriora vincant, sed quia sæcula semper proficiunt, illa tanquam vana & à veræ causæ cognitione aliena perire; hæc autem quantò magis sunt oppressa, impetita, aut irrita profecerunt, ita ut revera hodie in toto terrarum Orbe supersit *Moses* unus pro Reipublicæ basi cum illis *Romanarum* Legum, seu humani Juris, quod à virtute *Romæ* incumbenti & ab ipso Principe mundi *Noacho* olim delecta pendet. Nam licet in Oriente res *Christianorum* per nostrorum Principum factiones sint accisæ, *Judei* autem per pauci sint, iique ubivis exsulum instar agant, tamen Orbis *Ismaelitarum* est in eorum locum substitutus à Divina Providentia, ut potius quam periret Sacræ Divinationis memoria, *Ismaelite* adulterinis doctrinis & sui Auctoris similibus Orbem in *Syriacæ* doctrinæ memoria continerent. Est itaque summa potentia mundi in eo, cujus nomine retinentur sacra contra omnes impugnationes mundi. Solus verò DEUS hoc potest, ut quò magis oppugnatur, tantò magis prævaleat. Summa etiam sit sapientia necesse est, quæ universorum mundi Sapientum conatum superarit. Bonitas certè, quæ cæteras vincit palliataque ostendit, sola summa est, & omnipotens. Quum autem CHRISTUS hoc fecerit, ut *Judeorum* Libri, qui inter paucos *Judeos* asservabantur, in totum Orbem ita transierint, ut in illorum verba sit juratum ubivis gentium, ut qui est potentior, sapientior, & melior in infinitum ipso *Mose*, sit omnipotens, omnisapiens, & optimus, omnibonus-ve necesse est. Quòd si *Mosis* dogmata, invitâ totius mundi potentiâ & sapientiâ, suas cæteris intercidentibus leges asservavit, quantus est? Quantus autem erit ille de quo suam edidit legislationem? CHRISTUS itaque est omnium legum & potentiarum mundi apex, cui tamen uni, quamvis invitus potentissimusque, tamen summo perè inservit *Ismaelites*. Quum autem DEUS & Natura nil faciant frustra, fieri non potest quin in ea Doctrina, quam invitis Sapientibus mundi DEUS solus Orbi suasit, habeat in se rationem summam, & quæ omnibus Sapientum rationibus sit superior. Sapientes mundi, imò hominum stultissimi, eò quòd viderent usque adeò natura duce insitam esse in animis humanis cognitionem DEI, ut qui de illò timendo, colendo, & amando verba facerent, communia & puerilia homineque indigna judicarent: & ideo ne viderentur simplicitati affines exhorruere de ipso mentionem ingerere, quod in *Aristotele* potissimum videas, quumque de causis & per causas se docere deque summo bono eligendo & amando ubivis se dicere affirmet, ne semel quidem videas aut ipsum in DEI laudem prorupisse, aut suasisse ut illa causa causarum, per quam omnia sunt, eligatur amanda colendaque & maximè cognoscenda. Hoc enim illum puduisset. Sacra contra: censent enim omnia sensibus objecta esse omnino DEO & causæ primæ ut æquum est posthabenda. Quid enim amentius videri posset, quam ut amentur quædam expetenda, ut sunt scientiæ, opes, virtutes, valetudo, & cætera omnia, quæ inter expetenda reponuntur, causam autem ipsam & summi boni fontem, unde talia habent ut expetantur, negligere? Sapientiæ itaque principium & finis summaque ratio omnium rerum ita est, non solùm ut scias fatearisque esse causam mundo, sed ut ejus nomine, quæcumque illa sit, non solùm famam, valetudinem, & opes videlicet animi, corporis,

Et media imprimis expetenda bona spernas ponasque lubenter, veluti ipsi Auctori gratias habiturus, sed ut loco famæ probra, pro valetudine dolores, pro opibus summam patiari pauperiem. Hæc autem sunt ponenda, non ut DEO qui non eget reddantur, aut ejus nomine patiamur, sed ut Reipublicæ aut cujuscvis alterius hominis conservandi gratiâ, ad solius primæ causæ gloriam hoc facias. Hæc est lex æterna & sacrorum finis extremaque ratio, cujus causâ factus est mundus. Non satis itaque est virtutem propter virtutem, aut bonum propter seipsum appetere, sed est omnino opus ut omnia expetenda propter illam causam solummodo expetantur, quæ & illa expetenda fecit, & nobis animum verum expetendorum judicem dedit. Omnes doctrinæ mundi, quæ non sic docent, pereant necesse est, ut hæcenus innumera perire. Quantum verò sunt futuræ superstites, tantum Divinationi primæ servire illas est necessarium, sicut Legum humanarum meliorem partem inservire Christianæ Reipublicæ videmus.

C A P. VII.

Quod nulla unquam discussio gravior est in illos Auctores habita quam in eos qui Sacra Divinationis Libros scripsere.

SUPERsunt hodie duo *Judeorum* genera, *Samaritani*, & *Communes*, qui jam ante bis mille & quingentos annos tanto sunt erga se ipsos odio, ut omnino illorum pertinacia videatur irreconciliabilis. *Samaritani* tam pertinaciter dissidendo à moribus *Talmudistarum*, (sic enim *Communes* volunt vocari) ut post separatas decem Tribus ab imperio legitimo *Jude* nunquam conversari in rebus sacris unâ voluerint, ita ut post quinque *Mosis* Libros, nullos cæterorum, qui in *Judaico* & *Christiano* Canone habentur, recipere voluerint, asserantque omnia sacra esse perversa apud *Communes*, faciunt maximam fidem, quod *Mosis* Libri sint summa integritate apud nos & apud *Talmudistas*, quia omnino, ut ipsi apud eos probavimus, & illorum Exemplaria *Samaritano* depicta characteres sunt planè eadem cum *Hebraicis*. Illa itaque discussio fidem summam facit. Quanto autem odio inter *Judeos* & *Christianos* sit ad hanc diem jam totis 1500. annis laboratum, notius est quam ut dici debeat. In hoc autem vel maximè videtur, quod quum sacrarum interpretationum & dogmatum in fidei articulis pridem positorum apud eos unâ cum sacris haberentur, quæ necesse erat ad intelligendas Scripturas tunc apud illos, sicut nunc apud nos fuisse scripta, ob odium nominis *Judaici*, ne nomine quidem ipso audire potuerint nostrates, tamen in ipsis Libris Sacris tanta videtur consensio inter nos & *Judeos*, ut nil planè (nisi ob aliquot loca Interpretum aut Scribarum vitio mutata) differre videantur: non est itaque dubium summa discussione nostrorum factum esse, ut in unius aut alterius Auctoris vel Libri sacra verba & volumen juraretur: licet itaque in sensu, tamen in ipsa legis littera nil dissensionis superest. Sed quid non sunt passi impugnationum, quum innumeri huic doctrinæ affines exemplaria innumera corruerint. Unus *Julianus* Imperator disertissimus quam acerbè potuit fieri contra sacra scripsit. *Celsus* argutissimus hoc ipsum fecit. *Porphyrus*, *Pythagoricus* an *Platonius* melior non facilè dixerim, sed ut doctissimus, ita acerrimus nominis *Christiani* insectator, & Doctrinam & Libros summo cum favore totius impietatis mundi evertere conatus est; innumera suarum in-

vestivarum volumina curarunt transcribi asservarique. Sed quid? tantò illustrior facta est ea Doctrina, quantò magis est concussa. Nulla verò fuit major discussio Doctrinæ & Auctorum, quam quum innumeri omnium doctrinarum claritate celebres, ut testatum DEO & Orbi facerent, quanta in illis virtus lateat, clarissimi miraculis toti Orbi notis, fortunarum, vitæ, & famæ præsentis jacturam libentissimè fecere, unde moti multi in Philosophorum litteris instructissimi rectè judicabant, non posse hoc nisi per præstantissimum Doctrinæ genus fieri, & non nisi in optimis Viris consummari, ut omnino alacres ad mortem ultrò se potius offerrent, quam vel latum unguem à sacrorum CHRISTI institutorum præscriptis recederent. Hic est veritatis basis, tantum scit homo quantum operatur. Tantum pro ipsius datoris honore impendas oportet, & non coactus tantum, ut in morte sit, sed ultrò quum adhuc uti posses, quantum ab ipso acceperis. Quod si te velis maximè summo amatori DEO-ve probare, ut ejus verba ferventur, opus est te animam ad infamiam, corpus ad dolores, & universam creaturam in tui ipsius afflictionem acceptare. Sic erat eorum erga DEUM animus, qui nobis hanc Doctrinam tradidere, ut homo, qui solus Naturæ ordines pervertit, ipsi toti luat Naturæ quod in eam admisit. Hæc est lex æterna, finis, & principium sacrorum, ut qualem velles tibi obnoxios subditos-ve rationem rerum erga te aut filios tuos inire, talem tu ipse erga DEUM universi parentem in eas. Eò nos ducunt vera sacra.

C A P. VIII.

Externa probatorum Auctorum testimonia pro sacrorum fide.

OMISSIS permultis illis Auctoribus, quos *Josephus* pro antiquitate, auctoritate, & fide sacrorum *Syrorum* & Populi DEI citat, unius solius rationem adferam. Ubi enim causas adfert cur tam pauci sacrorum meminerint, ait divinitus fuisse prohibitos omnium gentium Scriptores ne in sua Scripta transfunderent & sacra. Inducit verò *Theopompum* ejus rei testem. Quum enim in suas Historias vellet sacra *Hebraeorum* transfundere, ipso ad transcribendum accincto statim divinitus lux oculorum illi est adempta, nec prius est restituta quam DEO *Hebraeorum* promiserit se ejus sacra nunquam attrectaturum, ut cum reliquis Historiis profanaret. Divina Providentia id curavit, ne illa, quæ in prima veritatis ratione habenda voluit, litteris eorum admiscerentur, qui nil fabulis non repleverunt. *Berosus* quidem ex *Babylonica* Historia sacris tam gente quam litteris proxima ostendit fuisse licitum *Chaldeis* quod non fuit *Græcis*: Diluvii enim Historia apud eos servabatur. Antiquitas *Judaica* & Libri contra *Appionem* faciunt eorum Auctorum fidem; illuc remitto, ne actum agam. Similiter, permulta, quæ in Historia Ecclesiastica sunt, quum inde possint peti, illic relinquam petenda volentibus: nondum enim animadvertam adferre visum est. Nullus locus magis CHRISTI Regis Regum magnitudinem explicat quam qui est apud *Plutarchum* in libro, *Cur defecerint Oracula*. Ait enim, ut jam pridem in Libro de Orbis terræ Concordia notavimus, temporibus *Tiberii Cæsaris* (quum CHRISTUS in cruce obiit) navem unam rectore nauclero-ve *Ægyptio* à *Græcia* versus *Italiam* contendentem constituisse ad vesperam in littore *Epireo* non longè à *Strophadiis*. Quumque alii coenam nondum complessent, alii autem jam cubitum irent, audita est in aëre vox sæpius inculcans *Tamuz, Tamuz, Tamuz*.

Hoc

Hoc erat proprium naucleri nomen, toti alioqui navi incognitum, ad quod quum respondit nauclerus, ea vox subjunxit in aëre, quum fueris juxta *Palodes*, (si rectè memini loci, nam nec *Plutarchus* hic, nec nostrum Opus adest) clama toto conatu, *ὅτι πᾶν θεὸς ἀπέθανε*, i. e. *Deus universitatis obiit*. Consultum est inter omnes de hac voce quid agendum esset, statutumque est, si navis in tranquillitate ibi cessaret, nauclerum hoc exclamaturum, sin autem misso phantasmatis præcepto ultrà transituros; statim ubi navis eò loci quò jussèrat spiritus constitit, tranquillitas summa & ventus cessans fecit, ut jussà facere *Tamuz* cogeretur. Ubi inclamavit; statim admirabilis ejulatus & vocum confusio audita est, & tanto fragore & motus in aëre effectus est, ut *Tiberius* eodem tempore audiverit *Pan* esse mortuum, & advocatis Philosophis, qui de vitâ & morte Deorum disceptarent, miserit etiam ad *Tamuzium* nauclerum hac de re accersendum *Romæ*, à qua tamen ab eò loco, ubi erat *Tamuz*, sunt plusquam octingenta passuum millia. Unde necesse est ut, quum audiverint illi spiritus de morte Imperatoris omnium spirituum, seu ad condemnationem, seu ad compassionem (nam cujus generis essent vix judicaretur) sint emoti, statim illud auditum *Romæ* exposuerint. Quòd autem illi spiritus vocarent **CHRISTUM** *πᾶν pan*, id est, *universale*, hoc est usitatissimum in sacris. Ipsi Auctores sacrorum *Mosis*que auditores, quibus Auctoribus sacra probata sunt, ubicumque vox *ἡ col*, quæ *universale* sonat, est scripta, exposuerunt in sacris Doctrinis, ut in *Zobare* patet, *mediatricem & motricem universi potentiam*, per quam summus **DEUS** omnia moveret, eamque assererebant esse **MESSIÆ** mentem. Nam eò quòd **DEUS** est motor omnino immobilis & immotus, quique nullis novis aut affectus aut loci motibus posset moveri, natura autem est omnino per se immobilis, & cœlum etiam non nisi per proprias intelligentias mobile, ut nisi adesset unus universitatis spiritus **DEI** vicarius, naturæ individuae auctor, quem *Græci πᾶν*, *Hebræi ὁ* vocant, nîl planè posset moveri. Hic est Intellectus seu Mens & Spiritus generalis, de quo postea. Ait ibidem *Plutarchus* auctore quodam *Demetrio* relatum fuisse, eadem tempestate Dæmones, antea Populis ipsis aut propitii aut minimè damnosî, circa *Orcades* insulas ad fines *Juvernae* & *Albionis* insularum ita sæviisse & aërem concussisse, ut nîl integri in agris, plantis, & ædificiis penè reliquerint. Sentiebant & illi suas ruinas, & ideo illas suo more in suos cultores vindicabant. *Plinius*, cui uni odiosa fuit & ideo ferè ubivis proficissa & insectata Immortalitas & Divinitas, (nam Fato omnia, nîl Providentiæ, nisi coactissimus sui-que dissimilis tribuisse videtur) ambigè admodum & cursim locum unum scriptum lib. vii. *Naturalis Hist.* tractavit, qui revera mihi videtur de alio non posse quàm de **CHRISTO** intelligi. In summo enim probro posuissent aliter quàm in dedecus de **CHRISTO** crucifixo **DEO** loqui: sic habet cap. 52. *Multa etiam vaticinia sunt edita ab illis aut de illis qui à sepultura revixere*. Hæc est sententia, nam *Latinus Plinius* ad manum non est. Fieri non potest, quin ea vaticinia, quæ ipse *Plinius* pro vaticiniis habeat, publicè non extarent. Quare de Libris *Sibyllinis*, qui frequentissimè **CHRISTI**, qui quadraginta annos ante *Plinii* tempora surrexerat, resurrectionem inculcant, cum intelligere judico, aut de ipsissimo **CHRISTO** fonte vaticiniorum, qui post resurrectionem ad quadraginta dies conversatus cum plusquam quingentis viris confirmavit suæ sacrosanctæ Prophetiæ veritatem. Quis verò non putet tunc extitisse inter *Romanos* recentissimam memoriam fa-

A cinorum *Pauli & Neronis*, cui uni (si quicquam prisce credimus Historiis) capite truncatus *Paulus* præsens adfuit, illique omnino dirum eventum quem sortitus est prædixit. Sed sit hæc conjectatio, eaque perlevis, suis rationibus carere non potest. Verumenimverò ad auctoritatem omni exceptione majorem est deveniendum. Non est dubium, quum Senatui *Romano* pro nostra Religione sint porrecti Libelli, Apologiæ, Libri-ve, in quibus ipsis sint producta testimonia aut *Ethnicorum* aut *Sibyllarum* tanquam ex ipsis Archivis & Capitoli Arce desumpta, quin omnino ita sint, uti sunt oblata. Preces enim opus est veritate niti, & multò maximè in ea causa, quæ fuit inter omnes quæ unquam fuere Mundi Potentiis odiosissima, & apud potentissimam Mundi dominationem contra gratiosissimos adversarios tractata. Meminit *Eusebius Cæsariensis* in *Præparationis Evangelicæ* Opere Versuum *Sibyllinorum* ex ipsis Capitoli Archivis desumptorum, in quorum capite, ut Rex ille, qui esset à toto Orbe adorandus, ut *Ciceronis* verbis utar, de quo illa scripta erant, ab ipso nomine agnosceretur, erat scriptum, *Ἰησὺς Χριστὸς, Θεὸς υἱὸς, σωτὴρ, σωτὴρ*, id est, *Jesus Christus, Dei filius, salvator, crux*. *Latinos* illos fecit *Augustinus* lib. xviii. de *Civitate Dei*, cui Versioni demum nostrâ memoriâ *Ludovicus Vives* Græca reddidit. Eorumdem sententiæ meminit *Orosius*. Sed unde desumerentur, nullus majori fide unquam monstravit quàm *Lactantius*, qui ex ipso Capitolio capi apud Imperatorem *Romanum* affirmavit. *Cicero* autem quum *Sibyllinorum* Versuum meminit, ait in ipsorum Versuum capite esse *Acrostichida* *Ἀκροστιχίδα*, in qua Regis adorandi nomen esset expositum, & sic esse per Majores traditum, jam ab ipsa *Sibylla* Regem adorandum in ipso capite contineri. Licet autem nemo potuisset hoc nomen legere antequam ipse appareret, nomenque suum ibi scriptum ederet **JESUS CHRISTUS DEI Filius Servator**, tamen *Romani* religionibus incitati, & putantes se demum ad summum venisse felicitatis quum Regem suum adorassent, voluerunt divinos honores *Augusto Cæsari* tribuere, quos à *Sibylla Tiburtina*, quam de hac re consulebat, admonitus recusavit, ut testis est *Suetonius*, licet non adferat causas veras, sed in modestiam id referat Principis. *Orosius Romanis* *Romanè* scribens altius tradit. Ait enim *Sibyllam* non tantum *Augustum* ab ea impietate deteruisse, sed, ut se jure id suadere & divinitus justam se esse ostenderet, in ipso cœlo & clara luce Genii Angeli-ve ministerio ostendit formam nuper nati Regis adorandi in genitricis ulnis amplexam, quo viso tantum abfuit ut honores divinos sibi assumeret, ut consecrato illo loco, & nomine *Aræ Cœli* nuncupato vetuerit, ne quis illum etiam inter mancipia *Domini* nomine appellaret, sed *Augusti* solum. Meminit spectri & arcus circa solem visi ab *Augusto* *Dion* lib. xlv. licet tempore cum *Orosio* non quadret, uti nec causâ. Testis item *Suetonius*, qui etiam addit, adeò post id temporis *Domini* nomen exhorruisse, ut incogitantem *Mimum*, qui in ipso Theatro in hæc verba prorupisset, *En bonum Dominum*, ob ea verba verberibus contundi jussit, quòd contra edictum fecisset. Sibi enim dici *Augustus* putabat. Illius sacrosanctæ *Acrostichidis* licet obscurius, meminit tamen satis clarè *Dionysius Halicarnassæus* lib. *Rom. Hist.* iv. Ait enim Libros *Sibyllinos*, postquam conflagrassent in *Jovis Capitolini* Templo, fuisse à Legatis in *Græciam* ad eos recuperandos missis reparatos, diversos quidem à primis, sed tamen qui cum primis in *Acrostichide* convenirent. Quòd autem de hac *Acrostichide* intelligat patet: nam Libri illi à *Græcia* repetiti, ad tempus usque *Cice-*

ronis, imò usque ad ipsius *Stiliconis Vandali*, qui illos comburi iussit, durarunt. Malè enim habebat impium & perfidum hominem, qui calamitatem in Orbem *Romanum*, imò in Universum excitavit, illic esse prænotatum, uti summam malorum causam. Sed non est dubium alias causas esse, quæ tantopere à *Domini* nomine *Augustum* deterrent. *Suetonius* enim ait: Eo tempore *Romæ* percrebuisse famam, quòd ex *Judeorum* Gente nasceretur qui imperio Orbis terrarum potiretur. Quod de *CHRISTI* fama debere intelligi nemo dubitat. Hanc famam, antequam apud populares percrebresceret, non est dubium & Senatui & *Augusto* innotuisse. *Herodes* alienigena dono à *Romanis* acceperat *Judææ* regnum, ut *Cæsarem* recognosceret. Sategit primò apud Senatum ut sciretur de Gentis *Judaicæ* pervicacia, & de illorum *MESSIA*, quem certissimè de sanguine regio generis *Davidici* nasciturum *Judæi* sperabant, unde, ut liceret regnum in pace continere, *Romanis* annuentibus, quotquot ex Principum aut Sacerdotum avito sanguine erant, curavit interfici, ut divinum in illis semen exstingueretur. Nam si usquam gentium tantum sanguinis eorum, qui imperata facere non detrectant, quivis Princeps, nedum Tyrannus fudisset, sub *Romano* Imperio, inultum scelus nunquam reliquissent *Romani*, maxime Legatis Populorum expostulantibus. Sed quia illa fama percrebuerat, ideo hæc illi dissimulante *Augusto* & Senatu licuere. Quum autem postquam triginta annos regnasset vidit advenisse à summis Orientis finibus Magos principes & rerum & astrorum peritissimos, qui tunc debere nasci in *Judæa* Regem adorandum *Judeorum* assererent, tunc demum misit *Romam* advenisse tempus, in quo natus ille Rex *Judeorum* possit deprehendi. Sed sic interim esse consulendum rebus sensit. Senatum *Augustum*que debere edicto curare, ut Orbis describatur, ad hoc ut dum ista fingitur descriptio, de qua alioqui alibi gentium non fit mentio, Tribus *Judaicæ* in sua loca cogentur, & ante cæteras omnes populares plebeique domus *Davidis*, ad quam rem ordinandam paulò minùs biennio opus fuit. Nam biennio antequam nasceretur *CHRISTUS* visa est in Oriente stella. Sic enim statuit perfidus Tyrannus, aut ab ipsis resciscam Magis quisnam inter tot pueros sit hic puer & Rex adorandus, aut eorum qui sunt à biennio nati nullus evadet, ne meus quidem, ut videar nomini *Romano* fidelis. Sic verò *Romæ* percrebuit estque sæpissimè allata illa fama de Rege Orbis terrarum, unde meritis *Augusti* timor. Inde autem tantum impietatis per Senatum & *Augustum* *Herodi* licuisse clarissimè videtur, quòd non tantum non sunt ulti, ut ubivis gentium erant soliti, sed ipse *Augustus*, alioqui fons acquitatis, quum audisset (ait *Macrobius* in præclare dictis aut factis *Augusti*) inter illos pueros, quos in *Bethlehem* occidisset *Herodes*, etiam proprium filium interemisse, ait ridens, *Malim esse Herodis porcus quàm filius*. Non solum autem ut posset Rex *Judeorum* exstingui, hæc tam immania scelera *Herodi* licuere, sed posterioribus sæculis plusquam ducentis ferè annis à Senatu *Romano* propositum est præmium illi, quisquis *Davidici* sanguinis hominem aut Senatui puniendum dederet aut occideret. Verùm testimonia excellentiæ *Christianæ* ex calumniis *Suetonii Tranquilli* & *Cornelii Taciti* peti possunt. Quum enim in hoc conveniant, quòd maleficii, id est, quorundam operum supernaturalium, reos meritò esse puniendos *Christianos* asserant, fatentur majus cum *Christianis* fuisse Numen quàm cum tota falsi cultus potentia. Erat enim assidue probatum illos tanta pollere virtute, ut precibus nutu-ve solo quum vellent & idola &

A templa fortissima comminuerent, Dæmonibus imperarent, mortuos suscitarent, silentium omnibus Oraculis solo nutu imponerent. Hæc sunt illa maleficia. Sic judicavit *Nero*. *Simo Samaritanus* hominum perditissimus ob præstigias *DEUS* sanctus creditur, & à *Nerone* statuâ donatur. Qui eo præsentem mortuum suscitavit, *Simonem*que de suo impietatis coelo deturbavit *Petrus*, quia *Christianus*, maleficus dicitur. At verò non sic sensit in *Romano* exercitu *M. Aurelius*, quum orationibus Legionis *Christianæ* impetrata est morienti & siti tantum non enecato exercitui *Romano* pluvia copiosissima. Non sic judicavit *Junior Plinius*, ut testis est ejus *Epistola*: innocentissimos enim hominum esse *Christianos* tunc temporis scripsit. Sed quid dicam de Regis adorandi potentia? etiam quando sui cessant ostendit se esse Orbis & Naturæ Imperator. *Julianus* Imperator apostates afflictis ubivis *Christianis* volebat in eorum dedecus inque *Judeorum* gratiam *Jerosolymis* instaurare Templum *Salomonico* simile. Scribit præter *Rufinum Ammianus Marcellinus* à nobis alienus. Constituit operis curatorem *Alypium* Quæstorem, cui *Syriæ* censura in operas constituit. Ventum est ad opus. Fundamenta vetusta effossa repurgataque. Primarius lapis erat ponendus. Ecce repente in sui Creatoris vindictam muta Natura armata est. Ad *Galilei* (sic enim probri gratiâ *CHRISTUS* à *Juliano* vocabatur) in coelo agentis nutum concussum est solum, æquataque sunt fundamenta solo, repentèque globus igneus terrâ erumpens quotquot invenit *Judeorum Ethnicorum*que evertit, occidit, ambussit. Erat autem incredibilis *Judeorum* ex toto Orbe tanquam ad novi *MESSIÆ* operas adjuvandas collecta multitudo Recutitorum. Qui superfuerunt cladi censuerunt, non fuisse rectè initiatum opus. Debuisset instar *Salomonis*, materiâ omnino paratâ, & saxis dedolatis, & non antea, tanti operis jaci fundamenta. In eorum itum est sententiam. Alii ligna comparare, cædere, dedolare, polire, devehere; cæmenta alii contundere, comportare calcem; alii curare multò maxima saxa ingenti mole amoliri, cædere, parare. Ubi omnia reponerentur & expolirentur, maxima *Judeorum* pars ergasteria, in quibus artifices omnia ad libellam reducerentur, construxere, ubi erat maxima multitudo. Mirabile dictu! rursus ex mediis ergasteriis ingens se recollegit ignis globus, qui non solum operibus insistentes enecavit, sed perreptatis totius urbis *Æliæ* vicis, foris, & plateis, quotquot invenit *Judeorum* aut occidit, aut ita signavit, ut nullus esset *Judeorum* superstitum cladi illi, quin in sua veste signatam gereret crucis imaginem colore rubro intinctam, quo miraculo illi ad *CHRISTUM* omnipotentem transivere, & inde inter *Christianos* irrepsit mos, ut sigillo rubro ubivis *Christianis* innotentur *Judæi*. Hæc habui quæ ab externis Auctoribus delibarem in ejus gratiam, cui omnia secunda debentur, quique auctor in nobis est ejus Scripturæ & sacræ Divinationis, in qua & rationis & scælicitatis apex, auctor inquam omnipotens, omnium peritus & optimus motor, cujus vox nobis est pro basi totius veritatis ponenda probandaque. Quum enim sit illa Mens generalis, de qua Philosophus dixit, Mens autem sola extrinsecus accedit, eaque sola est immortalis, (hoc enim modo omnes homines quovis modo mente & ratione superiori utentes sint ejus membra & partes) opus est ut quicquid veri in Mundo versatur, ab eo sit editum, sed ante omnia sacrorum Libri & eorum Conclusiones, quibus subserviant cæteræ Doctrinæ Mundi necesse est. Dilemmate autem isto velim omnes, qui de hac Doctrina ambigerent, rem concludere: Aut causâ providentiæque,

aut forte fortuna-ve Mundus regitur. Si providentiâ, quin CHRISTI Doctrina sit illi charissima, quæ universas abolevit, dubium non est. Hoc enim & *Ismaelitæ* debent CHRISTO quod sunt. Nam si non erat ad semen CHRISTI procreatus & vocatus *Abraham*, non erat *Ismaël*, nec ejus nomine nixum dogma. Sin autem fortunâ dicant, quin sit forte præstantissimâ ille, qui in se & suis per probra gloriam potentiamque, per dolores & corporum afflictiones summa Mundi imperia, luxum, robur, per paupertatem summas opes, adeo ut CHRISTI Magistratus facer toti imperitet Orbi, omnino subegerit, dubium non est. Quare me imprimis huic forti, quæ omnipotens est, affinem esse velim. De anima eodem modo sapientissimè censuit concludendum *Cicero ex Platone*. Aut immortalis est, aut mortalis. Si primum, sanctissimum est secundum virtutem vivere, ob præmium. Si secundum, quod est credere vellem, scire tamen nullo modo hîc possum: illic autem, ubi non est respicientiæ locus, dubium reliquissè stultissimum est. Secura itaque pars, quæ est immortalis felicitatis causâ beneficissè, amplectenda est. Si enim æternam non habuero, saltem temporaria non defuerit, & certus semper fuero.

CAP. IX.

Quæ res sit tractatu dignissima in causis & originibus.

REvera scire est prima præstantissimaque per causam cognoscere. Usû verò & ratione meliorisque hæreseos Philosophorum sententiâ comparatum constitutumque hoc esse videmus, ut de summis rebus & tam à nostro seculo quam ab hoc loco inferiori remotissimis sit apud eos, qui prudentiâ ingenioque valent, dulcius aliquid delibasse, quam vulgaria ista & in communi usu posita absolute cognovissè. Quum itaque hoc naturæ templum, individuis à forma materiaque in suum compositum ductis natum, in Reipublicæ constitutione ita sit deductum, (in quo mihi de genere humano agere tantum decretum est) ut semper fuerit pars una retinendorum in officio Populorum in Religione posita, altera autem in legibus & corporali vinculo constituta. Est enim opus ut composita retineant simplicium suorum naturas, Religio ubivis gentium est instar formæ, civiles constitutiones & ab usu Religionis semotæ sunt in materiæ aut corporis loco habendæ. Nil itaque præstantius potest tractari scirique, quam ut altissimè origines constitutionesque rerum divinarum & humanarum sic tractemus, ut non tantum res ipsas clarissimè demonstramus, sed ut & causas ipsas ab ipsa rerum origine attingamus. Quum autem omnia quæ sunt in Orbe inferiori suas habeant origines, & à cœli excitentur dispositione, in tanta locorum circa universum terrarum Orbem multitudine est ita delectus habendus, ut primum ea quæ sunt nobiliora tradamus. Ideo in considerationibus rerum, quæ in Oriente contingere, opere ad Religionis verioris origines altissimè repetendas instituto, in media ipsa *Syria* cœlo ipso freti docuimus potissimum eos effectus, aut ἀποτελέσματα, ut vocant, quos prima cœli facies in Arietis signo peperit Orbi. Est enim consensu omnium Gentium & potissimum Religionis veræ placitis ita statutum, ut licet in circulo cœli nil sit primum, tamen Arietis signum, aut verni temporis origo sit prima & propter ordinem nobilissima primi mobilis pars. Quum autem in *Indorum*, *Magorum Chaldeorum*, & *Arabum*, *Græcorumque*, qui in hoc studio egregiè versati sunt, doctrinis sit receptum, nullas in toto signorum

A orbe, aut mole ipsa, aut virtute vehementiora esse astra iis, quæ in Leonis signo habentur, ea de reputavi esse mihi secundum precium operæ, ut de *Eturia*, sive *Ethruiria*, ad occiduam *Tiberis* partem constituta, Regione agam, ejusque origines altissimè repetam.

CAP. X.

Qua ratione post tam multos Scriptores, qui in hoc versati sunt argumento, hæc nunc Tractatio sit suscepta?

B MULTos quidem certè esse & in hoc & in plerisque aliis argumentis originum versatos constat, de quibus ipsis dicere esset alterum opus. At verò nullus etiam illorum, qui nuper in hoc argumento versati sunt, inter quos facile primas obtinet *Petrus-Franciscus Giambullarius*, *Academiæ Florentinæ* Alumnus singularis, & trium Linguarum ad suam *Ethruscam* accessione illustris, mihi negabit, tantum ad id argumenti deesse, ut præterquam quod nullus adhuc de prisca *Eturiorum* ratione Religionis, multò minus de Republica tractavit, nullus satis altè originum rationes & causas antecedentes cum suo tradidit veriloquio, finales autem, in quibus omnia sunt posita, ne per somnium quidem cogitarunt. Nil verò mirandum est. Quum enim in rebus vulgatissimis & in ipsa experientia positis in tanta Naturæ obscuritate adhuc versentur homines, ut licet res medica, quam in exemplo hîc ponam, jam ab *Hippocratis* usque temporibus sit assidue in omnium Gentium Litteris elucidata totis duorum millium annorum curriculis, tamen nullus est qui revera ad unius individui temperamentum dignoscendum possit pertigisse. Quantò autem difficilior putamus ipsa variarum Gentium, *Rerumpublicarum*, *Regnorum-ve* instituta, mores, origines, successusque eatenus tradidisse, quatenus sunt à Divinæ Providentiæ, Geniorum cœlestium dispositionum ratione constituta? Ferè enim omnia prius evanescere quam ad inquisitionis suæ rationes etiam medio in usu Litterarum pervenire potuerint. At verò ubi Litterarum aut rara aut nulla publicè exstabant monumenta, res autem sunt antiquissimæ, ita ut vix nostrâ memoriâ inceperint demum post quatuor annorum millia ex prisca *Historiarum* fragmentis repeti, & è mediis *Græcæ* vanitatis fabulis tanquam aurum ex stercore deligi, nemini dubium esse potest, quin, antequam possint omnino pristinæ veritati reddi, sit opus multiplici admodum inquisitione. Quum enim hæc res sit imprimis mortalibus cognitu necessaria, ut sciant altissimâ origine repetere tam à quibus sint primæ Religione imbuti, quam à quibus procreatum sit illorum genus, (impossibile enim est Divinæ Providentiæ ulla assignare rationes, quoque modo rerum humanarum curam habeat, nisi qua causa, quo-ve ortu & modo res sint natæ, constitutæ, servatæ, & in suos eventus jure conductæ, cujus unitis cognitionis gratiâ Mundus iste conditus est) opus est ante omnia satagere, ut quæ defunt, rerum prisca cognitionibus instaurentur. Innumeri penè Scriptores tam sacris persuasionebus addicti quam rationibus humanis freti curaverunt & falsarum & veræ Religionis tradere origines, Populorumque variorum & parentes & institutores posteris manifestare. At quum nullus adhuc pro dignitate (ut probare in hoc Opere statutum mihi est) primam rerum humanarum constitutionem sit persecutus, post tantam Scriptorum multitudinem, tantæ rei colophonem imponere visum,

CAP. XI.

*Quodd primus locus sacer totius Europæ sit
statim ad primam Transiberinæ Regio-
nis partem Romæ constitutus, id-
que ab omnium hominum Pa-
rente Saturno prisco.*

Quum sit prima regnorum & provinciarum ba-
sis in uno loco defigenda tam ob cultus di-
vini quam ob rerum civilium rationes, licet de
Eturia tota sit nobis agendum, tamen necesse est
primò illius constituere regiam. Patebat itaque
tota *Eturia* ab ipso *Tiberi* ad meridianum *Pisæ*,
& à montibus ad mare *Thuscium*, multis olim di-
ves urbibus. Licet itaque varia sit inter ejus Re-
gionis finium Tractatores opinio, & ipsa provin-
cia sit subjecta *Jovi* & *Sagittario*, tamen basis ipsa
apud Priscos erat constituta in *Antipoli* ad *Janicu-
lum* montem sub ipso Leonis signo. Ideo *Græci*,
eò quòd nomen mysteriosum Urbis *Leoninæ* erat
abseonditum, ipso vocabulo sacro destituti, quum
cœpere suis litteris obtenebrare res Priscorum &
suas opiniones veritati supponere, vocarunt eam
Urbem *Antipolim*, cujus *Genius* erat instar omnium
Geniorum Mundi. Nec est putandum, quòd ideo
sit dicta *Antipolis*, quòd esset opposita & adversa
Saturniæ, quæ ultra *Tiberim* est è regione ejus
sit. Nam ipsius *Jani*, qui & *Noachus* & *Ogyges*
est, consensu & nomen & locus fuit concessus il-
lis *Saturniis*, qui ultra *Tiberim* erant. Unde nec
ullo modo *Græci* inficere sategerunt nomen *Satur-
niæ*, quod est absolute *Hebraicum*, & à prima
Lingua Mundi deductum, eò quòd corrupta pars
Romæ semper ibi fuit. Nomine itaque sacrato
אֲרִיֵּל *Arielis* erat consecrata ipsa regia *Tusciæ*, &
primi influxus Mundi, ut *Sacrosancta Moyses* Au-
ditorum Schola docet, ubi explicat imprecationes
contra *Ariel*, *Ariel* inquam, Civitatem assidue à
David obsessam. Sicut enim in Litteris humanio-
ribus ubivis est probatum & receptum, quòd sin-
gula regna, imperia, loca, provinciæ, civitates
erant suis *Geniis*, quos *Angelos* vocamus, conse-
crata, ita ut priusquam bellum susceperetur pri-
mum tutelares illos Deos evocare & veluti sacris
expugnare contenderent, ut ad se transeundo à
suis deficere vellent, sicut etiam in sacris teste *Da-
niele* de Angelico bello legitur, sic etiam non est
dubium assiduâ contentione & sacris ante DEUM
precibus Prophetas omnium rerum & imprimis
substantiarum separatarum & virtutum cœli peri-
tissimos sategisse contendisseque, ut *Genius Jeroso-
lymitanus*, qui primus in ordine est mentium &
intelligentiarum superiorum moventium ut in fi-
nem, *Genium* sibi in *Roma* oppositum devincere
posset. Ideo quum CHRISTUS alioqui totius
Mundi Dominus proprietarius in propria, maximè
propria, id est, in *Judeam* & *Jerosolyma*, venisset
ad hoc ut reciperetur à suis, ibi reprobus non
potuit melius in sua sacrosancta auctoritate conser-
vari quam ubi *David* seu continuus Ecclesiæ Spi-
ritus oppugnaverat *Ariel*. Hac de re sacrosanctus
ille *Saturnus*, *Noachus*, per quem totus Mundus
renascentiam accepit, quum esset & Sapientibus
omnibus & Vatribus Prophetis-ve omnibus, qui,
præter unum CHRISTUM, fuere, doctior, sategit
statim ab *Eturia* seu *Aturia*, quæ in finibus *Ar-
menie* est & *Affyria* dicitur, venire in centrum lo-
ci ab *Ariele* conservati, in quo est basis regni tem-
poralis Mundi, sicut *Jerosolymis* est sedes pontifi-
cia. Quum toti præscripsisset Orbi de vero suo-
rum Geniorum cultu in unius DEI laudem sem-
per convertendo, & maximè *Razi-Himæ* Sacri-
ficibus, totius juventutis institutoribus, suam *Etu-*

riam Affyriam-ve occidentuam, cum alibi tum po-
tissimum in *Antipoli*, in *Saturniæ* autem *Vestalibus*
partem sinistram & foemineam ornasset, voluit lo-
cum facere totius Mundi sacratissimum in *Janiculo*,
& à re ipsa פִּנְיָו depositionis urnæ *Saturni* sancti
nomen relinquere posteris celeberrimum. Quum
enim hoc sit à natura institutum, ut parentum exuvia
sint nobis sacrosanctæ, maximè verò si miraculis
clari commercia cum DEO aut Divis *Geniis*-ve
habuisse visi sunt, inter Sanctos reponi solent, quod
de Martyrum sanctorum loculis ubivis gentium
est demonstratissimum. Hic sacrosanctus *Ogyges*,
placentarum-ve aut panificii auctor sicut & vini-
ficii, unde *Jani* nomen meruit, tanquam auctor &
minister primorum elementorum vitæ humanæ,
tanquam alter Creator (si licet dicere) omnium ani-
mantium, quæ conservavit à Diluvii imbris,
tanquam Universi Parens, & in summa tanquam
hominum sapientissimus sanctissimusque, meruit,
ut urnæ ejus loculi essent sacrosanctissimi, ut cer-
tissimè fuerunt, donec *Græca* nugacitas *Arca-
dicum* pecus suum ad origines *Italiæ* dimisit,
aut, ut verè loquar, falsis memoriis missum fuisse
est mentita. Tunc enim sensim est oblitterata &
loci sacri religio & veri DEI cognitio, ita ut ad
hanc diem vix à *Græca* fabulofitate ad veritatis
imaginem repedare licuerit. Hac de re *Nama* vo-
luit ad pedes *Janiculi* montis instaurare religio-
nem. Sed donec *Petrus* inversa in eum montem
Cruce ibi vitam cum sanguine fudit, ibi instaurari
non potuit: & ab eo tempore solis mutis mysteriis
sine ulla causarum cognitione instauratum locum
sacrum recognoscimus.

CAP. XII.

De ratione etymi Eturiæ & Tusciæ.

Merito & Platoni & Stoicis prima ratio veri
inquirenda videbatur ex etymo. Quum enim
ad hoc ut de veritate & rerum cognitione infor-
memur, usum verborum inter res ipsas & intel-
lectum nostrum DEUS Naturaque voluerit ita in-
tereurrere, ut sine verbo nil planè rerum cogno-
scamus, constat, ut inter varia verba & synony-
ma sunt quædam, quæ rei naturas ab ipsa etymo-
logia magis exprimunt, sic inter omnes Linguas
Mundi opus est esse unam primariam rerumque
veritati proximam, in qua ante omnes vocabulo-
rum elucescat veritas. Volo autem mihi ex sola
auctoritate illorum qui hoc asseverarunt concedi,
quòd sit ipsa *Hebraica*, & quæ illi sunt proximæ,
ut est *Arabica*, *Chaldaica* duæ, *Syriaca*, *Maroni-
tica*-ve, & *Ethiopica*, donec aut ex Opere no-
stro de *Originibus* rationibus pateat, aut si se oc-
casio obtulerit postea confirmare possim. Tam
insigni enim auctoritate & doctrina Viri hoc as-
seruerunt, ut pudeat eorum auctoritati refraga-
ri. Dico itaque *Eturia*, & non *Etruria*, debe-
re dici vocabulum, *Affyriam*que sic in Lingua
Chaldaica dici. Quum enim *Armenia* & *Affy-
ria* provinciæ ad septentrionales *Mesopotamiæ* par-
tes constitutæ sint primæ illæ, quas huma-
num genus à Diluvio creptum inhabitavit, *Af-
syrii* meritò, ad quos etiam *Syros* & *Chaldaeos*
pertinere traditum est, ubi fixissent & genus
& nomen, postquam ducè Parente universita-
tis *Noacho Jano*-ve in *Italiam* devenere, pa-
triæ detulere nomen. Hinc memoriis humani-
tatis ad tempus usque *Plinii* conservatum erat,
primos hominum fuisse hos *Affyrios*, apud quos
tam antiquæ erant disciplinæ & navigandi an-
te cæteros homines usus, ut æternus videretur.
Quum itaque totius Tractationis decur-

fu statuerimus hoc probare posteris, quod Diluvio superstites in *Mediæ*, *Armenia*, & *Affyriæ*, *Chaldaë*que finibus primum expositi, sint in *Italiam* ante omnes homines devoluti, ut qui nauticam in Diluvio didicerant, satis facile probavero, quod corrupta vox *Etruriæ* & *Etruscorum* sit ab *Aturim* seu *Eturim*, id est, *Affyriis*, deducta: fuit enim olim liber usus vocalium, ut in *Græcorum* Linguis & in usu lectionis *Arabica* *Chaldaica*que & *Aethiopica* etiamnum videtur. Quum autem hi *Affyrii* & aurei seculi Duces præstantissimâ fuerint institutione Religionis, in qua una est Reipublicæ, universitatis salus, *Etrurorum* seu *Eturiorum* provincia dicta est *Tuscia*, quasi salutis fons: sic enim vox תושיה in Lingua Sancta sonat. Hinc Cicero lib. 11. de *Natura Deorum* §. 67. tradidit ex antiquæ Religionis placitis, *Janum* illum, de quo agimus, quemque ad *Latine* etymologiæ, *eundi* videlicet, rationem trahere conatur, ignarus Linguae Sanctæ homo, illum inquam *Janum* principem fuisse in sacrificando, quod videlicet fuisset primus *Tusciæ* auctor instituendo sacra in ea provincia, & demum vitâ functus & in suam ἀποθέωσιν relatus primus esset cui sacrificaretur. Nam præterquam quod præcipuum templum illi ad *Argiletum* positum erat à *Numa*, nulla erat in tota Urbe regio, imò ne insula quidem, in qua non esset prima *Jan* ædes, ut videre licet in *Vibio Sequestri* & cæteris qui *Romam* florentem viderunt & scripserunt. Ab *Eturim* itaque sive *Aturim* sensim *Etruri*, & demum ab utroque vocabulo & gentis & ritus *Etrusci* quasi *Eturitisci* invalescente corruptione dicti sunt. *Græci*, alioqui in cæteris Orbis vocabulis externis litteris contenti ad exprimenda propria rerum vocabula, pro *Eturiis Turrhenos*, aut *Tyrrhenos*, *Thyrseos*-ve dixerunt. Et revera, nisi periisset in toto Orbe ob non satis prudentem Religionis zelum amplissima memoria Antiquitatis, possemus hodie videre clarissimè, cur ambitiosissima Gens *Græca* voluerit aut delere aut pervertere *Italiæ* & ante omnes *Tusciæ* monumenta: nam à Majoribus in ipsius *Noachi* doctrinis tam sacris quam astronomicis erat observatum, quod prima cœli Geniorumque felicitas in eo loco erat. Unde crebræ in eas provincias *Græcorum* incursiones, adventus coloniarum. Hinc *Trojanæ* reliquæ illuc à bono Genio devolutæ.

CAP. XIII.

De *Jan* Ogygisque & cæteris *Noachi* vocabulis, à Lingua Sanctæ usu deductis, nec satis cognitis.

Antequam *Syriæ* partes inviserem, memini me Commentatiunculam de *Noachi* nominibus, & de ea fide, quæ Fragmentis *Berosi* haberi debeat, nostro *Giambullario*, magis excitandi quam tantâ eruditione Virum docendi gratiâ, hoc enim esset *Sus Minervam*, scripsisse, in qua Tractatione puto me de istis satis amplè egisse nominibus: nam, ut verum fatear, pudet ineptiarum multarum, quæ aut à *Judeis* quibusdam sunt habitæ instar etymologiarum, aut *Hieronymo* sunt falsò inscriptæ, aut, quod facilius credo, sunt sponte sub alieno nomine confictæ. Sed satis sit verum affirmasse. Falsum enim sponte ruit. Nomina quidem religiosa sunt, ipsi *Noacho* & ejus uxori *Naomæ* imposita ob memoriam beneficii in posteros collati, penè innumera, de quibus, quum agam de Religione, opportunius dicam. Quum enim formæ de potentia materiæ educantur, prius mihi est de his materialibus agendum, quam ad Religionis rationes veniam. Quum posteritas nullum majus à suis beneficium retulerit quam quod, ut vitam ab illis

receptam conservaret, vitæ humanæ adminicula prima receperit, ipsi universorum Parenti duo vocabula, ut suprà dixi, à panificii vinificiique usu sunt indita. *Ogy* enim & *Ogys* ab אגז est dictus, quod primus ex farre placentes conficere docuerit. *Græci* pro *Ogy* aut *Ogyte* *Oxygem* finxerunt, ut possent liberiùs ementitis diluviis nomen sancti Viri præficere & tam Sacræ Historiæ quam *Eturiæ* Traditioni fidem elevare. Fuisse autem *Noacho* nomen *Ogy* vel *Og* (nam ut *Græca* prolixitati, sic Sancta brevitati studet) apud sanctos Patres *Mosis* auditores hinc patet, quod ajunt *Ogum* Gigantem fuisse Diluvio superstitem, & unâ cum *Abrahamo* ad cædem Regum ituro fuisse congressum. Quâ parabolâ volunt tres veritates unâ exprimere. Prima, quod *Noachus*, qui revera solus tanquam Dux debet dici Diluvio superstes, *Ogy* nomen habuerit. Secunda, quod id nominis posteris & domui *Semi*, qui & *Melchisedec*, reliquerit, ut in Pontificatu jus primogenituræ exerceret. Tertia, quod ille ipse *Sem*, qui & *Ogytes* erat, & usum panis vinique magis sacris quam profanis epulis aptabat, cum *Abrahamo* fuerit conversatus. Quod autem ea *Ogytarum* familia & primogenitura in *Syria* ad busta *Adami*, ubi erat primus locus sacer Mundi, habitaret etiam diutissimè post *Abrahami* tempora, *Moses* testatur. Licet enim perditissima bonorum posteritas inter *Ogytas* esset, quum juberetur omnes qui Populo DEI obfisterent exterminare & ferro facere viam, præsentis DEI auxilio fretus securissimusque, tamen infremuit ab *Ogytis* trans *Jordanem* habitantibus; timens eò quod de jure primogenituræ eorum agebatur. Opus enim erat reprobari sacram *Noachitarum* primogenituram, quæ in *Ogytis* depravatis jus suum perdididerat, ut *Abrahamica* illi substitueretur. Tamen impii sunt tantò severiùs exterminandi, quantò à meliori degenerarunt principio. *Moses* porrò paucis admodum, ut solet, & agriculturæ & viticulturæ originem adscribit *Noacho*: ait enim *Genes.* 1x. 20. *Incipit Noach colere terram, & plantare vitem.* Nomen ab ipso pane & vino impositum est; à vino, quod יין dicitur, vocatus est *Janus*, qua voce licet olim præsci *Græci* sint usi unâ cum *Latinis*, tamen ut αἶνον αἶνον à *jain* aut *vain* mutuati sunt, sic loco *Jan* vocarunt *Oenotrium*, utque sibi nomen affingerent, illum, qui sapientissimus fuerat hominum & *Affyrius*, fecere stultissimæ inter omnes *Græcos* Nationis, *Arcadicæ* videlicet, Ducem in *Italiam*. In vetusto illo *Mediceæ* & *Tusciæ* Bibliothecæ Exemplari & nullis opibus æstimabili, quod de *Athenæo* vetusto Scriptore habetur *Florentiæ*, patet, & *Janum* olim usitatum fuisse *Græcis* vocabulum, & ipsum nomen de sua sepultura imposuisse monti *Janiculo*; quâ veritate ad præscas origines affirmandas necessariâ nulla potest esse major: nam qui ejus auctoritatem in hac re imminuere aut fidem elevare vellet, illi profectò etiam suorum Majorum fuerit neganda profapia. Sed ut hæc auctoritas sit magis confirmata, est *Umbriæ* ipsi *Eturiæ* connexæ origo subjungenda.

CAP. XIV.

De *Umbriæ* origine & vocabulo.

Quum hodie sacra apud multos admodum, qui vanis Philosophorum opinionibus addicti quæcumque illorum palato non satisfaciunt subfannare soleant, sint aut in nullo aut in fabularum precio, ita ut nil planè probatum velint nisi ex media Auctorum humanitatis classe id probes, licet hodie toti terrarum Orbi sit ita persuasa generalis Diluvii Historia, ut præter hos impios ho-

mines nullus sit qui improbet, tamen & illis etiam de tanti momenti Historia satisfacere ex classicis Auctoribus volo, ut, quod hodie triplex probat Natio *Judeorum*, *Ismaelitarum*, & *Christianorum* una cum *Indis*, *Abrahamibus*, & *Magis*, qui cum in Religionis placitis alioqui maximè dissentiant, tamen in hac una Diluvii generalis Historia recipienda consentiunt, etiam penè à DEO ipso alieni Auctores fateantur. *Plinius* certè nullum credidit esse DEUM, multò minùs aliquid immortalitatis intellectuum. *Horatius*, insigni vir ingenio, magis *Epicuro* quàm cuivis Sectæ subscripsit. Non dubito quin maleferiatis istis hominibus non faciant hujus opinionis Auctores fidem, quàm Prophetis & divinis hominibus, majorem. Sed ut perditissimi similibus sibi hominum judicium non refugiant, ab impiorum sententia impiis scribam. Itaque ut *Umbriæ* originem ex *Plinio* tradam, etiam fidem Diluvii facere necesse est. Sic igitur ait: *Umbri creduntur antiquissimi totius Italiae Populi; sic à Græcis nuncupati, quod pluviis Diluvii, quas Græci οὐβρὸς ombrous dicunt, fuere superstites.* Quale autem esset hoc Diluvium, unà cum innumeris Auctoribus *Horatius* in *Carm.* testatur, dum ait lib. 1. od. 11. §. 4.

*Terruit gentes, grave ne rediret
Sæculum Pyrrhæ nova monstra questæ.
Omne quum Proteus pecus egit altos
Visere montes: &c.*

Quod debeat intelligi de generali Diluvio in utroque Auctore, nec ad ullum quatuor particularium debeat referri, satis constat, quum supra memorias diluviorum particularium fuerint in *Italia* *Eturiscum*, *Umbri*, & *Aborigines*. Porro ut *Græcæ* fabulositatis etiam rationem reddamus, genus humanum sub *Pyrrha* & *Deucalione* non fuit reparandum lapidibus à tergo tractis, nisi in Diluvio universali sub *Pyrrha* absumptum omnino fuisset humanum genus. Omnes enim faxeo invenimur esse corde & immiti immanique crudelitate. Accepta itaque à sacrorum usu parabolâ, quod impii perfidique homines sint corde lapideo, quod Divina Providentia se emollituram & in carneum conversuram affirmat in sacris, mentiti sunt *Græci*, ut aurei seculi famam à Gente *Eturiæ* decerperent. Et sic volunt non immeritò, ut impium & perfidum genus hominum lapideorum à sua *Pyrrha* & à suo *Thessalico* Diluvio inceperit. Itaque etsi, quoties suas litteras, fabulas, & opiniones Mundo obtulit, omnia perdidit, tamen in suis fabulis priscæ veritatis vestigia nobis servavit. Quum enim ex multa servandarum rerum & memoriarum diligentia Antiqui magis memoriis quàm libris freti fecerint, ut ferè totius Antiquitatis vestigia perierint, nam paucissimi erant libri, ut res esset angustior, & paucis communes iisque Sacerdotibus tantum, Divina Providentia fecit, ut in stercore fabularum veritatis aurum delitesceret. Nec enim (ut præclare ait *Aristoteles*) est ulla fabula, quæ ex aliqua veritate olim ortum non duxerit. Positio veritatis ex *Plinii* historia & *Græcorum* fabula oritur. Quod fuit aliquando Diluvium generale, in quo præter paucos superstites totum genus humanum & animantium fuit consumptum, ita ut fuerit necesse totum genus hominum ab uno *Deucalione* & ab una *Pyrrha* reparari, & tandem ab ea familia eorum qui liberati sunt à Diluvio venire in *Italiam* ejusmodi homines, qui in nominis sui ratione memoriam Diluvii conservarent æternam, sunt *Ombri*, vel *Umbri*, quasi *Umbrii*. Hoc autem nomen est à *Græcis* loco *Hebraici* & veri suppositum: *Gal* enim, ut notavere qui de hac re jam amplè scripserunt, fluctum significat, & aquarum copiam. Unde *Om-*

brii seu *Umbrii* olim vocabantur *Gallum* vel *Galim*, impluviati, quos posteritas vocavit *Gallos*. Adaptatâ verò generalis Diluvii Historia suo aut *Attico* aut *Thessalico*, etiam nomina prisca ex interpretationis ratione jam perversa transumpserunt. Nam *Janum* ipsum *Bifrontem* aliò, sed *Hebræo* vocabulo nuncuparunt *Ducalin*, sive *Deucalion*, aut *Deucalion*, quod duas voces sonat. Fuit enim *Janus* primus ille qui ita instituit Orbem, ut duæ semper Linguae & Traditiones in Rebus publicis essent. Solos enim Ministros, & qui per manus sacra acceperant, oportebat de Numine agere, & tam sanctè conservare, ne unquam in vulgus nomen illud Angeli custodis, unde loci nomen, efflueret, quod à *Mecubalim* Sapientibus *Hebræorum* fuit sanctissimè servatum. Alia Lingua erat usui Reipublicæ communis. Inde *Ducalionis* nomen. *Vestam* autem, quam sacri Interpretes *Noamah* Universi Matrem, quæ igneam virtutem notabat, unde nomen: nam in prima Lingua *WM* & *WMWM* *Es* & *Esta* ignem notat, ut inter alios multos *Cicero* notavit. *Græci* vocarunt *Pyrrham* ἀπὸ τοῦ πυρός, seu ab ipso igne, hoc est, à priscâ *Hebræorum* sapientia. Nam ajunt in suis mysteriis foeminam generalem seu naturam foeminam expiari debere per vaccam *pyrrham* seu ruffam igneam aut subrubram, eò quod naturæ humanæ infirmitas, ab ipso matrum utero, ubi primum sanguis efficitur, contrahitur. Ideo donec illa natura repararetur, erat sanguine sacro pro sanguine maculato litandum. Hæc autem omnia mysteria acceperant à Prophetis *Orphici*, *Pythagorici*, *Mythici*, quæ postea suis fabulis conspurcarunt Poætæ.

CAP. XV.

Quomodo possint esse primi habitatores Italiae Umbri, & Eturi, & Aborigines.

Quum in uno genere non nisi unum possit esse primum, poterit in quæstionem verti, qui fieri possit ut Populi *Italiae* primi habitatores sint plures unis: facile respondero, quum de ratione nominis *Italiae* dixerò. Quod enim hætenus prima nobilissima Mundi regio quasi *Vitalia* aut *Vitulula* à vitulis dicta sit, in qua omnium opum & gloriarum Mundi acervus fuit & est futurus, hoc verò parum probare possum. Jam suprà docui omnia terrestria à Geniorum Angelorum-ve & celesti dispensatione esse constituta, & ea de re *Noachum* instituisse, ut in toto terrarum Orbe sacra summo DEO fierent, & Angelis singulorum locorum custodibus tanquam unius Mentis aut Spiritus generalis membris variis particulares ritus consecrarent. Quum itaque hominum Prophetarumque sapientissimus *Noachus* videret rationem *Basilisci*, seu stellarum fixarum in toto coelo principis, in ipsam maximè *Italiam* in Occasu, & in *Chaldeam*, *Babyloniam*, & *Phoeniciam* in Oriente, ubi præclarissima Mundi imperia erant tunc futura, incumbens, facere ut cumulus acervus-ve totius felicitatis Mundi illic adesset, statuit *Adami* oculis in *Syria* sancta positis, unde omnes Religiones Mundi, relinquere spiritualem Orientis acervum, qui ab *Abrahamo* ex *Chaldea* in *Syriam* traducto est aggregatus in Generatione *Christi*, & in *Italiam* veniens vocari *התליה Atalia*, id est, *Acervum divinum*, voluit, ob liberam frequentemque vocabulum mutationem ex *Atalia* *Italia* facta est. Quum autem *Japetus* esset ejus primogenitus, ut alibi abundè docuimus, ad cujus primogenitos totius Orbis, sede in *Italia* fixa, traduceretur olim imperium illud, *התל Hatal*, id est, ipsum *Acervum*, vocavit. Et ab ipso & à proprietate *Ataliæ* dicta

dicta est. Quum autem ad perfectam Reipublicæ constitutionem opus sit sacro pontificio-ve & regio civili-ve Magistratu & populi obscuri multitudine, (nam Reges olim judicabant ipsi, quum parvæ essent provinciæ & scelera rara) apud *Etrurios* instituit sacrorum *Razi-Hinuorum* ordinem, apud *Umbros* principatum *Gomeritarum* primogenitorum *Japeti*, quum *Hatalus* ad occupandas *Africæ* occiduas sedes se contulisset, unde *Atalanticum* nomen; in parte autem *Transiberina* *Aborigenes* constituit; quorum scire genus nil interesset. Ita enim sunt dicti, non quod essent *Autochthones* indigenæ-ve & terræ filii, aut qui origine carerent; sed quum essent aut ad regendum inepti, aut de stirpe *Chamæseni*, cui maledixerat *DEUS* per *Noachum* & servitiis *Japeti* Semique manciparat, dicti sunt infames & sine origine. Nil enim tam diligenter curabant Antiqui, quam ut matrimonia sancta servarentur, & geneses in Diariis eorum scriberentur qui Reipublicæ regendæ idonei esse viderentur, quod inter *Judeos*, donec natus sit *MESSIAS* Pontifex maximus, semper est factitatum: sic sunt primi *Eturi* seu *Eturifusci*, eò quod non licebat tunc sine informatione religiosa multis annis apud *Etrurios* facta juventutem litterarum morumque capacem domi retinere. Ideo apud *Razi-Hinuos*, id est, sacros fecundatores, solebant omnes formari. Hinc quum res in majorem devenisset multitudinem, singulis ex duodecim Tribubus *Etruriorum* seni primariæ nobilitatis adolescentes informandi dabantur mysteriosè ad religionis *Romanæ* conservationem: sic erant septuaginta duo juvenes principes, de quibus postea in Religione dicam, educati sanctissimè, ne Religio ad sordes traducta cogeretur ob paupertatem mentiri. *Umbri* sunt ab illis *Gallis*, fluctuatis-ve hominibus, qui Diluvio fuerant superstites. Hinc *Gomeritarum* genus. Populus *Aboriginum* sub *Vestalibus* in parte fœminea exeuntis *Tiberis* erant cum *Chamæsenis* & *Sabathio* Pontifice externo. De his *Razi-Hinuus*, Religionis-ve secretæ disseminatoribus, & naturæ humanæ instituendæ præfectis, quale erat olim *Christianorum* Monachorum genus, agit inter multos fide dignissimus *Dionysius Halicarnassæus* in *Romana Historia*. De *Umbri* universi, de *Aboriginibus* nullus non tractavit. Sed à mendaciis *Græcorum* cohibendis temperare non valeo in hac *Aboriginum* Gentis origine.

C A P. XVI.

Unde revera Aborigines dicti sint.

Quum primum unà in eadem regione illud triplex hominum genus fuerit in *Atalia*, videndum est etiam, unde primum nomen habuerit hæc *Aboriginum* Natio. In aurei seculi institutionibus hæc erat prima & in omnium animis scripta lex, quod quisquis ordinibus primogenituræ legitimè imperantis desciscendo obveniret, imperium-ve in concives moliretur, ille tantà laboraret infamiâ, uti patriæ proditor dignusque omnino judicaretur qui veluti nullus in Republica esset, Majorumque suorum, à quibus degenerarat, nomine spoliaretur; cujus opinionis adhuc exstant magna in *Romanis* vestigia, quando *Raudusculæ* portæ ob devitatum imperium fuit nomen impositum, & quum *Picus* præfente Senatu esset discerptus, qui auguratus erat aut familiæ unius aut Reipublicæ successum. Inde enim & opinione sæculis crescente & succedentibus legibus factum est, ut quisquis sponte dominationem invasisset, hostis Reipublicæ & perduellionis reus judicaretur. Ita enim erat constitutum, ut quem *DEUS* Naturaque in ordine imperandi posuisset, ille sic

A formaretur ut imperio dignissimus haberetur. Si verò justè imperandi limites videretur ex ingenii ferocia transgressurus, aut ubi fuisset in imperio, ille statim suis spoliaretur originibus; quæ est in omnium animis posita constitutio. Aureum porro sæculum tandiu in innocentia sua sine ulla dominandi libidine duravit, quamdiu acceptæ ob tyrannides cladis diluvianæ memoria fuit conservata: illuvies enim aquarum generalium non usque adeo ob id cœlitus est demissa, quod omnis caro per libidines confusa viam suam corrupisset, ut verbis sacrorum utar, quam quia perditissimi Tyranni; ad quorum exemplum totus raptabatur Orbis, inque scelus per exempla ruebat, vocari volebant filii DEI, & esse ob id divina origine, quod universos opprimerent: nam vocari in toto terrarum Orbe filii DEI gloriabantur, ceteros autem quos opprimebant homines filios hominum per vocis abjectionem vocabant. Fuit hæc indignitas totis centum annis in toto terrarum Orbe assidue ob Diluvii calamitatem jam ingruentem & cœlitus decretam decantata, remediumque propositum, ut si vellent illi ad misericordiam DEUM flectere, non tantum filii DEI, sed etiam humani generis, in quod insurgerent, omnino refugerent vocabulum, & *Aborigines* fierent. Ut enim videmus eos, qui Legem ubivis suis sceleribus occiderunt, ad nihilari in Republica & à suorum omnino nomine excidi, suisque quantumvis antiquis privari stemmatibus, sic opus erat ut tantum in se illi belli filii DEI descenderent, ut se ipsos indignos nomine humanitatis & terræ filios assererent, quod quia factum non est, Diluvio perire. Prima hæc lex postdiluviana erat, ut qui humanitatem violaret ab ejus gradu excideret, quod ne fieret, aurei seculi homines alieno recentique periculo edocti tantum timebant ut in officio continerentur. Qui dominationem temporalem expeterent inter *Umbros*, penes quos erat jus regni, illi fiebant sensim aborigines, interque populares exauctorati detrudebantur. Nam apud *Razi-Hinuos* ob summam frugalitatem & victus parsimoniam non erat ambitioni locus, sicut nec inter nostrates Sacrificos, quamdiu continentia, humilitate, abjectione, laboribus, inedia, sanguine, vitâ, famæque præsentis dispendio veram promovere pietatem elaborarunt. Jam verò antequam ex *Etruria Asia-ve* in *Europam* veniretur, maxima colluvies *Aboriginum* in Oriente fuit. Totum enim genus *Cham*, sive *Chamæsis*, aut *Chamæseni*, eò quod priscae fraudis vestigia in novum introduxerat Orbem, & reverentiâ minori quam par esset in parentem & suum & Universi commisisset, fuerat servituti fratrum per paternam imprecationem addictus, & per servitutem capite minutus, & inter *Aborigines* reductus. Unde unà cum ipsis *Ataliciis*, seu *Japetitis*, & *Noachitis* multi conveniant *Aborigines* seu *Chamitæ*, quibus tanquam colonis & servis publicis data est pars montium & sinistra fluminis. Unde *Cato* in *Fragmentis Originum* ait, suffragante *Solino*, *Plinio*, *Catone*, & quisquis verius de *Italia* scripsit: *Aborigines*, qui à *Tiberi* ad *Sarnum* habitaverunt, prolem esse *Umbriorum*, quorum urbs vetustissima est *Chamæsenæ*, aut *Camerinæ*, *Camerinum* hodie vocant, quæ ab auctore *Aboriginum* primo nomen habet. Quod autem tam anxie aliqui prisca vocabula, quæ Latina sunt, ad Linguae priscae etymon detorqueant, non placet: nam sensum à Sancta Lingua deflectentes cæteræ per confusionis tyrannicæ poenam sua etiam habere debent vocabula, origines, rationes. Originis vox à luce, quam primum in suo ortu res ortæ concipiunt, dicitur: אור *or* autem in Lingua Sancta lux est. Inde *origo*, *ortus*, *orior*, *aurum*, *aura*, & quæ ab his descendunt, deductæ sunt.

sunt. Nomen illud *Aboriginum* non fuit prius tractum in invidiam, quàm incipiente ducentis post illuviem annis tyrannidum violentia aureum seculum evanescere coepit. Licet enim circa centesimum & tricesimum post Diluvium annum in Turri *Babylonica* convenerint gigantei generis antesignani, ut divinæ obfistere potentiae tentarent, non tamen in vicinos statim est saevitum. *Chamesses* corruptelæ antediluvianæ auctor, sciens sedem *Hataliæ* esse præstantissimam, cum magna *Aboriginum* suorum, videlicet filiorum & nepotum, turba irrupit in *Italiam*, & inficere prisco scelere incœpit quotquot habuit obvios, donec Pater Universi rediens illum compescuit, fecitque ut probrosum nomen eorum *Aboriginum* esset qui illi consensissent. Qui itaque resipuerant ex priscis *Aboriginibus*, (nam poena illa in resipiscentiam tantum, & non in infamiam dabatur, uti in *Christianismo* prisca excommunicatio, inter *Romanos* exauctoratio) sunt in suum genus repositi, nefarii segregati. Sed tamen fieri non potuit quin sensim genus adulterinum in suam ambitionem non repedaverit, favoreque suorum Geniorum usque ad auctoritatem tyrannidis occupatæ venerit, unde *Cæsarum* nomen. Vana itaque & excogitata *Grætanica* fabula est, qua volunt non tantum totius *Græciæ* stupidissimos *Arcadas* parum à belluis differentes dedisse *Italiam* suos *Aborigines*, sed inter illos volunt fuisse non humaniores, sed agrestiores & in montibus *Arcadicis* assuetos. O foelicem tali origine *Italiam*! Sed ne deesset fabulæ fides, ajunt fuisse eorum Ducem *Oenotrium*, illum videlicet sanctorum sanctissimum sapientumque sapientissimum, à quo totus Orbis trahit originem. Non est quidem negandum quin multi admodum fuerint *Jani*, *Oenotrii*, *Japeti*, *Atali*, & similium nominum claritate tecti insignes eo seculo, sicuti inter *Judeos* *Moses*, *Judas*, *Jacobos*, inter *Ismaelitas* *Muhamedes*, *Mustafas*, *Habdallas*, inter *Christianos* nostrorum Sanctorum nominibus claros videmus, unde Historiarum difficultas. Sed quum tempora nullo modo patiantur illam *Græcam* fabulam sua veritate frui, ut in *Joannis Annii Commentariis* videri potest, in merum mendacium censeo reponendum. De *Aboriginibus*, qui tempore *Æneæ* fuere, crediderim quidem à montibus, quos securitatis gratiâ ob piratas inhabitarent, potuisse nomen à *Græca* mereri etymologia. Mons enim *ἄγος* ideo *Græcè* dicitur, quod ea pars terræ ob eminentiam sit prima & ultima *שְׁלֹאָה*, id est, ipsius lucis particeps. Quum autem essent connectæ hæ tres generationes in *Eturiæ* finibus à mari usque ad montes, & pars reprobâ opposuerit *Saturniam* à secundo *Saturno* dictam ipsi *Antipoli* & toti *Eturiæ*, necesse fuit distinguere & originis dedisse rationes.

C A P. XVII.

Quæ esset in Eturia Razi-Hinuorum facultas auctoritasque.

MUltis quidem admodum de causis factum est ut *Deucalionis* sive *Deucalianis* nomen haberet *Janus*, cujus vocem præclarissimam à priscis seculis in sua retraxit *Græcia*. Nam quod duorum sæculorum recitaret historias quas viderat, quod ritu sacrorum & civili institueret, quod sacro profanoque præscriberet Magistratui, quod secreta communiaque traderet, quod de coelestium uti & de terrestrium scientia tractaret, quod Linguâ secretâ mysticâque & communi vulgarique pro ingenii ratione suos informaret, & similia hujusmodi, unde *Bifrontis* meruit statuam, sicut & nomen, tamen certissimum est nullo alio nomine,

quàm quia primum vires ingenii informando potentissimè informari curaret, & demum vires corporis exerceri, ut comparatis utriusque in homine naturæ viribus ne spiritus unquam exstinguerentur, videret tandem ut quisque præstanti & ingenii & virium ornamento nasceretur, præstantissimo etiam modo educaretur, & si non posset inter sacros principes, inter profanos locum haberet, aut saltem inter *Aborigines* minimè malus esset. Falluntur verò totoque errant cœlo, qui putant ea secula summâ doctrinarum præcipuarum cognitione caruisse. Præcipuæ verò & à nostro usu remotissimæ disciplinæ sunt de rebus sacris & de coelestibus, deque eventibus rerum inde eductis, quod soli inter *Orientales* Prophetæ & Magi potuerunt, in qua parte quantum excelluerit *Razi-Hinuorum* Parens factis & delectis locis ostendit. De prophetia sive certissima rerum divinarum intelligentia satis patet ex hoc, quod unus tantâ familiaritate substantiarum separatarum pollebat, ut ad ejus arbitrium sponte omnia genera animantium, ut cum eo salvarentur eorum species, cogerentur. Certitudo etiam aderat homini rerum divinarum tam præsens, ut solus sibi aptaverit Arcam navigium-ve in salutem. Ad hanc verò diem videmus, quàm prudens in cœli effectibus deprehendendis fuerit, quum in toto terrarum Orbe post *Jerusalem* in *Syria*, unde Duces Religionis, nulla in toto Orbe habitatio celebrior, major, potentior-ve fuerit quàm quæ media fuit in *Italia*. Quum itaque sit primum præstantissimumque optimi Patris Patriæ & veri Principis studium, ut nullum individuum eorum, pro quibus conditus Mundus est, negligatur: nam nullus tam infœlici sorte nascitur homo, quin cultu possit utilissimum Reipublicæ fieri membrum; altera pars studii erat, ut ipsum Reipublicæ corpus assiduè religionum moveretur arbitrio, & à DEI timore inciperent omnia moveri. Quos itaque instituit suarum doctrinarum alumnos, primum vitâ integerrimâ incorruptâque esse voluit, ut penes quos sacras Traditiones in usum posteritatis deponeret, jussitque ut in arcanis ita haberent sacras præscriptiones, ut nemo nisi initiatus inter eos, & ad id jam aptus, ut posset velletque quasi nova generatione homines reficere & denuò generare, unde nomen habebant, secretioribus mysticisque imbueretur doctrinis. Hoc enim inter priscæ prudentiæ Professores erat constitutum, ut populari institutioni & legibus esset peculiaris doctrina, quæ omnibus esset communis, cæterum inter ipsos sapientiæ alumnos esset secretior quædam & ab usu vulgari remotissima, à qua vis Prædictionum, Magiæ, & diviniore Sapientiæ pendebat. Sic fuit olim apud *Druidas*, *Umbrosum* seu *Gallorum* sapientiæ conservatores. Sic & apud *Brahmanes*, qui ab illegitimis *Abrahami* filiis in tota *India* nomen & sapientiam sparserunt, quorum hodie in *Brahminis* Sacerdotibus *Indiæ* supersunt imitatores, qui quum populares permittant in falso cultu agere, tamen ipsi inter se secretiores habent Magiæ disciplinas. Inde in *Egypto* fuere litteræ communes & hieroglyphicæ. Apud *Hebræos* sic fuit usitatum interpretationis genus, ut altissimis referta mysteriis non nisi ore in aures transfunderetur discipuli, quamdiu res eorum flourunt. Paulò post in unum Volumen, quod ad manus nostras pervenit, secreta illa disciplina, quam, eò quod recipiatur auditu, & non lectione, *Cabalam* vocarunt, summum genus sapientiæ divinæ. *Razi-Hinui*, id est, secreti propagatores, ea de re dicti sunt. Licet enim instituendæ præessent juventuti & principum potissimum, ut ait *Cicero*, liberos in religionis *Romanæ* conservationem instituerent, tamen scientiam secretiorem

evocandorum Geniorum, alligandorumque prodigiorum, & signorum coelestium interpretandorum, quæ scientia omnino nostro desideratur seculo, sibi unis solisque servabant. Sunt autem illi ipsi *Razi-Hinui* iidem qui & *Etrusci* seu *Eturitufci*, ut quod *Cicero* & cæteri humanitatis Auctores ipsis *Eturitufcis Etruriæ*-ve Sacerdotibus adscribunt, illud ipsum sit *Razi-Hinuorum*. Verum à prisco vocabulo, quod nobis instauratum reliquit *Halicarnassæus*, posteritas sensim deflexit, & pro *Razi-Hinu* *Etruscos* vocavit. *Eturitufci* enim sive *Etrusci* sunt *Etruriæ Tusci*, id est, Sacrifices conservatores.

C A P. XVIII.

Quomodo possit constare quod Janus instituerit Razi-Hinuos & sint iidem cum Eturitufcis, quum Etrusci à Tagete se accepisse suas doctrinas affirmant.

NON immeritò scriptum reliquerunt nostri Majores, quòd veritas, à quocumque dicatur, à DEO Spiritu-ve Sancto est. Unus enim est veritatis fons. Hinc venit illatio, quòd si veritas à quocumque dicatur à Spiritu Sancto est, ergo veritas à quocumque dicta consideranda & recipienda est. Unde nostræ doctrinæ antesignanus *Paulus* volens ostendere, etsi particularis DEO fuerit de Populo *Hebræo*, & secundum illum de *Christiano* cura, tamen ubivis gentium quantavis falsitate obrutarum fecit ut Magistratuum ordinatio ita à DEO esse crederetur, ut non tantum illi in iis qui veritati non obsunt omnino tanquam DEI Ministris obediretur, sed etiam ut summus verusque *Hebræorum* & *Christianorum* DEUS oraretur, ut omnes illi, qui ubivis gentium sunt in dignitate constituti, tranquillam & diurnam vitam agerent. Sic igitur videtur ubivis gentium & Magistratus, & veritas fuisse à DEO. Quare non tantum sunt discutiendæ illæ institutiones, quas à Populo *Hebræo* habemus, sed etiam quæ singulis in locis & maximè *Romæ* occiduae fecit DEUS ut concederentur. Hoc mihi assumptum volo, eò quòd non dubito quosdam statim hinc exclamatorios, me à sacris ad fabulas priscas-ve fictiones convolare, velle priscam superstitionem instaurare. Equidem quum DEUS fecerit ut super sint Auctores humanitatis, quibus fidem omnino elevare non debemus, qui nobis priscarum institutionum memorias reliquerint, enitendum omnino est, ut dispulsis tenebris clarissimè quid à sanctissimis *Noachi* præceptis seculique aurei vita, pro qua DEUS Mundum condiderat, ipsum genus humanum abduxerit, ut possimus ad id repere, quod DEUS semel instituit & voluit. Nam est omnino necessarium, ut prophetia *Lemechi* de filio suo *Noacho* locum in universum quantum DEUS voluit habeat, ut sub ejus instituto restituantur omnia. Sic habet *Genes. v. 29.* *Hic enim consolabitur nos ab operibus nostris & ab afflictione manuum nostrarum, quas habemus à terra, cui maledixit DEUS.* Ex vi divinæ voluntatis & hujus prophetiæ totus Orbis in votis aureum seculum habet, quod frustra appeti non potest. Hæc præmissa volui, ut elaborent una mecum humanitatis amatores ipsius aurei sæculi viviradices exquirere. Unus supra omnium hominum memoriam fuit *Etruriæ* Populus, cui post DEUM verum fuit semper primus Deorum *Janus Bifrons*, *Quadri-frons*, *Dodecabonus*, cujus tamen Manes ad *Tiberim* & juxta *Janiculum* montem magis incubuerunt, & sicut in sanctis *Christianismi* & *Judaismi* hominibus, crebris miraculis adfuit invocanti-

A bus. Credemus-ne negatum hominum sanctissimo, quod *Elie* pallio, quod *Elisæi* cadaveri, quod ipsi maleficæ *Pythoniæ*, quod *Paulo*, quod *Agathæ* & innumeris post mortem contigit, ut sponte aut evocati spiritus non adsint invocantibus? Nonne idem est DEUS *Noachi* & *Christianorum*? Nonne æquè membrum CHRISTI fuit ut & *Paulus*, qui capite cæsus præfens *Neroni* in spiritu adfuit seque instar corporis ostendit? Sacros ille ritus præfens instituerat *Razi-Hinu*, ob negligentiam pessum ibat Religio, & nomen penè & Sacerdotes priscos amiserat. Adfuit in spectro *Tages* puer senex. Ut ut res habeat, *Tages*, aut exaratus puer, aut *Tages Maloc*, auctor hujus *Etruscæ* disciplinæ legitur. Sed concedent sensibiles Genios *Socrati* & *Bruto*, ipsi autem negabunt *Etruriæ* substantiam separatam, quæ bonum Reipublicæ curaret. Non hic adferam Angelos *Abrahami*, *Loti*, *Israëlis*, & *Manoach*, non exercitum illum, quem *Elisæus* puero ostendit, quia in sacris sunt; mediis in Annalibus apud innumeros Scriptores, sed maximè apud *Obsequentem Julium de Prodigis*, monstrabo frequentissimè visas fuisse armatorum & inermium acies & in aëre & in terra usqueadeo, ut ipsæ herbæ & virgulta atteri & comminui eorum pedibus visa sint. Forsan fuit hoc difficilius in *Etruria* DEO quàm alibi terrarum. Atqui spiritus aut spectra non emergunt ex terra. Imò tota vis *Pythicæ* Vaticinationis ab ipsa terra profluxisse legitur. Terra est veluti generalis materia totius corporeæ naturæ, de qua, etsi sunt invisibiles, tamen assidue formæ innumerae (præter eas quæ sunt animarum in animantibus) educuntur, Laresque & Genii dicuntur. Sunt hi Dæmones terrestres, boni beneficique, quibus non tantum *Pythagorici*, sed & *Moses* ipse in sacris suas partes deferri voluit. Ad eam enim rem mittebatur hircus alter in desertum ad *Azazel* Genium terrestrem, à quo caro rebellandi vim habet, ut in secretiori interpretatione sacrorum videre licet. Genius itaque *Etruriæ*, cui ut jungeretur *Janus*, eò venit, instar pueri adfuit, seu ex aratri sulco, seu ex antro, seu ex via, nil refert, semper enim quæreretur cur non aliunde? & ut res esset commendabilior, instar sapientissimi viri loquutus puer fecit ut sacra scriberetur disciplina, quam postea *Malot* seu *Maloc Tages Razi-Hinu* locupletavit. Sed magis mirabuntur, quòd ex prodigiorum interpretatione, ex aruspicina extispicina-ve, & hujuscemodi sacram fecerim disciplinam. Varia quidem certè genera suæ voluntatis cognoscendæ hominesque per Religionem in officio retinendi DEUS dedit mortalibus; sed ad hoc ut omnino gloria in eum referatur. Derelictus est ubivis gentium DEUS. Malus Dæmon in ejus locum successit. Sed res ipsæ, quæ de mediocum genere sunt, poterant tantò magis in DEI laudem converti, quantò sunt majori sapientiæ conjunctæ. Nulla res magis ad timorem DEI incitat quàm vera cujuspiam eventus prædictio. Somnia sunt malefida. Tamen bona pars Religionis à sinceris Sanctorum somniis pendet. Quid fortibus vanius? Tamen principes in nostra Religione Viri fortibus divinæ voluntatis ostendere signum in numero Apostolico complendo. Nomine omnibus Gentibus ipsa fuit Magia in odio: atqui Magi prius ex coelis quàm *Judei* ex Scripturis cognovere CHRISTUM. Ipsa itaque prodigiorum interpretatio, modò gloria DEO reddatur, erat præstantissima scientia Mundi. Prodigia enim & ostenta sunt cœli & Geniorum apotelesmata, per quæ summi DEI voluntas signo sensibili sciebatur, & tam magna erat in bonis viris quanta visa fuit in *Accio Nævio*. Præfens igitur votis aderat *Noachus* cum Patriæ Genio, qui *ΩΝΑΝ*, *Tages*, id est, *Api*

Apicis summæ-ve Coronæ homo, est dictus. Apex enim in Tag dicitur. Chaldaea & Persica Linguæ coronam, sceptrum, & Principis insigne sonat. Unus itaque idemque Populus Etruriæ semper fuit, cui unus Janus fuit Deorum summus, fuit & unus Sacrificum in Razi-Hinuïs & Etruscis ordo. Quare eandem à Jano & à Tagesso opus est fuisse instauratam Disciplinam, ut tanto magis coleretur DEUS summus, quanto præsentior ejus majestas adesse videretur in Disciplina difficillima per suos Interpretes enueleanda.

C A P. XIX.

Quod in gloria posuit Moses & Salomon, in scientia Orientalium & Egyptiorum excelluisse, multò verò magis Noachus.

SUPRA illas, quæ in usu vulgari sunt positæ, quasque liberales vocant, tres apud Præseos fuerunt Disciplinæ. Una supracœlestium rerum, quæ sacra dicitur, cujus fines esse debet, ut moribus singuli homines sint conformes DEO. Altera est cœlestium, id est, effectuum illorum, qui assidue à cœlo ob diversos motus pendent, cujus maximus usus est in præcavendis illis calamitatibus & mutationibus, quæ Reipublicæ imminant. Tertia est in consideratione rerum sub cœlo positarum, quæ quum infinita prænotionis habeat genera, nullum tamen unquam prius habuit, quàm ut ibi motus spiritus naturalis respiceret, id est, in corde & extis, ubi spiritus est materiæ conjunctissimus. Hæc ad prodigiorum naturam interpretandam olim fuit summæ culta; quum enim summò DEO animalia ipsa viva mundaque sacrificaret Noachus, etiam ad ejus DEI honorem rimabatur exta. Primum gentis Disciplinæ est revera Hebræorum, unde & nostra profluxere. Alterum est Abrahamum & Filiorum Orientis, ut sacra dicunt. Tertium proprium fuit Egyptiorum. Veri Magi ex tribus generibus decerpebant quartum. Quod si Moses Legislator in Orientalium Egyptiorumque Disciplina excelluit, ut ipsi testantur Hebræi, Salomon autem Rex sapientissimus suam inde auxit sapientiam, vitio-ne dabitur Noacho Mundi instauratori, quod aliis in Lege DEI fuit laudabile? Potuerat quidem ipse princeps Prophetarum, Magorum, & Sapientum Janus easdem Etruriæ Traditiones de sacris, quæ sub Mose canonicæ duce Decalogo cœlitus petito factæ sunt, suis revelasse Razi-Hinuïs, sicut externos cultus ad legis instar institui voluit, ut suo loco monstrabimus; sed quum sciret ad loca sacra ipsi Adamo in Syria debere auctoritatem Divinæ Religionis, ubi olim Mens mentium CHRISTUS ea de re veniret in propria, referri, non debuit ultra sensibile palpabileque Disciplinæ Divinæ genus suis tradere. Res enim etiam sacrosanctissimæ ipso usu vilescunt, & sensum suos cultores in hypocrisis labi sinunt, ita ut nec corruptæ Disciplinæ instauracionem admittant, nec se à sua dimoveri consuetudine patiantur. Sat itaque habuit illis, quos sciebat ab hoc genere sensibili sacrorum in verum & divinum olim transiuros, (Leo enim ipsi cedit Arieti) ea dedisse cum Lege seu Testamento æterno, quæ aliquando à corporalibus ad spiritualia transirent; quando unum Mundi brachium temporale in jure Japeti Atali-ve in ipsa Italia fuerit fixum, alterum autem spirituale Jerosolymis fuerit ab eadem potentia confirmatum, ut ibi spirituale à corporali pascatur, alatur, & conservetur, ubi CHRISTUS ad hanc rem in propria venit; ubi autem in patriam venit, iterum crucifigi spiritualiter, ut

A generalis potentia Mundi conservetur secundum jura ab ipso Noacho instituta.

C A P. XX.

Quod prisca Romanorum religio ortum ab Etruscis habuerit.

ET si nostrates tam ob cultus verioris rationem, quàm ob falsi cultus ubivis gentium sparsi cognitionem, nec enim aliud fuisse credunt multum quàm quod viderunt, putant nulla unquam verioris Religionis fuisse principia; tamen si ex acuitate & veritate magis quàm ex affectu res ipsas perpendere voluerint, invenient tantò præclariores sanctioresque olim fuisse veri cultus institutiones, quantò postea in deteriores effectus degenerarunt. Et ex hujus axiomatis ratione fatebuntur Romæ, ubi fuit totius Idololatriæ asylon, fuisse olim præclarissimam rerum divinarum institutionem. Antequam enim pseudothrescia in Orbem irrepsisset, licet Fidelibus jam post circumcisum Abrahamam (qui quinquagesimo post Noachi mortem anno Circumcisionem accepit) matrimonia Gentium essent prohibita, tamen Josephus in Egypto sanctissimos liberos suscepit ex Sacerdotis Heliopoleos filia. Moses similiter ex Zippora filia Sacerdotis Madianitarum, qui sunt Arabes & Ismaélite, suscepit liberos Ministros Tabernaculi sancti. Tunc enim ubivis gentium ferè adhuc colebatur proprius regionum Genius vel Angelus. Cananei soli, progenies maledicti Chami, in Syria occupant sacras possessiones, Idololatriæque infecerant, ne summæ Intelligentiæ Mundi, quæ ibi incumbit, sacra facerent. Romæ igitur, quæ pridem, antequam illam Romulus Remusque instaurarent, erat in Antipoli & Saturnia, Noachus fategit perfectissimum instituere cultum. Sicut enim in Syria seu Terra Sancta prima intelligentiarum moventium ut in finem colitur, sic Romæ voluit, ut prima moventium ut in locum & cœlo affixarum coleretur. Nec abhorret hoc à veritate catholica. Censent enim insignes veræ pietatis Interpretes, quod colere Angelos, etsi constitutum esset animata esse sydera, colere eorum spiritus, modò summa laus DEO servaretur, summa pietas esset. Nam Angeli à sanctis viris culti leguntur. Præterquam quod verò est sanctissimum credere, ut sanctissimus ubivis gentium nendum Romæ ad suos Manes sanctissimum instituerit cultum, duobus argumentis videtur omnino ab Etruscis emanasse religiosus ritus Romanorum. Quum enim esset apud eos, qui evocandorum Geniorum & fulminum arte singulari pollebant, periculosissimum & locum & nomen indicare, ubi ratione miraculi urbis fundamenta jacere vellent, tamen invento capite humano, ubi postea Capitolium constitutum est pro Urbis arce, opus fuit adiri Vatem Etruscum, qui precationibus locum muniret, Geniumque suæ alligaret glebæ, unde Romana ad hanc diem felicitas. Certè inter Saturnitas & Aborigines, qui à Tiberi ad Sarnum agebant, non poterat deesse Vates, sed summa sacrorum auctoritas ab Etruscis dependebat, ut hodie Orbis à Leonina. Confirmatur id argumenti ex eo, quod scribit Cicero lib. 1. de Divinatione §. 3. Cumque magna vis (ait) videretur esse & in impetrandis consulendisque rebus, & in monstris interpretandis ac procarandis in Aruspicum disciplina, omnem hanc ex Etruria scientiam adhibebant, ne genus esset ullum Divinationis, quod neglectum ab iis videretur. Alterum verò argumentum inde deductum est ex his ejusdem Scriptoris verbis ab eodem libro desumptis §. 91. 92. In Syria, ait, Chaldaei cognitione astrorum solertiaque ingeniorum antecellunt.

cellunt. *Etruria* autem de cælo tacta sapientissimè animadvertit, eademque interpretatur, quid quibusque ostendatur monstris atque portentis. Quocirca benè apud Majores nostros *Senatus* tum, cum florebat Imperium, decrevit, ut de principum filiis sex singulis *Etruriæ* Populis in disciplinam traderentur, ne ars tanta propter tenuitatem hominum à religionis auctoritate abduceretur ad mercedem & quæstum. Non est dubium, quum summa religionis auctoritas esset in prodigiorum interpretatione, ad hoc fuisse assiduè educatos illos duos & septuaginta juvenes principes, ut *Etruscis* imbuti præceptionibus Rempublicam suam, quum occurreret occasio, regerent. Summos Pontifices habebat *Roma* & Reges Sacrificulos, sed *Etruria* habebat qui illis præscriberent, uti *Moses* supra *Abaron* in sacris fuisse legitur.

CAP. XXI.

Unde primò emerisit falsus inter Romanos cultus.

SUMMA inter optimos aurei sæculi homines contemplatio rerum & divinarum & cœlestium & humanarum fecit, ut pro rerum variis cognitionibus considerationibusque uni & eidem rei varia applicarent nomina; quod fuit in Sacris etiam Litteris usitatum, ut in nominum impositione & mutatione crebra videre licet. Sensim autem posteritas in ferrea terreaque aut fictilia tendens secula, omnino rerum cœlestium oblita, putavit esse diversissima, quæ eadem erant. Accessit impiorum & perditorum hominum tyrannis: quod enim essent scelere contaminatiores, eò magis in præclarissimos Sanctorum titulos involare satagebant, adeò ut impurissimus mortalium *Jupiter* non erubuerit sibi sacrosanctum nomen DEI *Jehovah* vendicare. Successit post eas tenebras *Græca* fabulofitas, quæ ut videretur rebus omnibus dare origines, curavit antiqua abolere veraque exterminare, ut fabulas originibus assereret. Ad illud usque tempus, quo nugari cœpit *Græcia*, tanta Librorum erat paucitas, ut ferè tota veteris Religionis tractatio intercidisset. Quamdiu enim cultus veri DEI & suæ intelligentiæ duravit, magis animis & memoriâ moribusque quàm Libris & Doctrinis servatus est. Ad hæc, ubi viderunt *Etrusci* Latinos Romanosque falsitatis *Græcæ* accepisse commercium, cœperunt etiam *Latinas* Litteras exhorreare, ita ut vix septingentesimo Urbis anno eas admiserint unà cum Imperio.

CAP. XXII.

Quàm multis nominibus *Janus* sit vocatus.

PRÆTER nomina humanitatis, quæ sunt *Nochus* seu *Noachus*, *Janus*, *Ogytes*, *Deucalion*, *Proteus*, *Vertumnus*, *Gallus*, *Pater* *Parens*-ve hominum, ratione divini & super omnes homines qui postea fuerunt summi ingenii, spiritus, & mentis dictus est *Deus*, *Deorum* *Genitor* & *Pater*, *Olympus* seu *Holamaba*, *Arsab*, *Cælum*, *Sol*, *Chaos*, *Semen* *Mundi*, *Anima* *Mundi*, *Motor* *cælorum* & universitatis, & ob sepulturam *Saturnus*, ob præsentem divinitatem *Jehovi* aut *Jehova*, *sceptri* *regnorumque* *Auctor*, *Claviger* *cæli*, *Sages*, *Oenotrius*, & innumeris aliis nominibus pro arbitrio hominum confectis. Cujus rei exemplum facillè in dicatis D. Virgini Matri templis videmus: in *Hispania* enim eadem est *Guadalupensis*, *Monferratenfis*, &c. in *Gallia* *Roccamadaurensis*, *Aquisgranensis*, &c. in *Italia*, præter cætera loca, *Lauretana* à locis ipsis nuncupata. Sic & innumeris ob innumera beneficia mortalibus collata aut mala aver-

runcata nominibus dicitur meritò *CHRISTUS*. Quæ verò nobis est hodie licentia trahendi sacra in allegoriam ad *CHRISTI* (qui *Mens* mentium est, & *DEUS* de *DEO*) gloriam, eadem olim inter aurei sæculi homines erat. *Nochus* autem vel *Noachus* dicebatur, quod ejus institutionibus formatus aliquando *Mundus* quietem & consolationem in hac vita destructa terræ maledictione consequeretur, quod etsi in aureo contigit sæculo, tamen repetito principio duret semper & quamdiu *Mundus* durabit necesse est, quod semel *DEUS* in æternum esse voluit. Nominis *Jan* (à יָן) rationem suprà exposui; *Ogytis* (à אֵי) pariter; sic & *Deucalionis* à דִּיּוּקָלִין: eò enim est dictus, quod duplici semper ratione omnia instar formæ & materiæ diceret curaretque. *Protei* vox *Græca* est, quæ primarium significat. Sicut enim ex *Valentia* *Romam* fecere, putantes se secretius prodere nomen, sic de primo hominum fecere, ut fabulis serviret. *Vertumnus* *Latini* à vertendo ideo dixere, quod in omnes formas, & omnibus omnia fieret, se convertebat. Sed quum peritissimi intelligentiarum separatarum scirent in summo gradu illi extrinsecus adfuisse eam *Mentis* universalis & *Spiritus* generalis partem, quæ summa esset, & instar omnium, & omnia sub *DEO* in rerum naturis administraret, eò quod in omnes formas hominem verum verteret, nomen meruit. Quod *Gallus* à גָּלּוּ sit dictus, ex primogenituræ ejus vocabulo potest cognosci: ejus enim primogenitus fuit *Japetus*, cujus rursus primogenitus fuit *יוֹסֵף* *Gomerus*, primo post *Diluvium* natus anno. *Josephus* autem ait eos, qui suo sæculo *Galli* seu *Galatæ* nominabantur, olim vocatos fuisse *Gomeritas*, quos *Gomer* instituit. *Berosus* autem affirmat in ipsa *Umbria* eos, qui erant ex posteritate *Gomeri*, avito nomine vocatos fuisse à *Jan*o *Gallos*. Quod si deprecemur viri auctoritatem, audiamus *Romanos* & in primis *Catonem*, qui sic ait: *Venisse ex illis, qui Diluvio superstitēs fuerant, ab Armenia Janum in Italiam cum Gallis progenitoribus Umbro- rum* &c. Quare avitum nomen eorum, qui fuerunt *Diluvio* superstitēs, est *Gallus*, fluctibus-ve ereptus, quod avitum nomen soli *Gomeritarum* familiæ voluit dari. Quàm meritò verò *Parens* hominum sit dictus *Gallus*, satis constat. Ratione autem divinitatis dictus est *DEUS*, ob conformitatem cum *Mente* prima: nam in sacris & Angelis, & Judices, & Sacerdotes, & Fideles *Dii* dicuntur, & filii *Excelsi* omnes, *Psal.* LXXXII: 6. Ut enim *Aristoteles* benè dixit ad Theologum seu Metaphysicum spectare, ut de primo Motore, qui omnino immobilis est & immotus, tractet, ita prisca Theologi ut & Philosophi noverant illam *Mentem*, quæ extrinsecus in omnes advenit homines, quæ est *Unitas* creata apud *Boërium*, *Sapientia* creata apud *Petrum Lombardum*, *Fons* idearum *Mens*-ve *Mundi* apud *Platonem*, *Intellectus* generalis omnium hominum actu semper intelligens apud *Plotinum*, *Mundi Anima* *Pythagoricis*, *Mens* *MES- SIÆ* prisca *Hebræorum* Theologis, in summa illa est causa, quam *Aristoteles* assignat sub illo immoto immobilique principio, quæ assiduè moveatur & moveat, quæ alioqui generalis animorum fons, nomine *Mabad* apud *Arabes*, dicitur, cui forsitan posset intellectus generalis ipsius *Aben Reiss* quadrare. Hanc enim naturam *Pythagoras* à Prophetis & *Abrammanibus* didicerat. Quum autem omnes homines immortalitatis divinitatisque seminarium ab ea Natura, quæ consubstantialiter est immoto immobilique *DEO* unita, *DEUS*que est, recipiant, sanctissimi olim homines non immeritò *Deorum* vocabantur nomine à Posteris, sicuti *Sanctos* hodie, quia *DEUS* eorum sanctus est, dicimus. Modò enim res intelligatur, nil inter-

est, utrū primæ Mentis membra voces *Sanctos* aut *Deos*, quum sacra nos omnes *Deos* vocent: periculum tantum in abusu, non in re ipsa esse; hinc sanctitate insignes ex ipso nati fecerunt ut *Deorum* Pater diceretur. *Ὀλύμπιος Olympus* autem, seu *עלכחבא Holamaba Cælum & Seculum venturum*, quod malè *Olybama* legunt, dictus est, quod anima cœli sive intelligentiarum moventium ut in locum præstantissima, & cum qua est sæculi futuri felicitas, DEOque unita, summopere illum inhabitaret. Illam partem, quam nuper dixi, vocant *אשראלי* intellectum agentem, qui movet ut in finem, & causat habitus. Hanc autem intellectum possibilem materiæ ducem. ARSA pro Sole ponunt: est enim luminis princeps Lingua Sancta & Persica. Cælum & Sol voce, non significatione, differunt à præcedentibus. *Chaos* dictus est, eo quod veluti in una massa totius Naturæ universitas ab ejus industria in præsens esse venit, & quod veluti in primario cæoque & latenti Naturæ motu, ipsa solâ Naturâ conscia, omnia delituerunt & demum præsentem hausere lucem, sic omnia accepta ferre debemus uni omnium instauratori *Noacho*. De Semine Mundi par est ratio. Animam Mundi ideo vocabant, quod sese in illum totius Naturæ effudisset virtus & potentia. Abusa est autem Antiquitas sicut & nostra ætas *animæ, animi, spiritusque*, & *mentis* vocabulo. Mens autem seu Intellectus agens, & Intellectus generalis in finem motor, est summum genus substantiæ separatae mobilis. Spiritus & animus in secundo loco, uti anima cœli. Anima autem & corpus sunt inferiora, ob mentis itaque præsentiam dictus est anima Mundi. Eadem ratione motor cœlorum & universitatis. Si enim animal illud, quod omnia movet, & per quod cætera omnia capiunt DEUM, nobis sui copiam facit, jure quæcumque facit nobis concedit. Sumus enim unum in eo, sicut ipse est unum cum DEO, & omnia quæ habet dedit suis: licet enim nec *Noachus*, nec ullus Sanctorum unquam movit cælum, tamen ut cognoscatur Spiritus & Intellectus motor cœli, in nobis opus fuit manifestari, ut dum denominabantur homines à præstantiori eorum parte, illa tandem in seipsa glorificaretur, & per illam DEUS. *Saturni* (אשראלי) nomen est ab arcæ seu urnæ depositione in locum sacrum sepulturæ, quod nomen potissimum ambivere Tyranni. Crediderim facile ut maxima à Priscis temeritas sit commissæ, quum nomen יהוה *Jehova*, aut יהוה *Jehovi* est publicè editum: nam Antiqui in religione semper posuere illius prolationem. Licet autem multis locis in sacris possit probari, quod non tantum de DEO trino & uno dicatur in persona Patris, aut Filii, aut Spiritus Sancti, sed quod etiam de illa Sapientia creata increatae consubstantialiter ante omnia secula unita sit crebrò scriptum, tamen temerè factum puto, quod homini sit adscriptum. Ubi autem *Orphicorum* licentia illud adscripsit primo mobili, venit perditus ille pæderastes *Jupiter Græcorum*, & in sacrum nomen involavit, eo quod fuerat imprudenter adscriptum huic sanctorum hominum antesignano. Sceptri auctor est, quia quicquid est imperiorum justorum ab eo sunt. Ideo clavem cœli gestabat, ut pios instar *Petri* in cælum introduceret, qui videlicet sanctis obtemperassent monitis Testamenti æterni, aut quod ejus bonitate duce & exemplo omnes omnibus paterent ædes, timore impiorum sublato. *שגא Saga* aut *Sagis* vocabulum à magnitudine sanctitateque est. De *Oenotrio* diximus. A singulis porro locis, ubi miracula ejus nomine sunt edita, aut ubi sponte colebatur, uti in duodecim *Eturiæ* Populis, nomina alia capiebat. Similiter & *Vesta* ejus uxor variâ admodum nuncupatione dicebatur: de qua ideo

agendum est, quia totius religiosi cultus basim in alterutro sexu posuit Antiquitas.

CAP. XXIII.

Quàm multiplici nomine diceretur *Noachi* uxor *Vesta*, quaque ratione, deque varia intelligentiarum specie.

ET si inter substantias separatas nulla ideo sexuum videtur differentia, quod nulla sint communiter corpora illis impacta, nihilominus quum diligenter ipsas intelligentias orbium cœlestium & partium eorum inter se diversissimarum motrices consideraverimus, videbimus clarissimè unum ordinem esse instar formarum masculinarumque virtutum longè supra cœlos collocatarum, quæ movent ut in finem ea omnia quæ à cœlo suscitari debent; alterum autem esse instar materiæ omnino orbi impactum, qui quidem instar foeminae uterum gerentis movet ut in locum. Primus ordo olim in secreta *Hebræorum* disciplina masculorum, inferior foeminarum Dearum dicebatur. Ad horum instar est intelligentia anima-ve solis ad lunam: spiritus enim foemininitatis Mundi in luna, masculinitatis autem in sole conspicitur. Quod nostrorum Theologorum antesignanus *Thomas* in Opusculo de Substantiis separatis affirmavit de utroque ordine & motore, ut in finem tanquam semen patris, ut in locum tanquam uterus matris, illud omnino est quod de Intellectu agente & passibili Philosophi tradunt. Quum enim cælum sit assiduus actus & habitus præsentium videlicet in actu, præteritorum, & præsentium in habitu, motor sit etiam in eo potentia ad omne tempus futurum necesse est. Assiduis enim conjunctionibus assidua sit in eo influxus diversitas. Uniformitas itaque & finis à motore ut in finem fieri debet. Diversitas autem influxuum est assidua potentialitas à locorum conjunctionibus pendens, unde tota inferioris naturæ distinctio. Summa itaque Intellectus agentis quadrat omnino illis motricibus ut in finem; Intellectus autem passibilis motricibus ut in locum. Sunt autem hi duo motores in suam unitatem redacti, de quibus *Aristoteles* obscure licet agit in Scriptis de Generatione & Corruptione. Sub immobili enim immotoque DEO ponit unum motorem, qui ideo movet, quia est continuè motus, quique est extra materiam, quod quidem de cœlo ipso intelligi nequit, priusquam ejus intelligentiæ adscripseris. Motor enim immobilis nunquam actu movetur novo motu, quo tamen opus est ad motum cœli excitandum. Ponit autem tertio in loco eam causam, quæ velut in materiæ specie sita est, per quam generatio & corruptio fit. Ea est aut cælum, aut spiritus illi impactus, anima-ve ejus. Et in hoc consentit *Platoni Aristoteles*. Sat fuerit hanc reddidisse rationem, cur Antiquitas constituere voluerit foemineam uti & masculam vim divinitatis. Hinc ubivis gentium *Samothracæ Dii* primus masculus videlicet & prima foemina Mundi. Ea de re נעמה *Naoma*, ut tradunt *Mosis* Auditores, uxor *Noachi* & mater Mundi, de stirpe *Caini* servata sibi, in Italia varia nomina sumpsit: dicta enim est, אשתא, ריה, מיה, *Vesta, Rheach, Maia, Arezia*, à quatuor elementorum proprietate. *Naoman* Antiquitas à pulchritudine vocabat. *Vesta* dicta est ab igne, quem ea de re *Vestalibus* virginibus ab ea consecratis voluit asservari. *Rheach* spiritum sonat aërem-ve. Licet enim omnia sensibilia consistant elementis aut defæcatis, ut cælum, aut corruptioni obnoxiiis, ut quæ extra cælum sunt, tamen inter summâ auctoritate viros fuit disceptatum, quænam esset prima in elementis virtus. Ideo hæc vis foeminea passibilis-

bilisque utramvis quatuor causarum pro suæ actionis dignitate præferre potest. *Maia* dicta est ab aquarum potestate, *Arezia* à terra; illam *Græca* fabulositas Θῆτις *Tbetim*, hanc קבלה *Cybelem* vocarunt, *Tbetim* à positione, *Cybelem* à receptaculo totius Naturæ: Spiritus enim Domini, qui ferebatur super aquas in rerum principio, est hujus materiæ dux, & illam molem intus alit, unde matrum in tota natura virtus. Aliàs כֶּרֶס *Ceres*, eò quod hæc vis omnia veluti ex utero pariat & procreet, dicitur: כֶּרֶס enim *venter* est. Δημήτηρ *Demeter*, ut *Gemeter*, id est, *terra mater*, eadem ratione etymo *Græco* vocatur. Ὠψ, Ὠψ, *Ops* aut *Opis* dicitur, quod faciem effigiemque omnibus tribuat; Πανδώρα *Pandora* eadem ratione, quod omnia det; illa *Hebræa Græcaque*, hæc autem *Græca* tantum etymologia est. Sunt & alia nomina innumera ad Matris Mundi spiritum exprimendum olim excogitata, quæ sensum *Græcia* novitiis adscripsit Diis, ut ex luce malè servata tenebræ natæ sint. Sed unius *Vestæ* communis vocabulum & religio satis tantæ foeminae dignitatem notat. Quum enim in singulis insulis Urbis, sicut & *Janus*, sacras ædes haberet, constructa est demum ædes *Vestæ* communi, de qua scriptum & receptum erat, quod esset instar omnium Dearum, sicut *Janus* omnium Deorum. Nec opus erat, ait *Dionysius Halicarnassæus*, ut qui hanc coleret ullam aliam Deam coleret. Hanc autem spiritus rerum omnium molem Deam *Syram* vocabat superstitio prisca. Hæc autem erat ratio. Quum enim in una Natura una calidi seu ignis in humidum agentis & vitæ omnium basim in ipsa terra constituentis virtus secreto quidem, sed tamen materiæ impactu, spiritu hanc vitæ molem moveat. Ideo, ut vita industriosa Reipublicæ esset diuturnissima, volebant sancti Viri, ut arte ignis, uti elementorum nobilissimum defæcatoriumque, aleretur. Ideo & CHRISTUS Religionis *Noachi*, imò propriæ ipsius instaurator, (nam vita Sanctorum nil aliud est quàm ipsius CHRISTI in sua membra videtis viventisque abscondita) sacras expiationes in Aqua, Igne, & Spiritu Sancto posuit. Ideo vitæ fons est in aqua igne tincta, quæ sanguis est. *Moses* ea de re instituerat, ne unquam exstinguerentur sacrae candelabri lucernæ. Divinitus præterea ignis in summo Templi culmine visus est, quamdiu sacris benè sunt usi *Hebræi*, quibus atrendis flammæ mors dedit signum. Spiritus sanè igneus est Naturæ basis, & quia materiæ impactus est, foeminae adscribi solet. Qui de *Samothracibus* Diis, masculo & foemina generali videlicet, consideravit, facile capiet, ut dixi, cur sacra *Janus* & *Vestæ* Deorum Sanctorum-ve Parentibus facerent, nominaque omnium sanctarum proprietatum naturalium & supernaturalium illis attribuerent. Hinc Philosophorum (si causam primam amasset) principi *Aristoteli* tanta fuit de divina virtute ambiguitas, ut illi meritò adscribat *Cicero* inconstantiam: sic enim lib. 1. de *Natura Deorum* §. 33. de illo scribit: *Aristoteles quoque in tertio de Philosophia libro multa turbat, à Magistro Platone uno dissentiens: modò enim Menti omnem tribuit divinitatem; modò Mundum ipsum Deum dicit esse: modò quemdam alium præficit Mundo, eique eas partes tribuit, ut replicatione Mundi quadam motum regat atque tueatur; tum cæli ardorem Deum dicit esse, non intelligens cælum Mundi esse partem, quem alio loco ipse designavit Deum.* In tanta Naturæ obscuritate versatus est *Aristoteles*, eò quod volens effugere viam doctrinæ *Platonis*, noluit idearum fontes agnoscere. Nam est omnino necessarium ut sicut in tota rerum natura videmus Formam, quæ instar masculi est & mens dicitur, & Materiam, quæ foeminae & matribus dat basin,

A & Compositum, quod ex utroque surgit, ita opus est dari ideas formarum, quæ sunt Montes, Angeli, Genii, Intelligentiæque motrices ut in finem, unde masculinitas, quando in procreatione animantibus prædominant, & species concedi materialium, quæ sunt impactu cælo, & sunt propriè Spiritus aut Intellectus possibiles, à quibus foeminae sunt in animantibus, & demum spiritus ex utroque compositi duces Intelligentias, unde animarum & corporum societas, quæ revera coli sub uno summo DEO ut ejus Ministri debent. Mentium ordo formalis tantum est. Compositum foemina tantum est, quia merè patitur & movetur à superioribus. Cœlestes Intelligentiæ mediæ sunt; ideo regio cœlestis ab *Orphicis* fuit posita communis masculinis & foemineis nomenclaturis Deorum.

CAP. XXIV.

Quòd quicquid à Mose positum in Lege est, quoque est usus in Reipublica Divina institutione, Noachus jam suo sæculo aureo quatenus licuit exposuerit, & primò de litteris.

C ANtequam revera possim demonstrare *Noachum* in *Eturia* suas leges legumque accessione similes illis, quas *Moses Israëlitis* posuit, instituisse, opus est ex ipso sacrorum fonte me prius demonstrare, quòd præter Decalogi Tabulas & peregrinationis *Israëliticæ* occursum diutissimè ante *Mosè* erant sacri ritus. Quod enim ipso duce factum est, ut Lex omnibus *Israëlitis* poneretur, & omnes qui in ejus verba jurarant obligaret, illud pridem inter Patres erat. Nam ut ab initio exordiar, causa septemplex influxus cæli jam ab ipsa Creatione erat notum septenarii mysterium, ita ut ubivis gentium septem diebus numeratis rediretur ad primum facta in septimo numerando quiete, unde adhuc nomina dierum sunt à vocabulis planetarum septem, licet fabulositate *Græcâ* nomina sunt infecta. *Moses* autem primum sacrorum suorum in Paschate posuit ad septimum mensem, cui septem dies Azymorum assignavit. Quum autem *Hanochus* ante Diluvii tempora Propheta fuerit & prophetias scripserit, ut hodie pro canonicis habentur in *Aethiopia*, nullum est dubium, quum omnis prophetia ad laudem DEI tendat, quin *Genesios* seu Creationis Mundi opificium in suis scriptis exposuerit, ideo septena de volatilibus jussus est suo sæculo *Noachus* in Arcam inferre. Auditores porro *Mosis* in *Zoharis* Opere notarunt, ante *Mosè* fuisse Pascha usitatum Patribus ob Diluvii liberationem mense *Octobri*, septima videlicet à *Martio* luna, unde *Græci* anni sacri initium ab autumno incipiunt, ut & *Hebræi*, sicut nostrates à verno æquinoctio: ideo ob novas miraculorum memorias jussus est *Moses*, ut septimus mensis ab autumno illi esset anni principium: assiduis enim miraculorum & cultuum innovationibus regi humanum genus in sacris debet. Quum autem in declarandis immundis & mundis animantibus maxima pars legitimæ tractationis sit occupata, tamen omnia jam erant distincta, quum *Noachus* jussus est tot munda & tot immunda animantia in Arcam introducere. Sacrificare autem & erigere altare DEO primò fuit à *Noacho* factum & institutum. Circumcisio data est *Abrahamo* in signum fidei. Contractus matrimonii cum Fidelibus pater, cum ad *Syros* venit *Oeconomus Abrahami* pro *Isaac* & *Jaacob* uxore ducenda. Omnes enim, qui cum *Theracho* patre *Abrahami* educti fuerant de *Chaldeorum* in *Mesopotamiam*, erant fideles, aut saltem cæteris Populis fideliores. Hinc verè dixerunt filii *Jaacob Genes. xxxiv. 14.* quòd non erat licitum

dare sororem suam *Dinam* homini incircumciso. Sed quid plura moror? Poena etiam stupri & adulterii posita erat ante ingressum in *Aegyptum*, ut in *Thamaris* facinore visum est. Verum certissimam dictorum meorum fidem fecit ipse *Abraham*, de quo scriptum est *Genes. xxvi. 4, 5. Benedicentur in semine tuo omnes gentes, eo quod obedierit Abraham voci meae, & custodierit praecepta & mandata mea, & ceremonias legesque servaverit.* Oblatio autem panis & vini fuit etiam ante *Abrahamum*. Quare nullum est dubium quin ante *Mosem* inter omnes Fideles multò maxima pars Legis in variis fragmentis, prophetiis, & libris circumferebatur, & apocryphè aut clam legebatur, atque à Sanctis (quorum *Noachus* antesignanus est) servabatur per supererogationem, & non per obligationem, donec, accepto in Tabulis Divinis Decalogo coelitus, accepit Legis compendium & ejusdem finem cum litteris illis, in quibus expositi postea Libri sancti *Moseos* sunt characterum mysterio unà conjuncti, & coeperunt omnes obligare, postquam semel sunt recepti. Quin fuerit summus omnium divinorum praeceptorum, & tam in lege scripta quàm in cordibus scriptorum, observator ille, per quem genus humanum ab aquarum clade liberatum est, nemo dubitavit. Quin autem suos ita instituerit, (salvis mysteriis *Syriacis* *Adamo* veteri in novo debitis) uti & ipse erat institutus, nullum est dubium. Obstabant verò multa, ne absolute, simpliciter, & palam posset omnia exponere *Noachus*, quæ & *Moses*, licet omnia illa novisset. Nam in hanc calamitatem humano generi obortam incidimus, ut quum omnia homine inferiora suis in naturis permaneant, legesque Naturæ servant, solus homo hoc fateatur, quod meliora probans deteriora sequatur, opus erat ab æterno coelitus esse destinatum Regem Regum & DEI Verbum, qui universi nomine pro omnibus lueret & satisfaceret, cujus adventus quia absolute in *Syriam* erat tanquam ad propria ejus maxime propria destinatus, ideo opus erat secreta mysteria illic servari: absolutas enim religiones à *Syria* sanctæ arce oriri opus erat. Adhæc enim particulares universi Orbis Angelos coli oportuit, ut eorum Princeps *JESUS* ubivis coleretur. Ideo solus ille Rex Regum, & Mens mentium, Spiritusque spirituum debebat quidem in *Syria* sive Terra sancta, ubi est primarius cœli adspectus, prædici, expectari, & coli, & tandem in loco illius, à quo hoc morbi accepimus, quod meliora probantes deteriora sequamur, venire, ut omnium nomine satisfaceret, faceretque ut meliora probantes sui meliora sequerentur, & non tantum ad majorem condemnationem scirent. Sic prima absolutaque Religionis veritas in eum locum erat servanda, etiam si homo nunquam perversa fuisset naturâ imbutus. Hic enim est primus masculinus Intellectus Mundi, cui primus homines veritatis enucleandæ debetur. Licet enim *Italia* subist Basilisco seu cordi Leonis tanquam clarissimo fiderum fixorum, tamen illud sidus ignobilius est primo cœli signo, quod in primo mobili rapitur: pars enim ea tota masculina est & uniformis, quæ ab Ortu in Occasum rapitur; tota est foeminea & mutabilis, quæ ab Occasu in Ortum fertur, ut sunt stellæ fixæ & planetæ. Ideo *Noachus* hujus ordinis peritissimus, sciens se foemineæ inferioris & temporalis politæ genus præstantissimum constituere, non potuit ea omnia, quæ masculinæ & *Syriacæ* formæ debebantur, à sacris locis sepulturæ *Adami* ad sua busta transferre. Ea de re & Litteras Divinas interiores & mysterii plenæ (quarumque iteratum exemplar *Moses* coelitus accepit, sicut divinitus olim *Adam* ab Intelligentiarum Principe acceperat) reliquit *Syriacæ*

A institutioni seu *Judaicæ*, satis habens externas exposuisse, quæ rudi characterè & ordine inverso apud *Samaritanos* superiunt, & olim in capitales *Etruscorum*, *Latinorum*, & *Græcorum* figuras conversæ sunt.

C A P. XXV.

Quum infinita sint institutionis humanæ adminicula, quare litteras in prima ratione putemus considerandas.

DE absoluta æternaque Reipublicæ forma, quam Parens hominum ad aurei sæculi institutionem proposuerat, ut rationem rectam inter conversandum in animis hominum reformaret, dicturus, jure à litterarum negotio exordiar. Sicut enim assidue formatur genus humanum legibus in animo scriptis aut in locutionis communis forma positis, sic Reipublicæ corpus conservatur aut consuetudine, aut legibus, quæ litterarum beneficio veluti in vita servantur. Salus itaque Reipublicæ sunt leges sacræ & humanæ. Salus legum in tabulis & litteris servari opus est. Licet autem nil videatur referre quibus litteris aut elementis res contineantur, tamen summopere ad summæ primæque causæ laudem, in quam omnia tendant oportet, hoc facere videbitur, quum non tantum instituta legesque divinæ conformes à Parente hominum fuisse in *Eturiam* delatas ostendamus. Quum autem inter alias originem illius Linguae Sanctæ, quæ vocalis punctulis, accentus lineolis litteras prima superficie instar mathematum componit ex triangulo, quæ est prima Mundi superficies, & in quam omnes figuræ resolvuntur, quæ ea de re Sancta merito vocatur, & hætenus sacras Veteris Testamenti leges divinitus scriptas continet, jam abundè tradiderimus, & quænam ab ea sint deductæ ostenderimus, tam in Libro *Originum* quàm in *Tabulis Linguarum*, eò remitemus Lectorem: satis enim hic fuerit nosse illam fuisse coelitus datam *Adamo* & *Mosi* *Israëlitique*, sed pro mysterio, donec ex mystica fecit publicam *Efras* Scriba *Judaorum*, unde jam ab ejus temporibus natæ sunt ex ea inter alias tres præcipuæ, *Arabica*, *Syriaca*, quæ *CHRISTI* temporibus erat in usu, & *Chaldaica*, quæ relictis præcis characteribus proprium *Hebraicum* assumpsit. In hac una sola vera & recta nominum verborumque ratio delitescit; ideo illius usum opus fuit soli Religioni mysteriosæ veræque relinquere. Alia erat externa & omnibus communis: in qua clarissimum inde potest probari, quod *Moses* publicè Legem transcripserit, cujus Decalogum ex cœlo, totum autem corpus quinque Libris per prophetiæ spiritum in sancto jam acceperat & ordinatæ characterè, eò quod Gens una *Samaritanorum* tam mordicus conservavit dictam Legem in eo, quem vocant *Samaritanum*, characterè, ut nullo modo voluerint ceteros Sacræ Scripturæ Libros recipere, quod à *Mose* non essent scripti. Curavit enim sanctissimus Legislator, ut duodena exemplaria singula singulis Tribubus transcriberentur, & in hoc characterè *Samaritano* singularum Tribuum Ducibus darentur, uni autem Tribui *Levitica* & cœtui duorum & septuaginta senum ad Legis conservationem electorum daretur unicum exemplar sacrosanctâ inscriptum dialecto & figurâ, quod quidem ad tempora usque *Efræ* multis exemplaribus conservatum & transcriptum est. In manibus *Judeorum Samaritanorum* & *Neapoli* (quæ erat *Sichem*, nunc *Napoleza*) & *Damasci* superest & exemplar quinque Librorum *Moseos*, & character, multum quidem difformatus ab ea nota characterum, quæ

quæ in Numismatis ferè ubivis in Syria conspici-
tur, cujusque effigiem curavimus utcumque in
nostro duodecim Linguarum Introductorio appingi,
nondum tamen tunc animadversa Græcarum & La-
tinarum origine, quæ inde à Noacho est deducta.
Licet enim hodie nil superfit vestigii de Etruriorum
prisco caractere præter ipsas notas mutis inscul-
ptas marmoribus, quas ut Latinis esse omnino con-
formes non est dubium, ita vix potest judi-
cari, cujusnam nostrorum characterum vice &
loco fungeretur, etsi characterum cum Latino
potestas reperiretur, tamen & Lingua & ejus ver-
ba prisca funditus ferè exciderunt.

C A P. XXVI.

*Quomodo litteræ & Græcæ & Latinæ sunt
ab externis Hebraicis, quæ nunc sunt
Samaritanorum Judæorum, deductæ
à Jano Razi-Hinuo, quem No-
chum dixit Antiquitas.*

UT sunt dissimili Græcorum & Latinorum cha-
racteres minusculâ figurâ depingi soliti, ita
majusculis notis esse ferè omnino similes, & per
consequens eadem origine, nullus est utriusque
Linguae peritus qui hoc diffiteatur, aut si atten-
dere velit negare ullo modo possit. Licet enim
figura r & G, Δ & D, Λ & L, Σ & S, &c.
differant, tamen A, B, E, Z, H, I, K, M, N, O, Π, P, T, X
non possent unquam quadrare, nisi essent eadem
origine. Quamvis verò nullâ litterarum memoriâ
sit traditum, quando aut quomodo ex Etruscis
factæ sint Latinæ, tamen ubi concordant figuris,
opus est quandoque fuisse similes. Etrusci autem
usu evocandorum Geniorum præstantissimi singu-
lis in locis suarum Tribuum (erant enim duode-
cim) & Civitatum solebant suas notas seu Alpha-
beta, ut vocant, confundere, ne vicinus ratione
Alphabeti deprehensa & nomine Genii revelato (il-
li enim faciebant sacra nomine expresso) evocaret
Genium & vinceret. Inde capitale erat nomen
proprium Civitatis evulgasse, quia ex nomine Ci-
vitatibus Provinciarum-ve eliciebant nomen Genii An-
geli-ve custodis, & elicium evocare suis Sacerdo-
tibus satagebant. Hujus rei adhuc existat argu-
mentum in eo, quod multi Priscorum observatis
quibusdam Etrurie Alphabetis easdem ferè fi-
guras in omnibus repperunt, tamen unum recto
ordine & Hebraicis usitato priscoque, qui à dextra
in sinistram aut versùs pectus tendit, alterum mo-
re Latino contra naturæ ordinem, à sinistra vide-
licet in dextram, unde relinquitur cogitandum
quod supra diximus.

Samaritanorum autem characteres sic habent or-
dine nomineque Hebraico.

Mem.	Lamcl.	Eaf.	Jod.	Thet.	Her.	Zain.	Van.	He.	Daler.	Gimcl.	Ret.	Alcl.
5	7	9	11	13	15	17	19	21	23	25	27	29
3	5	7	9	11	13	15	17	19	21	23	25	27
1	3	5	7	9	11	13	15	17	19	21	23	25

Majusculi.

Minusculi.

Vide à tergo obversa chartâ, & deme Vau à
sexto loco, & serva pro y Y, tolle Jod & Zade,
cæteræ omnes recta aut quovis modo inversa ma-
gis quadrabunt cum nostris quàm ipsæmet nostræ.

C A P. XXVII.

*Quod diutissimè antequam ab ipsis Phœnici-
bus aut Punicis, ut etiamnum Syri legunt,
Cadmus adferret litteras Græcorum,
quas adinstar Jani ipsis Græcis in-
verteret, multis sæculis jam in
Gallia & in Hispania fuerant.*

ET Julius Cæsar, & Strabo Cosmographus, qui
Augusti scripsit temporibus, uterque Linguae
Græcæ peritissimus, fidem facit quomodo jam à
suprema hominum memoriâ illæ litteræ, quas
omnes Græci in Cadmum referunt, fuerant in Oc-
cidente. Nam jam à Ditis usque temporibus,
ait Cæsar, ipsis Gallis erant in usu. 𐤀𐤌 Dis au-
tem ille ipse est quartogenitus ipsius Japeti, qui
ob ingenii doctrinæque præstantiam nomen Sa-
mauthi, id est, coelestis, meruit, quem auctorem
sui generis se habere gloriantur Galli. Quum ita-
que Druidæ indignum judicarent, ut sacra eorum
disciplina ullis aliis litteris quàm memoriæ vivæ
auditorum committeretur, in totius Reipublicæ
usu & in privatis contractibus Græcis utebantur
litteris. Unde necesse est ut illarum litterarum
usum jam ab ipsius Gomeri, Celtarum in Umbria
Parentis, temporibus illas accepisse ex prima Sa-
maritanorum characterum inversione facta ab Uni-
versi Parente Saturno. Quum enim sæculum au-
reum dictum sit, quod homines tam sanctè cura-
bant Naturæ præscripta servari, ut legum Prin-
cipum, Judicum, & Tyrannorum Exactorum-ve
operâ ad homines in officio retinendos nullomo-
do egerent, nullum est dubium quin post patrem
& matrem omnes filii & domestici ipsi primoge-
nito tantum deferrent quantum alteri parenti: hoc
enim natura duce ubivis gentium semper æquissi-
mum visum est. Hinc factum est olim, ut tota
Europa, auctore Diodoro, Herodoto, Appiano, &
Polybio, ad Tanais usque fontes nomine Celtarum
diceretur, quod alio nomine contigisse non potest,
quàm quia jam ab aurei sæculi temporibus ille
Celtarum Parens, quem Gomerum Japeti primoge-
nitum fuisse Josephus scribit, nominis sui jurisdi-
ctionem (de nomine enim latissimè spargendo pri-
ma cura ratioque est) in totam Europam sparferat,
unde in ipsa etiam Græcia Homeri temporibus
Gallorum Galatarum-ve characteres vulgares erant,
licet illis rudiores essent, quos postea & Homerus
& Cadmus reformarunt, ut multi fide dignissimi
Auctores tradunt. Nam non alia de re attulisse
legitur à Punicis litteras Cadmus ad Græcos, nisi
quia tunc temporis adhuc fama erat constantissi-
ma, quod Galatarum characteres eadem essent ori-
gine: sensim enim res humanæ expoliuntur. Con-
firmat autem hoc Strabo, quum ait, ante sex anno-
rum millia fuisse ipsi Celtiberorum mixto videlicet ex
Iberis & Celtis generi usum Græcarum litterarum,
quibus versus plurimorum temporum decantabant.
Quadrimestres autem anni erant illi, qui ad no-
stros æstimati faciunt bis mille annos. Sic testis
est Xenophon. Quare nullum est dubium, quin
Vatum, Astronomorum, Sapientumque maximus
Saturnus Noachus-ve aurei sæculi dux dederit suis
primogenitis unâ cum sacris disciplinis etiam figu-
ras illas litterarum, quæ Græcis essent affines, &
aliquando ab Occasu in Ortum repedarent. Quan-
do autem ad Latinam figuram cœpere accommo-
dari, nondum quod sciam memoriæ est proditum.
Carmeniam enim in fabulis pono, quod ad Lati-
narum litterarum inventionem attinet. Licet enim
omnino non elevem fidem ejus Historiæ, quæ
ait, & Pelasgos & Arcades venisse in Italiam, eò
quod nulla est fabula quin ex aliqua veritatis um-
bra

bra nata sit, tamen quod unquam *Italia* sit ex-
culta ab *Arcadio* pecore, ne quid durius dicam,
illud non crediderim. Magna quidem obscuritas
in rebus priscis ideo versatur, non quod nullus
esset usus litterarum, sed quod rarissimus semper
fuerit, & in ritualibus ut plurimum scriptus reli-
gionique conjunctus. Sicut autem si quis hodie
insigni quadam aut potentia, aut sapientia, aut
bonitatis fama apud *Syros* & *Arabes* valeret, ut
illi litterarum suarum permutandarum & emen-
dandarum curam committerent, ille autem dissi-
mulatis originibus ad *Hebraicarum* nihilominus,
unde natae sunt, exemplar reformaret, invenisse
omnino apud originum imperitos diceretur, sic fa-
cile crediderim *Fatidicam* illam aut *Sibyllam*, quae
ob praedictiones suas famam sanctitatis esset con-
sequeuta, hoc fecisse, ut illam communem chara-
cterum formam, quae prius esset in toto Occiden-
tis Orbe communis, *Samaritani* characteris bene-
ficio reformaret. Quum enim tantum illi licue-
rit ut characteris reformandi cura sit illi commis-
sa, illam non fuisse litterarum quarundam impe-
ritam judicandum est. Versabantur enim ritua-
lium priscorum Libri praecipue in eorum manus,
qui Religioni veriori se addicerent, unde poterant
cum multa alia, tum potissimum sacram Divina-
tionem, Astronomiam, & avitas sanctorum Pa-
trum Vatum-ve & *Sibyllarum* praedictiones legisse.
Babylonica enim seu *Persica Sibylla* in *Asia* tempori-
bus ferè *Nimrodi* fuit, cujus innumeri fuere ver-
sus ex *Chaldeis* conversi. Illa rituales Patrum Li-
bros habuisse potuit: fuit enim insigni etiam au-
thoritate, ut ex fragmentis Versuum *Sibyllinorum*
excusorum patet. Porro id fuit olim durante ve-
ra astrorum cognitione commune, ut in *Italiae*
umbilico crederetur fore basim summæ felicitatis
Mundi. Hinc adventus *Noachi* & suorum, hinc
Aeneae, hinc & *Pythagoræ*, hinc & *Carmentis*
etiam, hinc & *Erythrae Sibyllæ*, quae à *Cumis*
Asiae Libros ad tantorum successuum regimen at-
tulit auctore Genio *Italiae*. Certissimum hoc est,
quicquid de litterarum *Latinarum* origine sit tra-
ditum, ordine characterum & nomine adhuc à
Græcis conservato, nil differre ab *Hebraico* *Sama-
ritano*-ve characterē, praeterquam in positione
Vau, in cuius locum *Latini* *F* seu Digamma *Æo-
licum*, *Græci* notam s̄ senarii numeri, quae pro σ
& τ inter scribendum ponitur, transcribere.
Quum hodie adhuc conveniant in majusculis *Græ-
ci* & *Latini* & videantur *Græci* *Latini*que in ordine
ferè nil differre, *Carmenta* nil aliud fecisse potest
quam reformasse & ad priscas *Syras* rursus *Latini-
as* appendisse. Nam *Latini* in ordine *Hebraico*
habent *H* adhuc pro aspiratione, & non pro vo-
cali instar *Samaritanorum* *Hebraeorum*que, quam
Græci pro vocali *H* ponunt: praeter *Q* in loco
p *Koph*, quem *Græci* omnino in litteris perdidere,
sed in numeris pro nota 90. servant. *Q* autem
majusculum *Latinorum* omnino solidum, sed in-
versum, invenitur eodem in loco in litteris *Syro-
rum*. Quare ut iterum concludam, aut fabula
fuit historia *Carmentis* de litterarum *Latinarum* in-
ventione, aut si verè fuit, formas characterum
expolivit, & ab usu *Græcorum*, qui pridem in Oc-
cidente fuerat, minusculis separavit figuris. Nam
capitales adhuc eadem esse hodie videntur, praeter
3 *Samech*, quae omnino *Samaritana* est, & in
suo loco apud *Græcos*, apud *Latinos* est loco &
figura mutata, atque aliunde adscita. Crediderim
sanè depravato sono nostros ab adjectitiis *Græco-
rum* accepisse: nam *X* *Chi* sequitur *Υ* *Ypsilon* apud
illos & nostrates.

CAP. XXVIII.

Sicut *Moses* suo saeculo à DEO vocatus nil
prius habuit quam in litteris divinitus
scriptis legum omnium compendium in *De-
calogo* positum exponere, sic aurei saeculi
dux *Noachus* nil prius curavit quam in
animis latissime, & in litteris *Samarita-
nis* ne periret, Testamentum seu Legem
& Aeternam exposuisse & inter primogeni-
tos & inter *Razi-Hinuos*.

Quum sit res in tota *Historia Romana* constan-
tissima, quod foelicissima aliquando sub *Jano*
Saturno-ve prisco vita hominum fuit, adeo ut au-
rea dici meruerit, inque votis toti fuerit posteritas
ti, nullum est dubium quin illa primò & maxi-
mè inter jam primogenitos floruerit. Clarum au-
tem est totam *Romanorum* institutionem ab *Etru-
scorum* oraculis, monitis, & institutis dependisse,
quum etiam florente & jam ambitione plenissima
Romæ sanctio sit edita de mittendis principum fi-
liis ad singularum Tribuum *Etruscarum* institu-
tiones sacras percipiendas, atque demum in Rei-
publicæ *Romane* usum transferendas, quod si *Ro-
mæ* eadem doctrinae fuissent, illuc mittere fuisset
alienum. Mores autem & pietatem summumque
Reipublicæ nervum dependere omnino à Reli-
gione constat. Quare nullum est dubium, unde
& institutio religiosa dependet, inde mores Rei-
publicæ dependere, & licet mores perierint, ut
hodie *Romæ* videmus, tamen doctrinam remane-
re cum auctoritate certum est. Primogenitos duos
habuit *Noachus*, primos & maximè dilectos illos,
qui à spiritu geniti erant, quique in tota *Etruria*
ab ipso sunt instituti & mystico *Razi-Hinuorum*
nomine vocati, penes quos summa Divinatio Oc-
cidentis est commissæ, unde institutionis humanæ
ratio. Illi enim non tantum hominibus, sed etiam
spiritibus & Naturæ imperabant, ut certissimis
proditum est Historiis. Quid autem mirum est,
potuisse optimè institutos & à sanctissimo sancto-
rum initiatos in summi DEI nomine & Angeli
Etrusci potestate, quod olim in *India* *Abrahma-
nes*, nunc etiam & *Brahmini* adhuc ibidem pos-
sunt; cæterum ubivis *Christianismi* malefici & ma-
leficæ accusantur deprehendunturque rei evocatae
excitataeque, ubicumque voluerint, per malos Spi-
ritus grandinis, pluviae, tempestatis; quod in eo-
rum accusationum libris ubivis legi potest. Quis
enim non putet illum sanctissimum hominem tan-
tum potuisse in pactis bonorum Angelorum,
quantum ista faex hominum cum malis potest? Sic
eliciebant & averruncabant fulmina, ne nocerent.
Alii primogeniti erant carnis, qui in *Umbria* pri-
mo duce *Gomero* filio *Japeti*, ut dixi supra, ha-
bitarunt, donec in *Galliam* ad *Druidarum* institu-
tiones *Italia* à *Chamesenis* aurei saeculi perturba-
toribus sunt pulsi. De his nil nunc dicam. Hoc
unum quod ad *Razi-Hinuos* attinet confirmatum
volo. Non potuisse aut debuisse aliter instituisse
Noachum suos spirituales primogenitos, quin,
quam doctrinam seu à DEO, seu à coelo, seu à
Geniis Angelis-ve habuisset, illam totam in eos
ad posteritatis lumen transfunderet. Quum au-
tem non solum in signo arcus coelestis Testamen-
tum Aeternum à DEO acceperit, sed sit opus
omnino ut illud Testamentum aut Pactum, quod
legitur DEUS iniisse fecisse-ve cum ipso *Noacho*
& ejus posteris, sit scriptum, aut saltem verbis in
animo conceptis tale, ut ejus observatio revera au-
rei saeculi basis esset, faceretque ut, quamdiu po-
steritas illam observaret, nunquam DEUS homi-
nes à facie terræ deleteret. Fuit itaque prima illa
aeter-

æternaque lex, quæ fuerit litteris in Occasum delatis exposita, à cuius unius præscripti virtute, quicquid unquam aut fuerit, aut est, aut erit legum divinarum aut humanarum rationi naturali conjunctarum, dependeat est omnino necesse. Quum enim ratio officii, à qua aurei sæculi virtus dependebat, non tantum in hoc sit posita, ut nemini noceas, aut ut jus suum cuique tribuas, sed ut multò maximè etiam cui nil jure debeas, aut qui etiam in te gravissimè commiserit, prospicias, fratrisque fungaris officio, opus erat Testamentum æternum tantà esse virtute, ut & à malo inferendo omnino cohiberet, & maximè ne tibi in præstantissima tui parte noceas prospiceret, sed ut tantopere ad benignitatis, ut vocat *Cicero*, aut charitatis, ut *Christiani* dicunt, officia concitaret, ut quicquid in te esset positum, illud omnino non tantum amicis aut benefactoribus, sed maximè immerentibus, incogitantibus, atque ipsis inimicis esset comparatum. Vbivis enim gentium est usu receptum, ut lege cohibeatur injuria, & ut amicis beneficia largiamur. Nec tamen usquam gentium aurei sæculi forma videtur. Pactum itaque sempiternum necessàriò istud est.

C A P. XXIX

Lex sive Testamentum æternum.

Quidquid aut actu aut potentià quovis modo superior vis, aut secundum naturam, ordinis saltem gratià velle debes, ut ab illis, qui tibi subordinati sunt, fiat aut non fiat, dum tu quovis modo præfectus illos cupis in utilitatem, & non in damnum, pro tua voluntate, & non pro sua, animo, corpore, & rebus externis, esse, societatis aut Reipublicæ saltem nomine, tibi comparatos, ita ut intentione finali in te aut bono publico toti sint, in se autem tanquam nulli: hoc ipsum te causa & amore DEI Numinis-ve quovis modo à te cogniti, & salutis quovis modo à te in summam diuturnitatem expetitur, te facere æquum est, & facto ipso perinde atque consensu verbisque hoc confirmare. Quod quisquis, sive privatus sive magistratus fuerit, nomine DEI & libertatis ararum in toto Mundo sacrosanctissimarum causâ hoc ipsum fecerit, ut illi fuerit possibile, ille præstantissimus hominum aut statuum habendus sit, & meritò universis præferendus: è diverso verò qui maximè contrà fecerit, in contrario loco ponendus & habendus, deturbandusque est, maximè si ararum domesticus est. Nullo unquam alio legis generalis præscripto aut fieri potuit, aut unquam fiet aurei sæculi institutio, & quanto magis sæculum ab hujus sententiæ recedet præscripto, tantò magis ab aurea vita; quanto verò quisque fuerit huic propior, tantò magis & DEO, & Naturæ, & rectæ Rationi obdixerit. Hoc erat Pactum sempiternum, quod pepigit DEUS cum *Noacho*, ut tandiu duraret, quamdiu in cœlo cœlestis videbitur arcus.

C A P. XXX.

Quod posita lege omnibus æquivalente legibus, etiam sui Populi Capita, ad instar cœli & Divini Populi, divisit Janus in Etruria.

Nisi tota Antiquitatis doctrina funditus periisset, non esset hîc mihi affirmandum summam in numeris virtutem delitescere, sed sat fuerit ad harmoniæ rationes omnino in ipsis numeris positas huc attulisse, quòd in tota rerum natura si quid à suis numeris abfuerit, omnino ruitura est

A creatura. Est enim non tam sacrorum quàm Philosophorum sententia hæc verissima, quòd omnia in numero, pondere, & mensura modove sunt constituta. Non sine ratione quaternario constant numero causæ, elementa, horizontis plagæ, cum aliis rebus in quaternario positis; non sine ratione decem orbis cœli, quorum unus est uniformis, cæteri illo subnixi contra illum moventur; non sine ratione genera prima decem, uno constante novem accidentibus in illud obnixis; non sine ratione duodecim, & non plura signa cœlestia. Profectò ut in verbis, si illis attendas & credas consensuque coopereris, (ut lib. xxviii. cap. 11. *Hist. Nat.* notavit & fassus est *Plinius*) sunt virtutes admirabiles, sic sunt in numeris, sed tantò majores quantò sunt nominibus priores numeri: nullum enim factum ullo modo aut recitari aut intelligi potest, quin numerus ante nomen præcedat. Hinc peritissimi rerum naturalium *Pythagorici* judicabant sanctissimè quaternarium divinitus animæ nostræ infusum & impactum esse radicem & fontem æternæ naturæ. Quamvis enim unica sit in nobis forma & anima, illa tamen non nisi quadruplici natura in unum coalescente consistere potest. In ea enim est Mens, Spiritus, Anima, & materialis corporis Forma, quæ partes elementis respondent. Sed de iis alibi. Nil prius observarunt Antiqui quàm numeros, quod in idea Politicæ expressit *Plato*, dum suas divisiones præcipuas Magistratuum duodenario numero ad instar cœli divisit. Quum enim quicquid beneficii cœlestis capiamus, illud totius anni solaris cursu per duodecim signorum portas recipiamus, perfectæ Politicæ instauratores sategerunt, ut Magistratus duodecim capitum corpus publicum ad instar cœli constituerent, ut illi duodecim Genii aut Angeli, qui vario & differenti duodecim signorum influxu curant Orbem regi, curarent etiam in hoc evocati ut singuli singulis Magistratibus præessent. Hac de re CHRISTUS æterna veritas non potuit majus suis duodecim Apostolis promississe munus, quàm ut in ejus gloria super sedes duodecim sederent in sua loca restituti judicando duodecim Tribus *Israël*. Ideo quum unus ex numero periisset, necesse fuit ut ante omnia eligeretur denuo unus ad complendum numerum. Ea de re dixit *Petrus*, oportet unum eligi, postquam Dominus adscendit. Oportet inquam unum eligi, quia Orbis œconomia cœlo non responderet, ut opus est, nisi unus eligeretur ad duodenarium numerum complendum. Hujus rei gratià sunt nati duodecim filii ipsi *Jacobo* Patriarchæ. Ea de re, antequam Diluvium in Orbem immitteretur, sunt in linea bonorum nati viri duodecim, & ea de re, licet impius esset *Chamæses*, quando illi maledicere voluit pater, ne duodenarius ille numerus violaretur, noluit pater *Janus* illi maledicere, sed ejus quartogenito *Canaan*. Nam sic in toto & Naturæ & Scripturæ cursu notatum est, aut malos in quarta generatione esse pessimos, aut bonos esse in quarto loco præstantissimos. Quum autem Divina Providentia necessàriò præordinasset quod fuit hæcenus de *Pseudo-Judeorum*, aut *Ismaelitarum*, *Muhamedicorum*-ve regno in effectu positum, ideo sacer *Geneseos* liber duodecim Duces & Capita huic Genti *Ismaeliticæ* tribuit. Sic ea de re Sapientum & Prophetarum princeps *Noachus* suos *Razi-Hinnos Etruscos* duodecim Magistratibus regi instituique procuravit, ut evocatis duodecim cœli Geniis possent suum Populum instituere, quibus instar CHRISTI super Apostolos (nam sciebat omnia futura *Noachus*) unum veluti omnium arbitrum, & ad instar Intellectus generalis supra cœlos & duodecim signa collocavit. Regionem etiam *Etruriis* suis assignatam

tam in duodecim provincias & municipia dividi ea de re voluit; quæ omnia sunt in totius Romanæ Historiæ cursu ubivis ferè exposita. Unde merito mihi adnotasse videtur *Dionysius Halicarnassæus* mendacia cæterorum Græcorum, quum ait: *Ideo sibi Lydos, nec esse Eturios Tyrrhenos-ve, nec illis fuisse admixtos, quod nec Lingvâ, nec Religione, quæ res sunt diuturnissimæ abolutique difficillimæ, ullo modo Lydi cum Tyrrhenis consentiant.* Atqui divisionem hanc duodenariam apud Tyrrhenos fuisse à Lydis factam Auctoribus quam plurimis vanitatem Græcam secutis videtur. Apparet autem ex eo ipsissimos Eturios Tuscos-ve ab ipso Jano fuisse in duodecim Tribus Lucumonum divisos, quod illi eo nomine Jano Patri aram *dodecabomum* sive duodecim altarium posuerunt. Sicut enim olim in signum, quod aperto Jordane DEUS transmisisset duodecim Tribus Israël sub Josue, duodecim lapides magnos in fluminis medio posuere, & contrâ à medio fluminis, qui ibi è regione JERICUNTIS (ut vidi innatavique) est profundissimus, duodecim lapides sustulere, quos in Galgale ad primam castrametationem in rei memoriam posuere. Unde autem irrepsit isthoc Lydorum cum Tyrrhenis commercium, uno facile argumento conjicio. Vetusti Mosis Auditores, qui septuaginta duo fuere per continuas successiones propheticas, nam nullus nisi spiritu clarissimus olim in eum cœtum admittebatur, jus Scripturæ Sacræ per mysteria & viam naturalem interpretandæ habebant, suasque declarationes Cabalam, quod auditu potissimum reciperetur, vocabant. Quoties autem de rebus in summo mysterio positis agebant, illi, ut frequentissimè in Zohare, quod ex Chaldeis Latinum fecimus, videre licet, & quoties ad summa mysteria dicenda pergebant, se in לוד Lud, hoc est, in Lydiam, proficisci asserebant. לוד Lud autem, & transpositis litteris ודל Veled, modo scribendi illis usitatissimo, est partus seu fœtura. Quum nil planè inveniam in doctrina Moseos, quin illud idem apud Razi-Hinuos clarissimo vestigio ostendere possim, facile ducor ut credam, quum Noachus secundarium doctrinæ sacræ genus in Italiam adduxerit, qui est primus Divinationis partus, ut etiam Razi-Hinui Lydii veri dicti sint. Nam nec Lydi Arabiæ, nec Asiæ Minoris, mihi alioqui huc advenisse videntur. Ire in Lydiam apud Patres erat ad contemplationem & sacrarum cogitationum partum edendum moveri; in qua re post summum Pontificem Melchisedecum filium suum, quem Janus cum primis ritualibus in Syria sancta reliquerat, Tusci super omnes excelluere. Inde factum est, reprobato in sua proprietate, CHRISTO, ut omnia restitueret, ipse voluerit veram Veteris Testamenti in Novo Romæ edi interpretationem. Novum enim Testamentum nil aliud est quàm Veteris partus & elucidatio perfectioque. Hæc est conjectatio de Lydiæ nomine. Ut enim notavit Halicarnassæus, qualicumque nomine & quacumque de causa sint nuncupati, illos fuisse præstantissimos rerum sacrarum auctores constat, (licet corruptissimè suo sæculo jam ea doctrina tractaretur) ita ut nomen à sacrificandi peritia meruerint.

CAP. XXXI.

Quod sicut ad instar sacrorum duodecim Capita & Populos in suis Eturiis instituit Janus, sic fecit ut prima Populi subiecti divisio in duo & septuaginta Capita esset sacrorum instar.

Am duo argumenta me puto abundè suasisse. Primum, quod Janus in Italiam veniens litte-

ras & instituta Patrum Orientalium unà secum advexit. Secundum, quod tota Romanorum sacrorum tractatio sit ab ipsis Etruscis petita; quod postremum etsi sim adhuc abundè confirmaturus, tamen nunc pro concessio & supposito capio. Qualis itaque erat Etrusca sacrorum tractatio collata ad sacros Syriacos sanctosque, talis erat Romana ad Etruscos, id est, subiecta sceminea & inferior. Norunt fatenturque toto in Orbe Astronomi singula duodecim signorum in tria decatemoria esse divisa, unde ab ipsa linea ecliptica ad polos in singulis signis sunt feni trianguli, tres ad Aquilones & tres ad Austrum, quod nisi quis in cœlesti, sanè vel crudissimus in materiali & typica intellexerit. Licet itaque sint duodecim intelligentiæ duodecim signis incumbentes, tam ut moveant in finem, quàm ut moveant in locum, & ipsi cœlo impactæ, quum latissimè ab æquatore ad polos videatur influxus cœli differre, opus est, ut etiam singulis decatemoriorum angulis præsent intelligentiæ diversæ, quæ sint duodecim signorum in sui varietate ministræ. Unde sunt sexies duodecim virtutes, quæ ad numerum septuaginta duarum assurgunt. Ea de re quum DEUS ad hoc Naturæ hoc templum instituisset ut per creaturas cognosceretur, maximè verò per ipsius cœli & ejus partium adspæctum, præstantissimè autem per intelligentiarum orbi cœlesti præfectarum ministeria & influxus, CHRISTUS Naturæ instaurator voluit non solum ut ad instar duodecim signorum cœli essent duodecim primariâ auctoritate Viri totius Orbis illustratores, sed ut illis subessent duo & septuaginta Discipuli, eorum quæ docerent Ministri. Scimus autem ad hoc mysterii collimasse Universi Ducem Spiritum illum, qui hanc alit molem, ut sic informaret Jacobum Israëllem Judæicæ Religionis antesignanum, ut illi non satis essent duodecim filii, nisi etiam cum septuaginta animabus in Ægyptum descenderet. Inde fecit Moses, ut, post instructum in Levitica Tribu sacerdotium, qui esset in capite & primâ apud duodecim Tribus auctoritate, à DEO jussus etiam duos & septuaginta senes Religionis Interpretes institueret: qui communiter septuaginta dicuntur, ut cœlo responderent. Ubi nos habemus septuaginta tantum in Græcis & Latinis Exemplaribus Evangelii, est error; nam & Orientalium & Meridionalium Exemplaribus contravenimus. Armeni enim & Ethiopes benè habent, ut ipsi vidimus. Inde à Spiritu factum est, ut post illos duodecim Patres antediluvianos statim à Diluvio septuaginta Populi & Lingvæ in universi Orbis possessionem sunt assignatæ. Nil enim est aliud humanum genus quàm mentes cœlestium assidue huc unà cum suo spiritu demissæ, ut Mundum informet de cognitione DEL. Horum mysteriorum gratiâ fecit Noachus non solum ut inter suos Razi-Hinuos essent duodecim capita, quibus unus superesset, sed quia Roma (quam suo sæculo Saturniam à Saturno Scythia nomine Sabbathio voluit dici, ut ad Janiculum erat Antipolis) erat ad instar scemineæ & receptricis inferiorisque naturæ, ideo voluit ut ex primario nobiliorique sanguine (qui tunc virtute sola nitebatur) viris Romanis duo & septuaginta juvenes mitterentur ad sacra Eturiæ ediscenda. Constat enim duodecim fuisse Populos, ad quorum singulos sex principes adolescentes mitti consueverant: est enim necesse ex Ciceronis sententia ut septuaginta & duo essent, quia sic est scriptum lib. 1. de Divinat. §. 92. Senatus, ait, tunc, cum florebat Imperium, decrevit, ut de principum filiis sex singulis Eturiæ Populis in disciplinam traderentur &c. Licet autem non colligat summam, tamen necesse est, quum dicat sex singulis dari, & sint numero duodecim, surgere sexies duodecim aut duo-

duodecies sex, qui sunt duo & septuaginta. Quod autem *Valerius Maximus* ait, ut decem, & non tantum sex, singulis *Eturiae* Populis mitti solitos, crediderim facile utrumque constare posse, ut priscam primamque institutione sex tantum mitterentur secundum numerum decamteriorum coeli, sed quum omnia fierent invocatis & evocatis saepius Geniis, facile addidisse quatuor ad sex crediderim, ut secundum decem motores decem orbium celestium, in quibus necessario Philosophus fatetur esse substantias separatas, illi sacram informarent juventutem, & centum decemque juvenes religionis Ministri, maxime quum Populus auctus esset, darentur. Supplicium autem *M. Attilii* fecit, ut ferè totius religionis *Romanae* ratio perierit. Quem alii & inter ceteros *Halicarnasseus Attilium* vocat, *Valerius Tullium*, sed Librarium vitio, ut credo, nominat. Ait autem, quod Librum sacra civilia continentem custodiam suam commissum corruptus *Petronio Sabino* describendum dedisset, *Tarquinio* Rege jubente, equuleo insutum in mari fuisse demersum. Hic autem Liber erat *Sibyllae*, ut ait *Halicarnasseus*. Hoc nomine ferè universi Auctores religiosi periere, quod nullis aut perpauis exscribere licuit.

CAP. XXXII.

Quod non tantum religiosa Saturniae Romaeve institutio omnino à disciplina Etrusca dependeret, sed quod in foemineae partis loco esset reposta.

Fuit vulgata in primis apud priscos Theologos Naturae consideratio, ut in toto naturae cursu, sic de masculo & foemina agerent, sicut Philosophus de forma & materia. Quidquid itaque merè passivum & receptivum tantum cognoscebant, illud pro foeminea, quidquid merè activum, ut est causa prima, illud pro masculina parte ponebant. Quatenus autem omnia in aliud agunt nomine masculi, ut ab alio aliis-ve patiuntur, nuncuparunt vocabulo foeminae. Pura itaque foemina est materia prima, purus masculus causa prima. Purus item masculus summus Magistratus, quidquid autem illo uno inferius est, pro foemina habendum est. Hac consideratione, quae omnino vulgaris est, posita, sequitur, ut sicut occidua temporalisque potentia respectu orientalis, pontificiae, & spiritualis est foeminea, cujus basis in *Eturia* fuit, sic *Romana* ad *Etruscam* collata est pura foemina. Hinc factum est, ut priscis temporibus *Vesta*, foeminarum sanctissima, uxorque *Janii*, in parte *Saturniae Romae* tantum suas *Vestales* instituerit, quae religionis & supplicationum *Romanarum* essent summum refugium & apex, sicut in *Etruria* soli *Razi-Hinni* & *Januales* erant. Sicut enim non legimus *Vestales* unquam in *Eturia* fuisse institutas, aut positas templis auctas, sic nec *Janii* templa ulla leguntur in *Saturniae* parte fuisse, antequam *Numa* utriusque Genii conciliator posuit illi templum ad *Argiletum*, teste *Livio*, divino sanè fretus spiritu. Ut enim totius veritatis puritas & praecipue sanctioris Religionis veritas ab *Argivorum* fabulis periit, nec potest eorum pestiferae Sectae occurrere, nisi instauratis, quae olim *Janus* instituerat, sacris, sic in locum leti *Argorum* *Numa* instauravit templum *Janii* à *Graecis* in fabulas traducti. Quum autem in eliciendis evocandisque Geniis esset praestantissimus, nec ullo *Etrusco* inferior, ut omnium Scriptorum testimonio constat, ille revera *Romae* Genium spectro indutum foemineo, nomineque *Ageriae* sibi evocabat, quo duce tanta molis urbem stabilivit: ille enim idem Genius divae olim *Vestae* adfuerat. Licet autem *Halicarnasseus*, ut in-

ter *Græcos* Scriptores rei *Romanae* amantior, vocet fabulam quae de congressu hujus substantiae separatae feruntur; tamen ex iis, quae subjungit, videtur res fuisse vera & non ficta. Quis enim fidem sibi haberi postulet, si totius Antiquitatis fidem elevare conetur, & sublati memoriis confusionem in Orbem reducere? Ait verò, ut probaretur an revera congregeretur cum aliquo Numine, invitasse domi multos optimosque *Romanorum*, illisque ostendisse cum ceterarum rerum tum imprimis ciborum & omnis lautioris apparatus opumque penuriam, & nihilominus illos post paucas horas adfuturos in coenam invitasse. Dicto citius tanta adfuit aulæorum, argenteae aureaeque suppellectilis, & imprimis ciborum omnium, quae ex toto vix potuissent Orbe peti, copia, ut in stuporem conversi planè fassi sint illa nullo modo viribus humanis potuisse parari. Hoc tanquam somnium ridebit nostri saeculi impietas, quae tamen vix poterit sine rubore negare, quod in *Maximo Tyrio Platonico* leget huic facinori non ab simile: ait enim fuisse se unum praesentem ad spectrosum convivium *Achillis* cum ipsis Heroibus ad *Tauricos*. Qui *Apollonii Tyanei* Vitam nobis scriptam reliquerunt, ajunt vidisse apud *Gymnosophistas Abrahamianos* similia convivia & apparatus, quum sint omnium rerum nudi, fuisse usitata, quoties Reges admitterent. Putabimus-ne *Aethiopica* convivia & Solis mensam esse omnino ex fabulis nata? Negabimus-ne per vitae familiaritatem minus posse bonos viros quam quotidie possunt malefici invocatis malis Spiritibus, qui illos in convivia scelestia rapiant? Eò-ne dementiae putabimus venisse homines, ut quum inter *Christianorum* doctissimorum subsellia quotidie condemnentur rei horum maleficiorum, existimemus pro somniis necari homines? Apud *Gallos, Anglos, Hispanos, Italos, Germanos, Polonos, Hungaros* hoc est in confesso. Fatentur & *Ismaelites*, poenisque persequuntur. Legat si quis dubitet Libellum *Joannis-Francisci Pici Mirandulani de Strigibus*, aut summa fide uti & malè Latine scriptum Opus de Maleficis, *Mallei Maleficarum* titulo. Hæc volui addere, ut rei possibilitas probetur. Quum enim DEUS rerum humanarum curam habeat, & maxime post suam Ecclesiam de *Roma*, committendum non est ut quicquid usquam gentium & maxime *Romae* de substantiis separatis visum est credamus malos fuisse Dæmones. Erat *Ageria* revera spiritus suo spectro foemineo indutus ad informandam foemineam partem *Janicae* Reipublicae, per cujus solius memorias in masculae & *Etruscae* antiquitates nos repere oportet, quia res masculorum non nisi per matrum uterum possunt manifestari. Hinc sicut ex foeminea *Romana*-ve parte Politiae aureae reperto origines masculae *Etruscae*, sic per istam instauratam sum omnino confirmaturus divinam & priscam masculam.

CAP. XXXIII.

Cur Janus Bifrons & Quadrifrons pingere dicereturque, & revera haberetur essetque.

SCite admodum eleganterque *Plato* hoc scriptum reliquit, ἐν ἐστὶ ἀνδρῶν τὸ ὁρώμενον, non est homo hoc quod in homine videtur. Quasi diceret, spectri instar est quod sensui se objicit. Verus homo interior est in mente & spiritu positus, quique revera per solam mentem & spiritum possit videri. Hoc verò est à divina *Moseos* sententia depromptum, quâ ait *Genes. 1: 27. masculum & foeminam creavit eos*, quum de solo tamen homine dixisset. Est enim una, eaque prima, princeps, &

præstantissima hominis pars, cujus sedes, si unquam in corpore est illi-ve adhæret, circa occiput & capitis posteriores partes est posita, eaque revera homo est, nomineque mentis dicitur aut spiritus. Quæ autem est in corpore, & pueris & senibus, & insanis & sapientibus, & vivis & mortuis, ne dicam multis hominibus & similibus est communis, & in nulla aut perpauca veri hominis consideratione posita, quantum ad veri hominis cognitionem attinet, nisi quatenus animi mores corporis sequerentur temperamentum, ut est in placitis Philosophorum Medicorumque probatum. Hæc est ergo *Moseos* sententia: quod in simplicissimo homine, & in sola mentis suæ consideratione ante DEUM posito, & imaginem & similitudinem DEI unâ, & mentem & spiritum unâ, & masculum & foeminam unâ reperire licet. Imago quidem prior est & apud DEUM notior, nobis autem ignotior: similitudo autem contrâ nobis expressior, a DEO autem remotior. Hic enim est nostræ scientiæ ordo, ut quæ nobis sunt obscuriora, sint Naturæ clariora, & contrâ. Primus itaque & ultimus tam externæ quàm divinæ Scripturæ sensus est, ut ante omnia DEUS hominem generalem in sua sapientia aut unitate creata condiderit, de cujus mente & spiritu extrinsecus olim & mens & spiritus in omnes adveniret homines; qui quidem homo generalis, quem Intellectum, Mentem, aut Sapientiam generalem modò idem intelligas nil refert, non potuit revera esse conditus, nisi unâ & masculus & foemina esset, hoc est, nisi unam partem haberet unde forma & masculinitas ejus diceretur, & alteram unde proprietas specialis materiaque & veluti foemininitas notaretur. Hic est spiritus intellectus-ve agens & humanus actu semper intelligens, ut ait *Plotinus*, de quo si diligentius sua verba discutere voluisset *Aristoteles*, quum egit de substantiis Orbis motricibus, potuisset hanc naturam invenisse & tradidisse. Ut enim necessariò fassus est singulis sphaeris coelestibus præesse suas intelligentias, ita fateatur oportet illas esse duum generum; superiores quidem ipsis orbibus, & omnino separatas, quæ coeli motus ut in finem dirigerent ad eam influxuum varietatem, unde varia homini utilitas & divinæ laudis varia (quod finis Mundi est) nascentur argumenta; inferiores autem ipsi orbi impactas, quæ cœlum ipsum ut in locum moverent, & veluti materialiter in materia cœli & Mundi agerent. Superiores sunt Imago, Mens, Masculus, Intellectus agens, & Homo verus interiorque; inferiores autem sunt Similitudo, Spiritus, Foemina, Intellectus passibilis, & Homo exterior spectrofusque. Inde factum est, ut summus ille Vatum & Sapientum *Noachus* in hujus Doctrinæ, quæ revera summa est, memoriam, ut qui supra omnes homines tanti secreti videretur particeps & conscius, donatus sit formâ bifronti, quod utriusque hominis frontem & faciem explicasset. Hæc autem statua ipsius jussu est instituta conservandæ ad posteritatem memoriæ tanti mysterii gratiâ. Quum enim ille homo generalis, cujus veri homines actu membra esse debent, necessariò summam sui partem conjunctissimam habeat cum Motore primo immoto immobilique, ita ut & caput sit omnium intelligentiarum, sicut primi mobilis intelligentia, & sit etiam fons vitæque principium omnibus intelligentiis & hominibus, duorum & septuaginta *Mosis* auditorum sententiâ constitutum erat, ut in sacris interpretationibus vocaretur *דין פרצוף* *Diu prosopin*, hoc est, *Bifrons*, aut *duarum facierum Suppositum*. Hoc nomine intelligebant prisci Patres MESSIÆ mentem & naturam, non solum eò quod mente spirituque constaret, sed quia & DEUS & creatura esset. Inde isthæc ipsa natura,

quâ duce omnes particulares motus Mundi fiunt, *Mosi* dixit *Exod. xxxiii: 20. 23. Posteriora quidem mea videbis, faciem autem meam videre non poteris*; quia DEUM nemo vidit unquam, sed nec videre potest. *Job. i: 18. i Tim. vi: 16. i Job. iv: 12.* Locus ille Scripturæ indicat *Cabalæ* sanctæ mysterium. Hinc MESSIAS etiam secreto vocabulo *שר האפנים* *Sar hapanim*, id est, *facierum* omnium & singularum, tam anterioris quàm posterioris, *Princeps*, auctor, & formator, quique solus revera præsit toti naturæ, illique tanquam Universi auctori instrumentario dominium universorum datum est. Illi proximus in hac potentia *Noachus* fuit, qui in suam Arcam universum animalium genus colligere in salutem eorum fuit potens. Sed de quadruplici fronte nobis est dicendum.

CAP. XXXIV.

Cur Janus Quadrifrons.

JAM suprâ notavi esse omnino opus ut *Etruscæ* Historiæ tenor à *Romana* petatur, ut tandem per sacra usitata, quæ aut neglectu aut nimia discussione in nauseam abiisse videntur, ex ipsius sacre *Etruscorum* traditionis viviradicibus excitentur homines, adque veram priscæ *Hebræorum* scripturæ intelligentiam revocentur Antiquitatis amatores. Nam præter pauca loca admodum, quæ CHRISTO egregiè aptavimus, nec nos, nec ipsi *Hebræi* qui nunc sunt, umbram sacre attigimus intelligentiæ, eò quod à nostris sint neglecti prisci Scriptores secretique, ab ipsis autem *Hebræis* aut religiosa sint observatione suppressi, aut, eò quod palam suos neglectæ arguant veritatis, depravati. Auctores fide digni tradunt, quod in *Faliscis* urbe *Tusciæ*, quum est devicta à *Romanis* civitas, inventum est simulacrum *Jani* cum frontibus quatuor, in cujus memoriam *Romæ* est illi positum Templum quadriportium, aut quod quatuor portas haberet, sicut & simulacrum quatuor facies. Facile verò quisquis sacramenti *Pythagorici* rationes caperet, hujus etiam statuæ rationes conciperet: ajebant enim: *Ναὶ μὲν τὸν ἀμετέρεα ψυχῆ παραδόντος τετραπύλιν, πηγὴν αἰωνῶς φύσεως ῥιζώματ' ἔχουσαν.* Per illum videlicet qui animæ nostræ quaternarium dedisset, quod quidem & fontem & vitæ viviradices in se contineat. Velim autem mihi semper concedi quod negare meritò nullus posset, *Janum* fuisse tantâ sapientiâ hominem, ut nulli fuerit hominum aut probitate aut sapientiâ inferior, suos autem & potissimum *Etruscos Razi-Hinuos* ita instituisse, ut ne latum quidem unguem ab ejus institutis recesserint. Quare & ipso doctore fuisse illam statuam affabrè factam dubium non est. In memoriam enim illa fiebant, non in honores, quia soli DEO, & Patriæ Geniis, generalique Menti supplicare docuerat per memorias eorum beneficiorum, quæ sanctis viris collata fuissent. *Pythagorici* autem quaternarium animæ concessum fuisse, non tam ratione quatuor elementorum, quorum ex qualitatibus primis surgit temperamentum inde elicatum & à singulis differens, cui demum insidet anima, nec tam ratione cœlestis influxus, qui à quatuor elementis defæcatis & à corruptione repurgatis, qui revera ex hac elementorum mole sunt illuc delibrati, unde animæ virtus, quàm quia in omnibus hominibus adsunt Mens, Spiritus, Anima, & Temperamentum, affirmabant. Mens à fonte mentium, Spiritus à fonte spirituum, & Anima ex animorum virtute, Temperamentum autem ab elementis. Homo quidem superior est Bifrons salvo generali, qui quum DEUS sit, est Trifrons, Divinitatis, Mentis, & Spiritus facie constans; inferior autem est quadrifrons; super-

premus autem post incarnationem quinquefrons est. Ut itaque summopere in considerationem cognitionemque & laudem DEI summi raperent, qui finis naturæ est, (erant enim *Judæi* secreti ipsi *Pythagorici*, quod facile ex *Iosepho* probes) singulos homines volebant assidue hoc quaternarium, unde singuli compositi essent, in animo volvere, & revera per causam suam tantam rem cognoscere. Sed alia fuit ratio multò secretior: certissima enim traditione ab omnibus *Abrahamanum*, *Inderum*, *Chaldaeorum*, *Hebræorumque* Sapientibus cognoverant, (hoc enim priscis *Hebræis* in fidei articulis fuit) quòd sicut assidue per quatuor anni tempora eadem virtus cœlestis, donec unus compleatur annus, assidue eadem elementa in quatuor hominum singulorum ætatibus, donec consummetur unus homo, suas revolvunt vires & qualitates, sic etiam in universam humani generis massam contingere, ut per quatuor Mundi ætates assidue revolvantur Mentis, Spiritus, Animæ, & Temperamenta, & sic esse universalis hominis quatuor facies in una statua. Rationem autem poenæ & præmii per alligationes animarum diversis corporibus, aut cœlestibus, aut terrenis, aut etiam inferis, sustentabant: spiritus enim quum loco non egeat, ubivis aut in poena, si DEO non fidit, aut in præmio, si in eum sperat, subsistere potest. Omnis autem revolutio in quarto loco est cessatura; quod quum variis auctoritatibus exemplisque in *Declaratione Candelabri Moyses* ex sacris eorumque vetustis Interpretibus exposuerim, non est quòd hîc repetam: satis nunc fuerit exponere, quomodo hæc quadrifrons statua fuerit & esse debeat in summo apud *Hebræos* Doctrinæ loco. Animal unum pro consideratione quaternarii habebant, cujus nomen vocabant *Mercaba*, scientiam autem illam de *Mercaba* nuncupabant. Basis autem ejus Doctrinæ de quaternario etsi est in toto Scripturæ corpore resperfa, tamen præcipue posita est palam in *Iechezkelis* principio, cujus Prophetiæ non sine causa sunt scriptæ extra Terram Sanctam in *Babylone*, ut Doctrina tradit secretior, eò quòd ad ipsius *Babylonis*, id est, Gentium exterarum, sacra, uti ad Populi electi Religionem spectant. Nam ea de re ad flumen *Kabar*, id est, *magnum*, est scripta visaque visio, quòd & res externas unâ & internas, naturales videlicet & supernaturales, in hoc typo assumat. Sic autem scribit *Ezech.* 1: 5. *Ex medio ipsius ignis* (id est, Spiritus Naturam confoventis) *procedebat similitudo quatuor animalium, & hic adspexit eos, similitudo hominis in eis.* Quasi dicat, licet in eo spectro sit facies una Leonis, altera Bovis, tertia Hominis, & quarta Aquilæ, tamen hoc totum spectrum non est nisi similitudo ipsius hominis magni & generalis. Ex totius enim generis humani massa & tempore seu duratione fecere quatuor facies, unam à Meridie, alteram à Septentrione, tertiam ab Ortus, & quartam ab Occasu, primam Leonis, alteram Vituli, tertiam Hominis, quartam Aquilæ altissime animalium à terra volantis. Primum typum dedere infantia Mundi & Legi Naturali inviolabili animaliumque omnium fortissimo instar Leonis, quæ à luce vocat *Lingua Sancta* ארי *Ari*. Altera Bovis videlicet figura fuit instar juventutis, quum sub tempore Legis scriptæ laboriosissimæ & sacrificiis plenissimæ vixit Mundus, & quicquid gratiarum habuit à DEO primò *Mosaica* Genti & Prophetis fuit nomine Universi concessum. *Romanis* etiam pro laboris & agriculturæ signo fuit usitata bovis effigies. Tertia facies virilis videlicet ætatis completique corporis est sub Hominis typo pro Lege Gratia. Quæ tres ætates æqualibus adinvicem periodis mille & quingentorum annorum à suis æqualiter du-

rare principiis: octingentos enim annos, qui fuere à Diluvio ad *Mosem*, pro Mundi & Legis rudimento pono, sicut & centum annos, quibus in Universum ob editam divinitus de Diluvio sententiam DEUS per *Noachum* prædicari voluit. Nunc superest Aquilæ figura & quartum tempus senii videlicet hujus massæ, in quo maximè animi mentesque hominum sunt excitandi, ut altissime instar aquilarum volando, in posterum restitutis omnibus & ad Naturæ Legem reductis, revera omnes & singuli sciant, id est, per causam & propter causam omnium DEUM omnia cognoscant. Ea de re hætenus aut moribus tantum, aut moribus & senili ætate simul, universus Orbis voluit Senatoribus senibusque Magistratibus regi, ut viribus animorum, qui rerum usu in hoc carcere corporis magis valent, quum corpus animam aggravans est jam affectum. Hoc est quadrifrontis statuæ totius generis humani massæ videlicet statua, quam ea de re princeps Prophetarum sculpendam curaverat, ut vestigium Providentiæ, nostrum genus per varias ætates regentis, suis in ea statua proponeret *Janus Razi-Hinnis*; ad quod argumentum totius Naturæ & supracœlestis, & cœlestis, & terrenæ contemplatio & scientia potest reduci. Sic enim & *Physica* & *Mores* suis *Etruriis* tradidisse legitur, ut meritò ob suas institutiones divinitatis nomen meruerit habueritque. Nec verò in singulorum ætatibus tantum est à Majoribus usitatum, ut res in quarta senilique ætate essent, aut ex bonis optimæ præstantissimæque, aut ex perditis pessimæ, sed in cæteris etiam rebus ad quaternarium usque repetitis id moris fuit: unde, ut notavit in suis locorum communium historiis *Valerius Maximus* de antiquis institutis: *Massilienses Gallia Populi summam cum Populo Romano charitate ut prisci moris observantiam conspicui tres in eodem manumissiones rescindi permittebant, si ter ab eodem Dominum deceptum cognovissent. Quarto autem errori subveniendum non putabant, quia sua jam culpa injuriam cepit qui ei se toties objecit.* Hæc ille. In sacris autem est usitata eadem sententia: ait enim *Propheta Amos* capp. 1. & 11. *Dominum parciturum super tria scelera Damasci, Gazæ, Tyri, Edom, Ammonis, Moabi*, quo nomine intelligit Universi Populos, & similiter *super tria scelera Judæ & Israël*, quo nomine omnes in Ecclesia fideles posuit, se usum misericordiæ, at *super quartum scelus non conversurum*, eò quòd senium impium est deploratum. Hoc est cur in *Iobo*, Ethnico quidem auctore sacrorum, sed tamen sanctissimo verissimoque, notarunt Patres *Mosis* Auditores esse scriptum. Hoc certè cum singulis hominibus tribus vicibus operatur DEUS, ut, revocatis eorum animabus à corruptione, illas in lucem viventium reducat. Ille enim ex mente Philosophi agit, ubi ait, Mens autem sola immortalis extrinsecus accedit. Nullus enim mihi negaverit, quin sicut illi cœli influxus, qui jam, ex quo intellectus numerator tempus mensurat, incœperunt in inferiora defluere, assidue in sua revoluti principia denuò ad nos revolvuntur, statis, fixisque, & notis Naturæ & DEO temporibus, & sicut quatuor elementa inferiora non tantum per unius ejusdemque ætates, sed etiam eadem omnino in variorum individuorum (quod enim resurgit spirituale & immortale est) compositione, naturæ scitu redeunt, sic etiam spiritus & virtus five mens, ut securis verbis utar, redeant ab uno in alium necesse est, quod omnino in sacris verum & in confesso est. Et hæc est quadrifrontis ejusdem naturæ humanæ summa ratio, quæ infra se alias innumerabiles habet. Nam & lunæ cursus est quadrifrons singulis mensibus. Sol etiam quadrifrons, ut & annus

singulis anni revolutionibus. Sic plagæ Mundi. Sic generales naturæ, in unitate, veritate, bonitate, & essentia positæ, termini. Sic causæ quatuor; prima Ortum uti agens, altera Austrum uti formalis superiorque, tertia Brumam & materialia ut quæ est materialis, (Antiqui enim Austrum pro superiori & dextra posuere, Aquilones pro inferiori & materiæ impactu loco) quarta autem Occasum ut quæ finalis est. Sic à conjunctione planetarum sunt quaterni adspæctus. Sed quid non hanc statuam & naturæ typum repræsentat? Faciant finem quatuor facies ejusdem hominis, quatuor Ecclesiæ tempora, & quatuor Monarchiæ *Babylonica, Assyria, Media, Græcia, Roma.*

C A P. XXXV.

De inaugurandi ratione. Quòdque ejusdem inaugurationis ratione Roma ipsa ab Etrusco jure in sacris dependeret.

MAXIMUM validissimumque rerum arte aut consensu hominum constantium principium ille, qui revera omnium quæ sunt principium est, posuisse videtur, quum ait *Matth. xviii: 19. 20. Ubicumque duo vel tres convenerint in nomine meo de quacumque re apud DEUM aut apud me impetranda, ipsa fiet illis à Patre meo, qui est in cælis.* Sicut enim res naturæ constantes ideo in suis naturis perseverant, quòd à Numinibus aut Geniis illis naturis jussu divino incumbentibus conserventur, propterea quòd pertinaciter conservationi insistent, sic res humano arbitrio confurgentes, ut sunt Imperia, Regna, Magistratus, Civitates, & Loca ad quidvis agendum delecta, pertinacibus hominum votis aut in summum DEUM, aut in summam Mentem, aut in loci Genium Angelum-ve custodem, ut vocant, contententibus & mutuo consensu conspirantibus constat, sicut quum dissipantur animorum vota & concordia à propriis cuiusvis Status membris, nedum à Genio res destruantur. Falluntur verò omnino inter nostræ tempestatis Theologos, qui putant usqueadeo in toto Orbe terrarum, ubi esset oraculum aut separata intelligentiæ actio, ob quamdam evocationem, fidem, aut preces incitata, illam semper à malo Dæmone fuisse factam. Quæ enim esset DEO de rebus humanis cura, si solus malus Spiritus absolutè imperio Orbis terrarum potiretur? Ubi essent custodes provinciarum Angeli? Nonne *Persarum* Angelus pro *Persis* ipsis à DEO vero alienis potuit obsistere *Hebræorum* in captivitatem adductorum Angelo primario? Verum quidem certe esse non negaverim, ut sensim ob scelestam hominum vota facinoræque, eò quòd ubivis gentium suos reliquere Genios, ita malus Dæmon invaluerit, ut sensim sit factus hujus Mundi Princeps, bonosque Genios suis locis depulerit, & sensim frigescentibus hominum votis eorum loca occupavit; sed absit hæc à Providentia DEI impietas, ut defuerint unquam boni Genii singulis suis in locis reponendi, quum intelligentiarum omnium Princeps deturbato malorum Geniorum Principe suam singulis locis reddiderit libertatem. Doctrinæ Geniorum peritissima Antiquitas, eò quòd per vitæ innocentiam illis erat conformis, nil planè inauguratò aut inauspicatò agere voluisset, maximè autem in deligendo aut templo, aut altari, aut urbis loco. Ideo sancti Patres, prisci moris instauratores in Terra Sancta, sua altaria & urbium futurarum certa fundamenta non ponebant nisi ubi DEI spectrum visum fuisset. Ubivis itaque gentium & locorum erant Sacrifices, qui præconceptis seu, ut nostri dicunt, formalibus verbis loca ipsa evocato in loci conservationem loci

A Genio inaugurarent. Multò verò maximè *Romæ* aut *Saturniæ* etiam fuisse credendum est, qui inaugurandi pollerent scientiâ. Sed à principio habitationis Pater *Janus*, humani generis auctor, concessit loca ipsi urbi *Janiculo*, quæ & *Antipolis* opposita *Saturno* prisco à sua Orientis sede deturbato, hac lege, ut illa pars urbis solo flumine divisæ & instar scemineæ partis sacrorum *Etruscorum* esset, & omnia sacra ab ipsis *Etruriis* quum opus esset peteret, non proprio sed *Etrusco* jure usura. Nisi enim à principio in hæc verba jurasset *Saturnia*, quum invenisset suæ inaugurationis basim, putas-ne ad illos Vates detulisset qui totius naturæ potentiam eliciebant, seque in summum discrimen adduxisset? Apud multos Auctores est descripta inauguratio *Romæ*, sed ita fabulis locupletata, ut sententia *Plinii* mihi sit instar omnium. Sic autem ait, quum proponit cæteris credenda, quæ ipse, licet essent verissima, credere nollet, in *lib. xxviii. cap. ii.* initio, quòd in verbis sit virtus, & quædam, quæ Deos aut substantias separatas cogat, potestas: Invenerunt, ait, *Romani* in fundamentis ejus templi, quod in *Tarpejo* construebant, humanum caput. Quare Legatos misere in *Etruriam* ad *Olenum Calenum* Vatem divinum peritissimumque. Hic videns esse optimum augurium tentavit in suos transferre, & baculo signatâ templi, in quo invenerant, formâ in terra ante se dixit. O *Romani*, dicitis hîc debere esse templum *Jovis Optimi Maximi*, & dicitis hîc invenimus caput? Pro certo tradunt *Annales*, quòd hoc factò (hoc est, si respondissent hîc) translatum fuisset Numen ad *Etruscos*, nisi Legati à filio Vatis præmoniti sic respondissent, non hîc, sed *Romæ* dicimus inventum fuisse caput. Præconcepta verba inaugurationis non addit *Plinius*, eò quòd instar sacramentorum nostrorum habebantur. Nullum tamen est dubium quin in hanc proferrentur sententiam: Numen, quisquis es Deorum, qui tuæ præsentiae signum in tali N. aut tali N. loco manifestari Populo Romano voluisti, fac ut felix faustaue sit diutissimè hujus loci habitatio, eamque, alterius Gentis aut Populi precibus invitatus, tractus, illectus, elicitus, nunquam velis relinquere. Sunt autem valde notanda ea verba *Annalium*, quibus certò traditur, quòd licet incogitantes *Romani* etiam contra votum & à Vate decepti fassi fuissent, hîc invenimus, eò quòd Legati habebant totius Populi auctoritatem & vota, sollicitatum majoribus precibus Numen defecisset. Sicut enim in contractibus humanis verba ipsa ligant, sic in divinis. Unde *Tullus Hostilius* ad instar *Numæ* volens elicere fulmen, eò quòd non ritè nec observatis præconceptis ritibus & verbis id fecisset, in suum caput fulmen elicitum attraxit. Unde & *Feciales* ex hac Disciplina *Etrusca* deducti, quum de bello Populis priusquam fieret denunciando mitterentur, prius religiosissimè de æquitate apud loci Genios pro Populo Romano agebant, & demum illos ad potiore cultum & honores multò majores ab ipsis *Romanis* recipiendos, dum à suis deficerent, invocare solebant. Non absimile *Daniel* pro *Hebræorum* Populo in Captivitate fecit, licet in omnipotentis DEI & CHRISTI ejus, qui Mens mentium est, impetravit magis contra voluntatem quàm consensu Angeli *Persarum*; ut ut res habeat, antequam omnino jejuniis & oratione & peccatorum sui Populi confessione, concurrenteque Populi poenitentia & votis, victus sit à *Michaële & Gabriele Persarum* Angelus, non potuit responsum de vera liberatione Populi sui accepisse. Quum itaque *Capitolii*, ubi basis *Romæ* florentis fuit constituta, inauguratio sit ab *Etruriæ* Vate petita, quin etiam totius rei sacræ apud *Romanos* auctoritas sit inde petita, du-

dubium non est. Maximè hoc monemur exemplo, ut conspiratione sacra tam erga DEUM & CHRISTUM quam erga Angelum loci custodem in preces & sacra verba rumpamus, quod postquam in *Christianismo* revera fieri cessatum est, non solum sumus omnino inter nos dissipati, sed Angelus *Ismaëliitarum* nostrum cohibet. Nil enim planè in hoc Orbe mutationis fit, nisi Geniorum Angelorum-ve, cujuslibet probi hominum confessus custodum, operà aut remissione curetur, quod pessimi impiique homines potius in fortunam & sortem, quam in Genii curam, aut DEI Providentiam, referre malunt. Hoc autem unum docuerat in suis *Physicis Noachus*, nil aliud Genios locorum ministros & custodes esse quam virtutes elicitas, & veluti partes membraque illius Mentis & Spiritus generalis, quo duce DEUS hoc naturæ templum particulari novoque motu assidue condit, reficit, movet, instaurat, & conservat. Ut autem ad rem redeunt magis confirmatum relinquamus quod proposuimus argumentum, quod *Romani* haberent ab *Etrusco* Vate in ipsa *Etruria* inaugurari inde patet, quia tunc temporis erat *Romæ* Augurum clarissimus *Atius Navius*, cujus ipse Princeps *Tarquinius*, templi *Tarpeji* fundator, parum alioqui huic arti tribuens, maximum scissâ per vim prædictionum cum novacula cote sumperat experimentum; nec ab ipso tamen Populo, nec à Principe vocatus est ad inaugurandum.

CAP. XXXVI.

Quod Idæa Mater Deorum non est ab Ida monte primum à Trojanis Romam delata, sed illa eadem sit quæ Vesta ab ipsis Razi-Hinuis consecrata.

TRiplex causa maximam priscae Religionis origini peperit obscuritatem, adeò ut quid de quo dicatur vix possis conjicere; quarum prima est summa sapientia *Fani* & suorum, in repræsentanda eadem sub vario appellationum genere persona: secunda summa *Græcorum* in his imitandis & suis aliorum-ve Populorum originibus religionibus-ve adscribendis licentia: tertia summa Historiæ veteris, & maximè quæ Deorum origines traderet, penuria. Licet itaque & *Pessinunte* & *Trojâ* oriunda tanta Dea credatur, (sicut hodie qui honos ubivis gentium jam ab ipso Religionis exortu Divæ Virgini & Matri fuit habitus, videtur ad *Lauretanam* ædem fuisse institutum) tamen ex duplici nomine mihi illam eandem esse quæ & *Vesta* persuadco. Sicut enim vidimus nostrâ memoriâ divinorum CHRISTI membrorum, quos *Sanctos* nuncupamus, assidue innovatos fuisse cultus, quod Historiarum beneficio certò scimus, sic apud Antiquos de prisca Sanctis factum fuisse non est dubium. Licet itaque *Romulus Romæ* instaurator voluit videri, ut & urbis sic & ejus religionis auctor, eoque nomine ipsi *Vestæ* visus sit prima posuisse templa, tamen certissimum est sicut antea & *Vestæ* templa & *Vestales*, ex quarum unius sacrilegio nasceretur, erant *Romæ* antiquam nasceretur, sic & *Roma* jam antè, quam sibi illam adscriberet, ter ut minimùm fundata & instaurata fuerat, à *Saturnitis*, ab *Euandri* gente, & *Æneadibus*. Omnia autem sunt ad primas origines expendenda. Nulla revera foemina Mater Deum in tota Antiquitate est meritò habita inter innumeras, quas finxit illoque nomine donavit Antiquitas, præter illam unam de qua jam diximus. Quod autem illa *Idæa* אִדְיָה est vocata, significatione est præstantissimum, aptissimum, & non à *Græcis*, sed à Lingua Sancta petitum vocabulum. Disciplina enim illa, quam *Plato* de

A Ideis suam fecit, tota est à secretioribus *Mosis* Auditoribus profecta. Ajunt enim communi axioma: *Nil sit omnino in mundo inferiori, quin prius fiat in superiori, in ejus idea*, id est, notione, cognitione, & specie. Quum autem suprà jam exposuerimus substantias separatas, in quarum mentibus resident veræ rerum species, esse duum generum, (aut enim ut in finem movent, aut ut in locum) superioresque esse masculas, inferiores autem esse foemininas, summas earum summa sanctitate viris & foeminis uniri diximus. Nam & Mens & Spiritus generalis ut extrinsecus in omnes homines adveniant comparati sunt. *Idea* itaque Mater Deum summus ille Spiritus est Matri Universi unitus, qui instar omnium est, unde velut à præstantissima sui parte meruit IDEÆ appellationem, quia movet ut in locum. Ejus enim institutione ubivis delata gentium, factum est, ut rerum domi coactarum inque finem suum à viris conquistarum dispensatio conservatioque sit concredita foeminis, ut sicut auctore DEO nostræ omnium vitæ principium & corpus à patribus motum ut in finem ad hoc ut simus, in ipsis matribus ut in locum movetur donec simus, sic idem in rerum conquistarum arteque partarum ratione observaretur. Licet autem *Vesta* prisco cultu & *Romano*, *Idæa* autem ab uno *Phrygio* & una *Phrygia* coleretur, tamen ex eo, quod scriptum reliquit *Dionysius Halicarnassæus*, videtur una eademque cum *Vesta* fuisse: sic enim ait in lib. 11. de *Vestalium* agens historia: „Quum enim primo „bello *Carthaginensi* conflagraret templum, & Vir- „gines ignem fugerent incendii, *Lucius Cæcilius* „*Metellus*, Pontifex Maximus, Vir Consularis, „& qui *Siciliensi* contra *Carthaginenses* bello trium- „phum illum *Romanis* memorabilem paraverat, in „quo centum & triginta octo elephantes adduxit, „ipse contempto proprio periculo, ob publicam „utilitatem, summo discrimine vitæ, insiliit in „ardentem ignem, & res sacras ab ipsis Virgini- „bus relictas ab igne eripuit, qua de re summos „à Civitate honores est consequutus. Ajunt au- „tem res illas sacras partem esse earum rerum, „quæ erant consecratæ in *Samothracia*, quæ illic „asservabantur, quasque *Dardanus* illuc detulerat „in Civitatem ab eo in ea insula factam, quasque „*Æneas* in *Italiam* veniens attulerat. Alii dicunt „esse *Palladion* à *Jove* datum. Hæc ille. Ex quibus verbis videtur, seu *Palladion*, seu res Matris *Idææ* essent, quum essent in templo *Vestæ*, ad *Vestam*, quæ & *Pallas*, & *Minerva*, & Foemina

B Mater Deum summus ille Spiritus est Matri Universi unitus, qui instar omnium est, unde velut à præstantissima sui parte meruit IDEÆ appellationem, quia movet ut in locum. Ejus enim institutione ubivis delata gentium, factum est, ut rerum domi coactarum inque finem suum à viris conquistarum dispensatio conservatioque sit concredita foeminis, ut sicut auctore DEO nostræ omnium vitæ principium & corpus à patribus motum ut in finem ad hoc ut simus, in ipsis matribus ut in locum movetur donec simus, sic idem in rerum conquistarum arteque partarum ratione observaretur. Licet autem *Vesta* prisco cultu & *Romano*, *Idæa* autem ab uno *Phrygio* & una *Phrygia* coleretur, tamen ex eo, quod scriptum reliquit *Dionysius Halicarnassæus*, videtur una eademque cum *Vesta* fuisse: sic enim ait in lib. 11. de *Vestalium* agens historia: „Quum enim primo „bello *Carthaginensi* conflagraret templum, & Vir- „gines ignem fugerent incendii, *Lucius Cæcilius* „*Metellus*, Pontifex Maximus, Vir Consularis, „& qui *Siciliensi* contra *Carthaginenses* bello trium- „phum illum *Romanis* memorabilem paraverat, in „quo centum & triginta octo elephantes adduxit, „ipse contempto proprio periculo, ob publicam „utilitatem, summo discrimine vitæ, insiliit in „ardentem ignem, & res sacras ab ipsis Virgini- „bus relictas ab igne eripuit, qua de re summos „à Civitate honores est consequutus. Ajunt au- „tem res illas sacras partem esse earum rerum, „quæ erant consecratæ in *Samothracia*, quæ illic „asservabantur, quasque *Dardanus* illuc detulerat „in Civitatem ab eo in ea insula factam, quasque „*Æneas* in *Italiam* veniens attulerat. Alii dicunt „esse *Palladion* à *Jove* datum. Hæc ille. Ex quibus verbis videtur, seu *Palladion*, seu res Matris *Idææ* essent, quum essent in templo *Vestæ*, ad *Vestam*, quæ & *Pallas*, & *Minerva*, & Foemina

C *Idæa* autem ab uno *Phrygio* & una *Phrygia* coleretur, tamen ex eo, quod scriptum reliquit *Dionysius Halicarnassæus*, videtur una eademque cum *Vesta* fuisse: sic enim ait in lib. 11. de *Vestalium* agens historia: „Quum enim primo „bello *Carthaginensi* conflagraret templum, & Vir- „gines ignem fugerent incendii, *Lucius Cæcilius* „*Metellus*, Pontifex Maximus, Vir Consularis, „& qui *Siciliensi* contra *Carthaginenses* bello trium- „phum illum *Romanis* memorabilem paraverat, in „quo centum & triginta octo elephantes adduxit, „ipse contempto proprio periculo, ob publicam „utilitatem, summo discrimine vitæ, insiliit in „ardentem ignem, & res sacras ab ipsis Virgini- „bus relictas ab igne eripuit, qua de re summos „à Civitate honores est consequutus. Ajunt au- „tem res illas sacras partem esse earum rerum, „quæ erant consecratæ in *Samothracia*, quæ illic „asservabantur, quasque *Dardanus* illuc detulerat „in Civitatem ab eo in ea insula factam, quasque „*Æneas* in *Italiam* veniens attulerat. Alii dicunt „esse *Palladion* à *Jove* datum. Hæc ille. Ex quibus verbis videtur, seu *Palladion*, seu res Matris *Idææ* essent, quum essent in templo *Vestæ*, ad *Vestam*, quæ & *Pallas*, & *Minerva*, & Foemina

D „esse *Palladion* à *Jove* datum. Hæc ille. Ex quibus verbis videtur, seu *Palladion*, seu res Matris *Idææ* essent, quum essent in templo *Vestæ*, ad *Vestam*, quæ & *Pallas*, & *Minerva*, & Foemina

E Dea *Samothracum* est, spectare, quæ ipsa primas origines ab *Etruria* auctore *Jano* ejus marito habuit.

CAP. XXXVII.

Quod ex Ciceronis sententia videtur summam Romanæ Religionis auctoritatem semper ab ipsis Etruscis venisse.

F NULLum est dubium, quin illud quod in omnium nunc usu Gentium esse videtur in earumdem consensu semper fuerit. Certissimum est ubivis gentium illam haberi summam auctoritatem, à qua institutiones & præcepta, cujuscumque artis seu auctoritatis sint, petuntur, & in dubiis Reipublicæ occurrentibus recurritur, ejusque sententiæ statur. Quum autem *Romani* ex illis juvenibus principibus, quos ad *Etruriæ* Populos de religione informandos mitterent, aut etiam ex infimis conditione hominibus, qualis *Atius Navius* fuisse legitur, potuissent salubrius domi *Romæ*que instituissè doctrinæ *Etruscae* optimè illic semel conceptæ Scholam, quam quotannis à se suos ablegasse juvenes, nisi summa ob-

stitisset quædam auctoritas, nullum est dubium quin summa Doctrinæ *Etruscae* auctoritas semper apud suos servaretur & summa tantum illic esset. Quum autem summa Reipublicæ discrimina in prodigiis & portentis ostentisque versentur, adeo ut sit res periculosissima, quum portenta omnium mentes concusserint, stare verbis juratis in alicujus externæ auctoritatis sententia, opus erat *Etruscos* summa integritate & esse & haberi à *Romanis*, & eorum in effando sententiam tanta esse auctoritate, ut à qua recedere Populo *Romano* sine piaculo non liceret. *Cicero* autem etsi more *Academice* in libris de *Legibus* ut & in tota Philosophiæ tractatione disputat, est tamen ubivis in rebus facti recitandis summa fide Auctor; hic autem professus est lib. de *Legibus* 11. §. 23. postquam juris religiosi capita tractavit, se ea tradidisse, quæ nec à religiosis *Numæ* constitutionibus, nec à sui sæculi moribus admodum differrent, nullum est dubium quin sit fide dignissimus in iis referendis, quæ suo etiam sæculo erant, sic fuerit inter *Romanos* & *Etruscos* conversatio, sicut & scripsit. Licet enim pridem & jam à *Porſenæ* Regis temporibus imperata civilia *Romanorum* facerent *Etrusci*, tamen sacra illorum auctoritas nunquam fuit diminuta. Sic habent verba consuetudinis *Romanæ* apud *Ciceronem* lib. 11. de *Legibus* §. 21. *Bella disceptanto; prodigia, portenta ad Etruscos & Aruspices, si Senatus jusserit, deferunt; Etruriæque principes disciplinam docento; quibus Divis creverint, procuranto; iidemque fulgura atque oscina pianto.* Hæc lex. Quod autem ait, si *Senatus jusserit*, videtur in arbitrio summo *Senatus* res esse. Sed si quis ita cogitet, illi diligenter est attendendum, quod summa auctoritas, sive sit in lege, sive sit in persona aut dignitate, duobus modis consistit: primo enim patiendi, dum consensu eorum, qui in ejus verba jurant illamque constituunt, ponitur: secundo autem agendo, dum illis, qui eam constituerunt, imperat, solet ubivis gentium consistere. Unde primo opus erat *Senatum* illos elegisse constituiſſeque communi consensu in summam auctoritatem, uti mulier virum; secundo eorum stare decretis, ita ut, si ambigeretur de belli æquitate, sumendum-ne esset, si de summa quadam re esset disceptatio inter auctoritate aut jure pares, quæ omnia cum sequentibus ad eam solam erant referenda auctoritatem, quæ revera esset instar nostri summi Pontificatus, aut Concilii, aut Scholæ Theologicæ *Parisiensis*, quæ altercante Concilio & Pontifice de summa auctoritate censuit, ubi locum, tempus, & homines illi dedit Pontifex, Concilium revera esse super summum Pontificem. Est autem illa præstantissima totius Mundi auctoritas, non quæ dignitate nititur, sed cujus ob singularem rerum peritiam summa semper fides in admiratione & summæ auctoritatis loco est. Licet autem *Dionysius Halicarnassensis* scribat suo seculo omnino ferè evanuisse doctrinam *Etruscorum*, (quod contigit ubivis gentium & religionum, & maximè hodie videtur in nostra, quæ omnino à spiritu illo per quem crevit est destituta, & tantò in malis nocentior, quantò olim spiritu fuit præstantior) tamen ille idem testatur summæ & divinarum & humanarum sapientiæ fuisse conjunctam olim apud eos religionem, quam consensuisse post duorum annorum millia à quo fuerat instituta, quid mirum? Nostra non tam diu duravit. Illa multò majori tempore ideo stetit, quod summam auctoritatem dignitatibus nunquam macularet. Ultimi tantum ob ignorantiam scientiæ fefellere. Qui autem auctoritate sine scientia pollent, armis suam tutari ignorantiam solent.

CAP. XXXVIII.

Quod Janiculum, arx Etruriæ, erat per-
fugium summum rerum sacrarum,
quæ Romæ erant.

Licet suprà ex *Plinii* sententia docuerim, quomodo ad occidentem *Tiberis* partem erat urbs *Antipolis*, ad orientalem *Saturnia*, unde multò antè, quàm *Remus* & *Romulus* essent, & Religio & Civitas *Romana* fuisse videtur, tamen quia maximè ad rem facit origines priscae tantæ Urbis stabilivisse, ex *Virgilio* sententia aliud nomen urbis *Antipoleos*, ad quam erat *Romanarum* rerum perfugium, subungere visum est. Sic autem in lib. VIII. *Aeneidos* §. 355. ait ex *Carmenæ Sibyllæ* sententia:

Hæc duo præterea disjunctis oppida muris,
Reliquias veterumque vides monumenta virorum.
Hanc Janus Pater, hanc Saturnus condidit urbem:
Janiculum huic, illi fuerat Saturnia nomen.

Ista confirmatissimam *Janii* universi Parentis veri & non fabulosi reddunt historiam, & tantò magis, quantò à Gentis ambitiosissimæ, omniaque ad suos retrahentis, opinione sunt profecta. Confirmat hanc sententiam *Ovidius* in *Fastorum* lib. 1. & ostendit quod licet utrumque oppidum pridem ante *Romulum* fuerat, imò ante *Aeneadas*, tamen ætate prius *Janiculum*; sic enim ibi ait *Janus*:

Hæc ego Saturnum (memini) tellure recepi;
Cælitibus regnis à Jove pulsus erat.

Et continuo:

Inde diu Genti mansit Saturnia nomen;
Et dicta est Latium terra latente Deo.

Paulò post verò *Janus* de seipso dicit:

Ipse solum colui, cujus placidissima lævum
Radit arenosi Tiberidis unda latus.
Arx mea collis erat, quam vulgus nomine nostro
Nuncupat, hæc atas Janiculumque vocat.

Et Urbem itaque, & Arcem, & Montem *Janiculum* à *Janio* vocari videmus, antequam suo dignitatis Asiaticæ cælo pulsus *Saturnus* cogeretur in *Italiam* adventare, tunc quum jam res humanæ in *Asia* dominandi libidine erant concussæ. Unde videtur hoc à *Romanis* fuisse factum, ut aurei sæculi tempus in *Saturnum* tantum referant, quum duce *Janio* pridem antè fuisset exactum, imò jam erat admodum affectum, quum *Saturnus* fuit à *Janio* receptus. Quod autem *Arx* illa *Janiculi* esset perfugium rerum sacrarum (quæ revera, quicquid sit nugata Antiquitas, erant sanctæ *Naomæ Vestæ*-ve uxoris *Noachi* reliquiæ, ut nunc vocant) maximè in templo *Vestæ* commissarum apud *Romanos*, inde patet, quod, ipsa Urbe à *Gallicis* captà unà cum sacris templis, *Vestales*, in ipsa hostium ora ad occidentem fluminis partem transmissio ponte sublicio fugiendo, res sacras à præda & incendio raptas in *Janiculum* ferebant, quas miseratus quidam exoneravit, easque res sacras plauſtro cum *Virginibus Ceretæ*, ut volunt, ad fines *Umbriæ* transvexit, donec rebus compositis sunt *Romam* relatæ. Et revera si nostra liceat (& cur non liceat?) cum antiquis componere, videbimus & nunc & olim eandem *Genii Angeli*-ve *Romani* curam fuisse (sunt enim *Angeli* voluntatum *CHRISTI* dispensatores) in summa potestate Mundi ultrò & citrò ad ripas *Tiberis* traducenda conservandaque. Fuerunt enim res *Christianorum* in augmento continuo, quamdiu summa Mundi aucto-

auctoritas sedem ad *Petri* templum habuit veluti in suo Occidentis angulo. Quum autem rebus secundis à *Constantino* invitati transtulere sedem ad Imperatoris regiam in *Lateranensi* palatio ultra *Tiberim* positam, tunc res omnino collabi coepit, nec prius potuit quies ulla in *Italia* atque *Romæ* haberi, quàm duce *Carolo Magno* rebus compositis *Leonina* Civitas est ad *Janiculum* in *Vaticano* instaurata. Quisquis Mundum regi Providentiâ non negabit, hæc non esse sine divino nutu facta fatebitur. Quæ enim semel elegerat ille sanctorum sanctissimus *Janus Noachus*-ve, quum nullâ Divinationis parte careret, stabilia esse, donec omnia restituantur, necesse est. Omnia autem prius restitui non poterunt, quàm compositâ sub una Potentia temporali, quæ toti Orbi imperet, *Româ*, summus etiam generalisque totius Orbis Pontifex in *Syria* ad busta *Adami* reponatur, & ab Imperatore *Romano* ibidem conservetur. Ea enim de re *Etrusci* licet essent majori auctoritate quàm *Maximi Romanorum* Pontifices, tamen sibi eam auctoritatem nunquam vindicare debuerunt, donec expulso à sua sede *Syriaca Melchisedeco* secundo-genito ipsius *Noachi*, qui reprobatus est in *CHRISTO* ejus ordinis Antistite, tandem ipsa sacra sedes constitueretur cum manifesta auctoritate ad *Janiculum* urbem, & non ad *Saturniam*, donec rursus restitutus omnibus in ea loca, in quæ *CHRISTUS HOMO-DEUS* venerat IN PROPRIA, alioqui Universi Dominus, summus ejus Pontificatus reducat. Hæc erat causa cur esset *Etruria* sacrorum *Romanorum* perfugium, & cur utraque urbs sublicio, & non solido, ponte conjungeretur, à quo in sua creatione faciendo nomen habebant *Romani* Pontifices.

CAP. XXXIX.

Quid sibi voluerit olim pontis inter Romanos & Etruscos refectio, aut factio, si dici posset, unde Pontificum vocabulum tractum est.

Quod penes illum summa totius religionis auctoritas esset apud *Romanos*, qui Pontificis *Maximi* nomine diceretur, quodque illa vox Pontifex à ponte faciendo deducta esset, nemini *Latinorum* ignotum est. Cur autem pons fieret, quoniam ille pons esset, me legisse certè non memini. De industria verò Antiquitas ea omnia, quæ erant in maximis mysteriis & originibus religionis posita, ita abscondere voluit, ut vix posteritas conjicere illa potuerit, ne videlicet illa vilescerent si communia semel fierent, & ut à vulgi sensu remota in majori versarentur æstimatione & admiratione. Unde conjecturâ æstiqui necesse est quod *Historia* reticet, aut si alicubi est traditum, nunc non succurrit, donec aut alii recentiori humanitatis memoriâ imbuti (jam enim ferè decennio ab humanarum disciplinarum lectione absumus) hoc prodant. Quod autem ille pons sublicius esset, à quo faciendo dicti sunt Pontifices, ideo mihi persuadeo, quod usqueadeo in religione fuerit positum ut ligno compactus esset, ut quum *Roma* fuerit è regione illius utrinque antiquissima tam ad *Janiculum* videlicet quàm ad *Aventinum* montem, tamen ad *Flumentanam* usque portam secundum fluvium aucta, & lapideis pulcherrimisque pontibus ornata, semper sublicium ut trabibus conficeretur dimisit. Merebatur autem ante omnes marmoreus vel ob unum *Coclitis* facinus fieri. Ridenda autem sunt somnia quorundam, qui dicunt eò quod curam haberent pontium reficiendorum nomen habuisse. Alii autem, sed Theologicè magis, quod instar pontis per Mundi pericula ho-

mines transvehant, quasi belli Duces, Consules, & Imperatores militiæ nomine Populi susceptæ algoribus fracti onustique non essent veriores Pontifices. Unus instar omnium *Dionysius Halicarnassæus* lib. *Rom. Hist.* 11. satis indicat ab uno ponte ligneo reficiendo tantum vocatos fuisse, unde quum unus tantum pons illeque proximus & religione sacer, eque ligno semper constans esset *Romæ*, deduxi meæ sententiæ originem. Ut ut res habeat, nemo mihi negabit *Saturnum Romanorum* orientalium Parentem à *Jano* Religionis auctore & hominum Deorumque Parente (Sanctos enim & Deos in eodem loco pono) hoc beneficii accepisse, ut profugo delitescentique sint datæ sedes. Quare quum, teste *Cicerone*, *Macrobio*, *Servio*, *Ovidio*, *Virgilio*, & quotquot unquam de ipso tractarunt, esset Religionis primariæ veriorisque auctor, nullum est dubium quin sicut auctoritatem civilem seu temporalem dedit *Saturno*, quin eidem ea lege etiam ipsam sacram seu pontificiam tradiderit, ut quæ semper esset suæ origini *Etruscæ* obnoxia: hoc enim ex usu & ordine rerum humanarum est. Inde factum est ut licet *Romani* jus sui Pontificis eligendi haberent, non nisi *Etruscâ* doctrinâ apud ipsos *Etruscos* imbutum egregiè eligere poterant. Nullum autem dubium est, quum Pontificis summi dignitas ubivis gentium (hoc enim ex usu naturæ est) semper fuerit tantò major omnibusque civilibus excellentior, quantò major est digniorque animus corpore, quin etiam in suæ electionis aut initiationis ritu summum quoddam *DEI* erga homines beneficium representaret. Quum autem nullum unquam majus aut memorabilius beneficium acceperint, quàm quum ratis arcæ-ve ligneæ beneficio conservata est humana natura, Pontifex vero ille sit præstantissimus, cui hoc Divina concessit Providentia, ut superstites reliquias ligni beneficio conservaret, crediderim sanè hanc sacri ritus fuisse rationem, ut quisquis fieret Pontifex, hoc signo reficiendi super aquas lignei pontis ostenderet se ab ejus auctoritate pendere, qui Universum servasset. Hujus rei sanè etsi cultus ritusque omnino defuisset, certè memoria posteritati commendatissima deesse non poterat. Præterea quum flumina sint ubivis instar limitum à natura posita, Pontifices autem imprimis, ut qui primâ erant auctoritate, satagere deberent, ut in maxima concordia unâ versarentur & *Janitæ Etrusci*-ve, & *Saturnitæ Romani*-ve veluti una domus, ad hoc ut tanquam primogeniti se paratos esse ad pacem ex sui Populi parte ostenderent, viamque communem in ponte sternerent, veluti in interregno pontificio pax decessisset, quam novus se instaurare ponte refecto testaretur. Quod autem essent summâ auctoritate, & à quibus prima pacis ratio peteretur, hoc verò licet omnium Gentium usu probatissimum est, tamen etiam testatur *Halicarnassæi* sententia, quum ait in lib. 11. „Cogunt quidem universum Sacerdotum ordinem „eorumque familias, ne quid in rebus sacris erroris committant. Privatis aut ignorantibus, quo „cultu & Dii & Genii coli deberent, erant institutores & prophetæ. Et si quisquam inveniretur eorum sententiæ non paruisse, ipsum puniebant. Ad omnia autem attendebant, nec poterant ab ullo accusari vel puniri, nec Populo „nec Senatui ullam reddebant rerum à se gestarum rationem. Hæc *Dionysius*: cujus sententiæ veritas omnino in *Christianismi* Pontificatu summo videtur translata. De Diis tantum & Geniis colendis ratio diversa est; qua de re nobis inquisitio subjungenda videtur, & ante omnia de Geniorum originibus & natura. Hoc enim erat totius præscæ religionis origo & finis, ut certis statisque rebus, diebus, & locis colerentur, & ante omnia

omnia summus ille crederetur habereturque, & ritu æterno omniumque nomine cultu divino DEOque æquali honoraretur, cujus jussu & curâ genus humanum à clade Diluvii liberatum est: cæteri enim omnes unâ cum suis Populis victi sunt.

C A P. XL.

De Geniorum natura & origine cultuque.

Quum sit mihi finis propositus ad hoc de *Etrusca* & antiquissima primaque & humani generis & religionis origine tractare, ut cognitis ratione cœli Geniis hujus Orbis inferioris custodibus tandem summus instar omnium colatur, quumque sit æquum Religionem erga DEUM stabiliri, ob ea miracula insignia, quæ in humani generis salutem sunt divinitus facta, summa autem memoria fiat à *Christianis* de CHRISTI Passione Resurrectioneque, à *Judeis* de Maris Rubri Transitu, mihi est etiam hoc propositum, ut nomine liberationis universi Mundi ab aquis Diluvii summa gratiarum actio ipsi Repurgatori Servatori Mundi constituatur, quamdiu Mundus durabit duratura, eò quòd jam totis ferè quatuor annorum millibus est debita ob cessationem ejus usura. Licet autem sciam in ipsius *Affyriae* & *Armeniae* finibus primum post Diluvium incepisse crescere genus humanum ex *Noachi* domo sanguineque, similiter mihi sit notum primam sedem summi Pontificatus *Semo* secundogenito *Noachi* in terra *Syriae* sanctæ, ubi *Melchisedec* vocatus est, fuisse constitutam, tamen eò quòd Pater Mundi *Noachus* in *Asia* sedem non fixerit, sedes autem *Melchisedeci* habeat suas institutiones origineque in sacris, ubi nec pater nec mater ejus legitur, voco humani generis principium, ubi auctor ejus voluit palam primas posuisse sedes. Quum itaque primum ejus institutionis sacræ præscriptum esset de Geniis invocandis cultuque captandis, jure mihi de eorum natura dicendum est, eò quòd prima sacrorum *Etruscorum* institutio in hoc esset posita, ut ait *Aeneas* apud *Virgilium* lib. VII. *Æneid.* v. 135.

frondenti tempora ramo
Implicat; & Geniumque loci, primamque Deorum
Tellurem, Nymphasque, & adhuc ignota precatur
Flumina: tum Noctem, noctisque orientia Signa,
Idæumque Jovem, Phrygiamque ex ordine Matrem
Invocat, & duplices Cœloque Ereboque parentes.

Quum principem in suo Opere virum *Ancam* describat Poëta, non est dubium quin illi etiam vetustissimum optimumque & usitatissimum colenditum tribuat. Jam à Philosophorum proceribus est concessum Universi causam omnino primam esse omnino immotam & omnino immobilem DEUM Optimum Maximum, cujus imperio æterno stat præsens Mundi theatrum, & Naturæ templum. Si autem repentino ejus imperio cogitur simpliciter Mundus ut sit, quum omnia ab æterno prævideat, necesse est, ut ab æterno & in instanti momento-ve omnia, quæ semel prævidit & esse voluit, quum semper eadem voluntate & nunquam mutabili aut novâ illa esse velit, est inquam necesse, ut omnia unâ nata sint, & æterna sint. Quod quidem quum omnino falsum esse in hoc sensibili Mundo videatur, in quo omnia quæ nascuntur nunquam revera sunt, sed assiduis generationibus corruptionibusque alterantur, falsus est omnino conatus *Aristotelis* & eorum, qui originem Mundo nolunt tribuere, eò quòd dicant DEUM necessariò existentem, quum sit actus purus & nullo modo mutabilis, etiam necessariò semper habuisse Mundum, in quo ejus actus exerceretur. Sicut enim

ea quæ sub tempore fiunt & antequam essent non fuerunt, eò quòd antea non fuerint, nihil ejus derogant potentia per quam fiunt, sic nec materia prima, nec elementa, nec cœlum ipsum est necessarium ideo fuisse, quòd ab æterno DEUS sit, & esse illa voluerit. Sicut itaque accommodatâ ad res creandas ejus potentia videmus totius Naturæ assiduas mutationes fieri, & nasci esseque ea quæ non erant, sic & prima rerum materialium principia, uti materia prima, quæ est instar omnium, non habuit suum principium nisi accommodatâ Creatoris ad ejus essentiam potentia. Et sicut videmus esse longè magis rationi, per quam omnia sunt examinanda, consentaneum, ut prima potentia causaque sit libera & per se potens, quam ut sit agere coacta, & non nisi cum alio possit suâ potentia frui; sic est opinio, imò veritas, *Platonis* & eorum, qui dant principium Mundo, multò præstantior opinione ejus Discipuli *Aristotelis*, per quem revera Orbis ferè totus in impietatem abiit. Vult enim *Plato* DEUM, uti est, esse liberrimum, qui nil agat coactus, & felicissimum, qui nullo subjecto egeat in hoc inferiori Mundo, in quod suum actum purum exerceat. Contrâ *Aristoteles* & ejus Alumni volunt, ut coactus sit ab æterno in materiam primam egisse, & non potuisse suum actum purum exercuisse, nisi adesset necessariò ipsi acturo materia prima, & quæ ex ipsa nascuntur. Sed revera nisi impietate laborasset *Aristoteles*, fugeretque ne unquam de substantiis separatis ageret, idem planè cum Præceptore dixisset. Sed à suo Præceptore multa turbans, ut ait *Cicero*, discessit. Ab æterno itaque DEUS Mundum æternum condidit, sed in ea specie, in qua revera est æternus immortalisque. Quum enim æterna illa Potentia, Sapientia, & Bonitas Benevolentia-ve, à qua necessariò sunt omnia quæ sunt, sit infinita, ad hoc ut Mundum sensibilem olim in esse deduceret, ante omnia sategit ut crearet sibi uniret Mentem unam generalem, quam alii Intellectum generalem dicunt, Naturam tantâ potentia, sapientia, & bonitatis capacitate, ut cujus apex summus ipsi immobili Divinitati uniretur, & cujus operâ mobili & ad individua per varia tempora applicabili tota formarum ratio in Universo dispensaretur. Est enim facies illa, species-ve, aut idea, generalis-ve forma omnium facierum, specierum, idearum, aut formarum: illa sanctiori vocabulo Sapientia creata dicitur. Quum autem forma nulla sit sine sua materia aut sceminea parte comprehensibilis, illi est addita sua pars inferior, in qua habitentur tanquam in intellectu passibili generali, quæcumque sunt in materia individuanda formanda-ve. Ab his duabus intelligentiis unâ junctis (nam ista non transcendit extremam cœlestium orbium materiam, estque conjuncta per suam summam partem superiori, sicuti superior est unita DEO) totius Naturæ moles est sensim & de nihilo in hanc formam ad convexum usque cœlorum longissimis intervallis deducta. Pars accidentibus spoliata est cœlo assignata. Quum autem singulæ tantæ Mentis & tanti Spiritus partes à centro cœperint Mundi massam in sublime attollere, tunc, sicuti à spiritu nostra corpora inhabitante videmus, cœperunt quadam familiaritate diversas elementorum & cœli partes sibi vindicare. Tertiæ autem diei Creationis & Diluvii vicissitudo omnia in Orbe terrarum mutavit, ita ut sola integritas in cœlo remanserit. Sicut autem à corporis passionibus videmus animam affici & quasi tingi & lædi, & contrâ corpus ipsum ab impetu spiritus frangi debilitari-ve, sic partes variæ illarum duarum naturarum in molis hujus mundanæ massam suarum naturarum odores reliquerunt: sicut

cut enim in homine parvoque Mundo videmus, sic in magno Mundo est. Una enim anima tantum in nobis agens, totaque in toto, & tota in qualibet parte residens, licet una, unica, & simplicissima sit, tamen suis partibus ita differenter agit, ut, quâ agit in vita cordi ministranda, non agat in cerebro vivificando, aut contrâ, sic nec à qualibet parte possunt officia ejus in quamlibet alteram transmutari: sic in corpore Mundi licet sit una Mens aut Intellectus agens tantum, & unus Spiritus Intellectus-ve passibilis tantum, tamen suarum partium vestigia ubivis pro partium Mundi diversitate reliquit, sibi que eas potissimum partes vendicavit, quibus de potentia in actum educendis & hæcenus conservandis præfuit. Materialis autem spiritus partes sunt veluti sopitæ inque terræ & aquæ natura respersæ dormientesque, unde Priscorum preces, nec vegetari solent nisi concurrente in vota Mente generali, quatenus est nobis impacta & extrinsecus in nos advenit. Sunt itaque illi duo fontes Geniorum bonorum ubivis in natura ad nostrum subsidium comparatorum, qui tamen rarissimè nisi invocentur cœlitus adsunt. Quum autem universitas naturæ ministret primæ & DEO unitæ Intelligentiæ, insignis pars earum intelligentiarum, quæ dispositioni materiali Mundi præerant, conata est arripere sibi imperium, & sibi in hoc Mundo tenebricoso sedem posuit, malorumque & inferiorum Dæmonum nomine vocata, ubivis gentium & religionum in confesso & notissima est. Hanc olim ne noceret sincerioris persuasionis Antistites quibusdam sacris averruncabant. Qui in hoc superbiorum genere sunt maximè impacti materiæ, Incubi & Succubi vocantur. Incubi à mentibus, Succubi à spiritibus, uti feminæ, deflexere, cujus utriusque generis nostrâ etiam ætate inter Striges & Maleficos sunt notissima commercia congressus. Manifestissimum autem signum spirituum olim per totam terræ massam sparforum videmus, quia in mediis, densissimis, maximisque saxorum durissimorum molibus videmus non tantum animalium, arborum, pisciumque, & rerum omnium naturalium figuras in materia impressas, sed etiam artificialium mutas figuras, quæ illic non potuere aliter insculpi, quam ab Intelligentia omnia cognoscente, & saxa condensante. Inde quum vota erga bonos sunt summâ fide directâ, statim summæ Mentis ministri membraque adfuere invocantibus, uti sacris precibus elicitâ. Contrâ quum perditii homines Religione ad solam hypocrisim abutentes sese sponte conformes fecere perditis & per superbiam depravatis Dæmonibus inque generis humani ruinam armatis, illi in locum bonorum coepere dare responsa, oracula, somnia, verba, donec ex verissimo cultu in falsissimum traduxerint, adeo ut palam in India, horrendâ ut pingi solet potestque figurâ, Dæmon hodie adhuc colatur. Credidit autem Antiquitas originum ignara ex terræ vaporibus hos Spiritus nasci, & quosdam Deos Dæmones-ve nasci & interire, eò quod votis humanis videbantur uno tempore posse elici, & alio minimè. Sed non animadverterunt, quod sicut impii homines relictis bonis sæculi aurei ducibus, ubivis gentium tunc evocari & adesse solitis, in summam malorum impostorumque familiaritatem devenere; sic, ubi visum est Intelligentiarum omnium Parenti, omnino sunt exhibitati expulsique mali Spiritus, & Dii sancti-ve homines mente reformati veraque CHRISTI membra in eorum loca successere, quorum miracula ideo jampridem inter nos cessarunt, quod nulli aut perpauci sint qui illis aut omnium capiti CHRISTO conformari se studeant. Ab illis, & qui supra cœlum, & qui in cœlo, & qui inter elementa, & qui ad centrum

A terræ versùs Aquilones adacti sunt, assidue aut spectra verorum elementis vestita, aut temporaria phantasmata suscitantur, ad tredecim genera ex mentibus, aut totidem ex spiritibus, aut ex pseudonois falsis-ve mentibus, aut ex pseudopneumatis falsis-ve spiritibus totidem. Sunt enim decem genera moventium ut in finem, qui mentes sunt; sunt totidem genera moventium ut in locum, qui spiritus sunt. Totidem illis in utroque genere ad-versantur. Quandoque autem aut uno simplicique elemento induuntur, & fiunt spectra quatuor generum. Inde ex binis elementis fiunt sena, ex ternis duo, & ex quatuor unum solum, quæ sunt tredecim, ex quorum genere erant illi qui tantum oblectabantur temperamento humano, ut, quum illos ejiceret illorum omnium Imperator CHRISTUS, ab eo rogando impetraverint, ut in temperamentum porcorum humano proximum non sine magno mitterentur mysterio: fatentur verò Medici suillam esse temperamento humano proximam. Deinde inter has pestes bonis oppositas sunt qui se opponant duodecim signorum, aut septem planetarum, aut septuaginta duorum decamiorum angulorum-ve Mundi, & in summa omnium provinciarum, urbium, regnorumque, & imperiorum, imò etiam ipsorum hominum custodibus. Sunt tamen omnino ex uno decem motorum ordine deturbati. Hac de re Antiqui invocabant virtutes terræ & aquæ dominatrices, ut nocturnis obstarent: nocturnos autem etiam ne nocerent placabant. Illis enim hircus in desertum ad Azazel destinatus, Populi peccatis onustus, im-mundusque, & ipsum summum Pontificem tactu inficiens, vivusque mittebatur, donec ungeretur Sanctus sanctorum, quique imperio mero illos confringeret CHRISTUS. Genii autem sunt virtutes inferiores locis incumbentes, precibus votisque excitabiles, cœlitusque ibi addictæ, quarum masculæ superioresque partes sunt Angeli, ita ut illi sint ut purus sub DEO actus naturæ arbiter, hi autem sint instar potentiae & intellectus passibilis: sicut enim videmus non excitari actualem formam, nisi prius dispositâ materiâ de ejus potentia educatur, sic in votis humanis est: nisi enim materialem suscitaveris, inferioribusque votis satisfacere in loco curaveris, superior non est adfuturus, nisi absolute in nomine mentium & spirituum omnium Principis per vitæ divinæ similem cum intelligentiis habitum, ut fecere possuntque facere veri CHRISTI imitatores; quæ est via ad cœlestia omnia evocanda certissima, quaque duce Noachus non tantum cœlestia sibi Numina conciliavit, sed illa etiam quæ rationis sunt expertia in suum coëgit imperium. Sed ut ad rationes redeam Antiquitatis, verba Plinii lib. xxviii. cap. ii. pro fine hujus capituli ponam: Flaccus Verrius ponit Auctores, quibus credat, quos ait asserere, Sacerdotes Romanos in expiatione urbium, quæ oppugnarentur, solitos esse Genios illos Deos-ve illius civitatis evocare, pollicerique illis & loca magis augusta & cultum ampliorem apud Romanos. Durat etiamnum hoc sacrificium in disciplina Pontificum. Et ea de re occultum erat nomen illius Genii, in ejus tutela Roma erat, ne quisquam hostium posset illum sacrificiis ad se allicere. Ex quibus Plinii verbis videtur summam primamque originem Romanæ & multò maximè Etrusci cultus in Geniorum nomine, origine, evocatione, & cultu esse positam, ita ut ob Genii custodiam & Genio & urbi commune nomen imponeretur. Nam utrumque scriptum reperitur, & occultum fuisse Genii & urbis nomen, ne evocatus Genius urbem relinqueret destruendam.

CAP. XLI.

Quod Etrusci tantâ erant Geniorum Angelorum-ve cognitione, ut scirent qui cultus & quæ sacra eos decerent.

Brevissima est sententia Ciceronis, quam supra unâ cum aliis citavimus de *Etruscis*, sed sensu longissima. Ait enim, *Etruriæ principes disciplinam sacrorum docento. Quibus Divis creverint procuranto.* Ultima isthæc periodus discutienda mihi est. Totus Orbis post Diluvium omnino inhabitatus sensim fuit ex una domo, sensim auctis familiis missisque coloniis in suam habitationem reducendus, ita ut sicut herbæ, arbores, fruges, animantia sensim fuere in sua incrementa reducenda, sic & consortia hominum, & urbes, provinciæ, imperia, regna fuere à suis principiis in sua augmenta crescendo traducenda. Quum autem singulis locis & conventibus sua præsent Numina cœlique virtutes ad hoc, ut ritè institutis crescentibus & confirmatis Populis Genii servarentur propitii, opus erat ut duplici scientia & singulari bonitate sanctitate-ve primi valerent *Razi-Hinui*. Ad hoc enim ut nomen naturæ Genii ubivis innotesceret, opus erat ut summâ syderum virtutumque cœlestium cognitione & scientiâ valerent, & ubi influxum cœli in loca ipsa decumbere nossent, Genium ipsius, & non alterius partis cœli, dominum cognoscere dato ex cœlo nomine possent, perque vitæ conformitatem evocatum respondentemque compellerent. Quum autem vetustâ *Chaldeorum* doctrinâ sint ita dispositæ omnes creaturæ ipso homine inferiores, ut sint per suas classes cœli virtutibus addictæ, opus erat *Etruscos* summâ Magiæ veræ sanctæque sapientiâ pollere, ut illo rituofo infantilique aut juvenili sæculo aptissimè quid quibusque Divis crevissent procurarent, non ut loca res-ve Geniis & Genios locis, sed ut sibi gratas & addictas res curarent, in cultu adesse offerrique, quam ad rem & cœlestium & elementarium doctrinarum rerumque cognitione opus erat. Ideo meritò summi sapientiæ Antistites crediti sunt. Sic autem per eorum disciplinas usu sapientum olim tam probatas, quàm, ubi consensissent & ad imperitorum impostorumque manus pervenire, fuere odiosæ neglectæque tanquam quæ nil unquam veritatis habuissent, factum illud olim fuit, quod facere nos unus CHRISTUS per sua sacra docuit, Philosophus autem per demonstrabiles disciplinas. Didicimus enim summâ auctoritate & ratione multas esse intelligentias separatas, unde sequitur ut inter multa ejusdem generis sit aliquod primum, quod sit instar cæterorum, cujusque solius imperiis cætera omnia & sint, & moveantur, & conserventur, ad cujus cognitionem *Etruscos*, quum deligerent quæ quibus Divis crevissent, si discussissent omnia, venire opus erat, ut revera venerant. Ideo *Jovis* nomine illum appellabant Spiritum, qui in summo gradu comprehendendi potest. Nec est putandum, quum *Jovem* Optimum Maximum colerent, ut sacra perditissimis hominibus *Nimrodo Asiatico* Tyranno aliis-ve ejus tyrannidis & ambitiosæ superbix successioribus, qui *Saturnum* priscum à sua sede depulerant exfulareque *Asiâ* coëgerant, aut ipsi *Jovi* pæderastæ *Cretensi* sacra facerent, quum illi in nomen sacrosanctum primæ Mentis involassent, non tantum gloriæ inferioris Mundi avidi raptores, sed cœlestis & summæ in summo nomine occupatores. Illud enim sacrosanctum & tetragrammatum nomen, quod prisci *Hebræi* in summis habuere secretis, quoque ex æquo & DEUM immotum immobilemque, & sapientiam creatam increatae

A consubstantialiter unitam significabant Prophetæ, perditissimus *Babyloniæ* fundator *Nimrodus* unâ cum sacris ritualibus-ve libris furatus fuerat, sibi-que, tanquam qui summum sapientiæ attigisset, aut in quem summa Mens cœlitus extrinsecus-ve advenisset, attribuens nomine *Jovis* dici volebat, ut & *Graciæ* impostores, qui *Zeds* pro *Jovis* dixerent. Hanc impietatem noverat & Pater *Janus* & *Etrusci* Doctores, quare primæ Intelligentiæ Menti-ve mobili sub nomine *Jovis* sacra faciebant ubivis gentium. Licet enim ex vi Cœli & Astronomiæ cognoscerent Genios, tamen quia raras provincias in terrarum Orbe prisca designarat Antiquitas cui parti cœli subessent, ideo ille Intellectus, qui instar omnium esset, *Jovis* nomine ubivis gentium colebatur tanquam Universi Dominus, cujusque cætera membra & partes essent. Verum quidem certè est, licet primus ille Genius, Angelus, Intellectus, Mens, aut Spiritus curam Universi habeat, & ubivis terrarum dominetur, tamen ille ipse JEHOVA diligit portas *Zionis* arcis *Jerosolymitanæ* plusquam omnia duodecim Tabernacula duodecim filiorum *Jacob* & Gentis *Judaicæ* electionem, eò quod ab æterno erat ita constitutum, etiamsi homo nunquam seipsum destruxisset, ut ad illas portas *Zion* in propria veniret, nomine imperfectionis humanæ summo DEO satisfactorus, cujus ea de re *Judæi* adhuc expectant ibidem futurum adventum ante mille quingentos & quingenta annos elapsum.

CAP. XLII.

De Geniorum, Spectrorum, Heroum, & Mentium natura, & quomodo per cœlestium rerum cognitionem etiam prima Mens Genus-ve potuerit cognosci.

UT impiissimè, ita verissimè duas *Plinius* protulit in eodem loco sententias consideratu dignissimas. Summâ enim impietate *Hist. Nat. lib. xxviii. cap. ii.* scriptum reliquit, divinam clementiam non potuisse hominibus dedisse majus donum quàm ut nulla divina miracula credantur. Quod quidem axioma si ad aruspiciorum & extispiciorum dubiorumque responsum, quæ ex religione corrupta referuntur, rationes velles æstimare & non ultra, benè quidem haberet; quum autem de illis omnibus dicat miraculis, quæ olim contingere Annalibusque sunt mandata, ut omnino tollat curam Divinæ Providentiæ à Mundo, impietatis plenissima est opinio. Verissima autem illa est, quâ ibidem dixit, nil attinere res divinas illis qui animum non adhibuerint. Animi itaque adhibito, credulitas, cura-que facit, ut unus innumera videre & pati possit divinitus, quæ alius quidem acutiore forsân sensu non videat. Hinc vidimus hæcenus Prophetas, eò quod assidue circa Divinæ Naturæ considerationem, tanquam circa summum scire, sint occupati, quoque modo curam rerum humanarum habeat assidue cogitent, fieri ejusdem Naturæ participes & Divinatione præditos. Per impietatem quidem sententiæ *Pliniane* affinem factum est, eò quod nullus ampliùs credat DEUM humanas res curare, ut nil planè rerum supernaturalium credamus, aut si maximè sint aut fiant, fateri animumque illis adhibere velimus, quare ab ipsa sententiâ tanquam à summa peste mundi fugiendum est. DEUS aut Natura communiter non agunt nisi in materia disposita. Non tantum itaque viro bono est fugiendum ab hac impia opinione, sed contendendum illi est, ut maximè amando quærendoque quod novit in causis præstantissimum, adhibeat rebus omnibus & maximè miracu-

raculosi & extra naturæ consuetudinem factis animum, ut omnia DEO auctore fieri certissime credat, quumque DEUS nullo modo particulari aut novo motu moveatur, & res per se non possint, maxime ut sint, aut postquam sunt, ut non sint, & seipsas destruant, moveri necessarium est assidue illam Mentem primam assidue mobilem DEO-que unitam, qua duce & misericordia & iustitia DEI assidue dispensatur revereri colereque. Ut hoc in universo Orbe fieret, sunt inditi ubivis locorum Genii sic dicti, quod generationi in illis locis fieri solitæ præsent, conserventque in suis naturis singulas generationes cum animantium plantarumque aptis uni loco gentique speciebus. Ideo natus in *Græcia Græcitatem*, in *Italia Italitatem*, in *Gallia Gallitatem* naturâ redolet. Sic de vino & fructibus. Spectra autem dicuntur, quod sese Genius, Angelus, aut Dæmon malus, corpore ad tempus aptato, ob aliquod signum, quod Divina Providentia invisibilis vult ibi cognosci interpretarique, manifestat. Sunt autem genera talium duo & quinquaginta ex elementis solum vestita. Bonorum & malorum Spirituum sunt quadraginta genera ex sphaerarum ratione nata. Quum lumine vestiuntur, varii sunt gradus alii, uti & stellarum lumen. Qui præsent signis duodecim, sunt ducenti & quadraginta, qui obstant, totidem. Qui præsent duobus & septuaginta angulis decemoris, mille quadringenti & quadraginta, qui obstant, totidem, ex numero decem orbium deducti, & principes omnes. Fuit autem Antiquorum resolutissima sententia in una illa Mente, quæ extrinsecus in omnes homines divinitus ratione formandos adveniat, & demum in suum resorbeatur principium, nasci formam humani generis, ita ut vocarent Geniorum Angelorum-ve genus heroicum divinumque, & Deos Heroësque, postquam in corporibus feliciter & secundum virtutem ad summæ Mentis honorem vixissent, quos Sanctos modestiore quidem, sed idem planè significante, vocabulo nostri vocant. Eo enim quisque sanctior aut diviniore habeatur oportet, quod magis conformari omnium intelligentiarum Principi CHRISTO fategerit. Quum autem *Etrusci* tantâ rerum cœlestium cognitione pollerent, ut possent quoties libitum esset elicere IOVAM, Genios, fulmina, ut certissimis Annalium monumentis traditum est, nullâ sunt parte inferiores ipsis Magis orientalibus putandi, quum à principe omnium doctrinarum essent formati. In summæ autem veritatis monumentis traditum est, tantâ polluisse astrorum scientiâ Magos, ut, quum sacrorum cura apud ipsos *Judeos* & eorum magistratus periisset ob incuriam, illis ad res fluxas omnino attentis, Magi ipsi per syderum scientiam excitati venerint ad *Judeorum* regnum sub primo cœli aspectu positum, Regem illorum adorandum requisituri. Licet autem ipsi scirent aliquando summam Mentem, quæ est Mens mentium, incarnandam, & futuram non solum Angelorum Geniorumque, sed hominum Principem, & DEUM à toto terrarum Orbe adorandum, tamen quia tempus ejus adventus scire non poterant, ipsa Divina Providentia voluit, ut ejus regionis Genius stellæ spectro vestitus illos à finibus *Orientis* in *Judeam* usque conduceret, & ibidem postquam advenissent usquequo ille nasceretur delitesceret. Quum autem stetit spectrum rursus excitatum super locum, ubi nata erat Mens Mundi, disparuit veluti summo functum officio. Quum autem ejusmodi apparent quacumque sint formâ nil refert, spectra omnia sunt ita arbitrio prædita, ut non nisi quibus voluerint se ostendant. Sic de triplici sole aut parhelio unis & non alteris apparet. Quicquid enim nugentur Philosophi, Geniorum spectra

A sunt. Quod vidit *Paulus*, socii non viderunt, sed vocem, in qua fructus erat, audierunt. Soli *Eliseo Elias* primæ Menti conjunctissimus, licet verum corpus esset quum raptus est, apparebat. Nonne & *Bruto* occisuro suus Genius ater solivisus est? Sed de spectris alibi. De conservis enim nostris, qui testimonium summæ veritatis habent nobiscum, nosque conducunt in eorum & nostri capitis cognitionem, nobis est agendum. Ad hoc enim omnes nati sumus, & in spiritu animæque præstolamur, donec nunquam separandi illis uniamur, membraque nostri corporis, capitis, integri, & totius reficiamur nunquam separandi. In eo autem longè quàm in ratione & cœlo clariùs cognoscemus omnia per suam causam. Sed quis sit illi maximus honos habendus videndum.

CAP. XLIII.

Quæ hostia summæ Intelligentiæ Mundi creverit, quis-ve cultus summus, & qua de causa maximè debeatur & DEO & HOMINI-DEO Mundi Arbitro.

C ET si *Berosi* fragmenta nullam habebunt apud cervicosos aut forsitan etiam apud nonnullos veri amatores fidem, tamen quum apud Auctores & antiquissimos Scriptores inveniuntur eadem, quæ & in eo scripta sunt, illius fides nullo jure elevari poterit in illis, quæ conformiter aliis scripta reliquit. Hoc adfero, quod mihi quidem certè dolet plurimum, ut eo solo nomine malè audiat, quod sacris conformia posteritati tradidit, quoque nomine plurimum laudari & omnibus præferri Auctoribus deberet, eo sperni & rideri ab hominibus malè erga res divinas affectis solet. Principium humani generis instaurati Diluvium est, nec quisquam aut Philosophus, aut Historiographus mihi ullas rerum gestarum memorias (etiãsi centies millies centena annorum millia aut Universum aut quosdam Populos vixisse fingat, mentiatur, asserat) supra Diluvii tempora referre poterit. Auctore autem viro sancto nomine *Noacho* & *Jano* *Syriæ* habitatore fuisse servatum genus humanum à clade Diluvii testatur *Berosus* iisdem verbis atque in *Josepho* citatur. In eandem sententiam etiam *Hieronymus Aegyptius*, & *Mnaseas Phoenix*, & *Damascenus* citati ab eodem Auctore adducuntur. At verò quum illi desiderentur, *Berosus* sit suspectâ fide, *Josephus* auctoritate sacrorum nitatur, sitque *Judaicæ* persuasionis homo, iis qui à Sacra abhorrent Historia non facient fidem. Sed unus in medium prodibit, cujus fidem nullo modo poterunt elevare. Scripsit *Solinus* homo *Romanus*, (ideo nobis fidelius citandus, quod plus in auctoritate vetusta quàm in ratione posuit) ubi de Diluviis agit, fuisse à primo novimestrique Diluvio, quod sub *Ogyge Phœnice*, usque ad illud, quod *Deucalionis* tempore fuit, annos septingentos. Ex cujus verbis multa colligere licet. Quod supremâ hominum memoriâ fuit Diluvium novem mensium & incircumscriptum universaleque. Quod ab homine *Syro* nomine *Ogyge* superstes factum est genus humanum. Quod septingentis annis fuit ante illud Mundi principium, quod *Græci* humano generi sub *Deucalione* & *Pyrrha* tribuunt. Ut autem satisfaciam magis, ipsissima *Solini* verba & non solum appensa ponam: *Memnisse hoc loco par est, inquit, à primo Diluvio notato sub Ogyge, quando diem innumbravit continua nox mensibus novem & amplius usque ad Deucalionem, septingentis annis medium ævum dari.* Hæc ille. *Metasthenes* autem *Ogygem* illum esse *Phœnicem* scripsit. Ea de re omnium rerum, sed præcipuè quæ ad litteras

& navigationem attinent, fuisse inventores *Phœnices* scribunt *Romani*, primi eorum hac in re alumni. Ista confirmationis præcedentium gratiâ adjecta volui, antequam ad illum finem in quem tendo perveniam. Quum enim hodie in toto terrarum Orbe *Christianis* videlicet, *Judeis*que, & *Ismaëlitis* sit Diluvii factum omnino persuasissimum, opus mihi visum est, ut illis, qui auctoritate humanarum litterarum sine ulla persuasione in verum ducuntur, etiam satisfiat, ista in rei, quæ in toto Orbe terrarum mirabilissima est, confirmationem adjicere. Nullum enim dubium esse potest, quin *Solinus* homo *Romanus* ex priscis *Etruriæ* Annalibus ista desumpserit. Quis enim dubitare queat, quin illis *Commentariis* septem librorum, qui juxta sepulcrum *Numæ* junioris in arca lapidea sunt reperti, de religionis jure, conservatique, fideliter essent conscriptæ res antiquitatis. Præterea quum *Cecina* à *Plinio* citetur scripsisse de *Etrusca* Disciplina, fieri non potest quin etiam de originibus ea omnia quæ vera erant tradiderit: habuerit unde libet nil refert: verum enim vero consonat; potuit ex omnium Gentium litteris potius quam ex *Hebræis* habuisse; illæ enim vix ante nostram memoriam fuisse unquam aliis Gentibus quam *Judeis Christianis*-ve paucis in *Syria* communes. Nullum itaque à DEO Optimo Maximo unquam beneficium, per Mentis universalis ministerium, post Mundi creationem, majus accepimus, quam quum duce *Jano* & Deorum & hominum Parente à clade aquarum liberati sumus. Quum autem non tantum simpliciter generaliterque sit referenda summo benefactori gratia, sed maximè illius beneficii nomine, quod maximum accepimus, quoque assidue fruimur, necesse est, ne DEUS suâ fraudetur intentione, ut à toto Orbe terrarum in Diluvii memoriam sacra dies constituatur, & DEO, & CHRISTO, & *Noacho* ejusque sanctissimæ conjugii, inque tantæ liberationis memoriam talia DEO sacrificia offerantur, qualia & possint ab omnibus offerri, & à primo Pontifice Mundi leguntur oblata. Quum autem hoc liberationi à Diluvio debeamus quod vivimus, vitamque in toto Orbe terrarum usu panis & vini trahamus, delibare necesse est in æternum ipsi DEO ex ipso pane & vino, aut ex iis que instar istorum pro usu vitæ habentur, secundum *Melchisedeci* factum pro *Abrahamo* & CHRISTI institutionem in sacris mysteriis corporis. Ea de re CHRISTUS in sacro *Latinorum* ritu voluit sacra mysteria vocari, non tantum Novi & in *Christianismo* usitati, sed Æterni & jam cum ipso *Noacho* in gratiam Universi constituti Testamenti, ut, postquam *Christianismo* arctiori limite contento pro Novo solum servierit Testamento, etiam ferviat olim toti Orbi pro Æterno. Hoc enim nomine est factum, ut CHRISTUS Rex Regum, & Pontificum Pontifex, DEUS Deorum, Mentiumque Mens, & Angelorum Princeps voluerit dici secundum ordinem *Melchisedec*, qui alioqui est omnibus modis CHRISTO inferior. Quod enim esset Mens de mente CHRISTI, & Pontifex de potentia CHRISTI, hoc erat CHRISTO inferior, sed quia Mens illa erat Menti carnem in CHRISTO concomitanturæ æqualis, demptâ Divinitatis unione, quæ in solo CHRISTO sola est, & duce eadem Mente, primus legitur libasse DEO panem & vinum tanquam vitæ humanæ bases, in quibus CHRISTUS consummationem divini posuit mysterii, ideo Pontifex secundum ordinem *Melchisedec* dictus est. *Latinis* autem solis in consecratione mysteriorum hoc verbum ÆTERNI Testamenti est additum, quia Princeps ejus institutio-

nis, quæ jam à Diluvio æterna esse debbat ubi-vis gentium, *Janus Noachus*-ve est, *Latini* Orbis una cum sua primogenitura basis, qui vitam à Diluvio pietate eripuit.

CAP. XLIV.

Quo mense quoque die, re ad nostros menses æstimatâ, incæperit & finem acceperit Diluvium.

ANnum unum solidum & decem dies fuisse Orbem terrarum à contactu humani generis immune, quum Diluvii clades in Orbem universum irrepsit, hoc verò sacrorum monumentis est traditum. Secundi enim mensis die decimâ septimâ incæpit pluvia, & *Janus* cum tota domo intravit in Arcam in salutem generis humani comparatam. Revoluta autem per suos duodecim menses anno eodem mense secundo ad vigesimam septimamque diem exaruit terra, & *justus Noachus* cum tota domo exivit de Arca. Licet autem carina felicitis navigii consistentibus aquis mense septimo hæserit vertici montis *Pariedri* in *Armenia*, mense autem decimo cacumina cæterorum montium apparere cœperint, tamen aquæ omnino à planicie ante revolutum annum non sunt remotæ. Quum autem cæteri montes inter nonum & decimum mensem cœperint emergere, exterarum litterarum memoriis proditum est novem mensibus & ampliùs caliginem tantam fuisse, ut dies instar noctis esset, tantique temporis Diluvium est judicatum. Nunc diligenter est attendendum, quisnam esset mensis ille, ut possit nobis constare quando tanti beneficii memoria sit recolenda. Nunc non agam hic more quorundam doctissimorum, qui rationibus variis colligunt quinam Gentium melius fecerint, aut qui à verno æquinoctio, aut qui ab autumnali incœperint annum. Quod enim ratum fixumque est, in dubium rursus vocare dementia, non sapientia est. Consensu omnium Gentium, & ante omnes *Chaldaeorum*, *Magorum*, *Indorum*, & omnium doctrinæ cœlestis Interpretum, stat ibi esse anni solaris principium, ubi primum cœli signum est positum. Hoc etiam, quidquid sit à multis nugatum, à *Saturnitis Romanis*-ve erat ante *Numam* usitatum, nec unquam fuit annus decem mensium. Sed ut sacra in nomine *Jani* sacrationa faceret, detractis à cauda anni duobus mensibus, illa addidit præposuitque capiti, & pro *Undecembrio Duodecembrio*que (sex enim ab imbre nomen habebant) *Januarium* *Februarium*que nuncupavit, ut primus Deorum Urbisque repurgatio in primis festis ponerentur. Restat manifestissimum rei signum in *Bissexto* & brevitate *Februarii*, qui ultimus erat. Præterea nulla Astronomiæ, quæ tamen apud *Etruscos Romanos*que semper summa fuit, ratio patitur, ut annus possit decem mensibus consistere. Id quod mutavit & aliunde sumpsit visus est adinvenisse. Sed sit hæc lis adhuc sub *Judice*, si videtur, constat etiam *Romanos* in hoc orbi cæterarum Gentium convenire, quod anni solaris principium ponant in Arietis signo & mense. Quum, autem *Hebræi* & eorum nothi spurii-ve *Ismaëlitæ* utantur in sacris mense annoque lunari, jam à *Mosis* temporibus instituto, & ad nos usque in Paschatis festorum mobilium ratione transvecto, certissimum est, quem *Moses* est divinitus *justus* mutare, annum esse lunarem. Lex enim à sapientissimo Legislatore nunquam ponitur de iis, quæ jam in lege sunt ubi-vis posita. Quum, ut suum Pascha & cursum rituum *Hebræicorum* institueret *Moses*, *justus* sit ut *Martii* Arietis-ve mensem primum faceret in mensibus anni, hoc ante non fuisse in usu fateatur necesse est, quisquis

quis DEUM nolit superfluitatis imprudentiæque inculpare. Cœpit itaque divino jussu *Moses* traducere anni lunaris caput à condito Orbe in autumnus principio usitatum, in verni æquinoctii signum, ita ut proximæ æquinoctio lunæ novæ quartadecima dies seu plenilunium, quacumque die eveniret, sit Paschatis apud *Judæos* festum. *Christiani* autem (ob quam differentiam olim *Asia* à nobis est separata) decreto *Romano* fecere, ut non quolibet die, sed primâ quaque post plenilunium vernum Dominicâ statueretur memoria HOMINIS-DEI à mortuis suscitati. *Judæi* autem ob relictum Sabbati & hujus diei Paschatis festum à nobis maximè sunt separati. Qui itaque septimus mensis anni lunaris ante *Mosē* jam à condito Orbe fuit, ob septenarii numeri mysterium factus est primus: nam, ut dixi, de iis, quæ jam sunt & fiunt, lex nunquam posita foret à Divina Sapiencia ut fierent: nam ne Rusticus quidem hoc faceret, nedum Princeps sapiens, aut DEUS. Quod autem ita habeat, ex rerum præsentium usu videri potest. Quum enim, antequam Lex divinitus Decalogo aucta reciperetur, in memoriam Creationis & Diluvii observaretur mensis autumnalis æquinoctii pro anni capite, prisca Patriarcharum Religione imbuti, antequam ad eos liberandos veniret *Moses*, *Israëlitæ* fixum servabant in autumnus principium lunaris anni. Quare prisca Interpretes & sancto timore viri Legis observatores, videntes esse jussum ut anni principium esset ad Pascha mense *Martio*, & non esse prohibitum ut esset observareturque ad mensis *Septembris* plenilunium more Patriarchis usitato, censuerunt in utroque mense servari caput, quod nunc in suo usu servant ubivis *Judæi*. Licet enim palam non asserant esse caput usualis anni in *Martio* aut verni æquinoctii luna, ut jussus erat *Moses*, tamen ipso Paschatis festo testantur ibi fuisse constitutum, ubi & ab illis & à nobis observatur tacitè. Jam itaque à Creatione Mundi ille annus, de quo in Fastis sacrorum agitur, fuit lunaris, cujus caput in luna æquinoctio autumnali proxima constitutum est ea de re ab *Adamo*, (in quo fuit primus intellectus numerator, qui temporum observationi dedit principium) eò quod ipso ad vesperam diei sextæ creato luna biduo ante in oppositione creata, sole in Ariete, & luna in Libra, fuit secundæ post solem admirationi. Ubi itaque longissimo illo vitæ cursu dies in horas, hebdomadas in dies, menses in hebdomadas & dies, annum in menses, coelum in signa, signa in gradus, gradus in decamoria reposuisset, vidissetque assiduo annorum recursum ponendum esse in duodecim mensuris mensibus-ve anni orbem, statuit constituere caput anni solaris in Arietis principio, quamvis jam esset in tertio ejus gradu die sexta. Anni autem lunaris voluit esse principium in Libræ proximo novilunio, licet illam tertio à plenilunio die tantum in fine signi vidisset. Hæc autem ex sacra Auditorum *Mosis* interpretatione sunt petita. Quum enim ad hoc DEUS Mundum condiderit propter hominem, ut ipse homo Universi Imperator constitutus & Creatorem agnosceret, & assidue illum amare revererique & laudare pergeret, maximè autem nomine maximorum beneficiorum illi collatorum, quum sol semper videatur uniformis, homo autem varietate novitateque & mutationibus oblectetur, voluit priscorum Patrum & imprimis *Chanochi* summâ sanctitate Prophetæ, doctrinis, & scriptis, (is enim *Adamo* Amanuensis fuisse legitur) ut apud Religionis veræ observatores annus lunaris servaretur, ad hoc ut duodecim signorum, aut mensium, aut variarum cœli vicissitudinum videretur in luna signum, quo viso omnes in Creatoris laudes renovatas prorum-

perent. Unde quum in toto sacrorum ante *Ezram* scriptorum corpore, maximè autem in libris *Moseos*, nulla nisi de lunari anno mentio fiat, certissimum est etiam sanctorum sanctissimum *Noachum*, quum memorias Diluvii posteris tradidit, eas notare voluisse secundum lunaris anni usum, Fidelibus ob crebras laudes DEI constitutum. Secundus itaque mensis, quo contigit Diluvium, est *Octobris* luna, quam facile quivis inveniet ex observationibus *Jo. Lucidi Samothei* retrocedendo. Decima itaque & septima die ejus lunæ memoria cladis, & vicesima septima ejusdem est liberationis Mundi celebritas constituenda, in quamcumque diem illa inciderit nil refert. Sed castigandum est prius *Romanum* Calendarium, & quod ad cursum solis, & quod ad cursum lunæ attinet. Mensis autem *Octobris* luna ob Diluvium, quod *בבול* *Mabul* dicunt, vocata est *בול* *Bul*, ab ultima syllaba, quum alioqui *מרחשון* *Marchesvan* & *חשון* *Chefvan* vocetur. Nomine verò horum sacrorum *Moses* divino jussu oraculo instituit in hunc mensē dies *כפּוּרִים* *Chippurim*, ut vocant, id est, festum, quo credunt olim & sibi & Orbi indictum iri eo tempore omnium scelerum remissionem verumque adventus MESSIÆ fructum. Est enim Pascha alterum in Diluvii memoriam apud eos tacitè institutum, ut in sanctis Priscorum habetur Commentariis. Ea de re quum omnia in figuris futurorum apud Patres fierent, templum *Salomonis*, in quo fuit consummata felicitas Ecclesiæ *Judaicæ*-ve Reipublicæ, hoc mense in hanc spem completum est, ut totus Orbis aliquando eadem tempestate in unius ovilis confectus-ve publici corpus sacrosanctis generalibusque ritibus compactum reducat. Ideo maxima quæ unquam ab Orbe condito fuerint miracula hac tempestate eodemque mense jam ab anno 1541. contingere, licet nondum Orbi innotuere, nec prius innotescant, quàm ad sua incipiat Mundus repedare principia, origines, ritusque antiquissimos, quoniam ædificatâ admirabili pulchriorique machinâ, quàm unquam fuerit aut in posterum esse possit, temploque DEI dicatâ, incipiet Orbis in DEI ejusque admirationem rapi, Divinæque Providentiæ non tantum credere, sed ejus clarissimè cognoscere ordinem, potentiam, & de omnibus singulisque hominibus curam.

CAP. XLV.

Quod in Etruria & Romæ Janus, Sanctorum Deorum-ve & hominum Parens, ita seculi aurei Religionem constituerit, ut Romana semper fuerit (uti primus Etruscæ partus) cæteris incorruptior, & ferè ea omnia quæ apud *Judæos* observarentur observarit.

PRæterquàm quod *Romani* illos, quos merita vocarunt in cœlum, non satis diligenter ad veræ virtutis rationem examinatâ eorum vitâ, colere, unde sensum est exornatâ Idololatria, nihil est quod in ejus temporis Religione improbes. Nam quid, rogo, potuit æquius fieri quàm ut sicut nos *Petrum* in primo Divorum nostrorum loco venerandum jure merito posuimus, ita illi etiam consecrarent ejus exuvias, qui à Diluvio Universum eripuisset? Numina cœli & terræ in *Jano* & *Vesta* semper in primo Divorum loco posuere. Sicut enim nos ideo Sanctis divinos honores in Ecclesia exhibemus, quia revera CHRISTI membra fuisse, & non solum mens de mente & spiritus de spiritu, sed, ut ait *Paulus Eph. v. 30. os de ossibus ejus & caro de carne ejus*, uti in quibus ipse vixit,

nec illos colimus propter se ipsos, sed propter eum qui in illis habitavit, & in quem eorum spiritus & mens resorpti sunt; sic aurei sæculi Duces non ideo *Janum* primum inter quindecim Deos, & *Vestam* primam inter decem Deas coluerunt posueruntque, quod homines essent, sed quia summæ Mentis & summi Spiritus in illis vixisset participatio. Sicuti videmus, nisi crebra & doctissimorum Antistitum & Conciliorum excellentissimorum diligentia obstitisset, innumera monstra falsarum opinionum, cultuum, miraculorumque irrepsissent circa nostram persuasionem summâ alioqui veritate nixam; sic non est mirum, ubi olim aut nihil aut non tantum diligentia fuit, tantum falsitatis irrepsisse, ut meritò quisquis à fine tantum rem æstimarit, putet pessimam fuisse; in qua opinione asserenda excelluerunt *Augustinus* & *Lactantius*, cæteri omnia omnino improbant. Sed quis hoc fuisset ausus, si *Janum* fuisse *Noachum*, si *Vestam* fuisse *Naomam* ejus sanctissimam conjugem scivissent? Ex ipso autem *Halicarnasseo* videre licet, quamvis coluerint vocabulo cæteris Gentibus communi multos Deorum, summopere abfuerit ab impietate fabularum Divis adscribenda, quæ à *Græcis* excogitata est. Certè apud *Romanos* (ait *Halicarnasseus*) non decantatur *Romæ Cælum* fuisse à filiis castratum, nec *Saturnum* filios suos occidere ne illi infidientur, nec *Jupiter* qui recludat patrem in inferno, aut *Saturnum* regno pellat, nec bella, nec vulnera, nec cædes, nec carceres, nec servitutes Deorum apud *Romanos* reperiuntur, nec Deos amissos fæminarum instar desit, ut *Græci* de *Proserpinæ* raptu &c. Multaque idem Auctor *Græcus* in eadem adfert sententiam, ut concludat priscis *Romanorum* ritibus nil Diis indignum fuisse in usu, quod non faciliè credunt qui *Antinuum* & *Floram* cum *Nerone* & *Heliogabalo* inter Deos viderunt, nihil de veteribus institutis solliciti. Quid an hodie, quum in vita præsentiperditissima flagrantissimaque ambitione homines ob solos titulos videmus sanctissimos vocari, æstimabimus ex hac præsentii impietate sacras *CHRISTI* Petrique origines? Nonne etiam de *Annæ* & *Cajaphæ* impietate metiemur *Mosè* & *Aharonem*, aut *Samuelem*? Testatur verò paulò post idem Auctor: Summopere cautum fuisse *Romæ* ne peregrinos ullos Deos reciperent, nisi quos oracula accersere jussissent, ut de *Idæa* Dea, quam ne errarent ritu *Phrygio* patrioque & non *Romano* coli volebant. Præterea ab omni fabularum genere, in quibus excogitandis principes fuere *Græci*, summopere exhorruerunt, quum cognoscerent (ait ille idem) *Romani* & parum utilitatis & ad paucos pertinere, quam à *Græca* Mythologia traherent, utilitatem. Inde verò, ex fabulis scilicet *Græcicis*, factum est, ut turba maximaque populi pars rerum ignara aut contemnat Deos sceleribus & passionibus infames, bonisque viris & fortibus omnino dissimiles, pessimisque deteriores, aut si illos probat & timet libenter imitatur. Hæc ille. Sic videmus à doctissimo Scriptore & *Græco* probari, quod ex solis fabulis *Græcis* contaminari incepit primò *Romana* Theologia. Nam alioqui & præstantissima quæque solent ipsius usus diuturnitate in abusum converti, & in tantò deteriores exitus deduci, quantò præstantiora fuere principia. Hinc pessimi hominum qui unquam fuerint ii sunt, qui senescentibus religionibus nomina ad hypocrisim *CHRISTO* & *Mosè* dedere: summo enim mentis lumine armantur ad Orbis perniciem. Ea de re maxima belluarum & tyrannidum Mundi consummata fuit *Romæ*, ubi præstantissima ante *Trojanos*, *Græcos*, & *Romulum* fuerant rerum sacrarum initia: nefarius enim Genius tantò magis se bonis opponit, quantò sanctiori decreto suos Populos

A regunt. Ob præmium autem necesse est in assidua lite positum esse Mundum: nam nec bonis viris, nec bonis eorum Geniis quicquam laudis esset, nisi *VIRTUS IN ARDUO* posita esset. Et si fuit igitur corruptio maxima *Romæ*, ut fuit revera, illa tamen fuit tolerabilior quàm ubivis gentium, quod ad priscæ Religionis usum attinet. Unde positus sub *DEO* Optimo Maximo, qui, pace *Augustini* dixerim, erat verus *JEHOVA Hebræorum*, cœli & elementorum virtutibus, & ante omnes septem planetarum intelligentiis, in suæ Religionis fundamentum memoriis eorum, qui inventis aut virtutis exemplis juvassent vitam humanam, à *Jan*o incipientes sensim cœperunt augere cultum, donec ex virtutibus etiam ficerint Numina. Corruptior ætas ad vitia & res quascumque vulgatissimas traxit. Sed quidquid fuerit vitii aut virtutis in Religione positum, quod erat ipsis *Judæis* & Patriarchis in primo præcepto & usu, hoc est *Sabbatum*, illud fuit etiam *Romæ* usitatum. Licet enim non esset forsan eadem dies, quæ apud *Judæos* observari solita est, tamen sicuti nos in *Solis* die, *Pseudo-Judæi Ismaëlita* in *Veneris* die, eandem atque *Judæi* in *Saturni Sabbati*-ve die septem intelligentiarum, quæ planetis motrices sunt, mentionem religiosam facimus ad summi *DEI* Creatorisque laudem, sic *Romani* una hebdomadis die. Nam, ut est videre apud *Ciceronem* in sacris legibus, & apud *Halicarnasseum* in *Romuli* institutis, indicta erat *Romæ* dies sacra quieti servitiorum & animalium. Asserit verò *Dion Historicus* xxxvi. *Romanæ Historiæ* lib. ejusdem Sabbati, quod & apud *Judæos* erat, usum ad *Græcos Romanosque* fuisse translatum. Verum ejus fides ideo mihi non videtur magnificienda, quod apud *Ægyptios* dicat ortam esse hanc observationem Sabbati, quum revera, licet de Sabbatho & *DEO Judæorum* aliquid velle dixisse visus est, nihil mihi de Sabbatho quo-ve die observaretur à *Judæis* attigisse videatur, ut ipse in planetarum hæreat intervallis. Posito enim bis diatesarum descendendo, debuit ponere diapente adscendendo, & rursus diatesaron descendendo & item diapente adscendendo &c. Satis est ab illo obtinuisse hoc unum, quod *Romani* primi omnium Gentium post *Judæos* observarint Sabbathum. Certissimum verò est, quum nunquam in sacris cum ipsis *Judæis* convenerint, aliunde quàm à prisca institutione *Jani* accipere non potuisse, quum primi omnium Gentium habuerint. Licet enim ipse *Dion* dicat recenter *Romanos* accepisse, illi non crederem, nisi qua occasione adferret. Satis est ut mihi testetur Sabbati instar unam ex septem diebus hebdomadis fuisse quieti concessam. De cæteris sacris institutis præter unam Circumcisionem nil planè invenias in sacro *Judæorum* ritu, quin salvis ceremoniis, quæ ubivis gentium diversæ ut plurimum sunt, eadem omnia observarentur apud *Romanos*. Nam utrobique primitiæ consecrabantur, adeò ut panis vinique oblatio fuerit primaria *Noachi* institutio: hinc & *Mosè*os jussu, adveniente *Jetroo* socero suo, Sacerdote *Ismaëlitarum*, in *DEI* laudem, comedit panem *Aharon* *Mosis* frater summus Sacerdos una cum Senioribus *Israël*; quod fuisse instar sacramenti testantur in suis doctrinis duo & septuaginta *Mosis* Auditores. *Græci* etiam sacrificia farreationum inde habuere, ut adhuc supersit vocis *Hebræicæ* monumentum in *Græca*, illi enim *אולאב* *oulab*, *Græci* autem *ὄλη οὐλε* dicunt. Secundo libro *Hist.* scriptum reliquit hoc *Halicarnasseus*. Si quis autem velit horum certior fieri, legat apud *Ciceronem* leges prisci ritus *Romani*, & conferat cum institutis *Judæicis*: inveniet enim in unius soliusque *DEI JEHOVAH* Optimi Maximi ejusque Verbi & Spiritus me-

memoriam omnia *Mosem* instituisse sacrarum & rituum genera; *Noachus* autem, eò quòd uno gradu inferiorem & potissimum à regimine cœli petitam potentiam mentis & spiritus sub summo DEO in sua tradidit Theologia, visus est diversus. Sic enim erat opus, ut in Theologia secundum Legem *Judaicam* minùs imperfecta instituerentur sacræ memoriæ, non solum Angelorum carne & corpore carentium, sed etiam sanctissimorum hominum & religionis sacræque imperii propagatorum, quod nunquam apud *Hebræos* licuit, ob inclinationem Gentis in idololatriam. Nam ne *Abrahamo*, *Isaaco*, aut *Israëli*, imò ne *Mosi* quidem, aut *Samuëli*, plusquam Sacerdotibus sanctissimis, licuit sacras instituisse memorias, eorumque loculis facere locum sacrum. At quia ista pars etiam justissima in *Christianismi* institutis visa est, ut Sanctorum memoriis festa ponerentur, illam semper voluit institutam *Noachus*, licet nondum eorum felicitas spiritualis, antequam omnium Rex CHRISTUS corpus humanum in cœlum traduceret, esset consummata. Semper enim bonorum Angeli vident faciem DEI, & Sanctorum Deorum-ve, quos hic rexerunt, loco possunt mortalibus adesse. Quis enim immortalitatem Divorum Sanctorum-ve credidisset, nisi illam tam certò tradi à Majoribus vidisset, ut qui justè hic vixisse traderetur in DEI loco haberetur, & non tantum sibi, sed mortalibus etiam beatus? Hæc est primaria vetustæ apud *Romanos* & *Etruscos* religionis occasio & ratio.

C A P. XLVI.

In quem potissimum finem sit institutum hoc Opus, & in quem exitum, stante Providentiâ DEI, necessario deveniet terrarum Orbis.

REtuli in Operis principio Philosophi sententiam, in qua scripsit, scire est per causam cognoscere, & ea de re scitu dignissima, id est, humani generis origines, per suas causas, ut proximè clarissimèque potui, tradidi. Sed quum sit longè præstantius propter causam cognoscere, quàm per causam, ideo in hoc potissimum hanc Traditionem suscepi, ut postquam Orbis suas origines per suam cognoverit causam, videre ante omnia satagat, quid erga suæ originis causam præcipuam & cæteras ejus ministras commiserit, ut à nostra fugerit memoria, seseque penitus à nostris oculis subdlexerit. Validis rationibus ab innumeris penè Scriptoribus (quorum suprà conclusiones assumpsi) ostensum est longè præstantiorem esse eorum hæresim, qui satis habentes Mundum in suis ideis posuisse æternum, asserunt hunc visibilem habuisse principium non tantum causæ, sed materiæ, quàm illorum qui volunt Mundum sensibilem carere ideo principio materiali, quòd DEUS æternus non potuisset sine æterno materiæ subjecto suâ potentiâ & actu puro fungi. Res non sunt tam sæpe repetendæ: stat sententia. Mundus à causa pendet, habetque principium. Factus à causa præstantissima, præstantioris finis gratiâ quàm sit ipse, est in præsentem constitutionem deductus. Nunc omnium Sapientum, cujuscumque hæreseos sint, consensu in confessio est, quòd humani generis gratiâ hoc naturæ templum sit conditum. Quum autem etiam ipsum humanum genus sit ipsius Mundi pars præstantissima, & cujus gratiâ cætera sunt, opus est etiam ut sit præstantioris finis gratiâ quàm Mundus universus, quamquam ipsa una sit natura humana in hac vita posita. Quum enim verum summumque hominis bonum sit in difficillimo virtutis exercitio in hac

A vita constitutum, & sit omnino ad veræ virtutis exercitium in hoc positum, non tantum ut famam, cupiditatem, & luxum fugias, sed, nomine primæ causæ, ut ejus videlicet præscripta in omnium mentibus inscripta serves, & potius in paupertate, probo, & dolore vivas ejus amore, quàm ejus præcepta infringas, fieri nequit ut tua humana felicitas in hac vita consistat. Quòd quisque enim melior est, hic in merendi & militandi via sit afflictior oportet. Quare humanum genus est in hoc institutum, ut in DEI gloriam ejusque laudem hujus Orbis opes dispenset, cæterum ubi egregiè hoc administrarit, in eam Mentem & Spiritum, cujus omnes partes sumus, reorbeatur, inque vitam æternam demigret. DEI itaque laus in vita æterna est Mundi scopus. Quum itaque hoc genus humanum habuerit principium unum post confusionem, & alterum post Diluvium, satagendum in primis est, ut loca sacra Mundi secundum primam intentionem DEI ad *Adami* *Noachique* busta constituentur, ut inde prima jura Mundi pendeant & petantur. De *Adamo* CHRISTUS ejus instaurator in *Syria* fidem fecit, quum se omnium alioqui Dominum in *PROPRIA* venire, ut sedem æterni sui Pontificatus *Ierosolymis* stabiliret, asseruit, primariæque Legis æternæ videlicet & religiosæ tam vitæ quàm doctrinæ seminaria posuit. Quum autem sit opus, ut sicut necessariò sunt duæ Magistratus partes, religiosa videlicet & civilis, ita sint duæ sedes & duo legum fontes opus est etiam, ut, sicut ad *Adami* busta in Terra Sancta sacra sedes est, sic ad busta *Jani* figatur imperatoria & regia sedes, quæ omnia moderetur. Quum enim sit impossibile DEUM ullâ suâ intentione fraudari, quantumvis ejus effectus prorogetur, necesse est ut, sicut voluit creato Mundo primum imperium Mundi in primogenituræ *Adami* manu esse, quod ut fieret divinitus, postquam non fiebat humanitus, CHRISTUS illius regni spiritualis instaurator summusque Pontifex illud complevit jam ante 1550. annos, sic etiam fiat de secundo Mundi principio & primogenitura *Noachi* pro regno temporali. Inde *Romani* olim habebant præclaram illam *Sibyllæ* prophetiam de aureo sæculo *Romæ* futuro, cujus vestigia sunt conservata in *Ecloga Virgiliana*. Hinc sacræ Divinationis Libri in locis innumeris eandem certò certius felicitatem in regno CHRISTI adfuturam prædicunt, inculcant, asserunt. Ob futuram hujus regni magnitudinem ipsissimus CHRISTUS, quum primum regnum suum & spirituale in suo sanguine fundaret, dixit: Nunc autem regnum meum non est hinc. Quum enim fiet necessariò unum ovile & unus pastor sub CHRISTO, tunc prima DEI complebitur intentio. Tunc quum regni supracœlestis basim poneret CHRISTUS, regnum ejus de hoc Mundo non erat. Nunc autem regnum ejus temporale verum & civile suppositum spirituali sit hinc, hoc est, ex hoc Mundo, necesse est. Cœlestis ratio hoc ipsum suadet. Nam sicut sunt duo primarii cœli adspectus, ut suprà docui, illos omnino sua habere apotelesmata necesse est. Nil enim à DEO & Natura frustra fieri potest. Arius primum signum influit in duas Mundi primogenituras *Syrorum* & *Celtarum*. Clarissima stellarum fixarum influit *Italiæ* & ante omnia *Romæ*, ubi ea de re imperii basim à *Noachi* primogenitis defigi necesse est. Ratio civilis hoc ipsum suadet. Quum enim sepultura Patrum & maxime Sanctorum ubivis gentium LOCUM SACRUM faciat, ut omnia ad primam Mundi institutionem primumque humani generis votum reduci possint, necesse est ut in regione proprietatis CHRISTI ad *Adami* primi Parentis sepulcrum sedes primi

primi Magistratus Mundi constitutur, & ad *Noachi* secundi Parentis Mundi sacras exuvias secunda & civilis potentiae regni-ve sedes nunquam movenda stabiliatur. Quum autem nulla sit in Mundi dominiis alteratio, & maximè in sacris Magistratibus rebus-ve loco movendis, quin etiam sacra dies constitutur, in qua de maximo beneficio non antè satis cognito laudes DEO decantentur; necesse est ut in diluvianae liberationis memoriam sacra synaxeos mysteria crebrò frequententur, & ut ad finem lunæ *Octobris* primæ celebritates Mundi constitutæ sint; ut, sicut in mense septimo fecit primum *Moses*, quod & nos hæcenus communi ritu & diversa significatione observamus, sic & nos in octavo & secundo cum utriusque anni observatione sacra rerum hæcenus obliatarum neglectarum-ve constituamus. Hic est verus nostrarum de *Etruria* originum scopus, ad hoc ut totus Orbis sedes à Diluvio primogenituræ Mundi positas suarum originum peritus, ubi est nostri omnium Parentis sepultura, concedere, parare, confirmareque satagat.

Hanc sequentem Epistolam, cum Auctor ejus meminerit pag. 6. & omnino ad susceptum argumentum valde conducatur, prætermittendam non putavimus.

VIRO BONO ET SAPIENTI,
PETRO - FRANCISCO
GIAMBULLARIO,

inter *Ædis D. Laurentii Mystas Canonico, & Academico clarissimo Florentino, Guilielmus Postellus Sacerdos, imitationis Apostolicæ studiosus, Salutem.*

ITA me DEUS ille noster incarnatus JESUS amet ut verum ex animi sinceritate loquor, *Giambullari* optime & doctissime, inter innumeras literas, quas ex variis Orbis partibus à doctissimis Viris accepi, nulla mihi unquam adfuit aut est adfutura gratior, quàm quæ nuper à te mihi unà cum *Athenai* loco missa est. Cur autem ita judicem, paucis accipe. Quum humana felicitas in hoc sit posita, ut verum perfectissimè capiamus, hoc est, per causam, ad hoc ut illam amemus, revera cognoscamus, nullum argumentum aut unquam potuit poterit-ve usquam suscipi dignius, quàm quod in tui *Gellii* Opere si non suscepisti absolute tractandum, saltem ita tuis doctissimis fecisti Commentariis, ut quivis cogatur devenire in nostræ communis omnium causæ inferioris desiderium vehementissimum. Dimidium verò facti qui hoc coepit habet. Nil ipsi DEO charius humano genere est, uti cui ea omnia, quæ ejus bonitatis virtute sunt parata, uti tanquam in finem præstantissimum sunt comparata unius folius gratitudinis causâ. Et rursus posteritas nil charius primaria suorum Avorum origine & cognitione aut habet aut est unquam habitura: præterquam quòd enim basis Religionis ex loco sacro duce Natura per sepulturam Avorum nostrorum constituta, & jus ipsius hereditatis eupolitizque non aliter potest haberi, quàm quum liquido Patrum possessiones monstramus, fit quadam divina virtute ut toti reviviscamus reficiamurque, dum ad busta Patrum DEO charissimorum certi devenimus, & potissimum quum pridem locus ille nobis jure divino & humano sacer desideratus fuit. Nullum argumentum, *Giambullari* charissime, unquam suscipi majus aut ad pacem in toto Orbe componendam aptius potuerit, quàm istud ipsum, ut demonstremus clarissimè per veteris Historiæ fidem certissimam, ubi-

nam post exactum Diluvium subsederit Univerſi Parens *Noachus Janus-ve*, aut post exactissimam, justissimam, perfectissimamque vitam sacrosanctas sui corporis reliquias sepeliri voluerit. Ex locis enim ab auctoritate nullus est in quo universus conveniat Orbis, veluti in facto Diluvii generalis, & in justorum prosapia ad semen & jus posteritati servandum stabiliendumque. Quare inde universi omnium Parentis Historiam petant & recipiant oportet, unde oboriri falsitas non potest. Licet verò & tuus *Gellius* festinet ad typos redire, & primariæ veritatis, etymi videlicet, sacram rationem satagat expedire, nec tibi ita de originibus rerum uti & verborum tractare visum sit, non potui tamen quin paucis ad te illa sine quibus tua non starent scriberem. Sed ne modum Epistolæ excedam, pergo paucis ea ad te scribere, quæ mihi tam insigne Opus videtur desiderare. Attende, & vale. 30. Maji 1549.

C A P. XLVII.

De summa veritatis basi in triplici ratione posita ad Giambullarium.

PRImarium & veri & verisimilitudinis suadendi fundamentum esse ab auctoritate constat: nam non tantum in sacris verum est illud Axioma, *nisi credideritis, non intelligetis*, sed multò usitatissimum est in Gentium omnium consensu. Univerſus enim vocus apud omnes Gentes usus ex sola Patrum aut quorumvis Doctorum auctoritate in posteros transfundi solet: nec illud solum, sed omnes disciplinæ quantumvis demonstrativæ ita ab auctoritatis jure dependent, ut univerſarum etiam & maximè mathematicarum principia sola fide indemonstrabili (sic acquiescente duce naturâ intellectu) recipiantur. Et hoc fit ubivis, ut cognoscamus per varios gradus fidei naturalis esse unum aliquod primum genus cognitionis, linguæ, & auctoritatis tam verum, ut unà cum veritate rationali conveniat, & de via sensus ad intellectum immediatè transeat. Siquidem ratio omnibus aut saltem optimis & sapientissimis communis est secunda veritatis, cujus gratiâ nascimur, basis. Si credunt Discipuli, postea intelligunt; similiter & filii patribus, milites ducibus, cives magistratibus; unde in senio communior est sapientia ex tribus ætatibus transactis, pueritia, juventute, virilitate, nata. Via prima auctoritatis potissimum est in nobis inclusis in tetro corporis carcere: nam hîc semper quadam nebulâ suffundimur. Via autem secunda dignitate prior, quia finalis est, ad intelligentias separatas potissimum spectat, & ad illos homines, qui substantiis separatis potissimum conformari fategere, & satagunt. Tertia ex utraque constat, quæ una & rationem & auctoritatem impactas habet, & ad hanc diem omnino Mundo incognita in illa sola Lingua delitescit, quæ inter primum hominem & Angelos communis est, & ideo Sancta dicitur. Quum enim homo, animal memorativum & per se nisi ex auditu non loquens, videatur loqui, necesse est ut primus homo, cui nulla Lingua præfuit, divinitus & angelitus unà edoctus, talia primum nomina rebus imposuerit, in quibus ipsis & natura, & gratia, & auctoritas, & naturalis ratio omnino convenirent: inde factum est, ut *Plato* olim, sed multò sapientius nunc *Giambullarius*, de nominum recta ratione instituerint, sponte naturæ excitati. *Plato* in Græcam Linguam tribus gradibus ab externa *Hebræa* distantem conatus est proprietatem rerum traducere; *Florentinus* verò ex sacra suas origines tradere. Hinc tam varia ubivis Etymologicorum multitudo, & Grammatistarum contentio. Quoniam itaque locus ab aucto-

auctoritate proprius est humani generis, & eorum qui disciplinæ se dedunt maximè familiaris, interim donec universi in eam Linguam repedemus, à qua hactenus (licet *Moses* & *CHRISTUS* illam in Legis scriptæ & Gratiae initiis restitui voluerint) per peccatum excidimus: ostendendum est quàm clarissimè fieri poterit ubinam gentium *Noachus* secundarius nostri generis auctor, & Linguæ Sanctæ sine dubio præditus, habitavit, postquam ab Arca in *Armenia* exivit. Nam *Moses* nil palam ampliùs tradit, licet alioqui clam innumeris locis mysteriis plenissimam successionem ejus obvelet. Quum autem Sacræ Historiæ nil sit scriptum propius quàm quod in *Chaldaeorum* Monumentis est servatum, illud in primis est necessariò discutiendum, si *Berosus*, qui nunc vulgò prostat, sit verus ille *Chaldaeus* Historicus, cui post *Mosè* totius Orbis defert consensus.

CAP. XLVIII.

Quòd sint *Berosi Chaldaei* quæ ejus nomine circumferuntur.

Fuisse olim circa *Alexandri* tertiæ Mundi Monarchiæ Ducis tempora virum unum sacerdotali dignitate, id est, primariâ, inter *Chaldaeos* sanctaque auctoritate, *Berosum* nomine, inter universos Auctores classicos constat. Quantâ verò fuerit aut scientiâ, aut eloquentiâ, & rerum cognitione multiplici, ex quibus summa dicendi vis paratur, constat ex eo quòd inter florentissimos omnique disciplinarum genere ornatissimos, & *Græcos* & *Athenienses*, *Φιλαυτοτάτης καὶ ἐν τῇ τῆς δοξῆς μετοχῇ μισοξενοντάτης*, meruerit & laudem & statuam inauratâ linguâ decoratam. Quum autem funditus sit necesse ruere totam *Græcorum* nugacitatem, ejus ut nunc existant scriptorum brevissimis Epitomis stantibus, solet ferè ab universis rejici, quo ruente præsidium illud, quod accipiunt ex eo Sacræ Historiæ, præsidium inquam *Chaldaicum*, ad Sacræ Scripturæ masculæque Doctrinæ suppetias non minùs necessariûm, quàm olim fuere *Chaldaei* sive *Affyriæ*, aut *Mesopotamicæ* patrum matres & uxores, omnino rueret. Licet enim, ubi Scriptura deficit, *Josephus* crebrò videatur supplere, tamen eò quòd indigena fuerit, & longè inferiori quàm *Berosus* fide habeatur, & præterea ipse *Berosus* in primis deferat, est omnino *Berosus* illi præponendus. Quum itaque à ritibus *Mosaïcis* fuerit tam alienus quàm *Babylonii* à Gente *Judaica*, fieri non potest quin ejus testimonium sit validissimum. Statui itaque palam facere Orbi *Christiano*, cujus ante omnia interest ut ejus auctoritas in primis stabilietur, ea, quæ primùm sunt à *Johanne Annio* Orbi *Latino* exposita sub nomine *Berosi*, nullius alterius esse posse quàm *Berosi* illius celeberrimi & integerrimâ fide Scriptoris, cujus meminit *Josephus*, *Tatianus*, *Theophilus*, qui nunc exstant. Clarissimè enim patet ex illis, qui olim scripsere, uti fuit *Juba* Princeps *Afrorum*, *Metasthenes* *Persa*, *Manethon* *Aegyptius*, *Mnaseas* *Phœnix*, & quis non in suis scriptis honorificam fecit de illo mentionem? Nullus itaque illi in toto Oriente fuit superior sive auctoritate, sive sapientiâ. Ab ipsa verò quâ nobis revixit origine, fieri non potest ut ullo pacto sit supposititiûs. Nam ab ipsa *Armenia*, quæ regio prima ad Orbis salutem fuit divinitus præparata, & quæ ad hanc diem lumine *Latinarum* aut *Græcarum* Litterarum caruit, solis *Armeniis Haloënsibus*que contenta, adlatum Opus nullo modo potuit ita confingi, ut quantum superest (bona enim pars periit, in fine potissimum)

A esset omnino *Josephus*, aut cæteris, qui ex eo sumptere, conformis. Attulit *Georgius* apostolicæ professionis homo, & *Latinum* dedit *Annio*. Quod autem multò minùs corruerit *Annius*, illud obstat, quòd nulla ad eum inde commoditas pervenire poterat; multò minùs verò ad suæ Gentis gloriam: cogitur enim velit nolit-ve, quam vult esse in tota *Italia*, uti est, antiquissimam, *Aboriginum* & *Ombrorum* originem in *Gallos* Diluvio superstites referre. *Ὁβλ* *Gallim* enim *fluatibus* *eruptos fluctuatos-ve* sonat. Quare quum legerit apud *Josephum* *Gomeritas* non tantum esse *Italos Gallos*, sed illos qui postea *Celtæ* dicti sunt, fuisse quæ à *Gomero* institutos, qui fieri potuisset ut fingeret quod contra suum argumentum faceret? At verò ipsius *Josephi* sententia de illo audienda est, qui lib. 1. cap. 111. *Antiquit. Judaicæ*. ait *Berosum* de iis, quæ circa Diluvium contigerunt, omnino consentanea *Mosè* dixisse. Hoc verò in 1. lib. *Epitome* clarum fit in *Beroso*. Rursus *Josephus* cap. 111. ejusdem libri ait: *Hujus autem Diluvii & Arcae mentionem faciunt omnes, qui Barbaricas Historias conscripserunt, quorum unus est Berosus Chaldaeus: narrans enim de Diluvio sic ait: Dicitur autem & navis ejus, quæ in Armeniam venit, circa montem Gordiaum adhuc aliqua pars esse, ut quidam inde bitumen tollant, quo maxime homines ad expiationes utuntur.* Hæc verba omnino sunt apud *Berosi* *Epitomen*: contigit enim illi in universo Opere suo, ut & *Livio* & *Trogo*, qui solidi tantum in suis *Epitomatis* supersunt. Contra *Appionem* verò *Grammaticum* lib. 1. sic ait idem Scriptor *Judeus*: *Testis autem harum rerum nostrarum est Berosus, vir genere quidem Chaldaeus, notus autem illis qui Disciplinis humanioribus oblectantur, quoniam ipse de Astronomia & de Chaldaeorum Philosophia Græcas conscriptiones edidit. Igitur Berosus antiquissimas sequutus Historias de facto Diluvio, de hominum in eo corruptione, veluti & Mosès scripsit. Similiter de Arca, in qua nostri generis princeps servatus est, quæ videlicet devecta fuit in montium Armeniorum summitatem. Deinde subjiciens eos, qui ex Noè progeniti sunt, & tempus eorum adjiciens usque ad Nabulasarum pervenit Babyloniorum Regem. Hæc omnino in primo, secundo, tertio, & quarto Epitome ita videntur ut ad verbum quadrent, nisi quòd finis desideratur. Videndum est apud quos & quo nomine agat *Josephus*. De capite totius Republicæ *Judaicæ* contra infensissimum corruptelisque armatissimum *Appionem* agit apud Senatum *Romanum*, in cujus conspectu quicquam proposuisse falsi in re tanti momenti est impossibile. Noverat itaque Senatus *Berosum* summâ auctoritate virum fuisse, & illa scripsisse, quæ *Josephus* in summo *Græcarum* & *Latinarum* Litterarum lumine *Romæ* proposuit. Nam de Scripto omnia Antiquitatis testimonia probabantur. Unde contra *Appionis* calumnias obtinuit non tam *Mosis* & Spiritus Sancti omnia disponentis beneficio, quàm antiquitatis Litterarum *Ethnicarum*, quibus *Ethnici* maxime vincebantur, testimonio. Sed unum mihi superest validissimum testimonium. Quum enim *Theophilus* & *Tatianus* tam contra *Gentiles* quàm contra pervicaciam *Judaicam* paulò post *CHRISTUM* temporibus *Marcæ* & *Veri* scriberent, & auctoritatem illam *Josephi*, quæ nullus unquam pro *CHRISTO* scribens, ex eo tempore quo innotuit *Josephus*, omisit, non ascripserint, (alioqui magis *Josephi* pro *CHRISTO* quàm *Berosi* pro Testamento Veteri testimonio egentes) certissimum est illos tunc *Berosum*, & non *Josephum*, præ manibus habuisse: nondum enim insignem illam suam auctoritatem & famam erat consequutus *Josephus*, uti *Berosus*. In eandem itaque sententiam sed explicatiorem sic uterque memi-*

nit scriptorum *Berosi* omnino sacris conformium, ut ab ipsissimo *Beroso* eadem atque *Iosephus* habuerint, idque sine *Iosephi* testimonio: nam falsa citasse tunc impossibile fuit. Itaque & *Iosephi*, & *Tatiani*, & *Theophili*, & *Græcorum* ferè *Latinarumque* omnium, & maximè *Syrorum*, *Pænorum*, *Perfarum*, *Phænicumque* testimonio constat, *Berosum* primariâ & divinis proximâ fide scripsisse, & eorum quæ scripsisse dicitur *Epitomata* nobis supereffe, quare ea, quæ nobis de nomine, vita, & sepulcro *Noachi* universorum Parentis tradidit, sunt perinde in veris ponenda & habenda, atque illa quæ à *Mose* sunt tradita. Ubi enim Sacrae Litteræ deficiunt, ibi humanæ incipiunt. Quum autem maximè contra suæ Gentis Historiam scripsisse videatur hic Scriptor, dubium esse non potest quin sit fide præstantissimâ.

C A P. XLIX.

Argumenta ex ipso Beroso petita, quod sit impossibile quicquam illum in sua Historia finxisse.

Quum liberè solet quilibet testis ea quæ contra se faciunt perinde fateri, uti ea quæ pro ipso faciunt adversario, sine dubio integerrimâ fide est, eique meritò creditur. Hoc verò esse omnibus hominibus ab affectu quantumvis alienis in usu, ut Patriæ deferant, laudibusque illam ante omnes ubi possunt extollant, duce naturâ constat; quo in genere fuisse *Berosum* certum est. Unde quum spontaneum Filiorum *Orientis* motum sub ducatu *Nimrodi* ad erigendam *Babylonicæ* superbiæ turrim Sacra Scriptura exponat, nullâ omnino mentione factâ de Universi principe *Noacho*, aut ejus in rem vitiosam & tyrannidi conjunctam ordinatione, vult ut constitutione ipsius *Jani* universorum Parentis sit constituta illa Monarchia prima, unde cæteræ tres vitio semper procedendo auctæ sunt, donec in ipsius *Jani* Patris loca *Romæ* deveniret imperium. Fecit hoc quidem ambitioni eorum invitus obediensque *Noachus*: nam sub primogenituræ imperio volebat in æternum regi Mundum. At verò *Berosus* non timuit sacrilegii inculpassè suæ provinciæ Principem, quod furatus rituales Libros patris seu avi *Noachi* illis sit insigniter ad comparandam tyrannidem abusus. Præterea hæc scribit. Quum *Armenia* & locus ille ubi fuit prima hominum propago sit prima & divinitus electa habitatio Mundi, distetque loco & Magistratu latissimè à *Chaldæis*, ibi enim *Sabbathius Saga Asæ* Pontifex summus est institutus, & instar *Adami* dictus *Saturnus* (nam hoc vocabulum *Sath orn*, seu *Sath aron*, id est, urnæ repositio, vocabulum est sanctorum Patrum ob sacras reliquias loca sacra olim facientium, sicut de Martyribus & Sanctis vidimus) à sua sede constituta à *Noacho* pro Pontificatu externo, per Tyrannum *Babylonicæ* ita est pulsus, ut sit coactus ad *Romæ* locum refugere, & ibi bonum agere *Saturnus*, ubi jam pater *Janus*, & longè melior *Saturnus* instituerat primogenituræ imperii sedem. Quæ omnia vehementer derogant laudi Principum *Babyloniorum*: nam ipso facto Tyrannos ostendunt, suoque imperio indignissimos, etiamsi à principio justo jure usi fuissent. Volebat verò sanctorum ille sanctissimus *Noas*, ut secundum voluntatem DEI in uno Mundo unum esset paternum & solius primogenituræ imperium, unde qui primus hoc jus infregerit, quin sit omnium Tyrannorum & impiorum fons dubium non est. Nec tamen hoc dissimulavit, ut inde summus candor & veri amor videri queat. Quum autem nomen *Jovis*, *Cæli*, *Saturni*, & similium ob sanctitatem esset commu-

ne omnibus Patribus, ita ut de singulis potuisset, & maximè de *Babyloniis*, dicere cum vocabulo accommodatiori, illos cum primo celebri imperio habere etiam jurisdictionem Universi, non tantum in eorum arbore expressit esse maledicti & malefici filios ambitioneque & corruptelis plenissimos, sed planè etiam indicavit generale totius Gentis à fluctibus ereptæ nomen & vocabulum, ut ignobilius forsan, ita & significantius aptiusque, *Gallorum* videlicet, fuisse datum ab ipso *Noacho* ipsius *Gomeri* posteris, eò quod est *Japeti* seu *Itali* prisce filius *Gomerus*, ita post Diluvium primogenitus, sicut & *Adam* ex materis confusione primus factus est. Et sanè poterat si voluisset affingere, quod etiam *Gallorum* vox fuisset suis data Majoribus, quum potissimum ob jurisdictionem divinam & Astronomiæ dispositionem, quâ omnia fiebant à doctissimis sanctissimisque & ambitione carentibus Patribus, scripserit ipsius *Gomeri* filios quosdam missos esse in totum *Orientem*, alios verò ultra *Mediam* in ipsos *Bactrorum* fines. Sed verum omnia ut publicè erant exposita retulit. Quare jus æterni imperii fore in domo *Gomeri* & ejus patris *Japeti*, quem unâ secum in *Europam* duxit, manifestissimè demonstravit esse secundum Patris universorum *Noachi* voluntatem, eò quod Astronomiæ doctissimus sciebat fore necessariò, ut Intelligentia Arieti & Leoni dominans in *Syria* sancta & *Italia*, *Gallia*, ejusque vicinia, præter *Hispanias*, olim in sua jura veniret. Nam licet vires humanæ repugnent, tamen necesse est cælum, eò quod est æternum agens, vincere. Ideo verò non potuit aliunde quàm ex *Gallia* elevari Monarchia contra Rempubicam *Romanam* à *Chamitis* & malis malorum *Saturnorum* filiis factionibusque infectam. Ista tamen omnia voluit ex lege Historiæ & ratione cœlestium signorum scribere, nec derogare Patriæ timuit. Illi autem affinis est de *Gomeritis* *Iosephus*, ut suprà jam est notatum. Unde & Litteras, Academiamque, & studia publica primum in toto Orbe terrarum *Samothæ*, qui *Celestis* interpretatur & *Dis* à *Cæsare* dicitur, exposuit, instituit, promovit; unde *Druïdarum* doctrina in toto Occidente floruit ante ullam inter *Babylonios* aut *Græcos* publicam Litterarum memoriam. Sed sic consuluerat primogenitorum familiæ *Janus*.

C A P. L.

Quod Janus idem sit qui & Noachus, & quod sepultura ejus locum sacrum Romæ futuræ in Janiculo fecerit, quasque litteras, ritum, & religionem instituerit.

Pro hoc verò loco è tenebris eruto habendæ erunt à posteris gratiæ immortales ipsi *Giambullario*, quod rei, quâ in primis egebat Mundus, testimonium ex *Athenæo* invenerit, fidemque rerum *Berosi* certissimam fecerit, in ea asseveratione, quâ ait, *Janum* (qui & *Noachus*, Cælumque, & omnium bonorum Deorum vocabulis dives dicitur) fecisse locum sacrum in *Janiculo*, ad eam partem *Romæ*, quæ olim eo nomine dicta est *Antipolis*, eò quod basis omnium civitatum Mundi est: & revera *Mediceorum* Familiæ erunt etiam immortales habendæ gratiæ, quod in suis Bibliothecis sit asservatus tantus in gloriam CHRISTI Thesaurus Auctorum *Græcorum*, ut ex illis primi nostri omnium Parentis fides possit peti. Stat itaque sacra sententia, quod ideo *Noach* id nominis acceperit in sacris, quia gratiam & consolationem posteritati attulerit; unde *Mosis* Auditores scribunt, *וְנֹחַ זֶחֶן* *Noach zeh chen*, id est, *Noas est gratia mundi*. Sic enim duplici viâ ostendunt divinitus indita nomina legi, ut idem variis nominibus

bus ostendant. Sic משה *Mosseh* *hasssem* *Mossem* divinum nomen vocant, quia omnia, quæ fecit *Moses*, duce Spiritu nominis DEI magni fecit, & contrà in Impiis ער זב רב *Her zeb rah*, *Her* primogenitus *Jude* est impius sui videlicet seminis destructor. Porro sicut apud *Ethnicos* ex nimia *Græcorum* licentia res eadem, potissimum divina, variis multisque nominibus vocatur, (uti de Diis Deabusque & de omnibus Naturæ virtutibus videri in tota pseudothresciæ seu falsæ religionis faragine licet) sic in sacris varia nomina Sancti habuere. Ideo imperiti Religionis multa falsitati ascribunt quæ sunt vera: nam *Moses* docuit suos Auditores, quod in *Syria* fuit unus magnus *Gigas*, qui dictus est פלטי *Palet*, id est, superstes liberatus-ve à Diluvio, & עוג *Og*, seu עוגי *Ogy*, id est, placentarius & rei frumentariæ in sacros usus verus aptator, quo *Moses* & *Noachum* ipsum & *Semum* ejus filium secundogenitum voluit intelligi. Posteriores autem non intelligentes putarunt in *Syria* sancta non fuisse Diluvium. Sed quia verus & primus Pontificatus Mundi & Ecclesiæ, specialis legis Naturæ sedes, erat in *Salem* ad sepulturam *Adami* juxta *Chebron*, *Melchisedec* autem, qui & *Sem* erat, magnitudine totius Mundi maximâ, tantum qui summus Pontifex instar omnium hominum erat, *Moses* ita adumbravit. Vixit autem 500. annis post Diluvium ad informandum *Abrahamum* & posteros de jure Pontificatus, & Legis, Prophetiarumque à *Ghanoch* ante Diluvium scriptarum, & quas cum testimonio Decalogi cœlitus bis exscripti *Moses* fecit ex apocryphis canonicas in quinque libris. Nam & temporibus Diluvii jam ratio mundi & immundi animalis erat exposita, & Sanctis cognita. *Abraham* autem observavit non tantum fidem & Circumcisionem, sed etiam supererogando universas leges, ceremonias, judicia, & præcepta, quæ postea *Moses* omnibus observanda proposuit, ut *Genes.* xv: 6. xvi: 23. 24. xxvi: 5. videtur. Pœna etiam jam ante legislationem erat posita delictis, ut in *Thamaris* facinore visum est *Genes.* xxxviii: 24. Similiter de non miscendis connubiis, ut in *Dina* videtur *Genes.* xxxiv: 14. Hic itaque placentarius *Sem*, eò quod quotidie æterni Testamenti placentas DEO offerebat, placentæ autem illæ dictæ sunt עוג *og* & *ogoth* seu *ugoth*, dictus est à præstantissimo officio offerendi æterni Sacrificii placentarum & vini mysteriosi *Og*, *Ogys*, & *Ogyges*, quod nomen à Patre Universi *Noacho* seu *Ogyge* primo habuit. Fuit enim Universi Papa sanctissimus *Noachus*, & post eum *Sem* ejus secundogenitus dictus *Melchisedec*, tantâ bonitate homo, & in Spiritum Divinum usque aded transformatus & in se mortuus, ut *JESUS DEUS* incarnatus in gloria ponat dici Sacerdos secundum ejus ordinem. Et hæc est nominis *Ogy* ratio. Hinc *Ogygia* aureaque secula. Hinc vetustissimæ *Ogygia*que arbores & habitationes in *Syria* Divina Religione sacræ. Hinc *Druidarum* quereus. Nam tota depravata Religio ex sanctissimis incoeperat principiis, sensimque fuerat prolapsa in Idololatriam, per eam *Satanæ* invidiam, quam assidue etiam post incarnatum *CHRISTUM* experimur, ita ut recentiorum Litterarum memoriâ Diabolus in tota *India*, *Mubamedes* in *Asia*, *Africa*, & tertia *Europæ* parte ferè ubivis sese *CHRISTO* supposuerit. Quod autem noster Parens & nova & vetera promeretur, atque de antediluviano & de repurgato sæculo videlicet crebrò verba faceret, dictus est דיקולין *Diocolin*, duarum loquutionum seu vocum subiectum, sicut ad hanc diem Auditores *Mosis* duorum & septuaginta Seniorum divinitus electorum Alumnorum, in veris *Cabale* seu Receptionis secretioris Libris vocant משיח *Messiah*, seu תפארת *Tifereth*, id

est, maximum totius Mundi & hætenus in Sanctis universis sese manifestans decus; דיו פרזופין *Diu prozopin*, id est, duarum personarum in unam naturam suppositum; quæ vox est illis frequentissima, quamvis illam nolint Neoterici capere. Sic in lege naturæ summus ille justus, & Mundi basis perfectissima, *Noachus* *Diu Calion* dictus est, eò quod de illo apud Patres antequam nasceretur erat sermo creberrimus & prophetia assidua. Sed *Græca* nugacitas ista omnia infecit, & ut videretur antiqua, sibi *Deucaliones* aliquot somniavit. *Col* autem seu *Cal* est & Linguae Sanctæ & *Arabica* seu *Chaldaea* vox communis. Ipse autem est nomine *Domini*, cujus Spiritus in eo habitabat, nuncupatus. *Jovem* enim dixere à voce *Jehovah* apud Patres mysterii plenissimâ. Quum autem non satis caperetur quid sibi id nominis vellet, (ut ne nunc quidem adhuc scitur vulgò) & viderent antiqui rerum naturæ & cœlestium peritissimi Patres, masculinæ parti naturæ incumbere potissimum illos Angelos aut Substantias separatas superiores, quæ movent ut in finem, vocarunt *Noachum* Cœlum; ejus autem uxorem nominibus elementorum, eò quod inferiori & foemineæ parti Mundi incumbunt illæ Intelligentiæ seu Angeli, qui movent ut in locum, suntque rebus ipsis secundum locum & non secundum formam impactæ. Ideo spiritus nomine foemineo *Rhea* seu *Ruah* apud Antiquos dicebatur. Ideo ab אש *igne* *Estam* & *Vestam*, à רוח *aëre* *Rheam*, à מים *luto*, cœno, seu aquis *luto* conspersis & compositioni naturali aptis, תית *Thityn* seu *Thetyn*, ab ארץ *terra* ארציה *Ariziam* vocabant rem eandem. Inde à *Jehovah* *Jehvonah* foemina & Latinis *Juno* dicta est res eadem. Satis est nosse, quod *Noacho* & *Naomæ* ejus uxori de stirpe *Cain* electæ data sunt omnia divinitatis & naturalium cœlestiumque virtutum vocabula. Hinc *Zeus* *Zeus* *Græcis*, *Jovis* Latinis, יהוה *Jehovah* *Hebræis* idem pro mente ab extra in *Noachum* adventante significavit; quam occasionem ex summa ratione à Sanctis institutam quum accepissent *Græci*, sine ulla cognitione rationum Linguae Sanctæ deduxerunt in tantam licentiam, ut cœlum fabulis *Orphicis*que somniis oppleverint. Sed de his nominibus alias. Religionis verò usus quantumvis corruptus apud *Romanos* ostendit Sanctorum primum fuisse *Janum* cum innumeris aliis argumentis, tum potissimum illo uno, quod præerat singulorum januis, incipiebat annum, pacis bonæ orationibus mittebat, & singulis in regionibus *Romæ* etiam magnæ & triumphantis habebat templa, non qualia Dii ceteri, sed singula marmoribus variis incrustata. Sed ad confirmationem verborum *Berosi* & *Athenæi* sacra majora erant in monte *Janiculo*, ut ostenderent ibi Sanctum Sanctorum (excepto *CHRISTO*) fuisse sepultum. Ideo confluit eò *Numa* avitorum mysteriorum alumnus, & ibi sepeliri voluit. Hinc *Græcorum* illorum *Asiaticorum* eversâ *Trojâ* concursus. Hinc posteritatis *Chami* invidia, & ad hanc diem bonos impetens *Saturnitas*, malorum *Chamesenuorum* mala progenies. Sed quid per profana pergo? Hinc *CHRISTUS* ipse, quum venit *Romam* iterum in *Petro* crucifigi, elegit ut inversâ cruce funderet animam super sacrosanctarum *Noachi* reliquiarum monumentum. Hinc fecit *DEUS*, ut post *Gothorum* bella locus summi Pontificatus in Urbem *Leoninam* transferretur, destructâ omnino veteri *Româ*, quæ à malis ambiosisque *Chamitis* fuerat *Janiculo* opposita: nam, teste *Plinio* lib. iii. cap. v. *Hist. Nat.* ad *Janiculum* montem erat una, ad *Tarpejam* erat altera *Romæ* pars; illa *Antipolis*, cujus erat nomen sacrosanctum, primæque in temporalibus intelligentiæ Mundi conjunctum erat; hæc autem pars, quæ *Romæ* propriæ vocabulum à *So-*

rano evulgatum & per *Angeronam* silentii Deam absconditum & in religionem versum occupavit, & dum sibi voluit Angelum *Janiculi* vendicare, sibi præclarissimum totius Mundi casum & ruinam accersivit, (tanta est ambitio!) dicta fuit *Saturnia*. Quam enim viderent illi perditii filii *Chami* per Rituales Libros & Astronomicos, in quibus ipsis Geniorum totius Mundi ratio erat exposita, fore omnino ut duæ illæ Provinciæ, quæ ad sepulturam duorum Principum Mundi essent electæ, unam in *Syria* ad æternum Pontificatum *Melchisedecianumque* Regnum spirituale, alteram in *Italia* ad æternum Imperium & temporale Regnum, ibi sub *Adamo* primo *Saturno* Mundi, hic autem sub *Noacho* aurei seculi duce, faterentur temporali Imperii locum deligere & oppugnare, ut in ejus jura irreperent. Hinc *Satanas* summos superbiam, avaritiæ, & luxuriæ conatus, post destructum tyrannidibus *Orientem* & *Græciam* in tribus Monarchiis, contra *Romam* convertit. Et propterea *CHRISTUS*, summa Potentia Mundi, postquam à *Cæsaris* sententia per *Pilatam*, suasque *Cajaphæ* summi Pontificis, & qui ipsius solius habebat Pontificatum, voluit mortis sententiam accipere, ubi maximè *Satanas* invaluerat, ibi & non alibi debuit ponere sui Imperii spiritualis sedem, ut remediis paupertatis, probri, & doloris, sive per abstinentiæ, gloriæ contemptum, & assiduam afflictionem mederetur & occurreret avaritiæ & cupiditati, superbiam & ambitioni, luxuriæ & usui superfluarum voluptatum, in eo loco ubi maximè invaluerant per *Satanam* & *Chami* maledicti progeniem omnino terrenis rebus addictam & creaturarum amorem assidue Creatori præferentem. Ibi enim fategit *Satanas* iniquitatis in summo gradu operari mysterium, ubi vidit æternæ coronæ & primogenituræ Mundi esse constitutum Imperium. Tanti est argumentum quod attigisti, *Giambullari*, ut nec fuerit unquam, nec in posterum possit esse majus, quam ut fidem facias sepulturæ sacrosanctarum reliquiarum Mundi: virtus enim summi Pontificatus in illis est, donec recuperato totius Mundi jure ad sacrosancta *Adami* busta gloriosissime videatur *CHRISTUS* coli, in caput anguli ibi positus, ubi ab ædificantibus factus est lapis reprobatus, & ubi sua voluntate omnino infraudabili venerat in propria, ut sui illum reciperent. Ideo hæcenus *Ismaëli Alcoranico* servandum tradidit locum, donec eò remigret suis fultus Posteris *Isaac*, aut potius donec renascatur, & restituantur omnia, & tantum restituat *JESUS*, quantum destruxit ejus adversarius *Satanas*. Sed de litteris & *Jani* religione dicendum est.

C A P. LI.

Quæ unquam fuerint primæ litteræ publicæ, & quasnam attulerit Noachus in Occasum.

Licet in *Tabulis de Origine Litterarum* inscriptis *Cosmo Medici*, uti qui hoc restitutionis omnium tempore præsit regioni electissimæ, jam ostenderim origines litterarum & figuras præcorum characterum *Etruscorum*, *Latinorum*, & *Græcorum*, ut, quum prodierint *Tabule* ab *Officina Oporini*, nil desiderent avitorum mysteriorum Candidati, tamen paucis sunt hic præmittenda repetendaque, quæ jam tradidimus, ut non desit *Gellio* tuo sua coronis. Fuisse ante illuviem litteras & sacris & profanis testimoniis inviolatâ fide constat. Nam septimus ab *Adam Enoch* prophetiâ clarus scripsisse de rebus divinis legitur. Ejus Opus etiamnum superest pro *Canonica Scriptura* in *Æthiopia*, in

A Ecclesiæ *Reginæ Sabæorum* Archivis; hodie vocant *Preti* aut *Presbyteri* pro *Preciosi Johannis* nomine illam *Christianorum* multitudinem. *Josephus* quoque auctor est, quod ad sua usque secula superessent columnæ ante *Diluvium* litteris inscriptæ. *Plinius* etiam *Hist. Nat.* lib. VII. cap. LVI. non obscure refert litteras in *Syros* ad æternum usum, nedum ante *Diluvium*. Quod *Assyrias* dicat, nil refert: nam *Sur* & *Asur* additâ unâ litterâ differunt. Quumque in *Phœnices* primum usum referat, clarum est quod de *Syria* sancta intelligit, licet non intelligat, ut qui ab aliis effata refert. Quum itaque sanctissimus, justissimus, & perfectissimus mortalium fuerit ille noster *Janus*, *Universi* Parens, & viarum universæ carnis Dominus inferior, non est dubium quin & Religionis perfectissimum in Mundo stabilierit genus, & litteras disciplinasque præstantissimè expositas Posteris tradiderit. Quum enim temporale *Universi* imperium suis primogenitis dederit, dubium non est, quin religione, moribus, disciplinis, & litteris exornarit. Hinc factum est ut, postquam genuisset septemdecim *Titanes* & carmine magico à *Chamesenuo* fuisset emasculatus, se totum dederit Religioni, qualem instauratam fuisse sub arctioris vitæ professione videmus, ita ut patres mysticos sive secretos genitores suos *Razi-Hinuos* in tota instituerit *Etruria*. Et quia Legis, quam postea erat *Moses* expositurus, peritissimus erat, ad instar duodecim Tribuum voluit duodecim Tribubus & religiosis & civilibus Populum dividi, ad imitationem duodecim signorum cœli suis intelligentiis omnia moventium. Ideo Antiquitas illi aram *ἑκαδεδωκον*, id est, duodecim altarium, posuit, ad *Janiculum* præcipuè. Inde jus *Petri* super fratres, quos aliquando conversus debet confirmare, ut super sedes duodecim judicent duodecim Tribus *Israël*; ad hoc enim sunt duodecim horæ diei universi Mundi, qui alioqui unica dies est. Factum itaque est ratione Religionis, ut *Etruscis* ipsis ob mysteria Geniorum, tunc familiarissimè à sanctis viris evocari solitorum, & maximè in urbium everfione aut fundatione, traderet notarum magis quam litterarum usum, ita ut singulæ Tribus haberent diversâ serie Alphabeti solis Sacerdotibus concredita, & aliquando in dextram, aliquando in sinistram scribi solita, ne, evocatis ambitiosè Angelis custodibus, bellis exardescerent. Evocari universæ naturæ potentiaæ solebant ritibus illis *Etruscis*; nam natura & gratia fuerat à tam sancto viro in suos ordines redacta. Quæ verò essent illæ litteræ, hodie non possumus videre, quamvis characterum virtutes & figuras haberemus, eò quod Lingua illa funditus periit & locum *Oscis*, *Volsis*, atque demum *Latinis* dedit, superest ut aliunde petamus quos publico usui characteres exposuit. Constat ex *Cæsare* Dictatore *Commentationum Gallicarum* lib. VI. capp. XIV. & XVIII. Ditem primò apud Gallos, (qui & *Gomeritæ* sunt) sub quorum Genio arripuit imperium, reperisse aut publicè exposuisse litteras, quales multis postea sæculis *Græci* habuere. Atqui *Dis* ille, qui & *Samothes*, id est, *Cælestis*, dicitur, ob insignem & nulli secundam divinarum humanarumque rerum scientiam, est quartogenitus ipsius *Itali Japeti* primogeniti Mundi ante *Diluvium*. Quare quum sit etiam temporibus *Homeri* meritò dubitatum, an habuerint *Græci* litterarum usum, aut saltem *Trojani* Belli aut potius somnii tempore sit certum caruisse litteris in *Græcia*, saltem nos habuisse mille & plures annos usum litterarum constat, antequam in *Græcia* publicæ essent. Disciplinis quidem magnis Doctos interea caruisse inter eos affirmandum non est; cum illius Operis, quod in *Orpheum* referunt, constet & vetustum

& doctissimum fuisse Scriptorem, ita ut nulla disciplina sit *Cabala* propior quam *Orphica*. Ipso porro litterarum majuscularum caractere videtur, eandem & *Latinas* & *Græcas* fuisse litteras: licet enim *καλογραφία* & figuris minusculis differant admodum, non solum ab aliis, sed maximè à suis, usu aut abusu rerum potius omnia corruptente, tamen capitales formæ origine quadrant. Primus itaque primogeniti *Noachi* filius quartogenitus, & perfectionem senilem in eo numero bonitatis repræsentans *Samothes*, qui & *Dis*, sacros *Druidarum* ritus & litteras externas proposuisse & studia in *Galliis* publicè exposuisse apud *Cesarem* & *Berosum* legitur. Sunt autem illæ litteræ omnino *Samaritanæ*, quas in externo publicoque Reipublicæ usu inter *Judeos* constat ante *Esdram* fuisse, eò quod nulla planè moneta videtur à ruderibus *Ierosolymitanis* effodi nisi in eo caractere, quem *Esdras* reliquit *Samaritanis*, ob crebros factionis decem Tribuum proscriptarum errores in eo scriptos, quum publicè exposuit, & se adinvenisse apud populum finxit illos sacrosanctos characteres, quos *Adam* angelitus, *Moses* autem cœlitus in Tabulis Legis receperat. Characteres autem *Samaritani* tales sunt, ut exceptâ *Jodi* & *Alephi* figurâ mysteriosâ planè sint iidem cum *Græcis* & *Latinis*, imò *Græci* & *Latini*, ab illis extracti & per *Græciæ* vitia in duo divisi, sunt iidem cum illis, si ordine & figuris aliquantum obversis consideres: usu enim *Samaritano*, aut *Hebræo*, ut melius loquar, leguntur motu naturali ab extra intra, seu à dextra principioque motus in finem, *Græciæ* autem & *Latine* contrà. Nil itaque aliud fecit *Cadmus Phœnix* quam invertere apud *Græcos* quæ jam inter suos consenuerant, & quæ jam multis sæculis habebamus veluti nova largiri. Sed quid? nonne *Strabo* ait in *Hispania* temporibus *Augusti* fuisse repertas 6000. annorum Historias? Sunt anni illi tempestatum, tres pro anno uno, ut apud *Abrammanes* fieri solitum erat: tantum enim temporis in Historiis se habere dixerunt *Apollonio* illi insigni eruditione Mago. Quum tota *Europa* cum *Anglia*, præter *Hispaniæ* & *Italiæ Etruricam* superioremque partem, sit supposita Arieti, ac soli *Hispani* deficientes à primogeniti obedientia, & à *Celtarum* nomine, quod in tota alioqui *Europa* ad Mare usque *Ponticum* fuerat commune, refugientes sibi fecissent caput, voluerunt etiam sibi vindicare characterem à *Dite* primò expositorum honorem & usum. Sed omnia opus est restitui: cogent enim cœlum & intelligentiæ, non ipsa particularia arbitrii libertate prædita, sed corpora provincialia publicaue, ut omnia in sua jura redeant, & remotâ illâ Linguarum differentiâ, quæ ex rebellionis summæ peccato per *Nimrodum* nata est, nobis est necessariò repedandum ad sacros usus illius Linguae Sanctæ, quam *Adam* cum veritate naturæ exposuit, *Moses* cum lege restituit, CHRISTUS sacrosanctæ vocis articulis celebravit. Ideo verò DEUS permisit, ut per illius filix secundogenitæ dominium, in *Arabica* seu *Babylonica* corrupta aut *Chaldaea Orientali* positum, sub *Alcorani* lege, hodie tantum non *Asiæ* & *Africæ* atque *Europæ* tertiæ parti imperitante, sensim ad hoc distenderetur, & priscarum Linguarum frangeret superbiam, donec nunc JESUS sui Evangelii lumen in ea exponeret, & decem Tribus *Israël*, in *Turcis* potissimum & *Tartaris* agentes, in *Ismaële*, cui conformes factæ sunt, restitueret, quâ operâ nulla unquam ab ipso CHRISTO major effecta est. Sic eam Linguam, in qua hæctenus credidit *Christianismus*, esse maximum malum, quam CHRISTUS augeri ita voluit,

A ut fieret ex ea summum bonum, id est, universi generis humani reconciliatio. Ideo nobis DEUS dedit & tantum in hanc operam animum & ita mediocrem Linguae tam magnæ cognitionem, ut nunquam sim cessaturus quin aut per me aut per illos qui me audierint fecerim, ut Dominus meus JESUS hanc recipiat ab Universo gloriam, ut ibi actu abundet justitia, & cognitio, ætlimatioque preciosi sanguinis, ubi iniquitas & Mediatoris universorum abundavit ignorantia. Jam in hoc paratos vetustissimos Codices Euangeliorum ante quingentos annos scriptorum habeo. Sic nunc duce naturâ per unius Linguae beneficium illud recipiet Mundus Orientis & Austri, olim *Semo* & *Chamo* subjectus, quod unâ Linguâ miraculosè ab omnibus Gentibus illius omnino imperitis intellectâ facere in toto Orbe conati sunt Apostoli, sed duce gratiâ. Ideo primas litteras publicas voluit in Occasu *Noachis* haberi, ut sensim augescens naturæ cognitio, olim gratiæ jungenda, ab Occasu in Ortum & universum refunderet, quod ab Ortu in Occasum ipse cum jure Universi attulit. Ideo est servus servorum fratrum suorum *Cham* addictus glebæ illorum, & *Japetus* est ita per benedictiones *Noachi* dilatandus, ut in jura *Semi* per totam *Asiam* veniens ab Occasu in Ortum habitare jure divino in ejus tabernaculis debeat. Tanti momenti est tuus *Gellius*, in quo tibi videbaris leviusculam operam Reipublicæ præstare. Verum quia in ordine sacro agis, DEUS te ad sacratissima movet mysteria. De naturali etymo ex Lingua Sancta petito scripsissem aliqua, & potissimum quæ videtur desiderare *Gellius* tuus; sed in re immensa nolim parvulas opellas collocare. Ab initio duæ Linguae erant, externa publica-ve, & sacra. Sacra usque ad *Esdram* delituit; nunc quomodo uno solo *Jodi* elemento triangulari, triplicisque Mundi compendario, consurgant elementa sancta in Tabulis docui, mortuamque duce *Adamo* & meâ intelligentiâ in CHRISTO suscitavi. Externa, seu *Samaritana*, unde *Græca* Occidua & *Latina*, paucis *Judeis* in Oriente superest. Sed *Samaritanæ* decem Tribus *Israël*, quibus factus est Messias *Muhamedes Ismaëlita*, cum *Alcorano* suo *Arabo-Chaldaeo*, hodie externæ illius *Samaritanæ* vices in Oriente & Meridie supplent. *Latina* & *Græca Noachi* alumnae, expositionem tituli gloriæ CHRISTI habentes, sunt Genti illi refuturæ quæ olim ab externa Lingua receperunt. Ideo mysteria *Cabalistica* in sola *Hebraica* & *Arabico-Chaldaea* tam sancta supersunt, ut non certius ab ipso cœlo mundiciâ & puritate *Christianâ* fretus possis petere vitæ humanæ præsidia, quam ab illorum characterum virtute. Sunt enim *Arabici* characteres deducti per corruptam chirographiam ab *Hebræis* veris, eò quod *Samaritanorum* usus in se periit, & pro solo avitæ veritatis testimonio inter paucos *Mosicolas* remanet. Grammaticam ab Oriente attuli eo caractere scriptam & *Arabice* expositam, ut fidem nostro Orbi verborum *Hieronymi* de *Samaritanis* scribentis facerem, & hanc rerum originem primus Orbi Occiduo exponerem. Hæc sunt, mi *Giambullari*, quæ mihi videntur necessaria ad hoc ut validissimam tuæ Linguae *Arabiæ* exponas rationem: nam nullo modo sine Historiæ & rerum stabilitate videris docere, & rem per suas causas deducere. Ipse per hæc aliquot horarum Commentaria per te judicare poteris quam Reipublicæ mei sæculi & maximè uni tibi esse usui cupiam. Fac ut ista post *Gellium* tuum prodeant, aut ubi tibi & amicis habueris fideliter asserves: raptim enim scripsi, ipsumque *αὐτόγραφον* mitto.

I N D E X RERUM AC VERBORUM

memorabilium, quæ in hac Commentatione continentur.

A.

- A** Borigines qui, & unde sic dicti? 25. ABE.
26. CDEF
— ubi constituti sunt, & à quo? 25. AD
— eorum nomen quando invidiosum? 27. AB
Abraham quando circumcissus? 32. B
Abrahmanes, vel Brahmanes, unde orti? 28. E
— nomen & sapientiam in tota India sparserunt, ibid.
— cuius doctrina conservatores? ibid.
— celestis Divinationis Professores, 5. B
— à quibus & in quo dissentiant? 23. A
— quibuscum & in quo consentiunt? ibid.
— illorum convivia quæ? 50. BC
— quomodo annos computabant? 89. D
— ipsorum cultus qualis, & quando intercidit? 6. AB
Acrostichis quid, & ubi? 14. CF
Adami Amanuensis quis? 73. F
— ejus busta ubi? 78. C
Ægeria qualis Genius? 49. F
— à quo evocatus, & cur? ibid.
— qualis Spiritus? 50. D
Æthiopes ubi habitant? 7. B
— ubi sunt tanquam capita Mundi? 7. A
— cur à Beroso neglecti? ibid.
— quid Postello declararunt? 7. D
— quodnam Opus in eorum Ecclesia exstat? 7. C
— eorum cultus qualis, & quando intercidit? 6. A, B
Altarium fundamenta ubi ponenda? 55. F
Angeli à Sanctis culti, 32. D
Angerona, silentii Dea, 87. A
— quodnam vocabulum ab ea absconditum? ibid.
Anglia cui signo caelesti supposita? 89. D
Anima Mundi de quo dicitur, & ab quid? 35. BC
Animæ natura quadruplex, 46. B
Anni Celtiberorum, 42. E
— principium cur à Mose mutatum? 38. E
— sacri Græcorum initium, ibid.
— solaris initium, 72. D. 73. E
— tempestatum quoniam? 89. D
Annius (Joannes) Viterbiensis an Berosi Fragmenta confinxerit? 6. D. 82. A
— à quo illa Fragmenta accepit? 82. A
— quid in ejus Commentariis videri potest? 27. D
Annus à Mose mutatus, 72. F. 73. A
— lunaris, 72. F. 73. E
— cur institutus? 73. F. 74. A
Antipolis quanam urbs, & ubi sita? 19. C. 86. F
— à quo & cur sic dicta? 19. C. 84. F
— illius Genius qualis? 19. C
— ejus nomen sacrosanctum, 86. F
Antiquitas quibus vocabulis abusa est? 35. C
— testimonia quanam probantur? 82. E
Antiquorum error de spiritibus, 65. E
Appetitus hominis præstantissimus qui? 3. D
Ara ἱερὸν καὶ ποταμὸν cui & ubi posita? 88. C
Arabica Lingua Hebræica proxima, 20. E
— est una ex præcipuis Linguis Orientalibus, 40. D
— unde & quando nata? ibid.
— cuius dominium in illa positum? 89. E
Ara Coeli consecratio unde? 14. E
Arcades totius Græciæ stupidissimi, 27. C
— quos dedisse Italia dicuntur? ibid.
— eorum dux qui existimatur? ibid.
— an in Italiam venerint? 42. F. 43. A
Arezia quanam sic dicta & unde? 36. F. 37. A. 86. C
— & Cybele eadem, ibid.
Argumentum maximum ad Orbis pacem quodnam? 79. F
Ariel quanam regia, & civitas? 19. CD
Aries, signum caeleste, quid Orbi peperit? 17. F
— est prima & nobilissima primi mobilis pars, ibid.
— est primum signum, 78. F
— ejus influxus in quos? ibid.
— ei quanam regiones suppositæ? 89. D
Aristotelis impietas, 64. B. C
— ejus inconstantia, 37. E. F
— illius conatus falsus, 63. F
— quem motorem ponit? 36. D. 34. E

A Armenia quanam regio? 81. F

- quibus litteris caruit, & quibus contenta? ibid.
Arfa quid? 33. E. 35. B
Astra in Leonis signo vehementissima, 18. A
Atali multi fuerunt, 27. C
Athenæus Bibliotheca Medicea qualis? 22. D E
Athenienses quales dicuntur esse? 81. C
Atlanticum nomen unde? 23. A
Atrilius malè dictus Tullius à Valerio, 49. D
— cur in mare demersus? ibid.
— quid fecerit illius supplicium? ibid.
Aturia, vel Assyria, quæ, & ubi? 19. F. Vide Etruria
Auctores religiosi quomodo periere? 49. B
Auctoritas præstantissima quæ? 59. E
— summa quæ? 58. F
— in quo consistit? 59. C
— quanam ab illa dependent? 80. C
— triplex illius via, 80. DE
Aureum sæculum, 25. E
— quanam lex in illius institutionibus scripta? 25. EF
Autochthones qui? 25. AB
Azazel qualis Genius? 30. CD. 66. C

B.

- B**Abylonii à Gente Judaica alienissimi, 81. E
Basis aurei sæculi quæ? 44. F
— regni temporalis Mundi ubi? 19. F
— secunda veritatis quæ? 80. D
— summa felicitatis Mundi ubi? 43. C
Beneficia amicis conferuntur, 45. B
Beneficium Dei maximum quod? 71. C
Berofus qualis vir & Scriptor fuerit, & unde? 6. C
81. CEF. 82. E. 83. AB
— quando vixerit? 81. C
— ob quid maxime laudandus? 70. C
— à quibus spernitur ac ridetur? ibid.
— cur illius fides nullo jure elevari potest? ibid.
— ejus dotes eximia, 81. C
— patriæ suæ addictissimus, 83. C
— quem Principem sacrilegii inculpat, & cur? 83. D
— apud quos meruerit statuam linguâ inauratâ decoratam? 81. C
— cur Josepho Historico præponendus? 81. D
— cur non rejiciendus? 7. D. 70. C
— ejus testimonium cur validissimum? 81. E
— à ritibus Moysæ fuit alienissimus, ibid.
— ejus sententia quando & ubi exstiterunt? 6. D
— an ab Annio Viterbiensi conficta? 6. C. 82. A
— quoniam illius fidem elevant, & cur? 6. D
— quousque scripserit? 7. D
— illius Fragmenta tantum exstant, 7. D. 81. D.
83. A
— cur non possint esse conficta? 7. D. 81. F
— quoniam de illis mentionem fecerunt? 81. EF
— unde & à quo allata? 81. F. 82. A
— à quo & cui Latina data? 82. A

Boni in quarta generatione sunt præstantissimi, 46. E
Brahmanes unde orti? 28. E

E

- ubi nomen & sapientiam sparserunt? ibid.
— illorum imitatores qui? ibid.
Brahmini quoniam Sacerdotes? 28. E
— quorum imitatores? ibid.
— quid popularibus suis permittunt? ibid.
— secretiores Magiæ disciplinas inter se habent, ib.

C.

- C**Abala quid apud Judæos? 28. F. 47. C
— cur sic dicta? ibid.
— quanam disciplina ei proxima? 89. A
Cabalistica mysteria qualia esse dicuntur? 90. E
— in quibus Linguis supersunt? ibid.
Cadmus quid circa litteras fecerit? 89. C
— quos characteres reformavit? 42. D
Camerinum quanam urbs? 26. F
— quomodo aliàs dicta? ibid.
— à quo sic nuncupata? ibid.
Cananzi cuius progenies? 32. C

INDEX RERUM ac VERBORUM.

Cananæi quas possessiones occuparunt? 32. C
 Carmenta unde venisse dicitur? 43. C
 — inter fabulas ponitur, 42. F. 43. E
 — quid circa litteras fecerit? 43. D E F
 Carmina Sibyllina unde desumpta? 14. B C
 — quid in illis scriptum? 13. F. 14. B C
 — qua Latina fecit? 14. B C
 — eorum mentio apud quos? ibid.
 Causa Universi omnino prima qua? 63. E
 — est omnino immota immobilisque, ibid.
 — ejus imperio eterno quenam stant? ibid.
 Celsus argutissimus dicitur, 11. F
 — contra sacra acerbe scripsit, ibid.
 Celtæ, seu Galatæ, ubi positi? 7. A. 89. D
 — quinam dicebantur? 42. D
 — illorum Parens quis? ibid.
 — eorum characteres qui? ibid.
 Celtiberi ex quibus mixti? 42. E
 — quarum litterarum ipsis usus fuit? ibid.
 Ceres unde sic dicta? 37. A
 — cui femina illud nomen impositum? 36. E. 37. A
 Chaldaea Lingua Hebraea familiarissima, 5. B
 — apud quos est secunda predictionis futurorum via?
 ibid.
 — qua Lingua nata, & quos characteres assumpsit?
 40. D
 — Lingua Hebraica proxima, 20. E
 — quid in ea videri potest? 20. E. 21. A
 Chaldaei ubi positi? 7. A
 — in qua doctrina excelluerunt? 7. C
 — quid habuerunt per Libros rituales? 7. B
 — ad quos pertinere dicuntur? 20. F
 — in quo antecellunt? 32. F
 — illorum doctrinam quomodo disposita omnes creatura?
 67. C
 — secundum illos ubi stat solaris anni principium?
 72. D
 — in eorum Monumentis quid servatum? 81. B D
 — omnium Gentium Historias scripsere, & cur, 5. C D
 — summam fide Historici dicuntur, 5. B
 — quodnam vera Divinationis genus apud illos? 5. E
 Cham, Chameles, vel Chamefenus, 26. D
 — quam fraudem in novum Orbem introduxit? 26. E.
 27. A
 — cur servituti fratrum addictus? 26. E. 90. C
 — quare inter Aborigines reductus? 26. E
 — cujus corruptela auctor? 27. A
 — quibuscum in Italiam irrupit? ibid.
 — quis illum compefcuit? 27. B
 Chamitæ quinam? 26. E
 — illorum servitus, ibid.
 — quam loca iis concessa? ibid.
 — in Italiam irrumpunt, 27. A
 Chanochus Vates quales Libros scripsit? 7. C
 — in qua Ecclesia exstant? ibid.
 — qualis Prophetæ dicitur? 73. F
 — cujus fuit Amanuens? ibid.
 Characteres Arabici unde deducti? 90. E
 Charondas imperium suorum cum summa prudentia reti-
 nuit, 9. F. 10. A
 — illos sanctissimis legibus instituit, ibid.
 — quid facere non potuit? ibid.
 Christianorum insectatores qui? 11. F
 Christus cur Pan dictus? 13. C D
 — à quo & cur vocatus Galilæus? 16. C
 — illius Doctrina qua, & cui charissima? 16. F.
 17. A
 — totius Mundi Dominus proprietarius, 19. E
 — cur innumeris nominibus ornatus? 33. F. 34. A
 — cujus Religionis instaurator? 37. D
 — quibus titulis insignitus? 39. C D. 71. E
 — quodnam munus suis Apostolis promisit? 46. D
 — quos illis Apostolis adjunxit? 48. C
 — de illius Passione & Resurrectione memoria fa-
 cienda, 63. B
 — quos eiecit confregitque mero imperio? 66. B C
 — quid facere Christianos docuit? 67. D
 — cur Pontifex secundum ordinem Melchisedec di-
 ctus est? 71. E F
 Cicero qualis Auctor dicitur esse? 59. A B
 — quenam tradidisse professus est? ibid.
 — quid de Aristotele scripsit? 37. E F
 — quid dicit de Sibyllinis Versibus? 14. C
 Circumcisio ad quid data Abrahamo? 38. F
 Coeli influxus duplex, 6. F
 — illius primarius aspectus ubi? 39. D
 — illius pars masculina & uniformis, 39. E
 — ejus pars feminea & mutabilis, 39. F

A Compositum unde surgit, & quid est? 38. A
 Conjectatio de Lydia nomine, 47. D E
 Convivia Æthiopica, 50. C
 Convivium Achillis, 50. B.
 Credulitatis vis, 68. E
 Crimen parricidio affine quod? 4. B
 Cybele unde sic dicta? 37. A
 — quo alio nomine insignitur? ibid.
 — quenam semina sic vocata? 36. F. 37. A
 D.
 Dæmon in India hodie adhuc cultus, 65. E
 Dæmones mali qui? 65. C
 — an nascuntur & intereunt? 65. E
 B Damascenus Auctor vetus desideratur, 70. D
 — ad quid à Berofo citatus? ibid.
 Decatemoria tria duodecim signorum, 48. A
 — singulis decatemeriorum angulis præsent intelli-
 gentia diversæ, 48. B
 Demeter, & Gemeter, unde sic vocata? 37. A B
 — ejusdem alia nomina, ibid.
 — quenam femina ita nuncupata? 36. F. 37. A B
 Deucalion quomodo aliter dictus? 24. A
 — cur ita appellatus? 24. A. 34. B
 — quinam homo sic vocatus? 24. A. 34. A B
 — an ab ipso reparatum humanum genus? 23. D F
 Dens nil frustra facit, 3. C. 10. D
 — unde probatur curam habere rerum humanarum?
 3. A B
 C — illum esse necessarium est, 3. A
 — illius cultus quomodo servatus? 33. D
 — ob quid & propter quem condiderit Mundum? 73. F
 Dies sacra in Diluvii memoriam quibus constituenda?
 71. C D
 — liberationis ab aquis quando celebrandus? 74. A B
 — Chippurim qualis, & ob quid institutus? 74. B
 Dii quinam appellati? 34. D F
 Dii Samothracæ qui? 36. E. 37. E
 Diluvium generale, 23. D E F
 — ejus causæ, 26. A B
 — illius dies & mensis qui? 74. A
 — de illo meminerunt Plinius & Horatius, 23. B C
 — illius tempus, 72. B
 D Dis quartogenitus Japeti, 42. B. 88. E F. 89. A
 — quis? 88. E F. 89. A
 — quos ritus proposuit, & quas litteras promovit?
 42. B. 84. D. 88. E. 89. A
 — ob quid meruit nomen Samanthi, vel Samothæ, 42.
 B. 84. D. 88. E
 Disciplinæ præcipue & à nostro usu remotissima quæ?
 28. A B
 — in illis quinam excelluerint? 28. B
 — quotuplicis generis apud Priscos? 31. B C
 — ad quos maxime pertinebant? 31. D
 Divinatio unde peti soleat? 2. E
 — quomodo obtineri potest? 2. D
 — ejus familiarissimum genus in somniis positum?
 2. B C
 E — unde eâ destituimur? 2. C
 — illius partus primus, 47. D
 — ei proximus qui? 2. B
 — qua in sobrios, sanctos, & simplices homines
 transfusa, & cur, 3. B
 — summa ubi constituta sit? 4. C
 Divinationes quenam Scripta? 4. D
 Divinissimus hominum quinam judicandus? 1. E
 Diu profopin quis, & cur ita appellatus? 51. F. 52. A
 Doctrina apud Priscos duplex, 28. D E
 Druidæ quid indignum judicabant? 42. B
 — quibus litteris utebantur? ibid.
 — illorum doctrina ubi & quando floruit? 84. D
 — eorum quercus unde? 85. E
 — illorum cultus qualis, & quando intercidit?
 6. A B
 F Duodenarii numeri dignitas, 46. C D
 — ejusdem mysteria, 48. A B seqq.
 E.
 F Brazi, vide Hebræi.
 Es, & Esta, quid significat? 24. B. 36. F. 86. C
 Esta, & Vesta, unde? ibid.
 Etruria, vel Etruria, antiqua quousque extensa? 19. B
 — Fovi & Sagittario subjecta, ibid.
 — multis urbibus olim dives, ibid.
 — sacrorum Romanorum perfugium cur? 61. C
 — illius basis ubi constituta? 19. B

INDEX RERUM AC VERBORUM.

Etruria, illius Populus in quot Tribus divisus? 88. C
 — illius Genius quis? 30. BD
 — illius verum nomen quale, & unde? 20. E
 — in quot municipia & provincias divisa? 46. F.
 47. A
 Etrusci unde derivati? 21. C
 — quomodo à Gracis appellati? ibid.
 — evocandorum Geniorum præstantissimi, 47. C
 — cur sua Alphabeta confundere soliti? 41. D
 — eorum Alphabeta quæ, & quibus concessita? 41. D.
 88. D
 — quomodo scribi solita? 41. DE. 88. D
 — quantâ rerum cælestium cognitione pollebant? 69. D
 — quando Latinas Litteras exhorreere cœperunt? 33. D
 — quando illas admiserunt? ibid.
 — illorum excellentia, 69. D
 — eorum integritas & auctoritas quæ? 59. A
 — ipsorum XII. Tribus, 41. C
 — illorum cultus qualis, & quando intercidit? 6. AB
 — illius summa primæque origo in quo posita? 66. F
 — illorum religio cur diutius steterit? 59. F
 — quando evanuisse dicitur? 59. E
 — illorum res quando funditus periere? 6. A
 — unde sunt decerpenda & suscitanda? ibid.
 Eturiscus qui, & unde sic dicti? 21. C
 Europa cui signo cælesti supposita? 89. D
 — quodnam nomen in ea commune fuerit? ibid.
 Ezechielis visio qualis, & ubi scripta? 53. D
 — illius Prophetia cur in Babylone scripta? ibid.

F.

Farreationum sacrificia unde habuere Græci? 76. F
 Feciales ex qua disciplina deducti? 56. E
 — ipsorum munus quod? ibid.
 Felicitas humana in quo consistit? 78. A
 Fœmina pura quid? 49. D
 Fœminea natura quomodo expianda? 24. BC
 Fœminea pars quid? 49. CD
 Fundamentum primum veri suadendi unde desumptum?
 80. C

G.

GAL quid notat, & unde? 23. F
 Galatæ, seu Galli, qui, & unde ita dicti? 34. CD
 — illorum characteres quales? 42. D
 — à quibus reformati dicuntur? ibid.
 Gallim, vel Gallum, quoniam sic appellati? 24. A. 82. A
 Gallus quis sic dictus, & unde? 33. E. 34. CD
 Gemeter, vide Demeter.
 Genera moventium ut in finem quot & quæ? 66. A
 — moventium ut in locum quot & quæ? ibid.
 Genii qui sint? 66. CD
 — unde sic dicti? 69. AB
 — ubi vis locorum inditi, 69. A
 — unde educuntur? 30. C
 — locorum quid esse dicuntur? 57. B
 — bonorum fontes duo, 65. C
 — ad quid comparati? ibid.
 — eorum evocatio, 88. D
 — illorum numerus, 69. BC
 — eorundem occultatio, 66. F
 — illorum prima felicitas ubi? 21. D
 — eorum virtus, 56. EF
 Genius Ierosolymitanus quis? 19. E
 — quomodo Genium Romanorum & Persarum devicit?
 19. E. 56. F
 — Roma quis? 49. F. 50. D
 — à Numa evocatus, 49. F
 Gentium instituta cur perierint? 10. AB. 42. D
 Genus humanum quomodo formatur? 40. B
 — ande & ubi crescere cœpit post Diluvium? 63. C
 — à quo servatum? 70. D
 — illius principium ubi esse dicitur? 63. C. 70. C
 — quomodo in sacris regi debet? 38. E
 Georgius qualis homo dicitur? 82. A
 — quodnam Opus dedit Annio Viterbiensi? ibid.
 Gomer, vel Gomerus, Japeti primogenitus, 34. C.
 84. A
 — quo anno dicitur natus? ibid.
 — illius quidam filii quò missi fuerunt? 84. B
 — in ejus domo futurum jus æterni imperii, ibid.
 — quibus nomen dedit? 34. CD
 Gomeritæ unde? 25. CD. 34. C
 — quoniam sic dicti, 82. A. 88. E
 — illorum principatus apud quos? 25. A
 Græca fabulosa, vel nugacitas, quando introducta? 20. B.
 33. CD

A — ad quid maximè intendit? ibid.
 — ab illa liberari vix licuit, 20. C
 — quid infecisse dicitur? 86. AB
 — cur funditus ruere necesse sit? 81. D
 Græci quales esse dicuntur? 81. C
 — eorum nimia licentia, & in quo, 85. A
 — à qua voce Jovem dixere? 86. BC
 — cælum fabulis Orphicisque somniis oppleverunt,
 86. D
 — ipsorum concursus unde & quando? 86. E
 — litteras quando habuere? 88. EF
 — quomodo Spiritum Dei Vicarium appellant? 13. D
 — quando anni sacri initium incipiunt? 38. E
 — unde sacrificia farreationum habuere? 76. F
 — eorum characteres qui, & unde extracti? 89. C
 Auctorum Græcorum Thesaurus qui? 84. F

H.

Hanochus, Propheta, quando vixerit? 38. D
 — illius scripta quæ & ubi? ibid.
 Hatal quid significat? 24. F
 Hatalus cujus filius? 24. F. 25. A
 — quas partes Africa occupavit? 25. A
 Hebræi quo mense & anno in sacris utuntur? 72. F
 — quod nomen in summis secretis habuere? 67. F
 — quomodo Spiritum Dei Vicarium vocant? 13. D
 — summâ fide Historici sunt, 5. B
 — eorum Sapientes quomodo dicti? 24. B
 — quando annum sacrum inchoant? 38. E
 — in eorum sacris constituta summa Divinatio, 4. C
 — illorum Sacerdotes quomodo futura prædicant? 2. F
 — quodnam genus interpretationis apud eos usita-
 tum? 28. F
 — eorum Disciplina genus quod? 31. D
 — quid apud illos nunquam licuit? 77. A
 — in ipsorum litteris quinam Libri servantur? 8. D
 — illorum litteræ cur in æternum duratura? 9. B
 — eorum Libri inter paucos asseruati, 10. C
 — cur ubique disseminati? ibid.
 Hebræica Lingua est omnium Linguarum primaria,
 20. DE
 — quam illi proxima sunt? 20. E
 — cur Sancta vocatur? 40. C. 80. E
 — quibus cælitus data? 40. D
 — quis eam fecit publicam? ibid.
 — ab illa quam alia nata, & quando? 40. D
 — quid in hac una sola delitescit? 40. D. 80. E
 Herodes à quibus Judææ regnum accepit? 15. D
 — quos curavit interfici? ibid.
 — quid suavitati Senatui Romano & Augusto? 15. CD
 — quam scelera immania patravit? 15. E
 — quid de illo dicit Augustus? ibid.
 Heroës quinam sic dicti? 69. CD
 Heroicum genus quod? 69. C
 Hieronymus Ægyptius Auctor desideratur, 70. D
 — à quo citatus, & ad quid? ibid.
 Hircus ad Azazel missus, 30. CD
 Hispani à cujus obedientia defecerunt? 89. D
 — à quorum nomine refugiebant? ibid.
 — quem honorem & usum voluerunt sibi vendica-
 re? ibid.
 — quid apud illos in confesso est? 50. C
 Historiæ fides unde petenda? 5. E
 — omnium Gentium à quibus conscripta? 5. CD
 Historici fide digni? 5. D
 Homines cur Dii? 34. DF
 Hominum præstantissimus quis? 45. D
 — iis omnibus quid in usu? 83. C
 Homo tantum scit, quantum operatur? 12. B
 — verus in quo positus? 50. F

I.

Ianiculum quam urbem, & quando fuit? 60. BC
 — à quo condita & appellata? BCD
 Janiculus locus sacratissimus, 20. A
 — arx ubi, & à quo sic dicta? 60. D
 — cur rerum sacrarum perfugium? 60. E
 — mons ubi, & à quo sic vocatus? 60. D
 — sub Leonis signo sitas, 19. B
 Janus variis nominibus insignitus, 33. EF
 — cur Auctor sceptri ac regnorum? 33. F. 35. EF
 — cur Bifrons, & Quadrifrons? 50. F. 51. F. 52. A
 B seqq.
 — ob quid Cahos? 33. E. 35. B
 — cur Claviger cœli? 33. F. 35. F
 — quare & unde Gallus? 33. E. 34. CD

INDEX RERUM AC VERBORUM.

Janus, cur Deucalion, & Bifrons? 27. F. 33. E
 — cur Deus? 33. E. 34. D.
 — cur Holamaba? 33. E. 35. A
 — cur & unde Janus dictus? 20. B. 22. D
 — cur Jehova, seu Jehovi? 33. F. 35. DE
 — quare Noachus, sive Noachus? 29. EF. 33. E.
 34. A
 — unde & cur Oenotrius? 22. D. 33. F.
 — cur & unde Ogytes, vel Ogyges? 20. AB
 — cur Olympus, seu Coelum? 33. E. 35. A
 — ob quid Proteus? 33. E. 34. B
 — cur Sages? 33. F. 35. F
 — cur & unde Saturnus? 33. F. 35. D
 — cur Semen & Anima Mundi? 33. E. 35. BC
 — quare Sol, seu Arsa? 33. E. 35. B
 — quare Vertumnus? 33. E. 34. B
 — cur ille & Vesta pro Diis culti? 74. F. 75. A
 — quas litteras & qua instituta in Italiam attulit?
 47. F. 48. A
 — Sanctorum primus, 86. D
 Japetix quinam, & quibuscum conveniant? 26. E
 Japetus Noachi & Jani primogenitus, 24. F. 34. C
 — quantum dilatandus? 90. C
 — illius excellentia, 88. B
 — ejus institutum de Geniis, 24. DE
 — due Linguae ab eo institutae, 24. A
 — ipsius sapientia, 28. BCD
 — illius templa, 21. BC
 — illius primogeniti qui? 25. A. 34. C
 — eorum principatus ubi? ibid.
 — illorum nonnulli quod missi? 84. B
 — apud illos futurum jus aeterni imperii, ibid.
 Idæa, vel Idea, Mater Deorum, eadem ac Vesta, 57. C
 DE. 58. C
 — unde dicta? 57. F. 58. AB
 — quinam Spiritus dicitur esse? 58. B
 — ubi coleretur? 58. C
 — quomodo aliàs appellata? 58. DE
 Idæa formarum qua? 38. A
 Jehova, vel Jehovi, cujus nomen? 35. DE. 86. B
 — à quibus temere proditum? 35. D
 — apud quos non proferebatur? 35. E
 — apud quos mysteriis plenissimum? 67. F. 86. B
 — cur & quantum diligit portas Zionis? 68. BC
 Ignis à quibus asservatus? 36. F
 Imperatoria sedes ubi? 78. C. 87. A
 Imperia Mundi praeclarissima ubi futura? 24. E
 Imperium primogenitura ubi? 83. E
 — unicum in Mundo esse debebat, 83. F
 — eo in aeternum Mundus regendus, 83. B
 Inauguratio cujusmodi? 56. AB
 — illius verba qualia? 56. CD
 Incendium ex terra quos consumpsit? 16. CD
 Incubi qui, & unde? 65. C
 Injuria lege cohibetur, 45. B
 Instauratio Orbis quando? 61. B
 Intelligentiæ caelestes media, 38. B
 — duplicis generis esse statuuntur, 51. DE
 — earum multitudo, 67. E
 — illarum ordo duplex, 36. BC
 Iosephus Patriarcha ex qua liberos suscepit? 32. C
 Iosephus Historicus fide dignissimus, 5. AF
 — quibus doctrinis imbutus? 5. F
 — cui posthabendus, & cur? 81. D
 — in quibus convenit cum Beroso? 82. AB seqq.
 Jovah nomen quis sibi vendicavit? 33. C
 Ismaelitæ cur in Judaeorum locum substituti? 10. B
 Italia unde dicta? 24. F
 — cui signo caelesti subest? 39. E
 Judæi perpauci & ubivis exsules, 10. B
 — illorum duo genera qua? 11. C
 — quo odio & pervicaciâ sint erga se ipsos? ibid.
 — quanta inimicitia inter illos & Christianos? 11. D
 — ex quo sanguine Messiam nasciturum sperabant?
 15. B
 — quamplurimi eorum extincti ubi & quomodo?
 16. CD
 — quo sigillo notantur inter Christianos? 16. E
 — ex illis secreti erant Pythagorici, 53. A
 — quo die apud eos est Paschatis festum? 73. A
 — cur à Christianis maxime separati? 73. AB
 — ipsorum Libri apud quos asservati? 10. C
 — in totum Orbem disseminati ac recepti, ibid.
 Julianus, Imperator, disertissimus, & apostates, 11. F.
 16. B
 — contra sacra acerbissime scripsit, 11. F
 — quo nomine vocabat Christum? 16. C
 — quod templum instaurare voluit? 16. B

A Julius Cæsar, Lingua Græca peritissimus, 42. A
 — quid refert de litteris, & de Druidibus?
 42. B
 Juno unde dicta? 86. C
 Jupiter, mortalium impurissimus, 33. C
 — quod nomen non erubuerit sibi vendicare? 33. C.
 35. E. 67. F
 — perditus paderastes Græcorum, seu Cretenfis,
 35. E. 67. F
 — an sacra ei facta ab Etruscis? 67. EF. 68. A
 — quis nomine Jovis insignitus atque cultus? 67. EF.
 68. AB. 86. BC

L.

B L Amechi prophetia de Noah filio suo qua? 29. E
 Lares quid, & unde educuntur? 30. C
 Legis Mosaicæ multiplex descriptio, 40. EF
 Legum salus ubi servari opus est? 40. B
 Legumlatores qui? 9. F. 10. A
 Leo cedet Arieti, 31. F
 — illius influxus ubi? 19. B. 39. E. 78. F
 Leonina civitas quando & ubi instaurata? 61. A
 — cur à Græcis Antipolis vocata? 19. BC
 — illius Genius qualis? ibid.
 Lex aeterna, finis & principium sacrorum qua? 11. A.
 12. C
 — antiquior Mose, 85. C
 — prima & aeterna qua? 44. F. 45. A
 — prima postdiluviana qua? 26. C
 C Libellus de Strigibus à quo scriptus? 50. D
 Librorum paucitas quando? 33. D
 Lingua Etrusca funditus periit, 88. E
 — Græca & Latina unde? 90. D
 — utraque Noachi alumnae, ibid.
 — prima qua, & à quo? 4. F. 5. A. 89. EF
 — primaria & sancta qua? 20. DE. 80. E
 — brevitati studet, 22. A
 — quid in ea delitescit? 80. E
 — illâ præditus Noachus, 81. A
 Linguae due ab initio, & qua, 90. D
 Litteræ ante Diluvium fuere, 87. F
 — Celtarum qua? 42. DE
 — majuscula Græcorum & Latinorum eadem,
 89. A

D.

----- Samothis cujusmodi? 89. A
 Locus ab auctoritate quibus proprius & familiaris? 80. F.
 81. A
 — primus sacer Mundi ubi? 22. B
 Lud & Veled quid? 47. D
 — in Lud, seu Lydiam, proficisci quando dicebatur?
 47. C
 Lycurgus qualis Legislator? 9. F. 10. A
 Lydia quid, & unde? 47. CD
 — ire in Lydiam quid apud Patres? 47. D
 Lydii quinam? 47. AD
 — an consentiant cum Tyrrhenis vel Etruscis? ibid.
 — quanam divisio ab illis facta? 47. AB
 — ipsorum cum Tyrrhenis commercium unde? 47. C

E.

M.

M Adianitæ qui? 32. C
 Magi principes, astrorum scientiâ peritissimi, 15. C.
 69. E
 — unde & quid adveniunt, & cur? ibid.
 — unde prius cognovere Christum? 30. F
 — quas disciplinas celluerunt? 28. AB
 — quodnam genus disciplina decerpébant, & unde?
 31. D
 — illorum princeps quis? 31. D
 Magia apud quos in odio? 30. F
 — illius secretiores disciplinae apud quos? 28. E
 Magistratus duodecim apud Etruscos, 46. F
 Majah quanam famina? 36. EF
 — cur sic nuncupata? 36. F. 37. A
 Maleficæ, & Malefici, qui? 44. D. 65. C
 — quantum possunt cum malis Angelis? 44. DE
 — ubivis apud Christianos accusantur ac deprehen-
 duntur, 44. D
 Mali in quarta generatione sunt pessimi, 46. E
 Malleus Maleficarum qualis Liber? 50. D
 Manethon Ægyptius de Beroso honorifice scripsit, 81. EF
 Masculeum quid? 49. CD
 Masculus purus quid? 49. D
 Matrimonii contractus cum Fidelibus unde patet? 38. F
 Mecubalim quinam Sapientes? 24. B
 — quid ab illis sanctissime servatum? ibid.
 Pofellus. G Melchi-

INDEX RERUM AC VERBORUM.

- Melchisedec** quis? 22. B. 85. B
 — secundogenitus Noachi, 61. B. 63. C
 — qualis Pontifex? 85. B
 — quando vixit, & quos informavit? 85. C
 — quantâ sanctitate ac bonitate homo? 85. E
 — ubi vocatus est? 63. C
 — ubi habet suas institutiones & origines? ibid.
 — à qua sede expulsus? 61. B
Mens & spiritus essentia hominis, 50. F
 — in omnes homines extrinsecus adveniens qua? 34. E. 69. C
 — Mundi qua? 34. E. 69. EF
Menſa ſolis, 50. C
Menſis Diluvii qui? 74. A
Mentium ordo qualis? 38. A
Mercaba quale animal apud Hebraeos? 53. C
 — qua doctrina per illud significatur? ibid.
Metaſthenes Perſa quid de Ogyge & de Beroſo ſcripſit? 70. F. 81. EF
Metellus (Lucius Cæcilius) qualis Pontifex & vir? 58. C
 — qualem triumphum Romanis paravit? ibid.
 — illius ſumma pietas, 58. CD
 — quos honores conſequutus? 58. D
Miracula maxima quando facta? 74. CD
Mnæſas Phœnix Auctor deſideratur, 70. D. 81. EF
 — à quo & ad quid citatus? 70. D
 — quam mentionem de Beroſo fecit? 81. EF
Mohad quid? 34. F
Mons cur & dicitur? 27. D
Mores Reipublice unde pendent? 44. C
Mofaicus cæcus quod jus habebat? 47. C
 — quis in eum admittebatur? ibid.
Mofes ex qua ſuſcepit liberos? 32. C
 — in Ægyptiorum Diſciplina excelluit, 31. D
 — in quem menſem inſtituit dies Kippurim? 74. E
 — ſupra Aaronem fuit, 33. B
 — quem annum mutavit? 72. F. 73. A
 — ad quem menſem poſuit primum ſacrorum ſuo-
 rum? 38. D
 — ejus Libri maxima integritate apud Chriſtianos &
 Judeos, 10. ABC. II. D
Mundus à quo factus, & à quo pendet? 77. EF
 — illius capita quæ, & ubi poſita? 7. A
 — ejus primus maſculeus Intellectus quis? 39. E
 — ipſius pars præſtantiffima quæ? 77. F
 — quomodo & à quo regitur? 16. F. 17. A
 — quare & propter quem conditus? 18. E. 73. F
 — ejus ſcopus quis? 78. B
Mutatio in Orbe unde? 57. A
 N.
Naomah, uxor Noachi, & mater Mundi, 36. E. 86. C
 — de ſtirpe Cæini electa ac ſervata, ibid.
 — ubi & quibus nominibus ornata? 36. EF. 37. A. 86. C
 — illius varia nomina explicata, 36. EF. 37. A II
 ſeqq. 86. C
Naturæ inferioris diſtinctio unde? 36. D
 — totius moles quomodo & ad quam formam dedu-
 cta? 64. E
Nervus ſummus Reipublice unde pendet? 44. C
Nimrodus, homo perditiffimus, ac Tyrannus Aſiaticus, 7. B. 67. F
 — Babylonice ſuperbia fundator, 7. B. 68. A. 83. C
 — quod nomen & quos libros ſuratus? 7. B. 68. A. 83. C
 — quo nomine dici volebat? 68. A
 — quis ſacrilegii illum inculpatus? 7. B. 83. D
 — à quo Saturnus vocatus? 7. B
Noach, vel Noachus, ſacroſanctus Saturnus dicitur, 19. F
 — per illum Mundus renaſcentiam accepit, ibid.
 — omnium Sapientum ac Vatum doctiffimus, ibid.
 — quid ſategit, & præſcripſit toti Orbi? 19. F. 20. A
 — omnium inſtaurator, 35. B
 — quid juſſus eſt à Deo? 38. DF
 — primus Deo ſacrificavit ac altare erexit, 38. F
 — Sanctorum anteſignanus, 39. B
 — aurei ſeculi dux, 87. B
 — cur non potuit exponere omnia, quæ & Moſes? 39. C
 — cujus ordinis peritiſſimus? 39. F
 — Univerſi Pater, & Papa ſanctiſſimus, 85. D
 — Aſtronomia doctiffimus, 84. C
 — hominum Propbetarumque ſapientiſſimus, 24. E
 — illius primaria inſtitutio quæ? 76. E
 — variis nominibus inſignitus, 33. EF
 — illa nomina deteguntur & explicantur, 20. AB. 22. A B ſeqq. 29. EF. 34. AB ſeqq. 35. AB ſeqq. 84. EF. 85. AB ſeqq. 86. AB
Noachitæ quibuſcum conveniunt? 26. E
 — illorum primogenitura ſacra cur reprobanda? 22. C
Nochus, aut Noachus, unde ſic dictus? 33. E. 34. A
Nomina varia uni & eidem rei cur applicata? 33. BC
 — quanam impoſita rebus à primo homine? 80. F
 — religioſa Noacho ejuſque uxori Naomæ impoſi-
 ta quæ, & cur? 20. AB. 21. F. 22. AB. 29. E
 F. 34. AB. 35. AB. 84. EF. 85. AB. 86. AB
Numa qualis Legiſlator? 9. F. 10. A
 — avitorum myſteriorum alumnus, 86. E
 — quorum Geniorum conciliator? 49. E
 — ubi Jano templum poſuit? 49. EF
 — cur ſepeliri in Janiculo voluit? 86. E
 — in eliciendis evocandiſque Geniis præſtantiſſimus, 49. F
B
 — illius Genius qualis? 49. F. 50. D
 — ipſius Commentarii ubi reperti & conſervati? 71. B
 — quid in illis conſcriptum? ibid.
 — ejus convivium quale? 50. AB
Numeri priores nominibus, 46. B
 — eorum vis quæ? 45. F. 46. B
Numerus myſticus, 48. CD
 O.
Og, Ogy, vel Ogys, quis fuerit? 22. AB. 85. BD
 — ejus nomen unde derivatum? ibid.
 — qualis Gigas dicitur? ibid.
Ogyges primus quis? 22. A. 85. D
 — unde nomen habuit? ibid.
Ogygiæ arbores, & habitationes, 85. E
Ogygia ſecula, ibid.
C
Ogytæ cujus poſteri? 22. A II
 — ubi habitaverunt? 22. B
 — cui formidabiles? 22. D
 — inter illos quanam poſteritas erat? ibid.
Olenus Calenus qualis Vates, & unde? 56. B
 — quanam Legati ad eum miſſi, & ob quid? ibid.
 — illius vaſſrities, 56. CD
Olympus quis ſic dictus, & cur? 33. E. 35. A
Omnia in numero, pondere, & menſura ſunt conſtituta, 46. A
Ops, vel Opis, quenam ſcæmina? 36. F. 37. B
 — unde ſic vocata? 37. B
Oratoris fides unde petenda? 7. F
Orbis terrarum quamdiu à contactu humani generis fuerit
 immunis? 72. AB
D
Orcades inſule ubi? 13. D
 — quid de illis reſert Plutarchus? ibid.
Ordo ſacrorum Razi-Hinuorum ubi & à quo inſtitutus? 25. A
 — movens at in finem quis? 36. B
 — quorum Deorum dicebatur ab Hebrais? ibid.
 — movens ut in locum quis? ibid.
 — quarum Deorum dicebatur ab Hebrais? ibid.
Origo unde dicatur? 26. F
 — & ſiſis præſca religionis quæ? 62. F
Orpheus qualis Scriptor? 88. F. 89. A
 — quodnam Opus in illum reſerunt Græci? ibid.
Orphica diſciplina Cubata propior, 89. A
Oſtenta quid ſint? 30. F
 — illorum interpretatio qua ſcientia? ibid.
 P.
Palet qualis Gigas, & ubi? 85. B
 — unde ſic appellatus? ibid.
Pan & Col quis? 13. AB ſeqq.
Pandora quanam ſcæmina? 36. E. 37. B
 — cur ita nuncupata? 37. B
Parieſiſ Schola Theologica auctoritas, 59. D
 — Concilium ſuper ſummum Pontificem eſſe cen-
 ſuit, 59. DE
Pars nobiliſſima primi mobilis quæ? 17. F
Pafcha ante Moſem quibus, quando, & cur uſitatum? 38. E. 74. C
 — Judeorum quando celebrandum? 73. ABC
Paulus Apoſtolus à quo capite truncatus? 14. A
 — cui dirum eventum prædixit? ibid.
Pelaſgi an in Italiam venerint? 42. F. 43. A
Petrus Apoſtolus mortuum ſuſcitavit Nerone præſente, 16. A
 — Simonem Magum unde deturbat? ibid.
 — cur maleſicus dicitur? ibid.
 — illius locus quod translatus? 86. F
Phœnices quarum rerum inventores? 70. F. 71. A
 — in eos litterarum primus uſus reſertur, 88. A
 — illorum alumni qui, & in quo? 71. A
Picus cur diſcerptus? 25. F
Pietas Reipublice unde pendet? 44. C
Plato in quem virum omnia reſert divina? 4. F
 — quanam illius ſententia laudanda? 4. B
 — quomodo Magiſtratus dividebat? 46. C

INDEX RERUM AC VERBORUM.

Plato quid de Deo asseruit ? 64. B
 — illius opinio de Mundo quæ ? ibid.
 — quam disciplinam suam fecit ? 57. F. 58. A
 — quid dixit de homine ? 50. F
 — unde prima ratio veri inquirenda illi videbatur ? 20. D
 Plinius Junior quid de Christianis testatus est ? 16. B
 Plinius Senior omnia Fato tribuisse videtur, 13. E
 — immortalitatis & divinitatis perpetuus insectator, ibid.
 — nullum credidit esse Deum, 23. A
 — de quibus vaticiniis loquitur ? 13. EF
 — quid asserit de divinis miraculis ? 68. D
 — quibus nil attingere res divinas dicit ? 68. E
 — quam virtutem ac potestatem in verbis esse affirmat ? 56. BC
 — in quos refert primum usum litterarum ? 88. A
 — quid ait de Umbris ? 23. B
 — quid dicit de Romæ partibus ? 86. F
 Plutarchus quid de naucloero Tamuz narrat ? 12. F. 13. AB
 — apud illum locus de magnitudine ac morte Christi, ibid.
 Poena stupri & adulterii aliorumque delictorum quando posita ? 39. A. 85. D
 Pons publicus cur sic dictus ? 61. EF. 62. A seqq.
 Pontifex unde sic appellatus ? 61. E. 62. A
 — à quibus & quando eligebatur ? 62. BC
 — illius dignitas qualis & quanta ? 62. CD
 — quinam præstantissimus dicitur ? 62. C
 — verus ac summus quis ? 78. D
 — ubi reponendus, & à quo conservandus ? 61. B
 Pontificatus summi virtus ubi ? 87. D
 Pontifices Romani unde dicti ? 61. E
 — eorum auctoritas quæ ? 62. DE
 Pontificia & sacra sedes ubi ? 19. F. 78. C. 86. F
 Populi digniores quinam ? 6. E
 — Univerſi imperium habituri, ibid.
 — qui de cælo observabant quid facere debebant ? 6. EF
 — post Diluvium quot ? 48. E
 — duodecim qui ? 48. F
 Porphyrius, Philosophus doctissimus, 11. F
 — nominis Christiani acerrimus insectator, ibid.
 — quid evertere conatus est ? ibid.
 Principis veri studium quot ? 28. C
 Priscorum disciplina quæ & quæ ? 31. BCD
 Prodigia quid sint ? 30. F
 — eorum interpretatio quænam scientia ? ibid.
 Proteus quinam homo ? 33. E
 — cur ita appellatus ? 34. B
 Pyrrha quænam femina ? 24. B
 — unde sic dicta ? ibid.
 Pythagorici quid de quaternario numero affirmabant ? 52. EF
 — eorum sacramentum, 52. D
 — rerum naturalium peritissimi, 46. B
 — quid iudicabant de numero quaternario ? ibid.
 Q
 Quaternarium in omnibus hominibus, 52. EF
 — illius vis quanta ? 46. AB. 52. EF. 53. AB seqq.
 R
 Rauduscula porta cur sic dicta ? 25. F
 Razi-Hinui qui ? 19. F. 29. A. 88. C
 — unde ita dicti ? 28. F
 — eorum frugalitas & parsimonia, 26. D
 — eorum officium, 28. F. 29. A
 — eorum qualitas, 67. BC
 Regio nobilissima Mundi quæ ? 24. D
 Regni jus inter Umbros, 26. D
 Republicæ discrimina in quo versantur ? 59. A
 — illius corpus quomodo conservatur ? 40. E
 — ipsius mores à quo pendent ? 44. C
 — ejus salus quid est ? 40. B
 — ejus summus nervus unde ? 44. C
 — illius pietas à quo ? ibid.
 Religio ex sanctissimis principiis incepta, 85. E
 — sensim in Idololatriam prolapsa, ibid.
 — illius prima & absoluta veritas ubi servanda ? 39. E
 — ejus obscuritas unde orta ? 57. D
 — illius septuaginta duo juvenes principes, 25. C
 — Romane occasio & ratio quæ ? 77. C
 — illius ratio unde perierit ? 49. AB
 Rerumpublicarum summa felicitas quæ ? in Dedicat.
 Res Christianorum quamdiu in augmento continuo fuerit ? 60. F. 61. A
 — quando collabi cæperunt ? 61. A
 — quando instaurata sunt ? ibid.
 — humana unde constant ? 55. BC
 — unde in suis naturis perseverant ? 55. C
 — à quibus conservantur ? ibid.
 — humano arbitrio confurgentes quæ ? ibid.

A
 — unde constant ac destruantur ? 55. CD
 — priscarum obscuritas unde sit ? 43. A
 Revolutio omnis ubi cessata ? 53. C
 Rhea quænam femina ? 36. EF. 86. C
 — unde sic nuncupata ? 36. F. 86. C
 Rheah quid ? ibid.
 Rituales libri apud quos ? 43. BC
 — quid continerent ? 87. A
 — eos quis furatus ? 7. B
 Ritus sacri ante Mosem, 38. C
 Roma ubi antiquitas erat ? 32. C
 — florentis basis ubi constituta ? 56. F
 — quando, quoties, & à quibus fundata & instaurata ? 57. F
 — Janiculo opposita, 56. A. 86. F
 — illius partes quæ ? 86. F
 B
 — ejus inauguratio quæ ? 56. BC
 — totius Idololatriæ asylum, 32. B
 — in illa quænam institutio ? ibid.
 — quos sacros Ministros habebat ? 33. B
 Romana religio, 75. EF
 Romani ab Etruscis inaugurabantur, 57. BC
 — quando Sabbatum observarunt ? 76. DE
 — eorum quotannis in Etruriam missi qui & quot ? 48. F. 49. A
 — eorum consuetudo de Etruscis, 59. BC
 — illorum religio unde ? 31. E
 — ipsorum felicitas unde ? 32. E
 Romanum Calendarium castigandum, 74. B
 Romulus quis videri voluit ? 57. E
 — ex qua natus dicitur ? 57. F
 — an primus templum Vesta posuit ? ibid.
 — quando Romam sibi adscripsit ? ibid.
 S
 S Abbatius Saga, Pontifex, qualis, & ubi ? 83. E
 — ubi institutus, & quomodo aliàs dictus ? ibid.
 Sabbatum Romanorum, 76. DE
 Sacerdotes Romani quid facere soliti in expiatione urbium, quæ oppugnarentur ? 66. E
 Sacrificia quænam & ob quid Deo offerenda ? 71. D
 Sacrorum libri unde ? 16. F
 — summa auctoritas à quibus dependebat ? 32. F
 Sæcula semper proficiunt, 10. A
 Sæculum aureum quamdiu in sua innocentia duravit ? 26. A
 — illius basis quæ ? 44. F
 — ejus virtus unde pendebat ? 45. A
 — ipsius dux quis ? 42. F
 — illius perturbatores qui ? 44. E
 Saga, vel Sages, quisnam homo ? 33. EF. 35. E
 — unde ita appellatus ? 35. F
 Salomon, Rex sapientissimus, 31. D
 — unde suam sapientiam auxit ? ibid.
 Salus Reipublica quid est ? 40. B
 — legum ubi servari opus est ? ibid.
 Samaritani quales Judei ? 11. C
 — à quibus pertinaciter dissident ? ibid.
 — quos Libros recipiunt ? 11. D
 — illorum decem Tribus quæ Linguæ hodie utuntur ? 90. D
 — eorum Messias quis ? ibid.
 — ipsorum Lingua quæ, & ubi superest ? ibid.
 — illorum characteres quales ? 41. CDE
 — apud illos sunt Libri Moysiis characteribus, 40. EF
 — illorum characterum inversio à quo facta ? 42. C
 — quænam litteræ apud eos supersunt ? 40. A
 Samauthus, vel Samothres, quis ? 42. B. 84. D
 — unde sic nuncupatus ? ibid.
 Samothracæ Dii qui ? 36. E. 37. E. 58. E
 Sancti qui dicti ? 57. E. 65. F
 — in quorum locum successere ? 65. F
 — illorum cultus assidue innovati, 57. E
 — eorum primus quis ? 86. D
 Sapientia creata quæ ? 64. CD
 — quæ ab illa sunt ? ibid.
 Sapientie principium & finis quæ ? 10. F. 11. A
 Sar hapanim quid, & unde sic dictus ? 52. A
 Saturnia Roma, 27. E. 56. A
 — à quo sic dicta ? ibid.
 — ubi sita ? 19. C
 Saturniæ ubi habitabant ? 19. C. 32. E
 — apud illos non deerant Vates, 32. E
 — ab illis Roma fundata & instaurata, 57. F
 — ab illis quid usitata ? 72. D
 — à quibus oppugnati ? 86. E
 Saturnus quisnam homo ? 33. EF
 — unde ita dictus ? 33. F. 35. D
 Scientiæ ordo quis ? 51. B
 Scripta Enoch quæ, & ubi supersint ? 87. F. 88. A
 Scriptores quomodo improbandi ? 7. D

INDEX RERUM AC VERBORUM.

Scriptores, quid illis prohibitum? 12. D
 — Diluvii qui? 23. AB. 70. DE
 Scriptoris fides unde petenda? 7. F
 Sedes primogenitura ubi? 83. E
 Sem secundogenitus Noachi, 85. E
 — illius excellentia, ibid.
 Senatus Romani scintilla in Davidici sanguinis homines,
 15. F
 Septima dies Romanis culta, 76. BCD
 Sibylla Erythraea quando in Italiam advenerit? 43. D
 — quos Libros secum attulerit? ibid.
 — Persica, seu Babylonica, quando in Asia fuit?
 43. C
 — illius innumeri versus ex Chaldaeis conversi, ibid.
 — Tiburtina à quo & super quid consulta? 14. D
 — à quo Augustum Imperatorem deterruit? ibid.
 — quam formam eidem ostendit? 14. E
 Sibyllae ubique fuerunt, 2. F
 — quam scita ab illis facta? 2. F. 3. A
 Sibyllini Libri in Reipublica Romana caput accepti, 5. D
 — ejus resurrectionem inculcant? 13. F
 — ubi & quando conflagraverunt? 14. F
 — unde recuperati, & quales? ibid.
 — illos quis comburi jussit, & cur? 15. A
 Sigilli rubri ortus, 16. E
 Signorum duodecim decemoria, 48. A
 — eorum intelligentia, 48. B
 — illorum trianguli, 48. A
 Simo Samaritanus, hominum perditissimus, 16. A
 — cur Deus sanctus creditur? ibid.
 — à quo statu donatur? ibid.
 — à quo deturbatus à suo impietatis caelo? ibid.
 Simulacrum Jani quale, & ubi inventum? 52. C
 — in hujus memoriam quodnam templum ei pos-
 tum? 52. D
 Solinus, homo Romanus, qualis Auctor? 70. E. 71. A
 — quid de Diluvio scripsit? 70. EF
 — unde illud desumpserit? 71. AB
 Somnia sunt malefida, 30. E
 — ab illis pendet bona pars Religionis, ibid.
 — ab iis quomodo posset obtineri Divinatio? 2. E
 Sortes vanissima dicuntur, 30. E
 — quando usi sunt Viri principes Religionis? 30. F
 Spectra unde dicta? 69. B
 — eorum genera quot? ibid.
 — quibus apparent? 69. F
 Spiritus femininitatis ubi? 36. B
 — masculinitatis ubi? ibid.
 Spiritus loco non eget, 53. C
 — ubique potest subsistere, ibid.
 Spirituum genera quot? 66. A
 — illorum signum manifestissimum ubi videtur? 65. D
 Statua quadrifrons à quo affabrè facta? 52. CDE
 — in illa quatuor facies hominis universalis, 53. B
 — in summo doctrinae loco habita & habenda apud Ju-
 daeos, 53. C
 — ubi praecipue posita? 53. D
 — quis eam sculptendam curavit, & cur? 54. B
 — quam res illam representant? 54. F. 55. A
 Statuae Etruscorum non ad honorem, sed in memoriam fie-
 bant, 52. E
 Stella in Oriente quando visa? 15. D
 Stilico Vandalus, homo impius & perfidus, 15. A
 — calamitatem ubique excitavit, ibid.
 — quos Libros comburi jussit, & cur? ibid.
 Strabo Cosinographus quando scripsit? 42. A
 — Lingua Graeca peritissimus, ibid.
 — de quo fidem facit? 42. B
 — quid refert de Hispania? 89. D
 Striges quae? 65. C
 Suadendi veri primum fundamentum unde? 80. C
 Substantiarum separatarum genera duo, 58. A
 Succubi qui, & unde? 65. C
 Suilla caro humano temperamento proxima, 66. B
 Syra Dea quae? 37. BC
 Syra Lingua qualis, & ejus est? 4. F. 5. A
 — quomodo aliàs dicta? 5. A
 — quid in se continet? ibid.
 Syrae Divinationes & Historia quales? 5. C
 Syriaca Lingua quando & unde nata? 40. D
 — quando erat in usu? ibid.
 — Hebraica proxima, 20. E
 — quomodo aliter dicitur? ibid.
 Syriacae Historiae quales? 5. E
 Syrus à Platone celebratus quis sit? 4. F

T.

TAbulae de Origine litterarum à quo scriptae? 87. EF
 — quid in illis ostenditur? 87. F
 — à qua Officina prodierint? ibid.
 Tages, vel Tagis, quis? 30. ABF
 — unde ita nominatus? 30. F. 31. A
 — ejus Genius, & cui adfuit? 30. A
 — ejus disciplina auctor & instaurator? 30. B. 31. A
 Tamuz, naclerus Aegyptius, 12. F. 13. A
 — quid de eo narrat Plutarchus? 12. F. 13. AB
 Tarquinius, Rex, ejus templi fundator? 57. C
 — cui arti parum tribuebat? ibid.
 — quodnam experimentum sumpsit? ibid.
 Tatianus meminit Berosi, 81. E. 82. F
 — contra quos & quando scripsit? 82. F

B Tenebrae unde natae? 37. B
 Terra quid esse dicitur? 30. C
 — quam formam ex illa educuntur? ibid.
 Testamentum aeternum quod? 45. CE
 — inter quos factum? 45. E
 — quamdiu duraturum? ibid.
 Testis fide integerrima qui? 83. C
 Theologiae Romanae corruptores Graeci, 75. E
 Theophilus Berosi meminit, 81. E. 82. F
 — contra quos & quando scripsit? 82. F
 Theopompus qualis Historicus? 12. D
 — quid de illo refertur? ibid.
 Thetis quam famina? 36. E. 37. A
 — unde sic nuncupata? 37. A
 — eadem ac Maia, ibid.

C Thetys, vel Thitys, quam famina? 36. EF. 37. A. 86. C
 — unde sic appellata? ibid.
 Triangulus quam superficies atque figura? 40. C
 Tullus Hostilius cur in suum caput fulmen elicium attra-
 xit? 56. E
 Turcarum Imperium cur auctum? 89. EF
 Tascia quid sonet, & unde? 21. B
 Tyranni qui dicuntur? 83. F
 — illorum fons quis? ibid.

V.

Valerius Maximus quid de Massiliensibus notat? 54. CD
 — Vaticinia apud Plinium de quibus? 13. EF
 — illorum fons quis? 13. F
 Verba in omnibus contractibus ligant, 56. E
 — eorum vis ac potestas, 56. B

D — praconcepta inaugurationis quae? 56. CD
 — instar sacramentorum habebantur, 56. C
 Veri prima ratio unde inquirenda videtur? 20. D
 Veritas omnis unde sit? 29. BC
 — summa in homine quae? 2. A
 — illius praestantissima consequutio quae? 3. E
 — ejus gradus varii, 1. DE
 — illius maxime particeps quis? 1. D
 Vertumnus quifnam homo? 33. E
 — cur ita nuncupatus? 34. H
 Vesta quam famina? 24. B. 36. EF
 — unde sic vocata? 24. B. 36. F. 37. B
 — faminarum sanctissima, & ejus uxor, 49. E
 — ubi suas Vestales instituerit? ibid.
 — ubi sacras ades habuerit? 37. B

E Vestales in Etruria nulla, 49. E
 — ubi & à qua instituta? ibid.
 Via secunda praedictionis futurorum quae? 5. B
 — certissima ad celestia omnia evocanda quae? 66. DE
 Virgo Mater multis nominibus insignita, 33. F
 — templa ei dicata, ibid.
 Viri boni officium quod? 68. F. 69. A
 Virtus ubi posita? 76. A
 — summi Pontificatus ubi est? 87. D
 Vitium semper procedit, 83. D
 Umbri quifnam Populi? 23. B
 — quando in Italia fuerint? 23. C
 — unde ita appellati? 23. BF. 24. A
 — quomodo antiquitus dicti? 24. A. 34. CD

F Umbriae origo, 22. F. 23. B
 Unitas creata quae? 34. E
 Vocatum usus liber olim, 21. A
 Urbs Faniculum ubi? 60. BC
 — illarum fundamenta ubi ponenda? 55. F

Z.

ZAmolxis quifnam Legislator? 9. F. 10. A
 Zeus quis dicitur? 86. CD
 Zohar quorum Liber? 47. C
 — quid in eo videre licet? ibid.
 — à quo Latinus factus? ibid.

D. FRANCISCI DYNII,
Lucinianensis, Advocati Senensis, &c.
ANTIQUITATES
ETRURRÆ,

Seu
DE SITU
CLANARUM

FRAGMENTA HISTORICA,
Deque Rebus feliciter gestis
CIVITATUM
ARETINÆ, CLUSINÆ, ac CORTONENSIS,
cum
SENENSIBUS, FLORENTINIS, EXTERISQUE.

Adjunctæ sunt ad finem
ANNOTATIONES
D. FRANCISCI BALDERESCHI,

J. C. Palaiensis Judicis Clarissimi.
Editio Novissima, priori nitidior, ac emendatior.




LUGDUNI BATAVORUM,
Sumptibus PETRI VANDER Aa,

Bibliopola, Civitatis atque Academiae Typographi.

P R Æ F A T I O
H U J U S N O V Æ E D I T I O N I S.

BENEVOLE LECTOR.

 Truriam *Viris Clarissimis*, rebusque ab his egregie gestis, nulli regioni ab antiquissimis usque temporibus floruisse secundam, nemo est, qui nesciat. Dignissima itaque, quæ *Eruditorum* celebrentur calamis, sunt ea, quæ D. Franciscus Dynus, *Advocatus Senensis*, hoc opere sibi enarranda proposuerat. Commissæ typis erant hæ lucubrationes cura D. Francisci Baldereschi, *J. C. Palaiensis Judicis Clarissimi*, ut paginâ 41. habetur. Prodierant Senogalliæ, Anno M. DC. XCVI. apud Franciscum Antonium Percimineum, in Quarto: Superiorum Permissu. Inscriptionem gerebant: Antiquitatum Etruriæ, seu de Situ Clanarum Fragmenta Historica, deque rebus feliciter gestis Civitatis Aretinæ, Clusinæ, ac Cortonenfis cum Senensibus, Florentinis, exterisque, ad Illustrissimum, ac Generosissimum D. Comitem Hieronymum Dandinum. Quam acceptæ eæ fuerint *Erudit*is, varia operi præmissa testantur Carmina. In *elogia* vero *Auctoris*, ut rem non nostri fori, non excurremus (res ipsa loquitur:) id saltem innuemus, hos Dyni labores nobis & communicatas & commendatas, ut prælo iterum committerentur, esse a Viro quodam in Orbe literario Maximi Nominis; omnemque nos adhibuisse industriam, ut ii nunc prodirent nitidissimi, & a pluribus, quibus prior scatebat editio, typographi erratis purgati. Ad juvandam lectionem Nomina propria, & alia, quæ id exigere videbantur, ut eo facilius pateant, diversis a contextu literis exhibentur. Numeri pagina-
rum

PRÆFATIO HUIUS NOVÆ EDITIONIS.

rum editionis prioris hic ad marginem sunt notati, ut, si forte ab aliis scriptoribus, priori editione usis, quædam ex his Etruriæ Antiquitatibus citantur, ea in hac nova editione reperiri queant absque molestia: id quod vel in Baldereschi hic adjunctis Annotationibus ex usu erit. Indicem præterea rerum, quæ hic habentur, notabiliorum, operi subjunctum, non tantum locupletiolem, sed eundem æque, ac Indicem Auctorum, qui præmittitur, in meliorem etiam ordinem redactum reddidimus. His, Benevole Lector, diu utere felix, nobisque fave. Vale.

AUCTORIS EPISTOLA DEDICATORIA.

Illustrissimo, & Clarissimo

D. COMITI

HIERONYMO DANDINO,

D. & Patrono suo colendissimo.



Consuevere, *Illustrissime Domine*, litterarum studiosi, qui typis providè labores suos committere neglexerunt eisdem fidelium oculis amicorum, sapientumque subicere, nè omnimoda oblivione deperderentur; neve ignari, ac cæterorum vulgus iners egregios quoscumque irridere præsumat: hoc consilio beneficentiæ tuæ sapientissimæ, qui me summo amore, summisque honoribus es prosecutus, quique mira eruditione, ingenioque præ cæteris hujus Provinciæ elato plurimum polles, annuente hæc manuscripta transmittenda curavi, quæ tamen gravibus curis, morbis pluribus, ærumnis, officiorumque onere propemodum fessus, atque in ipsa juvenia senescens omisi perficere, & ut morem gererem benevolentiae tuæ manibus amicorum quorundam talia qualia sint vindicavi, omnem lapidem movendo nè in lucem ab iisdem ederentur, nedum quia historia suo indiget complemento, & fragmenta conscribendo ob involutos rerum casus, Locorumque gesta feriem annorum retinere perdifficile visum, sed nè invidis, ac blateronibus præbere superinsistendi argumentum, & ab instituto meo aliena viderer contexere; ad ea conscribenda coëgit Patriæ amor, quia, ex Peripatetico, Prima justitia est, quæ Deo, Proxima, quæ patriæ, parentibusque, Postrema, quæ vita jam functis debitum suum cuique præstat officium. siquidem magis unusquisque nascitur Reipublicæ, quàm sibi, & parentibus: ita enim *Arpinas Demosthenes*, omnium societatum nulla est gratior, nullaque charior, quàm ea, quæ est in Republica. unicuique nostrum chari sunt parentes, liberi, propinqui, familiares; sed omnium charior patria, pro qua quis dubitet mortem oppetere, si ei sit profuturus; & qui patriam adjuverint, auxerint, certus est designatus in Coelo locus, ubi cum beatis omni ævo fruuntur, &

Nescio, qua natale solum dulcedine cunctos

Allicit, immemores nec sinit esse sui.

Stimulum etiam præstiterè Civitatum Vallis *Clanarum* in *Etruria* decora gesta, quæ nè dicam jacere, sed vel incuriosius tradi, vel minùs expingi solertèr ab iis, quorum olim in ejusmodi scriptis elucubratiò defudavit, & simul ut à quorundam asseritis ira, studio, vel insulsè editis ex monumentis diligentiorum eruditorum studio vulgatis explorata pro animi privata voluptate, ac eruditione vindicarem. Quæ quamvis ob magnitudinem animi tui minima re, & pondere fortasse censeantur, lætaberis in Urbium, ac familiarum vetustissimis principiis, qui origine, ac generosa Nobilitate suprà cæteros fulges, potissimum quia plurima recensentur *Senarum* Reipublicæ egregia facinora, ex qua Clarissimam Familiam *Dandinam* originem duxisse compertum est. Etenim septin-

gentis, & ultrà elapsis annis, *Longobardis* exactis, libertatem pleniorē *Senarum* Civitas affecuta est, pluribus primariis Viris Auctoribus, inter quos *Dandinus* ille Patriæ, nè dixerim Pater, seu lumen, prudentia, ac strenuitate memorandus, *Castorum Perolæ* Dominus, *Tatti*, ac *Montis Massi* ad *Senarum* maritima, nec non *Montis Ciani* ditionis *Volaterranæ*, ut lapideæ Inscriptiones, insignia Gentilitia Senioribus comprobarunt, & Familiæ monumentis liquet. Primi enim consueverunt *Gothi*, *Longobardique* Ducatus, Marchionatus, ac feuda de Republica optimè meritis impartiri, quod est indubitatum argumentum Magnanimos *Dandinorum* Avos extitisse præpotentes a longinquis temporibus, cum non sine labore, annorumque decursu Familiæ ad Dominia, Apicemque rerum promoveantur, quorum vestigiis Nepotes emeritissimi inhærentes sibi famam nunquam perituram comparantes, securitati Patriæ, Civium famæ consuluerunt. Aucta enim *Senensium* dissidia *Franciscus* composuit hostibus profligatis, ac *Petrus Dandinus* Alexandro III. Senensi morum suavitate, fide summoperè gratus, quo uno maximè ex Concivibus gravioribus, arduisque negotiis usus est, ad Cardinalatum evectus, ut novitèr Addentes ad *Ciacconium* recensent in Vita Sacræ Romanæ Ecclesiæ Cardinalium per hæc verba: *Petrus Presbyter Cardinalis titulo S. Sabine ab Alexandro III. Teste Patre Alphonso Ciacconio Cardinalis renunciatus contra Hereticos Albigenes apud Tolosam in Aquitania Anno 1178. legatus est, sapientia, & doctrina clarus.* Hunc fuisse de Domo *Dandina* ex veteribus insignibus trium Syderum, Antiquorum traditione, ac ex sententia aliquorum, quos inferiùs referemus, palàm est. Cujus ex Nepotibus *Ughus Dandinus* in Reipublicæ administratione, potentia, opibus, animique virtute præcellens ad summum gloriæ fastigium pervenit. *David* verò filius *Ughi* divino Spiritu adactus sibi *Divum Galganum* imitandum præfixit: & anno 1250. ad *Cisterciensium* Coenobia convolans, eo fuit splendore virtutis, vitæ sanctimonia, doctrina, ac regulari observantia, ut Venerandus, ac Beatus Populi, ac famæ persistentis vocabulo enunciaretur; & *Innocentius IV.* Romanis diffusus in augustam *Perusiam* profugus se, ac labentis Majestatis securitatem ipsius Orationibus, ac Consiliis crediderit, & commendaverit; ac *Urbanus IV.* de frenandis *Cisterciensium* discordiis ipsius ope, ac sapientia Bullam signavit. Anno verò 1270. ad Episcopatum *Sovanensem* Populo acclamante, ac Comite *Aldobrandesco* Auctore, evocatus latuit per biennium, aded enixè *Christi* humilitatem assequebatur, donec benigno *Gregorii* hujus nominis X. Aretio residentis impulsu ad dignitatem capeßendam arctaretur, cuius dexteritatem, rerumque gerendarum peritiam, facundiam, heroicasque virtutes admirati excelli *Senarum* Patres *Caroli Angioini* de *Senensibus* in suspicionem lapsi, propè Moenia copiis ex tempore admotis, & Civibus rei novitate perculsis, Episcopum *Dandinum* ad conciliandum Regis animum delegaverunt, qui *Beatae Virginis Senarum Patronæ* ope nixus eo mentis ardore, ac spiritu ante ipsius Virginis Aram extra Moenia peroravit, ut radiis effulgere, & novum, divinumque hominem induisse Regi videretur, ut pertinax, ac in ultionem propensus Regis animus, Ducesque ad arma parati ad concordiam reducerentur, regiis liliis *Dandinorum* Gentilitio Stemmatis elargitis, meritis denique, & virtutibus clarus ad cælestia Virum profectò Venerabilem evolasse consensu traditum.

Verum perpetuis odiis, ac civilibus armis scissa *Senarum* Republica, hæc insignis Familia in vetustissimam Urbem *Cæsenatem* recipitur; quod quibusdam ex Scriptoribus ansam præstitit Nobilissimæ Familiæ *Bandinæ*, sive diversi Stipitis, seu, ut alii veriùs autumant, incuria, decursu temporum ejusdem agnationis egregios tribuere bello, togaque Viros, inter quos maximè emicere *Franciscus* Equitis *Salustii Bandini* Nepos *Bandinus*, ac *Germanicus*, Archiepiscopi *Senarum* clementia, ac doctrina Patres emeritissimi, ac *Marius Bandinus*, qui unus ex strenuis *Senarum* libertatis Defensoribus expugnata *Senarum* Urbe cum clarissimis Viris, Matronisque profugus inscriberet in numismatis, *Respublica Senensis in Monte Ilcino.* De *Bandina* verò Familia *Florentiæ* commorante *Octavius* Cardinalis *Bandinus* à *Clemente VIII.* 1595. renunciatus, ac secundus *Firmi* Archiepiscopus, eademque dignitate *Petro Dyno* concessa *Flaminie* Legatus creatus. Ex Familia *Dandina* emanavit litteratissimus *Hieronymus Dandinus*, *Anselmi* Equitis filius, Prælati Domesticus, & a secretis *Pauli III.* Casertæ, & *Imolæ* Episcopus, bis pro arduis, implicitisque negotiis ad Regem *Galum*, & bis ad *Carolum V.* Nuntius transmissus, & denique à *Julio III.* ann. 1551. sacra Purpura insignitus titulo *Sancti Marcelli*, iterumque missus ad *Carolum V.* de latere Legatus, de quo cecinit *Janus Vitalis*:

*Magnorumque parat, dum præmia grata laborum,
Dandine, Vir clarissime,
E septem Geminis plaudit tibi collibus ingens
Regina Roma Gentium.*

Imolensem Ecclesiam Patri *Anastasio Uberto* ex Sorore Nepoti, Theologorum maximo, tradidit, eoque vita functo, iterum moderandam suscepit invidis fati immaturè raptus Anno ætatis L. à reparatione Mundi MDLIX. Eques quoque *Pompejus Dandinus* consilio, manuque egregius Filiorum *Marci Agrippæ*, ac *Anselmi* dotibus clarior, quorum primus in utroque jure peritissimus ad Episcopatum *Æsinæ* Civitatis vocatus anno 1599. ubi perpetuis Civium laudibus, omni ævo famæ, ac gloriæ adolescit. *Anselmus* utriusque Signaturæ Referendarius à *Gregorio XIII.* in *Gallia* Nuntius, *Bononiæ* Vicelegatus, *Perusiæ* Gubernator electus, ac unus ex Ponentibus Sacræ Consultæ designatus, *Pompejus* Nepos *Gregorii XV.* & *Urbani VIII.* Prælati Domesticus in peragendis, decernendisque negotiis prudentia clarus, Legum, ac sacrorum Canonum studiosissimus. Junior quoque *Anselmus*, D. Comitum *Herculis Dandini* filius, morum probitate, ac maximo in re litteraria iudicio pluribus *Italiæ* Tribunalibus integerrimus Præses, Episcopus *Cervie* creatus immaturæ anno ætatis

EPISTOLA DEDICATORIA.

ætatis 38. fui desiderium reliquit. Pater *Hieronymus* Societatis Jesu in *Patavina*, *Perusina*, ac *Parisensi* Universitate, Philosophiæ, ac Theologiæ Lector, edidit de corpore animato, Ethicam sacram, ac relationem Legationis sibi injectæ per *Clementem VIII.* ad Patriarcham, ac *Maronitas* Montis *Libani*. Redolescit Avorum memoria in vigilantissimo, ac integerrimo *Senogalliæ* Antistite *Mutio Dandino*, qui Musis amicus, ac historiis versatus tanta decoratus æquabilitate, ut neque familiaritas contemptum pariat, neque dignitas affabilitatem pessundet, communi Populorum, ac Provinciæ sensu Pauperum Pater, morum candore, ac prudentia famigeratus, structis in ea Civitate, ac *Rochæ* in *Contrata* ære suo ædificiis summopere liberalis.

Æquè in re militari Duces, Equitesque laudabiles ostentant patentia *Dandinorum* monumenta: etenim iis posthabitis, qui longa serie annorum in Republica *Senarum*, tam pace, quàm bello florere, ac etiam prætermisso *Oddo Antonio Dandino*, qui opibus, famaue maximus anno 1525. cum *Joanna Borbona* Excellentissimorum Marchionum Montis Sponsalia contraxit, eximium recenset Militum Præfectum *Pompejum Dandinum*, qui à *Carolo V.* ob egregia in re militari facinora Eques auratus, Comes Palatinus cum Privilegiis amplissimis nominatus Aquila Imperiali sibi, posterisque donata à *Paulo*, ac *Julio III.* omnium Arcium *Romandiolæ* Præfecturam sortitus emicuit fortitudine, ac fide; ac strenuissimum Virum *Marcum Agrippam*, sub eodem *Carolo* Equitatus Capiteum, ac Magistrum, qui in expeditione adversus *Turcas* diem clausit nunquam gloriæ moriturus, *Hyacinthum* quoque, Ducem Militum Custodiæ Magni *Etruriæ* Ducis, ac juniorem *Marcum Agrippam Dandinum*, Patrum tuum, Equitem *Melitemsem* in flore ætatis *Turcarum* hostem infensissimum, nec non *Hieronymum* æquè Patrum tuum, in *Belgio*, ac *Sabaudia* militia clarum; an ingrato silentio involvendi Comes *Hercules Dandinus*, ac Comes *Oddus Antonius* Genitor tuus? an tu ipse, Agnatique sui, Viri undequaque clarissimi? ut fama tot gestorum inter gentes diffusa à *Bononiensibus*, *Perusinis*, ac *Cæsenatensibus* inter Patritios primi ordinis Gens *Dandina* dudum recepta generosa, ac incorrupta nobilitate ita refulget, ita à seculis pluribus affluit divitiis, ut merito inter primarias *Italiæ* Familias jure recensenda sit, quæ & Viros superius laudatos commendarunt ex Familiæ documentis Abbas *Libanorius* in *Vita Venerabilis Episcopi Davidis Dandini*, impressa *Venetis* 1605. *Pompæ Senenses*, *Apostillæ ad Chronicas Senarum Bisdomini*: & in iisdem Chronicis M. S. Episcopus Patritius, P. *Ughellius*, P. *Ciacconius*, & fama, veteresque comprobant traditiones Seniorum.

Tu itaque, *Juvenis Eruditissime*, qui verborum facundia, gratiaque emines plurimum, opus brevi dierum periodo confectum legere nè dedigneris, novumque hoc benignitatis tuæ argumentum patefacere, quod si amplitudinem tuam consideres, animumque offerentis devinctissimum perpendas, te hoc denegaturum ambigere neutiquam possum. Valeas, teque, & tuos ad ampliora serva, Patriæ Amor, & Provinciæ ornamentum.

Romæ, 1 Julii M. DC. XCIII.

ELOGIA AUCTORIS.

Sopra

l'Historie di Valdichiana

Attribuite all' ingegnosa Penna

DEL SIGNOR

FRANCESCO DINI,

Avvocato Sanese

Parla Lucignano Patria nativa del medesimo.

S O N E T T O

Del Signor

SEBASTIANO DANTE,

Priore, & Avvocato eruditissimo di Jesi.

E Rano i preghi miei dal tempo edace
O' già dispersi, ò nell'oblio sepolti:
Eran gl'aviti rai nell'ombre avvolti
Fatti scempio crudel d'Evo rapace.
Fu sempr' il seno mio d'Eroi ferace:
Ma qual prò, se dal sen materno sciolti
I patrii Colli abbandonerò incolti,

Portande lungi la LICINIA face.
E pur vollero i Fati, amica Stella,
Ch'hoggi al Mondo risorga rediviva;
E quanto antica più, tanto più bella.
Hor tutto al tuo valor DINI s'ascriva,
Se à chi vita ti diè vita novella
Porge dotta la Penna all'hor che scriva.

ELOGIA

In idem Argumentum
Historiæ Hetruschæ

D. FRANCISCI DYNII EPIGRAMMA

D. JOSEPHI RADICINI DE MONTE GEORGIO.

Bononiæ doctissimi, & integerrimi Auditoris, & Romandiolæ Generalis Locumtenentis.

Iunior implicitas DYNUS dirumpere lites,
Præsesque Æfinis dicere jura solet,
Sermonetanis, Nurfinis, & Beneventi
Auditor Monaci, quaque Ravenna vetus.
Frusinis, Romæ Judex, & cætera norunt

Galli, atque Hispani, & qua fluit Arnus aquis.
Patria, LICINII Colles, ab origine Sena,
Nomen fama refert, quod latet historia.
Gesta virum, & CLANAS describis primus, & unus
DYNE ibi laudatus primus, & unus eris.

In

Historias Vallis Clanarum

D. FRANCISCO DYNIO

vulgo adscriptas

DISTICHON D. PETRI DE MELIORIBUS,

J. U. D. Sarnanensis.

Aspecta Democriti, fidus Baldo, atque Camenis
DYNVS Clanarum primus in Historia.

Alle glorie

Del Sig. Auditore

FRANCESCO DINI

Per le Historie di Valdichiana,

Alludendo all'Arma del medesimo formato da un GIGLIO, che regge una CROCE
coronata con due STELLE.

MADRIGALE

Del Signor

GIOVANNI PECCI,

Vice Potestà dal Monte Santo Vito.

DAlle Tosche rivièr
Stemprando eterni inchiostri
Con suo nobil pensiero
D'Ignoranza Letea calcando i Mostri
Cinto il fronte d'alloro
In questo Regio Suolo

Venne DINI à trattar penna erudita
Arricchito lo Stemma, hà il Giglio d'oro,
E di gloria sul Polo
S'hebbe per scopo il ver con face unita
Arderan sempre più fulgide, e belle
La CROCE coronata, e l'auree STELLE

Nel publicarfi

l'Antichità Toscane,

composte

DAL SIG. DOTTOR FRANCESCO

Del Sig. Pietro Dini,

Si scherza su l'Arme, e si lodano alcune Opera dal medesimo composte.

ODA

DEL SIGNOR DOTTOR EMILIO,

Del Signor Marc'Antonio de Nobili,

Gentilhuomo, & Accademico eruditissimo di Jesi.

Con ardente dextro dall'alto Coro
Delle Dive d'Apollo, Arco e faretra
Imploro, accid per Petra

Risuoni il mormorio vie più sonoro,
E lungi sian da me le gran follie
Odi Cadmo, odi Tebe altre bugie.

A U C T O R I S.

Mà con arguto suono è veritiero
 Con le Pieridi sue il Dio di Pindo
 Sparga dall'Arno all'Indo
 Il Nome di FRANCESCO reso altero
 Nell'Italiche Curie, ove rimbomba,
 E la fama dà il fiato all'aurea Tromba.
 Ond' Io tempore le corde del sonare
 V'ò tessend' Hinni al suo bel Nome adorno
 Più che di luce il giorno
 Di virtudi, e di glorie assai ben rare,
 Che mostra homai, che nel Castalio loco
 Fà il suo buon plettro ogn'altro accento roco.
 FRANCESCO à i gran fulgor di tua virtude
 S'offusca di Solon l'antica fama
 Se invitta Astrea ti chiama,
 E nel suo giusto sen lieta ti chiude
 Minerva altera del Licinio olivo,
 Per te nell'Essa impetra il grido Argivo.
 Così n'andarà la tua gran fama à volo
 Il nobil dire, e l'armonia sonora
 S'uniran Serti di Flora,
 E quei dell'Eso, e del Sanese Suolo,
 A te'l Colle Licinio, ove Minerva
 Gl'Avi adorar, un serto d'Or riserva.
 Folie son Io, che à Delfica tua lira,
 Sì perfetta nel suon non può bramare
 La Musa mia recare
 Più gloria, overo honor, mentre rimira,
 Che qual Ione novel in Prose, e in Carmi
 Decanti Storie, & il valor dell'Armi.
 E se dell'Eso, e suoi Castelli illustri
 Tessi le glorie, e in Versi scrivi i pregi,
 Ben tra gli huomini egregi

Ascritto, le tue lodi in lunghi lufiri
 L'Eso decanterà, e l'Essa avito
 Per te gonfio n'andrà oltre del lito,
 D'antica Nobiltà germe glorioso
 L'DANDINO Eroe con degna ricompensa,
 Qual serba à te, ch'immensa
 Nel tuo Carme erudito, & armonioso
 Degl'Avi suoi la gloria approvi, e mostri
 Homer verace in eruditi inchioftri.
 Mà il primo nò, nè forsi tu sei stato
 Il più degno trà DINI, e Siena dica
 Di Famiglia sì antica
 I Patrùii guerrier, lo Stuol togato
 Le Carte Signorisse è il libro d'oro,
 E de' Leoni principio con l'oro.
 Il primo DINO fu Campione audace
 Con Goffredo Buglion la Sacra Croce
 (Di Soliman, del Trace,
 Per rintuzzar l'ardir reso sì atroce)
 Tra Crociferi prese, e in Isdraelle
 La CROCE inalberò con le due STELLE.
 GIANNI, e DINO, da cui GIOVANNI prode,
 Indi FRANCESCO, e poi PIETRO esule reso,
 Che col Grifolo acceso
 A sostener la libertà con lode,
 Questi è tolto alla vita, ei con consiglio
 In Lucignan v'ò à terminar l'esiglio.
 Siena d'Eroi feconda, hor se produsse
 Di scienza un Corifeo al par d'Atene
 Esultar li conviene,
 Se l'ignoranza il DINI suo distrusse
 Do quei hebbe l'origo, e in Siena apprese
 Le scienze, e'l metro. ond'immortal si rese.

A P P R O B A T I O

Pro Impressione,
 Quae habebatur in prima Editione.

EX commissione Illustrissimi, & Reverendissimi Domini mei Mutii Dandini Episcopi Senogalliensis, & Comitatus attentè
 perlegi, ac sedulò animadverti Librum, cujus titulus est, *Antiquitatum Etruriae, seu De Situ Clanarum Fragmenta Historica;*
 nihilque in eo reperi, quod Catholicæ Fidei, sanæque Doctrinæ adversetur, ac propterea dignum censeo, ut typis dari possit.
 Datum in Conventu Sanctæ Mariæ Gratiarum prope Senogalliam die 8. Septembris 1695.
 Ita est Ego Frater Laurentius ab Aesio Ordinis Minorum Strictioris Observantiæ Sacræ Theologiæ Lector.
 Imprimatur,
 Laurentius Bolis Vicarius Generalis.
 Imprimatur,
 F. Hieronymus Maria Urbinati Servita Vicarius Sancti Officii Senogalliae.

I N D E X A U C T O R U M.

Qui copiose in Opere referuntur.

Adantes ad Platinam, *Hist. Pontificum.*
 Adriani, *Storie Fiorentine.*
 P. Albertus, *Italia.*
 Ammanatus (Jacobus) Cardinalis Papiensis, *Epistolæ.*
 Annali de' Cappuccini.
 P. Annus Viterbiensis, *Antiquitatum Etruriæ, & super Berosum.*
 S. Antoninus, *Hist. Florentina.*
 Appianus, *de Bellis Civilibus.*
 Aristoteles, *Politicorum.*
 Ascensius, *Commentaria ad Horatium.*
 Augustinus, *de Numismat.*
 Bassius (P. Bartholomæus) *de Felicitate Florentina.*
 Balduccius (D. Jacobus) Foroliviensis *in eruditissimis Observationibus ad Consilia Ramonii.*
 Baldus, *in Commentariis, & Consiliis.*

Barbatus, *Consilia.*
 Bartolus, *in Commentariis, & Consiliis.*
 Bartolomeo Abbate Machioni Chiusino, *Risposta al P. Abbate Gamurrini, altra Risposta a Signori Sanesi.*
 P. Barbieri, *Vita di S. Agnese Politiana.*
 Bencie, *Storie di Monte Pulciano.*
 Bisdomini, *Croniche di Siena M. S.*
 Biondi, *da Forlì Italia.*
 Bocalini (Trajano) *Relationi di Parnaso.*
 P. Bonfignori, *M. S. nella Libreria di S. Martino di Siena.*
 Brucioli (Antonio) *Plinio volgare.*
 Buchingerius (Michael) *Historia Ecclesiastica.*
 Burali, *de Vescovi Aretini.*
 Burghefius Cardinalis, *Epistolæ in Bibliotheca S. Martini.*
 Busfieres (P. Joannes) *Societis Jesu, Chronica Principum.*

INDEX AUCTORUM.

C Apitoli nella Cancellaria di Lucignano.
 Carriera (P. Franciscus) *Chronica Pontificum*.
 P. Ciacconus, *Vita Pontificum*.
 Castrensis *Consilia*.
 Cicero, *de Legibus*, & *contra Rullum*.
 Cini, *Vita de Cosimo Primo*, Gran Duca di Toscana.
 Citorio (Cavalier Fontana del Monte) *Discorso ad Innocentio XII*.
 Cluverius, *Antiquitatum Etruriae*.
 Collenuccio, *Storie Napolitane*.
 Christoforo, da Forlì *Cronica*.
 Q. Curtius Rufus.
D Athus (Augustinus) *Senensis Hist. & Epistole*.
 Deuteron.
 Diodorus Siculus.
 Dionysius Halicarnassæus.
F Alcitello (Honorato) *tra le Lettere de Giovanni Tur-
 chis*.
 Fasti *Senenses*.
 Faunus (Lucius) *Antiquit. Roman.*
 Fedeli (Onofrio) *Croniche*.
 Florus, *Epitome*.
 Fontanella, *Decisiones*.
 P. Fortunio, *Croniche del Monte San Savino*.
 Frontinus, *de Coloniais*, & *Stratagem.*
G Enebrardus, *in Chronicis*.
 Abate Gamurrini Aretino, *Famiglie Umbre, e Tosca-
 ne, nell' Istoria di Arezzo M. S. appresso più Letterati
 Aretini*.
 Gellius (Aulus) *Noctium Atticarum*.
 Grifolus (R. Jacobus) *Orationes*.
 Guazzo (Marco) *Historie e Cronica*.
 Guicciardino, *Storie di Firenze*.
 Guigues (Marc' Antonio) *Idrographia M. S.*
 Gyraldus, *de Sepulchris*.
H oratius Flaccus, *Ode*.
I nghirami (Curtio) *Antichità Toscane*.
 Jovius (Alexander) *de Solemnitatibus in contractu Mi-
 norum*.
 Justinus, *Historie*.
 Juvenalis, *Satyre*.
L andino (Cristoforo) *Plinio volgare*.
 P. Landucci, *Silva Ilicetana*, & *Chronicon breve*.
 Latro (Capycius) *Decisiones*.
 Lauri, *Storia di Cortona*.
 Lazius (Wolfgangus) *de Republica Romana*.
 Lazzari (P. Alberto) *Dominicano della cause, e origini
 delle guerre*.
 Leonardus Aretinus, *Historie*.
 Abbas Libanorius, *Vita Venerabilis Servi Dei Davidis
 Dandini*.
 Libro delle Riformationi di Lucignano.
 Lipsius, *Politicorum*.
 Epitome Liviana.
M acrobis, *Saturnalia*.
 Malevolti (Orlando) *Storie di Siena*.
 Malespina, *Storie Fiorentine*.
 Malus (Junianus) *de Verborum Proprietate*.
 Mancinellus, *Commentaria ad Horatium*.
 Mancinus (Lelius) *Quæstiones Geniales*.
 Manenti (Cipriano) *Storie*.
 Manozzi dell' Aere, e Sito di Fiano.
 Manutio (Paolo) *Lettere volgari*.
 Marfius (Petrus) *Commentaria ad Silium*.
 Martialis, *Epigrammata*.
 Mascardo, *Arte historica*.
 Matrillus, *Decisiones Neapol.*
 Mesa, *Resolutiones*.
 Minati, *Storie M. S. di Monte Pulciano*.
 Missaglia (Marc' Antonio) *Vita di Giovanni Medici, Mar-
 chese di Marignano*.
 Mutius (Victorius) *Lucinianensis, in erudito Tractatu de
 Fortitudine, & re Militari*.

N Atalis Comes *Historie*.
 Natta, *Consilia*.
 Cavalier Nini, *Guerre d'Italia M. S. nella Libreria del
 Nobile Francesco del Sig. Gio. Battista Piccolomini Sa-
 nese*.
O pmeerus (Petrus) *Chronica orbis*.
 Ofaschus, *Decisiones Pedem*.
P anvinus, *Antiquitatum Veronæ*.
 Picus, *Antiq. Roman.*
 Pius III. *Annales Senenses*.
 Platina, *Vita Pontificum*.
 Poggio, *Storie Fiorentine*.
 Polybius, *Historie*.
 Pompe Sanesi.
 Pomponius.
 Porcacchi, *Note al Guicciardini*.
 Possevinus (P. Antonius) *Apparatu sacro*.
 Propertius, *Carmina*.
R amonius, *Consilia*.
 Reformationi (Libro delle) di Lucignano.
 Ridolphinus, *Praxi Recentiorum*.
 Roteo (Mambrino) *Storie Neapolitane, & aggiunte al
 Tarcagnotta*.
 Rota Romana apud Bichium.
 Rota in Recentioribus.
 Ruth 4.
 Rutilius (Bernhardus) *de Re Rustica*.
D. S abellius, *Summa Tractatum*.
 Salianus, *Annales*.
 Salustius, *de conjuratione Catiline*.
 Sanleolinus (Sebastianus) *Florentinus, Carmina Cosmici
 narum Actionum*.
 Sansovino (Francesco) *dell' Antichità del Mondo*.
 Scottus, *Antiq. Roman.*
 Scala, *Histor. Florentin.*
 Servius, *super Aeneida*.
 Sigonius (Carolus) *de antiquo Jure Italiae*.
 Spondanus, *ad Annales Baronii*.
 Strabo, *Geographia*.
 Stephanus Bysantius, *de Urbibus*.
 Surdus, *Decisiones*.
 Suetonius, *Vita Caesarum*.
T acitus (Cornelius).
 Tarcagnotta, *Storie Universali*.
 Tholosanus, *de Republica*.
 Thomati (Jugurta) *Storie di Siena*.
 Thuanus, *Historie*.
 Tiraquellus, *in annot. in dies geniales, & in l. 2. Conuub.*
 P. Torfellino, *Storie*.
 Ser Tofi d' Andrea da Sinalunga, *Contratti nell' Archivio
 di Siena*.
 D. Advocatus Tonsius Aesinus M. S.
 P. Torelli, *Secoli Agostiniani*.
 Trentacinquius (Alexander) *Variarum Resolutionum*.
 Cardinalis Tuschus, *Præticarum Conclusionum*.
V alerius Maximus.
 Valla, *Commentaria in Salustium*.
 Vannini (Giovann Battista) *Scrittura M. S.*
 P. Ughellus, *Italia Sacra*.
 Vitruvius Architectus.
 Villani (Giovanni) *Storie Fiorentine*.
 Virgilius, *Aeneidum*.
 — (Polydorus) *de Rerum Inventoribus*.
 Vitalis (Janus) *Epigrammata*.
 Volaterranus, *Commentaria Urbis*.
 Vossius (Gerardus).
 Volserus, *de Rebus Boicis*.
 D. Auditor Urceolus, *Consultationes*.
 Urfinus (Fulvius) *de Nobilibus Familiis Romanorum*.
W addingus (P. Lucas) *de Scriptoribus Ordinis Mino-
 rum*.
Z onaras, *Annales*.



D. FRANCISCI DYNII, Advocati Senensis, ANTIQUITATES ETRURIÆ.



Lanarum Fluvius Glanis Tacito, Glanicus Alexandrino, ferè Etruriæ medio, ut in ubere Sinu in Lacus, ac Paludes extensus per contrarium, ac diversum cursum Naviculis patens ad Orientem, &

Septemtrionem fluit, olim Lacus Clusinus per veterem Clusii ditionem propè Orbevetum Palea amne commixtus in Tiberim tribus milliariibus relicto nomine trans Aretium in Arnun diffunditur; Romæ ac Florentiæ exundationibus memoratus Tiberio regnante, orantibus Florentinis, & Legationibus Coloniarum, ac Municipiorum, nè solito alveo demotus in Arnun transferretur.

Variis collibus circumdatus, Arboribus, & Pomariis confitis, vinique albi, & vermiculi qualitate, copiaque clarus maximè Politiani, & Luciniani, & uva olim dicta Talpana, & Consciminia Aretina. Olearum quoque prædulci succo in ea parte, qua amœno colle Licinianum fundit oleum, cum Liciniæ gloria præcipua Olivæ, Plinio, Macrobio, Rutilio, cæterisque laudatæ.

Regio venationibus frequens, deliciis undequaque affluens, Situ potissimum in locis aquis palustribus remotis, æris subtilitate, ac hilaritate fontibusque irriguis saluberrimo, ut agri beatitudinem agnovit Strabo, & exornat eruditissimus Politianus.

In amplas, fructuosasque spatietur planities Aretinas, Vallis Chii, Fluennæ, pingues Florentinæ, Senensisque ditionis fines abluentis, Clari Politiani ad lacum usque Trasimenum Augusta Perusia, & Annibalis victoriæ fama superbientem spatio ultra LXX. milliaria in longitudinem, latitudine verò circiter XX. à finibus Tipherni ad montana Scytionii.

Civitatibus, ac Oppidis circumfusus vetustate, opibus, memoria feliciter gestorum insignibus, Cortona, Clusio, Aretio, Politiano, Luciniano.

Etenim relicta Græcorum levitate, dataque antiquitati venia, quæ miscendo humana divinis rerum exordia augustiora faciat, Livio, Strabone, Polybio, Diodoro, Plinio, Dionysio, Etruscos liquet vetustissimos esse, rerumque copia affluentes, à quibus aras, ritus, divinationes habuit prisca Italia, in utrumque mare vergentes jam non Terras solum, sed mare per totam Italiæ longitudi-

nem implevisse fama, ab Alpibus ad fretum Siculum, & Marcinam condidisse inter Sirenulas, & Possidoniam, & à Suriento ad Sillarum amnem triginta millia passuum agrum Picenum urbibus, oppidisque insignem, & Campanum fuisse Tuschorum, & Capuam olim Volturnam, & Nolam in potestatem redegissee, latè maris dominos Sardiniam, Corsicam, Italiam: ut Legati Samnitibus missi ad generalem Tuschorum Conventionem ad Panum Voltumnæ professi sint, illos gentem Italiæ Armis, Viris, pecunia, præpotentem, & opulentissimam.

Populos diluvii traditione horrore perculosos in ea regnasse per nemora, ac Montium cacumina,

quos Umbros dixere, quod imbris superfuerant, quos exegere Pelasgi, Thessaliæ Populi, tribus circiter sæculis ante Trojanum excidium, hos Lydi Duce Tyrrheno Athis Lydorum Regis Filio fame, & multitudine populorum ad quærendas Sedes adacto, qui ferè septingentis annis ante Urbem conditam Agillina potiti Cere denominaverunt, & Tarconti Tyrrheni Filio demandatum, quod duodecim Urbes conderet in locis munitis, copiaque rerum luxuriantibus. Verùm quia, ut perhibet Strabo, incurstantibus prædonum Navigiis, ne exuvie fierent Latronum bacchantium ad turmas, ac Piratarum illi Urbium Conditores maritimas effugiebant oras, solam Populoniæ ex Tuscis primam ad mare fundasse, in qua tuta jacerent propugnacula ad repulsandas insidias, interim consedisse in Urbibus Umbrorum, ac Pelasgorum, quibus plurimas, atque optimas occupasse differit Dionysius, easque præcipuè inaccessibiles, & signanter Cortonam Stephano, & Dionysio Croton fortunatam, & amplam, quæ agrum coleret aptum Pascuis, & qua utebantur Pelasgi arce, ac munimento adversus hostes, & ut Etruriæ Metropolim Tusci dixerent Tyrrheniam: hinc rectè Herodotus Dionysio relatus asserit Crotoniates ad suam ætatem solitos uti lingua Pelasgica, Polybio Cirtonium, Silio Coritonia.

Pænus nunc occupet altos
Areti muros, Corithi nunc diruat arcem,
Hinc Clusina petat,

Et alibi:

Ergo agitur raptis præceps exercitus armis
Lydorum in Populos Sedemque ab origine Prisci
Sacratam Corithi, junctosque à sanguine Avorum
Mæonios Italiam permixta stirpe Colonos.

F. Dynus.

A

Clu-

Dionys.
Halicarn.
Lib. 1.
Lucas de
Linda.
Gritius
Hist. Æ.
fin. fol. 2.

Livius
Lib. 10.

Strabo
L. C.

L. C.

Steph.
de Urbibus.

Silius
Lib. 4.

& 5. de

Bello

Punico.

Vola-

terr.

Comm.

Urb.

Lib. 5.

Ridol-

phin.

Prax.

rec. cap.

15.

Laur.

Hist.

Cort.

Lib. 1.

Tac.
Lib. 1.
fin.

Plin.
Lib. 14.
c. 3. Lib.
15. c. 5.
Macr.
Saturn.
Lib. 3.
Beroald.
Rut. de
rerust.
Lib. 3.

Strabo
Lib. 5.
Lel.
Mancinus
disq.
Geniales
cap. 300.
cent 3.

Livius
Lib. 1. &
2. Strabo
Lib. 5.
Polyb.
Lib. 2.
Diodor.
Lib. 11.
Plinius
Lib. 3.
c. 5.

Clusium quoque in ditionem rede gere *Tyrrheni*, quod, ut Auctor est *Livius*, olim *Camers* appellabant ab *Umbribus* *Camertibus* exstructum, *Polybio*, *Frontino*, *Cluverio* memoratis à *Cluere*, quod in prima ætate *Aramee* pugnam indicet cum victoria, cujus agro, veterisque *Cortone* ad fontes *Tiberis* primam sibi sedem statuisse comprobatur *Dionysius*, quia Situs latus pabulo, munitæque in ea ætate præ cæteris urbes sub montibus tutæ sibi finitimæ ad auxilium paratæ, & ex recentioribus *Annius Albertus*, alique post *Herodotum*, & *Dionysium* scribunt, in læva *Tiberis* parte consedis sub *Apeninibus* *Aretinorum*, perque uberem *Clanarum* oram diffusos agri felicitate, *Pagorum*que frequentia alleetos per propinquas, remotioresque regiones famam triumphalem, ac arma victricia circumtulisse, & *Crotonam* fuisse Arcem, & *Metropolim*, cum potentia, ac vis *Armorum* *Populi* illius etiam ante Urbem conditam, *Porsenæ*que *Lucumonis* *Clusinorum* *Regibus* exactis satis indicent plurimos *Lydorum*, primosque nedum genus, sed virtutem, opesque Posteris transfudisse, ac gloriam militarem; Et describit *Plinius* *Volatyrreni* cognomine *Etrusci*, in eadem parte *Vulsinenses*, nempe *Tyrrheni* antiquiores (ut *Annius perhibet*) ab *Æthereis* rebus, facrisque prope *Vulsinios* in finibus *Clusinorum*, ut malè *Volaterranus*, & post eum scribentium vulgus legant *Volaterrani*, quorum ager ultra *LXXX*. *Milliaria* *Vulzinis* distans in remotiori parte post *Clusinos* ad mare protrahatur, nec dissentiant *Silius*, *Virgilius*:

Cortona Superbi

Tarcontis Domus.

Hunc illum *Corithi* *Tyrrhena* a Sede profectum, Rejecto etiam moderni *Cluverii* figmento de *Etruriæ* *Circumpadana* trans *Apeninimum*, in qua primi *Lydorum* sibi locum paravissent, cum *Strabo* describat, *Tuschorum* fines sub ipsis *Liguriæ* *Montibus* in *Adriaticum Sinum* proprio *Mari* capere originem, atque *Tiberi* & *Pisas* primam *Tuschorum* Urbem ad occasum *Polybio*, *Plinio* *Lunam* usque ad *Ostiam*: & modò, ut ajunt de *Tiberi* ad *Macram*: & docet *Livius* *Tuschos* (auctos numero, rebusque) incoluisse Urbibus duodenis prius cis *Apeninimum* ad inferum *Mare*, postea trans *Apeninimum* totidem, quod capita originis erant *Coloniis* missis lato Imperio, & Armis felicibus, quia in summa fortuna id æquum, quod validum sua retinere privata Domus de alienis certare regiam laudem esse; idèque duodecim illis Principibus Civitatibus, eorumque *Lucuminibus*, si quid consultò opus foret, prope *Vulsinios* Concilium frequenter dicebatur, & sedendo vincerent, ut de Romanis *Cato* plura Consilio, quam vi perfecisse magnos *Viros*, pluraque in summa fortuna consiliis, quam telis & manibus geri. In lucis quoque, & ad *Fanum* *Voltumnæ* concilia, ac *Sacra* *Diis* conficiebant *Thure* focis commisso, luci à lucendo dicti, & recenset Poëta:

Lucus in Urbe fuit media letissimus umbra.

Et alibi:

Templum augustum ingens centum sublime columnis, Horrendum Silvis, & religionem Parentum,

Hoc illis Curia templum.

Nempe lucum nobilem augurio Sacrum Patrum Religione venerandum, ubi *Judices* convenirent, quorum alii sub aperto Cælo, *Lacedæmonii* sub humili tecto judicia exercebant, ut primum in ampliore forma Prætorium fuerit *Lutetiæ* *Parisi*orum institutum. Plerique veterum propè *Portas* Curiam constituere ab *Ædificiis* remotas, *Judei* in foro Civitatis, per *Tuschos* exclusis fœminis, cum non imbellem tantum, & imparem laboribus, & consiliis Sexum, sed si licentia adsit, sævum, ambitiosum, potestatis avidum, quamvis apud *Spartas*

Mulieres sententiam dicerent, & apud *Athenienses*, *Gallos*, *Germanosque*, ac *Ægyptios*, & de *Justiniano*, qui *Theodoram* Conjugem in rebus habuit participem, quod inhonestè factum, etiam ob fragilitatem consilii, voti lubricitatem, secreti periculum, & ne destruant justitiam ad nimiam pietatem proclives. Verùm Romanis minus rectè improbata *Lucumonum*, *Senatorumque* consilium infimul, ac dominatio, cum iis *Romulus* Aristocratiam, five Monarchiam proposuisset, hanc elegisse, *Livius*, *Tacitus* memoriæ commendarunt, quod in cæteris vetustissimis *Populis* observatum scripsit *Aristoteles*, quibus legibus *Tuscorum* fama, ac Sapiencia adeò mentes, oculosque *Populorum* in admirationem attraxit, ut sicut *Athenas* tota *Græcia*, *Spartam* *Lacedæmonia*, ita apud *Hetruscos* *Romana* Pubes tota conflueret; ut ibi incrementa Nobilitatis hauriret; ubi patebant rudimenta virtutum, interque *Hetruriae* capita, *Dionysio*, *Livio* recensentur, *Clusium*, *Aretium*, *Cortona*.

Trojaque excisa, Æneas, Rutilique ad florentes
Tuscorum opes confugiunt, ut cecinit Maro,

Qui mœnia Clusi

Extremas Corithi penetravit ad Urbes,

Lydorumque manus collectos armat Agrestes.

At pulsus *Regibus*, *Senatus*, missis *Legatis*, *Aretinos* enixius rogavit, nè fracto jam, fugatoque *Tarquinio* suppetiæ mitterentur, siquidem *Patribus* exploratum vi sua inniti *Principes omnia* scire, omnia exsequi, sævire, impune rapere, publicæ nomine utilitatis, subsidiorumque aliena extorquere, quorum sensus impium scrutari, & si quid occultius parant, iis opes missi, gestique honores pro crimine, & ob virtutes certissimum exitium, quia tristitia in bonos, læta apud deteriores esse. *Tarquinius* interim *Porsenam* *Clusinum* *Lucumonem* hortantur, nè ejusdem *Sanguinis*, nominisque *Viros* exulare pateretur, ne modum *Pellendi* *Reges* sineret inultum, nihil excelsius, nihil supra cætera æquari summa infimis, satis libertatem ipsam habere dulcedinis, ferenda *Regum* ingentia, nec usui crebras mutationes, quia boni *Principes* voto expetendi, qualescumque tolerandi; Igitur ut exornat *Dionysius*, *Porsena* *Vir* arrogans præ divitiis maximo Imperio, & pecuniis convento ex propinquis *Hetruriæ* arvis comiteatu statim ad Urbem *Castra* movet ratus cunctatione opus non esse, ire ipsum, & opponere *Imperatoriam* *Majestatem*, cessuros, ubi magnificentia summum viderent. numquam alias, Teste *Livio*, tantus terror *Senatum* invadit, adeò tum res valida *Clusina* erat, & magnum *Porsenæ* nomen.

Et antiquus Romanis Mœnibus horror,
Clusinum vulgus cum Porsena magne jubebas,
Cecinit Silius.

qui jam propè ingentibus copiis aderat, & *Tarquinius* manu reducebat, & capto *Faniculo* firmioribus præfidiis munito, *Latinisque* profligatis, si cum profugis una *Victores* irrupissent, Urbe potiti illa die fortasse fortunæ ludo datum fuisset tot posterorum clades avertere, jacturam communis libertatis vindicare, & latius ubique ferre nomen, & gloriam triumphalem. par eventu *Annibal*, post *Romanarum* exuviarum acervos, attritas acetæ, cæloque *Alpes*, *Consules* trucidatos, ad Urbem adactis copiis longè expetitam prædam præterit inconsultus, fatis auctoribus, ne *Romana* Virtus, viresque fractæ præberent exteris argumentum, proculcandi futuræ orbis moderatricis amplitudinem, ac *Majestatem*.

At *Romulidum* Virtus magis in adversis prospecta, *Coclitis* fortitudo, *Mutii* temeritas gloriosa, *Tarquinius* de avertendis pacis futuræ consiliis *Florus* calliditas flagitiosa fregere *Victoris* animum, qui *Epit.* receptis *Obsidibus* fœdere inito, *Romanos* libertate donavit, ut cognita virtute ejus, æquè cogn-

Just. Lib. 18. 13. gnoscere animi magnitudo, ac liberalitas, eodem cum Romanis *Porſenæ* exemplo, parta apud *Terentinos* Victoria, captivis dimiſſis, uſus eſt *Pyrrius*, cum non regie tantum, ſed infinitæ virtutis ſit odia vincere beneficiis. At Senatus miſſa ſella eburnea, ſceptro, corona aurea, Triumphali Veſte, qua Reges ornati incedebant, gratiam *Porſenæ* inſucta munificentia pompa ſibi magis conciliandam cenſuit, ut *Aretinus* regionis gloriam, factique dignitatem prænoſcens nullo unquam, ait, Imperatori, vel genti *Populus Romanus obſides dedit ad pacem impetrandam.*

Leon. Aret. Hiſt.

Dionys. Lib. 5.

Pin. Lib. 36. cap. 13. Giral. de Septul

Verum *Porſena* ſibi proprium paraturus Imperium, diſſis copiis, expeditionem filio *Arunti* commiſit adverſus *Aricinos*, qui veſtigia Patris, animique virtutem imitatus, pluribus hoſtium trucidatis, inter ipſos cecidit haud inultus nunquam famæ moriturus; *Porſena* mœrore, ſeu mortis memoria ductus, ut ex *M. Varrone* deſcribit *Plinius*, ſub Urbe *Cluſo* monumentum reliquit lapide quadrato, ſingula latera pedum lata trecentum, alta quadragenum, inque baſi quadrata, intus labyrinthum inextricabilem, quo ſi quis improperet ſine glomere lini exitum invenire nequeat, ſupra id quadratum *Pyramides* ſtant quinque, quatuor in angulis, in medio una, in imo latæ pedum ſeptuaginta quinum, altæ pedum centum quinquagenum, ita ſaſtigiatæ, ut in ſummo Orbis æneus, & petasus unus omnibus ſit impoſitus, ex quo pendent excepta catenis tintinnabula, quæ vento agitata longè ſonitum referant, ut *Dodone* olim factum, ſupra quem Orbem quatuor *Pyramides*, quarum altitudinem puduit adicere.... adeo veſana dementia quaſiſſe gloriam impendio nulli profuturo; Præterea fatigaſſe Regni vires, ut tamen laus major artificis eſſet, portentofiſſimum humani ingenii opus ſupra *Ægyptias Pyramides*, ac *Cretenſem* *Dædali* Labyrinthum: nec Veterum opinione compertum *Porſenam* animi impetu percitum ſe propriis fodiſſe armis, ut in *Phæſulanis* antiquitatibus, quas ab *Avis* mordicus *Anni* tempore confictas è ſinu terræ *Scornelle* propè *Volaterras* edidit audax *Inghiramus*, merito apud graves Viros dubiæ, leviſque fidei paſſim habitus, *Porſena* Viro ſecundis, adverſiſque juxta famoſo.

15. Sed anno ab Urbe condita CCCLXIV. *Aruns Cluſinus* de ordine patritio injuriam Uxori *Lucumone* inſictam indignatus dulcedine vini allecctos convocat *Senones* Patriam oppugnaturus, qui *Itali* co vino guſtato admiratione tantæ dulcedinis ſumptis armis in colles, qui talem pingerent fructum, impetum fecerunt, Gens numero, & natura terox moribus incondita, ad hoc ipſa corporum mole, & armis ingentibus adeo terribilis, ut planè ad hominum interitum, & ſtragem Urbium nata videretur. *Cluſini* avitæ memores gloriæ militaris, pactæque cum Romanis Societatis ad ſpem victoriæ, ac libertatis evecti, nunciis *Romam* miſſis è muris erumpunt, Gallos aggreſſiuntur, & mœniis arcere conantur, Romanorumque legatis mordicus exponunt *Senones* quantum præ cæteris mortales Galli virtute præſtarent pacem non aſpernaturi, ſi partem finium latius poſſideant, quam colant *Cluſini*, concedant, Sedemque ubi tandem conſiſtere datum ſit, Jus in Armis, omnia ſortium Virorum eſſe; At Legatis diſſidentibus, compertiſque hoſtibus duris ad deſenſam, & propugnationem paratis ad Urbem contendunt, Legionibus Romanorum ſternunt, profana Sacris confundunt Senatoribus cæſis, animis Latinorum ſemper infractis, ſcire volentibus Diis, an Romana virtus promereretur Orbis Imperium; quæ victoria, indomitæque *Cluſinorum* vires palam indicant, quantum ea tempeſtate ſupra Romanos, Galloſque virtute una eſſet *Clanarum* Princeps Civitas validior, potiorque.

Abb. Machionus Apologia ad Gamurrinum. Curtius Inghir. Antiq. Etruriæ.

Zonar. Ann. Lib. 2.

A Verum anno CCCCLXIV. à Romanis *Tuſcorum* viribus attritis, ut univerſis quies quaeretur, *Peruſia*, *Cortona*, *Aretium*, quæ, ut inquit *Livius*, ea ætate ſermè capita *Populorum* *Hetruriæ* erant, pacem petiere. Et de Anno CCCCLX. iterum *Peruſia*, *Aretium*, *Vulzinium*, quas idem *Livius* vocat *Urbes validiſſimas.*

Liv. Lib. 9. & 10.

Interim Galli iterum variis, diverſiſque tempore incurſibus *Aretium*, *Cluſium* oppugnare aggreſſi *Lucio* Prætor prope *Aretium* cum Legionibus trucidato haud victi *Tuſcis*, nec Victores recedunt, hoc traditum, nec unum de tot ſuper-
17 fuiſſe, qui incenſam à ſe Urbem gloriaretur.

Polyb. Lib. 1.

B Indomiti vero *Lucumonum* animi novis, Ducibus *Aretinis* exarſere odiis, *Hetruriam*, inquit *Livius*, rebellare ab *Aretinorum* ſeditionibus motu orto nunciabatur, ubi *Licinium* Genus præpotens divitiarum invidia pelli armis ceptum eſt. An hæc pol-
18 lens familia eadem ſit *Liciniorum* Urbis, ignoramus, quam vetuſtam, & latam commendat *Volaterranus*, & refert *Tullius* ad baſtam vendi ſub atriis *Licinii*, ac inter agrum *Tarquiniorum*, qui inter Urbem, & *Tiberim* Marti conſecratus *Martius Campanus* fuit, ac forum *Columnæ* ad viam *Flaminiam* propè *Colliculum* à citandis Tribubus, & Centuriis in Comitibus Citorius dictus. per *Silvam* *Liciniam* ad jucunditatem aberrantes de ſummis rebus
C Sententiam dicturi *Romulidum* Seniores inſimul conveniebant, ut etiam deſumitur ex manuſcriptis Viri plurimæ eruditionis *D. Julii Caſaris* de veteri familia *Tonſa* Prioris, & Advocati *Æſini*, & tradidit ex Numiſmate *Urſinus*, ubi quod ultra *Silvam* *Liciniam* in denarii altera parte ex-
18 preſſa ſunt ſepia, ſive Cancelli Comitiorum, quibus populus ſuffragium laturus includebatur, quod eſt argumentum potentia, ac dignitatis *Liciniorum*, quorum plures primarios in Republica Duces, ac Principes cæteri recenſent *Analiftæ*.

Polyb. Lib. 2. ſeq.

Liv. Lib. 10.

Liv. Lib. 2.

Cic. ad Att. Ep. 16.

Fu v. Urp. de ſin. de Nob. Fam. Rom.

18

Eques Fontana ad In-

18

18

18

18

18

18

18

18

18

18

18

18

18

18

18

18

18

18

18

18

18

18

18

18

18

D Quidam opinantes fuiſſe de Civibus *Aretii* in ſervitutiſſimis *Livii* Codicibus legunt *Civium* *Licinium* genus. In dubium ſiquidem eſt tum *Livio*, tum veteri traditione, inſcriptionibusque, *Gamurrino* ac *Machiono* in docta Apologia memoratis *Licinios* præpotentes ob Plebem, ſequacemque turbam, opeſque congeſtas floruiſſe in domatu *Aretinorum*, nec ſedibus expulſos; habito quippè Nuncio de *Tuſcia* ad rebellandum parata, contrariis fortè ſciſſa ſtudiis, Senatus prævigili cura Dictatore cum Legionibus miſſo *Licinii* una cum plebe reducuntur in gratiam, & patrocinium Romanorum, ut proſequitur *Livius*, ſine ullo memorabili prælio pacatam à dictatore *Hetruriam* eſſe ſeditionibus tantum *Aretinorum* compoſitis, & *Licinio* genere cum plebe in gratiam re-
19 ducto. Et proſecto citrà notam temeritatis, ſi liceret poſt ſæculorum lapſum, ex defectu Auditorum, qui in ſpecie egerint de rebus *Tuſcis* incaſſum conquærentibus pluribus ex noſtris ab Urbe condita, quod *Tuſcorum* geſtis invidit *Livius*, quem negligentem, verboſumque arguebat *Caligula* in eſſe, ponere, quæ ex conjecturis probabiliſſimis ſuadentibus, equidem non videretur abeſſe à veritate *Licinios*, armis tam magno ſeditionum turbine excitatis, aggreſſos, ſed nullatenus pulſos; quia opibus florentes oppidorum arcibus tuti non niſi vi armorum pelli poſſe invidis Senatoribus viderentur, inſita enim mortalibus natura recentem aliorum felicitatem ægris oculis introſpicere, modumque non magis exigere, quàm quos in æquo viderent, nihil enim auſuram plebem, Principibus amotis, ut potè fluxioris fidei ubertate mercedis ad momentum omne verſabilem, ut ferè com-
P. Can-
munis evaſerit traditio, cui in ſpecie ſubſcribunt Moderni ſuperius relati, Oppidum *Liciniani* quatuor milliaria propè *Clanum* munito Col-
20

Eques Fontana ad In-

18

18

18

18

18

18

18

18

18

18

18

18

18

18

18

18

18

18

18

18

18

18

18

18

Joann.
Vill.
Hist.
For. Lib.
3. cap.
119.
Aug.
Dat. Se.
nenf.
Hist.
Lib.
1. fol.
223. &
Epistol.
fol. 182.
Sebast.
Sanleol.
Flor.
Casm.
nial.
action.
Epigr.
Lib. 1.
& 3.
Gamur.
L. C.
Machio.
nus fol.

le situm, ac fertili agro copiosum fuisse arcem, A
Sedemque *Liciniorum*, an ab ipsis conditum sta-
tuere non audemus, cum non absit à verisimili
Tusci structum, ut Imperii propugnaculum in
finibus *Crotonensium*, *Clusinarum*, *Aretinorum*que;
hoc probabile vitum sub *Liciniorum* ditionem olim
stetisse ante *Aretinorum* Rebellionem, cum non-
nisi longi temporis lapsu familiæ fiant adeò præ-
potentes, & ad arma paratæ, ut de eo domina-
tu ad duodecim milliaria finitimo cæteri Princi-
pes *Aretini* armis turba, seu Plebe *Oppidanorum*
tutos incassum pellere niterentur: ob quam ra-
tionem latine à gravibus Auctoribus *Licinianum*
denominetur, *Villano*, *Datbo*, & noviter *San-
leolino*.

Excelsas Lycini Turres expugnat, Agrosque;
& legimus in Veterum publicis, privatisque do-
cumentis, & antiquis inscriptum in Palatio
Clarissimi Vicarii Vallis *Clanarum* ibidem resi-
dentis

PRÆTORES LYCINIANI.

7. Sed ad verificandam originem in antiquis, &
21. nomen est argumento, & lapis vetustissimus com-
probat majusculis litteris invidia temporis, nec
in totum corruptis ex arce incendio amissa in via
publica dictæ Terræ Muro patens præfato *Clu-
sino* indicatus, quem etiam ad litteram refert *Ab-
bas Gamurrinus* in *Historia Aretina* Typis e-
denda.

LVCIO CORN. L. F.
SVLLÆ DICTATORI FELICI
COMMILITONIBVS
OB LICINIANVM MVRO DVCTO
TVRRIBVS MVNITVM
DECVR. INDICTO NOMINE
LVCIANENSES

P. SERVIL. ET AP. CLAVD. COS.

Cum Universi *Sillæ* tanquam destinato scele-
rum vindici monumentis adularentur, qui tantum
potuit, ut nemo illo invito, nec bona, nec Patriam,
Rosc. & nec Vitam retinere posset. Aretio pariter lapis *Ga-
in Verr. morrino*, & *Clusino* relatus.

22. A MECENAS DECVR. ARETI. VETER. LICINIOS EXILIO RESTITVERE.

Leon.
Aret.
Hist. Alb.
Ital. de
Aret.
Volaterr.
Lib. 5.
Just.
Lipf.
Epist. &
Antiq.
Lect. c.
22.
Pan-
nuin.
Scottus.
Antiqu.
Rom.
Picus.
Mach.
dicta.
Apol.
Aretinorum Veterum ex marmore apud Fanum
D. Mariæ Gradatæ Decretum legisse testatur post
Aretinum Volaterranus. *Lipsius* perperam in manu-
scripto *Livii* Codice apud *Sequanos* sibi per A-
micum communicato legit *Cilnium* genus, cum
Mecenas, quem dicit *Aretinum* Silio *Cilnius*, quia
an *Cilnium* nomen sit, vel agnomen, vel *Cilnea*
gens cognomento diceretur *Mecenas*, *Cilnia* alia
censenda est à *Licinia* apud *Aretinos* præpotenti
annis biscentum, & ultra, quod *Mecenas* eque-
strem ordinem fortitus est, & an Codex ille un-
quam fuerit in rerum natura, adhuc quærimus,
& quo originali, manumque depromptus, cum
nec publica pateret Bibliotheca, sed Viro obscu-
ri nominis sibi traditum testatur ab obitu *Livii*
tempora XV. elapsis sæculis; danda igitur venia
Moderno unico adversus mille *Livii* Codices
expurgatissimos, *Licinium* genus præ se ferentes,
23. exteroque, lapidum ignaro, *Tuscarum*que Tra-
ditionum, ingenio famæ fortasse, ac rerum no-
varum cupido.

Compositis denique *Hetruriæ* rebus de *Aretinis*
fama in dies gravior, & cura crescere Patribus,
itaque censuit Senatus, quia prompti ferocibus, vel
Liv. parato ad asperiora ingenio *C. Hostilio* scribendum,
Lib. 27. nè differret *Obsides* ab *Aretinis* accipere, qui ha-
bens Castra ante Urbem præsidia idoneis in locis
disposuit. septem Principes Senatus, priusquam
Custodiæ in portis locarentur, cum liberis eva-
sere, à cæteris Senatoribus CXX. in obsides acce-

pti, quod Principum pandit numerum, Urbisque
amplitudinem, ac dignitatem, secus apud *Lace-
dæmonios*, ac *Florentinos*, qui ignobiles etiam Ma-
gistratu donabant, quia oriri, & nasci à Princi-
pibus fortuitum, nec ultra æstimatur, & Nobilem
Virum non nasci, sed virtute fieri nobilem; etenim
— Nobilitas sola est, atque unica virtus. Tac.
Ann. 2.
Arist.
Lib. 2.
polit.
cap. 7.
Dionys.
Lib. 2.
Barb.
conf. 35.
Lib. 2.
24

Sed *Solon* nullo modo rectum Imperium ratus, in
quo popularis improbitas, ac licentia summa quæ-
que Reipublicæ tractare præsumat, Nobilibus, ac
Locupletibus, ut etiam *Romulus* judicia, ac sacra
gerere permisit.
Cæterum dum fama *Romanorum* militaris ul-
trà montes vagatur, Aquilæque Triumphales su-
pervolitantes orbem, ambiunt, *Afri*, *Hispani*-
que discrimen, & dedecus ostentantes, & Re-
gna libidine victoris rapi, nec defuturas cohortes
lociorum opinantes, ac servitia Accolarum, in-
ter quos sæpè odium, fortunam, Deosque *Viris*
fortioribus adesse, & omnia prona victoribus, nec
pressis securitatem, nisi extincto æmulatu reditu-
ram, *Annibalem* ad Urbis oppugnationem, dete-
rioremque cædem paratum in arma impellebant,
& ad Capitolium, quod nec *Porfena* dedita Ur-
be, neque *Galli* capta temerare voluerunt, furore
grassantis exercitus excindendum. Qui *Roma-
norum* hostis devotus super insitam perviciaciam
secundis ferox ad cladem magis, quam ad pugnam
decurrens per effractas *Alpes*, aditu arrepto ar-
ma capientes, insimulque inermes truncat præci-
piti minarum, & armorum sonitu itinera funeri-
bus complebantur: non sexus, non ætas periculo
vacua, cum tanta torpedio animos invasisset, ut
Latini everfam penè crederent Urbem, victam-
que libertatem, puerique *Romanorum* joco ma-
gis, quam serio admoniti averterentur à ludis in-
dicto nomine *Annibalis*, ipsumque haud procul
mœniis excurrere, cunctaque circum pari formi-
dine implicarentur.

Traditum *Aretinos* inter *Phæstularum*que fines
situm extitisse Vicum, Oppidum nunc vocant
Incisam, cujus agro *Annibalem* per alveum vete-
rem *Arni* aquas interfluentes incidisse, ut circum
uberes, & ad radices collium *Phæstularum* plani-
ties exundatione popularentur, quod cessit commo-
do finitimis, quippè Pagi, Vicique plures effusi
adveniente aquæ paratæ naviculis opportunitate
in Civitatem nunc *Tuschorum* Reginam *Florentiam*
excreverint, ibidemque admoto *Annibal* celerius
exercitu aere crassioris *Clanarum* paludis exturba-
tur luce oculi orbatus, & cum *Flaminium* Con-
sulem *Aretium* pervenisse compertum, avidius
Elephante supereminens per palustres vias, quam
consultius properabat acerrimo milite, & usque
in extrema obstinato.

Interim *Etruscos*, quibus compositis rebus
nulla spes in *Pœnum* ira agitabat, & invidia in
Romanos semper genus iis perosum, suspectumque,
cum quibus bellum magis desierat, quam pax
coeperat, adversisque fracti nequaquam domiti in-
ter socios acciti, cum totam servitutem pati ne-
quirent, convulsi vi veteris Majestatis periculorum,
munerumque participes habebantur. Ambigua,
corruptaque serie temporum fama de *A-
retinis* præ aliis ea ætate terrestribus, mariti-
misque ineundis incursionibus æquè paratissimis,
an *Pœno* fines vastanti cedere maluerint, quam
aciem in hostes per insidiosa loca instruere metu
ne, an studio? cum pluribus *Etruriæ* Civitatibus
bello fessis pax aurea, desidiaque in ignaviam ces-
sisset, luxuriantibus otio animis *Annibal* regio-
nem in primis *Italiæ* fertilem *Phæstulas* inter *A-
retium*que, frumenti pecoris, & omnium rerum
copia opulentam, incendiis, cædibusque invol-
vit. Concilio interim in Senatu *Aretinorum* con-
vento censuere Patres Collegam expectandum,
&

& communi animo, consilioque patrandum bellum: rem esse cum hostibus, & armorum genere, & usu militiæ, & fama gestorum paribus, & magnitudine spei, vel periculi; cunctatione opus esse, temperandamque animi ferociam, quia spre-
 ta in tempore occasio, seu gloria interdum tu-
 tior, ac cumulator reddit. Consul præpropere
 mente, nec Patrum satis metuens mordicus in-
 crepans, *Aretii ante moenia sedeamus*, inquit, *hic e-*
nim Patria, & Penates: Annibal ad Romana mœ-
nia perveniat, & perpopuletur Italiam; Iraque per-
 citus ex Consilio proripuit, præcepitque equo in-
 filiens, sellaque exturbatus signum pugnae propo-
 suit: cum *Annibal* Tipherno ad lævam, *Licinia-*
noque ad dexteram relicto per radices Montium
Cortonenfium Trasymenum subiturus, quia maxi-
 mum in celeritate momentum moram magis, quam
 bellum metuens, quod agri est inter divitem il-
 lam, stratumque regionem omni clade belli per-
 vastat, quo magis ferox Consul ingenium, ad
 sociorum ulciscendas injurias incenderet; & ad
 conferendum manus infensos evocaret. Hic cum
 ad Lacum pervenisset, in patientiorem campum
 pandi agmen coepit, nocteque exacta nebulis per
 palustria circumfusus se undique positus *Pænorum*
 insidiis circumductum, & montibus septum in-
 spexit, impavidus ordines, Phalangesque instruit,
 statimque ad arma discursum, *Romanis* pro liber-
 tate, aris, focisque; *Pænis* pro delendo nomine *Ro-*
manorum, & orbe Terrarum liberando tres ferme
 horas pugnatum infestissimis animis, utrimque a-
 trociter; cum acuisset ignaviam necessitas, donec
 exangues *Romanorum* legiones, Sociorum fusæ,
 cum impetus recentis *Afrorum* Alæ perculit ho-
 stes, *Flaminius* extremis audax compressis hosti-
 bus vulneratus magnam, invictamque animam e-
 misit; fractusque ardor animorum adeo intensus,
 ut hostis hosti hæreret, nec exauditus ingens Ter-
 ramotus, qui plures Urbes *Italiae* evertit, Montes
 prostravit: multiplex utrimque cædes, donec *Ro-*
mani per prærupta, ac palustria evadunt. *Romæ*
 recepto cladis nuncio moenia, Dii Penates, Sepul-
 chra majorum, Liberi, Conjugesque occurrunt
 trepidis: excidium ante oculos, aut servitium, non
 orbis Imperium ostendantibus. Agebatur de extre-
 mis quæstio victore per diversas *Italiae* regiones
 grassante, cum fracto *Campanis* deliciis *Annibale*,
Afris in luxuriam versis, lasciviæ epularum, aut
 somno, aut vino procumbere avidis. Erexerit om-
 nium animos *Scipio* supra ætatem rerum magni-
 tudine; *Pænorum* spes in *Annibale* hærebat, velut
 ad supremum certamen comparati Duces.

Agebatur annus belli *Punici* XIV. *Etruriæ*
 primum populi pro suis quisque facultatibus *Sci-*
pionem in *Pænos* profecturum adjuturos polliciti,
Perusini, *Clusini* abietem in fabricandas naves, &
 frumenti magnum numerum *Aretini* XXX. scu-
 torum millia galeas, totidem pila, gæsa, hastas
 longas millium L. summam pari cujuscumque ge-
 neris numero expleturos secures, rutra, falces,
 alveolos, molas quantum in quadraginta longas
 Naves opus esset tritici, CXX. millia modium
 in viaticum Decurionibus, remigibusque collatu-
 ros, ut nulla par esset ea tempestate Princeps *Ita-*
liæ Civitas animis præpotens, copiisque ingenti-
 bus, latissimaque ditione à finibus *Graccianis* la-
 to usque Portum *Ariminensem* imperio.

Scissaque civilibus odiis *Romanorum* Republi-
 ca, *Clusini* cum *Carbone* adversus *Sillam* prælio
 commisso propè *Glanium* fugatis per *Sillam* Cel-
 tiberis, cum sub *Clusio* æquo Marte pugnarent, nocte
 pugna dirimitur.

Pluresque aliæ Principes Civitates cum Roma-
 nis commistis armis ob communem hostem concordia
 pulsandum, Victorem ad scelera propensum, præ-
 cipitemque traxere in ultionem. Traditum est

A *Aretinos* bello Sociali Auctores fuisse *Hetruriæ*
 defectionis simul cum *Martiis*, & *Picentibus*,
 quapropter *Silla* in eos acrius sæviit agro adem-
 pto proscriptis Civibus novos Cives deducendo, Vol-
 lege lata, quod publici forent proscriptorum a-
 gri, ac Commilitonibus suis habita ratione meri-
 torum numero supra centum millia distribuit, Ar-
 ces, Villasque, ac Castra prius validioribus armis,
 Virisque Amicis credita sibi met nomine *Feliciis*
 indito eo, quod tot millia Civium proscribere, ac
 trucidare valuisset, ut tradunt *Tullius*, *Volaterra-*
nus, *Appianus*, *Livius*, pluribus *Coloniis militari-*
bus, & armatis *Hetruria* deductis, ut refert *Salu-*
flius *Milites de Coloniis Sillanis ex Hetruria condu-*
ctos, ut rectè *Tacitus* memoret *Municipia Clana-*
rum exundationem extimescentia, quæ differre à Co-
 loniis *Aretio*, *Cortona*, *Clusio* docent *Iulius*,
Gellius Panninus, & de *Fesulis*, ac *Florentia*
 Commilitibus *Silla* in ampliorem formam dedu-
 ctis *Scala*, de *Sillano* in agro *Senensi* *Silla* dicto
 meminere *Alberius* ac *Thomafius*; de *Luciniano*
 Colonia *Sillana* in memoriam *Sillæ*, qui *Lucius*
 vocabatur idem *Thomafius*, quem malè legunt de-
 nominari à *Liciniano* ex Ducibus *Sillæ* bellorum
 civilium Scriptoribus ignoto; & nomen est argu-
 mento ex eodem *Lucio* ab insigni deductum, i-
 dedque de *Liciniano* *Lucinianum*, ut traditur eo-
 dem *Thomafio*, quamvis incidenter loquente; nec
 abest à verisimili, quod situ *Sillanis* copiis ibidem
 grassantibus notissimo natura munito planitie co-
 pia rerum ubere munimento, ac Sede usi sint Com-
 militones, cum inter *Aretium*, & *Cortona*, nec
 vetustius, nec magis aggressoribus durum intuen-
 tibus oppidum occurrat: hinc *Guazza* *Lucinianum*
 ait, arte, ac natura, ferocitumque *Virorum* copia
 præmunitum, & locis hujuscemodi deducebantur
 Coloniae maxime militares, ut propugnacula Im-
 perii esse viderentur, & *Natalis Comes* latine
 scribit *Lucianum*, & in janua ante militarem Pla-
 team in antiquo Lapide LVCIANENSES.

D Ut minus rectè *Sigonius* credat, an & quas
 Colonias *Silla* deduxerit, non esse memoriae pro-
 ditum.
 Agro denique iterum *Aretinis* *Ciceronis* sen-
 tentia remisso novi Cives, nova Civitas viribus
 suis restituta cum *Catilina*, ac ejus sententiæ col-
 latis signis valido *Phæsulorum*, *Aretinorum*
 que exercitu circumfluente avitam potentiam in-
 fractam, & auctoritatem exhibuit minime prosti-
 tutam, ut verificatum planè sit, non cum toties vi-
 ctis, sed cum novo genere *Hetruscorum* videretur di-
 micatio esse.

E Siquidem *Catilina*, cujus animus cupidine in-
 census ad inceptum scelus prævertendæ Reipubli-
 cæ rapiebatur, militibus *Sillanis* victoria efferatis,
 Urbiumque purgamentis ad nova emolienda ac-
 cerfitis, eo quod æs alienum per omnes Terras
 ingens esset ad rapinas, cædesque anhelans *Man-*
lius in *Etruria* ad Plebem sollicitandam delegerat Com-
 tabulas novas pollicitus, proscriptionem locuple-
 tum ad militum excitandam libidinem, quorum
 C. *Cornelius* nocte armatis *Ciceronem* Consulem
 Anhaud præcaventem confoderet, confectumque fa-
 cinus, ni *Fulvio* *Curione* intellecto dolum aperuisset.
 Igitur *Manlius* cum *Fesulano* Cohortibus
 Auxiliariisque ex agro *Fesulanorum*, quam plu-
 ribusque *Aretinorum* accitis, ubi *Antonium* cum
 legionibus adventare compertum, propè *Pistorium*
 cum *Catilina*, reliquisque Ducibus irrupit, & re-
 pentè montibus, hostiumque copiis oclusus for-
 tunam belli tentandam adoritur, statimque infe-
 stis signis concurrunt *Romani* pro libertate, hi
 pro dominatione. *Catilina* cum expeditis pugna-
 re, in prima acie versari, strenuque Militis, &
 Imperatoris officia exsequebatur, dum interim
Manlius, *Fesulanus*que in primis pugnantes ca-

dunt. *Catilina* pristinae memor dignitatis incurrens in confertissimos hostes, trucidatis iis longè à suis inter hostium cadavera procubuit, *felix si ita pro Patria cecidisset*; tantaque audacia decertatum, ut quem quisque pugnando vivus locum ceperat, cum amissa anima corpore contereret. *Cæsar* Aretio Romanis fide, ac potentia prospecto potiri æquè curavit. *Octavius* copias suas iussit coire Aretium, pluraque beneficia præ cæteris elargitus, ut rectè Plinius, *Aretini veteres, Aretini fidentiores, Aretini Julenses* ad differentiam proscriptionum à *Silla* in argumentum fidei reliquorum, ac *Julie* liberalis beneficentiæ inter Colonias ascita, *Frontino* verò Colonia lege *Triumvirali* conducta, & alibi Aretium lege augusta censa limitibus *Gracchianis* Avorum servaverit, auxerit memoriam, & amplitudinem.

35 Sed ut quædam de singulis ordine differamus.

Volaterr. Lib. 5. & 33. Junian. Mal. de verb. Pro-priet. Coritus. Sil. de bell. Punic. Lib. 4. 5. & 8. ibidem Pet. Mar. Ridolphin. Rec. p. 1. cap. 15. num. 13. 36
Ad Ortum supereminet *Cortona* circuitu ad tria milliaria Muro ingentibus saxis veterum more compacto, situ invio, & declivi tota patens longè intuentibus, via tamen Palatiis Nobilium decora, strata, lataque; Populus supra cæteros *Clanarum* Dives, ad opum coacervationem propensus, Mons Oleo, Vinoque, planities frumento copiosa, alit incolarum supra duodecim millia, gentem eloquio nihil *Hetrusco*, non nugis agentem, propositi tenacem. Sedem fuisse *Corinthis*, de hoc est *Hetruriae* Principis *Hattati*, Romanis *Quirini*, credit *Silius*, & unam floruisse de duodecim Principibus Civitatibus communissima est opinio, & comprobant *Stephanus*, *Livius*, & pacis fœdera cum Aretinis obtulisse, & plurimum exornat *Dionysius*, ubi etiam fuisse Romanis deductam Coloniam, & *Cortonam* denominatam. Opinantur *D. Romulus* *D. Petro* transmissum *Christi* Reparatoris doctorum *Cortone* patefecisse, Divis postmodum fratribus *Pergentinis* *Donati* Episcopi, ac *D. Musiolo* Sanguine *Clanarum* regione confirmatam.

Tac. de mor. Germ. Just. Lib. 7. Malef. Hist. Flor. cap. 160. 37
At *Longobardis* propulsis libertatem est affecuta Consulibus creatis ob flagitiosas *Ghibellinorum* incursiones, sumptis armis, ut de propinqua regione expurgaret *Farnetellam* deletis iis, in qua sedem delegerant, muro nudavit; & cum in dies finitimis gravis fieret æstuantibus ibidem ad infaniam partibus cum *vergentibus Imperiis* satis nihil præstare fortuna majus possit, quàm hostium discordiam, quibusdam rogati Aretini cum sæpè inter accolas odium exemplo *Philippi* à Græcis in auxilium acciti nocte inopinantes aggressi victis adversis unius gratulantes, & victores anno 1258. disperdunt muro diruto fortunis exutis aliis, aliis in exilium multatis, bonis Civibus, proditoribusque peremptis simul, quos ne in Patriam arma cape-rent, & multò minùs in eam veteres æmulos evocassent, persuadere satis poterat *Africanus* ille, nec etiam ingratam patriam ultus, nè *Gileam Themistoclem*, qui nè *Persarum*, ad quos se receperat, arma ferret in *Athenienses* concives ingratiissima, quamvis pro-scriptione ad necem ipsi insectantes, vitam ipsam potius spontaneo veneno abruptere non verentem.

Tac. Ann. Lib. 6.
Sed per triennium vexati, aut libertatem, aut ultimam sortem experiendam censent, ac Duce *Ugurione*, cum se eximunt ab iis, in deterius ruunt, nam sub Duce convulso, ac mutato vi dominationis, quo usi sunt ad libertatem, sæviorem Tyrannidem experti sunt: quippè Senatoribus insensus, vi matronis adactis ad turpia, ad omnem libidinem effusus, & *Verre* Tulliano rapacior, civis furtim, & palam quoque jugulandos commisit. Eodem tandem obtruncato, libertati litant, quam *Henricus Septimus* de anno 1312. dum *Cortone* moraretur, Populo acclamante juramento firmavit. Regem *Ladislauum*, qui in *Florentinos*

A expeditionem fecerat, armis arcent fortiter à moenibus Civitatis, iis Beata *Margarita* palam visa, qui in ultionem agros, villasque depopulatus obfessos acriora passuros arbitrio recepit, Civitate post biduum *Florentinis* vendita vili pacta mercede scutorum septuaginta millium, sed rerum ordine, ac variantibus fortunæ vicibus, initis capitulis *Senensium* Patrocinio tuta, unà cum iis *Perusinis*, Urbem obsidentibus nunc victa aliquandò victrix cum Republica magni nominis manus conferendo amplissimam Gloriam est affecuta.

B Verum cum quidam victam armis libertatem in dominationem vertissent (vetus enim ac jam pridem insita Mortalibus potentie cupido cum Imperii magnitudine adolevit, erupitque) cunctis Republicam *Florentinam* congestis studio pecuniis affluentem, veluti destinatam rerum Dominam adulantibus, unum id refugium pacta ad omnimodam deditionem diuturnæ spe pacis allicitur, *Senensibus* ad communem libertatem vindicandam, miserio-remque in dies futuram servitutem avertendam arma. prouentibus etenim *Cosimus* primus acriora parans, quippè bellum habere, quam gerere malebat, & nihil magis festinatione tutius, ubi facto magis, quàm consulto opus esset, ut contemptum rei suæ elatis hostibus demeret conscripta prius verbis magnificis Epistola, qua nitebatur *Senenses* à Gallorum Societate disrumpere, & cognito satis iis curas *Florentinorum* palam esse, *Galeottum* *Cortonensium* Capitaneum subsidio misso ad *Lucinianum* Oppidum oppugnandum delegit, qui, ut occultando facinori nox adhiberetur, solum insidiarum remedium esse, si non inteligerentur, ratus, gentem peditibus ter mille obtestans vindictæ properam haud facile vinci, ni repentinis hostibus circumveniretur; admoto agmine occurrentes, incolasque catenis coercet, nè nuncius inopinantes, & ad tolerandas obsidiones paratissimos accenderet, auditisque exploratoribus portas, nè dum de more patere, sed alto noctis silentio cuncta obvolvi, avidius progreditur, Oppidumque invadit, dum interim somno exciti *Lucinianensium* Juniores, ac eventu territi fugantur. Strenue præ cæteris *Christoforus Rislorius* arcium Præfectus, validiori Civium manu tutus ictibus bombardarum, ac flammis missilibus suos firmiores reddere, convocare aggressus, hostium- que audaciam infringere, ut superesse adhuc vires pateret, & ipsos extrema passuros ausurosque. *Galeottus* instare percussis, sternere obvios, quidam exciti prospero pugnantium clamore, qui modò per agros fuga palabantur, pugnae se miscebant, represloque aggressorum impetu multa parta cæde ad arcis veteris defensionem properabant. *Cortonenses* aut victos in deditionem accipere, aut expugnare deposcunt, sed ipsis ad exequendas obsidiones, nulla cominus audacia, ubi promovere Scalas, & machinamenta inciperent, facile detru-si erumpentibus nostris cæduntur. Sed terrore obstru-ctas quorundam mentes *Rislorius* spe, & certi præsidii illexit, & futurum (ut accidit) nè *Etruria* armis ingrueret, *Florentinos* cœptis cessaturos; efferatique *Cortonensium* animi Domum Præfecti ad Januam *S. Angeli*, veterumque monumenta observata igne immisso perdidere, jactura æquo recepta animo gnaris se debere plus Patriæ, quam fortunis.

F Civitas præ cæteris *Italiae* vetustissima sub *Vigilio* Anno DLII. legitur *Jordanus* Episc. *Cortonensis* Anno MCCCXXV. iterum *Joanne XXII.* Episcopo donata, Patria Beati *Ugolini de Zeffirinis*, cujus è corde tria lilia florere divinitus, quæ cæcis lumen tulere, agris levamen alboris, odorisque excellentia, ac *D. Margaritæ* membris usque dum à corruptione exemptis, Beatae *Veronicae*, Beati *Guidi*, Beati *Augustini*, *Aegi-*

P. To-
rellus
Secul.
Aug.
Tom. 5.
fol. 593
dii Cardinalis Bona ab Annis 1172, Sylvii Card.
Passerini Umbriae Legati, ac Jacobi sapientissimi
Perusiae Episcopi, Sylvii Passerini Archiepiscopi Co-
sentini, Illustrissimi Abbatis Mancini ob dexte-
ritatem, prudentiam, comitatem Serenissimae Me-
diceae Familiae in Urbe Advocati, & à secretis,
ac Ridolphini recentiorum praxi de legali disci-
plina emeritissimi, D. Advocati Baldachini Flo-
rentiae pro Sancta Sede Nuncii Auditoris, Advo-
cati Antonii Coratii I. C. Principis, ac aequè in-
ter Pictores celeberrimi Petri Cortonensis, alio-
rumque plurium aequè clarissimorum de nobilissi-
mis Familiis Petrella, Passerina, Zefferina, La-
parella, Serangela, Tomasia, Sernina, Alferia,
Mancina, Ridolphina, Baldella.

Man-
noz. de
Situ Flo-
riani.
F. For-
tun.
Chron.
Mont. S.
Sabini.
Ann. Vi-
terbiens.
super Be-
ros.
Gene-
bat. fol.
26.
Cluver.
Lib. 2.
fol. 565.
Blond.
Ital. de
Janua.
Propè Clanas Fluvianum, aliis Folianum, Incolis
Foanum, Fanum olim Deorum Templis, jactant
forum Jani, Lucinianum Lucum Jani Tusciae au-
reo saeculo Regis, ex Colonia Ariminis Anno ex
suppositis Berofo, ac Catone confectis, quem fa-
bulosum, levemque arguunt Cluverius, Genebardus,
Oppidaque Jano dicta pueriles nugae censuit Blon-
dus. Vasto cingitur Territorio, alit Incolarum
circiter quatuor millia, apud quos inimicitiae gra-
ves cito pereunt ad rixas amicis, foeminisque ar-
mis, fustibusque accurrentibus, leves verò nun-
quam. Terra honesta, & copiosa prae aliis ve-
nusta, ter hostibus ferro, igneque amissa, ac ne-
ce Carlotti Orsini memorata expugnato Senensibus
Oppido; sub Florentinorum Patrocinio merum, &
mixtum Imperium subimet usurpavit arbitrio; cum
Lucinianensibus spatio ferè annorum centum armis
disceptavit de finibus, Commissariis Florentina,

43 Senensique Republica, pro pace utrique incassum
missis, neglectisque; caesis plurimis ex Oppidanis,
militibus Florentia ductis, planitiem ponte diruto
(de quo Senarum nuncios cum Florentinis conque-
stos refert Dathus) cum injuria pactionibus vio-
latis curant Fluvianenses mergere aquis palustribus.
Lucinianenses duri ad arma accurrunt, victos pul-
sant Fluvianum usque, januamque Castris occur-
rentem, igne, tormentisque quatunt in Colle
Cimabello, cum Custodibus arcem designant, quod
illi ægre ferentes cum Florentinis palantes aggressi
sternunt, sub janua exactis diebus collapsa, offi-
bus pro cæmento appositis. Lucinianenses eorum
captivos in frustra scindunt, dividuntque. Ve-
rùm Jacobus Cardinalis Papiensis Senensibus, Flo-
rentinisque rogatus anno MCCCCLXXII. etiam
jussu Xisti IV. Legatus missus in Ecclesia Sabina
residens eorum cervices, nec precibus, nec minis
flecti posse conqueritur, Amphionis, inquit ille,
Cythara, quæ movisse saxa sunt dictæ, surdum in has
Valles cecinissent, quid agam jam nescio, diutius
44 hic esse decorum non est, miserum quoque abire, mi-
serissimum hos infelices in vitæ discrimen relinquere,
pronunciavi, quod neutri placet non futura tanti ope-
ris Bessarioni Cardinali Nicæno pacificatio Burgun-
di, ac Galli, eos cum increparet, refert quendam
Loci (quod Serbatistæ tribuunt) excipientem,

Papiens.
Epist.
465.
an nescis Cardinalis in hanc Vallem, nec Moysen
unquam, nec Justinianum venisse; leges nostras arbi-
trio nobis ipsis imponimus, & quidem ad arbitrium
P. Ciac-
conius
vita Pii
II. cum
addit.
ferimus; tu credis Latinis hic, aut Tuscis moribus
vivi; Servi esse Civitatum nostrarum cum Imperio
volumus, cujus merces est pro iis belli tempore intre-
pidè mori. Verùm septuaginta, & ultrà lapsis
diebus contractibus hinc indè patefactis pro ma-
nutentione in possessionem latæ Sylvæ Paternen-
sis Collium Cimabelli, Cetinarum, tractusque à
Ponte Arenarolo ad Vallem, qua semita propè
Podiolum Fluennæ, viamque, qua aditus patet
ad Bettollam, re ad desperationem inclinante Co-
lumba candoris immensæ à Septemtrionibus lapsa
supra ipsum Conventum in flammis est resoluta,
45 quod pacis omen fuit, statutique fines, hilarique

A Papiensi gratulantes, nec ampliùs rudes, truces-
que ramis olivarum occurrunt Xisto restitutori pa-
cis sedulò benedicentes. Habet exuvias D. Bonifa-
cii; florere Benedictus Prædicatorum eloquentissi-
mus Orator, cæterique de Domo Peccia, ac Ser-
neria inter nobiles Senarum fastis commendati.

Ad meridiem Graccianum vetus ortu B. Agnetis
inclytum.

Acer mons, pollensque Politianus Dathus Pol-
litianum Civitas, qua nil molliùs cælo, nil ube-
riùs solo, vertice Montis platea in planitiem ad ar-
cem usque diffunditur, Palatiis communis ac cla-
rissimarum familiarum Nobilium, Ricciorum, Thau-
russiorum, Antonii Cardinalis Montium Concivis,
exteris jucunda, temploque extra Urbem B. Vir-
ginis marmoreo, reliquum Civitatis in declive si-
tum. Accolæ ultra novem millia.

Cives generosæ Nobilitatis, ac memoriarum
Studiofi graves plurimi, inter quos raro discor-
dia detecta, concordia nunquàm, quique in comi-
tiis summa ope nituntur reliquos in sententiam 46
ducere, ita bonum publicum, ut in plerisque ne-
gotiis solet privata gratia devictum, cum sanctius,
atque rectius olim provisum, & ea, quæ converte-
rentur in deterius mutari, hinc aucta, receptaque
ad tempus onera publica, ut passim in quorun-

C dam Locorum conventibus non sine lacrymis, &
ærumnis Populorum diù mansura, Facundi, So-
lertes, eloquio materno grati, in quibus Specie,
habituque Corporis venusto ritè arguitur qualitas
mentis, Senensibus moribus pluribus haud diffi-
miles, sub quorum miti Imperio, & juxta re-
rum Causas Societate fœdere tamen inæquali com-
pacta, exactis illis felicibus Sæculis aucti, da-
tisque immunes; quique in Urbe decorantur mu-
neribus, avidi Patriam, & gloria illustriorem red-
dere, & opibus affluentem, ut ingenio Accola-
rum, maxima quæque Civitatis dignitas, ac fe-
licitas singulariter tribuenda jure sit, & aequè
Magno Viro Joanni Cardinali Riccio Reipublicæ
Litterariæ munificentissimo Mæcenati, Patriæ-
que Patri, qui inter egregia pietatis, animique 47
magnitudinis monumenta in Pisana Academia,
Collegium Riccium amplissimè struxit ære suo, ut
Concivium Puberes præclaræ indolis eodem ale-
rentur corpore, & ditarentur mente rudimentis
litterarum, quas innumeri profectò acutissimi Ju-
venes affecuti sunt, humanis litteris, primisque
Scientiarum principiis fidelitèr imbuti Collegio
Sapientissimorum Patrum Jesuitarum ad plenio-
rem Civitatis decorem ibidem piè degentium.

E Urbs Doctoribus, Equitibus Divi Stephani, ac
Melitenensibus insignis, Ecclesiasticis Canonicis, cæ-
terisque Dignitatibus, ac Regularibus Instituto-
rum complurium nobilissima, quæque non sine
injuria aliis quibuscumque posthabenda sit; ha-
bet Foeminas luxus curiosas lepida venustate, &
multum loquela frequentes; fortilitiis, ac muni-
mento tuta, muris elatis, præruptis, cingitur duo-
rum milliarium ambitu. Civium, Colonorum-
que industria in sterilibus circum Collibus vineta
plurima sepibus distincta, quibus non longa serie
Arborum super Ulmos, & Populos maritantur vi-
48 tes, sed arundinibus loco productis infimul propè
solum commissæ solis radiis patulæ, & interdum
terræ pluvia humiditate, aëreque Coeli, Flumi-
num, Clari, Trasymenique ex crySTALLINIS humo-
ribus summopere hilari, ac beato enutritæ uvas
albas, rubrasque gratia electissimas pingunt, sapo-
re mediocriter vinoso, subdulci, mordente, o-
dorifero, incautos, & vini coloris albi aquei le-
nitatem parvihalentes in ebrietatem lætam, &
ridiculam trahunt, vinum capiti amicum, nu-
triens, non rejicitur stomacho, nec remoratur u-
rinas. Clancianense quoque sapore, & lenitate
gratum, sed album non æque vigoris, odorisque,
quod-

quodque exigua aqua adulteratur, æstiva nive in poculis gelidum dulcescit, deficitque. Superat etiam tam copia, quam gratia vinum album *Lucinianum*, rubroque Stomacho magis leve, firmiorisque æstimatur substantiæ, pelago vecturis, vasisque agitatum resistit; at si ex collibus vini-feris, ac amcenis, qua supra abundè *Liciniana*, & 49 *pacifera* autumnat oliva vitibus amica exigua albi *Perusini*, ac *Vernatiæ* (sic vocant Incolæ) portio miscetur cum *Vajano* Nigro, ac *Calabrense* tam colore rubro perspicuo, quam gratia multa in potibus, odoreque amabilissimo, nè dum *Politiano* studio utriusque Populi in conviviis comparatur, sed servatur tutè subsequenter annis haustu meliore, idemque remota febris ægrotantium usui accommodatur ob generosas virtutes, parce tamèn permittitur, & sub nomine *Politiani* avidè bibunt exteri indistinctè. Pariterque *Muscatella* tam alba, quam rubra æquè accepta gignit Colle, ac *Vandalia* cum Cohortibus à *Gothorum*, *Vandalorum*que vastatione, ut ajunt *Lucinianensium* Seniores nomen fortita. Cæterùm, qui *Lyæi* Scyphis indulgent, utique fatentur ea, qua pollent libertate, unica vini *Liciniani* amphora desuper avara manu aqua superfusa ocyus amoveri sitim, quam pluribus *Politiani* lenioris palatum, gustumque molitie quadam primis haud detecta potibus, mixtaque plurium uvarum luxuriè implentibus, nequaquam satiantibus, atque pretio cariori quæsitis. At si, qui *Lucinianensium* in dies sincerum bibunt post prandium turbidi, atque elati evadunt ad jurgia proclives, deque impertinentibus, rebusque arduis saniorum indaginem exigentibus, Regumque curis ignari ut plurimum, segnesque, qui se credunt doctiloquos, temerè, & cum ira inter se palàm disceptantes, submovent risum, providumque silentium indicunt studiosis invisum, quorum *limen* in illa ditione clarissimi Vicarii Vallis *Clanarum* relictum, nemo laudibus tollere; procul esse, & dentibus frendere. Perennes quoque passim venæ frigidissimi humoris Villarum *Politianensium* commodo, frumenti quo laudatissimum, ac candentem panem educunt exteris acceptissimum, rerumque ingens copia per latissimum comitatum circa *Lacus*, ripas *Salarchi*, 50 montiumque radices; & innuit *Strabo* ad agri beatitudinem accedunt *Lacus* magni, & permulti, qui multa piscium nutriunt obsonia, & palustres aviculas, non modicum etiam cremium, *papirus*que, & ulva copiosa.

Lib. 5.

A quo originem duxerit veterum historiis ignoramus. Recentiores putant à *Laerte* *Porfena*, qui 51 ad vitandam propè *Clusium* infectam Paludem in illis collibus *Clusinos* novos *Plinio* relatos per villas deduceret; & sunt argumento murorum structuræ veteres, platea sub ædificiorum fundamentis defossæ, & vinum prædulce, quo putant allectos *Senones*, ad *Clusii* everisionem, cum *Politis* Civitas municeps *Græcis* sonet, quod anceps visum *Gammurrino* opinante *Clusium* vetus Oppidulum esse ad montana *Aretinorum*, quo prænobili, latæque circum *Casentina* (quibusdam *Clusentina*) regioni nomen indictum, novos verò *Clusinos* *Porfena* maximo imperio, ac pecuniis præpotente per horam *Clanarum* conditos, ubi nunc *Clusium* Civitas abrupto monte sita, natura, ac paludibus præmunito, ut *Vulziniis*, *Phaliscis*, ac *Romanis* ille propius inesset ferendis auxiliis, vel incursionibus paratus, & est conjectura inter *Salpinates* propè *Orbevetum*, ac in finibus *Vulzinensium* mons magnis saxis circumseptus latine Incolis *Arx Regis Porfense*. Sed ob angustiam *Clusam* denominari arguunt moderni, Pagumque rusticis mansionibus informem, nec ullo unquam tempore veterum, recentiorumque historiis comprobata loci dignitatem, aut vestigium murorum, seu turrium de-

A signatum in argumentum vetustatis, & describit *Strabo* ad montana extat *Aretium* MCC. Roma distans stadiis *Clusium* DCCC. *Clusentinum* verò, ut jugis montium asperis, nemorosis, & inaccessis obclusum stadiis ID. longè à *Clusinis* de veteri extitisse *Aretinorum* dominatu consensu traditum, ut ineptè ex commentariis *Sansovino* falso ascriptis super confictas *Fratre Annio* *Sempronii* antiquitates amissas à pluribus sæculis cum detrimento veritatis obstruatur probatio *Clusentinos* inter *Clusinos* novos haberi, quo auctore, Duceque editos ignoratum, propè *Mœnia* *Principis Gentis Aretinæ* supra cæteros *Clanarum* præpollentis armorum gloria, vetustate, lataque circum ditione, & in- 53 nata *Accolarum* protervia ultioni paratissimæ.

B Alii fortasse verius putant *Politianenses* post *Silvanam* proscriptionem, Urbiumque excidium inter novos *Clusinos*, Civesque profugos recenseri, *Cluver.* Plebem verò, ubi nunc relicto *Clusio* trans *Clan-* loc. cit. *nas* Civitas Plebis diffusam.

C *Cluverius* ad *Statuas* itinerario *Antonini* inter *Clusium*, & *Aretium* mensura stadiorum credit Ital. an- Montem *Politianum*, quo nec ipse edicit argu- tiq. L. mento, nec ego assequor conjectura, cum eadem distantia de aliis, ut *Gracciano*, ac *Fallonica* verificetur. Æquè claudicat *Onuphrii* temerè dictum Onuphr. fuisse annis MMXVIII. ad suam ætatem *Landerico* constructum, ac improbata *Volaterrani* opi- Fidel. Chron. Lib. 5. nio *Zenobium* *Landerici* *Romani* Senatoris *Filium* anno CCCLXX. ab orbe redempto *D. Donato* Episcopo *Aretino* baptismate ablutum donasse *Basilicæ* Episcopali *Politianum*, *Corfilianum*, *Fluvianum*, *Secianum*, *Lucinianum* eodem condita, & *Viris Romanis*, ut ipse credit, denominata, ut *Lucinianum* à *Luciis*; comprobatur ex quibusdam confictis tabulis *Aretinis*, ac instrumento anno MLXXXIII. ab Urbe condita tertio *Valentiniani* confecto, quod ad litteram relatum ex pro- 54 babilibus conjecturis falsum convincunt *Ughellius*, *Bencius*, *Thomasius*; cum Annus MLXXXIII. cadat sub magno *Constantino*, & nomen *Landerici*, vel fictum, vel *Longobardum* pluribus judicetur, *Aretinis* nec utroque Consule, nec *Valente* *Valentiniani* *Bencius* Collega enunciatis ex recessu a consueta forma eliciunt falsitatis indicium, cum etiam abs re in *Thoe* legatur conditum à *Romanis* *Castrum Senense* mas. Hist. tempore *Brutii* Consulis, quod nec *Volaterrano* *Senens* probatur, autumantque *Tusci* structum loco adeo *Lib. 1.* ubere, & munito, quidam valido in antiquis nominis argumento dictam *Senam* *Senonibus* in felicitæ illis agris excurrentibus, & dederunt potentiam materiam *Ruffellæ*, & *Populonia* finitimæ quondam Urbes everse, opinatur *Blondus* à sex plebibus propinquarum Urbium per *Joannem XIII.* de- *Ughell.* ducto Episcopatu nomen derivasse; non docto, *de Episc.* quo prius nomine uteretur merito *Volaterrano*, at- *Senens.* que *Alberto* improbatum, cum in græco *Ptolomæi* *Volaterr.* Codice *Sena* *Mediterranea*, *Plinii* verò *Colonia* 55 *Romanorum* denominetur, *Cluverio* *Colonia Julia*, S. Anto- & ob eandem rationem fabulosus evincitur *Villanus*, qui à *Carolo Martello* dictam censet, relictis *part. 1.* ibidem *Senibus*, ac *Valetudinariis* commilitibus, *Blondus* ut miti aëris benignitate, *Collium* luxuria, ac *Ital.* Fontium salubritate reficerentur. Non constat, *Thom.* quo titulo, quo jure possideret *Zenobius* ille regionem latam, uberemque Supremo rerum *Domino* *Valentiniano*; nec de originali exemplaribus *Lib.* variis, & recentis latinitatis methodo, insuetisque *Ughell.* clausulis suspicionem patefacientibus, etiam inverisimilis visa, ac æquè scandalosa *Idololatris* donatio *L. C.* palàm, & coram Testibus, gravibusque *Bural.* Viris in *Episc.* Instrumento habitis *Damaso* tunc Pontifice, ut asseritur, missis, *D. Donato* paupertate *Christi* in- *Aret.* viso inter Martyres ascripto. Quæ castra fuisse, *Bart. in l.* & à quibus *Romanorum* historia relatis denominata, nec nomina evincunt. *Corfilianum* fabulan- *1. de fal.* tur

Ughell. Ital. Sac. de Episc. Politian.

Cluver. Ital. antiq.

tur à *Corso*, plerisque ignotæ Originis *Pii* ortu, ac nomine decoratum, *Secianum* aliis *Axianum* ab Axe Deorum Delubris; *Fluvianum* propinquo *Glanis* fluvio, *Politianum* græcè *Politis*; *Lucinianum* à *Silla*, qui *Lucius* dicebatur, quia nomina ab insigni nempe *Ducibus* indicta Castris, fluentis & regionibus, cum quorundam hujus denominationis ex priscis *Ducibus*, qui ante *Zenobium* fatis cessere lapsu Sæculorum, cur relicta nomina, nec aperiat *Volaterranus*: cum felicitas Imperatorum, ac recens gestorum fama de aliis oblivione sublatis novam fieri memoriam à *Romano* Senatore locis *Latio* finitimis non sine injuria pateretur. Sed *Modernus* ille, & post eum scribentes, ut aves inconsulto volitantes, suæ tantum edidit *Judicia* credulitatis, cum priscis ætatibus conderent *Urbes* parvas, & descriptione *Augusti*, *Antonini*, *Plinii*que recensentur, quæ publicis viis, vel capita locorum, re, situque memorabiles, nominibus Castrorum novitate rerum corruptis, & sensim æquentur ima summis, quod de tam speciosa Civitate verificatum planè est, quæ *Florentinorum*, ac *Senensium* gliscente potentia modò his, modò illis cessit in prædam, modò libertatem assecuta, donec *Senenses* diuturnæ paci brevi bello consulendum rati *Politianum* Civibus acerrimè defensum anno MCCXXXI. in desolationem relinquunt, *Florentini* agrum *Senensem* depopulantur, ea conditione pax firmata muris *Politianensibus* in priori forma restitutis. Novam bellorum materiam æmulatione excitante ob *Politianum*, *Lucinianique* munimenta, locorumque consequentiam partibus hinc inde æquè decertatum, quia, ut inquit *Podius* ea quoque ætate *Lucinianum* dives, & potens judicatum, & locum summæ consequentiæ, *Clanum Vallis Clanarum*, ut auctor est *Cinus*, *Roseus*que, & coram Arbitris causa discussa *Politianum* *Florentinis*, *Lucinianum* *Senensibus* adjudicatum, quod de anno MCCCLXXXVI. Sententia *Bononiensium* venditis per *Aretinos* Oppidorum Juribus Reipublicæ *Florentinæ* relaxatum fuit, sed *Galeazzo Vice Comite* primo *Mediolanensium* Duce *Senis*, *Luciniano*que in gratiam receptis reluctante eo, quia (ut censet *Platina*) oppidum arte magis, quam viribus in potestatem redegissent, iterum in *Dominis Januensibus*, ac *Magno Rhodi Magistro* etiam de ordine Sanctissimi remissa rei discussione, interim steterunt in decisus, ut *Lucinianum* *Senensibus*; *Politianum Florentinis* pertineret; ob præduram *Cæsareæ* Militiæ obsidionem *Orbeveto*, ad deditionem inclinante *Politianenses* præsidio prævalido accurrunt, & in amicam Civitatem per hostes, per tela irrumpere ausi sunt. Pluries cum finitimis exortæ de finibus lites; conquerentibus apud *Florentinos* *Senensibus*, *Politianenses*, cum injuria *Caliciamensium* progredi latius, & sub Urbe *Clusio* positis Castris, *Clusinis* in ultionem versis providis *Senarum* Commissariis pax firmata, *Orbevetanis* in aciem prodeuntibus, & adversus *Senenses* impetu facto, victi, fugitæque *Politianenses*, Sociique. *Monaldensis* Dux *Orbevetanorum* *Sarteano* exceptus, Oppidoque expugnato, Duce in vinculis coniecto, lata Regione *Senarum* armis subacta, evedti sunt *Senenses* ad apicem potentiae, gloriæque triumphalis, antiquioribus *Dominis* restituto *Clanarum* Imperio.

Sed iterum ad libertatem clatis animis *Pecoram* familiam de Ordine Senatorum *Politianenses* armis pellunt, & coram *Carolo* in ea Civitate cum copiis moram agente, *Senensium* detectæ artes, cognitumque Oppidanos pares iis, qui nec totam libertatem, nec totam servitutem pati possunt, & si casus daretur aufuros, *Senensium* denique patrocinio restituuntur, conventionem lata, sinant *Politianenses* præfidiis *Senarum* arces præmuniri, de

caetero eisdem mero, & misto Imperio, ac civilitate *Senensi* elargita, cum Cives primi, ac secundi gradus inter Nobiles reputarentur. Demum *Fulentinam* expugnant ac *Turritam* quatunt, sed de anno MDLIII. *Luciniani* Terram obsidere cum præsidio *Florentinorum* arce receptorum adorti, ut fatetur *Ninus*, *Lucinianensibus* strenuè pelluntur, profliganturque *Politianum* usque, acieque *Clusinarum* victoribus missa *Fluviani* Territorium diripitur, Villa dives *Puteana*, & *Bastardum* ante oculos *Aretinorum* ad arma procurentium expugnatur, flammisque diruitur, ac ingenti parta præda ovantes *Lucinianenses* per agrum *Sabinum* redeunt in Patriam. Viris toto Orbe celeberrimis claruit, *Angelo Politiano*, *P. Angelo Pacciucchetto* Libris Historico-Moralibus, lectionibus in *Jonam* Prophetam, ac tractatu de passione *Christi*, *R. P. D. Taurusio* Sapientissimo *Pisarum*, ac *Sardiniae* Archiepiscopo, *Lelio Mancino* disquisitionibus genialibus, aliisque Voluminibus, dum *Paduæ*, *Pisique* legeret, *Grifolo* volumine consiliorum toto Orbe notissimis, *D. Griso de M. Policiano* (ut scribit *Alexander*) Advocato clarissimo, aliisque celeberrimis viris Historia *Politianensi* numeratis de Illustrissimis Familiis, *Riccia*, *Nobilis*, *Cervina*, *Bellarmina*, *Taurusia*, *Gagnona*, *Contuccia*, *Braccia*, *Avinionensi*, quinque omisissis Prælatiis, *Purpureis* Principibus, *Antonio* Cardinali *Montium* inter Cives ascripto, qui instructis Palatiis nomine, insignibusque depromptis edixit, quod *Patria sit*, & in qua nati, & in qua suscepti sumus: Card. *Bellarmino* Ecclesiæ fulcimento, *Roberto* Card. *Nobilio* Purpuratorum maximo in flore rerum extincto, *Joanne* Card. *Riccio*, qui defuncto *Pio IV.* parum abfuit, quin Pontifex renunciaretur, *Francisco Maria Taurusio* Cardinali, ac *Julii Tertii* Nepote, de quo *Leo Undecimus*, nulli unquam, inquit, naturam speciosiora talenta credidisse, qui eodem florentes sæculo amplitudine, probitate, fama decertare videbantur. *Marcello* denique Secundo de nobilissima *Cervinorum* familia, qui Prædecessorum gloriam attigit, superavit, posterorum spem dejecit, quorum assequuntur vestigia *R. P. D. Antonius Cervinus* *Politiani* integerrimus Antistes, *R. P. D. Franciscus Taurusius* inter Rotæ *Romanæ* Auditores doctrina magis, quam ordine primus, *R. P. D. Julius Riccius* ab *Innocentio XII.* motu proprio inter Domesticos Prælatos accitus, pietate, ac morum suavitate Patriæ ornamentum; an omittam summos Doctores, primis inter Minores dignitatibus decoratos, an *Duces*, plurimosque in historia *Politianensi* per *Bencium* relatos, inter quos *Vincentius Nobilius* pro Serenissimo *Cosimo Primo* Militum Præfectus, ac *Thorius Cavalierius de Pecora* à prævalidis corporis viribus, insignibus *Tauri* arreptis, *Taurusius* cognominatus, *Caroli V.* militum custodiæ Magister? an etiam *P. Magistrum Franciscum* suæ Celsitudinis Serenissimæ Theologum, typis Theologiæ thesibus vulgatum; an *P. Magistrum Cecharum* in Academia *Pisana* Theologiæ Lectorem primarium, quæstionum discussione subtilissimum. Civitas æquè exactæ integritate vitæ laudatissimis clara, *D. Agnete*, *B. Paulina*, *B. Margarita*, *Beatis Angelino Danesio*, *Hieronymo* inter *Capuccinos* Venerabili, *B. Bartholomæo*, *Philippo*, *Joanne*, *Francisco*, *B. Jacobo Pagnino*, aliisque pluribus in annalibus ordinis *D. Francisci* sanctitate, & doctrina perspicuis.

Mons *Latona*, vulgò *Totone* vocant Incolæ, ad *Statuas*, Idolorum Simulacris Vatibus venerandus conditis *Porfene* Thesauris præstigiis horrendus Annum nugis natis fabulosus, dirutis magnis saxistrata in apice Platea aeris hilaritate per jucundus.

Ad quatuor milliaria *Clancianenses*, quasi cis

F. Dynus. B. Cla-

Thoma.
maf.
Lib. 7.
p. 1.
Eques
Ninus
de bellis
Ital. Lib.
6. in eadem
Bibliotheca
Piccolomina.
60

Alex.
Trentin.
var. de
legitima
ref. 3.

Cic. de
leg.
61

62

63

Malasp.
Hist. cap.
119.

Benc.
Lib. 3.
Pogg.
Hist.
Flor.
Lib. 3.
Cinus
Vita
Cosimi
Primi
Lib. 3.
fol. 180.
190. Lib.
4. & 5.
Mamb.
Roseus
Hist.
Neap.
Lib. 4.
part. 2.
Ad Tar.
cag.
part. 3.
Lib. 6.

P. Bassius
de Nobil.
lit. Me-
diol.
Pius
III. An-
nal. Sen-
ens.
Lib. 7. in
Biblioth.
Nobilis
Francisci
Piccolo-
minei
Senen-
sis.
Ma-
levolt.
Lib. 10.
p. 2.
Platina
vita Ur-
bani VI.

Dathus
Epist.
Lib. 3.
fol. 180.

Tac.
Lib. 1.
Hist.

Clanas, generoso vino hilares, venationum amici ad epulandum prædas conveniunt infimul, ad Balnea agrotis saluberrima confluentibus exteris, Plinio *Clusina* leviora iis, quæ Oppido *Sancti Cassiani* fundit repens *Ficoncella* sulphurea, crassiorique vena fluens, incuria olim aqua pluvia infusa vehiculis, adulterata, nec capiti, nec amica melanconia, quæ litteratos studio fessos, ut plurimum torquet acriter, Exteris pluribus, ut fama, ac sepulchrorum inscriptiones loco fatentur, tanquam ad vada Lethæa haurienda transgressis.

Decem hinc milliaribus ad meridiem prærupto Monte *Clusum* in longum se protendit unius circiter milliarum murorum ambitu, via non inornatis Nobilium ædificiis decora, collis jugum, monumentis, ac reductis, quos Theatrales vocant, signa habet veteris majestatis, qua Civitate generosam jactant originem *Plebenses*, *Camertinenses*, *Cluscienses*, sub ditione *Perusinorum* in finibus diffusum *Politianenses*, ac *Tarquinienses* consanguinitatem, reliqua veterum *Etruriæ* Populorum capita, nè dum gloriæ incrementum professæ sunt, sed compressis hostibus pacem, & securitatem. A *Romanis*, quibus decertare de Imperio non dubitavit Colonia ducta, *Longobardorum* jugum passa, in qua Duces *Ildebrandus*, ac *Reginaldus*, & successivè plures; pristinae litavit libertati usque ad *Senensium*, ac *Florentinorum* propugnationes, à quibus in ultimam desolationem dejecta inter angustos muros haud vulgare variantis fortunæ exemplum. Cum attritis viribus *Etruriæ* Principum Civitatum, *Pisanis* nimirum, *Cortonensibus*, *Aretnis*, ac *Politianensibus* à Republica *Florentina* post varios rerum, sævientisque fortunæ casus sub Imperio acceptis; anno MDLIV. *Petrus Strozza* è *Mirandula* maritima *Senarum* subit, juniores describit convecto prius stratis *Campiliæ*, ac *Rosseti*, *Rusellarum* everfione dicti, auctique agris uberibus, commeatu. *Marinianus* ex Marchionibus *Mediceis Cosimo* intellecto secus, quam par erat, belli exitus subdubius, nec militiæ apparatu, numero, egregiisque Viris præstanti satisfusus, invictam Principis mentem ad consilium revocaverat, cui subridens *Cosimus* ait, majora pericula ingenio; sed ære cuncta Majoribus nostris victa manent, opes dudum thesauris Reipublicæ coacervatas ad hunc, in quo consistimus, finem, bellumque ob æmulationis causas penitus obtruncandas sub clavibus, manibus, consiliisque tuis relinquimus, in te spes Reipublicæ, ac felicitas domus nostræ. *Marinianus* ex gemmarum, auri, argentique pondere præpotentiam, & victoriam auspiciatus, pecunia, inquit, belli robur, ac fortuna, quæ duos hostes bello in longum protrahito, quoscumque, vel fessos eludit, vel deditio ni allicit, ut nec turris ahenea, robustæque fores muniant satis, vel remotos milites fama, & re feroces ad æmulos exscindendos impellit. alacerque nocte iter arripiens per insidias ad portas *Senenses* excurrit, sed *Laurentii de Castellione* Aretno providi militis cura obclusis *Camullia* cardinibus illusus intendit animum ad quoscumque validiores, nobilioresque Populos subigendos, ratusque *Ilcinenses* longe à finibus *Florentinorum Senensibus* fidos, militiaque egregios monte insidentes munitissimo, nec facile vinci, nec diu retineri; *Lucinianum* verò maximo impendio, studio, rebusque cunctis ad quoscumque casus instructum Civibus infractis, bello natis, & fortilitiis difficile, commisit *Clusinarum* arcium expugnationem strenuis, & præclarissimis Ducibus. *Perusia* Summorum Virorum tam bello, quam pace fecundissima, missis *Ascanio* de *Cornia* ex Nepotibus *Julii* hujus nominis *Tertii* peditum Magistro, ac *Ridolpho de Primati*, ac nobilissimo Domini *Petri*

A *Baglieoni* genere Equitis virtutibus maximis laudatissimi, & primis *Italiae* Principibus ab intimis, qui equitatus Præfectus armatorum quatuor millibus, ac generosa animi sui fretus virtute palam ire aggreditur, hostes evocare, & machinamenta componere; Sed *Ascanius* tutiora molitus *Santacii* de *Pistorio* fidem tentare, & hostes proditione intercipere, statutaque noctis hora castra ad *Meenia* admovit; interim *Pistoriense Senensibus* detecto facinore in inimicorum paratis insidiis cadit, *Senisque* adductus; *Baglieonus* in hostes sclopos exonerare, gladium educere, obviosque trucidare, & propè portas studiosè patefactas progredi coeperat, *Clusina*, & *Senensium* manus atrocius inflare, tormentis aggressores cedere: utrimque ferociter pugnatum; at dum *Baglieonus* januis irrumpit, suosque hortatur ad cædes à *Pippo Ciaia*, *Tura*, *Zondodario* Viris strenuissimis, quorum fidei portæ cardines crediti, cum aliis confoditur. Patres nuncio victoriæ recepto, nè inofficiosam Pontificis mentem *Nepote* carceribus addicto provocarent, ad Regem Gallorum *Ascanium* propere mittunt, & ad conficiendum bellum, dissidentiaque Civium, Senatorumque intempestivè obdurata ingenia, curas, atque animum intendentes.

C Evangelium Martyrum Sanctæ *Mustiola*, Sancti *Secundini Irenæi*, Beati *Anonimi* cæde propagatum; jactat *Flavianum* anno CCCCLXXXIX. *Gesene* Episcopum Venerabilem, *Gratianum*, qui decreta, ac Jus Pontificium in unum redegit, *Samuelem* tractatu de Sepulturis oblivione vindicatum, ac Nobilissimas Familias *Ciaiam*, & de *Deis*, ob Viros egregios fastis *Senarum* signatas.

Ad radices Montis *Cetonia*, seu *Scitonium*, dicunt *Chritoniam*, *Romanorum* Coloniam, Platea *Li. i.* Tom. 1. decenter ornata laudatur, ac Beatis *Guido*, *Pe-* Hist. *iro*, *Herculano*, ac *Bernardino Ciolo Minutello* Sen. *Sessæ* Episcopo, moderno *Dionysio Pignatello* P. Lan- *mandiolæ Ferrariæ*, *Bononiæ* Subauditore, *Ra-* duct. *Silva I-* *venna*, ac *Frusinas* generali Locumtenente; *Ge-* licetanæ *nua*, ac *Florentiæ* Auditore, ac Advocato *Vulpi-* *no* Reorum Defensore acerrimo, & opinionum *Prosperi Farinaccii* indagatore studiosissimo; *Luca Contile* eruditione præclaro, Principum à secretis, qui editis Epistolarum libris, in quadam *Cetonsibus* missa conqueritur insulso concivium animos merito ipsius haud intellecto honestiori suffragio ignarum prætulisse.

E Haud procùl *Sarteanum* Terra habitantium numero, supra trium millium, fortilitio, negociis, fide ac strenuitate Civium Nobilis, qui valida manu obsidione diu preffi, victi nunquam exemplo *Scytharum*, quos ut exornat *Justinus*:

Virtute animi non numero, opibusque censeri, vulnerum *Piccinino* in fugam verso inflictorum memoria gloriantur, & ab origine Cardinali *Cennino*, ac Patre *Alberto* Oratore litteratissimo, ac egregiis Viris nobilis generis *Gotorum*, *Fanello-*rumque.

In aprico Colle *Fullonica* Beatum edidit *Anastasio* clarissimæ Familiae *Coppulæ* feudum.

Ad occasum *Turrita*; quasi vi *Turrium*, Patria moderni *Annibalis Michellii* Ravennæ Auditoris, ac generalis ad criminalia Locumtenentis *Ferrariæ*, *Parmae*, *Florentiæ*, *Genue* ad civilia, & criminalia Auditoris.

F Ad occasum *Senalunga* Terra honesta, Præfidis Sedes, plures olim passa vastationes; nobilium quorundam *Senensium* familiarum incolatur evasit 70 illustris.

Scurfianum triste Venatoribus laudatum *Longobardis* nomen relictum. *Farnetella* inops. *Rigomagnenses* dulces eloquio læta fruuntur aeris benignitate; *Galicionenses* rudes; *Gargonsa* Turribus indicata. *Aretnis* ab hostium incurfu vindicata

cata cum *Clementis* Pontificis, ac *Florentinorum*, efferatis animis ob noviter per *Tusciam* partes discissam excita dissidia *Neapolione*, Cardinali *Ursino* dilecto pacis arbitro *Florentinis* in pervicaciam lapsis, eodemque interdictis, *Aretini* Pontificis gloriæ cupidi, ac *Florentinis* insensibilissimi *Neapolionem* in Civitate libentiùs susceptum militum decem millibus in hostes ipsius ductu commissis ad necessariam, diùque nimis protractam ultionem exsequendam impellunt. Sed *Florentini* decem, & octo millibus militum *Gargonsam* premunt obsidione exitu ancipiti; Legatus in nobili, fidoque *Bibienæ* Oppido stativam habuit sociis admonitis, & nocturnum iter celerius confingens *Florentiam* versus contendit quasi oppugnaturus, quod extimescentes *Florentinorum* acies dum ad moenia, patriasque aedes tuendas properant incompeditæ, *Neapolio* Nuncio monitus in celeritate certam inesse victoriam, sed hostium cædis arcendæ sollicitus elusis Ducibus *Aretii* petentibus pugnae signum verbis sub dubiis ut vi beneficii expugnaret inimicorum ingenia, interim iisdem transcendens montibus ab imminente clade tutis *Aretinos* spe futuræ victoriæ alacres *Aretium* ægre reduxit, Senatus *Florentini* domis, ac Nuntiis in grati animi argumentum ibidem exceptis improspere, populo studiose in excommunicationem tabescente, nec *Aretinis* satis fidens excessit rebus infectis.

Ad Montana, & Septemtrionem *Aretium* Urbs à prima ad hanc ætatem validissima una dempta *Perusia* supra Principes *Tuscorum* duodecim Civitates Splendorem Civium, opes, nobilitatemque servat incorruptam, Viis latis montanis quibusdam, & platea aquis stillantibus, negotiis, Palatiisque perhonestæ, ac amplissimo Reverendissimorum Patrum *Jesuitarum* Collegio de Republica litteraria emeritissimorum. Ambitu muri ultra tria milliaria, materiam, structuramque veterem attollunt *Silius Vetruvius*, & *Martialis* cristallina testæ *Aretinæ* Munimento prævalido Equitibus, Doctoribus, Regularibus, Ecclesiasticis Civium numero cum Comitatu ad XV. millia nobilissima amœnis in campis sita frumento, Vino, cæterarumque frugum abunde fertilibus. Scribunt conditum ab *Umbris*, vel *Pelasgis*, quidam à *Retiis*, cum *Isdrael* Judicibus regebatur; Verius *Tusciis*, quibus in ubere *Aretinorum* agro insidentibus ab *Aris Aretium* denominatum, *Tusci* à Thure dicti, quo in Sacris utebantur. Rejectis *Anni* figmentis de *Aretia*, hoc est *Vesta* Uxore *Noe*, quem modò *Vadimonem*; *Janum*, *Ogigem* modò fingit fabulis pluribus coimplicatis *Cluverio* meritò irrisus levis, ac flagitiosus cognominatus, & ob eandem rationem *Possevinus* monet cavendum ab *Alberto*, *Joanne Lucido*, *Naucerio* ineptiis *Anianis* seductis. Vestigia Amphitheatri Seniores designant, ut reliquiam regiæ munificentiae, cuius latitudo curules pariter cursus, ac equestria certamina expedita suppeditaret impendio ingenti, ut quoque Babarorum vanitas superaretur ab *Italici*.

A *Gothis*, *Longobardisque* disjecta per triennium moeniis exuta jacuit, illorumque etiam dimisso fræno in libertatem se asseruit, *Guelforum*, ac *Ghibellinorum* discissa Studiis *Senensium*, ac *Florentinorum* sæpè vexata irruptionibus, à quibus victa aliquando, & ipsa Victrix De anno *MCCCLXXXVIII*. *Florentinorum*, ac *Senensium* *Aretini* fines excurrunt præcipiti impetu armorum, sed hostibus equitanter *Aretium* usque progressis, hortis, vineis, villisque prostratis, clam è muris erumpunt, ac *Senenses*, *Florentinis* monitos, nè Sociis dimissis metu insidiarum posthabito ovantes incederent, compositius cuncta, quam festinantius agerent, dum gratulanter ad *Licinianum* *Clanarum* oppugnan-

A dum contendunt ad plebem *Toppi* adoriuntur, ac sternunt cæso Duce. Sed anno *MCCCLXXXIX*. 74

à *Senensibus*, & *Florentinis* ad *Campaldinum* effraetis eorundem, *Guelforumque* viribus *Senenses* *Licinianum* *Aretinorum* ope nunciis quæsitæ destitutum de veteri *Senarum* dominatu *Patrocinii* fœdera subire armis cogunt, in Cœnobio *Divi Francisci* pactationibus statutis *CL*. junioribus pubis floridissimæ in obsides receptis structa *Saxis* *Turri*, arcuque ingenti ad veterem arcem intermedio, utrinque paratis offendiculis, effossis puteis, hor-

B terisque interclusis, ad eludendas, ut accidit sæpè, *Aretinorum*, *Florentinorumque* irruptiones; aucti interim *Orbevetanorum* potentia anno *MCCCVIII*. cum *Politiano*, *Sarteano*, *Clusio* *Licinianum* *Eclesiae Romanae* censum, *Orbevetanis* tributum obtulit, equis militibus pro expeditione ineunda transmissis; sed familia *Tarlatorum* de *Petramala* Manent. *Aretinorum* ad summam potentiam exivit conclusa artius muris Civitate ad arcendos hostium incursum; Interim quibusdam *Lucinianensibus* anno *MCCCLXXV*. futura deditioe allicitur Episco-

C pus *Aretinus*, elusisque Custodibus Terram, nocte equis armis invadit, reliqui pro Patria, qua egregiis Viris nihil carius, hostibus vindicanda, seu mori, seu vincere parati, dum septi multitudine victoriam desperant, impetu mirabili æstuantibus animis *Aretinos* arcibus pellunt, ac porta *Filaria* confodiunt, cæduntque, ad hanc ætatem defossis in structura ædificii extra Januam *Ostium* acervis, ibidemque in memoriam facti tempore bacchanaliorum *Lucinianenses* signis diversis in partes scissi confecto *saxis* terra contextis suggestu (quod *Castellum* vocant) ad sonitum *Tubarum* cum plausu juncis filo obductis se invicem quatiant, Castello una ex partibus potita, ex adversa illud sibi met subicere præ viribus nixa. Incassum viam juris cum *Senarum* Republica per Nuncios adversus Victores capeissentibus *Aretinis*, se jus armis jactant redemisse ab iis olim relictos, nec subditos, sed *Senensium* *patrocinio* addictos.

D Sed anno *MCCCLXXVI*. *Sabinates* in potestatem Episcopi se redigunt, finitimi quoque *Lucinianenses* se jungunt *Aretinis* victoria superbientibus; etenim *Senenses*, *Florentini*, manus Regis *Roberti* contra *Ugutionem* *Fasolæ*, *Aretinosque* prope Montem *Catinum* in aciem prodeunt, victique, occiso *Carolo* ex *Nepotibus* *Roberti* in flore spei, & ætatis, at majorem gloriam, uti de *Romanis* *Pyrrhus*, *Ugutio*, quam lætitiâ habuit Justin. 1. *Francisco* filio; ac majore Militum parte cæsis Lib. 18. Valer. Max. Lib. 5. æque ob *Bruti* necem libertatem *Romanis* magno stetit, & *Crasso* *Pacoro* extincto victricia arma circumtulisse; grassantibus *Aretinis* *Tornanerium*, *Boncoventum*, *Castrum* *Rotium* diripitur, venustioribus adductis fœminis, nudatis senibus, ac Provinciam terrore armorum concutientibus, ut ipsius Imperium affectare viderentur.

E Sed supremo gloriæ fastigio elata veteri *Ubertinorum* genere, quorum *Gulielmus* Episcopus *Senensium* fines populatur, ac *Cecilianum* Oppidum invadit, Senatoribus pulsus *Sabino* receptis Imperio potitur, compositisque rebus cum *Senarum* Republica, atque exorto dissidio de finibus, Agrorumque direptione *Florentinos* laceffit ad bellum, qui *Bibienam* obsident compacto exercitu equitum, peditumque decem, & novem millium. *Gulielmus* militaris suorum fama, & alacritate permotus nihil cunctatus, nec finitumorum auxiliis adjunctis novem millia *Armatorum* *Aretio* eduxit, ire ipsum conclamare celeriter ad arma paratus, manus conferre, & propius castris constitit, secumque quod roboris erat in medio circumfundit.

F Hæc fuit insignis ad *Campaldinum* pugna, in qua duo validissimæ Principes Civitates, *Etruriæ*.

Franc.
Sanfo-
vin.
Hist.
Domus
Ursinæ.
71

72

Vetru-
vius Ar-
chit.

Cluver.
Lib. 2.

Ughell.
de Episc.
Aret.
Ann. de
Antiqu.

P. Ant.
Possev.
Appar.

73

Gerard.
Vois.
Inghira-
mus de-
sens.
Antiqu.
Hetrur-
iæ
tract. 10.

Joan.
Villan.
Lib. 7.
cap. 119.

Monal-
den. di-
cta Hist.
Lib. 3.
fol. 18. &
fol. 88.
Lib. 9.
fol. 79.

Male-
volt.
part. 1. &
2. fol.
200.

Justin. 1.
Lib. 18.
Valer.
Max.
Lib. 5.

Imperium armis disceptabant. *Aretini* vetustiorē gloriam, hi recentem, præcipuamque ostentantes, primi bellum sæpè inferre, illi repulisse, hostibus ipsis, *Tuscis*que profligatis; *Aretini* ex ipsa clade superbientes, nec hostium numero terri, spe insistere, & progredi. Interim *Florentinorum* primores de more gentis, cum pugnae initium esse vererentur, nec petere præcipuam periculi sortem, quidam ex Ducibus, *T. Man-*
lium, L. F. imitari præsumens cum Nepotibus signum hostibus, omenque belli indicare, & nomen gentis invictum juvantibus fatis præstare, cum temerè, & improvide cum aliis primos ordines turbare adoritur, insecutus ad stationes Commilitum multitudine hostium pellitur, tunc irruere acies, occidere, vulnerare, capere, cum *Florentini* impetu hostium faciliè turbantur, fuganturque, Equitesque *Aretini* victoriam conficere celerius avidi longè à suis profugos insequuntur inconsultò; Pedites *Aretinorum* non virtute, sed fortuna, numeroque impares, multitudine, Equorumque incursum perculsi, dispersis ordinibus recedentes spe victoriæ conversa rei facie in deterius, reddidere hostes alacriores, magnaue parta cædes. Episcopus gladio interemit accurrentes, ferociamque Equitum incusans fluctuavit animo, utrum protinus *Bibiena* se reciperet, an suos in extremam pugnam incendere præstaret; percontatusque à proximioribus ad fugam capeendam ipsum incitantibus, an pedites *Bibiena* infracti reduci valuissent signo receptui dato, iisque intellecto, quod pars in fugam effusa, pars cum substitisset ab hoste à fronte, & a tergo urgente circumveniebatur; tum *Gulielmus*, nec gentis se ipso adductæ desertorem, nec profugum, nec victum visuros *Florentinos* obtestatus, incedens primus, jubet invadi à latere hostem, claram satis, & insignem Virtutem esse, nec dubiam ultionem futuram strenuis viris, cum manus Equitum *Aretinorum* bello redùx exaudito suorum clamore versa extemplo fortuna integri profligatam pugnam accipiunt, sed qui inierant prælium inclusi adversus circumfusus, fessi cum recentibus, vegetisque pugnant, sed *Gulielmus* suo, hostiumque sanguine foedus cadens convocat propinquos, minis hostem territat, quasi in ipsa clade vincere videretur, excindendumque hostem clamat, cum quo nunquam pax fida, verum eo occiso omnia libidine, & licentia Militum, nihil Imperio eorum, qui præerant, gerebatur. tribus millibus hominum acie cæsis, captis duobus millibus, cæteri frequenti agmine timore ducti *Aretium*, *Bibienam*, *Castilionem* petunt, aut Montana, & natura inaccessible. Victoria, quæ magno stetit sanguine majori parte Militum vulneribus confossis, cæsis fere duobus millibus, Reipublicæ *Florentinæ* permixta Superioribus causis, eadem hora Prioribus *Florentinæ*, negotiorum mole fessis, qui somno se reliquerant mirè incerti voce Auctoris nunciata, consecutæque Urbis acclamations pluribus admiratione percitis, cum Nuncius non inesset, nec sine Numine id actum, ut æquè *Macedonibus*, & Rege *Perseo* devictis *Romæ* vulgata eadem die hostium cædes, & *Domitiano* regnante hostes validè subactos statim Urbe exaudito, sique fas profana sacris confundere *B. Pio Quinto* Navalis adversus *Turcas* Victoria, & *Innocentio Undecimo*, *Budæ* expugnatio non sine Numine confestim patetacta. Victores *Bibiena* in potestatem accepta, murisque prostratis octo exactis diebus *Aretium* ob-
sidione pulsan, sed cæsis plurimis, ustisque molibus militaribus abscedunt, temploque dudum *Martii* Sacro Galeam *Gulielmi*, exuvias hostium, ac Victoriæ munera Aris addicunt. Indè *Guidus* Episcopatum anno MCCCXVIII. allēcutus acribus in hostes auspiciis, diūque sine memorabili

A prælio decertatum, sed Militibus *Roberto* missis exterritus pacem, vel inducias hostibus petit, quibus nec diū fidus, finitimos exterret Nunciis, minaturque, & capto *Tipberno*, quò magis infensam Pontifici mentem patefaceret ob novitèr *Cortone* permissum Episcopum de gente *Ubertinorum*, eorum Oppida diruit, *Ludovico Bavaro* Ecclesiæ hosti devoto ferrea corona imposita, ad bella potius, quàm sacra natus *Burgum*, *Castilionem*, *Terramnovam*, *Civitellam* duriori jugo retinere, muris præcingi, vias ab *Aretii* portis excurrentes latari, dirigique curavit, maximè ab *Angulario* ad *Burgum Picinini* parta *Florentinis* clade nobilitatas.

B Anno verò MCCCXXV. Oppidani quoque *S. Sabini* de comitatu *Aretinorum* parùm visi *Aretinis* ad arma versis fide tuti, hinc Episcopo *In-*
colæ exilio pulsi supra mille existentes (ut refert *Tarcag. Villanus*) ædificiis, muris, domibusque, ne amplius reficerentur, eversis. Donec efferati *Florentinorum* animi de annis MCCCXXXIV. *Perusini*que in excidium *Aretinorum* conspirant: generosa illorum pectora in omnem fortunæ eventum suffectura, *Perusinos* fugant, & *Perusiam* usque equitantièr incedunt, auctisque copiis *Perusini* vastatorum manu ad bellum insurgunt avidius, *Sabino* occupato, *Licinianum* agrum depopulantur, & resistentibus suburbium, Pagumque *S. Blasii* in finibus incendunt, ubi adhuc murorum vestigia, ac propè domus ustæ nomen habent, & quos armis non subegere, privilegiis, ac receptione inter Amicos cum donatione *Griphonis* pro insignibus sibi conciliant, pacto tributo; *Aretium* *Florentinis* addicatur, sed vetustæ lapsis annis libertati restituitur sexaginta viris ad regendam Rempublicam creatis; *Licinianum* quoque à *Perusinis* rebellavit, & in libertatem se asseruit, ut idem *Male-*

C *volvus* profitetur; *Aretini* bellum, aut deditio-
nem Oppidanis indicunt, agrosque diripiunt de magis veteri suorum ditione autumantes; illi armis certare Patriam, dignitatemque, accitisque Militibus, *Senarum* patrocinium implorant iterum, ut refert *Pius III.* per hæc verba, *Aretini* *Licinianum* insignem locum *Clanarum* obsidebant, inter quos, ac *Licinianenses* varium, ac longum per XV. Annos tractum est bellum, *Senensibus* partem *Sc-*
ciorum adjuvantibus, & ne bellum cum *Florentinis* cogere cogentur, in sua libertate dimiserunt, donec de anno MCCCCLXX. & iterum MCCCCLXXXIX. Capitulis juramento vallatis à *Senensibus*, ut idem comprobat *Malevolvus*, civilitatem assequuntur, ac *merum*, & mixtum Imperium, quod prius habebant, & omnimodam Jurisdictionem, ut cum festo *B. Virginis* Augusti à Castris dominatus tributa in Aula nominatim exhiberentur, Patres cum Plebe singularitèr acclamarent, *Licinianum* amore non vi, metuque duci ad liberalem deditioem. Sed compositis rebus cum iis de Comitatu à *Licinianensibus* quoque gabellas exigi deliberant, lite apud *Pontificem* agitata *Castrensis* voto resolutum *Senenses* haud posse oneribus exemptos subicere, nec Terram vendere, agrumque distrahere, quia non esset de comitatu, sed suis nixa Juribus, ac veteri freta Imperio. *Aretini* aliis diffisi cum *Carolo* *Siciliæ* Rege in Societatem conveniunt, quod cum *Ludovico Angiovinus* a *Clemente* Pseudo Pontifice *Siculorum* Rex designatus ad injuriam revocasset, Provincialibus subactis per *Etruriam* cum equitibus, exulibus, sociorumque missis cohortibus anno MCCCCLXXXIV. triumphali more decurrens proditione *Aretium* intercipit, & libidini effrenatæ militiæ adibus, templisque relictis fortilitio *Guelfis* cum clade victorum acerrimè defenso, dum ad reliqua conficienda facinora progreditur properè, è vivis excessit, quia ut magnus redarguit *Tacitus* nemo Imperium flagitio quaesitum, nec diu consequitur, nec bonis unquam artibus ex-

D *cuit*,
Male-
volt.
Lib. 6. &
8. fol.
138.
Pius III.
Annal.
Senens.
fol. 131.
fol. 142.
in Bi-
blioth.
Picco-
lom. Se-
ntidom.
Chron.
Sen.

E *Castrenf.*
conf. 85.
& conf.
292.
Tuscul.
litt. 1.
concl.
448.

F

Aretin.
 Hist.
 Lib. 4. &
 5.

80

81

Albert.
 Ital. de
 Aretio.

Guic-
ciard.
Lib. 5.
Hist.

cuit, eoque vita functo *Aretium* venditur *Florentinis*, qui pretio magis, quam virtute fregere
 85 *Guelphorum* animos arcium deditione, atque ita vi-
 gentibus ad concordiam revocatis, exule *Petro Medice*
Medices anno MDII. *Aretini* rebellant iterum. *Episcopus Cosinus* *Florentinus* ex liberis *Gulielmi Patetii* *Commissarii* munimento profugus jura liber-
 tatis patriae tuebatur avidius, quam tutius, fra-
 ctam fidem increpans obsidentibus, quibus *Vitel-
 lozzio* de vetusta, & à pluribus sæculis generosa
 nobilitate perspicua *Marchionum Vitelliorum* fa-
 milia, & eximio Duce *Joanne Paulo Baglicono* ad
 ferendas suppetias evocatis, susceperant *Senatores*
Aretini conducere Milites, leges indicere, ac hor-
 tari finitimos, & atrociam moliri; cum *Vitellozzius*
Pandolphi Petrutii Senarum Moderatoris epistolis
 intellectis, quibus se enixè paratum asseruerat *Pe-
 trum Medicum* optimum Principem, & pacis stu-
 diosum, in *Florentiae* dominatu reconducere *Tipher-
 natibus* suis, ac auxiliariis *Perusia Baglicono* missis
Aretium fortiter pervenit, ac fortitio militibus
 vacuo præfidiis præmunito aucta ad *Clanas* ditio-
 86 ne, cum *Mediceus* manus junxisset, *Montem San-
 cti Sabini*, *Castellonem*, *Cortonam*, *Bibienam*, *Pu-
 pium*, ac *Burgum* potestati, armisque *Mediceis* re-
 stituit, gratiam, & Principis mentem sibi, ac fi-
 dis, deditissimisque *Nepotibus* munificentissimè
 mansuram assecutus. Habeo Auctorem sine ullo
 memorabili prælio cunctas *Vallis Clanarum* *Ter-
 ras*, atque *Oppida* in gratiam *Petri* reducta, me-
 tuque actum; nè irruens vastatorum manus ma-
 turas messes arriperet, quod veritati absonum, nec
Gentium gloriæ cedit, nec mihi probatur *Sabi-
 nenses* providos, *Castellionenses* superbos, *Corto-
 nienses* potentes, *Lucinianenses* feroces, *Aretinos*
 armigeros vili rei frumentariæ jactura incruen-
 tam sustinuisse victoriam, an veriùs *Medicea* fe-
 licitas fortunæ arbitra crebriore pietatis, ac ma-
 gnitudinis rerum fama aureæ, perpetuæque spe
 pacis illexerit animos, hoc palam, *Guicciardini*
 mentem percipi de *Oppidis Clanarum* ditio-
 ne *Reipublicæ Florentinæ* degentibus, quia quam pluri-
 ma de juribus vigilum *Senensium* regione diffusa,
 87 ac *Lucinianum* turpiter nunquam subactum *Vitel-
 lozzio* *Senensibus* amico ad sinistram copias admo-
 vente arma tuebantur, & patrociniū *Senarum*.

Agebatur annus MDXXIX. cum *Filiberto* ad-
 versus *Mediceos* per *Carolū V.* copiis in *Tuscia*
 præfecto *Aretini* ultrò accedunt, & nomine *Ca-
 roli* deditio stipulata merum, & mixtum impe-
 rium permissum, & statutorum, legumque eden-
 darum jura, sed pacatis diffidiis improspere omnem
 lapidem movent *Florentinorum* jugo eximi, nec
 obsides, nec tributa recipi rescriptum, motu *Cæ-
 saris*, votoque, precibusque *Clementis Medicea*
Familia Tuscis in Principem dudum destinata in-
 fracta, prosperis melior adversis.

Romulo Etruriæ Apostolo fidem suscepit, sen-
 sim tamen, *Laurentē*, ac *Pergentino* fratribus, &
 deindè *Donato* *Episcopo Martyrio* decoratis ad per-
 ennitatem confirmatam. Tradunt *Cælestinum II.*
 ignotis ortum Parentibus, verum sanctimonia, ac
 Litteris memorabilem in agro de veteri *Aretino-
 rum* ditio-
 88 *Felicitatis*.
 Habet spolia *B. Gregorii*, *Innocentius V.* *Are-
 tio* creatus, *Leonem V.* scribunt *Aretinum*, *Episco-
 pus* Principis Imperii titulo insignitus, ac *Co-
 mitis Cese* dictæ cæsis *Silla* incolis, *Dioecesis* o-
 lim latissima argumentum veteris dominatus limi-
 tata fuit *Cortonensis* à *Joanne XXII.* *Pientina*, ac
Ilcinensis à *Pio II.* *Politiana* à *Pio IV.* *Burghi* à
Leone X. *Archiepiscopus Senarum* ex *Aretino*
 amplificatus. Quot *Ecclesiæ Antistites*, ac *Du-
 ces* per *Buralium* enumeratos, quos supra bis cen-
 tum negligenti calculo obliuosa recenset *Anti-*

A quitas, & ostentat Patria, ut de *Grachis Corne-
 lia Mater*, hæc sunt *Domus* meæ ornamenta;
 Nec omittam *Franciscum Redum*, *S. C. Sereniss.*
Physicum, *Pisis* Lectorem, editis voluminibus
 Excellentissimum, ac *R. D. Baccium* Vicarium
 Episcoporum *Aretinorum*, Cardinalis *Cursini* Au-
 ditorem, *Florentiæ* Advocatum eximium, Reve-
 rendissimum *P. Capuccinorum* Generalem *Bernar-
 dinum Catastinum*, ejusdemque Socium, & Con-
 89 filiarium *P. Franciscum Mariam Casinum* *Theolo-
 gos*, & Oratores toto Orbe celeberrimos, *Paul-
 um Franceschinum* Curiae Advocatum Cardinalis
Brancati de Laurea à secretis arduis rebus assum-
 tum; Virum summæ Integritatis *Marcellinum*
Albergottum V. Signaturæ Referendarium Lega-
 tionis *Ravennæ* Vicelegatum, cumulatibz benefi-
 ciis recolendum, qui invidis proculcatis, merito
 ad munera Gubernatoris Civitatis *Cæsenatensis*,
Reatine, *Orbeveti*, ac *Montis Alti* ætatis flore
 promotum; & olim *P. Guidonem* Musicum etiam
 Theologos inter doctissimos habitum, *Petrum* ver-
 naculæ linguæ ornamentum, *Leonardum* litteris
 græcis, ac historia vulgatissimum, *Angelum* Sum-
 mum Practicum *Ludovicum*, ac *Carolū Brunum*
Reipublicæ Florentinæ à secretis, *Joannem Tortel-
 lium*, *Franciscum Albergottum*, *Franciscum Accoltium*
 C Jurisconsultos litteratissimos, Patrem *Augustinum*
Bonuccium Servorum Generalem vigilantissimum,
 Patrem *Franciscum de Pitigianis* Minorum de Ob-
 90 servantia, scripsit disertissimè *Summam Theologiæ*
speculativæ, & moralis, *Commentaria* in tertium
 librum sententiarum, & Annotationes in octavum
 librum *Physicorum Scoti*, *Serenissimi Ferdinandi*
Ducis Mantuæ Theologum, eruditis carminibus
Concivium Emilii Vezzosi, ac *Appollonii* concele-
 bratum, Reverendissimum *Baccium* Prælatum
 eximium Honorato commendatum, *Petrum*, ac
Benedictum Accoltium Cardinales, *Stephanum Bo-
 nuccium*, *Paulum Buxalium*, *Benedictum*, *Bernar-
 dum Tarlatum*, ac *Galeottum Tarlatum* *Petramam*
 D ab *Urbano VI.* in cœtum *Purpuratorum* dile-
 ctum, pietate, animique magnitudine Cardina-
 les amplissimos, *Archiepiscopum Durantem*
Tarlatos, *Petramalos*, *Borros*, pluresque litterarum
 studiosissimos, Lectores, Oratores, *Physicosque*, *Spond.*
 quorum gesta memorabilia integro volumine con-
 scribenda, dolendumque, *Aretii* litteratorum in-
 curia clarissima augustæ Civitatis monumenta ob-
 livione contegi, aliosque egregios bello Viros
 Præfectos Generales de Nobilissimis Familiis *Mar-
 chionum Sanctæ Mariæ*, *Montis Acuti*, *Albergot-
 torum*, *Actiorum*, veterum de *Brandaglia*, *DD. P. Ciacc.*
 E *Chitignani Buralium*, *Lambardorum*, *Sacconum*,
Tortellium, ac *Familie Gualterie* ejusdem credunt
 agnationis Eminentissimi Cardinalis *Gualterii Or-
 bevetani*, *Riccie*, *Nardæ*, *Octaviane*, *Subianæ*, *Chron.*
Cipolleschæ, *Gambilione*, *Accoltie*, *Bonuccie*, *Pontif.*
Baccie, *Ubertinæ*, *Judicumque*. *Ciocchorum* *fol. 386.*
Familiam Montium dictam, quorum Palatium *Michaël*
 cum in signis *Aretio* patet, jactat de *Concivibus*, *Buch.*
 & ob Civium jurgia per *Montana*, ac *Oppida* *Hist.*
Comitatus confugisse, quæ *Antoninum*, *Innocen-
 tium*, *Familie* addictum Cardinales, ac *Christo-
 phorum*, quem dicit *Aretinum* *Ciacconius* (stem-
 mate dissimili) *Petrum* Magnum *Melitensem* Ma-
 91 gistrum, ac *Julium* ostentat *III.* quem *Are-
 tinum* scribunt *Spondanus*, *Manentus*, *Cariæra*,
Buchingerius, ubi dicit Patria *Aretinum*, *Oppeme-
 rus*, *Buffieres* *Scriptorum* consensu; sed hic inci-
 dit quæstio, quæ de *Homero* apud *Græcos*, quem
 aliqui *Chium*, alii *Colophonium*, *Atheniensem*, *Ar-
 givum*, quidam scripsere *Thebanum*. Nam *Chro-
 nicis* *Montis* Fratri *Fortunio* ascriptis legitur *Sa-
 binus*, sed ab origine de *Florentinis*, & communi-
 ter traditum antiquos *Julii Sabino* natos, quic-
 quid credant *Lucinianensem* Seniores quosdam de
 B 3 eodem

Hon.
Fasci-
tell. in-
ter Epist.
Joannis
Turchii
Lib. 2.

Spond.
ad Ba-
ron.
Cyprian.
Man.
Hist.
Lib. 2.
fol. 168.
or.
P. Ciacc.
prima
impress.
P. Franc.
Car.
Chron.
Pontif.
fol. 386.
Michaël
Buch.
Hist.
Eccl.
Pet. Opp.
Chron.
Orb.
P. Joan.
Buffie-
res Soc.
Jesu
Chronol.
Princi-
pum.
Fortun.
Chron.
Sabin.
92
Panun.
de Pon-
tif. Ad-
dens ad
Plati-
nam.

Bural. de
Episc.
Aret. fol.
33.
S. Anto-
nin. part.
2. tit. 12.
S. 14.
Hist.

eodem *Ciocchorum* Sanguine *Luciniani* se reduxisse. *Politianenses* quoque *Julium* acerrimè in Civem respiciunt, Nepotem Cardinalis *Antonii* cum iis de agnatione ibidem inhabitantis, & sunt argumento *Catharina*, ac *Ludovica Montium* nuptui traditæ domi *Taurusorum*, Nobilium, *Pucciorum* que, ac duo Cardinales creati, gratiæque plures singulariter Civitati elargitæ, inter quas potissimum recenseretur electio in Pontificem *Marcelli* M. S. ad II. Familia *Montium* præ viribus procurata, & finem. probant Epistolæ *Barberio* relatæ ab eodem Pontifice *Politianensibus* *Concivibus* missæ. *Senenses* Lib. 2. fol. 168. verò ne dum ex linea materna dicunt *Senarum*, & Lib. 4. fol. 91. sed educatum in eadem Civitate se pluries in Civem subscripsisse. At *Genebardus* decedit *Julium* esse Pontificem *Romanum*, ortum in Urbe *Vin-*

93 centio Curia Advocato primario reprobato *Thuan-* no, qui scriptum reliquit, *Joannem M. Montium* *Montanum Aretinum* in humili loco natum in Pontificem renunciatum, quia ut docet *Tacitus* veritas pluribus nobis infringitur ira, studio, vel quia posterii manent: at vulgò traditur *Julium Aretinum*, vel ab insigni, vel ab origine nomine indito, qua foeti Civitate Beati *Nicolaus* Servorum, *Augustinus* Ilicetanus, *Benedictus* Minorum, *Rainerius*, *Sinigardus*, ac *Iustina*, Sanctus *Laurens*, ac *Per-* gentinus, *Asterius*, *Iustus*, *Ermenius*, Sanctus *Andreas* *Gualconus* cum iis de Familia, aliisque innumerabilibus Paganis *Christi* fide jugulatis.

Quinque milliariibus ab *Aretio*, & à *Cortona* totidem lato, ac diviti Colle *Castilio* *Aretinus* dictus, sed habita quæstione de nomine cum *Aretinis* statutum ad vitandum jurgia, ut *Florentinus* denominaretur; supra Oppida par Urbibus, quibus *Florentiæ* Magistratibus Serenissimi M. Ducis mandato nobilibus Viris inscribitur Civium numero ultra quatuor millia, negotio, Equitibus,

94 Laureatis, Regularium, ac Ecclesiasticorum dignitate fulgentium copia nobilis, singulariter Civium habet ordinem, & plebem. Pulsis *Silla* *Ac-* colis, disjecto *Aretio* lapsis annis plurimos *Aretinorum* in Collibus illis cum Incolis simul in communionem convenisse, vel inter *Aretinos* novos veteribus proscriptis connumerari, non autem ab *Aretinis* se conditos fatentur, quàmvis *Cortonen-* ses eorum ruinis dicant Castrum derivasse cum eodem Protectore Sancto *Michaële*, ac signo *Draco-* nis utantur, eorum tamen fama, dum *Romani* rerum potirentur, obscurissima fuit. *Blondus* rectius scribit ab amplitudine *Castellonem* nominatum, diùque sub *Aretinorum* Imperio conquievissè, murorum circuitu ferè per milliare extenditur, latis viis, Templisque non inhonestis, gens rudis eloquio in agilibus alacer, ingenio superelato, nec finitimis Civitatibus se imparem credit; egregiis Viris illustribus *Lapo* allegationibus Latinis, Græcisque litteris eruditissimo *T. Porcbachio* editis Geographiæ, Historiarumque voluminibus, Additionibus 95 ad *Guicciardinum*, & sepulchralibus veterum Inscriptionibus vulgatissimo *Marco Mancinio* insigni ex tempore Poëta, Lectore primario Philosophiæ *Pisis* missio *Petro* Cardinali *Ostobono*, quo Medico usus est, *Prospero Thedescio* Paduæ, *Pisisque* Lectore; in utroque Jure consultissimo D. Advocato *Serrato* *Pisis* Lectore, Reverendissimo P. D. *Romeo* Prædicatorum Generali, Archiepiscopo *Lambardo*, *Gioia* *Dracomanno* Bononiæ Vicelegato Episcopo *Pientino*, aliisque æquè illustrium Domorum de *Brozzis*, *Gacis*, *Pasquis*, *Tacciis*, ac Beato *Benedicto Moncetto* Ilicetano strictioris observantiæ Promotore vigilantissimo. Sub Principatu Sancti *Sabini* *Annius* Historicorum levissimus, teste *Cluverio*, scribit *Ogigianum* Coloniam *Tusci* Patre *Noe* fundatam, quem & *Ogigem*, & *Janum* confingere ausus.

Collibus circumdata Terra *Montis Sancti Sabini*

A copia rerum, Mercatura habitantium fastu, ostentationeque in Academicis, Comicisque Viris eruditissimis lapsò sæculo illustrata, in qua litterarum Cultores laudantur, & pollent plurimum estimatione, & fama. Vicus erat (inquit *Fortunius*) sub Monte ab herba *Sabina* solo producta denominatus, dirutusque, à quo nomen, genusque susceptum, qua ætate in incerto, tutius creditum ab insigni, & nomine ipso patet origo, quod Sancto *Sabino* fide, summa paupertate, prodigiis, meritisque ad suprema *Christiane* pietatis incrementa perducto pro Patrono habito prope Ecclesiam Plebis in apice collis Divo dicatam ubertate comitatus, atque Cæli clementia Fidelibus latè diffusis confluentibus, siyè ut accidit metu armorum grassantis exercitus incolis Monte profugis, excreverit in Pagum, Oppidumque, & tractu temporis evaserit Terra muris circumdata *Senen-* sium, sub quorum quievit Imperio ære refectis, habet Palatium Familiae *Montium* *Concivium*; aliaque plura ædificia veterum familiarum. *Calabriæ* Duce adversus *Florentinos* exercitu instructo obfidione cingitur, *Florentini* valido numero suppetias laturi accedunt propius, initæque inter utrumque exercitum quatuor dierum induciæ, ut remissi Militum animi, acriores in aciem resurgerent, quibus lapsis statim *Sabinum* expugnatur, *Florentini* consultò recedunt, ac *Romæ* pace firmata *Francisco Dyno* *Clanarum* Commissario, ut *Chronicis* legitur rescriptum, ut *Sabinum*, aliaque Castra *Florentinis* relaxarentur; finitimi populi incursum, ac vastatione Sancti *Vitalis* Patroni auxilio *Sabinates* mirabiliter tuti ad exturbandam repentinam obsidionem resonantibus Cælo tubis, ac fragoribus somno promptiores excitati, hostibus per nemus veteris *Lucinianensis* Abbatiae insito quodam horrore transversis lætabundi per Oppidum, agrosque incedebant. *Julio* regnante *Montium* Nobiles abierunt in feudum, & deinde in Marchionatum Domus *Ursinæ*, modò in Serenissimæ *Medicæ* Familiae Principatum cessere. Vix substinere valent potestatem Præfecti Militum *Luciniani* residentis subire, quod *Axianenses*, *Senalungbenses*, *Castrinovi*, *Rigomagni* *Clanarum* milites opportunum, decorumque putant, cum nulli impares esse virorum memoria dignorum arbitrentur, inter quos *Fabianus de Monte*, ac *Vincentius* Curia Advocati celeberrimi, & plures ad Prælaturam evehti *Chronicis* *Fortunii* satis superelati, & Fasti *Senoviter* Reverendissimus Episcopus *de Petris*, *Sallustius* Episcopus *Stringuli*, *Eliseusque de Bartolis* ab origine, in primis *Italiæ* Tribunalibus Judices, Præsidesque, pluresque de Illustribus Familiis, *Galletta*, *Buccia*, *Gungia*, ac Reverendissimus Metropolitanæ *Senensis* Canonicus *Guccius* litteratissimi Cardinalis *Cæli Piccolomini* Vicarius Generalis, doctrina, & integritate laudabilis, *Petrus Franciscus Minottius* edita Poësi, ac legali disciplina perspicuus, & Modernus *Petrus* quondam optimi I. C. *Silvii Buccii* Provinciæ *Lucensis* Auditor. Propius *Clanas* *Martianum Strozze* clade insignitum cum pingui Villa *Puteana* ad avitum usque *Essam* Planitie diffusa.

B

C

D

E

F

tatem prospectus. Tribus superbit Turribus ann. MDLVIII. arce inaccessibili rudi tecta marmore, *Sillana* dicta, incendio diruta summo impendio vetusto *D. Michaëlis* Templo ruinis refecto: reliquæ structura vetustissima augent signa antiquitatis magnis saxi sitæ ævo detectis cæmentis, absumptisque. Ea præcipuè suprà puteum vetus pratoriana à citandis Reis nuncupata, in qua cubitis suprà solum XXV. unus, arcusque patebat aditus ab incursione hostium, vel parta præda confugientibus, saxi, hastisque ferratis ad defensionem paratis, tormentorum usu neglecto, bombardarum priscis ætatibus ignoto: variis cincto latorum murorum septis Oppido sub hortis Lycei publici ad veterem januam, qua via ad Suburbium in longum protrahebatur, dilatoque giro minùs milliare eodem singularitèr rotundo, Turriculis, ac Turronibus hinc indè ad offensam dispositis ad formam Munimenti, quod perpetuis odiis *Aretini*, *Senenses*, *Florentinique* loci opportunitatè, & dignitate armis decertaverunt. Quatuor suggestis tormentariis anno MDLIV. præmunivere *Strozza*, *Gallique* Regiis Liliis lapidè suprà *Filariam* adhuc patentibus, ac *Cosmus Primus* Fortilitio amplissimo à fundamentis erecto Colle finitimo, eoquè notæ fidei Militibus, Ducibusque tuis credito Regionem frænavit sub novo Principe reluctantem, ac ambiguos *Lucinianensium* animos, hinc *Sanleoninus*:

Gallica Adarmoreis hæc propugnacula Septis Muniit.

Circum Oppidum plurimi fontes, puteorumque perennes venæ impendio quæsitæ, caveæque passim diffusæ pro Frumentis, Ordeis, Bladisque, victu equino fervandis. De cætero apud *Lucinianenses* parsimonia est magnum vectigal, satisfique patrium pingue solum, quod emi exteris venditum; lingua; aspectuque prompti, gratique, gradus, ac gratiam apud Magnates. assequuntur, ac *scribis initiis, incurioso sine*; cum nec iis de plebe sit *infra Servos ingenium*. Juvenes indole, & habitu egregii otio noverca virtutum tabescentes, tamen apud eos frequens Academia, Comicaque exteris plausibilis visa; pace remotis armis suprà cæteros Comitatum; ut *Ninus* inquit latitudine, ac fertilitate, cuique Civitati decentem villis, vineis, silvis, ac frumenti copia reddidere uberiores, divitemque, expurgatis aquis palustribus per tractum *Fluennæ* ad Montem *Alphonfi* Regis cum copiis mansu *Clarum*, *Datho* *Senensi*, *Lucinianum* trans *Clanas*, *Bartolusque* meminit de *Padulibus Lucignani*, sic paludes loco dictæ, suprà quas collibus amoenis frequens olea aquis amica fundens oleum *Lucinianum*, & olim cecinisse juvat.

Floruit Aretii proles Licinia Terris,

Undè olea, & vetus hæc Oppida nomen habent.

Et expressè *Plinius* percipiendus de illa parte *Italiae*, quæ habet Oleum *Lucinianum*, & vulgò inquit, *Principatum in hoc quoque bono obtinuit Italia toto orbe, maximi in agro Venafrano, ejusque parte, qua Lucinianum fundit Oleum, cum Liciniae gloria præcipua Olive, nec Oleum Lucinianum aliunde, quam ad Clanas invidorum divinatione exquirendum, nec alibi inesse comprobatum, & pateat nomine, & re olearum excellentia, & Italiae fecundissimæ bona ad agrum unius Oppidi Venafrani Plinium reduxisse in prægnantissima Historia fatuè censendum, cum nostris hæc sæculis quoque optimum, copiosumque insit in Olivetis ad Montana *Ligurum*, ac propè maritima Provincialium, & perangusto *Venafrani* Comitatu effundi *Lucinianum* suprà illud concelebratum improbabile visum, à magis insigni fluxis rerum nominibus, ac vocabulis, & de *Venafrano* primo meminere *Plinius*, cæterique Veterum.*

Hoc tibi Campani sudavit bacca Venafrani.

Viridique certat

Bacca Venafro.

Ipse Venafrano piscem perfundit.

Et in specie de *Liciniano vulgatum*, *Licinia dat Oleum optimam, Sergia plurimum, & Licinianum unguentis Medicorum apprimè Amicum, & præcipuam gloriam Liciniae Olive attollit Plinius, non corruptè legendus Baccas Liciniae nulla avis appetit, quia in aridis tantum oleastris prodige natura inter saxa, vepresque eductis soli appetentia observatum, vel oleis immaturitate acerbis nucleo, & fanie, cum Olivam præmaturam, mollem, liquore amabilem devorent ferè eunctæ Volucres, & Loci Familiares, traditumque*

Licini Baccas appetit omnis avis.

Terra venusta molibus militaribus Servorum templo *Deiparæ* de *Quercu* miraculis claræ, ac Minorum, quod *Cœnobium* dicunt in hospitium secundum *D. Francisco Patrono Tusci* susceptum, ac *D. Felicis Papæ*, & *Martyris Patroni*, in quo *Felicem* in *Etruria* profugum Baptismate ad radices Montis propè *Silvæ Paternensem* *Lucinianenses* timore Paganorum abluisse traditione creditur.

Gens ad arma ferox, ut *Mutius* asseruerit, virtutem *Lucinianensium* sæpius jam *Senensibus* prospectum. Etenim anno MDXXXV. *Florentinis*, *Copii Pontificiis*, *Exulibusque Senas* obsidentibus, & incenia ad *Camollium* tormentis suprà Collem quassantibus, *Nardus Cioignius* *Lucinianensis* Capitaneus obtulit se cum strenua *Lucinianensium* manu paratum tormenta alto suggestu submovere, hostemque pellerè, quod nec temerè dictum, quàmvis difficile nota militum audacia judicatum, quibus plures Juvenes *Patritii* gloriæ cupidi sese jungere non erubuerunt. Vexillo *B. Virginis* *Venerabili Margharita Bichia* recepto, Janisque fortitèr patefactis non per vias latentes, tutasque, sed palam incedunt contraictus bombardarum, mo-

ri, sed vincere parati, captoque feliciter suggestu, everfisque tormentorum rotis manus conferunt, ut *Leonida*, ac *Miltiade Ducibus* de *Græcis* fama vulgavit, quingenti adversus decem millia, hostesque valle ruentes trucidant, ut describit *Marcus Guazzus Lucinianensium exaggerans virtutem, fortitudinem, fidem*, mirari *Senenses* obvios ire vulneribus Milites, generosa pectora, & pro liberrate animam effundere paratos, *Nardum* suos cohortari ad cædes, properare, ut non ad bellum, sed ad victoriam incederent, & prosperiore eventu exciti alacres à latere, & à fronte inceniis erumpunt in perculosos impetum faciunt, fusosque obtruncant, reliqui animos attollere, & in fugientes acrius sævire, tum spectaculum horribile in campis patentibus, sequi, fugere, occidi, capi, equi, atque viri faucios incurfare, simul omnia strata sclopis, armis, cadaveribus, & humus ad ima sanguine profluens. Duces *Florentini*, *Gallique* irruptione *Senensium* exterriti, raram circa ipsos agmen, non ardor animis fluxa arma, segnes equi, commeatu, suorumque Imperio libidini victorum permisso in fugam ruunt incompotitè; pulsi cum faucis integri fuomet ipsi metu, & angustis viarum conflictabantur, arma & signa militaria, pleraque capta. Tàm magnæ gloriæ, famamque victoriæ *Lucinianensibus* pugnae illius ag-

gressoribus cum quibusdam Junioribus *Senarum* præcipuè debent consensu tradunt, quibus (ut fatetur *Thomasius*) gratiæ habitæ publico nomine, *Cioignorum* familia primo nobilitatis Ordini ascripta, & factis *Senensibus* laus ingens, perennisque Victoribus concessa, duodecim desiderati sunt de *Oppido Lucigniano*, ejus gentis quadringenti pedites ductu *Nardi Cioigni* strenuè dimicantes in *Republicam* fidem egregia cum laude probarunt, indè *Lucinianenses*

Horat. carm. 2. Ode 6. Juv. Sat. 5. Bero. Rut. de re rust.

Plin. loc. cit.

104

Victor. Mutius Licinianens. de fortitud. & remilit. fol. 13. & 39.

Marc. Guazz. Hist. fol. 25. ad 33.

106

Thom. part. 2. M.S. in Biblioth. D. Franc. Piccolomini Senens. Fasti Senens. vita Marghar. Bichie fol. 333. Pompæ Senens. tit. 29.

Seb. Sanl. Cosmianarum actionum. Epig. Lib. 3. fol. 86.

Ninus de bell. Ital. Lib. 5. & seq. in eadem Biblioth. D. Francisci Piccolomini Senens. Dath. Epist. Lib. 3. fol. 182. Bart. conf. 193.

Anton. Brucio- lus Plinio vulg. Lib. 15. Landinus Plin. vulgari in prima impressi- one.

ses fidi, dudum civilitate inter Nobiles secundi Ordinis donati inter socios habiti, Magistratibus ineundis delecti, datis immunes, leni imperio ob ea fidelissimi, & gratissimi reputabantur, muniti adversus hostem non mœnibus modo, & armis, 107 atque viris, verum, & multo magis turrati Collis asperitate, quibus per *Marcum* Mediolanensem perpenfis, ut ipsius verbis utar, *Lucinianum*, ait, *Terram rebus cunctis fortissimam.*

Marc.
Anton.
Mistalia
vita

Joannis
Medicei
March.
Marinia-
ni fol.
177.

Itaque rebus pace circumcompositis, novum, atroxque inter *Clementem VII.* & *Carolus V.* exarsit odium, qui præmissis *Borbone* cum immani exercitu ad *Romam* oppugnandam, & Pontificis elatam mentem excindendam asperiora moliebat, is liberè nullis exturbatus insidiis per *Clanas* transvectis copiis impunis vagabatur, Castris Plebenses fidi aditum, ac victualia septi muris non infauſto eventu contendere ausi, quibus non incruenta victoria subactis ad Urbem discursum, *Borbonius* interfectus, nec *Romæ* satis incendia, rapinae, stupra, sacrorum, profanorumque contemptus in ultionem censita: nam quod in ejusmodi rebus accidit consilium ab omnibus datum est, periculum pauci sumpſere, Pontifex profugus, velut sine Duce quisque rebus privatis consulere, & qui vitam fuga tuebantur, morbosa lue passim grassante, auctaque fame, viis, agrisque interibant: 108 *Borbonis* imperio potitus *Oranges* victis hostis infensor, qui aere *Senarum* intacto, ac lætissimo allectus *Tusciam* subit cum Equitibus, pedite, ægrisque insequentibus, *Florentinisque* oppugnatur. Copiis denique Dux designatus *Ferrantes Gonzaga*, Vir magnis ausis promptus, plura Oppida Vallis *Clanarum* armis circuibat, & naturali avaritia, instinctuque flagitante exercitu, *Hispanis*, locorumque purgamentis compacto (*in omnes libidines effuso*) horrea, Villasque opimas rapi, flammisque absumi, indulgent votis Militum Præfecti, atque hinc ire præcipientes gliscere flagitia, & infamia, nec ulla moribus corruptis olim plus libidinum circumdedit, quam illa colluvies, nec quicquam improbi moris reservatum. *Senenses*, ut à finibus averterent bellum, legatos nominant, quibus *Gonzaga* responsum se subventurum sociis concessurum usurpata, & excessam Rempublicam truncatis dissidiis feliciorum redditurum, iisque magnificis verbis fides habita. Sed *Senensium* mentes elusus, & fluctuantia in diversas partes ingenia appositis munimento præsidii fræno compositurus, quod *difficilius est temperare felicitati, ac cupidini dominationis, qua non putes te diu usurum, & multa bello impetu valida per tædia, & moras evanuisse*, pingues prædas, & cuncta avidius arripere, & *Luciniani* Oppidi potiundi maxima cupido invaserat opportuni, tum propter usum belli, tum quia res aspera videbatur, & *Senensibus* sæpè infauſta, quæ postquam Oppidani cognovere, res primò trepidè, metus ingens, malum improvissum, sed id facinus contra jus gentium admisum fidem populo naturaliter insitam, durasque quorundam cervices ad bellum instigaverat, nec ultra mora, itaque januis obclusis, nunciisque *Senensium* incassum suppetias implorantibus, incolarum mille Viri Sacramento adstringuntur invicem, nec labori, nec periculo parcendum, animam pro Patria amittere, lares res domesticæ, natiq; non amplius ad preces, sed asperam ultionem accendebat animos. *Gonzaga*, ut tentaret Oppidanos institit Exploratoribus victualia, ac commodas interim mansiones tradi. initium id il-

Tac.
Hist.
Lib. 2.

110

ludendi minùs validis, vel si resisteretur, causa belli. illi renuere, se Amicos *Senensium* jactare, pace inniti, hanc appetere flagrantius, ac Cæsaris clementiam invocare; contra hostes urgere, & expugnare contendunt: sed jura pacis non violaturos, ubi parerent petitis, sed cum tuerentur Op-

Alido opere, & natura munito nullius idoneæ rei egente, armis, Virisque opulento satis hostibus cognitum mentes incolarum, structuramque muri æqua duritie obstare, iisque, qui machinamentis præcesserant sclopiis, igne, & lapidibus detrudebantur. Tentat undique omnia, & circumspicit intentus; diebus, ac laboribus consumptis se mediis hostibus inesse animo reducens, incertus an omitteret inceptum: verum eadem fortuna, eadem utique via, qua *Mario* indulſit in Oppidi *Capensis* expugnatione *Ligure* quodam aditum aperiente, ita ea res *Gonzaga* fortè, quam consilio melius gesta est. Clericus idemque puer venationi vacans fragore intellecto propè latebat sepibus, ubi modò *Cappucinatorum* Cœnobium colle su- 111 pereminet, militibusque grassantibus carceri addictus, qua facilior, nec adeò munitus inesset murorum locus detegere coactus. is recentis operis structuræ gnarus, qua ocyus diruta per fenestras familiarium, portasque hortorum apertas pateret aditus sub Turre Senioris Capitanei *Bernardini Setti*, hac via, inquit, pedibus, manibusque per caveas murorum gradatim allevati progredimur Juvenes. Palam est hunc fuisse ex natis olim *Marci Bruni* viri *Pandulphi Petrutii* ab intimis, cujus ope Loci plateæ medio Palatium struxit injuriose monitionibus Priorum, Prætorisque in leve habitis signis *Pandulphi* muro defixis affectans Patriæ imperium, actumque, ni Seniores intrepidè præcavissent. Quo Militibus intellecto nocte umbras circumfundente paratis omnibus parte murorum adversa dum confertissimis armis *Gonzaga* obſessos exturbat, *Hispani* admovent scalas, ascenduntque, & fenestris patentibus erumpunt. quod ubi *Lucinianensibus* cognitum, plures strenui viri accurrunt 112 aditu decertaturi, inter quos *Joannes Jacobus* * Capitaneus egregia edita pugna cecidit, sævitumque violentia, ferro, flammisque; & postquam in ædes irrupere, scrutantur loca abdita, clausa effringunt, strepitu, & tumultu, omnia commiscunt, indè spoliare, imbelles fœminas rapere vi, & stupris polluere in omne fas, nefasque avidi, aut venales, non sacro, non profano abstinebant mortalium sceleratissimi, superbissimi, nocentissimi, incensis ira publicis documentis præviis signis latere *Christi* vetustioris Fraternitatis *Sancæ Crucis*, Monialium modò *D. Clare* sanguine profuso, eodemque vase sacro observato scelere hostibus ablato, absumptoque; frugum quoque egestas, & exorta ex eo fames in prodigium accipiebatur. *Hieronymus Brunus* Vexillifer, *Dreas Ciognius*, cæterique Priores, *Defensoresque* de septem pro tempore, quorum nomina invisâ oblivione sublata, cum suum unicuique decus posteritas rependat custodibus dati sub arcu ad utramque arcem intermedio immanitèr laqueo suspenduntur gloriam *Tyriorum* as- 113 secuti, quos *Magnus ille Macedo in memoriam cædis crucibus affigi mandavit.* Credunt senes vulgata traditionem anno proximè exacto ante Urbis excidium *Borbonem* ipsum diræ cladis Autorem, & in proposito, quædam prænotavit *Joannes Baptistæ Vanninus* J. C. probatissimus, orta fortasse æquivocatione à reliquiis exercitus *Borbonis Gonzaga* Duce depopulantibus, & astipulatur *Malevoltus*, & liquet documentis illo eodem anno MDXXX. inscriptis de tempore nostræ devastationis, cum bello, fame, & novitèr incrudescente luc mortifera undequaque affligerentur, patetque instrumeto locupletum ex arce *Senalunghe* Hispanis dimissorum cum talea, *Joannis Salvii*, *Christophori Pierii*, *Joannis Angeli*, *Francisci*, & *Domenati*, Vici olim *Joannis* * & quorundam de familiis *Ciognia*, de *Bescis*, *Campanis*, *Chiocbis*, *Lazaris*, *Stephanis*, *Balardis*.

Cæterum non magis justis judiciis comprobatur, non esse curæ Numini illam auream felicitatem esse

ultio-

Vanninus
Scrip-
tura
inter M.
S. eru-
dit. P.
Jac. Gri-
foli in
Biblioth.
Cappu-
cin. Lu-
ciniani.

* Ambo
de Dinis,
ut in I-
strum,
Ser To-
fi An-
dree Se-
nalun-
ghensis
anno
1530.

Tac.
Lib. 1.
Hist.

ultionem, cum *Fluvianensium*, vicinorum, *Lycinianenses* sanguine foedi odium atrox promiscua clade tamdiu protraxerint. Pagi plures comitatu effusi *Hispanis* diruti corpus unum, idemque summè validum conficientes hominum affluentia, qui comitiis statutis diebus interessent, cum quisque sua platea Oppido distincta conflueret, Platea *Sancti Blasii* Oppiduli propè *Calicionenses*, *Porchearia*, ad Turrim Prætoris, antè carceres, propè *Rocham veterem*, ac hospitium Patrum strictioris Observantiæ, Platea Oppidanorum vetus, ac nova, qua via ad Contradam *Corficæ* Corsis præfidiariis dictam, suo quisque Communi propè ruralem Ecclesiam convivens, Commune *Sancti Sabini* ad Silvas sistentia *Cardinalis Papiensis* cum Curia, ac Commissariis *Senensibus*, & *Florentinis* de nobilissimis familiis *Gora*, & *Acciaiola*, ac *Columbæ* adventu memoratum, Commune *Castellinæ*, qua propè via ad *Fluennam* latronum sede denominatæ, Commune *Badiæ*, qua circumpatent vestigia, Commune *Sancti Smeragdi*, via *Perusina* ad cauponas Fontium usque ad Templum *Sancti Laurentii* iis eversum in *Paschineis*, æquè semidiruta vetus Ecclesia *Sancti Felicis* cum Baptisterio, domus tamen Communis integræ in finibus *Essæ* usque ad Sylvam *Paternensem*, ea tempestate Oppidani, Colonique supra quatuor millia, rerum copia, in armis ferocitas, lætissimus Comitatus, & fatetur Podius, *Lucinianum dives*, & potens; quæ Ecclesiæ Curæ Plebanorum commissæ, deinde sub aliis Ecclesiarum titulis redactæ, mox Canonicorum septem numero, ac Archipresbyteri dignitatem conficiunt, qui & Curati subeunt nomen, & onera, cum Rectore *Sancti Blasii*, Vicario Episcopali, ac Præposito. Nec sine ultione id permixtum, quippè *Hispanis* Senarum libertati infensissimis Patres ad pellendum turpiter *Diegum*, ac fortilitia *Senis* structa evertenda *Lucinianensium* armis usi sunt fortiter, & feliciter; donec *Florentinis*, plurimisque hostium *Clanarum* ora bacchantibus excisis muris, haud satis immunitis, & fide locupletum rapinis pressorum *Senensibus* non irrationabiliter suspecta, cum fractæ bello res, nec satis Milites ad totidem hostium diversa per loca evagantium impetus sustinendos, censent peditum, equitumque Magistrum, quia dato belli signo *summa imperii ambigua*, minora sine cura haberi Senarum securitati consultum, si amotis *Luciniano* præfidiis, ac offendiculis, lectisque junioribus indefensum relinquerent Oppidum, incolisque vacuum; quod ubi *Lucinianensibus* intellectum, Campana arcis veteris crebrius pulsata colonos convocat ad arma; tunc Præfectus *Senensium* Villa plurimos pulsat, pellitque; deindè tumultus, & rapinæ, cum validiores jactant muros impensis propriis resecturos, patriæque dignitatis defensionem se paratos, idoneosque, veterumque more, *monia virtuti non muris credere*; reliqui *Lucinianensium* prima noctis hora recta armati contendunt ad Oppidum, clamantque undique, *hostis adest*, & iterato clamore fremitum hostium effingunt. Subito timore improvidi Milites Præfecti *Fylaria* aufugiunt, illi iterum muros occupant, januasque patefaciunt profugis illudendo, nunciantque, si quis auderet accedere amplius, non ut hostis, sed ut proditor confodiendus, notaque Reipublicæ, Principumque munificentia *Florentinos* recipiunt, atque inter socios habiti, ut non insulse *Sanleolinus* de capto, inquit, post victoriam *Joannis Mariniani* Oppido:

*Imperio Tusci parebam spontè Leonis
Hetruscis rapuit me Lupa Tusca jubis.
Belligeroque volens infecta Luce vocatus
Annua Joanni spontè tributa dedi.
Castello Lycini capto qua Gallica clades
Infecit tabo stagna, Clanemque die*

A Non minor, aut certè victoria proxima primæ
Victor ait Medices, lausque secunda prior.

Hinc cum deterius exardesceret belli turbo, denique *Julii Tertii* placito ad avertendam belli materiam Terra *Senensibus* restituta. Qui cum auctores magnificatæ defectionis ipso jure cecidisse à Capitulorum beneficio vulgassent, XV. ab utroque ex Consiliis Oratores missi oblongis caligis, albaque veste superinduti, qui Patribus vetus *Senarum* patrociniū *Lycinianenses* subiisse iterum gratularentur, & nova ostentationis pompa excusationem affectarent, versa in insontes criminis nota adulatione (*vetus id in Republica malum*) expurganda.

B Cæsareis denique, ac *Florentinis* in *Senarum* exitium irruentibus à *Petro Strozza* belli Sedes eligitur. *Senenses*, quibus pax servientibus grayior, quàm bellum liberis erat, & vetere animis adversus hostes insito odio cum *Gallis*, montanis *Aretinorum* vastatis, *Fluvianum* obsidere aggrediuntur exitu ancipiti, donec *Fluvianenses* improvisa prodicione percussis à Sociis, hostibusque obtruncantur, *Martianum* duodecim Cohortibus præmunitur, dein populatio, & Cædes, ni *Cosmus* propinquo summæ rei discrimine id ipsum metuens, *Mariniano* festinato prælio victoriam præcepisset, rescribens arcendum à finibus bellum, & cunctatione opus non esse, ubi perniciosior est quies, quàm temeritas, & positis castris *Senarum* die Augusti secunda MDLIV. fatone, an incuria *Strozze* Aquis, ac fluvio procul loco olim *Scannagalli* à cæde *Senonum*, *Boiorum*que equis incommodo, propius *Cosmi*, ac *Germanorum* Agmina intuebantur, & audacia Militum eminebat fremitu, clamoribusque dissonis, simul instruebantur acies, ingenisque utrinque alacritas. Cum *Bighettus* Equitum Magister, (ut accidit æquè *Pompejanis* in aggro *Farfalico*) inconsulto fugam cum equitibus capeffendo incerto, percitoque rei novitate *Strozza* hostes reddidit audaciores, & strenuè à *Germanis* infecutus per inania, ac palustria loca pervagatur; interim *Marinianus* instat trepidis, nuntantemque peditum aciem redux victor equitatus incurfat. Nullum in eatrepidatione *Strozza* cum *Aurelio Fregoso* constantis Ducis officium prætermisit, *Tura Zondodarius* ex *Senensium* militum Præfectis de Senatorio, ac nobilissimo genere Illustrissimi D. *Antonii Felicis* Signaturæ Referendarii, *Bononiæ* Prolegati, florida adhuc vigente juventute, integritate, legali disciplina, Chisique munificentia Prælatorum maximi ad Suprema nati, cum manu Patrikiorum pro Patriæ libertate acerrimè propugnans profligavit hostes obvios fortius, quàm feliciter: densis tamen agminibus, & inæqualibus locis ob vallum præruptum in declive hærebat, occurfat paventibus, retinet cedentes, exterriti sine rectoribus equi, ut quemquam aditus tulerat transversis, cum *Marinianus* delectam manum opposuit, quantoque ferocius occurrerant, tantò acrius pulsos in fugam disjecit; tum verò insequi, vulnerare, tamquàm pro aris, & focis certaretur, *Galli*que temere effusi, aut clauduntur vallo, aut consternuntur; *Senenses*, *Clusini*, *Ilcinenses*, *Massettanii*, ac *Lycinianenses* pro libertate animam effundere fortiter maluerant, nunquam cedere; & ni prædæ cupido victores à clade evocasset, illa die copiis deletis, nec nuntius quidem cladis superstes; *Strozzam* *Martianum* prius, & deinde *Lucinianum* excepit, qua frequens agmen, Ducesque confluxerant; sed *Cinus Capponus* ex proscriptis *Catoni* haud impar, cui plaudens *Lucanus*:

D E cerrimè propugnans profligavit hostes obvios fortius, quàm feliciter: densis tamen agminibus, & inæqualibus locis ob vallum præruptum in declive hærebat, occurfat paventibus, retinet cedentes, exterriti sine rectoribus equi, ut quemquam aditus tulerat transversis, cum *Marinianus* delectam manum opposuit, quantoque ferocius occurrerant, tantò acrius pulsos in fugam disjecit; tum verò insequi, vulnerare, tamquàm pro aris, & focis certaretur, *Galli*que temere effusi, aut clauduntur vallo, aut consternuntur; *Senenses*, *Clusini*, *Ilcinenses*, *Massettanii*, ac *Lycinianenses* pro libertate animam effundere fortiter maluerant, nunquam cedere; & ni prædæ cupido victores à clade evocasset, illa die copiis deletis, nec nuntius quidem cladis superstes; *Strozzam* *Martianum* prius, & deinde *Lucinianum* excepit, qua frequens agmen, Ducesque confluxerant; sed *Cinus Capponus* ex proscriptis *Catoni* haud impar, cui plaudens *Lucanus*:

F Victrix causa diis placuit, sed victa Catoni.
Vulneratus, & fugere inassuetus pluribus *Florentinorum*, quibus libertas invisa, trucidatis *Silanum* imitatus, nè imminentibus percussoribus gloriam

F. Dynus. C. mini;

Papienf.
in lau-
do, feli-
Senten-
tia.

Pogg.
Hist.
Flor.
Lib. 3.

Tomaf.
par. 2.
M. S.
Ninus
de Bell.
Ital.

Tac.
Ann.
Lib. 11.

Volser.
de rebus
Boycis.

Cosmi.
an. acti-
on.
Epig.
fol. 18. &
85. de Li-
ciniano.

Lib. Re-
format.
Lucign.
anni
1552.
118

119
Fronti-
nus.
Cluver.
Lib. 2.
f. 575.
Roseus
Hist.
Neap.
Lib. 4.
part. 3.
Ad Tar-
cagn.
Lib. 6.
part. 3.
Natal.
Comes
Histor.
Lib. 8.
Cinus
loc. cit.

120

121

Tac.
Ann. 2.

ministerii permetteret, siue nè liber homo captivus ad *Cosimi* servitutem adigeretur, effracto acinace gutture mortem appropinquavit. *Strozza* percontatur ab amicis, numquid rebus attritis consulatur ad *Senas* iter carperet. est memoratu dignum *Moretum Calabrensem* Cæsareis hostem devotum palam alloquutum, *malum eventum esse in culpa*, exueret ferociam, *severienti fortunæ submitteret animum*, nè regressus in Urbem æmulatione perosæ potentia terribilia *Senensium* ingenia irritaret: relicto itaque ibidem cum præsidio *Alto Comite*, *Tetris Cistis* cum *Fregoso* equo vehitur *Ilcini*, ut *Pompejum* Patriæ Patrem ignota, scissaque navi aufugisse traditum; sed Milites lapso periculo admoniti, noctu evadunt muris admotis scalis; *Altus* somno excitus amicos incusans ad deditionem *Lucinianenses* hortatus celerius aufugit *Ilcini*; *Roche-*

122

Nat. Co-
mes Hist.
loc. cit.
Tac.
Annal. 3.
& 4.
Rofeus
Hist.
Neap.
part. 2.
Lib. 4.
Cinut

tus fortilitio propè muros monte, Terra, suggestisque compacto Militibus Præpositus longius fugit providè cum *Calabrense*, cum *Altus*, ut recen-
set Comes, *affectans insulas sui facinoris excusatio-*
nes cum oppidum Natura, & arte munitum, rebus-
que omnibus instructum turpiter deseruisset, quod per
multos dies valuisset defendere, atque impetus hostium,
& honorificè, & utilissimè sustinere non multo post
cum *Bighetto* signifero Prætorio Equitatus *Ilcini* capi-
pite mulctatur. Senes, Puerique, validioribus suo-

Vita Co-
fimi loc.
cit.
P. Baff.
de Feli-
citate
Floren-
tiæ.
Adrian.
Hist.
Florent.
Lib. 13.
fol. 913.

rum in acie cæsis, magis tuta, & præsentia experiri
censent, quàm vetera, & periculosa, & ponenda ar-
ma unum afflictis id remedium, *Cosimo* Magno ini-
tis pactis, & capitulis spontè se submitunt, qui ma-
gis hanc deditionem, quàm victoriam consequentiæ ra-
tus, cum etiam ad *Senas* subigendas facilius pate-
ret aditus, excogitavit, ut meminit *Bassius*, quo-
modò Terram gratiis, & prærogativis superillu-
straret, elegitque, ut caput Provinciæ Prætor
misso cum Jurisdictione extensa supra plures Ter-
ras, Oppidaque *Senarum*, conventionibus ipsius

Alex.
Giovius
de So-
lemnita-
tibus in
contract.
Mino-
rum
Gloss. 22.

manu juramento firmatis, quo casu capitula per-
petuò ligant, nec requiritur confirmatio, ut do-
cet in eruditissimo tractatu Illustrissimus D. meus
Giovius, Perusæ Auditor, & potissimè observanda,
si à longo tempore firmata, cum sint in veteri
possessione non solvendi gabellas, datia, ac im-
positiones; & concepta verbis amplissimis, & effre-

\$ 19.
num. 25.
Bald. in
l. digna
Vox C.
de legi-
bus.
Castrenf.
Conf.
313.
Natt.
Conf.
163.
D. Urce-
olus
consult.
75. num.
5.

natis, ut importent exemptionem non limitatam
in agendis in loco, & inter Personas, sed absolu-
tam ibi. *Che detta Comunità*, & *Huomini s'in-*
tendano essere, e siano esenti in perpetuo, & immuni
da ogni, e qualunque gravèzza ordinaria, e straor-
dinaria, che in qualsi voglia modo possa essere nomi-
nata, ò che dire, ò escogitare si potesse, ancorche
qui per *Espresso* bisognasse farne special mentione, sal-
vo che del pagamento del Censo, e Salario al Podestà,
e *Castellani*. Quæ verba bis geminata, ogni, e qua-

lun-
que, includunt omnes casus etiam expressis ma-
jores, & important absolutam, liberamque im-
munitatem maximè à datiiis tunc vigentibus Prin-
cipi notissimis, qui etiam ea comprehendere voluit,

124
Rot. a-
pud Bich.
Decif. 30.
Fonta-
nell. Dec.
262.
Rot. De-
cif. 36.
num. 4. &
28. par. 5.
rec.
Mesa Re-
fol. 27.
Bald.
Conf.
406. vol. 5.
D. Sa-
bell.
verb. Ga-
bella n.
38. & 41.

quæ novitèr excogitari poterant, sublato bello-
rum metu veterum nunquam memoria servitiorum, &
concessa hominibus concomitantur personam, ubi-
cumque contrahere contingat, secundum *Baldum*,
propter immunitatis verba nullis finibus coarctata, &
in dubio cum non agatur de fraudanda Gabella,
sed de *Datiis* nunquam solutis, interpretandum
est contra Principem, ita ut dicta Capitula haud
possint revocari causis minùs legitimis, vel præ-
textu alicujus honestæ, vel gravis utilitatis, sed
gravissimis talibus, quæ Principem arceant alia ra-
tione insuperabilibus, respicientibus principalitèr
utilitatem loci immunis, cui alitèr quàm permis-
sione collectarum provideri non possit, si ponde-
rentur verba, *per espresso*, farne special mentione, e
che escogitar si potessero, quæ ad casus necessitatis
reducuntur, ut si Rex incideret in captivitatem,

A si hostes effectualitèr irruerent, cum iis minora
redimenda sint consilio, vel ære Regis maximè
divitis, non subditorum inter angustias conqueren-
tium, quia ut declarat *Aretinus*, *immunitas alicui*
concessa non debet ledi, nisi cum onus ferri non potest
ab aliis. *Surdus* verò non procedit in nostris ter-
minis, sed in Privilegiatis mera gratia, cum *Li-*
cigniani Terra esset à *Datiis*, & *Gabellis* ab im-
memorabili exempta, ut probat *Castrensis*, & sunt
juratis Capitulis concessa, non subditis, cum esset
in potestate *Lucinianensium* per plures dies arce se
tuto defendere spe Præsidii prævigilis *Strozze*,
quo casu irrevocabilia, nec unica vice restringen-
da, ut decidit *Osasibus*, ubi quod ob servitio-
rum remunerationem ullo pacto, nec ingratitude
ne revocari valeant. Et minùs procedit, si Ca-
pitula sint firmata mutuis pactis, & obligationi-
bus, quod *Lucinianenses* se submittant mero, &
mixto Imperio amisso, ac Civilitate *Senarum*, &
Salaria persolvant, ut est communis sententia,
quod cum effectivè faciant privilegia (si ita vo-
cari debeant) cum pacti in causa onerosa firmati
habent commensurationem perpetuam, & mutuò
onerosam, quæ sine labe peccati revocari neque-
unt, si alitèr Principi consuli possit, & in Con-
siliis coram Serenissimo Domino meo Principe

Aret. l. ii
ex toto
ff. de
Leg. 1.
125
Surd.
Decif.
272.

B *Monaci* insistentèr votavit, & obtinuit Dominus
Jacobus Balduccius, & doctissimè scriptum reli-
quit, & antè eum *Ramonius*, ubi refert, *Isaci-*
dem, ità ad Regem *Cypri* respondisse, nè ubi bene-
ficia anteverere odium pro gratia reddatur, & quod
si plenitudine potestatis adimerentur, Regna eva-
derent latrocinia magna, quia ut monet *Tacitus*,
quoties gliscat potentia, non est utendum Imperio, u-
bi legibus agi potest, qui autem Regibus adulati sunt,
& contrarium sentiunt, iram Dei non evaserunt.
Potissimè cognita fide *Lucinianensium*: etenim ne-
dum bellum difficile deditione facilius evasit, &
Senensibus statim obsessis, pressisque, sublata vi-
ctualia, & libertas Milites convocandi, & in a-
ciem prodeundi: sed anno MDLVI. quidam *Se-*
narum, cum *Gallis*, ac *Ilcinenibus* Terram nocte
quater aggressi, Ducibusque timore percussis,
Oppidanis permittis armis, ac data faculate à Ja-
nuis præfidiariis in hostes irruendi pelluntur, ac
finibus arcentur, etiam fœminis, quarum viri
lis animus maligno errore fortunæ muliebri corpore
titus est, patriis muris, saxis, fustibusque hastatis
invictos, fugientesque irrumpentibus.

Osasch.
Decif.
139.
num. 22.
& 28.
Mastril.
Decif.
164.
num. 6.
Ramon.
Conf. 24.
num.
436.
Capic.
Latro
Decif.
190.
126

C *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

D. Bald.
ad Conf.
Ramo-
nii ob-
servat.
num. 75.
Ramon.
dicto
Conf.
Tac.
Annal. 46.
Tac.
Lib. 3.
Ann.
Valer.
Max.
Lib. 6.
127
Adrian.
Lib. 13.
Thuan.
Lib. 16.
Cinut
Lib. 5.
& 6.
Jov.
Vil-
lor. Il-
lust.
Mascard.
Art.
Hist.
Paulus
Manu-
tius E-
pist. vul-
Lib. 2. la-
tinæ Lib.
Griff. o-
rat. 4.
Annal.
Cappuc-
cin. anni
1579.
128

D *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

E *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

F *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

G *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

H *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

I *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

K *Oppidum Militibus*, Ducibusque armigeris, sed
æque doctrina Viris egregiis celeberrimum, inter
quos *Jacobus Grypholus*, qui edidit *Orationum Vo-*
lumen, ac *Defensionem Officiorum Ciceronis* in Cæ-
lium Calcagninum Ferrariensem, *Jovio* in *Elogio*
Calcagnini injuriosè posthabitus, *Commentaria* lu-
per Poeticam *Horatii*, *Demosthenis* *Orationibus*, Art.
& de pace, ac *Zenofrontis Hieron.* de Græco in Hist.
Latinum versis, *Mascardo*, ac *Manutio* laudatus, *Paulus*
Senensi Republica litterarum humanarum Lector
accitus, ut ipse refert à *Civibus meis honorificen-*
tissimè vocatus. *P. Bartholomeus Bassius* publicus gares
in Universitate *Papiensi* Theologiæ Professor, ac
Provinciæ *Mediolani* Lector Generalis, Typis emi-
sit Libros historico morales de Dei in Romanos cha-
ritate, de *Florentiæ* Felicitate, de Nobilitate *Me-*
diolani, ac de Theologiæ præstantia, sed à Mi-
noribus ad *Cappuccinos* migrans, Regularis obser-
vantia spiritus ductus, Animam emisit, *Columba*
radios per caput ejus circumferente, inter Beatos
ascriptus in *Cappuccinorum Annalibus*, in quibus pa-
ritèr Venerabilis observantia, ac pietate Pater *An-*
gustinus Baccatus, ac plures Ordinis Minorum in
Cænobio depictos ad primos Religionis gradus
evectos, inter quos Pater Magister *Gorus* in Ly-
ceo *Senarum* Theologiæ Lector eximius, ac Pa-
ter *Joannes de Angelis* Paduæ Inquisitor, aliisque

*DeDy- muneribus decorati, P. Joannes Jacobus *, qui
 nis, Vicarius Generalis Italiae, Senis obiit anno
 Pompe MDXIX. Inquisitor Generalis doctrina, ac pie-
 Senensi- tate in Senarum fastis inter clarissimos additus;
 tit. 13. Reverend. D. Joseph Renzoli, qui Venetiis lega-
 lis Philosophiae Lector, & bene gerendae Reipu-
 blicae documentis Nobilibus pergratus ob egre-
 gia merita inter insignes Venetos Viros cum edita
 gestorum historia relatus; Rev. Petrus Jacobus
 Veridianus in Collegio Propagandae Fidei Lector
 ante Urbanum VIII. oravit, edidit de Deo Tri-
 no, & Uno, ac Flores Poeseos. Pater Victorius
 129 Brunus Minorum anno ætatis 37. defunctus, cujus
 ætatem si gestis compares, ætatem ultra putes,
 scripsit, dùm Bononiæ Collegialibus legeret, de Deo,
 de Anima, de Angelis cognomento Scotus inter
 insignes Ordinis, doctrina, famaque Viros in Cœ-
 nobio Politiano depictus, de quo plura Modernus
 Mastrius ingrato silentio Auctore omisso extorsit,
 Pater Joannes Ristorius, Pater Cosimus Gripholus,
 ac Pater Sanesius, qui in muneribus gravissimis,
 Thefisibusque Theologicis primi Minorum Cœno-
 bii Lucimanesis famam Italici fecere celeberrimam:
 Rev. Archipresbyter Emilius Ristorius, qui
 coimplicatis Excellentissimæ Domus Sforziæ litium
 nexibus in Rota Romana discissis Auditor Gene-
 ralis nominatus, difficillimis superatis temporibus,
 prius extinctus, quam fessus, aliisque in Statu
 Mediolani dignitatibus insignitus.

Petrus Maria Domini Bartholomæi quondam Pe-
 tri de Capeis claræ recordationis, divitiis etiam
 piè cumulatis suprâ cæteros illius temporis, gestif-
 que laudatissimi, Senis, Pisis, Romæ studiorum,
 ærumnarumque confocius corpore exiguus non
 ingenio, qui in reconditorum Taciti, Juvenalis,
 130 Persæique sensuum explanatione, ac legali Phi-
 losophia subtilissimus, Joannis Senioris J. C. de
 Capeis Patruis Historiis, gravibusque sententiis ver-
 satissimi, ac Laetantii Bruni in Urbe Curialis e-
 gregii integritate, praxi, opibusque congestis ce-
 leberrimi famam assecutus Francisci Battellii In-
 nocentii XI. ex Aulicis, & Familiarium Medici
 stimulis excitatus, studiis fessus, Advocationis digni-
 tatem degustare avidus, immaturè raptus anno pro-
 ximè lapsò MDCXCIII. ætatis XXXI. eò ta-
 men usque pervenit, ut Alexandro VIII. ad sum-
 mi Sacerdotii culmen evecto Aula, Curiaque no-
 tus emergeret involutis litibus enodatis, ac inju-
 riosè toleraverit fortunam, fatumque, quod con-
 gruere rebus putant, Principumque ingenia loci
 Jurisperitis, litteratisque infestissima. Celebris
 Canonista Romæ natus Ludovicus Ciognus Episco-
 pus Venafranus filius Leonardi Lucinianensis, Sa-
 bine, Reatine, aliarumque Civitatum Militum Ge-
 131 neralis Præfecti ejusdem agnationis Ciogniæ fami-
 liæ ex Patritiis Senarum, quæ inter plurimos Vi-
 ros Patrem Guglielmum Ciognium Magistrum Ere-
 mitarum Sancti Augustini Oratorem litteratissi-
 mum ostentat, & Theologum Principum, Re-
 gumque, Dominicus Ciottus, qui cùm diu cum
 Cesare Borgia Locumtenentis Generalis munus
 subiisset, ad supremum Comitibus stabili militiæ gra-
 dum ab Alexandro VI. ascriptus politica, ac Poë-
 si inter Aulicos notissimus, Joannes Salvius stre-
 nuus Dux Pisanorum ob Oppidum Calcinarium ter
 ab irruentibus Florentinis defensum à Giovio ad per-
 ennitatem commendatus. Marianus Bassius For-
 tititii, ac Arcium Senensis ditionis, Annonæque
 Præfectus, Hieronymus Brunus Commissarius Val-
 lis Clanarum, & Nuntius Pontifici, ac Carolo V.
 Senensibus missus supremis Magistratibus dilectus.
 *Dynus. Ludovicus * qui cum in maritima expeditione ad-
 versus Turcas cum Venetis manus conferret, Pup-
 pi Generalis vi expugnata ad propellendos hostes
 nudato ense præcedens cæteros, Capitanei nomi-
 132 ne eodem Generali decoratus, & à Republica con-

A firmatus à Serenissimo Ferdinando Hetruriæ Ma- Torell.
 gno Duce V. Porta Pisana ejus fidei demandata, Secul.
 Capitaneus Liburni descriptus; ab origine Bru- August.
 nus Sanctæ Romanæ Ecclesiæ Cardinalis, qui flo- anno
 ruit in XI. seculo, quod indubia comprobatur tra- 1436.
 ditio, nec Scribentibus satis in antiquis nota Op- P. Lan-
 pidani Patria, seu origo, & præclare gesta, ac duccius
 Beatus Matthæus Eremitarum Sancti Augustini Silva Il-
 Ilicetanus Vicarius Italiae Generalis strictioris ob- cetan. &
 servantia, humilitate, ac heroicis virtutibus exi- con. Bre-
 mius. In Ilicetana Silva ebullientem Juventutem ve†
 firmavit, sicut ut initium Canonicae Congregationis Bonfi-
 Salvator is plenus meritis, & diebus obiit anno 1436. not. M.
 ut litteraliter Pater Landuccius, ac Pater Bonfigno- S. in Bi-
 rius memoriae prodidere, eundem fuisse filium bliothe-
 Francisci * fama liquet, de regulari observantia ca Mar-
 scripsit subtilissime Landuccio, & cæterorum pla- tiniana
 cito rejectis ex adverso dicentibus fuisse de Domo Senarum
 Forestana Senarum. signo†
 * Dyni

Hujus heroica gesta latè recolimus in Poëmæ
 juvenilibus annis edito, cujus hic fragmentum
 transcribimus.

Huic Natale solum veteris, qua Castra Lycini 133
 Sillani coluere Duces de Stirpe *
 Francisco natus, sacro de fonte Joannis
 Nomen, & Omen habet, Paulina huic Ciognia
 dives.

C Insignis pietate parens ab origine Cives,
 Qua patet antiquo Senonum de nomine Sena,
 Sed cum primæva umbravit lanugine malas,
 Cœpitque ætheræ libare crepuscula lucis;
 Hic ubi sacra Deo felix Aurelia Proles,
 Ilicibus latuit, quoties per inhospita Dumi
 Ibat inops, inopem quærens radicibus escam
 Evulsis, quoties intacto fonte reperto
 Transivit latices, quamvis sitis arida fauces
 Urgeret, quoties cum Sol exureret Agros,
 Aut caderent gravidis hyberni nubibus imbres,
 Immaduit pluviis, & solibus arsit acutis,
 Et crebrò gemit ille est quædam flere voluptas
 Dulcis amarities lacrymarum, ipseque querelæ
 Ipsi delectant, qui sunt in amore dolores.
 D Ab quoties lætæ Valles, Collesque Supini
 Littora, qua transit, rupesque, atque ipsa beatum
 Saxa vocant; fortè horrebant super æthera nimbi,
 Errantesque ibant pecudes, rapit unda repente
 Pastorem, pavidosque greges, quin improba crescit
 Diluvies, mersosque uno complectitur alveo
 Arbia, præcipitem volvens verso aggere cursum,
 Matthæusque super mediis spatiat in undis.
 Protinus extinctum limphis extorsit iniquis 134
 Andream, (sic nomen erat) dum flebat amicum
 Turba frequens, orat, versis ad Sydera palmis
 Matthæus, surgitque Puer (mirabile visu)
 E Illum Pastores ad Cælum laudibus æquant
 Matthæum vastæ resonabant undique Silvæ,
 Et signata cavis Matthæi nomina truncis
 Jam Precibus Matthæi meis assuesce vocari,
 Et tibi devotis fument Altaria donis.

Emergitque nobilitas patentius, ac loci digni-
 tas ex ampla Doctorum caterva, omissis aliis e-
 gregiis viris, ut plurimum in patria æde inhabi-
 tantium, qui mihi adhuc Juveni notissimi, ac fa-
 miliares, hac simul ætate clarissimi Domini Val-
 lis Clanarum Vicarii curia, Oppidoque florent e-
 meritissimi, D. Angelus Renzoli, Pisanus, &
 F bis Pistorii Judex, R. D. Salvator Corradus in
 Urbe Sancti Spiritus curæ rerum domesticarum
 Præpositus, ac litibus interessendum deputatus e-
 jusdem Ordinis Eques, ac Prior, D. Archipres-
 byter Franciscus de Serbatistis Principum Aulicus
 ab intimis, D. Bartholomæus olim D. Signiferi
 Francisci de Arrighis Eques militiæ Divi Stephani
 olim Fani Prætor, D. Bernardinus quondam D. 135
 Cintii Renzoli Florentiæ Caularum Patronus pri-
 marius Reorum acer Defensor, D. Franciscus D.

F. Dynus. C 2 Petri

Petri de Spoletis Mathematicus, Physicus, & Paduæ Philosophiæ Lector clarissimus, D. Franciscus Battellius, D. Petrus Maria D. Bartholomæi de Capeis, D. Deiphebus olim D. Jurisconsulti Antonii de Settis ex tempore Poëta eruditissimus, D. Antonius quondam D. Physici Joannis de Salvis Medicus Florentiæ laudatus, D. Franciscus Maria de Bonaftris, R. D. Canonicus Armenius, D. Archangelus fratres de Battellis, D. Joannes cognomento Pius, ac D. Carolus olim D. Petri de Capeis, D. Franciscus, D. Flaminius D. Joannis Francisci de Arrighis, D. Felix D. Petri de Grifolis, D. Petrus Marcellus, ac D. Dominicus D. Signiferi Joannis Baptistæ de Capeis, R. D. Canonicus Joannes Baptista, ac D. Franciscus D. Petri de Serbatistis, R. D. Joannes olim D. Prosperi Ciogni, D. Franciscus Ciognius, D. Hyacinthus D. Constantini Ciogni, D. Joannes Baptista olim D. Maynardi de Ciognis, R. D. Canonicus de Tornainis, R. D. Canonicus Franciscus de Daniellis, R. D. de Lazzaris, R. D. de Bernardinis, R. D. Petrus de Baffis, R. D. de Salvis Theologiæ Doctor in ditione Mediolanensi Archipresbyter, D. Gabriel Scarmalius Periliani Prætor, D. Franciscus Corradus, D. Franciscus D. Belisarii de Angelis, D. de Stephanis, ac D. Joseph de Bernardinis Florentiæ Curia summè Practici, D. RR. DD. Abbas Matthæus, ac D. Fabianus de Arrighis Eques Militiæ Divi Stephani, D. Canonicus Ubaldinus de Capeis, ex recentioribus verò D. Fabianus D. Bartholomæi Arrighi, D. Octavianus D. Bartholomæi de Capeis, D. Franciscus D. Petri de Grifolis, D. Petrus D. Consalvi Stephani, ac D. Joannes Cosinus D. Capitanei Alexandri de Battellis, ex numero Regularium in humanis degentium, P. Emilius Ristorius Philosophus, ac Theologus Societatis Jesu Eminentissimus, Serenissimorum Sabaudia Principum Orator facundus, & mira elocutione pollens, P. Magister Draconus Servorum Provincialis, Orator legum, ac Theologiæ studiosissimus, P. Magister Franceschinus Sancti Augustini, Orator; Provincialis, ac Serenissimi D. Francisci Mariæ Medicei munificentia, prudentia, animique magnitudine amplissimi Cardin. Theologus apud infideles Tunis diu captivus, ibidemque Vicarius Apostolicus à Sancta Sede destinatus, P. Magister Victorius de Bartolis, P. Magister de Picconibus, P. Magister de Stephanis, P. Magister de Pampanis, P. Magister de Mannellis, ac P. Magister Laurentius Barlozzius Ordinis Servorum Concionatores laudatissimi cum Patribus Ordinis Cappuccinorum P. Augustino Baccato, ac P. Jacobo Grifolo, pluresque brevitatis studio ommissi, qui ferè cum iis coætanei sibi famam, Patriæ decus egregiis virtutibus compararunt, ac æquè de perhonestis familiis DD. de Restoribus, de Cantellis, Acciaiolis, extinctis vetustioribus de Menghinis, Landinis, Vannis, Cennis, Chelinis, Binis, de Gondis, Mutiis.

¹³⁸ Oppidum opulentum, ac nobile habitum loci humanitate, comitate, ac festivitate incolarum, attollitque *Albertus* supra cætera quæcumque Oppida, ac Civitates veteris *Senensis* ditionis, subdens potioris consequentiæ censitum *Senensibus* validiori militum manu, Ducumque supremorum præsentia, aliis posthabitis, ad quoscumque casus defensum, paratumque; rerumque copia, vini, oleique excellentia exteris jucundissimum; non æquè finitimis *Lucinianensium* ære gravatis pro gabellarum, censuum, publicorumque subsidiorum solutione tractis in longum litibus, animisque obduratis; onera tamen Communis annuarum pensionum ægrè tolerabatur assuetis immunitati diuturnæ, quæ incuria Seniorum, quo jure ignoratum, exigunt Episcopi *Aretini* annum frumenti tributum, quod iisdem Dominis cum equis,

A ac cereis metum, incursionibusque passis erogabatur in pacis pretium, ac libertatis; valuitque ingruente frugum inopia Civitates ipsas periculo famis eximere copiosa *Lucinianensis* annona; Gens, Oppidumque Magnatibus gratissima, Reipublicæ *Aretinæ*, *Senensis*, ac *Florentinæ*, *Orbevetanæ*, ac *Perusinae*, *Galeazzo Vicecomiti* primo *Mediolanensium* Duci, quo munita fortilitia, ut muris fixa profitentur insignia, *Sixto Papæ Quarto* ad pacem cum *Fluvianensibus* componendam *Papiensi* delegato, *Gallorum Regi Moretto Calabresio*, Termes Præfecto cum auxiliariis, *Strozza* denique ad conficienda munimenta præmissis, *Julio III.* qui B. Virginis de Quercu in flore ætatis obsequio deditissimus Pontifex renunciatus pedibus morbo exemptis pro gratiis exsolvendis munera propè aram signata aureis crucibus usque dum pendentia supplex elargitus est magis piè, quàm liberalitèr, locique consequentiam superextulit vehementèr Cardinalium Consistorio; etenim *Strozza* cum copiis in finibus *Luciniani* profligato epistolis *Mariniani* victoriæ nunciis *Julio* lætissime inellectis purpureis *Gallorum* Principibus anxii, & inopinata clade percussis, ut abditos Principum sensus, & si quid occultius mente inest, contereret verborum magnificentia: Imperii, inquit, summam nondum hæcere in ambiguo spem, roburque superesse *Gallorum* rebus *Luciniani* ad *Mediterranæa* Porius *Herculis* ad *Maritima* sustentatione adhuc prævalidis. Cosinus verò primus cives bello, diffidiusque attritis privilegiis honestissimè decoravit; *Nobilibusque Viris* juxta vetustissimum Reipublicæ morem inscribi mandavit supremis *Florentiæ* Magistratibus, quod nec in leve habitum, longum quippè esset recensere, quot *Natæ*, *Maresque* contraxerint sponsalia cum *Nobilibus*, egregiisque, pluresque ad Equitis prærogativam perducti, recentia exempla objiciam inter *Oppidanos* *Clanarum* hoc sæculo præcipua, ac singularia, cum clarissimus Dominus *Joannes* generis *Albergottorum* de *Aretio* Urbe generosæ Nobilitatis, Equitumque *Melitenensium* fœcundissima, D. *Veniliam* *Lucinianensem* de honestissima Familia *Bonaftra* sibi in Conjugem adamasset. Descendentes *Meliteni* Ordini jure ex hoc quoque latere ascripti, docto in actis. Oppidum vetus, gestis præclarum, rerum copia affluens, egregiis Viris insigni, perspicuum libertate, ac mero, mixtoque Imperio spatio centum, & ultra annorum, ut *Castrensis*, Cardinalis *Tusculus*, *Malevoltus*, *Papiensis*, *Pius Tertius*, capitula, ac statuta antè ultimam deditionem evulgata abundè comprobant, publicisque prædictorum, actorumque habitis testimoniis, ac documentis annis XX. circiter lapsis, Nobilis Vir *Sfortia de Ristoris* *Lucinianensis* Natas suas D. *Lucretiam* cum generosissimo D. Comite *Joanne Baptista Maculano* patrio *Placentino* ex *Nepotibus* amplissimæ memoriæ Cardinalis *Maculani de Florentiola*, in uxorem collocavit, ac D. *Ursulam* cum nobilissimo D. *Bartholomæo* Marchione *Petræ Gravinæ* Excellentissimæ Domus *Malespinæ*, quibus clarissimi, ac letissimi Equites, in dies effulgent. Idemque *Cosinus* Prætor, ac Militum Magistro Loco missis pluribus aliis Terris, Castrisque *Florentinæ*, *Senensis*que circum ditionis *Lucinianum* præfecit, ut Auctor est *Adrianus*, & sedato etiam belli turbine *Cosmianum* munimentum propinquo Colle *Sorbellono* confectum centum *Corsis* sub *Bencio*, aliisque Militum Ducibus custodiendum curavit, suspectis *Lucinianensium* in carcerem detrusis liberati, muneribusque restitutis, rebus compositis per *Cosinum* res, & nomine *Magnum*, qui cuncta bellis civilibus fessa nomine Principis sub imperium accepit, rebellionum morbis consultissimo Medico *Mariniano* expurgatis, res frumentaria resti-

P. Albert.
Lazzarus de Bellor.
origine par. 2.
fol. 352.
& 354.

Missalia vita Joannis Medicei fol. 176.

P. Baffius de Felicit. Florentiæ.

Capit. in Cancell. Luciniani ann.

Hist. Flor. Lib. 13. Benc. Hist. Po. Lib.

restituta, donataque pax aurea sub magnanimis Nepotibus, maximè *Cosimo* hujus nominis *Tertio*, piissimo, ac beneficentissimo Magno Duce VI., ac *Ferdinando* Etruriæ Magno Principe clemen-

tiissimo, litteratorum *Mæcenate*, regia munificentia, liberalitate, prudentia toto Orbe famigeratis.

Cætera desiderantur.

143

D. FRANCISCI BALDERESCHI,

J. C. Palaiensis Judicis Clarissimi, &c.

ANNOTATIONES

IN

D. FRANCISCI DYNI

ANTIQUITATES ETRURIAE.

Numeri paginarum in Annotationibus his citati, referunt paginas Editionis prioris, in nova hac Editione ad marginem notatas.



Agabantur per manus Litteratorum quædam exemplaria historica manuscripta Antiquitatem Etruriæ Domini *J. C. Francisci Dyni Licinianensis* ab eodem anno MDCXCIII. missa Generosissimo D. Comiti *HIERONYMO DANDINO*, quæ

revera plurima leguntur eruditione, gravibusque sententis conflata, pluribusque in locis *Taciti* stylus imitatus feliciter. Censui quædam annotare nixus Scriptoris autoritate, cum de D. Dyno alia plura extent monumenta ingenio, ac labore compacta, nempe plures Orationes, Poëmata, Carminumque volumen typis edendum, Consilia Legalia, ac Decisiones editæ, quæ manibus Jurisperitorum observantur, ac binæ ejusdem D. Dyni Decisiones, quæ in ordine 96. & 97. referuntur per summum legum Doctorem D. *Jacobum Balduccium*, ipsius apud Serenissimum Principem *Monaci* in Auditoratu Prædecessorem, post *Observationes ad Consilia Ramonii Tom. 4.*, & in Indice generali de eodem meminit in verbo *Indicium*, in verbo *Conventicula*, & honorificentius in *Tom. 3. Observat. 57. sub. num. 4. pag. 59.*, eundem D. Dynum laudibus tollit pluribus pariter in locis Reverend. *Marcus Antonius Guignes* Gallus Senis, Nobilibus Seminarii *Tholomeorum* Geographiæ Lector litteratissimus Linguarum, Historiarumque E-nucleator in sua *Sphæra Geographico Cælesti*.

Curavi ignaro Authore, officiorumque curis in exteris regionibus distracto typis *Senogallia* committerentur mendis expurgata, repertis verbis pluribus in albo relictis, perverso etiam chartarum ordine potissimum pag. 23. cum agitur de *Aretinorum* tumulto per C. *Hostilium* sedato, qui ante *Annibalis* adventum in ora *Clanarum* incuria Scribarum reperitur appositus, quod fuit Authore animadversum, cum eodem relatus fuerit juxta ordinem *Livii* in margine recensiti *Lib. xxii. & Lib. xxvii.* irruptio *Hostilii* ad moenia *Aretinorum*, historiaque complemento indiget, cum gesta, summique *Aretinorum* Viri volumen exigent, inter quos silentio minimè omittendi *Tartalinus Petramala*, qui pro Imperatore *Ludovico Bavaro* Dux strenuus hostes fudit, *Pisaram* ab eodem Vicarius creatus, *Tuscarum* rerum summa ipsiusmet potestati commissa. Duo Generales Maritimarum expeditionum de domo *Borra*, & ex legistis *Romæ* *Fellus Firmi* Lector commentariis notissimus, sed plura magis traditione, & conjecturis, quàm Veterum autoritate educenda, ob defectum Authorum, qui, ut inquit Dominus Dynus, egerint de rebus *Tusci*,

Compag. in Regia Picena fol. 231.

Liv. Lib. 7. Flor. Lib. 1. cap. 10. Guaz. in Chron. Vill. Stor. Flor. Lib. 1. cap. 44. & 52.

Lib. 2.

Unum tamen in specie notandum, quod *Porfena* non tantum *Lucumo Clusinarum*, sed *Rex Clusinus* *Livio* inscribitur, *Floro* *Porfena* *Rex Etruscorum* ingentibus co-priis aderat, & tunc valida res *Clusina* erat ob invicti Regis præsentiam, & notant *Guazzus*, *Villanus*, quavis plures Veterum tradant Provinciam *Lucuminibus* moderatam, quæ ad *Fanum Volturæ* concilia conficiebantur, & Regiam *Clusina* Civitatem vetustam esse *Porfena* sedem palam est, *Clusam*que *Casentini* scriptoribus antiquis, ut pag. 52. ponderat D. Dynus ignotam, & addo *Polybium*, qui loquens de *Clusio* prope *Clanas*, inquit à *Clusio* à *Gallis* obsessio ad Urbem

contendi brevi dierum trium itinere, cum distet per LXXX. circiter milliaria, *Clasa* verò ultrà OXXX.

Videtur etiam idem D. Dynus de C. *Cilnio* *Mæcenate* incidenter locutus, & fuisse *Aretinum* dicit ex *Lipso*, qui *Cilnium* genus superextulit cum *Silio*.

147

Cilnius Arreti Tyrrhenis ortus in oris.

Villamque *Mæcenam* in eo comitatu C. *Cilnii* *Mæcenatis* æstivis temporibus incolatū dictam corruptè *Mer-cenam* tradunt *Aretini*, eundemque regione *Clanarum* oriundum etiam comprobant *Augustus* in Epistola per *Macrobius* relata *Lasar Aretinum*, qui Regibus ortus erat, *Porfena*que ex atavis *Mæcenatis* lepide Caporalis inscripsit, sed *Horatius* non uno tantum, sed pluribus ait ipsius originem emanatam:

Comment. ad Horat.

Tyrrhena Regum progenies

Propertius:

Mæcenæ Eques Etrusca de Sanguine Regum

Martialis:

Mæcenæ atavis Regibus ortus eques.

Et notat post *Macinellum* *Ascensius*:

Ex antiquissimis Etruriæ Regibus ortus.

Lapis quoque per D. *Camurrinum* relatus, & ex eo per D. *Dynum* pag. 22. clarè patefacit hanc Regiam Familiam supra *Decurionum* Magistratum extitisse præpotentem, nec omittendum inter Veterum numismata eodem D. Dyno recollecta unum argenteum inesse, in quo ex una parte curru quatuor equis vecto insedit *Auriga*, pluribusque corruptis litteris hæc supersunt.

148

ÆD. . . . CVR.

Ex altera parte, Equi figura obtuncato capite supra collum hastam acutam gerentis, & sub spoliis, galeis, hastisque legitur

REX ARET.

D. Dynus in hac sua historia M. S. denarii hujus memoriam facere non prætermiserat, sed in pag. 30 aliisque plurimis locis de recenti apparent lineæ litura signata, nec opinor ab Authore, qui denarii venustatem mihi *Florentia*, amicisque ostendendo singulariter lapsis annis celebravit, verius à Revisoribus, meque, ac Authore absepte, ut se fortasse eruditores ostenderent, sed nec futor ultra crepidam. Verum pro hujus denarii memoria versus dicti Codicis M. S., qui quamvis superlineati commodè legi possunt, transcribendos censui. *Denarium* (inquit Dynus) vetustissimum, ac singulare penes me cum aliis studio observatum, in quo sub spoliis, galeis, hastis legitur.

149

REX ARET.

Videhor nova proponere nullo ex præseis Authoribus probata, hoc accidere potuit incuria scriptorum cura tali Rege nullum fuerit fortasse bellum saltem memorabile actum, patratumque sentio: itaque Regem hunc non regnasse præsumam *Tusci* Romanis in Societatem reciperentur, quia non illis litteris Latinis, sed *Etruscis* utebantur, nec tempore incursionis C. *Hostilii* cum tunc apud Senatores inesset imperii summa; at postmodum, in bello sociali teste *Floro* *Etruria* omnis, *Picenum* atque *Campania* sub suis quisque signis in Romanos acies instruxit, quas ad spem dominationis *Drusus* erexerat, Duces ergo exercitus *Aretinorum* sibi Regis nomen in ea-propera expeditione ascripsisse fatendum. Hæc

Lib. 3 cap. 18.

ille. Nomen verò talis Regis decem & octo lapsu seculorum oblivione contegitur.

Ex præmissis non insulse credendum Regem hunc de genere *Cilnio* Originem eduxisse, cum etiam familiaris dignitas liqueat satis ex notata inscriptione sub Architravi Cathedralis *Aretine*. in qua etiam Pater *Ciatus* asserit *Cilnia* desumi, quamvis litteris *Etruscis* confectam legisse autumet, cum tales litteras nostris hisce seculis ignotas non didicerit; verius itaque *latinis*, sed Antiquissimi illius Characteris, ut difficulter legi, percipique valeant, hinc plures *Aretini* legisse testantur.

GENS CILNIA FIDELIS ARET. PROVIDENT.

Quam Familiam differre à *Licinia* satis *Dyno* nostro comprobatur, ut etiam eruditè ostendit Abbas *Camurrinus*, qui in inscriptione lapidis *Lucinianensis* legit *Lycinianum* (ita dictum in actis veterum) & cum Plebe dicti Oppidi fuisse *Lycinios* in gratiam Populi *Romani* reductos ingeniosè deducit D. *Dynus* ex *Livio*, & in *Historia Aretina* M. S. Patris *Camurrini*; quæ præ manibus *Aretinorum* vagatur, legi inscriptionem dicti lapidis *Lucinianensis*, quam ex eodem D. *Dynus* pag. 21 fideliter retulit, cum modo lapis adeò extet deformatus, ut magis difficulter veritas inscriptionis carpi possit, pro cuius elucidatione *Appiano*, *Sigonio*, *Volaterrano* patet *Sillam*, in *Phesulanus*, *Aretinosque*, qui ei pertinacissimè restiterunt, acris seditum, ac fortilitia fids sibi Commilitonibus concessisse ad mensuram meritorum, quod etiam *Dynus* tradit, additque ex *Thomasio* *Lyciniani* collem natura munitum Commilitibus occupatum, *Sillamque ordinato Reipublicæ statu exinde Colonias deduxisse* comprobatur ex Epitome *Liviana*, sed quas Colonias ille deduxerit ob subitos, atrocesque Reipublicæ casus non est Authoribus priscis memoratum, nec an tunc *Lucinianum* fuerit ex *Coloniis Sillæ* ab eo, qui *Lucius* dicebatur, denominatum; hoc desumitur ex lapide, quod cum *Sillæ* Dictator bellis fessus anno ab urbe condita DCLXXI. *Publius Servilius*, & *Appium Claudium* sibi ab intimis in Consules delegisset, & paulò post vita migrasset tempore præfatorum Consulum inscriptionem fuisse confectam, comprobatur verò sufficienter Decurionum Magistratus lapide recensitis *Lucinianum* Coloniam, seu municipium extitisse, cum Senatores Coloniarum, ac municipiorum Decuriones appellari asserat ex *Cicerone*, *Suetonio*, ac *Pomponio*, *Sigonius*; *Tacitus* verò, ut egregiè idem *Dynus* ponderat, refert Colonias, ac municipia *Clanarum* exundationem extimescentia, propè quas verustius *Luciniano* oppidum non occurrit, & unum fuisse ex iis, qui Legationes *Romam* miserunt, probabilissimè credendum ex præmissis; hinc rectè inscriptum *Luciniani* in Ecclesia S. *Michaelis* Archangeli.

TEMPLVM HOC AEVO VETVSTIVS.

Cum antiquitus *Minerva* pro olei excellentia, ac Numina Paganorum colerentur propè *Rochem*, quæ *Sillana* dicebatur, ut traditione patet; & indicant plurimi la-

pides ad puteum novum, sub *Architravi*, supra Januam in Platea, murisque oppido affixi. Turrelque ostendunt munimentum antiquitatem. Terra opulenta inter magis insignes *Tuscia* semper habita, in qua duo florere summi Viri Pater *Bartholomæus Bassus* inter insignes Professores in *Ticinesi* Academia reputatus in Consilio *Tridentino* disputavit acerrime, oravitque teste *Vuadigo* in Dominica secunda Adventus, cuius verba edita *Brixia* 1563. de ordine Patrum, at dum in Quadragesima Orator *Mediolani* laudes Paupertatis, abnegationisque propriæ voluntatis iusta verba Nostris *JESU CHRISTI* Mundi Redemptoris edidisset à S. *Carolo* in æde ex improvise splendide vivens salutaturs migravit ejus monitionibus intellectis ad *Cappuccinos* inter Beatos habitus. Beatus *Matthæus* in Silva *Ilicetana* Senarum profunda Doctrina, ac sanctimonia effulsit, ut in longo Poemate D. *Dynus* recenset, & quamvis in Manuscriptis cuiusdam *Senarum* legatur fuisse de *Forestanis* ex *Senensibus*, contra est, quod vulgò inscribitur, & patet in Tabellis Cœnobii S. *Martini* Senarum Beatus *Matthæus de Luciniano*, & probat P. *Landuccius Senensis*, quoniam in suo liberulo Priorum *Iliceti* sub Chronicis M. S. asserit B. *Matthæum de Luciniano* esse ex Filiis *Francisci Dynii*, & probant Epistolæ Cardinalis *Borghesi*, quibus sponder separatim eundem. B. *Matthæum Dynum*, quia ab origine *Senarum*, quæ est nobilissima *Borghesiorum* Patria, Pontifici antepone ad futuram sanctificationem, quæ certè D. *Dynus* ignoravit, cum eodem relata non sint, & cognomen B. *Matthæi* reliquit in albo, & equivocatio est clara, quia ut in libris *Leonum*, reliquisque Signoristis *Senarum* legitur *Dynus* pronomine *Forestanus*. Plura alia cognomina Virorum de Familia *Dyna* D. Author reliquerat in albo, nè videretur fortè suæ gentis gloriam quassisse, ego verò in margine apponi curavi, nè historia deficiens videretur.

Quod attinet ad originem. *Politiani* nobiles in loco Comitiorum erexere statuam cum inscriptione LAARTI PORSENÆ CIVITATIS POLITIANÆ FVNDATORI.

Inter quos, *Aretinos*, ac *Sabinenses* ingens viget controversia de Patria *Julii III.* Dominus *Dynus* asserit communiter tradi antiquos *Julii* natos *Sabino*, dicitque Feudum nobile, & extitisse Patriam *Petri Montii*, qui vulgò *Guidalottus* dicebatur, Magnus Militum *Melitenum* Magister.

Sarteanum conditum dicunt ab *Orbevetanis*, verius auctum opinor, munitumque cum in *Clanarum* ditione adversus *Senenses* armis irrumperent, ut incolæ vetustissima traditione comprobant.

Senalungam verò credunt fuisse Arcem *Aretinorum*, & est argumento lapis ibidem repertus per P. *Camurrinum* indicatus, in quo legeretur inscriptum.

Q. FABIO CELERI
EQVITI ARETINO.

Reliqua errata agnoscendo humaniter ignoscas.
Luciniani 15. Junii 1695.

F I N I S.

I N D E X NOMINUM ET RERUM NOTABILIORUM.

A.
Ltus Comes *Arcium Luciniani* præfectus aufugit, & ob id *Ilcini* capite mulctatur. 35. A. B
Angelis (Joannes de) *Paduæ* Inquisitor. 36. F
Angelus *Politianus*, vir clarus. 18. B
Annibal ad *Romæ* oppugnationem & *Capitolium* exscindendum impulsus. 8. B
Romanorum hostis devotus. 8. C
in paludibus *Clanarum* luce oculi orbatus. 8. D
Regionem *Clanarum* ferro flammisque vastat. 8. F
deliciis frangitur. 9. D
P. *Annius Viterbiensis Cluverio* reprobatus. 21. D
Antonius Cardinalis de Monte, vel *Montium*, Civis *Politianensis*. 18. C. 27. A

Aretini a Romanis rogantur, ne *Tarquinius* pulsos juvent. 4. C
eorum liberi C. *Hostilio* obfides dati. 7. F
consent in *Senatu*, a Consule *Flaminio* Collegam expectandum. 8. F
supra reliquas Colonias, sociasque Civitates opem ferunt *Scipioni* in *Pœnos* profecturo. 9. E
eorum Imperii fines prope portum extra *Ariminum*. 9. F
auctores belli socialis. 10. A
eorum agri per *Sullam* adempti restituuntur. 10. D
veteres, *Fidentiores*, & *Julieneses*. 11. A
Cortone muros diruunt. 11. D
ad ultionem paratissimi. 16. A. B
Dignitatem Sanctæ Sedis defendere parati. 21. A
eorum res ad summam potentiam evecta. 22. B
Arc-

INDEX NOMINUM ET RERUM NOTABILIORUM.

Aretini Lucinianenses invadunt, & pellantur.	22. B. C
— Florentinos, ac Senenses aliquando vicerunt.	22. D. E
— Etruriæ Imperium affectant.	22. E
— oppida Senarum diripiunt.	22. E
— oppidum Cecilianum invadunt.	22. E
— provocant Florentinos.	22. F
— cum Florentinis ad Campaldinum pugnant, & vincuntur.	22. F. 23. B. C. D.
— Viros LX. ad regendam Rempublicam creant.	24. C
— Lucinianum obsident, & cum Lucinianensibus per XV. annos decertant.	24. D
— cum Carolo, Siciliæ Rege, in societatem conveniunt.	24. E
— vincuntur proditione a Ludovico Angioino.	24. F
— venduntur Florentinis.	25. A
— rebellant a Florentinis Petri Medices partes affecti.	25. A
— novi ex ex Sillana proscriptione, sive post Triumviratum deducti, est in questione.	27. F
Aretium inter Etruriæ capita.	4. B
— a Gallis oppugnatum.	6. A
— una dempta Perusia, supra Principes Tuschorum veteres Civitates splendet præ cæteris Civitas validissima.	21. C
— Tuscis conditum, & ab Aris denominatum.	21. D
— Equitum D. Stephani ac Melitensium fecundissima.	21. D
— habet vestigia veteris Amphitheatri.	21. E
— a Longobardis disjectum, dein in libertatem se asseruit.	21. E. F
— a Florentinis improspere obsidetur.	23. F
— Florentinis addicatur, sed vetustæ lapsis annis libertati restituitur.	24. C
— Viris summis insigne.	25. E. F. 26. A. B. C
Aruns Clusinus, Porsenæ filius, in expeditione adversus Aricinos cadit, non tamen inultus.	5. B. C
— dulcedine vini allicit Senones.	5. D
Axianum, vulgo Ascianum, ab Axe Deorum delubris dictum.	17. A

B.

Baccatus (Augustinus) vir pietate & observantia venerabilis.	36. F
Baffius (P. Bartholomæus) publicus in Academia Papiensi Theologiæ Professor.	36. E
— in Academia Ticinensi insignis Professor.	44. A
— (Marianus) Arcium Senensis ditionis Præfectus.	37. F
Bagliconus (Petrus) strenuus Equitum Magister.	19. F. 20. A
Balnea Clancianensia leniora iis Montis Cassiani.	19. A
Bastardum a Lucinianensibus expugnatur.	18. A
Bellarminus Cardinalis, Ecclesiæ fulcimentum.	18. C
Bibiena a Florentinis in potestatem recipitur.	23. F
Bighettus, Equitum Magister.	34. C
— capite multatur.	35. B
Borbonius in obsidione Romæ occiditur.	31. B
Brunus (Hieronymus) Commissarius vallis Clanarum.	37. F
— (Victorius) Vir Clarus.	37. A

C.

Calabresius (Moretus) Termes Præfectus.	40. A
Camertinenses a Clusinis originem jactant.	19. B
Capitolium nec a Porsena, nec a Gallis temeratum.	8. B
Capitula ac Privilegia concepta verbis amplissimis important exemptionem a Datis & Gabellis absolutam.	35. D

Capitula perpetuo ligant, nec requiritur confirmatio.	35. E
— onerosa firmata mutuis pactis & obligationibus sunt irrevocabilia.	36. B
Capitulis non potest derogari, nisi in casibus gravissimis.	35. F
— ac Privilegiis in vim pacti ademptis, regna evadunt latrocinia magna.	36. C
Capponius (Cinus) ne in manus Cosimi incideret, mortem sibi conscivit.	34. F. 35. A
Castellione (Laurentius de) providus miles.	19. E
Castilio collis Aretinus dictus.	27. C
— ab amplitudine Castello dictus.	27. D
— Egregiis Viris illustris.	27. D
Castilionensium fama, dum Romani rerum potirentur, obscurissima.	27. D
Castri Plebenses fidi Borbone delentur.	31. B
Castrum Senense a quo conditum.	16. C. D
Catilina cum Fæsulano improspere pugnat.	10. F.
Cervinus (Antonius) Politiani Antistes.	18. D
— (Marcellus) Vir Clarissimus.	18. D
Cetoniæ credunt Chritoniæ, Romanorum coloniam.	20. C
Ciaia (Pippus) Dux militum Senarum renuissimus.	20. B.
Cilneum, vel Cilnium, genus differt a Licinio.	7. E
Ciognius (Nardus) Lucinianensis Capitaneus.	30. C
Ciognus (Ludovicus) Episcopus Venafranus.	37. D
Clanarum fluvius ubertate agri ac oppidis insignis.	1. A. B
— Regio ab Annibale ferro flammisque vastatur.	8. F
Clancianenses quasi cis Clanas.	18. F. 19. A
— venationum amici ad epulandas prædas conveniunt insimul.	19. A
Clancianensia Balnea leniora iis Montis Cassiani.	19. A
Clusentium dicunt Casentinum a clausura Montium.	15. E. 16. A
Clusini Romanis formidabiles.	4. D
— opem ferunt Scipioni in Pænos profecturo.	9. E
— a clade Sillana profugi in Monte Politiano, ac Castro Plebis credunt se recepisse.	16. B
— ab iis jactant originem Camertinenses, ac Politianenses.	19. B
Clusium olim Camers.	3. A
— inter Etruriæ capita.	4. B
— a Gallis oppugnatum.	6. A
— oppidulum ad Montana Aretinorum, veterum historiis ignotum.	15. E. F
— in longum se protendit, ambitu fere unius milliarii.	19. A. B
— Romanorum colonia libertatem consequitur.	19. B. C
Coclitis fortitudo.	4. F
Columba candoris immensi, in flammis resoluta, pacis omen.	13. F
Contiles (Lucas) vir eruditione præclarus.	20. D
Corithus, Etruriæ Princeps Hastatus.	11. C
Cornia (Ascanius de) Perusinus, militum Præfectus.	19. F
— — Santacii Pistoriensis dolo deceptus.	20. A
— — ad Regem Galliæ captivus a Senensibus missus.	20. B
Corfilianum nunc Pientia.	16. F. 17. A
Cortona olim Crotona, sedes Corithi præ cæteris Italiæ vetustissima.	11. B. 12. F
— ejus populus supra cæteros Clanarum dives.	11. B
— Colonia Romanorum.	11. C
— ei D. Romulus Christi doctrinam patefacit.	11. C
— ejus muri diruuntur ab Aretinis.	11. D
Cor-	

Cortona libertatem assequitur pulsus Longobardis. 11. D
 — pluribus personis illustribus insignis. 12. F.
 13. A
 Cortonenses incidunt in tyrannidem Ugutionis. 11. F
 — Regem Ladislaum armis pellunt. 11. F. 12. A
 — cum Galeotto Capitano Lucinianum invadunt. 12. C
 — pugnant cum Lucinianensibus. 12. D
 — incendunt publicas Lucinianensium scripturas. 12. E
 Cosimus Primus Senenses a Gallorum societate dirumpere conatur. 12. B. C
 Croton, arx & Metropolis. 3. B. 4. B
 — fortunata & ampla dicta. 2. C

D.

D. **D**Onatus, Episcopus Aretinus. 16. C
 — inter Martyres adscriptus. 16. F
 Dynus (Joannes Jacobus) Capitaneus. 32. C
 — (P. Joannes Jacobus) Vicarius Generalis Italiae. 37. A
 — (Ludovicus) Capitanei nomine decoratus. 37. F

E.

E**P**iscopus Aretinus novem millia armatorum Aretio educit. 22. F
 — ad Campaldinum Equites Florentinos fugat, sed victus occiditur. 23. D
 — Tiphernum, Burgum, Terram novam, Castilionem armis retinet. 24. A
 — Ludovico Bavaro ferream coronam imponit. 24. A
 — Montem S. Sabini diruit. 24. B
 Etrusci vetustissimi Maris Domini. 1. D
 — Scipionem in Pænos profecturum juvant. 9. E

F.

F**A**rinaccius (Prosper) Vir Clarus. 20. D
 Farnetella, sedes Ghibellinorum, muris nudatur. 11. D
 Flaminius Consul. 8. D
 — ex Concilio Patrum Aretii habito præcepserumpit, & pugnae adversus Pænos signum proponit. 8. F. 9. A
 — in acie ad Trasymenum occisus. 9. C
 Florentia, Tuschorum Regina. 8. D
 Florentini Politiano potiuntur. 17. C. D
 — Gargonfam obsident. 21. A
 — ab Aretinis prope Montem Catinum victi. 22. D
 — victis Aretinis, Bibienam in potestatem recipiunt. 23. F
 — Aretium obsident improspere. 23. F
 Fluviani territorium a Lucinianensibus diripitur. 18. A
 Fluvianum scribunt quidam ita dictum a Flavio. 17. A
 — proditione ab hostibus sociisque depopulatur. 34. B
 Foanenses cum Lucinianensibus spatio fere annorum 100 armis disceptarunt de finibus. 13. C
 Foanum, oppidum copiosum, & nobile. 13. B
 — merum & mistum imperium usurpavit. 13. C
 Fregosus (Aurelius) militum ductor. 34. D
 Fullonica a Politianensibus expugnatur. 18. A
 — ubi sita. 20. E

G.

G**A**leottus, Cortonensium Capitaneus. 12. C. D
 Galli Aretium, Clusium oppugnant. 6. A
 Gargonfa, oppidum a Florentinis obsessum, ab Aretinis defenditur. 20. F. 21. A

Gorus, in Lyceo Senarum Theologiae Lector. 36. F
 Graccianum, vetus oppidum, in scripturis veterum Grachianum. 11. B. 14. A
 Grypholus (Jacobus) Vir Clarus. 36. D. E
 Guidus, Episcopus Aretinus. 23. F
 Gulielmus, Episcopus Aretinus. 22. E. 23. F

H.

H**E**nricus VII. Cortonensium libertatem jurejuramento firmat. 11. F
 C. Hostilius recipit in obsides liberos Aretinorum. 7. F

I.

I**A**cobus Cardinalis Ammanatus, vulgo Papiensis, ad conciliandos animos Lucinianensium cum Foanensibus delegatus, ab iis illuditur. 13. D. E
 — ope columbae obduratos Oppidanorum animos componit. 13. F
 Janus, Tusciae aureo seculo Rex. 13. B
 Jesuitarum de Republica Litteraria emeritissimorum Aretii Collegium. 21. C
 Immunitas non debet lædi, nisi cum onus ferri non potest ab aliis. 36. A
 Imperium quod Soloni rectum fuerit habitum. 8. A
 Incisa, oppidum in antiquis finibus Phæsulanorum. 8. D
 Interpretandum est contra Principem & contra Gabbellam. 35. F
 Jordanus, Episcopus Cortonensis. 12. F
 Italia prisca a quibus aras, ritus, divinationes habuerit. 1. D
 Judicia variis in locis apud antiquos instituta. 3. F
 Julii veteres Monte Sancti Sabini nati. 26. F
 Julius III. Aretinus dictus. 26. F

L.

L**A**dislaus Rex a Cortonensibus pellitur. 11. F.
 12. A
 Landericus, Romanus Senator. 16. C
 Licinia oliva liquore amabilis. 29. E. 30. A
 — Silva. 6. C
 Liciniæ baccas maturas, molles, appetunt omnes aves, & explicatur Plinius, Lib. XV. cap. II. 30. A
 Licinii magnæ fuerunt potentia & dignitatis. 6. C
 — cum plebe reducuntur sub patrocinium Romanorum. 6. D
 — Liciniano sede utebantur. 7. A
 Licinium Genus præpotens, teste Livio. 6. B
 — differt a Cilnio Aretino. 7. E
 — Oleum differt a Venafrano supra illud concelebratum. 29. E
 Livius dictus negligens, & verbosus. 6. E
 Lucii Corn. L. F. monumentum. 7. C
 Lucinianenses cum Foanensibus centum fere annos de finibus disceptarunt. 13. C
 — Politianenses strenue fugant. 18. A
 — Fluviani territorium diripiunt, Puteum & Bastardum expugnant. 18. A
 — ex eis CL. juniores Senensibus in obsides dantur. 22. A
 — Episcopum Aretinum, oppidum armis invadentem, victum pellunt. 22. B. C
 — nec subditi Senarum, nec Aretinorum. 22. D
 — cum Sabinensibus se jungunt Aretinis victoria superbientibus. 22. D
 — convocant milites adversus Aretinos, cum quibus per XV. annos decertant. 24. D
 — iis insigne Griphonis donatur. 24. C
 — a Perusinis rebellant. 24. C
 — libertatem assequuntur. 24. C
 — assequuntur a Senensibus Civilitatem inter nobiles secundi ordinis habiti, & merum ac mixtum imperium. 24. D
 Lu-

ET RERUM NOTABILIORUM.

Lucinianenses nec diu servi, nec diu Domini esse va-
lent. 29. C. D
— ad arma ferocissimi. 30. C
— liberant Senas ab obsidione. 30. C. D
— fidi. 30. F. 31. A
— iis publico nomine a Senensibus gratiæ reddi-
te. 30. F. 31. A
— Villam Senarum Equitum Magistrum elidunt. 31. F. 33. D. E
— excidium passi loco anni in contractibus inscri-
bebant de tempore nostræ devationis. 32. E
— Locupletes carceribus Senalungæ addicuntur. 32. F
— cum Senensibus Diegum, Hispanosque pellunt. 33. C
— Florentinos recipiunt Senensibus destituti. 33. F
— Senensium iterum in gratiam recepti. 34. A
— initis Capitulis Cosimo se submitunt. 35. C
— Gallos, ac Ilcinenses fugant. 36. D
— eorum fœminæ ruunt strenue ad arma. 36. D
Lucinianum in actis veterum, & gravissimis au-
toribus latine Licinianum. 6. F. 7. A
— a quibus conditum. 7. A
— colonia Sillana. 10. B
— arte, natura, ferociumque virorum copia præ-
munitum. 10. C
— a Cortonenſibus invaditur. 12. C
— a Lucio Sulla e Liciniano Lucinianum deno-
minatum. 17. A
— Clavis Vallis Clanarum, ut auctor est Cinus. 17. C
— Senensibus per arbitros adjudicatum. 17. C. D
— Orbevetanis tributum, ac Censum Romanæ
Ecclesiæ perſolvebat. 22. A. B
— ab Aretinis obsidetur. 24. D
— medio Clanarum Vallis sinu præeinenti colle
insidet. 28. F
— a turribus & structura murorum habet signa
antiquitatis. 29. A
— ab Aretinis, Senensibus, Florentinis, Peru-
ſinis, Orbevetanis loci dignitate, ac opportunitate
armis perpetuo decertatum. 29. B
— sedes belli a Strozza eligitur. 29. B. C
— ejus solum pingue emi exteris vetitum. 29. C
— templis, molibusque militaribus pervenustum. 30. B
— fortissimum, ac munitissimum arte & natu-
ra. 31. A. 35. B
— obsidetur a Ferrante Gonzaga. 31. E. F
— arte & dolo magis oppugnatur, quam virtu-
te. 32. A. B
— oppidum incenditur, scripturæ neci traduntur. 32. C. D
— ejus comitatus Pagis, villis, incolisque olim
copiosus. 33. A
— dives, & potens judicatum, teste Podio. 33. C
— ejus deditio Senensibus infausta. 35. C
— a Datis & Gabellis ab immemorabili exem-
tum. 36. A
— oppidum opulentum ac nobile. 39. E. F
— virorum copia prænobilis. 38. E. E
Lucius Prætor cum Legionibus trucidatur. 6. A
Lucumones Etruriæ concilia inibant ad Fanum Vol-
turnæ. 3. D. E
Lydi exegere Pelasgos. 2. B

M.

Mæcena villa. 42. B
Mancinus (Lelius) Vir Clarus. 18. B
Manutenendus, qui est in veteri possessione. 35. D. E
D. Margaritæ membra a corruptione exempta. 12. F
D. Mariæ Gradatæ Fanum. 7. D
Marinianus ex Marchionibus Mediceis, aurum, ait,
robur ac fortuna belli. 19. D. E
— excurrit per insidias ad portas Senarum. 19. E
Martianum Strozze clade insignitum. 28. E
Mecenas Aretinus equestrem ordinem sortitus. 7. D. E
Mediceus (Petrus) oppida vallis Clanarum recipit. 25. B. C

Michellius (Annibal) Ravennæ Auditor, &c. 20. E
Minutellus (Bernardinus Ciolus) Sessæ Episcopus. 17. C
Monaldensis, Dux Orbevetanorum, Senis ducitur ca-
ptivus. 17. E
Mons Latonæ, vulgo Totonæ. 18. F
— S. Sabini diruitur. 24. B
— — — egregiis Viris lapso seculo evasit illu-
stris. 27. E

— — — Feudum nobile. 27. F. 28. A. C
— — — a Sancto Sabino nomen habet. 8. A
— — — habet Palatium familiæ Montium. 23. B
— — — a Duce Calabria vi expugnatur, ut
inquit Malevoltus. 28. B
— — — a vastatione divino auxilio immunis. 28. C
Montis Ilcini Cives fidi, militia egregii, insiden-
tes colli munitissimo. 19. E
Mulieres apud plures nationes in Consiliis sententiam
dicebant. 3. F. 4. A
Mutii temeritas gloriosa. 4. F

N.

Nobilis (Robertus) Cardinalis. 18. C
— (Vincentius) militum Præfectus. 18. E
Nomina Castrorum ab insigni fluxa. 17. A

O.

Ogigianum, Colonia. 27. F
Oleum Licinianense. 1. B
Orbevetani a Senensibus fugantur. 17. E
— a Luciniano, Sarteano, Politiano tributum
obtinent. 22. A. B
— Sarteanum condidisse creduntur. 44. C. D
Orbevetum, a Cæsareis militibus obsessum, a Po-
litianensibus juvatur. 17. D

P.

Pacciucchellus (P. Angelus) Vir Clarus. 18. B
Papiensis (Jacobus Cardinalis) Lucinianenses
cum Foanensibus conciliaturus illuditur. 13. D. E
— — — ope Columbæ obduratos animos
componit. 13. F
Passerinus (Sylvius) Cardinalis, Umbriæ Legatus. 13. A
Pecora (Familia) de Cavalieriis de Ordine Senato-
rum Politiani pellitur. 17. F
— (Thorius Cavalerius de) Taurusius cognomi-
natus, Caroli V. militum custodiæ Præfectus. 18. E
Pelasgi, Theſſaliæ populi, Umbros pellunt. 2. B
Perulia summorum virorum tam bello, quam pace
fœcundissima. 19. F
Perusini suburbium Luciniani, ac pagum Sancti Bla-
ſii incendunt. 24. C
— donant Lucinianensibus insigne Griphonis. 24. C
Petramala (Tarlatus) Dux strenuus. 41. E
Petrutius (Pandolphus) Senarum Moderator, Pe-
tro Mediceo favebat. 25. B
Pignatellus (Dionysius) Romandiolæ, Ferrariæ, Bo-
noniæ Subauditor. 20. C. D
Pisæ, prima Tuscorum urbs. 3. D
Pœni Clanarum regionem vastant. 8. F
— Romanos ad Trasymenum superant. 9. B. C
Politianenses Orbevetum Cæsareis obsessum militibus
missis defendunt. 17. D
— occupant fines Calicianensium. 17. E
— sub urbe Clusio armis irrumpunt. 17. E
— cum Orbevetanis a Senensibus strenue fugan-
tur. 17. E

— nec totam libertatem, nec totam servitutem
pati possunt. 17. F
— sub patrocinio Senarum cum mero & misto
Imperio. 18. A
— Civitate Senarum donati, & inter nobiles
habiti. 18. A
— Fallonic. expugnant, ac Turritam quatunt. 8. A
— Lucinianensibus fugantur. 18. A
— a Clusinis originem jactant. 19. B
Politianum in apice collis pollens, antiquitus Pollitia-
num. 14. A
— abertate soli, ac cæli clementia jucundum. 1. A
— ejus vetustatem probant structuræ murorum. 15. D
— a Zenobio conditum dicitur Volaterrano. 16. C

- Politianum modo Senensibus, modo Florentinis cecit in
 prædam. 17. B
 ——— libertatem consequitur. 17. C
 ——— a Senensibus in desolationem relinquitur. 17. B
 ——— Florentinis per arbitros adjudicatum. 17. C. D
 ——— Viris toto orbe celeberrimis claruit. 18. B
 ——— Orbetanis tributum, ac censum Romanæ
 Ecclesiæ persolvebat. 22. A. B
 ——— de ejus origine statua cum inscriptione erecta. 44. C
 Populonia a quibus & qua occasione fundata. 2. C
 Porchachius (T.) Vir Clarus. 27. E
 Porfena, Clusinus Lucumo, Tarquinius Roma pul-
 sos adjuvat. 4. D. E
 ——— ejus gratiam Romani ambiunt. 5. A
 ——— num propriis se foderit armis. 5. C
 ——— non tantum Lucumo, sed & Rex Clusinus in-
 scribitur. 41. F
 Privilegia concessa hominibus concomitantur personam
 ubicumque contrahere contingat. 35. F
 ——— concessa non subditis sunt irrevocabilia. 36. A
 ——— ob servitiorum remunerationem, nec ingratitu-
 dine revocari possunt. 36. B
 Puteana villa a Lucinianensibus expugnatur. 18. A
Renzolius (D. Angelus) Pisarum, & bis Pi-
 storii Judex. 38. E. F
 ——— (D. Joseph) Venetiis legalis Philosophiæ Le-
 ctor. 37. A
 Riccius (Joannis Cardinalis) Literatorum Mæcenas,
 Patriæ Pater. 14. D
 ——— ——— ——— parum absuit, quin Pontifex crea-
 retur. 18. C
 ——— (Julius) ab Innocentio XII. inter domesticos
 Prælatos accitus. 18. D
 Rigomagenies, dulces eloquio, leta fruuntur aëris be-
 nignitate. 20. F
 Ristorius (Christoforus) arcium Lucin. Præfectus. 12. D
 ——— (P. Emilius) Philosophus, ac Theologus So-
 cietatis Jesu Eminentissimus. 39. C
 Romani quam Republicæ formam elegerint. 4. A
 ——— eorum pueri apud Tuscos litteras edocti. 4. B
 ——— Aretinos rogant, ne Tarquinio suppetias mit-
 tant. 4. C
 ——— iis Clusini maxime formidabiles. 4. D
 ——— eorum Legiones a Senonibus sternuntur. 5. F
 ——— ab iis, Tuscorum viribus attritis, plures populi
 pacem petiere. 6. A
 ——— a Pœnis ad Trasimenum lacum superantur. 9. B. C
 Romulidum virtus in adversis prospecta. 4. F
 D. Romulus Cortonæ Christi doctrinam patefacit. 11. C
 ——— Etruriæ Apostolus. 25. E
 Romulus, Romæ conditor, quibus judicia ac sacra
 gerere permisit. 8. A
 Rossetum, vulgo Grosseto, Civitas Russellarum
 everfione aucta, & denominata. 19. C
Sacra Diis in lucis, & ad Fanum Voltumnæ, cele-
 brata. 3. E
 Salvius (Joannes) strenuus Dux Pisancorum. 37. E
 P. Sanefius, Theologus celeberrimus. 37. B
 Santacius Pistoriensis Ascanium de Cornia decipit. 20. A
 Sartheanenses fidi ac armigeri. 20. E
 Sartheanum, terra nobilis. 20. D
 ——— Orbetanis tributum, ac censum Romanæ
 Ecclesiæ persolvebat. 22. A. B
 ——— ab Orbetanis conditum dicitur. 44. C. D
 Scipio in Pœnos proficiscens ab Hetruriæ populis ju-
 vatur. 9. D. E
 Scripturæ publicæ Lucinianensium incensæ. 12. E
 Scurfianum, terra venatoribus laudata. 20. F. 21. A
 Secinum a Zenobio conditum dicitur Volaterrano. 16. C
 Sena in Etruria Tuscis condita. 16. D
 ——— dicta a Senonibus. 16. D
 ——— aliis dicitur mediterranea, aliis Colonia Ro-
 manorum, aliis Colonia Julia. 16. E
 Senalunga Arx Aretinorum fuisse creditur. 20. F. 44. D
 Senarum Patres cum plebe in die festo acclamabant,
 Lucinianum amore, non vi aut metu, duci ad libera-
 lem deditionem. 24. E
 Senenses ad communem libertatem vindicandam Flo-
 rentinos laceffunt. 12. A. B
 ——— Luciniano potiuntur. 17. C. D
 ——— Politianenses & Orbetanos fugant. 17. E
 ——— recipiunt in obsides CL. ex junioribus Lu-
 cinianensium. 22. A
 ——— ab Aretinis prope Montem Catinum victi. 22. D
 ——— Fluvianum obsidere aggrediuntur. 34. B
 ——— pro libertate animam effundere parati. 34. E. F
 Senones natura, ac ingentibus armis feroces. 5. D
 ——— Romanorum Legiones sternunt. 5. F
 Serbattistis (Franciscus de) Vir Clarus. 38. F
 Silla cum Carbone prope Clusium pugnat a quo Marte. 9. F
 ——— oppida commilitibus suis distribuit. 10. A
 ——— quare ipsi nomen Felicis inditum. 10. A
 ——— ejus commilites Luciniano insederunt. 10. E
 Sixtus IV. Pontifex. 40. A
 Solon quod Imperium rectum ratus. 8. A
 Strozza (Petrus) maritima Senarum subit. 19. C
 ——— destitutus ab equitibus cum Turo Zon-
 dodario pugnat acriter. 34. C. D
 ——— ——— ——— cum prius Martinianum, deinde Luci-
 nianum excipit. 34. F
Tarcon, Tyrrheni filius, condidit XII. urbes in
 Etruria. 2. B
 Tarlatorum familia de Petramala rem Aretinorum
 ad summam potentiam evexit. 22. B
 Tarquinius Roma pulsus a Porfena Clusino juvantur. 4. D
 Taurusius (R. P. D.) sapientissimus Pisarum &
 Sardinie Archiepiscopus. 18. B
 ——— (Franciscus) Rotæ Romanæ Auditor. 18. D
 ——— (Franciscus Maria) Cardinalis. 18. C
 Tectis Cistis cum Aurelio Fregoso Ilcino aufugit. 35. A
 Tedescus (Prosper) Paduæ Pisisque Lector. 27. E
 Theodora, Justiniani conjux, a marito in rebus ha-
 bita particeps. 4. A
 Turrita a Politianensibus quatitur. 18. A
 ——— ubi sita. 20. E
 Tusci quot urbibus cis & trans Apenninum incolue-
 rint. 3. D
 ——— eorum vires a Romanis attrite. 6. A
 ——— Aretii conditores. 21. D
 Tyrrheni Clusium in ditionem rede gere. 3. A
 Tyrrhenus, Athis Lydorum Regis filius. 2. B
Vanninus (Joannes Baptista) J. C. probatissimus. 32. E
 Verba bis geminata ogni, e qualunque includunt
 omnes casus, etiam expressis majores. 35. E
 Veridianus (Petrus Jacobus) in Collegio propagan-
 dæ fidei Lector. 37. A
 Ugutio, severissimus Cortonæ Tyrannus. 11. E. F
 Vicecomes (Galeazzus) Dux Mediolanensium. 17. C. 40. A
 Villanus evincitur fabulosus. 16. E
 Vina Muscatella, tam alba, quam rubra, Liciniani
 optima. 15. B
 Vinum Politianense, Lucinianense, ac Clancianense
 comparatur. 14. F. 15. A
 Viri Clari Aretini. 26. A
 ——— ——— Castilionenses. 27. E
 ——— ——— Cetonenses. 20. C. D
 ——— ——— Cortonenses. 12. F
 ——— ——— Lucinianenses. 36. D. E. 38. E. 39. A
 ——— ——— Montis Sancti Sabini. 28. A. E
 ——— ——— Perusini. 19. F
 ——— ——— Politianenses. 18. B
 Vitellius (Vitellozzius) Civitates ac oppida Cla-
 narum potestati Mediceæ familie restituit. 25. A. B
 Umbri ita dicti, quod imbris superfuerunt. 2. B
 Voltumnæ ad fanum concilia, ac Sacra Diis cele-
 brata. 3. E
 Urfinus (Neapoleo) Cardinalis, Aretio excipitur. 21. A
Zefferinis (Beati Ugolini de) e corde tria lilia
 florere, agris ac cæcis salutaria. 12. F
 Zenobius, Landerici Romani Senatoris filius. 16. C
 Zondodarius (Tura) Dux militum Senarum stre-
 nuissimus. 34. D

FRANCISCI DYNII,

Lucinianensis, Advocati Senensis, &c.

De

ANTIQUITATIBUS
UMBRORUM,
THUSCORUMQUE SEDE,
AC IMPERIO,

Deque

CAMERIO, ac CAMERTIBUS

a Sylla excisis

DISSERTATIO HISTORICA,

Adversus Opiniones

BLONDI, ALDI, SIGONII, CLUVERII, P. PAPEBROCHII
SOC. JESU, AC RECENTIORUM,

In qua plures inscriptiones Gruterianæ solidissimis fundamentis ad crifim revocantur,

LILII fundamenta de fui Camerini Antiquitate exploduntur.

Agitur incidenter de Liciniani in Etruria Antiquitate: esse à Lucii Syllæ Militibus Lucianum dictum, Coloniam ductum ex vetusta Inscriptione eruitur: Patriam esse C. Mæcenatis adversus Recentiores ostenditur.

ACCESSERUNT NOTÆ REV. FRANCISCI REGAZETTI, FALCONENSIS,
DITIONIS VENETÆ.

Editio Novissima, nitidior & emendatior.



LUGDUNI BATAVORUM,

Sumptibus PETRI VANDER Aa,

Bibliopolæ, Civitatis atque Academiae Typographi.

P R Æ F A T I O H U J U S N O V Æ E D I T I O N I S.

L E C T O R I S A L U T E M.

AN T U M inesse Antiquitatibus momenti, ut ad ipsa explicanda, vel saltem investiganda, non detur accedere, nisi Viris eruditionis summæ ac profundæ, vel præsens *Francisci Dyni*, Lucinianensis, &c. evincit Dissertatio. *Umbro- rum* etenim, *Thuscorum* & *Camertium* Antiquitates, Origines, Sedes, ac Imperia a variis ita varie accipi videbat, ut de iisdem ne inter gravissimos quidem orbis literarii conveniret principes. Veritatis ergo gratiâ quod sibi argumentum sumserit, indicat Titulus; quantum vero præstiterit, ipsius confirmat rei pertractatio, & asserunt varia Eruditorum Operi præmissa Testimonia. Dissertatio præsens prodiit *Superiorum permissu*, & *Privilegio*, Anno MDCCI. *Venetis*, ex Typographia *Petri Pinelli*, in *Quarto*, cum adjunctis in eandem *Francisci Regazetti* Notis. Quoniam vero accipiebamus, opus hoc summa refertum esse eruditione, resque continere vel hætenus non discussas, vel nondum satis exploratas, monentibus Viris Eruditis & Gravissimis, hos *Dyni* labores prælo iterum tradidimus, & eam adhibuimus industriam, ut ipsi prodirent nitidissimi, & usui Lectoris ubique accommodati. Inde & *Notas Regazetti*, quæ in calce habebantur, Capitibus, quæ respiciebant, subjecimus. Nomina propria, citationes, ac aliunde transcripta, diversis a contextu consignata sunt literis, & ita patebunt eo facilius. Numeri paginarum Editionis prioris margini sunt appositi, ut, ubi quædam ex illa ab aliis scriptoribus citantur, eadem & hic reperiri queant absque molestia. Indices, Capitum & Rerum notabiliorum, addidimus, qui omnia hic contenta uno exhibebunt intuitu. his, *Benevole Lector*, felix utere & vale.

EPISTOLA DEDICATORIA.

EMINENTISSIMO AC REVERENDISSIMO PRINCIPI,

CÆSARI S. R. E. CARDINALI DESTREO,

Episcopo Albanensi, Duci, ac Pari Franciæ, Ordinum Regis Christianissimi Commendatori.

AM Magnam, Eminentissime Princeps, apud omnes homines Christianissimi Galliarum Regis magnanimitas, ac fortitudo peperit admirationem, ut quamplures Scriptores ejusdem celebratissimum Nomen nedum magni, felicitis, ac invictissimi elogiis honestarint, verum omnibus quibuscumque omnium sæculorum maximis Principibus parem omnino fecerint; non tamen unius etsi magni hominis felicitas posset adeo ingens videri, ac diuturna, nisi magnorum Virorum (quorum Gallia ferax est) qui ab intimis, ac secretis sunt, ministerium opitularetur, ac in dubiis consilium; compertum ubique est, Eminentiss. Domine, Regem Galliarum Regum maximum ubique semper opera tua fuisse jucunde, ac utiliter usum, teque arduis rebus tum in Gallia, tum in Urbe, tum in aliis Italiæ locis assumptum singularem exhibuisse in rebus bene gerendis vigilantiam, fidem, ac felicitatem; Romaque ipsa nedum sæpissime sapientiam, ac animi tui in negotiis definiendis robur admirata est, quinimo plures Pontifices te Regia genitum Prosapia ad Cardinalatus apicem virtutis tramite ductum ornarunt laudibus, titulisque decorarunt; quid enim gloriosius quam pietate, ac munificentia regios Avorum fastos ampliores reddere, illustrare? quid Reipublicæ magis optabile quam infinitas illas (quibus fulges) animi dotes in litteratorum commodum impendere? En tibi se vovit hæc dissertatio Antiquitatem Umbro- rum, Thuscorum, Camertumque origines novis fundamentis solo impulsu veritatis definiens, opus assiduo labore compactum ab Advocato Dyno Senensi in Curia notissimo, tot editis voluminibus ornatissimo, concinnatum, meis sumptibus excusum, quod gravissimorum judicio Virorum contineat res non adhuc à Recentioribus discussas, & non nisi auspice veritate absolvat; merito igitur Librum hunc purgatissimo judicio tuo, Litteratissime Princeps, submitto, ut eundem à Criticis immunem facias, mihi- que semper præsto sis, & faveas liberalis.

EMINENT. TUÆ

Deditiss. & addictiss. Servus
Salvator de Nigris.

ELOGIA AUCTORIS,

feu

INSIGNES SCRIPTORES, qui de Advocato FRANCISCO PIETRO DYNO memoriam retinuerunt.

JACOBUS BALDUCCIUS in suis Observationibus ad Consilia *Ramonii Tom. III. pag. 59. num. 4.* hæc habet: *quæ ordinatio confirmata fuit sententia Domini mei in Auditoratu Monaci Successoris Francisci Dyni de Liciniano sapientia, & morum honestate nemini secundi.*

ELOGIA AUCTORIS.

ANT. VINC. FRANC. DE BALDERESCHIS in Notis, quas edidit ad librum ejusdem *Francisci Dyni Antiquitatum Etruriæ, & de Situ Clanarum. Antiquitates Etruriæ* D. Francisci Dyni, *Advocati Senensis*, plurima leguntur eruditione, gravibusque sententiis conflatæ, pluribusque in locis Taciti stylus imitatur feliciter. Censui quædam adnotare nixus Scriptoris auctoritate, cum de D. Dyno alia plura extant monumenta, ingenio, ac labore compacta, nempe plures Orationes, Poëmata, Carminumque volumen Typis edendum, Consilia legalia, ac Decisiones, quæ manibus Jurisperitorum observantur, ac binæ ejusdem D. Dyni Decisiones in ordine 96. & 97. referuntur per summum legum Doctorem D. Jacobum Balduccium ipsius in Auditoratu Monaci Prædecessorem post observat. ad Consilia Ramonii Tom. IV. meminitque honorificentius Tom. IV. pag. 59. & in Indice V. Indiciū, & V. Conventic. in quibus modus fabricandi Processus Criminales fusissimè præscribitur juxta praxim, de qua utimur.

MARCUS ANTONIUS GUIGUES, Gallicus Ecclesiasticus in sua Sphæra Geographico-Cœlesti hoc Anno MDCC. Romæ cusa pag. 4. Cap. XXXIII. n. 2. hæc habet. *Mà gli altri versi sono del celebre Dottore Francesco Dini di Lucignano in Valdichiana nella Toscana, il quale doppo haver esercitato con somma sua lode le Preture del Ducato di Camerino, del Governo di Jesi, la V. Prefettura di Norcia, gli Auditorati Generali di Benevento, di Rieti, della Legatione di Romagna, e del Principato di Monaco, è stato qualche tempo ProGovernatore di Ravenna, esercita ora l'Avocatione nella Curia Romana, &c. Par. IV. Cap. XXXIII. pag. 277. e però il già sopramentovato Dottor Francesco Dini di Lucignano, uno de più begli'ingegni della Toscana, non che solo la gloria della sua Patria, e perciò degnissimo dell' Elogio fattogli (trà gl'altri) così da Balderefschi, come dall'erudita, & ingegnosa penna del Balducci stato suo Antecessore nell' Auditorato di Monaco, Tom. III. pag. 59. n. 4. in vedendo l'Epigramma del Beza hà quindi pigliata occasione di comporre un bello, e spiritoso Poema, &c.*

ÆMILIUS NOBILIUS, Prior Æsinas, in sua Poësi *Senogalliæ* ante opus ejusdem Dyni cusa, meminit de poëtica descriptione per eundem *Dynum* facta Civitatis, & Comitatus *Æsini*, quæ cum aliis Auctoris Carminibus Latino, & Etrusco sermone elegantissime confertis habes in Libro, cui titulus *Le Nozze Dandine* impresso *Senogalliæ* Anno MDCXCIII. par. 1. & 2.

Recollectis ejusdem *Franc. Dyni* variis Carminibus in *Bibliotheca Angelica Urbis Cœnobii S. Augustini* ad commoditatem publicam, alibique asservatis plura aggerantur elogia.

Edidit *Dissertationem*, seu *Responsionem de Translatione, & Collocatione Corporis S. Bartholomæi Romæ* in *Insula Lycaonia Venetiis* MDCC. de qua Rev. Aloysius Ant. Monticellus in Indice. *Franciscus Dynus, olim Provinciæ Romandiolæ, Monaci, Reatis, & Principatus Beneventi Generalis Auditor eruditissimus, Gravissimis editis Libris insignis, respondit huic dissertationi Eminentiss. D. Card. Ursini Archiep. Beneventani, mandato supremorum Ecclesiæ Principum.*

Edidit *Librum Antiquitatum Etruriæ, & de Situ Clanarum Senogalliæ* MDCXCIII. Sumptibus Mutii Dandani Episcopi Senogallien.

Edidit idem Franciscus Dynus *Observationes Historicas in Actis S. Venantii, ac* MDXXV. *Martyrum Camerinensium.*

Edidit *Vindicationes Actorum S. Venantii, &c. adversus P. Daniele Papebrochium Societatis Jesu, in duobus Libris excusas Venetiis* MDCCI.

Edidit *Dissertationem seu Vindicias Martyrologii Rom. adversus P. Papebrochium Soc. Jesu, pro defensione Actorum S. Meletii, ac Sociorum, Venetiis* MDCC. per Dominicum Aluisam.

Edidit *Dissertationem de Antiquitatibus Umrorum, Thuscorum, Camertumque origine, gestisque, &c. Venetiis* MDCCI. Sumptibus Petri Pinelli.

Hoc Anno MDCC. Typis demandati sunt ejusdem Francisci Dyni *Libri septem Carminum, nimirum Fastorum, ac variarum materiarum, & Poëses Lyricæ adjunctæ post Fulvium Testium, Venetiis per Dominicum Louisam. Item & alia volumina.*

De eodem honorificentissimè meminit insignis Scriptor Reverendiss. Pater Mag. VINCENTIUS CORONELLUS Ord. Min. Minister Generalis vigilantissimus in suo *Magno Dictionario M. S. Verbo Dyni.*

Ac D. FRANCISCUS SEQUANICUS in Collect. Scriptorum illustrium.

Et ACADEMIA MINERVÆ in Libro, qui inscribitur (*LA GALLERIA DI MINERVA*) Venetiis per Hieronymum Albritium Tom. IV. P. V. pag. 109. 110. 111. 112. ejusdem Dyni Libros gravissimo judicio recensuit, & elogiis pluribus illustravit.

AD LIBRUM DE ANTIQUITATE
UMBRORUM, &c.

ORNATISSIMI AUCTORIS
FRANCISCI DYNI,
Lucinianensis,

E L E G I A.

Lucianiana novam referat sibi Patria lucem,
Cum veteri quamvis Lux nova luce nitet.

Lyctis tibi nomen erat, cum pristina Grajis
Assurrexerunt nomina nominibus.

Lucius inde suo de nomine Sylla vocavit,
Unica mutatum littera nomen habet.

Lucia de Lyctis tantum sibi nomina finxit,
Nomine quàm fausto nomina lucis eunt.

A Lucis etiam, quorum terrore vetustas
Templa coronabat nobile nomen erat.

Hinc (1) Lucina, Nurus quam foetibus inde sacrarunt,
In lucis templum credidit illa tuis.

Nominis hanc etiam prisca sub Voce Dianæ
Audierat sylois Ara Licina suis.

Te quoque Mæcenas, nomen prob Vatibus ingens
Incoluit: tanto sydere clara tumes.

Cilinus Urbe fuit, Licinus quem Patria dixit:
Inversa est tantum syllaba, nomen idem.

Tu cunas tanto Vatum dare læta Parenti,
Quam lætos Vates Lucia terra paris.

Quæ Mæcenatem dederas, nunc ipsa Poëtas
Præbes: ô Natis ingeniosa tuis.

Mæcenate tuo Vatum qui carmina fovit
Nunc opus est: Vatem stringeret ipse Dynum.

Sic Mæcenatem jactares Una, Dynumque
Ille Poëtarum Cultor, at iste Decus.

Quanta suis sua Musa daret nova Carmina Fastis
Et raperet faciles ex Helicone Deas.

Dulcia quam vario reboarent plectra tumultu,
Atque Dynum acciperes optime Naso parem.

Sive Dynum Cilini fovissent tempora: sive
Nunc Mæcenatem cerneret ipse Dynus:

Mæcenas Vati, Mæcenatique placeret
Vates, ex uno carus uterque solo.

Nec tu quem laudas jactasses Mantua Vatem:
Mæcenas Civem tolleret ipse suum.

*Lucia sic felix quam belle Patria ferret
Et Mæcenatem, Virgiliumque simul.
Sed Vatem laudo, & non unica cura laceffit
Est pariter veteri Clarus in Historiâ.
Dicite Vos Umbri, Vos Thufci, Vosque Camertes
An non antiquos suscitât iste lares?
Errores sua charta notat, titulumque Locorum
Atque ignota prius quæ latuere patent.
Expandit Thuscæ quæ sint consinia terræ
Et loca quæ movit funere Sylla ferox.
Omnia novit amans veri, ne fabula crescat,
Nec scribit vana traditione favor.
Et tu dicta probas, titulis, & nomine pollens
Notus Aremorici, ô Lagoguee typis.
Gloria Tyrrhenæ vivet per sæcula Gentis
Scribente hoc: doctum nonne loquetur opus?
Acta tui vivent, Cameri Gens Inclita, Divi,
Quæ Dynus arguta cum ratione probat.
In cassum scriptis te Papebrochius urget.
Te Dynus in Libro vindicat ecce suo.
Scriptoris, Vatisque simul clarissima tellus
Quis celebret laudes Luciniana tuas?
Felix Sylla tuis, ô Lucia terra Colonis,
Felix, qui tantos te dat habere Viros.
Et Mæcenatem jactabis clara, Dynamque,
Hæc & erunt laudis nomina prima tue.
Auctoris Ingenium, ac eruditionem admiratus
hanc amoris tesseram dedit D. LEOPOLDUS E-
MANUEL MARIA ANTONINI, Clericus Re-
gul. Congreg. è Somascha.*

(1) Cic. de nat. Deor. Dianam, & Lucinam eandem esse pu-
tat, & apud Græcos Dianam, eandemque Luciferam.

*In eruditiss. ac æque curiosiss. Librum viam
Flaminiam, ac originem Umbrorum Ca-
mertum, Thufcorumque, ac Mæcenatis
describentem.*

EPIGRAMMA.

Hic liber Herruscos memorans simulatque Ca-
mertes,
Sit vetus amborum qualis origo docet.
Dumque viam veterem Romæ superindicat almæ,
Conspicuum gaudet semper habere Ducem.
Licinio quoque Mæcenæ jam sanguine clarus,
Hic habet ut proprios noscere possit Avos.
Et Patria Auctoris Syllana Colonia ducta,
Clarius ejusdem nomine, nomen habet.
Carpitur hîc tandem carpi qui debet, & ipso
Condita credideris singula verba fale.
Ast operis magis Auctorem quod laudibus effert,
Illius est probitas, ingeniumque, fides;
Romanum, ac Thuscum sic novit & ipse Camer-
tem,
Ut facilè ipforum dixeris esse Patrem.

MARCUS ANTONIUS GUIGUES,
Gallicus Ecclesiasticus.

*In Antiq. Franc. Dyni Advocati, ac Notas
F. Regazetti Diæcesis Aquilejensis, ac
Rev. Renati Lagoguei Aremorici Incolæ
Veneti. In Fastis.*

EPIGRAMMA.

Rev. FRANCISCI GARIZI, Veneti.

Laudibus in Fastis florescit origo Camertum
Quas Dynus exquirat, quas Lagoguee probas.
Tuque typis Gallis, Thufcis ille, haud minor ausis
Nunc Regazette micæ Aquilejense tuis.
Lucia Syllanis deducta Colonia prisca,
Ut Lapis antiquus, Famaque prisca canit.
Tyrrhenus Lydis, Lyciis simul ingruit armis.
Nomen Tyrrheni, & Castra Licina gerunt,
Hocque Licinorum Mæcenæ sanguine clarus
Ortus, ubi dives Luciniane tumes.

*Corrupta, aut variata novis cognomina fastis,
Etrusci Licinus, Cilinus Urbe fuit.*

APPROBATIO PRO IMPRESSIONE,

quæ in veteri Editione habebatur.

NOI REFORMATORI

Dello Studio di Padoa.

Havendo veduto per la Fede di revisione, & approva-
tione del P. Fra Raimondo Asperti Inquisitore nel Li-
bro intitolato Liber Apologeticus Francisci Dini de Antiqui-
tatibus Umbrorum non v'esser cos'alcuna contro la Santa
Fede Cattolica, & parimente per Attestato del Segretario
Nostro, niente contro Prencipi, & buoni costumi, conce-
demo Licenza à D. Pietro Pinelli Stampator, che possi esser
stampato, osservando gl'ordini in materia di Stampe, e
presentando le solite copie alle Pubbliche Librarie di Vene-
tia, & di Padoa. Dat. li 8. Giugno 1701.

[Gio: Lando Cau. Proc. Reformatior.

[Girolamo Venier Cau. Proc. Reformatior.

[Francesco Cornaro Proc. Reformatior.

Agostino Gadaldini
Segr.

INDEX CAPITUM.

- C**AP. I. Ab Umbris initium operis. Cluverius de an-
tiquitate Umbræ Circumpadaniæ rejectus. Herodo-
tus, Livius, Diodorus, Dionysius, Strabo expendun-
tur. Papebrochius oppugnatur. Cluverius Lydos cum Pe-
lasgis confundens, & Evandrum cum Romulo, negans
adventum Æneæ neglectus. Gronovii locus laudatus. pag. 3
- C**AP. II. Umbrorum Camertium depulsio. Lilius de origi-
ne Camerini fabulosus. Livii locus examinatus. Blon-
dus, Cluverius, Papebrochius reprobati. Camertinum
sedes explicatum. Livius verborum, & negligens de-
prehensus. 8
- C**AP. III. Camertium sedes disquiritur. Appiani, Plinii-
que textus laudati. Aldi locus de Camertibus discussus.
Vestigia oppidi Camerii, situsque Urbis Comitatusque de-
scripta. Campellus rejectus. Jacobillus notatus. Cicero-
nis locus explicatur. 11
- C**AP. IV. Proscriptio Syllana describitur. Catonis locus
de Camertibus illustratus. Merula reprehensus. Inscr-
ptiones Camerinensum spurie proscribuntur. Camerini
origo ab etymo expenditur. Plinii locus castigatur. 15
- C**AP. V. Sigonii locus animadversus. Appiani, Salustii,
Livii concordantes textus proferuntur. Syllanum in agro
Camerino in Umbria: Lucinianum in Etruria Colonia
Syllanæ. Singularis Lucinianensis inscriptionis explica-
tio. De Licinio genere, ac Cilnio Lipsii, ac P. Ciantii
judicium discutitur. Luciniani Syllanæ Colonie laudes
proferuntur. 19
- C**AP. VI. Cluverius ac Papebrochius notati. Inscriptio
Severiana Camerinenensis expenditur, & spuria explodi-
tur. Sigonii, ac Brixonii opinio examinatur. Inscriptio
Ligorianæ de Colonia Camerin. illustratur. Inscriptio
Liliane commentitie proscribuntur. De Lili opre ju-
dicium. Parvinius defensus. Lilius de Cohorte ultrice
Camerinensi reprobatur. Fabrettus laudatus. R. N. Ca-
merinenensis rejicitur. Papebrochii judicium proferitur, &
exploditur. 25
- C**AP. VII. Sulpitiæ gentis origo, ac diversa cognomina.
Dionysii, ac Dionis loci laudati. Ursini judicium, &
Sulpitiorum Patria discutitur. Camerinum non esse Ci-
vitatem perantiquam ostenditur. Statutorum Camerini
præfatio exploditur. Blondus, Aldus, Ligorius, Sigo-
nius, Braccieschus, Cluverius, Ughellius, Papebrochius,
Lilius rejecti. S. Venantium non esse ex Sulpitiis, & an
Camerinensis, vel potius Romanus, discipatur. Vocabu-
la Regis, & Imperatoris Prætoribus etiam post constitu-
tum Imperium non fuisse inconvenientia aperitur. 34
- C**AP. VIII. Cluverius, ac Camerinensum Chronistæ rejecti.
Strabonis locus examinatur, & illustratur. Strabo de
Oppido Camerte castigatur. 42
- C**AP. IX. Lilius de latitudine Comitatus Camerinenensis re-
jicitur. Frontini textus explicatus, & illustratus. Plin-
ius agens de Pollentinis à Cluverno notatus defenditur.
Cluverius in designando Trejæ situm reprehensus. N. N.
Camerinenensis reprobatus. 44
- C**AP. X. Braccieschus fabulosus, & adulator de bello Ca-
merinensium cum Longobardis convincitur. Lilius de la-
titudine Marchiæ Camerinae reprobatus. Liliana diplo-
mata explicata, & notata. Marchionatus Camerini ho-
norificum vocabulum. 47
- C**AP. XI. Lilius fabulosus de Victoria Camerinensum con-
vincitur. Othonis diploma explicatum, & commentitium
deprehensum. Rodolphus Dux Camerinenensis ab imputa-
tione Lili defenditur. Reliqua Liliana privilegia à Pa-
pebrochio provide prætermittit supplicia pronuntiantur. 50

FRANCISCI DYNII,

Lucinianensis, Advocati Senensis, &c.

D E

ANTIQUE
UMBRORUM, THUSCORUM,
AC CAMERTIUM ORIGINE
DISSERTATIO APOLOGETICA.

POSTQUAM de Antiquitatibus Etruriæ quædam a me nuper annotata eruditissimi Mutii Dandini, Episcopi Senogallienensis consilio, & ære excusa sunt, proposueram aliqua de Origine, Imperioque Umrorum degustare. Præturam agebam Ducatus Camerini Civilibus, arduisque illius muneris enodandis litibus implicatus, cum propositum adjuvarunt nobilissimi Camerineses, habitis quippe comitiis me tantæ eorum fiduciæ, reique gerendæ penitus ignarum deputarunt ad satisfaciendum objectis, quæ ad diem 18. Maji adversus acta S. Venantii, sociorumque Martyrum, & quædam antiqua monumenta ad dignitatem Loci plurimum facientia in continuatione operis ad Bollandum CL. P. Daniel Papebrochius Soc: Jesu excitaverat; Et mihi communicatis tam Papebrochianis elucubrationibus, quam scripturis, rebusque aliis, quæ ad tanti negotii molem quodammodo conferre reperta sunt, cum permagna animi jucunditate annotationes criticas Patris Papebrochii Hagiographorum hujus sæculi facile Principis, vidi, legique eruditionibus, gravibusque sententiis confertas, ILL. Viri Othonis Menkenii Lipsiensis elogis concelebratas, miratusque, qua gravitate, dictionisque elegantia antiquissimam rem, tam ipsemet P. Papebrochius absolvat, quam P. P. ejusdem Societatis in Appendice; aliisque interim majorum Magistratuum curis involutus, provide quidem distuleram cum tot magnis Viris palam congregi, cum etiam omnis qualis mihi est in his exscribendis facilitas a litteratissimis ejusdem Societatis P. P. Præceptoribus omnino derivaverit, quod non semel in meo opere de Situ Clanarum protestatus sum in debitas ejusdem Societatis laudationes effusus; sed quidam Camerineses in Curia Advocationis munus agentem, cunctantem, & quodammodo repugnantem impulerunt, proponentes dissertationem undequaque videri laudabilem, & disceptandum esse de veritate, non de propria gloria. Igitur secutus ordinem, quem mihi proponit Papebrochius; Primo expendam, quæ de Umrorum origine, Camertiumque Umrorum Imperio, ipsemet cum Grutero, Cluverio, ac Ughellio annotavit Adversarius, obiter degustando unde Umbri dicti, natiq; sint, quinam Umbri Camertes censendi, Camerinesium inscriptiones, & magnificas quascumque ostentationes ad crism revocando, omnia denique animadvertendo, quæ ad reprobandas Blondi, Sigonii, Cluverii, Papebrochii, reliquorumque plurium sententias obiter latas conferre visa sunt, & singulis objectis, & argumentis, verbisque ipsis Papebrochii, ac Sociorum in immenso eodem opere de Gestis Sanctorum responsiones adjiciam, ut ex hinc inde replicatis ventilata rei veritas delibetur jucundius, elucescat uberius.

Acta E-
rud. Li-
psia.

CL. Papebrochius in suo prævio Commentario ad diem 18 Maji hæc habet de Umrorum antiquitate, ac Camertium Origine: „Camerinum antiquissima Civitas inter Umbriæ, „Picæniq; confinia in Montis Appennini jugis sita, condita, & nomen nata creditur ab „antiquis Camertibus, dum hi ex Etruria, ubi ad Clanem fluvium, & Clusum Urbem habitarunt, a Pelasgis pulsi has sedes elegissent. Quanta ea olim fuerit, inde colligi potest, „quod trecentis ante Christum natum Annis sub Consulatu Q. Fabii Maximi Rutilii Romanis tunc quam maxime florentibus, tanto in pretio fuit, ut Camerinorum foedus firmioris „auxilii gratia ambitiose propemodum expetierint, quod summa dein religione coluerunt, „etiam cum Imperatores postea regnarent, imo Posteriores, tum se sub propriis Regibus vixisse gloriati sunt, uti infra videbimus, de horum Antiquitate legi possunt Cluverius „Lib. II. Italiae Antiquæ Cap. III. & VI., & Ughellius Tom. I. Italiae Sacrae in Episcopis „Camerinesibus, ubi in præfatione adfert inscriptionem Tiburtino Lapidi incisam, etiam- „num ibidem extantem, in qua cum L. Septimo Severo, qui ab Anno 93, usque ad 211. „imperavit in æternum securitatem, atque gloriam jure æquo foedus confirmarunt Camertes. „

CAPUT I.

Ab Umbris initium operis. Cluverius de antiquitate Umbriae Circumpadanae rejectus. Herodotus, Livius, Diodorus, Dionysius, Strabo expenduntur. Papebrochius oppugnatur. Cluverius Lydos cum Pelasgis confundens, & Evandrum cum Romulo, negans adventum Aeneae neglectus, Gronovii locus laudatus.

Lib. III.

Herod.
Lib. I.Liv. Lib.
V.

PRO dicendorum resolutione ab Umbris erit initium operis, quasi ab his orti, qui inundatione Terrarum Imbribus superfuerant, ut auctor est Plinius, hos in ea parte Italiae, quam Thusciam appellamus, incoluisse patet expressio Plinii loco:

Etruria est ab amne Macra, Umbros inde exegere antiquitus Pelasgi, hos Lydi; attipulatur Dionysius cum Solino, Thusciam quondam Umbria dicta est, & Plinius in eodem textu CCC. Oppida Umbrorum Thusci debellasse reperiuntur, Lydique Thusci à thure dicti censentur, quo in Sacris utebantur, & quamvis Umbros primo devicerint Pelasgi, horum tamen non admodum longam dominationem describit Dionysius, inscribitque Herodotus Lydos ad Umbros pervenisse, ubi Urbibus constructis usque ad hunc diem habitant, & de Lydiae Regis filio vocatos Tyrrhenos. A Lydia Tuscos profectos esse annos circiter CCC. ante Trojanum excidium numerant Chronistae, quo tempore Umbri depulsi, Camertesque trans Tiberim sibi sedem statuerunt.

Cluverius, cui plurimum defert Papebrochius, priusquam Umbrorum depulsionem, & Camertium loca designet cum Pelasgis Lydos confundens sola nixus ratiocinatione, non in ea parte, quam Thusciam dicimus, Sedem primo fundasse ostendere conatus est, sed primo in Regione Circumpadana incoluisse argumentis probare aggreditur.

Putavi, Thuscis, à quibus mihi origo est, pergratum futurum, & ad historiam originis, ac expulsionem Umbrorum Camertium explorandam, & ad faciliorem Papebrochianae opinionis dejectionem maxime conferre hanc rerum antiquissimarum quaestionem expendere, sedes eorundem Populorum praenotare, & quibus Umbriae locis perfugium nacti sint, & quae cognitu utilia sunt, investigare, ne tamquam de parta victoria plaudere sibi possit exterius Cluverius, opinionum improbabiliū, novarumque auctor.

Verum, inquit Cluverius, sive XII. sive pauciores numero, sive tandem nullae per ea tempora in Circumpadana Etruria fuerint Urbes, haec certe Etruscorum antiquissima, & prima sedes fuit, ex qua postea in eam migrarunt regionem, quae inter Appenninum, & Mare inferum, Macramque amnem, & Tiberim dicta est Etruria, postea in nova inter Appenninum, & Mare Inferum Etruria totidem Colonias deduxisse.

Hanc opinionem prosternunt, quotquot superius retulimus, obstatque apertus Livii locus: Thuscorum ante Romanum Imperium opes Mari, Terraque longe patuere. Supero Mari, & Infero, quibus Italia Insula modo cingitur, quantum patuerint, nomina sunt argumento, quod alterum Thuscum communi vocabulo gentis, alterum Adriaticum ab Adria Thuscorum Colonia vocare Italicae gentes. Graeci eadem Tyrrhenum, atque Adriaticum vocaverunt. hi in utrumque Mare vergentes incolere Urbibus duodenis Terras, prius cis Appenninum ad Inferum Mare, postea trans Appenninum totidem, quot capita regionis erant Colonis missis, quae trans Padum omnia loca, excepto Venetorum angulo,

A qui sinum circum colunt Maris, usque ad Alpes tenuere. Opitulatur Diodorus, quo tempore Dionysius Rhegium obsidebat, Galli Transalpini validis copiis angustias transgressi Terras inter Appenninum, Alpesque sitas occupaverunt, Tyrrhenis ejectis, hos quidem de XII. Tyrrheniae Urbibus eo deductos tradunt. Phoenices investigando ultra columnas, oramque Africae littora legerunt. Tyrrheni quoque cum Maris imperio potirentur, Colonias eo detinuerunt Mantuam, Mutinam, Parmam, Cremonam, Brixiam, Patavium, Vicentiam, aliasque prope Padum Urbes Thuscorum fuisse Colonias probant Plinius, Servius, Locorumque Chronistae, nec Coloniae nominabantur, nisi in locis subactis à Senatu, vel Populo Principe deductae; De qua latissima XII. Etruriae Populorum ditione praeter Diodorum testes sunt Dionysius, Plinius, & Livius: non universa, inquit, Etruria, tantum terra, marique pollens, atque inter duo maria (Inferum, Superumque) latitudinem obtinens; Servius: Thusci universam pene Italiam subegere, Sardiniam, Corsicam, Aethaliam, & tamen praeaudati Scriptores nullam de hac antiquiori Etruria Circumpadana aliquo Maris Portu ad eam aetatem concelebrata memoriam retinuerunt. Nec aperit Cluverius, quas Colonias Circumpadani in nova Etruria deduxerint, quando certo apparet Thuscos Maris Dominos ad utrumque Mare vergentes in Principibus Civitatibus Crotona, Cære, Luna Portu nobili, Populonio, Tarquinio, Clusio insidisse.

B De Crotona à Romanis deinde Colonia ducta, & Cortona denominata, est apertus Dionysii locus, probatque Stephanus, fuisse arcem Pelasgorum, & hanc Thuscos occupasse, & Tyrrheniam dixisse. De Cære, quae Agilla dicebatur, in ipso Lydorum adventu expugnata, testis est Virgilius: Urbis Agillinae sedes, ubi Lydia quondam, Gens bello praeclara jugis insedit Etruscis.

C Et est singularis Strabonis textus. Cære quondam nominabatur Agilla, eaque à Pelasgis Thusculia profectis condita fertur. Ceterum Lydis, quos mutato vocabulo, Tyrrhenos nominabant, adversus Agilleos bellum gerentibus, narrans qualiter Agilla urbs Pelasgorum à Lydis obfessa Cære denominata est, & usque ad tempora Trojanorum de Cære est Livii locus. Ad opes Mesentii, qui Cære regnabat, confugisse, & refert Virgilius, plures Civitates Thuscorum Aeneae suppetias tulisse, ut Clusium, Cossam, Populonium, Pisas, Pirgenses, Graviscenses, & Coritoniates.

D Insuper Strabo eo loci probat Tarconti Tyrrhenum demandasse, ut XII. illas Urbes conderet in locis munitis, & prosequitur scribens: Verum quia illi Urbium Conditores Maritimas effugiebant oras, solam Populonium ex Thuscis primam ad Mare fundasse; Tarquiniam ab eodem Tarconte nomen sortitam tradit idem Strabo; Patetque ex Livii loco Clusium eorundem Camertium Umbrorum antiquissimam sedem fuisse. De reliquis Etruriae Urbibus Aretio, Perusio, Vetulonia, Volaterra, Vulsinio, Fesula, Ruselle testantur Dionysius, Livius.

E Probat suam opinionem Cluverius, hoc argumento, quod plurima pars posterioris Etruriae, antequam Pelasgi immigrarent, ab Umbris habitata fuit, testibus Herodoto, & Dionysio, quibus adde Plinii auctoritatem, Etruria est ab amne Macra ipsa mutatis saepe nominibus, Umbros inde exegere antiquitus Pelasgi, hos Lydi, à quorum Rege Tyrrhenos, mox à Sacrifico Ritu Thusci sunt cognominati; hinc amnis Prille, mox Umbro navigiorum capax, & ab eo tractus Umbriae Umbro vocabulo, Umbrone mediam secut Etruriam. Cum itaque antiquitus hi fuerint Umbri, Thuscos, quos non Ly-

F dos

Diod.
Lib. XIV.Lib. III.
C. XIII.
XIX.

F

Plin. Lib.
III.Dion. L.
pr. x.
Steph. de
Urb.
Ridolph.
Prax. re-
cent. Cap.
XIII.Strab.
Lib. VI.

Lib. X.

Livius
Lib. X.Cluver.
Ital. An-
tiq. pag.
433.

dos origine, sed antiquissimam, indigenamque Italiae fuisse gentem, satis, superque ostensum, aliam tunc habuisse sedem certum est, ea vero nulla demonstrari potest, nisi quam inter Appenninum, & Alpes circa Padum incoluerunt. Adde quod Umbris ad Inferum Mare incolentibus Ligures fuere contermini ex Dionysio.

Herodotus, ac Dionysius clare fundant Umbros prae caeteris antiquissimam Italiae gentem, non partem Etruriae, sed omnem Etruriam inhabitasse, in quam deinde immigrarunt Pelasgi, deinde CCC. eorum oppidis à Lydis debellatis, ut Plinius, eodem Cluverio relatus, in eo textu significat, quod advertere neglexit Cluverius, & ab iisdem Umbris Regionem primum nomen nactam fuisse; addit Strabo: Tyrrhenus, cum in has oras venisset, Regionem de suo nomine nuncupavit Tyrrheniam, & XII. Urbes condidit; Solinus, Tyrrhenos, inquit, à Tyrrheno Lydiae Rege, conditos ferunt, notantque Servius, & Festus Pompeus. Tyrrhenus occupavit eam partem Italiae, quae vocatur Tyrrhenia, & postea Tyrrhenos Etruscos appellari solitos, ait Verrius à Tyrrheno Duce Lydorum, conveniunt Plutarchus, Herodotus, caeterique superius laudati, & Tullius. Lydius ediderat Tyrrhenae gentis auspicia; his adde Virgilium, & quae ex Strabone annotavimus; & Horatius:

*Lydorum quicquid Etruscos
Incoluit fines.*

Quibus patet Thuscis non fuisse gentem Italiae indigenam, sed praecalam à Lydis duxisse originem, quae Sententiae Abbati Bianchino in suis Monumentis vetustatis magis arrident. Duo alii mihi in Curia Viri eruditi amicitia conjunctissimi, quorum consortio non sine magno fœnore in dies abscedebam: Canonicus Raphaël Fabretus Urbinas, latis inscriptionibus clarissimus hoc anno cum gravi litteratae Reipublicae jactura octuagenarius, edito egregio Posteris ad laudem exemplo, è vivis sublatus; Philipus à Turre, Patritius Foro-Julienfis, edita, illustrataque Aquiliana Inscriptione famigeratus, in Ferrariae Legatione, ac in Urbe prudentissimi, ac Sapientissimi Principis Renati Imperialis, Cardinalium maximi, Auditor arduis rebus assumptus. Pariter Abbatibus Bianchini in Bibliotheca Eminentissimi, ac Litteratissimi Petri Cardinalis Ottoboni à Secretis M. S. ac Historias cum animi jucunditate perlegeram; hic vero non relatis, vel neglectis, vel non satis perpenfis eodem Herodoto, Strabone, Verrio, Solino, Festo, Tullio, videtur opinari Tyrrhenos à Tyrshenis ab Herodoto memoratis cognominatos, deinde cum nec id statuatur idem Herodotus cum aliis antiquissimis (quorum codices desiderantur) in diversam sententiam rapitur; postremo est sibi singularis Plinii locus rem nostram definiens: Etruria est ab amne Macra, Umbros inde exegere antiquitus Pelasgi; hos Lydi, à quorum Rege Tyrrheno, mox à Sacrificio ritu Thuscis sunt cognominati, &c. & quamvis ex eo advertat Tyrrhenos à Tyrshenis denominatos, in hoc, nec Plinio tuto deferre visus, adeo ut explicitam hujus litterari Viri sententiam desideremus, cui anteponimus pro nobis militare auctoritates Antiquissimorum affirmantes, & nomina Tyrrheni Maris, locorumque esse argumento, additis sequiorum saeculorum probi nominis Scriptoribus id ipsum asserentibus.

Sique Thuscis à Lydis non fuit origo, hos Umbris, ac Pelasgis regnantibus in sua Circumpadana Etruria sedem habuisse, antiquissimis Auctoribus probare tenetur modernus Cluverius; satisque ex Diodoro, ac Livio sibi constare poterat, Thuscis pluribus saeculis ante Trojanorum incursum, intra Appenninum, & Tiberim, quam ma-

xime florentes in Circumpadana Regione Colonos misisse, Umbris ejectis.

Subdit Cluverius: Pelasgis Thessalia pulsio- Cluv. pag. 429.
mnem sive plurimam eorum partem à Lydia in Italiam profectos, ejectis ibi è parte agrorum, qui erant inter Appenninum, & Mare inferum, dextramque Tiberis ripam Umbris, Regionem hanc de suo nomine Tyrrheniam appellasse, ut testatur apud Dionysium Hellanicus, & alii apud Putarchum in Romulo.

Superius retulit Cluverius Plinium distinguentem à devictis Pelasgis Lydos, qui exactis quinquaginta circiter annis ab adventu Pelasgorum, teste Dionysio in eam partem, quam Thusciam dicimus, irruerunt, hunc inconstans reprobat modo, confunditque cum Lydis Pelasgos, dicens à Lydia profectos, & de suo nomine Tyrrheniam nuncupasse. Verum satis vidimus ex praenotatis Tyrrhenum Regis Lydorum filium intra Tiberim, & Appenninum decurrisse, & Pelasgis dejectis nomen indidisse, patetque ex praenotatis, & expresso Strabonis textu pariter ostendentis Lydos non esse Pelasgos, quorum oppidum Agillam asserit expugnasse, & nomen Caere indixisse, & Dionysius: Mibi videntur, inquit, errare, qui credunt unam, eandemque gentem esse Tyrrhenicam, ac Pelasgicam. Tyrrhenos esse diversos à Pelasgis hoc argumentum est, probatque latius. Traditis vero per Hellanicum, Auctoresque à Cluverio relatos, quorum codices deperditi sunt, nec satisfacere rite valemus, nec ipse his innixus, qui à Dionysio, ac Plutarcho improbati sunt, has novas opiniones confirmari jure gloriari potest. Nec adversantur relati apud Plutarchum, qui nullam retinent memoriam, ut legenti appareat de Thuscorum origine, gestisque.

Prosequitur Cluverius: Postea vero Etrusci à vici- Cluv. pag. 433. & seq.
cina Etruria Circumpadana Pelasgis sese immiscen-

tes, sive vi, sive per dolum Imperio suo eos subegerunt, nomenque hac ratione suum à supero ad inferum Mare usque extenderunt; Et ait Plutarchus: Plut. in
Galli primo adventu, tum protinus totam occupant Cam-
Regionem, quam Thusci ab Alpibus ad utrumque
Mare pertinentem antiquitus incoluerunt; non omnem igitur, inquit Cluverius, quae tum ad Ti- Cluv. fol. 438. Ital. Antiq.
berim usque, & Mare inferum protendebatur, occupaverunt Galli Etruriam, sed antiquam il-
lam trans Appenninum tantum, nimioque brevi- 9
tatis studio Plutarchus haec confundit, quo igitur loco Dionysius derelictas à Pelasgis Urbes occupasse tum alios, ut quoque erant finitimi, tum maxime Etruscos plurimas, atque optimas, de his locis intelligendum, quae Appennino Monti, & Etruriae Circumpadanae erant proxima, in qua excedentibus inde Pelasgis successerunt Etrusci à Gallis Circumpadana regione puls, caeterum avita circum Padum sede pelli à Gallis Thuscis caeperunt, Prisco Tarquinio Romae regnante, id est circa Annum ante natum Jesum 156.

Lydos exegisse Pelasgos à regione, quam à Duce Tyrrheniam dixerunt, tribus ferme saeculis ante Trojanum excidium, vidimus ex praemissis; Thuscis vero à Circumpadana erumpentes nomina dedisse improbabiler aasserit Cluverius, nemine in auctorem habito, nec ostenditur, quare Tyrrheniam vocassent, nisi à Lydio Duce nomen provenisse dicamus, & ab illis Viris militaribus Imperii latitudinem, & dignitatem; à Gallis Colonos ab Etruscis missos à Circumpadana regione dejectos ait Diodorus superius relatus, cui nec Diod. Lib. 1. 17.
adversatur Livius.

Quinimo à pluribus saeculis ante Trojanorum, & deinde Gallorum adventum Pelasgos ex Etruria depulso probatum est, & Dionysius scribit: Pelasgi dominaverunt tamen ultra belli Trojani tempo-
Fr. Dynus. A 2 ra,

ra, non tamen in Etruria, ac in Umbria pauci manserunt Aboriginum beneficio, idemque Dionysius derelictas à Pelasgis Urbes occupasse, tum alii finitimi, tum maxime Tyrrheni plurimas, atque optimas, & Troja excisa, teste Livio, Aeneas, Rutulique, non ad Pelasgos, nec ad Circumpadanos, sed ad florentes Thuscum opes confugiunt, Mesentiumque eorum Lucumonem, probantque Virgilius, & Venusinus.

Aeneid.
Lib. x.

Illeque,

Littus Etruscum tenuere Turmae.

Livius
Lib. i.

10
In Camillo.

Strabo
Lib. v.

Polyb.
Lib. ii.

Gron. de
Orig.
Rom. dif-
fert. pag.
21.

Dionys.
Antiq.
Rom.
Livius
Lib. i.
Sueton. in
Claudio.

Livius
Lib. i.
Consolat.
ad Liviam.

Quod si ad Padum fuisset Etruria, non erat cur in pactis inter Latinos, Hostesque latis apponeretur: Ut Etruscis, Latinisque Fluvius Albula, quem nunc Tiberim vocant, finis esset, & in proposito Polybius: Galli postquam in Etruriam pervenissent: Galli jam circa Clusium erant: Plutarchus: Galli primo adventu occupant Regionem, quam Thusci ab Alpibus ad utrumque Mare pertinentem antiquitus incolere. Quo textu opinio Cluverii corrui penitus: de quo Aeneas adventu latius in sua sede agemus. Nec sedulo advertit Cluverius in ipsa ora Circumpadana Populos Insubres appellatos insidisse. Strabo: Insubrum caput fuit Mediolanum, Vicus quidem olim; & Livius enarrans cum primo Galli irruerant: Galli, inquit, cum in quo confederunt agrum Insubrum appellare audivissent, cognomen Insubrum Pago Eduorum ibi omen sequentes loci condidere Urbem Mediolanum; & ex antiquis Auctoribus desumitur. Insubrum Cisalpinæ Galliae Civitates fuisse Mediolanum, Ticinum, Laudam, Novariam, Vercellum, Comum, Regio dicta Insubria inter Sesem, Adduam, & Alpes, & cum Insubribus Thuscis, Colonos, ac Umbros inhabitasse colligitur ex Livio, scribente Gallos depulisse Thuscis, & Umbros, qui per Vicos cum Insubribus admitti inhabitabant; & advertit Polybius ab his Thuscis Colonis, Etruriae Principatus magnas opes collegisse; Ex quibus manifestum est Padi circum Regionem advenientibus Gallis non Etruriam vocitatum, sed Insubriam, in qua simul Thusci Umbrique per divitem illam planitiem diffusi incolebant.

Cluverius novo usus argumento reprehendit Strabonem, tradentem Urbes Etruriae à Tarconte, quos cum Lydis primo advenisse diximus, conditas fuisse, quas putat ab Rege Evandro extructas, immo addit satis improvide Antiquos i los, primosque Romanos Regem suum Evandrum Romulum appellasse. Inculcatque merito Ill. Gronovius de Origine Romuli dubium stylo elegantiori, an graviori iudicio conferta, quod Labore irrito prorsus, & illaudata licentia pleno detrectando omnia vulgo tradita Cluverius evertat.

Ipsam pariter Aeneas adventum in Italiam inter fabulas non sine temeritatis nota proscribit Cluverius, quem ex auctoritatibus inconcussis Antiquiores, & sequiorum saeculorum Scriptores palam profitentur, nimirum Dionysius, Livius, Strabo, Suetonius, Trogus, Justinus, Florus, Rufus, Maro, Venusinus, & passim reliqui, & prae ceteris Dionysius, adventum in Italiam Aeneas Scriptoris partim ignoratum, partim dissimulatum invidia. Venia tamen videtur dignus Cluverius, quod curis sui operis involutus haec confundat, patet siquidem Scriptorum consensu quibusdam annis ante res Trojanas, Arcades Palantio exeuntes, sedemque Duce Evandro quærentes prope Tiberim delatos, à Faunoque, Aboriginum Rege, agri portionem accepisse, illosque colle haud procul à Flumine Pallantium fluxisse, ut probant Livius, Virgilius, & Seneca, Quid interest enumerare Antenorem Patavii Conditorem, & Evandrum in ripa Tiberis Regna Arcadum collocantem; & ad ea quoque tempora Thuscis intra Ap-

penninum, & Tiberim opibus, armorumque gloria, ac latissimo dominatu claruisse probavimus, ex quo novum proflueret pro nostra sententia fundamentum; nam Evander, quicumque is fuerit, regnavit ante Gallorum adventum, & ubi verum videretur condidisse XII. Urbes, quae omnes tractum intra Tiberim, & Macram occupabant, ut vidimus, igitur fateri tenetur Cluverius, prius quam Galli erumperent, nostram Etruriam, habuisse XII. Populos Romanis terribiles, testibus Dionysio, Livio, Diodoro, nec à profugis Circumpadanis potentiae, ac dignitatis materiam derivare potuisse.

Denique Cluverius novarum opinionum studio illectus ostendere, ac probare tenebatur veterum testimonio, quo maris sinu, quoque portu, (qui ad ea tempora per ea Padi loca fuerit navigiorum capax) Lydi seu Pelasgi (ut ipse appellat) primo advenerint, Thuscique Circumpadani maria excursuri irruerint. Strabone indicente Lydos per mare, quod Tyrrhenum dicimus, ratibus trajectis Agillam obsedisse, & deinde Populonium ad Mare fundasse, Urbesque XII. condidisse in locis munitis, quidquid in oppositum detorqueat Thuscis infensissimus Cluverius, cuius opus in hoc saeculo De Cluverio plurimum contulit ad Oppidorum exquisita nomina, situsque: in his vero, quae ad rerum, Urbiumque originem pertinent, is nimis credulus à Chronistis Locorum allucinatus, & sui sensus abundantia deceptus facile rejicitur, eundemque in pluribus inculcat Holstenius in notis, Theodorus Ricquius, & passim alii Scriptores.

REV. FRANCISCI REGAZETTI,
Falconensis, ditionis Venetae,

NOTÆ IN DISSERTATIONEM FRANCISCI DYNII. IN CAPUT I.

Dynus, gravissimorum operum Scriptor, edidit hanc dissertationem non adversus Papebrochium, nec Camerimenses, dum horum laudes non raro aggerat, hos vocans nobilissimos, & a Cameribus Syllana vastatione excisis originem nactus primus fundare adortur; ut opinor hanc Provinciam aggressus in laudem suæ Etruriae adeo effusus plura congerens, tum respicientia antiquitatem, vetusque Imperium a cæpto quandoque tramite recedens: verum cum elucubratio undequaque eruditionibus scateat, deque rebus hætenus à Recentioribus non discussis, vel non adhuc exploratis indagandis materiam præbeat, censui quædam annotare ob rerum veritatem, vel explorandam, vel pleniori fundamento obfirmandam.

In hoc primo Capite ait Dynus Thuscis à Lydis traxisse originem, habetque in Autorem Strabonem, ac Plinium, & quamvis Cluverius in Geographia contrarium argumentis probare innitatur, in Italia antiqua rem tamen obnubilat, fusissime quidem pro contraria sententia adducens Scriptores plurimos, quibus nec responsionem adjicit; nec incepte dictum puto quosdam Etruschorum à Circumpadana pullos à Gallis sub Tarquinio Prisco intra Appenninum, & Tiberim irrupisse, alios vero, teste Trogo (quod non satis advertit Cluverius) in montibus Rhetiis insidisse à Rhetorum Duce denominatos. Planum tamen est in antiquissimis temporibus Thuscis, cum Umbris has Padi regiones incoluisse, an autem hæc Regio unquam Etruria fuerit appellata, Autorem non habet Cluverius, nec ego dicere ausim, nec quo maris portu in ea provincia (ut inquit Dynus) undique Thuscis maris Domini, rebusque adeo pollentes erumpere potuerint. Ceterum Etruschos adveniente Aenea intra Appenninum, & Tiberim opibus floruisse tum Grecis, tum Latinis Scriptoribus innouit, quidquid in oppositum feratur Cluverius novarum opinionum studio illectus.

CAPUT II.

Umbrosum Camertium depulso. Lilius de origine Camerini fabulosus. Livii locus examinatus. Blondus, Cluverius, Papebrochius reprobat. Ca-

*Camertinum fœdus explicatum. Livius verbo-
sus, & negligens deprehensus.*

HActenus vidimus Umbros a *Lydis* depulso-
annis CCC ante *Trojanum* excidium: Um-
bros vero *Camertes*, non ad oram *Circumpada-*
nam, sed *Clusum*, Urbem inhabitasse, quod &
Polybius fundat juxta probatiorem *Casauboni* ver-
sionem: *Clusini*, qui & *Camertes dicti*: *Romani*
in agro *Camertino* pugnant, & *Livius*: *Clusum*
quod olim *Camars* appellabant. Prolequitur *Clu-*
verius a *Papebrochio* relatus: nihil igitur credibi-
lius, quam incolas *Oppidi Transtiberini*, Umbros, *Ca-*
merter cum à *Pelasgis* pellerentur, in istas *Umbriae*
Transtiberinae partes sese recepisse, *Oppidumque* in
ipso *Appennini septentrionali* latere, qua fines sunt
Picentium, novum condidisse, cui *priscæ Sedis* no-
men inditum: & *P. Papebrochius*: *Camerini* Civi-
tas nomen nacta creditur ab antiquis *Camertibus*,
dum hi ex *Etruria*, ubi ad *Clanem* fluvium, & *Clu-*
sum Urbem habitarent, a *Pelasgis* pulsæ suas *Sedes*
elegissent. Quod tamen tuto asseri nequit, cum
non liqueat ex auctorum veterum testimonio, an
Camertes Umbri a *Pelasgis*, seu verius a *Lydis*,
qui CCC. oppida *Umbrorum* debellaverunt, in fu-
gam disjecti, vel excisi sint; quamvis *Moderni*
nihil certo statuunt de rebus tam antiquis, &
oculatifsimus idem *Papebrochius* credi inquit (quod
probari nequeat alicujus antiqui Auctoris testi-
monio) a *Camertibus* *Pelasgorum* incurfu pulsæ
nomen derivasse.

Lilius
Lib. i.
Stat. Ca-
mer. in
Princ.

13

In contrariam tamen sententiam impingunt *Ca-*
merini *Annalistæ*, tradentes hanc fuisse antiquam
Camefenam, ut relato *Macrobio*, scribente *Came-*
sem in *Italia* regnasse, opinatus pariter est *Annius*
Historicorum levissimus; Alii vero hanc Urbem
putent appellatam a *Camerto*, Duce *Turni* per *Ma-*
ronem relato, levi nominis argumento evulgatif-
simis fabulis *Annianis* deferentes, vel poeticis
Virgilii exornationibus; De his autem, & *Ety-*
mo *Camerini* fusius suo loco dicemus.

Pro *Camerino* proferunt *Cluverius*, *Papebro-*
chius, *Livii* locum: Anno Urbis conditæ 444.
iere *M. Fabius*, *Famulusque*, *Etruscæ* linguæ pe-
riti *pastorali habitu*; usque ad *Camertes Umbros*
penetrasse dicuntur, introductumque in *Senatu* *Fa-*
bium *Consulis* verbis egisse de *Societate*, *amicitiaque*,
atque inde comi *hospitio acceptum nunciare Romanis*
jussu *commeatum* *exercitui* *triginta dierum præsto*
fore, si ea loca intrasset, *juventutemque* *Camertium*
Umbrorum in armis paratam imperio futuram.

Hunc textum parum quidem consulto pro *Ca-*
merino pariter allegant *Blondus*, *Lilius*; Hi tamen
Moderni nequaquam probare possunt *Cameri-*
num tunc conditum, vel esse Civitatem antiquif-
simam (ut nullo auctore relato enunciat *Papebro-*
chius) in eoque *Montium Picenorum* confinium
excessu *Camertium* *Senatum* præfuisse, & cum
Camerinum longe CX. *Milliaria* distet ab Urbe,
fere C. a *Ciminiis* (ut plures situm designent in *Pi-*
ceno) *Cæson* trans *Vulsinius*, & *Salpinates*, fines
Perusinos, & *Assinates* tam longe usque ad limi-
tes *Piceni* per invios *Montes* transgressus fuisset
firmata societate. Si ea loca *Consul* intrasset, sed
ad ea loca, *Umbria* intacta, progredi nequivisset *Fa-*
bius, nisi *Populis* circum accolis profligatis, qui
Consuli ad *Montes* progredienti, asperaque loca
sustentandis *Militibus*, equorumque impendio
imparia adeunti facile ex insidiis occurrissent, *Pi-*
cenique novi adventu exercitus exciti æque in ar-
ma proruisissent, ut improvide in illa expeditione
Consul tam longe digressus validissimam *Italiae*
partem in odium *Romanorum* concitasset, *Senatu-*
que admonitus, ne ultra *Ciminius* excurreret, te-
mere ad steriles *Montes*, & impervia *Appennino-*

Cel. Se-
cund.
Comm.
in Orat.
Cicer. pro
Balbo.
Anonym.
Dictionar.
Hist. Geo-
graph. v
Cameri-
num.
Pamphilus
descript.
Piceni.
Merula
Par. II.
Lib. vi.
Cap. xxiii
Wadingh.
Tom. ix.
in vita B.
Bapt. Va-
ranæ.

Arum juga per medios hostes in ignotis regionibus,
nec umquam ab *Romanis* exploratis, recentis
amicitiæ fide, nec satis tutæ illectus commigrare
voluisset; sed is provide incurfu potius, quam
bello, *Urbiumque* direptione, recentem tantum
Cimini *Montis* radicibus oram vastavit.

14

Livius
Lib. ix.

BSique *Livii* verba: Si ea loca intrasset, perci-
pienda rectius sint de regionibus *Etruscis* (ad quas
Senatu admonitus, vique hostium territus prope-
rare *Consul* distulerat) certe *Camerinensibus* tam
longe sitis eas suppetias ferentibus *Umbri* circum
Populi finibus *Perusinis* propiores, & uberrima
planitie ditissimi valide occurrentes ad patrios
Montes remeare coëgissent, iisdem ea recenti so-
cietate cum *Romanis* hostibus invisa, ut plane pa-
rum profuturam cum populis tam longe sitis *Um-*
bria intacta, tot florentibus *Populis* pollenti per
eum relicta *Fabius* amicitiam quaesisset.

Addit *Livius* *commeatum* XXX. dierum præsto
fore, qui pariter locus nullo pacto congruere po-
test *Camerinensibus*, *Montibus* sterilibus undique
obclusis, quorum res omnes exiguae, quique
commeatum æque cum *Militibus* opem lataturi nec
sibi adeo facile paravissent.

CDe hac Civitate nihil antiquis temporibus ha-
beo magnificum, nisi quod a *Camertibus* usurpa-
tum est. ante *Syllæ* tempora obscurissima, ut di-
cemus, exinde *Gothis*, ac *Longobardis* furentibus
facile in ditionem accessit, *Diacono*, *Luitprando*,
nulla de aliquo *Camerinensium* oppido memoria
recolitur; Quædam modo appellantur *Castra*, ut
Ploracum, *Seravalle*, *Plinio*, nec *Ptolemæo* me-
morata, nobilissimorum *Ducum Varanorum* cura
aucta sunt; sub quorum Imperio exactis proxime
quibusdam sæculis Civitas ad apicem potentia supra
omnes *Piceni* Civitates evecta est, numero
Incolarum, opibusque nobilitata, *Civitatibus* fi-
nitimus a S. Sede in patrocinium *Varanorum* col-
latis. Cæterum *Regio* rerum omnium admodum
sterilis, vitio potius naturæ, quam *Accolarum*
negligentia, bladis, hordeis, paleaque pro victu
equino indigent ipsi, & tamen quamvis improvi-
sa *Cæsonis* Legationem deprehensi, victualia spon-
dent liberaliter, quasi copiosa *Rei frumentariæ*
ibidem inesset annona, vinearum inexhausta luxu-
ries, immensi pecudum greges pro libidine mi-
litum XL. *Millium* (ut ex *Cluverio* nume-
rare ait idem *Lilius*) explenda. Agmen fuisse
equitatu, & *Legionibus* instructissimum hoc mi-
hi argumentum est, quod *Fabius* supplementum
ab *Roma* adduxit, ipse substitit cum equitatu, &
quod omnes *Etruriæ* *populi* præter *Aretinos* ad ar-
ma ierant, & cæsa, aut capta eo die hostium *Mil-*
lia ad LX.

15

Lil. Lib. i.

Liv. Lib.
ix. Cap.
xxxvii.

EVerum *Polybius*, inquiens: *Umbrorum* regionem
in omni frugum genere fecundam, percipitur de
ea parte intra *Tiberim*, *Clitumnum*, *Narniæque*
flumina, & ubi interjacent urbes *Æstum*, *Fa-*
num, usque ad *Ravennæ* sinus, juxta veterem
Umbriae descriptionem; reliquum infelix est, ac
sterile, valde montosum, incolis infrequens.

FCircum *Populi* *Plinio*, *Ptolemæo* memorati anti-
quitate æque pollentes: *Septempeda* VII. millia
passuum infidet prope *Camerinum*, *Sentinum*
XV. *Pythia* VIII. *Tolentinates* XII., & V. *Ma-*
thelicates uberiori plaga incolentes, *Piceni*que li-
mites prope assurgunt, & eorumdem oppidorum
agri, finesque non admodum longe a *Camerino*
decurrissent.

Astipulatur conjectura, siquidem *Senonibus* la-
te excurrentibus, *Camerinenses*, quorum agrum,
Limitibus *maritimis*, & *Gallicis* contentum glo-
riatur *Lilius*, contermini fuissent, & cum juventu-
te in armis parata, & tamen ait *Polybius*, *Senones*,
plerosque finitimos audacia eorum deterritos sibi asci-
visse,

Lib. prim.

vise, quid ergo tunc agebant strenui *Camerinenses*? qui *Polybio* ea circum loca, motusque populorum describenti obscurissimi sunt.

Augetur vis argumenti, quod Anno CCCC. LVII. in agro *Sentinati* finitimo cum *Gallis*, *Thubiscis*que *Romanis* decertantibus, *Decio* *Diis* *Manibus* se patrio more vovente, nec tamen *Livium*, nec reliquos tradere *Camerinenses* ad arma decurrisse, commeatuque *Romanis* opem tulisse; Ipsique *Galli*, *Umbri*, *Samnites*que, qui simul in aciem convenerant, ante *Consulis* adventum populos hostibus *Romanis* flagitioso, finitimisque gravi dudum foedere conjunctos protinus subegissent, Cum esset terror ingens, tot simul, tantorumque populorum, teste *Floro*, vel ea loca prope fines *Matellicatum* patentia intrassent, si ingentem illum commeatum XXX. dierum praesto adfuturum cognovissent, nec Auctores magnam *Lilianam* *Camensanam* incurioso silentio praetermisissent, quod est praevale- dum argumentum, cum populis *Montanis* prope *Sentinarum* agrum sitis (quatenus ad eam aetatem floruisse) nullum foedus compactum; ferme tunc *Camerinum* conditum, nullo Auctore excipere potui: Ea autem loca modo de juribus *Camerinensium*, aliquando *Senonibus* excurrentibus exturbata fuisse, indicant nomina *Locorum*, ut *Castrum Gallicum*, *Galleianum* in agro *Camerini* sita, & *Polybius*: *Senones* juxta *Adriaticum* incoluerunt, postea plerosque ex vicinis audacia eorum deterritos sibi ascrivere, etsi primos eorum fines a *Vitae Flumine*, usque ad *Aesim*, [haud procul *Camerini* Montes fluentem] *Livius* describat. *Livii* tamen incuriae tribuenda sunt omnia, quem verbum, negligentemque arguebat *Caligula*, quandoquidem hic non aperit, per quae loca ad *Camertes* commigraverit *Ceson*, ut inde eorum sedem exploraremus, & quibus pactis aequum asseritum foedus ad ea tempora, vel subacta *Italia*, [ut cum aliis Civitatibus] pariter initum sit, scribens tantum vulgo ferri penetrasse dicuntur, a quo excepit *Frontinus*, quae de foedere *Camertium* protulit. Foedusque cum minus valida *Sutrina* Civitate quibus pactis istum sit pariter ignoratur, & quamvis *Camerinenses* illud *Camertium* superatollant, equidem non dedignabantur *Romani* cum parvis Oppidis societatem contrahere rebus tunc agendis utilem, privilegiis liberaliter oblatis, missisque, & *Fulginatium*, & *Camertium* foedus non iniquo jure censitum possumus suspicari ex *Tullii* loco in *Balbiana*: Nec *Fulginatium*, nec *Camertium* foedere esse exceptum, quo minus eorum Civibus praemia virtutis tribuerentur.

NOTAE IN CAPUT II.

Non semel *Livium* Historici licentia excedere comper- tum est, tum in amplificandis *Romanorum* Fastis, tum in pervertenda ratione temporum; ferme non aperit in textu hic relato, num adeo magnificatum *Camertium* foedus istum sit cum *Fabio*, num subacta *Italia* ibi penetrasse dicuntur; si- que ex hoc loco credendum tunc aequum foedus *Camertium* ex post *Plutarchi*, *Tullii*que elogiis celebre fuisse compa- ctum, nunquam credendum est *Camertes* insidisse in loco inopi, ac undique *Montano*, ubi *Camerinum* effulget, sed omnino prope *Clitumnum*, & *Tiberim* ipsorum comitatum fuisse opinor, siquidem commeatu XXX. dierum superpetas *Romanis* toridem Legionibus ad bellum instructis ferre vix valent omnia circum loca, quae modo complectitur *Umbria* a *Mare*, *Aesque* ad *Tiberim* usque *Perusiam* protracta; fer- me *Camerinum* ante *Syllanam* tempora conditum fuisse, ac *Camertium* extitisse sedem nullipater, nisi levi nominis argu- mento, in quo agens de suo *Camertino* fortasse innititur *Lilius*, hoc autem probabilius admitteretur, si in ea regio- ne, *Camertium* non verificarentur nomina, ac vestigia, de quibus inferius.

CAPUT III.

17 *Camertium* sedes disquiritur. *Appiani*, *Plinii*que textus laudati. *Aldi* locus de *Camertibus* discus- sus. Vestigia oppidi *Camerti*, situsque Urbis Co-

A mitatusque descripta. *Campellus* rejectus. *Jaco- billus* notatus. *Ciceronis* locus explicatur.

Camertes ante *Lydorum* incurfus *Clanarum* o- ra, qua *Clusium* immunito monte insidet, ditissimi [cujus agri beatitudinem agnovit *Strabo*] ferme non se *Montanis* illis *Camerinensium*, ubi ventorum, imbriumque frequens diffidium, rerumque inopia interclusissent, locumque divi- tem, stratumque propius *Tiberim*, ac *Clitumnum* consultius pervadissent; & *Sigonius* advertit *Ca- mertes* tunc praevaleidos, liberosque fuisse, quod inaudito aliorum populorum consilio sponte in amicitiam *Romanorum* convenerint, *Copii* com- meatum triginta dierum praesto fore, juvenu- temque in armis paratam ostentantes, sed haec *Camerinensium* inaccessis undique *Montibus*, tam longe a *Ciminiis* sitis, inconvenientia prorsus sunt omnia, nisi *Adversarii* per meram divinationem sine antiquo Auctore, confusis, exturba- tisque *Piceni* finibus ad ea tempora intactis con- tendant suae *Camensanae* limites latius protractos.

Pyrrhus *Ligorius* in sua indigesta rerum mole confundit cum *Camertino* *Camertium*; aequae lo- quens de *Camertino* *Cluverius* inquit: Sed haec gen- tilitia sane rectius fuerint ab *Oppidi* primitivo nomi- ne *Camertia*, quo loci videtur credere *Camerinum* ab *Oppido* *Camertio* originem nactum; hujus no- minis fuit oppidum, manetque modo excisum inter *Fulgineum*, & *Spoletium*, & veteri denomi- natione *Camertum* appellant, de quo videtur age- re *Appianus* in proposito per *Cluverium* laudatus, describens armorum aggregationem prope *Peru- siam* agro *Fulginei* non longe sitam: Ex his, in- quiens, duas *Planci* legiones, quae in *Camertiis* reli- ctae fuerant sibi iradere suasit: de his agens *Cam- erinos* vocat *Plutarchus*, & *Cato* apud *Festum*. *Ca- merino* non congruit hic locus, quod longe situm extet XL. millia passuum a *Perusia*, & quidem a via *Romana*, per quam equitatus decurrens im- probabile prorsus est per milliarum XL. procul a *Perusia* stativam habuisse in locis undique imper- viis, in quibus pro equis aqua ipsa defecisset, cum longe per agrum aliarum Civitatum fluat *Potentia*, quae in aestivis caloribus deficit. Trans *Camertum* latissima, & uberrima circumspicitur illa planities, modo juribus *Fulginatium* recen- tiorum [ut dicimus] usque ad *Perusinos*, *Ame- riae*que fines; inde *Silius*, flagrante bello *Punico*, finitima circum loca describens probabilius perci- piendus de his vicinioribus *Camerti* *Accolis*, ar- morum gloria, & opulentia strati circum agri Bovum, rastrorumque exercitiis idonei memora- tis, inquit:

Amerinus, & Armis.

Vel rastris laudande Camers.

Sed *Camerinum* distat ab *Ameria* milliaribus supra XL. *Pythbinis*, ac *Mevanatis* intermediis, & habet *Anonymus* in suo vulgatissimo *Dictiona- rio* *Historico* *Geographico*: *Camerinum* *Piceni* Urbs praecleara, a curvitate situs appellata. *Camertes* in *Piceni* finibus, & inferius: *Camertes* *Italiae* populi in regione VI. juxta *Amerinos*.

Plinius laudat *Poma Amerina*, & *Camertia*, quae quidem praedulcia enutrientur trans *Camerti* montes prope ripas *Clitumni*, modo *Spoletinorum*, ac aequae in collibus *Oppelli* *Fulginatium*, ubi am- plissima assurgit villa *Nobilium de Sebastianis*, a quibus comi hospitio ibidem per quam plures dies exceptus fui, abscessique invito praeclearo Viro D. *Capitano Constantino Sebastiano* rebus in bello ad- versus *Turcas* pro *Venetis* egregie gestis memo- rando; pariter amabilissima promunt *Syllani* vi- neta prope *Camerti* confines, quae immaturitate acerba degustavi in vineis *Camerinensium* ob ni- vium

Strabo
Lib. v.
Lelius
Manc.
disquisit.
Gen. Cap.
ccc.
De Antiq.
Jur. Ital.
L. i. Cap.
xvii.

Ligor.
Verb. Ca-
mertes.

18
Vit. Ma-
rii.
De Verb.
signif. v.
Prorsus
pag. 44.

Diction.
Hist. po-
et im-
pressum
per Cor-
nelium
Sutorium
Ursellis
v. *Camert.*
Diction.
Cic. v.
Camers.

Lil. Lib.
III. fol.
89 126.
250.

Aldus
Com-
ment. in
Orat. Ci-
cer. pro
Balbo.

19 vium lapsum, quandoque etiam post mensem Aprilis exactum, ac Coeli inclementiam; describitque idem Plinius *Affinates*, *Camertes*, de his percipiendus, quorum poma singulariter profert in historia, & confert etymon eorumdem Locorum, cum à *Camero Camertes*, & *Camerini*; à *Camerino*, ut scribit *Luitprandus*, *Diaconus*, & habent vetustissima Acta *S. Venantii*, Camerinenfes appellandi, legimusque in antiquis monumentis *Lilio* exploratis, quamvis *Strabo*, & *Ptolemæus* inscribant, *Camarinum*, & quidam *Camarinenfes*, ut minus recte ex Modernis *Aldus*, nemine in auctorem habito, statuatur Camerinenfes dicendos *Camertes*; *Cameriæ* Incolas *Camerinos*, & *Camerinæ* apud Siculos *Camerinenfes*, quandoquidem Lexicon Geographicum inscribat *Camerina* Siculorum; quasi *Luitprandus*, ac reliqui omnes illius temporis ignoraverint hos populos *Camertes* antiquos fuisse, & tali nomine decorandos; Sed *Aldo* venia danda est, quod in *Orthographia* adducat inscriptionem *Camerinensem* marmori incisam, quam *Camertes* in *eternam securitatem* Severo Imperatori subtulisse gloriantur, hanc tamen spuriam dicemus suo loco, ut innotescat, *Aldi* opinionem nullo solido auctore, aut fundamento niti, & *Camertes* ex cilio *Camero* non amplius à probatis Scriptoribus, qui recentiores non sint, uno excepto *Plinio* de nominibus Populorum superstibus agente, relatos fuisse.

Et novum affluit fundamentum ex *Livio*, dicente *Fabium* usque *Perusiam* in eo bello decurrisse, nec admodum longe opinandum est extitisse *Camertium* loca, nimirum ubi ager *Fulginateum* opulentissimus, ibidemque Consul ratus sibi tutum perfugium adfuturum, vel stativam, si ab hostibus circumveniretur, *Cæsonem* ablegavit, fœdusque percussit.

Utque res propius attingatur, quæ vidi, proferam primus.

20 In elatissimo comitatus *Spoletini* monte fere *Umbriæ* medio XI. milliaria à *Spoletio*, & VII. à *Fulgineo*, XXIV. à *Camerino* manent vestigia murorum, turrisque eversæ. Locum ab immemorabili Incolæ *Castrum vetus* appellant, hinc prope tertia fere milliarii parte, alia in monte supereminet *Turris* certe antiquissima muris circumdata, sed modo propemodum excisa, manent caveæ subterraneæ à pluribus sæculis effossæ ad perfugium paratæ, inest prope Pagus saxis, ruinisque undique circumseptus, *Oppidum Camerum* appellatur, pervetustis ædificiorum ævo detectis cæmentis, absumptisque, abruptas habens vias, latasque, arcemque à *Longobardis* (ut trahebant) exstructam, sub qua ampla, præmunitaque inest saxea porta incurva, cum atrio obrotundo in longum protenso; ad lævam in via cernitur pars januæ antiquæ rudi saxo compactæ ad perennitatem, quam subsequitur murus oblongus dirutus, altitudinis, ut videtur, modo quatuor circiter cubitorum. Passim obvia saxa ingentia, quæ Civitatis amplitudinem, molesque munitamentorum, passaque probant excidia: ad ima Locum in planum desinentis in via, quæ *Romana* dicitur, patens est vallis *Cameria*, fere per tria passuum millia trans flumen *Orseanum*, & longo tractu per viam ad *Spinam* tendens: in finibus Castrum manent signa Templi eversum, murique terra contenti, ibidemque conditum thesaurum credunt Agrestes: euntibus per castrum viæ medio occurrit fragmentum orbiculatum marmoris antiquissimi, quod in constructione Ecclesiæ tradunt effossum, in quo prænotavi formam Serpentis affabre insculpti marmoris gyrum ambientis, duarumque probabile *Æsculapium* olim à *Camertibus* veneratum: non admodum procul in via, quæ

A patet ad *Orseanum*, vidi vetustam *S. Antonii* Ecclesiam, in cujus superliminari servatur inscriptio antiquo Lapidi incisa litteris partim Græcis, quibusdam Latinis ævo deformatis, nonnullisque ignotis compacta.

Horum *Camertium* agrum optimum, atque pulcherrimum, pomorum varietate, & excellentia, describit *Cato*, qui ad *Clitumnum* usque fluvium, & campos, quos *Tinea* præterfluit, rerum omnium luxuria affluentes probaliter protrahatur per omnem montium excessum usque fines *Nucerinos*, & colles *Plebis Thaurinæ* recentius dictæ.

B Utque horum comitatum invenire possim, quædam de finitimis attingam.

De *Mevania* sæpe *Livius*, nullam de *Spoletinis* memoriam retinens, nisi post finem primi belli *Punicum*, cum Colonia ducta est, & perhibet *Paterculus*: *Torquato*, *Sempronioque Coss. Brundisium* Colonis occupatum, & post triennium *Spoletium*, sed hi Consules adlecti sunt anno Urbis DIX. anno igitur DXII. Colonia Latina ducta est. *Cicero*: *Spoletinus*, ait; ex Colonia Latina in primis firma, & illustri, fundum Populum non esse factum, nec exceptum quod Civitate donari non possit, hæc autem statutos fines habebat non admodum latos,

C quamvis contrarium nullo certo Auctore, aut ratione innixus scripserit *Campellus*, præsumens suum *Spoletium*, antequam res Romana polleret latius, *Umbrorum* caput censitum, & allegat modernum *Pancirolo*, putatque *Camertes* fuisse ejusdem Provinciæ *Spoletinæ*, non docto, præterquam ex *Annii Viterbiensis* commentis (cum quibus improvide plerumque transit *Leander Albertus*) *Spoletium* ad ea tempora floruisse; cum pateat insuper, *Umbria* in Tribus distincta, *Camertes* liberos fuisse populos, nec auditis finitimis in amicitiam cum hostibus totius Provinciæ convenisse, *Ocriculanos* sponsione acceptos, *Nequinos* ab *Umbriis* destitutos, quamvis pugnarint acerrime, expugnatos, reliquos magis fufos, quam cæfos, quod nullo prævalido tuerentur imperio; an in sopore graves steterint *Spoletini* asserti rerum *Umbriæ* moderatores? Cum pateat angustis quibus una Colonia constare finibus poterat *Spoletium* tunc contineri, quo *Annibale* depulso ad apicem gloriæ primo evecti sunt, proditque *Livius*: *Pæ-* nus conjectans ex unius Colonie minus prospere tentatæ viribus. In eadem regione trans *Tineam* (*Topinum* vocant) apparent vestigia fori *Flaminii* duobus passuum millibus prope *Fulgineum*, quod nec fuisse *Oppidum* vetus ipsius Auctoris nomine innotescit, cecinitque *Silius*, Lib. VIII. vers. 454.

E *Tineæque inglorius humor.*
ignobilitatem ad ea tempora populorum, quos *Tinea* abluit, eo loci significans.

Modernus *Jacobillus*, ut patriæ suæ antiquitatem concelebraret, profert inscriptiones Loco 22 visas, quas ego *Fulginei* reperire non potui, Virisque litteratis compertum puto, vel esse supposititias, vel ex alio loco advectas. Fatemur *Fulgineum* Urbem esse *Spoletio*, *Æsio*, *Fabiano*, quæ modo ditiora, & frequentiora sunt Loca numero Incolarum, nobiliumque Virorum, hoc ævo comparandam, recentiorem tamen esse Civitatem putamus, ut *Fabrianum*, *Camerinum*, *Natolates*, *Vissum*, quæ Civibus aliorum Oppidorum incurfu hostium disjectis, vel condita, vel nobilitata sunt; Et ex monumentis vetustatis excipi, testes sunt *Blondus*, reliquique Moderni, *Fulginate* ex agro *Tudertino* profugos, *Oppido Fulginia* (de quo idem *Silius*, Lib. VIII. vers. 461. *Patuloque jacens sine Mœnibus arce.*

F *Fulginia*) depullos Barbarorum excursione in partes re-

21

Vell. de
Col.

Pro Bal-
bo.

Hist. Spo-
let. Lib. I.
II.

Lib. xxxi.

22

Blond.
Descript.
Umbriæ,
&c.

Guaz.
Chron.
Verbo
Fulgin.

Bergomi.
in Chron.
Franc.
Floren.
cen- Lib. xiii.

ribus rectius visum sit, a situs *Camerini* curvitate in arcum protensi hoc *Camerini* nomen recentius effluxisse, quod *Camera* teste *Nonio* tectum indicet incurvum, Civitate diverso nomine censita, ut antiquus *Vates* credidit in hymno *S. Venantii*.

In Vrbe regia,
Olim dicta *Valeria*

Nunc *Camerinum* appellatur

Regisque *Camera* vocatur,

Et traditum est ab antiquis *Camerinensibus* tribus *Cameris* incurvis patrio stemmate expressis.

Utraque ex his opinionibus ab etymo *Loci* deducitur, in quo tamen non potest certa regula præfiniri, quod nomina corrupta extent, vel a Duce, insignique facinore nobis non explorato derivata, nec *Camerinum* esse adeo antiquum patet, quod in *Veterum* historiis obscurissimum est a *Cæsare*, & *Tullio* primo memoratum: *Cohortes*, quæ ex *Piceno*, & *Camerino* venerunt, qui verius de ditione *Camerina* percipiendi sunt, superstitibus nominibus, & vocabulis. Hæc autem oppida *Camars*, *Vesum*, *Perusum*, *Clusum*, *Vulsinum* antiquissima esse, prodiit pariter ex impercepta significatione, alia vero, ut *Camerinum*, *Macerata*, *Spoletium*, *Hispellum* his recentiora sunt, quod primum a situs curvitate, secundum a macerie novarum ædium, reliqua a *Spoliis*, & depulsione hostium provenire facile potuerint *Romana* prolatione.

Cæterum plura longa exhaustit antiquitas, nam pariter de *Trejo*, *Tolentino*, *Mathelico*, *Pythia*, *Sentino*, quæ *Camerino* propiora sunt loca, quamnam apud *Veteres* memoria recolitur de origine, gestisque? quamvis videantur antiquioris, ignotæque significationis; & perpetua erit quæstio de origine ipsius *Urbis Romæ*, quam alii ad *Romulum*, alii verius ad *Trojanos*, quidam ad neutrum ex his deferant, ut mirandum non sit, de *Oppidis* his ignobilioribus *Veteres* originem non explicasse, unde *Recentiores* ad fabulas conversi, vel nominis etymo, seu levioribus argumentis *Urbium* exordia augustiora faciunt.

NOTÆ IN CAPUT IV.

Cato agens de Fœneratione *Legis Junia* apud *Festum* inquit: *Camerini* Cives nostri Oppidum pulchrum habuere, cum *Romanis* veniebant, igitur ad ejus tempora amplius nulla vigeat dignitas, & amicitia cum *Romanis*; & *Camerini* censendi sunt *Cameri* Accolæ, congruuntque nomina, quandoquidem de *Camerinensibus* primi memoriam recolant *Strabo*, ac *Ptolemeus* (ut *Dynus* ait) hique *Camarinum* appellant; *Syllam* vero reliquis omnibus subversis *Mario* opem ferentibus, *Camerites* eidem conjunctissimos immunes reliquisse numquam probabile esse potest, satisque indicunt turres, murique prope *Camarum* eversti *Syllanam* crudelitatem, cecinitque idem *Dynus* Lib. IV. Fast.

Non procul à *Tiberi* evertit cum *Sylla* *Camertes*,
Umbrosum extremis hi latuere jagis.

Hic parvi fundant *Camerini* exordia. Castris
Quod foret exigui nomen, & Imperium.

CAPUT V.

Sigonii locus animadversus. *Appiani*, *Salustii*, *Livii* concordēs textus proferuntur. *Syllanum* in agro *Camertino* in *Umbria*: *Lucinianum* in *Etruria* *Coloniæ Syllanæ*. Singularis *Lucinianensis* inscriptionis explicatio. De *Licinio* genere, ac *Cilnio* *Lipsii*, ac *P. Ciatti* judicium discutitur. *Luciniani Syllanæ* *Coloniæ* laudes proferuntur.

Camertes *Mario* conjunctissimos *Syllam* excidisse, satis superque vidimus; hunc vero in locis dirutis, suspectisque præfidiis impositis *Colonias* deduxisse fundavimus cum *Appiano*; In antiquis ubi aliqua argumenta concurrant, non inane esse nominis conjecturam præmittimus; & cum admodum conferat ad deducendum *Camerinum* excidium, *Syllam*, ubi modo *Syllanum* assurgit, præfidia imposuisse, in loco nimirum satis ube-

re, ac immunito, [etiam *Incolarum* fama hanc *militaris* *Coloniæ* deductionem comprobante] operæ pretium erit cum *Sigonio* iterum in arenam venire, ejusque novas hæitationes aperire, & explodere.

Sigonius, agens de *Coloniis*, ac *Municipiis*, asserere non dubitavit, quas tamen *Colonias*, aut quam multas *Sylla* deduxerit, non esse memorie proditum; verum cum nec *Sylle*, nec *Cinna* longa fuerit *Dominatio*, teste *Tacito*, & ob *Reipublicæ*, temporumque vices memoria rerum, *Coloniarum*, gestorumque intercidit, & *Appianus* quædam attin- gens obiter plurima historici licentia omittit; *Sylle*que monumenta ipsius manu conscripta invisa atrocitate factorum interierunt, ac statuae eversæ sunt: *Colonias* deduxisse est testis *Appianus*: Cunctos populos *Sylla* punit, *Mœnia* diruit, *Colonos* deduxit: præfidia imposuit, & *Salustius*: *Milites* de *Coloniis Syllanis* ex *Etruria* deductos; & ex *Epitome* *Liviana*: *Sylla* ordinato *Reipublicæ* statu *Colonias* deduxisse. Nomina autem *Regionum*, locorumque ab insigni, vel egregio aliquo facinore, Ducisque nomine derivasse compertum est, ut *Tarquiniæ* à *Tarconte* dicta, *Roma*, *Alexandria*, *Julia* Auctoris nomen ostentant.

In *Etruria* *Sullam* *Colonias* deduxisse *Arretium*, ac *Cortonam*, suspicari se ait *Sigonius*.

De *Cortona* patet nullibi, quamvis ex *Dionysio* ab *Romanis* *Coloniæ* deductam esse asseratur; *Arretinos*, ut idem agnovit *Sigonius*, qui *pertinacis* fine *Sylle* restiterunt, cum civitate excisos, agro adempto, *Colonos* exinde deductos fuisse non satis patet, imo contrarium ex hoc suspicari possumus, hisque tamquam suspectissimis proscriptis, in finibus, immunitoque *Liciniani* situ præfidia imposita, ne dum magis verisimile arridet, imo liquide patet antiquissimi *Lapidis* testimonio.

L. CORN. L. F.

SVLLÆ DICTATORI FEELICI

COMMILITONIBVS

OB LICINIANVM MVRO DVCTO

TVRRIBVS MVNITVM

DECVR. INDICTO NOMINE

LVCIANENSES

PVB. SERVIL. ET. AP. CLAVD. COS.

Sylla in eodem *Lapide* inscribitur *FEELIX*: & in duobus nummis *Syllæ* *FEELIX*, longam sic videntur ostentare, ait *Dausquius*, felix in cognomen venit, & post *Imperatoris* vocabulum in *Statua* equestri in rostris scriptum asserit *Appianus*.

CORN. SVLLÆ IMP. FELICI.

Ita cognominatus, quod tot millia *Civium*, ac inimicorum proscribere, & trucidare valisset: quod nemo eo invito, nec bona, nec patriam, nec vitam retinere posset, & quia primus perpetuus *Dictator* fuit (quod nomen in *Successoribus* in cognomentum venit) & quod ad mensuram meritorum, *Castra* hostiumque *Oppida* elargitus est *Commilitonibus* viginti millibus, qua denominatione pariter usus est *Livius*: adeste *Commilitones*.

Hoc *Oppidum* antiquitus *Licinianum* fuisse denominatum, ex omnibus *Loci* monumentis, aliaque quamvis non adeo antiqua inscriptione ibidem in *Palatio* pro magno *Etruriæ* Duce *Vicarii Vallis Clanarum* existente verificatur, & magis celebres *Scriptores*, qui res *Thuscorum* memoriarum commendarunt, ut *Villanus*, *Augustinus Dathus*, *Pius III.* *Sanleolinus* habent *Licinianum*, ut satis demonstravimus in meo opere de *Situ Clanarum*, pluribus abhinc annis *Senogalliæ* cuso, & inferius dicemus, cum agemus de *Licinii*.

Pariter à *Syllanis* hanc *Coloniæ* præfidiis tutam, & *Turribus* immunitam, nedum nomina sunt argumento, sed etiam, ut fatetur *Baldere*, incorrupta *Incolarum* traditione compertum

tum est: *Famæ autem funditus standum*, inquit Livius, ubi *vetustas derogat certam fidem*; & ad annum MDLVIII. versa est incendio Turris Syllana; hujus angulus marmore rudi circumscriptus adhuc manet in apice collis prope locum, quem *Sanctus Angelus vetus* appellant; apparentque cæmenta fundamentorum molis ingentis ævo detecta, ac fere absumpta; est etiam alia Turris in platea, quam *Porcheaream* vocant, antiquissimæ pariter structuræ, rudi marmore compactæ, in qua nullus patebat aditus, præterquam ex janua perangusta quinquaginta ferme cubitis à solo distante, ibidemque peracta præda confugientes saxi, armisque hastatis se defendebant à frequenti hostium incurfu, quem à *L. Porcio Licinio*, Legionum adversus *Asdrubalem* Imperatore, [ut *Livio* liquet] ita denominatam ait in indice *Sanleolinus*, & sæpius in *Elogiis Cosimi I.* reperit à *Licinio*, & *Licinii* hoc oppidum cognominatum.

Decuriones fuisse Senatores Coloniarum, ac Municipiorum, ex *Cicerone*, aliisque probant *Sigonius*, ac *Panvinus*, & expresse *Cicero* in *Sextriana*, & in veterum monumentis DEC. COL. nimirum Decurio Coloniae; hos vero, ut *Syllæ* adularentur, è *Liciniano* a nomine Dictatoris (qui *Lucius* dicebatur,) *Lucinianum*, seque *Lucianenses* inscripisse, Lapis indicat; & legimus in alia basi, quamvis non adeo antiqua, ante portam militarem *Luciniani*:

LVCIANENSES.

Publium Servilium, & *Appium Claudium* sibi addictissimos Consules *Syllam* renunciasse, est mihi testis idem *Sigonius*: A.U.DCLXX. IV. Consules *Publius Servilius*, & *Ap. Claudius*, Auctor *Cassiodorus*, horum cognomina *Vatia*, & *Pulcher*, de quibus ita *Appianus*: Pop. Rom. ut *Sullæ* Dictatori obsequeretur, ab eo, ut Consulatam continuaret, petit, cui adversatus *Sylla Servilium Isauricum*, & *Claudium Pulchrum* Consules renunciandos curavit: *P. Servilii*, & *Ap. Claudii* Consulum meminit etiam *Orosius*.

Hunc Lapidem vetustissimum pariter cum aliis oculatis Auctoribus appellat *Monticellus*, addens *Lucinianum* Coloniam *Syllæ* militarem; *Balderschus* vidisse asserit, & inscriptionem legisse, quamvis ævo plurimum deformatam; de eodem lapide meminit *Abbas Gamurrinus* Aretinus, agens de familia *Licina*, & in *Historia Aretina* (quam *Jacobillus* in descriptione *Umbriæ*, ac *Balderschus* commendant) pariter in responsione Apologetica ad *Gamurrinum Marchionem Clusinus*, inquit, lapidem antiquum, majusculis Litteris, quibus antiqui utebantur incisum. Sed Modernus in *Notis*, quas adjunxit ad meum Librum de fastis, allegat locum *Calderini Mirani*, ex *Venetis* in archetypo ad annum MDXC. exscripto, inquit in Bibliotheca *D. Marci* asseruari (quod Anno MDXCIX. excusum tradit *Konigius*) legique ait, *Lucinianum* Coloniam *Syllæ* militarem, elicique ex Lapide antiquissimo per *Dathum* (qui tribus abhinc sæculis floruit) indicato, ac *Maccabrunum* in Libro de *Laudibus Etruriæ* Senarum in fastis percelebres.

Dathi volumina in Epistolis, ac relationibus digesta, elegantias, & quædam epigrammata habemus, ut alia tanti Viri opuscula M. S. quæ manibus *Senensium* Litteratorum, alibique teruntur. Addit idem Modernus, *Venetis* prodisse *Miranum* uberiori materiarum copia, & in quibusdam ob originali Reviforum, scribarumque Incuria vel additis, vel detractis restitutum ex Typographia *Aluisa*, & in verbo *Lucinianum* ex prædictorum Sententia, quæ superius diximus apprimè fundari, & sane huic diligentissimo Viro me maxime debere profiteor, qui hæc, nobis non adhuc explorata, tam utiliter potulerit.

Nec censui prætermittendum pro uberiori dictorum comprobatione Taciti locum: *Sub Tiberio exaudita sunt Legationes Coloniarum, ac Municipiorum orantibus Florentinis, ne Clanis Fluvius solito alveo demotus in Arnun transferretur.* In regione *Clanarum*, & toto tractu, usque *Florentiam* protenso, inter Colonias numeratur *Cortona*, *Aretium* Municipium eruit ex Lapide *Panvinus*; igitur non improbabili ex hoc quoque textu arguit *Balderschus* hujus *Luciniane* Coloniae deductionem, quandoquidem *Tacitus* plurium Coloniarum legationes significat, & de *Coloniis* pariter *Syllanis* in *Etruria* ad tempora *Catiline* meminit *Salustius*, & cum tot alia concurrant ex nomine *Luciniani* à *Lucio Sylla* defluxo, hujus rei majus prodit argumentum, ut egimus superius.

Et quamvis rei ordinem videar excedere, tamen quædam pro lapidis elucidatione addenda videntur.

Licinianum perantiquum fuisse Oppidum, à *Licinii* dictum, censent Scriptores, de quibus *Livius*: *nuntiabatur Etruriam rebellare ab Aretinorum seditionibus motu orto, ubi Licinium genus præpotens divitiarum invidia pelli armis ceptum est.* Putat *Abbas Gamurrinus*, *Licinios* residisse in Senatu *Aretinorum*, & exilio multatos fuisse, allegans inscriptionem, hanc ego [etsi corruptam] protuli in Libro præcitato de *Situ Clanarum*; ob quod suspectissimam ex pluribus inculat *Clusinus*, quod à *Livio* dissentiat. Siquidem *Licinios* nec subditos, nec Cives extitisse, satis ex eo liquere potest, quod *Aretina* plebs [quam pro universa Civitate accipiunt *Latini*] cum his pacem firmare indignata non est, & prosequitur *Livius*: *habeo Auctores sine ullo memorabili prælio pacatam à Dictatore Etruriam esse seditionibus tantum Aretinorum compositis, & Licinio genere cum plebe in gratiam reducto, & ita habent codices antiqui, & expurgatiores impressi Basileæ, Parisiis, Venetiis, in Bibliotheca Angelica Urbis, Augustiniana Senarum, D. Marci, Ambrosiana, Laurentiana, omnibusque aliis clarissimis Bibliothecis.*

Credunt quidam, nomine plebis percipi turbam, quæ partes *Liciniorum* prosequeretur in eorum oppido degens, à quo *Licinios* Aretini armis pellere adorti sint, vel plebem *Aretinam* cum *Licinii* ad arma versam in gratiam *Romanorum* iterum reductam à *M. Valerio* Dictatore cum Legionibus ob id ablegato; etenim reducere in gratiam munus Principis est; & *Cicero*: *Qui me cum Cesare in gratiam reducat; & Flavius*: *Antiochi Filii in gratiam Caesaris reducti sunt.*

Ceterum in *Etruria* ultra XII. Principes Civitates quosdam Principes præfuisse, ait *Dionysius*: *Erant in Etruria quidam Principes: Potentissimus quisque cum suis servis convenerat; ad ea tempora quosdam in Oppidis regnasse, reperio apud Livium, ut Tarquinium apud Gabios, Aristodemum apud Cumanos: Porsena sibi proprium paraturus Imperium apud Dionysium, Vejentum Principem Regem pariter appellat Livius, & ultra XII. Urbes erant aliæ Civitates, ac Oppida, & ignoramus modo, quo jure regerentur nimirum *Salpinates, Longulani, Cossani, Graviscenses, Nepetini.**

Verum cum non sine longo temporum cursu familiæ fiant adeo præpotentes, ut armis paratis opus sit ipsas submovere, facile ex hoc Loci *Liciniani* prodit antiquitas, & idem *Clusinus*, *Licinii* florentibus, hoc Oppidum in finibus situm credit summæ consequentiæ censum.

Lipsius, in quodam codice sibi apud *Sequanos* per amicum communicato, ait, loco *Licinii* legisse: *ubi Cilnium genus*; hic plane codex ante XV. sæcula obscurissimus fuit, ab aliis ubique cufis,

Tac. Lib. II.

Lib. III.

35

Sanl. Calder. Gamurr. Liv. Lib. x. Cil. & Licin. pag. 233. In Gamurr.

Lib. VII.

36

Dion. Lib. XXXIX. Suet. in Otho. in princ. Plut. in Rom.

Apolog. ad Gamurr. Roma Anno 1700. Antiq. Lect. Cap. XXI.

& superius indicatis dissentiens; allegat Silium:

Cilnius Arreti Tyrrhenis ortus in oris.

In meo vetustioris impressionis legitur *Cilinus*, & ita legit Clusinus in docta sua *Apologia* ad *Gamurrinum*, iterum hoc Anno *Rome* impressa. *Cilniam* esse gentem *Mæcenatis* omnium *Litteratorum* amantissimi, eruit è schedis *Barberinis* *Fabrettus*.

Cap. x.
pag. 750.
in hortis
Justinian.

C. CILNIO P. F. POM.
PAETINO
LEGAT. TI. CÆSARIS
AVG.
PRÆTORI. TRIB. PLEBIS
QVESTORI. TRIBVNO MILITVM
PROCONSVLI.

P. Ciattus
Hist. apud
Gamurr.
& Mach.

Recentiores æque putant, unum idemque genus esse *Cilinum*, ac *Licinum*, nomen iisdem terme verbis compactum, secunda inversa Syllabâ, & magna sane est disceptatio, numquid *Mæcenas Arretinus* sit, an *Clusinus*, an potius ex *Liciniis*: in alio opere de *Situ Clanarum* hanc quæstionem discutiendam omisimus, & quædam tantum hic attingemus obiter, non enim in brevi hac dissertatione volumus veriti Criticorum invidiam novum certamen instaurare; non tamen prætermittenda est *Calderini Mirani* explicatio ab eodem Moderno relata ad carmen Silii: *Cilnius, Thuscus* nimirum ex oris *Arretinis*, ubi *Licinianum Oppidum* est: Allegant quidam jocosam Epistolam apud *Macrobius*, quam *Augusto* adscribunt, in qua *Mæcenas* mel gentium vocatur, *Lasar Arretinum*, *Cilniorum Smeragde*, *Tiberinum*, *Margaritum*, *Berille Porsenæ*, *Ebur ex Etruria*, & *Horatius*:

V. Mæce-
nas
In Not.
ad Lib. I.
de Fast.

Vita Mæ-
cen.

Tyrrhena Regum progenies,
Hinc *Caporalis* credidit *Mæcenatem* ex *Porsenæ* genere, qui *Clusinorum* Rex fuerit; sique fides ulla danda est epistolæ, siue Recentissimo non repugnaret aliquem ex *Avis Mæcenatis*, cujus decus ignoremus, *Porsenam* vocatum: nec *Laars* (non *Cilnius*, nec *Licinus*) *Porsena* cognomine Rex fuit, sed *Lucumo*, ut probat *Dionysius*, *Etruria* libertate pollente, & *Lucumones* in aliqua tantum expeditione nomine Regis dignati sunt, ut apud *Plutarchum*, & *Florum*, & ex *Nummo* hanc Regiam denominationem in *Lucumone Arertino*, flagrante *Syllano* diffidio, sibi aridere ait *Balderschus* in iisdem *Notis*, quod apud me non satis tutum est, nec *Nummus* in pretio fuit: quamvis *Præfides*, & qui militarem gerebant Magistratum, quandoque vocentur *Reges*, ut apud *Orosium*, & *Methaphrastem* in *Actis Martyrum* græca elocutione. Nec apud *Plinium*, ac *Strabonem* alios in *Etruria* præesse Reges reperio, nisi *Tyrrhenum*, *Atys* Regis *Lydorum* Filium, de quo superius egimus, à quo, ac *Tarconte*, ipsius Fratre, in *Thuscos* militaris gloria, nomen, ac dignitas omnis defluxit.

Et confert pro loci *Luciniani* antiquitate *Plinii* locus: Et vulgo principatum in hoc quoque bono obtinuit Italia toto orbe, maxime in agro *Venafrano*, ejusque parte, qua *Licinianum* fundit Oleum: *Licinianæ* gloria præcipua olivæ. Legunt alii: quæ *Licinianum* fundit oleum, hoc quoque nobis opitulatur, quandoquidem etiam modo oliva *Hispanica*, in collibus *Italicis* inserta, *Hispana* vocatur, & suo nomine ubique notatur uva lacrimam *Neapolitanam* effundens: Hæc autem oliva *Licina* an ab Inventore, an à Loco talem denominationem fortita sit, apud me satis exploratum non est, quicquid ex *Catone* desumi autem Modernus.

Lib. xv.
Cap. 111.

Putabit infentissimus Criticus, genio contradicendi illectus, in agro *Venafrano* *Licinianum* oleum fluxisse; non tamen probat, hic in eo angusto comitatu hoc oleum fuisse supra illud concelebratum, nec adeo obscurum fuisse *Licinianum*, in

A quo famigerata oliva florisset; nec dolet iterum hic proferre locum, de quo in meo opere de *Situ Clanarum*: Nec oleum *Licinianum* aliunde quam ad *Clanas Invidorum* divinatione exquirendum, nec alibi inesse comprobatum, & pateat nomine, & re olearum excellentia, de qua ibidem est testis *Balderschus*; nec *Plinius* solius *Venafrani* agri oleum describere protestatus est, sed totius *Italiæ*, hoc bono plurimis in locis scatentis, ut æquius ille locus forte corruptus legendus sit: & in ea parte (nimirum *Italiæ*) qua *Licinianum* fundit oleum, & congruit explicatio *Moderni Florentini*: & in ea parte, in qua est *Licinianum*.

Landinus
Plin. vulg.

B Utque ad propositam quæstionem redeamus, *Syllanæ* *Turris* in *Oppido Luciniano* manent nomina, & *Tomasius*, qui florente *Senarum* celeberrima Republica Historiam inscripsit, ob id *Oppidum* à *Sylle* militibus occupatum censet, & *Licinianum* à nomine *Ducis Syllani* hujus nominis denominatum, in quo tamen non habet contestem, quamvis conferat ad *Loci* vetustatem.

Hist. Senens.
Lib. I.

Locum esse natura munitissimum, fatetur *Rossus* agens de bello *Senarum* ad Annum MDLV., & ante ipsum *Guazzus* in historia describens *Senam* à manu *Luciniansium* magna obsidione exemptam fuisse, per hæc verba: *Licinianum* opere, & natura munitissimum est, & ferocium copia *Virorum*, & *Cinus* vocat *Clavim Vallis Clanarum*, quæ est tot *Civitatibus* *Oppidis*que percelebris, & alludit *Cicero*: *Majores nostri Colonias idoneis in locis imposuerunt, ut propugnacula Imperii esse viderentur.* agrumque *Castri Syllani* esse idoneum pro *Coloniarum* deductione patet accedenti, *Luciniani* etiam *Scriptorum* testimonio, & *Podius*: *Lucinianum*, ait, etiam ad ea tempora dives, potens judicatum, & *Eques Ninus* cum aliis in præcitato meo opere laudatis: habet comitatum divitem, latum, cuique Civitati decentem, & valuit armis libertatem adversus invictas Civitates servare, ut ex *Pio III. Malevolto*, *Castrensi*, *Thusco* notavimus; *Lucinianses* pro veris, & originalibus *Civibus*, & secundi ordinis *Nobilibus* perpetuo haberi sancitum est in *Consistorio Senarum*; idemque *Magnus Dux* attenta *Loci* dignitate, & opulentia *Nobilibus* *Viris* à supremis Magistratibus ipsius vices gerentibus inscribi mandat, ut profecto congruant omnia, ut *Lucinianum*, invito *Sigonio*, inter *Colonias Syllanas* reputandum omnino sit.

Append.
ad Tarc.
Lib. v. vi.
Hist. pag.
33.
Vita Comi.
Lib. I.

Hist. Flor.
Lib. 111.

De Bell.
Ital. Lib.
vi.
Mal. Hist.
Senens.
Lib. viii.
Card.
Thusc.
Concl.
Litt. L.

NOTÆ IN CAPUT V.

E Planum est *Syllam* *Colonias* deduxisse, *Syllanum* vero tunc conditum, vel à *Sylla* *Coloniam* ductam, nec *Dynus* probat, nec ego pro certo assero, non tamen ob rei probabilitatem temere hunc locutum dixerim. *Sigonius* *Syllanas* *Colonias* in *Umbria* nullas reperit, in *Etruria* se ait suspicari deductum fuisse *Arretium*, ac *Cortonam*, hanc fuisse à *Romanis* ductam ait *Dionysius* Lib. I. *Arretium* omnino disiectum, muris exutum, ademptumque agrum probat *Cicero* apud *Volaterram*. se indulgente restitutum, non *Coloniam* deductam, ut credendum sit ea circum loca ubertate, agri beatitudine apud *Strabonem* Lib. V. magnifica à *Sylle* militibus occupata fuisse, hos autem in immunito per vetustum *Liciniani* colle insidisse in finibus *Arretinorum* apud me exploratissimum est ex allata singulari inscriptione, ignovitque *Sigonius* de his agens, quod ob breve *Syllæ* Imperium, rerumque vices æque de aliis *Syllanarum* *Coloniarum* deductionibus nulla certa ad nos deventerit notitia: duo tamen me de tam nullis rei veritate ancipitem reddebant, primo an constaret de *Liciniani* antiquitate, secundo an satis patens esset inscriptionis vetustas. Quoad primum putat *Dynus* liquere ex *Livii* loco agentis de *Arretinis*: ubi *Licinium* genus præpotens, quidam vero inepte putant, hos esse ex *Civibus Arreti*; verum rei hujus solutionem ignoravit *Dynus* ipse, patetque *Licinius* in *Oris Arretinis*, non *Arretio* effloruisse ex *Festi Pompei* loco in vocabulario, ibi *Licini* in *Oris Arretinis*; Fragmentum *Festi* ex *Illyrico* advectum protulit *Antonius Augustinus*, editque *Rome* Anno MDLXXXI. *Georgius Ferrarius*, in quo Codice, ne dum verba, & dictiones plurimæ, sed plerumque rei ordo desideratur; hujus codicem tribus fere abhinc seculis per *Paulum* eruditum Virum transcriptum, ac *Carolo* *Neapolitanorum* Regi dicatum, videat

deat quisquis indagandarum antiquitatum studiosus in Bibliotheca eruditissimi Bernardi Trivisani, Nobilis Veneti, inter alia celeberrima M. S. in quo præcitatus habetur *Liciniorum* locus litt. L.; nec ulla parit repugnantiam *Lipsiana* castigatio *Licini* ex M. S. apud Sequanos *Cilnium* in *Livii* textu subrogans, quia omnes antiqui Codices *Licinum* præ se ferunt, ac recentiores hic cusi; nec defunt Moderni firmiter opinantes, familiam *Cilniam* ac *Licinam* idem esse genus inversa syllaba, quod Dynus in *Lib. I. Fast.*, & P. *Anonius* hic ingeniose expresserunt

Caius Cilnius veteri de stirpe Licinus.

Inversis eadem nomina scripta notis.

Syncopa si desit mutilato nomine Cilnus.

Et decus, & causas tempora longa tegunt.

„Cilnius Urbe fuit, Licinus quem Patria dixit:

„Inversa est tantum syllaba, nomen idem.

Et ex his non inepte authumantes *Mæcenatem* ex *Liciniis*, quandoquidem hæc opinio gravibus Viris arridet, subscriptisque etiam *Academia Minervæ* Litteratissimorum iudicio in Libro impresso per *Hieronymum Albritium* Venetiis Tom. IV. p. V. p. CXI, & in Autographo *Calderini* nostri, quod hic habemus in Bibliotheca D. *Marci V. Mæcenas*, noviter cuso *Venetis* ad mentem M. S. per *Dominicum Louisam*; conferunt pariter carmina *Dathi*, cuius liberculum in eadem Bibliotheca D. *Marci M. S.* servatur, relatum in eadem Galleria *Minervæ*, ac in eodem Autographo *Calderini V. Velinus*:

..... *Abhis Effis.*

Syllanam arcem, qua Cilnius ortus Eques.

Et eruditus *Guigues*:

Licinio quoque Mæcenas jam sanguine clarus.

Hic habet, ut proprios noscere possit Avos.

Ex quibus attento etiam P. *Ciatti*, *Lipsii*que testimonio clare asserit *Academia Minervæ Mæcenatem* ex *Liciniis*, & *Liciniano* Clanarum originem duxisse, cui opinioni ego quoque subscribo; nec ab hac sententia me submovet *Modernus Poëta Perusinus* in *Vita Cilnii*, authumans *Mæcenatem* ex *Porfena Clusino* originem traxisse, quia, ut ait *Dynus*, *Porfena*, nec *Cilnius*, nec *Licinus* fuit, sed *Laars* nomine, *Persona* cognomine ex *Dionysio*, & quamvis ex Regibus *Thuscorum* provenisse *Cilnium* asserat *Propertius*, *Porfena* non Rex, sed *Lucumo*, Præsesque fuit ex eodem *Dionysio*, invisum quippe Regis nomen, *Thuscis* libertate florentibus, nec alios in *Etruria* Reges fuisse, ex *Strabone*, *Plinio*que reperit *Dynus*, præter *Tyrrhenum* cum *Lydis*, *Lyciis*, reliquisque finitimis ad ea loca advectum, hinc non inerudite *Dynus* in eodem *Lib. Fastorum*:

A Lyciis natos Vates dixere Licinos.

Quibus addo *Horatium* de *Mæcenate* scribente:

Tyrrhena Regum Progenies.

Quo loco probabiliter de *Tyrrheno*, ac *Lydia* Regibus percipiendus, quod *Dynus* non advertit; his additur *Festi* testimonium *V. Mæcenas*, in eodem Vocabulario ex Bibliotheca *Trivisana*: ibi *Mæcenas Lycinus*.

Nec his obstat visum *Silii* carmen:

Cilnius Arreti Tyrrhenis ortus in Oris.

Quandoque ita explicat *Calderinus* in præfato Autographo (quod nostri ad litteram non typis mandarunt, ne moles supra *Calepinum* excresceret) *Cilnio Toscano del Territorio d'Arezzo*, ov' è *Liciniano*, quæ explicatio, ac locus laudatur in eadem Galleria *Minervæ*, & bene meo iudicio, quia aliter, rō *Tyrrhenis* otiosum esset, quando *Arretium* fuisse in *Etruria* clare pateret *Silio* ibidem ea loca in bello *Punico* describenti, nisi denotet illum esse ortum in oris, quas *Tyrrhenus* incoluit.

Quod attinet ad secundum, pro veritate inscriptionis est testimonium ejusdem *August. Dathi*, qui fere tribus ab hinc sæculis floruit, de cuius carminibus sic ad ea tempora cecinit *Benedictus Cingulus* in eodem M. S. laudatus.

Vidimus eloqui decus Augustine Libellum.

Inque tuo regnat Atticus ore lepor.

Hic autem non semel *Lucinianum* Coloniam *Syllanam* nuncupat, & in Autographo *Calderini* hæc duo pariter *Dathi* carmina referuntur *V. Vulsinium*.

Vulsinis Lycinis, his Sulla in marmore prisco est.

Quod Luci nomen tunc Luciane geris.

Nimirum *Sulla*, qui *Lucius* dicebatur, à quo è *Liciniano* *Lucinianum* vocatum communiter traditur, de eadem *Lucinianensi* inscriptione habeo etiam auctorem oculatum *Renatum Lagogueum de Britannia Minori*, Sacerdotem hic *Veneris* agentem, aliis *Gallico* idiomate editis libris memoratum, qui in suis M. S. ferme XXX. abhinc annis exscriptis, dum per *Italiam* immigraret, hujus lapidis meminisse luculentissime, mihi que non semel eruditus ille rei veritatem, ac antiquitatem aperuit, & in *Notis ad Libros Fastorum* ejusdem Dyni proficitur, ut merito inter Colonias *Syllanas* *Lucinianum* sit recensendum.

CAPUT VI.

Cluverius ac *Papebrochius* notati. *Inscriptio Severiana Camerinenfis* expenditur, & spuria exploditur. *Sigonii*, ac *Brixonii* opinio examinatur. *Inscriptio Ligoriana de Colonia Camerin.* illustratur.

Inscriptiones Lilianæ commentitiæ proscribuntur. De *Lilii opere* iudicium. *Panvinus* defensus. *Lilius de Cohorte ultrice Camerinenfi* reprobat. *Fabrettus* laudatus. *R. N. Camerinenfis* rejicitur. *Papebrochii iudicium* profertur, & exploditur.

P *Papebrochius* *Ughellium* sequutus pro fundanda antiquitate *Camerini* adfert inscriptionem *Tiburtino Lapidis* incisam, ex qua æquum illud fœdus cum *Romanis* antiquitus percussum sibi attribuent *Camerinenses*, a *Severo* confirmatum indices, & ad *Severi* usque Principatum protrahunt, idem ex *Ughellio* præsumit *Papebrochius*.

IMP. CÆSARI
L. SEPT. SEVERO
PIO PERTINACI AVG.
ARAB. ADIAB. PART.
MAX. BRIT. MAX. TR. POT.
XVIII. IMP. XII. COS. III. P. P.
CELESTI EIVS INDVLGENTIA
IN ÆTERNAM SECVRITATEM
ADQVE GLORIAM
IVRE ÆQVO FOEDERIS SIBI CONFIRMA
TO
CAMERTES.

40
Grut. in
Severum.

Vanitas hujus inscriptionis prodit oculari inspectione, quod characteres inæquali, & ineleganti forma conglutinati sunt, & ad *Severi* ætatem *Romani* majusculis Litteris, distinctisque utebantur, in hac vox sola *Camertes* amplissimis litteris incisa est, quod gloriæ eorum summe cederet videri illas antiquos *Camertes*, cum quibus *Romanos* percussisse fœdus inscriptum est, sibi ab Imperatore confirmatum: in eodem foro inest Basis *LYCORIS MATRIS*, Characteribus *Romanis* affabre efformatis, hisque cum iis *Severianæ* inscriptionis comparatis, accedens quisque iudicat, hanc recentis fabricæ esse, sique *Gruterus* vidisset, profecto, ut quasdam *Camertum* infra referendas, potiori jure inter spurias proscripisset.

Insuper in *Severiana* deficiunt hæc vocabula: *Dio. Lib. Procos. Pont. Max.*; *Dempsterius*: *Imperatores*, *Thom. inquit, Pontifices Maximi creabantur, & Patriæ* *Dem. Patres appellabantur, & omnia, quæ in Populæ* *pster. Ant. formæ Reipublicæ multum valuerant, Senatu, Popu-* *liq. Rom. loque volentibus, & cum ipsis nominibus in se reci-* *Lib. III. piunt, excepta Dictatura, ut Consulatus, Proconsu-* *Cap. XXII. latus: post Augustum omnes Romani Principes Pon-* *Lib. VII. tificatum maximum, vel susceperunt, vel se Ponti-* *Cap. XII. fices maximi appellari passi sunt, ut Constantinus,* *Zonaras* *Constantius, Valentinianus, Valens, & Gratianus,* *Annal. qui Christianæ Religioni addicti, quamquam a Pon-* *Lib. II. tificis Maximi munere abhorrent, id tamen elo-*

Egiis suis ascriptum aspernati non sunt, nec rejecerunt; primus omnium *Gratianus* (ut *Zosimus* docet) se Pontificem maximum appellari vetuit, atque ita ea Sacerdotii dignitas, quæ supremam humanarum, & Divinarum rerum auctoritatem comprehendebat, in Imperatoribus defecit. *As-*

Impulatur *Lazius*: *Titulum Pontificis maximi Augusti* *Lazius de sibi usurpabant, ut quod amplissima in Urbe ea fo-* *Rep. ret dignitas Consulatus, Imperatorique prælata, id* *Rom. quod subinde in inscriptionibus Augusti, Vespasiani,*

T *Trajani, & Septimii Severi videre est, hujus manus erat de ceremoniis judicare, peregrinationi præsidere, in nuptiis sententiam ferre, in adoptionibus jus dicere, distribuere Sacerdotium, & Virginem maximam capere, quorum facultatem hodie Pontifex Romanus obtinet, excepto postremo, quod ut Gentile exolevit. Severus a quoque Armeniacus cognominatus est; & mos fuit inscriptionibus ad promerendam fidem consultius expressis, in iis maxime, quæ incipiunt a titolis*

Augustalibus, nullos prætermittere titulos, vel vocabula, quibus Imperatores decorabantur; quamvis hoc non admodum videretur conferre, si reliqua ad fidem historiæ congruerent.

Ceterum *Camerinenses* inservientes usque ad *Severi* Principatum servasse jus æquum fœderis, quod *Sanctissimum*, & *æquissimum* vocat Tullius, improbable prorsus est, nec aliunde quam ex *Lapidis* testimonio in silentio antiquorum eruere possunt; etenim, postquam Augustus *cuncta bel-
lis civilibus fessa sub Imperium accepit*, ablata est Fœderatis, & *Italicis* Civitatibus de rebus sum-
mis decernendis libera potestas, sed jus æquum fœderis adeo sanctissimum fuit, ut nec jura, nec ipsam *Populi Romani* Majestatem tenerentur cominus servare, & verba *Tullii* explicat Fanc. Silvius, *Sanctissimum*, id est *Sacrosanctum*; *æquissimum*, id est, in quo additum non erat, ut majestatem *Populi Romani* tenerentur cominus servare, quod si tenerentur, fuissent inferiores.

Camertibus adulatur *Sigonius*, quod nec tenerentur cum *Romanis* signa conferre, relato *Livii* loco in bello *Punico*: *Camertes*, cum æquo fœdere cum *Romanis* essent, cohortem armatam *D. G. Hominum* miserunt, addit *Sigonius*: Nimirum hoc significans ceteris *Populis* exiguum, *Camertibus*, qui propter æquitatem fœderis nihil deberent, magnam laudem, quod enixe *Populum Romanum* adjuverint, esse tribuendam. Obstat *Sigonio* *Brissionius*: *Cam-*

mers Romanum, *Romanus* *Camertem* bello, & pace juvet, hostes, & amici, iidem sunt, *Camertes* Majestatem *Populi Romani* comiter conservent. Opinor tamen, cum florent *Fœderatorum* jura, non teneri *Camertes* servare majestatem *Populi Romani* ob æquissimi fœderis præstantiam, ut patet ex *Tullii* loco loquentis de statu *Camertium*, flagran-
te bello *Cimbrico*: Si tenerentur majestatem *Populi*

Romani servare, fuissent inferiores. Nec advertit *Sigonius*, *Camertes* toties cum *Romanis* signa contulisse, *Fabioque* ab his expromissam *Juventutem Camertium* in armis paratam, quod in hac rei obscuritate argumentum est, *Romanum*, & *Camertem* teneri sibi vicissim suppetias ferre, quod nihil detrahit æquitati fœderis. Et non semel distinguit *Livius* æquum ab inæquali fœdere, nam qui æquo fœdere juvabantur, eodem tamquam inter pares inito reputabantur pro *Amicis*: *Fabius* verbis *Consulis* egit de *Societate*, *amicitiaque*, e converso, qui fœdere non æquo detinebantur, ex *Livii* loco de *Appulis*: impetrarunt, ut fœdus daretur, neque ut æquo fœdere, sed ut in ditionem *Populi Romani* essent. Cum igitur æquum fœdus abdicationem a ditione *Populi Romani*, & æquissimam Imperii majestatem significet, post constitutum Imperium, jus æquum fœderis in marmoreis monumentis proferre apertam redolet defectionem a debito *Cæsaribus* servitio, probat-
batque *Parvinius*, post legem *Juliam* obliterata, & confusa fuisse jura, ac nomina *Fœderatorum*, *Coloniarum*, ac *Municipiorum*, cum omnia *Op-
pida Italica*, veteri majestate dimissa, parere, & in legionibus pugnare, non amplius in auxiliis tenerentur, & *Sigonius* hanc titulorum, ac rerum confusionem satis designat, ut quamvis addat, *Camertium* fuisse semper fœderatum, nedum

conditum, sed percipiendus omnino est de *Camertibus* ante *Syllam*, cum, his ad tempora ex-
cis, nullus *Scriptorum* aperiatur locus de fœdere, imperioque *Camertium*; post legem *Juliam*, & constitutum Imperium, *Severoque* Principe, minus videtur tolerabilis illius *Camerinensis* Senatus majestas, & æqui fœderis figura, quandoquidem sub hoc *Cæsare*, Imperialis potestatis studiosissimo, *Romanorum* etiam *Magistratuum*

auctoritas, & Imperium diminuta sunt, & omnia metu, & mœrore complebantur, quod ille in Senatu palam, quod turpiter viverent, increpasset, quod potestate Senatus male usi fuissent, quodve exinde immerito *Commodum* ignominia notassent, *Populusque* teneri non potuit, quin malum palam deploraret.

Eadem spuria inscriptione *Severus Britannicus Maximus* appellatus est, hoc autem *Severo* ultimum opus mortalium fuit, teste *Xephilino* ex *Dione Cassio*; ferme *Nigro*, & deinde *Albino* Ducibus in *Severianos* summa vi irruentibus, commotus est *Orbis*, in qua rerum vicissitudine, in ipso Principatus exordio probabilius videbatur, *Severum* liberaliter *Italici* aliqua privilegia indulgisse, ut in amicitia contineret, sed apud *Britannicos* degens, æmulis pridem profligatis, *Orbis* Imperator, dempto *Augusto*, inter *Cæsares* ferme maximus, bellis, longo Imperio, morbisque fessus, ad fœdus *Camerinensium* confirmandum, & unum *Oppidum Umbrie* montanum a *Romanorum* servitio eximendum, vel illustrandum, & æqui fœderis nomina obsoleta, & invisa Principibus Dominis in indultis renovanda, animum intendisse, improbabilitatem, & ineptitudinem sapit.

Cluverius, cujus auctoritati adeo in præmissis defert *Lilius*, quædam attingens de *Camertino* fœdere ejus tamen durationem vulgata lege *Julia*, & confictam *Severi* confirmationem neglexit penitus, quin advertens *Frontinum*, agentem de *Colonis*, ejus limites designare, dicit *Camertium* *Coloniæ*, cui nec jus, nec figura convenit *Fœderatorum*; & *Municipes*, *Colonique* inservientes in suis finibus (ut pariter *Septem pedani*, ac *Mathelicates* finitimi) ab *Augustis* Dominis fuerunt conclusi, auctore *Frontino*.

Pyrrhus Ligorius, tamquam *Novator* a *Fabretto* notatur pluribus hujus inscriptionibus, quæ ad suum negotium conferebant subreptis, quibusdam aliis ut spuris relictis, addens, a coævis excepisse hunc non integri judicii *Transcriptorem*, quomodocumque accepta, in *Codicem* retulisse. Verum *Ligorii* fidem integrat *Spanhemius*, vocans *Spanhemii* expectationis *Virum*, ab *Ant. Augustino*, pag. 148. *Caro*, *Ursino*, *Parvino*, *Pignorio*, laudibus celebratum; is itaque hanc inscriptionem non visam, sed sibi missam, ab omnibus tamen *Loci* *Scriptoribus*, in explicandis *Camerini* fastis oculatissimis, ignoratam, primus edidit.

MARTI GRADIVO
AVGVSTO

M. CVRIVS M. F.

QVIR. ANCVS VI. VIR. AVGVST.

PATR. MVNI. COL. CAM.

ET Q. ATTILIVS Q. F.

PALMVS. PRISCVS.

ET Q. CORTILIVS Q. F.

QVIR. DIGNVS II. VIR MVNIC.

QVINQVE N. CVRAT P. P.

D. D. D.

Multa etenim ad historiæ veritatem conferentia in his postremis, ac criticis sæculis, exploramus; vel apud *Veteres* dubia novis argumentis obfirmamus, nisi quis suspicari velit, in ingenti *Octaviana* proscriptione, sive sub eodem *Augusto* ductam hanc *Coloniæ* fuisse inter eas *Octavii* numerandam, quarum nomina ignoramus, & noviter ab eodem *Fabretto* *Colonia Vejum* fundatur ex *Lapide Vejentano*, in quo *C. Senatores* numerantur; nec leve est argumentum fragmentum *Lapidis* in via suburbana prope muros *Camerini* *Augusto* incisum. Apparet ex hoc, basi confusa (ut diximus) fuisse nomina *Coloniarum*, & *Municipiorum*, & simul accipi, & promiscue confun-

Tacitus
Lib. 1.

Liv. Lib.
xxviii.
cum not.
Sig.

42

De Formis
Lib. iv.

Pro Balbo.

Pavin.
Lib. iiii.

Sigon. de
Colon &
Urb. Fœder.

43

Xephil. ex
Dione in
Severum.

Front. de
Colon.

44

Spanh.
pag. 148.

De Colon. fundi, ut ex pluribus *Ciceronis*, ac *Veterum locis* A
& Munic. probat *Sertorius*, & *Panvinus*, agens de lege *Ju-*
Sig. Lib. lia a *Sylla*, & *Cæsare* lata inquit: *æquatis omni-*
ii. pag. bus *suffragiis*, *Civitas Italiae omni data est; Colo-*
222. niarum, Municipiorum, Praefectarum jura oblit-

Panv. terata sunt, nominaque hæc confundi cœpta.
Lib. iii. Duum Viri erant Municipiorum Senatores, ut
45 planum est apud *Panvinum*. Cognomen *Augusti*
Panv. Gradivo tribuitur, quod pariter legimus in hortis
Lib. iii. de Insulae *Tiberinae*, *Epidaurio* numini datum.

AISCVLAPIO

AVGVSTO SACRVM

Jo. Petr. Quæ vocabula addita sunt nominibus *Deorum*, B
Bellor. de Dearumque in adulationem *Augustorum*, quos
Nummis Diis æquare volebant, ut *Jupiter Augustus*, *Apol-*
Antonin. lo *Augustus*, *Diana Augusta*, *Isis Augusta*.

Pii. dif. Universam *Græciam* liberam pronunciaſſe *Nero-*
fert. in nem

, *Pausanias*, & *Philostratus* tradidere, *Laco-*
fin. nes liberos appellat *Strabo*, & ex aliis monumen-
Lib. viii. tis eruitur; hæc *Barbaris* longe agentibus exem-
xii. pla speciosa sunt, sed jus foederis confirmati,
æquo jure, omnimodam a ditione abdicationem
significaret, quam nec *Græci*, nec *Lacones* sub
Nerone, nec ulla *Civitas Italica*, ostentare jure
poteſt.

Reliqua titulos *Augustales* respicientia ab aliis
Severi veris inscriptionibus desumpta fuisse opi-
nor, quæque subsequuntur, CELESTI EIVS
INDVLGENTIA, IN ÆTERNAM SECV-
RITATEM, ADQVE GLORIAM, attexta
sunt ad insignem ostentationem; cum non sapiant
puram illam *Latinitatem*, qua antiqui ad ea *Severi*
tempora utebantur in elogiis *Cæsarum*, ut de
per se quisque antiquitatum peritus judicare valet,
veluti indulgentia *Augusti* foedus, ac gloriosa foe-
deris ostentatio in æternum duratura, marmori
incisa, *Oppidum Camerini* supra omnia *Umbriae*,
*Italiae*que loca singulariter attolleret.

Lib. i. Nova *Lilius* inscriptione ex basis fragmento
(ut idem ait) *Camerini* Anno *MDCVIII.* effosso,
elicit, *Antoninum*, *Severi* filium, *Camerinenses* III.
Civitate donasse, nullo nixus argumento, quare
toties *Antoninus* Cives pronunciaſſet *Incolas* *Ca-*
merinenses, solum addit ex superioribus traditis, ex-
citatum fuisse *Antonini* liberalitatem, quod *X.*
Cohors *Prætoriam* ex suis *Camerinensibus* deligere-
tur, quam deinde inconstans credit ex *Umbriae*
46 militibus aggregatam. In eadem *Bassiana* inscrip-
tione deficiunt *Antonini* Consulatus, ac *Procon-*
sulatus, ac *Patris Patriæ* invocatio, quam plu-
resque alii tituli, *Antonino* in inscriptionibus
delati.

Hanc autem inscriptionem, nec ego, nec alius
videre potuit, auctoribus *Camerinensibus* penitus
ignotam, & mirandum est, curiosissimos *Ca-*
merinenses illam adeo recenter effossam, loco publi-
co non servasse, & mihi, antiquarum rerum ve-
stigia satis diligenter publicis votis perquirenti,
indicare neglexisse, sique ex omni *Umbriae* Re-
gione, Cohors delecta est, quare *Camerinensibus*
Provinciae angulo sitis, non validioribus *Spoleti-*
nis, seu *Nucerinis*, *Mevaniatibus*, *Sentinatibus*,
*Nursinis*que antiquioribus, aliisque oppidis æque
Nobilibus, clargita non asseruntur privilegia ad-
eo perspicua, memoratuque digna? de quibus
unum *Camerinum*, non meliori jure (si in expe-
ditionibus *Anglis* prospere usus fuisset *Severus*,
vel in aliis *Antoninus* eadem *Umbrorum* Cohorte)
gloriarı posset, indicitque satis horum omnium
silentium insignes simulationes, *Liliique Cameri-*
nensis commenta.

Confert ad præmissa, nullo ex antiquis Scrip-
toribus, siue *Camerinensium* *Chronistis* colligi,
hanc æqui foederis præstantiam in *Severi* *Princi-*
pato confirmatam, nec ex aliis loci inscriptioni-

bus ante, & post *Severum* latis. Basisque falsitas
ex eo maxime prodit, quod nullus possit proferri
auctor antiquus, imo nec recta, evidensque con-
jectura pro rei certitudine, elogiique firmitate,
ignoramusque, quonam servitio Imperatori præ-
stito excitata fuerit *Augustalis* Indulgentia, ut
jus æquum foederis cum subditis Gentibus impra-
cticabile iterum impartiretur.

Lilius XXX. ab hinc Annis Patriæ suæ *Came-*
rini Italico sermone concinnavit *Historiam*, haud
integram, nec satis disgestam, paginis pluribus
in fine operis in albo relictis, *Revitorum* senten-
tia, quod suæ Patriæ laudationes finitimis, *Spo-*
*letinis*que graves passim proferat, nec publica au-
ctoritate excusa apparet, omiſſa nominis *Ty-*
pographi, Locique expressione, cujus quædam
tantum exemplaria manibus *Camerinensium* te-
runtur, Libris reliquis cura Civis cujusdam asser-
vatis. Credunt, *Lilium* (*Lutetiae Parisiorum* *Cardi-*
47 *nalis de Richelieu* eruditorum amantissimi a *Secre-*
tis assumptum) libros absolvere, vulgareque dis-
tulisse, ut plurima ipsius arbitrio noviter exco-
gitata, vel inanibus conjecturis subnixa tempo-
rum beneficio, veluti rerum oblivione, pro veris
exinde haberentur, siue, ut in *Urbe* audivimus
a *Bartholomæo Machiono* superius laudato, cum
eodem *Parisiis* familiaritate conjunctissimo, idem
Lilius operæ pretium duxerat quædam consultius
castigare, plura addere, opusque propere editum
in historicam veritatem traducere. Auctor *Hi-* Campa-
storiae Picenæ *Lilio* amico suo adulatus est, & ea, gnonus
quæ idem pro *Camerinensibus* suis magnificentius Hist. Pic.
aggerat, expendere neglexit.

Itaque *Lilius*, ut magis verisimilia crederentur
præmissa, probare contendit, Cohortem II. Vi-
gilum, & *X.* *Prætoriam Camerinensibus* compa-
ctam inscriptionem *Severo*, & *Caracallæ* substitulisse,
& cum iisdem fideliter dimicasse, unde motus
Imperator ad foedus confirmandum, ac *Caracalla*
ad III. donandam Civitatem, & cum tam
speciosi commenti nec se, nec alium producat
Loci oculatum Scriptorem, refert *Panvinum*,
profitemem *Camerini* inesse basim.

IMP. CÆSARI L. SEPTIMIO SEVERO PIO
PERTINAC. AVG. ARAB. ABIAD. PARTICO
BRIT. MAX. PONT. MAX. TR. POT. XVIII.
IMP. XII. COS. III. PROCOS. P. P. ET IMP. CÆ.
M. AVRELIO ANTONINO PONT. TRIB. POT. XIII.
IMP. II. PROCOS. P. P. DEVOTA. NVMINI ET MAIEST.
EORVM COH. II. VIG.

E Titulos *Augustales* præ se fert inscriptio, quam
tamen *Camerini* vidisse, vel eodem allatam non
asserit *Panvinus*, hic enim, ut Consulum tempo- Panvin.
ra definiret, plures habet inscriptiones, dicitque Com-
eadem pagina, Consulatum *Severi* sequenti inscrip- ment. in
tione satis deduci, sique *Lilius Panvinum* vi- fastis.
disset, utique judicasset, inscriptionem ab eo re- pag. 246.
latam esse *Severianam*, quam superius protuli-
mus, & confictitiam ostendimus, in qua *Camer-*
48 *tes Fabii* illud foedus ostendant sub III. *Severi*
Consulatu confirmatum, & quamvis eadem pa-
gina *Panvinus* producat hanc *Vigilum* basim, non
dicit, hanc fuisse a *Camerinensibus* erectam, nec
reperiri *Camerini*, hanc verisimilius vidit in *Ur-*
be, locumque (ut plurimum aliarum) in quo
F inscriptio sita erat, annotare neglexit, ut adsi-
milem Cohortis II. *Vigilum* servari *Romæ* in
hortis *Cardinalis Carpensis*, ne dum Scriptores,
sed *Lilius* ipse profiteretur, credens æque impro-
babiliter hanc *Camerinenses* suos substitulisse, sed
respectu primæ (ab omnibus Loci Scriptores
ignorata) ne novus videretur Auctor, maluit se
referre ad *Panvinum*, cui a Civibus suis inquit
agendas esse gratias, quod basim extare *Camerini*
testa-

testatus fuerit, quod a veritate penitus abhorret, A
ut legenti *Panvinum* patebit.

Lilius
Lib. 1.
fol. 32. &
seq.

Addit ex indubitatis elici conjecturis X. Cohortem Prætoriam de *Camerinensibus* aggregatam fuisse, quæ basim substitulerit M. *Aurelio Antonino* in Urbe repertam Anno MDXCIX. in Vineâ prope portam *Latinam*, nullas tamen (eadem ad litteram transcripta) expendit conjecturas, in qua pariter *Camerini*, vel *Camertum* memoria apparet penitus nulla!

Aliam supponit erexisse in Urbe eandem Cohortem Prætoriam ultricem.

Lib. Epi-
gram.
Antiq.
Urbis
pag. 64.
Lilius lo-
co cit.

HERCVLI INVICTO
PRO SALVTE DD. NN.
IMP. CÆS.

M. AVREL. P. ANTONIN.

P. F. AVG. F. M.

AVR. ALEXANDRI

NOBILISSIMI CÆSARIS.

TOTIVS DOMVS DIVINÆ EORVM
COH. X. P. V. ANT. ET MARCIANI
MASCVLINIVS VALENS VOTVM
PERSOLVERVNT.

49 Hanc X. Cohortem Prætoriam Ultricem *Camerinensem* obruncasse *Martianum*, Caracallæ interfectorem, inquit *Lilius*, Anno Imperii ejus VI. ætatis XLII.

Marc.
Lib.
xxvii.

Hæc autem configmenta ferme sunt omnia, quia Cohors Vigilum, Cohors Ultrix erant Prætoriarum: de his Marcellinus: *Cohors Prætoriana ex adverso Augustum cautius stipans resistentium pectora, moxque terga fugientium incidebat*, de iisdem *Lazius* inquit, quandoque millenario cum quingentis hominibus confici, quæ vel corpus Augusti tuebantur, vel in præfidiis, vel procul a Castris ad observanda Hostium consilia, sive ad custodiendum Senatum, vel Urbem a Latronibus, ac Incendiariis tuendam collocabantur; his primus *Scipio* integrum stipendium instituit, cum ex omnibus fortissimum quemquam selegisset; has Prætorias Cohortes ferme intercisas in bellis Civilibus renovaverunt *Julius* Dictator, & *Augustus*.

Adrianus
Politus
observ.
in Tacitum.

Quod soli *Camerinenses* binas habuissent Cohortes armatas Vigilum, & Prætoriam, quæ propius Imperatorem stiparent, & quibus ipsius salus credita esset, nullo Auctore, vel conjectura probari potest. Et certe tam magnifica ostentatio exigebat testem coævum, utpote rei claritate insignis, ut supra reliquas Civitates unum *Camerinum* gloriari posset, tot milites strenuos, fidosque habuisse paratos.

Lazius
Lib. vi.

Tacitus
Lib. xx.
Herod.
Lib. v.

Verum ex Scriptoribus priscis elicitur, non una Civitate Cohortes Prætorianas desumptas fuisse, sed ex omni numero, & delectu, Viris proceris, & optimis quibuscumque, & de Legionibus emeritis, & de illis quibus ætas, & longa servitia honorifice præstita opitulabantur, ut *Tacitus*, & *Herodianus* testantur, notatque *Lazius* proferens nostris temporibus exemplum de *Janizzeris*, quod *Turcas*, ex quocumque fortium Virorum numero aggregatis.

50

Hæc quoque Cohortes Prætoriarum, ac Vigilum erant plures, profertque tredecim inscriptiones ab singulis incisas idem *Lazius*, tum *Romæ*, tum *Auximi*, *Pisis*, *Neapoli*, *Veronæ*, *Mathelici*, *Urbini*, *Lugduni*, *Reate*, *Pataxii*, tum aliis longinquis Imperii locis, nec tamen ullum ex his Oppidis tam magnifice gloriatur, integras Cohortes ex suis Militibus delectas; Militesque ubique etiam in Barbaris regionibus bases direxere Augustis, vel Prætoribus, in quibus nulla Incolis laus quærebatur, cum nulla dignitatis loci memoria recoletur, ut etiam admissio liberaliter, hanc *Camerini* quandoque fuisse, (quam nec *Li-*

lius, nec alius ex *Camerinensibus*, vidisse asserere valuit) non potest tuto decerni a *Camerinensibus* excitatam, tum ex supradictis, tum quia nulla in ea *Camerinensium* memoria legebatur.

B Et est inane *Lilii* somnium, Cohortem illam Prætoriam Ultricem *Camerinensem* Herculi, & pro salute *Antonini* inscripsisse, & ex ea colligi, a *Camerinensibus* Martialem fuisse interemptum, & refert *Messias*, *Caracallam* interfectum a *Pan-* Eques
Messias in
Caracall.
Dion. in
Caracall.
nonicis; Verum *Dion* testis coævus, Vir Consularis, in pluribus *Lilium* mendacem arguit, scribens: Quod cum *Antoninus* equo descendisset ventris purgandi causa, Martialem unum ex Tribunis, qui missi fuerunt a *Macrino*, ad eum accessisse, simulata colloquendi causa, & cum parvo pugione percussisse, quod cum is agnitus fuisset ab uno ex *Scythis*, quos secum habebat *Antoninus*, jaculo transfusus est, vixitque Annos XXIX. regnavit Annos VI. menses duos, potius Barbaris, quam *Italicis* credens sui securitatem, Senatoribus invisus, quos pluribus incussasset postremis missis litteris. Sique credendum, *Lazium* magis fideliter hanc inscriptionem interpretasse, ex eo non deduceretur, hanc Prætoriam denominandam esse Cohortem Ultricem, sed Herculi, & pro salute Principum votum vie persolvissæ, & habet in suis monumentis Reip. *Romane*. Lazius L.

C COH. X. P. R. P. V.
ANT. ET MARCIANI.

Dubietatem exsolvit eruditissimus *Fabrettus*, Fabrett.
notas, inquit, hujus inscriptionis P. R. P. V. in-
Cap. 111.
tellexit Scaliger, in indice Gruteriano, Prætoriana
Pag. 140.
Pia *Victrix*, & cum eadem interpretatione transeunt *Orlatus*, *Rainesius*, & *Prideaux*, sed male meo iudicio, quippe nulla similia honoraria cognomina hisce personis, aliisque Cohortibus tributa usquam legimus; Unde crediderim legi debere Cohortes Prætorii Urbis, tum ad differentiam Prætorianorum in Legionibus, tum etiam ad distinctionem alterius Prætorii extra Italiam, nempe *Orientis*, *Illyrici*, *Gal-*
liarum: 51

Hæc mihi nuper agitati replicavit quidam *R. Camerinensis*, Romanis rerum Dominis, pro æquo *Severianæ* inscriptionis fœdere percipi fœdus justum, & quamdam figuram, & jus æqui fœderis, nimirum Magistratuum condendorum jura.

E Agnovit hic inscriptionis adulteræ impudentiam, sed in hac sua replicatione nihil veri inesse comperio, nisi quod cogantur Adversarii Patrum commenta in humiliorem sensum traducere, hujus inscriptionis explicatio ex versatissimo *Papebrochio* ita desumitur: *Ugbellius* adfert inscriptionem *Tiburtino* Lapide incisam, in qua cum *Septimio Severo*, qui ab Anno CXCI. usque ad annum CCXI. imperavit, in æternam securitatem, atque gloriam, jure æquo fœdus confirmarunt *Camertes*; Itaque clarissimo Viro, Patri *Papebrochio*, usque ad *Septimii Severi* Principatum hoc æquum fœdus appellatum visa est indicare illius asserta confirmatio, *Lilio*: *Severum* in pri- Lib. 1.
mævis juribus initæ cum Romanis Societatis Came-
pag. 31.
rinenses reduxisse in æternam securitatem, atque
gloriam; Igitur renovatio fœderis æquo jure ad
antiquum refertur, quod satis conjicitur ex asser-
ta confirmatione. De quo justo alio fœdere Seve-
riana percipi potest inscriptio? Quibus pactis,
quove jure, novum fœdus justum, quod asseris,
non æquissimum, ut olim vixit cum Severo ob-
firmatum fuit? Quo loco, num *Romæ*, num in
exteris Provinciis? Qui Nuncii adlecti? nec i-
gnoras *R.* jus proprios condendi Magistratus ab-
rogatum, & solum relicta eadem Magistratuum
vocabula, quæ post legem *Juliam*, & manente
Imperio vigeant, notatque *Modestinus*: *Ad cu-*
ram Lazius
Lib. 111.
de Rep.
Rom.

Modest.
ad legem
Juliam de
amb.

ram Principis pertinuisse creationes Magistratum, vel, ut ait Dempsterius, Prætor, qui summus erat Magistratus, ab Urbe mittebatur, ut suo loco dicemus; ut minus æque ostentare potuerint Camerineses, sibi Jus, & facultatem proprios condendi Magistratus à Severo permissam nomine æqui fœderis, quod repugnat cum Subditis sub ditione existentibus.

Pro ulteriori falsitatis convictione confert Lapis superius laudatus ex Ligorio Marti à Camerinenfibus incisus, in quo Quirinus Ancus VI. Vir Augustalis cum aliis Viris inscribitur, II. Viros, ac IV. Viros in Municipiis ex Decurionibus delectos præfuisse probat. Parvinius agens de IV. Viris Verone, & habent Acta S. Venantii incorruptæ fidei apud Camerineses, probosque, Viri Civitatis, satis aperit nomen Augustalis Lapide recensitum, ad Principem pertinuisse curam creandi Magistratum Camerinensem, coincidunt Acta S. Venantii, in quibus Antiochus missus est ab Urbe cum Imperio.

Sique Severus nil aliud supra Jus creandi Magistratus Camerinenfibus indulgisset, non erat cur adeo superbirent, inscriptionesque inciderent in æternam securitatem, quod omnis Civitas minus valida suis uteretur Magistratibus, vel Prætor mittebatur cum Imperio, non igitur figuram, sed Jus, quod ad Imperium refertur, videretur indicare impudentissima inscriptio. Sed hoc esse Adversariorum diffugium, satis patet, quia Severus non Jus illius æqui fœderis, vel figuram, sed Jure æquo fœdus confirmasse asseritur.

JURE AEQUO FOEDERIS SIBI CONFIRMATO.

CAMERTES.

Hæc igitur inscriptio vel nihil proficit ad fundandam Camerini dignitatem, & antiquitatem, vel tamquam spuria exploditur.

Itaque ex præmissis colligo, Thuscum tribus circiter sæculis ante Trojanum excidium à Lydis conditos intra Appenninum, & Tyberim sedem, & imperium, transtulisse, quod ipsum testantur tum Græci, tum Latini Scriptores, ut antiquissimi Herodotus, Verrius apud Festum, Diodorus, Cicero, Livius, Dionysius, Plinius, Strabo, Plutarchus, Trogus apud Justinum, Tacitus, Paterculus, ubi in notis, communem esse sententiam, asseritur, Servius, Solinus: & illam fuisse antiquissimam Thuscorum regionem deduci ex incorrupta Polybii auctoritate, ex Virgilio, Horatio, Nasone, antiquisque Poëtarum Principibus; & Silius post Virgilium agens de Tarconte, qui cum Tyrrheno è Lydia in eas regiones migraverit, inquit:

Cortona superbæ

Tarcontis Domus, &c.

Hunc illum Corithi Tyrrhena à sede profectum.

Ergo agitur raptis præceps exercitus armis

Lydorum in populos, sedemque ab origine prisca

Sacratam Corithi, junctosque à sanguine Avorum

Mæonios Italis commixta stirpe Colonos.

Statius:

Lydius inde meos iterasset Tybris Iulos.

Et iterum Virgilius, postquam egit de hac Lydia gente à Sardis Civitate profecta, describens Eneæ adventum ad oras Etruscas:

Gens inimica mihi Tyrrhenum navigat æquor.

A quorum traditis, plane temerarium esse recedere; ut minus recte Cluverius quibusdam sibi visis conjecturis subnixus prius in Geographia, deinde in Italia antiqua, hos usque ad Gallorum adventum putet habuisse sedem in ora Padi, unde à Gallis sub Tarquinio prisco pulsati inter Appenni-

num, Mare Inferum, Tiberim Macramque condiderint XII. Urbes; tradente Polybio cum relatis Thuscorum Colonos ibi Per Vicos diffusos, à Gallis pullos in Alpibus Rhætiis (non in Etruria) confugisse.

Colligo, Camertes à Lydis pullos, sedem nactus in Montibus Spoletinis, & uberrimam prope Clitumnum planiciem incoluisse, hos autem Mario conjunctissimos penitus excisos in Syllana vastatione; in iis vero inaccessis Locis Umbrieque extremis finibus (ubi modo Camarinum recentius dictum assurgit inopi, ac Montano situ, ab Umbrie planicie remotissimo) vel Senones excurrisse, vel ante limitum designationes à Frontino indicatas, ibidem fuisse comitatum antiquissimorum Populorum (de quibus agemus) Sentini, Pyssibæ, Septempedæ, Mathelici, quarum agri Urbium propinquitatem prope Camarinum decurrunt.

Insuper colligo à priscis Auctoribus non esse traditum, à quo hoc Camarinum [primo à Strabone memoratum sub Augustis] ut reliqua circum Loca denominata sint, credi tamen probabiliter posse cum Recentioribus à situs exiguitate, ac curvitate Camarinum dictum, vel non inepte (ut ego primus opinatus sum) à Camertibus Sylla profugis, confusis in horribili illa proscriptione rerum Dominiis primo excitatum fuisse, inde ut Fulginate Fulginatum veterum ex agro Tudertino, quadam nominis similitudine, titulos, æqui fœderis dignitatem, ac antiquitatem sibi Camerineses attribuisse, & spuris inscriptionibus indixisse.

NOTÆ IN CAPUT VI.

Hæc inscriptio Severiana quatenus ex allatis fundamentis inter spurias proscribenda non esset, plane nimis gloriantur sub Augustis fœderis Majestatem usurpat, patetque ex Ligoriana inscriptione, Camerinum Municipium vocatum, quod nomen confusis nominibus constituto imperio, pluribus, exiguisque Locis datum video apud veteres Scriptores; ceterum quæ allegat Lilius pro fundanda æqui fœderis veritate, ac dignitate, facile per se concidunt.

CAPUT VII.

Sulpitiæ gentis origo, ac diversa cognomina. Dionysii, ac Dionis loci laudati. Ursini judicium, & Sulpitiorum Patria discutitur. Camerinum non esse Civitatem per antiquam ostenditur. Statutorum Camerini præfatio exploditur. Blondus, Aldus, Ligorius, Sigonius, Bracciesebus, Cluverius, Ughellius, Papebrochius, Lilius rejecti. S. Venantium non esse ex Sulpitiis, & an Camerinenfis, vel potius Romanus, disceptatur. Vocabula Regis, & Imperatoris Prætoribus etiam post constitutum Imperium non fuisse inconvenientia aperitur.

Adversarii pro fundanda Camerini antiquitate, ac dignitate objiciunt, Sulpitium Camerinum cum Sp. Posthumio, & A. Manilio ad leges Solonis accipiendas Athenis missum.

De hac Sulpitia gente meminit Dionysius, referens Sergium Sulpitium Camerinum anno CCLIV. cum Tullio Longo Consulem creatum.

Sulpitia gens triplex est, Equestris, Patritia & Plebeja, sicut & distincta habentur cognomina, & in indice Dionis Sulpitius Q. Rufus, Servius, Sergius, explicatque latius Ursinus in antiquis denariis Equestrum Rufi, Patritiorum Galbæ referuntur, traditque Suetonius, gentem Sulpitiam illustravit Ser. Galba Consularis temporum suorum eloquentissimus, quamvis hic eodem teste Suetonio originem ad Jovem retulerit, qui in Creta regnavit, Deorum Pater denominatus: de Camerino Viro percelebri meminisse Poëtam ait Lilius:

Ne sis Creticus, aut Camerinus.

Fr. Dyrus.

Polyb.
Lib. II.
Trogus.
Justin.
Lib. XX.

54

D

E

F

Statut.
Camer. in
præf. Lil.
L. I.
Pascut.
Hist.
S. Ven.
pag. 3.
55
Index
Dion. V.
Sulpitia.
Ursinus in
Sulpitiam.

Cu-

De Verb.
fig. p.
132. p. 161.
Plur. in
Rom.
Tac. Ann.
Lib. IV.
Vell.
Lib. I.
Val. Max.
Lib. I.
Cap.
IV.
Flor.
Lib. I.
Rutil. Itin.
ner. Lib. I.
Sat. VI.
53
Sil. Lib.
V. VI.
Virg. Lib.
VII.
Marcia-
nus Hera-
cleus.

Silvar.
Lib. I.

Geo.
graph.
Cap.
XXVI.
Ital. Ant.
L. II. pag.
433.

Cujusdam insignis Poëtriæ *Sulpitiæ* (non tamen explorata origine) meminit *Morerius*, & inducit sic canentem:

Primaque Romanas docui contendere Grajis.

De qua *Martialis*:

Martialis
Lib. x.

*Omnes Sulpitiam legunt Puella,
Uni quæ cupiunt placere Viro.
Omnes Sulpitiam legunt Mariti,
Uni qui cupiunt placere nuptæ.*

In Nero-
nem.

Hoc patet Familiam usque ad *Neronis* tempora effloruisse, & *Dion*, per id tempus, inquit, *Helvius* multas, & graves res fecit, nam *Sulpitium Camerinum* unum ex primariis Civitatis, ac filium interfecit accusatos, quod cum jam inde à majoribus *Pythici* cognominarentur, non desinerent eo nomine appellari; sed in *Piethicas* victorias *Neroni* ex similitudine nominis impii fuere.

Omnes *Camerini* cognomen præ se ferentes cum *Sulpitia* gente sibi attribuunt *Camerinenses*, ex ea levi dumtaxat nominis similitudine; hos autem dictos antiquitus *Camerinos*, Auctorem non habeo, quando, ut innuimus, primi *Strabo*, ac *Ptolemæus* habent *Camarinum*, & de Oppido *Camerio* in *Umbria* sito ne dum patent vestigia, sed meminisse veteres, & recentiores notavimus, & in actis antiquis *Præsulum Spoletinorum* modo *Camerum*, *Camerium*, ac corrupte *Camarum* recentius appellatur.

Sulpitios de *Camerio* Latii oriundos, non inepte deducere possumus ex *Dionysio* scribente, *Romulum*, Civitate excisa, quatuor mille *Camerinorum* in *Curiis* distribuisse, Regibusque exactis, hoc genus sensim ad apicem gloriæ evectum, inter *Consulares* adscriptum, rationabiliter quidem credi potest; sed *Ursinus* non satis explicite asserit, num ex *Camerio Latii*, num *Umbriæ* prodeat gens *Sulpitia*, inquires *Sulpitiam* gentem ex *Camerio* Oppido conjicere possumus ex *Sergii Sulpitii* cognomine, qui primus ex ea gente *Romam* venisse creditur, narrans qualiter hic *Consularis* renuntiatus fuerit; sed cum, *Cameriam* Latii funditus everfam fuisse, pateret historiis studiosis, æquiusque *Ursino* antiquitatum peritissimo, videbitur hic sentire ex *Camerio* *Umbriæ*, cujus vestigia pag. 19. indicavimus, *Sulpitium* primum ex hac gente *Romam* commigrasse; quamvis hoc ipsum meo judicio non videatur rationabiliter asseri posse cum *Ursino*, quod *Romani* ad ea tempora in suis angustis finibus continerentur, nec deficiente auctoritate veteris testimonii est omnino probabile, *Umbra* Familiam in *Urbe* receptam, & ad *Consulatum* statim provectam fuisse. Quin tale cognomentum à Patria effluxisse (ut credit *Ursinus*) an aliis de causis nobis non exploratis, nec quidem perspicue compertum est.

Lilius
Lib. i.
Cæsar.
Lib. i.
De Gest.
Long.
Lib. iv.

Adversarii, opinantes *Camerinenses* vocatos *Camerinos*, allegant *Cæsarem*, & *Tullium*, ex his fugientem in *Camerino* *Ulcillem Hirum*: Cohortes, quæ ex *Piceno*, & *Camerino* venerunt; & *Diaconus*: bellum in *Camerino* gestum. Verum quia non est quaestio nominis vel corrupte, vel aliis de causis profluxi, sed antiquitatis, ubi certo non liqueat, vigente Republica Romana, hoc *Camarinum* fuisse conditum, clare patet hæc appellationes ab alia Civitate derivatas superstites immanisse, & consonat *Appianus*, legiones in *Cameriis* relictas, & *Ursinus*, in *Camerio* Oppido; Ipsique Auctores præcitati loquuntur de comitatu, qui hæc nomina servat, non autem de Civitate *Camerina*: ex *Piceno*, e *Camerino*; non enim fugere in *Perusia*, in *Roma*, vel bellum gerere in *Perusia* probe sonat apud *Latinos*, sed rectius in *Latio*, in *Piceno*, in *Sabinis*, in *Camerino*; remanent siquidem dirutis Civitatibus vel nomina, vel vestigia, & finitimi sive agro accrescen-

te, sive inscriptionibus loco advectis, vel à profugis quomodolibet aucti decus, ac dignitatem furripiunt, vel talis *Camerino* denominatio sub *Cæsaribus*, finibus *Oppidorum* confusis, recentius *Camero* everso defluxit, inde sequiorum sæculorum Scriptores, ea circum Loca *Camerina* vetusta appellatione vocare non dubitarunt.

Et improbabilis esset replicatio, prisco Auctore non deducta [ut sæpe alibi diximus] in eodem *Camertum* dominatu in antiquissimis illis temporibus florere, ac præesse potuisse *Camerum* simul, ac *Camarinum*; hoc palam est, quæ de *Camertini* Imperii sede [ubi foedus initum fuit] *Livius* aggerat, convenire nequaquam *Camerinensibus* posse, ut vidimus in præmissis.

Modernus, in notis ad meum librum de *Fa-
stis*, pro uberiori comprobatione, *Camerum* fuisse antiquissimam *Camertum*, & *Camerinorum* sedem, inquit: ex vetustissimo exemplari *Bibliothecæ Farnesianæ* in *Sex. Pompei* fragmento de *Verborum* significatione legimus: *Camerni* Cives nostri *Oppidum pulchrum habuere*, &c. & ita pariter lego in *Sex. Pompei* codice, *Romæ* cuso apud *Georgium Ferrarium* MDLXXXI., & in notis ejusdem Codicis: Quod fragmentum majorum memoria ex *Illirico* advectum, in *Bibliotheca Farnesiana* servatum multo quam alii diligentius, *Antonius Augustinus Archiep. Tarraconensis* cum vulgatis contulit, commentariisque à se illustratum edidit *Veneriis*, opera *Caroli Sigonii*, &c. & in iisdem notis, *Romæ* excusis per *Vincetium Accoltium* MDLXXXII: de *Catone* ibidem ex *Festo*: *Cato M. F. M. N. vehemens orator fuit, multas-
que orationes ad exemplum Avi scriptas reliquit*, & *Paterculus*: *M. Cato* cujus Proavus *M. Cato* Princeps familiæ *Porciæ*, temporibus *Ciceronis*, *Sulpitii* floruit; qui *Cato* antiquo, ac obsoleto dicendi stylo utebatur, ut apud *Festum* habens: maledictores pro maledicis: meritavere pro meruere: mansues pro mansuetis Pag. i., & Pag. 4. *Rudibundum Magistratum* gerere parvulos homines, *Mediocriculum exercitum*, & Pag. 15. multu *Macedonia*, *Etruriam*, *Samnites*, *Lucanos* inter se natiari, atque factiones esse, & Pag. 17. quoties vidi truiolos nassiternas perfusos aqualis matellas sine ansis; Pag. 22. *Camerni* Cives nostri *Oppidum pulchrum habuere*, agrum optimum, atque pulcherrimum, rem fortunatissimam, cum *Romam* veniebant prorsus pro hospitibus divertebantur ad amicos suos, hæc quoque postrema verba rudem præ se ferunt elocutionem, & inferius: *Domi cum auspiciamus honorem, me Dium immortalium velim habuisse*, & passim apud eundem *Festum*, ne dum *Cato* in *Orationibus*, ac *Libro Originum* ibi citatis, sed *Verrius*, *Ennius*, *Plautus* (à quorum Codicibus verborum significationes excerptæ sunt) inelegantem antiquioris ævi dicendi formam ostendunt; utque denotarentur *Camerii* Oppidi Incolæ cum *Romanis* amicitia conjunctissimi, Cives *Camerni* nuncupantur, ut in agro Romano *Velliteri* antiqua prolatione. Recentiores, nimis sibi sapientes visi, vetustam lectionem emendantes, *Cameri*, & *Camerini* deinceps excriserunt, sed hæc pariter castigationes, appellationesque minus proprie *Camarinum* convenire possent, quando *Cameri* Oppidum in *Umbria* fuisse patet ex præmissis, manentque nomina, & vestigia, & adversus hujusmodi correctores, seu Codicum devastatores confert *Lipsii* sententia: antiquorum quedam verba; & pene obsoleta in vetustioribus invenire est ab usu sane nostro, & sermone remota, sed & in Veterum tamen scriptis antiquitatis reverentia diligenter retinenda, & religiose conservanda.

Hic nequaquam silentio valeo præterire *Annii* impostoris commenta, qui, ut *Umbro*rum, *Ca-*
mer-

Not. in
Fest.
pag. i.

58

Var. Lect.
Lib. i.
cap. 14.

mertum, Thufcorum, Italicorumque, exordia reperiiffe auguftiora, notisque explicaffe videretur, fuique *Viterbii* titulos fuperattolleret, fragmentum *Originum Catonis* confarcinavit, quod nedum à *ftylo Catonis* diffidet, fed veterum monumentis omnino adverfatur, & hiftoricorum leviffimum, mendacemque inculant paffim fcriptores, *Voffius, Genebrardus, Auguftinus, Melchior Canus, Poffevinus.*

Idem *Modernus in Notis*, quas edidit ad meum *Librum Faftorum* hoc anno typis edendum, pariter nominis argumento ductus, ad probandam *Liciniani* antiquitatem, cenfet *Cajum Licinium* à *Liciniano* oriundum, & allegat infcriptiones, quas ait excepiſſe ex veterum ſcriptorum *Senenſium* monumentis ſibi bene viſis in Bibliotheca *Martiniana Senarum*, in qua illius Civitatis Litteratorum fecundiffimæ Scriptorum *Dathus, Bisdominus, Thomafius, Bonſignorius, Patritius, Landuccius*, Monumenta antiquitatis tam *Senæ* antiquiffimæ Coloniae, quam Comitatus, circumque Locorum congeſſerunt:

C. LICINIVS C. F. EVPHIMS.
LICINIANENSIS DOM. ATRIENSIS.
PRAEPOSITVS SVA PECVNIA.
AR. ET LOC. SAC. FECIT GENI. S.

Baſis Genio Numini dicata eſt.

Pariter proferat aliam infcriptionem in Villa *Liciniani*:

DIANAe LICINIANNae SERVATRICI.
SACRVM L. AICTIVS L. F. LICINNIANVS.
TABVLARIVS POMPT.
DD. NN. GRATIAN. AVG.

Erant ſiquidem cognomina Deorum, vel Deorum, quæ Praefides Locorum erant, ut *Diana Ephelina, Juno Lanviana.*

Nomina, vel cognomenta adjecta, vel detracta ſyncopa plerumque immutata nobis caſtiganda reliquit antiquitas, ſic de *Valerio Liciniano* *Licinio* Imp. Aug. ex Græco Codice Laurentiano *Licinnium* legi, ait *Eminentiff. Noriſius*, ſed in nummis Græcis *Licinium* appellari aſſerit, & apud *Eufebium*, ac reliquos. Aequè non eſt ſatis tutum apud Scriptorum, num *Sergius*, nomen *Sulpitiorum*, deſciverit veluti in nomen familiae, quæ exinde *Servia* corrupta voce denominata ſit, & gens *Mæcenatis* (ut credunt Recentiores) *Licina* prius, exinde *Cilina*, & tractu temporis *Cilnia* dicta reperitur, & in deſcriptione originis *Mæcenatis* in primo *Libro Faſtorum* hoc idem ideo cecini, ne viderer huic opinioni Eruditorum parum detuliſſe.

Cajus Cilinus veteri de ſtirpe Licinus.

Inverſis eadem nomina ſcripta notis.

Syncopa ſi deſit mutilato nomina Cilnus,

Et decus, & cauſas tempora longa tegunt.

Et eruditiffimus *Marc. Ant. Guignes* editis Libris vulgatiffimus ſæpe in M. S., & hic in Epigrammate ante hanc diſſertationem uſo, in *Etruria*, *Senisque*, ubi publice docuit, verſatiffimus, poſt quam meminit de *Luciniano* Colonia *Syllana*, agens de *Cajo Mæcenate* inſcribit:

Licinio quoque Mæcenæ jam ſanguine clarus.

Hic habet ut patrios noſcere poſſit Avos.

Modernus ibidem cum Recentioribus credens *Tyrrhenum* cum *Lydis*, ac *Lyciis* finitimis in *Etruriam* irrupiſſe, elegantiffime proſitetur:

Lucia Syllanis deducta Colonia priſcis.

Ut Lapis antiquus, Famaque priſca canit.

Tyrrhenus Lydis, Lyciis ſimul ingruit armis.

Nomen Tyrrheni, & Caſtra Licina gerunt.

Hocque Licinorum Mæcenæ ſanguine clarus.

Ortus ubi dives Luciniane tumes.

Corrupta, aut variata novis cognomina faſtis.

Etrufcis Licinus, Cilinus Urbe fuit.

Et cum his ſubſcribit *Dathus* apud *Calderinum* ex *Typographia Aluiſa*, ac ex *Albritiana, Aca-*

demia Minervæ Venetiis hoc eodem Anno. *Tabularii*, vel *Præpoſiti* rationum dicti, qui rationes de redditibus Principum ſcribebant, de his *Ulp. in l. ult. in fin. D. ſi meſor falſus*, & l. i. Cod. de *Ufur. Procurator Heredit.* de his fortaiſſe intelligenda eſt. Eruditiffimus *Philippus à Turre* aſſert infcriptionem.

FLAVIO. AVG. LIB. CHRYSOGONO ADIVTORI
TABVLARIORVM RATIONVM HEREDITATIVM
CAESARIS.

Capitolinus in Maximinis vocat *Præcuratores*, & *Rationales*, horum alii in Urbe, alii in Provinciis conſtituti, ut apud *Gruterum*.

Praefatas infcriptiones *C. Licinii*, ac *L. Liciniani* pariter proferat *Pyrrhus Ligorius*, ut pro earum veritate omnis prudens faveat præſumptio, & admodum veritati conſonum viſum huius *Moderni* iudicium, hos in *Ligorianis* infcriptionibus memoratos *Licinianenſes* eſſe, quod nullibi patere poſſit, ad ea tempora alibi quam ad *Clanas* floruiſſe *Oppidum* huius nominis, ut latius in meo opere *Senogalliae* cuſo; Verum *Lilii* iudicium dubium ſit, ne dum ex præmiſſis, ſed quia *Camerinorum* nomina rectius aliis *Umbriae* Locis congruere poſſe vidimus; non tamen inepte præſumpſiſſet *Lilius*, ſi exciſo *Camero* profugos in illis montanis undique inaccessis inſidiſſe opinatus eſſet, conditoque Caſtro huic priſcae ſedis nomen inditum extitiſſe.

Quæ ſi Litteratis *Camerinenſibus* arriſerint, non adeo in poſterum gloriabuntur, Civitatem fuiſſe antiquiſſimam, Imperii apicem, & in qua foedus cum *Romanis* ictum ſit, in quo omnis diſſertationis hæſitatio verſatur; Has autem opiniones nolui ipſe primus ſaltem tuto obſervare, veritus huius critici ſæculi ſeveritatem, & Recentiorum diſſidia, affirmantium (ut diximus) talem appellationem a curvitate, & exiguitate ſitus omnino derivaiſſe, & quidem recentius *Latina* elocutione; quod idem profeſſi ſunt antiqui *Camerinenſes*, tribus *Cameris* incurvis patrio ſtemmate inciſis; mos enim vetuſtiſſimus fuit rerum, ac familiarum denominationes ſic denotare; hinc *Senæ* *Etruſca*, prius quam *Adriaca*, non adhuc victis *Picenis*, *Thufcis* (ut prodit *Livius*) egregie debellatis, Colonia ſub *Curio* ducta, exinde *Senenſes*, ut ſibi dignitatis materiam a *Romanis* effluxiſſe pateret, *Lupam* expreſſerunt; In Nummis pariter *Philippi* habemus inciſam *Lupam* cum duobus parvulis, ad denotandam rerum affluentiam, lactem exſugentibus; ſive (ut opinantur plerique ad ſignificandum *Lupam* lacte *Romulum* enutriſſe, & *Florentini* florem, nempe *Lilium* eadem forte de cauſa in nummis oſtendarunt, & *Festo*

auctore, *Picum* *Avem Picus*, *Piceni*que; & ſatis ex his, quæ fundat *ILL. Philippus à Turre*, conſtare poſſet, fuiſſe antiquorum ritum denominationes rerum, ac cognomenta ſimilibus ſignis indicare, producens *Plebeæ* gentis *Aquilæ* ſtemmata, in quibus ſſos inciſus apparet, & ex Nummis *Aquilios Gallos*, & *Floros* dictos eruit *Urſinus*, & in *Pomponii Muſæ* denariis ad nomen deſignandum ſimulacra omnium Muſarum exculta ſunt, proferatque *Urſinus* ex nummo, quem commendat *Jacobus Perizonius*: & *L. Lucretius*, cognomen *Trionis* gerens, ſeptem ſtellas expreſſit duobus nummis, & *Q. Voconius Vitulus*, incidit *Vitulum*, quod cognomentum indicaret; & *Arctini* ad indicendam armigenæ gentis ſtrenuitatem Equum a pluribus ſæculis in inſignibus habent, ut ex aliis apud *Urſinum* relatis planum ſit, ritum

Fr. Dynus. C 2 ho-

Voff. de
Script.
Latin.
Chron.
Lib. i.

Grad.
Final.
Signo *

59

Nor. de
Num.
Licin.
Diſſert.
pag. 37.
38.
Eufeb.
Lib. x.

60

V. Mæ-
cen.
V. Veli-
nus.
Galleria
Miner-
væ Tom.
iv. pag.
109.

De In-
ſcript. A-
quil. pag.
86.

Pag. 411.
i. 575. 5.
754. 4.
Ligor. V.
Licinii
Lit. L.
61

Dynus An-
tiq. Etrur.
& de Sit.
Clan.

Epit. Li-
viana
Lib. xi.

Thoma-
ſius Male-
volt. Hiſt.
Sen. Lib.
i. 11.

De verb.
ſign.
Philipp. à
Turr. In-
ſcript. A-
quil. Cap.
ii. pag.
19.

62
Urſinus
de Fam.
Rom.
pag. 229.
De var.
antiq.
Num.
pag. 553.

horum signorum antiquissimum esse, quidquid aliqui minus recte, meo iudicio, contrarium discernant.

Ex quibus liqueret, non æque *Camerinenses* gloriari, se fuisse *Camertes* antiquos, ubi foedus istum est; eodem jure *Fulginates* recentiores a profugis ex agro *Tudertino* lævientibus Barbaris dicti, ac nobilitati decus, titulosque, ac *Ciceronis* locum de Præfectura *Fulginata* in annalibus usurpant, ut *Maceratenses Recinensium* (Macerie everse Civitatis noviter appellati) nec procul diffiti *Recanateses*; nec inane est diffidium, numquid æquo jure *Clusum* ad *Clanas*, *Camertium* nomen, ac vetustatem surripiat, quod *Aretini* Scriptores sunt in sententia, *Clusum*, quod olim *Camers*, *Livio* auctore, appellabant, esse Oppidum per vetustum in *Montanis Clusentinorum*, in lata nimirum regione (quam corrupte *Casentinum* vocant) ubi *Clusii* vestigia indicant, manentque nomina, inde *Porsena*, ut propius *Romanis* inesset incursionibus paratus, in ora *Clanarum* *Clusinos* novos transtulerit, usque *Salpinates*, ac *Vulsinenses* cum imperio decurrens, ut *Locorum*, arciumque nominibus innotuit. *Cluverius* opinatus est, *Clusinos* novos, a *Plinio* *Lib. III.* memoratos, esse *Clusentinenses*, quinam gentem per inaccessos montes transtulerit ignorans; cum non nisi post *Syllanas* proscriptiones, *Octavii*que incursus hæc veterum, novorumque differentia Scriptoribus innotuerit, ut potius novi *Incolæ* antiquis *Clusii* excisis censendi, & a *Plinio* memorati. Idemque *Plinius Aretini veteres*, *Aretini Fidentiores*, *Aretini Julenses*, ad differentiam Proscriptorum a *Sylla*, & cum *Aretini* auctores fuerint *Italicæ* defectionis, novi, qui confluerunt, *Cives Fidentiores*, quod *Octavii* partes persecuti sunt, denominantur. Urbs vero *Colonia Julia* (ut noviter *Sena Etrusca* deducta est) cum prius *Colonia Lege III Virali* censita esset, ut ait *Paterculus*; inde insignia cognomenta patet defluxisse; de his autem in eodem opere de *Situ Clanarum* satis egimus.

Cluver.
Ital. ant.
in Etrur.

63

Plin.
Cluver.

Verum iidem Adversarii numquam acquiescent auctoritatibus superius adductis, proferentes *Blondum*, *Aldum*, *Sigonium*, *Ligorium*, *Cluverium*, *Ughellium*, *Papebrochium*, ac reliquos recentissimos; hi vero moderni inhaerent *Blondo*, qui primus ex probi nominis historicis, nullam de *Camerinis* excisis memoriam recolens, obiter scribens, maluit *Camerinenses Camertes* appellare, habens in testimonium hujus rei antiquissimæ *Livii* locum de *Camertum* foedere, & jam satis vidimus ex prænotatis, quæ de *Camertibus* protulit *Livius*, *Camerinensibus* tam longe sitis, inopique *Loco* natis, convenire non potuisse, & corrueute fundamento, sententiam pariter corruiere necesse est, vel procederet, ubi de *Camertini* Oppidi in uberiori *Umbriæ* loco sit non apparerent vestigia. Verum jam firmavimus prope stratam *Fulginatensem* oram floruisse *Camerium* Oppidum *XXIV.* millia passuum longe a *Camarino* (*Piceni* finibus sito,) & Oppidum a *Syllanis* eversum fuisse, & de hoc *Camarino* primum meminisse *Strabonem*, & nulla penitus in loco inesse antiquitatis vestigia, præter fragmentum inscriptionis *Augusto* incisæ, & *Cluverius* vocat *Coloniæ*, quod *Frontinus* (qui sub *Adriano* vixit) *Camerino* *Limites* designet, ut æque aliis Civitatibus prope sitis dignitate omnino paribus, ut in sequentibus aperiam; Et quidam ex præcitaris Auctoribus nituntur in *Severiana* inscriptione, ut *Aldus*, *Ughellius*, *Papebrochius*, quam spuriam *Cap. VI.* ostendimus, ut profecto nullam, quod validum sit, fundamentum in medium afferatur, ut credamus *Camarinum* fuisse antiquissimam *Camertini* Imperii sedem, & huic, quæ de *Camer-*

tibus, & *Camerinis* asseruntur, legitime convenire posse.

De *Sulpitiis* pariter *Tacitus* meminit, ut de familia *Corunciana* est ejusdem *Taciti* locus, *Julios ex Alba*, *Coruncianos ex Camerio*, *Porcius ex Tibursculo in Senatum accitos*. Hunc, & alium *Dionysii* textum pro *Camerio* *Umbriæ* (quod tamen inepte quidem cum *Camarino* confundit) accipit *Merulla*, quidam in notis ad *Tacitum* pro *Camerio* *Latii*, minus quidem probabiliter, meo iudicio, originem sæculorum fluxu tam procul diffitam perscrutantes, quandoquidem *Veteres Camerian* vocent in ipso Imperii exordio a *Romulo*, ac *Virginio* Consule dirutam, *Civibus* exilio sublatis, quando *Camertes* *Umbros* fuisse *Cives Romanos* pronunciatos, omnique honore dignatos in *Senatu* ex *Plutarcho*, ac *Tullio* innuimus.

Scriptores *Camerinenses* *Suprinum*, *D. Venantii* Patrem, ajunt ex *Sulpitiis* a *Camerino* oriundum, ad *Acta S. Venantii* convolantes, quæ veritati consona, & perantiqua ostendimus in *Vindicationibus Criticis* adversus *Papebrochium*, & nihil profecto omisimus pro fundandis his, quæ *Camerinensium* legitimos titulos, quomodocumque fundare potuerunt, quamvis potius, quam gratiam, odium subivimus, quod quidam *Loci* sub *Traiano Venantianam* passionem attrahentes, proprio abundantes in sensu me *Decianæ* sententiæ cum gravioribus Auctoribus subscribentem odio malo persecuti sunt, quorum audaciam in aliis lucubrationibus (si res ita exigat) exprobandam censui detectis nominibus, parcens nemini, ut veritati subscribam, cum aliis quidem optimis nobilibus *Camerinensibus* dolendum mihi maxime est, *Chronicas* pro augendis *Camerinensium* fastis ad fabulas plurimum conversos in silentio actorum, *Veterumque*, ex hoc *D. Venantium* (num *Romanus* sit, num *Camerinensis*) in dubium revocare, & post alios *Paschutius* in historia *Venantiana* inquit: *Suprinum Christiano nomini additum (ut creditur) ex Sulpitiis Senatorem Romanum Camerino oriundum, sub Maximino è Pannonia Romam venire appropinquante excita adversus Christianos persecutione, profugum in Patria Camerini se recepisse, & secundo Maximini Imperii anno ibidem natum fuisse Venantium, hunc adhuc impuberem prope flumen Piscariam in Aprutio penitentia clarum cum B. Porphirio effloruisse, deinde Camerini coronatum*. Hic (ut ajunt infra referendi) supponitur, si tempora numeres cum Scriptoribus, *D. Venantium* *Romæ* genitum ex Patre *Romano*, ac Senatore, quem non animo permanendi, sed profugum, & coactum, cum *Maximinus* adversus *Romanos* nova moliretur, *Camerinum* perrexisset; *Venantium* vero anno ætatis *XV.* Martyrio sublatum, in aliis regionibus vixisse, ut tanquam casu quodam *Camerini* exortum *Romanum* credant, libereque vocent *Recentiores*; ex his *Rev. Monticellus* in indice meæ *Criticæ Responsionis* Dissertationi Eminentissimi, ac Sapientiss. *D. Cardinalis Ursini de Translatione Corporis S. Bartholomæi*, & in epigrammate ante meam *Replicationem Criticam* adversus *Papebrochium* canere non dubitavit:

*Historias veri studio describis, & urnam,
Qua modo Venantus, Nathanaëlque cubant.
Ille est Romanus Camerini culmine passus,
Hic sit Romanus membraque Roma fovet.*

Et *Modernus Falconensis* in Epigrammate ante dictam *Responsionem* ad *Papebrochium*, & in indice hoc idem statuit disertissime.

Videtur erui ex Testimonio Actorum (ut fundavimus in dicto Apologetico) *Venantium* fuisse nobilem *Romanum*, ut habent *Acta* (de nobili genere natus sum) cui *Antiochus Rex*, timeo te, *Venanti*, quia nobili genere es ortus, neque enim

64
Ann.
Lib. xi.

Geogr.
Lib. iv.

Lib. i.
pag. 3.
Lib. Lib.

65

Acta
S. Venan-
tii.

timuisset Rex ille, Imperator in iisdem Actis affertus, Impuberem *Camerinensem*, sed ideo timebat, quia Prætores in Cives Romanos non habebant gladii potestatem, qua usus temere dicitur *Antiochus*, cum aliis decem Nobilibus Romanis S. Pugilem occidi mandans, ob id a Prætorio munere ejectus, & ad necem insecutus, & est singularis Tullii locus: *Facinus vinciri Civem, scelus verberari, prope parricidium necari: de capite, opibus, ac libertate Civium non poterat statui, nisi in Comitibus centuriatis.*

Speciosum insuper est commentum, *Suprinum* fuisse ex *Sulpitiis*, & *Sulpitios* fuisse ex *Camerinensibus*, & post septem sæcula a Consulatu *Sergii* ad tempora *Suprini* hunc cogitasse *Camarinum*, tanquam in patriam migrare; *Sulpitios* Romanos ait *Dion*: *Sulpitium, ac Filium unum ex primariis Civitatis*; peto enim ad tempora *Suprini* num, & qui viverent *Romæ* ex *Sulpitiis*? quinam auctores proferuntur rerum adeo illustrium? hæc tamen *Pascutius*, & ante ipsum *Lilius* non ex *Actis Venantianis* sincero stylo, studioque veritatis congestis accepisse, potuit asserere, sed ex sibi visis conjecturis, Locique Chronistis allucinatus huic sententiæ, veluti ex quadam recenti, nec bene digesta traditione subscripsit.

De Rege *Antiocho* plurima disseruimus in asserto *Apologetico* adversus *Papebrochium* arguentem, tum se *Camerinenses* sub propriis Regibus vixisse gloriati sunt; quandoquidem ipsa *Sancti Venantii Acta* hunc Regem *Camerinensem* fuisse penitus excludant, ut diximus in dicta *Responsione* pag. 36. & aliis locis, & objecto satisfacit Cl. *Otho Lipsiensis* in *Actis Eruditorum Pascutianam* historiam exornans, *Regium Antiochi nomen, non quod absolutum gereret Imperium, sed sævum tantum, ac violentum ejus regimen denotare: nomen Antiochi haud inusitatum Romanis fuisse, postquam Imperatores multos Græcorum Civitate Romana donaverunt, cognomen quoque Antiochi a Romanis ceptum est desumi, ut pluribus Gruterus adducens inter alias notissimam inscriptionem.*

C. IVLIVS C. F. FAB.
ANTIOCVS PHILOPAPPVS.
COS. FRATER ARVALIS
ALLECTVS INTER PRAETORIOS
AB IMP. CAES. NERVA
TRAIANO OPT. AVG.
GERM. DAC.

*Familie Fabiæ, & Tribui Fabiæ, nec non Prætoriiis, & Consularibus hic fuerat ascriptus; sub Decio vixisse mirandum non est quemdam, cui cognomen Antiochi fuit, ignorato gentilitio, Romanisque usus invaluit captivos, Barbarosque præficere imperiis, ut de Agrippa ait Dion. is Prætoriiis honoribus auctus est. Seniori Agrippæ Claudius honores, Fratrique Herodi Prætoriam dignitatem, & Principatum quandam concessit; in Senatuque ingredi, & gratias græce agi mandavit; Agrippam a C. Augusto Regem ordinatum, & in Judæam missum; quod & C. Mæcenæ Augusto edixit. In locum indignissimorum, rectorumque nobilissimos, optimos sufficiens, non ex Italia tantum, sed a fœderatis, & subditis desumptos. Opitulatur Lazius: inceperunt Cæsares suos Proconsules de Equitum genere vel externos, Græcos, Barbarosque præficere. Suetonius: Vespasianum amplissimos Ordines supplevisse honestissimam quoque (submotis indignissimis) Italicorum, & Provincialium adlecto; & Sejanus, prius quam legibus permetteretur, in Senatu jura dixit, *Plautianus* primus ex *Ægyptiis* adscriptus in Ordinem Senatorium factus est Consul, nullo ante gesto Magistratu, & quidam, quod esset *Macedo*, ab *Antonino* (qui sibi res *Alexandri* imitandas proposuerat) statim Senator, & in Prætorio Ordine*

cooptatus est. *Antoninus Eutyrium Proculum Afrum* usque ad Proconsulatum provexit, quem quidem Consulem fecit, ut in notis reperit *Caracallus*, & *Dion* incusat *Caracallam*, quod *Rufum Hispanum Eunuchum Virum veneficum*, supra ipsum Senatum præposuerit. *Antiochum Urbis Præfectum S. Sophiam* martyrio multasse, reperio sub *Adriano*, aliosque hujus nominis anteferre *Papebrochium*, diximus in *Vindictis Breviarii Romani* adversus eundem *Papebrochium*, Regiasque pariter has denominationes insertas passim reperiri in *Actis Martyrum*, & Prætores Reges appellatos cum *Orosio*, ac *Metaphraste*, & adduximus ipsius *Papebrochii* testimonium in *Actis S. Eudoxie*; siquidem hæc erant honorifica vocabula, & quandoque Prætores Imperatores dicebantur etiam sub Cæsaribus, vel ob res præclare gestas, vel acclamatione, vel Cæsarium, aut Senatus permissione, & *Tacitus*: *erant plures*, inquit, *simul Imperatores, nec supra ceterorum æqualitatem, concessit quibusdam Augustus id vocabulum, ut & Tiberius Blefo; & Spartianus de Adriano: Præturam in Etruria Imperator egit, per Latina Oppida Dictator, Arcon Athenis, Quinquennalis in Adria*: erant quippe nomina veterum Magistratuum, vel militaris imperii ornamenta, ut ex *Gruterianis* monumentis eruitur, quæ deinde constituto imperio in vocabulum desierant, hinc *Boëtius* inquit: *Prætura magna potestas, nunc inane nomen.*

Quidquid additur in exiguo libro *Laudationum Nursiæ*, *Ægidio Mocavino* ascripto, de Rege *Tarone* in *Roche Florida*, & *Argentea* ibidem residente, qui Regi *Camerini* Natam desponsaverit, *Preciarum* Castro nomine dotis dato, nullam habet probabilitatem, quod hoc Castrum recentius dictum sit a precibus Pontifici porrectis, ut *Incolæ* profitentur, & de nomine hujus *Camerinensem* Regis nullibi pateat, nec quando hæc gesta sint, vel geri potuerint.

NOTÆ IN CAPUT VII.

Aquilios, Flores, Gallos, Rufos, Sulpitios, Sergios, Servios dictos eruit ex nummis *Ursinus*, sic *Plotos*, *Plantos* ex *Festo*, & *Licinios, Cilinios*, exinde *Cilnios*; hoc autem evenisse puro, cum, *Syllana* vastatione confusis rebus, deperditæque *Etrusca* elocutione, plura nomina corrupta reperiuntur; ex defectu auctorum *Sulpitiorum* patriam ignoramus, & an *Camerinus* a Patria derivaverit, quo etiam admissio liberaliter cum *Ursino*, num *Camero*, num *Cameria* originem habeat, non planum est; *Licinos* a *Clanarum* regione provenisse, pater ex *Livio Lib. X.* ac ex inscriptionibus *Ligorianis* de *Liciniis Licinianensibus* memoriam agentibus, nec aliunde *Licinianum*, ac olivam *Liciniam* liquore prædulcem, quam ad *Clanas* invenitur. Ceterum *Serg. Sulp. Rufum* primo *Romam* advenisse non satis ostendit *Ursinus*, quando gentem inter *Patritias* effloruisse patet ex *Liv. L. VI.* creatique *Tribuni ex Patribus M. Furius, Serg. Sulpitius Rufus*, fundatque *Orfatus in erud. Marmor. Monum. Epist. X. p. 221.*

CAPUT VIII.

Cluverius, ac Camerinensium Chronistæ rejecti. Strabonis locus examinatur, & illustratur. Strabo de Oppido Camerte castigatus.

Cluverius, ac Camerinensium Chronistæ, ut, quæ dicta sunt de Camertibus, Camerino congruere videantur, proferunt ad deducendam antiquitatem Strabonis locum: Ab Ravenna Umbri inchoantes propiora deinceps tenent Sarasinam, Ariminum, Senam, Camarinum, ibi & Esis fluvius.

Sarsina Civitas, Principatu Illustris, feudum generosissimæ Pamphiliorum familiæ, quæ Eruditorum Mæcenatem Emin. Benedictum Pamphilium ostentat Cardinalium Maximum, Litteratorum hujus sæculi facile Principem, arduo Bononiæ. Legationis munere honorificentissime functo, prudentia, integritate famigeratum; deinde

Vellej.
Lib. II.
Cic. in
Verr.
Orat. v.

66

In Neron.

Otho
Menke-
nius An-
no MDC.
XCIII.

67

Dion.
Lib. LII.
LVI. LX.

Vita Vesp.
Vita Tit.

De Rep.
Rom.
Lib. II.

In Vespas.

Zeph. in
Sey.

Capit. in
Anton.
Philosoph.

In Cara-
call.

Metaph.
in Actis S.
Sophiæ
pag. 15.

I. Mar-
tii n. 14.

68
De Con-
sol Phi-
los.

Lib. V.

de Strabo describit *Ariminum*, *Senam*, *Camarinum*, *Æsumque* amnem, a quo ultra septem millia passuum distat *Camerina* Civitas, fuitque in finibus *Piceni* juxta veterem *Polybii* descriptionem.

69 Prosequitur Strabo: ab altero latere *Flaminiae* viæ ab *Ocriculis*, *Ariminum* euntibus *Interamna*, *Spoletium*, *Æsum*, & in ipsis *Montium Picenorum* confinibus ad *Montana Camerte*, altera ex parte *Ameria*, *Tuder*, *Hispellum*, *Iturum*, prope hoc montium excessus est.

Ameria, *Tuder* prænobiles Civitates sunt, *Hispellum* elato colle situm, angusto agro continetur, sique hic *Camerte* pro *Camerino* intelligitur, Strabo post Urbem *Spoletii* illud indicasset euntibus *Ariminum*, non *Æsum* primo, siquidem hoc longe est à *Spoletio* millia passuum circiter LXXX. *Camarinum* XXX. per *Montana*, V. & XXX. si per latiore *Fulginei* viam contendas.

Hunc igitur *Strabonis* textum legendum proponerem: *Spoletium*, *Æsum* in ipsis *Montium Picenorum* confinibus; *Montana Cameria* altera ex parte, *Ameria*, *Tuder*. Consonat *Plinius* laudans poma *Amerina*, & *Cameria* sub eodem læto fide re vegetantia. *Silius* finitima ea circum *Loca*, flagrante bello *Punico*, describens, quamvis quandoque poëtæ licentia pro disponenda metri, carminumque consonantia *Locorum* tractus videatur excedere.

Amerinus, & *Armis*.

Vel *rastris* laudande *Camers*,

Æsum in *Montibus Picentium* finibus, sive ad radices montium situm est, & loca circum *Æsina* in jugis elatissimis condita, ut *Massaurum*, *Podium*, *Mons Carus*, æris hilaritate jucundissima; Idemque Strabo viam *Flaminiam* describere assumit: ab *Ocriculis Ariminum* euntibus.

A *Spoletio* ad recentem *Fulginei* Civitatem millia passuum XIV. deinde ad *Seravalle* XV. ad *Camarinum* per *Montana* VII. inde *Fabrianum* XIV. *Æsum* XXV. viaque oblongior, si per *Flaminiam* recta contendas; si igitur Strabo describens *Camerte*, *Camarinum* indicaret post *Æsi* designationem, tractus, situsque pluribus miliaribus excederent.

70 Hæc autem *Camerina* Civitas ante *Strabonis* tempora obscurissima fuit, primi *Strabo*, & *Ptolemæus* habent *Camarinum*. Igitur idem Strabo eo loco mendosus est, quod *Camarinum* differat nomine, situque à *Camerte*, quod ex alio latere prius descriperat.

Et confert, priscos Auctores, talia loca describentes, hoc Oppidum *Camarinum* nunquam *Camerte* denominasse; Et repugnare visum Civitatem eadem pagina modo *Camarinum* dici, modo *Camerte*, & præcipua Geographorum cura est id cavere, ne loca confundantur nomine, & situs diversitate ibi: ex alio latere viæ *Flaminiae*.

Insuper inquit *Ferrarius*: *Camertes* Populi ad *Montana*, non Urbis nomen, & in notis ad *Silium* his excisis: *Camertes* erant populi *Umbri* habitantes in *Montibus*, quorum Oppidum *Camerium* dicebatur.

Sique *Adversarii* objicient, *Æsum* non esse in his *Montibus*, sed ad radices, finesque *Montium*: Respondere possum, *Strabonem* in eo textu loqui de confinibus *Piceni*: in ipsis *Montium Picenorum* confinibus, à quibus diximus sex, & ultra passuum millia distare hoc *Camarinum*, *Æsum* vero ipse ad radices *Montium* in antiquis *Senonum*, *Umbriæ*, *Piceni*que finibus, ut *Polybius*, ac *Livius* sunt Auctores, & radices sunt montium partes, & *Ptolemæus*: *Nursia* antiqua Civitas inter montes in *Jugo Appennini*, *Suidas*, *Papias*,

Lex Geogr. Verb. Camer. Petrus Marfias in *Silium* Lib. IV.

In Vocab.

A *Nursia* Civitas in *Montibus*. situs perantiquæ *Nursinæ* Civitatis in planiciem protrahitur, quamvis prope immineant montes elatissimi, teste eodem *Strabone*, ad *Montana* extat *Aretium*, quod jacet pariter ad *Montium* radices; traduntque *Incolæ* antiquitus *Æsum* elatiori situ conditum, & usque ad ima prope flumen decurrissè, Civitatibus invidia temporis, vel *Barbarorum* incurfione excisis, vel imminutis; sique *Strabonem* de eodem Oppido modo *Camarinum*, modo *Camerte* dicto, loquutum fuisse, *Camerinensibus* concedamus, non tamen evincitur ex eo textu, hoc ante *Syllæ* tempora asseri conditum, & antiquos illos *Camertes*, cum quibus ictum fuit foedus *Romanorum*, *Camerini* sedem habuisse, cum inter *Fulgineum*, & *Spoletium* ad *Montana* insint nomina, & vestigia perantiqua *Camertine* Civitatis in superioribus descripta, à *Catone*, & *Appiano* indicata.

NOTÆ IN CAPUT VIII.

Strabonis locus quatenus *Camerinensibus* congruat, non ex eo argueretur antiquitas hujus Oppidi *Camerte* ante *Syllanæ* tempora; ceterum *Strabonem* esse corruptum, patet, quia eadem pagina idem Oppidum non modo *Camarinum*, nec diverso è latere *Camerte* appellasset, ideoque optime congruit *Dyniana* castigatio, & *montana Cameria* eadem nomina servant, Vallisque nunc de juribus *Spoletinorum* etiam modo *Cameria* appellatur, *Camerique* sedes, ac vestigia trans *Spinam* calcantur.

CAPUT IX.

Lilius de latitudine *Comitatus Camerinensis* rejicitur. *Frontini* textus explicatus, & illustratus. *Plinius* agens de *Pollentinis* à *Cluverio* notatus defenditur. *Cluverius* in designando *Treje* situm reprehensus. N. N. *Camerinensis* reprobatus.

D Superius dictis de *Montano*, ac perangusto *Camerini* Comitatu objiciunt *Adversarii* (ut se *Camertes* illos ditissimos ostendant *Livianis* elogiis auctos) *Camerinensium* præpotentum fines per stratos, uberesque campos usque ad *Adriacum*, & *Gallorum Senonum* limitem latius protractos, in latitudinem vero per agrum *Vissanum* usque ad *Montana Veteris Sibyllæ* dicta, ut præsumit *Lilius*, quæ *Nursia* vocat *Virgilius*, agens de *Ufente Duce Turni*, & nomina *Locorum* perantiqua sunt argumento, *Vissanosque* [quorum oppidum satis antiquum appellat *Blondus*, inscriptumque legi in *Aula Comitiorum*] sub *Camerinensium* Imperio fuisse ante tempora *Varanorum*, improbabiliter asseritur: Allegat inscriptionem in *Aula*, in qua *VICANI* memorantur; quo autem loco, & num *Camerini*, & *Hist. Cam. parte I.* quando eadem lata sit inscriptio, nec *Lilio*, nec aliis usquam Auctoribus innotuit, nec *Vicani Incolæ Vissi* censendi sunt, & ex monumentis à *Josepho Malatesta* ex *Via Flaminia* recentius congestis clare patet, *Vicanos* esse accolæ degentes in *Vicis*, ut *Paganos* in *Pagis*, profertque consimiles inscriptiones, & difficultatem exsolvit luculentissime.

Proferunt *Frontini* locum: *Camarinum* iter *Po-* pulo non debetur, limitibus maritimis, & *Gallicis* continetur.

F Sed idem *Frontinus* quæstionem definit, dicens: ab *Augusto*, & *Successoribus*, limites *Oppidorum* sepe immutatos, & in alium statum *jus agrorum* traductum. Igitur latior hic *Comitatus* non fuit de juribus *Camerinensium* ad *Syllanæ* tempora, tunc enim *Camarinum* ignotum vidimus apud *Scriptores*, sique tunc *Camerinensium* fuisset (quod non dicunt præcitati Auctores) pateret utique eos non fuisse *Umbros Camertes*, quorum Do-

71

72

In Silium
l.c.
Dominatus non *Adriaco* finu finiebatur per latif-
simum agrum *Picenum*, sed in Montibus *Um-*
briae, inde *Marfias*: *Camertes* erant *Populi Umbriae*
habitantes in Montibus; & *Livius*: ad *Camertes*
Umbros; inter *Picenum*, & *Umbriam* Montes ipsi,
fluvius, *Gallorumque* ager fines erant, donec per
Augustos confusa sunt *Locorum* dominia, ut i-
dem *Frontinus* testatur.

De Colo-
niis Lib.
iii. Hi-
stor. Afi-
na. Fer-
rar. Verb.
Asum.
Quæ si *Adversarii* æquo animo non admittant,
limites *Gallicos* invenire non valeo, neque enim
ad loca *Gallica* ultra *Æsim* flumen *Camerini* li-
mitis potuissent pervenire ex alio latere, nisi
submotis finibus *Sentinatum* nunc *Fabrianensium*,
vel *Matelicatum*, *Picenumque*, de his ex eo-
dem *Frontini* fonte: *Sentinum oppidum*, ager ejus
limitibus maritimis, & *Montanis* lege III. *Virali*
est assignatus: *Septempeda Oppidum* iter *Populo* non
debetur: *Matelica oppidum*, iter *Populo* debetur pe-
dum LXXX., confusis per *Augustos* *Oppidorum*
limitibus, ac nominibus, in quorum tamen, ac
Camerinensium finibus quatuor millia passuum prope
Camerinum inest *Castrum Gallicum*, & nomen
quandoque non est inane in antiquis argumentum.
Nec admodum procul sita est *Æsina* Civitas his
nobilior, ac opulentior, & antiqua Colonia *Ro-*
manorum, ut ex *Lapide Auximano* evincunt *Pan-*
vinus, *Gritius*, & erudit. *Amicus meus P. Tho-*
mas Baldassinus.

De Colo-
niis Lib.
iii.
Ex alia parte in *Piceno* à *Barbaris* diruta, te-
ste *Procopio*, floruit *Salvia*, de qua *Balbus*: *Ager*
Urbis Salvienfis limitibus maritimis, & *montanis*
lege III. *Virali*; & *Plinius*: cum *Urbe Salvia Pol-*
lentini. *Urbis* saliam *Incolæ* appellant; *Vestigia*
Pollentiae habet *Mons Milonus*, latæque, & ve-
tustæ ibi patent viæ ad flumen *Potentiam*, &
Plinius: cum *Urbe Salvia Pollentini*, *Urbium* no-
mina, & propinquitatem significans, quem ma-
le increpat *Cluverius*: *Mirum quod reliqua certo*
Alphabeti ordine Plinius exposuerit post V. subjicit
P. in Pollentinis, sed negligentiae hoc tribuendum
Plinii, quando fuisse in Piceno Pollentiam, ex Fron-
tino constat: situs hujus Pollentiae nullus monstrari
potest.

Haud procul *Urbs Treja*, habet itinerarium.

Septempeda VI.

Treja VIII.

E *Septempeda* ad *Montem veterem*, vulgo *Mon-*
techiæ, fere novem sunt milliaria, sub eodem
Castro prope *Ecclesiam* calcantur subversi *Oppi-*
di vestigia, & tamen *Cluverius* profecto negli-
gentiæ nota inurendus prosequitur: *Situm Trejæ*
nullo pacto dispicere possum, quando nec *Oppidi*,
nec nominis vestigium aliquod inter *Septempedam*,
& *Auximum* apparet, & numeri millium apud
Antoninum id intervallum excedunt. *Trejæ*, ac
Potentiae Comitatus usque ad *Mare Adriacum*
probabiliter protrahatur, ut antiquum *Came-*
rinensium agrum ante assignationem limitum ad
Mare usque pervenisse, non possit ab *Adversariis*
certo statui, nisi aliorum *Oppidorum* antiquissi-
mis finibus submotis.

Cæterum in illis circum locis hæc *Oppida* per-
voluta extitisse, antiquis monumentis patet, de
Sentino est *Livii*, ac *Polybii* locus, *Septempedam*
memorant *Plinius*, *Sirabo*, *Ptolemaeus*, hujus in
Foro:

MAGNO PRINCIPI
FLAVIO VALERIO COSTANTINO
NOBILISSIMO CAES.
ORDO SEPTEMPED.

D. N. M. E.

P V B.

Lib. iii.
Tolentines memorat *Plinius*: Ad parietes *Præ-*
torii;

E X S. C.

SCHOLA AVG. COLLEG. FABROR.

De Humana apud *Melam*, *Numana* *Plinio*.
Treja locatur ab *Antonino* inter *Septempedam*, &
Auximum, & confert in proposito inscriptio, 74
quam profert *Merula* in *Geographia* plura finiti-
ma *Camerino*, & antiqua loca complectens. Par. rr.
pag. 854.

M. OPIO. CAPITONI.

Q. TAMVDIO. Q. F. T. N.

T. PRON. VEL. ANINIO. SEVERO.

EQVO. PVBL. IVDICI. SELECT.

EX. V. DECVR. TIRIB. LEG. VIII.

AVG. PRAE. FABR. PATRONO.

COL. AVXIM., ET COL. AESIS

ET MVNIC. HVMANAT

ORDO. ET PLEBS. TREIENS.

PATRONO MVNICIPI.

CVRATORI. DATO AB.

IMP. ANTONINO AVG.

L. D. D. D.

Igitur ne horum dominatus tam protenso (ut
præstenditur) *Camerinensium* comitatu exturbare-
tur, probabilius pro limitibus maritimis, & *Gal-*
licis intelligitur omnis ille tractus maritimus, qui
late excurrit usque ad mare, Montesque ipsos ad
mare vergentes *Maritimos* appellat *Plinius*, quip-
pe *Maritimum* est, secundum *Vallam*, omne id,
quod mare accipit, vel quod ad mare fit, ut ora
maritima, gens maritima, bellum maritimum, &
explicant Auctores post *Frontinum*: *Limites, qui*
ad Montana Montani appellati sunt: alii ob positio-
nem, & naturam appellarunt *limites Maritimos*,
& *Montanos*. Finesque, ac *Montana Camerini*
viginti, & ultra passuum millia procul ad *Mare*
spectantia attingunt latam illam oram maritimam
Adriacam, & *Gallicam*, & secundum hanc loco-
rum positionem *Camerinensium* limites maritimi,
& *Gallici* cognominati sunt, quod confirmatur
ex *Frontino*: *Colonia Aretina* lege *Augusta* limiti-
bus *Grachianis*, qui recturas maritimas, & *mon-*
tanos spectabant; *Aretium* procul est à mare,
quod *Ariminum* alluit milliariis L. ex quibus
satis aperitur, hæc *Liliana* commenta nihil pe-
nitent conferre ad significandam antiquam sui *Ca-*
merini opulentiam, agrique latitudinem, vigen-
te *Republica Romana*, quod *Romanis* rerum Do-
minis, disiectis compluribus circum *Oppidis*, lo-
corum jura, finesque immutata sunt.

Eodemque fundamento satisfactum puto obje-
cto N. *Camerinensis*, quod *Præsules* deputaren-
tur *Provinciis* jam divisas, magnæque ditonis es-
set argumentum latissimus *Episcopatus*, conti-
nens *Natolates*, *Fabrianum*, & olim *Septempe-*
dam usque *Ginesiates*. Nec advertit ille in glo-
riam sui *Camerini* effusissimus finitima prope op-
pida, teste *Frontino*, suum habuisse Comitatum,
in quo nulla inessent jura *Camerinensium*. Quini-
mo patet, quandoque in locis ignobilibus missos
Episcopos magnam adeptos fuisse *Provinciam*,
quod *Gentilium* grassante vesania validiores Ci-
vitates *Præsulem* neglexerint, vel disjecerint, &
Septempeda antiquos ostentat *Episcopos*, & *Dioe-*
cesis Nucarina usque *Seravallum* quibusdam tan-
tum millibus passuum prope *Camerinum* decur-
rit.

NOTÆ IN CAPUT IX.

Umborum *Camerum* dominationem in *Umbria* non in-
tra *Piceni* fines tam longe ante *Syllana* tempora decurrisse,
per se patet; nec idem *Frontini* locus (ut erudit more suo
ponderat *Dynus*) sub *Augustis* agrum usque ad mare *A-*
driacum protrahitur videtur indicare, quandoquidem trans
Montes *Camerini* plaga maritima appellatur; *Senonumque*
non longe fines à flumine *Æsi* sub ipsis *Montibus* decurren-
te

te, teste Polybio ac Livio fuisse accepimus, vel saltem antiquas appellationes servatas, ut profecto omnes hæ Dynianæ opiniones rationi, veritati, rebusque ipsis congruere undique repertæ sint.

CAPUT X.

Braccieschus fabulosus, & adulator de bello Camerinsium cum Longobardis convincitur. Lilius de latitudine Marchiæ Camerinæ reprobatus. Lilianna diplomata explicata, & notata. Marchionatus Camerini honorificum vocabulum.

76 **M**odernus Florentinus in exigua *Chronica* Anno MDCX. Typis vulgata, inopi D. Dominici Camerini convivens Cœnobio, exquirens comitiorum suffragia, adulatus est Camerinsibus, vocans Umbros Camertones, in quibus ait militarem veterum Patrum Camertium virtutem defluxam. Oh plumbeum pugionem, unde probas, quæ certo astruis? quo prisco auctore exploras tam speciosa, quæ deinde narras, Camerinsium facinora? adeone *Thusci* nominis decus dehonestas aggregatione fabularum? Verum non inanis arridet conjectura opus cujusdam Camerinsis *Bracciescho* tributum, quod *Chronica* non semel relata à *Lilio* nulla auctoris, non quidem adeo vulgaris memoria recolitur. Sed pro uberiori confutatione quædam eidem ascripta expendenda sunt.

Narratur in eadem *Chronica*, Regem *Aistulphum* viginti millibus armatorum in *Piceno* missis ad annum DCCLIV. *Crenardum* præfecisse, hunc vero aliis peditum duodecim millibus aggregatis, primo Camerinsibus [ut ibidem asseritur] numquam alias subactis indixisse bellum, ut totius Regni vires propemodum convenissent ad unum Oppidum oppugnandum; quod Camerinses *Solonem*, Episcopum, bello parem, in Capitaneum delegerint, & hunc à *Cerretanis*, *Spoletinis*que suppetiis acceptis, missis exploratore *Tondino*, qui vulgaret, se absque ope Pontificia congregari non ausurum, nocte tenebras circumfundente *Longobardos*, somno, vinoque sepultos, delectis quinque millibus militum, cum telis, ac sclopettis devicisse, profligasse. *Crenardum* ad Annum DCCLV. iterum in aciem prodisse asseritur, & Camerinum ope *Spoletinorum* comæatu, armisque instructum prospere obsedisse, tribus interim utrinque lectis, qui singulari certamine congredierentur, vulneratisque *Longobardis* Camerinses superstites à pugna evasisse, deinde, vulgata *Pipini* in *Aistulphum* expeditione, *Crenardum* abscessisse, & *Solonem* triumphasse.

Lib. iv. Cap. xix. Sig. ad Ann. dxcii. Campel. Hist. Spol. Lib. ii. Pascutius vita B. Baptist. Varan. pag. 18. Lilius Lib. iv. pag. 118.

His obstat, Camerinum ad Annum DXCII. in potestatem Ducum *Longobardorum* accessisse, bellumque in Camerino gestum cum Romanis, Oppidumque expugnatum narrant *Diaconus*, *Sigonius*, nec hostium dimisso monumento elatissimus *Aistulphus* abscessisset, nec à *Longobardis*, late dominantibus, rebellasse, demonstrari potest veterum testimonio, nec Ducem *Crenardum* fuisse in humanis, & tam insigne facinus omnino exigebat testem antiquum, viditque nemo antiqua monumenta ad ostentationem memorata, ipsiusque *Solonem* Camerini præfuisse hactenus, non innotuit, nec hunc virtute militari floruisse.

77 Quin *Spoletinis*, *Aistulpho* conjunctissimis, *Lupus* Dux præerat, quem adversus suorum *Longobardorum* acies opem misisse improbabile prorsus est, ut æque ad Annum DCCLIV. DCCLV. in *Umbria* ingentem Barbarorum numerum *Italiæ* terribilium in unius Oppidi oppugnatione tamdiu immorari, quandoquidem ad Annum DCCLIV. *Aistulpho* ad majora facinora intento, à *Pipino* in acie devicto, *Papie*que obfesso, *Crenardus* ad Regem eximendum ad *Alpes* cum copiis appropèrasset, probatque *Anastasius*: *Ai-*

Campel. Lib. xiv. lit. BB. Leonci. II. de Episc. Spolet. in Felicem. Greg. Chron. pag. 93.

A *stulphum* fecisse generalem totius *Longobardicæ* gentis commotionem, & Anno DCCLV. ad *Romam* oppugnandam per Ducatum *Spoletinorum* contendisse à Duce amicabiliter susceptum, qui certe in *Spoletinos*, *Cerretanos*, *Camerinses*, ac reliquos, qui adversus *Crenardum* manus contulissent, impetum fecisset, teste *Blondo*, hunc immanissimum minatum, Pontificem, *Romam*que ipsam deperditurum.

B Denique apertam redolet ineptitudinem, exiguum *Camerinsium* numerum magnam stravisse aciem vigilum *Longobardorum*, quos minus verisimile vilum sine Apparitoribus somno se reliquisse, illosque illudere videretur *Braccieschus*, dicens, cereis tedis accensis *Solonem* palam in hostes numero, & robore formidandos incessisse, superius innuens, Exploratoribus deceptos clam ex insidiis eos sibi adoriendos statuisse; Addit his illudens *Sclopettis* hostes à *Camerinsibus* interemptos, tum vero feralis *Scloporum* usus non innotuit, nisi rectius percipiendus is sit de *sclopettis*, quæ assolent pueri sibi joco occurrentes ad crepitus ciendos ex chartarum involucris explodere.

C Hisque *Lilio* denique animadversis hic sibi improbabilia annexere visus est, quamvis addat, rivum, quo cladem *Modernus* ille accidisse asserit, vocari *Sanguinarium*, quod gratis dicit, nomenque aliis de causis, frequentibusque incurfibus *Ghibellinorum* potuit derivare.

Falsitatem prædictorum uberius aperiunt, quæ notat *Lilius* de *Marchia Camerini*, supponens, *Camerinum* sub *Longobardorum* ditione jam in *Marchionatum* descivisse, Principemque *Longobardorum*, Ducem simul *Spoletinum*, ac latissimæ oræ *Camerinæ* *Marchionem* renunciatum.

D Præmittit *Lilius*, à *Carolo Italiani* Ducibus, & *Marchionibus* distributam fuisse, horum validiores præfuisse in *Etruria*, *Liguria*, & *Marchia*, quæ *Adriaco* alluitur, nimirum per planiciem plane infinitam, irriguam, & opimam fructibus, animalibus, plantis opulentissimam; Hosque viribus *Marchiæ Camerinæ* validiores ait ad Imperii *Romani* apicem evectos, sui que *Camerini* statum, dominatumque per bis centum passuum millia protendi per tractum *Marchiæ* inferioris, & superioris, & non exiguam *Umbriæ* partem, & finitimæ *Provinciæ*. Idem tamen *Lilius* demonstrare non valuit aliquem ex *Marchionibus*, *Carolo*, *Pipino*, *Balbo*, sive Successoribus regnantibus, Imperii Sedem semel *Camerini* transtulisse; nec *Camerinses* mihi curiose instanti valueant indicare vestigium aulæ, qua potentissimus Princeps jura diceret, leges, edicta *Camerini* lata proferre; quandoquidem nomen *Marchionis* in Duce *Spoletio* residente cum lata ditione ad dignitatem, & vocabulum potius referebatur, quod & hodie obtinet in Regibus, Ducibusque alicujus inferioris Civitatis *Marchionatus* seu *Baroniæ* titulo insignitis.

E Habet *Lilius* diplomata *Henrici*, & *Othonis IV.* per *Ughellium* recitata: *Hæc omnia confirmamus, & ipsi Ecclesiæ omnia, vel antiquitus, vel noviter tenuit, vel tenet, sive pertinet in tota Marchia Camerini per diversos Comitatus, & terras, videlicet Auximanum, Anconitanum, Senogallien-*

F sem, & Fani, aliosque Comitatus.

Loquuntur hic Imperatores de omni eo dominatu, quo potita olim fuit *Ecclesiæ* in Comitatus præfatarum Civitatum, *Camerini*, *Auximi*, *Anconæ*, in quibus certe nulla irrogatur jurisdictionis, nec *Camerinum* caput reliquarum inscribitur.

Dum *Longobardorum* maneret Imperium, *Spoletium* in *Umbria*, aliisque circum locis juxta fortunæ, bellicque casus, *Anconam* in *Marchia*, *Du-*

Signon. Lib. iii. Anastas. in Steph. 11.

78

Ughell. de Episc. Camer.

Bergamen. in Chron. Lib. xii.

Joan. Magn. Hist. Goth. Du. L. 18.

Sabellus
Enneid.
Lib. II.
viii.

79
Camp.
Lib. XII.
lit. M.

Lib. XIII.
lit. V. in
An.

Jacob.
Sping. de
reb. Fe-
der. I.

Lib. IV.
Leander
in 3. Reg.

Anastaf.
in Zachar.
Ostiensis

Lib. I.
Cap.
xxiv.

Diaconus
Lib. IV.
Cap. V.

Lib. VI.
Cap. X.
xvii.

Blondus
descript.
Umb.

Jod. Hon-
dus de-
script.

Ital.
Azorius
Inf. Mo-
ral. par. II.

Cap.
xxv.
Blau

Theat.
Orbis de
March.

Anconæ
p. 3. Epist.
Innoc.

158. 164.
Bzovius
ad Baron.

Ann.
1200.
n. 16.

Campag.
Hist. Pi-
cen. Lib.

II. fol.
613. 70.
99.

Baron.
Anno
680. 1108.

80
Julian.
Sarac.

Hist.
Anc. p. 2.
Bzov. vita

Silvestri
II.
Silvest.

Epist.
Vita
S. Rom.

Gregor. in
Breviar.
ac lectio-

nib. S. Be-
ned.
Greg. E-

pisc. Lib. X.
Baron. I.
c. & An-

no 1079.
Compag.
I. c.

Baron.
Anno
1079. n.
XI.

Ducum, Marchionumque sedes, Regnique capita extitisse, Historiarum Testimoniis comper-
tum est. De Spoletio hæc tradunt: Spoletinam Ci-
vitatem cum Longobardi comprehendissent ob Urbis
dignitatem, & nobilitatem, eam suorum Ducum,
ac Principum sedem constituerunt: Hic Theodosius
nobile Prætorium extruxit: Hic etiam Ducem Lon-
gobardi constituere, unde Regioni toti nomen per-
mansit: Regio ipsa Ducatus Spoletinus dicitur ab
Urbe id nominis, quæ Ducum Longobardorum Se-
des erat, qui præfecturam Regionis hujus sortiebantur,
quandoque latissimam, quæ est inter Tibe-
rim, & Appeninum usque ad Asculum protracta;
plura aggerat Comes Campellus ex Anastasio, O-
stiensis, Blondo, Sigonio, Sabellico, is addit: Tum
longe lateque media Italia unius Principatus fines
sunt evagati, patetque documentis antiquis eo-
dem Campello evulgatis.

De Ancona hæc inscribunt: A Longobardis
Marchia Anconæ nomen accepit ab Ancona Empo-
rio celeberrimo, quod sedem dabat Marchionibus
universæ Provinciæ Dominis: Certam Italiæ re-
gionem hodie dictam Picenum, nunc Marchia An-
conitana, quo nomine cepit vocari, Longobardis in
Italia vigentibus,

In Historia Picena ex vetustis Instrumentis:
Anno MLXIII. Guarnerius Marchio Imperium totius
Provinciæ Anconitanæ accepit, Otho, ac Inno-
centius Azonem Estensem in Marchia Anconitana
Marchionem ablegaverunt.

Henrici privilegium a Lilio celebratum Anno
MLXIII. editum est, Othonis MCCIX., & quod
tunc Camerinum haberet solummodo suum Comita-
tum elicitur ex eadem historia Picena: Regnante
Corrado Rege Ego Guarnerius Marchio, & Dux Spo-
letinorum offero Monasterium, quod exposui in Comi-
tatu Camerini. Anno MXCIV. Varnerius Dux, &
Marchio dominabatur in Ducatu Spoletano, &
partibus Aprutii conterminis, comitatibus Firmi,
& Camerini.

Antiquitus Provinciam non fuisse vocitatum
Marchiam Camerini, apparet incorruptis docu-
mentis, habent quædam Provinciæ Pentapolis, &
in VI. Concilio Constantinopolitano: Beatus E-
piscopus Pentapolis Dominus Ecclesiæ Fanensis; Jo-
annes Episcopus Auximatis Provinciæ Pentapolis, mu-
tatisque quandoque oppidorum dominationibus.
Otho ita Anno MII. Silvestro rescriptit, Ugonem
Tusculum Camerini Præfectum vestrum ob patrocini-
um tulimus. Anno MVII. testatur Damianus S. Ro-
mualdum misisse nuncios ad Camerinæ Provinciæ Co-
mites; juxta barbarum illorum temporum stylum co-
mitatus Civitatum Provinciæ dicebatur; Gregorius
meminit de Provinciæ Nursina, & habent diplo-
mata Provinciæ Beneventana, Aretina, ac Spoletina
pro Diocesi. Plerumque etiam Marchiæ
nomen percipitur de eo tractu, qui est de comi-
tatu alicujus Civitatis, qui mari finitur, & ex-
plicat Gregorius: In Marchia Firmiana, Camerina
& in Pentapoli Episcopis, & Abbatibus, &c. Anno
MLXIII. & in historia Æsinorum Marchia Æsi-
na, ex diplomate anni MLVI. Ducatus Spoleti-
nus, Marchia Firmiana.

Baronius aliud Othonis privilegium, in Pati-
cano Archivio asseratum, ad Litteram transcri-
bit editum apud Spiram, priusquam Otho Lilia-
num diploma proferret, & in Italiam trajiceret,
in quo solemniter Juramento suscepto promittit,
se jura, ac ditiones Ecclesiæ defensorum, simul-
que Marchiam Anconitanam, & Ducatum Spoletanum
de juribus Ecclesiæ pronunciavit, nulla
habita ratione suppositæ Marchiæ Camerinæ.
Certe sub nomine Marchiæ Anconitanæ, vel Du-
catus Spoletini continebatur Camerinum, & clare
ostenditur Camerinum, & Asculum in Marchia

A Anconæ contineri ex Instrumentis a Bzovio, re-
liquisque recitatis; Ceterum Marchionatus Ca-
merini erat honorificum vocabulum, quo Dux
Spoletii residens honestatus fuit; hunc æque titu-
lum expendens in Berengario Luitprandus inquit:
Nominem Marchionem, potestate Regem, vel quia
Camerinum erat pars quædam Marchionatus,
quod plerumque iidem Duces Spoletini Marchio-
nes appellarentur: Ubaldu (scribit Luitprandus)
qui post, nostro tempore, Camerinorum, & Spoleti-
norum extitit Marchio, quod idem repetit Sigonius,
idem Luitprandus: Bonifacium Comitem potentis-
simum, qui nostro tempore Camerinorum, & Spoleti-
norum extitit Marchio: Theobaldus Marchionem
Spoletinum eum, ac Camerinorum constituit Mar-
chionem, in quo Sigonius, Lilius, & Jacobus de
Arena convenire videntur. Cum Rege Ugone impe-
rante, Theobaldus Dux, & Marchio constitutus est,
quo sub Anno DCCCCXXXIII. e vivis sublato,
Spoletini Ascarium Marchionem summo studio
prosecuti sunt, quod ægre ferens Rex Ugo, ut pro-
sequitur Luitprandus, Sarlionem advocatus, cui &
ait, Camerinorum, & Spoletinorum hominum
non est mihi fides incognita, est enim calamo similis,
cui si innixus fuerit homo, perforabit manum suam,
vade itaque, & accepta a me pecunia mentes eorum
corrumpere, ab Ascarii dilectione eos amove, nec se-
cus ac Rex prædixerat Camerinorum, & Spoleti-
norum populus egit. Quibus omnibus clare patet,
Camerinum sub potestate, & jugum Longobar-
dorum fuisse, reliqua vero facinora, de quibus
Braccieschus, ac Lilius, dantur in Auctores de-
cora fabulis explodenda.

NOTÆ IN CAPUT X.

Braccieschum Florentinum defendit Dynus, & profecto
eundem desipuisse crederem, ut merito ingens Camerini lau-
datio alicujus Concivis indicanda sit, ferme Anno 110. cu-
sa apparet exigua illa enarratio, & an Braccieschus tunc in
humanis degeret non probatur, quandoquidem in Annalibus
de eo meminisse Baronium, inquit P. Pascutius in Hist. Ve-
nantiana, quos usque ad Annum MDLXXXIV. exscriptos fuisse
innotuit; nec Baronius Virum non magni nominis, ac
vitam agentem in auctorem ita facile habuisset.

Dignitati Fastorum Camerini non detrahit Dynus in his,
quæ veritati congruere possunt; imperii Sedem sub Vara-
nis admittit, & tunc ad apicem potentie in illis Piceni Lo-
cis evectum; sed, florentibus Ducibus Spoletinis, Camerinen-
ses inter inservientes fuerunt, nec Marchiæ Camerina nomen
adeo late protractum probari potest, quin ad ea tempora
Marchiam Anconitanam Picenum vocitatum fuisse, vide Mo-
dernum Hist. Anconæ latius transcribentem.

CAPUT XI.

E Lilius fabulosus de Victoria Camerinensum convin-
citur. Othonis diploma explicatum, & commen-
titium depræhensum. Rodolphus Dux Cameri-
nensis ab imputatione Lili defenditur. Reliqua
Liliana Privilegia a Papebrochio provide præter-
missa supposititia pronunciantur.

S Everianis allatis monumentis recentiora addit
Lilius Othonis Privilegia, quibus avita suorum
militaris virtus, & magnificata superius inno-
tesceret cum Romanis amicitia, & fidelitas Came-
rinensium.

Otho IV. Rom. Imp. semper Aug. &c. Atten-
dentes fidem, & devotionem, quam erga nos, &
Imperium habuerunt hætenus fideles nostri Came-
rinenses, pariter, & fidelia obsequia, quæ nobis
exhibuerunt, & in posterum ipsos exhibituros non
dubitamus. Notum facimus Universis, &c. Quod
de innata nobis benignitate eorum justas possessiones,
& tenutas, quas juste, & rationabiliter possident
eisdem nostra Imperiali confirmamus auctoritate,
salvo tamen in prædictis omni jure nostro, & Impe-
rii. Statuimus igitur, & Imperiali præcipimus au-
thoritate, ut nullus Dux, Marchio, Comes, & nul-
lus,

Fr. Dynus.


D

Compag.
Hist. Pic.
fol. 10.
Luitp.
Lib. V.
Cap. XIV.

Sigon.
Lib. VI.
Luitp.
Lib. II.
Cap. VII.
Lib. IV.
Cap. IV.
xiv. xviii.
Lib. V.
Cap. II.
81

Jacob de
Arena Se-
rie Du-
cum E-
trur.

Luitp.
Lib. I.
Cap. II.



82 *lus, nec non Civis, nullaue omnino persona Ecclesiastica, vel Secularis, humilis, vel alta predictam Civitatem Camerini molestare presumat, quod quicumque facere attentaverit in ultionem temeritatis sue sciat se 30. Libras auri puri pro poena componiturum dimidium Camere nostrae, & dimidium injuriam passis; damnum quoque, & Injurias, & maleficia, quae praedicti Camerinenses nobis, & Imperio intulerunt, de Castro & Arce Ploraci eis de Imperiali benignitate remittimus.*

Signum Domini Othonis IV. Romanorum Imperatoris gloriosi.

Ego Corradus Spirensis Episcopus Imperialis Aule Cancellarius Vice Domini Theodorici Colonienfis Archiepiscopi, & totius Italiae Archicancellarii recognovi.

Acta sunt haec Anno Dominicae Incarnationis 1210. Indictione 13. regnante Domino Othone IV. Dei gratia Romanorum Imperatore glorioso Anno Regni ejus Decimo tertio, Imperii vero primo. Datum apud Abbatiam S. Salvatoris de Monte Amiato per manum Gualterii Prothonotarii quarto Kalendas Septembris.

Camerinensibus sibi, & Imperio, (ut narratis apparet) infestissimis, quod haecenus fideles extitissent, illussisse videretur Otho, nec Lilius valuit exhibere, quae sive bello, sive pace affluente fidelitatis signa Imperatoribus praestita sint, hoc palam est, Camerinenses Longobardorum jugum passos sub Ducibus Spoletinis Imperii Romani saevissimis hostibus signa contulisse; Quod additur, Villas, & Tenuitas quas rationabiliter possident Camerinenses, libere has concedendas, videtur indicare, ne dum Camerinum latissimam non habuisse Provinciam, ut praesumit Lilius, sed quod rara per eas regiones Castella haberentur, & omnia Ecclesiis, Villisque plena esse, ut ex Chronicis S. Vincentii tandem se edoctum profitetur Lilius.

Tradunt Othonem, in Urbe commorantem levibus causis provocatum, cum Romanis congressum, deinde Patrimonium, & Ducatum Spoletinum in potestatem adegisse, addit Lilius, & cum Otho in Marchiam cum exercitu commigraret per viam Ploraci a Camerinensibus jugum renuentibus depulsus, expeditione in Marchia praetermissa hyeme ingruente Clusium perrexerit, ibidem quibusdam Camerinensibus Ghibellinis confluentibus admonitus Camerinensium ingenia potius quam vi beneficiis expugnari, ediderit recitatum diploma, exinde a Civibus suis neglectum.

83 *Tam ingentis beneficii nullum profert coævum testimonium, vel probabilem sequioris seculi Scriptorem, quod oblivione deperditum non fuisset, Locorumque Umbriae, Picenique Chronistae triumpho gloriam praedicassent, nec Spoletini haberent, unde, pulso Annibale, Urbe ab excidio exempta supra Camerinenses gloriarentur, quod hi Ecclesiae deditissimi Othonem Augustum a Marchiae populatione avertissent.*

Verum haec verba: Damnum quoque, & injurias, ac maleficia, quae Camerinenses nobis, & Imperio nostro intulerunt, non arguere videntur, Othonem fuisse depulsum, & adsimile Federici diploma recitat Lilius: remittentes Camerinensibus omnes offensas quas commiserunt contra nos, & Legatos nostros; nec tamen hunc a Camerinensibus profligatum Lilius, vel alius usquam asseruit, quin potius verba de arce, & Castro Ploraci sub eadem dictione, de Imperiali benignitate remittimus, juxta barbarum eorum temporum styllum viderentur denotare, eosdem de Castro Ploraci Guelphos exturbasse, cum quaedam sub Othone, alia sub Pontifice Umbrorum Castra detinerentur; patetque documentis a Lilio allatis, Camerinenses Bel-

A *fortis, Castrum Othonis. patrocinio tutum Anno 1207. subegisse, cum se asseruissent in arbitrium, non tamen diuturnam libertatem frequenter coeuntes in comitiis, bellis magis consiliis, quam aere, vique armorum gestis, modo Ecclesiae, modo aliis Principibus addicti, vel in patrociniis recepti, pacto tributo, ut Sfortia vigente, Corius, & Simonetta (quos nulla auctoritate tutus increpat Lilius) sunt auctores, & cum nec totam libertatem, nec totam servitutem pati possent, in partes de more discissi nova moliebantur.*

B *Planum siquidem est apud Chronistas, Anno Otho de MCCIX. Mense Octobris Othonem coronatum fuisse, exortoque deinde cum Romanis dissidio spectum habuisse Pontificem, & ad partes Tusciae approperasse, Annoque incunte MCCX. degisse apud Mediolanenses, dimisso Imperatorio dademate insignibus militaribus ornatum, & peragratis agro Ravennate, aliisque Ecclesiae locis, postmodum irrupisse in Apuliam, & Anno MCCXI. excommunicatum, & depositum extra Italiam perrexisse.*

C *Igitur nec tempora congruerent, & facile dicendum est, quod exiguum Ploraci Castrum in praedam ingentis exercitus cessisset, quod ad ea circum tempora a levi Spoletinorum cohorte, Duce Roberto Regionensi, primo incursum subactum idem profitetur Lilius.*

D *Insuper Pigna recitat privilegium Othonis, latum Mense Januario Anno MCCX. in quo Marchio Anconitanus enunciatur Azo Esensis, expressis nominibus Camerini, Firmi, Auximi, &c. xii, quae Oppida in eadem Jurisdictione ante Liliandum diploma subdita Othoni asseruntur, quod idem tum historiae Picenae, tum Chronistae Camerinensis fide roboramus. Latumque asseritur Lili privilegium Anno MCCX. Regni Othonis XIII. Imperii primo, quod falsitatem aperit reliquorum; siquidem Otho adversus Philippum Anno MCXCI. Rex, exorto Principum dissidio, renunciatus est, & tandem Philippo sub Anno MCCVIII. Kal. Julii. in Aula trucidato, Imperator statim consalutatus est, prolatoque diplomate Ecclesiae fidelitatem, seque ipsius Jura defensorum pollicitus fuit, quod ante supposititium Lili datum est apud Spiram Anno MCCIX. XI. Kal. Aprilis, Anno Regni II. per Baronium ad litteram relatum. Igitur Annus MCCX. Kalend. Septembris (de quo in Liliano diplomate) esset Annus Othonis II. non autem I.*

E *Rubeus profert Litteras a Chunrado subscriptas Anno MCCIX. III. Kal. Novembris indictione XIII. Anno Imp. Othonis I. quibus colligere quisque potest, cujus farinae sint haec Liliana privilegia ab antiquioribus, nec relata, nec haecenus visa.*

F *Adsimile diploma recitat Lilius a Federico latum apud S. Geminianum Anno MCCXLII. in quo pariter Imperator amicitiam Camerinensium ambiciose requirit: Remittentes eisdem omnes offensas quas olim contra nos, & filium nostrum Henricum Illustrem Regem Turrium, ac Galliarum, & totius Italiae legatum, & alios Nuncios, & fideles nostros Regni, & Imperii verbo, & opere commiserunt. Pariter Lilius praefatum Regem asserit pluribus praeliis, ut aequae alios Nuncios, Legatosque Federici a Camerinensibus suis victos, profligatosque; Quamvis, nec ipse, nec quisquam alius aperuerit, quo loco, tempore perpetrati sint Camerinenses tam ingentia facinora, nec pedites, equitesque utriusque partis describit, caesorum numerum, quae arce Rex ille profugus se receperit, quive alii Legati in ejus Locum suffecti, vel ceciderint, vel victi abscesserint, ut potius hic somnia ab ipsis Litteratis, & quidem optimis*

Lilius
par. II.

S. Blasio.
Chron.
Fossae No.
va.
Baron.
Anno
1209.
1210.
Pign.
Hist. E.
stenf. Lib.
11.
84
Compag.
Hist.
Picen.
Lib. II.
Pater Pa.
scut. vit.
B. Bapti.
sta Vara.
nae pag.
18.
Prolem.
Ann.
pag. 12.
Lilius par.
2. pag. 21.
Pigna
Hist. E.
stenf. Pa.
scut. L. E.
Compag.
Lib. II.
Trithem.
Anno
1208.
Naucl.
Chron.

85
Lib. VII.
pag. 240.
246.

Camerinensibus, qui de his mecum disceptarunt improbata, quam congruas historicæ veritatis narrationes e probabilibus Chronicis eruendas concinnare videatur.

Reliquæ vulgares *Lilii* exornationes ab oculatissimo *Papebrochio* prætermittæ, vel penitus neglectæ, ingenti quamvis studio conglutinatæ, hæc inter reliqua sunt proditiōe *Rayneri* Prætoris, non Princivallis, de *Auria*, copiarumque militari virtute devictos *Camerinenses* cum Urbis excidio; tum additur immunitissimæ *Spoletinæ* Urbis recens expugnatio a manu *Camerinensium*, Hostiumque peracta, levibusque argumentis comprobata, ut pariter obsidio *Mathelicanæ* Civitatis (olim ut *Frontino* patet inter Colonias ascitæ) cum militibus Plebis *Bovilianæ* vino temulentis ex *Francisco Sacchetto* in suis fabulis, *Lilio* non semel agnitis, relatisque deducta, ut alia plurima ex patriis Diariis, nescimus quo scrinio asservatis, Archivii *Camerinensium* hostium populatione penitus exutis.

Lilio par.
2. pag. 82.
113.

Fatemur, *Camerinum* sub *Varanorum* imperio prævalidam fuisse Civitatem, agrum latius protractum, & complures *Piceni* Civitates, ut *Ma-*

ceratam, *Senogalliam* in Patrocinium Ducum translatas, hos Principes nobilissimos privilegiis, & dignitatibus auctos; plures Patritios *Camerinenses* ad munera, ac gloriæ apicem evectos; Verum nimis graves reliquæ visæ sunt finitimis *Lilii* enarrationes, imo *Thuscis* ipsis hoc mihi onus Apologiæ avidius injungentibus: etenim postquam is *Camerinenses*, ac Pontificis Copias a *Thuscis*, Sociisque attritas, expugnatamque *Maceratæ* Urbem professus est, genti nostræ quodammodo detrahere aggreditur, narrans, Nunciis *Florentinis* *Camerini* receptis, bellum indicentibus *Rodolphum* illufisse, siquidem depictis in pariete VIII. Virorum, qui *Florentiæ* militarem gerebant Magistratum, figuris superinstitans Dux ipse exprimebatur cum inhonesta inscriptione, posterioribus partibus nudatis ventrem expurgans, nemine penitus in authorem prolato, sapientissimo Principi impudentiæ nota impingitur. His autem, ac reliquis passim commentitiis, inanibusque enarrationibus ad rem nostram nihil conferentibus, acriori stylo satisfacere modo omittimus ad digniora animum intendentes *Taciti* monitu: *aliquid excelsus ab historico postulari.*

86

NOTÆ IN CAPUT XI.

Othonem, Virum militarem, per angustissimos Montes exercitum circumduxisse ineptitudinem sapit, nec *Lilianus* hic triumphus probatur spurio diplomate, cum nec tempora congruant, ut disertissime *Dynus* aperit, sed omnia esse commenta *Lilii* planum fit, qui nec apud graves *Camerinenses* Viros in pretio est, & similibus configmentis veros, aliosque *Camerinensium* Titulos denigrat. Hoc singulariter notandum eruditis, *Papebrochium* 18. Maji irridere tanquam recens editam *Camerinensem* inscriptionem in dedecus *Ray-*

*C*nerii muro Cathedralis incisam, de qua apud *Ughellium* in *Episc. Camerin.* non enim sine exercitu ad defensam parato voluissent se *Camerinenses* defendere ab ingentibus copiis, ideoque absque ulla proditiōe facile in ditionem accessissent. Concludit itaque *Dynus* dissertationem, addens, se ut *Thuscis* quibusdam morem gereret, hæc festinanter edidisse, gravioribus Magistratuum curis intentum. Hæc itaque per me solo veritatis ductu conferta aliis Canonicis studiis vexatum, & errata, quæ ob Auctoris absentiam irrepperunt, æquo animo feras.

F I N I S.



I N D E X

NOMINUM ET RERUM

NOTABILIORUM.

A.

A Dria, Tuscorum colonia, mari nomen dedit. 3. F.
 Æneæ adventus a quo inter fabulas relat. 7. E.
 Æsculapius olim a Camertibus cultus. 13. F.
 Æsium ubi situm. 43. C. F. 44. A.
 Agilla in Lydorum adventu expugnata. 4. C.
 Agrippa a C. Augusto in Judeam missus. 41. E.
 Aistulphus, Rex, num viginti millia armatorum in Picenum miserit. 47. C.
 — a Pipino devictus. 47. F.
 Aldus Camerinenfes dicendos Camertes minus recte statuit. 13. A. B.
 Ameria, prænobilis Civitas. 42. A.
 Ancona tempore Longobardorum Caput Marchie 48. F. 49. A. B.
 Annius Viterbii titulos superattollens impostura notatur. 36. F. 37. F.
 Antenor, Patavii Conditor. 7. F.
 Antiochus, Rex, quare D. Venantium timuerit. 40. F.
 — ejus nomen quid Romanis denotaverit. 41. A.
 S. Antonii Ecclesia. 14. A.
 Antoninus, Severi filius, num Camerinenfes Civitate donaverit. 29. D.
 Appianus Syllanam vastationem describit. 16. A. B. E.
 Aquiliæ gentis stemma. 38. E.
 Aretini Veteres, Fidentiores, Julenses. 39. C.
 Aretium municipium. 22. A. 24. E.
 — ubi situm. 44. A.
 Ascarius, Marchio Spoletinus. 50. B.
 Augustis nomina Deorum in adulationem data. 29. A. B.
 Augustus oppidorum limites confudit. 44. F. 45. A. B.
 Azo Estensis, Marchio Anconitanus. 52. C.

B.

B Aldaffinus (P. Thomas) laudatur. 45. C.
 Barbari a Romanis imperiis præfecti. 41. E.
 Belfortis Castrum. 51. F. 52. A.
 Bianchinus, Abbas, laudatur. 5. C. D.
 Blondus de Origine Camerini reprobatur. 9. E.
 Bonifacius, Comes potentissimus, quo sensu Camerinarum & Spoletinorum Marchio dicatur. 50. A. B.
 Braccieschus fabulosus & adulator de bello Camerinenfium cum Longobardis vincitur. 47. A. B.
 Briffonii de fœdere inter Romanos & Camertes locus examinatur. 27. C.

C.

Cære in Lydorum adventu expugnatur. 4. C.
 Cajus Licinius num a Liciniano oriundus. 37. A. B.
 Camarinum num a quibusdam Camertibus profugis excitatum. 18. C. vide Camerinum.
 Camerinenfes numquam Camertes appellati, nisi a quibusdam Modernis. 12. A. B. C.
 — non fuere Camertes. 13. A. 38. C. D. 39. A.

Camerinenfes num Mario conjuncti, & ob id Sylla infensi fuerint. 15. E.
 — eorum inscriptiones spurie proscribuntur. 17. E.
 — num usque ad Severi tempora jus æquum fœderis servarint. 27. A. E. 28. B. 29. F. 32. F. 33. C.
 — num ab Antonino Civitate donati. 29. D.
 — num soli binas habuerint cohortes armatas, vigiliam & Prætoriam. 30. D. E. 31. B. D.
 — num vocati Camerini. 35. E.
 — eorum stemma. 38. D.
 — eorum tituli ab Auctore fundati. 40. B.
 — eorum Chronista, qua de Camertibus dicuntur, Camerino asserentes, rejecti. 42. E. F.
 — eorum Comitatus num amplius. 44. C. D.
 — eorum fines. 46. B. C.
 — ab adulatore frustra Camertes dicti. 47. A. B.
 — vicisse Longobardos & Othone IV. fabulantur. 47. D. 48. A.
 — quale ab Othone IV. privilegium obtinuerint. 50. E. F.
 Camerinenfis quidam rejicitur. 26. A. 32. D.
 Camerinum num vocatum fuerit Camefena, ac Camerte. 9. A. B. C.
 — loco inopi situm. 10. B. D.
 — sub Varanis ad apicem gloria ascendit. 10. C.
 — cum Camerio non confundendum. 12. B.
 — num a Camerio originem nactum. 12. C.
 — unde appellatum. 12. E.
 — non fuit sedes Camertium. 15. D.
 — num Sylla temporibus ab everfione fuerit exemptum. 16. B.
 — ejus origo ab eymo expenditur. 18. D. E. 19. A. B.
 — non est antiqua civitas. 19. B. 35. E. F.
 — a situs exiguitate & curvitate dictum. 34. B. 38. D.
 — primo a Strabone Camarinum vocatum. 43. D.
 — ei finitima oppida. 45. E. F. 46. A. B.
 — quando in potestatem Longobardorum accesserit. 47. E.
 — num Marchionatus sedes fuerit. 48. C. D.
 — ejus Provicincia non fuit vocitata Marchia. 49. D.
 — sub potestate & iugo Longobardorum fuit. 50. C. 51. C.
 — ejus Fastorum dignitati Auctor non detrahit. 50. D.
 — sub Varanorum imperio valida fuit Civitas. 53. B.
 Camerium cum Camerino non confundendum. 12. B.
 — ejus destructi vestigia ubi conspiciantur. 13. D. 16. D.
 — Umbria pro Camerio Latii a Merula accipitur. 40. A.
 Camerni Catonis in Camertini a Recentioribus mutati. 36. E.
 Camerte a Strabone corrupte describitur. 43. D.
 Camertes quando trans Tiberim sibi sedem statuerint. 3. C.
 — eorum fœdus cum Fabio Consule. 9. D. E. 11. D. E.
 — eorum & Fulginatium fœdus eodem jure fuisse censum creditur. 11. D.
 Ca-

INDEX NOMINUM ET RERUM NOTABILIORUM.

Camertes ubi sedem habuerint.	12. A
— non sunt Camerineses.	13. A
— olim Aesculapium coluerunt.	13. F
— eorum ager optimus.	14. A. 15. A
— eorum Comitatus investigatur.	14. B. 15. B
— Marium contra Cimbros adjuverunt.	15. E
— Mario addicti a Sylla exciduntur.	15. E. 16. A. B
— de eorum excidio Catonis locus illustratur.	16. F. 17. A
— eorum inscriptiones spuriae.	17. E. 18. A. 26. B
— eorum quidam profugi num Camarinum excitarint.	29. D
— a Lydis pulsi ubi sedem nacti.	18. C
— a Catone Camerni dicti.	34. A
— a Ferrario descripti.	36. D. E
— a Ferrario descripti.	43. E
Camerum est oppidum vetus in montibus Spoletinis.	12. C. 13. B. C. D
— ejus Comitatus.	15. A. B
— oppidum pulcherrimum fuit.	17. A. B
— ejus excidium sub Sylla.	16. A. B. 17. A. 18. C
— num sit antiquissima Camertium & Camerinorum sedes.	36. B
Campellus, Spoletium Umbrorum olim caput censens, rejicitur.	14. C
Captivi imperiis praefecti.	41. E
Caracalla a quibus interfectus.	32. A
Castrum Vetus, loci nomen.	13. D
Cato antiquo & obsoleto stylo utitur.	36. C. D
— ejus locus de Camertium oppido illustratur.	16. F
Cicero de Camertium latiori ora testatur.	17. A
Cilnium genus Lipsii.	15. B
Cives Romani ubi judicari potuerint.	22. F. 23. A. 25. A
Clusentinum, nunc Casentinum.	41. A
Clusium, antiquissima Umbrorum Camertium sedes.	39. B
Cluverius (Philippus) de antiquitate Umbriae circumpadana rejectus.	4. E. 39. B
— quo argumento suam opinionem probet.	3. C
— Lydos cum Pelasgis confundit.	4. E. F
— Evandrum cum Romulo confundit.	6. A
— Aeneas adventum inter fabulas refert.	7. D
— de ejus opere judicium.	7. E
— ejus de Umbris Camertibus & Camerino sententia expenditur.	8. B. C
— ea, qua de Camertibus dicuntur, Camerino asserens, rejectus.	9. A. C
— in designando Treja situ reprehensus.	42. E. F
— Plinium, de Pollentinis agentem, notat.	44. C. 45. D. E
Cohortes Vigilum, Pratoria, & Ultrices.	45. C. D
— Pratoria unde desumpta.	30. D
— eorum plures fuere.	E. 31. B. C
Coloniarum & Municipiorum nomina saepe confusa.	31. E
Cominius Camers quis fuerit.	31. E. F
Corunciana familia Tacito memorata.	28. F. 29. A
Cortona num Colonia Syllana.	17. E. 18. A
Crenardus militibus in expeditione Picena ab A. Sulpio Rege dicitur praefectus.	40. A
Crotona, Romana Colonia, postea Cortona dicta.	20. C
	47. C. E
	4. C

D.

Decius Diis Manibus patrio more se vocit.	11. A
Decuriones fuerunt Senatores Coloniarum & Municipiorum.	21. B

Deorum nomina Augustis data.	29. A. B
Dianae Liciniannae Servatricis inscriptio.	37. C
Diodori locus de Tyrrhenorum coloniis expenditur.	4. A
Dion testatur gentem Sulpitiam usque ad Neronis tempora floruisse.	35. B
Dionysii locus de Etruria populorum ditioe expenditur.	4. B
— ejusdem locus de gente Sulpitia laudatur.	34. E
Diploma Othonis IV. Camerinesibus concessum, explicatur, & commentitium deprehenditur.	50. E. F. 51. B. C. D
Diplomata Liliana explicantur & notantur.	48. E
Duumviri erant Municipiorum Senatores.	29. A
Dynus (Franciscus) originem suam a Thuscis indicat.	3. D
— quare hanc Dissertationem ediderit.	8. D
— fundatis Camerinesium titulis odium potius quam gratiam subiit.	40. B
— dignitati Fastorum Camerinesium non detrahit.	50. D

E.

Etruria, Umbrorum antiqua sedes.	3. A. 5. A
— ejus XII. principes Civitates a quo condita.	4. D. E
— a Gallis occupata.	6. D
— ultra XII. Civitates quosdam Principes habuit.	22. E
Evander, Arcadum Dux.	7. F
— in ripa Tiberis regna Arcadum collocat.	7. F
— quando regnaverit.	8. A

F.

M. Fabius, Consul, qua cum Umbris egerit.	9. D
Fabrettus (Raphaël) Urbinas, laudatur.	10. A. B
Famae quando standum.	5. C
Faunus, Aboriginum Rex.	32. C
Felix, Sylla cognomen.	21. A
Ferrarius Camertes describit.	7. F
Flavii Valerii Constantini monumentum.	20. D
Flos a Florentinis stemmati incisus.	43. E
Foedus Camertium cum Fabio.	45. F
— Camertium ac Fulginatium creditur eodem jure censitum.	38. E
— æquum repugnat cum subditis	9. D. E. 11. D
Fori Flamini vestigia.	27. A. B. E
Frontini textus de Camerino explicatur.	14. D
Fulgineum num antiqua sit Civitas.	44. C. E. F
	14. E

G.

Galli Etruriam occuparunt.	6. D
Græcia universa num a Nerone libera pronuntiata.	29. B
Gronovius qua de Cluverio sentiat.	7. D
Guarnerius, Marchio Anconitanus.	49. C
Guiques (Marc. Ant.) laudatur.	37. E

H.

Hispellum ubi situm.	43. A
----------------------	-------

I.

Jacobillus, Fulginei antiquitatem extollens, refutatur.	14. E
Imperatores, Pontifices & Patres Patria creati.	26. D
	Im.

I N D E X N O M I N U M

Imperatoris vocabulum Pratoribus datum. 34. E
 42. B
 Imperialis (Renatus) Cardinalis. 5. D
 Inscriptiones spuriae Camerinenſium proſcribuntur.
 17. E. 18. A. B. 26. B. 29. D
 Inſubres qui dicti. 7. B. C. D
 — eorum Civitates. 7. C
 Italia num Ducibus & Marchionibus a Garolo di-
 ſtributa. 48. C

L

Licini unde provenerint. 42. D
 Licinianum a Sylla munitum. 20. D
 — unde Lucinianum dictum. 21. B
 — perantiquum fuit oppidum. 22. B. F. 23. E
 — an de ejus vetuſtate conſtet. 24. F
 Licinium genus præpotens, & dives exilio mulctatum.
 22. B. C. 24. F
 Ligorius (Pyrrhus) tamquam novator notatur.
 28. C. D
 — — ejus inſcriptio de Colonia Camerin. illu-
 ſtratur. 28. D. E
 Lilius de Origine Camerini fabuloſus. 9. E
 — Camertium ſuperſtitem virtutem ex inſcri-
 ptione eruit. 17. D. E. 18. A
 — ejus inſcriptio commentitia proſcribitur. 26. A.
 29. D
 — de ejus opere judicium. 30. A. B
 — de Cohorte ultrici Camerinenſi reprobat. 31. B. 32. B
 — de latitudine Comitatus Camerinenſis reſectus.
 44. C. D
 — de latitudine Marchie Camerina reprobat. 47. A. 48. C. D.
 — diplomata proferunt, qua explicantur & notan-
 tur. 48. E
 — fabuloſus de victoria Camerinenſum convinci-
 tur. 50. E. 51. B. C
 — Othonis IV. Federici, aliorumque privile-
 gia pro Camerinenſibus proferunt, qua examinan-
 tur, & ſuppoſita pronuntiantur. 50. E. F.
 51. B. C. D. 52. E. 53. A
 Limites montani & maritimi qui dicti. 46. C
 Lipſius codicum temerarios correctores reprehendit.
 36. F
 Livii locus de Thuſcorum opibus, ante Romanum
 imperium, expenditur. 3. E. F
 — ejusdem locus de fœdere Camertium explicatus.
 9. D. E. 10. A. B
 Livius verboſus & negligens deprehenditur. 11. C.
 E
 Longobardi num a Camerinenſibus victi. 47. D
 Lucinianum ad Clanas, Colonia Syllana. 20. C. D.
 21. B. D
 — ejus laudes proferuntur. 23. B. 24. B. C
 Lupa a quibus ſtemmati incifa. 38. D. E
 Lupus, Dux Spoletinorum. 47. E. F
 Lydi Pelasgos Umbria exegere. 3. B
 — CCC annis ante Trojanum excidium irrum-
 punt in Etruriam. 3. C. 33. E. F
 — a quo Tyrrheni vocati. 3. C
 — ſunt diverſi a Pelasgis. 6. B
 — CCC oppida Umbrorum debellarunt. 9. B

M

Mæcenæ variis elogiis ornatur 23. C
 — unde genus ducat. 23. C. D. 25. A. B. C
 Mæcenatis gens quomodo tractu temporis appellata.
 37. D
 Malateſta (Joſephus) laudatur. 44. E
 Marchionatus Camerini honorificum vocabulum,
 quo Dux Spoletii reſidens honeſtabatur. 48. C. E
 Maritimum quid dicatur. 46. C

Marius, Sylla infenſiſſimus, ope Camertium Cim-
 bros devincit. 15. E
 Mediolanum, caput Inſubrum. 7. B
 Menkenius (Otho) Lipſienſis, laudatur. 41. C
 Merula reprehenditur. 17. C
 — Camertium Umbria pro Camerio Latii acci-
 pit. 40. A
 Monticellus laudatur. 40. E

N

Nero num Graciam liberam pronuntiaverit.
 29. B
 Nurſia, antiqua Civitas. 43. F

O

Oleum Liciniani celebratum. 23. E. F
 M. Oppii Capitonis inſcriptio. 46. A
 Otho IV. Romanorum Imperator, quale Cameri-
 nenſibus privilegium conceſſerit. 50. E. F
 — — ejus diploma explicatum, & commen-
 titium deprehenſum. 50. E. F. 51. B. C. D
 — — quando coronatus. 52. B
 Ottobonus (Petrus) Cardinalis, laudatur. 5. D

P

Pagani qui cenſendi. 44. E.
 Pamphiliorum familia laudatur. 42. F
 Panvinus defenditur. 26. A. 30. E
 P. Papebrochius qua de Camerini nomine ſentiat.
 9. B
 — pro fundanda Camerini antiquitate inſcri-
 ptionem affert. 26. A. B
 — ejus judicium proferitur & exploditur. 26. A.
 32. F
 Pelasgi Umbræ Etruria exegere. 3. B
 — non ſunt Lydi. 6. B
 Pipinus Aſtulphum devincit. 47. F
 Plinius, agens de Pollentinis, a Cluverio notatus,
 defenditur. 44. C. 45. C. D
 Ploraci Caſtrum. 51. A. F. 52. B
 Pollentiæ veſtigia ubi habeantur. 45. C
 Polybius Umbrorum regionem fœcundam dicens
 quomodo percipiendus. 10. E
 Poma Amerina & Cameria laudata. 12. E. F
 Pontificis Maximi titulus ab Auguſtis uſurpatus.
 26. D. E
 — — ejus munera qua fuerint. 26. F
 L. Porcius Lucinius, Legionum adverſus Asdru-
 balem Imperator. 21. B
 Poſſena, Cluſinorum Rex. 22. E. 23. C
 Potentiæ Comitatus quouſque protrahitur. 45. E
 Prætores in Cives Romanos non habebant gladii
 poteſtatem. 41. A
 — Reges & Imperatores appellati. 42. A. B
 Preciarum Caſtrum unde dictum. 42. C
 Principes Etruria. 22. E
 Proſcriptio Syllana deſcribitur. 15. D. E

R

Regis vocabulum Pratoribus datum. 34. E. 42. A
 Rodolphus, Dux Camerinenſis, ab imputa-
 tione Lili defenditur. 50. E. 54. A

S

Salvia Civitas ubi floruerit. 45. C.
 Sanguinarius rivus unde dictus. 48. B. C.
 Sarſina Civitas, Principatu illuſtris. 42. F
 Sclopetti num a Camerinenſibus in bello contra Lon-
 gobardos adhibiti. 48. B
 Sebastianis (Nobiles de) laudantur. 12. F
 Sc-

ET RERUM NOTABILIORUM.

Senones juxta Adriaticum incoluere. 10. F. 11. C
 Septempeda, oppidum vetustum. 45. E
 Sergius nomen Sulpitiorum, num veluti in nomen familia desciverit. 37. D
 Servius Thuscorum latam ditionem describit. 4. B
 Severus Imperialis potestatis studiosissimus. 27. F
 — num Camerinenfibus supra jus creandi Magistratus quid indulserit. 33. B. C
 Sigonius Camertibus adulatur. 27. B
 — ejus locus de Colonis Syllanis ac Municipiis expenditur. 20. A
 Solon, Episcopus Camerinenfis, in Capitaneum dicitur delectus. 47. C
 Spoletium non fuit antiquum Umbria caput. 14. C
 — imperantibus Longobardis, sedes Ducalis. 48. F. 49. A
 Stemmata quo more antiquitus incisa. 38. D
 Strabonis locus de Agilla expenditur. 4. D
 — ejusdem locus de Camerte examinatur & illustratur. 42. E. 43. A. B
 Stylus antiquus & obsoletus Catonis. 36. C. D
 Sulpitia gens num fuerit ex Camerinenfibus. 41. A. B
 — — unde Originem ducat. 34. E. 35. C
 — — triplex est. 34. E. F
 — — usque ad Neronis tempora effloruit. 35. B
 — — num postea Servia corrupta voce nominata. 37. D
 — — Poetria Morerio & Martiali memorata. 35. A
 Suprinus, D. Venantii pater, num ex Sulpitiis a Camerino Oriundus. 40. B. D. 41. A. B
 Sylla Camertes Mario addictos excidit. 15. F.
 — Civitates Mario opem ferentes subvertit. 16. A. B. D
 — in Etruriam colonias deducit. 19. F. 20. A
 — ejus monumentum, & cognomen Felix. 20. D. E
 Syllana proscriptio describitur. 15. D. E
 Syllanum oppidum in agro Camertino in Umbria. 16. D. 19. E. 20. F. 21. A. 24. E

T.

T Arcon duodecim Etruria principes Civitates condidit. 4. D
 Tarquinia a quo nomen sortita. 4. E
 Theobaldus, Marchio Spoletinus, quo sensu & Camerinenorum dicatur. 50. A. B
 Thusci Umbrorum oppida debellasse reperiuntur. 3. B
 — unde dicti. 3. B
 — a Lydia profecti. 3. C

Thusci quantas ante Romanum Imperium opes possederint. 3. E. F. 4. A. B
 — colonos in Circumpadana miserunt. 3. F. 4. A
 — universam pene Italiam subegere. 4. B
 — fuere Maris Domini. 4. C
 — eorum origo. 5. C
 — intra Appenninum & Tiberim Colonos miserunt. 5. F. 6. A
 — in adventu Aeneae florebant. 7. A
 — eorum antiquissima sedes. 33. D. E
 Thuscia quondam Umbria dicta. 3. B
 C. Tibullae inscriptio. 18. A. B
 Tituli Augustales in Ligorii & Lillii inscriptionibus examinantur. 28. E. F. 29. C. 30. E
 Tolentimates a quo memorentur. 45. F
 Trejae situs a Cluverio perperam designatur. 45. D. E
 Tuder, pranobilis Civitas. 42. A
 Turre (Philippus a) Patritius Foro-Julienfis laudatur. 5. D. 38. A. B
 Turris Porchearea a quo donominata. 21. A. B
 — Syllana incendio eversa. 21. A
 Tyrrheni a quo vocati. 3. C
 Tyrrhenus, Dux Lydorum. 5. B
 — cum Lydis Agillam Care denominat. 4. C
 — condidit XII. urbes. 4. E

V.

U Baldus, Camerinenorum & Spoletinenorum Marchio. 50. A
 D. Venantius ubi natus, & quando Martyrio sublatu. 40. D. E
 — fuit Nobilis Romanus. 40. F
 — quare cum Antiochus timuerit. 41. A
 Vestigia Camerii destructi. 13. D. 16. D
 Vicani qui censendi. 44. E
 Viterbium ab Annio frustra superattollitur. 36. F.
 Vitulus a quo stemmati incisus. 37. A
 Umbri unde orti. 38. F
 — Thusciam, seu Etruriam omnem, non partem ejus saltem, incoluere. 3. A. B
 — quando depulsi. 5. A
 — fuere Italia gens antiquissima. 3. C
 — eorum regio fecunda a Polybio dicta, quomodo percipienda. 10. E
 Umbri Camertes ubi habitaverint. 9. A
 — a quibus pulsi. 9. B
 Ursinus qua de patria gentis Sulpitia asserat. 35. C. D

F I N I S.



BARTHOLOMÆI SCALÆ,
Equitis Florentini,
HISTORIÆ
FLORENTINORUM
LIBRI QUINQUE;

nec non et

E J U S D E M

VITA VITALIANI BORRHOMÆI:

Quæ primùm e Cod. Bibliothecæ Mediceæ
edita fuerunt;

Novissima verò Editione correctâ.



LUGDUNI BATAVORUM,
Sumptibus PETRI VANDER Aa;
Bibliopola, & Academia Typographi atque Urbis.

THE FIRST
FLORANTINUM
LIBRARY

УСТАВЪ ИЛИ ЗАКОНЪ:

ILLUSTRISSIMO ATQUE EXCELLENTISSIMO
V I R O

D. JOANNI BAPTISTÆ RECANATO

P A T R I C I O V E N E T O

SOCIETATIS REGIÆ LONDINENSIS

ACADEMIÆ FLORENTINÆ

ARCAD. ROMÆ ALIORUMQUE

MEMBRO INCLYTO

PERQUE ERUDITORUM TOTIUS EUROPÆ VIRORUM ORA VOLANTI

RARISSIMORUM SELECTISSIMORUMQUE

M A N U S C R I P T O R U M P O S S E S S O R I

H O S C E

B A R T H O L O M Æ I S C A L Æ

EQUITIS FLORENTINI

HISTORIÆ FLORENTINORUM

LIBROS QUINQUE

NEC NON

E J U S D E M

V I T A M

VITALIANI BORRHOMÆI

E COD. BIBLIOTHECÆ MEDICÆ

I N G R A T I A N I M I S P E C I M E N

D. D. D.

PETRUS VANDER Aa.

HISTORIAE FLORANTINORUM
EQUITIS FLORENTIN
BARTHOLOMÆI SCALÆ
LIBROS QUINTOS

VITÆ ET MORVM
BARTHOLOMÆI SCALÆ
FLORENTINIS
EQUITIS
LIBROS QUINTOS

PRÆFATIO HUIUS NOVÆ EDITIONIS.

Benevolo Lectori Salutem.

Historiæ FLORENTINORUM libros quinque, Vitamque VI-
TALIANI BORRHOMÆI, Romæ anno 1677. Typis &
sumtibus Nicolai Angeli Tinaassii in 4°. edita, quæ
Bartholomæus Scala conscripsit, repetendo proposue-
ram, errata Typographæi maxima quæque expungere,
& quæ respuerent medelam, sarta relinquere ac tecta, quoad melior
Codex priori & nitidior emendare tandem poterit & corrigere. Dif-
ferenti verò scriptura, quæ aestimavi insignia, assidue expressa cu-
rari, marginique numeros foliorum Editionis primæ illitos. Quæ
si tibi, B. Lector, arrisisse expertus fuero, non minus voluntatem pro-
curandi hoc genus Auctores, quàm sollicitudinem augebis. Vale & his
utere.

DEDICATIO EDITIONIS PRIMÆ.

Clarissimo & Celeberrimo Viro

ANTONIO MAGLIABECHIO

Magni Etruriæ Ducis Bibliothecario.

Plures sunt causæ &, meo quidem iudicio, prægnantes, Vir ce-
leberrime, cur foetum hunc, ex ipso ovo partusque vinculis ex-
tractum, Nominis Tui splendori, oculisque, nil indoctum aut
triviale aspicientibus, obtulerim. Consideranti enim Tua in de-
functum Scalam populumque Florentinum merita, Tuum in me,
licet immerentem, collata beneficia, Tuum in literatos omnes
favorem, inexhausti ingenii vim, iudicii acumen, doctrinæ splendorem, fa-
mam denique alveis Oceani egressam, dignior Te, qui de his lineis iudicaret,
nemo occurrit. Multum pietati Tuæ debet defunctus Auctor, quod scripta il-
lius erudito Orbi hætenus subtracta, pluteisque Medicæis immersa, meis ani-
mari laboribus primus volueris, ne ad blattarum muriumque pastum, more
malo, damnatis, cum sepulto Auctore memoria quoque illorum sepeliretur.
Dignum hoc Tuâ pietate, dignum isto Eruditionis fastigio, dignum Humanitate.
Taceo tot a Te in librorum lacunis investigata mihi que transmissa hominum do-
ctissimorum suffragia, quæ in opere hoc famam Tuam studiumque indefessum pas-
sim loquuntur, & posthumum Auctoris foetum, ne abortum quis credat, verum ac
legitimum sanctè pronunciant. A Te ipso ergo oblata rursus Tibi offero, data
reddo, & velut in fontem ipsum opera refundo. Nemo jam miretur quod partus
hic masculinum robur capiat, pennaque ac plumâ feliciore per manus eruditorum
volitet. Ridet se a turba allatrari, tanto tectus præsidio, censorumque spon-
gias ne flocci pendit. Ea quippe est favoris Tui vis, ut atratos, si qui adsint, obtre-
ctatores, omnemque iudicii sinistri aleam facile prævertat. Ea auctoritatis
Tuæ acies, ut acuta Politiani lima, qui innocentem Scalam tantum non ad
scalas Gemonias Tartarumque damnat, facile ad eam hebescat. Ea ingenii fa-
mæque magnitudo: ut operi, vel invitis aliis, pretium addat, & optatam se-
ræ posteritatis gratiam tecum conciliet. Multum debet populus Florentinus,

cujus Tu flos illibatus, quod res variâ fortunâ ab eo gestas tam benignè exceperis, ut effusus pro Patria cruor, urbium cineres, vulnera & cicatrices, pretiosa illa militum ornamenta, aliis innotescerent. Multum *Florentia* ipsa, Orbis *Europæi* ocellus. Tanto hospite meritò superbit, qui famâ & ingentibus meritis externos e nidore patrio in *Hesperiam* suam per *Alpes* & *Apenninos* evocat, ut rarum, terrisque aliis negatum, *Phœnicem* cum stupore videant, laudent, admirentur. Quid de tota literatorum Republica dicam? tantum Tibi debet, ut solvendo non sit unquam. Te colunt qui literas colunt, famæque ab occasu *Hesperio* ad ortum porrectæ assurgunt. Convolant ad Te, velut apes, ut mella stipent, velut *Argonautæ*, ut vellus aureum reportent. Cujus unquam vestibulum tantâ quotidie frequentia doctorumque splendore celebratum? Cujus in Musæo tot coagmentata librorum plaustra, tot loquuntur Auctores, quorum Tu omnium maximus, tot muti rerum Magistri? Miramur tantam unius Musæi angustias inclusam supellectilem; miramur in nuce magnum olim *Homerum* delituisse; sed in uno pectore tot thesauros, in uno cerebro tot gentium ingenia, tot *Pallades* prodigiosas hospitari, quis non miraculo affine dixerit? Famosa in Magni *Etruriæ* Ducis Bibliotheca atriisque *Medicæis* volumina non attingo, quorum Te animam vivumque ac spirans Lexicon appellare quis dubitaverit? Omnia quippe ad unguem calles, fidemque excedente memoriâ ita singula exhauris, ut majorem Te librorum helluonem ætas ulla vix tulerit. Facit illa ingenii Tui capacitas, ut tot ubique terrarum amatores habeas, nequaquam imitatores. Facit excellens illa memoria; Musarum mater a Comico vocata, ut cæteri, quibus nimis interdum noverca, paria tecum facere cogitantes, frustra omnino sint. Norunt hoc quotquot Te norunt, & tota sanè *Europa*, si unâ voce loqueretur, hoc diceret. Verè de Te testari poteris, quod de seipso *Seneca*, suam nempe memoriam adeo excelluisse, ut non ad usum modo, sed ad miraculum usque procederet, cum duo milia nominum, quo ordine dicta erant, ducentos quoque versus, ab ultimo incipiens, recitaret. Nullis in ædibus tot unquam consulentibus data oracula quot singulis diebus in illo Tuo sapientiæ Musæo, quibus vota omnium antevertis; nec ærarium alibi notum, ubi tot ingenii opes tam recondi quàm ab exteris reportari cernimus. Sermo Tuus qua humanitate temperatus? quos nervos, quos aculeos habet? quam venustatem, & latens quoddam jucunditatis aucupium, quod in aures, in corda, in intimos sensus, & medullas labitur, ut ex ore Tuo non tam verba quàm mella fluere videantur. Si animo, ut inter amicos decet, puro ac defœcato loquendum, ita Te amant hospites omnes *Florentiam* tuam advecti, ut a tanto Viro divelli vel serò vel nunquam cupiant, generisque humani delicias, æquè ac olim *Vespasianum*, Te appellari debere uno ore consentiant. De Tuis in meipsum meritis nihil addam, cum tanta sint ut de illis, velut olim *Crispus* de *Carthagine*, tacere potius præstet quàm pauca dicere, cæterasque Tuas virtutes, quas pagina angusta non capit, tacitâ religione venerabor. Satiùs quippe res viribus impares aliis relinqui, & pictoris ingenio si exemplo, ea, quæ penicillo effingi nequeunt, velo inumbrari. Patere ergo, Vir Clarissime, ut spiritu validiore a *Scala* scripta, remissiore Tibi inscribam, munusque levidense, cum vires ac voluntas pari passu non ambulent, fronte ferenâ excipe. Possent quidem alii magnificentius, me nemo amantius. Patere ut meam, pro viribus, conferam symbolam, Tuisque obæratu favoribus, cum integrum æs alienum dissolvere nequeam, per partes id efficiam. Vale, seculi decus, & gliscentem assiduus incrementis literarumque commerciis amicitiam constanter fove. Vale iterum, & me, ut soles, ama.

Scripsi *Romæ* die 8. *Februarii*

M. DC. LXXVII.

Tuus ex affe

OLIGERUS JACOBÆUS DANUS.

OLI

OLIGERUS JACOBÆUS

LECTORI S.

Eoedam cruore Etruriam magnisque animorum armorumque motibus concussam Auctor hic repræsentat, ut ortus Imperiorum ac progressus dignoscere, damnoque alieno sapere aliquando discas. Rem sanè magni animi ac corporis aggressus, ut de Trogo Justinus dixit, plurima, quæ siccis oculis vix aspicientur, literis mandavit. Auctorem prorsus de meliore luto scripta testantur, quæ rei veritate stabilita, stylique elegantis passim efflorescunt, ut nesciam quis impetus judicium Politiani antevertat, nobilem Scriptorem ne Latinum quidem agnoscentis. Genii illustris scripta stylo gladiatorio confodit, gratiamque, a bonis meritam, invidia lacerat miræque exulcerat. Grata tamen, vel illo ringente, seculi palato futura auguror, cum Scalæ ipsius dignitas, Equitis Florentini magnæque in Patria sua quondam dignitatis, fidem Historiis majorem addat. Rectius enim liquidiusque, ea pro veris affirmat, quæ vel ipsius præsentia, vel longior in Republica ac Principum aulis consuetudo experientia firmavit. Græcos ac Romanos Scriptores intuenti res in aperto est. Versatum in Republica Thucydidem accepimus, cui primas Græci deferunt, versatum in ea Herodotum, qui civium se subtrahens invidiæ, excessit Thuriisque in Italia annales condidit. Livium magnis in Republica dissentum negotiis, Tacitum rerum experientia in Cæsarum aula firmatum, Crispum Quæsturam ac Tribunatum gessisse, & Africam interiorem Prætorem obtinuisse legimus. Adeo ut illis præeuntibus, non uno nomine æquam æstimationem etiam Scala noster mereatur. Plures Auctoris laudes, omni titulo majores, præsens pagina omittit, cum plura encomia sequentes accumulent, doctorum suffragiis, in laudem Viri consentientibus stipata. Vale, amice Lector, & si quæ humano more peccata, ut homo ignosce. Vale & his mecum fruiere.

TESTIMONIA AUCTORUM

DE

BARTHOLOMÆO SCALÆ.

BARTHOLOMÆUS SCALÆ
LAURENTIO MEDICI Salutem.

Scio te in eos, qui digni sunt, conferre quàm in indignos multò libentius beneficium, illius, quod dici lepidè ab antiquis solet, haud immemor: Beneficium dando accepit, qui digno dedit. Utrumne tandem mei hi canes, Molossusque, & leporarius, quos ad te mitto digni visi erunt, qui a te ornentur?

LAURENTIUS MEDICES
BARTHOLOMÆO SCALÆ
Salutem.

Et si liberalem animum, ut tu probe nōsti, qui Philosophos lectitas, nihil curare magis decet, quàm virtutem ut colant, ejusque solius gratia beneficiosus sit: tamen nescio, quo pacto splendere illa magis videntur, quæ locantur melius, ut audeam cum proverbio Enniano dicere: Benefacta male locata malefacta arbitror. Canes ergo tui quos ad me misisti, ob eorum egregiam virtutem, pro meritis ornare non potuisse permolestum fuit. Sed ipsa certè sibi per se Virtus ornamenti satis ac decoris affert. Vale.

Hæ Epistolæ Scalæ, & Laurentii de Medicis inveniuntur MS. cum Apologis ejusdem Scalæ in Bibliothecis Florentinis.

BARTHOLOMÆUS SCALÆ,
coactus acerbissimè pungentibus æmuli
Politiani literis, ita de seipso scribit
in Epistola quadam quæ extat inter
alias dicti Politiani literas Libro 12.
pag. 176. & 177.

Sed quid tu mihi antiquitatem narras? An ego non sum semper eam admiratus. Profer scripta mea, profer dicta. Non legisti, ut video, Apologum meum de antiquitate, qui facile arguat hac in parte tuam de me antiquitatis opinionem. Nostrorum piget temporum, pudetque. Hoc ego scripsi, hoc asserui, hoc potes pro meo lacerare, si ita ferat impetus. Volunt tamen laudari quidam & collocari inter divina monumenta antiquitatis: Non possum. Date quæso veniam. An ego sum tanti, ut istam beatissimam fortunam vestram violem? Neque ego avidior gloriæ sum, gratius fecerit, qui me præterierit, ut ego præteritum me esse a Vobis diu putaveram. Quid tu mihi fortunam, quid tu honores vitæ objicis? Sed teneo in fortuna quid agas. Confinis tibi tuo more monstrum, quem devincas. Cum honore meo difficilior tibi colluctatio erit. Veni nudus omnium rerum bonarum, egenus ad Rempublicam, vilissimis ortus parentibus, multa cum fide, nullis omnino divitiis

illis aut titulis, nullis clientelis, nullis cognationibus. *Cosinus* tamen Pater Patriæ nostræ me complexus est, recepitque in familiæ obsequia. Interea *Florentinus* Populus ad Prioratum me evexit, deinde ad Vexilliferatum, tandemque & in Senatorium me Ordinem Equestremque collocavit, tanto profecto suffragiorum consensu, ut nihil esse factum unquam popularius multi putarent. Extat & in illa de me *Laurentii Medicis* præclarissima vox, qua nusquam collocatum melius fuisse honorem homini novo testificatus est. Cum illo nunc tibi de honore meo agenti, cum *Florentino* omni Populo res habenda est. Hoc ego affirmaverim, me multum fuisse consecutum plura quàm aut putaverim, aut optaverim. Neque habui, quod referrem nisi fidei integritatem. Ea in me (volo esse vanus) semper fuit excellentissima. Atque hoc quoque asseruerim in calce Epistolæ, nullum me honorem sine honore gessisse. Respublica ipsa, resque a me gestæ in Magistratibus, citentur Testes velim, &c.

Idem SCALA in alia sua Epistola inter POLITIANI litteras Libro 5. pag. 61.

Nunc venio ad eum locum, qui est in tuis litteris de scriptis meis, ut hac quoque de re, quod est, non differar. Quæ scripsi ego quidem, parum multa sunt; edita verò nulla, nisi quæ aut imprudentiore in ætate pueriliter pene exciderunt, aut extorsit necessitas. Non enim digna mihi visa sunt, quæ in manus eruditorum mitterentur, ut autem legerentur ab indoctis, non fuit desiderium. Quid enim nisi vanum inde atque infructuosum expectandum fuit? Contra illorum opinionem, qui prius etiam quàm atramentum (quod ajunt) exaruerit, Informatores habent librorum paratos, & multa millia ejusdem scripti exempla per Italiam Orbemque terrarum legenda disseminant, &c.

POLITIANUS licet tam atrox SCALÆ inimicus, & qui eum, licet injustè, tantopere culpat, in aliqua tamen epistola Libro 5. pag. 54. ita ipsi scribit.

Multa tu quidem (credo) scripsisti, non multa adeo tamen edidisti, quæ vulgo ferantur. Sed Historiam componis certè longum, opinor, opus & arduum, &c.

Et paulo inferius in eadem Epistola.

Sed te censorem Scala facile ferimus, hominem tot annos in literis non sine gloria versantem malè doctos quosdam ferre, ita non possumus, qui tamen ipsi quoque omnia exigunt ad Ciceronis gustum.

Et in fine dictæ Epistolæ:

Hæc ego ad te libere quidem, sed & amicè scripsi, mi Scala, non tam me ipsum videlicet asserens a risu tuo, equidem non offendor, quàm Hermolaum ipsum Barbarum leviter defendens, hominem sæculi nostri e-

ruditiſſimum, deque literis & Philosophiâ, dum vixit, optime meritum. Liceat autem mihi per te (ut opinor) quæ tua est, in rebus omnibus æquanimitas, sentire aliud omnino in literis, quam tu sentias, dummodo nulla inter nos amoris hoc nomine benevolentiaque mutua jactura fiat.

Idem POLITIANUS in alia sua Epistola ad eundem SCALAM p. 62.

Ita respondebo ad Epistolam tuam Scala doctissime, quæ mihi multa, sed levicula objicis, ut jocer interdum tecum liberius, & caviller. Quod quoniam, & liberale est, & ad imitationem tui susceptum a nobis, credo, non succensebis.

Idem POLITIANUS similiter in quadam Epistola pag. 65.

Postremo si quem tibi honorem habui, mi Scala, merito tuo me fateor habuisse. Si quid rursus te pupugi per jocum, jam nunc equidem muto factum.

MARSILIUS FICINUS Epistolarum libro primo pag. 650. Tom. 1. Operum edit. Paris. apud DIONYSIUM BECHET an. 1641.

Marsilius Ficinus Bartholomæo Scalæ Oratori S. D. Legi Quæstiones Christophori Landini Camaldulenses. In iis libris Maronis adyta penetrat, Ciceronis Dialogos imitatur ad unguem, felicem Virum fabricat felicissimè. Lege illos & tu, scio, mecum senties. Vale, sed quare in laudando Christophoro tam brevis es Marsili? Quia habet nescio quid quod exprimere nequeam, iterum Vale.

Idem FICINUS Libro octavo Epistolarum pag. 893. & 894. ejusdem Editionis.

Marsilius Ficinus Georgio Cyprio Compatri charissimo, ac optimo Medico S. D. Cum apud te Literati nonnulli in ipsa cæna de Scalæ Nostri Scriptoris elegantissimi Apologis verba facerent, atque a me inprimis, quia nuper legeram, judicium de his exigent. Ego, omnis, inquam, Scalæ nostri Apologus, & elegans mihi videtur, & masculus. At illi arriserunt pariter atque deriserunt. Arriserunt quidem eleganti, quasi eleganter expresso, sed masculum quasi dictum improprie derisere. Ego igitur (judice te) affirmo, me non solum propriè, sed etiam verissimè Apologos Scalæ masculos appellasse. Quis enim jure neget eos esse masculos, qui me ad hæc antea sterilem, uno afflatu adeo fecundum reddiderint, ut eodem ferme partu multos filios Apologos parerem? Quod quidem hinc etiam confirmatur, quod postquam illi e nostris laribus discesserunt, nulli deinde apud nos nascuntur Apologi. Eos autem qui tunc nobis nati sunt, quasi ob priorem sterilitatem meam imbe-

Imbecilliores, tibi & tanquam Compatri nutriendos, & tanquam Medico fovendos confirmandosque commendo. Vale & charissime Compater, & Optime Medice, atque lege feliciter.

Cardinalis JACOBUS AMANATUS
Lucensis, communiter appellatus Cardinalis Papiensis, in suis Epistolis p. 227.
Edit. Milan. apud ALEXANDRUM MINUTIANUM 1506. in fol.

BARTHOLOMÆO SCALÆ.

Nulli mea commendatione ad te veniunt, ut non statim pro tuo in eos patrocínio mihi gratias agant: testentur etiam quod me ames, & quanta meritis nostris tribuas. Merita quidem nulla sunt, vel admodum pauca. Sed animus tuus magnus est, quo illa plus justo expendis. Quod ergo amicis meis inservis, debeo tuæ diligentiae plurimum. Quod verò me amas, permultum mihi congratulor. Bonorum enim & Doctorum Virorum studia, ante omnia expetii semper, & inter prima dignitatis ornamenta reposui. Amaris quoque a me, quod fieri merito debet; sed amorem hunc nostrum multa non tam nunc primum conciliant, quàm ex vetusto confirmant. Adolescentes olim eandem servitutem servivimus. Vicini habitavimus. Iisdem literis ac prope Præceptoribus operam dedimus. Paupertatem etiam gravem pertulimus, denique aspirante Deo nostræ industriæ, ambo ad honores & vitæ commoda emersimus. Recordatio primæ consuetudinis hujus & fortunæ inde consimilis me usque in amore continuit. Idem tibi evenisse cum videam, superest modo, ut literis atque Officiis Veterem conjunctionem servemus atque augeamus. Id præstabo ego; Id ipsum præstiturum te puto. Ex iis autem, qui mea gratia affectos se tuo beneficio dicant, Gentilis Perusinus est, homo plus adhuc virtute, quam genere nobilis, cujus ideo ad me literas inclusas hic mitto, ut videas, & quod tibi debeam ego, & quod debere ille tibi se putet. Vale. Romæ 5. Martii MCCCC LXXII.

Idem Cardinalis Papiensis, pag. 243.

BARTHOLOMÆO SCALÆ.

Martiolos Lucardenses accepi, numero & suavitatem munus insigne. Dignum quidem quod ab uxore viro, a viro autem homini amico mittatur. Tam fuit acceptum, quàm hic est, ubi sum, rarum. Pro iis, & Officio expediendæ possessionis Cænobii Colletensis, ago tibi meritas gratias. Continuatione beneficiorum in diem magis me obligas, quorum non ero immemor, si quando ad tua commoda incidet casus. Amemus nos inter nos; huncque animum feramus usque ad exitum. Vera charitate nil in vita prius, aut

potius. Bene Vale. Senæ x. Septembris MCCCCLXXII.

CHRISTOPHORUS LANDINUS inter alia sua
Carmina Latina MS. in Bibliothecis
Florentinis.

Ad
BARTHOLOMÆUM SCALAM.

Queris cur nostros macies contraxerit artus
Inque dies crescat pallor in ore mihi?
Cur placidus miseros relevet non somnus ocellos,
Cur lachrymæ a facie fluminis instar eant?
Ah nescis quantæ vexent mea pectora flammæ
Nec mi Scala vides quid sit amare malum.

Idem LANDINUS ad
BARTHOLOMÆUM SCALAM.

Desine jam leges nostro præscribere amori,
Desine; solus amor nescit habere modum.
Et mox:
Ergo Scala meo leges imponere amori
Desine: solus amor nescit habere modum.

Idem LANDINUS ad
BARTHOLOMÆUM SCALAM.

Inquiris, veteres ubi quondam? Scala, Penates
Majores norim composuisse meos?

Ex libro Epigrammatum MICHAELIS TARCHANIOTÆ MARULLI Constantinopolitani

Ad BARTHOLOMÆUM SCALAM.

Cum musæ tibi debeant Latinæ
Tot juncto pede scripta tot soluto,
Tot sales Latio lepore tinctos,
Tot cultis documenta sub figuris.
Tot volumina Patriæ dicata,
Quæ nulli taceant diu minores;
Tot prætoria jura, tot curules,
Tot fasces proprio labore partos.
Plus multo tamen, o beate amice, est
Quod Scalam Latio Pater dedisti
Aucturam numerum novem Sororum
Casto carmine Castiore vita.

MARULLUS de ALEXANDRA BARTHOLOMÆI
SCALÆ filia,

(quam postea uxorem duxit)

Auxerat Aonias Sappho Dea facta Sorores
Et poteras numero cedere Roma novo.
Dulcia cum Scalæ miratus Carmina Apollo
Dixit, habes numerum tu quoque Roma tuum.

Idem ad eandem.

Quod tam tota decens, formosaque tota venusta,
Rara quidem, sed non unica Scala mea es.
At quæ casta decens, at quæ formosa pudica,
Dispeream si non unica Scala mea es.
Nam cum Pieridum repeto commercia sacra,
Jam non ulterius unica Scala Dea es.

Ad eandem ALEXANDRAM.

Cum versu referas novem sorores
 Vix lustris bene adhuc tribus peractis
 Cum dulci sale seriisque blandis
 Ipsum jam superes puella Patrem
 Quo nihil gravius facetusque est.
 Cum nec sit tibi forma, nec modestæ
 Frontis gratia, nec decor, nec ipse
 Suggestus nimii decens capilli
 Qui possit nisi calitus videri,
 Quid mirum mea Scala si Decembri
 Reddis debita messibus futuris?
 Si mittis mediis rosas pruinis,
 Natura bene quo voles sequente?

BARTHOLOMÆUS FONTIUS Florentinus,
 pag. 385. Operum suorum Francoforti
 editorum anno 1621.

Ad

BARTHOLOMÆUM SCALAM.

Berlingheriadum quotiens Tejanus habebit
 Absenti veniam Bartholomæe dabis.
 Namque pedes postquam magnus sanavit A-
 pollo
 Ut longum valeam talibus emouit:
 Pallada si semper recolas, studiumque severum
 Nullo exercitio, debile corpus erit.
 Hunc ego purpureum semper si tendere coner,
 Intentus semper mollior arcus erit.
 Surge age frondosas laqueis præcingere valles
 Et canibus timidas exagitare feras.
 Interdum tenera modulatus arundine carmen
 Asserva errantem (quis vetet ista) gregem.
 Ipse ego sic quondam jacui per prata, per arva;
 Nec puduit tantum pascere Numen oves.
 Nec te pæniteat valido insudare bidenti,
 Aut curva arboreas tondere falce comas.
 Sic ait. O certis liceat consistere campis
 Vertere vel gemino jugera pauca bove.
 Non ego Montugium, non jam Chonfenti aposeo
 Divite non auro, non pretio afficior.
 Delector musis totas impendere noctes
 Noctibus & totos continuare dies.
 Hujus te studii similis quoque detinet ardor
 Sed nequis hoc animo liberiore frui.
 Publica nam Patriæ vexant tua pectora curæ,
 Cum tamen oblata est quantulacunque quies,
 Vel fingis causas, vel condis amabile carmen,
 Vel Florentinæ consulis Historiæ.
 Qua melius posses in re consumere tempus?
 Ireque magnorum docta per ora virum?
 Una dies tandem mortalia corpora solvet,
 Qua, bene qui vixit, ille beatus erit.
 Ambitione procul tristisque cupidinis æstu,
 Et quicquid scelerum pectora cæca trahit.
 Hæc Tejanis vitat dum vivit in arvis
 Fontius hæc causa rura beata colit.

UGOLINUS VERINUS Libro Secundo de Il-
 lustratione Urbis Florentiæ pag. 13.
 Edit. Paris. 1583.

Scala quoque Historias, & Lydia gesta leonis
 Explicat Hetrusci; Naturæque abdita
 versu

Aggreditur vates docti de more Lucreti.
 Judicio nostro tua cedit Epistola nulli
 Eloquio complexa brevi quodcunque volebas.

Idem VERINUS Lib. 3. pag. 34. loquens
 de Familia SCALÆ.

Scala recens nuper Collensi venit ab agro,
 Suscepitque gradum summum, tunc carmi-
 ne docti
 Vatis & Historici, veteres æquavit honore.
 At nihil in terris durat, vix orta, recessit.

NALDUS NALDI in Libro primo Elegiarum
 adeo a POLITIANO, FICINO, aliisque diversis
 laudatarum, quæ Florentiæ in variis
 Bibliothecis exstant MS.

Ad BARTHOLOMÆUM SCALAM.

Si quis Scala velit superum spectare Penates
 Si quis & æthereas in Jovis ire domos.
 Fallitur ille quidem, nisi tu mediator amicus
 Protinus huic homini Scala futurus ades.
 Nam modo cum summo jam sidera vertice
 tangas,
 Cum tuus en humilem pes quoque tangat
 humum.
 Scandere non cælum potis est, non alta To-
 nantis
 Atria; ni gradibus nititur ille tuis.

Ex Manuscripto quodam Bibliothecæ in-
 structissimæ Cl. ANTONII MAGLIABECHI
 cui Titulus: Vulnere diligentis, ubi vita,
 doctrina, mors HIEROLAMI SAVONA-
 ROLÆ extat, Cap. 12. lib. II. pag. 66.

Ora non è necessario che io riassuma li due
 prenominati dell'Ordine di San Fran-
 cesco, ma sappi che oltre à quelli uno è sta-
 to quel dotto Teologo, e di Santi costumi,
 di M. Domenico Beniveni, e Girolamo suo
 fratello, de quali l'uno in prosa così Latina
 come volgare, e l'altro in ottimo verso Ita-
 liano, anno scritte opere degne. Item mes-
 ser Bartolomeo Fontio, messer Bartolomeo
 Scala, e messer Bartolomeo Redditi in di-
 verse Scienze, e Legge Professori in sua lau-
 de, e difensione anno composto, &c.

Hujus M. S. varii meminerunt, inter alios
 Antonius Libanori; Ferrara d'Oro Part. 3.
 pag. 259.

SANNAZARUS Elogiarum Libro primo pag.
 106. suæ Poësis Edit. Leodien. apud Anton.
 Gryphium 1569. in 16. Elegia cui
 Titulus: In Maledicos Detractores.

Nec te jam pudeat venturo ostendere sæclo
 Eloqui vires Scala diserte tui.

PIERIUS VALERIANUS in Dedicatoria sui Li-
 bri, cui Titulus: Castigationes & varie-
 tates Virgilianæ Lectionis ad Julium
 Medicum S. R. E. Vicecancellarium.

Hujus vero quod vestro generi præcipuum
 fuisse studium asseveramus, Testes illa
 omni

omni doctrinarum genere politissima Academia Florentinae, in quibus abolutus olim bonarum literarum splendor nitorem pristinum cepit reparare, bonaque disciplinarum pars, quae temporum incuria perierat, visa sit reviviscere. Testes Alberti, Aretini, Landini, Pici, Scalae, Ficini, Politiani, Berroaldi, Ambrosii, Zenobii, Candidi, Argropyli, Chalcondili, Laschares, Musuri. Et qui hos inter locum non indecenter habeat, Urbanus mihi Patruus, totque alii Musarum Proceres literarum gloriae florentissimi, ut innumeros alios transeam, qui nunc vivunt, fulgore satis illustres suo, &c.

ERASMUS in CICERONIANO pag. 71. Edit. TOLOSANÆ 1621.

Scala sibi videbatur Tullianus, Politiano ne Latinus quidem videtur, adeo ut ne sensum quidem communem illi tribuerit.

LEANDRO ALBERTI nella descrizione di tutta l'Italia pag. 43. Edit. Venet. 1553.

Bartolomeo Scala uomo Eloquenti, che pareva più tosto esser nodrito fra le Muse, che fra le ruote del Molino.

In Bibliotheca GESNERI pag. 106.

Bartholomæi Scalæ Epistolæ tres Florentiæ scriptæ ad Angelum Politianum leguntur in Libro quinto ejusdem, & quinque in duodecimo. Sic autem alibi de suis scriptis: Quæ scripsi ego quidem (inquit) parum multa sunt, edita verò nulla; nisi quæ aut imprudentiore in ætate pueriliter pene exciderunt, aut extorsit necessitas, &c. Apparet autem ex quadam Politiani Epistola, eum Historiam quandam scripsisse, & Epigrammata nonnulla.

PAULUS JOVIUS in Elogio MARULLI TARCANIOTÆ, pag. 19. Elogior. De Viris Illustribus, Edit. Venetiis. 1546. apud MICHAELEM TRAMEZINUM in folio.

Propterea Florentiæ Alexandram Eruditi ingenii puellam uxorem duxit Bartholomæi Scalæ Vexilliferatus honore conspicui filiam. Hic est qui paulo ante Græcorum nomini favens cum Politiano ejus gentis ingenii infesto maledicentissimis Epistolis lites extenderat.

VINCENTIUS BORGHINI, in quodam MS. de Prioribus ac Vexilliferis Civitatis Florentinæ.
S C A L A.

M. Bartolomeo di Giovanni Scala Prior. Marzo 1472.

M. Bartolomeo detto Gonfalon. Maggio 1486.

Giuliano di M. Bartolomeo Prior. Luglio 1521.

Giuliano suddetto di M. Bartolomeo Prior. Marzo 1531.

Fù M. Bartolomeo Segretario e Gran Cancelliere della Signoria, e persona di Lettere. Scrisse latinamente l'Istoria nostra, la quale non sò perche non sia data fuora.

SCIPIONE AMMIRATO nelle sue Istorie Fiorentine parte seconda Lib. 25. à cart. 164. dell'Editone di Firenze del 1641.

E la Republica non volendo più soffrire la Elettione de gli Ambasciadori, i quali dovevano andare secondo l'uso della Città a render l'ubbidienza al Pontefice (Innocentio VIII.) nominò finalmente per questo conto sei Cittadini. Francesco Soderini Vescovo di Volterra, Antonio Canigiani, Bartolomeo Scala, Guido Antonio Vespucci, Agnolo Niccolini, e Giovanni Tornabuoni.

MONALDUS in sua Historia M. S. cujus unum exemplar reperitur in instructissima Bibliotheca Antonii Magliabechi, hoc Titulo :

Historia Familiarum Urbis Florentiæ ac Nobilitatis Florentinæ scripta a PIETRO JOANNE MONALDI Cive Florentino ad Serenissimum Ferdinandum III. de Medicis Magnum Ducem Hetruriæ.

La famiglia Scala di quei de la Scala discese dalla Città di Colle di Toscana, e di loro fù Bartolomeo di Giovanni, che nel 1486. fù Gonfaloniere di Giustizia. Questo fu gran Cittadino, Dottore di Leggi, Segretario della Republica Fiorentina, Storico e Poeta, il quale sendo Ambasciadore per la sua Patria à Papa Innocentio VIII. fu fatto dal prefato Pontefice Cavaliere Spron d'Oro, e Senatore di Roma, con autorità di tenere l'Imperio della Santa Chiesa nella sua propria Insegna, e di lui nacque Giuliano, il quale fu due volte de Signori di Libertà, e questi anno magnifici Palagi, e deliziosi giardini. L'arme de quali si trova una scala azzurra dritta in traverso sghembo nel dorato campo.

Idem MONALDUS in principio prædictæ Historiæ scribit, quo tempore creatus fuit Innocentius Octavus, qui creavit Cardinalem Joannem Filium Laurentii de Medicis, Florentinos ei, ut mos est, misisse Oratores, qui fuerunt Joannes Soderinus Episcopus, Bartholomæus Scala, Angelus Niccolini,
B. Scala. ** An-

Antonius Canigianus, Guidus Antonius Vespucius, Joannes Tornabonus.

Idem MONALDUS Bartholomæum Scalam quoque numerat inter Poëtas Illustres hujus Civitatis.

VOSSIUS *Libro III. de Historicis Latinis* pag. 616.

Bartholomæus Scala natus est Florentiæ anno 1424. atque anno 1497. ibidem obiit ætatis annorum 73. *Philelphi* ad eum Epistolam habemus anni 1455, ut fuerit tum annorum 31. Vexilliferatus honore insignis fuit, ut de eo *Paulus Jovius* ait. Vir erat doctus, ut potius Musarum Alumnus quàm inter rotas molarum natus videretur; quemadmodum de eo scribit *Albertus Leander* in *Italia* sua quo loco de *Florentia* tractat. de Certamine, quod ei cum longe majori viro *Angelo Politiano* erat, res satis nota est ex utriusque epistolis; Unde *Erasmus* in *Ciceronianis*: *Scala* sibi videbatur *Tullianus*, *Politiano* ne *Latinus* quidem videtur, adeo ut ne sensum quidem illi communem tribuerit. Condidit libris 20. *Historiam* Florentinam ab *Origine Urbis* usque ad Annum Christi 1450, sed morte præventus, quinque tantum Libris extremam manum imposuit. Incipit: *Fama est, & quidem pervulgata, a Fesulanis Florentiam primum habuisse Originem.* Signat hoc opus *Ugolinus Verinus* lib. 22. illustratæ *Florentiæ*.

Scala quoque Historias, & Lydia gesta Leonis
Explicat *Hetrusci.*

Etiam literis commisit vitam *Vitaliani Borromei*, quam *Petro Medici* inscripsit. Ad hæc Orationem reliquit ad Papam *Innocentium VIII.* Habuit filiam *Latinis Græcisque* literis excultam nomine *Alexandram*; quæ nupsit celebri Poëtæ *Michaëli Marullo Tarcaniota* Natione *Græco*, sed carmine *Latino* non minus pollenti: Viro sanè docto, sed de Religione *Christiana* (ut *Leander* in *Italia* sua inquit) haud sanè sentiente; qui in *Cæcina* flumine per agrum *Volaterranum* in mare defluente submersus fuit. Extant *Politiani* versus *Græci* in laudem *Alexandræ*. Item *Alexandræ* similes versus, quibus *Politiano* respondit. Obiit *Alexandra* anno 1506.

JACOBUS GADDI in suo Tomo secundo de Scriptoribus, loquens de *Marcello Tarcaniota*, pag. 23.

Addam nunc fuisse *Marullum* felicem (arbitror enim ego, qui nec habeo, nec unquam habui uxorem, ac proinde vitam alteri conjunctam non sum expertus, beatum Scriptorem, qui conjugem habeat lite-

ratam, & pudicam & elegantem :) qui fuit illustratus a luce Conjugis *Alexandræ* clarissimæ Poëtriæ, quæ *Latina Græcaque* lingua exculta, edidit Epigrammata quædam ad *Politianum Græca*, a *Zenobio Acciajolo* collecta, & conjuncta Opusculis *Politiani*, nec immeritò, cum hic *Alexandram* laudaverit & amaverit impensè. E *Græco* illa vertit Opuscula nonnulla *Avicennæ*, quæ cum aliis multis *Alexandri* lucubrationibus periëre (ut scribitur in Catalogo Script. *Florentin.* ex *Arni* inundatione anno 1557. Ediderat Apologos, quorum initium est: Cum paterni Apologi a me sæpius legerentur. Siquidem *Alexand.* Pater. *Bartholomæus Scala* vir eloquentia insignis scripserat Apologos centum summè celebratos Epistolis *Ficini* & *Landini*.

Idem GADDIUS.

Conscripsit *Latinè* Bartholomæus plurima carmina, quibus invehitur in æmulum *Politianum*, & *Eclogas tres*; *Historias* Florentinas ab *Urbe condita* in Libros 20. partitas, sed quinque tantum Libros absolvit morte præventus. Has miro candore descriptas tradit *Michaël Verinus* in Epistola Patri, additque præter Apologos, in quibus *Scalam* graviolem *Æsopo* indicat, vidisse carmen de *Rebus moralibus* instar *Lucretii*: *Orationes*; unam ad *Populum Florentinum* pro *Imperatoris Insignibus* *Constantio Sforziæ Exercitus Duci* tribuendis; alteram ad *Innocentium VIII.* recens *Pontificem*, cuius, uti *Ducis Mediolani*, *Mediceor.* Procerum amicitia floruit, qui, vel ignobilis, una commendatione *literaturæ* merito erectus fuit ad *Vexilliferatum*, & ad *Equestrem* ordinem. Exaravit Epistolas elegantissimas ad *Principes viros*, & ad filiam *Alexandram*. Ego vero legi olim in volumine *Tabularii*, vulgo *Cancellariæ Reformationum* nonnullas *Bartholomæi* Epistolas disertas, & elegantes, ad *Turcarum Imperatorem*, aliosque *Principes* nomine *Reipubl. Florentinæ*, cujus a *Secretis* diu fuit.

JACOBUS GADDI pag. 138. Tom. 2. de Scriptoribus, loquens de *POLITIANO*.

Verum Bartholomæus Scala (is *Vexilliferatum*, aliosque honores Florentiæ primarios gessit, vel ignobilis, unica *literaturæ* commendatione *Principibus* Italiæ notus :) *Politianum* tetigit Epistolis, vel potius carpsit gravi libertate, immutabilem professus amicitiam. *Scalam* *Politianus* pluribus Epistolis acriter & acerbe compunxit, contempsit, atque damnavit amarulentus
Judeus

Judex vel potius accusator. Ego utriusque verba contumeliosa prætereo utriusque parcens existimationi, licet ea fuerit hæc, ut facile opprefferit, vel texerit magnitudine sua verborum aliquot notas indecoras quæ ab iratis, & insensis prolata minimum habent ponderis, ideoque ut levia sunt despicienda viris magnanimis, qui se non sentire percussos magnitudinis veræ opus arbitrantur.

Idem JACOBUS GADDI pag. 202. Eliographi in Elogio FRANCISCI GADDI.

Nec minor huic gratia, & existimatio apud Platonem. *M. Ficinum, Hermolaum Barbarum, Christophorum Landinum, Politianum, Bartholomæum Scalam* Equitem, *Ugolinum Verinum*, aliosque litterarum fama claros.

Pag. 248. dicto Eliograph. Gaddi dicit se habere quædam manuscripta Bartholomæi Scalæ.

MICHAEL POCCIANIUS in Catalogo Scriptorum Florentinorum edit. Florent. 1589. in 4. pag. 23. 24. & 25.

Bartholomæus Scala vir singulari ingenii bonitate præditus in omni Artium genere, scientiarum & linguarum, & inter elegantissimos Scriptores sua tempestate præcipuus, quem sui ipsius virtutes inter familiarissimos Magni *Cosmi, Francisci Mariae Sforzæ Ducis Mediolani, & Innocentii VIII.* collocarunt. Et Primates Civitatis *Florentinæ* universo suffragiorum consensu, adscripserunt, & ad Prioratum atque Vexilliferatum evexerunt. Ad Senatorium Ordinem simulve Equestrem substulerunt (beneficio Summi Pontificis *Innocentii VIII.*) & tandem Reipublicæ *Florentinæ* secreta summa fide 20. ann. administrasse tradiderunt. Propter quam rem in omnium ore extabat *Laurentii Medices* vox illa præclarissima, qua testificatus est, nunquam fuisse honorem homini melius collocatum. Hæc sui divini ingenii nondum impressa testata reliquit, videlicet: Apologos centum ad *Laurentium Medicem*, quos miris encomiis exornat *Ficinus* in octavo Libro Epistolarum, eos tamen ad sydera usque extollit *Landinus* his brevissimis, sed gravissimis literis, scilicet:

Salve. Perlegi Apologos tuos, in quibus nulla opus est Apologia, omnia probo, plurima vehementer laudo, multa etiam admiror, invenisti argumentum, in quo ingenium tuum regnare videatur. Vale.

Horum autem Archetypon asservabatur apud *Julium* ejus Nepotem. Initium est:

Vos ego commonefacio.

Conscripsit etiam post *Leonardum Florentinas Historias* eloquentia suavissima, ab origine ejusdem Urbis usque ad annum *Christianæ salutis* 1450. Lib. 20. a morte interceptus extremam manum eis imponere

nequivit. Quinque igitur libros tantum absolvit. Quorum primus ita initium sumit:

Fama est igitur, & quidem pervulgata, a *Fesulanis Florentiam* primum habuisse originem. Edidit adhuc *Vitam Vitaliani Borromæi* ad *Petrum Medicem*, cujus principium est: *Nulli sunt quacunque tandem.* Orationem de Excellentia militaris Disciplinæ, deque Imperatoriis laudibus *Federici Urb.* ad *Populum Florentinum*, maximis exceptam plausibus.

Orationem ad *Innocentium Octavum*, in cujus creatione Orator designatus. Orationem ad *Populum Florentinum* pro Imperatoriis militaribus signis dandis *Constantio Sfortia*, & incipit: *Non debetur videri opinio.* Cujus exemplar est in Bibliotheca *S. Marci*. Plurima Carmina quibus invehitur in æmulum *Politianum*. Eclogæ nonnullæ, quarum præcipuè sunt tres. Prima intitulatur de arboribus, arte & Natura, interlocutoribus Arboreos populare cultus.

Secunda Alceus:

Num pecus cujus est.

Tertia Elpilla

Sederat in sola lachrymosus rude
Thalenus.

His omnibus additur fragmentum Psalmorum quos doctè & admodum Catholicè decantavit, cæteri verò temporum injuriâ perièrè.

Et horum principium:

Quid reddam Domine Deus.

Extant adhuc ejusdem Epistolæ elegantissimæ ad *Politianum*, & ad *Galeatium Mariam*, gratias referens eò quod ipsum in eorum numerum aggregavit, qui secretioribus Consiliis interesse, & liberè sententiam dicere solent.

Ad Innocentium Octavum.

Ad Alexandram filiam Vatem; & denique
Ad Petrum Conni, a quo requisitus, an Sapienti uxorem ducere? & incipit:

Ducenda ne sit sapienti uxor.

Item addidit Opusculum typis excusum intitulatum: Apologia contra vituperatores Communitatis *Florentinæ*; qua in re vehementer laudatur a *Petro Christo* (forfan *Crinito*) & incipit.

Rem fecisti tu quidem mi Trebati.

Sed ut commodius nomen suum immortalitati consecraret, magnificam Domum amœnissimo viridario excultam prope portam a *Pinti* vulgò dictam a fundamentis ædificandam studuit, & percelebre Templum apud *Cistercienses* construendum curavit, a morte præventus cum tantum egregium opus absolvere non valuisset a Domino *Julio Scala* ejus Nepote elargitum est Academiae (*del disegno*) nuncupatæ. Quæ singula etsi ad celebrem ipsius famam plurimum faciunt, id tamen est permaximum, ingenti gloria dignum, cum filiam progenierit, & ita *Latinis, & Græcis* literis instruxerit, ut miraculum potius quàm famili-

nam mundo edidisse videretur de qua supra suo loco dictum est.

Natus est anno 1424, annum septuagesimum tertium agens vitam cum morte commutavit. Ipsius corpus primo apud *Cistercienses*, deinde apud *Servitas* reconditum est. In ejus vero laudem *Geraldinus* Protonotarius Apostolicus, Regiusque Legatus, dum adhuc hac aura frueretur hoc tetrasticon conscripsit:

Naturam & mores, seriem, res, tempora, casus,

Et demum Artifice schemate cuncta notas.

Felix qui prisco quem sit sermone locutus,

Scala tamen cultu secla, vetusta novas.

Ita enim hi versus ex MS. Cl. Magliabechii corrigendi veniunt, cum aliter & vitiosè in libro edito legantur.

Hic animadvertendum est, *Pocciantum* inter Opera *Scalæ* nostri præterisse Librum, qui conservatur in Bibliotheca *Medicæ* D. *Laurentii*, hoc Titulo: *Collectiones Cosmianæ*. Fasciculus est variarum Epistolarum, in laudem *Cosmi Medices*, Patris Patriæ, a diversis auctoribus scriptarum, quas *Scala* in unum corpus redegit, & *Laurentio de Medicis* misit, cum hac Epistola, quæ in fronte Libri legitur:

BARTHOLOMÆUS SCALA

LAURENTIO MEDICI

Urbis Spei S. D.

Collegi, Laurenti carissime, scripta complura, & omnia ferè, in quæ manus inciderunt, ubi nomen Cosmi Avi tui, Patris hujus urbis, legeretur. Ea redegi in volumen, quod mitto nunc ad Te. Velim ut tantum otii subtrahas maximis tuis occupationibus, ut mira & legendi & intelligendi divini ingenii Tui solertia omnia percurras: Et si tibi videbuntur digna, quæ legantur ab hominibus, alicui ex Bibliothecis Cosmi ut inferantur, curabis. Vale.

Ibidem etiam Carmina nonnulla *Scalæ* nostri reperiuntur, uti & prolixus, sed elegans, ejus Dialogus, hoc titulo: *Bartholomæi Scalæ* Dialogus de Consolatione, qui dicitur *Cosmus*.

GIULIANO DE RICCI;

Nella quarta parte del suo Priorista, à carte 140, nel Quartiere San Giovanni:

Scala. Venne da Colle Città di Valdelsa allora Terra grossa, Messer Bartolomeo di Giouanni Scala, e si messe al seruizzio della Cancellaria de Signori, e si portò talmente, che non solo fu amato da Cosmo, da Piero, e da Lorenzo de Medici ne' tempi, che reggevano la Città, mà anco da tutto l'universale, ed innalzato all' Offizzio del Priorato, e del Gonfaloniere di Giustitia; mà meglio s'intenderà da lui l'esser suo, che da me, descrivendosi così Egli stesso in una Epistola, che scrive ad Angelo Politiano con le

infrastrate parole: Veni nudus omnium rerum bonarum egenus ad Rempubicam, vilissimis ortus parentibus, multà cum fide, nullis omnino divitiis; aut titulis, nullis clientelis, nullis cognationibus, Cosmus tamen Pater Patriæ nostræ me complexus est, recepitque in familiæ obsequia. Interea Florentinus Populus ad Prioratum me evexit, deinde ad Vexilliferatum; tandemque & in Senatorium me ordinem Equestremque collocavit, tanto profecto Suffragiorum consensu, ut nihil esse factum unquam popularius, multi putarent. Extat & illa de me Laurentii Medicis præclarissima Vox, quā nusquam collocatum melius, fuisse honorem homini novo testificatus est. Cum illo nunc tibi de honore meo agenti, cum Florentino omni Populo res habenda est. Hoc ego affirmaverim, me multum fuisse consecutum plura, quàm aut putaverim, aut optaverim. Neque habui quod referrem, nisi fidei integritatem; Ea in me (volo esse vanus) semper fuit quàm excellentissima. E lacerato quest' uomo dal Polizziano in alcune sue Epistole, &c. e sciorinandogli addosso una gran maledicenza, per oppinion mia lo loda, quando dice, che Lorenzo de' Medici usava dire, che nel favorire & ingrandire lo Scala, aveva più seguitato il giudizzio d'altri che il suo; dico che lo loda, poiche può più facilmente errare un solo, che molti. Dove lo biasima di poco modesto, e insolente, mi pare che abbia poca ragione, e se niuno tratta scortesemente, e senza modestia, è il Polizziano, come si può vedere nelle sue epistole.

M. Bartolomeo di Gio. Scala fù de' Signori del mese di Marzo 1472.

M. Bartolomeo detto Gonfaloniere di Giustitia.

Nel medesimo Tomo del detto Priorista di Giuliano de Ricci à car. 142.

M. Bartolomeo Scala, Cancelliere, fù delli Arroto nella Balia 1484.

Andò fra li sei Imbasciadori che furono mandati dalla Città à rendere la solita obbedienza al nuovo Pontefice Innocenzo Ottavo 1484.

In Elogiis

BARTHOLOMÆI SCALÆ,
principem sibi locum vendicabat duplex

Reip. Florentinæ testimonium;

Desumptum id est ex libris Archivii publ. Reformationum Florentinæ Urbis, quod ita se habet.

Die 13. Septembris 1471.

Intellecto Magnifici, & Excelsi Domini Domini Priores libertatis, & Vexillifer Justitiæ Populi Florentini; Quemadmodum prudentissimus, & eloquentissimus Vir, Dominus Bartholomæus Joannis Scala ad præfens dignissimus primus Secretarius, ac Cancellarius, Dominorum Priorum, ac Vexil-

Vexilliferi Justitiæ Populi *Florentini* nondum triginta annos subivit onera in Civitate *Florentiæ* ex quo ad officia Communis non est habilis; & cognoscentes in quibuscunque dignissimis, ac bene institutis Civitatibus recta ratione observatum fuisse, ut ii qui virtutibus pollerent, quamvis novi essent, non solum Civitate donarentur, & ad publica munera fubeunda habiles redderentur, sed eis ultrò etiam honores, ac publicæ dignitates gerendæ demandarentur ob eorum veram nobilitatem, est enim nobilitas sola, atque unica virtus, & cupientes supradictum D. *Bartholomæum Scala* quoniam is & de Repub. benemeritus est, cum illam sua virtute, & eloquentia ubique literis mirificè ornet, & quia sua opera, & ejus nobilitas ita fieri suadent, habilem facere ad Officia prout sunt alii Cives. Idcirco habita primò inter se ipsos deliberatione solenni & præmissio & facto inter eos solenni & secreto scrutinio ad fabas nigras & albas, & obtento partito secundum ordinamenta dicti Communis die XIII. præsentis Mensis *Septembris*, & demum postea ipsam eadem die inter ipsos Dominos, & Vexilliferum Justitiæ & Consiliarios Consilii Majoris pro consiliis opportunis Civitatis *Florentiæ* instituendis & ordinandis de mense *Julii* proximè præteriti videlicet die quinta mensis ejusdem in Consilio Communis pro finali conclusione, quod novum Consilium vocatur IL. CONSIGLIO MAGGIORE in sufficientibus numeris in Palatio Populi *Florentini* invicem congregatos. Omnibus tamen de dicto Consilio præsentibus solenniter, & ut moris est convocatis, præmissio, facto, & celebrato solenni, & secreto Scrutinio, & misso partito ad fabas nigras, & albas, & obtento secundum ordinamenta dicti Communis vigore auctoritatis & potestatis per dicta Consilia opportuna eisdem concessæ & omni modo, via, jure, & forma quibus magis ac melius potuerunt, providerunt, ordinarunt, & deliberaverunt. Quod ex nunc vigore præsentis Provisionis absque aliqua præcedente solutione aliquibus in contrarium non obstantibus supradictus D. *Bartholomæus Joannis Scala* intelligatur esse, & sit verus, antiquus, & originarius Civis Civitatis *Florentiæ*, in omnibus, & per omnia, & possit licitè, ac liberè gaudere & potiri omnibus, & singulis Officiis tam Communis, quam pro Communi, & quibuscunque beneficiis, gratiis, privilegiis, ac favoribus quibus, & prout gaudere, ac potiri possunt, aut deinceps poterunt quicunque veri, & originarii, & antiqui Cives Civitatis *Florentiæ* in dicta Civitate onera ordinaria supportantes, & qui verè in ea onera subiissent, ac realiter solvissent per tempus, & terminum triginta annorum completorum, aut per aliquod aliud tempus requisitum secundum ordina-

menta Communis *Florentiæ* tam edita, quam deinceps edenda, & pro tali deinceps ab omnibus tractetur, habeatur, ac reputetur in omnibus, & per omnia, & quoad omnes, & omnia; Et possit deinceps dictus D. *Bartholomæus* de tempore in tempus ad officium primi Cancellarii quod ad præsens exercet re firmari, seu de novo eligi per consilium *del Cento* secundum ordinamenta, cum Officio præeminentiis honoribus, & oneribus, & aliis ordinatis, & cum Salario prout habet ad præsens. Et possit fieri talis refirma, seu nova electio, ut dictum est facta deliberatione, & obtento partito prius solum inter DD. Priores, & Vexilliferum Justitiæ pro tempore existentes, aut ipsorum duas partes absque aliqua deliberatione præcedente. Et intelligatur ex nunc deinceps habere, & habeat pro dicto suo Officio Cancellarii solum illud devetum ab aliis quibuscunque Officiis, & eo modo, & prout per DD. Priores, & Vexilliferum Justitiæ pro tempore existentes, aut ipsorum duas partes provisum, aut deliberatum fuerit in una vice, vel pluribus; sanè & rectè prædicta intelligendo, aliquibus in contrarium non obstantibus.

Die 11. Januarii 1484.

Cum intellexerint Magnifici, & Excelsi Domini DD. Priores Libertatis, & Vexillifer Justitiæ Populi *Florentini* quemadmodum eloquentissimus Vir, & Doctor D. *Bartholomæus Joannis Scala* Civis *Florentinus*, qui nuper in Urbe *Roma*, ubi una cum nonnullis aliis vestris Civibus apud Pontificem in ejus assumptione pro Populo *Florentino* Legati munus obibat: Die xxv. *Decembris* proxime præteriti in Divi *Petri* Ecclesia sacris solennibus Natalis Domini prius ritè peractis ab *Innocentio* Octavo Pontifice maximo summa celebritate, ac pompa Equestri fuerit cingulo insignitus, & cupientes hanc ipsam dignitatem, & ipsius Summi Pontificis, qui non majori erga ipsum D. *Bartholomæum*, quam erga Rempublicam nostram benevolentia studioque sibi gratificandi impulsus est, & ejusdem D. *Bartholomæi* benè de Populo vestro semper meriti causa exornare, & amplificare, nec non prosequi, & observare volentes consuetudinem jamdudum in aliis observatam; habita primo super infrascriptis omnibus, & singulis die decima mensis *Januarii* Anni 1484. indictione tertia inter se ipsos DD. Priores, & Vexilliferum in sufficienti numero congregatos in Palatio Populi *Florentini* deliberatione solenni, & inter eosdem facto solenni, & secreto Scrutinio, & misso partito ad fabas nigras, & albas, & obtento secundum ordinamenta dicti Communis, & postea successivè ipso eodem die sequente, & facta deliberatione inter eosdem Dominos DD. Priores & Vexilliferum Justitiæ,

& Gonfaloneros Societatum Populi, & duodecim Bonos Viros dicti Communis solenniter in sufficientibus numeris, & in Palatio antedicto congregatos facta prius proposita super prædictis, & infra-scriptis omnibus, & celebrato inter ipsos omnes solenni, & secreto Scrutinio misloque partito ad fabas nigras, & albas, & obtento secundum ordinamenta Communis prædicti ipsis tamen omnibus, & singulis infra-scriptis diligenter prius examinatis, deliberatis, ac firmis per spectabiles Viros *Loysum Francisci Ventura, Pierum Jacobi Guicciardini, Christophorum Joannis Antonii Spini, Miniatum Bernardi Dini* de numero Collegiorum prædictorum, & *Joannem Thomasi de Borghinis, Nerotium Pieri del Nero, Bindaccium Francisci Boninsegna* de Officio Conservatorum Legum dicti Communis ad hæc examinandum deputatos secundum ordinamenta Communis prædicti eorum proprio motu pro utilitate Communis ejusdem, & omni modo, via, jure, & forma quibus magis, ac melius potuerunt, providerunt, ordinaverunt, & deliberaverunt.

Quod DD. Priores Libertatis, & Vexillifer Justitiæ Populi *Florentini*, & duæ partes eorum aliis etiam absentibus, aut refragantibus possint honorare præfatum *D. Bartholomæum Scalæ* equestri nuper ordine decoratum signo Populi *Florentini* in pennone, targia, & supraveste hominis, & Equi; Quem pennonem, targiam, & supravestem faciant fieri de novo: Et quod Capserius Camerae Communis *Florentiæ* pro tempore existens possit teneatur, & debeat de pecunia Capse generalis dictæ Camerae tam deputata, quam deputanda, pro expensis illius dare, & solvere occasione prædictorum tantum quantum, & illi, vel illis cui seu quibus, & prout una vice vel pluribus stantiatum, vel deliberatum fuerit per dictos DD. Priores, & Vexilliferum Justitiæ Populi *Florentini*, vel duas partes eorum ut supra, sine alia deliberatione stantiamen-to, solennitate, vel actu, non excedendo tamen summam, & quantitatem florenorum sexaginta in totum, & sine aliqua retentione, detractioe, vel diminutione alicujus directuræ, oneris, vel gabellæ; Viliis dumtaxat provisione præsentis, & stantiamen-to prædicto qualibet exceptione remota. Item possit honorari signo Partis *Guelforum*, cum deliberatum fuerit per eos, ad quos spectabit secundum ordinamenta, &c.

Qua Provisione lecta, & recitata in Consilio Populi die undecima mensis *Januarii* anni 1484. ut supra dictum est, dictus *D. Præpositus* ut supra proposuit eam, & contenta in ea inter Consiliarios dicti Consilii, & super ea facto, & observato in omnibus, & per omnia secundum formam ordinamentorum dicti Communis, & prout supra in

prima Provisione hujus libri continetur, & observatum fuit, & super ea facto partito ad fabas nigras, & albas inter Consiliarios dicti Consilii, & datis, recollectis, & numeratis fabis, repertum fuit CLXXIII. ex ipsis Consiliariis dedisse fabas nigras pro sic, & sic secundum formam dictæ Provisionis obtentum, provisum, & ordinatum fuit, non obstantibus reliquis xxii. ex ipsis Consiliariis repertis dedisse fabas albas in contrarium pro non.

Eloquentiam Scalianam testatur etiam Reccus Spinellus Florentinus, cujus historica Ephemeris extat apud Clar. V. Ferdinandum Leopoldum del Migliore.

MCCCCCLXXXI.

Fu fatto Capitano delle Genti d'arme l'Illustriss. Sig. Gostanzo Sforza Signore di Pefero per il Comun di Firenze, e a di 4. d'Ottobre la mattina di S. Francesco in su la ringhiera ci fu una lunga, e degna orazione fatta M. Bartolomeo Scala Cavaliere, e Cancelliere della Signoria, per la cui eloquenza uno che era accanto a me conciosia cosa che cominciassse a dire, viva messer Bartolomeo, viva M. Bartolomeo, tutto il Popolo seguitandolo ad alta voce disse l'istesso.

Ea oratio publici statim juris typographicis calculis effecta est Florentiæ cum hac inscriptione:

Oratio pro Imperatoriis militaribus signis dandis Constantio Sfortiæ Imperatori.

Deficiat cum papyro dies si Scalæ nostri cum doctissimis viris amicitiam hic expressam velimus. Satis sit cum Francisco Philelfo necessitudinem addere. Is in literis impressis Venetiis 1502. libro XII. pag. 90. sic scribit:

FRANCISCUS PHILELFUS
BARTHOLOMÆO SCALÆ
Salutem.

Scripsi ad te brevius quam, & ipse velles, & mihi opus esset, sed non multo post, cum quod plus oculi nactus fuero tibi simul mihi que faciam satis. De re *Vermia* quod scire cupis, totum est in expectatione, Amicus enim ille, qui eo loci ipse profectus est nondum rediit *Mediolanum*. Adjunt tamen ad triduum rediturum. Cum primum reverterit omnia cognosces. Tu interim vale, & nos ama. Ex *Mediolano* III. Nonas Octobris 1455.

Libro vero XXX. pagina 208, sic habet:

FRANCISCUS PHILELFUS
BARTHOLOMÆO SCALÆ
Salutem.

Quamquam te novi, sine ullis etiam adhortationibus meis, omnia mea causa quam diligentissimè curaturum, quæ mea in-

interesse animadverteris: tamen admonendus es visus, ut in conficiendis rursus iis literis: quæ superiore anno, tertio ad quintum nonas *Octobres* per decemviratus magistratum vel tua potissimum opera emanarunt, in meam causam non minore utaris celeritate quam fide ac benevolentia. Et quoniam audio ejusmodi nunc magistratum, una cum bellorum suspitione sublatum esse tibi videndum est qua via sit utendum, ut idem roboris sit in Literis. Qua ipsa de re scripsi etiam ad virum Clarissimum atque optimum *Petrum Medicem*. Sed tuum fuerit calcaria adhibere currenti ne propter nimias occupationes inhærentemque valetudinem minus ei otii detur ad id quod petimus e vestigio transigendum. Vale ex *Mediolano* quarto Kal. *Apriles* 1468.

Ne vacua supersit hæc pagella Clarissimæ Feminae Cassandræ Fidelis Venetæ ad Scalam nostrum addemus Epistolam, quæ extat in doctissimæ Heroïnæ monumentis editis a Jac. Philippo Tomafino Patavii 1636. in 8.

BARTHOLOMÆO SCALÆ

CASSANDRA FIDELIS.

Te vir, macte virtute, summopere laudo, gratulorque tibi filiam tuam tamquam faciem virtutis literarum studio dedicasse, & quid? ex ejus literis fomenta arida igni præbuisse cognovi, ex quo ea sunt præmia vobis proposita, quæ omnibus facilis & perspicacis ingenii a Diis quidem immortalibus optari solent, & quæ nomen æternæ virtutis vobis inserunt tam famam celebrem. vobis me obnoxiam esse fateor, quantum virtutis vestræ cumulus exigit, atque ex postulat. Vale.

De eo præterea honorifice meminit aliis

in literis ad amicos datis, ut ad Angelum Politianum.

Oro ut me omnesque meos *Marsilio Ficino* nostro ac *Bartholomæo Scalæ* viris doctissimis commendatos facias.

Alia etiam in Epistola.

Te oro ut *Bartholomæo*, *Alexandræ Filiae*, *Mars. Ficino*, *Ang. Politiano*, *Christ. Landino*, doctissimis viris me ac nos omnes plurimum commendatos reddas.

AD VIROS CLARISSIMOS
OLIGERUM JACOBÆUM
GASPARUM ET CHRISTOPHORUM
BARTHOLINOS

THOMÆ FILIOS.

Præcipuas *Europæi* Orbis partes invisentes.


EPIGRAMMA.

Ἄνδρες μὴ μέτεται ἡγεῖν καὶ πάντα γινώσκειν
Οἷσιν δῶκε καλῶς παντοκράτειρα φύσις.
Ὅργανα οἷς πάσης ζωῆς ἐκδηλα πέλονται,
Εἰδέναι ἐς τέρας ἐν μετέπειτα μέλη.
Εὐρώπῳ τε γένει τε ὅλῳ διδοῦσθε, πολλὰ
Εἰδέτε ἀνθρώπων ἄετα, γινώτε νόον.
Ἐς Γ' ὥμιλ' δὲ μάλιν' ἐλθόντες παμδασίλειαν,
Φαίδιμον ἐπ' ἀλόφῳ πᾶν ἐφορᾶτε πόλει.
Ὡς δὲ γὰρ ἐμπείρους ὑμᾶς καλέσουσιν ἅπαντες
Ὡς μικροκοσμοῦ ἔχει, ὡς μακροκοσμοῦ ἔχει.

*Joseph de Juliis Vaticanæ Bibliothecæ Scriptoris
Græci, & in Collegio Urbano de Propaganda
Fide Græcarum Literarum Professoris.*



Coronidis loco hic additur tota series Familiae SCALÆ, a Cl. V.
Bernardo Benvenuti amicè communicata.



Altera Tabula seriei Familiae SCALÆ a C. V. Bernardo Benvenuti amicè
communicata.



Imprimatur,
Si videbitur Reverendiss. P. Mag. Sac. Palatii Apostolici.
J. de Angelis Archiepisc. Urbin. Viceg.
Imprimatur,
Fr. Raimundus Capisucchius, Sacri Palatii Apostolici Mag. Ord. Præd.

BARTHO



BARTHOLOMÆI SCALÆ EQUITIS FLORENTINI, HISTORIA FLORENTINORUM.

PROOEMIUM.

Multi profecto laboris, at gloriæ non multæ videtur esse historiam scribere. Quippe ubi præter rerum meram explicationem nihil sit tuum, ac si quid insit errati, facile te arguant legentes, laudem vero ab auctoribus ad res libenter transferant. Cæteris in artibus ad hoc, quantum velis, valet arbitrium, atque evagari tibi tuo modo licet, si quid novi adferas admirantur, sæpe etiam cum alii invenerint. Tu si ve ea quid expoliveris si ve tradideris scriptis tuis paulo elegantius, solidam ipse gloriam retuleris. Rerum modo auctores, & qui aliena duntaxat mandant literis, quique non inventas a se modos res, sed planè ab aliis etiam gestas persequuntur, dum ignobiliorem verborum consecrantur partem, (nullus est enim qui non anteferenda dictis facta putet) decoris primi & commendationis ejus, quæ ex rebus est, dignitate carent. Ad laborem autem scribendi si reperiendarum quoque rerum difficilior opera accesserit, quæ vel non extent unde sumas, quæ a nostra memoria & cognitione recesserunt, vel quæ notata reperias ordinem non servant ullum, neque modum temporis, loci, rerum, personarum, aut neglecta penitus, aut certè quæ confusa quæque incerta ratione scribendi, quid excogitari potest negotiosius? quodque majore cum periculo famæ nominisque tui aggrediaris? Da Leonardo Aretino, qui primus Florentinam historiam totam propè tenebris doctioribus hominibus, quemadmodum quidem potuit, cognoscendam dedit; Da Poggio, qui & ipse in commune pro virili laboravit, Antiatem aliquem aut pictorem, aut alios innumerabiles clarosque auctores, quos sequantur, minus, mihi crede, Livianam tu in iis diligentiam facundiamque desiderabis. Nostræ, arbitror, res magnæ sane ac memorabiles fuerunt, sed aut injuria temporum, aut hominum nostrorum negligentia, antiquiora præsertim, majori ex parte periere. Igitur nihil ab officio meo alienum me facturum putem, si & ipse pro viribus meis confirmaro atque auxero eorum qui ante me scripserunt, industriam. Id certè spero me ex hoc meo labore vel sine invidia consecuturum, dum invigilo his scriptis, dum enitor, ut minus obscura minusque incompta sua legant cives mei; studium ut saltem, & diligentiam, ubi cætera desint, non desiderent. Fit autem natura, ut amet sua magis quisque quam aliena, quæ quamvis & ipsa studiosè leguntur, præsertim scripta decenter, ut est genus humanum natura cognoscendi avidum, tamen plus esse in his momenti, quæ plus amamus, solet, si ve de virtute, si ve de vitiis habenda otatio sit. Atque illud in historia primum est; quidquid agas, si ve id publicum, si ve sit privatum, rerum omnium suppeditabit exempla, quidque melius factu sit, quod etiam supra res humanas invenirem laboriosissimum, percommode ostendet. Tria enim deliberanti occurrunt tempora, in quibus nisi antea actarum rerum ratio subveniat, quæ tota posita in exemplis est rerum gestarum, fælicitati rectius veritas, faba si utiliter ceciderit. Cujus quidem mihi jam numen implorandum est per invia incertaque vadenti rimantique omnia, ut iter hinc mihi quoque, si qua possim, ad juvandum genus humanum parem.

Verum quæ jam de civitatis primordiis nominisque diversitate traduntur, ea varia sunt & inanibus pleraque fabulis quam historiæ similiora. Nobis in animo est in tanta rerum inopia, nihil, quod usquam inventum sit, non apponere; pauca omnino asserere, quo minus pro se quisque legens judicet in rebus, si quando hi, unde haurire & nos hæc oportet, animum in diversum trahent, usque ad ea tempora, in quibus & magis certi auctores, & res jam minus minusque positæ in ambiguo erunt.

LIBER PRIMUS.

Fama est & quidem pervulgata a Fesulanis Florentiam primum habuisse originem; eam vero gentem antiquissimam esse, constat, ut cum luna simul, quod Græci de Arcadibus scribunt, esse se

B. Scala. A or-

ortos arbitrentur. Cujus etiam rei afferunt testimonium nascentis ferè lunæ insigne perquam vetustissimum. Sed cum urbe jam moenibusque, vix enim parvulæ quædam reliquæ ad hæc tempora perdurant, memoria quoque originis rerum evanuit. Qui enim *Fesulas* ædificaverint; qui primi, qui postremi tenuerint, quasque gesserint res, præter admodum paucas, quas *Romana* Historia ab oblivione vindicat, tam est incognitum quam investigabile; vetustas enim edacissima rerum pestis omnia absumpsit. Nonnullæ tamen fabulæ feruntur, *Atlantem* quendam cum ex *Iberia* olim profugus venisset ad hæc loca conspicuum regionis opportunitatem, in monte *Fesulo*, longo ab exilio, primum constitisse; suspensum deinde animi ubi positurus esset sedem, laborumque viæ finem habiturus, incidisse medio fere die, dum regionis saltus lustraret, in advenam fortè profugum leonem, cum vero, quod ex æstu laboreque fugæ, nam diutius venatores per silvam infectati fuerant, vix fessum corpus traheret, supplici & oranti similem ad pedes procubuisse hominis. Hic ergo, cum venisset *Atlanti* in mentem Oraculi, quod hujusmodi domi acceperat abire parans:

*Ibis & inde locum statues, ubi fata jubebunt,
Sed non ante tibi dabitur, quo sistere possis,
Quam mollire queas & vincere corda ferarum*

civitatem contididisse appellasque ex vetusto montis nomine *Fesulas*. Mos certè nobis traditus, deinde a Patribus publicè in caveis servandi nutriendique leones auctoritatem fabulæ facit; & regnasse *Atlantem* in *Italia* nonnulli nobiles auctores dicunt. Ab *Jacio* etiam *Dardani* fratre sunt, qui ejus urbis ducant primordia annis fere mille quadringentis ante *Christi* adventum atque annis propè centum priusquam *Atlas* in *Italiam* venisset, ut historiarum *Græcorum* tradunt. A *Romanis* alii conditam urbem *Florentiam* putant, & *Syllanos* milites, postquam & agris & urbe *Fesulanorum* sunt potiti, descendisse in planitiem aspernatos montis asperitatem atque ædificare cæpisse urbem inter *Munionem* *Arnum*que fluentia, deduxisse autem militum coloniam *Fesulas* *Syllam* Dictatorem constat, paulo post sociale bellum quod *Fesulani* & ipsi rem *Romanam* deseruissent. Sunt qui existiment mixtum genus esse *Fesulanorum Romanorum*que. Mercatus certè fuit ad imum montis ubi nunc urbs est. Illic commodi & negotiationis gratia *Fesulanos* multo etiam ante deductam a *Sylla* coloniam domos struxisse, diverforia item & tabernas ad mercati usum. Vicus jam erat quidam & *Syllani* amoenitate loci allekti eum auxere, atque exornare ædificiis, posteaquam *Fesulas* tenuere. Quod autem multi illuc mortales ad negotiandum continuo convenirent, montis incolæ paulatim cum ea commoda sensissent communi consilio commigrantes circumdare muro & fossâ eum pagum statuerunt. Longiora vero atque ampliora spatia sunt complexi, quam pro mercati ædificiis necesse foret. Præteritum fuit ad *Munionis* ripam, omni florum genere, sed præcipuè liliis fecundissimum. Erat autem anni tempus vernum, quo omnia florent frondentque. Id verò tum includi muro placuit, quod non est modo ad urbis novæ ornatum, verum etiam quia augurium inde fuit florentem fore eam civitatem, quæ id anni tempus inter odores, quos lilia multos suavissimosque efflarent, atque arridente vere primordia acciperet. Vnde & nomen inditum novæ urbi, & liliæ ad hæc usque tempora acceptum insigne. Sunt etiam qui dicant *Romanos*, *Fesulas* ob socialis belli noxam deletis, decreto *Senatus* urbem extrui curavisse, quam suis ejectæ moenibus reliquæ incolerent *Fesulanorum* admixtæ

Romanis coloniis: & *Romulam* eam primum nominavisse per *Romæ* nominis diminutionem. Vulgatus tamen est, quod de floribus tradunt; & mercatum fuisse, ubi primum condita *Florentia* est, vero simile facit per omnia tempora mercaturæ *Florentinæ* studium, quo quidem inter *Italice* populos facillè semper excellit seminis sui atque originis servata natura. Non desunt qui asserant a *6* *Florino* Duce *Romano* appellatam, qui *Fesulis* pugnando interiit, quod is auctor sæpe *Fesulanis* fuerit migrandi inde in planitiem, quo esset auctori honos id nomen. Non præterierim hoc loco, quod quidam doctiores putant non a *Florino*, aut a floribus appellatam fuisse initio Urbem, sed a *Flora*, quod nomen urbi *Romæ*. Tertium in sacris fuit, ut unde genus esset, haberet etiam denominationem. Est tamen & alia de primordiis hujus urbis nomineque opinio, adeo in rebus hujusmodi aliquid invenire certi difficile est, dum pro se quisque asserere quid novi contendit, ubi veritas in occulto latet: Missum a Patribus *Cæsarem* cum, qui postea perpetuus Dictator fuit, vicisse atque evertisse quondam *Fesulas*, quod fuerint *Fesulani* *Capitularias* secuti partes. Ejectis autem sub monte locum ad inhabitandum datum, factamque potestatem ædificandæ novæ urbis, quam appellarunt in sui honorem nominis *Cæsaream*; quod calumniandi *Cæsaris* occasionem *Romæ* fecit multis qui virtuti æmularentur, & pro *Cæsarea* ex hoc decretum, ut a profluente *Arno* *Fluentia* vocaretur. Mutatum vero inde nomen, inditumque a re cum florere adeo Civitas cepisset. *Plinius* certe gravis auctor profluenti *Arno* *Fluentinos* apppositos testatur. Utcunque autem res varia sit apud Scriptores rerum, ac propter vetustatem etiam conversa in fabulam, constantior fama est *Florentinorum* gentem ducere genus a *Romanis*. Multæ id res declarant, & imprimis forma nascentis urbis, quantum parvæ res imitari magnas possunt, similitudinem molium *Romanarum* referentis, unde sunt aquæ magnis continuatissime fornicibus de septimo lapide & *Amarina* flumine ductæ in urbem. Neque enim satis salubres aut suaves potu esse illic, quæ scaturirent, poterant, cum nondum factis purgata regione facile silvestria loca inundarentur pluviis, & in paludis modum sæpe depressioribus in locis stagnaret unda, atque inde limo & cæno corrupti humoris contagium ad omnes prope convicinas partes per occultos terræ meatus diffunderet. Ad *Signinam* quoque, via *Pisana* id oppidum est, obicem *Arno* Flumini fuisse quidam tradunt, *Golfolinam* vocant, ubi scalpellis & multa vi quondam disfractus lapis depressiorem alveum flumini fecit, qui antea cum fluxum impediret aquarum, multum spatii; ut in plano loco, reddiderat paludem. Quod & *Livius* videtur attestari, cum maturantem *Romam Hannibalem* propioram viam per paludem petisse scribit, qua fluvius *Arnus* per eos dies solito magis inundaverat; Et cum properantem in se *Flaminium* ferocem Consulenti per exploratores cognovisset, quod ejus temeritatem augeret, lava relicto hoste *Fesulas* petiit medio *Etruriæ* agro prædatum profectus. Sunt tamen qui ornatus duntaxat causa, ut hac etiam in re *Romæ* ædificia æmularentur, excitatos fuisse hos aquæductus putant. Physici certè hujusmodi multo quam puteorum latices salubriores rentur. Eorum post tot annos non vestigia modò, sed mirandæ reliquæ extant extra portam *Fluentiam*, quæ & quod inde influent aquæ in civitatem, nomen accepit, arbitror ad *Flumentanæ*, quæ *Romæ* est, portæ similitudinem; & locus, unde primum effluerent erumperentque in apertum, caput aquæ nunc dicitur. Neque verò hinc precul *Thermarum* monumentum est, ut ad alteram quoque urbis

urbis partem theatri clarissima apparent documenta, ubi nunc *Perusia* sunt & *Benvenuta* & *Risalia* ædes magnitudinem ac figuram illius facile representantes. Quod enim rotunda spectaculi forma fuit, parietes domorum quidam præter privatum ædificandi morem surgunt in orbem, & quidem multo crassiores quam privatis par est ædificiis. Ad vetus quoque forum ædicula est *Mariæ* genitricis, quæ a *Capitolio* nomen habet. Ut hinc etiam conjectura haud ambigua sit, inter primas urbis moles *Capitolium* quoque juxta forumque fuisse, ut *Capitolium* forumque *Romæ* fuit. In primis verò habitam Religionis curam, insigni ornatu Templum, quod *Marti* auctori generis sui dicaverunt, clarè ostendit, simul quæ jam a principio opes fuerint nobilitasque civitatis. Maximi enim ut constiterit necesse est. Structura namque omnis ad hoc quod eruditi ingenium architecti refert, quod ajunt in ædificando primum, exteriores interioresque crustas ex vario marmore totas habet. Nam duntaxat ex omnibus, quos supra diximus, ædificiis, quæ varia fortuna aut vetustate perire, id templum ad nostram usque ætatem incorruptum manet. Tantummodo cum excrevisset tellus ruinis quondam, ut arbitror, eorum, quæ circumfuerunt, ædificiorum, solumque altius esset factum, gradus qui ferebant in Templum, & basium partem deglutivit; æquavitque *Areæ*, quæ circum est tota deinde quadrato strata lapide, Templi fores, quæ olim supra gradus a solo procul dignitatem præ se majorem atque auctoritatem videbantur asserre. Quanquam his olim hic ornatus non fuerit, qui modo adeo insignis cernitur, ut nihil ferè universa in urbe pulchrius spectetur; ex solido constant ære ac deaurato, cælaturaque admirabili, *Laurentius* paulo ante *Bartholucius* perfecit; cui etiam ab his foribus cognomentum populus dedit, ut cum opere simul auctoris quoque nomen posteritati commendarent. Opus multo antea *Andreas Pisanus* inceperat sculptura sua ætate insignis. Quatuor portæ principio fuerunt, altera quæ occidentem spectaret solem, ubi nunc Ara est & sacrorum locus regione ejus quæ ad auroram versa est, ab ea verò parte mutata templi forma est per *Constantini* tempora, cum primum *Christianis* coli Deus Sacris coepit. Tertia fuit porta ad meridiem, Quarta ad Aquilonem, omnes autem modo *Bartholucii* claræ insignesque industria. Templum ipsum octo exsurgit angulis decoram in altitudinem. Columnæ sunt in Templo diverso lapide ingentes, & deambulatur super Columnas. Testudo musivo admiranda artificio, cisi id recentius populi opus est, omnem molem magnificentissimè contegit, pavementum quoque non minorem splendorem affert omne vermiculato marmoreo opere complanatum. Postea verò quam acceptus est in urbem *Christus* Salvator, quod antea *Marti* dicatum fuit, *Joannis* deinde *Baptistæ* Templum est, & lavacri *Christiani* Sacra fontes in eo instituti, & ipsi ornatu quodam excellenti, ne quid in Templo conspiceretur, quo reliquo ab ornamento dissentiret. In medio super Columnam Simulachrum *Martis* fuit sedentis in equo, quod deinde in veterem pontem receptis *Christianorum* sacris transulere. Fama erat tradita a Patribus cum simulachro permanfuram urbem ejusque fatum cum simulachri quoque fato contineri. Quapropter amotum templo ob religionem servari celebri loco placuit. *Joannes* autem is est, de quo scriptum est quod inter natos mulierum major non surrexit, cujusque apud omnes Gentēs excellentissima est fama sanctitatis. Hunc placuit potissimum delegisse ex omnibus Cœliculis, cui amoto *Marte* traderent Civitatis patrociniū, cum primum nova religio irrepsit in urbem ac ri-

A tu *Christiano* sacrificari ceptum est; Eum vero id digitum, quo solitus vivens erat commonstrare Salvatorem, omni orbe conquistum huc detulerunt, qui & monstratur per dies solennes populo adorante. Quanquam de sepultura & corpore hujus multiplex variaque opinio sit apud rerum auctores, ac diversis in locis, tum caput, tum aliæ ejus reliquæ corporis ostenduntur. Ferunt enim avulsa quandoque a Sepulchro ossa, quod ea inde quoque miris multis profiterentur *Christum* dispersa fuisse a *Judeis* passim per agros, & rursum collecta & redacta in cineres, jactataque in ventos, cum sic quoque attestari miraculis Salvatore non cessarent, sed dum investigarentur ex spectatoribus ejus quosdam accurrisse, ac subtraxisse furtim nonnulla incendio, inter quæ præmonstrator hic digitus servatus divino tandem ad nos munere pervenit. *Joannes* autem *Villanus* auctor est horum ædificiorum curam Civibus *Romanis* fuisse a Senatu delatam ut singuli præessent singulis, sicque ortum de celeritate perficiendi deque ornatu & magnificentia inter eos certamen brevius multò absolvit cuncta & ita urbem exornavit, ut jam a primordiis nobilitatem ædificiorum cum vetustioribus, nec vanè quidem, potuerit comparare. Initia urbis a *Roma* condita annis sexcentis & octoginta duobus fuisse idem affirmat, ante *Christi* verò ortum septuaginta. *Matthæus* verò *Palmerius* a *Romæ* incunabulis sexcentos & sexaginta sex annos computat. Ab urbis verò hujus principio ad *Julii Cæsaris* dictaturam unum & quadraginta, atque a dictatura ad *Iesum Christum* quadraginta septem, qui collecti numerum conficiunt octoginta octo annorum. Primæ contentiones cum *Fesulanis* fuerunt. Per civiles enim *Romanorum* discordias occasionem nacti quidam cum redissent *Fesulas*, illic habitaverunt, multique eo sui generis accitis brevi speciem urbis quandam restaurare; Ex omni item colluvione sceleratorum, quorum ingens turba per *Italiam* tunc fuit, ut illæ temporum conditiones ferebant, tanquam in asylum quoddam multi confluxere. Et quod munitus natura locus esset, tutos se fore, qui illuc refugerent, sperabant. Cui autem *Pompeji* partibus favebant, *Cæsari* everfori urbis ejus adversantes. *Florentia* verò auctoris ac conditoris sui causam præferebat. Hinc ortum bellum est, & varia victoria centum ferme annos certatum a duobus ita vicinis populis & quidem studio multo majore quam viribus, atque in tenui fortuna haud tenuis tamen animorum ferocia obstinatioque permansit. Cessere tandem *Fesulani* victi acie victoresque rursum habitatoribus exspoliaverunt urbem, & evertere mœnia. Quæ illi conditio mansit ad *Totile* usque *Gothorum* Regis tempora. Is vero cum & multas præterea in *Italia* urbes afflisset, diruit hanc quoque a fundamentis ut plerique asserunt scriptores, & hoc paulo post loco suo explicabimus. Hujus ruinæ urbis, quæ sic prostrata trecentos ferme annos jacuit, veterem *Fesulanorum* æmulationem excitavere. Quotquot inventi ubique sunt locorum, quibus antiqua esset tradita a progenitoribus patriæ aliqua memoria, *Fesulum* in montem convenerunt, & auxere multitudinem reliquæ quoque si quæ *Totile* manus & urbis incendium effugissent *Florentinorum*. Ita *Fesulæ* per occasionem deletæ vicinæ urbis tertium restaurantur. Sed cum *Carolus* deinde *Pipini* Filius cognomento *Magnus Gallorum* Rex *Romanorum* Imperator instaurari quoque *Florentiam* decrevisset, de quo post dicemus, *Fesulani* primum rem turbare adorti, cum tamen frustra conatus fuissent, *Florentia* verò jam confirmasset vires, de imperio tandem & fortunis omnibus ad postremum usque, ut ajunt, spiritum decertatum est. Nulla

tamen inter eos memorabilis pugna fertur, etsi in portas ob propinquitatem utrique victi invicem & victores quotidie prope insultarent; multitudine, qua anteibant, atque opibus *Florentini* sese cohortantes, munitione verò loci desuper invadendi commoditatem suppeditante *Fesulani* superbientes. Ad id tandem res redierat, ut desperata in perpetuum concordia, aut cessatio ab armis nulla unquam foret, aut alter vel quocunque modo alterum populum seu vi seu precario ad se traduceret. Igitur vi magis acta res: Et per diem solemnem, is erat festus *Romuli* dies, adortus *Fesulanum Florentinus* oscitantem penè & saturum devicit. *Romulus* autem Pontifex *Fesulanus* fuit ingenti fama sanctitatis. Qui cum immaculata vita functus esset, & divinos assequutus honores, *Fesulani* anniversarium illi sacrum statuerunt, nominis maximè moti amore ob *Romæ* urbis conditorem, quod cum advenisset & multitudo ex agris vicinisque regionibus de more confluxisset & sacris, securiores quam belli natura ferret, darent omnes operam sine pace sine induciis, sed fessi magis defatigatique longioris certaminis tædio, quasi elanguisset belli furor, pacatorum species quædam videri poterat, quod *Fesulanos* die festo suo negligentiores fecit. Cum ergo paterent urbis portæ paucis, atque his quidem somno jam gravibus & vino, custodibus, & medius jam ferè dies esset, sacris peractis in domos quique & diversoria epulatum abierant. Cumque jam pleni essent, & inter æstivos calores distincti umbras captarent, & indulgerent somnis, ex composito *Florentinorum* Juvenum manus, qui & ipsi quasi ad sacra convenerant, ingenti excitato tumultu ac clamore, urbem turbant. Ad eas verò exciti voces multi conscii insidiarum ex propinquo confurgunt. Ita armati portas nullo repugnante ingressi per mœnia discurrent perterritis tam subito atque improvise malo civibus; peregrinis autem, qui multi convenerant, in nullam tumultus partem venientibus, qui partim capto fugiendi consilio domos intacti abiere, partim omnis expertes periculi otiosos se spectatores præbuerunt. *Fesulani* autem re cognita repugnare primum & tutari urbis mœnia venit in mentem. Mox ubi prævalere hostem & tenere urbis jam omnes portas viasque & templa, accinctosque illos & probè instructos armis, se verò turbatos fereque exanimatos metu animadvertere, desperata pugna in arcem, ut inde saltem difficiliorem victoriam hosti facerent, confugiunt. In vertice autem summo montis arx fuit locœditissimo urbis munitissimoque, cæterum præarcto admodum atque impedito aditu. Ita cum concursus multo major fieret, quam qui tam angusta via accipi posset, eodem enim viri, mulieres, pueri, senes contendebant, tumultus & ab arce exoritur. Quod, qui postremi erant, sentientes, teneri ab hoste arcem quoque jam rati, per abrupta quoque & præcipientes descensus, ut cuique oblata fortuna fuit, diffugere. Multi inter conandum, dum ad arcem properant, urgente turba oberiti, atque ex his quoque qui salutem per invios saltus quærirant. Plerique, dum alterum urget alter, corruentes, disfractis corporibus interiire. Jam tota ubique urbe trepidari, planctusque & mulieres passim ululantes exaudiri. *Florentiæ* quoque principio nonnihil trepidatum constat, dum ob vicinitatem audiuntur horrendi illi miserandique clamores, & necdum, quæ fortuna esset suorum, percipissent. Ab omni humano sanguine victor abstinuit. Nisi enim quis ferocius repugnasset, aut aliquis casus vitam ademisset, integri omnes inviolatique fuerunt. Pudicitia quoque ubique intacta mansit, & jam *Florentinus* omnibus in locis victor stabat. *Fesulani* quoque cum parsum san-

guini vidissent, neque bacchatum in pudicitiam minus jam minusque feroces erant. Hic ergo dux *Florentinus* ponere arma *Fesulanos* jubet, & vocatis in *Romuli* Templum Senatoribus & primoribus Civitatis ex alto atque unde excipi ejus oratio latius posset, sic fatus dicitur: *Romulum* testamur Martemque *Fesulani* duos auctores nostri generis, neque nos modo ad delendam stirpem vestram advenisse, neque id unquam atimui fuisse nobis ut injuriam aut vim esse illatam voluerimus. Meminimus quondam cum irati vobis *Romani*, quod *Catilinarios* exercitus suscepissetis, bellum intulissent, eiecissentque urbe, communem putavisse nos illam sortem, reque nostra rem juvisse vestram, nullamque *Florentiæ* domum, etsi pertenuis tunc fortuna, ut vos scitis, nostra fuit, non patuisse vobis, ut fama sit, atque id nonnulli auctores verum pro certo confirmant a vobis ejectis olim ædificatam *Florentiam*. Plerique certè in communione accepti populum nostrum mœniaque auxerunt. Quin etiam nullo habitus discrimine est *Florentinus* & *Fesulanus*. Per varia deinde tempora, etsi multiplices ac diversi sæpe fuerunt rerum exitus, animus tamen erga vos noster incommutatus stetit. Vicinitas enim mœnium deque Imperio certamen nutrivere inter nos discordias, non tamen delere potuerunt, quæ natura utrique nostrum est inter nos, conjunctionem. Sæpe inter se Pater cum nato, Frater cum Fratre, cum uxore vir disceptare. Sed reditus in gratiam minime negotiosus fuit, disceptandi causa sublata e medio. Nos quoque quantum ipse verè video, non ut vos perdamus, certamus vobiscum, sed ubi Imperii sedes sit utriusque populi contendimus. Vos istæ montanæ asperitates, nos latiores campi magisque uberes delectant. Quæ quidem animorum diversitates, ut diutius ludibrio vicinis nostris prædæque simus, faciunt, dum ex fidissimis amicis inimicissimi efficimur; dum totiens bellum gerimus totiens pacem aut inducias componimus aut ferimus foedus, dum etiam his neglectis & pace violata tanta rabies invasit nonnunquam; rursus capimus vesana arma, donec tædio affecti rerum nostrarum & effæti viribus haud pacatis animis aliquamdiu quiescimus, ad easdem redituri artes cum primum per resumptas vires licuisset. Istius ergo tam diuturni obstinatique dissidii quæso tandem qui finis fuit futurus facile cogitatu est, *Fesulani*. Imperium profecto, de quo tota pugna exitit, ut utrique amitteremus, aliquando fuit necesse. Quod & *Æsopi* quoque ille milvii bellus apologus admonere facile, si sana mente simus, potest. Nihil est enim tam firmum, quin labascit discordia, & contentione pereat. Alterum e duobus tam vicinis populis imperasse oportuit. Nostra fuit fors melior & quidem diis approbantibus, qui vos modo sine foedere sine induciis sine pacto ullo nobiscum humano, quod ita securos reddidisse debuerit, adeo otiosos fiverint, nobis verò portas aperuerint animosque fecerint ac subministrarint ad invadendum opem. Imprimis autem *Romulum* quoque ipsum, cui hodie agitur solemnis dies quique tutelam recepit, ut vos putatis, urbis hujus, haud adversatum fuisse credendum est. Potuit enim excitare vos atque admonere veterum æmulationum, ut si non armati die festo, tamen magis cauti fueritis. Potuit externam multitudinem, qua urbs agerque 16 vester completus paulo ante fuit, irritare in invasores. At illi, videte quo pacto partim fugerunt, partim tanquam ad se nihil ea res pertineret, omnis ubique exsortes certaminis quievit. Potuit tandem & nobis dare aliam mentem & retinere domi, nec injicere in animos nostros hunc tantum hodie furem vindicandi per hanc Statorum occasio-

caſionem noſmet in libertatem, ut multos annos retinuit, eſſi eadem cupido ſemper fuit idemque metus, ne ambo propter has diſcordias alienigenis aliquando libertate amiſſa ſerviremus. Sed ſunt proſecto, ut cæterarum quoque rerum, ita & urbium atque Imperiorum certa tempora. Antehac ſuperis haud viſum eſt modum facere contentionibus noſtris; & auferre e diſcordiæ faucibus noſtram libertatem, quæ proculdubio talibus ſtudiis animiſque duratura parum fuit. Ergo faciles modo volentesque venite *Fefulani* in voluntatem deorum, quibus certè fuit hodierno die curæ noſtra ſalus. Opus eſt autem primum, unam ut mentem unumque animum faciamus e duobus. Et vos patriæ caritatem ab his montanis aſperitatibus, ab his deviſtis mænibus ad fertiliores campos ad mænia noſtra transferatis, quæ non minus veſtra poſthac futura ſunt: Atque ubi nihilominus commode minusque honeſte vivatis cum familia & penatibus, quam hic hæcenus in veſtra patria vixeritis. Excepta eſt magno applauſu a *Florentinis* hæc Ducis oratio. *Fefulani* quoque minus multo ex eo moleſta facta eſt de ſua urbe & patria in alienam commigratio. Triduum deinde datum ad res ſuas cuique efferendas. Inde diruta a ſtirpe publica privataque ædificia præter templa nobiliora. *Florentini* tandem precati Deos patrios, ne eam ſibi rem noxiè verterent, eos quoque feretro impoſitos cum rebus cæteris præſtoribus præeunte multitudine *Fefulanorum*, triumphantium more, *Florentiam* redierunt. Ad medium ferè montis populus cum magiſtratibus, & ſacerdotes cum infulis ſacrisque effuſi obviam exceperunt victores; Sicque dicentes carmina & canentes hymnos ingenti cum læticia in urbem reducere. Ut verò primum Senatus coivit, data Civitas omnibus *Fefulani* inſigneque unum factum ex *Fefulano Florentino*que inſigni. Arcem ſunt qui aſſerant non veniſſe tunc in poteſtatem; ſed ad aliquod poſtea tempus reſtituiſſe, & latronum factam tandem receptaculum, qui diu omnem regionem infeſtam reddiderint. Hæc ferè ſunt quæ de primordiis duarum harum urbium, deque rebus bello paceque geſtis traduntur, quæ qualiacunque ſint juvat appoſuiſſe, ne quid, quod auctorem habeat, prætermitteremus. Qua quidem in re ſi viſa fuerint aſperiora quædam minusque ſcripta diligenter, quam & temporum annotationes, & eorum qui gerendis rebus præſuerunt, nomina ſæpe deſiderarentur, puto dabunt modèſti lectores nec imperiti rerum, antiquitati quoque urbis huius hanc veniam, ut vel quocunque modo, quæ de Origine ferantur & ipſi conſuetæ licentia explicaverimus. Vix enim invenias cuius non vetuſtioris cuiusque conſuſa, & fabuloſa origo urbis ſit ex hac potiſſimum, ut opinor, cauſa quod pleræque omnes civitates parvis ortæ initiis majores ſe gerere res principio non potuerunt, dignasque quas boni rerum ſcriptores commendarent literis ignari rerum futurarum, dum eas pro ſe quiſque proſequitur, quæ nobilitate & magnitudine ſua illuſtrare magis hiftoriam poſſint. Quæ quidem cum deinde excreverint in excellentes amplitudines, tum verò quia res maxime geruntur, principia quoque earum exquirant diligentius, addentes & his quæ olim erant neglecta ob ignobilitatem, propter præſentem deinde claramque fortunam literarum & memoriæ honorem, ut diligentiffimi etiam gravesque auctores in Civitatum primordiis, aut curioſi nimis leviſque dum etiam fabulas perſequuntur; aut dum evitare id ſtudent negligentes nimirum, aut ignari ſæpe antiquitatis fuiſſe videantur. Nos quoque hæc modèſtis ſcripſimus potiſſimum imitati *Dionyſium Halicarnaſſeum* & *Plutarchum*, qui de ur-

A bis *Romæ* origine tam multiplicia ſcripſere. Nunc redeo ad hiftoriæ ordinem, *Fefulanorum* rebus explicatis, quas plus habituras voluptatis exiſtimavi ac luciditatis, ſi in unum collectæ quam ſi ſparſim diverſis locis, ut diverſis ſunt geſtæ temporibus, ſcriberentur. Per prima igitur initia cum eſſent rerum ferè omnium domini *Romani*, parerentque illis populi ubique & nationes, *Florentia* quoque *Romanos* magiſtratus admittebat; quaſque illi darent leges ſuſcipiebat; eaſque ſervabat. Nec ulla noſtra res memorabilis præter *Fefulanas*; atque eas quidem pertenues, geſta traditur, & ſi maxime omnium quæ unquam legantur per ea tempora acciderent uſque ad *Frederici* Secundi mortem; unde plerique rerum *Florentinarum* ſcriptores initium ſumpſerunt; illa prætereuntes, quæ ad eam, quam ſuſcepiſſent prævinciam, parum pertinere arbitrantur. Quod & nos ſecuti exemplum, ne aliena miſcendo cum noſtris minus dilucida reddamus; narrationem taciti præteribimus; neque tamen; ſi qua dexter aliquis caſus rerum ad nos uſque priſcarum pertulerit diligentiffimè perveſtigata, his ſcriptis non interſeremus. Quod & ſi qui ante me *Florentinas* res geſtas ſcripſerunt majore ex parte neglexere ob rerum, ut arbitror, rependiendarum difficultatem. Non tamen præterea quæ 19 multo ſunt a me labore conquiſita meo non apponentur; reſenim haudquaquam indigna viſa eſt quæ a me impræſentia ſuſcipiatur ſcripturo res noſtras terra marique a condita urbe geſtas, eſſi per longiſſima intervalla temporum manca hiftoria claudaque intercedat. Igitur ſeptuaginta, ſive ut *Palmerio* placet octo & octoginta, qui inter conditam urbem & Salvatoris ad nos adventum ceſſere annis, dum pace omnes ferè gentes fruuntur, qui urbem condiderunt, vacui curis quibuſque cæteris intentique privatis extruendis atque ornandis ædificiis, civitatem illuſtravere. Neque uſque ad *Decii* Imperatoris tempora dignum quid inveni, quod quidem ad nos pertineret, quod huic putarem operi eſſe interſerendum; hic verò cum & *Florentiam* quoque, *Villano* auctore, aliquando diverſiſſet de *Miniate* qui extra muros *Florentiæ* in nemore habitaret, deque *Creſcio*, qui *Mucellanis* in deſertis ſupplicium ſumpſit, ambo divinos aſſecuti honores, *Miniatem* ferunt reciſum caput ſuum ferentem manibus veniſſe in tumultum urbi imminentem, qui deinde ab eo *Minias* cum porta quoque vocatur illicque concidiſſe ubi nunc *Miniatæ* templum eſt marmoreum & campanaria turris marmorea excellenti opere. Sacellum verò id fuit, quanquam ignobile, privatum opusculum, deinde, cum fieret indies divinitatis fama celebratior, res publica exornavit, quoque facilior aſſenſus eſſet ad templum, via ſtrata extra *Miniatam* portam in collis uſque verticem, gradusque ex quadrato *Macinio* lapide in ordinem poſiti ita aſperitatem viæ levant, ut ad deambulandi quoque jam voluptatem facti fuiſſe videantur. Per *Constantini* deinde tempora anno ferè trecentefimo, & quatuordecimo a *Chriſti* conceptu, nam nos inde annotationes ſumimus temporum, quamvis a natali ejus die nonnulli, a Baptiſmo alii, quidam 20 a Cruce ejus commemorant, noſtra Civitas conceptum recepit, quod quidem & nos, cum ſignanda erunt tempora, obſervabimus. *Constantino* igitur Imperatore *Chriſtiani*, qui antea delituerant, plerique pœnarum & mortis metu, egreſſi e latebris prodire in publicum cœperunt, *Chriſtum*que habere in propatulo. Tunc etiam primum *Florentiæ*, more *Chriſtiano* ſacrificatum & pro *Marte Chriſto* adoratus. *Zenobius* nobili familia *Hieronimorum* quem poſtea inter divos retulerunt anno ferè decimo ſeptimo *Constantini*, qui fuit *Chriſti* trecentefimus primus & trigefimus,

natus fertur, qui fuit urbis nostræ Episcopus, atque in hunc usque diem colitur divinis Sacris. Ejus cum efferretur ad sepulturam cadaver atque in ulmum aridam incidisset, ferunt arborem subito floruisse; In ejus rei monumentum columna extat marmorea ad baptisterii aream & in ea incisæ literæ miraculum testantes. In quo quidem cum re nomen quoque immutatum constat, & pro *Romano* hoc occidentale, illud orientis imperium appellatum est, & quidem pessimis initiis auguriisque. Namque ita divisæ vires non jam cum hoste & barbaris, sed ipse plerumque inter se crudelius etiam quam cum illis hostibus, de vita quoque & sanguine obstinatissime concertantes ad diripiendam perdendamque miserrimis modis *Italiam* patefecerunt viam: quod ego vix queo sine ingenti dolore meminisse, cum tot cladum, tot ruinarum tot incensarum everfarum ac desolatarum urbium venit in mentem. Nam quis etiam lacrimas continere queat miserabileque singultus, cui sit ante oculos *Italia* Regina quondam & domina provinciarum exterarumque omnium regionum. Lugubri jam ac lacero indumento obsita squalida miserisque frustra questibus suorum acclamans auxilium. Cum etiam consternata supplex barbari superbi victoris, victrix ipsa paulo antè omnium gentium, advoluta pedibus misericordiam immitissimo hosti commovere cogitur. Nam quid de *Roma* dicam, in quam unam Civitatem, diis etiam ipsis adjuvantibus cum Imperio simul cuncta totius orbis ornamenta & populorum variæ victoriæ triumphique congesserant, & supremæ felicitatis & gloriæ humanæ reddiderant domicilium? quid de multis præterea claris urbibus, quid de earum splendore atque ornatibus? omnia barbari sævissimi hostes populati sustulerunt, incenderunt, everterunt, ut ne a templis quidem deorum sacrisque rebus temperatum sit. Atque adeo late ruina patuit rerum cunctarum, ut ad literas quoque & bonas artes pervenerit calamitas, atque ingenia cum monumentis omnia pariter deperire. Quæ mala cuncta vel hinc maximè deploranda veniunt. Locus autem admonebat ut de *Gothis* quoque & aliis barbaris, qui *Italiam* quingentos prope annos per varias clades oppressere aliqua percurreremus. Sed eadem nos causa, ne id aggredieremur dehortata est, ne adeo a nostro incepto vagaremur longius nisi ubi necessitas rerum nostrarum, quia erunt mixtæ cum barbaris, aliter adegerit, ut in ea pugna quæ *Fesulis* est feliciter pugnata cum *Vandalis*, in qua plurimum *Florentinorum* opera enituit, fieri necesse est. Nam *Vandali*, qui cum *Germanis* annumerantur populis cum inter se aliquando dissentirent bifariam divisus armis proruperunt in *Gallias Radagaso* qui ad *Fesulas* male pugnavit, ut nunc scribemus, & *Alarico*, qui urbem *Romam* cepit ac diripuit, ducebatur. In eos autem, cum, quocunque advenissent, tanquam procella quædam late vastarent, *Honorius* est profectus & *Stilico* cum reliquis copiis occurrit, exauctorati enim ac destituti stipendio post *Albanasi* Regis eorum interitum, novo creato sibi Rege *Alarico*, in *Pannoniam* primum transivere, ubi *Gothorum* alia quoque manus, ad ducenta milia hi quoque fuisse traduntur Duce eorum *Radagaso*, qui unde advenerit incertum est, *Visigothis* junguntur. Inde moventes per *Illyricum Noricum* que in *Italiam*, diversa tamen fortuna descendunt. *Radagasus Romam* petens, sic enim fama vulgaverat per exercitum, cum esset *Apenninum* transgressus, in hæc loca advenit, ubi cum *Abizantio* usque *Stilico* occurrisset, & *Gothi* per montes castrametarentur, præ multitudine vix, unde alimenta quærerent, angustiae locorum suppeditabant. Duplex hinc fama est. Alii confectum fa-

A me exercitum sine negotio dissipatum seipsum viciisse, ac veluti pecorum gregem venisse omnem in *Stiliconis* potestatem, alii barbaros ad extremam redactos egestatem ut rabidos famelicosque canes descendisse in prælium, victosque acie ad *Fesulas* ad unum omnes vel concidisse gladiis vel captos venisse in victorum manum, *Radagasum* autem Regem, ut fortunam suorum animadvertit fugientem, & ipsum prehensum atque interfectum esse. *Florentinorum* in ea pugna insignis fuit opera. Populariter ad opem ferendam concurrunt comœtibz etiam abunde comportatis. *Zenobium* quoque *Hieronimum* qui Senex jam tum Pontifex erat *Florentinorum* in rem præsentem cum venisset, tradunt & ipsum discursisse pontificalibus insignibus per turmas & opem pollicitum divinam animos atque ardorem excitavisse usque ad extremum victoriæ præliantibus; *Christum* etiam visum per exercitus nostros stricto, quem dextra manu tene-²³ ret, gladio, ipsum purpura indutum bonique Imperatoris fungentem munere. Neque verò tam ea victoria magna fuit, quam & necessaria. Nisi enim ille tunc repressus impetus sit, non de *Roma* modo, quæ primum petebatur, sed de *Italia* quoque nomineque *Christiano* actum ea die fuisse nemo dubitat. Itaque *Florentiæ* plurium dierum supplicationes indictæ, & omnibus Aris sacrificatum, quo tanti divinitus accepti muneris gratiæ haberentur. Signa præterea cuncta ingentis cujusdam atque insolitæ lætitiæ edita. Aliquot dies cessavit ab opere omnis plebs, eosque egit festos & cursus equorum fuit egregio apparatu victorique proposita insignis palma ludos celebres reddidit. Stat & adhuc solemnitas dies quo pugnatum creditur, etsi de eo nonnulli varium opinentur. Mihi verò vel maxime id vero simile facit, non diei modo festi hæc stata sacra lususque quorum profecto alia origo nulla traditur, sed & liberatæ nomen & templum, quod ex ea die liberatrici *Mariæ* dicatum a parvis initiis ad eum splendorem magnitudinemque jam pervenit, ut possit cum quibusque ædificiis de magnificentia atque ornatu contendere. Salvatoris parvum sacellum fuit, ubi deinde tantam molem crexerunt, atque a liberata ea die *Italia* qua esset novo templo nomen indiderunt, quod vario deinde marmore excoluere cubitus ducentos & sexaginta in longitudinem, centum vero ac quinquaginta sex in latitudinem, atque ubi angustior est, sex & sexaginta. Præter cætera admiranda testudo est, cujus cum magnitudo omnem superaret facultatem, ut lignei pontes atque armamenta substrui ad ædificandum quirent, *Philippus Brunelleschius* magno ingenio architectus rationem paulo ante nostram ætatem adinvenit, qua commodissime²⁴ sine lignorum aliquibus adminiculis concluderetur. Nam centro invento signatoque filum a centro duxit ad circumferentias; quod in girum ferens quo ordine, quoque orbe lateres cæmentaque duccenda collocandaque essent a fabris, per parietem terminabat. Quod autem altitudo jam ædificii difficultatem afferebat permagnam ducentorum ea cubitorum est. Si pinnam testudini addideris, quæ triginta sex ipsa complet cubitus, quam modo communi nomine, moti forma, ut reor, vocant *laternam*: Surgit enim in laternæ modum ut comportare materiam possit, simul quod non facile viribus humanis ingentissimi lapides subveherentur in murum quibus, ut constaret colligereturque notatis in partibus testudo, opus erat, modum excogitavit, & quidem magna hominum admiratione, quo facile omnium ponderum marmora mollesque minimo etiam labore sustollerentur. Ob ingenii laudem habitus *Brunelleschii* publicæ sepulturæ honos. Ad dexteroris portæ ingressum marmoreum ejus signum est cum exculto epigrammate quæ

quæ diximus attestante. Epigramma *Carolus Mar-*
lupinus clarus Poëta edidit. Verum enim verò *A-*
laricus cognita sociorum ad *Fesulanos* montes cla-
 de cum & ipse in *Ravennate* agro cum *Stilicone*
 conflisset, dissipavit *Stiliconis* paulo ante victo-
 rem exercitum. Qua elatus fortuna *Romam* petiit
 captamque urbem orbis terrarum olim victricem
 & rerum humanarum insigne exemplum diripue-
 runt, cum annus *Christi* verteretur quadringentē-
 simus & decimus tertius. Postea verò quàm *Rom-*
am *Romulus* ipse *Remus*que frater condidissent
 annos circiter mille centumque & sexaginta quatuor.
 Neque ad everfam usque a *Totila* urbem quicquam
 25 est quod nostræ historiæ conveniat. Sed quoniam
 nominum similitudo sæpe ambiguum reddit nar-
 rationem, dum alterum pro altero accipit nomen,
 de *Attila* quoque brevissima quædam, quo res
 notior fiat, priusquam ad *Totilam* veniamus, in-
 terferemus. Fuit verò *Hunnorum* ex *Attila*, qui
 post *Mundicum* patrem *Rboam*que, & *Ostarem*
 fratres, namque ad hos post *Mundicum*, qui na-
 tu majores essent, regnum pervenerat, cum *Ble-*
da, qui & ipse frater *Attilæ* fuerat patri ac fra-
 tribus superstes, regni gubernacula accepit. Bella-
 cissimus princeps, consilio validus, superbus, in-
 exorabilis, brevi corpore, lato thorace, capite
 grandi, oculis minutoribus & petulcis, rara barba,
 fimo naso fuit. Primum ei prælium cum *Arneptide*
Martiani Legato, qui successit in *Thracia*, cum
 quo haud feliciter pugnavit; Sed paulo post in-
 cautius victoria usum *Arneptidem* *Attila* dolo ag-
 gressus interfecit, sublatoque e medio *Bleda* fra-
 tre ob suspicionem, quod cum *Martiano* sentiret,
 reparato exercitu in *Germaniam* primum, inde in
Galliam trajecit multitudinem *Gepidarum* atque
Ostrogothorum ingentem cum suis Regibus *Adari-*
cino *Valamire*que secum trahens in belli societa-
 tem. Locis, quæcunque adiret, latè vastatis, di-
 reptis, incensis, venit in *Aurelianos*, interea &
Aetius contractis undequaque copiis obviam ad-
 venerat. Hic ex *Mæsa* usque vir adventitius apud
Honorium Romanorum Imperatorem gratia atque
 auctoritate aliquamdiu multum valuit. Dubium
 autem fuisse parumper *Attilam* ferunt; tentanda
 ne foret pugnae fortuna cum *Aetio* cujus virtutem
 formidaret; Consulti ergo de eventu Aruspices
 cum respondissent hostium ducem intenturum cu-
 piditate tollendi e medio *Aetium*; deserta *Aure-*
 26 *lianorum* obsidione properavit in *Vasconiam*, & in
 subacentibus *Tolosæ* campis cum *Romanis* congre-
 ditur. Initium prælii tumultus fecit inter duas po-
 sitas ad depugnandum instructas acies, dum utrin-
 que ad eum occupandum occurritur, tantaque fe-
 rocia geritur res, ut commixtæ turmæ jam prope
 omnes vix quos ferire oporteret, possent digno-
 scere, adeo confusa jam ac prope cæca pugna erat.
 Ad postremum cum inclinasse videri posset pau-
 lum barbarorum acies, *Attila* ad montes prox-
 imos, ubi imbellem omnem multitudinem colloca-
 verat, perfugit, ac pro tempore proque facultate
 communitioribus illic quoque redditis castris, si ni-
 hilominus & his hostes potirentur, in elitellarum
 ad id cumularum congerie se comburi manda-
 vit, ne comminisci ignominiosum quicquam in
 mortui cadaver hostes possent. Qui modestius scri-
 bunt, centum sexaginta quinque pugnatorum mil-
 lia fuisse ea die desiderata hinc atque inde tradunt,
 ad seramque usque noctem pugnatum, atque ex
 tumulo, in quo rem esse gestam constat, in pla-
 num usque cruoris ex vulneribus rivos oblargos
 decurrisse, *Theodoricum* quoque Regem *Gothorum*,
 qui cum *Romanis* pugnat in prælio cæsum fi-
 dem fecisse aruspiciibus prælii finem vaticinatis,
 cum id *Attila*, ut supra dictum est, ambigens in-
 terrogasset, atque hinc jam diversa scriptores tra-

A dunt. Et alii quidem ex prælio *Tholosanis*, ut
 scribit *Antonius Sabellicus*, campis rediisse in *Gal-*
liam placet; aliis traduxisse copias in *Dalmatiam*
 & venisse demum in *Pannoniam*; illisque cum
 comparasset exercitum, de invadenda *Italia* cepis-
 se consilium. *Blondus* ex prælio per *Illyrici* sinus
 oram confirmato exercitu ad *Arsum* flumen &
Tergestinum sinum, id est ad *Italiae* limites adve-
 nisse scriptum reliquit. *Romanus* miles qui ade-
 rat ad tutandos fines missus magnitudine rei ex-27
 territus *Aquilejam* perfugit, quos *Attila* infectat,
 urbem triennio obsedit. Cum vero jam desperata
 victoria esset & solvere obsidionem pararet, ciconiæ
 retinuerunt, quas cum exportare e turribus pul-
 los Rex conspiceretur, vicinus exclamavit commi-
 litones, arsuram urbem & aves illæ præsentiant.
 Ita aggressus majore quam antea nisu expugnavit
 direptamque incendit, in mares in sceminas, in
 omnem ætatem, in sacra etiam & profana trui-
 culentissimus. Prædam non adeo magnam fuisse
 quidam tradunt, quod ad postremum diffisi oppi-
 dani defendi posse mænia diutius quo liberius ipsi
 abire atque efferre pretiosiora saltem inde possent,
 multa armorum simulacra disposuerant per mu-
 ros, ut videri consuetis in locis repugnatores pos-
 sent. Mulieris cujusdam fortis fertur & generosa
 mors; nam cum ad stupra rapi fæminas a victo-
 re barbaro videret, e fenestris in subjectum flu-
 vium, *Natisenem* vocant, se præcipitem moritu-
 ramque dejecit. *Attila* inde per *Venetias* *Cenoma-*
*nos*que atque *Insubres* libere ac nullo repugnante
 vagatus nonnullas evertit urbes nullo loco insitæ
 natura immanitatis feritatisque oblitus. Ita cum
 omnia monstificus quidam compleisset terror aucto-
 res sunt circum vicinas gentes ad tutiora popula-
 riter fere loca sedibus relictis suis diffugisse; ple-
 rosque autem convenisse in siccum quod ad ingres-
 sum fere *Adriatici* sinus ex aqua extaret. *Ri-*
 28 *vo* alto loco, in quem potissimum commigra-
 verunt, & adhuc nomen est, indeque factam *Ve-*
netiarum originem, quæ nunc est inter primas *Ita-*
liæ urbes, & quidem tanta potentia ut audeat cum
 tota fere *Itala* gente jam decertare armis. Ad hos
 autem tumultus formidinesque insolentes excitus
Leo post *Sixtum* tertium, qui *Cælestino*, de quo
 paulo ante fecimus mentionem, successerat Pon-
 tificem *Maximus*, *Christianam* ipse legationem sponte
 ad *Attilam* suscepit. Metabatur autem ad *Mincium*
 amnem in *Cenomanis* tunc castra superbus victor
 hostis, ad quem cum accessisset & compta gravi-
 que oratione admonuisset rerum humanarum, ac
 pontificali auctoritate deterruisset, efferatum bar-
 bari hostis animum fertur quamprimum immuta-
 visse. *Attilam*que inde sæpe usurpasse videtur sibi
 visum, loquente secum *Leone* ad *Mincium*, augusta
 facie viros duos formidabili aspectu, qui armati com-
 minarentur exitium nisi Pontificem audiat, exora-
 rique se sinat. Ita correptum pavore perturbatumque
 animum, non potuisse quin daret manus, unde con-
 versis signis cum in *Pannoniam* reverteretur moritur
 in *Norico*; Quidam pervenisse ajunt in *Pannoniam*;
 & cum de redeundo in *Italiam* cogitaret mortuum ex
 profluvio sanguinis e naribus, dum noctu probe
 appotus cum uxore cubat. *Leo* certe eloquentia qua-
 dam consummata fuit, ut epistolæ nonnullæ ejus
 sermonesque ab illo graviter & ornate scripti decla-
 rant; cui haud novum est solere plerumque cedere
 arma vertique in speciem contrariam furorem insa-
 nientium. Et rursus si ita nitatur prudens facundia
 extorquere etiam a sanis modo id velit, possit insa-
 niam. Hæc sunt quæ habui dicere de *Attila*, qui
Italiam ne attigit quidem. *Totila* autem, de quo jam
 dicemus, *Florentiam* evertit. Hic vero per occa-
 sionem discordiam sumplit *Gothorum* Imperium
 postea, quam *Alaricus* quinto mense, ex quo re-
 gna-

gnare inceperat, occiditur. Is *Totila* ille est *Gothorum* Rex flagellum Dei, cuius sola nominis memoria incutere terrorem potest mortalibus. Hic est, inquam, qui *Romam* eruit a fundamentis, qui evertit incenditque *Italiam*, atque hanc urbem, postquam miserabiliter diripuit solo æquavit, ferus dux, immitis, inexorabilis, hominum deorumque contemptor, cæterum impiger, argutus, solers animo simul manuque promptus, & militari prudentia admirandus, tantaque interdum calliditate Imperator, ut etiam benignitatis atque humanitatis sibi gloriam effertissimus animus vindicaverit, quanquam primi illi successus nequitia eorum qui a *Iustiniano* fuerant post *Belisarii* discessum administrationi rerum in *Italia* præfecti, multo reddiderint faciliores. Qui mox ut ille abiit, quantum inter *Belisarii* virtutem suamque ignaviam interesset dilucide ostenderunt. Hi autem avari, incontinentes, pigri, raptores, imbelles, contentiosi, atque ardentis in cupiditatibus odia in se populorum concitaverunt. Probis *Belisarius* continentiam, solertiam, liberalitatem, animi magnitudinem afferebat, dum est hosti formidabilis, suis verò vel invitis amorem atque auctoritatem iustitia humanitateque extorquet. Militibus dum persoluto stipendio præda eos gloriaque dicit, populis postremo & gentibus, dum severius in militarem licentiam animadvertit, redditque ab omni injuria securos, æque carus. Per hanc igitur occasionem rerum perperam administratarum *Totila* bellum aggressus postquam *Ticini* regia insignia accepit, congregitur ad *Trebbiam* cum *Constantino* atque *Alexandro*, hi erant ex *Iustiniani* legatis, quibus defendendam commiserat *Italiam*, quosque prodicionis spes *Veronam* traxerat, inde ea irrita facta per *Padi* ripam proficiscebatur *Placentiam*. Eos autem in insidias tractos cum omni exercitu *Totila* delevit, cum jam in conspectu ambæ constitissent acies priusquam pugnari cæptum est viribus confidens insigni equo ante vectus stetit pro hostium vallo provocans in certamen singulos. *Artavades Armenius*, is ad *Veronam* spem prodicionis fecerat, profiliens in campum *Gothi* superbiam subito compescuit, atque equo primo impetu deturbatum gladio interemit. Sed universi deinde prælii eventus mutata pugnae fortuna infelicissimus fuit. Militaria omnia signa *Totila* consequutus. Inde per legatos, ut *Procopius* ait, hi verò *Bleda* & *Rodericus* & *Vliarius* fuerunt, obsedit *Florentiam*. *Iustinus* præsidii præfectus periculum veritus præcipue ob annonæ angustias, a *Ravenna* auxilia excivit. *Bessa* *Cyprianus*que & *Joannes Vitalianus* auxiliares copias ductabant, atque unius adhuc diei iunere aberant, cum *Gothi* id præcavescentes obsidionem dissolverunt, & refugientes in munitum locum *Mucciallam* incolæ vocant, impetum illic hostium insectantium prementiumque jam terga ægre sustinuissem, nisi fortuna, quod sæpe solet, victorum virtuti illulisset. Miles qui ad *Joannis Vitaliani* latus pugnabat, cum ex sagitta subito cecidisset, interfecti Ducis præbuit speciem. Id verò cum statim per omnes turmas acclamaret, perculit illico terrore animos. Ita fugatores versi jam ipsi in fugam palantes vagique in viciniora oppida sese, ut quisque evadere hostium manus potuit, recipere. Per hunc modum *Florentia* liberata obsidione. Non enim etiam plenissima potitis victoria in rem visum ut ad eam continuandam reverterentur propter *Iustiniani* copias quam multas, quas esse per *Etruriam* divulgabatur; quanquam obsidionis hujus longe diversa fama est apud quosdam, & quidem cui magis animus meus assentitur. Nam & *Dantes* in convivio gravissimus auctor ita sentit, & igneam in *Cœlo* Crucem, cum primum everti cæpta est

A *Florentia* visam ait, quod quidem verisimilius³¹ fuerit, quod & *Seneca* testatur in morte *Augusti* igneum in aëre globum apparuisse. Cæterum auctores eversam a *Totila* *Florentiam* testificantur, & vulgus omne comprobatur. Populus certè *Florentinus* ad hæc usque tempora magnos habet honores *Carolo Francorum* Regi, qui post trecentos fere annos quibus prostrata jacuit, urbem restituit, Patresque atque auctores generis *Florentini* cæteros quoque ab illo Reges putat colitque isto potissimum beneficio. Neque ex omnibus *Italiae* populis facile invenias, quos *Galli* Reges magis quam *Florentinos* complectantur. Cum autem vel imprimis videtur ad nostrum id institutum pertinere, non erit absurdum reor, si modo diligentius ut res esse gesta traditur aperiamus. Igitur ferunt *Totilam*, adepto imperio, nihil prius agitaſſe animo quam ut deleret eam gentis ignominiam, quam ex clade *Fesulana* contraxerant *Visigothi*, proximum *Gothi* genus, quod supra diximus. Quod autem *Florentia* tanti profligati exercitus *Rhadagasi*que Regis interfecti insigne monimentum putaretur, ubi etiam liberatricis templum, quod ferret ad posteros eam memoriam, construi continuo nobilis fama esset, in *Florentinos* potissimum direxisse arma. Ita cum ferro viam ex *Gallia* in *Etruriam* patefecisset recta *Florentiam* petivisset. Cum primum in planitiem perventum est, atque, ubi male pugnatum a suis fuerat, loca apparuisse oculis, recordatione acceptæ calamitatis illachrimasse traditur. Deinde cum intendisset in vindictam animos de obsidenda urbe statim cogitavisset. Fuit autem spes principio propter urbis situm, est enim in plano omnis posita, facile eam superari posse. Itaque aggressus ingenti animo inferebat bellum. Cum vero præter opinionem ferocius repugnaretur atque e turribus, quæ crebræ per muros urbis exurgebant, magnæ sæpe clades inferrentur hostibus, nec ad moveri miles tuto mænibus quiret facile animadvertens arma quoque, & vim parum processura esse, callidus versurusque Dux convertit a vi ad dolos cogitationem, ut alia, quandoquidem illa non appareret, via successuram rem, quod in animum ita induxerat aggredieretur. Ita omiſſa obsidione ostentat amicitiam & principes Civitatis allicit ad colloquia, nec venisse se hostem asserit *Florentinorum*, quippe cum quibus habeat amoris non contemnendas causas, *Visigothos* antiquos in patria hostes sua maxime *Florentinorum* opera virtuteque ad *Fesulas* olim deletos. Si venienti ad se *Totile* aperuissent portas nullam habuisse se causam cur vel unum telum contra bene de suo genere meritam urbem gentemque expediret; se fortunæ beneficiis potentem esse Regem pecuniaque & juris opulentum, & se pulsum paulo ante a *Belisario* ejectumque regno *Romano* ad quod recuperandum, quod ad se modo regum successione & jure gentis pertineat, proficisceretur. Non indigere *Florentinorum* fortunis Regem *Gothorum*, sed paratum advenisse, ut beneficia inde bene meritum populum quæcunque & quantacunque posset, conferret, proinde quæ magis cordi sint, aperirent. Nihil esse eos, modo fieri id possit, non a se vel promptissime impetraturos. Quod si fortuna cæptis faverit, redierintque *Gothi* in *Theodorici* regni possessionem, quod ille genti nostræ, labore virtuteque partum sua, *Romano* etiam id volente Imperatore reliquit, cum inde injuriam occupatorem Tyrannumque *Italiae* *Odoacrem* depulisset, fere ut majora & ab amicis victoribus expectanda sint, ut venisse modo in *Gothorum* & *Totile* amicitiam & societatem sibi que posterisque saluti atque ornamento fuerit. Quod moræ præsentibus officiis quondamque, cum majores erunt vires & stabilitæ res, regno recu-

recuperato, & rebus jam compositis tranquillisque, magis aucta atque ornata vestra urbe plurimum sit ad animos vestros jucunditatis & solidæ perpetuæque voluptatis allaturum. His vero atque hujusmodi permoti vocibus primores Civitatis & simul potentiam veriti *Gothorum*, si ultro oblatam societatem repudiassent, discussa cum populo causa, cum variæ sententiæ dicerentur, quod essent & qui inesse doli aliquid suspicarentur regem quod tentata vis e sententia non successisset fraudem cudere. Eò res tandem rediit, ut præsentibus potissimum rebus consulerent, atqui a periculo direptionis tunc quidem liberarent Civitatem; melius, quod tempus deinde afferat ipsum ostensurum, & pro fortunæ rerumque conditionibus, ut illæ inciderint, deliberaturos. Neminem tanta unquam prudentia fuisse, ut futurarum rerum vicissitudines varietatesque cunctas posset prospicere. Satis esse eum prudentem, qui præsentis casus callidè animadverterit utiliterque administraverit. Ita Senatus decreto & populi jussu pax amicitiaque cum *Totila Gothorum* Rege decernitur; et si ita *Totila* videatur, ipse cum custodibus sui corporis ingrediatur urbem, reliquus omnis exercitus extra moenia remaneat. Ex principibus Civitatis, quibus cum fuerat hostis colloquutus, duo legati *Florentinorum* decretum renuntiant. Lætus vero Rex fuit cum hæc audisset, & succedere sibi ad votum dolos animo exultabat. Cæterum versuta dissimulatione gratias egit legatis, atque esse sibi ait quod coram cupiat cum

34 magistratu communicare, ut consulatur in medium, quodque in rem sit communem ex senatus maximè *Florentini* prudentia atque auctoritate decernatur, se non multorum esse annorum, nec multæ, quæ plerumque annis esse quasi assuta solet, prudentiæ, verum multæ fidei Regem neque pusilli animi Ducem populum *Florentinum* invenisse. Proinde videat Senatus & populus *Florentinus*, quid existimet esse in rem, seque edoceat qui scit omnia summa cum diligentia atque animi integritate præstaturum, effecturumque pro viribus, neque deerunt vires, ut nunquam sit diei hujus hujusque decreti atque amicitiae poenitendum. Lites vero erant pervetustæ *Florentinis* de agro cum *Pistoriensibus*, quæ sæpe utrumque populum odiis inter se multum exasperaverant; Tunc vero etiam exarserant in bellum, quod maximè contentione animorum atque obstinatione gerebatur. Id *Totila* vel una die confecturum pollicitus, si se audiant jungantque dexteras *Florentini*; plurimum habuit momenti; ut benigna ejus oratio exciperetur. Igitur reversis in urbem legatis potestas facta *Totila* in Civitatem introeundi, intranti universa propè multitudo est effusa obviam, atque in *Capitolium*, (is erat locus in quo populus cogi ad consultandum deliberandumque solet) deduxerunt: paucos vero dies cum absumpsisset accipiendis reddendisque salutationibus prehensandoque populo & demulcendis omnium animis laudandisque oratione, cujus erat *Totila* insignis artifex, fidem fecit tandem amoris erga Civitatem sui, ut etiam mansuetudinem humanitatemque in Rege præcipuam mirarentur, singuli jam atque universi prædicarent. Interea militibus, quos extra moenia reliquerat, immigrantibus in

35 urbem vix erat qui ingressum ad portas prohibere auderet, dum & ipsi benevolentiae ita instructi a Rege & liberalitatis omnia signa edunt. Quum ergo *Totila* ita jam affectam videt Civitatem non ultra cunctandum ratus, quod animo agitarat, audacter aggreditur, simulat magnis de rebus indigere Senatu. Eum itaque citari jubet, & simul alios quoque nonnullos apud quos plus esse auctoritatis Cives cogno-

A visset, accersit, utque ne uno plures ad se simul irent instruit satellites atque janitores. Cloaca sub *Capitolium* fuit lateritio tota fornice connecta, inde in *Arnum* influens, non solum ut per eam fluviali aquæ fluxus fieret in flumen, nec alluvionibus corrumpereantur ædificia, verum etiam ut inde sordes urbanæ purgamentaque ejicerentur. Igitur id conspicatus in penitiorem *Capitolii* partem descendit, & ubi Cloaca sufflueret; illicque diffracta desuper testudine, quantum possit capere humanum cadaver, aqualiculum aperuit; Ipse, quantum potuit, proximior adsedit: singulosque ad se euntes cives, cum ad edictum venissent locum, carnifices, quos ad id paraverat, feriebat. Jugulati vero ita in Cloacam per apertum foramen ipsi cadentes irruebant. Stagnabat per id tempus aqua illic, modo vix fluebat. Cum tamen multitudine jam cadaverum excrevisset unda in cruoris speciem effluxisse in *Arnum* fertur, idque carnificinae modum fecit. Nam cum id quidam advertissent, quod erant illico suspicati, conclamaverunt arma. Quæ proditor, cum expedita, id præcavens, haberet subito antevertit, & signo dato, cum & hi quoque qui extra mœnia ex pacto restiterant convolassent, (expediti enim, atque in equis, qui equo militarent id prædocti expectabant) vel oculi, ut dicitur, ictu urbs opulenta & nobilis diripitur. Nam quid in tam subitaneo discrimine, cum omnia penè jam tene-

36 ret armatus hostis, dum patefactis insidiis ad arma concurritur, faciat miser civis Senatu præsertim suo orbatus, multisque præterea civibus ad Cloacam jam mactatis, & oppleta ubique urbe terrore ac desperatione omnium rerum. Adidit victor impotens fallacis immanitatem. Nec sexui cuiquam aut ætati pepercit, omnem humanum sanguinem absumpsit proditor immitis gladius ad XXI. hominum millia qui arma ferre possent præter mulierum, puerorum & seniorum imbellem turbam periisse eo die cum mœnibus simul, auctores sunt. Postquam enim direptam sic Civitatem conspexit, erui quoque atque incendi jubet. Præcipua cura fuit *Mariæ* liberatrici evertendi templi, ipse, dum milites fabrique opus faciunt, spectator hortatorque adfuit adeoque æquavit solo reddiditque vacuum & complanatam aream, ut neque vestigium quidem aliquod ædificii reliquerit. *Martis* templum, quod nunc est *Baptisterium*, incolume permansit; sive animum religio tetigit, fuit enim in fatiis cum seculis duraturum templum, idque in pavimento marmoreis scriptum literis horrorem facile infert in animos legentium, sive pulchritudinem templi admiratus tanti ornatus tamque egregiæ architecturæ artis imagines, ut deperirent non potuissent inducere in animum quamvis efferatissimum, proximæ tamen ruinæ multum decoris abstulerunt, subtritis circum basibus & solo æquatis ingressibus quo antea per decoros ascendebatur marmoreos gradus, qui ferebant in aream, & ipsam marmoream, unde ad templi portas decentissimè veniretur. Huic quoque rei fidem facit quod ego ex senioribus quibusdam gravibus viris audiui cum hæc scriberem, qui rei gestæ interfuissent. Multa ossa humana inventa esse in fundamentis ædium *Luniarum*, quas inter *Capitolium* flumenque *Ar-*

37 *num*, sed *Capitolio* propinquiores, *Franciscus Luna* egregias paulo ante nostram ætatem ædificavit, cum ea altius infoderentur, fossoreque in collapsas jam vetustate cameras ruinasque incidissent. Id vero terrorem primo cum attulisset, ut etiam propter mortis omen de deferendo ædificio cogitaretur; prudentior videlicet quispiam ex amicis, quid vos vana terrent, inquit, an etiam nunc *Totila* manes pertimescitis, & qui vivus olim cum

urbem evertit in cives est grassatus? vos etiam nunc post mille fere annos, ex quo *Totila* interiit, sævitiam feritatemque formidatis? Ita gravius pensata re neglectoque vano auspicio terror cum abcessisset, ædificandi resumpta opera est, quæ jam pene elanguerat tristi omine ossium humanorum, quæ tamen piè *Franciscus Luna* diligenterque peruestigata transtulit in hospitalem Divæ Mariæ domum, cui est *Novæ* cognomentum, illicque inter cætera, quorum ingentes cumuli spectantur, collocavit. Locus est præterea ad *vetus forum* his vicinum ædibus a *Capitolio* non longè e regione eadem, *Bonum consilium* vocant veterrima appellatione hujusmodi ex causa: Pistricula erat argutula, quæ cum e taberna multos observasset cives ingressos curiam per multam diem, regressum vero neminem, venissetque Tyranni in considerationem, amico cuidam suo & patrono, *Petro* illi erat nomen, & ipsi venienti ad Regem progreditur obviam; sciscitanti vero mulieri adventus ejus ad Tyrannum causam *Petrus* responderat, sequoque a *Totila* cum multis præterea civibus evocari ad consilium de magnis rebus: cui illa respondit: At ego mi *Petre*, inquit, mi Patrone volo accipias a me bonum consilium, ut illi consilio non intersis, suspicatur enim mihi nescio quid mali mens dum ingredi ad Regem multos, neminem adhuc regredi perspexerim. Ita cum tetigisset hominem suspicio & timore oppleretur animus, relicta aula abijt inde hospite insalutato. Atque hinc principium vestigandi diligentius doli factum censent. Memoria autem rei cum mansisset propinquo sacello, vetustas a re gesta nomen indidit, quod & hodie a *bono consilio* cognomentum retinet. Post trecentos & triginta sex annos, ex quo

A condita est Vrbs cecidit anno *Christi* 548. utque *Villanus* scriptum reliquit pridie calendas *Quintiles*, qui tamen *Totila* de *Florentia* historiam cum his quæ *Attila* gessit confundere videtur; dum tempora resque amborum ducum iisdem involvit atque implicat monumentis, quem miror deinde *Sociomenum Pistoriensem* virum doctum sequutum eodem & ipsum modo commiscuisse historias, neque rerum neque temporum fecisse discrimen. Sic igitur deserta *Florentia*, sive corruerit illa omnis, ut nos existimamus, sive plura ex publicis privatisque ædificiis superfuerint, muris modo, quibus cincta urbs fuit, turribusque murorum diffractis, quod quidam docti viri magis putant. B *Totila* in proximos *Fesulanos* montes secessit, & instaurata arce atque imposito præsidio relictaque quotquot nactus fuit antiquæ originis *Fesulanorum*, qui montem inhabitarent, moeniaque restituerent, ipse cum exercitu via *Arretina* trajecit in *Latium*, perque *Umbros Sabinosque* & *Marfos* in *Campaniam*, cum continuo multæ fierent populorum, ad quos adveniret, deditiones. *Beneventani* quia portas clausissent eorum urbem muris expoliavit; inde *Neapolim* profectus brevi muris expugnata urbe, *Romam* petit, hanc quoque fame victam muris nudat primo, deinde cum amissam denuo recuperasset mitius victoria usus fertur. Tandem victa & propè vastata *Italia* pugnando fortiter apud *Brixillum*, alii *Tannetum* scripserunt, in dubio locus pugnae est, interiit. Dux certe magnus & cui fortuna diu multumque favit, crudelis tamen, perfidus, callidus, simulandi quoque dissimulandique præter omnes mortales peritissimus, quamvis de animi feritate aliquid ad postremum remisisse fama est. C

FINIS LIBRI PRIMI.

LIBER SECUNDUS.

Edet jam me pudetque rerum nostrarum; multum addit ad scribendi laborem tristitia animi mærorque quidam incomparabilis, qui per tot tantasque *Italiæ* ruinas etsi per longissima intervalla gradientem penè conficiunt: verum tamen enitendum est. Nam si evaserint in opus propositum conatus mei, atque ex hac quasi tempestate, qua animus dolore fluctuat, oratio emerferit, operæ pretium, ut mihi videtur, fecerim, si quædam alienis, & quæ præsentibus in sensus non cadunt jam ærumnis, vetustate pene oblitteratis malis planeque extinctis, cautiora saltem nostra tempora reddidero. Sed nondum in tuto res posita est, a nostris jamjam timendum potius, qui dum turbant miscentque omnia, dum acerrimè bellantur, dum vexant vastantque, & diripiunt atque evertunt singula, novis continuo & inusitatis perturbationibus hanc pulcherrimam patriam involutando contendere mihi cum barbaris de dedecorando hoc patrio solo eruendoque funditus, atque æmulari eorum perversa ingenia videantur; Quod eo putari debet detestabilius, quia a suis quos avertisse pestem oportuit non ab externis infertur calamitas. Utinam falsa jamjam augurer, quam vereor ne rursus in vos ipsi armetis eos, qui epofessione dulcissimæ atque omnium clarissimæ Patriæ vos ejiciant, dum ita inter vos vane adeo atque impiè, uter tandem imperet latius, obstinatissimè decernitis; quanquam in vestra forsitan non est manu, ut mitius jam agatis cum *Italia*, quam ita vastatis, diripitis, incenditis, & ruinæ novæ exponitis. Sed errorum fortasse veterum fato quodam inevitabili a justissimo scelerum ultore humanorum, penè haud immeritè repetuntur, Sed vos

D quo vestra fortuna feret? Nos ad propositum revertamur. Resumemus vero historiam nostram a restitutione urbis quasi ab alteris primordiis. Nam ea jacente, nisi aliena dicantur, filere convenit; Si quis tamen & quæ in hæc tempora intercedunt res gestas ad reliquam *Italiam* pertinentes cognoscere cupierit, nos ea quoque seorsum aliquot libris explicavimus. Nunc in nostris immoremur. Verum quo minus obscura sint quæ dicentur, paulo videtur repetendum altius. Consueverant *Romani* Pontifices contra barbarorum incursionem a *Byzantio* usque, quo erat Imperatoris *Romani* translata sedes auxilia accersere, quæ tandem non negari modo coeperant, sed apertum etiam quoque inferri *Romanis* bellum, crudelius etiam quam ulli barbari arma intulissent. *Philippicus* ille *Bardanes*, qui *Justiniano Constantini* Filio veneno sublato ipse imperavit, discordiarum harum dedit initium, qui in simulacra Divorum primus desæviit, diruendaque ea atque evertenda censuit. Quem deinde errorem *Leo* quoque tertius, qui *Theodosium* pepulit (is *Philippico* successerat) consecratus, in apertam indignationem *Gregorium Secundum Romanum* Pontificem extraxit. Hinc vero tantarum contentionum malorumque principia extitere, quod & multa quæ antecesserant portenta significaverant. *Tiberis* adeo inundaverat, ut per urbem quoque & intra ædificia fieret navigabilis. *Luna* colore sanguineo defectum passa ad mediam usque noctem perobscura fuerat & crinita apparuerat coma in septentrionem versa. Quibus territus miris *Gregorius* Pontifex *Romanus* aliquot dierum supplicationes instituit. Ita destituit ab Imperatoribus *Romani* Pontifices *Gallorum* implorare dubiis in rebus auxilia

lia instituere. Sic *Carolus Martellus Pipini* superioris *Gallorum* Regis Filius in *Aquitaniā* contra *Saracenos* vocatus illorum acies ingenti victoria superavit, trecenta & sexaginta barbarorum millia caesa feruntur. Inde cum reparatis viribus rebellasset, *Martellus* cum duobus illorum Regibus *Athimo Amorreoque* in valle, cui *Corbariae* nomen est, congressus eadem felicitate depugnavit, *Amorreus* etiam inter praeliandum caeso. Quibus successibus tanta accessit auctoritas, ut per *Italiam Gothi Saracenorum* destituti favoribus arma depouerint, fecerintque imperata post trecentos ferme annos, qui adversi rebus nostris varia fortuna regnum in *Italia* tenuerant. Cum his igitur pax fuit, item cum *Longobardis*, qui & ipsi *Italiam* turbaverant usque ad *Aistulfum*, qui post *Rachim* fratrem apud eos regnavit. Is enim vetere gentis more *Romanis* bellum intulit. Cum autem *Constantino Romano* Imperatore, qui *Leoni* tertio patri successerat, auxilia negarentur, coactus est *Stephanus Secundus* Summus Pontifex ad eandem *Gallorum* opes respicere. Itaque profectus ipse in *Galliam*, *Pipinum* Juniores, is enim post *Carolus Martellum* regnabat, facile exoravit, ut in *Italiam* ad opem *Romanis* ferendam veniret. Primum cum *Ticinum*, ubi *Aistulfus* sedem constituerat *Longobardorum*, cum exercitu advenisset, reclusa hostis audacia ponere arma jubet, ipse trans *Alpes* redit. Post cuius statim discessum cum rebellavisset, *Pipinus* re cognita in *Italiam* advolvit *Aistulfum*que perdomuit, quo mox vita functo *Longobardi* ad desiderium gentis regnum detulere. *Constantinus* interea *Leonis* Filius pessimo exemplo conjurationem cum *Saracenis Constantinopoli Gallorum* gloriae invidens, & *Desiderius Adriano* Pontifici infensus *Romam* oppugnat. Itaque *Adrianus Carolus* cognomento *Magnum Pipini* Junioris filium, qui mortuo patre regnabat in *Gallia*, evocavit. Ad *Cinifum*, is est mons in *Alpibus*, cum hostis obviam fuisset, ventum est in praelii aleam, ac victus fugatusque *Longobardus* retrocedens *Ticinum* ex fuga se recepit; *Carolus* autem fugientem persequutus post sex prope menses obsessum devicit. *Desiderius* imperata fecit, & *Lugduni* exulavit. Ita *Longobardorum* in *Italia* dominatus ab *Albeino* Rege annos prope quatuor & ducentos finem habuit. Interea vero dum oppugnatur urbs, relictis qui urgeant obsidionem, *Carolus Romam* venit Pontificis *Romani* vivendi & consulandi gratia, qui honore exceptus incredibili icto cum Pontifice *Romano* foedere & plenus gloria rediit in *Galliam*, *Romani* etiam Imperatoris nomine *Illustris*, quodque in *Augustulo* olim depererat post annos triginta ferme & trecentos in *Carolo* tunc renascebat. Hic est ille *Carolus*, qui praeclarissimis rebus in *Italia*, in *Gallia*, in *Germania*, in *Pannonia* gestis, eam jam erat gloriam adeptus ut nihil esset jam omnino toto orbe nobilius; hic ille inquam, est *Carolus Gallorum Rex Romanusque* Imperator, cui quidem *Florentini* restitutoris ac parentis debent honorem, siquidem eversam a *Totila* urbem *Florentiam* quod supra ostendimus, restituit & a ruina miserabili ad nobilissimae Civitatis splendorem revocavit. Res autem in hunc maxime modum gesta fertur. Neque enim verebimur ea mandare modo litteris, quae multi clari scriptores tradiderunt, his in praesentia posthabitis, qui sive haec ignoraverint, ut non possimus omnia omnes, sive quod aliter habuisse rem putaverint, hoc omne quod de urbe *Florentina* restaurata litteris proditur taciti praetereunt. *Leonardus* certe *Aretinus* gravissimus auctor disiecta magna ex parte a *Totila* aedificia a *Carolo* reparata esse putat, & *Franciscus Petrarca Donatusque Acciariolus* restauratae urbis gloriam cum illius vitam scribunt

A eidem & ipsi assignant. Idem & *Sociomenus Pistoriensis* confirmat, & *Platina* in *Paschalis* vita. *Joannes* autem *Villanus*, quem nos hac in parte potissimum sequimur, non neglectis tamen si qua & apud alios quoque scriptores reperiantur, etiam rei gestae seriem explicat curiosius. Neque est profecto contemnendus ille vir, etsi videre licet, morosiores quosdam qui pro minimo etiam quoque erratulo, quae tamen recte scripta sunt, maledictis incessant. Sunt etiam quidam famae avidiores, qui pessimo exemplo alienos labores ad propriam gloriam traducunt; Nos quae vero sunt vita propinquius sequuti sumus, nec obstat quin singuli pro arbitrio dijudicent. Igitur *Carolus* cum rursus ad sedandos nonnullos contra *Leonem* Pontificem exortos tumultus venisset in *Italiam*, *Romae* tandem Imperatoris *Romani* acceptis insignibus plenusque tanta gloria, ut addi praeterea ad felicitatem humanam nihil posse quisquam putet, reditum dum parat in *Galliam*, *Florentinorum* legati advenerunt; hi erant de reliquis antiquae nobilitatis per *Etruriae* varia loca dispersae, ut cuique fortuna indulset sedem cum ab incensa olim & cadente patria evasere, inter quos & *Figineldos* *Findolphosque* in primis nominant quidam. Ad eorum igitur adventum Senatus frequens fuit, cui quidem Pontifex Imperatorque *Romani* praefuerunt. Legati ergo ubi intromissi sunt, *Figineldum* ita loquutum accepimus: Etiam, *Romani* patres, si nihil modo afferamus praeter nostram & Patriae calamitatem movere vestros afflictissimae res nostrae debuerunt, ut in vestra praecleara fortuna nostram sortem commiserescatis, sed vestrum genus, *Romanus* sanguis advenimus, auctoris nostri populi *Romani* imploraturi opem. Et *Florentia* quam vos olim condidistis voluistisque inter nobiliores *Italiae* connumerari urbes non sua culpa, sed cuncta versantis fortunae injuria ruinis, etiam nunc barbaricis, & vesanissimo furore quo tota etiam *Italia* quondam conflagravit, prostrata jacet, quae quidem, nisi vos patriae caritas, nisi rei indignitas nostrae quantum est aequum, movent, ea expostulare apud vos modo neque injuria suam injuriam, & repetere merita nunc tandem ultionem videtur. Neque a vobis modo qui genuistis, quique aluistis, quos naturae vis movere necesse est, sed ab universa etiam *Italia*, si malorum vera causa nostrorum rependatur, jure quodam suo existimari debet. Nam quid nos perdidit, patres *Romani*? unde illa *Totila* quondam lethalis ad nos primum pestis advolvit, evertitque atque incendit urbem nostram? nisi infederant in animo altius cognatae gentis *Fesulis* acceptae clades, cum tumultuantem totique *Italiae* comminantem servitutem *Radagasum* contudimus; ubi etiam ad ducenta barbarorum millia caesa esse creduntur, quam quidem victoriam quis nescit *Florentinorum* maxime partam opera, & datam eo die *Italiae* tanto periculo nostro maloque salutem; injuriam ulturus gentis, deleturusque eam ignominiam *Totila*, ut existimamus, in nos potissimum convertit arma, & quod vi difficilior visum, versutissimis confecit dolis. Ita nos quia communem causam audentius sumus tutati plusque trecentos annos patria & penatibus multati sine domo, sine lare per *Etruriam* atque *Italiam* omnem tantae reliquiae calamitatis tamdiu dispersi, & profugi vagamur, in alios certe, nam praeterea multos per *Italiam* est aggressus minus atrociter deserviit, & *Beneventi* cum clausissent advenienti portas, *Beneventani* exspoliassent modo urbem muris, nulla praeterea illata calamitate contentus abiit. In *Neapolitanos* vi subactos etiam mitis extitisse fertur ferus victor hostisque immittissimus, vos solo utramque in illo sortem fuistis experti. Nam ne a vobis quidem fortuna tem-

porum abstinuit, ex quo & ipsi malorum non ignari multorum miseris nobis opem ferre didicisse debuisse modo præsertim cum superato tandem, ut ajunt, infortunio tot tantisque ærumnis fato quodam secundo vestro vestraque virtute emeristis, ut rebus ubique fere compositis nihil jam videre sol possit nomine *Romano* quicquam illustrius, & rediisse in suam sedem antiqua fors *Quiritium* felicitasque videatur. Et habetis *Leonem* Pontificem virum omni virtute præstantem, diisque quantum colligi conjectura potest non ingratum, si quidem & ipsum paulo ante e voracissimis invidiæ faucibus eripuerit ac reducere in sedem, unde maledici obrectatores petulantissimè dejecerant; Haberis & *Carolus* Imperator, jurium quem haud scimus, an cuiquam superiorum admiratione virtutis, & rerum gestarum gloria rectè possumus comparare. Qui quidem pulsus omni jam

46 *Italia* Barbaris, devictisque ubique rebellantibus regibus ac nationibus ita rem *Romanam* constituit, ut cumulata omni ex parte dignitas esse vestra quiesque videatur. Nonne oportuit nunc tandem Patres *Romani*, miseriarum etiam nostrarum meminisse, antea cum & ipsi, omnia commiscente fortuna, laboraretis, solliciti minus fuimus, nunc ut & nos secundas vobiscum res sentiamus, qui pertulimus adversas, æquum est. Debuimus omnia vobis profecto, nostrigenis auctoribus, & pium fuit etiam, quo vos salvi fueritis, ut nos neque vitæ nostræ neque Civitati aut salutis parceremus. Quid vero nunc futurum putatis Patres *Romani*, si quam dedistis olim urbem restitueritis & reddideritis *Florentinos*, *Romanam* stirpem, patriæ ac penatibus. Profecto magnum quid est in rebus humanis dedisse rerum ortus, ac deberi omnia parentibus omnes omnium gentium opiniones facile consentiunt. Neque videtur audiendus nunc *Dio-genes*, qui de obligatione adversus eos, qui nos genuerunt, aliter multo putat. Verum enim vero conservatoribus quoque & defensoribus multos ac magnos referri honores consuevere. Ac si quis quod amiserit, quod carum sit restituat, quo habendus tandem loco erit? Patria certe nihil carius esse omnium rerum bonis Viris potest, ut vosque quam cæteræ gentes, qui vitæ quoque sæpe illam anteposueritis, melius tenetis. Qui in eum confert beneficium, qui ut sit etiam a beneficii auctore, simul assequitur, is vero fit in dando beneficio rerum cunctarum auctori Deo quam simillimus; hi vero sunt in primis rerum auctores publicorum. Quid igitur qui restaurant, qui reddunt salutem atque ab interitu & oblivione sempiterna vindicant, nonne alteram saltem meritum partem consequuntur, & proximi sunt & quidem haudquaquam

47 longo intervallo primis auctoribus; nam qui dant in principio ornantque munus suum, dein tuentur etiam pro viribus quod dederunt amissumque id tandem, ne id penitus pereat nituntur, ac restituant, nonne liberalitatis humanitatisque omnes numeros expresse cuncti fatebuntur. Ponite ante oculos vobis, Patres *Romani*, *Florentiam* urbem, vestrum opus quoddam, laceram, fuliginosam, ustulentam, quam vos adeo quoque comptam ornataque conspexeritis, & cogitate cum animis vestris quas modo ad pios parentes preces, quas lachrymas, quos ejulatus misera omniumque egenarum rerum alumna vestra effundat, veniant in mentem tandem quotquot ubique locorum qui ad hoc usque tempus ab illa ruina patriæ inopem atque ærumnosam vitam per miseras successiones perduxere. Quos etiam sæpe fortuna coegit felices eos putare qui ardente olim atque ruente patria cum laribus, & ibi obruti & concremati perierunt; omnes hi tandem præsentis felicitati vestræ gratulantes, ut beati vos modo rebus afflictissimis no-

A stris aliquam porrigatis opem mœsti advolutique vestris pedibus precantur. Neque vos debetis non pios, non indulgentes præbere vosmetipsos in vestrum sanguinem, præsertim si id nunc multo est opus facilius, quod a vobis & a vestris petitur, quam quod vos olim ultro & nullo rogante contulistis. Extant enim adhuc veterum ædificiorum multa fundamenta, & infinita penè materiæ vis ex antiquis ruinis, quæ quidem admodum novæ conditioni, si vos rem capestatis, opitulabuntur, & commoditates quam maximas poterunt subministrare ædificantibus. Agite igitur patres *Romani*, succurrite miseris, date salutem ejectis supplicibus, reducite in suas sedes Deos penates *Florentinorum*, si diis tandem ipsis grati esse vultis, & 48

B *Romanæ* antiquæ virtutis, & benignitatis videri non inmemores, nam quod nos aliud polliceamur habemus; neque quod habituri sumus vestro munere, non vestrum magis qui dederitis in omnem rerum omnium eventum, quam eorum qui acceperint reputari per omnia tempora conveniet. Nos autem inepti fuerimus profecto si quod est necessarii officii verti velle potius gratiæ videamur, si quando pro vestris commodis cuncta quæ accepimus fors aliqua repoposcerit. Secundum hanc orationem Senatusconsultum factum est juxta legatorum postulata, & negotium reficiendæ *Florentinæ* Civitatis *Carolo* Imperatori datum, ut dum ipse redit in *Galliam*, quo erat prope die profecturus, iter faciat per *Etruriam*, & si ita visum fuerit, quoad resecta mœnia sint *Florentiæ*, remoretur. Cum hoc dimissi responso Legati cum ad suos lætitiæ pleni revertissent, omnes ubique suæ gentis ad deploratam prope jam spem patriæ erexerunt. At *Fesulani* his permoti vocibus, jam enim decreti *Romani* de *Florentia* ad multos fama pervenerat, quomodo ire obviam quirent & æmulæ vicinæ urbis turbare refectionem consulta-

C bant. Vicit tamen fatum, ut opinor quoad restantas *Florentinæ* novatio urbis promittebatur, invidorum pervicaciam, & *Carolus* non multos post dies *Florentiam* venit. Diebus autem illis paucis, quibus post Senatusconsultum in urbe fuit constituendis imperii tollendisque in perpetuum omnibus discordiarum fomitibus intendit, ac *Nicephorus*, qui *Bizantii* pulsa *Irene* regnum acceperat Legatos de concordia misit ad *Carolus*. Data vero pax est *Nicephoro*, de *Italia* eademque quæ cum *Irene* fuerant servatæ conditiones, atque omnis illa pars quæ est inter *Neapolim* & *Sipontum* cum 49

E *Sicilia* quoque eoque mari quo omnis ille *Italiæ* tractus supra infraque abluitur, *Nicephoro* pareret; cætera ad Imperatorem *Romanum* pertinerent. Nam *Carolus* rebus *Romæ* ex sententia ita compositis, ex Senatus decreto properans in *Etruriam* turbam etiam fabrorum undecunque conquistam accersivit. Cum vero in eos campos, ubi *Florentia* quondam fuerat, perventum est ita rationem renovandæ urbis iniit. Primum namque doctissimis Mathematicorum in consilium adhibitis punctum ex eorum responsis ab urbis renovandæ initiis observatum est, diversis deinde in partibus cum divisisset fabrorum operas, simul excitavit muros, & vetera fundamenta, sicubi ea novæ structuræ convenerunt celeritati cui plurimum studebatur, addidere; quæcunque similitudinem antiquæ formæ ulla in parte retinere potuerunt, habita inprimis cura similitudinis, & quæ tunc quoque imitari aliquid urbis *Romæ* figuram potuere, omnia summa industria observata; ambitus tamen aliquanto minor fuit, quo cæpta celerius perficerentur, maturabat enim reditum trans *Alpes* *Carolus* contra *Saxones* qui rebellaverant, breviora omnia diligebantur. Non tamen quicquam prætermisum est quod ad speciem murorum, quodque ad inven-

niendam novam urbem pertineret profundæ & latæ fossæ circumductæ, & repletæ aqua, crebræ per muros eadem magnitudine turres æqualibus inter se distantes spatii etiam ornatum præbuerunt. Admiranda celeritas in perficiendo fuit. Nam & convicini omnes incolæ erecti ad novæ urbis spem, & omnes reliquæ veterum *Florentinorum* per *Italiam*, ubicunque latitarent, excitati conveniunt ad ferendam opem; præterea multi nobiles, qui per Castella *Etruriæ* habitabant, quos sæpe *Fesulani* variis infestabant injuriis, darique novam gentem; quibus contra *Fesulanos* niterentur auxiliis maximè cupiebant, & ipsi non linguis modo atque animis sed re ipsa atque opere faverunt. Ita mænibus omni ex parte perfectis *Carolus* diem festum agit, & data in perpetuum omnium munerum vacatione, quotquot ex omni hominum genere illuc ad inhabitandum convenirent, abiit in *Galliam* relicto etiam militum præsidio, qui novam infirmamque principio urbem a *Fesulanorum* maxime injuria defenderent. Incredibile est quantum brevi nova Civitas coaluerit, undique confluentibus spe maximè, quæ præponebatur de munerum vacatione, qui in nova urbe domos ædificarent sibi que posterisque eligerent domicilia. Sunt etiam qui tradant ut quondam *L. Syllam* sic & tunc Senatum *Romanum* urbis auctorem colonos huc misisse de suis civibus, qui hæc loca admitti convenis quibusque incoherent; hisque partem agrorum assignatam, quod reliquum fuit relicto in medium, ut haberent convenæ unde in aliquam & ipsi agri possessionem venire possent, decreto tamen facto, ut plusquam viginti jugera occupasse nomini liceret. Certatim ædificatum esse constata novis habitatoribus & turres centum ferè & quinquaginta inter privatorum ædificia brevi consurrexere pari prope altitudine, quæ cubitorum fuisse centum ac viginti nonnullæ, quæ ad nostram usque ætatem incorruptæ durant, clare ostenderunt. Ita & decore renovatæ urbi additum & ad frangendos quorumvis hostium conatus, si quis ingruerit casus, ejusmodi ædificandi genus aptum magis existimavere; quem morem deinde sequuti plerique per *Etruriam* oppida permulta nobiliora, & civitates exornare turribus; quæ quidem adhuc servantur. Nos enim novo in Civitatem induceto more ædificandi majore sumus ex parte nostras demoliti. Quatuor in partes primum divisa Civitas fuit, & denominatæ a portis, ordoque juxta portarum ordinem institutus, quo & proficiscerentur armati in hostem, & domi honores fortirentur, quæ deinde amplificata urbe acceptoque intra mænia *Arno* fluvio, ut suo loco dicemus, pro quatuor sex portas instituerunt, quæ deinde rursus mutata gubernandi forma ad pristinum numerum rediere. Veterum etiam nunc portarum cum nominibus nonnulla vestigia apparent, quæ quidem a vicinis templorum vocabulis duxere omnes appellationem & una porta *Petri* quidem Divi *Petri* æde, ut *Pancratia* a *Pancratii* templo, a *Mariæ* vero Genetricis, quod etiam nunc ad portam dicitur, ad *Guelforum* palatium tertia denominationem sumpsit; nam quæ ad *Baptistæ* Basilicam fuit, eam dixerunt a *Græco* nomine opinor, quod *Græci* nobiliores Deorum ædes *δωματα* vocare, ut multa præterea ab illis accepimus. Duos vero principio sibi consules instituerunt, centumque Senatores, ut morem gubernandi *Romanum* sequerentur. Quatuor apud alios esse institutos comperio pro portarum numero, verum ut duobus magis assentiar facit Senatorum quoque numerus aliaque multa quibus imitatos eos fuisse pro viribus *Romanos* certum est. Dura autem imprimis difficilisque repugnatio fuit. Non modo enim *Fesulani* in quorum caput sustolli nova Ci-

A vitas videbatur sed quidam etiam per *Etruriam* reguli & potentiores coalescere in suam perniciem, novum populum putantes juncto cum *Fesulanis* foedere continua prope atque aspera bella inferebant. Ita ægre trecentos ferme annos cum finitimis ad muros prope urbis non de potentia & gloria magis quam de solo quoque ipso & sanguine obstinatissimè decertatum, donec victis tandem *Fesulanis*, & diruta a fundamentis etiam arce, quæ quidem, ut diximus, post everfam urbem aliquamdiu atrociter repugnavit, fuitque multo laboriosior expugnatio, terrori esse hostibus cepit & propagare fines, quanquam uti multarum præterea rerum, quæ sunt in *Italia* gestæ, per ea tempora pauca omnino aut nulla monumenta sunt, ita & nostrarum quoque memoria majori ex parte interiit. Nos si quæ existabunt, quæ venerint in notitiam, ut hæctenus cum ad sua loca ventum erit, non prætermitemus. Nunc agamus quod instat. *Carolus* nondum supervixisse ex quo ex *Italia* profectus est, quidam putant, sed mortuum ex calculis senem, aquis gravidum. Sunt & qui quartum illum *Italiam* arbitrentur revivisse, *Florentiam*que & quam multa urbi ornamenta contulisse. Multis etiam ex nobilitate accitis in equestrem dignitatem, & Templo quod dicatum esset Apostolis extra *Mariæ* portam ad *Arni* ripas exædificato. *Ludovicus* post *Carolus* parentem *Romano* Imperio potitus est, nam *Pipinus* natu major, quemque *Leo* Pontifex Regem *Italiæ* declaraverat, antequam *Carolus* vita migrarit, *Mediolani* diem obiit; *Bernardus Caroli* ex *Pipino* Nepos regnum *Italiæ* obtinuit. Moritur interea & *Leo* Pontifex & *Stephanus* Quartus vocatus ad Summum Pontificatum proficiscitur in *Galliam* & *Ludovicum* induit Imperatoriis insignibus, inde *Romam* reversus septimo mense excessit e vita. *Ludovicus* autem ipse Imperator, qui cognominatus est *Pius*, *Lotharium* filium accessit in partem Imperii; qui etiam haud multo post, cum *Bernardus* ob lætæ Majestatis crimen damnatus negaretur, ipse Rex *Italiæ* atque Augustus appellatur, *Pipinum Ludovicum*que duos præterea ex se natos, alterum in *Aquitania*, alterum in *Bavariis* regnare jubet. Cum *Saraceni* *Abderamari* Rege & Duce gentis aggressi sunt in *Siciliam* *Panormum*. *Siciliam* autem *Saracenis* infestantibus, cum frustra *Gregorius* opem a *Gallis* Imperatoribus diu petiisset, quod pertinere ejus insulæ defensionem ad eum qui in Oriente regnaret videretur, *Bonifacius* *Corficæ* princeps capeffens ipse cum *Etruscis* quibusdam auxiliaribus copiis rem *Romanam*, trajecit in *Africam* viresque illic *Saracenorum* brevi ita pugnando fregit, ut & qui in *Sicilia* rem turbabant confestim ad suos in *Africam* juvandos redire cogerentur. Auctores sunt non convenisse per id tempus *Ludovico* Imperatori cum *Lothario* filio, ac per eam occasionem aggressos *Italiam* *Mauros*, quod & ipsum *Saracenum* genus est, venisse *Centumcellas*, quæ nunc *Civitas vetus* dicitur, inde petisse *Romam* constat, sed captam eam tunc fuisse ac direptam. Id vero in dubio est, neque scriptores non diversa tradunt, hos vero eos fuisse *Saracenos*, qui pulsi *Roma* venerint in *Siciliam* *Panormum*que diu oppugnarint, deinde ad ferendum suis auxilium abierint in *Africam*, tradunt. Interea *Ludovicus* moritur post annos triginta sex, ingenti gloria imperavit. Post *Ludovici Pii* mortem tres filii inter se de regno acerrimè decertaverunt. Commissio prælio *Pontanico* nomen loco pugnae est, omnium maxima strages facta traditur, *Lotharius* ex prælio *Aquisgranum* primo, deinde fugantibus victoribus, perfugit *Viennam*, qui tamen paulo post redierunt in gratiam opera maximè *Sergii Secundi Romani* Pontificis;

ficis; qui quod proprium nomen dehoncstare pontificiam dignitatem videretur, *os porci* vocabatur, morem invexit mutandorum Pontificibus nominum, ut pro suo quisque arbitrio nomen desumeret.

- 54 Sed trifariam diviso regno *Lothario Roma* atque *Italia* obvenit, qui *Ludovicum* filium in sortem acceptum regni misit cum exercitu in *Italiam* & ejus regem nominavit, quod audisset ex delatoribus, qui tamen deinde convicti falso objecti criminis pœnas luere, inclinare Pontificem ad *Constantinopolitanum* Imperatorem. *Sergius*, ubi is in urbem venit, benignissimè inunxit, atque omni humanitatis genere profecutus est, quo ferocientem juvenilem animum a militari incontinentia & libidine demolliret. Huic *Carolus Secundus* qui *Lothario*, cum is senex imperatorio se muneri abdicasset, successit; *Johannes octavus* Pontifex, inunxit regemque & Imperatorem *Romanum* appellavit. Is verò paulo post ex veneno *Anone* moritur, *Ludovicus* filius cognomento *Balbus* regnat. Suspicio fuit corruptum pecunia Pontificem Imperatoris quoque *Romani* honorem ad *Balbus* detulisse; quod cum molestè populus *Romanus* ferret conjectum in vincula Pontificem, & ad *Carolus Crassum* munus *Romani* Imperii delatum ferunt, atque ambos simul quoad vixit *Balbus* discordibus primum animis imperavisse. Post duos deinde fere annos *Saracenis* rem *Romanam* prementibus, duo Imperatores invicem redeunt in gratiam, Pontifici quoque suos honores reddiderunt. Verum longius fieret modo si ordinem Imperatorum recensamus. Nam & hæc quæ attigimus erunt fortasse qui supervacanea reputent. Nobis vero *Caroli* successionem non usquequaque jejunam reliquisse visum est, simul non ab re forte fuerit propter multa quæ incident in narrationem, si variatum esse Imperatoribus *Romanis* cognoverimus, ut a *Romanis* ad *Græcos*, inde ad *Gallos*, ab his rursum ad *Germanos* translatum, quanquam *Otho*
- 55 *Germanorum* Rex primus, deferente eum honorem populo *Romano*, & Imperator in *Germania Romanorum* fuit qui etiam in *Italiam* contra *Ungaros*, qui huc eruperant accersitus cum tribus magnis præliis fudisset, *Berengarium*, qui in *Italia* petulantissimè regnabat, attrivit. Huic *Otho* alter successit, inde per manus ad tertium quoque *Othone* pervenit *Romanorum* Imperium. *Florentiam* amavisse urbem *Othone* illum superiore fama est, atque in ea, dum e *Germania* it viam reditque, familiariter diversatum, unde & ampliorem fecisse agrum *Florentinum* traditur, quem intra passuum tria millia *Carolus* concluderat, aliquot etiam de Comitibus *Othonis*, qui in Civitate remanserunt *Florentinam* nobilitatem auxere. Hinc *Ubertus Lambertus*que quidam duxisse gentis exordium putant, ut & *Guidorum*, qui & Comitum servaverunt nomen in *Flaminia* primum; unde ob immodicam ejecti Tyrannidem ac trucidati a *Ravennatibus* in *Casentinate* deinde agro constituerunt. Jamque annus a *Christiana* salute millesimus vertebatur, & decretum fit quod ad nos usque pervenit, ut Imperator *Romanus* per omnia tempora e *Germania* peteretur; Cujus quidem perferendi potissimum ratio fuit, quod nullæ tunc quidem gentes promptiora, cum esset opus, auxilia *Romanis* subministrarent. Accessit & in *Gregorium Quintum* Pontificem *Romanum* recens *Othonis* beneficium eum a multis eum periculis liberaverit. Quod etiam verò simile facit hoc potius tempore quod alii tradunt *Silvestro* Secundo aut *Sergio* Quarto Pontificibus qui *Gregorio* successerant, duobus tantum, *Joannis* utrique fuit nomen, interjectis, contigisse. Additum decreto ut hæreditarium Imperatorium munus non fieret, neque esset Pontifex *Germanus*, ne duobus summis *Christianorum* ma-

A gistratibus una modo gens potita, cæteros sine honore neglectos reliquisse viderentur. Modus etiam certus, certumque est collegium constitutum, quæ deinde servari in creando Imperatore *Romano* conveniret; appositum postremo constat: nisi quem *Romanus* Pontifex comprobaret, legitimum Imperatorem *Romanum* non videri. Post hæc *Otho* revertitur in *Germaniam*, & pestis famesque ingruere, ut nihil accidisse putetur per multa tempora miserabilis. Recreavit nonnihil *Hitagonis*, quem *Etruriae* abiens præfecerat, benignitas. Hic cum uxore *Florentiae* habitavit. Descendisse eum aliquando per quietem ad inferos ferunt territumque pœnarum acerbitate animum ad religionem exornandam intendisse. Itaque septem diversis in locis monasteria ædificavit ditavitque. Inde constanti prope opinione divinitatis moritur. De *Othonis* vero tertii obitu varia traduntur, & sunt qui perisse eum veneno putent; quod enim *Romani* decretum de Imperatore e *Germania* deligendo improbarent auctori ejus intendisse insidias. *Henricus* certè *Bavarie* Dux Secundi *Othonis* Filius, qui maternum genus in *Carolus Magnum* referebat, *Othoni* mortuo subrogatus, ex novi decreti observantia *Benedictus* Octavus Imperatoria corona aurea decoravit, cum *Romam* tandem adventasset, aliquamdiu ponendis domesticisurbationibus intentus, quem deinde coronæ morem posteri quoque ad hunc usque diem acceperunt. *Ungari* nostra sacra opera admiserunt, maximè uxoris regiæ, quæ *Henrici* Imperatoris filia fuit neque a parentibus degeneravit, nam & ipsi mira religione claruere. Per hæc tempora *Florentini* desperata concordia cum *Fesulanis* de Imperio postremo decertavere, atque eversa quod primo libro diximus eorum urbe c

D duobus unum populum fecerunt, quod necessitatem attulit amplificandæ urbis. Itaque primum pro tempore vallo & fossa circumdederunt, deinde etiam muris ornare: suburbana erant extra portas, ea includi placuit & protendere usque ad *Arni* ripas ædificia. *Carraria* porta fuit ubi nunc pons est qui ab ea nomen habet; ab hac vero ad *Boariam*, quæ fuit superioris fluminis parte continuati muri, quicquid juxta *Arni* ripam fuit ædificiorum, concluderunt. *Boaria* vero a *Boum* mercatu primum dicta, *Cuonana* deinde appellata est non longe a *Rubaconte* qui ab ea quoque parte nobilis pons est. Cum qui *Cuonam* habitabant eam partem infedissent trans *Arnum* etiam tria suburbia, ut tres viæ nobiliores ab urbe extiterunt *Pisana*, *Romana*, *Senensis*, circumducto muro tribus portis ornare; quanquam factum id deinde putant per *Arrigi* tertii tempora, cum is hostem se *Florentini* populi ad invadendum accingeret. Omnem vero ita auctam Civitatem distinxerunt in partes sex, ut una trans *Arnina* esset, cis *Arnum* quinque, ut portæ quoque fuerunt. Nam illius quæ Sanctæ Mariæ porta dicitur, quæ inter *Carrariam* *Boariam*que fuit, cum usu paulatim obsoleta denominatione translataque ad viæ tantum appellationem; qua enim trans flumen recta itur a porta nomen & nunc retinet. Consul quoque auctus numerus, ut singuli in singulis portis legerentur. Unus autem inter eos forte princeps erat cui quidem vocandi populi, & cogendi Senatus, & decreti referendi jus erat. Capitalium quoque ipsi rerum & judiciorum habebant potestatem, donec ad præturam urbanam vocati ex alienis Civitatibus, quod post dicemus.

F Horum nomina, ut cæterorum quoque magistratum quæ majore ex parte scriptorum negligentia non extant, neque nos ea inferere hic scriptis potuimus præter admodum pauca, quæ nescio qua felicitate a communi peste atque interitu evasere, quæ erunt inventa nos sua laude non defraudabimus.

mus. Civitatem ergo ita auctam mœnibus clariorem *Conradi* consuetudo fecit. Is *Suevus* fuit, & post *Henricum Romæ* regnavit, etsi trium ferè fuerit annorum interimperium, vix enim adduci *Romani* potuerunt ut *Othonis Gregorii*que de Imperatore *Romano* decretum perferrent. Diversatus enim *Florentiæ* pene familiariter auctoritatem auxit, & nobilitatem plurimum decoravit. Cum venisset primum in *Italiam*, & *Mediolanum* appulisset, quod ingressu *Mediolanenses* prohibuerunt, omnia circum ædificia succendit, ab oppugnanda vero urbe retractum, religione motum ferunt, cum nuntiaretur *Ambrosium* (is fuit illius urbis Antistes, & ob vitæ integritatem relatus inter divos) multa minitari per quietem, nisi a sua urbe abstineret. Sunt qui dum res sacra fieret ea visa tradant. *Conradus*, certe his perterritus minis, inde properè abiens ad auream coronam accipiendam *Romam* venit: *Joannes XX.* coronavit. In *Sclavos* inde *Ungaros*que qui rebellaverant convertit *Romana* arma. Tribus vero coronis Imperatores nostris insigniri oportuisse ex decreto quoque ipso *Blondus* testatur, ut dum iter faciunt *Romam* primum de palea *Mediolani*, deinde ex ferro coronentur, auream tandem in urbe a Pontifice accepturi. Huic successit fortunæ pene conatibus *Henricus* alter *Leopoldi* filius, & ipse ut Pontificis affectator, ita & urbis *Florentinæ* amator. Viderat autem in somnis *Conradus Leopoldi* filium sibi generum futurum & regni hæredem; itaque cavens liberis conquistum puerum interficiendum curat. Sed ad hæc tanta deferentibus fatis, hi, quibus triste id negotium datum est, pueri maximè moti misericordia in silva vivum illæsumque destituerunt, qui paulo post a pastore inventus, cum is ad infantis vagitum accurrisset, redditur parentibus, apud quos clam educatus, cum ætatem ad adultam venisset, idque cum rescisset *Conradus* rursus tendit insidias; itaque juvenem ad se accersit, & blande alloquutus, opus esse ait, ut ipse ad uxorem cum literis proficiscatur (scriptum in his erat, ut cum Regina perderet, si sibi regno suisque filiis salubriter consultum vellet.) Juvenis ergo, cum mandata recepisset quod erat suspicatus resignatis literis cum apertis cognovisset, adulterinas conscribit, quibus generum ascitum se ab Imperatore *Reginæ* significat, proinde accipiat benigne & filiam despondeat. Quod factum tandem *Soceri*, etsi inviti, animum mutavit, & quandoquidem, inquit, Diis ita visum, non adversetur fato, atque ex eo die tantarum habuit rerum successionem. Regnavit autem ingenti admiratione virtutis, neque rem modo *Romanam* præter morem vexatam intestinis seditionibus constituit, verum etiam contra barbaros hostes sæpe ferocissimè depugnavit. Qui Patri *Henrico* successit secundo *Henricus* tertius omnia turbavit, fuitque multorum quæ *Italia* perpeffa deinde est, malorum seminarium. Is *Victorem* secundum erexit ad Pontificatum, qui *Florentiæ* Concilium habuit ac multos Sacerdotum arguit errores; ubi & *Stephanus* deinde nonus diem obiit; posteaque *Robertus Giscardus Græcos* magno prælio fractos pepulit e *Calabria*. Ipse omni illi oræ præfuit & *Alexius* qui *Nicephoro* in *Constantinopolitano* Imperio successor fuerat omnis ferè *Italia* cessit; qui autem *Giscardus* fuerit, unde hic arma intulerit, incertum est. Sunt qui *Gallum*, sunt qui unum ex his *Normannis* fuisse putant, quibus *Carolus Magnus* ultra *Sequanam* flumen loca victis ad inhabitandum dederat, a quibus & omnis illa *Galliæ* pars denominationem accepit, venisse autem in *Italiam* quærentem sedes novas, cum *Riccardus* frater domi omnia occupasset. Alii vero non ipsum invalisse primum hoc re-

gnum dicunt sed *Guilielmum Tancredi Normandiæ* Ducis filium pepulisse inde *Græcos*, unde *Malosus* (is *Græcorum* Dux fuerat) ejecerat paulo ante *Saracenos*, illicque regnasse cum *Drogo* primum, deinde *Vfredo* fratribus. Ab his venisse *Giscardum* in eam regni successionem; posteaquam *Gofridus*, & ipse *Tancredi* filius vita decessit. Constitisse vero admodum adolescentem in *Calabria* ubi bonis artibus brevi gentis principatum adeptum, *Apuliam* quoque & *Siciliam* imperio adjecisse, Amicus certe populi *Romani*, & Pontificis sectatus partes contra *Henricum* tertium Imperatorem *Romanum* socia arma junxit. Hic enim pravo consilio ex defensore & patrono hostis factus adulterium objecit *Alexandro* secundo Pontifici Maximo, qui *Nicolao Florentino* Episcopo post *Benedictum* decimum successerat, & *Benedictus* quidem mense ferè decimo ambitus damnatur; qua re admonitus *Nicolaus* decretum tulit de creandis Pontificibus. ut nisi quem Cardinales legitimè creassent inutiles haberentur. Ita non Imperator modo exclusus, cujus sæpe in deligendo Summo Sacerdote vel maxima fuit auctoritas, sed & populi quoque *Romani* suffragia cessaverunt, quod ea non jam ad virtutem sed ad gratiam spectarent, ac potentiam eorum, qui pontificiale etiam munus mancipare libidini postulabant. Deteriora autem cuncta *Henrici* perversa & obstinata studia faciebant; qui cum in animum induxissent demi de suo honore quicquid adjiceret Pontificis *Romani* dignitati, omnia commiscebat, jamque *Romanos* primum inter se non sentire eadem, sed hos Imperatorias, illos Pontificis adegerat partes anteferre; quod, deinde malum tanquam per sæda contagia ad reliquos quoque populos cum perperisset, Deus bone? quantum incendiorum quantum ruinarum cruorisque humani ad nos usque intulit. Inter Pontificis *Romani* sectatores *Mathildæ* maximè opera insignis fuit, ea maternum genus, quanquam res perobscurior traditur, in Imperatorem *Romanum* referebat. Nam *Beatricem Henrici* secundi Sororem, etsi & hoc quoque ambiguum est, ab Imperatore *Græcorum* duxisse originem quidam putant, ea vero *Bonifacio* cuidam *Lucensi* juveni formosissimo, cum is in patris aula diversaretur per clandestinas nuptias vincta traditur, veritam autem patris in se ob id admissum sævitiam, fugisse in *Italiam*, & *Luce* cum viro confedissee, quod cum patri innotuisset severitatem posthabens per litteras id matrimonium confirmavit, proposuitque *Luce* & nonnullis præterea urbibus, & in *Etruria* & in *Gallia Bonifacium*: his vero ortam parentibus *Mathildam Gothefrido Spoletano* Principi nupsisse, & in hæreditatem successisse parentibus vita functis, cum nihil præterea liberorum reliquissent. Sunt qui cælibem traduxisse vitam omnem religiosamque asseverent; sunt qui a *Suevis* usque ducibus petiisse *Gulphum* virum putent, sed eum mox inhabilem proli procreandæ deprehensum repudiassse & usque ad extremum vitæ diem fuisse innuptam, ut eos modo præteream qui *Ationem* quoque *Estensem* Principem *Mathildæ* dicunt conjugem fuisse, cum quo adversus *Henricum* cum progressa in *Gallia Romanam* cum exercitu petente. Vtuncque res se habeat, *Virago* certè fuit, & fœminarum prope cunctarum quæ in historiam veniant, maxime præclara. Tres autem præcipuos de hoste triumphos ingenti cum gloria reportavisse ferunt, rejectis primum *Normannis*, qui rem Pontificiam in *Apulia*, antequam *Giscardus* rem & ipse *Romanam* capefferet, perturbabant, deinde superatis acie Ducibus, *Henricus* patre & filio Imperatoribus, cum hi arma contra *Romanos* Pontifices expedivissent; ad extremum gloriose defunctam Pontifi-

tiſſes *Romanos* teſtamento hæredes inſtituiſſe, unde & *Patrimonium Petri* factum memoriam *Matthildæ* in *Romanam* Eccleſiam benignitatis perfert ad poſteros. Et *Ferraria* urbs Pontificum eſſecta veſtigialis fertur. Noſtra quoque Civitas cum Imperator omnes *Italia* populos contra Pontificem concitaret prætulit *Romanos*, & adverſus *Henricum* arma apprehendit. Nam *Roma* revertentem, ubi multa fecerat contra *Gregorium* ſeptimum, quem poſt *Alexandrum* ſecundum miris modis affligebat, cum *Florentini* à moenibus avertiſſent, ira adeo percitum ferunt, ut expedire arma ſtatim milites atque urbem aggredi juberet. Neque vero primi illi conatus e ſententia ſatis ceſſere. Igitur obſidere urbem pergit; cumque a *Carraria* ad *Boariam portam* circumſtruxiſſet agmen, nulum oppugnationis genus intermittens urbem premebat; neque a Civibus minori induſtria aut viribus repugnabatur. Multæ utrinque sæpe inflictæ atque acceptæ clades. Ad poſtremum autem cum erupiſſent majore impetu *Florentini* adeo hoſtem fregere, ut diſſoluta ſtatim obſidione in *Galliam* abierit, unde etiam mox a *Matthilda* ſuperatum bello, reverſum eſſe trans *Alpes* tradunt 63 in *Germaniam*, & victum ab *Henrico* filio vinctumque in carcere diem obiſſe. Annus erat milleſimus ſerè ac centeſimus *Chriſtianæ* ſalutis quo *Gothi* in *Aſia* & *Hieroſolymis* glorioſiſſimè bellantur, cum *Florentini* multo facti potentiores bella cum finitimis multifariam gerebant, pulſiſque de locis etiam munitioribus Tyrannis Regulique, qui permulti in *Etruria* tunc erant, fines porrigebant. *Pratenſes* quoque, cum adverſarentur, in poteſtatem devenere: oppidum hi paulo ante ædificaverant, cum multi ex propinquis vicis conveniſſent, quo ſe ab incurſionibus variis Tyrannorum, atque injuriis tutiores redderent. Coëmpto igitur prato ex collectitia pecunia, ut in ſuo ædificantes ſolo aſſerere ſeſe in libertatem poſſent, oppidum *Pratum* agri nomine condiderunt. Eodem ſerè tempore ad *Cassiolum* eodem eventu, niſi quod id diruerunt, pugnatum. Id quoque oppidum Imperatorios milites accepit, & ſentiebat cum *Miniatenſibus*, qui etiam præfectos acceperant Imperatorum. Ex quo his ejectis *Florentini* Pontificias ac *Romanorum* cauſas fuerant complexi. In *Cassio* *Robertus* etiam quidam Imperatoris præfectus, dum obſtinatius repugnat, interficitur. Quod dediſſe imprimis curam *Henrico* quoque quarto fertur cum venit in *Etruriam* *Romam* petens, ut & ipſe eadem tamen quia paulo pater ante fortuna *Florentiam* oppugnaret. Duo fuerunt non magno intervallo temporis in urbe horrenda incendia, quibus quidem præter ædificia multa, privatorum quoque opes cum Dominis & familiis conflagrarunt, & literarum etiam monumenta deperire, unde factum, ut res geſtæ noſtræ ad eam diem niſi perpaucæ, quæ & ipſæ a peregrinis magis petuntur auctoribus, deſiderentur. Ea vero tempeſtate mari potentes *Pisani* erant. Itaque Pontifex poſt *Hieroſolymitanam* victoriam continuo reputans quo pacto *Saracenorum* reliquias proſequi ac delere ubique poſſet, illos per literas ac legatos cohortatur ut parata claſſe in *Baleares* trajicerent, atque inde (duæ autem ſunt in pelago *Hiſpaniæ* nobiles inſulæ) *Saracenos* pellerent. *Pisani* ergo dicto audientes claſſem ingentem parant, et tanta quidem potiundi ſpe ut vix qui cuſtodire urbem poſſent, dum naves inſtruunt (tantus ardor inceſſerat) domi relinquerentur. Jamque movebant e *Pisano* portu, et vadis *Volaterranis* conſtiterant, ventos ad trajiciendum ſecundos expectantes: cum *Lucenſes* veterum memores æmulationum tantam occaſionem minime prætermittendam rati belum parant. Id ſcilicet cum innotuiſſet, ambi-

guam reddidit *Pisaniſ* eam profeſſionem donec miſſis *Florentiam* legatis ſœdere iſto, quæ neceſſaria foret dum ipſi domo abſunt, deſenſionem impetravere. *Lucenſes* ab incepto deſtiterunt. *Pisani* autem cum proſpero curſu adnavigaſſent pleniffimam de *Barbaris* victoriam reportavere. Cum igitur læti rediſſent, ditatque omnifariam *Saracenorum* gaza, viſum eſt, ne accepti immemores beneficii vocarentur in dividendis exuviis, ut in primis *Florentinorum*; quorum maxime opera tanta erat parta victoria, ratio haberetur. Erant inter hoſtium ſpolia duæ porphyreticæ nobiles columnæ, eas dono dare *Florentinis* placuit. Igitur magna pompa invecſæ in urbem præ foribus *Baptiſterii* ſpectantur. *Fesulanam* vero arcem per id tempus a ſtirpe interiſſe *Villanus* auctor eſt, et decretum factum a *Florentinis* ne quis in eo monte deinceps niſi ad privatum prædiorum uſum ædificaret. Erant ea quoque tempeſtate qui quartum lapidem via *Senenſi* Montem vocant bonum, loco munito 65 habitantes ſuſpectam fuerint *Florentinis* eam propinquitatem, conventus enim facerent sæpe agriculturalum, unde facile irruptiones, et latrocinia timerentur. Itaque aggreſſi *Florentini* diruerunt arcem; qui in ea erant quidam nobiliores de *Fesulanis* duxiſſe originem nonnulli prodiderunt, donati Civitate inde ad hæc uſque tempora nomen familiæ ſuæ perduxerunt, *Bondelmontes* inverſo nomine appellantur. Bellum erat eodem ſerè tempore, neque diverſa ex cauſa, cum *Guidis* Comitibus, qui et ipſi quædam vicina urbi caſtella poſſidebant cum his, et multi præterea quibus convaleſcens indies *Florentinorum* fortuna formidoloſa erat; et *Arretini* inter primos ſentiebant. *Dirracium* vocant ubi Caſtellum fuit via *Arretina* *Guidorum* præſidio, et montis ſitu præmunitum. Id vero invadere primum conſilium fuit. Itaque copiis inſtructis montem obſederunt: difficilius vero fuit oppugnatio. Non enim cum *Guidis* modo res erat ſed cum *Arretinis* cæterisque ſœderatis, qui frequentes ad repugnandum convenerant. Hi verò, cum audacius aliquando erupiſſent terrore injecto verterunt *Florentinos* in fugam, et ſolvendæ obſidionis neceſſitatem intulere. Sic per aliquam intercapedinem minus infeſtæ res dum animos reſumunt et bellum *Florentini* reſtaurant, tandem majoribus adnixi viribus vi captum caſtellum diripiunt a ſtirpeque evertunt; neque tamen eo quietior Civitas fuit ſcaturientibus jamjam, tanquam e fonte quodam, invidiæ formidiniſque bellorum cauſis. *Piſtorienſes* cum *Pratenſibus* de *Carminiani* poſſeſſione contende-
E debant armis, nitebanturque *Pratenſes* *Florentinorum* maxime viribus multo hoſtibus impares, ſi ſuo ſit Marte decertandum. Nam longe a *Carminiano* utraque caſtra erant, & sæpe cum leviora prælia committerentur, ac viciffim victi, & victores evaderent, invaſit utrorumque animos juſti magis prælii libido. *Pratenſes* dum inconſultius locum pugnæ capiunt, conſeruntque manum confidentius preſſi poſt durum certamen, impulſique ceſſerunt; Qua quidem elati victoria *Piſtorienſes* dum fugientes perſequuntur ad *Prati* uſque
F moenia intulerunt ſigna, & pro portis victoria alacres vix quoquam expediente contra telum pugnaverunt jaſtantes ſua facinora, & unumquemque hoſtium magnis vocibus, ut quique erat magis notus nomine, appellantes. Cum *Pratenſes* nihilominus intra munitiones ſeſe continerent, *Piſtorium* redditum. Dum hæc ad *Pratum* geruntur, *Guidus* Comes familiæ princeps irarum atque indignationis plenus cum auxiliariis multis copiis adventare nuntiatur. In hunc miſſus exercitus cum ad *Bonitium* obviam hoſti fieret, male pugnatum eſſe a noſtris *Soziomenus* tradit. Neque tamen aut auxilia *Pratenſibus* aut contra *Guidos* hoſtes

hostes necessaria sunt supplementa ad defensionem intermissa. Tamen *Pratenses* rursus victi acie ad montem *Murolo* *Carminiani* possessione decesserunt. Exercitus autem contra *Guidos* reparatus in *Aretinos* ire iussus brevi debellavit. Et illis ad postremum victis data pax his potissimum conditionibus, ut a foedere amicitiaque *Guidorum* averterentur; eosdem vero deinceps haberent hostes; atque ab ea parte, unde *Florentini* bellum inferrent *Aretini* etiam pugnarent. Interea ortæ inter *Florentinos* *Senenses*que ob contraria studia quæ illi adversum Pontificem *Romanum* imperatoriam causam præferrent contentiones in apertum tandem bellum erupere. Ad *Ascianum* pugnatum cond-
 67 stat & quidem *Senensium* pejore sorte; nam & ipsi acie superati pacem iisdem ferè conditionibus acceperunt. Foris ita pacatis rebus, domi intestinæ seditiones turbaverunt otium: bina etiam incendia & pontis, qui deinde aliis superædificatis novis est *vetus* appellatus ruina,urbationi plurimum addidere. Discordiarum vero civilium causam, quæ tunc primum execrabili exemplo insurrexerunt in *Ubertorum* referunt familiam. Nam cum essent ea tempestate civitatis facile principes pollerentque præter cæteros divitiis atque anteirent dignitate stimulante animos fortuna quæ vix unquam præsentis rerum statu conquiescit, criminari consules atque eorum superbum dominatum neque jam ferendum, occipere; præferebant videlicet populi causam, re autem vera excutere a cervicibus illud severioris magistratus jugum postulabant, ut regnare ipsi liberior & omnem Rempublicam, quod facile futurum sperarent amoto aut saltem mutato, ut vellent ipsi, magistratu pro arbitrio magis administrarent. Ea vero res continuo duas in partes civitatem distraxit, plerisque de nobilitate superbiam *Ubertorum* potentiamque accusantibus, & apud multitudinem, quæ ob crebras largitiones *Ubertorum* ferè tota erat, odii semper novas causas vestigantibus, quo plebis animos ab illorum studiis averterent. Nullam quærere *Ubertos* populi libertatem, quæ sæpe opponi etiam opibus factiosorum consuevit, & civitatum plebi conservare commoda, sed quærere sectarique licentiam, quæ sibi ad libertatem occupandam, & pro libidine gubernandam Rempublicam expeditiorem viam parent. Si ipsi Consules ejecerint unicum jam legum & civilis otii propugnaculum, fore ut brevi quid egerint recognoscant, cum omnia tandem pauci occupaverint, & fecerint sibi
 68 vectigalem Rempublicam frustra deinde libertatis opem imploratu-
 ros. Contra vero *Uberti* Magistratus damnabant impotentem Consulum dominatum, verberaque & plagas, quibus nonnunquam contra noxios, & facinorosos necessario uterentur, in invidiam vertebant. Anni magistratum ad orbem etiam expilandum evertendumque sufficere, præsertim cum hi sæpe ad dignitatem attollerentur, qui præter intolerandam superbiam atque in-
 explebilem avaritiam nihil afferrent ad imperandum quo non ipsi magis servitute digni esse viderentur: excellentem fuisse oportere eorum virtutem, qui ipsi virtutis præcepta cæteris tradituri sint, & qui justitiam, qui modestiam atque continentiam edocere alios velint, ut earum qui velint esse auctores, prius induerint habitus necesse esse. Modo vero jactare publicos honores occupareque primos in republica gradus, qui ne nomen quidem suum perdidicerint si audire bene monentes velint, non commissuros profecto, ut nisi a sapientioribus republica administraretur; *Ubertorum* tandem huc omnes tendere conatus, ut soli consulatibus cæterisque Reipublicæ fungerentur honoribus. Qui tunc ad ignarum etiam quemque forte obvenirent. His igitur hinc atque inde hujusmodi exasperati

A inter se vocibus etiam arma tandem cient. Duos prope annos seditione ita laboratum, ut eodem sæpe tempore diversis per urbem locis diversæ pugnae committerentur. Neque erant ferè ullæ paulo nobiliores ædes sine altis turribus ac propugnaculis, unde aut vicino inferrent bellum, aut illatum repellerent, donec excitati externis periculis paulum domi quievire. In *Clante* enim & in valle *Else* *Guidi* Comites instaurabant bellum, nec sine suspitione *Senensium* auxiliorum. Itaque Consules ad apparatus bellorum omnem curam convertentes non alias delectum faciliorem habuere. 69
 B Arma enim quæ inter se irati exercuissent, in hostem conversa celeris victoriæ spem subito fecerunt. Ad *Grosselim* primo montem pugnatum id est *Clantis* oppidum; in eo se multi ex hostibus concluderant, qui tamen veriti impetum nostrorum seque & sua in potestatem *Florentinorum* statim ut exercitus advenit, tradidere, inde in *Poniam* (Castellum id fuit munitum in valle *Else*) unde hostes omnem illam regionem infestarent, profecti eadem felicitate debellaverunt. Jamque *Florentinum* nomen omnibus terrori esse coeperat, Regulique permulti & nobiles qui editiora ferè quæcunque loca in *Etruria* per diversa tempora occupaverant, conjecturam ex alienis fortunis facientes impetum & ipsi jam in sese *Florentinorum* formidabant. Erant, qui diversis de causis in ea loca remanserant, pro viribusque & facultatibus singuli arces sibi Castellaque cum prædiis comparaverant, unde vel qualemcunque *Tyrannidem* exercerent; hi vero inito consilio *Guido* ipso Principe atque auctore ejus de communi causa legatos ad *Federicum* miserunt *Florentinorum* in suum genus injurias exposulatum. Inter Legatos fuisse *Cathani* quendam; qui *Fesulanam* arcem, quoad *Florentini* eam diruissent, in potestate habuerat. Venerat forte per id tempus *Federicus* in *Italiam* ac *Pistorii* constiterat. 70
 D Senserat autem *Pistorienses* infestos esse *Florentinis* ob recentes maximè de *Carminiani* possessione cum *Pratensibus* dissensiones, in quibus nomine tantum hi, re autem *Florentini* intulisse bellum putabantur. Igitur cum venissent illuc legati Regulorum, essentque ad Imperatorem introducti, *Guidus*, is erat legationis princeps, cum gratum prius eorum fecisset pro viribus adventum, & se esse aliquos de *Romani* Imperatoris familia edocuisset, rem deinde aggressus multa conquestus fertur, nec ea modo exposulavisse, quæ ad recentiores injurias, atque ad rem magis pertinerent, sed vetustiore quoque
 E retexens historiam *Ravennatum* etiam in suum sanguinem indignissimum, atque crudelissimum scelus, miserrimumque exilium, ut commiserationem Imperatori moveret, pluribus verbis explicavisse; tandem ad præsentem magis rem descendens quo in periculo fortunæ suæ locarentur, aperuisse. *Florentinos* rebellem gentem, & quæ cum quoque atque Imperatoriam Majestatem despiciere auderet cuncta jam in *Etruria* occupare. *Aretinos*, *Senenses*, *Pratenses*, victos armis eam quam ipsi voluerunt pacem, accepisse, & coactos conditionibus, si ita libido dominandi atque aliena occupandi ferat, ipsos quoque contra nos arma assumpturos; *Romano* si res verè expendatur Imperatori inferri injuriam: Nam si ipsi suis ejeciantur sedibus, & cesserint furori *Florentinorum*, apud quos deinde tandem in *Etruria* Imperatorium nomen remansurum; Atque haud scire se rerum exitum velleque bona potius ominari, quam ea dicere quæ molesta esse possint, tamen maximum semper pondus rerum *Italicarum* habuisse *Etruriam*. *Romanos* certe olim ea devicta minus negotii ad superandos reliquos *Italicæ* populos habuisse, proinde videat Imperator etiam atque etiam, quan-
 B. Scala. C tum

tum ad suarum quoque rerum periculum in tanto res *Etruriæ* constituto discrimine pertineant, & futuris jamjam erat obviam fortunis, antequam serpat morbus longius & universum corpus contabescat. His vero permotum rationibus *Federicum* ducturum fuisse *Florentiam* copias urbemque oppugnaturum ferunt. Nisi in *Latium* properantem
 71 majores causæ urgeant; quod potuit pro tempore decreto suo omni agro *Florentinos* multavit, ut extra muros ditionis nihil possiderent. Ita quatuor ferme annos sine agro fuerunt. *Federicus* autem secundus vigesimum agens annum cum in *Othonis* esset suffectus locum anno *Christianorum* MCCXIV, procurante maxime *Honorio* Tertio Pontifice Romano, multi *Christianorum* proceres *Damiatam Ægypti* urbem supra annum obsessam expugnaverunt. Ea *Æliopolis* olim fuit, cum enim *Ælius Pertinax* Imperator Romanus muris cinxisset, & derivata e *Nilo* flumine aqua in insulæ rede-gisset formam, de suo nomine appellavit. Egregia vere laus in ea victoria *Florentinorum* fuit, qui multi Cruce insigniti in ea expeditione dederunt nomina, & signis suis militavere. Domum vero reversi victores & ditati præda captum de hostibus vexillum in *Baptistæ* templo appende-runt, quod ad posteros facti memoriam referret. Agri certè multa remissa fertur & ad decimum restituta lapidem jurisdictio. *Companius Arrigucius* erat in consulatu primus, Castellum, quod supra captum fuisse a nostris diximus, cum rebellasset & infestos vicinos quotidie magis redderet, ceptum est de *Guidis*, ac continue prope cum *Clantiatibus* decertationes a stirpe inferire, & *Fondilianum* oppidum in potestatem venit, quod quia foedifragi oppidani fuissent, *Florentini* diruerunt. Dux tunc fuit consulum princeps *Henricus Tosa*. Erat autem id moris, ut ex Consulibus Duces legerentur copiarum, & qui Princeps esset primum semper iniret expeditionem, si pluribus bellandum locis foret singuli forte bellis quibusque præficerentur. Et quando in Ducum mentionem incidimus, non ab re esse videtur, ut quis tunc modus militandi noster fuerit paucis aperiamus. Duo igitur ex omni *Florentino* electi armento nobiliores boves curules publica coempti pecunia in hospitali *Pinthia* domo asservabantur. Sumptus quoque quo enutirentur delicatius, ex publico fiebant. Neque fas fuit nisi in bellorum usus cuiquam educere, currus autem eodem loco stabat insigniori arte fabricatus rotarum quatuor pictura etiam cælaturaque insignis; velum item fericum rubrum albumque dimidiatis partibus ad bellicos usus paratum *Baptistæ* in æde per pacis tempora occlusum erat. Si Senatus populusque bellum decrevisset, indicebant Consules, resque injuria surreptæ repetebantur nuntiis. Si ita repente non reddebantur bellum in aperto erat, tum vero delectus propere habebatur ad hunc maxime modum; Tres publici apparitores currum educabant & junctis bobus trahebant, tubicinibus quatuor præeuntibus & *Martium* canentibus; cum erat ad *Aream Baptistæ* perventum, aderant Consules & sacerdotum omnes ordines; tum patefactis foribus statis caeremoniis vexillum efferebant & imponebant curui. Recta inde ad *Capitolium* iter erat, & Consules pro *Capitolii* ædibus sedentes citari civium nomina per Præconem jubebant. Vix tunc invenias nisi quis morbo aut alia quapiam necessitate impeditus fuerit, ad nomen suum qui non responderet. Altero quoque die & tertio ac deinceps, donec perfectus exercitus esset, faciebant, nec minus trecentis equitibus, & trium peditum millibus justum exercitum constituebant. Ita habito delectu & stipendio persoluto in hostem omnia expediebantur; neque vero difficile, aut longum

A id negotium erat, nam civium multi in bellorum usum Civitatis decreto equos alebant atque habebant in promptu pro equorum numero expedita arma, & qui pedibus militabant, & ipsi quæ pedes
 73 in bellum ferret militandi consuetudine domi parata retinebant. Cum erant omnia absoluta parva ad æneum tinnitum martinella, de auctoris nomine *Kellorum* vocabatur, exercitus conveniebat: primam vero aciem circum signa ex quoque optimo ac strenuo magis milite constituebant, ut ea ab omni hostium impetu defenderent, nihil æquè ignominiosum ducentes, ac si his hostis potiretur quæ subsequerentur agmina, & ipsa seorsum proprios habebant præfectos & sua gestabant signa ad quæ convenirent, & ordinem in bello servarent. Consul post currum primus gradiebatur cataphracto nobili equo, & ipso coempto e populi ærario, quadrato potissimum agmine incedebant, pro rei duntaxat proque loci commodo figuram commutabant, levior armatura admixta expeditiori equiti prælium ciebat. Commissa vero pugna constituebant currum acies inter medias, ut minus solliciti pugnarent subsidiarii, omnis manus signa circumstabat, si dux erat captus de hostibus aut nobilior quispiam cum domum revenirent, victi sequebantur, currum deinde omnis conspectior præda succedebat. Is vero tum modus contra *Semifontinos* servatus traditur. Promontorium est *Elisæ* media fere in valle satis lato vertice & planitie amœna, *Semifonti* nomen est; in eo oppidum fuit inter *Etruscos*, ut res tunc erant, viris divitiisque opulentum. Et multi jam æmuli *Florentini* Imperii cum *Semifontinis* jungebant amicitias ut etiam vulgo decantarent cedere *Semifontinis* locum *Florentinos* oportere. Qua de re commoti primores Civitatis cum adiissent Consules, accusassentque *Semifontinorum* superbiam atque inde instare rebus suis periculum demonstravissent, ad Senatum res rejecta est; & cum populo de bello inferendo actum. Decretum
 74 id tandem bellum, posteaque frustra, ut abstinerent *Semifontini* a maledictis & ab inferenda injuria per nuntios tentatum est. Velo igitur delato in currum, & ad martinellæ sonitum delectu habito, *Aldobrandus Baroncius*, nam is tunc in Consulatu princeps erat, cum armatis militibus ducit primo Autumno in *Semifontinos*, & quod est imparatos fere improvisosque adortus, statim primo adventu intra mœnia absedit. Ac tum demum quid inter veram virtutem, & vana jactantem animum interesset, quantumque ab re factisque turgentia inania verba distarent, pessimo suo exemplo *Semifontini* perovere. Pertulerunt tamen duos fere menses obsidionem, tandem multis causis urgente ac imprimis penuria aquarum acti, desperatione cohortantes sese, & gloriosam, quæ repugnando pararetur viris fortibus ignavæ morti præferentes populariter fere pluribus simul locis eruperunt, ac primo statim impetu multos incautius negligentiusque excubantes, quod nihil plane hostile ad eam diem obsessi tentavissent, trucidant. Mox a collectis viribus cum repugnari acrius esset coeptum, *Semifontini* pedem referebant, quibus
 F *Florentinus* miles admixtus oppidum ingreditur ac diripit. Consul de victoria nuntios ad Senatum misit. Is quod rebellionem e superbo populo timerentur, *Semifontis* oppidum diruendum constituit. Ita priusquam inde signa moverentur a fundamentis eversum, nihil usquam aut publicæ aut privatæ operæ relictum est, quin eadem omnia ruina involverentur. Supra solum vestigium nullum oppidi est. Reditus in urbem maxime gloriosus fuit, & populus omnis ad portas est progressus obviam. *Miniatenses* quoque per id tempus in montem, unde paulo ante commodius habitandi gratia in plani-

75 planitiem commigraverant, rediere: veriti & ipsi *Florentinorum* arma, quod erant Imperatoriarum sectatores partium quibus *Florentini Romanorum* præferentes causam atque Pontificum adversabantur. *Ginesco* nomen loco est, in quo multa jam privata publicaque ædificia sub montem loco plano erexerant. Sed haudquaquam satis illic se tutos arbitantes antiquas in monte sedes repetivere, ut in-

A de, si qua sit illata vis, facilius repugnarent. Nuper cum foderentur *Viterbii* fundamenta Turris in tabula marmorea scriptum fuit *Desiderium Italiae* Regem, hominem *Longobardum*, id ædificasse oppidum, sed in plano primum id conditum putaverim, deinde ob superius traditam causam munitionem locum petivisse.

FINIS LIBRI SECUNDI.

LIBER TERTIUS.



Ultum addubitavi insereremus ne his scriptis, quæ per hæc tempora gessisse populum *Florentinum* aliquibus nostris continentur annalibus; neque medijsfidius alia de causa nisi quod præterita esse ea silentio videbantur ab his, qui *Florentinorum* res gestas scripsisse putantur elegantius; tandem cum nihil occurreret cur ista quoque qualiacunque essent, non mandarentur his præsertim litteris, quæ sint *Florentinam* professæ Historiam, neglecta ac posthabita a nonnullis sum ipse diligentissime persequutus; neque minutiora, quæ fortasse quispiam existimaverit, non esse, si id fieri possit, oratione etiam illustranda duxi. *Romanorum* certè res a principio gestæ, si illam quæ deinde magnitudo populi *Romani* fuit, non attingunt, non tamen propterea negliguntur. At cum natura res omnes initia habent imbecilliora, cum ætate accrescunt simul, atque ad postremum senescentibus, quæ aucta tandem fuerint, dilabuntur. Neque me ab instituto meo deterruit, quod ea a vulgaribus tradita esse auctoribus videantur; nam majora quoque his, quæ per varia tempora evenere, quæque cuncti complectuntur, non habent & ipsa rerum alia præterea monimenta, neque fontes, unde hauriantur, clariores. Non vereor autem, si his quoque decorem addere orationis possimus, quod certe multo est quæ majoribus in rebus quæque per se illustrare ipsa scripta possunt, laboriosius fore ut nostri homines neque inviti legant; quod si ero assequutus operæ me fecisse pretium putaverim, nec erit præterea quod requiram gratificari, & hæc modo contentus inferuisse posteris. Cum ergo redissent *Florentini* victores in urbem, aliud diu mente conceptum bellum aggrediuntur. *Cambiatenses*, hi cum *Semifontinis* senserant, *Bergentanofque* opprèssere, & *Bergentani* quidem via *Pisana* inferebant bellum. Eorum quoque Castellum cum *Florentini* ante hyemem cepissent, æquaverunt solo, & in proximo monte oppidum ædificaverunt, cui *Lupii* nomen a montis appellatione indidere, quod esset contra *Miniateses* maximè, nonnullosque, qui ab ea parte erant infesti propugnaculum; ad montem deinde *Murolum* conversa signa, id oppidum de *Guidis* Comitibus *Pistorienses* bello ceperant anno superiore, qui cum ad *Florentinam* opem confugissent pacti venditionem, si eam sibi injuriam ultam redderent, *Florentinis* viribus *Murolum* recuperaverunt, & pretio accepto ex conventis id tradidere. Auctior vero in dies Civitas efficiebatur, jamque negotia plura erant publica quam quæ a paucis administrari quirent. Itaque tum primum agitatum est de novis magistratibus creandis. Tandem vero juris modo dictionem amovendam esse a Consulibus censuerunt, ut ipsi liberiores cæterarum omnium rerum curam domi & militiæ sustinerent. Prætorem autem, qui jus populo diceret quique animadverteret in noxios, peregrinum esse placuit; Ita enim fore, ut minus potentia atque opes nonnullorum, qui sæpe in civitatibus factione magis quam bono æquoque nituntur,

B apud peregrinum valerent & justitia inviolatior atque incorruptior coleretur. Annuus hic primum magistratus fuit, deinde sex detracti menses cum anni jam consuetudo officere rectitudini atque integritati judiciorum videretur propter multas quæ per annum totum familiaritates inirentur, quæ facile divertere a vero atque agere humanum animum transversum possint. Maxime jam tum a principio Prætoris fuit in Republica auctoritas. Temporum etiam notationes, quæ a Consulibus fieri consueverant, ad Prætorum nomina translata, atque ad id paulatim potentia devenit ut regnare etiam in Republica videri Prætor possit. Per civiles enim dissensiones, quæ tam multæ civitatem invasere, peregrina prætura incrementa cepit; dum certatim quisque auctoritatem dederit adversariis minus eam in peregrino suspectam atque odiosam habet. Quantum vero potuerit in urbe Prætor, monimenta plura sunt, & nomen in primis testatur, Potestatem vulgo vocaverunt eum magistratum. Neque cum Senatu aut populo agi decernique quicquam potuit multo tempore nisi Prætor annuisset. Medium etiam primum Consules, deinde, mutato magistratus nomine, Antiani, ac postremo priores artium & libertatis affectabantur, si erat cum magistratibus nostris ceremoniarum aut sacrorum aliæve causa gradiendum. Nostra id ætate immutatum est, Prætorque in dextram partem translatus; Collegii princeps, quem vocant modo præpositum in sinistram, ut inter eos medius, qui locus esse prætoris sole- 78 ret, Vexillifer justitiæ, is modo primus in Republica magistratus est, incederet. Primum a *Mediolano* sic vocatum ad præturam urbanam *Gualfredotum* ferunt, quo quidem prætor alterum cum *Senensibus* gestum bellum est. Erant enim *Politianenses* finitimi *Senensibus* *Florentinorum* foederati, his fuerant pervetustæ de finibus cum *Senensibus* contentiones, quæ per eos dies cum recruduissent, bellum excitare, *Senenses* namque pacis, quæ cum *Florentinis* tunc erat, conditionum ob indignationem facti immemores, quibus inferendi amicis foederatisque belli jus adimebatur, *Politianenses* adoriuntur armis. Jamque tantum prope regionem devastaverint. Itaque missis propere legatis in foedere a *Florentinis* auxilia impetrare. *Alcinates* quoque amici *Florentinorum* *Politianensibus* faverunt. Nam & ipsi ob vicinitatem quod contenderent continuo cum *Senensibus* communem cum *Politianensibus* pene causam habebant. Dubitatio fuit quonam potissimum modo bellum administrari conveniret; erant enim qui statim ducendum in hostes censerent, reprimendumque agrorum impetum agroque succurrendum ne sociorum totus furori militari ac rustico prædæ foret. Non expectaturos *Senenses*, sed terga esse daturus si adventare *Florentinorum* copias intellexerint. Quod si expectandum magis congregiendumque putaverint, in manu esse victoriam, nec hostem quidem, si quis sanior sit, abnegaturum. Vicit tamen eorum sententia, qui impetendos esse propius hostes judicabant, atque id præstantius remedium esse, sua 79

quemque tutari malle, quam, ea dum pereunt, oppugnare aliena. Si duo exercitus alendi sint sociis nihil reliqui futurum. Multo præterea esse longius ut illuc ubi *Senenses* pugnant, traducatur exercitus, quam si bellum propinquius inferatur, ut ad sua defendenda convertant vires. Ita ad *Montem altum Florentinæ* copiarum convenere. Eodem qui ad *Politianum* præliabantur hostes obsessis ut ferrent opem, concesserunt, relictis paucis modo cohortibus, quæ & suis essent præsidio & de vicinis locis *Politianensem* continuo agrum infestum redderent, ne sublatum penitus bellum sed ad tempus modo intermissum esse videretur. Triennale autem id fuit, qui primo, qui altero anno præfuerit, incertum est. Tertii tantum anni, quo pax fuit, *Catalanum Tosam* Consulem in quibusdam invenio annalibus. Id tantum constat cum *Altinis* primum, deinde cum *Rugomagnis* feliciter pugnatum. Et ad *altum* quidem *montem* iusta pugna concurrerunt, ac victi acie *Senenses* magnum in discrimen rem suam publicam adduxerunt. Neque *Florentinis* victoria incruenta fuit. Multi utrinque inter pugnandum cecidere, sed de victis captivi mille & quingenti missi *Florentiam*, mærorem, qui ex cæsis in pugna *Florentinis* erat, levaverunt. Quod autem anni jam extremum erat, revocatus in hyberna exercitus; altero vero anno ut primum degere in castris miles potuit, *Rugomagnio* copiarum rursus admotæ; repugnatum autem est aliquamdiu fortiter, tandem vim non amplius ferentes accipere furentem victorem militem intra muros, qui statim diripuit atque incendit oppidum, inde victor exercitus, quocunque liberet, discurrens, cum *Repolanum* usque pervassisset, cuncta ruinis incendiisque convolvens compulit demum hostem ad petendam pacem. Ea vero data est his potissimum conditionibus, ut a *Politianensibus Alcinatibusque Senenses* bello deinceps abstinerent, & cunctæ proximæ pacis inter se conventiones confirmatæ, captivi utrinque sine pretio dimissi, in qua re, quia multo fuit *Senensium* maior numerus, erantque permulti de sua nobilitate inter captivos, adeo ea liberalitas grata fuit, ut *Senenses* ad *Florentinorum* arbitrium, quæ erat cum *Politianensibus Alcinatibusque*, controversiam liberam deferrent. Dum hæc a *Florentinis* geruntur *Federicus* Imperator multis modis affligit *Italiam*, cui *Gregorius* nonus post *Honorium* fortiter sancteque resistit, ut etiam, quanquam petenti magnoque redimenti pretio pacem concesserit. Per ea haudquaquam diuturna aut firma permansit. Ita ad postremum tandem malorum omnium res cunctæ conciderunt, & illa tum primum fatalia, ut ita dicam *Guelforum* & *Gibellinorum* nomina emissæ, ut reor, ab ultricibus inferius ad agendum orbem terrarum emergere. *Germanorum* constat ea esse vocabula, sed quæ causa atque origo fuerit in obscuro est, ea tamen vulgatio fama insedit a militibus in pretio eas citatas voces dum *Romani* cum imperatoris in *Germania* ingenti atque omnium memorabili pugna congregiuntur. *Elenofene* loco pugnae nomen est, dum utrique inter pugnandum militari applausu duces inclamant suos, quod posteros etiam diu vexaret, malum peperere. Namque ex eo die nomen omne *Christianum* duas in factiones distributum est, & *Guelfi* quidem *Romanorum* Pontificum sectatores appellantur; qui vero sunt adversari Pontificibus *Romani* Principes *Gibellinorum* cognomentum indiderunt suis. Ea vero pestis *Germaniam* infecit, primum, deinde cum finitimas etiam regiones sensim perrepisset, in *Italiam* quoque omnem, & quicquid præterea ubique *Christiani* fuit nominis penetravit. In *Italia* certe immaniter desæviit. Primum ut quæque erant urbes aut horum aut illo-

rum magis affectatrices omnes persuasit, mox civis inter se familiasque armavit, atque ad id tandem deventum insaniam est, ut quotidiani etiam mores sermoque, quoad fieri potuit, diversa fierent. Nam nec manuum quidem aut reliqui corporis quæ diversitatem habere potuerunt idem gestus mansere, & fidem *Guelfi* pollice significabant, indice *Gibellini*. Neque, ut cætera taceamus, quæ tamen ex his facile comprehenduntur, in abjiciendis corticibus pomorum non diversa sectabantur, nam & in perficis putandis id vel religiose, ut rosæ figuram *Guelfi* in putaminibus, angues vero *Gaibellini* redderent, ac sexcenta præterea huiusmodi monstra non viros modo atque seniores, quos factionum studia magis movere oportuit, sed pueros quoque & muliebre omne imbelles genus infestabat. *Florentia* etiam eo tandem furore tanquam incendio quodam facile tota conflagravit, ut quæ dudum etsi pontificiæ in urbe partes ad eam diem prævalerent, tamen quasi plantulae incrant Imperatoris factionis quæ ingentem mox in sylvam pullulantes luxuriavere. Ex huiusmodi maxime causa desponderat *Bondelmontes* nobilissimus eques ex *Amidea* clara familia uxorem: cum vero id rescisset donata matrona, quæ in eam spem & ipsa filiam eduxerat, ita *Bondelmontem* domi ad se accersitum compellat: At ego tibi natam meam & puellam per se formosam, cæterum ad id comptam excultamque diligentius (ostendit) enutricram. Tu verò id, quod tamen bona sit deinde venia, avidius transegisti de uxore de qua solent prudentiores gravius etiam quam de quibuscunque rebus, quæ ad vitam pertinent consultare. Atqui certe, inquit *Bondelmontes*, ista nobilitate, his divitiis, ista virtute & moribus, ut cætera quæ nihilominus spectantur in conjugis prætermittam, erat enim florentissima ætate formaque præter cæteras conspicua, quæ etsi reticeret ob matronalem pudorem, intelligi tamen ab eo potissimum volebat quod ad commovendum juvenilem animum plus habere iurium putaret. Venustior aliqua magisque te digna disquirenda fuit. Quæ voces cum insedissent altius, & visam modo virginem jam *Bondelmontes* amaret blanditer matronam alloquutus, & facta simul magna novi conubii spe discessit. Nec quicquam deinde egit intentius, quam ut *Amideam* vel quocunque modo repudiaret, hanc duceret, cum nihilominus standum esse sponsalibus parentes virginis contenderent. *Bondelmontes* novo amoris concedens donatam spondet inconsultus. Ea vero perciti indignitate *Amidei* quod spreto se a *Bondelmonte* despectoque putarent, cum *Uberti* *Lamberti*que potissimum, hi erant *Bondelmontibus* ob factionum diversitatem infensi, cumque amicis cognatisque atque affinibus injuriam illatam atque ignominiam queruntur. Tandem cum multi ad consultandum convenissent, & variæ sententiæ dicerentur, nec quidquam explicarent, *Lambertus* vir audax, cognomento *Musca*, poenas de sædifrago reposcendas censuit, ac tandem esse aliquid ad explicandam rem constituendam ait, quin ea deinde caput habere, quæ facta sunt iudicantur, a quo & proverbium deinde est in rebus dubiis, *Factum caput*. Ad *Martis* simulacrum aggressi multis vulneribus interfecerunt non longe ab ædibus *Amideorum*, in quibus grassatores ad patrandum id facinus convenerant *Odericum*, quem legi in quibusdam codicibus ordinum familiæ principem & repudiatae puellæ patrum cædi præfuisse, ac secuisse demum confosso atque efflanti animam jugulum nonnulli prodiderunt, iramque ad satietatem explevisse. Dies erat Resurrectionis festus; itaque vulgata per urbem cæde populus arma inclamavit, ac confestim ad *Amideorum* domos concur-

cursum, quo se e cæde interfectores proripuerant, vix ab oppugnatione temperatum est concitantibus miscentibusque omnia *Bondelmontibus* iuraque & leges ac libertatem populi magnis implorando clamoribus, tyrannidem eam videri denique quæ in libera, quæ putaretur, civitate suo seorsum jure arma summat, capiatque privatim de civibus per libidinem suam perque omnem superbiam supplicia; frustra esse in civitate jam magistratus, leges, judicia; si liceat cuivis vel inferre injuriam vel minime citatis legibus in cunctos suo arbitratu debacchari; appellasset fora & Judices constitutamque sponforibus, nisi promissis starent, poenam repoposcissent; demum nisi succurrant magis excusatam vim videri. Sic enim si libido sit, deeruntne causæ grassandi in cujus voluerint homines impotentes sanguinem. Si vera non aderunt, confingent, efficiant, molientur falsa, & ad explendos animorum affectus etiam quæcunque nefandissima machinati audebunt. Hæc vero ac hujuscemodi latè jactando bonam, & ipsi partem nobilitatis ad se traduxerant. Ita factionum studia multo etiam quam solerent vehementius exarsere. Et *Gibellinorum Guelforum*que nomina tum primum audita in Civitate tot deinde malorum per varia tempora causas præbuerunt, Consulibus vero & prætoribus nulla major curâ duos fere annos incubuit, quam sedandis civium discordiis urbeque ab incendiis, rapinis, calamitatibusque cæteris, quæ civilis armatus furor ferre solet, liberanda. Tandem domi rebus paulo sedatioribus, foris curata res publica, crebri, quod diximus, fuerunt per *Etruriam* nobiles qui insidentes castellis suis vicinorum otia turbabant. Agricolaæ autem qui magis erant talibus expositi injuriis facile in eorum, a quibus premebantur, ditionem concedebant. Hujusmodi erant qui *Mangonam* in *Mugellano*, qui *Capraria* in valle inferiori *Arni*, & qui in valle *Else Certali* dum occupaverant, *Guidi* omnes comites aut certe *Guidorum* affines atque affectatores. Abstinebant vero viribus jam diffidentes suis, si aperta vis sit ab inferendo bello, sed arte circumvenientes colonorum turbam seducebant, & aliquod continuo adjiciebant rebus suis. Quapropter Consules lustrato omni agro quicquid inventum est ubique colonorum redactis etiam in volumen nominibus accersivere, & coacti jurare in Consulum verba remissi sunt domos, atque ex eo die fuit ab eis minus inconstans fides. His itaque peractis ad commoda urbis conversæ mentes. Et pons *Carrarius* de portæ, ad quam est exædificatus, nomine coeptus, quem tamen *novum* plerique vocaverunt, quo ad *Rubacontium* quoque ad *Boariam* deinde portam condidere: dum opus sit quæta tamen foris res non fuit. In *Squarcialupis* pugnatum, hi de *Pontenano* castello novas quotidie inferebant molestias, & per hæc tempora principium inter se discordiarum *Pisanis* cum *Florentinis* factum, quorum fuerat tanta conjunctio quondam animorum, ut ad *Baleares* præfecturi *Pisani* Insulas *Florentinis* solis urbis suæ, ut diximus, curam demandarint. Deinde ex eis initiis tam acerbis est certatum odiis donec diis præferentibus alteram causam *Pisani* in *Florentinorum* potestatem devenerent. Levem *Villanus* tanti belli hujusmodi affert causam. Cum de more legationes civitatum *Romani* novo Pontifici gratulatum convenissent, cœnarentque forte apud eundem *Pisanorum Florentinorum*que legati, de catella orta primum ridicula contentio est, quæ deinde sanguinem quoque ac libertatem utriusque populi sæpius impetivit. Ea cum esset delicatior lepideque saliens & inter fercula colluderet, adeo convivis placuit ut habere eam dono pariter concupiverint. Cum *Florentini* antevenissent, bilem primo tacitam excitavit ea res competitoribus, mox congressi aliud

A acturi tamen cum catellæ forte incidissent in sermonem, adeo exarserunt iræ ut a jurgiis statim in decoram pugnam si perventum. Utraque certe eam sibi injuriam civitas illatam putavit. Hinc facta belli origo. Illa tamen gravior causa fertur; nam cum *Federicus* bellum *Romanum* animo ageret, omnes per *Italiam* urbes obambiens blandimentis fallacibus, quorum erat fabricator insignis, atque omnigenis pollicitationum impulsibus, ut belli secum inirent societatem, annitebatur. Ita multi Populi Imperatoris *Romani* illecti promissis inierunt cum eo foedus contra *Romanos*. In *Etruria* certe *Pistorienses*, *Arctini*, *Senenses*, *Pisani* & complura præterea ignobiliora oppida fidelem *Federico* operam præstiterunt. *Pisani* etiam, cum contra hunc apparatus *Gregorius* quoque *Romanus* Pontifex consilia iniret, undique autem primores advocasset Sacerdotum, ut quid in tanto rerum periculo opus facto esset ex eis cognosceret, nonnullos mari advectos *Pisas* interceperunt. *Florentinis* quoque aliquamdiu ea deliberatio ambigua stetit. Cum enim post *Bondelmontis* cædem discordiæ 86 inter se civium indies congravescerent, vix quicquam publici negotii perferebatur. Neque enim Senatus jam constabat, neque Consulatus; si quid autem erat cum populo agendum, suffragia sæpe contraria, ne quid decerneretur, impediabantur. Armis tandem acta res, & *Guibellini* ejecti, multi nobiles factionum & civitatis principes plerique *Pisas* petierunt, inde sese cohortantes, & quæque maxima ostentantes *Pisanis*. Tandem ut ipsi secum *Florentinis* inferrent bellum magnificis dictis perpulere. Nam introducti majoris auctoritatis quidam in *Pisanum* Senatum ita loquutos accepimus:

Mirari vos non decet, *Pisani* Senatores, si nos paulo ante in patria omnibus bonis humanis affluentes amicorum tamen nunc opes imploramus. Is enim fortunæ ludus est, quo res mortalium versat suo arbitratu, & quidem, ut nos remur, lege incommutabili fatorum. Namque ut nos domi dignitatem retineremus, nihil est tandem operæ aut studii prætermisum. Nihilominus tamen ab his qui multo habent nobiscum deteriorem causam, domibus nostris pellimur, cogimurque aliena sectari, ut in muliere aliquo fato nos infortunium nostrum superemus. Ambiguum autem principio fuit ad quos potissimum confugiendum foret, & Imperatorem *Romanum* quidam proponebant quod communem cum eo haberemus causam; at is majoribus visus est implicitus negotiis, quam qui præsentem nobis operam possit præstare. Nonnullis propinquarum magis civitatum placebant auxilia, sed minime suffecturas vires existimavimus; Ad vos igitur, ad vos, *Pisani*, confugimus freti imprimis vetere amicitia nostra, qua quidem, dum per adversarios licuit, ut vos probe novistis, nihil nisi commune vobiscum habere 87 re volumus. Nunc mutata conditione rerum non tam ut nos in patriam nostram reducat is oratum venimus, quod ipsum tamen per se plurimum apud officiosissimam civitatem valere oportuit, quam ut partes vestras in urbe etiam nostra defendatis. Si enim ut ea transfugiat ad adversarios siveritis, viam vos profecto vobis omnem quietis atque otii perpetuo amputaveritis. Nam dubitare nihil convenit ad propagandum jam Imperium, sineque quam longissime prorogandos animum *Florentinos* intendisse, neque eos, nisi tota subacta *Etruria*, esse quieturos. Verum enim vero abstinebunt, dicit aliquis, a *Pisanis Florentini*, neque veteris amicitiae jura violabunt. Si tamen illi a *Fesulanis* generis sui auctoribus paulo ante temperaverunt, si finitimis quibus non intulerunt bellum eorumque castella everterunt, si sibi ipsis tandem nefarias

non intulerunt manus & civibus etiam eiectionis soli regnare in animos ante induxerunt, majora, nobis credite, jam audebunt, & per successionem victoriarum finitimos quosque aggredientur armis, fœderum, beneficiorum, affinitatum, cognationum, omnis denique divini atque humani juris, dum latius imperent, obliti. Neque nos alia de re nunc vagamur extorres nisi quod Imperatoris *Romani* vestrasque in nostra republica partes ad hanc diem sumus tutati pro viribus. Quid esse modo putatis acturos, his ita pulsus qui libidini hactenus obstitit adversariorum neque indefensam in nostra quoque urbe communem causam reliquere. Jam nullus erit qui hiscere quicquam contra ausit; domi illi ac foris impune, in quos libuerit, insultabunt. Vos debetis accingere jamjam atque ire obviam malis futuris, nisi præ-

88 senti rerum statu contenti, quæ cras ventura sint, quod esse prudentiæ magis solet officium negligitis. Neque unquam *Pisani* fortuna rebus vestris magis arrisit, nisi vos tantam occasionem elabi de manibus inutiliter permiseritis. Intra mœnia adhuc nostra tenent cuncti arma. Nolite enim putare vobis eiectionis non esse præterea in civitate multos, quibus paucorum, qui nos ejecerunt impotentia odiosa sit; neque populus, nisi qui sit illis aliquo facinore obnoxius, non omnis imminere ab eis urbi certam jam tyrannidem longe prospicit. Si vos libertatis signa foris admoveritis, domi ille atque intra muros satis pugnabit. Repetere vero nunc a vobis beneficium *Florentia* videtur, ut quos paulo ante ab externo hoste ipsa texit, nunc eam ab intestino vos lethali morbo liberetis. Quod si erit a vobis factum, ut speramus, quid est quod consuli in commune possit salubrius? Terra vos jam marique virtute polletis & benefactis vestris, si ad *Florentinorum* proprias quoque vices addideritis, & indissolubili amoris nexu nos urbemque nostram vobis atque huic urbi constrinxeritis, quid est quod fortuna amplius discedere a vobis quoque veliet? Terra jam ac mare patebunt latius, & quo voletis, *Pisana* signa inferentur. *Etruria* certe omnisque *Italia*, quæ his factionum incendiis conflagrata videtur, hinc capiet, si afferri jam remedium ullum potest, medicamenta salutis. Si vero hoc exemplo, quod nos sperare debemus, cæteri quoque populi coierint, viamque unam hanc vindicandi sese ab interitus tanto periculo inierint, quid prohibebit ut *Italica* quietis ingenti vestra cum gloria jacta esse firmissima fundamenta videantur? vobis profecto tot tantorumque bonorum auctoribus nulla satis digna præmia constituentur. Sub hanc orationem Senatus decretum

89 factum secundum exulum postulata. Principium autem belli non ab armis fuit, sed lata lege mercedum omnia *Florentinorum*, quæ multa tunc *Pisani* erant, fecerunt ærarium, nisi quos proscripsissent, cives *Florentini* revocarent. Injuriosa vero res visa est, atque ob publicam causam distrahi privatorum fortunas incivile. Quapropter Consules missis legatis legis abrogationem postulaverunt, cum tam obaudiretur, nec quicquam propterea immutarent, rursus Consules per novos legatos ablatas lege res eodem eventu repetivere. Quapropter decretum bellum est, & si audax ceptum fuit, permagna enim per id tempus *Pisanorum*, mari præsertim potentia ferebatur, tamen rei indignitas & justæ iræ animos fecerunt. Denuntiatur bellum cum esset, avidius id *Pisani* arripuerunt. Quod & responso suo significavere; nam cum restitui res *Florentinorum* legati peterent, ac, nisi reddantur, futurum iudicerent ut advenientes confestim copiæ, quæ jure negari non debuerunt armis recuperent, *Pisanos* respondisse in animo habere ut *Florentinis* *Pisani* viæ minuat laborem, ad fines

A usque obviam se egressuros. Igitur ad legatorum reditum tanta indignatio fuit, non tam ex re quam etiam ex insolentia responsi, ut incredibili armati celeritate in *Pisanum* agrum excurrerent. Qui in eo bello Dux fuerit non fertur, neque nomina Consulium post creatam præturam memoriæ prodita reperiuntur: ex quibus ut supra diximus belli Duces constituebantur. Prætor erat urbis *Odo-*
petrus Gregorius, & annis *Christi* millesimus ducentessimus & vigesimus secundus, cum primum *Pisani* illata sunt *Florentinorum* arma, vertebatur, quæ deinde supra modum supraque fidem utrumque populum ad finem usque libertatis alterius varia fortuna vexavere. *Pisani* ad *Boscum* in agro 90
 suo Castellum *Florentino* exercitui progressi obviam non longe ab hostium castris constiterunt; cum autem levia quotidie prælia ob propinquitatem committerentur, ita refricandis injuriis animi exarsere, ut perpaucis diebus iusta acie concurrerent. Ferocissime utrinque diu pugnatum & multi hinc atque inde fortiter præliantes cecidere. Tandem cohortantibus sese *Florentinis*, & causæ suæ æquitatem animo versantibus spes continuo ad superandam hostium pervicaciam majores concipiebant. Ita urgentibus his magis atque magis *Pisani* terga vertere; pugnatum esse ad *Boscum* undecimo kalendas *Julias*, & plus mille fuisse captivorum *Pisanorum* quidam tradunt. Et si qui finis tandem hujus primi belli *Pisani* fuerit haud satis constat, in tempore quoque diversitas est, & nonnulli rerum *Florentinorum* scriptores universam hanc rem taciti præterire, nobiliores vero nos sequuti auctores, & hæc ad scribenda duximus quæ tamen ut pro arbitrio quisque accipiat nihil moror. Minus vero turbulentas duravisse res cum *Pisani* ut credam facit, cum per idem fere tempus cum *Figbinatibus* *Pistoriensibus*que atque *Senensibus* bellatum esse comperio, & *Figbinates* quidem *Gerardo* *Orlando* prætoris urbis, via *Aretina* omnem prope vallem superiorem *Arni* perturbabant, & suffulti favoribus *Aretinorum* indies inferebant arma propius, fiebantque & urbi jam formidolosi. In his ergo oppugnandis cum aliquot frustra dies absumpsissent, & visa esset victoria difficilior, abeundi tunc quidem consilium cepere, & ne discursiones ita liberis hostis haberet; *Ancisam* ad *Arni* ripas a *Figbino* non longe oppidum condidere ignobile primo & ad reprimendos modo *Figbinatum* impetus exstructum, sed inde postea *Franciscus Petrarca* Poëta insignis, *Ancisa* oriundus vel magnis urbibus doctrinæ splendore ac carminis inæquiparabili penè elegantia coæquavit. Sunt qui retractum inde exercitum celerius putent, ut *Murolanis*, quibus *Pistoriensis* acrius inferebant bellum, auxilium ferrent. In eos certè a *Figbinatibus* traductæ copiæ atque hostilem ingressi agrum usque ad urbis portas excurrentes omnia devastare. Inde in *Carminianenses* conversa signa, quod hi præter cæteros odiosi erant. Ferunt enim super turrim, quæ in arce fuit non vulgaris altitudinis statuam fuisse lapideam ad *Florentiam* urbem conversam, pollices ambos inter indicem mediumque impudicè adeo insertos ostentantem; quam ulturus injuriam *Florentinus* miles, cum admovissent Duces castra, tanto ardore pugnavit, ut non multo negotio nobile oppidum arte etiam naturaque munitissimum primo prælio superaverit. Arcis subdurius expugnatio fuit; quapropter admotæ machinæ præliantes, etsi qui custodiæ præerant dedituros se eam profiterentur, tamen dum illam sic a stirpe diruerunt, nihil die noctuque oppugnationis intermissum est. *Carminianenses* in potestatem *Florentini* populi devenerunt. Neque *Pistoriensis* deinde aliquamdiu victoribus non obtemperaverunt. *Senenses* vero interea

terea dum *Florentinos* aliis implicatos bellis vident ad *Politianensem* infamiam nihil foederum memores revertuntur. Jamque vastabant sociorum agros atque incendebant ædificia. Eadem quæ alio quoque bello succurrendi inita ratio est, & delectu etiam majore habito præeunte militari curru *Senas* petivere, & *Liscarium* primo montem; id ad tertium lapidem Castellum fuit hostium, everterunt. Deinde transgressi urbem omnia prædabundi pervadentes in *Perusinorum* usque agrum, quod hi *Senensibus* tunc quidem faverent, discurrere. Inde referentes pedem, posteaquam viginti prope oppida capta de hostibus evertissent, *Senas* redierunt, & pro pileis vi diffractis quibusdam suburbana etiam quæ ad portas erant diripuerunt. Atque ita ditati ingenti præda reversi sunt *Florentiam*, & quia *Aretini* & ipsi per *Senensis* belli occasionem rebellaverant, priusquam miles arma exueret, essi æstatis jam postremum esset, ducere in rebelles exercitum placuit. *Caposilvolim* usque progressæ copiæ propinquum *Aretio* Castellum statim primo captum impetu a stirpe cum essent demoliti remissiores ad injuriam *Aretinos* inferendam reddidere. *Senenses* autem interea dum contra *Aretinos* pugnatur, majore vi adorti *Politiano* divitiis & nobilitate claris etiam urbibus non impare oppido potiuntur, atque ut ejus defendendi amplius cuicunque spes adimeretur, exspoliaverunt muris turesque atque arces & omnia propugnacula everterunt, a privatis modo ædificiis templisque Divorum temperatum. Quod cum esset *Florentiæ* nuntiatum, tanta confestim mæstitia civitatem pervasit ut si urbis mænia ceciderint major nulla animos ægritudo invadere potuerit. Itaque ur primum equo alendo campi suffecerunt, miles emissus ad *Quercugrossam* convolvavit, coque superato castello eversoque ad urbem propius admovit castra, illicque consedit nullum genus oppugnationis intermittens. *Senenses* vero nunc erumpendo audacius, nunc de muris portisque præliando fortiter repugnabant, demum cum frustra terere se tempus *Florentini* obsidenda majore urbe quam quæ illis viribus superari quiret, animadverterent, motis inde castris vastando late agro castellisque circumeruentis atque incendendis ædificiis intenderunt. Liberioribus vero *Florentino* exercitui excursiones erant. Non enim habebant *Senenses* tantum copiarum ut ire quoquam obviam aut congredi auderent. Munitiora tantum aliqua loca defendebant. Jam vero multa hostium oppida *Florentinus* sex annis, quibus id duravisse bellum traditur, ceperat, nonnulla diruerat, villas omnes atque ædificia incenderat. Qui modestius scribunt tria & quinquaginta castella præter nobiliores vicos numerant capta tunc de *Senensibus*, & rumor erat ita depopulantes agrum ad obsidendam deinde securius urbem reversuros. Itaque saluti caventes hostes pacem petivere, & data est, sed conditio illa prima fuit, ut *Senenses* quicquid *Politianensium* murorum aliorumque ædificiorum diruissent sumptibus suis restituerent, captivos omnes, quos de *Alcinatibus* sociis cepissent sine pretio statim dimitterent, ut amicitia deinceps esset inter *Florentinos* ac *Senenses*, & *Florentini* omni *Senensium* agro recederent, & capta, si qua integra servassent, redderent. Fines tamen restituti agri *Senensis* qui ad *Florentiam* versi sunt *Quercumgrossam*, ea ad quartum est lapidem, ex pacis conditionibus non excessere. Duo maxima fuerunt, diverso tamen tempore, in urbe incendia, & solis eclipsis omnium quas multæ ætates viderint maxime densa, e medio die stellæ, ut obscura in nocte, apparuerunt mortalibus. Ac *Gregorius* Pontifex *Romanorum* paulo post moritur. *Cælestinus* autem Quartus *Cassilionæ* nobili familia *Mediolanensi* in ejus suffectus

A locum, quia jam erat confectus senio, post octenos dies, sive ut tradunt alii, quindenos vita excessit, deinde agi de novo creando Pontifice visum non est priusquam Cardinales, quos *Federicus* nonnullos diversa fortuna captos carcere retinebat, solverentur. *Innocentius* tandem Quartus creatus. Is fuit *Janua* oriundus & *Federici* familiaris, cui cum suspecta esset hominis, quam novisset, virtus, simulata veteri benevolentia conabatur trahere in insidias. Sed his *Innocentius* animadversis in *Galliam* trans *Alpes* concessit, atque inde censura *Christiana* *Federico* bellum intulit. Nec ipse in *Italia* minus turbare rem Pontificiam conatus multos in ea populos deficere ad se compulit. In *Etruria* certè, ut *Platina* quoque & *Blondus* tradiderunt, præter *Florentinos*, Civitates omnes ac populi ad Imperatorem descivere. Quare his maxime infestus *Federicus* exacuit in *Florentinos* omnes conatus, donec pulsus urbe *Guelfis* civitatem totam ad se traduxit. Rem vero ita gestam esse *Villanus* tradit: Cum essent ad *Bondelmontis* cædem plurimum irritati factionum animi, ut jamjam spectare ad arma iræ multifariam & seditiones viderentur, eam arripiens occasionem literis quotidie & nuntiis *Ubertos*, hi erant *Gibellinæ* factionis Principes, Imperator sollicitabat, suadens pellerent urbe adversarios nihilque omnino præmiorum cunctorum, quæ excogitari possent, ante oculos eis non præponens, & si industria non successerit peragant armis rem suadet; si tantum ad sit animorum, nihil esse præterea ad certam indubitamque victoriam defuturum, habere jam *Guelfos* reliquas *Etruriæ* urbes adversarias. *Romanorum* Pontificem ejus gentis principem fugatum se in *Galliam* vix esse unde sibi necessaria paret, nedum alienas jam tueri fortunas possit. Nullum dari unquam posse talem tantamque occasionem; ut sine negotio periculoque e sententia rem conficiant ipsi adversariis urbe ejectis revocent quos paulo ante ipsi egerint superbe *Pisas* in exilium & soli regnent. Nam si vim experiri tandem velint, quid est quod de eventu dubitare quisquam debeat: vix aliqua jam in tota *Italia* arma esse, quæ Imperatoris *Romani* dicto non obtemperent: si rem armis tentaverint satis superque armorum affuturum: Ac si viros denique præstare sese velint, effecturum ut neque eos suæ virtutis poeniteat. Nec *Florentinos* ejus quod ab Imperatore *Romano* conferri dignitatis possit quicquam esse desideraturos. His sese hortantes *Uberti* incitamentis agebant res indies confidentius, jamque diversis per urbem locis civiles pugnae ferebantur, & ira continuo fiebat incitatio. Imperator interea eam nactus occasionem misit cum mille & quingentis equitibus in *Etruriam* *Federicum* filium natum ex pellice, cæterum virum bellacem & magnæ jam apud milites auctoritatis. Cum autem is adventare nuntiaretur, continuo majores *Guibellini* animos assumebant, qui in promptu esse auxilia atque in manu victoriam cernerent. Restitere tamen *Guelfi* fortiter ubique repugnantes quoad ille Imperatorius equitatus ad urbem advenit. Tandem desperatis rebus nocte ex composito abeuntes, egregia vero ea virorum manus fuit in *Arni* vallibus diversis locis constitere, atque inferiore quidem occupaverunt *Caprariam*, in ea, quæ supra est *Varicum* montem, *Pelacum* *Rissoncinum* atque alia nonnulla castella tenuerunt *Guibellini* victores in fortunas adversariorum inusitato ad eam diem more desævire. Et milites præterea *Guelforum* demolitis incensisque ædificiis, ne a templo quidem *Baptistæ* abstinebant. Is quia fuit locus in quem plurimum *Guelfi* conveniebant, ut id quoque diruerent in animum induxerant, verum quia vix populum, si aperta res tentaretur, tole-

toleratum putabant, rem dolo aggrediuntur. Non longe a templo turris fuit altissima, & hanc cadere a radicibus, quod ea sæpe quoque fuerit
 96 *Guelforum* commodissimum propugnaculum, libido fuit. Vocatis igitur fabris in occulto monent ut eam latenter ita cadendo librent, ut ruat super templum & ita duas una ruina struant; tamen forte evenit, quod & in religionem conversum est & divum impulsisse alio ruinam creditum, ut decidens turris declinaret in mediam Aream illæso templo. Area modo oppleta rudibus inutilioribus magis indecoros in ædem ingressus reddidit. Nam lapidum quicquid fuit ædificando aptum fabri in structuras varias asportavere. Tandem composita sic urbe *Federicus* ad patrem accedit, *Jordano* cum equitibus octingentis *Guibellinis Florentiæ* relicto, per quos continuo deinde bellum illatum est ejectis, donec ad *Varicum* nobili pugna congressi plerisque *Germanorum Guelfi* magna victoria obruerent; Quod cum esset Imperatori, qui in *Gallia* castra metabatur traducendis in suas partes populis intentus, nuntiatum, veritus ne reditum in urbem hostes ea elati victoria tentarent, properavit in *Etruriam*, & *Caprariam*, in eo erant oppido multi nobiles *Guelforum*, statim primo adventu obsedit, qui cum aliquamdiu restitissent, tandem deficientibus necessariis conditiones pro salute quærebant ab hoste, atque obtinuissent illi quidem, nisi certo transfuga prodiderat. Is cum repisset in hostium castra, & omnium rerum necessitatem instare obsessis significavisset; ut sese victori libere committerent, coegit. Mitior *Federicus* in abjectiorem turbam fuit. Nobiliores quoque in *Apuliam*, quo & ipse mox erat profecturus, captivos præmisit, de quibus varia supplicia ita *Gibellinis*, qui *Florentiæ* erant, petentibus sumpsit, & multos quidem in mari saxo ad collum alligato immerfit. *Rimero* tantum *Bondelmonti*, qui fuerat *Caprariæ* inter *Guelfos*
 97 primus, etsi miserrimam tamen ob ingenii laudem vitam condonavit, atque erutis oculis, ne esset cuiquam amplius formidolosus, degere cum viris religiosus permisit. *Blondus* pro *Capraria Florentiam* venisse testatur, & cum appropinquasset portis urbis armatus impetrasse objecto obsidionis terrore a *Florentinis* ut & *Guelfos* hostes Imperatoris *Romani* perpetuos urbe pellerent, inde compotem voti factum abcessisse. Acceleravit autem ipsius in *Apuliam* discessum *Entius* filius. *Platina* *Henricum* præfectum pro *Entio* filio dicit, quem *Gallicis* rebus, abiens ipse in *Etruriam*, præfecerat. Accepta a *Bononiensibus* insignior clades; nam cum juvenili ardore in eos duxisset exercitum perpetuo, & ipsos sectatores *Romanorum* Pontificum quo aliquo excellenti facinore ortus suæ militiæ commendaret, urbem obsidebat, magnam quidem & belli artibus claram, inconsultius. Itaque erumpentes aliquando vivida vi *Bononienses* vertunt hostes in fugam, cum essent adorti impariores ac multis captis cæsisque *Entium* quoque in urbem captivum duxerunt, conclusumque in ferrea cavea ad populi spectaculum pædore atque inedia confecerunt. Tanti ea victoria momenti fuit ut regno etiam *Apuliæ* timuerit cum late per *Italiam* multi populi fortunam sequerentur. Et *Bononiensium* quidem in *Entium* filium crudelitatis novum genus iratum deinde Imperatorem in captivos *Florentinorum Guelfos* exasperavit. Post *Federici* autem in *Apuliam* transitum *Florentini* ubique *Guelfos* exules habuere nihilominus infestos, & nonnullos etiam qui per agros in sua prædia confugerant dispulerunt. Ad *Ostinam* denique, id oppidum paulo ante defecerat ad *Guelfos*, cum exercitu profecti dum id intentius oppugnant, *Figbinum* amiserunt. Nam qui *Varicum* tenebant

A noctu egressi *Figbinates* præsidio nudatos namque
 98 undique vires contra *Ostinienses Guibellini* collegerant, & dormientes opprimerent; *Ostina* obsidione liberata. Atque ex eo die res Imperatoria deterior ubique cum fieret, *Florentia* quoque fluctuare jam & futurorum præfagia malorum ferre præ se coepit. Populus enim jam perosus erat *Ubertorum* dominatum. Nam & tributa intolerabilia exigebantur. Gratuiti omnes in republica honores erant. Ad ædem *Florentiæ* primum armati secesserunt, deinde subitantes rebus suis, ingens enim potentia *Ubertorum* & magistratus quoque primos reipublicæ habebant obnoxios, ad templum, quod
 B a *Christi Cruce* nomen habet, positus Prætoris iussu armis convenere. Tandem neque illic satis se tutos arbitantes in munitiones quasdam ædes ad *Laurentii* templum confugerunt, ubi cum exorta pugna esset, populus tamen ædes obtinuit. Et jam turba tanta convenerat ut satius visum sit furori cedere insanientis multitudinis, quam si resistatur obstinatius, in direptionis discrimen adducere Civitatem. Victrix igitur popularis turba sex & triginta civibus gubernacula demandavit. Hic vero Consules statim & Prætorem abdicare se magistratibus coegerunt; novum ipsi de suo corpore Magistrate
 C creatum creavere. Duodecim esse placuit, quos ideo *Antianos* dixere ut nomine ipso admonerentur se nullam in deliberando præterea auctoritatem habere. His quod cæteros honoribus anteaerent, vocandi duntaxat Senatui jus fuit; si quid decerni conveniret nihil habebant potestatis nisi cum populo constituendi; Senatus quoque ipsius neque nomen mansit neque numerus, omnis tandem modus reipublicæ administrandæ immutatus est, sola Prætura servata, sed superadditus & alius Prætor est, quem vocaverunt populi *Capitaneum*,
 99 ad quem a Potestate esset prorogatio. Ita usque ad nostra tempora duo Prætores urbani juri dicundo præfuerunt, atque ambo peregrini ex amicis vicinis Civitatibus. Paulo ante allata lege abrogaverunt *Capitaneum* quod satis esse unum in urbe Prætorem animadversum est, a quo tamen appellatio ad peregrinum Jurisconsultum qui & ipse a vicinis vocaretur populis, duravit. *Ubertus Roscius Lucensis* primum vocatus ad *Capitaneum*, magistratum gessit populi rebus non incommodum. Multa enim & domi & militiæ provisæ utiliter ad popularem statum roborandum, nam divisa civitas in viginti vexillones totidem singulis ex populi primoribus Vexillarios præfecit, qui si qua vis a nobilitate tentaretur, ubi opus esset, armati concurrerent. Non admodum dissimile quid per agrum constitutum est. Colonorum omnem turbam in sex & nonaginta plebejos divisere, ut convenire facilius plebs agrestis posset, & ferre, dato signo cum peteretur, auxilium. Certa ad eam diem Curia nulla extiterat, sed consules nunc privatorum in ædibus nunc in templis divorum Senatui habebant, erantque fortuita populi conciliabula. Ita veriti ne quando vel totus simul Senatus aut populus ab infensissima nobilitate opprimi consultant do quiret, de ædificanda Curia primum actum. Locus ad ædem *Apollinaris* delectus illic. Ergo
 F quadrato ex lapide nobiliores ædes extruxere & simul turrem altiore campanariam, qua Senatus populusque signis quibusdam vocarentur. Ea prima *Florentinorum* Curia fuit, posteaquam a *Totila* cum reliquis urbis ædificiis *Capitolium* quoque incensum est. Deinde prætorium factum ex Curia, cum novam ad *Scadianam* ædem ubi *Ubertorum* domus fuerant, ædificari placuit. Turres
 100 quoque quas fuisse præaltas complures per urbem diximus, ut ad quinquagenos cubitus omnes reducerentur statutum. Ingentem lapidum vim ex his nacti demolitionibus trans *Arnum* multis ædifi-

ciis urbem exornare. Hæc fere provisa domi ut populo sua libertas magis quieta magisque diuturna permaneret. Ad militandi quando veterem disciplinam nonnulla addiderunt, & equitibus quidem urbanis sex diversa signa, quæ sequerentur pro sex, in quas divisa civitas fuit, portarum diversitate constituerunt: peditibus item sua signa fuisse, ut alia balistariorum essent, alia sagittariorum scutariorumque, & qui arcubus rem gerebant, quique ad impedimenta pugnabant singuli suum ductorem suæque signa sequebantur. Inter hæc autem *Federicus* moritur in *Apulia* in *Florentiola* oppido, ut a Mathematicis acceperat. Nam cum ab his de morte sua diligentius, quid sentirent, scitaretur, *Florentiam* urbem ut devitaret responderunt. Quæ causa fuit, ut ingredi eam non sit ausus, effugere tamen satum minime potuit, & dum ab urbe cavet atque *Etruria*, in *Apulia* parvo in oppido fato concessit. Per eosdem dies *Rinierus* quoque *Murlanus* ex fornicis, ubi habitabat, ruina interiit. Is Prætor erat *Gibellinæ* factionis studiosus assertor, quorum morte populus audentior factus de revocandis in civitatem *Guelfis* consilium iniit. *Innocentius* autem Pontifex, cum *Romam* revertisset *Guelfis* per *Italiam* variè dispersis ubique restituit animum, & multæ Civitates ex populo, qui metu desciverant, ad *Romanos* respexere; *Pistorienses* tamen atque *Aretini* eosdem animos servantes *Guelfos* exules haudquaquam revocabant. Quapropter *Florentini* ne atam vicinis urbibus contraria sentientibus continuo foret aliquidurbationis formidandum, præsertim quod adventare *Corradum Federici* filium ad paternam regni possessionem crebri rumores e *Germania* afferebantur in *Pistorienses* primum, deinde in *Aretinos* copias duxerunt, & cum *Pistoriensibus* quidem congressi ad *Robolinum* montem cum acie eos superavissent, ad recipiendos intra urbem *Guelfos* compulere, cum *Florentiæ* delectus fierent atque expedirentur arma, plerique *Gibellinorum* principes cum ad nomen suum citati non respondissent ad copiarum reditum dirutis eorum domibus acti sunt in exilium, qui partim *Pisas*, *Senas* partim, perfugerunt, quod ambæ hæ civitates factionem adhuc Imperatorum sectarentur. Jam vero populus cum omni ex parte rempublicam constituisse sibi videri posset, insignia urbis quoque immutavit & pro candido lilio rubro deinde usus est. *Gibellini* exules album retinuerunt. *Corradus* interea magna manu cum adventasset, *Neapolitanos* aggressus *Maceratos* tandem fame devicit, deinde cum in morbum incidisset paulo post non sine veneni suspitione interiit. *Manfredus* ex pellice *Federici* filius regnum *Neapolitanum* invasit, ac dum *Corradino* nepoti admodum puero, ad quem regni jura spectarent, tutari se id palam proficetur, honestiorem causam facit occupati regni. Per id quoque tempus dum bellum contra *Manfredum* gerit, quod *Apuliæ* dominatum sine Pontificis *Romani* auctoritate occupasset, moritur ingenti gloria *Innocentius* qui ad multa ejus præclara facinora inventaque *Galeri rubri* Cardinalium insigne addidit, ut meminerint illi quidem coloris admonitu sanguinem quoque se & vitam *Christo* religionique debere, ut *Blondus* tradit. *Alexander* autem *Quartus* iniit Pontificatum *Romanum*, qui & ipse *Neapolitanam* rem aggressus, cum *Manfredo* de 102 regno armis disceptat. *Florentini* autem per eam occasionem dum in *Apulia* bellum geritur, *Ubalinos*, ea inter *Gibellinos* clara potensque familia fuit, *Mugello* ejiciunt. *Avianicum* tenebant oppidum & multi ad eos ex exulibus *Florentinorum* convenerant. Ergo cum vi *Avianicum* expugnassent, everterunt, ut eam hostibus, unde ad mænia usque facile insultare possent, sedem au-

A ferrent. Idem ad *Montariam*; quò ab *Avianico* statim signa sunt conversa, evenit, etsi negotium multo majus fuit, conventus illic magnos *Gibellini* fecerant atque ab ea parte regionem omnem reddebant infestam. Qua de re, etsi hyemis jam erat principium, ferre arma *Florentini* decreverunt. Cum præter opinionem ferociter etiam repugnaretur in hyemem mediam obsidionem extrahere. Ad temporis difficultatem etiam accesserunt *Senensium* *Pisanorum*que missa *Montariensibus* auxilia, cum quibus congregi, priusquam oppido potirentur, fuit necesse. Hinc vero novæ quoque exortæ bellorum causæ, quæ deinde cum *Pisanis* ac *Senensibus* tanto ardore animorum sunt gesta. Inierant autem inter se foedus *Pisani* ac *Senenses* *Gibellini*que exules *Florentinorum*, bellumque undecunque possent inferebant tumultuosius, atque hinc *Pisani* *Lucenses*, cum quibus *Florentini* societatem inierant, hinc *Florentini* ipsi *Senensibus* exulibusque repugnabant. Major etiam indignatio fuit contra *Pistorienses*, qui paulo ante victi acie tamen rebellaverant, in eos igitur hyeme exacta propere ductus exercitus cum late agrum populavisset *Titianenses* quoque ad deductionem compulsi, *Pisani* interea *Lucensibus* bellum inferentes, quo *Florentina* arma a *Pistoriensibus* sociis averterent, prope *Montopolim* congressi magno prælio superaverunt, multisque hostium 103 caelis, pluribus etiam captis & onusti præda revertantur. Id vero *Florentinis* cum fuisset nuntiatum nulla mora facta quin sociis succurrerent. Itaque admirabili celeritate a *Titiano* moventes castra cum viam hostibus interfecissent, essentque ad *Aeram* flumen facti obviam, pugnam expediti cum impeditis, recentes cum defatigatis, proximo superiore cum *Lucensibus* prælio contulerunt. Aliquamdiu durum certamen fuit. Tandem *Pisanus* terga vertit. Ad *Sabini Edera* non longe ab urbe *Florentini* victores, palantes insequuti, magnam stragem ediderunt. Fortunæ is præclarissimus ludus fuit quomodo victores de hostibus ingentem prædam, & magnum captivorum numerum referebant; nunc victi ipsi prædæ his, quos vicerant, extitere. Ad tria captivorum millia *Pisanorum* fuisse *Leonardus* ait. Et nonnulla quoque signa de hostibus relata gloriosorem reddidisse victoriam testatur. Fuisse inter captivos prætorem quoque *Pisanum*, qui ducis gerebat vicem quidam prodiderunt. Tandem ea victoria *Florentinis* stetit, & *Luca* eodem die ingens ex *Montopolitana* clade luctus fuit, & ex ea victoria lætitia, quæ die deinde altero cum captivos quam permultos *Pisanorum* vinctos trahi per urbem viderent, cumulatissima facta est. Dum hæc ita geruntur, *Senenses* & ipsi ne in sociorum fortunis otiosi tantum spectatores fierent, *Guido Novello*, is per id tempus *Guidorum* gentis facile princeps fuit, belli cura demandata, cum *Florentinorum* etiam exulum aliqua manu in vallem *Arni* superiorem ingressi *Figbinum* occupavere. Itum itaque celeri agmine a *Pisana* victoria in *Figbinates* cum quibus post aliqua certamina pax fuit his conditionibus ut *Figbinates* oppidum traderent, *Florentini* reditum in urbem *Gibellinis*, 104 qui illuc convenerant, permetterent, *Novello* autem & qui cum eo advenerant militibus liber esset cum armis rebusque omnibus abscessus. Ita acceptus intra muros *Florentinus* miles oppidum subito diripuit, incenditque, *Figbinatus* *Florentiæ* cum Civitate locus, quem inhabitarent, datus. Celeriore vero cum *Senensibus* pacem *Alcinates* socii fecerunt. Dum enim ad *Figbinum* pugnatur *Senenses* alteris copiis *Alcinum* bello adorti ad extremum jam redegerant; quapropter maturandum rati *Alcinatum* in agrum in-

de moventes propere proficiscuntur. Primo statim adventu cum hostibus congressi obsidione socios liberaverunt, verum quia postremum erat æstatis redierunt præsidio *Alcini* imposito in urbem, & aureum nummum primum cuderunt, nam ante id tempus argenteo contenti fuerant. Ea vero res fecit, ut Civitatis fama ad extremos quoque facilius penetrarit. Primo statim vere *Pistoriensibus*, unde superiore anno, ut *Lucensibus* locis opem ferrent, *Pisani* retraxerant, illatum bellum est, & in potestatem redacti sunt. Nam cum neque ipsi per se *Florentinorum* retundere arma posse putarent, neque a victis superiore ætate sociis sperarent opem haud visum est durius resistendo, ut in se hostium iram irritarent, ex conditionibus *Guelfi Pistorienses* in urbem redire, arx vero ad eam portam, qua *Florentiam* iter est, exædificata in victorum potestate permansit. Inde abeuntes *Alcinum* profecti, quod socios diutino bello rerum omnium laborare penuria cognovissent, omni commeatus genere munierunt, per agrum vero *Senensem* dum eunt redeuntque ingressi hostiliter & castella nonnulla ceperunt & multam ditemque inde prædam revexere. Post hæc aliquot annos quies a bello *Senensi* fuit, atque exercitus in 105 *Bononienses* ductus; hi *Gibellini* erant & conjuncti *Senensibus*, de monte autem, in quo positum nobile castellum habebant, complura inferebant finitimis *Guelfis* populi incommoda qui tamen tunc quidem *Senensium* destituti auxiliis nullo negotio concedentes jussis *Florentinorum* obtemperare. Verum non ita multo post, cum rebellavissent ac moverant rursus *Gibellini* arma, victi iterum ac taxati oppido sub montem ad inhabitandum descenderunt. *Bonitium* is locus de antiqui oppidi nomine appellatur, & in monte quidem magnarum etiam nunc molium vestigia visuntur. *Bonitio* vetus nomen monti atque inde oppido fuit; sed cum *Romani* Imperatores, posteaquam cum Pontificibus pugnare ceperint, ob loci opportunitatem consistere nonnunquam in eo consueverunt a *Romanis* Imperatoribus *Imperialem* pro *Bonitio* vocaverunt. Sunt qui dicant ob suspicionem modo, ne rursus juncti *Senensibus*, cum jam *Manfredus* animos faceret, veteribus *Federici* patris sectatoribus bellum inferrent, solo æquatum id oppidum. Alii quibusdam in locis tamen muros diffractos, quibus deinde ab oppidanis restitutis ad *Caroli* usque *Andegavensis* tempora duravisse. Ac tunc quoque cum *Gibellini Senensibus* faverent, maceratos obsidione *Bononienses* tandem manus dedisse, ac dirutis a solo publicis privatisque ædificiis propter toties rebellandi consuetudinem sub montem oppidanis locum ad inhabitandum datum, ubi nunc castellum est de veteris oppidi nomine, ut diximus, appellatum. Quod tamen melius suo dein loco explicabitur. Bellum per id tempus *Volaterranum* quoque susceptum, quod tamen una modo expeditione confectum est. *Volaterrani* enim & ipsi cum *Gibellinis* foverent 106 odium in se *Florentinorum* concitavere. Majores autem multo apparatus facti quam qui per superiora bella consueverint, & gesta omnia intentius, quod constans ad eam diem fama erat, nullam esse ex omnibus civitatibus *Italiae* loci natura munitiorem (est enim altissimo in monte sita, & aditus undequaque prærupti, ac pene inaccessibleibus) ipsam vero per se urbem viris opibusque opulentam. Igitur delectu habito diligentius paratisque omnibus quæ ad tantum bellum necessaria visa sunt profecti in hostem sub monte primo constitierunt, & cum nemo obviam prodiret, nam *Volaterranus* intra murorum sese munitiones continebat, vastato prius circum agro in oras quoque

A *Volaterranorum* ad mare usque excursiones factæ, pastoresque permulti cum armento atque omnigeno pecore abacti, deinde cum nihilominus hostes intra mœnia latitarent caspe quod asperitatem montis ne expedito quidem satis perviam armatum exercitum devitaturum crederet, neque tantum ausurum *Florentinum* militem ut armis impedimentisque cæteris, quæ sunt ad pugnandum necessaria oneratus iniquissimo loco fortunam prælii veller subire. Ac profecto, quid sibi agendum foret, aliquamdiu *Florentinis* ambiguum stetit, periculosum videbatur si ascendentibus hostibus egrediretur obviam, ex præcipiti quoque clivo si esset repugnandum, & confidere illic diutius otiosum victorem exercitum, aut, si re infecta reducat, ignominiosum reputabant. Vicit tandem honesti ratio timorem. Quare instructus morique potius animatus miles quam eam ignavia subire notam, ad mœnia enititur. Jam vero montis etiam medium superaverant, cum *Volaterrani* rebus propriis jam timentes suis subito armati erumpunt, tantusque statim impetus fuit, *Volaterranorum* de superiore adeo loco in subjectos hostes tela multi- 107 fariam contorquentium, ut parum abfuerit, quin toto agmine refugerint. Ad triarios res cum redisset restaurata pugna est & *Florentinus* pedes redire ad signa coepit, atque hosti intermixtus pugnare, nam neque *Volaterrani* ordinem servare suum cum tumultuosius irruissent, potuerunt. Jam vero promiscua omnis pugna erat, & *Florentini* nonnullis in locis desuper præliabantur. Igitur cum receptui dux *Volaterranus* cani jussisset, neque tamen explicari pugna posset, referre paulatim pedem inviti pugnando occeperunt, cum esset ad portas perventum, illic vero multo asperior *Mars* fuit, illis repellere ab ingressu hostem, his vero progredi & capere urbem adnitentibus, neque qui de muris turribusque pugnabant sine suorum quoque clade quia ambiguum erat prælium mittere in adversarios telum ullum poterant. Mixtum tandem, ut pugnabant ingrediuntur urbem. Et *Florentinus* victor discurrens omnia statim editiora & magis munita loca occupavit, nihil hostile tamen patratum in victos, victori enim misericordiam movit mulierum puerorumque frequens repentinusque conquestus gemitu atque ululatu miserabili *Florentinorum* clementiam atque errantium veniam complorantium. Sacerdotes quoque cum infulis aliisque sacrorum insignibus progressi obviam, ut Deo tandem & Christo Salvatore eam injuriam *Florentini* condonarent supplices precati, militum furescentes præ victoria animos mollivere. Principes modo in ea urbe *Gibellinorum* exulare coacti, & *Guelfis* tradita cura publicæ administrationis, qui dux & hoc in bello fuerit non traditur. Prætor urbanus adscribitur *Guiscardus Petrasanctanus*. Mos autem fuit posteaquam peregrinum Prætozem sibi præfecerunt, pro Consule sæpe si ejus virtuti fides esset, ut in militiam Prætor proficisceretur, quam 108 & aliæ quoque vicinæ civitates consuetudinem tenuere. Unde & prætozem *Pisanum* captum ad *Æram* supra diximus, quod efficit ut adducar facile ut in *Volaterrano* etiam bello *Petrasanctanum* prætozem Ducez fuisse *Florentinorum* putem. Principium jam autumnus erat, & hyberna respiciebat exercitus. Tamen cum *Pisanorum* memoria vexaret animos fortunam quoque præliorum cum his tentandam esse *Florentini* decreverunt. Ita a *Volaterrana* victoria in agrum *Pisanum* miles confestim tractus. Cum id *Pis*is esset nuntiatum variè fuisse trepidatum constat, ac quamvis *Pisano* in Senatu diversæ belli cura sententiæ dicerentur, tutior tamen ad postremum vicit, ut pax a *Florentinis* quibuscumque etiam conditionibus acciperetur. Cunctos enim timor jam circumvicinos ingens invaserat, quod aliquot per annos nihil

Florentini tentavissent, quod non summa etiam cum gloria fuissent assequuti. Quod autem *Volaterranos* quoque tanta demum celeritate perdomuissent, in fatum quoddam victoriarum referebant. Itaque fato quoque tunc quidem cedendum *Pisani* arbitantes de pace ad exercitus Duces legatos miserunt, claves etiam, ut quidam tradunt, portarum præferentes manibus, ab his missi *Florentiam*, ut a Senatu eam & populo *Florentino* peterent, bellandi enim se atque arma in hostes inferendi jus habere, dandæ autem pacis atque revocandi, cum semel indictum bellum esset, potestatem penes Senatum populumque consistere. Ita *Florentiam* ventum; introducti autem in Senatum precariam pacem obtinuerunt. In conditionibus id in primis fuit ut *Pisani* pondera mensurasque reciperent *Florentinorum*, hisque uterentur utque immunitas omnium mercimoniorum, & in portu *Pisano* & in urbe *Florentinis* esset negotiatoribus. Additum de obsidibus quinquaginta dandis, qui pignus servandam conditionum præstarent. Ex quibus *Ripæfractæ* quoque oppidum traditum, ac paulo deinde post, quod eorum in finibus esset dono datum *Lucensibus* amicis fæderatisque *Florentinorum*, his addit *Blondus* & *Mutioni* arcem cum omni littore adjacentis maris. Plenus hic annus fuit victoriarum variarum. Itaque ingenti lætitia, cum revocaretur in urbem, exercitus est exceptus. Curiam quoque hoc anno ubi deinde prætorium fuisse diximus exædificatam *Leonardus* tradit, & *Villanus* pontem ad *Trinitatis* ædem anno superiore, qui fuit *Christi* annus millesimus ducentessimus & quinquagesimus quartus. Altero vero qui sequutus est anno quingentorum equitum *Urbeventanis* sociis missa auxilia, qui contra *Viterbienses* finitimos ob contraria studia decertabant armis. Cum iter esset per *Aretinum* agrum, crevere animi *Aretini* *Guelfis* ac tumultu excitato eam partem *Gibellinorum*, quæ in urbe quieta ad eam diem fuerat, ejecerunt. *Guido* guerra e *Guida* familia, vir impiger, sciensque bellorum, duxerat *Florentinos* equitatus; eum vero ad id facinus clam impulsisse *Aretinos* suspicio fuit & pretium acceperat. Res uno fere die peracta, nihil remorari profectionem visa est; doli tamen apud plerosque obmurmuratio permansit. Quapropter cum id *Antiani* persensissent, retulissentque rem ad *Vexillarios*, quibus jam plane pro Senatu utebatur non visum est ut eam doli mali suspicionem admitterent. Itaque *Aretinos* coegerunt armis ut eos statim in urbem revocarent. Fuit vero inter conditiones ut *Aretini* in quinquennium urbanum Prætorum a *Florentia* peterent, quo *Florentinorum* opera revocati *Aretini* cives, *Florentino* prætorum securiores atque ab omni injuria longiores viverent. *Telestarium* vero *Adimarem* *Florentinum* equitem primum gessisse eam præturam prodidere. Eodem anno renovatum esse cum *Senensibus* societatem *Leonardus Aretinus* auctor est; apud alios ejus fæderis mentionem esse factam non invenio. *Manfredus* autem interea cum jecisset altius regni radices, jam suo non amplius *Corradini* nomine regnabat, atque erat *Romanis* *Guelfis*que omnibus per totam *Italiam* infestissimus, ut ne *Federico* quidem patri impietate atque omni nequitiarum genere concederet. Multi ac magni rerum successus elatum natura animum ad insaniam etiam furoremque quendam inauditum atque intolerabilem evehant, conversus autem ad paternas artes veteres per *Italiam* Imperatoris *Romani* sectatores literis excitare nunciisque cæperat. Eam vero *Pisani* arripientes occasionem *Lucensibus* ad *Auserim* fluvium improvisa intulerunt arma, quo cum armati propere accurrissent *Florentinis* sociis comitantibus, vertissentque conferta pugna in fugam cædendo hostium terga *Pisas* usque repulerunt, va-

A statoque circa urbem agro atque incensis ædificiis ad renovandam pacem compulere, aditumque conditionibus, ut cuicumque *Florentino*, non mercatori modo, omnium rerum immunitas foret, ubicumque *Pisani* imperarent. Cum vero in urbem redissent multa continuo moliti *Senenses* *Manfredi* impulsu nuntiantur; domi quoque qui dudum otiosi oscitabant, excitati *Manfredi* tot tantisque conatibus. Maxima enim quæcunque de illius apparatibus fama circumferebat, in spem & ipsi venerant pristinae dignitatis recuperandæ. Quapropter nocturnos agere jam conventus & furtim comparare arma & loqui ambiciosius audebant; quæ cum suspecta esse cepissent, periculumque inde jam libertati maximum imminere existimarent, *Antiani* *Gibellinorum* ad se principes accersi jubent. Hi erant plerique ex *Ubertorum* gente cum multis præterea nobilium familiis, quorum erat in rem mutari statum civitatis, & cum *Manfredo* jungi. Cum autem citati non paruisent, stetitque in aperto seditio, populus arma induit & ad *Ubertorum* ædes convolvit. Illuc enim omnes *Gibellinorum* quicumque fuerunt conjurationis conscii confugerant. Post aliquam vero pugnam populus irrupit in ædes conjuratorum; ac cum cæteri elaberentur *Scatutium* tamen *Cainum*que *Ubertos* & *Mangiam* tenuerunt, de quibus paulo post supplicium sumptum est. Nonnulli etiam inter repugnandum cecidere. Viam, qua urbe abierunt, etiam nunc post tot annos *Gibellinam* vocant, & qua egressi porta sunt, *Cruciariam* inter ac *Iustiariam* muro in perpetuum occlusum. Sunt tamen qui dicant *Guidonem* qui *Arbensem* cladem præpositum urbi a *Manfredo* viam direxisse, atque aperuisse muros, unde recta ad *Curiam*, ubi inhabitabat auxiliariis *Gibellinis*, si quis casus ingruat, iter esset, indeque viæ portæque stetit nomen, eam deinde *Novello* ejecto pulsisque rursus *Gibellinis* muro clausam. Qui effugerunt & multi præterea ex conjuratorum familia perpetuo damnati exilio *Senas* statim confugere. Populus autem, quo spem exilibus omnem reditus adimeret, eorum omnes ædes & turrium propugnacula evertit, materia vero in *Georgium* montem trans *Arnum* comportari iussa. Atque illic quoque muri & munimenta crebra turrium per muros excitata ne quos inde impetus facere propinquus hostis posset, dum *Senis* indignabundus elatiorque *Manfredi* hortatibus pollicitationibusque sedet, nam in dies de illius bellorum apparatibus formidandi magis rumores ferebantur. Quapropter *Florentinus* omnia circumspicere, & quæ facere quoquo modo ad salutem posset, diligentissimè aggredi & curare, ne quid neglectum, quod transigi possit, usque resideret. *Cortona* per id tempus cum *Gibellinis* sentiebat. Igitur ejus urbis ad *Guelfam* fidem revocandæ curam *Aretinis* sociis, hi enim post *Guidoguerre* inde discessum perstabant in fide, mandaverunt. Dum ipsi altera parte *Verniam* & *Mangonam* *Mugelli* oppida redigere in potestatem parant *Alberti* quidem *Reguli* *Germaniæ*, qui & ipsi quondam venerant cum Imperatoribus in *Italiam* & tenuerant; ad *Alexandrum* tandem possessio jure hæreditario devenerat. Is vero quia puer atque orbatus parentibus suorum maximè vim timuerat, ad *Florentinorum* opes prudenti consilio respexerat, atque impioraverat patrocinium. *Napoleo* igitur quidam ex eadem familia id agere ferens, quod occupare eam hæreditatem atque auferre *Alexandrum* puerum e medio in animum induxerat, differendum non ratus, oppida armis occupat. Pueri vix effugiendi facultas fuit. Eam vero ulturi injuriam *Florentini*, simul quod inde *Napoleo* omnibus per *Mugellum* *Guelfis* infensus atque infestus erat, exercitum struunt, ac *Verniam* primo profecti, cum

oppidum expugnassent, diruerunt. Ad *Mangonam* mitior ira fuit victoris, permittum enim *Mangonenfibus*, ut neque oppido neque rebus suis excederent, fidem modo atque obsequium *Florentinis* præstarent. *Aretini* interea & ipsi diligenter mandata exequuti, cum noctu clam *Cortoneses* adorti fuissent, eorum urbem ceperant, atque inde quoque *Gibellinis* ejectis *Guelfarum* partium effecerant. Nec *Gressa* neglecta est: id erat in agro *Aretino* 113 castellum, Episcopo urbis parebat atque fovebat *Gibellinorum* factionem id quoque eodem anno vi captum atque eversum est. Rem miram in calce libri hujus apponam quanquam a veritate naturæ non alienam, nequid quod memoria dignum sit neglectum atque indictum relinquatur. Leones ob eam maximè, quam in libro primo diximus, causam in caveis ad *Baptistæ* Arcem asservabantur, qui deinde ad *Ubertorum* translati Curiam, & ipsi propria stabula exornata fereis craticulis habuere; unde spectare atque admirari ejus animalis insolentiam viatores possent. Ergo ferocior aliquis cum e cavea curatoris negligentia aliquando erupisset per urbem aspectu terribilissimus discurrebat. Quocumque adveniret exterrefacta ac pene exanimata metu plebs diffugiebat, ad hortum *Michaelis* cum venisset & puer quidam, *Lambertuccio* nomen fuit

A (is erat matri unicus posthumus filius) tanta tamque improvisa re perturbatus, amissa mente, constitit stupidus. Ad illum igitur leo veniens cum medium cepisset sedens chelique ad pectus reductis, cæterum illæsum, complectebatur; neque erat qui opem ferre aut egredi in publicum auderet; tantus terror cunctos invaserat. Illud vero mater cum persensisset in insaniam furoremque subito conversa accurrit; & ad sedentem leonem trepidè accedens atrectare fortiter atque aperire leonis ulnas aggreditur. Cum puerum filium extorfisset, minabunda etiam retrahebat domum. Leo 114 immotus, quoad illa abscessit e conspectu, fuit; cessasse famineo furori generosam feram facile dixeris & maternæ pietatis meminisse. Id ego ex viris audiui gravibus qui essent in *Africa* versati diutius, si leo ovem bovemque aut jumentum ad escam rapuerit, solere mulieres fuisse arrepto insequi prædatorem, & consequutas vel malè mulctatos leones abigere, nihil repugnantes; si id mas attemptaverit, marem non itidem ferre impune. *Aristoteles* certe in fœminas atque infantes id ferè genus clemens scripsit. *Lambertuccio* deinde *Leonis* mansit cognomen, quod est & subinde ad familiam translatum.

FINIS LIBRI TERTII.

LIBER QUARTUS.

Am vero lenior multo afflat aura & lintrem *Leonardus Aretinus* sublevat regitque iter, *Leonardus*, inquam, illud ætatis hujus nostræ clarissimum fidus, cujus quidem munere, ni fallor, *Latina* paulo ante eloquentia ex barbarorum obscurissimis tenebris prodiit in hanc lucem, quæ mox, si vera auguror, tot jam doctissimi inde viri quasi ex fonte quodam liquidissimo scaturiunt, non urbem nostram modo sed alias etiam multas gentes illustratura est. Nam si nos paulo ante cum *Leonardo Aretino Nicolaum Nubobum* diligentissimum exploratorem omnis antiquitatis, si *Ambrosium Camaldulensem*, virum quidem doctum atque elegantem, si deinde *Carolus Marcupinum* gravem virum & multarum literarum, si *Matthæum Palmerium* primum civem & Scriptorem accuratissimum temporum, si denique *Donatum Acciariolum* acerbo fato interceptum, aliosque nonnullos literarum gloria claros viros, qui decora vita functi sunt, merito sumus admirati, quid ab his tandem expectandum erit qui nobiscum viventes tanta jam sunt in admiratione omnium gentium ut eorum jam scripta & prosa & versu cum vetustate doctissima conferantur. Miraculo 115 fuit in *Leonardo Aretino* illud tempus fuisse *Græcarum* rerum scientiam. Nunc etiam pueri passim edocti *Græcas* litteras *Atticè* loquuntur & scribunt, conjunguntque quidam non *Græca* jam modo sed etiam *Hebraica* cum nostris & unum universa jam civitas ab eo principio bonarum artium gymnasium factum videtur, unde mox mille gloriosæ palmæ expectandæ sunt. Quod nisi morosiores simus & præsentem laudem ita fastidiant aures, appellarem ex eis quoque, qui modo vivunt, nonnullos, illorumque decus nominis ad hæc quoque jam scripta condecoranda transferrem: sed vix mortui sine invidia laudantur. Itaque nos ad propositum revertemur. Increbrescentibus enim de *Manfredi* audacia rumoribus ad externas quoque res respicere *Florentini* cæperunt. Discrepabant autem in *Germania* inter se Electores, *Federico* mortuo, quem potissimum ad *Romanum* Imperatorem vocarent, ac duorum & viginti prope annorum

C fuerat inter-Imperium, si tempus a *Federici* morte annotemus. Quanquam tres quoque, qui subsequuti sunt *Romani* Reges, quod Pontificio consensu aurea corona caruerunt, cum Imperatoribus a quibusdam non connumerantur. Ita *Rodulfum Atbaulfumque* & *Albertum* prætereuntes, sex & triginta, tot enim regnasse in *Germania* putantur annos, addunt ad imperium, sed tunc quidem Electores & ipsi duas in sententias abierant, dum altera *Gibellinum* præfert, *Guelfum* altera. Vicerat autem ad postremum *Guelfus* & erat *Rudolfus Romanorum* Rex declaratus. Itaque ad eum *Florentini Brunettum Latinum* gravem virum miserunt, quo ejus in *Italiam* adventum accelerarent: quam & ea quoque opera frustra fuit, nam *Gibellini* exules cum *Senis* omnes convenissent, *Manfredi* tandem favoribus in patriam, pulsus inde adversariis, redire, neque ipsi tamen in ea diutius 116 permanfuri. Ita fortuna rebus in nostris lufit perpetuo ludo, quæ tunc demum negare videtur cum miscet suo arbitratu cuncta ac minime intelligenda mortalibus res cunctas mortalium administrat, quod vel his temporibus maxime patuit. Nam *Gibellini* cum *Senis*, ut supra dictum est, convenissent, *Guelfi*, qui in urbe remanserant, legatos *Senas* miserunt, qui ex fœderis conventis, ut pellerent urbe agroque *Senensi Florentinorum* exules, deposcerent; quibus cum esset argutè responsum fieri id ex fœdere non posse, quod hi quoque, qui pellendi forent, *Florentini* item sint quibuscum paulo ante fœdus inierint. Ad reditum igitur legatorum *Albitius Trinciavella* ac *Jacobus Gerardus* fuerant. Bellum indictum a *Senensibus*, quod hi fœderis conditionibus stare nolissent, quodque sociorum legatis non socialibus planis verbis verum versuto involutoque cavillo respondissent. Nunquam majori alacritate itum esse in hostem constat. Itaque nulla interposita mora, cum expedita arma essent, militaris currus eductus. Tria statim primo impetu castella capta, *Vicum*, *Metianum*, *Casciola*, & villæ complures & nobiliora quæque ædificia succensa sunt, dum ad urbem admovent copias. Denique cum nemo exiret obviam ad *Petronilla* monasterium in ipsis

penè urbis portis positis castris consistere. *Gibellini* verò jam tum a principio id veriti, quod evenit, non passuros *Guelfos* ut *Senis* tam propinqua urbe confiderent, legatos de regiis auxiliis ad *Manfredum* Regem *Neapolitanorum* nobiliores quosque de sua gente miserant, quorum princeps *Farinata Ubertus* eques *Florentinus* fuit, vir profecto animi ingentis & singulari quadam probataque prudentia.

117 Ad regem cum venissent atque auxilia postulassent, quod erat majoribus implicatus negotiis, ut puta cui cum *Alexandro Quarto Campano*, ad quem post duorum annorum inter-Pontificatum sedes *Petri* devenerat, continuo de regno esset certamen. Aliquamdiu data verba sunt, demum ne prodere Rex ipse suam causam videretur, cum hi maxime postularent, quibus ob multa magnaue & in *Federicum* patrem, & in se filium merita modeste denegare nihil posset, centum *Germanos* equites concessit. Cæteri *Gibellinorum* legati ob paucitatem rejiciendum id regium munus putabant. Solus *Farinata* id, quod evenit, ratus, ut si hostibus objecti rem gesserint infelicitè non esse regem deinde honoris proprii causam deserturum, auxilia tamen accipienda censuit, quæ regio insigni militarent. Ita profecti *Senas* cum pervenissent, & paucitas auxiliariorum concuteret omnium animos, ferientibus jam muros hostibus atque in portas quotidie insultantibus, *Farinata* omnibus in locis adhortator aderat, nihil magis animo agitans quam ut vel invitum *Manfredum* in belli locietatem pertraheret. Quapropter vocatis ad se *Germanis* occasionem instare dixit ea die grandem rem gerendi e sententia se pro certo exploratum habere; cuncta esse in hostium castris neglectiora nec dierum aut noctium servari ordines. Jam ob confidentiam, quod diu ne videre quidem hostem contigerit, secura omnia illis esse in castris, non aliter ac si media in urbe otiantur; si improvisos, imparatos, nihil ejusmodi suspicantes aggredierentur, fore ut percussi subitaneo tumultu prius terrore injecto vertantur in fugam quam arma ulla aut ullum pugnandi ordinem explicare possint. Fortunam *Manfredi* equitatu hanc præclarissimam palmam obtulisse, ut ipsi non præda modo excellentissima ditati, sed expleti militari gloria in *Apuliam* revertantur. Sub hæc dicta, cum alacritatem animorum in vultibus deprehenderet, largius de industria duxit pugnam. Egressi porta in munimenta castrorum primo impetu irrupere atque adeo audax insolitaque vis terrorem primo trepidationemque injectit; mox arreptis armis repressa Regionum audacia est. Et reliqua omnis *Gibellinorum* manus, quæ consequuta *Germanos* fuerat, intra mænia repulsa; Regii ad unum cæsi & captum vexillum perque castra inversè tractum. Deinde cum in iisdem castris dies restitissent continuos, extrahere eodem modo hostem in pugnam tentabant. Cum nihilominus nemo egredieretur redeundi tunc quidem *Florentiam* consilium cepere redituri mox ad obsidendam urbem posteaquam majores vires tantoque incepto pares comparassent. Igitur ad rei gestæ memoriam in castris loco edito turrim cum crexissent atque opplessent terram, in vertice oleam plantavere illius victoriæ monumentum. Redcentes in urbem incredibili pene applausu excepti, vexillum autem regium, ut paulo ante intra castra, ita tunc intra mænia, plebejo furore tractum atque inde dilaceratum est. Vix medium æstatis transierat. Itaque magnus *Gibellinos* *Senenses*que invaserat terror, ne ad obsidendum, quod palam abeuntes dictitarent, *Florentini* reverterentur. Quapropter nihil morandum rati cum haud contemnenda pecunia viginti nummorum aureorum millia, de *Salimbenibus* accepta mutuo Trapezitis fuisse tradunt; castellis etiam quibus-

A dam traditis, fursum ad *Manfredum* legatos mittunt de *Florentinis* exilibus, cum *Farinata* qui pluris erat inter eos auctoritatis, ut majora jam auxilia, nisi actum de regiis in *Etruria* sectatoribus vellet, ab eo impetrarent. Ipsi interea undequaque comparant, quam maximas possunt, ab amicis ac federatis copias. Jamque ex *Apulia* legati redierant cum auxiliariis octingentis *Germanorum* equitibus, quibus quidem Rex *Jordanum* quendam *Pedemontanum* affinem suum præfecerat, virum fortem bellorumque scientia præstantem, tantumque virium aderat, ut amoto obsidionis metu etiam congressum cum hoste affectarent. Contra vero

B *Florentini*, etsi undique contractis copiis pro rei magnitudine apparatus fecerant, differebant tamen de industria bellum, quod regius equitatus ex *Etruria* digrederetur. Quod *Gibellini* cum rescissent nihil magis versabant animis quam ut *Guelfos* extraherent in prælium. Et cum aliter confici res non posset, dolum struunt; ejus vero auctorem constituunt *Farinatum* atque *Acciam Lambertum*, versutum hominem atque audacem. Hi *Senensibus* statim suadent, ut *Alcinates*, quam maximo possunt, bello premant, faciantque *Florentinis* opem ferendi fociis necessitatem: se enim certo scire *Alcinatum* eos causam non esse deserturos. Duos

C præterea ex *Divi Francisci* sectatoribus claros viros, quo essent dictis fides propensior, conquirunt, quos astute subornatos *Florentiam* ad *Antianos* clam submittant, doceantque Magistratum *Florentinum* quæ a *Senensi* ipsi Magistratu accepissent. Ita perducti ad novem viros, hi enim tunc bello ministrando præerant, quæ opus facto sint ex *Farinata* *Acciæ*que consilio edocent. Ergo hi primum multum de belli fortuna questi malorum omnium causam in *Provincianum* quendam *Salvanum* principem per id tempus civitatis rejecerunt. Illum nutrire omnes discordias quo sic affectatam diu Tyrannidem per tot tantasque miseri

D *Senensis* populi ærumnas mortesque consequatur, plus enim in civitate jam pollere quam qui *Senensium* modo conatibus dejici & tam superbo gradu dignitatis tantaque dominatus spe facile possit; si velint *Florentini* audire *Senensem* Magistratum, oblatam esse occasionem summa eorum cum gloria, qui tantorum existerint bonorum auctores, omni etiam *Etruriæ* restituendæ pacis; nam si ad *Arbiam* copias admovent populum correpturum confestim arma, Tyrannum e civitate ejectionem. Deinde si erit ita in rem visum, *Senenses Florentinorum* præsidia recipient intra mænia, ut ex eorum sententia *Senensium* quoque res administrantur, & una tandem civitas fiat e duabus, quo utriusque populi animi in unum coeuntes respirare aliquando a tot tantisque rerumurbationibus possint atque otio tandem aliquo diuturniore perfrui. Cum his mandatis duo *Franciscani* veniunt *Florentiam* ad eundem Magistratum, atque habere sensus se arcanos dicunt; paucis opus esse quibus credere eos tuto queant. Datur ergo ex *Antianis* unus, *Expedito* illi erat nomen, atque extra Magistratum *Joannes Calcaneus*, magnæ apud multitudinem vir auctoritatis, quibuscum securi colloquerentur. Cum mandata aperuissent, hi rem statim ad *Antianos* detulere. Illi nulla interposita mora citari Senatum etiam extra ordinem jubent. Raro properantior convenit aut frequentior. Cum cæteri confedisissent, assurgens *Expeditus* ita profatur, & orationem quidem habuit audacem magis quam fortem; En tandem, inquit, *Florentini* patres, si nos viri erimus, constituemus libertatem. *Senenses* enim in viam reversi opes jam respiciunt nostras, atque etiam, si ita nos velimus, tradituros pollicentur eorum urbem, ut ipsi, quæ in rem magis putamus, utrique populi exequamur. *Provin-*

Antianum enim *Salvanum* jure fere cuncta populi occupasse, cum modo alere bellum & spectare jam ad Tyrannidem ambitiosum animum. *Senenses* quod ipse pro certo compertum haberet pelle-
re perniciosum patria civem ab urbe decrevisse, ut profligatis hostibus nostris *Gibellinis*, quorum ille se plane principem patronumque præberet; cum *Florentinis*, quibus velimus ipsi conditionibus, ineant amicitiam. Ad *Arbeam* tantum petunt, ut veluti *Alcinatibus* allaturi opem, quas in armis paratas habemus, copias admoveamus, reliqua suo ipso se *Marte* transacturos. *Antianorum* Magistratum; cum id esset *Senensis* Magistratus nomine nuntiatum, elatum lætitia confestim *Florentinum* senatum vocavisse, ut ejus illum gaudii participem haberent. Rara vero, inquit, sunt, *Florentini* patres, ex omnibus rebus humanis quæ, quo deliberentur rectius, consultatione non indigeant. Tam varii sunt rerum eventus, præsertim bellicarum, ut etiam ubi diligentius consulueris, facile a vero tamen sæpius aberres ac diversi a spe fiant rerum exitus. Quod modo assertur profecto tale est, ut opera magis vestra, quò res e sententia perficiatur, egeat, quam vos de tanta modo re tamquam bene gerenda occasionem disceptare debeatis. Quapropter neque nos in deliberando modo sententiam vestram expectavimus. Verum quantum in *Antianis* fuit decrevimus, ut nihil, quod ad maturè conficiendum pertineret, negligeretur, quæque opus forent, parata in promptu cuncta essent. Vestrum nunc officium erit ut omnibus studiis in commune faveatis, neque tantæ gloriæ divinum certè munus elabi turpiter e manibus per negligentiam & socordiam sinatis. Frustra enim Dei opera imploratur, etsi ipse be-
neficus est in genus humanum, si, quæ ultro se offerunt, rerum opportunitates aspernentur. Cum vero his dictis assedisset, musitatio ingens per concionem est exorta, singulis prope novum hunc morem ad Senatores referendi de republica improbantibus. Ergo venia prius impetrata a magistratu *Tegliarius Adimarius* hujuscemodi orationem habuit: Non sum nescius, *Florentini* patres, quantum, qui reipublicæ præsumt, venerationis debeat; quippe secundum Deos immortales primos in civitate magistratus excolendos putem; quapropter nec mutare quidem fuisset ausus, nisi me vel invitum patriæ salus, de qua videtur agi hodierno die, in suggestum impulisset, quam si quis trahi in periculum senserit, nec suo etiam periculo succurrerit crudelis etiam omnisque reus impietatis fuerit. Quam enim ob causam putatis deorum quoque honores fuisse homines quondam facilius assequutos, quàm defendenda patria & virium salute proprii etiam oblitos commodi consulendo. Ego vero is sum semperque fui, qui patriæ salutem salutem meam antetulerim, ea enim salva quid est quod bonis viris extimescendum sit? atque ego quidem, *Florentini* patres, nam faciam ipse palam quod sentio, multum vereor ne in nostrum caput hanc speciosam fabulam *Gibellini* confinxerint. Omnes novistis quorundam, qui inter eos præcipue excellunt, artes animosque ad fallendum solertissimos: habent modo *Germanum* equitatum quo paulo post primis tribus exactis mensibus carituri sunt: habent irritatum in nos *Senensem* populum quorum paulo ante in portas usque & mœnia insultavimus, qui vindictæ ardor si refrixerit, fieri posse putant, ut multo remissiores ad injuriam nostram tanto periculo suo efficiantur: habent sociorum quoque præparata auxilia, quæ diutius tanto cum illorum, qui eam fere jactura ac discrimine in castris retinere posse non putant. Nos vero his sapienter animadversis domi sedentes temporis expectamus beneficium,

A non aleam modo pugnae non nisi ex necessitate subeundam, ut dicere sapientes solent, devitamus. Ipsi se vincent sine nostro prælio, nisi nobis quod dici de catulorum cæcitate assolet, ipsi festinando optimam belli sortem interceperimus. Quis vero mirabitur hæc *Gibellini* animo reputantes vel quocunque modo, ne tanta illis occasio dilabatur, si extrahere in certamen volunt, non succedit aliter, fraude aggrediuntur. Tradere ajunt velle *Senenses* in nostram manum urbem regique a *Florentinis* *Senenses* quis hoc credit, nisi qui utriusque populi mores naturamque ignoraverit? Non habemus nationem adeo magis insensam, aut cum qua plures aut majores odiorum causæ intercedant, ut hanc mœnium viciniam tacitus præteream, quæ raro sine livore atque altercatione esse natura consuevit, & vicinus vicino invidet, ut doctè inquit *Hesiodus*. Addite vero, *Florentini* patres, quod ambitiosæ hujusmodi pollicitationes atque hæc tam inexpectata, tam inexcogitata munera semper suspectiora prudentibus viris extiterunt. Num satis fuerat *Senenses* si adversarios se nostros ex conditionibus ejecturos polliceantur, nisi ipsi libertatem patriamque prodiderint; venit verò proverbium in mentem, quo ab eo, qui præter solitum applausit, cavendum monemur. Quid igitur? deferemusne *Alcinates* veteres socios & tanquam lupi rabidissima imbelles pecus agnos, quod constantissimè diu amicitiam nostram excoluerint, vorari modo deglutiri otiosi permittemus? Nemo id sanæ mentis dixerit, neque, si quis ejus
sententiæ sit, non contravenerim; Nihil enim puto in rebus humanis fide esse divinius, quodque sanctius servari debeat aut excoli ab homine diligentius. Quid enim ea sublata distamus a feris, quibus etiam merito erimus inferiores si efficiamur acceptorum immemores beneficiorum, si quidem leones quoque & elephanti atque serpentes, ne quid de canibus dicam, aut de equis, quod minus mirabile videtur qui sunt homini magis familiares, sæpe gratos fuisse in eos a quibus beneficium acceperunt & legimus & experti omnes quoque fuimus. *Alcinates* conjuncti nobiscum animis, aliena nobis, *Senas* ultra regione sunt siti *Urbevantanis* fœderatis nostris quam nobis propinquiores; eos juvemus atque amemus censeo. Ipsi si usus ferat defendant *Alcinates* & quod nos paulo ante, ut eorum fortunis opitulareremur. *Urbevantanis* dedimus, ipsi modo eandem in amicis fœderatisque commiserati sortem fœderi præstent atque amicitia *Alcinatum*. Quancquam dissimulare id modo *Senenses*, quo nos facilius in campum & aciem educant quin bellum hoc tempore *Alcinatibus* illatum velint, existimaverim; majora enim multo impendere videntur quam quæ implicari tot simul curis negotiisque patiamur; Si tamen aliter evenierit & molesti esse pergant *Alcinatibus* *Senenses*, atque adduci rem in periculum senserimus, nihil obstitit quin pro sociorum salute nostram quoque in periculum conjiciamus, sed ante tempus tantum in discrimen adduxisse Rempublicam indignum, *Antiani*, profecto gravitate vestra vestrisque consiliis atque a populi *Florentini* consuetudine & dignitate alienum; proinde a bello inferendo propius nunc quidem supersedendum censeo, tempusque quid asserat expectandum, neque
nosmetipsos patriamque & libertatem nostram cum rebus omnibus nostris sine necessaria causa fortunæ telis temere objiciendum. Hæc cum dixisset *Adimarus* plausum omnis ferè Senatus dedit, atque ad eandem consulenda jam multi sese accingebant. Verum *Antiani* *Adimarum* pridem perosi concionantem multa afficiunt, & ne præterea quicquam consulat novo adeo neque civili more prohibuerunt. Quod autem pecuniaria multa erat, in-

inventi nonnulli qui, ut ipsi in tanto reipublicæ discrimine sententia succurrerent, multæ jacturam fecissent, nisi *Antiani* capitale statim fecissent, si quis ab eorum de *Gibellinis Senensibus* deliberatione, quam fecissent, re quicquam aut verbo abcessisset. In *Adimarum* etiam dicaciorem fuisse Magistratum ferunt, quam pro ejus ipsius gravitate conveniret, & rogasse *Expeditum*, ubi concionator assedisset num præ metu jam... atque *Adimarum* fortiter respondisse se quidem libere dicere sententiam in Senatu, quod si militiæ virtutis quoque periculum atque animi faciendum sit, eo se processurum in hostes, quo ne subsequi quidem istos extra omne periculum ita fortes nihil audeant. Multitudo omnis imprudentior cum magistratu erat atque addebat nativo furori *Antianorum* impetum quoque suum popularis furor. Ita decretum populi fit ut ad *Arbiam* copiæ confestim admoveantur. Quapropter multi quoque ex fœderatis in belli vocati societatem; præsto affuere *Lucenses*, *Pistorienses*, *Volaterrani*, *Pratenses*, *Arretini*, *Geminianenses*, *Politiani*, *Collenses*, & nobiliores plerique *Etruriæ* populi convenere. *Perusinorum*, *Bononiensium*, atque *Urbevetanorum* interfuisse auxilia proditum est. Ita cum militari 126 curru atque omni castrensi pompa profecti sub apertum montem ad flumen *Arbiæ* pervenere. Pars etiam *Antianorum*, & expeditius inter eos princeps; veluti ad certam egressi victoriam currum comitabantur. *Guidoguerram* fuisse in ea expeditione Ducem *Florentinorum*; jam enim a *Beneventanis* redierat, nonnulli testantur, etsi & ipsum quoque non probasse inceptum asseverent, & vocatum in se natum ne ipsum quidem dicendi quæ sentiret ab *Antianis* jus impetravisse. Abeuntibus ex urbe disceptatio fuit relinquerentne domi quosdam, quorum, quia fuerant *Gibellinorum* dum in urbe versarentur assertores partium, suspecta fides erat; an eos quoque in militiam educerent. Denique & hi educti: neque domus fuit quæ militem unum saltem in eam expeditionem non præberet; equitum urbanorum mille, auxiliatorum duo millia produntur. Constat majore spe aut animis nunquam exiisse in campum *Florentinum* agmen, sed neque inconsultius alias aut processisse primum aut tumultuosius deinde pugnasse certum est. Ferociam proditio faciebat quam per universum jam exercitum *Antiani* leviter adeo insolenterque vulgaverant, sed neque minor eadem de causa negligentia inceserat. Non enim in hostes exiisse ad pugnam aliquam; sed ad otiosam victoriam putabant. Ergo negligenter cum metati essent castra & tanquam in pacato agro constitissent, summa cum ignavia ac desidia ubique cuncta gerebantur. *Senis* autem cum tot ad *Arbiam* copias adventasse nuntiatum est; etsi lætum erat succedere e sententia dolos, tamen in principio ne id hostes persentiscerent, valde addubitatum. Itaque egredi ad prælium ob hostium multitudinem atque inire pugne fortunam formidabant; do-

127 nec transfuga quidam nobilior, *Ratiantes* nomen fuit, ad *Gibellinos* cum transisset remque ut erat omnis neglecta castris, edocuisse, monendo atque hortando in prælium elicit. Ferunt ex olea coronatum quod ita doli auctores monuissent, in equo sedentem omnes prope urbis vias lustravisse & gloriosum de superbo *Florentino* hoste victoriam, nisi segnius congrediantur, partem esse prædicavisse liberius. Id vero cunctabundos *Germanos* equites & *Senensem* omnem turbam cum *Pisanorum* in eam causam cæterorumque præterea sociorum accitis auxiliis ita animavit atque exacuit virtutem, ut *Jordanus* regius Dux, cui *Gibellini* & *Senenses* totam belli curam demandarant protinus erumpendum, nequid inter morandum rescire hostis

A queat, censuerit. Itaque pro tempore curatis corporibus in aciem egressi porta, qua vocandos se fuisse *Antiani* in urbem pacatam ex conventis cum *Franciscanis* crediderant, ingenti celeritate in hostem ruunt. Prima acies *Germanorum* equitum fuit, inter quos vel imprimis *Jordanus* pugnavit, secunda vero *Gibellinorum* admixta *Senensi* equitatu; totum claudebant agmen auxiliares, ut inde & subvenirent laborantibus, sicubi hostis potentius inurgeat, & in fessorum & quacunque fortuna e pugna cedentium locum integri recentisque succederent. Peditatum vero partim cum regius equitibus, quo prælium laeessant, in fronte locant, partim convestire alas & pugnare cum equitibus in hostem jubent. Jam venerant in conspectum castrorum *Germani* primi equites atque *Antiani* ex pedibus imprimis gratulatum venire *Senenses*, quod domi rem e sententia confecerant, & vocari etiam ad vacuæ urbis possessionem putabant. Cum ecce levior jam armatura percurrisset in castra, pugnam ciebat impetuosius. *Florentinus* tandem, cum dolum sensisset, ad arma discurrit. Pauci; qui ad currum instructiores stabant; primum *Germanorum* impetum sustinuerunt, donec cæteri arma capiunt seseque ad repugnandum parant. Jam plerique accurrerant; & justum prælium committebatur atque utrinque ferociter pugnantes multi cadebant, sed quia sine ordine *Florentinus*, ut quemque casus coegerat, hosti congrediebatur, neque erat casorum aut defatigantium qui subiret vices, nutare atque inclinare acies occiperat posteaquam aliquot horas non admodum dispare virtute decertassent. *Bucca Abas* in apertam fugam impulit, is forte prope signa stabat & cum transfugium decrevisset, quo gratior adveniret ad *Gibellinos*, signifero, is erat *Jacobus Valea* cognomento *Pactius*, vir imprimis strenuus, manum qua signum sustentabat stricto gladio abscidit. Tum vero eo ad terram prostrato nihil reliqui fuit, quin fuga effusissima salutem *Florentini* peterent. Sed jam de monte *Senensis* frequens peditatus descendebat, qui ad id, cum eam victoriam *Jordanus* post confertam pugnam prævidisset, missus eo fuerat & multos fugientium intercipiebat. Atque hi quoque, quorum exeuntibus jam tum in expeditione suspectam fuisse fidem diximus, cum victoribus, & ipsi sequuti fortunam, dimicantes majorem etiam quam *Germanus* ullus aut *Senensis* stragem edebant. Meliorem quemque militem cecidisse constat, & cætorum quidem tria fuisse millia, quatuor vero captivorum plerique tradunt, curru militari, ad quem tamen durior multò pugna fuit martellinaque & omnibus militariis insignibus cum omni munitione pompaeque castrorum victor potitus: raro clarior aliqua victoria de quoquam hoste fuit. Victis nihil reliqui factum; ultro enim urbe ipsi vi minime expectata adversariorum excessere. Nam *Florentiam* qui e pugna evaserant cum revertissent, & complevere urbem miseris lamentationibus, & de deferenda urbe priusquam victor superbus hostis adventasset, consilium inierunt. Igitur cum omni familia gazaque, si quid commode exportari potuit, commigraverunt. *Luca* partim, partim *Bononiæ* confedere. *Gibellini* vacuam urbem ingressi Civitatem ita instituerunt. *Novellum* juri dicundo & administrandæ reipublicæ domi præfecerunt, *Jordanum*, qui arma regeret remque eorum foris curaret, receperunt. Summa omnis *Florentini* Imperii penes *Manfredum* Regem stetit, illius dicto omnes parebant decem annos posteaquam populus gubernacula ipse reipublicæ susceperat per varias victorias libertatem decoravit, quæ ad *Arbiam* missa est, ubi male pugnatum diximus pridie nonas *Septembris* cum anni *Christi* millem ducentenique sexageni

geni laberentur. Hæc autem ubi *Romæ* audita sunt, maximum timorem incussere, & *Alexander* Pontifex cum tantum additum esse videret ad *Manfredi* perpetui hostis *Romani* potentiam, multa circumspiciebat. Inter Cardinales *Ostavianus Vbaldinus* erat unus *Gibellinæ* factionis in Pontificio Senatu. Is vero aliquando rogatus sententiam cum superbius in victos verbis insultavisset, non tulit *Blancus* & ipse in numero Cardinalium Senator gravissimus, aliterque multo fuisse loquutum dixit, si is rerum arcana tandem percepisset. Quod autem erat Astrologiæ peritissimus cupidinem continuo iniecit, quid ipse tandem de omni ea re sentiret apertius intelligendi. Difficile fuit a
 130 sapientissimo viro de rebus futuris extorquere sententiam. Tandem omnium defatigatus precibus, Pontifice quoque ipso quid astra portenderent ut edissereret cohortante, ita respondit: *Vincent videntur neque ipsi vincentur*. Quæ, tanquam ex oraculo dicta, observaverunt, quibus quidem in hodiernam usque diem ex re ipsa fides manet. Leve fortasse quispiam putaverit, quod certe ob vitæ exemplum grave est, si quod *Expedito* superbissimo *Antiano* acciderit post acceptam cladem inscriptam hæc retulerim. Nam is cum ex prælio primus fere aufugisset adeo in Senatu audax parvo tempore exul ad mendicitatem est redactus. Ergo cum aliquando in *Teliarium*, qui infaustam illam *Antianorum* expeditionem gravi oratione disfluaserat, maleque ob bene ea die gestam rempublicam ab *Expedito* audierat, heus *Expedito*, inquit, ita sum pauperculus? (& amota superiore veste plenam nummis aureis crumenam, quæ subligaculo inhærebat, ostendit) tu vero fame deperis atque ex inedia fatiscis, & quidem merito tuo ita miser, qui tot cives tuos, qui patriam, libertatem, ausu adeo temerario perdidisti. Rebus autem, ut supra memoravi, *Florentiæ* compositis, *Manfredus Jordanum* revocavit; quod autem erat illius apud omnes *Gibellinos* magna ubique auctoritas, admodum ea revocatio molesta formidinisque plena fuit, tentatumque per legatos, ut *Jordanum* ad aliquod saltem tempus, quoad firmior in *Etruria* res *Gibellina* Regiæque foret, *Manfredus* immorari sineret; cum tamen abeundum esset & regi parendum, placuit antequam discederet de cuncta *Etrusca* re disceptare. Ut quod *Jordanus* potissimum sentiret ex absentis quoque consilio, quod ante clicuissent, rem communem administrarent Emporii, quod is locus medius fere sit
 131 existimatus, dictum ad diem certam Concilium. Convenerunt autem *Jordanus* imprimis, & *Novellus* ex *Gibellinorum* quoque primoribus, *Florentinorum* permulti, *Pisani*; item legati *Senensium*. Hi utriusque Civitatis plerique principes fuerunt. Frequentes etiam e tota fere *Etruria* Reguli & Castellorum domini, quibus vel intulerant *Guelfi* paulo ante arma, vel erat eorum, si regnaturi essent, potentia formidolosior. Accurrere *Guidi* Comites, *Alberti*, *Vbaldini*, *Florentes*, & ingens præterea Nobilium minutorumque Tyrannorum turba. Ingressi autem in concionem, cum omnes assedissent, cunctatio primum nonnulla fuit, cum alteri alteros, ut dicendi principium fieret respicerent. Cæteris igitur morantibus unus ex *Pisanorum* legatis ita fatus fertur: Nisi abrumpi hoc silentium, fæderati, studuerimus, nulla præterea causa fuit, cur *Pisani* modo primi ad dicendum de tanta re sententiam surrexerimus. Nos enim hi sumus profecto qui magis quæ vos decreveritis, exequi parati sumus, quam satis e re communi quid sit potissimum dignoscere posse non putemus. Id modo vel confidenter admodum censuerimus eo esse tandem deductas nostrum honorum fortunas, ut silere jam aut otiosi esse,

A nisi prodere ipsi nostram causam velimus, minime debeamus. Ingentem Dei gratia & vestra virtute de communi ad *Arbiam* hoste paulo ante victoriam reportavimus, sed solent læpe secundæ res parere negligentiam, neque diu lætæ esse his, qui elati, cum semel fortuna arriserit, perpetuum id fore putantes pristini obliti studii ignaviæ socordiaeque indulgent. Si vos viri eritis, oblata profecto magna occasio est ut ejectionis penitus adversariis, vos omni *Etruriæ* imperetis. Ac demum rebus ex vestra sententia compositis a tot tantisque quæ sumus
 132 diu perpeffi, malis quiescamus. Verum nihil ob victoriam rerum cura nostrarum remittenda quicquam videtur, neque etiam ita victi adversarii contemnendi sunt. Multo enim majores illorum vires quam quæ una clade deleri & confici bellum possit. Neque enim cum *Florentinis* modo res est, a quibus & solis atque in prostratis, aliquid tamen, si prudentis officium fiat, continuo subtrahendum fuit, sed cum *Romanis* & Pontifice eorum, cum *Perusinis*, cum *Urbetanis*, cum *Bononiensibus*, *Volaterranis*, *Lucensibus*, *Aretinis*, *Pistoriensibus*, *Politianensibus*, *Alcinatibus*, *Collensibus*, *Geminianensibus*, *Pratensibus* quorum etiam auxilia superiore proxima victoria delevimus, at eorum in nos odia exasperavimus. Quos omnes, fæderati, credite nihil jam diesque & noctes cogitare intentius, quam ut acceptam ignominiam ulciscantur, & quod reliqui est suarum fortunarum a vestris armis injuriæ defendant. Mathematicorum nos dogmata, qui tenere se futurarum quoque rerum profitemur scientiam, contemnere sæpe & somnia putare consuevimus, in tanta tamen re ac tanti periculi cuncta formidamus. Atque isti nescimus quæ fata quæ portenta circumferunt astrorum. Illud nos vehementer movet, etsi aliter nonnulli rem interpretantur, istamque *Guelforum* ex urbe *Florentina* migrationem levem fuisse ac meticulosam rentur. Nos, ne fortiter potius prudenterque decreverint, veremur. Nam quid in urbe tunc quidem expectent defensoribus vacua tot ad *Arbiam* amissis civibus? an ut nobis protinus advenientibus se quoque cæsis inferias præberent? quæ enim spes jam esse salutis poterat neque arma jam habebant, quibus nos in prælio eramus potiti, non viros, meliores enim quique fortioresque interierant. An vero plebis spectare
 133 opem debuerit, at illius semper suspecta fides est, quæ etiam rebus continuo novis studet; neque multitudini quisquam diu gratus fuit. Temere turba extollit, mox etiam insectatur temerius: denique quod vos diligentius animadvertisse oportet, si quos viderit vulgus maxime consternatos, in eos incitare intentius studia plus quam commisereri res magis afflictas consuevere. Conventus fieri jam luce adversariorum non contemnendos certè scimus. Eorum principes *Guelfos* esse *Florentinos*, & consiliorum omnium auctores. Reliquos nihil jam esse ausuros nisi illa subest spes, & recidivam fortunam a *Florentinis* cuncti expectarent, quam quidem spem ut nos tandem aliquid in commune liberè consulamus, esse potissimum delendam censemus. Neque fieri id posse stantibus illis mænibus, atque illo omnium, quæ nos per tot annos pertulimus, incommodorum sæcundissimo seminario. Hi quibuscum omnem rerum cunctarum sortem communem habemus, *Florentini* Cives in nostras urbes demigrent, pro cuiusque rerum arbitrio majores etiam quam ipsi in patria nostra consequuturi honores, cæteri deletæ quoque patriæ spe destituti profugi vagentur, dentque aliquando manus & concedant melioribus. Ea tandem unica, ut nos remur, fæderati, via est ut non perpetuo ita esse solliciti debeamus, sed in portum aliquem tranquillitatis tandiu ita agitati atque

que aliquando ejecti divertamur. Neque patriæ caritas, quæ videri possit, movere quenquam debet; is enim verus amor in patriam videri solet, qui civis non mænia complectitur, neque nominis vano aliquo splendore ducitur, sed re potius factique movetur. *Albani Romani* generis sui caput everterunt, officere posse novæ urbi illam veterem gentem putantes: *Florentini* & ipsi ob eandem causam delevisti quondam *Fesulas*, a quibus duxisse vos originem haud dubium est. Igitur quis non jure laudat, si nos quoque illorum imitati prudentiam eam urbem modo sustulerimus. Unde si superstes fiat, coacti timore hujusmodi auguramur quod *Gibellinæ* reipublicæ extremum tandem exitium perventurum sit. Quod ni accadat, fœderati, vos nunc, si vera patriæ caritas moverit, omni studio curabitis. Nam si *Jordanus* in *Apuliam* abierit a *Manfredo* revocatus, quantum putatis demtum de nostris rebus, erit & additum adversariis, qui regium jam nomen ob unius *Jordani* virtutem præter cætera expavescunt. Si is verò non prius discesserit, nobis credite, attollent cervices & insurgent magis etiam quam soleant, terribiles furiis jam agitati appetitæ ultionis. Excitate ergo animos vestros, ac priusquam accesserit infortunium, succurrite. Frustra enim fortunæ opem, cum desævire inceperit, implorabimus, si quæ ipsa ultro obtulerit per imprudentiam atque ignaviam repudiaverimus. Postquam *Pisani* loquendi finem fecerant, legati *Senensium* pluribus & ipsi verbis idem censuere, in quam etiam sententiam nobiles quoque & *Reguli Gibellinorum* haud inviti processerunt. Tum unus *Farinata Ubertus* indignabundus assurgens longe aliter sentire se dixit severaque & simplici oratione tunc quidem ab interitu servavit patriam. Non autem fuit in eo viro excellens aliquod dicendi artificium; ut natura ferebat, loquebatur. Cæterum ut manu erat promptus vigeatque ingenio, ita inerat prudens quædam in lingua vehemensque facundia. Is igitur cum perorasset, & quoniam maxima esset viri auctoritas commovisset cunctos, *Jordanus* imprimis & *Novellus* cum *Farinata* censuerunt, atque explosa cæterorum de delenda *Florentia* oratione ad aliud digressi communi gentis consilio, mille ad eas, quas haberent, copias esse addendos equites decreverunt, qui symbolo collato alerentur. *Novellus* universæ rei præfectus: ita discessum e concione. Ubi hæc peregere, *Jordanus* in *Apuliam* properavit. *Alexander* interea moritur; & *Romanus* Pontificatus ad *Urbanum* quartum devenit, cujus omnis cura erat, ut a *Manfredo* Ecclesiæ jura defenderet. Nam propter *Gibellinorum* in *Etruria* successum *Manfredus* auctus viribus rem Pontificiam in dies magis urgebat. Accedebat ad hæc quod ejus etiam opera populus *Romanus* a Pontifice desciverat, asserueratque sese in libertatem: isque jam sibi novos præfecerat magistratus, *Banderejos* vocabant, quibus etiam vitæ necisque fecerant potestatem. Quibus actus Pontifex difficultatibus ad externa auxilia animum convertit. Et quando non in *Etruria* modo, sed reliqua quoque *Italia* *Manfredo* omnes ferè populi parebant, ad *Ludovicum Gallie* regem legatos misit, ut ipse *Carolus*, sive germanus is fuerit sive consobrinus, aut gener, ut diversi tradunt, *Provincia Andegaviæ*que præfectum cum exercitu mitteret in *Italiam* contra *Manfredum* injurium *Apuliæ Siciliæ*que regni occupatorem, si ejus opera Pontifex *Romanus* Pontificialem causam fuerit tutatus, utrumque *Carolo* plenissimo jure se traditurum per legatos pollicitus. Per idem tempus *Guelfi Florentinorum*, qui ejecti domo *Luca* convenerant, & ipsi rem communem non deferentes legatos ad *Corradinum Corradi* filium in

A *Germaniam* miserunt *Bonaccursum*, *Adimarum* & *Simonem Donatum*, qui tunc erant factionis principes. Etsi pergrata legatio *Corradino* fuit, nihil tamen, reclamante ob ætatis teneritudinem matre, ¹³⁶ impetratum ut ad recuperandum paternum regnum atque avitum in *Italiam* veniret. In futurum modo facta ingenti spe legati recesserunt. Dum hæc geruntur, *Guidus Novellus* summam nactus, ob *Jordani* discessum, auctoritatem, instructis copiis proficiscitur contra *Lucenses*, ut ad pellendos urbe agroque suo *Guelfos* armis, si id precario recusent, adigat. Egressus aliquot *Castella* non multo negotio expugnavit. Ad *Fucetium* deinde cum venisset admodum diverso eventu triginta dies frustra absumpti; pluviae, ne diutius oppidum oppugnaretur impedire, & quia hyemis jam erat principium in hyberna miles est reductus. Vere ergo primo cum *Guelfi* prævertendum sibi esse putarent, clam adorti per intempestam noctem *Signianos* admotis scalis eorum oppidum cepere. Nullus est toto *Florentino* agro locus bello urbi inferendo opportunior. Quapropter id nuntiatum vehementer *Novellum* commovit ut tumultuaria pene collecta confestim manu *Signiam* properaret, sed diffusus tutari mænia posse *Guelfus* oppido ultro excessit. Jam *Pisanorum* auxilia adveniant, itaque his maxime suadentibus, *Novellus* bellum contra *Lucenses* superiore anno captum prosequitur, ignique & ferro eo eum vastat agrum. Jam vero *Castilionem* expugnavit, cum *Guelfi* & *Lucenses* ira magis quam consilio in hostem egrediuntur, neque mora a quoquam ulla facta posteaquam in propinquo constiteret quin statim præliarentur. Itaque *Lucenses* *Guelfique* mox versi in fugam sine viribus vanam esse iram sentire, inter pugnandum multi ceciderunt, nonnulli etiam capti in potestatem hostium vivi pervenerunt. *Cecis* unus *Bondelmontes* cum in *Farinatham* incidisset contra suos pugnans atque amisso jam equo præ actu pugnae fugæque vix traheret animam, ¹³⁷ illico tetigit fortissimo viro animum conditio rerum humanarum, & acceptum adversarium in eundem quo ipse ferebatur, post sua terga equum e prælio educebat, nobilis viri sortem commiseratus. Id cum *Farinata* frater *Petrus*, cognomento *Asinus*, gnavus eques, cæterum ferocia immanis, animadverteret, converso in fratrem equo militari clava *Cecis* caput diffregit, reclamante etiam & aspera in percussorem convicia jactante *Farinata*. Fortissimi quique probro id *Asino* verterunt; ignavioribus modo id facinus non improbatum est, quos vindictæ magis ardor acuit, quam quæ sit magnitudo animi, illiusque qui ea potius, quam naturæ impetu, ad ultionem ducatur gloria, cognoverint. Post hanc victoriam *Novellus* exercitum quocunque libere circumducens multa de hostibus castella cepit inter quæ nobiliora traduntur *Notianum Rotaria* pons ad *Auferim*, sic vocant castellum quod ad id flumen situm est. Quocumque victor hostis convertisset arma, tantus tremor invaserat, vix erat qui ne primam quidem vim auderet experiri. Certatim fere deditiones fiebant. Id vero impulit *Lucenses* ut pacis clandestinas condiciones cum hoste inirent, a quibus mox abeundi *Guelfis* exulibus est facta necessitas. Itaque cum conjugibus & liberis egressi tumultuatim *Bononiam* perfugerunt. Per id tempus apud *Mutineses* quoque eadem factiones solito magis Civitatem turbabant, ex quo *Guelfi Florentini* a *Mutinesibus* accersiti, cum tulissent *Guidoguerra* Duce, is ab eis nunquam discesserat, suppetias, *Gibellinos* inde ejecerunt. Pari mox fortuna evocati & a *Rheginis* ob causam haud dissimilem *Rhegii* medio in foro pugnaverunt, etsi negotio admodum dispari ac periculo; *Casca* erat homo

138 *Abeginus*, Gigantea, ut traditur, corporis magnitudine ac viribus; pugnabat autem *Herculeo* more ferrata clava, neque erat qui congredi auderet. Is tunc stabat in foro inter armatos soloque aspectu adeo erat terribilis, ut nedum prodire quemquam obviam, sed ne egredi quoque domo timor pateretur; si quis tamen audacius occurrisset, miraculo erat nisi *Cascae* clava illico occideret. Igitur *Florentinorum* ea manus quæ ad *Mutinam* quoque vicerat, conditione rei animadversa, primum suspensa parum substitit; cogitabunda quo potissimum modo in *Cascam* præliarentur; mox glomerati ex omni numero meliores quidam milites, *Palatinos* eos deinde vocavere & *Feresius Adimarus* præfectus fuisse eorum fertur, facto cuneo in *Cascam* omnes uno impetu conjurant. Duodecim fuisse traduntur qui tunc strictis gladiis hominem adeo in immanem ferocemque aggressi sunt. Cæteri enim collato pede in singulos, *Guido guerra* Duce, pugnare, & unicuique, nisi defendendi sui esset facultas, operæ pretium fuit vnum vidisse *Cascam* cum duodecim delectis fortibus viris manus conferentem. Jam vero nonnullos eorum letho dederat & toto foro sæpius circumagibat agmen, cum *Feresius* cællido consilio retractos sensim ex cuneo aliquot pene urgere terga atque infectari hostem jubet. Ita assiequutum cæteros *Cascam* dum mactandis his intentius moratur, atque illi inutiliter repugnant, qui tergus cædebant pluribus simul ictibus, dum ipse alium ferit, percutiunt. Ita vero confossus non alio, quam si turrim evertissent, fragore ad terram decidit. At *Gibellini* continuo, duce amisso *Casca*, diffugerunt. Plebs ad famam prostrati monstri in forum advolavit, neque satiari oculi tuendo poterant, dum sanguinis fluentia, non rivos, dum

139 vultus adhuc semivivi ferociam membrorumque omnium tantam immanitatem admirantur. Tum vero cuncti virtutem laudare *Florentinorum* ac ferre in cælum egregia facinora, & commisereri fortunarum certatimque multa largiri, equos præbere atque arma & ditare pecunia facultatibus divenditis *Gibellinorum*. Jam quadringenti erant equites, omnibus instructi atque ornati rebus præter egregios animos & ad quæcunque etiam maxima obeunda paratos. Ergo cum de adventu *Caroli Andegavensis* Principis, de quo supra memoravi, nuntius advenisset, Oratores ad Pontificem *Romanum* mittere placuit, ut ejus commendatione *Andegavensis* gratiam facilius promerent. Per eos verò dies crinita fulserat excitaveratque omnes mortales ad rerum futurarum expectationem, præsertim quod eam regnorum permutationem portendere Mathematici putent. Auxit admirationem quod vix crinita evanuerat cum *Urbanus* vita excessit. *Clemens* Quartus in demortui locum subrogatus, homo *Gallus* Caroloque *Andegavensi* prope familiaris Ab eo igitur benigne auditi legati *Guelforum* ad stipendia etiam Pontificis admittuntur, quoque alacriores rem capebant Pontificiam, suo quoque insigni (id aquila rubra est viridem affigens unguibus draconem) donatos dimisit, ut eo insigni militarent. *Carolus* interea mari advectus inter hostium quoque insidias, quas multas *Manfredus* diversis in locis ad intercipiendum hostem struxerat, dilapsus *Romam* pervenerat, atque exceptus perbenignè & donatus *Neapolitano* & *Siculo* regno, ut cum *Manfredo* jamjam congregiatur, tardior copiarum adventus impediatur. Nam e *Gallia* ipse abiens facturus mari iter *Guido Monferio* impigro Duci negotium dederat terra

140 in *Italiam* traducendi exercitum. Is quod terra quoque doli parati a *Manfredo* erant, in eis devitandis plusculum temporis absumperat. Jam vero *Alpes* superaverat, & parato satis agmine *Genoma-*

A *norum Insubriumque* emensus agros in *Tigatam Gal-*
liam pervenerat, atque in *Guelforum* equitatum cum non longe a *Mutina* occurrissent, percommode incidit, qui deinde fidi Duces extitere. Itaque per *Flaminiam* profectum *Umbriamque* *Carolus* per *Sabinos* flectere in *Campaniam* iter jubet, eo & ipse mox cum his, quibus *Romæ* paraverat, militibus properaturus: *Manfredus* autem per exploratores cum adventare *Carolum* magno cum exercitu *Gallorum* in se cognovisset angustiores in regnum aditus diligentius obstruxit ad pontem, qui super *Larin* est amnem. Primi cum hoste congressus *Carolo* fuerunt, quibus facile superatis, oppidum quoddam arte munitissimum *Galli* teperere. Inde recta *Germanum* profecti id quoque expugnare vi oppidum adoriuntur, sed idem *Manfredus* paucis ante diebus cum *Beneventum* discessisset adeo munierat præsidii, ut admodum dura expugnatio redderetur. Adorti tamen ve luto tantum prælio munitissimo sunt potiti oppido. Primum intra muros *Guelfa* acies penetravit, inde ad *Beneventum*, ubi *Manfredus* expectandum hostem censuit, iusta acie concursus est, & *Manfredus* cum pugnando interiisset plenissimam *Carolo* victoriam reliquit. Ferunt, cum exercitum lustraret antequam iniretur certamen, adjecisse ad *Guelfum* equitatum oculos; & quod erat præter cæteros viris equisque ornatio, quinam illi essent, interrogasse; cum autem *Etruscos* esse antiquos hostes responderetur, *Gibellinos* item suos citari jussisse, ac nullo usquam comparente indignanti similem ad *Guelforum* conversum globum dixisse; eorum fidem admiratum: At 141 vero, nisi victrix, hodie illa acies esse non poterit. *Jordanus* in eo prælio captus, isque *Arbiensis* victoriæ palmam dux tulerat, & *Petrus Ubertus Asinus* missi in *Provinciam* diverso carcere contabuerunt. *Manfredi* cadaver tres continuos dies conquisitum in mediis hostium cadaveribus reperit, & a fello impositum delatum est ad *Carolum*, quod ille sepeliri ad pontis *Beneventini* pilam jussit, quod ponere in sacro fas non esset, quicumque extra communionem *Christianorum* morerentur. Sed neque illic habere sepulchrum Pontifex est passus; itaque extra fines rejecit *Neapolitani* regni, ut puta indignum qui in eo vel mortuus habitaret. *Carolus* utroque regno sine negotio potitus *Neapolim* venit, & arcem novam, in qua ipse habitaret, condidit. Secundum eam victoriam omnes per *Italiam* *Guelfi* respirare coeperunt, præsertim quod fama vulgaverat suorum maxime claram in eo bello operam in *Latio* atque in *Samnio* fuisse, & valere merito suo plurimum eos qui prælio interfuerint auctoritate & gratia apud victorem *Gibellino* nil reliqui fuisse, jam videri a stirpe adversariorum factionem interiisse, Pontificem *Romanum*, Regem *Neapolitanorum*, *Federicorum* & *Manfredi* nomen impientissimum cum nefando genere extinctum, ad quem igitur perfugiant? quorum implorent opes? nam quomodo ipsi per se tantam belli molem possint perferre aut sufficere viribus? dum hæc passim omnes ubique obmurmurarent, varieque pro cuiusque forte læritia aut mæror haberet animos, nonnulli exules *Guelfi*, qui profugi per *Etruriam* dispersique ante *Manfredi* calum vagabantur in unum cum coissent, vallem *Arni* superiorem instabant, & in ea castellum jam novum occupaverant. Itaque contra egressus *Guidus Novellus* rede- 142 gerat ita ad extremum rem ut jam esset oppido cedendum. At *Ubertus Papius*, cognomento *Splebanatus*, qui ei castello tunc præerat, confectis adulterinis literis, quibus advenire jam auxilia ex *Apulia* significabatur, objectisque ita de industria hosti ut interciperentur, id servavit. *Novellus* enim, tan-

tanta jam formido inceserat, soluta confestim obsidione *Florentiam* copias reduxit, atque adeo festinatum constat ut plerisque castrorum ornamentis relictis oppidani potirentur. Jam vero plebs respicere res novas videbatur, & *Novelli* impotentior dominatus odiosus erat: crimina etiam multa jactabantur, expilasse enim ærarium & publicam omnem privatamque pecuniam *Pupium*, id est in *Casentino* oppidum, transfuisse ferebatur. Jam conventus fiebant multi nocturni & plerique, qui antea timore obmutuissent, ultrò se principes ad novandas res multitudini præbebant quæ nulla re magis quam mutandis rebus solet gaudere. Plena omnia erant periculorum variorum, & *Novellus* quique præterea *Gibellinæ* factionis primi in urbe erant, varia consilia inibant ut innascentes hos motus possent sedare. Post aliquot autem dierum anxias consultationes placuit aliquam tandem antiquæ libertatis speciem ostentare. Novum per id tempus *Bononiæ* religiosorum genus *Lodovico Andolo Bononiensi* auctore initiâ ceperat, *Gaudentes* sese fratres nominabant. Hi sibi præclarum munus desumpserant patrociniandi viduis, pupillos verò tuendi & reducendæ inter dissidentes concordia atque innocentia defendendæ. Ingens jam pervenerat ad finitimos fama; nihilque erat illorum bonitate pietateque illustrius. Horum igitur *Catalanum Malavoltam* & *Lodoricum*, de quo supra diximus, duos gentis principes vocari in urbem placuit, tradique summam reipublicæ administrandæ potestatem, ita fore putantes ut *Gaudentium* auctoritate plebs tacta conquireret. Igitur ædibus accepti publicis curam omnem gubernandæ civitatis suscipere. Additi sunt cives ex omni genere populares triginta sex, qui consulendo hortandoque continuo *Gaudentibus* assisterent monerentque quid esse e republica animadverterent. Tum primum artium instituta Collegia distinctaque insignia Collegiorum quæ seorsum sui quique collegii sequerentur, si quid per urbem tumultus turbæque oriretur. Septem principio opificum ordines fuere, quorum deinde auctus est numerus, cum *Antianorum* quoque mutatum nomen est, at inditum ab artibus, quod suo post loco explicabitur. Earum quæ tunc in Collegia artes venerunt *Notarii* ac juris quidam peritiores, qui fora & judicia regerent, primum locum obtinuerunt, secundum *Mercatores*, *Mensarii* tertium, *Lanificio* deinde præfecti & *Sericitio*, *Aromatarii* item ac *Pellarii* subsecuti. Quidam etiam proprios vicos habuere, & mercatores *Callimaram* occupavere, qui *Sericitium* exercent, viam quæ a *Marie porta* nomen habet, *Pellarii* quoque seorsum digredientes viæ, inquam convenerunt, nomen imposuere; *Pelliciarum* etiam nunc vocant. Dum hæc geruntur *Germani* equites, at sexcenti hi erant, quos præsidii causa a *Manfredo* missos in urbe *Novellus* alebat, solutionem stipendiorum postulant, quæ cum differrentur, quod pecuniæ in promptu non erant, plebs autem inusitatis prope exhausta tributis difficiliorem se præbebat, continuo exorta seditio. Nobilitas omnis atque milites in triginta sex viros, qui fovere aperte jam plebem videbantur conjuravere.

144 Et nobilitatis quidam principes erant clariores familiae *Uberti*, & *Sifantii*, *Solarii*que & *Lamberti*, ac nonnulli præterea eorum affectatores; quibus privati commodi quàm publicæ dignitatis major cura erat. In animo fuit quocunque modo aggredi triginta sex viros, hisque amotis occupare rempublicam; Cum autem periculi plena res esset, ac grandior quam quæ propriis viribus perfici posse videretur, placuit cum regio præfecto omnia consilia communicare, ut ad rem conficiendam militari etiam favore uterentur. Cum ergo inceptum

A *Novellus* probasset operamque omnem suam fuisset pollicitus, dies horaque ad facinus dicta, *Idorici* triginta sex viros in ædibus *Collegii Mercatorum*, ubi venire ad consultandum de republica solerent & visum ut improvisi trucidarent. Sed cum palam consilium fuisset continuo urbana multitudo cum novis artium signis, *Joanne Soldamero* equite *Florentino* Duce, armata convenit ad *Trinitatis ædem*. Nobilitas & ipsa in armis ad *Baptistæ* templum cum omni regio equitatu stetit. Inde vero movens cum multitudine per *Fornaquinos* ad turrim, *Hieronimorum* vocatur, agmine instructo venit. Eum vero locum plebs obstruxerat, &

B multis oppositis repagulis illic occurrendum nobilitati esse decreverat. Cum ingens pugna jam esset & multi utrinque caderent neque equitatus progredi ultra posset, *Novellus* cani receptui iussit; plura enim & tectis eminus fenestrisque vulnera accipiebantur quam ab his quibus cum collato pede pugnaret. Vix fuit facultas ad curiam reducendi copias, tantum telorum superne de ædibus privatorum detorquebatur, quod adeo regio exterrefecit ut statim porta *Boaria* egrederentur *Pratum*que properarent. Profecturus urbe *Novellus* veritus populi furorem duos ex triginta sex viris rogavit, ut 141 ad portam usque comitarentur. Inter *Ubertum Pulchrum* *Cercium*que nobili familia *Cerciorum* medius discessit, plerisque etiam ex amicis atque utroque prætore revocantibus. Postridie ejus diei cum secum gravius factum reputassent, & indecoram ipsi fugam vituperassent, de redeundo consilium cepere. Igitur bene mane ad *Carrariam* portam cum accessissent a custodibus repulsi sunt; jam enim ob *Regiorum* subitam profectionem triginta sex viri vacuum adversariorum præsidii urbem portasque & cætera loca custodiebant. Ad multum diem cum incassum substitissent, vimque etiam nonnunquam magno suo malo tentavissent, re ad postremum desperata, quia nihil intra mœnia tumultus, quod ipsi sperassent, exercitus muris appropinquavisset, oriretur, *Pratum* signa ante noctem reducere. Illic vero varia inita consilia cum vehementer adeo acceleratæ fugæ frustra pœniteret. Quo deinde abierit *Regius* equitatus, quid *Guidus* egerit præfectus, qui tradat incidi adhuc in neminem. Triginta autem sex viri *Gaudentibus* missis prætoribusque ipsi rempublicam gerebant. Cum autem in nova republica multa formidarentur, neque satis adesse militum aut armorum, si qua major vis ingruat, videretur, apud *Urbevetanos* veteres socios auxilia postulavere. Illi centum delectos equites tradidere, quibus mandatum cum primum *Florentiam* venirent, ut opportunis locis locatis excubiis, ne quid usquam turbæ fieret, curarent. Ne verò qui juri dicundo præesset populus desideraret, *Urbevetanum* prætorem potestatem *Ormannum Monaldesium* præstantem virum accersivere. Capitaneus quoque alter prætor ab iisdem *Urbevetanis* est petitus vix enim erat ex omni veteri societate quod cuncti paulo ante metu ad *Manfredum* descivissent, quibus tuto in rebus adeo dubiis haberi fides posset. Prima post vocatos prætores cura fuit ordinandæ atque amplificandæ Civitatis. Neque verò id fieri posse habilis existimatum, quam si extorrem ob factionum studia nobilitatem in urbem revocarent. Decreto igitur publico redeundi in patriam suam cuique potestas est facta. Cum igitur frequentissimi revertissent, principes Civitatis ad conciliandas amicitias stabiliendamque rempublicam animum applicuere. Ita mulæ iniæ affinitates futuræ spem concordia non mediocrem præbuerunt. Nam *Gibellinorum* primores cum nobilioribus *Guelforum* matrimonia contraxere. *Foresius* enim *Adimarus*, qui *Regii Cascam* obruncavit, *Guidi Novelli* filiam despondit. *Bodus* vero frater

Ubaladinam nobilem fœminam duxit uxorem. Guido cuidam nobili familia *Guelfa Cavalcantum*, *Farinata* filia obtigit: *Braxio Banaguisio* soror; *Herotius Uberrus* donatam accepit puellam *Simone Donato* equite claro natam, atque huiusmodi multa inita conjugia familiarum, quæ diversa in republica sentire solerent; qua commixtione inter se sanguinis factionum obliviscerentur, cæterum unam cuncti rempublicam unanimes capefferent. Quamquam hæc consilia quæ profecto videri e republica tunc quidem debuere, longe alios quam putarint exitus rerum pepererunt, adeo in rebus nostris futurorum conjectatio obscura atque incerta est. Nam *Guelfi* qui permulti redierant in urbem, & hi præsertim qui *Guidoguerra* Duce tot clari victoriis elatiore erant, continuo eas cognationes perspectas habuere. Indignati quod hi etiam si diis placet, qui cunctorum quos pertulissent, per tot annos malorum nunc mutata fortuna ac parta suo maxime sanguine victoria, tamen victi nunc tandem meliore, quam qui vicerint, conditione in republica futuri esse viderentur; sed rursus superbiam *Gibellinorum* satis superque notum perspectumque esse adversariorum impotentem animum. Satis exilii, satis egestatis, periculorum, laborum, satis tandem sanguinis cædisque acceptum. Neque tamen ea videri ne nunc quidem satis, nisi rursus in idem pistrinum rejiciantur, & crudelissimis hostibus prodant patriam. Satiùs multo fuisse si præliando mortem oppetere fortunatam contigisset, quam ad hæc tempora reservari vitam, ut in eorum, quos superavissent, quos pro captivis belli jure habere debuissent, ergastula conjiciantur. Ei tandem conditioni omnem fortunam anteferebam esse, hæc conqueri inter se, clam hæc musitare in occultis diebusque & noctes non cessabant. Tandem missis incito etiam magistratu ad *Carolus Andegavensem* nuntiis, quo res loco *Guelfa* esset *Florentiæ* declaravere, ac ni ipse prope succurrat, in eandem protinus calamitatem communem victorum causam esse recasuram; proinde rem suam Rex non negligat si copiarum aliquid cum præfecto quoque aliquo regio tradiderit, facile se eam Civitatem in fide retenturos. Ad ea Rex perbenigne respondit neque oblitum se operæ *Florentinorum*, quæ ad *Lirim* primum deinde ad *Germanum* fuerit, *Beneventanæ* verò virtutis per omnia tempora, quoad tam claræ victoriæ monumentum aliquid sit, memorem se fore. Neque re usquam aut consilio, non viribus, non regni opibus *Florentinis Guelfis*, si grati regis animum gerat defuturum. Ubi hæc dixit *Guido Monforti* viro fortissimo mandavit ut cum octingentis equitibus *Gallicis* proficisceretur in *Tusciam*, *Guelfisque Florentinis*, quam ipsi velint, operam præstaret: Cum hæc jam omnia palam facta essent multis modis in urbe a *Gibellinis* trepidatum. Non enim constitit primum satis quid in rem putarent. Animum novæ affinitatis faciebant, injuriarum verò memoria sperabat ultionem. Placuit tamen priusquam *Monfortes* urbem ingrederetur, ut ipsi excederent neque jure in se iratorum clementiam experiri. Plerique *Senas* aut *Pisas* concessere, neque qui *Farinata* deinde finis fuerit aut cæterorum, qui tunc exulaverunt, *Gibellinorum* traditur. Quorum quidem ad hæc tempora immutata manet fors, ex quo etiam Mathematici Cardinalis in *Ubaladinum* prædictis accedit auctoritas. *Monfortes* cum *Gallicis* equitibus ingressus urbem ad regium arbitrium rempublicam administabat, atque in eum populus in decennium transfudit gubernacula; Rex annuos vicarios Civitati præfecit. His autem, ut *Guelfi* ipsi voluerunt, constitutis de exulum bonorum possessione orta contentio. *Clemens* eam Pontifex Maximus, Rexque ipse *Carolus* ita diremerunt, ut

A *Guelfi* in refectionem damnorum Tertiarii fierent. Cætera sunt facta ærarium, cui etiam tres viri e principibus *Guelforum* præpositi, qui perciperent agrorum fructus ac pecunias conflarent secarentque in usus publicos, si quid unquam *Gibellini* turbare aggrediantur. Hinc *Guelforum* Collegii factam originem in æde *Marie* quæ supra portam, dicitur. Ad consultandum convenire, unde & Consules dicti primum, inde paulatim crescente auctoritate Capitaneos se pro Consulibus nominaverunt, ea maxime ratione ut diversam a præfectis Collegiorum, qui & ipsi vocabantur Consules, appellationem obtinerent. *Leonardus* ante hoc quoque tempus duces fuisse *Guelforum* annuos in Civitate tradit, atque eos quidem peregrinos, sed *Guelfos*, *Lucam*, *Sabellum*, *Bertoldum*, *Ursinum*, 149 & *Thomam Severianum*, atque alios præterea nonnullos, quos monumentis publicis legisse licet, inde ad cives id honoris pervenisse, institutumque ex his ut curandis *Guelforum* rebus præfuturi eligerentur. Idem pro *Guido Monforte Malatestam*, *Verrucchianum Caroli* vicarium in urbe scribit. *Rondus* quoque ab his diversa tradit qui ad sedandam inter *Guelfos* de bonis *Gibellinorum* ortam seditionem, XII viros creatos dicit, qui partis *Guelfæ* Capitanei vocarentur, hisque imprimis curam traditam rerum *Guelfarum*, at per eos illud tantum tanquam periculosum discordiarum incendium, quod facile omnem rem *Guelfam* conerematurum fuit, extinctum fuisse. Qui verò regius præfectus fuerit, ne mentionem quidem ullam facit. Utut verum habeat, summa modo regendæ reipublicæ penes præfectum erat, cætera populi magistratus munera obibant; & duodecim viri antiquato nomine *Antiariorum* suffragiis populi electi qui præfecto regio assisterent, & cum eo pariter rempublicam administrarent. Duo etiam tum populi instituta consilia ad res graviore decernendas, quæ opportuna appellare quod eis non in omnibus supposito deliberationibus; sed in his modo quæ plus haberent in se ponderis ac periculi, ut quod maxime oportere essetque magis e republica decerneretur. Eorum in uno trecenti, octoginta viri in altero conveniebant. De publicis pecuniis, de præfectis artium, de oratoribus, de pace, de bello, de novis institutis referebatur ad trecentos viros. Quod autem illi constituisent lex *Florentina* erat, idque sanctè fervabant. Dum his domi sunt intenti studiis, quædam *Gibellinorum* manus, quæ propinquioribus in castellis constiterat cum Ducem sibi *Philippum Cuonanum* præfecissent *Hilla-* 150 rum statim occupavere. Id ubi rescitum est regius præfectus ingenti celeritate eo cum *Gallico* equitatu & multo *Florentino* milite contendit, ac paucis diebus expugnavit. Ad octingentos *Gibellinorum*, in oppido qui conclusi erant, partim caesi sunt partim vivi capti, nulla re meliorem conditionem, quam qui inter pugnandum perierant, consequuti sunt. *Uberrus* etiam quidam cum in turrin lapsus forte & prælio perfugisset, victor autem hostis paulo post deprehensum insectaretur, in ejus potestatem deveniret, forte facinus aggreditur, quanto enim potuit altius cum ascendisset de turri moriturum se præcipitavit. Inter captivos *Gerius Volonius* fuit qui carceri, in quo deinde contabuit, nomen dedit, *Volonianum* vocant. Terrore victoriæ campi quoque *Sirathii*, & *Crassa*, cui muros Episcopus refecerat, ad *Guelfos* defecere. Inde reditum in urbem est. Per eadem tempora omnes per *Etruriam* populi, *Pisanis* exceptis ac *Senensibus*, pulsus *Gibellinis* vetera studia resumpsere: quod autem contententibus inter se Electoribus in *Germania*, ut supra dictum est, nullus tunc erat *Romanus* Imperator. *Clemens* Pontifex *Tusciæ* administrationem, quæ soleret ad

Romanum Regem pertinere, *Carolo Andegavensi* tradidit. Dum vero *Senenses* bello adoritur *Regius* praefectus quod illi cum *Gibellinis Florentinorum* vetusto more gentis sentirent, agrumque *Florentinum* infestarent ac multas jam & nobiles excursiones ad urbis usque portas confecerant. *Pisani* autem auxiliares *Bonitium* jam pervenissent, eoque praefectus admovisset copias, ut bellum *Bononiensibus* intentius inferret; *Carolus* ipse *Andegavensis* in *Etruriam*, quam susceperat gubernandam, venit. A *Florentinis*, cum is ad urbem accederet, ingenti honore exceptus est, cum militari currū & ornamentis caeteris castrorum. Nobilitas progressa est obviam; omnis *Florentina* pubes, atque ut quisque plus potuit ornata colludens inter se levioribus hastis, & laetum ciens quoddam veri praelii simulachrum ad aedes usque publicas ad id mirifice apparatus deduxit. Octo verò quibus in urbe fuit dies festi omnes facti cum magna testificatione animorum pergratum Regem cunctis advenisse. Inde *Bonitium* profectus ad deditionem *Bonitienses* post quadrimestrem obsidionem compulit. Nam fame victi postquam

A omnia necessaria defuere, quicquam tenentibus omnes aditus regiis posset importari, salutem pacti intra mœnia hostem oppidani acceperunt. Huic *Carolus* imposito praesidio in *Pisanos* contendit. Multa ex eis cepit oppida, in portu vero demolitus etsi turres & cuncta, quæ in eo erant, ædificia subvertit. Demum, *Lucensibus* ita rogantibus, *Mutionem*, ea arx est in eorum finibus & natura loci & structuræ genere maximè munita, obsedit, & falso metu injecto scindendorum a fundamentis murorum cuniculario opere impulit ad deditionem. Per noctem vim ingentem aliunde rudera comportabant; ut multum, cum illucesceret, excisum fundamentorum appareret, interdum efferebantur. Cum aliquot dies ita perseveratum esset, & tantum materiæ egestum viderent, qui de arce repugnabant, ut jamjam ruinam formidarent, deditionem fecerunt. Ita potitus arce castelloque munificentissimo *Carolus* ea *Lucensibus* dono dedit. Plura ac majora molientem motus quidam & in *Sicilia* & in *Apulia* formidabiles impedivere, de quibus quidem nos jam dicere aggrediemur rem repetendo altius, quò magis in aperto tanta res constituatur.

FINIS LIBRI QUARTI.

LIBER QUINTUS.



DE *Corradini* igitur in *Italiam* adventu deque bello perbrevis, una enim æstate confectum est, attamen omnium pene maximo quò tota *Italia* conflagravit; quod cum *Carolo Andegavensi* Rege *Neapolitano* gessit, modo scripturus, necessarium esse duxi causam quoqueurbationum harum prius aperire quò clarius, quæ dicendæ erunt, cognoscantur. Neque id ab re; de qua agimus, esse docti, arbitror, putabunt. Quoniam hæc quoque quæ facile existimare quis externâ possit adeo sunt conjuncta cum nostris, ut si quis penitus separare ea velit, mancam profecto obscuramque reddiderit historiam; quamvis quæ de hoc bello traduntur multam & magnam varietatē habent. Nos quæ veri esse similia visa sunt hic apposuimus, secuti hac maxime in parte *Blondum Foroliviensem* qui a *Ragone* Cardinale, qui suorum temporum gesta scripsit, accepisse profitetur; cui quidem nos tum, quod in eam ætatem incidit, tum quia sacrosanctum magistratum gessit, plus fidei adhibendum censuimus. Is igitur ita habet: *Alfonsum Henrico Federicoque* fratribus neglectis solum *Hispaniensium* paternum regnum occupavisse, nullam eis in partem acceptis hæreditatis. Inde ita exclusis necessitatē esse factam alienas opes implorandi. *Henricus*, qui erat natu secundus, in *Galliam*. *Federicus* in *Africam*, diversi ambo ex composito abire, initis inter se conditionibus prius ut uterque quos possent in *Alfonsum* fratrem concitarent. Si alteri fortuna magis arriserit, alterum in fortunæ vocet partem. Quod autem erat *Gallie* Rex affinitate his fratribus conjunctus, re ex *Henrico* cognita conciliare diffidentium inter se fratrum animos cogitabat. Itaque cum nihil apud affinem regem e sententia succederet, atque agerentur omnia pacabilius, aliter tentare fortunam *Henricus* instituit. Itaque profectus in *Britanniam* pari eventu, *Anglus* enim Rex, cum & ipse de regno cum *Germano* contenderet, ad alienas ut animum applicaret induci non potuit; nec diu moratus discessit in *Germaniam*, ut *Corradinum* ad paternum avitumque *Italiae* recuperandum regnum sollicitaret, sperans turbandis vel quandocunque rebus, quàm si otiosus oscitet, meliorem aliquam se esse sortem inventurum. Laboriosum fuit adolescentem decem

C modo sexque agentem annos ad tam audax inceptum impulsisse adhortantibus maxime amicis, & otium paucorum adhuc annorum, quoad confirmatio ætas fieret, suadentibus. Matris etiam pietas plurimum impediēbat quæ continenter instando, monendo, precando adolescentis infirmum animum mollebat. Vicit tandem studiosa *Henrici* diligensque incitatio, spesque quædam injecta permagna recuperandi *Italici* regni. Ita inter se de omnibus rebus clam colloquuti atque iusto fœdere, *Henricus* ad res præparandas in *Italiam* mari properavit. *Pisas* advectus, quod eos *Caroli* regis *Neapolitani* hostes pernovisset, cunctaque fuisset cum *Corradino* machinatus, in societatem facile adducit. Inde eos ad instruendum pro viribus bellum cohortatus venit per *Senenses*, quibuscum eadem quæ cum *Pisanis* transegit, *Viterbium*. Illic verò *Clementem* Pontificem *Romanum* nactus multa de *Alfonsi* fratris injuria conqueritur, illius se superbiam cum *Federico* altero fratre voluntario exilio commutavisse. Insolentem enim fortunæ applausibus animum ne vitæ quoque eorum, quos natura tam arctissime conjunxerit, insidietur, veritos fuisse, quibus præter miseram animam nihil reliquisset, quosque non modo non in tanti tamque opulenti regni angulum aliquem, sed ne in honorum quidem paternorum portionem ullam iisdem ortos parentibus fratres admisisset. His atque hujusmodi dictis impulit Pontificem *Romanum* ut eorum sortem commiseresceret. Paucos autem illic moratus dies *Henricus* largitionibus indulgens, quam magnam enim clam etiam fratribus pecuniam domo extulerat, omnes prope aulicos sibi reddidit obnoxios, *Clementi* quoque Pontifici Maximo, quo cum magis fraudi exponeret, in bellorum usus subministrata pecunia, cujus erat propter superiora cum *Manfredo* bella maxime egenus. Mox simulata religionis causa *Romam* se proficisci velle dixit, quo cum pervenisset, eadem aggressus arte principes *Romanorum* brevi perpulit, ut dissimulanti quoque atque abnienti Senatorium munus demandaretur. Reversus inde ad Pontificem in invitum id honoris collatum fuisse a *Romanis* narrat, se illorum contentione defatigatas adeo habere aures, ut ferre eorum insolentiam non potuerit. Laborabatur enim *Romæ* quoque contrariis factionibus,

atque erant in urbe nobiles permulti *Gibellinorum* qui a Pontifice animum alienum gererent, quæ quidem causa fuit, ut *Clemens* miti ingenio Pontifex *Viterbium* ad inhabitandum concederet, veritus, si ipse *Romæ* sit, nequid sua præsentia turbaretur audacius, si ipse ab urbe absit facile fore ut Pontificia auctoritate redigere dissidentium inter se animos ad concordiam possit. Itaque pergratum fuit hoc tunc *Romanorum* erga *Henricum* studium, quo sedare se per illum posse eos *Romæ* motus arbitratus est. Per eosdem vero dies *Carolus Rex Neapolitanus* a *Beneventana* victoria ad Pontificem accesserat de regno, de *Etruria*, de tota *Guelfa* re colloquuturus, placueratque ut ipse proficisceretur in *Tusciam*, quod illic *Pisani* & *Senenses* cum *Florentinis* exulibus res novas molirentur, atque in valle superiore *Arni* jam multa turbarent. Erat autem *Carolus Rex* materna & ipse stirpe *Henrico* conjunctus. Itaque eum complexatus edoctusque de fratribus fortunisque omnibus eorum percommode ipse ad rem capeßendam *Romanam* regendasque eorum seditiones, dum ipse in *Etruria* moratur, suadet. Quibus compositis rebuscum Pontificis ingenti lætitia *Carolus* eodem tempore in *Etruriam*, *Henricus Romam* divertere. Ferunt *Henricum* antequam discederet multum *Carolo* pecuniarum in *Etruscum* bellum subministrasse; quæ mox cum tardius restituerentur, causam dedisse *Henrico*, qua iusta ira prodicionem honestaret contegeretque diutius extructam fraudem. *Henricus*, ut *Romam* venit, lætus quod sibi e sententia doli succederent perceleres ad *Corradinum* dat in *Germaniam* literas, quibus illum edocet quid jam confecerit in *Italia*; ascivisse *Pisanos*, *Senenses* in belli societatem, multos ubique mortales *Guelforum* pertæsum superbiæ, res novas spectare, se verò habere urbem *Romam* jam in manu, nihil deesse tandem nisi ut ipse advolet, & paterno recuperato regno fasces quoque *Romani* Imperii suo debitos generi resumat. Idem ut *Pisani* quoque *Corradino* suadeant per nuntios monet. Ipsi triginta longarum navium classem, quas in *Januensis* belli opportunitatem paratas in portu instructasque habebant, *Ostiam* traducerent, quo *Corradum Caputem Neapolitanum* exulem acciperent, atque inde in *Africam* ad *Federicum* fratrem traherent. Erat autem *Caput* vir audax, factiosus & multi consilii. Quod verò fuerat sæpe in *Sicilia* diversatus, valebat apud *Siculos* gratia, & multas per eam insulam conciliaverat amicitias. Cum eo *Henricus* omnia consilia communicaverat & magnis præpositis præmiis perpulerat, ut *Pisana* cum classe in *Africam* ad *Federicum* fratrem navigaret; Si is ad invadendum insulam animum convertat, fore ut nullo negotio *Siciliæ* Regnum obtineat. Quod eodem tempore *Corradinus* cum magna *Germanorum* manu affuturus sit, cui turbandis *Apuliæ* rebus, nihil sit quicquam in *Sicilia* repugnaturus. Cum his mandatis *Caput* *Ostia* solvens trajecit in *Africam*, ubi cum præsto *Federicus* affuisset, atque is mandata ab *Henrico* fratre expoluisset, magnam spem fecit, si ille impigre adoriatur, *Siciliæ* consequendi regni, ad eamque rem conficiendam ipse omnem operam suam pollicetur. Permovit adolescentis animum regni oblata spes. Itaque mature paratis mercede *Saracenorum* militibus, quot capere classis *Pisana* potuit, trajecit in *Siciliam*, ubi concitandis variè populis plerasque Insulæ Civitates in suam sententiam traduxit. *Messenii Panormitanique* in fide perstitere. Jam verò *Corradinus Tridentum* pervenerat, ad cujus adventus famam in *Apulia* quoque rerum mutationes timebantur. Bellum tunc *Pisani*, superatis *Bonitiensibus* & *Mutionis* capta arce, inferebat *Carolus*, cum duo simul nuntii tristes afferuntur *Federicum Hispanum* cum *Pisana*

A classe, & *Saraceno* equitatu venisse in *Siciliam* atque ad eum plerasque Insulæ Civitates defecisse, & *Corradinum* eodem tempore *Tridentum Veronamque* jam profectum. Ita subito terrore circumventus in *Apuliam* ad continendos in fide populos exercitum reduxit, *Guglielmo Lofendardo*, & *Guglielmo Belsilvio* cum octingentis *Gallorum* equitibus *Etruriæ* præsidio relictis. *Corradinus* autem tres fere mentes *Veronæ*, dum de via deliberat, commoratus, nam dubitationem faciebat quo potissimum itinere incederet, tum *Caroli* quæ in *Etruria* esse copiarum afferebantur, tum quod de viribus ipse suis multum demserat, qui stipendiorum difficultate bonam militum partem ex his, quos in *Italiam* secum traxerat, remiserat in *Germaniam*. Per *Galliam* quoque non satis fidi transitus erant præter *Ticinum* quod modo dicunt *Papiam*, & *Veronam* cunctis civitatibus *Caroli* partes præferentibus. Igitur *Henrico* maximè *Pisani*que & *Senensibus* sollicitantibus *Verona* movens citato cursu *Ticinum* concessit, inde delatus in *Ligures* tandem pervenit *Pisas*, *Gibellinis* quoque nonnullis iter in *Tusciam* comitantibus. Primo statim adventu, stimulantibus *Pisanis*, *Lucensem* ingressus agrum latè populatur incenditque, idem *Florentinos* quoque aggressurus, nisi regii præfecti cum *Gallico* equitatu ad fines agri occurrissent. Itaque diutius minime cunctandum ratus celeriter emensus *Pisanum* agrum venit *Bonitium* atque inde alteris castris *Senas*. *Bonitienses* more ejus gentis, ad eum deficientes, *Corradinum* commeatibus juverunt, atque ejecto, quod *Carolus* paulò ante imposuerat, præsidio, intra oppidum *Corradinianos* acceperunt. Præfectis regiis propositum erat consequi *Corradinum*, nec longe ab hostium castris metari castra, ne vagari liberius ac prædas agere miles posset. *Senis* ergo cum reficiendo exercitu *Germani* substitissent, in agrum *Aretinum* Regii anteverterunt. *Varicum* jam tenebant atque erat per pontem, qui ad *Vallem* dicitur, ut consequerentur abeuntes *Senas* hostes, transeundum, & regio quidem omnis crebris montibus obscurisque convallibus plena atque ad insidias locandas apta. Regii verò qui jam comitatum *Florentinorum* de *Varico* missum fecerant, securius, quam eò loci expediret, gradiebantur. Jamque *Lofendardus* alter ex præfectis cum parte copiarum *Regiarum* per pontem *Arnum* trajecerat, cum coortæ subito insidiæ e proxima convallē, quas *Gibellinis*, ut puta qui regionis omnes latebras callerent ducibus *Corradinus* tetenderat, *Belsilvium* nihil tale timentem cis pontem a fronte simul atque a tergo, ne qua diffugiendi cuiquam esset facultas, adoriuntur. Quingenti hi fuerant equites, nam trecenti *Lofendardo* Duce transito ponte incolumes evaserant, qui autem cæsi sunt aut capti in potestatem hostis devenerunt. Inde reditum *Senas*, & *Corradino* perplexitas stetit aliquot dies *Romamne* inceptum iter continuare, an resideret in *Tuscia* aliquamdiu ad reliquias persequendas hostium, ut *Senenses Pisani*que atque omnis *Gibellina* factio suadebat. Fore enim ut destituti jam Regiis *Guelfi* auxiliis ultrò sint ad victorem saluti consulentes defecturi, ut brevi universa *Etruria* potius terribilior foret rem *Neapolitanam* invasurus. Contra *Henricus* instabat literis & nuntiis percrebris, ut transiret cum exercitu in *Apuliam*, hortabatur, in manu victoriam esse, stultam videri jam omnem moram; cuncta enim in *Sicilia* & in *Neapolitano* regno spectare ad *Corradinum* diesque atque horas, ut dicere solent præ desiderio singulas connumerare, nihilque jam esse vel tantilla aliqua cunctatione molestius; proinde ne moraretur, neve tantam gloriosissimæ rei gerendæ occasionem multo minutiora consectando, quæ tamen deinde ultro victoriam consequutura sint,

77
sint, prætermittat. Qui tandem pervicit, ut inter-
misso *Estrurie* in præsentia negotio *Romam* atque
in *Apuliam* maturarent. Ferunt Pontificem inter
proficiscendum admonuisse ne quid in *Carolus*
Andegavensem legitimum *Siciliæ* atque *Apuliæ* Re-
gem possessorem moliretur, ac multa, si quid ta-
le impie attentarit, interminatum. Cum nihilomi-
nus tamen ille pergeret, recta etiam monentem
petulanter aspernatus, commiseratum adolescentis
sortem Pontificem dixisse, *Corradinum* victi-
mam innocentem trahi ad supplicium tam vere,
tam alieno tempore, quam ad certam proficisci
victoriam cuncti pene mortales opinarentur vati-
cinatum. *Romam* cum venisset eodem, quo *Roma-
ni* Imperatores solent honore exceptus est. Jamque
ad eum ex universa pene *Italia* armatæ multæ
gentes concurrerant; ut erat quisque magis factio-
nis tuendæ studiosus, inter quos imprimis *Guidus*
Feretranus advenerat *Urbis* princeps cum
multis e citeriore *Gallia*, et jam e *Flaminia* collectis
militibus. *Senensium* quoque & *Pisanorum Floren-
tinorumque* exulum magna auxilia convenerant.
Henricus etiam præter *Romanos*, quorum quoque
multos in armis tunc habuit, *Hispanorum* con-
duxerat non contemnendam manum. Quod au-
tem propter crebras ingentesque largitiones jam eum
pecuniæ defecerant, multis Divorum expilatis æ-
dibus sacras opes in stipendia non sine hominum
pia obmurmuratione transtulit. Maximus erat jam
conflatus ex diverso hominum genere exercitus.
Sexaginta armatorum millia *Romæ* habuisse colle-
cta *Corradinus* traditur, atque in *Apulia* quoque
non in *Sicilia* modò plures a *Carolo* populi quoti-
die deficiebant. *Caput* enim de quo diximus
160 classe *Pisana Apuliæ* litora circumadnavigans
maritimas omnes Civitates, ad *Corradinum* ut de-

A sciscerent, sollicitabat, illius virtutem, potentiam,
etiam super verum, elevando, in *Neapolitano* quo-
que portu clamasse *Corradini* nomen, atque exci-
tasse ad eam vocem fertur omnem Urbanam mul-
titudinem; adeo, cum nusquam resisteretur, au-
dacia creverat. Nam *Carolus* in *Nuceria* oppu-
gnanda, quam *Saraceni* occupatam tenebant, co-
natus omnes suos intenderat; veritus ne inde quo-
que, si *Corradinus* fines regni invadat, impetum
in se faceret. Munitionem verò locus erat, quam
qui ea temporis angustia expugnari quiret. Move-
re enim jam *Roma Corradinum Henricumque* con-
stanter crebri nuntii afferebant. Itaque munitis
B circum castellis præsidiiisque de industria majori-
bus impositis, edicit ut volentem erumpere *Sa-
racenum* transitu arceant. Ipse cum reliquo exer-
citu *Casinum* venit, inde namque egredi cogitare
hostem exploratores renuntiabant. Igitur dum
Casinum Carolus munit obstruitque inde namque
ingredi cogitare hostem exploratores renuntiabant:
nuntiat *Corradinum* alia via in eum adventare, per
Tiburinum enim *Albanumque* agrum in *Equiculus*
hostis contendit constititque in *Marsorum* campis,
quod contra progredi *Carolus* atque esse in pro-
pinquo per exploratores cognoverat. Neque verò
C & ipse longe aberat, quippe qui a *Casino* recta
fuerat, eodem, quo iter hostem facere intellexe-
rat, profectus. *Palentini* campi sunt præaltis cir-
cumcincti montibus & collis ab *Alba* usque de-
cem potrectus in longitudinem stadiis altera parte
exurgit, ubi se collis in planum declinat convallis
sunt fauces, quæ ita collem adjacet ut non sit ex
campis in eam aliquis prospectus. Media fere in
planitie metatus castra erat *Corradinus* ut hostem
illic operiretur.....

FINIS LIBRI QUINTI.

BARTHOLOMÆI SCALÆ
V I T A
VITALIANI BORRHOMÆI
EX BIBLIOTHECA MEDICÆA.

C L. V.

3

OLIGERO JACOBÆO
CONSOBRINO SUO
PROFESSORI HAFNIENSI.



Mactenus æternas eruditionis Tuæ laudes, Conso-
brine Honoratissime, magnumque ingenii vigorem
per orbem eruditum, coaxans illa Ranarum turba
dispersit, quarum ortus & incrementa, ita Orbi
innotuere, ut quicquid absconditum in illis ha-
ctenus natura voluerit, dextra tua in lucem pro-
traxerit. Renascuntur jam alii laboris tui fructus,
& Historiis, quæ tenebris antea immersæ blattisque
consecratæ fuerant, lucem das, quæ in posterum
famam tuam, doctrina omnigena acquisitam, loquentur. Florent in te
ad

ad invidiam scientiæ plures, divesque Musarum ærarium in capaci pectore circumgestas. Radiis solis, maria lacusque totos exsiccantibus, ignea ingenii Tui vis mihi videtur simillima, quæ scientias omnes ita absorbet, ut nihil sit reliquum. Latebras aliis intactas detegis, in ipsis etiam insectorum corpusculis, humanoque generi fugientem sanitatem revocas, ut naturæ non vestigia solum, sed ipsa cubilia cernas. In eloquentia & literatura politiori, magna dicendi vi variisque styli elegantis ad certamen luxuriantibus doctiorum salivam moves. Quoties te in *Heliconem* raptum memini fonteque *Caballino* labra proluisse, ut in hoc Studiorum genere, vel me tacente, antiquos & recentiores omnes vel superes vel provoces. Bella per tot secula feliciter vel finistre gesta, urbium & Castellorum demolitiones, triumphos, trophæa, velut in tabula depicta animo intueris. Disjunctas regiones, sideris velocissimi more perlustras, & in ultimam *Thulen*, & *Garamantas*, ubi copore non potes, animo penetras. Habet igitur Patria justas rationes, propter quas Te indies ardenti desiderio expectat, & ego hujus debiti mei plurimas causas, quem, ceu animæ tuæ dimidium, tanto affectu foves, ut nesciam, an lex naturæ, an vero vinculum amicitiae majorem inter nos familiaritatem effecerit. Eamque demum veram amicitiam æstimo, ut quos natura sanguine conjunctos voluit, eosdem fortuna itineris comites reddiderit. En igitur *Bartholomæi Scalæ Vitaliani Vitam*, quam, inter alias nuper in Bibliotheca *Medicæ* S. *Laurentii* lucubrationes, erutam, & raptim chartis a me consignatam, jam Tibi consecro, ut ejusdem Authoris *Historiæ Florentinæ*, quam, ad subacti Tui Judicii limam examinatam, diligentius in lucem protrahis, itidem has pagellas adjungas. Itaque si peccem veniam merebor, cum insignis morum suavitas, naturæque benignitas, quæ ad implendum virtutum tuarum cumulum accedit, hanc mihi audaciam dederit, cum non me lateat vile munusculum grato animo oblatum, & micam salientem, ubi hecatombe deest, fronte serena a Te excipi. Vale igitur, amicorum intime, & in sinu fove

Romæ, die 8. Februar.

MDCLXXVII.

Tibi

Addictissimum

CHRISTOPHORUM BARTHOLINUM
Thom. Fil.

P R Æ F A T I O

PETRUM MEDICEM.



Ulli sunt quacunque tandem in re præstantes esse cogitent, Petre Medices, qui tum primum ad id sese studium conferre soleant, cum eadem ex re gloriam referre petunt. Verum multo ante cum cæperint, longa exercitatione multisque laboribus ad eam quam sibi expetunt gloriam nituntur. Male enim res haberet, si sævienti jam mari atque in alto fluctuantibus nautis, tum primum de gubernatore mentio fieri inciperet, nemineque qui alias unquam ne mare quidem viderit, invento, audaciulus repente quidam eam sibi provinciam arrogaret. Nam in re militari quidem si cum jam manus essent cum hoste conferendæ, de deligendo Imperatore consultaretur, ad tironemque quendam imperitumque bellorum id

munus deferretur, nonne essent illi demum superati ludibrio omnibus gentibus? Tantum enim abest ut hoc pacto res bellicæ tractandæ sint, ut comprehendi liceat unius Imperatoris calliditate, prudentia, & authoritate, quæ non nisi diuturna exercitatione vehementique quodam studio comparantur, plura bella esse confecta, quam viribus. Nullum commemorabo hoc loco Epaminondam, nullum Miltiadem, nullum Themistoclem, nullum Philippum Macedonem, nullum Alexandrum, nullum ex nostris, qui sunt innumerabiles: Nullum tandem referam Annibalem, quem ferunt cum apud eum Phormio de rebus bellicis habuisset orationem, ubi perorasset, dixisse: multos vidisse delirantes senes, sed qui magis quam Phormio deliraret, se vidisse neminem. Qua denique ex causa id dixisse credimus, nisi quod homini bellorum scientissimo, eorundem penitus inexpertus Orator non potuit satisfacere? Eodemque modo & de gubernandarum civitatum disciplina, ac reliquis bonis artibus homineque dignis dicendum videtur. Cur enim, ut omittam cæteras, arbitremur in hac nostra & dicendi & scribendi facultate, tam paucos supremam gloriam esse consecutos; nisi quod magnis diuturnisque laboribus partim exterriti, partim defessi, in medio exercitationum cursu destiterunt? Ego igitur qui mihi non aliunde quam ex hac humanitate ludoque literarum quicquid video gloriæ propositum, quique huc jam tum ab ineunte ætate nervos omnes ac vires intendissem; cum hanc potissimum exercitationem esse majorem in modum necessariam intelligerem; cæpi etiam atque etiam mecum animo volutare, quidnam hoc tempore nostris æquum viribus sumere ad Te scribendum possem. Nullumque adeo nostris humeris visum est onus accommodatius, quam Vitaliani Borromæi Vitam commendare literis. Quod ut facerem maxime ejus viri fama incitavit. Cum enim apud Philippum Filium essem annum jam fere, versarerque cum his frequentissime, qui cum eo tempus omne contrivissent, eos de viro illo laudes prædicantes audieram, quas indignas esse duxi, quæ non posteritati, si possem, commendarentur. Hunc autem laborem nostrum Tibi potissimum dicavimus, non solum quod humanitate facile præstas omnibus, verum etiam ut, tanquam mercatores solent, degustationem facies studiorum nostrorum. Paulo enim post si tibi hæc non displicuerint, clarissimi Patris tui magnifica facta atque etiam tua aggredi est animus. Accipies igitur hoc quasi præludium quoddam futuræ dimicationis; mox enim, ut arbitramur, majores modo Deus faveat, accipies. Vale, & Salve.



Italianorum gentem, quanquam ea de re nihil habeam præter famam, a vetustissimis Patavii regibus manasse tradunt. Hoc enim genus ad Vitalianum referunt, qui Patavinis Claudii Cesarisejus, qui Octaviano successit, tempestate imperavit. De quo quidam ita tradiderunt: Fuisse per illud tempus Prodocimum quendam, Petri illius Apostolorum & principis discipulum, qui primus ab eodem ad Cisalpinos missus, ad Patavinos, nonnullosque propinquos populos Christi nomen deportavit: Egregieque adeo Christianæ Reipublicæ operam navavit suam, ut infinitam fere multitudinem ab antiquo & teterrimo errore revocarit. Rege enim inprimis innumerisque aliis diversis, letalibus morbis divina ope liberatis, in tanta apud omnes veneratione Christi Opt. Max. nomen, cujus virtute agi quæ viderentur miranda Prodocimus prædicabat, esse cœpit, ut universam fere ejus regionis gentem, ac Vitalianum Regem uxoremque ejus Prepedignam Christianorum Baptismo initiavit, Prodocimusque tandem cum naturæ concessisset, divorum honores assecutus sit. Hujus autem Vitaliani Filiam fuisse asserunt divam illam Justinam, quæ & ipsa Christianas partes cum prætulisset, Jovesque, Apollines, Martes, omnem denique antiquam Religionem contempsisset, misere transfixa latus ab Christiani nominis persecutoribus, diem obiit; ac in Sanctorum numero reposita templum habet in eadem urbe pulcherrimum, in quo summa cum veneratione colitur. Florent adhuc in ea urbe Vitaliani, divamque Justinam, tanquam quæ ex eadem fuerit familia, mirifice venerantur.

A Namque ego quidem quid aliud asferre possim, nihil habeo. Ex hac itaque nobilissima familia Vitalianus is, cujus vitam moresque in præsentiarum aggredimur, est ortus, patre Jacobo Vitaliano, matre Margherita ex Borromæorum haud ignobili Etruscorum gente. De quibus quoniam in hanc familiam provectus jam ætate per adoptionem venit, age aliquid quo ipsius origo dilucidior extet videamus. Miniatum oppidum est Etruriæ nobile, non plus quam XX. fere milliariis a Florentia, cujus etiam in ditione nunc est, distans. In eo autem Borromæorum gens cum opibus & potentia non mediocriter polleret, ita ut oppidi principes facile diceret, suspecti tamen Florentinis esse cœpere. Quamobrem ad duodecim ex primoribus una captis nocte, atque actis in carcerem, capitibus damnaverunt. In quibus Philippus quidam Borromæus fuit, vir per eam tempestatem nobilis, atque ejus fere factionis princeps. Hic habuit uxorem Taldam nomine, virili quadam prudentia animoque præditam. Quæ cum Borromæo, Alexandro, Johanne, qui hunc Vitalianum adoptavit, & Andrea, parvis filiis, quos ex Philippo genuerat, Pavium amisso viro aufugit: Filiam quoque Margheritam cujus supra jam meminimus parvam adhuc secum adduxit. Quæ ad annos pubertatis cum venisset: Jacobo Vitaliano, homini inprimis claro, nuptui data est. Mares autem cum adolevisent mercaturæ operam dantes, quo id melius facere possent, Mediolanum se contulere, ubi brevi ad id divitiarum atque auctoritatis devenere, ut nihil fere a Johanne Galeacio Vice-Comite, qui per id tempus Mediolanensibus imperabat, nisi per Borromæos ageretur. Quorum opera cum sæpenumero alias tum vel maxime in Pi-

sana emptione usus est. Cum enim ingentem pro civitate pecuniam esset soluturus, ipseque propter continuas expeditiones exhaustum haberet ærarium, ad sexaginta fere aureorum millia *Borrbomeus* illi subministravit. Quod non mediocre beneficium *Galeacius* dicens, ut aliquam illi gratiam rependeret, *Thiara Vallis*, & *Arquati* Comitem instituit, exque ejus merito semper adamavit. *Galeacio* vero mortuo, & mutatis rebus, cesserint prudenter illi quidem temporari *Venetasque* concesserunt: ibique postea fuerunt præter *Andream*, qui *Bononiam* profectus ibidem reliquam omnem ætatem absumpsit, & *Johannem*, qui cum audisset *Mediolanensium* res esse compositas, *Philippumque Mariam Anglum*, *Johannis Mariæ* fratris, qui post *Galeacium* regnavit obque ipsius crudelitatem ab suis trucidatus est, Imperio successisse, redeundi *Mediolanum* consilium cepit. Reversus itaque non minore & autoritate & gloria apud *Philippum*, qui antea apud *Galeacium* fuisset. Quo tempore cum intelligeret *Patavii* filium sibi esse sororis, egregiæque indolis *Vitalianum*, ipseque liberis penitus careret, ad se illum accersivit. Erat autem tunc 10 puer XIII fere natus annos. Quamvis & expectatione, ut jam tum de futura ipsius amplitudine non esset difficile judicare. Privatus igitur, sub avunculo *Johanne* usque ad quartum annum & XX fere fuit. Principio mercaturæ operam dare jussus, ingentem pecuniam tractare sita coepit, ut non conservaret solum, verum etiam mirum in modum augeret, eorum tamen nihil unquam omittebat quæ ad liberalem & bonum virum pertinerent. Intereaque ut ingenium est ingenuorum adolescentium; indulgebat, quoties per occupationes liceret equis inprimis & venationibus, nonnihil etiam amoribus. Quippe qui præter cæteras *Catharinam* quandam, egregia forma puellam, amaverit, tanta tamen modestia, ut merito ex quadam animi ingenuitate flammam illas fuisse indicaret, magis quam turpi aliqua ac pervulgatissima libidine. In equos erat paulo ardentior, ut asperim quique ferocissimique magis eum delectarent. Ferunt enim qui in equo aut audacius aut decen-
tius staret unquam fuisse neminem. Sed ad majora veniamus. Peracta his, qua commemoravimus, artibus adolescentia, tantum sibi benevolentia & nominis apud omnes comparavit, ut *Philippus Maria*, quem successisse Imperio fratris diximus, huic viro pecuniarum suarum omnem curam atque administrationem demandaret, *Thesaurariumque* ut appellant, sibi illum constituerit. Is vero est magistratus, cui qui præsumt, si *Romanorum* more loqui volumus, *questores* nominantur. Quo tempore adeo notissima fuit omnibus, & *Anglo* maximè, *Vitaliani* industria, vigilantia, fides; ut præter quæsturam multa etiam opera & consilio suo transigerentur. Quod cum videret *Joannes* tantam in eo homine virtutem tantamque apud omnes gratiam comparatam, ipseque ut diximus sine liberis esset. magna spe impulsus illum 11 adoptavit, grandisque admodum patrimonii fecit hæredem. *Anglus* autem existimans fore, ut si illi in quæstura succederetur, multo liberius commodiusque cæteris sibi in rebus semper adesse posset, *Galeotum Thuscanum*, hortante eodem *Vitaliano*, sibi substituit. Erat enim illi *Thuscanus* & amicus & affinis, sororem namque ipsius uxorem duxerat. Defunctus per hunc modum quindecennali quæstura, cum esset, ac non præter consuetudinem delecti nonnulli essent a Principe, qui rationes omnium quæ quæstor egisset, recognoscerent, brevi sine omni errore peracto negotio indonatos omnino illos abire permisit. Cumque admoneretur a quodam ex familiaribus, pro monstro enim erat in liberalissimo homine nihil contulisse, quan-

quam de liberalitate & magnificentia posterius dicemus; cum admoneretur inquam dedita respondit opera donandi officium prætermisum est, nolo enim cæteri suspicentur conscium me potius peccati culpam alicujus deprecari voluisse, quam liberalem donando extitisse. Namque non esse duntaxat culpa expertem bonum virum decet, sed etiam suspicionis. Non sivit autem *Anglus* illum aut otiosum aut privatum esse, sed ad majora erigens, magistratum illi sine nomine concessit, id est omnibus eum præfecit magistratibus. Permissa itaque ei libera potestate ut omnibus magistratibus non interesset solum, sed præesset, majori sibi cura incumbendum putavit, quo nihil, quod ipse non intelligeret a Magistris proventuum maximè propter superiorem quæsturam fieret. Mirabitur fortasse quis ac mereprehendet, quod *Latine* scribens Magistros dixerim proventuum non *Ædiles Curules*, quemadmodum *Romani* loquebantur. Nobis tamen libuit uti novo nomine. Non enim absurdum mea quidem sententia duci debet, si rerum scriptores mutata loquendi consuetudine, dum ita dicere volunt, ut intelligantur, usum & ipsi sermonis Dominum sequuntur. Non est enim hoc non colere antiquitatem, neque aliter atque illi loqui velle, sed consuetudini gerere morem, sed ita dicere ut esse obscura nemini possit oratio. Quamobrem non mediocri reprehensione dignos putarem nonnullos, qui dum omnia ad antiquitatem referre volunt, multa quæ ut sint, immutata ac penitus innovata jam sunt, aut taciti prætereunt, aut insomnia quædam vel monstra potius edere compelluntur. Ita fit ut dum docti & antiquitatis perpetui sectatores haberi volunt, aut negligentia aut obscuritatis reprehendantur. Sed nos ad rem redeamus ne vagemur longius. Præfectus ut diximus cunctis magistratibus *Vitalianus*, pro jussu erat apud omnes ipsius & opinio & voluntas, omnibusque in rebus quas in rem *Angli* esse arbitraretur, adeo solerem adeo infatigatum se præstabat, ut nihil quod ipsi honorificum fore existimaret, ab officio suo putaret alienum. Aderat proventibus, aderat domi, aderat militiæ, omniaque tandem summa cum prudentia diligentiaque obibat. Has igitur propter res tanti apud Principem esse coepit, ut nulla re non dignus ab eo putaretur. Quamobrem multis eum beneficiorum generibus afficere decrevit. Erat apud *Philippum Anglum Lancelottus* quidam *Vicecomes*, quæ gens multis jam Imperiis apud *Insulares* nobilitata est, non tantum illi consanguinitate conjunctus, erat enim ipse quoque *Anglus Vicecomes*, sed etiam autoritate & gratia acceptissimus, huicque per id temporis *Franciscina* erat filia viro jam matura. *Vitaliano* item filius erat *Philippus* admodum juvenis. Cæterum eam de se excitabat expectationem, ut jam cum omnes judicarent non imitorem solum paternæ gloriæ, sed superatorem etiam futurum. Primum itaque honestare *Vitalianum* cupiens *Anglus*, *Franciscinam Lancelotti* Filiam *Philippo Borrbomeo* tradidit uxorem, nec hoc quidem satis esse ratus, non prius destitit quam cumulatissime super omnes quos apud se haberet, & ditavit & honestavit. Parvo siquidem admodum tempore & 3 Comitem illum fecit, & complura illi Castella dono dedit, inter quæ præcipua sunt *Arona*, *Canobium*, *Palæstrum*, *Vogonium*, & alia nonnulla quæ referre non est consilium, ne longiores videamur. Multis præterea variis in locis villis donatus ab eo fuit, quas etiam enumerare longum esset; veruntamen non præterierunt hæc sine obtreptione & invidia. *Aspero* enim *Petra sancta* primum, qui tandem judicio victus satis superque pœnas dedit. Deinde *Uguccio* contrarius, *Ferraria* usque ob ejus bene administrandi famam accersitus, eas cum *Vitaliano* ob invidiam inimi-

citias exercuerunt, ut ad nihil aliud vocati esse viderentur, nisi ut omnibus viribus hominem insequerentur; assecutique prosternerent. Sed facile fuit illi cum prudenti tum vel multo magis innocentissimo insidias illorum omnes eludere, impetumque in se malevolorum & declinare & omnino contemnere. Quod illi non mediocriter ad augendam cum *Anglo* benevolentiam profuit, si qua enim unquam suspectio, ut fere fit, administrationum pecuniarum, aut aliarum quarumcunque rerum ab eo tractatarum *Anglo* fuit, illo certamine penitus cecidit ac sublata est. Nunc de magnificentia & liberalitate dicendum. Cum ditatum ita se honoreque affectum cerneret *Vitalianus*, ædificandi opere ita delectari caput, eique dare operam, ut omnes prope qui non per illa solum tempora, sed superiora etiam aliqua secula ea in re clari habiti sunt, hunc profecto non æquarint quidem. Verum nos de quibusdam excellentioribus duntaxat ita differemus, ut reliqua præteramus silentio, ne forte lectoribus fastidium pariamus. De *Arona* igitur in primis dicendum, quam ex parvo quodam vico ad eam qua nunc est ædificiorum magnitudinem perduxit, nonnihil prætermittentes de situ loci, & regionis natura. In fine fere *Verbanus* lacus, quem *majorem* vocant, non longius quam quinque fere milliariis ab eo loco, ubi *Ticini* flumen vallem, quæ lacum efficit, egreditur, promontorium erigitur a parte lacus rupibus præruptissimis, in cuius summitate arx est *Angleria*; quæ & ipsa deinde *Mediolanensis* libertatis tempore ipsius in ditionem cessit. Hæc autem ad medium solem vergit, neque distat ab *Aquis Sextiis*, insigni illa clade quam de *Teutonibus Marius* edidit celebratissimis, majore fere spatio quam quinque milliarium. E regione autem unius milliarii intervallo, quod locus efficit, aliud est promontorium magis ad Septentriones versum; in cuius summitate turris quondam pro arce fuit. *Vitalianus* itaque cum hujus loci Dominus esset factus, naturam montis conspiciens, ad illum & munendum, & ornandum ædificiis, animum applicuit. Primum siquidem in promontorii vertice, ubi turris erat, munitissimam arcem posuit, tanto ornatu tantaque ædificiorum magnificentia, ut magis ne ad arcendos hostes injuriasque propulsandas, an ad voluptatem magis facta esset dubitares. Deinde consummato arcis opere, ad cætera, quibus illi subsidia tuto subministrari possent, nulli aut labori aut impensæ parcens, se convertit. Altæ & præruptissimæ rupes ab ea parte quæ *Angleriam* aspiciat latus littora attingunt. In radicibus itaque rupium portum exædificavit, ea magnitudine ut classes vel maritimas capere, & ruras non minus adeo ab hostium incurribus, quam ab æstu & fluctibus conservare possit. A portu verò ad arcem occultissimum eundemque tutissimum aditum, exciso nonnullis in locis saxo & monte, non sine ingenti sumptu, faciendum curavit. Perfecto vero portu muro circumdare vicum aggressus est. Erat autem vicus & ipse, in promontorii radicibus a litore lacus in planitiem monti subjectam paulum se extendens. Cœpto itaque ab arce muro per declivem montis descendens, in planitiem vicum omnem ita cinxit ut eam quoque partem quæ lacum attingit, ducto per aquas ædificio usque ad portum complecterentur. Atque ita non arcem solum, sed & cæteram oppidi partem quæ in plano est, contemptricem hostium efficit. Ea enim quæ ad lacum est pars, & per se prius munita propter aquas, ut nisi navalibus copiis oppugnari non posset, & postea muro etiam corroborata, otiosa penitus sua reddidit præsidia. Ab altera parte quæ planitiem habet, ea est natura muri & turrium, ut nullis quasi tormentis possit, nullo impetu

A expugnari. Ex turribus enim hostes arcentur facillime, atque ingens fossa muros attingit, ex qua in altitudinem non minorem quam viginti cubitorum fere attolluntur. Ab interiore autem parte ita parum a solo elevantur, ut etiam ab ignavo quoque sine *Scalis* aut alia machina in eos insiliatur. Quo fit ut cum muris solum omne ita contineatur, ut si quis diruere muros velit, solum quoque diruendum veniat. Atque ad hanc quidem modum *Arona* tum munitissima tum ornatissima effecta est, quam quoque *Philippus* filius postea turribus aliisisdemque pulcherrimis insignivit. Arce præterea altero muro communita, non mediocre & ad pulchritudinem & munitionem additamentum fecit. ¹⁶ Sed nos & quæ *Philippus* gessit, quum majorem desiderant orationem, ad aliud tempus reservabimus. Innumeras præterea sumptuosissimas domos tum *Mediolani* tum multis quoque in villis omnistudio omnique diligentia ædificavit, ut *Limate*, *Robechi*, *Cameragii*, *Piscaria*, quam a piscina denominasse constat. Fossa enim ingens XX. fere passuum latitudine hortum domumque, quæ arcis aspectum præ se fert, circuit, quadratumque hortum reddens unius milliarii ambitum extenditur. In ea vero multa atque varia piscium genera inveniuntur, ut non solum aspectu jucundissima sit aquarum facies, sed ad copiam optimorum piscium suppeditandam accommodata nonnihil etiam arcem ipsam munit, ut a multis hostium incurribus tuta esse possit. Cellas præterea sacras duas, alteram in æde *Divi Francisci*, in æde *Mariae*, quæ ad pavones dicitur, alteram, ambas equidem admodum sumptuosas, sed quæ in æde *divi Francisci* est, eo est auri ornatu eaque picturæ elegantia, ut nihil omni ex parte pulchrius toto *Mediolano* conspiciatur. Quid dixerim de pretiosa suppellectili, quam non ad luxuriam homo frugalissimus comparaverat, sed ad eos honestandos, quos domum suam tanquam hospites in convivia sæpissime convocabat; quo in genere nescio an quisquam alias tantum excelluerit. Quis enim jure non miretur neque oratores unquam neque duces, neque imperatores, neque reges *Mediolanum* adventasse, qui nisi domi suæ prius accepti omnique magnificentiae genere affecti, abire potuerint, ut ad nihil aliud magis quam ad cœtus hominum inter se celebrandos, & deveniendam hominum inter homines societatem, ut ait *Cicero*, natus videretur. Ut enim omittam reliqua. Quo tempore *Aragonensium* ¹⁷ Rex *Alphonus* insigni illa apud *Pontiam* insulam accepta clade, quam ne ipse quidem effugit, sed captivus factus *Genuam* primo, mox sic jubente *Anglo*, cum *Mediolanum* duceretur, *Vitalianus* domi suæ ita Regem accepit, ut nihil in vita sua unquam neque ipse fecerit, neque alii magnificentius. Fuit in eodem convivio *Johannes* frater, & ipse Rex *Navarrae*, ac magnus Apostoli *Jacobi* Ecclesiæ Magister, nonnullique alii Principes ac Duces, qui cum Rege simul capti eodem in conflictu fuerant. Ne quod autem hominum genus expers esset suæ liberalitatis, prosequendam quandam maximis cum proventibus instituit, sexque incorruptissimos viros illi præfecit, qui illius fructus ita distribuerent, ut his maxime subveniretur, quos maxime indigere intelligerent. Ex quo manifestum est non adeo minus bonitate quadam naturæ & in humanum genus caritate fuisse liberalem, quam gloria, cujus tamen ita fuit appetens, ut infamiam tanquam teterrimam letalemque belluam semper vitavit. Legatus quandoque ad *Venetos* ab *Anglo* est, qua in legatione non tam pompa & equorum magnificentia admirandus fuit, quam oratione. Cum enim perorasset, ut erat hominis ingenium paucis verbis, sententiis autem & plurimis & gravissimis, sine omni penitus artificio,

sed ut natura ipsa dictaret; ferunt dixisse quosdam; minime artificiosam aut dolosam fuisse orationem, sed simplicem ac bono gravique viro dignam. Uxorem duxit *Ambrosinum Fagnanensem*, nobilem inprimis foeminam & multa præditam virtute; ex qua filios sustulit, *Philippum*, cujus supra meminimus, & *Johannem Jacobum*, qui adolescens admodum immatura morte præventus est. Foeminas item duas, *Margheritam*, quæ *Johanni*
 18 *Augustino ViceComiti* nupsit, ac *Taldam*, quæ *Othoni Comiti Mandellensi* in Matrimonio locata est. Et hos quidem ex uxore suscepit: spurios enim habuit complures, nam fuit in mulierum libidinem admodum pronus. In amicos super omnes officiosissimus, utputa, qui non modo patrocinium illis, ubicunque opus esset, præstaret suum, sed ne unquam quidem conquiesceret, dum supra ipsorum etiam opinionem sperique non ornasset. Illud vero non sine maxima admiratione laudeque possum commemorare, quod vir penitus sine literis ita omnes doctos & observavit, & coluit, ut in nullum hominum genus libentius benignitate sua uteretur. Ex quo *Franciscus Philippus* doctorum qui per eam tempestatem viverent doctissimus, maximo apud eum in honore fuit, infinitaque in eum contulit beneficia, unde & *Philippus* gratias illi referre cupiens libros quos inscripsit de exilio, mea quidem sententia, præterquam quod sunt elegantes, singulari omnibus bonis artibus refertissimos, ad eum tanquam ad hominem de se optime meritum dicavit. Eundemque quantum ego judicare possum immortalem reddidit, antiquisque illis præclarissimis viris *Fabio*, *Proculo*, *Cotta*, *Alteri Lentulo*, *Pollioni*, *Mænenati*, *Cæsari* tandem fama parem fecit; quandoquidem animi præstantia atque in doctos homines observantia, impar non fuit. His in omne genus hominum tot tantisque beneficiis accidebat, ut haberet de ditissimos quam multos, omnesque de eo uno ore bene dicerent, & fortunas ipsius collaudarent, essetque in eo jam rerum statu, ut nihil illi ad summam felicitatem deesse videretur. Sed fortuna miscere omnia cœpit. Mortuo namque *Philippo Maria Anglo*, varios acerbosque omnia suo nutu versantis fortunæ expertus est, eo maxime annitente,
 19 si qua posset ut *Mediolanensium* libertas conservaretur. De qua ut nihil quod ad rem, quam aggressi sumus pertineat, indictum relinquatur, dicere ita tentabimus, ut necessaria tantum percuramus. Simul ac igitur *Anglus* naturæ concessit, ad libertatem subito tota civitas aspirare cœpit. Quæ non tum primum *Vitaliano* & quibusdam ex primoribus venerat in mentem; sed antea jam, per sexennium cum animadverterent *Anglum* diu esse in vivis non posse, & hæredem qui sibi inestato posset succedere nullum esse, jam tum de ea re cogitari cœptum constat. Clanculum tamen ut nihil *Anglus* rescisceret, res enim erat ingrata admodum Principi futura, si de suo Imperio deliberari adhuc se vivo intelligeret. Cum igitur diem obiisset, in libertatem sese *Mediolanenses* vindicarunt, tanto principis unius odio, ut ne vestigium quidem superiorum reliquam esse in civitate paterentur. Verum maximo cum impetu diruta arce, de publica omnes utilitate, & quoniam pacto natam libertatem alere, & adultam tueri & conservare possent, consultabant. Itaque quanquam constituendæ civitatis, creandorum magistratuum, qui rebus belli pacisque præessent, cura maximo pere videbatur necessaria, tamen quoniam multa hinc indeque urgebant, habita temporum ratio est. Creatique sunt pro tempore singulis ex portis quatuor, sex enim in quas *Mediolanum* distributum est classes, portas, quod unaquæque a porta sua denominationem nacta sit, appellant. In quibus

A sine omni contentione *Vitalianus* ipse reliquæ civitatis proceres fuerunt, in eosque omnis rerum administrandarum cura delata est. Premebantur per id tempus a *Venetis Mediolanenses*, quo in bello cum *Anglo* geri cœpto, nunc & spe maxime perseverabant, enixiusque urgebant, quod existimabant novis exortis rebus multo facilius opprimere illos posse. Itaque magna manu per universum fere agrum discurrentes omnia vastabant. Vicinæ præterea civitates audita Ducis morte & libertate *Mediolanensium*, idem sibi quoque faciendum esse putaverunt; Quædam nullam aliam ab causam nisi ut libere & ipsæ viverent. Nonnullæ turpe putabant sibi a *Mediolanensibus* imperari, quos antea confervos habuissent. Quam ita ægre laturæ rem videbantur, ut omne aliud potius Imperium essent admitturæ. Ex quo statim ut creati sunt nihil majore sibi diligentia efficiendum censuerunt quam ut illæ civitates in fide retinerentur. Et cum de *Novariensibus* maxime atque *Laudensibus* propter vicinitatem solliciti essent, quorum illi ad Ducem *Sabaudie* inclinare viderentur: Hi vero, quod multo perniciosius futurum putabant, ad *Venetos*. Nullus enim erat, qui æque *Mediolanensibus* formidandus esset. Erant namque *Veneti* & ipsi per se potentissimi, & in urbe quoque nonnullos, eisdemque cives perniciosissimos, habebant fautores. Cum inquam hæc cura maxime urgeret, his inprimis *Vitaliano* Authore, vi si enira possit, hortatibus obviandum duxerunt. Militabat eorum in exercitu *Hastor Faventinus* vir quidem bellorum peritissimus, & *Carolus Gonzaga*. Inter eos igitur divisæ copiis, *Hastorem Novariam*, *Carolus Laudem* miserunt. *Hastor* dum omni celeritate rem exsequitur nullo negotio confecit. Facile enim fuit fluctuantes adhuc *Novarienses*, ut puta qui nondum quicquam haberent constitutum, in ea continere sententia, ut *Mediolanensibus* adhærentes sese liberos omnibus viribus reddere conarentur; præterea haud obscurum erat, si alia prævaluisset opinio, statim cum *Hastore* bello esse decertandum. Quod quidem erat illis non mediocriter cavendum, propter arcem quæ in fide adhuc *Mediolanensium* perseverabat. Itaque tutiorem secuti partem in fide *Novarienses* permanserunt. Cujus exemplum mox *Comum Alexandriaque* secutæ, & ipsæ *Mediolanensibus* sese conjunxerunt. *Carolus* autem etsi & ipse omni maturitate iter fecit, frustra tamen omnis ipsius labor fuit. Dum enim *Vitaliani* Collegarum non sane prudenti consilio minus honeste in societatem ascisci moleste ferrent, *Venetorum* partes prætulere, atque illis dediti, acerrimi deinde *Mediolanensibus* hostes exstiterunt. Ego certe audiui ex nonnullis qui *Vitaliani* familiares erant; solitum sæpe fuisse dicere, *Mediolanenses* nunquam fuisse *Laudenses* hostes habituros, si suis consiliis fuisset obtemperatum. *Laudenses Placentini* quoque imitati ad *Venetos* eodem fere tempore defecerunt. *Parmenses* autem dum a *Mediolanensibus* minus honeste, ut ipsi existimaverunt, socii epistola ad eos quadam appellarentur, liberos ita sese esse voluerunt, ut nullo pacto *Mediolanensibus*, ut ipsi dicebant, servire viderentur. At *Ticinenses* cum & ipsi multis de rebus cum *Mediolanensibus* non possent convenire, *Vitaliani* contra opinionem, qui omnia illis concedenda semper judicavit diversas in sententias demum distracti sunt. Ita quidam ad Regem *Francorum*, nonnulli ad *Venetos*, alii ad *Sabaudie* Ducem, plurimi ad *Franciscum Sphortiam* declinabant. Atque hæc quidem pars tandem reliquos omnes ad se traxit. *Franciscus* enim *Sphortia* & ipse antea ab *Anglo* ex *Picentibus* accersitus, tum autem a *Mediolanensibus* omnibus precibus properare invitatus apud *Columbanum* non longe a *Ticino* castrametabatur. Cum enim *Veneti* maxi-

maxime urgerent, non minus adeo de retinendis in fide civitatibus solliciti fuerunt quam ut *Francisco Sphortie* maturare, & suis rebus salutem ferre persuaderent. In his autem libertatis quasi incunabulis, quamquam hæc fere omnia *Vitaliani* & consilio & prudentia gesta sunt, non tamen gratus admodum populo fuit. Jactabant enim voces nonnulli ob invidiam, quod videbant fore ut princeps in civitate esset futurus, nunc affectare ipsum imperium; nunc dare operam, ut non ipse Dominus efficeretur, sed nunc *Lancelotus ViceComes*, de quo supra mentionem fecimus, nunc *Franciscus Sphortia*, cui & amicus erat & Compater, ut appellant. Sed *Sphortie* suspicio erat vehementior. Quæ tandem adeo increbuit, ut cum aliquando in curiam profectus esset, de eo capiendo consilium factum constet. Sed ea re intellecta per posticum fugiens illorum frustratus machinationem, evasit. Diligentiusque ab eo die suæ cavere salutis coepit simulque quonam pacto urbe abire posset cogitabat. Sed ut erat prudentissimus, non ea ratione, qua suspicionem quam de se invidi malevoli disseminabant, rem sibi putavit esse transigendam, sed qua minueret potius. Itaque cum de legatis ad *Sphortiam* mittendis, qui darent recipereque foederis conditiones, ageretur, annixus maxime est, ut in eo numero ipse legeretur, sperans eam sibi futuram idoneam commoditatem qua sine cujusquam suspicionem posset abire. Creati igitur quinque legati, & ipse inprimis, *Colambanum* ad *Sphortiam* profecti sunt. Reque cum illo optime celerrimeque transacta, ut id perficeret quod excogitavit, illinc profectus, *Ticinum* urbem, nocte jam adventante, venit, eo consilio ut sequenti die cum primum illucesceret, *Aronam* proficisceretur. Sed mox *Andreas Biragus* cum subito alias tamen obres intervenisset, veritus ne in suam perniciem a populo esset missus, statim iter ingressus, quasi fugiens, non prius constitit, quam *Aronam* se recepit. Ante tamen quam abiret, cum *Oldrado Lampugnano* collega pauca pro tempore de suis invidis conquestus, causam suæ abitionis aperuit. Ex quo reversus *Oldradus Mediolanum* de revocando *Vitaliano* consultare coepit, cujus sententia summo omnium bonorum favore excepta & approbata est, nullusque ex invidorum numero inventus, qui contra palam quicquam dicere auderet. Solummodo rumores jactabant quosdam, nullus tamen erat qui authorem se dici pateretur. Cum hæc placuisset sententia, ut *Vitalianus* revocaretur, duos ad illum Oratores delegerunt, *Blasium Cusanensem* scilicet, atque *Ambrosium Rozium*, qui ut *Aronam* venerunt multas tamen post preces e sua illum sententia deturbaverunt atque ut rediret impetrarunt; fide tamen publica prius accepta, noverat enim quanta esset nonnullorum perversitas invidorum, populique tum temeritas, tum quæ semper amicissima fuit multitudini, inconstantia ac levitas. Ejus reditus gratissimus fuit bonis omnibus, quorum numerus major adhuc erat, quam eorum, qui male & *Vitaliano* & reipublicæ volebant. Simul ac igitur rediit, *Francorum* quoque modestia ad *Venetorum* bellum accessit. *Carolus* etiam eorum Rex audita *Angli* morte, ad duo millia equitum ex omnibus *Francis* delectorum, quos in auxilium *Philippo* dum adhuc viveret, contra *Venetos* miserat Duce *Rainaldo* quod a *Sansie* præfecto, quem eorum lingua *Baili* appellant audita inquam *Philippi* Ducis morte properare jussit, simulque Oratores *Mediolanum* misit, qui *Carolo* qui imperabat *Aureliæ* & patrueli suo illud imperium hæreditario & cognationis jure repeterent. Meminerat enim filiam *Galeacii* ejus qui primus Dux est appellatus & *Philippi Mariæ* Sororem *Ludovico* fratri ea conditione nupsisse, ut si quando

A mortuis parentibus filii superstites non essent, ad eos qui in *Aurelia* regnarent ille Dominatus esset venturus. His igitur freti Legati rationibus *Mediolanum* veniunt. Quorum oratio cum exposita in Senatu esset, *Nicolaus Arcimboldus* ita respondit: ut ostenderet *Mediolanenses* libertatis conservandæ gratia & extrema etiam, si sit opus, pericula esse subituros. Et quando non arma, non vires, non bellorum nervi pecuniæ desint, nunquam commissuros, ut defuisse sibi animi videantur. Hac indignati responsione Legati, vim esse faciendam censuerunt. Existimaverunt enim facile fore ut opprimerentur, quoniam eodem tempore & cum *Venetis* quoque decertandum esset. Hoc igitur animo ad duo illa equorum millia, mille insuper additis, & peditum haud parvo numero, ea maxime spe appropinquabant, ut minimo negotio rem confecturi se putarent. Sed eos sua fefellit opinio. Cum enim *Alexandrino* in agro *Boschum* oppidum obsedissent, itaque jam oppugnassent, ut datis obsidibus nisi auxilium ferrent in quartum diem deditionem obsessi promississent. *Hastor* qui a *Novaria* in *Francos* ducere exercitum jussus erat, & *Bartholomæus Collio* subvenire *Boschanis* decreverunt. Itaque non magna admodum manu, quingentos enim supra mille equites ducebant, fortitamen & exercitata, ut eventus deinde pugnae indicavit, profecti in hostes auxilium ferebant. At *Franci* eorum vim expectare noluerunt, sed statim soluta obsidione pedem referebant. Tum vero quidam ex *Alexandrinis* minus callidi rerum bellicarum, milites fugam facere *Francos* arbitrati, magna concitata multitudo tumultuario ordine in fugientes, ut ipsi opinabantur, *Francos*, ac temeritate quadam, irruebant. Quod ut *Franci* animadvertenterunt de industria retrocedentes *Alexandrinis* in insidias traxerunt: Demumque diviso agmine partem conversi in insequentes turpem de illis stragem ediderunt, partim eam ob causam restiterunt, ne *Hastor* aut *Collio* alia ex parte adorirentur. Veriti sunt illi quidem id quod accidit. Dum enim *Alexandrini* ob suam temeritatem palantes acti interficiuntur, *Hastor* eam occasionem non prætermittendam ratus, cæteros qui restiterant cum suis invadit. Nam *Collium* quidem quacunque tandem de causa id fecerit, multo se meliorem præbuisse spectatorem ferunt, quam pugnatorem. Prælium atrox diu fuit utrique maximis viribus atque ingentibus animis decertantibus. Tandem *Ambrosiani* victores extiterunt. Interea *Franci* qui *Alexandrinis* fuerant insecuti, cum suorum qui remanserant cladem audivissent, exterriti fugientes abierunt. Multi tamen inter fugiendum capti vivique *Alexandriam* usque perducti, ab *Alexandrinis* in suorum ultionem interfecti sunt. Ita eodem die & latum auxilium obsessis & *Francorum* bellum est confectum. Omnes enim vel capti vel interfecti, pauci salutis suæ fuga consuluerunt. Inter captivos *Rainaldus* quoque *Baili* fuit, qui vitam postea grandi soluta pecunia redemit. Fuit in ea pugna omnium ferocissimus *Hastor*. Irritatus enim quod primo in congressu quidam ex suis a *Francis* fuissent more illius gentis jugulati tanta ferocia pugnavit, ut fama sit ad XX. illum ex hostibus sua manu cecidisse. Dum hæc apud *Alexandriam* gerentur, *Franciscus Sphortia*, *Placentiam*, quam ad *Venetos* defecisse supra diximus, obsidebat, obsidio haud longa fuit. Nam non plusquam V. & LX. dies cum illam oppugnasset, tandem expugnavit ac diripuit, nullam aliam ob causam, nisi quod illi pertinaciores nunquam se dedere volentes, impetum in se omnem militum expectaverunt. Hac direpta urbe statim a *Mediolanensibus* ad *Sphortiam* *Placentinos* que missi Legati, inter quos *Vitalianus* fere, ut

semper, princeps fuit. Hi vero non tantum pecuniæ *Sphortia* subministrandæ gratia, & consolatorum in tam acerbo civitatis casu *Placentinorum*, quam ut simul cum *Sphortia* deliberarent, quidnam potissimum faciendum videretur. Placebat *Vitaliano* & collegis ut ad *Laudensem* obsidionem traduceretur exercitus, tamen quoniam ea obsidio perdifficilis futura videbatur, maxime propter jam sævientem hyemem, magis consilio Ducis est temperatum, qui in hyberna ducendos esse milites, verque expectandum, judicabat. Interea alter *Vitaliano* collegisque domi summus Magistratus surrogatus. quinto mense posteaquam esse libera civitas incepit. Adventante autem vere, cum de educendis ex hybernis militibus consultari cœptum esset, nullus est visus ad eam rem cum *Sphortia* tractandam magis idoneus, quam *Vitalianus*, cujus apud omnes autoritas tanta erat, ut nihil recte aut deliberari aut fieri posse putarent, nisi consilio suo atque prudentia. Missus igitur simul cum collegis quibusdam, ut de more est, cum publica ad *Sphortiam* autoritate id maxime persuadere illi nixus est, ut quanto posset celerius milites educeret. Futurum enim opinabantur multos *Venetorum* conatus impeditum iri, ac sublatum penitus, si eos, priusquam castrametari possent, aggredirentur. Placebat hæc sententia *Sphortia* quoque. Cæterum non pecuniæ solum, quibus milites omnino carebant, impedimento erant, verum etiam *Franciscus Picininus*, qui addere se *Sphortia* socium non facile velle putabatur. Rumor enim erat quomodocunque tandem res hahuerit, non est enim præsentis instituti omnia dicere, occultas illud de deferendis *Ambrosianis* conditiones agitare.

27 *Sphortia* vero per se non satis validas ad invadendum copias habere videbatur. At *Vitalianus* qui omnia poterat apud *Picininum* hortando ac pollicitando effecit, ut contentus esset cum *Sphortia* conjuncto exercitu militem educere. Dato igitur in singulos, ut ajunt, equos aureo, reliquis de rebus standum *Vitaliani* promissionibus, quibus sæpe alias vel totos ac maximos exercitus conduxerat, censuerunt. Visum est eodem fere tempore pacem esse tentandam cum *Venetis*, eaque de re ab utrifque *Bergomum* missi legati qui de conditionibus pacis convenirent. *Veneti* quamvis essent animo elatiores tamen propter jam direptam *Placentiam*, *Sphortiam* admodum timentes, ad pacem descenderunt. Quam cum *Mediolanensium* reversi legati in Senatu exposuissent, quinqueque jam portæ summo fere omnium consensu approbassent; soli *Theodorus Bossius* & *Georgius Lampugnani* inventi sunt, qui auderent per civitatem discurrentes concitare ad bellum omnem multitudinem. Ita omni amissa pacis spe, ad bellumque conversis animis, milites ex hybernis educuntur, transque *Abduam* flumen castra metati sunt, *Pandinum*que primo & *Trevillum* oppida cum expugnassent, alterumque vertissent in prædam, placuit *Cassianum* deinde petere. Trajecto itaque flumine, *Hastor Faventinus* circa *Cassianum* castra posuit. *Sphortia* cum omni reliquo exercitu trans *Abduam* cum remansisset, omnemque ferendi auxilii spem cum *Venetis* interclusisset, *Cassianenses* non multum repugnarunt. *Cassiano* recepto *Laudem* inde profecti sunt, longissimeque ab urbe castra posuerunt. Propius enim admoventi non fuit consilium, quoniam de expugnatione *Sphortia* desperaret. Neque id sibi tunc negotii assumpsisset, nisi *Mediolanensium* libertati morem gerere voluisset. Dum *Sphortia* *Laudem* hoc pacto obsidet, nunciatur *Venetos* maxima parata classe in *Pado* flumine & terrestribus innumeris copiis recta *Cremonam* esse petituros. Id quoniam videbatur fore periculosissimum, nam si *Cremona* amitteretur, ut sapientissime *Sphortia* ipse con-

A) sultavit, de *Mediolanensium* imperio actum esse non dubitabatur, non enim & victrici classi & potentissimo terrestri exercitui facile erat invenire quoniam pacto obstare quisquam posset. Soluta *Laudensi* obsidione, *Sphortia Venetis* obviam processit, classemque apud *Casalem* oppidum, quem appellant *majorem*, nactus, bombardis aliisque machinis in aggere fluminis positis, brevi dissipatam superatamque incendiis involvit. Nondum soluta erat *Laudensis* obsidio, ut contra classem ducere-tur exercitus, cum rursus visum est *Mediolanensium* Senatui de pace agendum esse cum *Venetis*. Non enim mediocriter de fide in se *Sphortia*, licet occulta res esset, dubitabant... Ea de re *Pinarolum*, oppidum in agro *Sabaudia*, legatos utrique miserant. Principio nimis elatis animis existentibus *Venetis*, nihil transigi potuit. Sed ubi combustam esse classem apud *Casalem* audiverunt, remissiores paulo effecti sunt. Verum *Mediolanensis* multitudo de navium victoria certiores facta, sperans suos facile post hoc victores fore, non amplius de pace quicquam audire passa est. Per hunc igitur modum interturbata pace, *Sphortia* devicta classe ad *Abduam* reversus; *Caravagium*que expugnare aggressus extreme illum jam premebat, cum *Venetorum* copiarum, ut auxilium sociis obsessis ferrent, propius admotæ sunt, manusque cum hoste confertæ. *Veneti* tandem ipsi victi fugatique sunt, ac *Caravagium* receptum. *Venetorum* autem 29 vires adeo attritæ, ut nihil amplius victori exercitui obstare posse videretur. Hac tanta tamque insigni parta victoria *Mediolanenses Sphortiam* ad quinquaginta cives legaverunt, qui cum eo quid agendum esset consultarent. Censebant plerique ac *Sphortia* inprimis, procedendum esse, & civitates hostium quæ nihil repugnaturæ viderentur, esse recipiendas. *Vitalianus* autem & pauci cum eo, contra redeundum ad *Laudensem* obsidionem existimabant. Multæ erant horum opinionis causæ, atque illa inprimis, quod molestissimum erat domi fere hostium civitatem ac præpotentem quidem habere. Prætereaque ob *Sphortia* suspicionem majorem jam in modum ad pacem cum *Venetis* firmandam, quos æquis acquieturos conditionibus propter acceptas clades arbitrabantur, animos applicaverant. Prævaluit *Sphortia* opinio. *Vitalianus* autem cum id animadverteret, cum *Francisco Picinino* egit. Non enim *Sphortia* tantis opus erat copiis, quoniam erat neminem habiturum obviam, & cum *Antonio Crothonensi*, nam & ipsi fautores *Vitaliani* sententiæ extiterant ut cum suis ad *Laudensem* obsidionem reverterentur, *Sphortia* ante procederet. Id non æquo tulisse animo *Sphortia* creditur, simulque indignatus quod intellexerat cum de pace *Mediolanenses* cum *Venetis* agitent, nullam de se penitus habitam esse rationem, postea certe cum *Brixiam* obsedisset missas fuisse obsessis a *Mediolanensibus* epistolas constat, quibus ad tolerandam eos obsidionem hortabantur, donec de pace cum *Venetis* conveniret. Nihil enim jam curabant *Mediolanenses* magis quam ut *Sphortia* vires, quem vehementer timebant, quocunque modo extenuarent. Quod cum indubitato rescivisset, prætervertendum sibi ratus non tam de inferenda 30 *Venetis* clade, & eorum civitatibus recipiendis, quod illi fuisset perfacile, quam quomodo cum illis conspiraret in *Mediolanense* imperium, animo volutabat, brevique id quod excogitaverat confecit. Interea *Laus* ita oppugnata, ut eodem fere die quo *Sphortia* foedus cum *Venetis* percussit, a *Vitaliano* qui legatus ac fere Dux in ea obsidione fuit, reciperetur. Nam secunda fere hora & vigesima in urbem cum ingressus esset, maximo cum sui capitis periculo, propter eos qui *Sphortia* ac *Venetorum* parti favebant, prima deinde noctis nuntius

tius a *Sphortia* venit, qui in alterum diem si darent, auxilium laturum illum polliceretur. *Varia Laudensium* fuit consultatio. Erant enim qui putarent *Mediolanenses* urbe ejiendos, atque expectandum auxilium a *Sphortia*, non pauci. Denique tamen illi *Vitaliani* industria atque hortationibus *Mediolanenses* prætulere. Qui sequenti deinde die, relicto in præfidiis *Picinino*, ipse *Mediolanum* venit, ut aut urbana aut agresti ex multitudine pedites conducere, quos ad tutandas & *Laudem* & *Placentiam* urbes transmitteret, *Picininus* ea cura vacuus præsto cunctis in rebus esse posset. *Sphortia* interea versis in *Mediolanum* signis, infestissimo appropinquabat milite. *Placentiam*que cum pervenisset cives sese illi ac libenter quidem dederunt. Non fuit inde consilium *Laudem* petere, sed per agrum discurrens nunc hoc hunc illud oppidum recipiebat. *Mediolanenses*, in his, adducti, difficultatibus quo sese verterent nesciebant. Jamque *Vitalianus* inprimis ac nonnulli ex sapientibus de libertate desperabant. Ergo cum multæ essent ac variæ in civitate opiniones, tumultusque ac trepidatio *Sphortia* indies magis ac magis urgente, augeretur, tandem placuit populo, apud quem jam omnia erant Reipublicæ gubernacula, ut ex nobilitate ac primoribus quidam Sexvirorum magistratus crearetur, qui & pacis & belli summam haberent potestatem. Fuerunt hi *Vitalianus Borrhomæus*, *Bartholomæus Mercatus*, *Lancelottus Crotius*, *Johannes Dugnanus*, *Jacobus Georgius Placentinus*, & *Guilielmus Marlianus*. *Vitalianus* igitur, qui ut diximus nullam jam omnino libertatis spem reliquam habebat, omninoque ad *Sphortia* favendum animum mentemque omnem converterat, cum omnis fere multitudo ac nonnulli ex proceribus ad Ducem *Sabaudie*, *Alphonso* ceterisque de quibus mentio fuit, postpositis, ut auxilium ferret inclinarent; ipse semper disuasit. Prævaluit nihilominus multitudinis sententia ejus nutu cuncta jam fere gerebantur: in hac quasi rerum omnium confusione rumor quidam exoritur futurum esse ut *Carolus Gonzaga* in secundum diem Dominus clamaretur. Qua re perculsus *Vitalianus* simulata ad *Picininum* legatione, quem fama erat ad *Sphortiam* deficere *Piscariam*, quæ arx distat ab urbe septem milliaribus, cujus meminimus in superioribus, maturans venit, ut inde quod futurum esset spectaret otiosus. Altero vero die cum nihil *Gonzagæ* successisse audivisset, neque quicquam posset agere cum *Picinino*, qui *Sphortia* jam conjunctus erat *Mediolanum* rediit, hac maxime de causa: Factio erat in civitate multorum ac potentissimorum civium, quorum Duces *Georgius Lampugnani* ac *Theodorus Bossius* sese præbebant, qui de tradenda quocumque modo, vel diripienda si *Sphortia* annuisset, urbe, consilium faciebant. Promittebant enim se nonnullis in locis incensuram eam esse, cum verò populus ad incendium, ut de more est, accurrisset, daturos *Sphortia* signum, qui alia ex parte ab ea porta, quam jam diu habebant in sua potestate, ingressus, suo arbitrio caperet civitatem: Sunt qui negent ne unum quidem sive de incendio sive de direptione verbum fuisse factum. Nos utrumque audivimus. At utcunque fuerit, hoc tam periculoso consilio cum Collegis locutus *Vitalianus* persuasit tandem illis, ut quando non amplius tuendæ libertatis rationem aliquam haberent, liberius enim de sua

A jam opinione loquebatur, dandam sibi operam videri, ut urbem, si quo pacto possent, a direptione & præda liberarent. Ejusque rei conficiendæ unicam sese viam ostendi, ut ipsi qui plus essent propter Magistratum maxime autoritatis habituri, apud *Sphortiam* anteverterent, æquioribusque conditionibus agerent de eo recipiendo. Quod & *Sphortia* quoque magis expetendum putabatur, non enim utile sibi existimandum incendi & in prædam eam verti urbem, in qua ipse paulo post esset regnaturus, si potiundæ ejus aliqua facultas offerretur. Placuit hoc consilium collegis, quamobrem celerrime scriptis eisdem conditionibus, eas ad *Sphortiam* miserunt, cum his mandatis, ut si ille eas approbasset, jurejurando servaturum sanxisset, curatores se ut quam primum in *Mediolanense* imperium recipiatur. Veruntamen erant ejusmodi conditiones, ut si ad unguem ut ipsi jurejurando astringebant, sanctas habere voluisset, nomine duntaxat Dominus, re autem vera conditionum servus sibi futurus esse videretur. Eam igitur ob causam re infecta legati redierunt. Jamque qui in summo magistratu tunc præerant, *Lampugnani* *Bossiana*que conjuratione animadversa, ultionem parabant. Sub specie enim legationis ad Imperatorem, a quo petere velle auxilium simulabant, principes ipsi *Lampugnani* *Bossius*que, cum *Mongiam*, quæ distat a *Mediolano* plusquam decem milliaribus, pervenissent, capti sunt, in vinculaque coniecti. Ac paulo post de *Lampugnano* multisque aliis ex eadem factione, qui in urbe deprehensi sunt supplicium sumptum. Nam *Theodoro* quidem *Gonzaga* intercedente, cujus merita in *Mediolanensem* populum ad eam diem plurima esse putabantur, vita est condonata. Paulo tamen post cum ipse eodem quo fortuna, id est ad *Sphortiam* inclinasset, *Mediolanenses*que tum cum maxime illis auxilio opus fuit deseruisset, odio & indignatione, quasi nihil in eum facere possent contumeliosius, in *Theodorum* conversi, miserrime hominem obtruncarunt. At *Vitalianus* ubi vidit in *Lampugnani* aliosque deprehensos esse animadversum, simulque plebis odium in eos, qui aliud quicquam velle præter libertatem viderentur, conspexit, abire civitate penitus constituit, præsertim cum jam neque consilio suo esset locus neque opera. Armatis igitur ad ducentos equitibus, quos suis semper sumptibus ab incepta republica usque in eam diem habuisset, multoque pedite, insuper *Gonzaga* etiam comitante, urbe egressus, non prius destitit quam *Aronam* incolumis pervenit. Ibique postea fuit usque ad extremum diem. Atque inde multum *Sphortia* opitulatus est, quippe qui pecunia quoque illum juverit. *Mediolanensibus* ita obstinatissimis tueri libertatem animis, propositum erat, ut quæque etiam durissima tolerare non dubitarent. *Sphortia* contra nihil magis animo inhærebat quam victoria. Futurum igitur proculdubio prospici facile poterat, non sine maximo alterius partis discrimine eam contentionem modum esse habituram. Quod & hic evenit. Fame enim maxima cogente, *Sphortia* tandem est receptus. *Vitalianus* autem jam quinque menses antequam civitas dederetur, in febrem incidit octavoque fere die extinctus est. Vixit annos duodecesaginta. Sepultus *Mediolani* in æde *Divi Francisci* in ea cella quam ab eo supra ædificatam diximus.

FINIS VITÆ VITALIANI BORRHOMÆI.

I N D E X

R E R U M E T V E R B O R U M .

A ^{A.}
 Abderamarus *Panormum aggreditur.* 26. D
 Abdua *amnis.* 91. E. 92. B
 Adimarus I. *Prætor.* 53. E
 Adrianus *Papa Caroli Magni opem implorat.* 21. C
Ædes Lunariæ. 18. F
Actius contra Attilam. 13. D
Agri Florentin. divisi. 25. A
Aistulfus Rex Longobard. 21. C
Alaricus Romam capit. 11. E
Alcinatum pax. 51. F
Aldobrandus Baronius. 36. D
Alexander Papa II. 30. B
 — IV. 49. F
 — *puer.* 54. E
Alexius Nicephori Successor. 29. F
Alfonfus Hisp. regn. occup. 73. D
 — *Rex Aragonensium captus excipitur a Vitaliano.* 86. D
Ambrosius Camaldulensis. 55. D
Ancisa Oppidum. 44. D
Anglerix arx. 85. C
Angves Gibellinorum. 40. A
Annus Victoriarum. 53. C
Antiani duodecim. 48. C
Aquæ Sextiæ. 85. C
Aquarum Salubritas. 4. E
Aquileja ab Attila obfessa. 14. A
Aquilejæ Omen Ciconiarum. 14. B
Aretini Gibellinos ejiciunt. 53. C
 — *contra Cortonenses.* 54. E
Aretinorum Prætor. 53. E
Armatorum Simulacra. 14. B
Arnestides occisus. 13. B
Atomatariorum Collegium. 69. D
Arona ædificatur. 85. B
Artavades Armenius. 15. D
Atlanti supplex leo. 3. B
 — *Oraculum respondet.* 3. B
Attila contra Romanos. 13. E
 — *in Norico moritur.* 14. E
 — *in Vasconiam abit.* 13. D
Attilæ respondent Aruspices. 13. D
Augurium de Florentia. 3. F
Aureus nummus primus. 51. A

B ^{B.}
Elisarii Virtus. 15. B
Bellum Federici contra Rom. 42. A
 — *Cum Senensibus.* 38. D
 — *Guidorum.* 30. F. 33. E
 — *in Carminianenses.* 44. E
 — *in Pisanos.* 43. F
 — *Pisanor. cum Lucen.* 50. A
 — *Vandalorum Italiæ.* 11. D
 — *Volaterranum.* 51. E
Beneventum dirutum. 20. B
Blanci Cardinalis Responsum. 63. A
Bleda ab Attila occisus. 13. C
Bondelmontes oculis privatus. 47. D
Bondelmontis Sponsalitium. 40. B
Bonitium a Carolo captum. 73. B
Bononiensium Victoria. 47. E
Boschum oppidum. 90. B
Brunelletii inventio nova. 12. E
 — *Epigramma.* 12. F
 — *honor funebris.* 12. F
Brunettus Florent. Legat. 56. C

C ^{C.}
Ambiates oppressi. 37. D
Capitaneus abrogatus. 48. C
Caposilvolis Castellum. 45. B
Capraria capta. 47. B
Carcere Volonianus. 72. F
Cardinales carcerati. 46. A
Caroli Andegavenfis in Italiam adventus. 67. D
Carolus contra Corradinum. 77. C
 — *Gonzaga.* 88. C. 94. C
 — *Magnus.* 21. C
 — *Nuceriam oppugnat.* 78. A
 — *Marfupinus.* 55. D
 — *Secundus.* 27. B
Casca Gigas. 66. F
Castellum novum captum. 68. F
Catalanus Tosa Consul. 39. B
Christus Dominus in Exercitu visus. 12. B
Cinifius Alpium mons. 21. D
Civiles discordiæ Romanorum. 6. C
Clemens Pont. 72. F. 74. F. 77. A
Cœlestinus Papa IV. 45. F
Collegium Elector. institutum. 28. A
Collegia artium Florentiæ. 69. D
Colonorum turba. 48. E
Conditiones pacis datæ Senensibus. 45. E
Conradi insidiæ. 29. D
 — *Somnium.* 29. C
Conradinus Romæ exceptus. 77. B
Conradus Victor. 49. C
Constantinus Legatus. 15. C
Constantini conjuratio. 21. C
Contentiones cum Senen. 33. A
Contentio de Catella. 41. F
 — *de Gibellinorum exulum possessione.* 71. F
Crescii ac Miniatis Historia. 10. D
Crux ignea in Cælo. 15. F
Curix ædificatio. 48. E

D ^{D.}
Amiata Ægypti Urbs. 35. B
Decretum de eligendo Imper. 27. F
 — *de eligendo Pont.* 27. F
 — *Senat. Florentin.* 61. A
Dies festus annuus. 12. C
Digitus S. Joannis Baptiste. 6. A
Dirruccium Castellum dirutum. 32. C
Discordia Elector. in Germa. 55. F
Discordiæ Pisanorum. 22. C
 — *Romanorum.* 74. F
Ducis Florentini Oratio ad Fesulanos. 8. A

E ^{E.}
Cliptis Solis. 45. F
Emporienſe Concilium Gibellinorum. 63. D
Expediti Antiani Oratio. 58. E

F ^{F.}
Factum caput, Proverb. 40. E
Fabula de Atlante. 3. A
Farinata de evertenda Florentia. 65. C
 — *dictus Asinus.* 66. D
 — *Legatus Gibellinorum.* 57. A
Federici equites cæsi. 47. B
 — *literæ ad Vbertos.* 46. B
 — *Obitus.* 49. A
Federicus in Africam abit. 73. E
 — *Italiam affligit.* 39. D
Ferraria Pontificia facta. 31. A
Fesulani a Florentin. victi. 6. E
 — *a Romanis deleti.* 3. D. 4. A
 — *contra Florentin.* 25. F

INDEX RERUM ET VERBORUM.

Fesulani uniti Florentin. 28. C
 Fesulanis mos nutriendi leones. 3. C
 Fesulanorum mercatus. 4. A
 Fesularum arx restaurata. 20. B
 ——— eversio. 26. A
 ——— ædificia diruta. 9. B
 Fesulæ restauratæ. 6. F
 Fesulanorum Origo. 3. C
 ——— Insignia. 3. A
 Fesulus mons. 3. A
 Florentia a Flora. 4. A
 ——— a Cesare Casarea. 4. C
 ——— a Florino Duce. 4. A
 ——— a Floribus. 5. A
 ——— a Romanis Romula. 4. A
 ——— aucta a Conrado. 29. A
 ——— eversa a Totila. 14. F
 ——— Fluentia dicta. 4. C
 ——— obfessa a Gothis. 15. D
 ——— restaurata. 24. C
 Florentiæ Consules duo. 25. F
 ——— insignia. 3. F
 ——— origo. 1. A
 ——— Portæ IV. VI. 25. E
 ——— Viæ tres. 28. D
 Florentini contra Fighenates. 44. C
 ——— ——— Pistoenses. 44. C
 ——— ——— Semifontes. 36. D
 ——— ——— Vandalos. 11. D
 ——— facti potentes. 31. C
 ——— suo agro privati. 35. A
 ——— Triumphantes. 9. C
 Florentinorum clades ad Arbiæ. 62. C
 ——— laus. 35. B
 ——— Legati ad Senenses. 56. D
 ——— ——— ad Totilam. 17. B
 ——— ——— ad Carolum Magnum. 22. B
 ——— lites cum Pistoensibus. 17. D
 ——— Studium mercaturæ. 3. E
 ——— Victoria. 12. B
 ——— Viginti duo millia cæsa. 18. C
 ——— usus bellandi. 35. D
 Florentinus Senatus citatus a Totila. 17. F
 Fœdus Pisunorum cum Senensibus. 50. B
 Franciscus Petrarcha. 21. F

G

Gibellini acti in exilium. 49. D
 ——— Capti. 72. E
 ——— ejeti a Mutinen. 66. F
 ——— exules redeunt. 56. D
 ——— Florentia abeunt. 71. F
 ——— Hillarum occupant. 72. E
 ——— Victores. 62. E
 Gibellinorum ac Guelforum reconciliatio. 70. F
 ——— ac Senensium terror. 57. F
 ——— Conjunctio. 54. B
 ——— Legati ad Manfredum. 56. D
 ——— Oratio ad Pisanos. 42. D
 Gonzaga (Carolus) 88. C 94. D
 Græci Calabria pulsi. 29. E
 Gregorius II. 20. E
 ——— V. 27. F
 Guelfi ac Lucenses. 66. A
 ——— factionis Pontificiæ. 39. F
 Guelfis redit animus. 49. B
 Guelforum Collegium. 72. A
 ——— Legati ad Carolum. 71. C
 ——— Legati ad Clem. IV. 67. E
 ——— Legati ad Corradinum. 65. F
 ——— Rosæ. 40. A
 Guidi debellati. 33. A
 ——— Novelli copiae. 66. A
 ——— Ravenna ejeti. 27. E
 Guidoguerra. 53. D
 ——— Dux. 61. C

Guidus Legatus. 34. D
 Guiscardus Petrasanta. 52. E

H

Hannibalis Castra. 4. E
 Henricus I. 28. B
 ——— II. 29. B
 ——— III. 29. E
 ——— abijt ad Clemen. Papam. 47. E
 ——— Florentiam obsidet. 31. A
 ——— in Galliam abijt. 73. E
 ——— moritur. 31. B
 ——— Pisas advektus. 74. C
 Hitagonis benignitas. 28. A

I

Imperator populusque exclusus ab Electione Pontificis. 30. B
 Imperatores III. Coronis Coronati. 29. B
 Imperii Rom. divisio. 11. A 24. D
 Incendia Florentiæ. 31. E
 Ingressus Totilæ in Florent. 17. B
 Innocentius IV. 46. A
 ——— Imperatorem excommunicat. 46. B
 ——— Romam revertitur. 49. B
 ——— IV moritur. 49. E
 Insignia Urbis mutata. 49. D
 Infidiæ Henrici. 46. A
 Joannes VIII. Pont. 27. B
 ——— XX. 29. B
 ——— Villanus. 22. A
 Jordani revocatio. 63. D
 Jordanus captus. 68. C
 ——— Præfectus Equitum. 58. A
 Italia destructa. 11. D
 Judiciorum potestas. 28. E
 Jurisdictio amota. 37. F
 Justinianus veneno occisus. 20. E
 Justinus auxilia postulat a Ravenna. 15. D

L

Lambertus Masca. 40. E
 Lancelottus Vicecomes 84. D
 Lanificiorum Collegium. 69. D
 Laudenses, Laus &c. 88. E 91. F 93. A
 Leo Papa ad Atilam. 14. D
 Leonardus Aretinus. 55. C
 Leo profugus e cavea. 55. B
 Leones clementes in feminas & infantes. 55. B
 Liscarium Castell. eversum. 45. A
 Locus boni consilii. 19. A
 Lostendardus Præfectus. 76. D
 Ludovici Pii mors. 26. F
 ——— tres filii. 26. F
 Ludovicus Balbus. 27. B
 Luna crinita. 67. D
 ——— sanguinea. 20. F

M

Manfredi litteræ. 53. F
 Manfredus occisus. 68. C
 Mangona capta. 54. E
 Mathæus Palmierus. 55. D
 Mathildæ opera. 30. C
 ——— Victoria. 30. F
 Mediolanum, Mediolanenses, &c. 82. C 83. A 87. E. 88. A. B. E. 92. D.
 Mercatorum Collegium. 69. C
 Mensarior. Collegium. 69. D
 Monasteria 7. ab Hitagone. 28. B
 Monfortes Urbem ingreditur cum Equitibus. 71. E
 Mons bonus. 32. B
 Mulieris fortis mors. 14. C
 Mutio arx capta. 74. A

N

Napoleo contra Alexand. 54. F
 Neapolis capta. 19. C
 Nicephori Legati ad Carolum. 24. C
 Nicolaus Nichobus. 55. C

INDEX RERUM ET VERBORUM.

Nobilitatis *Conjuratio*. 69. E
 Nobilitas *revocata*. 70. F
 Notariorum *Collegium*. 69. D
 Notianum *Castellum captum*. 66. E
 Novelli *Victoria*. 66. D
 Novellus *fugit*. 70. D
 — *odiosus plebi*. 69. A
 — *Reipublicæ Præfect.* 62. F
 Nova *militandi disciplina*. 49. A
 Novi *Religiosi fratres Gaudentes dicti*. 69. B
 Novæ *Reipublicæ Florentinæ timor*. 70. D
 Novus *Reipublicæ administrandæ modus*. 48. A

O.

Octavianus *Ubalдинus Cardinalis*. 63. A.
 Odericus *Amideus*. 40. F
 Olea *Victoriæ monumentum*. 57. E
 Ormannus *Monaldecus Prætor*. 70. E
 Oratio *Totilæ ad Legatos Florentinor.* 17. D
 Ottho I. II. III. *Imperatores*. 27. D

P.

Patrimonium *Petri*. 31. A
 Pax *Figbinetum*. 50. F
 Pellariorum *Collegium*. 69. D
 Pestis *ab Arni palude*. 4. E
 — *in Germania*. 28. A
 Philippicus *Bardanes*. 20. E
 Philippus *Borromæus Vitaliani filius ducit Franci-*
scinam 84. E
 — *ejus æta.* 86. A
 — *Maria Vicecomes Anglus* 83. B. 84. A. D
 Picininus 93. D
 Pisani *cujusdam Oratio*. 63. C
 — *mille capti*. 44. C
 — *petunt pacem*. 52. F
 — *potentes in mari*. 31. E
 Pisanorum *Victoria contra Saracenos*. 50. C
 Pistriculæ *Observatio*. 19. B
 Politianum *Oppidum captum a Senensibus*. 45. B
 Pons *Garrarius sive novus*. 41. D
 — *nanus Castellum*. 41. E
 Pontifices *Romani*. 20. D
 Populus *Romanus Pontifici rebellis*. 65. E
 Porphyreticæ *Columnæ* 32. A
 Porta *Boaria*. 28. D
 — *Carraria*. 28. E
 — *Fluentia*. 4. F
 — *Miniata*. 10. F
 Portenta *Romæ visa*. 20. F
 Prætor *Capitanæus*. 48. C
 Prætoris *auctoritas* 37. F
 Prætorium *ex Curia*. 48. E
 Prepedigna 81. B
 Promontorium *Elæ*. 36. C
 Prosdocimus 81. B
 Pugna *militum cum plebe Florentina*. 70. A

Q.

Quercugrossa *Castellum eversum*. 45. C

R.

Radagastus *Dux Gothorum*. 11. F
 Ratiates *Transfuga*. 61. E
 Rebellio *Saxonum*. 24. F
 Regni *Longobardorum finis in Italia*. 21. C
 Rinieri *interitus*. 49. B
 Rivi *Sanguinis ex cumulis occisorum*. 13. F
 Roma *capta a Totila*. 20. B
 Romæ *extrema ruina*. 12. C
 Rudolphus *Rex Roman.* 56. C

S.

Sacellum *boni Consilii*. 19. C
 — *Salvatoris*. 12. D

Scatutius *captus*. 54. C
 Scuarcialupi *Castellum*. 41. C
 Seditiones *intestine*. 33. B
 Semifontis *oppidum eversum*. 36. D
 Senatus *Florentinus citatus a Totila*. 17. F
 Seneca *de Augusto*. 16. A
 Senenses *contra Florentinos*. 61. F
 Signianum *Oppidum a Guelfis captum*. 66. B
 Signifero *Florentinorum manus abscissa*. 62. D
 Sociomenus *Pistojsensis*. 22. A
 Sphortia (*Franciscus*) 88. F. 89. A. C. 90. F. 91.
 B. C. 92. A. B. C. D. E. F. 93. A. B. D. 94. A. E
 Stephanus II. *Pont. Gallorum opem implorat*. 21. B
 Stiliconis *Exercitus ab Alarico dissipatus*. 13. A
 Supplicationes *Romæ institutæ*. 21. B

T.

Theatrum *Urbis*. 4. F
 Teliarius *ad Expeditum*. 63. B
 Templi *Columnæ*. 5. D
 — *Mariæ Liberatricis Testudo miranda*. 12. C
 — *Martis structura*. 5. A
 Templum *Mariæ Liberatricis dirutum*. 18. D
 — *S. Joan. Bapt.* 5. E.
 Thermarum *monimentum*. 4. F
 Theodoricus *Rex Gothorum occumbit*. 13. F
 Tiberis *inundatio*. 20. F
 Totila *Florentiam obsidet*. 15. F
 — *illacrimans*. 16. C
 Totilæ *fraus*. 16. D
 — *interitus*. 20. F
 Turres *omnes ejusdem altitudinis*. 48. F

V.

V Baldini *Mugello ejecti*. 49. F
 Uberti *discordiarum auctores*. 33. B
 — & *Lamberti Comites*. 27. E
 Ubertorum *Dominatus*. 48. A
 Ubertus *Pactius castelli novi Præfectus*. 68. F
 — *quidam alta turri se precipitat*. 68. F
 Veneti 91. D
 Venetiarum *Origo*. 14. D
 Vernia *expugnata*. 54. E
 Vexillones *Civitates*. 48. D
 Via *Gibellina*. 54. C
 — *Pellaria*. 69. E
 Victor II. *Papa*. 29. E
 Victoria *Caroli Martelli*. 21. A
 Viri 12. *Capitanei*. 72. B
 — 36. *Florentiam custodientes*. 76. C
 Vitalianus, i, &c. *ædificat*. 85. B. 80. C
 — *colit doctos*. 87. B
 — *filius, Philippus*. 86. A
 — *genus*. 81. A
 — *hospitalis*. 86. E
 — *Joanni Galeatio carus*. 82. C. 83. A
 — *Legatus ad Venetos*. 86. F
 — *liberi* 87. A. *mercaturæ operam dedit* 83. B.
 — *mores* 83. C. *munia* 83. E. 84. C. 93. C
 — *natales*. 82. A. *obitus* 94. F
 — *parentes*. 82. A. *Philippo Mariæ carus* 83. B
 — *quomodo vocatus fuit Borromæus* 82. A
 — *Uxor Ambrosina Fagnanensis* 87. A
 Ungari *ad Christi fidem conversi*. 28. C
 Urbani IV, *Legati ad Ludovicum Gallie Regem*
 65. D
 Urbevetai *Equites Florentiam missi*. 70. E
 Urbium *parva initia*. 9. E
 Wilhelmus *Tancredus*. 30. A

Z.

S. Z Enobius *primus Florentinorum Episcopus*.
 10. F

F I N I S.

POGGII BRACCIOLINI,

Florentini,

HISTORIÆ
FLORENTINÆ,
LIBRI OCTO:

Primum à

JOANNE BAPTISTA RECANATO,

Patritio Veneto, Academico Florentino in
lucem editi, notisque, & Auctoris
vita illustrati.

Editio Novissima, auctior & emendatior.



LUGDUNI BATAVORUM,

Sumptibus PETRI VANDER Aa,
Bibliopola, & Typographi Academiae atque Civitatis.

THE UNIVERSITY OF CHICAGO

LIBRARY

THE UNIVERSITY OF CHICAGO
LIBRARY
1200 EAST 58TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU



THE UNIVERSITY OF CHICAGO
LIBRARY
1200 EAST 58TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

ILLUSTRISSIMO EXCELLENTISSIMO PRUDENTISSIMO
V I R O
D. D. ISAACO VAN HOORNBEEK
S U P R E M O
HOLLANDIÆ AC WESTFRISIÆ
S Y N D I C O
JURIS RERUMQUE CIVILIVM PATRIÆ PERITISSIMO
IN REBUS GERENDIS INDUSTRIO INDEFESSO
H A N C
T Y P I S D E N O V O D E S C R I P T A M
POGGII BRACCIOLINI
HISTORIÆ FLORENTINÆ
NOTIS ET AUCTORIS VITA ILLUSTRATÆ
E D I T I O N E M
CUM OMNI OBSERVANTIA ET CULTU
D I C A T E T I N S C R I B I T
D E V O T U S C L I E N S
PETRUS VANDER Aa.

ILLUSTRATIONES EXCELLENTISSIMAE PUBLICATIONES

V I R O

D. D. ISAAC VAN HOORNBECK

S U P P L E M E N T U M

HOLLANDIAE AC WESTFRISIAE

S Y N D I C O

IN REBUS GERENDIS INDUSTRIA INFERISSIMO
IURIS PERITURQUE CIVILIS PATRIAE PERITISSIMO

H A N D

T Y P I S D E N O V O B E S S E L I P T A M

ROGGII BRACCIONI

HISTORIAE FLORENTINAE

NOTIS ET AUCTORIS VITA ILLUSTRATA

E D I T I O N E M

CUM OMNI OBSERVANTIA ET COLLE

D I C T A T I N S C R I P T I S

D E V O T U S C L I E N S

PETRUS VAN DER A

NOVÆ HUIUS EDITIONIS
AD LECTOREM
P R Æ F A T I O.



Viris eruditis, & Reipublicæ literatæ studentibus sæpius instigatus, ut *Historiam Florentinam* à Poggio Latino sermone conscriptam, ac ab orbe erudito valde desideratam imprimi curarem, multum temporis eam indagando contriveram, sed tamen oleum & operam perdebam: ita ut jam desperarem, voti mei compotem fieri, nisi hanc Historiam a *Jacobo Poggii* filio in *Etruscam* linguam conversam iterum ex *Etrusca*, *Latinam* facerem. Hoc animo versanti & non expectanti Editio *Joannis Baptistæ Recanati* Viri Nobilissimi Patritii *Veneti*, Anno MDCCXV. apud *Joan. Gabrielem Hertz. Venetis* excusa offertur, cui hic Vir Doctissimus magnam sane operam & curam impendit, cujus quoque editionem in repetendo secutus sum. Multa autem hic de utilitate, necessitate, ac jucunditate Historiarum proferre, Rempublicam *Florentinam* tum temporis florentissimam, cujus res hic agitur, magnis laudibus in cœlum usque everhere, & denique Auctoris famam multis verbis ornare, esset modo *Æthiopem lavare*. Nam quod attinet ad Historiam, illius commodum & fructum *Jacobus Poggius* in

sua Præfatione, patris Historiæ præmissa, satis luculenter describit, ad quam *Benevolum Lectorem* ablego. Quinam autem status Rei-publicæ *Florentinæ* tum temporis fuerit, quasque res gesserit, satis superque ex Historia ipsa constat. Quanta denique *Poggius* auctoritate non solum apud Reges & Pontifices sed etiam privatos homines maxime autem eruditos valuerit, cupidus hujus rei lector tam ex allatis à me Doctorum Virorum testimoniis, quam ex *Poggii* vita à viro Doctissimo Domino *Recanato* huic Historiæ præfixa sensibus haurire potest. His itaque omnibus omiſſis, non sinistre capies, si solummodo breviter indico, quod cura ac diligentia mea in repetendo hos *Historiarum Florentinarum* libros præstitit. Cum enim vidi prædictum *Recanatum* Illustrium Virorum judicia de nostro Auctore referentem, *Elogia Jac. Phil. Bergomatis, P. Jovii & G. J. Vossii* paucis modo attingere, operæ pretium esse duxi, eorum Testimonia & Elogia de nostro *Poggio* hic afferre, quæ igitur Præfationi novæ hujus Editionis statim subjunxi, simulque Lapidem monumentalem inscriptione tamen a *Recanato* allata nitide ac scite insculptum ex *Monumentis Illustrium Virorum* produxi. Deinde cum jam in eo esset, ut finis huic operi imponeretur, ex improvviso in *Stephanum Baluzium* incidi, & statim sese oculis meis offerebat Oratio à *Poggio* nostro in funere *Leonardi Aretini* habita, quam si tractatui nostro adjungerem, non inconsultum

tum fore , arbitratus sum : Cui etiam annexi duas literas , alteram a *Poggio ad Guarinum* , alteram *Barbari ad Poggium* , quæ dignæ ut legantur. Dictæ vero Orationi funebri Effigiem & Epitaphium *Aretini* ex *Jovio* & *Elogiis Illustrum Virorum* mutuatum & ad veritatem incisum apposui. Præterea cum res præclaræ sine Viris Illustribus geri non possunt , idcirco eorum multi in hac historia occurrunt , quare quorundam ex his imagines partim ad famam posteritati propagandam , partim librum nostrum ornandi gratia huic operi intersevi. Denique omnia nomina propria characteribus *cursivis* (ut ita loqui liceat) excudi curavi , ut ea statim sub aspectum Lectoris venirent. Tandem & postremo mendas in priori editione negligentia librariorum commissas sustuli. Hæc B. L. si omnia hilari fronte sis accepturus , stimulum , ejusmodi plura proferendi , addes. Interim ut his bonis avibus utaris & fruaris , ex animo opto. Vale faveque.



(6) TESTIMONIA AC ELOGIA DOCTORUM VIRORUM.

Ex Lib. XIV. Supplementi Chronicorum JOH. PHIL.
BERGOMATIS.

Poggius Florentinus orator facundissimus, & literarum Apostolicarum scriptor disertissimus, Græcæ Latinæque linguæ eruditissimus, hisdem temporibus, & ipse ob singularem doctrinam, & singularem dicendi leporem, tum Romæ, tumque Constantiæ, ubi concilium habebatur, atque aliis plurimis in locis maximo fuit habitus in pretio. Eo maxime quod in concilio existens, Quintilianum omnino deperditum & oblitteratum depravatūque, in monasterio quodam latitantem invenit, quem postea (ut prædictum est) Gasparinus Bergomas noster, multo labore e-

A mendavit. Hunc etiam Florentini propter ingenii & eloquentiæ ipsius claritatem, cum per quadraginta annos in curia Romana scriptoris officium exercuisset, ad se vocatum, summo honore exceperunt colueruntque & honoraverunt, ac ab omni onere civitatis immunem fecerunt. Composuit autem hic funebres Orationes plurimas, & librum Facetiarum pulcherrimum, ac Epistolarum multarum librum elegantem. Et à Græco Dionysium Siculum, & alios multos Latinos fecit. Et de Situ Indiæ libellum composuit. Et alia multa.

Ex Elogiis Doctorum Virorum PAULI JOVII.

Poggius è Terranova Florentinæ ditioris oppido, in hac luce Romani cœli optimis literis ingenium ita expolivit, ut Pontificiis scriniis sub Eugenio & Nicolao præficeretur, æquatus scilicet honore summis viris, qui in eo munere fidelis, eruditique ingenii operam præstitissent. In his fuere Leonardus Aretinus. Maphæus Vegius, & Joann. Aurispa. Erat consilio gravis, & quum luberet, facetiarum sale perurbanus: ita ut mira, & sæpe subita varietate ad ciendum risum modò prætextatis verbis uteretur, modò gravibus & malignis scommatibus alienæ famæ nomen perstringeret. Sed amarulento libello in *Vallam* importunè invecus, ab eodem pessimè audiendo cumulas maledicentiæ suæ pœnas luit. quum *Valla* suo felle turgidus, & *Facium*, & *Panormitam*, & *Raudensem* probrosis voluminibus jugulasset. Erat quoque *Poggius* adeò intemperans objurgator, ut quum in *Theatro Pompei*, loco & die celebri, ubi bullatorum diplomatum censura habebatur, *Georgio Trapezuntio* male-

B diceret, ab eo acriter duplici colapho cæderetur. Transtulit demum è Græco *Diodorum Siculum*: sed & nobiles aliquot libellos de infelicitate Principum, varietateque *Fortunæ*, & de avaritiæ peste, orationes item plures composuit tanta ingenii fecunditate, ut *facetias* etiam ad excitandam hilaritatem ægris animis expetendas conscriberet. Sed quod gratum & utile posteris fuit, *Ciceronis libros de Finibus*, & de *Legibus* à se in *Germania* descriptos, in *Italiam* primus attulit: ita ut & ei quoque *Quintilianum* in *salsamentarii* taberna reperit debere fateamur. Novissimè ex multa peregrinatione, *Romanaque* aula exactæ ætatis senex *Florentiam* reversus, consummato oratore, ac optimo cive dignam patriæ operam præstitit, conscripta Latine historia populi *Florentini*, quæ à *Jacobo* demum filio in *Etruscum* sermonem versa legitur. Hic jam defuncto patre ex *Pactiano* scelere strangulatus, in prætorii fenestra cum cæteris pependit.

MYRTEI.

Olim Pierides, olim Florentia mater,
Vivente risit Poggio.

Nunc tumultum hunc adit, & donum pro
carmine flores

Fert, proque risu lachrymas:

Quæ nisi pro vera sint pietate, rogabit
Arnus ministret ut suas.

ACTII SYNCERI.

Dum patriam laudat, damnat dum Poggius
hostem,

Nec malus est civis, nec bonus historicus.

LATOMI.

A gravibus potui studiis qui clarus haberi,

a. Orat.
11. ad Ju-
lium 11.
de laudi-
bus civi-
tatis Flo-
rentinæ,
& Sao-
nenlis.

Ex GER. JOH. VOSSIO de Hist. Latin. Lib. III. Cap. 5.

Poggius Brandolinus uti vocat Possevinus in Apparatu sacro: vel Brandolinus, ut nuncupat Franciscus Albertinus a, civis Poggii, vel Bracciolinus, Florentinus originem

D debet Terranovæ, agri Aretini oppido. Fuit hic, ut de eo Jovius in elogiis inquit, Pontificiis scriniis sub Eugenio, & Nicolao, præfectus: æquatus scilicet honore summis vi-

viris, qui in eo munere fidelis eruditique ingenii operam præstitissent: in his fuere Leonardus Aretinus, Maphæus, & Joannis Aurispa. *Invektiva secunda in Vallam* ^{1 fol. 86.} *gloriatur, quod quinquaginta fere ita sit versatus in Curia, ut absque alterius offensione charus: octo Pontificibus continuo in honore & dignitate fuerit: quadraginta ferme secretarius. Vide an Poggii liber de varietate Fortunæ non historicus sit. Sanè plusculas historias inde adducit Felinus libro de regibus Siciliae, & Arragoniae. Cum penè omnem ætatem in Romana curia consumisset, anno ætatis LXXII Florentiam accitus est, ut Reip. patriæ à secretis foret. Vir omnino erat gravis consilii, & facetus: sed, ut apud Jovium inibi legas, erat adeò intemperans objurgator, ut cum in theatro Pompeji, loco & die celebri, ubi bullatorum diplomatum censura habebatur, Georgio Trapezuntio malediceret, ab eo acriter duplici colapho caderetur. Jure igitur de illo Ugolinus Verrius lib. II. Italiae illustratae:*

--- nimis ah rabidas exarsit in iras.

Ubi alioquin illum insigni elogio ornat. Nam ei dicitur fuisse

--- Nulli splendore secundus

Eloquii.

Græcè didicit ab Emanuele Chrysolora, ut Philippus Bergomas ait ad annum clō ccc xcviii. Historiam scripsit Florentinam: in qua hoc à Machiavello merito culpatur, quòd pleraque ea omiserit, quæ ad civiles discordias pertinerent. Nimis & patriæ favet: quòd respexit Actius Syncerus epigrammate istoc,

Dum patriam laudat, damnat dum Poggius hostem:

Nec malus est civis, nec bonus historicus.

Ex Possevino cognosco, & alia multa scripsisse, interque ea librum unum de situ regionis Indiae: cujus initium sit, Scribendi Indiae historiam. Præterea transtulit Xenophontis Cyri-pædiam. Ejusdem nomen præfert vetus translatio quinque librorum Diodori Siculi. Atque arbitror, hoc opus signari ab Ugolino Verino lib. II. Florentiae illustratae cum de Poggii scriptis loquens, ait,

Barbara traduxit veterum miracula regum. Sed fortasse eorum interpretes est Jo. Phreas Britannus, Balliolensis collegii socius, qui medicinam Ferrariæ, aut Patavii docuit. Nam, ut Brianus Twynus ait lib. III. de antiquitate

A Academia Oxoniensis², exstat adhuc archetypum in bibliotheca Collegii Balliolensis, ipsius (Jo. Phreæ) manuscriptum, multò antequam Poggii nomine divulgaretur. Sed argumentum infirmum. Diu enim fortasse Poggius verterat antequam divulgaret. Erasmi de Poggio judicium est istiusmodi in Ciceroniano suo: Naturæ satis erat, artis & eruditionis non ita multum; interim impuro sermonis fluxu, si Laurentio Vallæ credimus. Est adversus fœdissimos ejus mores VII. Satyra lib. v. Hecatoستيchorum Francisci Philelphi, & Sat. x. lib. vi, & lib. viii. hecatosti. v. Interim Poggii hujus laus est, quòd, ut Rap. Volaterranus testatur lib. XXI, Quinctilianum, & Asconium, invenit in concilio Constantinensi; quod celebratum anno clō ccccxy, & sequentibus duobus. Ac Quinctilianum quidem in salsamentarii taberna reperit: ut est apud Jovium in elogiis. Illud verò alibi me legisse non recordor, unà cum Asconii parte invenisse Argonauticorum Valerii Flacci librum I, II, III, & partem quarti. Quod cognoscere est è codice MSO clarissimi, & ob eximiam eruditionem, atque humanitatem mihi carissimi viri, Laurentii Pignorii. Eo in codice hæc leguntur:

C. Valerii Flacci Argonauticon. Hoc fragmentum repertum est in monasterio S. Galli prope Constantiam xx. millibus passuum, unà cum parte Q. Asconii Pedia-ni. Deus concedat alteri, ut utrumque opus reperiat perfectum. Nos, quod potuimus, egimus.

POGGIUS FLORENTINUS.

D Nec pervulgatum illud, Silium quoque Italicum eidem deberi: uti Scriverio nostro observatum ex versibus istis Ugolini Verini lib. II. de viris illustribus Urbis Florentinae:

Quin etiam follers Germanis eruit antris
In Latium altiloqui divina volumine Sili,
Integer Orator nobis, Fabiusque relat-
tus, &c.

E Quod autem de integro Oratore ait, exinde lucem capit, quòd Ciceronis libros de Finibus, & de Legibus, à se in Germania descriptos, in Italiam primus attulit: ut est apud Jovium in elogiis. Plura ibidem de Poggio vide: uti & apud Bergomatem in Chr. Suppl. ad an. clō cccc xvi. Sed quod hic facetiarum ejus librum vocat pulcherrimum, qui non inficetissimus modò, sed etiam impurissimus & planè flammis dignus est: sanè rem facit ordini suo Eremitico, quem profitebatur, indignam.

JO. BAPT. RECANATI P R Æ F A T I O.



UOTIES reputo, Poggii diligentia factum esse, ut sexdecim ferme Latinos Scriptores haberemus, qui ceteroquin pulvere situque obfiti perpetuo latuissent, vel tardius multo in lucem venissent, ea me cogitatio vehementer afficit, ac incendit, ut aliquam viro meritissimo gratiam dicendo, scribendove rependam. Æquum enim profecto est, ut quemadmodum illi Venetus civis Franciscus Barbarus suavor in primis, & auctor fuit, ut curam hanc laboremque susciperet, ita non desit ex eadem civitate qui hac

ata-

ætate literis deditissima tanti beneficii memoriam renover, totique posteritati publica grati animi testificatione commendet. Id vero cum multis rationibus fieri poterat, tum nulla certe opportunius, quam si *Florentinam* Historiam a *Poggio* scriptam aliquando invenissem, e tenebris duxissem, & in omnem sæculorum memoriam typorum opera propagassem. Res plane ex sententia successit: jamque voti damnatus inibi eram ut *Poggianam* Historiam ederem, cum Italicam *Jacobi* filii versionem obtrudere mihi quidam cæperunt, & a proposito detertere. Hæsi equidem tantisper animi dubius, nequid supervacaneum afferrem, actumque agerem; sed ea me denique cogitatio confirmavit, quod & paucissimæ sint de *Florentinis* rebus *Latinae* Historiæ, nec ea ipsa, quam *Jacobus* Italicam edidit, hujus nostræ fidem, & gravitatem assequatur. Non mihi sane propositum est, *Jacobi* laudem imminuere, cui præsertim librorum Epitomas debeo, veruntamen ea est hujusmodi lucubrationum natura, ut quantumvis diligentissime elaboratæ, multo tamen infra *Latina* exempla semper consistant. De notis porro nostris quid dicam? Me scilicet illas ad rerum fidem & confirmationem, non ad ingenii ostentationem apposuisse. Itaque non modo ceteris scriptoribus, sed ne *Poggio* quidem ipsi pererci, ubi constans aliorum consensus cum ratione conjunctus ita postulare visus est. Illud expetendum denique erat, quod hujus ætatis editiones plurimum ornare solet magna codicum copia, unde non parva orthographiæ, aliqua etiam fortasse sensui lux accessisset: sed non omnia uni contingunt uno tempore. Interim vero si curæ hujus, ac laboris mei ratio constabit, nova insuper diligentia publicæ utilitati consulam, & multa præterea hujus hominis *Πολυγραφεύματα* in medium proferam, quæ non sine aliquo literarum detrimento in privatis bibliothecis recondita, atque adeo sepulta marcescunt. Vale.

INDEX CAPITULUM IN POGGII VITAM.

<p>CAP. I. <i>Poggii origo, patria, ac parentes.</i> pag. 8</p> <p>II. <i>Varia de ejus nomine sententiæ.</i> 9</p> <p>III. <i>An fratres habuerit.</i> ibid.</p> <p>IV. <i>Ejus studia, & adolescentia.</i> ibid.</p> <p>V. <i>Ejus Romam profectio.</i> 10</p> <p>VI. <i>Ejus iter Constantiam, & antiqui scriptores ibi reperti.</i> ibid.</p> <p>VII. <i>Varia ejus itinera.</i> 12</p> <p>VIII. <i>De ejus matrimonio.</i> ibid.</p>	<p>CAP. IX. <i>Romam redit, & pluribus Pontificibus operam navat.</i> 12</p> <p>X. <i>Florentiam repetit, ubi & Cancellarius fit, & inter Priores artium cooptatur.</i> 13</p> <p>XI. <i>Poggii opera.</i> ibid.</p> <p>XII. <i>Illustrium virorum de Poggio judicia.</i> 15</p> <p>XIII. <i>De ejus Museo, & Academia.</i> 17</p> <p>XIV. <i>Poggii mors, & honores mortuo decreti.</i> ibid.</p> <p>XV. <i>De Poggii filiis.</i> 18</p>
--	--

POGGII VITA.

CAPUT. I.

Poggii origo, patria, ac parentes.



EX Terranova Florentinæ ditionis oppido prope *Aretium* originem duxit *Poggius*, vir eo ingenio, & doctrina, ut quamvis obscuro loco natus, præclarissimas tamen dignitates consecutus sit, summamque sibi, & patriæ suæ nobilitatem pepererit. *Poggius* ab avi nomine dictus est, patremque habuit *Guccium*, quem fortasse ab imminuto, vitiatoque *Arriguccii* nomine ita appellarunt. Familiam hanc ab avo primum *Terranovam* deductam fuisse ex epistola¹ quadam

B compertum habeo, quæ *Benedicto* de *Bondelmontibus* ab Antiquario nescio quo scribitur; constatque ex *Lanceolina* juxta *Terranovam* majores ejus propagatos, ibique notarii munere functos. Porro Epistolæ auctor ex eo sententiam suam confirmat, quod gentilitia *Poggii* insignia, hoc est lilia, & brachium dimidia parte rubrum, dimidia album parvam lanceam tenens loco natali adhuc conspiciantur. *Terranovanum Poggium* jam omnes fatemur, ex eo præcipue, quod ipsemet hoc asserat.² Quo primum anno *Nicolaus Pontifex V. pestis causa Fabrianum Piceni oppidum secessit, cum me Terranovam natalem Patriam cum familia contulisset, &c.*³ *Blondus* quoque *Flavius* ubi ad *Etruriæ* urbes, & pagos sermonem convertit, ait. Et *Terranovam Poggii viri* elo-

1. Ex Biblio. h. Stroz. Cod. D X. 992. a 116.

2. Hist. 1. Hist. Tripartitæ Edit. Basil.

3. Blond. Flav. Ital. Illust. ubi de Etr.

4. MS.



POGGIUS BRACCIOLINUS,

Historicus Florentinus.



eloquentissimi, & aliquot editis operibus clari patriam Guido Petramalenfis, Aretinus Episcopus, muro, quem nunc habet, cinxit.

CAPUT II.

Variae de ejus nomine sententiae.

Non una est de ejus nomine sententia. Jacobum appellat Thomas Dempsterus Scotus lib. VIII. de Etruria Regali quae Cosmo II. Magno Etruriae Duci dicata est, Ubi illustres viros recensens haec habet. Jacobus Bracciolinus, cognomento Poggius mendacii, ac parum probatae fidei a Jacobo Sannazario tractatus. Additque Sannazarii distichon, quod in Poggium historicum scriptum fuisse omnibus notum est. Neque vero Dempstero satis fuit, Poggio patri nomen filii tribuisse, sed aetatem quoque tribuit, dum ann. MCDLXXVIII. defunctum asserit. Alii Johannem Baptistam, alii Joannem Franciscum, quae itidem filiorum ejus fuere nomina, nuncuparunt. Carolum quoque Abbas Michael Justinianus appellat, Caroli Aretini Poggii amicissimi nomine, eo in errorem inductus, quod Platinam doctorum virorum nomina qui a secretis Eugenii IV. fuerunt, referentem non bene perpenderit, ubi inquit, Leonardum Aretinum, Carolum, Poggium, Aurisperm, Trapezuntium, Blondum viros doctissimos secretis suis admisit. Itaque Carolum Poggii nomen fuisse putavit, unumque e duobus fecit, cum legenti pateat, Carolum a Platina relatum non alium esse quam Aretinum. Sed Poggii nomen huic viro fuisse & coevi scriptores, & ipsa ejus opera tum edita, tum a vendolis testantur. Leonardus Aretinus Corvino scribens; Illud inquit me quoque plurimum movet, quod ab egregio adolescente Poggio Terranovano familiarissimo & amantissimo meo dudum percepi, quanto honore ipsum, cum ad vos accessisset, vel solo meo nomine fueris prosecutus. Ipse de se Poggius: Rogo te, sapientissime Pater, ut memineris Poggii tui, qui tot annis, tanto tempore, tanta familiaritate fuit tuae virtuti deditissimus. Ad haec addes, eodem a patre suo nomine appellatum ea in Epistola, quae Poggio Adolescenti inscribitur. Quod ad gentilitium nomen spectat, e Bracciolina gente fuisse haud potest dubitari. Sed nominis utriusque certissimam fidem facit Florentinus Priorista, ubi cum de Poggio fit mentio, haec habet. D. Poggius Guccii Poggii Bracciolini. Sed fortasse qua ex gente fuerit, etiam ex Brachiolo quod est in gentilitiis ejus insignibus conicere licet. Poggium autem procul dubio a Podio dictum fuisse crediderim, quo nomine inter Florentinos Episcopos colitur S. Podius.

CAPUT III.

An fratres habuerit.

Poggio fratres nemo tribuit, licet in dedicatione operis ad Petrum Columnam Cardinalem haec ipse de se scribat. Non enim potui non angere animo, non dolore aliquando, cum viderem me natu majorem ita adhuc tenui esse censu, ut cogerer questui potius operam, quam ingenio dare. Nec se na-

Atu majorem forori comparatum appellat, sed fratri, conquerens enim cum amicissimo Nicolao Nicoli, Ego premor, inquit, undique angustiis, & jam a domo mater postulat argentum, suffectus est alter in locum demortui patris, frater scilicet, qui nil agendo, & sudore meo velit vivere. Et inferius, videbar requiem habiturus a patria, ecce nunc exsurrexit frater, qui me affligit. De hujus vero nomine, nulla nec in editis, nec quae mihi aliisque meis videre contigerit, in manuscriptis operibus mentio incidit. De ejus forore peculiariter Leonardus Aretinus, ubi Poggio scribens, Deflexi, inquit, in patriam tuam, ibique parentes tuos vidi, utrosque sane incolumes; de sorore autem tua nuper nupta, itemque de ceteris prospera mihi retulerunt. Nupta autem fuit Chello Dini, vulgo della Trojana, a quo Comites del Maestro, quorum gens temporibus quoque nostris tum bello tum literis clara avitam gloriam tuetur & auget. Nam tum Comes Laurentius Ferdinandi II. Imperatoris equitum supremus ductor anno MDCXLIII. tum Franciscus pro Veneta Republica in Forojulienfi bello ann. MDCXVIII. claruere; Ferdinandus vero Florentinae Academiae Consul fieri meruit anno MDCLV. dignus quidem, ut a Clarissimo viro Abbate Salvinio in Consularibus ejusdem Academiae Fastis, quos jamdiu literati viri desiderant, recenseatur.

CAPUT IV.

Ejus Studia, & Adolescentia.

Florentiam decimo octavo aetatis anno, hoc est anno MCCCXCVIII. se contulit, ut literis operam daret, quarum prima, ut ita dicam, rudimenta a Joanne Ravennate hausit, Qui licet nil quod sciamus (ut ipsa Blondi Flavii verba usurpem) a se scriptum reliquit, attamen suapte ingenio, & quodam Dei munere, sicut fuit solitus dicere Leonardus, eum, Petrum, Paulumque Vergesium, Omnebonum Scolam Patavinum, Robertum Rossium, & Jacobum Angeli filium Florentinos, Poggiumque, Guarinum Veronensem, Victorinum Feltrensem, ac alios qui minus profecerunt auditores suos, si non satis, quod plene nesciebat, docere potuit, in bonum, ut dicebat literarum amorem, Ciceronisque imitationem inflammabat. Obiter hic animadvertit, nonnulla Joannis Ravennatis opera extare Patavii, eaque a Philippo Thomasio referri in Biblioth. Patavin. MSS. Non diu eo praeceptore Florentiae usus Graecae literaturae se tradidit sub Emmanuele Chrysolora, Qui, ut ait Jovius, Graecarum literarum studium excitavit (intellige in Italia) tanta felicitate, ut ex ejus schola summa, nec ideo interitura laudis ingenia prodierint, in quibus fuere Leonardus Aretinus, Franciscus Barbarus, Philelphus, & Poggius. Hebraicis quoque literis studuit, ut ipse significat. Dicebam multa de literis Hebraicis, quibus operam dabam. Hinc Huetii, multorumque praeterea arguitur opinio, qui Hebraicas literas neque eo saeculo, neque posteriori autumant in Italia floruisse.

CA.

4. MS. apud Clar. vir. Abb. Salvinum Salvinium.

5. Jovius, Freherus, & Aicher.

6. Abb. Michael Just. Januensis lib. de Nobilit. Abellini, 1637.

7. Ep. ad Corvinum Edit. Brix.

8. Orat. Nicolao V. dicata.

9. Ep. MS. Guccii Bracciolini apud me in Cod. 138.

F 10. Vid. Diarium Literatorum Ven. To. IX.

11. Praef. Hist. Tripart.

12. Lib. III. Ep. Edit. Brix.

13. Blond. Flav. Ital. Illustr. ubi de Romandiola.

14. Jovius in Elogio Emman. Chrysol.

15. Epist. ad Nicolaum, ubi de Balneis 2. lib. 1.

CAPUT V.

Ejus Romam profectio.

His instructus studiis, quibus inter ceteros ejus ætatis viros eminebat, ¹⁶ Romam profectus est. Accidit interea, ait ipse, ut ego ad Romanam Curiam proficiscerer, Bonifacio IX. Pontifice, fieremque paulo post quam accesseram, literarum Apostolicarum scriptor; quod officium, & utile est, & honestati, dignitatique conjunctum. Eo prorsus tempore, quo exscribendis epistolis vacabat Poggius, Leonardus Aretinus Pontificis a secretis erat, ut innuit publicum documentum, ¹⁷ quo ambo procuratores cujusdam actus effecti sunt; nempe D. Leonardus de Aretio Secretarius Domini Papæ, & Magister Poggius Guccii de Terranova Scriptor Apostolicus. Non tamen exscribendis epistolis semper vacavit, sed ad eandem, ad quam Aretinus, dignitatem pervenisse ex ejus Historia habetur. ¹⁸ Ego autem qui Romæ ad Secreta Johannis XXIII. eram, verum testimonium ferre possum. Itaque decem ferme annos literas exscripsit, & quadraginta fuit a secretis; quod idem innuit referens se quinquaginta annis ita versatum in Curia, ut sine alterius offensione carus octo Pontificibus continuo in honore, & dignitate fuerit, quadraginta annis ferme secretarius; quo tempore Guccius ejus pater Florentiæ occubuit.

CAPUT VI.

Ejus iter Constantiam, & antiqui scriptores ibi reperti.

Romæ inserviens Curia ad Constantiense Concilium ¹⁹ una cum Bartholomæo de Monte Politiano missus fuit anno M. DXIV. ut colligitur ex Epistola ²⁰ Leonardi Aretini eidem scripta quarto nonas Januarias MCDXV. qua alteri respondet a Poggio superiori anno scriptæ, dum Constantiæ degebat, aliisque insuper ab eodem Poggio scriptis, quarum in una Hieronymi Pragensis Hæretici supplicium accuratissime refert; sed nimio fortasse affectu, quam deceat, ut cum Leonardo loquar, Catholicum virum. Miror equidem, quod Constantiensis Concilii historiæ recens ²¹ auctor, qui ab instituto digredi videtur, ut eruditionem in Poggii vita narranda ostendet, ignoret, neque se ignorare diffiteatur, quoniam titulo Poggius Constantiam se contulerit, cum aliquin luce magis clarum sit, ad libros exquirendos missum fuisse. ²² Quia te, & Bartholomæum ad hoc munus obeundum summi, & honestissimi Romane Ecclesiæ Principes, delectos publice dimiserunt. At quoniam Barbari epistola edita non est*, parcamus homini: non tamen parcat, qui reputabit id satis ex Blondo Flavio intelligi posse ²³. Interea Emanuel Chrysolora Constantinopolitanus vir doctus, & omni virtute excellentissimus cum se in Italiam contulisset, partim Venetiis, partim Florentiæ, partim in Curia, quam secutus est, Romana prædictos pene omnes Johannis Ravennatis auditores literas docuit Græcis, effecitque ejus doctrina, paucis tamen continuata annis, ut qui Græcas nescirent literas, latinis viderentur indoctiores, & cum magnus bene di-

A scendi ardor multos in Italia apprehendisset, Conciliumque apud Constantiam Germaniæ ab universo populo Christiano haberetur, querere ibi, & investigare ceperunt ex nostratibus multi, si quos Germaniæ loca Constantiæ proxima ex deperditis Romanorum, & Italiæ olim libris in Monasteriorum latebris occultarent. Quintilianusque integer repertus a Poggio primum transcriptus in Italiam venit. Quin etiam ipse Poggius ubi Nicolaum Nicolum colloquentem inducit, hæc illi verba accomodat de se loquenti, causamque Constantiensis itineris enarranti. ²⁴ Suscepit hic me intuens olim diligentiam, & laborem peragrandæ Alamanæ librorum perquirendorum gratia, qui in ergastulis apud illos inclusi detinentur. Tres tantum auctores repertos a Poggio enumerat ²⁵ Jacobus Lensant, nempe Quintilianum†, Asconium Pedianum, & Verrium Flaccum, immo potius Valerium Flaccum, nec alios refert, cum amplius sexdecim fuerint, quod clarum fiet infra. Hinc miseram Italorum conditionem doleamus necesse est, quorum laudes magna scriptorum incuria, ne dicam malitia, aliquando silentur, aliquando minuuntur: immo ipsi Italorum nostrorum vultus ad Transalpina lineamenta sæpe traducuntur, vel pictoris arbitrio temere formandi permittuntur, ut in Poggii effigie ab eodem Jacobo ²⁶ Lensant exposita conspiciere est, quæ tantum ab ea distat, quam nos ex Magni Etruriæ Ducis Museo hic apponendam accepimus, quantum æra lupinis.

Constantiæ degens Poggius plures reperit auctores ex obicura erutos vetustate, eorumque indice ad Franciscum Barbarum missos, adeo affectus est vir literarum amantissimus, ut gratulatoriam epistolam, atque adeo panegyricum ad eum scripserit. ²⁷ Tu Tertullianum, tu Marcum Fabium Quintilianum, tu Quintum Asconium Pedianum, tu Lucretium, Silium Italicum, Marcellinum, Nonium Marcellum, tu Manilium Astronomum, L. Septimium, Valerium Flaccum, tu Caprum, Eutychium, Probum Grammaticum, tu complures alios, Bartholomæo collega tuo adjutore, vel fatis functos, vel longo (ut ajunt) postliminio in Latium deduxisti. Collegam adjutoremque Poggii Bartholomæum de Monte Politiano fuisse antea dixi, neque temere, ejusdem præsertim Barbari auctoritate fultus, qui dum inventa opera inventorum nomine denominanda refert, hæc habet. Et quemadmodum mala ab Appio e Claudia gente Appiana, & pyra a Manlio Manliana cognominata sunt, sic hæc literarum semina, quæ vestra ope, & opera e Germania in Italiam deferetis, aliquando & Poggiana, & Montepolitiana vocabuntur. Majorem vero gloriæ partem in libris conquirendis Poggio deferendam Barbarus ipse merito existimavit, tantaque spe proposita ad alios inveniendos Bartholomæo ægotante hortatur. Nam hi labores quietem, & hæc impensa gloriam, ac fortunæ tuæ fructum quam amplissimum reddent, quod eo diligentius tibi faciendum est, quo invalitudo Bartholomæi nostri hoc tibi munus magis necessarium effecit. Nonnullos alios innuit Barbarus a Poggio repertos, quos esse crediderim ²⁸ Ciceronis libros de Finibus, & de Legibus, & ejusdem Orationes pro Cæcinnâ, de Lege Agraria, contra Rul-

16. Orat. Funeb. Leon. Aret. in Miscell. Ballut.

17. Rogitum Notariale Bartoli Donati Janini Arch. Gen. ann. 1408.

18. Lib. 2. Hist. Flor.

19. Oecumenicum XVI.

20. Epistolarum libro Edit. Brix.

21. Jacques Lensant. To. I. lib. IV.

22. Ep. Francisci Barbari MS. apud Clar. vir. Jacobum Facciolum, scripta prid. non. Jul. 1417.

F * Sed jam est edita & à nobis operi in fine addita.

23. Blond. Flav. ubi de Romandiola. p. 340. edit. Basil.

24. Disceptatio de Infelicit. Principum.

25. Hist. Concil. Const. T. I. lib. IV.

† Hoc etiam videre licet ex Epist. Poggii ad Guarinum, huic Editioni a nobis affixa.

26. Ibid.

27. In præcitata Barbari Ep.

28. MS. ex Biblioth. Abbat. Flor. ut Montfaucon Diar. Ital. p. 374.

29. Orat.

lum, ad populum contra Legem Agrariam, in Lucium Pisonem, pro C. Rabirio perduellionis reo, & pro Rescio Comedo. His addes partem Columellæ, ²⁹ multosque præterea, quos e Germanorum, Gallorumque ergastulis (nempe e Monasterio S. Galli) mea (ut ipse ait) diligentia eripui, atque in lucem extuli Nicolai suasu, impulsu, exhortatione, & pene verborum molestia, esse latinis literis restitutos. Animadvertendum vero, Quintiliani opera tunc primum a Poggio non adinventum, cum jam ex iis aliqua in eruditorum manibus versarentur; sed Quintiliani codicem ceterorum uberrimum, tametsi quibusdam in locis deficientem, ut ad Poggium ipsum scribit Leonardus Aretinus ³⁰. Quintilianus tuus laboriosissime emendatur, permulta sunt enim in nostro vetusto codice, quæ addenda tuo videantur. Sic non totum Lucretium, sed partem, neque integrum Valerium Flaccum, sed tres tantum priores libros luce donavit. Auctoribus a Poggio repertis addendus etiam Frontinus de Aquæductibus, cujus libellos ipse eruit e latebris Montis Cassini, ut narrat ³¹ in descriptione ruinarum urbis Romæ; quo in Monasterio ad hæc usque tempora, si Mabillonio ³² viro diligentissimo credimus, idem ille codex est, quem Poggius invenit, & unde cetera exempla ducta sunt. Quoniam vero de auctoribus a Poggio repertis sermo est, non abs re erit addere, quibus e tenebris, sordibusque eruti publicis manibus auctores hi fuerint restituti, ut hujus diligentiae æmulandæ studium nostris etiam temporibus excitetur. Quintilianum in falsamentarii officina repertum narrat Jovius, & ex eo ³³ Vossius; licet una cum Silio Italico in Germania adinventum referat ³⁴ Ugolinus Verrinus.

Quin etiam solers Germanis eruit antris
In Latium altiloqui divina volumina Sili.
Integer, illius nobis virtute, relatus
In lucem est Fabius, nostro qui tempore longum
Exul, & ignotus peregrinis torpuit oris.

Silium Italicum in quadam turri simul cum aliis latitasse codicibus refert ³⁵ Colomesius. Tres primos Valerii Flacci libros, partemque quarti in monasterio S. Galli procul a Constantia viginti passuum millibus, fuisse refert ³⁶ Laurentius Pignorius. Ibidem Marcus Manilius Poeta inventus est, quem primo a Poggio editum asserit ³⁷ Albertus Fabricius anno MCDLXXIV. Pace vero ejus dictum velim; hac in re aliquantulum vir omni alioquin exceptione major defecit, meque ad eum commonendum ipsemet excitavit, ³⁸ cum Christiano Junkero, & Joanni Gottlieb Krausio gratias retulit, quod ipsum de nonnullis etiam publice monere (ut ejus verba apponam) sunt dignati. Nec mirum quod in tantam optimarum rerum copiam error quispiam irrepserit. Primam Manilii editionem ad eundem annum refert etiam ³⁹ Cornelius Braughem, nulla Poggii mentione facta. Sed nec eo anno inventum, nec editum fuisse, ex eo patet, quod anno MCDLIX. XXX. mensis Octobris e vita decessit, ut Joannes Gobellinus coævus testis, qui idem est ac Pius II. nec non ⁴⁰ Ni-

A colaus Rodolphus tradiderunt. Accedit certissimum testimonium publicarum tabularum Florentinæ civitatis, in quas Poggii mors eo anno, ac die relata est, quod in ⁴¹ Archivo Florentino Reformationum libro Novembris, & Decembris anni MCDLIX. animadvertit Clarissimus, mihiq; amicissimus vir Abbas Joannes Baptista Casottus, sacrae prophanæque Historiæ Florentino in Lyceo professor, cui quam plurima ad Poggium spectantia me debere omnibus compertum velim. Jam vero quid dicam de laboribus ab eo susceptis pro tanto hoc reipublicæ literariæ negotio? Siquidem teste ⁴² Francisco Barbaro, Non vis hyemis, non nives, non longitudo itineris, non asperitas viarum, ut monumenta litterarum e tenebris in lucem erueret, retardavit. Hinc orta magnanima illa tum Poggii, tum etiam multorum ejus æqualium indignatio adversus eos, qui veterum sapientum libros occultantes publica bona interciperent, & in privatos usus converterent. ⁴³ Hujusmodi homines teneri crimine expilatae hereditatis ajebat Nicolaus Nicolus. Uberrimam tamen laborum suorum mercedem consecutus est Poggius tum præclari facti conscientia, tum gratulationibus, quas pro ea literarum caritate, quæ doctos viros mutua necessitudine conjungit, ab illis accepit. Audi jam ⁴⁴ Leonardum Aretinum hæc referentem. At Quintilianus rhetoriæ pater, & oratoriæ magister ejusmodi est: cum tu illum diuturno, ac ferreo barbarorum carcere liberatum huc miseris, omnes Etruriæ populi gratulatum concurrere debebant. O lucrum magnum, o gaudium insperatum! Quid de repetitis ab eodem Aretino gratulationibus dicam? quid de laudibus? quid de pecunia suppeditata? Ait enim: ⁴⁵ Utque Camillus secundus a Romulo conditor dictus est, quoniam ille statuit urbem, hic amissam restituit; sic tu omnium, quæ jam amissa, tua virtute, ac diligentia nobis restituta fuerint, secundus auctor merito nuncupabere. Et infra: Neque ab hoc opere discedas, sed erigas te, atque insistas; nam rei pecuniariæ tenuitas ne tibi impedimento sit, nostra jam providentia erit. Felicia profecto tempora illa, quibus literatis viris non studia tantum, sed opes ipsæ communes, in eo præcipue, cum de reipublicæ literariæ incremento ageretur. Audi ⁴⁶ Barbarum nihil Aretino liberalitate cedentem. Quid si fortunarum tuarum ratio impedimento sit, hujus impensæ partem in me, & alios qui veteris sanctimonie vestigia colimus, arbitrato tuo conferes. Tibi enim non modo veluti censori parendum statui, sed extra ordinem munus hoc sine provocatione decrevi. Inter omnes vero auctores, qui Poggii opera famæ, gloriæque, & vitæ, ut ita dicam, sunt restituti, Ammianum Marcellinum in primis nobis redditum gaudendum cum ipso Poggio est ⁴⁷. Jure quidem merito, inquit, Ammianum Marcellinum ego latinis literis restitui, cum illum eruissem ex bibliothecis, ne dicam ergastulis Germanorum. Cardinalis de Columna habet eum codicem quem portavi literis antiquis, sed ita mendum, ut nil corruptius esse possit. Nicolaus Nicolus illum manu sua transcripsit in cartis papyri. Is est

in

29. Orat. Funebr. Nicol. Nicoli Edit. Basil.

30. Epist. lib. 4.

31. Descrip. Ruin. urbis Romæ p. 336. edit. Basil.

32. Mabill. T. I. Musei Ital. p. 133.

33. Voss. de Hist. Lat. p. 550.

34. Ugol. Verr. de Viris Illust. Florent. lib. 2.

35. Colom. ad Gyrard. Dial. 9.

36. Laur. Pign. apud Voss. p. 550. ubi de Viris Illust.

37. Biblioth. lat. Hamburgi, 1712.

38. Præf. Supplementi ad Biblioth. lat.

39. Incunab. Typograph. p. 90.

40. Memor. Hist. Nic. Rodulphi ab urbis initio usque ad ann. 1600.

41. Archiv. Reformat. civ. Flor. MS. Cod. 1211. p. 219.

Vide etiam Dominicum Boninsign. Hist. Flor. ab anno 1410. usque ad 1460. p. 126.

42. Francisci Barbari Patr. Ven. Epist. pro inventis Codd. collaudatio, & ad rimandos ceteros exhortatio. Vide hanc in fine nostræ Editioni adjectam.

43. Orat. Fun. Nic. Nic. edit. Basil.

44. Ep. ad Poggium lib. 4. ann. 1416. edit. Brix.

45. Ibid.

46. Franc. Barb. Epist. sup. cit. 1417. pridie non. Jul. Hanc epistolam in fine operis adjeci ultimæ Editioni.

47. Epist. ad Franciscum Accoltum Aretinum J. C.

in bibliotheca Cosmi Medicei. Potes agere cum Carolo Aretino, ut vel transcribi faciat tuo nomine, vel codicem mittat; nam nisi a docto scribatur, non historia, sed somnium videretur. Nulla profecto in Marcellini editionibus, neque in Parisiensi a Friderico Lindembrogio, & Valesiis, neque in altera Lugduni Batavorum a Gronovio recognita, ut alias omittam, Poggio laus ob Ammianum restitutum defertur; licet & Gronovius, & Valesii Florentini codicis auxilio usi sint: quem profecto codicem eum esse crediderim, qui a Nicolao Nicolo descriptus, ac (ut supra dixit Poggius) in Cosmi Medicei bibliotheca positus ad hodiernum diem in amplissimo Magni Etruriæ Ducis museo servatur.

CAPUT VII.

Varia ejus itinera.

A Constantiensi reversus Concilio anno MCDXVIII. cujus ⁴⁸ ultima sessio die vigesima secunda Aprilis habita est, in Angliam se contulit, ⁴⁹ cum primum Pontifex (nempe Martinus V.) Mantuam venisset. De hoc porro in Britanniam itinere dubitare non possumus, nisi de ipsius testimonio dubitemus. ⁵⁰ Vidi ego, cum ex Britannia redirem, Maranum oppidum &c. subita vi fluminis deletum. Et infra: Cum essem in Britannia, miserabilem antea casum fuisse cognovi. Anglicanum iter una fortasse cum Cardinali Vintonensi ab eo susceptum suspicari licet, vel saltem ibidem cum eo degisse; sæpius enim in ⁵¹ epistolis in Anglia scriptis ait, Dominus meus Cardinalis &c. Requirendis codicibus ea quoque in regione operam dedit, monasteria præsertim invisens, quam plurimum Londini moratus. Res tamen ex votis, ut Constantiæ, non cessit. Nondum enim Italiæ nostræ opimis, ut nunc temporis, spoliis ditata erat urbs illa amplissima, nec ea librorum, ut ita dicam, erat intemperantia, & bibliothecarum lasciviens cura, quæ nunc plurimos manuscriptis codicibus, ac antiquarum editionum libris perquirendis ad Italiam peragrandam, immo pro viribus depopulandam excitat.

Legatum in Hungariam a Pontifice missum nonnulli scribunt; diu etiam Ferrariæ, & Bononiæ fuisse; sed ad Curiam denique rediisse, eo forte anno, quo (ut ipse ait) ⁵² cepi cum doctis viris, Carolo Aretino, & Cosmo de Medicis paulum de temporum conditione communique calamitate, tum vero etiam mea, qui paulo antea e prædonum manibus evasissem, queri, ceterorum vitam nostræ præferens, qui Scytharum more semper instabiles vagaremur; mutare enim regiones cogimur, nec datur in eodem loco diutius residere.

CAPUT VIII.

De ejus matrimonio.

Tot fatigatus periculis, transactæ pertæsus vitæ, certum statum deligere decrevit. Tres jam filios, cum clericus adhuc esset, ex foemina quadam suscepit, de quibus ad Julianum Cardinalem S. Angeli ita scribit ⁵³. *Asseris me habere filios, quod clerico non licet; sine uxore, quod laicum non decet. Possum respondere habere filios me, quod laicis expedit, & sine uxore, qui est mos*

A clericorum ab orbis exordio observatus; sed nolo errata mea ulla excusatione tueri. Horum nomina decerpimus ex ⁵⁴ Archivo, ubi Poggii manu exstant exarata, ac stemmati apponenda curavimus. Ætate jam ingravescente, hoc est annos natus quinquagintaquatuor, ut est in ejus epist. ad Franciscum Aretinum, uxorem duxit Vaggiam, seu Selvaggiam Ghini Manentis de Bondelmontibus, ea ex gente, quæ tum divitiis, tum honorum gloria illustris ad hodiernam quoque diem inter principes ejus urbis recensetur. Incidit hoc in annum MCDXXXV. ut colligitur ex ipsius Manentis Diario Cod. 1237. p. 97. Stroz. ubi ait, se **B** Poggio Vaggiam dedisse nuptum, & florenos sexcentos dotis nomine. De sua uxore loquens mirum in modum lætus ait, ⁵⁵ se ætate jam declivi elegisse adolescentulam non solum forma egregiam, sed etiam virtutibus, quæ in mulieribus laudantur, præstantem. Plurimis in locis ⁵⁶ non sine faciliis, & jocis matrimonium suum memorat, sed obiter. Soli Juliano S. Angeli Cardinali integras de hac re literas dedit, in quibus se illi obtemperasse ait, qui ad certum vitæ statum deligendum erat hortatus, seu sacerdotii, seu matrimonii; cumque natura sua ad sacerdotium minime factus videretur, iis præsertim difficultatibus deterritus, quæ recte illud obeuntibus occurrunt, ad conjugium animum applicuisse. Itaque (ejus verba referam) cum ad secularem vitam **C** animum induxissem, in ducenda uxore id consilium præcipue secutus sum, quod maxime a doctis, & sapientibus viris laudari solet: non enim divitias, quæ plurimos obcæcant, in deligenda uxore perquisivi, non statum civitatis, ad quem multi anhelant, non potentiorum sustentacula, quibus permulti inhaerent, appetivi; sed honestatem, probitatem, virtutem, quam maximam omnium dotem, quæ a parentibus tradi queat, sapientissimi tradiderunt. Cum ergo **D** nota, & perspecta mihi esset adolescentis cujusdam ex nobili familia, quæ nondum decimumoctavum annum excefferat, egregia indoles, pudicitia, atque eæ virtutes, quæ in optima, & probatissima juvene requirantur, mores autem spectatissimi probarentur ab omnibus, ratus hanc esse dotem omnium pulcherrimam, quamvis formosior esset, quam ætas mea postulare; tamen cum scirem ita educatam, atque institutam esse a teneris annis, ut formam honestas, speciem pudor, pulchritudinem virtutes plurimæ antecellerent, duxi eam uxorem, & quidem ex animi mei sententia, in qua ita consolor, atque ita acquiesco in diem magis, ut Deo gratias agam continue, qui cum semper antea mihi plus tribuit, **E** quam delicta mea paterentur, tum vero in hac uxore ita consuluit quieti meæ, ita egregie satisfacit, ut nihil penitus sit quod in ea amplius requiram.

CAPUT IX.

Romam redit, & pluribus Pontificibus operam navat.

Inde Romam cum uxore se contulit, ibique filios omnes, excepta Lucretia, suscepit. Amicum suum Carolum Aretinum Florentiæ degentem de filio Romæ sibi nato certiore reddit, sibi quodammodo plaudit, dum ait: Septuagesimum ætatis annum, mi Carole, ingressus Calendis Maji filium suscepi, ceteris quos mihi lar-

48. Philipp. Labb. To. 12. Concil. ad ann. Christi MCDXVIII. p. 294. edit. Paris.

49. Epist. ad Archiep. Cæsaraugustanum edit. Basil.

50. Lib. I. de Miseria conditionis humanæ.

51. Epist. ad Benedictum Buondelmont. Cod. D. X 992.

p. 116. Biblioth. Stroz.

52. Lib. de Infelicitate Principum.

53. Epist. MS. apud me.

54. Archiv. Decimarum Flor. sub ann. 1430.

55. Epist. ad Bildeft. Archid. edit. Basil.

56. In Poggii Epistolis ævendolis; quæ plures apud me amicorum meorum gratia sunt, præcipue vero Clar. Viri Jacobi Facciolati, qui Poggii Vitam scribere molientem & epistolis, & aliis notiis ad summum devinxit.

gitus est Deus, pulchriorem, ac majorem. Quem non alium, quam Philippum, ex temporis nota epistolæ inserta fuisse judico. Filiorum haud mediocri numero auctus, defunctoque Laurentio Mediceo, qui ⁵⁷ suam (ut sæpe fatetur) egestatem pecunia sublevabat, a Nicolao V. Pontifice opem his verbis petiit ⁵⁸. *Sum jam veteranus in curia miles, ut qui eam annos quadraginta fuerim secutus, & certe cum minori emolumento, quam deceat eum, qui non omnino fuit alienus a virtute, & studiis humanitatis. Jam emeritis stipendiis, in Coloniam priscorum more sum ad quietem corporis, ad laborem animi destinandus. Et revera non ætate tantum, sed laboribus etiam fatigatum fuisse credendum est, cum a secretis fuerit non solum Innocentii VII. sed Gregorii XII. Alexandri V. Joannis XXIII. Martini III. seu V. Eugenii IV. Nicolai V. & Calisti III.*

Magnum, & singulare præconium, ⁵⁹ ait Gobellinus de Ænea Sylvio loquens, nec scio an alteri unquam contigerit, eo gratia Dei unum efferrī hominem, ut apud duos Romanos Pontifices, unum Imperatorem, & unum Antipapam secretariatu potiri possit. Quod si hæc de Sylvio Gobellinus, quid mihi de Poggio dicendum est, qui Quinquaginta annis (ut de se prædicat) ita versatus in Curia est, ut absque ullius offensione carus octo Pontificibus continuo in honore, ac dignitate fuerit? Hoc titulo, quo tot annis usus fuit, reliquo etiam ætatis tempore licet Reipublicæ Florentinæ Cancellarius censerī voluit. Legitur enim in ⁶⁰ actis, quibus emancipat Petrum Paulum filium suum die decima Decembris MCDLV. Egregius & eloquentissimus vir D. Poggius olim Guccii de Terranova, Secretarius Apostolicus, & Cancellarius Florentinus constitutus &c. emancipat Petrum Paulum ejus filium legitimum & naturalem majorem annorum decem & septem, sed minorem decem & octo ⁶¹. Sic paulo infra: In domo egregii viri D. Poggii Secretarii Apostolici, & Cancellarii Dominorum Priorum. Præ ceteris tamen, quibus inserviit, Pontificibus, Nicolaum V. commendat, qui sua beneficentia fecit ut temporum injurias ferre posset; sed cum multis rebus pro tanta filiorum copia indigeret, nec certum aliquem censum haberet, sibi aliunde consulendum esse duxit.

CAPUT X.

Florentiam repetit, ubi & Cancellarius fit, & inter Priores Artium cooptatur.

Romanam Curiam non sine magna animi molestia reliquit, ut colligitur ex ejus ⁶² epistola ad Franc. Marescalcum Ferr. Reliquit tamen anno ⁶³ MCDLIII. ætatis suæ LXXII. mense Junio. Id satis confirmatur tum ex ejus epistola Nicolao V. hac de re scripta die XXI. Junii, tum ex libro tertio *Scrutinii* artis sericæ, portæ S. Mariæ, ubi hæc habentur. *D. Poggius ol. Guccii Poggii de Bracciolinis de Terranova civis Florentinus, Doctor egregius, ac Doctor famosissimus, & ad præsens (nempe anno MCDLIII.) benemerito Cancellarius Florentinus. Eo porro in munere Carolo Aretino successus est Poggius, quod & Prioristæ, & Pii II. testimonio confirmatur. Ita enim inquit doctissimus Pontifex: Nos tres in ea urbe (hoc est Florentiæ) cognovimus literis Græ-*

cis, & Latinis, & conditorum operum fama illustres, qui Cancellariam alius post alium tenere, Leonardum, & Carolum Aretinos, & Poggium ejusdem Reipublicæ civem. Satis hinc patet Poggium Florentina civitate donatum: id vero contigit anno MCDXIV. ut ipse testatur ⁶⁴. Leonardus (nempe Aretinus) civitate, & certa quantitate, quæ in filios manaret, donatus est. Eadem immunitas & Carolo quoque Aretino summa eloquentia, atque sapientia prædito postmodum concessa: postremo quoque & mihi licet in doctorum, aut eloquentium numero minime sim censendus. Ex his facile intelliges, quam longe illi aberrent a vero, qui Poggium Florentina civitate anno tantum MCDLIII. donatum fuisse arbitrantur. Sed ego ad eruditionem potius, quam ad narrandarum rerum confirmationem tum documentum afferam, ⁶⁵ in quo ann. MCDXIV. hæc habentur: Pro parte Poggii Guccii de Terranova civis, & notarii Florentini exponitur, quod ipse seorsim a D. Guccio patre suo habitavit, fere sunt anni XXV. vel circa, & gravedines supportavit in vestra civitate; quas ob res civis effectus est juxta Florentinam sanctionem: ⁶⁶ tum privilegium subijciam latum die octavo kalendas Novembris ann. MCDXXXIV. Indiēt. XIII quod debeo clarissimo viro, neque satis unquam laudato civi meo Apostolo Zeno, quo sæpe pro mutua inter nos amoris necessitudine usus sum in hac Vita conscribenda. En ipsa documenti verba: Intellecta expositione coram eis facta pro parte D. Poggii de Terranova Florentini civis, quemadmodum triginta annis fuerit absens a patria, sequens Romanam Curiam, & cuperet jam eo senescente redire ad patriam, literis operam dare, & ibi quiescere, & cum hæc fieri non possint, si subiret onera, ut alii cives, qui ex mercatura aliisque exercitiis, officiisque publicis lucra, & emolumenta percipiunt, cum velit se literarum studiis totum tradere, & in eis senectutem ducere, concedimus &c. Ut hoc illi Florentini cives indulgerent, auctor in primis fuit Cosmus Medices Joannis filius, qui eruditos viros (ut ait Benedictus Accoltus Aretinus ⁶⁷) semper opibus, & benevolentia prosequutus est, quos inter Nicolaum Nicolum, Leonardum, & Carolum Aretinos, & Poggium viros doctissimos, & eloquentiæ lumina præcipue coluit, & protinus effecit, ut honores in civitate maximos, immunitates non paucas assequerentur. Et profecto quid majus deferri Poggio potuit, quam ea dignitas, quæ ex præcipuis urbis habetur? Unus ex Prioribus Artium, seu ut postea dicti sunt Libertatis, renunciatus est sub vexillo Carri, omnibus ultro eam dignitatem deferentibus, qua mirifice functus est. Nec mirandum quod de Quarterio Sanctæ Crucis sub vexillo Carri electus fuerit. Licet enim ex Catastico anni MCDLXIX. p. 414. constet ejus filios domum habuisse in Quarterio S. Joannis sub vexillo Clavis, quam sibi habitandam 490. florenis Poggius emerat anno MCDLI. tamen fieri potest, ut ea relicta, in Quarterium S. Crucis transferit.

CAPUT XI.

Poggii Opera.

Cum tanta honorum ac dignitatum parem literarum gloriam Poggius conjunxit. Itaque &

⁵⁷. In Orat. Laur. Medic. edit. Basil.
⁵⁸. Orat. ad Nic. V. Pontif. Ibid.
⁵⁹. Joann. Gobell. Comment. Pii II. lib. I.
⁶⁰. Arch. Gen. Protocol. Ser. Andreae Ser. Angeli de Terranova.
⁶¹. Ibid.
⁶². MS. apud C. V. Abbatem Salvinium.

⁶³. Diarium litterat. Ital. T. 9. & 10.
⁶⁴. Orat. Fun. Leon. Aret. Miscell. Ballutii To. III. Totam vide in fine nostræ Editionis.
⁶⁵. Liber Reformationum B. 1415. p. 64. Flor.
⁶⁶. Vid. Diar. literat. Ital. T. IX. art. 3.
⁶⁷. Dialog. de Præstantia virorum sui ævi.

& multa Latine scripsit, & Græca multa *Latio* donavit. Ex his habemus Xenophontem de *Vita Cyri* ⁶⁸, *Alphonfi Siciliae Regis* jussu translatus, *Luciani Sirii Comædiam* cui titulus *Asinus*, quinque *Diodori Siculi* libros, quibus suum nomen inscripsit, & *Nicolao Pontifici* dicavit ea Præfatione, cui initium: *Nullus antea quamvis præclarus*. Adeo vero exarsit in hoc studium, ut *Nicolo* ita scripserit: *Si autem, quod præ ceteris cupio, Guarinus noster istuc venerit hac futura hyeme, vobiscum ero posthabita Curia, ut vacem literis Græcis, quorum desiderio ardeo in diem magis*. Sed Latina ejus opera plura sunt. Epistolas quidem ad omnes fere ejus ætatis doctissimos viros scripsit ⁶⁹, quarum non paucae in unum volumen redactæ publici juris factæ sunt, aliæ latent adhuc in MSS. Opuscula itidem quædam edidit, *Præfationem in Luciani Asinum aureum*, *Dialogum adversus Hippocritas*, *libellos de situ Indiæ, de officio Principis, & de Principum infelicitate, Declamationem in detractores*, ac quinque funebres *Orationes de Laurentio Mediceo, de Nicolao Nicolo, de Leonardo Arctino* *, de Pontifice *Nicolao V.* ac demum de *Francisco Zabarella Cardinali Florentino* habitas. Meminit quoque *Raphael Volaterranus* *Orationis*, qua a *Poggio* ejus discipulo in funere laudatus est *Emmanuel Chrysoloras*, qui *Constantiæ* obiit extremum diem: at falsi *Volaterranus* arguit ipse *Poggius* ⁷⁰. Epistola ad *Guarinum*, qua hoc supremum grati animi officium magistro optimo ab *Andrea Juliano Patritio Veneto* persolutum fuisse narrat. En ipsa verba: *Andreas vero Julianus summe a nobis collaudandus, qui cernens ignaviam nostram, qui nullam ne mortuo quidem pro suis in nos singularibus meritis gratiam referimus, sua opera, suo studio nobis operam navavit, & tarditatem nostram sua diligentia sublevavit. Ergo nomine meo verbis amplissimis gratias agas, & quidem ingentes pro hoc labore, quem suscepit in Manuelis memoria celebranda*.

Alia præter jam dicta nobis reliquit *Poggius*, in quibus admiranda dicendi vis elucet: ejusmodi sunt liber de *Vera Nobilitate*, cui acriter respondit *Laurus Quirinus* *Patr. Ven.* nec non *Leonardus Chiensis* ⁷¹. Iusta profecto *Quirini* fuit in *Poggium* indignatio, ut qui in libro de *Nobilitate* nimis acriter in *Venetos* feratur. Ceterum *Poggius* in epistola ad *Thomasmum Venetum* philosophum ac medicum, suæ hujus mordacitatis causam in *Nobiles* quosdam *Venetos* confert, quorum opera *Italicum* bellum excitatum putabat: professus ceteroquin non adversam *Venetis* voluntatem in eadem epistola ⁷², cujus hæc verba sunt: *Cupiebam civis vester fieri, & domum apud vos parare, quæ filiorum meorum in vestra Republica quies, & receptaculum esse possit. Quod ut assequeretur facilius, statueram conscribere. Historiam vestram, & ex antiquis Annalibus eruere memoriam præscarum rerum, ut apud nos fierent recentiores. Sed posteaquam in patriam sum vocatus, & in dignitate atque honore constitutus, illa cogitatio effluxit ex animo, & ad alia mentem converti. Historias convivales quoque scripsit, pulchrum de *Varietate fortunæ* opus, parvam quandam *Historiam de Avaritia* ad *Franciscum Barbarum*, *Tractatum de humanæ conditio-**

nis miseria, Descriptionem Romanæ urbis, Quæstionem, an seni sit uxor ducenda, Librum de miseria conditionis humanæ, & Florentini populi Historiam. Omnibus his quæ vel impressa, vel manuscripta habentur, adjicies *Tractatum de imaginibus virorum illustrium gentis de* ⁷³ *Bondelmontibus*, quem jam evulgatum esse *Laurentius* ipse de *Bondelmontibus* quodam in Codice sua manu exarato testatur, nec non *Clarissimus* vir *Joannes Baptista Cassottus* ⁷⁴, sed fortasse periit præclarum hoc opus injuria temporum; quod & accidisse dolendum est præclaris ejus operibus, quæ adversus *Concilium Basileense* conscripsit. *Alberto enim Parisio Bononiensi* hæc ab eo flagitanti respondet: *Ego dudum, dum Eugenius vixit, multa scripsi ad varios Principes contra detestandam Basileensium perverfitatem. Sed cum ad Rempublicam spectarent, nihil eorum penes me reservavi*.

Ingenii præterea stimulos acuit in *Laurentium Vallam* quinque *Declamationibus*, quarum quartam in omnibus editionibus omissam, MS. habet *Clar. vir Justus Fontaninus* ⁷⁵. Ea potissimum de causa *Vallam* aggressus est, quod cum plures Epistolas amicorum suasionem in unum volumen redegisset, eæque (ut ipse ait) in manus levissimi, atque petulantissimi hominis *Laurentii Vallæ* incidissent, multis in locis illas carpens, pro earum vitiis suam ignorantiam expressit. In *Philelphum* quoque pari labore, sed nimia profecto mordacitate se exercuit, nisi quod provocatus fuit, quod ejus temporis consuetudini, ac fato veluti cuidam tribuendum duxerim; notum enim abunde est, non unum hac in re *Poggium* peccasse, sed omnes illi coævus scriptores eruditis disputationibus non facetiarum sales, sed probra, injurias, & ut plurimum turpissimas calumnias immiscuisse. *Nicolaum Perottum*, qui prior *Poggium* laeserat, non mitius petiit, & provocatus in arenam descendere non recusavit; quo in prælio cui majoris dicacitatis præmium debeatur, judicium ferre illorum sit, quibus eas declamationes videre contigit, quarum prima *Nicolai Perotti* in *Poggium Florentinum* apud *Clar. virum* ⁷⁶ *Renatum Moreau*, altera *Poggii* in Bibliotheca viri memorie nunquam interitura *Antonii Magliabechi* servabatur. Odii hujusce causam fuisse memorat ⁷⁷ *Nicodemus*, quod *Poggius Laurentium Vallam Perotti* amicissimum aggressus fuisset. Acerbius etiam exagitavit *Felicem Antipapam, Amedeum* scilicet, jam *Sabaudie Ducem*: adeo vero in maledicendo fines omnes videtur esse prætergressus, ut ⁷⁸ *Verrinus* post expositas illius laudes exclamet:

Nimis ab rabidas exarsit in iras.

Neque a jurgiis temperavit, quamvis a *Georgio Trapezuntio* graviter castigatus, qui cum in *Theatro Pompeji*, loco, & die celebri, ubi bullatorum diplomatum censura habetur, sibi maledicentem bis colapho percussit. *Poggii* facetias *Volaterranus* & cum eo *Trithemius, Gesnerus, Vossius, & Erasmus* graviter incusant, opus id igne dignum censentes, quos secutus est præcitatus *Historiæ Concilii Constantiensis* recens auctor ⁷⁹. Harum tamen non paucas, & fortasse turpissimas *Poggio* injuria tributas censeo, quod duobus in

Co-

68. Panormitanus in *Vita Alph. Siciliae Regis*.

69. Edit. Basil.

* Quam nos calci nostræ editionis affiximus.

70. Epist. ad *Guarinum* MS. in meo codice miscell. 138.

71. Leon. Chiensis in tractatu Apologetico de *Vera Nobilitate*. MS. apud *Clar. Vir Jacobum Facciolatum*.

72. Epist. MS. apud *Clar. Viros Abb. Salvinos*.

73. Laur. Bondel. in memoriis suæ domus, Cod. MS. Flor. apud ejus hæredes.

F 74. *Notizie Istoriche della B. Vergine dell'Impruneta*. p. 75.

75. Invektiva in *Vallam*.

76. Cod. Ren. Moreau a P. Labbeo relatus N. B. MS. lib. 6. p. 233.

77. Nicod. l. 1. p. 183.

78. Ugol. Verr. de Illustr. Flor. lib. 2.

79. Jacques l'enfant Hist. Conc. Const. lib. 4.

Codicibus MSS. accuratissime evolutis eas non invenerim. Ceterum adeo excelluit Poggius nativo Latinæ linguæ nitore, mira explicandarum rerum facilitate, & ea quam sermonis evidentiam vocant, ut & brevissima oratione multa comprehendat, & copiarum tamen laude non careat: de quo proinde Guarinus⁸⁰: *In quo renascentis, & pristini sæculi floret, & viget eloquentia, virtutisque thesaurus.* Omnem autem Latinæ linguæ venustatem se Ciceroni debere testatur ea in Epistola quæ Dominico Sabino inscribitur. *Novi vires meas, & quam tenues sint, atque imbecilles, in dies magis, cum eas experior, cognosco; quidquid tamen in me est, hoc totum acceptum refero Ciceroni.*

CAPUT XII.

Illustrium virorum de Poggio judicia.

Superest, ut quid de eo eruditi viri senserint, Sejuldemque cum iis amoris necessitudinem explicem; neque enim eadem usus mordacitate in omnes, sed & inimicos habuit, & amicos. Floruit Poggius eo sæculo, quo nullum doctis viris fuit magis refertum, ut ea viderentur renovata tempora, quæ aurea adhuc vocantur, & queis sane aureos auctores debemus. *Et ut intelligas* (juvat⁸¹ *Benedicti Aretini verba huc afferre*) *tempestate illa non defuisse ingenia, si judiciale dicendi genus excerceretur, recordare a multis citra annis quot eximii Rhetoricæ artis præceptores per Italiam fuerint, & ejusdem viros doctissimos, qui divina eloquentia Orationes, Epistolas innumeras, & libros plures scripserunt, & Græcorum volumina venustissime in latinam verterunt linguam.* An tibi videntur Leonardus, & Carolus Aretini, Robertus Rufus, Veronensis Guarinus, Poggius, Jannottius Manettus, Ambrosius Monachus, & alii multi, quos fere omnes vidimus, non supremi extitisse, seu eloquentiæ, seu literarum, sive philosophiæ moralis præcipue peritiâ consideres? quorum aliqui ita historias conscripserunt, ut Livio, ac Salustio exceptis, nulli veterum sint, quibus illi non pares, aut superiores fuisse recte existimentur. Præter relatos a Benedicto Aretino viros, constat tum floruisse Porcellum Neapolitanum, Bartholomæum Facium, Fernandum Cordubensem, Antonium Panormitam, Franciscum Barbarum, Joannem Aurispam, & Colutium Salutatum, qui a Poggio communis omnium doctorum parens nominatur. His addendi Leodrisius Cribellus, Matthæus Palmerius, Leonardus Justinianus, Nicolaus, & Antonius Luscius, Ludovicus Ortanus, Andreas Constantinopolitanus, & Laurentius de Medicis, qui omnes quanto Poggium amore, ac studio prosecuti fuerint, ex ejus aliorumque epistolis facillime dignoscetur.

Omittendos esse non reor, quos sub⁸² Joanne Ravennate condiscipulos habuit, nempe Petrum Paulum Vergerium, Omnebonum Scolam, Leonardum Aretinum, Robertum Rossium, Jacobum Angeli filium, Nicolaum Nicolum, & Victorinum Feltrensem. Petrum Candidum Decembrium non studiorum socium, sed a secretis collegam habuit. Cum Philelpho, Guarino Veronensi, Laurentio Val-la, & Thoma Reatino perpetuæ non fuere similitates, neque ullæ fuissent, nisi cum illi priores

laceffissent. Nunquam enim⁸³ (inquit) quicquam egi mea sponte, quod merito cuiquam displicere posset, nihil unquam scripsi contra quempiam nisi laceffitus, & in meam defensionem, quod non solum in hominibus, sed etiam in belluis videmus inesse, ut natura injuriam propulsent. Extinctis vero caussis cito & ira deferbuit.⁸⁴ Neque enim, inquit, dis-junctio sententiarum debet animos disjungere, cum liceat diversa sentire salvo jure amicitiae. Hinc in epistolis suis excusat omnibus nimiam mordacitatem, cupitque omnia silentio involvi. Ea de causâ Guarinum jam hostem suum, sed sibi reconciliatum, a quodam tribuli suo Veronensi appetitum bono animo esse jubet, seque pro illo in arenam descensurum promittit⁸⁵. Habes (ait) præterea me vel clientem, vel patronum, qui causæ tuæ non deesset, in ea præsertim quæ ad famam, aut honorem minuendum spectaret, ut aliis literis ad te scripsi. Maxima plurimis cum Cardinalibus Poggio intercessit amicitia, quos inter Cardinalis Bessario toto orbe clarissimus singulari illum amore complexus est. His addes Aeneam Silvium, cui per literas Cardinalatum est gratulatus, atque is est, qui Pontifex deinde Pius II. voluit appellari; & Cardinalem Dominicum Capranicensem, quem⁸⁶ Baptista Poggius refert in Secretariorum numero a Pontifice Martino collocatum fuisse, collegamque factum Leonardi Aretini, Cincii Romani, Antonii Luschi, parentisque sui Poggii Florentini. Mutua autem consuetudine adeo crevit inter ipsos benevolentia, ut Poggio vita functo, Capranicensis Baptistam ejus filium in patris locum suffici curaverit, eique hac de re literas Apostolicas impetraverit. Tanta,⁸⁷ inquit Baptista, affectione complexus est parentem meum, eumque is omni vita coluit. Sanctissimum quoque virum Nicolaum Albergatum Bononiensem Cardinalem Sanctæ Crucis, observavit, ejusque in obitu perelegantem habuit Orationem. Non paucis etiam gratulus, acceptusque Pontificibus, quorum ab epistolis fuit; ab eorum vero nescio quo missus est in Hungariam Legatus, si epistolæ⁸⁸ cuidam fides habenda est, quæ Benedicto Bondelmontio ab ejus ævi literato viro scripta est. Nicolaus Quintus tantopere Poggium dilexit, ut ei palam dicere non dubitaverit: *Rogo ut illi tui amici pris-ci, quos inter me unum esse profiteor, non excident e memoria.* Præcipuum tamen apud ipsum tenuit benevolentiae locum Leonardus Aretinus, in cujus obitu, ut jam dixi⁸⁹, Orationem pulcherrimam habuit anno MCDXLIII. ex qua, ut cetera omit-tam, hæc tantum verba mutuæ ipsorum benevo-lentiæ argumentum referam; *Quamvis ejus vir-tus nullius externa laudationis opera egeat ad se or-nandum, quippe qui sibi vivens laudem peperit im-mortalem; tamen præstandum est a nobis debitum amicitiae nostræ officium, quæ jam amplius annis quatuor & quadraginta inter nos similium studiorum cursu cepta semper viguit sanctissime absque ulla que-rela, aut benevolentiae intermissione.* Et paulo infra: *Sed nostra inviolata permansit animorum con-junctio; & jure quidem inter nos id contigit, ea namque vera, & stabilis amicitia, quam optima-rum artium studium, & bonorum morum similitudo contraxit, quæ quoniam mutua benevolentia, & of-ficiis fovetur, necesse est, ut ita sit firma, & diu-tur-*

⁸⁰. Epist. Egreg. Viro Poggio Flor. 26. Maji 1455.

⁸¹. Benedict. Accoltus Aret. in Dial. de Præst. virorum sui ævi.

⁸². Blond. Flav. Ital. Illust. de Romand. p. 346. edit. Basil.

⁸³. Epist. ad Albert. Parisium MS.

⁸⁴. Epist. Poggii p. 353 edit. Basil.

⁸⁵. Epist. Poggii inedita apud me, Constantiæ Idibus

F Martiis.

⁸⁶. Joannes Baptista Poggius in Orat. Card. Capranicæ Miscell. Ballutii Tom. 3.

⁸⁷. Ibid.

⁸⁸. Cod. D. X. sub num. 992. a 6. Biblioth. Stroziana.

⁸⁹. Miscell. Ballutii To. 3. p. 348. Parif. 1680. Sed nos eam totam huic Editioni subjunximus.

turna. Quanti vero *Leonardus Poggium* fecerit, patet legenti epistolam quartam libri quarti supra allatam, in qua eum ad librorum investigationem hortatur, laudatque feliciter locatam ab illo operam: quod etiam egit *Franciscus Barbarus* ejusdem sæculi eruditissimus vir, quo cum *Poggius* non solum studia, sed cogitationes quoque communicare consueverat, judicemque designaverat cujusdam Apologiæ in *Guarinum*, quam illi una cum *Guarini* Invektiva Oratione miserat judicandam.

Eruditos hætenus viros, quos singulari benevolentia est complexus, referre placuit, uno tantum ultro omisso, quem scilicet non ut amicum, sed ut patronum, & parentem semper coluit, cui nos quoque quam plurimum ideo debere necesse est, quod ejus hortatu, & auxilio vetusta literarum monumenta perquisierit, & in publicam lucem emiserit. Huic se præ ceteris debere fatetur. *Quem enim, ait, patrem habui, cui plus debeam, quam Nicolao? (Nicolii.) Hic mihi parens ab adolescentia, hic postmodum amicus, hic studiorum meorum adjutor, atque hortator fuit, hic consilio, libris, opibus semper ut filium, ut amicum fovit, atque adjuvit, hic me ad virtutem, hic ad literarum doctrinam, hic ad bonarum artium studia semper incitavit, denique nihil erga me omisit eorum, quæ vel ab indulgentissimis parentibus filiis, vel a carissimis amicis mutuo amoris tribui solent. Quod si humanitas ferret, dicerem me plus Nicolao quodammodo debere, quam iis qui me procrearunt; illi enim ignarum omnium genuere, hic reddidit sua opera doctiorem; illi ut essem effecerunt, hic ut essem cum honore, & dignitate; illi alimenta corporis præbuere, hic animum virtutibus formavit, & recte vivendi institutis: ut quantum ceteri parentibus atque educatoribus suis debent lege naturæ, tantum ego Nicolao nostro, & ejus nomini jure humanitatis pro suis erga me meritis me debere profitear. Nicolai in *Poggium* benevolentia illud quoque argumento est, quod inter illustres viros, quorum fidei testamenti sui curam commisit, *Poggius* quoque adscitus est, ut ab ipso testamento colligitur⁹⁰. Omnes libros suos, tam sacros, quam gentiles, & tam græcos quam latinos, aut barbaros, quos undique magna industria, diligentia, studio ab adolescentia nullum laborem subterfugiendo, nullis impensis parcendo coegit, reliquit, & legavit in illis locis, & penes quos, & eo modo, & forma, & prout, & qualiter admodum infra scriptis honorandis & sapientibus viris videbitur, & placebit. Enumeratis hic aliquot ex sexdecim, quorum primus fuit *Ambrosius Camaldolensis*, sexto loco ponit Eloquentissimum virum *D. Poggium Guccii Poggii de Terranova summi Pontificis Secretarium, Civem & Advocatum Florentinum*. Libros autem *Nicolai* donatos refert⁹¹ *Leopoldus del Migliore* Dominicanæ Bibliothecæ S. Marci; quod fortasse *Poggii* opera factum est, cujus filius Dominicanæ familiæ nomen dederat. Hic obiter animadvertit, perperam a *Leopoldo* duos tantum *Nicoliani* testamenti curatores afferri, cum sexdecim fuerint, quemadmodum constat ex iis, quæ diximus. Quid quod etiam Regibus *Poggii* doctrina & eloquentia admirationem movere potuit? Audi⁹² *Bartholomæum Facium*, qui ejus epistolam *Alphonso* Neapolitano Regi cum legisset, ita scribit: *Legi ac pronunciavi eam in magno**

A *coetu summorum virorum elata voce, a capite ad calcem, tanta Regis attentione, ut nec oculos a me unquam recitante dimoverit, nec ab aucupibus, qui apparere nescio quas aves clamitabant, quamvis ejusmodi re præter modum delectetur (ut scis) distrahi potuerit. Admirabatur inter audiendum locos, quos ad gloriam optimos excogitasti, & tuam illam tum rerum, tum verborum admirabilem copiam variis exornationibus, quasi luminibus distinctam. Quid ergo mirum, si quem tanti Pontifices Regesque faciebant, privati homines admirarentur, summisque laudibus efferrent? Audi *Porcellum Neapolitanum*⁹³.*

B *Plaude legens Musas, Orator Maxime Poggi, Quo duce vel doctis omnibus ore legar. Te duce Pierius, duce te mihi sermo solutus, Et duce te pedibus, te duce liber aro. Te duce vela dabit, duce te ratis ire per altum Discat, & in tutos vela referre sinus. Sume tubam, nostramque velis animare carinam; Libera seu veniat, seu pede, sume tubam.*

Ab illius quoque tanquam numinis sibi propitii invocatione *Carolus Aretinus* carmen de Nobilitate⁹⁴ sic auspicatur.

C *Quid sit nobilitas, scribere liberis Tempus quid pedibus, tollere dum cupis Errores hominum? Nunc ego carmine, Poggi magna tui gloria sæculi, Ludam si potero, tum cytharæ modis Aptabo levior, tu calamo gravi Personisque libens hinc studiosius Cures hæc eadem reddere posteris.*

D Sed ne justo longior sim, tantorum virorum agmen claudam epistola *Donati Acciajoli*, qui suam in literarum studia voluntatem *Poggio* se debere fatetur. Itaque sub finem inquit: *Ego igitur cum in hanc literarum cupiditatem opera tua me videam perductum, non dubitabo te exorare, ut deinceps etiam monitis præceptisque tuis quibuscunque rebus poteris (poteris autem plurimis) juves studium meum. Et paulo infra: Ego te ducem ex omni copia doctorum hominum solum potissimumque delegi, quem mihi ad imitandum proponerem. Et revera licet nostris temporibus excultior Latini sermonis usus videatur, non ideo debita laude illi fraudandi sunt, qui opera laboreque suo effecerunt ut excultiores essemus. Renascentis linguæ primordia eo sæculo debemus & *Poggio* præsertim, qui tum ipso ingenio suo, tum veterum auctorum imitatione se aliis quoque imitandum reddidit. Divus certe *Antoninus*, & *Baptista Sacchius* vulgo *Platina* tanti hunc hominem fecerunt, ut non sensa modo *Poggii*, sed verba ipsa descripserint, sibi que usurpaverint, desperantes, ut opinor, de iisdem rebus scribi posse elegantius. Non huc afferenda sunt omnia, multo vero minus comparanda; sed si quis tamen consulat *D. Antoninum P. 3. tit. 22. cap. 6.* & *Platinam Hist. Manuanae l. 6.* facile cognoscet, alterum ex *Poggianæ* Historiæ libro quinto, alterum ex septimo & octavo plurima corrasisse. Neque vero *Poggius* ipse plagii postulandus, qui & ante *Platinam* scripsit, & eo scripsit Latini sermonis nitore, qui ab aspero & salebroso *D. Antonini* stilo facile dignoscitur. Sed de *Poggii* stilo audiamus *Alamanum Rinuccinum*⁹⁵. *Primus autem Colutius Salutatatus paulum se erexit, & elegantius quoddam dicendi genus adumbravit, qui multum profecto laudis meruit, quod tam longis temporibus præ-**

90. Testamentum Nicolai Nicolii ann. 1436. die 22. Januarii.

91. Leop. del Migliore Flor. Illustr.

92. Barth. Facii ad Pogg. Epist.

93. MS. apud Clar. vir. Abb. Salvinos.

94. MS. Biblioth. Strozzi.

95. Epist. MS. apud me.

præclusum aditum ad eloquentiam patefecerit, & posteris viam, qua gradiendum esset, ostenderit. Hunc secuti Poggius, & Leonardus Aretinus intermissam, & pene abolitam eloquentiam in lucem revocarunt, qui cum epistolis, tum orationibus, & dialogis scribendis Ciceronianum dicendi characterem sunt imitati.

CAPUT XIII.

De ejus Museo, & Academia.

EAndem, qua in veterum rimandis libris cupiditate solertiaque fuit, ad alia quoque vetustatis monumenta transfudit, variisque undique conquisitis, capitibus scilicet marmoreis, signis, numismatibus, museum construere meditabatur. Habeo ⁹⁶ (inquit) cubiculum refertum capitibus marmoreis, inter quæ unum est elegans, integrum, alia truncis naribus, sed quæ vel bonum artificem delectent. His, & nonnullis signis quæ procuro, ornare volo Academiam meam ⁹⁷ Valdarninam, quo in loco quiescere animus est. Non paucis cubiculo huic exornando antiquitatis vestigiis adjuvisset Franciscus Barbarus, ni pretiosissima quæque ad Poggium missa, intercepta fuissent, præcipuisque Florentiæ civibus vendita, aut donata, ut ipse conqueritur in epistola ad eundem Barbarum. Nec marmoreis tantum signis, aliisque antiquitatis vestigiis, sed plurimis Græcis Latinisque codicibus refertam Academiam ornavit. Ibi scriptores ab antiquitatis rudibus, ac situ, opera sua erutos collocaverat, fatioque meliori restitutos legebat & osculabatur; ibi & Græcos codices, quos Dominicanæ S. Marci Bibliothecæ supremis tabulis legavit.

Quamplurimum rure delectabatur, cujus in laudem epistolam, seu potius Dissertationem conscripsit. Sæpius illuc, æstivo præsertim tempore, se conferebat, quo Pontifices ipsi, ut intolerandos Romæ calores, effugerent migrare solebant, magnamque curarum molem tantisper deponere. Historiam ⁹⁸ ibi Convivalem composuit, ubi plures doctos viros colloquentes inducit, qui id temporis prope Aretium valetudinis gratia, quod Florentiæ pestis grassaretur, se contulerant. Id Nicolao V. Pontifice contigisse puto. Inquit enim Poggius ⁹⁹ Quo primum anno Nicolaus Quintus pestis causa Fabrianum Piceni oppidum secessit, cum me ad Terramnorum natalem patriam contulisset, &c. Patriam suam appellat Terramnorum, quantumvis jam Florentina civitate donatus. Atque equidem suæ in illam benevolentiae perpetuum extare monumentum voluit, extructa dicataque S. Mariæ Annuntiatae ara in Communis Terramnorum templo, eique plurimis bonis legatis, quæ multi deinceps meritissimi viri, nunc vero Cardinalis Franciscus Martellus Rectoris titulo possidet.

CAPUT XIV.

Poggii mors, & honores mortuo decreti.

Florentiam, morbi sublato metu, reversus ut studiis vacaret, nec ruris solatio privaretur (longe enim villa ejus aberat) suburbanum prædium emit. Ego omni negotio vacuus dedo me literis, & rei rusticæ. Emi enim prædium urbi quatuor millibus passuum propinquum, in quo colendo

A multum operis laborisque impertior magna cum animi voluptate. Ibi in hoc conscribendæ historiæ opus præsertim incubuisse credibile est. Studia enim hæc animi quietem, tranquillitatemque desiderant. Paucos feliciter transegit annos, quæ nec urbi, nec studio, nec ruri defuit donec septuagesimum octavum ingressus annum naturali morbo nonnulla fortasse uxoris causa, cui magis, quam senem deceat, deditus erat, quæque illo non invito ¹⁰⁰, ut fatetur, plurimum temporis sibi vindicabat, Florentiæ occubuit anno MCDLIX. tertio kal. Novembris vir sane immortalitate dignus, quam sibi virtute, & conditorum operum fama comparavit. Et profecto sæculo præstantissimis ingeniis claro, & ad priscam literarum felicitatem proxime accedente Poggius vixit, nec ulli in tanta illustrium virorum copia, aut ingenio, aut scribendi elegantia fuit secundus. Tumulatus est Poggius pone Chorum Ecclesiæ Sanctæ Crucis dicatæ, ut constat ex Florentino Priorista ¹ nec non ex memoriis historicis Florentinæ urbis a Nicolao Rodulpho contextis, licet Dominicus ² Buoninsegni Poggii mortem in vigesimum Octobris diem referat; sed hunc errorem Typographis potius, quam Auctori tribuendum censuerim, cum nota barbara 30. facile Operarum negligentia in aliam hanc 20. mutari queat. Ceterum vel ex hoc intelligi potest, die XXX. Octobris illum obiisse, quod secundo Novembris sepultus est, quo die in libro ³ Reformationum Dominorum Novembris & Decembris hæc habentur. Concesserunt licentiam filiis, & heredibus venerandæ memoriæ Poggii Judicis, & Doctoris præmortui honorandi exequias ejusdem, & faciendi funeris impensas de Torchiis, Drappis super Bara, & aliis de quibus, & prout dictis suis filiis, & heredibus videbitur licite, & impune, solvendo Camerae Armorum Communis Florentiæ florenum unum, & solidos decem cum dimidio pro taxa. Defuncto sepultoque Poggio, ejus filiis concessum est, ut patris effigiem in publico spectabilique loco ponerent ⁴. Deliberaverunt, quod filii, & heredes Domini Poggii olim Cancellarii Florentini, & Dominationis prædictæ præmortui possint, eisque liceat pingi facere in Saletta Palatii Dominorum in loco ibi vacuo memoriam, idest figuram, & imaginem dicti olim Domini Poggii olim Cancellarii præfati recordationem, & exaltationem suorum bene gestorum. ⁵ His vero adeo curæ paternæ memoria fuit, ut singulari ⁶ Antonii del Pollaiuolo penicillo Poggium immortalem reddere studuerint, apparetque adhuc illius imago eo in loco, ubi id temporis ad jus reddendum de Judicibus, Doctoribus, & Notariis sedendi Proconsulis mos erat unde il Proconsolo a Florentinis locus ille nominatus. Quamplurimas Clarissimorum virorum effigies non vulgari artificio pictas eo in loco fuisse testatur Georgius Vasarius, quæ nostris quoque temporibus superessent, nisi ad temporis injurias incuria quoque hominum accessisset. Sed Poggii gloriæ statua quoque consultum est, eaque & præterea multis Metropolitanæ Ecclesiæ Sanctæ Mariæ a Flore externa facies, in Marcelorum vias spectat, ornata est. Illic diu permanfit, donec Francisco Magno Etruriæ Duci veterem Ecclesiæ faciem in meliorem formam redigere in animo fuit anno MDLX. sed cum res

ne-

96. Epist. Roma scripta.

97. Vulgo Valdarno, ex quo villam suam Valdarninam Academiam Tulliano more appellat.

98. Edit. Basil.

99. Hist. 1. Historiæ Tripartitæ.

100. Epist. ad Leon. Aret.

1. Priorista a Florentia condita usque ad annum 1600.

2. Dominic. Buoninsegni. Hist. Flor. p. 126. edit. Flor.

3. Cod. MS. 1211. a 219. Archiv. Flor.

4. Arch. civ. Flor. Lib. Reformationum.

5. Ibid.

6. Franciscus Bocchius, & Cinellus de Pulchrit. Flor. p. 388. edit. Flor. 1677.

nescio quonam fato ex voto non cessisset, veteri spoliata est decore, nec novo aucta⁷. Marmoris vero figuris varia fors contigit. Quatuor Evangelistarum signa *Donati* opus, in ea, quæ propius distant ab ara Maxima, facella translata sunt. Quæ *Davidis*, & *Ezechie* Prophetarum fuerant, facta sunt duorum Apostolorum simulacra inter eas, quæ ad latera sunt, januas collocata. Simili, sed magis mira mutatione factum est, ut item in duorum Apostolorum signa converterentur, quæ erant statuae *Poggii*, *Jannoctii*que *Manetti*. Hæc ad januas, quibus prope Maximam utrinque est in Templum aditus, posita; quodque olim *Poggii* simulacrum fuit, nunc etiam in Septemtrionali parte conspicitur. His honoribus caritate civium, filiorumque pietate cumulatus est.

CAPUT XV. De Poggii Filiis.

Q Uinque *Poggius* suscepit liberos, mares omnes, ætate in senium vergente, *Joannem Baptistam*, *Joannem Franciscum*, *Philippum*, *Petrum Paulum*, & *Jacobum* eruditos omnes sane viros, qui paternam gloriam auxere gloria sua, & patris nomen in totam posteritatem propagantes familiæ cognomen esse voluerunt. Duos tantum filios habuisse literis ornatos memorat *Gaddius*,⁸ *Jacobum* scilicet, & *Joannem Baptistam*, sed quanta injuria hos tantum enumeret, infra palam fiet.

Unus *Jacobus* sacris initiatus non fuit, hac una in re fratrum exempla non sequutus, quibus licet ætate, nihil tamen cessit aut ingenio, aut rerum scriptarum gloria. Paternam historiam in *Etruscæ* linguam convertit, dicavitque *Federico Feltrio Urbini* Comiti. Item *Vitam Cyri Persarum* Regis, quam pater ex Græca Latinam fecerat, ipse deinde *Italicam* factam *Ferdinando Neapolitano* Regi nuncupavit.⁹ Non enim, ait ipse, melius evenire poterat, quod cum *Alphonso* patris tui jussu pater meus Latinam ex græco hanc fecerit, ego de latino in *Etruscum* sermonem commutatum, ut patris mei hæres eam tibi, ut *Alphonso* digno successor dicarem.

Quatuor quoque *Romanorum* Imperatorum vitas *Italicæ* linguæ donavit.¹⁰ *Antonini Pii* XVI. *Marci Antonini* Philosophi XVII. ex *Julio Capitolino*, *Alexandri Severi* XXIV. ex *Ælio Lampridio*, & *Ælii Adriani* ex *Ælio Spartiano*. Neque tantum aliorum laboribus vertendis operam navavit, sed sua quoque edidit; ut¹¹ commentariolum in Triumphum Famæ *Francisci Petrarchæ*, *Laurentio Mediceo* dictatum,¹² Opusculum de Origine belli inter Gallos, & Anglos; & *Philippi Scolari* vulgo *Piponis Spani vitam* Latine scriptam. Hanc quodam amoris gloriæque stimulo edidit, cum ejus mater ex *Bondelmontibus* fuerit, eademque *Scolariorum* sit familia juxta illud¹³

Prisca Bonimontis Soboles, Scolarius idem

Sanguis, & ex uno descendit uterque parente. *Jacobi* etiam Cardinalis *Riarii* fuit ab *Epistolis*, quoad *Pactiani* (non *Bactriani*, ut male scribit *Freherus*¹⁴) confcius sceleris ex Prætorii fenestra cum ceteris pendit anno MCDLXXVIII. De hoc *Politianus*¹⁵ ait, ejus præcipuam in maledi-

endo virtutem fuisse, in qua vel patrem maledicentissimum hominem referebat. Alia quoque de ejus moribus, vitæque iniquiora addit, jure vero, an injuria aliis liceat judicium ferre. Huic¹⁶ *Gaddius Joannem Baptistam* addit, qui juris utriusque doctor, & Canonicus *Florentinus* fuit anno MCDXLIX. deinde Canonicus *Aretinus*, & *Laterinensis* Plebanus, Pontificis *Acolytus*, & assistens *Camæræ* Clericus. *Nicolai Piccinini* inclyti ejus tempestatis ducis vitam, nec non¹⁷ *Dominici Capranice* Cardinalis Firmiani Latine laboravit, in qua se *Poggii* filium sæpius vocat. Occubuit anno MCDLXX.

His duobus addam ego *Joannem Franciscum*, qui *Florentinus* itidem Canonicus, & *Laterinensis* Plebanus *Romæ* se contulit, ibique Pontificis Cubicularius, & Apostolicarum literarum abbreviator, Canonici Juris peritissimus fuit, ut ex tractatu de Potestate Papæ, & Concilii ab illo edito colligi potest. Summo in honore apud *Leonem* X. fuit, & illius etiam a Secretis, qua in dignitate mortuus est *Romæ* anno MDXXII. die XXV. mensis Julii, post patris obitum anno sexagesimo tertio, cumulatque fuit in Ecclesia *Sancti Gregorii* in *Cœlio*, ubi ejusdem inscriptio legitur a¹⁸ *Sraderio* relata. Decipitur hic *Jovius* qui eundem etiam in errorem inducit¹⁹ *Freherum*, aliosque nostrarum rerum non adeo peritos, ut²⁰ *Sweertium*, & ²¹ *Aicherum*, *Joannem Franciscum* parentis sui *Poggii* loco sumentes, cum alioquin ex ipsa inscriptione clarissime pateat error, ubi incisum est anno MDXXII. occubuisse, cum *Poggius* pater ante annos tres, & sexaginta decessisset, nempe anno MCDLXIX. ut supra dictum est. Errori causam præbuit *Poggii* nomen quod cognominis loco cum ceteris ejus Filiis usurpavit *Joannes Franciscus*, cujus intercriptionem inter illas habemus, quæ a *Carolo Strozio* sub initium sæculi proxime elapsi collectæ servantur in luculentissima *Stroziana* Bibliotheca.

JOANNI FRANCISCO POGGIO
FLORENTINO

ANIMI VIRTUTE, AC CONSTANTIA,
MORUM GRAVITATE,
VITA INTEGERRIME ACTA,
PATERNA, SUAQUE LAUDE
ELOQUENTIÆ, AC LITERARUM,
JURIS QUOQUE CIVILIS, AC PONTIFICII
DIVINÆQUE SCRIPTURÆ CUMULATA DOCTRINÆ,
RELIGIOSE VIVENTI
RELIGIOSIUS SUPREMA DIE FUNCTO
VINCENTIUS LUCÆ MARTINUS
FRATRIS EJUS GENER,
PARENTIS APUD SE LOCUM SEMPER ADSEQUUTO,
OPTIME MERENTI POSUIT.
VIX. ANN. LXXIX.
OBIIT ANN. DOM. MDXXII.
DIE XXV. MENSIS JUNII.

Laudatur hac inscriptione *Joannes Franciscus Paterna* suaque laude *Eloquentiæ*, quod sane de *Poggio* dici non posset sine mendacio, qui sua tantum-

7. Ex sepulchro Florentino a Stephano Francisci Roselli exarato usque ad ann. 1657. p. 251. ubi de exteriori facie S. Mariæ a Flore apud Franciscum Rosellium ejusdem filium; ex hoc Leopoldus Melioris in sua Florentia illustrata omnia decerpit, licet aliqua, nescio qua de causa reticeat.

8. Gaddius de Script. Lugd. p. 215.

9. Biblioth. Stroz. Cod. 331. F.

10. MS. in Biblioth. Gadd.

11. Jacob. Gadd. de Script. To. 2.

12. MS. Stroz. Cod. 67. 4.

13. Ugol. Verinus de Illustr. Flor.

14. Paulus Freherus in Theatro virorum eruditione clarorum Norimberg. p. 1424.

15. Angelus Polit. in parva Hist. de Pactiana Conjurat. ejus Operibus addita. Basil. 1553.

16. Gadd. de Script. To. 2. Lugd. p. 215.

17. Steph. Baluzii Miscell. To. 3. Paris. p. 263.

18. Monum. Ital. lib. 2. p. 130.

19. Freher. Theat. Vir. Illustr.

20. Sweertius in Delitiis Europæ.

21. Aicher. Theat. Epitaph.

BRA

Cives

S. Ioan.

et de Q

Vexillo



yr. Scriptor. et Abbreviator

montibus.

CATHARINA

Nupsit An. 1410

Chello Dini de Troiana

a quo

D.D. Comites del Maestro.

B

"

LUCRETIA

Nupsit an. 1456.

Francisco Nicolai

Cocchi Donati.

IACOBUS

n. an. 1441.

Historicus

ob. an. 1478.

IO. FRANCISCUS

n. an. 1447.

I.C. Canonicus flor. an. 1471.

Plebanus Castri Laterinæ

Cubicularius D. Papæ.

Literarum Apostolicar.

Abbreviator.

Ob. an. 1522.

MAGDALENA

nupsit an. 1506

ni.

Vincentio Luca Ser Ioannis

Martini.

BRACCIOLINI de Terranova.

Cives Florentini: de Quarterio
S. Ioannis sub Vexillo Clavium
et de Quarterio S. Crucis sub
Vexillo Carri.

PODIUS

Vulgo Poggius.

GUCCIUS

N.

Masculus
cuius nomen
ignoratur.

POGGIUS n. an. 1380

Notarius, Doctor, et Advocatus.

Quatuor Romanorum Pontificum. a Bonif. IX. ad Alexand. V. Literarum Apostolicar. Scriptor, et Abbreviator
Sex item Pontificum ab Ioan. XXIII. ad Pium II Secretarius.
Reip. Florent. Cancellarius an. 1453. Unus ex Prioribus Libertatis an. 1455.
Historicus Celeberrimus Uxorem duxit an. 1453 Vaggiam Ghini Manentis de Bonde...
Obiit an. 1459.

CATHARINA

Nupsit an. 1410
Chello Dini de Troiana
a quo
D.D. Comites del Maestro.

Bartholomæa
n. an. 1425.

Lucretius
n. an. 1428.
Omnes Naturales.

Gucci
n. an. 1429.

F. PETRUS

PAULUS

n. an. 1438
Or.^d Prædicatorum
an. 1457.
Ob. an. 1464 Prior
S. Mariæ Supra
Minervam Romæ.

IO. BAPTISTA

n. an. 1439.
Decret. Doctor Historicus
Canonicus Flor. an. 1449
Canonicus Aretinus
Prior Castri Montis Varchii
Plebanus Castri Laterinæ
Acolitus D. Papæ.
Cameræ Apostol. Clericus
obiit An. 1470.

PHILIPPUS

n. an. 1450.
Canonicus Florentinus an. 1470
Uxorem deinde duxit
Alexandram Felicis Dei del Beccuto.

VAGGIA

nupsit an. 1495
Ioanni Luca Ser Ioannis
Martini.

MARIA

nupsit an. 1504
Ioanni Fran. Borgiani.

LUCRETIA

nupsit an. 1456.
Francisco Nicolai
Cocchi Donati.

IACOBUS

n. an. 1441.
Historicus
ob. an. 1478.

IO. FRANCISCUS

n. an. 1447.
I.C. Canonicus flor. an. 1471.
Plebanus Castri Laterinæ
Cubicularius D. Papæ.
Literarum Apostolicar.
Abbreviator.
Ob. An. 1522.

MAGDALENA

nupsit an. 1506
Vincentio Luca Ser Ioannis
Martini.







DEO OPT. MAX.
JOANNI FRANCISCO POGGIO
FLORENTINO
ANIMI VIRTUTE, AC CONSTANTIA,
MORUM GRAVITATE,
VITA INTEGERRIME ACTA,
PATERNA, SUAQUE LAUDE
ELOQUENTIAE, AC LITERARUM,
JURIS QUOQUE CIVILIS, AC PONTIFICII
DIVINAEQUE SCRIPTURAE CUMULATA DOCTRINA
RELIGIOSE VIVENTI
RELIGIOSIUS SUPREMA DIE FUNCTO
VINCENTIUS LUCE MARTINUS
FRATRIS EJUS GENER,
PARENTIS APUD SE LOCUM SEMPER ADSEQUUTO
OPTIME MERENTI POSUIT.
VIX. ANN. LXXIX.
OBIIIT ANN. DOM. MDXXII.
DIE XXV. MENSIS JUNII.



EPITAPHIUM
JOANN. FRANCISCO. POGGII.
Romæ in Templo S. Gregarii.

tummodo claruit eloquentiæ laude , nulla vero Patris, quem nullo alio præterquam Notarii munere functum constat , neque ullam literis operam dedisse. Intelligenda igitur Epitaphii verba de Joanne Francisco, qui *pater*, hoc est Parentis sui Poggii, *suaque laude eloquentiæ* floruit. Hinc corrumpit illorum sententia, qui temere Poggio inscriptionem hanc positam arbitrantur. Hunc errorem illa quoque verba arguunt: *Vincentius Lucæ Martinus Fratr̃is ejus Gener &c.* Notum enim est, Fratrem Poggii nunquam uxorem duxisse, ut docet appositum gentis Poggianæ stemma, quod ad nos liberaliter transmisit Clariſs. vir Abbas Salvinus Salvinius. Hic igitur Vincentius Lucæ Martinus Fratr̃is Gener appellatur, hoc est Philippi gener, qui Poggii filius fuit, Jo. Francisci frater, & pater Helenæ, quæ Vincentio nupsit. Florentinum Canonicatum ad annum obtinuit Philippus, sed in eam dignitatem sequenti anno Joanne Francisco fratre suffecto, nupsit Alexandræ Dei del Beccuto ex nobilissima tum illius, tum hujus ætatis gente. Ex hac tres filias suscepit. Harum duæ duobus fratribus, nempe Vaggia Joanni, Helena Vincentio Lucæ, Martinis desponsatæ. Ex altera hac Lucas ille Martinus natus est, qui ex primis Academicis Florentinis fuit, & Benedicto Varchio adeo familiaris, ut ei lectionem suam de Pictura, & Sculptura dicaverit. Maria Joanni Francisco Borgiano tradita. His in Fœminis gens Poggii extincta est. Cum enim reliqui Poggii filii, Jacobo excepto, sacris se addixissent, posteritati consulere non potuerunt. Neque omittendus hic videtur Petrus Paulus ipse quoque Poggii filius, qui Dominicanæ Familiæ adscriptus S. Mariæ ad Mi-

A *nervam* Prior factus est, quam dignitatem non nisi probatissimi ejus Religionis viri assequi solent. Huic laudando ea tantum referam, quæ ex ²² Chronico MS. PP. Dominicanorum excerpta ad nos humanissime misit nunquam satis laudatus D. Abbas Salvinus Salvinius. Adnotata ibi Professionis die, nec non ejus Romam itinere, & Prioratu ad Minervam, ait. Tandem die VI. Septembris MCDLXIV. defunctus est, qui animam suam posuit pro fratribus suis, nam cum Fratres peste percussos nimia charitate succensus viseret, gubernaret, & solaretur, ipse morbo eodem sauciatus interiit. Magnum utique sibi lucrum dum vadit ad Christum, B Ordini vero, & Fratribus dum ejus privantur solatio, ope, atque consilio, magnum comparans detrimentum. Hic filius extitit illius eruditissimi viri, qui & Scriba Dominationis fuit, & D. PP. Secretarius, quique Doctrinæ, & ingenii sui monumenta plura reliquit.

Poggii igitur quinque filiorum numero, & splendore auctus neminem tamen ex tanta, & tam præclara stirpe Nepotem habuit, qui gentem hanc, gentisque gloriam propagaret, quod iis rebus contingere plerumque solet, quæ nimia celeritate creverunt. Ego interim, etsi Poggii fama nulla externæ laudationis ope indigeat, nihilominus eruditissimo viro officium hoc persolvendum duxi, non ut illum ornarem, sed ut Historiam hanc lecturis, faciem veluti quandam præferrem. In quo quidem de mea cura, atque opera nihil dico, quæ nec tanta est, ut multis verbis sit explicanda, & si qua est, malim ut aliis, quam mihi, probata videatur.

22. Chron. MS. PP. Dominic. S. Marci ad Necrologium.

JACOBI POGGII

Florentini,

IN LIBROS HISTORIARUM POPULI FLORENTINI AD FEDERICUM COMITEM URBINATEM PRÆFATIO.



Alexandrum Macedonem Philippi filium ferunt, invictissime Princeps, cum in Sigeum ad Achillis tumulum venisset, ingemuisse, quod illa qua is esset ætate, multa præclara facinora peregrisset: quodque egregium virtutum, ac laudum suarum præconium nactus esset: quibus rebus ita suam ignaviam incusare visus est, ut nullo unquam tempore postmodum quieverit, donec non modo illius, sed omnium Græcorum gloriam superaret. C. quoque Casarem multis post seculis imagine Alexandri perspecta ad majora quædam incensum affirmant. Quod si Achillis monumentum, & inanis imago tantum roboris, ac virium habuerit, ut illos ad maximam gloriam perducerent: quid existimare debemus, eorum quos viderunt, præclaros excellentesque viros facta in animis eorum valuisse? Certe id arbitror, sicuti facta dictis anteponenda sunt, & quæ cernuntur magis movent, quam quæ audimus, aut aliorum scriptis percipimus; sic quæ fieri a præstantibus ingenio viris videmus, multo magis nos acuunt, & ad omnem laudem ut expergiscamur, quibusdam quasi stimulis admonent. Verum cum ita comparatum natura sit, ut suæ tantum tempestatis homines cernere, & intueri oculis liceat, summorum virorum ingenio inventum, & perfectum est, ut literis mandando res gestas, quæ diversis in locis longa rerum serie evenerint, perspicui possit. Hinc quantum utilitatis generi humano historia fidiſsima rerum custos afferat, quantumque omnes, qui haud in obscuro egere, illi debeant, cum ea sola præsentibus nobis illos semper faciat, intelligi potest, cujus e cognitione clarissimorum facinorum memoria ad immortalitatis studium excitetur, atque ex aliorum operibus, & uniuscujusque vita, consilia, mores, fortunæ varietates, & incertos bellorum eventus cognoscamus. Quid enim per immortalem Deum Nino, Semiramidi, Cyro, ut ab antiquissimis incipiam, tot bella, tot labores, tot exercitus, tot subacti Reges, & Provinciæ profuissent, nisi a scriptoribus eorum gesta essent literis decantata? Quid Soloni, & Lycurgo leges? Miltiadi, Themistocli, Aristidi, Lyandro, Agesilao, Epaminondæ pro patria innumerabiles angustiae, nisi extarent, qui scriptis ea omnia illustrassent? Quid Hamilcar, Hannibal, Camilli, Fabii, Scipiones, Catones, Bruti, ut ceteros præteream, tot pericula subiissent, si iisdem ea limitibus, quibus vitam suam, terminatum iri existimassent? Nunquam profecto se tantis vitæ laboribus implicassent, si una cum corpore omnia simul interitura credidissent. Verum cum re ipsa cognoscerent scriptorum virtute & industria omnes, qui multo antea vixerant,

vigere, & in omnium ore versari, bonos extolli, ac laudari, malos, & de hominum genere pessime meritos deprimi, & exagitari; id egerunt, ut patriam, & se ipsos ab interitu vindicarent. Neque contenti ceteris scribendi materiam præstare, summepere contenderunt, ut doctrina, & dicendi copia excellerent, commentariosque rerum suarum posteris traderent, ne scriptoribus deficientibus non esset unde eorum præclarissima facta intelligerentur. Unde Xenophontem, Herodotum, Thucydidem, Timotheum, Hannibalem, egregios duces, historias scripsisse apparet; Q. Fabium Pictorem militari disciplina posthabita ad scribendum se contulisse; M. Portium Catonem, L. Syllam, L. Lucullum, Julium Cæsarem, Atinium Pollionem de victis superatisque hostibus historias edidisse; Divum præterea Augustum, Hadrianum, Gordianum seniore rerum potitos, Romani populi gesta eleganti stylo composuisse. Videbant enim summi illi viri id unum esse perfugium vivendi, & proferendæ vitæ modum, si memoriam sui æternam efficerent, animumque immortalem immortalis gloria donarent. Quod studium si principibus, & qui a Theodosio regnarunt, fuisset, & plurimi bello viri iis pares, quos antiquitas celebrat, viverent, & nos illorum rebus cognitis meliores evaderemus. Tulere enim hæc tempora & rei bellicæ scientia, & literis quamplures summos viros, qui si disertissimorum hominum ingenia sortiti essent, unde omnium virtutum exempla sumerentur, non deessent. Nam ut reliquos omittam, nonne Albertus Magnus, Thomas, Ægidius, Scotus, Pythagoræ, Zenoni, Chrysippo, & Aristoteli in philosophia pares esse possunt? Gufridus Bolionus maxima Asiæ parte debellata, ac primus Palestinæ, & Judææ Rex dictus, Amberlanus potentissimus Asiæ Rex, Federicus Barbarossa, pluresque alii & rerum gestarum gloria, & exercitus copia, & regionum varietate quas occuparunt, Nino, Cyro & Xerxi sunt comparandi? Quis Braccium Sfortiam, Franciscum ejus filium Mediolani Principem, Carminiolam, Nicolaum Piccininum, Philippum Hispanum, Johannem Vaivodam, si Athenis, aut Spartæ nati essent, non Leonidæ, Pausaniæ, Pelopidæ, & summis quibusque imperatoribus cœquasset? Certe in tam corruptis moribus, in tanta rerum omnium perversitate conducto milite, & mercenariis equitibus, cum pro aliorum augendo imperio decertaverint, quid existimamus fuisse facturos, si pro civibus, pro gloria, pro libertate patriæ, pro liberis, divinis denique humanisque rebus omnibus dimicassent? Absit invidia, & livor, hæc nostra quæ præcessit ætas eloquentiam cum re militari ita conjunxit, ut vere affirmare ausim præcæ illi minime fuisse cessuram, si idem exercitationis genus, & eadem præmia artibus fuissent. Quis enim Dantem, Petrarcham, Boccacium, Leonardum, Poggium, Ambrosium indignos judicet qui Ciceronis seculo conferantur, si in Romana Republica nasci contigisset? Vigebat forum, judicia, Senatus, erat usus dicendi varius, quo ingenium natura optimum expolire potuissent; his omnibus sublatis, quod tantum profecerint mirandum maxime est, solaque bonitate naturæ, & ingenii ubertate id affectos esse, quod præmiis maximis, gloria, & frequenti exercitatione illi consequerentur. Non minori profecto existimatione apud nos essent, quam illi ipsi quos tantopere admiramur, si digna præmia suis virtutibus adepti forent; nam cum virtus tantum laudetur, & deserta jaceat, deterrentur homines, laboremque extremum sine aliquo emolumento fugiunt, qui si Mæcenates nonnullos, ut poeta inquit, cernerent, tanquam e somno excitati emergerent, & ad summam dicendo laudem pervenirent. Conjecturam facere licet his proximis annis in Alphonso Rege, divinoque Principe Nicolao Quinto Pontifice Maximo doctorum omnium parente, qui cum unicuique receptaculum illustrium virorum esset, illosque in honore, ac pretio haberet, id sua liberalitate, & industria effecit, ut omnes ad scribendi studium propositis præmiis se conferrent, longoque postliminio Græca lingua in Italiam reducta, multa nobis legenda traderentur. Cum quo sanctissimo, ac sapientissimo homine Latinas simul & Græcas litteras peruisse merito dicere non dubitarem; nisi tu post supremum illius diem bonis omnibus desendum unus existisses, qui præstanti ingenio viros tuis opibus sustentares, dispersosque, ac tanti viri morte pene attonitos tuis verbis, & cohortationibus bene sperare, ac bono esse animo juberet. Itaque, Illustrissime Princeps Federice, cum solus hac nostra ætate sis, qui non modo ingenio faveas, verum etiam ad rei militaris scientiam, eloquentiam & dicendi copiam addideris, in philosophia tantum profeceris quantum otioso homini vix conceditur, assidueque domi, ac militiæ aliquid scribas, aut legas, historias vero præteritorum temporum ita teneas, ut nihil tibi incognitum esse constet: nequid omnino novum animo tuo sit, optimi parentis vigilias, quibus proximæ ætatis per Italiam res gestæ continentur, ad te mittere decrevi. Cui enim illas potius dedicarem, quam ei, qui & familiaritate secum junctus fuit, & doctus ipse doctos colit, & observat? Poggii enim ingravescente ætate tanquam emeritis stipendiis, cum Roma, ubi magna cum laude vixerat, venia a Pontifice impetrata in patriam revertisset, ut memoriæ tantæ urbis consuleret, inter privata, publica negotia, commentaria rerum Florentinarum a primo bello cum Johanne Mediolanensi Archiepiscopo, usque ad pacem cum Alphonso per Nicolaum Pontificem factam morte præventus reliquit.

Mibi vero ut primum per ætatem licuit, ne nostræ Reipublicæ, plurimorumque clarorum virorum memoria deperiret, nihil fuit potius, quam omnia in octo digesta libros summa cum diligentia in unum corpus redigere, ac legenda posteris tradere; quod opus undique absolutum, ac perfectum cum in manibus versaretur, multaque inessent incognita, ac memoratu digna, scripta præsertim ab homine suæ ætatis eloquentissimo, volueremque animo, ac cogitarem ad quem potissimum hos labores destinarem, tu unus occurristi, qui & rerum gestarum magnitudine, & gloria par illis sis, quibuscum toties a nostris est de imperio certatum. Cumque hoc anno tua virtute Volaterrani, antiquissima Etruriæ civitas, montis asperitate, & loci natura freti imperio nostro rebelles sub jugum venerint, tuque industria tua naturam, & difficultates omnes superaris tanta celeritate, ut triumpho, qui tibi ob res bello bene gestas paratus a Senatu nostro est, verissime id adscribi potuerit, ut primum veneris, videris te vicisse, patriamque nostram periculossimo tempore devictis hostibus quietam reddideris, eaque per te suam dignitatem contra omnium opinionem recuperavit, urbsque inimica, quæ biennio a Syllano exercitu post civilem victoriam obessa, pactione in Romanorum potestatem devenerit, paucos infra dies colla submittere in urgente coacta sit, Senatus populusque omnium consensu, & una voce in Rempublicam acceperit, ac civitate donavit, laurea, & ceteris militaribus insignibus decoravit, nemo vero tam ingratus in patriam Civis fuerit qui non tibi se plurimum debere existimaret: ego quoque pro viribus meis aliquo virtutem tuam munere honestare cupiens, ut testimonium meæ in te, & in patriam observantiæ extaret, hanc Historiam tuo nomini dicare institui, quæ urbi nostræ, & Auctori laudem non vulgarem apud posteros allaturam esse pro certo existimo. Eam cum leges, majores tuos, te ipsum denique intueri licebit, cujus auspiciis plurima summa cum laude gesta esse comperies.



1

POGGII BRACCIOLINI,

Florentini,

HISTORIARUM FLORENTINI POPULI LIBRI PRIMI EPITOME.

2

Florentiæ Urbis, Vicecomitum Gentis, Guelfæ factionis, & Ghibellinæ Origo. Vicecomites Mediolanum habent. Mediolanensis Archiepiscopus Florentinis bellum indicit; & post varios eventus pax jungitur. Archiepiscopus moritur. Florentini cum Pisanis bellum gerunt: multisque præliis su-

A periores sunt. Pax fit. Caroli Imperatoris in Italiam adventus. Florentini S. Miniatum obsidione premunt; in suam redigunt potestatem. Cum Pontifice fœdere inito Vicecomitibus bellum movent: iterum post varios belli eventus pax conficitur.

LIBER PRIMUS.



A scripturus bella, quæ Florentinus Populus cum Vicecomitum familia, quæve cum cæteris ad hæc usque tempora paulo centum amplius annos vario Marte gessit, operæ pretium fore putavi, initia, variumque urbis nostræ statum usque ad primum cum Archiepiscopo bellum recensere paucis, tum adjicere ejus familiæ primordia, quæ pollens potensque viris, & imperio præ cæteris Italiæ principibus fuit. Florentiam urbem satis constat initium traxisse a Romanis ex ea civium colonia, quam Lucius Sylla post civilem victoriam Fesulas divisit viritim agris misit. Hi montium asperitatem fugientes in plano confedere juxta fluentem Arnun, a quo, & Fluentiam primum, ut Plinio placet, positam dixere. Id mihi similis videtur vero, quam quod Leonardus Aretinus scriptum suis in historiis reliquit, existimans, quoniam inter duo fluen-

B ta Arnun, & Munionem locata esset, Fluentiam appellatam. Sed magis Plinio, qui hujus urbis origini proximus ætate fuit, & Munionem non fluentem, sed torrentem vado sæpius ætate arido appellari docet, credendum videtur. Posterius deinde Florentiam paucis, ut fit quandoque, mutatis literis appellarunt. Prioris urbis perpaucas superfuit vestigia, ut thermarum rudera quædam novis ædificiis inserta, a quibus & hodie propinquus vicus Therma vocitatur. Aquæductus quoque lapideus, cujus extra urbem nonnulli arcus apparent, ac templum superstat nobile, quod Marti gentilitas dicavit, nunc Johanni Baptistæ sacratum; nomen & Capitoli, & propinqui fori instar urbis Romæ ad hanc diem perseverat. Ea civibus, opibusque plurimum aucta Romano Imperio usque ad Totilam Gothorum Regem paruit, a quo sexcentesimo fere post eam conditam anno, captam, & everfam tradunt: trecentos deinde circiter annos deserta cul-

Post
Christ.
nat. ann.
552.
ann. 100.
to-

1. Vicecomitum familiam a Vicecomitum dignitate denominatam putat Bernardinus Coriis Hist. Med. Part. 1. Vicecomites autem dicti, qui Comitibus vicem gerebant. Hos eligendi Imperatores, & Archiepiscopi jus habebant. Sed & Mediolanensis populus Vicecomitem suum elegit anno MCXCVIII. Plura, sed incerta de Vicecomitum origine refert Georg. Merula. Antiq. Vicec. lib. V.

2. Initium traxisse a Romanis. Romanos Florentiam condidisse quis negat? nec audiendus Joannes Villanus, qui lib. I. cap. 38. a Florino conditam dicit, & nominatam. V. notam seq.

3. Colonia quam L. Sylla. Leonardum Aretinum sequitur Poggius, & ambo Ciceronem, qui de Catilinæ conjuratione sic habet. Catilinæ studium eis in coloniis sibi conciliandis positum, quæ a L. Sylla prope Fesulas instituta fuerant. Nulla hic Florentiæ mentio. Neque verisimile Coloniam Florentiam a Sylla deductam, cum eandem sub hasta venditam ab ipso Sylla referat Florus lib. III. cap. 21. Sed nec a Sylla deductam, nec ab eo venditam satis probat Vincentius Borghinus de Origine Florentiæ. Triumviri coloniam Florentiam deduxisse volunt Angel. Polit. lib. I. Ep. ad Petrum Med. & Vincentius Borghin. hocque a Julio Frontino lib. de agrorum mensuris accepere, ubi ait, Florentia Colonia a Triumviris deducta, adsignata lege Julia Centuriis. Hi vero fuere C. Cæsar, M. Antonius, & M. Lepidus. In hanc sententiam ego quoque feror, propterea quia hic duntaxat expressum Florentiæ nomen habetur. Vid. Borg. de Orig. Flor. ubi sepulchrali lapide hoc comprobatur. Deducta autem colonia est post victoriam Philippicam ann. Romæ DCCXII. ante Christum natum XL.

4. Fluentiam primum. Fluentiam aperte vult Plinius antiquitus denominatam fuisse; lego enim in MS. Codice optimæ notæ apud me lib. III. Cap. 5. quod est in editis Caput 8 hæc verba. FLUENTINI, NUNC FLORENTINI DICTI, PROFLUENTI ARNO APPOSITI. utcumque legitur & senserit P. Harduinus. Accedit Decretum Desiderii Longobardorum Regis apud Grut. in quo antiquum Fluentinorum nomen positum videmus illis verbis, Palan-

tes FLUENTINOS collegimus, quod ad Florentinos P. Harduinus ipse refert.

5. Leonardus Aretinus. lib. I. Historiæ Florentinæ.

6. Prioris urbis. Ædificiorum scilicet antiquorum, cum Urbis facies hoc tempore alia sit, & ab antiqua illa valde diversa.

7. Therma. Ab antiquis Thermis, seu balneis, licet Thermarum nomine quandoque Ædificiorum ingentes moles sumantur.

8. Aquæductus. Hunc Macrinus Romanus Senator construendum curavit, ut aquam ex loco septem pass. millia distante in urbem deduceret. Caput aquæ quod corrupto nomine Cappacia nuncupatur, in Therma Vico. Id Joannis quoque Villani tempore extabat, & aquarum collectioni usui fuisse probabile est.

9. Templum, Tempore Octaviani Augusti extructum in Camartis loco, Martique sacrum. Ut Ugol. Ver. de Illustr. Flor. lib. II.

Nec procul a primis erexit manibus adem

Mavortii, quæ post cessit sacrata Joanni.

Joanni vero sacratum Constantino imperante in Pontificatu Sylvestri.

10. Capitoli. Romæ parvulæ nomen inditum Florentiæ, quod similitudine quadam Romæ fuerit ædificata. Vid. Joann. Vill. lib. I. cap. 38.

11. Totilam. Inapte quidem tum Malespinus Hist. Flor. cap. XXII. tum Joann. Vill. lib. III. Cap. 1. alique Totilam cum Attila confundunt, qui centum ante Totilam annos occubuit.

12. Sexcentesimo &c. Ante diximus a Triumviris Florentiam Coloniam deductam anno ante Christum natum XL. Hoc igitur convenit temporibus Totilæ, qui cum post Christum ann. DXLII. regnarit, DC. fere anni præterierunt.

13. Captam & everfam tradunt. Captam fuisse bene tradunt, non autem everfam, quod aperte negat Vincentius Borghinus part. II. qui de Florentiæ everfione fufe disputat p. 252. 260. Quid enim Narseti opus fuerat cum tot

P. Bracciolinus. A arma-

toribus ¹⁴, demum a *Carolo Magno* post adeptum imperium ¹⁵ restituta. Civibus variis in locis a fortuna dispersis receptaculum fuit. Ad avitam urbem reliquiae civium reversae brevi tempore admodum coaluerunt. Duos initio Consules, & centum patres, qui Reipublicae praessent Senatui sibi creantur. Variis cum *Fesulanorum* novae urbi invidentium, tum aliorum finitimorum bellis laceffiti sub Imperatoribus qui post ¹⁶ *Carolus* regnarunt, a quorum praetoribus regebantur, parvos intra fines coacti se suaeque egregie defendentes vixere. *Otho primus* Imperator ¹⁷ fines eorum, quos Comitatum appellavit, ad sex passuum millia protendit, anno restitutae urbis trigesimo nono. Imperitantium deinde iniquitas magis tyrannorum, quam bonorum Principum more variis urbem injuriis vexantium ad capeffendam libertatem coegit. Prima illorum defectio culpa ¹⁸ *Henrici Quarti* orta est *Romano* ¹⁹ Pontifici, cui *Florentini* favebant, hostis, centum fere post *Othonem* annis, Salutis vero octuaginta supra mille, qui tamen haud multo ²⁰ post ob auxilia sibi a *Florentinis* in expeditionem adversus *Saracenos* missa, fines eorum ad decimum lapidem protulit. ²¹ Suffulta civibus, ac viribus urbe, inque Tribus quatuor divisa, cuique Tribui consul, ²² qui jus diceret, tributus est; pauloque post duae additae, quae & ipsae suum consulem sunt sortitae. Cum vero tum precibus, tum factione civium parum iustitiae loci esset, hominumque plus, quam legum imperia possent, externum ²³ Magistratum, quem Potestatem appellarunt, ut jus populi redderet accersiverunt, ²⁴ pauloque post nobilium ²⁵ exagitati injuriis ²⁶ Capitaneum sibi populus, & duodecim seniores, ac vexilliferos ²⁷ viginti, quorum consilio Respublica administraretur, instituunt. Diversis deinde bellis civilibus, partim fatigatis, partim pulsus civibus,

A ac multorum direptis factionum culpa bonis, Priores ²⁸ artium, qui Rempublicam regerent, anno Christi secundo, & octuagesimo post mille ducentos creati sunt. Hic ordo, licet varie, & numero, dignitate immutatus, ad hanc diem perseverat. Nam ad Priores, ²⁹ qui sex numero erant, decennio post ³⁰ Vexillifer iustitiae, trigesimoque deinde anno duodecim viri, qui Boni appellantur electi, & numerus viginti Vexilliferorum ad sexdecim redactus, & duo ³¹ Priores adjecti, & Civitas in quatuor partes divisa. Instituta praeterea Consilia, ut appellant, duo, alterum populi in quo magna ex parte plebeji magistratus inessent; alterum Communis, in quo viri electiores continerentur, quorum suffragiis decernerentur singula, tum publica, tum privata, quae graviore iudicio egere viderentur. Primae urbis moenia, ut ³² initio tenui omnia ferme maiora constant, parvo ambitu fuere. Secunda maiorem circuitum sunt complexa. Terti deinde ambitus decimo septimo ³³ post primos Priores anno ampliori spatio fundamenta, ut quae quinque passuum millia occupent, iacta sunt. Anno quinto ac vigesimo supra mille trecentos sua sponte ³⁴ quod semel tantum accidit, libertatem amisit: diutino etenim bello fessa, ad *Robertum Siciliae* Regem, quocum foedere juncti erant confugiens, ad imperium urbis filium ejus *Carolus Calabriae* Ducem in decennium evocavit. Post octo ³⁵ paulo amplius annos cum libertatem restituisset civibus, *Gualterius* ³⁶ qui cum eo *Florentiam* concesserat *Athenarum* dux, quorundam civium consilio, ac dolis urbis tyrannidem ³⁷ occupavit, quo post decem menses pulso, libertatem sibi consciverunt. Hic status erat rerum *Florentini* Populi, tum ³⁸ armis foris, tum ³⁹ domi seditionibus inquieti usque ad annos mille trecentos quinquaginta: cum *Johannes Vicecomes Archiepiscopus*

armatorum millibus ad eam accedere, si moenibus dirutis eversa fuisset?

14. *Cultoribus*, qui propinquas in urbes confugerant.

15. *Restituta*, seu iterum aedificata, ut vult *Malespinus Hist. Flor. & Joann. Vill. lib. II. cap. 23.* qui addit *Florentinos* novam aedificationem a *Carolo Magno* Romae degente petiisse, & ab eo exercitu adjuutos; quod itidem negat praecitatus *Borghinus*. Mirum quidem *Malespinum* *Cap. XLV.* asserere ann. DCCC. *Carolus* paschalem diem *Florentiae* celebrasse, cum ann. DCCC. Italia excefferit, neque amplius reversus fuerit.

16. *Qui post Carolus*. Septem novit *Francos* Imperatores ante *Arnulphum*.

17. *Imperator*. Primus hic ex Germanis Italiae imperavit.

18. *Henrici Quarti*. *Henricus* hujus nominis Gallorum Rex quartus, Romanorum Imperator tertius.

19. *Pontifici*. *Gregorio VII.* cui *Florentini* erant addicti, injuste arma intulerat *Henricus* anno Christi MLXXXVIII. *Florentini* ab eo deservire ann. MLXXX.

20. *Haud multo post*, hoc est anno MLXXXIX. sic creditur *Joanni Vill.*, qui ab *Urbano* eo tempore concilium ad *Clarum Montem* celebratum fuisse narrat. Sed Concilium hoc *Sebus Calvisius* p. 642. nec non *Baronius* celebratum asserunt anno MXCV. & in eo expeditionem adversus *Saracenos* decretam. In qua

*Florentina phalanx gessit felicia bella,
Alta Palestina transcendit moenia Sion,
Primaque post Regem muris Victricia signa
Imposuit, meruitque auratae dona coronae*

Ugol. Ver. de Illustr. Flor. lib. 1.

21. *Civibus*. *Fesulanis* praecipue civitate donatis, cujus Patriam funditus everterant *Florentini* *Ammirat. lib. I.*

22. *Consul*. Quatuor consules, dum quatuor portas Urbs habuit. Ad sex portas extensa, & in sex tribus divisa, sex quoque habuit Consules.

23. *Externum Magistratum*. In pluribus Italiae urbibus usus hic invaluit. *Cort. Hist. Veron. Bonif. Hist. Tarv. & alii alibi.*

24. *Accersiverunt* *Gualfredum* *Grassellium* *Mediolanensem*. *Ammirat. lib. I. p. 68.* *Malespinus* vero, & cum eo *Jo. Vill. lib. V. Cap. 32.* *Gualfredum* *Mediolanensem*.

25. *Nobilium* *Ubertorum* familiae aliorumque nobilium.

26. *Capitaneum* *Ubertum* *Lucensem*.

27. *XX. Vexilliferos* sub quibus armatus coiret populus.

D Horum vexilla refert *Jo. Vill. lib. VI. cap. 40.*

28. *Priores artium*. Primam Priorum creationem non bene assignat *Poggius* anno MCCLXXXII. cum anno MCCIV. jam haec dignitas tribus delata fuisset Latino, Janibono, & *Guadagnio*. *Negari* tamen non potest anno tantum MCCLXXXII. eos dignitate, ac auctoritate mirifice auctos fuisse. *Scip. Ammirat. lib. I.*

29. *Hic ordo*. Ex hoc ordine *Poggium* ipsum fuisse, in ejus Vita ostendi.

30. *Vexillifer*. Primus *Ubaldo* *Ruffolus*.

31. *Duo*, ut in *Anglia*, & *Gallia*.

32. *Initio tenui*. Sic *Livius de Roma. Quae ab exiguis profecta initii adeo crevit, ut jam magnitudine laboret sua.*

33. *Decimo septimo post primos Priores* anno. Hoc est anno MCCXIC. cum primi Priores anno MCCLXXXII. Magistratum obtinuerint secundum opinionem *Poggii*.

34. *Quod semel tantum accidit*. Tamen enim *Carolus Ludovici Galliae Regis* fratrem anno MCCLXVII. & *Robertum Siciliae Regem* anno MCCCXIII. accivit, non ideo libertatem amisit. Eorum siquidem patrocinio potius, quam imperio usa est.

35. *Post octo paulo &c.* Vel sic intelligendus est *Poggius*, ut *Carolus* post annos octo libertatem urbi restituerit, quod sustineri non potest, cum vix tres annos regnaverit, hoc est ab anno MCCCXXV. ad annum MCCCXXVII. Vel ita explicandus est, ut *Gualterius* post annos octo tyrannidem occupaverit: sed hoc ipsum falsum est, cum occupavit anno MCCCXLII. hoc est quatuordecim post annis.

36. *Cum eo Florentiam concesserat*. Melius pro eo, nam ante suum adventum a *Carolo* pro *Vicario Florentiam* missum *Gualterium* constat anno MCCCXXV. mense Majo; *Carolus* advenisse ann. MCCCXXVI. mense Julio. *Joann. Vill. lib. II. Ammirat. lib. VI. p. 327.*

37. *Occupavit*. Delatum illi urbis Imperium refert *Ammiratus* a *Populo*, quem sibi Dux conciliaverat, anno MCCCXLII. mense Sept. pulsus vero est MCCCXLIII. mense Julio.

38. *Tum armis*. Nil memoria dignum actum est. Duo tantum oppida, *Colle*, & *Sanctum Geminianum* capta. Plura tamen foedera cum *Senensibus*, *Perusinis*, aliisque inita.

39. *Tum seditionibus*. *Andreas Strozzius* urbis tyrannidem occupare molitus fuerat. Pulsis nobilibus *Populus* sibi urbis imperium adscivit. *Ubalдини* *Florentiam* revocati nova tentabant.

1350

piscopus *Mediolanensis* suæ urbis, multarumque⁴⁰ præterea imperio potitus a *Jacobo Pepolo Bononiam* CC. millibus aureis emit, quæ res virum ambitiosum, & dominandi cupidum ad majora impulit, animumque incendit ad appetendum imperium *Etruscorum*, quorum magna pars factionum, quæ in *Italia* vigeant, caula cum eo sentiebat, unde & bellum descendit. Nam cum in *Italia* essent sectæ duæ *Guelforum* scilicet, & *Ghibellinorum* posterioris partes Vicecomites sibi tutandas suscipere. De quibus priusquam ulterius progrediar pauca videntur dicenda. Hanc familiam per antiquam sane, ac nobilem fuisse constat, multisque rebus domi militiæque gestis præclaram. Ea primum originem traxit ab his locis, quæ sunt apud *Verbanum* lacum⁴¹ ubi diutius inter primores claruit. Vulgo ferunt strenuum ex ea gente virum serpentem magnitudinis miræ infatigabilem parvulum deglutientem occidisse, signumque militare ob gloriam gestæ rei serpentem puerulum vorantem sibi sumpsisse. Post *Mediolanum* a *Federico*⁴² primo funditus everfam, cum cives, qui cladi superfuissent urbem instaurarent, ejus familiæ Principes *Mediolanum* honoris ampliandi gratia commigrarunt; ⁴³ e vestigioque partis, quæ *Ghibellina* dicebatur, fautores summum tenuerunt apud cives locum. Erat antea *Mediolani* antiqua, ac præpotens familia eorum, qui de *Turre*⁴⁴ cognominabantur, princeps factionis quam appellant *Guelfam*: harum⁴⁵ partium initia supra trecentimum annum tempore *Corradi Secundi* ortum duxere. Nam cum *Henricus* ejus filius, *Vilfoque Bavariæ* Dux acie dimicasset, victoriaque penes *Henricum* stetit; qui *Henrico* adfuere, a vico juxta quem pugnatum est *Vibellini*; qui *Vilfoni* ab eo sunt *Velfi* appellati. Quoniam vero *Corradus Henricusque* infensi Pontificibus fuere, eos, qui pro Imperatoribus steterant, *Ghibellinos*, a *Vilfone*, qui Pontifici hærebant, *Guelfos* posteritas dixit; quæ factio e vestigio in *Italiam* transgressa, tamquam pestilens incendium eam infinitis pene cladibus vastavit. *Ghibellinorum*⁴⁶ sectam Vicecomites secuti ejusque defensione suscepta e civitate opera *Ghuidotti de Turre* pulsi⁴⁷ sunt; pauloque⁴⁸ post *Henrici Tertii Ghibellinis* faventis opera restituti, quo be-

A neficio in suas partes magis incubuerunt. Ejecta deinde ex urbe adversæ factionis⁴⁹ gente omni, civitatem suo nutu regebant, paulatimque imperandi consuetudine urbis Tyrannidem ob favorem partium occuparunt. *Maffeo*⁵⁰ seniore mortuo solus *Johannes Archiepiscopus*⁵¹ frater regnavit, multasque præterea urbes suo adjecit imperio, *Papiam*, *Placentiam*, *Brixiam*, *Cremonam*, *Laudum*, *Bergomum*, *Comum*, *Vercellas*, *Novariam*, *Asti*, *Alexandriam*, *Terdonam*. Occupata *Bononia*, cum omnia ejus consilia eo spectarent, ut fines proferret, occasione movendi *Florentinis* belli ex partium defensione, quarum se acerrimum propugnatorem præbebat, sumpta; *Florentiam* urbem inimicis⁵² suis faventem, & tanquam suas partes oppugnantium sedem sibi opprimendam statuit, quo latius evagari imperandi cupido posset, movendo quoque bello, ut aliquam justam causam præferret, litteris *Bononiam* a *Florentinis* quorundam⁵³ civium opera ad desciscendum sollicitatam questus est. Ut vero quod animo conceperat, ex voto succederet, *Ghibellinæ* sectæ capita, quæ plurima in *Tuscia* erant, in primis sibi conciliavit. Tantas Archiepiscopi vires veriti *Florentini*, *Pratum*⁵⁴ oppidum opulentum, ne ex incolarum dissensionibus facultas daretur ad Archiepiscopum deficiendi, valido comparato exercitu compulerunt,⁵⁵ ut suis militibus receptis ejus custodiendi curam sibi permitterent. Deinde cum propter dubiam oppidanorum fidem parum sibi cautum esse sentirent, a *Ludovico Siciliæ Rege*⁵⁶ *Johannaque Regina Ducis Calabriæ*, cujus ditionis id oppidum fuerat, hæredibus opera *Nicolæ Acciajoli Florentini*, cujus⁵⁷ opes apud Reginam plurimum poterant pretio emptum, dominandi potestate concessa, pro suo deinceps tenere. Pulsis deinde urbe *Pistorio Guelfis* cum timerent, ne qui *Pistorii* erant, exulum metu Archiepiscopo se dederent, e vestigio exercitu scripto, in quo ad quindecim equitum, peditumque millia censebantur, urbem obsidione cinxere, quæ paucis post diebus desperato auxilio recepta est.⁵⁸ Obstant hæc Archiepiscopi consiliis, cum videret augeri *Florentinorum* adversæ factionis opes. Accius igitur *Mediolanum* *Hetruriæ* omnis, ac *Flaminie Ghibellinarum* partium principibus,⁵⁹ longiori

1351

1351

40. Multarumque. Eo enim tempore viginti duæ urbes in ejus ditione erant, quibus, pulso Joanne Pepolo, Bononia adjuncta.

41. Verbanum. Lacus Insubriæ vulgo Lacus major, per quem Ticinus triginta millium passuum itinere fluit, distat Mediolano millibus pass. 17.

42. Funditus eversum. Ann. MCLXII. solum aratro subactum, & sale sparsum Ann. Suéc. & Tristan. Calvus Hist. lib. X. Corius addit XXVI. Martii MCLXII. id contigisse.

43. Commigrarunt. Vicecomites tunc non commigrarunt primo, sed iterum, expulsi enim aliis cum civibus ante everfionem fuerant, nam constat Othonem Vicecomitem apud Conradum Friderici Imperatoris fratrem pro patriæ incolumitate orationem habuisse.

44. De Turre. De hujus familiæ origine, nobilitate, Corius. Hist. Med. part. I. Mediolanum familiam transtulit ex Valsafina Paganus Turrianus a Mediolanensi Populo Dux electus ann. MCCXL. Idem Corius.

45. De Guelfis & Ghibellinis factionis origine autores varii, varia narrant. Vid Bartolum in tractatu de Guelfis & Ghibellis, qui dicit Ghibellinos a Friderici Ghibelli cognomine nomen sumpsisse. Alii eos Pistorii ortum traxisse a duabus familiis, alii a duobus fratribus Guelfo, & Ghibello, inter quos gravissimæ erant inimicitie.

46. Ghibellinorum sectam. Ut principem in ea locum teneant, nam Guelfam Turriani tuebantur.

47. Pulsi sunt ann. MCCCII. opera Guidotti, deinde vero publica autoritate exilio multati.

48. Pauloque post. Post novem annos Mathæum Vicecomitem de exilio reduxit Henricus VII. Mediolanum profectus ann. MCCCXI. Vide Merulam Antiq. Vicec. lib. VI.

49. Adversæ factionis. Guido Turrianus pulsus est ann. MCCCXI. Mense Februario, & ann. MCCCXVII. Mathæus Vicecomes Imperialis Vicarius Principis nomen usurpavit. Merula ibid.

50. Maffeo. Scribentis errorem puto, nam Jacobus qui historiam hanc Italice reddidit, & omnes coevi Scriptores, Corio excepto, Mathæum appellavere.

51. Joannes Archiepiscopus. Ann. MCCCCL. rerum sacrarum administrationem cum civitatis administratione conjunxit.

52. Inimicis suis. Eo confugerant Mediolano pulsi.

53. Quorundam civium. Inter hos Jacobus Popolus, qui Bononiam Archiepiscopo venditam, rursus vendere moliebatur, non tamen Florentinis sollicitantibus.

54. Pratum. Hetruriæ oppidum medium inter Florentiam ad ortum, & Pistorium ad occasum. Nunc Civitas.

55. Compulerunt. Anno MCCCCL. coacto exercitu ex improvviso Pratum occupant Florentini.

56. Hæredibus. Sponso suo Andreæ Ungariæ Regi mortis illatæ crimine absoluta à Clemente Pontif. & Card Calabriæ hæres declarata Joanna, nec non quorundam in Hetruria oppidorum, inter quæ Pratum, quod a Florentinis Nicolai Acciajoli opera emptum est 17500. aureorum pretio. Matth. Vill. lib. I. cap. 7.

57. Cujus opes. Non tam opes apud Joannam, quam ejus consilia valebant, quibus Joannæ Regnum servatum est adversus conatus fratris Andreæ Ungariæ Regis demortui. Matth Palmerius in vita ejusd. Nic. p. 155.

58. Recepta est. anno MCCCCL. Mense Aprili.

59. Principibus. Ubaldinis, Interminellis, Ubertinis, Patitiis, Comitibus a S. Flore, Carolino Pistorienfi, aliisque quorum nomina apud Matth. Vill. lib. II.

1351

giori oratione suavit sedem hostium suorum, & tanquam fomentum malorum omnium delendam esse; nullam esse in Italia præter Florentiam Guelphorum spem præsidiumque, a qua omnis eorum protectio defensioneque oriretur: hanc solam urbem obstare fortunæ suis, quæ satis dubiæ essent, nisi ejus civitatis vires deprimerentur. Illam perfugium subsidiumque eorum omnium esse, qui a suis partibus dissentirent, a quibus nulla pax, nulla certa conditio dici posset, quibus de statu suo tuti forent. Providendum esse rebus suis in tempore cum facultas daretur, quoniam sera penitentia nihil esset profutura. Delendum⁶⁰ vel subjiendum cum locum, qui suis partibus præ cæteris obesset: nunquam Italiam quieturam, dum vigerent, quorum consilio, opibusque cæteri niterentur, semper eam Rempublicam favisse illis, qui contra se armis certassent: nunquam bellorum causam defuturam, donec hi vigerent, in quibus adversariorum consisteret robur: nemini autem fore dubium⁶¹ quin capite deleto Guelphorum membra omnia facile deficerent: si se Ducem sequi vellent, cito futurum, ut in tuto res eorum staret. Non esse cunctandum, si⁶² viri, & qua necessitas cogeret mente forent: sibi in animo esse Florentinorum potentiam bello contemere; fore procul dubio ut tot hostium vi belloque undique circumventi vexatique facile subjiçantur, & exulibus (hi plurimi domo pulsi erant) detur redeundi locus. Vel solum se satis videri, ut illos opprimat; quod si eorum, qui plurimi, & prævalidi sunt, vires accedant, nemini dubium fore, quin victoria potiantur: irent igitur, & se auctore⁶³ præsentis animo bellum pararent, ut uno tempore imparatos variis locis aggrediantur. Ejusmodi hortationibus incensi omnes, Archiepiscopi consilia sequenda decrevere. Huic concilio cum capita factionis, tum eorum, qui adesse non poterant Oratores, & in his Ubaldini: Castrutii⁶⁴ filii: Lucenses: Pistorienses: Florentinique exules affuere. Inito inter eos belli gerendi fœdere, & ut quisque qua regione Florentinis propinquus erat, statuto tempore bellum excitaret, quo facilius variis in locis laceßiti, animis viribusque deficerent, domum redire, & copias parare jussit. Universæ ferme Hetruriæ Ghibellinarum partium duces præter Pisanos (hi pacem⁶⁵ servarunt) ad arma concitanda convenere. His constitutis e vestigio Archiepiscopus equites suos peditesque Bononiæ convenire jubet: Ducem exercitus Johannem Aulegium⁶⁶ Vicecomitem, quem nonnulli filium ejus asseverabant, bellum Pistoriensibus primum inferre mandat, si quo modo exules in patriam per illos restitui possent. Id quo facilius fieret, arcem Sambucæ, quæ Bononiam Pistoriumque interjacet, ut inde exercitui commectus subveheretur, rebus usui belloque necessariis communire. Tum mense Julio celerius omnium opinione cum omnibus copiis dux in agrum Pisto-

riensem profectus quarto ab urbe lapide castra locat. Biduo tamen Pistorium a Florentinis, ut urbi præsidio essent equites peditesque ad mille missi. Tentata per hostes oppidi (cujus potiundi per quosdam cives spes oblata erat) expugnatione turpiter rejecti⁶⁷ retrocessere. Per idem tempus Ubaldini interrupta, quam cum Florentinis firmaverant pace, Florentiolam nondum muro cinctam occupant: inde ad castellum⁶⁸ Coloreti profecti, minis, ac terrore arcis⁶⁹ custodem, qui Florentinus erat, ad deditonem compulerunt, qui cum Florentiam rediisset, quo cæteri a simili facinore deterrentur, capite pœnas dedit. Petrus insuper Sacconus cum omni Tarlaturum gente, quæ Aretii principatum tenuerat, multique oppidis imperabat: ac Pæcii familia nobilis ac potens in Valle superiore Arni eas oras, quæ propinquæ Florentinis aut parebant, aut fœdere junctæ erant, crebris excursionibus populantur. Magnum hæc tanta belli moles, tam diversis excitata locis terrorem incussit. Comparatis itaque pro temporis angustis subitariis militibus, qui hostium agmen, si qua incederet, carperent, injuriasque propularent, legationem ad Aulegium decernunt, quæ diceret: mirari se summopere nullam ob justam causam, nullamve suam adversus eum, aut Archiepiscopum injuriam, tanquam hostes armis oppugnari, præsertim minime indicto (ut mos est jure gentium) bello. Sed paucis tantum verbis scriptum⁷⁰ id fieri ob non servatam ab eis pacem: quod cum iniquum videretur (non enim ipsos propriæ causæ arbitros esse debere) petere se, ut abiret finibus suis, bellumque injuste motum juste revocaret. Responsum est redditum superbia, & contumelia plenum: ideo arma adversus eos per Archiepiscopum sumpta, quia Hetruriæ pacem, quam ipsi turbarent, appeteret: tum ut æquius, ac justius suis civibus imperarent; non enim æquum esse bonos, & bene de republica meritos cives urbe per factionem⁷¹ inimicorum pelli: neque tam avare, tamque impotenter tum cives, tum socios tractari: abirent, & Legatis iram Archiepiscopi, dum veniæ locus esset, placarent: quod maxime fieri posse confidebat: si ei urbem sponte darent, id sibi videri satius, tutiusque fore, quam si invitæ facere cogèrentur: se enim ad id eos, si recusarent, populationibus, igni, ferro, cladibus compulsurum: multa in eam sententiam dixit, quæ magis audacem, ac temerarium, quam aut prudentem, aut temperatum virum decerneret. Re infecta cum Oratores⁷² rediissent, indignatione tam improbi responsi Civitas commota bellum decernit, militesque ad arcendos, qui undique imminabant, hostes parat. Qui prope Pistorium castra posuerant, desperata urbis victoria⁷³ post Legatorum discessum in agrum Florentinum adeo inexpectati usque ad quartum ab urbe lapidem descendunt, ut

1351

60. Delendum &c. Huic orationi similem habet Livius lib. XXXVII. in qua Scipio Carthaginem aggredi parans ait: Oppugnabitur enim vere mœnia unius urbis, sed in una urbe universam ceperitis Hispaniam. Hæc illis arx, hoc horreum, ærarium, armamentarium, hoc omnium rerum receptaculum est.

61. Capite deleto. Comparatio metaphorica. Florentia scilicet Guelphorum capite deleta, membra omnia, alia nempe civitates deficient.

62. Si viri. Sic Livius lib. II. in Orat. Aetii Julii Volscos in Romanos excitantis, ait: bellum urbis indictum est magno illorum malo, si viri estis.

63. Se auctore. Ut in Salust. videre est, Catilina fautores suos alloquente. Vel Imperatore, vel milite me utemini. Nec dissimiliter Tacitus lib. I. Hist. in Orat. Othonis ad milites: Vobis arma, & animus sit, mihi consilium, & virtutis vestre regimen relinquit.

64. Castrutii filii. Hoc est Castrutii Interminelli.

65. Hi pacem servarunt. Eo quia Gambacurtæ Pifarum Domini mercaturam exercentes Florentinorum amicitiam colebant, utpote illis profuturam. Matth. Vill. cap. 4. lib. VII.

66. Aulegium. Florentinorum acerrimum hostem, captus

enim Lucensi bello injuriam ulcisci cupiebat.

67. Rejelli. Anno MCCCCLI. prid. Kal. Junias.

68. Coloreti. Seu Montis Coloreti à Florentiola parum distantis.

69. Custodem. Custos Jacobus à Ciurianis, qui arcem hostibus ea se conditione traditurum promiserat, nisi in triduum auxilia advenissent, obsidemque fratrem dederat. Adveniente vero auxilio, fratri timens, cui capitis pœna ab hostibus indicta fuerat, ab arce Florentinos rejecti, hostesque admittit: unde merito capite multatus. Matth. Vill. lib. II. cap. 6.

70. Scriptum id fieri. Aulegius Pistorio propinquus per epistolam Florentinis bellum indixerat, causatus quod pacem fregissent, forte quia Pistorio potiù fuerant, vel quia illos Bononiæ defectionem molitos putabat.

71. Per factionem. Per oppositam Guelphorum factionem Ghibellinos pelli.

72. Oratores rediissent. Florentiam redire coacti fuere, nam cum Archiepiscopum convenire vellent, ab Aulegio itineris venia denegata. Matth. Vill. lib. II. cap. 8.

73. Desperata urbis victoria. Octo diebus obsessis.

1351 ut prius hostilem calamitatem fenserint, quam venturos arbitrarentur: vicos, ⁷⁴ Campi ac Peretola, veluti civitatis suburbia, omnemque propinquam regionem agricolis refertam populantur. Paucis cum liberis, & conjugibus, fortunis suis omnibus adversariorum libidini relictis, militarem imperum effugere concessum. Turba agrestium in urbe confluens magnum tumultum exasperato excivit, trepidatumque est magis interiori, nequa seditio ex repentino hostium adventu oriretur, quam externo metu. Itaque in primis conciliatis invicem ⁷⁵ Civium animis, armis sumptis populus omnis patriæ salutis incubuit. Hostes omnis generis præda parta, cum *Pistoriensis* obsidione, labore, atque inopia rerum defessi aliquandiu his in locis quotidie populabundi ad urbis usque mœnia incurstantes castra habuissent, ex summa copia in maximam inopiam devenere. Per luxum etenim (ut fit in secundis rebus) commeatu, quem in villis invenerant absumpto, rerum omnium penuria ⁷⁶ premebantur. Itaque motis castris: cum propius urbem juxta *Bisentium* annem consedissent, simulantes, ne eorum consilii obviam iri posset, se ad *Salvianum* Monasterium iter facturos, causam innuere *Florentinis*, ut ad avertendum eo proposito hostem imposito arci *Fesulanæ* præsidio, a subjectis collibus ad mœnia usque urbis fossam mille passuum ducerent. At illi retroverfi *Calenzanum* ⁷⁷ parvum nondum cinctum muris oppidum, nonnullaque alia castella nequaquam munita a se capta incendunt. Inde per *Marine* vallem in *Mugellum* ⁷⁸ proficiscuntur: quo in loco facile impediri transitus potuisset, si nostris idem animus, qui in obsidendo itinere fuerat, permanisset. Sed ducis ⁷⁹ ignavia liberi saltus hosti patuere, a quo *Barbarinum* ⁸⁰ proditio paucorum captum, *Gallianum* quoque, ac *Villanova*, plurimæque finitima loca desperata tutela se hosti tradiderunt. Ibi pluribus diebus ad reficienda corpora cum castra haberent, *Tanus* Montis *Carelli* Comes sperans rem Archiepiscopi superiorem fore, cum a *Florentinis* descivisset, arcem Montis *Vivani* dolo ⁸¹ cepit. Hæc nuntiata *Florentinis* impulerunt ad oppidum *Scarpariæ* muniendum, antequam ab hoste cingeretur: quod e vestigio equitum ala, ac peditum ⁸² cohorte missa valido præsidio firmarunt: aliisque locis, quibus periculum imminabat, extemplo summa diligentia providerunt. Varios insuper equitum præfectos, ut hosti pares essent, ac castra castris conferrent, scripserunt. *Aulegius* ad *Scarpariam* caltrametatus, cum pollicitationibus ad deditiorem oppidanos cohortatus parum profecisset, minas addidit, præmonens, ne calamitates, quæ expugnatis imminet, experiri vellent: *considerare* ad monet *bonorum direptionem*,

A suam liberorumque captivitatem: mulierum, ac uxorum 1351 ignominiam: verbera, vulnera, cædem, quæ omnia vietos fortuna subire cogat. Satius esse salva patria gaudere, quam ea amissa extorres, atque inopes miseram vitam ducere: illis eas haud esse vires, ut tanto exercitui resisti queat; conducere suis rebus, ut potius pacato, quam infesto hoste uti malint, neve experiri cupiant, quid libido, atque ira militaris possit. Responsum ab oppidanis est, ut triennio post redirent, tunc ⁸³ de deditiione consulturos. Jam multi in auxilium *Florentinorum* conveniant: castellumque *Spagnolæ* ac *Montis Jovis* tamquam propugnacula adversus hostes ad reprimendas eorum incursiones, utque adjiceretur obsessis animus, & simul quo tutior redderetur ora omnis, quæ citra flumen *Sevæ* ⁸⁴ est, communita erant: cum his præsidii confirmati omnium animi, diu noctuque castra hostium laceffebant. *Politianum* ⁸⁵ erat in ea regione præsidio haud satis firmo; quod cum *Ubaldis* innotuisset, coactis ad mille peditibus oppidum expugnare adoriuntur. Inde cum ignominia repulsi cum iterum rediissent, tentata expugnatione, multis acceptis vulneribus, incensis, quæ circum sitæ erant casis abiere. Dum hæc in *Mugello* summis utrinque viribus aguntur, *Petrus Sacconus* cæterique *Ghibellinarum* partium duces ⁸⁶, ut qui *Florentinam* Rempublicam perditum iri vellent, contractis undique copiis *Vallem Ambre* hostiliter ingressi eo consilio, ut *Figbinum* præcipue cæteraque *Vallis Arni* Castella expugnarent; cum intelligerent *Florentinos* mature milites apud *Varicum* ⁸⁷ scripsisse, ducemque eorum una cum *Aretinorum* ⁸⁸ cohorte *Albertaccium Ricafolanum* declarasse, ut illis apud *Ambra* occurrerent, silentio ⁸⁹ motis castris, saluti suæ consulentes per varia loca dissipantur. Archiepiscopus interim non contentus tot bellis, quibus *Florentinos* laceffierat, arbitratus undique hostibus circumventos, tantam belli circumurgentis molem diutius ferre non posse, *Pisanos* ad defectionem, & movenda arma sollicitabat. At illi familiæ *Gambacurtæ* opera, quæ factionis *Guelfæ* erat, & præpotens ⁹⁰ in Civitate *Florentinorum* partibus favebat, *Mediolanensis* postulatis rejectis, ne tantum Principem omnino contemnere viderentur, legatos e vestigio ad eum mittunt, mandantque, ut tempus verbis terentes, dubitando, ac cunctando animum ejus distineant. Qua re animadversa, vir ad omnia prudens Archiepiscopus existimans plebem omnem in suam sententiam concessuram, iterum *Pisas*, qui populi concionem petant, ⁹¹ mittit; quo impetrato Oratores bellorum omnium culpam in *Florentinorum* superbiam rejicientes; Nullam *Pisanis* adversam fortunam accidisse multis exemplis ostenderunt, cujus origo non ducta esset a ⁹² *Florentinis*; oppida ab eis

74. Vicos &c. Campi scilicet, & Peretola, qui vici erant

75. Invicem civium animis. Externus enim timor maximum concordie vinculum quamvis suspectos insensosque inter se jungebat animos. Sic Liv. lib. II. Dec. I.

76. Rerum omnium penuria. Salis & frumenti præcipue; nam commeatu Bononia missi a Pistoriensibus equitibus intercepti fuerant.

77. Calenzanum. Ibi enim frumenti aliquantum erat.

78. Mugellum. Oppidum, unde Valli nomen.

79. Ducis ignavia. Nempe cujusdam ex Medicea familia, cui saltus tuendi cura a Jacobo a Flore demandata fuerat. *Annir.* lib. X.

80. Barbarinum. Proditum a Nicolao Barbarino ejus castelli præside. Matth. Vill. lib. II. cap. 21.

81. Dolo cepit. Expulso plebejo quodam loci custode filio Petri a Papa, introductisque CC. militibus. Vill. *Ibid.*

82. Peditum cohorte. Equites centum & quinquaginta, pedites trecenti, duce Jacobo a Flore Germano.

83. Illusoria responsio.

84. Sevæ. Seva flumen Mugellanae Valli propinquum rivu-

lorum influentium aquis auctum vix Arno cedit, inque eum exoneratur.

85. Politianum, seu Mons Politianus oppidum est amœnum in colle situm, Angeli Politiani, & Card. Bellarmini patria.

86. Cæterique Duces. Patii Vallis Arni, Episcopus Aretinus, Urbini Comites, & Ubertini.

87. Varicum. Monte Varchi.

88. Aretinorum cohorte. Aretina 150. equitum cohors quingentis militibus Ricafolani adjecta.

89. Silentio motis. Et favore Ricafolani Florentinorum Ducis, qui Saccono cognatione junctus intercludi hostes noluit, ut est apud Matth. Vill. cap. 18. lib. II. *Anniratus* vero lib. X. mala fide hoc actum negat.

90. Præpotens. Postea Princeps. Jam dixi mercaturæ, & partium causa Florentinis fuisse. Cor. *Hist. Med.* p. III.

91. Mittit. Id temporis hostes per legatos populum publice allequebantur: quod non erat e Rep. Plebs enim novarum rerum cupida, & nobilibus aversa facile in oppositum mutabatur.

92. A Florentinis. Sed a Pisanis Arcadiæ Populis, ut Strabo, & Solinus.

135¹ *cis capta, agros vastatos, bona direpta, cives⁹³ eorum captos multo sermone, commemorarunt. Si tute vivere, si securi esse cuperent, funditus evellendam esse suarum calamitatum radicem. Id eos facillime consequi posse, si cum Florentia tot variis hostibus opprimatur, ipsi quoque arma secum jungentes ea loca aggrediantur, quæ sola⁹⁴ tuta a bello relicta sint Florentinis, qui Pisanorum re magis, quam verbis, hostes libertatem tyrannide deteriore sint absque dubio admitturi: benevolentiam præterea, quæ inter eos, & majores suos earundem qua ipsi partium viros longo tempore vigerit, addiderunt. Merita insuper in cives Pisanos, quorum memoria non esset obliteranda, enarrarunt. Quamvis plures ea oratio moverit, tamen omnium consensu, cum nihil à Florentinis adversus se perpetratum esset, quod violandæ pacis causam præberet, pacem servandam esse respondent. Non tantum isti fœderis, aut fociorum salutis gratia, quam quod maxime addubitabant imperandi libidinem, & hominum⁹⁵ cupiditatem animo versantes, ne illis devictis ipsi quoque in discrimen libertatis venirent. Propter antiquum tamen fœdus, quod Pisanis cum Archiepiscopo erat, ne spreta omnino ejus postulatio videretur, aliam ei equitum⁹⁶, qui custodiæ Mediolani essent, mittunt; Legatique è vestigio eo indignati responso, omnique spe movendi belli præcisa, domum revertuntur. Oppugnabatur interim continuis præliis, tum machinis, ac ballistis⁹⁷ Scarparia⁹⁸, multaue intus ædificia collapsa erant: cum oppidani vigiliis, laboribus, & continua oppugnatione fessi ad Florentinos mittunt⁹⁹, qui auxilium petant, denuntientque obsidionem diutius tolerari non posse, ni subsidium mature submittatur. Erat consilium Florentinis comparato exercitu, in quo ad duo equitum, peditum vero quatuor millia censebantur, milites insuper octingenti¹⁰⁰ a Senensibus missi, cum primum sexcenti equites a Perusinis advenirent, castra hostibus opponere, ac signis collatis fortunam belli tentare. Verum cum intellexissent tribus passuum millibus prope Aretium, loco qui Ulmus dicitur¹, Sacconi dolis, atque insidiis, cui alæ equitum duæ ab Archiepiscopo missæ erant, eos nihil hostile timentes interceptos, atque armis equisque amissis magna accepta strage Perusium rediisse, sententiam mutare ac alia ratione bellum gerere coguntur. Ea res primum versabat animos, eaque cura mentem incessebat, ut obsessis succurrerent, ac præsidium intromitterent: quæ res cum difficilis admodum manifestique periculi videretur, Johannes Vice-domini, magni vir animi, & bellis assuetus, per hostium castra cum triginta militibus oppidum ingressus est; quo percepto Aulegius vigiliis du-*

A plicatis, ne cui esset deinceps facultas introeundi, castra summa cura observari præcepit. Cum vero haud satis firmo præsidio Scarparia esset, continuè vexaretur præliis, Johannes Medices egregii animi, & militaris disciplinæ haud ignarus, operam suam in ferendo oppidanis auxilio ultro pollicitus, centum selectis suo arbitrio peditibus, cum mœnibus propinquaret, re hostibus palam facta, ferro viam faciens, viginti amissis³ in oppidum penetravit. Jam mensis Octobris principium aderat, cum diffusi victoria hostes varia consilia incunt. Nam, & finis stipendiorum, quibus militabant, instabat; plures quoque, quamvis suppunderet tam inanis diuturnæque obsidionis apud id oppidum nequicquam factæ, abeundum censebant. Tentanda tamen prius omnia rati, si quo modo daretur admissum⁴ dedecus abolere, extremis viribus expugnationem aggredi parant. Igitur omni conatu machinis, ac sagittariis undique dispositis, admotis scalis, oppidum ingenti clamore, ad hæc horrendo tubarum sonitu adoriuntur. Inde fœde repulsi, postridie actò cuniculo ingressum tentant, ad cuius tutelam turrem ligneam, tamquam propugnaculum erigunt, ad murosque producant, quo facilius, ac tutius cuniculus⁵ ageretur. Animadversa re oppidani, & ipsi ex adversum ducto cuniculo repertos hostes pellunt, turrique incensa vim a mœnibus multis illatis vulneribus propulsant. Tertio fortuna oppugnandi tentata, cum fossas arboribus complessent, multisque fabricatis turribus ex propinquo muros invasisent, majori iterum jactura cædeque suorum accepta a prælio destitit. Ita⁶ spe omni recipiendi oppidi abjecta, cibique, ac potus penuria premente, cum instaret hyems post sexagesimum oppugnationis diem Bononiam Aulegius⁷ exercitum reducit. Soluta obsidione, oppidanis concessa immunitas, & militibus duplex stipendium datum; Johannes quoque, & Silvester Medices ob egregiam eorum in tuendo oppido navatam operam equestri ordinis dignitate⁸ donati. Eodem fere tempore cum belli semina in Hetruria relicta essent, Sacconusque Archiepiscopi armis suffultus in Perusinos delatus plura de illis castella⁹ ultro se Mediolanensibus militibus deditia recepisset, ex Tifernati agro, dum ingenti parta præda se recipit, a Florentinorum copiis, quæ ad ferendam fociis opem proficiscebantur, commissa pugna, multis captis, atque occisis funditur, ac fuga sibi consulere cogitur. Eodem anno inter Florentinos, Senenses, Aretinos, Perusinos decreto equitum peditumque numero, quem singuli pro communibus fortunis defendendis præstare deberent, adversus Archiepiscopum fœdus est initum. Major

93. Cives eorum captos. Una cum urbe Florentinis a plebe prodita. Pristinæ vero libertati a Carolo VIII. Galliarum Rege restituta.

94. Sola tuta a bello, hoc est sine præsidio, nulla cum esset a Pisanis suspicio.

95. Hominum cupiditatem. Vicecomitum, qui arma posituri non erant, nisi illis etiam subactis.

96. Alamequitum. Quæ tamen in Florentinos non pergeret.

97. Ballistis. Antiquum bellicum tormentum ad mœnia quarienda. Vide Lipsium de Mil. Rom.

98. Scarparia. Oppidum sic dictum eo quod in montis pede, vulgo Scarpa, sit positum.

99. Mittunt. Florentinos facile monere poterant per Germanos milites præfidiarios, qui aliquando cum obsessibus itidem Germanis commiscebantur. Matth. Vill. cap. 21. lib. II.

100. Octingenti. CC. a Senensibus missos refert Villanus ibid.

1. Sacconi dolis. Qui montem Ulmo propinquum occupans in castris degentes adortus est. Parum absuit quin caperetur, nisi ab Aretinis proditoribus adjutus fuisset.

2. Propinquaret. Ex Alpium parte, quæ ut impervia ab hostibus haud tenebatur.

3. Amissis. Fuga enim dilapsi erant: Matth. Vill. lib. II. cap. 23.

4. Admissum dedecus. Quod tamdiu in oppugnatione morati fuissent.

5. Cuniculus, subterranea excavatio per quam hostes obsessas urbes ingrediebantur.

6. Spe &c. abjecta. Nam cum Germani milites rursus spe duplicis stipendii ducti oppugnationem tentassent, noctu scalis admotis, & fœde repulsi fuissent, recedendum esse duxit die XVI. Octobris. Ammirat. lib. X. p. 535.

7. Exercitum reduxit. In versione Italica Jacobi habetur, Aulegium Bononiam regressum cum XV. militum millibus, quod nostro in Codice non apparet.

8. Donati. Non tantum equestri dignitate, sed etiam quingentis aureis. Adde his Jacobum a Flore eodem præmio donatum.

9. Castella. Burgum sancti Sepulchri Arrighetti opera scalis appositis occupatum, Englarium, oppidum S. Stephani, Perusinum, &c. Matth. Vill. lib. II. cap. 42.

1351 jor tamen cum belli moles *Florentinis* immineret, ut in quorum cervicibus præcipue bellum esset motum, augendis vectigalibus dedita opera magnam pecuniæ vim in usus bellorum congregant. Reverso *Mediolanum* cum exercitu *Aulegio*, cum ægre ferret Archiepiscopus non successisse quod sperabat, majoribus viribus bellum instaurare parat. Ad sumptus ministrandos durius tributum a subditis exactum, ita grave fuit, ut plurimi ex nobilitate multique præterea negotiatores rebus suis sublatis alio migrare cogerentur; quam rem minime probans magno natu quidam nobilis *Brixiensis*, cum propter familiaritatem, quæ ei cum Archiepiscopo erat, variis rationibus suaderet, ut a *Florentinorum* bello abstineret, asserens neminem ad eam usque diem contra eos prospere movisse arma, in iram versus Archiepiscopus, virum egregium, sanique consilii auctorem capite truncari in limine domus jussit: mali exempli res, & plus quam tyrannica: docuit suo damno vir bonus, quanto cum periculo dentur tyrannis, ac principibus sana consilia. Vulgato qui per hostem fiebat belli apparatu, nonnulla *Florentini* castella ¹¹ in *Mugello*, ne hostium sedes fierent, demoliti sunt. *Scarparia* ampliatis fossis, murisque instauratis, validoque firmata præsidio *Ubaldinorum* pene dolis, atque insidiis capta est; nam pro operariis, qui munitionibus ¹² intendebant, peditibus intromissis, detectaque fraude multis occisis, aut captis, re infecta abierunt. Interea *Florentini* sociique ¹³, non satis suis opibus freti, consilio inito, ut *Carolus* ¹⁴ *Boemæ* Regem, Imperatorem *Romanorum* designatum, in eorum subsidium evocent, Oratores ¹⁵ ad eum mittunt, qui his conditionibus fœdus cum eo percutiant, ut ducentis aureorum millibus ¹⁶ acceptis in *Italiam* ad compescendos Archiepiscopi conatus quamprimum transcendat. Memores vero injuriarum, quas a *Saccono*, cæterisque *Ghibellinarum* partium fautoribus acceperant, coactis in unum militibus, adversariorum agros late populati sunt, levibusque quibusdam præliis superatis hostibus præterita damna ultri ad sua tutanda revertuntur. A *Lucensibus* interim, ac *Pisanis* in Archiepiscopi gratiam mutatis animis, violato pacis fœdere bellum contra *Florentinos* est motum, factisque in eorum agris incursionibus, cum major belli metus ingrueret, Oratores ad Imperatorem ¹⁷ magnis itineribus ire jussi, ut superatis extemplo Alpibus eum in *Italiam* deducerent. Ea ætate ad duo millia equitum, pedi-

tumque, qui *Cortona* ¹⁸ urbe *Florentinis* inimica residebant, agros invadunt *Perusinos*, *Bettonium*que per prodicionem de improviso capiunt: quo facto moti *Perusini* accitis *Florentinorum* auxiliis oppidum cingunt, eoque paulo post, licet Archiepiscopi milites nequicquam ferre obsessis opem tentassent, potiuntur ¹⁹. Simili fortuna *Florentinorum* exercitus *Lucenses* *Bargam* ²⁰ obsidentes prælio commisso obsidionem relinquere, ac turpiter fugere coegit. At *Sacconus* per exploratores certior factus *Florentinorum* copias ad *Bargam* profectas, junctis Archiepiscopi suarumque partium militibus omni superioris *Arni* ora pervastata *Figbinum* cum summis viribus frustra oppugnasset, expugnato, direptoque, quod *Tartaliese* ²¹ dicitur, duobus passuum millibus propinquo, præda onustus ad suos revertitur. Archiepiscopus vir sagax, & prudens expertus res *Ætruriæ* haud satis ex animo succedere, *Caroli* quoque adventum contra se sollicitari pro explorato habens, ut hostes ab ea sententia revocaret, rebusque suis confunderet, omnem belli curam dissimulans pacem cum *Florentinis*, fociisque per *Lottum* *Gambacurtam* *Pisanum* *Florentinis* amicum ²² æquis conditionibus firmat. Non multo tamen post tempore cum *Genuenses* civilibus agitati discordiis (gens est mobilis, & novarum rerum cupida, & præ cæteris quietis ²³ impatiens) se suaque libere Archiepiscopo deditissent, mutata ex fortunæ indulgentia mente, causam belli movendi quærens, pacem a *Florentinis* non servatam criminando, omnia bello necessaria summa industria parat. Mors peropportuna inanes curas illius, & dominandi appetitum diremit; ex pestilentia enim anno quarto, & quinquagesimo supra mille trecentos ²⁴ triduo defunctus est: ex quo quies *Italiæ* paulum est a bellis data. Nepotes reliquit tres, *Masseum*, *Bernabovem*, *Galeatium*, qui communi voluntate patrui imperium ita partiti sunt, ut *Genue* ac *Mediolano* æque omnes imperarent. *Maffeo* *Laudum*, *Bononia*, *Placentia*; *Bernabovi* *Cremona*, *Brixia*, *Bergamum*; *Galeatio* *Comum*, *Vercelle*, *Novaria*, *Asti*, *Dertona*, *Alexandria* sorte cederent. *Johannes Aulegius*, cum *Bononiam* pro *Maffeo* regeret, ac simultate ²⁵ orta, non multo post Archiepiscopi mortem, urbem suo subjecisset ²⁶ imperio, quinto anno a *Bernabove* obsessus *Firmum* *Piceni* urbem sibi concedi a Pontifice, qui tum *Avinione* residebat, pactus, *Urbani Quinti* Pontificis Maximi Legato eam tradidit. ²⁷ Erat initio summa inter eos concordia,

10. *Pecuniæ vim*. Publici reditus ad C. aureorum millia aucti, singulis & universis in commune conferentibus. *Vill. lib. II.*

11. *Castella*. *Barberinum*, *Gallianum*, & *Marcojanum* civili magis odio, quam rebus ita postulantibus diruta. *Id. Vill. lib. II. cap. 54.*

12. *Munitionibus*. Oppido nempe muniendo.

13. *Sociique*. *Senenses*, & *Perusini* paulo ante fœdere juncti.

14. *Carolus Boemæ Regem*. *Ludovici* *Bavari* animum tentasse prius *Florentinos* *Joannis* *Boccatii* legatione narrat *Ammirat. lib. X. p. 537.* Sed ingentia postulans rejectus fuit, & *Carolus* advocatus.

15. *Oratores*. *Quinque*, *Thomam* *Corsinum*, *Pinum* de *Rubeis*, *Gerardum* *Boldonum*, *Philippum* *Magalottum*, & *Ugoccionem* *Riccium*.

16. *Aureorum millibus*. Ad annua stipendia præter decem aureorum millia *Carolo* donata *Aquilejæ*.

17. *Imperatorem*. *Carolus* *IV.* *Boemæ* Regem, ut dictum est, & *Romanorum* Imperatorem.

18. *Cortona*. *Cortona*, seu *Corytona* inter *Aretium* 15. & *Perusium* 25. mill. pass. posita, a lacu *Trasimeno* 4. mill. pass. distat.

19. *Potiuntur*, & ad terrorem reliquis incutiendum funditus evertunt, civibus omnibus *Perusium* missis. *Matth. Vill. lib. III.*

20. *Bargam*, Montem non procul a *Sercio* *Flumine*.

E 21. *Tartaliese*. *Fighini* vicus appellatus, eo quod partum ab illo distet. Hunc a *Petro* *Saccono* noctu incensum narrat *Matth. Vill. lib. III. cap. 38.*

22. *Æquis conditionibus*. *Prid. Kal. Aprilis* pax *Serezanæ* firmata. Hujus conditiones vid. in *Ammirat. lib. X. p. 553.* & in *Matth. Vill. Cap. 59. lib. III.* Cives *Florentini* in patriam restituti, & sua cuique reddita.

23. *Quietis impatiens*. A *Venetis* *Genuenses* ad *Lungherium* in *Calaritano* sinu profligatos, ne hostibus parere cogerentur, se Archiepiscopo dedisse refert *Matth. Vill. lib. III. cap. 86.* Sed *Ubert Folieta* *lib. VII.* civilibus ait agitados discordiis ne sibi invicem cederent, externum dominum, nempe Archiepiscopum adscivisse ann. *MCCCLIV.* Vid. *Plat. in Vita Innoc. VI.* & *Merulam Antiq. Vicec. lib. VI.*

24. *Triduo defunctus*. Hoc est tribus diebus ejus exequiis datis, non autem trium dierum morbo defunctus, ut ait *Matth. Vill. lib. IV. cap. 23.* Nam ab *Augusto* *Mense* usque ad *Octobrem* morbus protrahitur. In templo *Sancæ Mariæ* Majoris conditus *Mediolani*. Ejus sepulcræ elogium refert *Bernard. Cor. p. 3.*

25. *Simultate orta*. Eo quod *Maphæus* *Aulegium* *Galeatio* fratri magis faventem suspicaretur.

26. *Subjecisset Imperio*. Ann. *MCCCLV. XX.* *Aprilis* die urbe potitus, cum arcis custodi, qui pro *Maphæo* erat, filii cædem minitatus fuisset, nisi ultro cederet. *Vill. lib. V. cap. 22.*

27. *Legato eam tradidit*. Prius *Florentinis* oblatam, ab illis

1359 dia, tum *Venetorum*, quos inter & *Genuenses* acre bellum erat, tum Imperatoris, quem fama ad *Italiam* venturum ferebat, metu. Paulo post Archiepiscopi supremum diem belli *Pisani* incendium ab eis excitatum est: cui fomentum *Bernabos* præbuit, magis in *Florentinos* occulto odio, quam aperto. Stimulabat magni animi virum, tum cupido immoderata dominandi, tum etiam *Ghibellinarum* partium favor, quarum robur, & augmentum per *Florentinorum* calamitatem putabat fore. Hujus Principis pollicitationibus, opeque elati *Pisanorum* animi variis injuriis, contumeliisque, quibus laceſcebant *Florentinos*, occasionem bello movendo quærebant. In primis quo negotiandi facultas (eo in primis exercitio Civitas regebatur) adimeretur, immunitates omnes antea concessas abrogarunt, tum nova mercaturis vectigalia, quibus omnis spes lucri auferebatur, addiderunt. Eo decreto compulsi *Florentini Thelamonis* ²⁸ portum cum *Senensibus* pacti sedem mercaturarum sibi in annos decem delegere, edicto publico omnibus civibus *Pisas* adire negotiandi gratia prohibitis: nec ullis deinceps oblationibus, quæ plurimæ a *Pisanis* factæ sunt, adduci potuerunt, ut decretum id aboleretur. Ob eam rem commoti *Pisani*, movendi belli causam quærentes, dolo, fraudeque cives quosdam sibi fidos proſcribebant, ²⁹ qui in *Florentinorum* propinqua oppida per speciem metus, & in *Pisanos* odii confugiebant. Opportunitate deinde capta, diripienda per prodicionem oppida, tenendaque *Pisanis* tradebant, a quibus in agros pacatos prædonum more incursiones fiebant. Id cum animadvertissent *Florentini*, & ipsi quoque iisdem ³⁰ artibus castellum *Petræ Bonæ* de *Pisanis* ceperunt, unde ad bellum apertum deventum est anno salutis secundo, ac sexagesimo post mille trecentos. Suscepta belli cura, septem millium equitum, peditumque exercitu comparato, *Bonifacium* ³¹ *Lupum* Ducem belli declarant: qui acceptis, ³² copiis, populato *Pisanorum* agro, omni-que pecorum genere abactio ad triginta duo oppida, partim vi, partim deditione de *Pisanis* cepit. *Redolfus* ³³ deinde *Varanius Camertes*, vir suæ ætatis, & pace & bello clarus illi suffectus, cum omni exercitu ad mœnia usque urbis profectus haud procul ³⁴ mille ab urbe passibus castra locat. Inde populata omni finitima ora, plures post dies cum omni exercitu ad oppida expugnanda con-

A verſus *Pecciolum* primo, haud contemnendum oppidum, deinde nonnulla castella, & in his *Tojanum*, unde campana adveſta in palatioque locata ³⁵, hodie quoque loci nomen ſervat, expugnata ſunt. Sex interim triremes tum ad *Thelamonis* portum tuendum, tum ad *Pisanum* littus infeſtandum paratæ, *Gilii* ³⁶ inſula capta, *Pisanum* portum ingreſſæ, direptis nonnullis, incenſisque navibus; ſublatis quæ eum muniebant catenis, *Florentiamque* delatis, ac in victoriæ ſignum ante templi fores, quod *Johanni* ³⁷ dedicatum eſt, ſuſpenſis, turres ad illius cuſtodiam fabricatas demolitæ ſunt. Fama vulgata erat *Redolfum* ſatis ignave, remiſſeque ³⁸ bellum adminiſtrare. Ideo ſucceſſor ei datus *Petrus Farnesius* imperio accepto cum mille quingentis electis equitibus in agrum *Pisanum* tranſiit, hoſtesque, qui ei occurrerant, commiſſa pugna, ſuperavit: ducem quoque ³⁹ belli, ac multos præterea captos inſignes viros *Florentiam* victoriæ teſtes duxit. Deinde ad exercitum reverſus tribus caſtellis ad oppugnationem *Bargæ*, quæ *Pisanus* in diverſis locis erexerat, captis, omnes qui oppidum obſidebant proſtigavit. Hunc præclarum belli artibus ducem eadem æſtate ⁴⁰ peſtilens ⁴¹ morbus abſumpſit. Funus magna pompa celebratum ſepultumque: ob rerum bene geſtitarum memoriam in *Reparatæ* templo ſtatua equeſtri ſupra portam poſita. In eius locum *Renerius* ⁴² frater diſſimilis moribus, & virtute ſuffectus eſt. *Pisani*, cum *Florentinorum* copiæ in ſtativis eſſent, *Britannis*, qui tranſacto inter *Gallorum*, & *Britanniæ* Reges bello in *Italiam* tranſcenderant ad tria millia (ii erant probati bello viri) pretio ⁴³ conductis, additis præterea militibus aliis, adeo ut ſpeciem exercitus conficerent, agrum *Piſtorienſem* nullo impediante populantur. Inde ad ſecundum a *Florentia* lapidem infeſto agmine proſecti omnia late præda, atque incendiis miſcent: trajectoque *Arno* flumine *Emporium* ⁴⁴ petentes omni ea ora ubere ſane, ac reſerta incolis vaſtata, multis mortalibus occiſis, aut captis, *Pisas* ⁴⁵ revertuntur. Ruſſus exercitu *Florentiam* verſus miſſo, per ſuperiorem *Arnum* deſcendentes *Figbinum* expugnant, incolisque in captivitatem abductis direptum oppidum incendunt. *Florentini*, & ducis virtute, & militum numero impares, ut qui majori ex parte externo equite conſtarent, duce *Renerio* ad *Lanciſam* hoſtibus obviæ, ne ad urbem redirent, proſecti, ſuaſore *Pandulfo Malateſta* (vi-

lis vero ne pax violaretur rejeſtam. Recepta eſt a Legato ann. MCCCCLX. poſt annos decem ab ejus deſectione.

28. *Thelamonis portum*. *Thelamon* oppidulum in maritima parte *Senenſis* agri in *Hetruria* cum portu ad oram maris *Tyrrheni* a *Thelamone* *Troiano* conditum, ſeu ut aliis placeat, a *Thelamone* *Argonauta*.

29. *Proſcribebant*. Ex compoſito cives exulatum abire jubebant, ut a *Florentinis* in oppido recepti pro temporis opportunitate in eos arma ſumerent.

30. *Iisdem artibus*. *Joannis Saxi* opera qui *Florentinorum* hoſtem ſe diſtibat.

31. *Bonifacium Lupum*. *Parmenſem*.

32. *Acceptis copiis*. Cum veteri ſuperſtitione augures conſuliſſent, die *Lunæ* XX. Junii, hora XII. tanquam feliciffima, Duci ſigna tradidere. Præceps exercitus ſe ſe extra urbis mœnia proripuit, ne hora illa, re infeſta, dilabere-
tur; nec ut alias per Sanctæ Mariæ Portam egreſſus, quod cunctæ ejus expeditiones per hanc factæ adverſæ fuerant, ſed per portam *Rubeam*. *Matth. Vill. lib. II. cap. 3.*

33. *Redolphus*. *Bonifacio* ſuffectus. *Florentini* cives *Bonifacii* juſtam & tenacem propoſiti mentem indignati, publicam utilitatem privata invidia oppugnarunt.

34. *Haud procul mille &c.* Quingentis tantum paſſibus aſſerit *Matth. Vill. lib. II. cap. 17.* a *Pisaram* urbe *Rodolphum* conſediſſe, & equorum ludum in hoſtium contemptum celebraſſe.

35. *In Palatioque locata*. In *Palatio Priorum*, ut mercatoribus meridiana horæ ſigno pulſara inſerviret. *Vill. ibid. cap. 20.*

E 36. *Gilii Inſula capta*. Duce *Petro Grimaldo Genuenſi*.
37. *Quod Johanni dedicatum eſt, catenis ſuſpenſis*. Antiquo more, qui etiam nunc viget, hoſtilia arma, ſpoliaque Deorum templis aſſigendi, ut ſæpius in *Virgilio*, ac *Homero*.

38. *Ignave bellum adminiſtraſſe*. *Petiolo* potiri poterat, *Piſaſque* propius urgere, ni ſceminis tempus & operam dediſſet.

39. *Ducem quoque belli* *Raynerium* de *Baſchiſ* una cum *CL.* hoſtibus cepit *Farnesius*, qui lauream coronam a *Florentinis* oblatam magna animi moderatione recuſavit. *Matth. Vill. lib. II. cap. 51.*

40. *Eadem æſtate*. Ann. MCCCCLXIII. XIX. Junii morbo inguinis correptus dum ad *S. Miniatum* pergeret, nocte occubuit; delatusque *Florentiam* in *S. Reparatæ* templo ſepultus eſt.

41. *Peſtilens morbus*. Morbus inguinis, qui in *Veneta*, *Illyrica*, & *Florentina* ditione graſſabatur. Hoc eodem morbo *Matthæus Villanus* qui hæc de *Farnesio* narravit abſumptus, cujus deſiderium minuit *Philippus* paternarum virtutum hæres.

42. *Renerius Farnesius*. In grati animi ſignum fratri ſuffectus.

43. *Pretio conductis*. De *Britannis* conducendis *Florentinos* monuerat *Petrus Farnesius*, & quidem minori pretio, quam a *Pisanis* conducti fuerant: ſed civium animos amovit *Juſtitia* *Vexillifer*. *Matth. Vill. lib. II. cap. 48.*

44. *Emporium*. Vulgo *Empoli*.

45. *Pisas revertuntur*. Die XVIII. Julii MCCCCLXIII. *Alberto Germano* Duce.

1364 (viro fidei, ut postea traditum est, dubiæ) castra latiori campo, quam numerus militum pateretur metati sunt. Nota *Florentini* exercitus paucitate, *Pisanorum* ⁴⁶ dux confusus, ad hæc proditione *Germanorum* equitum alæ, quæ duce *Artimano* ⁴⁷ simulato timore aufugerat, aggressus castra superior pugna fuit. Quadringenti eo prælio interfecti: dux belli, multique præterea strenui viri ⁴⁸ capti, impedimenta omnia amissa: *Lancisa* ⁴⁹ in potestatem hostium radaeta, atque incensa. *Britanni* ad duo millia prædandi gratia tribus ab urbe millibus passum profecti, populatis agris villisque incensis *Figulinum* redeunt. Poterat expugnari facile hostis, si fide integra dux *Pandulfus*, qui capto *Renerio* successerat, fuisset; sed ut compertum est, fallaci spe ductus imperio urbis inhiabat, quod per incommoda civium, & adversa prælia haud dubie sperabat fore. *Pisanorum* milites agrum *Aretinum Casentinatemque* crebris incursionibus infestantes, opulenti præda, qua venerant via *Pisas* concessere. Diminutis *Florentinorum* adverso prælio militibus, cum de supplemento consultarent, exulibus omnibus, qui variis de causis extorres patria erant, Senatus consulto venia data est, si certo tempore propriis sumptibus pro Republica militassent. Ad centum quinquaginta fuere, quorum opera admodum civibus utilis fuit. Exulum ductor fuit *Benghius Bondelmontes* nobilissimo genere natus ⁵⁰, qui defensionem *Bargæ* intentus, comparatis nonnullis præter eos peditibus castella omnia per *Pisanos* denuo in expugnationem ejus oppidi erecta, captis omnibus, qui custodiæ præerant, incendit. Additis deinde sibi incolis, qui tuto oppidum relinquere poterant, *Britannos* suis opem ferentes commissa pugna superavit. In eo certamine multi capti, interempti vero ad ducenti, & quinquaginta: qua victoria præmia *Benghio* ⁵¹ data, & in annum dux exulum factus. Altero dehinc anno *Johannes* ⁵² *Augustus*, rei militaris scientia clarus, & bello assuetus, cum *Britannorum* exercitu a *Pisanis* mercede paratus, primo impetu *Vallem Nebulæ* ingressus, magna potitus præda in agrum *Pratensem* transit, omnibusque circum populatis agris, omnique regione qua transierat vastata, multis tamen equitibus ⁵³ amissis *Pisas* repetit. *Bernabos* interim Vicecomes occultus *Florentinorum* hostis, sperans eo nutriendo bello aliquem sibi aditum in *Hetruriam* dari, quo suæ opes auferentur, cujus pollicitationibus freti *Pisani* bellum moverant, tria equitum millia in eorum subsidium misit, eo nomine, ut diceret illos *Pisanorum* pecunia corruptos ad inferendum *Florentinis* bellum: quæ res *Pisanis* tamquam explorata victoria auxit animos, bellique

reddidit cupidores. Simulabant tamen per fraudem, quo spe pacis injecta *Florentinos* negligentiores redderent, se quietis avidos esse. Itaque per Legatum ⁵⁴ *Urbani* Pontificis tentata pax, *Pisanis* consulto iniquas condiciones petentibus, irrita fuit. Non tamen remiserant *Florentini* belli curam, quod petitiæ pacis simulatione imminere apparebat; sed exercitu decem millium electorum equitum comparato consilia hostium expectabant. Pace infecta, cum *Britannis*, præfidiisque a *Bernabove* missis, eæ ⁵⁵ copię validum exercitum confecerant, in agrum *Pistoriensem*, *Pratensemque* per *Vallem Nebulæ* prædatum venire, tum per marinam in *Mugellum* progressi præda omnis generis parta, aliquot diebus in ea regione commorati sunt. Missi ad ejus oræ custodiam duo mille equites, majori ex parte *Germani*: cum levibus commissis ⁵⁶ præliis, quibus victores discessere, docuissent *Britannos* certamine vinci posse, hostes considerantes, & inutilem & minime salutarem in eis locis moram, in agrum *Pistoriensem* redire necessario coegerunt: quo ex loco *Florentiam* versus profecti per oram ⁵⁷ agri *Fesulani*, quæ urbem respicit, *Ravezanum* usque venire, locisque circum omnibus, cæde, incendio, rapinis pervastatis, *Florentiam* reversi, propius urbem castris positus, propugnacula quædam extra *Bononiensem* ⁵⁸ portam oppugnare. Posttridie transiecto *Arno* in regiones *Senæ* propinquas, nulla belli crudelitate omissa prædatum profecti, ubi paucos dies ad curandos faucios, qui vulneribus ex variis castellorum oppugnationibus acceptis ad duo millia erant, commorati, *Vallem Arni* superiorem petunt, frustra tentatis nonnullis prælio oppidis, *Aretino*, *Cortonensi*, *Senensi*que agro populato, in *Pisanorum* fines, qua venerant via revertuntur, ultra sexcentos ex suis ea expeditione desideratis. Interim *Florentinorum* summa diligentia congregatæ apud *Miniate* oppidum copię, prope *Pisas* ad *Gradus* ⁵⁹ posuere castra. Ingressi urbem milites ex citeriori *Gallia* a *Bernabove* missi, cum popularium animos auxissent, *Florentinorum* copias vinci posse arbitrati, *Mediolanensis* viribus maxime freti, castra hostium magno impetu, veluti ex improvviso aggressi, cum Ducis prudentia ad subitos intenta casus, ita acies dispositas appareret, ut signis collatis, si res exigeret, ad dimicandum præparati viderentur, tumultu verius quam pugna excitato, ad suos se recipere coguntur. Cum in urbem *Pisani* rediissent, exercitus *Florentinorum* *Liburnum*, ⁶⁰ tamquam portus custodem concessit, expugnatumque incendit. Inde cum fama esset *Pisanorum* copias, quæ ex illorum agro onustæ præda redibant, jam in proximo esse, ne interclusus distine-

1364

46. *Pisanorum* Dux. Manettus Lamodajesi filius.

47. *Artimano*. Germano Comite.

48. *Viri capti*. Cum Raynerio Farnesio Joannes Obicius, Joannes Mangiadorus, & Bartholomæus Portigianus capti.

49. *Lancisa*. Seu Incisa Francisci Petrarchæ origine clara.

50. Genere natus. De hac præclara familia, quæ his quoque temporibus floret, multa refert Joann. Baptista Casotus in hist. Deipara ab Impruneta, & Ugol. Verrinus de illust. Urb. Flor.

Prisca Bonimontis soboles, Scolarius idem

Sanguis, & ex uno descendit uterque parente.

Cum peteret Thufcas Virgo Salustia sedes,

Sanguine Regali geminos enixa reſedit,

Unde genus clarum gemini traxere nepotes.

51. *Benghio* data. Ob bene navatam operam, vexillum enim *Pisanum* una cum aliis XIII. captum *Florentiam* miserat. Philipp. Vill. lib. XI. cap. 57.

52. *Johannes Augustus*. Anglus eo sermone *Kauchowole* appellatus, quod idem ac *Silvestris accipiter*, eo quod eum mater in silva inter accipitrum venationem genuerit. Am-

mirat. lib. XII. p. 633.

53. Equitibus amissis. Tercentis, ut Philipp. Vill. lib. XI. cap. 81.

54. Per Legatum. Marcum a Viterbio Fratrum Minorum Generalem *Florentiam* missum.

55. Ea copię. Sex millium veteranorum milium.

56. Commissis Præliis. Quorum uno triginta Germani milites Duce Henrico Monteforti centum Anglos profligavere. Philip. Vill. lib. XI. cap. 85.

57. Per oram agri *Fesulani*. Hoc est per agros *Fesulanos* *Florentiæ* propinquos. *Fesula* procul a *Florentia* 4. pass. mill. Urbs est Episcopalis a *Florentinis* everſa ann. MXXIV. Colonia perantiqua.

58. *Bononiensem* portam. Per quam ad *Bononiam* iter, aliter *S. Galli* porta nuncupata.

59. Ad *Gradus*. Nempe ad Sanctum Petrum in Grado.

60. *Liburnum* tanquam &c. Sumit *Liburnum* pro arce quæ *Pisanum* portum tuebatur, nunc *Liburni* nomine, tum arx, tum portus intelligitur; Qui intra palude prope Montem Nigrum, inter *Pisas* 13. & *Vada Volaterrana* ad ortum 20. pass. mille positus est.

1364

neretur, *Volaterras* proficiscitur; *Britanni*, Germanique nonnulli corrupti pecunia, cujus avida gens est, derelictis *Pisanis* agrum *Senensem* hostili more ingrediuntur. Deerat dux belli *Florentinis*, qui exercitui, in quo ad sexdecim millia hominum censebantur, præesset; nam antea *Pandulfus* minime Civitati gratus missionem postulaverat. Itaque accitum *Galeottum Malatestam* virum spectatæ virtutis, artibusque imperatoriis insignem exercitui præficiunt. Iis acceptis copiis *Cascanam Pisanorum* oppidum septem millia passuum urbi propinquum perrexit. Erat dux senex admodum, ac valetudinarius, in quo magis animi vires, quam corporis vigerent. Nequid ergo detrimenti caperetur, exercitus curam *Manno Donato Florentino*, viro impigro, bellicisque rebus exercitato demandavit, tribus additis Præfectis, quorum consilio, atque opera saluti castrorum provideretur. *Mannus* præ cæteris egregii Ducis consilio usus, quæ ex parte castra debiliora videbantur, munitionibus, stationibusque militum firmiora reddidit. Sparsa per urbem fama, quæ majora veris afferebantur, castra hostium laxiori asservari cura, quam disciplina militaris requirat, milites palatos, vagosque ferri, omniaque remisse, ac dissolute agi, *Pisanos* ad castra quam primum expugnanda movit. *Johannes Augustus* dux sagax, quotidie tentari castra laceffentium more iussit, quo in futurum negligentiores fierent, cum totis viribus pugnaretur. Ubi vero post ejusmodi frequentes congressiones tempus⁶¹ adesse visum est, præsentis animo *Britanni*, *Pisanique* cum omnibus copiis hostium castra summa vi adoriuntur. Primo congressu *Mannus*⁶² vir strenuus cum quinque cohortibus, & ala equitum facta eruptione a latere hostes invadit, quem cæteri duces remotis castrorum munitionibus magno impetu sequuntur. Acriter, ac diu utrimque pugnatum est. *Britanni* prioribus victoriis elati forti animo certabant; nostri vero, ut acceptas injurias ultum irerent, inflammati poenas ab hostibus expetebant. Clamor ingens utrimque increbuerat, utrinque gladii micabant, summa vi, asperoque Marte comminus collato pede certabatur. Multi cadebant, plures vulnerabantur. Tamen cum aliquot horis pugnatum esset, inclinata hostium acie vincuntur. Longo fessi prælio *Pisani*, omnesque in fugam versi, dux cum paucis ad *Sabinum* oppidum, ubi equos reliquerat, effugit. Ad mille homines eo prælio desiderati, duo millia capti; externi milites majori ex parte dimissi sunt. *Pisani* ad unum in custodiis habiti. Censebant plures, si e vestigio oppugnatum *Pisas* iretur, facile fore, ut in tam trepidis rebus, ubi nullus locus consilii esset, in tanta tum captorum, tum interfectorum civium mœstitia, urbs imparata primo impetu caperetur. Raro in tanto terrore consilia expedita esse solere, mœstitiam debilitare animos, tanta præsertim clade perculsos: Alii

A non⁶³ temere agendum affirmabant, munitam esse urbem, multosque ex acie equites, ac pedites, qui in urbem confugissent superesse, tutiora consilia dubiis esse præponenda. Itaque cum urbis portis obequitassent, atque in tantæ cladis memoriam *Galeottus* nonnullos cives, & in his *Lottum*⁶⁴ *Castellanum* equestri donasset dignitate, ad *Miniate* revertitur missis *Florentiam* cum captivis vilioribus, curribus quatuor & quadraginta, digniores equis sunt advecti, quibus omnibus, quamvis acerrimi hostes essent, tamen benigne etiam a mulieribus cibus abunde datus. Ob hanc insignem victoriam statutum est, ut quo die, is sancti Victoris fuit, *Pisani* superati victique fuerant, equorum cursu quotannis victori pallium fericium præmio daretur. In agrum deinde *Pisanum* exercitus ductus magnis calamitatibus urbem affixit, quæ res eos pacem petere coegit, quæ licet ab omnibus civibus improbaretur, ut qui urbem inimicam, & imperii æmulam expugnare, & in servitutem redigere in animo haberent, idque non multo tempore se affecuturos confiderent; tamen cum novum fœdus inire eos cum *Bernabovæ* omnes prædicarent, illique jam oppidum *Petræ Sanctæ*⁶⁵ traditum esse apparet, quo *Florentinis* bellum inferret, majores motus veriti, Oratores quinque *Pisciam*⁶⁶ miserunt, qui his conditionibus pacem dixerunt, ut *Petræ Bonæ*⁶⁷ castellum, quod belli causa fuerat, *Florentinis* traderetur, nonnullaque oppida *Pisani* in finibus eorum sita demolirentur. Insuper centum aureorum millia in decem annos æquis pensionibus solverent, utque priores immunitates *Florentinis*, qui negotiandi causa *Pisas* se contulissent, restituerent. Ita secundo post cœptum bellum anno, quarto vero, & sexagesimo supra mille trecentos pax⁶⁸ constituta est; quinquennioque post *Bernabovis* bellum exortum, cujus initia paulo altius videntur repetenda. Confecta pace, *Johannes Agnellus Pisanus Ghibellinæ* factionis princeps, qui *Bernabovis* auxilio, consilioque, dum *Piscie* de pace ageretur, urbis tyrannidem occuparat, ⁶⁹ haud multo post cum *Lucam* ad *Carolum Quartum* Imperatorem *Urbani* Pontificis exhortatione in *Italiam* reversum venisset, casuque quodam prolapsus coxam⁷⁰ fregisset, in exilium a civibus, tumultu populi excitato, ut primum rumor *Pisas* delatus est, agitur, *Petrusque Gambacurta* diversarum partium in patriam suorum favore receptus Reipublicæ gubernationem suscepit. *Lucæ* pro Imperatore erat Patriarcha⁷¹ *Aquilejensis*, natione *Germanus*, qui oppidum *Miniate*, quod se *Carolo* sponte dederat, Imperii nomine occupans, vicina *Florentinorum* loca novo bello hostiliter invasit, ea mente, ut *Florentinos*, sicuti postmodum accidit, ad redimendam ab Imperatore pacem impelleret; quæ paulo post cum Imperator, qui *Romam* ad Pontificem ierat, *Lucam* rediisset, datis Impera-

61. Tempus adesse visum est. Tempus expectaverat Augustus, quo sol in hostium faciem vergeret, ventusque meridianus pulverem in eorum oculos conjiceret. Philip. Vill. lib. XI. cap. 97.

62. Mannus Donatus Florentinus, cui post Galleottum belli cura demandata erat.

63. Alii non temere agendum. Galleottus Malatesta felicem belli exitum inimicorum fraudi committere noluisset; ob locorum enim imperitiam timebat, ne insidiis deprehenderetur.

64. Lottum Castellanum. Una cum Petro Ciaccione a S. Miniate, & Bostolino Aretino, uti affirmat Philip. Vill. lib. XI. c. 97.

65. Petra Sancta. Oppidum in ora maris Tyrrheni positum, olim Feroniæ fanum, a Desiderio Longobardorum Rege Petra sancta dictum ad abolendam prophanæ Deæ memoriam. Briet. lib. VI. p. 2. Italia.

66. Pisciam. Urbecula vulgo Piscia, a qua fluvius Piscia S. Petri Patrimonium ab agro Senensi dirimens.

67. Petra Bonæ Castellum. Pisanis ablatum per Florentinos par pari rependentes; cujus causâ ad arma utrinque devolutum an. MDLXII.

68. Pax constituta, MCCCLXIV. Pridie Kal. Septembris pax firmata, posteriore die Florentiæ publicata.

69. Occuparat. Vide Philip. Vill. lib. XI. cap. 10. Truncium Ann. Pis.

70. Coxam fregisset. Dum super male contextos trabes Imperatoris nimum intentus audiret, dissoluta machina in præceps actus est. Ann. Pis. & Corius p. III. Hist. Med.

71. Patriarcha Aquilejensis. Caroli IV. Imperatoris frater Nicolaus appellatus. Vide Raynald. Ann. Eccl. & Matth. Vill. lib. V. cap. 20. Decipitur Truncius in Pisanis Annalibus, qui huic Aquilejensi Patriarchæ Marquardi nomen tribuit, deceptus fortasse Marquardi Augustani Episcopi nomi-

tori aureorum ⁷² millibus quinquaginta, secuta est. Non destitit tamen Patriarcha, quin incurfiones denuo faceret in agrum *Florentinum* prædandi gratia: & quia jam facta pace Imperatoris nomine nequibat; cum signis militaribus Ecclesiæ *Romanæ Florentinos* populabatur, ob eamque causam (& id Pontifex ⁷³ cupiebat) Legatum *Romanæ* sedis Cardinalem ⁷⁴ *Bononiensem* ex *Gallicia* oriundum suo nomine Imperator, antequam in *Germaniam* regrederetur, *Senis*, quamvis libertatem adscivissent, ac *Miniati Lucæque* præfecit. Ægre *Florentini* ferebant *Miniateses* relicto priore cum eis fœdere, Imperatoris ducem, ac milites contra se recepisse. Tentarunt primo eorum animos, si quo modo ad priora fœdera, reiecta Legati potestate, redirent. Ubi ea res nequaquam successit, obsidione oppidum expugnare adorti, tum suis, oppidanorumque exulum, tum sociorum auxiliis oppidum circumfedere. Inclusis opem ferebat Pontificis, qui *Lucæ* morabatur, Legatus, ut qui Imperatoris voluntate id facere præferret. *Bernabovem* præterea *Florentinorum* hostem ad defendendum oppidum excivit, qui contra ⁷⁵ fœdus antea cum *Florentinis* contractum, quo cavebatur, ut Vicecomites *Hetruria*, ipsi *Lombardia* abstinerent, milites subsidio obfessis mittere decrevit: ut tamen injuriæ honestam aliquam præferret causam, litteris *Florentinos* monuit, ut obsidionem relinquerent, utque castella de *Miniatesibus* capta restituerent. Id ne injustum omnino videretur, falso Imperatoris ⁷⁶ nomine tutabatur, cujus jussu necesse sibi fore affirmabat arma adversus eos sumere, qui illum suæque oppugnarent. Non destitere tamen ab incepto *Florentini*, sed obsidioni intentioni cura incubuerunt, missisque ⁷⁷ *Viterbium* ad *Urbanum* Pontificem Oratoribus, cum eo contra *Bernabovem*, quem nulla pacta servaturum constabat, fœdus iniere ⁷⁸, cui *Bononienses*, *Lucenses*, *Pisani*, *Patavinus* ⁷⁹; ac *Mantuanus* ⁸⁰, *Ferrariensisque* ⁸¹ Princeps socii accessere. *Bernabos* interim cum *Miniateses* sua opera defendendos recepisset, primum pedites intromisit, tum *Augutum* a se pretio conductum cum exercitu ad liberandum obsidione oppidum ire jussit, qui castra hostium expugnare diffusus, apud ⁸² *Cascinam* confedit. *Florentini* præ metu illos castra locasse arbitrati, ducibus, qui exercitui præerant mandarunt, ut *Britannos*, quos paucos esse popularis rumor ferebat, e vestigio aggredierentur. Videbatur id consilium fore admodum periculosum, ideoque certamine abstinabant; at læpius a sum-

mo Magistratu acriter timoris, ac negligentiae, ¹³⁶⁹ quod tamquam segnes in castris otiosi sederent, castigati, certam quodammodo victoriam fortunæ arbitrio commiserunt. Temerarium consilium malus eventus secutus est. Inita cum parte exercitus (nam reliqui in obsidione relictæ erant) cum hostibus, qui procul a castris aberant, pugna, cum illi timorem cedendo simulassent, nostros effusus sequentes in insidias deduxerunt. Tum *Florentinus* undique circumventus, reintegrata pugna, Duce ⁸³ exercitus, multisque præterea viris fortibus captis, *Auguto* victoriam concessit. Elati victoria hostes *Florentiam* versus profecti, late circum populatis agris, ad portas usque excurrentium more progressi ad quartum ⁸⁴ lapidem castra posuerunt. Nequaquam adversa pugna territus *Florentinus*, majoribus viribus, nec minori cura obsidioni imminabat, novisque militibus missis, qui oppidum acrius premerent, omnibus rebus postpositis oppugnationem inceptam profequitur. *Britanni* cum ipoliato late *Florentino* agro ad *Miniate* redirent, quidam obscuræ famæ vir *Luparellus* nomine ad ducem ⁸⁵ exercitus (is *Robertus* erat Comes *Battifollis*) clanculum noctu venit, pollicitus se aditum illis in oppidum daturum: ejus domus cum pro muro esset oppidi, hunc se nocte proxima, cum creta compactus esset, effracturum spondet. Verum ut oppidani ab omni ejusmodi suspicione, curaque averterentur, ab adversa oppidi parte scalas diluculo admoveri, oppugnarique eum locum summis viribus jubet. Ut erat constitutum, ad murum sublato clamore cum accessissent, oppidanis, militibusque ad defendendum oppidum intentis, demolito domus ⁸⁶ muro *Luparellus Florentinos* admittit, qui ut in forum pervenere, excitato tumultu omnia terrore miscent. Tandem multa utrinque patrata cæde oppido potiuntur. Multi ex *Bernabovis* equitibus viri nobiles ⁸⁷ capti, reliqui *Lucam* confugere. Recuperato *Miniate* saluti anno ⁸⁸ millesimo trecentesimo supra sexagesimum nonum, Pontificis Legatus *Lucensibus*, *Florentinorum* exhortationibus proximo anno acceptis aureis, quos *Florentini* mutuo dedere, ad millia vigintiquinque, libertatem ⁸⁹ restituit. Amisso *Miniate*, *Bernabos*, cum æstualet animo, veritus ne in *Galliam* a Fœderatis adversus se bellum transferretur (jam enim *Bononiæ* equitum, peditumque cohortes plurimæ convenerant) copias suas in *Hetruriam* traduxit, spe certa prodictione *Agnellum* in *Tyrannidem* restituendum: quæ res secreto cognita *Florentinos* movit, ut tre-

mine, qui & ipse a Carolo Imperatore Thuscæ præfectus fuit. ^{72.} *Aurcorum* 50. & insuper quatuor aureorum millia singulis annis Carolo persoluta Matth. Vill. lib. IV. cap. 76. Pax vero XXI. Martii MCCCXLIV. secuta, magnis lætitiæ signis publice datis, sed civibus privatim moerentibus, quippe pecunia exhaustis.

^{73.} Pontifex cupiebat. Urbanus V. Caroli amicus.

^{74.} Cardinalem Bononiensem. Guidonem de Bononia Episcopum Portuenssem Carolus Roma post coronam acceptam decedens ann. MCCCXLVIII. Vicarium constituit, & Lucæ residere jussit. Bosq. de Gest. Urb. V. apud Rayn. Ann. Ecl. T. 16.

^{75.} Contra Fœdus. Ann. MCCCXL. percussum. Oblitus Florentinorum benevolentiam, qui Imperatori in eum molienti auxilium denegaverant. Leon. Aret. Hist. Flor. lib. VIII. Matth. Vill. lib. IV. cap. 81.

^{76.} Falso Imperatoris nomine. Se enim ab Imperatore Vicarium consilium ostentabat.

^{77.} Missisque Viterbium &c. Non Viterbium, sed Roman Oratores missi Alexander ab Antella, Ugoccio Riccius, Blasius Guasconus, qui cum Arnaldo Cardinali Urbani Legato fœdus inirent. Ammirat. lib. XIII. p. 671.

^{78.} Fœdus iniere. Ann. MCCCXLIX. XX. Novembris.

^{79.} Patavinus. Franciscus Carrariensis.

^{80.} Mantuanus. Ludovicus Gonzaga.

^{81.} Ferrariensis. Nicolaus Estensis. Quibus additi Feltri-

^{82.} Apud Cascinam. Pisano in agro decem passuum millibus a Florentinorum exercitu confedit Augutus. Leon. Aret. lib. VIII.

^{83.} Duce exercitus. Joanne Regiensis, qui Miniatesi obsidioni intentus cum hoste congredi negabat, sed ignaviæ a Florentinis accusatus *Eamus*, ait, quo inexpertium virorum stultitia nos trahit, sicuti animus non deest, ita nec consilium defuisse constabit. Leon. Aret. Hist. Flor. lib. VIII.

^{84.} Ad quartum lapidem. Ut præ metu a Florentinis exercitus revocaretur, Miniateque obsidio tolleretur.

^{85.} Ad Ducem exercitus. Duo exercitus Duces erant, quorum altero capto, alter oppugnationem persecutus est.

^{86.} Domus muro. Vid. Corium p. III. Leon. Aret. lib. 8. & præ omnibus Ammiratum lib. XIII. p. 673.

^{87.} Viri nobiles capti. Principes defectionis autores, Ludovicus, & Blasius de Ciccionibus, & Philippus de Lazarinis, qui Florentiam ducti, & ab irata plebe pene oppressi, capite tandem multati perduellionis pœnas dedere. Leon. Aret. & Amm. ibid.

^{88.} Anno. Non MCCCXLIX. Sed MCCCXXX. ab ejus defectione a Florentinis ad Imperatorem XVI. tranfactis annis, defecerat enim ann. MCCCXLIV. Matth. Vill. lib. IV. cap. 69.

^{89.} Libertatem restituit. Detectis Bernabovis insidiis, qui P. Bracciolinus. B 2 Al-

1370 centos sagittarios, qui salutis illius urbis provide-
rent, *Gambacurtæ* mitterent, quorum opera consilia omnia, & hostium conatus frustra fuere. Nam cum⁹⁰ proditorum industria *Bernabovis* pedites jam *Pisana* conscendissent mœnia, a præsidio *Florentinorum* re detecta e muro dejiciuntur. Exclusi vana spe milites, cum agrum *Pisanum* deprædarentur, missi a *Florentia* equitibus retro primum *Serezanam*, tum in patriam cessere. Pulsis *Hetruria* hostibus, *Florentinorum*⁹¹ copiarum, duce *Manno Donato*, qui in bellis suæ Reipublicæ summa cum laude versatus erat, in auxilium Pontificis adversus *Bernabovem* proficiscuntur. Cum *Mutinam* venissent, *Bernabovis* exercitus *Regium Lepidum* obsidebat, castellis⁹² quibusdam ad obsidionem urbis erectis. *Johannes Augutus* dux copiarum *Bernabovis*, prædæ cupidus, relictis cum præsidio castellis, in agrum *Bononiensem* transgreditur populandi gratia: oblata occasione *Mannus* una cum *Feltrino*⁹³ Regii tyranno castella hostium, superatis, qui in castra remanserant, expugnat: quo ex labore adeo defatigatus est, ut contracto morbo paucos intra dies expiraret, cujus imaginem *Patavinus Franciscus*⁹⁴ senior, ob ejus res & pace, & bello egregie gestas, in *Regia* inter illustres viros egregia pictura locari curavit. Victoria parta, sociorum omnium copiarum, *Florentinorum* duce *Rossio Riccio* in *Manni* locum, suffecto in agrum *Parmensem*, ubi *Bernabos* erat, prædatum transiere. Agebantur in ejus fere conspectu hostium spolia, pecora, captivique utriusque sexus abducebantur: nullum aberat calamitatum genus, quas militaris insolentia patrare consuevit; quapropter mentione pacis injecta eam æquis legibus componi posse in spem ventum est. At *Rossus*, sociique tentandum aliquid laude dignum antequam ab armis discederent, rati, spe seducti *Bargæ*, per prodicionem recipiendi, cum ad oppidum pervenissent, vana spe lusi in insidias redeundo præcipitarunt. Capti *Riccus*, sociique, ut paci faciendæ assentiretur, Legatum adegerunt: quæ *Bononiæ* ea in primis conditione, ut captivi ab utrisque dimitterentur, anno supra mille trecentos septuagesimo, quo & *Urbanus*⁹⁵ Pontifex diem obiit, firmata est. Electus in Pontificem *Gregorius*⁹⁶ *Undecimus* cum *Florentinis*, *Lucensibus*, *Pisanis*, *Senensibus*, *Aretinis* fœdus renovavit. Eodem anno missus *Bononiam* Le-

A gatus Cardinalis *Bituricensis Augutus* paulo post suum adventum ea mente, ut *Mediolanensi* bellum inferret, conduxit⁹⁷, *Galeotti Malatestæ* *Italarum*, qui sub Legato militabant ducis consilio usus, qui terram hostilem armis quamprimum invadendam esse decrevit, ut Vicecomites potius de suorum salute, quam de inferendo cæteris bello animo agitent. Parato valido exercitu, Legatus fufis primo impetu hostibus oppidum *Johannis* prope *Placentiam* de *Bernabovo* vicepit. Sequenti anno *Sancti Angeli*⁹⁸ Cardinalis, revocato *Bituricensi*⁹⁹ cum *Bononiam* Legatus venisset, bellum prosequitur, prælioque apud *Brixiam*¹⁰⁰ cum hostibus commisso, *Galeotti* consilio illos fundit, fugatque. *Johannes Galeatus Virtutum*¹ Comes, *Bernabovis* nepos, *Francisci Estensis Ferrariensis* Principis virtute, qui captus fuit, defensus hostium manus evasit. Inde victor exercitus, cujus Dux² *Gallus* erat, urbem *Vercellas*³ cum centum ferme oppidis pugnando in deditionem recepit. His malis, ac novo metu compulsus *Bernabos Avinionem* Oratores⁴ misit, pacem a Pontifice quacunque conditione redempturus. Et quamvis bello Legatus superior esset, pecunia tamen, atque amicorum preces adeo valere, ut induciæ darentur, quas sibi redimendas quocunque pretio *Mediolanensis* censebat, tum ut bellum a se averteret, tum quoniam existimabat equites, peditesque Pontificis stipendio privatos necessario prædandi causa in *Hetruriam* transituros; quæ opinio virum prudentem minime fefellit. Nam publicatis⁵ induciis, suasu quoque Legati, iter in *Tusciam* vertere. Erat enim, & Legati⁶, & Pontificis consilium *Florentiam* imparatam armis, inopia præterea frumenti, quæ maxima erat, urgente, urbi fame belloque oppressæ facile libertatem adimi posse. Qua inani spe ductus Legatus cum id sæpe ab eo postulatum esset, & ad Pontificem usque missum pro frumento subministrando, ne quid commeatus ad illos importaretur, mandaratum: cumque omnia illorum causa Legatus, & Pontifex se facturos publice prædicarent, frumentumque missuros, tamen secreto summa cum diligentia, ne ad eos deferretur, providebant. Existimabat enim homo levitatis *Gallicæ* populum, fame cogente, arma adversus civitatis principes sumpturum, & eam fore causam, ut bello etiam, ac seditione fa-

Alderici Interminelli opera Lucam occupare moliebatur, cumque sibi & urbi timeret Legatus, acceptis 25 aureorum millibus civibus libertatem restituit, quam anno MCCCXIV. amiserant. Corius p. III. Leon. Aret. lib. VIII. qui addit Florentinos Lucam ad Rempublicam firmandam missos.

90. Proditorum industria. Quos inter præcipui Marcus Travalda Pisanus, & Neapolitanus quidam, qui variis cruciatibus affecti, capite demum multati sunt. Ann. Pis. ad ann. MCCCCLXX.

91. Florentinorum copia. Bononiam Ægidio Tusculani Episcopo juxta sancitum cum Pontifice fœdus octingenti equites auxilio missi. Leon. Aret. lib. VIII.

92. Castellis quibusdam. Ligneis, e quibus ignis saxaque in urbem conjicebantur.

93. Feltrino. Gonzaga Ludovici Mantuæ Principis fratre Rayn. Ann. Eccl. ann. MCCCCLXX. To. XVI. Col.

94. Franciscus. Carrariensis Mannum qui curandæ valetudinis causa Patavium se contulerat, ibique obierat, summo honore est prosequutus. Leon. Aret. lib. VIII. Hist. Flor.

95. Urbanus Pontifex. Patria Lemovicensis, Guilielmus Grifant antea vocatus, octavo Pontificatus anno, mense 4. dum in Galliam proficisceretur mortuus est. Plat. de Vit. Pont. & Mass. in Urb. Vita.

96. Gregorius XI. die penultima Decembris ann. MCCC-LXX. ut ex ejus litteris. Vid. Greg. ann. 6 ep. cur. p. 17. Hunc Lemovicensem Patria fuisse nonnulli asserunt. Petrum Belfortem appellatum vult Plat. sed alius ejusdem vitæ auctor Petrum Rogerii vocatum affirmat, cujus Pater Guilielmus Comes Bellifortis, ex quo in errorem inductus forte fuit Platina, ab oppido ejus ditionis familiæ cognomen de-

ducens. vid. Rayn. Ann. Eccl. To. XVI. Ita ipse Baptista Sacchi a Vico Platina, Platina denominatus.

E 97. Conduxit. Descivit a Bernabovo Augutus ob imminuta stipendia, cum falsò a Galeatio ejus filio accusatus fuisset, quod in Astæ prælio officio defuisset.

98. Sancti Angeli Cardinalis. Guilielmus de Novelleto.

99. Bituricensi. Petrus appellatus tit. S. Mariæ Transiberim. Rayn. To. 16.

100. Apud Brixiam. Scilicet ad Ruberiam. Rub. Hist. Rav. lib. VI.

1. Virtutum Comes. Sic dictus a Comitatu Virtutum, quem dotis nomine una cum quingentis aureorum millibus illi dederat Isabella Caroli V. Soror. Pigna Hist. Princip. Atest. lib. V.

2. Cujus Dux Gallus erat. Huac Hahuvevod fuisse adnotat Pigna Hist. Princ. Atest. p. 319. sed idem est ac Augutus.

3. Vercellas cum centum &c. Vercellæ Episcopi Orthonis Flisci opera a Bernabovo defecerunt. Cor. p. III. Ipse Gregorius Philippo Constantinopolitano Imperatori scribens To. 3. ep. secr. pag. 58. apud Rayn. infra duos menses (inquit) ultra centum castra per rebellionem, & alios modos dictorum perfidorum (scilicet Vicecomitum) tyrannidi subtracta.

4. Oratores. Tres, quorum princeps Paulus Christianus.

5. Publicatis induciis. Bononiæ a Guilielmo S. Angeli Cardinali, cui auctoritas concessa fuerat. Rubeus Hist. Rav. lib. VI. To. 4. Epist. secr. p. 160. apud Raynaud.

6. Et Legati, & Pontificis consilium. Suspicati sunt Florentini ex composito Augutum dimissum, ut eorum agros popularetur, & jam laborantibus fame venturæ segetis spem auferret. Sic Leon. Aret. lib. VIII. Hist. Flor. Cor. Hist. Med. p. 3. Addit præterea Aretinus, & Plat. in vita Greg. XL.

1375 fatigata urbs in ditionem suam veniret. Sed civium 7 prudentia occultorum hostium nequitiam superavit: quorum tanta fuerat, non solum spes, sed stultitia, Legati præsertim, ut nonnullos architectos *Florentiam* mitteret, qui locum conden-

1375 A dæ arci ad continendam in fide urbem designarent: quibus rebus permoti omnes una mente ad tuendam libertatem, insanæque cupiditati obstendum vehementius exarsere.

XI. in Pontificem commotos Florentinos eo quod Praten-
ses ad desciscendum impulisset, quod diluit Rayn. *To. XVI.*
epistola Greg. XI. *Senensibus scripta*, & aliis insuper quas
Gregorius Lucensibus, & ipsis Florentinis scripsit, quarum
prima prid. Idus Apr. ann. V. Avin. 2. apud Villanovam
Avin. Diæcesis eodem anno.

7. *Civium prudentia, occultorum hostium.* Nempe Pontificis
& Legati qui occulte cum Joanne Auguto ad Florentini a-
gri devastationem convenerant. Florentini cum vim vi re-
pellere non possent, pecunia Augutum ex hoste amicum fe-
cerunt. Vid. Leon. Aret. *Hist. Flor. lib. VIII.*

POGGII BRACCIOLINI,

Florentini,

HISTORIARUM

FLORENTINI POPULI

LIBRI SECUNDI

EPITOME.

Florentini, fæderis conditionibus a Legato violatis, Vicecomitis
auxilium contra Pontificem implorant. Bononia, multaque
præterea oppida ad Florentinos deficiunt: unde excommunica-
tionis sententia in eos lata. Duo Florentini milites Britones
duos singulari certamine prosternunt. Oppugnatur Bononia,
non tamen expugnatur. Cæsena barbære & crudeliter diripi-

B tur. Vulsinenses Pontificis imperium abiciunt; sed eorum op-
pidum proditione captum igne ferroque vastatur. Pontificis in
Italiam adventus, qui pest varios eventus occumbit. Urbanus
Sextus in Pontificem electus a censuris Florentinos solvit, pa-
cemque aquis conditionibus facit.

LIBER SECUNDUS.



ELLUM inde difficile, ac pe-
riculosum anno quinto, ac se-
ptuagesimo supra mille trecentos
seculum est, triennio ferme in-
ter Florentinos, & præfides Gre-
gorii Pontificis gestum, quod ab
impressa, immoderataque alie-
na occupandi, tum Pontificis, tum Legati¹ qui
Bononiæ præerat, ambitione profectum est. Erat
Florentiæ, qualis nunquam antea, frumenti cari-
tas: quod sciens Legatus, cum interdixisset, ne-
quid annonæ ex *Flaminia*, Bononiensique agro ad
Florentinos comportaretur, speransque, ut fames,
& bellum (duo ingentia mala) cives ad deditio-
nem compellerent, tentata prius oppidi Prati,²
proditione, eo Augutum exercitus Ducem, tam-
quam emeritis stipendiis liberum, ad capiendum
oppidum misit. At ejus opera qui Florentinis oc-
culte³ favebat, & Pontificis Præfectis ob eorum
dolos erat infestus, re detecta, proditores⁴ sup-
plicio affecti sunt. Fuerat præterea illi manda-
tum, ut agrum Florentinum ad annonam interci-
piendam (& jam messis instabat tempus) longe
lateque vastaret, quo majori fame populus vexa-
retur. Abbas⁵ insuper Montis Majoris, qui Pe-
rusiam pro Pontifice tenebat, orta inter Senenses,

C & Cionum Salimbenum eorum civem nonnullis op-
pidis, quibus imperabat fidentem, discordia,
contra Senenses auxilia equitum peditumque sub-
ministravit, fretus cum vires eorum contritæ es-
sent, se ejus urbis imperio potiturum; quod pro-
cul dubio accidisset, nisi Florentini animadverso
Abbatis consilio rem Senensem defendissent. Ti-
mebant enim, ne cum Senas expugnasset, Lega-
ti consilia imitaretur. Intenta ne quid Respu-
blica detrimenti caperet civitate, cum suis diffi-
deret opibus, erat primorum consilium, tentan-
dum Bernabovis esse animum⁶, in amicitiamque,
ac fœdus recipiendum, si quo modo id fieri posse
spes daretur; quod facile factu esse existimabant,
cum semper Legati vires minuendi desiderium
præfetulisset, induciasque pretio impetratas haud
satis firmas esse crederet, arbitantes quoque,
etiam si nihil auxilii in eo poneretur, tamen ali-
quid profuturam ad opinionem belli, ejus Prin-
cipis societatem. Missis præterea ad Legatum
Oratoribus, qui de injuriis expostularent, pluri-
bus verbis: *Se indignos esse, cum semper Patribus*
Ecclesiæ favissent, ut iniquo bello appeterentur, do-
cuerunt. Nullam esse causam, cur amici, & pau-
lo ante 7 juncti fœdere, armis oppugnarentur, ne mi-
E *nima quidem injuria ab eis orta, quæ Pontificis erga*
se

1. Legati. Nempe Guilielmi S. Angeli Cardinalis, ut di-
ctum est.

2. Prati proditione. Petri Pucci a Caneto, & cujusdam
Monachi opera. Ammirat. lib. XIII. p. 693.

3. Occulte favebat. Pecunia emptus Augutus Florentinis
Prati proditionem detexit.

4. Proditores. Supradicti. Sed Petrus a Caneto, ut pri-
mus proditionis auctor ferreis catenis curru alligatus, can-
denti forcipe percussus, inverso capite ad genua usque terra
obrutus est. Id constat ex processu qui in Fiscali camera

habetur, cujus exemplum in Stroziana L. 1210. a 132.
Ex quo non Presbyterum, ut Ammiratus, sed Notarium
Petrum fuisse colligitur.

5. Abbas Montis Majoris. Gerardus natione Gallus, Pel-
linus Hist. Per. p. 1. lib. VIII. p. 1113.

6. Animum. Donato Barbadoro, Philippo Bastario,
Nardo Andrea, Simone Ritalè, & Ugolino Lapi Oratori-
bus missis. Amm. lib. XIII. p. 693.

7. Juncti fœdere. In Bernabovem ann. MCCCLXXI.

1375 Bernabovis, ac Florentinorum auxilio, quorum favore præfidiisque omnes hæc civitates servitutem rejecerant, tenuit. Arx *Asculana*, cui *Gometius* ³³ *Hispanus*, urbiq[ue] præerat, quamvis summa vi oppugnaretur, tamen, quia haud parvo præsidio, frumentoque munita erat, ad decem menses obsidionem pertulit. Ei cum *Johanna* ³⁴ Regina, in gratiam Pontificis, auxilium tulisset, superati ab ea missi equites domum redire, tandem arce reddita, obsessis cum rebus suis abire permissum est. Mirum videbatur, adeo omnium quibus Pontifex imperabat populorum, ob impotentem dominatum, immensamque Præsulum avaritiam, unum animum, unamque esse mentem, ut vel perire, quam subijci eis mallent: & cum singulæ ³⁵ urbes ac provinciæ ad defectionem spectarent, non tamen omnibus, licet idem optantibus, eadem deficiendi dabatur occasio. Parvo tamen tempore universorum animi ad capeffendam libertatem converfi sunt. Videns *Gregorius* Pontifex omnia *Florentinis* secunda esse, nec prudentiam a fortuna sejunctam, veritus ne *Bononienses* aliorum exempla imitarentur, *Britonum* ad decem millia equitum, peditumque, qui vagi, absque stipendio in *Gallia* populabundi in armis erant, conduxit ³⁶. Hos sua consuetudine, fortitudinisque jactantia, ac propriis viribus fretos omnia pollicentes, cum ex eis peterent, an *Florentiam* ingredi sperarent, superbe nimium respondisse ferunt, non dubitare se, quin quo sol ingrederetur, & ipsis quoque penetrandi facultas esset. *Gallica* profecto arrogantia, & fastu plena, in *Alexandro* aut *Cæsare* non ferenda. At ii cum postmodum *Alpes* transissent, ne agrum quidem ³⁷ nostrum conspexere. *Florentiam* deinde Pontifex Oratores ³⁸ misit, pacem pollicitus, & *Perusii*, *Tifernique* libertatem, modo ab armis, sollicitandisque populis abstinerent. Verum cum variæ Senatum distinerent sententiæ, diemque ex die respondendo ducerent, *Granaroli* ³⁹ *Bononiensis* agri oppidi, defectio Legato nuntiatur; ad quod recuperandum, dum *Augustus* cum suis proficiscitur copiis, *Bononienses* ⁴⁰ a Legato *Florentinorum* opera desciscunt: quibus cognitis Oratores re infecta *Avinionem* redeunt. *Augustus*, cum nec oppidum summis viribus oppugnatum recipere potuisset, *Bononiam* vero redeundi nulla

A spes foret, *Faventiam* ⁴¹ Pontificis oppidum nil tale veritum occupat: hostilemque in modum direptum, ac civibus fortunisque omnibus spoliatum *Nicolao Estensi* Principi *Ferrariensi* ⁴² tradit, qui dirutam urbem (cujus imperio *Astorgius Manfredus Florentinorum* opera postmodum potitus est) paulum instauravit. *Florentini Bononiensem* rebellionis culpam, ac doli crimen non evitarunt. Nam cum pax offerretur, & urbium nonnullarum libertas, rectius, tutiusque videbatur honestæ pacis, quam inutilis belli consilia sequi. Fraus præterea visa est, ac dolus, cum de pace ageretur, tantam urbem ad defectionem sollicitare: sed plus ad salutem ⁴³ amissa *Bononia*, quam oblata pax nonnullis, quibus natura infinitum est, ut privata studia publicæ utilitati prævertant, conducere visa est. Hinc indignatio Pontificis se delusum existimantis, iraque in *Florentinos* incensa est, qua motus, & *Britones*, gentem natura immitem, ac crudelem, in *Italiam* adversus *Florentinos* transcendere jussit, & jure Pontificio contra ipsos censuit agendum. Moris est *Romanorum* Pontificum, cum in quempiam ob commissum facinus animadvertere volunt, ut eum per Viatorem, ad criminis defensionem vocent. Fisci Procurator in ⁴⁴ publico in frequenti Cardinalium senatu, circumstante undique densissima ex omni hominum genere corona, illius injurias, & delicta, in quem sententia sit ferenda exponit. Tum petit, ut lectis ad id iudiciis causa discutienda mandetur; deinde ut citetur reus, ut causam dicat, quæ omnia a Pontifice sunt ⁴⁵ servata. Nam & ejus in *Florentinos* enumerata ⁴⁶ sunt beneficia, & multis capitibus, de injuriis in Pontificem disputatum. Decreta citatio, in qua omnes ferme Magistratus nominabantur, omnes insuper narrabantur cives, qui belli auctores fuissent, quique ad id favorem, auxiliumque præstitissent, præscripto tempore, quo ad se defendendos venirent, *Florentiam* delata est. Magnum ea res in populo motum fecit, variusque sermo ferebatur, tum contra Pontificis Præsides, tum adversus cives, qui bellum paci prætulissent; tandem multis disceptationibus habitis placuit Oratores duos ad Pontificem, qui causam Civitatis tuerentur, mittere. Ii fuerunt *Donatus Barbadorus* ⁴⁷ Jurisconsultorum eloquentissimus, & *Scriba Dominicus Syl-*
ve-

33. *Gometius Hispanus*. De Bernotiis, vel potius de Albernotiis, Princeps Spoletani Ducatus, arcisque Asculanæ, quæ ab eo defecit anno MCCCLXXV. mense Febr. Ipse in arce obsessus eam Decembri Florentinis cessit. Cor. p. III. *Hist. Med.*

34. *Johanna Regina*. Siciliæ utriusque.

35. *Singule Urbes*. Ortona, Narnia, Civitas Vetus, Urbium, Firmium &c. Cor. *Hist. Med.* p. III.

36. *Conduxit*. Duce Roberto Gebennensi, Genevensis Comitum fratre, Basilicæ XII. Apost. Card. Flaminie, Piceni, aliorumque Provinciarum Legato. Rayn. To. XVI. *Ann. Eccl.* Hunc infra Antipapam videbimus Clementis nominem.

37. *Ne agrum quidem &c.* Cum enim Bononia eo tempore defecisset, ad sua recuperanda intentus Legatus, in Florentinos se ferre non potuit.

38. *Oratores misit*. Nicolam Spinellum, a Juvenatio, Senescalum Provincie, & Bartholomæum Jacobi, Januensem J. C. Ammirat. lib. XIII. ad ann. MCCCLXXV. & *Matthæus Vaira de Vita*, & *Gestis Nic. Spinelli* p. I. lib. I.

39. *Granaroli Bononiensis agri*. Agri Faventini Castellum fuisse ait Platina in *Vita Greg. XI.* Pertinere ad Ravennatem Ecclesiam refert Rub. *Hist. Rav. lib. VI.* & a Lugo Ravennatis Ecclesiæ oppido millia ferme passuum abesse. Hujus defectio Astorgii Manfredi Faventini Reguli opera secuta est. Ex quo Faventinæ ditionis fuisse puto. Vid. Rub. *Hist. Rav. lib. VI.*

40. *Bononienses a Legato &c. desciscunt*. Florentinis suadentibus, & auxiliantibus: nam duo equitum millia, & quingentos pedites una cum libertatis vexillo misere. Girard. *Hist. Bon. lib. XXV.*

E 41. *Faventiam Pontificis oppidum*. Augustus cum Bononiam regredi nequiret, unde ut Granarolum recuperaret discesserat, Faventiam ingressus, iram in Pontifici fideles populos evomit. Leon. Ar. lib. VIII. *Hist. Flor. & Rub. Hist. Rav. lib. VI.* Addit vero ab Episcopo Ostiensi, urbis præfide verito ne aliarum exemplo Faventia quoque deficeret, Augustum appellatum Britonesque intromissos templa domosque diripuisse.

42. *Ferrariensi tradit*. Quadraginta, vel ut alii, quos inter Plat. in *Vita Greg. XI.* viginti ducatorum millibus acceptis.

43. *Ad salutem*. Florentiæ.

44. *Fisci Procurator*. Vulgo Fiscalis, qui tunc temporis erat Jacobus Cecca, Florentinis infensissimus. Ammirat. *Hist. Flor. To. 2. lib. XIII. p. 697.*

45. *Omnia a Pontifice sunt servata*. Nam Petro tit. S. Laur. in Lucina Presb. Card. cura, ut de re inquireret, fuit demandata; ac Pontificis literis Florentinorum Magistratus, omnesque, qui operam suam contra Pontificem navant, frustra jam admonitos ad Avinionensem subellia compelleret, die ultima Martii causæ dicendæ constituta Rain. *Ann. Eccl. T. XVI.*

46. *Enumerata sunt beneficia*. inter quæ præcipuum, quod eis Carolum IV. multa benevolentia, & sollicitudine conciliasset. Vid. Rayn. *ibid.*

47. *Donatus Barbadorus*. Cum Donato Barbadoro Alexandrum ab Antella conjungit Leon. Ar. lib. VIII. *Hist. Fl.* Sed nulla apud illum de Scriba mentio. Discrepantiam vero Aretini, & Poggii tollit Junior Ammiratus lib. XIII. p. 697. inquit Legatos fuisse Donatum Barbadorum, & Alexandrum ab Antella, iisque additum Dominicum Sylvestri, quasi in consilium.

vestri filius, qui cum *Avinionem* ⁴⁸ appulissent, tandem data publice loquendi potestate, *Donatus* apud Pontificem, & *Romanæ Ecclesiæ* primores, qui ad audiendum conveniant hujusmodi orationem dicitur habuisse. Si *æquis auribus* (neque jam ut videor, præjudicata re ⁴⁹ nos auditurus esses) *Beatissime Pater*, aut æquo jure disceptari liceret, non minore virtute animi, nec minore legum fiducia meorum civium causam tuerer, quam ipsi libertatem suam fortitudine, & prudentia defenderunt. Nam facilis esset defensio, quæ divino, & humano jure nititur, nisi plures cupiditate ⁵⁰, quam ratione ducerentur. Testar ⁵¹ quippe nullam belli gerendi justiore videri causam, quam ea, quæ sumitur pro repellendis injuriis, & libertate servanda; dicerem magis in culpa esse, magisque a recta via declinare, qui alteri inferunt injuriam, quam qui propulsant illatam; dicerem justissimam illorum esse rationem, qui pro suæ libertatis, pro sui status tutela, pro patria defendenda arma suscipere cogerentur, iniquissimam vero eorum, qui pro rerum alienarum appetitu, pro imperii cupiditate socios, atque amicos iniquo lacerarent bello. Verum quoniam tempora ⁵² nobis sunt, & apud multorum infestos animos mihi dicendum est, utar ea defensione, quam ipsum Deum primo, tum omnes homines, in quibus modo recta insit ratio, comproburos esse confido. Neminem sanæ mentis esse arbitror, *Sanctissime Pater*, quin libertatem natura appetat: qui partam, & tuendam sibi, & conservandam putet: quin illam existimet omnibus, quæ homini fortuna bona dederit, præferendam: quæ si dulcis, si jucunda, si exoptanda cuiquam videri debet, illis jucundior, dulcior, optabilior sit necesse est, qui diutina in libertate vixerunt. Nos annos paulo minus quadringentos libertate potiti sumus, quæ ita nobis natura jam insita est, & infixæ cordi, ut pro illa servanda, si opus sit, noster populus mortem appetere sit paratus. Imitari enim conantur cives nostri Romanorum in ea re virtutem, a quibus originem traxere, quos legimus pro communi libertate sæpius summa cum gloria occubuisse. Hujus retinendæ voluntas nos compulit, ut quod natura ipsa suadet, vim vi repellentes, servitutem rejiceremus, rem nostris moribus maxime adversantem. Quod si belluis ratione carentibus a natura concessum videmus, ut corporis salutem, qua possint re tueantur, servitutemque naturali quodam munere horreant; quanto magis viris, ratione, & animi præstantia præditis infixæ salutis, libertatisque debet esse cupido? Et his præcipue, qui longo tempore in libertate consenuerunt. Sua cuique salus cara esse consuevit, at libertas debet esse carissima, sine qua ne vita quidem videtur esse viris bonis, & fortibus expetenda. Etenim cum pluribus de causis bella suscipi soleant, nulla tamen justiora, nulla probabiliora esse possunt, quam quæ geruntur pro defendenda patriæ libertate, in qua domus, liberi, uxores, fortunæ, templa, divina, & humana omnia continentur. Itaque si ad tuendam adversus appetitum tyrannicum tot sæculis possessam libertatem, non voluntas, sed necessitas nos coegit, non a tua sapientia accusandi videmur, sed laudandi; non a te oppugnandi, sed defendendi sumus; non odio a te aut malevolentia, sed amore, & caritate tractandi. Id enim egimus, quod ad viros fortes, & patriæ amatores pertinere sapientes volunt. Id quæsimus, ad quod consuetudo, leges, jus gentium,

A ipsa naturæ vis, amor patriæ nos hortari, & impellere videbatur. Non arma contra tuum statum movimus, sed repulimus contra nos mota: non laceravimus bello tuos, sed obstitimus laceranti. Multis injuriis provocati, multis tentati ⁵³ dolis salutem nostram tutati sumus: & id quod etiam bestiis est innatum, vitæ discrimen aufugimus, & miseram servitutem. Tulit anno præterito temporum conditio, ut fame premeretur populus noster: ad hanc sublevandam Legatum tuum Bononiensem, tamquam benevolum nobis, & amicum, sicuti palam ostentabat, summis precibus oravimus, ut ex agro Bononiensi, ex *Flaminia*, quæ loca frumento referta dicebantur, annonam ad nos debehi pateretur. At ea res, quæ illum ad pietatem, ad misericordiam, ad subveniendum necessitatibus nostris impellere debuisset, ad crudelitatem, ambitionem, impietatemque provocavit. Nam cum palam, quæ postulata erant, promississet, occulte gravi edicto prohibuit aliquod egestati nostræ subsidium ferri: malis usus consuleribus, inanique spe motus e vestigio adjecit animum per famis occasionem posse populum nostrum, si quo insuper bello urgeretur, ad urbem ei tradendam compelli. Quod nos suspicantes, hoc ipsum suppliciter a Sanctitate tua petivimus; idque facile impetratum est. At bona verba malum opus est consecutum, & oblata a te spes in desperationem versa. Tu ipse optimus es testis, literis te mandasse Legato, ut nostrum populum annona mittenda sublevaret. At is spe nostræ civitatis subjiaciundæ, pro frumenti subsidio armatos in nos misit: pro veteri amicitia nova inimicitia ostentata est: pro copia rerum, quæ sperabatur, summa nos inopia affligere curavit. Exercitum duce *Auguto* in agrum *Pratensem*, cum spes esset ejus oppidi per prodicionem recipiundi, ire jussit, & simul mandatum, ut segetem omnem ex agris nostris raperet, ac pervastaret, quo majori fame populus urgeretur; ut merito dicere possimus nos ab eo pro amore odium reportasse. Non erat hæc spes nostrorum civium, ut eorum libertas fame urgente appeteretur: non eorum erga Romanam Ecclesiam merita postulabant, ut pro beneficiis, quæ multa in Pontifices extiterunt, eis maleficia redderentur. Nam quæ major crudelitas, quæ major immanitas esse potest, quam fame, re omnium crudelissima urgere homines ad servitutem? Misericordia, & pietate digni sunt famelici, non impietate, ac crudelitate, etiam adversus belluas improbanda. Feræ bestię, & immanis asperitas fame domari consuevit: liberi vero populi servitus nequaquam fame est appetenda. Quod si quos misericordia, & pietate uti decet, ad illos potissimum id opus spectat, quos Deus ministros, & opifices misericordiæ instituit, qui astringuntur arctius ad obtemperandum summi Dei præceptis majori ex parte in caritatis beneficio constitutis: omnia Dei mandata sunt salutaria, sed nullum tantopere servari jussit, quam caritatem, in qua & misericordia, & legis mandata omnia continentur. Quod est autem majus misericordiæ officium, quam cibo famem sedare? Humiliter petentibus cibum dare? Ipsa nos hortatur natura, atque impellit ad beneficentiam, & humanitatem, & ad communem vitam animantium conservandam. Ea efficit, ut non solum deprecantibus hominibus, sed canibus etiam gestu blandientibus præbeatur cibus. Petet aliquis forsam, nunquid a nobis aliqua in re offensus, numquid ullo errato nostro, nunquid nostra culpa irritatus contra nos esset Legati

48. *Avinionem* appulissent. Prid. Kal. Apr. hæc enim præscripta citationis dies fuerat.

49. *Præjudicata* re. Hoc est animo occupato, & in contrariam partem inclinate.

50. *Cupiditate* ulciscendi. Referendum hoc ad Cardinalem *Bituricensem*, & Card. *S. Angeli*.

51. Ab honestate causæ.

F 52. Tempora nobis sunt. Intelligendum infesta, seu contraria.

53. Multis tentati dolis. A *Guilielmo* Cardinali *S. Angeli*, Bononiæ Legato, qui *Augutum* occulte ad Florentinum agrum populandum miserat, Pratumque ad defectionem sollicitaverat, quod non sine noxa fieri potuit. Leon. Arret. lib. VIII. Hist. Flor.

1376

animus? nihil minus: summa vigeat inter nos concordia⁵⁴, summa animorum conjunctio videbatur, summa ostendebatur benevolentia, neque ulla minor in nos suspicio descendere poterat, quam nostram civitatem ab eo tam iniquis facinoribus esse oppugnandam: primum annona concessa verbo, re denegata est, ut fame destineremur: tum exercitus in nos velut hostis traductus est: oppidi⁵⁵ proditio tentata, postremo militibus mandatum, ut messis, quæ adhuc in agris erat, corrumpetur, quæ eo spectabant, ut tamquam jumenta fame domita servitutis jugum subiremus. Hæc tanta pericula cum nobis imminerent, quid agere debuimus Pater Sancte? an cervices præbere nos jugulare cupienti? quod tu nobis, si te consulissemus, tamquam universorum Patrem, consilium dedisses? Quam nobis salutis ostendisses viam? fame urgetur civitas Florentina, subsidium in te denegatur: ab his quos minime oportuit oppugnari. Crudele id etiam in hoste esset, ne dum in eo, qui se amicum proficitur. Exercitus contra nos destinatur, idest contra eos, qui minime tantum facinus suspicabantur. Hæc immanitas non ferenda. Proditione tentantur oppida nostra, ut propinquo bello defatigaremur. Quæ omnia cum hostis crudelissimi opera existant, nulli dubium est, quin arma pro salute propria sumere cogeremur. Iniqua sunt hæc, quæ retuli, & præter officium Deo dicati. Sed quod sequitur multo iniquius. Mandatur duci exercitus⁵⁶, ut frumenta ex agris rapiat, ut segetem omnem perdat, quo famis malo coacti Legatum nobis dominum constitueremus. At hæc, tot tantaque etiam adversus barbaros Christi hostes acerrimos essent penitus improbanda. Num hæc igitur adversus nos molita, aut dissimulanda, aut patienda videbantur? non a te Pastore Ovium Christi potius vindicanda? Tu Legati tui cupiditatem in sanam, tu dominandi libidinem immoderatam comprimere, tu ignem excitatum extinguere, tu filiorum tuorum libertatem tueri, tu beneficiorum⁵⁷ erga Pontifices nostrorum memoriam sumere, tu causam eorum vel solus defendere debuisti. Num igitur nos, quos quies, ac libertas a tuo Legato lacecita, appetita, & procurata est, subimus belli culpam, cum certemus pro patria, pro uxoribus, pro liberis, pro libertate; an tuus⁵⁸ Legatus, a quo malorum omnium initium est profectum? Certe Sanctissime Pater, si recte advertere, si Vicarii Christi mentem, aut officium sumere voles, nullam hujus belli in nos culpam referes, nullum nostrum delictum judicabis. Nos quippe parvum necessitati, quæ etiam desides excitat, atque ignavos; arma extorsimus de manu odientium nos, ne periclitaremur. At multi ab Ecclesia defecerunt: fatendum idem, sed superbia id tuorum præsidium, & avaritia, qui provinciis impe-

rabant, quibus nihil nefas esse videtur, contigit. Neque ii a te, sed a ministris iniquis disciverunt; quibus si ad nos miseria sublevandos paulum favimus, nequaquam videmur errasse: nisi forsitan, qui ultro porrigendum caput censet cum gladio occurrenti, aut minitanti ferro tradendam sponte libertatem. Nihil nos contra tuam dignitatem, nihil contra auctoritatem egimus, Pater sancte, nihil contra Romanam Ecclesiam moliti sumus. Tollere querentibus salutem nostram, auferre libertatem volentibus, veluti fræna coniecimus, quibus eorum impetus tardaretur. Suscipe nos igitur tuendos, ut filios, Pater sancte, & tuæ pristinae pietatis in mentem veniat. Recordare miserationum, quæ in Pontifice esse debent. Subeat memoria, nos olim contra Imperatores, contra Reges, contra Tyrannos arma cepisse, quibus Romanam Ecclesiam tueremur, & Romanorum Pontificum status a viribus impugnantium validior redderetur. Tibi vero persuadeas oro, nos invitos ad hoc bellum descendisse, in quo sola libertatis tutandæ ratio quæsitæ est, idque solum actum, ut patriam defenderemus. Quod si qua nos graviore censura, prout adversarii nostri querunt, ac distitant, notari voles, feremus æqua mente, quoad facultas erit, & ad illius auxilium confugiemus, qui non deserit⁵⁹ in se sperantes, quique oppressorum causas tamquam justus patronus suscipere consuevit. His dictis varium murmur inter adstantes exortum est, partim adversantium⁶⁰, partim faventium Florentinis; multi tamen ex majoribus animum Pontificis incendebant, qui cum turbatus indignitate pristina, se contra eos jure acturum respondisset, tum versus ad Christi simulacrum, quod cruci affixum pendebat, Donatus⁶¹, Provoco ad te, inquit, omnium Pater omnipotens, qui rectus es iudex, nec falli potes, postquam humana desunt suffragia, testorque nos immeritis iniquo iudicio opprimi. Sed tu veram in extremo iudicio sententiam feres. Multas tandem post disceptationes⁶² damnati⁶³ Florentini, ac extra Christianorum confortium ejecti, interdictumque aqua, & igni, ipsi quoque, & eorum bona in servitutem, & prædam condonata: qua ex gravi censura id Florentina Respublica consequuta est, ut maximo rerum suarum incommodo, omisissis mercaturis quas variis in Regnis exercebant, multisque deperditis⁶⁴ bonis, redire omnes in patriam compulsi sint, & multorum amplæ fortunæ amissæ. Avinione insuper, in qua Florentini ultra quingentos negotiandi gratia erant, certa præscripta die jussu Pontificis pulsi. Britones interim a Pontifice conducti, Transalpinæ Genuæ Cardinali⁶⁵ duce, Alpes transgressi, in agrum Astensem descendunt.

In-

54. Inter nos concordia. Confoederati enim cum Pontifice fuerant Florentini in Bernabovem, ut jam vidimus in primo libro.

55. Oppidi. Nempe Prati.

56. Duci exercitus. Joanni Auguto.

57. Beneficiorum erga Pontifices. Fuscus Leon. Aret. lib. VIII. Hist. Flor. beneficia enumerat: Florentinos scilicet a Friderico Primo, & Henrico ejus filio armis appetitos, eo quod pro Pontificibus starent. Idem passos a Friderico II. qui Romam nunquam reversuros Pontifices dixit, quandiu illis Florentinorum deesset auxilium. Manfredum Siciliæ Regem a Florentinis cæsum ad Beneventum, & hinc Ecclesiæ pacem restitutam. Addit insuper Ludovico Bavaro Romam vexanti solos pene ex omni Italia Florentinos obstitisse, ejusque Antipapam Petrum de Corbaria rejecisse, Joannique firmiter adhæsisse. Vide insuper Ammirat. To. II. lib. XIII. p. 697. & Ugol. Ver. lib. I. de Illust. Flor.

Sepeque Sarmatici contempsit Cesaris arma,
Pontificum dum Sacra piorum, arasque tueretur
Theutonicis obfessa dnu Florentia turmis,
Exitium frustra minitantem sprexit Othonem.
Compulsi infectis discedere rebus utrumque;
Sic primum, & pariter Federicum invicta secundum
Ausonia cladem Tuscis dejecit ab oris.

58. Tuus Legatus. Guilielmus Card. S. Angeli, ut supra.
59. Non deserit in se sperantes. Juxta illud: Sperantes autem in Domino misericordia circumdabit.

60. Adversantium, partim faventium. Adversabantur Galli, favebant Itali omnes, nonnullosque ex adstantibus ad lacrymas Florentinorum oratio compulsi.

61. Donatus. Barbadorus coram Pontifice Orationem his verbis clausit: Respiciat me Deus salutaris meus, adjutor meus esto, ne derelinquas me, quoniam Pater meus, & Mater mea dereliquerunt me. Ad quæ conversi Gallorum nonnulli ridentes, pedibus tanquam stultum petere ausi sunt. Ammirat. Junior. To. 2. prima partis lib. XIII. p. 699.

62. Post disceptationes. Pontificis Donato respondentis, ut videre est in Leon. Aret. lib. VIII. Hist. Flor.

63. Damnati Florentini. Fuscus Rayn. Annal. Eccl. To. 16. Leon. Aret. lib. VIII. Ammirat. To. 2. lib. XIII. Briet. Annal. Mundi p. III. To. 2.

64. Deperditis bonis. Florentinorum damna refert vitæ Gregorii scriptor. Gest. Greg. XI. apud Bosq. relatus a Rayn. To. 16. Ann. Eccl. Wallinghamus Hist. Angl. addit Florentinos in Gallia non solum bonis spoliatos, sed Turcarum more in servitutem redactos.

65. Cardinali Duce. Roberto Gebennensi, Genevæ Comitum fratre, de quo supra.

1376 Inde *Alexandriam*, *Terdonamque* petentes, *Ferrariam* veniunt, ut magnis itineribus confecti milites curatis corporibus, quæ ad bellum necessaria essent providerent. At *Florentini*, cum pro explorato haberent, Cardinalis consilium esse *Bononiam* obsidione cingere, milites haud parvo ⁶⁶ numero, duce *Rodolpho Camerte* ⁶⁷, eo mittunt: qui urbem ingressus, re frumentaria, ac omnibus quæ ad defendendam urbem necessaria videbantur, comparatis, loca quæ facilem in *Etruriam* aditum hostibus præbere possent, summa ope intercisissimis itineribus munit. Frumenta ex agris, villisque in oppida comportari jubet. Publicata ⁶⁸ *Florentiæ* tam acri Pontificis censura, populorum omnium consuetudine, magis de pace, quam de bello sollicita Civitas ad eam procurandam ad *Gallia* ⁶⁹, *Pannoniaque* Regia *Gallorum* ⁷⁰ stirpe oriundum, Reges, tum ad *Johannam Siciliae* Reginam Legatos ⁷¹ misere. Britones vero, cum *Bononiam* circumfessissent, sacerdotis unius proditione *Montis* ⁷² *Georgii* castellum capiunt, ac diripiunt: & quo terror cæteris injiceretur, oppidanos omnes, nulla sexus, aut ætatis habitatione, ad unum interficiunt. Capto oppido, dum apud *Bononiam* essent, *Galli* duo data fide in urbem profecti, cum in cœtu militum jactabundi in *Florentinos*, ut ignavos imbellesque, & in nullius rei usum verbis admodum contumeliosis asperius inveci essent, orta cum adstantibus verborum concertatione, multo insolentius sunt locuti ad provocationem usque desilientes, si qui respondere vellent. Tum *Bettus Biffolus Florentinus*, & *Guido* ⁷³ *Asianensis* fraterna juncti amicitia in medium prodeuntes se ob honorem, decusque patriæ contra provocantes certaturos profitentur. Die præstituta cum extra urbem ambo in campum descendissent, tandem in aciem prodeunt, in Legati ⁷⁴, totiusque exercitus conspectu. *Biffolus Britonem* adversarium ex equo dejecit: inde pedestri Marte ad terram prostratum superat. Legato victi vitam postulanti donat. Idem & *Guidonis* decus fuit; nam superatum *Galum* concessa vita tamquam victoriæ munus Legato largitur. Qua ex re præter verborum actas gratias, dona quoque a Legato egregia, & equi armaque eorum, qui victi erant, data. Ita insolentia hostium repressa, & *Florentinorum* animi in spem erecti. Hoc duellum *Rodolphi* secutum est prudens responsum: nam cum hostes proditione potius, quam prælio urbem tentarent, *Rodolphus* ad omnia pericula propulsanda sollicitus, timensque *Bononiensium*, quorum animi sunt natura mobiles, parum tutam fidem, intra mœnia se continebat, intentus diurnis, nocturnisque vigiliis, ne qua intestina conjuratio, cujus fama oc-

A culta ferebatur, incautum opprimeret. Grave videbatur Legato sua consilia incassum verti; per caduceatorem igitur *Rodolphum* interrogavit, cur tamdiu otiosus portas non egrederetur: Cui *Rodolphus* suo nomine renuntiari jussit, ideo eum non egredi urbem, ne ipse ingrediatur. Conjuratione ⁷⁵ autem per unum ex consociis detecta, defectionis auctores capitis supplicio mulctati. Spe omni per fraudem recipiendæ urbis præcisa, *Bononiam* ab Legato Oratores missi, qui deditionem populo suaderent, pollicerenturque data publica fide, omnium quæ hætenus patraissent veniam: quod magis ad irritandos animos popularium est actum, quam ut speraret, id quod petebat persuaderi civibus posse. Auditis Oratoribus, tantus amor libertatis retinendæ fuit, ut contempta eorum oratione, quæcunque indigna se passuros potius affirmarent, quam in eorum ditionem redirent, quorum insolentiam, avaritiam, fastidium, arrogantiam, superbiam diutius experti forent. Eo responso indignatus Cardinalis, se non inde antea abiturum minatus est, quam eorum sanguine & manus, & pedes lavisset. Quæ verba etiam in *Phalaride* tyranno, aut quovis immani barbaro execranda, & digna odio extitissent. Irritati, offensique his dictis *Bononiensium* animi acrius, diligentiusque tuendæ libertati incubuere. Ita potiundæ urbis desperatione Legatus permotus, ab ea quoque spe dejectus posse se in *Florentinorum* agrum prædatum transire, saltus ⁷⁶ enim undique fossis, armatisque occupati erant, cumque instaret hyems, exercitum in hiberna *Cesenam* deduxit, expectaturus rei gerendæ tempus, & Pontificis voluntatem. Ibi facinus infandum, & in *Nerone* horrendum Legati scelere commissum est: ut nequaquam mirum videatur, oppida Pontifici subiecta a suorum Præsidum crudelitate descivisse. Britones *Cesenam* ingressi, tamquam in urbe ex hostibus vi capta, omnia sacra, profanaque pro libidine diripiunt. Non virginum pudicitia a militari luxuria tuta erat. Nullus pudori locus, nullum ætatis, aut sexus discrimen, nulla pietas, nulla venia. Omnia militari crudelitate, & avaritia agebantur. Neque hæc, cum cives apud Legatum quererentur, ullo jure coercerentur, sed in dies major sceleribus dabatur licentia. Tandem cum sæva tyrannide oppressa civitas grassantium militum acerbiter ferre nequiret, lumpis armis, commissoque certamine, Britones ⁷⁷ magna cum cæde urbe ejecit. Deinde cum ultionem veriti cives in armis essent, suasionem *Galeotti Malatestæ*, jurejurando quoque Legati confisi, pollicentis se omnis injuriæ oblitum eis ex animo parcere, cædisque culpam in suos rejicere affirmantis, arma deposuere. At is, cui ca-

66. Haud parvo numero. Duo equitum millia, & quingentos pedites missos asserit Girardacius Hist. Bonon. lib. XXV. Duo millia equitum, quorum quingenti a Bernabov (Comite Lucio ejus Genero Duce) Bononiam missos refert Cor. p. III. Hist. Med.

67. Rodolpho Camerte. Varano.

68. Publicata Florentiæ tam acri censura. Mense Aprili qua urbs a Sacris interdicta fuit, bona civium occupantibus concessa, personæ capientibus jure servitutis traditæ, aliæque, quæ videre erit in Rayn. Ann. Ecl. To. 16.

69. Gallia Rex. Tum Carolus V.

70. Gallorum stirpe oriundum. Ludovicus I. Ungariæ prius, dein Pannoniæ Rex, Caroli Martelli Galliæ Regis ex patre nepos. Abraham. Barfchai Chron. de Reg. Hungaricis p. 915.

71. Legatos misere. Horum nomina non apponit Ammiratus, addit vero ad Pontificem rursus Legatos missos qui pacem quocunque modo inirent; sed Pontificis explorato infenso animo, re infecta rediisse. Hi autem fuerunt Pacinus Strozzius Eques, Alexander ab Antella, Michael Castellanus. Ammirat. lib. XIII. p. 699.

72. Montis Georgii Castellum. Bononia 15. pass. mill. distantis.

73. Guido Asianensis. Senensis, & Bettus Biffolus Florentinus jactis in terram galeis, quod Britones antea fecerant, quisque adversario galeam imposuit, quod pro statuti certaminis signo habitum fuit. Ammirat. To. 2. lib. XIII. p. 701.

74. In Legati &c. conspectu. Legatum increpat S. Antoninus p. 3. tit. 22. cap. 1. §. 4. cum duellum, inquit, sit prohibitum lege non solum Canonica, sed etiam Divina, quia hoc est Deum tentare, ut dicitur 2. q. V. Monomachiam; non catholice, nec juste Legatus permittit ipsum Duellum, & presens adstipit.

75. Conjuratione &c. detecta. Die XII. Sept. MCCC-LXXXVI. & quinque ex conjuratis, qui portam Cardinali capere moliti fuerant, Bononiensibus ipsis annuentibus, tradite mulctati. Ammirat. lib. XIII. T. 2. p. 703.

76. Saltus &c. occupati erant. Timentes enim Britonum adventum octoviri exercitum 1400. lanceis, 200. equitibus, 1000. peditibus auxere; corruerant insuper auro Joannem Malastretam, & Franciscum Budam Legati Duces, ne in Florentinorum agrum descenderent.

77. Magna cum cæde. Octingentis obruncatis.

1376 cariora omnia, quam fides, & iuramentum erant, milites in urbem iussit irrumpere, poenamque de sociis inique trucidatis a civibus sumi. Hi improviso oppidum nil minus veritum, sed promissis, sacramentoque Legati fretum ingressi, omnia crudeli, ac miserrima cæde complent; a nulla ⁷⁸ crudelitate temperatum est. Viri pariter, ac mulieres, pueri, & infantes in cunis reperi cæduntur, in vicis, in plateis, in domiciliis, in templis sævitum. Sanguis indigna cæde peremptorum manabat undique. Virgines quoque Deo dicatæ ad supplicium raptæ; matres parvulos complexæ filios una cum liberis stratae conspiciabantur, etiam super altaribus pueruli, qui eo confugerant, interempti. Non Sagunti ⁷⁹ excidium crudelius fuit: ad unum omnes, nisi qui in primo ⁸⁰ tumultu ex urbe effugerant, foeda morte perierunt. Occisorum ⁸¹ numerus ad quinque millia traditur fuisse. Legati quos ad Pontificem missos retulimus, infecta pace redierunt, minante Pontifice se ad eos castigandos in Italiam venturum, sumpturumque de hostibus supplicium, qui tam inique Romanam Ecclesiam propria hereditate spoliassent. Necessaria Reipublicæ defensio cum civibus videretur, prorogatum ⁸² Octoviris imperium est, iussique, ut e Republica censerent, forti animo de pace belloque agerent: qui cognito rursus infecto Pontificis ad bellum animo, signis militaribus constitutis, in quibus ad communem exhortationem omnium, qui se dignos libertate iudicaret, libertatis nomen inscriptum erat, ea Rodolpho duci, cujus opera ⁸³ egregia ante fuerat, summo populi consensu dedere. Pontifex interea mentem in Florentinos hostilem gerens, mare ingressus ⁸⁴ classe, quæ adverso vento in varia loca dispersa est, post quartum ex quo Massilia solverat mensem Cornetum ⁸⁵ appulit. Inde per ostia ⁸⁶ Tiberis in urbem inductus est. Eo rursus Oratores ⁸⁷ a Florentinis ad componendam pacem missi, cum frustra omnia tentata renuntiassent, summis utrinque viribus necessaria ad bellum parantur. Vulsinienses ⁸⁸ primi post adventum Pontificis, signum libertatis secuti opera Johannis Præfecti urbis rebellant. Augustus interea cum quatuor millibus ho-

A minum cum Florentinorum, ac Bernabotis pollicitationibus, tum pecuniis ⁸⁹ allectus ad eorum partes transit, ex quo sociorum opes adauctæ sunt. Rodolphus ⁹⁰ vero, qui exercitui præerat, vir, ut ipsemet fatebatur, mobilis animi, Fabriani oppidi recipiendi spe injecta transitionem fecit. Qua ex re, ut moris est eorum, qui fidem frangunt, capite inverso Florentiæ publicis in locis depictus ⁹¹ est. Is sumptis a Pontifice Britonibus, in Piceno eos, qui Florentinorum partibus favabant, persecutus est. Ad ea loca missus Lucius Germanus Comes, ut sociis opem ferret, acie instructa Rodolphum superavit, qui victus salutem fuga petens, ferme solus Tolentinum ⁹² pervenit. Capti ex ejus exercitu ad mille hominum sunt: ducenti intercepti. Signa militaria complura ex hostibus capta, Florentiam delata. Gregorius, quod viribus, aut consilio desperabat, assequi altu, calliditateque se consecuturum putans, Florentiam Oratores ⁹³ misit, tentatum si quo modo posset, quod vi nequiverat, civili fieri dissensione. Quo postquam venire, cum sibi mandatum dicerent, ut ad Populum verba facerent, data magistratuum omnium, & primorum, qui plurimi conveniant, concione, longo sermone paternam benevolentiam, singularemque caritatem, quam Pontifex in Florentinum populum habuisset, explicarunt, quem certe nosset nunquam declinasse a summorum Pontificum voluntate: Scire se non civitatis culpa quod vigeret, bellum exortum esse, sed quorundam ⁹⁴ opera, quibus magis discordia externa, quam pax, & quies civium quaestui esset; non publicam, sed privatam queri utilitatem, & qui bello gerendo præfecti essent, ab his bellum per privatum commodum trahi, impediri pacem, quæ facile componi posset, si per illos liceat, qui libertatem verbo præferentes revera in servitute cives tenere velint: nunquam defuturam bellorum materiam, dum suas opes ex aliorum calamitate auferent: multos esse, qui libertatis specie, quæ dictu pulcherrima videatur, non liberos, sed servos esse cupiant cives suos: non bellum, non arma, non seditionem, non eorum servitutem a Pontifice queri, sed pacem, concordiam, otium, cum his præsertim, quos non voluntas, sed potentiorum timor invitos ad arma compulisset: cape-

re-

78. A nulla crudelitate &c. De qua S. Antonius p. III. tit. 22. nedum Prælatum Ecclesiasticum vices tenentem Vicari Jesu Christi, sed Herodem, & Neronem dedecuisse tam seve, sceleraque vindicla.

79. Sagunti excidium. Ab Annibale dirutum, incolis omnibus igne ferroque absumptis. Tit. Liv. Dec. 3. lib. I.

80. Primo tumultu effugerant. Angli rapinæ potius quam cædis cupidi Cæsenates ut se a Britonum ira eriperent, hortati sunt. S. Ant. p. III. tit. 22. cap. 1. §. 4.

81. Occisorum numerus &c. Tantæ cædis culpa Galeotto Malatestæ etiam inferenda; sperans etenim se urbe civibus vacua facilius (ut accidit) positurum, milites continere noluit. S. Anton. ibid.

82. Prorogatum Octoviris imperium. Qui vulgo gli Otto Santi appellabantur.

83. Opera fuerat ante egregia. Nempe in Bononia defendenda.

84. Mare ingressus Pontifex. Paratis in Rhodano una & viginti triremibus, alio iter simulans, ne a Gallis (queis Pontificis curia emolumento erat) derineretur, die XIII. Sept. MCCCCLXXVI. Avinione discessit, Januamque appulit XVIII. Octobris. Plat. Admirat. & Uberr. Fol. Hist. Gen. lib. VIII. ubi etiam ejus navigatio describitur foeda tempestate, multorumque naufragio miseranda. Itinerarium Greg. fufius descripsit Petrus Amelius Alecensis Episcop. Senogal. & Rayn. Ann. Eccl. To. 16.

85. Cornetum appulit. Post quartum. quo Massilia solverat, mensem, & Natalis Domini festum ibi celebravit. Sic Rayn. ibid. Anconam appulisse, non vero Cornetum nonnulli referunt, quos confutat P. Eldovinus. Inde erratum existimo, quod Pontifex triremem Anconitanam conscenderit, ut scribit Julianus Saracinus Histor. Anc. p. II. l. 9.

86. Per ostia Tiberis. Corneto solvit Pontifex XIII. Januarii MCCCCLXXVII. Ostiamque delatus per Tiberis alveum XVII. ejusdem Mensis Romam Pontificiam sedem re-

tulit post ann. LXX. & duobus mensibus queis in Gallia exularat. Ciaccon. in Greg. XI. Romam ingredientis pompam accuratis sed incomptis versibus describit Petrus Amelius, seu Amelius Alecensis Senog. Ep. apud Masson. de Rom. Pont. lib. VI. & apud Rayn. To. 16. Ann. Eccl. p. 551.

87. Oratores. Pacinus Strozzius, Alexander ab Antella, & Michael Castellanus, qui Avinionem eum adierant.

88. Vulsinienses. Vulgo Popoli di Bolsena. Vulsinium urbs est ex 12. primis Thufcorum Colonis. Cum in Pontificiam ditionem concessisset, patrimonio Sancti Petri addita est. Brietius Paral. Geog. append. ad To. 2. & de his populis Juven. Sat. 3.

Aut postis nemorosa inter juga Volsinii, aut Simplicibus Gabiis, aut prom Tiburis arce.

89. Tum pecuniis allectus. Stipendia enim 250. Florentinorum millia a Florentinis oblata.

90. Rodolphus vero. Varanus Camertes a Florentinis ad Pontificem defecit. Ad hoc forte inductus, quod cum Fabrianum cepisset, privatique juris facere vellet, Florentini prohibuerunt, ut refert Leon. Aret. Hist. Flor. lib. VIII. Vel ex eo motus ad desciscendum, quod Florentini Augutum ad sua stipendia evocassent, eique magis blandirentur, unde invidia causa. Sic Scipio Ammir. lib. XIII. Hist. Flor. p. 705. Aurum quoque Pontificis plurimum apud illum valuisse credendum.

91. Depictus. Et Civitate qua donatus fuerat, privatus. Leon. Aret. lib. VIII. Ammirat. p. I. Tom. 2. p. 705.

92. Tolentinum. Urbem Piceni, nunc Marchiæ Anconitanæ.

93. Oratores. Religiosos Viros, quorum unus ex S. Augustini, alter ex Fratrum Minorum familia. Ammirat. p. I. To. 2. l. XIII.

94. Sed quorundam opera. Nempe Octovirum di Balia.

1377

re Pontificem, ut qui materiam bello subministrant, ad sanam redeant mentem, & ut civium saluti quandoque consulant: offerre se pacem quacunque velint conditione; proinde uterentur in decernendo illa, pro qua se pugnare dicerent libertate: & ad Parentem, qui passis manibus, & grato animo eos sit recepturus, redire velint, & pace oblata frui: belli suaves ab eis esse rejiciendos, neque permittendum, ut per continuationem⁹⁵ magistratus potentiorum animi irritentur ad opprimendum Populi libertatem; eo enim modo facile in tyrannidem, ut sæpius multis contigit, descendi posse, quam non solum non cupiat, sed maxime horreat Pontifex. His dictis decreto publico responsum est Oratoribus: Florentinos semper summa fide erga Romanos Pontifices extitisse, observantiam eorum in Romanam Ecclesiam nunquam sua culpa ad eam diem intermissam. Beneficia variis in rebus, & tempestatibus in illos collata commemorata sunt: belli culpa in suos relata Præsules, qui ad Italiam missi ambitione, & tyrannide aestuarent. Iniquitas eorum, cupidique dominandi insana, & simul illorum injuriæ ad id tempus explicatæ. Ingratus illorum animus etiam patefactus est, qui tot immemores beneficiorum, per simulationem, ac dissimulationem Florentinos velle pessundare manifesto sint deprehensi. Necessario eos pluribus injuriis, dolisque⁹⁶ provocatos ad Rempublicam defendendam cepisse arma, id absque eorum damno, qui bellum excitarent, haudquaquam fieri potuisse: quæ res si molesta Pontifici foret, non sua qui pacem semper appetissent, ac postulassent, sed suorum Præfectorum causa accidisse. Rogare eos, deprecarique, ut Pontificem ad pacem hortarentur, quam, si æqua daretur, nunquam recusaturos testati sunt. Reversis Romam Legatis, quæque egerant expositis, irritatus Pontifex, cui minime ejusmodi consilium⁹⁷ cessisset, quotidie indignationis animi edebat signa, tum sententias in Florentinos populorum auribus replicando, tum movendo, ac sollicitando Italie urbes, ut publice eorum civēs expellerent; quarum plurimæ suis decretis, quoniam iniqua videbantur, minime paruerunt. *Vulturnenses* interim, qui post defectionem in societatem venerant, quorundam oppidanorum prodicione a *Britonibus* capti, omnis generis præda in avaritiam militum concessa, magis quam hostili odio cruciantur. Stupratae mulieres virginesque, viri in captivitatem ducti, ædificia incensa, mœnia everfa sunt. At in Gallia *Galeatius Bernabovis* frater, urbem *Vercellas*⁹⁸, quam in Pontificis potestatem ante bellum redactam scripsimus, a *Gregorio* data pecunia recepit; quod in *Bernabovis* contumeliam propter foedus cum *Florentinis* initum, factum esse omnes arbitrati sunt. Pontificis in Italiam adventu non solum non auctæ sunt, sed ejus diminutæ vires. Crudelitas *Britonum*, quorum barbaries sanguine humano grassabatur, multos ad defectionem in *Piceno* excitavit. Ad has *Florentino-*

A

rum ulciscendas injurias Pontifex *Ramundum* nepotem contra eos cum parte exercitus per agrum *Senensem* maritimum ire jussit, qui castris positis *Grossetum*, quod præsidio valido tenebatur, diutius oppugnavit. Verum cum *Augutum* auxilio illi adventare præsensisset, tanti Ducis timore motus, relicta oppugnatione, retrocedens ex *Senensum* finibus discessit. *Augutus* vero *Perusiam* cum exercitu contendens, agros propinquos hostili more populatur. Inter hæc *Ananiam* urbem *Campaniæ* ad Pontificem tertio Legati missi, quærentes si quo modo cum eo de pace agi posset: cum multis dictis, tentatisque, re infecta reversi *Florentiam*, retulissent, mentem Pontificis a pace averfam, intentamque bello; communi consilio obfistere tam iniquo hosti decernunt. Octoviris in annum pacis, bellicque gerendi imperium prorogant, stipendio⁹⁹ insuper, & supplemento exercitus summo studio intendunt. Cum infensa Pontificis mens acriter nimium *Florentinos* persequeretur, observatæ autem ad eam¹⁰⁰ diem ejus essent censuræ, sententia omnium fuit, ut nulla auctoritate ejusmodi haberentur interdita, sed palam omnibus in locis sacris ceremoniarum prius servaretur cultus. Tepefcere enim erga Deum pietas videbatur, si supplicationes, & sacra negligerentur; neque iniquas sententias adeo verendas dicebant, ut Christi fides ablegari ex hominum mentibus videretur: parendum esse Pontificum censuris, cum illius præcepta, ac vestigia sequerentur, cujus in terris Vicarios esse profiterentur. Non enim de Religione, sed perfidia injuriisque Pastorum Ecclesiæ certamen esse. His rebus cognitis Pontifex, cum victoriam desperasset, remissa paulum acerbitate animi in mitiorem sententiam conversus, paci quærendæ animum adjecit, missoque Oratore *Florentiam* *Urbinate* Episcopo, se ejus componendæ arbitrum lecturum ait *Bernabovem* eorum focium. Non caruit ea *Bernabovis* nominatio suspicione fraudis dolique, qui subesse videbatur. Multi periculosum putabant fore tantam rem credi homini ambitioso, & nuper hosti, quem non erga ipsos benevolentia, sed odium in Pontifices ad coeundam cum *Florentinis* societatem coegisset. Dubitabatur, ne & Pontificis gratiam vel iniqua pace inire, & *Florentinorum* opes debilitari, ut suæ augerentur, vellent. Multi quoque in posterum providentes suspicabantur, non pacis cupiditate, sed ut *Bernabovis* voluntatem sibi conciliaret, cum virum belli componendi auctorem lectum, & videbatur haud dubia suspicio apud illos qui habebantur prudentiores. Sed cum veluti certa spes pacis fesso bellis populo ostenderetur, & *Bononienses*¹, quorum gratia magna ex parte trahebatur bellum, armis positis in gratiam Pontificis rediissent, omnium animi² in ejus quoque modo quærendæ curam conversi sunt.

Igi-

95. Per continuationem Magistratus. Octovirum, quibus toties prorogatum imperium fuerat. Scip. Ammirat. To. 2. lib. XIII. p. 706.

96. Dolisque provocatos. Ut sæpius diximus a Guilielmo Cardinali S. Angeli, Bononiæ Legato, qui frumenti inopia laborantes, tamen antea promississet, non sublevavit, sed in eos dolose Augutum ad messis devastationem misit.

97. Ejusmodi consilium cessisset. Discordias ferendi populumque in Octoviros irritandi.

98. *Vercellas* &c. data pecunia recepit. Nullatenus pecuniam dedisse Galeatium ait Corius p. III. p. 194. sed cum *Vercellis* porri Sabaudia Comes tentasset, Joanne Elisco *Vercellensi* Episcopo per fraudem in vincula coniecto, indignantes cives Galeatium ad urbis imperium advocasse.

99. Stipendio insuper &c. Pecunia exhaustos Florentinos a Clero Civitatis, Diocesisque Florentinæ auri vim magnam extorsisse, & Ecclesiasticorum bona publicasse, ut bellum in Pontificem gererent, refert Rayn. Ann. Eccl. To. 16. p.

543. Sacros etiam apparatus venditos addit Corius p. III.

100. Ad eam diem. Ad menses decem, & septem censurarum jura inviolata fuerant. Sed XXII. Octobris die Ecclesiasticis omnibus indictum, ut priori intenderent cultui, pœnaque pecuniariæ absentibus Episcopis intentatæ. Scip. Amm. Hist. Flor. p. I. To. 2. p. 709.

1. *Bononienses* &c. Primores Rasantis factionis Pontifici infensos Bononiensis Populus ad concordiam evocatos partim ferro absumit, partim in vinculis habet. Inde Joannem de Lignan, Ugolinum Gallucium, & Sanctum Dancium una cum Francisco Foscarara mercatore ad Pontificem de pace mittunt, quæ Guidonis Monachi opera constituta est. Gerardacius Hist. Bon. lib. XXV. p. 363.

2. Omnium animi. Mirum quidem ad id inductos in Pontificem adeo efferatos animos, ut B. Catharinam Senensem pacem cum Pontifice jam suadentem pene obruerint, gladium ignemque minitanti, licet pro Florentinis ad Pontificis animum leniendum Avinionem usque pergere non recu-

1377 Igitur missi ad *Bernabovem* Legati, qui peterent, ut ejus statuendæ auctor esse vellet, *Serezanum* eum perduxerunt, quo, & Cardinalis *Ambianensis* appulerat Pontificis Legatus. Convenerunt eo *Gallorum* Regis, ac *Johannæ* Reginæ, *Venetorumque*, ac *Florentinorum* concordiae firmandæ gratia Oratores. Pacis conditionum, quæ *Florentinis* graves admodum videbantur, & bello deteriores, auctor *Bernabos* dicebatur, ut sociorum damno receptum ad Pontificis gratiam, cujus antea hostis fuisset, haberet. Petebantur inter cætera octingenta florenorum millia, quæ ob sumptus in id bellum factos Pontifici darentur; horum altera pars a *Florentinis*, altera a sociis danda erat. Multa præterea adjiciebant, quibus palam erat *Bernabovis* animum haud recta sentientem partibus Pontificis favere, quæ quamvis aspera, ac difficilia civibus essent, pacem tamen bello & iniquis conditionibus præferendam plures censebant. Erant frequentes excubiæ, dum hæc agerentur, ad portam civitatis *Pisanam*, expectantes noctu si quid ab Oratoribus afferretur. Ad sextum kalendas Aprilis anni octavi, & septuagesimi supra mille trecentos, hora noctis secunda, pulsata magno impetu porta, cum peteretur, & quis esset, & quidnam afferret novi; ut aperirent quam primum respondit, quoniam civitati salutaria, & olivum victoriæ insigne deferret. Reserata statim porta, vigiles inter se vociferantes prospera allata, olivum advectum, pacem factam esse; neminem qui id dixerit invenerunt. Hæc verba paulatim per loca portæ propinqua, deinde per urbem confestim vulgata: adeo mentes hominum excitarunt, ut domo exeuntes, congratulantesque invicem pacem firmatam, accensis in signum lætitiæ ignibus, nullo certo auctore moti festam noctem agerent. Ibant plurimi ad summum magistratum sciscitantes nunquidnam advenisset certi, & unde hæc prodisset fama; nullo nuntio præter verba portam percutientis invento, domum quisque, spei tamen plenus rediit. Eadem postmodum hora, dieque compertum est, *Gregorium* excessisse e vita, cujus mortem pax subsecuta est. Hoc, quod loco miraculi habetur, sæpius accidisse, ex antiquis historiis compertum est. Ego autem, qui *Romæ* ad secreta *Joannis XXIII.* Pontificis eram, idem contigisse verum testimonium ferre possum. Bellum

vigebat inter ipsum, & *Ladislaum Apulie* Regem, miseratque suas, tum equitum, tum pedum copias cum *Ludovico Andegavie* Duce, quem *Siciliæ* Regem declararat, contra *Ladislaum*, quæ cum flumen *Lyrim* (id eo loci Pontificis terras a regno dirimit) transissent, castraque prope Pontem curvum in *Aquinatis* agri finibus posuissent: *Ladislaus* vero cum exercitu obviam profectus castra ex propinquo metatus esset, commissa postridie ante meridiem pugna, *Ladislaus* magna suorum strage pluribus amissis, aut captis, victus fugatusque est: quæ victoria eadem hora Pontifici *Romæ* nuntiata est. Nam cum pranderet, secretiorisque cubiculi porta gravi ictu sæpius percussa esset, admiratus vero Pontifex hominis temeritatem, quisnam esset, petiit misisset, apertis foribus, humana effigie vir adstans *Johanni* referri jussit *Ladislaum* victum, fuscum, ac fugatum esse. Re ad Pontificem delata, jussusque intromittere hominem, cum ad portam rediisset, neminem comperit; petens nominatim ex janitoribus, qui ædium fores observant, quisnam ingressus esset, neminem omnino se vidisse responderunt. Illa & postridie hora certior Pontifex factus est suos commissio prælio victoria potitos. Triduo post diffusam pacis famam *Gregorii* morbus vesicæ dolore contractus literis nuntiatus, primum ut Oratoribus mandaretur, effecit, ne pacem firmarent, verbisque tempus protraherent: quod *Bernabovis* animum maxime ad iram promptum propemodum incendit; tum illius obitus significatus, *Bernabovem*, cæterosque ad proprios quemque lares re infecta redire coëgit. Electus in Pontificem *Urbanus Sextus*, nullo odio in *Florentinos* usus. Sublatis *Gregorii* censuris, solutioneque non parva pecuniæ infra certum tempus promissa, qua postmodum *Alexander Quintus* Pontifex in *Pisano* Concilio illos donavit, pacem eis æquis conditionibus dedit. Quieta ab externis bellis civitate, pax in dissensiones domesticas versa est. Nam civiles discordiæ e vestigio civitatem invadere: quæ pestis omni externo bello perniciosior est; inde enim & *Rerumpublicarum* interitus, & urbium sequitur everio. Ferebatur a multis id divino judicio fieri, quo civitas hostis Pontificum, & belli impii auctores plecterentur. Alii *Rerumpublicarum* mores, naturamque asserabant, ut civili quandoque dissidio vexentur: ne-

cusaverit. S. Anton. p. III. tit. 23. p. 24. §. 16. Rayn. To. 16.

3. *Serezanum*. Urbs in limine Liguriæ prope ostia Maræ fluvii, quæ Bernabovi parebat.

4. Cardinalis *Ambianensis*. Otho Brunisincensis. Cor. p. III.

5. Portam Civitatis *Pisanam*. Unde *Pisam* iter, sancti *Friani* aliter appellata.

6. Pulsata magno impetu porta. Hoc ab antiquo historico confictum suspicatur, nec immerito *Scipio* Ammirat. To. 2. lib. XIII. Hist. Flor. atque ex eo arguit, quod ille referat eodem die XXVII. Martii urbis portam pulsata, Avinio Pontificium Palatium pene medium combustum, a mercatoribus *Florentinos* de *Gregorii* morte admonitos; sed postea sui immemor secum ipse pugner, narretque Pontificem die VIII. Aprilis decessisse.

7. Eadem postmodum hora dieque, &c. Nempe ad sextum kal. Aprilis. sic *Briet. Ann. Mundi part. III. To. 2. Plat. in Vita Greg.* quinto kal. ejusdem mensis. Alii vero pene omnes auctores die XXVII. Martii occubuisse testantur. Sic *Ciacon. Panvin. Girardacius, Seth. Calv. & Rayn. To. 16.* qui nonnullos alios id sentientes adnotat.

8. Ego autem qui *Romæ* ad secreta &c. In Poggii vita quadraginta annis Pontificum a secretis Poggium fuisse diximus, ut & ipse *Invekt. 3. contra Philadelph.*

9. Bellum vigebat. Ann. MCDXI. in *Ladislaum*, quem uti *Angeli Corradii* fautorem *Joannes XXIII.* *Siciliæ* Regno privarat. Rayn. Ann. Eccl. To. 17. & *Theod. Niemus in vita Joannis XIII.*

10. Flumen *Lyrim*. Campaniæ, juxta cujus ripas *Ladislaus* copiæ profigatæ.

11. Fugatusque est. Et pene captus, ni fuga *Rocaficcam* vicinum castrum altissima in rupe positum pervenisset. Leon. Aret. lib. VIII. Hist. Flor. Collen. Hist. Neap. lib. V.

12. Vesice dolore. Seu male di Pietra, ut Leon. Aret. lib. VIII. Hist. Flor.

13. Cæterosque ad proprios quemque lares. Quos inter Cardinalis *Ambianensis* una cum *Narbonensi* Episcopo Pontificis consanguineo, qui *Serezanæ* de pace acturi conveniant, *Romam* ad novi Pontificis electionem se contulerunt.

14. *Urbanus Sextus*. Antea *Bartholomæus Butillus* Archiep. *Barenensis* *Neapolitanus*. *Briet. Ann. Mundi part. III. To. 2. Plat. de Vit. Pontif.* Rayn. To. 17. Ann. Eccles. Scip. Ammirat. p. I. To. 2. lib. XIII. additque fuisse *Bartholomæum* a *Perignano*, ita nuncupatum ab oppido *Perignano* *Pisanæ* ditionis, unde ejus avus originem duxerat.

15. Sublatis *Gregorii* censuris. Legatos sex veniam petentes *Romam* ad *Urbanum* miserant *Florentini*; Pontifex vero *Simeoni Volaterranensi* Episcopo, & *Francisco* ab *Herbano* ex *S. Augustini* familia censuræ tollendæ facultatem dedit, de quo gratiæ Deo actæ *Florentiæ* die XXIX. Octobris. Ammirat. ibid. Prædictam fuisse a Christo *S. Catharinæ* pacem, illique inhibuit ne *Florentia*, pace infecta, discederet, refert *Raymundus Capuanus* in ejus Vita.

16. Solutioneque non parva pecuniæ. 150. Florenorum millibus *Florentini* multati, ut Ammirat. lib. XIV.

17. *Alexander Quintus*. Ex eo putandum *Florentinos* solutione liberatos, sive quod pro Pontifice in *Ladislaum* arma laturos se promississent: sive quod armis suis *Paulo Urfino* conjunctis *Romam* *Alexandro* restituisent. Ammirat. Hist. Flor. part. I. To. 2. lib. XVII. Rayn. Ann. Eccl. To. 17.

1379

neque mirandum esse, id *Florentinam* urbem passam, quod maximis¹⁸ quondam Rebuspublicis accidisset. Duodecim¹⁹ ferme anni inter *Gregorii* mortem, & initium primi belli, quod cum *Johanne Galeatio Virtutum* Comite gestum est, intercessere: in quibus raro ab intestinis discordiis cessatum est. Quatuor ferme annos vario Reipublicæ statu cives conflictati sunt, multaque²⁰ cum cæde civium, tum exilio²¹ res transacta. Nam tum optimates²², tum plebs infima, tum mixti ex omni civitatis ordine urbem regebant: donec composito in melius rerum statu civitas certo regendi ordine quievit. Illud vero animadversum memoratu dignum, seu justum, seu injustum cum *Gregorio* bellum susceptum fuerit, Octoviros, qui bello gerendo præfuerunt, parvum infra tempus post illius mortem defunctos²³ esse omnes, genusque eorum²⁴ majori ex parte deletum. Convenerant post factam pacem in *Umbria*, *Picenoque* agro ad sex millia hominum mi-

A litarium, in quis *Carolus*²⁵ *Bernabovis* filius, & *Antonius*²⁶ *Scala*, pulsi patria erant, ad belli societatem egestate compulsi, qui ex bellis præteritis otiosi supererant, prædæ, & latrociniiis intenti. Hi communes omnium hostes, cum singulis civitatibus adversarentur, *Perusinos*, *Cortonenses*, *Senenses* populati ad redimendam²⁷ pacem compulere. Data est quoque a *Florentinis* haud parva pecunia, ne suos fines vastarent. Verum cum gravius instarent, multosque in dies terrent minis, inter *Galeatium*²⁸, *Florentinos*, *Bononienses*, *Lucenses*, *Senenses*, *Perusinos* pro communi adversus hos prædones salute novum foedus est initum, edito decreto, quibus sumptibus, quibusve copiis imperium tutarentur. Exercitus dux *Bartholomæus*²⁹ *Severinas* vir prudens, & rei bellicæ expertus declaratus est: militaria exercitus signa anno sexto, & octuagesimo post mille trecentos nomen³⁰ pacis literis aureis in vexillis scriptum esse voluerunt.

1385

1386

18. Maximis quondam Rebuspublicis. Romanæ præsertim, quæ civilibus discordiis tandem eversa.

19. Duodecim ferme anni a morte *Gregorii*. Mors *Gregorii* incidit in annum MCCCCLXXVIII. bellum cum *Virtutum* Comite inceptum MCCCCLXXXX.

20. Multaque cum cæde civium. Horum præcipui capite mulctati fuere, *Petrus* de *Albicus*, *Jacobus* *Sachettus*, *Cyprianus* *Mangionus*, *Bartholomæus* *Siminettus*, & *Donatus* *Barbadorus*, cujus in *Florentinos* merita superius narravimus. *Scip. Ammir. lib. XIV. p. 747.* Quibus adjunctos fuisse *Thomam* *Strozzium*, & *Benedictum* de *Albertis* asserit *Leon. Aret. lib. IX. Hist. Flor.* *Philippum* vero de *Cosis*, *Rubeum* *Riccium*, *Gregorium* de *Cardinalibus* aliosque nobiles plebejo impetu occisos.

21. Tum exilio. 31. cives ab urbe dimissi, alique 36. abfentes ad iudicium vocati; sed cum minime paruissent, bonis spoliati & in exilium missi sunt. *Ammirat. lib. XIV. p. 733.* *Melchior* *Stephanus* 76. civium nomina enumerat, quorum 53. *Florentia* pulsi, cæteri pecunia mulctati.

22. Tum optimates, tum plebs infima. Sortis ultimæ *Confalonieri* electus *Michael* *Lando*. Priores vero *Joannes* *Capponius* *Ianarius*, *Leonardus* *Franciscus*, *Silvester* *Capponius* *Ianarius*, *Joannes* *Bartolus*, *Silvester* *Joannis*, alique ab *Ammirato* relati artifices sellularii. Creati deinde a populo 64. equites ex optimatibus, duobus tantum plebejis immixtis. *Ammirat. lib. XIV.*

23. Defunctos esse omnes. Quid mirum, cum pene omnes senes essent?

24. Genusque eorum majori ex parte deletum. *Joannes* *Magalottus* ann. MCCCCLXXVII. sine filiis defunctus. Ut *Joann. Baptista* *Ciai. in suo M. S.* *Andreas* *Salviatus* anno circiter MCCCCLXXXVIII. extinctus, ejusque familia cum

eo collapsa. *Istor. Geneal. fam. Salv. MS.* apud *Can. Thomam* *Salviatum*. *Joannes* de *Mone* ab exulibus *Florentinis* *Aretii* occisus, successoribus caruit. *Mem. hist. Nicolai Rodulph. MS.* apud *Can. Ghirardinum*. *Andreas* de *Bardis* incertus exitus; certum tamen, illum sine prole decessisse. *Nic. Rodulph. ibid.* *Simon* *Perrucius* *Magalotto* suffectus (qui ann. MCCCCLXXVII. occubuerat) nec ex se, neque ex fratre masculam prolem reliquit. *Alb. Geneal. Bern. Bern. Arch. Segr. Hetruriae Principis.* Reliquorum familia, nempe *Guccii*, *Matthæi* *Soldi*, *Joannis* *Dini*, & *Thomæ* *Strozzi* diu perduraverunt, quorum aliquæ nostra quoque ætate florent.

25. *Carolus* *Bernabovis* filius. *Bernabove* a *Galeatio* in captivitate redacto, *Carolus*, *Crema*, *Parma*, aliisque quæ illi paterna divisione obvenerant locis spoliatus, *Mediolano* quoque pulsus fuit. *Angeli Hist. Parm. lib. II. p. 201.*

26. *Antonius* *Scala*. A *Francisco* *Carrariensi* una cum *Brunoro* captus, ac in *Montis* *Silicii* arcem custodiendus missus fugam arripuit, ac patria exul latronum more in omnium agros irruit. *Hieron. Corte To. 2. lib. XIII. p. 248.*

27. Ad redimendam pacem. Octo florenorum millibus. *Ammirat. To. 2. lib. XV.*

28. Inter *Galeatium* &c. Kal. Septembris in *Vico* *Lignani* *Mediolanensis* ditionis ad quinquennium foedus firmatum. Foederis condiciones videre est apud *Malavolt. lib. IX. Hist. Sen. Gerard. Hist. Bon. To. 2. lib. XXV. & Ammir. To. 2. lib. XV. p. 775.*

29. *Bartholomæus* *Severinas*. Hoc est *Bartholomæus* *Smeduccius* a *Sanseverino*. *Pompejus* *Pellinus* *Hist. Per. p. I. lib. IX.*

30. Nomen pacis &c. Non libertatis, ut in bello contra *Gregorium* XI.



POGGII BRACCIOLINI,

Florentini,

HISTORIARUM FLORENTINI POPULI LIBRI TERTII EPITOME.

Joannes Galeatius Vicecomes Bernabovem patrum dolo circumventum veneno absunt, Mediolanique dominatum occupat. Veronensem, ac Patavinam ditionem, dominis expulsi, suo adjungit imperio. Orto Florentinos inter, & Senenses bello, his favens Galeatius in Florentinos arma convertit; sed ab iis repulsus sua defendere cogitur, magnisque modo adverse, modo variantis fortune casibus agitur. Genuensis Ducis opera pax conficitur. Novum postmodum insurgit bel-

lum, Mantuanoque in agro pessime Vicecomes habetur. Cum Florentinis Veneti fœdus ineunt, quorum opera inducia cum Vicecomite in decem annos facta. Pisæ a Galeatio magna auri vi empta. Perusia Senæque ab eo cum multis Hetruriæ locis occupata. Robertus Imperator in Italiam a Florentinis evocatur, qui adversa fortuna usus in Germaniam revertitur.

LIBER TERTIUS.

1386



QUIETIS tum ¹ a bello, tum a civili dissensione ² civibus, Reique publicæ statu rite composito, pacem totius ferme *Italiae* *Joannes Galeatius* turbavit, qui tum *Virtutum Comes*, tum *Tyrannus* appellabatur, quoniam nullo jure *Mediolani*, cæterarumque *Galliæ* urbium, quas Vicecomitum familiæ paulo ante possederat, imperium tenebat: hujus ambitio nimia, & imperandi libido bellum contra *Florentinos* excitavit gravissimum omnium, quæ civitas antea pro libertate susceperit. Nam & cum tyranno præpotente res ei fuit, & in duodecim ³ annos summis utrinque viribus bellum potactum. Urbs quoque id temporis florebat viris egregiis, opibusque, neque in gerendo bello animus, aut consilium, aut pecunia deerat; de quo priusquam scribere aggrediar, paulum ab instituto digrediendum videtur, quo vita moresque *Joannis* usque ad belli primordia recenseantur. Solus cum ⁴ *Bernabove* patruo *Mediolanum* tenebat *Galeatius*, urbemque omnes a patre relictas. Timebat autem illius potentiam, filiorumque ⁵, qui plurimi erant ætate adulta, & paternas urbes regebant. Quapropter suspicionem ampliora cupiendi simulato metu fugiens ⁶, tamquam rerum humanarum pertæsus humilitate vitæ, rerum contemptu, veste vili, victu haud sumptuoso, boni viri, & fortunæ bona contemnentis famam quærebat.

Quo vero ab insidiis, quæ suæ vitæ parari in diem dicebantur, tutiorem redderet vitam, uxorem duxit *Bernabovis* ⁷ filiam, tamquam salutis pignus firmum, ac stabile, & ab insidiis tutum. Summa benevolentia, & humanitate in omnes erat, semper patrum ore habens, & ad eum rejiciens, si qua in regenda urbe graviore consilio egerent. Sed vir callidus, majora quam quæ ostentarentur agitabat animo, quod postea suo tempore patefactum est. His anxius curis *Galeatius*, cum referretur sibi insidias veneno parari; sive verum id erat, seu ad tegendum scelus confictum, & ipse Socerum dolo capere statuit. Finxerat antea quandam vitæ religionem, qua parvi facere, quæ cæteri appetunt, existimaretur, & apud vulgus sanctitatis cujusdam contraxerat fidem: regimen *Mediolani*, quod commune erat Patruo, quem semper patrem appellare solitus erat, *Papia* ⁸ sibi urbe ad habitandum electa, permiserat. Cum tempus ⁹ rei gerendæ constituisset, simulavit voti solvendi gratia se ad certum Religionis templum ¹⁰, id est ultra *Mediolanum*, velle proficisci, & cum prope mœnia transiturus esset, *Bernabovem* rogavit, cum illius videndi esset cupidissimus, ut sibi obvius procederet. Ille nil mali veritus, cum duobus ¹¹ majoribus natu filiis, magnoque civium numero extra urbem Nepoti ¹² occurrit, cujus jussu (ita enim composita res erat) ab ala equitum, ad id tectis armis parata, circumventus cum filio ¹³ majori (nam alter inter-

1. *Quietis tum a bello.* Quod ad Aretium recuperandum gesserant Florentini, ut Leon. Aret. *Hist. Flor. lib. IX.* recuperatum autem est 40. millibus aureis Conciaco solutis. *Ammirat. To. 2. lib. XV.*

2. *Tum a civili dissensione.* Plebeja enim factio vulgo de *Ciompi*, quæ adeo urbem ab ann. MCCCLXXVIII. usque ad ann. MCCCLXXXIII. vexaverat, penitus eversa.

3. *In duodecim annos.* Nempe ab ann. MCCCXC. usque ad ann. MCDII.

4. *Solus cum Bernabove patruo.* Nam Aëtius Joannis Galeatii frater occubuerat ann. MCCCLXXXI. *Campi lib. III. Hist. Crem.*

5. *Filiorumque, qui plurimi erant.* Quinque *Corius p. III.* enumerat, Marcum, Ludovicum, Carolum, Rodolphum, & Mastinum ex Regina Scaligera ejus uxore susceptos, quæ si fœminas, & liberos aliunde susceptos adjicias, 32. invenies secundum *Ammiratum*.

6. *Fugiens.* Papiam profectus est Galeatius, Mediolano patrui curæ concredito. *Jacobus Poggius in hujus Hist. versione.*

7. *Bernabovis filiam.* Nempe Catharinam secundis nuptiis ascivit post Isabellæ primæ uxoris obitum. *Cor. p. III. Campi Hist. Crem. lib. IV. p. 90.*

8. *Papia.* Olim Ticinum a Ticino fluvio urbis mœnia prætergrediente, a Liguribus, Levis, & Maricis ante Mediolanum ædificata, a quo in Austrum distat 20. mill. pass. *Strabo autem lib. V. Geograph. ab Umbris Ticinum ædificatum asserit.*

9. *Cum tempus &c.* Ad Idus Majas.

10. *Ad certum Religionis Templum.* Deiparæ dicatum in Varesii vico.

11. *Duobus majoribus natu filiis.* Ludovico, & Rodolpho.

12. *Nepoti occurrit.* Usque ad Hospitale S. Ambrosii. *Cor. p. III. Pellin. Hist. Per. T. 1. lib. IX.*

13. *Cum filio majori.* Cum duobus filiis captum testantur *Corius p. III. Ammirat. To. 2. lib. XV.* Non ideo tamen Poggius castigandus. Potuit enim primum cum Bernabove major filius capi, deinde vero aliquo post tempore etiam Rodolphus. Constat enim ex iisdem scriptoribus, duos præ-

1386

tumultum evaserat) capitur, inque castellum, quod portæ urbis imminet, perductus in carcerem¹⁴ coniectus est. Reliqui filii, qui plures erant, in suam quisque¹⁵ urbem diffugere. Prædictum ei fuerat, comitatum Nepotis nil minus redolere, quam religionem, cum plurimus esset, & armatus. At ille nil adversi ab nepote metuens, fatis volentibus¹⁶ præteritæ vitæ (admodum enim crudelis, & impotens moribus fuerat) poenas dedit. Ob hoc tam subitum, tamque atrox facinus, haud parvo in urbe tumultu oborto, atque ad rei novitatem singulis animo suspensis, *Johannes* ad sedandam aliquo plebem pabulo, domum¹⁷, reliquaque tum *Bernabovis*, tum filiorum quæ in ædibus erant, fortunas omnes populo concessit, qua præda favorem popularium sibi conciliavit. Utque vero futuras tolleretur seditiones, patrem, filiumque¹⁸ veneno sustulisse dicitur. His & sororis mortem¹⁹ pro marito, qui patruus filius erat, lacrymis orantis, ut se ab ea molestia eximeret, adjecit. Omnes deinde urbes ad quas *Bernabovis* liberi confugerant, illis pulsus recepit, quorum pauci mortem evasere. Ita trium²⁰ potentia ad unum redacta est. His regnandi initiis secunda fortuna usus *Galeatius*, e vestigio majora secum agitare cœpit, & ætate, majorumque gloria animum imperandi cupidine æstuantem in dies stimulante, non contentus urbibus, quas nullo jure tenebat, cum animo concepisset *Patavinci*²¹, ac *Veronensis*²² Principum discordia facile eorum urbes suo subsidere imperio posse, id vero aperto Marte multis de causis assequi desperaret, mentem ad dolos, & pristinæ calliditates convertit. Cumque inter eos lumina pax vigeret, ac concordia: legatis ad utrumque clam mittendis, ferendisque invicem calumniis, ac maledictis, præterita quoque odia reficando, asserendoque alterum alteri insidias occulte moliri: brevi perfecit, primum ut similtas oriretur, deinde aperto odio utrinque incensis animis ad arma, & bellum ambo Principes, ignari quem finem datura essent fata, profilirent; & cum diutino, quod a *Galeatio* nutriebatur bello nunc hortando, nunc subsidia seorsum pollicendo de-

1387

festi essent, ambos bello fatigatos, pecuniisque, ac viribus exhaustos oppressit: primo *Veronam* *Antonio*²³ *Scala* Principe in exilium, ne in manus hostium perveniret, profecto: tum *Patavincium*, capto *Francisco*²⁴ *Carrario* seniore (quem in carcerem, ubi & mortuus est, tradit) in potestatem redegit. Mirantibus vero cunctis *Italiæ* populis, querentibusque harum opulentissimarum urbium expugnationem, haud injuste id bellum *Galeatius* a se susceptum assererat, proculque ab se omnem injuriæ ambitionisque culpam rejiciebat, pacem præferens, & in illa asserens se permanfurum. Quo vero magis sua occultarentur consilia, utque omnem regnandi cupiditatem dissimularet, majorem natu²⁵ filium *Florentinos* sacro de fonte, ut moris est, levare voluit: quæ res singulis persuasit *Galeatium* sibi finem statuisse cupiditatis, & id tamquam novum fœdus pacis servandæ fore. Omnia ab eo agebantur, quibus suspicionem ampliora petendi ex animis hominum amoveret, persuaderetque se otium cupere, & quietem, sed unumolvebat lingua, alterum pectore versabat. Orta, ut fit, ex *Florentinorum* rebus secundis invidia, *Senenses* ad odium post captum *Aretium* excitavit, æstimantes quantum sociorum opibus adjiceretur, tantum detrahi viribus suis, quod multarum calamitatum causam præbuit, & belli futuri semen. Anno ante *Bernabovis* obitum, qui fuit quartus, & octuagesimus supra mille trecentos, urbem *Aretinam* ceperant *Florentini*, cujus agri jurisque erat *Lucinianum*, a *Senensibus* *Aretinorum* bellis civilibus antea occupatum: quod oppidum *Florentini*, ut suæ ditionis cum repeterent, *Senenses* vero se reddituros negarent, integram rem omnem *Bononiensibus* judicandam permittunt; qui auditis Oratoribus, restituendum esse, pecunia²⁶ a *Florentinis* recepta, decernunt. At illi eo judicio²⁷ minime paruerunt, ex quo occulta eorum odia in *Florentinos* cœpere, quæ tandem apertum bellum inter *Galeatium*, & *Florentinos* excitarunt. Sumpta est belli gerendi occasio a *Politiano*, quod ob injurias a *Senensibus* illatas ultro ab eodem fœdere deficiens, sponte postmodum in populi *Florentini* po-

terea ejus nothos Sacramorum, & Galleotum, non tamen eodem die, captos fuisse. *Pellinus* *ibid.* *Campius* *lib. III.* *Girardacius* *lib. XXV.*

14. In carcerem coniectus est. Perductus postea cum Ludovico Tretium ad Abduam munitissimum oppidum, quod ab illo conditum fuerat ann. MCCCLXX. ut *Briet. Parall. Geog. in append. ad Tom. 2.* & *Rodolphus* in *S. Columbani* oppido clausus.

15. In suam quisque urbem. Hoc est in eam, quam quisque a patre acceperat.

16. Fatis volentibus. Plura in superstitionem accepta narrat *Petrus Azarius* *Novariensis* *Notarius in codice MS.* apud me, observatque in domo Geminorum eo tempore, quo *Bernabos* captus fuit, Saturnum, Jovem, & Martem conjunctos fuisse. Addit *Corius* *p. III.* *Lapidem* anguem in *Rodulphi* domus culmine positum ictu fulminis collapsum octo circiter ante diebus, & per idem pene tempus *Vercellinam* portam comitantibus filiis *Bernabovæ* ingresso ligneum pontem, vix illis præteritis, dissolutum, magna sequentium equitum clade.

17. Domum reliquaque, &c. Non tamen hæc populo diripienda concessit, quin prius cælati argenti sex currus, aureorumque septuaginta millia sibi reservasset.

18. Patrem filiumque. *Bernabovem*, & *Ludovicum* veneno epulis infectis. Cognita illapsi veneni vi, *Bernabovem* tanta poenitentia ductum testantur, ut ne lacrymis quidem esseratus cæteroquin animus pepercerit. *Cor. par. III.* & *Girard. Hist. Bonon. lib. XXV.*

19. Et sororis mortem. *Violantidis* quam primum *Leonoro*, seu *Leonello* *Clarentiæ* *Duci*, *Britanniæ* *Regis* filio desponsatam refert *Comes Blandrates* *Eques Hierosol.* *Hist. Marchionum Principumque Montisfer.* Inde a *Leonello* relictam *Joannis Montisferrati* *Marchionis* filio nupsisse. Hoc vero a domestico quodam interfecto, tertio conjugii vinculo patruelis sui *Bernabovis* filio colligata est; Ut *Donatus*

Acciajolus *Florentinus* testatur, utcunque sentiat *Campi Hist. Cremonæ* *lib. III. p. 73.* Vividis alterius sororis nomen pro *Violantide* perperam usurpans.

20. Ita trium potentia. Nempe *Matthæi*, *Bernabovis*, & *Galeatii*, quos inter defuncto *Joanne* *Archiepiscopo* divinum Imperium fuit.

21. *Patavinci*. *Francisci Carrariensis.*

22. *Veronensis*. *Antonii Scaligeri.*

23. *Antonio Scala*, &c. Sibi timens *Antonius* navim conscendit, quam ad omnes eventus paratam prope oppidum habebat, & una cum filiis, & uxore per *Athesim* *Venetias* petiit anno ætatis suæ 25. duodecimo vero ejus imperii. *Corte Hist. Ver. To. 2. lib. II. p. 207.*

24. Capto *Francisco Carrario* seniore. Senior dictus, quod filium haberet ejusdem nominis. Dum, ut *Galeatium* adiret, *Mediolanum* versus iter faceret; *Comensi* in urbe captus, ac in *Meodoviæ* oppidum coniectus excessit anno *MCCCXCV.* *Scardeonius* *lib. III. Classe XIII. de Patavincis pace, vel bello claris* *p. 285. & lib. II. Class. IX.*

25. Majorem natu filium. Cui *Joanni Maria* nomen ex voto imposuerat. Natus est non. Sept. *MCCCLXXXVIII.* *Abbiatæ*, ut *Corius* *p. III.* prope finem.

26. Pecunia a *Florentinis* recepta. Octo aureorum millibus, quæ a *Raynaldo Janfiliatio* *Bononiæ* perfoluta. *Malavolt. p. II. lib. IX. p. 159. Hist. Sen.*

27. At illi eo judicio minime paruerunt. Temere hoc *Poggius* refert, ut ex aliis scriptoribus constat, aliæque, & satis notæ fuere belli causæ. *Bononiensium* judicio paruisse *Senenses*, asserunt *Leon. Aret. lib. IX. Hist. Flor.* *Pellinus Hist. Pers. lib. IX.* *Malavoltus Hist. Senen. p. II. lib. IV.* quin immo *Scipio Ammiratus* *p. I. Tom. 2. lib. XV.* asserit anno *MCCCLXXXVII.* mense *Decembri*, *Confallonerio* *Petro* *Oricellario*, *Lucinianum* *Raynaldo* *Janfiliatio* equiti traditum *Florentinorum* nomine.

1387

potestatem concessit. Ejus oppidi incolæ, ut sui arbitrii homines, aliquandiu *Senensibus* tamquam Patronis hæserant, ut eorum auctoritate ab *Aretinis*, cæterisque finitimis populis tutiores essent. Verum cum *Senenses* ²⁸ ultra quæ fœdere permetteretur, in eos juris sibi vindicassent, superbe nimis, contumelioseque imperabant: quo factum est, ut cum sæpius *Florentinorum* opera initæ inter eos conventiones minime a *Senensibus* fervarentur, avareque præterea, ac injuste in illos imperia exercerentur, fœdere, & societate eorum posthabita, se, suaque libere *Florentinis* dederent. Recusata ²⁹ tunc est ab eis ea deditio, paci fociorum, & concordie consulentibus, Oratoribusque ad utroque missis, componendis ³⁰ discordiis operam impendunt. At *Senenses* arbitantes iisdem auctoribus omnia excitata; tamquam bellum ultro appetentes, Legatis irarum pleni, *Mediolanensis*que promissis ad *Tusciæ* imperium anhelantis onerati, contumeliosius respondent, missaque ³¹ extemplo legatione, fœdus cum eo conditionibus ³² admodum homini acceptissimis, ut *Florentinis* bellum inferat, incunt. Hac re *Florentinis* nota, Oratores denuo *Senas* missi, si quo modo possent illorum animi ab ea cogitatione averti. Verum arrogantius quam antea responso dato, non esse sui juris aliquid cum *Florentinis* pacisci, cum se jam in *Galeatii* clientelam contulissent, re infecta reversi sunt. Comes veluti ejusmodi rerum infcius *Florentinis* obtulit de compositione acturum se, & si opus foret, auxilio futurum. Testatus ³³ quoque palam est, neque deditioem ullam fecisse *Senenses*, neque etiam, si eam obtulissent, ne bello cum *Florentinis* antiquis sociis decernere cogeretur, accepturum fuisse. Hortabatur vero, ut *Politiano* ³⁴ abstinerent, quo in potestatem *Senensium* rediret: quæ res cum ageretur, adeo duræ fœderis leges imponebantur, ut tamquam iniqua servitus recusarentur: quo accidit, ut incursionibus crebræ, populationesque (jam enim equites ³⁵, peditesque permulti *Senas* convenerant) in agrum *Politianensem* hostili more fierent. Interea *Bononienses*, *Pisani*que, qui socii erant, prospicientes quantum incendium excitatura esset futuri belli flamma, ad quam augendam

1389

A haud parvum a *Galeatio* fomentum subministratum iri homines, sicuti postmodum fecit, arbitrabantur (jam enim belli materiam quærens, equites ³⁶ sexcentos *Senensibus*, veluti mercede ab eis conductos, ut propriæ saluti consulere, miserat) *Florentinos*, ut una suos quoque Oratores pro pace inter eos, & *Politianenses* reintegranda *Senas* proficisci vellent, per Legatos hortantur: quo impetrato, *Senas* mature profecti pacem ³⁷ æquis legibus faciunt. At *Galeatius*, cum pacis cupiditatem præsetulisset, tandem ardore belli gendi victus, *Florentinos* omnes rupto ³⁸ fœdere, eam præferens causam, quod tamquam exploratores B sua consilia exteris nota facerent, quodque suos hostes pecunia juvissent, suis ³⁹ finibus abire iussit; a quibus contrarium edictum manavit: publice namque decretum est, ut in septennium omnibus, qui illius imperio parent, *Florentiam*, ad aliasque eorum urbes, & loca libere veniendi, morandique data immunitate, jus potestatisque esset. *Petrus* vero *Gambacurta*, qui *Pisis* præerat, vir prudens, & pacis cupidus, belli pericula animadvertens, concordie ⁴⁰ curam suscepit, accitisque diffidentium ⁴¹ Legatis inter *Galeatium*, *Senenses*, ac *Malatestas*, *Florentinos* vero ac *Bononienses*, ea lege novum ad triennium fœdus composuit, ut neque *Mediolanensis* in *Tuscia*, neque reliqui in *Gallia* quicquam novi juris, aut imperii sibi quærerent, aut vendicarent; additumque ut ex eo nihil priori fœderi, in quo *Pisani*, *Perusini*que ⁴² socii ascripti erant, derogaretur. Iussit, dum hæc agerentur, *Galeatius* contra jus gentium, & datam fidem, *Johannem Actium Ubaldinum* egregium ea tempestate belli ducem cum mille equitibus *Senas* ire, tamquam id postulantes sociis ad tutandos eorum, si qua in re opus esset, fines: qui cum per *Flaminiam* iter faceret, *Perusiam* veniens, eam auctore *Biordo* ⁴³, qui illius tyrannidem usurparat, a *Florentinorum* societate avertit. *Senas* inde profectus, ac D Dux belli factus, quæ ad ejus curam pertinerent paratis diligenter, agrum *Politianensem* adversus ⁴⁴ contractæ pacis leges populabundus ingreditur. Multa itaque in dies, cum conspicerentur a *Galeatio* fieri, tentarique, quibus manifesto com-

1389

28. Cum *Senenses*, &c. Nulla *Senensium* injuria *Politianenses* ad defectionem compulsi testatur *Malavoltus Hist. Sen. lib. IX p. II.* & *Spinellus Hist. Politiani lib. III.* sed ex civili discordia inter duos de *Pecora*, quorum in partes divisi confluerant oppidani. Porio pars *Joannem* secuta *Girardum* eiecit; advenientemque ad res componendas *Senensium* Legatum armis exceperunt. Pœnitentia autem ducti, ne poenas luerent, *Florentinis* per Legatos se dedere.

29. Recusata est ab eis deditio. Amice nimis egerunt *Florentini*, poterat enim inviolato fœdere *Politianum* ultro se dedens retineri. Sic *Romani*, etsi *Campanis* in *Samnites* auxilium petentibus denegassent, cum *Samnitibus* enim fœdere conjuncti erant, *Campanos* tamen se dedentes acceperunt, & contra *Samnites* *Valerium*, & *Cornelium* Consules cum exercitu misere. *Livius lib. VII.*

30. Componendis discordiis. Concordiam inter *Senenses*, ac oppidanos a *Florentinis* conciliatam die XXIX. Octobris MCCCCLXXXVII. asserit *Ammirat. p. I. Tom. 2. p. 796.*

31. Missaque extemplo legatione. Quinque *Senenses* *Mediolanum* missi, quorum princeps *Orlandus Malavoltus*. *Malavolt. Hist. Sen. lib. IX p. II. p. 163.*

32. Conditionibus homini acceptissimis. Fœdus iniere die XXII. Septembris, & *Galeatio* jus belli pacisque datum, quod quidem nonnisi illi acceptissimum esse poterat.

33. Testatus &c. *Carrariensi* bello *Viccomes* implicitus, ne a *Florentinis* mora illi injiceretur, *Senensibus* se minime adhæsurum pollicitus est, eorumque Legatos qui apud eum convenerant, non alia de causa quam firmandæ cum *Florentinis* pacis detineri ostentabat.

34. *Politiano* abstinerent. *Politianenses* a *Senensibus* ad *Florentinos* rursus defecerunt, ditionique *Florentinorum* *Politianum* in *Camerali* libro adscripserunt: vigeat enim lex, ne nisi totius populi consensu ea alienare liceret, quæ in hoc libro descripta fuerant. *Leon. Aret. Hist. Flor. lib. IX.*

S. Antonin. tit. 22. cap. 3. §. 20.

35. Equites, &c. A *Viccomite* *Paulus Sayellus* cum tercentis militibus missus. *Corius p. III.*

36. Equites sexcentos. *Joanne Ubaldino Duce*. *Girardacius p. II. lib. XXVI.*

E 37. Pacem æquis legibus faciunt. Nemini magis quam *Bononiensibus* pax hæc curæ erat? *Viccomite* enim *Bononiam* magno cum exercitu adventante, verebantur, ne memoria veteris dominii excitus ad sua repetenda animum intenderet.

38. Rupto fœdere. Iusta de causa ruptum fœdus. *Florentini* enim *Franciscum Carrariensem* *Viccomitis* captivum. Astæ detentum ad fugam excitaverant, inque urbem receptum opibus adjuverant. *Ammirat. p. I. To. 2. lib. XV.*

39. Suis finibus abire. Octo dierum spatio.

40. Concordia curam suscepit. Cujus firmandæ gratia, *Florentiam* primum, deinde *Mediolanum* profectus *Joannem Galeatium* suam in sententiam perduxit. *Pellinus Hist. Per. p. I. lib. IX. Truncius Ann. Pis. p. 169.*

41. Diffidentium Legatis. Horum nomina apud *Malavolt. Hist. Sen. p. II. lib. IX. p. 165.*

F 42. *Perusini*que socii. Nullo a scriptore hoc in fœdere *Perusinos* commemoratos asserit *Pellinus Hist. Perus. p. I. lib. IX.* licet *Leon. Aret. lib. IX. Hist. Flor. Malavolt. Hist. Sen. p. II. lib. IX.* & *Ammirat. p. I. To. 2. lib. XV.* oppositum referant.

43. *Biordo* qui illius tyrannidem occupat. *Biordus*, seu *Bigordus Michellotus Tuderti*, *Ascisii*, aliarumque urbium Dominus, *Perusium* quoque ab Ecclesia deficiens sibi adscivit, cujus postea, pace facta, *Vicarius* a Pontifice electus est. *S. Antonin. p. III. Tit. 22.* & *Cæsar Crispoltus Perusinus lib. III. p. 287.*

44. Adversus contractæ pacis leges. Quas inter, ne nihil in *Tuscia* hostile ageret, ut supra.

comprehenderetur illius animum ad fallendum, & bellum gerendum promptum esse, pararique audirentur majores, quam ratio pacis requireret, equitum copiae, varia civium sententia animos futuri incertos versabat. Prudentiorum tamen consilia, bellum cum tyranno quamprimum suscipiendum esse: facilius coalescentes vires conteri posse, quam cum robustiores factae essent. Tutius videri teneris adhuc tyranni opibus obsistere, quam inveteratis: ardere illius animum imperandi cupiditate. Jam *Senensium* patrociniū, vel potius imperium contra jus foederis usurpasse: jam *Perusinos* ex amicis hostes reddidisse: jam in *Etruria* praeter conventiona, quae nunquam servavit, suas vires protulisse, omniaque illi fide & jurejurando esse potiora: jam multos pecunia⁴⁵, promissis stipendiis corrupisse: non esse expectandum adeo illum potentem reddi, ut eis, quod jam cupiat, leges, ut victis imponat: Forti & elato animo obstandum tyranno, libertatemque tuendam: imploranda ceterorum auxilia, quibus eadem belli pericula imminere videantur: scribendos novos milites, exercitum parandum, quo & sua defendi, & aliena oppugnari queant: faustum Deum justae causae, & populum a servitute tyrannica exempturum: animi tantummodo adsint, consilia, & vires non defuturas. Concio post haec electorum⁴⁶ civium habita, in qua aliquibus dictis sententiis *Johannes Riccius* Jurisconsultus in hunc modum orationem habuit, egregiam, & Reipublicae salutarem. Si quis forte vestrum dubitet praeclearissimi cives, quamente sit erga nos *Johannes Galeatius Virtutum Comes*, is profecto omnem abjiciat dubitationem necesse est, si illius ad hanc diem vitam considerabit: ea enim mentis, & animi ejus verum testimonium praebet. Verum, ut quae occultiora sunt, forsitan multis tamquam oculorum conspectui subjiciantur, evolvenda paucis nobis est ejus praeterita vita, & ex ea futurorum conjectura capienda. Scitis olim hunc hominem cum quadam sanctitatis speciem verbis, & habitu vestium praetulisset, primum ejus pietatis opus ob insanam dominandi cupiditatem in capiendo, necandoque *Bernabovo* extitisse: & quem ipsa naturae lex, & vis sanguinis ad amorem, ac pietatem, & decus tantae familiae impellere debuisset, hunc ambitio res pessima inter mortales ad impietatem compulit, & crudelitatem. Et nedum patri, sed ne sororis⁴⁷ quidem pro viro deprecantis misertus est, illorumque funera morte sua cumularit, patrique filios praeter unum omnes sustulit, ne qui superessent paternae cedis ultores. Neque his contentus, cum trium fratrum⁴⁸ imperium ad se redeget, majori quam antea siti flagrans dominandi superioribus flagitiis alia addidit minime contemnenda. Veronae, ac Patavii Principes, serendis occulte, nutriendisque per internuncios discordiis, dolo, & inanibus pollicitationibus deceptos ad inimica arma compulit: & cum seorsum utrique favere se simularet, adeo vires eorum diutino bello contritae sunt, ut ipse utrumque vis armis facile debilitatum superavit. Hac fide, atque adeo summa perfidia amborum Principum urbes in suam ditionem parvo negotio redegit. Sed quo pluribus dominabatur, eo major inceserat imperandi appetitus: & cum non essent finitimi, adversus quos auderet armis⁴⁹ certare, animum ad *Etruriam* ad-

A jecit, expectans si qua ex tempore novandi occasio daretur. Ecce *Senensium* levitas est exorta, quae tamquam ansam dedit illi ad arma in *Etruriam* promovendi, quam ille e vestigio nonnullis levibus innixus causis, sed quae facillime confutarentur, contra jus gentium violato foedere arripuit. Quid enim rei est sibi in *Etruria* a suis finibus admodum remota? quid est illi negotii pro *Senensibus* quos nemo laceffit, contra socios suos arma sumere, cum nulla in re a nobis fuerint violati? Sed cum immoderata dominandi libido praecipitem agit, ut nullum foedus, nullam fidem, nullum jusjurandum, nullam societatem sibi, modo imperium augeat, servandam ducat, & quod jure nequit, vi, atque injuria consequatur. Quibus artibus, quibus calliditatibus, quo astu usus sit, ut nos imparatissimos opprimat, considerate. Primum *Senensium* animos contra nos irritavit, atque incendit: conceptam malevolentiam multis promissis fovit, si bellum excitaretur: foedus deinde cum eis iniit, in quo id primum ejus opera est adscriptum, ut bellum nobis inferret: deinde ad sopiendas mentes nostras tamquam pacis cupidus de concordia cum *Senensibus* se acturum spondit, missisque Oratoribus, non pacem, sed belli semina disperfit. Quo secutum est, ut ei *Senenses* ultro se se dederint: quod cum vobis permolestum esse, & praeter fidem ostenderetis, literisque id graviter ferre videremini, ille suis utens artibus aperte negavit ullam per *Senenses* factam deditionem, & si quam facerent, se irritam habiturum. Missi deinde *Senas* equites sexcenti, tamquam eorum finetutiores reddituri: quae res supervacanea visa est, cum nondum ulla arma essent mota. Sed cui nota erant consilia sua, cuncta, quae ad prolatandum imperium utilia sibi existimabat, praeparabat. Facta est insuper per *Petrum Gambacurtam* inter Comitem⁵⁰, *Senenses*, ac *Malatestas* idem sentientes, ac nobiscum, & cum *Bononiensibus* nova pax jurejurando firmata: quam ille nequaquam servavit, sed ardore nobiscum decertandi, iniquo edicto *Florentinis* omnibus suo imperio interdixit: pauloque post *Johannem Actium Ubaldinum* virum bello insignem cum equitibus mille *Senas* ire iussit: qui ut primum *Perusiam* pervenit, urbem amicam, & nobiscum foedere junctam fide posthabita secum sentire⁵¹ persuasit. *Senas* cum appulisset, in agrum *Politianensem* incursiones fecit. At ille quae gesta erant se inficio facta asseverans, singula ejus consilia ad nos fallendos dirigit. Quid igitur amplius expectamus viri prudentissimi? Quid fidem ejus amplius experiendam ducimus, quae nulla neque literis, neque verbis, neque Oratoribus est habenda? Ludus jam est ei dolis, & perfidia nos fallere. Plura insidiis ab eo, quam aperto Marte videtis agi: & non quid loquatur, sed quid molitur est advertendum. Itaque abjiciendas moras omnes inutiles censeo, & spem omnem servandae ab eo pacis desperandam. Satis diu ab eo delusi sumus: praedicat pacem, bellum tractat. Viribus igitur *Galeatii* fraudibus, & iniquae ambitioni obviam est eundum, parandaque singula ad arma, & defensionem spectantia. Adsunt nobis vires, adsunt consilia, omnia, modo adsit voluntas vestra, & consensus omnium, ad *Rempublicam* conservandam abunde nobis sunt. Multa dies afferet, quibus poterit hic ambitionis impetus tardari: sperandumque Deum optimum maximum rupti foederis⁵² vindicem affuturum, victoriamque justissimam, & pro tuenda libertate gerentibus bella daturum.

His

45. Pecunia. Joannem Bonacursium Florentiae Consalonarium, scutorum millibus a Galeatio corruptum constat. Quo cognito fugientem Florentini proditoris ignominia notarunt, ac publice pingi jusserunt.

46. Electorum civium. Seu in concilio electorum civium, vulgo de *Richiesti*.

47. Ne sororis quidem. Violantidis Bernabovis filii uxoris.

48. Trium fratrum. Matthaei, Bernabovis, & Galeatii.

F 49. Adversus quos auderet armis certare. Venetos enim extimescebat.

50. Inter Comitem Galeatium, qui Virtutum Comes etiam appellabatur.

51. Sentire persuasit. Auctore, ut dictum est, Biondo.

52. Rupti foederis. Per Petrum Gambacurtam Pisarum Dominum firmati.

1389 His multorumque adhortationibus civitate com-
mota, omnium consensu bellum suscipiendum ef-
se decernitur: Decemvirique⁵³ sine provocatio-
ne, quibus cura belli demandatur, creantur. Qui
cum Magistratum iniissent, magno animo, nec
1390 minori prudentia exercitum summo studio com-
parant, Legatosque⁵⁴ quatuor in ulteriorem Gal-
liam, qui auxilium a Rege petant, mittunt: quo-
rum duo in itinere positos infidiis deprehensi sunt,
iussuque Galeatii contra jus gentium in carcerem
trusi: reliqui ad Regem⁵⁵ perveniunt. Eodem
ferme tempore per Johannem Ubaldinum Miniatis
proditio tentata est, cujus nonnulli oppidani præ-
miorum spe corrupti auctores erant. Sed ea per
conscios⁵⁶ detecta, fontes supplicio affecti sunt:
multa insuper castella⁵⁷ Senensibus finitima, ut
ab iis, qui jam cogitationes omnes ad bellum de-
stinassent, variis nequicquam tentata doliis. Me-
diolanensis vero, ut a se omnem belli culpam a-
verteret, eamque in Florentinos rejiceret, palam
questus est se ab eis⁵⁸ veneno appetitum, inque
suam necem conspiratum esse. Bernabovis⁵⁹ quo-
que filios adversus sollicitatos: ignominia præte-
rea causa, ut infidum, & fraudulentum in con-
cionibus, Riccii⁶⁰ præsertim oratione notatum:
quæ cum variis⁶¹ literis, ac sermonibus divul-
gasset, singula optimis argumentis, & epistolis,
& verbis confutata sunt, ita ut palam esset diver-
ticula ab eo ad subterfugiendam belli per injuriam
illati infamiam queri. Ad Florentinos⁶² quoque
litteras dedit, quibus tamquam pacis cupidus bel-
lum indixit, & veluti invitum ad suscipiendum
bellum coactus, quæ eodem pacto ut mendaces
ejus opera reprobatae sunt. Ut verò Pisanos in
suam societatem traheret, Oratoribus ad eos mis-
sis, confectis mendaciis quo procul a belli culpa
videretur, non servari a Florentinis pacem crimi-
nabatur, & simul ut secum sentirent postulabat.
At illi⁶³ in fide perstantes nunquam se pacis vio-
landæ auctores futuros respondent. Varii qui per
hostem fiebant belli apparatus Florentinos compu-
lere, ut & ipsi omni ope necessaria ad bellum
pararent: neque solum, ut vim vi repellerent,
sed ut ultro armis extra Hetruriae fines hostem la-
cesserent. Itaque Augustum ex⁶⁴ Apulia accitum,
mortuo in itinere, dum ad exercitum veniret,

A Renaldo Ursino⁶⁵ belli duce, cum sex equitum
millibus in Galliam contra Galeatium mittunt, ut
tectæ uri, populationes agrorum fieri, incendiis
omnia fumare, defectiones populorum, cæteras-
que belli clades, castra hostium Mediolani portis
potius imminere videat, quam insatiabili impe-
perandi cupidine Hetruriam semper armis sollici-
tam reddat. Loysium⁶⁶ vero Capuanum in Senen-
sum agros adversus Ubaldinum decernunt; solique
nullis externis viribus præterquam Bononiensium
freti, qui pro communi defendenda salute sum-
ptus suppeditarunt, & Cortonensium, qui in ami-
citia perseverarunt, bellum omnium maximum,
B quod ad eam diem gesserint, suscipiunt: cum
diversæ factionis Principem Perusini, Senenses,
Malatestæ, Ferrariensis, Pupiique Comes, ac plu-
res alii sequerentur. Galeatius contra se exercitum
proficisci animadvertens (nam Augustus cum suis
copiis Bononiam⁶⁷ missus erat, cumque eo Carolus
Bernabovis filius, & Luchinus patrio pulsi im-
perio) Ubaldino, apud quem plurimi equites Senis
convenerant, mandat bello quam posset aspero
Florentinos incesceret, ut potius se, suæque a pro-
pinquo validoque hoste tueri, quam de transfe-
rendo in Galliam bello cogitare cogerentur. So-
nenses e vestigio in proximam regionem, quæ
C Chiantia appellatur, excursiones fecere, præda-
que abacta confestim, ut Florentinorum milites
propinquos jam adesse intellexerunt, abiire. Eo-
dem tempre Politianum ultro se dedens rece-
ptum est. Duæ in eo⁶⁸ factiones erant: cum ad
arma ventum esset, quæ Senensibus⁶⁹ favebat
pulsæ, Senas profecta odia eorum in Politianenses
renovavit; altera⁷⁰ factio missis Legatis se de-
derat Florentinis. Eo plures equites missi sunt,
ut Senensium agros vastarent: est enim oppidum
inter hostes situm, ex quo usque ad propinqua
Senensibus loca incursiones fieri, prædæque ab-
duci possunt. His itaque initiis nonagesimo post
D mille trecentos anno, cum bellum, quod in duo-
decim annos protractum est, cœptum esset, va-
riis vero utrinque præliis, ac rapinis animi irri-
tati, belloque intenti essent, dux Senensium⁷¹
cum tribus equitum millibus, peditibus mille in
Vallem Arni superiorem transcendit, nonnullo-
rum spe, promissisque, qui Johannis⁷² oppidum
ei,

53. Decemvirique. Creati mense Octobri. adi Ammirat. To. 2. lib. XV.

54. Legatosque quatuor. Plures a Florentinis Legatos mis-
sos testatur S. Anton. Tit. 22. & Leon. Aret. lib. IX. sed no-
mina silent, non sic alii Scriptores, qui Philippum Adima-
rium, Philippum Corsinum, Christophorum Spinum, &
Matthæum Arrighium commemorant, quorum duo a Ga-
leatio intercepti non nisi post pacem Pisfis firmatam patriæ
restituti. Nullo autem fundamento hoc asseri testatur solers
Ammirat. p. I. To. 2. lib. XV. p. 796. qui publicas scriptu-
ras perlustrans nullam nisi de Adimario mentionem factam
testatur.

55. Reliqui ad Regem. Galliarum Carolum VI.

56. Per consensos detecta. Per Bernardum, & Ludovicum de
Guizzis.

57. Castella. Quæ inter Anglatium, ut S. Anton. p. III.
Tit. 22. cap. 3.

58. Ab eis veneno appetitum. De Florentinis hoc suspicatus
fuerat, quod jam de Antonio Scaligero innoverat. De-
prehensus enim Placentiæ Antonius quidam Ortonensis ob
venena, quæ secum deferebat, tormentis adactus, ea se
parasse iussu Scaligeri falsus est, ut Galeatii puteum infice-
ret. Cor. p. III.

59. Bernabovis quoque filios, &c. Carolum, & Luchinum
qui Florentinorum stipendiis militabant.

60. Riccii præsertim. Joannis Riccii oratione, in qua Ga-
leatium dicebat, Aliud fronte simulare, aliud corde sentire.

61. Cum variis literis divulgasset. Venetis, Januensibus,
Pisaniisque scripsit; sed omnia a Florentinis refutata sunt.
S. Anton. Hist. Flor. p. III. Tit. 22. cap. 3. §. 4.

62. Ad Florentinos. Dissidatoriam, ut appellant, Flo-
rentinis scriptam videre est in Leon. Aret. in fine lib. IX.

adjecta etiam Florentinorum responsione.

63. In fide perstantes. Non fidem tantum servarunt Pisani,
sed a bello Galeatium amovere conati sunt, Legatumque
Joannem de Lanfranchis Equitem ad Florentinos miserunt,
qui eos de omnibus certiores redderet. Truncius Ann. Pis.
E & Ammirat. To. 2. lib. XV. p. 800.

64. Ex Apulia. Melius ex Campania: Cajetam enim
Campaniæ urbem esse, tum ex Baudrando, tum ex Brietio
To. 3. Parall. Geog. satis constat. Cajetæ degentem Augu-
tum, indeque accersitum asserit Amm. lib. XV.

65. Mortuo Renaldo Ursino. Aquilæ ejus ditionis urbe in
Regno Neapolitano. Ab iis ipsis, quos beneficiis cumula-
verat, Ursinus occiditur, dum Florentinis opem ferre cum
quadringentis militibus moliretur. Leon. Aret. lib. X.

66. Loysium vero Capuanum. Sibi fidem eum esse putantes
Florentini, quod Florentinam matrem, Nicolai Acciajoli
sororem habuisset.

67. Bononiam missus erat. Bononiam missus Augustus ut so-
ciis auxiliaretur, in quos a Galeatio Jacobus Vermius cum
septem millibus, & octingentis militibus missus erat, cui
adhæserant Albertus Gallus, Gens de Pepolis, & de Pa-
nico. Girardacius Hist. Bon. To. 2. lib. XXVI.

68. Duæ in eo factiones. Una uni, altera alteri fratri fa-
ventes.

69. Quæ favebat Senensibus. Duce Girardo de Pecora.

70. Altera factio. Duce Joanne de Pecora Girardi fratre
Vide Spinellum Bencium Hist. Montispolitani lib. III. p. 34.

71. Dux Senensium. Astius Ubaldinus.

72. Johannis oppidum. Nempe Joannis Tedeschi oppidum,
Principis nomine nuncupatum, quo expulsus a Florentinis
in bello Aretinensi, nunc Ubaldino favente per amicorum
proditionem recuperari posse sperabat. Leon. Aret. lib. X.

1390

ei, si circa ortum solis die proposita⁷³ advenisset, se prodituros polliciti fuerant. Hi pridie quam tempus statutum erat, oppidum (nam notum, domesticique erant) absque suspitione ingressi, sibi portæ unius postridie (& jam hostium timor inceserat) custodiam poposcerunt, qua impetrata (nihil enim ineffe doli suspicari poterant) intenti mane expectabant hostes. Saluti fuit eorum adventus tardior quam compositum fuerat. Nam cum custodes, tamquam suspensi animo muros, turrimque sapius ascenderent, speculantes nunquid hostes adventarent, & ob id nonnulla in eis fraudis signa conspicerentur, orta palam suspitione oppido pulsi sunt. Dux paulo post cum equitatu adveniens, re palam facta, ab oppugnatione destitit. Incurfionibus tamen late longeque in vicina regione⁷⁴ nil hostile timore factis, ac subito incurfu captis pluribus, magna parta præda Senas rediit. Constans fama est, idque ab omnibus dictum audivi, si paulo ante patefactum dolum accessisset hostis, cum procul dubio incolis nil mali suspicantibus oppido fuisse potiturum. Rei⁷⁵ prodicionis exilio mulctati, publiceque in foro ad ignominiam sceleris depicti. Favuit in ea re fortuna admodum Florentinis; nam si ea successisset fraus, facile futurum erat, ut hostis Aretio potiretur. Inter septa enim erat via qua illi urbi succurri posset, & Johannes cognomento Tedescus ex familia Petramala, quæ Ghibellinæ factioni favebat, tamquam hereditariæ⁷⁶ urbis imperium affectabat. Quod haud magno negotio in oppido undique hostibus clauso, & adhuc partium⁷⁷ memoria recentem eventurum fuisse putabant. Cum hæc parum processisset, alterius oppidi proditio & tentata, & perfecta est. Lucinianum diximus antea Aretini agri Bononiensium sententia Florentinis adjudicatum, ac vi recuperatum esse. Quidam ejus loci incolæ pretio corrupti, quorum domus pro muro oppidi erant, re antea composita noctu effracto muro Ubaldinum⁷⁸ cum equitibus admittunt, oppidumque Senensibus restitunt. Oppidani consociis prodicionis exceptis ad unum omnes spoliuntur. Ita dolo⁷⁹, fraudeque Senenses Lucinianum usurpant. Inde in Politianenses, Aretinosque excursionem quotidie factæ, & segetum corruptio secuta, ut magis quam hostili fu-

rore, suasionem Senensium in hostium fines militaris licentia grassaretur. Cum plura deinceps loca, partim frustra oppugnata, partim vi prodicionemque, in quibus arx⁸⁰ Baptistollis tribus passuum millibus Aretio propinqua, & Sancti Iusti, Pancratiique⁸¹ castella fuere, ab hostibus capta forent, Senas dux⁸² reversus in morbum incidit, ex quo & defunctus est, magnoque honore, & pompa funus⁸³ celebratum. Vir nobilitate generis clarus, & scientia rei militaris suæ ætatis peritissimus, ut qui ab Auguto cæteris Italiæ ducibus prudentia, & bellicis artibus præferretur. Huic successus Johannes Tedescus dux belli egregius, magnique animi, & partium studio Florentinis hostis acerrimus, acceptis a Senensibus copiis Marcianum, incolarum defectione, & simul præsidium, quod in eo erat, cepit: Custos⁸⁴ arcis ad dolos parum cautus, & ipse fraude arcem amisit, ex quo postmodum capite punitus est. Michelottus⁸⁵ vero Perusinus factione pulsus domestica sub Florentinis cum sexcentis equitibus stipendia faciens in Perusinos profectus, cum capto castello, quod Rutinam dicunt, noctu cum paucis urbem data a multis fide, qui ad se descituros polliciti erant, ingressus esset, tandem majora viribus ausus, cum omni ope destitueretur sociis omnibus ad unum desideratis interficitur⁸⁶. Dum hæc in Etruria geruntur, Augutus ex Bononiensi agro cum parte exercitus in Mutinenses profectus omnis generis præda parta, equitibusque ad urbis custodiam missis, qui ei occurrerant, aut cæsis, aut captis, militem onustum in castra reducit. Franciscus quoque Carrarius, illius filius, quem amisso Patavio Galeatius in carcere tenebat, Florentinorum⁸⁷ auxiliis, ad quos capto patre confugerat, fretus, ad mille hominibus coactis ex improvviso, conspirantibus in hoc civibus, urbem paternam⁸⁸ recuperavit, cunctaque ditionis Patavii oppida, atque ipsam urbis arcem⁸⁹ admodum munitam vi recepit: omnibus, qui illius præsidio erant, quoniam ita in deditione convenerat, dimissis: quæ res, & Venetis vicinum Galeatium timentibus, & Florentinis summo gaudio fuit. Horum exemplum secuti Veronenses, sed non eandem fortunam experti ab eo desciverunt. Discordia namque⁹⁰ post defectionem inter cives orta, partim antiquam li-

1390

73. Die proposita. XXV. Aprilis.

74. In vicina regione. Nempe in Aretina, & in Valle Ambre.

75. Rei prodicionis. Antonius ab oppido S. Joannis antea Dominicanæ familiæ adscriptus, tunc vero Ubaldini Can-cellarius, & Ciampolus Ricafolanus, ut Ammirat. p. I. To. 2. lib. XV.

76. Tamquam hereditarie urbis. Non enim alii quam sibi, quippe nepoti Petri Sacconi, olim Aretii Domini, urbem illam deberi asserbat.

77. Partium memoria. Ghibellinæ sibi faventis.

78. Ubaldinum. Non Ubaldinum, sed Joannem Tedescum admissum vult Ammirat. ut in sequenti annotatione.

79. Ita dolo fraudeque. Joanne Tedesco de Petramala curante, qui ab oppidanis auro corruptis admissus mille peditibus, & 300. equitibus Luciniano potitus fuit. Ammirat. p. I. To. 2. lib. XV. Aliter rem narrat Malavolt. Hist. Sen. p. II. lib. IX. qui Lucinianum in Senensium deditionem ultro venisse narrat, Legatorumque nomina Senas profectorum addit.

80. Arx Baptistollis. Egressis oppidanis ad messem colligendam Presbyter quidam arcis custodem ad epulas accitum comprehendit, hostesque introduxit. S. Antonin. p. II. Tit. 22. cap. 3. §. 7.

81. Pancratii Castellum. Ab oppidanis Senensibus proditum una cum 30. Florentinis militibus, qui præsidio erant.

82. Senas dux reversus in morbum incidit. Joannes ætius Ubaldinus obsidendo S. Iusti oppido, quod est juxta Ar-biam fluvium, in morbum incidit; Senasque profectus die XXV. Junii defunctus est, non sine veneni suspitione, ut ait Malavolt. Hist. Sen. lib. IX. p. II. & S. Antoninus.

83. Funus celebratum. In Cathedrali Ecclesia, in qua tu-

mulatus. Malavolt. ibid.

84. Custos arcis. Cum oppidanos omnes in Florentinos milites conversos vidisset, eos in arcem una cum Nerio ab Auguto Florentino cive recepit. Qui custodem pavidum agnoscent, arcemque haud defendi posse dictitans, eam hostibus vendidit, custodique retulit, se cum Angelo Salimbeno hostium duce pactum vitam resque omnes liberas fore, si arx ei traderetur. Sibi timens custos, Senenses in arcem admisit. Fufius Ammirat. lib. XV. To. 2. p. 807.

85. Michelottus. De Michelottis factionis de Raspanti appellatæ Princeps ab aliis adversæ factionis civibus jam ejectus. Pellin. Hist. Per. p. II. lib. X.

86. Interficitur. Non pugnando interfectus, sed quadam in domo, ubi se abdiderat, inventus, populari impetu dilaniatus est. Pellin. ibid.

87. Florentinorum auxilium. Nec non Venetorum, qui clam a Piceni Regulis auxilia illi impetrantur. Scardeon. lib. III. Class. 13. de Pat. pace, & bello claris.

88. Urbem paternam recuperavit. Patavium aggressus, juxta Monasterium Carmelitarum intra prima moenia sub ponte Bovetæ vi irrumpens, eo potitus est ann. MCCCXC. XIII. kal. Jul. Scardeon. ibid.

89. Arcem vi recepit. Decem, & octo diebus post urbis ingressum, totidemque mensibus post ejus ab ea discessum transactis. Scard. ibid.

90. Discordia namque. Populi consensu Florentiam missum ad revocandum Antonium Scaligerum, cujus morte cognita, Canem Franciscum ejusdem filium quinque annorum puerum Venetiis degentem postulaverant, sed illo a curatioribus (non satis enim firma spes videbatur) denegato, infelici eventu perterriti inter se de urbis regimine agentes discordiam excitarunt. Vid. Hieron. a Corte p. II. lib. XIII.

1390 libertatem repetentium, partim *Antonium* Principem postulantium, tempus, facultatemque ad urbem recuperandam hosti præbuere. Nam cum *Ugolottus Bianciardus* ⁹¹ unus ex belli ducibus, vir pace, ac bello prudentiæ singularis cum exercitu appropinquasset urbi, alterius, quæ intestina dissensione antea exacta erat, factionis ⁹² ope urbem ingressus, pulsus, aut captis diversarum partium viris, nobilem, atque opulentam urbem nullius partis respectu habito in prædam militibus concessit, quæ civium omnium fortunis direptis, cum viris, tum bonis, tum omni ornamento spoliata, militum ⁹³ arbitrio, impudentiæque subjecta diutius permansit. Recepta *Verona* Dux arbitratus, proditione, aut negligentia civium facile se ea urbe potiturum, cum omnibus copiis, e vestigio *Patavium* contendit: sed nulla ibi, aut seditio, aut desidia *Francisci* virtute, quæ hostium consilia præverterat, reperta est. Excubiæ opportunis in locis, diu noctuque agebantur, una eademque omnium civium mens ad defensionem prompta vigeat. Mille præterea *Germanorum* equitum egregia opera, qui *Florentinorum* mercede parati sub *Francisco* militabant, fretus, & patriam servavit, & impetum hostium repressit. Inter hæc *Stephanus* ⁹⁴ *Bavariæ* Dux magnis opibus ex *Germania* a *Florentinis* vocatus, ut *Mediolanensi* bellum inferret, in *Italiam* venit: qui cum sex exequitum millibus *Patavium* profectus primo adventu haud segniter bellum gerens, cum crebris incursionibus *Galeatii* omnia infesta redderet, hominem sibi, ac rebus suis timentem, maximam copiarum partem, ad patriam, *Galliaque* imperium tuendum ex *Etruria* revocare coëgit. Adveniente vero fine anni, quo *Stephanus* conductus erat, cum otiose nimium, ac remissè cuncta administrare videretur, corruptusque ⁹⁵, ut aiebant, pretio parum infestus hosti esset, non absque prodicionis nota in *Germaniam* revertitur. *Henricus Montisfortis* Comes, qui cum Duce venerat, sinceræ vir fidei, & cui Ducis consilia haudquam probarentur, accepto stipendio cum mille, & sexcentis equitibus *Patavii* remansit. *Augustus* in agrum *Mutinsensem*, *Reginum*, *Parmensem*, excursionibus sæpius factis, magnaue hominum, ac omnis generis pecorum præda *Bononiam* abducta, cum *Patavium* cum exercitu, ut hostibus esset propinquior, petiisset, cum decem peditum, equitumque millibus *Atesim* vado, mense Januario, loco qui dicitur *Porta Ritia* ⁹⁶, ubi

1391 *Carrarii* castellum erat, trajecit, vastatisque hostium propinquis agris, cum suos tentari prodicione sensit, *Patavium* regreditur. Dux quo-

A que *Patavii* *Franciscus* magno, ut opus erat, apparatu regionem ⁹⁷ sibi proximam *Ferrariensis*, junctis ad id pontibus, ob frequentes paludes, invasit; cumque nonnulla ⁹⁸ castella subito adventu cepisset, omnis ejus oræ incolæ nil hostile, ob multiplices aquas veritos, pecorum quoque, quæ eo, ut in asylum confugerant, genus omne *Patavium* traduxit, quo gravi damno affectus *Ferrariensis*, cum re ipsa expertus esset pluris propinquum hostem, quam longinquam amicitiam æstimandam esse, recuperatis ⁹⁹ amissis omnibus, una cum *Mantuanis* abrogatis ¹⁰⁰ *Galeatii* partibus, ad *Florentinos* ¹ descendit. Majorem quam putarat belli molem subiturus *Mediolanensis*, omnes ferme pedes, equitesque qui in *Etruria* erant, redire jussit, quorum ope destitutos *Senenses*, bello acius urgendi *Florentinis* facultas est data. Tribus exercitiis eodem tempore res gerebatur. *Franciscus Carrarius* egregiis copiis *Veronam*, omnemque vicinam oram continenter populabatur. *Augustus* quoque rei bellicæ peritissimus, excursionibus factis, cuncta *Galeatii* oppida, nulla militibus quiete data, sollicitabat, hostesque ad pugnam provocabat. *Loisius* vero *Capuanus* haud ignobilis militaris scientiæ artifex vastatis *Senensium* agris, circumactoque per illorum fines ad urbem usque ipsam exercitu, suos ingenti præda oneratos quotidie reducebat. *Lucinianum* ² quoque, pluraque, quæ *Aretinorum* castella fuerant, vi expugnata, ac recepta sunt. Cum gravi premerentur *Senenses* bello, seditione orta inter cives, partim improbantes, partim comprobantes susceptum bellum, nobiles ³ familiæ pelluntur urbe, quæ omnes cum suis castellis (ea permulta ⁴ erant) hærentes *Florentinis*, multum terroris, damniue civibus intulerunt. Erat futura superior admodum eo bello *Florentina* Respublica, nisi eorum consiliis fortuna obstitisset; nam dum hæc in *Etruria* *Galliaque* agun-
D rur, Oratores duo *Renaldus Gianfiliatus* equestris ordinis, & *Johannes Riccius* in *Transalpinam Galliam*, ut retulimus missi, cum audissent *Jacobum Armeniacum* Comitem cum duodecim equitum, peditumque millibus otiosum in provincia *Narbonensi* vagari; promisso stipendio, ejus post descensum in *Italiam* initium erat, suaserunt, ut contra *Galeatium* arma sumeret. Ille tum pecuniæ magnitudine, tum dominandi cupidine ductus, multa enim promissa fuerant post adeptam victoriam: icto fœdere se in *Italiam* venturum promisit; jurequejurando cautum est, quo tempore bellum moturus esset, quantamque, & quibus in locis pecuniam recepturus. Ea mens *Florentinis* erat, sociisque, ut non *Senenses* solum op-

91. *Ugolottus Bianciardus*. Seu de Blanchis Parmensis, in quo omnes fere illius temporis Scriptores conveniunt, excepto *Antonio Campi*, qui eum putat *Cremonensem*. lib. III. Hist. Cremon.

92. Factionis ope. Accitus a primoribus civitatis *Galeatio* adherentibus. Alii a populo appellatum volunt, ut defectionis venia obtineretur. Plat. in vita Bonif. IX. Alii ope militum qui *Mediolanensem* arcem tenebant, per portam arcis admissum asserunt. Sic Corius p. III. Hieron. Corte part. II. lib. XIII. Poggii vero sententiam confirmat Leon. Aret. Hist. Flor. lib. X. S. Antonin. p. III. Tit. 22. §. 8. Sabellicus Enn. IX. lib. IX.

93. Militum arbitrio. Ad quinque dies, nec a depopulatione cessatum foret, nisi *Catharinæ Galeatii* uxoris ex *Veronensi* *Scaligerorum* gente auctoritas intervenisset. Cort. p. II. lib. XIII.

94. *Stephanus Bavariæ Dux*. In *Italiam* venit una cum *Johanne* filio, *Ratisbonæ* Episcopo.

95. Corruptusque, &c. Nec vana suspitio, nam pacem cum *Viccomite* suadebat.

96. *Porta Ritia*. Locus quo *Augustus Atesim* fluvium trajecit. Pecilem Leon. Aret. appellat. lib. X. Hist. Flor.

97. Regionem sibi proximam *Ferrariensis*. Policinium scilicet

E Rhodiginum. S. Anton. p. III. Tit. 22. cap. 3. §. 9.

98. Nonnulla castella. Et in his *Abbatiam*, & *Lendinariam* non contemnenda oppida. Pigna lib. V. Hist. Princip. Ates.

99. Recuperatis amissis omnibus. *Carrariensis* *Marchioni* promiserat, se omnia restitutum, dummodo a *Viccomite* recederet.

100. Abrogatis *Galeatii* partibus. Prius tamen ad *Galeatium* Legatis missi, qui nuntiarent, se propinquis hostibus *Florentino*, & *Carrariensi* utrinque obsessum in ejus amicitia haud posse perseverare.

1. Ad *Florentinos* descendit. Tractatus hic *Venetis* inceptus, sed *Galeatii* amicis obstantibus haud perfectus, *Ferrariæ* tandem absolutus est.

2. *Lucinianum*. Jam *Florentinis* a *Bononiensibus* adjudicatum, ut supra.

3. Nobiles familie. Decem ex nobilibus familiis *Senis* pulsis nominat Leon. Aret. lib. X.

4. Ea permulta erant. Cum decem castellis *Orlandus Malavoltus* ad *Florentinos* descendit. Volaterr. lib. V. Geog. Alia adjecerunt *Jacobus Salimbenius*, & *Marchio a Monte*. *Amirat. lib. XV.*

1391 opprimerent, quippe parva belli portio ea urbs fuisset, sed ut tyranni opes debilitarent: quod, ut facilius posset perfici, decrevere, ut *Augustus* cum omnibus copiis *Armeniaco* jungeretur, communique consilio administrarent bellum: confidebant enim, alterius ducis prudentia, alterius viribus facile *Mediolanensem* debellari posse. Itaque & *Augustus* cum exercitu in *Galliam* ire iussus, & literis, Oratoribusque *Armeniacus* ad transitum sollicitatus. Egerat Tyrannus cum Principibus *Gallie*, prece, ac præmio corruptis, ut illum ab incepto detraherent: quod multis verbis efficere conati sunt. At ille in fide data perseverans, omnes huiusmodi suasiones rejecit, testatus, tum omnibus, tum maxime Principibus fidem servandam esse. Præfectum vero ex suis, cui ala equitum commissa erat, ab eo deficientem, ex itinere retractum securi percussit, servatoque foedere vir egregius præstituto tempore Alpes transcendit. *Augustus* interim cum omni sociorum exercitu (ii sex electorum equitum militia, peditum mille erant, absque impedimentis) *Vicentiam*, *Veronam*que prætervehens mense *Majo* *Atesin*, loco quo antea, transit, positisque castris, vicos, oppidaque, securus ferme prædabat: cumque incertus, ubinam locorum *Armeniacus* foret, in ea loca exercitum aliquandiu tenuisset, ad mille tyranni equites tutandæ regionis causa relictos, cum obviam occurrissent, multis occisis, pluribus captis, profligavit. Inde securus ab hoste, *Mincium* ea parte, quam vulgo *Molendinum* dicunt, vado transit, relictaque a dextris *Brixia*, *Ollium* prope *Soncinum* trajecit: per agrum deinde *Bergomensem* profectus prope flumen *Abduam*, infra vigesimum a *Mediolano* lapidem castra locavit: ubi diutius stativa habuit, populandoque vicinas regiones *Armeniacum* expectabat. Vastabat vero longe, lateque oras omnes per quas transierat, abducta omnis generis præda, repugnante nullo, cum tantum militum in eis locis relictum esset, quantum satis visum est ad urbium tutelam: eo enim sub adventum *Gallorum* copiarum omnes tyranni conveniant, unde majus periculum imminebat. Nam omnia *Galeatii* oppida, singulæque regiones ad adventum *Armeniaci*, quem magno cum exercitu (ut vulgo in rebus fit dubiis) adventare rumor erat, suspensæ, fortunam securæ videbantur. Equites interea peditesque *Florentinorum*, qui ad *Volaterras*, & *Colle* erant, loca maritima *Senensium* invadere, ingentique præda parta *Volaterras* revertuntur. Oppidum insuper *Regiolum* in *Casentinati*, quod secundo belli anno ad Tyrannum desciverat, firma e vestigio obsidione cinctum quarto mense expugnatum, incensumque est. Auctores defectionis viginti laqueo

A poenam dedere, reliqui in carcerem trusi. Interea a *Bononiensibus Florentiam* Oratores missi Senatum adeunt. Quo in statu res eorum sint docent: tantos belli sumptus se diutius non posse ferre demonstrant: aut minuendos eos esse, aut quærendam necessario ab eis pacem. Nihil alienius visum est *Florentinis*, quam eo tempore duarum gravissimarum rerum injectam mentionem, nec periculosius quicquam ferri in consultationem posse. Ideo responsum est, se quoque ultra facultates in varios belli usus tributo vexari: agros insuper suos ab hoste populosos: sed omnia pro libertate ferenda, patiendaque esse: nullam in hoste habendam fidem, quam in suos *Patavinum*que, ac *Veronensem* esset expertus. Supprimendas eas esse voces, ne qua hostis rescisceret: hæc enim factura tyranno animos: bello omnibus viribus incumbendum: victoriam in manibus versari. *Patavium* recuperatum esse, advenisse in eorum præsidium *Germanos*: *Gallios* prope diem in *Galeatii* provinciam affuturos, quorum opera aut opprimeretur hostis, aut pacem essent tutam habituri: redirent itaque, ac populum suum bono animo esse juberent, & ad prosequendum bellum hortarentur. Inter hæc frequentibus literis, nuntiisque *Armeniacus* ab *Augusto* sollicitabatur, ut nulla interposita mora Alpes superaret, & in *Italiam* transcendere maturaret: monebat vero præcipue, ne quam belli fortunam, quæcunque etiam se prospera offerret, priusquam secum jungeretur, tentaret. Noverat enim *Gallorum* naturam pronam ad certamen esse, sæpiusque impetu quodam præcipiti, quam ratione ad pugnandum ferri. Quod (ut postmodum contigit) veritus prohibebat ullo pacto fortunæ arbitrium, quæ plurimum in bellis posset, subire. Idemque illud & Legati *Florentini*, qui cum eo erant, suadebant. At ille plus viribus, quam consilio fretus (& ætate erat florida) cum primum ex Alpibus descendit, non exploratis hostium viribus, non expectato *Augusto*, nulla periculi ratione habita, temere in totius fortunæ discrimen descendit: & cum plura castella *Alexandrie* urbi, quæ *Galeatio* parebat, propinqua partim vi, partim timore cepisset, tandem oppidum ipsum, oblitus sani consilii antea per *Augustum*, & legatos dati, atque inficius, quæ hostium copiarum in eo laterent, pedestri acie oppugnat. Igitur ante meridiem (& æstatis tempus erat, & increbuerat æstus) relictis seorsum majori ex parte equis, pedibus, ut mos *Gallorum* est, urbem aggreditur. At hostium magno numero equites electi, qui eo, inficio *Armeniaco*, antea convenerant, duce *Jacobo Vermio*, portis egressi de improvviso magno impetu pugnantes adoriuntur. Et quod consilium haudqua-

5. Alterius ducis prudentia. Nempe Augusti, alterius viribus, nempe Comitibus Jacobi Armeniaci.

6. Ad mille tyranni equites. Thaddæo Veruccio Duce, Augusti exercitum infestantes.

7. Infra vigesimum. Infra decimum sextum a Mediolano lapidem refert S. Anton. & XV. juxta Leon. Aret. lib. X. Ibi diutius stativa habente exercitu, Florentini Legati qui apud Augustum erant, equorum ludum die XXIV. Junii, quo die Florentiæ celebrabatur, ipsi quoque celebrant, ab altera Abduæ ripa spectantibus hostibus.

8. Regiolum quod ad tyrannum desciverat. Joannis Tedeschi opera.

9. Incensum est. Milites, qui in oppido erant, ut abirent incolumes, pacti, oppidum & oppidanos Florentinis tradidere.

10. Reliqui in carcerem trusi. Qui proximo Augusti mense Florentinorum pietate libertati restituti. Ammirat. To. 2. lib. XV.

11. Germanos. Henrico a Monteforte duce.

12. Gallos. Sub Comite Armeniaco.

13. Gallorum naturam, &c. impetu quodam præcipiti. Sic Cæsar lib. III. de Bell. Gall. Nam ut (de Gallis loquens) ad bella suscipienda alacer, & promptus est animus, sic mollis, ac minime resistens ad calamitates perferendas mens eorum est. Vid. Liv. lib. X. & Brietium Ann. Mundi, ad ann. 1391. ubi hæc habet. Armeniacensis &c. dum in obsidione fortius agit, Francorum more, quam prudentius, interemptus copias perdidit.

14. Legati Florentini. Raynaldus Gianfiliius, & Joannes Riccius, qui apud eum erant.

15. Ætate erat florida. Nondum enim vigesimum octavum annum compleverat. Ammirat. p. I. To. 2. lib. XV.

16. Æstatis tempus erat. Sub finem mensis Julii. Corius p. III.

17. Relictis seorsum majori ex parte equis. Itinere, levibusque pugnatis equos defatigatos reliquerat, eo insuper consilio, ut omnis fugæ spes auferretur. Amm. To. 2. lib. XV.

18. De improvviso, &c. Mille equites sibi reservaverat Vermius, quibus dum pugna increbuerat, nil tale veritum Armeniacum adortus est. Ammirat. ibid.

1391 quaquam eos fefellit, primum equos ¹⁹ sessoribus vacuos, nullo negotio capiunt: deinde *Armeniacos* pedestres a fronte, & a tergo aggressi, tum lanceis, tum equorum incurfu dissipant. Tribus horis aspere pugnatum est: *Gallis* præsenti animo certantibus, neque cedentibus adversariis, illis magis a labore recentibus, magisque equorum, quam suis viribus confisis: tandem cum dispares equitibus pedites essent, *Galli* viribus equorum, velocitateque impares, certandi labore defatigati, siti æstuque, ac vulneribus confecti superantur ²⁰. Multi utrinque in acie cæsi: dux ipse parvo vulnere accepto in urbem ²¹ ductus lassitudine, æstuque expiravit, suoque docuit exemplo, plus momenti in belli victoria consilium præbere, quam vires. Magna pars exercitus in prælio capta: quidam per agros dispersi non evaserunt aut insequentium equitum, aut agrestium manus: paucis fuga saluti fuit. Ita nobilis exercitus unico prælio, ducis temeritate periit. *Florentinorum* insuper Oratores capti sunt, magnoque postmodum pretio ²² redempti. Præda omnis, pecuniaque, quæ plurima ab Oratoribus in stipendium allata erat, inter victores divisa. Hac præter spem tam insigni victoria potitus hostis, confestim ad circumvenendum *Augutum* profectus prope ipsum ²³ castrametatus est. Fama tam adversæ pugnae vulgo sparsa (nam itinera custodiis septa erant) ad eum dubium, suspensumque animo pervenit, quam vero similem, & pene certam, conspecti in propinquo hostes fecere. Qua re admodum commotus Dux, paucisque præfectos, ac primores equitum ad bonam spem hortatus, *firmiter* animo esse jubet: se duce omnia evasuros pericula affirmat, modo viri essent, neque inani metu deficerent; omnia tuta viris fortibus esse. Pluribus in eam sententiam dictis, retro paulum *Cremonam* versus cum exercitu cessit, & apud vicum quendam *Cremonensem* (*Paternum* appellant) confedit. Quem hostes secuti paulo amplius mille passibus longe ab eo posuerunt castra. Erat inter duos exercitus pratum ingens, inque ejus medio aquæ rivulus decurrens frequentibus cinctus sepibus, ad quem quotidie hostes decurrentes *Auguti* milites ad pugnam provocabant. At ille magis astu quam viribus utendum ratus, suos intra munitiones se continere jubet: quos pluribus ²⁴ diebus hostes crebris incursionibus ad pugnam elicere conati, cum iis quiescentibus hostium animi crevissent, atque ultra rivulum obequitantes propius castra adversarios, ut ignavos, timidos, ac remissos incusarent, nulloque servato ordine passim, tamquam explorata victoria, *Auguti* castris insultarent, *Augutus* sequenti die eadem incuria hostes redituros sperans, suos ad pugnam paratos instructosque in equis stare jubet. Cum illi majori numero, tamquam castra oppugnaturi postera die rediissent, eruptione facta hostes invadit, ma-

1391 A gnoque impetu certamen aggressus, fudit ²⁵ omnes, & usque ad castra prolequitur: multisque occisis, ad mille sexcentos equites, & in his aliquot præfectos magno cum hostium dedecore cepit. Ea victoria paulum superbia hostium contusa est, neque auli amplius quenquam ad certamen provocare, castrisque tamquam victores insultare. Quiescentibus utrinque omnibus, dux hostium *Jacobus Vermius* illudens *Auguto* vulpem cavea inclusam ei dono dicitur misisse, callidum, & astutum ducem veluti cavea inclusum demonstrans. At ille vultu hilari suscepto munere *Jacobo* referri jussit, vulpi callem esse notum, quo sit egressura. Angebant præstantissimum ducem pericula multa quæ undique imminebant. Hinc validior hostis, cui vires in diem crescerent, qui quocunque se vergerent impediendo iter, aut carperet postremum agmen, aut cogeret ad pugnandum: hinc amnis ²⁶ trajiciendus erat, quæ sola salus restabat, & vadum ²⁷ qua transferat repetendum. Mora longior erat periculi plena, commeatuumque inopia discedere cogebat. Itaque neque morari, cum non esset unde frumentum supportari posset, neque abire sine periculo poterat, cum hostes persecuturi, & iter turbaturi essent. Quod solum restabat, ad artes, & calliditates pristinas conversus, docuit plus ingenium in bellis, quam vires posse. Consilio usus imperatoris prudentissimi, primum hostes in posterum diem ad certamen provocans, adæquatis locis omnibus quibus dimicandum erat, speciem futuræ pugnae palam ostentavit. Inde in proceris arboribus vexilla nonnulla, & militaria signa, quæ ex hostium castris conspici possent, erexit: tum tibicines, qui noctu, maneque etiam post solis ortum bellicum canerent, disposuit: quæ omnia præberent exercitus præsentis signa. Præterea viliora impedimenta, & clitellas straminibus plenas, opimam ostentantes prædam, quo hostes rapiendi curæ intenti ab insequendis militibus retardarentur, in castris reliquit. Inde silentio secunda noctis vigilia castris motis tutus ad *Ollium* pervenit. Suspiciatus autem hostes, recognita, persecuturos, postremam aciem robustissimis equitibus, qui hostium impetum exciperent, firmavit. Et jam exercitus ferme omnis flumen transferat, cum hostes elusi arte militari supervenere, insecuti tardius, tum spe futuræ pugnae, tum inani præda decepti. Hic dux cautus, ad omniaque intentus pericula, in ulteriori fluminis ripa, sagittarios equestres ad quadringentos ex *Britannia* disposuit, qui & suos tuerentur, & adversarios a transitu fluminis prohiberent. Ad extremam aciem tutandam qui relictæ erant, cum diutius prælium sustinuissent, sagittariorum præsidio flumen absque discrimine emerfi, una cum illis suos sunt insecuti. Deinceps pacato, haud ²⁸ insequente hoste, cum ad

Min-

19. Equos sessoribus vacuos. Quos seorsum reliquerat, ut supra dictum est, fugatis custodibus.

20. Superantur. Fulse rem narrat Areostus lib. XXXIII.

Scender da Monti un Capitano Gallo

E romper guerra a i gran Visconti illustri,

E con gente Francesca a piè, e cavallo

Par ch' Alessandria intorno cinga, e lustrì,

E che il Duca il Presidio dentro posto,

E fuor abbia l'aguato un po discosto.

E la gente di Francia male accorta

Tratta con arte ove la rete è tesa

Col Conte d' Armeniaco, la cui scorta

L'avea condotta all' infelice impresa,

Giacca per tutta la campagna morta,

21. In urbem ductus expiravit. Armeniacus Alexandriam ductus non sine veneni suspitione mortuus est, ut Ammirat. ex antiquo chronico collectum refert. lib. XV. Huic tamē non adhæret idem Ammiratus, inscio enim Galeatio

hoc Veruccius haud egisse poterat; mortuum fuisse putat Sabellicus Enn. 9. l. IX. tum ex vulnere, tum vero maxime ex infelici pugnae exitu.

22. Pretio redempti. Raynaldus Gianfiliatus quam citissime liberatus duobus aureorum millibus & quingentis. Joannes Riccius diu in carcere detentus, septem millibus tandem redemptus est. S. Antonin. p. II. Tit. 22. cap. 3. §. 1. Idcirco autem Riccius pejori conditione usus est, quod belli in Galeatio auctor fuisset.

23. Prope ipsum castrametatus est. Ad mille quingentos passus. Leon. Arer. lib. X.

24. Pluribus diebus. Ad quatuor dies, ut S. Anton. p. III. Tit. 22.

25. Fudit omnes. Tanquam levis momenti victoriam pertransit Bernardinus Corius Hist. Med.

26. Amnis trajiciendus erat. Nempe Ollium.

27. Vadum qua transferat. Prope Soncinum, ut supra.

28. Haud insequente hoste. Ollium enim flumen medium interjacebat.

¹³⁹¹ *Mincium* pervenisset, solito vado exercitu ²⁹ traducto, castrisque ad *Atesim* motis, prope amnem decem millibus passuum confedit. Ibi maximum omnium periculum adiit: ex tyranni enim præcepto dirutis, summotisque *Atesis* aggeribus, qui excrescentes, propter liquefactas in montibus æstate nives, aquas comprimunt, tanta inundatio per universam planitiem facta est, ut pene omnes mergerentur. Media nox erat, & sopiti ferme omnes, cum aquarum impetum sentire: experrecti e vestigio, quod unum perfugium fuit, equis ascensis stantes vim fluminis sustinuerunt. Diluculo relictis impedimentis, quæ aqua demersa fere corrupta erant, proficisci equites tardo gradu (ut quorum equos umbilico tenuis aqua impediret) capere. Sero magna cum difficultate iter dici emensum, superatis aquis, ad *Baldum* ³⁰ *Patavini* agri oppidum pervenere. Debiliores equi, qui labantes, neque sessorem pati, neque vim aquarum ferre poterant, prostrati ad terram defecerunt. Peditum magna pars, cum majori ex parte corpus aqua occupati, frigore insuper, & labore continuo fatigati, corpore, animoque debilitati essent, fœde perierunt: plures caudis equorum, qui validiores erant, innixi labores itineris facilius tolerarunt: equites quoque permulti confectis equis absumpti sunt. Hos insculti hostes, ut primum campos late stagnantes excrescentibus aquis conspexerunt, arbitrati exercitum periisse retro abiire. Conitans fama est, neminem alium belli ducem, tot difficultates, tot pericula superare potuisse: cujus dicta, factaque inter priscorum oratorum, ac ducum vafra videntur enumeranda; omnia enim pericula consilio vicit, & calliditate, qui cum in intima hostium loca cum parvo ³¹ exercitu penetrasset, suos incolumes sine incommodo, præter ea, quæ aquarum calamitate accidere, quibus nullo consilio obsisti poterat, reduxit. In agro ³² sociorum constitutus, reficiendo exercitui intentus erat, ex hostium motu & ipse consilia sumpturus. Dum hæc in *Gallia Transpadana* geruntur, videbantur regiones citra *Padum* malorum belli expertes esse. Itaque excogitata ratio est, qua hostis pluribus in locis expugnaretur. Pons supra *Padum* a loco, quem *Burgumfortem* dicunt, ad aliam ripam, *Placentiam* versus firmissimis trabibus, ingenti mole magnoque labore, majore *Florentinorum* sumptu fabricatus est, tum ut eorum copiæ quæ *Mantue* ³³ urbe eis sociæ erant, agrum *Placentinum*, omnesque propinquas oras excursionibus infestas reddere, prædarique, tum ut auxilia *Mantuano* facilius subministrari possent. Multum id contulit ad distrahendas tyranni vires, & ad postulandam pacem, cum undique ejus imperium gravi premeretur bello, nullaque pars ditionis ejus expers esset malorum. Quapropter desperata victoria, cum se

A undique bello urgeri, vastari agros, prædas captivosque ab hostibus agi cerneret, *Florentinorum* vero urbem, ejusque regiones omnes, præter eas, quæ *Senensem* agrum attingunt, procul a bellorum calamitate, quiete, & otio frui, periculaque quæ adisset secum reputans, & fortunam belli communem: suas ³⁴ omnes copias *Lucam* convenire jussit, eo consilio, ut subito tumultu in agrum *Florentinum* irrumpens urbis mœnia ad terrorem incutiendum obequicaret. His præparatis, de pace cogitare coepit, sperans quacunque conditione *Florentinos* illam appetituros, cum hostilia arma prope ex ipsis mœnibus viderent. Eam vero per *Antonium* ³⁵ *Adornum Genuæ* Ducem, virum sibi amicissimum occulte, tamquam id sua sponte quæreretur, tentavit: qui ex templo *Florentinos* literis hortatus est, ut ad se legatos mitterent: pro certo habere *Galcatii* mentem a pace haud alienam: sperare facile omnia, dummodo æqua postulentur, conventura. Quare confestim eo *Philippus* ³⁶ *Adimarius*, *Ludovicus Albergottus* jurisconsultus *Aretinus*, & *Guido* ³⁷ *Thomasius* vir optimus ex primoribus civitatis missi: a *Bonomiensibus* quoque, cæterisque sociis Oratores decreti, ut una ³⁸ cum *Rhodi* Hospitalis *Magistro*, *Bonifacii* Pontificis, *Italiae* otium, ac quietem exoptantis, Legato de pace agerent. Inter hæc, cum *Florentini Mediolanensis* exercitum in agro *Lucensi* conventurum præsenfissent, & ipsi *Augutum* cum exercitu ex *Gallia* avocarunt: qui relicto ibi præsidio, cum *Bonomiam* venisset, superato *Apennino* in agrum *Pistoriensem* cum exercitu descendens, apud *Miniate* locum castris cepit, ex itinere hostium rebus gerendis consulturus. At illi cum in agro *Pisano* aliquandiu *Senensium* copias expectassent; eæ autem metu hostium territæ intra fines suos se continebant, tandem obviam illis apud *Casolum* in *Senensium* agro *Jacobus Vermius* proficiscitur, ibique junctis copiis, quæ millia equitum decem, quinque peditum censebantur, retroversus *Certaldum* ³⁹ petiit. Inde motis castris per *Vallem Helse* ad ostium fluminis prope *Miniate* descendit. *Augutus* audita hostium professione, ipse ad *Bonitium*, ut iter *Florentiam* eundi hostibus intercluderet, pergit, eosque in itinere laceffens, profectusque abeuntes, apud *Emporium* castra posuit. Hostis parvulo capto, direptoque ⁴⁰ oppido quod prope *Miniate* erat, ad *Fucechium* primo pervenit. Inde agrum *Pistoriensem* ingressus locum, qui *Cajanus* dicitur, petit. *Augutus* in agro *Pratensi* prope hostem duobus millibus passuum locavit castra: cumque ejus exercitus auxiliariis ⁴¹ copiis quæ a *Florentinis* in diem subministrabantur, augetur, aditus omnes, quibus hostes prodire possent præoccupavit. Ea spe freti legati *Florentini* ⁴² duo, qui in castris erant, nomine Decemvirum suadebant, volebantque

29. Solito exercitu traducto. *Mincium* lintribus, cymbisque trajecit.

30. Ad Baldum. Seu ad Oppidum Baldum, quod Patavinam ditionem a Ferrariensi dividebat.

31. Cum parvo exercitu. Et adversa Armeniaci pugna terrore, ut addit *Jacobus* in Italica versione.

32. In agro sociorum. Carrariensis & Atestini.

33. Mantue urbe eis sociæ. Ad *Florentinos* desciverat *Franciscus Gonzaga*, ut ejus dolos ulcisceretur, quæ motus *Agnetem* uxorem sustulerat. Monuerat enim *Galeatius* *Franciscum*, ut ab uxore caveret, quæ *Caroli Vicecomitis* fratris impulsu eum occidere statuerat, qua de re *Caroli* litteras, in uxoris cubiculo latentes indicaverat. His a *Francisco* repertis, nihil de *Galcatii* fide dubitante, qui eas confinxerat, & in intimo penitrali reponi curaverat, uxorem occidit. Qua defuncta *Galeatii* fraudes innouere. *Scipio Agnellus Massei Hist. Mantue lib. X. cap. 5.*

34. Suas omnes copias. 20. millia militum. *Corius p. III.*

35. Antonium Adornum. Alii Antoniotum, ut *Plat.* in

Vita Bonif. IX & Ubertus Folietta Hist. Gen. lib. IX.

36. Philippus Adimarius. Eques.

37. Guido Thomasius. A Palatio, vir ingenio, & sanctitate eximius, ut *Jacobus Poggius* in Italica versione. *Leon. Aret. lib. X.* non *Guidonem* *Thomasium*, sed *Guidonem* *Palatium* *Thomasii* filium appellat. Huic & *Beatus Joannes a Cellis*, *Monachus Vallisumbrosæ*, & *S. Catharina Senensis* litteras scripserunt.

38. Una cum *Rhodi Hospitalis Magistro*. *Riccardus Caracciolus*, *Hierosolymitanæ militiæ Magnus Magister*, a *Bonifacio IX.* Legatus *Januam* de pace missus. *S. Antonin. p. III. lib. XXII.*

39. Certaldum. *Joannis Boccacii* natale solum.

40. Direptoque oppido. *Canneti.*

41. Auxiliariis copiis. Ad decem millia militum missos asserit *Ammirat. To. 2. lib. XV.*

42. Legati *Florentini* duo. *Robertus Aldobrandinus*, & *Andreas Victorius*. *Leon. Aret. lib. X.*

1391

que penitus, ut cum hostibus confingeret. At dux ad belli officia prudentissimus tutiora consilia secutus Legatorum contempsit verba. Hostis animadvertens, & adversariorum vires auctas, & *Augusti* prudentiam⁴³ formidans, *Lucam*, unde primo profectus erat, repetere statuit, instructoque exercitu iter ingressus extremam aciem equitum firmo praesidio munivit. Nuntiatum *Augusto* est hostes fugere, qua ex re quidam equitum praefecti, abeuntes ut persequi possent, a duce postulabant. At ille haud inscius nusquam minus, quam in bello eventus respondere; suos intra vallum continuit, asserens satis esse hostes pro victis abire; nunquam enim eos qui fugerent vicisse. Duo tamen ex his, contempto ducis praeepto hostes consecuti, pauci à multis victi plurimis amissis equitibus rediere. Erat ducis ad omnia sagacissimi mens incolumem ab hoste reddere patriam, neque cum validioribus certare. Satis officio suo factum iri putans, si salvam Rempublicam praestitisset, si neque praeda auctos, neque ulla memorabili re gesta abire inglorios coegisset. Ne tamen aliqua victoriola hostes gloriarı possent, e vestigio firmiores copias ad persequendos eos praemittit: ipse cum reliquis subsequitur. Qui ex hostibus in extremo agmine locati erant, victoria⁴⁴ priori elati, pugna commissa majori ex parte nonnullis⁴⁵ desideratis capti sunt, *Thaddaeusque*⁴⁶ *Vermius*, *Gentilis Camertes*, *Joannes Appianus* equitum praefecti haud vulgares in captivitatem abducti; quo tumultu hostes perterriti magnis itineribus ad mediam ferme noctem ad *Carolum*⁴⁷ *Lucensis* agri oppidum pervenere. Postridie motis ante lucem castris, *Lucam* transgressi in *Auxeris Vallie* ditionis *Pisanae* castrametati sunt, ubi timore simul, & labore itineris fatigati reficiuntur. *Augustus* eos usque ad *Carolum* persecutus, multa impedimenta, relictasque tardius sequentes machinas, & imbelliores equites de via fessos comprehendit. Biduo quieti dato, ad hostes pergens, postquam ita munita castra reperit, ut difficilis eorum expugnatio videretur, retro ad *Miniate* revertitur, expectaturus, an *Senensium* copiae domum redirent. Ut autem tutior ab hostium populationibus ea regio redderetur, fossam pedes viginti latam, profundam quindecim a *Toporio* ad *Arnum* usque, duobus millibus passuum duxit, cujus in principio turrım ingentem erexit, quae hodie *Turris fossae* appellatur, ut esset tamquam specula, ex qua insidiis hostium a longe conspectis, incursiones facilius evitari possent. Cum spes hostis irrita evassisset, magnique belli apparatus, neque gloriae, neque usus fuissent, dolore simul, ac pudore motus *Vermio* mandatur, ut ad impediendas mercaturas, com meatusque, qui a *Pisano* portu *Florentiam* comporta-

1391
bantur, viam, qua *Pisus Florentiam* itur, cum exercitu obsideret, sperans maris usu prohibitos *Florentinos* ad meliores pacis condiciones descensuros: quibus rebus cognitis, *Augustus* (jam enim ad *Cascinam*; *Florentiam* versus hostes castra posuerant) apud *Miniate* hostium consilia expectaturus perstabat. Ejus loci mora cum gravis hostibus videretur, pactus⁴⁸ *Jacobus* cum *Pisanis*, ne quid *Florentiam* deferri paterentur, retro in *Galliam* se cum exercitu iturum spondit. Per idem tempus *Genuensium* Dux, socius, & amicus tyranni, apud quem de pace agebatur, duas longas naves, *Florentinorum* bona praedatum misit, a quibus multa direpta, & vi capta sunt. Venit praeterea *Pisas* a *Galeatio* missus *Jacobus*⁴⁹ *Appianus*, petiturus, quo meliorem pacem assequerentur, tum ne quas mercaturas *Florentiam* usque ad Aprilem mensem mitti sinerent, tum de ineundo cum eo foedere. Utrunque servandae pacis gratia negatum est. Ut autem tutiores *Florentinorum* res maritimae redderentur, & ipsi triremes⁵⁰ quatuor parant, quae *Pisanum*⁵¹ portum ingressae, repertam navem onerariam, in qua erepta inerant, cepere. Bona majori⁵² ex parte recuperata, navis dimissa, ne cum *Genuensi* aliqua belli causa oriretur. Iterum cum ejus⁵³ triremes portum intrassent, expugnatae *Florentinas* naves frumento onustas, commisso certamine multis interfectis⁵⁴ superantur. Haec eo tempore mari gesta. At ex parte altera *Cortona* Princeps,⁵⁵ *Florentinorum* eo bello socius, coactis pluribus militibus, agrum *Perusinum* late populatus est, magno tum hominum, tum pecorum numero abducto, adeoque *Perusinorum* oppida praedatus est, ut eos saepius suscepti belli poeniteret: sed exulum metu factio, quae urbem tenebat, aspera quaeque patiebatur. *Pisas* interim, tum ut *Florentinorum* mercaturae per multos, tum ut magna frumenti vis ad urbem tuto deferri posset, equites sexcenti, qui venientibus praesidio essent, mittuntur. Quingenti fuere muli rebus onerati variis, qui *Pisus* egressi, nilque adversi suspicantes in hostes inciderunt. Ad duo millia equitum in itinere a duce⁵⁶ in insidiis disposita erant, quem *Appianus Florentinis* modum adversus, de professione, & praesidio ad custodiam misso, & loco insidiis opportuno certiore fecerat. Magnum ab initio, inter praesidium, & hostes certamen fuit, & aspero utrinque Marte pugnatum: cum vero longe numero superiores hostes essent, victoria⁵⁷ potiti majori ex parte mulos, & facinas maximo *Florentinorum* damno cepere: quae ex re tum *Pisani* tyranno faventes, tum *Senenses* ad levem auram mobiles praeter modum laetati sunt. Sed eorum inanem laetitiam haud diuturnam *Loysius Capuanus* reddidit, qui pluribus excursionibus ad portas usque urbis factis, omnia la-

43. Prudentiam formidans. Ex penuria impediti com meatus abire coactus fuit. S. Antonin. p. II. Tit. 22. §. 13.

44. Victoria priori elati. Qua duos equitum praefectos profligaverant.

45. Nonnullis desideratis capti sunt. Tercenti pedites occisi, captique ducenti. Leon. Aret. lib. X. quanquam Ammiratus ad duo millia peditem desideratos, captosque mille gloriatur. To. 2. lib. V.

46. Thaddaeusque Vermius. Veronenſis, Jacobi Vermii Ducis nepos, Gentilis Varranus Camertes, & Joannes, seu Vannes Appianensis Pisanus Florentinorum captivi. Truncius Ann. Pis. ad ann. MCCCXCI.

47. Ad Carolum. Seu Montem Carolum.

48. Pactus Jacobus cum Pisanis. Nempe cum Petro Gambacurta, qui ut Jacobum a sua ditione amoveret, XV. dierum spatıo se nihil Florentiam missurum spondit; de quo cum questi fuissent Florentini, se illis non minus, quam sibi consuluisse respondit, hostes longe summovendo. Truncius Ann. Pis. p. 471.

49. Jacobus Appianus. Pisanus, Joannis Appiani per Flo-

rentinos capti Pater.

50. Et ipsi triremes quatuor parant. Duce Andrea Gargiola, Florentino exule Siculi maris Pyrata, qui ad patriam revocatus quatuor triremibus, quarum duae mercede conductae erant, capta ab hostibus recuperavit, & ob bene navatam operam civitati restitutus est. Ammiratus. To. 2. lib. XV.

51. Pisanum portum. Liburnum, tum Pisanæ ditionis.

52. Majori ex parte recuperata. Duodecim florentinorum millia recensebantur.

53. Ejus triremes. Nempe Galeatii.

54. Multis interfectis. Ad quadraginta interfecti, quorum praecipuus Triremis Tetrarcha, & 150. vulnerati, Gargiola duce.

55. Cortona Princeps. Ugo de Casalibus, ut Pellinus Hist. Per. lib. XI.

56. A Duce. Jacobo Vermio.

57. Victoria potiti. Joannes Beltotus Anglus vix conspectis hostibus fugam arripuit, unde Ugo Montisfortis Comes licet strenue pugnans, impari admodum numero, captus fuit. Ammiratus Hist. Flor. To. 2. lib. XV. p. 828.

58. Du-

1391

late populatus est: aquæductum insuper, qui fontem in platea efficit, demolitus, itaque ut aqua nequicquam in urbem influeret: pluraque damna intulit, quibus illorum inanis jactantia repressa est. Agitabatur inter hæc *Genue* de pace, ut diximus; cumque *Mediolanensis* postulata, *Patavium* restitui in primis petentis, iniqua viderentur, visum est satius esse, ut per amicos, atque arbitros res transigeretur, quæ *Ducis Genuens* 58, *Populique*, ac *Magistri* arbitrio deferri petebatur. Res dubia visa est, neque omnibus credenda, in qua *Florentinorum* status, sociorumque verteretur. Tyrannus vero facile voluntatis 59 *Genuens* securus assentiebatur, cujus animus palam illius commodo inserviebat. *Florentini* sociique (modo exploratum, cautumque etiam ipsorum, quibus commissum erat, chirographo foret, quid decreturi essent) minime id recusabant. Hoc impetrato libera potestas tradita est eis pacis conditiones dicendi: eæ multæ, ac præter pacta, & datam fidem fuere; primum, uti *Patavium Francisc* ea lege cederet, ut decem aureorum millia in quinquaginta annos *Galeatio* penderet, omnibusque belli 60 tempore proscriptis, non tamen præter voluntatem civium, in urbem redeundi potestas esset: ablata utrinque post captum bellum castella, quæ quidem extarent, restituerentur: *Lucinianum* 61 ad *Senenses* spectaret. Cum sermo a *Galeatii* oratoribus injectus esset, & quidnam servandæ pacis sponsor foret: *Guido* 62 *Florentinus* sententiam protulit e vestigio prisca *Romanis* dignam. *Ensis erit*, inquit, *utriusque nostrum vires expertus*. Quamvis iniqua nonnulla, & præter interpositam fidem viderentur: tamen diuturnitate belli fatigata civitas, immensa pecuniarum vi profusa, una cum sociis, anni primi, & nonagesimi supra mille trecentos extrema parte pacem 63 recepit. Ad minuendos deinde sumptus, & levanda onera conversa, equites, peditesque mercede paratos, nisi quos tutela Reipublicæ retinendos suasit, dimittit. *Loytio Capuano* sua sponte missionem postulanti, in patriam, ut ad suos redeat, militiæ veniam concedit. *Augutum* expertæ virtutis, & fidei, cum militibus mille retinet. Insequentis anni principio propter inquietum *Galeatii* animum, cujus ambitio magis in dies imperandi cupiditate æstuabat, inter *Florentinos*, *Bononienses*, *Ferrariensem*, *Mantua-*

num, ac *Patavinum*, *Ravennæ*, *Faventia*, *Imoleque* Principes, foedus renovatum est: decretumque quæ quisque auxilia in communem defensionem conferret: cui haud multo post *Forlivi*, & *Malatestæ* Domini ascripti, ac in societatem recepti: quare veritus ille, ne quid novi adversus se socii, foederatique tentarent, summa diligentia rerum suarum saluti prospiciebat. Eodem anno *Jacobus Appianus* auxilio 64 *Mediolanensis* innixus *Petrum Gambacurtam*, virum egregium, pacisque 65 cupidum, a quo loco filii (quippe cui singula secretiora consilia crederentur) educatus, atque 66 ex minimo (nam antea *Notarius* admodum tenuis erat) ad magnum statum perductus, prodicione interfecit: duos quoque 67 filios, qui in tumultu effugerant, cum retracti essent, occidendos curavit: detestandum scelus, & in antiquis *Siciliæ* tyrannis execrandum. Relatum 68 *Gambacurtæ* sæpius fuerat, *Jacobum* malo in se animo esse, machinarique, ut eum e summo rerum fastigio deiceret, suadente præsertim *Mediolanensi*, qui urbis imperio aspiraret: multa perfidiæ ac fraudis 69 signa manifesta ostendi, quibus facile appareret insidias illi parari. Sed vir bonus, qui cæteros ex suo ingenio fingeret, minime adduci potuit, ut crederet virum a se a puero nutritum domi, divitiisque potentem factum, & dignitate 70 ornatum, tam nefandum facinus perpetraturum. At *Appianus*, ut primum tempus 71 opportunum fuit, hominem cum filiis, & amicis aufert; ac omni pene factione *Guelfa*, cujus sectam *Gambacurtæ* præferebant, in exilium acta, urbis tyrannidem occupat; cumque ad arma conclamatum esset, mercaturæ & *Florentinorum* res omnes, quas in urbe habebant, eo tumultu violato foedere quod cum *Pisanis* vigeat, præda populi fuere: quapropter cum *Lucenses* postmodum tyranno auctore a *Pisanis* 72 equitibus premerentur, auxilia 73 his subministrata sunt, foedusque renovatum. Pax foris parta seditiones domesticas *Florentiæ* eo, qui secutus est, anno excitavit: ut fit in populis, qui nullum statum rerum æquo animo ferre sciunt, tam belli, quam pacis impatientes. Discordia 74 inter cives orta, aliqui cives gladio perempti, plures ex *Albertis*, familia nobili, & majorum imaginibus clara, in exilium acti. Sedata tamen civitas est paucorum

1393

1392

58. *Ducis Genuens*, &c. Firmandæ pacis facultas data Riccardo Caracciolo Hierosolymitano Magistro, Legatoque Pontificis, & Antonioto Adorno, Genuesi Duci, cui additus honoris gratia Genuens Populus, cujus in urbe hæc agebantur, pro una tantum persona, ut S. Antonin. p. III Tit. 22. Leon. Aret. lib. X.

59. *Voluntatis Genuens* securus. Innotuerat enim Genuesem Ducem, focerum suum Avronnem Doriam, ad Petrum Gambacurtam misisse, ut eum ad foedus cum Galeatio inendum hortaretur. Ammirat. To. 2. lib. XV. Adde, Galeatium ab eodem Duce duas trirèmes adversus Florentinos impetrasse, ut supra diximus.

60. *Belli tempore proscriptis*. Seu exulibus.

61. *Lucinianum ad Senenses spectaret*. Quinam futuri essent Luciniani, & Valiani domini, non judicatum asserunt Leon. Aret. lib. X. Ammirat. To. 2. lib. XV. & S. Antoninus p. III. Tit. 22. §. 14.

62. *Guido*. A Palatio Thomæ filius.

63. *Pacem recepit*. Hoc anno, sed publicata anno posteriore, mense Februario, die Purificationis B. Virginis.

64. *Auxilio Mediolanensis innixus*. A quo Joannes ejus filius a Florentinis captus, redemptus fuit, Pisasque cum trecentis equitibus, nonnullisque Ghibellinæ factionis principibus missus. Corius p. III. & Truncius Ann. Pis. ad ann. MCCCXCII.

65. *Pacisque cupidum*. Per eum enim pax anno MCCCXC. firmata fuerat.

66. *Atque ex minimo ad magnum statum*. Pisam delatus Appiani pater ignobili Florentinæ ditionis loco natus, dum Gambacurtis fideliter serviret, ab Imperatore Carolo IV. capite damnatus, Principum suorum infortunium secutus est.

Recuperata deinde a Gambacurtis Pisarum ditione, ob paternam meritâ Jacobus ejusdem filius ad primum dignitatis gradum evehctus est. Ammirat. To. 2. lib. XV.

67. *Duos quoque filios*. Benedictum, & Laurentium. Ann. Pis. ad ann. MCCCXCII.

68. *Relatum Gambacurtæ*, &c. Strozzius de Strozzi Pisam a Florentinis missus ann. MCCCXXXVIII. qui Gambacurtam moneret, ut sibi ab Appiano caveret. Non cavit tamen, ideoque anno MCCCXCII. dum equum conscenderet, per insidias ab eo interfectus est. Ann. Pis. Truncius sub eodem anno.

69. *Fraudis signa manifesta ostendi*. Nam vires ab Appiano comparabantur, cujus rei a Valli Nebulæ Florentino Vicario rursus monitus fuerat. Ammirat. To. 2. lib. XVI.

70. *Dignitate ornatum*. A secretis.

71. *Tempus opportunum fuit*. Mense Octobri MCCCXCII.

72. *A Pisanis equitibus*. Appiano Duce Lucensis ager direptus. Corius Initio prima partis Ammirat. vero To. 2. lib. XVI. narrat, Lucenses latronum incursionibus vexatos fuisse, multisque rebus spoliatis, Appiano suadente, iterque concedente per pontem in Arnum facto.

73. *Auxilia his subministrata*. Tercenti milites auxilio missi, foedusque renovatum die XIX. Julii anni MCCCXC.

74. *Discordia inter cives orta*. Mense Novembri, Maso de Albizis Confalonerio auctore, Petri illius nepote, qui Benedicto Alberto suadente capite mulctatus fuit anno MCCC-LXXXIX. Jamdiu quæsitam ejus ulciscendæ necis occasionem nactus, Cyprianum, Albertum, Neruccium, Joannem, & Petrum, ut prodicionis reos urbe eiecit, ex quo populus diversis agitatus studiis arma sumpsit. Ammirat. To. 2. lib. XVI. p. 841.

- 1323 tum exilio ⁷⁵, tum capitis poena, & res in priorem pacem redactæ: extremaque anni parte, præclarissimi omnium ætatis suæ ducis *Johannis Augusti* mors ⁷⁶ secuta est; cuius funus ⁷⁷ ingenti pompa, totius ⁷⁸ civitatis mœstitia celebratum est: corpusque in *Reparata* ⁷⁹ templo, equestri ⁸⁰ a populo statua posita, sepultum. Audiebant in diem magis *Florentini* invalescentem *Galeatii* famam, occulta illius consilia, ac cogitationes omnes ad bellum spectare: equites ab eo, præfectosque ⁸¹ nobiliores quosque parvo pretio in spem futuri stipendii conducere, quo paratioris belli tempore forent. Multos præterea cum ex focis, tum ex amicis secretis colloquiis, variisque promissis ad defectionem ⁸² sollicitari; multaque agi, pararique, quibus constare promptiorem hominis animum ad renovandum bellum, quam servandam pacem esse. His moti *Florentini*, Legatos ⁸³ ad *Galeatium*, qui petant, bellone, an paci consultum vellet, mittunt. Ille callidis interrogatiunculis rem in dies protrahendo, cum nil certi respondisset, Oratores tandem ait, se *Florentiam* destinaturum, qui de his, quæ postulassent, deque foedere cum eis ineundo agerent. At *Florentini* cum pro explorato haberent, illius mentem longe ab firmando foedere alienam, remque diuturni temporis proposuisse, ut per Legatos, quos ad eos missurum se dixerat, eorum consilia exquireret, certiorque fieret, quo maxime modo oppugnari possent, calliditate hominis animadversa, ne Oratores suos tantum ignominia notatos queri posset, nec in se quicquam asperum factum more suo prædicaret; decernunt, ut Legati omnes (plures enim e focis spe concordiae convenerant) quam primum in patriam quisque suam re infecta redeant, omnibusque se ad eundi vias præcipient. *Galeatius* interea, cum regiones, urbesque a suis per tyrannidem antea occupatas nullo jure teneret imperii: etenim *Romanæ* ditionis sunt: missis ad *Vincislaum Boëmiæ* Regem, qui ad Imperium electus fuerat, virum nunquam ⁸⁴ sobrium, & Veneri deditum, legatis, multis ⁸⁵ donis, promissisque oneratum induxit, ut se Ducem *Mediolani*, multis ejus titu-

lo ⁸⁶ urbibus subjectis, crearet: quæ res a Rege ⁸⁷ impetrata, magno apparatu, magnaque rerum pompa per Oratores ⁸⁸ illius, pluribus actis diebus festis, facta est; *Florentinorumque* ⁸⁹, & omnium ferme *Italiæ* Oratores, nobilioresque viri, ac Principes *Mediolanum* evocati. Hoc nomen adeptus, Dux postmodum ipse, filiique appellati. Aucta dignitate & cupiditas quoque dominandi crevit. Sed incumberebat ejus animus in eam maxime cogitationem, ut vel precibus, vel vi *Mantuanus* ad se deficeret. Quo metu permoti *Florentini*, equites mille *Mantuanum*, ne aliquo subito periculo implicaretur, mittunt. Haud obscura Ducis cupiditas, & belli apparatus erant, & animum pacis insolentes auferat mors *Gambacurtæ*, cuius ipse auctor extiterat. *Pisis* enim ⁹⁰ tyrannus nequissimus ambitioni Ducis obsecurus imperabat, quæ res maxime illum ad movendum bellum exagitavit. Itaque cum jam mens ejus omnibus nota esset, quidam vero ex focis denuo ab eo sollicitatos constaret, palamque esset, *Perusii*, *Senis*, *Pisis*, equitum ⁹¹, peditumque numerum augeri, & haud incerta futuri belli signa videri, *Florentini*, ne imparati opprimerentur, creatis Decemviris, & equites denuo conducunt, & *Bernardonem* ⁹² *Aquitanum*, virum strenuum, qui cum *Gregorio Undecimo* Pontifice in *Italiam* venerat, belli ducem declarant. Is cum in ea *Etruriæ* parte, quæ Patrimonium dicitur, non parvo cum *Britonum* exercitu esset, secutusque primum *Clementis* ⁹³, tum *Benedicti* adulterinorum Pontificum partes, plurima oppida, castellaque expugnata diripienda militibus concessisset, *Florentinorum* opera, consilioque accepta a *Bonifacio* pecunia, castellisque quæ in potestate erant redditis, desideratus a civibus, ut qui ab *Augusto* post *Johannis Actii* mortem reliquis *Italiæ* ducibus anteferretur, *Florentiam* venit. In *Galliam* quoque *Transalpinam* Legati ⁹⁴ missi, a Regeque in amicitiam, societatemque recepti, ac foedus in mutuum tutelam factum ea lege, ut in *Etruria* belli tempore capta foederatis, cætera ⁹⁵ per *Italiam* Regi cederent. Dum hæc aguntur, *Galeatius* *Pi-*

75. Tum exilio, tum capitis poena. Trium popularium, tum, quod magis interfuit Reipublicæ, trium millium aureorum solutione ab Albertis, & a Paulo Miniscalco facta. Ammir. lib. XVI. To. 2.

76. Mors Augusti secuta. Anno MCCCXCIII. ab Incarnatione, die XVI. mensis Martii, prope Florentiam in loco qui dicitur Pulverosa. Si Ammirato, & Sancto Antonino fides habenda.

77. Cuius funus ingenti pompa. Primoribus urbis feretrum auro gemmisque distinctum ferentibus, equis auro rectis, vexilla aliaque militaria insignia sequentibus, totoque populo comitante. Ammirat. To. 2. lib. XVI.

78. Totius civitatis mœstitia. Adeo ut matronæ ipsæ a lacrymis haud temperarent. Ammir. ibid.

79. In Reparata templo. Prius S. Salvatoris, deinde S. Mariæ a Flore, tum S. Reparata dicto Pontificis Zozimi iussu ob Victoriam ex Radagasio die Divæ Reparata dicato reportatam, ut P. Michael Pocciantus in Vit. Septem Beatorum Florent.

80. Equestri a populo statua posita. Non statua, sed equestri imagine a Paulo Uccellio picta, ut Boetius, & Gmelinus in libro, cui titulus Bellezze di Firenze p. 51.

81. Præfectosque nobiliores, Joannem, & Albericum de Barbiano.

82. Ad defectionem sollicitari. Præcipue Ferrariæ Marchio, Galeatii neptis ei in uxorem proposita.

83. Legatos ad Galeatium. Donatus Acciajolus, Joannes Riccius, & Guido a Palatio missi. Ammirat. To. II. lib. XVI. p. 847.

84. Nunquam sobrium, & Veneri deditum. Non solum voluptatibus impotenter indulgebat, sed ita superbe & crudeliter imperabat, ut ter in carcerem a primoribus regni conjectus fuerit, unde tamen elapsus regnum jam receperat. Dubr. apud Seth. Calv.

85. Multis donis. Centum aureorum millibus Venceslao datis, Dux ab illo creatur, invitis Electoribus, qua de re

Francofurti eorum in concilio accusatus Imperium abdicare coactus est, Trich. apud Seth. Calvis. & Avent. Ann. Bojorum.

86. Multis ejus titulo urbibus. 33. urbes enumerat Corius initio p. III. præter oppida; minoraque loca. Hunc consule.

87. A Rege impetrata. Et Rex Bohemiæ, & Imperator Venceslaus appellabatur.

88. Per Oratores illius. Unum tantum Venceslai Oratorem nominat Corius p. III. Beneficium scilicet Cusiaci Comitum.

89. Florentinorumque, &c. Aliorum Oratores referre non est operæ pretium. pro Florentinis adfuere Masus de Albizis, Christophorus de Spinis, Baldus Catalanus, & Franciscus Oricellarius. Ammirat. lib. XVI. p. 489.

90. Pisis enim tyrannus nequissimus. Jacobus Appianensis.

91. Equitum peditumque. Ad sex millia equitum Pisis, Lucæque convenisse innotuerat. Ammirat. To. 2. lib. XVI.


92. Bernardonem Aquitanum. Seu Bernardonem de Serris ab Aquitania.

93. Clementis, tum Benedicti adulterinorum Pontificum. Clementis VII. nomen sibi adsciverat Robertus Gebennensis Cardinalis, Petri Comitiss Genuensis Frater, & Benedicti XIII. nomen usurpaverat Petrus de Luna Card. quos adulterinos Pontifices vocat, quia prior Urbano VI. posterior Bonifacio IX. veris Pontificibus oppositi erant.

94. Legati missi. Masus de Albizis Eques, & Bonacursus de Pittis ad Regem Carolum VI. qui cum eo ad quinquennium foedus iniere, ut Ammirat. To. 2. lib. XVI. p. 853. Gallorum Regem ea potissimum de causa bellum Nicomiti movisse putat Corius p. IV. quod cum Januæ potiundæ irrita spes cecidisset, in ipsum facti causam retulit.

95. Cætera per Italiam Regi cederent. Excepto Bassano, Belluno, Feltria, quæ Carrariensis; Montecarlo, Asula, Ostia, quæ Mantuani; Saxulo, & Compita quæ Atestini futura erant, ut Ammirat. par. I. Tom. 2. lib. XVI. pag. 853.

96. Flo-



IOHANNES AUGUTUS.
Britannorum exercitus Præfectus.

1396

*Pisas Albericum Barbiani Comitem, Johannemque fratrem cum quinque millibus equitum proficisci jubet, eo nomine, ut Appiano adversus Montis Scudarii Comites, qui pro reprimenda Pisanorum insolentia plures equitum turmas in illos duxerant, auxilium ferret; quæ res Decemviros moravit, ut paratis copiis adversarii consilia expectarent: interim darent operam, si quo modo fuscitatum incendium extinguere possent: quod parvo tempore, rebus rite compositis illorum opera sedatum est. Pedites interea omnes, equitesque Ducis, qui circa *Pisas* erant, in agrum *Lucensem* profecti *Florentinis* suspicionem injecere, ne *Pistorium* pergerent. Itaque *Bernardo* relicto, ut hostes cupiebant, *Miniate*, apud quod condebat, in *Vallem Nebule* cum suis copiis descendit. Interim prodicione per *Appianum* in eo oppido facta, *Benedictus Mangiadorus*, haud ignobilis ejus loci vir, cum viginti focis, in crepusculo noctis, nil mali suspicantibus oppidanis, *Miniate* ingressus, *Florentini* ⁹⁶ Prætoris ædes petiit, occiditque eo, tumultu excitato, cum oppidani omnes pro *Florentinis* starent, pugnarentque, multis acceptis vulneribus, postico ædium, quæ juxta muros sitæ sunt, oppido egressus *Pisas* re infecta rediit. Nonnulli ex focis conjurati que capti pœnas meritas dedere. His rebus incitati animi, anno septimo ac nonagesimo supra mille trecentos, sexto vero post pacem *Genue* factam, secundum cum *Galeatio* bellum secutum est, cujus præcipua cura erat, eaque maxime res animum stimulabat, ut Principem *Mantuanum*, a quo plurima discrimina imminebant, quique sibi multorum fomentum malorum, ut in medio ⁹⁷ suarum urbium situs extitisset, tum pollicitationibus, tum muneribus ad suas partes traderet; quod cum consilio, astuque nequiret: fides enim, & jusjurandum *Mantuano* potiora cæteris rebus erant: viribus aggredi, & ne a *Florentinis* auxiliis subministrari possent, eos suo bello implicatos distingere statuit. Hanc ob rem *Senas* convenire maximas copias jussit, quibus ager *Florentinus* infestior redderetur, tum expugnare *Mantuanam*, & navibus per *Padum* missis, & terrestribus copiis, quas multas undique comparaverat, decrevit. *Albericus* cum exercitu quatuordecim ⁹⁸ millium equitum, qui in agro *Senensi* convenerat, nullo indicto bello *Florentinos* invadens, incendiis, rapinisque loca omnia quibus transiit, hostili more vastat. *Panzanum* capit, spoliaturque; inde ad ostentationem virium, & famam belli aucupandam, populabundus *Florentiam* petit, ad secundum lapidem excursionibus ⁹⁹ prope urbem factis; *Signiam* septem millibus passuum propinquam biduo oppugnat, unde cum ignominia amissis pluribus militaribus signis, multisque in ea oppugnatione desideratis turpiter rejectus est, *Fœminarum* præcipua enituit virtus, quarum potissimum opera, non tela, non vulnera timentium, oppidum, viris, vulneribus, ac labore confectis, defensum est. *Bernardo*, cum mille ferme equitibus pro mœnibus se continebat, levibus præliis incurfantium more cum hoste factis. Imparati enim ad tantam belli molem *Flo-**

rentini erant, ut qui exercitus partem *Mantuanam* misissent, partem per ¹⁰⁰ vicina oppida distribuissent: haud existimantes præterea, *Mediolanensem* nullis provocatum injuriis, tam aperte nullo indicto bello, rupto fœdere, contra se arma moturum. Consulebat solum Dux *Reipublicæ* salutis, ad evitanda futura pericula intentus, sperans commeatus defectu, haud diu hostem in his locis commoraturum, cujus consilium cum minime fefellit. Nam post diem quartum quam advenierant hostes, rerum omnium inopia retro castra vertere, nullaque re memorabili gesta, *Senas* quamprimum redire coëgit. *Florentini*, ut parem hosti gratiam referrent, *Ochiellum* opulentum oppidum de *Senensibus* cepere, quo ex loco finitimus ager, regioque omnis quæ *Senas* respicit, præda captivisque abductis vastata est. Dux quoque *Florentinorum*, qui *Collem*, oppidum duodecim milliaribus *Senis* propinquum, profectus erat, usque ad portas infesto agmine ferro, & igni omnia prosternit. Inde *Volaterras* profectus, *Grossetum*, maritimam *Senensium* urbem, invasit, magnaue pecoris, & captivorum copia abacta *Volaterras* se recepit. *Cervasium* ² insuper de *Pisanis* vi captum est, omnisque vicina ora spoliata. Hostium copiarum iterum *Florentinorum* agrum ingressæ, *Stagiam*, *Rencinamque* finitima *Senensi* agro castella summa vi oppugnant. Inde rejecti timore equitum, qui subsidio veniebant, *Senas* revertuntur. Præfecti insuper quidam *Florentinorum*, cum ferretur, prope *Liburnium*, *Pisanorum* portum multa animalia, ut in locum tutum redacta, eo profecti pecus omne repertum prædati sunt. Dum hæc aguntur, *Galeatius* pluribus ex *Etruria*, ut qui nil dignum laude agerent, evocatis equitibus, magno exercitu coacto, *Mantuanam* castris positis obfedit: utque subsidium pontis ³ super *Padum* juncti (quod magno labore, maximis ⁴ sumptibus factum fuerat) intercluderetur, navibus ad id paratis incendere illum tentavit. Centum ad eam rem onerarias naves, quas galeones appellant (ampla enim fluminis latitudo est) in alveo fluminis statuit, quæ aquarum impetu delatæ, sarmentis, aliaque materia, quæ facile ignem excitat, impositis incensisque, ac deorsum secundo vento dimissis, ponti ignem inferrent. Magnus terror ex hoc apparatu *Mantuano* incessit, cum terrestri navalique bello sibi cum hoste eodem tempore pugnandum videret. Sed prudentia *Caroli Malatestæ*, qui eo cum quatuor equitum millibus a *Florentinis* missus erat, huic tanto discrimini obviam itum, apparatusque summa celeritate fracti, quibus vis ignis submoveretur. Primum longiores conti non parvæ crassitudinis, in quibus naves longius a ponte hærent, in aqua paulo supra pontem sunt affixi. Tum si naves proprius, fractis contis ferrentur, magno numero ⁵ vegetes tum lapidibus, tum aqua repletæ in ponte dispositæ sunt, quæ in advenientes naves desuper immisæ, tum pondere confringerent, mergerentque illas, tum ignem restinguerent, pontemque redderent ab incendio tutum. Terrebant omnes, advenientes passim nul-

1397

96. *Florentini* Prætoris. Davanzati de Davanzatis, quo occiso, & ex fenestris dejecto, tumultum excitare molitus est. Truncius *Annal. Pis.* ad ann. MCCCXCVI.

97. In medio urbium suarum situs. Mantua enim *Galeatii* urbes media interjacebat, Cremonam, Veronam, Placentiam, Parmam, Laudem Pompejanam, &c.

98. Quatuordecim millia equitum. Peditum vero major numerus, in quibus exalium latronum, & facinorosorum permagnæ erant catervæ. S. Antonin. p. III. Tit. 22. cap. 3. §. 24.

99. Excursionibus prope urbem factis. Panzolicum usque,

F & Certosam. Leon. Aret. *Hist. Flor* lib. XI.

100. Per vicina oppida. Aretio præcipue militibus repleto.

1. Dux. Bernardo a Serris ad *Senarum* portas profectus die VII. Maji.

2. *Cervasium* insuper. Nec non *Montichiellum* duobus millibus aureis ab arcis custode emptum. Ammir. lib. XVI.

3. Pontis. Burgi fortis appellati.

4. Maximis sumptibus. Non *Mantuani* solum Principis, sed fœderatorum pecunia perfectum anno MCCCXCIII. ut Agnell. *Maffei Annal. Mant.* lib. X. cap. 10.

5. Vegetes. Seu dolia, ut Jacob. in Ital. vers.

1397 nullo rectore ardentes naves. Magnus erat flammæ impetus, quam ventus⁶ ad id expectatus asperiores, vehementioresque reddebat: major erat iis, qui pontem tuebantur, mentis consternatio, cum paucis constaret animus ad flammarum periculum expectandum. Non enim, ponte incenso, fugæ locus erat, cum ibidem aut pereundum, aut ignis, quod dubium videbatur, restringendus foret. Sed ducis cohortatio augebat animos, & multitudo vegetum, lapidesque ingentes dejecti, aut comprimebant ignem, aut mergebant pondere effractas naves: irritum hostis consilio, licet nonnullis in locis igne corruptus, majori tamen ex parte pons servatus est. Ita hoc in tumultu *Caroli* virtus plurimum enituit, qui cum in ea parte esset, quæ ad hostes spectabat, disturbato ponte, ita ut redeundi spes præcisa videretur, cum solum tignum pontem continuasset, præmissis antea, qui cum eo erant, militibus, ipse postremus⁷ corpore reptans magno cum discrimine vitæ ad suos pervenit. Hac spe destitutus *Mediolanensis*, alia ratione expugnare, ac tollere pontem, quem jam summa cura instauraverant, adortus est. Totidem denuo naves machinis, turribusque desuper fabricatis, quæ altitudinem illius excederent, in flumine parat, multisque militibus, & omni telorum, ac tormentorum genere impositis ad expugnandum pontem mittit. At *Carolus*, cujus egregia opera pons antea defensus fuerat, tigna oblonga, crassiora, præacuta cuspide hostibus opposita, quæ naves a ponte arcerent, radicibus pontis, quem magnis trabibus firmarat, defigit. Deinde totidem ferme onerarias naves admodum munitas, præsidio pontis in flumine collocat. Pontem insuper electis militibus, ac vario telorum, missiliumque genere munit. Frequentes insuper stationes, ac propugnacula supra pontem erigit: tum castella a lateribus, quibus vires hostium contunderentur, disponit. Advenientes turritæ hostium naves a *Mantuanis* haudquaquam pugnam detrectantibus excipiuntur; cum iis, qui in turribus, quique in ponte erant, asperum certamen committitur. Multis horis acerrimo prælio bellatum est, multoque sanguine, cum utrique pro victoria pugnarent, neque locus fugæ esset, ea dimicatio est transacta. Tandem *Mediolanensi* classe superata, victoria penes⁸ *Mantuanos* stetit. Hostes victi, multis interfectis, pluribus vulneratis nonnullis amissis navibus, relicto ponte, abiire. Navali bello re male gesta, *Mediolanensis* cum acceptum dedecus ulcisci in animo haberet, coacto in unum ex omnibus locis exercitu, *Mantuanum* oppugnare adortus, castra propius urbem locat. At *Carolus* post navalem victoriam in urbem reversus, com-

A municato cum præfectis equitum consilio, pridie kalendas Septembris partem⁹ alteram exercitus hostium, qui binis castris divisus erat, invasit; priorumque castrorum, antequam cæteri id rescirent, subito insultu devictis copiis, reliqua castra eodem impetu aggressus superavit. Dissipati utrinque, fugatique sunt hostes: ad sex hominum, & duo millia equorum capta. Omnia¹⁰ insuper impedimenta, machinæque, ac bellica ad urbium expugnationem instrumenta, quæ plurima comportata fuerant, in potestatem redacta. Nulli dubium fuit, quin *Brixia*¹¹ vicina urbs debellari potuerit, in tanto præsertim rerum metu, ac desperatione, si equitum præfecti victoriam sequi voluissent. Sed quidam *Galeatii*¹² rebus faventes, aliamque ex alia causa omiserunt: expugnanda esse propinqua nonnulla¹³ oppida, ad urbis salutem magis conducere asseverantes; quæ res tempus hosti exercitum inflaurandi, muniendique *Mantue* finitimas urbes præbuit. Hac accepta clade *Galeatii Albericum* cum exercitu ex *Etruria* advocavit, qui aliquot equitum alis in *Senensium* agro ad tuendam urbem relictis, in *Galliam* proficiscitur. Imminutis magna ex parte copiis, quibus in *Etruriam* venerat, cum *Cecolinus Perusinus Biordi*¹⁴ fratris suasu ad *Florentinos* descivisset, & *Jobannes Barbiani* Comes *Bononiensibus* hortantibus in *Flaminiam* concessisset. *Florentini* detractis hosti copiis, ad hæc parta victoria freti, cum faciliorem belli molem imminere judicarent, existimantes præterea hostem tanto percussus damno *Mantue* oppugnandæ curam deposuisse, exercitum omnem in *Etruriam* revocant. At *Albericus* post eorum discessum contracto in unum dissipato ob acceptam cladem exercitu, classeque¹⁵ ad invadendum *Mantuanum* instructa, summis viribus undique *Mantuanum* iterum aggressus, plurima illata clade, parta hominum, pecorumque omnis generis haud parva præda, in locis pacatis relicto *Mantuanum* agro, quievit. Inter hæc Præfectus¹⁶ equitum, quem *Senensi* bello præfecerat *Albericus*, *Civitellam*,¹⁷ *Aretini* agri oppidum, a familia *Petramale* ædificatum, paucorum proditione capit, Prætor *Florentino*, omnibusque ferme incolis interfectis. *Bernardonis* interim opera plures in agrum *Pisanum* excursionem diversis in locis, & usque ad urbis portas factæ sunt, militesque onusti præda reducti. Cum vero per quendam *Barbially*¹⁸ incolam *Apiano* oppidum illi concessurum spes data esset, tyrannus vero ea pollicitatione confusus, magis nocendi cupidus, quam ad præcavendas insidias aptus, fidem homini habuisset, militesque ad castellum recipiendum misisset, omnes (ferme

6. Ventus ad id expectatus. Quasi de industria a septentrione ad occidentem vertente, nequid felicitati hostium deesset. Baptista Sacchius *Hist. Mant. lib. IV.*

7. Ipse postremus ad suos reptans. Horatii Coclitis exemplo, qui de suis magis, quam de se sollicitus solus casuro in ponte substitit. De quo Livius *Dec. 1. lib. II. rem ausus plus fame habituram ad posteros, quam fidei.*

8. Victoria penes Mantuanos stetit. Venetorum præcipue opera, qui 30. triremibus Mantuano opem tulere. Ut Scip. Agnellus *Maff. Ann. Mant. lib. X. cap. 5. licet Ammirat. lib. XVI. duodecim tantum missas affirmet, ductu Francisci Bembi.*

9. Partem alteram exercitus. Nempe terrestrem citra Padum cui Verminus impetabat, ut maritimæ Ugolottus Blanchardus.

10. Omnia insuper impedimenta. Inter quæ tercentæ bombardæ. Ut Bonifegnius *Hist. Flor. lib. IV. Cor. p. IV. Pigna Hist. Atest. lib. V.*

11. Quin Brixia, &c. Hanc si exercitus urbi appropinquasset, se traditurum Jacobus Avogadrius promiserat. Ammirat. *p. I. To. 2. lib. XVI.*

12. Galeatii rebus faventes. Proditiōis nota Barbiani, & Carrariæ Comitibus inusta: testante Agnell. *Maff. Hist. Mant. lib. X.*

13. Nonnulla oppida. Melariam, & Hostiliam.

14. Biordi fratris suasu. Licet Biordi Michelotti fratrem Galeatii partibus semper adhæsisse testetur Pellinus *Hist. Per. lib. X. attamen libentius Corio crediderim par. IV. & Leon. Aret. lib. XI. qui Poggii sententiam confirmat.*

15. Classeque ad invadendum Mantuanum. 32. Triremium. De hoc bello vide Platinam *Hist. Mant. lib. V. Cor. p. IV. Pign. lib. V. quamvis cum Equicola, & Aliprando Agnellus Maffejus Ann. Mant. lib. X. nullam Galeatio victoriam tribuat, fortasse ne priori de Galeatio relatæ detraheret.*

16. Præfectus equitum. Brolea centum & sexaginta equitum ductor.

17. Civitellam. In Valle Ambre positam capit, favente Philippo Brucianensi ejus oppidi custode, cui duo aureorum millia enumerata. Ammirat. *lib. XVI. To. 2.*

18. Barbially oppidum. In Valle Egolesium situm, Samminiatensis ditionis.

1398

me ad septingentos hi erant) capti ¹⁹ sunt, & incolæ ²⁰ præmia persoluta; pauloque post *Civella* ejusdem opera, cum plures equitum, peditumque copiarum ad illius obsidionem accelerassent, recepta est, hostes qui intus erant in captivitatem ducti. Dum hæc utrinque aguntur, *Galeatio* verbis pacem quærente, re animoque agitante bellum, Pontificis, *Venetorumque* oratores *Imolæ Mediolanensis* suavis de pace agere ceperunt. Eo & *Florentinorum*, & sociorum legati accessere; sed illius ambitione, iniqua postulantis, bellumque exoptantis, res frustra tentata est. Oratores domum quisque suam reversi. At *Veneti* timentes, ne nimis Ducis opes in suum damnum amplificarentur, neve proximum incendium se suaque conflagraret, pacem summopere componi appetebant; nequaquam enim fidebant illius fidei, quam semper pro suo emolumento pensitasset: neque arbitrabantur, si superasset *Florentinos*, se, *Rempublicam*, & libertatem tueri posse: tanti Principis cupiditatem ad regnum *Italiæ* aspirantem videbant: neque dubium erat debellatis *Florentinis* quin facile voto potiretur. Itaque, veluti pacis admodum cupidi, a Duce, & *Florentinis* petunt, ad se Oratores mitterent, ut rursus de pace ageretur. *Florentini*, sociique ²¹ legatis missis, pacis, & foederis conditiones *Venetorum* arbitrio permiscere, orantes, ut si *Galeatii* culpa impediretur pax, ipsi pro communi libertate secum foedus inirent, hoc enim maxime modo & reprimi cupiditatem illius, & *Italiam* a servitute defendi posse. Cum Ducis voluntas tergiversari, & aliena videretur a pace, novo ²² foedere cum *Florentinis*, & sociis juncti sunt, ea lege, ut ipsis solis jus fasque ²³ esset pacem quibus modis, & quo vellent tempore, cum hoste statuendi. Quod ut primum *Galeatius* intellexit, veritus *Venetorum* vires rejecta pace, quinto idus Maji quo de quadringentesimo supra millesimum anno, inducias in decem annos, ea tamen conditione, ut oppida omnia de *Mantuanis* per Ducem capta redderentur, concessit. *Florentinorum* dux, reliquique equitum, ac peditum præfecti ab eis eo pacto dimissi sunt, ut annuo accepto stipendio, ad se, cum opus fore censerent, sacramento adacti redirent. Paulo post ²⁴ inducias cum *Jacobus Appianus* diem suum obiisset, *Gerardusque* filius, cum suis diffidens viribus, tum suasionibus *Galeatii* impulsus, de vendenda patria cum ejus oratoribus ageret, extemplo legati ad eum a *Florentinis* mittuntur, qui pluribus rationibus maximo suo damno id futurum ostenderent, hominemque ab ea sententia

avertent. Quæ legatio cum frustra fuisset, cives sui magno numero tyrannum adeunt, utque patriæ pristinam libertatem restituat deprecantur: se enim eodem pretio (erant enim aureorum ducenta millia) majorique si vellet, libertatem suam redempturos pollicentur: iniquum esse eos qui tanto tempore antea liberi vixissent, veluti servos venditari, & Principum subjici cupiditati, apud quos plus voluntas quam ratio, plus vis quam jura valerent. Se patri suo urbis imperium sponte tradidisse, eadem voluntate erga filium fore, si civitatem regere velit; si vero dominandi laborem declinet, accepta quam magna velit pecunia, obsecrare se, ut eam liberam, & sui juris esse velit. Eo enim modo urbem, ac cives non conservari solum, sed augeri posse; quod si in unius externi potestatem deveniat, cito illam præcipitem occasuram. Responsum redditum a tyranno (qui jam Ducis ²⁵ milites in urbem admiserat, armatosque disposuerat ad comprimendos cives, obsistendumque, si qui novi motus fierent) sibi fidem datam servare in animo esse. Itaque haud multo ²⁶ post retento ex foedere *Plumbino*, *Itvæque* insula, ac nonnullis castellis, pecunia insuper accepta, *Galeatii* ²⁷ legato urbem, oppida, arces, cunctaque, quæ *Pisanorum* ad eam diem fuerant, libere concessit. Recepta urbe, *Florentinis* ²⁸ legatus scripsit, *Pisas* sub imperio Ducis esse, a quo sibi mandatum foret, ut cum eis amicitiam servaret: quod, & se facturum sponpondit. Paulo antea *Robertus Pappii*, cæterique vicini ²⁹ Comites *Flaminiam* verius, *Andreinus* quoque *Ubertinus*, Ducis partes secuti a *Florentinis* desciverunt, utque ei post receptas *Pisas* gratificarentur, agrum *Florentinorum* eis vicinum, ut novum belli incendium excitarent, crebris incursionibus sequentis anni principio infestant. Ad repellendas tantum injurias data opera, prohibitis *Florentinorum* militibus, oppidanisque (ne Dux queri posset, ullam ab eis causam novi belli motam) hostium fines prædandi, nocendive causa intrare. Haud ab re erit huic operi inferere rem, non bello, sed pace aptam, admodum memoratu dignam. Emergit hoc tempore nova quædam Religio, quæ multum contulit ad populorum pacem, orta ex ³⁰ *Gallia Cisalpina*, in finibus Alpium, ³¹ ea parte quæ Duci *Sabaudie* paret. Vestiebantur viri, mulieresque, nulla excepta ætate, veste alba, nudisque pedibus, novem diebus extra patrium solum mendicantes, jejuniis, & supplicationibus intenti vitam ducebant. Hi sub dio dormiebant, neque enim fas erat sub tecto, aut cooperato loco his diebus esse: fatebantur singuli ante as-

1398

1399

19. Capti sunt. A Bernardone in insidiis delitescente, quos inter *Florentinorum* aliquot rebelles, qui poenas capite persolverunt. Ammirat. lib. XVI. p. 867.

20. Incolæ præmia persoluta. Qui *Florentinos* de re bene gerenda commonuit, neposque, quem *Appiano* obsidem dederat, aliis captivis permutatus, & illi redditus. Trunc. Ann. Pis. ad ann. MCCCXCVIII.

21. Sociique. Bononienses, Atestinus, Gonzaga, Malatesta, & Carrariensis.

22. Novo foedere, &c. Venetiis initum foedus in domo Carrariensis die XX. Martii, ad annos quatuor.

23. Ut ipsis solis jus fasque, &c. Hinc non *Venetorum* modo opes, sed famam probitatis conjicere facile est, quæ omnes *Italiæ* populi ultro se, suæque deferrent.

24. Paulo post inducias. Induciæ *Papiae* V. non. Majas a *Petro Cornelio*, & *Michaele Steno*, D. Marci Procuratore, *Venetorum* legatis, pro sociis etiam agentibus factæ; *Carolo Malatesta*, pro Pontifice; *Petro*, *Novariensi* Episcopo, & *Jacobo Vermio*, pro Vicecomite, legatis. *Malavolti Hist. Sen. lib. X. p. II.* & *Pigna Hist. Atest. lib. V.*

25. Ducis milites in urbem admiserat. Gerardum *Appiani* filium ad urbem vendendam ductum fuisse ex eo refert *Sabell. Em. 9. lib. IX.* quia ob civiles discordias, quæ *Florentinorum* opera

E in dies magis invalescebant, se haud diu eam retenturum timebat. Sic etiam *Plat. in Vita Bonif. IX.*

26. Haud multo post. In sequentis anni initio.

27. *Galeatii* Legato. Nempe Antonio Porro Polentiano Comiti. *Corius p. IV.*

28. *Florentinis* legatus scripsit, &c. Ut illorum operam, qui frustra adversari fuerant, illuderet.

29. Vicini Comites. Comitem Balnei, & Antonium a Palatio. *Leon. Aret. lib. XI.* & *Ammirat. lib. XVI.*

30. Orta ex *Gallia Cisalpina*. De ejus ortu nunquam constasse referunt *Ammirat. lib. XVI.* & *S. Antonin. p. III. Tit.*

22. cap. 3. §. 31.

31. In finibus Alpium. Sic etiam *Baptista Sacchius*, vulgo *Platina*, *Hist. Mant. lib. IV.* & in *Vita Bonif. IX.* duce Sacerdote, qui Pontificatum appetens, ea stipatus caterva Romam petebat, tanquam loca sacra visiturus; sed *Bonifacius* ejus fraude per præconem publicata (tormentis enim adactus omnia confessus fuerat) vivum flammis absumpsit, multitudo vero illa unius hominis supplicio exanimata est, atque dispersa. Sacerdotem hunc e pago Paterno fuisse tradit *Sigonius de Episcop. Bon. lib. III. in Cosm.* apud *Rayn. Ann. Eccl. Tom. 17.* Vide *Theodoricum Niem. lib. II.* & *Pignam Hist. Princip. Atest. lib. V.*

1399 sumptam vestem peccata Sacerdotibus præterita vitæ pœnitentiam professi, remittebantur injuriæ utrinque omnes abolita præteritarum offensionum memoria. Primi *Lucenses Florentiam*, Christi simulacro cruci suffixo præeunte, numero quatuor millia venire, quibus publice datus est cibus. *Pistorienses* deinde, *Pratenesque* advenere. Hos imitati *Florentini* albam sumptere vestem, adeoque increbuit bonorum operum fama, ut digito notaretur, si quis eam contempnisset religionem. Pax constituebatur inter homicidas, dicta, ætæque per injuriam condonabantur, remittebatur errato culpa. Omnium præteritorum temporum fraudes, dolique obliterabantur, adeo omnium mens bonis operibus intenta erat. Tanta animorum mutatio, ac novæ religionis hic cultus, qui universam *Italiam* peragravit, nulla ex parte *Galeatii* cupidinem minuit, quin toto animo, menteque *Florentinæ* urbis imperium ambiret, quærereturque quo maxime modo suæ ambitioni obsequeretur. Adjecit ergo animum ad urbem ³² *Perusinam*, & quamvis ditionis *Romani* Pontificis esset, eo tamen contempto, cum primoribus ³³ civitatis exules admodum metuentibus tum muneribus, tum promissis effecit, ut sibi ejus urbis imperium traderent. Existimabat enim hac accessione *Florentinos* ferme urbibus sibi parentibus circumvallatos (nam *Pisas*, *Senas*, *Perusum* tenebat) facile in potestatem deventuros. Inter hæc *Venetorum* legati, quibus solis pacis componendæ, quibus vellent conditionibus arbitrium ex fœdere permissum erat, *Papiam*, insciis *Florentinis*, illius procurandæ gratia profecti inter *Mediolanensem*, eosque, ac socios concordiam firmant: cumque omnia in *Galia* bello capta essent restituenda, per Ducem, in *Etruria* recepta ei condonarentur, aliæ quoque graviore pacis essent conditiones; eas omnes, licet graviter id ferrent, inviti tamen, ne *Venetos* a se alienarent *Florentini*, sociique accipere. Anno postmodum *Johannes* ³⁴ *Bentivolius*, magni vir animi, & haud spernendi consilii, *Galeatii* auxilio *Bononiæ* tyrannidem occupavit. Eo missi à *Florentinis* ³⁵ oratores, qui & gratularentur ob sumptum imperium, & de fœdere agerent. Quod ille haudquaquam ³⁶ abnuvit, sed distulit in posterum, ne offensum sibi redderet animum ejus, cujus opera regnaret. Idem & Dux quæsierat ab eo, sed parum ille fidei habendum esse Ducis fœderi, aliorum periculo didicerat. Sciebat enim, quamvis amplæ pollicitationes ostentarentur, tamen ex tempore promissa servare solitum, & quod bello nequiverat, sperare se confecta pace consecuturum. Nunquam enim aperto Marte ne i-

A ignobile quidem oppidum in *Etruria* affecutus est. ¹⁴⁰⁰ *Senensibus*, ac *Perusinis*, pacatis *Italiæ* rebus omnibus, cum antea socii essent, libertatem ademit. *Pisas*, non vi, sed pecuniis promissisque quietis tempore ³⁷ in suam redegit potestatem. Eodem pacto *Mantuanum* maximis sumptibus a *Florentinis* defensum, post compositam pacem, donis, promissisque oneratum ad suas ³⁸ traduxit partes, quo liberius a vicinis securus, vires omnes suas in *Etruriam* transferret. Solus ³⁹ *Patavinus* nullis hostis pactationibus, quæ plurima ab hoste afferebantur, credens, in fide permanfit. Varii, qui per *Mediolanensem* fiebant, apparatus belli *Florentinos* impulere ad creandos Decemviros, ⁴⁰ & majoribus copiis rempublicam defendendam. Erat suspicio ⁴¹ (haudquaquam parva, *Guccium Cortonæ* Principem, Ducem secuturum: ut ab ea cogitatione averteretur, *Montaninam* arcem urbi propinquam capiunt, quo timore percussus ille nil novi molitus est. Cum vero adeo adversarii vires, opesque auctas cernerent, ut ad se tuendum externo auxilio opus esse judicarent, *Robertusque* *Bavariæ* Dux infensus admodum *Mediolanensi*, privato ⁴² ob suam ignaviam *Vincislao* *Boemiæ* Rege, ad imperium electus esset, optimum factu reputantes animo, illum e *Germania* tum adversus Ducem, tum ad sumendam de more Imperii coronam advocare, extemplo ad eum Legatum *Bonacursium Pittum* mittunt, qui eum ad transeundum in *Italiam* contra *Galeatium* fœdere oblato hortaretur, honorisque, & dignitatis suæ esse diceret, nullo jure ⁴³ urbes Imperii possessas, ut plures superioribus temporibus Imperatores fecissent, in suam ditionem redigere. Ad eam rem & pecunias quas vellet, & equitum auxilia promitteret. Ejus oratione, quæ ¹⁴⁰¹ accurata, & plena gravitatis fuit, motus *Robertus* fœdere icto, cum viginti ⁴⁴ equitum millibus, ut *Mediolanensi* bellum inferret, in *Italiam* se desciturum, fide interposita, pollicitus est. Altero dehinc anno, mense Septembri, superatis Alpibus relictoque *Tridento*, in agro *Brixienfi* castra posuit, quo *Patavinus*, cum tribus equitum millibus a *Florentinis* missus venit, & ad eum, ut convenerant, per oratores ducenta aureorum millia comportata sunt. Non tamen ⁴⁵ omnia perfoluta, cum parvo tempore in hostili agro resedisset. Ea res miranda omnibus visa est, tantam simul auri congeriem una in civitate tam subito repertam, cujus collatio nulli gravis fuit: sed & alia quoque ducenta millia promissa post quatuor menses, quam in Ducis agro perfolitisset. Hæc omnis pecunia una nocte libentibus animis decreta est: tanta civibus cura inerat libertatis tuen-

32. Ad urbem *Perusinam*. Biordo de Michelottis interfecto. Pomp. Pellinus *Hist. Per.* p. II. lib. XI. Girardaccius *Hist. Bonon.* p. II. lib. XXVII.

33. Primoribus civitatis. Cecolini de Michelottis opera urbis imperium Petro Sermigerio Vicecomitis Vicario traditum ann. MCD. vigesima Januarii die.

34. *Johannes Bentivolius*. Vide Girard. *Hist. Bon.* p. II. lib. XXVIII. Cor. p. IV.

35. A *Florentinis* oratores. Thomas Sacchetti Eques, Bernardus a Mezola, & Spinus. Ammirat. lib. XVI.

36. Haudquaquam abnuvit. Suadente Antonio Guidotto summæ apud eum auctoritatis, cui a *Florentinis* quatuor florenorum millia data, ut conciliator fœderis foret. Girardaccius *Hist. Bon.* p. II. lib. XXVIII. & Corius p. IV.

37. Quietis tempore. Nempe post pacem factam.

38. Ad suas traduxit partes. Franciscus Gonzaga prius a Carolo Ariminensi, dein a Jacobo Vermio sollicitatus ad *Galeatium* descivit, *Papiamque* delatus summis a Vicecomite honoribus exceptus est. Platina *Hist. Mant.* lib. IV.

39. Solus *Patavinus*. Franciscus Carrariensis, qui *Galeatii* dolos in se patremque suum necatum expertus fuerat, pro *Florentinis* stetit.

40. Decemviros. Hos enumerat Ammir. To. 2. lib. XVI.

41. Erat suspitio, &c. Nonnulla inimicitiae signa ediderat *Guccius* de *Casalibus*; frumenta enim *Montis Politiani* a *Cortonensi* ditione averterat, positus in fluvio ligneis impeditis, ut *Spinellus* in *Hist. Montis Politiani* lib. III. p. 67.

42. Privato ob suam ignaviam *Vincislao*. Omnes in *Vincislao* accusationes, ut falsas rejicit *Corius* p. IV. non alia enim de causa a *Bonifacio* IX. Imperio spoliatus putat, quam quod *Pseudopontificem* defendisset. Sed præter ea, ejus ignaviam, & avaritiam, qua centum aureorum millibus, inconsultis Electoribus, *Mediolanensem* Ducatum *Galeatio* vendiderat, videre est in *Treb. To. 2. Rerum Germ.* p. II. Briet. *Ann. Mundi* ad ann. MCD. Trith. apud *Calvis.* Improbos ejus mores, ebrietatem præcipue refert *Chronicon* *Belgicum*. *Æn. Sylv. Hist. Bohem.* cap. 35. & Rayn. *Ann. Eccl.* To. 17.

43. Nullo jure urbes, &c. Non enim *Vincislao* eas alienandi sine Electorum consensu jus fuerat.

44. Cum 20. millibus equitum. Fidem autem non servavit, cum quindecim tantum millia equitum *Tridentum* duxerit. ut *Amirat.* To. 2. lib. XVI.

45. Non tamen omnia perfoluta. Centum & decem millia tantum. Ammirat. ibid.

1401 tuendæ. Qua ex re quantæ civitatis vires forent, perspicui potest: nam licet diutino bello pluribus annis cum *Galeatio* gesto defessi, exhaustique pecuniis cives viderentur, tantæ tamen in ea opes erant, ut præter maxima militum stipendia, unico decreto ducenta aureorum millia tam parvo tempore cogerentur. Tanta enim patriæ caritas, tantum tyrannidis odium animos civium incefferat, ut omnia quantumvis gravia, ac difficillima, levia, & facilia præ servitute ducerent. At hodie, ⁴⁶ eo redacta civitas est, ut cum viginti, aut triginta aureorum millia cogenda sunt, aut versura comparatur pecunia, aut ad extraordinaria tributa recurrant, quod iniquum est, pessimumque exigendæ pecuniæ genus, & abominandum, atque ab his excitatum, quibus potior est res privata, quam publica, quique opes sibi vendicant per aliorum calamitatem, ipsi omni ejusmodi tributi onere expertes. Tantam belli futuri molem adversus se comparatam conspiciens hostis, & ipse quæ ad resistendum pertinebant, summo studio diligentiaque administrat. Primum equites, peditesque ad quindecim millia conducit: tum peritissimos belli duces, *Jacobum Vermium*, *Albericum Barbianensem*, *Mantuanum Othonem Tertium*, *Faginum Canem*, *Pandulfum Malatestam*, pluresque alios viros ea tempestate usu, & arte militari insignes exercitui præficit, copiasque omnes *Brixiam* ire, hostique, qui intra decimum lapidem castra locaverat, opponi jubet. Nulli dubium videbatur, quin Ducis exercitus, numero, & viribus inferior *Germanis*, & *Italibus* qui cum *Patavino* erant, foret, modo consilium par viribus extitisset. Sed cum incautius, negligentiusque impetu quodam, superbiaque elati *Germani* absque ordine, aut militari disciplina vagarentur, plures equitum ⁴⁷ alæ a *Mediolanensis* ducibus missæ *Germanos* invaserunt, a quibus victi, superatique multis ⁴⁸ amissis in castra compulsi sunt. Tantus vero pavor ex insperata re animos *Germanorum* oppressit, adeo est ab omnibus trepidatum, ut si universus *Galeatii* exercitus eo venisset, procul dubio *Robertus* copias omnes superatæ, ac profligatæ concidissent. Sed *Robertus* fortuna, paucis exceptis, exercitum servavit, ex illoque tempore magis de fuga, quam de ulciscendo hoste agitatum est. Primus *Coloniensis* Archiepiscopus, tum *Leopoldus* ⁴⁹ *Austriæ* Dux, non absque animi corrupti suspicione, relicto *Roberto*, domum rediere: qui a suis præter

A datam fidem cernens se distitutum, veritus, ne ad dimicandi necessitatem adductus, turpiter ab hoste superaretur, cum vires suæ diminutæ admodum illorum discessu, suorum vero animi remissiores facti essent, motis castris prope *Tridentum* loco tuto confedit; cumque animo parum valido deliberabundus, inter spem, metumque dubius staret, *Francisci Carrariensis* exhortationibus *Patavium*, cum quinque ⁵⁰ millibus equitum, reliquis ⁵¹ dimissis, venit: qua ex re *Mediolanensis* animus elatus, cum se haud contemnendum periculum evasisse, & electiores totius *Italiæ* equites, ducesque penes se esse arbitratetur: *Florentinos* vero contra, ut primum adversam pugnæ fortunam intellexerunt, mœror, & gravis cura exagitabat. Nam & tantam impensam frustra factam cernebant, & verebantur, ne statim hostilis exercitus, deposito *Germanorum* metu, in *Etruriam* transfret. Remissus est tamen paulo post timor audito *Roberti* ad urbem *Patavium* adventu, salvis præsertim *Italibus* militibus, qui cum *Patavino* profecti erant: hos impedimento fore hosti credebant, quominus omnes ejus copias in *Etruriam* migrarent, nondum penitus remisso *Galeatii* metu: tamen & novi equites confestim scripti sunt & ad *Robertum* oratores ⁵² missi cum duabus ⁵³ electorum equitum turmis, qui cum ad meliorem rerum spem hortarentur, & protectionem disuaderent. Existimabant enim ejus mora *Mediolanensem* regii exercitus timore suas copias omnes in *Gallia* retenturum. Multa ab illo petebantur admodum difficilia. Nam & pecuniarum vim permagnam postulabat, si eum in *Italia* morari cuperent, & ut *Veneti*, ac Pontifex secum in belli societatem coirent. Hæc *Florentiam* ⁵⁴ delata omnium mentes maxime debilitarunt, cum neque retineri, nisi infinita pecunia posset, neque si abiret, securos se fore arbitrantur, quin hostis *Etruriam* armis pervaderet. Legatis itaque mandarunt, ut impetrata aliquot mensium mora, pecuniam duros, & cum Pontifice, & *Venetis* de fœdere acturos pollicerentur, & nova insuper auxilia ad eum primo tempore missuros. Post varias collocationes disceptationesque, *Robertus* ⁵⁵ *Venetias* petiit, questus non servari sibi a *Florentinis* in solvendis nummis promissa. Oratores ⁵⁶ contra nulla in re violatas esse pactiones ostenderunt. *Venetorum* ⁵⁷ tandem opera, haud parvo ⁵⁸ pretio cum *Patavium* in hyberna profectus esset, mensē Aprilī in *Germaniam* concessit.

46. At hodie. Nempe anno circiter MCDLV. quo tempore Poggius historiam scribebat.

47. Plures equitum alæ. Othone Tertio, seu Bontertio; & Fagino Cane ducibus. Ammirat. lib. XVI.

48. Multis amissis. Quos inter imperialis exercitus primus Provisor. Corius par. IV.

49. Tum Leopoldus Austriæ dux. Sic S. Antonin. & Leon. Aret. lib. XII. Leopoldum vocant. Joannes vero Aventinus Ann. Bojorum lib. 7. de Roberti in Italiam adventu hæc habet. Cum eo (nempe Roberto) Stephanus Angilostadiensis, Ernestus Austriacus Imp. Caroli Maximi, & Ferdinandi Austriæ Reguli proficiscuntur.

50. Cum quinque millibus equitum. Itali erant pene omnes. Patavium ingressus Robertus die XVIII. Novembris MCDI. Pittus ab Ammirato relatus ibid.

51. Reliquis dimissis. Ut Vincelao ejus hosti in Germania ob ejus discessum superbienti obstarent: nunquam enim Cæsaris insignia licet exauctoratus depouerat, sed & Principum, & civitatum aliquot favore fruebatur. Emund. apud Chronic. Belg.

52. Oratores missi. Raynaldus Gianfiliatus, Philippus Cor-

sinus, Masus de Albizis, & Thomas Sacchetti.

53. Cum duabus equitum turmis. Quibus præerant Sfortia, & Balthassar Mutinensis. S. Antonin. p. III. Tit. 22. cap. 3. §. 35.

54. Hæc Florentiam delata. A Maso Albizio, & Andrea Victorio, qui apud Imperatorem legati fuerant. S. Antonin. ibid.

55. Robertus Venetias. Ut suas in partes Venetos traduceret; verius, ut eorum opera a Florentinis nummos repeteret, quos contra conventa detineri querebatur. Petrus Justin. lib. VI. Hist. Ven.

56. Oratores. Nempe Philippus Corfinus, & Raynaldus Gianfiliatus.

57. Venetorum tandem opera. Ab itinere revocatus; Cravolam enim profectus fuerat, ut in Germaniam se conferret. Mora igitur aliquot mensium in Italia ab eo impetrata, ut ejus timore Galeatius suis se finibus contineret, quod Florentini vehementer cupiebant. S. Antonin. p. III. Tit. 22. cap. 3. Ammir. lib. XVI. To. 2.

58. Haud parvo pretio. Sexaginta quinque aureorum millibus. Sic Veneti (quorum arbitrio res delata) censuerunt.



POGGII BRACCIOLINI,
Florentini,
HISTORIARUM
FLORENTINI POPULI
LIBRI QUARTI
EPITOME.

Florentinos tanquam fœderis violatores coram Venetis Galeatius accusat. Dein Bononia potitur. Cum Pontifice Florentini junguntur. Vicecomes moritur. Pontifici Perusiam occupare conanti spes incisa. Vicecomitis potentia in plures divisa discordiarum origo. Pisas Florentini emunt, arcemque accipiunt. Pisani Florentinis ejectis, arcem evertunt. Pisa a

A Florentinis obsesse, in deditionem veniunt. Ecclesia Schismate turbatur. Ladislaus Siciliae Rex bellum Senensibus, Florentinis, ac Pontifici indicit. Cortonam deditione capit. Florentinis eam cedit veluti pacis pretium. Pontificem, Florentinosque nil tale timentes contra jus fœderis aggredi parat, sed belli molem ejus mors avertit.

LIBER QUARTUS.

1402



POST Roberti¹ discessum missi a Galeatio ad Venetos legati tres, multa coram summo Magistratu, & Oratoribus Florentinis contra jura fœderis ab illis facta questi sunt: In primis, verbis pluribus reprehenderunt inducias, quarum² ipsi auctores fuerint, minime ab eis servatas, fidem, ac jus jurandum, quæ apud omnes sancta esse consueverint, ab illis violata, nunquam ab eis servatam pacem, quam licet verbis se petere simulent, tamen a concordia, & quiete animo semper fuisse alieno: Seri ab ipsis bellorum quotidie semina, quibus vicini a se opprimerentur; nullum finitimum populum ab eorum cupiditate tutum esse posse, nihil Florentinis antiquius, quam ut eorum insidiis vexaretur Italia, ad quam lacerandam, & in servitutem redigendam, jam bis³ externas gentes, & barbaras Itali nominis hostes acerrimos magna impensa contra se accersitas, a quibus si superatus fuisset, reliquam Italiam in eorum ditionem concessuram fuisse haud dubium esset; consuevisse⁴ vero Italos ejusmodi gentes arcere ab Italia, & quæ venissent omni conatu repellere, ut libertate fruerentur, degenerasse plurimum ab eis Florentinum populum, qui toties diversos⁵ hostes ad Imperium Italiae advocasset; cæci profecto qui non viderent, se devicto eos quoque servitutis jugum subituros fuisse. Ob hæc non esse mirandum, si dux consulere rebus suis, & ad arma licet invitatus descenderet, quibus certam, ac firmam pacem consequi posset. His dictis ex Oratoribus unus petita de more dicendi⁶ venia, mirari se ait, tantam Legatorum Ducis impudentiam, qui ita aperte contra veritatem locuti sua mendacia verbis improbis ornassent, tanquam existimarent ullam præstandam ipsorum orationi fidem: scire

B eos a se dicta procul a vero esse, palamque perspicere non convenire Florentinis semper pacis cupidis quæ ab eis dicerentur, sed Galeatio a quo semper pro suo commodo fœderibus servatis bellorum omnium initia prodissent; non enim a se, sed ab illo inducias, & pacem violatam esse, quam nunquam ex animo, aut otii querendi, sed belli gerendi gratia sanxisset: omnibus enim notum esse, Ducem e vestigio publicatis induciis milites, tanquam a se dimissos in Etruriam adversus Florentinos misisse, qui sociorum⁷ agros longe, ac late populati Senas, tanquam in tutum portum se cum omnis generis præda contulissent, ubi publice & partita, & vendita nostrorum spolia fuere: non servatam vero a Florentinis pacem ridiculum videri ab eo præsertim objici, qui nulla pacis jura unquam novit, qui majori ex parte quæ possideret per dolum, & fraudem occupasset: genus⁸ suum præcipue; & Veronensem, Patavinumque Principes patrio per fraudem pulsos imperio, optimos suæ fidei sponsores esse posse: qua vero religione ab eo fœdera servantur, Senenses, ac Perusinos quos ex sociis servos reddiderit rogandos esse: testem esse Petrum Gambacurtam, qui Ducis consiliis, ⁹ favoreque occisus esset, quo civitas Pisana in suam ditionem veniret. Multis utrinque dictis, quibus haud obsecrum Venetis fieret, malorum omnium culpam a Mediolanensis ambitione manasse, ita discessum est, ut mentem Galeatii ad bellum inferendum pronam constaret. Johannes¹⁰ interea, quem Bononiæ tyrannidem occupasse diximus, cum Mediolanensis amicitia parum sibi fida videretur, in amicitiam, societatemque a Florentinis receptus, ratus Galeatium parta victoria contra se arma moturum, ut audivit Albericum in Bononiensium fines una cum exulibus adventasse, a Florentinis petiit, ut præter equites, quos ad se pridem miserant, ducem quoque Bernardonem cum sociali exercitu ad se ire ju-

1402

1. Post Roberti discessum. Ut in fine superioris libri ann. MCDII XVI. mensis Aprilis secutum.

2. Quarum ipsi auctores. Venetos induciarum auctores vocant, nam penes eos belli pacisque arbitrium.

3. Bis externas gentes, & barbaras. Nempe primo Armeniaci Comitem ex Gallia, deinde Robertum ex Germania evocatos.

4. Consuevisse, &c. Cimbros, & Theutones Italiam invadentes expulere, Gallosque maximis præliis fregere.

5. Diversos hostes. Carolum Calabriae Carolum Austriae Duces, Carolum IV. Galliarum Regem, & Robertum Imperatorem prius evocatos.

6. Dicendi venia. Dicendi facultate a Duce, Venetorumque Senatu impetrata.

7. Sociorum agros. Socios vocat Lucenses, Volaterranos, Samminiates, & Collenses. Leon. Aret. lib. XII. Hist. Flor.

8. Genus suum. Scilicet Patrum suum Bernabovem.

9. Ducis consiliis. Appiano Gambacurtæ Consiliario pecunia corrupto.

10. Johannes interea. Bentivoleus, de quo in superiori libro, in amicitiam receptus die XX. Martii. Ammirat. lib. XVI.

1402

juberent, quo facilius se suaque defenserent. Is Decemvirum decreto, cum tribus equitum milibus Bononiam profectus est. *Johannis* suspicionem haudquaquam *Mediolanensis* animus fefellit; nam sub recentis victoriæ terrorem, potiundæ *Bononiæ* occasionem sibi datam ratus, jamque a *Germano* securus, duces cum exercitu in agrum *Bononiensem*, per speciem restituentem exulum, proditiōis¹² ipse oblata ire iussit. Cum hostium exercitus appropinquaret urbi, veritus *Johannes*, ne fluvius *Rhenus* urbem interfluens, civibus maxime necessariis, cum propter molas, tum quia ea tantum aqua ad victum uruntur, illorum opera derivaretur, apud *Casalechium* ad tertium ab urbe lapidem (& jam *Patavinus* audita hostium profectio, eo mille equites filiis¹³ Ducibus miserat) cum omnibus sociorum copiis, (ex sex equitum millia conficiebant) confidere voluit. At Dux¹⁴ prudentissimus, cum numero, & militum virtute, tum Præfectorum ingenio, & solertia imparem se hostibus cognosceret, victoriamque desperaret, quin potius adversam belli fortunam ominaretur, ac profligato exercitu urbis captivitatem, si incertamen, quod necessario subeundum erat descenderetur; tutius¹⁵, consultiusque putabat copias in urbe contineri, quam armis decernere: non enim posse aut se tuto in castris esse, aut hostem urbe servata diutius in eis locis morari: satius videri ad præsens tueri civitatem, proinde ex tempore consilium capturos: quod si hostes obsidionem pararent, se crebris eam eruptionibus impediturum: Satis copiarum esse, & ad urbis defensionem, & coercendos hostes, ne latius populabundi vagarentur. Sanum, tutumque id consilium ferme omnibus videbatur, quo confuleretur & exercitus, & Urbis saluti. *Johannes* vero, majoris, quam suæ paterentur vires animi, Ducem timoris increpitans, ipsum infra mœnia¹⁶ quietem agere posse, si vellet, ait; se certe foras iturum, & pro illo exercitum ducturum esse vociferabatur: non enim tantum dedecoris subiturum se, ut tot copiis, tanquam cavea inclusis timens, aut otio marcescere, aut parere diceretur. Tum, ne me timoris arguere possis (Dux respondens) parebo, inquit, voluntati tuæ: sed hoc scias velim

A salutem tuam conferre, tibi que longe utilius fore, ut mihi in timidus quam parum prudens videri queas, fors judicabit uter nostrum rectius senserit: id certe dicam majori tum tuo, quam meo damno, quæ melior fuerit sententia, me periculum facturum, exitumque judicem utriusque futurum opinionis. Cum¹⁷ locum, ubi castra posita sunt quoad poterat pro loci natura munisset, suspensus in horam adventum hostium expectabat, victi potius, quam victoris specie ante oculos obversante: cernebat enim se multo copiis inferiorem hostibus, nec dubitabat, si ad pugnam deventum esset, quin superaretur: discedere, præ pudore, ne pusilli animi judicaretur, turpe ducebat. *Florentiam* tamen imminens periculum, quoque res eorum in statu sitæ essent significavit, monuitque, ut se ad redintegrandum exercitum præpararent, utque si quid adversi accidisset se omnis culpæ exortem judicarent. His anxium curis, equitesque in armis habentem, ne imparatus inveniretur, hostes instructis aciebus, pluribus ex locis, utpote castris in plano constitutis aggrediuntur. Acri certamine diutius utrinque pugnatum est, tandemque superante¹⁸ hostili multitudine, quæ duodecim millium equitum censebatur, profligati, Duce, & *Patavini*¹⁹ filiis, plurimisque²⁰ illustribus viris captis magna strage edita victoriam²¹ hosti concessere. Hac victoria territis civibus (pauci enim equites in urbem confugerant) existimantes hostes Civitatis occupandæ facultatem concessam, eamque, ut verisimile erat, metu consternatam, fortunam, victoremque secuturam, mœnibus urbis propinquant: cognati amicique eorum, qui per suspensionem civitate ejecti fuerant, de prodendo *Johanne* consilio inito, civem non²² dubiæ apud tyrannum fidei, obque spectatum sibi animum portam unam asservantem, promissis oneratum inducunt, ut illa patefacta hostes admittat, qui magno numero ingessi, cæde, ac rapinis omnia miscuerunt, *Johannem*que cum reliquiis exercitus, ac civium factione obviam factum fundunt, fugantque, qui latebra²³ salutem quærens a civibus est interfectus: Tandem vero kalendis Julii secundo post mille quadringentos anno, captis *Nicolao Uzano*, & *Bardo*²⁴ *Reclafide* *Florentinorum* Legatis, ac una cum

11. Duces cum exercitu. Hifuerunt Comes Albericus, Franciscus Mantuæ Princeps Mediolanensis conciliatus, Pandolphus Malatesta, Octobonus Parmensis. S. Antonin. Tit. 22. cap. 3. §. 38. Queis addendi Jacobus Vermius, Princeps Mirandulanus, Saxoferrati, Spoleti, Fabriani Principes, Comes Urbinas, Paulus Sabellus, Faginus Canes, Polentanus Princeps, & Bartholomæus Cremonensis.

12. Proditionis spe oblata. Ab Antonio a S. Lucia Lamariæ Portæ custode, qui Alberico per eam ingressum promiserat. Girardaccius Hist. Bon. p. II. lib. XXVIII.

13. Filiis Ducibus. Nempe Jacobo, & Francisco Tertio.

14. Dux. Bernardus a Serris Florentinorum Dux.

15. Tutius, consultiusque, &c. Persimilem huic eventum refert Livius Dec. 3 lib. II. ubi Q. Fabius Dictator maluit in castris milites continere, quam cum Annibale agros depopulante congredi. Minutius vero equitum Magister ferocioris, quam ratio pateretur, animi ne ab hostibus timoris argueretur, cum illis congressus victus fuit. Sic Bernardonis prudentiam Bentivolei temeritas in extremum rerum discrimen adduxit.

16. Infra mœnia quietem agere. Eadem contumelia Rodolphus Varanus Camertes a suis militibus affectus, dum Bononiæ inclusus a Cardinali Gebennensi obsideretur. Ipse vero percontantibus, quam de causa nunquam in hostem egrederetur, ne hostis, inquit, ingrediatur.

17. Cum locum. Casalechium.

18. Superante hostili multitudine. Adeo vehementem hostium impetum fuisse asserit S. Antoninus p. III. Tit. 22. cap. 3. §. 38. ut pontem dejectis Florentinis occuparent, & ad intima castra penetrarent.

19. Et Patavini filiis. Duos licet Patavini filios captos una cum Poggio asserant S. Antoninus, Corius, Leon. Aret., & Scip. Ammirat. unum solummodo captum ex eo colligo, quod Jacobus die prima Junii Bononiam cum tercentis mi-

litibus missus, inde a Patre revocatus Patavium venit die XV. ejusdem mensis, ut cum Mantuani Principis filia nuptias celebraret, sive ut Pigna Hist. Esten. lib. V. cum Pandolpho Camertis filia. Franciscus vero discedente Jacobo, in locum fratris suffectus imperium militum habuit. Sic Girardac. Hist. Bon. p. II. lib. XXVIII. cujus sententiam confirmat. Plat. Hist. Mant. lib. IV. in hoc tantum discrepans, quod Franciscum, non Jacobum Mantuani maritum asserit, dum refert Mantuanum Principem Jacobi Carrariensis custodiam a Vicecomite petiisse, Genero suo. Francisco Carrariensi ipsius Jacobi fratri rem gratam facturum. Ergo Mantuani Generum haud captivum fuisse credendum, nam Generum potius quam ejus fratrem a Vicecomite petiisset Mantuanus. Sive igitur Jacobus, ut Platina sentit, sive Franciscus, ut alii putant, captivus fuerit, certe non ambo.

20. Plurimisque illustribus viris captis. Bernardum Tartaleam, Sfortiam Attendolum, & Nicolaum Danzanum, seu Uzzanum enumerat Corius p. IV. cui Ammiratus lib. XVI. addit Bardum Rittasium.

21. Victoriæ hosti concessere. XXVI. Junii die Lunæ.

22. Civem non dubiæ apud tyrannum fidei. Landus Ambrosii a Beccajo cui a Bentivoleo Portæ Sanctæ Mariæ custodia demandata fuerat.

23. Latebra salutem quærens. In cujusdam scemina domo prope S. Archangeli pontem mutata veste se abdiderat, a qua spe lucri proditus, postero die in plateam deductus a militibus aliisque dilaniatus est. Girard Hist. Bon. p. II. lib. XXVIII. licet nonnulli (ut ait) Scriptores adversentur, qui Bentivoleum pugnantem, dum vivus capi nequiret, occisum fuisse asserunt.

24. Bardo Reclafide. Hunc ad Galeatium vel non missum, vel in itinere non petiisse arguo ex S. Antonino, qui habet in tumultu captæ urbis vulneratum paulo post interiisse. S. Ant. p. III. Tit. 22. cap. 3. §. 38.

1402

cum *Bernardone* ad *Galeatium* missis, urbe potiuntur, in qua plurimis occupatis ædificiis, ut facilius eam ab populi inconstantia ad levem auram mobilis in potestate retinerent, amplissimæ arcis²⁵ fundamenta jacta sunt, omni prorsus libertate civibus sublata. Amissa *Bononia*, multi contra *Florentinos* insurrexere, quos postea a fortuna destitutos incepti pœnituit. *Ubalдини* assumptis ab hoste equitibus, peditibusque, nonnulla *Montana* castella, quæ quondam suæ gentis fuerant, recuperaverunt: quædam antea demolita, vallo, & propugnaculis, magno cum finitimorum terrore instauraverunt. Obsidionem præterea *Florentiolarum* paraverunt, deductis eo instrumentis, machinisque bellicis, quo facilius oppidum expugnaretur. His tot adversis rebus territi *Florentini*, quotidie consultabant, quibus viribus quorumve præsidio libertatem tuerentur; undique enim circumseffi videbantur, ut nullum daretur inter tutum, quo secure aut abire extra patriam, aut suas Mercaturas ad diversas regiones mittere, aut in urbem invehere possent. Omnia tamen prius agenda, quam rerum desperatione relinquendam defensionem arbitrati, Pontificem *Bonifacium* tentandum censebant, si quo pacto adduci posset, ut²⁶ urbes a *Galeatio* occupatas bello repetere vellet, & in amicitiam, societatemque venire. Alii *Ladislaum* *Apuliæ* Regem, cujus ope *Mediolanensis* fortuna reprimeretur, quocumque præmio, promissisque accersendum putabant: sed satius visum est *Bonifacii*, qui propinquior erat auxilium quærere, & simul persuadere jam tempus esse, quo de tyranni manibus suæ urbes eruerentur. Tam favens, propitiæque *Galeatii* fortuna, tam votis, cœptisque ejus prospera, animum gloriæ cupidum incenderat, ut *Italiæ* Regnum sibi persuaserit: & cum jam *Florentiæ* sibi imperium animo despondisset, coronam, cœteraque Regum insignia præparaverat²⁷, quibus Reges uti consuevere. Sed divino numine, inanes ejus cogitationes redditæ sunt; mors enim sua consilia dissolvit, ostenditque, tot curas, apparatusque nequicquam ab eo irritò labore susceptos. Ea æstate, qua *Bononiam* usurpavit, pestis *Mediolanum* invaserat, quam vitare cupiens, *Marignanum* Castellum a suis voluptatis causa ædificatum concessit: diem profectionis, horamque præfixerant Astrologi, quorum consiliis, & pacis, & belli tempore parebat, multaque quo die discessit observata sunt, quibus prædictum erat, illum procul dubio Regem *Italiæ* reversurum. At vero paulo post, quam in oppidum venit, in febrem²⁸ incidit, ex qua & defunctus est. Ejus mors creditur²⁹ per Cometem (qui ingens, ac fulgidus mense Martio ante apparuerat, ac quinque horis post Solis occasum palam conspiciebatur) significata, quo exorto, dicitur de vita paulum dubitasse. Testamento,

A ejus natorum maximus *Johannes Maria*, *Mediolani* retento Ducis nomine imperitabat, *Bononia*, *Sena*, *Perusia*, *Assisio* additis. *Philippo Marie*, *Papia*, *Verona*, *Vincentia*, plurimæque præterea oppida cessere. *Gabrieli*³⁰ filio naturali *Pisæ* reliquæ sunt; quæ Imperii divisio magna ex parte a sapientibus viris, ut a Principe minime prudente, & nimirum fortunæ blanditiis dedito facta, culpatur. Nunquid enim vir, ad cætera egregius, liberalis, ac prudens, ita rerum ignarus erat, ita fortunæ fidens favoribus, ut quæ per vim, dolumve de alienis ceperat, permansura diutius penes filios existimaret? Ut reliquos omittam, an Pontifices omnes *Romanos* ita ignavos, insulsosque putabat fore, ut quæ summo jure ad Ecclesiam pertinerent, diutius a tyrannis possideri paterentur? & patrimonium tanto tempore possessum, tanto impendio sæpius ab Imperatoribus tyrannisque recuperatum, auferri sibi per ignam æquo animo ferrent? parum sapienter profecto fortunam secundam perpetuo sibi suisque desponderat. Atqui ea brevi ostendit, quam vana ejus consilia extitissent. Princeps fuit perliberalis, magnique animi, ad Regios mores se componens, alieni tamen cupidus, & animo ad imperandum propenso. Id in eo culpatur, quod fidem, & promissa ex utilitate traditur servasse, quod vitium commune cum multis egregiis bello ducibus fuit: sed ea laudanda præ cæteris est virtus, quod omnium³¹ doctrinarum, artiumque viros eximios, ad se, tamquam egregiorum hominum receptaculum vocavit, summoque in honore habuit. Nuntiata³² *Florentiæ* Ducis mors, magna lætitia populum exhilaravit, ut qui ex serpentis faucibus evulsam libertatem, jam in tuto consistere judicaret: diesque plures festi, ludis solemni pompa celebratis, magna civium voluptate acti sunt. Oratores³³ ad Pontificem antea missi, licet diu nutantem *Galeatii* metu, cunctantemque, tandem fœdus cum *Florentinis* faciendum, haud multo ante *Mediolanensis* obitum, spe victoriæ impulere: his conditionibus, ut pro communi tutela, proque urbium amissarum recuperatione, Pontifex quinque equitum millia, sex *Florentini* alerent. Id maxime movit ad ineundum fœdus Pontificem, quod parum tutus in urbe videbatur, cum *Romam* ipsam Ducis dolo sollicitari intelligeret. Itaque ad recipiendam *Perusiam* *Johannello*³⁴ fratre missio, *Florentinorum* equitum præsidio, atque exulum³⁵ beneficio, plurima de *Perusinis* oppida, tum vi, tum factionum gratia in suam potestatem redegit: ad oppugnandam deinde urbem profectus, brevi tempore, adeo calamitatibus civium bona afflixit, ut se in *Bonifacii* potestate futuros dicerent, modo exules in urbem non redirent: verum, cum fidem servandam esse responderet, his præsertim, quorum opera tot castella recepta forent, preme-

25. Fundamenta jacta sunt. Die XXV. Augusti, Marchione Leonardo de Malaspinis Gubernatore curante.

26. Urbes a Galeatio occupatas. Nempe *Perusiam*, & *Bononiam* Pontificiæ ditionis urbes.

27. Preparaverat. In *Merignano* oppido.

28. In febrem incidit. Pestilenti febre absumptum Joannem Galeatium die tertia Septembris ann. MCDII. cum annum ageret quinquagesimum quintum, omnes auctores asserunt, licet Donatus Bossius *Hist. Med.* die III. Maji mortuum affirmet, quod facile refellitur decreto ab eo facto *Merignani* die XXVIII. Augusti, ut *Campi Hist. Cremon.* lib. III.

29. Ejus mors creditur per Cometem, &c. De hoc Comete multa refert Theodoricus Niemius lib. II. c. 29. caput ejus Italiam versus, & caudam ad Occidentem protensam: Apparuisse autem Quadragesimali tempore, ann. XIII. Pontificatus Bonifacii. Vide *Walsinghamum*, in *Heur.* & alios.

30. Gabrieli filio naturali. Is ex Agnete Mantegaceia su-

sceptus est, sed jure legitimi filii donatus.

31. Omnium doctrinarum viros eximios. Nam Baldum *Perusinum*, Petrum *Candianum* (qui Pontifex fuit) *Guillelmum Cremonensem*, *Christophorum Piscarum*, *Emanuellem Gravium*, *Crysoloram*, *Marsilium a Sancta Sophia*, *Jacobum Insulanum*, aliosque ad sua stipendia vocavit. Vid. *Corium* p. IV.

32. Nuntiata, &c. A Paulo Guinifio *Lucensium* Principe *Galeatii* mors nuntiata. Leon. Arret. lib. XII. prope finem *Hist. Flor.*

33. Oratores ad Pontificem antea missi. Quorum primus *Jacobus a Vineis*, qui fœdus cum Pontifice die XIX. Octobris percussit. *Ammirat. Hist. Flor.* lib. XVI.

34. Johannello. Tomacello *Neapolitano*, Bonifacii IX. fratre, una cum Petro *Ursino*, & *Carrariensi*, ut *Pellinus Hist. Perus.* p. II. lib. XI.

35. Exulum beneficio. Opera præcipue *Brachii Fortebrachii* ad viginti oppida capta. Pell. ibid.

merenturque magis in dies, procul dubio in Pontificis ditionem venturi erant, ni Ducis imbellis, abjectique animi pavore obsidio foret intermissa. Nam cum a novo *Mediolani* Duce *Johanne Maria Otto Tertius* cum tribus equitum millibus ad liberandam obsidione urbem ex *Bononia* venisset, tantus *Johannellum* timor occupavit, ut non expectatis hostibus, quibus superior erat, & numero militum, & virtute, relictis omnibus, cum suis copiis, magno Pontificis, sociorumque decore *Tudertum* peteret: exules tamen, quæque cum illo erant *Florentinorum* copiarum oppida recepta diutius defenserunt. Dum hæc apud *Perusiam* aguntur, qui *Senis*, *Pisæ*que resederant *Galeatii* equites, peditesque frequentibus excursionibus *Florentinorum* loca infestabant: a nostris quoque idem factitabatur, multaque præda onerati milites redibant, adeo ut bellum quod confectum putabant instauratum videretur: qua ex causa novi Decemviri creati sunt, quibus optimum factu visum est *Etruscum* bellum in *Flaminiam* transferri, hostilemque agrum potius quam proprium vastari armis. Igitur *Bonifacio* suadent, ut creato Legato *Balthassare* ³⁶ Sancti *Eustachii* Cardinale, qui postmodum mortuo *Alexandro* quinto *Johannes XXIII.* Pontifex factus est, exercitum ad *Bononiam* recipiendam mittat. Is accepto a Pontifice, *Florentinis*que exercitu, cui Dux *Carolus* ³⁷ erat *Malatesta* vir suæ ætatis belliperitissimus, mense Junio, cum omnes copiarum prope *Bononiam* convenissent, excursionibus in *Parmensium* fines late factis, ingentique omnis generis præda abducta militem reduxit, expectaturus, si qui novi ³⁸ motus in urbe (erat enim incerta spes prodicionis) orirentur. Quiescentibus ³⁹ civibus, Legatus ne frustra tempus ibitereret, *Mediolanum* versus cum exercitu proficisci decrevit, Ducemque bello tandiu urgere, donec vi, aut sponte *Bononia* reciperetur; quod consilium, data rei ex voto bene gerendæ occasione fortuna adjuvit: Orta namque haud parva inter primores Ducis Senatus dissensio trahentibus singulis rem communem in privatam, offensionisque invicem pristinas renovantibus, primum ad simultatem, deinde ad aperta odia, atque arma omnia convertit. Capita factionis erant *Franciscus Barbavarus*, qui primum inter omnes locum penes *Galeatium* tenuerat, & *Antonius Vicecomes*, quo cum omnes Nobiles sentiebant, qui populi tumultu excitato, domum *Francisci* occidendi ejus causa profectus, cum ille in castellum ⁴⁰ ubi Dux, materque erant profugisset, spoliata domo fratrem, ⁴¹ plurimosque ex ami-

cis interfecit. Inde ejus opera cives quidam per populum electi, quorum consilio dux (is adolescentior erat) regeretur, magna in discordia diutius Civitatem tenere, cum privatum commodum cuique potius esset adolescentis Ducis statu, aut quiete publica. Vulgato civili *Mediolanensium* pene bello, *Ugolinus* ⁴² ex familia nobili *Carvalcabovis*, *Cremonæ* tumultu excitato, ac Ducis Magistratu urbe pulso, urbis imperium occupat. *Laudenses* præterea *Ghibellinorum* quæ ante cæteros depresterat factione ejecta, & ipsi sibi tyrannum *Johannem* ⁴³ *Vinialem* eorum civem creant: hos secuti *Brixienfes*, *Bergamenses*que, ac *Placentini*, auxilio Legati *Caroli*que belli Ducis, qui & ad defectionem hortabantur, & rebellantibus auxilia mittebant, a Duce desciverunt. *Brixiam* *Franciscus Carrarius* dedentem se, præter arcem, cepit, per quam paulo post intromissi ⁴⁴ equites illum urbe ejecerunt. Erant Ducis res omnes in occasum, interitumque tendentes, cum domi civium seditiones, foris defectiones urbium vigerent; Cum *Franciscus Mantuæ* Princeps, cujus auctoritas plurimum ⁴⁵ apud Ducem poterat, & *Carolus Malatesta*, cujus ex familia ⁴⁶ uxor Ducis erat, hujus adversam fortunam conspicientes, cum Legato, infcio *Vanne* ⁴⁷ *Castellano*, *Florentinorum* oratore, Ducis nomine foedus perculserunt, his conditionibus, ut quæ de Pontifice occuparet restituerentur: *Florentini*, *Etruscae*que res silentio præterita: quod cum periniquum, ac contra omnia Divina, humanaque jura factum quererentur, omnis ejusmodi quæstio, quæ ad *Etruriam* spectaret in Pontificem rejecta. Inter Legatum, & Ducem publicata pace, *Bononienses*, ut Pontificis gratiam promerentur, urbemque eorum beneficio potius quam Ducis reciperet, armis sumptis, impetuque in illius milites facto, acri certamine profligato, ejectoque ⁴⁸ præsidio, Legato se dedere. *Perusini* quoque, ne exules reciperent ⁴⁹ pacti *Johannello* urbem restituere. *Florentini* interim à *Bonifacio* petunt, ut foedera quibus cavebatur, ne pax nisi communi voluntate fieri posset, utque omnium opibus administraretur bellum, servaret. At ille utilitatem honestati præferens, receptis amissis urbibus, licet multis antea simulatis, ac dissimulatis rebus, revocato legato, ac exercitu in pace perseveravit. Quod ne dum in tanta dignitate cujus maxime interest servare fidem, sed in privato etiam viro culpandum foret, cum turpissimum videatur, detestandum, tum in civitatibus, quæ libertatem asserunt, tum maxime in Principibus, non servari pacta, jusjurandum, Re-

36. *Balthassare*. Coscia Neapolitano, antea Bononiensi legato.

37. Dux *Carolus Malatesta*. Non diu summa Imperii auctoritas penes Malatestam fuit, nam, seu æmulatione inter ipsum, & Comitum *Albericum* qui a Vicecomite defecerat, orta, seu Pontificis opera rebus suis studentis, *Nicolaus Estensis* exercitus Imperator electus. Vide *Girardacium Hist. Bon. p. II. lib. XXVIII.* Corium *Hist. Med. p. IV. Pign. lib. V. Gyrard. de Princip. Aest. in Vita Nicolai II.*

38. Si qui novi motus. Rubeis auctoribus excitarentur, a quibus spes oblata fuerat. *Angelus Hist. Parm.*

39. Quiescentibus civibus. Cautum fuerat a *Malaspinâ* urbis quieti, *Fagino Canè* ad cives compescendos ex oppido Petri evocato. *Girard. Hist. Bon. p. II. lib. XXVII.*

40. In castellum. Portæ *Jovis*.

41. Fratrem. *Manfredum*, nec non *S. Ambrosii* Abbatem *Barbavari* amicum interfecit, & Monasterium populo diripiendum concessit. *Corius p. IV.*

42. *Ugolinus*. *Marchio Viadanæ*, una cum *Joanne Pontono* *Cremonam* ingressi *Guelphæ*, & *Maltraversæ* factionis ope urbe potiuntur, *Joanne Castillioneo Mediolanensi* Ducali Vicario expulso. Ant. *Campi Hist. Cremon. lib. III.*

43. *Johannem Vinialem*, seu *Vignatam*, ut *Campi ibid.* & *Plat. Hist. Mant. lib. IV.*

44. Intromissi equites. *Faginus Canis* per arcem nondum

Carrariensi subjectam, civitatem multis equitibus ingressus eam Vicecomiti restituit. *S. Anton. Tit. 22. cap. 3. §. 41.*

45. Plurimum apud Ducem poterat. A *Galeatio Franciscum filiorum Tutorem* relictum asserit *Aquicola*; idque ex *Donato Prelo* confirmat.

46. Cujus ex familia uxor Ducis erat. Nempe *Antonia Malatestæ Ariminensis Principis* filia. *Campi Hist. Cremon. lib. IV.* Ducis nomine intelligendus *Joannes Maria Vicecomes*, non *Franciscus Mantuanus*, qui licet *Carolo Malatestæ* affinis esset, ut asserit. *Joann. Gobell. Comm. Pii II. lib. II.* non tamen Ducis titulo gaudebat, quem ejus successores obtinere.

47. Infcio *Vanne Castellano*. *Florentinorum* oratore, licet eo præsentem pax cum Legato facta fuerit, quod fraudulenter actum *Florentinis* foederatis non admonitis, damnat *S. Antoninus Tit. 22. cap. 3. §. 41.* & *Boninsign. Hist. Flor. lib. IV.*

48. Ejecloque presidio. *Fagino Canè* expulso, Legatum per *Pratellam* Portam introducere mense Septembri. *Fufius apud auctores Hist. Bonon.*

49. Ne exules reciperent pacti. Et insuper ne tributa imponerentur, *Ecclesiastica Beneficia* spoliatis redderentur, aliaque insuper quæ in *Pellino Hist. Perus. lib. XI. par. II.* *Rayn. Ann. Eccl. To. 17.* ubi Pontificum Breve exponitur.

1403 Religionem contemni, violari fidem datam, omnia pro arbitrio, & voluntate fide posthabita pro commodo habere. Non tamen Pontificis ope destituti *Florentini* animos submiserunt, sed audentius bellum profecuti, *Ugolino Cavalcabovi* 50 mille, & ducentos equites misere, quibus, eisque, quos paraverat fulctus *Mediolanensem* agrum adeo infestum reddebat, ut populus ad arma sumenda pro tumultu sæpius commoveretur. *Petro* insuper *Rosso Parmensi*, cujus opera *Parma* a Duce defecerat, auxilia, & pecuniæ missæ. Lacerabatur undique Ducis status, & magna calamitas urbes omnes adeo pervaserat, ut sua sponte nullo impulso *Ghibellinorum*, *Guelforumque* factio exasperatis odio animis mutua cæde grassaretur. 51

Conspecta *Florentinus* Populus tam adversa Adolescentis Ducis fortuna, ut cujus urbes a se tum deficerent, tum discordiis, & intestino odio periclitarentur, bellum nulla facta pace remiserunt: satis in tuto res suas fore rati, cum hosti, nedum aliena invadendi, sed ne tuendi quidem paterna, ulla potestas reliqua videretur; turbata etenim adeo erant omnia, ut civitas ipsa *Mediolanensis* nequaquam ei pro voluntate pareret; Reliquæ urbes majori ex parte in aliorum arbitrium devenissent. *Comum* 52 intestina seditione modo harum, modo illarum partium urbe civibus pulsus militaris libido hostili furore diripuit: *Alexandria*, *Vercellæ*, *Novaria* a *Montis Ferrati* Principe occupatæ: *Papia* 53 domestico odio lacerata est a *Fagino Cane* possessa, direptis omnibus factionis *Guelfæ* bonis: *Placentia* 54 ob domesticas seditiones sæpe a militibus direpta, quam a Concilio *Constantiensi* rediens desertam fere habitatoribus inveni: raræ ejus regionis urbes iram, avaritiamque militum effugerunt. *Brixiam* 55 *Pandulfus Malatesta* occupavit. *Faginus* præter *Papiam*, *Alexandriam*, *Terdonam*, multaque 56 præterea sibi subegit. *Otho* postmodum *Tertius Placentiam*, *Parmam*, *Regium Lepidi*, pulsus prioribus 57 dominis, ut tyrannus tenuit. *Verona* 58 quoque ad antiquos *Scalæ* Principes, quamvis paucis diebus 59 regnarint, defecit, quæ mala omnia a factione *Mediolani* inter Senatus Principes exorta originem traxere. Nam & 60 *Antonius Porrus*, & plures alii diversa cæde perierunt. Ipsa 61 Ducis Mater veneno sublata est. Dux adolescens, crudelis, immanis, ferus, ut

A non procul esset ab infania plurimos jussit occidi: ipse nonnullos vivos lacerandos canibus, edendisque objecit, adeoque illius dementia humanum sitiebat sanguinem, adeo efferatis erat moribus, ut a domesticis, cum sibi quisque timeret, interficeretur 62. Ob hanc tantam *Cisalpinæ Galliæ* cladem, *Florentini* ab inferendo bello cessarunt, satis esse ducentes eas regiones clade domestica afflictas. Audita *Philippus* 63 fratris nece *Mediolanum* pergit, superatissime, qui sibi urbis imperium usurpaverant, urbem ingressus fratris imperio successit, qui postmodum recuperatis amissis urbibus pacem cum *Florentinis* firmavit. Interea cum variis casibus conflictaretur *Gallia*, *Florentini*, ut acceptas injurias ulciscerentur, *Petro Balneorum* Comiti ejusque nepoti, qui cum *Galeatio* senserant, bello indicto, missoque in eorum fines *Jacobo Salviato* equestris ordinis satis firmo cum exercitu omnia illorum castella, paucos post ejus adventum menses deditioe facta receperunt. *Andreinus* quoque *Ubertinus* partium Ducis fautor, acerrimusque *Florentinorum* hostis, *Valle Ambra*, omnique majorum imperio pulsus est. In agrum quoque *Senensem* maritimum excursiones, prædæque factæ sunt, & *Castilionis Piscariæ* castellum in maris littore exædificatum per vim captum 64, pauloque post cum *Senensibus*, præsidio externo ejecto, civitateque in libertatem 65 redacta, pax firmata est. *Gabriel Maria* 66 vero *Pisarum* Imperio potitus, cum nullis legibus obnoxius tyrannorum more plurima infanda facinora, minimeque ferenda in dies patraret, odio civium contracto, sibi, suisque timens rebus *Florentiam* secreto misit, qui peterent, ut civem graviolem aliquem, quo cum de communi utilitate tractaret, ad se mitterent. Missus *Masus Albitius* equestris ordinis vir ingenti virtute, ad vicum *Pisanum*, quo *Gabriel* accesserat, cum amicitiam, societatemque illorum summopere appetere tyrannus videretur, ut *Florentinorum* umbra tutus pro arbitrio suo viveret, ita ab eo discessit, ut quæ postulatet quam primum ad Senatum se renuntiaturum affirmaret: ignarus enim *Gabrielis* voluntatis eo venerat, ut tantum mentem illius, animumque perspiceret: quæ omnia licet summa prudentia acta sunt, tamen ita occultis colloquiis agi haud potuerunt, quin eorum fama ad

50. *Ugolino Cavalcabovi*. *Cremonæ* Tyranno.
51. *Mutua cæde grassaretur*. Adeo ut *Ghibellinorum* carolaniarum affixa a *Guelfis* *Brixia* venderetur. *Cor. p. IV.*
52. *Comum intestina seditione*, &c. Post mutuam partium cædem debilitatæ urbis imperio potitus est *Franchinus Rusconius*, cui alia quoque oppida accessere, *Franciscus Ballarinus in Chronic. Epif. Comensium par. I. cap. 20.*
53. *Papia domestico odio lacerata*. A *Beccariensibus* in *Guelfis* pugnantibus. Tandem expulso *Philippo Maria* Vicecomite *Faginus* *Canis* noctu introductus eam occupavit, ac diripuit. *Cor. p. IV.*
54. *Placentia ob domesticas seditiones*, &c. *Direptionis* causa *Placentinis* deferenda, qui eam prius *Manfredo de Scottis* Civi, quo deinde ejecto, *Ottoni Bontertio*, tum *Francisco* Vicecomiti *Mediolanensi* tradiderunt. *Boninsegni. Hist. Flor. lib. IV.* *Direpta* vero est a *Fagino Cane*, *Gabriele Fondulo*, & *Otone Bontertio*. *Petrus Maria Campi Hist. Placentie p. III. lib. XXV.*
55. *Brixiam Pandulfus Malatesta* occupavit. Expulso *Francisco Carrariensi*, cum *Joannis* Vicecomitis nomine *Brixiam*, *Bergomumque* teneret *Malatesta*, Dominus ex *Gubernatore* factus est. *Joann. Gobell. Comm. Pii II.*
56. *Multaque præterea*. *Novariam*, *Comum*, *Vercellas*. Vide *Ann. Ant. Scip. Agnelli Maff. lib. IX.*
57. *Prioribus dominis*. Expulso Vicecomite, deinde *Petro de Rubeis*, quocum dimidium urbis Imperium pactus fuerat. *Angelus Hist. Parm. lib. III.*
58. *Verona quoque*. A *Guilielmo*, *Brunoro*, & *Antonio Scaligero* muris perfractis capta, ut *Hieron. a Corte p. II. lib. XII.*
59. *Quamvis paucis diebus regnarint*. XIV. tantum diebus. *Guilielmo* enim veneno per *Carrariensem* sublato, *Brunorus* salutis fuga consuluit. *Bugatus Hist. Univ. lib. V. Pugnae*

laboribus fatigatum *Guilielmum* occidisse asserit *Corte Hist. Veron. p. II. lib. XIII.*

60. *Nam & Antonius Porrus*. Nec non *Antonius* Vicecomes, *Joannes Pusterla*, *Mainus*, *Aliprandus* alique aut strangulati, aut a canibus dilaniati. *Cor. p. IV.*

61. *Ipsa Ducis mater*. *Catharina Bernabovis* Vicecomitis filia, uxorque *Galeatii*, a *Joanne Maria* ejus filio *Medocæ* oppido clausa, & veneno sublata. *Camp. Hist. Crem. lib. IV. & Boninsegni. Hist. Flor. lib. IV.*

62. *Interficeretur*. Dum ad *S. Gottardi* templum pergeret, a Vicecomitibus, *Pusterlis*, *Mainis*, *Aliprandis*, *Trivultis*, ut suos cognatos ab eo interfectos ulciscerentur, duobus vulneribus interfectus est, ejusque corpus meretricis cujusdam opera in eadem Ecclesia sepultum. *Spelta Hist. Papie ubi de Petro Crasso Ep. p. 385. edit. Pap.*

63. *Audita Philippus fratris nece Mediolanum pergit*. Ex Arce *Papiensi* ubi velut in custodia detinebatur *Philippus* fugiens, *Beatrice* *Tenda* defuncti *Fagini* *Canis* uxore sibi desponsata, omnes ejus opera urbes a *Cane* possessas, occiso *Cabrino Fondulo* *Cremonensi*, & *Joanne Vignato* *Laudensi* tyranno recuperavit. *Campi Hist. Crem. lib. III. Cor. p. IV. Fufius Blondus Dec. 1. lib. I.*

64. *Per vim captum*. Egressis ad pugnam militibus, dum se recipere, *Florentini* immixti oppidum capiunt. *Boninsegni. lib. IV. Hist. Flor.*

65. *In libertatem redacta*. Expulso *Georgio Carretto* *Mediolanensis* Ducis nomine urbem tenente, die XXVI. Maji MCDIV. *Senenses* concilio advocato, Vicecomitis insignia omnia abradentes pacem cum *Florentinis* fecerunt. *Malavolt. Hist. Senem. p. II. lib. XII.*

66. *Gabriel Maria Pisarum Imperio potitus*. Quod ei *Galeatius* ejus Pater reliquerat.

1404 ad *Pisanos* perveniret, qui suspicati aliquid de urbis venditione actum, tumultum populi libertatem clamantis excitarunt⁶⁷, quare commisso certamine *Gabriel* superatus, una cum Matre, cujus potissimum consilio utebatur, in arcem confugit: qua defuncta, firmo ad custodiam⁶⁸ praesidio relicto *Serezanam* oppidum concessit, ubi de tradenda *Florentinis* urbe est agitatum. *Florentini* illius potiundæ spe oblata, *Ginum Capponum* virum prudentem, & ad perficiendam rem aptissimum, ad *Johannem*⁶⁹ cognomine *Buccicaudum*, *Genuam* pro Rege *Galliae* obtinentem, cujus praecipue consilio *Gabriel* utebatur, Oratorem⁷⁰ mittunt, alterum vero ad *Gabrielem*, ut de conditionibus ageret. Multis utrinque dictis, postulatifque, tandem amissa omni recuperandæ urbis spe, *Gabriel Buccicaudi* cohortatione, civitatem cum omni ejus ditione vendidit⁷¹ *Florentinis*, *Serezana*, *Laventia*, nonnullisque ignobilibus castellis finitimis sibi reservatis. Recepta pridie kalendas Septembris, anno quinto supra mille quadringentos munitissima arce, *Ginus*⁷² (quo auctore composita omnia erant) *Laurentio Rafacano* cum quingentis peditibus ad custodiendam arcem misso, eam tradidit, monuitque, ut diligenter arcis custodiæ incumberet, ostenditque qua ex parte capi posset, quæque pericula imminerent, nisi ad omnia remedia animus intentus paratusque esset facile illam amissurum, quæ ut caveret obtestatus *Florentiam* rediit. Verum post assertam libertatem cum *Pisani* ad expugnandam arcem, machinas, ac bellica instrumenta, balistas, catapultas, cæteraque his similia paravissent, paucos⁷³ infra dies, ignavia eorum, quibus arcis tutela demandata erat, contigit, ut ea parte⁷⁴ qua praedictum fuerat, ingrederentur: praefectis vero, militibusque praesidii causa relicta, non ad defensionem, sed ad fugam intentis, arx capta solumque tenuis everfa. Inde *Pisanum* bellum difficile sane secutum est, tresdecim mensibus confectum. Arce diruta *Pisani*⁷⁵ Oratores *Florentiam* ad petendam pacem misere: Verum adeo eorum verba inferendis excedebant conditionibus; nam castella per *Gabrielem* tradita restitui⁷⁶ postulabant, ita praeteritarum offensionum memoria renovata est, ut illis extemplo abire iussis, non de pace, aut foedere, sed de bello omnium consensu ageretur. Multa populum ad bellum contra *Pisanos*, tanquam necessario suscipiendum incitabant: primum emptio⁷⁷ optimo jure facta, ut non injuria, sed iuste sumi arma

viderentur, deinde arcis amissæ pudor incitabat animos, quod dedecus victoriæ futuræ gloria refarciendum putabant. Irritabat præterea antiquum⁷⁸ *Pisanorum* in eos odium, in quorum republica delenda, sæpius omnibus viribus incubuissent: addebantur præterea studia diversarum partium, quibus semper amicorum officia omnia praestitissent, hærentes⁷⁹ Imperatoribus, cæterisque, qui *Florentinæ* urbis imperium, aut ruinam quærebant: accedebant ad inimicitiam renovandam, plurima asperaque bella inter utrosque, majori odio, quam viribus gesta: neminem ad eam diem exercitum in eos duxisse haud ignorabant, cui non confestim sponte sua, opes, & auxilia subministrarint, existimantes Populi *Florentini* damna suo accedere emolumento: *Britannos* quoque⁸⁰ nuper, qui in *Italiam* transcenderant præmiis ab eo conductos *Florentinum* agrum multis calamitatibus vexasse: itaque cum sæpius rem *Florentinam* suis consiliis, atque opera nutantem, ac⁸¹ dubiam reddidissent, operæ pretium visum est eam civitatem subigere, a qua in dies tot imminerent pericula, neque ulla certa spes esset illos adepta libertate æquiori erga se animo futuros: accedebat ad hæc maritimi portus⁸² commoditas, qui in *Pisanorum* arbitrio situs, Mercaturas (& antea⁸³ periculum factum erat) impediturus videbatur: durum sane existimabant in *Pisanorum* arbitrio consistere, velletur ne, negotiatoribus suis eum portum patere: facultas quoque omnis externis hostibus belli inferendi auferri, & perpetuæ quietis spes ostendebatur, in potestatem redactis his, qui & novorum bellorum semina præberent, & paci otioque adversi forent: quis enim credere posset, ab injuriis aliorum quieturos eos qui ipsi inter se nullo contenti statu, nullis firmis legibus, discordes, invicemque invidi domestica⁸⁴ semper factione mutuaque cæde patriam foedarent? Facultas quoque urbis expugnandæ proponebatur, cum nudata omni subsidio, haud magna opera in potestatem redigi posset: neque enim ab Imperatore, aut Regibus, aut ullo *Italiae* Principe auxilii ferendi ullam spem esse. Solos autem, cum impares essent viribus, non posse bellum diutius sustinere, & insuper existimandum esse eos mutuis injuriis incensos, antiqua factionum studia suscituros. Pacem igitur bello redimendam esse, nec prætermittendam inimicæ urbis expugnandæ occasionem datam. Hæc in consiliis, hæc vulgo jactata; civium animos ad bellum erectos acrius incenderunt, ut urbem tanto pretio emptam, æter-

1405

67. Tumultum populi excitarunt. Duce Remigio Glaccio, ut Ammirat. Hist. Flor. p. I. To. 2. lib. XVII.

68. Ad custodiam praesidio relicto. Thomasio Crivello, & Thoma Castellano praefectis. Ammirat. ibid.

69. Johannem cognomine Buccicaudum. Buccicaudum omnes pene auctores appellant, Gallice Jean a Laneingre Bucciquant, natione Gallus. Ammirat. ibid. & Ubert. Fol. Hist. Gen. lib. IX.

70. Oratorem mittunt. Nicolaum Barbadorum Buccicaudo, & Ginum Capponum Gabriello Mariae. Truncius Ann. Pis. ad ann. MCDV.

71. Vendidit Florentinis. 200. aureorum millibus acceptis. Malavolt. Hist. Sen. lib. I. p. III.

72. Ginus. Cappo Florentinorum legatus arcem ab Ugone Cellerterio Buccicaldi Vicario sibi traditam Rafacano dedit.

73. Paucos infra dies. Quinto ab arce Florentinis tradita. Truncius Ann. Pis. ad ann. MCDV.

74. Ea parte qua praedictum fuerat. Viæ, quæ moenia circuibat, inferior porta exitum clandeabat, per hanc Pisani ingressi; ut Matthæus Palmerius Hist. de Captiv. Pisanorum.

75. Pisani oratores. Quinque missi.

76. Restitui postulabant. Nempe Librafactam, seu Ripafactam, & Sanctam Mariam in Castello. Boninsegni. Hist. Florent. lib. IV.

77. Emptio optimo jure facta. A legitimo Domino, cui Pi-

E sæ Patris testamento obvenerant.

78. Antiquum Pisanorum in eos odium. A primis usque temporibus post Romani Imperii declinationem ortum. Deinde Justiniano imperante cum pro Pontificibus in Gothos arma sumerent Florentini, obingenitum odium in Florentinos, Pisani Gothis adhæfere. Aliam sed ineptam belli causam innuit Joann. Vill. lib. VI. cap. 2.

79. Hærentes Imperatoribus. Friderico primo, & Henrico septimo, & alii Friderico Henrici filio, rursusque Henrico, & Manfrido Friderici filiis, & Corradino eorum Nepoti.

80. Britannos quoque, &c. conductos. Britannorum manus, quæ cohors alba vocabatur, a Pisanis conductæ. Philip. Vill. lib. II. cap. 63.

81. Nutantem ac dubiam. Cladibus illatis, & praecipue praelio Monticatinensi ann. MCCCXV. quo Florentinorum copiae una cum auxiliariis Tarenti Principis omnino deletæ, Florentinaque ipsa ab Ugotione de la Fagiola obsessa fuit. Vide Gulielmum, & Albrigerum Cortusiorum Hist. lib. II. MS. apud C. Manfridum de Comitibus P. V.

82. Portus commoditas. Liburni scilicet.

83. Et antea periculum factum erat. Jam vidimus in lib. III. cum Galeatii triremes Pisanum Portum essent ingressæ, ut Florentinas naves deprædarentur.

84. Domestica semper factione. Bergolinis, Raspanibus adversis.

1405 ternos prope *Florentini* nominis hostes, vi armifque adorirentur. Indicto itaque omnium consensu bello, ac creatis Decemviris quorum de sententia, auctoritateque gereretur, *Bertoldum Ursinum Soanæ* Comitem cum exercitu equitum, peditumque duodecim millium in hostes⁸⁵ proficisci jubent, qui Montis *Pisani*⁸⁶ balneis expugnatis, atque incensis, ad Vicum octo passuum millibus urbi propinquum pergit, oppidum juxta *Arnum*, muris turribusque, tum loci natura, ad hoc arce difficili munitum, quod firma obsidione undique cinctum & circumvallatum, *Pisanum* agrum infestum reddebat, excursionefque (copiarum parte ad oppugnandum relicta) ad urbis usque moenia in diem fiebant. Urgebatur acrius oppidum, defensabaturque egregie *Pisanorum* præsidio, variaque tormenta bellica, machinæ balistæque, ac bombardæ muros verberabant: quotidie magna hominum cæde pugnabatur, acri certamine res gerebatur: qui intra oppidum erant consiliis hostium variis obstabant modis, adeoque præsentī animo resistebant, ut pluribus mensibus Ducis negligentia artis militaris ignari obsidio protraheretur, quo post⁸⁷ sex menses dimisso, *Obizus*⁸⁸ *Garullus* ei suffectus est. Tota hyeme in obsidione vici, & recipiendis castellis, populationibusque consumpta, grave bellum externum, intestinum multo gravius effecit. Erant in Civitate factiones duæ, *Gibellinorum*, & *Guelphorum*, capita vero *Agnelli*⁸⁹ *Rasantes* dicti, & *Gambacurtæ*, qui *Bergolini* cognominabantur. Pulsis *Gambacurtis* initio belli diversarum partium urbem regebant. Visum est itaque admodum utile ad urbis defensionem *Pisanis*, odia intestina sopiri, exulesque in urbem reduci, quo facilius plurium consilio, auxilioque munita civitas, defenderetur. Advocarunt⁹⁰ igitur *Johannem Gambacurtam* cum suæ gentis secta, qui in urbem restituti oblitteratis, ut videbatur, prioribus odiis firmataque inter eos jure jurando pace, publicæ utilitati consulturi videbantur, addita religione, cujus vinculum frangere nefas, & scelestum putatur: principes⁹¹ enim factionum sumpto ejusdem Sacramenti fragmento fœdus inter se firmarunt. At paulo post repetita injuriarum memoria, neque pluris religionem, quam fidem faciens *Gambacurta*, occiso *Johanne Agnello*, multisque ex primoribus adversæ factionis civibus⁹² cæde sublatis, tyrannidem urbis occupat, sperans propter antiquam majorum suorum cum Populo *Florentino* amicitiam, se ejus voluntate tyrannidem retenturum. Stulte id quidem nimis, qui sibi persuasisset tantum exercitum paratum esse, tantos sumptus factos, tot labores susceptos, ut ipse urbis imperio potiretur. Rebus in urbe compositis, extemplo *Gambacurta* a *Florentinis* petit, ut fide publica oratores mittere liceret, cum vero responsum redditum esset,

A illos se haud admissuros, nisi prius quod dicturi essent significasset, tunc quoque an daturi forent deliberaturos, spe exclusus omnia ad tolerandam obsidionem necessaria parat. Intentis omnium animis ad singula, quæ ad tutelam urbis spectarent, illa maxime angebat cura, ut frumentum undecumque in urbem comportaretur: nulli enim ambigebant obsidionem diutine ferri posse, si famem evitassent, quæ extremum malorum omnium videretur. In primis triremis una in *Siciliam* ad triticum vehendum missa, frumento onusta, cum ad littus *Vadæ* hostes fugiens appulisset, incensa est⁹³, & frumentum omne corruptum; quæ res haud parum terroris *Pisanis* incussit: ne tamen ad ultimum inopiæ adducerentur, triremes alias in *Siciliam* mittunt. Præparatis quæ pro maritimo commeatu agenda videbantur, ad curam terrestriis auxilii conversi, *Angelum Pergulensem* cum equitibus mille in subsidium evocant, qui cum per agrum *Senensium* maritimum adferendam opem *Pisanis* pergeret, prope *Volaterras* a *Florentinorum* equitibus ad id dispositis interceptus acie victus est. Ipse cum paucis fugæ consuluit. Non multo autem post *Guaspar Ubaldinus*, genere factisque clarus, cum equitibus mille, & quingentis, peditibus quadringentis a *Pisanis* conductus, dum ad illos proficiscitur, a *Ludovico*⁹⁴ *Innocentii* Pontificis nepote, hostiumque præfecto, prælio commissio fusus, ac profligatus est. Mandatum præterea præfectis equitum, qui in locis urbi finitimis erant, ut omni studio providerent, ne quid commeatus alteriusve rei, quæ ad victum pertineret in urbem deferretur: & cum obsidio Vici *Pisani* præter opinionem traheretur longius, visum est *Pisas* ipsas caput belli petendas atque obsidendas esse. Existimabant enim nonnulli oppidum in primis obsideri a duce *Bertoldo*⁹⁵ coeptum esse, quo *Pisanis* spatium daretur ad convehendum frumentum, aliaque defensionī utilia præparanda; itaque vis omnis belli in urbem conversa est. Sed cum videretur nulla re facilius, quam fame tantam, tam munitam urbem tam infestis civium animis expugnari posse, optimum factu visum est providere; ut commeatibus terra marique intercluderentur: & terra quidem exercitus Duci negotium datum est, ut undique a commeatu invehendo prohiberet: multi deferentes capti pœnas dedere, quo metu perterriti cæteri ab importando abstinuerunt. Ad maritimos autem commeatus prohibendos, pontem supra *Arnum* mare versus urbi propinquum firmissimis lignis, ac trabibus erigunt, defixis in aqua sudibus non parvæ crassitudinis, quo aditus, exitusque procluderetur. In utraque fluminis ripa pontem castellis firmissimis, ne qua vis illum disturbarer, muniunt, castellaque valido præsidio, ut hostibus dissipandi pontis facultas adimeretur, firmant, duceque exercitus de-

85. In hostes proficisci jubent. Die quinta Octobris, hora tertia noctis ex Astrologorum consilio. Ammirat. p. I. To. 2. lib. XVII.

86. Montis *Pisani* Balneis. Hoc est oppido Balneis propinquo, a quibus illi nomen.

87. Post sex menses dimisso. Bertoldus Ursinus, dum curando vulnere quod in Vici *Pisani* obsidione acceperat, operam daret, a *Florentinis* occasione usis dimissus.

88. *Obizus Garullus*. Seu a Monte Garullo, ut Ammirato placet, licet Obitium Carolum appellet S. Antor. Tit. 22. cap. 4. §. 3.

89. *Agnelli*, & *Gambacurtæ*. Ex quorum familia Jacobus Agnellus, & Petrus Gambacurta *Pisarum* Domini.

90. Advocarunt. Vide Truncium Ann. Pis. ad ann. MCDV. & Boninsegni. Hist. Flor. lib. IV.

91. Principes factionis. Raynerius Saccus Rasantis, & Joannes Gambacurta Bergolinæ.

92. Civibus cæde sublatis. In quibus filius Raynerii Saccii mari demersus est, tametsi Gambacurtæ filiam tanquam pacis perpetuæ pignus matrimonio sibi junxisset. Ammirat. p. I. To. 2. lib. XVII.

93. Incensa est. Petrus Maringhius Florentinus exul natus, facemque manu tenens eam in triremem injecit, levibusque acceptis vulneribus ad suos reversus est, cujus præclari facinoris præmio urbi restitutus. Mathæus Palmerius de Captiv. *Pisarum*.

94. *A Ludovico*. De Summariatis, vel Melioratis Sulmonensi, Innocentii VII. nepote. Leon. Aret. Hist. Flor. Pergulensem a Ludovico victum, Ubaldinum vero a Sfortia de Cutignola superatum, non a Ludovico asserunt Truncius Ann. Pis. Boninsegni. Hist. Flor. lib. IV. Ammirat. To. 2. lib. XVII.

95. Bertoldo. Ursino dubiæ fidei viro, & ob hoc dimisso, ut vidimus.

declarato Luca ⁹⁶ Flisco Genuensi omnes belli artes edocto, ab utraque urbis parte haud procul amoenibus, ut omnem externi auxilii spem auferrent, castra locant, urbemque obsidione cingunt; utque cuncta ordine procedant, ex Decemviris Masum Albitium equestris ordinis, & Ginum Capponum ad exercitum mittunt. Statutum quoque, ut qui ob caedem, aliamve, noxam capite damnati, aut exules facti usque ad finitum bellum stipendiis suis in castris militassent, aut alios suo nomine misissent condonata poena restituerentur: multi reditionis spe convenere, ac summo usui in eo bello fuere. His rebus admodum territi Pisani, cum spes maritimi frumenti adempta esset, & undique terra obsessi forent, externam opem implorare coacti, ad Ladislaum Regem misere, qui urbem illi traderent, advocarentque ad eam civitatem defendendam, recipiendamque, quæ se ultro ei dedisset. At is deditione ⁹⁷ rejecta, nequaquam se cum Florentinis Pisanorum gratia bellum aliquod suscepturum, respondit. Quo responso perculsa civitas (& jam fames increbrescebat) Gallie Regi ⁹⁸, scorsimque Johanni Burgundie duci ⁹⁹ urbem obtulere, se suaque utrique libere dedentes. Rex Florentinis oppidum sibi oblatum, deditumque significans, Ducem belli, civesque qui gerendo bello præerant, per caduceatorem, ac litteras monuit, ut ab armis discederent, cum regie ditionis factum esset. Responsum est a Florentinis emptam a se urbem esse ab eo ¹⁰⁰ qui in illa summum jus imperiumque a patre relictum obtineret: Credere se si notum hoc Regi extitisset, nequaquam illum pro ejus modestia, animique equitate quicquam quod injustum videri posset, postulaturum: emptionem optimo jure factam, & pecuniam persolutam, ut nulli sanæ mentis dubium esset æquo jure urbem ad eos spectare: neque civibus Pisanis ullum arbitrium permissum, se aut urbem dedendi: Venundatos enim, non sui, sed alieni juris esse, neque posse, quod legitime alteri datum esset, sine ejus voluntate in alterum per injuriam transferri. Commemorata sunt præterea mutua odia, Pisanorumque in Florentinos injurie, motaque ab illis bella, quibus Florentia maxima subisset pericula, ut necesse fuerit, si salvi esse velent suisque rebus consulere, eam subdere urbem semper suis hostibus faventem, adversantem amicis: apparatus etiam belli summo cum impendio factus ostendebatur, quem credebant tam sapientem, tam justum Regem nolle pati, ut frustra (quod gravissimum foret) factus esse videretur. Cariorem insuper Regi esse debere urbem Florentinam, quam majores suos instaurasse fama erat, certe auxisse semper, & conservasse constaret, ex quo apud eam regalis domus nomen continuo venerandum fuerit,

A quam Civitatem Pisanam, quæ non in Regis gratiam, sed in odium Florentinorum desperatis rebus quærat nunc in antiqua observantia, ac amicitia verbis discidia serere. Veruntamen missuros se ad Regem Oratores, qui ejusmodi rationibus docerent, Florentinos justum movisse bellum: Regem quoque, si id postularetur, sperarent auxilia daturum. His verbis regis nuntius permotus, cum quæ intellexisset, Regi se renuntiaturum diceret, speraretque non ingrata illi fore, in Galliam revertitur. Burgundie Ducis caduceator paucos post dies adveniens, cum verbis minantibus Ducem, exercitumque inde confestim abire mandaret, obsidionemque solvere ejus urbis, quæ a civibus suo domino tradita extitisset, Florentinorumque ² præfecti eisdem rationibus suam causam tutarentur, virque levis, & ira fervidus commotus animo acrius insultaret, ac verbis minas, contumeliasque adderet, superbe ferociterque nimium loqueretur, lictores quidam jussi hominem veluti dementem in flumen ³ propinquum dejiciunt, qui circumstantium ope ne suffocaretur, abstrahitur. Triremes ⁴ interim ad observandas naves in Siciliam profectas paratæ, cum illæ frumento onustæ redeuntes intelligerent frustra se aditum in urbem undique obsessam tentaturas, obque id retrocedere vellent, orto adverso vento in portum rejectas parvo certamine cepere. Ereptum ⁵ frumentum dimissis navibus in castra, oppidaque quæ fame urgebantur, comportatum est: quo accidit, ut inopia ubique in copiam verteretur. Intenti ad omnem rei bene gerendæ occasionem Pisani, cum Arnus continuus imbris præter solitum crevissset, vim magnam ingentium trabium, quas everfis domibus ceperant in flumen detulerunt, ut in primum delatæ pontem aquæ impetu dissolverent. Magna ex parte ceptis fortuna affuit, nam major illius pars disturbata est, adeo ut nulli ad alteros transitus daretur, eoque castella, & castra mutuo subsidio privarentur. Ea re animadversa cives magno ⁶ concursu ad id castellum, quod in ripa erectum erat, facto, omni conatu expugnare adorti sunt. Saluti fuere Præfecti ⁷ equitum duo, qui cum alia de causa ⁸ ferme soli flumen transissent, visa castelli oppugnatione, cum paucis equitibus, magnis vocibus jam jam adventare exercitum clamitantes, pugnantem populum aggressi sunt, adeoque se inter hostes immiscuere, ut uni ex ⁹ Præfectis equus occisus sit. Pisani credentes alias copias hostium affuturas (neque enim verisimile erat pauculos equites solos, sine spe subsidii majoris tantum Populum invasuros) territi ab oppugnatione destiterunt, fugientesque urbem repetunt: multi ¹⁰ ex eis capti, multi faucii interfectique sunt. Atrox enim ali-

96. Luca Flisco. Suffectus Fliscus in locum Obicii Montifarulli, qui ad sua tuenda reversus fuerat, in quæ Estensis irruerat.

97. Deditione rejecta. Pacti fuerant cum Ladislao Apulie Rege, ne Etruriæ rebus se immisceret, ipsique ex adverso promiserant, se nihil contra ipsum Romam occupare molientem facturos. Math. Palm. Hist. de Capt. Pisanorum.

98. Gallie Regi. Carolo VI.

99. Burgundie Duci. Caroli VI. patrueli.

100. Ab eo qui, &c. Hoc est a Gabriele Maria, cui a Galeatio hæreditatis nomine assignatæ fuerant Pise.

1. Majores suos instaurasse fama erat. De Carolo Magno intelligendum, de quo Ugolinus Verinus de Illustr. Urbis Flor. lib. I.

Egregios Carolus Romane stirpis alumnos

Fovit &c.

Majoremque novis præcinxit mœnibus Urbem,

Templa resarcivit veteri decussa ruina &c.

Vide notas in lib. I.

2. Florentinorumque præfecti. Masus Albitius, & Ginus Capponus ex Decemviris ad exercitum missi.

3. In flumen dejiciunt. Nonnulli licet Scriptores publico Flo-

rentinorum jussu præcipitem actum referant Burgundie Ducis Caduceatorem, ut Ammirat. & Bugat. Hist. Un lib. V. Mattheo Palmerio tamen libentius adhæserim, qui lib. de Capt. Pisanorum narrat eum a Florentinis quibusdam paulo audacioribus, noctu in Arnum projectum; non enim in Burgundie Ducis contumeliam hoc publico jussu fieri potuit.

4. Triremes interim. Genuensium a Florentinis conductæ.

5. Ereptum frumentum. ad 2000. modia, ut Boninsegni. Hist. Flor. lib. IV.

6. Magno concursu. Eruptionis Dux fuerat Cola Matus, qui cum paucis Mercenariis equitibus Pisis erat.

7. Præfecti equitum duo. Sfortia, & Tartalea flumen, duobus tantum famulis comitantibus, trajecerant.

8. Alia de causa. Non alia de causa, quam ut oppidum tuerentur. Nam flumen antea non trajecerant, sed visis hostibus ex adversa fluminis ripa cymbam Sfortia conscendens in subsidium advolarit, quem Tartalea emulatione actus subsequutus est. Matthæus Palmerius de Capt. Pis.

9. Uni ex præfectis. Sfortiæ.

10. Multi capti. Fugientium nonnulli fessi, vel timore compulsi inter arbusa, vepresque se abdiderunt, qui a Florentinis capti sunt, una cum populi vexillis. Matth. Palm. lib. I.

P. Bracciolinus. G

11. Ma-

1406

quandiu certamen fuit, *Pisanis* in ea expugnatione salutis suæ spem ponentibus, hostibus summa vi castellum defendentibus: quibus etiam hi qui in altero castello citra flumen erant, animadversa castelli oppugnatione, ascensis lembis, naviculisque quæ in promptu erant, trajecto fluvio opem focis tulere. Turbabant quam plura adversa *Pisanorum* mentes, quibus ad deditionem compellerentur: Nam & maxima pars ¹¹ oppidorum, quæ sub illorum imperio erant, tum vi, tum fame a *Florentinis* recepta erant, & jam Vicus ¹² post decimum obsidionis mensem in potestatem venerat, fames quoque rebus cæteris periculosior populum urgebat, & tum maritimi, tum terrestres auxilii spes sublata animos civium debilitabat: jam consumptis herbis, radicibusque, immunda animalia mandere compellebantur, multique in diem ex plebe fame interibant. Hoc fædo spectaculo territi *Pisani*, mulieres, senesque, & imbellem turbam ex urbe foras ejiciunt, qui a *Florentinorum* Præfectis in urbem ¹³ redire compulsi sunt, quo maturius consumptis cibis, necessitate urgente, aut tumultus excitaretur, aut urbis deditio fieret. His tot malis domiti cives, crescente in dies fame, cum tabida corpora per vicos, moribundique ante oculos obversarentur, omni desperata subsidii salute, veluti stupidi incerta consilia versant animo, neque deditionem sibi persuadentes, neque valentes amplius famem ferre. Hanc ob rem sibi metuens *Gambacurta*, penes quem tradendæ urbis ¹⁴ potestas erat, tandem oratores ¹⁵ noctu in castra, veritus ne si id populus rescisceret, se invito urbem Legatis traderet, data publica fide, qui de conditionibus urbis dedendæ agerent, misit. Re itaque pluribus noctibus cum Decemviris clam agitata, ad postremum pacti sunt ¹⁶, ut aureorum quinquaginta millia *Gambacurta*, & oppida quæ de Petro Comite *Balnei* capta erant, insulas præterea *Gorgonam*, *Caprariam*, *Gilium* reciperet: exules quoque *Pisani* omnes, qui suæ factionis erant restituerentur: civitate ¹⁷ insuper familia *Gambacurtæ*, & immunitate, egregiaque domo *Florentiæ* donaretur; ipse urbem, agros, oppidaque, & quicquid *Pisanorum* ad eam diem fuerat, libere *Florentinis* traderet: injurias, datis utrinque ¹⁸ obsidibus pro fide servanda, prohiberent. Hæc *Florentiæ* ad Senatum per *Ginum* renuntiata, & si gravia omnibus viderentur, cum haud ambigerent paucos infra dies famem compulsuram *Pisa-*

A nos ad deditionem, & per vim expugnari posse, tamen existimantes satius esse incolumi, quam eversa urbe dominari, ac pacato ingredi, ne a militibus diriperetur, (populi decreto confirmatis omnibus) auctoritate publica *Ginum* in castra redire jubent, qui mature receptis castellis, oppidisque, quæ in *Pisanorum* potestate erant, exercitusque præsidio in urbem immisso, quinto Idus Octobris, anno Salutis sexto post mille trecentos, tertio decimo vero post bellum captum mense, *Pisas* ¹⁹ per *Gambacurtam* occupat. Recepta summo cum otio urbe imperii æmula, ac sub jugum redacta, panis abunde ²⁰ omnibus datus est: nec hostile quicquam, aut asperum in ea patratum. Post ingressam urbem, curiam in qua Magistratus summus erat, *Ginus* petiit, ab iisque quæ per *Gambacurtam* acta erant, comprobari voluit, & claves portarum in signum deditionis tradi. Hæc tanta Fortunæ commutatio nonnullorum flexit animos ad contemplandam vanam, & parum ²¹ fidam rerum humanarum sortem: Nam cum ab his, qui urbi præfuerant a *Gino* peteretur quid acturi essent, abire domo, & *Florentiam* ire jussi, & qui ante cæteris imperari soliti erant, alterius imperio parere coacti sunt. Postridie, cum Civitatis status esset constituendus, *Ginus* utile fore ratus, ad mitigandos civium animos, & ad spem futuri erigendos, concione advocata, *Nescio Pisani cives* (inquit,) *vestrone delicto, an nostra virtute tantam urbem in nostrum arbitrium Dei voluntas redegerit, sed tamen existimandum videtur, tanti numinis consilio, & opera, vestrorum tum adversus Ecclesiam* ²² *Romanam, tum contra vosmet ipsos, tum erga nos quam plurium malorum facinorum memoria haud oblitterata illis vestram urbem subdidisse, quibus semper inimicissimi exististis: nam scelus per vos in Dei Antistites, quos crudeli morte in mare suffocastis* ²³ *patratum: & intestinae seditiones, proditionesque civiles mutuis semper odiis excitatae, mala quoque permulta, quorum auctores* ²⁴ *contra nos fuistis, ad vindicandam tantam iniquitatem, crudelitatemque summum Deum provocarunt. Quo enim animo, ut de nobis loquamur, erga Florentinos fueritis, ipsi testes sumus, quos sæpius nullum ob nostrum delictum, ut libertatis* ²⁵ *discrimen induxistis: nam vos, & Imperatorum* ²⁶ *omnium contra nos insurgentium sedem, & auxilia præbuisistis, & Britannorum* ²⁷ *exercitus mea memoria per vos in Urbis nostræ perniciem comparatos, fines no-*

stros

11. Maxima pars oppidorum, &c. A Florentinis recepta fuerat, ut Tojanum, Mons Calvus, Mons Scutarius, Vivaria, Ghizzanus, Leolis, & Petiolum.

12. Vicus in potestatem venerat. Ea conditione se dederat, ni infra decem dies auxilium adveniret, quod cum minime advenisset, Florentinos excepit. Matth. Palm. ibid.

13. Qui a Florentinis in urbem redire compulsi sunt. Captis prius pluribus, laqueoque suspensis, & fœminis, tonsa ad umbilicum veste, sigillo candente fronti inusto signatis, ut refert Truncius Ann. Pis. qui hoc a Florentinis factum putat, quod Pisani Florentinum militem asini caudæ alligatum per urbem duci jussissent.

14. Tradendæ urbis potestas erat. Quippe ejus tyrannidem occupaverat.

15. Oratores noctu in castra misit. Bindum de Brachis, & Gasparem Vajanensem Pisanos cives, quæ Boninsegnius lib. IV. Hist. Flor. addit Gambacurtæ fratrem olim Pisarum Archiepiscopum, aliumque ejusdem familiæ virum, fortasse Bartholomæum.

16. Pacti sunt. Publico documento, a Bartholomæo Ghez-zano Pisarum Notario die III. Octobris scripto in suburbio Pisano. Truncius Ann. Pis. prope finem.

17. Civitate insuper. &c. Non Gambacurta tantum, sed & Laurentius Ciampolinus, Joannes de Brachis, & Bartholomæus Notarius, e Ghez-zano, civitate donati.

18. Datæ utrinque obsidibus. Qui in arce Librafactæ custodiæ Elisci, Tartaleæ, & Sfortiæ commissi sunt. Eorum nomina recenset Ammirat. To. 2. lib. XVI.

19. Pisas per Gambacurtam occupat. Advenientibus Floren-

tinis Gambacurta obviam progressus sagittæ ferrum, in Pisarum Domini signum ei obtulit. Matth. Palm. de Capt. Pisarum.

20. Panis abunde datus. Ut multi nimia voracitate suffocarentur. Ammirat.

21. Parum fidam rerum humanarum sortem. Cum ad hæc redacta fuerit urbs adeo potens, quæ Sardiniam, & Corsicam Saracenis expulsi, sibi adjunxerat, nec non Elbæ Insulam, Ptolemaidem insuper, & Genuenses pene ipsos sibi subjecerat.

22. Adversus Ecclesiam Romanam. Adversus quam Ludovicum Bavarum Imperatorem adjuverant, & Petrum Raimundum de Corbaria Pseudopapam in suam urbem summoplausu receperant.

23. In mare suffocastis. Advenientes ex Gallia & Anglia, ad Concilium a Gregorio Pontifice indictum anno 1327. Episcopos Genuensibus trirēibus adfectos, Pisani Federici Imperatoris impulsu in mare dejecere. Joann. Vill. lib. VI. cap. 2.

24. Auctores contra nos fuistis. Conradinum Federici Imperatoris filium adversus Florentinos evocaverant ann. MCCLXVII. & bis Florentinorum exercitum deleverant hoc est anno MCCCXV. & MCCCXLI.

25. In libertatis discrimen adduxistis. Exulibus præcipue Florentinorum juvenis, ex quo factiones in urbe incaluerunt.

26. Imperatorum omnium. Federici I. Henrici VII. Frederici II. Caroli IV. & Henrici VIII.

27. Britannorum exercitum mea memoria, &c. Quinquæ Britannorum millia Alberto Germano Duce a Pisanis conductæ,

1406

stros omni clade vexare iussistis : vos nuper Vicecomitum familiam, libertatem nostram appetentem, omni ope iuvistis. Vos mercatoribus nostris portu vestro interdixistis, duplicatisque vectigalibus urbe excedere coëgistis : vos Galeatium, quo nobis facilius imperaret, in dominum recepistis : multæ præterea injuriæ in nostrum periculum emanarunt, quæ cum vobis nota sint omittenda esse duxi. Unum minime prætereundum est, neminem unquam fuisse Populi Florentini hostem, qui non vobis fuerit amicus, cui non faveritis alacres, ac lati omnibus malis, quæ inferrentur nobis. Hæc causa maxime nos movit ad consulendum salutem libertatis nostræ, quam semper dubiam per vos reddi conspiciebamus. Vestris igitur meritis, vestris operibus coactus est jure Florentinus Populus, ut eos sibi aliquando subjiceret, qui se aliorum servos esse voluissent : Dei beneficio, & nostra virtute effectum est, ut potiremur victoria, pacatoque urbem milites ingrederentur : a rapina, cædeque, & sanguine temperatum est : nihil cuiquam ablatum : nulla vel parva injuria quis affectus : id egimus, uti non deleri tantam Civitatem velle, sed conservare acceptam videremur. Hoc vobis argumentum sit, quo erga vos animo in pace futuri simus, cum belli tempore, & in victoria licentia, quæ solet esse insolentior, tanta moderatione usi simus, servantes urbem, quam delere jure belli pro arbitrio licebat : servati ad unum estis omnes, & bona sua singulis concessa : cibus insuper abunde datus, quo esurientia corpora reficerentur : mittite Florentiam, qui adeant Senatum nostrum, ac vos, vestraque omnia illius judicio libere permittant ; certior etenim sum, humanitatem, & clementiam uberiores apud illum, licet hostem quondam, reperietis, quam sitis apud cives vestros experti. Sciunt omnes Pisanum populum, non solum otii, & quietis, quæ civilium dissensionum quandoque causam præbeant, tempore ; sed in periculossimo quoque bello, quod solet etiam discordes cives ad communem salutem hortari, civilibus odiis, & in cæde civium sævire solitum. Itaque haud dubium est ejusmodi hominum quieti conducere, ut pareant melioribus, quandoquidem neque pacis, neque belli jura servare didicerunt, cum in otio discordes, in bello crudeles fuerint in perniciem Civitatis. Nunc sub justo imperio futuri, curate fidem servare, ac parere Magistratibus, qui nihil imperabunt, nisi quod justum, æquumque videri possit. Cum hæc dixisset, surgens Bartholomæus Ciampolinus gratias egit, tum Deo primum, tum populo Florentino, suisque legatis, quorum opera conservati essent, multisque in laudem humanitatis eorum dictis, qui se perire noluisent, cum belli jure liceret tum fame, tum incendiis, tum rapinis urbem delere, civitatem bel-

lo festam commendavit : tanta restare eorum erga se merita asserens, ut nisi ingrati videri cuperent, perpetua tanti beneficii memoria nomen eorum celebrare tenerentur. Dimissa concione, viginti oratores²⁹ a Civitate Florentiam missi, & ducenti præterea cives postmodum ire iussi, futuri in urbe, quoad arx antiqua instauraretur, quæ biennio perfecta est. Civitatis regendæ cura Magistratibus, qui juri dicendo præessent, permissa est. Prætorum primus a Senatu *Ginus*³⁰ designatus, homo prudens, atque integer, qui sicut bello gerendo, ita & pace gubernandæ urbi utilis videretur. Multum hæc victoria contulit Florentinis, tum ad famam, tum ad commodam, tum ad salutem. At in urbe post supplicationes omnibus templis, ac gratias Deo solemni pompa actas, aliquot dies summa cum lætitia acti. Dies quoque, qua urbs est recepta, quotannis equorum cursu celebris facta est. Biennio ab armis quæta civitate successit bellum a *Ladislao Siciliæ Rege* contra Florentinos motum : cujus origo a Pontifice *Gregorio*³¹ XII. orta est : promiserat³² enim, juraverat, voverat, dum de eligendo Pontifice disputarent, se, si Pontifex factus esset, schisma quod in Ecclesia annos amplius³³ tringinta viguerat, sublaturum, Pontificatuque si opus foret ultro se abdicaturum. Multa initio egit, quæ signa ostenderent animi haudquaquam a promissis abhorrentis, demum dulcedine dignitatis captum, tardantemque, ac tergiversantem, & his qui servanda promissa asserabant, pacemque Ecclesiæ appetebant infestum, infensumque, Cardinales, duobus³⁴ exceptis, qui & ipsi postea cæteros secuti sunt (omnes hi *Luce* cum Pontifice erant) deseruere, *Pisam*que urbem propinquam, cum jam sibi ab eo³⁵ mortis insidias intellexissent paratas, petivere. Eodem & alterius Pontificis *Benedicti*³⁶ Cardinales, concilii celebrandi causa convenerunt : in quo *Gregorius* interim a Cardinalibus destitutus, cum *Luce* esset, incertus Florentinorum animi, multis promissis favorem sibi *Ladislai* conciliavit ; qui in gratiam Pontificis, quem ex voluntate nactus erat sibi obsequendi cupidum, Florentinis³⁷ scripsit velle se cum suis copiis *Lucam*, ut inde Pontificem educeret, proficisci : petiitque, ut per eorum agrum sine injuria, & maleficio transire liceret, com meatuque, & hospitium præberent, addiditque se cum ipsis foedere jungi velle : quæ omnia ab eo ad perturbandum futurum concilium dicebantur. Responsum tulit, ad eum missurum populum Florentinum oratores, qui secum de postulatis agerent. Erat Regis animus elatus imperandi cupiditate, & jam plura Ecclesiæ³⁸ oppida ipsamque³⁹ urbem occupaverat, cætera sibi desponderat,

1406

ducta, quæ usque ad Florentiæ mœnia ventum est, anno MCCCXLII. Philipp. Vill. lib. XI. cap. 36.

28. Civilibus odiis, & cæde civium. Anno MCCCXLIII. Pisana urbs bis direpta, & primores civium adversis inter se factionibus sublati. Deinde ann. MCCCXLV. plebe cum nobilibus congregiente, atrox prælium fuit, & publica scripta, ejecta Potestate, igne absumpta. Truncius Ann. Pis.

29. Oratores Florentiam missi. Bartholomæus Scornus, Gherardus Compagnus, & Gaspar de Lavaciana. Hos, cum Florentiam pervenissent ante Dominorum sedes, humi se abiecisse, terramque osculatos obedientiam promississe, narrat Matthæus Palmerius de Capt. Pisarum.

30. *Ginus Capponus*. Primus Pisarum pro Florentinis Prætor, & Alamanus Adimarius primus ex Florentinis Pisarum Archiepiscopus, deinde Cardinalis.

31. *Gregorio XII.* Antea Angelo Corrario Patr. Veneto, Cardinali Aquilejensi, titulo Sancti Marci.

32. Promiserat enim, &c. Adhibitis etiam notariis, & testibus confirmavit, suaque manu scripta Tabellionum notavit. Plat. in Vita Greg. XII.

33. Amplius tringinta. Nempe ab anno MCCCXXXVIII.,

quo Urbanus VI. in Pontificem electus, usque ad annum MCDVIII.

34. Duobus exceptis. Henrico scilicet Tusculano Episcopo & Antonio tit. S. Potentianæ. Odor. Rayn. Ann. Eccl. To. 17. ad ann. Christi MCDV.

35. Ab eo mortis insidias intellexissent paratas. Paratos enim fuisse compedes ad illos detinendos, & militibus ultra morem palatium repletum, testati sunt Cardinales, quæ ne Luca discederent, indictum est. Contra hæc sentit Card. Baronius To. 2. n. 74. & Rayn. To. 16. nam nullæ insidiæ Cardinalibus paratæ, & si inhibitus Luca discessus fuit, hoc factum, ne cum Antipapa communicarent.

36. *Benedicti*. *Benedicti XIII.* hoc est Petri de Luna, qui sibi hoc nomen assererat.

37. Florentinis scripsit. Epistolamque detulit Christianus Caracciolus *Ladislai* Legatus. Scip. Ammir. To. 2. lib. XVII. Hist. Flor. p. 943.

38. Ecclesiæ oppida. Uti Asculum, Firmum, Perusium, Tudertum, Assisium.

39. Ipsamque urbem. Romam, ejus mœnibus noctu perfractis, ut in Epist. Greg. XII. Senis data VI. Idus Sept. P. Bracciolinus, G 2 ejusd.

1408

derat, si *Gregorium* ad se recepisset. Quapropter odio erant ⁴⁰ illi Cardinales, & quicumque eis in peragendo Concilio faverent: exoptabat vir ambitiosus, & alieni cupidus Ecclesiæ vires distrahi; quas debiliores duobus fore, quam in uno Pontifice arbitrabatur: ob eam causam se *Gregorii* partes sequi simulabat, qui interim *Senas* per *Florentinum* agrum tutus repetiit, ibique urbem accepta ⁴¹ pecunia Regi tradidit. *Florentinorum* ⁴² oratores ad *Ladislaum* decreti, cum *Romam* venissent, petenti Regi ut & Cardinales suis urbibus pellerent, neque concilium admitterent, deque amicitia, & societate secum jungenda tractarent, utrumque negarunt: nam & in fœdere manifestæ insidiæ apparebant, cum ablata per injuriam a *Romana* Ecclesia tenenda essent, & viribus futuri in concilio Pontificis, suas quoque tutiores intelligebant. Neque enim dubium erat, quin novus creatus Pontifex omni ope instaret, ut amissa omnia aliorum ignavia recuperaret. Hoc responso indignato Regi, multaque minitanti, unum ex oratoribus *Bartholomæum Valorum* prompti ingenii respondisse ferunt, populum *Florentinum* a pluribus Imperatoribus, tyrannisque appetitam libertatem ad eam diem & conservasse, & suas auxisse opes, bellumque si inferretur, magno animo, & paribus viribus gesturos. Cum Rex ad ea, quibusnam copiis se tuerentur rogaret, tuismet respondit: quæ verba a Rege haud parvi existimata sunt, verente, ne quod postea accidit, a suis defereretur. Inde dimissis oratoribus, *Neapolim* ad extremum æstatis revertitur. Magnum timorem *Florentinis* antea incusserat apparatus Regis, incertique erga se ⁴³ animi suspicio. Multa enim apparebant signa irati erga se, & dominandi cupiditate æstuantis. Hanc ob causam, cum Sancti *Eustachii* Cardinale legato *Bononiensi* fœdus ⁴⁴ renovatum, & duo oratores ⁴⁵ ad Regem, qui principio veris ad urbem redierat, indeque cum magno ⁴⁶ exercitu profectus agro *Senensi* appropinquabat, missi, Julique prius *Senas* ad confirmandos socios adire, auxiliaque pro libertate adversus Regem servanda polliceri. Constantissimi ad se tuendum inventi *Senenses*, & suos ad Regem oratores destinarunt, petituros (nam eorum oppidis ⁴⁷ finitimus erat) quid sibi vellet hostilis profectio, cum nullum ob suum meritum ab eo Rege sibi bellum inferretur, cujus semper amicitiam coluissent. *Senis* digressi, Regem citra *Aquæpendentis* ⁴⁸ oppidum juxta flumen *Paleæ* cum omnibus copiis proficiscentem invenere. *Florentini* priores, mirari suum populum, cum omnium Progenitorum

A socii amicique semper extitissent, ac *Carolus Primum* Regnum appetentem etiam suorum civium auxilio adjuvissent, plurimumque ad victoriam contulissent; cum *Roberto* quoque, Patri insuper suo omnia amicorum officia præstitissent, secumque ad eam diem summa benevolentia amicitiaque fuissent, quenam ratio, quæve causa eum impulerit ad *Senenses* socios eorum, fœderatosque bello appetendos: nullam certe, neque justam, neque honestam causam afferri posse, cur nullo, præsertim ut ⁴⁹ moris est gentium, indicto bello, eorum insultet agris: rogare, atque obsecrare, ut ab armis abstineat, vi atque injuria eos laceßere abstat. Si quid esset, quod ab eis postulatur, aut siquam injuriam in se profectam arbitretur, proferat: paratos se, aut diluere culpam, aut satisfacere, si qua in re se læsum putaret. In eandem sententiam, & *Senensium* oratores loquuntur. Responsum ab Rege est, scire se haud vulgarem amicitiam inter suos majores, ac *Florentinos* viguisse, seque, non ut hostem ⁵⁰, sed socium, atque amicum advenisse, neque eorum damna, atque incommoda appetere. Nonnulla esse, in quibus se offensum putet, quæ pro pace Italiae corrigi querat. Eadem, & *Senensibus* cum dicta essent, addidit Oratorem se, tum *Senas*, tum *Florentiam* cum mandatis missurum; si postulatis suis annuerent, se quam primum abiturum, ipopondit. Hoc responso rediere domum utrique oratores, haud dubii, procul ab his quæ dixerat, Regis mentem esse: pacem ostentari verbis, re Imperium quæri, quod per duorum populorum dissensionem, si ea injici posset, se affecuturum putabat. Regius orator *Senas* missus, in plurium electorum civium (nam id postulatam ⁵¹ erat) conventu, propensum ad eorum amicitiam utilitatemque Regis animum testatus est, neque inimicum illis, sed amicum venisse: eorum libertatem neque appetere, neque minuere in animo esse, sed potius tueri. Rogare, ut *Florentinorum* societatem rejicerent, neve, se contra *Florentinos* eunti, pro scuto aut vallo in illorum tutelam præberent. Id *Florentinos* quærere, ut defatigati bello *Senenses* faciliores aditus illis darent ad se expugnandos: medii quiescerent nemini faventes, de regia potius, quam *Florentinorum* (qui pacta ex tempore fervarent) fide securi. Odiâ etiam narravit, bellaque *Senensium* cum populo *Florentino* habita: non posse illorum animos curarum expertes esse, cum *Florentinam* Rempublicam pervalidam opibus, vicinam haberent: tempus advenisse dicebat, quo per illorum calamitatem tutiores esse possent, procul ab omni periculo futuri: multæ suspensiones injectæ sunt, multaque exposita, quibus suadere conatus

ejusd. Pontif. ann. I. apud. Rayn. To. 16. p. 316. Edit. Col.

40. Odio erant illi Cardinales, &c. Cum Siciliæ Regnum in hoc schismate, Gregorius Ladislao, & Benedictus Ludovico Andegavensium Duci concessissent, verebatur, ne utriusque Pontificis in Concilio abdicatione facta, Gallorum aliquis in Pontificem eligeretur, qui Ludovico faveret. Hinc pro virili concilium impedire conabatur. Leon. Aret. lib. II. ep. 6.

41. Urbem accepta pecunia Regi tradidit. Immerito calumniam hanc Gregorio structam asserit Leon. Aret. lib. II. epist. 7. idque ex eo probat, quod idem Pontifex Ladislao monuerit, ut ab ea discederet, penis indictis, ut lib. II. epist. secr. p. 118. apud Raynaldum To. 16. Adde insuper Romam a Paulo Ursino proditam: nam Ladislao pecunia conciliatus eam illi tradidit, qui triumphali more a Romanis exceptus est die XXV. Aprilis, ut Theodoricus Niemius lib. III., & Collen. Hist. Neap. lib. IV.

42. Florentinorum oratores. Laurentius Rodolphus, Philippus Magalotus, Jacobus Salviatus, & Bartholomæus Valorius. Priorist. Flor.

43. Incertique erga se animi suspicio. Quin immo certi contra Florentinos animi: indixerat enim illis, ut vel Pontificem ab auxilio a Ladislao petendo removerent, vel octo

millia militum suo in agro expectarent. Petrus Boninsegni. Hist. Flor. lib. IV.

44. Fœdus renovatum est. Ad annos decem, Joanne Predebene Cardinalis oratore ad hoc Florentiam misso pridie kal. Junias. Ammirat. To. 2. lib. XVII.

45. Duo oratores. Christophorus Spenus, & Rodolphus Petruccius.

46. Cum magno exercitu. Octo equitum, & septem millibus peditum.

47. Eorum oppidis finitimus erat. Castra enim maritima in ora posuerat prope ditionem Lecci Salimbenii. Malavolt. Hist. Sen. lib. I. p. III.

48. Aquæpendentis oppidum. Inter *Senas* 40. & *Volfinios* Romam versus 10. pass. mill. cujus populi a *Plinio* *Aqueenses* appellati.

49. Ut moris est gentium indicto bello. Tanti hoc faciebant Romani, ut nullum bellum justum esse, nisi quod, aut repetitis rebus geratur, aut denunciatum ante sit, & indicium, referat Cicero de Off.

50. Non ut hostem, sed socium. Imo vero ut hostem, quippe armatus venerat.

51. Id postulatam erat. Ideo plures ex civibus alloqui postulaverat Legatus, quia illos, quos penes summa auctoritas erat, sibi infensos putabat.

1409

staret de foedere ageretur. Abiret ex sociorum finibus, metuque, & periculo eos liberaret, tunc pacis & foederis conditiones tractari posse, quas nunquam *Florentinus* si recte darentur esset recusaturus. Redirent igitur, & Regi persuaderent, ut honeste id relinqueret, quod nulla honestate suscepisset, alioquin cogerentur Regis injuriis impulsus in eam rationem descendere, quam suae libertati profuturam arbitrarentur. Haec responsa cum utrinque ⁵⁹ legati in castra retulissent, indignatus Rex exercitum *Senas* admovit ⁶⁰, si qua forte seditio in populo excitaretur. At omnes cives constanti animo Regis injurias tulere, nullaque in re, praeterquam quod segetes in equorum pabulum demessae sunt, ejus arma *Senensibus* obsuerunt. Verum cum jam commectus ⁶¹ deessent omni spe deditiois destitutus, retro versus *Ascanum* petiit, quo frustra oppugnato ad *Florentinorum* oppida conversus, montem *Savinum* obiecta spe per prodicionem ⁶² ejus oppidi capiendi in primis obedit, qua frustratus *Aretium* contendit, ac ad secundum lapidem in *Vico*, qui *Ulmus* dicitur, positus castris confestim, nil tale suspicantibus civibus, ad urbem proficiscitur. Imber procellae repentinae similis caelo demissus impedit, quo minus extento cursu oppidum ingrederetur. A longe conspecti quidam cum tumultum excivissent, sublato ponte, portisque clausis oppidani muros conscendunt; Cumque ad arma conclamatum esset, ad portam hosti obiectam citato agmine profecti urbem tutati sunt, *Ladislaus*que re infecta in castra reversus est. Egregia eo die *Aretinorum* fides, ac virtus fuit, soli enim urbem defenserunt, militibus qui in urbe praesidii gratia erant in arcem populi timore fugientibus. Decemviri animadversa Regis *Aretium* versus profectione, *Malatestam* ⁶³ *Pisauriensem* exercitus Ducem, cum sex equitum millibus, tribus peditum in hostes proficisci jubent. Rex vero cum pluribus diebus eodem in loco stativa habuisset, atque inanem laborem a se susceptum sentiret, neque ab hostibus satis tutus videretur, motis castris in agrum *Cortonensem* ad oppugnandam urbem contendit. Expugnatione vero illius diffusus tum propter loci naturam, tum quia egregie a *Jacobo Giamfiliatio* equestri ordinis custodiebatur, qui eo cum equitibus, peditibusque quingentis belli principio a *Florentinis* Regis consilia prospectantibus, ut urbi sociae succurrerent, missus erat, tanquam agris ⁶⁴ bellum indixisset, omnem futurae messis spem auferre studebat; qua re animadversa oppidani famem veriti, simul *Loysium* tyrannum exosi concitato po-

1409
A pulo se se Regi permiserunt. Captus ⁶⁵ tyrannus ad Regem in castra victus, una cum *Giamfiliatio* perducitur, qui magno pretio, pecunia ex aërio sumpta a *Florentinis* redemptus est. His gestis *Perusiam* ⁶⁶ primo petiit relictaque majori exercitus parte, quae de Pontifice captis urbibus praesidio esset, *Neapolim* rediit. Dum haec aguntur, *Alexander Quintus* ⁶⁷ Pontifex, cum *Pistorium* primo, ubi plures menses resedit, deinde *Bononiam* se contulisset, Regesque omnes Christiani, tribus *Hispanis* ⁶⁸, & *Ladislaus* exceptis, populi insuper omnes, & universa *Italia*, ac ipse Imperator, cujus ope Concilium peractum erat, illi parerent, magnum terrorem *Ladislaus*, propter ea quae secuta sunt, incussit. Nam creato Pontifice sentiens *Ludovicus* Rex ⁶⁹ Dux *Andegaviae*, qui post Patris obitum magnam Regni partem tenuerat, haud parvas dissensiones inter *Florentinos*, & *Ladislaum* excitatas, eique etiam Pontificem iratum esse, ratus venisse tempus, quo adversus hostem *Italorum* ea praesidia suppeditarentur, per oratores de jungendo secum foedere *Florentinos* postulavit, qui animadverso hostili erga se *Ladislai* animo optimum factu putarunt externa ope vires hostium compescere. Cum nulla igitur paratior videretur via, quam haerere Regni competitori, qui maxime ab eo formidaretur, mense Junio ⁷⁰ inter *Ludovicum*, quem *Alexander* privato *Ladislaus* Regem *Apuliae* declararat, ac *Florentinos*, legatumque *Bononiensem*, ac *Senenses* firmatum est foedus, in cujus conditionibus nominatim cavebatur, quot equites, peditesque in gerendo adversus *Ladislaum* bello singuli praerent. Suadebant omnes *Alexandro*, cum *Pistorium* ⁷¹ venisset, ut cum omnibus, quae plurimae, parataeque erant copiae, recta ad recuperandam urbem pergeret: sed cohortatione, consilioque Legati futura ⁷² praevidentis *Bononiam* urbem sibi fatalem migravit. Interim foederatorum equites, peditesque ad octo millia mense Septembri *Romam* versus Duce *Malatesta Pisauriensi* profecti, Urbem veterem, *Flasconem*, *Viterbium*, caeteraque omnia Patrimonii oppida *Romam* usque recepere: pouloque post urbs ipsa, *Pauli Ursini*, qui a Rege defecerat opera, ad Pontificem rediit: Capta enim *Transiberina* regione, reliquae urbis cives *Ladislai* praesidio ejecto se se Legato Pontificis dederunt: inde *Latinum* petentes omnibus ejus urbibus partim ultro se se deditibus, partim vi in potestatem reductis potiti sunt. His actis *Malatesta* Dux *Florentiam* rediit. Secuta ⁷³ interim *Alexandri* morte, Legatus

59. Utrinque legati. Id est Florentia, & Senis reversi.

60. Senas admovit. Ad mille passus. Petrus Boninsegn. *Hist. Flor. lib. IV.*

61. Commeatus deessent. Tanto exercitui alendo haud satis esse poterat quod a Perusio, & Salimbeni oppidis deferre batur, cum alia omnia loca Florentinis foedere conjuncta essent.

62. Per prodicionem oppidi capiendi. Opera Fabiani Boscoli Aretini, qui ejus in exercitu erat: Boninsegn. *Hist. Flor. lib. IV.*

63. Malatestam. De Malatestis Pisauriensem Pandulphi filium.

64. Agris bellum indixisset. Unde Rex Guastagrano denominatus.

65. Captus tyrannus. Loysius Casalis a Ladislao captus, & in vincula conjectus veluti bellua, donec Perusiae, deinde Neapoli in carcerem missus fuit, ut Francisci Casalis a se interfecti poenas lueret. Boninsegn. *Hist. Flor. lib. IV.*

66. Perusiam petiit. Tanto a Perusinis exceptus plausu, ut florenos mille ad ludicra spectacula insumpserint. Pellinus *Hist. Per. p. II. lib. IV.*

67. Alexander Quintus. Antea Petrus Philargus, non Crerensis, seu Graecus, sed de Candia, Mediolanensis ditionis. Card. Tit. Basilicae SS. XII. Apostolorum Pontifex in Pisano Concilio renunciatus MCDIX. VI. kal. Junias.

E Niemius *lib. III. cap. 52.* Vide Dan. Papebrochium in *Propileo ad Acla Sancti. in Conatu Chronico Hist. ad Catalogum Rom. Pontif. p. II. p. 109. & 110.*

68. Tribus Hispanis, & Ladislao exceptis. Haerebant Hispani Reges Petro a Luna, cujus affinis Ferdinandus erat Aragoniae Rex.

69. Ludovicus Rex Andegaviae. Filius Ludovici, qui in Italiam contra Carolum Apuliae Regem, Ladislai Patrem descenderat. S. Anton. p. III. Tit. 22. cap. 5. §. 6.

70. Mense Junio. Die XXVIII. pax firmata usque ad ann. MCDXI. Ejus conditiones vide in Ammirat. *Hist. Flor. par. I. To. 2. lib. XVII.*

71. Cum Pistorium venisset. Mense Augusto fugiens pestem, quae Pisis grassari coeperat. Dominic. Boninsegn. *Hist. Flor. lib. IV. prope finem.*

72. Legati futura praevidentis. Balthasar Costa Bononiae Legatus Pontificem valde senem brevi interitum conjiciens, & Pontificatum appetens apud se illum detinebat cum omnibus Cardinalibus illi inservientibus. Quin immo eum veneno tollere molitus fuerat, ut constat ex sententia in Conc. Const. adversus eum lata apud Rayn. *To. XVII.*

73. Secuta Alexandri morte. Quinto Idus Maji cum annum ageret LXXI. Pontificatus mense decimo, non duodevigesimo, ut Brietius *Ann. Mundi p. III. To. 2. Parisiis*, cum enim ipse fateatur p. 341. Pontificem creatum sexto kal.

1410 gatus ⁷⁴, qui Bononiæ erat, Pontifex est factus nomine *Johannes XXIII.* animo adversus *Ladislaum* inimico, infestoque. Percussus novi Antistitis dignitate *Ladislaus*, cum sciret illum sibi inimicissimum esse, *Ludovicum* vero Regni competitorum Pontifex detineret in *Etruria*, *Florentinorum* quoque vires reformidans, varia etiam adversus se consilia agitari animadvertens, sibi cum *Florentinis* pacem omni studio procurandam decrevit, cum arbitraretur ea asscuta suas vires firmiores, hostium vero debiliores fore. Itaque *Gabriele Bruncellesco Florentino* cive *Florentiam* missus, qui nomine suo eam peteret, ut facilius in amicitiam descenderent redditurum se, quæ in *Genuensium* nave oneraria de illis ceperat, obtulit, *Cortona*que pro amissis daturum. Primores civitatis prudentia, & rerum usu præstantes, quibus Regis mens satis perspecta erat, vastusque illius animus immoderata semper appetentis, non concordiae cupiditate, sed belli futuri timore, & astu, doloque ⁷⁵ ab eo pacem quæri prædabant, suadebantque ejus mentionem rejiciendam, belloque manifestum hostem persequendum esse. Alii contra sentiebant, accipiendum munus ⁷⁶ urbis oblatum afferentes, cum pax, quæcumque daretur, potior bello foret. Demum civitas bellicis fessa, exhausta pecuniis accipiendam pacem censuit, quæ multis utrinque agitatæ, tandem per *Torrellum Pratensem* Jurisconsultum, & *Angelum Philippi filium Pandulphinum*, ad id missos ⁷⁷ oratores, constituta est: cui etiam *Senenses* accessere. Pacis conditiones plurimæ dictæ; ne foederi quod eis cum Pontifice, & *Ludovico* cæterisque esset, ea pace derogaretur, utque *Ladislaus*, aut urbem *Romam*, aut quicquam ex iis locis quæ citra sunt, aut certo spatio propinqua capere, & tenere minime liceret, utque res per *Florentinis* mari ablata (cæ sexaginta aureorum millia consuebant) restituerentur, *Cortona*que ⁷⁸ pro his populo *Florentino* traderetur, qua recepta, ac solempni more quintodecimo kalendas Februarii, decimo supra mille quadringentos anno publicata pace, ad *Ludovicum* Regem (is *Prati* erat) & ad Pontificem oratores ⁷⁹ missi, qui causas afferrent firmatæ necessario pacis, adderentque nil detractum societati, quæ adhuc vigeret. Ad *Ladislaum* ⁸⁰ quoque oratores, qui de concordia inter eum, & adversarios constituenda agerent, profecti. Sollicitabatur crebris oratoribus a *Romanis* Pontifex, ut ad urbem re-

A diredt, in qua sedes antiqua *Petri* haberetur; ad hanc rem multis cohortantibus, mense Martio *Romam* ⁸¹ petiit, seque copias omnes subsequi jussit; *Ludovico* vero, ut ad urbem proficisceretur persuadet: eo cum venisset cum sex equitum electorum millibus, hortante Pontifice fines Regni ingressus apud *Cepparanum* ⁸² consedit, expectaturus pugnandi occasionem. *Ladislaus* quoque cum magno exercitu in agro *Casinate* juxta *Pontem* ⁸³ *Corvum* in extremi Regni finibus castra posuit. Flumen duos ⁸⁴ exercitus dividebat. Ut primum tempus opportunum visum est, Pontificis ⁸⁵ copiae trajecto flumine *Ladislaum* aggrediuntur. Diutius magnum certamen fuit. Tandem victoria pro *Ludovico* stetit: acie victus ⁸⁶ Rex mense Julio cum paucis effugit, fususque, fugatusque exercitus magna ex parte captus & vestigio de industria dimittitur: fugientem cum paucis Regem equitum Præfecti insequi noluerunt. Hortabatur *Ludovitus*, cum victoria in manibus esset, ne *Ladislaus* spatium se confirmandi darent: facile esse vincere fugientem, præsertim spoliatum exercitu, & prope solum, atque a suis destitutum. Sed *Paulus Ursinus* ⁸⁷ cæterique equitum Ductores, qui bellum trahi, quam victoriam consequi malebant, & *Ludovico*, & ipsi Pontifici parum fidi, procrastinando tempus hosti dedere se colligendi, exercitumque instaurandi. Nulli dubium fuit, quin si victum persequi voluissent, aut *Ladislaum* ⁸⁸ capi, aut debellari eo die potuissent. Sed præfectorum dolo vincendi occasio est amissa. His Pontifici relatis, cum haud ignarus esset suorum culpa tantam victoriam e manibus delapsam, desperansque suos meliori fore animo quippe (qui vinci *Ladislaum* nolent) cum Rege ⁸⁹ pacem constituit, maxime ad eam motus, ut *Paulum Ursinum* ⁹⁰ ulcisceretur, quo victoria impedita erat: quam Rex parvo servavit tempore, & Pontifici, & *Florentinis* occulte hostis. Quapropter æstate ⁹¹ sequenti, magno cum exercitu iter versus *Latium* cepit. Erat ante *Paulus Ursinus* multis de causis odio Pontifici: propterea illum a se in speciem custodiendi *Piceni* cum suis equitibus ablegaverat, secreto Regi ⁹² significans gratum sibi fore, si *Paulus* (ut clam conventum erat) sua opera tolleretur. Id Rex pollicitus locum fraudi oblatum non prætermisit; ea enim simulatione apertius exercitum paravit, se *Picenum* ostentans petiturum: & forsitan ita egisset, ut *Pauli* auxilio Pontificem priva-

kal. Junias anni MCDIX. & sequenti pagina obiisse dicat quinto Idus Maji ann. MCDX. duodeviginti menses interesse non poterant. Tenuisse autem Pontificatum menses deesse non poterant. Tenuisse autem Pontificatum menses deesse non poterant. Tenuisse autem Pontificatum menses deesse non poterant. Tenuisse autem Pontificatum menses deesse non poterant.

74. Legatus, &c. Balthassar Cossa Pontifex electus.
75. Doloque ab eo pacem queri. Ut Florentinis non adversantibus omnes vires in Pontificem, & Ludovicum Andegavensem converteret, queis subactis deinde Florentinos peteret.

76. Munus urbis. Cortonæ.

77. Ad id missos oratores. Neapolim pro Florentinis: Florentiam vero pro Ladislao ad pacem jungendam Eques Monacellus de Anna missus. Ammirat. Hist. Flor. par. I. To. 2. lib. XVIII.

78. Cortonaque pro his. Una cum duobus oppidis Pierli, & Mercatole, ut Ammirat. ibid.

79. Oratores missi. Bartholomæus Popoleschus, & Pallas Strozzius.

80. Ad Ladislaum quoque oratores. Cristophorus Spinus Eques, Joannes Seriftorius Doctor, & Aloysius Pittus. Ammir. p. I. To. 2. lib. XVIII.

81. Romam petiit. Postquam ad annum Bononiæ moratus fuerat.

82. Cepparanum. Oppidum, ubi limes agri Romani, aliter Patrimonii S. Petri. Briet. Parall. Geog. p. III.

E 83. Pontem Corvum. Aliter Fregellas, urbem olim claram Latii, nunc oppidum Campaniæ.

84. Flumen duos exercitus dividebat. Liris, Latium a Samnio, & Campania dividens.

85. Pontificis copiae. Sfortia Cotignola duce, qui primus Lirim trajecit, Collenut. Hist. Neap. lib. V.

86. Victus Rex cum paucis aufugit. Ladislaus ad castrum Rocasica non multum a pugna loco distans in rupe altissima situm se recepit. Theodoricus a Niem. in Vita Joannis XIII.

87. Ursinus ceterique equitum ductores. Scilicet Sfortia cum Ursino prædæ incubuere: noluit enim Ursinus Ladislaum penitus tollere: illo enim sublato, & a bello, & a stipendiis cessabatur.

88. Ladislaum capi, & debellari eo die. Ipse Ladislaus dicere solitus, se primo die, & vita, & Regno spoliari potuisset, secundo non quidem vita, sed tamen regno, tertio nec vita, nec regno. Collenut Hist. Neap. lib. V.

89. Cum Rege pacem constituit. Die XXV. Junii. His conditionibus, ut Neapolitano regno potiretur: Sicilia, expulso Aragoniæ Rege Gregorii fautore donaretur: Ecclesiæ signifer designaretur, aliaque quæ videre erit in Pign. Hist. Princ. Atest. initio lib. VI.

90. Ut Paulum Ursinum ulcisceretur. Qui trahi bellum stipendiorum causa curabat.

91. Æstate sequenti. Anni MCDXII.

92. Regi. Ladislao.

1412 varet, nisi *Romanarum* exulum cohortatio ab ea cogitatione illum avertisset: ii frequentes secum erant, urbemque pollicentes impulerunt, ut *Romam* peteret. Securus sibi *Iohannes* ob occultas conventiones a Rege videbatur fore: timebat tamen nonnihil, cum *Latia* appropinquantem audisset, averſa a *Piceno* via, quoniam ſciret, expertusque eſſet parum ab illo fidem ſervari ſolere. Haud tamen⁹³ ægre ferebat vulgari famam adventare ad Urbem *Ladiſlaum*, quo facilius excuſare poſſet moram in *Germaniam* pro celebrando concilio tranſcendendi: neceſſarium enim videbatur pro defendenda urbe haud procul abire: neque vero ullo pacto arbitrabatur tam facile nullo negotio, aut accidit, *Ladiſlaum* urbe potiturum. Ita cum inter ſpem, metumque verſaretur animus dubius, neque tam repente⁹⁴ ullas copias *Ladiſlao* opponendi facultas eſſet, ille ad mœnia urbis acceſſit, effraſtoque noctu ab exulibus⁹⁵ muro prope *Capenam* portam, ita ut libere equites ingredi poſſent, partem copiarum in urbem ire juſſit. Mane capta Urbis parte, quæ deſerta fere habitatoribus jacet, tumultuque ubique excitato, cum repellendi hoſtis ſpe deſtitutus eſſet Pontifex, diſſiſus⁹⁶ populo cum paucis⁹⁷ auſugit, ſequē *Florentiam*⁹⁸ contulit. *Ladiſlaus* abſque certamine *Romam* ingreditur. Parabant ſe *Romani* ad deſenſionem: jamque ad duo millia equites ædificia ingreſſos, obſtructis viis, ut neque progredi neque regredi poſſent, ceperant: Sed audita Pontificis fuga, diſmiſſis equitibus omnique ſpe auxilii præciſa, ſe Regi permiſere. Urbe potitus in primis Mercatores omnes *Florentinos*⁹⁹ per ſummam fraudem ſpoliavit. Nam cum illi tum mercaturas, tum pretioſiora quæque apud amicos in tumultu occultaveſſent, ille data publica fide, quæ in perſidiam verſa eſt, omnes cum ſuis rebus ſalvos fore, multis verbis hortatus unumquemque, ut bono eſſent animo, utque depoſito timore

A omni res ſuas ex conſuetudo ſecuri agerent, nil ab eo metuentes; quo factum eſt ut ſinguli ſua domum referrent, cum tuti ab omni calamitate fide Regia interpoſita viderentur. At ille qui pluris illorum ſpolia, quam ſuam fidem faceret, in captivitatem omnes adduci, bonaque eorum diripi imperavit. Sceleftum facinus, non ſolum nomine Regio indignum, ſed Pirata etiam nequiſſimo; quorum eſt in rapinis quoque promiſſam fidem ſervare. Poſt fugam Pontificis omnia ferme de *Romana* Eccleſia, præter *Bonomiam*, a Rege occupantur. Inde veritus ne cum Pontifice¹⁰⁰ nova ſe adverſus inirentur a *Florentinis* fœdera, pacem denuo¹ cum eis conſtituit: non ea quidem mente, ut in propoſito perſeveraret: quippe qui dominandi ſtudio incenſus cuncta perturbaret; ſed ut pacis nomine negligentiores *Florentinos*, imparatioresque adoriretur. Siquidem paulo ante obitum amenti ſimilis *Florentiam* ſæpius appellans, *Florentiam* eundem eſſe dicebat, atque ad id reliquos hortabatur. Sed fatiſ volentibus, quibus hominum conſilia ſæpius interrumpuntur, ab armis ceſſatum, & peſtis² iniqua ab *Italia* ſubmota. Nam cum poſt factam pacem in æſtatis fine *Romam* conceſſiſſet, in morbum³ incidit, *Neapolim*que⁴ triremi delatus diem ſuum obiit, maxima eorum, quibus formidini erat lætitia, quarto, ac decimo ſupra mille quadringentos anno. Libera *Ladiſlai* morte ab omni bellorum metu civitas, plurimum opibus, & divitiis crevit, decem ferme annos otio quietique dedita: Eccleſia quoque *Romana*, quæ in tres Pontifices⁵ ſciſſa erat, creato *Conſtantie*⁶ *Germanie* oppido Pontifice *Martino Quinto Columnenſi*, anno decimo, & ſeptimo poſt mille quadringentos in priſtinum ſtatum⁷ reſtituta. Qui ad *Italiam* rediens, cum *Florentie* pluribus reſediſſet menſibus, eaque mora parum *Florentinis*⁸ amicus factus eſſet, *Romam* proficiſcitur.

93. Haud tamen ægre ferebat, &c. Jam in *Germaniam* miſerat *Ioannes* Pontifex duos Cardinales *Florentinum*, & de *Celantho*, qui *Conſtantiam* ad Concilium habendum deſignaverant. Cum vero ipſum facti poenitiſſet, metum ex *Ladiſlai* adventu ſimulans, *Romæ* ſe continebat, & Concilium, a quo ſibi timebat, differendum iudicabat. Dan. Papebroch. in *Conatu Chronic. Hiſt. ad Catalog. Rom. Pontif. p. II. p. 110.*

94. Tam repente ullas copias. Non enim ullum certum Capitaneum deputaverat (ait *Theod. Niemius* in *Vita Joannis XXIII.*) unde *Romani*, & *Curiales*, qui occurrebant ad hoſtibus reſiſtendum, ad lares proprios deſiciente duce redierunt.

95. Ab exulibus muro. Dormientibus cuſtodibus, muris perfractis, ſummo mane juxta Eccleſiam S. Crucis Urbem ingreſſus eſt. *Niemius* *ibid.* apud *Rayn. To. 17. Ann. Eccl. Col. Agrip. p. 430.*

96. Pontifex diſſiſus populo. Qui in contraria ſtudia ſciſſus erat: aliqui enim *Ladiſlai* partes ſequebantur ſtipendio obſtricti. *Niem. ibid.*

97. Cum paucis auſugit. *Sutrium* primo, deinde *Viterbium*, tum ad *Faliſcos*, tum *Senas* migravit.

98. *Florentiam* ſe contulit. Urbem tamen non eſt ingreſſus, ſed in quodam ſuburbano Episcopi *Florentini* loco moratus eſt: cum enim *Florentiæ* alii Pontifici, alii *Ladiſlao* faverent, diverſis partium ſtudiis ne motus aliquis ori-etur, metuebatur. *S. Anton. p. III. Tit. 22. cap. 6.*

99. Omnes *Florentinos*, &c. ſpoliavit. Licet, ut jam diximus, cum illis pacem feciſſet. Vid. *Collenutium Hiſt. Neap. lib. V.*

D 100. Cum Pontifice nova inirentur a *Florentinis* fœdera. Noverat enim Pontificem *Sigismundi* Imperatoris, *Hungariæ*que Regis opem petiſſe, cui ſi *Florentini* accederent, peſſime ſecum actum iri conſiciebat.

1. Pacem denuo cum eis conſtituit. Die XXII. Junii in Caſtris prope *Alſium* poſitis, præſente *Henrico Luſignano Gallicæ* Principe. *Scip. Ammirat. Hiſt. Flor. p. I. To. 2. lib. XVIII.*

2. Peſtis iniqua. *Ladiſlaum* peſtem appellat, qui in *Italia* non ſecus ac peſtis graſſatus fuerat.

3. In morbum incidit. Non *Romæ*, ſed *Peruſii* febre correptus fuit. *Pellinus Hiſt. Per. p. II. lib. II.*

4. *Neapolim*que triremi delatus, &c. *Romam* prius conceſſit, deinde *Neapolim*, *Paulum Urſinum* captivum ducens. Ibi autem obiit die VI. Auguſti; Regni ſui ann. XXIX. *Collen Hiſt. Neap. lib. V.*

E 5. In tres Pontifices. *Gregorium*, *Benedictum*, & *Joan-nem*.

6. Creato *Conſtantie* Pontifice. A Concilio creatus Pontifex Oſto *Columna* S. *Georgii* Diaconus Cardinalis, *Joanne* ultro dignitatem abdicante, & concilii ſententiam ſubſcribente. *Plat. de Vit. Pontif. in Vita Joann. XXIV.*

7. In priſtinum ſtatum eſt reſtituta. Poſt ſchiſma, ſub *Urbano VI.* inceſſum ann. MCCCCLXXXVIII. & ad XL. annos protractum, tandem anno MCDXVII. Eccleſiæ priſtina pax reſtituta eſt.

8. Parum *Florentinis* amicus factus eſſet. Huiusce rei cauſſa in ſequenti libro habetur.



POGGII BRACCIOLINI,

Florentini,

HISTORIARUM FLORENTINI POPULI LIBRI QUINTI EPITOME.

1418 *Foedus cum Philippo Mediolani Duce a Florentinis feritur. Genuam ille intestinis agitaram odiis capit, bellumque in Florentinos movens eorum exercitum in Flaminia apud Zagonaram ingenti strage fundit. Venetorum auxilium Florentini*

sibi adjungunt, Brixiaque ductu Carminiolæ occupatur. Pax per Pontificem composita. Bellum a Vicecomite sub ipsa pacis initia renovatur; suumque ipse exercitum in Venetos Florentinosque ducit.

LIBER QUINTUS.

1418 **D**IUTURNAM Florentini populi pacem, quæ decennio¹ ferme viguit, primum turbavit bellum, cum Philippo Duce Mediolani coeptum anno supra millesimum quadringentesimum vigesimo tertio, ita incerto gestum Marte, ut eos qui ante ferme pro victis habebantur, victoria secuta sit: Varia quippe belli diutius fortuna fuit. Id certe constat raro multis antea sæculis tanto militum numero, tot copiis, tanto apparatu, simul terra marique in Italia bellatum esse, ut paribus opibus, viribusque (hæc utrinque erant amplissimæ) neque minore odio sit certatum. Ejus initium belli cum Ducis culpa parum² jura pacis servantis contractum fuit, tum haudquaquam adversante Pontifice Martino, qui Florentinos non injuria exosus, opes eorum debilitari, frangique cupiebat: quæ ut notiora fiant, paulo videtur altius ejus origo repetenda. Recuperato post fratrem³ interfectum Mediolano, plurimisque paternæ ditionis urbibus, quæ per tyrannos⁴ occupabantur in potestatem reductis, ampliandi imperii cupidus Philippus animum adjecit ad oppugnandam Genuam variis factionibus⁵ laborantem, cujus⁶ Dux erat Thomas Fregosus Vir prudens, magnique animi, & ad resistendum parati. Veritus ergo a Florentinis subsidia illi suppeditatum iri, omni studio cum eis pacem quæsit, & primo Sancti Antonii Abbatem ad tentandos Florentinorum animos, deinde sex Oratores, qui de pace aperte inter eos firmamenta (cum jam pluribus annis tacita viguisset) tractarent, Florentiam misit. Summa postremæ legationis fuit: nulli ignotum esse quantas attulerint Italiæ clades bella, quæ inter majores suos, & Populum Florentinum hætenus extitissent: optare Ducem, ut nedum submoverentur bellorum, quæ ori-

Ari possent occasiones, sed summa perpetuaque concordia inter eos statueretur, omnisque armorum a quibus Ducis animus abhorret tolleretur suspicio. Scire se Venetos semper pacis, atque otii cupidos fuisse: Pontificis animum sibi compertum esse si ea pax sequeretur, quominus universa Italia in otio esset diutius quietura: sibi mentem immemorem esse præteritorum dissidiorum, quin potius meminisse post paternam mortem, cum Gallia omnis bello flagraret⁷ Florentinos, cum parvo impendio plurimum damni inferre potuissent, ab armis cessasse: hortari se eos ad sumendam eam pacem quam singuli appetere, cum omnibus esset profutura. Velle Ducem eos habere parentis loco, nec quicquam malle, quam notum omnibus gentibus esse, nihil sibi esse antiquius pacis, & quietis cupiditate: hanc se proculdubio majorum suorum ambitioni longe anteferre, quæ nihil aliud longo tempore peperisset, quam Galliæ, ac Etruriæ vastitatem; ab earum memoria abhorreere Ducis mentem testabantur, ocium, & quietem cæteris humanis præferentem rebus. Suadere Florentinis, ut eundem animum sumant, communique consilio provideant⁸ Italiæ quieti: His, aliisque in eam sententiam in frequenti Senatu recitatis, fuere plurimi, & seniores⁹ præsertim, qui dicerent eam pacem tanquam infidam rejiciendam esse, & id, quod postea re ipsa compertum est, Legatorum verba plena insidiis videri, omniaque ad fallendum spectare: Non enim quæri a Duce sincero animo, sed simulato pacem, quo facilius Florentinorum metu vacuus queat in quos velit insurgere: meminisse Florentinorum subsidiis excitatos, adjutosque¹⁰ contra fratrem tyrannos, quod ne sibi quoque accideret, si quid novi tentaret, vereretur: Nequicquam standum esse promissis ejus, qui fidem ex quæstu pensitaret: Ducem aliud ore loqui, aliud occultum animo gerere: pacem ab eo ostentari, bellum in-

1. Decennio ferme viguit. Ab anno MCDXIII. usque ad annum MCDXXIII.

2. Parum jura pacis servantis. Cum enim in pacis conditionibus esset, ut Florentini a Gallia, Dux ab Etruria, & Piceno abstineret, Forumlivium occupare molitus est.

3. Fratrem interfectum. Joannem Mariam.

4. Paternæ ditionis per tyrannos occupabantur. Ut Cremona a Cavalcabovæ, & Laus Pompeja, cujus tyranni Joannes Vignati, & Cabrinus Fondulus interfecti. Vide Joannem Baptistam Villanovam Hist. Laudis Pomp. lib. III.

5. Factionibus. Fregosorum, & Adorniorum.

6. Dux erat Thomas Fregosus. Licet contra hunc, Ducem suum sibi exules elegissent Theramum Adornium. Uberr.

E Foliet. Hist. Gen. lib. X.

7. Cum Gallia omnis bello flagraret. A tyrannis omnes fere urbes occupatæ fuerant.

8. Provideant Italiæ quieti. Quietem Italiæ suadebat, & bellum in Genuenses moliebatur.

9. Seniores præsertim. Quorum Princeps Ginus Capponus qui hanc habuit Orationem. Ammirat. To. 2. lib. XVIII.

10. Adjutosque contra fratrem tyrannos. Ugolinum Cavalcabovæ Cremonæ Tyrannum mille ducentis equitibus adjuverant Florentini. Præterea Petro Rubeo, cujus opera Parvata a Joanne Maria Duce defecerat, militibus & pecunia præsto fuerant, ut est in superiore libro.

1418 tus latere, cui nulla pax, sed cupiditas regnandi cordi esset: non quæri ab illo concordiae foedus, nisi ut quibus dominari cuperet omni spe externi auxilii destitutos in servitutem trahat: optare illum sopiri pacis umbra *Florentinos*, quo securius *Genuenses* expugnet, simul atque hi in potestatem redacti sint paternum dominandi animum sumpturum: ardere illum cupidine regnandi, & ab eis incipere, qui essent proximiores. Quo enim jure *Genuensibus* bellum intulerit, aut quæ ratione appetat aliena, nisi cupiditatis impulsu? emerfuram paulo post eam flammam latius, quam Reipublicæ expediat, si pacis titulo inclusus ignis nutriatur: eandem filio¹¹ mentem fore, quæ fuerat Patri: expugnatis *Genuensibus*¹² translaturum illum arma in *Etruriam*, si qua detur facultas: consultius videri, aut dubio, incertoque responso remitti Oratores, aut præsidio adesse *Genuensibus*, quo vicino bello distineatur, quam per simulatam pacem illos desertos auxilio pati: tutiora semper consilia dubiis esse præferenda; non tantum præsentī quieti, sed futuræ quoque providendum esse. Alii dandam petenti pacem censebant, neque prætermittendam præsentem quietem futuri belli metu: neque vero *Genuensibus* in potestatem redactis Ducem adeo potentem fore, ut ab eo occupandæ *Etruriæ* periculum immineat, cum omnis ejus Patria adeo diutinis, intestinisque seditionibus, & bellis vexata jaceat, ut multis annis nequeat in priores vires exurgere: posse fieri, ut vera ab Oratoribus dicerentur, neque desperandum pacis illum foedera servaturum, cujus nomen adeo mortales alliciat, ut abominandum videatur oblatam ultro repudiare: Cum Parente bellum gessisse quondam per annos duodecim vario Marte, cujus opes, imperiumque longe, lateque etiam in *Etruria* diffusum erat: multo facilius filio imbecilliori admodum obfisti posse siquid insanat: neque enim ejus res adeo secundas esse, ut multis annis imperio *Etruriæ* vacare queat: tempora interim consilia secum ferre. His variis orationibus agitatīs, seu fatis volentibus, seu quia pacis nomen plurimos movebat, foedus cum Oratoribus mense Januario 1419 undevigesimo supra mille quadringentos anno his conditionibus firmatum est: Ne Duci ultra *Pontremolum Etruriam* versus, *Mutinamque* arma movendi, aut ultra *Crustulum*¹³ fluvium versus *Bononiam* ulla copias mittendi, urbemve, aut oppida capiendi deditaque tenendi, auxiliaque cuiquam mittendi jus esset, nulloque foedere ad societatem cuiquam infra hos fines jungi posset. Pace constituta, ac solemnibus rite peractis Dux *Genuam* 1421¹⁴ longo bello, intestinisque seditionibus debilitatam anno postmodum secundo, ac vigesimo

A post mille quadringentos capit. Ægre autem tulit emptum de *Genuensibus* belli tempore *Liburni* portum, qui ditionis *Pisanorum* fuerat, propter¹⁵ pecuniam illis ad usum belli datam, quam postea occasionem prætulit pacis violandæ cupiditati. Venerat interim *Florentiam*¹⁶ ex *Germania Martinus* Pontifex, ubi plures commoratus menses, ac publice privatinque verborum contumeliis¹⁷ affectus, cum per vicos quædam in ejus contemptum publice a pueris decantarentur, neque id prohiberetur a Magistratibus, omnia visus est æquo animo ferre: verum altius penetrarunt verba, quam ut facile obliterari possent. B Erat tunc Civitas longa pace admodum opulenta: opes amplissimæ: pecuniis affluebant cives supra modum elati fastu; & ut fieri solet, ex rerum copia orta superbia, neque Pontificem vereri, neque quemvis alium magni pendere sinebat, neque etiam advertere fortunæ varias mutationes, ejusque infidam indulgentiam raro longiorem hominibus dari, quoque magis blandiatur, eo plus formidandam esse illius varietatem. Quod autem *Martinum* admodum offendit, favor erat *Brachio*¹⁸ *Perusino* bellicis artibus jam inde claro, multasque urbes¹⁹ Ecclesiæ occupanti, per *Florentinos* antea²⁰ præstitus. *Concordia* deinde *Florentinorum* opera cum Pontifice nonnullis amissis oppidis receptis, facta, ad Urbem proficiscitur, indignatus plurimum ob verborum contumeliam, quam facile extinguere potuissent, non repressam. Ægrius quoque tulit, ut eum sæpius²¹ querentem audivimus, in *Brachii* gratiam a *Florentinis* spretam amicitiam, societatemque quam sæpius postularat, qua in re visum est superbe nimium suam contemni auctoritatem. Anno postmodum *Alphonfus*²² Sancti *Eustachii* Cardinalis Legatus ad regendam *Bononiam* destinatur, cujus favore cum Duce belli origo manavit. Is enim animadversa populi mobilitate defectionem timens, quo recentem statum aliquo firmiori auxilio muniret, societatis foedere cum *Florentinis* jungi postulavit. Quo ob eam rem denegato, ne qua novæ contentionis, aut belli causa oriretur, Legatus eo magis futuros metuens motus, idem quod ille ultra accepit, a Duce petivit: qua ex re malorum omnium est initium profectum. Nam violata per Ducem pace, cujus legibus cavebatur nominatim, ne *Bononiam* in societatem recipere, aut aliquo foedere cum ea jungi liceret, *Florentini* pacem ab eo non servatam per literas questi sunt. Dux ad simulandum, ac diffimulandum promptus, missis *Florentiam*²³ Oratoribus causam suam ea ratione tutari conatus est, ut diceret, non ad infringendam pacem cujus esset cupidissimus, sed ad salutem Legati sibi

11. Filio mentem fore quæ fuerat patri. Ut enim Galeatius, Veronæ, ac Patavii Dominis profligatis, Florentinos aggressus fuerat, sic & Philippum, *Genuensibus* subactis, in eos signa converfurum.

12. Expugnatis *Genuensibus*, &c. Eodem argumento Scythæ a Dario petiti (ut est apud Herodotum) socios ad arma compellunt, quod nequeat hostis victoria ferox unius gentis exitio contentus esse.

13. *Crustulum fluvium*. Qui averso e regione in Appennini jugis fonte oriundus Padum illabitur. Blond. Flav. lib. I. Dec. 3.

14. Dux *Genuam*, &c. *Genua* a Thoma Fulgofio ejus Duce, qui se prius dignitate abdicaverat, Philippo tradita est, quod satius videretur, externo eam Principi concedere, quam evertendam suis exilibus relinquere. Uberr. Foliet. Hist. Gen. lib. X.

15. Pecuniam illis ad usum belli datam. Centum, & viginti aureorum millibus *Liburnum* emptum adnotat Foliet ibid. sed centum millibus tantum fuisse emptum kal. Jul. asserit Ammirat. p. I. To. 2. lib. XVIII. p. 991.

16. *Florentiam ex Germania*. E concilio Constantiæ *Florentiam* venit die XXV. Febr. MCDXIX.

17. Contumeliis affectus. Ea nefaria cantiuncula quæ o-

mnia in ore versabatur: Papa Martino non vale un quattrino, qua indignatus Pontifex Leonardo Aretino ejus a Secretis, se ita facturum dixit ut majorem eum pretio dignum *Florentini* arbitrentur. Leon. Aret. Hist. Flor. seu sui temporis.

18. *Brachio Perusino*. Seu ex oppido Montonæ *Perusini* agri. S. Antonin. p. III. Tit. 22. §. 1.

19. Urbes Ecclesiæ occupanti. Decem & septem enumerat Pompejus Pellinus Hist. Per. p. II. lib. XI. quæ addenda Roma ipsa, & *Perusium* a *Brachio* occupatum.

20. Favor per *Florentinos* præstitus. Pax scilicet *Florentinorum* opera cum Regina Joanna, & *Brachio* confirmata, quod plurimum *Brachio* aliis bellis implicito profuit. *Brachius* insuper summo honore & apparatu a *Florentinis* exceptus est, & Civitate donatus. Scip. Ammirat. p. I. To. 2. lib. XVIII.

21. Sæpius querentem audivimus. Nam Poggius ejus a Secretis erat, & valde familiaris.

22. *Alphonfus*, &c. Ex Castilia oriundus, imo Castiliæ Regis affinis.

23. *Florentiam oratoribus*. Quorum Princeps Thaddæus Vimercatus.



THE
PRINTING
OFFICE
OF
THE
LIBRARY
OF
CONGRESS
WASHINGTON
D.C.



1423 sibi timentis id a se factum esse, longaue oratione de suo ad servandam *Florentinorum* amicitiam animo differuere. Multis dictis, ut qui culpam excusare nequirent, abierunt. Animis dubiis, ac suspensis supervenit obitus *Georgii Ordelasii Forlivii* tyranni, qui superstitibus filio²⁴ impubere, & *Lucretia* uxore *Ludovici*²⁵ Principis *Imole* filia, decessit e vita, unde discordiarum exordia profecta sunt. Ea parum civibus fidens propter *Catharinam* quæ conjugis soror fuerat, & *Ghibellinæ* factionis viris favebat, paterno consilio in civitate regenda utebatur, quod ægre ferens *Catharina*²⁶ suos ad novas res hortari cœpit. *Lucretia* cum his quos sibi fidos putarat, quo filiis caveret, societatem antea cum *Florentinis* initam renovavit. Reliqui civium suadente *Catharina* in Ducis favorem inclinarunt, qui urbis illius capiundæ oblatam spem minime repudiavit. Igitur *Lucretiam* primo tentat, ut abrogata *Florentinorum* societate sibi hæerere, & foedus inire secum vellet: auxilia insuper pro filii tutela pollicetur. Illa in societatem cum *Florentinis* perstans benigne respondit, si casus tulerit se opes illius imploraturam: eadem & *Catharinæ* per²⁷ nuncios exponit, suadens in suam sectam vellet cedere, multoque plura ei quam *Lucretiæ* offert. Sata inter duas mulieres, civesque discordia, plures equitum²⁸ turmas in agrum *Bononiensem* contra pacis condiciones misit. Quod mirati admodum *Florentini*, & eam rem minime spernendam (ut majus incendium excitaturam) rati Legato²⁹ scribere: mirari se quid sibi tam subitus tot equitum adventus vellet: haud recte ab eo factum, qui Ducis equites ad perturbandum otium in agro *Bononiensi* otiosos esse fineret: suspicari ob id aliquam occultiores fraudem contra se a Duce machinatam esse: rogare ut eos missos faceret, quo omnis rerum novarum suspicio, & causâ abesset. Ad ea Legatus, eos equites a se evocatos respondit, quibus ad recuperandum³⁰ Castellum *Bononiense* uteretur: nullum ex eo *Florentinis* periculum imminere. Ridiculum id, neque verisimile (cum responsum esset) videri, tantum equitatum pro tam parvula re ex *Gallia* excitatum, diesque palam facturos quem ii dolum secum portarent: extemplo suspicionem *Nicolaus Estensis Ferrariensis* Princeps auxit, qui & ipse scripsit eos equites sua causâ venisse, qui paulo post *Lugum* oppidum *Forolivii* propinquum concessere. Ibi cum aliquamdiu morarentur, Dux solita calliditate, utrique & *Lucretiæ*, & *Catharinæ* seorsum scripsit, se ejus causâ misisse equites, quo volenti auxilio esse possent. *Lucretia* in *Florentinorum* societate repudiato Ducis foedere perseverat. *Catharina*, quique cum ea sentiebant oblati auxiliis freti, occasione sumpta, excitatoque³¹ tumultu a *Lucretia* deficiunt, campam-

A que in custodiam tradunt, unde fugiens³² *Forum Popilii* petit, Ducisque equites³³ in urbem recipiunt. Capta prodicione civium urbe, varia *Florentinorum* consilia agitabantur, quidam bello vindicandam tantam injuriam censebant, quidam tentanda omnia priusquam ad arma deveniretur. Violatum pacis foedus erat, transgressique longo intervallo fines in ejus conditionibus statuti: defendendam *Lucretiam* omnes vociferabantur, & vim vi repellendam: tunc tandem assentes emergere fructus pacis tantopere a Duce hætenus petita. Quo autem facilius de bello si opus foret, agi posset, Decemviri sine provocatione creantur, qui e vestigio duos equitum³⁴ Præfectos cum sexcentis equitibus ad forum, *Popilii*, ut *Lucretiæ* præsidio adsint, mittunt. Ne autem inconsulto bellum appetere existimarentur, visum est in primis, & literis, & oratoribus queri de violatâ pace, si quomodo posset absque certamine res componi. Questi sunt igitur primum per literas cum Duce, pacem ab eo interruptam esse, cum sciret foedere se, ne id faceret prohiberi: æquum videri, ut revocaret equites, urbemque relinqueret quam per injuriam cepisset: deinde *Ferrariensi* scripsere, ut Ducem ad servandam pacis fœdera cohortaretur. Ad ea rescripsit Dux, se per oratores, quos *Romam* missurus esset, responsurum: unum velle eos scire, se pacem optare: quæ vero commissâ forent, præter suam³⁵ voluntatem accidisse. Oratores cum *Florentiam* venissent, multis verbis Ducem excusare conati sunt, assentes illum omnino servaturum pacem, equites insuper revocaturum, ac urbem redditurum polliciti sunt, si eorum salutem, a quibus urbs tradita erat consuleretur: nolle enim cives qui secum sensissent, adversæ factionis iudicium arbitriumque subire. Sperare se, si qui ex primoribus *Mediolanum* mitterentur, rem procul dubio esse conventuram. His dictis cum summam spem concordiæ ostendissent, *Romam* profecti sunt. *Florentini* misso ad Pontificem oratore *Marcello Strozza* juris scientia claro, variis Ducis fraudibus, Legatique injuriis longo ordine enarratis, cujus opera, & astu *Forumlivii* in *Philippi* potestatem, licet testantis *Ferrariensis* nomine eam urbem teneri, illo spreto venisset, cunctisque quæ per Ducem ad eam diem facta erant expositis, pluribus verbis *Martinum* hortatus est, ut urbem de suo captam, cum tempus daretur recuperare, & e tyrannorum servitute eximere vellet: quod facile videbatur fore, si in amicitiam, societatemque coirent, illique mandaret, ut exercitum domum revocaret. Vana omnia, etsi vera afferebantur, apud exulceratum odio in *Florentinos* animum fuere: ut qui *Philippo* faveret, & illos bello vexari summopere appeteret. Excusatione itaque usus, quod intentus omni cura in bellum³⁶ *Aquilanum* contra *Brachium* esset, nec

24. Filio impubere. Thebaldo, decimum annum vix attingente. Blond. Flav. Dec. 3. lib. I.

25. Ludovici Principis. Seu Ludovici Aledosii Imolenfis Vicarii, ut Sigismundus Marchesius Hist. Foroliv. lib. VI.

26. Catharina. Ordelafox gentis, Georgii defuncti soror, Bartholomæo Fregosio Genuensi nupta.

27. Catharinæ per nuncios exponit. Tentatum Catharinæ animum a Philippo, ac ea adjuvante Forumlivium captum refert Poggius, & cum eo S. Antonin. Tit. 22. cap. 8. §. 1. cui adhæret etiam Blondus Flav. Dec. 3. lib. I. Hoc tamen acriter impugnat Scipio Ammirat. p. I. To. 2. lib. XVIII. p. 1000. nunquam enim nec in archivis, nec alio publico in loco se comperisse ait, huic tractatui Catharinam interfuisse, aut operam ullam præbuisse.

28. Plures equitum turmas. Quadringentos equites Duce Siccio Montagnaneo Lugum mittit Philippus, quod oppidum Ludovicus Cunii comes Nicolai Estensis patrocinio fultus tenebat.

29. Legato. Bononiensi.

30. Ad recuperandum Castellum Bononiense. Quod Fregosius ab Antonio Bentivolio exule emerat.

31. Excitatoque tumultu. Ab Andrea Ludovici Moratino, & Nicolao Latino die IV. Maji prima noctis vigilia. Sigism. March. Hist. Foroliv. lib. VI.

32. Unde fugiens. Fenestris cubiculi, in quo asservabatur, noctu dilapsa est una cum Matthæo Cimatore, & Amatore de Orciolis ibid.

33. Ducisque equites. Ut supra diximus, Siccio Montagnaneo Ductore.

34. Duos equitum Præfectos. Quos tamen præerat Pandolphus Malatesta, cui imperium concessum a Florentinis fuerat die XXIII. Augusti.

35. Præter suam voluntatem accidisse. Culpam enim Ferrariensi tribuebat, illius nomine paratis insidiis.

36. Bellum Aquilanum. Duo enim Aquilanæ ditionis oppida Brachius occupaverat, & diripienda militibus dederat P. Bracciolinus. H 2 ex-

1423 nec rebus *Flaminie* vacare posset, eum missum fecit: eo tantum concessio, ut revocato *Alphonso* Cardinalem *Senensem* ³⁷ (Pontificem maximum *Eugenium* nomine futurum) e *Piceno*, ubi Legatus erat, ad *Bononiam* gubernandam destinaret. Dum hæc utrinque aguntur, *Ferrariensis* eam urbem suæ ditionis esse palam dictitans, per Oratorem ³⁸ *Florentinis* nuntiat, si paterentur *Livii forum* a se, aut pueri, aut suo nomine teneri, curaturum, ut copiae Ducis in *Galliam* redirent, quo fieret, ut omne belli semen tolleretur. Responsum est, non esse dignitatis Populi *Florentini* prodi statum focii, & amici, quem tueri ³⁹ ex fœdere debeant: rectius fore, si daret operam, ut oppidum impuberi filio restitueretur, neque enim aut suæ honestatis, aut Ducis esse, aliena rapere, neque esse prudentiæ suæ velle alienam culpam in suam traducere: aperte cognosci hæc omnia a Duce fallendi gratia fingi, ut nulla in re pacem violasse videatur. His longe contraria paulo post Archiepiscopus ⁴⁰ *Genuens* ad urbem vadens narravit: mandatum sibi ab eo asserens, ut *Florentinis* referat, si quæ fecerit, *Martini* gratia fecisse: equites Pontifici auxilio missos urbem illius voluntate cepisse, tanquam locum idoneum, apud quem si quo proficeretur, quietem capere, & impedimenta tuto relinquere posset. Huiusmodi artibus & aliam Dux adjecit, missio *Florentiam* Oratore ⁴¹ *Franchino*, jurisconsulto summæ auctoritatis viro, qui suis verbis diceret, se pacem omnino cum eis cupere, quacumque & Pontifex, & *Veneti* vellent conditione; quorum arbitrio pacis leges esset permittitur. Suasit præterea, ut oratores ad Ducem mitterent, per quos speraret proculdubio rem facile componi posse. *Franchino* etsi minime Senatus crederet, parumque fidei haberet, cum ejus verba ad dolum spectarent; tamen, ne pacem oblatam spernere, aut bellum exoptare existimaretur, extemplo *Bartholomæum* *Valorum* egregii animi, consiliique virum, & *Nellum* ⁴² Jurisconsultum ad Ducem mittit, qui cum *Laudum* pervenissent viginti millibus passuum *Mediolano* propinquum, Ducis jussu se adire prohibiti sunt: asserentis se, cum ex ea civitate, quæ pestilentia ⁴³ laboraret, venirent, nisi post quadragesimum diem eos non auditurum: missurum tamen, qui cum eis suo nomine de postulatis agerent. Ad quæ ⁴⁴ oratores, ad Ducem se, non ad alios ire jussos respondent, neque pestem se, sed pacem secum ferre, quam si respueret armis decernendum esse. Delusi re infecta oratores retroverfi civitatem summo adversus Ducis fraudes odio incenderunt: Oratio *Bartholomæi* præsertim dolos detegentis animos omnium commovit, qui cum de legatione sua, deque Ducis tergiversatione ad populum referret, huiusmodi habuit Orationem. Si cum eo viro nobilissimi cives nobis res esset, in quo

A aliquid certi consilii inesset, ac non in horam pro suo commodo sententiam mutaret, dicerem fortassis aliqua ex parte suorum oratorum pacem præferentium verbis credendum esse. Sed cum bellum acerrimum instet nobis ab eo, qui nulla aut juris jurandi, aut fidei, aut fœderum jura norit, qui toties nos luserit, ac sefellerit: qui in eo ludo ab adolescentiâ versatus nullas, nisi decipiendi leges didicerit: non quid dicat, sed quid agat, non quid loquatur, sed quo spectet, non quid offerat, sed quid observet, est animo advertendum. Pacis fœdera missis equitibus, societateque cum *Alphonso* Legato inita, abruptit: datam fidem solvit, jus jurandum solemne contempsit. Ea pro nihilo habuit, quæ apud alios sanctissime observantur, quibus nulla majora habentur humana vincula inter mortales. Capto *Livii* foro, non sua, sed aliena id factum opera simulavit: nunc culpam in *Ferrariensem* vertens, nunc præferens Pontificis voluntatem, quæ omnia procul a vero distant. Multis variisque verbis, ac legationibus elusi sumus, multis fraudibus appetiti, multis dolis decepti. Nos vero quos ultro sub pacis specie ad se ire ⁴⁵ persuasit, quæ contumelia sprexit, despexit; inauditos dimisit? Omnia profecto hujus tyranni consilia eo pertinent, ut receptaculum propinquum habeat, quo nobis bellum inferre, & parva impensa vires nostras debilitare queat. Parentis hic animum induit, & ejus vestigiis hæret, qui nos semper per pacis speciem oppressit: hæc fuit causa querenda quondam nobiscum pacis, ut subactis *Genuensibus* liber vicinorum metu in nos arma facilius verteret. Bello hæc immanis ambitio reprimenda est, quæ æstuat imperandi cupiditate, proinde fraudes virtute sunt, & viribus superanda, non dolo, sed aperto Marte tam variæ insidiæ reprimenda. Paremus igitur quæ ad bellum gerendum spectent, ne serpens ille nos imparatos deprehendat, & a se tanquam nullius consilii homines delusos gloriatur: pacem interim si vera, non ficta asserat, minime repudiemus, eo tendant consilia, atque opera nostra, ut libertatem conservemus, ut non movisse bellum, sed motum inviti, tractique repressisse videamur. Hac legatione renuntiata, conspectoque Ducis ad decipiendum animo, & a concordia alieno de gerendo bello decrevere. *Martinus* Pontifex, qui rebus Ducis ob potentiam *Florentinorum* timebat, & quia *Brachius* vir bello egregius, & ætatis suæ Dux maximus, reique militaris scientia omnium judicio princeps, sperabatur (id enim pollicitus erat) cum tribus equitum millibus *Florentinorum* auxilio venturus, conspiciens majorem excitari belli molem, quam quæ per Ducem ferri posset, *Antonium* ⁴⁶ *Lusum* virum prudentia, & eloquentia singulari, Oratorem ad Ducem pro iteranda pace destinavit. At dux consuetis usus artibus, omnem præteritorum culpam a se rejiciendo, illamque in *Ferrariensem* transferendo, cuius opera urbs capta esset, omnino pacem se vel-

exasperato in Pontificem animo. Rayn. Ann. Eccl. To. XVIII.

37. Cardinalem *Senensem*. Gabrielem Condulmerium patria Venerum.

38. Per oratorem. Joannem Strozium equestris ordinis Florentinum, quem apud se educatum & Ferrariensi civitate donaverat, & opibus auxerat. Blond. Flav. Dec. 3. lib. I.

39. Quem tueri ex fœdere debeant. Initio in *Ladislaum* Siciliæ Regem fœdere, cautum in eo fuerat, ut focii invicem contra omnes sibi auxiliarentur. Moriens præterea *Ordelafus* unus ex fœderatis *Lucretiæ* uxori præceperat, ut filium *Florentinorum* patrocinio commendaret.

40. Archiepiscopus *Genuens* ad urbem vadens. Petrus dictus *Petrochinus* *Papiensis*, ab Episcopatu *Terdonensi* ad *Novariensem* transit; ab hoc vero ad *Genuens* Archiepiscopatum vocatus est ann. MCDXXIX. Hunc pro *Mediolanensi* Duce legatione apud *Florentinos* functum refert *Ughelius Ital. Sacr. To. 4. Col. 1239.*

41. Oratore *Franchino*. *Castilionensi*.

42. *Nellum*. *Martinum* *Saminiatensem* Jurisconsultum.

43. Quæ pestilentia laboraret. *Florentiæ* enim quadam pestilentia signa apparuerant teste *Ammirat. p. I. To. 2. lib. XVIII.*

44. Ad quæ Oratores, &c. Tanto contemptu loquutos fuisse Oratores negat *Ammirat. ibid.* sed responsum hoc a *Poggio* confictum ait, ostenditque ex eo præcipue, quod oratores *Thaddæus* *Vimeratus*, & *Franchinus* ab ipso Duce missi, pronam Domini sui voluntatem ad pacis consilia testari fuerant, & ad calumniæ sibi intentatæ expurgationem.

45. Ad se ire persuasit. Per Archiepiscopum *Genuens*.

46. *Antonium* *Lusum*. A secretis *Martini* V. & *Poggii* collegam, uti compertum est ex *Baptista* *Poggio in Orat. Card. Capranice. Miscell. Ballut. To. 3. Lucum* secum colloquantem fingit *Poggii* ipse, ubi de Ruina urbis *Rome. Visebamus* (inquit) sæpe deserta urbis, *Antonius* *Luscus* vir clarissimus, egoque, &c.

1423 le affirmavit, sed urbis reddendæ nequaquam penes se arbitrium esse. *Ferrariensis*, & ipse novi belli dedecus fugiens per oratorem *Florentinos* monet, atque obsecrat, ut pro reintegranda pace, cuius Dux cupidus esset Legatos ad se mitterent: mandata enim ab eo habere, quibus pacem aperte polliceatur, qui conditionibus antea petitis assensurum se promittat. Missis legatis Dux cæteris omiſſis in eo perſtabat, ut qui secum senſiſſent, tuto, & absque noxa in urbe salvis bonis esse liceret, securique ab alterius factionis injuria forent: hos & antea Dux *Antonio* pollicitus erat, quod haud inique videbatur peti. *Florentini Brachii* promissis multa pollicentis freti, spe victoriæ, omnes ejusmodi aspernabantur conditiones, liberum civium arbitrium *Lucretiæ* filioque permitti postulant. Facile omnia convenissent, nisi cives nonnulli nimium ad arma præcipites victoriam sibi perſuaſiſſent. Ignari profecto, quam sit periculofum felicem sibi fortunam ſpondere. Pluribus ergo diebus variis collocutionibus nequicquam conſumptis, cum ad interponendam moram ea agi viderentur, data spe frustrati *Florentiam* redeunt. Cum variæ excuſſiones, rapinæque utrinque in *Flaminia* fierent, *Ludovicus Alidosius*, neque Duci, neque *Florentinis* aperte favens amiſſa *Imola* captibus 47 ad Ducem perducitur. Capta est ea urbs proditione militis, qui ad hostes tranſiens, cum compertum haberet, quæ arcis pars haud ſatis firma præſidiis eſſet, qua arte, & loco capi poſſet edocuit, ducemque se itineris præbuit: cumque ob aeris intemperiem, hyeme vi frigoris aqua foſſæ arcem circumdantis obriguisset gelu, adeo ut iter tutum præberet adeuntibus, nonnullos pedites ſecum cum ſcalis ducit, in arcemque, cum ſomnus alte vigilis nil tale verentes oppreſſiſſet, evadit, atque obtruncatis cuſtodibus, cæteros qui in ſubſidiis erant dato ſigno mœnia ſcandere jubet, captaque arce cum magno numero hoſtes introiſſent, urbe noctu potiuntur. Tantam 48 calamitatem ab umbra paterna poſt ejus obitum multis antea annis *Ludovico* prædictam, tempuſque urbis amittendæ, & diem designatam ferunt, ut a me in libris de varietate fortunæ pluribus deſcribuntur. *Imola* amiſſa, iterum ad Pontificem legatio decernitur, quæ duas jam urbes ſuæ ditionis a Duce occupatas doceret, rogaretque denuo pro communi pace, ut urbes eas repeteret; non enim de propriis, ſed Eccleſiæ oppidis certamem eſſe, quod iis recuperatis facile ſedaretur. Ille ex veteri 49 odio cupidus Ducis augeri vires, quo *Florentinorum* (ut aſebat) ſuperbia reprimeretur, cum ſua conſuetudine non eſſe id ſibi integrum propter 50 *Brachii* bellum reſpondiſſet, ſatiſfecit ſe tamen quoad potuerit eorum precibus, cum Legatum 51 illis longe acceptiſſimum *Bononiam* miſerit, in incepto perſtabat: paulo poſt tamen

A Ducis precibus victus, qui Legatum nimis faventem 52 *Florentinis* apud volentem inculſabat, hominem removit, & Archiepiſcopum 53 *Arelatenſem Ludovicum* (qui poſtea Cardinalis ab eo eſt factus) urbi præfecit. Diverſis in locis dum 1424 hæc aguntur, *Florentini* deſperata tantopere quaſita pace, ad bellum gerendum converſi, poteſtatem Decemviris ejus adminiſtrandi pro Reipublicæ ſalute permiſere. Multa interim inter cives variis ſententiis jaſtabantur: aſſerebant ex primoribus plurimi, neceſſarium ad tuendam libertatem videri bellum ſuſcipi adverſus Ducem, cum levis, aut nulla potius fides in eo eſſet habenda, quam tam aperte ſæpius irritam feciſſet. Captam contra foedus urbem ſociam, atque vicinam, & dum ſe pacis cupidum oſtentat, quo remiſſiores eorum animos reddat, proditione *Imolam* ſuo imperio adjeciſſe: proclivem eſſe eum ad deſerendum, qui tam parvi faceret juris jurandi auctoritatem. Plena dedecore ſolere videri principia delinquendi; cum vero labi ſemel coeperis facilem curſum ad nequitiam dari: deterius videri tot 54 legationes illuſas, tot verba dolis abuſumpta, quam abruptam fidem: retinere Ducem paternum odium adverſus *Florentinam* libertatem: ſimulaſſe illum ſe pacis cupidum, quo vires amiſſas inſtauraret: poſtea ſimilem ſui evaſiſſe: renovare illum coepiſſe odia cum progenitoribus habita, & majoribus viribus majores inimicitias exercere: compeſcendam dominandi libidinem jam ſurgentem: obſtandum principiis eſſe: facilius enim naſcenti malo obviam iri poſſe, quam corroborato: nullo pacto tolerandam tanti 55 hoſtis propinquitatem: quæcunque ab eo ad eam diem ſint dicta eo ſpectare, ut tanquam conniventes, ac dormientes *Florentinos* facilius queat fallere. Non literas, non oratores, non ſuaſores, non querelas ullius momenti apud illum fuiſſe, ſed in dies nova parari tendicula, quibus *Reſpublica Florentina* ſuis laqueis innecti queat: parandas e veſtigio copias eſſe, in *Flaminiam*que mittendas, quibus mordacis ſerpentis aſtus incaſum evadant. At vero nonnulli ex ſenioribus qui pacem malebant, maturius conſulendum cenſebant, minimeque inutilem dicebant, aut pernicioſam parvi temporis moram videri, ſi conſilio regatur, cui nil tam adverſum habeatur, quam feſtinatio. Ducem aperte profiteri pacem cupere ſe, Pontificiſque 56 decreto pariturum: quod equites ſui egiſſent corrigi, emendarique poſſe, cum ſe inſcio dicat eos auxilium deprecantibus tuliſſe. Expectandum igitur paulum, ſi quo modo locus daretur reſarciendæ pacis. Legationibus mittendis, obſceniendis, purgandiſque criminibus circumacto fere anno, cum Ducis equites horrentis pacem *Flaminiam* vaſtarent, Decemviri, qui prioribus ſuffecti erant, decreto bello *Pandulphum* 57 *Malateſtam*, *Urſum* 58 *Urſinum*, Lu-

47. Captivus ad Ducem perducitur. A Zanone Juſtinopolitano circumventus.

48. Tantam calamitatem ab umbra paterna, &c. Quin imo dum anteriori ad eam calamitatem die librum evolveret a Patre ſcriptum, in eam incidiſſe paginam in qua ejus exitium deſcribebatur, narrat Blondus ſine Dec. 3. quod tamen haud fide dignum puto.

49. Ex veteri odio. Quod *Florentini Brachio* faſſent, ſi bique injuriæ fuiſſent, dum *Florentiæ* morabatur, ut jam dictum eſt.

50. Propter *Brachii* bellum. Studium nempe liberandi Neapolitani Regni, & recuperandi Patrimonii S. Petri a *Brachio* occupati vires Pontificias exercebat. Vid. Pellinum *Hiſt. Peruſ.* lib. XI. p. II.

51. Legatum longe illis acceptiſſimum. Gabrielem Conduſmerium Cardinalem remoto Alphonſo Cardinali S. Euſtachii, quem ut ſibi adverſum accuſaverant *Florentini*.

52. Legatum nimis faventem *Florentinis*. Inſcio Pontifice

foedus inierat cum *Florentinis* Legatus. Nam *Imolæ* & *Forlivi* occupatione territus *Bononiæ* timere ceperat. Girard. *Hiſt. Bonon.* lib. XXIX. & Sigonius *Hiſt. Episcop. Bonon.* lib. III.

53. Archiepiſcopum *Arelatenſem Ludovicum*. De *Alamanis Sabaudiſem*.

54. Tot Legationes illuſas. Præſertim cum *Bartholomæum Valorium*, & *Nellum Florentinorum* legatos ſe adire non paſſus eſt, peſtis ſuſpicionem dolum regens.

55. Tanti hoſtis propinquitatem. Urbibus enim paullo ante occupatis, *Forlivi*, & *Imola*, propinquior *Florentinis* factus erat.

56. Pontificiſque decreto pariturum. Pontificem *Florentinis* inſenſum noverat, ideo illius arbitrio ſe ſuæque committebat.

57. *Pandulphum Malateſtam*. *Caroli Ariminenſis Principis fratrem*.

58. *Urſum Urſinum*. A *Monterotundo*.

¹⁴²⁴ *Ludovicum* ⁵⁹ *Obitium Lucensem*, *Nicolaum Tolentinam*, *Arditionem* ⁶⁰ *Carrariensem*, pluresque ⁶¹ præterea Præfectos rei militaris peritos, cum sex equitum, peditum vero tribus millibus mercede conducunt, Ducemque belli *Carolus Malatestam*, virum bello, & pace insignem declarant, qui coacto in unum exercitu castra prope *Livii forum* metatus est, si qua occasio per seditionem se offerret urbis recipiendæ. Castella quoque ⁶² aliqua expugnavit: prædæ parum fuit, cum omnia pecora, agrestesque in urbem comportatis eorum rebus refugissent. Summum erat Decemvirum studium in exercitu comparando, quo superior *Philippi* copiis esset. Sed non minor inerat cura, ut favore exulum *Genuensium* urbem tam validam amitteret: quorum exhortationibus adducti, triremes quatuor, & viginti sub *Henrico Alphonfi Regis Aragonum* fratre, *Luca Albitii Masi* equitis filii opera, comparant, quæ portum ingressæ, si qui tumultus in urbe civium factione orirentur, nihil proficere: Plus etenim apud illos odium ⁶³ in *Catalanos*, naturali, & insita inimicitia, æternoque pene hosti valuit, quam exulum benevolentia, quæ haud dubie res in urbe novari cõgisset, illosque admisisset, si aliis auxiliis innixi reditum procurassent. *Thomas* enim *Fregosius* haud multo ante tempore Dux patriæ una cum ⁶⁴ eiectionis, cum ad mœnia accessisset, civesque ad liberandam servitute urbem hortaretur, affirmaretque si præsentem occasionem amitterent, frustra eos postmodum Deorum auxilia imploratos, tentatis frustra omnibus, capto ⁶⁵ *Delphini* portu, quod reliquum ætatis erat oram utramque maritimam frequentibus incursionibus infestam reddiderunt. *Carolus* interea cum *Forumlivii* obsideret, cives ægre passi vastari late agros, seque intra mœnia clausos teneri, majora subsidia ad se tuendos (nam ad eam diem sexcenti ⁶⁶ tantum equites urbis subsidio aderant) a Duce petunt. Missi extemplo equitum quatuor millia, *Angelo Pergulensi* Duce: qui copiis omnibus in unum coactis *Zagonaræ* oppidum, quod Comes ⁶⁷ *Albericus* tenebat fœdere cum *Lucretia* vinctus, obsedit, sibi quo tutius ad urbem pateret iter, expugnandum statuit: castris juxta positis, ac fossa circumducta summa illud vi oppugnare adoritur. *Albericus* diutius oppidum tueri a se posse adversus tot copias dissilui, *Caroli* opem ad tollendam obsidionem imploravit: qui multum ad belli famam conferre arbitratus, eam obsidionem sua opera tolli, vesperi cum omnibus copiis castra movit. Sed e vestigio iter ingressis tanta vis aquæ cœlo die noctuque missa est, cæque noctis tenebræ incubuere, ut summo cum labore

A decem millia passuum conficerent: plures aqua redundantes itinere fatigati in via constiterunt: alii per ignotas semitas delati longius procul a sociis aberrarunt. Tandem cum paulo post ⁶⁸ exortum Solem in conspectum hostium ventum esset, subito in aciem nullo adhibito ordine descenderunt. Nam cum major pars quidam firmandis castris, alii sumendo cibo, & quiete fessis danda occupati essent, reliqui, & in his *Arditio* nulla sumpta quiete, neque curatis corporibus repentino impetu in hostes irruerunt, eisque fuga dissipatis ad prædam relicto hoste conversi sunt, spatioque illi se a fuga colligendi, inque prælium redeundi dato, agmine facto victores spoliis intentos aggrederentur. Quibus superatis, & alii subinde equites auxilio suis antea fugientibus occurrunt. Haud dubium est *Carolus* victoria potiturum fuisse, si cæteri Præfecti priorum impetum secuti essent: sed dum cunctantur, dum imperium Ducis expectant, ab hostibus profligati terga vertunt. Æquo Marte aliquandiu pugnatum est. Demum *Florentini*, tum itineris nocturni labore, tum certamine, limoque terræ (omnia enim imber occupaverat) viribus exhausti superantur, & hostis prius ad locum ubi *Carolus* erat pervenit, quam ille suos fugatos animadvertisset: cujus prudentia admodum desiderata est, cum neque loco, neque tempore rem fortunæ commississet. Plures, inter quos ipse *Carolus* ⁶⁹ capiuntur; multi salutem fuga sibi paravere. *Ursus* ⁷⁰, ac *Ludovicus* eo in prælio occubuerunt. *Pandolphus Ravennam*, *Tolentinæ Cæsenam* deferuntur, reliqui in hostium potestatem devenerunt. Ea victoria elatus *Angelus* ⁷¹ *Cæsenam*, *Ariminum*que petens, multis in ea regione oppidis, & castellis receptis, *Ariminum* haud dubie cepisset, nisi *Philippus* ⁷² id prohibuisset. Nam, ut *Carolus* est ad eum deductus, non pro captivo, aut hoste habuit, sed ut tutorem sibi, fratrique a Patre relictum veneratus est. Abire illum primo quo vellet, venarique, quo exercitio admodum delectabatur, permittens haud multo post variis decoratum donis in patriam remisit. Fuit *Carolus* ⁷³ vir, tum belli, tum pacis artibus egregius, & priscis illis majoribus meo judicio comparandus: maxima in eo erat auctoritas, tum plurimis virtutibus, tum morum optimorum gravitate contracta: Studiis præterea literarum deditissimus, & differendi cum viris doctrina, & ingenio præstantibus, quibus admodum utebatur cupidus. Fortuna tantum in bello, & felicitas pugnandi defuit, quæ prima in Imperatoribus requiruntur. Tanti ⁷⁴ exercitus clade, quæ anno quarto & vigesimo supra mille quadringentos accepta est, Decemvi-

⁵⁹ *Ludovicum Obitium*. Lucensem appellat Poggius Ludovicum, quia a Luca oriundum, qua ejus majores a Gibellina factione expulsi Pratum venere post annum MCCC. Civitate vero Prateni, & honoribus præcipuis donati sunt, ut ter Priores urbis fuerint renunciati, ut videre est in eorum stemmate quod mihi communicavit Clar. Vir. Abb. Joann. Baptista Casottus, qui hæc etiam in sua quam elaborat Prati historia fufius adnotabit.

⁶⁰ *Arditionem Carrariensem*. A Brachio una cum ducentis equitibus Florentinorum auxilio missum.

⁶¹ *Plures præterea Præfectos*. Rannuccium scilicet Farnefium, & Christophorum Lavellum. Ammir. To. 2. lib. XVIII. p. 1010.

⁶² *Castella quoque aliqua*. Ut Sadoranum, & Flumanum. Marchesius Hist. Foroliv. lib. VI. p. 364.

⁶³ *Odium in Catalanos*. Ab anno MCCXCI. ad hæc usque tempora non intermissum. Odii origo non aliunde est, quam ab auxilio Pisani occulte in Genuenses præstito. Bellum ex Genuensi navi a Catalanis capta initium habuit. Renovata odii, & belli causa est propter Ligusticam oram a Petro Aragonensi Rege, qui Sicila potius erat, devastatam. Quod ut ulciscerentur Genuenses Catalaniæ oram ipsi quoque Duce Antonio Grimaldo sunt populati, & apud

Baleares cum hostibus congressi eos fuderunt. Foliet. lib. V. & VI.

⁶⁴ *Una cum eiectionis*. Quos inter Nicolaus, & Joannes Ludovicus ex Fliscorem gente.

⁶⁵ *Capto Delphini portu*. Nec non Segesto, & Monelia oppidis in Orientali ora sitis.

⁶⁶ *Sexcenti*, &c. Sicco Montagnaneo ut diximus Duode-

⁶⁷ *Comes Albericus*. De Cunneo.

⁶⁸ *Post exortum solem*. Die XXIV. Julii.

⁶⁹ *Carolus capitur*. Ab equo pugnando dejectus.

⁷⁰ *Ursus*. Ursinus in aqua pluvialis stagno demersus, & Ludovicus Obicius occisus. Ammirat. lib. XVII.

⁷¹ *Angelus Pergulensis*.

⁷² *Philippus*. Carolum Malatestam captivum benigne excepit, deinde honoribus cumulatum liberumque dimisit.

⁷³ *Fuit Carolus*, &c. Ejus elogium videre est in Hist. Ariminensi Cæs. Clementini lib. VII. p. 223. & in Blondo Flavio Dec. 3. init. lib. II.

⁷⁴ *Tanti exercitus clade*. Florentinos exercitu, & ducibus spoliatis subigere facile potuisset Philippus, si arce Mediolanensi, ubi morabatur, egressus rei bene gerendæ occasionem non amisisset. ut Flav. Dec. 3. lib. II.

1424 viri novis comparandis copiis omni studio intenti Oddonem Brachii⁷⁵ apud Aquilam commissio prælio interfecti filium adolescentem cum exercitus paterni reliquiis, qui equites ad mille ducentos erant, conducunt: cumque Præfecti munia nequaquam obire per ætatem posset, Nicolaum Piccininum alæ equitum sub patre Præfectum, cujus consilio in rebus gerendis uteretur ei attribuunt: qui cum in Etruriam venisset, in Valle Lamonis incursione facta ab agrestibus, ac Montanis ita interclusus, ut neque regredi, neque progredi posset, pugnando interficitur; reliquis aut captis, aut dissipatis Nicolaus⁷⁶ Faventiam captivus perducitur, quam Guidantonius Manfredus Mediolanensis in eo bello partes secutus regebat. Eum Nicolaus, qui in libera custodia erat, hortari, ac monere non destitit, ut Florentinis potius propinquis, quorum opera promptiori ad se juvandum uti posset, quam longe absenti, cujus auxilia in adversis tardiora futura essent, faveret: majoris enim pendendum esse propinqui hostis metum quam spem auxilii procul remoti. Accesserat antea Guidantonius Mediolanum, ut Carolum⁷⁷ avunculum bello captum saluaret, videretque: ubi in multorum præstantium virorum cœtu cum de rebus in Flaminia gestis sermo exortus coram Duce esset, ac Guidantonius partam victoriam laudibus tolleretur, sibi ex ea non nihil gloriæ vindicaret, castigatus est acriter verbis a Carolo, asserente illum stulte nimium fecisse, qui Ducis amicitiam ab se longinqui, & a quo nihil unquam beneficii percepisset, Florentinis proximis, quorum Respublica⁷⁸ diuturnior esset futura, & a quibus in suos nonnulla extarent merita, prætulisset. Quæ verba cum penitus pectori hæsisent, facile apud eum coaluere. Accessit ad flectendum animum, quod ingentia Ducis promissa nullo in loco apparebant, & Decemviri, tum pecuniis, tum pollicitationibus impulerunt, ut meliora consilia secutus descisceret ad tutandam Rempublicam Florentinam, quæ maxime eo bello opera illius sustentata est, ac defensa: omnis enim ferme belli moles in Faventinos conversa est, & Duce defectionis injuriam ulcisci quærente, & Florentinis pro illius urbis salute, tanquam pro communi patria pugnantibus. Nicolaus quoque dimissus, copiarum omnium, quæ sub Oddone militaverant Dux⁷⁹ declaratus. Post acceptam calamitatem, pluraque amissa castella Renaldus Albitius, Veriusque Guadagnius oratores ad Pontificem decernuntur, qui petant, ut Urbes per Ducem captas, etiam se adiutoribus recuperaret: sublatas esse defuncto Brachio quas antea retulisset difficultates: facillimum fore, si animum intendat, Ducis copias Flaminia pelli, eamque restitui in Ecclesiæ ditionem pos-

1424 se. Quererentur quoque nimios favores per Legatum Bononiensem contra Florentines hostibus suis impendi, quibus arma, equi, vestes, commeatus, liberum iter subministraretur, suis vero his omnibus interdici, plusque odii ab eo in se, quam ab adversariis ostentari. Periniquum videri tantas suppeditari opes illi, cujus Pater, avus, Patruus, majores omnes semper hostes se Romanorum Pontificum præbuisent, eorumque⁸⁰ imperium occupassent: oppugnari autem eos, qui omni ope Sacrosanctam Romanam Ecclesiam defendissent, quarum rerum recens⁸¹ adhuc extaret memoria: rogare Pontificem, ut illi mandet, si aut nequeat, aut nolit Florentinis adesse, saltem ab injuria abstineat: postulare Pontificis dignitatem, ut se æquum judicem nulli faventem parti inter armis decernentes præbeat, quamquam æquius videretur, & Pontificis officio dignius his favere, qui pro restitutione rerum suarum sumpsisent arma, quam cum eo sentire, qui bona Ecclesiæ usurpasset. Hæc quoque Legatio a Martino contempta est, asserente quamvis Brachius sublatus esset, ut Perusium tamen, cæterasque Urbes Romæ propinquas quas ille inique possedisset, recuperaret, curam rebus cæteris præferre; quod ad Legatum vero attineret, displicere sibi, ait, si in partem Ducis declinaret: scripturum se tamen, ut neutri faveat parti; quo responso perispectum est, cupere Martinum bellum protrahi, & in eo Ducem superiorem esse. Alii subinde legati Venetias missi, Pallas Strozzius eques, & Johannes Medices, qui dolos⁸², & fraudes Ducis in violandis pacis foederibus exponerent, cum per varias simulationes, dissimulationesque duas Ecclesiæ urbes ceperit, multaque præterea sociorum suorum oppida, quo ex propinquis locis Florentinos invaderet: palam a suis dictitari, non depositurum arma Ducem, quoad paterni imperii in Etruria urbes, & loca recuperarit, quæ omnia partim Pontifici, partim populo Florentino parerent. Cogitarent⁸³, consultarentque quid agendum foret: non esse tutum⁸⁴ augeri potentiam Ducis varia versantis animo, & a fortunæ⁸⁵ beneficio animum sumentis: reprimendum videri furentis ambitiosi impetum, cui nec sua, nec aliena satis videantur. Illum verbis offerre pacem, re bellum gerere acerrimum: non positurum cupiditatem dominandi, si Tusciam subegerit, sed majora, ut est captus hominum, animo versaturum, quo Genuam omni auxilio derelictam expugnaret: fecisse postea cum eis ad decennium pacem, quo securus a Venetis, Florentinos debellaret: eos si sibi obedientes fecerit, Venetos proculdubio appetiturum, quo paternas⁸⁶ urbes recipiat. Ideo cum sint prudentissimi futuræ tempestatum, dum tempus detur, pro-

75. Brachii apud Aquilam interfecti. Cum mentitis vestibus, ne ab hostibus in se unum tendentibus agnosceretur, pugnaret, a Perusinis exulibus quos urbe ejecerat agnitus, occisus fuit. Leon. Arer. Hist. Ital. rer. Summont. lib. IV. cap. 3. Corius vero p. IV. refert Brachium ad deditionem invitatum a quodam Fulginate, & ab eo, cum se dedere nolisset, occisum. Hujus elogium habetur in Dialogo Benedicti Accolti Aretini de Præstantia Virorum sui ævi. Parmæ p. 25.

76. Nicolaus Faventiam captivus, &c. Una cum Francisco ejus filio, Matthæo Castellano Florentinorum Commissario, & Comite Nicolao Ursino. Ammirat. p. I. To. 2. lib. XIX.

77. Carolum avunculum. Ex sorore nepos Caroli Guidan-
tonius.

78. Quorum Respublica. Reipublicæ vita, quam Regum diuturnior.

79. Dux declaratus. Nonnulli Nicolao Piccinino Oddonis tribuunt, qui eum e medio tollere sit molitus, ut summam imperii auctoritatem sibi deferendam curaret. Vid. Ammirat. p. I. To. 2. lib. XIX.

80. Eorumque imperium occupassent. Bononia præcipue ab Archiepiscopo primum, deinde a Galeatio occupata.

81. Recens adhuc extaret memoria. Pisani enim concilium ad schisma tollendum haberi siverunt, & in Ladislaum pro Pontifice arma sumpserunt.

82. Dolos & fraudes Ducis, &c. Suis in Orationibus contra Ducem, exordium ab ejus fraudibus & dolis sumit, ut auditorum animos in ejus odium commoveat; & ab iis, quæ velit, facile exprimat.

83. Cogitarent, &c. A sui periculi consideratione.

84. Non esse tutum augeri potentiam Ducis. Imitatur Poggius Xenophontem lib. V. ubi Cligenes Orator Græcos omnes in Olynthios movere studens ait: ἐνοήσατε ὅτι καὶ τότε, πᾶς εἶδος ὀμᾶς, πολὺ μείζονα ἀδελφικῶς δυνάμει μὴ ἀμελεῖσθαι, καὶ ταύτης ἐκ κατὰ γὰρ μόνον, ἀλλὰ καὶ διὰ τὰς ἐξ ἑαυτῶν ἰσχυρὰς ἰσχυρῶς. Hoc est non esse sane rationis, cum longe major potentia in unum coalescit & maxime terra marique confirmatur, eam negligere, ac minime curare.

85. A Fortunæ beneficio animum sumentis. Sic Xenophon. ibid. καὶ ὅτι ἴσως ὁ Θεὸς ἐποίησεν ἅμα τῷ δυνάσει, καὶ τὰ φρονήματα αὐτοῦ ἐκ ἀνθρώπων. Nempe Deus scilicet effecit quod una cum potentia hominum animi crescant.

86. Paternas urbes. Veronam, & Vincentiam, quas Galeatius

1424 providendum videri. Salubre esse obviam⁸⁷ ire futuris periculis, & præoccupare venturæ tempestatis damna: aut enim pace quieti *Italiae* consulendum esse, aut bello insanam temeritatem contundendam. Se quidem optare pacem, quam si Dux respuat, armis decernendum fore potiusquam serviendum. Responsum est, Oratores⁸⁸ se, qui de pace agerent ad Ducem missuros, qui cum ad eum venissent verba ambigua, & dolis plena retulerunt. Ad *Sigismundum* quoque Imperatorem Legati profecti, qui injurias erga se Ducis narrarent, hortarenturque ad coronam in urbe capiendam. Ad eam rem, & pecuniam in sumptus, & milites pollicerentur. Dum hæc a Pontifice, & a *Venetis* postulabantur, *Pergulensis* partitis copiis in agrum *Florentinum* ingressus, *Porticum* oppidum a se captum diripit. *Doadola* deinde, *Cassiano*que, & compluribus castellis *Flaminie* in potestatem redactis *Castrocarum* obsedit: reliqui in vallem *Balneam* descendentes, cum quædam castella se illis dedissent, omnia rapinis, incendiis, spoliis, cæde nullo sexus discrimine fœdarunt. Arcem *Gorzani*, ad quam cum omni suppellectili pretiosiori, *Gherardus*⁸⁹ *Gambacurta* ejus Oræ Princeps confugerat, diutius oppugnatam desperata victoria reliquere: obsidio quoque *Castri-cari* adveniente hyeme omissa est. His actis *Pergulensis*, dimissis in hiberna militibus accersitus ad Ducem abiit. *Florentini* augendis copiis intenti *Berardinum Ubaldinum*, virum armis nobilem in eorum præsidium cum duabus turmis equitum exciverunt, qui Decemvirum jussu *Faventiam* profectus est. *Philippus* interim, ut novo bello *Florentinos* distineret, in *Etruriam* ad *Caroli Malatestæ* oppidum, quod *Burgum sepulchri* vocant, eos equites quos *Angelus* habuerat, pluresque præterea misit, quibus *Guidonem* præfecit *Torellum*, ut agrum *Aretinum*, vicinaque oppida infesta bello redderet. *Franciscum* vero *Sfortiam*, quem patre defuncto Pontificis⁹⁰ opera cum duobus equitum millibus conduxerat, in *Faventinos* ire iussit, quo duplici bello hostium distractæ copiarum suis impares robore essent. Ad ejus regionis tutelam, ne destituta præsidio videretur destinatus *Ubaldinus*, plurimis levibus præliis cum hoste commissis, demum *Torelli* astu in insidias⁹¹ pugnando deductus, cum diu summis utrinque viribus certatum esset, tandem numero, & viribus impar hoste superante capitur: multi eo prælio ceciderunt: pluribus captis, pauci fuga evasere. Non minor hæc, quam apud *Zagonaram* adverso tempore accepta plaga multorum animos terruit, cum omnis ea ora ad victoriam Ducis mentem flexerit. Is qui secutus est annus, qui fuit quintus, & vigesimus supra mille quadringentos, difficilis sane, formidolosusque *Florentinis* fuit. Nam & plura⁹² *Aretini* agri castella ad hostem defecere, & *Nicolai Piccinini* ad Ducem transitus rem *Florentinorum* admodum debilitavit. Cum enim *Nicolaus Tolentinus* subsidio *Aretinis* missus esset, *Piccininus* quoque eo cum suis copiis ex *Fla-*

1425 *minia* ire jussus, iter per superiorem *Arnum* præmissis equitibus fecisset, exploratis & situ, & munitionibus oppidi, cum in *Aretinum* agrum venisset, relictis *Florentinis Torello* hæsit, sive majoris spe præmii, sive (ut ipse asseruit) Decemvirum multa pollicentium, parva servantium injuriis impulsus. Tanti ducis transitione, quam falso *Faventiae* inter eum, & *Philippum* firmatam quidam auctores sunt, maxime *Florentini* sunt consternati, cum suæ vires diminutæ, & hostis auctæ essent: neque enim dubium erat, quin si *Torellus Piccinini* consilium secutus esset, magnam calamitatem *Florentina* Respublica acceptura fuisset: hortabatur namque hominem, cujus suprema in ea regione potestas erat, ut e vestigio in *Vallem Arni* oppidis refertam, mediamque *Aretium* inter, & *Florentiam* descenderet; profligato enim *Ubaldino*, nullum præsidium hostibus in his locis esse; facile fore, ut omnibus ejus regionis oppidis potirentur. Sperare se primo impetu cuncta consternata metu, suisque auxiliis diffidentia in potestatem ventura; quod si accideret, seclusa a præsidio *Florentinorum Aretina* civitas, omnique spe destituta ad Ducem deficeret: *Cortona* quoque *Aretinorum* exemplum secuturam. Et haud dubium, si ejus consilio *Torellus* stetisset, magnum rerum motum in eis locis fuisse futurum, territis præsertim omnibus, & ad resistendum repentino hosti imparatis. Sed dux cautus, necdum satis fortunæ fidens, incertæ spei tutius consilium prætulit. Itaque in eisdem locis captis pluribus castellis, tota hieme est commoratus. Dum hæc inter spem metumque agitantur, tres a *Florentinis* oratores ad Pontificem mittuntur, *Renaldus Albitius*, *Nellus* jureconsultus, *Angelus Philippi* filius *Pandulphinus*, oratum, ut pacem inter se, & hostem pro *Italiae* salute componeret. Hi multis verbis ad ejus officium, dignitatemque, cum Pater esset communis omnium Christianorum, spectare affirmabant, primum tutari civitates, & provincias *Romanæ* Ecclesiæ subjectas, easque a tyrannis eruere; deinde auctorem, & arbitrum esse pacis, cum sciret qui fructus ex bellis prodeant, & martem esse communem, sæpiusque eos, qui primo vicissent, mutata postmodum fortuna victos succubuisse: debilitatam esse multorum⁹³ proditione suam Rempublicam, sed adhuc multum superesse virtutis, & virium, & pecuniarum, quibus exterorum, si sua deessent, auxilia implorarent. Missus insuper *Venetias* *Laurentius Rodulphus*, omnis divini humanique juris peritus, ac magnæ in Republica auctoritatis, qui eos ad societatem, & commune fœdus contra potentiam tyranni hortaretur, quem doceret non esse eo animo, ut rebus suis, & parta de se victoria acquiescat: raptum illum dominandi cupiditate, ad violandam contractam secum pacem; simul ac *Florentinos* debellasset⁹⁴, arma adversus *Venetos* moturum. Destinasse illum sibi *Italiae* imperium, quod ut facilius consequi posset, *Genuenses* primum sub-

leatius moriens Joanni Mariæ testamento reliquerat.

87. Obviam ire futuris periculis. Potiusque anticipare, quam expectare insidias, ut *Thucydides* lib. I in Oratione *Corcyreorum* ad *Ath.* ὡς ἐπιβλέποντες αὐτοῖς μάχην, ἢ ἀντεπιβλέποντες.

88. Oratores &c. ad Ducem missuros. Ob hanc rem plures enumerat oratores ad *Philippum* a *Venetis* missos *Petrus Justinianus Hist. Ven. lib. VI.* hoc est *Andream Contarenum*, *Laurentium Bragadenum*, & *Nicolaum Maripetrum*. Nova quin etiam Legatio per *Petrum Corrarium* eloquentissimum virum missa.

89. *Gerardus Gambacurta*. Aurum omne ex *Pisarum* venditione a *Florentinis* exactum una cum suppellectile illuc adduxerat.

90. Pontificis opera. Licet a *Florentinis* duplex oblatum foret stipendium. *Cor. p. V.*

91. In insidias pugnando deductus. Apud *Anglarium* fugam

simulantes hostes *Ubaldinum* in insidias deduxere, ibique ex latebris prodians *Guido Torellus* incautum oppressit.

92. Plura *Aretini* agri castella. Adversus hujus prælii fama *Tifernates*, & *Petramalenses* ad defectionem excitavit. De *Aretio*, & *Cortona* actum quoque fuisset, ni *Piccinini* illic commemoratis opera in fide mansissent. *Blond. Flav. Dec. 3. lib. II. Coris p. V.*

93. Multorum proditione. Nempe *Comitis Alberici*, *Christophori Avellii*, *Actii de Comitibus de Romana*, *Guelphi Comitis de Doadola*, *Antonii Francisci de Pontadera*, & *Nicolai Piccinini*, qui omnes in prætorio palatio proditorum more pede suspensi depicti fuerunt. *Scip. Ammir. p. I. T. 2. lib. XIX.*

94. Ac debellasset, arma adversus *Venetos* moturum. Eodem argumento utuntur *Corcyraei*, apud *Thucydidem* lib. I. ut *Athenienses* adversus *Corynthios* moveant, sibi que belli

1415 egisse, quo par eis classe maritima esset: plures insuper urbes paternae ditionis, quae defecissent, in potestatem redegisse. Appetisse deinde debiliorem partem, ut ea victa validiores aggrediretur. Ideo illum societatem cum *Venetis* exoptasse, quo *Florentinos*, si adversus eos arma movisset, destituerent: sed tanti facturum *Venetorum* foedus, quanti fecerit *Florentinorum*: nullam fidem habendam esse verbis, aut promissis ejus, qui tam aperte se contra pacis condiciones fessellisset. Proinde dum *Florentinis* adhuc vires suppetere, id suscipere bellum, quo summa gloria, ingentes opes, magnum imperium illis pararetur. *Venetis*, etsi vera quae dicerentur videbantur, tamen ex Senatus auctoritate respondent: antiquam *Philippi* amicitiam⁹⁵, societatemque obistere, quo minus foedere jungantur: oratores tamen ad eum se missuros ex principibus civitatis, qui eum ad pacem hortentur, moneantque, ut ab armis desistere velit, ne quod jure nequit, vi & injuria assequi velle videatur. Legati *Mediolanum* profecti, ut renuntiarent Duce verbis rem protrahere, & diem ex die ducere, aliudque⁹⁶ hominem quam lingua ostentaret, pectore versare, extemplo nonnulla incessit suspicio, ne parta victoria, quam animo conceperat, omnis belli moles in se converteretur. Suspensos itaque consilii, & incertos animos erexere verba *Francisci Carminiola*, qui invidia, communi regnorum malo, maximis rebus gestis extra Ducis fines profugerat. Is cum omnia Ducis consilia calleret, affirmavit proculdubio illius esse animum, ut subactis⁹⁷ *Florentinis* ad *Venetos* transferret arma, multisque verbis persuasit, ut dum facile illius consiliis obviam iri posset, curam libertatis suae servandae susciperent. Orator quoque *Laurentius*⁹⁸ hortando, monendo, suadendo, futura monstrando pericula jam multorum animos flexerat. Quod intelligens Dux, multorum quippe jam sententiae vulgatae erant, denuo oratoribus⁹⁹ *Venetias* missis, iisdem quibus se pacis cupidum simularat artibus rem protrahabat. Eis vero qui penes Pontificem erant, ut de reconciliatione *Florentinorum* agerent, mandat, suspicatus fore, quod summopere appetebat, dum pax tractando differretur, se quibus vellet conditionibus *Florentinos* in *Etruria* oppressos obstricturum. At *Laurentius* eorum quae in urbe agebantur ignarus, occulta, & ad dolum spectantia Ducis verba, consiliaque evolvens, quae antea ab eo dicta erant, pluribus recensebat, orans *Venetos*, ut privatae¹⁰⁰ quoque libertatis, quae sua deperdita in discrimine versaretur, rationem haberent. Notam esse Ducis mentem, qui quo magis ostentat verbis pacem, eo magis ad belli curam spectaret: Ducis fidem ex se cognoscere vellent, quos ille fallaci

1425 semper pacis commemoratione decepisset; nequam fore contentum infinitae ambitionis virum patriae suae spoliis: majora illum appetere: nullam fidem¹, nullum iusjurandum apud eum sanctum esse: majora ausurum, si prima succedant: proinde de salute propria cogitarent: *Venetorum* agi rem ea societate, qua profecto aut utraque Respublica ab illius insidiis tuta redderetur, aut Ducis vires minuerentur. Quae verbis saepius iterata multorum civium mentem inclinarunt ad firmandam cum *Florentinis* societatem. Legati vero *Philippi* non ab eo, sed a *Florentinis* testabantur pacem abruptam esse, cum *Liburni* portus castello empto, *Thomam*² *Genuesium* Duce, cui bellum intulerat, grandi pecunia juvissent. *Laurentius* manifestum id, novumque calumniandi genus asseverabat: nulla enim lege, nullo instituto, nullo foedere prohiberi *Florentinos* emere portum, qui paulo antea *Pisanorum* finium extitisset, quae cum omnibus humanis, divinisque a *Gabriele Galeatii* filio ducentis millibus aureis empta fuisset. Itaque nullam censi debere injuriam cuiquam factam esse, si *Pisanorum* jura praeter justitiam occupata propriis sumptibus recuperassent: nihil a Duce ineptius afferri posse, quo a se exorti belli culpa amoveri queat. *Carminiola* interim, qui *Tarvisi* morabatur, astu³ Ducis veneno appetitus, re per ancillam detecta, ac sceleris auctore securi percussio, *Venetias* profectus palam *Philippi*, qui se immeritum veneno tollere curasset, iniquitatem questus est, multa differens de infesto illius erga *Venetos* animo, non pacem, sed bellum pectore versantis, quod in tempus magis opportunum differret. Arriperent ergo occasionem, & oblatam in tempore pessundandi serpentis dolo, & nequitia miscantis omnia facultatem: se duce si uti velint, vires tyranni in arctum redigi posse, & eo deduci, ut ne minimum quidem periculi ab eo imminere queat. Cum variae civium sententiae essent, partim praesenti, partim futurae paci consulentium, tandem & *Laurentii*, & *Carminiola* consiliis moti de societate agere coeperunt. Oratoribus itaque Ducis responsum: per Legatos se illi antea significasse, nisi infra *Galliae* metas, quas suo beneficio dilatarit, acquiescat, *Venetos* ei hostes futuros: qua in sententia tum etiam perstare, eaque perseverare in animo esse, nisi ab armis discedat. Illi rem verbis trahere spe pacis, quae *Romae* inter Duce, *Florentinos*que jam pro confecta habebatur. Aegre ferebat Dux, *Venetos* praeter foedus antea inter eos initum sibi belli gerendi leges imponere, praescribereque, quibus terminis acquiesceret, omnique opera & summo cum studio pacem firmare cum *Florentino* populo studebat, ut rebus *Etruriae* compositis in *Venetos* arma transfer-

societate conjungant, imo eisdem pene verbis. *ἡ κοινωνία λαμβάνοντες ἡμᾶς νῦν, ἐς τὴν ὑμετέραν ἐπιχέουσιν.*

95. *Philippi* amicitiam societatemque obistere, quo minus foedere jungantur: oratores &c. Idem responsum Romani dedere Campanis auxilium adversus Samnites petentibus. Auxilio vos Campani dignos censet Senatus, sed ita vobiscum amicitiam institui par est, ne qua vetustior amicitia ac societas violetur. Samnites nobiscum foedere juncti sunt &c. Legatos, sicut fas jusque, ad socios, atque amicos precatum mittemus, ne qua vobis vis fiat. Liv. lib. VII.

96. Aliudque quam lingua ostentaret, pectore versare. Hujus notae homines praeter ceteris ab Achille perosos refert Homerus lib. IX. Iliad.

Ἐχθρὸς γὰρ μάλιστα ὁ μὲν αἰεὶ πύλῃσιν, ὁ δὲ ἔξωθεν ἰδὲ καὶ ἐνὶ φρεσὶν, ἄλλο δὲ βάζει.

97. Subactis *Florentinis* ad *Venetos* transferret arma. Imitatur Poggius Herodotum lib. VII. ubi Athenienses, & Lacedaemonii Gelonem Siracusanum Tyrannum in suas partes adversus Xerxem traducere tentant, hoc praecipue argumento: Neque enim speraveris Persam, si nos victor praelio evertet.

rit, in te non esse venturum: quin immo hoc ante caveris.

98. *Laurentius*. Rodolphus Florentinus.

99. Oratoribus *Venetias* missis. Beltrando Lumponiano, & Joanne Aretino, qui Galeatii fuerat ab Epistolis.

100. Et private quoque libertatis. Non enim majori argumento, quam libertatis tuendae *Venetos* moveri posse putabant *Florentini*, quod nunquam servitute passi essent.

1. Nullam fidem, nullum iusjurandum, &c. Eadem ratione Lacedaemonii apud Herodotum lib. VIII. Athenienses in Mardonium sollicitant. *ἔπειτα ἐν συγχάσει φρονέοντες ἐπιστάται, ὡς βασιλεῖσι ἐστὶ δὲ πύλον, εἰς ἀλλήλους εἶναι.* Quod idem est ac, Si recte sapitis, nihil barbaris esse, neque fidum, neque verum.

2. *Thomam*. Fregosium.

3. Astu veneno appetitus. A Joanne Luitprando Mediolanensi qui exul *Tarvisi* morabatur. Huic Dux & reditum, & pecuniam pollicitus erat, dummodo *Carminiola* veneno non tolleretur; quo ab ancilla detecto, Luitprandus capite mulctatus fuit. Blond. Flav. Dec. 3. lib. II.

1425 ferret; quam rem & ipsi veriti societate cum *Florentinis* jungi exoptabant: sed lentius id agebatur, quo meliori sua conditione in leges foederis veniretur. *Florentinorum* quoque animi ad eorum societatem, quam ad pacem Ducis semper dubiam, quamvis leges dicerentur æquissimæ, propiores erant. Pontifex, ut audivit *Venetos* ad eam societatem proclives, quam ad eam diem rejecerat, quærebat, ac suadebat pacem, non tantum suo, quantum amicorum consilio impulsus. Erant enim plures infensi *Venetis*, quorum vires (quoniam auctoritatem Pontificis contemnere, atque insolentius abuti rebus Ecclesiasticis viderentur) diminui cupiebant. Et jam de pace, ignorantibus ⁴ *Florentinorum* Legatis quæ *Venetis* agerentur, conventum erat; ut utrinque ablata restituerentur, utque equites peditesque omnes in *Galliam* redirent; cum literæ a Decemviris superveniunt imperantes in octavum diem rem procrastinando protrahi: interim *Laurentio* significant, nisi infra biduum de societate amicitiaque decernat, *Romæ* per Pontificem cum hoste de pace actum esse: itaque mature facto opus esse, ne siquid præter spem eveniret, sibi non prædictum affirmarent. His renuntiatis, *Veneti* haud ignari *Philippi* animum a se alienum, & ad ulciscendum paratum, e vestigio omnibus posthabitis, foedere ⁵ icto, in amicitiam, societatemque ^{*} ad Ducis vitam veniunt, conditionibus adjectis, ut communibus stipendiis sexdecim equitum, octo peditum millia belli tempore conducerentur, classisque ⁶ maritima, & in *Pado* haberetur: utque pacis, ac belli arbitrium penes *Venetos* esset: quæ in *Gallia* caperentur *Venetis*, in *Flaminia* & *Etruria* *Florentinis* cederent. *Parma* quoque, si expugnaretur, aut a *Philippo* deficeret, *Nicolao Ferrariensi*, qui cum *Francisco Mantuæ* Regulo foederi ascriptus erat, adjiceretur; Isque *Florentinorum* exercitus dux declararetur, summaque imperii penes illum esset. Vulgato foedere, cui *Amedeus Sabaudie* Dux *Philippi* opes, ac potentiam veritus, *Senenses*que accessere, legatisque ex Urbe ⁷, pace Ducis rejecta, *Florentiam* revocatis, omni aliarum rerum cura omissa, ad bellum parantur; *Nicolaum*que *Tolentinatæ* ducem belli peritissimum, nonnullos præterea præfectos, cum sex equitum, tribus peditum millibus in *Galliam* auxilio *Venetis* mittunt, qui collectis undique copiis, ac valido, præstantique exercitu comparato, ducem *Carminiolam* designant, virum ea tempestate rei militaris præclarissimum, ac odio ⁸, ut prædicabat, adversus *Mediolanensem* acerbo. Antea tamen quam novi quicquam tentarent *Veneti* (nam & *Alphonfus Aragonum* Rex *Philippum*, *Genuenses*que exosus, fratrem cum classe haud parva adversus *Genuenses* se missurum in illorum gratiam promiserat) iterum a Duce per ⁹ oratores postulant, ut infra *Galliæ* fines se teneat, pacem, ac concordiam cum *Florentinis* firmatam servare velit, cujus se sponsores fore in futurum affirmant, si ut palam dictitabat illos eam violaturos dubitaret: quæ ad eam diem bello occupasset restitueret:

A ni pareat bellum indicant. Copiæ interim omnes in agrum *Veronensem*, & loca *Brixie* propinqua ire jussæ. Dux perplexe, ut certa sententia ex ejus verbis elici nequiret, dato responso, nequaquam ea belli denuntiatione territus, & ipse copias, quæ dispersæ erant, contrahit: equitatum, peditatumque omnem, qui in *Etruria*, *Flaminia*que bellum gerebat, accersit, nihilo quam antea inconsultius rem gerens, sed pristino more seclusus, conspectumque hominum fugiens bellum per internuntios administrabat. In magno ab utrisque apparatu studens *Carminiola* aliquo egregio facinore initium fieri decertandi, arcis *Brixie* B sublimioris custodes pecunia, & ingentibus promissis ad desciscendum allicere conatus, cum id parum processisset, *Guelphorum* ¹⁰ secta Duci maxime adversa in suam sententiam traducta, nocte muris ¹¹ effractis cum magna exercitus parte urbem ingressus, eam regionem, quam *Guelphi* tantum inhabitant, occupat, quo die (sic enim constitutum erat, ut Duci pluribus locis se tuendi necessitas imponeretur) *Ferrariensis* agrum *Parmensem* depopulatus, magnam hominum pecorumque prædam abigit. At *Philippus* veritus, ne dux sagax *Carminiola* aliquem dolum in civitate *Brixie* sibi suspecta moliretur, ad prohibendos C novos morus, ac cives metu in officio continendos, præfectum ¹² alæ equitum ad urbis præsidium proficisci jubet, qui urbis defectione audita, in eam partem, quæ a *Ghibellinis* incolitur, profectus, eos diversæ factionis odio in fide continuit. Hujus urbis, quoniam summis viribus, maximoque odio & defensione, & expugnata longiori obsidione fuit, necessarium videtur situm paucis describere, ut quæ urbem tam munitam, tam validam difficultas expugnandi fuerit, legentibus constet. *Brixia* tribus millibus passuum in circuitu patens, tres firmissimas arces continet. Prima in monte qui urbi imminet sita, separata a D mœnibus, duplici latoque muro, ac frequentibus turribus cingitur. In ejus medio area ampla est, inque ea turris ingens egregii operis a reliquis ædificiis disjuncta. Paulo inferius ab utraque muri parte murus altissimus ducitur frequentibus turribus, qui alteram, amplioremque efficit arcem a civibus inhabitatam. Ab ea ad inferiora urbis loca, ad portam usque, quæ *Garzetta* dicitur & ipsa operis munitissimi, urbem dividit murus latissimus frequentibus propugnaculis distinctus: ab hoc muro & alius ad dexterum latus ad portam Pilarem productus, quo efficitur tertia, & nova arx secundæ juncta. Infra hanc planities est ad quartam fere urbis partem, duabus fere portis distincta, in qua *Guelphi* habitant; cætera urbis loca a *Ghibellinis* incoluntur. *Carminiola* igitur urbis regione, cui nova arx imminet, deditione recepta, eam una cum civibus e vestigio, quo tutiores ab incurfu militum propinquæ arcis essent, fossa lata, profundaue, ad hæc pluribus additis castellis, ac firmo præsidio communivit. At *Philippi* ¹³ copię prope *Brixiam* obequitabant, viribus (non dum enim omnes convenerant) impares hosti, ne-

4. Ignorantibus *Florentinorum* legatis. Dum a quibusdam *Florentinis* legatis *Romæ* de pace ageretur, ab alio *Venetis* de bello agebatur, eo consilio, ut si *Veneti* societatem rejecissent, pax fieret.

5. Foedere icto. IV. Decembris die.

6. Classisque maritima. Ut Ligusticam oram invaderet.

7. Ex urbe. Nempe *Roma*, ubi de pace cum Pontifice agebatur.

8. Odio adversus *Mediolanensem* acerbo. Ipse enim de Duce benemeritus, & ob res gestas insignis, *Torello* in ducendis ordinibus subijci noluit; nec satis æquo animo *Geauæ*

Præfecturam Cardinali *Insulano* sibi suffecto tradiderat.

F 9. Per oratores. Melius per oratorem: solum enim *Franciscum* *Serram* Decemvirum a secretis oratorem missum invenio.

10. *Guelphorum* secta, &c. Hujus principes *Petrus*, & *Achilles* *Avogari*.

11. Muris effractis. Non muris, sed porta, S. Joannis effracta. *Baptista Sacchini* vulgo *Platina Hist. Mant. lib. V.*

12. Præfectum alæ equitum. Oltrandum cum cohorte miserat.

13. *Philippi* copię. *Francisco* *Sfortia* Duce.

1426 nequaquam acie dimicare audebant. Commeatum tamen turribus in eam partem urbis, quæ *Mediolanensi* parebat, inque arces ad tolerandam diutinam obsidionem deferri curabant. Verum *Ferrariensis* consilio, ut ea invehendi frumenti facultas demeretur hosti, coactis sex hominum millibus, duplici fossa difficilis operis viginti pedes lata, duodecim profunda, a porta quam ceperat amplius duobus passuum millibus, ad montem usque, in quo, ne ab hoste occuparetur, castrum erexerant, *Carminiola* parat cingere, erecto medio aggere inter utranque fossam, qui pro vallo esset. Continuo tamen ea fossæ portio, quam mane cœperant, eadem die perfecta, propugnaculis interjectis muniabatur. Vigiles quoque adhibiti, qui aditu hostes prohiberent. Mensibus duobus perficiendis fossis absumptis, facultateque omni comportandi in urbem commeatus sublata, conversus *Carminiola* ad expugnandas arces, quæ tum situ, tum muris, turribusque erant firmissimæ, *Garzetta* oppugnata, eam primam ex his, quæ tenebantur a *Philippo*, in *Venetorum* redegit potestatem. Plures enim dies oppugnationibus continuis fessi custodes, simul vexati bombardis, atque omni telorum genere attriti, omnique subsidio desperato se se dediderunt. Hac recepta, arcem novam inferiorem, quæ sextam ferme urbis partem occupat, aggressus est. Eam tanto militum ardore, tot præliis, tot machinis oppugnavit, ut decem continuis diebus, nulla quiete, nulla ab asperrimis pugnis, nulla a vulneribus intermissione neque die, neque noctu data, cogerentur fessi labore, vulneribus debilitati defensores, octo dierum inducias ad se dedendos petere. Sed omni via subsidii ferendi seclusa, arcem tradidere, ea conditione, ut liberi cum suis rebus abirent. Dux interea *Philippus* accersitis¹⁴, quæ in *Etruria* erant, copiis mandat, ut restitutis¹⁵ quæ de Pontifice erant urbibus, oppidisque, cætera firmis munirent præfidiis. Erat equitum numerus circiter quatuor millium, peditum mille, qui cum ad flumen *Scultennæ* (*Panarium* incolæ vocant) pervenissent, a transitu¹⁶, dispositis in ulteriore ripa equitibus, prohibiti, inferius prope *Viniolam* oppidum descenderunt, ubi ponte juncto, flumen nullo inhibente transeunt, seque cum reliquis *Philippi* copiis conjungunt. Comparato, ac in unum coacto præpotenti, egregioque exercitu, in quo quindecim millia equitum, peditumque censebantur, imperator illi datus *Carolus*¹⁷ *Malatesta Pisauriensis*, cum ad liberandam obsidione *Brixiam* proficisceretur, *Philippi* præfectis sententias variantibus, singulisque consilium suum cæteris omnibus præferentibus, parum profecit. Alii enim oppugnandas novas munitiones, vallum rescindendum, fossam replendam censebant: alii obsidione cingendam urbem, ne commeatus ad hostes deferri posset, & fame postea, quia vi nequibant, ad deditionem compellendos. Quidam majoris animi, fortunam belli experiundam esse dicebant. Quam sententiam secuti reliqui fossam vallumque magno conatu aggressi, irrita labore, multis acceptis vulneribus eam oppugnationem reliquerunt. *Carminiola* enim defendendo vallo robustissimos milites præposuit, eruptionibusque

A factis hostes in castra, pluribus occisis aut captis, redire cœgit. Expectabant, qui urbem, atque arces tuebantur, ut his subveniretur; videbant enim *Philippi* equitatum, peditatumque magno numero haud procul a mœnibus in campis esse tamquam certum auxilium laturos, ideoque summa vi se oppugnantibus resistebant. Verum cum post commissum certamen veluti victos abire viderent, continuis laceffiti præliis, & vulneribus confecti, desperata salutis spe defecere animis. Qui Pilarem asservabant portam, ea relicta in proximiorum arcem muro continuo se se receperunt: ejus quoque custodes haud multo post, cum aliquandiu repugnassent, tandem fame urgente, dierum decem inducias pacti, arcem relinquere. Secundam deinceps adorti, cum qui eam defensabant nulla humana adjutos ope arcis amissæ milites conspicerent, se pro derelictis habitos, & ipsi omni spe auxilii præcisa, paucos post dies eadem conditione, qua priores, arcem omnium maximam tradiderunt. Restabat oppugnatio montanæ¹⁸ arcis, quæ tum loci natura, tum mœnibus, & frequentibus turribus, & militum robore perdifficilis videbatur. Sed diversarum machinarum multitudo, ad hoc bombardarum magna vis turrim in medio sitam, crebris verberibus disjecit, tum reliqua ædificia ictu lapidum contrivit. Tolerata duos amplius menses obsidione, præsidio, arce tradita, abeundi est facultas permissa, urbsque omnis in potestatem redacta, octavo¹⁹ postquam obsideri cœpta erat mense, in expugnandis arcibus, muris, & turribus summa industria adhibita. *Philippi* copiarum *Brixiensem* frequentibus populationibus vastabant, dispositis per oppida militibus, qui illa ab hostibus tutarentur. Id vero in expugnatione *Brixie* post devictam urbem perarduum fuit, comportatio scilicet commeatus, quo civitas aleretur. Nam & messem omnem in equorum pabulum equites consumpserant, & *Philippo* omnia urbi propinqua parebant loca, ut nullus frumenti invehendi daretur aditus. *Benaci* vero lacus oppida, præter angulum quendam, cujus parva arx *Venetorum* ditionis erat, adversa *Venetis* expugnari nullis ad id præparatis navibus nequibant. Constans fama est, culpa præfectorum *Philippi* eam urbem non esse recuperatam. Nam cum liber aditus ad illam esset, facile fossam prohibuituros fuisse ajunt, nisi certamen dignitatis²⁰, æmulationisque, dum quilibet suum consilium alterius sprete sententia exequi nititur, inter eos ortum, facultatem, spatiumque perficiendi operis hosti per ignaviam præbuisset. Dum cunctantur, dum de ferendo auxilio disceptant, rei bene gerendæ, impediendique operis occasio²¹ est amissa: & quod ne fieret facile prohiberi poterat, id perfectum, munitumque expugnare frustra tentarunt. Dum *Brixia* pari pene conatu expugnatur, & defenditur, nullis nondum certis indicibus, quo se fortuna inclinaret, *Paulus Guinifus Luca* tyrannus, sperans aliorum bellis sua augeri, confirmarique, equitibus sexcentis diversis ex locis coactis, eo consilio, ut ejus stipendia sequerentur, qui omnium pene judicio victoriam consecuturus esset, arbitratus tanto beneficio liberius suis civibus dominari posse, cum existimaret

14. Accersitis copiis. Quæ sub Angelo Pergulensi militaverant.

15. Restitutis quæ de Pontifice erant urbibus. Nempe Imola, & Forolivii.

16. A transitu &c. prohibiti. A Nicolao Marchione Estensi, qui Scultennæ Mutinensis fluvii ripam tuebatur.

17. Carolus Malatesta. Qui pridem Florentinorum dux adversus Ladislaum fuerat.

18. Montane Arcis. Cujus præfectus Antonius Landria-

F nus. Corius p. V.

19. Octavo postquam obsideri cœpta erat mense. Aprili obsessa, & Novembri in potestatem redacta.

20. Dignitatis æmulationisque certamen. Inter Franciscum Sfortiam, & Nicolaum Piccininum.

21. Occasio est amissa. Angelo Pergulano amissa Brixie culpa illata fuit, qui ab omnibus præfectis rogatus nunquam perfringendis operibus impetum fieri permisi.

1426 ret *Mediolanensem* superiorem fore, fortunamque pro eo pugnare, reiectis *Florentinorum* postulatis, qui mille equitum praefecturam filio detulerant, *Ladislaum* maximum natu filium ad eum in castra ire iussit. Qua ex re & *Venetis*, & *Florentinis* summa adversus eum indignatio coorta est; eaque postmodum causa fuit, ut foedere pacis excluderetur, quoniam ²² nulli aperte favisset. Ferunt *Franciscum Foscarum*, *Venetorum* Ducem, virum prudentissimum, pace facta *Florentinis* oratoribus dixisse, eos recte facturos, si memores *Pauli* injuriarum, insanum tyranni consilium ultimum irent. Decemviri interea, cum *Philippi* copiae *Etruriam* reliquissent, summa in recuperandis amissis castellis cura adhibita, partim vi expugnaverunt, partim postmodum pacis conditionibus receperunt. At *Veneti Brixia* occupata, ad expugnanda oppida, castellaque ejus agri omni ope intenti, ad ea loca quae circa *Benaci* lacus littus sunt exercitu circumducto (jam enim omnis ea regio sponte in partes *Philippi* concefferat) nonnullis vi captis, faciliorem comportandae annonae aditum praebuerunt. His rebus *Carminiola* intento, *Martinus* Pontifex, cujus opera bellum antea protractum erat, cum quae animo conceperat vana apparerent (fama namque frequentior fuerat, & multorum sententia, illum ante foedus cum *Venetis* ictum de industria exoptasse, ut bellum vigeret, neque concordia statueretur, quo *Florentini* longo, ac diutino bello fatigati, viribusque exhausti *Philippi* odio se suaeque sibi dederent) amissa *Brixia*, veritus, ne Dux reliquarum quoque urbium discrimen subiret, mente ad pacem conversa, literis *Mediolanensem*, *Venetos*, ac *Florentinos* exhortatus ad arma deponenda, ut intellexit minime eam omnes refugere, Cardinalem ²³ Sanctae Crucis *Nicolaum*, virum sanctissimum, ad *Venetos*, quibus quocumque modo belli componendi arbitrium permissum erat, Legatum misit: qui cum cives concordiam haud horrere intellexisset, *Amedei* quoque, & *Florentinorum* auctoritatem, qui socii erant, secuturos dicerent, *Mediolanum* petens, ubi *Philippum* pacis cupidum, ut ex verbis hominis elici poterat, comperit, singulorum oratores *Ferrariae* convenire iussit: quo in loco multis utrinque summa animi contentione agitata, tertium tandem post mensem kalendis Januariis pax solemniter firmata est. Conditiones dictae, ut *Brixia*, divina humanaque omnia, valle quadam excepta, ac quae circa *Ollium* ditionis *Cremonae* essent, *Bergomum* insuper, omnisque ejus ager *Venetis* cederent: quae *Florentinorum* ante bellum fuerant, restituerentur: *Amedeus* ²⁴ vero bello capta teneret. Quibus, ut acquiesceret *Philippus*, *Mediolanum* reverfus Cardinalis illum hortatus est: Ut rationem temporum haberet: Satius esse partis alicujus, quam totius imperii jacturam subire: prudentis viri esse parere temporis, a quo consilia omnia sumenda essent, & cui parere sapientes vellent. Utile proculdubio fore adversae fortunae cedere, cujus arbitrio humanae res regi viderentur: non in eodem statu semper omnia futura: accidere posse, ut minori impensa recuperet

A amissa, quam qua sunt perdita. Denique eam esse Pontificis mentem, ut quacunque conditione praesentibus consulat rebus: se quoque illi suadere concordiam, utque Pontificis auctoritatem sequatur. At vero Dux tum *Florentinorum*, qui se Pontifici restituere urbes Ecclesiae quaerentem impedierunt, superbiam incusabat; tum *Venetorum*, quibuscum foedere junctus erat, aliena occupandi cupiditatem plurimum querebatur. Sed Legati viri gravissimi verbis commotus in datus pacis condiciones descendit. Hac ea aestate utrinque facta. Accepto per Ducem pacis foedere, *Carminiola* ad recipienda oppida profectus, a mœnibus omnium repulsus est, jurejurando pro nihilo habito, ac legibus pacis a Duce contemptis. Creditur Legati viri integerrimi sanctissimique auctoritate motum eas accepisse condiciones quamvis invitum, cujus suasionibus contra ire vereretur, postmodum poenitentia ductum insita animi varietate sententiam mutasse, & ea quae condonabantur duxisse satius amittere bello, quam per speciem timoris relinquere. Quod aegre ferens Legatus, Ducisque inconstantia offensus *Romam* rediit. Variis moribus variaque a reliquis natura Dux fuit, & nova in diem consilia versans, nulli credere penitus, nulli fidere, promissorum haudquaquam fidelis custos, quem dilexerat paulo post a se rejiciebat. Callidus, & ingenii sagacis, mobilisque, ut qui in bello pacem, in pace bellum cuperet, suo in nixu consilio spernebat ceteros, semper procul a conspectu hominum reclusus ²⁵, atque omnia per internuntios agens. Antequam *Brixienfes* ab eo deficerent, quidam eorum quae parabantur haud ignarus *Mediolanum* profectus Duci nuntiari iussit, esse quaedam minime contemnenda, quae cum eo communicare sine arbitris opus esset, rogare, ut quae afferret ex se audiret. Ille more suo, cum quae dicturus venisset, ex amicis cuidam referri imperasset, alter vero *Philippo* tantummodo necessario ea edenda respondisset, cum in sententia perstaret, indignabundus confestim abiit, affirmans non multos post dies nuntii spreti poenitentiam Ducem acturum, ac subinde ejus civitatis rebellio, amissioque secuta est. Initio praeterea belli *Mediolanensem* optimates *Philippo* magnam ²⁶ auri vim obtulisse ferunt, si curam belli gerendi eis permitteret, utque providerent, ne quid ab hoste caperent detrimenti: illum vero omnes suspicientem, ac nulli prorsus credentem, obstantibus adulatoribus oblatam pecuniam repudiassent, afferentibus pracludendam populis omnem belli gerendi facultatem; eam enim ad appetendam libertatem optimam viam esse. Itaque five suo ingenio parum in promissis firmo, seu aliorum ²⁷ bellum paci praeferebant impulsu (utrinque enim traditur) abjectis concordiae legibus (& jam hyems erat) armis ²⁸ se tutari, atque hostem aggredi parat: multos enim equites conduxerat, quos *Veneti* firmam fore pacem existimantes, ut parum utiles missos fecerant, quibus ille fretus agrum *Mantuanum*, quo omnem timoris suspensionem amoveret, incurfionibus, popu-

22. Quoniam nulli aperte favisset. Imo quia aperte favisset *Mediolanensi*, cujus auxilio sub *Ladisla* ejus filio sexcentos equites miserat.

23. Cardinalem S. Crucis *Nicolaum*. Albergatum ex Sacra *Carthusianorum* familia, Episcopum *Bononiensem*. Sigonius de Episcop. *Bonon.* in B. Nic. Alberg. lib. III. Ejus vitam scripsit *Jacobus Zenus*, *Feltrensis*, ac *Bellunensis* Episcopus Col. Agrip. apud Joann. Kinchium 1618.

24. *Amedeus* vero. *Allobrogum* Dux, qui *Venetis* adhaeserat. Hic ille est qui defuncta uxore in Sancti *Mauritii* monasterio secessit, & deinde in schismate contra *Eugenium*, Antipapa fuit nomine *Felix*. Hunc *Poggii* invectiva quam acerrima exagitavit.

25. Reclusus. In Abbatiae oppido. *Blond. Flav. Dec. 3. lib. III.*

26. Magnam auri vim obtulisse. Quae decem millibus equitum & totidem peditum colligendis sufficeret. *Petr. Justin. Hist. Ven. lib. VI.*

27. Aliorum bellum paci praeferebant impulsu. Non alia de causa ad pacis consilia animum appulisse Ducem animadvertit *Ammiratus*, & cum eo *Blondus*, alique, quam ut *Venetos* a *Florentinis* removeret, & *Carminiola* dum pace facta ad suum oppidum pergeret, insidiis occuparet: quod cum ex voto non cessisset, pacem fregisse. *Ammirat. p. I. To. 2. lib. XIX.*

28. Armis se tutari, &c. Classem apud *Brixiam* reparando, & *Ligures* extorres *Genua* arcendo.

1427 pulationibusque vastavit. Id facinus tum *Venetos*, tum *Florentinos* ad instaurandum bellum aciores reddidit, ac paratiores: hinc enim fidei adeo palam violatæ injuria, hinc *Mantuani* damna stimulant ad ultionem animos. Parato itaque novo equitatu *Veneti*, *Florentinorum* additis copiis, brevi magnum conficiunt exercitum. In amicitiam præterea, ac belli societatem *Montisferrati* 29 *Regulum*, ac *Orlandum Palavissimum*, qui *Philippi* fines hostili more invadant, asciscunt. *Amedeus* enim innata avaritia pecuniæ, & stipendii recipiendi causa foederi ascriptus, neque bello, neque paci utilis erat. *Genuensium* quoque exules operam polliciti, ut patriam a *Philippi* servitute vindicarent, unico prælio superati 30 sunt. *Philippus* vero existimans in eo rem verti, ut qui prior arma inferret, victoriam ex hostibus reportaret, copiarum parte agrum *Brixensem* populando, urendoque tecta multiplici calamitate affecit: classe quoque in *Pado* flumine confestim parata, castella quædam, in quæ *Casale* 31 majus fuit, terra navibusque (ea secus aquam sunt) expugnata cepit. Jam superiori loco *Mediolanensis* fortuna esse videbatur; non enim *Venetorum* copiæ *Carminiolæ* ad 32 balnea ob adversam 33 valetudinem profecti consilio uti poterant, quo absente *Venetorum* non eodem quo antea consilio viribusque res gerebatur; cum *Veneti*, ut hostium viribus obsisterent, paratis e vestigio navibus longis triginta, nautisque impositis bellis maritimis exercitatis, ac instructis machinis omnibus, atque armamentis, quæ ad hostium munimenta oppugnanda pertinerent, imperatoreque *Bembo* 34 maritimæ expeditionis peritissimo declarato, *Padum* ingressi, ad hostium naves militum virtute, & navigandi, rerumque navalium inscitia inferiores cursum dirigunt, primoque impetu adversariorum 35 classe ad *Brixellum* in fluminis ripa situm fugata, obsidionem solvunt. Capto enim prodicione oppido, quod *Venetis* parebat, arcem in fide permanentem forti animo se defensantem oppugnaverant, machinasque, ac varia ad diruendam arcem tormenta ex *Cremona* comportaverant: quibus omnibus recepto oppido potiti, navesque hostiles infecuti, commissio 36 certamine in fugam versas superant, octoque captis, paulo post *Cremonam* versus profecti, repagula, oppugnaculaque 37 omnia fluminis ascensum prohibentia magno certamine removent. Parta ubique victoria, cum milites imperio ducis neglecto reli-

1427 A Etis navibus, prædatum in agrum *Cremonensem* descendissent, palatque nullo ordine vagarentur spoliis agrestium intenti, præfectus 38 equitum in urbis tutelam relictus dissipatos aggreditur, multis captis, trecentis occisis, reliquos turpi fuga ad naves compulit. Relicta *Cremona* classem *Ticinium* versus cum *Venetis* movisset, veritus insidias *Cremonam* revertitur, existimansque eisdem copiis eodemque præfecto defendi urbem, acceptam injuriam ulcisci parat. Dum milites cautius exponit populabundos majorique quam antea equitatu (novi enim 39 advenerant equites) repulsus parva jactura suos revocat. Et jam æstas aderat, cum *Carminiola* recuperata valetudine *Patavium* 40 venit. Inde *Brixiam* petens quinto ab urbe lapide cum paucis confedit copiis, omnibus quas interim *Veneti* scripserant, se sequi jussis. Ex omni exercitu cum ad decem equitum millia in urbem inscientibus hostibus misisset, *Albericus* vero *Cunii* Comes, nonnullique *Philippi* equitum præfecti ab *Ostolingo* oppido, quod duodecim millibus passuum distat *Brixia*, prodeuntes, usque ad urbis portas excursionem facta, cum omnis generis onerati præda redirent, emissio 41 ex urbe equitatu, & præda recuperata est, & ex præfectis 42 unus cum equitum parte captus. Eadem die *Carminiola* urbem ingressus secundum id equestre prælium factum permolesto 43 tulit: existimabat enim, si se duce eruptionem fecissent, captis omnibus facile oppidum expugnari potuisse. Mense inde Martio cum exercitu, in quo equitum quindecim, peditum millia sex censcebantur, calorum, curruumque magno numero ad comitatum, & bellicas portandas machinas addito, profectus, *Montemclarum* opulentum oppidum obsedit, quo pluribus præliis tentato, cum egregie defenderetur, ex eo loco ad *Ostolingum* castra movit, sperans perfacile se oppido potiturum. Sed nocte præcedente ad mille 44 equitum *Mediolanensium* oppidum ignorante *Carminiola* intrant, qui se intra portas continuere, quoad hostes metarentur castra. Illi per negligentiam (nihil enim hostile timebant) ducis eorum parum providi ad repentinos motus culpa, dissolutiusque quam par erat curantes corpora, otio, quietique indulgebant, vagi incompositique tamquam in pacato forent. Solus *Johannes* 45 *Strotius*, eques *Florentinus*, quem præfectum turmæ equitum *Ferrariensis* (id 46 enim ex formula debebat) ad exercitum miserat, in

29. *Montisferrati Regulum*. Joannem Jacobum.

30. *Unico prælio superati sunt*. Non uno tantum prælio, sed duobus, nempe maritimo, & terrestri superatos *Genuensium* exules, qui *Thomæ Fregosii* ductu convenerant, refert *Ubert. Folietæ*. Primo prælio magna cum cæde ab urbis mœnibus, amissis scalis repulsi, secundo ad *Vervetiam* oppidum victi, una tiremi fugata, & tribus captis. *Foliet. Hist. Gen. lib. X.*

31. *Casale majus*. *Cremonensis* agri oppidum, cui *Gabriel Pifanus Venetorum* nomine præerat, ut *Pigna lib. VI. Hist. Princip. Atest.*

32. *Ad balnea*. *Patavina* exercitui propinquiora, ut putat *Blond. Dec. 3. lib. III.* Ad balnea *Senensis* profectum asserit *Pigna lib. VI. Hist. Princip. Atest.* cujus sententiam probaverim, tum quia paulo infra ait *Poggius Carminiola recuperata valetudine Patavium venisse*, tum quia *Laurentius Saxolus Pratenis*, insignis *Philosophus*, ac *Medicus*, curam *Carminiolæ* ad balnea *Senensis* egit.

33. *Ob adversam valetudinem*. Quod equo apud *Tarvisum* decidisset, ex quo nervi debilitati, & febri, laterisque dolore correptus fuit.

34. *Bembo*. *Francisco*.

35. *Adversariorum classe*. Cui *Pacinus Eustachius Ticinensis* præerat.

36. *Commissio certamine*. Quarto a *Cremona* lapide octo galeones (ut vocant) subegit *Bembus* coram *Piccinino*, qui in fluminis ripa suos ad pugnam voce, & gestu extimulabat.

E 37. *Oppugnacula omnia fluminis ascensum prohibentia*. *Tria* in *Pado* castella erexerant *Philippenses*, quæ ita flumen clauserant, ut paucis militibus cuilibet magnæ classi transitus posset in interiora *Galliæ* impediri. *Petrus Justin. Hist. Ven. lib. VI.*

38. *Præfectus equitum*. *Christophorus Lavellanus*. *Campi Hist. Cremon. lib. III.*

39. *Novi advenerant equites*. Infcio *Bembo* cohors equitum duce *Nicolao Guerrerio* *Cremonæ* præsidio addita. *Blond. Flav. Dec. 3. lib. III.*

40. *Patavium venit*. A balneis *Senensibus*.

41. *Emissio ex urbe equitatu*. Per *Nazaream* portam a *Petro Lauredano* in *Francisci Bembi* *Veneti* imperatoris locum suffecto. *Petr. Justin. Hist. Ven. lib. VI.*

42. *Ex præfectis unus*. *Perinus Tortonensis*, cui *Tarco* cognomen erat, cum 150. equitibus captus.

43. *Permolesto tulit*. Ob invidiam, quod alienis hoc actum auspiciis fuisset.

F 44. *Ad mille equitum*. *Philippus* mille equites noctu *Ostolingum* mittit una cum *Guidone Torrello*, *Christophoro Lavellano*, & *Nicolao Guerrerio*.

45. *Johannes Strotius*, eques *Florentinus*. Qui factioni *Petri de Albizis* adhærens, *Florentia* expulsus ad *Nicolaum Atestinum* confugerat, a quo summo honore exceptus equitum præfectus declaratus est. *Scip. Ammirat. Hist. Flgr. p. 1. To. 2. lib. XIX.*

46. *Id enim ex formula debebat*. Ex formula foederis.

1427 in armis cum suis tantum perstabat, in omnes casus pro exercitus salute intentus. Conspecta ab oppidanis negligentia, eruptione post meridiem (& æstus increbuerat) facta, magno impetu castra nullis munitionibus firmata invadunt. Solus cum suis *Johannes*, conferto cum hostibus prælio, rem sustentat, & dum parvo numero cum majoribus hostium copiis pugnat, occubuit ⁴⁷. Illi magna strage edita, ad mille quingentos ex equitibus captis, tandem excitatis ⁴⁸ e somno militibus intra oppidum se recipiunt. *Carminiola* deinceps, quo ab hostium incursum castra tutiora forent, curribus, ii ad duo millia erant, circumfedit. Considerans autem oppidorum agri *Brixienfis* expugnationem longiorem fore, ne reliquum æstatis inutili bello consumeret, *Cremonam* obsidere statuit, opinatus ea capta, & reliqua in potestatem ventura. Ut autem a *Mantua*

A commeatus, machinæque usus belli, atque obsidioni necessariæ *Pado* commodius in castra deferri possent, arcem *Binam* supra *Ollium* cum ponte sitam maximo labore exercitus vi cepit, impositoque præsidio valido, firmatis muris, atque arce, quæ crebris machinarum ictibus confRACTA erat, instaurata, prope *Cremonam*, secundum *Padi* ripam ad sextum lapidem castra posuit. Quibus rebus perterritus admodum *Philippus*, omnibus, qui se, suæque salva vellent, sequi iussis, quod nunquam antea fecerat ⁴⁹, *Cremonam* contendit, lustratoque exercitu viginti amplius millibus hominum (multi enim undique ad eum confluerant) prope hostem tribus passuum millibus castra locavit. Eorum præterea, qui secuti erant, equitum, peditumque ingens numerus, sed plurima minime apta bello multitudo.

47. Occubuit. Ab irruentibus hostibus suffocatus, ut *Pigna Hist. Princip. Aest. lib. VI.*

48. Excitatis e somno militibus. Cum prætorianorum manu

ipso *Carminiola* accurrente.

49. Quod nunquam antea fecerat. In *Abbiatæ* oppido, ut diximus, semper occlusus.

POGGII BRACCIOLINI,

Florentini,

HISTORIARUM FLORENTINI POPULI LIBRI SEXTI EPITOME.

Viccomitis prælium cum fœderatis in Cremonensi agro. Franciscus Sfortia Binæ oppidum occupat, adveniente vero Carminiola, relinquit. Philippi exercitu apud Maclovium profligato, pax denuo fit. Bellum a Florentinis in Lucenses movetur. Vicecomes cum Senensibus Lucæ auxilia mittunt, e-

C jusque Tyrannus dolo capitur. Florentinorum copie ad Lucam castrum, eorumque ager depopulatus. Cum Florentinis Veneti junguntur, & in *Pado* superantur. Genuenses navalis pugna a Venetis, Florentinisque subiciuntur. *Carminiola* a Venetis capite mulctatur.

LIBER SEXTUS.



RECTIS omnium Ducis adventu ad pugnam animis, ne frustra advenisse videretur, utque aliquod suæ virtutis opus quisque ederet, quo benevolentiam Principis iniret, hosti pugnandiciopiam fecere. *Carminiola* apud *Summum* (id nomen est villæ) habens castra, minime abnuit certamen, sed eductas acies in hostem promovit. Pluribus horis (& finis mensis Junii erat) collatis signis, acriter est pugnatum, nullam in partem belli fortuna inclinantem: tandem fessis diutino prælio omnibus, æquo Marte discessum est. Fertur signo receptui dato, utriusque ¹ exercitus milites bellando immixtos fuisse, ut ² variæ equitum turmæ ad suos se recipere opinantes, in hostium ³ ferme manus incau-

D te, vi exorti pulveris devenirent; cum neque signa inspiciendi, neque suos præter vocis sonum internoscendi daretur facultas. His apud *Cremonam* gestis, cum *Amedeus*, *Montisqueferrati* *Regulus*, aliquot equitum turmis omnem *Mediolanensem* agrum usque ad urbis portas depopularentur, coactus *Philippus* rebus suis consulere, relicto exercitu, *Mediolanum* cum ³ paucis copiis revertitur, cujus adventu parvo equitatu hostium impetus est repressus. Diffusus *Carminiola* tantam urbem tanto exercitu munitam obsideri a se posse, *Casale* petit, iussu ⁴ classis *Venetæ* præfecto eo naves deducere, quo facilius expugnaretur. *Franciscus Sfortia*, haud inferior *Philippi* equitum præfectus, abeuntem exercitum infecutus, postquam nulla in parte capi a se hostem posse vidit, itinere ad *Binam* flexo, expugnatis arcibus, im-

1. Utriusque exercitus milites. Septuaginta millia militum in utrisque castris censebantur, ita ut post Romani Imperii casum nunquam amplius tanta Italorum multitudo ad arma simul conerit.

2. In hostium fere manus incaute devenirent. Nec milites tantum, sed ipsi duces; *Carminiola* enim equo sublapso pedes diu pugnavit, *Mantuanus* in mediis hostibus solus stetit, *Sfortia* nullo ex suis comitante ad castra usque *Venetorum* pervenerat, qui omnes capi potuissent, nisi pulveris exorti

beneficio effugissent. *Pigna lib. VI. Ammirat. p. I. To. 2. lib. XIX. p. 1038.*

3. Cum paucis copiis. Quibus præerat *Ladislus Guinifius*, *Pauli Lucæ Tyranni* filius. *Pigna lib. VI.*

4. Iussu classis *Venetæ* præfecto. *Petro Lauredano*, non *Francisco Bembo*, ut *Blondus Dec. 3. lib. III.* *Bembo* enim post *Padanum* prælium gravi morbo correpto, cum militiæ vacare nequiret, suffectus *Lauredanus*, ut refert *Petr. Justin. lib. VI.*

1.27 posito⁵ præsidio, in castra redit. Ea re per *Carminiolam* comperta, confestim cum expeditis equitibus *Binam* advolat, si forte ibi *Franciscum* offenderet, quem cum abiisse cognovit, denuo arces expugnat: cumque ejus custodes e muris antea præcipitatos audisset, suo quoque jussu milites a *Francisco* impositi in flumen dejiciuntur, statimque ad *Casalis* obsidionem, quod firmo præsidio defendebatur, reversus, oppidum terra flumineque⁶ circumdatum oppugnat, non muro, sed alto, densoque aggere cinctum, ideoque locus ab ictu lapidum tutus. Turris excelsa portæ imminens, quæ ad *Padum* ducit, machinarum lapidibus quassata, cum in subjectam corruisset fossam, ac per illius ruinas ingredi milites niterentur, veriti oppidani, ne vi capti præda essent hostibus, salutem pacti, ut cum singulis vestimentis abire liceret, deditionem⁷ fecere. Quo recepto aliquamdiu eo loci exercitus castra habuit. Interim simulans se ad varia loca oppugnanda cum exercitu aditurum, hostes eo in subsidium profectos sæpius elusit, indignantibus illis, ac ægre ferentibus, nullo certo consilio se uti posse. His sæpius simulatis, demum *Maclovium* oppidum majori ex parte paludibus circumdatum subita obsidione cingit, ea mente, ut si hostes ad tollendam obsidionem pergerent, difficultatibus locorum adducti facile superarentur. Id ægre major⁸ pars Ducis præfectorum ferens, rem⁹ indignam clamitant, sinere hostem, quæ velit loca petere, nulloque obsistente oppugnare: concedi eo modo audaciam hosti, suis minui: dedituros se se omnes, simulac senserint obsidionem, nisi subsidium submittatur: prodi causam ejus, cujus stipendiis militarent, si sua, ut hosti libitum fuerit, capi libere permittatur. Tentandam igitur belli fortunam, neque sinendos fidelissimos populos ludibrio simul, & libidini hostium esse: vociferare omnes in bellum: armis *Venetum* appetendum magis loci situ, quam viribus fidentem. Quidam¹⁰ ætate, & disciplina militari peritiores, maturo, non præcipiti consilio utendum censebant: hostium res eo in loco deductas, ut una solum via, & ea perangusta, & sinuosa ad eos adiri queat, quæ magis pediti, quam equiti usui esset: reliqua omnia aquis palustribus teneri, haudquaquam equiti pervia: obsecrare, ut eam sententiam rejiciant: hostem¹¹ cunctando magis, quam decertando vinci posse: si secus ageretur, magnam ex eo venturam calamitatem. *Carolus*¹² exercitus dux neque ætate, neque usu doctior, juniorum, quos *Hectoras* appellabat, voluntatem secutus, aggredi hostem statuit: singulos præfectos in ordinem structa acie ire jubens. *Carminiola* suos excipere hostium adventum, consertoque prælio pedites¹³ in paludem adire, hastis, ac sagittis a lateribus ferire hostem mandat; quæ res maximo momen-

to victoriæ fuit: non enim poterat aut egredi e via, aut vitare crebros ictus, quibus patebant latera. Quum aliquandiu haud æquis artibus pugnatum esset, superati tandem hostes in fugam versi sunt: præfecti ferme omnes evasere cum equitatus parte. *Carolus*¹⁴ captus est, & cum eo ad millia equitum octo: impedimenta omnia amissa, quæ maxima habita est jactura. Haudquaquam ambigitur, *Philippum* eo die imperio spoliari potuisse, si *Carminiola* captos equites detinisset: omnes enim fere nobiliores, & bello utiles in potestatem venerant. Sed dum obsequitur præsentibus moribus, dum cunctatur, dum prædæ partiundæ vacat, dum equites liberos demittit (credo *Philippi* adversæ fortunæ misertus) victoria de manibus lapsa est. Actum enim de statu Principis illius erat, si præfectos fugientes insecutus e vestigio parta victoria, castra *Cremonam* admovisset. Tantus enim tumultus inceserat omnes, tanta rerum desperatio animis hominum inerat, tanta victoriæ fama veris falsa adjiciens increbuerat, ut proculdubio plurimi in *Venetorum* ditionem sponte venturi fuissent, omni spe fortunæ melioris præcisa. Poterat libere obsidere *Cremonam*, ponte *Abduam* nullo obsistente jungere, & populatis agris ad ipsum *Mediolanum* regni caput arma proferre: quæ omnia ab eo neglecta præbuere *Venetis* immutati animi, proditionisque¹⁵ suspicionem. Nam dum expugnandis, recipiendisque *Brixienfis* agri oppidis, atque ad leviora circumagendo exercitu, tardeque omnia exequendo tempus terit, spatium dedit *Philippo* exercitus instaurandi. Quum enim præfecti, equitesque ad unum integri omnes redissent, facile fuit equorum, armorumque jacturam refarcire. Arma, & vestem *Mediolanenses*; equos, diversarum urbium cives, oppidani quoque permulti subministrarunt. Pecunia undecumque contracta. Reparato exercitu præfecti *Philippi* continuis incursionibus infesti *Carminiolæ* oppida expugnanti impedimento erant, quo minus victoria uteretur. Quamvis autem *Philippi* copiarum parum diminutæ essent, suamque rem summis viribus tutarentur, tamen multa timens, sibi que diffidens *Philippus*, *Sigismundum* Imperatorem in suum auxilium excivit: utque terrorem suspicionemque *Venetis* injiceret, *Perbrunorum Scalam*, cujus majores *Veronæ*, *Marsilium Carriensem*, cujus pater, avusque *Pataxii* imperitaverant, ut in *Italiam* ad recuperandas avitas urbes exercitum traducerent, hortatur, sperans eorum auspicio eas civitates a *Venetis* descituras. Ab *Amedeo* vero datis per causam matrimonii (filiam¹⁶ enim ejus occulte desponderat) *Vercellis*¹⁷, pacem redemit, quo ab ea parte tutior omnes copias *Venetis* opponeret. Cum autem externa auxilia ad terrendos hostes evocata non satis in promptu essent, quo facilius ad pacem descen-

5. Imposito præsidio. Venetorum militibus in subjectum flumen projectis.

6. Flumineque. Oleo.

7. Deditioem fecere. Inscio Antonio Pisano oppidi præfecto.

8. Major pars Ducis Præfectorum. Præcipue Sfortia, & Piccininus.

9. Rem indignam clamitant sinere hostem, &c. Non dissimuliter Minutius Magister equitum Fabium Dictatorem inculpabat, quod Hannibalem impune in socios grassari pateretur Liv. Dec. 3. lib. II.

10. Quidam ætate & disciplina militari peritiores. Pergulensis, & Torellus.

11. Cunctando magis quam decertando vinci. Fabius Maximus ex eo Cunctator dictus, quod cunctando, non pugnando Hannibalem superasset. De quo Virgilius *Æneid.* lib. VI.

Quo fessum rapitis Fabii? tu Maximus ille es.

Unus qui nobis cunctando restituit rem.

12. Carolus exercitus dux. Carolus Malatesta Pisauriensis, non Ariminensis, quem supra Florentinorum ducem fuisse comperimus, ut adnotat Cæsar Clementinus *Hist. Arimin. in Vita Caroli* p. II. lib. VIII.

13. Pedites in paludem adire, &c. Nec non duo equitum milliæ Tolentinate Duce ad Terentianum paludis latebris se occultare jubet. Petrus Just. in fine lib. VI.

14. Carolus captus est. Una cum Angeli Pergulensis filio.

15. Proditiōisq̃ue suspiciōem. Nec immerito ex hoc ejus supplicii causam ortam adnotat Sabellicus *Enead.* lib. II.

16. Filiam enim ejus. Mariam, ut Corius p. V. licet Pignoni in *Arboris Enodatione*, ubi de Amedeo VII. nomen recteat.

17. Datīs, &c. Vercellis. Ab Amedeo occupatæ fuerant Vercellæ, restitutæ vero Philippo dotis nomine, quod ejus filiam uxorem duxisset. Rursus tamen Amedeo a Philippo concessæ. Bugat. *Hist. Med.* lib. V.

1427 scenderent, cum Martino Pontifice per oratores egit occulte, ut veluti sua sponte eam quæreret. Obierant insuper nonnulli¹⁸ ex suis præfectis, qui in re militari admodum præstabant; ut multis ex causis pace sibi opus esse censeret, destituito iis viris, in quibus maxime resideret belli cura. Ineunte hyeme Legatus idem, qui prioris concordie auctor fuerat, Cardinalis¹⁹ Sanctæ Crucis, ad componendam pacem missus, iussis omnibus quos inter bellum erat, oratores Ferrariam decernere, ipse eo proficiscitur. Florentini, ut qui pro augendo aliorum imperio certarent, pacem optabant. Amadei, qui jam occulte cum Philippo convenerat, oratores haudquaquam Philippi postulata improbantes paci assentiebantur. Veneti inter spem, metumque dubii, debilitari hostem cupiebant: hinc eos impensa, communisque mars, ac belli eventus incertus, & Carminiola jam suspecta fides urgebat ad pacem: hinc ambitio, & majorum rerum appetitus bellum trahere suadebat. Philippi quoque ea postulata erant, quæ omnem belli timorem excutere viderentur. Oratores singuli, ut iussum erat, Ferrariam sunt profecti. Interim quamvis hyems esset asperrima, tamen a Carminiola multo oppida tum in Cremonensi, tum in Brixienfi agro ex hoste capta. Re pacis contentionibus variis diutius protracta; tandem Legati²⁰ virtute, auctoritateque post quintum fere mensem, qua de agi cœptum est, constituitur Aprili mense anni XXVIII. supra MCCCC. his conditionibus, ut Brixia cum omnibus ejus ditionis oppidis, castellisque, etiam quæ ad eam diem Philippus possideret, iis quoque additis, quæ de Cremonensibus cepissent; Bergomum quoque cum omnibus suis usque ad Abduam, Venetorum juris essent; utque quæ de Florentinis teneret, infra certam diem restituerentur. A Venetis dicti sunt socii Mantuanus, Ferrariensis, Montisferrati²¹ Princeps. A Florentinis, Senensibus, nonnullisque extremæ Liguriæ Dominis foedere cautum est, & paci consultum. Adjectum præter hæc, ut uxor, liberique Carminiolæ, qui in Philippi potestate ad eam diem fuerant, bonaque per eum possessa restituerentur. Lucensis²² tyranni nulla mentio facta; verbis tantummodo significatum, eum pro amico ab utrisque haberi: relictique indidussi termini finium agri oppidorum, quæ ex Cremonensium ditione Venetis tributa erant, cujus rei arbiter dictus est Ferrariensis. Nemo tunc ambigebat, tanto desiderio confecta pace Florentinis, quietem ab armis longinquam fore, eosque adversos ab omni bellorum strepitu in otio quieturos: sed aut fati ita jubentibus, aut civium, quibus Reipublicæ damna questui erant, libidine, novis calamitatibus aditus est patefactus: & qui enixius quam reliqui pacem appetiverant, bellorum sumptus improbantes, quique præterita pericula, tum varias fortunæ vices horrere de-

1428 bebant, inconsulto impetu, minimeque justo incepto ad bellum Lucense haudquaquam necessarium biennio fere præter omnium spem profiliere. Nam post pacem factam, exercituque dimisso, Nicolaus²³ Fortebraccius Florentinorum equitum alæ bello Gallico præfectus, coactis militibus, qui missionem ægre ferebant, magnâ manu agrum Lucensem populabundus adoritur, causam nescio quam prætendens inanem, neque eam quæ armis disceptanda foret. Occupabat ejus urbis tyrannidem, ut antea diximus, Paulus Guinifus, qui in Philippi bello nulli hærens præcipue extra pacis fœdera relictus erat. Nicolaus²⁴ spontene sua prædandi causa, an nonnullorum, ut vulgo jactabatur, Florentinorum, quibus bella potiora pace erant, suâsu, arma in Paulum moverit, incertum relinquo: ut tamen opiner id Florentinorum quorundam consilio actum, publicum decretum, quo postmodum adversus tyrannum bellum sumptum fuit, efficit. Insperato bello laceffitus Paulus, idque Florentinorum opera fieri addubitans, per oratores²⁵ Nicolai injurias questus, petit, ut se velut amicum tuerentur auxilio, aut si id grave videretur, ne hosti ope, pecunia, subsidiove faverent: Scire enim se non esse unius equitum præfecti vires adeo validas, ut diutius in armis, suis opibus posset persistere. Responsum ambiguum datum est: neque tyranno fautores se, cum fœdere exceptus esset, neque inimicitiam²⁶ armati, & ad bellum parati provocaturos. Quicquid Nicolaus egerit, ultrô nullius impulsu egisse: non esse suæ auctoritatis dimovere illum ab incepto. qui sui juris esset, & Florentinis amicus. Ratus quod futurum erat, Paulus, veritumque Florentinorum calliditatem, qui alieno nomine secum certarent, ad Mediolanensem, & ad Venetos missis oratoribus, Nicolaique injuria exposita, subsidium postulat. Captis nonnullis de Lucensi agro castellis, cum tyranno vires ad defensionem deessent, ingravescente in dies bello, hortatus est Florentinos Nicolaus ad eam urbem a tyranno eripiendam. Facile id quidem testabatur fore in civitate nullo præsidio suffulta: se quidem, si pecunia, favoreque sibi assisterent, infra paucos menses urbem illis traditurum. Philippus quoque, sive ad ineundam cum Populo Florentino gratiam, sive ut eos novo rerum discrimine implicaret, ad id bellum cohortatus, equites si opus sit, & auxilia pollicetur. Re Florentiæ inter paucos primum tentata, bellumne adversus tyrannum sumendum esset, sæpius quaestis consiliis, variis sententiis disceptabatur, partim nova reprobantium bella, quietemque suadentium, partim id probantium certamen, ex quo civitatis opes, tanta urbe in potestatem reducta, ampliores futuræ essent. Major populi pars tyranni perdendi odio bellum affectabat: sibi enim persuasum habebant, agrum uberrimum, opu-

18. Nonnulli ex suis præfectis? Angelus Pergulensis, Fabricius Capuanus, Siccus Montagnaneus, & Antonellus Mediolanensis. Blond. Flav. Dec. 3. lib. III.

19. Cardinalis Sanctæ Crucis. Nicolaus Albergatus Bononiensis, ut alibi dictum est, in cuius obitu Orationem habuit Poggius, quam ut ineditam P. Georgius Carthusianus edidit Colonie Agrippine ann. 1618. licet una cum aliis Poggii operibus Basileæ vulgata fuisset ann. 1638. apud Henricum pet.

20. Legati virtute, auctoritateque. Illi enim ab omnibus delata componendæ pacis auctoritas fuerat, quod sanctissimum virum novissent.

21. Montisferrati Princeps. Nec non Ornandus & Antonius Pallavicinus.

22. Lucensis tyranni nulla mentio facta. Attamen ut amicus habitus est. Ideo de eo mentionem haberi noluerunt Florentini, quia in eum bellum meditabantur, ut injuriam ulciscerentur auxilium Philippo præstiti, ad quem Ladislaum fi-

lium cum 400. equitibus miserat.

23. Nicolaus Fortebraccius. Montonenfis, Braccii præstantissimi ducis ex Stella sorore nepos.

24. Nicolaus sponte an Florentinorum suâsu &c. Quod dubium relinquit Poggius, apertissime refert Baptista Bevilacqua Veronensis, qui in Lucensi bello equitum ductor fuerat, ut ex ejus MS. apud me. Habet enim, iniquum Florentinorum primoribus visum fuisse, quod Nicolaus Lucensem aggrediretur, sed populi impulsu a Lucensi abhorrentis factum fuisse, ut Braccius ad Florentinorum stipendia vocaretur, dummodo oppida Lucensi erepta Florentinis cederet.

25. Oratorem. Jacobum Vinitianum, qui licet publice pro Lucensi loqueretur, privatim tamen Florentinos in eum excitabat, magna ingrati animi significatione, nam capite damnatus Lucensis benignitate & vitæ & honoribus restitutus fuerat. Scip. Ammir. p. I. To. 2. lib. XIX.

26. Inimicitiam armati. Nicolai Fortebraccii.

1429

opulentissimam urbem usui fore, designatis præfertim pluribus magistratibus, ad quos cives quæstus gratia aspirabant: nonnulli varia inter se se jam officia partiti erant, potius ad prædam, quam ad Reipublicæ decus, aut amplitudinem intenti. Prudentiores seniores, qui ut rem inhonestam, difficilemque horrebant, asserentes incertos esse bellorum eventus, neque semper fortunam votis respondere, civitatem præterea, bello recenti exhausto ærario, pecuniis haud abundare: necessario paulo post seram poenitentiam suscepti belli secuturam. Tandem convocato Senatu, cum sententias exquirere placuisset, Renaldus Albitius ex equestri ordine populi voluntatem secutus, in hunc modum disseruit: Scio, Florentini cives, hanc Rempublicam diuturno bello fatigatam otio egere, & quiete, a turbine armorum semotam. Sunt enim duo hæc, quibus maxime gaudent populi, non solum salutaria, sed etiam necessaria, adeo ut qui hæc improbent, non videantur suæ urbis consulere salutem, sed longe prospiciendum est, diligenterque cavendum, ne dum otio, & quiete frui querimus, in majora, neglectis quæ possunt accidere, pericula incidamus. Ea enim saluberrima esse nequeunt, nisi depulso timore belli, certa detur ratio otii, & quietis futuræ, sine quibus nequit pax esse diuturna: otium quippe, & tranquillitas semper appetenda sunt, nisi in his lateat suspicio majoris, & occultioris mali, quod nobis hac neglecta occasione imminere videtur: siquidem ille nactus sit tempus, quo timorem conceptum procul a se propulsare valeat. Scitis belli, quod nobis cum Duce Mediolanensi fuit, Paulum Guinifium fautorem, & adiutorem contra nos licet occultum fuisse. Nostis illum, nobis spretis, qui societatem ejus quæservimus, & filium suum cum equitum ala in auxilium hosti misisse, & juvisse pecunia. Scitis hunc tyrannum nobis semper insensum, neque palam, sed hostili semper animo letatum nostris rebus adversis, secundis anxium. Proximo certe bello hostis partes secutus, contra nos erat moturus arma, nisi Venetorum societas ejus vesanos impetus retardasset, ut si ab oppugnatione nostra destitit, non voluntati, sed metui, non amoris, sed timori sit tribuendum; cumque nostra stipendia²⁷ ultro oblata contempsisset, minori commodo, dignitateque ad Philippum transit, quo major illi sua ope nos oppugnandi facultas esset. Nunquam ille nobiscum fœdere jungi voluit, quoniam semper alienus vixit a nostra salute: neque id fortasse mirum. Natura enim ita est comparatum, ut tyranni oderint Respublicas, cum non nisi deperdita libertate regnare queant. Nihil est magis inter se contrarium, quam servitus, & libertas, quam Respublica, & tyrannis, qua nulla est publicæ utilitati infestior. In altera legibus vivitur, alteri pro legibus est libido. Quo ille pacto nos tractaret, si adesset facultas, qui propriæ matri eripuit libertatem pessundatamque tenet in vilissimi mancipii modum? hunc nisi, cum tempus datur, tollamus penitus, observabit ultionis tempus memor Nicolai injuriarum, quas nobis auctoribus sibi illatas asseverat. Semper ad vindicandam injuriam paratus erit, si quis emerferit ad nocendum casus: nihil erit, quod ab eo negligatur, modo vos possit perdere: hostes nostros sibi, odio nostri constituet dominos: malens se perire, quam nos salvos esse. Est præterea urbs illa propinqua Pisane urbi, quæ quan-

A

ta cura propter incertos rerum casus retinenda sit, quis ignorat? Tollenda sedes est nostris hostibus, ex qua non parvum nobis discrimen imminere censendum sit. Nullus præterea ex Gallia nobis incumbere timor potest, nisi per civitatem Lucensem, quam scimus ab externis sæpe fuisse possessam. Præterea utilitatem, quæ plurima futura est civibus nostris, tum fertilitate terræ, tum maris opportunitate. Nam quod quidam otium, & quietis spem præseferunt, ipsi testes sumus, quanto damno nobis constat pax²⁸ olim cum Philippo facta. Bellum atrox, periculosumque ex pace est ortum, & adeo ancipiti status nostri discrimine, ut in periculum ventum sit libertatis: itaque non semper pax salutaris fuit, sed ea, ex qua requies longinqua spectetur, non cui indicium fraudis instat. Quapropter cum sit tutissimum providere, ne quis obesse queat, & id facile videatur, quoniam omni externa ope tyrannus destituitur, vos hortor, quibus Reipublicæ cura est, quique otium appetitis, ut accipiatis quod offertur ultro, quodque parva impensa brevi tempore Nicolaus se daturum spondet. Ampliores erant opes Pisane urbis, cum illam a Gabriele Vicecomite emimus: opulentior certe, & civium numero, ac virtute, fortiusque validior; & tamen post amissam arcem decreto bello, omnes rerum, & temporum difficultates constantia & virtute superavimus, eaque urbe potiti sumus, quæ antea nobis fuerat inimicissima, ut non voluntate ducti, sed extrema²⁹ necessitate coacti deditionem fecerint. Itaque postmodum securi ad hanc diem ab his viximus, a quibus quotidie aut suo, aut alieno Marte oppugnabamur. Itidem quo securius fruamur pace, hic a nobis tyrannus est exterminandus: neque est ut existimet aliquis, illo mortuo Lucenses libertatem esse recuperaturos. Extant plures filii, quorum³⁰ major penes Philippum est, cujus præsidio in tyrannide perseverabit: hæc haud incerta discrimina si evitare cupimus, delenda est vobis inimica tyrannidis sedes. Et quidem perfacilis victoria spondetur nobis, & haud magni laboris opus, cum imparatus ille sit, nullo³¹ neque suo, neque externo subsidio munitus. Odio est³² præterea omni populo, ut verisimile fiat nolle illum pro tyranni salute pugnare, quin potius illius exitium exoptare, ut iniquam excutiat servitutem. Id vero non parvi ducendum videtur, quod via, & facultas Mediolanensibus Ducibus in Etruriam transcendendi præcludetur: cum duo³³ veluti claustra, quibus ad oppugnandam nostram Rempublicam adiri possit, fuerint hostibus intersepta. Ideo, cives præstantissimi, id bellum mea sententia suscipiendum decerno, quod neque diuturnum erit, neque magno negotio transigetur. Com-

D

E

moda vero tot, tantaque ex hac victoria parabuntur, ut nulla majora ad præsens videantur optanda. His dictis cum varius in concione sermo esset tum eam aspernantium orationem, tum laudantium, senioresque, & qui prudentia, & rerum usu præcellere existimabantur, ut inutilem, & iniquam, maximique discriminis impugnarent; neque civibus conducere novis in diem bellis immisceri affirmarent, ne tamquam inquieti homines pacem atque otium odisse viderentur: tandem Nicolaus Uzanus quietem armis præferens hujuscemodi habuit orationem. Vetus sapientium virorum sententia est, cives præstantissimi, eos qui in hujusmodi locum ad consultandum accedunt, libe-

1429

27. Stipendia ultro oblata. Et duplo majora, quam quæ a Philippo habuit.

28. Pax olim cum Philippo facta. Cum Genuam in suam potestatem redegit, ut nos inde potentior urgeret.

29. Sed extrema necessitate. Fame ita urgente, utin dies plures enecti occumberent.

30. Quorum major. Ladislaus equitum præfectus.

31. Neque suo, neque externo subsidio munitus. Non suo,

F quia equitum turmam Vicecomiti auxilio miserat; non externo, cum Vicecomes longe abesset, & pace facta milites dimisisset.

32. Odio est præterea omni populo. Interfecto Lazaro Guinifio, libertatem sibi adseiscere tentaverant Lucenses, cum Paulus Ducis copiis adjutus tyrannidem occupavit.

33. Cum duo veluti claustra. Pisæ, & Luca.

beros ab omni morbo animi, nullique perturbationi obnoxios esse debere, eaque & sentire, & loqui, quæ jure existimentur Reipublicæ profutura. Itaque optimus mihi quidem ille civis esse videtur, qui paci, & tranquillitati consulens omnes suas cogitationes ad publicam referat salutem. Et certe nos omnes id in sententia dicenda sequi oportet, quod certa conjectura assequi possis salutarem, ac felicem exitum habiturum: neque si qua spes inanis futuri boni ostentetur, statim proflire ad agendum quippiam, cujus³⁴ postea necesse sit pœnitere, ac dicere, quod turpissimum est viris sapientibus, non putaram. Nam qui in rebus dubiis, & periculo proximis exploratum sibi finem, certumque futurorum exitum pollicentur, raro sui desiderii compotes fiunt; cum præsertim rerum humanarum, & maxime bellorum dominam³⁵ constet esse fortunam, cujus est eludere nostras cogitationes, & eas præcipue, quarum sit finis in ejus libidine situs. Quare ea mihi deliberatio videtur censenda esse optima, quæ procul absit a temeritate fortunæ. Certus sum, prudentissimi cives, clarissimi, atque integerrimi viri Renaldi orationem sincero animo dictam eo spectasse, ut eam Reipublicæ (neque enim aliter sua virtus requirit) conducere arbitraretur. Multis verbis populum ad id bellum, quod utile, exigui temporis, minimique sumptus putat futurum, cohortatus est. Verum quoniam de re agitur gravissima, & disceptando veritas elicitur, æqua feret mente, si alienæ a sua sententiæ auctor ero. Mihi quidem tutiori, meliorique consilio videntur uti, qui pacem³⁶ bello præferunt, ac post diuturnos armorum tumultus, variaque e quibus emerimus pericula, quietem & otium a bellis, ac tributis conferendis fessi quærunt, ac post longos tempestatum fluctus portum ingredi conantur, quam qui sprete pace bella ex bellis serentes quietem aspernantur, potiusque procelloso mari gaudent, quam tranquillo. Etenim bella suscipi (sicuti placet prudentibus) debent, ut in pace vivamus, non ut post præsentis mali finem aliis novis turbinibus minime necessariis implicemur. Hoc enim esset in continua calamitate, ac miseria versari, si semper futurorum, quæ incerta sunt, metu ad arma inferenda profliremus: quæ quantum ex voto procedant, paulo ante sumus experti, ut admodum mirer non horrere nos omnes belli nomen, si mentem ad præterita³⁷ pericula referamus. Bellum nuper cum Philippo difficile, ac periculosum gessimus, in quo futuri eramus inferiores, nisi³⁸ aliorum ope, auxilioque illius potentia contusa esset. At nos id³⁹ bellum quod facile sopiri poterat, alacres ultro suscepimus, longo lascivientes otio, tamquam parvi temporis, & haud magnæ impensæ, exploratæque victoriæ, ut omnes dicebant futurum. Id fortuna postmodum præter spem nostram, & gravissimum reddidit, & temporis longioris, & magno cum civium detrimento. Eodem pacto bellum de quo agitur, qui facili, atque brevi exitu confici posse

A augurantur, longe sua opinione falluntur, ignari incertos esse bellorum exitus, martemque communem. Verum levis impensa quæ potest videri, exhaustis nostris viribus, & pene superiori bello consumptis? Poterat hoc dici, si recentes, non fessi bellum susceperemus. Parvus labor ingens est debilibus corpore, & brevis via longo fatigatis itinere videtur esse longissima. Exinanita pecuniis civitas, quodcumque etiam leve tributum, gravissimum judicabit, pertasa⁴⁰ tot sumptuum, quot nuper subire coacta est. Quid enim causæ attulimus olim, cum pace nobis opus esse prædicaremus, nisi civitatem auro, & argento inanem ob diuturnos, ac graves belli sumptus ad tributa solvenda obduruisse? Gravis ergo, non levis sit quævis jactura pecuniarum necesse est, & non facile ferenda; facilitatem vero, aut brevitatem belli perficiundi, qui sibi despondet, longe a recto abest judicio. Multa enim possunt in diem emergere: mutabiles quippe sunt hominum mentes, quæ adversari poterunt cogitationibus nostris: plura præter spem evenire, quæ bellum longius trahere, & difficillima reddere queant, quæ videntur facilissima: multa tempus, multa casus, multa fortuna, multa rerum varietas secum ferunt a nostris consiliis remota, in quibus tamquam certis desigere mentem parum prudentis, & nimium de fortunæ potestate sibi spondentis esse videtur. Quis enim vestrum novit, quid sit suscepto bello eventurum? quæ fors illius eveniat nobis? quis novit hominum partim novas res appetentium, partim invidorum, partim sibi prospicientium voluntates? Vereor profecto ne livor, odium, timor, æmulatio plures nobis adversantes excitet. Quis divinare potest, an Philippus, vir inquietus, suas copias subministret tyranno, non tantum illius causæ favendi cupidus, quantum fugiendi⁴² molestias militares? cui exploratum est, an Pontifex infenso adversus nos animo, sit eam urbem nobis subjici permissurus? Cui manifestum, an Senenses⁴³ de sua libertate solliciti, sibi que timentes pro tyranni defensione nobis bellum inferant? Quis tam prudens, tam exquisito consilio, ut sibi certam victoriam spondeat? Quis fortunam semper in bellis dubiam, ac dominantem secundam sibi fore polliceatur? Multa, variaque sunt discrimina, quæ bellorum casus secum portant, ut majorem timorem incutere, quam spem ullam debeant asferre. Nam quod otium, & quietem ita laudavit vir optimus Renaldus, ut in eis belli suspicionem latere asseveraret: nulla tam recta, tam sancta res reperitur, quæ non in pejorem flecti partem disputando queat: nulla tam justa, tam probanda, quæ perversas iniquorum calumnias, & malignitatem non recte interpretantium possit effugere. Nulla est virtus, quæ sit a detractoribus libera. Quod certius bonum, quod salubrius⁴⁴ pace? quod Deo acceptius reperitur? Quid otio, & concordia utilius, quid optabilius quiete? At nos hæc omnia altercando, & retractando in contrarium videmus trahi; & quæ ho-

34. Cujus postea necesse sit pœnitere. Sapientis est proprium, nihil quod pœnitere possit facere. Cicero Tusculanae.

35. Dominam constet esse fortunam. Sic Cicero in Orat. pro M. Marcello. Maximam vero partem quasi suo jure fortuna sibi vendicat.

36. Qui pacem bello præferunt. Melior enim certa pax quam sperata victoria. Pax vel injusta utilior est quam justissimum bellum. Cic. de Off.

37. Ad præterita pericula. Cum fuso apud Zagonaram exercitu, & Carolo eorum duce capto in libertatis discrimen adducti fuerint.

38. Nisi aliorum ope. Venetorum scilicet, ad quos confugerant.

39. Id bellum quod facile sopiri poterat. Sermo est de bello Forilivii causa, suscepto, quod declinare poterant, illis parcendo, a quibus Lucretia Ordelaffea expulsa fuerat. Id Mediolanensi postulanti responsum a Florentinis fuit, non esse sua dignitatis his acquiescere.

40. Pertasa tot sumptuum, quot nuper subire coacta est. Post pacem factam Volaterranorum defectio, & Ludovicus Maradri Dominus tributa solvere detrectans ad bellum valde sumptuosum rursus Florentinos adegerunt. Poggium increpat Ammirat. p. l. To. 2. quod hæc non referat, quæ in ejus ætatem inciderunt.

41. Fortuna, rerum varietas multa ferunt a nostris consiliis remota. Concordat cum dicto Ciceronis. Fortuna efficit multa improvisa nobis propter obscuritatem ignoratoremque causarum. in Acad. Quæst.

42. Quam fugiendi molestias militares. Si enim Lucensi copias tribuat, Florentinos oppugnabit sine ulla belli molestia, quæ tota penes Lucensem erit.

43. Senenses. Florentinum nimis propinquum extimescebant, qui jam Pisis captis omni pene ex parte eos circumdabat.

44. Quid salubrius pace? Et nomen pacis dulce est, & res ipsa salutaris. Cic.

¹⁴²⁹ honesta apparent, a multis turpia, & quae utilia, incommodis plena reputari. Nos profecto rationem secutos ejusmodi inanes suspiciones effugere oportet, & eis quoad datur uti bonis, quae divina potius quam humana recte appellantur. Ego quidem pacem, & otium appetens hujus belli eventum infelicem horreo: tyranni vero secundam fortunam extimesco, cum haud dubie credendum sit, Deum magis favitum repellenti injuriam, quam inferenti, magisque se, suaeque tutantium saluti, quam oppugnantium cupiditati prospecturum. Non est profecto, non est aut aequa causa, aut justa, quae nos impellat ad Lucense bellum: nisi fortasse justam causam bellorum, dominandi cupiditatem judicemus. Si non sensit nobiscum, aut noluit, aut non ⁴⁵ potuit, aut sibi, & patriae quieti prospexit, procul a bellis esse voluit. Quod consilium haudquam reprehendendum videtur. Id ille egit, quod praesens tempus tunc postulabat, quod saluti suae conducere arbitrabatur. Nunquid ille nostro arbitrio consilium de sua re erit capturus? Liberum est hominum sua administrandi arbitrium. Quod si qua est data nobis indignandi occasio adversus eum, qui ad hostem nostrum, filium armis suffultum misit, quid meruit civitas universa semper ejusdem factionis, ut plurimum ⁴⁶ socia, & amica nobis? nunquid plebs pro tyranni, quem summo opere oderunt, culpa merentur cives? Si eo pulso ad nos civitas quaesitum mittat, quenam ratio sit propter quam eos armis in servitutem redigere quaeratis, a quibus nulla in re aut laesi fuistis, aut laceffiti: quid his respondebitis? quam honestam belli causam afferetis? nullam certe, nisi ambitionis crimen, & imperandi summam cupiditatem. At nullo neque divino, neque humano jure permittitur per injuriam, & iniquitatem aliena usurpare. Justa causa debet esse bellorum, quae aut pro injuriis propulsandis, aut suis repetendis suscipi debent, aut pro patria conservanda, & horum bellorum felices esse exitus solent. Injusta vero arma raro victoria comitatur; infamia, dedecus, opprobrium, odium sequi solet. Quam ille nobis injuriam infert? quid eripuit nostri? quod bellum patriae intulit, ut haec armis sint vindicanda? Si Pisanam urbem vi & armis cepimus, id optimo a nobis jure factum est. Nam primo ⁴⁷ ab eo cujus vendendae jus, potestasque erat, empti est: tum eam invasimus urbem, quae ut plurimum hostili erga nos animo semper fuit, & odio fere immortalis, a qua multa nobis discrimina summa cum nostra pernicie emerferunt. At Lucensis civitas contraria Pisanis semper natura fuit. Nam & alterius ⁴⁸ factionis partes secuta est, & nunquam nos appetiit bello; sed multis ⁴⁹ bellorum calamitatibus nobiscum sensit, ut abominandum ⁵⁰ videatur nos velle eam subigere urbem, quae plura in nostram Rempublicam merita recensere queat. Nihil est in hominum vita iniquius, aut perniciosius ingratitudine, quae omnia complecti scelera videtur; neque enim aut amicitiae jura tueri, aut venerari parentes, aut Deos colere, aut alicui beneficio

A respondere ingratus potest. At quid ingratus reperias, quam bene de nobis meritis armis pessundare, & ejus moliri servitutem civitatis, quae ⁵¹ ne nos serviremus, omni ope, auxilioque pugnavit. Quamobrem hortor vos, oroque, ut non tam repente hoc bellum suscipiatis, ejus praesertim verbis freti, cui ⁵² bella quaestui sunt; cujus nil refert, victine, an victores abeamus: cujus maxime interest bellum trahi longius, quo plus stipendiorum accipiat a nobis: qui id offert, quod dandi nullam habet potestatem. Mea quidem opinio est, ab injustis armis abstinendum esse, potiusque pro honore nostro praeteritas tyranni injurias aequo animo tolerandas, quam propter illius odium civitatem de nobis optime meritam oppugnandam. Deum oro, ut eam vobis mentem in deliberando praestet, quae sit consentanea & honori nostrae Reipublicae, & saluti. Varius deinde diversa sentientium animus fuit, pro ut privatum quenque commodum trahebat; tamen ut saepissime contingit, melior pars a majori superata est; bellumque decretum Decembri mense, nono & vigesimo post mille quadringentos anno, Decemvirique, ⁵³ qui bello praesent, quoniam haud longius trahi posse arbitrabantur, ad sex menses creati. Maxime populum ad id bellum incitasse dicitur memoria Ladislai a tyranno in Ducis auxilium, dum praecipue bellum arderet, destinati. Alii quorundam civium ambitionem, cupiditatemque, quibus bella usui erant, opesque eorum aliorum damno augebantur, plus aequo valuisse tradunt, Nicolaumque privati cujusdam civis consilio ad arma tyranno inferenda motum, cui confestim scriptum est, ut quod bellum antea sponte sua movisset, & auctoritate populi Florentini administraret. Berardinus ⁵⁴ quoque Ubaldinus cum pluribus equitum turmis ad id bellum denuo conductus, multaeque equitum, ac peditum alae scriptae. Ad purgandos vero Florentinos ab injuria suscepti belli, ad Pontificem Martinum, ad Philippum, Venetos, Senenses, Bononienses, & ad Ferrariensem oratores missi. Omnes perplexe responderunt, excepto Philippo, qui rem laudavit, suamque ⁵⁵ in Florentinorum gratiam ad id bellum est operam pollicitus, callido quidem animo, quo nova molestia vexarentur. Paulus posteaquam Florentinorum consensu se oppugnari animadvertit, legationesque auxilium postulantes fuisse irritas, in primis Senenses sollicitavit, si quo pacto excitari possent, ad belli societatem suadendo ⁵⁶, hortando, monendo. Testabatur, se devicto, Florentinos Senarum imperium appetituros. Eisdem armis eorum libertatem ablaturus, quibus sibi imperium eripuissent. Expergiscerentur, dum tempus, & facultas daretur consulendi, dumque saluti suae prospicere facillime possent: nullo pacto illis caveri posse, si victoria potiatur Florentinus: neque quieturam Luca capta, neque ulla pacta, aut foedera servaturam eam gentem, apud quam nihil sanctum esse, aut in-

45. Aut non potuit. Quomodo enim Paulus Guinifius, qui Mediolanensis auxilio Luca potitus fuerat, ei poterat adversari?

46. Ut plurimum socia. Ut etiam in bello Pistoriensi foederi ascripta anno MCCCCLXX. nec non deinde anno MCCCXCV.

47. Ab eo cujus vendendae jus, & potestas erat. A Gabriele Maria, cui Pisa e Galeatii testamento obvenerant.

48. Alterius factionis. Ghibellinae.

49. Multis bellorum calamitatibus nobiscum sensit. Ut anno MCCCXL. in Senensi bello, ann. MCCLXXXIX. in bello Aretino, & Pisano.

50. Ut abominandum videatur, &c. Si nihil turpius quam cum eo bellum gerere cum quo familiariter vixeris, ut ait Cic. in Philip. quid si cum eo bellum geratur, a quo beneficia semper acceperimus?

51. Ne nos serviremus, omni ope auxilioque pugnavit. Contra Henricum Imperatorem Florentiam ann. MCCCXII.

obsidentem.

52. Cui bella quaestui sunt. De Nicolao Fortebraccio sermo.

53. Decemvirique ad sex menses creati. Carolus Federicus, Nerius Capponius, Leonardus de Bardinis, Alamanus Salvatus, Andreas Sachettus, Bartholomaeus Cenducius, Ioannes a Stufa, Martinus Luca, Martini Notarius Joannes Puccius, & Henricus a Cursu. Ammirat. p. I. Tb. 2. lib. XIX.

54. Berardinus Ubaldinus, della Carda appellatus.

55. Suamque, &c. operam pollicitus est. Auxilium Florentinis est pollicitus, & Franciscum Sfortiam cum omnibus militibus ad Lucensis stipendia ire jussit, eum se dimisisse simulans.

56. Suadendo, hortando, &c. Eisdem prorsus argumentis Florentinus legatus belli societatem in Philippum Venetis suaserat, ut in praecedenti libro.

1429 *inviolatum ambitio sineret, & avaritia. Cum egeant, aut aliquo in periculo versentur, multa illos polliceri solitos: transacto periculo, nulla promissa, nulla pacta, nulla conventa servari, sed omnia pro eorum utilitate pensari: verosimilius videri Florentinos studiosius appetituros eam* ⁵⁷ *urbem, quacum manus sæpius conferuissent, & quæ quæsierit ejus calamitatem, quam quæ semper in fide, societateque vixisset. Hæc pluraque alia in eam sententiam dicta excitarunt Senensium animos jam sua sponte titubantes ad consultandum, quid rebus suis conducere. Et infensa, & dubia eis erat Florentinorum potentia, neque dubitabant, quin devicta ea urbe in se a Florentinis arma moverentur. Multæ ad id suspiciones eos impellebant, & ea præcipue, quod audierant Florentiæ nonnulla in vulgus jactata, ac decantata verba, quibus haud obscure bellum Senensibus nuntiabatur. Igitur e vestigio oratores tum Venetias, tum Florentiam mittuntur. Hi ut hortarentur ad omittendum bellum nulla iusta causa susceptum, ne cogerentur per vim oppresso Lucensi opem ferre; alteri ut rogarent, ut pacis componendæ auctores essent, simulque peterent utrum se adjuturi forent, si a Florentinis oppugnarentur. A nostris responsum est, haud* ⁵⁸ *injuria illatum tyranno bellum, tum quia Ladislaum in rebus eorum dubiis adversus se misisset hosti, tum quia falsa calumnia culpasset tyrannus, Nicolaum Florentinis hortantibus se armis appetisse: æquum videri ei, cum injuste, & per alterius injuriam queratur, justam dari causam criminandi: se cum Senensibus antiquum servaturos fœdus, nihilque acturos, quod ab eorum societate alienum esse censeretur. Venetorum oratio fuit, si a Florentinis in Senenses intentarentur arma, non* ⁵⁹ *posse se æquo jure illorum libertatem tueri, cum in fœderibus contractæ pacis focii a Florentinis sint adscripti. Reversi oratores cum quæ acta erant exposuissent, maxima cura civitatem invasit, cœptumque tractari, quo maxime modo tyranno opitulerentur. Nam si is succubuisset, & Florentinorum vires timebant, & auxilia desperabant, cum neque Mediolanensem, neque Venetos sibi confiderent fautores. Nicolaus interea, atque Ubaldinus Lucensem agrum tum populationibus, tum oppidorum, quæ multa ceperant, præda infestum reddebant. At tyrannus* ⁶⁰ *cum fluctuantes Senensium animos sensisset, pecunia se illos impulsurum in suum subsidium ratus, grandem vim auri Senas misit, qua equites, peditesque contra Florentinosducerentur; & cum plures pecunias se daturum promitteret, e vestigio de inferendo bello statuerunt. Antonio Petruccio* ⁶¹ *optanti, quærentique comparandi militis negotium datum, qui Romam profectus, copiisque haud abnuente Pontifice scriptis, cui bellum Lucense permolestum erat, ac mari eis Lucam delatis, aliis quoque in agro Bononiensi paratis, quæ paulo post ad Florentinos defecere, Lucam proficiscitur. Cum hyems adventaret, quiesque tam*

A apud eos, qui obsidione urbem cinxerant, quam apud obfessos fore videretur, Antonius ⁶² Senensis Florentinis adversus, cui a Republica defendendi tyranni causa demandata erat, Genuam ac Mediolanum profectus: & Genuenses & Philippum ad præfidia Guinifio præstanda hortatus est. Superbiam insuper, ambitionemque Florentinorum culpabat, qui dominandi cupiditate semper cum finitimis decertaverint: minime in eorum rem videri assererat eam urbem subjici populo Florentino: dari aditum terra hostibus pugnandi cupidis invadendi Liguriam, & in Galliam transeundi. Multaque in eam sententiam disseruit, quæ Philippum moverunt in auxilium tyranni, & ejus a pace ad belli curam mentem convertere. Sed calliditate, astuque, non aperto consilio usus, Franciscum Sfortiam & tyranni, & Senensium stipendiis conductum auxilium obfessis ferre cum duobus equitum millibus mandavit. Ab Antonio insuper plures piratæ Catalani ⁶³ pecuniis receptis omne Pisani littus infestum reddentes, expositis militibus, onusti omnis ⁶⁴ generis præda ad naves revertuntur. At Florentini, cum nullæ, aut parvæ Lucensem copiarum ad eam diem tyrannum tuta-
rentur (nondum enim ulla ⁶⁵ subsidia adven-
rant) obsidere urbem, & commeatu prohibere parant. Nicolaus igitur, & Berardinus partitis copiis binis ⁶⁶ castris cinxere urbem, singulisque portis singulæ stationes erectis castellis oppositæ, permultaque machinæ ad diruendos muros aditæ. Ex contemptu hostis negligentia in castris, ut fit, secuta est, omnisque rei militaris cura omissa. Qua re animadversa, delectæ juventutis cives, tum mercenarii ⁶⁷ milites ad duo millia sub ortum solis eruptione facta Nicolaum adoriuntur, pelluntque castris, & in fugam vertunt; fuissetque magna clades eo die accepta, nisi eruptione audita Berardinus (nil enim minus timebatur) subsidio fugientibus occurrisset, cujus adventu hostes nonnullas bombardas secum raptim ferentes in urbem revertere. Tentatis omnibus, cum neque obsidione, neque præliis tyrannus ad deditionem compelleretur, alia ratione expugnare urbem statuunt, auctore Philippo Brunellesco, maximo omnium ejus tempestatis architecto. Is opus aggreditur difficile sane, ac laboriosum, quod incassum evasit. Nam regionem urbi propinquam contemplatus, primum flumen Auxerim oppositis repagulis reprimere ab aquarum cursu, ita ut in immensum excresceret, deinde lata fossa aquam in urbem inducere, tum cæteros rivulos in alveum fluminis derivare ad augendam aquæ vim, quo plana urbis aquarum inundatione mergerentur, statuit. Sed nil usui contulit susceptus labor. Nam cives postquam veluti diluvium sibi parari intellexerunt, præaltis aggeribus circum urbem, qui vim aquarum exciperent, e regione fluvii erectis, id periculum declinarunt. Deductas enim versus urbem aquas rejecerunt aggeres, quibus securi cives, fa-

57. Eam urbem. Nempe Senas.

58. Haud injuria illatum tyranno bellum Florentinos excusat Poggius, quos tamen auctores reliqui criminantur; non enim bellum Guinifio movere poterant, quem ut amicum exceperant, licet de eo in fœdere nulla mentio esset. Nulla porro post pacem injuria ab eo Florentinis illata fuerat.

59. Non posse se, &c. cum in fœderibus contractæ pacis, &c. Optima licet Venetis oblata esset occasio cum Senensibus, & Lucensibus fœdus ineundi; hisque focii & Florentinos debellare possent, & Pisano portu potiri ad maritimas expeditiones tutandas peropportuno, nihil tamen apud eos plus valuit, quam ratio fœderis.

60. Tyrannus. Lucæ Paulus Guinifius.

61. Petruccio optanti, quærentique. Non gloriæ, aut lucri causa Guinifio auxiliari studebat Petruccius, sed ut Florentinorum injuriam ulcisceretur, qui eum Prætoris Lucæ di-

gnitati inhiantem, alio Lucensibus proposito, expulere. Ammirat. lib. XX.

62. Antonius Senensis. Petruccius.

63. Piratæ Catalani. Sex trirēmibus Lucensi auxilio fuere.

64. Omnis generis præda. Navem in ipso Liburni portu prædati sunt. Blond. Flav. Dec. 3. lib. IV.

65. Subsidia adveniant. A Philippo, & a Genuensibus, qui licet Mediolanensi parerent, multa tamen suo arbitrio & auctoritate agebant. Ammirat. lib. XX.

66. Binis castris cinxere urbem. Ad orientem, ac meridiem dispositis.

67. Mercenarii milites. A Petruccio conducti. Hanc Lucensium eruptionem, & pene Fortebracci cladem omittit Joan. Bapt. Bevilacqua Veronensis MS. de bello Lucano, in quo se equitum ductorem fuisse asserit, hocque, ne suæ & Braccii famæ officeret.

1430 facta eruptione disturbatisque hostium operibus, aquas ad castra *Fortebraccii* defluere compulerunt, qui magno ab aquis accepto incommodo, locum⁶⁸ mutare compulsus est. Erant interea apud *Mediolanensem* Ducem *Venetorum*,⁶⁹ ac *Florentinorum* legati, hortantes inter cætera, ut nil novi ageret, quo pax violata censeretur posset. Præsen-
 A serant enim animum suapte natura mobilem, at-
 que inconstantem, de mittendo *Lucensibus* subsidio agitare: qui unum in ore, aliud in pectore habens, nil sibi antiquius pace respondit, nilque acturum se, quo turbata ab eo quietis, aut
 B otii ulla oriretur suspicio: ideoque præfectos equitum, quibus ad eam diem stipendia subministrasset, missos esse facturum. Callidum id responsum fuit, cum pro evitanda belli suspicione eis se commeatum daturum diceret, quos ad bellum *Lucense* antea destinasset. Occulte igitur egit cum *Francisco*, ut spreto⁷⁰ armorum otio missionem flagitaret. Is magnopere, tamquam⁷¹ in re nova, multis verbis palam contendit a Duce, ut abire liceret: velle se *Beneventum* proficisci, quoniam sibi conducere arbitrabatur bellis, quæ in regno *Neapolitano* orta dicebantur, interesse. Accepta clam pecunia, cum equitibus, peditibusque veris principio *Parmam* versus movit: ubi suos expectare simulans, præmio omnibus, qui se sequi vellent, proposito multos ex composito a Duce dimissos conduxit. Magna coacta manu, cum plures ad eum convenissent, ne pro protectione *Beneventum* proposita *Lucam* peteret, dubitabatur; sed quia verisimile erat illum ex animo loqui, quod optabant, facile plures credebant. Et jam *Mediolanensis* dolo militiæ venia impetrata, *Antonius Pontaderus*, vir audax, & in *Florentinos* animo infesto, cum octingentis equitibus Ducis stipendio, ut dictitabant, defunctis *Lucam* profectus omnia ferme castella a *Fortebraccio* capta in potestatem redegerat, animumque, & vires tyranno addiderat: cum *Sfortia* nequicquam tentatis omnibus via *Parmensi*, ut *Alpes* superaret (saltus enim omnes ab ea parte firmissimis præsidii tenebantur) *Pontremolum* deflexit, tutoque in *Etruriam* descendit cum plurimis equitum turmis, peditibus octingentis. *Lucæ* appropinquans *Nicolaum* obviam prodeuntem commisso prælio fudit. Qua ex re *Florentinorum* copiæ retro *Pisas*⁷² versus tribus passuum millibus cessere, castellis quibusdam portis urbis oppositis cum præsidio relictis, quæ *Franciscus*, cum *Florentini* acie certare nollent, brevi tempore expugnavit. Dolum Ducis conspicati Decemviri, majoribus copiis exercitum auxere: *Franciscus* cum spe prædæ, tum ut hostis potius suis tuendis, quam alienis oppugnandis operam cogeretur impendere, una cum tyranni⁷³ filio *Vallem Nebule*, regionem pacatam atque opulentam, ingressus *Stilianum* oppidum captum

magna vi diripuit. Urgente deinde commeatus¹⁴³⁰ inopia *Lucam* reversus, cum stipendia a tyranno peteret, isque avarus, & magna ex parte pecunia exhaustus procrastinando tempus tereret, a Decemviris vero ad relinquendum tyrannum pecunia sollicitaretur, non ut fidem solveret, sed ut post semestre, quo conductus fuerat, *Beneventum*, ut palam prædixerat, diverteret, tyrannus quoque magnis promissis ad urbem tradendam alliceretur: cuncta ordine *Philippo* per internuntios significat. Ille damnata hominis avaritia, qui imperio privari, quam pecunia carere mallet, sollicitatus præterea a *Senensi* ad spoliandum urbe tyrannum, afferente maximam auri, argentique vim ab eo possideri, ingentis spe prædæ ductus, simul veritus, ne ad *Florentinos* deficeret, consilium arripit, mandatque *Francisco*, curet, ne quid privatæ colloctiones afferant detrimenti, & *Senensi* quoque datum est negotium tyranni capiendi, si quid moliretur novi. Erant in *Florentinorum* castris, qui adulterinis⁷⁴ literis *Franciscum*, ac tyrannum in mutuam odium acuerent, alteri alterius secreta consilia detegere simulantes; quæ ex re aucta utrinque prodicionis suspicione, malevolentiaque non minima contracta, *Franciscus* decrevit tandem populum ad defectionem impellere. Communicata cum *Senensi*⁷⁵ re, ac occulta cum *Florentinis* tyranni colloquia culpans, facile cives ad rebellandum commovit. Præstituta⁷⁶ die *Antonius* acceptis latel-
 C litibus, arcem sub negotii spem ingressus tyrannum⁷⁷ cum filio capit. Direpta⁷⁸ suppellectile, pecunia multo minor fama, partim ad *Philippum* missa, partim usui reservata. Captivi⁷⁹ duo ad Ducem missi. Civitas restituta libertate, antiquos magistratus creat. *Franciscus* simulata protectione, quo promissa a *Florentinis* pecunia daretur, a *Senensibus* postulat, ut oppida, quæ paternæ ditionis fuerant, ab eis post obitum occupata restituerent: quod si negligerent, armis jus suum vindicaturum. Hac spe *Florentinis* injecta, grandem⁸⁰ illi pecuniam persolvunt. Acceptis quoque a *Lucensibus* nummis, se veris principio reversurum pollicetur: instare etenim hyemem, quæ tum eis tum suis equitibus ex annonæ caritate gravis admodum futura esset: sed in tempore se affore promittit. Inde profectus converso itinere *Galliam* versus, *Mirandolam* oppidum petit. Post recuperatam libertatem *Lucenses*, legatos *Florentiam* mittunt, pacem orantes, quam pulso tyranno se habituros sperarent: rogare ut potius suorum quondam erga *Florentinum* populum meritorum meminissent, quam injuriarum tyranni, quæ se invitis, ac flentibus accidissent: se æquis conditionibus postulare pacem, quæ utrique populo videretur profutura: commemorare pericula bellorum, & varios fortunæ casus, ac dicere certam pacem speratæ victoriæ præferen-

68. Locum mutare compulsus est. Ligneis castellis in hostium potestate relictis, quibus dirutis, Lucenses oppida plura recepere, & Florentinum agrum depopulati sunt. Malavolt. Hist. Sen. p. III. lib. II.

69. Venetorum, ac Florentinorum legati. Andreas Contarenius, & Laurentius Medices.

70. Spreto armorum otio. Pace enim facta, arma otibantur.

71. Tamquam in re nova. De qua scilicet nullus clandestinus sermo habitus esset, sed ex se tantum prodiret.

72. Pisas versus, &c. In Ripafractæ collem, qui medius Pisas inter, & Lucam natura loci munitissimus erat, exercitum reduxerunt.

73. Tyranni filio. Ladislao natu majori.

74. Adulterinis litteris. Simulato amicorum charactere confictis.

75. Cum Senensi. Antonio Petruccio, nec non cum Petro Cinnamio, & Joanne Chivizzano Lucensibus civibus.

76. Præstituta die. Paulum Guinifium lecto recumbentem

captum refert Joann. Bapt. Bevilacqua, a Petruccio, cui arcis ingressus patebat: huic enim se totum crediderat Guinifius.

77. Tyrannum cum filio capit. Tyranni filius non a Petruccio, sed a Francisco Sfortia captus fuit, qui Lucensis eventum audito, Ladislao ejus filium apud se in castris degentem detinuit, ut Bevilacqua supra citatus, & Malavolt. Hist. Sen. p. III. lib. II. Ammirat lib. XX.

78. Direpta suppellectile. Quæ sexaginta aureorum millibus censebatur, ob margaritas præcipue, quæ pene omnes Mediolani oppignorata, ut ex eis stipendia militibus persolverentur. Sed pretiosissima quæque sibi duces reservarunt. Baptista Bevilacqua de Bello Lucano MS.

79. Captivi duo ad Ducem missi. Paulus Guinifius cum Ladislao filio, qui infelici exitu defecere.

80. Grandem illi pecuniam persolvunt. Dementia Florentinos arguit Ammiratus, alique scriptores, quod pecuniam Sfortiæ persolverint, ut discederet, cum hyeme adveniente diutius jam morari nequiret. Discessit vir callidus, Guinifius spoliis, Lucensium, Florentinorumque nummis ditatus.

rendam. Responsum tulere non deserturos bellum *Florentinos*, quod iustis ex causis suscepissent, non libertatem ab illis partam, sed novam⁸¹ tyrannidem quaesitam esse: proinde abirent, ac praesenti tempori consulere, meliori conditione futuri, si urbem sponte traderent, quam si coacti vi, & armis superarentur. Legati dato responso *Lucam* reversi, a *Philippo* & a *Francisco* spe subsidii oblata populum ad defensionem hortantur, asserentes Dei opes minime defuturas. At Decemviri *Francisci* discessu, omni *Lucam* praesidio ispoliatam cito in potestatem venturam arbitrati, novis conductis copiis, auctoque exercitu, denuo urbem obsidione cingunt, castellisque pro numero portarum aedificatis, cives & fame, & continuo labore fessos urgent acrius, adeo ut obsidionem minime laturi amplius viderentur. *Philippus* vero, qui bellum ad eam diem aluerat, cum non ignoraret *Florentinos* in belli sumptus auro, argentoque exhaustos, jam pertaefos coepti, quo illos novo fatigaret bello, cum *Genuensibus*⁸² egit, ut *Lucenses* primum in fidem reciperent: tum a *Florentinis* peterent, ne hostilia arma in eos inferrent, qui societate, & amicitia⁸³ secum juncti essent. Igitur post contractum foedus oratores *Florentiam* mittunt, postulantes, ut a bello desisterent, neque fociis molesti essent, quos sibi tuendos suscepissent. Ad ea responsum est, mirari populum *Florentinum*, civitatem natura servam, neque tunc sui juris, sed alteri subjectam petere quod eorum arbitrii minime foret: nihil enim a *Genuensibus* agi posse, quae ad publicam rem spectarent, nisi quatenus ab eo, qui eis imperaret permitteretur. Ideo docerent, si quid a Duce *Mediolani* eorum domino, de ea re mandatum esset: non enim eorum esse juris, aut velle aut nolle quicquam, nisi quantum a Duce tribueretur. His verbis legati admodum irritati animo abiire, minitantes paucos infra dies cognituros illos liberine, an servi forent, confestimque cum *Genuam* rediissent, *Nicolaum Piccininum*, *Philippi* exercitus ducem praestantissimum, qui in hybernis apud *Ligures* erat, rebus omnibus jam antea a *Mediolanensi* instructis, subsidio *Lucensibus* mittunt. Dum haec parantur, obsidioni urbis intenti *Florentini* ducem belli *Guidantonium Feretranum*, *Urbini* Comitem, sua,⁸⁴ & majorum gloria clarum, cum sex equitum, peditum vero quatuor millibus, praeter auxiliares copias, quae Decemvirorum iussu ad id bellum convenerant, creant: ejusdemque⁸⁵ nominis *Faventinum* principem, qui sub *Feretrano* militaret, conducunt. Interea *Philippi* conspecta fraude *Veneti*, qui *Genuensium* nomine *Nicolaum* adversus *Florentinos* missum intelligerent, per oratorem apud Ducem queruntur, violata esse ab eo pacis foedera, qui praeter conventiona praefectos suos variis fallaciis, confectisque tabellis in auxilium *Lucensium* ire iussisset: non enim tanta calliditate id machinamentum fuisse actum, quin aperta vestigia appareant, omnia ea consilia a se profecta. At ille consueta simulatione, nulla sua opera id factum fuisse testabatur;

A | *Genuensium* opus esse, qui socio, & amico auxilia decreverint. Neque vero id a se potuisse prohiberi. Quamvis enim sub ditione forent, nullo tamen pacto, nulla lege vetari, quin cui velint, propriis sumptibus auxilio esse queant. In multis enim libertatem illis concessam, qua suo jure uti possent; licere quoque & *Veneti* secundum foederum formulam subsidia *Florentinis*, quae velint, mittere. Hoc dato responso, cum *Venetias* orator revertisset, haud ignaris *Philippi* consilii (palam enim erant) *Veneti* visum est nil dum novi tentandum esse. Suadebatur tamen a *Florentinis*, ut bellum instaurarent, cum magna pars praefectorum, qui sub *Philippo* militabant, abesset. At illi prioris belli impendio debilitati decrevere haudquaquam novo destineri bello. Interim *Piccininus* *Mara* flumine trajecto, ad *Petram sanctam* *Lucensium* oppidum venerat. *Guidantonius* vero cum exercitu pro ripa *Auxeris*, quae *Lucam* spectat, castra posuerat, fossaque circumdederat, quo munitiora ab eruptione civium forent. *Piccininum* vis aquae (media enim fere hyems erat) transitu prohibebat, cujus copiae ad duas⁸⁶ ferme legiones conficiebant. Erat in castris *Piccinini* rerum omnium, quae navibus a *Genuensibus* subvehebantur, copia. Apud *Florentinos* vero ex difficultate annonae comportandae summa inopia, adeo urgente fame, ut multi desertis sponte castris abirent, quidam ad hostes transirent; quae res consultandi causam Duci, ac praefectis⁸⁷ dedit, mutandusne locus esset, an fortuna certaminis expectanda. Dum dubiis animis tempus consultando terunt, *Auxer* paulum imminutis aquis facultatem praebuit fluminis transcundi. Praemisera ad ripam fluminis *Nicolaus* agalones, jumenta quoque cum frumento, quod superato fluvio in urbem fame oppressam comportaretur. Dubitanti tamen, ac paulum haesitanti, an aquam ingrederetur (ignarus enim quo loco transeundum esset in armis stabat) fortuna quae in rebus humanis maxime dominatur, tuto trajiciendi occasionem insperato attulit. Nam dum *Florentinorum* equitum⁸⁸ praefectum cum turma suorum noto vado in ulteriorem ripam transgressum praedandi cupidum vidit, nonnullisque nil tale suspicantibus improvise captis ad suos se recepisse (longo etenim intervallo ab exercitu divisi tamquam in tuto vagabantur) excitato tumultu *Piccininus* opem laborantibus ferens, eodem itinere, quo hostes trajecerant, paucis milites ad pugnam hortatus, ipse in primis aquam ingressus (& jam vesper erat) ad hostes cum equitatu omni pervenit, superataque⁸⁹ fossa, *Florentinum* exercitum fere incompotum, commisso praelio, parvo labore fudit, ac fugavit: plures quoque ex urbe subsidiariae cohortes, ut auxilio suis essent, egressae, praecipue ad victoriam contulerunt. Profligatis omnibus, ac pene ad unum captis, *Feretranus* ipse fuga salutis consulens, pluresque praefecti *Pisas* post solis occasum pervenere. Clade nuntiata, quam nonnullorum praefectorum⁹⁰ discordia acceptam ferunt, qui mu-

81. Novam tyrannidem quaesitam esse. Et longiori tempore duraturam, potentiore domino, nempe *Mediolanensi* Duce.

82. Cum *Genuensibus* egit ut *Lucenses*, &c. Ne ut foedifragus accusaretur, *Lucensibus* auxiliatus non est, sed *Genuenses* occulte sollicitavit.

83. Amicitia juncti essent. *Lucensium* enim *Genuenses* duo oppida, *Petram sanctam*, & *Mutronium* sibi oppignorata tenebant.

84. Sua, & majorum gloria. Quorum plurimi exercitus duces fuerunt, ut *Comes Guidus*, *Nulfus*, *Bonus Pisano*, *Nicolaus* & *Guidantonius Florentinorum*. *Rosa aurea* a Pontifice hunc donatum refert *Ammirat. Hist. Flor.*

lib. XVIII.

85. Ejusdemque nominis *Faventinum Principem*. *Guidantonium Manfredum*.

86. Duas ferme legiones conficiebant. Sex peditum, tria equitum millia habebat. *Ammirat. lib. XX.*

87. Duci ac praefectis dedit. Una cum tribus *Florentinis* Commissariis, qui nuper advenerant.

88. Equitum praefectum. *Carasellum*, qui ut jumenta frumento *Lucae* ferendo onusta praedaretur, flumen transierat.

89. Superataque fossa. Castra circumeunte.

90. Praefectorum discordia. Fortebraecio haud aequo animo ferente *Feretranum Comitem* eo in facinore sibi praeferrere, quod

1430 mutuis odiis diffidentes segniter, otiose, negligenter, contumaciter omnia agentes, non tantum non vincere, sed vinci volebant, pro nihilo pendentes propriam dignitatem, atque honorem, aut Reipublicæ pericula; tantus timor *Pisas*, ac tumultus fuit (territæ quippe, & consternatæ omnium mentes erant) ut si eo castra hostium post victoriam movisset *Nicolaus*, urbem procul dubio absque ullo certamine fuisset capturus. Castris cum omni tormentorum, bellicque apparatu, impedimentis quoque omnibus captis, nonnullis interfectis, pluribus vulneratis, equis ad quatuor millia in suam potestatem reductis, recipiendis quæ defecerunt castellis *Piccininus* intentus, reiectis omnium sententiis, *Genuensium* præcipue, qui nullo impediante *Pisas* metu attonitas petere, inde *Florentinum* in agrum prædabundum descendere suadebant, in armis stabat, satis a se factum affirmans, qui obsidionem solvisset, & fame urbem liberasset: cumque sibi abunde *Philippi* mens perspecta esset, eo consilio cuncta agentis, ut nulla in re pax violata censeretur, commeatu ex propinquis locis in urbem comportato, præparatisque rebus omnibus ad cives reficiendos, & tolerandam obsidionem, si qua vis ingrueret, aut si a *Philippo* ad se defendendum revocaretur, hostium consilia expectabat. At Decemviri, tanti exercitus strage accepta, convocato duce, ac equitum præfectis, instaurandis copiis summa ope intenti, curam reparandi exercitus his attribuunt. Tum suspitione orta, ne *Senenses* pro *Lucensium* salute, quam cum sua conjunctam dicebant, arma fumerent, oratorem ⁹¹ una cum *Venetorum* legato *Senas* mittunt, qui pro veteri amicitia, societateque peterent, ut bello abstinerent, neve pro aliena quiete suam in discrimen deducerent; otiosi belli eventum, quod minime ad eos spectet, tamquam ex specula prospicere velint. Satis esse cum finitimis, ac propinquis amicitiam servare, quam externis, & procul a se remotos tueri. Sibi cum *Senensibus* pacem, & foedus esse: caverent diligenter, ne quid agerent, quod utrisque non parvæ calamitatis origo esset futura. Creatus consulto populi Capitaneus (ita summum urbis magistratum appellant) *Antonius Petruccius*, antea ut retulimus a *Senensibus* ad excitandos tum *Philippum*, tum *Genuenses* pro ferendo *Lucensibus* subsidio missus, asperum responsum dari oratoribus iussit. Non esse in *Senensium* rem, ut *Luca Florentini* populi ager fieret: ex eorum enim incendio facile se, suæque conflagrare posse: propinquorum damno propriam calamitatem pendere: ea occupata urbe, facile in se versuros arma. Se tamen ex

A tempore id consilium capturos, in quo salus patriæ contineretur. Oratoribus dimissis extemplo *Philippi* ⁹² voluntatem otium aspernantis secuti, cum *Genuensibus* his legibus foedus ineunt, ut communi impendio bellum pro *Luca* libertate suscipiant; *Ludovicumque* ⁹³ *Plumbini* Principem suscepti a *Florentinis* beneficii immemorem (testamento enim tutores a patre relictæ imperium illi conservarant) Pontificis opera in amicitiam, societatemque recipiunt. His rebus moti Decemviri *Franciscum*, qui *Mirandulæ* hyemaverat, una cum *Venetis* magnis pollicitationibus ad sua stipendia traducere conati sunt. Cum eorum populatis (exquisitæ enim conditiones afferebantur) assentiri videretur, *Philippus* transitionem tanti viri ad hostes veritus, oblato ⁹⁴ filia nondum nubilis matrimonio, hominem ab eo proposito avertit, inque suas traduxit partes. Suspendis *Venetis*, *Florentinisque* ad movendum *Philippo* bellum; *Martini* ⁹⁵ mors Pontificis, qui Ducis causæ admodum favebat, eo qui secutus est anno supervenit; quæ res spem, metumque multis, iis præsertim, qui novorum eum auctorem consiliorum habuerant, incussit. Creatus deinde *Eugenius* ⁹⁶ Quartus Pontifex maximus, patria *Venetus*, multorum animos auxit, nonnullorum debilitavit. Accesserant *Romam* de more gratulatum Pontifici, *Philippi*, *Venetorum*, ac *Florentinorum* legati, petentes maxime, ut auctorem præberet se pacis servandæ. Is acrioribus verbis singulos ad pacem hortatus, se hostis loco illum habiturum minatus est, qui pacis fœdera violasset: deprecantibus præterea *Florentinis*, *Michellettum Cutiniolam* cum equitibus mille, ut eis subsidio belli esset (inopia enim equitatus urgebantur) concessit. *Senas* ⁹⁷ insuper Cardinalem *Bonomiensem* Legatum, qui eos ab armis, & bello movendo deterreret misit; quæ res Ducis pacem horrentis animum a Pontifice abalienavit, causamque præbuit multarum *Eugenii*, quibus postea vexatus est, calamitatum. Aucti novo equitatu *Florentini* rursus *Lucam* infestis armis aggre-diuntur. Qua permoti re *Genuenses* ⁹⁸ portum *Pisanum* duabus onerariis navibus: & quinque triremibus ita infestum reddidere, ut *Pisas* aut mercaturas advchendi, aut exportandi facultas præcluderetur. At *Veneti Philippi* pertinacia prospecta, animumque bello, quam paci aptiorem, nascenti malo occurrendum esse rati, renovato ⁹⁹ cum *Florentinis* fœdere, cui *Monferrati* ¹⁰⁰ Princeps, & *Pallavissinus* ¹ accessere, *Carminiolæ* exercitus duci in *Brixienti* agro copias recensenti, ut bellum, *Mediolanensi* inferat, mandant. *Philippus* vero veritus, quod priori ² bello re ipsa comper-

quod suis auspiciis inceptum fuerat. *Florentinis* vero culpam tribuit Ammirat. p. I. To. 2. lib. XX. qui Feretrano duo millia peditum juxta Montem magnum locari jubenti obtemperare noluerint.

91. Oratorem una cum *Venetorum* legato. Duos oratores a *Florentinis* *Senas* missos, Rodolphum Perruccium, & Galeorum Riccasolanum, una cum Antonio Contareno *Venetorum* legato, refert Malavolt. Hist. Sen. lib. II. p. III.

92. *Philippi* voluntatem secuti. Qui per *Franciscum* Spinulam suum legatum ad bellum in *Florentinos* sollicitaverat, frustra obnitentibus contra Marcello Strotio, & *Laurentio* Rodolpho *Florentinis* oratoribus.

93. *Ludovicumque* *Plumbini* Principem. Male Poggium *Plumbini* Principis filio *Ludovici* nomen tribuisse adnotat Ammirat. lib. XX. cum *Jacobus* fuerit appellatus. Ita sentit etiam *Ubert. Fol. Hist. Gen. lib. X.* & cum eo omnes pene Scriptores, *Blondo* excepto.

94. Oblato filia nondum nubilis matrimonio. Blancam Mariam filiam unicam, sed viro adhuc immaturam, quippe quæ vix octavum annum attingeret, *Sfortiæ* desponderat, pollicitus, nisi mascula sibi proles obtigisset, totius Principatus hæreditatem.

95. *Martini* mors Pontificis. Apoplexia percussus decessit. In cujus æneo sepulcro in *Basilica Lateranensi* posito hæc habentur. *Martinus Papa V. sedit annos XIII. menses III. dies*

E XII. obiit anno MCCCCXXI. die XX. Februarii, temporum suorum felicitas.

96. *Eugenius* IV. Antea *Gabriel Condulmerius* *Venetus*, *Gregorii XII.* nepos. Hujus elogium videre est in *S. Antonin. p. III. Tit. 22. cap. 10.* & in *Platin.* in ejus Vita. Prædictum ejus patri Pontificatum, nec non ipsi asserit *Philiph. in Orat. ad Jacobum Antonium Marcellum*; & *Pius II.* seu *Æneas Sylvius in Europ. cap. 58.* Vid. *Rayn. Ann. Eccl. To. 18. sub ann. 1431.*

97. *Senas* insuper Legatum *Bonomiensem*. Ex *Corraria* *Gregorii XII.* gente. Ut *Senenses*, cujus urbis Episcopatum tenuerat *Eugenius* IV. peculiari honore prosequeretur, licet eos ad se gratulatum accedentes de pace alloquutus fuisset, atamen rursus Legatum *Bonomiensem* sibi sanguine conjunctum ad eos misit.

98. *Genuenses*. *Bartholomæo Furnario* duce. *Ubert. Foliet. Hist. Gen. lib. X.*

99. Renovato cum *Florentinis* fœdere. Quarto kal. Decembris anni MCDXXV. *Venetiis* inito.

100. *Monferrati* Princeps. *Joannes Jacobus.*

1. *Pallavissinus*. *Rolandus.*

2. *Priori* bello. Anni MCDXXVII. Quo Ducis copiarum penitus deletæ fuerant, *Carolo Malatesta* ejus præfecto capto, *Brixiaque* in *Venetorum* potestatem reducta.

1431 pertum habebat, ne *Carminiola* aliqua insigni clade initium belli faceret, dispositis per oppida hosti propinqua, quibus prospiciendum existimabat firmis praesidiis, salutis suae consuluit. Patefacta enim conjuratione, qua arcis *Laude* praefecti prodicione illius equites admittebantur, ac conscis tanti sceleris supplicio affectis, oppidum fervavit, utque hostem suis ulcisceretur artibus, *Suncini* arcis custodi imperat, ut eam se *Carminiola* die constituta traditurum simulet. Transactis conditionibus, quo tempore, quaque ratione arcem proderet, cum ad praescriptum³ tempus cum magna exercitus parte noctu accessisset *Carminiola*⁴ nonnullosque ex suis in arcem admisisset, *Nicolaus Tolentinas*, ac *Franciscus* cum copiis prodeuntes, hostem nil tale veritum invadunt, qui acri commisso certamine, ad mille equitibus amissis, pluribus interfectis, fuga salutem petens in agro *Cremonensi* urbem obfessus constitit. Dum haec a *Venetis* aguntur, *Piccininus* cum audisset bellum in *Gallia* fuscitatum, *Genuensium* castellis *Lucae* propinquis, & quae receperat, omisit, agrum *Pisanum* ingressus una cum *Antonio Pontadereo* viro impigro, & maxime *Florentinis* inenso, quem a *Philippo Lucensibus* subsidio missum diximus, nonnullis expugnatis, ac deditione sponte facta, receptis oppidis, exulum *Pisanorum* opera, qui undique spe patriam libertatem recuperandi ad eum confluerant, ac prodicione urbem sollicitarant, civesque ad id studium suum pollicentes illexerant (in quos more majorum re palam facta, animadversum est) *Pisas* cum exercitum frustra admovisset, relicto *Antonio* cum copiis exulumque cohorte, qui fines *Pisanos* incendiis, excursionibusque vastarent, bellique terrores omni ex parte *Florentinis* inferrent, a quibus omnis fere *Pisana* nobilitas⁵ *Florentiam* evocata erat, in *Volaterranos* flexit, primoque adventu pluribus castellis captis, castra posuit. *Michelettus* enim ad opem ferendam *Volaterras* missus & illius impetus comprimebat, & ne late praedabundus vagaretur, coercerat. Interim monendo, ac sollicitando, ut *Senenses* ex foedere arma adversus *Florentinos* moverent, obtinuit tandem, ut fide interposita, cum primum hostili more in illorum agrum impetum fecissent, duo equitum millia a *Philippo* promissa se illis missurum, ut in *Vallem Ambræ* improvise descenderent: quibus mature factis, *Alberico Cunii* Comite cum equitibus mille ex *Gallia* a *Nicolao* evocato, ac *Senensibus* praesidio relicto, ipse paratis omnibus quae oppugnandis urbibus erant necessaria, in *Vallem Elvæ* proficiscitur. Inde spe injecta *Aretii* potiundi, magnis itineribus eo contendit. Egregia ad eam diem fide fuerant *Aretini*, amicoque in *Florentinos* animo post affectum tantæ urbis imperium contenti rebus suis, praesenti fortunæ acquiescebant, meliori conditione sub alieno viventes imperio, quam cum sui juris civibus suis serviebant. Unus *Mariottus* obscuro ortus genere, sed cui divitiæ animos face-

1431 rent, rerum novarum cupidus, & aliorum fortunis invidens inventus est, qui de prodenda urbe consilia cum *Piccinino* agigaret, illumque in spem adduceret oppidi potiundi. Verum re per quendam ex conjuratis detecta, appropinquante hoste, cum omnis juvenus ad defendendam patriam una mente concurreret, isque omnia consilia sua patefacta, ad hæc urbem firmo teneri praesidio animadverteret, retro castris motis, agris, villisque incensis, pleraque castella vi, nonnulla deditibus se oppidanis recepit. De proditoribus *Aretii* supplicium sumptum: indici vero praemia persoluta, & a *Senensibus Vallis Ambræ* tria⁶ oppida capta. Interea cum *Cremona* binis obsideretur castris, copiae vero *Philippi* diminutæ essent, quoniam *Tolentinas*⁷ ad *Florentinos* transierat, atque ad *Eugenium*, ut illi succurreret, missus erat, *Piccininus* ex *Etruria* ad reprimendas hostium vires, qui validum exercitum confecerant, revocatur. Erant in *Venetorum* exercitu ad millia hominum quatuor & viginti. *Philippi* quidem copiae nequaquam pares. Classẽ quoque majorem *Veneti*, quam superiori anno, in *Pado* paraverant navium LX. inque ea decem perditum millia praeter remiges, aliamque locaverant calonum multitudinem, quæ ferme pedites æquabat, *Nicolaumque*⁸ *Tarvisinum* ducem belli designarant. *Philippus* quoque & ipse classẽ in *Ticinio* instruxerat, sed paulo numero inferiorem, militibus tamen, bellicque apparatu disparem; *Johannemque Grimaldum Genuensem* navalium rerum peritissimum, quo imperatore uterentur, illis praefecerat. At in *Etruria*, cum *Albericus*⁹, qui omnibus copiis *Florentinum* agrum populabundus intraverat, acie victus, ac fugatus, ad mille equitibus apud *Collem* oppidum amissis, a *Micheletto* superatus esset, omnia secunda *Florentinis* esse, nihil timere, ac parta victoria faciliẽ sibi propitiamque fortunam despondere videbantur, revocato praesertim *Alberico a Philippo*, cui maxime¹⁰ suspectus erat. *Fortebraccius* vero rei bene gestæ gloria irritatus, ac *Michelettum*, se posthabito, primum apud *Florentinos* dignitatis gradum tenere indignatus, illis relictis *Tifernates*¹¹ invasit, Pontifici pollicitus illam se urbem (ab eo enim¹² desciverat) in ditionem Ecclesiæ redacturum: cujus defectione *Florentinorum* equitum vires paulo exhaustæ, lentiusque jam in *Etruria* gestum bellum. Apud *Cremonam* vero certabatur acrius, & cum *Venetorum* exercitus numero, ac robore praestaret, visum est *Philippi* praefectis classicæ expeditionis fortunam experiri. Provocabant singulis diebus *Philippi* equites levibus praeliis hostem, quo animus illorum averteretur ab armandæ classis suspitione. Statuto vero tempore *Nicolaus*, ac *Franciscus* praecipui *Philippi* duces naves conscendunt, impositis lectis ex omni equitatus robore viris, qui de more armati adversus navales milites impares armis, tutiores, ac certamine potiores essent. Erat *Venetorum* classis ad certamen prompta, sed ignara *Phi-*

3. Ad praescriptum tempus. Matutina luce.

4. Nonnullosque ex suis in arcem admisisset. Ex composito introducti in arcem *Carminiolæ* milites, sed longe pluribus ex suis munitam, ut ipse *Carminiola* sine suspitione accederet.

5. *Pisana nobilitas Florentiam evocata*. Non nobilibus tantum, sed civibus omnibus a quintodecimo usque ad sexagesimum annum ut *Pisis* discederent imperatum ad exonerandam suspecta multitudine civitatem. Petr. Justin. Hist. Ven. lib. VII.

6. Tria oppida capta. Ad quatuordecim enumerat Malavolt. Hist. Sen. p. III. lib. II.

7. *Tolentinas ad Florentinos transferat*. Cum duabus cohortibus, indignatus quod *Sfortiam* militari dignitate sibi pa-

rem, *Piccininum* vero superiorem pati deberet, cum summum ei imperium promissum fuisset.

8. *Nicolaum Tarvisinum*. Non *Tarvisinum*, hoc est ex *Tarvisi* urbe, sed *Trivisanum* ex patritia *Trivisanorum* familia.

9. *Albericus*. *Cunii* Comes auxilio *Senensibus* missus.

10. Cui maxime suspectus erat. Delatum *Philippo* fuerat *Albericum* in hostium insidias de industria copias duxisse. Brevi enim ad *Florentinos* transiturus curabat, ut cladem, quam apud *Zagonaram* primo bello *Florentini* ejus causa acceperant, ejus quoque opera compensarent.

11. *Tifernates*. Seu Civitatem castelli.

12. Ab eo enim desciverat. eique imperabat *Guidantonius Urbina*.

1431 *Philippi* naves (eæ ¹³ *Cremonam* appulerant) viris equo merentibus munitas; cumque ipso aquæ impetu *Philippi* classis in hostem ferretur, & ipsa forti animo se ad prælium expedit, atque hosti obviam procedit. Commissa pugna, acrique certamine, pluribus utrinque interfectis, cum thoraces ferreos milites indutos cum cassidibus, armatosque navalibus bellis insuetos viderent, dumcesque in primis etiam pugnantes cognoscerent, *Tarvisinus* & ipse pro tempore rebus suis prospiciens, extemplo *Carminiolam*, quo in statu, periculove res *Venetorum* versetur, monet; postulat, obsecratque ni hostem victoria potiri velit; opem ferat; mature facto opus esse: facile id peragi posse, cum castra haud longe posita sint: ni accederet, frustra postmodum fortunam, cæteraque omnia incusaturum. Ille seu dolo, ut plures suspicati sunt, seu superbia, cuius erat impotentior, *Veneti* postulata contempsit, addita verborum contumelia; suo illum consilio ad eam diem rem navalem administrasse: fuisset viribus certaret. Destitutus suorum auxilio *Venetus*, cum ad noctem usque pugnam protraxisset, tandem quatuor amissis navibus suos revocavit. Postera die auctis viribus *Philippi* præfecti, majoribusque in naves impositis copiis, diluculo ad hostem pergunt. Atrox, atque asperum certamen fuit: nec absque multorum cæde peractum: nam altera alteri navi inserta, veluti collato pede pugnabatur: saxi, verutis, sagittis, gladio, igne certabatur: ardentis volutabant faces, omnia cæde, & sanguine redundabant, nullusque fugæ relinquebatur locus. Ad hæc bombardæ multos mortales cadere compellebant: vulnera, & sanguis ante ora obversabantur: nec quicquam, præterquam de inferenda cogitabatur morte. Ad erant exercitus duces, naviumque singularum præfecti, cuiusque virtutis, aut ignavia testes, hortando, ac monendo, ne tantam opprimendorum hostium occasionem oblatam amitterent, eamque fortunam quam sibi quisque facerent sperarent. Victoriæ (modo viri essent) in manibus esse. Tandem cum ad multam ¹⁴ diem pugnatum esset, *Philippi* classis integris, ac novis bellatoribus munita *Venetos* *Carminiole* ¹⁵ culpa, qui eos suo destitui auxilio passus est, superat, atque in fugam vertit. Quinque tantum naves ex tanta classe evasere. Reliquæ cum omni bellico apparatu in potestatem hostium venire: ad duo millia ex utraque acie, quod raro antea contigit, desiderati sunt: præda ingens fuit, partim distributa militibus, partim in castra convecta, duæ de xxx. ex majoribus navibus *Papiam* subductæ gratum *Philippo* spectaculum præbuere, ut qui *Venetos* maritimis expeditionibus assuetos navali prælio superasset. Magnum ex amissa classe detrimentum *Venetis* accessit; ad quadringenta enim aureorum millia ea calamitas existimata est. Non tamen minuit ea cla-

A des animos *Veneti* Senatus, sed acrius ardentiusque belli curam suscipere coegit. Nam e vestigio nulla adversa conterriti fortuna, duce *Petro Lauretano*, cuius virtus pluribus navalibus claruerat pugnis, triremes viginti parvo tempore instructas, paratasque in mare inferum adversus *Genuenses* misere, quo acceptam ab illis contra pacis antiquæ fœdera injuriam ¹⁶ ulciscerentur. *Genuenses* ad famam paratæ *Venetorum* ¹⁷ classis & ipsi quatuor & viginti triremes, ac onerariam navem ex navalibus deducunt, illisque ducem *Franciscum Spinolam* virum primarium, magnæque inter suos auctoritatis præficiunt. Appropinquaverat *Genuam* classis hostium ad millia passuum decem in sinum, quem *Rapallum* ¹⁸ vocant, una cum quatuor *Florentinorum* longis navibus, *Paulo Rucellario* duce electo, instructis milite, & pluribus *Genuensium* ¹⁹ exulibus, nobilitate gentis claris, quorum opera magno usui eo bello *Venetis* fuit. Re in urbem nuntiata, iussus *Spinola* in hostem ferri, libens, speique plenus (ut qui præteritam victoriæ versaret animo) in conspectu adversariorum delatus suos corpora curare, arma expedire, seseque ad pugnam parare jubet. Præmissa deinde oneraria nave, quæ terrore incussio disjiceret suo impetu triremes, hostem ²⁰ petit. Is simulata fuga, cœpit cedere, ut insequendi veluti fugientes cupiditate *Genuensis* incensa classis omisso ordine secunda dissiparetur. Inde repressa ²¹ fuga in primam prætoriam navem conversæ triremes a suis inflecti remos, vela converti, atque hostes aggredi jubent, quem impetum impavidus *Genuensis* excepit. Pugnabatur congressis navibus utrinque ²² præsentis animo, atque viribus. Tres *Venetorum* triremes a *Genuensibus* premebantur, quas capiendi spe ductus *Spinola*, proram ad eas vertit. Tum *Florentina* navis una, cui *Ramundus Manellus* maritimæ expeditionis expertus præerat, suorum conspicatus periculum, magna remorum ²³ vi insertur in *Genuensem*, latiusque impetens, parum absuit detertis remis quin eo impetu prætoria submergeretur. Acerrimo tamen edito prælio, cum utrinque pro victoriæ certarent, inque ea fortunam belli versare existimarent, tandem *Manelli* virtute miles hostis navem ingressus pluribus vulneratis, multis ex omni parte amissis superatam, devictamque capit. Quo facto cæteræ metu consternatæ, duce ²⁴ in adversariorum potestatem redactæ, haud incruento Marte octo amissis navibus in fugam versæ ²⁵. Diutius tamen magnis utrinque viribus, majoribus odiis certatum est, *Venetis* vincere assuetis, acceptamque *Genuensium* opera in *Pado* cladem ulcisci cupientibus; *Genuensibus*, ne minoris viderentur, quam hi, qui in classe *Philippi* pugnasent summa vi pro victoriæ certantibus. Major tamen victoriæ pars penes *Florentinos* stetit, qui devicta prætoria

¹³. Eæ *Cremonam* appulerant. Ut in antiquo Poëmate cui titulus *Nuovo Marte della Vita di Niccolò Piccinino* cap. 30.

Elli erano trentaquattro Galeone.

Nel Pò tirate con magna potenza

Sopra Cremona in ver Pizichatone

¹⁴. Ad multam diem. Pridie kal. Junias.

¹⁵. *Carminiole* culpa. Cuius sibi conscius ne majus in facinus prolaberetur, *Veneti* ad eum misere oratores, qui ejus fraudem fortunæ tribuerent. Interim vero in tempus opportunius vindictam compararunt. Sabell. *Emead. X. lib. II.*

¹⁶. *Injuriam ulciscerentur.* *Genuenses* enim suis navibus Joannis Grimaldi ductu *Philippum* in *Pado* adjuverant.

¹⁷. Paratæ *Venetorum* classis. Quæ jam *Liburnum* appulerat, ut quinque *Florentinorum* triremibus aucta in *Genuenses* se conferret. Petr. Justin. *Hist. Ven. lib. VII.*

¹⁸. *Rapallum* vocant. Seu Caput Montis, promontorium oræ orientalis *Genuensis*.

¹⁹. *Genuensium* exulibus. Quorum Principes Jacobus A-

dornius, & Antonius Fliscus.

²⁰. Hostem petit. Classem *Venetam* ad ædem Divi Flautosi vigesimo a *Genua* lapide obviam habuit.

²¹. Inde repressa fuga. Fugam simulaverat *Lauredanus*, ut prætoriam *Genuensium* navem insequentem in altum perduceret, & aliarum præsidio spoliaret.

²². Utrinque præsentis animo, atque viribus. Antiquis amulatione imperii revocatis odiis.

²³. Remorum vi insertur in *Genuensem*. In ultima enim acie procul a ceteris constiterat, subsidio, quo res posceret, adventura. Exorti ergo venti beneficio utens in prætoriam navem ex transverso irrupit. Ubert. Foliet. *Hist. Gen. lib. X.*

²⁴. Duce, &c. in potestatem redactæ. *Francisco Spinola*.

²⁵. In fugam versæ. Undecim portum *Delphinum* subierunt, ex duabus reliquis, una *Genuam*, altera *Plumbinum* appulit.

1431 ria nave principium victoriæ præbuerunt: in aliis quoque expugnandis egregiam operam navantes magnam sunt laudem consecuti. Egregia ex hostibus parta victoria. *Lauredanus* fugientes haud infecutus, satis a se factum dictitans, si pro victis abirent, militibus ferme octingentis in ea pugna desideratis, ad duo millia vulneribus confectis (quod unum maxime ab insequenda classe tardavit) *Pisas* rediit. Dux hostium, naviumque præfecti *Florentiam* ²⁶ primo, tum *Venetias* missi. In *Etruria* quoque res prospere a *Micheletto* gesta. Recuperatis namque nonnullis de *Volaterranis*, ac *Pisanis* oppidis, ea regione, qua iter in *Florentinum* est agrum, quod omnia ab incursionibus hostium essent, liberque in urbem aditus, ad *Vicum Pisanum* (nam *Pontadereus* cum exulum manu ex castellis *Lucensium* vicinas oras infestas populationibus reddebat) stativa habuit. His mari, terraque in *Etruria* feliciter gestis, nil in *Gallia* ea ætate memoratu dignum est actum. Suspecta fide *Carminiola* apud *Venetos* erat, tum aliis de causis, tum propter auxilium laboranti classi denegatum. Dissimulantes tamen omnia asseverabant singula ab eo maturo consilio facta, in fortunam devictæ classis culpam rejicientes: quæ omnia ea mente ab eis agebantur, ne illius animus a consiliis belli averteretur, quanquam in diem magis signa immutati animi ostenderentur. Nam principio autumnii capiendæ urbis *Cremonæ* facultatem oblatam sua culpa omissam tradunt. Delituerant apud *Cremonæ* pomœria noctu *Venetorum* militum cohortes plurimæ, ac tamdiu quieverant, quoad murorum excubiæ circa diluculum custodias relaxantes somno se darent; tum scalis admotis cum murum ascendissent, nullo impediendo propugnacula quædam turrelque ²⁷ præsidio valido firmarant. Venerat ad tertium ab urbe lapidem cum exercitu *Carminiola*, peditatu silentio noctis, ut cæteris subsidio foret, præmisso: primi, qui murum ascenderant venturo freti præsidio, e muro eisdem scalis defiluerant, ortoque ad clamorem occurrentium certamine, vi portam propinquam ceperant: repellentes cives, militesque, qui eo defendendæ urbis gratia confluebant, duos dies cum portam a se captam defendissent, tandem nullo suppetias ferente deserti a reliquis, vigilia, labore, & vulneribus confecti, desperata salute, amissa porta, virili animo occubuerunt. Facillime, ut traditum memoriæ est, ea urbs capi potuisset, si *Carminiola* exercitum ad mœnia admovisset; sed dum deliberabundus sedet, dum simulato metu insidias, & inanem timorem ostentat, & milites fortissimos inique perdidit, & id egit, ut causam præberet suspitionis, qua postmodum supplicio capitis afficeretur. Nihil enim illi cum

1431 A tanto exercitu timendum videbatur, cum paucæ militum cohortes biduo portam absque discrimine tenuissent. Et jam autumnii tempus continuis imbris molestum maxima in castris eorum strage advenerat; cum *Carminiola* exercitu in hyberna dimisso, *Piccininus* omni *Genuesium* littore occidentali, quod auctore ²⁸ *Barnaba Adurno* patria extorre a *Philippo* defecerat, non ²⁹ sine crudelitatis nota in potestatem redacto, arma in *Johannem Jacobum Monferrati* *Regulum* convertit, atque intra paucos dies exultis agris, incensis villis, omnique clade vastatis regionibus, triginta oppidis spoliavit, ac desperatis rebus ad *Venetos* fugere compulit. Inde in *Cremonensem* agrum descendens, duo ³⁰ oppida de *Venetis* juxta *Padum* cepit: quæ res majorem in modum *Venetos* adegit, ut pro certo haberent *Carminiola* animo a se alieno esse. Cum enim in propinquo plura oppida forent, in quibus in hybernis essent milites magno numero divisi, ut facile his succurri posset, tamen veluti res sua minime ageretur, suos in otio continuit. Hæc tam aperta corrupti animi ostentatio *Venetos* compulit, ut secreto de illius supplicio (jactabantur enim vulgo multifariam ejus deprehensæ prodictiones) agitarent: qua in re miranda Senatus *Veneti* taciturnitas, & priscae virtuti comparanda videtur; nam cum ducenti ³¹ ferme viri consilio ³², quo ejus de poena est actum, interfuissent, ad octavumque mensem ea res variis altercationibus, ac sententiis protracta esset, nunquam tamen vel parva ejus suspicio emanavit. Vocatus una cum *Mantuanus* ³³ *Venetias* per speciem tractandæ pacis, cum urbi propinquaret, multi præclari viri de more obviam prodeuntes ad Principis ædes magna pompa eum deduxere. Ibi primo congressu benigne exceptus, cum per consilii capiendi causam ad noctem usque collocutio differretur, omnibus qui eum secuti erant abire jussis, ipse in carcerem conjicitur. Quæstionibus habitis, literisque ³⁴ productis, ad hoc domesticis testibus prodictionis, ut ajunt, convictus, vigesimo ³⁵ postquam captus fuerat die in foro inter duas ³⁶ columnas, ore ne loqui posset ocluso, capite punitus est. Justitia in eo, summaque severitas viguit. Latrocinia, furtaque in castris acerrime vindicavit; prædonibus infensus, honoris vero cupidus multorum supplicio vias tutas a latronibus etiam inter arma reddidit. *Venetorum* ³⁷ mores pertæsum, a fide prolapsus dicunt. Quidam ³⁸ nulla culpa mortem meruisse tradunt, sed ejus superbiam in cives *Venetos* contumeliosam, exosamque omnibus, præbuisse causam necis. Quod verisimile ferunt, cum os ejus adeo obductum fuerit, cum duceretur ad poenam, ut ne verbum quidem proloqui potuerit, neque ulla mor-

26. *Florentiam primo*. Liburnum classis delata est, ut se reciferet; *Florentiæ* autem propinqui *Veneti* illuc captivos custodiendos miserunt, donec *Venetias* ducerentur, ubi in carcerem coniecti sunt. Reliquam navarum, militumque turbam libere dimissam testatur *Ubert. Foliet. Hist. Gen. lib. X.*

27. *Turresque præsidio valido firmarant*. Cavalcaboyis opera *Venetis* faventis *S. Lucæ* castellum occupatum fuerat, nec non urbis porta. *Campi Hist. Cremon. lib. III.*

28. *Auctore Barnaba Adurno*. Qui cum trecentis equitibus, & octingentis peditibus aliaque agrestium turba *Sex-tum* usque perrexerat. *Ubert. Foliet. lib. X.*

29. *Non sine crudelitatis nota*. Multos enim jugulari jussit, reliquosque nulla ætatis, aut sexus, aut sacri ordinis ratione habita sub hasta vendidit. *Ubert. Foliet. ibid.*

30. *Duo oppida de Venetis*, *Turricellam*, & *Bordellanum*, quæ prius *Cremonensibus* erepta fuerant.

31. *Ducenti ferme viri*. Inter quos non pauci beneficiis, & spirituali affinitate *Carminiolæ* adstricti.

32. *Consilio*. Vulgo de *Pregadi*.

33. *Una cum Mantuano*. Joanne Francisco Gonzaga.

34. *Litterisque productis*. Ex literis ejus interceptis infidelitatis crimine damnatus.

35. *Vigesimo*. Quinto kal. Majas.

36. *Inter duas columnas*. Vulgo della *Piazzetta*, suppliciorum loco.

37. *Venetorum mores pertæsum*. Licet a *Venetis* summis honoribus cumularus fuisset, immo patritia nobilitate insignitus anno MCDXXVI. *MS. de Venetis familiis*, & eorum stemmatibus apud me.

38. *Quidam nulla culpa mortem meruisse tradunt*. Mortis causam *Carminiolæ* divitiis tribuit *Corius p. V.* quæ (ut ait) non parum *Venetos* ad belli sumptus juverunt. Verum scriptores reliqui pene omnes infidelitatis in *Venetos* arguunt, his præsertim nominibus: 1. quod post *Maclodii* pugnam cum *Philippi* imperium everti delero ejus exercitu potuisset, captivos omnes dimisisset, & *Soncino* obsidendo de industria immoratus fuisset. 2. quod in *Padana* pugna *Trivisanis* auxilium denegasset, unde *Venetorum* maxima clades. 3. quod *Cremonæ* portam tenentibus *Venetis* opem ferre noluisse, ut urbem illam *Duci* servaret.

¹⁴³² mortis causa sit prolata. Utcunque sit, dux belli suæ ætatis præcipuus fuit, & obscuris ³⁹ ortus parentibus propria virtute ad maximam ⁴⁰ gloriam, & summum imperium evectus; dignusque qui majoribus illis sine dubio rei militaris scientia compareretur. Tanti ducis interitu mentio pacis de qua per oratores *Ferrarie* agebatur sublata, atque in bello perseveratum; cuius gerendi cura omnis *Mantuano*, tribusque ⁴¹ ex senatorio ordine patritiis civibus a *Venetis* concessa. Sed dum tardiuscule armorum munia suscipiunt, *Piccininus* fortunam etiam *Carminiola* præsentem coeptam prosecutus, cum multa de *Cremonensium* agro oppida recepisset, dum pontem, quo *Olium Veneti* junxerant transiturus oppugnat, & sine galea in primam aciem profectus suos ad pugnam adhortatur, sagitta occipit ictus, ex equo moribundo similis cecidit, qui militum manibus summo omnium mœrore relatus in castra, cum is nervus, quo læva pars corporis alitur, læsus esset, certisque signis appareret sagittam veneno illitam esse, ingenti medicorum cura adhibita, ac usu balneorum addito, sinistro tamen latere debilitato, in futurum claudicavit. *Piccinini* morbus res *Philippi* secundas compescuit, pluraque oppida opulenta, quæ præsentem *Carminiola* defecerant, a *Venetis* recepta sunt, quædam machinis expugnata. *Johannis* ⁴² insuper *Jacobi* ad *Venetos* adventus, asse-

¹⁴³² A rentis *Philippi* opes, & animum eo bello imminutum, multum animi ad gerendum bellum adjecit. At in *Etruria Tolentinis* aucto equitum numero, veniaque a Pontifice, cuius stipendia merebat, impetrata, pecuniis acceptis ⁴³ ad *Florentinos* transiens *Soanam Ursinorum* oppidum profectus, populata maritima *Senensium* regione, *Grossetum* ulque in agrum *Florentinorum* descendens, copiis cum *Micheletto* conjunctis, communique consilio bellum administrans, multa de *Senensibus*, atque omnia ferme, quæ ditionis *Pisanæ* amissa erant, recuperavit. Cum *Toporium* ⁴⁴ pervenissent, ubi plures *Philippi* ⁴⁵ equitum præfecti cum magno equitatu in *Senensium* fines transituri convenerant, hostibusque pugnandi copiam facerent, illi vero haud certandi occasionem oblatam detrectarent, præparatis omnibus pro tempore necessariis, acie commissa ingentibus animis prælium ineunt, eo consilio utrique, ut nisi victoria parta non discedant. Non majori itaque odio, nec majoribus viribus ad eam diem tanto bello in *Etruria* pugnatum. *Philippi* tamen exercitus quamvis numero superior, magna accepta strage, victus fugatusque est. *Bernardinus* ⁴⁶ dux, *Antoniusque Pontadereus* equitibus supra mille amissis fuga saluti consuluerunt; haud multo post, cum victor exercitus ad *Pontis Adheræ* oppidum proficisceretur, nullo cum labore eo potitur.

39. Obscuris ortus parentibus. Colono patre natus prope *Carminiola* oppidum, unde illi cognomen inditum, cum antea *Franciscus Bussi* appellaretur. *Jovius, Elog. Vir. Illust. & Albertus* in sua Italia. *Chief. Hist. Pedem.*

40. Ad maximam gloriam. *Philippo* *Mediolani* imperio ejus opera restituto. *Genua* per eum capta. *Brixia* *Venetis* acquisita, &c. Vid. *Bugat. Hist. Univ. lib. V.*

41. Tribus ex senatorio ordine patritiis. Duobus tantum, nempe *Georgio Cornelio*, & *Marco Dandulo*. *Petr. Justin. Hist. Ven. lib. VII.*

42. *Johannis* insuper *Jacobi* ad *Venetos* adventus. *Montisferrati* *Marchionis*, qui *Alpes* transgressus per *Taurinos* in *Germaniam*, dein *Venetias* se contulit, ut *Venetorum* auxilio ditionem a *Piccinino* sibi occupatam recuperaret. *Agnel. Maff. Hist. Mant. lib. V.*

43. Pecuniis acceptis ad *Florentinos* transiens. Anno superiore ad *Florentinos* transferat *Tolentinis*, a quibus Pontificis auxilio adversus *Columnenses* missus, pace facta ad priores dominos reverti negabat, nisi eodem ac *Micheletto* *Cotignola* stipendio conductoreretur. Quo impetrato, pro *Florentinis* stetit.

44. *Toporium*. In agro *Volaterrano*.

45. *Philippi* equitum præfecti *Antonius Pontadereus*, præfectus *Vicensis*, & *Bernardinus* a *Carda*. *Malavolt. Hist. Senen. p. III. lib. II.*

46. *Bernardinus* dux. Seu *Bernardinus* a *Carda* ex *Ubaldinorum* gente, qui a *Florentinis* ad *Philippum* defecerat, summa ingrati animi nota, cum ab ultimo ordine ad summum militare imperium ab eis evectus fuisset. *Ammirat. Hist. Flor. p. I. To. 2. lib. XX.*



POGGII BRACCIOLINI,

Florentini,

HISTORIARUM FLORENTINI POPULI LIBRI SEPTIMI EPITOME.

Post illata, acceptaque a Florentinis damna, Sigismundus Imperator Roma a Pontifice coronatur. Pax variis agitata sermonibus, tandem cum Vicecomite, Venetis, Florentinisque componitur. Eugenius Pontifex, Roma amissa, Florentiam ignotus petit. Nicolaus Piccininus hostes apud Imolam fundit. Lu-

A censum in Florentinos bellum. Luca obsidio. Pax fit, sed a Philippo violatur. Piccininus in Gallia adversa fortuna utitur. Verona ab eo capta, & a Francisco recuperata. Vitelliscus Patriarcha in carcerem conjicitur, ibique moritur. Piccininus in Etruriam exercitum ducit.

LIBER SEPTIMUS.

1432



INTER hæc Imperator Sigismundus cum e Germania Romam profecturus, Philippi¹ exhortationibus in Etruriam descendisset, Lucæque plurima illius promissa frustra expectaret (asseru-
verat namque inter cætera suis, cum copiis, opibusque ad urbem deducturum) Hungari, Boemi, Germanique equites, peditesque ad duo millia, qui eum sequebantur, cum Florentinum² ducem patentibus, apertisque campis in propinquo castra habere audissent, lectis ex omni equitatus robore sexcentis, additis præterea Lucensibus auxiliariis, portis egressi, hostes improvise invadunt. Unus maxime præ cæteris ætate, & viribus ferox audendum aliquid memoria dignum arbitratus, admotis equo calcaribus magno impetu ad tentorium ducis profectus, ut paludamento insigni ornatum aspexit, Michelettum esse pro certo existimans, clavam ferream ingenti spiritu elatam in caput ejus demisit. At ille subito, insperatoque hoste haud territus, cum præsertim galea caput tectus nulla ex parte læsus esset, in barbarum repente conversus, eum gladio transfixum obtruncat. Milites repentino tumultu perculsi, arreptis armis in barbaros feruntur: dissipatos pluribus interfectis in fugam vertunt. Id Sigismundus cum non sua culpa factum excusasset, post duos menses pacato similis, & Pontifici, ac Florentinis infensus Senas petit: cum tamen ante ejus profectionem corruptis segetibus, ac plantis ad unam succis, omnis Lucensium ager igni ferroque, nulla belli crudelitate omissa, a Florentinis in ejus conspectu vastatus esset. Tenebant ad eam diem Senenses castella, quæ in Valle Ambreæ ceperant, in quæ oppidum erat mu-

B nitum, quod Caput Silvæ appellant, proditione captum in finibus Vallis Arni superioris, unde variis hostium incursionibus ex propinquis locis in dies præda abducebatur. Suaserant Imperatori Senenses, ut arma adversus Florentinos sumeret. Ille imparatus bello, ut qui pacem præfetulisset, suis si qui vellent Florentinos oppugnandi arbitrium permittit. Quidam ad tuendum id oppidum accessere: plures in arce, cui nomen est Castellina (octo millibus passuum a Senis ea abest) simulata proditione deprehensi pœnas dedere: multi occisi sunt: plures truncati membris suæ temeritatis testes Senas reversi. Quinque menses jam Senis degerat Sigismundus, cum missis³ ad Eugenium legatis, qui de se coronando agerent, certis⁴ conditionibus inito foedere, Romam⁵ mense Januario proficiscitur, anno secundo & trigesimo supra mille quadringentos. Locus ipse postulare videtur, posteaquam Sigismundi mentio incidit, ut paucis de hoc novo Imperatoris coronandi more differamus. Coronabantur⁶ prisco tempore laurea corona, qui ob devictas bello urbes, aut subactas provincias, exercitusque hostium fugatos, ac cæsos a Senatu, vel ab exercitu Imperatores appellati triumphabant. Qui mos ab antiquis Romanis servatus amissa quoque libertate a tyrannis, quos Cæsares aut Imperatores appellabant, retentus est: ideoque & ipsi ter quaterque, aut amplius se Imperatores dictos gloriabantur; idque summæ dignitatis loco monetæ inscribi mandabant. Eam coronam prisca illi triumphales viri ob virtutem meriti diebus solemnibus, aut ludis publicis honoris gratia gestabant. Cæsar⁷ ipse Dictator gestandæ singulis diebus laureæ jus a senatu impetravit. Carolus Magnus apud Latinos ob ejus⁸ in sacrosanctam Romanam Ec-

1432

1. Philippi exhortationibus. Mediolani commorantem Sigismundum ferreo diademate coronandum, ut in Etruriam transiret, a Philippo sollicitum putarem. Sed Pigna lib. VI. de Princ. Atest. refert, Philippum in oppido se usque ad ejus discessum continuasse, nullamque inter eos officiorum consuetudinem intercessisse.

2. Florentinum ducem. Michelettum de Attendulis.

3. Missi ad Eugenium legatis. Episcopo Curienti, & Guaspere Schlik Cancellario.

4. Certis conditionibus. Se venturum Viterbium ad Pontificem cum propria duntaxat familia; fidem suam Pontifici ex consueta Cæsarum formula præstiturum; ditionem Ecclesiasticam non invasurum, & alia quæ in Rayn. Ann. Eccl. ad ann. 1433.

5. Romam mense Januario proficiscitur. Pridie vero kal. Ju-

nias a Pontifice coronatus est. S. Antonin. p. III. Tit. 22. lib. X. §. 1.

E 6. Coronabantur, &c. qui ob devictas urbes. Sic ob Græciam servituti ereptam Phocioni nihil quicquam præter coronas publico decreto datum. Pascalius de coronis lib. I.

7. Cæsar ipse dictator, &c. Calvitie ambitionem regens. Ex omnibus decretis sibi a Senatu populoque honoribus non aliud aut recepit, aut usurpavit, quam jus laureæ corona perpetuo gestande. Sueton. in ejusd. Vita.

8. Ob ejus in Romanam Ecclesiam & Pontifices merita. Subegerat enim Desiderium Langobardorum Regem, qui Ecclesiæ urbes occupaverat, & Constantinum fratrem Pseudopontificem tuebatur. Cotofrid Viterb. Chronic. part. 17. & Joann. Linturius Chronic. Germanic. lib. VII. in To. 2. Pistorii.

1432 Ecclesiam, & Pontifices merita adeptus imperium primus, & a Romanis dictus est Imperator, & a Leone Pontifice coronatus; atque hinc nova coronandi a Pontificibus Imperatoris consuetudo est exorta. Qua vero 10 corona Carolus, & qui ab eo manarunt, usi fuerint, incertum. Duo autem, quos ipsi, coronati, vidimus, Sigismundus, ac Federicus auream coronam margaritis gemmisque distinctam semicyclo supra caput in crucem reflexo per Eugenium, ac Nicolaum Pontifices apud Divi Petri Basilicam capiti impostam ad Lateranensium sacras aedes euntes, redeuntesque ingenti pompa, apparatuque veste sacerdotali gessere. Inolevit autem usus, vel abusus potius, ut ante coronationem Romanorum Reges, postea vero Imperatores dicantur, quasi minoris fuerit Regem esse, quam Imperatorem. Quæ summa, ac barbara perversitas dicenda est: nam Regium 11 antiquissimum nomen est, & apud Romanos, dum liberi erant, propter Tarquinii superbiam execrandum; Imperatorium vero in libera civitate consuetum, ac laudabile, cujus gloria plurimi fuere nobilitati: neque post actum triumphum id nomen residebat, sed hi viri triumphales appellabantur. Marcus Cicero orator, ut innumerabiles præteream, Imperator est ab exercitu dictus, cujus triumphus belli civilis clade impeditus est. Hæc scripsi, ut plane constet quantum distet hæc fucata nullam ob rem præclare gestum coronatio ab illa vera, quæ alicujus singularis in bello virtutis gratia concedebatur. Nam eligendi Imperatoris nova extat inventio, & a Gregorio 12 Quinto ex Germania oriundo Pontifice maximo anno salutis tertio ac millesimo ad inventa: quæ consuetudo Italorum ignavia ad hanc diem perseverat. Nunc ad institutum revertamur. Post Sigismundi ex Lucensium agro discessum Florentini coactis in unum copiis instructoque exercitu, Senensium fines ingressi, incensis villis, agris vastatis, præda hominum, pecorumque ingenti abacta, ac omni circa urbem ora devastata, ita ut nihil quod usui esse posset integrum relinqueretur, Caput 13 Silvæ obsidione cingunt. Quod cum acriter multis in locis oppugnaretur, tandem post sexagesimum diem pluribus utrinque magna edita cæde amissis, desperato subsidio, salute impetrata receptum 14. A Genuensium 15 vero exulibus accepta a Venetis classe, orientale litus, nonnullis expugnatis oppidis, rapinis, incendiisque afflictum, Ligurumque naves triremibus tribus tempestate in Siculo freto absumtis in patriam reversæ. At in Gallia Venetorum fortuna cum belli ducibus immutata. Bordellanum, quod præsentē Carminiola defecerat, vi

A expugnatum, deletumque prodicionis poenas dedit. Romanengum præterea, ac Fontanella opulentissima castella admotis castris recepta. Suncinum deinde exercitus ductus difficiliorem præbuit expugnationem. Admotæ bombardæ, ingentesque machinæ murum undique diruerunt. Oppidani, & simul milites defendendi causa eo missi pro muris aggeres præaltos, & fossas profundas, quibus tutarentur oppidum, instituerunt. Crebra erant undique prælia: ad hæc variis tormentis in oppidum saxa emittebantur, adeo domos ditturbantia, ut sub dio habitare cogerentur, multique lapidum ictu cadebant: faucii præterea plurimi erant, & ob eam rem rariores coibant ad defensionem: malo tandem coacti post secundum obsidionis mensem se se dederunt, ea tamen conditione, ut milites omnes secure abire cum suis bonis permitterentur. Arx deinde munitissima brevi tradente 16 eam custode recepta est. Inter hæc Ferrariensis 17 hortante Philippo Venetias profectus, Senatum multis verbis, rationibusque ad concordiam cohortatus, cum animo haud alieno a pace viderentur, id egit, ut legatos 18 ad se Ferrariam mitterent, apud quos pacis, ac belli arbitrium esset. Missi & a Florentinis Pallas Strotius equestris ordinis vir insignis, Petrus Beccanassius, Johannes Eugubinus Jureconsulti, ac Nero Dietisalvius. Mediolanenses 19 quoque oratores evocati. Dum altercationibus variis apud Ferrariensem res tractata Venetorum ambitione protrahitur, interim multis præliis in convallibus circa Bergomum, Brixiam, Comum pugnatum est; pluraque oppida a Venetis capta, ac Georgii Cornarii culpa haud parva clades in Valle Tulina accepta est; in quam cum magna equitum, 20 ac peditum manu majoris audaciæ, quam consilii dux incautius progressus, neque locis neque hostibus exploratis, a tergo, & a fronte clausus profligatus est, equitibus mille & ducentis amissis, cum vix trecenti 21 per difficilia loca hostium manus effugissent, & ipse, & quinque 22 equitum præfecti absque certamine capti in Piccinini potestatem devenere. Ea res Senatum movit, ut Franciscum Principem Mantuanum belli ducem crearent, qui, mense Decembri accepto exercitu cum Canonica Vallem Guelforum auxilio recepisset, in propinqua oppida milites in hiberna distribuit. Pax interim variis agitata sermonibus tandem Ferrariensi 23 pro amico, atque arbitro se gerente, tertio ac trigesimo post mille quadringentos anno, Aprili 24 mense firmata est: conditiones dictæ, ut Philippus Glarea Abdus (id nomen regionis est) oppidisque, ac locis cederet; quæ de Brixienfi, Bergomenique ditione post pacis mentio-

1433

9. A Leone Pontifice coronatus. Quem a Romanis in carcerem conjectum pontificiæ sedi restituerat.

10. Qua vero corona, &c. incertum. Aurea corona coronatum asserit Joannes Linturius in Append. ad Fasciculum Temporum Werneri; nec non Urtisius Fragment. Hist. Anonymi, qui ait hoc contigisse anno Chr. DCCC. in ejusdem natali die ante altare B. Petri.

11. Regium antiquissimum nomen. A Nini usque temporibus, qui Assyriorum Rex erat.

12. Gregorio V. ex Germania oriundo. E Saxonia, patre Othone; Bruno antea vocatus fuit. Sanctionem (ait Plat. in ejusdem vita) hic retulit de eligendo Imperatore, nempe solis Germanis licere Principem deligere, qui Caesar, & Romanorum Rex appellaretur; Augustus vero, & Imperator, si eum Romanus Pontifex confirmasset.

13. Caput Silvæ obsidione cingunt. Palantes Florentini ad oppidum accessere, imparatum occupare putantes, sed Petrus Turcus arcis custos, agrestibus undique collectis, eos adortus, partim occidit, partim cepit, vexillumque ipsum ereptum in arcem detulit. Malavolt. Hist. Sen. lib. II. p. III.

14. Receptum. Opportune quidem, nam eo vix recepto, duo peditum millia cum sexcentis equitibus ipso Sigismundo duce auxilio venerunt. Ammirat. p. I. To. 2. lib. XX.

F

15. A Genuensium vero exulibus. Baptista Fulgoso, seu Fregoso, exulum ductore juvante, Veneti Genuæ portum subeunt. Uberr. Foliet. Hist. Cen. lib. X.

16. Tradente eam custode. Pecunia corrupto, ut Blond. Flav. Dec. 3. lib. V.

17. Ferrariensis. Nicolaus.

18. Legatos ad se Ferrariam mitterent. Fantinus Michael a Venetis missus.

19. Mediolanenses quoque, &c. Philippi nomine Franciscus Gallina Ferrariam adiit. Petr. Justin. Hist. Ven. lib. VII.

20. Equitum, ac peditum manu. Cum tribus militum millibus Cornarium ingressum, Piccininus ab eo antea pene subactus, nihil tale putantem aggressus est. MS. anonymi apud me.

21. Vix trecenti. Via sibi per medios hostes facta, audacioris mortem effugere. Ibid.

22. Quinque equitum præfecti. Thaddæus Arestinus, Cæsar Martinengus, Italus Foro-Julianus, Baptista Capitius, & Antonius Martinascus.

23. Ferrariensi pro amico, atque arbitro. Nullum a Venetis Ferrariensi arbitrium permissum, sed eo ut amico usi sunt, qui Venetias ter se contulit ut Senatum adiret.

24. Aprili mense. Die octavo Aprilis. Pigna de Princip. Arest. lib. VI.

1433 tionem²⁵ cepisset, ablataque a *Montisferrati* Principe singula restitueret, ageretque cum Duce *Sabaudie* societatis²⁶ jure, ut ab eo capta redderentur, utque *Palavissinus* pro socio a *Philippo* haberetur: *Etrurie* omnis imperio abstineret: infra *Pontremolum*, *Mutinen*emque agrum non exercitus mittere, aut quicquam sibi vindicare posset; nec ullum foedus, aut amicitiam novam sociis inisciis inire. *Florentinorum*,²⁷ *Senensium*que belli tempore utrinque occupata ad priores dominos ad trigessimum diem redirent: ni restituerentur, jus salque esset ea repeti bello, cui *Philippus* nullum auxilium præstaret. *Loysius* quoque *Vermius* paternum imperium, quod in *Placentino* agro majores sui tenuerant, recuperaret. Captivi²⁸ omnes liberi essent; *Lucenses* vero quæ fervente bello amiserant, receptis oppidis, libertate fruerentur. *Plumbini*²⁹ Regulis suis contentus rebus acquiesceret, neque ullam in societatem præterquam *Florentinorum* venire liceret, utque cuncta a sociis, ac foederatis bello capta redderentur. His legibus confecta pace,³⁰ ac die certa ei comprobandæ præfixa, cum viderentur res diutius quieturæ, *Italia*que confecta diutino bello respiratura; *Mediolanensis*, vir mobilis, ac in eadem sententia minime perstans, insita rerum novarum cupiditate bella ex bellis ferendo, per speciem *Francisci* ad *Brutios*, & in *Apuliam* mittendi, ut quæ hæreditario jure tenebat, contra *Alfonsum* Regem tueretur, *Picenum*³¹ omne de Pontifice occupat, armisque sibi vindicat. Ex quo secutum est, ut altero post factam pacem anno desciscitentibus³² ab eo *Philippi* opera *Romanis*, ex urbe³³ clam abire, & mari *Florentiam* *Eugenius* petere cogeretur; qui *Bononiam*³⁴ primo, postmodum *Ferrariam* profectus, *Florentiam*³⁵ ad *Græcorum*³⁶ Concilium celebrandum reversus est, quo tempore multa adversus illum a *Philippo* tentata, alienoque³⁷ nomine, atque auspicio, ne foedera violasse existimaretur, acta sunt; cumque *Bononienses* auctore *Baptista Cannetulo* ab eo descivissent, Pontifexque, ut eam urbem recupe-

A raret, copias tum suas, tum *Venetorum*, *Florentinorum*que *Nicolao Tolentino* duce in eos misisset, signis collatis, cum acriter pugnatum³⁸ esset, nostri a *Piccinino*, qui cum *Philippi* exercitu sociis opem laturus accurrerat, superantur, tribusque equitum millibus amissis, Dux *Tolentinas*³⁹ *Mediolanum* captivus abducitur. Tandem cum naturæ repugnare difficillimum esse animo verberet, nullusque locus diverticulis, ac simulationibus relictus esset, otio maxime infensus ad apertum profilivit bellum. Nam post *Genuensium* defectionem, qui *Thoma*⁴⁰ *Fregosio* eorum Duce auctore anno pacis factæ secundo ab eo desciverant, cum urbis recuperandæ facultas, spesque adempta foret, *Piccininus* ex *Parmensi* agro in *Tusciam* cum tribus equitum millibus descendit, *Severan*amque, quod oppidum *Genuenses* nullo⁴¹ jure tenebant, vi cepit. Exinde pluribus captis, atque direptis castellis *Lucam* contendens, pacem abrumpere cives invitos coegit, nonnullaque ab eo in *Pisano* agro oppidula nullo obistente hostili more vastata. Quo timore compulsi *Florentini* *Franciscum*⁴² quem magna ex parte suis opibus sustentabant, ex *Piceno* evocatum in *Pisanos* cum exercitu, ut eorum fines ab hostium incurfione salvos præstaret, mittunt. Simulabat *Piccininus* C se regnum petere *Neapolitanum*, quo *Alfonso* Regi auxilio esset, transitumque *Arni* fluvii parabat, quo *Florentinorum* agros popularetur; prædixerat enim militibus stipendia postulantibus, se in eam regionem illos ducturum, in qua ex prædæ copia facile ditarentur. At *Franciscus* cum in *Etruriam* venisset, citeriorem fluminis ripam observans, omnes aditus, ne qua hosti pateret transitus, præcludebat. Ille ea spe ductus, cum bimestre in eis locis consumpsisset, *Lucam* reversus in rerum omnium inopia hyemem transegit, eo consilio, ut *Baptista Fregosio* subsidio esset, pollicenti se fratrem urbis imperio spoliaturum, si præstituto tempore exercitum ad urbem admo-
D veret. Quæ res successisset⁴³ profecto, fortuna res novas moliente, nisi civium conspiratio Thomam

25. Post pacis mentionem. Dictum est supra, dum *Ferrariæ* de pace ageretur, *Venetos* cum *Piccinino* congressos.

26. Societatis jure. Nec non affinitatis, quippe filiam ejus uxorem duxerat.

27. *Florentinorum*, &c. Omnia *Pisanæ*, & *Volaterranæ* ditionis oppida *Florentinis* redderentur.

28. Captivi omnes liberi essent. Omnes restituti præter *Georgium Cornelium*, qui morbo ex dolore animi contracto post initam pacem decesserat. Ad *Venetum* Senatum legati *Bartholomæus Imperialis*, & *Franciscus Gallina* a *Philippo* missi, qui hoc jurejurando affirmarent. MS. ibid. licet eum veneno sublatum, ejusque epitaphio in S. *Helenæ* ædesculpto confirmet: referat *Petr. Justin. Hist. Ven. lib. VII.*

29. *Plumbini* *Regulus*. *Ludovicus*.

30. Confecta pace, &c. Ad pacem *Venetos* compulso ait *Corius* initio p. III. quod copiarum duce careret, *Carminiola* sublato. Quod sane quam falsum sit, cum *Poggius*, tum ceteri omnes scriptores ostendunt. *Franciscus* enim *Mantuxæ* Princeps in *Carminiolæ* locum suffectus fuerat.

31. *Picenum* omne occupat. Fraudulenter, iactans sibi a *Basileensi* Concilio, ut *Ecclesiasticam* ditionem occuparet, in itinere mandatum fuisse. *Rayn. Ann. Eccles. To. XVIII. ann. 1433.*

32. Desciscitentibus ab eo *Philippi* opera *Romanis*. *Nicolao Fortebraccio Columnensium* auxilio misso qui pontem *Milvium*, & portam *Flaminiam* occupaverat. Ibid.

33. Ex urbe clam abire. S. *Benedicti* veste indutus una cum *Valentino* monacho navicula per *Tiberim* delatus, sagittisque appetitus ad *Hostiensem* turrim appulit. *Blond. Dec. 3. lib. V. & Plat. in ejusd. Vita.*

34. *Bononiam* primo. Se ab *Hostia* Civitatem veterem delatum, deinde *Pisas*, & *Florentiam* narrat ipse Pontifex in *Epist. ad Joannam Siciliæ Reginam*, nec non in sequenti ad *Basileenses* apud *Rayn. To. 18. ann. 1433.* Nullam vero in his sui per *Bononiam* transitus mentionem facit.

35. *Florentiam*. Ingressus est nono Julii die.

36. Ad *Græcorum* Concilium celebrandum. Quod antea *Ferrariæ* incæptum pestis causa *Florentiam* delatum est. In eo

de *Græcis* *Romanæ* *Ecclesiæ* conciliandis agebatur, qua de causa *Joannes Palæologus*, & *Josephus Constantinopolitanus Patriarcha* *Florentiam* se contulerunt.

37. Alienoque nomine, & auspicio. Nempe *Basileensis* Concilii nomine, & *Fortebraccii* auspicio.

38. Cum acriter pugnatum esset. Nullum hoc neque incruentius, neque magis pudendum prælium. Quatuor in eo tantum occubuerunt, triginta leviter vulnerati, tres vero equites, & mille pedites capti. *Petr. Justin. lib. VII. Ammirat. lib. XX. & Laurentius Spiritus Perusinus in Poemate De gest. Nic. Piccinini. lib. II. cap. 53.*

Qui non si fece mai per niuno conto

Voltersi colle spade ad fur difesa;

Ma ciaschuno a campare, e fugir pronto.

39. *Tolentinas* *Mediolanum* captivus. Suo munere egregie functus cum timore perculso retinere nequiret, in adversam fluminis ripam tranavit, ubi equo dejectus, armorumque pondere oppressus, captus fuit. *Ammirat. ibid.*

40. *Thoma Fregosio* auctore. Defectionis auctor *Fregosius* haud esse potuit, cum patria exularet, sed primores *Genuensium* ad eum *Sergianæ* morantem misisse qui ad civitatis libertatem recuperandam accenderent, refert *Ubert. Foliet. Hist. Gen. lib. X.* *Poggius* vero auctorem appellat, eo quod ipsi auctoritas a primoribus demandata fuisset. Causa defectionis, nimium acre *Philippi* imperium, & nimis contumeliosum, victoriæ præsertim in *Alphonsum* ab ipsis paratæ & lucro, & gloria fraudantis. *Franciscum Spinulam* defectionis auctorem vult *Pigna lib. VI. & Petr. Justin. lib. VII.* una cum *Sabellico*.

41. Nullo jure tenebant. Restituendum enim erat *Thomæ Fregosio* juxta pacis condiciones. *Ammirat. Hist. Flor. lib. XX. p. 1087.*

42. *Franciscum*. *Sfortiam*.

43. Quæ res successisset. Publicas ædes occupaverat *Baptista Fregosius*, absente fratre; sed *Thomas* civium auxilio fultus fratrem comprehensum, quem capite plectendum omnes distabant, humaniter dimisit, pietate injuriam ultus. *Ubert. Fol. lib. X.*

1437 mam tutata, Baptistam ex urbe eiecisset. Quo tempore *Nicolaus* relicta *Etruria Genuam* magnis itineribus contendit. Ea discessione *Franciscus*, castellis quæ de *Pisanis* perdita erant recuperatis, agrum *Lucensem* populabundus ingreditur, atque omnia ferro, & igne perturbans prius ferme 44 deperdita *Lucensium* oppida cepit, quam *Nicolaus* ad ferendam opem rediret. Is enim ex *Liguribus Parmam* ingressus, dum reficiendis militibus, parandoque commeatu, quo fame laboranti ubi subveniret, diutius immoratur, cives in extremum fere discrimen perduxit. Nam *Florentini* post pacem ab eis interruptam, *Nicolai*que discessum ad omnes urbis portas lignea excitaverant castella, quibus & cives exitu, & externi importatione frumenti privarentur. Munierant insuper loca, & montanos saltus, ex quibus *Piccininus* obsessis opem ferre posset. Erat in urbe præfectus 45 unus *Philippi* cum ala equitum, & peditibus trecentis a *Nicolao* urbis præsidio relictus, qui in tanta rerum omnium inopia versabatur, ut sæpius sit ab eo de tradenda urbe cogitatum. Sed venturi quamprimum auxilii data spes, tum multorum legatorum cohortationes, quos ad diversa loca pro impetranda pace destinarent, ne animo deficerent impulere, suadentes, ut nulla recusarent incommoda, cum præsertim difficultates omnes quantumvis graves potiores servitute essent. Præparato tandem commeatu *Nicolaus* per montes asperos *Lucensis* oræ, inter *Pontremolum*, *Serezanamque* descendit. Cum autem *Franciscus* omnes ferme ad urbem aditus tum fossis, tum vallis, captis nonnullis humilioribus castellis, præclusisset, *Nicolaus* ad oppidum *Bargam* divertit tum loci natura, tum defensoribus munitum. Id positis castris cum obsideret, militesque nil hostile timentes (xxx. enim passuum millia *Franciscus* aberat) custodias obirent negligentius, maximam prope cladem accepit. Nam missus a *Francisco* cum levis armaturæ peditatu præfectus 46 incompósitos de improvviso adortus hostes, & simul qui in præsidio oppidi erant ex composito 47 portis egressi, maiorem quam pro numero tumultum excitare. Aspera dimicatio fuit: tandem fusi, fugatique *Nicolai* milites: *Ludovicus* 48 adolescens *Mantuanus* filius, qui custodiæ castrorum præerat, accepto vulnere captus est, reliquus exercitus facto globo, armis sumptis suis auxilio occurrit. Præfectus, direptis quæ paratiora ad manus venerunt, ad *Franciscum* cum *Ludovico* rediit. Obsidio postmodum ab hostibus relicta. Instabant apud *Florentinos Veneti*, ut quando *Luca* in eorum potestatem procul dubio ventura esset, *Franciscus* ad se mitteretur, ut additis copiis flumine *Abdua* ponte juncto *Mediolanensem* agrum depopularentur: fore, ut Dux propinquo fatigatus bello curam servandæ *Lucae* abjiceret. Verum cum id impetrare nequivissent, id enim tentari opinio pervaserat, quo *Lucenses* obsidione liberarentur, ipsi suis viribus fabricato ponte exercitum traducere parant; quem procul dubio transmississent, nisi maxima vis aquæ continuata procella cælo missa rem disturbasset. Paratis omnibus, ac ponte curribus con-

A vecto, cum ea regione, quæ *Bergomensis* agro propinquior est, cum firmare decrevissent, præfectum magni animi 49 virum cum equitum turma nando in ulteriorem fluminis ripam evadere jubent, ut illius auxilio pons attolleretur. Is itaque lintribus pedite superimposito flumen ingressus, impetuque omni aquæ superato, diluculo in terram expositis copiis, cum nulla daretur facultas inundatione aquarum, quas nocturnæ pluviae in immensum excreverant, palos, aut trabes in alveo sistendi, lembique pene aquarum gurgitibus absorberentur, ac nullus illorum usus esse posset, lucente vero die fama vulgata esset transisse flumen hostes, omnis generis 50 hominum facto concursu, coactus est præfectus, ne suos proderet hosti, salutem nando quærere, neque enim a suis flumine disjunctis ullum auxilium poterat ferri. Præmissis militibus omnibus, cum partim trajecisse aquam, partim absorptos gurgitibus vidisset, ipse ultimus 51 flumen ingressus equo natante ad suos pervenit. Fabricandi pontis spe præcisa, *Veneti* cum a se renovatum contra Ducem bellum cernerent, *Mantuanum* belli ducem designatum in regionem *Glareæ Abdue* traducere exercitum mandant, atque eo loci sita oppida expugnare. Quod cum subito præsensisset *Nicolaus* a *Philippo* redire iussus, confestim relictis rebus cæteris, quarta die cum ad *Padum* pervenisset, integrum diem eo trajiciendo moratur; tertiis mox castris in hostium venit conspectum. Qua illi re commoti in loca palustria, ad quæ unicus erat aditus, se contulere, omni pugnandi facultate hosti ablata; inde pabuli difficultate compulsi, motis castris apud oppidum *Bulgeriam Bergomensis* agri confedere. Hos montibus superatis adortus *Nicolaus*, pulsus loco *Veneti*, ad sexcentos 52 armis, commeatu, reliquisque rebus exercitui necessariis onustos currus intercepit. Conspicantes *Veneti* eorum consilia secus ac rati erant cecidisse, & *Nicolaum* viribus superiorem, rursus a *Florentinis* petunt, ut *Franciscum* in *Galliam* rebus suis subsidium contra *Piccininum* mittant: quod cum difficile factu existimarent, ob frequentem famam quæ in ore omnium versabatur, id quæri, ut obsidione *Luca* liberaretur, neque in rem *Florentinam* esset, tam longe talem ablegari belli ducem, impetrarunt, ut *Regium Lepidum Franciscus* peteret, ac *Parmensem* 53 (quo defendendæ illius urbis causa *Nicolaus* ab oppugnatione *Bergomi* evocaretur) popularetur agrum. Ceperat enim, demolitusque erat nonnulla de *Bergomo* castella, acriter incumbens urbis illius expugnationi. Sed cum nosset *Franciscum* *Regium* petiisse, timens *Philippi* rebus, e vestigio *Parmam* relicto *Bergomo* concessit, majore Ducis copiarum parte ad se eo convenire iussa: fabros præterea lignarios plurimos, currus, ac jumenta pontibus ligneis, scalis, commeatuque ferendis accommodata ferens, palamque jactitans se ad solvendam obsidionem *Lucensem* iter sumpturum. Hoc apparatu territi *Florentini*, cum *Veneti* egere, ut *Franciscum* *Lucam* reverti permitterent, quo facilius *Nicolao* obsisti posset; quod *Veneti* facile concessere, satis sibi factum

exi-

44. Prius ferme deperdita. &c. cepit. Excepto Castelleone, ut Blond. Flav. lib. VIII. Dec. 3.

45. Præfectus unus. Philippus Nazareus.

46. Præfectus Petrus Brunorus.

47. Ex composito portis egressi. Noctu de præfecti adventu moniti oppidani sub ortum solis in hostes prosiluerunt.

48. Ludovicus adolescens Mantuani filius qui, &c. Cupiditate gloriæ ductus ad Piccininum confugerat Ludovicus, & dum Franciscus ejus pater Venetorum imperator erat, hic adversus eum militabat; ex quo adeo exarsit Franciscus, ut eum exhaerederet, ne Veneti se autore filium hoc egisse

F opinarentur, memor recentis Carminiolæ eventus. Baptista Sacchius vulgo Platina Hist. Mant. lib. V.

49. Magni animi virum. Gattam Mellitam.

50. Omnis generis hominum facto concursu. Ludovico Severinate duce, cui illius oræ cura demandata fuerat.

51. Ultimus flumen ingressus. Horatii Coelitis exemplo.

52. Ad sexcentos. Quingentos tantum enumerat Blondus lib. VIII. Dec. 3.

53. Parmensem, &c. popularetur agrum. Licet a Venetis conductus Sfortia, in Philippum pergere negabat; se enim cum eo scedere inito teneri dicebat, ne Padum transiret.

1437 existimantes, belli molem a se in *Tusciam* translata. *Franciscus* igitur superato per *Mutinenfes* montes *Apennino* *Lucam* rediit. Secutus diversis itineribus *Nicolaus* montium qui interjacebant jugis appropinquavit. Quamvis autem peditatu plurimum posset *Franciscus*, tamen veritus tum hostis versutias, tum varias rerum vices, intercedebat, obsepibatque interim loca singula per quæ *Nicolaus* transitus daretur: quo tamen tutius obsisteret hosti, augeri a *Florentinis* copias suas enixe postulavit. Sed cum nulli essent in promptu equites, a *Venetis* petunt, ut *Guidantonium* 54 *Manfredum* cum equitibus quingentis *Francisci* auxilio mittant. At is odio adversus *Venetos* concepto cum jam missionem postulasset, re facile concessa ad *Franciscum* transiit, qui auctis copiis, & a *Florentinis*, & a *Venetis* præteriti temporis merita stipendia (pari enim 55 sumptu fuerat conductus) poscebat. A *Florentinis*, quam primum ei satis est factum. *Veneti* ob denegatum antea ad se *Francisci* aditum indignati, decreverant nulli, exceptis qui in *Gallia* militarent, stipendia præbere; ideoque variis adductis causis, cur nihil ab eis, nisi certa conditione deberetur, multa 56 adversus eum oblocuti sunt: quæ altius quam quisquam ratus esset, in pectus hominis descenderunt. Hæc omnia cum plures existimarent, idque haud ambiguum esset eo spectare, ut *Franciscus* ira percitus obsidionem solveret, *Florentinique* turpiter rejecti ea urbe, quam summis viribus, & infinitis sumptibus oppugnant, minime potirentur, semperque pro augendo illorum imperio ex antiqua consuetudine decertarent, cum *Francisco* his difficultatibus adducti agunt, ut donec *Venectorum* erga se voluntatem de solvendis pecuniis, cæterisque rebus perfectam haberent, postulata differret. Namque ille paulum commoto animo turbatus, quæ a *Venetis* debebantur, a *Florentinis* petierat, signaque reconciliati cum *Philippo* animi præ se tulerat, oratoresque ejus ad se missos præter opinionem benigne exceperat, & humaniter eos allocutus nullam neque verbis, neque nutu similitatem, aut odium adversus eum ostendebat. Missus itaque confestim ad *Venetos* civis amplissimus, summa prudentia, & virtute insignis *Cosmus Medices*, ad id munus potissimum electus, tum quia in Republica præstans, tum præcipue acceptus 57 *Venectorum* Duci, multisque civibus summa benevolentia conjunctus, quo potissimum oratore rem communem absque difficultate cum *Venetis*, ac *Francisco* transigi posse sperabant. Is *Venetias* profectus variis rationibus summa cum prudentia in Senatu differuit: Ita illius 58 fidem promereri, qui omnibus posthabitis maximo rerum suarum incommodo Regium profectus esset, ut a *Piccinino* securi salutis sue consularent, ut promissa, ac

A debita stipendia recipiat: Nihil majore reprehensione in privato, nedum in tanta Republica dignius, quam datam fidem fallere, & jusjurandum, quod ita sanctum apud majores fuerit, ut sacramento tantummodo in maximis Reipublicæ periculis contenti fuerint: satisfecisse se jamdiu *Francisco* secundum fœderis formulam: id unum restare, ut quod promiserint (nisi perfidia notari velint) exsolvant: Periculum esse maximum, ne veluti contemptus transitionem ad *Philippum* faciat, qua sola re haud dubium esset illius fortunam, opesque impostorum firmiores, ac superiores fore. At *Veneti* dominandi cupiditate elati, ac jam tum *Italiæ* imperium sibi animo despondentes, ut qui *Florentinorum* opibus parvo tempore *Tarvisium*, *Brixiam*, *Bergomum* pluraque opulentissima oppida in *Gallia* de hostibus cepissent, ægreque ferrent bellum non nisi in *Gallia* geri, quo jure belli capta illis cederent; ad hæc *Lucam* in potestatem nostram redigi permolestè ferentes 59, sociorum vero damna pro nihilo ducentes, amicitias pro utilitate penantes, & aliorum bonis invidentes, fidem, ac legati cohortationes contempserunt: qui indignatus legationis suæ & fidei haud habitam rationem *Ferrariam*, ubi *Eugenius Græcorum* Concilium tenebat, revertitur. Missus subinde *Venetias* & alter orator *Julianus Davanzatus* equestris ordinis postulatum eadem quæ *Cosmo* fuerant mandata, responsum 60 redditum esse contumelia plenum, veluti in sociorum contemptum renuntiavit: Nuptiarum 61 apud se tempus esse, quæ dies amplius quindecim suspensos cives tenerent: difficile esse festos dies civitate agente aliquid peragi. Interea *Piccininus* nequicquam *Apennini* transitu tentato, comœatu quem *Lucam* comportaturus erat, carrisque omnibus *Castilionem* (id oppidum de *Lucensibus* in *Apennini* jugo situm est) missis, agrum *Mutinensem* petit per *Bononienses* fines, aut per *Flaminiam* in *Etruriam* descensurus. Inde *Bononiam* versus iter ingressus ad *Eugenium* mittit, qui petant, ut sine injuria, & maleficio per loca *Romanis* Pontificibus subjecta transire liceat. Quod cum impetrasset, spem dedit *Eugenio* certam se contra *Franciscum* exercitum ducturum, ut illius 62 tyrannide oppressa provincia tandem Pontifici restitueretur. Fide utrinque publica interposita, *Nicolaus Bononiam* prætergressus pacato similis, ut ne vestigium quidem ullum belli extaret, positis apud *Indicem* fluvium via *Flaminia* castris, cum fingeret se in *Etruriam* trajecturum, *Astorgio Manfredum* cum duabus equitum turmis ad oblidendum *Oriolum* 63 *Florentinorum* in *Flaminia* oppidum præmissis, ipse e vestigio secutus oppidum vi expugnatum hostili more diripuit. Desperato *Venectorum* auxilio 64 *Franciscus* anno octavo ac trigesimo post mille quadringentos jam antea tentatam cum *Philippo* concordiam firmat, haud ab-

54. *Guidantonium Manfredum*. Plures ductores *Venetis* indignatos asserit *Blondus* *Pauli Throni* verbis, qui eos ad Senatum partim negligentia, partim perfidia accusavit; unde multorum defectio orta est.

55. Pari enim sumptu fuerat conductus. Licet de fœdere cum *Florentinis*, *Venetisque* in *Philippum* inito, cui *Genuenses* quoque post defectionem accessere, nihil referat *Poggius*; attamen hoc innuere videtur, dum ait *Sfortiam* pari sumptu a *Venetis*, & *Florentinis* conductum.

56. Multa adversus eum oblocuti sunt. Quin immo *Andreas Maurocenus Venetus* ad exercitum legatus *Franciscum* trans Padum pergere negantem publico jussu dimisit. *Corius* p. V.

57. Acceptus *Venectorum* Duci, multisque civibus. *Florentia* exulans *Cosmus Venetiis* tribus annis immoratus, nobilium animos sibi devinxerat. *Ammirat. lib. XXI.*

58. Illius fidem. *Francisci Sfortiæ.*

59. Permolesse ferentes. Immerito *Venetos* objurgat *Poggius*, cum neque moleste tulissent *Florentinos* *Pisas* occupasse, nec auxilium *Senensibus* in *Florentinos* *Lucam* obsidentes petentibus præbuisent.


60. Responsum redditum esse contumelia plenum. Contumeliose loquenti contumeliosum iure responsum redditum est; namque & *Florentinorum* beneficia *Venetis* exprobravit, & exitum rei poenitendum minatus est.

61. Nuptiarum tempus esse respondit. Hoc quidem a *Poggio* confictum arbitror, cum a *Veneti* Senatus gravitate alienum sit. Responsum esse ait *Petr. Just. Blondus*, & *Sabell.* *Venetos* promissa soluturos fuisse stipendia, si promissam *Venetis* operam *Sfortia* navasset; sed cum pro *Florentinis* semper stetit, ab eis stipendia postularer.

62. Illius tyrannide oppressa. *Sfortiam* *Flaminia* *Marchionem*, & *Ecclesiæ Vexilliferum* *Eugenius* declarare coactus fuerat, ut sibi eum conciliaret, quem nimis verendum hostem expertus fuerat. Oblata vero occasione *Piccinini* opera eum subigere studebat. *Rayn. Ann. Eccl. To. 18. Pagina lib. VI.*

63. *Oriolum* seu *Aurcolum*. Castrum agri *Faventini* inter *Faventiam*, & *Mucilum*, 4. pass. mill. utrinque distans.

64. *Venectorum* auxilio. Nempe pecunia.





ALBION'S PROGRESS

1438 abnuentibus *Florentinis*, qui cognita illorum mente, cum res suæ in arcto versarentur, & hinc instaret hostis acerrimus, hinc *Luca* potiundæ ablata spes videretur, propter occulta tum consilia, tum præsidia, quæ illi per suam invidiam suppeditabantur⁶⁵, suafores ejus foederis fuere. Cernebant enim se a fociis præter spem destitutos, solos a *Philippi* copiis oppugnari, & omnem belli impetum in se esse conversum. Foederis leges, nulla de⁶⁶ *Florentinis* publice mentione habita (ut quibus per *Franciscum* cavebatur) variæ fuere: inter cætera, ut ei *Philippus* certam pecuniam intra constitutam diem solveret, tum ut ex *Florentinorum* agro copias omnes revocaret, utque suæ ditionis per hostes capta restituerentur: *Lucenses* liberata bello patria, foedus pacis in decennium cum *Florentinis* firmarent, castellaque, & oppida amissa *Florentinis* cederent; fines eorum intra sextum lapidem includerentur: quos agros, quas possessiones aliis quibuscunque in locis possiderent, optimo jure tenerent: eosque, qui armis alterum lacefferent, se bello persecuturum testatus est, oppugnaturumque pacis violatores. Filia⁶⁷ quoque *Philippi* *Francisco* desponsa. Multa præterea *Francisci* nomine adjecta, quibus nulla in re foederi, quod *Venetos* inter, & *Florentinos* ictum erat, derogabatur. His peractis, cum principibus *Florentini* Senatus aliquo beneficio alliciendi *Lucenses* ad delendam contractam jam animo dominandi suspicionem viderentur, utque omnis præteriti belli memoria aboleretur, paxque aliquo vinculo astricta perpetua esset, *Montis Caroli* oppido decem millibus passuum urbi propinquo, & *Mutroni* portus arce reservata, reliqua omnia jure belli capta foedere icto *Lucensibus* dono dederunt. Magna videbantur inter *Philippum*, ac *Florentinos* reconciliatæ gratiæ jacta fundamenta. Verum animus illius quietem horrens, spretis omnibus, quæ in foedere continebantur, nihil eorum, præterquam de danda pecunia, & revocandis militibus servavit. At *Nicolaus*, cum *Oriolo*⁶⁸ excessisset, idque suo præsidio destitutum *Florentini* recuperassent, in finibus agri *Foroliviensis* castra posuit; inde *Ravennam*⁶⁹, quæ a *Venetis* tenebatur, profectus, cum eam⁷⁰ oppugnasset, deditione⁷¹ tandem facta urbem recepit, relictoque ibi præsidio, *Imolam*, *Forlivium*, *Bononiam*⁷² præter fidem datam prodicione civium cepit. Quæ dum contra *Eugenium* aguntur, *Gattamelata*, vir strenuus, atque impiger rei militaris, *Venetorum* dux est factus; nam *Mantuanus* contracto in *Venetos* odio, quod se veneno eos appetiisse diceret, ad *Philippum*⁷³ desciverat; acceptoque exercitu in agrum *Bergo-*

A mensē profectus, omnibus locis, quæ a *Nicolaus* occupata fuerant, in potestatem redactis, agrum *Cremonensem* (& jam flavescabant fruges) late populatur. Ea re motus *Nicolaus* contractis in unum copiis, præsidioque a se captis urbibus imposito, ipse confestim magnis itineribus *Pado* transmissio, *Casale* majus, agri *Cremonensis* oppidum, quod *Veneti* tenebant, obsidione cingit; unde vigesimo quo oppugnari cæperat die muris, turribus, tormentorum crebris ictibus dirutis, deditibus⁷⁴ se oppidanis recipit. Solicitabat agri *Brixienfis* accolæ *Nicolaus* ad defectionem, intentusque erat, si qua posset arte *Gattam*, qui in ulteriori *Olii* ripa transitum ejus dispositis frequentibus equitum, peditumque stationibus prohibebat, intercipere. Ad removendam transeundi suspensionem, pontem *Bime*⁷⁵ valida arce ab utroque latere munitum comportatis machinis se fingit oppugnaturum. Pluribus deinde diebus in fallendo, si posset, hoste nequicquam consumptis, demum ad id antea in *Pado* præparatum pontem in *Olium* introduxit: navibusque juncto ponte, partem copiarum, quæ *Mantuanus*⁷⁶ jungerentur præmisit: ipse per agrum *Mantuanum* flumen cum reliquo exercitu transire in ulteriorem partem aggreditur, ea spe, ut clam junctis copiis *Gatta* ex improvviso opprimeretur: & successisset res, nisi miles ex hostibus⁷⁷ captus imminens periculum aperuisset. Eo timore *Gatta* motis signis proxima *Brixie* oppida confestim petit. Duodecim passuum millia aberat, cum apud hostes illum in tuto esse præmissi equites nuntiant. *Nicolaus* omnibus copiis *Mantuani* opera trans *Olium*⁷⁸ traductis, omnia ferme *Brixienfis* agri oppida segetes amittendi metu (& kalendæ *Julie* erant) se se illi sponte deditia cepit. *Mons Clarus* tantum, *Urcei*, ac *Palatiolum* in fide manserunt. Tam subito, atque insperato *Gattæ* ad urbem adventu, qui castra⁷⁹ ad quintum lapidem munierat, tum oppidorum defectione conterritis civibus, cum pars exercitus ad custodiendam urbem missa esset, ab diversa civium factione asserente satis ad tutandam urbem sibi solis virium adesse, rejecta est. Duæ factiones *Ghibellinorum*⁸⁰, *Guelphorum*que civitatem distinebant, utrique summa vi postulabant, ut arces sibi custodiendas demandarent. *Guelphi* maxime contendebant id sibi concedi, rationibus præcipue freti, quod diversarum partium viri pro *Philippo* starent: motus itaque varios concitarunt, & haud procul a seditione, & vi aberant, adeo ut ferro rem dijudicatueros appareret, nisi Prætoris *Veneti* virtus (is *Franciscus* erat⁸¹ *Barbarus*, vir prudentia, & eloquentia præditus) sua-

1438

1439

65. Suppeditabantur. A Senensibus.

66. Nulla de *Florentinis* publice mentione habita. Cautum enim foedere cum *Venetis* percusso erat, ne unquam illis inconsultis de pace agerent, eorumque arbitrio starent.

67. Filia quoque *Philippi* *Francisco* desponsa. Blanca, quæ jam illi promissa fuerat, cum adhuc viro matura non foret, ut jam adnotatum est præcedenti libro. Doris nomine *Deriona*, & *Asta* *Pompeja* datæ. *Corius* p. V.

68. Cum *Oriolo* excessisset. Una cum præsidio. Noluit enim palam ejus deditionem facere. *Mutlanenses* hoste vacuum *Florentinorum* nomine occuparunt. *Blond. Flav. Dec. 3. lib. VIII.*

69. *Ravennam* quæ a *Venetis*. Nondum a *Venetis*, sed ab *Hostasio* *Polenrano* tenebatur, cum ea *Veneti* potiti sint anno tantum MCDXLI. ut *Desiderius* *Spretus* lib. III. de magnitudine, excidio &c. *Ravennæ*, & cum eo *Rubeus* *Hist. Ravenn. lib. VII.* refert.

70. Cum eam oppugnasset. *Venetis*, qui auxilio venerant, resistentibus.

71. Deditione tandem facta. Ab *Hostasio* invitis civibus, & tribus aureorum millibus *Piccinino* persolutis. *Rubeus* ibid.

72. *Bononiam*. *Donatiana* porta potiti *Bentivolienses* *Piccininum* introducere.

73. Ad *Philippum* desciverat. Non veneni suspicione, ut ipse distabat, sed eo quod summam imperii auctoritatem uni illi non permisissent, sed duos *Provisores* addidissent, quibus inconsultis nihil agere posset. Ita refert *Baptista Sacchini*. *Venetis* ceteroquin non satis æquus, *Hist. Mant. lib. V.*

74. Deditibus se oppidanis. *Veneto* præsidio in triduum abire concessum est.

75. *Bime*, seu *Bina*. Castellum a *Casali* 12. milliaribus distans, cujus arces in utraque *Olii* ripa munitissimæ. *Blond. Flav. Dec. 3. lib. VIII.*

76. Quæ *Mantuanus* jungerentur. Et si a *Venetis* discedens *Franciscus* *Gonzaga*, se nunquam in eos arma moturum promiserat; contra fidem tamen *Philippo* adhæsit. *Petr. Just. lib. VII.*

77. Miles ex hostibus captus. *Beretha* *Gotholengensis*, quem *Piccininus* ad *Brixianos* agrestes solicitandos miserat. *Blond. Flav. Dec. 3. lib. VIII.*

78. Trans *Olium* traductis. Patefactis *Marchariæ*, & *Carneti* pontibus, quos *Mantuanus* tuebatur.

79. Castra ad quintum lapidem. Ad *Balncolum*.

80. *Ghibellinorum*, *Guelphorum*que. Quarum principes *Martinengi*, & *Avogari*.

81. *Franciscus* *Barbarus*. Cum de tanto viro scriptarum rerum *P. Bracciolinus*. M rum

1439 suadendo, hortando, monendo, pericula ostentando omnem compressisset tumultum. Non enim utile civitati asseverabat, neque id præsens tempus postulare, ut altera factio, velut invisa, ac suspecta a custodia urbis rejiceretur. Excitari enim perniciosum incendium, si parte civium contempta, reliqui servandæ urbis curam susciperent: dari profecto ex ea suspitione cæteris causam defectionis. Difficillimum in rebus dubiis esse, tum externos, tum maxime domesticos evitare hostes: magistratui ergo urbis sine cuiusquam injuria, aut contumelia, & ex *Veneti* Senatus dignitate custodiam permittendam videri. Quod cum cives assentirentur, suscepta rerum omnium cura Prætor, dissidentes animos variis sermonibus confirmat: novis⁸² præterea conjungit matrimoniis, quo præcipue pacto cum in fide perstarent cives, Prætoris virtute saluti urbis provisum est. *Gatta* cum inter⁸³ *Mincium* amnem, & lacum *Benacum* teneret exercitum, illumque a suis intercludere omni ope *Piccininus* conaretur, eo consilio, ut aut liberior proxima quæque loca facile expugnaret, aut præcis commeatibus hostes fame conficeret; junctis copiis, ac in unum⁸⁴ contractis, copiam pugnandi facturus, mature *Nicolao* occurrit. *Clesius* fluvius, qui admodum excreverat, inter exercitus, certe majori odio, quam viribus prælium inituros, certamen diremit. Dum hæc aguntur, *Mantuanus* cum quatuor millibus equitum, peditumque in castra *Nicolai* venit. Commoti tanto hostium numero *Veneti*, simul veriti, ne qui ex eorum præfecti ad *Mantuanum* deficerent, parte exercitus per municipia distributa, reliquas⁸⁵ copias *Brixiam*, ut illius urbis præsidio essent, reduxerunt. Quæ ex re præbita *Nicolao* facultate quo vellet castra circumferendi, multa oppida de *Venetis* tum suo ingenio, tum partium⁸⁶ studio recipit. *Mantuanus* vero inter *Athesim*, *Mincium*que *Veronensis* agri castella plurima nullo labore capit. *Vasilium* custodis arcis prodicione occupat. *Johannes Malavolta Senensis*, *Venetorum* equitum præfectus, cum prodicionis ignarus cum trecentis equitibus intrasset oppidum, amissis equitibus, solus atque inermis *Brixiam* rediit. Paucos deinde post dies in ulteriorem oram *Veronam* versus ductis militibus, omnia ejus regionis castella triduo in potestatem nullo obsistente redigit. *Montani*⁸⁷ insuper complures, qui variis inhabitabant convallibus, gens mobilis, atque inconstans, transiere ad *Philippum*. Missi tamen a *Venetis* eo nonnulli præfecti⁸⁸, & quidam contrariæ factionis viri, exsultantes victoria hostes magna edita cæde fuderunt. Alia in parte *Nicolaus Clario* opulento oppido deditione populi potitus, sexcentos equites cum præfectis⁸⁹ ad ejus loci custodiam missos cepit, spoliavitque, inde *Roadum* duxit: quo cum

A *Gatta* celeriter venisset, signis collatis inter utrumque exercitum ab ortu solis ad occasum usque æquo⁹⁰ Marte pugnatum est. Nox inter fessos labore prælium diremit, incertos victine, an victores abirent. Cum terrestri bello impares *Philippi* copiis essent *Veneti*, classẽ, quam maximam ferebant tempora, parare in *Pado* adversus *Mantuanum* decernunt: quo discrimine percussus ille ad sua tutanda revocaretur, & simul ut cæteris in fide perstantibus augeretur animus. Ei classi, quæ centum & sexaginta quatuor navium explebat numerum ad varios belli usus fabricatarum, dux *Petrus*⁹¹ *Lauredanus*, vir ea tempestate & pace, & bello clarus, præficitur: has naves majores, sexaginta aliæ minores secutæ sunt usui necessaria ferentes. Ingens erat⁹² classis apparatus, tum variis machinis, tum omni tormentorum genere ad expugnanda oppida, five terra, five aqua decertandum foret. Redeunti ad *Roadi* obsidionem *Nicolao* & ipsius oppidi, & aliorum⁹³ complurium paucos intra dies ultro deditio est facta. *Venetorum* copiæ, duce *Gatta*, majore ex parte *Brixie* moram trahabant. Ob eam rem parabat obsidere urbem *Nicolaus*, consilus eam se per inopiam commeatu fame expugnaturum. Quod timentes *Veneti*, cum *Gattæ* facultatem novos conscribendi milites dedissent, quibus *Piccinini* vires retardari possent, decrevere, ut *Gatta* cum majore equitum parte quo posset itinere *Veronam*⁹⁴ peteret, utque in ea, atque aliis urbibus opportuna disponderet præsidia. Noctu igitur cum quinque electorum virorum millibus urbe egressus ad *Mincium* venit, tentaturus, si quo daretur modo, flumen vado transire: quod cum diversis in locis quæreret, *Mantuani* milites per stationes fluvii ripam observantes cum ad arma visis hostibus conclamassent, territus ille, retroque, ne intercepteretur⁹⁵ ab hoste, versus, tanta celeritate *Brixiam* contendit, ut die noctuque haud intermissio itinere, nullum neque quiescendi, neque cibi capiendi concederetur, spatium. *Nicolaus* desperans urbem fame ad deditionem compelli posse, frequenti præterea militum numero munitam, difficilem præbere expugnationem, exercitum ad oppugnandos *Urceos* novos duxit. Quatuordecim diebus in ea oppugnatione frustra consumptis, nullaque per vim illius potiundi spe proposita, præfecti⁹⁶ equitum, cui ea custodia demandata erat, prodicione oppidum recipit. Magnam ea res *Brixien-sibus* desperationem incussisset, nisi *Francisci Barbari* virtus & antea principum civitatis animos invicem conciliasset, & tunc conjurationem ad se delatam non vindicando, ne irritarentur civium animi, sed cavendo, ac dissimulando declinasset. Cum suaderent omnes *Gattam* cum equitatu, peditatuque pro defensione urbis retinendum, solus *Franciscus* patriæ salutem, ne defensoribus nudata

1439

pa-

rum fama celeberrimo nullus ex cœvis scriptoribus siluerit, nihil insuper addam iis, quæ in Poggii Vita perscripti.

82. Novis præterea conjungit matrimoniis. Dissidentibus affinitate conjunctis, nec non Paride Ludronio præpotenti viro Leonardi Martinengi opera Petro Avogaro conciliato.

83. Inter *Mincium*, &c. Apud Bidiciolum, a Benaco, Mincio, & *Brixia* æquali distans spatio.

84. In unum contractis copiis. Hoc est militum non minus vigintiquinque millibus, in quibus duodecim millia peditum a Barbaro auxilio missa. Blond. Dec. 3. lib. IX.

85. Reliquas copias. Quas *Gattæ* auxilio missas diximus superiori nota.

86. Tum partium studio. Salodium Benaci præcipuum oppidum a Pedemontanis Philippo traditum. Blond. Flav. ibid.

87. Montani insuper complures. Camonica Vallis Antonii a Beccharia impulsu exciti.

88. Nonnulli præfecti, &c. Joannes Contes, Bartholomæus Colleoni, & Leonardus Martinengus cum montanis suæ factionis hominibus.

89. Cum præfectis. Guerrerio Martiano, & Michaeli Gritti.

90. Æquo Marte pugnatum est. Quamvis *Piccininus* ad montana dispositis militibus in *Gattam* pugnantem nec opinatum impetum fecisset, nihil tamen territus exercitum contulit. Blond. Flav. Dec. 3. lib. IX.

91. *Petrus Lauredanus*. Qui de Genuensibus victoriam retulit.

92. Ingens erat classis apparatus. Fulse narrat Pigna de Princip. Atest. lib. VII.

93. Et aliorum complurium. Bomadenses, Paterniani, Monticulani, Guglanenses, Orniani, Brienfes, Tropienfes *Piccinino* se dedere.

94. *Veronam* peteret. Thaddæi Atestini fidei ac virtuti *Brixia* commissa. Baptista Sacchius Hist. Mant. lib. V.

95. Ne intercepteretur. Ignaviam suam sapius accusavit *Piccininus*, qui prædæ intentus hostem evadere permisisset. Vit. Nic. Piccen.

96. Præfecti equitum. Petri Lucensis CC. equitum præfecti. Blond. Flav. Dec. 3. lib. IX.

97. In-

1439

pateret hosti, cæteris præferens rebus, illum hortatus est, ut modico relicto præsidio reliquas copias, non qua prius tentarat via, sed per montes, superatis propinquis paludibus, *Veronam* traderet. Quam sententiam ut meliorem secutus ille per montes asperissimos, infestosque ⁹⁷ hostibus, *Tridentum* versus, perque saltus præcipientes, & pene invios quatrinduo profectus, cum pluribus in locis ferro via facienda esset, tandem pluribus præliis circiter octingentis equitibus amissis, labore ingenti, continuoque *Veronam* pervenit: quæ res plurimum ad confirmandos civium animos contulit. Interim cum maxima omnium expectatione classis parata esset, timens ⁹⁸ rebus suis *Nicolaus*, *Ferrariensis*, incertus enim erat quos primos esset appetitura, duo millia ⁹⁹ equitum, quingentos pedites adversus externam vim, si qua ingrueret, conduxit, *Eugenii*que ¹⁰⁰ Pontificis, qui tum *Ferrariæ* erat, opera restituto *Rovico* ¹ cæterisque ejus regionis castellis, quæ ad quadraginta ² annos pignoris titulo *Venetis* possederant, foedere renovato ad illos transiit. At classis ingressa *Padum*, dum moratur diutius, quam belli gerendi ratio poscebat, *Mantuanum* tempus datum est ea loca, quibus classis obesse poterat, muniendi, ac præsidio firmandi. Castellis enim egregie juxta aquam munitis, ingentibusque palis, catenis colligatis juxta ripam triplici ordine defixis, quibus navium ad terram accessus impediretur. Ad hæc frequentibus propugnaculis castellisque in oportunis locis distributis, ex quibus in continentem prohiberetur discessus: arce præterea *Hostilia* in *Padi* ripa, ³ *Sermione*que fluviali oppido omnibus artibus, tum defixis palis, tum stationibus, tum catenis ferreis ad arcendas naves communis, omnem fluminis suæ ditionis ripam variis referit tormentis. Dum hæc a *Mantuanum* adversus classem geruntur, *Piccininus* per exploratores certior factus *Gattam* procul abesse, oblatam *Brixie* capiundæ facultatem ratus, omni conatu obsidioni urbis incumbens castris prope positus, aquarum ⁴ venis, quibus cives utebantur fucis, fluminibus quoque, & propinquis rivis (quo penuria aquarum animis deficerent) derivatis, tria ⁵ castella oportunis in locis quo facilius esset oppugnatio circa urbem erigit. Erumpebant quotidie cives adversus castellorum custodes, multaque plurimorum cæde, & sanguine edebantur certamina, cum *Nicolaus* gloriæ cupidus, atque in omnes belli eventus summa cura intentus, arbitratus, aut vi, cum pauci milites urbem defenserent, aut fame, aut obsidionis tædio cives se dedituros, omnibus copiis eo contractis, simul magna agrestium coacta manu, ad hæc variis machinis, bombardisque ⁶ comportatis urbem undi-

A que obsidione cinxit. At præfectus equitum *Brixie* *Thaddæus Estensis* vir impiger, ac bello utilis, & Prætor ⁷ *Franciscus*, in quibus urbis defensio stabat, reductis in ordinem militibus, descriptoque per centurias populo, eruptione ⁸ facta cum in fugam hostes qua venerant, vertissent, magna strage edita in urbem redeunt. Quo veluti contemptu indignatus *Nicolaus* aucto militum numero, cum crebriores bombardas, quibus mœnia turesque deicerentur disposuisset, pluribus insuper in locis varia tormenta, ac machinas ad prosterneudos urbis muros collocasset, paucis diebus adeo frequentibus ictibus quassati, ac confracti sunt ut desperata salute cives de deditone cogitarent. Sed Prætoris diligentia singulis in locis præsidia præfectosque distribuentis, ad defendendam patriam urbem, Uxores, liberos, fortunas, templa, nominatim unumquemque appellans hortabatur: eos præterea quorum fides suspecta erat, in ea urbis loca, quorum de fide minime ambigebatur ire ad tuendam urbem jussit, tamquam ibi majori futuros utilitati. Qua prudentia factum est, ut omnes in fide præstantes uno animo obsidionis laborem, cunctaque pericula subituros se pro salute patriæ sponderent. Pluribus diebus aspera prælia cum hoste sunt commissa, quibus utrinque cadebant permulti: cum enim magna murorum pars machinis dejecta esset, ex ipsis ruinis cum hoste cominus pugnabant cives, quod illis aliquandiu maximo labori, ac discrimini fuit: nam præter labores, ac vulnera quæ interdum pugnando subibant, noctu instaurationi murorum absque ulla quiete vacandum erat, & desperatio quædam mentes eorum inceserat tamquam lassitudine adductas. Sed fœminarum ⁹ virtus virorum vices subeuntium, plurimum profuit ad salutem: ipsæ enim viris permixtæ in opere versabantur, asperissima quæque pro patriæ salute subeuntes. Verum cum ea res haud satis firmo præsidio esset, aggere densissimo qui pro mœnibus esset ab interiori parte, murorum altitudinem adæquabant. Cuniculi quoque in urbem ab hoste acti, sed nullo cum civium detrimento: ipsi simili opere conatibus ostium occurrentes, igne, fumo, ferro eorum labores irritos reddiderunt. Tentata præterea a *Nicolao* alia ratio capiundæ urbis; nam murorum ¹⁰ partem a fundamentis defossam versus civitatem propellere, ac per eas ruinas urbem ingredi parabat. At præfecti ad singula intenti animadverso hostium opere, civium militumque opera, lignis, ac trabibus impulsam supra hostes murum in ruinam egere. Quo casu multi mortales ex hostibus oppressi interierunt. Compertum est fœminarum potissimum operam plurimum in defendenda urbe valuisse.

1439

97. Infestosque hostibus *Tridentum* versus. Ab Alexandro Mazoniæ ex Polonorum Ducibus Tridentino Episcopo, Fridrici III. Imper. avunculo, montani homines in Venetos concitati, ut Philippo gratiam rependeret, qui Ripam Tridentini juris jam occupatam libere Episcopo concessisset. Jan. Pyrrhus Pincius lib. III. de Vitis Pontif. Tridentinorum.

98. Timens rebus suis *Nicolaus*. Venetos jure sibi inensos metuebat, quod ejus impulsu *Franciscus Gonzaga* a Venetis defecisset.

99. Duo millia equitum. Guido Antonio Manfredi conducto, & Borso filio spurio, qui apud *Sfortiam* erat, cum DC. equitibus revocato. Pigna de Princip. Atest. lib. VII.

100. *Eugenii Pontificis opera*. Venetos exorantis, ne armorum terrore Græcorum jam inceptum *Ferrariæ* Concilium dissolveretur, quod Græcus Imperator futurum denunciaverat.

1. *Rovico*. Seu Rhodigio cum ejus Policinio, vulgo *Polefine di Rovigo*.

2. Quæ ad quadraginta annos pignoris titulo, &c. Non XL. sed XLV. annis oppigneratum Rhodigium Venetis tenebant, cum ab anno MCCCXCIV. quo eis datum fuit, usque ad MCDXXXIX. quo restitutum XLV. anni fuerat elapsi.

Scutorum 50. millibus oppigneratum una cum Abbazia, aliisque Policinii oppidis fuerat, restitutum vero est *Nicolao*, non plus decem scutorum millibus persolutis. *Nicolaus Orig. Rhod. lib. II. & III.*

3. *Sermione*que. Seu Sermedo.

4. *Aquarum venis*. Unde aquam in urbem deducebant ad usum & ornamentum.

5. Tria castella. Terra lignisque compacta.

6. Bombardisque comportatis. Quindecim quarum minima ait *Blondus* lapidem trecentarum librarum emitteret.

7. Et prætor *Franciscus*. *Barbarus*, de quo supra, nec non *Christophorus Donatus* urbis Præfectus.

8. Eruptione facta. In Appollonianam ædem, in qua pe-ditatum locaverat *Italianus*. *Blond. Dec. 3. lib. IX.*

9. Sed fœminarum virtus. Brayda ex Avogara gente illustris matrona, in centurias ceteris mulieribus distributis virilem tuendæ patriæ operam navavit. *Corte. Hist. Veron. p. II. lib. XIV.*

10. Murorum partem a fundamentis defossam. Turrem *Mombellanam* jam labantem, fundamentis bombardarum impetu succisis. *Blond. Flav. Dec. 3. lib. IX.*

1439

luisse, magnamque tulisse laudem conservatæ patriæ. Non enim solum viris arma opportuna subministrabant, sed ipsæ etiam armatæ pro viris pugnabant, aut inferentes vulnera, aut repellentes. Locum certe quemdam a civibus labore defessis desperatione quadam desertum solæ occurrentes fœminæ, ac locum tutantes hostes paulum repressere, quoad integri succedentes fessis prælium instaurassent. Non virorum eas, non filiorum, non fratrum, vel interemptorum, vel sauciorum dolor a tutela urbis, aut murorum defensione avertit. Urgebat præterea cives pestis valida, qua plurimi interibant; neque ea quoque animos debilitavit. Placuit ex ea causâ emittere ex urbe voluntarios. Magna, & imbellis multitudo viri, mulieres, puerique urbem¹¹ deseruerunt. Fuit¹² Prætoris & illa haud parva cura, mortuos publica impensa sepeliendi, saucios adhibitis medicis curandi, infirmiores sustentandi, quæ prudentia, pietasque incolas omnes ardentiores reddidit ad certamina ineunda, & accipienda pro tutela patriæ vulnera. Plura a *Nicolaus* licet frustra tentata ad urbem expugnandam (nam aquarum ductus, fistulasque in urbem fluentium interrupit, rivos haud procul ab urbe defluentes deflexit, muros diruit, cuniculos egit, continuis præliis, laboribusque cives, ac milites fatigavit) hominem ira percitum irritarunt, ut omnibus copiis, viribusque per *Turris Mombellanae* ruinam urbem ingrederetur. Commisso acerrimo utrinque prælio, cum patriæ periculum ante oculos versaretur, defendentiumque virtus, & fortitudo obstinatis ad mortem animis audaciam hostium superaret, aliquot horis aspera, crudelique pugna certatum est. Pluribus vulneratis, amplius ducentis ex hostibus desideratis, ex defensoribus ad quadraginta. Omissa eo loci pugna *Nicolaus* ratus oppidanos labore defessos corpora quieti daturus, e vestigio ad aliam¹³ urbis partem oppugnandam cum omni exercitu advolat. Ibi quoque cum diutius aditum frustra tentasset, constanti civium animo, atque egregia opera urbem defendentium, eam oppugnationem reliquit. Peribant ex suis militibus multi, plures vulneribus debilitabantur, ut jam graviter tam molestam, ac diuturnam obsidionem ferrent. Sed persistebat in incepto *Nicolaus*, siquo modo voti compos fieret. Sæpius igitur diversis in locis, quæ commodiora expugnationi videbantur, comportatis variis ad usum capiundæ urbis machinis, asperissima¹⁴ prælia sunt commissa. Sed multis ubique pereuntibus, cum *Nicolaus* equites, peditesque partim sagittis, partim ictu lapidum occisi, contractique, ac prostrati essent, plures e muris dejecti præcipites, sociorum quo-

A que turbam, tum cæsam, tum igni, ac ferventi aqua semiustam conspicerent, sublato clamore Ducem increpabant, qui tot præclaros viros veluti pecora certæ morti nulla cum spe vincendi addixisset: nequaquam se amplius vitæ discrimini incassum obluros testabantur. Itaque tum suorum vocibus, tum desperatione urbis expugnandæ motus relicta (& jam finis mensis Decembris aderat) *Brixia*, exercitum¹⁵ in hiberna distribuit. Octingentos amplius ex civibus, ex mercenariis militibus ducentos, ex hostibus ultra duomillia ea in oppugnatione cecidisse tradunt. Ne tamen omnino ommissa obsessio putaretur *Italianus*¹⁶ cum duobus equitum millibus in captis a se oppidis ad impediendos commeatus relictus, variis excursionibus, nulla ad respirandum quiete data, urbem, atque agros infestis reddebat. Soluta obsidione urbis, præcipua *Venetis* eo comportandi frumenti cura erat. *Nicolaus* quoque ad id maxime instabat, ne quid ad victum spectans deferri posset. Erectis enim frequentibus in convallibus, montibusque castellis, fossis insuper obductis, omnem ademerat devehendæ annonæ facultatem. Conatus¹⁷ est tamen *Gatta* variis artibus, ut in urbem frumenta supportarentur, quæ omnia non absque defendentium detrimento in itinere per *Nicolaum* intercepta sunt. Accepta tamen est apud pontem *Sarchæ* fluvii per *Italianum* clades, qua & præsidium¹⁸ captum est, & filius¹⁹ interfectus: reliqui ad montem cum refugissent, commissa cum *Venetorum* præfectis pugna, profligati sunt. In ea ad mille hominum ex *Philippi* militibus occubuerunt; qua victoria paulum res *Venetorum* est restituta. Postea vero quam obsessis itineribus omnis ferendi subsidii *Brixia* aditus præclusus erat, alia, & difficilior ratio a *Venetis* subveniendi fidelissimæ urbi excogita est. Res profecto ardua, & digna quæ litterarum monumentis mandetur. *Lacus Benacus*²⁰ ex quo *Mincius* fluit, *Veronæ*²¹, *Brixia*que fines interjacet. Ejus²² longitudo triginta millibus passuum, latitudo vero decem protenditur. Extremus angulus ad *Tridentum* vergit: hujus²³ in littore circum plurima sunt oppida castellaque satis opulenta. Ubi *Mincius*²⁴ lacu egreditur, oppidum est *Piscaria Veronensis* agri, quod a *Mantuanano* tenebatur. Ut ergo quæ *Venetorum* ditioris erant expugnarentur facilius, simul ne quæ daretur hosti facultas annonam per aquam *Brixiam* comportandi, plures minores naves per *Mincium* in lacum *Nicolaus*, *Mantuanus*que transfemere. Horum conatibus, ut obstarent *Veneti*, utque urbs in fide conservaretur, triremes duas, pluraque minora navigia per *Athesim* supra *Veronam* ad viginti passuum millia remiulco traxere: in-

11. Urbem deseruere. Quod salubritati, & annonæ plurimum profuit. *Baptista Sacchius Hist. Mant. lib. V.*

12. Fuit pratoris &c. Duo licet Veneti forent, ut diximus, præfides, de Barbaro tantum loquitur, a cujus prudentia & consilio alter minime discedebat.

13. Ad aliam urbis partem. Quæ S. Appolloniæ ædem respicit.

14. Asperissima prælia, &c. Maximum tamen omnium id, quod ad Ravarrotum commissum est.

15. Exercitum in hiberna distribuit. Cum antea quater urbem aggressus esset, ut in *Blondo*, *Platina*, & *Petro Justin.*

16. *Italianus*. *Forojulianus*.

17. Conatus est tamen *Gatta*. Per montes Tridentinorum, sed ab *Italiano* frumenta comportantes obsessi captique cum sarcinis fuerunt. *Blond. Flav. Dec. 3. lib. IX.*

18. Et præsidium. Quod in Ponte constituerat.

19. Et filius. *Italiani* interfectus, & cum eo *Petrus Capotia* equestris ordinis, *Polonus*, *Tridentini Archiepiscopi* copiarum ductor. Hæc autem gesta a *Gerardo Dandulo*, & *Paride Ludronio*. *Petr. Just. Hist. Ven. lib. VII.*

20. *Benacus*. De *Benaco Virgil. 2. Georgic. Fluctibus*, & fremitu assurgens *Benace* marino.

21. *Veronæ Brixiaque fines interjacet*. Eo in loco, cui *Campio* nomen. De quo *Dantes Infer. 20.*

Lugo è nel mezzo la; dove l' Trentino.

Pastore, & quel di Brescia, e l' Veronese

Segnar poria; se fesse quel camino.

22. Ejus longitudo, &c. 35. millium pass. latitudo 19. ut *Jodocus Bergani*, *Monacus S. Zeni*, de quo *Hieronymus* a *Cure*. Utcunque sentiat *Poggius*, & cum eo *Blondus*, *Strabo* 500. stadiorum longitudinem, & 30. ejus latitudinem esse testatur, quorum prima 63. miliaribus, secunda 4. æquivaler: quod aperte falsum quidem nostris temporibus.

23. Hujus in littore. Quo vix tota Italia aliud pulchrius tum odorum suavitate, tum arborum fertilitate, tum variorum piscium copia præcipue: illi autem *Ripa Salodienfis* nomen.

24. Ubi *Mincius* lacu egreditur. Ex *Benaco* *Mincius* effluit, imo *Benaco* ipsi, ubi rapidius fertur, *Mincii* nomen inditum, juxta illud *Dantis Infern. lib. XX.*

Tosto che l'acqua a correr mette cò,

Non più Benaco, ma Mincio si chiama

Fin a Governo dove cade in Pò.

1439

inde ex flumine deductas, junctis turribus machinisque subditis camuleis usque ad lacum²⁵ quendam parvulum montibus propinquum sex millibus terra funibus perduxerunt, eoque naviculæ dissolutis compagibus super²⁶ impositæ turribus sunt convectæ. Est mons²⁷ arduus, asperque, qui lacui imminet, homini etiam inermi ascensu difficilis: magna igitur agrestium operariorumque undique contracta manu cæsis arboribus, effractisque faxis interciso monte amplam quantam triremis esset latitudo maximo labore viam munivere; inde funibus, variisque ad id præparatis ædificiis maximo conatu per mille passus ad summum traxere montis. In eo parva planities jacet, qua facilior navium fuit comportatio. Restabat labor omnium difficillimus, naves per abruptum, præcipientemque scopulum, atque invium ad stadia quatuor deorsum per densas arbores in subjectam planitiem dimittendi. Erat præceps descensus, & præruptus, eoque opus difficilior. Repleta igitur arboribus, ac lapidibus quæ interjecta erat convalle, excisis, & dimotis faxis iter impredientibus triremes paulatim retinaculis demissæ sunt, atque inde in lacum²⁸ protractæ. Multo laboriosiore quam fuerat ascensus, plures difficultates descensum præbuere: Necessesse enim erat dimitti crassioribus restibus paulatim naves ne suo pondere præcipitarentur. Spectandum²⁹ opus, & apud præcos³⁰ illos, quorum facta admiramur maximi extimandum. His in lacum deductis, annona ad aliud littus, indeque jumentis per *Brixianos* montes magna cum difficultate iterum in urbem delata famem sedavit. Quæ ad *Brixie* statum pertinebant compositis, haud ignorabant *Veneti Mediolanensem* numero, & virtute militum superiorem proxima ætate, sicut accidit, *Veronam*, aut *Vincientiam* oppugnaturum: cumque non esset, unde novi milites compararentur, id unum suarum rerum præsidium sperabant fore, si *Franciscus* ex *Piceno* in eorum auxilium accerfiretur; quod propter contractam cum eo in negandis pecuniis debitis offensionem difficile ducebant. Non tamen diffidebant illum ad suas partes trahi posse, *Florentinorum*, quibus amicissimus erat, opera. Verebantur tamen, ne id a *Florentinis* impetrarent, memores quanto cum fastu, & sociorum contemptu nuper & *Cosmo*³¹ & *Juliano*³² oratoribus de communi salute agentibus respondissent. Suppudebat a *Florentinis* orare subsidium, faterique se eorum ope egere. Necessitas tamen pudorem excussit, missoque *Florentiam Jacobo*³³ *Donato* oratore, qui *Cosmo*, *Laurentio*que fratri (hi primarii civitatis habebantur) summa familiaritate conjunctus erat, mandant, ut ab eis,

A cæterisque civibus, qui ad id opportuni viderentur, contendat, dent operam, ut *Franciscus* mature eis subsidio submittatur. Audito legato, cum consultus Senatus esset, ac magna ex parte infida *Venetorum* societas judicanda esse videretur, amicitiaque illorum ut inutilis rejicienda, cum semper ex commodo suo eam pensarent, ac tamdiu in ea perseverarent, donec res propria ageretur, ubi visum esset insciis sociis pacem inirent, & nova fœdera: tamen animo *Philippi* inconstantiam versantes, quem nihil eorum quæ ex fœdere debebat servasse ajebant, haud maximo labore postulatis annuerunt; sæpius enim fidem illius dubiam, & instabilem animum experti victorem contra *Venetos* esse nolebant. Nam si futura ex præteritis pensanda sunt, verosimile erat illis superatis se quoque pro libertate certaturos. *Eugenius*que Pontifex interim ex *Ferraria*³⁴ *Florentiam* profectus, oratoris precibus motus publica interposita fide, se quæ de *Romana* Ecclesia teneret (id enim perebatur) *Francisco* conservaturum, causam fœderis maturandi præstitit, quod in quinquennium his conditionibus firmatum³⁵ est. Ut *Venetorum*, *Florentinorum*que dux unus bellum esset, quatuorque equitum, & duorum peditum millium stipendia³⁶ sibi penderentur. Utriusque insuper Reipublicæ tum conductæ, tum conducendæ copiarum sibi parerent, utque *Nicolaus Ferrariensis* cum mille quingentis equitibus, quorum *Guidantonius* esset præfectus, & *Borsius Nicolai* filius cum equitibus mille simili stipendio sub *Francisco* militarent. Publicato fœdere *Piccininus* arbitratus facile *Veronam* a se capi posse, antequam ei subveniri a *Francisco* posset, coactis in unum extemplo copiis, ut primum per anni tempus licuit, atque a *Benaci* ora profectus, pluribus in locis *Mantuanis* ope *Athesim* traducere exercitum conatus, ac sæpius ab hoste repulsus, tandem ductorum, quibus id negotii demandatum erat, ignavia ponte navibus juncto in ulteriorem ripam evadit. Transgressus flumen, *Limacum*³⁷ primo opulentum oppidum cum aliquandiu summis viribus oppugnasset, facta deditione capit. Eodem modo *Baldum*, plurimaque³⁸ de *Veronensibus*, ac *Vicentinis* castella tum sponte, tum vi in potestatem redigit. Omnibus ferme agri *Veronensis* oppidis potitus una cum *Mantuano* obsidere urbem tum natura loci, tum copiis, tum fide civium munitam statuit; annona tantum, quæ summa erat in caritate, vacuum. Interea juxta *Benacum* fortuna paulum *Venetis* favit. Nam cum *Italianus* magno cum equitatu ad *Madernum* oppidum descendisset, tum *Brixiensem*³⁹ copiis, quæ oppidis *Venetorum* subsidio venerant, tum militibus⁴⁰ quos triremes vexerant occurrentibus, cum ab

1439

OR-

25. Ad lacum quendam. Divi Andreæ appellatum. Blond. Dec. 3. lib. XIX.

26. Super impositæ turribus. Seu vehiculis.

27. Est mons arduus. Ubi *Penetra* Castellum ejus in cacumine situm est, ex quo Monti nomen.

28. In lacum. Benaci.

29. Spectandum opus. A Cretensi quodam, cui nomen *Jarbolus*, excogitatum.

30. Apud Præcos illos quorum facta admiramur. Nempe *Xerxis*, qui *Athon*, *Hannibalis* qui *Taurinum* montem exciderunt; *Augusti Cæsaris* qui naves per medium *Corinthiacum Isthmum* in alterum mare compulit; *Nicetæ Basilii Imperatoris* ducis, qui cæsaris exemplum sequutus est.

31. *Cosmo*. Mediceo.

32. Et *Juliano*. Davanzato.

33. *Jacobo Donato*. Ut *Blondo* placet, cujus causa in errorem tum *Poggins*, tum *Petrus Justinianus* ductus. Missus est enim *Andreas Donatus*, quod *Florentinis* acceptus crederetur, quippe qui ann. MCDXXXIII. apud eos legatus cum esset, *Florentina* civitate donatus fuerat. Ammirat. p. I. To. 2. lib. II. Quin *Blondus* paulo infra non satis memorat, *Andream Donatum*, qui *Venetias* interea reversus, *Patavium* Prætor adveniat. Reversum vero *Florentia* *Andream Donatum*, & *Patavii* præfectum creatum refert *Hieron. Corte*. p. II. lib. XIV.

34. Ex *Ferraria Florentiam* profectus. Ann. MCDXXXIX. XXII. Januarii pestis causa quæ *Ferrariæ* inoleverat, ut *Platina* in *Vita Eugenii*.

35. Firmatum est. Ann. MCDXXXIX. XVIII. Februarii, cui *Eugenius* Pontifex, & *Genuenses* accesserunt, *Simoneta* teste. *Sabellicus*, & cum eo *Atestinarum* rerum scriptores *Nicolaum* quoque adjungunt. Adjungit & *Capponius*, non tamen, ut socium, sed ut ad stipendia vocatum.

36. Stipendia sibi penderentur. 220. scutatorum millia, quorum nonaginta millia *Florentini*, cetera *Veneti* persolverent. *Hieron. Corte* p. II. lib. XIX.

37. *Limacum*, melius *Lemniacum*, & *Portum*, oppida in adversa *Athesis* ripa posita, 24. a *Verona* pass. mill.

38. Plurimaque castella. *Ceretam*, *Sanguinetum*, *Leonium*, *Montembellum*, *Brendolam*, *Pontechium*, *Montorsum*, &c. *Bapt. Sacchius Hist. Mant. lib. V.* & alii apud *Hieronymum* a *Corte Histor. Veron lib. XIX.*

39. *Brixiensem* copiis. *Petro Avogaro* duce.

40. Militibus quos triremes vexerunt. *Petro Zeno*, *Caroli*

M 3 cla-

1439 ortu solis ad vesperam usque dimicatum esset, fusus, fugatusque multis interfectis, & ipse dejectus equo noctis beneficio ⁴¹ evalit. Quadringenti in ea dimicatione capti, in quibus equitum praefecti ⁴² tres haud ignobiles fuere. Haec apud *Veronam*, & *Benacum* principio aestatis vario Marte gesta. At vero *Franciscus* praeparatis copiis, eas ad sex millia erant, *Piceno* relicto per agrum *Ferrariensem* ad vicum ⁴³ quendam tribus passuum millibus antiquae *Adriae* propinquum venit. Inde impedimentis alio itinere praemissis, ipse per ligneos pontes tum in *Pado*, tum in paludibus junctos navibus, adhibitis etiam galeonibus, qui ab hostium incurfu transitum tam variis locis tutarentur, in agrum *Patavinum* ⁴⁴ copias transmissit, quibus in terram expositis, confestim dux belli peritissimus quam primum *Venetorum* praefectos omnes cum ⁴⁵ reliquis copiis ad se convenire iussit, ut juncto exercitu hostem victoria exultantem reprimeret. *Nicolaus* cum *Veronam*, ad motis ad moenia machinis, bombardisque ad muros diruendos, summa vi oppugnaret, audito *Francisci* adventu desperata victoria obsidionem relinquens, ac omni expugnationis apparatu *Mantuam* remisso, ad oppidum *Suavium*, quod in potestate erat, exercitum duxit. Duo erant itinera, quibus *Veronam* adire posset, alterum per montes, alterum per planitiem inter urbem, & montes sitam. Montium transitum arduum reddebant castella, & ea frequentia, quae *Nicolao* parebant. Planitici vero aditum lata impediabat fossa multis munita propugnaculis, turribusque, quinque millibus passuum longitudine in *Suavio* montano oppido in subjectas ad *Athesim* paludes magno auxiliariorum, quos undique conciverat, labore ducta, opus vel apud antiquos commemorandum. Id eo consilio a *Nicolao* factum, ut utraque via prohiberetur *Francisco* aditus ad liberandam obsidione urbem. Erat *Venetorum* exercitus quatuordecim millium equitum, peditum vero sex. *Nicolao* haudquaquam pares erant copiae: quae res metum iniecerat, ne summam belli fortunae crederet. At *Franciscus* *Leonicum* ⁴⁶ oppidum in primis stadiis viginti *Nicolao* propinquum, validoque munitum praesidio, in ejus ferme conspectu obsedit. Cum aspero praelio muros adoriretur, oppidanique rebellionis conscientia ultimum supplicium veriti omnia pericula, tamquam pro vita certantes subirent, plures equites, & in his praefecti duo ⁴⁷ graviter saucii adeo ad iram *Franciscum* commovere, ut ni se dederent, excidium patriae, oppidanis in captivitate adductis, minaretur. Acrius igitur instauratis viribus ad expugnationem intentus, cum nil quietis daretur obsessis, tandem illos desperata salute compulsi ad deditionem, veniam potius ea oblatione sperantes, quam si vi capti forent. Recepto oppido *Franciscus* iradeposita existimans sola clementia ceteros quoque, qui descivissent, illorum exemplum secuturos, omnibus ut parcerent ⁴⁸ militibus indixit. Quae mansuetudo minime sapientem ducem fefellit: parvo enim labore cuncta ferme de *Veronensibus*, ac *Vicentinis* ad

A eam diem capta ad *Venetos* rediere. Cum vero *Suavium* *Franciscus* peteret, comperit *Nicolaum* copias ibi contraxisse, eo animo, ut quacunque, sive planitie, sive montibus hostis *Veronam* pergeret, transitum impediret. At ille, priusquam *Nicolaus* suspicari posset, qua iter esset facturus, juxta montem in loco quem *Rognam* vocant, confedit, missisque *Veronam*, qui milites, ac populum ad invadenda montana castella cohortarentur, ipse per montes, qui ad quindecim passuum millia protenduntur, aciem direxit, expugnatique iter impediuntibus castellis, ac partim direptis, partim praesidiis impositis, *Veronam* nullo hoste obvio proficiscitur. Sed cum in urbe pestilentia ingrueret, transmissio *Athesi* ad tertium lapidem, via qua itur *Hostiliam*, castra mense Augusto locat. *Nicolaus* timens, ne a reditu intercluderetur, incensis propugnaculis, castellisque omnibus in fossa erectis, & ipse *Athesim* transit. Quae ex re *Franciscus* e vestigio ad oppugnandum *Suavium* concessit: quod oppidum, cum aliquandiu summa vi defensum esset, tandem fessi vulneribus incolae una cum praesidio se se dedidere. Eo recepto ad caetera, quae adhuc in *Philippi* perstabant fide exugnanda *Vicentinum* agrum petit. Recuperatis, quae defecerant, locis *Athesim* reversus, ac eodem quo antea loco castris positus, summa ei cura commeatus *Brixiam* convehendi erat. Etenim praeter famem bellumque, quae biennium jam urbem vexabant, accedebat & pestis ingens, singula per se mala perniciosissima admodum terrentia cives. Deferebatur tamen ex *Benaco* per montanas semitas ad cives annona licet pauca, & quae ad alendam urbem minime sufficeret, ex quo, & herbis undequaque conquiritis, & foedis etiam animalibus plurimi sedare famem cogebantur. *Nicolaus* qui castra in plano locaverat, quo iter ad *Brixiam* praec luderet, audiens *Venetorum* naves secundum *Benaci* littus seductas, milites vagos ferri, ac negligentius custodiri omnia, cum paucis equitibus castris egressus ad lacum pergit, coactisque propinquis copiis, nautas, ac milites nil tale veritos aggreditur, commissoque praelio, & naves, & milites omnes praeter paucos capit, quos fuga per montes tutos fecit. Deletis navibus, cum *Nicolaus* in castra revertisset, *Franciscus* ineunte hyeme bidui juxta *Athesim* iter emensus ea, qua naves traductae erant, via ad lacum profectus data opera, ut classis ex materia, quae multa erat littori propinqua, de integro restauraretur, quae brevi tempore constructa plurimo usui fuit, circa lacum, qua parte ad ⁴⁹ *Veronam* vergit, tum *Venetorum*, tum *Philippi* castella plurima inter se partium studio bellantia fere omnia in potestatem suam redigit. Quae re motus *Nicolaus* adverso littore suis auxilio accurrens ad extremam lacus oram quae *Tridentum* respicit, apud oppidum, quod *Ripam* dicunt, parva cum manu confedit, annona *Brixiam* prohibetur. Cum varia utrinque juxta lacum inirentur certamina, demum iusta acie, ac signis collatis pugnatum est diutius. *Nicolai* copiis superatis, fulisque, multi ⁵⁰ capti sunt, plu-

clarissimi illius viri filio eis imperante. Petr. Justin. lib. VII.

41. Noctis beneficio evalit. Salodium petens.

42. Praefecti tres. Nicolaus Guerrerius, Antoninus Trivultius, & Gerardinus Terrius. Blond. Flav.

43. Ad vicum quendam. Ghorium appellatum.

44. In agrum Patavinum. Ad Concas, ut vocant. Petr. Justin. lib. VII.

45. Cum reliquis copiis. Nempe cum duodecim millibus militum, quibus Gatta praerat, Montagnanamque tuebatur.

46. Leonicum. Agri Vicentini oppidum.

47. Praefecti duo graviter saucii. Petrus Brunorus, & Troi-

lus.

F 48. Ut parcerent militibus indixit. Solus adversus omnes scriptores *Pactius Ariminensis*, militibus nihil veritum, asserit.

49. Veronam, &c. A Nicolao Tolentinate, qui praesidio Veronae erat, lignea hostium propugnacula jam capta fuerant.

50. Multi capti sunt. Praecipui Carolus Gonzaga Marchionis filius, Caesar Martinengus, & Sagramorus Vicecomes. Corinus p. V.

¹⁴³⁹ pluresque ad vicina castella, montesque fugere. *Nicolaus* ⁵¹ pro temporis angustia *Turrim* propinquum oppidum ⁵² confugit, ac noctu per hostium stationes clam a *Germano* milite, quem post debilitatum latus semper secum habere solitus erat, delatus humeris, nonnullis conniventibus, periculum evasisse traditur; qui ægre acceptam ferens ignominiam, copiis in unum redactis, *Franciscum* ex ea regione pellere studebat. Quod præfatiens ille, tribus millibus retrocedens loco editiore ⁵³ communivit castra: ita spes in irritum cessit. Cum parum succederent *Nicolai*, prudentis, ac solertis ad omnia ducis, adversus *Franciscum* consilia, relicto lacu cum majori exercitus parte *Veronam*, injecta spe urbem per deditionem recipiendi, redit, ac per arcem, quam *Civitatum* veterem appellant, urbem ingressus, præter arcem ⁵⁴ veterem edito in colle sitam, ac inter alias munitissimam; & pontem illi subiectum, eam omnem in potestatem suam deditibus se civibus redegit. Post *Nicolai* discessum, *Franciscus* cum ascendisset montes, itinere versus *Tridentum* sumpto, montanis quæ desciverant castellis recipiendis intentus accepit *Veronæ* defectionem. Variæ suorum præfectorum, militumque erant sententiæ. Suadebant quidam, abjiciendum esse ejus urbis recuperandæ consilium, & aliarum salutis, custodiæque vacandum: hostes magno numero tenere civitatem, ex qua difficillimum foret eos ejicere: ignotum esse, quo animo cives essent; *Nicolaum* ad omnia præcavenda ducem sagacem, simile veri esse singulos obsesisse aditus, quibus urbi succurri posset: videri satius *Vincentiam* petere ac *Patavium* easque ab hoste tutas reddere. Ab aliis alia tum pericula, tum difficultates adeundi variæ afferebantur, quibus facultas omnis auxilii ferendi præcluderetur: Iter aliqui nivibus, montibusque impeditum afferebant, quibus longum iter consociendum erat. Viam amplius quadraginta millibus passuum interjectam, per quæ loca nedum tantis frigoribus aspera, hyeme, glacie, ac nivibus oppleta, sed ne æstate quidem aditus facilis foret. Quamnam spem dari fatigatis itinere equitibus, equisque, integros quietique deditos superare dimicando? Satis verendum esse, ne urbis jacturæ detrimentum suorum militum adderetur: quæ extrema perniciēs *Venetorum* futura esset. His aliisque multis in eandem sententiam dictis, Dux cæterorum ⁵⁵, suam, *Venetorum*que salutem exposulare dixit, ut quamprimum ad recuperandam ab hoste urbem contenderet: non requirere tempus verborum disceptationem, sed subveniendi celeritatem, in qua omnia reposita viderentur: ubi facto sit opus, nequaquam verba serenda esse. E vestigio itaque cum electis equitibus, peditibusque (& jam vesper erat) per montes coopertos nivibus iter faciens ad primam noctis horam octo millibus passuum confectis parum quieti ⁵⁶ temporis dedit. Deinde ante diluculum, nihil enim ea nocte, aut equi pabuli, aut homines cibi sumperant, longa confecta via in planitiem ad flumen *Atbesim* descendit, vigintique millium con-

A fecto itinere montem ⁵⁷ iterum conscendens, duodecim millium passuum emensa via *Veronam* pervenit. Qui in arce ⁵⁸, quam nondum ceperat hostis, erant, adventu suorum cognito multa lætitiæ ob insperatum subsidium signa dederunt. Qua ex re præfecti quidam hostium moti cum parte exercitus porta ⁵⁹ qua venturus erat *Franciscus* egressi, prælium commisere. Diutius est aspera certatum pugna: urgente tamen *Francisci* milite, ac ardentius pugnante, dare terga hostes compulsi sunt. Immixti victi, victoresque una, prosequente *Francisco*, urbem ingrediuntur; quo tumultu tantus reliquos terror invasit, ut relictis omnibus usui necessariis, quæ in urbem comportarant, confestim quarto post captam urbem die, veriti ne ab hostibus intercluderentur, simul paucitate militum, & adversantibus civibus eam se tenere posse diffisi, cum omnibus copiis *Piccininus*, *Mantuanus*que noctu ⁶⁰ abierunt. Recuperata *Verona* *Franciscus* (qua jure *Venetorum* status est conservatus) adversariorum prædam (multa enim per varia loca nihil adversi suspicantes reliquerant) militibus suis in instaurationem eorum, quæ veniendo amiserant, distribuit. Sunt qui opinentur, voluntate, atque opera *Philippi*, ne in *Mantuani*, cui ex fœdere si capta foret debebatur, ditionem veniret, urbem fuisse amissam: maluisseque redire ad hostes civitatem tam amplam, quam illius viribus accedere. Id certe suæ voluntatis indicium haud parvum fuit, omnibus suis equitum præfectis circa *Brixiam* gerentibus bellum mandasse, ne fines *Brixien*ses egrederentur, aut *Nicolao* parerent: se enim inconsulto *Veronam* aggressum esse. His gestis *Franciscus* ad *Benacum* reversus ad reficiendas de integro naves, quibus *Brixien*ses ab inopia frumenti sublevarentur, enixius operam dedit; accitis operariis, ex materia propinqua haud priore inferior classis instauratur, quæ ad frumenta comportanda, & ad ejus regionis tutanda oppida plurimum opis tulit. Montes inde ad *Brixiam* pertinentes ascendens, plura quibus transitus commeatus ferentium impediatur, castella recuperavit. Animadvertens autem *Nicolaus* summis defendi *Brixiam* viribus, majorique omnium rerum diligentia, neque expugnandæ civitatis duce ⁶¹ *Francisco* spem dari ullam, consilium sumpsit in *Etruriam* adversus *Florentinos* transcendendi. Tradunt nonnulli id *Philippi* factum voluntate, ut *Johannis Vitelleschi* Cardinalis, quem Legatum Pontificis secum contra *Florentinos* conspirasse ajunt, copiis jungeretur. Alii ea mente in *Etruriam* transisse ferunt, quo *Franciscus* opem *Florentinis*, relicto *Venetorum* bello, cogeretur ferre. Et id verisimile videbatur, cum equitibus peditibusque ad *Franciscum* missis, pauci admodum in *Tuscia* milites forent. Annus erat salutis supra quadagesimum millesimus quadringentesimus cum *Nicolaus* assumptis selectorum equitum, peditumque millibus quinque, *Februario* mense trajecto *Pado* reficiendis macie confectis equis, *Placentino*, *Par-*

1439

1440

^{51.} *Nicolaus*, &c. Sunt qui *Nicolaum* ab equo dejectum, captumque asserant, sed ex industria dimissum. *Ammirat. ibid.* Alii sacco involutum militis humero, tanquam sarcinam, extra hostium castra delatum referunt. *Laurentius Spiritus* *Perusinus* in Poemate de gestis *Nicolai Piccinini*, cui titulus *Novus Mars*, lib. II. cap. 57.

Fecesi dentro un sacco per huom morto

La nocte trare fuor molto nascoso

Portato di lontan per fino al porto.

^{52.} *Turrim* propinquum oppidum. Non *Turrim*, sed *Tien-nium*, ut *Corius*, *Blond.* *Hieron.* a *Corte*, *Ammirat. Plat.* &c.

^{53.} Loco editiore. Montibus *Ripæ* oppido imminentibus. *Blond. Flav. Dec.* 3. lib. X.

^{54.} Præter arcem veterem. Et præter *S. Felicis* arcem, in

quam *Veneti* præfecti *Antonius Diedus*, & *Victor Bragadenus* se receperant. *Cort. Hist. Veron. lib. XIX.*

^{55.} *Cæterorum*. Hoc est aliorum fœderatorum.

^{56.} *Quietis* temporis dedit. In pago *S. Ambrosii*, in quo frigoris vi multi militum periere. *Ammirat. lib. XXI.*

^{57.} *Montem* iterum conscendens. Ut tutiori ab hostibus via, utpote magis aspera milites traderet.

^{58.} *Qui in arce*, &c. In arcibus, ut ex superiori nota.

^{59.} *Porta*, &c. Quæ *S. Felicis* arcem respicit.

^{60.} *Noctu* abierunt. *Porta S. Crucis* egressi *Vigassum* petierunt, relicto *Joanne Gonzaga Mantuani* Principis fratre, qui tragula circa *Felicianam* arcem ictus, occubuerat. *Petr. Just. lib. VII.*

^{61.} *Duce* *Francisco*. *Barbaro Brixie* Præfecto.

1440 mensique agro paulum substitit. Lento postmodum gradu (nam navibus itinera asperrima, & pene invia reddebantur) mense Martio copias Bononiam⁶² perduxit: statuerat vero ante profectiorem, quo quique præfecti loco bellum pro Philippo gererent. Quosdam enim Brixiam armis infestam reddere, alios obsistere circa lacum hostibus, nonnullos Veronam, quo Franciscus missis in hiberna copiis hyemandi gratia concesserat, continuis populationibus iussit laceßere. Sed major rerum moles, quam præ se ferret Nicolaus, Florentinis parabatur: in ipsam enim Florentinam urbem, in ejus libertatem evertendam insidiæ quærebantur. Erat tunc in urbe Roma cum exercitu Johannes⁶³ Cardinalis Patriarcha Alexandrinus, Pontificis Legatus, summo in Florentinos Venetisque odio, sed adeo Pontifici carus, ut omnium Romanæ Ecclesiæ populorum imperium teneret. Odii causam præbuere millia aureorum viginti antea Cardinali ea conditione data, ut Apenninum cum suis copiis transfret, opem sociis contra Philippum laturus. At ille accepta pecunia, Florentinis, ac Venetis præter datam fidem contemptis, animum ad obsidendum Fulginium convertit: quam urbem diutius obsessam proditione⁶⁴ civium cepit. Hanc injuriam questi apud Pontificem sociorum legati ad iram, atque odium Patriarcham concitarunt. Augebat insuper iram indignatio in Franciscum, a quo e Piceno ejectus erat, concepta; quem belli ducem factum gravissime ferebat. Per internuntios autem clam Pontifice cum Philippo inito fœdere postulavit, ut Nicolaus posthabita Brixia ad expugnandum ipsum belli caput veniret. Florentinis nullos, præter admodum paucos milites adesse, neque dari unde novi conscriberentur. Haud magno negotio improvisam urbem vel posse opprimi, vel datum iri exulibus redditum in patriam. Permulti enim erant, qui contra Venetos Duci faverent Philippo: sibi quatuor millium equitum, duorum peditum exercitum esse. Si Nicolao jungeretur, haud dubiam in manibus victoriam fore. Vulgata, & an vera incertum, fama est, si ex voto res cessisset, illum subactis Florentinis, & Eugenio per occultam mortem sublato, Pontificatum sibi vindicaturum. Quicumque tamen ejus fuerit animus futurus, fœdus certe cum Philippo ab eo sancitum de inferendo Florentinis bello, quod interceptis⁶⁵ literis compertum, maturandæ Patriarchæ mortis causam præbuit. Nam quorundam opera, quibus & patriæ, & Pontificis salus erat cæteris antiquior, quo die urbem exhibat, in ponte juxta Adriani sepulchrum captus⁶⁶, atque in arcem vulnere⁶⁷ accepto perductus, aliquot post dies expiravit. Eodem fere tempore & Patriar-

A cha præmiserat exercitum, ipse paulo post secuturus, & Nicolaus quamvis iniquo anni tempore Bononia Flaminiam petens quædam⁶⁸ de Florentinis capta castella Guidantonio Manfredi tenenda dedit. Existimans vero jam tempus adesse, quo Apenninum superaret, per saltum, quem divi Benediti incolæ dicunt, transitu frustra tentato, paulum regressus per Vallem Amonis fluvii, quamvis nives plurimæ, quas per loci accolæ submo-
B veri jubebat, essent impedimento; ubi Marradi⁶⁹ castellum Florentinorum militibus firmatum erat, pervenit: quo in loco facillime propter montium asperitatem aditu prohiberi poterat. Nam unica tantum, & ea arcta via accessus patebat, ni varii generis milites præsidio⁷⁰ saltus positi audito Nicolai adventu adeo pavore consternati essent, ut vix hoste conspecto relicta loci custodia in præcipitem fugam versi liberum aditum hosti dedissent. Dejecto Florentinorum præsidio, & Apennino superato, in Mugellum descendit, castellumque parvulum Politianum obsidens, aliquando ibi stativa habuit, multisque ab eo frustra præliis est oppugnatum. Erant cum eo Florentini exules, quorum consilio utebatur, permulti, quod civibus, Pontificique, quibus Philippi, ac Nicolai notæ versutiæ erant, eosque semper hostes fuerant experti, magnum timorem incussit. Itaque post Patriarchæ obitum Pontifex fœdus contra Philippum cum Venetis, ac Florentinis iniit, ea inter cæteras conditione, ut paribus sumptibus administraretur bellum. In primis Ludovicum⁷¹ Archiepiscopum Florentinum, quem postea Cardinalem creavit, virum magni animi, ingenique, ac solertis, & ad res gerendas prompti cum pecuniis Romam pro Legato misit ad eas copias quæ a Patriarcha instructæ erant, quam primum in Tusciam deducendas. Erant exiguæ admodum copię Florentinis, neque quibus hosti obviam iri posset: ex vero omnes prope urbem morabantur. Erant cives, tum propter exules, ne-
D qui eorum gratia novi in civitate motus orirentur, tum propter Nicolai vires de urbis salute anxii⁷² dubique. Non enim tantum Mugelli oppida hostibus videbantur exposita, sed urbis quoque salus (nam ad quantum usque lapidem excursions hostium fiebant) adire discrimen videbatur. Urgebat præterea annonæ⁷³ caritas, quæ sollicitos tenebat solito gravior cives, ut si Nicolaus ad ea loca ex quibus⁷⁴ advehebatur, quod facile poterat, exercitum duxisset, magnum ex inopia cibi tumultum fuisset excitaturus. Sed raro fortunam sequuntur hominum consilia, paucique illius beneficio utuntur. Dum Nicolaus humiliora⁷⁵ petit, fortuna rei bene gerendæ de manibus elapsa est.

62. Bononiam perduxit. Ubi 20. aureorum millia ei-persoluta. Blond. Dec. IV.

63. Johannes. Vitelleschi, patria Cornetanus, Cardinalis Florentinus.

64. Proditiōe civium cepit. Conrado Trincio, urbis Tyranno, Cardinali tradito.

65. Interceptis litteris. Apud Politianum oppidum, & Pontifici delatis.

66. Captus. Ab Antonio Ridio S. Angeli arcis præfecto, cui hoc ab Eugenio demandatum fuerat.

67. Vulnere accepto. Dum enim Cardinalis denudato ense ab insidiis evadere, concitato equo, tentabat, in summa cervice unco ferro vulneratus est; cujus vulneris dolore vigesimo post die defecit, tumulatusque est in Ecclesia S. Mariæ supra Minervam. Rayn. Ann. Eccl. ad ann. 1440.

68. Quædam de Florentinis capta castella. Cassianum, Porticum, Tardocium, Aureolum, Mutiliana. Blond. Flav. Dec. 4. lib. I.

69. Marradi castellum. In Alpium pede situm, quæ Etru-

riam a Piceno dividunt.

70. Præsidio saltus positi. Bartholomæo Orlandino Florentino cive præfecto. Ammirat. lib. XXI.

71. Ludovicum. Mediarotam, cognomento Scarampum, Patriarcham Aquilejensem, origine Patavinum (Garimbertus in ejus Vita lib. I.) Hunc in demortui Vitelleschi, Florentini Archiepiscopi, ipsis petentibus Florentinis, Eugenius suffecerat. Rayn. Ann. Eccl. ad ann. 1440. Ammiratus hunc Pontificis medicum fuisse, ipsique valde familiarem asserit, quod & Ciaccon. in Eugen. IV.

72. Anxii dubique. In centurias ipsi distributi cives, armis arreptis, militum munere fungebantur.

73. Annonæ caritas. Quam augebant agrestes omnes, qui Florentiam confugerant. Blond. Dec. 4. lib. I.

74. Ex quibus advehebatur. Per Marinam Vallem Pisis Florentiam annona advehebatur. Ammirat. lib. XXI.

75. Humiliora petit. Nempe parvi momenti castella, Florentiæ potiundi occasio elapsa est.

POGGII BRACCIOLINI,

Florentini,

HISTORIARUM FLORENTINI POPULI LIBRI OCTAVI EPITOME.

Piccininus infesto exercitu Florentinorum opes affligit, ab iis vero apud Englarium superatur. Puppi Comes Casentino imperio a Florentinis spoliatur. Pax inter Philippum & Venetos Florentinosque per Franciscum Sfortiam conciliata. Pontificis in Sfortiam bellum. Sfortia Piceno expulsus. Eugenii Philippique mors. Alphonsus Neapolitanus Rex in Florentinos arma vertit. Fede-

ricus Urbini Comes Florentinorum dux designatus. Pax fit cum Alphonso. Mediolano Sfortia potitur. Alphonsus Ferdinandum filium in Florentinos mittit. Hi cum Sfortia federe inito Andegavensem Ducem ex Gallia contra Alphonsum advocant. Post varios belli eventus pax Neapoli constituitur sedusque cum multis Italiae Principibus feritur.

LIBER OCTAVUS.

1440



ADVERSUM populo Florentino martem fore cum plures arbitrarentur, plusque timoris quam spei inesset; multa enim propter varios rerum casus animoolvebant: inter civitatis principes, & publicis in concionibus agitari coeptum est, revocandusne Franciscus in Etruriam ad auxilium ferendum, an iis quæ aderant copiis urbis salus tuenda esset. Censebant quidam tutioribus standum consiliis, quod fore videbatur, si Franciscus cum parte exercitus accerferetur. Dubium esse, ne Nicolaus aut castellum, aut aliquam belli sedem vel vi, vel exulum gratia, quod foret perniciosissimum, recipiat: facile obsessurum itinera si velit, quibus frumenta subministrantur: ignotam esse populorum voluntatem semper ad pejora mobilem, & ut plurimum fortunam respicientem, præsertim ubi ingruat fames, quæ omnem timorem abjicere ex animis consueverit: etiam bestias sævire solitas, laceffente fame. Si paulum Nicolao fortuna indulerit, novos timendos esse hostes, qui ut plurimum in rebus dubiis, & ad levem fortunæ auram exsurgant: orientia quæque mala facilius contundi solere, quam cum majoribus viribus nituntur. Non enim de aliquo oppido, aut castello, sed de patria, de urbe, de Republica certamen esse. Ideo videri tutius imminens discrimen vitare, quam in eum deduci locum, ex quo haud facile emergi queat. Alii majoris animi, nec consilii minoris ab ea sententia diffidebant, arbitantes nullo pacto Franciscum esse revocandum: utebanturque rationibus, quæ plurimum verisimiles videbantur: nihil esse, quod magis optet Nicolaus, & id semper eum sperasse, quam ut per Francisci discesum Brixia ejus nudata præsidio Philippo subjiciatur, quod procul dubio si ille abeat sit futurum. Eam profecto si Philippus ceperit, & reliquas vicinas urbes capturum: Francisci enim consiliis, viribusque & tentam ad eam diem Brixiam, & Veronam sua virtute de manibus hostium ereptam: cupere Philippum ejus ducis auxilio privari Venetos, cujus opera ad eam horam ipsorum servatæ opes essent: non suis, sed alienorum filum viribus superasse Apennini juga Nicolaum propter Patriarchæ fœdus. Nunc ea destitutum spe remissurum animos, neque fortunæ, quæ plurimum

B in bello potest, & in qua versaretur Philippi salus, periculum facturum. Solere in ejusmodi tumultu majorem motum, quam pro re excitari: diem mitigare timorem, & graves res usu leviores videri: præsto futuras Pontificis copias, quæ ferme sint hostibus pares: adequitasse quondam ad urbis Romæ mœnia cum exercitu Hannibalem, ut ab oppugnanda Capua ad defendendam patriam exercitum revocarent, quam tanti ducis adventu nequaquam Consules omisissent. Nullo igitur modo Franciscum accersendum esse, sed præsentibus copiis Rempublicam tutandam, urbisque, & oppida præsidio firmanda: neque enim si qua castella ab hoste quocunque modo capiantur, libertatis minimum imminere periculum: reditura omnia in fidem, cum deferbuerit Nicolai impetus, quem necesse sit in hostili terra fieri in dies remissiore, præsertim tam procul a domo militantis. Diversis dictis sententiis, decretum est, eo qui ad urbem esset exercitu defendendam patriam esse. Penes Politianum castra habenti Nicolao mors Patriarchæ nunciata dolorem simul, & pavorem incussit. Nam & consilia secum inita in irritum cesserant, & suis tantum copiis diffidebat debellari Florentinos posse: retrocedere turpissimum ducebat, & sua laude indignum. Ulterius igitur progredi statuit, & aliquod memorandum audere facinus, antequam vires hostium auferentur: quæ opinio Francisci Puppii Comititis rebellione est confirmata. Qui cum eo erant Florentini exules, promissa totius Casentinatis oræ (cujus majorem tenebat partem) ditione, ut a Florentinis deficeret pellexerunt. Ille immemor se ab eo populo, quem sibi pater tutorem moriens reliquerat, ad eam diem opibus auctum, & dignitate, seque eo ipso tempore, quo Nicolaus in Mugellum descendit, præsidem, custodemque ejus regionis adversus hostes designatum, missis ad eum variis tormentis, machinisque, quibus ab impetu hostili tutus esset, ex amico hostis factus ad adversarios descivit. Motis igitur castris Nicolaus Casentinum ingreditur. Bibiena oppidum, castellaque omnia Florentinæ ditionis parvo capta labore Comiti traduntur. Inde Sancti Nicolai castello, sexto supra trigessimum oppugnationis diem recepto, cum reliquis Comiti concedit. Plures Piccinini prudentiam requirunt, qui in ignobili oppidulo tantum temporis terens rei bene geren-

1432

1. Pontificis copias. Earum duce Ludovico Mediarota, Archiepiscopo Florentino.

2. Tam procul a domo. Non a Perusio ejus patria, sed Mediolano.

3. Mors Patriarchæ. Vitelleschi.

4. Pellexerunt. Non his promissis eum defecisse inquit Machiavellus, sed suasionem Raynaldi Albitii exulis sibi amicissimis.

Ammiratus vero lib. XXI. a Florentinis defecisse ait ira in Cosmum Medicum, qui ejus filium sibi nurum fieri respuisset.

5. Motis igitur castris Politiano, duodecimo, ex quo confederat, die potius est, ut Blond. Flav. Dec. 4. lib. XI. licet Ammirat. ibid. nullatenus positum asserat.

1440 rendæ occasionem amisit. Nam interim animis hominum ab hostili terrore confirmatis, & spatium *Florentinis* concessum est novos milites conscribendi, & Legato Pontificis *Ludovico*, qui *Florentinis* favebat, ad copias per varia dispersas loca contrahendas, ac præparandas facultas concessa. His accessere equitum præfecti 6 duo a *Francisco* via *Mutinesi* in *Etruriam* missi, quæ res civium erexit animos, & spem attulit posse præsentibus copiis Rempublicam defendi. *Ludovicus* equitatu, ac peditatu Pontificis, quem quatuor millium electorum hominum dicebant, magno in unum coactis studio, majori diligentia magnis itineribus in *Aretinorum* finis pervenit, ubi & suæ, & reliquæ copię coierunt. *Nicolaus* cum ad *Burgi Sepulchrum* venisset, recepto oppido *Tifernum* profectus est, ac civibus nequicquam ad deductionem tentatis in agrum *Perusinum* transit: ibi aliquandiu veluti in pacato commoratus, pecuniaque, & commeatu sublevatus in otio quievit. *Franciscus* interim certior factus *Nicolai* vires *Florentinis* haud terrori esse (equitum quippe, ac peditum numero superiores erant) ponte supra *Mincium* juncto, traductoque exercitu, oppida, & castella singula (ea ad triginta ferebantur) quæ aut sponte defecerant ad *Nicolaum*, aut vi capta erant, ea æstate expugnavit: illa insuper, quæ olim *Mantuanus* de *Veronensibus* occuparat, in potestatem redegit. Sæpius etiam 7 secunda cum hostibus prælia commisit, in quibus ad mille & quingentos equites captivos abduxit. *Brixie* quoque annonam tum comportatum frumentum, tum nova messis, quam liberi ab hoste in urbem convexerant, reddidit leviolem. Ad hæc juxta lacum classe expugnata, nonnulla oppida in *Venetorum* ditionem redegit. Qua fortuna usus, ponte juncto, transmissa *Abdua*, cuncta ferro, ignique, præda ingenti abacta, populatur. Dum hæc in *Gallia* geruntur, Pontificis, *Ludovico* duce, *Florentinæ* que copię, ut *Nicolaus* opponerentur, cum apud *Aretium* in unum convenissent, *Anglarium* profectæ juxta oppidum in colle castrametati sunt, prohibitori *Nicolai* ex ea ora populationes. Ille cum *Perusum* volentibus civibus paucisque comitantibus ingressus 8 esset, paucos post dies accepta 9 pecunia ad obsidendum *Tifernum* redit, urbem commeatus inopia laborantem, quam procul dubio deditibus se civibus receperat, nisi equitum præfecti 10 duo a *Ludovico* missi de improvviso per medias hostium stationes in urbem penetrassent. Venerat major quam pro re sparsus rumor in *Gallia* commutatam esse fortunam, equites *Philippi* captos, oppida amissa, prostratas acies, liberatam obsidione *Brixiam*, quæ amissa erant loca *Francisci* virtute recuperata, & ipsi jam *Philippo* discrimen imminere 11: revocatum quoque per literas crebris nuntiis a *Philippo Piccininum*, mandatumque, ne acie confliceret. Quare permoti *Nicolai* equites, *Galli* præcipue totius exercitus robur, cum quæ afferrentur, ac vulgo jactarentur, vero simillima viderentur, salutem patriæ aliorum calamitati præferentes, sparsim fremere, rerum suarum curam non esse negligendam: aut sibi commeatum det *Nicolaus*, aut ipse in *Galliam* redeat: satius videri sua tueri, quam aliena appetere: confectari eos castella quædam rustica, ac montana, ut opulentissimam regionem, fertiles agros, villas frequentes, opimam prædam, domos, uxores, liberos nulla vincendi spe proposita hostium libidini exponant. Hujusmodi vocibus *Nicolaus* permotus, cum propediem aut omnium rerum copia beatos se eos facturum respondisset, aut subituros

A quem casum prælii fortuna dedisset, motis a *Tiferno* castris ad *Burgum* pervenit, ea mente, ut insidiis, & caliditate hostes superaret. Consueverant initio *Florentinorum* præfecti diligentius pabulatores structis, paratisque equitibus mittere, ne quid a propinquo hoste de improvviso detrimenti caperetur, servare vigilias, insidiasque præcavere. Sed parum in ea diligentia est perseveratum. Ad tertium kalendas *Julias*, qua die *Petri*, & *Pauli* Apostolorum dies festus agitur, cum equites permulti pabulatum negligenter, & absque ullo essent præsidio, omnes autem in castris (& æstus erat fervens) stratis corporibus quieti indulgerent, licentiamque ferret disciplina militaris, *Nicolaus*, cui hæc erant nota, relictis impedimentis, expedito milite duplici instructus acie, una qua pabulatores, altera qua ipse castra peteret, citato gradu, velut ad exploratam victoriam, in hostem ferebatur. Norant Decemviri *Nicolaum* & nuntiis, & literis a *Philippo* revocatum, ideoque mandarant exercitus duci, ne quo pacto manibus cum illo confererent: satis videri si nullo Reipublicæ detrimento salvis rebus omnibus necessario relicta *Etruria* in *Galliam* revertatur. Quod cum *Piccinino* haud ignotum esset, adversarios ad pugnam allicere studebat; sperabat enim cum a diversis 12 ducibus, ac præfectis hostium exercitus regeretur, vitium in militari disciplina perniciosissimum, fore, ut nequaquam in capescendo certamine in unam sententiam convenirent, sed quemlibet pro arbitrio proprio consilio statutum. Eoque illos absque ordine in prælium euntes sperabat facile superari posse, præsertim insperata acie, nullis id suspicantibus circumventos. Diem præterea sibi elegit festum, quo sciebat solere observari omnia incuriosius, & fortasse successisset consilium magna *Florentinorum* clade, nisi *Michelettus* dux veteranus, ac prudens armatus equo ascenso lustrans castra, omniaque circumspiciens, adventum hostis ex colle ubi oppidum est ex moto pulvere perspexisset. Est planities, quæ ad *Burgum* pertinet subiecta colli quatuor millium passuum: ad hanc respiciens ex sublata nube pulveris, atque adesse *Nicolaum* cum suis copiis clamitans, arma omnes capere jussit, accersitisque suis in primis ad pontem quendam in via extructum descendit, quo videbatur hosti transitum dari. Eo & reliqui præfecti confestim accurrunt de genere pugnae consultantes. Tribus aciebus 13 rem geri placuit, & quis cuique præesset decretum. Subsidiariæ cohortes cum signis apud Legatum relictæ, qui si opus foret laborantibus subsidio esset: pedites, ac sagittarii juxta ripam *Tiberis* latera hostium ferire jussi. Inito prælio, varie, diuque æquis viribus pugnatur, tum hoste ob præteritas victorias elato, ac turpissimum vinci ducente, tum nostris pro ulciscendis injuriis, consequendaque ejus belli gloria nihil laboris periculi recusatibus. Aderant hortatores, tum Legatus, tum seniores 14 præfecti, quorum diligentia, & virtus eo maxime die laudata est. Cum omnia consilia, cum vires, cum ad suos cohortandos, laudandisque singula expertus esset *Nicolaus*, summi ducis munia obeundo, tandem equites ejus cum longo itinere, tum pugnando fessi vertunt terga. Victus, fugatusque cum paucis *Burgum* petiit, reliquis aut captis, aut per varia loca dispersis: numerus utrinque pugnantium octo millium equitum fuisse traditur, ad mille, & octingenti capti, & in his præfecti 15 haud vulgari fama plures: qui omnes postridie armis, atque

6. Præfecti duo. Bofius, & Troilus.

7. Secunda prælia. Apud Urceos, Suncinum, & Jenepaltam vicum.

8. Ingressus esset. Non alia de causa ingressum in urbem petiisse, quam ut matrem & senem, & ægrotantem videret, ait Pellin. Hist. Per. p. II. lib. XII.

9. Accepta pecunia. Et decem aureorum millia ei persoluta, & Perusii Dominus factus est. Pellin. ibid.

10. Præfecti duo. Troilus, & Paulus Molarianus Patritius Romanus cum 300. equitibus. Blond. Flav. Dec. 3. lib. XI.

11. Jam discrimen imminere. Cum Mediolanensem ditionem

F Sfortia jam ingressus fuisset.

12. A diversis ducibus, & præfectis. Nempe a Ludovico Pontificis Legato, a Micheletto Sfortiæ præfecto, & ab Joanne Paulo Ursino Florentinorum duce.

13. Tribus aciebus rem geri placuit. Ad æmulationem invicem excitandam.

14. Seniores præfecti. Et cum his Florentini Commissarii Bernardus Medices, & Ginus Capponus.

15. Præfecti &c. plures. Præter quosdam ultro dimissos capti sunt Astor Manfredus, Ludovicus Parmensis, Romanus Cremonensis, Sacramorus Vicecomes, Antonellus, & Danus a Turre.

16. Per-

1440 equis amissis ad suos redire: ad quadraginta inter-
empti ex militibus *Nicolai*: permulti¹⁶ vulneri-
bus confecti sunt: plura hostium signa militaria
Florentiam in speciem victoriæ delata. Oppida-
norum *Burgi* magnus numerus, ut qui velut ad
certam prædam *Nicolaum* secuti erant, capti, ac
pretio redempti. Visus est non ea qua solitus e-
rat prudentia *Nicolaus* uti, qui suos duodecim¹⁷
millium itinere confecto, nullo quieti dato spa-
tio, in discrimen certaminis adduxisset: sed vi-
ctoriæ spe id ab eo actum esse dicunt, quo impa-
rationes hostes aggredieretur. Ipse¹⁸ ea nocte,
cum parum fomno tribuisset, postridie relicto¹⁹
oppido per *Flaminiam Mediolanum* concessit, cre-
bro dictitans actum fuisse de *Philippi* imperio, si
præfecti veteranique milites, in quibus exercitus
robur erat (ii quadringenti numerabantur) ali-
quandiu detenti in captivitate forent. At ipsi²⁰
liberaliter accepti, dimissique eorum ducem con-
fecti sunt. Hac victoria perculsi *Burgi* accolæ,
veritque, ne in eos asperius animadverteretur,
quoniam a Pontifice descivissent, missis oratori-
bus veniam precantibus se se Legato dedidere.
Gratissima ea victoria tum *Eugenio*, tum *Floren-
tinis* fuit, quamobrem & Deo supplicationes so-
lemni pompa pluribus diebus festis actis *Florentiæ*
decretæ, & a Pontifice ob liberatam bello *Etru-
riam*, ac de inimicissimo hoste partam victoriam
Legatus²¹ Cardinalis designatus est. Post hæc
exercitus in *Casentinum* ductus, ut *Francisci*²²
injurias ulciscerentur, qui parvo tempore omni-
bus spoliatus castellis, obsessus *Puppui*, urgente
fame ea conditione, ut incolumi cum liberis, re-
busque suis abire liceret, deditionem fecit. Pe-
riit ea familia e statu rerum dejecta, quæ Comi-
tes *Guidi* appellatur, post quadringentesimum,
quam in *Italiam* cum primo *Othone* (ut ferunt)
venerat annum. In ea multi præclari fue-
runt viri, & plurimis oppidis, castellisque
tum in *Casentino*, tum *Valle Arni* superiore longo
tempore imperitarunt. *Montem Varchium* nobile
oppidum tenuerunt, quod *Guidoguerra* moriens li-
berum reliquit. Plura insuper castella, quibus
demolitis, *Terranova*²³ oppidum splendidum fa-
cta est, alter possedit *Guido*, & *Marcoaldus* Co-
mites, ob sævam tyrannidem imperio pulsi, an-
nis amplius centum viginti. Culpatur merito
ultimi Principis *Francisci* temeritas, qui nullam
ob justam causam ad *Philippum* transitionem fece-
rit, ignarus Respublicas, optimis præsertim fun-
datis legibus, diuturniores unius hominis vita ef-
se solere. Genus illi perantiquum erat, ac no-
bile, dignitas, atque opes non contemnendæ,
hæreditas majorum ampla; sed virum nimis for-
tunæ blanditiis fretum majorum cupiditas præci-
pitum egit: qui dum aliena appetit, suis amissis,
patria extorris inopia consenuit, posteris futurus

A documento, fidem servandam esse, & in rectis
consiliis constantiam habendam. Expugnata in-
super, & recepta sunt, *Montschium* oppidum,
& arx *Valialle*, qua per lacunas ponte transi-
tur, per *Anfrosinam* mulierem, & familiam
Petramale semper *Florentinis* inimicam antea
longo tempore possessa. Hæc in *Etruria* ea
astate gesta. *Franciscus* vero secunda fortuna
usus plura²⁴ oppida de *Mantuan*, & *Cremon-
ensibus* expugnavit. Nam præter arces²⁵ tres
pone *Olium* vi captas, *Piscariam*²⁶ insigne op-
pidum, situ amœnum, atque arce munitissi-
mum, vi tormentorum quassatum diutius, ad
deditionem coegit. Pluribus deinde castellis
Mincio trajecto potitus est. Reversus *Medio-
lanum Nicolaus* reparandis militibus intentus,
data a *Philippo* potestate magnam pecuniarum
vim hortando, cogendo, auferendo, nullo re-
rum, aut hominum habito discrimine, brevi
tempore coegit. Multis quibus nummi dec-
rant, arma, equos, vestes imperavit. Instau-
ratum brevi equitatum per hiberna²⁷ divisit.
Copiis itidem *Franciscus* per loca de hoste ca-
pta hyemandi causa distributis, frumentaria
re comparata, & exercitus com meatui, &
oppidorum saluti prospexit. Excitatis utrin-
que ad bellum animis, *Nicolaus Estensis Fer-
rariæ* Princeps nullarum eo bello partium il-
lata pacis mentione, ac oratoribus²⁸ ad Du-
cem, & foederatos missis, cum nulli eam a-
spernari viderentur, tandem variis utrinque po-
stulatis nulla certa sententia res est protracta.
Philippi filia *Blanca* ante *Francisco* desponsata²⁹,
Nicolai adhortationibus *Ferrariam* summa cum
pompa, atque honore mittitur, ut ea tamquam
pacis sequestra summoto bello concordia firmare-
tur. Sperabatur enim *Franciscum*, reliquosque
ad pacem procliviores fore, cum viderent *Phi-
lippum* paratum stare promissis, & antea *Franci-
sco* matrimonio junctam uxorem cum dote³⁰ tra-
di. At cum is novisset ad instaurandum bellum
Nicolai apparatus, alieni consilii ignarus, ut ad
omnes conatus, infidialque paratior esset, neve
quid incommodi per socordiam a *Piccinino* acci-
peretur, *Johannem* fratrem cum quatuor equitum
millibus *Suncinum* (id oppidum præcipue hosti
oppositum est) proficisci iussit. *Nicolaus* idibus
Februariis cum equites peditesque in agro *Placen-
tino Cremonensique* ad decem millia comparaf-
set, transmissis *Pado* reliquis, quæ in *Cremonensi*
erant, copias sibi jungit. Simulans vero se op-
pidum *Urceos* petiturum, ad sinistram flexit. No-
ctu postmodum longo itinere confecto rediens, flu-
men³¹ ad *Rodianum* omni nudatum præsidio traje-
cit. *Venctorum* exercitus cum *Nicolai* copiis impar
esset, ad oppidorum custodiam conversus, quatuor
in locis *Urceis*, *Suncino*, *Clario*, *Palatiolo*, ut ab
ho-

16. Permulti vulneribus confecti sunt. Unum tantum hominem interemptum asserit *Macchiavellus*; quod falsum omnes auctores, & præcipue *Blondus* cœvus testis ostendit. Dec. 3. lib. XI.

17. Duodecim millium. Passuum.

18. Ipse ea nocte, &c. Adeo acceptæ cladis dolore percussus fuit *Nicolaus*, ut referente *Lagisiano* bis gladium in se converterit, nisi ut hoc averteret, *Jacobus* ejus filius pater-
no lateri semper adhæsisset. Justin. Hist. Ven. lib. VIII.

19. Relicto oppido *Burgi*, quo confugerat.

20. At ipsi, &c. Eodem modo *Carminiola* captivos dimittendo, *Veneris* totius *Lombardiæ* imperium ademit.

21. Legatus. *Ludovicus Mediarota* Cardinalis factus, & *Presbyterali* titulo *S. Laurentii* in *Damaso* insignitus, *Ciaccon*, in *Eugen*. IV.

22. *Francisci*. *Puppui* Comitæ, qui, ut supra dictum est, a *Florentinis* defecerat.

23. *Terranova*. Natale *Poggii* solum.

24. Plura oppida. Ita ut in ea agri parte, quæ *Mantuan*

Brixiamque respicit, solum *Casale Majus* in *Padi* ripa *Philippo* relictum fuerit. *Blond*. Flav. Dec. 3. lib. XI.

25. Arces tres. *Afulam*, *Canetum*, & *Marcariam*.

26. *Piscariam* insigne oppidum. De qua *Dantes Infern*. lib. XX.

Siede Peshiera bello, e forte arnese.

Da fronteggiar Bresciani, e Bergamaschi,

Onde la riva intorno poi disese.

27. Per hiberna divisit. In *Picenum* *Guidantonio Manfred*, & *Francisco* ejus filio ducibus. *Blond*. Flav. Dec. 3. lib. XI.

28. Ac oratoribus ad Ducem, &c. Ipse *Nicolaus Atestinus* *Mediolanum* se contulit. *Pigna* lib. VII.

29. Ante desponsata. Sed quæ, ut diximus, viro immaturo apud patrem remanserat.

30. Cum dote. *Cremona*, & *Pontremulo* dotis titulo assignatis.

31. Flumen. *Olium*.

1441

hoste tuta essent, confedit. At *Nicolaus* exercitu ad oppugnandum *Clarium* ducto, oppidanisque obsidionem nequaquam ferentibus, prodito octingentorum equitum praesidio, ad deditiorem compulsi (maxima omnium rerum iactura, quae ad id temporis *Francisco* obtigisset) *Palatiolum* venit; quod perfrugiente in arcem praesidio, primo adventu cum cepisset, ejus oppugnatione caeteris permessa, ipse ad alia oppida³² recipienda pergit, quae plurima ejus regionis non expectato *Nicola* se se illius arbitrio permiscere. Septimo obsidionis die arce *Palatioli* capta, praesidium incolume cum impedimentis abire permittum est: quae singula tanta celeritate facta sunt, ut *Franciscus*, qui spe pacis de qua agitabatur, *Piscariae*³³ ferme otiosus residebat, uno tempore & *Piccininum* in armis esse, & ea omnia amissa cognosceret. Quare auditis quae ab hoste gerebantur, ad se equitatum, peditatumque omnem diversimodum in regionibus hyemandi causa dispersum, convenire iussit. Vulgaverant hostes, ad debilitandos, alienandosque populorum animos *Franciscum* a *Venetis* interfectum, ideoque illius orae transitionem ad *Philippum* esse factam: quae fama cives *Brixien*s paulum titubare coegit: non enim fieri posse credebant, ut vivo illo tanta calamitas apud *Clarium* aut accepta, aut inulta esset; neque passurum solertissimum, ac victoriis florentissimum ducem fuisse tam libere, tam licenter, tam impune hostem, qua velit, vagari: siquae vero afferrentur literae hominem vivere incolumemque esse, pro confectis, simulatisque habebantur. Hac *Franciscus* fama motus, nondum coactis copiis falso rumori occurrendum ratus, cum trecentis tantum equitibus *Brixiam* petiit, cujus adventu confirmati civium animi summa alacritate eum susceperunt. Ibi paucos dies commoratus, *Veronam* ad milites ex hibernis educandos rediit. *Nicolaus* pluribus oppidis, variis in regionibus, quae tum defecerant, tum oppugnata se illis permiserant, receptis equites hyemis asperitate, pabulique inopia confectos per loca a se capta distribuit. Ipse *Mediolanum* ad augendum exercitum, ut par numero, ac viribus *Venetis* esset, proficiscitur. *Philippus* interim arbitratus *Franciscum* proprio percussum periculo necessario impelli, ut si sua salva esse vellet, copias distraheret, cum *Alphonso*³⁴ Rege egit, ut loca³⁵, quae olim a patre in regno possessa teneret, bello repeteret: facile expugnari posse omnia, si exercitus tantummodo admoveatur. Qua³⁶ occasione cupidissime arrepta Rex, motis armis, exemplo quae illius ditionis erant, cuncta haud magno negotio nudata defensoribus cepit. Sed nil profuit ea res *Philippo*, nisi quatenus illa *Francisco* auferrentur. Nam ipse nunquam copias aliqua ex parte minuit, ac tantam paterni imperii iacturam, ut fidem servaret, aequo animo tulit: neque eo damno motus, bellum quod suis auspiciis gerebatur sui commodi gratia deseruit. Verum equitum sexdecim, peditum septem millium contracto

A exercitu, cui *Michelettus*³⁷ patruus, *Venetorum* dux designatus, praerat, *Brixiam* petens, transmissa *Mella* flumine, *Cignanum*³⁸ adiit, quo in vico *Nicolaum* cum decem millibus equitum, tribus peditum confedissee noverat, ut ei pugnandi copiam faceret: at ille detractans certamen locum munierat fossa, quam aqua decurrente impleverat. In via vero ad vicum ferente currus, crassioraque ligna iter impeditura disposuerat, ne invitum pugnare cogeretur. Hujus munitionis ignarus *Franciscus* cum exercitu progressus, praclusa cum hoste decernendi facultate, asperum³⁹ certamen commisit: sed multis ex suis, qui in locum iniquum subierant, amissis, signo receptui dato, satis sibi factum ob belli famam, opinionemque existimavit, palam fieri ultro ab se hostem ad pugnandum provocatum, non armis, sed loci fiducia fretum congressum refugisse. Ea fama id est afflicto *Francisco*, ut multorum animi populorum excitati ad *Venetos* desciscerent. Nam e vestigio *Minervium*, pluraque castella ultro se deditia recepta sunt. Pons quoque *Olii* deditiorem fecit, quorum exemplum imitati complures se sponte deditere. *Franciscus* cum in agrum *Bergomensem* exercitum duxisset, expectans quo tenderent *Nicola*i consilia, *Jacobum Vicensensem* illius orae praefectum cum mille equitibus, peditibus sexcentis cognovit *Martinengum* amplissimum oppidum missum; quos ut una cum oppido caperet, alio se iturum fingens, quo destina-verat, flexit iter, oppidumque confestim coronacings, latam fossam insuper in planitiem, quo tutior ab hostili incurfu esset, induxit. Omnis quoque generis machinas, tormenta quoque comportari iussit, quibus muri solo aequari solent. *Nicolaus*, ut oblectis ferret opem, contractis⁴⁰ undecumque militibus, mille passus prope hostem castris positus, ea & fossa, & aqua communivit: saepiusque propter hostilia castra instructa acie obequitans pugnandi facultatem praese ferebat. At *Franciscus* remisso priori ardore manum cum hoste conferendi, urgebat oppidi expugnationem. Norat enim *Nicolaum* non dimicandi voluntate, sed solvendae obsidionis causa ostentare decertandi potestatem. Utriusque erat opinio in ejus solius oppidi, aut expugnatione, aut defensione totius belli fortunam consistere: ideoque castra utraque novis in diem subsidiis augeri, ut non de unico agi oppido, sed de summa rerum periculum verti videretur. In vigesimum diem obsidione protracta praeter spem omnium pax⁴¹ subito secuta est. Agitata antea erat occulte & ad eam proniorem *Philippum* reddebat nulla victoriae spes, & imminens status sui discrimen. Ferebatur⁴² enim meliori vincendi spe oppidi *Franciscum* niti, quam *Nicolaum* defendendi. Itaque in varia tractus⁴³ consilia *Philippus*, nulla superandi hostes spe oblata, tutiorem tandem partem secutus est. Ex insperato cum maxime vigeret bellum, *Franciscus* soluta obsidione, exercitum pacato similis in castra reduxit, illis, qui in

32. Ad alia oppida. Minerbii, & Pontis Olii.

33. *Piscariae* ferme otiosus residebat. Venetias profectus fuerat Sfortia, ut res gestas Senatui exponeret, pacemque suaderet. Petrus Justin. lib. VIII. & Corius p. V.

34. *Alphonso* Rege. Neapolis.

35. Loca, &c. Trojam, aliasque civitates in Apulia. Comment. Pii II. lib. II.

36. Qua occasione, &c. Multum enim Philippo Alphonso debebat, quod bello navali a Genuensibus captus, Mediolanumque perductus, non solum vita, ac libertate donatus, sed regis muneribus a Philippo cumulatus fuerat.

37. *Michelettus*. Attendulus in Mellitae locum (qui Patavium desperata salute accesserat) Sfortia petente, a Venetis suffectus. Corius p. V.

38. *Cignanum*. Duodecim pass. mill. Brixia distitum.

39. *Asperum* certamen. Quo Cavalcabos vir fortissimus occubuit, Troilusque vulneratus est. Major caedes utrinque edita fuisset, ni nox adveniens eos diremisset. Justin. Hist. Ven. lib. VIII.

40. Contractis undecumque militibus. Ad viginti millia. Justin. ibid.

41. Pax sequuta est. Urbano Rosano, & Guidobono Dertonense eam cum Sfortia Philippi iussu conciliantibus.

42. Ferebatur, &c. Nihil minus. Nam Piccininus Philippo scribens, se Sfortiam cum toto exercitu capturum promiserat; clausus enim undique fame urgebatur. Ammiratus. lib. XXI & Corius p. V.

43. In varia tractus consilia. Piccinino iratus, qui Placentiam donari sibi cupiebat, & postulabat, timensque ne devicto Sfortia imperiosior evaderet. Corius ibid.

1441 in oppido inclusi erant, libera quo vellent & abire, & morari permissa facultate. Postridie decem dierum datis induciis duces ambo inermes cum inermi comitatu in pratis proximis amice, humaniterque, data invicem, ac reddita salute, collocuti in mutuum amplexum occurrunt, multaque benevolentiae signa verbis ostendentes, ac gestu, praesentes omnes in admirationem traxere. Mirum erat eos cernere, quos inter multa invidiae, ac æmulationis, odiique expressa vestigia longo tempore apparuerant, adeo concordie esse animo, & ad mutuum amorem prompto. Prior Nicolaus, *Non suo, aut parentum odio, inquit, neque vindictæ, aut ulciscendæ injuriæ causa, quam nullam ab eo acceperit, sed honoris, ac gloriæ inter eos certamen fuisse. Utrunque boni ducis officio functum, qui pro eorum, quibus militabant salute bellum ex fide administrarint. Ex summa contentione summam pacem secutam, quam optabat utrisque commodo, & saluti fore.* In eandem ferme sententiam Franciscus ait: *Laudis, & famæ quærendæ gratia, arma a se contra Philippum pro Venetis, ac Florentinis sumpta, seque ea fide suscepisse, ac gessisse belli curam, quæ in optimo duce requiratur: pacem salutarem videri, quæ mentes omnium ad concordiam traduxisset. Præteritis utrinque injurias perpetua oblivione esse abolendas. Se quidem quoad bonos, & fides pateretur, semper in Philippi, sui que potestate fore.* Ab hoc digressi sermone, ambo ad suos redire, e vestigioque Venetos, ac Florentinos Franciscus per literas 44 certiores facit, quæ illum causa primum ad inducias, deinde ad certam spem pacis, ad quam eos pro communi quiete, quoad posset, hortaretur, impulisset: finem bellorum, aut pacem, aut victoriam esse. Interea haud desperata victoria ad pacem videri confugiendum. Suscipi enim bella, ut concordiam pariant; quæ si afferatur honesta, minime videri repudiandam: multa bellis imminere pericula: vincere homines, & vinci pro fortunæ arbitrio solitos: plurima discrimina, insperataque in acie versari: in pace omnia tuta esse, quæ incertæ victoriæ cupiditate non esset a sapientibus viris aspernanda. Se a Philippo constituendæ pacis arbitrum quibus velit conditionibus factum: cui rei ita Philippus fide publica, jurequejurando astrictus esset, ut nulla componendæ concordiae fraus, aut dolus subesse queat. Sibi quidem persuasum esse, Philippum ab his quæ a se decernerentur, minime recessurum: afferrent ipsi quæ viderentur jure postulanda, quæve rejici haud honeste possent: omnia illum, quæ de Brixienfibus, aut Bergomenfibus post priorem pacem cepisset, redditurum. Filiam quoque Blancam, ut antea despondisset, uxorem, Cremonam insuper atque omnia ejus agri oppida, Pontremolum quoque dotis nomine sibi traditurum. Cum multa in utraque Republica variis sententiis agitata essent, visum est tandem obla-

A tam pacem, veluti rem tutiorem, accipiendam esse, quæ anno primo & quadragesimo post mille quadringentos per *Francisci* his legibus firmata 45 est: Ut capta post pacem proximam utrinque restituerentur: *Genueses* pro sociis haberentur: *Mantuano* nonnulla ex suis belli tempore capta redderentur 46: quæ *Venetorum* ditionis ante bellum fuerant, ad illos redirent: multa præterea, quæ ad socios, foederatosque pertinerent, adjecta. Uxor 47 *Francisco*, & promissa dos tradita. Tullit ægre admodum *Eugenius* Pontifex *Bononiam*, cæteraque *Flaminie* loca, cum ex foedere belli socius esset, non fuisse sibi restituta; idque *Francisci* culpa factum accusabat, qui cæteris sociis, se posthabito, de amissis restituendis cavisset; in eoque suam auctoritatem neglectam, ac spretam quærebatur, *Francisco* tantum, penes quem liberum ejus pacis arbitrium fuisset, insensus, ac magno adversus eum odio incitatus. Tradunt quidam *Franciscum* de *Bononia* 48 reddenda Pontifici tractasse; sed *Philippum* alienum ab ea sententia fuisse, idque ab eo negatum, ne animo inquieto, & parvo tempore uno in consilio perstanti, semina dissensionum deessent, utque aliqua nova rerum perturbandarum occasio relinqueretur. His conditionibus habita pace, *Italiæ* 1443 ferme omnes admodum lætati sunt, cum existimaretur a singulis, inter tales duces populosque firmata concordia, omnem ferme *Italiam* ab armis quieturam. *Franciscus* *Cremonæ* 49 celebratis de more nuptiis cum Uxore in *Picenum* revertitur. Nulla res videbatur fore tanta, qua tam solemni foedere pax facta violaretur. At *Philippi* pacem quietemque exosi, semper novis studentis rebus calliditas modum excogitavit belli de integro excitandi. Nam posteaquam *Franciscus* in *Picenum* venit, vir otii impatientissimus, *Eugenio* 1444 per internuntios persuasit, ut illum 50 ea provincia, quam contra suam voluntatem teneret, expelleret. Ad id tum copias 51 suas, tum pecunias pollicitus, *Eugenii* animum ad bella proclivem, & *Francisco* ob non restitutam *Bononiam* 1446 maxime insensum, promptumque ad injurias ulciscendas perpulit, ut ei bellum moveret: quod ut facilius ex desiderio succederet, foedere fecum, & cum Rege 52 *Aragonum* *Alphonso* inito, eorum præfidiis, Regis præsertim, qui in *Picenum* venit, eam provinciam pulso *Francisco* recuperavit. Ipse 53 deinceps a *Philippo* mobilis animi in *Galliam* evocatus, cum omnibus copiis ad eum 54 proficiscitur. Ante receptum *Picenum* *Eugenius* contra *Florentinos* quoque, quoniam hosti suo 55 auxilia subministrasse dicebantur, majora versans animo, occulte conspiravit, ob eamque causam *Alphonsum* a regno adversus *Florentinos* excivit, existimans, si suis, si Regis, si *Philippi* tribus exercitibus illos adoriretur, facile eam urbem in quas vellet condiciones adductum iri. Rex

44. Per litteras. Ipse Sfortia una cum Florentinis legatis Venetias se contulit, cum penes Venetos arbitrium pacis & belli foret. Justin. lib. VIII.

45. Firmata est. Caprianæ, quo Pontificis, Venetorum, ac Florentinorum legati convenerant. Justin. ibid.

46. Redderentur. Præter Asolam, Lonatum, & Piscariam. Platin. Hist. Mant. lib. VI.

47. Uxor, &c. Longe a Cremona mille pass. in æde Divi Sigismundi desponsata est Blanca, & Sfortiæ dotis nomine Pontremolum, & Cremona tradita. Campi Hist. Cremon. lib. III.

48. Bononia, &c. A Piccinino jam occupata.

49. Cremona celebratis. Die XX. Octobris, de quibus pulcherrima Oratio a Lanfranchino Castilioneo habita est. Campi ib.

50. Ut illux, &c. Oderat Generum, ut Venetis nimis faventem.

51. Copias suas. Quibus Guillelmus Monferratus, & Ca-

rolus Gonzaga præerant. Plat. de Vit. Pontif. in vita Eug. IV.

52. Cum Rege Aragonum Alphonso. Qui libenti animo foedus iniit, timebat enim ne pace facta Sfortia ad sua oppida recuperanda, quæ illi anno elapso occupaverat, in se arma converteret.

53. Ipse Nempe Alphonfus.

54. Ad eum proficiscitur. Neque solus, neque cum copiis Mediolanum Alphonfus se contulit; nam Tibur profectus est, legatosque ad Philippum misit, qui excusationem afferrent; sed nihil apud Philippum iracundi animi virum profecerunt. Corius par. V.

55. Hosti suo. Sfortiæ quem Florentini juverant. Conquestus est Eugenius Ludovico Cardinali scribens, dum ait. Cum jam pluribus annis iniquitatis filius Franciscus Sfortia, communitatis Florentiæ favoribus, ope, & præfidiis sussultus, &c. Rayn. Ann. Ecl. sub. ann. 1446. Ammirat. lib. XXII.

1447 Rex *Tibur* ⁵⁶, propinquam *Romæ* urbem, mense Februario accedens, tempus belli gerendi observabat. Interim *Eugenius* primo, eodem mense ⁵⁷, anno sexto & quadragésimo post mille quadringentos, tum *Philippus* altero anno, Augusti mense moriuntur. Creato ⁵⁸ *Nicolao Quinto* Pontifice maximo Regem suspensum, dubiumque animi, retrone cederet, an destinatum sequeretur bellum, *Senenses* ⁵⁹ duo, quorum per civiles dissensiones opes alebantur, adeunt: ii novas res appetentes, Regi, ut mentem ad *Etruriæ* imperium adjiciat, suadent. Quod asseriebant procul dubio fore, si *Senas* profectus, ea urbs (& id facile pollicebantur) in potestatem veniret. Haud magno labore quæ asseriebantur credita, *Simonetti* que a *Florentinis* defectione, in quo eorum præsidium versari credebant, confirmata sunt, ac spes facta, cuncta prospere successura. Erat enim unicus quingentorum equitum, quibus *Florentini* stipendia darent, præfectus; ideoque cum ad Regem transisset, simile videbatur vero, milite externo destitutos, cum neque ⁶⁰ præsens auxilium esset, neque cito accersiri daretur facultas, aliqua insigni calamitate affici. Verum utraque frustratus est ipse; nam cum aestate transacta cum duodecim millibus hominum, magnoque belli apparatu *Senenses* pervassisset, ac per oratores postulasset, ut sibi tamquam amico urbem ingredi liceret: cives quod suum erat in alterius ponere arbitrio haud tutum censentes, neque dubium esse existimantes, quin si urbem ingrederetur, multorum animi, plebis præsertim ad levem auram mobilis, tum promissis tum pretio corrupti in Regis voluntatem inclinarent, tumultus populares veriti, contra spem oblatam ingressu prohibuere. Commeatum tamen exercitui se duros polliciti sunt, suisque militibus, si cui quid usui esset, urbes, & oppida eorum ingrediendi facultas concessa est. *Florentini* cum nihil a Rege suspicarentur mali (neque enim ulla res intercesserat, quæ Regis animum iuste ad bellum provocaret, neque illud more gentium indictum erat, nisi quo die primum populari agri eorum coepti sunt) postquam illum agro *Senensi* propinquam, præfectique ⁶¹ defectionem audire Decemviros creant, qui provideant, ne quid a Rege detrimenti capiat. Illi tumultuario milite, quem paucis diebus summo studio comparaverant, loca *Senensibus* finitima pro temporis angustia muniunt, *Federicum*que *Feretranum*, *Urbini* Comitem, virum bello, ac pace egregium, socium atque amicum in primis, conducunt; qui cum equitibus mille, peditibus optato tempore, summa celeritate subsidio *Florentinis* veniens, ad corroborandos civium animos, & cohibendas hostium incursiones maximo præsidio, ac salutis fuit. *Alphonsus* interea *Senensium* perturbatus responso, magna que ⁶² spe

A dejectus, agros *Florentinorum Senensi* conterminos haud adversantibus illis late populatus, captisque duobus ⁶³ castellis ignobilibus minimo cum præsidio relictis, alterum vi, deditione alterum, in *Volaterranos* flexit. Inde cum *Florentinorum* equites Duce *Federico* extremum agmen caperent, dispersique per oppida, ut ab hostili oppugnatione tutiora essent, instarent, nec vagari late finerent: urgente hyeme per *Senensium* fines maritimam oram petens, *Castilionem Piscariæ* mari, ac stagno propinquum paucos post obsidionis dies dedentibus se oppidanis recepit. Arx deinde cum plures menses (& hyems erat aspera), defendi potuisset, præfecti ⁶⁴ ignavia est tradita. Post hæc in hiberna distributo per oppida exercitu, ipse in locis ⁶⁵ maritimis confedit. Ea hyeme ab incursione hostium, nisi latronum more, quietas loca, præter pauca *Florentinorum* fuere. Aestate sequenti, ne tantis copiis nihil actum esse videretur, *Plumbini* oppidum mari proximum, ac opibus validum, non absque data ipse brevi ejus potiundi, expugnare adoritur. Magno apparatu ad occidentem castris positus oppidum ⁶⁶ circumfedit, utque commeatus exercitui suppetere (neque enim omnia usui necessaria a *Senensibus* ⁶⁷ poterant perferri) classem, qua *Neapoli* tum annona, tum instrumenta bellica ad prosternendos muros subveherentur, paravit: ita & res frumentaria abunde in castris erat, & bombardæ ingentes, aliaque tormenta delata sunt. Castra ab hostium incursum militibus, tum loci natura munita erant: nam mari propter paratam classem nil timeri poterat; a continenti tum stagna, tum montes difficiles aditu intercedebant; qua adiri ad castra poterat, fossa, & repagulis munierant. *Renaldus Ursinus*, magni vir animi oppido imperabat, qui Regis antea explorato animo, frumento, militibus, armis, diversisque ad resistendum machinis egregie oppidum firmaverat, fœdusque cum *Florentinis* inierat, a quibus nihil, quod ad defendendum oppidum pertineret, prætermisum est. Nam & commeatum ⁶⁸ invehi, & peditibus oppidum tueri curabant, conducto insuper ad quatuor millium virorum equitatu, regiones castris propinquas tutas ab incursum hostium præstabant: & nisi inter quosdam equitum præfectos simulas, atque invidia, dum de dignitate contendunt, suborta foret, haud inultas *Alphonsus* injurias tulisset. Data est enim sæpius facultas nocendi castris, si communi consilio rem aggredi voluissent: sed dum quisque alterius spreto consilio suum rebus gerendis præfert, ostenderunt eam verissimam haberi sententiam, plurium ⁶⁹ imperium in gerendo bello perniciosum, & in magnarum rerum administratione ad unum deferri imperium debere. Præter equites, peditesque Regi oppositos, a Decemviris insuper in *Pisano* portu tri-

56. *Tibur*. Urbem olim Latii, nunc agri Romani 16. mill. a Roma in ortum distantem.

57. Eodem mense, Februario, VII. kal. Martias. Pontif. ann. XVI. ætatis LXVII. S. Antonin. p. III. Tit. 22. c. 11. § 17. *Platina* alique, ætatis anno LXIV. occubuisse referunt.

58. Creato, &c. Pridie nonas Martias intra duodecim dies a defuncto Eugenio, novus Pontifex electus Thomas Sarzanus a Sarzana Lucensi agro, qui Nicolaus V. dictus est.

59. *Senenses* duo. Quorum princeps Antonius Petruccius. Malavolt. lib. III. p. III.

60. Cum neque præsens auxilium esset. Præsens auxilium adfuisse testatur Ammirat. p. II. Hist. Flor. lib. XXII. deficient enim Simonetto, Urbini Comes cum mille peditibus, & ostingentis equitibus supervenit.

61. Præfectique Simonetti.

62. Magnaque spe dejectus. Urbis potiundi, quod facile sibi suaserat.

63. Duobus castellis. *Ceninæ*, & *Ripomerantiæ*. Ammirat. p. II. lib. XXII. p. 55.

64. Præfecti ignavia. Bernardi Aringherii, qui absens capite damnatus est. Ammirat. ibid.

65. In locis maritimis. In *Aquerivæ* oppido.

66. Oppidum circumfedit. kal. Julii.

67. A *Senensibus* poterant perferri. Qui *Plumbini* Regulo auxiliari tentabant, quippe amico, suæque tutelæ commendato.

F 68. Commeatum invehi. Quatuor triremibus tercentos pedites una cum commeatu *Plumbinum* invexere, dum aberat *Alphonso* classis. Ammirat. lib. XXII.

69. Plurium imperium in gerendo bello perniciosum, &c. Quod & *Torquatus Tassus* in lib. I. innuit.

Ove un sol non impera

.
Ivi errante il governo esser conviene.

remes quinque, quibus & oppidi maritimam oppugnationem cohiberent, & classi regiæ ad subvehendos in castra commeatus impedimento forent, paratæ sunt. Ex *Plumbinum* profectæ cum in conspectum hostium venissent, non exploratis eorum⁷⁰ viribus, non cognito navium numero, nulla rei bene gerendæ expectata facultate, pugnandi copiam e vestigio fecere. Ingens certamen, & anceps diutius pugna fuit: primo impetu naves quædam regiæ captæ in quas dum milites ex suis triremibus insilirent⁷¹, hosti in eas defensore vacuas transeundi locum dedere. Plures numero triremes regiæ erant; ad hæc minores naves illis aderant. Demum subministrante in horam Rege parvis navigiis novos, ac recentes in classem milites (nam prope littus gerebatur res) cum integri faucibus, fessis succederent validi, haud parva⁷² utrinque cæde *Florentini* superantur. Duabus captis triremibus, reliquæ in fugam versæ *Pisas* redeunt. Eam cladem præfecti⁷³ culpa, maritimæ pugnae penitus inficii, qui neque loco, neque tempore in conspectu exercitus hostium temere decertavit, acceptam ferunt. Elatus ea victoriæ Rex, cum mare tutum ab hoste relictum esset, acrius ad diruendos machinis muros instabat. Verum quod interdiu ceciderat, noctu ab oppidanis reficiebatur. Aggere præterea interius, quo à lapidum jactu firmiores essent, muri corroborabantur. Sæpius etiam variis præliis victoria tentabatur, sed defendentium virtus hostium vires superabat. Pollicitus quoque *Renaldo* est *Alphonsus*, pro unico oppido plura se illi, atque ampliora, adjecta etiam pecunia, in regno daturum. Quæ omnia ab eo contempta sunt, certum imperium dubiis promissis præferente. Ita æstate integra ferme in ea oppugnatione⁷⁴ nequicquam absumpta, fesso labore, incommodisque exercitu, ac multis affecto vulneribus, necessitas *Alphonsum* compulit ad omittendam obsidionem. Missa terrestri⁷⁵ itinere majori exercitus parte, ipse *Castilionem* profectus classe⁷⁶ *Neapolim* petit. Poterant *Florentinorum* præfecti nullo ordine abeuntes, atque incompósitos magno cum detrimento hostes insequi, nisi satis abunde factum duxisset Senatus noster, illos rebus omnibus amissis turpiter fugere. Mirum erat videre equos, hominesque prope urbem iter facientes, confectos macie, fordidos veluti silvestres, quosdam ferme nudos, præmissis equis, pedibus redire. Agi deinde per *Nicolaum*⁷⁷ Pontificem de pace cœptum est, tentataque Regis voluntate, cum ad concordiam inclinaret, *Florentinis* persuasit, ut oratores⁷⁸ *Neapolim* mitterent: sperare se procul dubio omnia conventura. Qui prius ad Pontificem, tum ad Regem profecti pacem composuerunt. In conditionibus aliquamdiu variis sententiis certatum, æquum censentibus oratoribus, *Castilionis* arcem per injustum ereptam bellum resti-

tui. Rex se nequaquam pro sua dignitate id ex pacto facturum dicere. Est tamen per eos, qui consilio Regi aderant, haud dubia spes⁷⁹ oblata, illum ad eam ultro reddendam liberalem fore. Decreta omnia aboletæ, hæctenus ab altero in alterius damnum, injuriamve facta. Immunitates quoque, ac exemptiones negotiatoribus restitutæ, quibus in Regis ditione *Florentini* antea usi essent. Id est præterea foederi adjectum, ut siqua posterum dissensio, discordiæ ex quavis causa Regem inter, ac *Florentinos* emergeret, ejus cognoscendæ jus, arbitriumque in solo esset *Nicolaus* Pontifice, ad quem omnis futuræ controversiæ haberetur provocatio; utque nulli liceret alterum armis incescere, aut appetere bello, nisi ex decreto Pontificis, & ejus sententia prospecta. Ingens quoque pecuniæ poena injuncta est foederis violatori. Anno quinquagesimo supra mille quadringentos his aliisque legibus firmata pace, cum in otio quieturus *Florentinus* populus videretur, *Venetorum* ambitione simul, & *Alphonsi* ampliandi imperii cupiditate, novo bello, insperatoque est provocatus. Quod sane periculosissimum fuit, & maximis viribus gestum; nam validæ utrinque opes erant, & pari odio dimicabatur. Ad cujus originem explicandam paulo videtur ab instituto digrediendum. Defuncto⁸⁰ *Mediolani* Duce absque heredibus *Philippo*, cum cives libertatem asseruissent, *Veneti*, qui post ejus mortem ad *Galliæ Cisalpinæ* imperium aspirabant, *Placentiam*, *Laudamque* urbes⁸¹ per intestinas factiones occupaverunt: cæterasque vicinas urbes facile in suam redegerunt potestatem, utpote novam Rempublicam non satis firmam viribus arbitrati, nisi *Mediolanenses Franciscum*, qui in propinquis locis erat, a *Philippo* ante obitum accersitum, ducem belli adversus *Venetos* sibi delegissent. Is e vestigio occurrens hostibus, in primis *Placentiam* obsedit, expugnavitque⁸², licet firmissimo *Venetorum* præsidio, & duabus arcibus munitam. Sed animi magnitudo *Francisci*, virtusque superavit omnia, quæ multa proposita erant discrimina. Unica pugna, & ea admodum aspera urbem maximo vitæ discrimine sola vi cepit. Nam cum muri partem, qua oppugnabatur, obequitans, milites ad prælium, & ascendendos scalis muros hortaretur, equo bombardæ lapide ad terram prostrato, ipse telis, sagittisque hostium, ac saxis, utpote in fossâ jacens laceffit, concursu suorum ad casum ejus supervenientium vix interitum evasit: nec tamen propterea ardorem remisit pugnae, sed furgens instabat ardentius oppugnationi, cohortationique suorum; donec multis cum hostium, tum suorum interfectis, virtute militum urbem cepit, ac diripiendam militi concessit: pauloque post arces deditione⁸³ facta recepit. Trajecto deinde *Abdua* flumine, apud oppidum *Caravagium* ab eo obsessum, *Venetorum* exercitum commissa acie prostravit⁸⁴. Fusis fugatisque hostibus,

70. Eorum viribus. Decem triremes aliasque corbitas fuisse narrat *Capponius*, sex tantum triremes, & tres corbitas enumerat *Barthol.* *Facius lib. IX. de Gestis Alph.*

71. Insilirent. Prædæ intenti.

72. Haud parva utrinque cæde. Usque ad noctem pugna protraxit. *Ammirat. p. II. lib. II.*

73. Præfecti &c. Hujus nomen *Ammiratus* ipse se ignorare fateatur: præfectus vero hostium fuit *Garzerarius* *Rechesius* Hispanus. *Barth. Facius lib. IX. de Gest. Alph.*

74. In ea oppugnatione. Haud diligenter narrat *Barth. Facius ibid.*

75. Terrestri itinere. Per *Senensem* agrum confecto. *Malvolt. p. III. lib. II.*

76. Classe *Neapolim* petit. Cajetam classe petiit, deinde terrestri itinere *Neapolim*. *Ammirat. lib. XXII.*

77. Per *Nicolaum* Pontificem. Qui *Joanni Cardinali Morinensi* munus hoc injunxit. *Rayn. Ann. Eccl. ad ann. 1448.*

78. Oratores. *Jannotius Pandulphinus*, & *Francus Sacchetus* missi. *Barth. Facius lib. IX. de Gest. Alph.*

79. Spes oblata. Vanam fuisse spem exitus probavit. *Barth. Facius ibid.*

80. Defuncto *Mediolani* Duce. Apoplexia correptus occubuit mense Augusto, ut *S. Antonius* narrat. Alii alio fato sublatum volunt, inter quos *Corius* fluxu sanguinis. Vide *Gobel. in Comm. Pii II. lib. I. & 3.*

81. Urbes. *Guelphi* eas, missis ad id legatis, *Venetis* dedidere. *Corius p. V.*

82. Expugnavitque. Disiectis muris ingressus *Sfortia*, *Gerardum Dandulum*, & *Thaddæum Atestinum* cum mille pedibus, qui paulo ante urbis præsidio advenerant, cepit. *Petr. Justin. Hist. Ven. lib. VIII.*

83. Deditione facta. A *Thaddæo Atestino*, qui illuc confugerat *Placentia*, ubi captivus detinebatur. *Corius p. V.*

84. Prostravit. Navalem classem, cui *Andreas Quirinus* præerat, apud *Casale* subactam igne absumpsit, deinde *Michelettum* apud *Caravagium* superavit, captis *Guidone Rangono*, *Jacobo Catelano*, *Matthæo Capuato*. *Corius ibid.*

1448 bus, magnaue ex parte captis, *Brixiam* obsedit, quam ad se tradendam suadendo potius, quam viribus allicere conabatur. Varie tum *Venetorum*, tum *Mediolanensium* animos ea victoria versabat. *Veneti*, ne capta *Brixia*, quam amisso exercitu defendere difficile videbatur, & reliquarum insuper urbium ad defectionem spectantium discrimen subirent, addubitabant; & *Mediolanensibus* suspicio injecta erat, ne *Francisci* validiores opes in suam perniciem verterentur. Quo timore ab eis secreto cohortatos *Brixienfes* fama est, ne se *Francisco* dederent. Exorta inter eos similitate, *Venetis* occasio data est de pace⁸⁵ cum eo agendi, quam sibi necessariam iniqua etiam condicione ducebant. Itaque foedere inito, *Lauda*⁸⁶ oppido concessio, & simul tribus equitum millibus, & certa pecunia⁸⁷, si in *Mediolanenses* arma verteret, ad triennium promissis, ad eam expeditionem hominem cohortati sunt, ut a se omnia belli pericula avertentes, *Franciscum* novo, & minime facili implicarent bello. Quibus pollicitationibus confusus, bello *Mediolanensibus* indicto, auxilio *Venetorum* *Papia*, pluribusque præterea oppidis receptis, ipsam urbem⁸⁸ fame compulsum quam primum se recepturum sperabat. At *Veneti* timentes, ne si tantæ urbis, talisque regionis imperio potitus, non eum quem cupiebant, modum statueret cupiditati: mutato consilio, copiisque suis revocatis, denegata pecunia, societatem cum populo⁸⁹ *Mediolanensi* adversus *Franciscum* coierunt. Existimabant enim eum nequaquam suis opibus id bellum gesturum diutius, & simul sibi persuaserant *Mediolanenses* longo perfractos bello, *Venetorum* potius, qui amici, sociique essent, quam *Francisci* & hostis, & irati imperio se, suaque permisuros. Hac defectione perturbatum *Franciscum*, suasque pensitantem vires, multaue animo rerum pericula versantem, *Cosmus Medices*, vir præstantissimus, maximis in Reipublicæ pace, ac bello gerendis rebus versatus confirmavit, cuius pecunia⁹⁰, opibus, consilio innixus in oppugnanda urbe perseveravit; majorique animo bellum gerens, eam multis tandem fessam calamitatibus, quamvis renitentibus *Venetis*, populi excitato⁹¹ tumultu, in quo & ipse legatus⁹² *Venetus*, ut non sani consilii auctor, occiditur, se dedentem⁹³ capit, anno nono & quadragesimo post mille quadringentos; e vestigioque reliquis locis, quæ ad *Philippi* regnum spectarent, in deditionem receptis, Ducis nomen⁹⁴ assumpsit. Conturbati

A ea victoria *Veneti*, arbitratique Ducem ab adolescentia bella ex bellis ferendo rei militaris scientia clarum, armis ad eam diem, exercitibusque succinctum, laudis, & gloriæ cupidum sibi propinquum haud satis tutum rebus suis fore: quo ille modo aut e statu ejiceretur, aut redderetur infirmior, consultabant. Igitur cum *Alphonso* inita⁹⁵ societate, facultatem *Florentinis*, reliquisque, qui socii in ea ascribi vellent, reliquerunt. Per oratores⁹⁶ quoque eos, ut secum sentiant, hortantur. Omnis ea machinatio eo pertinebat, ut novus Dux, nondum firmato imperio, externa ope destitutus, armis parto imperio pelleretur, ipsique *Gallie* soli Principatum tenerent. Animadversa a prudentioribus, & his paucis civibus *Venetorum* mente in Senatu, obtinuerunt, ut oratoribus responderetur⁹⁷, cum pax ubique foret, nullo novo foedere opus esse. Quo responso conturbati *Veneti* cum ægre ferrent veluti⁹⁸ certam prædam e manibus ereptam, conversi ad belli curam, publico edicto statuerunt, ut qui in sua urbe, suisque finibus negotiarentur, *Florentini* omnes pellerentur⁹⁹, quos secutus *Alphonfus*, sui regni usum & iis interdixit: quæ decreta inhumanissima¹⁰⁰ visa sunt, & longe priori amicitia, foederique contraria; qua re admiratus est admodum *Florentinus* omnis populus, a *Venetis*, quibuscum pace juncti essent, & ad quorum ampliandum imperium nec laboribus, nec sumptibus summa cura adhibita pepercissent, iniquissimam legem promulgatam, cum satis nossent illorum opibus, auxilioque *Brixia* se, ac *Bergomo*, maximaque præterea *Gallie* parte potitos. Igitur Legati ad *Venetos* decreti sunt percontatum tam insolitæ, tam iniquæ rei causam, & simul expostulata decreti immanitate, ut hortarentur ad pacem, & priorem amicitiam conservandam. At ii, qui jam spe sibi victoriam despondissent, aditum¹ ad se oratoribus, negata fide publica, ne quid de communi quiete agi posset, prohibuerunt; quod etiam apud barbaros culpandum videretur. Quibus rebus *Florentiam* renuntiatis, desperata *Venetorum* concordia, variisque contumeliis lacesciti, extemplo omni aliarum rerum cura posthabita, ut aliorum invidia, & ambitioni obviam iretur, simulque re ipsa demonstraret, pacem bello redimendam esse, viresque consilio non deesse, foedus cum *Francisco*, auctore & suasore *Cosmo*, licet multis adversantibus, renovant²; quo haud dubie *Florentinæ* Reipublicæ salus stetit. Nam si *Venetis* hæssissent, Dux procul

85. De pace cum eo agendi. Angelo Simonetto pro Sfortia, & Jacobo Antonio Marcello una cum Paschali Maripetro pro Venetis eam agitantibus. Petr. Justin. lib. VIII.

86. *Lauda* &c. Dummodo ille castella, & captivos restitueret. Corius p. V.

87. Pecunia. Tredecim aureorum millia in singulos menses promissa. Ibid.

88. Urbem fame compulsum. Castris enim in suburbio positus, undique urbem circundantibus, nihil importari poterat.

89. Cum populo *Mediolanensi*. Henricum Panigarolam Venetias miserant *Mediolanenses*, qui ante Ducis pedes provolutus, ne se civesque suos Sfortiæ potestati permetteret, precatus est. Corius p. V.

90. Cujus pecunia. *Florentina* Respublica 25. aureorum millibus Sfortiam prius juverat, dein Cosinus Medices majore auri pondere eum sublevavit. Ammiratus p. II. lib. II.

91. Excitato tumultu. Ob frumenti inopiam.

92. Legatus *Venetus*. Leonardus Venerius Marci filius, qui *Mediolanenses* in Sfortiam confirmaverat, occisus est a Guaspare, vel Joanne Stampa civibus *Mediolanensibus*. Comment. Pii II. lib. III. Corius p. V.

93. Se dedentem capit. Ducalibus insignibus ei ultro a populo oblati. Comment. Pii II. lib. I.

94. Ducis nomen assumpsit. Die XXV. Martii ann. MCDL. Camp. Hist. Cremon. lib. III. Cor. ibid.

E 95. Inita societate. Licet antea mari congressi fuissent, attamen per Victorem Maripetrum foedus inierunt, ad quod confirmandum ab Alphonso Venetias missi Ludovicus Todus, & Antonius Panormita. Barth. Facius de Gest. &c. lib. IX.

96. Per oratores. Unum tantum oratorem, nempe Matthæum Victurium *Florentiam* miserunt Veneti, a *Florentinis* vero duo Venetias missi, Jannotius Pittus, & Lucas Albitius. Ammirat. lib. XXI.

97. Responderetur. A Cosino Mediceo cive suæ Reip. principe.

98. Veluti certam prædam. Venetis *Mediolanense* imperium e manibus ereptum, ob auxilium a *Florentinis* Sfortiæ præstitum.

99. Pellerentur. Diebus 20. ad discessum constitutis.

100. Inhumanissima visa sunt. Quin immo optimo jure facta, cum vigente pace, *Florentini* Sfortiæ *Venetorum* hosti pecuniam publice dari decrevisset. Quid ergo, si in foedifragos animadversum fuit? Adde a *Florentinis* legatos gratulatum Sfortiæ de adepto imperio missos. Ammirat. lib. XXII. Corius p. V. ne Venetis utar Scriptoribus.

1. Aditum ad se oratoribus, &c. prohibuerunt. Non enim inscio Alphonso Rege foederato cum *Florentinis* communicare licebat. Ammirat. lib. XXII.

2. Renovant. Ad annos decem pro communi defensione. Amm. ibid.

1452 cul dubio in novo imperio. & viribus exhausto succubuisset, ex quo & nobis postmodum illorum arbitrio parendum erat. Venerant interim in *Venetorum*, *Alphonſique* societatem *Sabaudie*, *Monferrati*, *Carpi*que (quorum oppida *Parmam* cingunt) Principes, conveneratque inter eos, ut *Florentinos* longe inferiores bello Rex, ipsi Ducem, tanquam eorum viribus imparem, adorirentur, ea spe ut tot finitimis hostibus circumventum facile debellarent. Quapropter copiis in unum³ contractis, rebusque omnibus ad bellum necessariis comparatis, flavescentibus frugibus agrum *Cremonensem* populantur. In hos *Franciscus*, *Ludovico Gonzaga Mantuæ* Regulo in amicitiam recepto, delatus, exercituque in hostium fines traducto, primo impetu *Bimam* castellum, quod flumen *Olium* ponte jungit, ut transitus fluvii ad hostem pateret, de *Venetis* capit, pluraque⁴ deinceps castella expugnata occupat: inde structa acie fortunam belli tentaturus ad hostes pergit, ea spe, ut victoriam parta ingenti præda consequatur, cum apud illos nullus esset certus⁵ exercitus dux: sed vicissim plurimi imperarent. At illi prælium detrectando, bellumque trahendo, ac cunctando suas res firmiores fore arbitantes, omne certamen consulto evitabant: utque præliandi spem præciderent, paludes, quæ *Brixiam*, *Bergomum*que interjacent, petunt, eo animo, ut nulla rerum conditione discrimen fortunæ committant. *Franciscus* pluribus de *Brixienſibus* castellis captis, castrisque⁶ in conspectu hostium positis, observaturus siqua pugnandi occasio forte offerretur, aggredi nullo modo illos poterat, cum & copiae suæ iis oppositæ, qui cum *Venetis* sentiebant, plures in partes distractæ, & hostium castra vallo, ac fossa egregie munita, & saltus occupati essent. Haud parva tamen ea æstate jactura ab *Alexandro* Ducis fratre accepta est, qui cum mille equitibus *Laudam* urbem profectus, ut eam omnem oram tutam ab hostium incurſione redderet, provideretque, ne quid detrimenti caperent, magnam equitum partem incuria amisit. Nam confecto ferme itinere, cum prope pontem *Cerreti* confedisset, nullisque firmatis stationibus, nulla insidiarum habita cura, vagi, dispersique equites quietem in otium resoluti sumerent, eos aggressi de improvſo hostes⁷ nullo certamine superant. *Alexander* facto suorum globo, viaque ferro patefacta, manus hostium effugit: hi quoque, qui pabulandi causa procul profecti erant, cognita suorum strage, evasere, reliqui omnes capti. Ea victoria admodum lætos hostes, ac præ gaudio lascivientes fortuna haud multo post mentem mutare coegit. *Alexander* enim cupidus præterita damna rescarire, ac acceptam ulcisci injuriam, cum eosmet a quibus detrimentum acceperat ad loca palustri-

1452 bus aquis tuta diverſiſſe compertum haberet, copiis de integro, quas pro tempore potuit, paratis, plures sarmentorum, atque aibustorum fascēs secum deferre peditem jubet, quibus in aquam conſectis locum perviam pediti facit: equites aquas superant. Cum hostes dormientes comperiſſent, ignis tormentorum, pulvere adhibito, in tentoria paſſim jactus, subita flamma tabernacula corripit: equi, impedimentaque singula, milites quoque permulti miserabiliter igni pereunt, plures ſeminudi, inermesque per devia, & nox erat intempeſta, evadunt. *Alexander* maximo *Venetorum* damno jacturam ultus, quæ venerat rediens ad fratrem⁸ revertitur. At in *Etruria* *Ferdinandus Alphonſi* Regis filius ex forma fœderis cum decem milibus⁹ equitum, quatuor peditum *Federico*¹⁰ *Urbini* Comite exercitus duce in agrum *Cortonenſem* deſcendit. Erat enim id temporis *Ferdinandus* adoleſcens, & illius conſilio regebatur. Nam præter eloquentiam ſummam, ac humanitatem, plurimas corporis, animique dotes egregias a natura tributas, rei militaris ſcientia in illo homine principatum obtinebat, adeo ut omnibus ætatis ſuæ Ducibus par haberetur. Nam conſilium in agendo, celeritatem in conſiciendo, prudentiam in judicando quis ignorat? quæ omnia tanta in eo erant, ut aliquem ex priſcis illis ſummis viris cunctis imperatoriis artibus inſtructum ea tempeſtate repræſentare videretur. Sub hoc duce *Ferdinandus* in militiam profectus late ea regione populata, *Areſtium* verſus iter ingreſſus ad ſiniſtram ſelectens, *Fojanum* *Arctini* agri oppidum, quo ſibi veluti ſedem gerendi eligeret belli, obſidet: oppidani¹¹ cum conſtanti ſe defenderent animo, mulierum quoque mira eſſet virtus, virisque haud inferiores fortitudine ſe præberent, tandem poſt quadrageſimum obſidionis diem magna ex parte conſectis muris, Viris, ac fœminis laſſitudine, ac vulneribus conſectis, deſperato¹² ſubſidio ſe ei deditere. A *Florentinis* interea creatis¹³ Decemviris, equites, ac pedites ad ſex millia ſcribuntur, in quibus *Aſtorgius Manfredus*, *Sigismundus Malateſta*¹⁴, variiſque inſuper equitum nobiles ductores accepto ſtipendio auxilio venere. *Ferdinandus* relicto *Fojano*, impositoque¹⁵ præſidio, per agrum *Senenſem* a quibus ob *Florentinorum* odium fovebatur, populata omni qua tranſibat ora finitima, in agri *Florentini* finibus ad arcem, quam *Rencinam* vocant, pervenit, qua ſeptimo die præſecti deditione capta, ad *Caſtellinam* quatuor millibus paſſuum arcis propinquam caſtra poſuit: nulloque intermiſſo tempore variis tormentis oppidum oppugnat. *Sigismundus* exercitus dux cum omnibus¹⁶ copiis ad montem, quem Imperialem vocant, *Bonitio*¹⁷ imminentem, caſtris poſitis, cum præcipue locum ſibi delegerat, tum

3. Copiis in unum contractis. Quindecim equitum, & ſex peditum millibus. Petr. Juſtin. Hiſt. Ven. lib. VIII.

4. Pluraque deinceps caſtella. Pradelboinum, Manerbium, Quintianum &c. Plat. Hiſt. Mant. lib. VI.

5. Nullus eſſet certus exercitus dux. Certum *Venetorum* ducem tunc fuiſſe Gentilem Leoneſium, & quidem celeberrimum, conſtat ex Petro Juſt. lib. VIII. & Pigna lib. VII. Plat. Hiſt. Mant. lib. VI.

6. Caſtris in conſpectu, &c. Ad Quintianum. Plat. ibid.

7. Hoſtes. Carolus Montonius Bracchi filius *Venetorum* præſectus Alexandrum *Sfortiam* ſuperat. Sabell. Dec. 3 lib. V.

8. Ad fratrem *Franciſcum* *Mediolani* Ducem.

9. Decem millibus equitum, quatuor peditum. Duo tantum peditum, & ſex millia equitum refert Barthol. Facius de Geſtis Alph. lib. IX. Octo equitum, & quatuor peditum millia Platina Hiſt. Mant. lib. VI. Viginti peditum, & ſex equitum millia Collemus a Coſto merito obſurgatus.

10. *Federico Urbini* Comite. Huic Baptiſta Poggius patris Hiſtoriam dicavit.

11. Oppidani. Petrus Somma cum CC. militibus oppidum tuebatur.

12. Deſperato ſubſidio. Pactus enim fuerat Petrus Somma, ſe *Ferdinando* oppidum dediturum, ni intra octo dies auxilium ſuperveniret. Ammirat. lib. XXII.

13. Creatis Decemviris. Non hoc anno, ſed ſuperiori. Hi fuere Coſmus Mediceus, Nerius Capponus, Angelus Acciajolus, Lucas Albitius, Orho Nicolinus, Caſtellus Quarateſius, Dominicus Boninſegnus, *Franciſcus* *Orlandus*, *Julianus* *Particini*, & *Bartholomæus* *Franciſci*. Ammirat. lib. XXII. p. 68.

14. Malateſta. Nec non ejus frater Dominicus Ceſenæ dominus, Angelus Simonetta, Michael Cutiniola, Thaddæus Manfredus, Carolus de Oddis. Clementinus p. II. lib. IX.

15. Impositoque præſidio. Quadringentorum equitum.

16. Cum omnibus copiis. Ad ſex hominum millia. Platina Hiſt. Mant. lib. VI.

17. Bonitio. Seu Poggio Bonitio. Briet. Parall. Geog. ubi de *Etruria*.

1453

tum ne caperetur ab hoste (nam facile communi-
ri poterat in totius orae illius pernitiem) tum ut
præsto posset, sive *Pistorium*, sive quam aliam
partem peteret hostis, obviam prodire, obstare-
que, ac extrema vestigia carpere, ne longius va-
garentur. Oppidum interim non satis valido præ-
sidio firmatum cum nullo respiramento ad quie-
tem dato variis operibus, atque machinis oppu-
gnaretur, timerent vero plurimi, ne diutina ob-
sidione, ac lassitudine confecti oppidani defice-
rent, *Aquilanus* quidam vir magni animi, co-
gnomento *Fravaglinus*, pedibus stipendia faciens,
multis oneratus promissis, turma peditum ex om-
ni numero selecta, simulata ad hostes fuga, non
multos post dies observato tempore in oppidum
improvisò confugiens & obsessorum confirmavit
animos, & adversariorum debilitavit. Itaque
amplius mensem omnibus frustra tentatis, hyemis
intemperie fatigati, illius potiundi spe abjecta re-
trocessere; solutaque obsidione, ac motis inde
castris, qua proficiscebantur regionibus late vastat-
is, in *Senensium* loca mari propinqua, ubi com-
meatus, & pabuli copia abunde erat, in hiberna
concessere; quibus ex locis crebræ in *Florentino-*
rum agros a *Ferdinandi* exercitu, quibus sola præ-
da pro stipendio erat, incursiones per hyemem
factæ. Ab *Alphonso* quoque classe agri *Volaterra-*
ni arx munitissima Vada nomine, præfecti¹⁸ pro-
ditione capta, qui pecunia accepta, hostes, ut
primum in conspectum venerunt, admisit. Dum
hæc aguntur, *Florentini* cum grave ducerent solos
se cum *Mediolani* Duce tantam rerum molem fer-
re (nam contra *Alphonso*, *Venetorum*que opes ter-
ra marique pollentium pugnandum erat) in ulte-
riorem *Galliam* ad Regem¹⁹, cuius majores plurima
in eorum Rempublicam beneficia contulerant,
summaque illis amicitia affecti fuerant, legatum
*Angelum Acciajolium*²⁰ equestris ordinis civem am-
plissimum, & ad omnes tum pacis, tum belli ar-
tes prudentissimum, Regique admodum notum
mittunt: cuius²¹ oratione Rex motus cum *Flo-*
rentinis, & *Francisco* foedere icto, cum audisset
Sabaudie Regulum conjunctis *Allobrogibus* summa
cura cuncta parare, ut *Mediolanensi* bellum infe-
rant, cum duodecim equitum millibus magnis iti-
neribus, quo illorum motus compesceret, ad *Rod-*
anum pervenit, quo ex loco extemplo certis
nuntiis negotio dato, literis bellum iis indicit, ni
arma deponant, & ab injuriis desistant. Mirari
se summopere aciem eos adversus illum struere,
qui secum foedere junctus esset. At illi infcios se
ejus foederis testati, mature imperio paruerunt.
Tanti Regis profectio tum ad salutem, tum ad
belli famam, quæ plurimum ad victoriam valet,
multum Duci contulit. Sequens annus, & rebus
gestis & pace, quæ bellum secuta est, insignior
fuit, *Angelique*²² opera, qui orator in *Gal-*
liam accesserat, *Renati* Regis ad *Italiam* adven-
tus secutus est. Qua ex re secundiores res Ducis
factæ, ad quærendam æquis conditionibus pa-
cem proclives *Venetos* reddidere. Interea cum
hiberno rigore terra late nivibus operata, Dux

A exercitum in loca quæ de *Venetis* cepisset, in hi-
berna distribuisse, ac *Mediolanum* petiisset, ve-
re appropinquante a Decemviris major, quam an-
tea, fit belli apparatus, *Alexandrum*que *Sfortiam*
data pecunia cum mille quingentis equitibus in
Tusciam accersitum copiis suis conjungunt. At
Renatus, cui persuasum ab *Angelo* erat, auxilia
sua, auctoritatemque maxime ad victoriam con-
ferre, in qua & sua quoque res versaretur, cum
debellatis *Venetis* facile *Florentinorum*, & *Franci-*
sci opibus in *Neapolitano* regno omnia perturbari
posset, ac recuperari, quod non multo²³ ante
tempore ab *Alphonso* ablatus fuerat; duobus ele-
B ctorum equitum millibus comparatis, ac egregie
omnibus rebus bello necessariis instructis (cum
quæ offerebantur, verosimilia viderentur) æsta-
tis initio Alpes superasset, si per²⁴ *Sabaudie* Du-
cem, qui auro a *Venetis* corruptus, saltus omnes
per quos transeundem erat, occuparat, licuisset.
Qui cum diutius a *Renato* nullis precibus flecti
posset, frustra literis, & oratoribus tempus
terere appareret, necessitate urgente, diverso iti-
nere profectus, æstatis in fine *Saonam*, inde *Ge-*
nuam mari cum paucis, atque ad *Franciscum* ve-
nit. Equites postmodum *Ludovici*, *Caroli Septi-*
mi Gallie Regis filii opera, qui se ducem illis ad-
C venientibus præbuit, in *Italiam* descendentes, se
se *Renato* junxere; qui copiis cum *Francisco* jun-
ctis, in *Brixienfi* agro, eodem in loco, quo prio-
ri anno castra²⁵ posuerunt. *Veneti* vero dedita
opera omne certandi discrimen evitantes, & ipsi
quibus²⁶ antea paludibus, firmarunt castra, eo
consilio, ut diuturnitate belli pecuniis exinan-
tum, & lassitudine affectum *Franciscum* deficien-
tibus viribus debellarent, & quod proximo anno
sperarant, præsentis præficerent. Diutius itaque
cum *Jacobus*²⁷ *Piccininus*, *Nicolai* filius, paterni
nominis gloria, & rebus gestis clarus, flore
ætate juvenis, consilio vero, & animi indole e-
D gregius *Veneti* exercitus dux, & *Franciscus Sfortia*
suspensis animis starent ex alterius factis consilia
sumpturi, *Florentini* valido confecto exercitu²⁸,
in quo ad sex equitum, totidem peditum millia
censebantur, omni studio intenti, ut quæ amise-
rant recuperarent, quamprimum per anni tempus
facultas data est, eductis in campum copiis pri-
mi *Rencinam* profecti, obsessam parvo post tem-
pore recipiunt. Inde copiis omnibus *Fojanum*
ductis, prope oppidum castris positis, illud fir-
mis prædiis obsident. Sexcenti²⁹ regii equites,
peditesque mœnia summa vi defensabant. Post
paucos tamen dies variis oppugnationibus, sed
E maxime lapidibus, quæ a tormentis conjicieban-
tur, effracta porta, disjectaque murorum parte,
titubantibus regiis, defensionemque desperanti-
bus, impressione facta, oppidum est una cum
præsidio captum. Direptis bonis, præda victo-
ribus concessa, castellum libidine, atque avaritia
militari incensum est, hostes ad unum capti. Spo-
liato incensoque oppido, cum equitum præfecti
(neque enim dux unus erat certus) singulis ferme
parere alteri, aut subesse renuentibus, parum in bel-

18. Præfecti. Rubei Attavanti Florentini civis, qui Olcinæ
classis imperatori cum octingentis militibus arcem obsidere
fingenti utro se deditit. *Ammirat. lib. XXII. p. 74.*

19. Ad regem. Carolum VII.

20. Acciajolium. Una cum Francisco Venturio. *Ammirat. ibid.*

21. Cujus oratione Rex motus. Sponderant enim Floren-
tini, si Renarum Andegavensem Ducem, & jam Neapoli-
tanum Regem, sibi auxilio misisset, se suam operam ad re-
gnum recuperandum illi præstituros. *Ammirat. ibid.*

22. Angelique opera. Acciajoli, qui rursus in Galliam una
cum Mediolanensi legato missus fuerat.

23. Non multo ante tempore. Anno MCDXLII. Junio men-

se, Neapoli potius est Alphonso, per aquæductum militi-
bus urbem ingressis. *Collenutius Hist. Neap. lib. VI.*

24. Per Sabaudie Ducem. Ludovicum Amedei filium. Pin-
gonius *August. Taurin. Hist.*

25. Castra posuerunt. Apud Manerbium, per caduceato-
rem bello indicto. *Petr. Just. Hist. Ven. lib. VIII.*

26. Quibus antea paludibus. Quæ Brixiam, Bergomumque
interjacent.

27. Jacobus Piccininus. Qui in defuncti Gentilis Leoneffii
locum a Senatu suffectus fuerat. *Fustin. ibid.*

28. Exercitu. Emanuele Appianum Plumbini Regulum
cum 1500. equitibus nuper conduxerant. *Ammirat. lib. XXII.*

29. Sexcenti. Quadringenti tantum, ut supra adnotavi.

1453 bello administrando concordēs, malle trahi rem, quam pro victoriā decertare viderentur, instantibus *Florentinis* legatis, quos varios etiam superiori anno Decemviri destinarant, ut eorum consilio gereretur bellum, tandem in æstatis fine ad *Vadum* recuperandam abeunt. Obsidione posita, cum hostibus neque animus, neque vires ad defendendam suā ope arcem diutius suppeterent, post mensem desperatis auxiliis suam, rerumque suarum salutem pacti eam tradidere, quæ diruta est, nequando in posterum hostis receptaculum esset. Hoc apparatu, atque his viribus per *Ferdinandum*, ac *Federicum* capta, in potestatem redacta sunt. In *Gallia* vero *Franciscus*, cum in hostium agro diutius fuisset, ac nonnulla de *Venetis* oppida sub suo redegressisset imperio, in eo solum versabatur, ut castra castris conferret, ac signis collatis pugnaret. At *Veneti* in castris otiosi sedentes, bellum detrectando, trahendoque Ducem inopia confectum diutino bello facile vinci posse arbitrati, in aciem copias educere, ac fortunæ summam rerum committere non ausi, exercitum intra munimenta continebant. Verum autumno appropinquante cum duobus maximis exercitibus castra in conspectu fere habentibus æstatem omnem transgressissent, *Renatus*que auxilio venisset, necessitate acti tabernaculis correptis, ac in quo diutius steterant, loco derelicto, commeatus gratia *Veronam* versus juxta *Benacum* concessere: qua ex re *Francisco* facultas data est, ut ommissa omni decertandi cura, ad *Brixiam* occupandam mentem converteret: quod fieri posse tantis viribus conjunctis non magno labore existimabat. Itaque castris cum *Renato* motis, *Urceos* oppidum nobile obsessum, summis expugnatum viribus ad deditionem compulit: Pontem *Vicum*, qui ab eo defecerat, vi captum præda militi concessa diruit, brevique omnem *Bergomensē*, ac *Brixiensem* agrum tanto terrore ac tumultu involvit, ut partim metu, partim *Veneturum* odio castella ad quadraginta occupavit, ac in fidem suscepit. Jamque summa hyems aderat, & Rex ob aeris intemperiem *Mediolanum* concesserat: *Francisci* tamen animus victoriæ cupidus, *Asulam* oppidum opulentum obsidere, atque expugnare statuerat. Bis cum exercitu eo proficiscentem tanta nivium, ventorumque, atque imbrium vis ingruens militum oculos, oraque verberantium suborta est, ut præ frigore, ac tempestate retrocedere, & sententiam mutare cogeretur. Itaque copiis ad castella de hoste capta in hiberna deductis, *Renatus* cum suis in *Galliam* relicto *Johanne* filio rediit. Constans inter omnes fama est, si *Renato* liber ad *Italiam* patuisset aditus, adversam ejus belli sortem *Venetis* subeundam. Nulli enim dubium videbatur, quin, si Vere novo *Renati* copias *Franciscus* secum educere potuisset, loco in quo se tamdiu *Veneti* continuerant, ut postea contigit, pellere eos, & longius progredi compulisset: quo pacto *Bergomum*, & *Brixiam* cogente fame, auxilioque destitutas facile expugnasset. Illud quoque nequaquam ambigitur, suis tantum viribus *Franciscum Venetis* imparem, haud longiori tempore tantam vim belli potuisse ferre: præsertim *Florentinis* tam gra-

A ves in milites sumptus jam aperte detrectantibus: frequens præterea erat opinio, qui primi hibernatum essent, veluti suis diffidentes rebus pro victis habitum iri. Utrinque tum ad præsidia adversus hostes, tum ad hibernandum traducto exercitu, raræ per anni tempus excursions in agros hostiles factæ. Sopierat frigus omnium ferre mentes, & quasi laborum pertæsi pacem plures appetebant: cum *Nicolaus* Pontifex maximus insita otii, & quietis³¹ cupidine, ut tandem si posset *Italiam* pacatam redderet, ac bellis finem imponeret, cunctarum partium oratores ad se vocat. Ad quem a *Florentinis* *Johannatus Pittus*, & *Bernardus Junius* equestris ordinis viri mittuntur. Sed adeo adversa invicem petita sunt, ut diu frustra quæsitæ sit, neque spes facta, pacem repugnantibus iis, quibus odio erat, componi posse, Rege bellum protrahi exoptante, novasque adjiciente in diem leges, ac multa ad bellum pollicente, quibus *Venetos* ab ea cogitatione averteret. At illi Regis calliditate perspecta, arbitrantis aliorum dissensiones & calamitatem, auctoritatem viresque sibi adjecturas, diversis rationibus eam quæsiere. Et sumptus enim belli, & licentiam exosis militarem, cum victoriā desperassent, pacis inceserat cupido: iisdem difficultatibus & Ducem, & *Florentinos* implicari, distinerique censebant. Non enim jam occulte, sed palam *Florentiæ* audiebantur voces bellorum impensam execrantium, eosque detestantium, qui belli quam pacis dicerentur cupidiores. Pacem igitur omnibus exoptantibus, temporum insuper, in quibus res omnis consistit, opportunitate confisi *Veneti*, Religiosum³² quendam probum (ut dicebant virum) regio oratore³³, qui tum *Venetiis* belli, quam pacis cupidior degebat, inscio, ad *Franciscum* mittunt, qui animum ejus pertentaret: quem cum quietem haud horrentem retulisset, in eademque sententia *Florentinos* esse pro certo haberent, per eundem de conditionibus agitant, ac demum secreto foedere, cum varia omni ex parte postulata essent, conveniunt; missioque ad *Franciscum* oratore, doctrina, & probitate claro, *Paulo*³⁴ *Barbo* Pontificis *Eugenii* Nepote, pacem, in qua & *Florentini* per³⁵ oratorem, qui apud Ducem erat, accessere, firmant mense Aprilis, anno quarto & quinquagesimo supra mille quadringentos, ea præcipue lege, ut *Brixienfis*, *Bergomensisque* agri per *Franciscum* capta, *Cremonesis* vero a *Venetis* occupata illius imperio parerent, cui ante bellum serviverant: utque exules captivique factionum, ac civilium seditionum causa facti liberarentur, bonaque³⁶ sua recuperarent, ac frui illis libere possent, sociique, ac foederati utrinque dicti eodem jure, quo cæteri tenerentur. Multa³⁷ præterea, ut omnium bellorum semina, & injuriarum causas tollerent, quæ ut minime necessaria omittenda viderentur, ascripta. Paci vero ut auctoritas, dignitasque adderetur, oratores ad *Venetos* decreti sunt, *Johannatus Pandulfinus* equestris ordinis, & *Petrus Cosmi* filius, viri primarii civitatis, qui exponerent: Non videri satis ad communem quietem pacem esse constitutam, sed societatem insuper, & pristinam amicitiam culpa temporum intermissam communis

1453

1454

30. Si Renato liber &c. A Ludovico Taurinorum Duce, ne in Italiam Renatus descenderet, aditu prohibitus est.

31. Et quietis cupidine. Ut pace inter Christianos Principes firmata, eos in Mahometem, qui nuper Byzantio potius fuerat, excitaret.

32. Religiosum quendam. Fratrem Leonem Camertem. ut Corius p. V.

33. Regio oratore. Ludovico Podio.

34. Paulo Barbo. Petri Barbi fratre, qui deinde Pontifex

F electus fuit, Paulus II. vocatus, anno MCDLXIV.

35. Per oratorem. Dietisalvium Neronem.

36. Bonaque sua recuperarent. Florentini Castilionem Piscariæ, & Gavorrarum ab Alphonso non recuperarunt, ut Ammiratus in fine lib. XXI. p. 78.

37. Multa præterea. Inter quæ, ut Carolus Gonzaga in pristinum dignitatis ac benevolentia statum a Ludovico restitueretur. Platina Hist. Mant. lib. VI.

1454 *nis utilitatis causa renovato fœdere stabiliendam esse. Nam duabus Rebus publicis idem sentientibus neminem in Italia formidandum, aut existimandum quempiam in futurum novas res moliturum. Ita pace diutissima frui utrisque civibus licere.* His dictis, cum quæ afferrentur, vera apparent, novum fœdus, societatemque cum eis, ac *Mediolanensi* ³⁸ coierunt, quibus comprobandis locus Regi ³⁹ est servatus. His peractis, visum est æquum esse ad *Alphonsum* honoris gratia legatos a singulis decerni, qui hanc communem *Italiæ* pacem ineundam cum cæteris suaderent, ne, nulla de majestate sua mentione facta, se spretum queri posset, neve cui daretur occasio turbandi ocii, aut de novo bello cogitandi. Itaque a *Venetis* ⁴⁰, & *Francisco* ⁴¹ oratores, a *Florentinis* vero *Bernardus Medices*, & *Dietisalvius Nero* missi. Pontificis quoque nomine *Dominicus* ⁴² *Sanctæ Crucis* Cardina-

1454 *lis Firmanus*, vir summæ prudentiæ, atque auctoritatis, ut cohortando, monendoque apud Regem pacis, & concordie arbiter esset, Legatus eo proficiscitur. Cum omnes *Neapoli* convenissent, diutius re agitata, cum multæ injectæ dissensiones legatorum sapientia sublata essent, pax tandem, cui & Pontifex ⁴³ ascribi voluit, eademque fœderis lege teneri, constituitur, nonnullis ⁴⁴, quæ ad Regem pertinerent, conditionibus additis. Id inter cætera decretum, ut si qua imposterum discordia inter eos quocumque modo excitaretur, Pontifex ejus judicandæ jus, potestatemque haberet; neque cuiquam arma adversus alium sumere jus esset, nisi postulato prius, expectatoque Pontificis decreto. Data publica per omnes fide, jurequejurando sancita, pax ⁴⁵ denuo *Neapoli* firmatur, anno ferme post superiorem pacem.

38. *Mediolanensi*. Qui hac de causâ Guernerum Castilianensem, & Nicolaum Arcimboldum legatos miserat. *Amirat. Hist. Flor. lib. XXIII.*

39. *Regi*. *Alphonso*.

40. *A Venetis*. Hieronymus Barbadicus, & Zacharias Trivisanus.

41. *A Francisco*. Bartholomæus Vicecomes Novariensis Episcopus, & Albericus Mallestus.

42. *Dominicus*. Capranica, vir sanctitate clarus, cujus vitam pereleganter scripsit Baptista Poggius, quæ habetur in

Miscell. Steph. Balutii To. 3.

43. *Pontifex ascribi voluit*. Ut socius, & ut sequester.

44. *Nonnullis &c.* Nempe ut *Alphonso* in *Genuenses*, ac in *Sigismundum Malatestam* arma movere liberum integrumque esset.

45. *Pax denuo Neapoli firmatur*. Iisdem conditionibus, quibus a *Venetis* apud *Laudum* cum *Francisco*, ac *Florentinis* facta fuerat, paucis tantum verbis ad regiam ostentationem mutatis, ut adnotat *Barth. Facius lib. X. de Gestis Alph. I.*

F I N I S.

O R A T I O

in Funere

LEONARDI ARETINI

a P O G G I O habita.

Ann.
1443.



Odiernus, Florentini, dies atque hic publicus moeror communi voluntate susceptus declarat quanta hujus præstantissimi atque omni laude dignissimi viri virtus extiterit, & quàm cara & grata universæ sit civitati, cum videamus omnes magistratus hujus urbis, omnium ordinum consensum, universum populum ad ornandam hanc funeris pompam una mente suis decretis ultro in eandem sententiam convenisse. Nullus est enim qui se civem esse existimarit, qui non suum studium atque operam præstiterit ad cohonestandas hominis exequias optimè de repub. meriti, & ejus cui parem rara secula protulerunt. Magnum quippe & præclarum hoc testimonium virtutis est & laudis, & mea sententia plurimi æstimandum. Is enim justus & verus est honor qui soli virtuti sponte conceditur & rectè factis, non qui aliunde quæritur, aut precibus est aut suffragiis hominum mendicatus. Non generi, non majoribus, non parentibus Leonardi, non amicis rogantibus, ii honores tribuuntur, sed probitati, prudentiæ, continentiæ, integritati vitæ; ut non externo opere quæsitus, sed à sola virtute profectus appareat. Itaque cum cetera vitæ commoda nobis quærenda sunt, tum verò maximè virtutis ratio omni conatu appetenda, cum tanta illius cultoribus tum vivis tum mortuis sint honoris præmia constituta. Licet autem satis fructus virtutis in ipsa virtute positus videatur, tamen ad laudem quoque confert & posteritatis memoriam ab his diligi, coli, ornari prædicari qui & ipsi in laude vixerunt. Sed mihi pietas præcipuè civitatis, tum celebris hoc in ornando funere civium frequentia maximè laudanda esse videtur, qui hujus singularis viri memoriam tam grata significatione benevolentiae prosequantur. Quæ res tum spectat ad mortui gloriam singularem, tum vivos excitat ad capeffendum eum vitæ cursum quem propter conspiciant hunc civem tales honores consequutum ac tam carum reip. extitisse. Quamvis autem Leonardi virtus nullius externa laudationis opera egeat



LEONARDUS ARETINUS,

Orator et Historicus insignis.

Faint, illegible text at the top of the page, possibly a header or title.



Faint, illegible text at the bottom of the page, possibly a footer or concluding remarks.

egeat ad se ornandam, quippe qui sibi vivens laudem peperit immortalem, tamen præstandum est à nobis debitum officium amicitiae nostrae, quæ jam amplius annis quatuor & quadraginta inter nos similium studiorum cursu cœpta semper vixit sanctissimè absque ulla querela aut benevolentiae intermissione. Solent quandoque inter amicos dissensiones, jurgia, & contentiones exoriri, ut intermissio quædam benevolentiae fieri videatur. Sed nostra semper inviolata permanfit animorum conjunctio, quorum amorem nullius unquam dissidii causa distraxit. Et id quidem jure inter nos contigit. Ea namque vera est ac stabilis amicitia quam optimarum artium studium & bonorum morum similitudo contraxit; quæ quoniam mutua benevolentia & officiis fovetur, necesse est ut ita sit firma ac diuturna. Et licet ab omnibus doctis ac eloquentibus viris hoc munus postuletur ut famam ejus qui hujus seculi nostri & doctorum omnium maximum fuit ornamentum celebrem reddere ad posteros debeant, tamen id præcipuè à nobis suo quodam jure videtur exigere jus nostræ amicitiae & voluntatum studiorumque conjunctio; ut in quem vivum summa beneficia contulimus, defuncti quoque memoriam aliquo munere afficiamus. Sed antequam de eo quod proposui dicere aggrediar, paucis mihi queri liceat de communi omnium nostrum conditione, quæ mihi in angusto nimis & in incerto rerum statu videtur esse posita, deque factorum injuria, quæ me omnibus his privarunt quos mecum ab ineunte adolescentia litterarum studia summâ caritate & benevolentia devinxerunt. Nam primò communem doctorum omnium parentem Colutium Salutatum humanissimum ac doctissimum virum, tum Robertum cognomento Rufum, deinde Nicolaum Nicolum, viros omni litterarum genere & humanitatis studiis præstantissimos, deinceps omni virtute virum celebrem Laurentium de Medicis, pluresque alios summa mihi amicitia conjunctos eripuit nobis. Restabat hic unus veterum studiorum & quasi renascentis olim Academiae Socius, quocum non solum studia sed cogitationes quoque communicare solitus eram, revocans sæpe sermones nostros ad illam prioris ætatis nostræ jocunditatem, cum omnes hi viverent quos modò nominavi. At hunc quoque in ipso fructu laborum suorum interceperunt, ostenderuntque nihil extremo die esse incertius, nihil hac nostra infirmius vita. Et quidem hic obitus nos admonet magis de futuro quàm de præsentis tempore esse cogitandum. Incertus est enim ac dubius status vitæ, fragilis hominum natura, corpus imbecille & quod multos subeat casus. Nam si, ut inquit Varro, homo bulla est, eo magis senex. Erat Leonardus noster septuagenarius, tamen valido corpore ac robusto, quippe qui rarò adversam valitudinem sit expertus, ut nihil ei ad præsens quàm mors repentina extimescendum esse videretur. Sed nihil nos fallit magis quàm quòd nemo adeo senex est quin annum, ut scribit Cicero, speret se esse viturum. Quo fit ut longiùs quandoque trahamus res nostras quàm deceat viros sapientes & cogitata vitæ ratio postulet. Mors enim à tergo instat, & conatus nostros, quamvis honestos, in medio apparatus interfecindit atque abrumpit, & omnia secum aufert, nisi quæ virtute & vitæ bonitate fuerint comparata. Itaque perbeati meo judicio illi æstimandi sunt, quorum vita non hac brevitate temporis circumscribitur, quæ omnibus animantibus est communis, sed ad posteros longo intervallo virtutum beneficio propagatur. Quamvis autem nihil sit in morte mali, neque post ipsam quidem, his qui justè & rectè vixerunt, (nam in ea vitæ antea viri boni præmia adipiscuntur, totaque vita sapientis nihil aliud quàm mortis meditatio esse debet) tamen dolendum est nobis, qui reliqui sumus talium virorum præsidio & virtute privati. Etenim mors non his deffenda aut misera videri debet qui diem obeunt, si justitiam coluerunt, sed illis potiùs qui supersunt. Illi enim fortunæ omne arbitrium effugerunt, his novarum rerum impetus pertimescendi. Illi suum finem, in quo est vitæ perfectio, sunt sortiti; aliis asperum iter agendum. Quò verò meliores habentur fines quàm ea, quæ ad finem spectant, eò sapientis mors melior perfectiorque quàm hæc vita æstimanda est. His mors gravis esse debet quorum vita morti est similis, nulli virtuti conjuncta. Quibus autem perpetua laus & gloria vitæque antea fructus proponitur, ii mortem æquo animo ferunt, tamquam laborum finem & præmia meritorum. Quoniam verò (ut jam redeamus quòd nostra defluxit oratio) illius laudes sumus prosequuturi, cujus nulla pars vitæ laude vacavit, ita eas distribuemus ut tum vitam omni commendatione exactam, tum opera quæ in nostram utilitatem edidit recenseamus. Natus est hic Aretii civitate admodum antiqua ac maximè nobili & olim inter capita Ethruriæ, cum ea potens viris armisque esset, æstimata. Hæc olim urbs adeo opibus virisque magnifica & opulenta fuit, ut eam solam quondam P. Scipioni ad bellum Punicum proficiscenti triginta millia scutatorum pollicitam esse, galeas totidem, pila, gæsa, hastas longas millia quinquaginta, summamque pari cujusque generis numero expleturam, secures, rutra, falces, alveolos, moles, quantum in quinquaginta longas naves opus esset, tritici centum & viginti millia modia, & viaticum decurionibus remigibusque allatura T. Livius refert. Magna profectò potentia, amplitudo, opulentia ejus civitatis censenda est, quæ tantum ad belli Punici expeditionis attulit quantum universa Ethruria vix hodie possit efficere. Sed & nostris quoque temporibus duabus rebus quibus honor & fama præcipuè acquiritur semper claudit, militari gloria, & studiis litterarum. Multos illa civitas nobiles & egregios in re

Vide Aræ-
tin. lib. 14
epist. 1.
& seqq.

T. Livius
lib. 28.

militari viros, ut de superioribus fileamus, nostra ætate protulit, plures litterarum studiis in omni genere doctrinæ præclaros, quorum pars diem suum obiit, pars Dei beneficentia ad communem eloquentiæ & sapientiæ usum nobis reservavit; qui cum sint vobis notissimi, eorum nomina, ne eis blandiri videar, prætermitto. Unum non præteribo, quod forsitan multis ignotum est, Franciscum Petrarcham virum doctissimum ac sapientissimum, cujus ingenio plurimum debemus, patria, ut ipse testatur, Aretinum fuisse. Itaque maximas civitati illi docti omnes & habere & agere gratias debent, quæ Musarum domicilium videtur nostris temporibus extitisse. Certè ab eis humanitatis & sapientiæ studia exulta maximè sunt atque amplificata. Et genere Leonardus minimè claro fuit. Sed quod natura non attulit, virtus elargita est. A se ipso enim nominis claritatem ac generis nobilitatem traxit, quæ vera est & perfecta nobilitas. In quo enim virtutum splendor consistit, in eo ingenua ac perfecta nobilitas inest, non exterius proficiscens, sed nascens domi, non alieno sed proprio beneficio parta, non majorum opera, sed suis vigiliis, laboribus, studiis acquisita. Nam qui genus jactat suum, ut tragicus inquit, aliena laudat. Et quidem quanto præstat lumen præbere aliis quàm alieno splendore lucere, tanto satius est sibi peperisse nobilitatem quàm alterius munere accepisse; si tamen accipi potest, & non sibi quisque nobilitatem comparat virtutum gloria & rectè factis, ex quibus maximè nobilitatis aura resplendet. Itaque sive, ut Aristoteli videtur, ei nobilitas virtute & opibus comparatur, hic egregiè nobilis evasit; sive ut Stoicis placet, sola virtus illam parit, satis abundè nobilitatus est & claritate nominis per ora omnium pervulgatus. Ab ineunte adolescentia Latinas litteras in patria percepit; & cum animo majora quædam conciperet, Florentiam se contulit, in qua uberior discendi facultas & amplior consequendæ laudis campus esse videbatur. Ibi quadriennio juri civili operam dedit. Quo in studio cum plurimum profecisset, supervenit Manuel Chrysoloras ex urbe Constantinopoli, Græcorum omnium sapientia & eloquentia tum faciliè princeps, qui studia Græcarum litterarum, quæ jamdiu in Italia oblita & sepulta erant, apud nos primus excitavit. Et cum plures ad ejus doctrinam confluerent, haberenturque cœtus præstantiores, Leonardus illorum gloria commotus, cum in eo studio magnam laudem propositam videret, posthabita juris civilis cura, adhæsit Manuelli; brevique effecit ut omnes coaudatores tum bonitate ingenii, tum studio diligenti faciliè superaret. Exercebatur tum Latina in Græcum sermonem, tum Græca in Latinum convertens. Sed cum utraque in lingua adeo profecisset, ut eloquentia excelleret omnes, qui tum doctissimi habebantur, labores verò suos tantummodo laudari, nihil verò sibi asferre emolumenti cerneret, & premebatur inopia, ut qui tenui esset censu, rediit ad disciplinas juris civilis, quæ suis cultoribus opes & divitias pollicentur. Querebatur sæpe mecum pro nostra familiaritate se invitum & necessitate compulsum relinquere ea studia ex quibus magnam sibi gloriam paratam omnes prædicabant, & ad eam scientiam quæ jam antiquasset se everti; præsertim cum tanquam studiorum suorum primitias jam quædam opuscula edidisset summa cum eloquentia & omnium commendatione. Accidit interea ut ego ad curiam Romanam proficiscerer, Bonifacio IX. Pontifice, fieremque paulò post quàm accesseram litterarum apostolicarum scriptor. Quod officium & utile est & honestati dignitatique conjunctum. Successit anno post Innocentius VII. defuncto Bonifacio in pontificatu. Et cum antea Leonardus, qui illam legum molestiam effugere cupiebat, primò verbis, deinde litteris egisset mecum, ut curarem, ut in curiam accersiretur ad aliquod exercitium, ex quo victum honestum posset consequi, mihi verò cum his, qui essent Innocentio proximi summa esset necessitudo, laudando Leonardum, & orationis elegantiam virtutemque præ ceteris extollendo, ac simul quædam ejus scripta ostentando, effeci, ut is, licet ignotus tum Pontifici tum ceteris, ab Innocentio Secretarius fieret, duorum præsertim opera, qui Pontifici etiam carissimi, mihi que satisfacere cupiebant. Qua in re multas ac graves contentiones suscepi adversus quosdam, qui illud idem summopere ambiebant. Sed ego omnia pro amico subeunda esse judicans, & illius desiderio satisfacere cupiens, nullum laborem, nullam diminutionem honorum, nullam malevolentiam pro nostra conjunctione declinandam putavi. Meis itaque litteris accitus ad Urbem, paulòque post meorum opera Secretarius effectus, ostendit vera esse, quæ à me de eo ferebantur; brevique se in Pontificis, qui humanissimus erat, benevolentiam insinuans, illi acceptissimus fuit. Eodemque officio, quod semper summa integritate, fide, innocentia administravit, Gregorii quoque atque Alexandri & Johannis tempore, cujus pontificatus quæstuosissimus fuit, functus est, multasque tum pecunias Johannis indulgentia contraxit. Sed cum Johannes esset Bononiæ, Leonardus accitus est à vobis in Cancellarium. Quo in officio paucis mensibus præfuit. Nam tum novi exercitii difficultas, tum majoris spes emolumenti, eum coegerunt ut abdicatione officio, ad prioris exercitii vitam rediret. Romam, in qua Johannes Pontifex aderat, profectus est. Paulòque post uxorem duxit adolescentem optimam, ex qua unicum filium suscepit, quem mœstum & sordidatum flentemque videtis. Tum ad Urbem rediens, Pontificem sequutus est quoad Constantia civitate Germaniæ, quò Concilii causa accesserat, aufugeret. Hic cum cerneret Johannem præcipitem se agere, mul-


Vide Aretin. lib. 1. epist. 1. 2.

Vide Aretin. lib. 3. epist. 12.

ta verò tum pericula illum sequentibus impendere viderentur, finem illius sequendi sibi constituens, Florentiam reversus est. Et cum litteris ac scribendi rure contentus, ac honesto otio frueretur, iterum cancellaria ei à vobis demandata est; quæ summa cum laude atque auctoritate usque ad extremum vitæ tempus ab eo gesta est. Functus est etiam summis magistratibus civitatis. Nam bis ex Decemviris summo civium favore factus fuit, vexillumque societatis tribus gessit, ac ex Prioribus unus creatus est. Ad id quoque (quod præcipuum est in civitate) vexillum pervenisset, nisi mors vivendi finem attulisset: quæ licet in ætate provecta contigerit, tamen acerba dici potest atque immatura, si virtutes ejus consideretis, si mores, si scribendi utilitatem, si gravitatem, si prudentiam, si otium quod semper ad scribendi curam utilitatemque viventium conferebat. Quæ omnia nobis dies unus abstulit, eumque abstulit quem, si fas esset optare, oportebat fieri immortalem. Quia autem duo genera sunt hominum qui procul à laude militari vitam honestam sequuntur, alterum eorum qui animum suum applicant ad rempub. gubernandam, inque ea administranda labores pro communi utilitate suscipiunt, alterum eorum qui otio dediti litterarum quiescunt procul à turbine populari, utrumque Leonardus noster est summa cum laude complexus. Nam otii fructus uberimos nobis & quamplurima ingenii sui monumenta reliquit. Rei etiam publicæ curas gubernandæ adiit; in qua ita versatus est, ut summa continentia, integritate, & virtute, atque innocentia nemini cesserit, & præstiterit multis. Magna hæc summi ingenii argumenta sunt & præstantis naturæ insignia, cum in otio tantum reipub. muneribus sit impartitus quantum qui nihil aliud agunt, & tanta conscripserit quanta ne illi quidem assequuntur qui procul à reip. laboribus summa in quiete consenescent. Vita fuit per omnem ætatem parcissima ac severa. Summa vixit æquitate, continentia animi, modestia, justitia, ut qui neminem unquam lacerasset injuria, nemini maledixerit. Amicis præsto erat, si quid ejus opera uti vellent. Prudentia ac gravitas in eo viguit singularis. Quod ei tempus à litteris supererat & à reip. negotiis, tum privatæ rei impartiebat, tum cœtui amicorum, quibus admodum delectatus. Domi severus, foris humanus fuit. Morosior paulum difficiliorque habitus est quam studia humanitatis & doctissimi viri ratio postulare viderentur. Sed morositatem parcitatemque à natura contraxit, virtutes sibi studia ac scribendi agendique diligentiaque pepererunt. Verum quod multis vitio tribuitur, id ego in viris doctis minimè judico reprehendendum. Non enim aliquando non sibi nasci hominis est virtute præstantis, sed trunci potius ac stipitis insulsi. Quidam tarditate mentis & stupore quodam pigrescunt, nihil sentientes, etiam si more bubulorum stimulo pungantur. Quod non virtutis videtur esse, sed stupiditatis. Nam excitata ingenia prompta vigentia necesse est commoveri quandoque ad breve tempus; & aut aliorum timiditate aut injuria aut errore subita quadam indignatione excitari, id magis naturæ ingentis ac perspicacitatis esse videtur quam aut dissimulare passionem, ut multorum qui se bonos haberi volunt mos est, aut omnino non commoveri, quod nulla virtus præstat, sed mores aut callidi aut hebetes sensus aut ignari. Non autem subita effervescencia & repentina quædam indignatio, quæ nemini noceat, est vituperanda, sed potius commendanda. Excitat enim animum, & ingenium solet reddere perspicacius. Hæc vitæ ratio viri optimi fuit, quam paucis prosequuti sumus, ut ad ea quæ majora sunt, quæque mihi secundo loco proposueram dicenda, veniamus. Cum adhuc Græcis auctoribus Florentiæ vacaret, transtulit sermonem quendam beati Basilii, quem habuit ad discipulos instituendos mira dicendi suavitate, ut non traducta oratio, sed à se profecta videretur. Deinde summa elegantia dialogum quendam edidit, in quo cum primo libro viros præstantissimos doctissimosque Dantem, Franciscum Petrarcham, Johannem Boccacium, eorumque doctrinam, eloquentiam, opera impugnasset, secundo in superioris excusationem ipsorum & virtus laudata est. Et vita Tiberii & Cai Gracchorum, Pauli Æmilii, Catonis posterioris, Sertorii quoque & Ciceronis ex Plutarcho Latinas fecit. Sed vitam Ciceronis non tamquam interpres sed velut à se editam composuit, multa addens à Plutarcho prætermissa. De laudibus hujus florentissimæ urbis edidit librum unum. Transtulit præterea libellum Xenophontis de tyranno, ex Platone verò Gorgiam & Phædonem & epistolas quasdam. Ex Aristotele autem oeconomicam, in cujus explanationem quædam edidit, ac ethicorum & politicorum libros, in quibus rejecta barbarie pravorum translatorum, ita ad verbum ferè sententias exprimit ut facile intelligi queant à Latinis. Insuper Aristotelis vitam scripsit multis ex auctoribus tam Græcis quam Latinis contractam. Commentaria quoque primi libri belli Punici ex Polybio Græco historico duobus libris expressa reliquit. Ex Procopio historiam Gotthorum quatuor libris complexus est. Volumen quoque epistolarum & plura opuscula, velut de militia, contra hypocritas nostri temporis, separatim historiam; multa quoque præterea composuit in quibus dicendi elegantia & summa ingenii vis apparet. Sed quod sibi summam etiam laudem omnibus affert seculis, historia est de rebus Florentinorum duodecim libris scripta. Orsus est eam paulò supra trecentessimum annum, à quo tempore res populi Florentini certiores ex superiorum scriptis reperiuntur, opus certè luculentum, & quo fama nomenque Florentinæ urbis in æternum ad po-

posteriores certo & maximæ auctoritatis scriptore demandabitur. Non autem quod proposuerat ad extremum deduxit. Nam cum constitueret ad hæc nostra tempora usque historiam proficere, bella solummodo quæ cum priori Duce Mediolani gessimus conscripsit, reliqua perficere conantem mors interrupit. Hujus historiæ causa singulare à vobis est ei virtutis præmium constitutum, quod & gratæ & ob susceptum beneficium civitatis memoriam præberet & alios excitaret ad commendanda gesta ejus urbis quæ tam memorem se præstaret bene erga patriam meritorum. O civitatem egregiam! O rempub. & summis laudibus extollendam! O dignam maximo imperio urbem, in qua tanta doctrinæ præmia exposita esse videamus! Neque ullam esse rempublicam, ullum populum, ullos Principes, apud quos studiis humanitatis & eloquentiæ deditis majora virtutis munera sint concessa, apud quos tantus habeatur optimarum artium studiis honor. Nam cum primum domicilium Leonardus Florentiæ elegit historiamque coepit contexere, civitate à vobis & certa census quantitate, quæ etiam ad filios maneret, in civitate donatus est. Eadem immunitas & Carolo quoque Aretino summa eloquentia atque sapientia prædito postmodum concessa. Postremò quoque & mihi, licet in doctorum aut eloquentium numero minimè sim censendus. Sed tamen mihi, eadem similium studiorum de me concepta opinione, idem muneris tribuistis. Leonardi verò, quæ antè ad tempus concessa erat, immunitatem in laborum suorum retributionem perpetuam effecistis. Tantum abest ut hanc rempub. poeniteat gratias beneficii reddidisse, ut illud majore liberalitate voluerit esse accumulatum. Ubinam gentium audimus tanta beneficia cives, tam propensam in ornandis viris excellentibus civitatem, tanta suffragia eloquentiæ studiis impensa? Hæc verò præstans humanitate ceteris gentibus communis bonarum artium patria dici debet & dicendi artis officina, quæ humanitatis doctrina præditos recipit, colit, fovet, & summis honoribus ornat, tum dum spiritum trahunt, tum etiam dum vita sunt functi. Apud Athenienses olim magna copia fuit scriptorum quorum res gestas suis vigiliis ornarunt, tum Græci, tum peregrini; sed nullum eorum legimus aliqua ab Atheniensibus suorum laborum præmia publicè consequutum. Romanorum facta ac dicta multa præclara ingenia conscripsere. Ennium tantum civitate donatum accepimus opera P. Scipionis. Nullum ex reliquis, cum plures fuerint, comperimus aliquo à repub. munere affectum, cum sua in tradendo posteritati Romanorum memoria vitam & operam collocassent. Hæc sola inter ceteras urbes, tamquam sapientiæ domicilium & studiorum optimorum auctrix, admirabili quadam virtute & animi excellentia Pierum, qui primus ejus gesta suis scriptis in lucem prodere est aggressus, maxima beneficia in vivum, singulares honores in mortuum collocavit, ostenditque quam accepti illi sibi essent quorum opera in suo honore & laudibus versaretur. Magnum hoc in reliquis incitamentum ad capeffendum id doctrinæ genus in quo qui elaborant, maxima suorum laborum vigiliarumque sunt præmia consecuti. Major illorum consolatio quibus civitatis indulgentia fuit tam propensa ut singuli munere fungerentur maxima civium gloria, quorum nomen reddetur scriptorum studiis & tali beneficentia immortale. Sed quoniam Leonardus iter nobis ostendit, tum virtutibus suis, tum ingenii præstantia, ad laudem & gloriam consequendam, hortor eos quorum vitæ ratio est à literis aliena ut ejus virtutem, continentiam, probitatem, caritatem erga patriam imitentur. Licet enim etiam sine litteris civem esse præclarum & eum rempubl. tum consilio atque opere juvare. Nam & apud priscos illos & apud posteriores fuisse permulti absque ulla doctrina excellenti virtute præditi, qui res & bello & pace præclaras magna cum laude gessere. Et cum virtutis laus in actione consistat, continentiam, probitatem, innocentiam, animum in consulendo liberum, in agendo diligentem potius quam scientiam civitas desiderare atque appetere videtur. Verum litteræ si accedant, minimè sunt repudiandæ, sed appetendæ potius si desint, quoniam afferunt summum ornamentum earum cultoribus, & ad res agendas doctiores ac perfectiores solent reddere. Illos verò quibus Musæ sunt cordi, quique bonarum artium studiis deduntur, obsecro ut eum vitæ cursum quem coeperunt, dicendo scribendoque proficere omni conatu atque animi contentione nitantur, sectenturque illius vestigia cujus laudes in cælum consensu omnium efferuntur, in primis autem virtutem colant & habeant vitæ ducem, sine qua & litteræ contemnendæ sunt, & doctrina omnis videtur esse repudianda. Nam quibus pluris est scientia quam virtutis indagatio, illi viri evadunt callidi & perniciosi & tum reipubl. tum ceteris inutiles. Longè enim errant illi à quorum mentibus abest virtus suorum actuum atque operum moderatrix, doctrinamque ad salutem hominum comparatam ad perniciem gentium convertunt. Re enim honesta abutuntur ad scelus & perfidiam, & tamquam virginem castam videntur prostituere in nefarios usus. Itaque omnes qui viri magni & ceteris præstantiores esse volunt nomenque suum reddere clarum, litterarum studiis & doctrinæ exercitia virtutum adjungant, eaque ad reipubl. & ad singulorum utilitatem conferant. Præstat enim indoctum civem esse quam malum, minùsque malus civis rudis quam doctus qui rempubl. perturbat & nocet civitati. Qui autem hæc duo enixè amplectuntur, necesse est ut primum beata vita fruantur, quæ virtute & rectè factis acquiritur, tum verò assequantur memoriam nominis sempiternam,

postre.



postremò felicitatem futuræ vitæ, quæ est vera & perfecta felicitas, quamque omnes debemus appetere, consequuntur.

Epistola POGGII ad GUARINUM, in qua scribit Quintilianum sese apud Monasterium S. Galli, ac Asconium Pedianum adinvenisse, ob quod communi Rhetorum utilitati gratulatur.

POGGIUS GUARINO VERONENSI

Sal. pl. d. Licet inter quotidianas occupationes pro tua in omnes humanitate & benivolentia singulari commodum semper tibi mearum litterarum adventum esse non ignorem, tamen ut hisce perlegendis præcipuam quandam præstes attentionem. Te majorem in modum obsecro: non quidem ob eam causam, ut aliquid in me sit, quod vel summe otiosus requiratur; sed propter rei dignitatem, de qua scripturus sum; quam certe scio, cum sis longe peritissimus, non parvam tibi ceterisque studiosis hominibus esse allaturam animi jocunditatem. Nam quid est (per Deum immortalem!) quod aut tibi, aut ceteris viris possit esse jocundius, gratius, acceptius, quam cognitio earum rerum, quarum commercio doctiores effici-mur, & quod majus quiddam videtur, elegantiores? Nam cum generi humano rerum parens natura dederit intellectum ac rationem; tanquam egregios duces ad bene beateque vivendum, quibus nihil queat præstantius excogitari; tamen haud scio, an sit omnium præstantissimum, quod ea nobis elargita est usum atque rationem dicendi, sine quibus nec ratio ipsa, neque intellectus quicquam ferme valerent. Solus est enim sermo, quo nos utentes ad exprimendam animi virtutem a reliquis animantibus segregamur. Per magna igitur habenda est gratia tum reliquorum liberalium & artium inventoribus, tum vel præcipue his, qui dicendi præcepta ac normam quandam perfecte loquendi suo studio & diligentia nobis tradiderunt. Effecerunt enim ut qua in re homines ceteris animantibus maxime præstant, nos ipsos & homines antecelleremus. Hujus autem sermonis ornandi atque excolendi cum multi præclari, ut scis, fuerint Latine Lingue auctores, tum vel præcipuus atque egregius M. Fabius Quintilianus: qui ita diserte, itaque absolute summa cum diligentia exequitur ea, quæ pertinent ad instituendum perfectissimum oratorem, ut nihil ei vel ad summam doctrinam, vel singularem eloquentiam meo judicio deesse videatur: quo uno solo, etiamsi Cicero Romanæ parens eloquentiæ deesset, perfectam consequeremur scientiam recte dicendi. Is vero apud nos antea (Italicos dico) ita laceratus erat, ita circumcisus, culpa, ut opinor, temporum, ut nulla forma, nullus habitus hominis in eo recognosceretur. Tute hominem vidisti hætenus

lacerum crudeliter ora;

Ora manusque ambas populataque tempora, raptis

Auribus & truncas inhonesto vulnere nares. Dolendum quippe erat & ægre ferendum, nos tantam in hominis tam eloquentis fæda laceratione jacturam oratoriæ facultatis fecisse. Sed quo plus tunc erat doloris & molestiæ ex ejus viri mutilatione, eo magis nunc est congratulandum, cum sit in pristinum habitum ac dignitatem, in antiquam formam atque integram valetudinem nostra diligentia restitutus.

A Nam si M. Tullius magnum præ se fert gaudium pro M. Marcello restituto ab exilio; & eo quidem tempore, quo Romæ plures erant Marcelli similes, domi forisque egregii ac præstantes viri: quid nunc agere docti homines debent & præsertim studiosi eloquentiæ, cum singularissimum lumen Romani nominis, quo extincto nihil præter Ciceronem supererat, & cum modo simili lacerum ac dispersum non tantum ab exilio, sed ab ipso pæne interitu revocaverimus? Nam me hercule! nisi nos auxilium tulissemus, necesse erat illum propediem interiturum. Nam neque est dubium virum splendidum, mundum, elegantem, plenum moribus, plenum facetiis fœditatem illius carceris, squalorem loci, custodum servitiam diutius perpeti non potuisse. Mæstus quidem ipse erat ac sordidatus, tanquam morti rei solebant: squalentem barbam gerens ac concretos pulvere crines: ut ipso vultu atque habitu fateretur ad immeritam sententiam se vocari. Videbatur manus tendere, implorare Quiritum fidem, ut se ab iniquo judice tuerentur; postulare & indigne ferre quod qui quondam sua ope, sua eloquentia multorum salutem conservasset, nunc neque patronum quempiam inveniret, quem misereretur fortunarum suarum, neque qui suæ consulere salutem, aut ad injustum rapi supplicium prohiberet. Sed quia temere per sepe eveniunt, quæ non audeas optare, ut inquit Terentius noster, fortuna quædam fuit cum sua, tum maxime nostra, ut cum essemus Constantiæ otiosi, cupido incesset visendi ejus loci, quo ille reclusus tenebatur. Est autem Monasterium S. Galli prope urbem hanc millia passuum XX. Itaque nonnulli animi laxandi, & simul perquirendorum librorum, quorum magnus numerus esse dicebatur, gratia eo perreximus. Ibi inter confertissimam librorum copiam quos longum esset recensere, Quintilianum¹ comperimus, adhuc salvum & incolumem, plenum tamen situ, & pulvere² squalentem. Erant enim non in Bibliotheca libri illi, ut eorum dignitas postulabat, sed in teterrimo quodam & obscuro carcere, fundo scilicet unius turris, quo³ nec capital. quidam rei damnati retruderentur. Atqui ego pro certo existimo, si essent qui hæc barbarorum ergastula, quibus hos detinent viros, rimarentur ac cognoscerent more majorum, similem fortunam experturos in multis, de quibus jam est conclamatum. Reperimus præterea libros tres primos & dimidiatum quarti C. Valerii Flacci Argonauticon, & expositiones tanquam thema quoddam super octo Ciceronis Orationibus Q. Asconii Pediani, eloquentissimi viri, de quibus, ipse meminit Quintilianus. Hæc mea manu transcripsi & quidem velociter, ut ea mitterem ad Leonardum Aretinum & Nicolaum Florentinum.

E⁴ Habes, mi suavissime Guarine, quod ab homine tibi deditissimo ad præsens tribui potest. Vellem potuissem etiam librum transmittere; sed Leonardo nostro satisfaciendum fuit. Verum scis, quo sit in loco, ut si eum voles habere, puto autem te quamprimum velle, facile id consequi valeas. Vale & me, quoniam id mutuo fit, ama. Constantiæ XVII. KL. Jan. Anno Christi MCCCCXVII.

1. In avitam patriam, addit Mabillon.

2. Reperimus. Mabill.

3. Refertur. Mabill.

4. Ne vita quidem damnati detruderentur, Mabill. ne capitales quidem rei, Menag.

F⁵ 5. Addit Mabillon: qui cum a me hujus thesauri adinventio-nem cognovissent, multis a me verbis Quintilianum per suas literas quamprimum ad eos mitti contenderunt. Hæc in nostro codice desiderantur.

FRANCISCI BARBARI
EPISTOLA
AD POGGIUM,

In qua gratias agit ob varia & utilia Reipublicæ
Literariæ allata.

Etsi præclari facti tui conscientia & eruditorum hominum, de quibus bene meritus es, tanta etiam voluntate contentus sis; tamen pro ea litterarum necessitudine, qua non mediocriter deinde sumus, nostra interesse putavi tibi gratias agere, ut humanissimum hoc officium tuum minime silentio præterirem: cum illorum indicium librorum ad nos dimisisses, quos opera & diligentia tua nobis & posteris recuperasti, ut privatim & publice maximo gaudio & gratulatione frueremur. Nihil enim prope gratius ac jocundius indicari potuisset, quam id, quod communiter ad laudem tuam, quæ (ut debet) nobis carissima est, & ad humanitatis & doctrinæ amplitudinem maximum in modum pertineret. Quis tantum in bonos omnes studium, tot pro communi utilitate labores, tot immortalia beneficia, nisi ingratus esse & haberi velit, tacitus cogitare posset, non intelligo. Tu Reipublicæ causa quid facturus esses facile declarasti; cum te non vis hyemis, non nives, non longitudo itineris, non asperitas viarum, ut monumenta litterarum e tenebris in lucem crueres, retardarunt. Tu Tertullianum, tu Marcum Fabium Quintilianum, tu Q. Asconium Pedianum, tu Lucretium, Silium Italicum, Marcellinum, tu Manilium Astronomum, L. Septim. Valerium Flaccum, tu Caprum, Eutychium, Probum, Grammaticos, tu complures alios Bartholomæo Collega tuo adjutore vel fato sanctos vita donastis, vel longo, ut ajunt, postliminio in Latium reduxistis. Quo factum est, ut in medio desiderii tui cum a me abesses, te potissimum isthic esse gauderem. Quidni, cum nihil tibi propemodum honorificentius ac doctis viris acceptius assequi potuisses, quam ut antequam postulares, majora quam velles, plura quam sperares vetustatis monumenta in squalore latentia ad eruditorum hominum conspectum retulisses. Lycurgo summo viro gloriæ datum est, cum primus Homerum variis in locis per frustra dispersum, quem apud Creophyli pronepotes integre servatum invenerat, ex Asia totum in Græciam reportasset. Si quid illi doctissimi homines, ubicunque sunt, sapiunt, nonne civicam tibi coronam, quæ vitæ ac salutis a te restituta testimonio sit, debent, cum tua virtute factum sit, ut deinceps immortalitatem facile sperare possint: præsertim cum non modo clarissimi viri, sed etiam infimus quisque civis conservatores suos hoc honore dignos judicavit. Aesculapium inter Deos relatum accepimus, postquam cum alios nonnullos, tum Hippolytum supremum vitæ diem functum, aliquot tamen post annos moriturum, ab inferis revocavit: cui si populi, nationes, provinciæ sacras ædes dicaverunt, quid vobis (nisi hoc consuetudo jam pridem abolevisset) faciundum putarem, qui tot illustres ac sapientissimos viros mortuos in perpetuum resuscitastis? quorum ingeniis ac institutis non solum nos, sed etiam posteris bene dicere ac honeste vivere poterunt. Si his, qui castella, urbes, provincias, receperant, triumphum dari majores nostri censuissent, & ego dignitate ac auctoritate & gratia tantum possem, quantum hi, qui fuerunt amplissimi in literario senatu & in æde Musarum, te triumpho dignissimum decernerem; quippe cum eorum doctrina & ratio humano generi longe plus adjumenti afferre possit, quam aliquorum illustrium ducum res gestæ attulerunt. Nam ut hæc paucos indices aliquando ut unam civitatem & unam

A interdum provinciam ab imminentibus periculis cum magna mortalium occasione deliberaverunt & a frugalitate ad omne libidinis genus plerumque converterunt; sic humanitatem & disciplinam, quæ ad bene beateque vivendum & ornatè dicendum accommodatæ sunt, non modo privatis rationibus, sed urbibus, nationibus, universis denique hominibus non mediocres utilitates afferre posse dubitandum non est. Athenienses enim cum Apollinem opinione sua sapientissimum Deum consularent, responsum retulerunt: Se præstantissimos cives habituros, si quod optimum ac pulcherrimum esset, liberorum suorum auribus imponerent. Quod cum doctrinam, quæ libero homine digna, liberos facit, prætenderet; id Indorum gemmas male & aurum interpretati sunt; cum id non ad probitatem, non ad continentiam, non ad constantiam, sed ad avaritiam, cupiditatem, libidinem ac levitatem propensiores reddat. Cato ille perfectus, Ciceronis sententia, Stoicus, cum ex Asia Athenodorum gravissimum Philosophum deduxisset, plus sibi gloriæ, quam Cn. Pompeio ac L. Lucullo deberi censuit, quod inermis ex Asia honestiora spolia retulisset, quam ipsi maximis copiis, magnis rebus gestis, essent consecuti. Ex quibus ille superior Mitbridatico bello, cum Possidonii doctissimi viri visendi ac salutandi causa domum venisset, fores percuti de more a liitore vetuit, ac fasces litterarum domicilio submisit; is cujus imperio ortus occasusque parere didicerat. Quid multa? Nonne Cæsar Dictator M. Tullium hostem quondam suum omnium triumphorum majorem lauream adeptum esse confessus est? Quid quod majores nostri eadem corona Poetas & eos, qui triumpharent, dignos esse censuerunt? Innumerabilia exempla sunt, quæ hic loci, ne infinitus sim, prætermitto. Nec ab honore collegæ & tuo quispiam alienior esse debet, quod M. Marcellus & P. Scipio curru triumphali inveci non sunt, cum Syracusas & Hispanias sine magistratu in potestatem redegressi; quod te & Bartholomæum ad hoc munus obeundum summi & honestissimi ecclesiæ Romanæ Pontificis delectos publice dimiserunt. Quod si Q. Fulvio Capua capta & Opimio Fregellanis ad deditiorem compulsis triumphus decretus non pro recuperatis, quæ aliquando Reipublicæ fuissent, laurea decerni jus esset; quis ita de rebus male sentiet, ut vos vel honore statuae dignos non putet, cum Olympionicis qui nunquam ex se, sed ex lateribus & lateratis suis nobilitati sunt, statuas dicatas acceperit, vos autem ingenio & industria ea perfecisse cognoscat, quæ nisi per homines & peritos & diligentes effici non potuissent. Præterea Sex. Pacuvius Taurus, Aedilis plebejus, cum unam Sibyllarum statuam, duas autem M. Messala, quæ juxta rostra positæ fuerant, restituisset, & plerique sacras ædes ac privatas domos refecissent, non mediocrem laudem adepti sunt; Vos vero quid non estis consecuti, cum Oratores, Poetas, Historicos, Astronomos, Grammaticos, qui jam sine ulla dubitatione deleti erant, restituissetis? Profecto non usitatus honos ac pervulgatus vobis tribuendus est, sed novi singularesque debentur. Ignominia econtra notandi sunt illi Germani, qui clarissimos viros, quorum vita ad horum memoriam sibi commendata esse debuit, quantum in se fuit, vivos diuturno tempore sepultos tenuerunt: quod si prudenter factum est, quid negligentius? si ex sententia, quid crudelius? An quisquam ita invidus esset, ut vos exornari nimum a me censeat? Quos autem orno? Eos nempe, qui hujus litterariæ reipublicæ plurima adjumenta atque ornamenta contulerunt. Libero patri veteres aram dicare, templa collocare, & hecatombas facere voluerunt, qui reperiundi vini usus auctor fuisset, quod plerumque libidinis, furoris, insanie instrumentum est. Nos vero præstantissimorum librorum inventoribus vel mediocrem honoris gradum ne-

gabimus? Profecto si majores nostri novitati invidissent; nec virtutem, nec industriam multis ac præclaris monumentis honestassent, nobis tot bene dicendi præcepta, tot bene vivendi exempla defuissent. Constat statuat C. Terentia sive Suffecia virgini Vestali decretam fuisse, ut poneretur ubi vellet, quia nescio quid campi Tiberini gratificata esset Populo Romano: quæ femina si hoc fortunæ munere tanto honore donata est, quis iniquum putarit, si tibi & collegæ non loricateam, non equestrem, non inauratam, sed togatam & æream in æde Camænarum decernerem. Vellem, Poggi carissime, ut omnes vel exemplo meo curam & industriam, ac diligentiam tuam in imitationem dignam, non invidiam putarent. Profecto nisi hic honestissimus prorogandi memoriam hominum mos prorsus sublatus & antiquatus esset, honorificentissimis verbis hujus monumenti causas complecterer ipse scriptura, sed quoniam hanc veniam nobis & ætatis nostræ & reipublicæ status non præbet, vel senioris illius Catonis mei consilio contentus eris, qui suas res gestas non marmoreis ac argenteis imaginibus, quæ tempestate & vetustate intereunt, sed diuturna civium suorum memoria in perpetuum commendavit. Hæc si tecum cogitabis, æquiori animo & majori consolatione nostrorum temporum injuriam feres. Quid enim magnificentius ac præclarius assequi poteras, quam immortalia hæc tua merita non latere in tenebris, nec esse abdita; sed cum in luce Europæ tum in oculis Germaniæ provinciæ, atque in auribus omnium gentium & nationum esse posita? Quantum & illud est, quod in hoc communi gaudio vobis omnes gratulantur, vobis gratias agunt, quod curas vestras in Reipublicæ dignitatem ac utilitatem defixistis? Quo fit, ut sperem, quemadmodum cerasa Luculliana, Zizypha Papiniana, cum alter e Ponto post Mithridaticam victoriam, alter e Syria in Italiam detulisset, & quemadmodum mala ab Appio e Claudia gente Appiana & pira a Mallio Malliana cognominata sunt; sic hæc litterarum scientia, quæ vestra ope ac opera e Germania in Italiam deferetur, aliquando & Poggiana & Monte-Politiana vocabuntur. Cur autem id sperem? Quod si peregrini quidam frutices, retentis vocabulis, transmigrationis suæ auctoribus æternam memoriam propagaverant, quid de vobis expectari par est, qui hos honestissimos & singulares humanitatis & disciplinæ fructus ad nos attulistis. Accedet ad gratiam, cum uberrimam laborum tuorum mercedem suscepturus sis, si quando, quod maxime vellem, is in universam rempublicam summam potestatem habebit, cui in doctrina, cui in virtute, cui in laude percipienda ab ineunte ætate plurimum studii fuit & temporis. Erit enim sapientis Pontificis Max. beneficiis vestram memoriam persequi & magna vobis præstare, quandoquidem non parva in hoc genere a vobis accepit, quæ eo majora judicio meo censerentur debent, quo minus erant expectata. Sententiam de te & collega non levem & republica dignam dixisse videor: si quis tamen eorum, qui favent laudi tuæ, honorificentior dixerit, in eam me iturum facile recipio; hac tamen mea te contentum fore existimo, cum pro tua singulari prudentia eum honestum tibi triumphum videri putem, cum bene de republica meritis, verbis testimonium, ac consensu spectatissimorum hominum datur. Hæc hætenus. Reliquum est, ut te moneam & horter, ut incumbas toto animo & studio omni in eam rem, & reliquam illam peregrinationem, ad

A quam, ut ad optimum ac doctissimum Guarinum Veronensem scripsisti, probe te comparaveras, ne ullam publicæ & amplificandæ tuæ dignitatis occasionem deferas ac prætermittas. Majus enim quoddam a te Romane litteræ, quam adhuc præstiteris expectant; quod in eam spem abductæ sunt, (ad hoc enim natus esse videris) ut per te Ciceronis de Republica, & Varronis divinarum ac humanarum rerum, & Crispi, & Livii libros, & Catonis Origines (ut ceteros omittam) recepturæ sint. Quare, Poggi suavissime, perge, ut cepisti: nihil tibi sit antiquius, quam quod in his studiis & liberalissimis artibus conducere judicabis. Hi labores quietem, & hæc impensa gloriæ & fortune tuæ fructum quam amplissimum reddent. Quod eo diligentius tibi faciendum est, quod & valetudo Bartholomæi nostri hoc tibi munus magis necessarium efficit. Cum enim illius operam ac vigilantiam non parum his litteris allaturam sperarem, nescio quo casu suo, & fato nostro magna ex spe decidimus. Quamobrem omnes in te conversi sumus, quemadmodum vectores sæva tempestate vexati & cunctis navalibus armamentis nudati oculos in sacram anchoram vertere soliti sunt. Tu igitur solus pro tua cetera diligentia tantum proficis, ut hac tua cura & industria Bartholomæi valetudinem ad hoc munus minus graviter feramus, quæ certe literatis hominibus permolesta est. Id vero nisi tu conficias, quis alter expectationi nostræ respondeat, nescio; & tu communi utilitati & tuæ dignitati defuisse videberis. Quam quidem ad rem ut commodius navare operam queas, quæcunque inveneris, modo digna judicaris, ut scribi cures, & rogo & oro: quid invenisse enim prodest, nisi inventis uti liceret. Nam ut illud plerumque fortunæ, sic hoc virtuti attribui justis ex causis solet: nec indecorum erit beneficium tuum tueri, cujus fundamenta non opinione solum feceris, sed re quoque ipsa auxeris & confirmaveris. Andronici Rhodii vetus vocabis exemplum: nam cum Sylla Appelliconis Bibliothecam Athenis Romam misisset, eique Tyrannionem Grammaticum præfecisset, Andronicus adhibitis librariis & Aristotelis & Theophrasti libros, qui pæne ignoti erant, conscripsit, eosque doctissimis hominibus misit, unde ferme reliqua omnia exempla nata sunt; & ipse apud posteros diligentia sua nobilitatus est: quod tibi quoque faciendum esse judico. Ita enim videri videor: omnes qui favent Poëtis, Oratoribus, Historicis, Philosophis, Mathematicis, qui Latinis denique literis dediti sunt, tuas in laudes certaturos, quod non parvi genus ornamentum censeo. M. Varronis, librorum, qui primo Romæ constituti sunt, curam habentis, ab Asinio Pollione imago posita est, quæ sibi, judicio meo, non minus honoris attulit, cum a principe oratore ac cive amplissimo sibi collocata esset, quam cum eundem classis præfectum Pompejus ille Magnus confectis piratis navali corona donavit. Quod si fortunarum tuarum ratio impedimento sit, hujus impensæ partem in me & alios, qui veteris scripturæ vestigia colimus, arbitrato tuo conferas: tibi enim non modo velut censori parendum statui, sed extra ordinem munus hoc sine provocatione decrevi. Quare voluntati meæ, & honestissimæ peritorum omnium expectationi satisfacies. Quod de tanto singulari in nos amore scribis, gratissimum est: hunc & tu fovebis, & ego quibuscunque potero rebus augebo. Vale. Ex Venetiis pridie Nonas Julias Anno Christi M. CCCC. XVII.



I N D E X

NOMINUM AC RERUM.

A.

Æ Gidius Tusculani Episcopus. 23. E
 Albericus Barbiani Comes. 73. A
 — Florentinos invadit. ibid. D
 — Panzanum capit. ibid.
 Albericus de Cunneo. 123. D. 124. E
 — vincitur a Micheletto. 160. C. D. F
 — suspectus est Philippo. ibid.
 Albertaccius Ricafolanus Florentinorum dux. 10. C
 Albertorum familia. 70. D
 Alexander V. Pontifex. 107. F. 108. A
 — Ludovicum Andegavia Ducem declarat
 Apulia Regem. ibid. C
 — moritur. ibid. D. F
 Aloysius Aldobrandinus Confalonarius. 28. F
 Alphonsus Neapolis Rex Trojam, aliaque Sfortia
 oppida occupat. 199. D. E
 — Bellum movet Florentinis. 204. A
 — Navali praelio Florentinos superat. 205. B
 — Pacem cum Florentinis facit. 206. B
 — S. Eustachii Cardinalis Bononia Legatus. 116. C
 Ambianensis Cardinalis, quis fuerit. 43. A. E
 Amedeus Allobrogum Dux. 135. D. E. F
 — Mediolanensem agrum depopulatur. 140. D
 Ammiratus castigatus. 26. E. 85. F
 Andreinus Ubertinus. 78. C
 — omni majorum suorum imperio a Flo-
 rentinis spoliatur. 92. B
 Angelus Acciajolus. 211. C
 — Pandulphinus. 109. C. 128. C
 — Pergulensis victus, fugatusque a Florentinis.
 96. B
 — Zagonaram obsidet. 123. D
 — Vincit Carolum Malatestam Florenti-
 norum ducem. 124. C
 Antonius Adornus Genua Dux. 66. B
 — duas naves mittit contra Florentinos.
 68. A
 — Luscus. 120. E. F
 — Petruccius Senensium nomine milites scribit.
 151. E
 — Guinifium Luca tyrannum capit. 154. C
 — asperum responsum dat Florentinorum
 legatis. 157. D
 — Pontadereus. 153. C
 — vincitur in Etruria a Tolentino. 166. B
 — Porrus. 91. D
 — Scala Verona Princeps. 50. A
 — Vicecomes. 89. D
 Archiepiscopus Mediolanensis Bononiam emit. 4. C.
 — appetit imperium Etruscorum. ibid.
 — Post Massenum Mediolanum habet. 6. A
 — plures urbes suo adjicit imperio. ibid.
 — Bellum in Florentinos molitur. ibid.
 — Pisas legatos mittit. 10. D
 — Pacem cum Florentinis sociisque facit. 14. B
 — Quibus conditionibus. ibid. E
 — Moritur. ibid. C
 — Ejus heredes. ibid.
 Asculum deficit a Pontifice. 31. A
 Astorgius Manfredus. 176. D
 — Florentinorum dux una cum Sigismundo Ma-
 latesta. 210. D
 Auleus. V. Joannes.

B.

B Althassar S. Eustachii Cardinalis. 89. B
 — cum Mediolanensi Duce Pontificis nomi-
 ne fœdus init. 90. C
 — Ordellaffius Forumlivii occupat. 30. E
 Baptistollis arx. 58. A
 Barbarinum a Mediolanensibus captum. 9. C
 Bardus Rectafides. 86. D
 Barnabas Adurnus. 164. A
 Bartholomæus Ciampolinus. 101. D
 — Valorius. 103. B. 119. D
 — Orationem habet ad populum Florenti-
 num. 119. E
 Benedictus XIII. Antipapa. 72. C. E. 102. C. F
 — Mangiadorus. 73. B
 Benghius Bondelmontes. 17. C
 — Britannos milites a Pisanis conductos
 superat. ibid.
 Berardinus Ubaldinus. 127. C
 — vincitur, & capitur a Guidone Tor-
 relllo. 127. D
 Bernabos Vicecomes. 17. D
 — Pisanis auxilia mittit. ibid.
 — Bellum movet Florentinis, cujus initia, &
 causa. 20. C. 21. B. D
 — ejus in Sacerdotes & Ecclesiam odium. 27. E
 — insignis crudelitatis exemplar. ibid. F
 — cum Florentinis fœdus init. 30. A. B
 — in carcerem conjicitur, & veneno occiditur
 a nepote. 49. A
 Bernardinus a Carda Philippi dux vincitur in Etru-
 ria a Tolentino, quis fuerit. 166. B. C
 Bernardo Aquitanus Florentinorum dux. 72. B.
 84. D
 — vincitur & capitur a Mediolanensi
 exercitu. 86. C
 Bernardus Medices. 215. B
 Bertoldus Urfinus Soana Comes Florentinorum dux.
 95. F
 — dimissus. ibid. B. E
 Bettonium captum & receptum. 14. A
 Bertus Biffolus. 37. C
 Biordus Michelottus. 32. C. F
 Bituricensis Bononia Legatus. 24. A
 — Bernabovis exercitum superat. ibid.
 — Joannis oppidum capit. ibid.
 — Petrus dictus. ibid. E
 Blondi narratio non probata. 137. E
 — Blondus rursus castigatus. 140. E
 — non satis memor. 145. F
 Bonifacius Lupus Florentinarum copiarum dux.
 15. D
 — qua de causa imperio privatus. ibid. F
 Bonifacius IX. fœdus init cum Florentinis. 88. D
 Bononienfes a Pontificis Legato deficiunt. 31. D
 — eorum studium libertatis retinenda. 58. B. C
 — parent Joanni Bentivolio. 79. D
 — subjiciuntur Galeatio. 87. A
 — Pontificis Legato se dedunt. 90. C
 — A Pontifice deficiunt. 171. D
 Brachius Perusinus. 116. B
 Brietius castigatus. 108. F
 Britonum crudelitas. 58. C. 59. A
 Brixia occupatur a Pandolfo Malatesta, quomodo.
 91. C. E
 — Situs ejus describitur. 132. C
 — capitur a Carminiola. 134. C
 Bri-

INDEX NOMINUM AC RERUM.

Brixia oppugnatur a Piccinino, sed non expugnatur. 181. D. seqq.
Brixienſium ſcminarum virtus. 182. C

C.

Cæſar Dictator geſtande laurea juſ habuit. 168. D
Caenſanum oppidum captum a Mediolanenſibus. 9. C
Capitolium Florentia. 2. C
Cappacia. ibid. D
Caritas patria quanti ſit. 80 E
Carolus Boemia Rex & Romanorum Imperator in Italiam vocatur. 13. C
— per quos oratores. ibid. E
— Magnus a Pontifice Leone coronatus. 168. D.
169. A. E
— VII. cum Florentinis, & Sfortia ſcædus init. 211. D
— Malateſta. 74. D
— — ſocialis exercitus dux. 89. C. E
— — Florentinorum dux. 123. A
— — Forumlivii obſidet. ibid. C
— — vincitur, & capitur. 124. C. D
— — dimittitur a Philippo. ibid.
Catharina Bernabovis filia a Duce filio ſuo occiditur. 91. D
Cecolinus Peruſinus. 76. C
Cenſuræ Pontificia quomodo ferantur. 32. B
Certamen ſingulare inter duos Florentinos, & Britones duos. 37. C. D
Ceſenates arma ſumunt, & Pontificis milites eji-
ciunt. 38. D
— contra fidem & juſjurandum immaniter ca-
duntur. 39. A
Cicero imperator ab exercitu dictus. 169. B
Cio Salimbenus. 26. C
Clemens VII. Antipapa. 72. C. E
Coloniſis Archiepiſcopus. 81. D
Cometa Galeatii mortem portendit. 87. E. F
Concilium Claromontanum quando celebratum. 3. E
Coronandi Imperatoris ritus. 168. C. D
Cortona a Ladislao Sicilia Rege occupatur. 107. D
— Florentinis traditur. 109. C
Cortona Princeps. 68. E. F
Cosmus Medices ad Venetos legatus. 175. D
— auxiliatur Sfortia Mediolanum obſi-
denti. 207. D

D.

De Turre factionis Guelfa principes. 5. C
— eorum origo. ibid.
— Mediolano pulſi. ibid. D. E
Dietſalvius Nero. 170. C. 215. B
Dominicus Capranica Sanctæ Crucis Cardinalis. 215. B
Donatus Barbadorus. 32. D
Duces varii ejuſdem exercitus non facile conve-
niunt. 196. B. C
Duellum. V. certamen ſingulare.

E.

Eugenius IV. Pontifex. 158. B. E
— — clam Roma abit & Florentiam petit. 171. C. E
— — ejus exercitus ad Bononiam vincitur a Piccinino. 172. A
— — ſcædus cum Venetis & Florentinis contra Philippum init. 192. C
— — Fædus init cum Alphonſo Aragonia Rege, & cum Philippo. 202. D

— — Bellum movet Franciſco Sfortia, eumque Piceno pellit. 202. D
— — Conſpirat contra Florentinos cum Alphonſo, & Philippo. ibid. E
— — Moritur. 203. A

F.

Faginus Canis. 91. C
Faventia diripitur ab Auguto, & Nicolao Eſtenſi traditur. 32. A
Federicus Feretranus Urbini Comes Florentinorum dux deſignatur. 203. D
Feltrinus Regii Lepidi tyrannus. 23. B
Ferdinandus Alphonſi Regis filius contra Florentinos proficiſcitur. 210. B
— Fojanum capit. ibid. C
Flaſconis urbs deſicit a Pontifice. 30. C
Florentia a Romanis condita. 1. B
— Florino conditam putat Jo. Villanus. 1. D
— a Sylla colonia deducta. ibid. B
— non a Sylla, ſed a Triumviris. ibid. D
— unde ſic dicta. ibid. C. E
— Roma parvula dicta. 2. D
— duos Conſules primum habuit. 3. A
— deinde quatuor, demum ſex. 3. B. E
— in quatuor partes diviſa. 4. A
— Florentini Pratum occupant. 6. B
Florentini, olim Fluentini. 1. E
— quando primum, & quibus paruerint. 3. A
— addicti Gregorio VII. ibid. D
— deſcunt ab Henrico IV. ibid. B
— externum magiſtratum appellant. ibid. C
— Capitaneum, duodecim Seniores, ac Vexilli-
feros viginti inſtituunt. ibid.
— denique Priores creant. 4. A
— ſua ſponte libertatem amittunt. ibid. B
— Carolum Calabria Ducem ad urbis Imperium
vocat. ibid. C
— Piſtorium obſident. 6. D
— Legatos ad Aulegium mittunt. 8. B
— Caſtella in Mugello demoliantur. 13. B. C
— Bellum movent Piſanis, ſed laceſſiti. 15. C
— eorum ſuperſtitio. ibid. E
— Liburnum incendunt. 18. D
— Piſanos ſuperant. 19. D
— cum iis pacem faciunt. 20. C
— ſcædus ineunt contra Bernabovem cum Urba-
no Pontifice variſque Italia populis. 21. C
— ſuperantur ab Auguto Bernabovis duce. 22. A
— Bernabovem ſuperant. 23. A. B
— Pacem cum eo faciunt. ibid. D
— oratores ad Legatum Bononiensem mittunt. 26. D
— cum Bernabove ſcædus faciunt. 30. A
— Pontifici bellum movent. ibid. B
— Bononienses ad defectionem ſolicitant. 31. D
— Oratores ad Pontificem mittunt. 32. D
— eorum in Pontifices beneficia. 35. E. 36. B
— illis interdicitur a Pontifice. 36. D
— Avinione pulſi. ibid.
— legatos mittunt ad Johannam Reginam, &
ad Ludovicum I. Hungaria Regem. 37. B. F
— Pacem cum Pontifice faciunt, & ab in-
terdicto liberantur. 44. C
— civilibus agitantur diſcordiis. ibid. D
— novum ſcædus faciunt. 46. A
— a Carolo VI. Galliarum Rege adverſus Galea-
tium & Senenſes auxilium petunt. 55. A
— Pacem cum Galeatio firmant. 69. C
— Diſſenſionibus agitantur. 70. D
— ſcædus ineunt cum Carolo VI. Rege Gallia. 72. D
Flo-

I N D E X

Florentini secundum cum Galeatio bellum susci-
piunt. 73. C
— Ochiellum capiunt. 74. B
— Fœdere cum Venetis junguntur. 77. C
— Pacem cum Galeatio Venetorum opera fa-
ciunt. 79. C
— Eorum opes. 80. D
— cum Pontifice fœdere junguntur. 88. C. D
— cum Philippo pacem firman. 92. A
— Petro Balneorum Comiti bellum indicunt. ibid. B
— pacem cum Senensibus faciunt. ibid. C
— Pisas emunt. 93. B
— cum Pisanis bellum gerunt. ibid. D
— Vicum capiunt. 99. A
— Pisas occupant. 100. A
— cum Ladislao Sicilia Rege bellum gerunt. 107. C
— fœdus faciunt cum Ludovico Andegavia Re-
ge, & alios. 108. C
— cum Ladislao pacem faciunt. 109. C
— cum Philippo Mediolanensi Duce fœdus fa-
ciunt. 115. D
— Bellum movent Philippo Mediolanensi Duci. 123. A
— vincuntur apud Zagonaram. 124. B
— cum Venetis & aliis fœdus faciunt. 131. C
— Pacem faciunt cum Philippo. 135. D
— Pacem cum Philippo faciunt. 143. C
— contra Paulum Guinifium Luca tyrannum
bellum decernunt. 150. B
— Ad Lucam victi. 156. E
— Pacem componunt cum Philippo. 171. B
— Rursus bellum movent. 172. A. B
— cum Philippo & Lucensibus pacem faciunt. 177. B
— cum Philippo pacem faciunt. 202. A
— Navali praelio superantur. 205. B
— cum Alphonso pacem faciunt. 206. B
— Fœdus cum Francisco Sfortia adversus Vene-
tos ineunt. 208. D
— cum Carolo VII. & Sfortia fœdus ineunt. 211. D
— Fojanum capiunt & incendunt. 212. E
— Pacem cum Francisco Sfortia firman. 214. D
— Societatem ineunt cum Venetis & Sfortia. 216. A
Florentinola occupata ab Ubaldinis. 8. A
Fœdus inter Florentinos, Senenses, Aretinos, &
Perusinos. 12. D
— inter Florentinos, Urbanum Pontificem & a-
lios contra Bernabovem. 21. C
— inter Florentinos, & Bernabovem adversus
Pontificem. 30. A
— inter Florentinos, Galeatium, Bononienses,
&c. 46. A
— Senensium cum Jo. Galeatio contra Florenti-
nos. 51. B
— ad triennium inter Galeatium, Senenses,
Malatestas, Florentinos, ac Bononienses. 52. B
— inter Florentinos, Bononienses, &c. renova-
tur. 69. D. 78. A
— inter Florentinos, & Carolum VI. Regem
Gallia. 72. D. F
— inter Florentinos, & Bonifacium IX. Pontifi-
cem. 88. D
— inter Ludovicum Andegavia Ducem, Flo-
rentinos &c. 108. C
— inter Philippum Mediolani Ducem & Flo-
rentinos. 115. D
— inter Venetos, Florentinos, & alios. 131. C. D
— inter Senenses, Genuenses, & Ludovicum
Plumbini Principem. 158. A

Fœdus inter Venetos, Florentinos, Eugenium Pon-
tificem, & Genuenses. 186. B
— inter Venetos, Florentinos, Ducem Mediola-
nensem, Neapolitanum Regem, & Pontificem. 216. A
Forumlivii deficit a Pontifice. 30. D
— occupatur a militibus Ducis Mediolanensis. 116. D
Franchinus Castilionensis. 119. C
Franciscus Barbarus. 178. E. F. 180. D
— Barbavarus. 89. D
— Bembus. 137. C. F
— Carminiola. 129. C
— — appetitur veneno. 130. C. F
— — Venetorum dux. 131. C
— — Bimam recuperat. 141. A
— — Casale capit. ibid.
— — Hostem superat & Carolum ducem ca-
pit. 142. A
— — in prodicionis suspicione venit. ibid. C
— — vincitur, & fugatur ad Suncinum. 159. B
— — ejus fides multis de causis in dubium
vocata. 163. E
— — prodicionis crimine damnatur, & oc-
ciditur. 164. C. D
— — Ejus elogium. ibid.
— Carrarius Senior Patavii Princeps. 23. B.
50. A
— — V. Patavinus.
— — filius Patavium recuperat. 58. C. D
— — Ejus filii capti ab exercitu Mediola-
nensi. 86. B
— — Brixiam capit prater arcem, sed ex-
pellitur. 90. B
— — quomodo. 89. F
— Estensis captus. 24. B
— e Vico Viterbii Praefectus. 30. E
— Foscarus Venetorum Dux. 135. A
— Princeps Mantuanus. 80. A
— Venetarum copiarum dux. 170. D
— ad Philippum desciscit. 177. & 178. E
— Pupii Comes, deficit a Florentinis. 194. D
— qua de causa. ibid.
— Casentino imperio a Florentinis spoliatur. 197. C
— Ejus familia. ibid.
— Sfortia. 127. C
— — Bimam capit, & amittit. 141. A
— — Senensium stipendiis conductus. 152. B
— — Nicolaum Fortebraccium vincit. 153. D
— — cum exercitu contra Piccininum mitti-
tur. 172. B
— — Concordiam init cum Philippo. 176. E
— — Venetorum dux rursus creatus Vero-
nam recuperat. 190. B
— — Piccininum superat. 196. E
— — Piscariam capit. 198. A
— — Venetorum exercitum profligat. 206. E. F
— — cum Venetis bellum init, & Mediola-
nensibus bellum indicit. 207. B
— — Papiam capit. ibid.
— — Mediolanum occupat. ibid. D
— — Bimam aliaque oppida Venetorum ca-
pit. 209. B. E
— — Ejus frater Alexander superatur a
Venetis. ibid. D
— — Venetorum castella ad quadraginta oc-
cupat. 213. D
— — Pacem cum Venetis & Florentinis fa-
cit. 214. D
— Spinola dux classis Genuensis. 162. A

NOMINUM AC RERUM.

G.

Gabriel Brunellescus. 109. A
 — Maria Pisarum tyrannus. 92. C
 — — Pisas vendit Florentinis. 93. B
 Galeottus Malatesta Florentinorum dux. 19. A.
 24. A
 Gallianum a Mediolanensibus captum. 9. C
 Gallorum natura. 62. C. E
 — superantur. ibid. D
 Gambacurtæ Pisarum Domini, Florentinorum a-
 mici. 7. F. 10. D
 — Principes factionis Guelphorum. 95. C
 Gatta Mellita. 174. A. F
 — Venetorum dux creatur. 177. D
 Gentilis Camers. 67. C
 Genua occupatur a Philippo Mediolanensi. 115. E
 116. A
 — ab eo deficit, Fregosio auctore. 172. A. E
 Genuenses novarum rerum cupidi. 14. C
 — dedunt se Archiepiscopo Mediolanensi. ibid.
 — qua de causa. ibid. F
 — Fœdus ineunt cum Senensibus pro Luca liber-
 tate. 158. A
 — victi navali pralio a Venetis. 162. E
 Genuensium in Catalanos odium. 123. B. F
 — eorum exules pralio superantur a Philippo
 Mediolanensi Duce. 137. B. E
 Georgius Cornarius victus, & captus a Picceni-
 no. 170. C. E
 — moritur. 171. D. C
 — Ordelafrus Forilivii Tyrannus. 117. A
 Gerardus Abbas Montis majoris. 26. E
 — Appianus Pisas Galeatio vendit. 77. D
 — Gambacurtia. 127. B
 Gillii insula. 16. A
 Ginus Cappo. 93. B. E. 97. A
 — ejus oratio. 100. C
 — Primus Pisarum Irator pro Florentinis.
 102. A. 101. F
 Gometius Hispanus Asculanus Praefectus. 31. A. D
 Granarolum a Pontifice deficit. 31. D
 — cuius ditionis sit. ibid. F
 Gregorius V. Germanis concessit eligendi Imperato-
 ris auctoritatem. 169. C
 — XI. Pontifex. 23. D. F
 — fœdus renovat cum Florentinis & sociis.
 ibid.
 — Decem Britonum millia conducit. 31. B
 — Florentiam oratores mittit. ibid. C
 — Florentinos damnat, & interdicto punit.
 36. C. D
 — Ejus milites superantur. 40. B
 — oratores ad Florentinum populum mittit.
 ibid.
 — moritur. 43. D
 — XII. Pontifex. 192. B. 101. F
 Gualterius urbis tyrannidem occupat. 4. C
 Guaspar Ubaldinus victus fugatusque. 96. B. C
 Guccius Cortona Princeps. 80. B
 Guelfæ & Ghibellina factionis origo. 5. C
 — earum factionum principes. 95. C
 — quas Brixia partes utraque teneret. 132. C.
 D
 — quinam Brixia earum principes. 178. F
 Guidantonius Feretranus Urbini Comes Florentino-
 rum dux. 155. D
 — vincitur ad Lucam. 156. E
 — Manfredus. 125. B
 — a Venetis ad Franciscum transiit. 175. B
 — qua de causa. ibid. E
 Guido Astianensis. 37. C
 — Thomasius. 66. B. 69. C. E

Guido Torrellus Philippi copiarum dux. 127. C
 Guillelmus de Novelleto S. Angeli Cardinalis. 24. E
 — Bernabovis exercitum fundit. 24. A. B

I.

Jacobus Appianus. 68. B
 — Petrum Gambacurtam interficit. 70.
 A. B
 — quomodo. 70. E
 — moritur. 77. D
 — Armeniacus Comes movetur a Florentinis in
 Galeatium 60. D
 — superatur cum suis. 63. A
 — moritur. ibid.
 — quo morbo. A. F
 — Donatus Venetorum Orator ad Florentinos.
 185. D. E
 — Gianfiliatus. 107. D. 108. A
 — Pepolus. 6. E
 — Piccininus Veneti exercitus dux. 201. F
 — Salviatus Florentinorum dux. 200. B
 — Vermius missus a Galeatio contra Bononienses.
 56. E
 — Gallos fundit. 62. E
 — ejus milites fugantur ab Auguto. 64. A
 Imola occupatur a Duce Mediolanensi. 121. C
 Induciæ inter Pontificem, & Bernabovem. 24. B
 Interdictum Pontificis in Florentinos. 36. D
 — contemptum. 42. B. C
 — tollitur. 44. C. E
 Johanna Regina Pratum Florentinis vendit. 6. C. F
 — Pontifici auxiliatur. 31. A
 Johanellus Tomacellus. 3. B. D. F
 Jo. Actius Ubaldinus. 52. C. 55. A
 — Lucianum occupat Senensium no-
 mine. 57. D
 — in morbum incidit. 58. A
 — moritur. ibid.
 Johannes Agnellus. 95. D
 — Malavolta Venetorum equitum praefectus. 179.
 D
 — Appianus. 67. C
 — Augutus. 17. D. F
 — conducitur a Bernabove. 21. D
 — Florentinos superat. 22. A
 — a Bononia Legato conducitur. 24. A
 — Vercellas cum centum ferme oppidis capit.
 ibid. B
 — fœdus init cum Florentinis. 27. B
 — Faventiam diripit. 32. A
 — Pro Florentinis & Bernabove militat.
 39. D. 40. A
 — Florentinorum dux contra Galeatium.
 55. D. 56. A
 — saepe provocatus Mediolanenses milites su-
 perat, fugatque. 63. D. E. 64. A
 — Hostes eludit. 64. C
 — moritur. 71. A
 — ejus funus. ibid.
 — Aulejus Archiepiscopi filius dictus. 7. D
 — Exercitus Mediolanensis dux. ibid.
 — ejus responsio ad Florentinorum legatos. 8. C
 — Bononiam suo imperio subjicit. 14. D
 — Pontificis Legato eam tradit. ibid.
 — Barbiani Comes. 76. C
 — Bentivolius Bononia tyrannidem occupat. 79. D
 — a civibus interficitur. 86. D
 — Boccatus ad Carolum Imperatorem legatus.
 13. E
 — Bonaccursius Florentia consalonarius a Galeatio
 corruptus. 53. F
 — Buccicauda. 93. A
 — Eugubinus. 170. C
 Jo-

I N D E X

Johannes Galeatius Bernabovem patrum dolo circumvenit, & Mediolanum occupat. 48. D. 49. A
 — Patavinum, & Veronensem Principem bello fatigatos opprimit. 50. A
 — eorum urbes occupat. ibid.
 — Florentinis bellum indicit. 55. C
 — ejus irremes a Florentinis superantur. 68. C
 — cum iis pacem facit. 69. C
 — Mediolani Dux a Vincenslo Imperatore creatur. 71. D. 72. A
 — adjectis ejus imperio urbibus. 72. A. D
 — cum Florentinis bellum gerit. 73. C
 — Mantuam obsidet. 74. C
 — navali pralio superatur. 75. D
 — superatur etiam terrestri pugna. 76. A
 — Mantuam rursus aggreditur. ibid. D
 — Pisas emit. 78. B
 — Perusum occupat. 79. B
 — cum Florentinis, ac sociis pacem firmat. 79. C
 — Bononiam occupat. 87. B. E
 — moritur. 87. D. E
 — Gambacurta. 95. C
 — Pisas Florentinis tradit. 100. A. B
 — Maria Mediolanensis Dux, ejusque crudelitas. 91. D. 92. A
 — interficitur. quomodo. 92. A. E
 — Medices. 12. A. 126. C
 — Regiensis Florentinorum dux captus. 22. A. E
 — Riccius Jurisconsultus. 53. C
 — Strotius praefectus copiarum Ferrariensium acie occumbit. 139. A
 — Tedescus. 57. C. E
 — Senensium dux. 58. A
 — Vicedomini. 11. D
 — Vitellescus Cardinalis, in scio Pontifice, cum Philippo foedus init. 191. C
 — captus, & in arcem conjectus moritur. 191. E. F
 — XXIII. ultro dignitatem abdicat. 112. E
 — Johannotius Pandulfinus. 214. E
 — Julianus Davanzatus ad Venetos legatus. 176. B

L.

Ladislaus Apulia Rex. 44. A
 — Sicilia Rex cur bellum Florentinis moverit. 102. B. seqq.
 — Cortonam occupat. 107. D. 108. A
 — cum Florentinis pacem facit. 109. C
 — vincitur a Ludovico Andegavia Duce. 110. B
 — Romam occupat. 111. B
 — Omnia Pontificia ditionis prater Bononiam capit. 112. A
 — moritur. ibid. C
 — Lancifa. 16. D
 — Francisci Petrarcha origine clara. 17. A. E
 — Laurentius Rafacanus. 93. B
 — Rodolphus. 128. D. 129. C
 — Leopoldus Austria Dux. 81. D
 — Liburnum. 18. D. F
 — Lottus Gambacurta. 14. B
 — Loyfius Capuanus. 60. B. 68. E. 69. D
 — Lucas Fliscus Florentinorum dux. 97. A
 — Lucenses foedus violant. 13. D
 — auro libertatem redimunt. 22. D
 — Florentinorum opera Remp. constituunt. ibid. F
 — post Guinifii tyrannidem libertatem recuperant. 23. D. E
 — Lucianum occupatur a Senensibus. 154. D. F
 — quomodo. 57. C. D
 — expugnatur a Florentinis. ibid. D. E
 — 60. C

Lucius Germanus Comes. 40. A
 Ludovicus Albergottus Aretinus. 66. B
 — Alidosius. 121. B
 — Andegavia Dux declaratur Rex Apulia. 44. A
 — vincit Ladislaum Sicilia Regem. 110. B
 — Archiepiscopus Arelatenfis Bononia Legatus. 122. A
 — Mantuani filius a Sfortia militibus capitur. 173. D. F
 — Mediarota Archiepiscopus Florentinus. 192. C. E
 — Pontificis copiarum dux. 193. E
 — Cardinalis factus ob partiam de Piccinino vi-
 ctoriam. 197. C. F
 — Obicius. 123. A. E
 Luparellus. 22. B

M.

Maffeus Vicecomes. 6. A
 — non Massens, sed Mattheus. ibid. E
 Malatesta Pisauriensis foederatorum dux. 108. D
 Mannus Donatus Florentinus. 19. B
 — Florentinorum dux. 23. A
 — Patavii moritur. ibid. B
 Marcellus Strozza. 118. D
 Marcianum occupatur a Senensibus. quomodo. 58. B. D
 Martinus V. Pontifex creatus. 112. C
 — Florentia contumeliis affectus. 116. A.
 115. F
 — moritur. 158. B
 Masus Albitius. 92. C. 97. A
 Michelettus Attendulus Venetarum copiarum dux. 200. A
 — Cutiniola. 158. C
 — superat Albericum. 160. C
 Michelottus Perusinus. 58. B. E
 Miniata a Florentinis occupatur. 22. C
 Montis Georgii castellum captum, ac direptum. 37. B
 — Scudarii Comites. 73. A

N.

Nellus Jurisconsultus. 119. D. 128. C
 Nicolaus Acciajolus Florentinus. 6. C
 — Albergatus Cardinalis S. Crucis. 135. C. F
 — Legatus de pace a Pontifice mittitur. 143. A. E
 — Estensis Ferraria Princeps. 117. D. 198. B
 — Fortebraccius agrum Lucensem depopulatur. 144. A
 — Lucam obsidet. 152. C
 — pellitur castris, & in fugam vertitur. ibid.
 — vincitur acie a Francisco Sfortia. 153. D
 — Piccininus captivus Faventiam ducitur. 125. A
 — dimittitur, & Florentinorum dux de-
 claratur. 123. D
 — transit ad Philippum. 127. E
 — subsidio Lucensibus mittitur. 155. D
 — Florentinorum copias ad Lucam cedit. 156. E
 — Pontificis, & sociorum copias apud Bono-
 niam vincit. 172. A
 — ejus milites fusi, fugatique. 173. D
 — Venetos superat. 174. C
 — Ravennam, Imolam, Forumlivii & Bo-
 noniam capit. 177. D
 — Casale Majus capit. 178. A
 — deserit Brixia expugnationem. 184. A
 — Veneta classis milites cedit, & fugat. 188. D
 Ni-

NOMINUM AC RERUM.

Nicolaus Piccininus, ejus copia superantur, & fundantur.	188. E. F
— — Veronam capit.	189. B
— — eam amittit.	190. A
— — in Etruriam transit.	192. A. B
— — vincitur, fugaturque apud Englarium.	196. E
— — Ejus dolor, ac desperatio ob acceptam cladem.	197. B. E
— Tolentinas.	127. E
— — Florentinorum dux.	131. D
— — Philippi exercitum cadit in Etruria.	166. B
— — Pontificis dux ad Bononiam vincitur, & capitur.	172. A. E
— V. Pontifex.	203. A
— — Auctor est pacis inter Alphonsam, & Florentinos.	206. A. B
— — Pacis cupidus qua de causa.	214. A
— — Socius, & sequester pacis & societatis inter Venetos, Florentinos, Mediolanensem Duce & Neapolitanum Regem.	216. A
— Uzzanus.	86. D
— — Ejus oratio.	146. E

O.

O Bizus Garullus Florentinorum dux.	95. B
— — ad sua tuenda reversus.	97. E
Octo Sancti.	29. F. 30. A
Odium antiquum inter Florentinos, & Pisanos.	94. A. E
— Genuensium in Catalanos.	123. B. F
Oratio Archiepiscopi Mediolanensis ad Ghibellinos.	7. A
— Aloysii Aldobrandini.	28. B
— Donati Barbadori ad Pontificem.	33. A
— Oratoris Pontificis ad Populum Florentinum.	40. C
— Johannis Riccii ad Florentinos.	53. C
— Oratoris Galeatii ad Venetos coram oratoribus Florentinis.	83. B
— Oratoris Florentini responsio.	ibid. D
— Gini Capponis ad Pisanos.	100. C
— Bartholomaei Valorii ad populum Florentinum.	119. E
— Renaldi Albitii ad Florentinos.	145. B
— ad eisdem Nicolai Uzzani.	146. E
Orlandus Malavoltus Senensis ad Florentinos transit.	60. F
— Palavinus.	137. A
Otho Fliscus Vercellarum Episcopus.	24. E
— Tertius.	89. A
— multarum urbium tyrannus fit.	91. C. D

P.

P Aetii familia.	8. B
— Pallas Strotius.	126. C. 170. B
Pandolphus Malatesta.	16. D
— — Florentini exercitus dux.	ibid.
— — missionem petit.	19. A
— — Brixiam occupat.	91. C
Patavinus Princeps cum Veronensi bellum gerit.	49. D
— — uterque bello fatigatus opprimitur a Galeatio Mediolanensi Duce.	49. D. 50. A
Patavium occupatur a Duce Mediolanensi.	ibid.
— recuperatur a Francisco Carrario filio.	58. C
— quomodo.	ibid. E
Paulus Barbus.	213. F. 214. D
— Guinifius Luca tyrannus adhaeret Philippo.	134. E
— — A Nicolao Fortebraccio oppugnatur.	135. A
— — oppugnatur & a Florentinis.	144. A. B

Paulus Guinifius capitur cum filio.	155. C. E
— — ad Philippum mittitur.	ibid.
— — Ruccellarius.	162. B
— — Urfinus.	110. B
Pecciolum oppidulum.	16. A
Perusini a Florentinorum societate avertuntur.	52. C
Perusium deficit a Pontifice.	30. D
— occupatur a Galeatio.	79. B. C
— — rursus in Pontificis potestate est.	90. D
Petrabona Pisanorum castellum capitur a Florentinis.	15. C
Petramalæ familia.	198. A
Petrus Balearum Comes suis omnibus castellis a Florentinis spoliatur.	92. B
— — Beccanofius.	170. B
— — Farnesius Florentini exercitus dux.	16. B
— — — Pisanos superat.	ibid.
— — — moritur.	ibid.
— — — quo morbo.	ibid.
— — — Ejus frater ei suffectus.	ibid. C
— Gambacurta ab Appiano cum filiis interficitur.	70. A
— — Lauretanus Dux Veneta classis.	162. A. 180. A
— — Sacconus.	8. A. B
— — — Perusinorum castella occupat.	12. D
— — — superatur a Florentinis.	ibid.
— — Rossus Parmensis.	91. A
Philippus Adimarius.	66. B
— — Brunellescus architectus.	152. D
— — Mediolani Dux cum Florentinis pacem firmat.	92. A
— — — animum adjicit ad oppugnandam Genuam.	113. B
— — — cum Florentinis fœdus facit.	115. D
— — Genuam capit.	ibid. E
— — Forumlivii occupat.	116. D
— — Imolam occupat.	121. B
— — Florentinos apud Zagonaram vincit.	124. B
— — Pacem facit cum Florentinis, & Venetis.	136. A
— — — eam violat.	ibid. E
— — Mantuanum agrum depopulatur.	ibid.
— — equo Marte pugnat cum fœderatis.	139. D. E
— — Ejus exercitus apud Maclovium profligatur.	142. A
— — — ab Amedeo pacem redimit.	ibid. E
— — — Opem petit a Sigismundo Imperatore.	ibid. D
— — — Pacem cum Venetis, & sociis facit.	143. C
— — — rursus ad bellum mentem convertit.	152. B
— — — callide Franciscum Sfortiam dimittit.	153. C
— — — Venetam classem superat.	161. E
— — — vincitur in Etruria.	166. B
— — — Pacem facit cum Venetis, & Florentinis.	170. D
— — — Picenum occupat.	171. C
— — — rursus bellum movet.	172. B
— — — cum Florentinis pacem facit.	177. B
— — — ejus exercitus ad pontem Jarchii profligatur.	164. C
— — — ejus exercitus vincitur, fugaturque.	196. E
— — — Pacem cum Venetis, & Florentinis facit.	202. A
— — — moritur.	203. A
Pisæ emantur a Galeatio.	78. B
— venduntur Florentinis.	93. B
— — in libertatem vindicata.	ibid. C
— — obsidentur a Florentinis.	97. B
— — deduntur Carolo VI. Gallie Regi, & Johanni Burgundia duci.	ibid. B
— — occupantur a Florentinis.	100. A
Pisani fœdus violant.	13. D
— — Belli occasionem quarunt.	15. B
— — Florentinorum oppida per prodicionem capiunt.	15. C
— — — superantur a Florentinis.	16. B

Pisani <i>Figbinum</i> expugnant.	16. D
— <i>Florentinos</i> superant.	17. A
— <i>Florentia</i> propugnacula oppugnant.	18. C
— superantur a <i>Florentinis</i> .	19. D
— <i>Pacis</i> conditiones a <i>Florentinis</i> accipiunt.	20. C
— <i>Bellum</i> suscipiunt cum <i>Florentinis</i> .	93. D
— debellantur.	100. A
<i>Piscaria</i> occupatur a <i>Francisco Sfortia</i> .	108. A. E
<i>Poggius</i> primam <i>Priorum</i> creationem non recte assignat.	4. D
— fallitur in annis computandis.	ibid. D
— notatus.	5. E
— Item.	21. F
— cum <i>Aretino</i> conciliatur.	32. F
— cum <i>Corio</i> & <i>Ammirato</i> conciliatur.	48. E
— reprehenditur.	50. F
— castigatur.	55. D
— non consonat cum <i>Corio</i> .	72. D
— castigatur cum aliis simul scriptoribus.	85. F
— non iure <i>Florentinos</i> excusat.	151. E
— corrigitur.	154. E
— corrigitur ab <i>Ammirato</i> .	157. E
— reprehenditur, & excusatur.	172. E
— aliena confingit a <i>Veneti</i> <i>Senatus</i> gravitate.	176. A. B
— castigatus.	181. F
— dissidet a <i>Machiavello</i> , & <i>Ammirato</i> .	193. E
— corrigitur ex <i>Ammirato</i> , & <i>Corio</i> .	200. F
— dissidet a <i>Corio</i> .	202. F
— <i>Injuria</i> <i>Venetos</i> accusat.	208. B. C. E
— correctus ex <i>Petro Justiniano</i> , <i>Pigna</i> , & <i>Platina</i> .	209. E
— correctus.	212. F
<i>Politianum</i> dedit se <i>Florentinis</i> , sed non recipitur.	51. A
— recipitur.	56. C
— occupatur a <i>Piccinino</i> .	194. C. D
<i>Prati</i> proditores.	25. E
<i>Priores</i> <i>Florentie</i> quando creati.	4. D

R.

R amundus <i>Gregorii XI.</i> Pont. nepos.	42. A
— <i>Manellus</i> .	162. C
<i>Rasantes</i> .	95. C
<i>Ravenna</i> quando <i>Veneti</i> potiti sint.	177. D. E
<i>Redolphus</i> <i>Varanius Camers</i> <i>Florentinorum</i> dux.	15. D
— — — cur imperio privatus.	16. A. B. E
— — — iterum dux creatus.	37. A
— — — <i>Prudens</i> & callidum ejus responsum.	38. A
— — — ad Pontificem deficit.	40. A
— — — qua de causa.	ibid. E
— — — capite inverso pictus.	ibid. A
— — — vincitur.	ibid.
<i>Regiolum</i> expugnatum, & incensum a <i>Florentinis</i> .	61. E.
<i>Regium</i> nomen antiquissimum est.	169. B
<i>Regulus</i> <i>Montisferrati</i> .	137. A
— <i>Mediolanensem</i> agrum depopulatur.	140. D
<i>Religio</i> nova, ejusque instituta.	78. D. E
<i>Renaldus</i> <i>Albitius</i> .	125. D. 128. C
— — oratio ad <i>Florentinos</i> .	145. B
— <i>Ursinus</i> .	56. A
— — <i>Plumbino</i> imperat.	204. C
— — <i>Fœdus</i> cum <i>Florentinis</i> init.	ibid.
<i>Renatus</i> <i>Andegavensis</i> Dux in <i>Italiam</i> venit contra <i>Alphonsum</i> .	211. E
<i>Renerius</i> <i>Farnesius</i> <i>Florentini</i> exercitus dux.	16. C
— — capitur a <i>Pisanis</i> .	17. A
<i>Rhodigium</i> <i>Veneti</i> oppignoratum.	181. B. F
<i>Robertus</i> <i>Bavariæ</i> Dux Imperator creatus.	80. B
— cum <i>Florentinis</i> <i>fœdus</i> init.	80. C

<i>Robertus</i> in <i>Italiam</i> venit contra <i>Galeatium</i> .	ibid. D
— in <i>Germaniam</i> redit.	82. D
— <i>Baptifollis</i> <i>Florentinorum</i> dux.	22. B
— <i>Gebennensis</i> <i>Cardinalis</i> .	31. E
— <i>Puppii</i> Comes.	78. C
<i>Roffius</i> <i>Riccus</i> <i>Florentinorum</i> dux.	23. C. D
— — capitur.	ibid.

S.

S carparia oppugnata.	11. C
— sed non expugnata.	12. C
<i>Schisma</i> in <i>Ecclesia</i> .	102. B
<i>Senensium</i> invidia in <i>Florentinos</i> .	50. B
— hinc bellum.	ibid. D
— <i>Senenses</i> <i>fœdus</i> ineunt cum <i>Jo. Galeatio</i> contra <i>Florentinos</i> .	51. B
— <i>Pacem</i> cum <i>Politianensibus</i> faciunt.	52. A
— <i>Bellum</i> gerunt cum <i>Florentinis</i> .	56. B. C
— <i>Lucinianum</i> occupant.	57. C. D
— <i>Marcianum</i> occupant.	58. B
— <i>pacem</i> firmant.	69. C
— <i>Florentinorum</i> excursionibus vexantur.	92. B
— <i>pacem</i> faciunt.	ibid.
— <i>fœdus</i> faciunt cum <i>Florentinis</i> & aliis contra <i>Ladislauum</i> <i>Siciliæ</i> Regem.	108. C
— cum eo <i>pacem</i> faciunt.	109. C. D
— bellum decernunt in <i>Florentinos</i> .	151. D. E
<i>Sigismundus</i> Imperator e <i>Germania</i> in <i>Etruriam</i> descendit.	167. B
— <i>Roma</i> coronatur.	168. C
<i>Spoletum</i> cum aliis oppidis a Pontifice deficit.	30. D
<i>Stephanus</i> <i>Bavariæ</i> Dux in <i>Italiam</i> venit contra <i>Mediolanensem</i> Ducem.	59. C
— in <i>Germaniam</i> revertitur.	ibid.

T.

T aciturnitas <i>Senatus</i> <i>Veneti</i> miranda.	164. B
<i>Tanus</i> Comes <i>Montis</i> <i>Carelli</i> .	9. D
<i>Thaddæus</i> <i>Estensis</i> .	182. A
— <i>Vermius</i> .	67. C
<i>Thelamon</i> oppidulum.	15. B. E
<i>Thermæ</i> vicus.	2. B
— unde sic dictus.	ibid. C
<i>Thomas</i> <i>Fregolus</i> <i>Genuæ</i> Dux.	113. B. C
— — auctor est <i>Genuensibus</i> libertatis recuperande.	172. A. E
<i>Tifernates</i> a Pontifice deficiunt.	30. B
<i>Torrellus</i> <i>Pratenfis</i> .	109. C
<i>Totilam</i> cum <i>Attila</i> quidam confundunt.	2. E
<i>Trojanum</i> castellum.	16. A
<i>Truncius</i> <i>Pisanorum</i> <i>Annalium</i> auctor notatus.	20. F
<i>Tyrannis</i> non sine periculo dantur sana consilia.	13. B

V.

V annes <i>Castellanus</i> .	90. C. E
<i>Ubalдини</i> <i>Florentiolam</i> occupant.	8. A
— <i>Coloretum</i> occupant.	ibid.
— <i>Politianum</i> adoriuntur, & repelluntur.	10. B
<i>Veneti</i> <i>fœdus</i> cum <i>Florentinis</i> & sociis faciunt.	77. C
— <i>Concordiam</i> firmant inter <i>Mediolanensem</i> Ducem, <i>Florentinos</i> , ac ceteros socios.	79. C
— cum <i>Florentinis</i> & aliis <i>fœdus</i> ineunt.	131. C
— <i>Bellum</i> suscipiunt adversus <i>Philippum</i> <i>Mediolanensem</i> Ducem.	131. F. 132. A
— <i>Brixiam</i> occupant.	134. C
— <i>Pacem</i> faciunt cum <i>Philippo</i> .	135. D
— classem <i>Mediolanensem</i> ad <i>Brixellum</i> fugant.	137. C
— <i>Philippum</i> superant.	142. A
— <i>Pacem</i> cum <i>Philippo</i> faciunt.	143. C
— eorum fides laudata.	151. C. E

NOMINUM AC RERUM.

Veneti Carminiolam contra Philippum mittunt.	158.D	— Societatem ineunt cum Sfortia, Florentinis, & aliis.	215. B
— eorum classis vincitur, & fugatur.	161. E	Vercellæ ab Auguto capta.	24. B.E
— Genuenses navali praelio superant.	163. A	— recepta a Galeatio Bernabovis fratre.	41. D. F
— eorum miranda taciturnitas.	164. B	Verius Guadagnius.	125. D
— cladem accipiunt in Valle Tulina.	170. C	Verona occupatur a Duce Mediolanensi.	50. A
— cum Philippo pacem faciunt.	170. D	— diripitur.	59. A
— defensi contra Corium.	171. E	— ad antiquos Scala Principes deficit.	91. D.F
— Bellum contra Philippum renovant.	174. B	Ugolottus Blancardus.	59. A.E
— Manuanum belli ducem designant.	ibid.	Ugolinus Marchio Viadana Cremonam occupat.	90. A.F
— superantur a Nicolao Piccinino.	174. C	Vicecomites unde dicti.	1. C
— defenduntur a Poggii accusatione.	176. C.E	— a quibus eligerentur.	ibid.
— Victoriâ referunt ad Pontem Farchæ.	184. C	— Ghibelline factionis principes.	5. A
— Rem aggrediuntur literarum memoria dignam.	ibid. E. 185. A.B	— eorum origo.	ibid. A.B
— cum Philippo pacem faciunt.	202. A	— Mediolanum commigrant.	ibid. B
— Placentiam & Laudam occupant.	206. C	— non commigrant, sed remigrant.	ibid. E
— Placentiam amittunt.	ibid.	— Mediolano pulsi.	ibid. D
— eorum exercitus profligatur a Francisco Sfortia.	ibid. E	— restituti.	ibid.
— cum Sfortia societatem ineunt, eique Laudam cedunt.	207. B	Vicus Pisanorum oppidum capitur a Florentinis.	99. A
— Societatem ineunt cum Mediolanensibus.	ibid. C	Villanova a Mediolanensibus capta.	9. C
— Fœdus faciunt cum Alphonso adversus Sfortiam.	208. A	Vincenslaus imperio privatus.	80. B
— e suis finibus Florentinos pellunt.	ibid. B	— qua de causa.	ibid. E
— qua de causa.	ibid. E	Volfinienses rebellant.	39. D
— superant Alexandrum Sfortiam.	209. D	— eorum conditio, & fines.	40. E
— Pacem cum Francisco Sfortia faciunt.	215. A	— capti, crudeliterque puniti.	41. D
		Urbanus VI. Pontifex eligitur.	44. C.E

EMENDANDA.

Pag. 129. lin. 15. pro equi- lege equites, pag. 136. lin. 10. pro datus lege datas.

NOI REFORMATORI dello Studio di Padoa.

HAvendo veduto per la Fede di Revisione, & Approbatione del P. F. Tommaso Maria Gennari Inquisitore nel Libro intitolato : *Poggii Historia Florentina nunc primum in lucem edita, &c.* non v'esser cosa alcuna contro la Santa Fede Cattolica, & parimente per Attestato del Segretario Nostro; niente contro Principi. & buoni costumi, concedemo Licenza a *Gabriel Hertz* Stampatore, che possi esser stampato, osservando g'ordini in materia di Stampe, & presentando le solite copie alle Pubbliche Librarie di Venezia, & di Padoa.

Dat. 15. Luglio 1715.

(Carlo Ruzini K. Pr. Ref.

(

(Alvise Pisani K. Pr. Ref.

Agostino Gadaldini Segr.

F I N I S.



JOANNIS MICHAELIS BRUTI,
HISTORIÆ
FLORENTINÆ,
LIBRI OCTO.

Editio Novissima, priori multo emenda-
tior atque correctior.

Tabula totius Etruriæ Geographica aucta,

Atque

Urbis Florentiæ Delineatione locupletata.



LUGDUNI BATAVORUM,
Sumptibus **PETRI VANDER Aa,**
Bibliopola, & Typographi Academiae atque Civitatis.

PRÆFATIO

NOVÆ HUIUS EDITIONIS.

Non est, quod multis amplissimis & sesquipedalibus verbis hocce tibi opus commendem, Mi Lector, illudque ad cœlum usque laudibus efferam. *Ubi enim rerum testimonia adsunt, non opus est verbis.* Paucis tamen multifarium ejus usum Tibi proponere operæ pretium duxi, ut primò quasi intuitu, quid illud in se contineat, oculis perlustrare possis. Apparent itaque hic virorum insignium ac perillustrium, qui olim in *Florentina* non tantum, sed & in multis aliis adjacentibus Rebus publicis, & regionibus floruerunt, & res præclare gestæ, & totum eorum vitæ curriculum. Quorum prudentia, summaque rebus in adversis constantia, ad majora tendenti calcar addere possunt. Hicce profecto liber hominibus ad majora natis, non solum lectu jucundus, sed etiam ad virorum illorum exemplum vitæ cursum bene instituendum maximum præbebit usum. Ut itaque haud amplius utilitate hujus perrari & valde cari libri orbis literatus careret, quantum potui nitidissime illum de novo imprimi curavi, in cujus editione sequentia à me emendata & adjecta sunt: nomina virorum, urbiumque propria, aliaque maxime notatu digna diversis à textu characteribus distinguere volui; Indicem præterea ad paginas singulas non tantum, sed & ad literas inter columnas Capitales cura mea positas, fieri jussi. Porro à mendis, & abbreviationibus, quibus hicce liber in editione priori scatebat, purgavi. Habes tandem hic non solum Geographicam totius *Hetruriæ* tabulam à me huic operi appositam, sed & urbis *Florentinæ* delineationem. Superfedeo prolixiori hujus libri encomio: in perlegendo enim hujus dicti veritatem comperies: opus laudare artificem. Vale.

JOANNIS MICHAELIS BRUTI

In Octo Libros Florentinæ Historiæ ad PETRUM CAPONIUM virum clarissimum,

PRÆFATIO.

MULTI (Petre Caponi) in omni memoria extiterunt, qui ea quæ Reges maximi ac populi potentissimi gessissent, literis mandarent: ex quorum numero nonnulli semper, cum genere scribendi excellerent, magnam sibi eloquentiæ laudem comparare, non æquè facile suam fidem probare in rerum explicatione potuerunt. Quam quidem laudem, si qui unquam minus sunt assequuti, propterea quòd cum vetustioribus de rebus scribere instituisent & magna in obscuritate latentibus, minus cognita atque explorata afferrent: est aliquid cur dandam iis veniam putemus: veterum enim monumenta illis, unde sumerent certiora, defuerunt. Ac quando placet hominum inertiae indulgere, si qui ita sunt lapsi in scribendo, ut quicquid offenderent, propter eorum magnitudinem, quæ suis scriptis complecterentur, sint memoriæ excusatione deprecati: totum hoc illis æquiore animo remitti, dissimulari quidem facile & ferri potest. Illud sanè & magna dignum admiratione est, & nullo modo ferendum, doctissimos sæpè homines & magni nominis, cum levitatis illi suæ perexigua proposita præmia haberent, gravitatis & constantiæ multa & maxima: ea aut mutuari ab aliis, aut excogitare ipsos potuisse (quod multò fœdius est) quæ eorum quoque fidem elevare viderentur, quæ magna illis cum eruditionis atque ingenii laude hominum memoriæ tradere licuisset. Atque Herodotum quidem quem Græcæ historiæ parentem in primis admirata Græcorum natio est, cum plurimum cultu atque elegantia orationis enituisset, qua ille ex re satis solidam veramque laudem erat consensu doctorum hominum consequuturus, levissimas fabulas & inanes consèctando, quibus referta illius scripta sunt, illud

illud quidem assequutum esse videmus quod illi propositum fuit, plurimum ut voluptati aurium morigeraretur: ejus gravitatis & fidei, quam maximè in rerum scriptore quærimus, nullam rationem habuisse eundem animadvertimus. Cum autem alii multi qui de eo scripserunt, tum Plutarchus maximè hoc in illo visus est studium desiderare, gravis auctor, & quod inter omnes video constare, summæ eruditionis & ingenii. Quæ quanquam ad hunc modum se habent, ita multi fabulis tamen & mendaciis ducuntur, ut non defuerint nostra ætate, qui Herodoti patrocinium suscipere, Plutarchum tantæ hominem gravitatis & defendentem optimam æquissimamque causam, reprehendere verbis gravissimis & perstringere maledictis etiam impudentissimè sint ausi. Video de Thucydide, quid veteres senserint, cum quidem eorum multa adhuc de eo & præclara testimonia supersint: prudentem illum scriptorem & gravem, scribendi artificio ac sententiarum ubertate & copia longe semper ceteris Græcis scriptoribus antecelluisse: at in eo tamen est hominis moderatio desiderata, quod inimicorum magis quam sui memor, & plus æquo Lacedæmoniis tribuerit eorum victoriis efferendis, & detraxerit de suorum laudibus, eorum cladibus calamitatibusque augendis. Et si autem cum nulla sua culpa rem malè in Thracia Athenienses gessissent, pulsum ab illis injuria in exilium ferunt, id minimè tamen ab eo erat, pro cetera vitæ constantia & gravitate expectandum. Atque eadem in invidia & Philosophiæ idem, & eloquentiæ studiis clarus dicitur Xenophon fuisse. Cum enim ex Socratis schola sapientissimi hominis, pariter se & ad scribendam historiam, & ad re, gerendas contulisset, nimium nonnullis visus est in Lacedæmonios propensus. Nam memorabili illa Cyri expeditione, qua illius opes fractæ postremò sunt, Lacedæmonii Cleandri auspiciis in Asiam profectus, incolumes Græcorum copias Duce Cleandro mortuo, in Græciam, magna eo bello parta gloria, reduxit. Quin etiam virtutis causa dicitur Scillunte oppido esse à Lacedæmoniiis donatus: quo ille in loco templum Dianæ ejus civitatis beneficentiæ in se monumentum, & suæ religionis amplissimum erigendum summo studio exstruendumque curavit. Reliquos esse video ex veteribus Græcis, quorum celebre atque illustre nomen apud posteros manarit, Siracusium Philistum Thucydidis (ut ferunt) imitatore: cujus si quis contendat minus liberum judicium in scribendo fuisse, quod familiariter cum Dionysio Tyranno vixit, non mala is conjectura utatur: tum Ephorum & Theopompum, utrumque ex sociatis officina summihominis, atque eloquentis profectum: quorum quidem alterum Timæus reprehendit, multa in altero veterum testimonio accepimus, & fabulosè, & ad voluptatem confecta. Nam Callisthenes, Aristotelis auditor, cum rerum explicator prudens, tum Philosophus gravis cum primis ejus ætatis fuisse fertur: veritatis quidem usque aded studiosus habitus est, ut libertatis immoderatæ pœnas, elato jam rebus secundis Alexandri ingenio, cujus erat comes in Asiam profectus, capite luisse dictus sit. Sed de eo, quemadmodum de aliis qui per ea tempora extiterunt, cum nostra memoria nulla eorum scripta extent, nisi nobis standum veterum judicio censeamus, ferre nemo sententiam potest. Jam Timæum, quem tradunt Philosophiæ studiis perpolitum, magnam eloquentiam atque eruditionem attulisse ad scribendum, constat minus suam fidem, in iis quæ scripta reliquit, posteris probasse Polybius quidem, cum eum ipsum libere, tum Callisthenem reprehendit: atque aded cum ostendisset (id quod facile potuit, vir non minus militiæ gloria quàm scribendi studio excellens) utrumque in iis quæ scripsisset magnopere offendisse, ejus rei rationem attulit, quæ cuivis probabilis videri possit, & aliarum rerum, de quibus illis fuerit scribendum, & rei militaris homines imperitos, haud satis tutos se ab hac parte, ut summa etiam haberent cetera, præstare potuisse. His omnibus multò antiquiores, sed in numero tamen scriptorum habiti, Xanthus, Lydius, Pherecides, Hellanicus, Hecateus, Charon Lampsacenus, is qui Darii superioris temporibus, dicitur de rebus Ethiopicis scripsisse, cum rudes homines & impoliti, fabulosa multa undique in sua scripta congefferint, brevi cum meliores successissent, legi à suis (id quod fuit necesse) desierunt. Nam qui iisdem temporibus res ad Trojam gestas conscripserunt, tanta laboraverunt levitate & inconstantia, ut nisi Thucydides, cujus meritò magna auctoritas est, nobis fidem fecisset, esse Græcos in Asiam profectos, nemo jam qui eorum scripta legere æquo animo posset, fuerit unquam apud posteros futurus. Quanquam & is ita bellum getum esse narrat, ut aliquanto majorem famam, quæ Homeri carminibus illustris ad posteritatem manarit, multis rationibus fuisse contendat. Dion quidem Prusæus non ignobilis rerum scriptor (dictus est enim Chrysothomus à genere orationis quo est usus in scribendo) constantissimè adversus pugnacissimos homines, causa pro popularibus suscepta, Græcos ita ait defunctos Trojano bello, ut unus ferè contra gentium omnium consensum, victos illos à suis atque aded cæsos ad internecionem tradat: non desunt certè hoc tempore, graves homines & minimè ineruditi, qui hoc illi facile assentiantur: credo quod Græcorum levitas suspecta omnibus sit & invisa, qui paulo modo accuratius, in rebus eorum sint, scriptisque versati. Non est consilium singulos ex Græcis scriptoribus persequi, quibus cultus atque elegantia orationis non defuit, studium illud acerrimum, quod maximè est in scriptore requirendum in primis defuit. Ex quorum tamen numero si quis paucos esse tollendos censeat, haud magnopere pugnabo. Nam Polybius Megalopolitanus, is qui cum posteriore Africano vixit, cum præclarus historiæ autor & gravis haberetur, ad ceteram gloriam bellicas laudes etiam sibi comparavit. Ejus enim egregia ac forti opera magnis gerendis rebus usus summus Imperator fertur: ut venire in ejus gloriæ societatem, capta atque excisa Carthagine, meruerit. Dionysius quoque ex Halicarnasso, qui floruit Augusti temporibus, non solum studiis eloquentiæ, cum magister dicendi celebris atque illustris esset, sed scribenda etiam historia, magnam

PRÆFATIO AD PETR. CAPONIUM.

est laudem consequutus. Ac si quis alius unquam fuit, cui suæ fidei potior cura, quam gratiæ potentium fuerit, ita id ipsum concedam, ut haud magni tamen faciendum id putem. Ex infinita enim penè eorum hominum turba, qui aut nostra, aut patrum memoria hac gloria scribendi floruerunt, per paucos semper fuisse intelligo quibus incorruptæ fidei laus, & invictæ cujusdam à labore diligentia, qualis in eo exigenda est, qui tanto fungitur munere, debeatur. Atque ex Latinis, quorum modò scripta à nobis legantur, nisi quis Sallustium excipere velit, religiosum quidem illum in primis & severum rebus explicandis, qui prorsus hac nota caruerint, quam paucissimos esse animadvertimus. Nam Dion Nicæus rerum Romanarum scriptor, acerrimè illum reprehendit, cum quidem turpe esse & flagitiosum contenderet, quæ vitia esset in historia stylo orationis persequutus, sædatum iis atque inquinatum fuisse. Quin etiam & in hunc ipsum Sallustium, ut in Thucydidem Dionysius scripsisse Livius fertur: sive homo eloquens scribendi rationem, qua est usus, quod verisimile est, sive in rerum explicatione fidem & studium visus est minus probare. Jam & Asinius Pollio in C. Cæsare, quem omnium ejus ætatis elegantissimum scriptorem & politissimum, nostri homines merito plurimi faciunt, studium acrius & diligentiam sæpe desiderat, majorem nonnunquam etiam fidem. Quanquam neque ille, cum esset omnium reprehensor acerrimus, aliorum reprehensione caruit. Dicitur enim unus maximè studiosus Pompejanarum partium fuisse: quæ res sæpe, ut magna etiam prudentia sit, impedimento esse potest, quò minus liberum sit scriptoris judicium fide sua quibus debet repræsentanda. Ac Livius quidem Romanæ historiæ tantus auctor, eam (quod vix ferendum est) scribere à fabula instituit. Cum enim Juliam gentem videri posteris ampliorem velit, dandam esse hanc veniam antiquitati existimat, si divinis humana miscendo origines suas & principia augustiora efficiat: neque tamen laborat, quid ita illi danda venia sit, magnopere probare. Id autem erat illi in primis agendum, ne autoritate magis sua, quæ etiam si summa meritò est, videri nulla scribenti debet, quam niti certa ratione videretur. Eadem infecit labes, quicunque ab inclinatione Romani imperii, hujus se scriptionis studio dederunt, & quidem multò etiam quam superiores sædus. Inter perpetuas enim bellorum clades, quas majores nostri pertulerunt, ingenuis omnibus artibus in Italia sublati, si quis animum intenderet ad scribendum, neque ille magnopere habebat, quo homines voluptate ulla in legendo tenerentur: neque in rebus quicquam facile poterat asferre, quod in magna rerum perturbatione, planè compertum testatumque esset. Extulit sese tamen historia paulò ante nostram ætatem, cum permulta secula jacuisset: ac doctorum hominum magno labore & studio, comptior paulo & nitidior videri est cæpta: ut hoc quidem tempore, & si nondum illa ita est exculta & perpolita, ut quò perfectæ dici atque absoluta possit, non quædam illi etiam desint, parvo tamen adjecto studio, ad veterum nitorem atque elegantiam proximè accedere videatur. At nihilo tamen nostri diligentiores cæteris sua fide præstanda extiterunt. Si quis enim eadem legat à diversis conscripta, nunquam ille satis mirari queat, cum perpetuò inter se differant, varia ferè semper, pugnantia nonnunquam & contraria afferant, ita gratia, studio, odio efferrì, ut non solum scribendis iis quæ procul à nostra memoria absunt, sed iis etiam ipsis, quorum qui adhuc supersunt, excitari testes multi possunt, suam fidem desiderari, diligentiam certè ac studium, nulla sui pudoris habita ratione patiantur. Video me in lubricum planè locum incidisse, qui de summis hominibus non liberè solum sententiam ferre, sed detrabere etiam de eorum dignitate atque estimatione mea oratione audeam. Sed tamen in re tanta, & quæ magno est hominibus ad vitam rectè agendam adjumento, querenda tandem causa erat, cur homines excellentissimis ingeniis, & philosophiæ atque eloquentiæ studiis clari, cum illi essent sua scripta hominum memoriæ mandaturi, cui se maximè prospicere videri vellet, per illi brevis temporis voluptatem atque incertam adeo dubiamque spem immortalitati anteferrent. Ac scio equidem plerisque videri, minimè hoc pertinere ad summam felicitatem, & quæ sit hominum de nobis post multa secula sententia futura, haud nobis esse magnopere laborandum. Sed cum iis nobis res est, qui cum famæ & nomini student maximè, tum ut hoc ipsum apud posteros consequantur, dies noctesque constantissimè adversus voluptates omnes pugnando, maximis vitæ laboribus & gravissimis perfunguntur. Quod autem multò est gravius, neque hoc illi ignorant, ut quanta maxima in homine esse potest, eloquentiam rebus narrandis & copiam adhibeant, hac una cura neglecta suæ fidei hominibus probandæ, nullam se quidem, aut per exiguam gratiam apud posteros inituros. Enimvero in eo homine, qui rem tantam sibi suscipiat agendam hujus vitæ communis causa, nihil est temeritate, ac levitate turpius: plurimum certè vel iis ipsis videtur obesse, quibus consulere debet maximè scribendo. Nam ubi quis semel animum induxit, ut à veritatis studio deflecteret, agrè etiam ea, quæ vera sunt, quibus debet poterit probare. Sive autem ea ipsa, quoniam recta sunt, exemplo hominibus ad rectè, & cum laude vivendum esse possunt: sive eadem à malè agendo retardare, quoniam auctoritate summorum hominum improbantur: neutrum assequitur, is qui in hoc scribendi genere minus, sibi potuit à mendacio temperare. Ut enim maximam vim veritas habet, ubi certa afferuntur ad animos permovendos, ita ubi eadem aspersa fabulis & mendaciis leguntur: ferunt homines improbi non molestè, quò suam nequitiam tegant, ea quorum essent exemplo meliores futuri, aut ludicra, aut falsa existimari. Est hoc quidem vitio dandum rerum scriptori, grave id ipsum semper & perniciosum hominibus futurum, nemo negat: ita enim illi parum esse memores suæ constantiæ videntur; ut antiquiorem sua fide gratiam potentium habeant: quæ una res minimè iis cum hoc tanto fungerentur munere erat spectanda: sed bona tamen ejus culpæ pars, est in Reges & magnos Principes rejicienda, qui cum ea sæpe agant, quæ literis tradi sine summo eorum dedecore non possint, paratos eos homines habent, qui turpi pretio empti, magna quidem cum eorum laude, qui sunt

digni infamia, majore sua tamen cum invidia, eadem audeant monumentis literarum consignata literis mandare. Qua quidem in re tamen longè illi falluntur. Neque enim modò quantopere laudati discedant, sed quorum etiam testimonio, iis curæ esse debet. Ac quando ita res videtur postulare, quid tota hac de re sentiam dicere minimè gravabor. Nunquam improbitas etiam si illa arcibus & mœnibus munita, latè in multos populos teneat & gentes imperium, diu esse tuta ab infamia & dedecore potest. Veritas enim ita suos vindices habet, ut cum magis conticescere videatur, sese prodat, vocemque mittat, atque eam quidem quæ multa etiam post secula exaudiat. Cum igitur alatur hominum nequitia tanta non magis eorum culpa qui ipsi improbi sint, quàm eorum dissimulatione, qui cum æquè debeant & possint, eandem negligent tamen vindicare, multò illi gravius esse reprehendendi videntur, qui alendæ improbitati materiam ipsi præbent in quam vehementius animadvertere debuerunt. Ac si quis unquam alius extitit, cui fuerit scriptoris fides desideranda, una est civitas Florentinorum hoc tempore, quæ id maximè requirat. Ita autem ea tradita literis leguntur, quæ majores eorum gesserunt, ut quæ absunt à nostra memoria quam longissimè, in his nemo ferè habeat quæ reprehendat: ubi propius ad nostra tempora accedat, unius familiæ Medicum perpetuas laudes, confictas in civitatem gravissimas criminationes, maledicta, convitia, mendacia impudentissima altero quoque verbo deprehendat. Neque verò ego is sum, qui cum Florentinam historiam scribere instituerim, censeam mihi, ut colligam certorum hominum gratiam, quicquam de eorum existimatione detrahendum, qui in amplissima familia & nobilissima aliquando cum laude floruerunt. Nam & de Cosmo Medice & de Laurentio, summis illis quidem hominibus & clarissimis, ita omnia cum fide profiteor me tradidisse, ut iis scribendis quæ illi, aut præclare gesserunt, aut aliqua cum hominum offensione, non diligentiae laudem modo, sed gravitatis & constantiae etiam (si id modò à me dici mea modestia patiatur) relaturum me non desperem. An verò ego putem mihi esse verendum ne mea mihi fides fraudi in scribendo sit: qui sciam Asinium Pollionem summæ hominem dignitatis, in Cassium & Brutum qui Cæsarem interfecissent, laudationem Augusti tempore edidisse? Qui verò id fieri ab illo potuit, sine magna ejus offensione qui interfecti in tanto imperio hæres, interfectores bello acerrimo persequutus esset? At idem cum historiam scripsisset, eorum temporum equalis, studiosus etiam (ut diximus) Pompejanarum partium habitus est. Quod idem Livio Augustus vitio vertit, quem solitum ab eo appellari Pompejanum eam ipsam ob causam ferunt: ut jam hoc sit indicio, eos minimè veritos, suæ fidei & religioni eo genere scribendi consulere, cum aliquid dandum esse temporis videretur. Quid Cicero, qui in acie armatus contra Cæsarem stetit? An non est ausus ab eo conservatus, Catonem laudare ejus inimicum acerrimum? Neque verò Cæsar, cum utrumque liceret, ferro magis quàm stylo orationis suum dolorem est ultus. Quo quid æquius excogitari aut moderatius in summa rerum omnium potestate atque imperio potuit? Ac nemo ferè est magnus Princeps, cui si data optio sit, non Augusti & Cæsaris malit, quàm Alexandri imitatore videri, qui præclarius duxit servis cum liberis liceret suis imperare. Nam Cæsare Dictaturam perpetuam gerente, Cicero consulari loco in Senatu sententiam dixit: apud Augustum Livius gratia floruit honoribus amplissimis auctus: propè Asinius regnavit: cum quidem apud Alexandrum, Philippum patrem laudare tantum Regem capitale esset, & non agnoscenti Jovis filium vitæ periculum intenderetur. Ac cum alii sunt, de quibus habent Florentini quod querantur, tum unus in his maximè Paulus Jovius excellit. Tanquam enim bellum iis perpetuum indixerit, ubi de eorum rebus gestis scribit, non ille quidem historiam contexere, sed instituere in eos accusationem videtur. Itaque cum injustè facit, qui non solum plurimos lædit, sed mendacio etiam lædit, tum verò neque id quod vult efficit, iis ut gratificetur, quorum causa illos suscepit ledendos. Ex rebus enim præclaris sumptum testimonium, non ex testimonio ad gratiam res confictæ sunt hominibus ornamento. Atque ut non possum non in eo plurimum à Jovio dissentire, ita dignos eos Principes summa laude existimo, per quos magna administrantes imperia, liceat rerum scriptori suam fidem quibus debet, quasi religioso testi & gravi, rebus narrandis probare. Tametsi autem non ea est modò Florentinorum querela (nemo enim ferè nostra memoria, magnis gerendis rebus clarus habitus & illustris est, qui non vindicem ab illius injuria & mendacio quærat) at insigne magis in illos odium conspicitur, studium minimè dissimulatum in Medices, in Clementem maximè familiæ principem, quem dignitatis & fortunarum autorem habet. Ea autem una est familia, aut nulla alia præterea, quæ nostra ætate evecta in cælum, minimè assentatoris levissimi laudibus indigeat ad gloriam & famam hominum colligendam. Neque verò est hoc scriptoris munus, qui pudens modo haberi & moderatus velit, ut cum aut civiles contentiones, aut bella narret, altera parte dissidentium suscepta & gerentium arma, ut illi gladiis in acie, ita is stylo pugnet & maledicendi impunitate. At raro accusator nisi in causa turpissima, id quod Jovius facit, insectandis iis, qui minus equi causæ Medicum videntur, vitam ejus retexit, quem accusare instituit: ne odio adductus & morbo animi cum æquitate causæ debeat, id fecisse videatur. Ita autem ille partium causa multos Florentinæ damnatos, proscriptos, cæsos, pulsos in exilium narrat, ut cum aliunde criminationes non suppetant, confingat ipse, comminiscatur, addat de suo. Qua licentia atque intemperantia animi, quid fingi turpius aut commemorari potest? Atque in petitione summi magistratus

PRÆFATIO AD PETR. CAPONIUM.

tus Thomam Soderinum & Alphonfum Strozam, duos cives nobilissimos & clarissimos civitatis, tanquam concitatores multitudinis & aditum sibi ad Reipublicæ imperium malis artibus quærentes contumeliosè insectatur. Hos autem? Quid Franciscum Cardutium eum jam honorem adeptum? Nescias majore id contumelia eorum, qui iis comitiis interfuerunt, an ejus cui est magistratus horum suffragiis mandatus. Hominem (inquit) dudum in Hispania Decoctorem paucis in republica notum tenuioris Fortunæ. Permagnum hoc fit à Jovio cui fortunæ bona sunt prima. Neque verò hoc ipsum, decoxisse, habet reprehensionem: causa cur quis decoxerit spectatur. Quid enim si res naufragio, incendio, bello periit? Probro est alea, convivii, popinis, lustris, Fortunam miseri nemo insectatur nisi Jovii similis. At ne hoc satis videatur, obliquo oculo, ait, fuisse & pallenti facie: ut Jovii judicio jam Philippus Rex, Antigonus, Annibal, Sertorius, tanti Imperatores quòd altero oculo essent capti, fuerint ab exercitu atque acie, in Gynaecium amandandi. Nam pallor in viro quid detrahit de dignitate? At in Gallia matronæ hoc pertinere putant ad formæ bonitatem, & quæ minus pallent natura, arte pallent. Nam quod de vetustate familiæ, ait, quod item in Balthasare Cardutio animadverterat, veretur ne parum nobis videatur contumeliosus in eam familiam extitisse, si semel modò maledicti in eam aculeum emisisset. At Cicero cum quidem non historiam sed epistolam scriberet, & quidem ad hominem amicissimum & sibi persfamiliarem, ita de petitione consulatus agit, ut de Catilina competitore parcius loquatur impuro homine & nefario. In tota verò legatione irridenda, quam civitas Bononiam ad Clementem decrevit, mendacio etiam abutitur ad risum movendum: ut jam sacerdotem non pudeat (mitto enim rerum scriptorem) minimum & scurræ agere. Quem ille sequatur autorem planè ignoro. Video enim Livium in re simili: sed quæ plurimum tamen differat causa, cum de legatione Carthaginiensium ageret, qui à Scipione victi, à Senatu pacem petebant, causam modò, cur eam Senatus rejecerit, referre: temperare sibi à maledicto & contumelia. At quid erat cur Jovius Aloysio Soderino malediceret? in quo homine ait, nihil præclari præter nomen familiæ fuisse? Cur igitur ego putem Reipublicæ maximè adverso tempore, legatum à civitate hominem, qui Jovii testimonio minimè esset tanto muneri obeundo par? Sed homo mirificus atque elegans in simili re Livium tamen voluit æmulari. Habet enim cum eo institutam contentionem laudis non infelix in deligendo, si æquè in representando felix. Verum illud non animadvertit, quæ in Florentinorum legatione nulla erat, justam Senatui causam, cur Carthaginiensium rejiceret fuisse. Falsa enim spe pacis in fraudem impellebatur: Florentini à civitate pacem petebant, à Pontifice Maximo, à pacis autore, afflictæ suæ maximè, atque adversa fortuna. Quin autem illum flecti sperarent suorum precibus, quæ Coriolanum victorem à patriæ exitio avertissent? Neque verò erat credendum Christianum Pontificem malle similem, aut Themistoclis, aut Alcibiadis haberi, qui exilii solatium ex everensione patriæ quæsisent: quàm Camilli & Scipionis, quorum alter æquissimo animo tulit suorum injuriam, alter patriæ exul saluti fuit. Namque & illud non vidit (quod tamen permagni refert) non à Livio quod sibi is sumit, sed à Senatu legatos objurgari. Semper enim ille, si quando id res postulat, habet à suscepto scribendi munere sejunctum: has partes iis tribuit, quibus debentur. Qua etiam moderatione utitur notandis legatis, qui ad Prusiam Regem à Senatu mittebantur. Refert enim dictum Catonis senis, qui in illos jocus, dixerat Senatui legationem ad Regem decrevisse, quæ capite, corde, pedibus careret. Id quidem, quod unus è legatis podagra laboraret, alter capite, parum mente valere tertius diceretur. Quam se ea in re Jovius jactasset? qua petulantia verborum esset in amplissimum ordinem invehctus! Jam cavillatione, joco, sale (est enim in hac re totus) nos obruisset. Ac sordes quidem legatis objecit. Quod ut faciat oblitus personæ, quam gerit & memor suæ, usque eò se demittit, ut quid in jurgio cum iis apparitores garrierint ad portam, tanquam is redempta à civitate portoria haberet, cum stomacho quidem & indignatione, sed scurriliter tamen narret. Nam quod ait institutum ea de re sermonem inter Clementem & Cæsarem fuisse, nisi ipse scenam egit, cui rei magis aptus habebatur, quàm scribendæ historiæ, nemini id verisimile videatur, cui perspecta eorum gravitas esset. Sed illud interea non est prætereundum cum bello confecto, in Soderinum capite esset animadversum, ut jure damnatus videretur, criminis gravissimi loco, ei Jovium mendacium objecisse. Primum illud pulcherrium, Paulum Jovium audere quenkum mendacii insimulare. Ausum enim, ait, reversum è Bononiensi legatione elevare verbis Cæsaris vires, exhaustum affirmare Pontificis ærarium (quid hoc magis verisimile direpta atque eversa urbe? territos Germanos haud procul abfuisse à seditione. Ita si verum retulit, non debuit plecti: si mendacio est usus ad suorum animos confirmandos, quod erat prudentiæ, laudem meruit, dignus certè maximè visus, qui ea legatione fungeretur, Jovium ipse mendacii arguit, qui hoc illi non tribuit. Nam in Cardutio summa illius inconstantia deprehenditur. Ubi enim de illius damnatione agit, perfidiæ (inquit) hominem in Rempublicam fuisse convictum: literas enim ad se missas è Gallia, suppressas in principio habuisse: easdem à Donato Jannotio ne argumento populus offensus animos ad pacis consilia inclinaret, nefaria interpretatione conversas ostendisse. Eas falsò parata à Rege firmissima auxilia confirmasse. Ejusdem criminis damnatum Soderinum, dixerat, paulo antea capitis pœnam subiisse. Ad eundem ait (quod summæ virtutis est

est in homine administrante civitatis imperium) à Dictatura incorruptum domum abstinentissimas manus retulisse. Sive autem is de Republica benè sensit, quid erat cur Jovius immemor quæ dixisset, ita acerbè in illum inveheretur? sive malè meritis de suorum libertate temporari servitutum statuit, dignus Jovio debuit videri, quem prosequeretur verborum honore, hominem minimè ab illius instituto discedentem. Verùm ego in præsentia non statui præripere Jannotio suam laudem doctissimo homini atque innocentissimo: qui si tacet, Jovium contemnit, si refutare ejus petulantiam instituit, habet ipse qui suum nomen à tam gravi mendacio atque impudenti tueatur. Quid quòd Aloysium Guiciardinum incertæ hominem fidei appellat, quòd avidus libertatis haberetur? Magnum hoc crimen Jovio videtur, homini diuturna servitute ad omne assentandi artificium accommodato. Uberem autem ille servitutis quæstum fecit, sed non tamen sua spe majorem. Nam neque semper aderat licitator, & sæpius quanti alter vellet, non quanti ipse, libertas pretio addicebatur. Atqui in eandem invidiam vocat Nicolaum Rodolphum Cardinalem, quem ait miti hominem ingenio fuisse, sed libertatis appetentem. Quæ hæc malum amentia est? An verò Jovio autore, non liceat impunè servitutem odisse, appetere libertatem? cui autem id unquam probro datum est? Reprehendit verò idipsum aliquantò gravius in femina: quam quidem lectissimam atque ornatissimam civitatis, mulierculæ nomine contumeliosè appellat: cum eam vel ejus testimonio virilis animi & constantiæ fuisse oporteat. Ejus enim objurgationibus territum Cardinalem legatum qui cum imperio urbi præerat, atque exturbatum è civitate ait. Quid porro erat mirum si Philippum Strozam virum atque ejus ex se liberos susceptos adolescentes clarissimos, parere legibus, quàm aut fratris filio aut patrui malebat? Quin autem illa suorum libertatem alieno Regno anteferebat? mitto enim publicam causam, cum quidem non solum quo parente esset nata, sed cui esset viro adjuncta meminisset. Atque odii causam explicat: quæ quidem si fuit (id quod mihi verisimile minimè videtur: erat cur à Pontifice alienata nonnihil suo dolori indulgeret. Cur enim non ferret iniquo animo, filio tantæ indolis & virtutis adolescenti, aditum ad summum honorem Pontifice propinquo non patere, quem (ut mittam cæteros) Jovius assecla Pontificis sibi animo sponderet? At is postea docuit, magnitudine rerum gestarum & gloria, si cujus ea in re jactura fuit, ad neminem minus quam ad se unum spectasse. Quid autem nostra ætas habet uno Petro Strozza clarius atque illustrius? Sed non hi solum à Jovio malè accepti ægre effugere illius maledicentiam potuerunt: cum aliis intemperantius etiam agit: quos quidem non est necesse ut appellem nominatim. Una enim Florentinorum causam constituit, in quos acerbitalis suæ virus atque odii evomeret. Verum hoc mitius malum. Quid cum toti civitati conviciatur? Qua verborum gravitate, qua contentione animi severus & gravis censor in Florentinorum mores invehitur? Ea (inquit) est natura Populi Florentini nullis ut beneficiis placari nullis vel extremæ benignitatis obsequiis obstringi possint. Quanti porro ea videntur beneficia æstimanda, quæ præmia servitutis constituuntur? His Jovius se obstringi patiatur qui alios fingit ex suo ingenio. Nati homines liberi, omni peste pejus oderunt, quicquid illud esse videatur in quo sit incitamentum atque illecebra ad serviendum. Quis autem non malit siti discrucari, quam se Cretico aut Falerno vel optimo explere, quod veneno dilutum sciat? Superbo livore præditos ait, inexplebili cupiditate ardere omnes & prorsus insanire. Nonne ipse furere potius videtur qui adeo ampullata verba fundat? Non posse conspiciere clariorem virtutem & meliorem Fortunam in aliena Domo nisi ægris oculis. Hoc scilicet causæ est cur Jovio licuerit minus sua spe fortunato Florentiæ agere præclarè. Notæ homines tenacitatis. Neglexerunt enim se pretio redimere à Jovii petulantia, plerumque decus in lucro ponere, mirum id verò, cujus rei causa is neque se esse hominem unquam meminerit, hasta Romæ posita & proscripta venali fide. Hinc illud fama celebratum, cum is dicere consuevisset, plures se annulos hominibus laudandis, quàm Annibalem perdendis in scribenda historia legisse. Nam ne quis hoc ignoret, in locanda opera ita perscriptam auctionis tabulam constituerebat, editurum se historiam, ea scribenda, aureo stylo argenteo uti (quid verò mirum? demissum hominem è cælo atque è Jovis sinu?) cujus id interesset, videret quò se uti mallet, eo se æquè facile usurum. Id perinde erat ac si diceret, habere se qui de meliore nota, qui deteriore laudaret: certam esse cuique laudis generi mercedem constitutam. Eam se non quàm quisque mereretur, sed quanti emeret spectare. Nam si videri vellet aureum esse genus scribendi quo uteretur, quis illum ferret? Totus tamen ille sibi placet atque aureus videtur qui plumbeus cæteris, luteus, terreus. Sed sibi ille est satis, neque cujusquam testimonio indiget ad laudem, qui nititur suo. Enimvero Florentini documento sunt, ita illum sensisse (crebro id usurpare solitum quis non novit? dubitabunt posterì, propter impudentiæ magnitudinem) cum autem aliis de causis illos infestos habet, tum quoniam divino illo atque aureo uti neglexerunt & ad cotem expolito illius ingenii, locupletes homines atque opulenti. Itaque illos ferreo impetit, atque aded ut semper faciat vulnus. Quid autem ea voce impurius? ut magnificentius lauderis, ut mitius accipere, pacisceris, transiges, decides, solves. At ut vites infamiam, ut dedecus, ut videaris esse vir bonus qui sis improbus, vicisse qui victus sis, ut inimicus ignominia notetur, ut calumnia innocenti intendatur, tantum dabis. Ita ne vero? quid si non dabo? non feres impune? inveniam tamen qui aliquam tibi inurat notam infamiae: non effugies: explorabo vi-

PRÆFATIO AD PETR. CAPONIUM.

tam omnem antea actam, dicta, facta: non admisero. quid mea? ipse excogitabo. Hac licentia scimus certum hominem traditum ab eo & proditionis damnatum & supplicio affectum, qui illi adhuc superstes suum ordinem inter suos honestissime retineat Immoderatisque & sæpe parum piis questibus, quid magis ridiculum quam Jovium differere de pietate? Atque hæc è secunda eorum fortuna colligit, quæ reprehendenda ducat. Quæ tamen si accusaret, non historiam scriberet, non carerent gravi reprehensione. Vertit enim vitio Florentinis, quod in omnes cadit, quicumque ferè questum faciunt, aut mercaturam exercent. Quid enim Florentini magis quàm Genuenses, Veneti, Lucenses, Infubres, Galli, Hispani, impietatis accusatore Jovio damnentur? Qui tamen visi essent hoc reprehensionis genus vereri, cum illis non apud Jovium scribentem historiam, sed fungentem sacerdotis munere esset causa dicenda. Quid autem habeat Jovius quod Florentinis respondeat, homo Infuber? si celeberrimis Europæ conventibus, qui pecuniam populo mensa posita, fœnerentur, quod est genus questus maxime infame, (certè ita impium est, ut iis aqua & igni quotannis interdiceretur) esse Infubres, contendant? Atque ut sunt, ita etiam nomine Infubres appellantur. Sed non facient ut Jovium æmulati contumelia verborum in nobilissimam gentem atque humanissimam mutantur. Improbi si qui sunt, ii infamia atque ignominia notandi, à tota gente & natione contumelia removeatur. At veluti nondum satis civitati maledixerit, ex ejus calamitatibus arrepta ansa criminandi, vehementius in eam atque acerbius insultat. Per trecentos annos (inquit) Discordiis intestinis laborasse, eo verò morbo quæ Italiæ civitas ab inclinatione Romani Imperii non laboravit? At Flaminiae urbes desertæ à suis (ut alias omittam) vastitate, solitudine, squalore perditæ, satis faciunt fidem minimè hoc crimen (si modò est) ad unos Florentinos pertinere. Sed quorsum hæc commemoratio? peropportuna illa quidem ad misericordiam excitandam: ad odium & invidiam quid affert? tanta (inquit) rabie, ut modo populares, modo patritios expellerent. hoc non furoris potius quàm inconstantia: quæ quidem quod habet crimen in multitudine? est enim illi levitas atque inconstantia innata. Sævis cædibus integras sæpe Familias delerent, video quid ita rabie incitatos dixerit, id quod tamen præposterè facit. Norunt enim Florentini, quot familiæ nobilissimæ & amplissimæ coactæ sint è civitate exulare & quorum injuria, quod minimè Jovius ignorat, consultò ubi illi expedit, parum memor. Libentius autem id illi obliviscuntur, ne domestica mala commemorare cum cujusquam contumelia cogantur. Crudelissimis incendiis in nobilissima tecta grassarentur nec in his malis unquam mitigata feritate. Fluunt grandia atque ampla verba ex ubere ingenio & divite vena. Detestatur autem vir mitis feritatem, qui nulla ipse laceffit injuria, in civitatem nobilissimam sæviat. Est autem hoc argumento non ut Florentini partium odio, sed suo ingenio efferatum animum Jovium habuisse. Non dispuduisse a sordido opifice jugum accipere. Quid Roma? nonne ex laniena arreptum hominem Consulem fecit? At eadem & Marium Consulem & Ventidium non novum modò hominem, sed sordidum Romanæ majestatis vindicem agnovit. Enimvero quid erat dicturus Clemens Pontifex qui sacrosanctam violatam potestatem à suis civibus, ejectos suos per summam injuriam è civitate querebatur? si eum Jovius expostulantem de suorum injuriis induxisset? Cujus quidem nomini & memoriæ faveo, quòd spe hominis levissimi elusa, cum is opima sacerdotia, legationes, provincias, sibi polliceretur, impunitatem ei modò pretium questuosæ dicacitatis statuerit. Nam inde totus in adulationem effusus Leonem & Clementem, ait, Salutari fidere suis ortos affulxisse, quibus quidem facile Florentini patiuntur Jovium assentari, modò id sine patriæ tanta contumelia, rerum scriptorem se profitentem cujus testimonium posteris non minus quàm iis qui nunc sunt, sanctissimum esse ac gravissimum oportet. At in his laudandis erigit se, turget totus, & cum classicum inflat, prodigia & portenta verborum edit. In cives suos (inquit) nihil tale merentes. at (ut cætera absint) hoc nomine merentur, quòd sunt cives. Cuncta honorum commoda & totius certioris opulentiae ornamenta, insatiabili studio redivivaque semper liberalitate congexisse, infana atque iniqua usos benignitate. En cujus eloquentiam homines admirantur: Tametsi autem satis intelligo quid velit, non tamen qui idipsum velit, aequè facile assequi possum. Nunquam Florentinos ingenio pacato, nunquam exuta Malignitate poenitentes, renovare perfidiam, odium vetus exercere. Nunc Jovius dicere aliquid videtur. Neque verò hi debent facere, ut serò atque agentes animam (quod ipse egit) resipiscant: suppeditat enim ipse exemplum pulcherrimum, quem poenituisse ferunt extremo suæ vitæ tempore tantæ in Florentinos maledicentiæ, & pollicitum esse, non modò quæ in illos scripsisset, si convalesceret, sed universam historiam crematurum. Nihil autem hac re clarius. Scilicet quòd metu religio extorquebatur, non convaleuit. Jam illa rursus magna cum totius civitatis invidia, quæ ad paucos tamen pertinent, & eos quidem Clementis propinquos: mandata esse omnia sacerdotia, urbium & provinciarum Præfecturas unis Florentinis. Hoc verò est quod Jovius ferre non potest. Quid non enim Novocomensi civi? nam antea questus erat, bene de virtute meritos homines præteriri. Habet enim Jovius qui de virtute præclare mereatur, quod novum est. Una enim est virtus quæ juvare omnes maxime, juvari ipsa ne minima quidem in re possit. Sed intelligo quid velit. Latius patet virtutis nomen: & non jam pictor aut musicus, sed scurra, mimus, planus, saltator, habere se virtutem jactat quam profiteatur. Itaque facit homini injuriam Clemens (mitto philosophum, medicum,

JOANNIS MICHAELIS BRUTI

eum, historicum) hilari, festivo, dicaci, architecto maximarum voluptatum & beata vitæ, familiæ clienti ac defensori acerrimo, qui non illi aut Bononiensem legationem, aut Viterbiensem, aut Flaminiam, aut Piceni Præfecturam ultrò extra ordinem mandet. Atque illud etiam queritur homo Insuber, abradentibus omnia Hetruscis, nihil cuiquam vel honestissimo esse Romæ relictum, ad sacri vel profani juris proventus: sunt hæc illius verba, optimè illa quidem congruentia cum cæteris. Suo autem more loquitur, hoc est nullius prætereà, qui latine scribere aut loqui didicerit: omnes enim contemnit præ uno se. Huc verò omnis illius querela spectat, nullam esse spem compendii sacerdoti Romæ relictam. Scilicet hoc non est decus in lucro ponere, quod Florentinis paulò antè objecerat: sed lucrum in dedecore, turpitudine, petulantia, infamia, quod Jovii similes faciunt. Quis autem qui ita ut ille vixit, defuisse sibi unquam Romæ lucrum questus est? Ac non me fugit, liberum esse debere scriptoris iudicium in hominum vitiis notandis. Sed multum interest, & cujusmodi ii sint quos reprehendas, & quæ ea vitia quæ reprehendantur. In homine insigniter improbo, in crudeli, immani, facinoroso scriptoris severitas, laudatur. Ita Livius constantiæ suæ & gravitatis memor, in Tarquiniis, patre & filio, & acer & vehemens & severus fuit: Regem socerum alter, virum sanctissimum sceleratè interfecerat, stuprum filius per vim matronæ castissimæ nobilissimæque intulerat. At Tulliæ scelus perpetua gravitate orationis & quæ in ea apparet, vehementissima contentione animi exagitat, importunissimæ fœminæ & barbaro atque efferato ingenio, quæ virum abhorrentem à gravissimo scelere, in patris Regis cædem incitasset, quæ interfectum letata esset, quæ carpentum agi in jacentis corpus, omnibus à tam fædo spectaculo averfis, à quo suscepta in lucem, in spem successionis certam educata, collocata Regio juveni, non pietatis, non officii, non humanitatis memor, crudelissimè jussisset. Eadem verborum gravitate detestatur impium & sceleratum Appii facinus & auctoris legum & violatoris, quibus libertas, salus populi Romani, atque imperii dignitas continebatur. Verùm quid hoc tam immani scelere importunius, tetricius, execrabilius, atrocius? raptam ad libidinem è parentum laribus, è matris sinu, è viri complexu ingenuam, à vindice libertatis, à magistratu, ab obtinente summi potestatem imperii, populo, civitate universa inspectante: patrem frustra magistratus jura implorantem superbissimè rejectum, coactum familiæ pudorem à stupro à dedecore à contumelia, filie innocentis sanguine & morte vindicare. In Annibale perfidiam reprehendit, crudelitatem, jus gentium, socialem fidem violatam, impietatem, Deorum contemptionem, tum Campanorum defectionem à conjunctis propinquitatis jure, cognationis, affinitatis, quorum erant semper in se experti mitissimum imperium, ad Poenos hostes, ad barbaros, ad homines nulla humanitatis, nulla quæ colerent gentium jura, nullam religionem agnoscentes. Idem in Catilina Sallustius & quidem magna cum laude, immiti, crudeli, nefario, patriæ exitium moliente, omni dedecore, turpitudine scelere cooperto. Quid igitur? non placet improbum reprehendi? imò placet, & verò etiam summè placet. Sed ea prima lex sit, ne falsum crimen apponatur & quæsitum calumnia, ne lateat, ut appareat, ut sit insigne, ut lèdat exemplo, atque aded quod caput est, ut ad summam rerum pertineat, de quibus agimus. Neque enim notantur quæ Annibal in ludo egit, in commessatione, in balneo, in convivio, in cæna: sed quæ in bello, in castris, in acie, in curia. Nam de Campanorum deliciis, quòd ad rem pertinebat, illud modò Livius notavit, invictum Annibalis exercitum Capuæ hybernis corruptum atque enervatum esse. Neque est magis scriptoris animadversio, quid ille cum feneratorum transfegerit, num illi solverit ad diem, quo sit medico usus, quo atriensi, quo pistore, coquo. Si cujus autem hoc munus est, pertinere ad illos videtur, qui vitam illustris hominis scribunt. Quanquam & in eo est modus adhibendus. Itaque & ea laudem habent suam, cum appositè, purè, dilucidè narrantur, quo quis studio sit oblectatus, armis, venatione, literis, musicis, pictura, quæ agere consueverit in cæna, quæ à prandio, meridiatione uti, deambulatione, ludere tesseris, alea, talis, sapius uti toga, pallio. Quo in genere Cornelius Nepos videtur excelluisse: Tranquillus & diligentiae laudem summam & fidei retulit, elegantiae in scribendo nonnullam. Scripsit enim non ut illius ingenium, sed ut ea tempora, quibus vixit, ferebant. At Jovius non ut Livius, non ut alii, sed novo more, hoc est suo. Si quando odio fertur, habet appositum speculatorem, obsidet domum, perscrutatur latebras, adit interiora, tabulas, codicillos, adversaria. Syngraphas excutit, quid sit actum tum argentario, quid cum procuratore, cum villico: ita eruit maledictum è sordibus, sapius è suo ingenio, & profert in lucem. Quo quid putidius? Est domi rixosus, difficili ingenio, morosus, non tenet imperium in suos, tum illa, lusit alea, decoxit, signis capita ademit, circumvenit, fraudem fecit, vapulavit, audiam à maledico accusatore, aut à laceffito injuria: maximarum rerum scriptor, spectat illustria, humilia contemnit, neque quid in popina & ganea agatur, sed quid in campo, in pulvere, in luce ad se pertinere existimat. Aliquis magistratum est adeptus, non continuò quæram utrum ille sit aliquem mutuatione fraudatus, sed utrum Rempublicam compilarit, vexarit socios, civitates alienarit. Atque in eo etiam ero religiosus, ut non omnia in quibus malè de Republica promeritus sit: sed quæ eo tempore gesserit, quo est illi magistratus delatus. Neque enim Livius cum de damnatione Salinatoris ageret, etiam si id illi non semel licuit, plura dixit, quàm moderatum hominem & gravem decebat. Jamdiu in Livio moror, quòd is eum unum habet

qui

PRÆFATIO AD PETR. CAPONIUM.

qui cum certet de dicendi gloria. Quid Cæsar? video enim illum commentarios de rebus ab se gestis confecisse, tum Gallico, tum civili bello, fuisse in Pompeji castra eos homines, qui in illum inexpiabili odio essent, ex iis improbos multos, cupidos, nefarios, cum latissimus ei campus pateret in quo ejus oratio exultaret, in neminem unquam paulò acerbius esse in-
 vectum, neminem verbo graviore, aut inclementiore appellasse, quæ ab iis in se dicerentur, non reticuisse, religiosè, castè explicasse res, iracundiam, animi vim, cupiditatem ulciscen-
 di cum scriberet, in potestate habuisse. Sed neque is Livii neque Cæsar's gravitatem magis unquam æmulandam, quàm parendum sibi suo ingenio duxit. Hoc usus est duce in scriben-
 do, ex hac tanquam officina luculentas illas laudationes & præclaras, conflatas habet, tum accusationes & calumnias, crimina, mendacia conficta ad gratiam, quibus non jam privati, sed civitates universæ infamia atque ignominia notentur; quibus, ut quoad possem, vindica-
 rem Florentinorum civitatem, ita profiteor Petre Caponi) me accessisse ad scribendum, ut neque gratia adductus neque odio, omnia sim explorata diligentia & studio, cum fide certè summa posteritati traditurus. Quantum enim ad Jovium attinet hominem neque mihi de fa-
 cie cognitum (ingenium quidem ex illius scriptis, mores ac vitæ instituta, ex sermone homi-
 num & fama novi) non verebor, nequando videar minus esse moderatè locutus quàm deceat gravem hominem & constantiæ suæ memorem. Etsi autem est turpe dicere in mortuum, at
 tueri adversus mortui maledicta, vivorum existimationem, videtur maximè ejus esse, qui cum possit, quid homo item homini debeat, novit. Parcitur quidem mortuo atque adedò ini-
 mico, qui nihil reliquit, quod cuiquam sit in vita timendum. At si non modò læditur lin-
 gua & manu, sed multò etiam scripto gravius, quis eum audeat reprehendere, qui illata tot vulnera nobilissimæ atque amplissimæ civitati à maledico scriptore, atque obtrectatore,
 sua sedulitate & studio suscipiat curanda? Ita autem Jovius discessit è vita uti ad octingen-
 tos annos (nihil enim perennius eo qui historiam scribit etiam cum malus & ferreus est) im-
 positam plagam Florentinæ Reipublicæ sint posterì magna cum animi offensione ac doloris sen-
 su acerbissimo excepturi. Ea est autem una res cujus quicquid est quod offendat, tolli non
 magno negotio à presentibus potest, neglectum, ut morbi, qui incuria fiunt insanabiles, per-
 petuò posteritati inustum ad contumeliam atque infamiam hærebit. Quæ me autem causæ
 (Caponi) moverint, ut tui nominis auspiciis proferre in lucem Florentinam historiam in-
 stituerim, & si omnes non est necesse explicare non gravabor. Ac de nobilitate, de splendo-
 re familiæ, de rebus gestis à majoribus, quoniam illæ à multis sunt monumentis literarum
 consignatæ, minus multa mihi esse censeo commemoranda. Cui verò non est Nerii virtus ex-
 plorata proavi tui, magnitudo animi, sapientia? Quæ res, unquam est aut domi aut foris
 gesta, in qua esset summa virtute opus, cujus non ille autor, suasor, dux, transactorque
 fuerit? Cujus inquam fuit tanta potentia, administrante illo Rempublicam cujus opestantæ,
 quæ civitati esse formidabiles, quæ obesse suorum civium libertati potuerint? Quæ autem
 ulla ætas de Petri Caponii gloria conticescet, qui unus in libera civitate, adversus victo-
 rem Regem, maximis viribus nitentem, exaudiente exercitu armato, quem Italiæ civita-
 tes, nationes exteræ horrebant, ausus mittere liberam vocem, majestatem imperii à Gal-
 lorum ferocia atque insolentia vindicavit? Hinc celebre illud Florentinorum atque acutè di-
 ctum, multas Gallorum cohortes unius Caponis voce exterritas, cohorruisse? Mitto Nico-
 laum Caponium virum optimum & civem clarissimum, quem unum maximè nostra ætas vi-
 dit, in secunda fortuna summos honores moderatione & æquitate animi, in depressa & af-
 flicta vitæ integritatem atque innocentiam magnitudine animi & constantia adversus impro-
 borum consensum, magna sua & majorum gloria, tueri. In te uno sita sunt omnia, quæ
 etiam si nullam haberes à majoribus relictam nobilitatem, quam habes maximam, efficerent
 tamen ut te autore & principe, summam posterì haberent. Dicerem verò qua es in patriam
 pietate, multis jam illa monumentis illustrata & clarissimis, qua in externos libe-
 ralitate & magnificentia, quo studio, qua beneficentia in doctos homines & claros vir-
 tute: quod propè mihi esse necessarium ducerem, ut justam mihi esse causam il-
 lustrandi tui ac celebrandi nominis probarem. Sed hæc omnia ita commemorari à
 me posse intelligo, ut cum mea fide quæ hoc postulat, pudor qui est in te summus & mo-
 deratio pugnet tua. Constitutum enim habes fructum tuæ virtutis, in recta animi con-
 scientia, quo qui frui potest, ei nihil esse potest præterea in vita jucundius, glo-
 riam, nomen, famam, non tu quidem superbè contemnis, sed ita promereri studes, ut quàm
 illa sint alii meriti modo spectes, quàm faciliè partis fruantur, non labores. At si tibi est
 satis præclare agere, non tibi æquè est curæ quàm audias præclare: næ tu in eo ipso minus
 etiam quod velis assequare, ubi aliis ipse sis impedimento quo minus sibi faciant satis in re-
 ctè agendo. Quòd igitur multos comprehensos tuo beneficio habes, quòd expositas divitias
 ad magnificentiam, ad liberalitatem, ad viros bonos atque honestos juvandos, ad provehen-
 da honesta studia, finem tu quidem constituisti in uno te qui est optimus & pulcherrimus, eum
 qui est in opinione multorum positus, contemnis. Sed si quis est, in quem merita tua & be-
 neficia sint multa: facile etiam pati debes, eum sine ulla modestiæ tuæ offensione, grati ho-
 minis officium præstare, atque id causa etiam tua, ne videaris malè tuum beneficium posuif-
 se. Abutuntur autem multi liberalitatis nomine, decoris, magnificentiæ, splendoris, ad
 colligendam popularem auram quæ brevi tamen collecta effluit. Itaque patent domus floren-

JOAN. MICH. BRUTI PRÆFAT. AD PET. CAPON.

tes divitiis & cumulatae fortunæ bonis, hospitii clarissimorum hominum: excipiuntur Regum legati, insignes homines militiæ gloria, viri principes: convivia copiosè, splendide, laute celebrantur: at contemnuntur, humiles, miseri, non imaginibus majorum, sed recte factis, honestis studiis, virtute clari, quæ cum esse debeant magno homini multò illis potiora, efficiunt neglecta, ut ea sint dedecori quæ putant sibi, cum magnificentia studiosi sint, esse ornameto. Quis autem non eum reprehendat, qui cum inani re si quis illam propius intueatur, immensas habeat effusas opes, idem ope sua indigere viros multos honestos patiat, qui beati atque opulenti hominis convivio annum familiam alere commodè possint? At tu quidem utrumque agis, & quidem magna cum laude. Facit enim alterum, in quo non tam speciosa & vendibilis, quàm vera commendatio & diuturna ad gloriam est sita, ut alterum magis ab ingenio & vera virtute proficisci quàm ab insolenti & vana divitiarum ostentatione videatur. Itaque longè ego præfero, omnibus Regum hospitiiis, per breve illud tempus, quo tibi in domus amœnissimæ recessu, cum aliorum honestissimorum hominum, tum verò Donati Jannotii consuetudine licuit frui. Quem ego hominem antea amabam, illius eruditionis atque ingenii opinione adductus, & siquid hoc ad rem pertinet, præclare de mea patria meritum: nunc amo multò impensius, perspecta ejus mihi ac cognita virtute, pudore, probitate, ex multis tuis sermonibus illustribus, quos sæpè de illo audiente me habuisti. Nam absentem Jacobum Nardum senem sanctissimum, tanquam parentem filius in illius adversa & jactata fortuna colis pietate & studio, id quod tribuis hominis singulari virtuti, doctrinæ, ingenio, quæ una tibi est causa gravissima ad omnes amandos. Quæ res cum ita sit, meritò tuo video Ugolinum Martellium fecisse, qui cum sæpe honorificamentis haberetur de Florentinis civibus qui Lugduni negotiantur, præsentem me, per paucos habebat quos tibi æquaret, neminem, quem anteferret ulla in re, quæ clarum virum & magnum deceret. Cujus hominis testimonium cum tanti à me fiat, quanti, illius virtus fidesque postulat, (ea autem non est illius nobilitas major, gloria majorum, eruditio, cognitio rerum maximarum atque usus, quæ tamen in eo omnia sunt summa) non dubito quin ipse facias plurimi. Cumulatè enim is laudat, in quo ne velit fallere probitas & religio, ne possit prudentia efficiat atque judicium acerrimum. Legent igitur nostri homines Florentinæ historiæ libros hos octo, tuo nomine quasi insigni prælato, in lucem à me editos, quos brevi, si dederit Deus ut honestissimo labori vita ne desit, alii consequentur, * qui ad nostra usque tempora ea ferè complectuntur, quæ sunt in Italia ut nunquam antea memoria majorum clariora, atque illustriora gesta. Ea autem spe accessi ad scribendum, ut certam mihi & solidam laudem, fide mea ab errore vindicanda diligentia & studio, ingenii nonnullam genere scribendi compararem: tantum flagitium, ut aliquid consultò gratia darem, quod minus esset constantia scriptoris & gravitate dignum, hoc verò longè à me abfuisse penitus probarem. Ac quantum universa scribenda historia, profecerim studio, qui vis facile conjiciet, qui ea quæ scripta ab aliis leguntur, cum hisce octo libris conferre volet. Tametsi autem eorum temporum res, tenues magis esse atque exiles videntur, quam ut in his ubertas orationis & copia conspici possit, nemo est tamen ita mihi iniquus futurus, quin hoc mihi tribuat, plurimum me ut aliqua conspiceretur, laborasse. Sed de hoc ii viderint, qui sibi hoc totum quasi suo jure sumunt, ut de scriptis doctorum hominum statuunt. Sive autem rectè illi hoc possunt, facit honestissimus à me susceptus labor, ut voluntatem etiam eorum, non magnopere desiderandam mihi & requirendam putem. Qui enim ipse assequutus est, ut de re tam gravi ferre sententiam possit, nunquam ita invidet cuiusquam laudi, ut non liberum afferat judicium in judicando. Neque verò semper ita esse solet infelix juveni studiū, ut cum debeat laudem, obtrectionem referat, haud satis æquum præmium constitutum iis quæ rectè à nobis & laudabiliter fiunt. Sive autem sunt qui audeant quod non possunt, non habeo ego potius quod de illis expostulem, quàm quod de se ipsi querantur. At quicquid de me aut parum æqui homines & malevoli, aut imperiti judicaturi sint, quos fore multos non ignoro, in eo maximus mihi mei laboris fructus constabit, si quod maxime spectandum est, fidem meam probari rebus narrandis iis quibus cognita & perspecta sunt, rationem scribendi qua sum usus, viris iisdem bonis & non imperitis, quos spero me æquos habituros haud penitus improbari intelligam. Vale Lugduni Calendis Augusti.

* Nunquam, aut saltem in hunc usque diem, libri a Bruto, postea scripti, aut ab eo scribendi hanc tangentes historiæ, in bibliothecis virorum præ aliis litterarum, quantum mihi hoc indaganti constat, sunt inventi.



JOANNES MICHAEL BRUTUS

BACCIO TINGIO

S. D.



Unquam (mi *Tingi*) fore putavi, ut cùm *Florentinam* historiam ederem, meliore essem conditione, quàm viri docti & eloquentes permulti, qui minimè invidorum maledicentiam atque obtrectationem effugissent: fore tamen ut iis uterer iniquis, antequam suspicari possent quid illud esset quod improbarent, mihi verò id nunquam in mentem venit vereri. Sed in eo tamen illud cadit præclarè, quod non dissimulant, quid sentiant: ajunt enim historiam me earum rerum confecisse, quæ cum scriptæ sunt doctè ab aliis & disertè, tum longè etiam à nostra memoria absunt. Nam de genere scribendi non habent, quid statuunt: affirmant quidem id doctis hominibus probari. Hoc verò illi non male. Satis enim noverunt, quanti esset eorum judicium apud homines non imperitos futurum: si illud in re tanta interponere auderent. Quanquam non semper faciunt, ut sibi in eo temperent. Audacia enim provehuntur, cum illos deficiunt vires. Sed tamen ita hoc ipsum agunt, ut non magis ostendant, quid alii possint in scribendo, quàm quid ipsi legendo assequantur. At quid illud est, quod in me reprehendunt? Audire enim operæ pretium est, graves homines & sapientiæ opinionem toga & supercilio captantes. Scripsi enim quæ alii, atque ea quorum jam memoria effluxit. At quid hoc habet reprehensionis? tueri enim eorum memoriam, quorum merita multa in homines & præclara extiterunt, æquitatis & justitiæ laudem habet. Assequuntur enim scriptoris studio, famam, nomen, gloriam, quod præmium longè honestissimum, rectè hominum factis constitutum est. Sive autem hoc sibi statuunt esse agendum, ut posteris consulant: quid esse potest toto in eo genere præclarius? Neque enim magis homines moventur, ullis philosophorum præceptionibus, quæ multæ ab illis ad vitæ institutionem traduntur, quàm eorum exemplis, qui domi forisque multa cum laude agendo, materiam illis unde hæ ipsæ præceptiones manarent, præbuerunt. Sed jam uno verbo rem totam complectar: licet enim de horum sententia, omnia veterum monumenta & rerum tollantur, quæ scriptis doctorum hominum sunt constituta: quòd ea sint à nostra memoria remotiora. Verùm illud ipsum urgent. Scribit eadem quæ multi. At & *Polybius*, quæ *Romani* homines sua majorumque memoria: & *Livius* quæ ille, quanquam autor gravissimus, & *Dionysius Halicarnassensis* quæ *Livius*, atque adeò (quod me isti fecisse accusant) prisca tantum & quæ essent remotissima ab iis temporibus, quibus vixit: Floruit autem ut *Livius Augusti* ætate. Atque easdem res *Lucejus* scripsit *Sallustius*, *Livius*, *Asinius Pollio*, *Vellejus*, *Eutropius*, *Dion Nicæus*, *Plutarchus*, *Appianus*, atque is quidem, ut integra capita è *Plutarcho* sumpta, in sua transferat. Quod quidem tantum abest, ut ipse faciam, ut modò fides mea legenti constet, quæ est mihi antiquissima, ordine rerum, differendi ratione in deliberationibus, explicatione consiliorum, sententiarum varietate, animadversione omnium, consultò cum iis videar pugnare, qui iisdem de rebus ante me scripserunt. Video (*Tingi*) esse mihi deprecandum arrogantiae crimen, quod quidem à me abest quàm longissimè: sed laceffito tamen quod te non fugit, erit hoc quidem ignoscendum. Non video quid *Machiavellius* habeat, qua de re, si mihi sit cum illo suscepta contentio, magnopere mihi esse verendum videatur, ne victus ipse aut inferior discedam. Vinco enim fide, industria certè diligentia, studio explicandis rebus, quod minimè mihi sumerem, nisi res ipsa loqueretur. Laudem ingenii ita illi concedo, ut mihi tamen à nemine ademptum iri existimem. Facit enim mea constantia, ut meo testimonio illum laudem: aliorum æquitas, ut sperem ne mea mihi laus præripiatur. Scripsit autem ille modò in *Italia* natis hominibus: ita ego scribo ut non nostris tantum, sed exteris nationibus atque adeò populis ab *Italia* remotissimis, quæ *Florentini* gesserunt, nota sint. Sed quid si ego plura? si certiora? quid si varia ab illo, si contraria & pugnancia? quod tamen facio nunquam nisi cum ita mihi sit res explorata, ut dubitari non possit, quin is aut consultò lapsus, aut incuria & impudentia, erraverit. Dicerem quæ adjumenta mihi ad scribendum & à quibus suppeditata essent, si hoc esse necessarium existimarem. Illud tantum verè affirmare possum, neque *Florentiæ* nato homini aut magis recondita, aut vetustiora eruere magno etiam adhibito studio, licuisse, qui se totum huic generi scribendi tradidisset. Quæ quanquam ita sint, minimè hoc tamen mihi esse omittendum censeo, & invitum me & recusantem, amicorum modò ut priores hosce libros ederem, adduci autoritate potuisse: cùm quidem non prius quàm universam historiam absolvissem, hoc mihi statuerem esse agendum. Ita autem in hanc unam rem totus animo & studio incumbo, ut brevi (si mihi sit comes vita futura) sperem me probaturum, non ostentasse unquam me id quod minus possem, sed quod ostentassent alii, qui sunt permulti hoc tempore, multa opera me & studio assequutum esse. Ac me tamen


ea mente fuisse, cum alii sunt testes viri honestissimi & mihi amicissimi, tum ipse unus es, *Bacci*, in primis. Scis enim cum *Jacobo Florido* esse actum diligentissimè, viro optimo & virtutis atque industriæ singularis, ut hæc suo sumptu imprimenda curaret, incio primùm, mox plurimum etiam repugnante me: cum penitus stare, nihil inchoatum & non planè absolutum in lucem proferre. Qua tamen in re non me poenitet, fateor, amicis morem gessisse. Quid enim esse æquius videtur, quàm cum insigne meæ voluntatis documentum & studii in tuos cives constituerim, illud extare, si quid mihi (ut mortales fumus) humanitus accadat. Commemorarem autem quanti hoc illis esset faciendum, quod quidem cum habeat arrogantiae suspicionem & levitatis, ab aliis præteriri, quàm à me prædicari malo. Quæ res tamen, quamdiu tu eris (faxit autem Deus ut sis quàm diutissimè, & ut maximè velis) nunquam mihi erit magnopere timenda. Ita autem multi te audiunt effusum in meas laudes: ut credant te plurimum amicitiae nostræ tribuere, qua in re quidem non falluntur: judicium tamen iidem peracre atque ingenium, non voluntatem solum in me propensam & benevolentiam concedant. Vale. Lugduni Calendis Augusti.


JOANNIS MICHAELIS BRUTI VITA,

è Virorum Doctorum testimoniis extracta, breviterque hìc descripta.

Joan. Michael Brutus, *Historicus Cæsareus percelebris, sui seculi satis decus. natus Venetiis velfecundum* Konigium Florentiæ. *Claruit, ut quidam opinatur, A. C. 1573.* Viennæ. *Orationem de rebus à Carolo V. Cæs. gestis. Antv. 1555. Hanov. 1611. apud Freherum* Script. German. Tomo 3. *M. Tullii Ciceronis* Orationum ab eodem emendatarum volumina tria in lucem edidit: quibus accefferunt breves animadversiones ex Doctiss. Virorum Commentariis. *Lugd. 1570. in 8°. Antverp. 1584. Analysin & Var. Lect. in Comment. C. Jul. Cæsaris. Basil. 1564. 8°. Franc. 1606. Notas fecit in Horatium. Collegit* Epistolas clarorum virorum. *impr. Lugd. 1561. Crac. & Colon. 1583, 8°. Cracov. 1589. 8°. De Historiæ Laudibus & recta* ratione, qua rerum scriptores legendi sunt. *Cracov. 1583. 8°. Conjugalia præcepta conscripsit. Cracov. 1583. 8°. Ad Polonorum Lithuanorumque senatum universosque Regni Polonici* ordines de Ernesti Archiducis Austriæ & universæ familiæ Austriacæ Laudibus orationem habuit. *Ejusd. Responsio & censura in orationem Lucæ Chwalkowski, qua Sueci Principis* petitio in comitiis Warfaviensibus de novo Rege creando commendatur. *Franc. ad Mæn. 1590. 4°. 1599. 4°. Florentinæ historiæ Libros octo composuit Lugd. 1562. 4°. Vitam Philippi viri Ex-* perientissimi Florentini: quam ejus Historiæ de Uladislao Rege Poloniæ præmisit. *Franc. ad Mæn. 1600. Aug. Vind. 1519. Bartholom. Facii Genuensis Libros x. de rebus ab Alphonso I. Rege Neapolitano gestis. Item Francisci Contareni de rebus Florentinis opus in lucem pro-* traxit. *Aliquot ejus scripta propter singulare ingenium summamque doctrinam, & quod ista raro etiam invenirentur, jam olim de novo in Octavo Berolini in lucem sunt edita. Qui-* dam doctus, *simors non prohibuisset, alia adhuc de isto Auctore curiosis quoque dedisset.*







JOANNIS MICHAELIS BRUTI

HISTORIÆ

FLORENTINÆ,

LIBER PRIMUS.

FLORENTIA, quæ urbs post everfionem *Romani* Imperii, in primis *Italiae* nobiliffima femp̄ ac florentiffima habitata eft: cū diu fuis ufa legibus & inftitutis, rerum in *Heſtruria* potita eſſet: noſtra ætate, coacta unius imperio parere, libertatem, quam ingentibus ſtudiis & graviffimis contentionibus perpetuò adverſus paucorum potentiam retinuiſſet, ac dignitatem ſimul & jus imperii amiſit. Quam quidem rerum commutationem, cū inſignes calamitates in Republica ac bella graviffima conſecuta eſſent: ea quemadmodum geſta adminiſtrataque ſint, tum cauſas, initia, progreſſionesque rerum (id quod ſcriptores eorum temporum tradere neglexerunt, & plurimi faciendum eſt) repetito altius principio, explicare inſtituam. Ita autem ſemper eſſe ſtatuendum cenſui, cum hoc unum maximè eos ſpectare æquum ſit, qui ſcribendi tantum munus ſuſceperunt, ut quoad ejus fieri poteſt, in rerum explicatione vitæ hominum conſulant, cujus rei cauſa ſe illas tradere poſteritati profitentur, ubi ea noſtri homines cognita perſpectaque habeant, fore ut propter eorum magnitudinem & varietatem quæ ex his extitiſſe animadvertent, magnos uſus atque uberes ad vitam agendam confirmandamque conſequantur. Namque (id quod verè affirmari poteſt) præter *Romanorum* civitatem, quæ parto orbis terrarum imperio, leges gentibus & jura deſcripſit: nulla unquam in *Italia* civitas extitit una aut altera excepta, quæ ſimul aut magnitudine rerum, aut viciffitudine temporum, & converſione commutationeque fortunæ, quæ res in omni libera civitate caſus maximè memorabiles ac rerum eventa efficere conſuevit; hac una ſuperior videri poſſit. Cauſa autem ejuſce rei, tum ex eo hominum genere qui urbem à principio incoluerunt, tum ex certa ratione adminiſtrandæ conſtituendæque Reipublicæ manare videtur: cū quidem vis temporum ac perturbatio accederet, qua ſæpè aliæ ferè civitates omnes *Italiae* ad perniciem laboraverunt. In magnam enim urbem & loci natura munitam, & qua maximè excellit, fertilitate, ubertatēque agrorum opportunam: cū eam unam vicini populi haberent, certum adverſæ & jactatæ fortunæ perſugium, ſi qua illos vis externa aut domeſtica urgeret: nobiles homines & potentes patriis ſedibus ejeſti confluxiſſe complures dicuntur: quibus indies auctior ac firmior urbs, ut permulti ſua ſponte, quorum integræ fortunæ ac magna æquè nobilitas eſſet, ſibi eam patriam deligerent, perfeſcit. Ita cū jam nobiles familiæ permultæ & opulentæ minimè quidem ſecunda populi voluntate in urbem immigraffent: quæ parum legibus & jure munita adverſus vim & conſpirationem potentium videretur: graviffimis ſæpè ortis diſſenſionibus eſt inter eos armis dimicatum: cū in magiſtratum atque honorum petitione, comitiſſimum jus ſibi populus ſumeret, nobilitas eos ſibi deferri multitudinis ſuffragiis iniquum cenſeret: quibus contentionibus plerumque populus vi-

A
ctor, eam illis partem, quæ videretur honorum, mandabat: ut nonnunquam in iis creandis qui ſummo civitatis magiſtratu præſſent, nobiliſſimis civibus præteritis, per ſui ordinis homines honeſtos illos quidem & locupletes, Reipublicæ imperium adminiſtraret. Erat enim ita civitas diviſa, ut ex iis quos majorum nobilitas commendaret, eorum ordo conſtitueretur, quos, ut videtur, invidia cauſa, Potentes vulgò homines appellabant: populi quidem eſſet duplex ordo, in quorum altero qui ditiores opulentioresque erant, quorumque ratio in magiſtratum comitiis habebatur, in altero ex infima plebe homines, & qui fordidas artes exercerent, quibusque præcluderetur aditus ad honorum petitionem, cenſebantur. Atque hi quidem in mediis ordinis homines quod eò propior illis eſſe acceſſus videretur, inclinabant. Sic fiebat, ut cū illi nobilitate & divitiis, hi numero & viribus præſtarent: ubi in honorum contentionem deſcenderent, victi Principes multitudinis conſenſione, in ſuffragiis præterirentur. Plebs enim cū hoſtili odio à nobilitate diſſideret, facile ab eorum cauſa ſtabat, quos ſuæ libertatis vindices futuros, ubi Potentes cives res novas molirentur, atque eorum audaciæ poſſe obſiſtere & cupiditati exiſtimaret. Ita nobiles homines, quibus haud facile eſſet jus ſuum adeò adverſis populi ſtudiis retinere, eas leges ſunt accipere coacti: quæ quidem cū ad augendam populi potentiam adverſariorumque minuendam à popularibus hominibus latae eſſent, tanquam earum condendarum cauſa in his conſtitiffet, gravi illis atque inſigni nota inuſta ad poſteritatem leges de potentium ambitione & libidine coërcenda per diu ſunt appellatae. In his præter alias de ambitu ſeverè latas: erant quibus cavebatur, ne cui qui ex potentium ordine eſſet, domo egredi per noctem liceret, qui egreſſum interficeret, ei id apud magiſtratum populumve fraudi ne eſſet. Atque aliquando accidiſſe ferunt, ut ſi D
quid populares homines amiſiſſent, quod ſeverius vindicandum à magiſtratu videretur: tanquam ea una eſſet animadverſio graviffima, iſdem legibus quibus clari & nobiles cives tenebantur, ſubjicerentur: ſolverentur contra illi legibus, atque in eorum ordinem cooptarentur, quibus capeſſere Reipublicam, & magiſtratus gerere legibus permitteretur, ſi qua in re præclarius de Republica meriti, afficiendi munere ampliore eſſent. Itaque legum tanto metu & E
judiciorum injecto, cū victam nobilitatem ab magiſtratum petitione populus amoviſſet, omnes Reipublicæ functiones atque ampliffimi magiſtratus jura, cum ex plebe homines, & qui infimum civitatis locum tenebant, veteri inſtituto, intercluſo aditu ad jus comitiſſimum, ſe ad eorum rationes adjunxiſſent, quos dominari in ſuffragiis & ſummam Reipublicam adminiſtrare ſuo arbitratu videbant, in popularium ordine conſtiterunt, qui inter duos medius, ut diximus, Opulentiorum ordo, nomine non ad contumeliam magis quàm ad invidiam excogitato, vocabatur. Ac non modò in aliorum magiſtratum comitiis, quibus ſumma

JOANNIS MICHAELIS BRUTI,
HISTORIÆ
FLORENTINÆ,
LIBRI OCTO.

Editio Novissima, priori multo emenda-
tior atque correctior.

Tabula totius Etruriæ Geographica aucta,

Atque

Urbis Florentiæ Delineatione locupletata.




LUGDUNI BATAVORUM,
Sumptibus **PETRI VANDER Aa,**
Bibliopola, & Typographi Academiae atque Civitatis.

Respublica permittebatur, jus suffragii per popularium hominum coitionem videbatur ereptum nobilitati esse: sed in eorum etiam petitione qui honoris dignitatisque causa ambiri à principibus civibus atque honestis solerent. Itaque cum *Carolo IV. Cesare Bohemie Rege* maxime vigentibus partium studiis, honorificam legationem ad *Ludovicum Pannoniae Regem* civitas decrevisset: in decem legatis, qui numerus aut levius populi beneficium eo honore affectis, aut graviores injurias præteritis efficeret, omni studio adversariis contrahentibus, ex nobilitate ne uni quidem licuit locum tenere: magna id quidem totius ordinis offensione, qui jam non in suis modò fidem desiderari in Reipublicæ procuratore, sed lædi etiam communem omnium existimationem, id quod videretur nullo modo ulterius ferendum esse, quererentur. Atque ita gravis multis injuria & insignis est visa: ut viri boni & qui, quanquam diversarum partium haberentur, consulendum tamen magis communi saluti, quam seditiosorum hominum libidini atque audaciæ censerent: & populi judicium in comitiis, & verò eorum cupiditatem magis, qui his habendis præfuisent, improbare palam auderent. Factum enim eorum pertinacia atque ambitione esse, ut dubio Reipublicæ tempore, quod in posterum omen, à civitate Dii immortales averterent, hi tumultus & seditiones exorirentur, quæ ægrè sine magna omnium clade sedari tollique possent. Erat enim tanta affectis injuria, certum paratum periculum in externis armis, si quando illi memores majorum, quorum insignis virtus & nobilitas fuerat, ad vim & ad arma spectarent. Nam *Ludovicus* ubi *Joannam Neapolitanorum Reginam* bello vicisset: cui secunda maxime hominum fama intulerat arma, propterea quod *Andream* virum eundem *Ludovici* fratrem interfecisse, pertæsa illius nuptiarum ferebatur, validissimis copiis instructus, tantique regni accessione auctus, formidabilis videbatur *Heitruæ* imperio imminere, unde erat omni ratione & consilio avertendus. In his quos civitas ad Regem legavit claris civibus, & populo probatis, *Vannes Medicus Mannii* filius habetur: ut hinc conjici possit, nobilem quidem familiam & honestam, sed quam populus in suorum ordinem adoptatam foveret, in ejus causam, cujus studiis & suffragiis crevisset, inclinasse, quousque vires majores & robur nata, & aspirare ad Reipublicæ imperium, & pervenire etiam sensim populari aura propecta potuerit. Ad hunc maxime modum Reipublica diu per hujus ordinis homines administrata: cum graves sæpè excitati tumultus, tum incendia, populationes & cædes factæ, ut tandem fessa civitas modum aliquem tot malis & finem quæreretur, effecerunt. Ergo CCC. circiter ab hinc anno, quo tempore *Manfredo* devicto *Carolus Andegavensis Regnum Siciliæ* occupavit fracta ferocia animorum, quæ planè populus efferatus pertinaciter sibi principibus esse obsistendum statuerat, cum hi debitos, ut credebant majorum nobilitati honores minime sibi per beneficium & gratiam petendos ab iis existimarent, quibus appellandis, conveniendis, prehensandis cum dignitatis factura summa inesset, non eam tamen certior honoris spes, quam repulsæ indignitas sequeretur: novam magistratuum petendorum rationem iniri placuit. Ita delectis ex omni artium numero, quæ liberaliores haberentur, qui modò in earum aliquam adlectus, sive is ex populo, sive ex nobili familia & clara magistratus peteret, ei lege lata permissum est, ut magistratus ejus fungendi potestas esset. Nam qui amplissimus postea in civitate habitus & *Vexillifer* dictus est, is in principio vexillo Reipublicæ accepto à magistratu, unde illi occasio nominis extitisse videtur, cohorti prætorie

A Præfectus eas impositas partes habebat, ut quæ magistratus edixisset ea adversus potentium civium conpirationem, si quando juris sui obtinendi causa coirent, curaret à civibus servanda. Ac cum ita cætera nobilitati permessa essent: una erat tamen legi exceptio adscripta, extra quam si summum Reipublicæ magistratum peterent: quem quidem nemini ex eo ordine, atque adeò quanquam in jura populi adscito, inire ullo modo liceret. Rem autem ita esse, illud facile declarat, cum populares homines per magistratuum adeptionem, à quibus potentes arcebantur, eos facile dignitate æquassent, superassent potentia & gratia (quicquid enim illis de suo jure coacti decessissent, accedere his legis beneficio videbatur) ordinum concordia ac per eam Reipublicæ statu constituto: haud temerè unquam in ejus magistratus comitiis cujusquam habitam rationem esse, qui quidem in potentium ordine haberetur. Itaque ad *Alexandri VI. Pontificatum*, quanquam quicquid esset discriminis inter nobiles familias & quas populares vocabant, Reipublicæ tempora sustulissent: nemini autem, qui modò in civium ordine censebatur, interdictum esset, quò minus delata sibi populi suffragiis omnia Reipublicæ munera obiret. nemo ferè eum honorem gessit: qui etiam si ex familia populari clarus civis vetustate familiæ ac majorum gloria esset: invisus tamen multitudini, in ejus offensionem domestica potentia incurrisset. Longè diversa de eo magistratu alii tradunt. In principio quidem creatum, ut esset qui populi auctoritatem, si quando eam principes obterere conarentur, armis tueretur: eidem sub Reipublicæ signis armatorum delectis millia attributis quorum præsidio subnixus potentes magistratui cogeret dicto audientes esse, cum nihilo minus nobilitas pergeret se gerere insolenter, nonnullis semper ex eo ordine eadem potestate fungentibus placuisse *Vexilliferum* inter eos assidere, qui magistratum gererent ac pari imperii jure, principe tamen loco, cum his Rempublicam administrare, aucto armatorum numero qui illis præsidio essent. Qua tanta accessione dignitatis facta, peti honorem coeptum à principibus summa contentione, atque ad c. ferè annum, qui fuit annus CCCLXXXI. cum CCLXXXII. princeps eam potestatem *Ubaldo Ruffulo* iniisset, promiscuè ac nullo discrimine omnibus mandatum esse, quos modò dignos populus suis suffragiis judicasset. Ab eo tempore sive lege lata, sive quod probabilius est, pertinaci studio nobilitate pro eo honore decertante, qui summus in civitate erat, neminem *Vexilliferum* delectum, qui non ex familia nobili esset: cum autem cives in artium collegia adoptarentur (hæ viginti & unius numerum explebant) qui ad honores & magistratus admitterebantur, ex his VII. quas majores artes placuit appellari, quod neque fordida, neque illiberales essent, in quibus ex nobilissimis familiis cives censebantur, civitati semper *Vexilliferum* dedisse: idque ad cccc. annum & xxxii. observatum, quo tempore civitas coacta armis jus imperii libertatemque amisit. At obscuro atque humili loco nati homines cum fordido quæstu victum tuerentur, eorum ratio in petitione magistratuum, ut diximus, nulla habebatur. Quod cum per multas ætates iniquo animo tulissent: seniel vi atque armis (unde legibus atque institutis civitatis depellabantur) aditum sibi ad summos honores patefecerunt: eorum causam acerrimè tuente *Silvestro Medice* populari homine & factioso, qui deserta causa bonorum atque plebis patrocinio suscepto, ab ea ejus meriti ergò est equestri dignitate honestatus. Princeps is in familia *Medicum*, optimatum ac populi discordiam visus in summo magistratu moliri, exemplum posteris prodidisse fertur, per

hominum affectationem oppressa nobi- (A, licendo, largitionibus & muneribus deliniendo, &
viam




FLORENTIA PVLCHERRIMA ETRVRIÆ CIVITAS.



STATUA
COSMI I.

1. Porta.
2. Casa del Capitano.
3. Case d'officiali.
4. Chiesa.
5. Alloggi de soldati.
6. Alloggi de bombar.
7. Luogo d'artiglierie.
8. Armeria.
9. Granari.
10. Munizioni de legnami.
11. Giardino del Capitano.
12. Canoue.
13. Casa del Canouaio.
14. Dispensa.
15. Mulini.
16. Munitione di farina.
17. Munitione di polvere.



Pugna Gladiatorum.




Circus.



Lauromachia.



Adscensus ad Malum.



Ecclesia Cathedralis, vulgo S. Marie della Fiori.



Palatium Pitti.



Hippodromia.



Spectaculum Anseris dilacerandi.



Pugna sub Ponte S. Trinitatis.

- | | | |
|------------------------|-----------------------|----------------------|
| 1. S. Ambrogio d. l. | 27. S. Felice d. l. | 53. S. Spirito d. l. |
| 2. S. Andrea d. l. | 28. S. Giovanni d. l. | 54. S. Maria d. l. |
| 3. S. Antonio d. l. | 29. S. Maria d. l. | 55. S. Maria d. l. |
| 4. S. Bartolomeo d. l. | 30. S. Maria d. l. | 56. S. Maria d. l. |
| 5. S. Benedetto d. l. | 31. S. Maria d. l. | 57. S. Maria d. l. |
| 6. S. Bernardino d. l. | 32. S. Maria d. l. | 58. S. Maria d. l. |
| 7. S. Carmine d. l. | 33. S. Maria d. l. | 59. S. Maria d. l. |
| 8. S. Caterina d. l. | 34. S. Maria d. l. | 60. S. Maria d. l. |
| 9. S. Croce d. l. | 35. S. Maria d. l. | 61. S. Maria d. l. |
| 10. S. Donato d. l. | 36. S. Maria d. l. | 62. S. Maria d. l. |
| 11. S. Eustachio d. l. | 37. S. Maria d. l. | 63. S. Maria d. l. |
| 12. S. Francesco d. l. | 38. S. Maria d. l. | 64. S. Maria d. l. |
| 13. S. Gallo d. l. | 39. S. Maria d. l. | 65. S. Maria d. l. |
| 14. S. Giorgio d. l. | 40. S. Maria d. l. | 66. S. Maria d. l. |
| 15. S. Giuliano d. l. | 41. S. Maria d. l. | 67. S. Maria d. l. |
| 16. S. Iacopo d. l. | 42. S. Maria d. l. | 68. S. Maria d. l. |
| 17. S. Jacopo d. l. | 43. S. Maria d. l. | 69. S. Maria d. l. |
| 18. S. Jacopo d. l. | 44. S. Maria d. l. | 70. S. Maria d. l. |
| 19. S. Jacopo d. l. | 45. S. Maria d. l. | 71. S. Maria d. l. |
| 20. S. Jacopo d. l. | 46. S. Maria d. l. | 72. S. Maria d. l. |
| 21. S. Jacopo d. l. | 47. S. Maria d. l. | 73. S. Maria d. l. |
| 22. S. Jacopo d. l. | 48. S. Maria d. l. | 74. S. Maria d. l. |
| 23. S. Jacopo d. l. | 49. S. Maria d. l. | 75. S. Maria d. l. |
| 24. S. Jacopo d. l. | 50. S. Maria d. l. | 76. S. Maria d. l. |
| 25. S. Jacopo d. l. | 51. S. Maria d. l. | 77. S. Maria d. l. |
| 26. S. Jacopo d. l. | 52. S. Maria d. l. | 78. S. Maria d. l. |

Respublica permittebatur, jus suffragii per popula- A Praefectus eas impositas partes habeba
nti

infimorum hominum affectationem oppressa nobilitate, sibi viam ad Reipublicae imperium & ad dominationem struendi. Vexillifer enim Reipublicae cum de æquandis ordinibus ac plebeis hominibus ad honores admittendis referret, magnopere obsistentibus bonis, qui ejus rei semel mentione injecta, fore videbant, ut concitata plebs suum jus persequi vi atque armis conaretur: in comitium progressus quò delectorum consilium frequens coierat: ita populum fertur alloquutus esse: quando per collegarum intercessionem, magistratum gerenti, administrare Rempublicam minus ex sua & populi voluntateliceret: quæ sibi invidiæ magis quam ornamento, nulli usui suis civibus futura intelligeret, magistratus insignia se positurum. Atque optare quidem ubi se eo honore abdicasset, domumque privatus rediisset: ei cui populus tantum honorem haberet, eandem mentem Deus immortalis daret, vires aliquantò majores, quibus civitas in libertatem vindicari oppressa paucorum conspiratione & scelere aliquando posset. Frustra verò deligi viros bonos & magnæ spectatæque virtutis, qui ad civitatis gubernacula sederent, si quidem cursum rerum dirigentibus ad eum finem qui optimus esset, quasi quidem reflantes venti & adversi ambitiosi cives cupiditate elati reluctarentur. Quæ cum secunda hominum admurmuratione audita essent, è comitio egressum eo consilio, ut videbatur, ut se mox proriperet domum, illum quidam retinuerunt, enimverò minimè hoc jam esse ferendum, & vindicem atque assertorem omnium libertatis haud esse deferendum objectum nefariorum hominum audaciæ seditiosè tumultuosèque clamantes. Ita cum ex populi sententia à magistratu, lata lex atque acta omnia administrataque essent: ferunt multitudinem armatam ac prælatis Reipublicæ atque artium vexillis, quæ de more statis quibusdam diebus antea proferebantur, in curiam invectam, vi perfracto atque in forum effuso carcere, complures nobilium civium domos direptas atque incensas prædæ habuisse. Hinc cum nulla religio furentis populi impetum retardaret: sacris ædibus facibus injectis, quò magnam auri vim pretiosamque suppellectilem privatos comportasse fama erat, ac sanctiori Reipublicæ ærario vi illata: agrè quò minus per tumultum publicam pecuniam ablatam diriperent, magistratum, qui eò subito coacta armatorum manu accurrerat, obstitisse. Atqui quanquam tanta vi res acta erat, cum non eandem constantiam plebs in comparando retinendoque honore præstitisset: per paucos dies ejus ordinis homines eo magistratu functi, atque eodem dejecti coactique in ordinem feruntur. Id accidit anno M. CCCLXXVIII. qui fuit *Vexillai* Cæsaris annus primus. Cum diu igitur ob civiles discordias Respublica intestinis malis laborasset: ut ferè semper ea corpora quæ ex gravi ac diuturno morbo convaluerunt, vitandis iis rebus, quibus in morbum inciderunt, meliora fieri constitutione dicuntur: jam iis legibus vetustate antiquatis, quæ potentium cupiditatem superiorum temporum memoria notabant: ne quando planè civitas resedisset à domesticis bellis videretur, quibus sæpè debilitata convulsaque erat: una semper reliqua plebs, veterum injuriarum memor vindicem quærebat. Quisquis autem ille esset qui se illi daret, modò parem eum coercendæ adversariorum potentiae & cupiditati intelligerent, atque adeò libertatis iactura, quæ una res dissensionum omnium in Republica materiam & facultatem seditiosis hominibus præbebat: quamvis cupidum videbatur improbūque adoptatura. Quo ex multitudinis concitatæ studio, captata ambitiosi homines occasione, liberaliter singulos appellando, polixè pol-

A licendo, largitionibus & muneribus deliniendo, eo rem adduxerunt, ut tandem victa causa bonorum, paucorum imperium, quorum odium magis in nobilitatem quàm causam quæ nulla erat, probaret, perferre populus æquo animo posset. Cum is status civitatis esset, *Joannes Bitii* filius *Medices*, cum præter ingentes divitias, quibus ut nullus alius in libera civitate privatus, florentissimos liberos reliquit, magnitudine ingenii atque animi præsentia excelleret: per speciem liberalitatis qua una re popularem auram colligere & velie conspici inter multos videbatur, plebe sibi largitionibus conciliata, unus in magna civium dissensione ejus iura sibi & commoda tuenda ac per eam deprimendam nobilitatem suscepit. Fuit quidem *Joannes Medicus*, si eos sequimur autores, qui populi *Florentini* res gestas *Heirusca* lingua conscripserunt, vir & moderatione animi, & virtutibus aliis maximis clarus: in his ea magna cum illius laude traduntur: cum partam optimis studiis potentiam, & meritis in Rempublicam maximis haberet, ea perpetuò usum concilianda cum populo nobilitate à qua capitali odio dissentiret, civitatisque statu constituendo, nunquam animos dominandi cupiditate extulisse. Divitias ejus maximas fuisse, sed quas longè animi magnitudo & constantia superaret. Ita liberalitate, beneficentia, omni genere officii apud populum, apud principes æquitate animi, facilitate, comitate certando, facile ut neutri invisæ opes essent, continentia præterea, pudore, religione assequutum esse. Nullos unquam honores petiisse, neminem ejus rei causa appellasse, nunquam prensasse: gessisse ita sibi delatos ut his administrandis, suam modò dignitatem & fidem, populi & dignitatem simul agi & commoda existimaret. In curiam nunquam nisi accitu magistratum, aut ut clientibus adesset, accessisse: De Republica rogatum sententiam dixisse, sed ita ut cum nulla esset eloquentiæ ostentatio, facultatem summam suadendi quæ vellet dissuadendique afferret: ea autem cum ab omni artificio abesset, facile ut uni omnes assenti in ejus sententiam accederent, assequeretur. Diversa quidem de eo homine veteres tradunt, & qui ita cum eo vixerunt, ut iis consilia ejus omnia cognita explorataque essent. Eum una cupiditate elatum ad Reipublicæ imperium, per populi studia, quæ inimicorum conspirationi opponeret, haud sibi difficilem aditum magnitudine largitionum & munerum patefecisse. Quæ tanta cupiditas cum dissimulanda videretur: non æquè multitudine, etiam si facile se peti largitione quasi illecebra pateretur, causam largitionis ubi esset detecta probare suis suffragiis parata, specie virtutum maximarum, aliquamdiu falsos homines in sui admirationem traxisse. Id quò minus ei esset difficile, proclive ingenium ad honesta studia effecisse, à quibus videbatur minimè abhorreere, si ducem naturam sequi magis quàm improborum hominum consilia voluisset. Eò accessisse, cum alia ejus merita & beneficia in multis, tum unum illud insigne in egentes homines & qui rei familiaris angustius laborarent. Cum enim legem magistratus ferret, qua lege jubebatur ex censu tributa exigere, quæ ante eam diem ex capitum recensione conficiebantur, ajunt unum in civitate inventum, *Joannem Medicum* ex iis quorum maximè interesset, legem non ferri, qui eam, fremente atque adversante nobilitate, suaderet. Erat tamen minimè hæc hominis ratio adversariis obscura, qui dies noctesque Reipublicæ invigilando, attentissimè quæ ageret omnia, quid moliretur, quove ejus tenderent consilia, observarent. Quorum unus *Nicolaus Uzanus* qui longè inter ceteros magnitudine animi & consilio præstabat, cum sæpè insidiis petitus, sua vigilantia incepta ejus

omnia irrita conatusque reddidisset: ne locus ullus cuiusquam cupiditati relinqueretur, curavit per aliquot annos, viros fortes & bene de Republica meritos in eorum numerum legendos, qui magistratum gerentes in magna effusione pecuniarum minimè Rempublicam quæstui haberent. Nam & alii permulti sæpè, & qui summæ Reipublicæ præerant, tentati magnis præmiis erant, atque adeò æris alieni dissolutione pactiōneque nuptiarum quò lege lata *Uzanium* falsis criminibus circumventum, de civitate deturbarent: id quod crebrò per civium conventus magna ejus magistratus infamia jactabatur. Erat porrò hoc civitatis institutum, ut statò tempore magistratus eorum nomina in fiscos conjiceret, qui civium suffragiis adlecti Reipublicæ essent ad certum numerum annorum præfuturi. Horum cùm bimestre imperium esset: qui quibuscque collegiis magistratum inirent, ita sorte ductis nominibus præficiabantur, ut semel singuli eo honore functi, spatium illud temporis universi implerent. Ne qua autem facultas esset, ubi eorum nomina qui essent in magistratu futuri apud populum manarent, eos donis & pecunia tentandi: & lege & jurisjurandi religione vetitum erat, ne cui liceret qui eo munere fungendi jus haberet, quique aut scribendo aut magistratui assistendo ullo modo cùm nomina in fiscos conjicerentur, interfuisset, cuiquam efferre. At quanquam ita videbatur ambitiosorum hominum consiliis obviam itum esset: *Martinus** *Luce* filius, unus ex scribarum ordine, cujus opera magistratus actis publicis scribendis utebatur, *Joanni Medici*, cui erat magnis beneficiis devinctus, quorum essent nomina in fiscos conjecta, quique minimè ex illius sententia Rempublicam administraturi viderentur ordine detexit. Fuit is annus M. ccccxxii. insignis *Alphonsi Tarraconensem* Regis adoptione, qui postea *Neapolitanum* regnum à *Joanna* rescissa adoptione, armis invasit. Qua ille cognita re cùm suis rebus in præsentia diffusus, rejiciendum id, quod animo instituerat, in aliud tempus, ac quiescendum interea censeret: quatuor annos insequentes, traducendis in suas partes iis, quorum sibi operam fore opportunam, *Uzanio* pellendo è civitate existimaret, consumpsit. At jam anno vertente, quo anno novos magistratus creari atque instaurari fiscos de more oportebat, per *Cosmum* filium, *Putium* ex *Putiorum* familia callidum hominem, atque *Averardum Medicem* fratris filium, insignis juvenem audaciæ & res novas inexplebili cupiditate appetentem: magnitudine præmiorum persuasis iis penes quos ut summa Respublica esset, per suarum partium homines curârat, bello civitatem implicare omni vi ac ratione conabatur: nunquam nisi per armorum occasionem, fore facile arbitratus, ut civitatem, quò animum planè intenderat, sibi obsequentem efficeret. Erat verò ea summa illius consiliorum, cum gerendo bello, quod quidem ut quàm diutissimè traheretur, opera danda erat, pecunia propter ærarii tenuitatem ad exercitus alendos Respublica indigeret: sive illa per tributiconfectionem sumptu civitatem levare, sive privatorum habere rationem, & pecuniam conficere locupletibus addicendis publicis vectigalibus mallet, utrumvis accideret, maximas in eo opportunitates futuras. Unus enim in civitate ditissimus, si quando Reipublicæ esset privatorum pecunia utendum, intelligebat fore, ut ad se confugeret, atque ita illam in suo ære haberet: qua ex re fiebat, ut pietatis & beneficentiæ laudem sibi conciliaret: præsto enim esse suis civibus, ac patere patriæ fortunæ, quamvis illa adversa contingeret, domesticis copiis videbatur: quæ una res maximè erat ad popularem auram captandam opportuna. Quos

A autem privatos pecunia juvisset, ubi essent tributa exigenda, eos genere beneficii sibi obstringebat: cujus quicquid inesset commodi in eum qui beneficium contulerat, in affectos beneficio damnum & dedecus redundabat. Ita cùm civitatis vectigalia quæ illius pecunia utebatur, atque alia ratione minus ei cavere poterat, redempta perpetuò exigeret: indies ditior & autoritate & potentia crescebat: si cui autem ex privatis pecuniam commodasset, facile eam sibi deberi patiando, tanquam nexu & mancipio liberum hominem atque ingenuum devinctum, quocunque vellet trahebat. Cateri quorum res familiaris angusta, & ubi tributum conferri oporteret, propterea minus essent solvendo (hi autem ferè erant, qui potentia *Medicum* infesti, eorum rationibus adversabantur) hi inter ærarios relati, jus ferendi suffragii civitatique adeò capite diminuti amittebant. Hoc animadversionis genus olim in decoctores ac turpi judicio convictos constitutum, in eos *Florentini* exercebant, qui Reipublicæ debitam pecuniam ex magistratus præscripto ad diem non solvissent. Is autem cui ea multa erat irrogata, adigi ad speculum dicebatur: quòd in ea nota, tanquam in speculo, & censum, & fortunas civium licebat intueri. Itaque cùm semper belli suasor, pacem quam

C fessa civitas magnitudine malorum cupidissimè esset amplexa, ferre non posset, eodem autem tempore *Martinus*, quo erat interprete ad eum diem usus in magistratuum & adversariorum consiliis detegendis, publico munere privatus abstinere à curia jussus esset, *Cosmo* cujus maximè virtute confidebat ac *Laurentio* liberis relictis, mœrore confectus decessit. Patre mortuo, divisam civitatem atque in partes diversas distractam *Cosmus Medicus* excepit: qui magnis animi præditus ac fortunæ bonis, se populo ducem adversus optimatum studia præberet. Atque in *Cosmo* inerant concessi etiam inimicorum cùm aliæ virtutes omnes quæ sunt

D viro Principi ornamento, ingenium, prudentia, facultas & copia dicendi, gravitas, constantia, elegantia morum, tum quæ videntur maximè populares, & multitudinis plausum & admirationem habent, liberalitas, magnificentia, vitæ splendor, celsus animus ac privati hominis fortuna major: quæ omnia ut conspicerentur divitiarum magnitudo, ut boni non invisa solum, sed suspecta haberent, præter domesticas copias, ambitio quæ cùm summa esset, insimulatione officii & beneficentiæ latebat, ut libertati omnium officerent, & Reipublicæ tempora, & multitudinis studia efficiebant. Is porrò erat civitatis status,

E ut cupido imperii homini & in spem rerum novarum erecto, ubi ad ingenium vires & nervi accederent, quos divitiæ maximæ suppeditabant, vel minima videretur contentio in magna etiam bonorum consensione, futura. Magistratuum autem autoritas omnis & vis, unius hominis cum infima multitudine conjunctione aut fracta & debilitata, aut contempta planè abjectaque erat. Itaque cùm præter patris memoriam gratiosi hominis, divitiarum copiam atque affluentiam, facultates ingenii maximas, in ea tempora incidisset: in eadem cum cæteris æquabilitate vivendo, cupiditatem dissimulando, multis privatim consulendo, ea posteris domesticæ potentia fundamenta constituit:

F ut illi quidem amplioris cujusdam fortunæ accessione, majorum memoriam planè obscurare, ac Republica de pristino statu convulsa, pervenire etiam ad civitatis imperium, hujus gloriam famæque celebritatem, quamvis summis in imperiis positi, haud facile æquare, nulla unquam amplitudine honorum superare, nominisque majestate potuerint. Est quidem magnus in hoc hominum consensus, qui de rebus eorum temporum scripserunt,

runt, nulla unquam in civitate, quæ amissa jura libertatis vni homini permisisset, quenquam vi & armis, atque hunc unum in ea quæ libera esset, & quidem quod difficillimum est, in ea causa quam omnes odissent, autoritate gratiaque præstitisse. Ac ne quis reprimere facile unius cupiditatem posset, qui & detectam illam, & perspecta ejus consilia omnia haberet: gravitas quædam hominis & composita ad tempus moderatio obsistebat, quæ efferentem sese animum, ut pari atque æquo jure uti cum cæteris videretur, quorum libertati se esse formidabilem intelligebat, finibus certis officii atque honestatis, nisi quis penitus mentem illius introspectisset, continebat. Itaque (quod postea à *Petro* filio neglectum est, magna penè familiæ clade) susceptas à liberis filias, privatis civibus, ex amplis quidem illis familiis & honestis collocavit: ita visus minimè eam potentiam appetere, quæ exterorum affinitatibus quæsitæ, suis civibus infesta, ac magnæ sibi apud omnes ordines offensionis esset. Apparebat in eodem studium pietatis & religionis; una maximè res accommodata ad capiendos animos imperitorum, qui specie modò eorum quæ fiunt non causis moventur. Nam præter sacras ædes quæ aut *Florentiæ* permultæ, aut extra urbem magnificentissimè extructæ ac regio more conspiciuntur: *Hierosolymis* quò nostri homines exciperentur, qui eò religionis causa accederent, hospitalem domum suis sumptibus ædificandam, certo assignato agro, ex cujus vectigalibus, quæ ad illos alendos necessaria essent, supeditarentur, sive pietatis studio, sive gloriæ & nominis, curavit. Atque his omnibus quidem extruendis, quemadmodum ex tabulis animadvertum est, quas diligentissimè confecit, ad quingenta nummorum aureorum millia expensa tulisse fertur. Qui tanti sumptus etiam si magnam illi invidiam constabant apud nobiles & potentes cives, qui malis rationibus, ut credebant, partas divitias & insignibus Reipublicæ calamitatibus execerarentur, & domi multitudinis benevolentiam, & foris nomen, famam, populorum acclamationes, quæ res illi magno usui erat ad domesticas opes & potentiam stabilendam, comparabant. Accedebat ad hæc propensio in doctos homines quædam singularis, quorum magno consensu, uni vindicata studia literarum à superiorum temporum barbarie, quæ jam pridem liberales artes omnes inquinaverat, tribuebantur. Ita quæ domus armatis hominibus patebat, id quod esse agendum ei videbatur, cui & timendi & continendi in metu multi æquè essent, eadem virorum honestissimorum frequentia colebatur, qui cum ex aliis *Italiæ* civitatibus, tum ex *Græciâ* omni ad juventutem *Græcis* literis instituendam, evocati præmiis amplissimis, ac magna cum illius laude erant. Factum enim unius liberalitate videbatur, ut nostri homines se ad politiorum literarum studia referrent, quæ quidem per multas jam ætates, ob continentia bella quibus perpetuò *Italia* à barbaris nationibus vexata est, obsolevisset. Fuit sanè *Cosmus Medicus*, ut multis aliis in rebus, ita in hac una planè fortunatus, cui contigit id, quod maximè eum optare æquum erat, qui ex hominum sermone famam nomenque colligeret, iis ut temporibus floreret, quibus reviviscere literæ, quarum jam erat omnis intermortua laus, & liberales disciplinæ cœperunt: in eo est in primis laudandus, atque adeò quæcunque illi causa extiterit, cur hoc sibi agendum putaret: quòd unus in *Italia*, studia literarum provehere, literatos homines fovere, augere præmiis omni genere honoris atque officii honestare instituerit: id quod vix magni Reges ausi & potentes essent. Ac fuit quidem prudentiæ tantæ rei occasionem, ubi

A illam tempora ostenderent, novisse: occasione non deesse magni animi, susceptum ex ea institutum laudis retinere constantiæ, felicitatis suis relinquere æmulandum: cum ea esset contentio futura, ut & vinci à suis optandum, & vincere eidem præclarum esset. Itaque cum illud assequutus est, quod illi propositum fuit, ut domesticæ gloriæ & laudi confuleret, quæ una res illum magnopere apud posteros commendavit: tum nostris hominibus (etiam si hoc ille minus spectavit) plurimum hac una incunda ratione prospexit. Nemo certè nostra patrumque memoria, nemo illius ferè extitit, cujus illustre nomen & fama esset: quin hoc B uni acceptum referendum, tantum ejus meritum magnis cumulatam laudibus posteritatis memoriæ mandandum putarit. Unus inventus est *Franciscus Philelfus*, qui cum clarus, ut illis temporibus, dicendi artem *Florentiæ* profiteretur, adductus, ut videtur, odio atque æmulatione inimicorum quibus plurimum *Cosmus* tribuebat, in partes inimicorum transire sit ausus, & graves cum illo similitudines exercere. Nam & sibi venenum paratum, & quo planè deformatus sit, vulnus in os inflictum, & necem intentatam, & cum profectus *Senas* esset docendi causa, nomen etiam inter proscriptos relatum queritur, ex quibus ægrè C postea exemptus, magnòque vitæ periculo defunctus, quantum hominis odium in se esset, documento fuerit. Quibus affectus injuriis, acerbissimè in illum familiamque universam homo acerrimus & disertus invehitur, atque adeò ut plurimum apud *Italiæ* principes de illius nomine & dignitate detraxerit. Tantæ hominis virtutes quæ quanquam magnopere hominum oculos perstringerent, non ita inimicis tamen officiebant, ut minus iis earum ostentatio suspecta esset, ingentia vitia obtegere ferebantur: animi elationem & superbiæ, dominandi cupiditatem, insolentiam, fastidium, contemptionem, odium, crudelitatem. Hinc patrè etiam vivente æmuli calumniabantur pecunia corruptos magistratus, in principes civitatis viros optimos & clarissimos comparatas insidias, immisos in *Uzanum* interfectores defensos atque in familiaritatem & clientelam acceptos: domi perpetuis discordiis, foris externis armis patriam afflictam: susceptum *Lucense* bellum minimè secundis auspiciis, & parum honestum civitati, & Reipublicæ æquè & privatis calamitosum: nobilissimas familias, magnò luctu bonorum è civitate per vim atque injuriam ejectas, in qua diu florere autoritate easdem & gratia meminissent: acerbissimum servitutis jugum suis civibus impositum: innumerabiles clades hoc instituto posteris hæreditario relicto, Reipublicæ illatas, quæ illi tandem exitio fuerunt. Quæ omnia quò minus in multorum notitiam manarint: perpetuis laudibus celebratum viri nomen prædicationeque doctorum hominum, tum familiæ potentia, quæ quidem cursu secundo fortunæ elata, & ad alios summos honores, & ad regium usque fastigium pervenire potuerit, obstitit. Accedebat ad ea quæ is sua sponte adversus suorum libertatem concupisset, tanquam incitamentum quoddam, hinc *Averardus Medicus* cujus, ut alibi diximus, maximè erat audacia petulantiaque infamis, hinc *Putius* rectus homo & callidus, atque ad delinientos imperitorum animos maximè ab ingenio atque ab artificio paratus, ex quorum autoritate & consilio omnia agebat. Quod quidem cum nemo ignoraret: & sua ipse invidia & suorum flagrabat: quorum cum alia multa ab illis nefariè, ut videbatur, magis quàm falsè dicta, tum illa magno cum gemitu bonorum in primis jactabantur, cum *Cosmus* & *Putius* inter decemviros lecti essent, quibus belli administratio mandabatur:

ut quæ mala sua natura haberentur, multò etiam tempore deteriora invidiam illi atque odium non ferendum conflarent. Populum perpetuò esse belli incommodis atque angustis urgendum: præclarius enim illum cum iis agere à quibus directus magis expilatusque esset. Videri eos imperitos qui quærent quo adducti consilio *Medices* bellum duci mallent, quod confici brevi liceret (scire enim sese hoc nomine apud nonnullos malè audire) sed faciri, si qua esset, dignitatis jacturam compendio, quod qui ignorarent quantum ex ea re existeret, in eo satis inesse causæ, cur mirarentur. Ad certorum hominum domandam superbiam, unicum esse remedium positum in armis: simul enim & morbum de capite illis, & illos de capite exire. Ad sanitatem autem facile omnes ubi dempta materia morbi esset, redituros. Nam ita privatis ob ærarii inopiam pecuniæ imperabantur, ut qui magistratui ad diem non solvissent, iis, ut jam antea docuimus, inter ærarios relatis, nec magistratum gerendi, nec suffragium ferendi in populi comitiis potestas esset. At *Cosmi* multò etiam his graviora: cum non deessent qui quanquam oppressa civitate unius dominatione atque imperio, ingenio obsequi facilius quàm temporari servire possent: minimè autem esse ferendum dicerent, orbam Rempublicam tot familiis honestissimis, quæ essent civitati ornamento atque subsidio, tot clarissimis civibus post illius reditum in exilium pulsas, perditorum hominum scelere atque audacia concussam, labefactamque concidere, satius sibi videri utcunque affectam Rempublicam sed aliquam tamen, quàm nullam superesse. Nam quod ad jacturam civium attineret, nihil esse cur laborarent: septenis enim aut octonis purpuræ ulnis, quotidie cives permultos fieri posse. Utebantur tum *Florentini* purpurea togula, cujusmodi ferè atram hoc tempore eos habere in usu videmus. Amico autem consulenti quibus usus rationibus & institutis sibi à populo delatam, præfecturam ex sua & Reipublicæ dignitate administraret, perbreve esse, inquit, quod eum admonitum vellet, purpuram indueret, pauca loqueretur. Nam illud crebrò usurpare consueverat, quod à veteribus *Augusto* adscriptum est, cum amici negarent quorundam audaciam ferendam esse, à quibus multa impune adversus illius dignitatem dicerentur. Enimvero æquo animo ab iis ferri debere hominum libertatem in dicendo, quibus factis in illos sævienti facultas esset. Neque vero æquam factorum contentionem & dictorum esse. Quæ superbe ac minimè obscure dicta in suorum civium contumeliam, tanquam præ se neminem hominem duceret ac Reipublicæ calamitati illuderet, magno illi odio erant: eadem amici atque assentatores ad ingenii elegantiam atque acumen detorquebant. Sed hæc quidem dicta, & quæ aliquantò levius homines ferrent, nisi multò his facta, ut censebant, graviora bonorum animos ab illius causa alienassent. In his maximè bellum civitati *Lucensium* indictum, quæ cum primis *Hetruriæ* ornatissima, quamdiu libera fuisset, omnibus officiis & studiis conjuncta *Florentinæ* Reipublicæ extiterat, dissidentibus non modò aliis, quorum principis autoritate *Nicolaus Uzanius* habebatur, sed etiam *Rinaldo Albitio* nobili homine, & virtutis opinione maximè populo probato, quem *Machiavellius* falsò affirmat, ejus sententiæ, quæ bellum decernebat, autorem suaforemque magistratui fuisse. Nobis quidem constat ex quæstionibus, quæ sunt habitæ de iis, qui conspirasse adversus Rempublicam dicebantur: quæ quidem per ea tempora, ut videtur, descripta ex publicis actis, & in privatorum commentarios relata, pervetusta illa certè, ad nos pervenerunt: neminem eo uno ma-

A | gis à belli consiliis atque ab armis abhorruisse. Illud sanè ex his apparet, *Albitium* domi à certis hominibus conventum: quorum unus *Anastasius Guidutius*, quod summo magistratu in octovirum collegio fungebatur, omnia ad *Medicum* præscriptionem decernebat, ab iis ubi accuratius ea de re omni cum eo actum esset, neque perfici posset uti recusantem in sententiam adducerent: ita illum respondisse. Enimvero minimè videri sibi è Republica esse, arma eo tempore *Lucensibus* inferri: quorum quidem cum nulla populo *Florentino* illata injuria, honestum Reipublicæ fore bellum sponderet: ut minus salutare etiam videretur, certa vis ac ratio temporum probaret. Atque etiam si alii id maximè suscipiendum censerent, quorum sententiæ eventum pro sua in patriam benevolentia lætum ac secundum Reipublicæ precaretur: nihil tamen agi temerè atque inconsultè placere. Ac quando affirmarent, magistratui, cujus ut summa potestas autoritasque haberetur, leges juberent, penitus stare, frequenti civium conventu ea de re agere: tum se rogatum eam sententiam dicturum, quam è sua fide esse & è Republica duceret: id quod viri fortis & patriæ amantis minus esse videretur. Ita illos re infecta discessisse. Illud autem *Medices* movisse affirmant, ut allegandos homines ad *Albitium* statuerent. Cum enim per Vexilliferi autoritatem cujus, ut sæpè diximus, summa inter cæteros collegas potestas erat, bellum nequicquam suadere conarentur: quod is maximè & quid pauci in præsentia de bello sentirent, & quod in posterum esset multorum de se judicium futurum spectari æquum contenderet: ex iis qui ei in magistratu assidebant, *Guidutium*, ut diximus, delegerant: quem autoritate publica innixum, ubi pertinacius id pergeret recusare, perducendum hominem in sententiam haud desperarent: id quod magnopere ad rem conficiendam pertinere arbitrabantur. Ubi autem sibi *Albitium* conciliaissent, cujus autoritatem *Uzanius* opponerent à belli consiliis civitatem deterrenti: eo facile de sententia dejecto, cætera ut maximè vellent, transacturi videbantur. Cum enim sæpè hominem de medio tollere statuisset, cujus autoritate fieri credebant, ut quæ animo constituerant, minus exequi commodè possent: conabantur per *Albitii* conjunctionem aut eum penitus opprimere, aut adducere apud populum in contemptionem, quod sibi fore facillimum putabant. Ergo cum certa præmia & perampla pacti, nonnullorum animos victos in sententiam adduxissent: opportunè rei gerendæ oblata occasio est. Fortè enim *Nicolaus Fortebratius*, insignis homo audaciæ & rei militaris gloria clarus, per eos dies excursionem facta in *Lucensium* agrum, pleraque eorum castella deimprovisò occupaverat. Ea res tandem ut de bello per magistratum ageretur, atque de eo homine conducendo qui copiis Reipublicæ præesset impetravit. Hinc post longam disceptationem, cum per tria populi concilia eodem coacta agi de bello placuisset (horum alterum ex numero delectorum, concilium trecentorum, Communis alterum quod ex cunctis civitatis ordinibus constaret, Populi concilium tertium certo ac magis proprio nomine appellabatur) bellum decretum est: cujus æquè & temerè suscepti, & infeliciter gesti culpam omnem in *Rinaldum Albitium* à *Cosmo Medice Machiavellius* avertit: cum is unus tantis opibus innixus, frustra *Albitio* adversam sententiam suadente, illud indicendum magna omnium ordinum frequentia curavisset. Nam illud video ab aliis affirmari, cum magna spes esset civitati injecta, brevi & ex sententia bellum confectum iri, ita à *Rinaldo Albitio* qui legatus exercitui præerat; Republica administrata, ut durissimo

fimo anni tempore omnia ferè *Lucensium* oppida in potestatem redegit: ne sua spe celerius bellum finiretur, quod ductum iri longius credebant, per *Medicum* factionem successorem ei designatum *Euphrosinum Verazanium*, qui statim ad exercitum profectus, properanti ad belli exitum impedimento esset. Ea autem erat *Cosmi* potentia, ut *Averardus Medices* cum in eo perseveraret, ut Decemvirum magistratus *Albitium* à belli administratione revocaret, *Martino* * qui quamvis in omnibus *Medicum* studiosus esset, minus accedere in aliorum sententiam videretur, ubi cætera minus procederent, ausus sit nisi collegis assensus rem probaret, superbè atque insolenter malum minitari. Jam & *Laurentii Medicis* legatio (quod eodem pertinere credebatur) erat civitati suspecta atque infamis, quòd is per ea tempora ad *Philippum Insubrum* ducem missus, qui cum erant fœdere *Florentini* conjuncti, tanquam hæc illi una legationis causa extitisset, omnia ut ageret quæ secunda hostibus, suis adversa evenirent, inertiae à multis, qui leniore verbo invidiam rei elevarent, à nonnullis sceleris & perfidiæ accusabatur. Augebat suspicionem hominum, quòd cum eodem tempore alia esset ad *Venetos* legatio decreta, non uni erat munus legationis delatum: ad *Philippum* à quo certiora subsidia & paratiora hostes expectabant, unus qui haud multum ingenio, minus aliquantò usu rerum valeret, legatus per magistratum erat: cum in summa ejus negotii & muneris verti totius Reipublicæ salutem constaret. Delectum autem ob id solum criminabantur, quo tectiora ejus consilia minus ad multos facile perferri possent. Quo fiebat ut magis illi fidem quam ingenium fungenda legatione, quod gravius est, suspicarentur. Hinc enim *Philippum* legationibus *Lucensium* sollicitatum, quem dolo aggressum, consilio, pollicitationibus, omnique ratione avertere ab eorum amicitia consulentem Reipublicæ oportebat: mittere hostibus clarissimos belli duces variis nominibus auxilio, palàm pacisci, transigere de re tanta libero ad soluto animo, *Laurentio Medice* Reipublicam munere legationis procurante, potuisse. Sed illa etiam majore cum hominum offensione audiebantur: quibus non jam criminis suspicionem inesse, sed manifestò hominem teneri probaretur: quamdiu *Mediolani* egit, nocte intempesta, ad illum ventitare solitos certos homines ex interioribus *Philippi* amicis, & quorum ministerio reconditoribus literis scribendis utebatur: ac gravissimis de rebus, de quibus ille per notas suos faceret certiores, remotis arbitris, agere consuevisse. Neque hoc solum, sed quod jam nemo ignorabat, sæpè *Philippum* per noctem ab eodem conventum, *Joannes Volaterranus* affirmabat: quem cum illi comitem legationis ad publicas literas scribendas magistratus dedisset, minimè de iis quæ ageret, celeri oportebat. Certè nunquam *Laurentius* dissimulavit, quin arctissima sibi cum *Philippo* familiaritas intercederet: cum illud etiam adderet, sive ostentationis causa, sive quòd res ita erat, nihil difficile adeò atque arduum videri, quin is statueret sibi sua causa esse agendum. Quæ si ita essent, verisimile est, separata illum consilia à Republica habuisse, ac connivente eo, *Philippum* *Lucensibus* auxiliatum esse, atque adeo ut nemini id in mitiorem partem, ut maximè illi æquus esse vellet, interpretari liceret. Ita porro est bellum perpetuò gestum, ut si standum sit iis, quæ *Nicolaus Timæus* cum causam de majestate diceret, in quæstionibus expressit, mirandum magnopere sit, undenam *Machiavellio* in mentem venerit, ea scribere, quæ tum de *Albitio*, tum de *Astorgio Janno*, qui in belli principio Reipublicæ legati exercitui præfuerunt, ita accuratè & diligenter, asseveranterque adeò tradit. Nam præter *Timæum*,

A *timæum*, qui quo tempore bellum fieri est coeptum decemvirum magistratui scriba adfuit, *Nerius Gini* filius *Caponius*, unus ex decemviris qui dignitate maximè autoritateque præstaret, quique legatus postea ad exercitum res gessit, eadem quæ *Timæus*, tradidit, nulla fermè in re ei cum *Machiavellio* convenit. Ac quod ad belli administrationem attinet: neuter ab illo videtur dissentire ejus initiis tradendis. Divisis partibus, inquit *Astorgium* in *Ligures Apuanos*, eo consilio, ut ea oppida tentaret quæ per eum tractum omnem ditioni *Lucensium* parebant, *Rinaldum* ad lævam ad ea loca recipienda, quæ per *Nevolensium* vallem, quam appellant, *Lucensem* agrum attingunt, copias adduxisse. Hinc *Jannum* longius progressum ac *Massa* oppido potitum, ad *Laventiam*, situm ad *Macrae* fluminis ostium castellum, positis castris confedisse. Id cum propediem in potestatem redacturus videretur, uno maximè *Averardo Medice* contendente, qui si ita per viros fortes & rei militaris peritos bellum administraretur, brevi id, quod minimè volebat, confectum iri non ignoraret, in urbem decemvirum decreto revocatum successoremque ei *Alamanum Salviatum Medicum* perstudiosum hominem delectum atque ad exercitum primo quoque tempore ire jussum. In principio cum minus magistratus decreto, quod vi extortum & per factionem *Medicum* diceret, parere *Janus* videretur, multis ad illum nuntiis terra marique dimissis, tum judicii gravi denuntiatione adjecta, ni dicto audiens statim ad urbem rediret, celerem atque expeditam victoriam, re infecta discedere inimicorum imperio ab exercitu coactum, è manibus dimisisset. Ita majore parte hyemis consumpta, cum in omnibus ferè *Lucensium* oppidis tentatis per colloquia oppidanorum animis, propediem deditionem facturos sperarent: hostibus spatium sui colligendi atque interea auxilia undique cogendi, per eam interjectam moram, dederunt: quæ res ut maximè fuisse *Lucensibus* salutis fertur: ita una penè Reipublicam universam evertit. Magna quidem querela bonorum majore decemvirum invidia, id contigisse ajunt: qui dignitatis suæ existimationisque obliti, addictique paucorum cupiditati atque imperio, impigro homine & scientia rei militaris præstanti, è medio cursu rerum gerendarum avvocato, in magnum rerum discrimen civitatem adduxissent. Nam brevi postea *Lucenses Francisci Sfortie* adventu, cum is accepto à *Philippo* commeatu, per speciem *Neapolitani* regni invadendi, in *Hetruriam* descendisset, exacto *Paulo Guisardo* urbis tyranno, libertatem recuperaverant: & acriore posthac cura bello gerendo intenti, *Nicolaum Picinum* duce copiarum missò iis à *Philippo* ex *Insubribus* auxilio, *Florentinos* magna accepta clade profligatos, ac majore parte copiarum impedimentorumque amissa, retrò, urbis obsidione soluta, redire coegerant. Itaque factum esse improborum hominum cupiditate atque avaritia querebantur: ut foris Respublica infelici rerum eventu, domi immani ac non ferendo imperio à magistratibus oppressa, in paucorum servitutem adduci potuerit. At de *Astorgio* eadem *Caponius* & *Timæus*, diversa planè ab illis *Machiavellius* tradit. Nam de illa *Sarravezensium* clade, quam vir non indifertus, obsequutus ingenio, consultò videtur auxisse: cum minimè res digna esset, quæ ab his ita dissimulanter præteriretur (siquidem eam unam causam ait magistratui fuisse, *Astorgium* ab exercitu amovendi) ne verbo quidem meminerunt. Quid verò ea re fœdus immaniusve poterat confingi? Cum legatus vix exercitum ad fines admovisset, ac *Sarravezenses*, homines locupletes. & cum primis domi suæ honesti obviam advenienti progressi, se il-

li suaque omnia dedidissent: id quod à barbaro hoste vix bello victis expectandum fuisset: in sacras ædes confugere coactos, ac ne suis opem ferre possent custodiis septos, omni ab illo genere injuriæ & contumeliæ affectos, milite, cuncta prædæ habere, ferro atque incendio vastare, non ætati, non sexui parcere, qui resisterent interficere omnes crudelissimè jussu. Nec me tamen fugit, non viribus majoribus bellum quàm animorum contentione gestum, ac multa avarè atque insolenter in *Lucenses* excogitata, quæ vix hac ætate ac tam corruptis moribus, digna fide videri possint: cum ipse percunctando de majoribus natu qui id dicerent se adolescentes à patribus accepisse, aliquamdiu in ea urbe moratus, audierim: ingenuas mulieres vestibus ad fœminina præcis, quò ad cæteras clades, jactura pudoris vehementius angeretur, milites remittere ad suos libidine expleta, consueffe. Sed hæc acta per omnem *Lucensem* agrum & ubi deditiois spe adempta, infecta omnia hostiliaque ostenderentur, in dedititios tantum sceleris, duces admisisse, nemo, quod sciam, scriptum præter unum *Machiavellium* reliquit. Eodem spectant, quæ de *Rinaldo Albitio* ab illo traduntur, cujus apud utrumque mentio perhonorifica habetur, cum expugnatis aliis *Lucensium* oppidis, ad *Pontem Tectum*, quem vocant. penè in suburbiis castra haberet, omisissis belli consiliis, avaritiæ ac prædæ studere, magnæque nominis jactura, exercitus Reipublicæ legatum, forum, quo venalia jumenta ac pecora, quæ aut à suis abacta, aut empta à militibus divenderet, habere pessimo exemplo instituisse. Ita multis non in suos minus quàm in hostes avaritiæ & crudelitatis editis exemplis, cum se eorum infamia *Florentiæ* laborare, ac maledictis & convitiis lacerari à multitudine audiret, sua sponte ipsum nullo expectato magistratus imperio, ab exercitu discessisse. Id unum modo *Tinutius*, quod *Astorgius* certa ratione & consilio bellum gerendo, civitati quæ belli exitum & finem spectaret, celerem de hostibus victoriam sponderet: *Medices* qui ea suæ potentiæ fundamenta jecissent, ut eam firmari belli diuturnitate, pace atque otio tolli, his rationibus quæ sunt superius à nobis demonstratæ, non dubitarent, diligendum *Alamanum Salviatum* qui statim ei succederet per decemviros ex quibus semper erant quos sibi largitionibus emancipassent, curavisse. Additum autem ei eundem *Nerium Caponium* collegam, qui illum longè usu rerum ac bellicarum rerum scientia antecelleret, adversariis quibus *Alamani* fides esset suspecta, negantibus summam Rempublicam difficillimo illius tempore uni esse committendam, cum ei *Medicum* studiosi belli administrationem mandarent, qui præsertim bellicæ virtutis nullum antea documentum suis civibus dedisset. Hinc cum ad exercitum profecti, conjunctis copiis ad *Capanulas* qui vicus circiter passuum tria millia *Luca* abest, constitissent: *Nerium* quanquam collegæ consiliis ac rationibus exploratis, sua autoritate, quoad poterat, ne quid novi consilii iniret, in officio contineret: cognito *Sfortiæ* adventu, qui venire per *Ligures Apuanos Lucensibus* auxilio dicebatur, castra inde movenda, atque itineribus infestis, ei ultrò obviam eundum, censuisse, ne consilium maximè Reipublicæ salutare atque opportunum expediret, à collega, qui ex ejusce rei eventu hominis autoritatem & gratiam, nimium apud populum auctum iri intelligebat, id enixè *Cosmo Medice* agente, prohiberetur esse. Ac de *Nerio* illud etiam addit: eum quidem cum nimium sui juris esset, ac facilius omnium quàm dignitatis suæ & existimationis oblivisci posset: ab adversariis tametsi gratia & autoritate perfecerant, ut is in-

A telligeret, nequicquam se cupido atque ambizioso collegæ oppositum esse, quod adversus *Astorgium* egerant, legatione ferè se abdicare coactum: cum is animum inducere non posset, ut magistratui obtemperaret, cui quidem pecunia empto avaritiam & sordes exprobraret, contumeliosis literis & minacibus ab exercitu abstractum: eas literas ab *Averardo* scriptas, quarum literarum exemplar in actis publicis extaret, & à se quidem & à multis sæpè visas lectasque esse. Hinc jam pulso à *Lucensibus* Tyranno, cum malo consilio *Florentini* arbitrentur *Lucenses* per *Auseris* fluminis effusionem quod propè urbis moenia alluit, posse ad deditio-

B nem impelli, *Medicibus* id suadentibus per eundem *Martinum* unum ex decemviris, quem participem consiliorum autoremque omnium quæ eo bello agebantur habebant, quicquid *Nerius* contra adniteretur, cæterique qui rei militaris peritiores habebantur, aggerem quæ amnis cursu secundo ferebatur, in altitudinem ingentem extruendum, fossamque perducendam pari ferè altitudine, in quam derivatum amnem ad urbem averterent, curasse. Quorum consilio cognito, *Lucenses* adverso huic aggeri extructo, ac per noctem eruptione facta, nihil hujusmodi *Florentinis* expectantibus, aggerem interfecidisse. Ita amnem quæ ag-

C ger interruptus aditum aperiebat, cum veheret vim aquarum ingentem, in subiectos campos quæ *Florentini* castra habebant, effusum retrò eos magna illata clade, cum perterritis *Lucenses* equitatu instarent, castra ponere coëgisse. Jam altera ex parte *Albitium*, cum præsidio dejecto, pontem expugnasset, atque impunè excurrere ad portas ausus, magna oppidanorum trepidatione tormentis moenia verberaret: ne vir acerrimus ex occasione victoriæ sublati animis, eorum conatus majoribus viribus innixus retardaret: surrogato illi, ut diximus, *Verazanio*, frustra querentem atque indignantem, minimè dubiam sibi victoriam de *Lucensibus* non ab hostibus victis, sed à suis civibus multò illis Reipublicæ infestioribus ereptam, tradere exercitum jussu esse. Idem jam *Cosmo Medice* partium principe ac *Putio* inter decemviros creatis: quæ inimici adversus *Joannis Guiciardini* existimationem confinxerant, cum cum publicam pecuniam in privatos usus avertisse, quo tempore legatione ad exercitum fungebatur, arguissent: omnium *Medices* autores impulsoresque facit: nulla alia de causa quàm quod hominis ingenium & autoritatem, de cujus in se animo minus sibi exploratum esset, vererentur: ut id planè existimari velit, unam semper eorum curam, & studium fuisse, per varias criminationes principibus civitatis de dignitatis gradu dejectis, quorum potentia, studentibus rebus novis esset impedimento, per infimorum hominum suffragia, atque eorum quos sibi muneribus obstrinxissent, rerum in civitate potiundi. Eodem consilio ab iis excogitatum novum in Rempublicam magistratum affirmat: cujus munus esset quærere de iis qui majestatis convicti, cum pœna afficiendi viderentur, in eos per magistratum ambitionem ad quos ea cognitio spectaret, moribus ac legibus civitatis minus esset severè animadversum. Atque ut sibi constantiæ laudem ejus magistratus jura tuendo compararent, cujus autores extitissent, *Petrum Delclarium*, honesto loco natum hominem (per cujus rei causam non tradit: verisimile quidem est quod in decemviris *Guiciardini* collega communia cum illo consilia habuisse argueretur) in quæstionem arreptum atque iniquo judicio circumventum, persequi eisdem per suæ factionis homines conatos esse: qua ex re ille in fortunarum & vitæ discrimen, magna offensione bonorum adductus sit. Ad hæc omnia adjicit *Averardi Medicis* peculatus,

ararii expilationem, in acta falsum numerum militum relatum, eorum stipendia interversa, creditam *Medicum* mensariis pecuniam publicam depositi nomine atque eandem datam fœnori ac quæstui habitam, multa præterea sordide & flagitiose facta: quorum invidiam cum minus diu *Cosmus* sustinere posse videretur, ubi pax tandem bellum consequuta esset: in iudicium vocatus atque in carcerem coniectus, damnatusque postremo & in exilium est actus: uno *Bernardo Guadagnio* cum *Vexillifer* urbis præfecturam administraret, auso suscipere publicam causam, & cunctantibus collegis, adversus *Medicum* opes de summa Republica referre. Cum autem aliis criminibus, tum maxime invidia *Lucensis* belli cujus in primis fuerat suasor, in odium atque offensionem vocabatur. Nam ita gestum administratumque fuerat, ut ex quo uno insignes calamitates & clades Reipublicæ *Florentinæ* essent invecatæ, magnam sibi gloriam *Lucenses* & nomen apud populos *Italiæ* omnes compararint. Pressos enim gravi ac diuturna obsidione, cum rato fortitudinis exemplo perpeffis rerum omnium inopiam, lignandi copia nulla esset: ferunt fortè ductis civium nominibus, quorum ædes in urbe haberentur, eas demolitas, ex tignis ac cætera materia æquo animo ferentibus quorum intererat, rei familiaris jacturam, quotidiano usui quantum sat esset, suffecisse. Ergo cum variatis sententiis in eam quæ mitior videretur *Guadagnius* inclinasset: in præsentia quidem certam Reipublicæ salutem per unius hominis calamitatem attulisse videbatur, brevi quidem apparuit, eam animadversionis lenitatem & Reipublicæ exitio, & uni cui minime consultum volebant, saluti atque adjumento adeo ad ea quæ animo concupierat assequenda (id quod integris fortune atque existimatione vix esset ausus sperare) per ruinam adversariorum, fuisse. Tanquam enim exilii calamitate si qua in re videretur malè de Republica meritis cumulate ab eo expiatum esset: desiderari sensim ab iis absens, quorum odium illius adeo adversa fortuna exhausisset, à multitudine in primis quæ capta dulcedine largitionis se illi penitus dedisset, posci flagitæque est coeptus: reversus ab exilio, cum tanti incommodi sarcindi studio majora etiam sua spe illi multitudo deferret, & se brevi colligere, & vires majores fumere, ac postremo animum etiam erigere & pellere inimicos, serò illos magistratus lenitatem & indulgentiam in præpotentem adversarium & tantis nitentem viribus detestantes, è civitate potuit. Nam liberæ jam voces multorum exaudiebantur, & eorum maxime qui severius vindicandum in hominem contenderent, quem legibus poenam capitis sequi oportuisse censerent. Triste exilium ad tempus subire coactum, quod scilicet reductus lætior, in exilii autores, minime jam dubiam poenam & ruinam compararet. Non eandem rationem, in principe cive & extremæ fortis homine, ubi de horum capite agatur, iudicem sequi oportere. In magno homine, ubi levius vindicatæ publicæ injuriæ sint, id quidem securitatem illis quamdiu magistratum gerentes publica autoritas tueatur, sollicitudinem iidem privatis & metum afferre: ut jam satius videatur esse impune eum per magistratum ferre, quæ adversus Rempublicam moliatur, quam quod leges jubeant eos non progredi judicando quorum ea de re cognitio sit. In cæteris judiciis quæ de privatorum rebus sint constituta, tutò remitti aliquid de summo jure posse: in judiciis de majestate, in quibus quicquid remissum sit, id omne in Reipublicæ perniciem vertatur, cum qui modum ullum rationemve sibi habendam putet, longè falli. Itaque non videri eos damnari qui cum capite plectendi sint, exilio mulcentur, sed provocari verius, cum in iis

A injuriæ memoria animi vim atque iracundiam, & quod caput est, domesticæ copię vires ad injuriam persequendam, consilium magnitudo ingenii suppeditare videatur. Neminem porro quamvis ille reus nocensque sit, beneficii loco accipere, quod illi de severitate iudicii detractum condonetur: habere potius loco injuriæ, quicquid illi cum remitti potuerit, poenæ & mulctæ nomine irrogatum sit. Metiri autem homines beneficium non certa officii ratione, ut æquum esset, sed facultate largientis, cum quidem eripi etiam sibi, quod ab invito minus extorquere possint, conquerantur. Cum autem hoc sit ferè naturæ institutum, ut magis memoria vigeat ad injuriæ quam ad beneficii recordationem, cui magnopere mirandum videri, ubi *Cosmus Medicus*, neque in eos sit gratus qui beneficium in supplicii remissione habeant constitutum, in eos sit acerbus & immittis, quorum injuriam (si modò habenda injuria est, poenæ in fontes irrogatio) non aliorum iudicio sibi sed suo putet æstimandam. Enimvero meritò illum in eorum capita insultaturum, qui quousque progredierentur læviendo, qua in re una proposita salus omnibus & securitas sit, non quousque progressuri essent indulgendo sibi esse considerandum statuissent. Atque ea post *Cosmi* reditum in civitate evenerunt: ut si quis velit eorum numerum inire, qui aut proscripti, aut damnati capite, aut mulctati exilio illi poenas luerunt, ita cum fateri necesse sit, rarò ullam unquam civitatem, tantam simul malorum faciem atque hanc unam eo tempore vidisse. Ut enim præteriam nobiles familias alias, quæ ea urbe ejectæ in qua majores honestissimum locum optimis studiis & magnis in Rempublicam meritis retinuisent, extorres in varia *Italiæ* oppida profugerunt: in proxima *Gallia* atque *Allobrogibus* in primis adhuc claræ complures & locupletes habentur, quæ eandem passæ calamitatem, per ea tempora in ea loca immigrarunt. Itaque cum adversariis variis nominibus à Republica ablegatis, cæteri quorum optimi sensus & rectissimi essent, eorum calamitate deterriti, tantam sævitiam temporis tacite ac dissimulanter ferrent: jam nihil obitare videbatur quo minus unus *Cosmus Medicus* sibi omnia sumeret, ac Princeps civitatis Reipublicæ imperium suo arbitratu administraret. Ac quò levius populus unius dominationem ferret: præter omnium rerum ferè impunitatem, serviienti magna erant in liberalitate dominantis præmia constituta: contra quæ amissæ libertatis iudicia essent nulla extraordinarii honoris insignia & quæ in offensionem cujusquam incurrerent conspiciebantur, non milites præsidii causa, non lictores, non accensi, non apparitores, nullæ domum deductiones, nulla frequentia civium, quæ domum honestaret. Idem privati modo quæ videbatur, incedens, nulla septus clientium turba: ut quod urbis solitudo & vastitas præstabat, quæ per tot civium discessum summa erat, proficisci à charitate suorum & benevolentia videretur. Alia erat ratio eorum quibus erepta non empta libertas, audaciam quæ vellent conquerendi, non item iudicium quod liberum esset, ademisset. Indignum enim esse ducebant, in ea civitate, cujus imperio magna ex parte nobilissima *Italiæ* provincia pareret, ad unius libidinem omnia administrari, in unius potestate, leges, iudicia, magistratus, populi jura, comitia posita, unum Reipublicæ moderatorem, qui de pace & de bello statueret haberi, bonis deterritis poenæ metu, improbis conciliatis præmio, ne cujus libera vox, in libero populo exaudiretur, veterem Reipublicæ statum, & amissam libertatem requirentis. Nam quòd tantæ potentie dissimulandæ causa, imperitis speciosa virtutum adumbratio pudo-

ris, officii, moderationis, errorem mentis objecta & tenebras afferret, id iniquiore etiam animo ferebant. Petitos enim aperta vi, qui minus fallaciis & dolis capi possent: quos pares ad vim propulsandam haberentur, eos ab hominibus, eruditus fraudis & simulationis artificiis, in errorem abductos, ac subire servitutis jugum quod ægrè unquam à suorum cervicibus depellant, indignissimè coactos. Sed hæc quidem domi: foris unum *Cosmi Medicis* nomen, in omnium ore & sermone, consentienti populorum fama & prædicatione celebrabatur. Sive autem tantam calamitatem accidisse existimarent immerenti, misericordiam ei quam magna voluntatum commutatio, inclinatioque animorum consequebatur, tribuebant: sive crimen in eodem hæsisse, & meritò damnatum, ac pulsum è civitate censerent: jam tanquam gravi poena defunctus quicquid odii subesset & offensionis, explevisset, in benevolentiam & populari favorem vertebat: reditus quidem eos qui minus causam cognitam haberent, cum iis celebres jam per omnem *Italiam* hominis virtutes, admirationi essent, in eam opinionem adduxerat, ut innocenti existimarent inimicos odio atque amulatione adductos negotium facefisse. Accùm præter hominis ingenium excellens summamque auctoritatem, & ratio temporum & fortuna quædam perpetua atque æquabilis illum ab ejus reditu complexa subsequuta esset: tanta jam erat apud omnes, de illius virtute opinio, ut magno consensu, cunctis suæ ætatis summis præstantissimisque hominibus, aut æquandus, aut præferendus, de pace & de bello consulere, unum liberæ civitates ac principes Regesque maximi, quibus amicitia esset & foedere junctus, autorem arbitrumque rerum omnium haberent. Nam omnibus postea bellis, quæ multa sunt illis temporibus & magna in *Italia* gesta, illud semper animadversum est, prudentia & consilio illum perfecisse, ut quam partem sibi fovendam statuisset, tanquam unus fortunæ moderaretur, quò minus ex illius præscripto res geri viderentur, superior eadem eventu esset: ut hinc inimicis suspicio augetur, *Lucense* bellum quod trahendo proferendoque ut penè patriæ exitio esset, effecisset: quòd vinci suos voluerit, noluerit certè vincere, parem exitum auspiciis, infelicem & tristem habuisse. Hujus rei documentum in *Francisco Sfortia* præclarum constituit: quem adversis populorum studiis, de *Insulbrum* Regno decertantem, cujus rei causa *Veneri* erant in armis, & à *Mediolanensibus* jam ultima perpeffis, exposcebantur: auxiliis quidem Reipublicæ sua auctoritate & consilio, tanto Principatu auxit: magnum in eo præsidium adversus omnem fortunæ vim liberis positum iri arbitratus (quæ illum spes non usquequaque fallere est visa) si uni *Cosmo Medici* acceptum illum non civitati cui id debebatur, referret. Relictas à patre divitias ita amplificavit, ut cum nulla alia ratio videretur potuisse iniri, multi existimarint à *Joanne XXIII.* cui est pontificatus *Constantiæ* abrogatus, relictam illum hæreditatem crevisse, qua quidem ex re factum sit, ut *Medicum* divitiarum, cum nemo eas non esse maximas censeret, omnium etiam opinionem superarent. Nobis quidem (id quod jam antea commemoravimus) multò esse verisimilius videtur, atque adeò si iis assentiendum est, qui æquales eorum temporum de illius rebus scripserunt, redimendis illum civitatis vectigalibus qua ex re magnos atque uberes usus consequebatur, rem familiarem tantam facere potuisse. Et si autem non deerant qui si ex æquo liceret, decertare auctionibus parati essent, in quibus ille dominabatur: facilè tamen omnes unius auctoritate deterriti, ne aut ad tabu-

A lam accedere, aut liceri contra auderent, adducebantur. Ita hominem imperii appetentem, & cujus cupiditatem cum ea immanes sumptus & profusos posceret, non facile divitiarum etiam si tantæ essent, explerent, quò exhausta civitas propter ærarii angustias, ad privati civis auxilium confugere cogeretur, quæ una res illi quæstuosissima erat, autorem belli semper secutum parentis institutum suis civibus, dissuasorem pacis extitisse. Ad hunc modum illi obstrictam civitatem, cum nulla alia ratione æris alieni magnitudinem dissolvere liceret, non levi quidem iactura, & publica vectigalia & portoria omnia quavis etiam conditione cum eam & Reipublicæ tempora & privati cupiditas facerent deteriores, addicta perpetuò habuisse. Atque ut appareat, *Medicum* opes exteris etiam nationibus admirationi fuisse, *Philippus Comineus Gallicæ* historiæ gravis autor, satis constanter affirmat, *Edoardum IV. Anglorum* Regem, *Cosmi* procuratoribus, cum regno ejectus pecuniam ab illis quæ magno gerendo bello sufficeret, mutuò sumpsisset, unis ferè regnum acceptum, parta victoria de hoste, retulisse. Ubi quidem deceffit, cum procuratores tabulas proferrent, neminem ferè ajunt in civitate inventum, cujuscunque ordinis & fortunæ in civium modò numerò haberetur, quin in illius nominibus esset, multi grandem pecuniam cum non essent solvendo, facile hoc patienti, permultos jam annos deberent. Itaque multi crediderunt, quò posteris firmiores opes & potentiam relinqueret: magnis illum præmiis, per speciem pecuniæ mutuò dandæ, quominus largitio videretur invidiosa, sibi conciliandos homines censuisse. Atque illum tamen quanquam præter cætera animi bona, magnis fortunæ ornamentis cumulatam, quæ etiam in non optimo ingenio magnam vim & momentum ad gloriam habuissent, constat minimè expertem malorum vitam traduxisse. In his non exilium magis quàm exilii causa infamia affectatæ tyrannidis, *Lucensis* belli invidia, offensio bonorum atque odium ex clarissimorum civium proscriptione, commemorantur: quæ omnia & si sunt efficientia earum rerum, quas magno animo atque elato homines sibi in vita ducunt expetendas, gloriæ, nominis, famæ, existimationis: at habent eadem & morsum & aculeum, & ut minus solida constantique voluptate in rebus secundis fruamur, mœrore animi & ægritudine efficiunt. Namque ex liberis, cum ex tribus quos susceperat duo superfuissent, alter cujus virtuti plurimum tribuebat *Joannes* nomine deceffit: *Petrus Laurentii* & *Juliani* pater, neque ille ad Reipublicæ munera satis ob virium imbecillitatem idoneus, neque ad procurationem rei familiaris, cum tanta esset, satis aptus habebatur: liberis quidem susceptis, qui magnæ indolis ac spei essent: sed quibus tum maximè per patris tempora accedendum ad Rempublicam videretur, accedere eodem minimè per ætatem liceret. Quæ illum omnia cum gravissimè torquerent, quicquid aut fortunæ indulgentia, aut studiis suorum, aut propria virtute, gloriæ partum & nominis habebat, ægrum & sollicitum animum, quàm diuturnum id posteritati foret, vehementissimè angebat. Jam cum per tot annos esset Rempublican moderatus, neque longius productis Imperii finibus quàm à majoribus accepisset, neque ulla re alia insigni gesta pro hominum existimatione & fama, harere modò in suis civibus ingentium malorum memoriam intelligebat, quæ uno se autore, essent in Rempublicam invecata, nihil eisdem habere quo tanta accepta incommoda detrimentaque unius causa lenirent, quòd quidem etiam si minus sibi in præsentia fraudi esset, propter domesticas opes atque exterorum amicitias & clientelas, invidiæ atque of-

offensioni fore posteris non ignorabat. Atque illi jam cum *Francisco Sfortia* convenerat, sive id *Lucensium* odio, cujus tamen causa nulla extat, sive studio ignominiae delendae, quae superiore bello videbatur iniusta Reipublicae esse: simulatque *Florentinorum* opibus adjutus rerum in *Insubribus* potitus esset, bello communi consilio *Lucensibus* illato, potentem civitatem & Imperii aemulam illius ditioni adjungeret, quod minus bello superiore licuisset. Eadem enim spe elatus *Venetis* atque *Alphonso* Rege incumbens in *Mediolanense* bellum, ne parto regno hostibus cedere multo iis viribus inferior cogeretur: *Renatum Andegavensem*, hinc oblata spe *Neapolitani* regni recuperandi, hinc decreto stipendio quod illi populus *Florentinus* persolveret intra certam diem, sua maxime adductum autoritate in *Italiam* evocavit: tanto merito devinctum sibi *Sfortiam*, non diffidens compositis domi rebus primo quoque tempore *Lucensem* expeditionem suscepturum. Verum brevi ille tanta concepta spe excidit, non animo illius, sed aut tempore, aut fide & constantia *Sfortiae* majore. Saepè quidem quæri auditus est, beneficium se maximum in ingrato homine collocasse, & quod minime continere cupidi animi angustiae possent. His curis confectus, cum gravi correptus morbo supremum adesse diem sensisset: advocatis amicis quorum illi magis erat fides & benevolentia perfecta, ita ad illos locutus fertur. Si mihi erat ita vitae munere fungendum, ut ejus mihi fructus modò deberetur: & cepisse equidem me uberrimum putarem, cui nihil ferè unquam in vivendo contigisset, cur me antea vitae poeniteret meae: & quando jam per hanc naturae dissolutionem, mihi aditum parari ad multò meliorem vitam intelligo, alacri planè ac læto animo hinc avolare. Nam etsi mihi in omni vita facile iis rebus omnibus licuit frui, quæ magis esse usui hominibus atque ornamento possunt: optima spe tamen eorum, quæ me in vita illa beata manent, alendo animum, ita facile semper cætera contempsisse, ut nunc quidem cum ea sit mihi obeunda mors, quam immortalis est vita consequutura, etiamsi illa vestra spe mihi immaturior contingat, præclarissimè tamen mecum agi existimem. Sed nunquam ego ita in vita agenda mihi potui indulgere: ut ab ejus functionis munere quod natura sanctissimum mihi in patriam meosque imposuit, facile passus sim, ullius voluptatis me & commodi causa abduci. Itaque excedentem me ex hac vita, & meorum cura me, & verò quæ mihi est vita charior mea, cura me patriæ gravius aliquantò vehementiusque angit. Liberos enim suscepi quorum alterum, cum quidem in eo, ni me amor patrius fallit, magnitudinem animi & virtutem singularem corporis vires pares consequerentur, importuna sustulit mors: alterum ita superstitem vitae meae relinquo, ut in quo homine neque in patriam pietas, neque studium & voluntas in suos, neque prudentia atque animi robur ad omnem fortunam subeundam desit: parum esse præsidii positum ob virium imbecillitatem animadvertam. Sed hujus quidem ac liberorum orbitati, quamdiu vos eritis incolumes (ita me juvat de vobis sperare, quando sæpius etiam quam vel causa vestra vel mea vellem, & egregiam vestram in me fidem, & voluntatem mirificam licuit experiri) facile ut domesticum hoc vulnus minus sibi impositum à fortuna sentiant, occurretis. Reipublicæ me cura unius, ita, quod semper optavi, liceat mihi Deo immortalis propitio, excedere à vita in primis angit. Ita autem interitum ei imminere atque exitum video, ut si qua tamen sit spes reliqua futura, facilius eam improbos homines tollere, quò quidem semper erumpere scelerata eorum conspiratio atque impia visa est, quam bonos ac patriæ suæ amantes cives posse tueri intelligam.

A Una hæc mihi viventi cura fuit, ut quamdiu mihi per adversarios liceret, atque quoad vires meae paterentur, benè de meis civibus privatim ac de Republica mererer. Ita post reditum meum in urbem, & domi per ordinum concordiam, & foris per exterorum Principum amicitiam, id quod civem præstare patriæ æquum est, aut consilio, aut studio, autoritate quidem tanta, quantam nunquam mihi sumpsi, sed vos mihi esse in patriam voluistis, Rempublicam constitui, labantem illam ne penitus improborum consensio convellat (quod unum illi diu moliuntur) ita vestro consilio quasi fulciendam, fide, autoritate, vigilantia relinquo, si modò patriæ vestræ salutem, cujus in vos beneficia tanta ac merita sunt, ducere vobis antiquiorem vestris privatis commodis potestis. Obstat meæ huic spei, quæ eadem pestis bonorum omnium est, una maxime ambitio: à qua tamen nihil erit Reipublicæ pertimescendum, ubi illa charitate patria victa, vires quæ sæpè exitio hominibus in magnis imperiis fuerunt, nequicquam experta cedat. Præstate vos ab hac parte tutos, facilis erit vobis reliqua atque expedita in Republica defendenda ratio. Nam ejus quidem vis omnis ita debilitari à vobis facile ac frangi potest: si hinc vobis præsidium à ratione petendum, hinc minime falsi inani specie honoris atque imperii, famam hominum & gloriam à commendatione pietatis, justitiæ, pudoris vobis esse ducendam arbitrabimini, exitum eorum quibus potior patriæ salute, cupiditas atque ambitio fuit, detestati atque execrati animo. Foris est quies ab externis armis: domi otium concordia civium (peste hac immani ac dira compressa) tueatur: cætera tuta facillimè erunt. Unum vos in primis monitos velim, *Francisci Sfortiae* amicitiam, quocumque ille animo esse visus in nos sit, tantum adeptus per nos imperium, summo studio colatis: eoque autem illius fidei committendam Reipublicæ salutem & existimationem arbitremini, ut in vestris secundis rebus magis quam in adversis, quod jam semel egit, ingrati in vos animi documentum constituat. Amicum planè illum vobis esse malim: sed quando tantæ jam esse illius opes videntur, & verò sunt etiam: modò vobis inimicus ne sit id beneficii loco accipiendum existimo. Quantum Reipublicæ debeat, vobis minus sit curæ: comparate ita vos in posterum, ut ab eodem majora vobis ne debeantur, idque ubi eritis assequuti, esse vobis dissolutum existimate. Beneficii vestri memoria minus posthac confidatis censeo. Ita autem fert hominum natura, præpostero quidem & converso ordine: ut qui beneficii meminisse debeat, ejus immemor sit, & qui oblivisci, beneficii memoria in eo maneat diuturna: quod tamen certa ratione usu venit: cum uterque magis quid sibi expediat, quam quid se deceat sequatur. Nam qui afficitur beneficio, ejus usus commoditate (quod reliquum est) abjicit memoriam, quæ est se molesta semper & gravis videtur, nisi illa in animo grato hæreat. Contrà qui afficit, beneficii memoriam, quandoquidem illam spes mutuae commoditatis alit, quæ jucunda semper & tenax eadem propterea est, perpetuò animo infixam habet: & cum venalis ejus beneficentia sit, ut hoc illi meritò accidere videatur, frustra ab immemore gratiæ relationem requirit. Nullum vestra causa est suscepturus bellum, qui domesticum sibi otium tuendum putet, jam per omnem aetatem magnis rebus gerendis fessus, ne hostibus vestris accessio ad bellum sit, etiam in otio agens & pacem colens, est vobis magnopere providendum. Quiescentis autoritas, ubi amicum vobis retineatis, arma vobis gerentibus præsidio erit. Hic cum se collegisset, ad filium conversus. Te autem, inquit, *Petre* fili, cujus nunc maxime

fidem Respublica implorat, quando impedit morbi vis, quò minus multis, ut constitueram pietatis hoc munere extremo fungar, obsecro atque obtestor, ut quod tibi magno jam natu, cumulatè jam five usus rerum, five domestica disciplina, five majorum exempla multa suppeditarunt, pietatem, quod ipse potes, in patriam retineas, quod nunquam facile homini licuit, ut prudentissimus etiam esset, præstare, consilium ab iis in Republica administranda petas, quorum ut tutior sententia sit, & prudentia summa, & huic adjuncta egregia voluntas fidesque efficiat. Nam si est gloria & fama quærenda, eximia illa & præclara est, quæ à patria nunquam illa immemore suorum, pietati debetur: si opes, si potentia, Reipublicæ causa & suorum civium quærat. Dominandi cupiditas absit in iis inter quos excellere nisi rectè factis atque honestis vitæ rationibus, impium execrabileque est. In privata vita, moderatio atque æquabilitas conspiciatur. In honestos homines & pudentes liberalitas, quæ ab ostentatione potentiae & largitionis suspicione, beneficentiae commendationem habeat. Magistratum gerens lenitatem præstes, quamdiu spes est eam usui fore: severitatem item ubi res postulat, ut fides sit parci hominibus, malefactorum hominum obviam iri: quorum alterum humanitatis, fidei alterum officiique est. Exterorum amicitiae petantur, quæ ita sint honestæ privato, ut quicquid habent compendii & utilitatis Reipublicæ nunquam illi formidabiles importent. Contrà inimicitiae nullæ, nisi Reipublicæ causâ, & cum hominibus improbis suscipiantur: foris bellum aut tuendi patriæ jus, aut propulsandi injuriam, sed ita ut defendi videatur illatum, non inferri, atque adeò cum expertus prius omnia fueris. Ampliandi fines imperii cum ejus rei sit infinita cupiditas, moderatio sit summa: atque id quod maximum est, & ferè negligunt omnes, optimis atque honestis rationibus. Hæc autem omnia tibi facillima erunt, si crebrò & qui ipse sis, & quæ tibi à patria sint impositæ partes memoria repetieris: summam in eo esse statuens, ubi in agendo & meliores semper & prudentiores consulueris, ut opem atque auxilium à Deo immortalis, qui id unus potest, quod nulla assequitur humana vis, tibi ipse planè diffidens preceris. Hac oratione confirmatis suorum animis, paucos post dies decessit, vir planè admirabilis, si parem animum extremæ orationi præstitisset, quamdiu illi vita licuit frui: dignus certè multis visus est, quem ob præclaras atque excellentes animi dotes, maximis ac potentissimis ejus ætatis Regibus, dignitate auctoritateque æquarent. Incidit illius mors in LXIII. ejus seculi annum, memorabilem illum quidem Pii Secundi Pontificatu futurum, nisi grave bellum adversus Mahometem Turcarum regem molientem, importunum ac funestum Christianæ Reipublicæ fatum sustulisset. Nam per id tempus magna populorum expectatione, coacto Mantuæ principum conventu, gravi eos & luculenta oratione, quam monumentis literarum consignatam posteritati commendavit, eos ad arma Barbaro inferenda cohortatus erat: qui formidabilis jam Italiæ Germaniæque imperio imminēbat. Hinc Ancona profectus, unde euntibus ad bellum commodissima esse transmissio dicebatur in Epirum & Acarnaniam, ubi fieri belli initium placebat, gravi

A morbo sublatus interiit. Frustratus quidem sua spe, cum ex iis qui professi erant se in eam expeditionem ituros, nemo præter Venetos ad diem affuisset, vir exactæ jam ætatis & quem tanta spe dejectum mœror animi curæque exederent, diu morbi vim ingravescens non potuit ferre, ac parum lætis auspiciis, magnum fama & nomino inchoatum bellum sua morte sustulit. Mahometes porrò cum summum ab armis otium in Italia esset, ut id majore nostro dedecore accidisse videatur, Thracia omni armis occupata, cum Byzantiæ ac Trapezuntii imperii urbes ac provincias omnes, tum Scodram in Dalmatis, Chalcidem Euboeæ urbem nobilem & claram olim Romano bello, præter omnem humanum morem, omnibus in victis crudelitatis & barbariæ exemplis constitutis, sibi armis parere coactas suo imperio adjunxerat. Eodem anno Ludovicus Undecimus Gallorum Rex, gravi bello premebatur, cum regni principes clarissimos belli duces, quorum virtute & consilio Carolus pater magna gloria regnum intestinis discordiis amissum, Angliæ Gallia pulsus recuperaverat, repente exautoratos, gravi ignominiae nota affecisset. Nam Carolus frater minor natu vetitus Normannorum regnum hæreditate adire, quod illi erat testamento à patre legatum, cum Carolo Burgundiæ, Francisco Britanniæ duce foedere percusso, brevi quidem, cum grave per se bellum subita populorum defectio sequuta esset, illum in rerum omnium discrimen, cum à militibus tum à cæteris rebus imparatum adduxerat. Ita autem inter omnes conveniebat, nisi pacis conditionibus probatis, quas illi obtulisset victor hostis, cum fratre simul ac cæteris principibus redire in gratiam, atque iis quæ per vim occupaverat, restituere animum induxisset, regnum illi fortunæque omnes eodem cursu victoriæ ademptum iri. Ea in re dicitur Ludovicus, tametsi omnium ejus ætatis Regem callidissimus habebatur, usus consilio Francisci Sfortiæ Mediolanensium ducis: cum de foedere ab illo consultus, in præsentia sibi videri tempori cedendum, ac præferendas quamvis graves & duras pacis condiciones, intestino atque exitioso bello censuisset. Tanta enim procella discussa, quando jam æquiore animo jactura dignitatis quam regni posset ferri, cuius rei præclarum illi documentum pater reliquisset, foederis inani specie elusus, ubi vellet, disiectis hoc consilio ac dissipatis eorum viribus, nullo negotio oppressurum. Bellum magna conspiratione principum adversus Ludovicum susceptum, quod quidem maximè specioso titulo, & ad captandam popularem auram excogitato, Bonum Publicum placuit appellari à Philippo Comineo majore prudentiæ & fidei quam eloquentiæ laude literis proditum est. Idem annus insignis Mahometi victoria, ac miserabili clade Stephani superioris Mysiæ Regis habetur: quem Barbarus Rex dolo circumventum, ac summa cute detracta, miserandum in modum excarnificatum, immani ac detestando in omni barbarie supplicio affecit. Per eadem tempora Georgius Castriota Epiri Princeps, magna virtute & felicitate principatu paterno recuperato, magnas res adversus Turcas gerebat: unus quidem dignus visus Pii Pontificis ac Regum omnium judicio, qui, si arma Barbaro inferrentur, summam imperii bello gerendo rerumque omnium administraret.

JOANNIS MICHAELIS BRUTI

HISTORIÆ

FLORENTINÆ,

LIBER SECUNDUS.

MAGNUM Medices præsidium ad domesticam potentiam constituendam, videbantur *Cosmi* unius morte amisisse. Itaque adversarii sublatis animis, qui minimè sibi tantam oblatam occasionem amittendam existimarent, Rempublicam oppressam per tot annos unius dominatione, aut vi atque armis, aut consilio liberare, & in veterem splendorem & dignitatem vindicare constituunt. In iis qui principes animos in spem tantam erexerunt, duo *Neronii*, *Joannes Florentinorum* Pontifex & *Dietesabius* frater, peracris ingenii vir, & magnæ in Republica autoritatis, habebatur. Atque hujus fidei, quam sæpè in omni sua fortuna singularem esset expertus, moriens *Cosmus*, familiæ fortunas & dignitatem, *Petri* filii non ingenio magis, quo valere videbatur, quàm viribus diffusus, commendaverat. Enimvero erat *Neronii* magnopere suis civibus probata virtus, cum aliis magistratibus domi gerendis, tum nobili illa obeunda legatione, qua *Florentini* cum *Venetis* atque *Alphonso* Rege, quibus cum tuendi *Sfortie* causa, grave ac diuturnum gesserant bellum, foedus icerunt. Fuit is annus ejus seculi quinquagesimus quintus: cum hinc fessi principes diuturnitate bellorum, hinc territi *Byzantium* clade, quorum imperio *Mahometes* jam biennio ante armis potitus, exitum atque interitum *Christiane* Reipublicæ moliebatur: diu nequicquam deposecentibus *Italiae* populis ut ponerent arma, foedus tandem pacemque iniissent: magni certè hominem ingenii & probatæ fidei fuisse, maximè *Cosmus* judicasse visus est: cum minimè sit credendum, nisi ita de eo statutum habuisset, ab illo unum fuisse ex amicis delectum, cuius fidei rectè committi filii liberorumque ejus salutem putaret: cupias omnium postea oppugnator acerrimus habitus infestissimusque est. Quæcunque autem illum causa impulerit, ut mutato consilio, *Medicum* partes, à quibus semper antea pertinacia summa steterat, repente impugnaret, illud quidem verisimile videtur, quòd ab hominis ingenio minimè apertum alienum fuisse: quamdiu *Cosmus* vixerit, temporis obsequium, tecta consilia habuisse: eo mortuo, jam solutiore animo & vacuo metu, cum inanisam liberæ civitati potentiam hæere in privata domo, atque hæreditate adiri, non grave magis atque acerbum Reipublicæ quàm turpe flagitiosumque privatis censeret, rem sibi esse suscipiendam, ac liberandam patriam unius familiæ oppressionem statuisset. Simultas porro neque ei ulla cum *Cosmo* unquam, qui cum vixerat conjunctissimè, intercessisse, neque ulla satis firma in præsentia ostentari videbatur, cum minimè illius opes tantæ haberentur, ubi *Petrum Medicem* de statu dejecisset, facile Reipublicæ imperium occupandi. Admittere porro tantum dedecus, atque amicitiae, fidei, officii jura violare, cum sceleris nulla proposita præmia & flagitii sint: neque ii facile consueverunt, qui venalem fidem, & quaestuosam improbitatem atque audaciam habent. *Machiavellius*

A quidem affirmat, sive dolori parere atque iracundiae, quàm constantiae maluit, ob privatas similitates, id quod video nonnullis placere, in *Neroniorum* familiam animo alieniore: sive autorem certum sequutus, minimè se in eo à sua fide & religione discedere existimavit, alio animo hominem rem aggressum esse, quàm ille voluerit videri. Profectum illum ait imperii cupiditate, cum vir popularis studiis multitudinis innixus, facilem sibi per *Medicum* ruinam patefactum iri aditum ad civitatis principatum speraret, simulatione officii *Petrum Medicem* deceptum, qui semel omnia sibi esse agenda ex illius sententia atque autoritate duxisset: in magnum fortunarum ac vitæ discrimen coniecisse. Eum secundum patris mortem, cum id unum rebus omnibus prævertendum dignitati atque existimationi consulenti videretur, uni se homini dedisse, quem ut optimo in se animo esse consideret, multa in illum parentis merita & officia suaderent, ut alienato & averso, nihil aut similitatis aut offensionis subesset. Ita non illum modò sua sed parentis spe falsum, cujus gravissimum judicium de *Neronii* virtute extitisset: tanquam cum homine conjunctissimo, & in primis suarum partium studio, tum de constituendis publicis rebus, quibus novandis de medio patre sublato, animos adversarii adjecissent, tum de reparandis stabiliendisque suis, quæ labare jam viderentur, agere instituisse. Existimare præclare secum actum, & minimè quidem præter suam expectationem, cum gravi accepto vulnere, & quo uno cum *Cosmo* patre, universa ferè *Medicum* domus concidisset: in eo homine suæ dignitatis præsidium & salutis haberet constitutum: qui maximis sibi vinculis officii & amicitiae conjunctus, ac facile in Republica autoritate Princeps, communi animo domesticas simul & publicas res, ut jam levius sibi patris desiderium ferendum videretur, administrare rectè & ex familiaris suæ majorumque dignitate posset. Jampridem profusa quadam patris liberalitate, qua in re ille nullum sibi unquam modum statuerit, sibi re familiari contracta, fidem indices fieri angustiorum creditorum importunitate & diffidentia, quorum in nominibus grandem pecuniam habeat implicatam: ut nisi malo impendenti occurratur sedulitate & consilio, fore planè animadvertat, ut de capite dimicare & de fortunis eodem tempore cogatur. Itaque orare eum ut diligentius tabulis inspectis, pro sua fide omnia animadvertenda, notanda, corrigenda statueret: uni se nomen, existimationem, salutem suorum semel permisisse.

E Ita *Neronium* suscepta re, cum egregiam illi operam in principio navasset: ita se gessisse in dando expediendoque consilio, ut hominis fidem multi desiderarint: qui illi æquiores essent, calliditatem & ingenium, suspectum habuerint: qua quidem ex re arrepta à multis ansa sermonis reprehensionisque sit. Cum enim animadvertisset tantum æris alieni conflatum esse, ut latas pecunias expensas exæquaret: eos autem homines in illius

ære esse, quorum exigi nomina sine magna eorum offensione ac *Petri* non levi invidia possent (*Cosmus* enim, quò sibi plures in civitate obstringeret, ingentem multis pecuniæ vim mutuam dederat) autorem illi fuisse creditas à patre pecunias exigendi, magno illi metu injecto, nisi ad suum pervenire primo quoque tempore curaret, quod etiam ipse vidisset, necessario illi, fide brevi amissa, grave rerum omnium discrimen esse subeundum. Nam creditores, nisi in præsentia solutione explicata, diutius illum in suo ære esse non passuros. Quòd autem nimium ejusce rei invidiam vereretur, id verò nihil planè esse. Quem enim meritò posse queri, secum iniquè agi, si qua pecunia alios in eorum rebus malis juvisset, eadem suis non bonis, tueri suam dignitatem & existimationem vellet? Atque eò tamen rem deductam videri, ut tametsi omnia sua spe deteriora contingerent, præstaret, minus etiam secunda eorum voluntate, qui sibi iniqui adeò futuri essent, fidem atque existimationem in civitate, ac per eam principem in Republica locum retinere, quàm dum pergeret nimis indulgenter cum suis & remissè agere, & fidem unà & suorum studia quæ sine ea nulla futura sint, in Republica amittere. Si ea conditione beneficia fiant, ut cum iis est gratia referenda quibus accepta referuntur, vertantur in injuriam: in eorum amicorum jactura qui sint adeò barbaro ac duro ingenio, lucrum etiam & compendium inesse. Nullam quidem esse beneficii rationem ex qua minus uberes fructus homines legerent: quàm quæ majora multis viderentur, & pecunia mutua danda constarent. Nam ut ferè semper in commodanda parum gratiæ inesse, cum molestè homines ferant, se quicquam debere, quod aliquando dissolvendum esse intelligant: ita in repetenda plurimum invidiæ, in negligenda jacturæ, ut nihil minus esse agendum videatur, quàm ea quæ cum fiunt, parva spe gratiæ, minore certè multò nostra spe fiunt, cum debita exiguntur, & amittunt gratiam, & odium quærunt. Id autem cum aliis ferè semper, qui non interdum naturæ bonitate vincantur, tum iis maximè usu venire qui in ære alieno diutius tanquam in suo hæserunt. Afflescere enim homines sensim ea amare, in quorum diu possessione constiterint, quorum quidem amissione, tanquam eorum illis jactura fiat, cum debita repetuntur, sibi fieri injuriam arbitrentur. Sed neminem tamen ita parum sui juris memorem esse, ut quoniam cum sensu aliquo doloris, ab ingratis quam debent pecunia extorqueatur: velit eam diutius, tanquam fœnoris loco, odii accessione, cum benevolentia potius quæ sit beneficii præmium, videatur esse expectanda, iis occupare. Sive autem minus cupidi sint, iis licere etiam ubi ad suum quis pervenerit æquis utatur, sive discedat ab officio, dignos eosdem debere videri qui quo maximè afficiuntur, angore & cruciatu animi plectantur. Hoc hominis consilium, ut *Petro* salutare in præsentia videretur, aut grave imminens rebus suis periculum, metu impendentis mali urgente, quò minus detegeret quæ in eo insidiæ laterent, aut semel conceptam de eo homine fidem cui animum induxerat penitus esse credendum, perfecisse. At ut maximè verum sit, *Neronium* ejus consilii *Petro* autorem extitisse (video enim esse qui tradiderint, sua sponte illum, ac nullo impulsore exigenda nomina curasse) non continuò tamen cuivis facile persuaderi possit, rationem in eo initam *Petri* evertendi, atque occupandi principatus fuisse. Conjuratone enim patrefacta, quam principes *Neronii* auctoritatem sequuti, de pellendo *Petro* & liberis fecerunt: omnia illius consilia etiam si essent profecta ab optimo animo, quò verisimilius erat ab inimicis trahaban-

A tur, & qui infectandis adversariis gratiam ab eo qui vicisset, se inire sperarent. Erat sanè ei dura proposita conditio, qui consultus de tam gravi re, intelligeret sibi in explicanda sui consilii ratione, suam fidem præstandam consulenti esse. Sive enim mallet hominum studia tueri, eidem erat res familiaris negligenda, & quæ una maximè ea consistit, existimatio & fides, sive hujus habere rationem, in eorum offensionem incurrendum, quorum benevolentia pecuniarum effusione comparata, ubi reposcitur officii vicissitudo, in odium vertitur, cum eidem horum alterum agere omnino necesse esset. Enimvero ubi *Petri Medicis* nomine, pecunias procuratores exigere, atque adeò præter multorum expectationem cœperunt, quas *Cosmus* pater per tot annos æquissimo animo sibi deberi passus esset: sic cœptus continuò & ipse est convitiis & maledictis vexari. In his magna ea cum illius invidia jactabantur, quæ quò vehementius illius rationibus obessent, multò etiam magis adversarii augebant: qui quidem dicerent cecidisse præclarè addictis turpissimè unius hominis cupiditati, ut quam pecuniam proditiæ atque emancipatæ libertatis à superbissimis dominis accepissent, ea ita avarè ab iis atque importunè extorqueretur. Quàm longe filius abesset à parentis institutis, viri optimi & civis clarissimi, si cui unquam dubium fuisset, facile ex utriusque vitæ rationibus apparere. Quos enim ille comprehendisset beneficio, hunc maleficio alienare: liberalitate illum & magnificentia in omnes, cupiditate hunc atque avaritia certare. Miserorum hominum æs dissolvissè alterum, & quorum tenuis res & angusta esset: alterum quoniam illi ipsi solvendo non sint: sanguinem ab iis vitamque repetere, quam vix ullam reliquam habeant, multis sæpe periculis & casibus pro tuenda *Mediorum* causa objectam. At aliam quidem rationem ineundam videri principatum in libera civitate expetenti. A quibus libertas petatur, si modò illa omnium quæ expetatur in hac vita, plurimi hominibus facienda sit: iis etiam patere eorum liberalitatem debere qui tam avidè illam & cupidè petant. Patrem hoc nomine vocatum esse in invidiam: qui si modò sit suorum civium libertati insidiatus, haud velle visus sit eos ingratis servire: filium id spectare ut inter miseros & egentes, beato liceat atque opulento regnare. Nam quod nimis homines in ducenda sui officii ratione indulgentes, nemini se dicant facere injuriam, ubi repetere suum pergant: tam crudele & barbarum institutum, nulla unquam jura quæ homines colant permisisse: ut E alienum æs, cum nihil aliud supersit quo dissolvatur, carcere, vinculis, cruciatu corporis sit representandum. At si crudeles homines & immanes, sanctissimæ religionis institutis, quam profitentur, sibi minus esse standum censeant: quin etiam humanitatem omnem unà exuant, nihil superesse causæ videri. Barbarorum hominum morem hunc & ferarum ritu viventium, si quæ unquam civitas coluerit: ei semper ferè exitio fuisse. Hinc odia, simultates atque intestina bella exoriri, quæ nunquam nisi ruina populorum & perniciæ finiantur. At jactare *Petrum Medicem* magna beneficia atque illustria, quibus illius majores sibi civitatem devinxerint: quæ si modo ulla extarent, multò esse æquius videretur, his illum moneri, quàm diversa & præpostera ratione niteretur, qui ita sibi statuisset à majorum institutis discedendum, ut in quos homines illi beneficia maxima contulissent, in iis ipsis maleficia tanta constitueret. Sed ut amplissima etiam majorum merita, & non ingentia maleficia potius in Rempublicam commemorari queant: quæ ulla hominum merita tanta posse patriæ exprobrari, ut

ut non multò ab iis majora illi & ampliora debeantur. At quoties pro his tamen relata gratiam esse? Bella maxima & gravissima eorum causa suscepta: eiectiones à civitate nobiles homines atque optimos cives, indicta causa damnatos, proscriptos, ventum sæpè eorum causa esse ad arma: intestinas discordias & dissidia illis alentibus, patriam adductam in rerum omnium discrimen. Pro quibus meritis tantis & studiis in suos, quam gratum animum sibi esse præstandum putet: ut nemo jam hoc ignorare ulterius possit, præclarum suæ voluntatis documentum *Petrum Medicum* dare. Quod autem ille beneficium patriæ offerre insigne magis videatur, quam cum suis civibus summo jure experiri: quasi illi vita & libertas pro vade sistenda sit, in illam crudelissimè sævire? quousque expletus suorum sanguine, gravem atque infestam civitati potentiam, in Rempublicam victor superbissimè jactet. Ergo hæc esse illius principatus auspicia quem tanquam à patre sibi relictum, hæreditate adiri æquum putet: sed iis ipsis neminem magis, quam cum ipsum qui illum malis rationibus quærat, sibi malè & fœdè precari. Probra enim maledicta, execrationes illos quidem obstrictos habere, qui ut execrandi ipsi sint, quasi in eo compendium faciant, ultrò ipsi operam dare videantur: ab iis ipsis certè qui vindex scelerum & ultor est, poenas aliquando Deum immortalem expetiturum. Hæc cum licentius indies atque impunius in foro medio ac frequenti civium conventu jactarentur: ita ea pro suo quisque sensu accipiebat, ut magna tamen hinc in *Medices* conflata invidia, illis propediem esse dimicandum de capite & de fortune censeret. Qua re *Dietesalvius* animadversa, quò iis exitium maturaret, animum ad nova consilia adjecit, dum hominem tanta invidia flagraret, nullo negotio illum de principatu depelli ac tolli posse de medio arbitratus. Ita autem id ordinè narrare institui, ut cum alios minus licuerit, quorum apud me pluris autoritas, & fides potior esset futura, *Machiavellium* quidem sequar autorem: ubi hominis fidem, id quod crebrius accidit, aut diligentiam desiderem, minimè id sim dissimulaturus: tantisper eorum offensionem deprecatus, qui minus meam hanc rationem probarint, dum ex iis quæ à me deinceps scribentur, non cum homine mihi, cujus ego genere scribendi delector, ingenio faveo plurimum, sed cum iis quæ scripta reliquit, institutam contentionem esse intelligant. Equidem vel ejus etiam causa, mallet, in scribenda historia, per eorum temporum rationem quibus scripsit, ingenio illi obsequi quam certorum hominum cupiditati licuisset, nihil ejus scriptis luculentius, absolutiusve potuisset inveniri. Erat adhuc *Cosmo* vivente. *Lucas Pitius*, vir cum maximè gratus apud omnes ordines, tum ea in Republica autoritate, ut unus omnium consensu in civitate haberetur, quem *Medicum* potentiæ æmulum, si quando esset de principatu dimicandum, adversarii *Cosmo* minimè opponere dubitarent. Is quamdiu vixit, cum se nunquam illi parem gratia futurum existimaret, quam magnis suorum studiis & contentionibus consequutus, omni ratione & consilio tuebatur: facile hanc tantam sive laudis contentionem, sive ambitionem & cupiditatem compressam sedatamque habuit: eo mortuo, tanquam spes omnes familiæ & posteritatis cum eo uno occidissent: facile per patris admirationem fortuna filii contempta, sese adversus illum erigere & nova inire cum adversariis consilia, quæcunque illum spes aut patriam liberandi, aut principem locum in civitate occupandi moverit, de *Petro Medice* opprimendo coepit. Verisimile porro illi videbatur, ubi studiis nobilitatis subnixus, quæ veterum simulta-

A tum memor, nunquam planè esset remissior in suo jure repetendo futura, de loco *Petrum* movisset, jam nemine obsistente cujus potentiæ magnitudo suæ dignitati officeret, ad se unum Reipublicæ administrationem atque imperium delatum iri. Cum autem is summum magistratum adeptus, legem ferret de magistratibus per suffragia creandis, nobilitate in primis à populo dissidente, quæ magistratuum creationem, cum novo instituto civibus sortitò mandarentur, ad veterem suffragiorum morem revocaret: recusantem populum ac ferociter contumaciterque legi obsistentem (cùm nemo non videret fortis beneficio sublato, novis hominibus ad magistratus & honores capeffendos aditum præcludi) iis, qui capita seditionis essent, aut honorum abrogatione aut exilio mulctatis, venire in concionem atque accipere legem coegit. Ita compressa seditione, quam perniciosam maximè futuram Reipublicæ appareret: adnitentibus principibus, quorum causam magno salutis atque existimationis periculo susceperat defendendam, & verbis amplissimis collaudatus & decretis honorificentissimis auctus, populi etiam in se studia convertit. Visus enim erat, per interjectam moram animorum ardore atque ira defervescente, libertatis tuendæ ac communis concordie causa è sua maximè & Reipublicæ dignitate magistratum gessisse. Hæc domi tanta laus *Pitii* & gloria parta jam sermone ac fama hominum municipia circumjectasque civitates omnes pervaserat: quæ cum popularem admirationem haberet, indies illi hominum studia & benevolentiam majorem conciliaverat: communis salutis & libertatis autorem & vindicem suspicientium: quem paulò antè acerbè ac pessimè odissent. Ac cum nullo non genere honoris inter se illo ornando honestandoque certarent: ut sunt homines ferè suo ingenio effusi, sive odio in aliquem, sive studio efferuntur, cum munera illi amplissima mittebant, quibus maximè rem familiarem dicitur auxisse, tum ædificandis ædibus quas regio more laxissimas in urbe pariter atque in agro instituerat, materiam atque operas suppeditabant. Quæ omnia cum invidiæ semper exposita, magnam habeant offensionem, huic uni tamen in præsentia præsidio & ornamento erant: postremò cum non æquè secundam fortunam ferre & partam tueri potuisset, exitio etiam fuerunt. Ajunt enim illum, minimè pro suorum civium expectatione, perditos atque egentes homines, tum rei capitalis & majestatis damnatos, cum in illius aedes quotidie multi tanquam in *Asylum* confugerent, modò iis extruendis fore usui viderentur, fovere, tegere, si quid adversus leges & mores civitatis admisissent, tueri atque ut impune ferrent laborare instituisse: graviter id magis ferentibus bonis, quam palam audentibus queri: qui rectis studiis collectam gratiam, etiamsi in omnium perniciem verteretur, ægrè posse labefactari intelligerent: tempore per se eandem effluere sperarent, ita natura hominum ferente, ut quæ opinio semel de magno homine infederit, ea difficillimè evellatur: eadem evulsa, tanto gravius odium & acerbius succedat, quantò in illos justius est, qui per speciem probitatis & beneficentiæ, quam qui aperte & minime dissimulanter læserunt. Id autem cum diu impunitas aluisset, quam facti pulcherrimi memoria tueretur (existimante eo id gratiæ dari quod metu extorquebatur) ubi metu discusso, nunquam futuro satis diuturno, si quando affectis injuria spes vindicandi ostentatur, in apertum erupit, vix illius ruina potuit atque exitio restingui. Qui *Pitii* causam tuentur, his tot criminationibus liberatum, una in re minus se præclare pro hominum existimatione gessisse contendunt: cum illi neque prudentia, neque consi-

lium

lium in re suscipienda defuisset, visi ejus in munere exequendo, animi vim & constantiam desiderare. Cætera tanquam ea à *Machiavellio* excogitata emanaverint, iidem facillimè refutant. Quod is magistratum gerens *Hieronymum Machiavellium* turbulentum hominem & seditiosum pro jurè summæ potestatis urbe excedere, atque ire in exilium jussisset: memorem veterum injuriarum, inde captata occasione, suo dolori atque iracundiæ indulgisse. Qui verò convenire, ut qui pro causa nobilitatis, unus in civitate adversus populi commoda pugnare ausus, gravem in primis actionem & periculosam suscepisset, is speraret multitudinem sibi tyrannidem in civitatem appetenti affuturam? Neque autem illud verius esse, hominis ædes, cum id minimè sine magna totius civitatis querela accidere potuerit, sicariis & facinorosis hominibus patuisse: quòd eorum opera ad ædium extructionem uteretur. Nam ut maximè *Cosmus Medices* quiesceret, ac facile patetur cum sua sponte tantæ invidiæ flamma conflagrare, cujus ille ex ruina crescere videretur: non ita malè cum Republica agebatur, ut magistratui vires ad privati civis audaciam vindicandam deessent. Ridiculum autem videri, cum eò perfugium & receptum improbi homines haberent, positis gladiis, serras, dolabra, ascias, vectes in manus sumere, tigna, camenta contrectare, lapides humeris ferre, cum ea de causa videantur velle improbi esse, ut scelere & improbitate partum otium, perpetua etiam vitæ infamia & turpitudine tueantur. Hunc hominem *Neronius* cum ita esse animum in *Medices* censeret: ut facile se illum perducturum in sententiam speraret: se ad illius rationes adjungere ac sua in illum studia conferre amicorumque constituit: per hanc animorum conjunctionem fore arbitratus, ut brevi *Petro Medice* oppresso, sua dignitas Reipublicæ atque autoritas magistratibus restitueretur. Ita cum hominem adiisset, qui suorum civium judicia amplissima consequutus, conservatæ patriæ sibi laudem vindicaret: ad eum in hanc sententiam locutus fertur. Perditam atque eversam Rempublicam nisi quid illa præsidii in suis civibus inveniat, *Medicum* corroborata jam atque inveterata potentia, ab eo opem atque auxilium implorare, cujus hæc domesticæ laus sit, patriam ab improborum civium conspiratione defendendi. Has partes esse omnibus à natura impositas, duras illas quidem atque arduas: sed iis potissimum qui cum hoc esse suum munus agnoscunt, tum illud etiam præstare suis civibus possunt, & verò etiam consueverunt. Eo se animo esse, præclarum jam antea civitati documentum dedisse, cum in summo magistratu, magno proposito vitæ periculo, adversus principum auctoritatem plebe pertinacissimè magistratuum fortitionem defendente, quæ improbis civibus per fortis temeritatem honores & dignitates amplissimas mandaret, auctoritate sua & consilio compressisset: gravi animadversione constituta in eos qui tantum malum in civitate concitassent. Ad eum suos cives confugere, cujus fidem olim suscipienda bonorum causa, constantiam parem & robur experti semel eadem tuenda essent. Atque esse in eo tamen cur sibi gratias Deo immortalis agendas maximas putent. Eò enim *Medicum* potentiam adductam esse, ut quod vix antea verisimile visum fuerit, ubique iis contracta re atque angusta fide, delabi eam brevi sua sponte & corrumpere necesse sit. Occasionem vindicandæ patriæ ex diuturna non solum servitute & gravi, sed indigna etiam & flagitiosa liberis hominibus, cum ea captanda omnino studio fuerit, minimè amitti oblatam oportere: ferò eandem ubi in præsentia omittatur quæsitum iri. Esse *Petrum Medicem*, in quo uno existimatio familiæ

A & nominis nitatur, hominem inertem, nullius animi, consilii, ingenii, plurimum certè illum degenerantem à parentis virtute, summi hominis, & populi studiis, quæ filius amiserit, principem locum in Republica tuentis. Ad tarditatem ingenii virium imbecillitatem accedere quæ eò major debeat videri, quò laboranti adversa valetudine, minus in liberis præsidii constitutum sit, admodum adolescentibus, & qui nullum adhuc attigerint publicum munus in quo specimen sui ali-quod dare civitati potuerint. Adjuvari hoc consilium importuna atque acerba nominum exacti-one, qua *Petrus* alienatis multorum animis, gravissimè apud omnes ordines offenderit: ut quam potentiam non optimis rationibus quæsitam pater multis largè & munificè dando auxerit, sordidè filius & avarè exigendo, vix videatur diutius in civitate retinere posse. Meminisse etiam libentius homines quid dederint, quàm quid acceperint: dedisse extraordinarios honores atque imperia, principatum in Republica regnum, quorum quota quæque pars æquari tantula mercede possit, quæ miseris amissæ libertatis solatio, sit persoluta? cum hæc omnia eodem concurrere, tum illud in primis, quod quanti referat ad summam ejus consilii conficiendam neminem præterire. Af-futuros ei principes Reipublicæ magnæ virtutis & dignitatis homines, qui uni servire in libera civitate, in qua nihil præter virtutem & probitatem excellere æquum sit, indignum ducant: ex his *Nicolaum Soderinum* & *Angelum Acciaiolum*: quorum altero brevi magistratum gerente, facilior exitus rem aggredientibus sponderetur: alter iustis de causis inimicus *Medicibus* esset, ac præterea magni vir consilii & prudentiæ haberetur; cujus præclara documenta & multa domi & foris maximis honoribus functus dedisset. Quæ cum ita se haberent, modò in præsentia, omni cunctatione omissa, sibi esse rem agendam statuerent, omnia illis brevi quod à viris fortibus spectari æquum sit, expedita atque absoluta fore. His facile *Lucas* persuasus, cum id quod valde pertinere ad ejus animum confirmandum videbatur, summam totius gerendæ rei, ad se unum deferri intelligeret, qua ex re sibi animo spondebat futurum, ut patriæ semel conservatæ laudem adepto, parta jam pridem gloria constaret: se ad omnia animo paratum nulla in re illi defuturum confirmat. Ita in præsentia re administrata, cum *Soderino* & *Acciaio* ille collocutus facillè utrumque sua sponte jam à *Medicum* causa aversum in sententiam traduxit. Erat *Nicolaus Soderinus* suo ingenio popularis, ac studio libertatis, cujus vindicandæ partes minimè sibi dissimulanter sumebat, in primis gratosus & multitudini charus. Quanquam enim privatæ similitudinis causa adulescens in *Medicum* partes transierat: quòd cum *Nicolao Uzanio* vim intentasset, ab his defensus protectusque esset: magna tamen commutatione rerum facta, animum quò Reipublicæ salus ac dignitas avocabat, convertit: nullam satis iustam causam & gravem necessitudinis cum iis esse arbitratus, quorum mens à patriæ salute aversa omnium ab se animos alienasset. Sed idem tamen cum ejus rectissimi sensus & cum bonorum causa congruentes essent: animi impetu interdum magis ferebatur, quàm constantem hominem & gravem deceret: ut cum raro in capiendò consilio rationem certam sequeretur, etiam si optima vellet, minimè eadem tamen exequi facile pro animi sententia atque instituto posset. Atqui *Angelus Acciaiolus* veteres inimicitias quas cum *Cosmo Medice* susceptas, diu propter hominis auctoritatem dissimulaverat, filii salute & dignitate oppugnanda videbatur hac occasione oblata, persecuturus. Causæ autem hæc inimicitiarum à *Machiavellio* feruntur.

tur. Jampridem hujus *Raphaël* filius uxorem duxerat ex *Bardorum* familia, *Alexandram* nomine. Ea sive id suo vitio, sive suorum accideret, cum minus liberaliter se & à socero pariter & à viro tractari quæstæ esset: usa consilio atque ope *Laurentii Hilarionis* affinis, è soceri domo magna illius ac viri offensione aufugit ad suos. Quamquam minimè *Angelus* videbatur, diu tantam familiæ illatam injuriam neglecturus, magnæ hominis dignitatis ac prorsus infamiæ insolens, in præsentia tamen quod suæ moderationis esse & gravitatis ducebat, mitius agere leniusque constituit. Ita per communes amicos rem ad *Cosmum Medicem* detulit: qui, cum utrimque poenæ & compromissa interposita essent, cognita causa, de re tota quicquid esse è sua fide atque causæ æquitate censeret, quando placuisset eo uti arbitro & disceptatore, judicaret. Cum diu acta res jactataque esset, *Cosmus* secundum fœminam decrevit: cum illud addidisset adolescentem restituere dotem uxori in præsentia placere, sive autem illa ad virum redire, sive ab eo soluta agere vitam cum suis mallet, quò minus integrum ei utrumque esset, non prohibere. Judicii exitus is fuit: ut neque satis solidam gratiam ab iis inierit, secundum quos judicavit, cum illi animum induxissent, non potuisse ab eo aliter salva religione decerni: & ab *Acciaiolis* patre & filio, cum nihil datum gratiæ ac veteri conjunctioni quererentur odium ingens non sibi magis qui satis adversus vim omnem tectus & munitus esset, quàm filio grave futurum quasi præmii loco retulerit: illustri certè in posterum futurus exemplo, ab iis esse judiciis declinandum, quibus abstinenti & consulenti suæ fidei, vitæ periculum sæpè, & cupido improboque infamiæ gravis nota subeunda sit. Alia causa disjunctionis atque inimicitiarum à *Jacobo Cardinali Ticinensi* affertur, autore gravi & quo arbitro *Florentini* aliquot postea annis usi dicuntur, disceptanda de finibus controversia, cum *Senensium* civitate: quæ res facit ut credam, homini non obscura fuisse quæ in ea Republica gererentur. Hujus autem extat commentarius, quem de *Neronii* & *Pitii* conjuratione in *Petrum Medicem* confecit. In quo quidem ita est eam rem omnem persecutus, ut in quibusdam à *Machiavellio* dissentiat, nonnulla tradat quæ sunt ab eodem, aut consultò, aut quòd ea ignorarit, prætermissa. Causam autem hanc tradit alienationis fuisse: quòd *Acciaiolus Cosmi* patris semper habitus studiosus, quereretur filio à *Petro* prælatum adolescentem in filia nuptiis, neque nobilitate familiæ, neque studio in suos ullo modo illi æquandum. De iis quæ *Machiavellius* habet, mentionem nullam facit: intercessit autem *Ticinensi* cum *Laurentio* filio amicitia, quod scriptæ ad illum aliquot epistolæ testantur: multò verò arctior cum *Gentili Urbinate*, quo *Laurentius* adolescentiæ moderatore, & in administranda Republica particeps consiliorum semper postea est usus: ut verisimile sit scribenti historiam, adjumenta ad ea exploranda cognoscendaque, quæ gererentur multa, ubi vellet suæ religioni consulere, suppeditata esse. Hæc hominum studia cum adeò diversa ac varia essent: omnes tamen pariter hoc se unum velle præ se ferebant, civitatem, legum ac magistratuum majestate restitutam, quam nullam jam esse querebantur, à paucorum dominatu vindicare. Pulcherrimo illos titulo & speciosissimo usos adversarii arguebant, cum ad animi studium atque ambitionem tegendam, tum ad multitudinem fallendam in primis quam minimè defuturam suis liberatoribus sperabant. Esse enim ferè hunc imperitorum morem atque institutum, ut semper spem commodi præsentis, impendentibus malis, nullo etiam suafore præse-

rant, cum malorum sensu, quando adsunt modò afficiantur, imminentium metu non moveantur: quæ quidem ne diuturnior cura & molestior sit, iis se obrui imprudentes, quàm si ultrò occurrant consilio, peti frustra malunt. Ad horum confirmanda consilia, duo illa maximè opportuna in civitate acciderunt: quorum alterum tantò magis populum à *Petro* alienavit, quantò crebrius, ut jam diximus, jactatum, in voces malevolorum & sermonem incurrebat: locupletes homines & qui maximè *Cosmi* patris studiosi fuissent, quòd dissolvere æs alienum minus possent, amissa fide domi se continere non sine magna nominis atque existimationis jactura coactos: alterum apud principes, magnum in illum odium, quòd eo se contemptos arbitrarentur, conflagavit: cum per eos dies *Laurentio* filio *Clarice* ex *Ursina* familia *Romæ* æquè clara & potenti nupsisset: visum aut odisse suos aut aspernari, quos parum dignos sua necessitudine & affinitate censuisset: quod tamen qui altius rem perspiciebant, non suorum magis contentione ab eo factum contendebant (mitius enim hoc malum futurum & levius ferendum) quàm infinita illa dominandi cupiditate, cujus rei firmamentum & robur constituendum in potentium hominum & factiosorum conjunctione atque affinitate judicasset. Ita ex ea re captata occasione, palàm in illum pervulgata illa atque ex eodem loco desumpta, quòd his moveri multitudinem imperitam apparebat, jactabant. Tanquam jam *Petrus Medicus* civitate major patriam aliam quæ illius magnitudinem impleret, sibi esse quærendam statuisset, ira præteritis suis, *Romæ* ex familia nobilitate, potentia, opibus, clientelis florentissima, cujus conjunctione gravi semper libertatis periculo opes stabilirentur suæ, affinitatem atque amicitiam quæsisse. Quid verò esset ab ea familia metuendum, *Senensium* civitatem nobilem in primis *Heituriæ* & potentem, non ita pridem fuisse documento: qui quanquam *Venetis* fœdere juncti, eorum magnis auxiliis niterentur, conjuncti in magnum rerum omnium discrimen ab uno *Ildibrandino Ursino Pitilianensium* Comite, ac pacem facere iniquissimis etiam conditionibus coacti sint. Scilicet cum *Petro Medici* sordeant sui, ex illustri loco fuisse filio uxorem quærendam, ex qua liberos tolleret, averfandamque eorum nobilitatem, per quorum ruinam & calamitatem *Medicum* familia sibi in altissimum civitatis locum aditum patefecisset. At quò jam animo eorum fastidium atque arrogantiam posse perferri, qui cum iis recusent connubii jura affinitatemque jungere, à quibus procreatos se, in lucem editos, altos, educatos meminerint? Sanè quò hominum consilia spectent, nemini qui planè tardo atque hebeti ingenio non sit, obscurum esse posse. Cui autem dubitandum esse, eos à quorum conjunctione nobiles ac potentes cives avertantur (quod liberis hominibus ultimum malorum sit) servorum loco haberi? Iisdem, ubi sibi libertatem eripi patiantur, cui jam minimè obscure per nuptiarum fœdera, violentis opibus & non ferendis constitutis, importuni homines & crudeles immineant, omnia mala esse perferenda, quæ servitutem consequantur, cædes, exilia, proscriptiones, gravissimas atque accerbissimas vitæ calamitates, sive subire æquo animo dominorum superbissimorum jugum, sive excutere, quod viris fortibus dignum est, idem audacter velint. At non ita se *Cosmum* patrem gessisse, de quo homine quicquid adversarii senserint, constare tamen eum magis populi benevolentia, quàm externis opibus clarum fuisse. Magis illum integra & constituta re, fama, nomine, studiis civitatis subnixum singularibus, quæ ille se cum omnibus æquari patiundo, ac benefi-

cia maxima in multos conferendo sibi conciliaffet, rationem hanc, cum illi æquè explorata esset, domesticas opes & potentiam augendi tanto cum suorum odio, contempsisse. Esse has quidem optimi civis partes & patriæ suæ amantis, ut cum nihil habeat sua fide religioneque antiquius, immanem hanc dominandi cupiditatem, quam *Petrus Medices* suis civibus semper infestam futuram conjunctione potentium foveat, quasi belluam cavea inclusam, compressam animi moderatione æquitæque habeat. Ac quemadmodum qui ea pietate in patriam extiterunt, debitum suæ virtuti præmii retulerint, ita hunc in præsentia suæ cupiditati debitum referre. Nam illis quidem civium suorum charitatem, benevolentiam, commendationem nobilitatis: huic, id quod à servis expectandum sit, partum odium invidiamque esse. Cum ita civitas seditionibus laboraret, magnam in spem hominibus erectis, penitus tandem vindicandæ libertatis, cujus popolare ac plausibile nomen, consultò ad multitudinem in *Petrum* concitandum inimici inculcabant: jam principes videbantur facile illum oppressuri, cum ab amicis imparatum qui se totos ab illius rationibus, ob nomina acerbè atque avarè exacta avertissent, tum sensim oblitterata memoria veterum beneficiorum, invisum multitudini, cujus libertati ob nimiam potentiam, insidiari etiam vulgò credebatur. Quæ quanquam ad hunc modum gerebantur: haud tamen deerant viri boni, qui cum causam tanti motus probarent, ejus quidem exitum perhorrescerent, in quo non magis certa salutis spes, quam legum ac judiciorum interitus ostendebatur, hinc impendentes Reipublicæ calamitates avertere, omni studio improborum civium conatibus obviam eundo, parati essent. Ac cum appareret civiles discordias, ut ex potentium odio & fastidio nasci, sic facilitate, & comitate tolli: deliniendam multitudinem, atque ab expectatione rerum novarum, alias curas afferendo, quibus animi tenerentur, cum nunquam vacuis materia ad seditionem videretur defutura, omnino avertendam censuerunt: ludis equestribus magno apparatu indictis spectaculisque varii generis, cujus rei excultam à majoribus disciplinam ac magno studio semper quasi per manus traditam, gens nobilissima retinuit. Inerat in eo consilio præter cæteras opportunitates illud etiam commodi: quòd in magna hominum frequentia & ludorum celebritate, cum ex vicinis populis plurimos rei novitas excitura videretur, si quo præsidio Respublica indigeret ad seditiones homines in officio continendos, & manus armatorum tutò cogi, & ne ob eam causam populus tumultuaretur, occultari etiam facile posset. Increbuerat enim apud multos sermo, armari homines à privatis, cœtus nocturnos fieri, multitudinem convocari ex agris, tela ac tormenta in privatorum domos conferri, atque omnia ita agi, ut res ad arma & ad vim spectare videretur. Jam opportunè anno à *Cosmi Medici* morte vertente, *Petro* filio liberisque ejus qui totum illud tempus in luctu egerant: de more erat ad vestitum redeundum: qua ex re magna erat occasio oblata, civitati affectæ intestinis discordiis, aliquam à tantis malis levationem quibus vexabatur, & quasi aberrationem quærendi. Ita magna hominum expectatione ludis commissis, cum ex omnibus ferè *Italiæ* civitatibus clari ac nobiles adolescentes aut spectandi studio aut certandi concurrissent: *Laurentius Medices* magnæ indolis & spei adolescens, omnium quibus cum concurrerat victor, haud satis læto plausu approbationeque hominum, quorum languidiora studia planè jam deferbuisset viderentur (sive gratiæ id datum sive veræ virtuti est) primas retulisse fertur. Haud fatis scio sint

A ne hi equestres ludi quibus insignem inter alios, *Juliani* fratris *Laurentii* virtutem *Angelus Politianus*, elegantiore quidem carmine quam vendibili illis temporibus prosequutus est. Parvi quidem momenti rem, ne minus esse nobis prætereundam censeremus, magna de eo adolescente opinio hominum atque expectatio perfecit: quem unum ni mors immatura sustulisset, *Laurentio* fratri, homini elati animi & majora concupiscenti quam libera civitas ferret, in Reipublicæ procuratore objectum, tantorum malorum vindicem, quibus ferè illa oppressa est, moderatorem certè futurum, quò minus planè libertas interiret, vulgò homines ominabantur. *Hetrusci* scriptores alii atque in his duo *Nicolai*, *Valorius* qui *Laurentii* vitam conscripsit, & *Machiavellius* equestris certaminis gloriam *Laurentio* tribuunt. Secundum ludorum celebrationem alia spectacula varii generis placuit præberi. In iis trium Regum ad Christum natum adventus, ut longè magnificentissimo apparatu, ita pari multitudinis concursu, nobilibus adolescentibus Regum personas agentibus concelebratum est. Atque cum hæc omnia ita essent acta, ut viri boni non desperarent, per ea civitatis studia *Medicibus* conciliari, quam unam rem ad pacem atque ad otium in civitate constitutum esse expeditissimam censebant: semel jam ab illis alienatis odio animis, atque aditu ad hominum benevolentiam præcluso, cum se hisce rebus existimarent quasi illecebra peti, quæ res magis etiam digna odio videbatur, gratia aut nulla, aut perexigua quidem inita est. Itaque ut ferè semper res ex eventu non ex certa ratione æstimantur: jam erant qui eorum consilium improbant, quibus autoribus *Petrus* ea spectacula edenda ac faciendos ludos curasset. Nam ita videri natura comparatum esse, quod rerum usus ac certa ratio doceret: ut quemadmodum ea quæ in benè affectos animos fiunt, etiam si speciem injuriæ habeant, beneficii loco accipiantur, ita quæ in alienatos & infensos, ut maximè proficiscantur ab optimo animo, semper ingrata accidant & molesta. Itaque illud jam verè dici posse & rectè collocato beneficio, hominum benevolentiam, & malè posito, odium quæri: illud etiam minimè pro eorum temporum ratione fuisse excogitatum: ut qui eo nomine apud populum offendissent, quòd extraordinarias potestates ac nimias opes & violentas affectare dicerentur, ab iis per domesticarum copiarum ostentationem, quæ magna his agendis rebus conspiceretur, majore etiam animorum disjunctione atque odio homines abalienarentur. Si porrò unquam aliàs, at tum hoc maximè à *Petri* rationibus videri alienum fuisse. Nam ea jam à plerisque & quidem magna cum illius infamia, disseminari: cum pecunias à privatis repeteret ad tegendam inhumanitatem atque animi sordes, quæ ægrè elui ulla ratione possent, rei familiaris angustias obduxisset: eundem quasi exitium suorum & ruinam justum triumphum & speciosum sibi duceret futurum, festis diebus magna frequentia populorum, detracta spolia à civibus victis, quæ monumenta eadem, & suæ crudelitatis & eorum calamitatis essent, pretiosa vasa & perfecta antiquo opere atque artificio, præclara toreumata, quicquid domi argenti habuerit, stragulam vestem, signa, tabulas pictas, proferre atque ostentare minimè veritum hominem existimationem ausum esse. Cum hæc omnia quæ mala sua natura essent, dies faceret deteriora: intestinum malum aut *Petri* indulgentia, aut adversariorum vis atque audacia magnopere etiam augebat. Nam ille sive statuisset minus sibi esse timenda, quæ inimici adversus suam dignitatem machinabantur, sive quod probabile est, eadem ignoraret, quieturus vi-

videbatur: hi perpetuò quasi facès qualdam ad hominum sensum admovendo, multa in *Medices* atque in præsentem rerum statum concionantium more, coacta multitudine frequentioribus urbis locis jactabant, quibus serpens indies latius incendium aleretur: tolleretur planè omnis spes, illud, nisi magna multorum ruina, reslinguendi. Quæ cum per se gravia viderentur, alia præterea ut ferè desperandum de Republica esset perfecerunt. Deceßerat per ea tempora *Franciscus Sfortia Insu- brum* Dux grandis jam natu: vir magnus ille quidem & qui cum omnia sua spe majora esset assequutus, dubium fecerit, utrum fortuna virtutem, an virtute fortunam anteierit: utraque certè innixus ita dubiis etiam suis rebus & adversis alteram semper altera fovit: ut in neutra quidem ad res magnas gerendas, quamvis magnis & claris hominibus, destitutis alterius subsidio satis momenti futurum probarit. Moritur minimè opportuno tempore suorum, *Pauli Secundi* Pontificatus anno altero, qui fuit ejus seculi LXV. cum quadragesimum & nonum annum natus regnum adeptus, xv. rerum *Mediolani* potitus esset. Ita *Galeatius Maria* filius, qui jam anno superiore, *Ludovico Regi Gallorum* auxilio missus, tum in *Allobrogibus* hybernabat, matris literis excitus ad principatum capeßendum, magno vitæ periculo, cum ob infesta itinera, sæpè vestem mutare, ac per devia & prærupta loca iter facere, petitus hostium insidiis cogeretur, *Mediolanum* rediit, ubi magno populorum consensu Dux salutatur, ac Principatus insignia accipit. Hinc cum optimo consilio paternas amicitias sibi esse confirmandas stabiliendasque existimaret, quibus *Sfortiæ* familiæ partum in *Italia* tantum imperium esset: cum ad alios principes omnes, tum ad *Florentinos* maximè, quorum merita illustriora, in patrem extitissent, legatos honestos homines misit: iis adjectis mandatis, ut foedera, quæ civitas olim cum patre inierat, cum filio pariter per summum magistratum firmanda, & quæ pecunia eidem stipendii nomine esset constituta, sibi illius successor, & æquè propensum in illam Rempublicam animum gerenti, decernendam curarent. Ab his adito magistratu atque expositis mandatis, cum is multorum vocibus & sermonibus territus, non satis quid decerneret constitutum haberet: *Petrus Medices*, ex cujus autoritate omnia agere jussi erant: etiam atque etiam contenderet, fidem esse civitati tuendam retinendamque cum novo principe amicitiam florentissimis opibus & fortunis atque adeò animo cum Republica conjunctissimo: adversarii occasionem tantam agendi nacti, plena invidiæ & criminum oratione adversam huic sententiam defendendum susceperunt, cujus hæc ferè summa fuisse fertur. Cum multæ hominibus viæ paterent ad multitudinem fallendam, tum illam quidem longè expeditissimam, quæ officii simulatione religionisque falleret. Et si autem, homini callido præsertim & non indiffero facile esse eam viam inire: in his tamen rebus quæ in consultationem venirent, & pertinerent maximè ad publicam causam, in primis patere. Nam ubi disceptatur de re aliqua graviore, cum in dicenda sententia, mala consilia probabili ratione lateant, ut Reipublicæ obesse plurimum si probentur: ita quoniam qui dixit, rationem probabilem sequutus, videtur ita censuisse, honori id illi semper, nunquam fraudi, quanquam ille improbus civis habeatur, quod non idem cum cæteris senserit, esse consuevisse. Tueri in civitate publicam fidem, amicitias & veteres confirmare, & inire novas, honestum semper Reipublicæ & salutare maximè fuisse. Sed utrum esset fidem publicam tueri, ea suadere de quibus in

A præsentia ageretur: aut utrum expediret per speciem conciliandi principum amicitias ac civitati nova præsidia comparandi, Reipublicæ ararium exinanire, ac privatorum hominum potentiam augere, cum per se ipsam nimium civitati gravem & invisam, tum verò periculosam æquè communi omnium libertati, id verò dubium magnopere videri. Itaque cum esset in præsentia agendum de tam gravi re atque adeò ad omnium salutem pertinenti: illud antè omnia spectari oportere, quod non ita obscurum prudenti homini esset, atque ad certam rationem momenta rerum & vim perpendenti: utrum qui rem in speciem honestam suaderet in dando consilio publicum bonum respiceret, an privatum sequeretur suum. Foedera cum *Francisco Sfortia* esse percussa *Galeatii* patre, quæ tamdiu sancta civitas habuerit, quamdiu ille vixisset, qui cum ea icta essent: nunc eo sublato, non magis iis civitatem teneri, si ea constans in tuendo suo jure esset, quam si bello populo *Florentino* illato, ab eo qui *Francisco* successisset, iisdem illi foederibus standum civitas arbitraretur. Cum *Sfortia* patre initum foedus esse, non cum *Sfortiæ* hærede. Cum eo ut fieret, virtutem illius singularem, atque ut quidam videri vellent, egregium in Rempublicam animum suasisse: cum juvene filio an æquè novum foedus esset fanciendum, quanquam mirifica illius jactaretur in Rempublicam benevolentia, & studium, nondum ullo suo merito officioque declarasse. Atque, quod ad novam amicitiam ineundam attineret: modò inde non potentibus hominibus, sed civitati opes quaererentur, neminem cui Reipublicæ salus & dignitas curæ esset, cuiquam qui se ejus sententiæ autorem profiteretur, quicquam impeditenti afferre ac moræ debere. Sed cui id sanè jam exploratum non esse, non studio libertatis & salutis Reipublicæ tuendæ, sed privatorum potentiae augendæ causa, & domi clientelas, & foris potentium hominum affinitates, & amicitias principum quæri? Nam decernere cuiquam in stipendium pecuniam certam antequam de illius fide esset periculum factum, qui postulare uti ea sibi decerneretur, non inutile modò Reipublicæ in præsentia, sed perniciosum esse in posterum aliquando etiam posse. In *Francisco* patre & summæ illo virtutis homine, & Imperatore clarissimo (utinam ille adeptus imperium, fidem in eos quorum copiis atque auxiliis id partum haberet, virtute pristina & constantia dignam sibi esse præstandam censuisset) si in libera civitate tutum modò esset mittere liberam vocem, parum semper præsidii Reipublicæ constitutum in suis temporibus fuisse. Neque enim se commemorare quæ *Lucensi* bello gesserit, capta oppida incensa, solo æquata, magnam imminentem Reipublicæ calamitatem ingenti ab eo pecunia redemptam: mittere quæ de hominis fide dici hoc loco possent: quam ita firmam diuturnamque præstiterit, ut jam tum minimè esse obscurum potuerit, quid de eo populo *Florentino* liceret sperare. Has enim esse *Lucensium* partes, qui pretio ab eodem & à *Guinisi* tyrannide liberati, & hostibus proditi, propè etiam in eorum traditi potestatem, magno emere perbreve libertatis usuram planè visi essent. Quàm grato animo fuisset in *Florentinos*, quibus unis opulentissimum in *Italia* principatum referre acceptum debuerit, neminem magis quàm eos ipsos meminisse: quorum hujusmodi tempora postea extiterint, ut non semel quidem illustria in illos suæ voluntatis & benevolentiae documenta, si ita animatus in Rempublicam esset, dare potuerit. De hoc juvene quidnam sibi homines deberent spondere, esse potius in suspitione relinquendum, quàm ponendum in oratione. Quæ

de languore hominis desidia, luxu, odio in bonos omnes, fastidio, animi impotentia dicerentur, ut minimè vera etiam essent, dubia cavenda magnopere & declinanda tamen videri: cum haud temerè unquam sermones hujusmodi de magnis hominibus dissiparentur. Atque non tam esse imperitos rerum existimandos, qui hæc persuadere suis civibus conarentur, quoniam sese ea dicerent ignorare, quod minimè tamen facerent, quàm impios atque ingratos in suos, quod cum haud eadem esse è Republica intelligerent, callidi homines & astuti qui speciosis nominibus tum fidei publicæ tuendæ, tum augendi imperii, suam cupiditatem atque ambitionem dissimularent, eadem probare magna cum Reipublicæ perniciæ suis civibus laborarent. Esse porro hanc unam capitalem pestem, & detestabilem maximè in liberis civitatibus: quæ cum nimia privatorum potentia aleretur, provideri semper magnopere caverique deberet, ubi elati potentes homines cupiditate imperii, privatas suas opes Republica haberent ac suorum libertate potiores. At cum in principio rerum, homines quos natura pares dignitate finxisset, integra adhuc fruerentur libertate, atque in summa peccandi impunitate & licentia, ita imbecilliores potentium injuriis expositi essent, ut iis coercendis pares vires non afferrent: tum sensim civitates condi, & urgente indies metu vehementius mali omnibus impendentis, leges scribi & judicia magistratusque constitui cœpisse, quibus inviti etiam homines, cum minus sua sponte ad pacem atque ad otium inclinarent, parere cogerentur. Nunc converso quodam ordine rerum, unde urbium condendarum causa extitisset, inde evertendarum dissolvendarumque initium exortum videri. Ubi enim majestate legum soluta, pro hominum libidine judicia fierent, dicerentur de Republica sententiæ, fœdera inirentur, conciliarentur amicitiae, decernendis certis nominibus pecuniis, exauriretur Reipublicæ ærarium, in unius potestate & moderatione omnia verterentur, tanquam continuò esset actum de communi salute, abjiciendum civitatis nomen, & concedendum in solitudines & deserta loca esse. Privatis studiis quondam *Atheniensium* nobilissimam civitatem, cum magna gloria parto *Græciæ* principatu, florentissima diu ac potentissima viguisset, tum verò in qua una Imperii orbis terrarum domicilium & gloria per tot secula fuerit, *Romanam* Rempublicam concidisse. Nimium civibus indulgendo, tradendo extraordinaria imperia, studia fovendo, paucorum voluntatem & gratiam respiciendo, amitti in civitatibus libertatem: retineri eandem diversis studiis, æquabilitate juris, legum observantia, judiciorum severitate, concordia ordinum tuenda, summa denique vi imperii majestate à civium ambitione vindicanda. Quibus rebus omnibus cum in præsentia certorum hominum cupiditas atque audacia obsisteret, nisi illi de medio tollerentur, quò minus qui hæc perferre possent æquo animo, servitutis jugum subirent longè acerbissimum, haud sanè recusare posse. Quod tamen exortum tantum in Republica malum, ut procul à se averterent, si se viros esse ac natos in ea civitate meminissent, quæ gloria aliquando opibus, potentia in *Italia* florentissima habita esset: tandem sese colligerent, atque ultro hominum cupiditati, quamdiu illa intra eos fines consisteret, ut non vincere magis quàm vinci posset, obviam irent. Ita enim & privatas singulorum res, & Rempublicam universam tutam ab imminente exitio & ruina fore. In hanc sententiam cum hæc atque hujusmodi alia multa dicerentur, quanquam hæc jam opinio animis hominum infederat, ea studio partium adversus *Medices* jactari, quæ res elevare

A magnopere adversariorum auctoritatem videbatur: *Petrus* tandem experrectus, veritusque ne si ea pergeret dissimulare, res id quod nullo modo erat permittendum, in apertam seditionem crumperet, quæ agrè postea sedari posset: occurrendum primo quoque tempore inimicorum audaciæ hac oratione existimavit. Video adversarios, eo artificio in dicendo usos, ut difficilem planè mihi ad respondendum rationem reliquerint. Nam cum eorum esse sententia visa sit, ut civitatem à novo faciendo fœdere, ac stipendio decernendo averterent: re illi vera multitudinem seditiosis concionibus sollicitatam, in me unum ejus sententiæ autorem concitare, desertamque Rempublicam patrociniis bonorum, à quorum ego sensu, nunquam sanè patiar me abduci, in voluntariam servitutem abstrahere per summam injuriam, scelusque conantur. Atque quò ego minus ostenderem, ea è Republica esse quæ probare meis civibus laboro, satis callidè illi quidem, publica causa cum mea privata implicanda, ne scilicet ego in hanc recentem invidiæ flammam conjectus, de communi salute magis procuranda, quàm de meo periculo depellendo sollicitus essem, speraverunt moram mihi impedimentumque afferre. Fuit autem hoc eorum consilium, siue id vitio orationis acciderit, cui illi cupiditate atque amentia elati, minus moderari in dicendo potuerint, siue hominum contemptione, quos non jam sibi infidiis petendos sed vi aperta censent, minimè obscurum. Cum enim illi animadverterent, ex nova hac Reipublicæ conjunctione firmiorem illam à fraude intestina fore: omnino speraverunt, non solùm quia mihi esset de mea salute cogitandum, me ab illa tuenda deterrire: sed etiam si majorum institutum & consuetudinem sequutus, ulla in re de illa pergerem benè mereri omnia in deteriore partem interpretando odium mihi atque invidiam, qua ex re æquius esset benevolentiam me & charitatem meorum civium referre, crudelissimè iniquissimeque comparare. Nam illam partem orationis quæ tota fingendis criminibus constat, tum diluere refutareque aggrediar, cum ostendero quibus rationibus adductus, confirmandam cum *Sfortia* filio veterem amicitiam, ac decernendum eidem stipendium censuerim: quæ res illis criminandi ansam dedisse (id quod facilè fuit, semel jam sua sponte animis malè affectis) maximè visa est. Quod tamen antequam facio illud vos etiam atque etiam oratos obsecratosque velim, ut quò me minus attentè audiat de Republica differentem, haud plus apud vos criminationes & maledicta adversariorum, quàm veritas ipsa & causæ ratio possit: ita autem statuatis, nisi certo mihi constituto loco, ea omnia à me diluantur, nihil jam amplius causæ subesse, quin me esse eum putetis, quem videri maximè adversarii velint. Est autem hoc imperitorum hominum institutum, à quo quidem vos semper pro singulari vestra prudentia, abesse existimavi: ut quemadmodum de eo sentiant, qui verba facit, ita ea de quibus agat, sibi probari patiantur. Prudentes quidem homines, non solum quàm ille bonus prudensque habeatur, sed quàm vera etiam conducibiliave afferat, spectandum sibi judicandumque putant.

F Nam & sæpe ab optimo animo, cum aut prudentia aut rerum usus desideratur, parum sana consilia proficiscuntur, & vir improbus & nefarius, qui idem callidus tamen prudensque sit, posita ad tempus vetere persona, salutare consilium petenti dedit. Quæ quidem si isti vidissent, à ratione sibi potius esse ducendum principium, quàm à contumelia & maledicto statuissent. Nam quòd initio posuerunt, esse viam certissimam fallendi homines, quæ simulatione officii tanquam latebra,

bra, malam sententiam tegerent, patere autem illam maximè cum de Republica disceptaretur, qua quidem in re malè etiam sentiens civis ratione probabili quicquid sentiret tueri posset: non possum equidem satis mirari, callidos, ut sibi videntur, homines (ego esse illos magis improbos intelligo) ab hoc principio orationem instituere voluisse. Etenim cum de re agitur, qua de re probabiliter dici multa possunt: non dicentis artificio, sed ratione pugnandum ac vi argumentorum est. Valet hic mos in concionibus & in judiciis, cum quidem concitanda invidia, benevolentia concilianda, laudando, vituperando, permovendo, aut multitudo imperita, aut iudex fallitur: quod haud magnopere difficile est, cum ille non de sua sed de aliena re, non de publica sed de privata, atque adeò ubi parum religiosus sit, multum gratiae, parum causae tribuens, est sententiam laturus. Alia est in summo civitatis consilio dicendae sententiae ratio: cum sapientes homines, Reipublicae principes, dubiis praesertim illius temporibus, de bello & de pace consultant: qua in re de communi salute, & de privatis publicisque simul rebus agitur. Tum quidem parum adjuvamenti est in dicentis eloquentia: omnia à certa ratione sumenda, nullus orationis fucus, nullum artificium, apertè & dilucidè modo quicquid esse è suscepta causa visum sit explicandum. Cum autem alia omnia parè attingi: tum ornamenta maximè ac lumina orationis, quibus disertis hominis eloquentia elucet, negligi penitus vel contemni potius debent. Inter quos enim ambigitur de publicis rebus, eoque bono civi licet ab aliis dissentire, ut cum sit communis omnium consensus in communi salute procuranda, improbo homini & cujus sensus minus recti in Rempublicam sint, locus nullus relinquatur, dolo aut artificio orationis, quemquam in suam sententiam traducendi. Est hominum caeca cupiditas & ambitio, qua ubi praecipuus animus fertur, tum sese magis prodat, cum latere eam magis ac fugere hominum conspectum velis: nulla quidem ratione & modo ubi semel ea victus animus est, contineri amplius coërcere potest. Quid porro isti voluerunt? quid hic tantus orationis apparatus? quid haec in principio statim in nos concitata invidia? Nam si hoc nomine sunt homines plectendi, quod tutò quos velint, fallere atque abducere à rectis consiliis possint, ratione probabili malam sententiam tegendo: qui me illi magis quam rursus ego illos accusem? imò quid illos inquam? qui me illi magis quam ego principes civitatis cives optimos & clarissimos atque optimè de Republica sentientes? Doleo equidem eum me in locum adductum adversariorum injuria, ut aut mihi eorum criminatio sit agnoscenda, si tacitus ferre & dissimulanter eorum maledicta & calumnias pergam: aut mihi de me ipso, magna cum pudoris & modestiae meae offensione sit dicendum. Itane verò? vos scilicet eloquentes homines, sperastis huius vestri consilii rationem viris prudentissimis dicendi artificio probare, ego ut caetera omittam, aut majorum meorum in Rempublicam meritis, aut parentis mei recenti memoria, aut (si quid modò est de me dicendum) mea antea vita, minus meum erga meos cives probare animum sperabo? At ita equidem me à prima mea aetate comparavi, ut cum ad naturale bonum, patris disciplina accederet, viri optimi & sapientissimi: magis vobis laborandum sit, si quid in me comminisci statuis, quod nunc improbè magis quam astutè facitis: quam mihi si vestra in me maledicta & criminationes refutare intituam. Verum esto, optimo haec à vobis animo dicuntur, atque homines sapientes, quod Reipublicae semper tutissimum

A est, appositis in civitate custodibus, non quid debeant modò aut velint, potentes cives, etiam si eorum recta studia sint, sed quid possint etiam animadvertendum putatis. audio. Ac tamen minimè ignoro, quò vestra haec sedulitas tanta ac vigilantia spectat, facile patior tamen, ubi etiam minus Respublica postulat, diligentes vos & callidos homines importuna hac assiduitate & molesta, non malè de illa aliquando mereri. Video enim multò mitius malum esse, morosum & importunum custodem adesse ad fores qui aequè semper iracundus & tristis adveniendi hospiti occurrat, etiam si ille amicus ac probus vir sit, quam qui furem hilaris pariter excipiat, & moderatum hominem ac pudentem. Esto igitur. Fingite me quem paulo ante re magis quam nomine designastis, vestri simillimum hominem dominandi cupiditate provectum, libertati meorum civium insidiari, extraordinarios honores, potestates, imperia, parum honestis rationibus quærere: qua in re ego quamdiu in hac sententia sum, aut meis civibus damno, aut mihi majoribusque meis dedecori esse possum? Longius progredior minimè veritus ne iactandi potius quam defendendi mei causa, dici haec à me videantur. Non is meus sit in Rempublicam animus, quem meis civibus aveo probare: C nullos habeat Respublica nostrae fidei voluntatisque obsides, non à majoribus relictam nobilitatem, non famam hominum, nomen, existimationem, quid adversarii nostri habent, quod maledicti loco nobis in hac re objiciant? Cujus enim sententiae autor sum? ut ad arma eatur? ut Reipublicae nostrae fociis illatae injuriae propulsentur? ut grave ac diuturnum bellum eorum causa suscipiatur? Næ ego (ita me juvat praecclare de meis civibus sentire) magis sperem, si modò honestum Reipublicae bellum pro sociorum salute atque incolumitate defendenda futurum sit, hoc ipso suadendo bello, in magna etiam aerarii difficultate, pietatis laudem me, quam infamiae notam ullam referre. Verum cujus ego rei suavor hoc tempore in invidiam vocor? an non id quidem quod Reipublicae nostrae salutare maximè? quod honestissimum? quod speciosissimum ad hominum famam? quod & in praesentia hostibus nostris & in posterum perpetuò formidabile sit, esse agendum, tanta nunc oblata occasione, censeo? Ergo autor sum ut cum *Galeatio Maria Sfortia* Principe Reipublicae nostrae conjunctissimo, cujus maxima autoritas, gratia, potentia in *Italia* habetur, oblata ultrò nobis amicitia instituat, vetera foedera, quae cum *Sfortia* patre inita erant, confirmentur, stipendium decernatur, unde validissimus equitatus peditatusque firmissimus, qui nobis si quando id Respublica postulat auxilio sit omni nostro tempore, alatur. An verò haec nobis amicitia est modo speciosa futura, parum eadem necessaria videri potest? Quid si doceo ita nobis necessariam esse, ut sine ea aegrè sperandum sit, diutius in hoc statu Rempublicam posse consistere? Quid enim futurum est si ita ille contemptus à nobis, aliò continuo se atque adeò quò minus ipsi velimus convertat? cum Reipublicae nostrae hostibus foedus ineat? arma jungat? communi animo nobis inferat bellum? Imminet *Insubrum* Regno gravis per se nobis semper *Venetis* futurus hostis, & quidem ita imminet, ut tanto principatu viribus auctis, universae *Italiae*, cujus nobilissimam partem maximeque opulentam obtinet, imperium planè sibi spondere videatur. Sive autem nostra societate destitutum *Galeatium* apertus hostis aggrediatur: sive amicitiae simulatione deceptum circumveniat, cui jam dubium esse potest, juvenem atque adhuc in regni possessione haerentem parum rerum usu confirmatum, parum callidum

ad detegenda hostium consilia, brevi illis prædæ futurum? Quæ si accidunt, quod minimè libet tamen in præsentia ominari, facite vobis in mentem veniat, rerum omnium in *Italia Venetum* arbitrum constitutum, quemadmodum videatur, belli & pacis jura describere, ex civitatibus alias suis legibus uti, stipendium pendere alias jubere, omnia denique pro summa potestate Imperii, definire, præscribere, moderari. Ecquis vestrum est, qui tantum Reipublicæ futurum hostem, tantis opibus nitentem, jam pridem spe & cupiditate devorantem *Italiae* imperium, non avertendum omni ratione ab ejus societate censeat, qui nobis amicus certam salutem, hostis parem perniciem, maximarum virium accessione atque incremento, universæ *Italiae* hostibus nostris afferat principatum? Sunt hæc quidem in conjectura posita, fateor hoc quidem. Sed ut minus ea multitudini imperitæ explorata & perspecta esse videntur: ita vobis quibus pro vestra singulari virtute atque sapientia amplissimum Reipublicæ magistratum civitas mandavit, sunt multo antè, quàm eveniant providenda. Quid autem, vos obsecro, est, quod cunctemur? Postulat à nobis Princeps potentissimus magnæ autoritatis & nominis apud omnes *Italiae* populos, ut initam olim cum patre societatem, novo fœdere firmemus. An verò cuiquam obscurum est, quid nobis cum de re tanta agatur statuere conveniat? Res agitur in summo Reipublicæ consilio, magna populi expectatione qui vestræ fidei se potestatique permittit. An non inquam quemadmodum qui se navigationi dant, antequàm è portu solvant impendentem tempestatem ex præsentis cœli statu sibi explorandam putant: cum alii omnes, tum vos in primis quibus regendæ civitatis gubernacula tradita sunt, quæ Reipublicæ tempestas immineat ex eo quod vobis agendum duxeritis, antequam quid de re tanta decernatur, providendo, tum esse vobis dicendam sententiam, tum de tota re deliberandum, quicquid esse potissimum è Republica visum fuerit, statueris? Quis autem hoc quæso, ignorare potest, rejectis à nobis *Sfortiæ* postulatis, atque amicitia contempta, iniquissimo hoc ipsum animo laturum, exarsurum iracundia, primo quoque tempore de hac tanta vindicanda injuria cogitaturum? Nam ut maximè dissolutus ille & perditus sit atque hanc tantam sibi factam injuriam ferre æquo animo possit: magis hinc etiam nobis verendum esse affirmo. Qui enim ita molli ac languido animo est, ab æqualibus eludi & contemni, à præstantioribus perdi etiam impunè potest: & qui est palàm injuriis ferendis aptus, is ab occultis insidiis est parum tutus. Sive igitur minus idem est tantam injuriam neglecturus, vir fortis videtur & magno animo, nobis amicus retinendus, sive idem est laturus æquo animo, magnopere nobis providendum est, ne timidum nimis, & quod isti confirmant, desidem & inertem, parum certè constantem in suo jure tuendo hominem, prædæ esse hostibus sinamus. At vos cavere oportet, ne amicitia novæ quærantur, unde privatorum potentia & gravis nimis & formidolosa Reipublicæ alatur. Imò caveas tu quidem, observes, appositos custodes habeas, Reipublicæ amantes cives, ex ingenii tui improbitate singas, certis excogitatis calumniis, criminis, dum id civitati ne obsit, maledictis, probris, contumeliis impunè in quovis insultes: privatæ similitudines in curia ponantur, ne quando impedimento sint quò rectè minus Respublica administretur, ubi velis potius quàm in summo civitatis consilio, atque adèd cum de re tanta agitur exercentur. Quid non autem in nos isti egerunt? (Jam enim locus videtur postulare, ut huic parti eorum orationis respon-

A deam) quid non excogitarunt? quàm illa invidiosè apud multitudinem jactata? quàm populariter ab his, quàm seditiosè? tolli juris æquabilitatem in civitate, potentibus aditum quæri ad summos honores, humilioribus præcludi, contemni patrios mores, affinitates & conjunctiones cum externis iniri, principum amicitias comparari, divina omnia atque humana jura permisceri. Ac me minimè fugit, cum suppressio nomine, hæc ab illis in certos homines dicantur, esse hoc eorum consilium: ut sive illa tacitus feram, graviore apud populum invidia sim: sive refutare eadem aggrediar, tum verò id quod necesse est, me ipse prodam, ac mea sponte me reum faciam: quippe qui neque ab istis appellatus sim nominatim, & defendendo ea quæ palàm mihi non objiciuntur, hanc in me esse comparatam accusationem ostendam: ut jam novo more & ante hunc diem inusitato, cum neque dies mihi dicta sit, de capite causam dicere, & in quem nullus est certus accusator constitutus, defendere tamen me ipse iniquissimo Reipublicæ tempore, & verò meo etiam cogar. Namque haud sum equidem ita meæ constantia oblitus, ut quid illi dicant potius, quàm qui ego sim, ubi causa mihi sit apud æquos judices dicenda, spectari à me putem oportere. Sed quoniam innocentia quibuscumque quasi finibus, animi conscientia inclusa latet: calumniæ & maledicti vis, ubi est semel emissum, serpit indies latius, ac sæpè quò minus etiam velis, pervagatur: paucis quidem, atque ut habita à me dignitatis meæ ratio videatur non temporis solum, rem hanc totam agam. Ac quoniam queruntur, sublatam esse in civitate juris æquabilitatem, & quod est minimè ferendum, adversus leges & judicia, paucorum hominum, hoc est, ut ipsi existimari volunt, *Medicum* opes & potentiam pugnare: ut nunc silentio præteream, quoniam id omnibus satis exploratum est, parentem meum ita vixisse, ut cum prudentia, consilio, rerum usu inter paucos, omnium judicio excelleret, auctoritate tamen inter multos judicio non præstaret suo: me quidem ita in illius institutis mansisse, grandem jam natu, ut cum omnium in me oculi propter illius excellentem virtutem essent coniecti, neque in privata vita moderati hominis, neque in Reipublicæ administratione, boni civis sit à me unquam officium desideratum: quid magis argumento esse potest, vigere in Republica libertatem, ac leges & judicia dominari, quàm licere cuivis, non suum modò jus persequi, sed etiam quoscunque velit, atque hos ipsos adèd potentes cives accusare, lacerare probris, maledictis insectari, de Republica quam velit sententiam tueri, quam velit oppugnare? Est hoc quidem magnum ejus rei argumentum: sed si quid potest tamen rursus indicio esse, legum vi & majestate soluta, paucis multitudinem servire pretio emptam, quis vobis hoc præclarius ostendet? An verò si vos esse judicia ulla in civitate arbitraremini: hanc tantam præ vobis licentiam adversus omnium dignitatem atque existimationem quæ in mentem venirent dicendi, ferretis? Quid enim? ubi malè de Republica sentientem civem deprehenditis: an non illi diem continuò dicere, judicio persequi, proprio periculo capitis & fortunarum suscipere inimicitias cum potentibus civibus, Rempublicam intestinis malis liberare vestra vos virtute, consilio, assiduitate oportet? At quò majorem etiam in nos invidiam concitatis, metu vos prohiberi dicitis, quò liberè minus has partes Reipublicæ præstetis. Siquidem pudentes homines & timidi, accedere in judicium adversus tantas opes veremini. Quid autem verisimilius est, quàm qui adèd petulanter, nullis non modò lacerati in-

juriis, sed multis provocati beneficiis, hæc in nos dicunt, eos in judicium nos vocare non audent. At videte, quo ego vos mea oratione adducam. Aut ea vera sunt, quæ mihi à vobis obijciuntur, aut quod ego contendo & res ipsa loquitur, domo eadem attulistis adversus meam salutem & dignitatem excogitata. Utro autem modo vobis esse respondendum statuatis, cujusmodi de vobis sit hominum judicium futurum, minimè vos arbitror ignorare. Nisi enim hæc ipsi confinxistis, quid illa pergitis dissimulare? quin nominis delationem postulatis? quin denuntiatis judicium? causæ dictionem? quid cum hominem in quem usi estis linguæ intemperantia accusare apud populum cunctamini? Reliquum est, ut ficta hæc & commentitia sint à vobis adversus meam salutem quæsitæ: & quoniam in scelere admittendo, nemo ingratum improbus esse vult, sint à vobis adversus meam salutem aliqua de causa quæsitæ, necesse est. Quæ quidem causa qualis debeat videri, minus ostendere laboro: quando est jam satis provisum, ut maximè turpis flagitiosaque vos ad hoc agendum impulerit, ne quid à vobis Reipublicæ possit noceri. At etiam, si diis placet, mihi vitio vertunt, quod ex nobilitate externa liberis nuptias quæserim: perinde ac si hoc confiterit, continuò mihi sit de majestate causa dicenda. Cujusmodi porro est hoc crimen? tuorum, inquit, nobilitatem contemnitis. Quasi verò hoc constet: cum delectu in civitate habito, una mihi modò sit deligenda quæ filio nubat: aliis quidem, quoniam æquè ex claris familiis existant, à me præteritis fieri injuriam. Imò neglecta à me nulla, una delecta, quam magis tamen meis rationibus conducere existimarem: ut si mihi nullius cum injuria prospiciam, locus quærelæ nemini jam ullus supersit. At privatis rationibus salutem Reipublicæ oportet haberi antiquiorem, neque solum quid cuique expediat, sed quàm id tutum sit atque honestum Reipublicæ futurum, spectari æquum est. Quasi verò, id quod ego fore honestum nostræ familiæ existimavi, ut ex *Romana* nobilitate uxorem filio desponderem, perniciosum isti civitati aliquando futurum ostendant. Quo quid absurdius ab ullo dici, aut excogitari potest? An verò est quicquam, quod aut stabiliendis civitatis opibus, aut propagandis imperii finibus, aut hostibus in metu continendis, aptum magis accommodatumve sit? Quis enim non videt, per privatorum affinitates, inter nobilissimos populos, quæ magno præsidio iis postea fuerint, societatis atque amicitiae jura iniri? commercium institui? maximas vitæ commoditates communicari? *Siphax* potentissimus olim Rex *Carthaginiensi* civi affinitate junctus, non solum à *Romanorum* civitate descivit, sed pro *Carthaginiensium* victoria ad exitium usque victus & profligatus pugnavit. Nam & *Campani* (ut appareat privatorum necessitudines nemini esse impedimento, quo minus debitum patriæ munus pietatis persolvat) quanquam è suis multas *Romæ* in matrimonium collocassent, & æquè iidem multas *Roma* duxissent: cum spes illis ostentata esset, *Italiæ* imperio potiundi, à *Romanis* arctissimæ illis affinitatis societatisque fœdere & publicè & privatim junctis, ad eorum infestissimos hostes barbaros homines & immanes, magna quidem perfidiæ infamia defecerunt. Non quid fiat modò, sed quo quid animo fiat spectandum est. Nam & improbus civis qui ex infima plebe, cum nobilis ipse sit, uxorem ducat, malis artibus auram popularem captando, & struere insidias in suos, & moliri exitium patriæ potest: & is cui ex illustri loco clara ac nobilis foemina nupsit, cum de ejus animo dubitandum non est, ejus potest conjunctio & honesta civitati & utilis aliquando esse. Verum quando à me nimis jam multa in eam sententiam

A sunt dicta, & major pars meæ defensionis, in causa magis quàm vobis jam probatam esse in primis spero, quàm in ulla vi orationis est posita: redeo jam ad id quò me Reipublicæ cura fidesque mea vocat. Ego & amicitiam cum *Sfortia* ineundam, quæ honori civitati præsertim & commodo sit, & quotannis pecuniam certam, ut patri consuevimus, eidem decernendam, quò sit nobis præsidio, si quando id Reipublicæ tempora postulabunt, magno pere censeo. Vos quæ agitis ea uti è Republica atque omnium privata re sit, Deum immortalem, cujus semper præsidio hæc Respublica stetit, etiam atque etiam rogo. Hæc oratio, ut facilè viris bonis qui otii & concordiae gratia, aliquid esse dandum tempori censebant, *Petri* causam probavit: ita præoccupatis criminationibus adversariorum animis, multitudinem concitatum neque sedare in præsentia potuit, neque in posterum reprimere aut coercere. Recens enim offensionum memoria inveteratas jam illas refricabat, & quæ tanquam cicatricem obdlexerant, quas ut viderentur magis homines velle quàm posse oblivisci, Reipublicæ status ac temporum ratio effecerat. Illa igitur passim ferebantur, malo quodam Reipublicæ fato, unam in civitate familiam extitisse, quæ & secundis suis rebus perniciem suis civibus, id quod nimis quàm civitati expediret, fuerit diuturnum, & adversis, quo bono brevi frui licuerit, salutem portenderet. Itaque tanquam fœdi cujusdam omnis atque inauspicati debere homines *Medicum* nomen odisse, in quo quidem uno cum omnia ad eorum felicitatem vigeant, eadem & in præsentia exitio Reipublicæ sint, & exitio videantur in posterum futura. Foris externis bellis, domi intestinis discordiis, ærarii angustiis ac rei frumentariæ locupletatos, unius exilio (ut neque his fortuna obesse adversa potuerit) multitudinis odio defunctos, reditu, gratia opibusque auctos: unam Rempublicam convulsam & gradu dejectam, præcipientem agi etiam per eorum adversa studia potuisse. Et beneficio pariter, si obducenda modò largitio specioso nomine sit, & maleficio semper suos lassisse. Nam hoc quidem nobilissima sui parte per insignem calamitatem suorum Rempublicam spoliata, illo in turpissimam servitutem cives abductos: quod beneficium minimè tamen tueri diu potuerint: tanquam libertas pro fœnore, pro sorte pecunia solvenda esset, quod pretium addictæ libertatis unius imperio fuisset, eo avarissimè acerbissimeque exacto. Connitendum in hoc unum atque incumbendum omnibus viribus, ut nunquam faustum civitati, infestum semper atque infelix nomen è civitate tollatur. Neque *Medices* salva Republica neque hanc ipsam illis incolumibus, diu salvam ac liberam esse posse. Erat *Petrus Medices* cum hæc à multis audiret, in magno metu & dignitatem simul & salutem amittendi. Nam quod illum magis etiam sollicitum habebat, cum quid sibi esset timendum non ignoraret, à quibus id sibi esset timendum, tum quæ vires inimicorum, quæ manus, quæ foris auxilia iis præsto essent, ut haud satis sibi in eo posset cavere, minus videbat. Ne tamen imparatus opprimeretur, cum de eo minimè dubitaret, non vim atque arma adversus se comparari, per sui homines studiosos, cum ad pietatis frequentes quotidie deliberandi causa coirent, omni ratione illis & consilio occurrebat. Quæ omnia cum ab eo ita administrarentur, ut quò iis spectaret, nemini jam obscurum esset: adversarii, qui satis intelligerent, ubi diutius pergerent tecta sua consilia habere, futurum, ut aut minus civitati posse suam causam probare, in qua minimè esset multorum conscientia pertimescenda: aut nimis inimicorum vim atque audaciam, quæ res eorum animos auget, ve-

rerī viderentur: rem agere palam ac vindices atque oppressores omnium se profiteri, qui consilia adversus Rempublicam iniissent, tum in certa urbis loca luce, inspectantibus omnibus, convenire frequentes coeperunt. Nam illud etiam remissius rem agentibus esse verendum videbatur, ne superior *Petrus Medices*, quem nulla jam spes erat incautum peti atque opprimi posse, jam facta commutatione voluntatum, quod in *Cosmo* patre meminissent, inter volentes jam, certè quid sentirent, dissimulantes regnaret. Eam enim esse ferè hominum consuetudinem, ut in omnibus contentionibus, civilibus in primis, magis eventu, quam certa ratione, id quod æquius esset dissidentium causam probarent. Ita conjurati magna suorum caterva in foro ac frequentibus urbis locis in *Medices* concionando, tum adhortando, obtestandoque homines, ut se tandem colligerent, ac civitatis fortunam simul & suam respicerent, ab iis alienare ac traducere in suas partes conabantur. Jam ne qua spes alia superesset ulla conditione tolerabiles res ad concordiam perducendi, non solum fidem & iuramentum, sed syngrapham etiam ab iis exigebant, qui adversus *Medices* conspirarent: ita fore existimantes, ut cum initi consilii index syngrapha extaret, si cui pluris sua salus quam religio esset, per hanc rationem spe omni adempta, majore animo rem & constantia cum cæteris aggrederentur. Ergo cum magnus esset omnium consensus, *Medicum* opes in civitate tollendi: de ratione autem rei agendæ minus constaret, aliis arma, mitiora aliis consilia exquirentibus, qui multorum cædem, populationes & incendia, quæ sequi apertam vim necessariò oporteret, execrarentur: dies dicitur, quo die principes eodem convenirent, ac de re tota quid agi placeret, de omnium sententia, maturius certiusque constituerent. Ante omnia præcidendam moram omnem res gerentibus existimant: qua interposita, confirmari animi inimicorum possent ac vires sumere ad obstandum. Ita cum ad diem frequentes affuissent, ac variæ ferè omnium sententiæ distrahere animos in contrarias partes viderentur: quid singuli in deliberando sequerentur, sive agendum vi, sive consilio censerent, placuit diligentius exquiri. Cum ordine hi sententias rogarentur, animadversum est, duas omnino esse: sed ita quidem ut in eam, quæ ad arma spectaret, frequentiores pedibus irent. Nam hi quorum erat lenior sententia ita censebant. Ubi qui in præsentia summam potestatem gererent, magistratu abiissent, omni ratione obstandum, ne novus alius magistratus in eorum locum surrogaretur. Ad hunc modum sublata in Republica summi imperii infinita illa potestate, cui unus *Petrus Medices*, hoc illi à patre tanquam hæreditario munere relicto, moderaretur, ac populo libertate restituta: fore ut illius potentia, quæ sua etiam sponte labaret, brevi (quod accidere necesse erat) fracta debilitataque concideret. Neminem autem posse dubitare, cum illius existimatio & fides, publica auctoritate niteretur, dempta illi Reipublicæ procuratore, non fidem illum statim atque adeò insigni familiaria ruina apud omnes *Europæ* populos amissurum. Ita cum civitatis studiis eo destituto, nihil quod ab illo timeret Respublica haberet: civili more atque instituto, id quod viris bonis semper deberet curæ esse, securitati ac libertati civium per summum otium consultum iri. Nam qui suadeant, ut res armis geratur, cum longè illos falli in præsentia: tum multò etiam magis in posterum, quam non rectè sentiant intellecturos. Nihil esse multitudine, ubi illa dominatur, levius aut inconstantius: ut sæpè quem ex altissimo gradu dignitatis detraxerit, paulopost eundem (ex commuta-

A tione fortunæ ejus casum miserata) sublevandum ac jam ira in benevolentiam & studium conversa, erigendum etiam suscipiat. Unam enim esse, quæ & in perdendo homines & in conservando, fortunæ temeritatem consulat: virtutis, probitatis, pudoris commendationem, quam non novit, raro sequatur. Itaque, ut in secundis rebus invidiæ atque odii causam, ita in adversis favoris & studii naçtam, nullo discrimine sive secunda fortuna indigno, sive adversa non merenti accadat, & misereri abjecti eandem & erectum odisse. Quid porro si ubi deserbuerit iracundia, subeat animos haud penitus oblitterata largitionum memoria, quibus *Cosmus* magna sæpe annonæ caritate, cum in alios, tum in egentes atque audaces homines quorum superfit haud contemnendus numerus, effusus, multitudinem sibi tamen in primis devinxerit? Quid si quasi tum novis exorientibus ventis, retroacti fluctus, eos ipsos, quos nunc autores suæ libertatis populus agnoscit, tanquam in saxa & scopulos in multitudinis magnam offensionem atque odium impellant? Esse porro hoc imperitorum institutum, id quod longo usu observatorum sit, ut agrè libertatem, si illa immoderatè utantur, possint perferre: servituti, quæ proposita venalis spem quæstus afferat, sint multò iidem accommodatiores. Itaque semper multitudinem malle à domino ali-
C quam regnare egentem: ubi vindicata in libertatem servitutis præmio frustretur, redire ad ingenium ac libertati inutili servitutem quæstuosam anteferre. Hujus rei magnum documentum, populum *Romanum* dedisse, sæpè illum largitionibus sollicitatum, ac seditiosis civibus, muneribus devinctum, illis prædæ fuisse. Sic duos *Spurium Cassium* & *Melium*, illum primum *Romæ* autorem agrariæ legis ferendæ, hunc malis artibus Regiam potestatem quærentem, tum *Manlium*, liberatæ patriæ titulo clarum hominem, duos *Gracchos* fratres sublato è medio, quanquam affectatæ tyrannidis, majestatisque convictos, desiderasse: eundem postremò positum orbis terrarum imperio, cum à *Cæsare* passus esset sibi servitutis jugum imponi, in illius interfectores de se optimè meritos homines, si voluntas magis in agendo & studium quam rerum exitus spectandum est, crudelissime sævisse. Nam & illud iis, quibus placeat rem armis agi, providendum esse: cum omnis gerendæ rei occasio in eo posita videretur, si imparatum *Petrum* ab armis adorirentur: ne detectis consiliis, quæ quidem res, ubi vis aperta paratur, accadat necesse est, suæ partis homines armandos, atque externos milites in urbem inducendos, per otium curet. Atque illum
E sanè tantò minore cum invidia tum id facturum, quantò esse putantur arma justiora, quæ propul-
F sandæ injuriæ quam quæ inferendæ causa, in civili præsertim dissensione comparantur. Itaque eam quæ in præsentia mitior sententia videatur, cum citius illi exitium maturare, tum extorquere invito arma de manibus: cum ille quidem non la- cessitus magis, adversariis quiescentibus, quam paratus ad vim inferendam videri possit. Ergo quod optimum consilium, ac tutissimum idem sit, opprimi incautum, atque omnem occasionem, quæ multitudinis etiam suffragiis necessaria illi afferat arma, tolli placere: ut cum præsidio armorum sine populi magna offensione tectus minimè esse possit, aliud quod sequatur consilium, nullum reliquum habeat. Erat aliorum sententia longe diversa: quippè quibus omnis spes *Medices* opprimendi, in celeritate quidem, id quod nemo non videret, sed multò tamen magis in aperta vi posita erat. De-
flagrare populi iras: deliniri animos, ac facile quo vis muneribus & largitionibus abduci. Audiri jam per certos homines harum rerum sequestres, & popularis auræ tractandæ artifices longè optimos
Pr.

Petrus de amicorum sententia, tentare multitudinem largitione statuisse: quam quidem iis statim esse armandam, qui liberare Rempublicam per praesentem rerum occasionem velint: ne dum producta longius die, hominum studia languescant, ac populus de pristino studio aliquid ac voluntate remittat, omnes simul fiant ad cætera quæ videntur agenda, segniores. Tum enim futurum, ut proposita ab adversariis spe veniæ, atque impunitatis, & resipiscant primum & sese colligant, mox autem victi muneribus, quando ea via adversarii insistant, se à suscepta sententia abduci, & postremo transfugæ ex hostibus facti, ad capienda adversus illos arma à quorum causa steterit, averti etiam animo æquiore patiantur. Sic brevi futurum, ut ad unius voluntatem Republica constituta, qui populares modò & studiosi libertatis visi sint: iidem objecti populo irato, & apud inimicum victorem locum gratiæ quærenti: per summam indignitatem everfi patriis bonis, aut in exilium ejiciantur, aut id quod viris fortibus detestandum animo abominandumque sit, foedissima ac teterima morte mulcentur. Nam de eo quidem nemini ambigendum esse: si parum modò spatii adversariis detur ad se colligendos, atque ad redimendos muneribus multitudinis animos, quod qui sunt alterius sententiæ autores non inficientur, fore, ut ex his qui sint novum magistratum inituri, pariter adversarii nolentes & invitæ, & qui eorum sint studiosi, ruina etiam voluntaria (ad eò quosdam pertinaces sui defensores illos habere) eos in Reipublicæ dominatione confirment: quod si accadat, futurum, ut bonorum conatus omnes & studia, qui in facti pulcherrimi expectationem erecti sibi omnia de Republica meliora spondeant, irrita atque infecta cadant. Quæ cum ita se habeant, videri beneficio temporis utendum esse, & consilium, non quod in præsentia honestissimum, sed quod in posterum tutissimum expeditissimumque esse animadvertant, præferendum. Placere igitur, quamdiu is ardor animorum sit, antequàm aut languescat tempore, aut restringatur beneficio, rem agi, & suspensa civitate novi magistratus expectatione, sive ille adversariorum, sive suarum partium sit futurus, ab armis præsidium quæri, multitudinem ex agris evocari, in urbe æquè & foris, manus externorum militum cogi, tum *Borsium Ferrariensem* Ducem, qui *Herculem* fratrem copiarum Reipublicæ imperatorem propius ad urbem cum exercitu mittat, sollicitari: his præsidii, ut suo jure magistratus in privatos cives utatur, ac de consilii sententia cujus summa potestas in civitate sit, Rempublicam administret, magno illam beneficio suis liberatoribus devinctam, operam dari. Cum multa ultrò citroque dicta variè animos moverent: vicit tamen eorum sententia, qui neutra in præsentia probata, rem ad novum usque magistratum rejicerent: interea tamen censerent arma, milites auxilia comparanda, quæ si res posceret (differri enim id ad extremum placebat) tuendæ Reipublicæ ac adversariis pellendis præsidio essent. Hinc certam diem præfiniunt, quam ad diem præsto omnes adessent, singulis ordine certis partibus distributis, quas statò tempore & loco intelligerent sibi esse obcundas. His rebus ita administratis, idoneos homines ad *Ferrariensem* cum mandatis mittunt, tum ad militem conducendum alios, quorum fidem habebant & diligentiam perspectam: munera alia cæteri impigrè exequuntur, magnam simul omnes spem concipiunt, quam ingens animorum alacritas confirmabat, rem ex sententia ubi inceptis fortuna adsit successuram. *Petrus* interea, cum magis quid adversarii molirentur, quam qua id ratione agere

A constituissent, compertum haberet: haud satis in multorum conscientia diuturna ac tuta fide, de omnibus quæ ab his acta constitutaque erant cognoscit. Erat in numero conjuratorum *Nicolaus Fedinus* ex scribarum ordine: cui negotium datum erat, ea quæ à principibus conjurationis agebantur, perscribendi. Is sive sua sponte, id quod magis verisimile, ingenii levitas ostendit atque inconstantia, ad uberius quæstus spem animum adjecisset: sive à *Petri* amicis sollicitatus magnitudine præmii esset: accepta fide, fraudi nunquam futurum, quod cum *Medicum* adversariis societatem coisset: omnia illi conjuratorum consilia aperuit: editis singillatim eorum nominibus, qui adversus illum syngrapha etiam fide obstricta, conjurassent. Ad hunc modum re patefacta: commotus *Petrus* periculi magnitudine, cum sua opinione & conjuratorum majorem numerum, & eos ipsos majoris aliquantò existimationis atque autoritatis esse in civitate intelligeret: non ignarus ubi diutius cunctaretur, fore ut adversarii alacritate & studio usi imparatum opprimerent, rem primo quoque tempore referre ad amicos per eundem indicem, atque accuratius deliberare de re tota studiosiusque constituit. Ex eorum sententia, cum & ipse non ignoraret in iis qui participes conjurationis essent, dubiam esse nonnullorum fidem: inconstantia & levitate multos, cupiditate ferè omnes & ambitione laborare, quæ nunquam in pari contentione dignitatis, sine gravi æmulatione esse potest: permultos quidem pecunia tentavit, ac facile è superiore sententia abductos, quanquam eisdem fidem suam obstrinxisset adversariis non dubitabat, conjuratorum in eo diligentiam imitatus, & chirographi cautione & religione jurisiurandi, quæ res aut mutati animi, aut simulati indicium haberet, sibi caveri curavit: id ipsum suarum partium hominibus, quò facilius in officio continerentur, facere coactis. Illud autem in primis visum est dignum admiratione, & quod *Petri* animum, qui satis per se ipse sollicitus, diligentissimè suorum consilia omnia, ne quid illis integri ad inconstantiam consilii que commutationem relinqueret, perpetuò exploraret, aliquantò angeret vehementius: inter eos quos *Fedinus* index nominasset, quosdam inventos, qui cum in *Medicum* partibus, magnis suis beneficiis conciliati, haberentur, à conjuratis fide jurejurando obstricta, adversus semel probatam susceptamque causam starent. Itaque hinc confirmandis dubiis, hinc qui defecissent castigandis atque à novis consiliis avertendis, tum armatis in primis evocandis, quorum præsidio, ubi adversariis vim experiri placeret, haud illis inferior esset, quousque res ad novum magistratum perducta quid consilii capiendum videretur, doceret, tempus omne (utrimque quasi consultò quiescentibus) consumpsit. *Ticinensis* præter cæteram *Petri* diligentiam illud etiam addit, missum ab eo ad *Galeatium Sfortiam Nicodemum Tranchedinum* qui ejus legatus *Florentiæ* agebat, virum magna opinione virtutis, ac maximarum rerum usu *Petro* probatum, eo consilio ut cum eo ageret de auxiliis *Florentiam* mittendis. Quod hominis consilium cum conjurati cognovissent, tum ab iis primum *Luca Pitio* autore, de *Ferrariensi* conducendo esse actum: cum is affirmaret, *Borsium* Principem in primis à *Medicum* causa alienum, minimè implorantibus illius auxilium esse defuturum. Ita fore, ut si quid ab *Insu-
bribus* moveretur, quod eorum incepta retardaret, haud deesset certa ratio, tantò incommodo in tempore occurrendi.

NICOLAUS *Soderinus* unus ex principibus conjurationis, cujus magna auctoritas atque existimatio habebatur, cum ei forte summus magistratus obvenisset, *Petri Medicis* gravi metu, qui non ignoraret, quantum suis rebus discriminis ab illius magistratu immineret, totius civitatis ingenti plausu atque approbatione Reipublicæ præficeretur. Quamquam, ut alibi diximus, erat is suo ingenio popularis & magnam apud omnes ordines gratiam, justitiæ atque æquitatis opinione consecutus: eundem tamen inimici non magis libertatis studio, id quod præ se ferre videbatur, quam ferocia atque impetu animi elatum, quoniam suo ingenio partibus *Medicum* esset, infestus, suscepisse populi causam adversus illos tuendam, quod inter emptos beneficio pessimo exemplo privatus regnaret, calumniabantur. Longè erat de eo diversum multorum judicium, verè popularem hominem, & communis libertatis defensores propugnatoresque acerrimum, in summo imperio positum secundis bonorum studiis agnoscentium, qui Rempublicam tot malis circumventam sua gravitate constantiaque liberaret. Itaque cum frequenti multitudine amicorum & clientium circumfusa, domum reduceretur: tanquam futuro pacis & concordiae auctori, illi corona oleagina imposita, lætis omnibus atque acclamationibus, cum conjugibus & liberis, quacunque incederet, domo effusi, quod Reipublicæ felix faustumque esset, cum honorem non illi magis quam civitati universæ gratulabantur. In hac tanta hominum expectatione, cum magistratum *Nicolaus* iniisset: *Thomas* frater, vir æquè moderatus & gravis, cum quidem conjuratorum virtuti & constantiæ, ut videtur, diffusus, spem publicæ salutis in dubio atque incerto eventu rerum minus collocandam putaret, ac propterea non obscure *Medicum* causæ faveret, ferox fratris ingenium (ut facilè semper violentia atque iracundia, cum rarò consilium admittat, dolo atque arte reprimi & compesci potest) tempore ac mora eludere frustrarique instituit. Ita illum fallacia ac dolo aggressus, diu monendo adhortandoque pervicit, ut quoniam omnes jam pridem sibi persuasissent, hanc unam in illius animo curam insidere, adversus privatorum potentiam, populi libertatem defendendi, cujus rei causa & antea suorum civium suffragiis, & nunc, quæ civitatis prærogativam comprobasset, fortis beneficio, summum esset magistratum Reipublicæ adeptus: nova comitia aliorum magistratuum creandorum indiceret, quibus operam daret, ut eorum maximè ratio haberetur, qui in causa bonorum constantiores futuri, ac magis cæteris idonei tuendæ libertati viderentur: quæ & viros fortes postulare & quod caput est, non domesticarum injuriarum memores, sed communis salutis defensores ac propugnatores, cujusmodi se esse nonnulli verbo magis quam re profiterentur. Ita fore, ut cum eos magistratus Respublica haberet, qui vacuo animo odio & cupiditate, auctoritate publica, non ad privatas injurias persequendas, sed ad tollenda civium dissidia judiciaque constituenda uterentur, nullo negotio, & quod magnopere illi curæ esse deberet summam potestatem in civitate obtinenti, per summam omnium concordiam Rempublicam à gravissimis malis, quæ undique illi impenderent, sua virtute & consilio, magnæque adeo laude & gloria parta, vindicaret. Atque in hoc consilio illud commodi inesse, ut si eventu frustraretur, nulla id cum ejus invidia accideret, quod maximè illius rationibus conducere

A videatur (audacibus enim inceptis tristem rerum exitum obesse: cum ignoratur quæ nos causa moverit in agendo, dubia semper ferè hominibus interpretantibus in eam partem quæ deterior est) siue cum eo vincat bonorum consensus, magnam illius pietatem in patriam atque insigne studium, voluntatemque mirificam visum iri: qui fructus debeat haberi eorum quæ agimus uberimus, si fama nobis modò nomen, existimatio, omnium maximè in vita expetenda sit. Hæc ob eam causam *Nicolaus* à fratre suggerebantur, homine prudentissimo: ut cum tantis rebus agendis, longam interponi moram non ignoraret, rem du-
B cendo trahendoque ad novos magistratus perduceret, quo tempore *Nicolaus* cum privatus esset futurus, omnis spes præcidebatur, quicquam pro partium studio ac suorum expectatione quæ magna erat, adversus *Petri* salutem agendi. Quæ quanquam conjurati quo consilio agerentur non ignorabant, nihil eorum quæ frater secum egisset *Soderino*, ut erat apertus, dissimulante, satis autem iidem intelligebant, ad id quod agere instituisent, impedimenti plurimum & moræ, hominis cunctationem hæsitacionemque afferre: facile tamen ferebant (si modò verisimile est id quod *Machiavellius* affirmat) cum haud majore illi cum
C inimicis odio quam inter se ambitione certarent, quod ei tantæ gerendæ rei occasio è manibus erepta, per alios conficeretur, illum ab adversariis eludi. Non possum autem in eo non hominis fidem desiderare. Tanquam enim, cum eadem omnium causa atque communi omnium consilio ageretur, gerentem magistratum gloria major, quam privatum maneret, nec virtus & magnitudo animi in conficienda re, sed honoris nomen atque insignia spectari oporteret, ita affirmat, homines qui consilii & prudentiæ opinione cum primis præstarent (quod ille etiam iis tribuit) passos esse pulcherrimam sibi occasionem manibus elabi, & quam frustra postea quærerent, quod unius hominis gloriæ laudique inviderent. In functione enim publici
D muneris erat benè gerendæ rei occasio: liberatæ patriæ in virtute, consensione, constantia conjuratorum, erat omnis futura laus: quam æque & in privato & in magistratu fungente conspici oportebat. Tantum porrò abest ut hoc credam, ut contendam ultrò etiam illis optandum fuisse, quod ita languido ac remisso animo adeoque levi de causa, ab his prætermisum esse existimat. Summa enim imperii ad illum delata, futurum erat, ut quicquid in eventu offendisset, in illius invidiam atque odium verteretur: ubi ejus consilio atque auctoritate rectè
E res successisset, socios laudis multos esset habiturus, quos periculi in agenda re perficiendaque habuisset. Ergo cum quicquid causæ subesset, non desperarent, rem ad novos magistratus rejectam transigi ubi vellent, facile etiam per alium posse: spatium adversariis dederunt, id quod sibi antea maximè esse præcavendum optimam sequuti rationem statuissent, & sese colligendi, & suos armandi, & inimicos denique opprimendi: quibus nisi
F occasione defuissent, licebat temporis beneficio illos obruere imparatos. Ita autem statuendum esse videtur, rarò quidem rem ex sententia successfuluram, ubi non multi solum, cum numerum non fides semper & constantia par consequatur, sed inter quos etiam vigeat dignitatis & potentiæ æmulatio, adversus inveteratam unius potentiam coeant. Nam si quando id, quod non sæpe accidit, fidem in multorum conscientia constituisse proditum est: aut ingenii ejus immanitas in quem conjurarunt, quod in *Hieronymo Syracusano*, & non ita multis præ-

præterea est animadversum, homines à temeritate & inconstantia deterruit: cum quidem spe præmii dubia gravior certiorque supplicii metus indici futuro propositus esset, aut quod in *Cæsaris* intersectoribus usu venit, celeritas in maturanda re, levitati multorum, ne spatium ad poenitendum relinqueretur, præcurrit. Jam cum hæc agerentur, alter mensis in exitu erat, quod tempus legibus præfinitum est, summi imperii potestatem gerenti. Ita autem *Soderinus* se gesserat omni magistratu administrando, ut cum minimè se duci à fratre callido homine frustrarique intelligeret, magis inchoarit parum prudenter multa, quam quicquam pro vetere fama atque hominum existimatione constituerit. At *Petrus Medices*, qui per omne illud tempus diligentissimè exploratis inimicorum consiliis, in unam rem modò incubuisset: cum suos maximorum præmiorum spe confirmare, tum ex adversariis, beneficiis quoscunque posset amplissimis ad se allicere conciliareque non desisteat: iis qui se medios videri vellent, & neutram partem fovere, nullo non genere largitionis tentatis, quò traductis in sententiam, aut inimicis viribus par, aut etiam superior, facilius illos dejicere de civitate exturbareque posset. Quæ cum inimici cognovissent, tanquam altissimo experrecti somno sese colligentes, ne mora inimicorum vires firmiores, sua consilia deteriora fierent, *Nicolaï* tarditatem & cunctationem studio & celeritate compensare constituunt: frustra conquerentes, in id tempus se rem distulisse, quo non de Republica magis quam de singulorum salute dimicari oporteret. Ita cum cætera improbarent, de eorum sententia qui ad vim & cædem inclinabant, *Herculem Ferrariensem* Ducem, quod antea demonstratum est, vocare ut propius ad urbem copias admoveret, & *Petrum* per certos homines adoriri, qui in *Caregiano* paterna villa, penè artuum doloribus confectus valetudinem curare dicebatur, ac postremò illo de medio sublato, atque urbe externis armis & præsidiiis munita, novorum magistratuum comitia, ita ut ex suorum maximè sententia haberentur indicare, tum cætera pro statu præsentis rerum agere, omni alia re omissa, decreverunt. Ad hunc modum rebus administratis, magnam spem concipiunt, fore ut quibus summum Reipublicæ imperium mandarent, sive amici essent futuri, voluntate rem gerentibus adessent, sive sentirent cum adversariis, metu infamiae mutarent sententiam cum suorum suffragiis magistratuum adepti, victos beneficio se, obstrictos certè præclarè de se meritis dissimulare vix possent: quod quidem agi ab his etiam oportebat, ne si pertinacius in *Medicum* partibus hærent, magis partium studio moveri in Republica administranda, quam constituendæ libertatis & concordiae in civitate viderentur. In primis autem placebat, *Neronium*, cujus autoritas magni esse apud *Petrum* credebatur, quò aliorum essent tectiora consilia, illum animi offensione dissimulata, frequentem officii causa invisere, atque longè illius animum à suspitione rerum novarum avertentem, cum de civium concordia atque otio tuendo, tum de omni ratione constituendæ Reipublicæ agere. Quas quidem partes, homo callidus & per multos annos in civium dissensionibus versatus, egregiè præstaturus videbatur. Ac quò se in eo magis pro temporis ratione atque ingenii jactaret, *Petri* aut cunctatio efficiebat quò natura ferebatur, aut dissimulatio: qua ex re fiebat, ut *Neronius* sibi haberi fidem in omnibus censeret, id minimè esse alienum ab hominis stupore & tarditate existimans. Nam cum aditus facilis illius amicis pateret ad ea exploranda quæ quotidie conjurati agerent: ita omnia illi indicabantur, ut

A tamen quò imparatiores inimicos aggrediretur, prudentissimè ea sibi dissimulanda ac sui contemptione illos à subitis & repentinis consiliis abducendos avertendosque statueret. Ad hæc quidam ex amicis ex nobili in primis civitatis familia, cum eo per eosdem dies collocutus, demonstraverat se à *Francisco Neronii* fratre appellatum, multisque precibus fatigatum, ut pro majorum instituto optimorum civium, à quo illum discedere minimè æquum esset, communi animo cum cæteris rem suscipere, ac vindicantibus suis civibus Reipublicam in libertatem adesse sua autoritate & consilio vellet. Probari sibi quidem titulum libertatis, ac pulcherrimum sibi fore ad posteritatem & speciosissimum arbitrari, si in eorum numero haberetur, qui se ejus defensores profiterentur: cum minus exploratum esset, quo animo ad hujusmodi consilium descenderent (multa enim in animis hominum latere tecta quasi quibusdam simulationis involucris, quæ ubi erumperent perniciofa Reipublicæ essent) autorem se illi esse, ut ultrò inimicorum consiliis occurrendo per certos homines, quorum fidem haberet probatam, quod dignum optimo cive esset, ac principem in Republica locum magis judicio suorum quam vi atque armis quærente, pateretur de concordia ac compositione agi: sin perseveraret armis rem agere, ac tamen lentè id ac remissè exequi pergeret, ne nudatus armorum præsidio subito opprimeretur operam daret: qua ex re futurum esset, ut improbi quorum magna manus & firma minimè quietura in occasione armorum & dissidii videretur, in bona civium & fortunas magna clade Reipublicæ ac perniciæ invaderent: non posse illum amplius sine ingenti suo periculo & suorum cunctari, aut (quod illi ad eum diem per inimicorum inertiam licuisset) dissimulare: qui ne tempore excluderentur, cujus jacturæ farciendæ studio incitati se jam ipsi excitarent, minimè essent ulterius dilaturi, quod cunctando difficilior sibi operosiusque reddidissent. Ita ille consilio ac precibus amicorum excitatus, cum planè esse occurrendum inimicorum audaciæ, etiam si eos, quòd illis in contemptum venisset, multum remississe de pristina alacritate & studio videbat, consiliumque ex tempore capiendum putaret, facile (ut sperabat) incautos opprimere, quando se illi occasio daret, usus fortunæ beneficio constituit. Quo probato consilio, à suis consultò rumorem dissipandum curavit, cujus quidem rei initium opportunè, ut videtur, à conjuratis ortum manaverat: *Herculem* fratrem à *Ferrariensi* missum signis infestis, ad urbem contendere, ac jam ad *Album* fluvium castra posuisse: cum sermonibus hominum ipse affinxisset, qui varii ea de re ac multi in civitate tanto dissidio civium distracta serebantur, habere se literas à *Joanne Bentivolio Bononiensem* tyranno, quibus de hostium adventu certiora docebatur: ut id minus esse confectum homines existimarent, fidem faciente necessitudine atque amicitia, quæ vetus jam pridem cum familia *Medicum Bentivoliis* intercedebat. Erat is *Hercules Atestinus*, qui postea gravi bello & diuturno à *Venetis* oppressus, cum omnibus *Italiæ* Principibus adversus illos concitatis, eos in magnum discrimen adduxisset: magis virtute & consilio in bello gerendo quam felicitate in eodem conficiendo clarus habitus est. Per hujus rei simulationem multitudine armatorum stipatus *Petrus Medices Florentiam* venit: si quam vim adversarii intentarent, eo præsidio suam dignitatem ab eorum conspiratione atque armis, quando in magistratus autoritate, cujus majestatem & jus ab his violatum esse querebatur, nihil auxilii relinqueretur, suam simul & familiæ dignitatem vindicaturus. Sunt autores non ignobiles atque in his quidem *Nicolaus Valorius*,
Brutus. D 2 qui

qui *Laurentii Medicis* vitam eorum ferè temporum æqualis conscripsit, quique aliquot postea annis conjurationis in *Medices* convictus magnum capitis discrimen adiit, cum inter urbem & *Petri* villam collocatæ omnibus in locis custodiæ inimicorum, ne quæ locus ad effugium pateret, ubique iter infestum *Florentiam* venienti facerent: *Laurentium* filium, nuntio per exploratores, quos præmiserat, de ea re accepto, per devios atque ignotos calles præire servis iussis, qui patrem lætica deferebant: ipsum capto ab animi præsentia consilio, temerario illo quidem nisi pietatis laus in adolescente filio conspiceretur cum præsertim in angustiis temporis, & animi hæsitazione res explicationem consilii extorqueret, via infesta inimicorum armis, iis ire obviam perrexisset: cum in milites fortè incidisset, qui patris adventum observabant, rogatum quo illum in loco reliquisset, propè esse quidem ac brevi affuturum respondisse. Ita cum eum ipsum abire iussum incolumen, (ætate, ut videtur, adolescentem à periculo servante à qua cum nihil timendum conjurati censerent, ne suspicio crudelitatis obesset, abstinere suos voluerant) tum patrem, qui unus petebatur, solerti filii consilio servatum, inimicorum insidiis elusis, in urbem contendisse. Inermem autem *Petrum*, si vera sunt quæ à *Valerio* traduntur, fuisse apparet, à *Machiavellio* dissentiens, quo tempore ad urbem venit. Neque enim verisimile est, conjuratos, ubi acceperant manu armatorum septum iter facere, vires diducendo extenuare voluisse, quod agere necesse erat censentibus itinera insidenda: præsertim cum haud dubitarent incerto victoriæ eventu foris, multò majore vincendi spe, cum adversariis se in urbe congressuros in qua cum illi multitudinem infestam haberent, ejus secundis studiis se uti maximè credebant. Quo res cunque modo accidit, cum ad *Petri* adventum in urbem rumor repente ortus esset, munitum illum militum præsidio esse ingressum: quasi dato utrimque signo, & qui pro adversariis stabant arma sumpserunt, & qui freti autoritate, se studiosos *Petri Medicis* profitebantur: longè tamen dispari eventu, si quando inter armatos manus esset conferenda, quippè cum eorum alteri imparati & subito vocati ad arma, multò prius alteri denuntiata re, sua sponte ad inferendam vim, ubi res posceret, non ad arcendam modò præparatis animis, atque statâ adèò hora & certum in locum, tanquam ad signa & ad suos singuli ordinem convenirent. In tanto tumultu ac trepidatione civitatis, cum omnes perterriti, pro suo sensu communem rerum exitum ubi res adversæ succederent, sive *Medicum* causæ sive conjuratorum faverent, formidarent, servitutem, cædem, proscriptionem bonorum, & si quæ alia mala graviora sequi civiles dissensiones solent, cum in apertam vim eruperunt, execrarentur: *Neronius* qui & magnitudinem periculi magis suorum inconstantia quàm *Petri* viribus æstimabat, & propterea quòd proximè *Petri* ædes habitabat, si quid durius suis accideret, se esse periculo propiorem etiam intelligebat: hinc summum magistratum, ut *Petrum Medicem* pro imperii potestate arma ponere, atque æquo jure de privatis controversiis, si quas haberet, disceptare, moribus & legibus civitatis juberet: hinc *Lucam Pitium*, *Nicolaum Soderinum* aliosque principes conjurationis domo evocatos homo acerrimus, & qui optimam se causam defendere, jura libertatis, autoritatem publicam, salutem communem omnium, tanto suo periculo, præ se ferret, ad arma excitare conabatur: prodi Rempublicam eorum cunctatione clamitans, quæ destituta omnibus præfidiis, spem nullam salutis positam haberet in iis, quos honoribus amplissimis, præmiisque maximis affectos ingratisimos, adèò suo dubio tempore ex-

A periretur. Prædæ eam inimicis relinqui, quorum sæpè cupiditate & scelere afflicta everisque esset, sed multò majore cum eorum infamia, qui cum nefariorum hominum vim atque audaciam sua auctoritate possent coercere, eorum augeri vires sua inertia ac languore paterentur. Scilicet eam esse pietatem quam patriæ deberent, ut non antea inimicorum armis quàm metu victi, implorantem illam suorum auxilium aspernarentur, immemores lucem hanc qua fruerentur se in ea primum, spiritum, vitam, hausisse, altos, educatos, ad dignitates atque honores amplissimos evectos esse: nimirum ut non illi solùm fractam animi vim vana specie erroris objecta, debilitatamque ostenderent, sed voluntatis etiam alienationem à causa bonorum: cum rarò unquam egregia voluntas atque animi studium, etiam si minus suppeterent vires & audacia ab ingenio, sine conatu atque impulsu ad fortitudinem esset. Qui enim non videri magis quàm esse fortes vellent, iis turpem servitutem deprecandam honesta morte, libertatem cum ejus vindicandæ spes ostentaretur, vitæ periculo, quæ misera in servitute futura esset, redimendam. Omnes quidem censebant, cum hæc à *Neronio* dicerentur, magni animi hominem Reipublicæ adèò opportuno tempore, populo se ducem ad libertatem recuperandam præbentem, minimè deferi oportere. Sed ut appareret, multò homines facilius, magnas res concipere animo, quàm ubi perficiendæ sint, vires pares & constantiam præstare: omnium autem ferè ingenia esse hujusmodi, ut non æquè & in suscipiendo consilio & in expediendo prudentiam afferant: & languebant, & trepidabant metu, & privatam magis suam fortunam quàm publicam respiciebant: cum inter utramque terror periculi imminens, qui modò ob oculos obversaretur, speciem omnem illam decoris & honesti disjecisset. Ita patriæ liberatæ gloriam, aut *Petri Medicis* fortuna illis, aut suorum ignavia, quod verius est, quæ eadem & mentem pariter & consilium ademisset, extorquebat. Unus tamen præter *Neronium*, serò fratris consilio improbato, *Nicolaus Soderinus*, malè gesti magistratus memoriam, conservatæ Reipublicæ laude esse privato obliterandam arbitratus, ut maximè alii trepidatione ac metu torperent, se cum *Neronio* conjunxit, ac suorum manu comparata, ut se ducem sequerentur, quicumque Rempublicam salvam vellent, adhortando, atque sæpius eadem quæ ille commemorando, totam ferè eam civitatis partem quæ habitabat, ad arma concitaverat: ut minimè jam dubium esset, si æquè strenuè atque impigrè omnes se gessissent, ac rem pari animi magnitudine & virtute aggressi exequi maturassent, superiorem illum viribus, cum adversariis fuisse dimicaturum. Atque ita armatus, ut nulla in re defuisse susceptæ causæ & communi salutis videretur, *Lucam Pitium*, adire ipse & cunctantem resistentemque excitare, atque adèò ubi cætera minus procederent, metu mortis injecto, spem illi concordia omnem, si quid separati ab aliis consilii iniisset, adimere (qua de re jam per certos homines agi à *Petro Medice* adornatos, non obscure ferebatur) atque quoad posset, impellere ad arma constituit. Ubi autem, omni spe compositionis præcisa sua oratione confirmatum illum sibi socium adjunxisset: faciliè arbitrabatur futurum, ut cæteri, quorum adhuc animi fluctuarent, illius sequuti auctoritatem, fiducia majore & viribus, ad adversarios pellendos sumerent arma. Eum igitur domi conventum cum docuisset, magnam omnibus oblatam opportunitatem in præsentia recuperandæ libertatis, quam quidem neglectam, nequicquam essent postea desideraturi, simul ostendit, quanto in discrimine vertatur Reipublicæ salus: si illa à suis mollitia animi ac turpi metu ab officio averfis, de-

deseratur. Si se colligere velit ac magno & forti animo, proque antea vitæ dignitate, rem capessere atque in vetere instituto manere (id quod dignum illius virtute & constantia sit) publicæ dignitatis ab improborum conspiratione defendendæ: tum faciliè intelligat quàm gravi ignaviæ turpitudinisque nota, fuerit tam opportunum tempus tamque idoneum ad agendum omisurus. Nam si perterritus audacia ac minis inimicorum, quibus magis quàm certis viribus ac firmis nitantur, obstinato animo in sententia manere pergat: aut exilii & mortis metu, aut servitutis, quæ multò quidem viro forti omni morte atque exilio deterior sit, quasi ancipiti telo illius animum à tam fœdo consilio avulsam, expugnari debere. Poscere ab illo opem, afflictam patriam, ut rarò unquam majorum memoria, nefariò scelere ac parricidio suorum, cujus quidem salus ita sit, cum illius salute conjuncta: ut quemadmodum qui navi aliqua vehatur, ea fracta, intelligat, sibi esse de salute desperandum, non possit jam spe ulla satis firma niti, se illa perdita, incolumen vitam & dignitatem diu in civitate retinere. Sin autem ea ratio illius consilii sit, ut metu in præsentia cedendum atque ab armis abstinendum, quæ aditum ad victoris gratiam, difficilior reddant, diffusus rerum eventu censeat: minimè turpi ac flagitioso incepto, disparem exitum etiam fore. Non enim ita molliter ac remissè statuenti, fortunam defuturam, quam immeritò homines accusant, cum sibi eam faciunt sua inertia, nulla ejus culpa deteriorem. Eam quidem abjecti animi hominem ac suæ magis quàm communi salutis consulentem, cum tantum dedecus & flagitium ipse admittat, neque in eo culpam agnoscere, quam præstare non possit, aut ad animi debilitatem quò æquius sit, sed ad fortunæ temeritatem referre velit: præcipitem sua sponte ac prolabantem levi impulsu de statu præsentis deturbaturam. Mox enim superbum affuturum inimicum ac suorum civium victoria insolentem, qui non illum quidem deceptum amplius lenitatis & clementiæ simulatione, sed (quod ingenii sit & per armorum impunitatem in apertum eruperit) contumacia oris & fastidio deterritum, durissimas leges accipere cogat receptum in fidem ac mancipium inimicorum effectum: quæ res, quo supplicio, quo cruciatu corporis, qua morte non fœdior ac perniciosior debeat videri? Quàm intersit tum ad communem salutem tum ad privatam suam, utrum inimico occurrat armatus victoriæ præsertim occasionem ex adversariorum timiditate & cessatione captanti: an inermis armatum excipiat, quem posse ignorare, cui modò hominis mores cogniti & ingenium perspectum sit? In altero leges ab adversario, quas sibi esse commodissimas ducat & honestas, accipiendi necessitatem: in altero dandi illi quas nolit, quæ eadem salutes Reipublicæ & honorificæ privatis sint certam spem esse. Nam si abhorreat à cæde, quæ magna cum multorum clade futura, debeat cujusvis animi ab incepto temerario retardare, qui Reipublicæ consultum velit, cujusque ad pacem atque ad otium consilia spectent: non se improbare id quidem: sed æquum esse tamen censere, ut provideat idem, ne cum rectissimi illius sensus sint, & cum bonis congruentes, imprudentia committat & temeritate, ut prodidisse Rempublicam inertia atque animi languore & remissione videatur. Nam & firmiorem semper ferè pacem & honestiorem ac viris fortibus magis dignam ab animi vi ac robore peti, quod in armato conspiciatur, quàm ab ignavia & desidia, quæ prodat victori inermem. Sæpè quos nulla vis orationis, nulla hominum consilia, nulla æqua conditio, non maximorum Regum, non civitatum nobilissimarum autoritas, ad pacem & concordiam stabilem flexit, infesta signa, para-

tas utrimque ad prælium acies, mortis & servitutis propositum periculum par, belli dubiam atque incertam fortunam, inter spem & metum æquè animos jactantem, invitos ad pacem & ad compositionem pertraxisse. Ex otio bellum, pacem rursus ex armis, hanc tantam rerum vicissitudinem facile patiente conspici in humanis rebus, aut fortunæ temeritate, aut, quod verius est, hominum inconstantia, quæ magna esse in omni vita agenda animadvertatur, perpetuò sequi. Sed quicumque eventus rerum futurus sit, longè præstare, etiam ut res minus ex sententia succedant, victum illum armis inimicorum, non metu aut cupiditate, boni & constantis civis magna laude parta, patria cedere, quàm eandem adversariorum beneficio, transactionis infamia & prodicionis notatum, quod nomen, etiam quibus usui est, invisum nullo modo effugere possit, in hominum iracundia & odio atque dicendi impunitate, retinere. Nam si horum alterum subeundum sit, satius esse, cum rectè fecerit, exilium & mortem perferre, quàm cum est mutatio consilii inutilis futura, turpiter & flagitiosè facti memoria, cujus incommodi evitandi nulla jam ratio iniri queat, perpetuò in durissima servitute ac vitæ indignitate inhonoratum, contemptum, abjectum angiatque affligi. Hæc pro ingenio hominis ut verè & prudenter, ita acriter ac vehementer dicta, brevis *Lucæ* oratio excepit, maximèque ad præsentem rerum statum accommodata, siue materia deesset ac ratio respondendi conficio culpæ magis quàm culpam fatenti, siue iudicio non esse pugnandum cum potente adversario censeret, & qui spatium nactus, jam multos spe maximorum præmiorum illectos in sententiam traduxisset. Se quidem cum ratione optima & consilio facere, ut in magna rerum omnium perturbatione ac populi tumultu, ab armis atque aperta vi abstineret, quæ intelligeret perniciofa civitati, sibi neque salutaria esse, neque honesta futura: tum quoniam has partes sibi esse in suos cives præstandas non ignoret, quorum quidem salutem tanto studio semper & privatus & in summo magistratu procuraverit: ultrò illum orare ac si pateretur modò, hortari monereque velle, ut idem facere animum & ipse induceret, integramque rem magistratibus permitteret: quando quidvis potius agendum esse videretur, quàm armis decertandum cum adversariis, non modò illis quod ipse cognitum habeat, virtute & numero militum, sed multitudinis studio, quæ jam tota illorum sit, superioribus futuris. Quod dignum illius fide & constantia esset, hunc honorem magistratui haberet, ac mallet illum publica autoritate, quàm privatos armis civitatis imperium administrare ac privatorum controversias & dissidia componere: cognitionem certè & iudicium magistratibus publicarum privatarumque rerum, quo die civitatis liberis suffragiis eam essent potestatem adepti, delatam esse. Itaque si qua illi in re inimicorum potentiam habeant suspectam, (utinam non invisam potius habeant, cum suspicioni locum non semper æquè res, ac simultas & inductio quædam animi atque proclivitas ad odium faciat) non antea suo præjudicio eos damnent, quàm per interpositam magistratus auctoritatem, more atque instituto civitatis cognita causa, esse damnandos intelligant. In civitate legibus, armis foris Rempublicam administrari, & vim in hostes, iudicia in cives quæ libera sint, exerceri oportere: ut jam pessimo exemplo, cum opus sit legibus & iudiciis, ferro inter cives in curia & foro decernatur, ac magistratibus, quorum summam potestatem ac sacrosanctam Rempublica esse velit, vis sceleratè ac nefariè afferatur. Quando illius civibus satis sit perspecta illius fides atque animus, neque ejus rei documentum aliud quærat, cur hoc minus illi curent, quærere ipse

ne laboret. Sive enim se populus liberari nolit cum quæstu & compendio fervientem, non esse beneficium offerendum invito, quod illi ingratum accidat: sive servitutem oderit, ineundam viam esse, qua nulla privatorum invidia, qui dicantur libertatis oppressores plectantur, libertatem populus è servitute vindicatus magistratui referat acceptam: ut ad quem ubi malè res succedant, omnis offensio pertineat, quod æquum sit, laus rectè Reipublicæ administratæ perveniat, quæ ratio esse eadem tutissima videatur futura. Neque verò illos invidere hanc gloriam iis debere, qui præclarè suo etiam testimonio de Republica mereantur, cum se fide, officio, pietateque, quam debent patriæ, adductos, accessisse ad illam liberandam videri velint: quam mentem debeant omnibus precari, iis præfertim in quibus sæpius Respublica voluntatem & studium desiderat, quam vires atque agendi facultatem. Videri igitur sibi in præsentia ea arma ponenda, quibus civitas de suo jure decedere, magna suæ libertatis jactura cogatur, & adversariorum causa, quæ eadem per se mala sit, cum ita percrebruerit, laceffitos illos adversariorum injuria arma sumpsisse, magis indices corroborata, iis quibus minus debet probetur: quod eos maximè quibus eorum est suspecta potentia cavere oporteat. Hæc quæ à quovis alio dicta prudentis hominis animum & rectè sentientis cuivis probare potuissent: parum *Soderinum* moverunt, magis illum, quod se desertum ac proditum à suis videret, temporis angustias, quæ id postularent, quam *Pitii* oratione fallacis hominis & privati commodi spe à suscepta bonorum causa averfi, coactum arma ponere: quæ nullius adductus autoritate sed studio libertatis recuperandæ incensus, adversus *Medicos* cepisset. Cum enim nemo dubitaret, non illum redemptum spe præmii ingentis esse: jam illud etiam ferebatur, per certorum hominum interpositam autoritatem mentione affinitatis injecta, atque ita ejus animo delinito, cum *Petro* in gratiam rediisse. Ut autem ferè semper sunt homines acuti dubiis rebus in eam partem, quod animi inclinant, trahendis, suæque spe semper ulterius feruntur, quam quod res ipsa illos, si certam rationem ducem sequantur, perducere videatur: ita per hujus conjunctionis occasionem, quasi perinde facillè factu esset, animos conciliatione amicitiae, atque affinitatem jure connubii jungere, non diffidebat cum *Petro* in valetudo, quæ indices ingravescebat, liberos ætas à muneribus publicis avocaret: illo etiam patiente, se unum Rempublicam suo arbitratu administraturum. Qui enim æmuli ejus gloriæ fore viderentur, magnæ homines dignitatis, eos destitutos in hac tanta contentione suo auxilio, ac *Petro Medici* tantis viribus munito minimè pares, sive in civitate manerent victoris beneficio autoritatem omnem, sive ejicerentur, id quod erat magis credibile, cum ea ipsa facultatem etiam quicquam adversus suam dignitatem molendi amissuros. Confirmabat hominis spem, concepta ferè omnium opinio de illius virtute, quam quidem eorum æstimatione majorem (qua in re quidem cuncti fallimur, cum natura plus æquo prolixi simus nostris rebus judicandis) magnum momentum sibi ad rem tantam consequendam allaturam arbitrabatur. Quæ cum ita essent, ac minimè *Soderinum* fallerent, sic tamen ab illo discedens dixisse fertur; si benè merendi ratio & vis, non magis in perficiendo, cujus rei facultas non semper adest, sed in animi quadam propensione & recto studio posita videtur: quando nihil mihi in mora fuit, qui antiquiorem semper patriæ salutem gravioremque quam meam habuerim, quò minus per me hodie sit antiqua libertas & dignitas civitati restituta: satis quidem cumulatè receptum à me munus patriæ ejus conservandæ perfolvi: sin

A verò parum est voluisse, ubi fatis obsistentibus, quæ jamdiu adversa meorum libertate, flecti nulla ratione & consilio possunt, animi studium & voluntatem factum probat nullum, de me verò nihil patria habet quod queratur, de aliis, ita prodita & deserta ab illis, plus sanè quam aut ego velim illius causa, aut iis ipsis honestum sit: qui mihi, quò minus hanc meis civibus operam navarem, fuerunt impedimento. Atque quando in præsentia libertatis bono meis civibus frui per homines ingratißimos non licuit, qui præsentis commodi spem dubiam atque incertam, solidæ laudi & liberatæ patriæ gloriæ prætulere: quæ illam maneat in posterum mala, ut nunquam obscurum per me sit, quibus illa accepta referat, facile præfagiente animo quæ ratio suadet, & hæc rerum facies quæ impendent, jam libet divinare. Vestra hæc, *Pitii*, consilia, quæ unde manent, jam præterit neminem (utinam vos callidioribus, quæ fortia sunt præferre maluissetis) hunc tandem exitum sunt habitura, ut quorum potior cura fuerit, privatis suis quam publicis rebus consulendi, ii præter proditæ patriæ infamiam, quæ perpetuò eorum nomini inusta hærebit, neque suis rebus se, neque Reipublicæ prospexisse intelligentes, servitutem subeant longè acerbissimam: libertatem quidem patria amittat, cujus charitas nos in improbos cives & sceleratos armavit, diu jam ab illis nefariis consiliis quasi machina concussam, nos, qui illi maximè voluimus consultum, per vos ejus desertores, minimè quidem ea calamitate digni, quam à vobis illatam hominibus inertissimis atque ignavissimis merito querimus, & fortunas & libertatem & patriam amittamus. In tot malis tamen unum reliquum solatium sumus habituri hæc aliena culpa nos, vestro vos flagitio & scelere, & dignitatem & vitæ ornamenta reliqua amississe. Cum hic tantus in civitate tumultus subito exortus, magnam omnibus trepidationem injecisset: magistratus, ne qua vis subita inferretur, curiam claudi, ac dispositis præfidiis aditus omnes custodiri, cæteraque administrari pro temporis ratione & periculi magnitudine diligentia summa & studio jusserunt: optimo illi quidem consilio, civitate divisa studio partium, ne summi imperii potestate novo ac pernicioso exemplo ad privatas suas contentiones seditiosi cives abuterentur, neutros sibi autoritate publica esse fovendos sublevandosque arbitrati. Etsi autem non erat difficile judicare, utri meliorem causam sibi defendendam suscepissent: videbatur tamen mitius malum futurum, magistratu quiescente, cujus autoritatem armati non officio sed libidine & gladiatorum impunitate æstimarent, videri victam privatorum conspirationem, quam publicam causam: quam quidem non erat committendum, etiam si id oblique agerent, ut palàm privati oppugnant, quo scilicet, tanto magistratus periculo illi fierent sceleratiores. Neque enim est satis tutum consilium eorum, qui ob eam causam plagam accipiunt, ut sicario & parricidæ cruento suo sanguine & cæde, odium atque invidiam apud multitudinem suo exitio paret: cum ejus rei præsertim nullus sit usus futurus. Quid porro in ea contentione magistratus spectaret ita ad arma eundo? cum multitudo dulcedine largitionis delinita tota *Medicum* videretur, deterriti conjurati hinc audacia inimicorum, hinc principum destitutione, & gladios simul & spem omnem vincendi abjecissent, nulla interim subsidia, quæ rem gerentibus præsto essent, neque domestica, neque externa apparerent. Nimirum illud videbatur necessariò futurum, ut quæ jam re nulla reliqua esset, fracta victæque publica autoritas, privatorum scelere conspiceretur: quæ ubi in eorum contemtionem veniret à quibus victa esset, nemo jam poterat dubitare non magno

totius Reipublicæ incommodo, quæ una magistratum auctoritate staret, facultatem improbis hominibus ad omnia maleficia & scelera admittenda datum iri. Civitas interea atque ea maximè pars quæ *Pittii* auctoritatem sequebatur, quæque ejus fortunam in omni eventu sibi esse spectandam censuisset: cum hinc *Petri* inimici, eos se domi continente, in cuius auctoritate magnum momentum ad victoriam posuissent, sua sponte ab armis discederent: hinc adversarii pertinacissimè ea retinere perseverarent, in eam tandem partem inclinavit, quæ superior armis, & præmii pariter & supplicii constituendi sibi arbitrium videretur vindicatura. *Medices* enim armatos, & vim obsistentibus & necem ostentantes, inimicis magno consensu omnes præferebant: quorum disiecta consilia & repressam vim ac debilitatam viderent. Est enim ea multorum consuetudo ut non causas atque initia rerum, sed quod maximè periculosum est, exitum spectent, quem lætum semper, etiamsi à malo sit principio profectum, amplectuntur. Cum magno injecto bonis metu, ac nemine existente qui pro conjuratis caput objicere in extremum rerum discrimen auderet, multitudinem, damnata causa quæ deserta à suis esset, cum iis ipsis futurum appareret, quorum salutem acerrimè antea oppugnasset: conjurati capto ex tempore consilio, de compositione agere constituerunt. In eo enim jam rem verti intelligebant, ut non illi magis de inimicorum ruina quam in sua capita avertissent, sed de sua solliciti essent, quæ temporis angustiis exclusis, nisi maturè consilio occurrerent, gravissima immineret. Ita in curiam frequentes conveniunt, editis postulatis, ut quoniam de summa Republica essent acturi, cujus salus in magno discrimine versaretur, sibi magistratus daretur: quod quidem si fieret, non desperarent, cum eorum consilia semper salutem communem respexissent, quam minimo negotio rem ad concordiam & per æquissimas pacis condiciones, perducere posse. Ea re cognita atque iis facta ingrediendi potestate, cum diu egissent, secunda hominum voluntate, de concordia in civitate concilianda & de tollendis civilibus discordiis, quæ magna cum eorum infamia qui superioribus annis Reipublicæ præfuerant, majore tamen cum omnium perniciæ crevissent: propterea quod *Petrus Medices*, tum artuum doloribus laborare, & minus per valetudinem in curiam venire posse dicebatur: de communi sententia omnes, ad illum ire domum, in magna rerum perturbatione animis penitus metu fractis, constituunt. Ex his unus *Nicolaus Soderinus* qui constantia & magnitudine animi facti pulcherrimi conscientiam tuebatur: cum ad cætera omnia quæ malè à conjuratis constituta administrataque essent, tantum præjudicium communi causæ factum ab iisdem animadverteret: perfidiam eorum & scelus execratus, quorum flagitio atque improbitate tantum vulnus impositum Reipublicæ ac prodita salus & libertas omnium ignavissimè esset: *Thomæ* fratri in cuius benevolentia & fide, tametsi ab illius causa dissentientis, suam spem omnem collocatam habebat, liberorum salutem, si quid in se gravius adversarii statuerent, commendavit: simul ipse in villam paternam concessit: ibi qualem exitum habitura res esset, quanquam neque sibi eum magnopere lætum, & perniciosum maximè fore Reipublicæ non dubitabat, procul ab omni contentione, quam nequicquam se suscepturum adversus victorem inimicum & potentem intelligebat, expectaturus. Interea à conjuratis *Petro Medice*, ut constituerant domi convento: is cui dicendi partes impositæ erant, graviter conquestus de iis quæ adversus populi libertatem, per vim acta per eos dies essent: cum in eos qui nulla quidem laceffiti injuria, quiescentibus omnibus, nullo certo seditionis ac tumultus autore à quibus quicquam

A esset mali timendum arma cepissent, culpam omnem rejecisset: *Petrus* postremò (ad illum conversa oratione) rogare instituit, cum tumultus & turbæ initium ductum ab illius armis constaret, eequæ nam illi causa esset ad arma & vim confugiendi? quid sibi ille vellet tanto militum apparatu? quid illi periculi propositum? quæ intentata vis? qui novus injectus metus esset? quæ suspicio? quid nova illa rerum facies, quid insolita civium frequentia, quam domi suæ tanquam in arce tectus præsidii causa dispositam haberet? quid cætera sibi vellent, quibus metu concussa & jactata Respublica opem sibi à summo magistratu & auxilium petendum, quod vix ullum ei sperandum esset in immoderata atque infinita armorum licentia, quibus esset obfessa, censuisset? Cum sine certa ratione & consilio, hæc fieri nullo modo possent, nolle se, quod res postulet, in cupiditate animi positam causam interpretari, extraordinarias potestates atque imperia appetentis: liberare se illum libenter ea suspicione, quam re minus tamen velle ipse deprecari, oratione elevare modò id quod pergit facere, videatur. Nam si habeat quæ à Republica petat, quæ qua debet pietate suos amplexa foveat semper, nunquam destituat à se fidem eisdem & præsidium implorantes: minimè illi dubitandum esse, quin ubi cognita illius postulorum æquitas sit, transigi facillimè res, publica auctoritate possit: quam more atque instituto honorum à quorum consuetudine minimè illum discedere oporteat, si is ejus animus in Rempublicam sit, quem quidem videatur præ se ferre, debeat omnium antiquissimam habere, quæ magis sint in vita expetenda. Debere eum abjectis omnibus consiliis, quæ violata sint, & non ita illius rationibus conducere, quam invisa esse civitati intelligantur: non armis, si qua de re cum privatis controversiam habeat, sed jure disceptare: injurias autem omnes atque offensiones, etiamsi illi sint gravissimæ illatæ, Reipublicæ causa condonare privatis, in quos non prius possit sævire, quam à se violata patriæ jura fateatur: quæ sanctissimè sint hominibus colenda. Id si agat atque si ita statuat (id quod decet principem civem) non ex patriæ calamitate sed ex civium conservatione, quos minimè illa à se divelli sine gravi sensu doloris patiatur, esse famam sibi & gloriam quærendam: tum nulla arma, nulla militum præsidia, nullam externam vim, nitenti charitate suorum civium necessariam esse existimet. Ea enim abjecta solidam gloriam parere, nomen, existimationem, studia populorum: quæ sita eadem, potentiam quidem uni comparare timendam multis, sed cui æquè multi timendi sint, sollicitam certè vitam semper, nisi nobis dignitates atque honores fingere nostra opinione, quam aliorum judicio malimus, habitura. Ad ea *Petrus*, cum arma fiduciam atque animos, iracundiam præter inimicorum odium, morbi vis malè affecto suppeditaret: minimè ignarus quo inimicorum oratio spectaret, in hanc sententiam respondisse fertur. Haud mihi ii videntur esse accusandi, qui, quod vos objecistis, principes arma sumpserunt: sed qui perfecerunt sua audacia & insolentia, ut qui pacis semper atque otii studiosi extitissent, iis necessaria ea defensio esset, quæ ab armis magis quam à jure & legibus peteretur: quod cum ego me fecisse re ipsa ostendam, nihil necesse habeo oratione inficiari, magna præsertim spe fretus hujus mei consilii rationem, tacente etiam me, quemvis modò, cujus judicium liberum atque integrum ab odio & cupiditate sit, probaturum. Arma enim, quemadmodum sumpta ad vim faciendam, & cum nulla injuria intercessit, jure impia esse existimantur, ita ubi ad repellendam ac propulsandam injuriam capiuntur, & necessaria eadem & justa ob eam ipsam causam videri debent. Equidem

dem (id quod facile omnes intelligunt) ita mihi statui esse praesidium ab armis petendum; ut propulsandae injuriae insidiisque repellendis, quae crudelissimè in me liberosque meos ab inimicis comparantur, nemini gravia ac perniciofa, qui non in illa sua sponte incurreret, quaesita viderentur. Ac ne inimicos meos sollicitudine inani, quando sibi eam ipsi struunt, sed molesta liberem, quod eorum in me odium potius quam mea lenitas atque ingenii facilitas videtur postulare, non sum ego illa antea positurus, quam ut nunc armatorum praesidio, ita publica autoritate me esse tectum satis ab eorum injuria munitumque intelligam. Nam quod quaeritis quid mihi ita armatus velim, ac stipatus clientium atque amicorum frequentia virorum eorundem optimorum, tanquam in arce inclusus domi lateam, hac quidem de re vos interrogari aequius est: qui perditorum hominum atque egentium conjuratione facta (erumpet enim aliquando ex me libero homine digna vox) saepe nocte intempesta, saepe interdiu provecti scelere atque audacia, adversus meam salutem & dignitatem ingratis homines, multis meis privatim patrisque affecti beneficiis magnis & illustribus conspirastis: nefariam atque impiam societatem adversus Rempublicam coistis, saepe die, inquam, luce, palam, omnibus inspectantibus, tanquam esset impudentia atque contemptio legum sceleri addenda, in certa urbis loca, stata hora & tempore, ut furor vobis atque amentia suadebat, convenistis: religionem, jusiurandum, ac parvum esse hoc vinculum fidei hominum astringendae arbitrati (si fides modò ulla esse in improbitate potest) syngropham perniciosissimae conspirationis vobis futurum pignus, à sicariis parricidis, expletis civium sanguine, atque alea & egestate perditis hominibus, veluti sit ullum gravius scelus quam hominum fidem in scelere obstringere, exegistis: multitudinem concitastis, monendo, adhortando, multa spondendo, interdum deterrendo, & minitendo à nobis alienastis, omnibus denique urbis locis, forisque insidiis positis, certos homines persuasos praemiorum magnitudine collocatos ad nos interficiendos habuistis. Ne tamen videar vobiscum agere superbe (mihi quidem videar potius ineptus si dignos vos responsione ulla putem) aliis quidem quibus haec minus comperta sint, tanquam in perdita & jugulata causa, haud satis esse paratus ad respondendum: difficilem vos mihi plane responsionem facitis: per quos unos factum esse videtur, ut minus id, quod viri boni optant, res ad concordiam perducatur: quorum ego tanto consensui nunquam sum defuturus, quicquid vos secus statuatis, orationi minimè congruentem voluntatem & sensum afferentes. Qui vero possum ego ante arma abjicere, quam mihi à vobis fides facta sit, odium vos simul inimicitias, aemulationem, cupiditatem, malevolentia tanta hunc vestrum in me suffusum animum posuisse? qui autem à vobis mihi fides fiat id vos fecisse ex animo, à quibus in civitate publicam autoritatem contemptam, legum & magistratus jura violata, religionis, pudoris, officii repagula fracta atque convulsa esse intelligam. Nihil ego vestram hanc fidem moror: quod cum ob alias causas mihi agendum est, tum ne si quando mihi vestram fidem obstrinxeritis, per me vobis liceat, ea violata, sceleratis esse. Quamdiu erit hic vobis animus, haec mens, per meum latus, ubi vobis ea facultas data sit, Rempublicam quod omen dii obruant, petendi: quamdiu inquam haec vobis sententia stabit, & bonorum praesidio Respublica & salutaribus armis tutus ipse à vestra fraude atque insidiis ero. Simultates omnes deponantur, quas summa cum Reipublicae perniciè dum exercere pergitis, simulata oratione à vobis avertere conamini: comprimatur audacia, tollatur ambitio, meliores

A de Republica cogitationes suscipiantur: leges, judicia, magistratus, cujus majestas atque autoritas sanctissima esse omnibus debet, respiciatur: tum ego armatos homines, qui mihi praesidio sunt, nemini obsunt, ne minus videar otio civitatis velle consulere, non quidem vestro exemplo (id enim vobis vis atque arma extorserunt) sed meo more missos faciam. Verum cum satis ego quo vos in me animo estis animadvertam, cum arrogantiam, spiritus, odium, fastidium, in causa & aliorum jam pridem, & verò vestro praesidio damnata, videam: nunquam sanè committam, ut quod mihi aliquando fraudi esse possit, inimicorum consiliis obtemperanti, cujusquam arbitrio magis quam certa ratione & consilio videar egisse. Nam hoc mihi unum semper curae fuisse, ut sublatis in civitate discordiis, communi otio & concordiae civium consuleretur, illud quidem argumento est, vos homines id quod minimè inficiari potestis, mihi inimicos, inermes inter armatos, quibus mea salus mihi committenda fuit, quo ego septus adversus vestras insidias essem, impunè versari. Quanquam si declarari unquam meum in Rempublicam animum oportuit, quod equidem parum semper mihi esse necessarium fretus charitate meorum civium & benevolentia existima-
B vi: qui id potuit fieri à me clarius, quam ipso comitiorum tempore, cum nulli in Republica magistratus essent, quorum autoritas cupiditatem hominum & libidinem retardaret: cum tanquam justitio indicto, leges in civitate & jura filerent, cum nulla vis, nulla arma ab imparatis essent timenda? Enimvero (id quod nulli vestrum potest obscurum esse, qui omnes meas rationes explorando, meorum etiam mihi fidem suspectam facere nitebamini) tum ego palam improbatis eorum consiliis, qui caedem & vim respicientes, dimicandum mihi cum adversariis, certa etiam spe victoriae ostentata, censebant: comitiorum tamen eventum tacitus domi expectare ac per magistratum, qui legitimis civitatis,
C & liberis suffragiis creatus, de controversiis privatorum cognosceret, dignitatem familiae tueri, quam meis obsequendo quicquam adversis populi studiis quod Reipublicae aliquando fore perniciosum intelligerem novare per vim experiri velim. Satis me scilicet fore honestum semper inter meos cives speravi, si quam ego pietatem patriae deberem, eam illi ubicunque id res postuleret, praestitissem: honores ita concupivi, ut multò praeclearius mecum agi putarem, si his dignus viderer, etiam si nullos unquam essem assequutus, quam si malis rationibus partos obtinerem, iis gerendis parum viderer dignus. Tum enim sunt dignitates atque honores ex-
D petendi, cum testimonium justitiae & probitatis potius quam potentiae & cupiditatis habent. Principem locum in Republica mereri magni hominis & spectatae virtutis est: quaerere atque ambire ejus semper esse duxi, qui cum aliis imperandi studio tene-
E retur, cupiditati ipse, quae ratio quidem foeda & praepostera est, atque ambitioni serviret: ipse equidem magis semper mihi honestum statui fore, si discerem mihi imperare, quam si non optimis artibus quaesitum ac legitimum imperium in alios exercerem. Nihil autem minus esse ferendum videtur, quam eosdem homines & summam in alios gerere potestatem, & tanquam furenti domino libidini huic dominandi inexplibili atque aviditati qua plerique inflammati rapiuntur, obtemperare: quippe quorum violentum imperium, servitus, quod est foedissimum, voluntaria est. Mihi sanè hoc maxime
F semper curae fuit, semperque adeò erit, ut dignitatem & domesticum otium, ita quidem si hoc ipsum nunquam sit Reipublicae dignitati atque otio obfuturum, publica autoritate retineam, quamdiu hoc mihi per vos meos inimicos seditiosos homines & turbulentos, integrum sit. Ac cum me mini-
mè

mè fugiat, in praesentia agi, & quidem vobis autoribus, de summi imperii potestate in Republica tollenda, quae sine provocatione est, utrum id principes civitatis esse è Republica ducant, quibus est illius procuratio mandata, an obesse populi libertati, cum eorum quidem hæc cognitio & iudicium sit: integrum illis (ut æquum est) atque adeo ut sim præsto futurus ad eorum auctoritatem adversus privatorum conspirationem defendendam, relinquo: quicquid autem illi consilii sententia decreverint, id ratum æquè sanctumque me habiturum confirmo. Ita verò mihi semper à mea prima ætate, ratio vitæ omnis prævisâ & explorata est, ut si nunc censeat magistratus infinitam potestatem, quam meritò quidam invisam habent (periculosam esse fateor omnium libertati nisi illam ratio moderetur) nova lata lege finiendam, sive more vetere & instituto adhuc retinendam in civitate, cum parum id semper mea interesse duxerim, nisi quâ Rempublicam attingit, haud magnopere laboro. Quanquam si hoc modò silentio prætereundum non est (pertinere enim ad rem plurimum videtur) superioribus annis, non per *Medices* quidem aliosve ab his redemptos largitione homines, sed per eos ipsos autores, qui nunc adeo populariter & seditiosè ea de re conqueruntur, ea potestas in Republica instaurata ac constituta est. Quod quanquam ita sit, quicquid tamen magistratus usui magis esse Reipublicæ censeat (utinam in decernendo de tanta re cum adsit prudentia & consilium, voluntas & studium ne desit) vel potius quicquid ipsi esse expeditissimum vobis iudicatis, cum nihil tubesse causæ videatur, cur vestris commodis invidiam, modò salva Reipublicæ & magistratus auctoritate, haud sum inquam in mora cuiquam futurus. De eo equidem non possum non magnopere & graviter queri: cum adversarii, ut me invisum magis meis civibus facerent, eos sermones iactandos curarint, ut contenderent, *Petro Medice* libertatem & vitam in civitate retinente, diu Rempublicam esse salvam atque incolumem non posse: inventos esse, qui improborum hominum criminationibus, non solum fidem adhiberent, quod minimè iis faciendum erat, sed illis etiam se adjungerent socios ad eorum nefarios conatus adjuvandos, atque operam adeo in molienda patriæ ruina & perniciæ pollicerentur. Quis enim unquam in civitate me uno pacis atque otii amator? sit hoc ingenii. Quam ego unquam significationem paulò animi cupidioris meis civibus dedi? Verum si rationibus & argumentis certandum mihi magis cum improbitate & audacia viderem, quam testimoniò multorum de mea antea vita nitendum: ita ego jam de loco superiore inimicorum maledictis responderem, ut quicquid nunc agerem, magis supervacaneum perditæ ac profligatæ causæ refutandæ, quam necessarium gravissimo dolori significando videri posset. Hæc cum elatus iracundia dixisset, ad *Neronios* fratres conversus, quos ingentibus sibi beneficiis obstrictos, magis in se ingratos extitisse cæteris querebatur: ita in eos gravi vehementique oratione dicitur esse invecus, cum quæ in illos studia contulisset, tum *Cosmus* pater olim, tum ipse commemorasset, ut ex iis qui aderant armatis, nonnulli sibi ægrè temperare potuerint, qui parum opportuna sedulitate gratiam apud iratum quærerent, atque adeo quamquam *Petrus*, qui id nimium sibi fore invidiosum animadvertibat, eos sua auctoritate prohiberet, quin illis & manus afferrent, & malè mulctatos præcipientes inde exturbarent. Vehemens oratio aliis & quamquam irati & victoris, nimis acris etiam in eos inimicos visa, quos nulli ante gesti honores, nullaque vitæ dignitas à maledicto & convitio vindicaret. Itaque non ea magis hominum suspicionem elevavit, cum eam tolli opinione clementiæ & le-

A nitatis, in secunda præsertim fortuna, quæ raro in mitioribus etiam ingeniis moderata est, omnino oporteret, quam metum auxit. Nisi enim abhorreret à pacis consiliis, cum de tollendis discordiis ac conciliandis animis ageretur, minimè eum in adversarios usurum ea oratione existimabant: qui se illius fidei omni armorum præsidio nudatos permisissent: quæ quidem ex fiducia domesticarum virium non ex causæ bonitate, quæ nulla esset, proficisceretur. Ita veluti cum oratione pugnantiæ, quæ de sua voluntate & studio in Rempublicam differuisset, & minus ea libenter audita sunt, & animos non inimicorum modò, sed aliorum etiam B qui aderant, quique ab omni illa contentione abfuissent, plurimum ab illius rationibus alienatos mali imminentis terrore compleverunt. Erat autem facilis ratio proposita Reipublicæ saluti consulenti suam fidem & voluntatem populo probandi: ubi ipse invicem armatos dimittere animum induxisset, quorum præsidium minimè necessarium faceret, inimicorum victa & fracta vi: cum præsertim sua sponte adversarii ab armis discessissent. Quid enim arma retinere perseveraret, qui esset in potestate magistratus & legum futurus, quibus neque Respublica indigeret, & si indigeret maximè, à nullo quidem eo tempore, ab illo uno minimè omnium C postulare. Nam quòd negaret se fore impedimento, quò minus civitas suo jure uteretur, sive tollere veteres magistratus sive retinere mallet: nemo non videbat, eam potestatem de cuius antiquatione agebatur, quamquam illam dictatorio imperio præditam sæpè calamitosam civium libertati Respublica experta esset, quibus jus ad populum ab ea provocandi ademptum injuria videbatur, multò inferiorem futuram cum legibus modò constituta esset, privati potentia, quæ armis niteretur. Itaque & certa ratione *Cosmum* patrem fecisse apparebat, & filium facere, qui illius vestigiis sibi insistendum in omnibus duxisset, uti eum magistratum à quo nihil haberet quod vereretur, domesticis viribus in- D nixus: multum alii qui nulla parata subsidia, adversus infinitum atque intolerandum imperium ubi ad inimicos pervenisset, domo afferrent, populi suffragiis institui, tolli, instaurari, aboleri antiquarique, si quando id videretur, alio tempore, pateretur. Nam illud etiam vidisse, cum nullo suo periculo tanta imperii vis in multitudinem exerceretur, cuius ipse moderator esset, futurum ut inimicos hac ratione (nihil etiam se interpellante quin civitatis imperium suo arbitratu administrare magistratus videretur) perpetuo in metu contineret: qui ad unius libidinem per alienam tamen invidiam, omnia agi in Republica viderent. Summa tamen orationis fuit, quicquid tum ille de Republica senserit, quod ad libertatem populi constituendam, augendam publicam dignitatem, reconciliandam inter cives concordiam opportunissimum judicarent, id memores illius diei quo die eum honorem populus iis habuisset, pro sua dignitate & fide, nullo habito ad cuiusquam privati gratiam respectu, decernerent: se quidem quicquid ab illis decretum constitutumque esset, quod virum bonum deceret, & pacis studiosum, comprobaturum. His rebus ad hunc modum administratis, cum id unum omnes sentirent, tollendas dissensiones omnes & discordias è civitate, quæ diutius in eo statu esse non posset, ac negotio dato de ea re magistratui, convulsam iactatamque Rempublicam seditionum fluctibus & tempestatibus recreandam: minus tamen quid quaque ratione agi oporteret, contabat. Ita infecta in præsentia res in aliud tempus rejicitur: cum erecta ex tot malis Respublica quid sui juris esset considerare diligentius & per otium posset. Erat cum hæc agerentur, summa Reipublicæ po-

testas penes *Bernardum Lottium Petri* rebus parum faventem hominem, sed cujus tempestatis tamen quasi imminens procella non ita magna temporis jactura ab illo vitari posset. Quanquam verò facile erat cum esset stipatus militum manu, illum metu armorum à novis consiliis detertere: quoniam tamen id accidere non poterat sine magna hominum offensione, qui ex ea re præjudicium fieri communi causæ existimarent: minimè placebat contra atque suos cives de se sperare voluisset, illum à magistratu violando rem auspicari. Itaque re sibi integra reservata, quoad *Lottius* magistratu exiret, per eum qui illi esset successurus, quem jam aliorum nominibus sorte ductis, qui per illud tempus magistratum gesturi essent, haud alienum fore à suis rationibus conjiciebat: quod destinaverat, vacuo ab omni cura & solitudine animo, tentare experiri de amicorum sententia constituit. Nihil autem non atrox, sævum, immane cogitabat, cædes, exilia, amandationes, inter summum beneficium & summam injuriam nihil medium statuens, & quando beneficentia parum profecisset, ferro, gladiis, incendiis inimicorum, dignitati familiæ & liberorum securitati prospiciendum esse existimans: atque hoc quidem cum ex instituto aliorum, tum verò patris exemplo, cujus exilium medium inter capitis animadversionem, & criminis impunitatem, breve fuisset: animi vis & robur ingens in offensione vindicanda: quo quidem elatus & privatorum ruina & Reipublicæ magna clade reliquam vitam à solitudine & metu liberam tutamque præstaret. Remissi autem animi videtur & inertia languentis, etiam si id speciem lenitatis habeat, ad unius plagæ ictum cedere inimicis, in contentione præsertim dignitatis: ita mala consuetudine depravatis hominum ingeniis, ut nisi illi similitudines atque odia aut suo, aut inimicorum exitio finiant, vitam se reliquam infamem acturos putent. In magnis animis, in quibus & injuriæ & beneficii memoria, nunquam ubi semel constiterit, obliteratur, cum minus aut à fortuna aut à corporis viribus facultas suppetit, viget ingenium tamen & consilium ad spem ulciscendi: quæ nunquam homines deserit, nisi morte sublata. Nulla autem est offensio levis in magnitudine atque elatione animi: cum raro quærat quousque sævitum sit in facienda injuria, semper faciendæ injuriæ quæ causa extiterit, spectetur. Est enim viro forti unum animi insanabile vulnus: cujus æquè etiam est semper in omni offensione acerrimus sensus: cætera, quacunque illa in parte hæreant, & sive corporis deformitatem, debilitatemque virium, sive fortunarum jacturam importent, ubi tamen causa non lædat, levius feruntur. Jam fortuna *Petri Medicis* conatibus favente, *Rubertus Leonius* sortitus de more magistratum, ejus persudiosus potestatem inierat. Is cum de summa Republica retulisset, collegis in sententiam traductis, decem viros adlegit, qui præditi Regia potestate qua de antiquanda magnis contentionibus per eos dies actum erat, Reipublicæ constituendæ præessent, omnes ex *Petri* sententia. Qua re administrata, & armis antea adversariis & consilio victis: per eos novorum magistratuum comitia haberi, atque suarum partium homines quos aut muneribus aut voluntate conciliatos, esset in potestate habiturus, designari renuntiarique curavit. Ita inimici suis rebus diffisi ac penitus desperata salute, aliò sibi effugium quærendum arbitrati, *Angelus Acciaiolus Neapolim*, *Neronius* & *Soderinus Venetias* confugiunt: si qua id modò via assequi possent, Senatum, ubi certior libertatis spes affluisset, nunquam, ut credebant, defuturum exulum causæ, ad bellum excitaturi. Adjuvabat eorum consilium præter veterem Senatus consuetudinem liberas civitates ac miserorum fortunas defendendi, conceptum civi-

A tatis inexpressibile in *Medices* odium: quod *Cosmi* unius autoritate & consilio factum existimabant, ut *Mediolanensem* Principatus, sibi propinqua in spe ejus potiundi ereptus, ac *Francisco Sfortiæ* per summam injuriam adjudicatus esset. Eodem consilio usis *Acciaiolus* ire ad *Ferdinandum* Regem placuerat: quem minimè fore alienum à novis consiliis sperabant: quod *Eugenii* pontificatu *Renatum Andegavensem* vocatum in *Italiam* per speciem adjuvandi *Sfortiæ*, ad arma patri inferenda, *Florentinis* sumptum pollicentibus ad bellum: quod eundem *Sfortiam* ad *Insubrum* regnum occupandum, quò pater legibus & hæreditario jure fretus per *Philippi* testamentum aspiraret, eorum copiis sublevatum: quod denique fœdere cum hostibus icto, eundem exclusum ab illis & insigni affectum contumelia meminisset. At *Pitius* qui nulla re alia magis quam *Petri* nova conjunctione niteretur: exilii indignitatem, atque incommoda execratus animo: cum longa fortunæ indulgentia magis urbanis deliciis & domestico luxui assuetus esset, quam ut iis subito æquo animo careret: quanquam & invisus suis pariter, & iis ipsis contemptus, quorum causam magna suorum querela & tanta sua cum infamia juvisset: inertio ac turpi magno homini, deteriore certè conditione in patria futurus, quam qui illa pulsi per vim essent, manere constituit. Hæc quidem de *Luca Pitio Machiavellius*, alii, si eos libet sequi autores, aliquanto diversa tradunt, excepta ut apparet ex commentariis urbanis, quorum nonnulli, multis Reipublicæ casibus erepti adhuc supersunt. Cum in eorum collegio, quibus summi imperii procuratio in Quintilem & Sextilem menses obvenerat (fuit is annus ejus seculi sexagesimus sextus) quinque *Medicum* essent, cæteri non obscurè conjuratorum causæ faverent: pridie Cal. Septemb. de more sorte adlectis, qui ita distractis partium studiis in duos menses insequentes succederent, quod tempus, ut alibi diximus, summi magistratus legitimus erat: antequam qui veteris collegii erant magistratu abirent, de consilii sententia, in magna civium dissensione, multitudine in spem rerum novarum erecta, per certos homines, quorum virtus probata conjuratis, minimè fides suspecta esset, agi de compositione placuisse: *Thomas Soderino* id maximè suadente, *Antonio Laurentii* filio *Rodolphio*, *Carolo Pandulphino*, & *Manno Temperanio*, qui privati quidem erant, sed magnam prudentiæ & virtutis opinionem habebant. Iis quod se ultrò ad pacem conciliandam, autores futuros obtulissent, negotium datum, ut *Pitio*, *Neronio*, *Acciaiolus*, & *Soderino* conventis, qui militum manum & voluntariorum conductam domi haberent, quoad autoritate perficere & consilio possent, curarent, ut per æquas condiciones ab armis discederent, quod quidem si essent assequuti, maximam laudis partem intelligerent ad se perventuram. Ita & publica autoritate, cum illi magistratus imperio, se rem suscepisse profiterentur, & verò etiam privata, victum *Pitii* animum, cum eorum consilium primum non improbare, postremò mentem ad pacis condiciones, quæ illi æquissimæ ferrentur, flectere videretur, ut agi etiam de reditione in gratiam pateretur, induxisse. Ejus autem rei ita *Lucam* illis potestatem fecisse, ut per eos suæ dignitatis rationem habitam appareret: veritum ne in eo plus gratiæ aliquantò qua *Petrus Medices* præstabat, quam causæ tribueretur: qua ex re fieret, ut de suo jure decedere coactus, mox in capitis discrimen adduceretur. Ita *Petrum* in præsentia qui non magis *Pitium* sibi adjungendo, quam distrahendo ab aliorum societate, eorum infirmare vires & labefactare conaretur: dignitatis esse obliviscendum, ubi de salute agi oporteret, arbitratum, cum ejus præsertim vindicandæ, ubi conspirationem adversario-

riorum disiecisset, haud esset illi occasio defutura: probatis conditionibus quæ proponebantur, cum illo rediisse in gratiam. Cujus rei confirmandæ causa, cum officiis inter eos certari coeptum esset: *Petrum* qui principem locum in facilitatis & comitatis laude quæreret, *Laurentium* filium ad illum domum misisse: à quo cum exceptus, ac nulla omiſſa benevolentia atque amoris significatione dimissus esset: ita illum affectum reliquiſſe, ut antea liberis præire jussis, ipse *Petrum* continuo ire invisum, paucis admodum comitatus, quod esset conciliati animi argumentum & planè illi restituti, & se armato permittere animum induxerit. Hinc ab iis qui aderant, viris bonis & honestis, rursus de ea re mentione injecta, magna concordia animorum, non de pace solum, sed de affinitate etiam transactum esse. *Neronium*, *Acciaiolum*, & *Soderinum*, cum quidem (id quod credibile est) conveniri ab illis consultò noluissent: ne si rogati in colloquium venirent, pertinaciæ opinio illis ubi in sententia perstarent: ubi fractis animis, arma abjicere malent, atque integram causam cognoscendam magistratui permittere de quo nihil haberent quod statuere possent, mollitiæ infamia atque inertia apud suos fraudi esset, quos inimicis prodidisse viderentur, ab eo consilio abfuisse. Ita *Pitium* nequicquam, ut docuimus, à *Neronio* & *Soderino* sollicitatum, ut nollet, prodita causa suorum, separata à cæteris consilia habere, & suis ad exitium & *Petro* ad victoriam aditum aperuisse. Quæ autem causa illi extiterit commutandæ sententiæ ignoratur: verisimile est (si modò studio libertatis adductus, cum inveteratam multorum odio *Medicum* potentiam majoribus viribus tollendam esse arbitraretur, societatem cum *Neronio* coivit) quòd de eventu desperarit, ab ea contentione illum non malo consilio abstinendum, quæ pernicioſa sibi, nulli adjumento aut præsidio Reipublicæ esset futura, censuisse: cum quidem constantia retenta in perditis rebus nisi cum alia ratio nulla reliqua superſit dignitatis tuendæ, pertinaciæ affinis & amittat laudem, & in vituperationem vertatur. Nam si id minus spectavit, & homo sui impotens ac præceps cupiditate dominandi, cum non esset pares in victoriæ præmio laturus, quos opinione virtutis anteciret, cum rerum exitum execrabatur, qui lætus parum usus atque emolumenti, adversus nominis jacturam & fortunarum afferret: ut non optimam rationem ita aliquam tamen sequutus, cum usque eo esset progressus ut nihil victori integrum nisi sui contemptione atque indignitate ad ignoscendum relinqueret, videretur pacis consilia probasse. Non est hic prætereundum id, quod de hac re tota *Ticinensis* tradit multum ille quidem à *Machiavellio* dissentiens: cum externis auxiliis comparandis hinc *Petrus Medicus*, hinc conjurati intenti, in magnam expectationem rerum novarum civitatem erexissent, quarum exitum boni omnes perhorrescerent: sollicitum magistratum de summa Republica cum nisi privatorum audaciæ occurreret, rem eò progressuram animadverterent, unde revocandi spes nulla esset: per interpositam publicam auctoritatem eos post multam disceptationem, ita ad concordiam adduxisse: ut privati positis armis, in potestate magistratus se futuros, ac disceptandis minuendisque controversiis eo quòd decrevissent mansuros pollicerentur. Ita autem decernente magistratu, inter eos convenisse: posthac in privatorum ædibus nulli civium cœtus, nulla concilia, coitiones haberentur: quicquid esset quæ de re inter privatos disceptaretur, id ad eum magistratum, cujus de ea re cognoscendi jus esset, referrent: ejus decreto atque imperio starent: offensionum memoria oblitterata, pacem, æquabilitatem, concordiam, æquo jure cum cæteris utentes in posterum colerent: iis contra à ma-

A gistratu caveretur, ut quòd privati societatem consent, conjurationem fecissent, coacta armatorum manu multitudinem ad arma excitassent, id illis fraudi ne esset, nec exilio, multa ulla, gravioreve animadversione notarentur. Ea omnia se rata, firma, sancta habere, tabulis publicis jurejurando obstricti testarentur: id, ut documentum certius violatæ fidei extaret, ubi à conditionibus discessissent. Per quos factum constaret, ut fides violaretur, ii se Pontifici *Romano* sisterent, ejus judicio convicti plecterentur. Ita *Petrum Medicum* cum adversarii futuri in magistratus potestate, ac conventa rata habituri viderentur, nihil autem causæ esset, cur ea arma retineret, quæ ne illi essent necessaria, magistratus fide publica cavisset, relicta urbe, ac soluto omni cura animo, rus concessisse. Hinc ne quid tumultus ad novas seditiones adventu militum *Sfortianorum* ad urbem oriretur: ad duces scripsisse, quando jam domi diffidia omnia inter privatos sublata essent, se illis quò minus ubi vellent militem dimitterent in mora non esse: eorum se auxiliis in præsentia, quæ sibi invidia, Reipublicæ non essent usui futura, non indigere. Cum grave exortum malum in civitate, ac subito oppressum magna bonorum lætitia videretur: ut brevis usura ejus lætitiæ esset, conjuratos sive id illi consultò, sive, ut fit in iis quæ agrè probamus, tarditate & procrastinatione exequi neglexissent, commisisse. *Borsum* enim quem ab illis quidem de iis quæ acta *Florentiæ* erant, certiore fieri oportebat, jam adductis copiis ad Reipublicæ fines, quò frater illis citius auxilio esset, ut protectionem etiam omnium opinione celerius maturaret, curavisse. Ejus rei fama in urbem eodem tempore atque ad *Petrum Medicum* in *Caregianum* perlata, cum literis à *Bentivolio* opportunè acceptis, de *Ferrariensis* adventu cognovisset: commotum, ut par erat, magnitudine periculi subito coacta agrestium & voluntariorum manu, ac nuntiis & literis in omnes partes, *Mediolanum* in primis dimissis, quibus ut auxilia sibi mitterentur postulabat, in urbem armatum inclinato in vespere die ingressum, domum præsidii ante fores armatorum dispositis, seposse. Ejus adventu percussos conjuratos cum quidem tam repentinus atque inexpectatus fuisset: quando nihil à se admissum intelligerent, quare sibi *Petrus* confugiendum ad vim existimaret: vererentur autem ne causa metus quæſita esset, quò opprimendis adversariis, qui essent futuri imparati, necessaria illi arma suppeditarentur: & ipsos ut per temporis angustias licuit, domibus collectitia clientium atque amicorum manu munitis quiescere quidem atque se continere sed armatos tamen atque ita rei eventum expectare statuisse. Postridie mane quàm hæc essent acta, magistratum jam à *Petro* literis ad eum missis, quas ad se *Bononia* allatas de adventu *Herculis* diceret, eum simul & *Lucam Pitium* advocandum in curiam, qui maximè inter conjuratos conspiciebatur, curasse. Cum alter affuisset atque ejus rei invidiam omni asseveratione deprecatus, in adversarium avertere conatus esset, *Petrus* valetudine impeditus, liberos misisset: & errore facile & causa erroris detecta, non de seditione tollenda solum, sed de reconciliandis etiam per eam occasionem animis agi coeptum esse. Ita data utrimque atque accepta fide, *Lucam Pitium* in gratiam cum *Petro Medice* rediisse, ac liberos complexum deosculatumque esse. His rebus ita administratis, *Loisio Luca* fratri à magistratu datum negotium esse, ut celeriter ad *Herculem* profectus, militem statim è finibus Reipublicæ abducendum, ne si ulterius progresseretur, major tumultus per armorum occasionem in civitate excitaretur, omni studio curaret. Rursus augescente multitudine rumorem, cum temerè percrebuisse nihilominus *Herculem* ad urbem

infestis signis properare: *Petrum* qui quoddam suspensio animo & incerto fluctuaret, nondum armatos dimiserat, *Nicolaum Soderinum Germanis* ex proximis textrinis ad arma vocatis, qui ex *Belgis* acciti (*Germanorum* uno nomine à nostris hoc tempore *Belgæ* appellantur) aulae in urbe faciebant, coacto metu sibi *Pitio* adesse, nocte adoriri statuisse. Cum *Lucas* advenientem domum amicè excepisset, quamquam armatum atque iracundia ferociaque elatum, & precibus & autoritate contendendo, ut eam noctem quiescere, & *Germanis* in praesentia abire iussis, apud se manere vellet, induxisset. Ad hunc modum magno periculo *Petrum* creptum *Pitii* sedulitate & studio esse. Ita autem tum inter omnes convenisse: cum excitata plebs desiderio libertatis (quam neque modicè amissam cupit, nec fert eandem adeptam moderatè) minimè occasione defutura videretur: nihil illi reliquum spei futurum, ubi *Soderinus* impigrè rem exequi magno animo coeptam pergeret, ad salutem fuisse. Hæc ita à *Ticinensi* traduntur, ut post *Pitii* reconciliationem, communi simul omnia consilio ab illo & *Petro Medice* gesta adversus cæteros conjuratos administrataque affirmet: non prius autem *Petrum* destituisse, & amicos communes allegando & promissis eundem & spe honorum excitando, quam illum alienatum à cæteris ad communicandas vires etiam consiliaque induxerit. Cætera ferè cum iis congruentia habet quæ excepta diximus ex urbanis commentariis: ad Decemvirum creationem, per quam potestatem, jam factus superior adversariis *Lucæ* conjunctione, nullo negotio illos ejicere ac de medio tollere potuerit. Quicquid verò is de *Pitio* scriptum reliquit: fama tamen obtinuit, *Petrum* alterum quidem effecisse, uti commutata sententia quiesceret: minimè alterum affecutum, ut pro illius causa fumeret etiam arma. Desertoris enim illud videtur fuisse, quod per speciem improbatæ causæ, poterat ignaviæ obduci: hoc proditoris & quod minimè sceleris infamiam & dedecoris effugeret. Multos autem reperias qui possint facile officio deesse: admittere scelus non item facile possint. Ut autem hoc credam, facit omnium ferè in eo consensus (quod *Machiavellius* etiam affirmat) cum pulsus inimicis, *Petrus* rerum potitus esset: sua spe atque expectatione *Pitium* frustratum, vitam reliquam obscuram, præmiorum certè expertem, quæ ascitum in societatem periculi manerent, traduxisset. Accidit hoc autem ferè eis semper, qui in partium contentione, quiescere ac neutram fovere quam certare armis malunt: ut à victis odium referant, quod se proditos ab iis putent, à quibus expectari opem non licuerit: & parum solidam gratiam incant à victore: qui cessationem quiescentium pro causæ præjudicio, quam quidem vinci voluerint, interpretentur. At qui ex urbe aufugerant (fuerunt autem permulti) ii ad unum omnes, publicatis bonis, damnati ac notati ignominia, tanquam vim patriæ intulissent, hostes judicantur: ac quoniam exilii causa solum vertissent, non antea magistratui sui facta potestate, ea de re interposito decreto, illud iis ut iussum ratumque esset, pronuntiatum. Cum magno hominum metu in omnes magistratus sæviret, qui fuisse participes conjurationis in *Petrum Medicem* dicerentur: qua in re non manifestò modò deprehensum crimen, sed quod gravissimum est, suspicio criminis ad exitium valebat: qui conjuratos propinquitate & cognatione attingebant, quando se parum tutos futuros in ea urbe rebantur, in qua iracundia homines atque odio efferati, aliorumque magis elati victoria quam sui, nullo discrimine pariter & qui exulum & qui culpæ affines essent ad supplicium raperent: patriis fortune crudelitati atque avaritiæ inimicorum prædæ relictis, sua sponte in exilium abierunt. Sequitur autem ferè semper hoc

A malum dissensiones & civilia bella, ut qui periculi socii & armorum fuerunt, quæ præmia sperare à Duce victore non possunt, à victoria petant: quæ sua natura insolens atque effusa, facile in eorum fortunas sævit, quorum sanguinem & vitam hausit. Ita fit, ut qui obsequutus ingenio, sit mitis in victos futurus, ei per suorum insolentiam, raro liceat ingenio uti. Est porro hoc longo usu animadvertum, ut ferè semper de hostibus victoria parta, de iis quos vicit belli Dux, de victore, quod est foedissimum, triumphum sui agant. Ex iis qui urbe excefferunt, *Neronii* ferè omnes, qui quoniam principes conjurationis ferebantur, propiores periculo videbantur futuri, extorres omni spe veniæ aut desperata aut abjecta, profugerunt. *Joannes* quidem qui pontificatum *Florentiæ* gerebat *Dietisalvii* frater, *Romam*, quæ illi esset sedes exilii tutissima futura, unde injuriarum vindicem sibi esse quærendum statuerat, ad *Paulum Secundum* Pontificem concessit. Affirmat *Nicolaus Valorius*, cum *Petrus* ob virium imbecillitatem impar rebus gerendis esset, atque in *Laurentium* filium magna spe jam de illius virtute concepta, curam omnem administrandæ Reipublicæ contulisset: ut mitius cum adversariis ageretur, illum maximè, suo studio auctoritateque perfecisse. Ac cum ad illum esset adductus *Antonius Tebaldutius*, unus ex his qui cum *Neronio* in patrem conjuraverant, ut venia impetrata, cum illo, ubi vellet, in gratiam rediret: illi *Laurentius* gratias egerit, quo erat usus interprete *Tebaldutius* ad veniam impetrandam: cum illud etiam addidisset, magnam quidem gloriam propositam viro forti in vincendo inimico, multò majorem tamen in eodem conservando, illum sequi. Nam ut inimicum vincere & felicitatis pariter & virtutis videri: sic conservare victum atque eò non progredi quod odium impellat atque ulciscendi libido, unius modo virtutis munus ac difficillimum semper illud quidem esse: repugnante fortuna, quæ raro secunda & non immoderata eadem est. Ac quemadmodum qui esset aliquid nactus, cujus rei jacturam fecisset, id illi æquè esset charum atque ea quæ stabili ac diuturna possessione quæsitæ haberet: ita verè & ex animo reconciliatum inimicum, sæpè veteri & constanti amico æquandum: præferendum aliquando, cum esset melior factus beneficii accessione. Cum magistratus planè *Petro* addictus edicto præfatus esset, Rempublicam nobilissima sui parte amissa, afflictam & jactatam, quasi tamen sentina exhausta, recreatam ex adversa tempestate, esse hominibus lætandum: supplicationes decernit, quibus quod civitas ad concordiam rediisset, ac gravi metu armorum liberata esset, gratiæ Deo immortalis agerentur. Quibus cum multitudo occupata à sensu aliarum rerum averteretur, de nonnullis, qui indicati à consciis dicerentur, quæstione habita (nondum planè reliquiis conjurationis deletis) supplicium sumptum est: id quod magnum postea odium in *Petrum* concitavit, cum majorem esse partium contentionem quam studium constituendæ libertatis appareret. Ita multi, cum nullus finis aut modus esset in eos quærendi, quorum nomina deferrentur, quamvis levi suspitione, in causa capitis, quod iniquissimum est, infontibus ac nullo patrocinio legitimo sublevatis, officiente, in exilium ejiciuntur: ac præter publicationem bonorum, quæ una erat causa sæviendi, tristi ac gravi infamiæ nota hostes judicantur. Cum tot mala repente essent civitati objecta, quorum quidem magnitudo misericordiam magis in affectos, quam causa quæ nulla agnoscebatur, odium moveret: unus tamen *Lucas Pitius*, etiamsi eorum culpa omnis in illum rejiciebatur, quæ res efficiebat ut magis dignus odio quam misericordia haberetur: quantò in illustri homine insigniores fortuna

næ injuriæ sunt, quàm in posito humili & obscuro loco, in primis commutatione fortunæ homines movebat: honestum exilium ubi præstaretur culpa, patriæ commodis, quæ tanta dignitatis jactura quærentur, præferentes. Itaque omnes ferè in rerum eventu, qua re nihil est facilius, viri fortes & magnitudine animi elati, etiam cum integrum est, & optio datur utrum velint agendi, malunt in contentione dignitatis occidere armati, quàm arbitrio inimici victoris patriam & vitam retinere. Erat domi perpetua solitudo, nulla hominum frequentia, qui ubi exiret, domo deducerent: amici clientes nulli, assiduitate patrocinium principum, cum modò est usui mereri assueti: solus, contemptus, invisus: nemo qui illi obvius de via decedere, nemo qui salutare advenientem appellare, aspicere auderet. Nam tantus erat injectus omnibus metus, ut abjectissimi homines & ex infima urbis facie, cum ille amplissimas ædes, quæ ad hunc diem etiam in tanto hominum luxu, cum admiratione visuntur, inchoatas haberet: illi suam operam mercede locare, atque adèd ii sine quorum ministerio gravis & difficilis est hominum vita, in familiarium illius numero haberi deterriti metu, recusarent. Ità cum multi illum odio, plures contemptione, nulli misericordia dignum putarent: eoque impudentiæ ventum erat, ut quæ munera illi privati secundis illius rebus detulissent, tanquam illa corrogata, patientia & dissimulatione eorum ad quos pertinerent, in domesticum usum avertisset: sua esse & à se injuria alienata impudentissimè dicentes, reposcere, atque ubi eo minus facili uterentur, summo jure etiam experiri conarentur. In tot malis quibus undique circumvento nullum reliquum solatium erat (quod illi amici prædixerant aliquando futurum) ferunt fluctuantem animo, ac non magis ab aliis rebus quàm à mente & consilio inopem, serò sed æquè frustra quidem sua spe deceptum, suscepti consilii poenituisse. Ita cum ille dignitate libertateque amissa, quam ab inimicis per prodicionem suorum petere quàm ab armis atque magnitudine animi maluerat, in civitate foro & curia, cæteri ita patria exularent, ut vigeret in iis memoria & studium suos liberandi (quæ una illis spes reliqua erat) variis rationibus Principum animis sollicitandis, nova consilia inire, necessaria quidem quibus patriæ repetendæ omnis alia ratio deesset, variè cœperunt. Quæ tamen quanquam ab illis summo studio administrantur: *Acciaiolus* hoc sibi consilium ad extremum sibi reservandum arbitratus, sive *Petri* lenitate confideret, sive causæ æquitate, cum videri vellet, nihil minus quàm illius opprimendi causa, cum inimicis conspirasse: tentare illius animum literis constituit. Quod quidem hominis consilium etiam si in desperatis rebus & ubi magis salutis quàm dignitatis ratio habetur, non est reprehendendum: nulla tamen nobis ratione niti videtur. Nam præterquam quòd susceptas habebat cum *Petro Medice* similitates Reipublicæ causa, id quod in primis existimari volebat: aliæ etiam inimicitiarum causæ privatæ intercedebant, graves in primis & minimè oblivioni mandandæ, ut superius demonstratum est. Quod cum haud *Petrus* ignoraret, nulla erat ratione facturus, ut inimicus vetus nova injuria laceratus, suo periculo revocatus ab exilio, in sui perniciem quasi in sinum exceptus confurgeret, sollicitum certè illius animum perpetuò haberet, cum redimere gravem curam inimici calamitatis posset. Neque autem semper verum est, quod proverbio fertur, citius injuriam qui facit quàm cui illata est oblivisci. Est enim hoc eorum qui aut ignorant inimici vires aut contemnunt: quorum his temeritas & nimia confidentia sui, illis imprudentia & socordia, quæ ferè semper animi securitatem cum ab ea causa ma-

A nat, consequitur, exitium affert. Prudentis quidem hominis est, cum de voluntate dubitare non possit, ita de inimico statuere, cum quidem cum sit injuria affectus, malo doctum facere etiam injuriam atque vindicare adèd, quod est facilius factu contempto & abjecto, didicisse. Id autem ut *Petrus* magis intelligeret sibi esse cavendum, *Acciaiolus* imple effecerat: qui etiam si aliam causam jactaret, quæ popularis esset, & probitatis ostentationem haberet, satis sciret futurum, ut aliò eam inimicus referret, & cui ille oblitteratam etiam memoriam veteris offensionis, tanta quidem accessione injuriæ renovasset. Literas autem ab eo scriptas maximè in hanc sententiam *Michiavellius* tradit. Equidem cum tacitus confidero (facio id autem sæpius) quàm temerè hominum vitam fortuna jactet: non possum facere quin meis etiam in rebus adversis vehementer interdum rideam & effusè. Tanquam enim illi magnopere curæ sit quàm rectè in vita cum hominibus agatur: quæ faciliè patiat nullam certa causa hominum amicitias & conjunctiones dissociari: eandem rursus eos inter quos graves inimicitia & susceptæ maximis de causis intercesserunt, non reconciliare modò, sed revocare etiam in amicitia conjunctionem, & temerè æquè & crebrò animadvertimus: quod quidem maximum est, iis ipsis etiam ignorantibus causam, quorum maximè id interesse videatur. Cum pater tuus vir optimus idem & fortissimus (quod minimè accipi tanquam à me dictum exprobandi causa velim: neque enim hoc fortuna postulat mea) cum, inquam, is pulsus ab inimicis in exilium esset, illius ego culpæ reus, quæ cum esset nulla, odio inimicorum & crudelitate, invisam maximè illius causam civitati faciebat: quòd semper meis privatis rationibus illius salutem anteposuissem, patriam simul cum eo amisi: ægrè cum in me undique insidiæ compararentur, fuga salute quæsitæ. Rediit ille brevi postea & quidem cum eo omnes qui illius partium studiosi habiti & calamitatis socii ac participes fuerant, redierunt: quorum nemini ego unquam, amore atque observantia in illum, magnitudine beneficiorum, cum neque hoc illius fortuna, nec mea ferret, non ita multis & siquidem voluntatem in benemerendo spectari oportet, neque iis ipsis planè unquam cessi. Quod quidem meum in illum studium, cum mors illius sequuta esset, atque ego id à te illius filio tanquam hæreditate adiri æquum censerem: nulla unquam animi offensione interruptum, in te quamdiu id mihi per quandam rationem meorum temporum licuit, constantissimè retinui. In suscepta contentione de Republica quòd ego à te dissentire, ac patriæ salutem, privati commodis præferre maluerim: fortasse cum in mala fuerim sententia temporibus deceptus, accusare tu quidem me potes: æquissimo animo ferre idem debes quòd ego, id quod tu semper etiam præ te tulisti patriæ consultum voluerim, quam semper meam quoque salute habui chariorem. Cum te adversa valetudo, liberos in quibus etiam si magno ingenio essent, id minimè ætas atque usus rerum consequeretur, civitatis ratio à Reipublicæ procuratore avocaret: me quidem, ut par erat, magnopere salus meorum civium movit, ut pro meo in illos studio, id quod ego nunquam inficiabor, ita Reipublicæ prospiciendum putarem, ut magis in legum & magistratuum autoritate, quam esse immortalem par est, ubi viget studium libertatis, quàm in mortali homine illius salutem collocarem: ut si quid sit à me actum quod minus tibi probari potuerit, tantò id minus molestè debeas ferre, quantò magis intelligis, non adversus tuam salutem, sed pro patriæ libertate hanc à nobis susceptam contentionem esse. Qua in re tamen si quid est à me peccatum: non animi studium, quod quidem cum à pietate

proficisceretur qua sum patriæ obstrictus, non potuit non rectissimum esse: sed ratio agendæ rei, quæ tamen magis ex mentis consilio quam ex eventu debet æstimari, fortè improbari potest. Ut-
cunque enim minus ego tuæ salutis ac dignitati consulere visus sum, quando humani erroris hoc crimen est non voluntatis: haud indignus deo videri, cujus aut studio & pietati in patriam, aut vetustis in tuam familiam meritis & officiis (si modò deceat magnos homines memores beneficiorum potius quam injuriarum esse) condonari id æquum putes. Hæc pluribus visum est ad te scribere, quò latius tibi quæ mea in te voluntas esset, declararem. Quam quidem cum jam satis tibi esse exploratam & perspectam confidam: tuum erit, cujus quidem hominis studium & fides nunquam temporibus tuis adversis desiderata sit, vetus familiaritas & consuetudo, interposita magis temporum iniquitate, quam oblitterata memoria, is ut te facilem & misericordem in sua adversa fortuna inveniatur, præstare. His literis lectis, ita *Petrus* illi respondisse fertur, ut ægrè possit dijudicari utrum in illum odio majore an contemptione fuerit. Fuisse autem literas scriptas hoc argumento accipio. Ego verò *Angeles*, facile patior, & istic quemadmodum scribis, posse afflictis tuis & perditis rebus ridere. Est enim id satis causæ cur ego minus hic lugeam secundis meis: cum facile intelligam, ubi tibi in patria, id quod eras vehementius facturus atque effusius, ridere licuisset: mihi foris planè fuisse lugendum, qui non æquè ad fortunam adversam ferendam obduruerim, ut tu videris, multis philosophorum præceptionibus & gravissimis adversus omnem illius vim atque impetum munitus. Facit autem hoc ipsum, ut minus mihi intelligam ejus hominis causa laborandum, quem animadvertam in stomacho etiam & indignatione risum captare. Nam quòd ais te patris mei studiosum fuisse, non verèbor ne quis me existimet laborare crimine ingrati animi, cum minimè tu quidem gratis unquam amaveris, & benevolentia, quæ, ut nunc apparet, simulata erat, præmia retuleris amplissima: si ubi idem mereri malè de nostris rebus cœpisti, justitiæ partes æquè præstans, ut exul maleficii & sceleris poenas luas dandam mihi operam putem. Quamquam neque ego magno unquam sanè eorum benevolentiam redimam: qui cum beneficia maxima accipiant, tanquam in pari laude debeat poni qui præclare factis & qui verbis meretur, id quod nunc ipse facis, studium in bene merentes & verborum honorem, petulantissimè jactent. Ac cum non ignores minimè hoc me fugere posse, perastutè, ne quando tibi officii exprobrationem obijciam, in principio occurras. Quod verò tantum admissum non in me magis quam in patriam scelus (quandoquidem plurimum hoc nomine debere tibi Rempublicam reris) studio pietatis tegere audes, quòd magnum atque insigne in tuos cives ostentas: tantò id debet gravius ferri, quantò magis impiè facis, qui pietatis nomine sanctissimo, factio improbius tuendo abutere. Nam si hæc tanta laus à majorum commendatione est ducenda, utrum mei majores honestandæ augendæque patriæ, an tui plura præstiterint, ne aut ipse mihi aut meis faciam injuriam disputare in præsentia omitto. Quod reliquum est, quando in patria relictum tibi à majoribus locum retinere honestè non potuisti: perge quidem in aliena, ut dignum tuo scelere est, per turpe & inhonestum otium, atque in ea fortuna, quam tute ipse finxisti, grandis jam natu quod est tibi vitæ spatium reliquum agere. Ita ille spe omni reditus præcisa, ne tamen penitus abjecisse animum videretur *Neapoli* discedit, quam ille urbem, cum parum eum Regem faventem exulum causæ esset nactus, minimè opportunam rebus novandis esse

A statuerat, ac *Romam* contendit, eo consilio ut cæteris exulibus, si quid illi per occasionem molirentur, præsto esset. Jam illi cum cætera minus processissent, hoc inter se consilium inierant, non sine magna quidem spe eventus ubi fortuna rem agentibus adesset: ut cum in urbe *Medices* ampla quidem negotia sed haud satis explicata haberent, data opera ut eodem tempore nomina à creditoribus exigenterentur, atque ita illis imminuta & labefacta fide, in certam perniciem *Petrum* ac liberos adducerent: callidè illi fore arbitrati, ubi celeberrimo *Italiae* conventu fidem amisissent, ægrè ut in patria auctoritatem illi atque existimationem retinerent. Ergo cum ita deliberata & constituta re, facile in magna inimicorum invidia, qua non illi modò apud suos sed etiam apud externos flagrabant, sua auctoritate perfecissent, ut ingens pecuniæ vis cujus magnam partem in nominibus, perexiguam numeratam haberent, à *Petri* procuratoribus exigeretur, neque eam subito expedire possent: ita illos improvisa atque inexpectata re perculerunt, ut *Petrus* quanquam usus summo amicorum studio (tanto suis fortunis periculo imminente) ægrè tueri in civitate & apud externos fidem potuerit: qui ejus rei fama deterriti, venire ad suum primo quoque tempore curarent. Quæ quidem dum ad hunc modum in urbe geruntur, *Neronii* & *Soderini* qui *Venetis* exulabant, bellum atque apertam vim animo agitantes, liberam civitatem ac præpotentem, ad arma sollicitare non desistebant: ut cum populari & ad præsentem fortunam accommodata oratione frequenti Senatu de ea re egissent, & Principem & patres æquè permovisse dicerentur. Ita autem unus ex iis communi omnium nomine locutus fertur. Cum in hac civitate in primis totius *Europæ* nobilissima & potentissima, divino consilio libertatis domicilium sanctissimum collocatum constitutumque sit: violata illa nefariorum hominum armis, ab iis opem atque auxilium implorat, quorum cum hoc esse patrocinium maximè credatur, pares quoque vires ad illam tuendam adversus hominum scelus Deus immortalis esse voluerit. Ita verò, ejecti per summam injuriam patriis sedibus, supplices huc manus tendimus, ut si postulata nostra æquissima justissimæque preces à vobis rejiciantur, in quibus spem omnem recuperandæ patriæ collocavimus: apud quos alios aut salutis perfugium quæramus, aut exilii solatium, nulli amplius super sint. Nullum quidem *Patres Conscripti*, nostrum præclarum meritum in hanc Rempublicam extat, de qua benè mereri, is unus modò potest, cujus summa providentia divinoque consilio condita urbs constitutaque est: studium egregium semper (quod nobis licuit præstare) mirifica voluntas singularisque extitit. Cujus quidem quòd minus vobis ullam significationem dederimus, nonnunquam Reipublicæ nostræ temporibus quæ privatorum studia interpellarent id ab invitis exigentibus: vestra idem felicitatis, & calamitatis æquè nostræ magnum indicium est. Ita autem est hæc civitas florens auctoritate, potentia, magnitudine imperii, ut cum tantis illius opibus summa pietas, religio, justitiæ ac sapientiæ opinio adjuncta, admirabile illam cunctis populis conspiciendamque reddat: si quis ope illius atque auxilio ad eam confugiens sublevetur, ei facultas omnis referendæ gratiæ, cum majus hoc quiddam spe hominis sit, simul esse erepta videatur. Quò minus nobis esse elaborandum intelligimus, ut vobis, *Patres Conscripti*, æquissimam nostram causam probemus: quorum in hoc gravissimo sapientissimoque consilio, plus semper æquitatem quam gratiam, preces miserorum quam potentium opes, studium veræ laudis quam cupiditatem, leges & judicia, quam vim atque arma denique potuisse animadvertimus. Nam quæ

quæ in præsentia patimur mala cujusque rei causa quæque in posterum videamur passuri, nisi quid nobis præsidii in vestra fide constitutum sit, ita vobis comperta esse arbitramur, ut supervacanea jam omnis nostra commemoratio videri possit. Quod quanquam ita sit, haud tamen dubitamus, si eam malorum faciem spectari æquè faciliè liceret, quæ cives nostri in patria ferunt, quin multò illa magis visa miseranda, non solum humanissimos homines, & qui ex secundis suis rebus miserari supplicum fortunam consueverint, quibus alii insolescunt, sed quemvis etiam in quo ulla modò humanitatis vestigia sint reliqua, ad eos homines profligandos perdendosque impellant, quorum ea scelere & nequitia in civitate nostra evenerunt. In libera civitate, atque in primis nobili & clara (liceat patria ejectis de suis rebus magnificè loqui) privati homines cum malis artibus aliis, tum ubi his minus per bonorum consensionem locus esset, vi atque armis principatu occupato, civium alios memores veteres libertatis, cum ea ipsa, patria erepta, cujus nunc nequicquam interitum lugent, per summam injuriam ejecerunt: alios cum eorum fracti animi essent, cædes illis, exilia, proscriptiones intentando, parere superbissimò imperio ac servitutis jugum accipere longè acerbissimum, coegerunt: affecerunt alios genere mortis teterrimo & crudelissimo, in quibus par constantia & animi robur, eorum sceleri atque audaciæ esset: leges, jura populi, auctoritatem magistratuum, divina atque humana omnia sustulerunt, immani ac nefando imperio superbia, cupiditate, libidine exæquarunt. Quibus tot malis, tanquam nondum satis in nostros cives esset sævitum tot capite damnatis, in exilium pulsis, in ultimas terras amandatis, quò facilius religionis & pietatis specie homines capti, opprimerentur: solennibus supplicationibus pro civitatis concordia ad omnia urbis templa indictis, incautos homines & imprudentes, qui tanta se religione tectos ab inimicorum crudelitate & scelere censerent, pro communi (inquam) salute vota suscipientes, captos, comprehensos, tormentis excruciatos, fidem hominum, Dei immortalis opem atque auxilium implorantes, ex cujus sanctissimis delubris ad supplicium indignissimè rapiebantur, securi feriendos, fractis cervicibus fœdissimè necandos, inspectante populo, cum vocem nemo aut gemitum edere indicem libertatis, nemo quiritantibus metu adesse auderet, efferatis odio animis, curaverunt. Ac si minus tot malorum commemoratione, *Patres Conscripti* movemini (tametsi ut sunt vestra mitissima ingenia & ad misericordiam propensa, vestra admurmuratione, qui his audiendis sensus in vobis sit, minimè potestis dissimulare) iidem cum *Sfortia Insubrum* Regulo, vestræ Reipublicæ nunquam fido amico, infestissimo semper futuro hoste, armis sociatis, per speciem tuendi principatus, quem scelere partum habent, tantarum virium accessione inflati alienæ ditionis civitatibus imminet, semper *Italiae* quietem atque otium, nisi obviam eorum amentiae & audaciæ eatur, perturbaturi: id ne accadat in primis magna vestra invidia, vobis est, pro vestra sapientia, providendum. Ea enim est hominum opinio, ut aut per vos unos, aut per alium neminem, tantam independentem *Italiae* tempestatem ab horum conjunctione sperent aversum sublatumque iri. Nam *Sfortiam* potentiorum per se esse quàm vobis videatur expedire, quorum fines imperii attingit, minimè, *Patres Conscripti*, ignoratis: ut si eidem adjungi *Florentinorum* arma, veluti corollarii loco, patiamini nemini jam dubium sit, parem illi potentia atque opibus in *Italia* facile futurum neminem. Nunquam non arma timenda sunt, ubi illa

A etiam ab imbecillo sumpta adversus valentiorum, vires sensim sumere patientia homines ac dissimulatione permittant: corroborata eadem & confirmata tempore, raro certa ratione & consilio, nunquam subita vi comprimì & coerceri possunt. Per magni enim interest, utrum quis meditatus & consilio ante suscepta re, an imparatus & oppressus tempore, ad arma accedat. Itaque cum æquissimam causam atque optimam apud sapientissimum Principem amplissimique ordinis homines agamus, cum ab iis opem imploremus, quorum semper institutum fuit, nunquam miserorum ac supplicum preces aspernari, cum ubi est mirifica voluntas atque inclinatio animorum, autoritas sit & potentia par, cum denique, ut hanc causam suscipiatis, non illius æquitas solum sed cura etiam vobis rerum vestrarum suadeat: ita nos & privatam nostram & multò adeò magis patriæ salutem, hujus nostri animi testem Deum immortalem advocantes, cujus vim irati licet nemini effugere, vestræ fidei commendamus: ut cum tantum in nos meritum, nulla sit unquam oblivio ex hominum memoria oblitteratura, faciliè tamen intelligatis cum in eo ipso consulturos vos otio vestro & dignitati, tum veteres injurias hac tanta vobis in præsentia occasione ostentata, vindicatos. Quæ res minimè negligi à vobis debet, si modò esse memores potestis *Insubrum* Regnum tantum, adeò vestris rebus opportunum, vobis ademptum, partum idem acerrimo vestræ Reipublicæ hosti, non quidem per *Florentinos* magis, impotenti unius dominatu oppressos, quàm per *Medices* eorum libertatis oppressores magna totius *Italiae* perturbatione, trepidationeque esse. Hac ab exulibus oratione habita, cum rei indignitate ac misericordia motis Patrum animis, supplicum preces minimè viderentur neglecturi: prolixè illos atque omni honore verborum profecuti, & bono animo esse, & meliores de sua salute spes cogitationesque suscipere jusserunt: quod dignum majorum gloria & fama esset, pro eorum instituto & consuetudine, religionis, fidei, & humanitatis partes, ut à se nunquam desiderentur, & in præsentia polliciti, & in posterum sibi curæ fore. Jam exules antequam ea, ita *Venetis* administrarent: ne quid, novum bellum molientibus in mora esset, quod quidem futurum verebantur, ubi gerentes res pecunia defecisset: *Joannem Franciscum Strotiam Pallantis* filium, qui multos jam annos paternæ calamitatis atque exilii focius *Ferrariæ* exulabat, conveniunt, ut cum, esse ditissimum hominem, ac magna cum familiæ existimatione versari illius rem in multis provinciis, multoque beneficio comprehensos habere, non ignorarent: eum spe ostentata in patriam redeundi, cohortarentur: ut *Venetis* paratis exules reducere qui *Florentinorum* & *Medicum* odio nunquam essent à novis consiliis aversi futuri, communem sibi causam patriæ esse ducens, minimè deesse vellet. Eo loco illum natum, inque eam spem altum, educatumque esse, ut patriæ imploranti illius opem, ubi esse auxilio cunctetur, non jam inertiae aut ignaviae reprehensionem, quòd negligat illi eas partes præstare, sed sceleris atque impietatis quòd nolit, vir cum adeò affluens fortunæ bonis, tum ingenio magnitudineque animi excellens subiturus meritò esse videatur. Ita ille re demonstrata, cum memoria teneret patrem civem clarissimum factione *Medicum* oppressum, quòd bonorum partes tueretur, exilium subiisse, faciliè passus sibi persuaderi, quò ipse sua sponte inclinabat, tantam opportunitatem oblatam agendæ rei non esse omittebam, & cupidissimè se recepit facturum quæ vellet, & ubi res atque usus postulavit constantissimè summaque animi alacritate præstitit.

JOANNIS MICHAELIS BRUTI

HISTORIÆ FLORENTINÆ

LIBER QUARTUS.

DUM ita intēti exules principum animis sollicitandis, ex iis, multis pollicitationibus & præmiis, qui belli initium faciant, incitare conantur: *Venetis*, aliquamdiu re per summam contentionem jactata, cū Patrum alios exulum causa humanarumque rerum casus magnopere moveret, averteret alios à belli consiliis, pacis atque otii studium, multò plures tamen reipublicæ cura sollicitos haberet: vicit eorum sententia, qui exules recipiendos in fidem, & bellum *Florentinis* inferendum censebant. Verebantur autem ne si diutius rem dissimulando, *Sfortiæ* vires augeri per suam cunctationem paterentur, non *Florentinis* solum sed *Ferdinando* etiam *Neapolitanorum* Rege fœdere illi juncto, potentiorē vicinū quā Reipublicæ conduceret, experirentur. Adjuvabat exulum causam, quòd permulti adhuc in Senatu supererant, qui, quo tempore cum *Sfortia* patrē dimicatum erat de *Mediolanensi* Regno, Reipublicæ præfuerant. Hi præcipuè *Medicibus* infensi, in quos potissimum culpam omnem tantæ amissæ occasionis augendi imperii, à civitate avertebant: facile cæteris sua autoritate traductis in sententiam, quorum consilia ab armis abhorrebant: Senatus Consultum ut maximè ad voluntatem exulum fieret, curaverunt. Hinc dato negotio *Bartholomæo Coleonio* copiarum Reipublicæ ductori, ut exercitum per *Flaminiam* in *Hetruriam* induceret, *Florentinis* primo quoque tempore arma inferre jubent. Bellum per honestam causam susceptum, non modò videbatur nihil invidiæ in *Venetos* habiturum, sed iis potius honori apud externos atque existimationi fore. Ad causam enim quæ ipsa per se niti æquitate summa videbatur, exulum fortuna accedebat, quæ in rebus adversis tum ferè semper magis favens, ubi acrius sævit, faciliè efficiebat, ut patriæ libertatis vindices, minimè digni tanta calamitate homines, principum animos ad sui milericordiam moverent. Variari inter eorum temporum scriptores non belli initiis modò sed progressionibus etiam explicandis plurimum videtur: quorum *Machiavellius* ita rem gestam ferè affirmat, quemadmodum superius à nobis demonstratum est. Nonnulli *Coleonium* tradunt ab exulibus aditum, cū nullius stipendiis addictus, liberam militiam paulò antea à *Venetis* exautoratus profiteretur, faciliè animo ad bellum adjecto, quod perampla militibus victoriæ præmia, Duci nomen gloriamque ingentem ostentaret, expeditionem suscepisse. *Ticinensis*, *Neronio* ait ubi primum *Florentia* excessit, datum negotium esse, *Coleonii* conveniendi, cui erat multorum officiorum conjunctione devinctus, cū ille adhuc *Venetorum* stipendia mereret. Eum re demonstrata, cū hominis autoritate, tum multò magis spe benè gerendæ rei adductum, illi autorem fuisse, ut *Venetias* profectus, parum semper per se æquum Senatum Reipublicæ *Florentinæ* ad bellum civitati inferendum incitare omni ratione & studio conaretur. Si minus assequi posset, ut eum ad bellum apertè gerendum induceret (verisimile enim esse, cū *Italia* populi per concordiam principum pace jam aliquot annis parta fruerentur, ne in pacatissima parte provinciæ principes disturbare otium viderentur, à novis consiliis, declinandæ invidiæ causa abfuturos) perficeret, ut per honestam causam tanquam

A militia functus stipendia confecisset, se missum faceret: cætera prolixè pollicitum ubi id rectè successisset, quæ bello gerendo necessaria essent, impigrè paraturum se atque exequuturum. Ita *Coleonium* faciliè à volentibus & sua sponte inclinatis missione impetrata, cū nihilò minus ei stipendia procederent (quod Senatus dissimulari ob eam ipsam causam volebat) bellum reducendorum exulum causa *Florentinis* intulisse. Nam illud etiam addit, clam missum ad *Coleonium* legatum à Senatu, qui illius animum spe auxiliorum, ubi inter res gerendas eum cætera deficerent, in primis confirmarent. Porro ut credam, *Ticinensem* rem quemadmodum **B** gesta erat tradidisse, præter cæteram hominis auctoritatem quæ me movet plurimum, testimonio *Sabellici* adducor cum eo sentientis: qui & *Venetam* historiam conscripsit, & diligens atque accuratus in primis habitus in scribendo est. Ubi igitur *Coleonius* de Senatus sententia certior factus, non esse eum à bello aversum accepit: conquistatoribus in vicinas urbes *Gisalpinae Galliæ* dimissis, qui delectum militum haberent: cætera ipse per se celeritate atque audacia adhibita, quò impariores hostes opprimerentur, obire administrareque instituit. Brevis firmissimis militum cohortibus ac validissimis conscriptis, cum ad avertendos à suspicione animos palam in concilio dixisset, bellum se *Ferdinando* ac **C** *Sfortiæ* illaturum, multis causis, quæ speciem honestæ expeditionis & necessariæ haberent, & occulta illius consilia obtegerent, in medium prolatis: aliis hoc quidem facile persuasit, magnam iis suspicionem iniecit, quorum id magis intererat, ne per speciem sui invadendi *Florentini* peterentur. Nam verisimile videbatur *Ferdinandum*, qui cū ipse natura erat vaferrius, tum longo usu rerum ingenia *Italorum* hominum atque artes callebat, quæ *Acciaiolus* cum eo egisset, cū præsentibus conferendo (cū ille confirmandi illius animi causa atque exulibus conciliandi, arma, exercitus, classes **D** atque principum auxilia ostentaret) magis quo *Coleonii* tanti apparatus & consilia spectarent, quā quò ille spectare videri vellet assequutum, *Florentinis* ne *Venetis* prædæ relictæ magna accessione eorum vires augerent, opem ferre statuisse. Itaque re cum *Sfortia* communicata, ostendit (id quod cuius licebat suspicari) belli causam non tam in exulum reductione, quā in conjunctione præpotentis populi positam esse. *Venetos* enim sperare, ubi illos curarent reducendos, per eorum factionem *Medicibus* ejectis, ac sibi civitate conciliata, jam nemine obsistente unos se in *Italia* rerum omnium arbitros futuros. Quod eorum consilium cū minimè obscurum esset, cavendum magnopere **E** videri ne studiosis *Medicum* oppressis, ipsi qui propiores periculo haberent, quasi continenti excitato incendio conflagrarent. Esse *Veneti* Senatus terra marique magnam potentiam: in primis eum classe valere. Qua ex re futurum sit, ut & à superno mari, cuius ipsi imperio potiantur, & ab infero æquè à *Florentinis* opportunissimis portubus recepti, maritimam Regni *Neapolitani* oram infestam suis classibus reddant: cū eodem tempore *Florentinis* sociis adjunctis, sint terrestribus copiis *Insubrum* fines invasuri. Hæc cum *Ferdinandus Sfortiæ* significanda curasset de ejus sententia, legatos ad *Paulum Pontificem* mittit: qui ita de *Coleonii* injuria

ria querantur, ut causam armorum omnem ab illo in *Venetos* derivatam avertant, qui per belli tempestatem, *Italiae* tranquillitatem atque otium, vasta atque infinita quadam cupiditate imperii, interrumpere perturbareque conentur. Hi *Romam* profecti, cum Pontificem adiissent, docent *Venetos* injustè facere qui aliena invidia arma *Italiae* populis circumferendo, *Florentinos* quibus cum sint foedere conjuncti, nulla ab illis provocati injuria bello lacestant. Pertinere ad *Romanum* Pontificem, cujus tanta auctoritas, cum apud alios omnes, tum apud *Italiae* Principes esse debeat, ut gravi denunciatione insolentia hominum atque armorum impunitate repressa, eorum vis atque arma ne quando *Christiane* Reipublicae perniciofa sint, sua auctoritate atque imperio coercerentur. Neque verò has partes modò *Pauli* Pontificis videri, quod eam dignitatem obtineat, quam maximi potentissimique Reges in terris supplices reveantur, sed quòd in eadem civitate claro quidem atque illustri loco sit natus, cujus de injuriis & maleficiis querantur. Ac cum tamdiu illum patriae esse memorem debere, quamdiu monitis illius sui cives parentes, videantur in officio futuri, tum omnium citius oblitum quam ejus muneris quod inter homines gerat, eundem cogitare æquum esse, *Venetum* se civem tum esse desuisse, quo tempore tantò hominum consensu Pontifex declaratus summum in *Christiana* Reipublica imperium sit adeptus. Quæ cum ita sint, recusantes pertinaci consilio discedere ab armis, quando civis auctoritas apud suos nulla sit, ut *Romani* Pontificis quanta esse debeat habeatur, bello statuatur sibi eos, atque armis coercendos. In eo autem illum non solum Pontificiae dignitati, quod tamen permagni debeat fieri, sed quòd illi sit minimè negligendum, eorum saluti qui *Romanorum* Pontificum imperio pareant, atque adeò quieti totius *Italiae* ac paci provinciarum, *Heitruviae* in primis, cui tanta impendens belli procella subeunda sit, consulturum. Nam quicquid *Veneti*, fallaci quidem consilio, sed minimè tamen eodem obscuro, effugere tanti flagitii offensionem conentur, nemini esse dubium quin nomen *Coleonii* modò ac *Neapolitanum* & *Mediolanense* bellum jactetur, vires *Veneti* Senatus atque arma, unis merito *Florentinis* timenda objiciantur. Non autem id egisse graves homines ac magna virtutis & sapientiae opinione, quòd sperent suscepti à se belli invidiam, in exautorati ducis & neque domesticis copiis, neque cujusquam in *Italia* auxilii præterea nitentis, ambitionem atque audaciam rejectum iri: sed quòd res ipsa loquitur & minimè jam sit ferendum, quòd immanem cupiditatem dominandi, inani quidem nomine sed quòd in dubia tamen & controversa re si jure potius quam armis sit disceptandum, defensionis ansam aliquam præbeat, atque adeò id non magis confidentia sui quam contemptione & despicientia eorum quibus tam aperè illudant, velare tegereque voluerint. Nisi autem hominum de se judicia atque existimationem contemnerent, aliquantò prius quam belli initium fieret, ut non ex occasione gerendae rei & temporis ratione, sed ex certo judicio viderentur hominis exautorandi consilium coepisse, rem fuisse acturos. Quam verò aliam causam ab his afferri quæ probabilis sit, tanti ducis dimittendi? imò quam non afferri contra suscepti belli, quæ non verissima esse & certissima videatur? Neque sanè ejus voluntate factum qui dimissus sit, ut cum is per honestam in primis militiae functionem distissima stipendia faceret: ea, nulla interposita offensione, renuntiaret: neque eorum consilio qui dimiserint, ut belli ducem amitterent, cujus magna virtus in re militari, & perspecta fides atque explorata in eam Rempublicam esset. Ad ea quæ

A legati exposuerunt, brevis Pontificis responsio fuit: agnoscere se quidem Pontificis partes, quas sibi divino atque humano jure impositas, æque item libenti & alacri animo susceptas à se sit præstaturus: monendo enim atque adhortando errantes corrigere, castigare verbis, & si quidem res postulet, vi sacrosancti imperii cogere ad officium redire, Pontificem debere. Quin autem hoc in præsentia agat, si modò cujus rei insimulentur, constet *Venetos* discessisse ab eo foedere, quod superioribus annis inter Principes ictum sit, non se recusare. Patriae enim necessitudinem, non ad sceleris societatem sed ad officii & pietatis perfunctionem cum id illius tempora requirant, commendationem habere. Itaque ut adversus cives suos pro Rege & *Sfortia* armaumat, indemnatos illos, & nullius culpæ palam convictos, ne quod multò sit turpius, videatur à scelere in patriam justitiæ apud externos opinionem quæsisse, id verò nulla se ratione commissurum. Ea spe Rex & *Sfortia* dejecti, novum ipsi incunt foedus: in quo quidem dilertè cavebatur, ut eosdem amicos atque hostes haberent, ac certo equitum & peditum numero utervis eorum bello peteretur, alter alteri auxilio iret. Ad hæc adjectum ne causa magis inferendi belli quam propulsi, foedus fecisse viderentur: ut intra certam diem *Venetis* & Pontifici in societatem foederis veniendi potestas esset. Eo foedere percusso, cum *Florentini*, quorum erat causa ictum, omnibus qui obistere *Medicum* potentiae videbantur, aut affectis supplicio aut exilio multatis, societatem cum *Sfortia* ex *Petri* sententia, & quibus maximè visum erat conditionibus iniissent: solliciti de belli eventu quod constatum ab exilibus adversus Rempublicam non ignorabant: delectum militum habere, oppida munire, pecuniam imperare, equitatum atque auxilia cogere, omniaque quæ opportuna magno gerendo bello viderentur summa cura & vigilantia adhibita comparare administrareque instituunt.

D Quoniam verò *Coleonium* per *Flaminiam* atque *Anemonis* fluvii vallem, quæ brevissimus erat per *Apennini* juga in *Heitruviam* transitus, iter facturum credebant, placuit *Federicum* *Feltrium* *Metaurensum* Regulum clarum per ea tempora militiae gloria, qui universis copiis præerat, adveniendi ad ejus vallis fauces occurrere, ac locis superioribus præfidiis occupatis, transitu eum prohibere. Jam à *Ferdinando* pars copiarum præmissa, duce *Alphonso* filio adolescente, qui magnum sibi postea nomen bellicis rebus comparavit, *Ariminum* pervenerat: quibus copiis auctus *Federicus*, & si aliquantò magis sua opinione exiguae erant, *Faventiam* unde opportunus in primis in *Anemonis* vallem descensus habebatur, contendit. Cum pro belli ratione, re in principio optimo consilio administrata, hosti omnis facultas erepta videretur eam exercitum traducendi: qua ex re fiebat, ut illi difficiliora itinera atque angustiora, multò certè longioris circuitus necessario tentanda essent: unius hominis primum suspecta fides, postremò vis atque arma, ut aliud *Federico* esset ex tempore consilium capiendum perfecit. *Astorgius* *Manfredus*, tum *Faventiae* rerum potiebatur, vir nobilitate magis quam rei militaris scientia clarus, qui *Florentinis* merebat. Is sive spe facta honestioris militiae, sive sua sponte à *Florentinis* alienatus, cum dies stipendiorum exiisset: atque ab iis qui non satis exploratum hominis animum haberent, aliquantò uberiora stipendia, ubi pergeret in Reipublicae exercitu militare, decernerentur: comprehensum legatum qui conditiones simul & pecuniam illi in stipendium afferebat, ac mox pecunia ablata verborum gravi contumelia affectum, ut in violando jure gentium, fastidium atque insolentia scelere adjungeretur, dimisit. Debitam enim sibi

pecuniam ex superiorum annorum stipendiis, ab iis quos esset mox hostes habiturus, quoniam ea sibi multo antea ad certam diem persolvere debuerit, data sibi occasione ad suum perveniendi, optimo jure ac Diis hominibusque approbantibus interceptam, videri volebat avertisse. Cum ita *Astorgius* quid sentiret, quodque suum studium esset, declarasset: ne quam dubitationem reliquam res habere videretur, *Federico* simul denuntiat, ex agro *Faventino* exercitum educat: id ni faciat, se illum pro hoste habiturum. Percussus subita re (ut par erat) *Federicus*, non gravius hominis defectionem esse ferendam arbitratur: cujus etiam amici studium exercitum commeatu juvando in primis desiderare verat, quam tantam amissam loci opportunitatem dolebat: quem ubi hostis praesidiis teneret, a nemine prohiberi posset, quin libero transitu exercitum per otium in *Hetruriam* induceret. Itaque ad populationem se agrorum convertit, atque omnia ferro atque incendiis vastare praedamque omnis generis agere instituit. Facta enim conjectura ex ingenii levitate, tanto illi illato detrimento ad sanitatem rediturum atque abducturum a novis consiliis animum non desperabat. Quod *Federico* ad revocandum *Astorgium* a nova societate, *Coleonio* ad confirmandum aequè magnum fuerat incitamentum, verito ne vastatio populatioque agrorum, locum ad mutationem consilii, in tanta mobilitate ingenii atque inconstantia inveniret. Ita magno perditum numero atque equitum comparato, nuntios ad *Astorgium* praemittit, qui illum de suo adventu doceant, ac spe celeris auxilii confirment: ipse magnis itineribus ire eodem contendit *Federicus*, ne hostis celeritate usus, antequam sociorum auxilia convenirent, quae propediem affutura dicebantur, cogeret tantò numero militum inferiorem de summa rerum decertare, loco natura munito castra ponit, ac vallo & fossa communit. Hinc ne *Coleonius* ex cunctatione & mora suorum, occasionem nactus, locum illi infestum faceret, exercitum commeatibus intercludendo: qua ex re verendum erat, ne insigni accepto detrimento, retrò signa referre cogeretur: id quod magnopere etiam ad totius belli summam obfuturum non ignorabat, motis castris, ad *Forum Cornelii*, quod erat oppidum in ditione *Thaddei Manfredi*, non procul a *Bononiensium* finibus idoneo atque opportuno loco confedit, atque ibi cum aequitate loci tum multo magis *Bononiensium* studio & *Manfredi* consilio, quos pro *Florentinis* sentire non dubitabat, expectare adventum suorum constituit. Quae dum ille magna cura & studio parat administrare, audit *Coleonium* jam *Padum* navibus copias traduxisse, ac dies noctesque continuato itinere eodem instructo ad dimicandum exercitu, properare. Qua re intellecta, suspicatus fore ut oppressus *Manfredus* subito hostium adventu, deliberandi statuendique de suis rebus minus integram esset potestatem habiturus, medius autem ipse inter suspectam fidem atque apertam vim in discrimen adduceretur, commutato consilio, ad *Pontem Legium*, quod castellum ad quatuor millia passuum *Bononia* abest, loco idoneo castris positus confedit. Nam (ut diximus) neque de *Bononiensium* voluntate dubitabat, cum quicquid illi sentirent, non eos facile debilitari metu externarum virium atque alienari a suscepta causa speraret, neque *Galeatium Sfortiam* dilaturum ulterius suum adventum, quem jam movisse ex *Insubribus* audierat, aut *Florentinos Reges*ve moraturos diutius arbitratur. Ut autem de fide & constantia *Manfredi* nonnihil dubitaret, fama minimè illa quidem dubia efficiebat: spem ab eo *Coleonio* factam, quod ita speraret se belli molem non aegrè a suis aversum, ubi propius ad urbem copias admovisset, ad illum desciscendi. Latè hic morbus tum in nostros homines

A patebat (tanquam fama & existimatio nominis, non ex aliorum judicio, sed ex nostro sensu & quidem depravato spe, metu, cupiditate aestimanda esset) ut nulla transfugia parum honesta, nullas defectiones turpes a suis, nullas prodiones sociorum, quibus modò redimeretur vitae securitas & fortunarum, censerent. Quod eum ita esset: tametsi idem quamdiu sub foederatorum imperio mereret, non sine gravi infamia proditæ caulæ se illos deserturum intelligebat: satis se tamen tectum & munitum arbitratus a tanta ignominia futurum, si objectum nominis & famæ, vitæ discrimen ostentaret: jam de prodendis suis atque hostibus recipiendis consilia agitabat. Sed hæsitantem illum & magis in deliberando quæ utilia quam quæ honesta essent respicientem, multi subito allati nuntii de *Galeatii* & *Regiorum* adventu, ne quid statueret, quod minus esset a sua inconstantia alienum, oppresserunt. Itaque cum haud satis eum *Coleonius* prolixè respondere atque remittere indies magis de pristino studio atque alacritate animadverteret: opportunè ab exploratoribus cognoscit, hinc *Sfortiam* cum *Insubrum* exercitu, ac magno belli apparatu, hinc *Regios* adventare, duce copiarum *Alphonso Davalo* impigro homine: quem magna virtutis & fortitudinis laude maximis in bellis ac gravissimis parta, C *Neapoli* aliquot postea annis servus, natione *Maurus*, de proditione noctu in colloquium accitum, veruto transfixum interfecit. Id quod erat, *Coleonius* suspicatus, celerem adventum hostium consilii mutationem a dubia & venali fide extorsisse: non dolo & fallacia hominis magis, & si maximas se opportunitates, ita ab eo elusum se amisisse intelligebat, quam causâ offensum, agrum hostiliter depopulari, atque aliquot castellis, aut per vim captis, aut in deditionem acceptis, urbem oppugnare magno adhibito tormentorum apparatu, universis viribus, instituit. Interea tamen tentare *Thaddei* animum non desisteat: quem uxoris blanditiis & lenociniis victum viri imperii impotentis, cum in maximis etiam rebus cum obsequentem haberet, adhibito ejus fratre callido homine & perspectæ fidei expugnari posse non diffidebat. Cujus consilio cognito *Federicus*, qui in viro uxoris imperium, viri ingenium in foemina suspectum haberet: more militari conclamatis vasis ad *Petri* fanum millia passuum circiter septem ab hoste posuit castra. Hinc delectorum militum dcc. ex prætorica cohorte, cum iis equites ad c. attribuisset, ingredi in oppidum atque esse praesidio *Regulo* jubet: simul iis negotio dato, ut exploratis diligentissimè illius rationibus, nihil ei integrum ad nova capienda consilia relinquerent. Illi etsi in oppidum militum corona cinctum, difficile se posse perrumpere, nisi magna suorum cæde intelligebant: hinc suam audaciam, hinc hostium trepidationem (id quod ferè iis accidit quibus præter expectationem aliquid evenit) in occasionem vertentes benè gerendæ rei: disiectis iis, qui se advenientibus objecissent etiam si non aegrè posse reprimi paucorum impetus si viri essent, videretur, in urbem ad unum omnes incolumes magna cunctorum admiratione invehuntur. Cum urbe latis valido praesidio firmata, aliam rationem administrandi belli *Coleonius* sibi esse incundam intelligeret: quò maturius quam constituerat solveret obsidionem, *Sfortia* ac *Regiorum* adventus effecit: qui bidui itinere, omnino præter illius opinionem abesse ferebantur. Erat autem minimè dubium quin si illos conjungi cum *Federico* pateretur, cum multò esset equitatu inferior qui nondum omnis ad illum convenerat: aut turpiter suos intra vallum continere, quod si accideret magnum se existimationis & famæ periculum subiturum intelligebat, aut congregi impar viribus cum hoste cogeretur: id quod ne

ne fieret omni consilio erat & ratione providendum. Itaque cum silentio copias castris eduxisset, celeriter ad eum locum contendit, quem in locum se recepisse *Federicum*, post *Astorgii* defectionem paulò antea commemoravimus. Quæ ejus profectio (& si propterea quoddam citissima fuerat, jam ille è castrorum conspectu abierat) cum *Federico* nuntiata esset, ex eo loco movit, atque illum cum nondum castra opere muniisset, assequutus, signis infestis atque acie ad dimicandum instructa, copias contra illius munitiones constituit. Cum ille suos vallo inclusos continere ac prohibere à prælio perseveraret, ne facta sæpius ab hoste dimicandi potestate (quod vix tamen ne accideret effici poterat, in magna castrorum propinquitate) illius cunctatio infamis esset, quæ res ad conficiendi belli celeritatem, quod erat magna hominum expectatione aggressus, plurimum impedimenti & moræ allatura videbatur: silentio castris egreditur atque exercitum ad *Castrocarum* adducit, oppidum *Florentine* Reipublicæ in *Apennini* radicibus situm: ac loco castris idoneo delecto, oppugnare illud circumferereque instituit. Erat autem illius consilium, ut quoniam medium inter *Ravennam* & *Faventiam* ac *Forum Livie* intererat, quæ urbes omnes fœderatis infestæ, magno illis impedimento futuræ ad bellum gerendum videbantur: hoc illis adempto, cogeret rei frumentariæ angustis pressos iis locis excedere, ac liberam sibi facultatem relinquere, exercitum quâ vellet traducendi. Ubi autem id esset assequutus, eodem quo constituerat itinere *Apenninum* transgressus, nullo jam prohibente, in *Hetruriam* bellum transferre, atque celeritate sui adventus (quod maximè exules futurum spondebant) qui eorum studiosi *Florentiæ* habebantur, ad spem rerum novarum excitare, hostesque opprimere imparatos omnino sperabat. At *Federicus* qui de illius consilio conjectura judicaret, quæ minimè erat obscura: cum *Bubani*, ne quâ hosti receptus pateret, deimprovisò occupasset, *Faventiam* copias adduxit: atque latè agros populatus, urbem oppugnare vehementissimè aggressus est. Sperabat verò, ut, si *Coleonius* venire *Faventinis* subsidio properaret, per eam occasionem dimicandi sibi facultas aliqua daretur: si iis cunctaretur opem ferre, urbis oppugnatio sibi facilior, atque ubi minus ea procederet, obsessio arctior, quam haud diu laturos *Faventinos* credebat, efficeretur. Quare ille animadversa, cum vereretur, ne quæ causa *Astorgio* fuerat deficiendi à suis, novæ ad hostes defectionis causa esset: assueto facilius ferre famæ & nominis quam copiarum domesticarum jacturam literas ac nuntios ad Senatum mittit, ac quibus in angustis quantoque in discrimine salus omnium ver-tatur, docet. Hostium copias indies augeri, ita ut sine magna clade vix sperari oporteat cum iis manum conferi posse: destitutas civitates spe propinqui auxilii ac vastatione populationeque agrorum alienatas, urgente metu impendentium malorum, quæ præsentibus multo expectent graviora, nova consilia inire: tum omnia adversa suis, secunda hostibus eventura in posterum, nisi maturè atque in tempore occurrant, ordine demonstrat. His literis Senatus & nuntiis acceptis, cum nihilominus dissimulando sua consilia atque efferendo sibi ejus belli invidiam sustinendam intelligeret, *Herculem Atestinum* atque *Alexandrum Sfortiam*, qui copiis Reipublicæ præerant, deducto milite ex præsidio, ne delectu habendo diutius quàm belli usus & ratio postularet, auxilium differrent, magnis itineribus ire in *Flaminiam* ac *Coleonio* opem ferre, simul è suis delectum legatum qui summæ rerum præsit, cujusque consilio bellum geratur, proficisci cum imperio primo quoque tempore ad exercitum jubent. Quæ cum celeriter administrata atque ad *Coleonium* in

A castra perlata essent: spe certa auxilii confirmatus, crebris & ipse nuntiis ad *Faventinos* mittendis, eos ne quid mollius de suis rebus statuatur, nève animos demittant, *Astorgium* in primis, cujus illi auctoritatem sequuturi videbantur, ut in officio maneat, omniâque ex Senatus liberalitate & suis officiis expectare velit, monere cohortarique non desistit, brevique se affuturum cum omnibus copiis confirmat. Neque diutius eorum spem frustratus ac literas & nuntios subsequutus, ad illos contendit: atque æquo loco, ne invitatus dimicare cogeretur, cum à fronte vallum hosti objectum, castra ex altera parte conjuncta urbis mœnibus haberet, confedit: neu quis injussu in hostem pugnaret, dispositis in vallo custodibus qui prohiberent, præcepit. Quamquam *Coleonius* non ignorabat, per hanc suam cunctationem fore, ut hostium indies audacia cresceret: vultu tamen atque oratione eam præ se alacritatem ferebat, ut milites qui consilio non metu, sibi adimi pugnandi potestatem animadverterent: hostium voces quibus magna cum sui contemptione succedentes ad vallum, contumeliosè tanquam detrectantibus pugnam timiditatem atque animi molliem objiciebant, haud laturo diutius, sed ultrò atque injussu inituri prælium vallo atque aggere discisso, viderentur. Quod quidem eò sibi facilius esse ferendum ducebat, quò magis sperabat, ubi res gerenda esset, facienda ignominia causa, ardentius illos cum hoste maledico pugnatos & magis ferocia verborum quàm animi robore, ac vera virtute insolenti. Cum res eo in statu essent: jam *Alexander Sfortia* magno equitum & peditum numero in castra à *Coleonio* exceptus, vires hostium planè æquasse, ac si esset dimicandum, neque virtute, neque numero militum inferior dubium in primis pugna eventum facturus videbatur. Quicquid autem roboris per ea tempora ferè *Italia* habebat, id aut in Fœderatorum, aut in *Venetorum* castris conspici licebat. Numero militum *Coleonius*, virtute hostes præstabant: ille peditum millia sex, ex his permultos veteranos proximis bellis, eo imperatore, complures jam annos stipendia meritis, qui tum numerus permagnus habebatur: tria millia hi quorum magna pars ex vetere *Sfortianorum* disciplina, magnam sibi virtutis opinionem comparaverant: nonaginta equitum turmas utrique in armis habebant. His copiis utrimque præerant belli duces, qui gloria rerum gestarum ac fama nominis clari, pares quoque virtute ferebantur, quorum *Alexander Sfortia* cum à *Ferdinando* alienatus, pro *Venetorum* victoria pugnaret: multis gravissimisque bellis quibus *Franciscus* frater tantum in *Italia* erat adeptus imperium, plurima virtutis documenta & maxima dederat: atque aliquot ante annis *Jacobum Picinum* ad *Trojam Apuliæ* urbem memorabili prælio profligarat, cum is *Andegavensium* Dux adversus *Ferdinandum* gereret bellum: *Bartholomeus* magnam usum in re militari, magnam fortitudinis & prudentiæ famam obtinebat: cum eò accederet tanti belli opinio, cujus quidem suscepti pariter & gesti gloria, (quicquid *Veneti* viderentur alienis auspiciis cœptum sibi proprium fecisse) ubi exitus belli lætus esset, unum ingens manebat. In adversariorum castris cum Regia dignitate *Alphonsus*, magnitudine imperii *Galeatius* emineret, potior tamen iis virtus, totius belli administrationem, etsi nemini aut majorum gloria, aut vetustate familiaria cedebat, *Federico* adjudicabat: digno homini, qui quo tempore floruit, adolescens, ad graviora Reipublicæ tempora quæ patres nostri magna *Italiæ* clade pertulere, vegetum atque integrum animi robur & vires reservaret. Quamquam verò & de fortitudine militum, & de eorum virtute & præstantia, qui exercitus ducebant, magna tum esset hominum existimatio: satis tamen inter

omnes video constare, nulla unquam tempora post hominum memoriam in *Italia* extitisse, quibus quidem aut cupidius atque ardentius Principes susci- perent bella, aut flagitiosius suscepta gererent, aut turpius sive iis gerendis secunda sive adversa eveni- rent, administrarent. Cum autem aliae omnes ar- tes praeclarae & dignae viro principe, aut tempo- rum inclinatione, aut exterarum gentium injuria quibus majores nostri diuturno malo victi per mul- ta secula praedae fuerunt, quasi decus virginale ac pristinae dignitatis speciem amisissent: militiae glo- riam, qua olim *Italia* adepta orbis terrae imperium, adversus gentium omnium consensum steterat invi- cta, iisdem quibus libertatem ac majestatem imperii, coacta armis concesserat. Atque erat res digna admiratione, cum quotidie per varias occasiones praelia leviora committerentur, quibus periculum virium fiebat, atque inter utriusque exercitus ca- stra, parvum admodum relictum spatium interef- fet: tanquam à sedentibus & vallo inclusis, spes esset bellum confectum iri, ita turpi otio & desi- dia languentes cæteris omissis consiliis, non vin- cendi opportunitatem, sed stipendiorum diem, nec veræ laudis & gloriae fructum, sed delicias & vi- tæ commoditates, nobiles homines & claros mili- tia, captare. Quid autem erat foedius, quam cum par utrimque mollitia atque ignavia pugnaret, qua sopiti non milites magis quam duces jacebant: ne- minem se excitare, atque pro occasione ad hostes ignavissimos atque inertissimos perdendos, torpen- tium atque oscitantium tanta desidia uti? Nihil il- li pro imperii potestate severè, aut pro majorum instituto ac vetere disciplina, dissolutè ac flagitiosè omnia, avaritia & cupiditate imperator, licentia corruptus miles, & quanto alter ad imperandum languidiore animo tanto alter ferociore ad detre- ctandum imperium, uterque ad rem gerendam æ- què mollis atque imbellis. Genus erat armorum, quibus tecti adversus telorum penè & tormento- rum ictum, implicati iisdem atque impediti ad fe- rendam vim, impetum atque impulsus in hostem amitterent: ut cum hæc esse causa securitatis vide- retur, causa eadem cunctationis, cum ægrè loco moliri pedes manûsve possent, non arma verius ge- stantes, quam armis alligati, moram inter res geren- das atque impedimentum afferret. Jam illud nulla ratione ac planè adversus veterum auctoritatem, quorum virtus omnium gentium imperium con- stantissimè eandem militiae disciplinam servando pos- teris quæsit: cum exiguus esset peditum nume- rus, omne exercitus robur positum in equitatu: atque eo quidem instructo eodem genere armorum, ut nihil victi ad effugium: nihil victores ad pedi- tem persequendum, qui paulò expeditior esset, re- liquum haberent: armorum gravitate, quibus one- rati magis quam tecti praelium inibant, cum eodem vestigio consistere cogerentur, quo manus conserue- rant: à viro forti constantiam, pugnandi necessi- tatem ab inerti & timido extorquente. Jam tanta exercitus ignavia cum latè è castris rumor ad ur- bem manasset, *Florentiae* infamis magna militum ac ducis invidia notabatur: cum quidem ubi in hyemem extraheretur bellum, nemini dubium ef- fet, quin magno detrimento atque incommodo Reipublicæ, eam essent diutius quam ejus tempora postularent, quæstui habituri. Nam & magni in bellum sumptus faciendi erant, quos quidem diu- tius civitatem ferre non posse in magnis ararii an- gustiis intelligebant: & perexigua spes erat reliqua, ut maximè tolerando sumptui par, militum atque imperatoris avaritiam expleret: ita foris Republica administrata eum belli eventum, quem sperarent sequuturum: quin potius minimè esse verendum censebant, ne quid durius, ubi pergerent ducere bellum, civitati, quæ foris armis, intus seditione

A laboraret, eveniret. Itaque cum frequenti civium concilio de ea re diligentius magistratus egisset, placuit uti is ad legatos exercitus scriberet, qui- bus questus segnius, quam aut honestum imperato- ri esset, aut Reipublicæ expediret, quæ superio- ribus bellis exhausta, immani quidem & non neces- sario sumptu premeretur, bellum administrari: iis imperaret, ut percontando, quæ causa differendi belli, quæ conficiendi spes, quis autor tam foedæ ac turpis cunctationis haberetur, ad finiendum bellum magno impetu ceptum, gestum gravi exer- citus & Ducis ignominia *Federicum* cohortarentur: qui si non uberiores fructum partæ gloriae ex ma- gnitudine animi, quam conservatæ ex constantiæ laude sibi esse sperandum intelligeret, non dubita- rent, quin ut viro forti dignum esset, cum ejus retinendæ studio quam partam haberet, tum mul- to magis cupiditate illius assequendæ, quæ illum maneret, jam quasi sui factus æmulator, magnam ab se excitatam virtutis, ingenii, animi magnitu- dinis expectationem quam egregiè ad eum diem tueri visus esset, longè quoque superaret. Legati his literis acceptis, cum imperatore colloquuti de illius sententia (id quod erat,) magistratui rescri- bunt: atque quod civitas queratur de belli admini- stratione minimè se mirari affirmant: qui ipsi tan- tam infamiam jam nullo modo amplius possint per- ferre: sed ejus rei culpam omnem docent in uno *Galeatio* hære: qui cum neque parem summæ po- testati, quam sibi fumeret, aut animi vim & con- stantiam, aut prudentiam & rerum usum afferret, quod autem multo esset gravius, minimè animum inducere posset, ut de consilio summi Imperatoris rem gereret, perinde atque hæreditate parentis vir- tutem & felicitatem bellis gerendis, ac Regnum *Mediolanense* adiisset, confideret sibi omnia rectè, atque ex sententia, sedenti etiam & nihil agentis successura. Itaque nisi curaret per honestam cau- sam ambitiosum juvenem & elatum domestica po- tentia, ab exercitu amovendum, quæ ni illi sta- tim occurratur planè destituta consilio, civitati perniciofa futura sit, quando ejus periculo morbo animi utatur, nullum unquam eorum incommodo- rum finem futurum demonstrant. Ergo cum re intellecta, minimè dubitandum censerent, quin ea quæ legati attulissent, ita ut conjiciebant, even- tura, nisi quamdiu integrum esset, consilio obviam irent, insigne aliquod detrimentum Reipublicæ importarent: rem omnino agere primo quoque tempore constituunt. Atque cum reliqua proba- rent, in illo hære videbantur, qua ratione *Ga- leatius*, quem Reipublicæ amicum & socium reti- neri omnino placebat, nulla animi offensione, at- que adeò sua sponte ab exercitu discedens liberam facultatem belli administrandi melioribus relinque- ret. Id ut fieret illi in hanc sententiam maximè scribi magistratus jussit. Cum ille quidem quod dignum optimo Principe ac viro forti esset, Rei- publicæ maximè adversis rebus, ut illius fides & majorum dignitas postulabat, opem atque auxilium imploranti, ita in tempore atque opportunè affus- set, se illi sanè quando quas æquum esset non possent, quas possent agere gratias & habere. Tantum enim momenti positum in illius auctoritate atque armis fuis- se, ut hostium vi repressa ejus adventu & retardata, cui obsistere posse nullæ vires viderentur: non illi post- hac magis de opprimendis invadendisque alienis, quam de conservandis retinendisque suis, inire con- silia sint coacti. Pro quo illius tanto studio ac me- rito adeò in Rempublicam cum illi grati animi si- gnificationem dare nullam aliam queant: procu- randa se illius salute, cujus ille curam omnem so- cios defendendi causa adductos suorum civium sce- lere in rerum omnium discrimen, abjecisset: quan- do illa quidem in eo vertatur, ut si diutius pergat

à suis abesse, magnum ac grave periculum iis impendere videatur: quod illi præstare possint, consilio se eum atque autoritate, si ullam modò benevolentiam ac studium animi conciliat, juvare voluisse. Redeundi moram ad suos periculosam illis, qui jam ferre amplius absentis desiderium non possint, minimè honestam eidem tutamve esse. Objecisse fortunam illi inimicum potentissimum, qui ita in-nixus maximis viribus, validissimis copiis instructus sive terra sive mari gerenda res sit, ad opulentissimum *Italiae* principatum aspirare videatur: ut minimè jam ei debeat obscurum esse, cum illum ex dubia populorum fide in novum principem, tum ex illius absentia quæsitâ occasione, novas res, per seditiosos homines & ex commutatione rerum meliorem fortunam quærentes, qui nunquam rem gerentibus sint defuturi quotidie moliri. Quæ res cum ita se habeat, è sua fide esse & constantia duxisse, illum etiam atque etiam hortari, ut satis jam sociis probata fide, statuât suis rebus tandem sibi prospiciendum esse, ac redeundum quàmprimum *Mediolanum*, non minus illic *Florentinae* Reipublicæ quæ jamdudum hoc sibi persuaserit, ut eandem fortunam cum *Sfortia* familia bello & pace experiretur, quàm in castris adversus apertos hostes usui futurus: cum magis etiam sint occulti observandi, & quasi in insidiis delitescentes, ne quando imparatum offendant vigilantes homines atque in omnem occasionem intenti. Ita autem *Venetum Insubrum* imperio animum adjecisse, ut si illius optatis fortuna respondeat, quæ illi semper ferè secunda afflare maximis in rebus & gravissimis visa sit, non ille modò ad *Hetruriae* principatum, sed (quod ne fiat, sit omni ratione providendum) ad totius *Italiae* imperium facilem sibi viam & expeditam videatur brevi muniturus. Quamdiu igitur per illius cunctationem liceat, cum haud diu verisimile sit illum quieturum, & res in integro maneat, illius conatibus occurri oportere. Quod quando satis intelligat sibi minimè ulterius negligendum (quod esse tutissimum consilium eo tempore videatur) hoc jam de ea re tota statuere debere, dignitatis salutisque suæ ratione habenda, & sociorum commodis se, & suorum maximè quieti atque otio prospecturum. Cum eas literas *Galeatius* accepisset: sive tutius censeret parere recta monentibus, atque afferentibus meliora consilia, cum & rei & temporis ratio haud esset ab literarum argumento aliena: sive per officii simulationem se ab exercitu amandari existimans, se falli facile pateretur, magis urbanis delitiis quàm militiæ labori assuetus, etiam si eum sibi tolerabilem sedulitate suorum & studio reddiderat: relicta ea parte copiarum quæ visa est sociis auxilio, ipse cum delecto equitatu in *Insubres* proficiscitur, *Mediolani* belli exitum expectaturus jam solutiore à metu atque à cura animo. *Ticinensis* etiam ante *Galeatii* profectionem sæpè pugnatum ait levioribus præliis: cum ex occasione, varia certamina contrahi sive pabulatum, sive aequatum milites exirent, tumultuaria magis quàm certa manu necesse esset. Semel quidem petrum insidiis *Coleonium* affirmat, facile illum quidem, ubi temerè potius, quàm pro sua pristina consuetudine militibus indulgisset, subituum rerum omnium discrimen. Fuisse autem hostium consilium, ut cum profectionis signo dato, ac crebris ignibus in castris excitatis, quo fides fieret ea incendi, primum agmen è portis signa extulisset: ubi id quod fore omnino credebant, *Coleonius* equitatum, qui novissimos moraretur præmisisset, ipsi repente è vallo effusi, perturbatos, atque ancipiti malo circumventos, cum qui fugerent, in persequentes conversis signis à fronte infectos, à tergo essent integros hostes habituri, ad unum omnes cæderentur. Eorum insidias, cautum hominem & qui nihil hosti integri ad nova capienda

A consilia per suorum temeritatem relinqueret, cum præmissis equitibus levis armaturæ speculatum, hostes intra vallum abditos latere in insidiis, atque instructa acie ad dimicandum paratos observare suorum profectionem accepisset: suos insequendi hostes studio elatos facile demonstrata re, continere potuisse. Mane ejus diei qui insequutus est, magnam eundem occasionem delendi hostium exercitum amisisse: eo ingenio ducem ut magis consilio ne vinci posset, quàm animi alacritate & studio ut vinceret in magna etiam opportunitate bene gerendæ rei, niteretur. Cum enim *Federicus* certis de causis inde castra movere, ac quibuscunque rationibus posset, hostem in suum locum elicere constituisset: jussis militibus silentio vasa colligere, ac ne quid ex tumultu & strepitu de eorum profectione enuntiaretur, iis tessera signo dato: temerè in castris ortum incendium, cum ventus flammam in omnes castrorum partes distulisset, quæ ex re & trepidare militem & concurrere necesse erat; tabernaculis ferè omnibus absumptis (id quod tum facere consueverant ubi castra moverent) Ducis consilia prodidisse. Tantam autem hostium sive ignaviam, sive metum fuisse, ut cum nova re perturbati milites à signis discederent, atque ab impedimentis quæ succendebantur fumerent, quæ quisque chariora haberet: nullo autem imperio nullaque disciplina continerentur: turpiter sedendo tantam occasionem potiundæ victoriæ amiserint: quam quidem etiam si minus militum virtute consideret, hostium trepidatio & metus, duci non inertissimo opportunè in primis ostentabat. Secundum *Galeatii* profectionem in quem tantæ ignominiae culpa transferebatur, quam ille tamen communem habebat cum multis, cum nullus relictus locus dedecori & flagitio esset: propius hostem admotis castris, duces militem in aciem eduxerunt, urgentibus id maximè Reipublicæ legatis, qui cunctantibus illis atque hyberna spectantibus ad belli finem quod extrahi in hyemem nolebant, properarent. Erat res eò adducta, ut si hostis paratus ad dimicandum, in aciem prodiret, spe victoriæ ex pristina ejus cunctatione animo præcepta majore alacritate & studio pugnam inirent: sin idem pro superioris temporis consuetudine, pergeret se castris tenere ab ignavis timiditatis confessionem exprimerent: quæ res metum hostibus, suis animum atque audaciam augeret. Qua re animadversa, paucis *Coleonius* suos hortatus, ut memores eorum quæ suis auspiciis magna sæpe gloria gessissent, animos spe certa vincendi confirmarent: ne paterentur aut Imperatorem partam per tot annos militiæ laudem, aut exules quorum reducendorum causa adeò honesta arma sumpsisset, spem vitæ reliquam proditos hostibus infestissimis abjicere: ingenti clamore & studio poscentibus signum pugnae dedit. Ita cum majore verborum quàm animorum contentione, utrimque acies concurrissent, atque à meridie ad vespèram totis viribus pugnatum esset: nox tandem ita prælium diremit, ut tanquam ludicro certamine, & non gladiis sed fustibus dimicassent, incerta ac dubia victoria, cum nullus in acie armatus cecidisset, non ita multi capti, perpauci leviter vulnerati essent, defuncti prælio minimè cruento, in castra redierint. Hac pugna commissa, ne quid sibi reliquid summam ignaviam atque inertiam facerent: cum nondum autumnus in exitu esset, anni tempore adverso belli laborem, & hyemandi sub pelibus institutum deprecantes, novum per ea tempora insuetis durioris militiæ hominibus & grave futurum, hyberna poscebant: ubi invitos eos retinere Duces ad signa cōnarentur, minimè illis dicto audientes futuri. Cum exules qui ad tantam belli famam, tanto adversariis terrore inje-

cto, neque tumultum à suis in urbe excitatum, neque erectis in belli eventum cum minimè secundus ac latus consequutus esset, spem ullam ostentatam novandi res animadverterent, ipsi autem ad militem alendum nullam rationem expediendae pecuniae reliquam haberent: fortunae, cui egregiè ad eum diem offerenti se occurrissent, cesserunt: ferri illam diu facilius adversam quàm vinci virtute posse arbitrati. Ad hunc maximè modum quiescentibus illis quorum causa & suscepta expeditio & initum bellum ac confectum magna ex parte erat: ejus idem qui praelii fuerat dubius exitus atque anceps, illis spem redditus omnem, adversariis, qui non vinci ab iis qui exularent, pro victoria ducebant, metum omnem in posterum & sollicitudinem ademit: non ignaris illis quidem, jam reliquos *Italiae* Principes nullos futuros, qui se ita gravi bello & non necessario implicarent, ut cum dubia atque infirma spe eorum salutis procurandae, quibus in tanti Senatus auctoritate parum praesidii fuisset, domesticam esse conjunctam perniciem & ruinam intelligerent. Ut autem nihil facilius est quàm detecta facie malorum quae accidunt immerenti, eorum illi studium conciliare, qui juvandis aliis in adversa fortuna, exemplum juvandi sui constituere aequè in aliis arbitrantur: sic nihil citius misericordia obsolescit, ubi ita videatur compendio misero futura, ut id sine impendio esse miserantis non possit. Tollit enim maximè constantiam in perfungendo officio, si minus cupiditas & spes quæstus, quo ferè omnes magis movemur: at impendentis mali metus, quod quidem in aliorum nobis aerumna objectum non ita ad ferendum auxilium indigenti, quàm ad recusandum aliis quod nobis sit subsidio, ubi id contingat, sollicitos plus æquo de iis quae nos in posterum manent, quàm quae urgent in praesentia alios, impellit. Ita autem fert hominum natura depravata usu & consuetudine malorum, ut quicquid à nobis impenditur causa alterius sublevandi, id nunquam ferè quàm ex usu illius sit, sed quàm nobis sit incommodo futurum spectemus. At exules confecto bello, quo quidem gerendo ipsi sumptu exhausti milites uni ditati essent, qui quæstuosam militiam exercebant, cum & pietati in patriam & gloriae pariter, dolori certè suo satis cuius fecisse viderentur, *Ferrariam* *Neronius* humaniter à *Borsio* ac perhonorificè exceptus, cum ad victum & cultum tuendum certam illi pecuniam decrevisset: *Soderinus* *Ravennam*, impetrato à *Venetis* stipendio quo ali modo posset, concessit: ubi non ita multò postea decessit: vir (ut alio loco diximus) cum à plerisque studiosus libertatis ac justitiae cultor atque honesti habitus (vehementior quidem aliquando fuit quàm Reipublicae moderatorem decebat) tum qui in excogitanda re tardus, in eadem aggredienda, expediendaque à vi animi magis quàm à consilio paratus praeceptis ferretur. Quanquam ego hoc bellum ita exorsus à principio ad finem usque per texui secutus in eo scribendo *Hetruscos* maxime autores, à quibus discedere, nisi cum fides & religio officii postulat, minimè placet: video tamen *M. Antonium* *Sabellicum* cum causas belli alias & principia, qua in re ille, ut jam diximus, cum *Ticinensi* convenit, tum ejus gerendi rationem omnem aliquantò diversam attulisse. *Coleonium* cum magnam voluntariorum manum coëgisset, qui superioribus bellis defuncti, nullo tum certo militiae Duce ad cujus signa convenirent, stipendia merebant: cum nihil illi ad justum exercitus speciem deesset, ignorantibus omnibus utrum sua sponte an aliorum imperio expeditionem suscepisset, in *Flaminiam* contendisse. Ea re cognita, exules *Florentinos*, quibus praeter spem,

A tantam repente occasionem fortuna repetendae patriae obtulerat: minimè sibi defuisse, atque belli ducem magni nominis & haud mediocribus viribus nitentem, qui in liberam militiam & quod opportunitas negotii bene gerendi vocaret, militem duceret, mercede conduxisse. Magna autem in spe fuisse, per eum *Florentinis* bello illato, fore ut civitas oppressa externis armis, praeter cæteras domesticas clades quibus affecta spem omnem recuperandae libertatis abjecerat: à *Petro Medice* alienata in quem unum belli causam rejiceret, studia hominum ad Rempublicam capeffendam moveret: atque se ita ab illius dominatione vindicaret. Bellum cum acriter gestum affirmat, & pro hominis nomine & fama, tum cruento praelio & memorabili, cum utrimque aliquot hominum millia cecidissent, confectum. Non ab exilibus aditum Senatum, non ejus auctoritatem bello interpositam, quicquid *Coleonius* secutus sibi id aut in *Flaminia* gerendum aut transferendum in *Hetruriam* censuerit: stipendii exulum addictum, egregiam operam illis ad belli usque finem navasse. Nam *Valorius* vitae *Laurentii* autor, *Galeatium* *Sfortiam* toto bello affuisse ait, & recenti victoria elatum, cum fugatos vi à se uno hostes, & retrò referre signa coactos insolentius jactaret, *Florentiam* ovantis ferè triumphantisque similem venisse. Ibi hominem levissimum & qui in magna fortunæ indulgentia consilio egeret, crebrò iis quae Reipublicae causa egisset commemorandis, tum fastidio atque animi impotentia tota à se civitate alienata, quae non magis à tam vano ingenio, quàm ab ætatis ferocia & Regni opulenti viribus intellexeret sibi esse timendum, vix *Laurentii Medicis* comitate facilitatèque summa delinitum, cum a patre exceptus magnificentissimo ac planè regio apparatu fuisset, in officio potuisse contineri. Hinc foedere percussò, quo paulò antea cum eo civitas conjuncta societatem & amicitiam firmaverat: per *Flaminiam* in *Insubres* profectum gravi periculo, ut sibi homines vulgò persuaserant, civitatem liberatam liquisse. Utcunque minus inter scriptores convenit in hujus belli explicatione, cum civitas ingenti metu levata, ac pace confirmata recreataque esset: *Bardus Altovitus* qui tum *Vexillifer* summum magistratum gerebat: ne qui superessent, qui ullo modo exulum causae in posterum favere, & restinctum eorum ruina incendium renovare quandoque posse viderentur: in summa potestate facilem sibi aditum calumnia ad inimicorum perniciem aperiens, à Republica amovendos omnes, atque ablegandos curavit: si qui ex his tum magistratu fungerentur, eo se extemplo abdicare, ac pro summi imperii potestate exilii causa vertere solum aequè jussit. Ita inimicis, *Medices*, ejectis, quorum alii foris profligati bello, alii domi essent sublatis qui vel levissima conjectura suspecti haberentur: jam nemine contradicente impunè exercere imperium in victos videbantur. At *Petrus* morbo indies ingravescente, cujus unius auctoritas & moderatio, insolentiam hominum & audaciam, in infinita rerum omnium licentia retardaret, neque ea quae in civitate fiebant cognoscere, neque civium salutis quae improborum libidini & crudelitati patebat, prospicere poterat: gravi illius invidia frustra opem civitate ab illo expolcente cujus se imperio tradiderat. Tanquam enim non hostium sed civium victores, & urbis & privatorum fortunas sibi ad praedam proposuissent: nullo discrimine in eos saeviendo, quorum insignes divitiae ac lautiora patrimonia avaritiam & cupiditatem ad scelus excitaret publica auctoritate abutebatur. Atque quanquam tot malis atque incommodis quibus indies licentius & privatos cives & Rem-

publicam universam *Medicum* studiosi afficiebant, minus per *Petri* adversam valetudinem poterat obviam iri: ut tamen ille valetudine integra usus occurrere iis sua autoritate posset, multa illi dissimulanda eorum causa videbantur, quorum studiis atque armis superior inimicis extitisset. Illud autem in civilibus contentionibus accidere videmus: ut cum semper ferè victoria secundo eventu insolescat, materiam ad sapiendum in facili etiam ac miti ingenio inveniat. Cujus rei & si non una causa potest afferri, at illa potissima videtur, quod non æquè facilitas victoris clementiam in conservandis victis, quos magis hostes esse quàm miseros meminit: atque indulgentiam in confirmandis suis, studium quæ parta habet tuendi, videtur postulare. Quæ quanquam ita se haberent, non tamen deerat *Petrus* civitati auctoritate & consilio, quoad per morbi magnitudinem licebat. Nam & suos leniter appellando, & monendo interdum saevius & castigando, postremo metum injiciendo, ut civitatis statum respicerent, & modum aliquem infinitæ potestati statuerent hortabatur. Id si minus sibi persuaderi paterentur, at illud ignorare minimè debere, neque satis unquam tutam vim adversus multorum consensum, ubi constantia & magnitudo animi ad eam vindicandam adesset, & raro eandem in populi magna offensione & potentium odio, aut diuturnam, aut fortunatam esse. At dum ea inani studio pacis & concordiae à *Petro Medice* aguntur: seditiosi homines qui uberiores suæ improbitatis fructum diuturnioremque à principio quæsisent: nullum sapiendi finem in adversarios insultandique inveniebant: eò impunitatis atque amentiae progressi, ut satis haberent ad quem vellent perdendum, eum modò partium nomine notare: ipsi cognoscendi sibi animadvertendique jus cum privati essent, ac nullo magistratu fungerentur, vindicarent. Interim *Petrus*, qui (ut sæpè diximus) articulari morbo oppressus, vehementissimis doloribus dies noctesque angebatur, non esse amplius tacite ferendam tantam malorum vim arbitratus, magistratibus ad se domum advocatis, ita ad illos loquutus fertur. Nunquam sanè ego fore putassem, ut, cum eas partes suscepissem in Republica quas ego esse optimas, & ex salute omnium judicarem: in eos ipsos quos meorum consiliorum participes haberem, mihi esset hoc tempore dicendum: id quod invitus quidem, sed necessario tamen facio. Viros enim ornatissimos atque amplissimos nostræ civitatis delegisse me arbitrabar: quos Republica procuranda non adiutores modò, sed quod ex animo affirmare possum, auctores etiam verius haberem. Quorum quidem studiis innixus, ita seditiosos & turbulentos cives è civitate deturbavi, qui salute mea oppugnanda libertati & saluti communi insidiabantur: ut nunquam mihi in mentem veniret dubitare, aliquando futurum, ut quorum fidei summam Rempublicam credidissem, ab eorum cupiditate & scelere mihi ea esset vindicanda. Quæ rei quidem tanta indignitas, quò me adeò tristi meorum civium tempore gravi morbo confectum vestra magis fide & sapientia recreari sperabam, eò gravior mihi acerbiorque accidit. Itaque cum propediem vitæ mihi interitum imminentem, expectem non invitus, quo me levatum iri sensu doloris acerbissimo intelligo: eundem perhorresco, quod mea morte improborum hominum scelus atque impietatem in patriam augeri, spem imminui bonorum, si qui modo vestram avaritiam & crudelitatem effugerunt, Rempublicam universam, id quod refugit animus dicere & reformidat, penitus labefactari intelligam. Nam verè illud jam dici potest, quibus ego ho-

A minibus vitam salutemque meam referam acceptam, petitam illam sæpè inimicorum insidiis: iidem quò expetenda mihi maturior mors sit, unis item tribuendum esse. Vicimus quidem, quod nobis optandum fuit, patriæ causa, cui omnes velle consultum debemus: sed nobis, non patriæ vicimus. Illud autem à nemine ferri æquo animo potest, qui intelligat pietatis nomine sanctissimo in procuranda patriæ salute esse civibus utendum, vos non eo modò ad privatas vestras similitates exercendas, sed ad evertendam patriam sceleratissimè abuti. Quod cum ita sit, tanquam nomine nos magis, quàm causa oporteat pugnare (eò impudentiæ ventum est) & dici pios volumus & haberi. At quid nunc ego agere instituo? quasi mihi cum iis ipsis res sit, quos ego sequutus auctores in patriâ defendenda cives modò conservavi meos: ita ab illis fidei, religionis, officii humanitatis iura quam planè omnem animo exuerunt, requiro. Alios quidem (tandem enim dicendum est) alios vos (inquam) vestri commodi ratio, & cupiditas effecit, atque à mente & consilio deduxit: ut jam sit mihi non iniquo animo ferendum, cum scelere in vobis victam pietatem, libidine pudorem, fidem avaritia, humanitatem crudelitate intelligam, omnia me dicendo ad utilitatis & commodi vestri rationem exigere. Qua in re tamen, neque ego vobiscum ratione magnopere pugnabo. Omnia enim obeccatis cupiditate animis, vobis pro vestra libidine esse agenda statuistis. Itaque minus ego illud ostendere conabor, quod tamen mihi facillimum esset, in libera civitate & quæ vires agnoscat suas, diu servitutem ferri non posse, cujus nunquam sit vindex defuturus: non illud, quod nemo vestrum est quin intelligat, foveri intestino odio in civitate incendium, quod quidem ubi diu conceptum animis vires aluerit, magna cum multorum ruina (faxit Deus ut falsus vates sim) in omnium capita erumpat. Non ego vobiscum conjectura agam, non tempore, non populi offensione, non vestra injuria, non metu malorum impendentium, cum ita vos statuere oporteat, arma in præsentia exules coactos tempore, non illos item vim, consilium, fiduciam spem in posterum posuisse. Non illud (inquam) ostendam vigilare ad vestram perniciem adversarios acerrimos, & quibus non ferocia magis adimere consilium, quàm prudentia augere vim animi & magnitudinem potest, ut pro occasione ad vos opprimendos vestra invidia utantur. Præsto enim illis semper erunt armati novarum rerum cupidi, qui nunquam in civitate sunt vestra injuria defuturi. Majorum exempla vos commonefacient, atque ea quidem ita posita illustri loco, ut à vobis faciè spectari queant, quando vos minus ratio movet ducta ex certa conditione temporis & Reipublicæ statu, qui finis hujus vestri dominatus futurus sit. Vicerunt quemadmodum vos & alii quoque, nunquam in seditiosa civitate atque in magna contentione partium, deficiente materia ad bella civilia: at cum iidem (quod vos nunc agitis) victoriæ præmium quæstum privatum suum, non partum civitati otium esse voluissent: & victis expeditum, ac facilem in patriam reditum, & viam multitudini ad pellendos victores patefecerunt. Atque ut alia in præsentia omittam, quæ nunquam mihi totum etiam dicenti diem sunt defutura: domestico equidem exemplo contentus ero: non solum propterea quò recens adhuc res est, & ejus meminisse facile omnes potestis: sed quoniam me in primis juvat, viri optimi patris mei factò quid vobis esse faciendum censeam demonstrare. Quid enim unquam familiæ nostræ illius exilio calamitosius acerbiusve accidere potuit? quid eo ipso rursus ad posteritatem gloriosius hominum fama atque illustrius? Affuit Deus

posito

posito in tanta calamitate per summam inimicorum injuriam: nemo negat. Nihil enim minus credi oportet, quam ullo unquam tempore deesse Deum immortalem rectis hominum studiis? Sed tamen ut breve illi exilium, facilis atque expeditus reditus in patriam esset, nulli magis quam inimici illius perfecerunt. At ille post tantam acceptam injuriam, cum nulla in re minus, quam in vitae innocentia illi esset praesidium constitutum, redditus patriae, qua summo desiderio suorum caruerat, ac factus secunda fortuna insolentior, non crudelis solum in victos, sed impius etiam & nefarius fuit: cujusmodi vos videmini evasisse cupiditate atque avaritia elati. Imò quicquid illius inimici detrahare de illius laude maledicendo conentur, in hos clementiam, magnificentiam in illos & liberalitatem exercendo: cum studiosissimos sui homines premiis amplissimis retinuit, tum inimicos gravissimis condonandis injuriis, quod liberalitatis genus multo praestantissimum est, atque adeò aequitate animi, & facilitate sibi conciliavit: utroque certè sibi in posterum reddidit firmiores. Ubi inimico parcitis, non illi magis, quam vobis consulitis. Sive enim à vobis conservatus, grato est in vos animo futurus, (nullum certè beneficium majus habetur, quam eum quem perdere potueris conservare) nunquam est humanitas & clementia praemii expers: sive est idem ita duro ingenio, ut diuturnior injuriarum, quam beneficii memoria in illius animo infideat, vobis lenitate & clementia in victoria usis, est aliquid de ingenii ferocia atque immanitate remissurus. Cum autem nunquam inimico possis ignoscere, quin hominem idem & civem ferves: praeterquam, quod naturae & patriae debitum officium persolvitis, verè etiam Christianum hominem obliviscenda injuria praestas. Quòd si tanta est vis bene merendi, ut conservatum inimicum, & injuriarum cogat esse immemorem, & firmissimum saepe amicum reddat: quid de his vobis statuendum est, qui cum nullo odio prohibeantur quò vos minus cupiant quam amplissimos esse, provocantur beneficio, ut studiosius id vehementiusque velint? Atque cum ita sit natura comparatum, ut qui sua sponte etiam nostri cupidi sint, beneficio plurimum moveantur: ubi illis à nobis fiat injuria quos prosequi liberalitate aequum esset, tantò ea afficiuntur gravius, quantò magis illi memores sunt, à quibus injuriam accipiant, sibi beneficium deberi. Unum nobis modò propositum est, totum illud quidem in utilitatis partibus constitutum: foedè hoc quidem & flagitiosè, utinam non impie & nefarie, ut partem in vestros cives dominationem verius, quam principatum quaestui habeatis. At quando ita statuistis: vestro ego ingenio obsequutus eodem modo vobiscum agam. Duplex enim est via, qua eò vobis pervenire facile sit, benevolentia hominum & metus. Utram esse vobis incundam statuitis, sive premiis ad benevolentiam, sive suppliciis ad terrorem constituendis, nullum finem, aut modum ratio haec habet. Nam neque homines nisi magno metu obiecto, id quod inhumanitatis est, diu in officio continentur: neque parvo deliniti beneficio, quod saepius accidit, cum in largitione hominibus, ut maximè etiam velint, minimè semper liceat profusis esse, facile pati servitutem possunt. Atque haec quidem loquor, non tanquam cum Reipublicae liberatoribus quo titulo tumidi atque inflati insigne in patriam vestrum hoc meritum jactatis, sed tanquam cum patriae oppressoribus tyrannis immanissimis & superbissimis: ut non prius vobis haec vox audienda sit, quam omnem vos abjecisse animo humanitatem pietatemque fateamini. Quid autem vos agitis? quò vestra haec

A tanta importunitas & crudelitas spectat? Quae mitior via leniorque est, etiamsi est eadem expeditissima, probare minimè potestis: eam vobis placeat inire, quae eadem difficilis, ardua, tortuosa, multis anfractibus, atque erroribus implicata vos ad exitium gravi impietatis infamia, atque ignominia notatos deducat. Agite ergo, ut vestra vobis crudelitas, inhumanitas, libido suadet, favite in vestros cives, insultate in eorum fortunas, immanitatis, barbariae, avaritiae exempla omnia in patriam statuete, capite, plectite, ablegate, proscribite, constituete in foro hominum carnificinam, nihil vobis ad summam impietatem & scelus reliqui facite: neque ita vobis tamen erit ad tyrannidem septa & munita via, ut non magis paucis multorum consensum, quam multis paucorum vim diu esse timendam intelligatis. Ita de vobis patria merita est, in lucem hanc extulit, amplissimis honoribus auxit, ut si minus in pietatis exsolvendo officio, at in scelere admittendo, vos esse in illam oporteat animo aequiore. Per me patria vos supplex orat & obtestatur (qua in re quidem cum usque eo illa de suo jure decedat, quantum sit vobis de vestra crudelitate remittendum, facile docet.) per me inquam vos patria orat, ut si ulla est in vobis humanitas reliqua, si, quae tanta in vos contulit, beneficiorum ulla recordatio, quando vos neque officii ratio ulla, neque charitas in illam movet, & malle videmini regnare, quam quem vobis attribuit locum, tueri pietatis studio, & honestissimum & amplissimum: promereri potius vobis civium studia beneficio, quam invidiam & odium conflare maleficio velitis. Ego sanè quando non ita longius videor mihi vitam producturus, parum scilicet dignus qui patriae meae salutem ab ingratis civibus exorem (id quod saepe à feris ac barbaris hominibus impetratum est) ne quando videar, nimia animi remissione, aut pietatis meae in patriam, aut dignitatis esse oblitus: quod à volentibus non licuit, extorquere per vim à nolentibus atque invitis conabor. Quod si fuero assequutus, ut mea anteacta vita dignum est, hoc postremo in patriam munere functus, atque in vitae exitu praclare de meis civibus meritis, laeto atque alacri animo è vita excedam. Cum haec ille elatus iracundia dixisset, & quanta maxima poterat animi contentione: paucis illi, atque ut interdum vultu culpam agnoscere magis, quam oratione viderentur, responderunt. Quamquam ea tempora incidissent, ut aegre severissimis etiam magistratibus Rempublicam administrantibus, hominum impunitas, atque audacia posset coerceri: sibi tamen vel illius causa, in posterum curae fore, ut cum in utramvis partem peccandum esset, indulgentiae potius & lenitatis culpa, quam severitatis & tristitiae in vindicandis hominum malefactis notarentur. In Reipublicae rectoribus, cum celfo loco, atque eminenti collocati non minus quam spectent alios, ipsi spectentur: ita quaecunque agant acri cura animadversa observari: ut quae praecleara in his sua natura sint, cum vix possint hominum invidiam effugere, nulla cum eorum majore laude comprobentur (deberi enim officium cum dedecore & infamia: non item cum laude debitum persolvi) nunquam ea quae mala sint errori atque imprudentiae tribuantur: quae dubia semper ferè in eam partem accepta, quae deterior est, aut odio, aut aemulatione, judice illa quidem iniquiore quam officii jura requirant, damnentur. Eandem verò omnium rationem esse. Nam & qui justitiae partes saevè praestat, durum, inhumanum, acerbum: qui fortis, audacem: timidum, cautum: prudentem, astutum: lenem, remissum: industrium, cupidum: semper in hominum offensione averfis à recto judicio animis, videri. Ac praepo-

postere quidem speciosis ad ostentationem nominibus liberalitatis, fortitudinis, lenitatis, industriæ, quæ eas virtutes vitia affinitate attingant, efferri laudibus ac fama hominum & prædicatione celebrari. Illius temporis suos inimicos insidiosos ex gravi morbo laborantis, ea de se ad illum & discindendæ civium concordiæ, & discordiæ ferendæ causa per certos homines attulisse: quorum criminationes in bonos, ex eorum antea vita magis, quam ex oratione, aliorum mores atque instituta spectari æquum esset: ut quemadmodum de eo non possent queri (nisi fortè nimia facilitas & lenitas accusanda sit) cujus religionis & fidei esse intelligant in publicis privatisque rebus severa & acri animadversione uti: ita cum iis non possint non magnopere expostulare, qui à suis inimicis patiantur se tanta cum sua invidia gravissimis de rebus ad principem in Republica civem allegari. Quæ tametsi ita se habere videantur, cum in nefariorum hominum audacia refutanda, eam esse optimam rationem animadvertant, quæ cum illi maledictis & convitiis pugnent, vitæ innocentiam & recta studia, præclare factis tucatur: minimè necessariam se ad ea omnia, quæ sibi objecta sint, responsionem judicare. Nam & si minimè difficilis, in causa præsertim optima & iustissima sit: eò tamen libentius se illa non usuros, quò magis intelligant, molestam & gravem suam orationem, & laboranti gravi morbo & jam dicendi labore fesso necessario futuram. Hæc eorum responsio fuit, & avertis auribus, & præoccupatis jam inimicorum criminationibus, nulla cum assensione audita. At illi cum hinc magistratus autoritas, quæ non quantam illis populus mandasset, sed quantam ratio temporum ferret, infinita ac nullo modo amplius toleranda esset: hinc *Petri* jam deplorata salus fiduciam, atque animos auget: majore se indies libidine incrudelitate & scelere jactabant. Quæ dum ad eum modum ab his administrantur: *Petrus Medices* qui non tam dolore & cruciatu corporis, etsi vehementissimè illum urgebat, quam aegritudine & mœrore animi angebatur: ne extremo suæ vitæ tempore, patriæ defuisse videretur: quando altius jam vulnus infedisse intelligebat, quàm ut leni curatione indigeret: ferro tandem esse utendum ac remediis acrioribus existimans: de exulibus reducendis agere instituit: quorum auctoritas quæ absentium desiderio indies augebat, sua potentia & gratia confirmata, insolentium hominum ferociam atque impetum retardaret. Ita de amicorum sententia, deliberata & constituta re: ad *Angelum Acciajolium* literas dedit exulum ducem, quibus illi spem faciebat, ubi sui copiam ad colloquium fecisset, brevi in patriam cum suis redeundi. Quod ille quidem, qui optimè intelligebat, quo in statu res civitatis essent, minimè sui fallendi causa, sed quòd res ita se haberet, non esse negligendum arbitratus: die constituto, quo die sibi advenienti præsto esset, in *Casagiolanum* concessit: ubi de Republica multa cum *Petro* colloquutus, quæ quoniam morte illius interrupta transigi minus potuerunt, non feruntur, brevi discessit. Illud satis constanter scriptores affirmant, modò illi vitam proferre in plures dies licuisset: civitatem per exulium reductionem à suorum conspiratione, aut consilio fuisse, aut armis liberaturum. Nam cum victa naturæ vis esset morbi magnitudine, qui quotidie magis ingravescebat: importuno in primis Republicæ tempore & suorum, si magis ætatis quàm morbi ratio habebatur, decessit. Fuit *Petrus Medices* cum prudentia & consilio, tum magnitudine animi & constantia aliquanto *Cosmo* patre inferior, omni alia virtute par, vitæ domesticæ splendore & magnificentia, sive hoc illius ingenio, sive tempori dandum esset

A quod quidem hoc postulabat, nonnihil superior. Minus diu illustre illius nomen & fama celebrata est, quoniam grandis jam natu parentem extulit, cujus gloria illius laudi officere quamdiu vixit, plurimum visa est: & quia minus secunda usus valetudine, ut sibi cessare liceret, à magistratu impetravit. Breve tempus post patris mortem Republicæ præfuit: sed ita quidem se gessit, ut in gravissimis contentionibus de Republica atque in magna conspiratione & consensu civitatis, neque fortitudinem & constantiam in publicis rebus administrandis, neque in tuenda sua dignitate consilium & vim, neque in adversariis pellendis denique passus sit vires à se unquam & studium desiderari. Quæ omnia sive ille sua sponte gessit, virtutis & prudentiæ, sive aliorum consilio, moderationis atque æquitatis laudem sibi comparavit: quippe qui in delectu amicorum habendo cautus, æquè & ad parendum melioribus, & ad imperandum sibi, videretur esse ingenio accommodatus. Quæ res eò pluris debet æstimari, quò æquius est virum principem & magnas res gerentem, à temeritate inconsulta atque ignoratione abesse. Decessit annus natus LIII. cum liberos *Julianum* & *Laurentium* reliquisset: quorum huic propterea quòd fratri ætate anteiret, & mirificam semper virtutis indolem præ se tulisset & domesticæ & publicæ rei administrationem vivens adhuc magna ex parte tradiderat. Qua ille suscepta, ita semper se gessit, ut parentis spei & suorum responderit: hominum expectationem atque exterorum in primis, quibus minus erat illius virtus explorata, longè etiam industria & virtute superavit. Per eadem ferè tempora, quibus ea *Florentiæ* agebantur, in magno totius ferè *Italiæ* otio *Paulo Secundo* Pontifice Maximo septimo Pontificatus anno decedente, in illius locum *Xystus Quartus* sufficitur, majore quidem sui quàm aliorum admiratione: cum neque illum nobilitas, non obscuro solum sed sordido loco natus, neque excellens virtus, aut eruditio, neque probitas morum atque elegantia, sed sacerdotum ambitio, atque ex ea ingens inter eos ortum dissidium, ad eam dignitatem evexisset. Usque eò autem cupiditate exarsisse dicuntur, ut cum nemo non mallet ab infimæ etiam fortunæ homine sibi acceptum Pontificatum referri, quàm ab eo qui pari dignitate esset, sibi videri ereptum: omnium ferè in unum collatis suffragiis, eodem consensu illum, malo quidem *Italiæ* fato, futurum Pontificem renunciarint. Superiorum enim omnium longè ambitiosissimus, cum oblitus, quàm ex humili fortuna emergerat, ejus modò quam esset affectus meminisset: potestate summi imperii, multo quàm ceteri impudentius audaciusque abuti dictandis augendisque suis instituit. Erant inter familiares qui maximè auctoritate & gratia excelebant; *Petrus* & *Hieronymus* fratres *Riarii*, ab eo, ut ferebantur, cum adhuc ageret in *Franciscanorum* familia, liberi suscepti: ac quò minor parentis infamia esset, propinquorum honestiore nomine, liberaliter quidem & honestè, sed nondum tamen in spem tantam educati. Horum alterum qui in eodem ordine sacris initiatus esset, adeptus Pontificatum in Cardinalium collegium, quanquam reclamantibus atque invitis omnibus cooptavit: id quòd *Ticinensis* affirmat, cujus magna tum auctoritas inter principes ejus ordinis habebatur: alteri *Foram Livie Flaminie* oppidum, pulso per vim *Antonio Ordelaffo*, adjudicavit: cujus majores per diu in eo principatum obtinuerant. Ac cum magna hominis cupiditas in novi Pontificatus initiis animadversa ingentem illi admirationem apud Principes conciliasset, qui pares adjunctas ambitioni vires formidarent: omnes sibi viam ad illius gratiam & aditum quærebant. In his *Sfortia*, quo

quo ille amico in omni fortuna firmiore uteretur. *Catharinam* filiam ex pellice susceptam *Hieronymo* in matrimonium collocavit: dotis nomine illi *Foro Cornelii* urbe item *Flaminie* minimè ignobili attributa. Erat *Galeatius* ingenio præceps ad ea omnia quæ ambitiosum animum spe rerum novarum levissima etiam occasione ostentata moveret: cum quidem ad ea tentanda, quæ concupisset præter insitam animo cupiditatem, plurimum illum ætas & domesticarum virium æstimatio adjuvaret. Itaque eodem usus consilio *Joanni Galeatio* filio adhuc puero, *Isabellam Alphonſi* filiam, *Calabrorum* Duci despondit, qui erat *Ferdinando* patri in *Neapolitano* Regno successurus: in obscuro involventibus fatis, per earum nuptiarum faces, quandoque *Italiam* magna ejus Regiæ ruina conflagraturam. Hujus enim *Ludovicus* patruus, nefarius homo &, quod omnes fatentur, memoriæ semper nostris hominibus detestandæ, cum adolescentem per tutelæ simulationem principatu opulentissimo spoliasset: veritus *Alphonſi* arma qui se bello generum à tam gravi injuria & contumelia vindicaturum non obscure profitebatur, *Carolus Gallorum* Regem in *Italiam* vocavit, ad quem pertinere *Neapolitani* Regni jura dicebantur: unde nobis origo & principium ingentium malorum extitit, quorum adhuc finem nullum videmus. Eodem anno quo est *Romæ Xystus* Pontifex creatus, inter *Ludovicum* Regem *Gallorum* & *Carolus* Ducem *Burgundie*, cum ad cæteras simultates, novis semper utrimque causis exorientibus, diu fuissent in armis, de pace agebatur: majore populorum studio in præsentia, qui grave ac diuturnum bellum perpeſſi otium & pacem respicerent, quàm in posterum spe ubi inter eos convenisset, diuturnam pacem firmamque fore. Nam *Caroli Aquitaniæ* Ducis, qui idem & *Ludovici* frater & inimicus erat acerrimus, mors consecuta, & res illius penitus stabilire, & inimici vires debilitare & spem omnem pacis adeò tollere repente est visa. Erat enim *Ludovico* ingens metus ademptus, non solum *Burgundo*

A destituto magna virium accessione, sed dirempta *Henrici Hispaniæ* Regis affinitate, cujus *Joannam* filiam *Carolus*, in matrimonium duxerat: magna spe fretus ubi ad cæteras vires *Hispanorum* auxilia accessissent, bello instaurato fratrem se de Regno rursus dimicare coacturum. Ac ne qui penitus in *Europa* malorum essent expertes: *Henricus Hispaniæ* Rex, cum sorore *Isabella* quæ postea *Ferdinando* nupsit *Tarraconensium* Regi, victo jam *Alphonſo* fratre, cum is diem obiisset, bellum gerebat. Is cum multis aliis flagitiis infamis, ac maximè suis invisus esset: passus uxori stuprum inferri, quòd minus ipse aptus liberis procreandis haberetur, natam ex adultero filiam Reginam imponere *Hispanis* constituerat. Dejecto enim spe Principatus *Alphonſo* qui hæreditario jure ad Regni successionem aspirabat, non ita magno negotio se armis sororem prohibere sperabat: magni animi fœminam & majore in suo jure persequendo constantia: quæ se Regni Principem frequenti omnium conventu declarari curaverat, quo nomine ab *Hispanis* Regni successor futurus appellatur. In *Anglia* *Edoardo* Rege possessione Regni deturbato: *Henricus* summa gentis gloria *Lutetiæ Parisiorum* olim *Gallorum* Rex inauguratus, cum ad vigesimum & quartum annum *Londini* carcere inclusus egisset: dignitati Regiæ restituitur, ac paulò post magnum fortunæ ludibrium futurus, ab *Edoardo* victus capite plectitur. Insigni tantis cladibus anno, *Borsius* quoque *Ferrariensium* Dux in *Italia* decessit, melior princeps habitus vitæ exitu, quàm initii principatus, quem insigni *Herculis* fratris injuria cui successio debebatur, occupaverat. Ejus autem ignominia delendæ causa, ferunt illum consulto à nuptiis abstinuisse, ne charitate liberorum prohiberetur, quò minus libero judicio in Principatu fratri restituen-do uteretur. Accedit ad hæc *Georgii* mors *Bohemorum* Regis, *Romani* Pontificis hostis acerrimi, cujus res gestæ tum ab aliis conscriptæ, tum à *Pio Secundo* Pontifice atque à *Jacobo* Cardinali *Ticinensi*, leguntur.

JOANNIS MICHAELIS BRUTI

HISTORIÆ FLORENTINÆ

LIBER QUINTUS.



Um *Laurentii Medicis* tanta virtutis opinio extiterit, ut ea & patriæ salus & pax *Italiae* populis parta magna cum illius laude credatur: placet antequàm de iis agere instituamus, quæ eo Rempublicam administrante *Florentini* gesserunt, quibus ille artibus domi institutus, tantam sibi autoritatem, atque existimationem apud exteras nationes comparavit, paucis demonstrare. Nascitur *Laurentius Federici Cæsaris Germaniæ* Regis anno octavo, ita magnis animi & naturæ bonis cumulatus: ut cum eam fortunam esset assequutus, quàm omnium opinione majorem sibi animo finxerat, æquè illam & indulgentem, & adversantem suis rebus longè semper gloriæ cupiditate, quæ in illo immoderata fuit, superarit: nunquam ille passus in vita agenda, quò minus ea ageret, quæ digna essent magno homine, fortunam sibi magis quàm rationem imperare. Nam maximas relictas à patre divitias, ad liberalitatem & magnificentiam, cujus rei ostentatione magnam in primis

E gloriam consequutus est, sive elatus ambitione, sive studio virtutis expositas habuit: in eo *Cosmi* avi potius, quàm patris institutum æmulatus. Ietatis indoles & religionis in puero adhuc mirifica: ut cum adolevisset, neque illam arte quæsisse & fallacia ad colligendam popularem auram, neque studio magis (tametsi & illud quoque erat acerrimum) quàm natura ad virtutem propensus, honestas artes à primis annis excoluisse videretur. Nam magnitudinem ingenii, cum virtutis par studium adesset, in prima ætate, & quidem excellemmentem ostendit. Ita cum iis rebus contemnendis quibus addicta ea ætas est, tum iis sectandis, quorum æmulatione magni homines tenentur & præstanti virtute: dignus quidem est visus, qui cum puer tenerum animum tanta opinione virtutis imbuisset, is vir evaderet qui æquè esset & posteris admirationi & præsentibus invidiæ futurus. In eo autem utrumque pari dignum laude: cum tantam in puero aciem ingenii fuisset, ut honesti faciem posset perspicere, tum eam vim in corroboranda ætatis imbecillitate & confirmando judicio, ut perspectam

spectam illam iis rebus posset anteferre, ad quas natura cujus tanta vis est, & sensu duceretur. Has tantas animi & naturæ dotes magnopere domestica disciplina auxit: cum mater lectissima scemina, præter cæteras virtutes, quas domo paterna attulerat, excultum animum politiorum literarum studiis haberet, atque incensum per se puerum cupiditate gloriæ, excitaret. Nam curam illius instituendi jampridem pater *Gentili Urbinati* tradiderat, literato homini & erudito. Quem postea *Laurentius* præclare de se meritum, sua autoritate & gratia renuntiandum *Aretinorum* Pontificem curavit. Ita literis his elegantioribus perpolitus, cum ætati facile semper ingenio & judicio præcurreret: *Joannem Argyropyllum* eloquentiæ & philosophiæ studiis clarum hominem, jam à *Cosmo* avo spe liberalioris stipedii *Byzantio* evocatum apud se domi habuit, à quo quidem Peripateticorum præcepta hausit, quibus corroborari infirmus animus adversus ætatis vitia pugnantis cum rectis studiis posset: confirmata inde ætate à *Marsilio Ficino* cui se planè totum tradidit, *Platonis* doctrinam quam maximè semper probare visus est, cupidissimè percepit. Is est *Marsilius Ficinus* veteris Academiæ instaurator, ac *Platonis* scitis interpretandis per ea tempora princeps habitus: cum à *Cosmo* domi à puero educatus liberos in literis instituisset, dignus visus ob singularem eruditionem, & morum elegantiam, quem in *Caregiana* villa ubere ac lato agro donaret: ubi quidem cum *Cosmo* jam mortuo, vitam in plures annos produxisset, diem extremum egit: multis & præclaris sapientiæ monumentis relictis, quæ consignata literis à nostris hominibus magna cum ejus admiratione ingenii leguntur. Fuisse in *Laurentio* dicitur adhuc adolescente, tacita quædam cum *Cosmo* suscepta contentio clarissimo homine, & qui ægrè spem faceret, quanquam æmulatori acerrimo & summæ virtutis, ullis artibus ad eandem gloriam contendendi. Inter avi *Cosmi* virtutes quas pari cum laude expressas familiæ retulit: ut nemo alius æquè suæ ætatis, festivitate in sermone & venustate, quam cum vis & acumen adesset, moderatio summa temperaret, excelluit. Atque cum hoc ingenio esset, non falsè modò & venustè dictis sed satyra etiam oblectatum ferunt: quam non cupidè solum legit ab aliis scriptam, sed etiam ipse scripsit egregiè, & facilitate quadam mirifica. Atque cum omnia in eo fuisse digna admiratione dicuntur, si ea pietatis studium in patriam magis, quam gloriæ cupiditas moderata esset, tum illud maximè, cum inter diversas virtutes, hinc prudentiam summam, quam semper munitam habebat ratione & consilio, hinc vim ingenii & celeres animi motus, judicium grave certumque emereret: neque potuisse vim ingenii eum in temeritatem abducere, neque prudentiam in explicanda & conficienda re, cum celeritate opus esset, tardiorum languidioremve reddere. Procerà statura fuit, & quæ est significatio virium & roboris, quibus maximè dicitur præstitisse, lati humeri ac firma totius corporis, atque optima constitutio. Habitus oris in quo quidem cum sibi dignitatem vultu affingeret, neque venustas, neque elegantia ulla à natura inesset. Hæc tanta filii virtus & conjuratione inimicorum detegenda, & constituenda post exactos exules Republica patri in gravi discrimine vitæ, & de suo & de civitatis statu sollicito, magno usui atque adjumento fuisse fertur. Cum enim acrius indies vis morbi sæviret, atque ex ea re fieret, ut minimè aptus tantis rebus administrandis haberetur: quò minus facilè ab inimicis opprimeretur, vigilantibus ad illius perniciem, *Laurentii* virtus occurrebat, in qua una omnem spem posteritatis, & salutis familiæ collocaverat. Agebat primum & vigesimum annum cum pater decessit: qui *Pauli Secundi* Pon-

tificatus quintus annus fuit: quanquam tanta jam in illo virtutis significatio esset, haud satis tamen futurus par ad improborum atque audacium hominum libidinem coercendam, qui facilius adolescentis ætatem contemnere viderentur, quam admirari virtutem, nondum planè illam usu rerum corroboratam. Itaque cum *Petro* mortuo, omni soluti metu fiduciam ex impunitate atque ex ea spem occupandæ tyrannidis concepissent: non esse tamen rem tentandam arbitrati, nisi prius magnæ autoritatis hominem sibi adjunxissent, cujus nomine ad comparanda populi studia abuterentur: ad *Thomam Soderinum* coierunt: qui tum publici consilii autor, omnium in se oculos propter singularem virtutis opinionem, mentesque converterat. Erat autem ingens eorum spes, haud difficile se cum in sententiam perducturos civitatis principatu illi oblato, quod esset violatæ amicitiae & fidei præmium haud aspernandum. Sed tantam eorum spem cum temerario consilio niti videretur, aliquantò gravior eorum æstimatione difficiliorque temporis ratio fefellit. Erat *Thomæ* cum singularis animi moderatio & virtus, tum quæ erat quæsitæ maximis meritis & officiis in Rempublicam magna atque inverterata inter suos cives autoritas: prudentia quidem, quæ cum maximarum rerum usu confirmata haud temerè casu & fortuna falleretur: hinc gravitatem & constantiam in agendis rebus, hinc certam spem earum eventu explorando, sejunctam à falsâ atque inani, si quam temeritas magis quam ratio objecisset, præstaret. Itaque quanquam ad summum civitatis consensum, *Italiæ* Principum autoritatem & judicium accedere non ignorabat, qui illum literis publicis principem civitatis ac moderatorem Reipublicæ agnoscerent: invictum animum semper, sive à temeritate consilii, sive à cupiditate animi præstitit. Hominum autem studia quæ parum illi stabile & diuturnum imperium, certum exitum spondebant, optimo usus consilio in *Petri* liberos statuit conferre. Nam & iis sibi tanto beneficio obstringendis, multò se magis suis rationibus prospicere, intelligebat: & in multitudinis temeritate non esse suas spes collocandas arbitratur, cum non æquè ut in novandis rebus alacritatem & studium, ita iisdem tuendis constantiam & animi magnitudinem virtute retineret. Ergo neque publicis literis respondit, per hanc animi æquitatem magna apud Principes prudentiæ & moderationis laude sibi comparata: neque in civium ingenti consensu uti præsentī fortuna voluit: cum in nullos illa sæpius quam quibus vehementius favit, sæviente, tum invidiam magis secundis rebus inveniēte, quam adversis misericordiam: id quod tum illi verendum magnopere videbatur. Ita ad *Antonii* coacto principum conventu, hac oratione alienatos ab adolescentibus animos civium, cum *Laurentius* & *Julianus* interesset, in primis conciliandos curavit. Si quis est qui existimet, ubi agitur de summi imperii potestate ad novum hominem transferenda, magis de privati cujusquam commodis, quam de totius Reipublicæ salute agi usque eò ille sua opinione fallitur, ut eum ipsum quem principem in civitate constituit, evertat: Reipublicæ statum, quem maximè sperat posse hac ratione confirmari, labefactet penitus & convellat. Sive autem is sibi privatis inimiciis exercendis indulget, gravem patriæ injuriam facit, cui vitam debet & libertatem acceptam referre: sive idem existimat se in eo Reipublicæ consulere (quod boni civis esse & patriæ amantis videtur) in tanto persolvendo officio, imprudentiæ vituperationem summam, pietatis nullam laudem refert, non præclarior de se quam de suis civibus meritis. Atque ego cum in præsentia agere gravissima de re instituerim, & quæ non Reipublicæ magis quam singulorum salutem

attingat : mihi orandos vos maximè obsecrandosque censeo, ita ea de quibus sum dicturus, vobis probari patiamini, ut neque qui odio & similitate ducuntur, iracundiam, neque qui religione & officio, temeritatem inconsultam adhibere in consilium velint. Illud autem omnibus velim persuasum esse, etiamsi cuncta ex sententia contingant, cum brevi voluptate illos ulciscendi inimicos, & non illa tamen adeò explorata, Reipublicæ minimè dubiam perniciem ac liberis & conjugibus afferre : tum hos religiosos nimium in ducenda ratione officii, & patriæ se in eo æquè obesse, & non magis quam illos tutos ab imminente ruina atque exitio futuros. Nobis id unum modò debet curæ esse, ut civitatem comprimendis iis quorum impunitas & licentia est periculosa omnium libertati : & à præsentibus malis pariter, & ab iis quæ in posterum impendent, tutam præstemus. Quod cum ira sit, tantò magis liberis ab omni perturbatione animis dicere debemus de Republica sententiam, quantò nobis difficiliorem consultationem multitudinis temeritas & inconstantia facit : unde & in suscipiendo de re tanta consilio & in explicando, omnem duci rationem oportet. Itaque eos qui novo homini Reipublicæ imperium mandant, non ad suum ingenium fingere multitudinem, sed ad illius studia accommodare suum ingenium oportet : cum id unum modo debeat in hoc probando consilio spectari. Tum enim est facilis explicatio consilii, ubi cum paucis nobis, qui viri boni iidem ac prudentes sint, proposita est de rebus maximis consultatio. Nam etsi est minus necessarium, est verisimile tamen in primis, majorem esse in his prudentiam, gravitatem, magnitudinem animi, quàm in multitudine : ut cum eam rationem inierint, quæ sit optima & tutissima, tueri eandem constantiam & auctoritatem possint. In multitudine, cum horum simile nihil, tum diversa contrariaque omnia habentur : levitas, inconstantia, temeritas, abjectio animi, & quibus quò velis nullo negotio flectatur, sordes & cupiditas quæ nullam rationem & modum habet. Nihil illa novit quod honestum sit, omnia temerè ad voluptatem, nihil ad veram laudem agit, ratione adducta & judicio. Eodem loco cuncta posita habet : officium, religionem, fidem, & contraria adversaque vitia : ut cum propriam venalem habeat libertatem, modò licitorum emptorve adsit, alienam cuivis temerè sit addictura. Nam temeritas est & inconstantia tantò cæteris gravior, quantò hoc ingenii vitium magis, quàm usus : alia sunt usus magis, quàm ingenii. Itaque eum quem civitatis principem modò agnovit, altissimo gradu gloriæ dejicit : alium eodem loco constituit, ex humili fortuna proVectum : eadem mox desiderio illius quem improbavit, præsentem agit præcipitem : eundem restituit, quem paulò antea ignominia affecit. Quæ cum minimè obscura sint & latissimè pateant : quis obsecro erit adeò in civitate popularis, qui speret ulla se unquam benemerendi ratione solidam à populo & diuturnam gratiam inire ? In eadem civitate quæ gloriæ atque imperii domicilium maximarumque virtutum omnium habuit constitutum, *Camillum*, *Scipionem*, *Marium*, viros fortissimos ac clarissimos imperatores, devictis hostibus ac liberata patria, summa cum gloria triumphasse, damnatos eosdem in exiliumque actos : *Athenis* morte affectum *Socratem*, pulsum *Aristidem*, sanctissimum utrumque hominem legimus. Nam ut ad propiora veniam, & quorum omnes possumus meminisse : *Cosmum Medicum* in capitis periculum adductum, majestatis damnatum è patria ejectum, restitutum eundem atque ovantis more urbem inVectum, deturbasse è civitate potentissimos cives inimicos acerrimos, hæc ipsa civitas paucis ab hinc annis vidit. Ac

A ne diu vos exemplis teneam : periculum si libet facite. Deligite quem optimum civem sapientissimumque omnium in civitate esse statuitis, credite illius fidei Rempublicam illum dejicite cui credita erat, improbum hominem & perditum : probate vos multitudini rectè fecisse : qui vobis finis erit expediendi consilii, illi improbandi initium erit. Nam brevi misericordia invidiæ victrix, eum cuius diu imperio assuevit, quem Reipublicæ moderatorem, quem civitatis principem vidit, jacentem erigere : novum hominem ad principatum è privata domo eVectum, detrahare (ut jam dictum est) de summo loco conatur, neque eum facillè ferentem commutationem fortunæ tantam, neque ex fortunæ commutatione paratam semper atque imminentem à multitudine invidiam. Eundem porò cui imperium restituit, ubi eorum qui parere debent, recuset imperium, cunctantem & tergiversantem depellit, atque ad nova semper consilia, sæpè ad ea quæ improbavit, perpetuò in eo sui similis, recurrit. Itaque cum semper suo ingenio rerum novarum esse cupida videatur : tamdiu spes est illam in officio manere, quamdiu ad seditionem materia desit, quæ nunquam deesse volenti in summa hominum improbitate potest. Ut igitur in morbis fere capitale est, eo levi de causa improbo, quo diu medico usi sumus, novo medico & cuius curationi non assuevimus etiamsi minimè illius fides nobis & diligentia suspecta sit, salutem nostram committere : ita nunquam intestinis malis civitati affectæ, transferenda ad novos homines Reipublicæ procuratore, consulitur. Quid enim ? virum (inquit) bonum delegi, excellenti ingenio, egregia fide, prudentia singulari, nemo negat. At cui est ille successurus ? homini non malo, pari ingenio, præstantia, fide, in eo aliquantò superiori, quod usu novit tractare multitudinis animos, & cum illius morbis qui multiplices & graves sunt consilio mederi, tum perficere auctoritate ut parere meliori (quod quidem magni refert) cupidissimè etiam velit. Neque verò illud contendo quod esse vobis debet gravissimum, ejus fidei, qui princeps vestris suffragiis est in Republica futurus, adhuc nullum esse in privata fortuna periculum factum : & sæpè eos qui privati habiti viri boni sint, positos in summo honore, alios mores & vitæ instituta probasse, quàm antea sequi essent : contra in iis quos tot jam annos adesse ad gubernacula Reipublicæ voluistis, nunquam à vobis fidem, constantiam, studium in vestra salute procuranda esse desideratum : id quod vobis facillè constiterit, ubi hinc odium, maledicta, & criminationes inimicorum facebant : quæ plurimum semper *Medicum* causæ obsuerunt. In eodem vestigio persisto. Fingite (inquam) animis hunc vobis è cælo demissum hominem sapientissimum, omnium mortalium sanctitate religione, probitate summa. Quid si minus ille tamen populo probatur ? quid si rejicitur ? quid si homines seditiosi urgeant, ad desiderium ejecti principis, ad studia hominum, stimulos addant, faces admoveant, impellant ad arma ? At erunt qui nostram auctoritatem sequantur & in causa sint constantes futuri : audio. Ergo civitatem dividi studiis placet, & per civiles discordias in omnem occasionem hostibus intentis, ad nostram ruinam aditum patefieri. Adest vicinus Pontifex per occasionem summæ potestatis, cum ab ingenio ferociam, à fortuna vires habeat, non Pontificatu nobis modò, sed cupiditate, quæ vasta atque immanis, inhiare jam omnium fortunis videtur, semper nobis formidabilis futurus. Parum fidus amicus *Ferdinandus*, æquè dubiæ fidei & constantiæ *Sfortia*. *Venetis* inimicus potentissimus, veteres injurias hostili semper animo persequuturus. Nam exules ita infesti civitati immi-

imminent, ut in magno sui desiderio, nostra summa invidia, gravissima populi offensione, non desperent reditum sibi in patriam ita discissam partium studiis, brevi comparatum iri. Quæ quidem qui obcæcati cupiditate minus videre possunt, quo modo eam sententiam dicere queant, quæ e Republica sit, planè ignoro. Nam in illis quibus ea cognita sunt, & in sententia tamen persistunt, cum animum in patriam desidero æquior, tum quidem eam mentem requiro, ut odio atque iracundia comprimenda, Rempublicam quam obrutam inimicorum ruina perdere instituunt, pro ea quam illi debent pietate incolumem salvamque velint. Quanquam quis ita est rerum imperitus qui hæc ignorare possit? quis (inquam) qui cum eadem perspiciat: non simul quot Reipublicæ impendant mala, multò ante etiam animadvertat? Jam illud longo usu rerum compertum est, in dissensione civium, ut maximæ vires essent, & invictæ æquè à bellis externis, nunquam diuturnam Reipublicæ salutem & libertatem fuisse. Quid cum metus armorum accedit ad intestinum malum, cuius nunquam est hæc civitas in tanta ambitione Principum expers futura? Quemadmodum verò corpora, ubi dissident inter se partes & affectionibus diversis pugnant, omnis extrinsecus allata vis facilè perdit: eadem in firma corporis constitutione & benè consentientibus partibus, & vegetiora sunt, & suum robur facilius tuentur: ita civitatem cum parum tuta est à discordiis, atque in visceribus tanquam malo incluso laborat, quantumvis leves intercedant casus, qui minus provisi sint, evertere facilè illam possunt: in consensione eadem civium & concordia, ad omnes casus, si qui accidunt, firmissima comparata subsidia habebit. Maximas autem civitates videmus cum armis parere sibi ferocissimas gentes & nationes coëgissent: victas domesticis ac civilibus bellis concidisse. Nulla sunt in civitate firmiora præsidia, quam ea quæ ex civium concordia comparantur: nulla pestis major aut execrabilior, quam quæ ex dissensione atque odio civium orta multitudinem contingit. Tantò autem sunt morbi majores vires, quantò imbecilliores sunt qui eo afficiuntur. Quanquam quæ causa est huius initi à vobis consilii? quo suo merito duo clarissimi adolescentes nostræ civitatis, ex amplissima domo, & cuius sunt eximia & præclara merita in hanc Rempublicam digni vobis videntur, qui per summam injuriam eo loco pulsi, quem majores eorum retinuerunt honestissimum, ac fortunis patriis everfi, adeò insigni ad posteritatem nota ignominie infames reddantur? At quicquid inimici maledicendo conentur *Medicum* laudes elevare: ita se *Cosmus* & ejus *Petrus* filius horum pater adolescentium in rerum maximarum procuratione gesserunt, ut si quid hi deliquissent, digni vobis videri deberent, quibus id à vobis quicquid illud esset condonaretur. Nunc verò qua in re illi unquam offenderunt? Imò quam non officii, pudoris, probitatis, virtutis significationem in hac sua ineunte ætate, ita illa semper sua sponte præcipiti ac lubrica dederunt? Quæ res unquam est per *Petrum* gesta, cuius non fuerit adolescens filius, non particeps modò sed etiam autor? Impedit me præsentis moderatio & pudor cuius sine magna offensione hoc minimè fieri à me posse intelligo, quò minus multis, ut constitueram, de illius laudibus agam. At ingenium probatur: ætas requiritur, & qui esse in adolescente non potest, rerum usus. Quasi verò ætas magis quam naturæ vis, ingenium, disciplina, liberalis educatio, cuiusmodi esse debeant, homines efficiat. Et si autem is à puero tenerum animum imbuat iis artibus, sine quibus rectè administrari civitates & magna imperia non possunt. Ita semper patri affuit dum

A is summam Rempublicam gereret, viro prudenti & civi optimo, ut magnam nobis spem afferat, neque consilium, quod quando de ingenio convenit, non desideratur, neque rerum utum, qui mediocris etiam in magnitudine ingenii excellit, Rempublicam capeffenti defuturum. Sed tamen (ut cætera absint) ad magnam indolem virtutis, quæ satis per se ipsa præstat, ut minus ætatis firmitas necessaria sit, prudentium hominum autoritas accedet, & benè de Republica sentientium, à quorum est nunquam consilio discessurus: ut quod unum videatur optatissimum civitatis contigisse, spes magna sit, quasi adolescere in Reipublicæ sinu summam virtutem, quæ studio diligentiaque exulta, uberrimos suis civibus fructus sit aliquando allatura. Hæc si qui sunt qui non videant, ac quoniam memoria aliqua in illis residet odii & simultatis, cum liberis susceptas adversus patrem inimicitias exercent: quò ea facilius quæ dico vera esse intelligant: tollendæ ex animo illis quasi quædam offusæ tenebræ, odii, malevolentie, cupiditatis, necessariò videntur: certè patriæ causa, quando nullam hac una referre illi gratiam majorem possunt, injuriæ omnes inimicis etiam, quæ ad constituendum Reipublicæ statum sint impedimento futuræ, sunt condonandæ. Vidit illa atque quàm vellet quidem sæpius vidit, in mutuam perniciem armatos cives, aspersum eorum sanguine forum, direpta templa, incensas domos, avulsos à complexu parentum innocentes liberos, optimos cives ejectos, inferentes in urbem signa infecta hostes: quibus illa malis tantis ita modum aliquem sperat per civium concordiam posse imponi, ut si pergitis diutius ita inter vos odio & inimicitias certare, de communi salute & libertate actum iri intelligat. Itaque quanquam ego mea sponte faveo adolescentium causæ, res me tamen publica movet maximè, per vestram fidem hoc à vobis, perque eam, quam à vobis patria requirit, pietatem, per Dei immortalis religionem hanc sanctissimam, cuius estis sacris initiati, per jura (inquam) à vobis divina humanæque omnia contendam ut memoriam veterum injuriarum ponere, id à vobis ex hoc sacro loco superis omnibus postulantes, & mentem meliorem in Rempublicam privatosque omnes gerere velitis. Hac *Thomæ* oratione magna omnium assensione audita, cum nemo jam non videretur duobus fratribus reconciliatus esse: *Laurentius* ita celsò atque erecto animo pròque hominum sensu & ratione temporis dicitur verba fecisse: ut nulla jam cuiquam fuerit mora, quin facta jurejurando fide se optimo animo inimicitias & simultates omnes Reipublicæ condonare, cum adolescentibus in gratiam redierint, *Thomæ Soderino* in primis verbis amplissimis collaudato, cuius unius virtute & moderatione animi restitutam eo die Reipublicæ salutem, ac privatis vitam & libertatem faterentur. Ita summa frequentia hominum honestissimorum cum populus clamore & plausu prosequeretur, *Laurentio* & *Juliano* domum deductis: unus in omnium ore *Soderinus* hominum studia atque eorum maximè qui otio & concordie in civitate studebant, in se converterat: magna illis spe facta per civium optimorum consilium Rempublicam *Laurentium* administraturum. Quam ille spem suorum minimè fefellit. Nam præter *Thomam Soderinum* cui in omnibus primas deferabat, *Joannem Canigianum* & *Antonium Putium* habebat notæ homines prudentiæ & fidei, quos, si quid aut publicæ, aut privatæ rei esset agendum, consuleret. Quod ille institutum & ad declinandam invidiam & ad iudicium confirmandum ratione optima susceptum, constantissimè in omni sua vita publicis maximè rebus procurandis retinuit. In consulendis amicis, sive ille fidei hominum, sive constan-

tiæ diffideret, aliquando variavit: minimè diu iisdem usus. Quos verò adhibere in consilium decrevisset, non illos quidem eodem tempore, sed seductos ab aliis de Republica consulebat. Ita ubi ab iis qui quæ aliorum esset sententia ignoraret, eadem afferri comperisset, in multorum consensu quem neque præsentium æmulatio divelleret, neque studium & gratia in mala sententia tueretur, consilium optimum esse & tutissimum arbitratur. Cùm optimis *Laurentius* auspiciis accessisset ad capeſſendam Rempublicam videretur: in magna *Italiæ* quiete, cùm neque foris bella, neque domi civiles discordiæ civitatis statum perturbarent: novi motus, repente ac præter hominum expectationem exorti Rempublicam penè everterunt. Erat *Bernardus* ex *Nardorum* familia cum primis honesta civitatis, propterea quòd *Silvester* illius frater superiore bello cum cæteris exulibus interfuiſſet, post belli finem veluti cum fratre communia consilia habuiſſet, & pulsus in exilium, & publicatis bonis hostis iudicatus. Cùm acer juvenis & impiger esset atque ad quodvis facinus audendum animo paratus: præter insitam menti ferociam, iustis (ut ipse rebatur) de causis odium in *Medices* susceptum, patriæ desiderio, quod calamitas exilii augebat, aliquamdiu aluerat: gravissimis vitæ incommodis, quæ exilium consequuntur, in non mala causa jactatus. Ita cùm pax firmata atque ab armis discessum esset: omni spe abjecta per pacis tempus in patriam redeundi, cujus bono fessi diuturnis bellis, liberatis metu & cura animis fruebantur, aliunde sibi aditum patefacere ad suos instituit. In magna autem securitate inertis otio sopitos homines, cùm magis sedati tumultus, quam causæ tumultuandi sublata viderentur, quæ penitus mentibus hominum infixæ non poterant facile evelli: incautos opprimi posse non desperavit: quod ut accideret, singularis audaciæ rem, cùm neque vires consilio, neque consilium viribus adesset, & quam non tam ratio ulla, quam exitus probaret, aggreditur. Erat huic juveni jam pridem instituta familiaritas & usus, cùm quibusdam *Pratensibus*, cùm primis inter suos honestis, quorum autoritate posse oppidum impelli ad defectionem, ubi exulum auxilia accessissent non diffidebat. Horum enim literis, cùm quotidie (ut fit) de publicis & privatis eorum rebus certior fieret: intelligebat, sive magistratuum injuria qui in illos immoderate atque avarè imperium administrarent, sive sua sponte, ut in seditiosa multitudine, alienatis à *Florentinis* animis ad res novas spectarent: per eos qui adversas partes *Medicibus* foverent, rem *Prati* ad tumultum & seditionem trahi: nihilque propius esse quam ut sequuti *Pratenses* defectionis autores, qui se illis offerrent, oppidum à *Florentinorum* imperio vindicarent. Hæc cùm ita *Bernardus* cognita haberet, ut in magna animorum inclinatione, non ita magno negotio rem confici posse speraret: quàm primum suorum animos tentare, & quantum autoritate consequi & consilio posset eos trahere in apertam defectionem constituit. Ubi autem tanti motus principium extitisset, planè sibi persuaserat, necessariò rem *Prati* venturam ad arma, & quod caput esset, per ejus tumultus occasionem, cùm non decessent, qui parum æqui *Medicibus*, causam rerum novarum quærerent, *Florentiæ* seditionem aliquam exorituram, rem maximè opportunam ad spem redditus ejectis faciendam. Accedebat ad illius confirmandum consilium, quòd in agro *Pistoriensis*, multos aut amicitiae conjunctione, aut beneficio sibi devinctos habebat. Hi sua sponte seditiosi, inter perpetuas civium dissensiones, quare semper ea urbs ad perniciem usque laboravit, multorum cade contaminati, tum ob judiciorum severitatem, cùm ea maximè necessaria videretur

A ad egentes & perditos homines à scelere & maleficio deterrendos, magistratibus infensi: ad quodvis facinus & concipiendum animo & re perficiendum apti habebantur. In his longè *Palandrii* excellebant, quoniam clientium, atque affectatorum numero præstabant, & plura admiserant, quàm ut iis posset ignosci sine multorum perniciè, quibus cum inimicitias gerebant. Cùm hi maximè omnium visi idonei essent quibus transactoribus, atque ministris ad rem tantam conficiendam uteretur, rem per eos aggredi, ac ne quid temerè fecisse unquam magis, quam certa ratione adductus videretur: *Dietesalvium Neronium* adire atque eum de omni re agenda consulere, constituit. Ita cum eo re communicata, cùm (id quod permagni interesset) quæ auxilia illi essent præstò futura, ubi *Pratenses* ad defectionem induxisset ad reliqua incepta maturanda percunctatus esset: collaudatum juvenem quòd dignam se majoribusque suis cogitationem suscepisset: atque ad ea alacriter persequenda, quæ opus essent confirmatum à se dimisit. Tametsi autem prudenti homini & quem fortuna sæpè magnis gerendis rebus fefellerat, res factu difficillima videbatur: tamen cùm sive prosperè & ex sententia res eveniret, lætæ fortunæ participem se, sive minus rectè succederet, nullo suo periculo ab illo peccatum iri intelligeret, rem minimè esse aspernandam arbitratur. Itaque abeuntem prolixè prosecutus, magnis pollicitationibus, ac spe implevit, fore ut si paucos dies modò, oppidum in fide contineret, minimè illi dubia auxilia ab exulibus tum *Ferraria* tum *Bononia* adessent. Ea re ita administrata cùm juvenis optimè spei plenus animum ad quàmvis fortunam ferendam, quæ rem agenti esse subeunda videretur, confirmasset: *Pratum* occultè venit, atque cùm amicis collocutus, ubi quemadmodum speraverat, non esse averſos à novis consiliis animadvertit, illis & quid agi vellet, & quo id modo & ratione ostendit. Ad hunc modum *Pratensium* animis confirmatis, cùm omnia de industria majora ostendendo facile sua sponte inclinatos, in sententiam adduxisset, atque accepta fide sibi illos in tempore non defuturos: in re quæ multorum fidei credita esset, errore hominum quamdiu liceret, ac celeritate in primis utendum arbitratus, *Palandrios* continuò convenit. Tum iis edoctis quid eos facere & quo die sibi armatos præstò esse vellet, de eo *Neronium* certiore faciendo per certos homines curavit: ne quando ubi res postularet exequi promissa cunctaretur, & sibi in mora rem gerenti esset. Erat res tamen in nonnulla difficultate, propterea quòd Magistratus etiam si in cæteris sopita omnis cura administrandæ civitatis videbatur, severè edixerat, ut qui oppidis præessent, quæ erant in Reipublicæ ditione, quotidie vesperi occlusis portis, sibi claves referri juberent, nihil de pristina diligentia remittendum esse arbitrati, quàm belli tempore magis quidem, sed perpetuò tamen suspecta semper hominum fides requireret. Quamquam verò semper hoc hominum institutum omnibus oppidis tuendis servatum est, tamen in iis maximè retinetur, quæ aut situ aut opere munita ubi in potestatem hostium veniant, objecta propugnacula videantur iis qui ea amiserint futura. Quæ eorum diligentia, ac vigilantia, nunquam ut maximam etiam adhibeant, hominum insidiis ac perfidia major: sæpè ut tuta minus ab fraude sit, nonnunquam casus magis quàm scelus, aut imprudentia eorum efficit, quibus urbis custodia mandatur: id quod tunc usu venit. Interdum enim nisi tempora arctiora sint, sive ingredi honesti homines, sive egredi velint, atque adèò sæpè nocte intempeſta, Præfecti portas aperiri permittunt. Quæ consuetudo cùm esset nota conjuratis, constituta ab illis hora, qua *Bernardus* cum

cum armatorum manu adesset ad portas: paulò ante lucem, cum armatis ad centum numero adjunctis *Palandriis*, ad eam portam quàm *Pistorium* itur, rei eventum opperiens substitit. Interea unus ex conjuratis, dum alii intenti sunt armis expediendis, eadem ferè qua ille advenerat hora, Prætorem adit, atque cum per causam faciundi itineris claves postulasset, facile ab eo, cui nihil hujusmodi veniret in mentem suspicari, ut sibi oppido exire liceret impetravit. Ita sequutus superiorum institutum qui facile in eo oppidanis gratificari consueverant: uni ex apparitoribus negotium dat, qui ubi vellet illi portas aperiendas curaret. Eum certum in locum de industria adductum, conjurati repente è latebra qua delitescabant, ut convenerat, prosilientes, comprehendunt ac diu recusantem metu mortis injecto ni pareret, claves tradere ac se sequi jubent. Hinc ad portas profecti, ad ceteram hominum diligentiam, noctè opportunè insidias tegente, reclusas patefaciunt, ac quò minus rem industriè exequerentur prohibente nemine, *Bernardum* intus armatum accipiunt. Ad hunc maximè modum oppido occupato, quod quidem ubi exules censuissent eandem sibi celeritatem & vigilantiam adhibendam, magni motus principium erat *Florentiæ* futurum: divisas partibus alios ad arcem recipiendam duce *Silvestro* impigro homine atque audaci, *Bernardum* ad occupandum forum & Prætoriam domum cum cæteris proficisci placuit. Quod illi cum impigrè egissent, relictis paucis qui arcis præsidio essent ac Prætorem custodia diligenter asservarent: per vacuum ab armis oppidum, populum ad libertatem vocantes excurrunt: ut fides fieret non se oppressores, sed vindices libertatis advenisse, abstinere suis à cædibus & direptionibus atque ab omni alia injuria in privatos jussis. At oppidani orta jam luce ad tumultum excitati, cum discusso errore, urbem captam ab armatis teneri, & vocari se ad libertatem, quiescentibus iis in quorum potestate oppidum esset, non satis causa tanti motus perspecta, animadverterent: in forum concursu facto, taciti qui ejus esset exitus futurus, dum inter spem & metum animos versarent, armatorum hominum libidini, atque avaritiæ expositi expectabant. Ac cum stupefacti subita re, & voces tamen excitantium se ad libertatem audirent non inviti & quid sibi esset agendum incertis animis fluctuarent: *Bernardus* nuntio accepto, eos qui Prætori in Magistratu assidebant, aliam in partem convenisse, ac quanquam eo in custodiam tradito, qui Reipublicæ nomine præerat, de summa rerum consultare, cum neminem interea tumultum per eam occasionem excitare, sed quiescere omnes nullam vocem liberam mittentes, quæ fidem faceret, rem multitudini probari, ac cætera contra atque sperasset, accidere animadverteret: adire ipse Magistratum decrevit. Ubi autem homines sua oratione confirmatos in sententiam perduxisset, futurum non diffidebat (vana conjectura ex sui animi studio de aliorum voluntate facta) ut populus nactus autorem magistratum, quem sequeretur, omni cunctatione abjecta factum probaret. Ergo re ad hunc modum excogitata, ad eos septus armatorum manu profectus ita verba fecisse dicitur. Cum ego adhuc in capta urbe incruenta arma geram, minus sanè mihi necesse esse intelligo, longiore oratione, qui meus in vos animus sit, declarare. Nam quod optatissimum omnibus jucundissimumque est, ad vos vestræ autor salutis advenio, libertatem vobis si modò viri estis, quando is dies primus *Prætextibus* illius recuperandæ illuxit, à crudeli paucorum atque immani dominatu, hujus tantæ rei autoribus usus viris honestissimis, & probatæ virtutis, vindicaturus. Quæ quidem res tantò vobis

A in præsentia gratior quantò illa minus expectantibus videtur accidisse, cum æquè est omnibus in posterum futura magnæ laudi, tum integros eosdem ac tutos reddit ab iis malis, quæ gravia adhuc expertos, multò majora indies ac minus ferenda liberis hominibus, cujusmodi vos esse præ vobis fertis, videntur manere. Plura dicere cupientem temporis exiguitas prohibet, quæ tamen ipsa ut minus esse necessaria existimetis, & prudentia vestra vos & horum temporum status monere in primis debet. Tantum illud dicam quod ubi semel perspectum habeatis, omnem in vobis moram & cunctationem tollat. Cum enim idem vobis dies & malorum finis & salutis initium futurus sit: ne quando vos poeniteat auctori vos vestræ libertatis, quæ salutaria atque honesta sint suadenti paruisse, vobis certissima auxilia & validissima spondeo: quibus tecti & muniti adversus crudelissimorum hominum vim, æquè tueri redemptam libertatem meo labore & consilio, & ulcisci veteres offensiones, quod summæ voluptati est injuria affectis, facillimè possitis. Propediem *Hercules Atestinus Ferrariensis* Dux aderit validis copiis instructus, jam pridem ille cura reducendorum exulum suscepta *Medicibus* infestus, quos non odisse vos & vestræ libertatis esse memores minimè potestis: à *Venetis* item haud dubia auxilia aderunt, nunquam illis *Medicum* familiæ æquis, & quam sibi laudem quærunt, vel sumunt potius jam omnium consensu, adjutoribus semper futuris, à nefariorum hominum tyrannide oppressos populos, sua autoritate liberandi: quod adeo laudabile institutum, minimè sunt in vobis hoc tempore neglecturi. Ad hæc omnia, quò rem audacius atque alacriore animo suscipere, utque viris fortibus dignum est, oblatam vobis tantam divinitus occasionem capeßere, ne vereamini (quod ego multorum literis habeo compertum) *Florentiæ* nobis secunda omnia contingent. Multitudo enim alienata à principibus gravissimis eorum injuriis, ac seditionibus & discordiis, civitati inveterato morbo, perpetuò jactata, simulatque accipiet, libertatis capeßendæ à vobis principio facto, inventos esse qui ausi sint à sceleratis dominis deficere: arma vestro exemplo ad se vindicandam in libertatem continuo sumet. Quæ res quanti vobis debeat videri ad vestra confirmanda consilia, non ignorare vos arbitror, prudentes homines, & haud nostrarum contentionum ignaros. Itaque cum ancipiti malo, & domi intestino bello & foris externis armis communes inimicos distineri eodem tempore ac distrahi necesse sit: à nulla illi jam parte satis tuti (quod ego vobis polliceor futurum, haud indignus autor cui etiam agenti de maximis rebus assentiamini) integram posthac vobis fruendam libertatem ac quibus visum fuerit legibus, permittent. Quæ se vobis occasio offerat animadvertitis: habetis meum consilium, tum qui nobis ad omnia præsidio futuri sint, præsto esse armatos homines atque eos quidem insignis & spectatæ virtutis intelligitis, ut jam quid vos agere oporteat, ignorare haudquaquam possitis. Quæ cum ita esse intelligerem, plura dicere in hanc sententiam ejus esse hominis censui, qui aut eos ipsos apud quos verba faceret, aut ipse se, aut qua de re ageret, planè ignoraret. Itaque (quod unum reliquum est) illud vobis in præsentia spondeo, quicquid vobis esse agendum de vestris rebus statueritis, meam semper in vos benevolentiam & studium quos pulcherrimo facto asserere in libertatem, ac magnò meo periculo (quod vos non fugit) minimè veritus sum, præsto æquè vobis perpetuò fore. Nihil illi moti *Bernardi* oratione, paucis pro temporis ratione, & ut minimè suæ libertatis esse immemores viderentur, responderunt. Quòd ille per vim occupata urbe à cædibus, & direptionibus absti-

abstinuisset, cum quidem utrumque armato liceret: non tam illi *Pratenfes* ex animo agere gratias, quam queri atque expostulare, quod cum minime de eo ita essent meriti, perfecisset (quicquid illi esset visum de gravissima injuria remittere) ut quod pro beneficio æquius erat, pro condonata illis patriæ everfione, cuiquam essent gratiæ habendæ. Ita cum beneficium ostendet (si vera modò audire æquo animo patitur) fatendum illi necessario esse, non se laudem ullam promeritum, quoniam potuerit à gravissima injuria abstinere, sed reprehensionem potius, quod injuriam minus illam sanè gravem, si quis velit spectare cujusmodi fuisset futura, ubi armorum impunitati esset adjuncta nocendi voluntas, sed injuriam tamen, in amicos sibi homines nullo eorum laceffitus maleficio intulerit. Itaque leviozem illius culpam videri posse: videri eundem penitus culpa carere minime posse. Libertatis vindicem quando ipsi nulli ferviant, quærere se quidem neminem. Legibus enim & magistratibus ita parere quorum sit legitimum imperium, ut etiam si nullus alius à Republica mittatur, qui juri dicundo præsit, sua sponte delecturi ipsi sint communis salutis causa, cui vitæ & necis in se potestatem permittant. Quin etiam si ea servitus esset habenda quæ legum vi, ac judiciorum severitate, improbos & nefarios à scelere, atque amentia tetardaret: ea autem libertas quæ solutis omni metu hominibus facultatem permetteret, quæ velent agendi: libertatem, quæ non inutilis modò, sed perniciofa etiam saluti omnium esset, remittere se ejus vindicandæ autoribus non invitos: contentos eosdem futuros ea servitutis conditione, cui improbi addicti quò minus boni libertate fruerentur, non essent impedimento. Externis auxiliis cum maxima & firmissima illi habeant in concordia civium constituta, nisi ille patriam repetere per aliorum perniciem, quam eadem carere per suorum injuriam malit, neque indigere in præsentia, & ut in posterum ne indigeant, adnixuros. Quæ *Florentiæ* agantur ita ad se pertinere existimare, ut quorum semper mitissimum in se imperium & iustissimum fuerit, iis diuturnum illud esse amplissimumque velint: utrum quidem rectè an minus inter principes conveniat de summa Republica non esse *Pratenfium* cognoscere: cum enim pari in omnes observantia sint, unum curare se ut civitati sua fides constet cujus beneficio liberi sint, ac suis legibus utantur, nemini addictos qui privatus separata consilia à Republica habeat. Qua re (quod reliquum esse videatur) se illum etiam atque etiam orare, ut Prætor viro optimo libertati restituto, ac metu omni Republica liberata, discedere de medio, ac participes consilii alibi quærendo, haud trahere se in certam perniciem velit, & invitos & minime dignos qui tanta injuria & calamitate afficiantur. Cum quamquam ita illos affectos, haud tamen *Bernardus* desperaret, ubi metus injectus esset, quam maximè vellet sententiam probaturos: Prætozem educi è custodia, ac magistratu populoque inspectante è fenestra Prætoris domus suspendi imperavit. Ita in magna omnium trepidatione cum jam rumor dissipatus esset de Prætoze supplicium sumi, in quem minime dubia multitudinis studia inclinabant, jam ille ad tam triste, atque atrox hominis imperium collo laqueo inserto, ex superiore adium parte, quò magis conspectus homines supplicii foeditate deterreret, producebatur: vir minime dignus, qui inexpressibili odio elatum juvenis animum, ultimo supplicio exstauraret. Is est *Cæsar Petrutius* qui postea in *Pattiana* conjuratione *Vexillifer* Republicæ egregiam operam duobus fratribus *Medicibus* navavit. Cum igitur, ut erat acri ingenio, atque animi præsentia & consilio præstabat, neque extremo vitæ tempore fa-

A cilè sui oblivisceretur: ad novum consilium animum adjecit, ac *Bernardum* jam agi in eum jubentem appellat: ubi pateretur pauca secum communis salutis causa communicari, pollicitus se illi ea allaturum, quæ sciret magno ului in præsentia rem gerenti esse. Quanquam ferox juvenis ingenium, & non satis accommodatum ad probanda meliora consilia hinc odium atque iracundia, hinc voluptas summa expiandi exilii inimici supplicio, in primis acuebat: movit tamen objecta utilitatis species dubiis suis rebus hærenti, cum nullum inire consilium, aut explicare satis posset. Itaque jussis suis consistere, ac Prætori potestate dicendi facta, quid ille sibi vellet percunctatur, superbo adjecto imperio, ut paucis rem expediret cum visus esset per colloquii occasionem moram supplicio quærere. Ita ille hominem obtestatus, ut collecto tandem animo, quem rei tantæ magnitudo perturbaret, tutiora sequi consilia mallet quam quæ iracundia & ferocia suaderet: facilè demonstrat (quod loqui res ipsa videbatur) omnia contra ab illo agi, atque ratio institutæ rei postularet. Quemadmodum enim Prætoze affecto supplicio, multitudinem quæ illius perstudiosa sit, iracundia in autorem supplicii exarsuram: ita eodem conservato (quod minime illum prætereant) ejus in omnibus sequuturam sententiam atque auctoritatem confirmat, cujus diu fidem atque abfinentiam gerendo magistratu probavit. Itaque modò sibi permittat, ut populum alloquatur, prolixè ei omnia de illius voluntate quam optimè perspectam habeat, polliceri. Videri autem in primis illius rationibus conducere, ut per quietem atque otium, armis captum oppidum, quod quidem & ipse viderit, qui suos à maleficio atque injuria prohibuerit, secunda hominum voluntate retineat. Temporis quidem causa & vitandi supplicii, posse hæc à se dici existimari: quæ tamen nisi certa ratio confirmet, neque moram se ullam supplicio sua oratione deprecari. Nam quòd existimet adeo severa & tristi animadversione homines territos in officio contineri, longè illum falli. Semel enim occupatis misericordia animis, futurum ut desiderium illius, quem amiserint, non tam afferat metum ad offensionem dissimulandam, quæ ex supplicii foeditate orta sit, quam vim & ferociam extorqueat ad vindicandam injuriam. Silentio se præterire quòd imminens mortis periculum dicentis suspectam orationem faciat, in se illum adeo tetro ac detestando mortis genere favire: qui unus omnium maximè paucorum potentia infensus præsentem rerum statum oderit semper execratusque sit. Comprimere homines præsentis doloris sensum, metu impendentis, quem tamen vultus sæpius quam oratio indicat. Eò enim ventum esse hominum insolentia, ut nimis magno redimatur libertas iis, qui servitutem perferre minus noverunt, fortunarum, dignitatis vitæ amissione. Sed ut nihil tamen horum sit: si modò possit inducere animum ut assentiatur salutaria atque utilia suadenti, facilè tum intellecturum non se magis vitæ alterius, quam suæ saluti hac tanta remittenda injuria prospexisse. Facile fuisse oppidum occupare nullo armatorum præsidio munitum: ut illud diu in potestate habeat, quòd totum ab iis sit, qui populo præfint, quibusque Prætoris auctoritas antiquissima, omnia quæ agant publicè atque administrant, ut maximè is velit præscribat, se unum perfecturum. *Bernardus* qui populo quiescente quem moturum aliquid speraverat, omnia circum spectando planè consilii inops, neque rei exitum ullum inveniret, & in primis fluctuaret animo: non esse aspernanda arbitratus, quæ *Cæsar* attulisset: illum ex suggestu, quod ex altiore adium parte in forum spectat, concionari atque oppidanos, sive sua sponte inclinatos confirmare, sive alienatos conciliare, spe & pollicitatione maximarum re-

rum jubet. Qua re administrata parum læto even-
tu: per eam moram temporis interjectam *Bernar-*
dus sibi passus magnam occasionem rei agendæ ma-
nibus elabi, illum reduci in carcerem atque asser-
vari diligenter imperavit. In re tam gravi, & quæ
ut nullo suscepta consilio celeritatem & præsentiam
animi, ita explicata consilium ne dolo & fallacia
debilitata langueret, requirebat: nimia cunctatio-
ne oppidanis spatium dedit ad se colligendos, qui
erant noctis beneficio & errore opprimendi, ab iis
qui plus animis audaciæ, quam virium armis affer-
rent. Ubi enim sensim apparuit exiguum armato-
rum manum, & minimè parem multitudini resi-
stenti futuram, momento temporis res compressa
discussaque est. Erant complures in eo oppido
Florentini honesti homines cum primis sui ordinis
& locupletes: inter quos maximè dignitate excel-
lebat, *Georgius Ginorius* vir magni consilii & pru-
dentia, eques ex *Rhodi*orum militum ordine. Is
cùm *Bernardus* nequicquam multitudinem seditio-
sis vocibus ad tumultum, atque ad arma excitare
conaretur, aut suo ingenio à rebus novis averfam,
aut hæsitantem & torpentem metu: fortissimorum
juvenum collecta manu, in eum de improvisò im-
petum facit, ac primò pedem referre, & loco ex-
cedere, mox fato illum suo, magis quam inimico-
rum vi urgente, terga vertere, ac postremò cir-
cumventum & nocturno labore & pugnando fessum
sefe dedere coëgit: aliis omnibus ad unum, aut
captis, aut interfectis. Hinc illo in carcerem con-
jecto ac Prætoe educto, fortunæ vicissitudinis
magno omnibus futuro exemplo, atque oppidano-
rum animis magna sollicitudine & metu liberatis,
Bernardum & qui socii participesque ejus consilii
essent, cùm cura conquisitos *Florentiam* vinctos
adducendos curavit. Jam cùm ea ad hunc modum
Prati gererentur: ejus tumultus fama (cùm qui-
dem quò latius manaret, aliquid semper ad id quod
afferret, pro suo ingenio homines affingerent) ali-
quantò verò major perlata in urbem erat. *Pratum*
vi captum Prætoe cum universa familia interfecto,
in exulum potestatem venisse: inter tumultus au-
tores, esse *Pistoriensium* nobiles aliquot, qui sub-
nixi multitudinis studio rem trahere ad defectionem
conarentur. Ejus rei causa esse eam civita-
tem in armis, ac jam ad multitudinem sceleris con-
tagione pertinente, ingenti consensu universos ad
defectionem spectare. His nuntiis territa civitate,
cùm populus frequens in forum convenisset: magi-
gistratus negotium dat *Ruberto Sanseserinati*, qui tum
casu copiarum Reipublicæ imperator *Florentiæ* age-
bat, ut quanta maxima subito posset militum compa-
rata manu, ire *Pratum* ad tumultum sedandum pro-
peraret: ubi autem omnia pro sua fide & diligentia
constituisset, quæ esse è Republica duceret: tum
si quid ad ea agi præterea administrare placeret,
de eo quam primum certiorum magistratum facien-
dum curaret. Cum his mandatis *Ruberto* dimisso,
nuntius ei à *Pratensibus* obviam præmissus occur-
rit, cùm à *Campis* Reipublicæ oppido aliquan-
tum viæ processisset: qui & tumultum sedatum &
emissum è carcere Prætoem, tum captos fontes
in potestate esse significaret. Quibus cognitis re-
bus, eodem nuntio, qui hæc magistratum doce-
ret, præire jussu, ad urbem rediit. Non ita mul-
tò post quàm hæc acta erant: *Bernardus* in vincu-
lis cum cæteris *Florentiam* adductus, variè animos
affecit: cùm multi ejus ferociam & temeritatem,
plures exulum ignaviam & cunctationem accusa-
rent: qui illi in tam gravi re, atque opportuna
non affuissent, omnes infelicitis juvenis catum æquè
miserarentur. Hinc de ea re quæstione constituta,
cùm magistratus, quos ille consilii socios haberet,
quibusve autoribus & qua de causa rem tantam ag-
gredi ausus esset, quæisset: neque alios participes

A consilii quàm qui secum vincti adducti essent, ne-
que aliam ob causam rem se esse aggressum respon-
dit, quàm ut mortis honestæ periculo se quidem
exilii calamitate, patriam *Medicum* tyrannide op-
pressam servitute liberaret. Cùm oratio visa esset
à juvenis ingenio non abhorrere: magno ludibrio
fortunæ, ab iis in quos insigne maximè benefi-
cium sua spe, atque opinione constituerat, capite
plectitur: cùm de cæteris pariter sumptum suppli-
cium esset. Hac tanta exorta subito & restincta
flamma, repente obliti homines, ut sit in secun-
dis rebus, quanto defuncti periculo essent ex ni-
mio otio atque animi securitate: ad inertiam &
desidiam conversis animis, ut nunquam antea ma-
jorum memoria, ad omnia vitia, quæ turpia ma-
gis & detestabilia sunt in hominum vita, intole-
randa atque infinita licentia aditum sibi aperuerunt.
Tanta autem infamia tum civitas laborasse fertur,
ut scriptores ejus temporis (credo quòd natis ho-
minibus ad industriam & frugalitatem, multò
etiam quàm esset gravior videretur) dignam rem
existimarint, quam memoriæ hominum proderent.
Querebantur grandes natu homines temporum vi-
tio commutata facie rerum, in qua civitate summa
cum laude majorum, parsimonia victus & mode-
ratio viguisset, in ea ipsa quas res privatorum am-
bitio & mollitia animi ostentaret; luxum, illece-
bras, mollitiem, corruptelas, nequitiam omnem
& vitæ turpitudinem hæsisse. Itaque quorum ma-
jores multis laboribus ferendis, virtute abstinentia,
probitate excolenda, civitatem florentissimam fe-
cissent, eos tanquam pudore amisso, jam quòd
deperderent, nihil reliqui haberent: foedissimis
voluptatibus disfluens, vino, alea, luxuria per-
ditos, turpissimis amoribus atque intempestivis
conviviis addictos, nullis non flagitiis coopertos &
sceleribus conspici. In legum & judiciorum con-
temptione positam summam impunitatem: in au-
dacia & temeritate fortitudinis laudem, facilitatis
in animi remissione atque indulgentia, in maledi-
centia & dicacitate, commoditatis & elegantia:
omnia languide, dissolute, molliter agi ac per
summam ignaviam & inertiam. Corporis cultum
in quo cùm studium atque industria excelleret;
tum ne quid luxui deesset, unguenta summo la-
bore & pretio quæsitâ consumerentur, quibus
obliti in matronarum cœtu homines delicati atque
elegantes niterent: contra cultum animi nullum: nul-
lam disciplinam ac vitæ institutionem dignam li-
beris hominibus, nullam officii religionem, nullam
fidei. Cætera ex eodem instituto, foeditatem in
moribus & turpitudinem, studium eorum quæ
conspicerentur, quod ambitio & cupiditas defini-
ret immensis finibus: in lustris, in ganeis, in lu-
do talario frequentiam, in curia & foro solitudi-
nem & vastitatem, alendis improbis hominibus,
lenonibus, sicariis, aleatoribus profusissimos sum-
ptus, fovendis miseris, honestis artibus provehen-
dis sordes atque avaritiam incredibiles. Atque ut
hæc tanta malorum vis altius infixâ animis infide-
ret, *Galeatius Sfortia* per causam, ut ferebatur,
voti dissolvendi *Florentiam* cum uxore venerat re-
gio quidem apparatu & penitus insolito liberæ ci-
vitati, in qua præsertim summa (ut diximus) par-
simonia laus & frugalitatis haberetur. Jam *Lucen-*
ses advenientem magnificentissimè exceperant, por-
tam qua in urbem erat invecturus & turrim quæ è
portæ fornice in ingentem altitudinem perduceba-
tur, demoliti: nomine ut eo honore afficeretur
qui magnis Regibus haberi consueverat, re vera,
quòd illis ambitio hominis suspecta metum injece-
ret, ne turri occupata loco areis, ubi res succederet,
ad urbem expugnandam uteretur. Certè aliquid de
ea *Lucenses* suspicatos esse, videtur *Cola Montanus*
affirmare, qui postea *Mediolani* autor fuit, illius
Brutus. H in-

interficiendi. Is enim quadam oratione *Lucae* habitata, cum civitatem ad faciendum foedus cum *Xyſto* & *Ferdinando* Rege adverſus *Florentinos* hortaretur (utrum hoc ille ſua ſponte an Pontificis impulſu haud ſatis conſtat) ait ſe biennio ante *Bononia* *Lucam* profeſtum quò Magiſtratui *Galeatii* advenientis inſidias indicaret. Sed hæc erat quidem ferè de illius adventu multorum opinio: ſecus prudentes homines cenſebant. Cauſa enim amicitiae cum *Laurentio* firmandæ, & ut ſua autoritate illius potentiam ſtabiliret, quanquam arrogantem hominem, & non ita facilè de ſuo jure decedentem veniſſe in urbem credebant. Multis autem de cauſis ſibi *Medicum* familiam fovendam in Republica ſua autoritate cenſebat: *Laurentio* adhuc in civitatis principatu hærente, & manentibus adhuc illi cum potentibus civibus ſimulatibus, qui nullam non occaſionem captaturi viderentur, illius opprimendi: quod ille minimè ſuis rebus conducere arbitratur: cum majora jam ſpe atque animo agigaret, & *Italiae* ſibi imperium *Galeatii* proavi gloriam & potentiam æmulatus ſponderet. Divertit ad *Laurentium* exceptus ab eo magnificentia & comitate ſumma. Tum enim primum omnes expoſitas *Medicum* copias Populus vidit, cum hominum invidiam, eorum aut potentia contemneret, aut animi æquitas ſuperaret, quæ diu illas facilè texerat. In argento præter copiam quæ regiam opulentiam oſtentabat, erant miro artificio vafa elaborata, gemmarum magna vis quæ aut in horum emblematis conſpiciebantur, aut in periſtromatis quibus auro contextis ſtrati lecti in cubiculis nitebant. Tabulæ pictæ, ſigna ex ære & marmore antiqua, picturæ textiles & perfectæ *Phrygio* opere, plurima ſtragula veſtis. Ad hæc omnia, quæ non deliciarum oſtentionem, ſed veræ magnificentiae commendationem haberet, librorum lectiſſimorum copia: cum in eo avo *Laurentius* præferendus eſſet, quòd ille aliorum cauſa hic ſui etiam optimarum artium ſtudioſus locupletiſſimam ſibi bibliothecam comparaverat. Inter eos quorum opera ea inſtruenda utebatur, cum quidem undique magnis excitati præmiis quotidie veterum libri multi & reconditi ad eum exportarentur: *Joannem Laſcarem Byzantinum*, hominem doctum & magnæ nobilitatis regiis muneribus donavit. *Platonis* ſtatuum erutam ſummo labore ex rudibus, quæ ſita olim Academia erat, atque ad ſe è *Græcia* allatam, ab *Hieronymo Pictorienſi*, magno redemit. *Laurentii* magnificentiam civitas nullo ſtudioſorum genere omiſſo, quibus poſſet declarari propenſiſſimus in *Galeatium* animus, ſubſecuta eſt, cum variis ludis & ſpectaculis faciendis, quæ aut artificio, aut novitate animos tenerent, tum quamdiu *Florentiæ* egit, feſtis æquè profeſtiſque diebus ſumma lætitia & frequentia celebrandis multitudine plauſu & acclamatione ſubſequenti, quæ tota ſemper *Medicum* fuerat, tum ſtudioſiſſima *Laurentii* erat. Inter ea agenda (quod eorum quæ poſtea evenerunt portendere exitum viſum eſt) cum ad *Sancti Spiritus* dies feſtus Pentecoſtes (quem vocant) ageretur, intento populo ejus diei memoriæ inſtaurandæ, injectus ignis è ſuperiore templi parte, qui pluribus ſimul locis linguarum forma tanquam cœlitus emitti videbatur, teſta primum comprehendit, mox continenti incendio correptis propinquis locis, non prius ulla humana vi aut conſilio potuit reſtingui, quam ad ſolum uſque ædes deſagravit. At expletis jam animis ſatietate ſpectandis ludicris rebus, *Galeatius* & *Laurentius*, multa inter ſe remotis arbitris, de præſenti ſtatu rerum, de pace, de bello, deque iis omnibus rebus, quæ magna poſtea cum *Italiae* clade acciderunt, ſumma concordia egiſſe dicuntur. Eo in colloquio illud dicitur *Galeatius* jactaſſe, ſive

A domesticas opes per hanc occaſionem oſtentare, ſive adulari *Laurentio* vellet: quando facilè inter omnes conſtaret, numero & virtute militum *Inſubres*, divitiis præterea *Florentinos* cæteris *Italiae* populis præſtare: ubi tantæ opes foedere atque amicitia jungerentur: non eſſe dubitandum quin omnibus, belli & pacis leges ſuo arbitratu præſcriberent: qua ex re fieret, ut brevi partum inter ſe dividerent *Italiae* imperium. Quæ quidem cum ita acta conſtitutaque dicerentur: ita ille *Florentia* diſceſſit, ut civitati ſuſpicionem minimè dubiam reliquerit, jam orto diſſidio eum ſocios quaſiſſe, quorum auxiliis ad bellum quod occultè adverſus Regem parabat, uteretur. Nam quò firmior etiam ab omni parte paratiorque eſſet, *Venetos* qui tum plurimum in *Italia* poterant, adſciverat in foederis ſocietatem *Ferdinando* maximis de cauſis inſeſtos. Per hanc conſpirationem magni motus ſunt in *Italia* excitati, quorum quidem cauſæ atque initia, quò facilius perſpiciantur, videntur altius eſſe repetenda. Cum *Paulo Secundo* mortuo, *Xyſtus* (ut diximus) Pontifex renuntiatus eſſet, civitas de more honorificentiffimam legationem, cujus erat *Laurentius* princeps, ad illum decreverat: quæ ei Reipublicæ nomine Pontificatum gratularetur. Ferunt eam legationem gratam in primis novo Pontifici fuiſſe: quòd per ejus rei occaſionem, dari ſibi facultatem ſperabat ad ſuas rationes *Laurentium* adjungendi: cujus autoritate cum omnia *Florentiæ* adminiſtrari non ignoraret, magno ſibi eam uſui futuram ad ea agenda, quæ animo deſtinaverat, intelligebat. Ac quò magis teſtata ſua in illud ſtudia viderentur, cum urbis ærario præfecerat: facta poteſtate, ut per eos, qui in urbe illius negotia procurarent, munus adminiſtraret: quæ res magno iis fuit quaſtui & emolumento. Cum enim *Paulus* Pontifex, clariſſimas gemmas atque ſumptu immani quaſitas reliquiſſet: eas parvo pretio à *Xyſto* redemptas qui aut earum vim haud ſatis callebat, aut ægrè ferebat grandem ſibi pecuniam ſpecioſa magis quam utili re occupari, cum jacturam, ſi qua eſſet, celeritate conſiciendæ pecuniæ compenſaret, Regibus plurimum, ac privatis qui earum ſtudio tenerentur magno addixerunt. Ex his maximè ditatus rem familiarem auxit, *Joannes Tornabonius Laurentii* avunculus: quem ille *Romæ* ſuis negotiis adminiſtrandis præfecerat. Neque his viſus Pontifex ſatis ſuam voluntatem & ſtudium in *Laurentium* declaraviſſe, tanquam Pontificiam majeſtatem fore auguſtiorẽ putaret augendo *Florentinæ* Reipublicæ imperio, pollicitus erat civitati ſe auxilio futurum ad *Volaterras* recipiendas: quæ urbs minimè quidem levibus de cauſis per eos dies à Republica deſecerat. Ea poſtea (ut infra à nobis commemorabitur) per *Federicum Urbinatium* Ducem, qui *Florentinorum* copiis præerat recepta eſt. Ita *Laurentius* & aliis honoribus ampliſſimis, & decretis honorificentiffimis auctus, *Florentiam* rediit, ubi quidem non ita diu in amicitia Pontificis manſit. Ea autem hominis alienatio, ſive id *Xyſti* injuria, ſive ingenii inconstantia, quam illi inimici tribuebant, ſive aliorum conſilio accidit: magnas calamitates & illi pariter & civitati univerſæ invexit. Non me fugit tamen (ne id temerè *Laurentius* feciſſe arguatur) certas ab aliis hujus alienationis cauſas afferri: quæ cum à Republica manarent, eum cogerent & curationem muneris Pontifici & amicitiam renuntiare: gravem illi futuram ubi diſſentiente civitate, eam ulterius tueri perſequeretur. Cum *Laurentius* quo tempore *Galeatius Florentiæ* fuerat, ſummo cum eo ſtudio egiſſet, ut certa pecunia accepta, *Forum Cornelii*, quam urbem per ea tempora, ejecto *Thaddæo Manfredo*, occupaverat, Reipublicæ cederet: *Xyſtus* re comperta, antequam *Galeatio* planè cum *Flo-*

Florentinis convenisset, injecta affinitatis mentione, per *Catharine Galeatii* filiae & *Hieronymi Riarii* nuptias, cui ea urbs dotis nomine adjudicabatur, ea spe illos deiecisse: magna civitatis offensione, quæ opportunissimam urbem proferendis imperii finibus sibi dolo & fallacia Pontificis ereptam esse querebatur. Hanc dissidii causam, hoc principium simultatis cum Pontifice susceptæ *Laurentio* fuisse: cum non posset communia cum eo consilia habere quin in magnam suorum offensionem, atque odium incurreret. Ea res (ut plerique existimabant) Pontifici parum honesta qui præcipiti cupiditate dominandi incensus, fidei atque amicitiae jura violasse videretur: non levi *Galeatii* infamia, nullo certè cum illius compendio accidere est visa. Cum enim nova illi spes esset affinitatis ostentata, desponsam urbem amicissimæ civitati & veteri necessitudine conjunctissimæ, novo homini tradidit, cujus neque tum ulla in se merita extarent & ut esse quandoque possent id in unius hominis voluntate positum videretur, qui & grandis jam natu & suo ingenio parum constans haberetur. Atque cum ita res transacta esset, ut *Hieronymus* dotis nomine urbe accepta, *Galeatio* certam pecuniæ summam intra certam diem repræsentandam curaret: nemo ferè est in urbe inventus eorum, qui negotia modò aliqua *Romæ* gereret, quin *Laurentii Medicis* autoritate deterritus, spondere pro *Hieronymo* recusaret. Quæ res minimè obscura cum Pontificis animum à *Laurentio* alienasset, suorum commodis plus æquo indulgentis: unus *Franciscus Patius* cujus *Gulielmus* frater sororem *Laurentii* in matrimonio habebat, quique ob ingentes divitias, illius gloriæ & potentiæ æmulus in primis ferebatur, est ausus spondere: qua ex re illi simultatis principium cum *Laurentio* ingentiumque malorum extitit. At quamquam Pontifex gravi se affectum injuria querebatur: cujus summam in terris potestatem, omnibus in terris verendam suspiciendamque existimaret: civitas tamen, cum ejus rei principium ab illius injuria ortum, ac per fraudem eam sibi urbem ab eo interversam non ignoraret, quæ ad Rempublicam rectè administrandam maximas haberet opportunitates: rectè atque ordine fecisse *Laurentium* defendebat, qui de tanta Reipublicæ illata injuria palàm ausus esset expostulare: & non minus quàm in Pontificem in *Galeatium*, quod ejus rei maximè videretur autor extitisse, odio atque iracundia efferebatur. Quanquam quod ad *Galeatium* attinebat, necessitatis ille & temporis excusatione utebatur, quam cuivis probari æquum censebat. Cum is cujus summam in *Christianam* Rempublicam potestatem consensus hominum deferret, majorem in modum id à se contendisset: non potuisse pati illius voluntatem diu apud se gravem esse: ut si *Florentinos* queri oporteret, non de se quidem qui illi paruisset, cujus autoritatem homines sanctam, augustam, inviolatamque haberent: sed de eo qui ea imperasset, quæ fieri minus deberent, si id modò dicere fas esset, illis queri expostulareque liceret. Atqui præter cæteras causas quæ *Xystum* à *Laurentio* alienasse ferebantur, non leviores aliæ accedebant: quarum illa potissima credebat. Cum enim *Tifernum*, cujus urbis *Nicolaus Vitellius* Princeps cum cæteris *Umbriæ* populis à Pontifice defecerat, aliquamdiu à suis obsessum, propediem esset in potestate habiturus: factum esse *Laurentii* opera dicebat, ut quibus ille vellet conditionibus, magna à se pecuniæ vi in summa difficultate ærarii dissoluta, urbis deditionem faceret. Itaque, quod iniquissimo animo esset ferendum, eum ipsum à quo sibi tantam illatam injuriam constaret, non solum tanquam victus ipse esset, coactum conservare se, verum etiam prosequi urbe egredientem commeatu: quò

A factus scilicet, sua indulgentia & lenitate contumacior: ex suo tempore nactus occasionem, quod esset attentissimè observaturus, in se rursus insolentius audaciusque insultaret. Quæcunque odii causæ Pontifici fuerint, *Nicolai* posteri insigne ejus meritum in *Xystum* commemorant, quò illum iniquius egisse cum benè de se merito homine ostendant. Cum enim *Franciscanorum* familiæ *Antistes* prope *Tifernum* à nescio quo fuisse malè mulctatus esset: à *Nicolao* conservatum atque exceptum hospitio, postremo datis comitibus qui abeuntem prosequerentur tuerenturque ab inimicorum injuria, omnibus officiis humanitatis cultum à se dimisisse. His principiis conceptum inter *Laurentium* & Pontificem odium alia maximè augebant. Nam *Xysti*, quemadmodum erat apertus, & minimè facilis ad animi impotentiam & iracundiam dissimulandam, cui erat summa potestas imperii adjuncta, liberiores querelæ erant: jamque palàm & in amplissimorum hominum conventu, in *Laurentium*, non illius magis quàm suæ dignitatis oblitus, ut dolor atque iracundia suadebat, acerbitate atque odii virus evomebat: ut sæpè non Pontificis modò sed hominis moderatio in illo desideraretur. Neque hæc ille tamen ferebat impunè, aut præclarius *Florentiæ* audiebat, nihilò in illum multitudine quàm is in civitatem esset, animo æquiore. Nam illius Legato nulla jam erat apud magistratum autoritas reliqua: atque ut esset à convitio & contumelia munitus, vix illi satis præsidii erat in Pontificis autoritate constitutum. Ergo cum pessimo exemplo odio inter Pontificem & *Florentinos* certaretur: *Xystus* hinc ferendis in civitate discordiis, cum ita animum induxisset, nunquam sibi per hujus rei occasionem, materiam ad *Medices* opprimendos defuturam: hinc sua autoritate deterrendis sociis atque ad apertam vim hostibus sollicitandis, in eos civitatem concitare, tanquam malorum omnium autores, conabatur. Id si accideret, brevi fore sperabat, ut tantæ invidiæ succumberet, ac non solum factione nobilium, sed populi conspiratione oppressus à belli incommodis averfi, à Reipublicæ administratione amoveretur: qua voluptate (ut ferebatur) maximè animum explere cupiebat. Atque quò illi maturius exitium pararet: foedus cum *Ferdinando* Rege inierat, cujus viribus confirmatis stabilitisque suis, minimè posse obsistere *Florentinos* arbitrabatur: à quorum societate *Venetos* & *Galeatium*, illos Pontificia autoritate, hunc præterea, novæ affinitatis conjunctione frerus se abducturum non diffidebat. Verum hæc omnia aliquantò postea acciderunt: nunc videtur ad institutam orationem revertendum. Profecto ab urbe *Galeatio*, magistratus corrigendis hominum moribus intentus sumptuarias leges, ita ut cujusvis ordinis, fortunæ, census rationem diligentissimè haberet, condere instituit, quibus effulas ac redundantes nimium hominum cupiditates coerceret. Nam cum usque eò ventum esset hominum improbitate, ut remediis omnibus violentior morbi vis, curari nullo modo posse videretur: qui laborantem ad perniciem civitatem penitus labefactarent, ex *Galeatii* familia nequissimi homines, & diu ad omnia vitia, licentia aulæ corrupti flagitiorum, & foedissimarum voluptatum exempla omnia edendo extiterunt. Quæ tanta pestis quò minus latè improborum contagione disseminata, progrediretur: novi tumultus & seditiones obstitere: non facile hominibus nisi malo coactis, respiscere & ad sanitatem redire assuetis. *Volaterræ* urbs in primis *Hetruriæ* nobilis tum erat in ditione *Florentinæ* Reipublicæ cujus illam parere imperio, hoc tempore animadvertimus. Ea urbs cum ad *Eugenii Quarti* Pontificatum per magistratus qui ab urbe mitte-

bantur, civilibus discordiis sublati, in fide man-
fisset: quod graviora sibi tributa imponi querere-
tur, à Republica defecerat: ne poenitendi locus
relinqueretur, per eadem Prætoris defectione con-
firmata, ac multitudine scelere obstricta. Atqui
cum brevi rursus recepta eadem esset in fidem,
usque ad *Xystum* Pontificem facile Reipublicæ
perferendo imperio, sive magistratuum æquitate,
qui modicè delatam sibi in victos potestatem exer-
cerent, sive metu (quod magis verisimile est) id
acciderit, cum minus ex sententia superior defectio
successisset, contineri in fide & in officio potuit:
ut eo tempore *Volaterrani* redirent ad ingenium,
non levior (ut videri volebant) civitati illata in-
juria, perfecit. In agro *Volaterrano* cum aliarum
rerum est fertilitas summa, quæ maximè usui sunt
ad hominum vitam, tum metallorum omnis gene-
ris ingens vis & quod tunc inventum magno cum
quæstu ad hunc usque diem incolæ effodiunt, alu-
minis in primis. Id quidem, quoniam veteres,
homines eruditi & magni nominis, inveniri alumi-
nis fodinas in *Italia* negarant, nunquam antea no-
stris hominibus compertum, per multa jam secula
latuerat. Atque cum ita inveterata opinio peni-
tus animis hominum hæssisset: veterum autorita-
tem superante nostrorum hominum industria cum
illam certa ratio tueretur: jam & *Pii Secundi* Pon-
tificatu ad *Forum Claudii*, quæ urbs aliquando non
ignobilis in *Faliscis* fuit, & postremò in *Volater-
rano* agro magna aluminis vis inventa, posse falli
doctissimos sæpè viros, atque falsos adeo quando-
que esse ostendit. Docuit autem id in primis pa-
trum nostrorum memoria *Christophorus Columbus*
Ligur, magna orbis terrarum parte quæ præcis
temporibus incognita fuerat, neque audaci, neque
temerario incepto patefacta: quod ratio in prin-
cipio, eventus postea comprobavit. Utrum au-
tem casu eveniret, ut sæpè homines alia quæren-
do, in ea imprudentes incidunt, quæ illis quæstui
uberiori sunt: an explorantibus exemplo eorum
qui in *Faliscis* effoderant, perspecta natura soli cu-
pido iniecerit ulterius quærendi (nihil enim
certi traditum est) illud quidem constat, quibus-
dam rem compertam, quæ privatis magnam com-
pendii spem, civitati penè exitium ruinamque cer-
tam afferret. Ita cum nulla iniri consilii ratio
posset, quæ explicatio in præsentia haberetur:
sæpè experti hujusmodi fossionis genus esse, ut
permultis operis conductis indigeret, quæ suffice-
rent labori perferendo: ad *Florentinos* quosdam na-
vos & industrios homines confugerunt. His cum
re demonstrata, magni spem quæstus esse persua-
sissent: ab iisdem, ut sunt experientes homines,
atque ad rem attenti, ut periculi focii & lucri esse
vellent, impetrarunt. Jam verò indies rem ag-
gressis majori compendio erat, quàm ut posset fa-
cilè dissimulari. Itaque *Volaterrani*, qui in prin-
cipio (ut aliis in rebus omnibus ferè accidit & in his
quæ sunt hujus generis maximè) rem contempsis-
sent: ubi ex secunda hominum fortuna, quæ ægrè
se se efferens poterat latere, fructus ab iis uberio-
res percipi cognoverunt: arbitrati posse exigi vecti-
gal non contemnendum, quoniam insectoribus
magnum esse aluminis usum, non ignorabant, ju-
re agere cum privatis coeperunt, cum publicum
esse agrum contenderent, atque ex eo quicquid
commodi, atque utilitatis hauriretur, id ad com-
mune *Volaterranorum* pertinere affirmarent. Nam
ut maximè publicus ager esset privato addictus: id
quod aut à natura abditum, aut ab hominibus de-
fossam lateret, quod quidem multis de causis pos-
set accidere, non continuò qui agri publici re-
demptor esset, sui juris illum existimare debere.
Non enim magis in contrahendo, verba hominum,
quàm sententiam spectari oportere, cum illi in al-

A tero sæpè, nullo modo unquam in altero falli pos-
sent. Itaque interdum usu venisse, ut cum in
agris privatorum, aperientibus humum, signum è
marmore, aut ex ære extitisset: nisi illi à magi-
stratu, ut sibi habere liceret, per beneficium &
gratiam obtinerent, magistratui, tanquam id jure
pertineret ad Rempublicam continuò essent resti-
tuere coacti. Contra privati in publicam averti uti-
lilitatem iniquum censebant, id quod sua industria
inventum, sumptu ac labore penè incredibili ex ter-
ræ visceribus eruisent, nullis à populo prædibus ac-
ceptis, qui sibi à periculo caverent. Re jam spectante
ad seditionem, quò facilius hominum cupiditati ob-
viam irent, legatos *Florentiam* miserunt: qui demon-
strata re, quibus summo magistratui videretur, eam
permitterent ex eorum fide judicandam. Cognitis
B *Volaterranorum* postulatis, cum magistratus arbitros
qui de eorum controversiis cognoscerent, statuisset:
sive illi accepta pecunia privatorum causæ favere
quàm consulere suæ fidei maluerunt, id quod vi-
detur à *Volaterranis* manasse, sive æquitatem & jus
sunt in ferenda sententia sequuti (neutrum enim
audeo affirmare) secundum privatos judicarunt:
adjecto ad contumeliam decreto: non videri *Volaterranum*
populum rectè atque ordine facere, qui
C suos cives, vigilantes homines & solertes, fructu
suæ industriæ & laboris privare velit. A quibus
tamen ne plus gratiam quàm æquitatem valuisse
eo judicio videretur, illud addiderunt, placere
quotannis à privatis certam pecuniam pendi nomi-
ne tributum, quod indicio esset, ejus soli jus in quo
aluminis fodinas invenissent, ad civitatem pertine-
re. Cum eo judicio ita constituto, privati per-
tinacius in suo jure exequendo uterentur: civitas,
quæ magno omnium libertati factò præjudicio,
non obscurè ferret, armis se, quando legibus non
licuisset, suum jus recuperaturam: intestina odia
fovendo, in certam ferè est perniciem adducta.
Nam libere jam ea de re multitudo querebatur,
D sua natura insolens ubi de suo jure decedere coacta,
vim adversus privatos ab eorum injuria sumit: at-
que in publici consilii autoribus severitatem & con-
stantiam in publica autoritate à privatis vindicanda
requirebat: nullam autem non arreptura occasionem,
quæ spem faceret rei obtinendæ, jam seditiosas
voces, & quæ molientium defectionem aliena-
tionemque à Republica viderentur, emittebat. Cum
res in hoc statu essent, sua sponte *Volaterranos* incen-
sos, novus exortus in civitate tumultus, ad vim
& ad arma excitavit. Erat in ea civitate *Peco-
rinus* quidam nomine (aliud autores non tradunt)
E magnæ vir cum primis existimationis & dignitatis,
qui à privatorum causa stabat. Is in jurgio cum
orta ea de re mentione, pertinacius eorum causam
tueretur: à multitudine concitata interficitur.
Hinc ad tumultum, concursu hominum factò,
quò furor homines atque amentia agebat, itum
continuò est ad eorum ædes, qui ejus factionis
erant: atque iis direptis & incensis, ægrè tem-
peratum magistratui est, qui missus *Florentia* ad
jus dicendum, excitatum tumultum comprimere
publica autoritate conabatur. Quo facinore cum
civitas obstricta sibi spem veniæ præcidisset: jam
nemini dubium relinquebatur, quin illi necessaria
defectio, & quæ eam consequuntur arma atque
F bellum esset. Hujus tanti tumultus famam *Floren-
tiam* subsequuti sunt à civitate legati: qui & id
jure factum tuerentur, & simul magistratui denun-
tiant, ubi stari iis conditionibus placeret, qui-
bus olim recepti *Volaterrani* in fidem essent, quin
Reipublicæ imperium rursus in se ut accepissent à
majoribus æquissimum mitissimùmque perferrent,
illos non recusaturos: si quid durius in civita-
tem statueret, quòd jus suum armis persequi conata
esset, quando illi moribus experiri cum privatis tan-

ta suæ libertatis jactura non permetteretur, tum verò se quid sui juris esset consideraturos. Hi *Florentiam* profecti cum postulantibus datus magistratus esset: paucis quidem causam civitatis egerunt, quorum hæc summa dicitur fuisse. Quando hæc sibi partes impositæ essent, ut causam capitis pro patria dicerent, quod miserrimum in hominum vita videretur: eò se hanc communem calamitatem minus ferre iniquo animo, quò magis intelligerent, apud viros fortissimos & sapientissimos se verba facturos, quorum ea de re cognitio esset. Non desperare enim se quin potius ab his fortitudinis laudem quod à privatorum contumelia publicam auctoritatem audacter vindicassent, quàm defectionis tristem adeò & gravem notam, quoniam ejus rei civitas esset infimulata, ubi rem cognovissent, referrent. Fateri quidem à se hominem interfectum, sed jure tamen eundem interfectum, non tam defendere *Volaterranos*, quàm rem ipsam declarare: seditiosum hominem, civem improbum & nefarium, atque invidiosa potentia adversus suorum libertatem abutentem. Sequutam paucorum cædem, qui tanquam victoria de hostibus parta, propterea quod civili controversia superiores paucorum hominum sententia extitissent: importunissimi homines & teterrimi, adversus civitatis tantum consensum, arma fumerè pro privato homine essent sceleratissime ausi. Scire se rumorem, gravem illum quidem in primis, in urbem pervasisse, concitatum paucorum scelere multitudinem, ægrè manus abstinere à magistratu potuisse: quod maximum crimen & gravissimum eò sibi minus esse diluendum censuisse, quò re ipsa magis quàm ulla vi orationis à se id depulsuros sperarent. In culpa enim quæ nulla esset, accuratius quæsitam defensionem, non facti purgationem, quæ minimè esset necessaria, sed sæpè non excogitati ab accusatore facinoris suspicionem habere. Rumoribus temerè adhihere fidem, non magis eorum causæ obesse, quorum de re ageretur, quàm eorum quorum judicium esset, existimationi & dignitati. Nam ut illos salutis & fortunarum, ita hos fidei, nominis, famæ periculum subire. Magistratum quidem cum tanto excitato tumultu, magis cogitaret quousque sibi esse progrediendum irati homines atque armati statuerent, quàm, id quod æquius erat, quantum sibi præsidii, cum in auctoritate publica, tum in *Volaterranorum* fide esset constitutum, fecisse ut materiam sæviendi iratæ multitudini eriperet (id quod tutius consilium visum esset:) civitati quidem occasionem pulcherrimam ademisse suæ fidei & voluntatis in Rempubicam declarandæ. Quæ verissima quidem sua oratio, si quoniam is status rerum sit, minimè digna videretur cui fidem ii haberent, quibus illam probari vellent: at sese dignos qui eadem uterentur, sua fide & constantia præstaturus. Cum autem ob eam causam ne iis injuriam facerent, qui ab se omnia jure potius & æquitate, quàm precibus aut gratia vellent impetrari, tum ne parum confidere causæ optimæ atque æquissimæ viderentur, finem se facere dicendi: Sive autem illi statuerent sibi eos conservandos quos & causæ æquitas, & gentium jus tueatur, quo quidem hominibus permissum sit, ut inferentem vim, vi prohibeant, sive animadvertendum in eos gravius, qui minimè meriti sint: se operam duros ut neque communi tuenda salute, neque fide declaranda sua, aut constantia *Volaterranis*, aut fiducia animi videatur ullo suo tempore defuisse. Legatis cum hæc dixissent, excedere extemplo iussis, cum multi insolentius locutos eos ac ferocius accuserent, quàm causæ ratio aut temporis postularet: rogari deinde sententiæ sunt coeptæ. Ac cum omnes ferè gravius in illos esse animadvertendum censerent: unus *Thomas Soderinus*, gravi

A illos quidem & severa objurgatione castigandos, sed & conservandos tamen & in fidem rursus recipiendos censebat: cum satis apparere diceret, nullam aliam ob causam plectendos *Volaterranos* videri, quàm quòd constantiores in dignitate vindicanda patriæ, jus suum armis potius quàm magistratus auctoritate, quò erat confugiendum injuria affectis, persequuti essent. Minimè verò ea sibi tempora Reipublicæ videri, ut non aliquid potius civitati de suo jure decedendum, quàm summo jure & per ultimi supplicii metum experiundum cum civitatibus putaret. Habere socios Rempubicam in quorum aliis voluntas & studium, cum cætera prolixa essent, in aliis & firmior fides & vires simul majores desiderarentur. Nam de Pontifice & *Ferdinando*, qui quidem dubium relinquerent, utrum odium majus in Rempubicam an vires jactarent, rem ita per se loqui ut apud prudentes homines plura dici supervacaneum videri posset. Ut enim alia omitterentur, cum Pontificis imperium Reipublicæ finibus definiretur: potentem hostem & præter summam auctoritatem, quam illi tanti muneris dignitas conciliaret, audacia atque animi impotentia formidabilem, omni spe destitui oportere, per civitatum defectionem quicquam in Republica movendi. Longè ab illo secus *Laurentius* censebat: ut multi credebant, non *Thomæ* adversandi causa, cui magno devinctus beneficio ob summam virtutis opinionem meritò plurimum tribuebat, quàm prudentiam & virtutem declarandi suam: nunquam fore arbitratus, ut suum jus in civitate & principem locum obtineret, nisi aliquando ostenderet, liberam se & nulli emancipatam potestatem imperiumque in Republica administrare. Eam autem illius sententiæ summam fuisse ferunt. Cum ea esset oratio *Volaterranorum*, ut non facti confessione animos commoveret, quæ veniæ facilitatem sæpè in barbaro hoste clementiamque invenisset: sed testificatione summæ audaciæ contumaciam hominum atque arrogantiam declararet: facile jam ab omnibus posse intelligi, quid de his statui in præsentia ac decerni oporteret. Si ita cum iis molliter indulgentèrque agendo æquo animo patiantur eam viam atque aditum ad audaciam muniri, ut ubi velint audeant judicatas res rescindere, & in summa legum magistratumque contemptione, tueri injuriam armis, eadem hominum facere, ignes tectis subicere & (quod extremæ dementiæ atque furoris sit) quo se licentius in scelere jactent, ut publica sibi auctoritate liceat abuti, postulare: brevi civitatem, non jus & majestatem imperii modò, sed libertatem etiam amissuram. Satiùs fuisse cum utrumvis liceret, tacitè scelus hominum & dissimulanter ferre, quàm ubi illi ipsi qui scelus admisissent, audacia atque impudentia provecti illud minimè dissimularent, non vim & severitatem in illo vindicando adhibere. In altero enim tarditatis atque inertiae fuisse opinionem subeundam, minus illam quidem periculosam Reipublicæ futuram, quando in eos magistratus ad quos ea cognitio pertineret, ejus rei culpa omnis posset transferri: in altero molliæ animi & dissolutionis, quæ in contemptionem apud omnes civitatem adducat, Reipublicæ eandem longè perniciosissimam, cum una maximè summi imperii jus in liberis civitatibus labefacter planè atque evertat. Itaque cum in scelere adeò gravi & nefario, in quo suscipiendo nullum sibi modum *Volaterrani* statuerint, minimè dissolutio & remissio animi usui sit: ne eadem improborum hominum insolentia atque audacia foveatur, magnopere quamdiu liceat, cavendum providendumque esse. Ut enim studiosa civitas maximè Reipublicæ sit, ut fidelis, ut præclare merita, in deprecando supplicio id valere aliquid debere,

in scelere tuendo, obesse etiam, ne abuti indulgentia ignoscentis videatur ad scelus atque audaciam regendam. Nam & bene de Republica merentes virtuti debita præmia, & constituta in improbos homines supplicia, ubi iidem ab instituto discedant, quod videatur esse æquissimum, manere. Nunc verò esse eandem hanc civitatem quæ patrum memoria, per summam injuriam Reipublicæ magistratu, è sella in qua jus dicebat, detracto, turbato è prætoria domo, sceleratissimè interfecto, usque eò animos sustulerit, ut nullius magis præfidiis quàm suæ audaciæ, atque amentię tubnixa, à Republica adverso maximè illius tempore defecerit, sua libertate seditioso homini & egenti turpissimè addicta. Quæ cum ita sint, videri antea *Volaterranorum* ferociam armis domandam: tum quibus legibus magis eorum scelus, quàm certorum hominum lenitas requirat, parum illa quidem opportuna furori atque amentię hominum coercendæ, eosdem recipiendos in fidem: quò aliis terrori sint, quos in eandem amentiam, superbia atque animi impotentia impellat. Ergo iis ita responderi placere: quando per *Volaterranos* factum esset, ut minus iis conditionibus sibi standum *Florentini* censerent, quibus recepti olim in fidem essent: nisi penitus se suæque omnia magistratus arbitrio permitterent, opëram illos daturus, ut brevi tandem iis ostenderent, quantò major animi vis & robur in æquitate & jure tuendo armis, quàm in sceleris impunitate defendenda pertinacia inesset. Cum omnes ferè damnata *Thome* cunctatione in hanc sententiam pedibus issent: tristi responso accepto, sed minimè tamen præter suorum expectationem, mœsti legati *Volaterras* reverterunt. Cum variè hinc rerum omnium desperatio spe auxilii destitutos ad tutiora consilia, hinc dolor, iracundia, recentis injuriæ memoria, à pacis consiliis aversos ad bellum & ad arma incitaret: una tamen omnium sententia vincebat, cum servitutis ingens metus civitati in præsentia objiceretur: graviores illam omnibus malis liberis populis, tanquam pestem quandam imminentem omnibus longè funestissimam, avertendam omni ratione depellendamque esse. Commemorabantur simul, quæ avarè unquam aut crudeliter *Florentini* in civitatem fecissent, cum facilè esset veterum injuriarum memoriam, novo tanto accepto vulnere refricare, magna quidem eorum gravique invidia. Esse eosdem homines crudelissimos, qui prodita olim fide, ac jure gentium violato, in nobilissima civitate, fama vetustatis clarissima, quam missi olim ex Principe gentium omnium populo homines incoluissent: vocati ad tollendas civiles discordias per maximi beneficii & meriti occasionem dominationem constituissent longè importunissimam. Quod quidem scelus tantum, tanquam vererentur ne parum verisimile posteris pro ingenio hominum videretur, nisi illud majus accessione novi criminis fecissent: ut cum injuriæ magnitudine perfidia æquaretur, novo quasi adjecto corollario comprobasse. Nam cum servitutem indignissimam temporibus magis servientes suis, quàm sua sponte diu perpessi essent: tributis gravissimis impositis civitati, legatos qui publicum incommodum deprecarentur ad se missos, homines sui ordinis honestissimos barbara crudelitate & ad eum diem inaudita *Italiæ* populis comprehensos, vinctos, in carcerem coniectos non prius dimisisse, quàm iugo rursus acerbissimæ servitutis accepto, urbem libidini & crudelitati insolentium dominorum tradidissent. Nunc verò veluti non satis adhuc pœnarum sit persolutum: iniquissimo antea judicio circumventos, magna sui juris à civitate jactura facta, ut constricti rursus arbitrio eorum dedantur à quibus nullo suo merito tanta sint affecti injuria postulari: ut

A nullo supplicio expleri posse occupatis animis immani ac barbara feritate videantur. His magna cum *Florentinorum* invidia commemorandis, quibus difficultates omnes vincerentur, quæ ad arma spectantibus essent futura impedimento, *Volaterrani* magno consensu tuendam armis civitatis dignitatem, quam jure non licuisset, atque omnia præparanda quæ ad bellum necessaria essent, censuerunt. Hinc frustra tentatis Principum animis, cum illi incertæ & dubiæ spei, otii & pacis securitatem præferrent: ne quando ubi diutius cunctando tererent tempus, imparati opprimerentur, oppidum atque arcem munire, comœtus omnis generis comportare, milites mercede conducere, quæque ad urbem defendendam, aut ad diuturnam obsidionem tolerandam opportuna judicarent, summa diligentia vigilantique comparare instituunt. *Florentini* interea magno peditum, atque equitum numero coacto, *Federicum Feltrium Urbini* Principem Reipublicæ copiarum Ducem, ne spatium ad se colligendos *Volaterranis* darent, agrum populari, ac totis viribus oppugnare urbem primo quoque tempore jusserunt. Ita ille infesto exercitu ab urbe profectus, ubi ad *Volaterranorum* fines pervenit, latè agros populatus, cuncta incendiis, direptionibus, aliisque belli cladibus complendo, omnia quæ in eorum ditione erant, nemine obsistente in deditionem accepit. Hinc propius motis castris, ac magna tormentorum vi adducta, oppugnare urbem instituit, aditu omni sive egredi quis sive ingredi vellet, intercluso. Est quidem ea loci natura ut posita urbs edito & prærupto loco, ab ea parte modò quæ est situm *Alexandri Fanum*, quod incolæ admodum religiose colunt, adiri possit. Qua parte ne *Florentinis* impune adoriri urbem liceret, jam *Volaterrani* delectorum militum ad mille numero, qui loco præsidio essent, collocaverant: minimè ignari hostem loci natura prohibitos, eà quod non esset oppidum difficile accessu, oppugnationem tentaturos. Interea cum frustra externa auxilia expectando, impares se fore ad urbem defendendam intelligerent: milites qui multò numero inferiores, loco exesce-
D rant, in urbem recipiunt, ut iis propugnatoribus ad vim hostium arcendam uterentur. Sed *Federicus* neque tentata oppugnatione, quam fore difficillimam non ignorabat: obsidione cogere *Volaterranos* ad deditionem sperabat: quod angustiis temporis & celeritate sui adventus exclusos comœtuum non magnam vim in urbem advexisse cognoverat. Itaque hinc foris hostibus agris vastandis, hinc domi (ut in efferatis animis adversa fortuna
E misericordiam, in contemptionem vertente, præfidiariis militibus omni contumeliæ genere sæviendo) magnitudine malorum victi, de deditione consilia agitare cœperunt: nullam recusaturi pacis conditionem quam victor hostis attulisset. Eo consilio probato, necessario iis quibus in magna rerum omnium desperatione planè suis viribus esset diffidendum: missio caducatore qui Reipublicæ legatis se suæque omnia dederent, exercitum sub signis, cum fidem accepissent nihil se hostile passuros, in oppidum introduxerunt. Quod tamen fœdè direptum miserabiliterque est: victa legatorum auctoritate, ac majestate imperii, militum avaritia & crudelitate. Cum enim *Federicus* medius inter legatos venisset in forum atque urbis magistratum
F (*Priores* illi vocant) jussisset è domo prætoria excedere: unus ex his cum casu in militum cohortem incidisset, nihil præfidi in avaro milite & insolenti victoria inveniens, ipoliatur, vix assequutus patientia sua magis quàm moderatione victoris, ut manus à violando corpore abstineret. Hinc tanquam omnibus datum pariter signum esset ad prædandum: contempto *Federici* imperio, æquè & pri-

vatorum aedes & urbis templa omnia, cum nihil avaritiae militum clausum, nihil satis religione munitum adversus vim fuisset, diripuerunt: nulla neque ordinis, neque sexus, neque aetatis ratione habita ab iis, quibus cupiditas atque avaritia delectum ac discrimen omne sustulisset. Nam (quod sceleratius est atque minimè tamen ab ejus temporis militia alienum) ab iis ipsis *Volaterrani* tantam cladem magna ex parte acceperunt quorum praesidio usuri ad propulsandas injurias hostium fuerant. Ut enim magis locorum periti, cum locupletiorum domos notatas ad praedam, & ad direptionem haberent, immisti militum praedantium turbæ, omni exemplo crudelitatis & barbariae edito, nobilissimis matronis, ac sacris virginibus violatis, participes se hostium victoriae quam sua ignavia, atque inertia illis faciliorem fecissent victi praestiterunt. Cum nobilissima *Italiae* urbe, fato quodam ejus adverso urgente, penè excisa, nuntii *Florentiam* missi essent, qui laeta & secunda omnia evenisse significarent: in summa omnium laetitia *Laurentii* unius prudentiam singularem & virtutem vulgò homines suspiciebant ac ferebant in coelum laudibus: qui veluti divinaret rem ita futuram, autor salutaris sententiae extitisset, & quam fortuna adeò læto & prospero eventu, tanquam illustri testimonio comprobasset. Ac cum quidam ex illius amicis, exprobrandi causa *Soderinum* rogasset, num illum capta jam urbe ac domita ferocia *Volaterranorum* suscepti consilii poeniteret: ut inquit, lætaturum se fuisse, cum illi sua sponte se dedidissent, ubi conservati & recepti in fidem essent, quo illi beneficio tanto Reipublicae devincti, fideles ei in posterum videri possent futuri: ita quod recepta urbs tanta cum hominum clade, utinam non pari exercitus Imperatorisque infamia fuisset, non magis se eorum causa, quam Reipublicae cui maximè deberet velle consultum, dolere. Nam illud semper in posterum verendum, ne *Volaterrani* quos non tam vis & arma inimicorum quam dolor atque iracundia vicisset, observato Reipublicae tempore, magno aliquando cum scœnore acceptam essent cladem reddituri. Quod cum ita esset, non videri sibi receptam potius quam amissam eam urbem, quæ ut tradita à volentibus magno usui videretur Reipublicae futura, ita dedita ab invitis & coactis armis, in adversis timoris plurimum, & sumptus & damni in secundis importaret. Ubi enim esset inimicus conservatus, nisi is incolumis atque integer penitus ab omni injuria maneret, vitæ beneficio illum non ad referendam gratiam, sed ad ulciscendam injuriam excitari: ut qui planè inimico non ignosceret, id illi cogitandum esset, non benevolentiam comparari beneficii memoria, quæ nulla in eo relinqueretur, in quo non penitus injuria omnis esset oblitterata, sed maleficii recordatione, quæ hæreret penitus, atque insideret animo, odium ali. Itaque illud esse verissimum, quod semper prudentes homines statuissent: inter summum beneficium & summam injuriam viam mediam nullam esse: & inimicos semper prorsus aut perdendos aut conservandos. In altero enim spem reconciliati animi, in altero metum nullum, sublato inimico, inesse, qui animum sollicitum haberet. Cum autem præstare utrumque homini liceret: quando ea securitas quæ cum laude conjungeretur esse propria hominis, quæ à crudelitate & scelere peteretur, non hominis esse sed ferarum videretur: quid virum prudentem agere & bonum eundem deceret, minimè quidem ignorari. Invenio, apud quosdam, *Volaterras* magno belli apparatu oppugnatas: cum se acerrimè oppidani defenderent, vi captas à *Federico* & quod superbe imperata facere recusassent, dato signo, direptas foedè ac crudeliter fuisse. Magnam quidem illum

A ex ea expeditione retulisse laudem, scriptores eorum temporum affirmant, tribuentes gratiae (ut apparet) quòd minus dare veræ virtuti possent. Eodem anno orta de finibus controversia inter *Fojanenses* & *Lucianenses*, quorum hi *Senensibus* illi *Florentinis* parebant, cum mutuae cædes factæ rem trahere ad bellum viderentur, post longam disceptationem sublata est. Datus iis arbiter *Jacobus* Cardinalis *Ticinensis*, ita rem transegit, ut voluerit videri, ferè in eo vertisse *Hetruriae* salutem. Jam enim *Senenses* & *Florentinos*, cum non posse facilè inter eos convenire animadverterent, tanquam ea controversia minui jus civitatis existimarent, fuisse planè ad arma venturos. Is mediocri fortuna *Luce* ortus, cum in familiaritatem. *Aeneæ Sylvii* Cardinalis se insinuasset, ob egregiam virtutem atque animi indolem, illi magnopere probatus, morum elegantia & studia optimarum artium accedente, dignus etiam habitus est, qui ab eodem Pontifice creato in Cardinalium collegium, *Ticinensium* Pontificatum adeptus cooptaretur: quo in ordine multos postea annos, & abstinenter & magna cum laude vixit. Extat epistolarum volumen, quas ille aut suo, aut Pontificum nomine, ad ejus aetatis Principes atque ad amicos scripsit, qui clari virtute, aut nobilitate haberentur, quibus tanquam annalibus, eorum temporum memoria continetur. Dum ea à *Florentinis* geruntur, *Tifernum* in *Umbria*, cum ejus provinciae civitates omnes, principio à *Spoletinis* facto, eodem consensu defecissent, summa vi oppugnatum *Machiavellius* ait, *Nicolao Vitellio* impigro homine, & magnæ ac spectatae virtutis civitatem adversus Pontificios defendente. Quod tamen oppidum biennio post receptum autores certi affirmant, qui rei gerendæ ipsi interfuerunt. Extat enim *Jacobi Minutoli Lucensis* nobilis atque eruditi hominis epistola ad *Jacobum* Cardinalem *Ticinensem* cujus sæpè antea meminimus, qui præmissum se ait ad *Tifernatium* animos tentandos magnopere à Pontifice averfos, cum *Federicus* copias in eorum fines adduxisset, qui affinitate cum *Xysto* per eos dies conjunctus, belli summam rerumque omnium administrabat. Scripsit autem ex castris Cal. Septemb. anno ejus seculi LXXIII. cum captas *Volaterras* constet *Federico* eodem *Florentini* exercitus ductore, anno LXXII. ante diem XVII. Cal. Augustas, quo die scriptæ à *Philelpho* literæ ad *Federicum* leguntur, quibus de expugnatione *Volaterrarum* agit: quam illi rem magno honori fuisse apud Principes *Italiae* contendit. Sed eodem anno adversus *Tifernates* susceptam expeditionem idem *Ticinensis* præterea tradit: id quod colligitur ex quibusdam illius epistolis, quæ tanquam commentarii earum rerum quæ per ea tempora in *Europa* gerebantur & accuratè, & luculenter scriptæ ad multos supersunt: ut non mihi magis *Machiavelli* fidem suspectam hominis ingenium, quam incuria faciat, quæ in eo non ferenda fuisse animadvertitur. Deditam porò urbem Pontifici scribit, per interpositam *Ferdinandi* Regis & *Galeatii* auctoritatem, cum *Florentini* accederent, à *Vitellio* (ut verisimile est) appellati, quòd minus iis æquis Pontifex uteretur. Nihil autem ait ea deditione illi turpius potuisse accidere. Acceptas non datas victo à Pontifice leges. Factam potestatem ejus legato venienti in oppidum, sed datis à *Vitellio* custodibus, qui illius ingressum pariter egressumque observarent. Admissos pedites circiter ducentos atque ejus arbitratu per civium domos dispositos, quorum illi esset fides probata: ut magis obsidum loco, quam ut praesidii causa missi videri possent. Ubi in legati conspectum venisset, non ut victum deceret, suppliciter ac demissè, sed tanquam pacis leges ipse esset dicturus. oris contumacia, vultu, oratione, quæ

quæ victoris insolentiam præ se ferrent, superbe & arroganter locutum. De exulibus convenisse, ut ex illius præscripto, & quibus modò ipse permitteret, reducerentur: ipse pactus incolumitatem *Tiserni* privatus ageret, sed id nomine modò, cum nemo dubitaret, quin semper in illius potestate civitas esset futura. Jam idem alio loco, *Sene*, ait, conventum se, à *Laurentio Medice*, cum esset exceptus honorificè à civitate, ac frequenti principum occurratione, multis aliis de rebus gravioribus secum egisse: liberè autem castigatum à se, tum quod passus esset per *Federicum* magis quàm per *Florentinos* de compositione agi, tum verò quòd admisset, pertinacius causa *Vitellii* tuenda, ut minus Pontifici liceret, quod haud quaquam illum præteriret, cum superbo & contumaci hoste ex sua dignitate de re tanta transigere. Quoniam enim, magna cum *Laurentio* amicitia *Vitellio* intercedebat, & pecunia illi à civitate suppeditari, & commeatus clam ac subsidia summitti credebantur: iniquo animo id Pontifice ferente, qui aliis etiam de causis, quas superius commemoravimus, jam à *Laurentio* alienatus, hanc insuper sibi illatam ab eo injuriam querebatur. Atqui utcunque *Nicolaus* à *Florentinis* & à *Laurentio* adjutus, Pontificis vim atque arma sustinuerit: is rerum exitus (quod convenit inter omnes) consecutus est, ut æquioribus ille quidem conditionibus quàm *Xystus* voluisset, sed tamen illi urbe cedere sit coactus. Idem postea receptus summa populi voluntate, cum magna inimicorum edita cæde, atque arce diruta, quò minus iis usui esset, domesticas opes & potentiam stabilisset: domi forisque magna gloria parva, quatuor liberos mortuos reliquit, æquè omnes in primis suæ ætatis militiæ gloria claros. Horum *Joannes* natu maximus *Innocentio* Pontifice Maximo, ad *Auximum Picensi* urbem, quæ per ea tempora desciverat, ictu majoris tormenti, in expugnatione urbis interiit. Nam *Camillus* cum magnis gerendis rebus perfecisset, ut cum omnibus ejus tempestatis militiæ gloria esset æquandus, in *Apulia* dum à *Gallis*, *Circellum* oppidum oppugnatur, murum incautius subiens, immanis magnitudinis lapide à propugnatoribus jacto, interficitur: cum idem paucis antea diebus equitum præfectus, invictas *Germanorum* cohortes disjunctas, magna sua cum gloria ad *Luceriam* profligasset. Hujus fuisse inventum dicitur, ut milites ex equis minoribus tormentis in hostem uterentur: quo quidem instituto hoc tempore utuntur ex ultima *Germania* equites, quos atratos populares vocant, ita à prima adolescentia huic generi pugnandi assueti, ut quina sæpè senave suspensa ex ephippiis gerant, quò pugnantibus præstò sint, brevior atque ob id ipsum commodiore forma exco-gitata. At *Paulus* cum laudis fraternæ æmulus, magnas res *Gallico* bello adversus *Pisanos* gessisset, à *Florentinis*, quorum copiis præerat, positionis insimulatus capite plectitur. Neque mitius cum *Vitellotio* fortuna egit, à *Cæsare Borgia Alexandri* Pontificis filio, cum ei spes veniæ esset & reditio-nis in gratiam ostentata, dolo *Sennogalliæ* circum-vento atque interfecto. Fertur *Vitellotius* tanta opinione virtutis rudimentum adolescentiæ posuisse, ut non *Italiæ* Principibus solùm sed externis etiam Regibus formidabilis, quàm se cunque in partem vertisset, aut perniciem secum aut salutem videretur allaturus. Ita facile illo sublato, ac simul fratre urbe pulso *Tisernatium* Pontifice, qui erat alia matre natus, *Tisernum Alexander* in deditionem redegit. Agitanti *Xysto* nova adversus *Florentinos* consilia *Petri* Cardinalis morte magna est spes adempta ea quemadmodum animo destinaverat, exequendi. Etsi non est consilium, cum *Florentinorum* res gestas explicandas susceperim, in

A iis quæ propriè ad eam scriptionem non pertinent, morari: visum tamen est non alienum esse à scribendi munere, ut parumper ab instituta narratione digressus, de hujus hominis moribus, ac vitæ rationibus, cum in eo insigne suæ temeritatis documentum fortuna constituerit, paucis agam. Is enim (ut diximus) humili loco & obscuro natus atque à puero ascitus in *Franciscanorum* familiam: ubi tanquam ex quibusdam vitæ angustis per *Xysti* Pontificatum, non patris solùm (ut ferebatur) sed patris etiam indulgentissimi, ad tantam dignitatem evasit: brevi declaravit, quanquam ita sibi fortuna indulgisset, multò plura tamen quàm quæ illi referret accepta, suæ industriæ atque ingenio deberi. Erat in eo animi elatio, quæ supra etiam fortunæ vires cum tantum illi largita esset, se extolleret: calliditas & perspicacia tanta, ut nemo, etiam omni ætate magnis tractandis gerendisque rebus acta, plura aut provideret animo, aut præstaret, ubi provisa perspectaque haberet. Id verò quod dignum admiratione videbatur, nullæ magno homine dignæ artes, nulla liberalis educatio, aut disciplina efficiebat: cum is in sordidissimo vitæ genere à pueritia versatus, ac longè positus ab hominum luce, neque rerum usum, neque exercitacionem, repente evectus ad tantum fortunæ fastigium, attulisset. Idem cum omnes artes mirificè calleret, quibus Regum animi & summorum hominum conciliantur: æquè semper & ab aliorum insidiis tutus & ad fallendos omnes dolo, fallacia, artificio, ut si quis alius unquam paratus habebatur. Nam in quotidiano victu, ut facile appareret ingenii hoc magis, quàm fortunæ esse, splendor regius & luxus. Argenti copia & vis ut non ad usum modò, cum in eo superiorum omnium magnificentiam superaret, sed ad ostentationem etiam, fide omnium major esset. Ad corporis ministerium, nobiles pueri & forma excellenti, quam cultus mollissimus, & curatio corporis eximia auget. Omnium voluptatum artifices, quæ movere modò sensum, atque lenocinari animo & blandiri possent. Scurræ, mimi, saltatores, comædiarum & tragædiarum actores, ludii, qui in omnium fastidio & satietate, nunquam animum explerent. Jam illa majora, & quæ non tam ullius exemplo quæsitæ, quàm ab ingenio hausta, superbia, contemptio omnium, arrogantia, ambitio, cupiditas, in homine orto etiam regio genere non ferenda. Regnandi immanis cupiditas, quam spes non inanis præsertim foveret, ut nullus modus ratiove statueretur. Hinc celebratissimum fama omnium convivium, in quo quidem nummorum aureorum XX. millia, locupletis hominis censum, consumpta esse dicuntur: quò *Æsopi* tragædi profusissimas cœnas Christianæ sanctimonix & religionis moderator, longè etiam anteiret. Quanquam ne admiratione hominum major res videretur, ambitioni id tribui mallebat, cujus eosdem fines sibi qui immensi erant, & sumptus præfinsisset. Excepit eo convivio *Herculem Atestinum Ferrariensem* Principem & *Helionoram Ferdinandi* Regis filiam, quæ per eos dies illi nupserat. Erat autem magna illius spes per adeò præposteram rationem, fore ut ejus sibi voluntate & studio conciliata, reliqua sibi facillima essent, ad ea quæ constituerat perficienda: quæ majora quidem aliorum spe suam minimè æquabant: tanta aut fiducia sui, aut fortunæ subnixus ferebatur. Nam fama jam constans ac minimè obscura emanaverat, vivente adhuc *Xysto*, qui in omnibus illi indulgendo, nihil quod conceptum animo haberet, non ejus spe minus effecisset, ad Pontificatum ambitiosissimè aspirare: quem minimè dubitabat, ubi se eo *Xystus* abdicasset (usque eò alter temeritatis, impudentiæ alter progrediebatur) non etiam Prin-

cipum voluntate (quod plurimum referre arbitrabatur) suscepturum se administraturumque esse. Quin etiam cum legationem ad *Venetos* & *Galeatium* postulasset, id vulgò homines suspicabantur, ambitiosum juvenem per causam aliud agendi occasionem ad prensandum, tanto morbo laborantem ad insaniam quæsisse. Ut enim tantam dignitatem ambienti ex sententia cætera evenirent: non ignorabat, haud satis ea adjumento sibi futura nisi Principum secunda voluntate, *Italiae* in primis uteretur. Hac ille functus legatione *Romæ* moritur, ut multi crediderunt, veneno sublatus: frustra quidem ad bellum *Florentinis* inferendum, *Galeatio* & *Venetis* sollicitatis, cujus rei causa (id quod magis verisimile videtur) eam legationem susceperat. De hujus juvenis luxuria, intemperantia, immanibus ac profusis sumptibus, si cui libet plura cognoscere, extant *Ticinensis* epistolæ, quibus luculento testimonio, illius mores, instituta, cupiditatem, ambitionem execratur. Hujus morte tametsi spe magna Pontifex destitutus erat, quæ constituerat ex sententia agendi, lentius aliquantò, sed nihilo tamen cupidius consilia de *Florentino* bello agitare coepit. Quo illius animo planè *Florentinis* detecto, cum *Venetis* & *Galeatio* fœdus renovarunt: cæteris *Italiae* Principibus iisdem fœderis legibus coeundi potestate facta. Hanc eorum conspirationem Pontifex veritus cum *Ferdinando* & ipse novum iniit fœdus, in quo disertè cavebatur, ut eosdem amicos atque hostes uterque haberet. Atque quò pertinacius susceptas partes tuerentur, *Venetis* pariter & *Florentinis*, novæ illatæ injuriæ efficiebant. Nam *Veneti* cum in eorum tutela *Cyprus* Insula jam à morte *Jacobi* Regis fuisset: gravem sibi factam à *Ferdinando* injuriam querebantur: cum ille *Cyprio* Regno imminens, per certos homines Reginae viduæ animum tentasset ut *Federico* filio nuberet, minimè ignarus ubi illam in sententiam adduxisset, formidabilem se potentiam per ejus Regni adeptionem, adversus alios Principes *Italiae* atque adeò adversus *Venetorum* Rempublicam jactaturum. Erat Regina ex *Cornelia* gente *Venetis* orta, & nobilitate & divitiis inter principes civitatis familias clara. Sed ita ea tamen Regi nupserat, ut tametsi una ex multis delecta esset, quæ judicio amplissimi ordinis excelleret: per unius ille affinitatem, institutam sibi cum civitate necessitudinem censeret. Quod cum nemini obscurum esset, Senatus in eo sibi laborandum existimabat, ne Regina decedente sine liberis, interversum à *Ferdinando* Regnum, Reipublicæ cujus jure hæreditario esset eriperetur, fallacis ingenii homine & callido, atque ob nimiam dominandi cupiditatem, meritò liberis populis suspecto. Nam à *Florentinis* *Federicum Urbinatum* Principem averterat, cujus summa virtus tum bellicis rebus in *Italia* habebatur: cum illum & multis aliis pollicitationibus, & spe liberalioris stipendii sollicitatum *Neapolim* evocasset. Quò ille profectus accepta à Pontifice fide nihil hostile passurum à Rege crudelissimo, & cui clarorum hominum vita venalis esset, cum aliis affectus honoribus tum Regii & Pontificii exercitus Imperator appellatus dimittitur. Id quidem magna Pontificis & *Ferdinandi* invidia, *Federici* non levi infamia, ac pari *Florentinorum* offensione accidisse ferunt: qui magnam spem salutis & dignitatis publicæ tuendæ, in ejus hominis virtute & fide collocassent. At *Xysus* cum omnino *Florentinis* bellum inferre statuisset, & *Flaminie* Regulos omnes & *Hetruriae* civitates, non desistebat per certos homines sollicitare, quarum ditionem *Florentini* finibus imperii attingerent. Quæ Pontificis consilia cum minimè essent *Florentiæ* occulta: ne quando civitas improvise bello opprimeretur, hostibus in omnem

A occasionem intentis ut incautos atque imparatos adorirentur: pari industria & celeritate, quæ ad gerendum bellum opportuna necessariaque existimarent, comparare instituunt: cumque sua sponte se *Federicus* exautorasset, *Rubertum Malatestam Ariminensium* Regulum copiis Reipublicæ præficiunt: simul cum *Perusinis* & *Manfredis* qui *Faventiam* in *Flaminia* obtinebant fœdus ineunt, veriti (ut videtur) ne quando hostes transitum liberum nacti, ab ea parte in Reipublicæ fines, quod magno cum detrimento civitatis futurum intelligebant, invaderent. In tanto animorum ardore cum quidem ut in apertum bellum erumperet, occasio modò quæreretur: quò magis necessaria Regis & Pontificis arma à *Florentinis* Principes alienarent: belli causæ ut satis in speciem probabiles, ita non minus etiam verisimiles in medium afferebantur. Querebatur Pontifex, per trium præpotentium populorum coitionem, *Italiam* tot jam annos bellorum perpetuis cladibus jactatam in certam perniciem adduci. Minimè verò esse dubium, quin consultò ab iis captata occasio esset, dum in magno otio vacui metu homines curaque languerent, per summam injuriam & vim imbecillioribus illatis armis, ereptas civitates occupandi. Hæc quidem ferebatur Pontifici causa fœderis cum Rege initi fuisse, speciosa magis quàm probabilis iis, qui propius rem intuerentur. Re vera illi erat *Florentinorum* potentia formidabilis, qui gravissimis de causis ab illo alienati, videbantur sociis *Venetis* adjunctis, *Hieronymo Riario* exitium moliri. Nondum enim ille satis opibus firmatis, omnia, etiam si nullus objectus externus metus esset, ut in novo principatu & per vim propè parto, verebatur. Cum ea *Florentini* non ignorarent, satisque intelligerent, ubi amicitiam *Venetis* renuntiassent, destitutam magno præsidio Rempublicam Pontificem ac Regem inimicum invasurum: quanquam multitudinis animi, ut id agerent, nulla non ratione & consilio tentabantur, in eorum societate & amicitia manebant. Atque cum jam alterum annum nihil agendo absumpsissent: novus tumultus repente in *Hetruria* excitatus, magnum iis momentum ad res gerendas attulit: quod quidem illi neglexerunt, cum magis suæ fidei sibi habendam rationem, quàm securitatis atque otii arbitrarentur. *Carolus Montonius* erat *Bratii* filius, ejus qui à *Jacobo Caudola* & *Francisco Sfortia* copiarum Pontificiarum Ducibus, magnis rebus gestis interfectus in *Maris* fuerat. Hujus *Oddum* fratrem *Florentini* exercitus Ducem, cum adversus *Guidantonium Manfredum Faventie* Regulum copias duceret, *Anemonis* fluvii accolæ montani homines & feri Apennini angustis inclusum interfecerant: magnæ spei adolescentem, & quo de medio sublato, omnem familiæ spem, quæ nulla quidem aut perexigua in *Carolo* fratre puero admodum supererat, penitus extinctam appareret. At *Carolus* cum jam adolevisset, magna sui expectatione concitata, fore ut brevi paternam gloriam æquaret: à *Venetis* honesto in primis stipendio inter cæteros copiarum Duces, qui Senatui militabant, ascitus est: cum optimæ indolis adolescentem, etiam si nullum adhuc suæ virtutis documentum dedisset, memoria patris commendaret, viri fortissimi, ac clarissimi militiæ gloria. Ita cum *Venetis* aliquamdiu secunda hominum fama meruisset: magnam fiduciam & spem concepit, quò summa *Perusinarum* voluntate, patrem popularem hominem & multitudinigratiosum, principatum in ea civitate obtinuisse non ignorabat, futurum ut per suæ factionis homines quorum multi adhuc supererant, sibi facultas aliqua ad patrium Principatum repetendum daretur. Ergo cum opportunè stipendii tempus confecisset: impetrato à *Venetis* commea-

Brutus.

I tu,

tu, cum valida armatorum manu in *Hetruriam* venit. Et si autem omnia illi facillima ostendi ad rem obtinendam videbantur: tempus (quod caput est in magnis rebus gerendis) alienius aliquantò à suis rebus offendit. *Florentini* enim quibus non mala conjectura usus, optatissimam fore eam occasionem arbitrabatur, minimè dissimulanter præ se ferebant, ut *Perusinis* injuria fieret, quibus cum foedus & societatem fecissent, se haudquaquam passuros. Atqui ille cum quanquam tanta spe frustratus animum tamen non abjecisset: majora etiam quam initio constituerat aggredi ac *Senensibus* inferre bellum decrevit: ne videretur gerere injusta arma, ingenti pecunia à civitate postulata, quam patri multis nominibus debitam, sibi diutius deberi iniquum censebat. Ergo illos de improvviso adortus, cum agro latè vastato, omnia ferro ignique populatus esset, ac magnum in discrimen civitatem adduxisset: ut sunt *Senenses* acri ingenio & acuti, atque quod permagni refert, multis de causis semper *Florentinis* infensi: non obscurè querebantur: nomine se à *Carolo*, (Non enim eas illius vires esse, ut iis subnixus civitati bellum inferret) re vera à *Florentinis* peti, quibus autoribus & bellis sumptum subministrantibus, rem sibi agendam, quam neque privati hominis fortuna, neque vires æquarent, suscepisset. Itaque non ea solum *Romam* ad Pontificem, & *Neapolim* ad *Ferdinandum*, sed ad *Laurentium Medicem* de consilii sententia *Florentiam* perscripserunt: hunc maximè precati, ut cum nullo suo in Rempublicam merito, hæc civitati acciderent, sua & publica magistratus auctoritate, deterrendum à tam audaci incepto hominem avocandumque curaret. Cum enim nemini posset in mentem venire, rem tantam *Carolus* suis modò viribus confisus, ausurum: ubi hoc sibi esse agendum statueret, magna suspitione se atque civitatem adeò liberaturum. Certè ut alia omnia abessent: facturum illum quidem id quod maximè ex ejus Reipublicæ dignitate esset, ut conservata ejus gratia & auctoritate nobilissima *Hetruriæ* urbe, illi *Senenses*, & salutem & fortunas, & patriam acceptam referrent, de quibus per unius hominis summam injuriam & scelus, in discrimen venissent. Visa *Florentinis* non iniqua eorum postulata esse: cum quidem quò magis ab ejus sceleris societate abessent, eò diligentius sibi providendum censerent, ne qua hujusmodi suspicio de civitate in hominum animis hæreret, satis per se verisimilis futura ob veteres simultates quæ cum *Senensibus* Reipublicæ intercesserant, nisi *Carolus* sua auctoritate atque armis adeò, ubi iis pergeret injuriam facere, coercerent. Itaque tametsi sua

A voluntate factum negabant, ut *Senensium* civitatem, nefario bello sibi susciperet laceffendam: quæ res cum ita esset, neque præstandam sibi alienam culpam, neque magnopere laborandum esse affirmabant, quicquid de ea re parum æqui Reipublicæ homines statuerent: tamen pro sua fide atque egregia in illam Rempublicam voluntate, polliciti sunt posthac sibi curæ fore, ut positis armis primo quoque tempore excederet ex *Senensium* agro: nisi autem is ab injuria & maleficio abstineret, quod per suam auctoritatem & gratiam ab eo minus impetrassent, ut id omnino statueret sibi esse agendum, vi illum atque armis se coacturos spondebant. Cum magistratui *Senensium* nomine, gratiæ actæ essent: iis dimissis placuit *Carolo* denuntiari, ut è *Senensium* agro copias educeret, & civitati, quæ ademisset restitueret, cum cura conquistata. Quòd si quemadmodum instituerat, iis injuriam facere perseveraret, quando semel esse è sua fide judicassent, minimè id *Florentinos* neglecturos. Hac civitatis denuntiatione *Carolus* territus, qui rem esse occasionis & non moræ arbitraretur: militem inde, parta magna præda, abduxit: cum non magis sibi injuriam fieri, quam parum consuli *Florentinæ* Reipublicæ à suis affirmaret. Nam sibi gloriæ fructum uberimum ereptum & magno homini in primis expectandum, qui inimicam civitatem, & quæ æquo jure disceptare recusasset, armis coactam, fuisset ad officium revocaturus: nobilissimæ urbis imperium *Florentinæ* Reipublicæ esse ademptum; quod sæpè majorum memoria magnis inferendis accipiendisque cladibus, tentasset. Brevi enim illam omni alio præsidio destitutam, ac proditam per summam suorum inertiam: fuisse necessariò in eorum potestatem venturam quibus esset usus sociis ad bellum. Liberati magno metu *Senenses Florentinorum* beneficio, nullam illis majorem gratiam habuerunt: quoniam eam sibi ab iis illatam injuriam existimabant, ut maximè illos suscepti consilii poeniteret, non æquè arbitrati compensari officio injuriam & tolli officio injuriæ memoriam posse. Itaque non quoniam victi pudore sibi à maleficio temperassent, quando diffusi essent ejus rei invidiam se posse sustinere, id sibi beneficii loco esse accipiendum: sed quoniam perfecissent inferenda injuria, ut honesta esset civitati consilii mutatio, perinde atque rem confecissent, esse reprehendendos. Hæc quidem ita adversus *Senenses* gesta, magni motus tum in *Hetruria*, tum in *Insubribus* secuti sunt, quos quidem in sequenti libro latius persequemur.

JOANNIS MICHAELIS BRUTI HISTORIÆ FLORENTINÆ LIBER SEXTUS.



Cum ea in *Hetruria* gererentur *Galeatius Maria Sfortia* in *Insubribus* per trium nobilium adolescentium conspiracyonem interficitur. Qua una ex re (id quod verè dici potest) quæcunque mala, aut nostra, aut patrum memoria in *Italia* acciderunt, esse profecta maximè dicuntur. Atque quanquam non me præterit, rem ab aliis memoriæ proditam magis perspectam testatamque

esse, quam ut nunc explicanda mihi diligentius sit: quoniam tamen serie quadam rerum ea attingit, de quibus scribere institui, placuit ordine quemadmodum gesta constitutaque est à principio enarrare. Erat *Nicolaus Montanus Bononiensis*, vir (ut illis temporibus) non ineruditus, ex eorum genere qui nobiles pueros in literis instituendos suscipiunt. Hujus inter cæteros, erant auditores *Mediolani*, tres adolescentes ejus civitatis cum primis nobiles, *Joannes Andreas Lampognanus*, *Caro-*
lus

lus *Viccomes*, & *Hieronymus Oleatus*, quibus ob egregiam indolem virtutis plurimum omnium indulgebat. Erat hominis ingenium longè acerrimum, & sive hoc à natura haberet, sive studio esset & diligentia consecutus, minimè ad hominum vitia, Principum in primis dissimulanda accommodatum. Hoc quidem ut penitus illius animo insideret, cum *Mediolani* ageret, *Galeatii* immanis atque importuna crudelitas & libido efficiebat: quam quidem in summi imperii potestate formidabilem, cum tantæ accederent vires omnes horrebant. Nulla illi domus quanquam sanctissima & castissima erat clausa: nemo ab illius crudelitate tutus, per quem minus liberi aditus ad nequitiam patefierent. Idem adeò perduto ingenio, ut cum in omni genere flagitii licentia magis atque impunitate quam peccato offenderet: tanquam impudentia & audacia magna esset voluptatis accessio, non prius sibi facere satis videretur quam bidinis & nequitiae suae monumenta omnibus testata relinqueret. Ita ejus injuria nobiles domus permultæ violatae, sed quod esset ferendum, ubi id quidem lateret, nullæ non ejusdem prædicatione infames, quò semel libidini aditum animi impotentia, & vis imperii dedisset. Nam cum plurimos quotidie ad eandem denotaret, aut nullis, aut levissimis de causis: veluti in capitis supplicio, parum gravis animadversio constitueretur, mortis genere in eisdem sæviebat: itaque aliquando dicitur vivos homines in culeum insuendos, atque humandos curasse qui quantumvis minima in re illius voluptati obstiterent. Sed quod maximè offende-
bat, & illi exitium maturavit, in nobiles fœminas (ut diximus) ubi iis ad satietatem abusus esset, dicax videri & falsus volebat: æquè & in admittendo flagitio impudens, & in detegendo petulantia ac linguæ procacitate singulari. Gravi ad hæc omnia laborabat infamia, matrem lectissimam fœminam cum illam autoritate administrandi imperii privasset, veneno sustulisse. Ex hujus impotenti imperio *Nicolaus* quæsitâ occasione: adolescentes peracri ingenio, & (quod caput est) gravi injuria affectos hinc execrandis sæpè abominandisque malis, quæ subeunda erant parenti unius imperio: hinc contrâ commemorandis bonis quibus nati in liberis civitatibus homines fruerentur, ad rem capeßendam eorum spe, atque expectatione dignam, excitabat. Gravem semper unius hominis potentiam videri, etiam cum probitas par & virtus consequeretur (non enim quid deberent modò homines, sed quid possent etiam cogitari oportere) ubi eadem crudelitati adjuncta & scelere dominaretur, in legum observantia nihil esse præsidii atque adjumenti, in contemptione fidei, officii, pudoris jacturam, atque cum iis ipsis libertatis sæpè interitum subesse. Ad hæc quæ vera magis quam opportuna essent, exempla eorum colligebat, qui veterum memoria in omni benè instituta Republica floruisse: quibus cum proposita ad virtutem præmia essent amplissima, satis jam intelligi posset quid ita liberæ civitates plurimos semper, perpau-
cos quæ unius imperio regerentur, qui virtute, rectis studiis, magnitudine animi, ac rerum gestarum gloria florerent, extulissent. In legibus enim quæ in Republica vigerent, virtutem & rectè facta gloriam sequi: in hominis improbi dominatione, cum se videri meliorem pateretur neminem (quod malorum institutum est) aut jacere eandem contemptam, aut penitus neglectam interire. Itaque in liberis populis, quoniam virtutis plurimus usus esset, & coli illam studio & labore, & augeri præmio, & gloria foveri consuevisse: in unius Principatu eum neque virtus nequitiam, neque virtutem ferre improbitas posset, minimè quenquam mirari debere, si quæ esset vires majores nacta,

A illam tolleretur, quæ viribus inferior atque imbecillior haberetur. Id nobilissimi tyranni exemplo comprobari, qui *Dionis* filium viri fortissimi, ac clarissimi sapientiæ studiis, patre pulso in exilium, quò nativa illius virtus ocyus in desidia & languore interiret, vetitum liberalioribus artibus institui, usque eò omni genere nequitiae & corruptelæ enervasset, ut cum patria liberata, *Dion* rediisset, filium, quòd ferre triste parentis imperium non posset, sibi afferre manus coegerit. Cum igitur, pudori & probitati omnia essent clausa, quæ probis, flagitiis, luxuriæ paterent: cumque nullus virtuti locus relinqueretur, ubi viro forti metus, B inerti & desidi securitas proposita esset: quid esset cur homines mirarentur, in ea civitate quæ hoc uteretur instituto, religionem ac pietatem nullam coli, officium negligi, legum majestatem solvi, impunè vim afferri ingenuis, matres familiæ, nobilissimas fœminas constuprari, de innocentibus supplicium sumi, lenonibus, sicariis, aleatoribus turpissimarum voluptatum ministris, debita summæ virtuti præmia, honores, magistratus, sacerdotia, dignitates amplissimas deferri, omnia quæ libido imperaret, crudelitas, avaritia, nihil pro legum & judiciorum severitate agi? His adhortationibus victi adolescentium animi, atque adeò ut C digna res summa admiratione videatur, nondum ita aut constituta ætate, aut corroborata virtute, ut satis apti, ad rem tantam diutius dissimulandam haberentur: fide data atque accepta jurant, ubi primum liceret, patriam se à tyranni importuna dominatione liberaturos. Augebat eorum odium suis privatim illatae injuriæ gravissimæ & maximæ. Nam *Joannes Andreas* querebatur sacerdotio propinquum à Pontifice auctum, cujus uberrima vectigalia essent, nullius precibus, aut gratia assequi potuisse, ut secundum Pontificis decretum illi sacerdotii possessionem daret: *Oleatus* & *Viccomes* cum minus munitas domos ab ejus libidine habuissent, iniquissimo animo ferebant (ut sunt *Itali* minime omnium apti ad suorum flagitia dissimulanda) in nobilissimis familiis, tantam maculam & labem, vivo eo qui illam imposuisset, hære. Hac de re tanta cum illi remotissima in ædium parte ferre quotidie agerent, propterea quòd jam omnibus erat nota eorum familiaritas & consuetudo, nemo magnopere mirabatur: quavis de re illos potius quàm qua de agebant, hominibus suspicantibus eos consilia inire: quippe qui ab ætate, quæ facile falleret, non ab ingenio ducerent conjecturam. Tantam autem fuisse in his animi præsentiam, eum ardorem & studium ferunt ad patriam liberandam, ut quæ vulnus facilius pateret, quæ ferrum hæret altius, quod esset commodius gladii genus atque expeditius explorarent: non de loco & de tempore solum solliciti, sed de ictu, ne moram faceret, ubi minus celeriter hominem tolleretur. Namque & illud crebrò agebant, ut tectis vagina pugnionibus se mutuo peterent. Ubi enim ludicra exercitatione tantæ agendæ rei assuevissent, animos paratiores arbitrabantur se in facinore exequendo allaturos. Nam aut nullam aliam rem præterea, aut hanc unam maximè esse statuebant: in qua excogitanda consilium aggredienda vis & fortitudo animi, conficienda usus atque exercitatio requiri diuturna videretur. Quæ quidem cum aliis omnibus in rebus, atque adeò in his quæ sunt hujus generis, plurimum possint: in ea ætate, aut nulla aut perexigua certè & contemnenda videbantur. Hinc de loco simul & de tempore coeptum est agi. In arce cum aggredi quandoquidem milites qui in præsidio agebant, erant prius in sententiam perducendi, quam quidem rem multò omnium spe majorem, haud esset tentandam censebant, iis autem invitis, reditus ad fugam minus
Brutus. I 2 liber

liber patebat: haud satis tutum consilium expeditumque arbitrabantur. In venatione qua ille & confirmandæ valetudinis causa, & quod plurimum ea voluptate tenebatur, crebro uti consueverat: adversus insidias error videbatur præsidio futurus, cum nunquam eodem loco confisteret, & venantium more huc atque illuc, quæ ferarum vestigia ducerent vagaretur. Quanquam ne satis liberè peti & audacter posset, hinc amici interiores, de quorum in se fide, & voluntate minimè dubitabat: hinc fortissimorum militum manus, qui ejus latera tegebant, objecta prohibebat. Nam (quod caput erat) nullam tum multitudinem futuram apparebat, quam per tumultum tyranno interfecto, spes esset suos liberatores adversus vim, si qua inferretur, defensuram. Cum per urbem incederet, casus ubi subsisteret incertus, cum liberabat à minime dubia & destinata vi, & conjuratos eodem quo in venatione errore implicabat. Reliquum erat, ut illum in conviviis adorirentur: quoniam autem magnopere ea in re familiaribus indulgebat, facilem se eum ac paratum insidiantibus objecturum sperabant. Id quò minus ex sententia succederet, obsistebat hominum metus, qui ut maximè adolescentium consilium probarent, non erant passuri, ut intra domesticos parietes Princeps interfectus initæ cum his conspirationis indicium esset: cum quidem conscientia facinoris, quantumvis levissima conjectura æquè fraudi videretur futura. Nam & illud erat verisimile, apud familiares & studiosos sui homines illum convivia inire, quorum dubiæ fidei haud satis tutum existimabant, rem tantam committi. Ita quando alia omnia consilia minus expedita videbantur, constituerunt illum in pompa & populi celebritate adoriri: cum enim præter alia multa quæ indigna, & non ferenda quotidie patiebatur, oppressa civitas tributis gravissimis jam diu tot malorum vindicem quæreret, omnino futurum credebant, ut ad tegendos eos, qui communis salutis & libertatis autores, tyrannum tanto suo periculo sustulissent, ingenti studio consensuque accederet. Illud præterea convenit: si quis ex conjuratis, aut multitudine à rei atrocitate aversa, aut in omnium trepidatione & tumultu territa, in vincula duceretur: tum cæteri sibi ferro via patefacta, eum quando à morte minus liceret, vindicare à carnifice & tortore conarentur. Neque enim dubitabant quin homines crudelissimi, quos diu innocentium sanguine *Galeatius* saginasset, per omnia tormenta excruciatum ad supplicium raperent. Susceperat *Galeatius*, quo tempore ea *Mediolani* agebantur, bellum adversus *Salassios* & *Taurinos* cæterasque *Subalpinas* gentes: causa autem ea belli ferebatur, quod *Philiberti Allobrogum* Principis *Isabella* mater, cujus autoritate imperium administrabatur, prodita à suis *Carolo Burgundioni*, & in *Sequanos* traducta erat. Qua ex re cum civitates tumultuarentur, atque à Principe deficerent, *Galeatius* ad suam existimationem pertinere existimabat, ut eas armis coactas cogeret *Philiberti* imperio parere. Nam quò id studiosius ageret, non eum solum nova cum *Philiberto* conjunctio instituta cum illi filiam puero adhuc despondisset: sed cura etiam suarum rerum permovebat. Erat enim miminè dubium, quin *Carolus*, ut cætera etiam abessent, viribus Regni opulentissimi subnixus, ubi tot civitates suo imperio adjunxisset, quæ & agrorum ubertate & frequentia populorum essent cum nobilissimis *Italiae* æquandæ, non jam aditum sibi ad *Insubrum* imperium, atque totius *Italiae* adeò patefaceret. Nam ut erat hominis ambitio non ferenda, inani ostentatione verborum crebrò illud jactare dicebatur, *Mediomatricibus* atque *Helvetiis* qui medii intercederent, bello subactis, unum se futurum Principem, qui ab *Oceano Britannico* ad Superum atque Inferum mare

A productis imperii finibus, Christianam Rempublicam ab immani *Turcarum* tyrannide, exercitibus in *Græciam* & *Macedoniam* transportatis, vindicaret. At *Galeatius* cum civitatum aliquot, partim vi partim deditone recepisset: milite quòd hyems suberat, dimisso in hyberna, celebraturus Christi natalem diem, qui vitæ illi erat supremus futurus, *Mediolanum* rediit, XII. Cal. Januar. qui *Xysti* Pontificatus quintus annus fuit. Conjurati interea qui satis scirent illum vetere instituto, ad *Stephani*, ubi rei divinæ operam daret, postridie mane iturum, opportunam adesse occasionem ad rem agendam arbitrati: intento illum ad omnia alia animo aggredi constituerunt: vana spe inflati, quæ sæpe multos fefellit, ubi minus firmo consilio & certa ratione niteretur, multitudinem rem gerentibus haud defuturam. Atque adeò ubi is dies advenit, cum sibi esse comparandum præsidium adversus vim omnem statuissent (id quod videbatur necessariò futurum ubi frustrati sua spe à multitudine destituerentur) familiares armandos & clientes curaverunt: ad avertendos ab omni suspicione animos consultò dissipata fama, se eo die *Joanni Andree* affuturos, qui armatorum præsidio inimicis opposito, iis invitis aquæductus quosdam aperire, qui ab his obstruebantur, & derivare in suos agros decrevisset. Cum igitur illos armatos se ad templi fores opperiri jussissent, quo se esse venturos per causam salutandi Principis dixerant: ex amicis alios præterea eodem adducendos, quò firmior manus ad subitos casus esset, censuerunt. Ubi autem se eadem causa implicatos animadverterent futurum sperabant veluti in subita re, nulla alia objecta consilii ratione, qua deprecari imminens periculum liceret, ut se armis fortiter tuerentur. His rebus ad hunc modum administratis, deinceps quæ post tyranni cædem agi placeret, constituunt. Erat enim eorum consilium, continuò uti stipati armatis & multitudine frequenti essent, in certas urbis partes excurrere, ubi (ut credebant) certa ostentabatur spes plebem ad seditionem & ad arma excitandi. Hinc validiore jam contracta manu, arcem deimproviso, perterritis omnibus cæde tyranni occupare, atque inde excedere jussa cum liberis ac cæteris aulæ principibus *Galeatii* uxore: populum ob annonæ caritatem iis infensum, ad eorum simul diripiendam domum & ad libertatem capeffendam evocare. Id autem eò magis sperabant futurum, quò omnibus vehementius persuasum erat, non solum illis autoribus ad plebem lacerandam, sed ad omnia flagitia & scelera administris & transactoribus *Galeatium* usum. In iis qui majore flamma invidiæ flagrabant, *Franciscus Simoneta Calaber*, *Joannes Bottus*, & *Franciscus Lucanus* habebantur: qui cum se in Principis interiorum amicitiam malis artibus insinuassent, facile autoritate & gratia, nobilissimos homines dejecerant, qui maximè virtutis & probitatis opinione excelebant. Cum his ita comparatis constitutisque rebus sibi cætera facillima fore pollicerentur: benè mane ad Divi *Stephani* conveniunt, eo consilio, ut cum rei divinæ interfuissent *Galeatii* adventum opperirentur. Multa quidem dicuntur illius cædem portendisse, quorum illa maximè illustria feruntur. Cum ab exercitu rediens *Abiate* constitisset: audivit majorem ejus cubiculi partem, quo ad interiora corporis ministeria utebatur, igni subito correptam conflagrasse. Quod quidem quò magis etiam prodigii loco haberetur, eodem tempore visa crinita stella, efficiebat: inveterata jam, memoria veterum, opinione hominibus, nunquam illam conspici, quin aut magnorum Principum cædem, aut Regnorum conversionem, aut majorem aliam cladem portenderet. Certè (ut erat semel captus superstitione animus) nihil propius dicitur fecisse, quam ut susce-

sceptum consilium redeundi, *Mediolanum* abjiceret. Quò tamen cum occulta fati vi, nondum planè sollicitudine animi discussa duceretur: ferunt super equitantis caput, ternos corvos diri ac tetri ominis avem, extitisse: qui tanquam ferale carmen canentes, leni quidem ac placido volatu eum comitari, atque iter eodem intendere viderentur. Enimvero illud vehementius dicitur hominem perterrituisse, cum jussisset eos clamore sublato, ac crebris lapidum ictibus pelli, priore ictu nequicquam petitos, vix altero abigi, iterum repetito clamore potuisse. Jam cum præclaros cantus artifices conductos è *Gallia* uberrimis stipendiis haberet: novo more atque instituto jussit illos indui atro vestitu, cum adjecisset in mandatis, ut ubicunque sacra fierent, carmen perpetuò canerent quod expiandorum manium causa faciendis sacris usurpatur. Ad hæc omnia illa dicuntur accidisse, quæ omni ratione etiam & consilio contrà enitentibus, vim fati inexorabilem esse ostenderent. Cum prima luce experrectus è lecto surrexisset, indutus thoracem quo uti eo die constituerat, utrum offensus quòd minus aptè caderet, an (id quod alii tradunt) quòd elegantiae & mollitiæ studiosus nollet pinguior videri, eundem subito exiit: tanquam hoc illi esse curæ videretur, ut se inermem quòd esset magis ad injuriam expositus, traderet armatis. Jam illud haud minus evidens: cum eo die exire gravaretur, ac jussisset sacerdotem acciri qui illi erat à sacris, quo rem divinam in arce procurantè, de more interesset, non esse inventum: cum iis arbitratus Principem, secutum veterum morem, ad *Stephani* iturum, eò cum omni rei divinæ apparatu esset profectus. Hinc accitum *Novocomensium* Pontificem, ac sacra facere jussum, eum necessitatis excusatione usum, minus sibi licere respondisse. Ita eodem fato rapiente invitum & tergiversantem ad interitum, cum parvos liberos complexus sæpè & deosculatus esset, medium inter duos legatos *Ferrariensis* & *Mantuan* Principis, ad *Stephani* ædèm venisse. Conjurati interea, quò se magis ab omni suspitione abesse demonstrarent, anni tempore durissimo, frigore maximè sæviente, in æditui cubiculum coierant, ut igni adhibito, corpus curarent. Interea rumor perfertur *Galeatium* adventare, turba familiarum (ut sit) qui illius adventum prænuntiarent, per viarum compendia præcurrente. Ergo tres adolescentes confirmatis animis, cum illos clientium atque amicorum turba circumstarent, pugionibus intra vestem abditis, fores obsederunt. Quorum *Joannes Andreas* princeps inferentem se *Galeatium* cum ille è loco superiore immineret, in jugulo & sub alvum faucium reliquit: *Hieronymus* eodem tempore & in jugulo pariter & in pectore: *Carolus* qui propius fores à sinistra constiterat, cum ille properasset gradum inferre humerum & tergum momento transfixit. His vulneribus confecto atque adeò, ut prius in terram prolapsus concideret quàm aut eò accurrere aut stringere ferrum in armatos posset: vix unicum verbum licuit efferre, serò divinam opem viso implorare, quam vivus semper superbissimè contempserat. Interea cum in multitudine quæ magis rei atrocitate objecta subito perterritis & perturbatis, quàm causa quæ non æque apparebat, etiamsi optima esset, moveretur, neminem esse conjurati animadvertent qui liberam vocem mittere auderet: ubi districtis omnium in se gladiis, se ab iis desertos proditòsque senserunt, in quorum virtute & fide plurimum sibi præsidii constituerant, viam quæ nulla erat reliqua, quarere ad effugium coeperunt. Atque cum ægrè in conferta virorum & mulierum turba, evadere circumventis multorum armis liceret: *Joannem Andream* implicitum vestium laciniis, quas laxes atque amplas nobiles fœminæ humi trahunt,

A ac nequicquam se inde proripere & moliri pedes conantem, unus ex *Galeatii* pedisequis *Maurus* genere affecutus interfecit: jam *Carolo* cum circumventus subito esset, multis vulneribus à militibus confosso. At *Oleatus* cum sibi ferro via patefacta incolumis è templo evasisset ad paternas aedes confugit: unde à patre ne esse particeps consilii videretur excluditur. Eum ille totius rei gestæ conscripto libello, immanissimum patrem & crudelissimum appellat. Cum à patre destitutus circumspectaret atque hæsitaret animo: à matre, ut est mollis sexus, & naturæ quodam instituto magis in liberos indulgens, cum ob oculos versantem filii calamitatem minus sustinere animo posset, sacerdoti familiæ clienti commendatus, atque ab eo quòd tutor esset, mutata veste domum perductus, in præsentia servatur. Ibi cum biduum delituisset, ac sublato è civitate tyranno, non desperaret (ut facile semper hominum studia spes magis dubia quàm certa ratio sequitur, populum per interregni occasionem excitari, quòd esse reliquum videbatur, audacia sibi utendum ac fuga salutem petendam meliore consilio quàm tempore statuit. Jam enim magna proposita præmia erant, qui illum vivum magistratui tradidisset: ut minimè se tutò fore in ea civitate arbitraretur, in qua vindici libertatis supplicium, constituta præmia tyrannidis autoribus non impunitatem modò, audiret. At cum parum præsidii reliquum in fuga esset, itineribus undique obsessis armatis: comprehensus atque rem, ut erat gesta, explicare ordine coactus, supplicii genere teterrimo afficitur: cum vivus laniatus atque in quatuor partes dissectus esset, non minore in tanto cruciatu perferendo constantia, quàm in tyranno interficiendo fiducia animi & audacia, adolescens minimè ea calamitate dignus, si mens potius & consilium, quàm multitudinis judicium, malè semper de rebus magnis sentientis, spectandum est. Nam carnifice illi ad tantum supplicium gladio imminente: ita ex magno horrore collecto animo, dixisse fertur. Mors acerba, fama perpetua, stabit vetus memoria facti. Hunc exitum habuit trium adolescentium fortissimorum, in *Galeatium* *Sfortiam* conjuratio. Sive autem eum his *Pausaniam* libeat conferri, qui *Philippum* medium inter generum & *Alerandrum* filium interfecit: sive *Hermolaum* puerum nobilem & summæ virtutis atque indolis, qui in *Alexandrum* omnium gentium victorem conjuravit: ita statuendum videtur, neminem illis ex veteribus præstantia & magnitudine animi esse præferendum. Erit autem hoc exemplum omnibus in posterum memorabile, neque flagitium & scelus ubi præsentis animi sint & sibi benè conscii, satis tutum in summa etiam potestate esse: neque plus anictorum atque audaciæ quàm prudentiæ & consilii in iis esse oportere qui in Principe & magno homine scelus vindicare & flagitium aggrediantur. Nam illud longo jam usu observatum est, cum multisæpe post hominum memoriam, virtutis summæ & constantiæ homines in Tyrannos & magnos Reges conspirarint: per paucos ferè semper lætiores eventum sortitos esse: ut jam minimè mirandum sit, adolescentibus imperitis rerum, quorum spes omnis in multitudinis consensione collocata esset, rem minus ex sententia successisse. Inerat in his æquè, & in consilio fuscipiendo vis, & in dissimulando constantia ætate major & fides: in conficienda quidem re major animus, quàm consilium & vires: quippe cum neque prudentia in ea ætate nisi admodum exigua, & vires in multitudine, quæ diu assueta unius imperio vim & audaciam amisisset, æquè infirmæ dubiæquæ essent. Nam illa semper fluctuanti similis, cum nulla re alia magis quàm à se ipsa dissidendo stabilis sit: in eo facile sibi constat, ut quæ non adsint velit, præsentia eadem

improbet atque aspernetur. Memorabilem annum Galeatii cæde: *Caroli Burgundionis* interitus, multo etiam magis reddidit insignem. Is cum anno superiore foedus pactus cum *Federico Cæsare Nussiam* obsidione solvisset: victus ad *Granscm* oppidum ab *Helvetiis* & castris exutus partem antea gloriam magnis gerendis rebus amisit. Dicitur *Carolus* tum primum Regiam supellectilem in castra aveli imperasse, quæ esset indicio pertinacis animi, si diuturno bello procul domo manendum, atque agendum in castris esset. Ea verò multorum annorum spatio collecta, quibus domus fortunatissima & beatissima floruit, victoriæ insignis monumentum *Helvetiis* & domesticæ virtutis & frugalitatis documentum illustre fuisse fertur. Nam argenteos lances & pocula ex solido auro tum gemmarum magnam vim, tanquam è vili materia essent, & quæ eorum speciem referrent, quorum usum ipsi ignorarent, venalia in vicinis oppidis exiguo pretio habuisse dicuntur. Magnis postea *Italiæ* cladibus, Regum & Pontificum ambitio *Helvetiorum* virtutem claram magis celebrémque reddidit, quæ per multa secula fuerat nostris hominibus obscura. At *Carolus* cum iterum ad *Moratum Bernensium* oppidum memorabili prælio victus octo millibus amplius è suis amisisset: rursus ad *Nanscm* congressus cum *Renato Lotharingie* Duce, cui *Helvetii* auxilio venerant: multo etiam insigniorem hosti victoriam sua cæde fecit. Hujus *Maria* filia unica tot Regnorum hæres relicta, postea *Maximiliano* Cæsari nupsit: cum interim *Ludovicus Gallie* Rex quæ angustiis temporum coactus *Carolo* concesserat, tum in *Belgis*, tum in *Sequanis* nemine contra ferente arma recuperasset. Iisdem ferè temporibus mortuo *Henrico Hispaniæ* Regi, *Ferdinandus Joannis* filius successit, qui *Aragonensium* Regnum obtinebat. Is est *Ferdinandus*, qui postea devictis *Mauris* ac magna gloria *Betica* ejectis, *Catholici* claræ atque illustri ad posteritatem cognomine nobilitatus est. Idem omnia ferè *Hispaniæ* Regna *Elisabethe Henrici* sororis nuptiis adeptus, cujus maximè virtute & consilio, de barbaris victoriam retulerat, *Neapolitano* Regno potitus, inter ejus ætatis Reges Maximus potentissimusque habetur. In *Pannonia* ad *Savum* amnem *Matthias Huniades*, insigni de *Turcis* victoria relata, atque eorum castello munitissimo expugnato, *Austriam* & *Stiriam* vastat, ac *Pannoniæ* Regnum invadit. *Italia* interim Principum gravissimis contentionibus & discordiis, quarum nullum adhuc finem videmus, perniciosissimi belli incendio excitato, propediem conflagratura videbatur: hinc *Xyso* & *Ferdinando* illinc *Venetis*, *Florentinis* ac *Joannis Galeatii* tutoribus qui patri interfecto *Mediolani* successerat, cum paribus viribus subnixi essent, adversas partes tuentibus. Ac quanquam jam aliæ simultatis causæ, quas jam antea commemoravimus, omnem spem reliquam futuræ pacis & concordiæ sustulissent: aliæ quoque accedebant minimè contemnendæ factæ indices Principum odio graviores, cum eas casus temerè objecisset. Erat fortè per eos dies mortuus *Philippus Medices Pisanorum* Pontifex, quo quidem sacerdotio in primis *Hetruriæ* opulento, *Franciscum Salviatum* ornavit, quem esse *Laurentio* inimicum maximè intelligebat, illius decreto *Florentinis* reclamantibus, quibus hisce in rebus superiores Pontifices præcipuè indulgere consueverant. Hanc tantam Pontificis injuriam, quæ ut gravior aliquantò esse videretur, voluntas atque hominum studia efficiebant: *Florentini* vehementius quam res ipsa, aut Reipublicæ tempora postulabant, tulisse dicuntur. Itaque ne minus constantes in suo jure tuendo viderentur, ejus sacerdotii possessionem, quod in vectigali agro Reipublicæ esset, *Francisco* se daturos ex *Xyfi* decreto negabant. Rem enim

A esse iniquam contendebant, & minimè dignam Pontifice Maximo, quo sacerdotio benè de Republica meriti cives honestari augerique consuevisent, homini demandari, qui ut cætera non improbarentur, minimè ex suorum civium sententia videretur Pontificatum administraturus: quod scilicet existeret qui ad privatas simultates ex opimi sacerdotii vectigalibus vires & fiduciam sumeret, ac civiles in Republica dissensiones foveret. Jam cum *Romæ* perampla negotia *Laurentius* haberet, ac qui secundum *Medices*, divitiis maximè in civitate florebat, ex *Patorum* familia magnæ dignitatis homines, & cum primis civitatis honesti: in his quoniam parum *Laurentii* studiosi habebantur, minimè obscura Pontificis studia, aut dissimulata conspiciebantur: in *Laurentium* grave odium atque inextinguibile exercebatur: quod ut penè illi exitium afferret, alia (tanquam consulto) super alia cumulasse casus videbatur. Ex *Patiis* longè princeps autoritate *Jacobus* habebatur, quem civitas virtutis ergo equestri dignitate honestaverat, qui honos semper in liberis populis permagnus benè de Republica meritis civibus habitus est. Hujus erat unica filia quam ex pellice susceperat: fratris filii quos ille liberorum loco habebat *Gulielmus*, *Joannes Andreas*, *Franciscus*, *Nicolaus Galeotus* atque horum *Renatus* patruelis. Felix quidem videri poterat, cum ad domesticas opes, propagare familiæ gloriam, fratris adeo clara prole in multos annos licuisset: si aut præsentia magis fruenda æquitate animi & moderatione, quam ipse & cupiditate ea tentanda quæ majora quidem privati civis captu essent, aut non tam aliorum ambitioni, quam suo sibi ingenio obtemperandum censuisset. Jam pridem *Cosmus Medices Gulielmo* qui fratrum maximus natus erat *Blancam* sororem *Laurentii* in matrimonium collocarat, familiæ nobilitate & divitiis adductus, quæ jam illis temporibus haud erant contemnendæ, ut hoc esse optimum existimaret. Fuit *Cosmi* consilium in primis laudandum: à rectissimo certè animo profectum videri potuit. Nisi autem res eventu magis quam causa æstimandæ & voluntate hominum probandæ potius quam consilio & ratione sunt: videbatur maximè salutare (ut tum erant tempora) patriæ futurum: ut brevi postea apparuit, gravissimarum in Republica calamitatum & malorum initium fuit. Ita autem ille statuerat, cum duæ potentes familiæ junctæ affinitate tanquam foedere essent: ex mutua consensione, cum maxima incrementa illis privatim, tum quicquid virum per eam occasionem quæsisset, Reipublicæ quam *Medices* moderabantur, accessurum. Varia erat *Laurentii* sententia in dispari conditione temporum & statu. Ita enim induxerat animum, non inutile hoc solum, sed perniciosum etiam Reipublicæ ac si qua unquam simultas intercederet, suis quidem maximè periculosum fore, quorum illi potentiæ objecti viderentur. Hoc enim naturam hominum ferre, ut dissidentes in pari potestate vehementius amulatio afficeret: quam cum esset suscepta contentio cum inferioribus ordine. Nam, quicquid illud sit quod utrisque concedatur: qui dignitate pares habeantur, propterea quod visi sint præstitisse, id videntur nolentibus atque invitis ademisse: quod magna nominis jactura victis accidit: imbecilliores per beneficium & gratiam id abstulisse à volentibus putantur: quod magnam in his moderationis laudem habet. Atqui cum ita *Laurentius* censeret, utcunque privatorum civium potentiam autoritate publica augeri pateretur, haud dubiè sibi esse de principatu dimicandum: quantum efficere studio, quantum consequi gratia poterat, ne quando *Patii*, ubi ampliores in civitate honores magistratusque gererent, ad majora aspirare auderent, iis tum in aliis obsistebat, tum maximè in honorum peti-

tione adversabatur. Ex hoc *Laurentii* consilio: fiebat, ut quod minimè erat obscurum: grave odium adversarios in quibus injuriæ memoria hærebat, minimè æqua sollicitudo eum, qui autor injuriæ habebatur, urgeret. Itaque cùm essent adeo adversa studia: non pariter intenti animi & ad vindicandam injuriam, & ad pellendam vim erant. Nam *Laurentius* quoniam ad domesticam potentiam autoritas publica accedebat: soluto animo erat, & planè vacuo metu: inimici, qui nisi consilio niterentur, haud satis præsidii in privatis opibus haberent: ne illi quantum sibi sponderet animo, in publica autoritate virium esset, sibi agenda omnia molicendaque arbitrabantur. Ex hac contentione animorum fiebat, ut magistratus qui ex *Laurentii* voluntate Rempublicam administrabant, cùm ita ille inimicis injuriam facere perseveraret, ut neque id illi facile negligere neque oblivisci ulla ratione possent, *Patrium* nulla in re rationem habebant, & eorum consilia conatusque omnes quibuscunque in rebus poterant, retardabant. Ex ea familia *Franciscus Patius*, magna tum *Romæ* negotia gerebat: quem antea demonstravimus, pro *Hieronymo Riario*, *Galeatio* sponsores fuisse: cùm cæteri ex eo conventu locupletes homines, quò minus spondere auderent, *Laurentii* autoritate detererentur. Erat juvenis cùm summa ambitio, atque ingenium accerrimum, tum animus ad quodvis facinus aut mente concipiendum, aut exequendum audacia, ubi res poscere videretur, ut nullius magis, æquè aptus & idoneus. Is *Francisco Salviato Pisano* Pontifice, quoniam eum pari esse odio in *Laurentium* intelligebat, iis maximè de causis, quas superius commemoravimus, familiarissimè utebatur: cùm utrisque autem *Hieronymus Riarius* æquè *Laurentio* & *Florentinis* iratus consilia communia habebat. Erat eorum in dispari causa una atque eadem sententia, *Laurentium* & *Julianum* fratrem de medio tollendi. Quamdiu enim illi incolumes essent, neque *Patii* tutò *Florentiæ* agere atque ex majorum dignitate, neque *Salviato Pisis* Pontificatum inire, neque *Hieronymo*, etiamsi magnum illi in præsentia præsidium erat in Pontificis autoritate constitutum, partum per summam invidiam principatum retinere in *Flaminia* licebat. Verisimile enim videbatur non prius *Florentinos* quieturos, quàm ereptam inimico urbem opportunissimam ad imperii fines proferendos, Reipublicæ omni ratione & consilio adjudicarent. Ac quanquam (ut ferebatur) haud penitus erat *Xystus* ab eorum consiliis aversus: facile tamen patiebatur, quòd nimis ea conjuratio illi infamis & invidiosa esset futura, suas partes à *Riario* præstari. Is quo *Patius* & *Salviatus* confirmationes in suscepto consilio rem agerent, prolixè illis erat pollicitus, fore ut *Laurentio* sublato, Pontificis autoritas atque auxilia adeo, illis ad statum civitatis constituendum præsto essent. Non desunt tamen qui *Xystum* à tanti sceleris infamia vindicent, *Hieronymum*que affirmant, cùm ejus autoritate ad cæteros confirmandos abuteretur, ut hæc suspicio in Pontifice hæreret plus æquo illi in omnibus indulgentie effecisse. Quæ quidem dum *Romæ* geruntur: sive ejus rei rumor aliquis *Florentiam* manasset, sive quid aliud subesset causæ, quòd minus tradere necessarium visum sit, à summo magistratu fit repente decretum, quo *Franciscus Patius* adeste intra certam diem *Florentiæ* juberetur: maxima ejus familiæ offensione, qui factum hoc in suorum contumeliam novo more atque instituto querebantur. Neque enim nisi gravissimæ causæ urgerent, & cùm de summa Republica magistratus referret edicto compellari Principes cives, præcipuè qui abessent, consueverant. At *Patii*, decreti iniquitate offensi, gravem factam familiæ injuriam, non invidiosa minus *Laurentio* quàm ve-

A ra oratione augebant. Eò enim ventum esse patientia civium, ut non jam illi dominum sibi esse ferendum, quod mitius malum tempore coacti jam diu pertulerint: sed dominationem atque eam quidem importunissimam & minimè tolerandam intelligerent. *Joannem Medicem* regnasse privatum civem in libera civitate, magna eorum infamia per quos illi crescere eousque licuerit: sed ita ut libertatis vestigia aliqua essent reliqua: *Cosmum* filium item exercuisse Regnum, sed in adversarios, in inimicos infestissimos, in eos qui adductum antea in capitis discrimen, & carceris indignitatem & calamitatem exilii subire coëgissent. Sævisse *Petrum* in sui oppressores viros quidem optimos, sed inimicos tamen: ab amicis, affinibus, cognatis abstinuisse. Tempore ali impunitatem, & in eos qui semel patientia obdurerint, nova atque intoleranda imperia, injurias omnes atque acerbitates excogitari. Ita *Petri Medicis* liberos non jam quid possint: modò sentire: sed etiam ut quid possint alii intelligant, laborare: ac quò illos non jus, non æquitas, non pudor, sed libido, ambitio, crudelitas impellat, contumeliosè ac superbè in omnes, non ordinis, non conjunctionis, non affinitatis ulla habita ratione, edicere, decernere, statuere. Eadem animi impotentia, publicam pecuniam qua majores ditati, honestis tamen in speciem nominibus cupiditatem obtexerint, expositam palàm quæstui habere: ea fidem, existimationem, familiæ dignitatem sustinere: cùm ob unam regnandi cupiditatem vastam atque immanem, domesticas copias egentibus hominibus, sibi beneficio obstringendis, effuderint: quorum scelere atque audacia, licentius in dies & majore cum contemptione, in suorum capita insultent. Hinc decretum iniquissimum in *Franciscum Patium* comparatum, implicatum hominem negotiis gravissimis, quò *Roma* totius familiæ magno incommodo, ad dicendam causam evocatus, apud æquissimos judices *Medicum* clientes atque affectatores, venalis fidei homines, qui Reipublicæ summum magistratum gerant, dimicare de capite cogatur: id scilicet eo consilio, ut per unius calamitatem fide *Patii* concidente iis in celeberrimo totius *Italiæ* conventu, nomen, existimatio, lux, spiritus quem coelo ducant, indignissimè eripiat. At quanquam hæc ita jactabant (quod iis facillimum erat quibus dolor injuriæ vim ad dicendum, atque orationis aculeos suggererat) neque in multitudine quicquam præsidii inveniebant, quæ erat unius imperio addicta: & inimicum per se potentem ad faciendam injuriam maledicendo paratiorem reddebant. Cùm ita animi essent affecti, ut quantumvis minima accessio ad maturandam *Laurentio* perniciem satis momenti videretur habitura: quò rem celerius aggredierentur, graviores causas, & quibus novæ offensiones exorirentur, sive fortuna, sive casus invexit. Nupsit fortè per eos dies *Joanni Patio Joannis Borromei* hominis ditissimi unica filia: ad quam mortuo patre, cum nullos præterea liberos superstites reliquisset, nulla (ut ferebatur) controversia, bona patris hæreditate omnia perveniebant. Cùm is discessisset, ac *Joannes Patius* foceri hæreditatem uxoris nomine aditurum se nullo negotio putaret: *Carolus Borromæus Joannis* mortui propinquus, cùm eorum bonorum partem, ad se pertinere contenderet, invasit. Qua de injuria adeo gravi, cùm *Patius* cum *Carolo* exposulasset: ubi nihilo sibi æquiores futurum animadvertit, inficiantem ac pertinacia summa suum jus persequentem, in judicium vocavit. Cognita causa judices magna quidem sua ac gravi infamia decretum hujusmodi fecerunt, ut filia nullo jure atque æquitate bonis patriis everfa, hæreditatem illam omnem *Carolo* adjudicarent. Quod quidem tantum acceptum incommodum, cum

cum gravius atque acerbius contumelia fieret: *Patii* ab uno *Laurentio* agnoscebant: quem non ignorabant, enixè *Borromæi* causam gratia atque autoritate sua juvisse. Certè præter alios permultos qui concordiae atque otii studiosi habebantur, *Julianum* fratrem, ajunt, in eo *Laurentii* moderationem & gravitatem desiderasse. Nam & illud eum addidisse ferunt, cum quidem de ea re, cum eo exposculetur: vereri se nisi inimicitias exercendis, statuentum sibi aliquando modum aliquem putaret: ut hi quos minimè illius causa & suorum vellet, illi præfinire vi & armis conarentur. Illud enim neminem ignorare, facilius qui paucis contentus esset, quæ plurima & maxima haberentur, quam qui omnium cupiditate teneretur, quæ minima essent, in libera præsertim civitate adepturum: neutrum horum populo invito consequi ulla largitione ququam & studio posse. Itaque cum ad cæteras offensiones sibi pergeret inimicos infestiores reddere, novis quotidie injuriis cumulandis: illud agere, quod omen Deum immortalem à suis avertere, quam se iis fœdè ominari mallet, ut odium sibi atque invidiam apud multos compararet, quæ vix insigni clade familiæ posset expiari. Namque perficere illum ea pertinacia animi, ut faciliora omnia inimicis, si quid adversus illum novi consilii inirent expeditioraque redderet: quæ res plurimum ab illius prudentia esse aliena videretur. Semper porrò illud esse longo rerum usu in omni offensione animadversum: ubi quis injuria lædatur, superiorem eum inimico ulciscendo, haberi: studiis hominum inclinantibus in eam partem, quæ quod sit imbecillior & magis exposita ad injuriam, videatur id illi maleficio fuisse. Erat in *Laurentio*, id quod in magnis ingeniis quasi insitum à natura videmus, & fiducia sui ingens & ambitio par, inimica res utraque sanis consiliis: ut cum præterea tanta fortunæ adjumenta quasi additamenti loco accederent, æquum censeret omnia ab se uno peti: quod neque *Patii* videbantur, neque eorum similes alii facturi, cum ut quisque est majore ambitione, ita huic non partus honos magis, qui sæpè etiam patet indigno, quam qua ratione partum obtineat, sit curæ. Itaque neque fratrem audivit salutaria monentem, & omnibus in rebus, quod semel conducere suis rebus statuerat, quæ sita consultò occasione, potentia *Patorum* infestus quoad ejus fieri poterat, eorum elevare auctoritatem in Republica conabatur. Quæ cum ita se haberent, *Patii* quorum divitiæ & copiae ingentes, contineri diutius adedò angusta & depressa fortuna non facile posse viderentur: ad nova consilia (ut diximus) animum adjicere ceperunt. Ita fore arbitrati, ut & se in eam fortunam, quæ digna esset amplitudine familiæ vindicare, & *Laurentio* de statu dejecto, ulcisci tantas injurias ejus & contumelias possent. Inter eos *Franciscus Patius*, cum (ut dictum est) fiducia animi & audacia excelleret, cui vires maximas injuria recens & justum (ut rebatur) odium in *Laurentium* susceptum addebat, cæteris autor ut rem susciperent: celeritate utendum existimabat. Quemadmodum autem superius docuimus, jam ea de re *Romæ* cum *Francisco Salviato* & *Hieronymo Riario* erat colloquutus: quæ causa fuisse videtur, ut magistratus imperio *Florentiam* evocaretur. Quamquam verò erat una res quam conabatur, quæ non animi vim magis, quam consilii magnitudinem in agendo postulare: neque illius spe major neque viribus animi poterat videri, si æquè alii impigrè & naviter delatas sibi partes præstitissent. Re diligenter *Romæ* animadversa placuit *Franciscum Florentiam* ire: eumque operam dare, ut *Jacobum* patrum familiæ principem in sententiam perduceret. Magnæ dignitatis hominem plurimum auctoritatis & momenti, si cum cæteris societatem coi-

ret, allaturum existimabant. Cum *Riario* manere *Salvium Romæ* voluerunt: qui in omnem occasionem intentus ubi quem sperarent, eventum res haberet, Pontificem ad cætera exequenda, quæ is erat pollicitus, hortaretur. His rebus ita constitutis, *Franciscus* profectus *Florentiam* ac sua opinione magis *Jacobum* nactus aversum à novis consiliis, statim id *Romam Salvium* significandum curavit. Nulla autem ratione adduci posse hominem docebat, ut in sententiam accederet, nisi majore interposita auctoritate, fides fieret, Pontificem (quod *Riarius* spondebat) vindicantibus suis in libertatem non defuturum. Quæ ille re intellecta, de *Riarii* sententia *Joannem Baptistam Montescum* appellat, unum ex copiarum Ducibus qui Pontifici merebant. Propterea verò quod magni usus hominem & prudentiæ haberi, maximisque beneficiis *Hieronymo* devinctum sciebat (quod obstrictæ fidei esset vinculum futurum) fore arbitrabatur, ut fortem in eo fidelemque operam conjuratis navaret. Cum (re demonstrata) prudentem hominem & quem recens *Galeatii* exemplum admoneret, quam difficilis atque ardua res esset principem civem, ac nitentem populi gratia sine certa perniciæ adoriri: minus facilem probando consilio invenisset: *Salvius* difficultates omnes facile elevabat, cum quidem ostenderet (quod facillimum erat) quæ auxilia rem gerentibus tum à *Xysto* tum à *Ferdinando* essent affutura, quod civitatis odium in *Medices* esset, ita sopitum in præsentia, ut quamvis minima occasio magnum ex eo incendium excitare in illos posse videretur, quòtque & *Salviati* & *Patii* clientes haberent, qui communi consilio cum his rem susciperent, aliaque permultas opportunitates, quæ magno adjumento essent ad consilium expediendum futuræ. Nam *Laurentium* & *Julianum*, tanquam satis muniti auctoritate publica adversum omnem vim haberentur, omni sollicitudine ac metu vacuo animo, inermes ac nullis comitibus per urbem incedere: ut à quovis facile peti armis, & tolli possent. His sublati, cum nemo speraret præsentem rerum statu se diu posse in Republica aut dignitatem, aut fortunas retinere: in magno consensu civitatis suo arbitratu Rempublicam se unos administraturos. Hujus orationi ita *Joannes Baptista* assentiebatur, ut nihil tamen temerè esse facturum videretur. Nam ea longè diversa videbantur quæ *Salvius* afferebat, ab his quæ fama hominum de *Laurentio* ferebat. Audire se moderatum esse hominem, & qui non magis divitiarum copia, quæ cum nemini unquam perniciosæ, permultis salutare fuissent, haud invidiosæ esse possent, quam populi benevolentia, suorum civium charitate, nobilitatis studiis, omnium ordinum consensu, partum in Republica principatum tueretur. Nihil eum dici pro potestate imperii decernere, nihil quod gratiæ datum, nihil quod ambitiosè factum videri posset, omnia ex magistratum & legum auctoritate, ut nihil sibi integrum relinqueret, procurare, agere, moderari. Quod inermis incederet & solus, non id magis argumento esse quam obnoxius inimicis, sed quam tutus ab inimicorum injuriis ac septus undique & munitus amicorum benevolentia incederet: cum qui esset ab armis imparatus, multò validiore præsidio, quod in benè consentiente multitudine & populi studiis collocatum haberet, nitentem suam salutem demonstraret. Quæ res cum minimè dubia esset, parum ratione confirmatum consilium haud temerè probandum homini præsertim prudenti & rerum non imperito affirmabat. Cum ex *Joannis Baptistæ* oratione, magis illum diffidentia perficiundæ rei, quam voluntate & studio improbare consilium appareret: *Salvius* non desperabat, ubi faciliora certioraque illi afferrentur, sua sponte etiam in eam sententiam hominem de-

scen-

secensurum. Quando igitur tentatum illius animum non abhorreere penitus ab ea sententia constabat: satis in præsentia actum videri arbitratus, missum hominem facit: majore autoritate, tanquam machina adhibita ad tantum facinus suscipiendum impulsurus. Hæc dum illi ita intentè agunt: opportunè *Romam* fama perfertur *Carolus Manfredum Faventie* Regulum, correptum acri ac vehementi morbo in gravi discrimine vitæ versari. Quæ in re magnam opportunitatem ad rem gerendam obtulisse casus videbatur. Per causam enim in speciem honestam repetendi res, quæ *Riarii* ditionis à *Carolo* occupatæ dicebantur, *Montescium* in *Flaminiam* posse mitti censebant: minimè autem suspiciosum cuiquam fore videbatur, ubi per eam occasionem *Florentiæ* quæ illi erat iter faciendum substitisset: quo temporis spatio illi multa explorare, quæ ad rei summam pertinerent, multa agere & moliri impunè licebat. Jam verò *Riarius* auctoritate pervicerat, ut suam operam conjuratis, præter eorum omnino sententiam polliceretur. Atque ad *Laurentii* animum ab omni suspicione avertendum: jubebatur illum adire & de ea re tota consulere, veluti omnia ex illius sententia & per scripto agere constituisset. Præterea eundem, quod, maximè in præsentia urgebat, unà cum *Francisco Patio Jacobum* patrum convenire placebat: & quoniam inter eos qui Pontifici militabant, honestissimum ordinem ducere, & plurimum apud illum auctoritate valere ferebatur, Pontificis auctoritate abuti ad expugnandum confirmandumque illius animum hærentem & fluctuantem. Quod ut ille intentiore cura & studio ageret, antequam *Roma* decederet (quod tamen ab aliis traditum minimè pro certo affirmare visum est, cum rei foeditas me ne temerè assentiar magnopere moveat) *Xysii* gravi atque accurata oratione ad rem capefendam magno atque alacri animo ferunt. His rebus ita administratis, *Roma* profectus *Florentiam* venit, atque (ut iussus erat) *Laurentium* adiit: à quo cum esset comitate summa exceptus, de iis quæ à *Riario* in mandatis habebat, ita consultum audivit, ut neque prudentiorem illo quenquam, neque *Hieronymi* amantiorem in dando consilio, cum esse inimicum non dubitaret, ex illius oratione judicari posse affirmaret. Illud autem summa in eo admiratione dignum animadvertisse dicitur: cum nullis sibi visus esset simultatibus impediri, quò minus amicissimi hominis, & ab omni animi perturbatione remotissimi officium præstaret. Hæc *Laurentii* congressio quæ illius saluti insidiandi causa erat excogitata, ut suo loco apparebit, salutaris ei maximè fuisse fertur. Quæ quanquam ad eum modum administraverat: quando jam dubitare non poterat, quin Pontificis voluntati mos esset gerendus, reliqua cum *Francisco* agere atque per eum *Jacobum Patium* (ut convenerat) adire constituit. Cumque fortè eo tempore *Franciscus* abesset: nihilò sibi minus peragendum incæptum, atque cum *Jacobo* colloquendum censuit. Ita in remotissimam ædium partem ab illo abductus minus libero animo quidem, quem *Laurentii* comitas plurimum & facilitas delinierat, sed summa tamen cum fide de iis colloqui quæ conjuratis receperat se acturum, instituit. Ita injuriarum memoriam refricando, spem præsentem ulciscendi, Pontificis auxilia, *Ferdinandi*, tempus ad rem gerendam idoneum, opportunitatem explicando, quæ facilem exitum & secundum sponderent, iis qui non animum penitus metu victum cum spe omni abjecissent: usque eo illum persuasum reliquit, ut quamdiu is esset in *Flaminia* futurus, se spatium illud diceret, sumere ad deliberandum: ubi cum *Francisco* qui brevi diceretur *Luca* rediturus, diligentius ea de re egisset, tum verò quod sibi fa-

A ciendum esset se consideraturum confirmaret. Cum hoc ille responsum tulisset: convento rursus *Laurentio* quò semel errore falsum ab omni alia cogitatione abduceret, instituto itinere in *Flaminiam* proficiscitur. Hic cum dies aliquot faciendæ fidei causa consumpsisset, atque ut egisse aliquid videretur: *Florentiam* reversus omnia quæ à se acta confinxerat ordine *Laurentio* exposuit: assimilata jam consuetudinis & familiaritatis usu facile persuaso, ut ea ita esse existimaret: simul adhibito *Francisco Patio*, qui jam *Luca* redierat, rursus *Jacobum* aggreditur, tandemque multis in eandem sententiam dictis, quæ re non cunctari amplius sed suscipere audacter cum cæteris rem magnoque animo deberet: pervicit ut & consilium & operam quod factu difficilior judicabant, ad duos fratres interficiendos polliceretur. Non est consilium hoc loco recensere quæ *Angelus Politianus* eo libello complexus est, quem de *Patorum* conjuratione conscripsit. Nihil enim in eo dignum hominis constantia & gravitate, omnia quæ doloris sensus, atque animi mollitia à scribente videantur expressisse, & qui eos modò in quos scriberet, non qui scriberet intueretur. Unum apparet maledicendi studium quo maximè insultat in nobilem & claram familiam: ut jam non rei gestæ explicatio, sed declamatio verius, atque ea quidem puerilis, minimè eo certè homine digna videatur qui fama eruditionis atque eloquentiæ in primis suæ ætatis clarus excelluerit. Nobis quidem visum est in his *Valorium* & *Machiavellium* sequi autorem inter quos optimè de re tota ferè convenire animadvertimus. Cum res quam labare sensim sua sponte necesse erat nisi major autoritas accessisset, jam planè consistere ac certum ducem habere videretur, cujus magna dignitas atque existimatio habebatur: quod reliquum erat, rationem consiliumque iniri oportebat, quo duo fratres, qui rarò consueverant, quò diversis studiis tenebantur, unà esse, uno eodemque tempore tollerentur. Quod cum ita se haberet, ac per plures administratos transigenda res videretur: erat magnopere verendum, ne in aliis quidem constantia, fides in aliis, ubi mora interposita facultatem deliberandi daret in multis studium atque alacritas desideraretur. Itaque duo simul difficillima atque inter se maximè contraria præstari oportebat, celeritatem in agendo, ne locus levioribus ingeniis ad poenitendum relinqueretur: & maturitatem in tempore observando parem, ne properantibus inimicos perdere in certam perniciem ipsi adducerentur. Erat quidem *Jacobi* sententia, quoniam ægrè sperari posset, eo duos fratres convenire, quò & facilis accessus ad vim inferendam, & tutus receptus conjuratis esset, ut observatò tempore, etiam si eodem loco minus liceret, uterque tamen eodem momento interficeretur. Quoniam autem fama erat *Laurentium* propediem *Romam* profecturum, illum per certos homines id quod facile urbis magnitudo ac vastitas efficiebat, atque eodem tempore *Julianum* de medio tolli *Florentiæ* nullo negotio posse arbitrabatur: cætera sibi cum ita illos curasset interficiendos fore facillima spondebat. Hoc *Jacobi* consilium *Franciscus* non tam improbat, quàm difficilem habere exitum censebat, cum in re tanta properatò maximè esset opus. Verebatur præterea ne diutius *Laurentius* profectionem differret, minimè necessariam: quod si accideret, perincommode cadebat: cum nulla alia res magis quàm dilatio temporis & mora conjuratis infesta esset futura. Nam quòd censeret ægrè posse ambos eodem coire, hoc quidem nihil esse. Scire enim se unà sæpè inire convivia, & cum aequalibus ludere, & in templum convenire, quibus in locis omnibus illos opprimere facillimum esset. Atque quoniam, ut res ex sententia eveniret, per

magni interesse arbitrabatur, ut certiora auxilia, & in tempore adessent: censebat Pontifici copias in *Hetruriam* movendas: nomine ut ea oppida reciperet, quæ in *Caroli Bratii* filii ditione erant: id esse facile, quod nemo suspicari posset aliam subesse causam Pontifici ad bellum, quam ut pœnas ab eo homine expeteret, qui *Perusinis* foederatis, & *Senensibus* arma intulisset, qui in *Romanorum* Pontificum clientela essent. Re vera si quid tumultus *Florentiæ* per *Laurentii* & *Juliani* cædem excitaretur: frustrari conjuratos expectatione auxiliorum, & iis æquè periculosum & civitati ducebat: cujus salus & libertas in ejus rei casu consistere videretur. Cum hoc *Franciscus* sentiret, neutrum sequi in præsentia placuit: ea in re modò sententia probata, ut rursus *Montescicus* & *Patii* *Romam* profecti, rem cum *Hieronymo* (etsi res posceret) cum Pontifice communicarent, ac de eorum sententia, quod optimum esse consilium censerent, statuerent. Ita *Romæ* re diligentius considerata: placuit bellum *Carolo* indici Pontificis nomine, qui per eam causam (ut *Franciscus* existimabat) exercitum in *Hetruriam* induci juberet. Id quod celerius fieret, qui manus militum cogeret & rebus gerendis præessent *Franciscus Tolentinus* & *Laurentius Castellanus* delecti, qui magnum usum in re militari & singularem virtutis opinionem habebant. Iis autem negotium datur, ut in omnibus quæ administranda atque agenda essent, duobus *Franciscis Salviato* & *Patio* autoribus uterentur: tum ut ad eorum imperium atque ubicunque res postularet præstò armati adessent. Eos quidem, adhibito *Joanne Baptista* continuò redire *Florentiam* atque omni præcisa mora, rem aggredi placebat. His ad hunc modum administratis, *Florentiam* illi revertuntur, atque alios qui participes consiliorum essent, cum tutam multorum fidem spes brevi conficiendæ rei præstaret, asciscere constituunt: in re ardua & difficili, complurium esse opus auxilio arbitrati. Inter eos *Jacobus Pogii* filius fuit, docti hominis & cujus clarum nomen in eloquentiæ studiis suis temporibus extiterat. Quæ autem illum causa moverit, cur adversus *Laurentium* conjuraret, non traditur. Adolescens, cujus erat acerrimum ingenium, summa audacia, libertatis studium ingens, ejus vindicandæ gloriam sibi & laudem fumebat, ac tantæ audendæ rei idoneus habebatur. Præter hunc duo *Jacobi*, frater alter *Francisci*, alter propinquus *Salviati*, tum *Bernardus Bandinus* & *Neapoleo Francesius* audaces homines, & qui *Patii* maximis eorum beneficiis devincti, quamvis arduas sibi impositas partes minimè reculaturi videbantur. His accedebant, duo *Volaterrani Stephanus* & *Antonius*: quorum ille sacerdos & non ineruditus, apud *Jacobum Patium*, filiam aliquot jam annos Latinas literas docebat: atque hi quidem quibus de causis idonei *Laurentio* interficiendo visi sint, quoniam ab aliis proditum non est, haud libet temerè affirmare. Probabile est, quoniam *Laurentius* ejus sententiæ autor ferebatur, quæ Rempubliam adversus patriam armaverat, inde occasionem initi in illum consilii sumplisse. Nam *Stephanum* præter insitum odium in *Medices* ex patriæ everfione, aliæ privatim causæ movere potuerunt. Verisimile enim videtur quòd diu in eodem convictu cum *Jacobo* egisset, captum hominis consuetudine, satis sibi esse justam causam cum illo coeundi adversus illius adversarios censuisse. Ex *Patii*, unus *Renatus*, nulla neque patruī autoritate, neque fratris precibus sibi passus est persuaderi, ut cum his societatem coiret: id sive jam antea animo providisset, qualis esset rei exitus futurus: sive ut maximè lætum eventum haberet, execratus ea mala quæ inde secutura essent. Nullius ille culpæ in *Medices* conscius,

A nisi quis nimis illum pertinaciter fidem conjuratis præstitisse arguat, quos quidem arctissima sibi propinquitate conjunctos minimè prodere, popularem causam præsertim fuscipientes, debebat, de medio discessit. *Pisus* per ea tempora *Raphaël Riarius* adolescens juri Pontificio operam dabat, à propinquo Pontifice in Cardinalium collegium cooptratus. Hunc quidem & *Xysti* gratia & *Hieronymi* patruī florentem, ad confirmandos conjuratorum animos, placuit per causam visendæ urbis & relaxandi simul animi *Florentiam* deduci. Ea autem in re plurimum inesse opportunitatis videbatur. Nam civitate intenta ad illum excipiendum, & occultiora consilia conjuratorum erant futura, & in illius familia, cum ea perampla esset, ii facilius latere poterant, quorum uti opera ad *Laurentii* & *Juliani* cædem constituerant. Inde etiam datum iri facultatem non desperabant, ut illos aut Cardinali obviam euntes, aut deducentes domum, quod officii genus duo fratres maximè magnificentiae studiosi haud neglecturi videbantur, incautos adorirentur. Cum Cardinalis *Florentiam* venisset: diversatus est apud *Jacobum Patium* suburbana illius villa quam *Montugos* appellant. Quod cum commodè eveniret, certis è suis hominibus ad id adornatis, curaverunt à *Laurentio* Cardinalem ad cœnam in *Fesulanum* invitandum, haud illi tamen læto eventu. Sive enim id casu accidit, sive quid aliud causæ fuit, convivio eo die *Julianus* non interfuit. Ita cum ea illis occasio effluxisset, dandam sibi operam censuerunt, ut in urbe cum apud illos in convivio esset, rem agerent: vix existimantes posse fieri ulla ratione, ut tum *Julianus* etiam si illum adversa valetudo tentaret frequentiae atque assiduitatis causa non adesset. Ea re confirmata diem cædi dixerunt, qui erat xvi. Cal. Aprilis futurus studio & sedulitate affecti, ut *Laurentius* eo die Cardinalem ad prandium vocaret. Quanquam verò erat magna *Laurentii* prudentia: quoniam tamen nullius rei sibi conscius erat, quæ illius animum sollicitum haberet, & domestica potentia ac civitatis studiis tectus, minus sibi esse timendum ab ulla vi externa censebat, nihil minus suspicabatur futurum, quam ut per eam occasionem peteretur. Cum omnino conjuratis constitutum esset eo die illos in convivio aggredi: totam illam noctem quæ diem cædi destinatum antecessit: consultandis iis quæ agenda in re tanta videbantur, consumpserunt: ut quem *Laurentium*, quem *Julianum* adoriri, quem populum ad tumultum excitare, quemve alia exequi munia placeret singulis suis distributis partibus, designarent. At cum jam illuxisset, *Francisco Patio* renuntiatur (quod quidem erat facillimum, tota *Laurentii* domo exploratorum referta) *Julianum* eo die convivio non interfuturum. Cum non esse amplius cunctandum, sed quod fortuna, minus daret, ab animi robore & vi petendum conjurati arbitrarentur, eos dum ad Divæ Reparatae rei divinæ interessent, opprimere constituerunt. Quin autem per eam occasionem, opportunitas aliqua ad rem agendam daretur, non dubitabantur. Cum enim Cardinalis eò sacrorum causa esset venturus: verisimile videbatur duos fratres principes civitatis, quod quotidie facere consueverant, domo illum honoris causa deducturos. Partes *Laurentii* interficiendi *Joanni Baptista* attributas cum ille reculasset, sive comitate ac liberalitate hominis victus, facinus detestaretur, sive quæ alia causa illius animum ab illius cæde retardaret, duobus *Volaterranis Antonio* & *Stephano* dederunt: pessimo quidem consilio delata re, quæ præter animi confidentiam audaciamque singularem, & viros requireret & in cædibus illos multorum exercitatos, neque assuetis his rebus hominibus, neque ullo rerum usu confirmatis.

Nam

Nam cum ipsa deliberatio interficiendi hominis difficilis omnibus ferè est, qui non ab ingenio simul atque à vitæ instituto, animum afferant & audaciam ad agendum parem: tum eos petere, quos magna potentia domi & publica autoritas tueatur: eorum modò esse hominum videtur, quibus major voluptas in vindicanda injuria, quam mortis metus, etiam si illa sit obeunda, propòsita sit. *Franciscus Patius & Bandinus* partes sibi *Juliani* necandi sumpserunt, homines, cum magnum facinus aggredierentur, ut res postea docuit, audacia & confidentia animi majore. Atque ne qua mora in re tanta perturbatis, aut impedimentum afferretur ubi sacerdos, qui sacra faceret, imprudens signum quod inter eos convenerat edidisset, tum fieri cædis initium placuit. Quæ tanta objecta religio, cum illa quantumvis efferatum animum atque odio implacabilem, à tam audaci incœpto deterri æquum esset, ad confirmandam fiduciam animorum & vim per illius contemptiōnem, iis plurimum usui futura videbatur. Atqui dum cæteri his agendis rebus essent occupati duorum fratrum secuta cæde, *Franciscus Salviatus* cui esse auxilio *Jacobum Pogii* filium placebat, necessariorum manu quam haud contemnendam comparaverat, forum occupare & curiam: atque hinc oppressum magistratum, ubi minus suis faventem rebus comperisset, collegasque simul illius omnes interficere jubebatur. Cum hæc ita ordine administrata essent: stata hora in ædem conveniunt, quò jam erat Cardinalis à *Laurentio* deductus. Erat populi summa frequentia accedente ad causam religionis cupiditate visendi amplissimi adolescentis, & florentis maximè apud propinquum Pontificem autoritate & gratia. Ac quanquam jam erant sacra instituta *Julianus* tanquam unum esse fortunæ studium videretur illum à tanta clade imminenti vindicare, nondum venerat in templum. Itaque ne per illius absentiam sæpius conjurati frustrarentur, quæ jam bis illos fefellerat: *Franciscus Patius & Bandinus*, quibus (ut diximus) datum negotium erat eum opprimendi, domum rectà ad illum contendunt: quoniam uterque institutam cum eo familiaritatem & consuetudinem habebat, non diffidentes illum, die festo præsertim & quo pietatis officium de more esset persolvendum, deducturos. Quæ cum minus tamen procederent: multa affingendo quæ elicere possent animum juvenis ubi exiret inviti & tergiversantis: tandem pervicerunt, ut domo egressus atque iis comitatus ad ædem contenderet. Quanquam erat hominum audacia ingens, religionis summa contemptio, odium planè in-expiabile: illud tamen non potest non summæ admirationi esse: cum rei tantæ conscientia animos versaret, quam mox essent aggressuri: eum ipsum quem petere ferro, ac trucidare constituissent, adire, appellare, quæ videbantur juvenili licentia oblectandi causa dicere, multa ad voluptatem fingere, potuisse. Nam *Patius* (ut fertur) exploraturus an indutus thorace, quod aliquando consueverat, domo exisset: tanquam studio & amore provectus, dicitur illum aliquamdiu arctè complexum tenuisse: vix ut tandem fide facta, esse inermem, videretur missum facere posse. Tamen si minimè fratres *Medices* fugiebat, *Laurentium* in primis qui sibi conscius erat quam multas odii & alienationis illis causas dedisset, *Patorum* malè affectos animos in simulatione officii latere: minimè tamen suspicabantur, ita illos studio & cupiditate efferri, ut non civili more potius similitudines exercere, quam hostili odio ac sanguine inimicorum & vita expetenda arbitrarentur. Itaque semper facile erant passi, pro jure eos affinitatis & majorum necessitudine sua consuetudine & familiaritate uti: id quidem eo consilio, ut cum manare

A odii causam à domestica potentia, quæ iis erat invisæ, intelligerent: hoc tanquam lenocinio delinictos eorum animos sibi conciliare aliquando non desperarent. Quæ quidem opinio longè illos fefellerat. Nihil enim viro forti facilius est, cum vitam inhonoratam ducat, quam illam execrari animo, & pretium vindicandæ injuriæ statuere. Itaque nemo est ita abjectus, cujus non sit offensio vitanda: cum in eam quis incurrit: illum in magnis etiam imperiis & potestate summa, horrere infamis vitæ despicientem animum oportet: cum is illam morte speret à contumelia vindicare, quæ sit clara inimici exitio futura. Jam cum eò esset ventum, ut sacerdos qui rem divinam faciebat, esset signum editurus, quod erat conjuratis ad cædem constitutum: *Bernardus* qui opportunè *Juliano* propinquus constiterat, brevi gladio quem ad hunc usum faciendum curarat, illi pectus transfixit: cum in magna hominum turba primos urgentibus proximis, nemo qui opem imploranti auxilio esset, accurrere potuisset. Quo tanto accepto vulnere, moribundum atque in terram prolapsum *Patius* adortus, aliis vulneribus multis, ut non ille jam morte sed cruore exsaturari & sanguine inimici videretur, confectum reliquit. Atque eò dicitur iracundia & furore provectus, ut cum in jacentem ferro incumberet, ac sæpius novis infligendis vulneribus repeteret ictus, se ipse in crure, gravissimo affecerit vulnere. Est autor *Valerius* non à *Bandino* primum *Julianum*, sed à *Patio* vulneratum: ita autem ordinem rei gestæ exponit. Cum ad constitutum signum *Patius* propius *Julianum* accessisset, illum complexum sub alas explorandi causa anesset armatus, cum illud etiam adjecisset, egregiè esse cum illo actum qui in morbo pinguior esset effectus, sub mammam à læva parte pugione transfixisse: hinc eum cum accurrisset, *Bandinum*, unà multis confossum vulneribus confecisse. Eodem tempore quo *Patius & Bandinus* *Juliano* interficiendo intenti rem gerebant: duo *Volaterrani* longe quidem vario eventu, cum leviter *Laurentium* se acriter defendentem in jugulo sauciassent: hominès qui neque audacia neque animi præsentia pares *Bandino & Patio*, in virum (quod caput est) atque eum animo paratiorem *Juliano* incidissent: infecta re, in turbam se hominum & frequentiam multorum & formidine trepidationeque fluctuantem, recipere coguntur, unde cum nullum effugium pateret, comprehensi faciliè ac paulò post sunt supplicio affecti. *Laurentius* interea quanquam jam illos rejecerat, veritus tamen ne major manus conjuratorum esset, stipatus necessariorum & clientium turba se in sacrarium opportunè receperat. Namque *Bandinus* (tanta erat hominis confidentia & vis) damnata cunctatione & tarditate *Volaterranorum*, post *Juliani* cædem *Francisco Norio* interfecto, jam erat in *Laurentium* impetum facturus, sive adhuc veteris simultatis memoria manente, sive offensus quòd *Juliano* auxilio venisset: ut vix ille valvis aditi occlusis, satis se munitum ab illius subita vi existimavit. In magno tumultu cum perterritis hominibus, neque à quibus petendum sibi esset auxilium, neque adversus quos arma sumenda, neque quid sibi cavendum, magnopere constaret: Cardinalis ad aram confugit, quo in loco septus sacerdotum corona, cum aliquamdiu egisset: tandem postea tumultu sedato, per civitatis magistratum est domum deductus: ubi vix tectus religione sacrorum ac publica fide se continuit. Nam quoniam ad *Patios* diverterat qui illum in urbem perduxissent: erant qui illum quam adolescentem non esse expertem consiliorum, sed suam præsentiam conjuratis accommodasse, iis de causis quas superius commemoravimus, arbitrarentur. Facile autem erat id suspicari, facientibus

bus conjecturam ex Pontificis & *Hieronymi* similitudine, nemini quidem obscura: cum neuter illam dissimularet. Pontifex in primis fretus summa potestate imperii. Itaque appositis custodibus, qui quaecunque ageret attentè observarent, interea se continere domo erat iussus. In urbe tum fortè *Perusini* aliquot exules agebant, homines egentes atque audaciæ singularis. Pulsi autem per vim ab adversariis *Florentiam* confluxerant: quoniam studia partium vigere inter potentes cives non ignorabant, certa spe adducti quo domesticam egestatem tuerentur paratum sibi subsidium à privatorum liberalitate non defuturum. Horum per opportunam operam *Patii* arbitrati ad civitatis statum constituendum: cum aliarum maximarum rerum pollicitatione, tum spe certa in patriam reditus, ubi *Medices* sustulissent, in sententiam adduxerant: factiosos homines & multorum cædibus & sanguine contaminatos. Ita *Salviatus* ad cæteram hominum manum, quos partim è suis partim ex amicis & necessariis permultos coegerat, *Perusinis* exulibus adjunctis, in curiam venit: ac cæteris iussis subsistere ad fores, quò excitato tumultu, fugientibus aditus præcluderetur: scalas conscendit, exulum præsidio munitus. Hinc cum propè atrium venisset quo Vexillifer cum collegis prandeat (is est *Cæsar Petrutius*, quem in *Prati* defectione supplicio destinatum, fortuna magno adjumento futurum ad *Medicum* potentiam stabilendam, reservaverat) à janitore ut paucis loqui cum illo liceret, postulavit, quæ ut cognosceret permagni illius interesset. Facile potestate facta, cum in cubiculum interius intromissus dicere quæ vellet juberetur, comites in scribarum proximo atrio repente foribus introitus cum suo pondere agerentur, clausis, foris exclusi aditu manserunt. Erat enim ferra, ut plerasque videmus, eo artificio facta, ut quidem levi impulsu atque adeò sua sponte claudi, recludi eadem nisi clavi adhibita haud posset. At *Salviatus* seductum ab aliis *Petrutium* veluti aliquid à Pontifice haberet, quod illi ejus nomine exponi oporteret: ita alloqui instituit, ut hinc parum verba coherencia, hinc vultus & motus inconstantia, perturbatum metu atque horrore animum indicaret, nihil idem quo mente conceptum facinus occultaret, præ se ferret. Ita Vexillifer ex illius perturbatione, collecto animo, cum id quod erat, subesse insidias suspicaretur, sublato clamore ac familia excitata, è conspectu se repente foras proripuit. Hinc cum illi fortè occurrisset *Jacobus Pogij* filius vi manu arreptum lictoribus vincendum asservandumque tradidit: comitibus pariter ponere arma & se tradere summo magistratui iussis. At cæteri ad tumultum multitudinis clamore excitati, qui magistratui assistere consueverant, armis quaecunque ad manus erant, arreptis, *Salviatum* ac suos omnes, cum eorum magna pars tanquam inclusi cavea laterent, aut vivos captos suspendi pro curia, aut resistentes interfici iusserunt. Inter eos qui sunt tam foedo supplicio affecti, duo *Jacobi Salviati* & *Pogij* filius alter: atque qui eorum omnium dux erat, *Franciscus Salviatus* cum præter nobilitatem familiæ, *Pisanorum* Pontificatu insignis haberetur. Interea qui iussi erant ad fores opperiri, cum superius tumultum excitatum audissent: militibus perpauca, qui in statione erant oppressis, omnia inferius occupaverant: videbanturque mox quanquam ingressus erat armatis munitus, in superiorem contignationem impetum facturi. Etsi autem ad tumultum concursu hominum facto, multi jam aderant, qui factionis *Patorum* essent: neque armati tamen cum aditu prohiberentur, foribus ob eam ipsam causam oclusis, esse præsidio, neque inermes qui ipsi consilii inopes in primis hæcresen, quicquam

A opis poterant aut auxilii afferre. Interea *Bernardus Bandinus*, qui etiam si susceptas à se partes egregiè præstitisset, *Laurentium* esse tamen incolumen qui totius rei caput erat, *Franciscum Patium* gravi vulnere affectum, in quo spem omnem bene rei gerendæ collocaverat, minus esse idoneum ad cætera obeunda intelligeret: desperato reieventu, sibi ipsi quando minus aliis licuerat, consulere decrevit, ac fuga salutem quæsit. At *Franciscus Patius* cum reversus domum, vulnere obligato equum conscendisset, ex illius jactatione sanguine uberius effluente, domum rursus redire est coactus. Ubi cum minus ipse faucius cætera posset peragere, obsecrando obtestandoque pervicit, ut *Jacobus* patruus equo conscenso per urbem excurrere, ac multitudinem concitatam ad libertatem vocare, tum alia quæ usus postularet, quando sibi minus per vulneris crudelitatem liceret, obire sedulo vellet. Ipse, cum vulnere gravius recrudescente fessum vires deficerent, collocari se in lecto iussit. *Jacobus* interea quanquam neque satis ipse per ætatem poterat, & suo ingenio ab armis abhorrebat: cum id tamen ab invito temporis angustia extorquerent, assumptis secum circiter centum armatis, quos ad hujusmodi casum comparaverat quacunque vadebat, clamore ab illis sublato, non desisteat hinc nominatim homines, appellando, hinc universos hortando, ad arma quæ ipsis privatim salutaria & Reipublicæ essent, excitare. Pro suis civibus, assertorem se omnium libertatis arma cepisse: caput, vitam, fortunas, ut improbis hominibus obviam iret, qui illi insidiarentur in discrimen objecisse: ut non magis cum ita de patria meritis sit, pro hoc tam insigni pietatis studio parem sibi referri gratiam speret: quam intelligat, ubi frustra patriam à se opem implorare boni & amantes Reipublicæ cives patiantur, perniciosum id omnibus & grave futurum. Ac si cunctentur sibi esse auxilio patriæ liberatori, quam quidem minimè pati potuerit per paucorum studium & gratiam magnitudinemque largitionum invadi, ac tanto suo periculo afferere in libertatem aggressus sit: quem alium postea, cui haud dubia pernicies proposita nulla populi gratia, nulla laudis spes sit, rem tantam ausurum? At sibi quidem, quanquam desertum se & proditum ab iis intelligat, à quibus minimè debeat, pietatis, laudem tamen propositam cujus fructus uberrimus sit, privatis suis fortunis, patria, propinquis, fratris liberis quos filiorum loco semper habitos, adolescentes clarissimos & florentissimos civitatis pro patriæ salute in perniciem certam adduxerit: omnibus denique quæ sunt magis in vita expetenda, multò semper antiquiorem futuram. Hæc tametsi cello erectoque animo vir summæ dignitatis, septus fortissimorum juvenum manu ad populum jactabat: nemo tamen conspiciebatur, qui aut paulò liberiori querela, aut tacita admurmuratione indicare liberi hominis sensum, atque sequi adhortantem auderet: diuturno usu ita populo delinito, ut libertatis pretium libertate charius potiusque haberet. Ita hac tanta destitutione perculsum, cum jam in forum progressum & vox simul & vires & spes maximè deficeret: delecti milites ex Prætoria cohorte faxis magno pondere de loco superiore actis, pellere inde atque exturbare conabantur, ut cum in subjectos nulli temerè ictus caderent, & crebra lapidatio coniectioque telorum esset, una autem vox exaudiretur, cedere foro & ponere arma jubentium, & præsentis fortunæ succumbere, quam averfam à vera virtute agnoscebat, & converso equo pedem referre cogeretur. Cum autem ab aliis multis, convitiis, probris, & maledictis exagitaretur: à *Joanne Seristorio* propinquo homine, quem casu obvium habuit, castigatus non gra-

gravi magis quam vera oratione fertur. Quid sibi vellet? quid spectaret? quid secutus, civis primarius, autoritate tanta, gratia, amicitiiis, clientelis, divitiis florens, omnem vitae antea fructum in unius horae discrimen contulisset? commune libertatis desiderium omnium esse in quibus aliquis ejus modò sensus existeret (quem autem sua sponte cum utrumvis liceret, servire malle?) libertatis patrocinium Dei immortalis unius esse: qui ut populus ejus studio aliquo teneatur solus possit efficere: multitudinis partes cum quidem id ipsa aut negligat, aut contemnat, qui suscipiendas sibi ac praestandas putet: parum quid sui juris atque officii sit agnoscere videri. Cum ita illi omnis spes praecisa esset, non modò (quod sibi sponderat) ad suum arbitratum Rempublicam inimicis sublati, moderandi, sed neque statum retinendi privatum suum: quod unum illi reliquum erat, eodem praesidio armatorum tectus patria cedere inimico irato, & tanta injuria implacabili, atque aliò se recipere, constituit. Ita quemadmodum sibi visus erat, pietatis in patriam egregie in praesentia officio persoluto, flens Deum hominesque contestans per se eo die quo minus patriae libertas restitueretur, factum non esse: ex urbe, in *Flaminiam* per *Apenin* tramites iter facturus proficiscitur. At *Laurentius* cum multi ad illum, re audita, praesidii causa subito armati coissent, domum gravi defunctus vitae periculo incolumis rediit. Ibi cognoscit jam omnibus ad unum, aut vi interfectis, aut affectis supplicio, qui forum & curiam occupaverant: cum vindicatum summi imperii jus esse à conjuratorum armis, tum *Medicum* nomen, ingenti populi plausu efferri certatim ubique & celebrari. Nam veluti hanc unam rationem opportunam populo fors obtulisset, ab omni se suspitione liberandi, corpora conjuratorum discerpta in diversas partes, & dilaniata, per urbem unco trahebantur: atque ut foedum horrendumque spectaculum non aliis solum sed iis etiam videretur, qui gravissima injuria & recenti affectu, ex cruore & carnificina inimicorum solatium quaerent, mutilata eadem ac sanie & coeni illuvie foedata in *Arnum* projiciebantur. Eodem animorum impetu atque ardore, cum cupiditas & egestas esset hominum crudelitati adjuncta, magnum ad omne scelus incitamentum, *Patorum* aedes ab avara plebe direptae: unde, cum omnia edita exempla libidinis & avaritiae essent, in immensis opibus & per multorum annorum spatium in divitem atque opulentam domum congestis, ampla saevienti praedandique materia objecta, vivum *Franciscum Patium*, & (ut casu eum offenderant) nudum extractum eodem quo ceteros supplicio affecerunt. Ejus porro dicitur tanta sive constantia, sive pertinacia fuisse, ut cum à multitudine irata, & quae *Laurentii* gratiam per eam occasionem captaret nullo non convitii ac contumeliae genere afficeretur: elatus animo incedens, atque eandem praese ferens ferociam & contumaciam oris, nulla ratione aut vi cogi potuerit, ut verbum efferret. Ita obstinato silentio, & defixis in eos oculis à quibus vincetus trahebatur, crebra ab imo pectore suspiria ducebat: ut hoc esset indicio altam irarum molem illius animo insidere, aut fati urgentis vim, aut populi judicium detestantis: cujus haberi studiosus affectabat, cum ejus causa teterrimum sibi ac foedissimum constitutum supplicium videret. *Gulielmus Patius*, cui *Laurentii* soror nupserat, sive ille à conscientia ejus rei abesse crederetur, sive affinitas illi praesidio fuerit, vix ereptus saevienti multitudini, quae unam omnibus atque eandem causam constituabat, servatusque est. Apparuit tum quidem, quam leve praesidium in populi studiis bene etiam de illius salute & libertate meritis positum sit, quamque

A temerè illi faciant, qui eo innixi & magnas res suscipiant sibi agendas, & susceptas sibi successuras sperent. Nullus enim ferè per id tempus dicitur *Florentiae* fuisse, qui aliquo modò numero haberetur, quin illum inviserit, fortunas, vitam, liberos pro illius salute & incolumitate in omnem dimicationem objicere pollicitus sit. Nam & ab iis qui aequi erant amici animi officium praesens hominis fortuna, & ab inimicis metus poscebat: ne cessatio, maleficii suspensionem afferret, quae in recenti populi invidia maximè esse declinanda videbantur. Haec dum *Florentiae* aguntur: *Renatus Patius* quem improbatis conjuratorum consiliis è medio recessisse ac rus profectum esse diximus, cum in totius familiae invidia tanta eodem se conflagraturum incendio non dubitaret: nuntio de his accepto, statim mutata veste, quò tutius inter notos homines fuga pateret: in itinere cognitus ac comprehensus *Florentiam* adducitur. Eandem fortunam *Jacobus* patruus subiit. Nam cum ferè esset ex *Apenini* faucibus evasurus: à montanis hominibus ad quos jam fama eorum pervenerat quae *Florentiae* acta erant: cum ex praecipiti fuga unum esse ex conjuratis coniecissent: consistere primum ac mox arma tradere est iussus. Quo gravi adeò casu perturbatus: cum *Patorum* se ac *Medicum* fortunam agnoscere dixisset: diu precibus defatigatis, ut aut servare se aut vindicare honesta morte à foeditate supplicii vellent: & averis animis ab iis auditus est, quos cupiditas & spes praemii amplioris cepisset, & *Florentiam* nullum non interea genus probri & convitii passus est ad supplicium raptus. Quatriduo autem postquam facta caedes fuerat, una cum patruo *Renatus* damnatus (ut apparet) quod suppressam conjurationem magistratui non indicasset: re vera quòd vindicem tot cladum & suppliciorum superesse noluerint, quibus erat *Patia* familia everisa, capite plectitur. *Paulus Jovius*, quem autorem sit sequutus minimè tradit, eundem cum ceteris conjurationis reum facit: cum illud etiam adjiciat, delatas sibi partes homines armandi, dum ceteri in urbe, facienda caede occupati essent, impigrè praestitisse. Hinc cum manus hominum cogere deprehensus vivus in urbem esset perductus, eadem animadversione poenas *Laurentio* dedisse. Sed hoc ille nullo certo autore & temerè, ut alia etiam permulta. Atqui utunque acta res administrataque est, illud video ceteros affirmare: in magna hominum strage cum forum esset stratum cadaveribus, ac viae urbis penè omnes infectae sanguine & cruore: nullius dignam misericordia hominum, atque hujus uniti visum esse: praeter hominis probitatem accedente ingenii & morum lenitate, quae (ut ferebant) procul abesse ab arrogantia & superbia *Patiae* familiae videbatur. At *Jacobi* cadaver cum adeò foedum supplicii genus nondum satis animos explevisset: ut neque mortuus ignominia careret etiam si datum à magistratibus ad sepulturam & paulò post elatum atque in sepulchro majorum conditum esset: inde extractum, atque in agro publico, ad urbis moenia humatum est. Hinc veluti nondum satis saevitum esset, eo ipso ex loco illud plebs abduxit, atque eodem quo fuerat laqueo vivus suspensus, nudum per universam urbem, ita ut coenum & pulverem ubique everrendo, indignum sui spectaculum atque atrox praerberet, in *Arnum* projecit: vix unquam populo exitum reperiente, ubi aut favere semel aut saevire instituit. In hoc homine si quis familiae dignitatem, antea vitae splendorem, domesticam potentiam, divitias, cum illius supremo tempore velit conferre: fateatur necesse est rarè unquam exemplum illustrius ad cohibendas moderandasque animi cupiditates propositum hominibus

fuisse. Gravia in illo fuisse vitia dicuntur, quæ ut etiam re foediora viderentur cum ætas, tum dignitas hominis faciebat, sed duo illa maximè insignia, & quibus nullus unquam nepos profusissimus contaminatus & perditus æquè esset, aleæ lusus, & maledicendi impunitas: atque cum hæc in homines summa, tum in Deum hujusmodi ut nullam colere religionem, nullos agnoscere Deos crederetur. Atque hac una in re *Angelo Politiano* cum cæteris convenit, quos ipsi sumus autores his scribendis sequuti. Eidem tamen attribuunt beneficentiæ in egentes homines studium singulare ac justitiæ atque æquitatis cultum eximium. Itaque pridie ejus diei quo die inter conjuratos convenerat, ut cædes fieret, ne cui unquam sua adversa fortuna damno, aut detrimento esset, ubi minus ex sententia res processisset: omnibus quibus acceptas pecunias relatas habebat, ad assem solvendum curavit: neque id solum, sed quicquid mercium, aut domi positum aut apud scripturæ magistros ad alios pertineret, id in eo usus summa religione & fide, dominis restitui imperavit. *Joannes Baptista Montescuccus* cum longa de eo disceptatio fuisset, capite plectitur: quoniam mitior cæteris & probasse magis quam adjuvisse conjuratorum consilia dicebatur, impetrato à magistratu, ne suspendio vitam finiret, foedo genere supplicii & in proditores ac transfugas constituto. At *Neapolitani Francesco & Bandino* cum suis rebus diffisi fugam arripuissent, raturum illis esse exilium jusserunt. *Gulielmus Patius*, & si qui reliqui ex ea familia erant: in arce *Volaterrarum* tetro carcere aservari jussi. In hac judiciorum severitate tanta quæ in reos constituebantur, ferunt *Laurentium* ut lenitatis & clementiæ sibi opinionem conciliaret, magistratibus sua autoritate occurrisse: cum quidem iis diceret esse verendum, ne ulterius progrediendo humanitatis jura magna cum sua invidia violare dicerentur. Itaque multis culpa liberatis, quam in paucos rejiciebat, ut finis tandem fieret ea de re quærendi, ægrè multis precibus impetrasse. Nam per *Philippum Valorium* unum ex intimis amicis, & cujus maximè consilio in administranda Republica utebatur, ad se adductum *Averardum Salviatum Francisci* propinquum, qui metu latere dicebatur, non conservavit modò, sed oblitterandæ injuriæ, atque animi illius confirmandi causa, sibi affinitate devinxit, *Lucretia* filia *Jacobo Salviato* filio fratris in matrimonium collocata. Ergo jam de omnibus supplicio sumpto, qui aut ipsi rei erant, aut culpæ affines & consiliorum conscii habebantur, juxta *Juliano* mortuo placuit solvi: cum funere magnificentissimo efferretur, universa ferè multitudine in pompa cum liberis & conjugibus studii causa sequente. Eum quidem honorem, non familiæ magis quam memoriæ hominis, cujus humanitatem summam, liberalitatem & magnificentiam laudibus efferebant, se habere vulgò homines in assentandi studium conversi jactabant. Huic non ita multò postea quàm est interfectus, filius posthumus nascitur,

A cui nomen *Julio* fuit. Is à *Leone* Pontifice Maximo cujus erat patruelis, in Cardinalium collegium ascitus, post *Adriani* mortem qui *Leoni* successerat, malo fato *Florentinæ* Reipublicæ Pontifex Maximus creatus, & *Clemens Septimus* est dictus. Hic finis conjurationis fuit in *Laurentium* & *Julianum Medices*: ut in quibusdam ejus per similibus quam *Mediolani* tres adolescentes in *Galeatium* fecerunt: ita cædibus hominum multitudine suppliciorum, tum Principum conspiratione & omni belli apparatu, quod illam brevi postea consequutum est, atque quod caput videri debet, benevolentia hominum & studio in unius hominis cæde vindicanda magis aliquanto insignis. Causa præterea hæc ab altera plurimum differre est visa. In illa enim tyranni crudelissimi vita petebatur, & qui potestate imperii nullis divinis, aut humanis legibus præfinita, ad cædem & perniciem hominum abuteretur: cum ille omni genere dedecoris & flagitii contaminatus, crudelitate atque immanitate summa, & quidem parricidio infamis execrandus merito videri posset. In hac ii opprimebantur, quorum merita in multos præclara, nisi ea essent suspitione affectatæ tyrannidis invisæ, majorumque extitissent: cum ad hæc omnia, etiam si cupiditas imperii subesset, civilis moderatio, temperantia, atque æquabilitas quæ animi studium tegetet, in iisdem animadverteretur. Illud quidem omittendum non est, quod multi constanter affirmant, *Medicum* potentiam cum eo esset adducta, ut per se ipsa ac nullo impellente concideret: unius hominis cæde numine placato, si quod erat familiæ infestum, erectam stabilitamque esse. Tantum enim fuisse æris alieni conflatum quo tempore in illos conjuratum est, ut in præsentia nulla alia oblata facultate ejus dissolvendi, confugiendum ad publicam pecuniam *Laurentio* fuerit: quod invitis suis civibus, non videbatur facile facturus. Ita converso ordine, id ipsum non à volentibus modò sed ab iis etiam qui studio inter se atque alacritate in eo persolvendo officio certarent, impetrasse: cum ex illius adverso tempore, aut gratificandi occasionem quærent, aut avertendi criminis. Sua sponte enim de gradu dejecto in quem ut cum offensione hominum conscenderat, ita invidiæ expositus conspiciebatur: nemo erat futurus qui misericordiam tribueret: cum gravis casus videretur è sublimi & celfo loco, sed is tamen qui tanquam merenti accidisset, solatio etiam inimicis esset futurus. Ex cruore quidem & cæde suorum (quod ultimum omnium malorum est) id consequebatur, non solum ut misericordia animi multorum, sed ejus etiam declarandæ studio tenerentur. Nullum autem satis aptum officii genus videtur injuriæ expiandæ, quæ sanguine & vita constat: multitudini in primis, quæ non causis rerum afficitur quibus prudentes moventur, sed iis quæ modò intuetur: si ve ea minus grata sensui incidant, si ve habeant quod voluptati sit: quam unam rem illa perpetuò spectant.



JOANNIS MICHAELIS BRUTI HISTORIÆ FLORENTINÆ LIBER SEPTIMUS.



BELLUM intestinum *Florentiæ* multorum cæde & supplicio sedatum magis in præsentia, quam sublatum in posterum videbatur: ita animis affectis, ut citius eos vires, quæ nunquam erant defuturæ ab externis armis, quam materies ad tumultuandum deficeret. Quod cum Pontifex & *Ferdinandus* non ignorarent: quod minus per occultam conspirationem licuisset: de principatu *Laurentium* deturbare, omnibus aliis improbatis consiliis, bello aperto, atque armis constituunt. Jam cum ea *Florentiæ* gererentur, *Laurentius Castellanus* copiarum Pontificiarum Dux, militibus jussis ad signa convenire, in *Hetruriam* iter habebat, iis de causis quas libro superiore commemoravimus: in primis ut copiis cum *Tolentino* conjunctis, quem via *Flaminia* eodem properare audiebat, *Florentiam* quam proximè accederet. Erat autem in magna spe, quoniam firmissima esse conjuratorum manus, ac cum iis populus sentire ferebatur: omnino aliquid opportunitatis datum iri, si quam ipse spem certam auxiliorum ostentasset, ad civitatis statum commutandum. Verùm cum paulum viæ processisset: primùm rumore & fama, temerè orta & nullis certis autoribus, deinde suorum literis & nuntiis cognoscit: cum omnium opinione celerius conjurati rem aggredi maturassent: alium exitum illos, quam eum quem speraverant fortitos esse. Non esse ulterius rem differendam Pontifex & Rex arbitrati: nihilo minus exercitus duces promoveri copias atque in *Florentinum* agrum excurrere jusserunt. Jam enim illi præ se ferebant, unam sibi esse causam armorum, ut *Rempublicam* à *Medicorum* dominatione liberarent: quæ nisi *Laurentii* cæde aut exilio, nimis gravi unius familiæ potentia levaretur, agrè aut posse quiescere unquam domi ab intestinis seditionibus, aut foris ab externis bellis diceretur. At qui Pontificiis copiis præerant, ad *Perusium* subliterant. Eum in locum ubi *Ferdinandi* exercitus advenisset, quem jam *Truentum* amnem traductum esse fama erat: totis viribus peti *Florentinos* placebat. Quoniam autem nondum satis se civitas collegisse ex trepidatione & tumultu ferebatur, sperabant (id quod probabile erat) eos se opprimere imparatos: quod si accidisset, tum fore omnino ut cætera sibi, quemadmodum constituerant, læta & secunda evenirent. Interea quò facilius multitudinem Pontifex à *Laurentio* alienaret: igni atque aqua civitati interdixit, quo genere animadversionis Pontifices uti raro adversus liberas civitates & Reges consueverunt, nisi gravissimorum scelerum & maximè insignium expiandorum causa. Ita cum vulgò hæc opinio percrebresceret, unius *Laurentii* causa, *Rempublicam* in tot mala incurrisse: religiosam civitatem, cui sanctum semper Pontificis nomen in maximis etiam dissidiis, majorum memoria fuisset: facile apparebat, ab eo qui autor tantarum cladum suis civibus haberetur, abductum aversumque iri. Verùm omnia secus acciderunt, ac Pontifex sibi & *Ferdinandus* pollicitus erat. Omnes enim sive gratia, sive metu in unum *Laurentium* converfis animis, *Reipublicæ* salutem il-

A lius fidei diligentiaque permiserant: cum videri vellent ita illum posse civitatis dignitatem atque incolumitatem tueri: si animadverteret sibi populi studia non defore in retinenda privata sua. Hanc ille suorum civium de tua virtute opinionem, ne quando fessellisse videretur: ex omnibus ordinibus ccc. delectos, qui prudentia & fide plurimum præstare credebantur, curavit in curiam per magistratum advocandos: qui ubi frequentes conveniunt: ad hunc modum ad illos dicitur verba fecisse. Ita mihi semper vestra in me studia majoresque meos perspecta fuerunt: ut nostri inimici nulla tempora acerbiora familiæ nostræ optare debuerint, quò illa nobis cognita magis perspective essent. Sed nulli unquam nostrum per inimicorum crudelitatem atque audaciam, diu hoc tanto bono licuit frui. Namque ut de me loquar, cum id mihi contigisset quod maximè omnibus optandum est, ut meis civibus viderer, pietate magis quam patriæ debeo, & animi inductione quadam mei quam ullis eorum meritis in me atque officiis devinctus: ea nunc mihi acciderunt, ut propter magnitudinem beneficiorum, quæ in me & multa, & illustria contulerunt, referendæ gratiæ facultatem desiderari à me facilius, quam sperari ullo modo posse intelligam. Ergo cum ita semper à mea prima ætate in meos cives animatus essem, ut si quando à me patria vitam repõceret, quam me illius beneficio intelligerem retinere, eam illi reddere tanquam depositum paratus essem: ita hoc tempore nunc mihi illi videor vitam debere, ut non magis pietatis laudem mihi sperandam putem si patriæ meæ causa illa possim æquo animo carere, sed sceleris atque impietatis gravem ac turpem notam subeundam, si ut meæ saluti & dignitati prospiciat, in gravi illam rerum omnium discrimine versari animadvertam. Atque antea quidem non ignorabam vitam me, liberos, fortunas, principem hanc in *Republica* dignitatem, vestro beneficio retinere: sed mihi erat hoc commune cum multis. Nunc si pro vobis mihi mors oppetenda sit: ut hoc pietatis munus mihi liceret patriæ præstare, vita mea servanda tanto vestro studio ipsi antea præstitistis: si rursus eadem retinenda, quòd illa vobis aliquando esse usui possit: ut ea quoque voluptate fruam, factum id à vobis esse vestro in me immortalis beneficio intelligo. Atque haud equidem optabam, ut quemadmodum meo adverso tempore, me vobis devinxistis, & fratris morte vindicanda, & vita servanda mea: ita ea se mihi occasio per adversam fortunam daret: ut cum vestræ salutis causa, meum caput in vitæ discrimen objecissem, parem tanto vestro beneficio vobis gratiam referrem. Sed neque mihi tamen in hac tanta *Reipublicæ* tempestate, qua illa jactatur, excipienda in me unum hac adeò sæva procella, relatio ulla gratiæ par proposita est. Ita enim illa est mei unius causa excitata: ut mei capitis jactura, tanquam levatam gravi onere, sperandum modò sit fore, ut ex tot fluctibus quibus penè obruitur, erepta servetur: rursus si ego pergam cum ea ipsa sævienti fortunæ obfistere, cum in me unum modò sæviat, vereor ne patria invidiæ meæ quasi gravi pressa mole, mea culpa naufragium faciat. Hoc unum inimici mei atque adeò aperte

apertè illi jam non per insidias atque consilia occulta petunt: ut sæpius ego meis civibus vitam hanc debeam, cum certam mihi perniciem & mortem, nefariè illi & sceleratè moliantur. Semel cum primum datum est lucem aspicere atque communem hunc spiritum ducere è cælo, patriæ illam retuli acceptam. Eadem rursus cum patre adhuc vivente, crudelissimè petita insidiis inimicorum esset: à vobis veluti excepta in sinum, & servata est. Postremò non illam templi religione augustissimi cum ad salutem sicariis & parricidis pateat, non cultu sacrorum, quibus præsens adesse creditur humana vis ad scelera hominum vindicanda, non conjunctione propinquitatisque jure satis adversus improborum consensum munitam: vos uni proditæ fidei, religionis, sacrorum acerrimi vindices quæ nostro cruore & sanguine nefarii homines & teterrimi violaverant, vestra autoritate defendistis, texistis, servastis. Itaque si ego vobis hanc vitam offero, & vestra illa, & vestra adeò sæpè est: si liberos, fortunas, cum quæ habeo cuncta vestro beneficio retineam, eadem denique est ratio. Atque utinam tamen hoc ipsum mihi, quicquid illud est liceat præstare: in hac enim functione officii, cum debitam vobis vitam obtulissem, eam me laudem referre sperarem, quæ reddenti cum fide quæ accepit, expectanda est. Nunc cum mea sit vobis vita exitii causa: cum quidem quòd spiritum hunc duco, quòd patria fruor, quòd domesticum otium, quòd majorum dignitatem in Republica & locum tueor, vestræ saluti & libertati maximè inimicis meis adversantibus, bellum vobis, exilium, direptio bonorum, cædes, patriæ denique exitium ingentia mala, ut jam antea à sceleratis civibus, ita ab apertis hostibus in præsentia sint timenda: quomodo ego sine summo scelere, vitam hanc expetere diuturniorem in hac urbe possum, cujus causa vobis hæc fubeunda propediem, timenda certè semper cavendaque sint? Nam & illud mihi accidit, quod mihi inter tot vitæ incommoda, quibus circumveniebar, acerbissimum fuit. Cum enim fore aliquando sperarem, ut mea vita meis civibus, si qua illis tempora inciderent, usui esset: idem cum eam ipsam illis esse exitio, tum verò mortem, si eam oppetere necesse est, cum semper pro salute suorum vitam effusam honesta mors & viro forti expetenda consequatur, haud magnæ mihi laudi fore intelligo. Cui enim modò ut vita illi expetenda sit, multa contigerunt quibus cum voluptate perfruat (quod tamen rarò, quæ rerum humanarum ratio est, homini usu venit) ei cum magna spe laudis, quæ maximarum virtutum parens est atque alrix, gloriosa mors semper ad posteritatem proposita est. At quanti ego vitam mihi esse faciendam putem? quæ invisa hostibus, meis civibus perniciofa, mihi si liceat incolumi in patria manere, inhonesta semper, molesta certè in magna meorum sit invidia futura? Nunquam sanè ego ita vivam, ut quavis morte illa mihi execrabilior detestabiliorque sit. Deus immortalis, qui hoc unus modò potest, hoc omen prohibeat. Non ego obsessam patriam ab hoste infestissimo, non flagrantem incendio, non cives necatos, non matrefamilias, parvos liberos in captivitatem abductos, non quorum sanguine domus nostræ incendium restinctum est, eadem ego illos videbo flamma invidiæ flagrare. Et patriam meam equidem honesto exilio, & civium meorum libertatem (quando jam hoc unum se inimici mei petere dicunt) meo capite servabo. Ac non defunt qui mihi indulgentiores, quam aut officii mei ratio aut Reipublicæ tempora requirant, me hac adeò gravi cura levatum velint. Ita enim contendunt per speciem opprimendi mei (id quod tamen posse accidere haud

A negaverim) uno eodemque ictu Rempublicam per meum latus peti. Quod ut maximè sit, danda est tamen à me opéra, ut scrupulus, qui injectus hominibus est, animis evellatur: *Laurentio Medice* enim è civitate profecto, cujus unius calamitate & ruina expiari modò inimicorum odium posse videtur, Reipublicæ hostes impia se gerere arma, si ea ita infesta civitati retinere pergant, convincuntur. Quæ autem alia causa suberit præter eam unam, cui justum odium in *Medices* Pontifex obducit libertatis suorum oppressores, quæ alia inquam, præter infinitam cupiditatem ampliandi imperii, ac suos per aliorum everfionem augendi? B quorum major ambitio in præsentia est, quam indignitas antea fuit atque egestas. Video jam vos, quæ est omnium vestrum in me benevolentia, his ita à me commemorandis & affici magnopere & commoveri. Quod quidem si accidere magis ullo orationis artificio (quod in me nullum est perexiguum certè esse potest) quàm causa animadvertrem: latius mihi ea de re esse agendum putarem. At jam pridem hoc vos in me animo meosque omnes esse testimonio illustri, hoc ipso tempore in primis comprobastis: cum enim nobis, ab iis ipsis à quibus auxilium esset adversus aliorum injuriam petendum, mors & ruina certa impenderet: adversus illos nobis vim & necem intentantes, C & amicorum partes & affinium & conjunctissimorum hominum, pari pietate atque alacritate animorum præstitistis. Quo vestro studio in nos declarando, illud etiam videmini effecisse, quod erit nobis semper ad posteritatem pulcherrimum atque honestissimum: ut nostra privata injuria vindicanda, cum *Medicum* incolumitate conjunctam Reipublicæ salutem vos tueri ostenderetis, communes inimicos uli acerrimè: quo quidem ex vestro judicio de nobis tanto, magnum mihi in malis solatium propositum, ut quamvis acerbam fortunam æquo animo feram, præstare maximè potest. Nam D tum quidem facile est eam ferre adversam, cum illa non flagitii & sceleris poena, sed virtutis, constantiæ, fortitudinis esse testimonium existimatur. Ergo si patria carere oportet, si cedere inimicis, si exilium subire, si diu minus vestro hoc conspectu frui, qua in re ego maximum meæ antea vitæ fructum percipio: hoc uno tamen in reliqua vita utar perfugio longè maximo: meos cives cum meam in patriam pietatem & fidem, tum inimicorum scelus atque impietatem perspectam habere: quos æquius erat dirarum obnuntiatione, & interdictione sacrorum quàm oppressam penè patriam eorum nefaria vi per privatorum cædem, notari. E Vos quidem quando hodierno die de summa Republica quid censeatis potissimum esse agendum, statuere oportet: majorem in modum obsecro atque obtestor, ut propositam vobis Reipublicæ salutem, cum vos jam quo ego animo sim minimè fugiat, privatis meis commodis omnibus, quæ nulla unquam mihi conjuncta erunt cum vestra perniciè, potiore gravioremque habeatis. Hic ille cum perorasset: placuit de magistratus & consilii sententia illi ad hunc modum responderi. Cum ille semper majorum vestigiis insistendo, non parem modò in patriam pietatem, sed cumulatam etiam meritis maximis atque amplissimis omni suo F tempore retulisset: quæ debita præmia erant summæ virtuti, omnes eos honores qui maximi in Republica habentur consecutum: & quando omni benè merendi ratione de privatis longè etiam semper antecelluisset, studia quoque suorum civium singularia in sua adversa fortuna esse expertum. Ac tametsi quæ mala essent *Medicum* familiæ importata omnes æquè moleste ferrent, in quibus vestigium modò aliquod humanitatis esset reliquum: at illud in tot incommodis opportunè accidisse, quod

cupidissimè semper omnes expetiissent, ut tandem omnes intelligerent, non minorem voluntatem se in referenda gratia, quàm illum in promerenda, gerere &, quando adèò res tulerit, præstare. Vitam illius & quoniam ita semper meritis esset, & quoniam ea non posset patria sine certa suorum ruina & perniciè carere, nisi immemores non illius magis quàm sui esse vellent, & armis se & suæ vitæ præsidio defensuros. Verissimam enim hostes belli causam, præ se ferre, *Laurentii Medicis* salutem atque incolumitatem, quàm impiè & nefariè præ se ferrent. Tanquam enim è corpore capite abscisso, eo uno è civitate sublato, intelligere illos Rempublicam prædæ sibi ac direptioni relictam, ac simul cum eadem & legum & magistratuum auctoritatem necesse esse interire. Quæ cum ita se haberent, jam illum & bono animo esse, & meliores de sua ac Reipublicæ salute cogitationes suscipere debere. Nam brevi perfecturos se, ut quod hostes importunissimè ad hominum studia concilianda præ se ferrent, non solum intelligerent *Laurentio* nunquam fraudi fuisse, sed honori & commodo magis indies etiam fore. Hac hominum responsione *Laurentius* confirmatus, gratias omnibus egit verbis amplissimis: ac ne qua in re semel animis in adulationem effusis, suorum studia desideraret, ab illis primum mentione facta, ut sibi liceret præsidii causa certum numerum militum apud se habere, impetravit. Ita magistratum edicto præfatum esse ajunt: non videri ea esse Reipublicæ tempora, ut *Laurentius Medicus* in cuius salute, omnium posita salus esset, vitam & incolumitatem, & insidiis simul & bello atque armis petitam suis inimicis committeret: quorum non minus quàm qui se apertos hostes profiterentur, qui metu delitescerent, illi essent timendi. His rebus ita administratis, omnium animi ad belli curam & cogitationem converfi, & qui pecunias cogerent qua ad bellum, quod futurum erat, uterentur & qui commeatus expedirent, & qui militum delectum haberent, quique alia munia belli ex sua fide & Reipublicæ tempore exequerentur impigri homines atque harum rerum periti, summa cura & studio delecti: simul ad *Venetos* decreta legatione ac *Mediolanum* ad *Joannis Galeatii* tutores, postulabant, ut ex foedere sibi adversus communes hostes auxilio essent. Ac ne quis Pontificis auctoritate quò minus sibi adessent, detererentur: quibus ille artibus, & aliàs semper, & eo ipso tempore Reipublicæ insidiatus esset, palàm magis suæ libertatis quàm Pontificis dignitatis memores docebant. Quod indignum maximè tanto Pontifice esset, & qui Christi in terris personam gereret: cujus pacis conciliandæ suadendæque hominibus, quamdiu inter homines egisset studium unum fuisset: fovisse in libera civitate, quæ nullius in illum injuriæ sibi conscia semper sacrosanctum Pontificis nomen potestatemque habuissent, civiles dissensiones, discordias, bella intestina, quæ exorta civium ambitione & partium studio, aut tollere sua auctoritate, aut sedare debuisset. Nam quod vix credibile videri deberet, etiamsi de latrone ac perduto egestate homine referretur: certos homines quorum opera uteretur ad civium principum cædem, præmiis excitatos, per aliarum rerum gerendarum occasionem (quod iidem in quæstionibus expressissent) *Florentiam* præmisisse: quò facilius sibi bellum, sublatis iis quorum auctoritas illius cupiditati ambitionique obfisteret, futurum esset. Itaque quod jam fama omnes cognitum haberent: violata innocentium civium sanguine urbis templa religiosissima, polluta sacra, caeremonias: atque in iis qui principes partes in tanto admittendo scelere præstarent, ex amplissimo ordine delectos Pontifices, sacerdotes, divinæ rei

A administros. Quæ omnia quidem, quia ut esset æquum acerrima sibi animadversione vindicanda duxissent, tantasque Deo immortalis illatas injurias, pro sua religione & pietate essent ultis: tanquam hoc unum esset Pontificis munus, hominum nefariorum malefacta & scelera tueri: eorum vindices gravi nota ignominiae afficere, bello atque armis persequi, libertate, patria, vita, si liceret, privare conatum esse. Ex eodem fonte cætera manasse, quæ nulla jam ab eo ratione tegi & consilio possent: quorum unum illud gravissimum: quò omnes ab sua societate absterrentur, diploma excogitatum quo in impios homines modò & majestatis convictos uti superiores Pontifices consuevissent. Eo populum *Florentinum* omnium aditu, congressu, sacris, spiritu communi hac luce, si id fieri æquè faciliè atque expeti posset, prohibitum esse. Ac non malè in eo tamen cum Pontifice agi. Si quibus enim antea dubium fuisset, cum eorum audacia, & libido tanta extitisset qui hæc essent ausi, à tam gravi scelere Pontificem, aut hominum existimationem veritum aut Dei immortalis iram, & vim scelerum ultricem non abfuisse: nunc bello persequendis iis, qui debitum illi munus impleverint, quo ille animo esset declarare. Se quidem qui constantes fuissent in suo jure tuendo, atque imminentem Reipublicæ ruinam à suis capitibus sceleratorum hominum supplicio depulissent: nihil indignum majorum gloria quibus semper gravissima Pontificum auctoritas fuisset, cujusque rei causa tantum in se illius odium excitare debuerint, admisisse. At si Deo immortalis modo curæ esset, qua de re dubitare nemo deberet, quàm rectè Pontifices, divina in homines potestate uterentur: & externa arma pariter & dirarum obnuntiationem qua civitati à sacris interdictum esset, tristem illam quidem & timendam modò qui digni essent, ut illa peterentur: iis qui tantorum malorum autores cladiumque essent quas illa portenderet ruinæ, exitio, calamitati, ignominiae futuram. Adversus horum querelas tantas minimè sibi Pontifex deerat, hominum fecerant, pritis, contumaciam qui Principi Christianæ Reipublicæ totius orbis terrarum moderatori, cui maximi Reges atque Imperatores Augustissimi imperanti parerent, monenti & castiganti se resistere superbissimè essent ausi, vi atque armis ut feræ bestiae & indomitæ tolerent, fuisse domandam. Victa patientia, scelere atque importunitate præfracti & contumacis populi: id unum scilicet reliquum fuisse, ut arrogantes & superbi homines per hanc rationem ad officium & sanitatem revocarentur.

E Neminem sanè ita malè de Christiana Republica sentire quin ita censeat: ubi cætera quæ mitiora sint minus procedant, non armis persequendos, profligandos à communione bonorum arcendos, qui jam pridem nefarium atque impium bellum Pontifici Maximo indixerint, ac divinam personam inter homines gerenti. Quot eorum injurias, quàm insignes ac graves fuisse? Deterritos metu qui sua sponsione, propinqui hominis fidem & existimationem tueri parati essent, quò id minus pro sua in Pontificem observantia præstare auderent. In civitatem defectione, quæ imperio Pontificum parerent, susceptam defensionemque pertinacissimè eorum causam qui principes defectionis atque auctores extitissent: negatam possessionem, quibus pro sacrosancti imperii potestate sacerdotia amplissima detulisset, hominibus illis quidem summæ dignitatis, & qui iis honoribus gerendis pares (quicunque postea illi evaserint) ab eo judicati essent, ad quem ejus rei cognitio & jus pertineret. Neque in eo tamen vestigio impietatem constituisse, sed progressam esse ulterius ac vagatam latius. Gravissimi quidem criminis convictos sacerdotes (quem

Brutus. L enim

enim hoc inficiari posse?) se inconsulto ut divina omnia atque humana jura confunderentur, affectos supplicio, eorum dilaniata membra & distracta, atque id quidem nullo humano more & instituto. Nam (quod respicientibus, tametsi illis gravissimorum scelerum in Deum atque homines damnatis, nunquam negatum esset) neque iis factam potestatem, ut venia à Deo immortalis & pace impetrata, discedere è vita ubi tanto supplicio scelus expiassent, numineque placato liceret. Ac ne qua in re sibi impii homines reliqui facerent: amplissimi ordinis adolescentem lectissimum, & dignitatem gerentem Regiæ parem, vel voluntate, vel ingenio, vel ætate à cogitatione nefarii atque abominandi facinoris abhorrentem, cujus infimulatus sit, vix supplicio ereptum, cum de eo sæpè esset actum in publico civitatis consilio, domique privato carcere affervatum, datis custodibus, qui aditum atque egressum familiarium observarent: cum in crimine nulla esset causa sæviendi, aut à sui contemptione atque odio, aut ab ingenio sævientium quæsitæ. Ad hæc spreta audacissimè Pontificis Maximi autoritate, cum iis à sacris interdixisset (id quod terrori esse omnibus gentibus consueverit) sacerdotes reclusis templorum valvis, quas divina clausisset autoritas & vis, ab iisdem rem divinam facere ac sacra administrare metu supplicii coactos. Postremò cum nondum sibi satis esse factum arbitrarentur, nisi in divinam & sacrosanctam potestatem sævirent: eorum imperio per *Hetruriæ* Pontifices concilio indicto, adversus majorum mores atque instituta, qui unum tantæ rei in terris autorem *Romanum* Pontificem perpetuò agnoverint: impium factum decretum, ut damnatis ab eo atque æternis suppliciis vivis æquè & mortuis devotis, scilicet quò impietas & scelus impunitate gravius inter homines alatur, provocare ad gentium omnium futurum conventum liceret. Nam quòd etiam se ausi sint incusare (quid autem adeò celsum inter homines & sublime haberi, quo non illi superbia atque audacia efferantur?) quòd dignum summo Pontifice statuerit, liberæ civitates, ex servitute gravissima sua autoritate vindicare: ad quem magis quàm ad se unum pertinere tollere tyrannos, præmiis honestos homines, supplicio improbos afficere, leges, jura, instituta majorum tueri? Quamquam tantæ erant Pontificis & *Florentinorum* querelæ, quæ pessimo exemplo apud omnes *Italiæ* Principes jactabantur: *Raphaël Riarius* Cardinalis, quod verè magis *Xystus* quàm jure querebatur, è custodia dimissus atque ubi vellet, redire Romam est jussus. Grave autem ille periculum evasisse fertur: cum eum multitudo concitata, tanquam consiliorum participem ad supplicium postularet, vix illa *Laurentii* autoritate & magistratus deterrita quò in illum minus pro suo ingenio sæviret. Satis quidem in eo causæ creditur fuisse, id quod postea res declaravit, ut ea cura Pontifex liberatus, majoribus etiam quàm constituerat viribus, bellum quod adolescentis causa trahendo distulerat, maturaret *Reipublicæ* inferre. Imparatis adhuc *Florentinis* ab armis subito nuntiatur Pontificis & *Ferdinandi* exercitum ductu *Alphonfi Ferdinandi* filii & *Federici Urbinatium* Ducis in *Reipublicæ* fines ingressum multis ignobilibus castellis, quæ in *Senensium* agro *Florentinæ* ditionis erant occupatis, ad oppidum *Castellinam* castra posuisse. His nuntiis territi, cum lentiora sua spe sociorum auxilia essent, ipsi nondum satis virium haberent, ut apti ad bellum arcendam viderentur: pariter & qua ratione obfessis opem ferrent, & quod caput est, si propius ad urbem hostes copias admovissent, quibus viribus positam civitatem in tanto rerum discrimine tuerentur, ignorabant. Ac quanquam missa ab

A *Insubribus* auxilia adventare dicebantur: magnatamen spe à *Venetis* destituti impendentis mali metu trepidabant. Nam illi quoniam se ita fœdere teneri contendebant, ut bello privatorum causa ab illis suscepto (*Laurentius Medices* ea exceptione minimè obscurè notabatur) haud interesse deberent: apertè jam se illis auxilia missuros negabant. Cum in hisce angustiis res esset, *Thomam Soderinum Venetias* legaverunt, qui Senatum belli causis diligentius expositis, ad fœderis religionem & fidem sociis præstandam, quoad posset inducere omni studio conaretur. Interim ne infami cunctatione redderent hostem alacriorem ad faciendam injuriam, *Herculem Atestium* qui *Ferrarensem* Dux *Borsio* successerat qui copiarum *Reipublicæ* Dux rem gereret, delectum, occurrere primo quoque tempore hostibus jusserunt. Quæ dum ab illis (ut in subita re & prudenter & accuratè administrantur) hostes quadragesimo die postquam ad oppidum castra posuerant, omni alia spe propinqui auxilii destitutos oppidanos, qui egregiè ad eum diem illis restitissent, in deditionem accipiunt. Oppido recepto ac præsidio firmato, majora jam animo agitantes *Aretium* copias ducere instituunt, magna spe posita in celeritate, qua maximæ sæpè res confici consuevissent, aliquid sibi opportunitatis ad rem benè gerendam datum iri. Eo animo cum essent ad *Sanserinum Montem*, quem appellant, castra ponunt: non ignari ubi illud oppidum celeritate adhibita expugnassent: subito sup adventu oppressos *Aretinos* deditionem facturos. At jam *Hercules* omnibus rebus necessariis ad profectionem comparatis, quadrato agmine incedens, copias instructas adversus hostem ducebat, ita animo paratus, ut si quam pugnandi facultatem occasio daret, non esset recusaturus. Cum propius jam castris castra contulisset, quotidie levioribus præliis periculum virium faciendo, quibus ferè hostes inferiores habebantur, jam in magna spe erat, fore ubi totis viribus dimicatum esset, ut victoriam minimè dubiam referret. Cujus fiduciam cum minimè esse vanam hostes ignorarent, qui iniquo loco castris positis, ac comite exclusi jam retrò signa referre cogitarent, inducias aliquot dierum petere coguntur: confessione etiam sua visi de prælii eventu ubi manus consererent, dubitare. Quæ cum ita essent, admirantibus iis tantam occasionem *Herculem* belli administrandi omisisse, cum ejus esset summa virtutis opinio, ac magnus in rebus bellicis usus, induciæ fiunt. Itaque re præter suam expectationem impetrata, per induciarum tempus, omnia quæ ad oppidi expugnationem necessaria essent comparare instituunt: atque ubi dies induciarum exiit, *Reipublicæ* exercitu penè inspectante, captum oppidum suæ ditionis fecerunt. Jam hyeme appropinquante, cum hostes in hyberna concessissent, querente maximè civitate *Rempublicam* à molli atque inertis milite prodi, exercitus in hyberna est deductus. *Hercules* cum deserta ac prodita vera virtus nequicquam cum ignavia armis & consensu multorum munita videretur pugnatura, *Apenmino* digressus *Ferrariam* rediit. Quæ dum in *Hetruria* geruntur: *Mediolani* inter *Sfortiæ* pueri tutores gravi orta controversia, cum ambitiosè omnes ad Principatus administrationem aspirarent, magni futuri tumultus semina jaciebantur. Erat summa rerum penes *Bonam Joannis Galeatii* matrem, non illam quidem satis per se aptam imperio administrando, sed quæ proxima summæ virtuti est laus, nitentem unius hominis consilio, qui magnam apud omnes prudentiæ & probitatis opinionem partam habebat. Erat is *Franciscus Simoneta Calaber*, callidus homo, atque ex *Galeatii* mortui indulgentia, qua is nunquam immoderatè usus apud populum maximè præ-

præstare gratia ferebatur, summam ferè omnium rerum gerendarum unus adeptus. Huic cum similitates gravissimæ post *Galeatii* mortem cum *Ludovico Sfortia* intercessissent, qui propterea quod pueri patruus erat & fratrum maximus natu rerum administrationem ad se deferri postulabat: ne quid illi locus ad nova ineunda consilia relinqueretur, magnæ cupiditatis homini, & quæ in primis videretur pueri rationibus incommoda futura, *Bonæ* matri persuasit, ut Senatus decreto interposito, illum extra urbem ablegandum atque imperii fines curaret. Ita illa probata re, cum (ut ferunt) in eo usa esset *Thomæ Soderini* consilio qui tum *Mediolani* legatus Reipublicæ agebat, *Ludovicum* tanquam is novas res adversus *Joannis Galeatii* salutem moliretur, ac simul *Octavianum* fratrem & *Ascanium*, tum *Rubertum Sanseverinatem*, quod is maximè eorum esse studiosus dicebatur, in exilium eiecit. Ex his cum præcipiti fuga elati *Abduam* transirent, *Octavianus* vado destitutus, temerè equo in vorticem demisso, interiit. At exules qui jam gravi coorto in *Hetruria* bello, in nonnullam spem venissent, per eam occasionem res in *Insulribus* novandi: in primis in suscepta spe *Ferdinandus* Rex confirmavit: quod illi magis animos ad nova consilia adjicerent, magna illis occasione ad rem ex sententia gerendam ostentata. Quoniam verò iniquo animo ferebat, *Florentinos* quibus cum bellum gerebat à *Sfortiæ* pueri tutoribus auxiliis juvari: ita illos cura domesticarum rerum implicare constituit: ut scæmina præsertim atque in novo posita principatu, satis consultum filii rationibus censeret, si quid illi spatii relinqueretur de illius salute cogitandi. Itaque per *Prosperi Adornii* & fratrum exulum operam perfecit, ut *Genua* & si qua illius ditionis oppida *Sfortiæ* imperio parebant ab eo præter urbis arcem deficerent. Quæ cum illius præsidii teneretur, sæpe eò missis qui tentarent, an ulla spes esset illam recipiendi, & victi semper facilè & redire æquè re infecta, erant coacti. His rebus scæmina (ut par erat) perturbata, cum in *Florentinis* gravi tum implicitis bello & haud satis aptis qui sese adversus tantum hostem tuerentur, parum sibi esse præsidii constitutum animadverteret, consilium quidem inivit, ut in adversis & fluxis rebus haud improbandum, sed quod magis esset opportunum inimicorum vindicandis injuriis, quàm videretur filii rebus in posterum expedire. *Genua* enim accito *Baptistæ Fregosio* *Prosperi* inimico, atque adversariorum partium Principi, cum illi facilitatem agendæ rei demonstrasset, magnam spem fecit, civitatis Principatum, per *Adornii* ejectionem occupandi. Ac quod majore alacritate & studio, rem sibi esse suscipiendam putaret: præter civium studia qui permulti illius nomini favebant, ubi rem aggrediretur se illi arcem tradituram pollicebatur. Cum re intellecta *Fregosius*, se nunquam immemorem fore illius beneficii, ac tantæ oblatae occasione minimè defuturum respondisset: his conditionibus est res inter illos transacta: ut recepto Principatu, cum *Joanne Galeatio Sfortia* filio quem ut par erat, suæ dignitatis autorem & familiæ agnosceret, foedus sanctè atque amicitiam coleret: in primis autem, quod utriusque rationibus expediret, neque exules unquam per ullam objectam causam reciperet, neque ad bellum aut sibi, aut *Galeatio* filio ullive inferendum, pecunia, milite, ullave re alia juvaret. Ita ille confirmatus, atque ad agendam rem *Genuam* dimissus, facilè recepta arce, cum suorum fideli ac forti opera usus esset, Principatum occupavit: atque inde *Prosperum Sfortianosque* fratres ex urbe eiecit: summa fide (id quod se receperat facturum) in eo, foedere servato. At illi exulibus *Genuensibus* adjunctis, unà cum *Ruberto Sanseveri-*

nate, cujus eadem erat cum cæteris causâ, se in *Apuanos Ligures* receperunt: ita parati animo, ut ubicunque spem reditus occasio ostentaret, insigni clade inimicorum suis ne deessent. Quod quidem cum Pontifici & *Ferdinando*, nuntiatum esset: omni jam in *Insulribus* sedato tumultu, unde spes illis primùm erat objecta, *Florentinos* ab ea parte *Sfortiæ* præsidio nudandi: exulum operam peropportunam ad vires eorum distrahendas arbitrati quæ haud satis per se esse firmæ eodem etiam contractæ videbantur: curaverunt ab illis copias in *Pisanum* agrum inducendas: magna illis spe reditus facta, ubi audacter incœpta exequi atque impigrè marassent. Quod autem ver appropinquabat, neque satis adhuc *Florentini* esse parati ad bellum ferebantur: plurimum fore commoditatis in eo existimabant, si exules usi celeritate ac rem illis nec opinantibus aggressi, ab ea parte belli initium facerent. Cum exules de eorum voluntate certiores facti, rem minimè esse contemnendam putarent: optimæ spei & fiduciæ pleni tantam repente oblata occasionem læti arripiunt. Itaque ex *Liguri-bus* qui *Adornii* partibus favebant, magna hominum collecta manu: cum iis præesse *Sanseverinatem* placuisset, brevi quæcunque agri *Pisani* erant, ut in subita atque improvisa re nemine iis resistere audente, aut vi, aut metu, aut deditione recipiunt. Tanta autem erat eorum fiducia ex superioris temporis proventu: ut jam spectantibus militibus, qui in statione erant, excurrere ad portas urbis provecti gloriæ studio auderent. Hoc in statu cum res in *Hetruria* essent, legati à Cætare, *Ludovico Galliarum*, & *Pannoniæ* Regibus *Florentiam* venerunt. Hi cum se missos ob eam causam dicerent, ut si qua ratio iniri posset, sublatis inter Pontificem atque illam Rempublicam controversiis, pacem & concordiam firmarent: planè se perfecturos pollicebantur, ubi civitas à sanioribus consiliis non abhorreret, ut Pontifex pariter hoc sibi persuaderi adductus Regum precibus atque auctoritate pateretur. Cum his actæ gratiæ, Regesque tanti, quod sui commodi atque honoris causa, hanc sibi molestiam subeundam statuissent, omni verborum honore collaudati essent: ne quando unquam per *Florentinos* factum esse videretur, quod minus armis positis paci atque otio *Italiæ* consulere-tur: præterea eorum Principum honoris causa à quibus legati essent, missuros se legatos *Romam* de compositione dixerunt. Neque ulterius dilata re cum illis hoc maximè curæ esset, ut æqui atque iniqui intelligerent, pacis se & concordiae auctores, invitos & maximis ac gravissimis coactos injuriis cum Pontifice Maximo gerere bellum, legatos decernunt, viros amplissimos civitatis, qui inita extemplo legatione, cum nulla in re illum nacti suis rebus æquiores essent, brevi quidem *Florentiam* reverterunt. Cum *Florentini* ut quàm integerrima omnia ad pacem haberent, nihil sibi reliqui fecissent: dandam sibi esse operam censuerunt, ut legitima gerere arma, cum ea non inferendæ sed propulsandæ injuriæ causa sumpserint, & non magis cum Pontifice Maximo quàm cum pacis atque otii perturbatore, pugnare viderentur. Ac quoniam plurimum sibi momenti accessurum ad totius belli administrationem credebant ex nobilissimi Regis & potentissimi conjunctione: qui cum *Ludovico* foedus & societatem firmaret, *Donatum Acciaiolum* legatum in *Galliam* mittunt. Is est *Donatus Acciaiolus*, à quo homine (id quod per ea tempora fuit perrarum) Latinis & Græcis literis erudito, conversa multa è *Græca* lingua in *Latinam* & doctè & luculenter leguntur: vir præterea, & nobilitate & probitate vitæ pariter domi forisque habitus clarus. Itaque cum in ea legatione nondum ex *Italia* profectus decessisset: virtutis

ergo est publico sumptu à civitate elatus atque adeo ut posteris mortui memoria prodesset, cum liberi publici muneris ac rerum omnium vacatione & immunitate donati: tum ad filiarum collocacionem pecunia à magistratibus decreta. In hujus locum *Guidantonius Vesputius* suffectus, ita ut se statim in viam daret, mandatis à magistratu acceptis eam postea legationem obiit. Interea cum gravi bello affecta civitas eodem tempore sed diversis locis atque inter se disjunctis premeretur: quò majore animo & studio & exulibus in *Pisano* agro & in *Senensi Ferdinando* & Pontifici occurrerent: ex delectibus urbanis, milite imperato, quo præsidio Respublica adversus hominum temerè collectam manum uteretur: *Petrum Caponium Chini* filium, magnæ virtutis & consilii hominem *Lucam* legatum miserunt: quòd vererentur ne inde exulibus commeatus atque auxilia subministrarentur: in primis solliciti ut civitas opulenta & maxime opportuna propter propinquitatem gerendo bello, si æquam suis rebus & faventem nacti essent: in amicitia contineretur. Atqui suspecta legatio civitati cum animos simultatum memoria & discordiarum subiret quæ nondum planè refederat: ita multitudinem & plebem infimam commovit, nihil ut propius factum sit, quàm ut concitato tumultu, populariter Legatus vir honestissimus suæ civitatis: cum illi parum præsidii in magistratu esset, interficeretur. Ita ille functus legatione, quæ minimè salutaris futura civitati, penè sibi exitio fuerat, ut nova consilia à *Lucensibus* inirentur, id quod tamen facile suspicari licebat, perfecit. Temporis enim vetustate sedatum penè compressumque odium, tanquam vulnus obducta cicatrice, novo ictu recruduisse videbatur. Nunquam porro est satis firma amicitia inter vicinas civitates futura. Sive enim viribus & potentia sunt pares, æmulationis imperii, sive altera infirmior, est alteri contemptio: idipsum & parit odium & simultates alit: ut cum illa securitatem quærat ejus ruina, qua cum habet institutam contentionem de principe loco: hæc si qua se occasio det, se ab indignitate vindicare & contemptione omni cura & studio conetur. At *Florentini*, ne jam vere ineunte improvviso bello opprimerentur, neu hostes capto ex suo tempore consilio: viarum angustias præoccuparent, ac commeatu civitatem intercluderent: *Herculem Ferrariensem* & *Federicum Mantuanorum* Principem, quò bellum majore fama apparatus per nobilissimos Duces atque in primis rei militaris peritos administraretur, *Florentiam* evocarunt. Quibus *Carolus Bratii* ac *Deiphæbum* * *Jacobi* filium, *Venetis* permittentibus, quòd eo tempore cum *Turca* pacti inducias quiescebant, cum delectis militibus qui aliquot annos sub eorum signis militabant, focios atque adjuutores ad bellum gerendum esse placuit. Cum magno equitum & peditum numero comparato, vires cum *Ferrariensi* & *Mantuanano* conjunxissent: ad eas copias, quas secum ipsi adduxerant, aliis insuper acceptis, se ad *Pisas* exulibus opponere atque ibi facere belli initium constituunt. Erat autem summa eorum consilii, ubi (quod sibi spondebant) exulum vires disjecissent, tumultuariam manum, & temerè collectam: *Senam* quòd tota belli moles inclinaret, exercitum adducerent, ac cum Regiis, universis viribus de summa belli decertarent. At exules eorum cognito adventu, qui ad *Auserem* annem stativa habebant, quoniam multò se esse inferiores militum numero intelligebant, veriti ne pauci à multis circumvenirentur: aliquamdiu ad timoris tollendam opinionem, iisdem in castris commorati, cum ab exploratoribus propius hostes adventare cognovissent, unde discesserant, se in *Ligures Apuanos* receperunt. Ita illis profectis, atque ad ea oppida,

A quæ amissa erant, exercitu adducto: omnia, ut nihil hostile in *Pisano* agro relinqueretur, quòd bellum in diversa parte gerentes sollicitos haberet, recepta præfidiis firmarunt. Eo metu *Florentini* liberati copias omnes inter *Collem* oppidum & *Fanum Geminiani*, quò commodius faciliusque exercitu lustrato, de omni belli ratione incunda statuerent, nullo dato spatio hosti ad loca æquiora occupanda, adduci imperant. Cum eò Duces summa usi celeritate exercitum duxissent: animadversum est, ex *Bratiani* militibus & ex *Sfortianis* æquè multos, qui ex *Insubribus* missi erant ex fœdere *Florentinis* auxilio, sub iisdem signis militare.

B Ea ex re verendum erat, ne vigentibus adhuc partium studiis, & nondum planè odiis restinctis, cum levissimis quibusque de causis quotidie venturi ad arma magna cum exercitus clade viderentur, ne quid detrimenti Respublica atque incommodi acciperet: vix autem ne id accideret ulla ratione & consilio à Ducibus poterat obviam iri, ni dividi copias ac vires distrahi paterentur: quòd iis tamen videbatur necessario esse agendum, ne si diutius iisdem in castris manerent, ex privatis simultatibus odium conceptum, in minimè dubiam multorum perniciem erumperet. Itaque cum hoc tutius visum consilium esset: *Carolus* cum ea militum parte quibus ipse imperabat, in *Perusinum* agrum mittunt, qua in re minimè dubium erat, ob eas causas, quas superius commemoravimus, non esse plurimum illius rebus prospectum: ceteros quòd transitu hostes prohiberent ubi vim facere conarentur, *Pogibontios* quæ erat aditus in *Florentinum* agrum eodem tempore ire jubent. *Bonitium* à veteribus oppidum appellatum est, ut quibusdam videtur. Hoc consilio necessitas hostibus imponebatur, nisi negligere *Perusum* mallent Pontificis perstudiosam urbem, quæ in magnum adducta discrimen, ubi pergerent cunctari, ventura propediem in *Caroli* potestatem videbatur, copias quòd ipsi coacti egissent, distrahendi. Præterea quo ancipiti cura distractum Pontificis animum à belli consiliis avocarent, operam dederunt, ut *Nicolaus Vitellius*, quem antea illi cecidisse *Tifernatium* Principatu demonstravimus, suarum partium hominibus collectis, eam urbem *Laurentio Vitellio* ejecto, quòd non illi erat admodum difficile futurum à suis quotidie ad reditus spem incitatus occuparet. Porro *Laurentius* quòd maximè valere gratia apud Pontificem ferebatur, ac plurimum illius partibus favebat, autoritate princeps in civitate habebatur. Quæ omnia optimo consilio & ratione administrata, cum viderentur propediem eum exitum habitura, quem maximè sibi animis spondebant: *Carolus* qui jam *Perusinis* omni belli clade affectis magnam in spem potiundæ urbis venisset, non suorum magis quàm Reipublicæ adverso tempore moritur. Eodem verò tempore *Vitellius*, quamquam nondum urbem occuparat, latè agrum populatus, eò *Tifernates* adduxerat, ut omni spe propinqui auxilii adempta, suis rebus consulere atque inire consilia de tradenda urbe cogerentur. Pari usi felicitate qui *Pogibontios* ad transitum hosti claudendum missi erant: non solum, quòd iis datum negotium erat, hostes aditu in *Florentinum* agrum prohibebant, sed iis etiam invitis, cum minimè auderent se eorum conatibus opponere, impunè ad urbis muros nullo eos prohibente excursiones faciebant. At quamquam *Caroli* immatura atque inexpectata mors, *Florentinis* quibus in illius virtute & consilio plurimum ad omnia momenti constitutum erat, perincommodè videbatur accidisse: ea tamen post illius mortem evenerunt, ut certa illos victoria, nisi ultrò offerenti se fortunæ defuissent explorataque maneret. Pontificii enim exercitus Duces, cum certis nuntiis de *Caroli* morte

morte acceptis, *Florentinos*, quos jam factos rebus secundis negligentiores rebantur, ac se illis præterea in magnam contemptionem venisse non ignorabant, se posse de improvviso opprimere sperarent: castra inde movere atque illos adoriri constituunt. Itaque magna trepidatione & tumultu quò timoris opinionem hostibus augerent militibus iussis vasa colligere, recta ad *Thrasimenum* lacum, nobilem *Annibalis* de *Romanis* victoria contendunt. Quod hostium consilium, cum *Jacobus Guicciardinus* exercitus legatus cognovisset: re antea cum *Ruberto Malatesta* communicata, cujus erat in exercitu, ob singularem virtutis opinionem & rei militaris scientiam magna autoritas existimatio: propius ad hostes castra movere, ac cum iis duplici errore captis decernere totis viribus constituit. Cum autem ab iis se peti viderent, quos adoriri ipsi constituisent, non ut existimabant, palatis ac nullo certo imperio atque ordine dispersis & dissipatis, sed animis ac viribus ad pugnandum paratis, falsos illos sua opinione nullo negotio se oppressurum, cum præsertim nihil hostilis atque infestis à tergo relinqueret, arbitrabatur. Neque illum frustrata sua spes atque opinio est. Nam simulatque signum militibus pugnae dedit: Pontificii quibus aliquantò majorem spem in hostium contemptione quam in vera virtute atque animi magnitudine posuissent: cum militum vim atque impetum, qui ut in imparatos & perterritos, sua etiam opinione vehementius atque acrius invehebantur, sustinere haud facile possent: perturbatis ordinibus primum loco moveri ac pedem referre, hinc terga vertere ac postremo graviore urgente metu, præcipiti se fugae mandare coeperunt. Quæ res *Florentinis* minimè dubiam victoriam fecit. Hujus rei nuntio *Florentiam* perlato, lætam civitatem, quæ jam à gravi metu respirare, ac tanquam emergere ex adversa tempestate videretur: *Pogibontis* tristiores nuntii subsequuti, gravius aliquantò eam & vehementius affecerunt. Nam cum præda ingenti parta ex hostium agro, inter milites (ut fit) in prædæ divisione magna esset exorta contentio: Ducibus ambiciosius quam aut temporis ratio aut Reipublicæ dignitas postulabat, causam suorum defendentibus, ventum erat pari animorum ardore utrimque ad arma. Cum ut hinc magna esset clades expectanda, nihil ad speciem justis prælii deesset: agrè quidem legatorum autoritate interposita, qui Reipublicæ nomine exercitui præerant, sedata in præsentia tanta seditio est. Postremo cum avaritia inter milites, studio inter Duces quo elati aliorum causam suam fecerant, pessimo exemplo certaretur: nulla jam reliqua spe alia ratione animos conciliandi, alterum esse mittendum censuerunt: nihil illum arbitrati ex usu Reipublicæ facturum in magno militum odio & dissensione, etiam si honoris existimationisque causa, uno animo cum collega bellum, ut instituerat, administraret. Ita *Mantuanus* copiis præesse iussit: *Hercules*, quem minus fore æquum suis rebus censebant, insigni Reipublicæ illato detrimento, cum magna exercitus parte, qua ex re ejus in primis vires extenuabantur, ex *Hetruria* abiit. Verisimile est quòd superiore bello *Venetis* exulum causam defendentibus, in eorum exercitu militaverat, cum antea in civium dissensione minimè obscure *Neronii* & *Soderini* partibus adversus *Medices* favisset, *Laurentio* uno id procurante, aut missum esse factum, aut, quod probabilius est, sua sponte ipsum nobilissimum Ducem & qui parem eundem atque æmulum, haud satis æquo animo videretur in belli administratione laturus, discessisse. His rebus cognitis, *Alphonfus Calabrorum* Dux qui Regis copiis præerat, *Sena* ubi substiterat, motis repente castris, ne magnam oblatam occasionem belli ad-

A ministrandi prætermitteret: adversus hostes ire incredibili usus militum studio properavit. Sperabat enim, quoniam quicquid roboris in exercitu habebatur, *Herculis* discessu erat detractum, quicquid ille studii & celeritatis adjecisset fore ut id magnum momentum ad totius belli summam afferret. Quæ illum spes minimè fefellit. Simulatque enim adventare illum *Florentini* cognoverunt adeò universi perterriti dicuntur, ut cum in omnium trepidatione, causam omnino cur trepidandum esset ignorarent: vix certiore de ejus adventu nuntio accepto: quanquam illi & loci æquitate, cum egregie munitus natura atque opere haberetur, & tormentis atque omni alio belli apparatu multò hostibus superiores essent: non sine magna eorum admiratione, qui tam præcipitis ac turpis fugæ causam quærent, terga verterunt. Quod autem fama nunquam antea cognitum erat (tàm imbellem militiam tum Principes *Italiæ* alebant) neque hostium conspectum sustinere ausi, tormentis, tabernaculis, impedimentisque omnibus prædæ relictis, unius cura salutis anxii, nominis, famæ, existimationis obliti, sese fugæ dederunt. Hac parta victoria *Alphonfus* non tàm suorum virtute, cujus nullum adhuc erat periculum factum, quam hostium summa ignavia & timiditate: tanquam belli finis, ac fructus victoriæ in prædæ divisione constitisset, partienda ea cum avaro milite occupatus, hosti, quem adhibita celeritate delere potuisset, spatium ad se recipiendum reliquit. Celeriter fama tantæ cladis *Florentiam* perlata, magno terrore & tumultu civitatem complevit, pari illam & suorum ignavia perditam, & hostium servatam. Ac quanquam is erat Reipublicæ casus, ut quovis etiam tempore magnopere esset civitati extimescendus, tamen quò minus parata adversus illum in ulla re subsidia haberent, gravis exorta simul pestilentia efficiebat. In magno enim omnium metu, cum permulti relictæ urbe, tanquam in multitudine perniciosior contagio ac præsentior mali vis non æquè facile caveri posset, villarum amœnitates & recessus quæsisent: repente malè gestæ rei fama eodem pervagata, cum conjugibus & liberis, quos magna sequebatur agrestium turba desertam paulò antea patriam proditamque repetebant: inter duo gravia vitæ discrimina, satius esse ducentes animam agere in complexu suorum, quam hostibus immanissimis & non ita cupiditate gloriæ, atque odio sui gerentibus bellum prædæ relinqui. Cum tot malis circumventa civitas, in primis eorum quæ impenderent debilitata metu, ferè de salute desperaret: veteri instituto majorum jam antea magistratu creato cui belli cura atque administratio mandabatur: factum ab eo decretum ad exercitum mittitur, qui ad *Perusum* à *Carolo* adductus, adhuc ibi eo mortuo consisterat: ut omiffa in præsentia ejusce belli cura, ac collectis ex fuga, qui reliqui erant ex superiore exercitu, quique palati & vagi nulloque certo Duce ferebantur, omnibus viribus adversus *Alphonsum* rem gererent. Eum enim recenti victoria elatum jam quicquid intra amnem *Elam* atque urbem erat, incendiis & populationibus infesta omnia faciendo occupasse fama erat. Et si igitur obsessa arctissime urbe, haud dubium erat, quin brevi *Perusini* cum ultima omnia essent passi deditionem facerent: accepto tamen magistratus decreto cui planè esse parendum censebant, cum tutius præsertim consilium videretur, tueri sua, quam aliena ire oppugnatum: ad *Fanum Cassiani*, quod oppidum *Florentia* abest octo. mill. passuum, copias duxerunt. Ita autem consilium explicaverant, ut cum victi exercitus reliquæ eò convenissent: tum planè viribus superiores, aut cum hostibus confingerent, si quod futurum credebant, potestatem pugnandi facerent, aut conantibus ulterius progredi obviam

irent, ad omnem subitum casum urbi semper praesidio futuri. At exercitus discessione *Perusio* soluta obsidione, cujus incommoda haud diutius sustinere posse videbatur: Pontificis milites gravi cura ac metu levati, impunè *Cortonesem* agrum atque *Aretinum* populabantur: facileque apparebat, nisi qui eorum ferociam atque impetum retardarent, iis obviam mitterentur, insignem cladem Rempublicam atque ignominiam ab ea parte accepturam. Nam & Regii jam *Pogibontios* & *Vicum* oppidum in deditionem acceperant, & *Certaldo* capto & direpto, *Colli* imminabant. Quod oppidum & sui natura munitum, & in primis ejus regionis omnis Reipublicae fidele, cum desperarent oppidanorum voluntate posse recipere, adhibitis tormentis oppugnare summa vi ac militum studio instituunt. Qua re *Florentini* cognita qui jam copiis ad *Cassiani Fanum* contractis, minimè videbantur inferiores futuri, si iis dimicandi opportunitas aliqua daretur: ne oppidani qui propter exiguum propugnantorum numerum haud satis pares habebantur ad hostium vim atque impetum ferendum: longiorem autem obsidionem ferre non poterant, sibi consilere ac se *Alphonso* dedere cogerentur: simul & ad suorum animos confirmandos & ad terrorem hostibus inferendum propius ad illos castra movere constituunt. Ita profectionis signo dato, ad *Fanum Geminiani* quinque millia passuum ab hoste confederunt. Hinc cum per varias occasiones quotidie ferè levioribus praeliis, quibus virium periculum fiebat, decertaretur: quanquam Regiis quò minus liberè oppidanos vexarent (ut superioribus diebus consueverant) nonnihil asferre morae atque impedimenti *Florentini* videbantur: tamen cum in dies obfessis essent omnia arctiora, ac nihil illis fore praesidii in suorum adventu ad se tuendos appareret, illis astantibus atque insipientibus (magno id quidem Reipublicae dedecore quae adeo ignavum militem atque infamem alebat) deditionem fecerunt. Jam hyems cum exactis Cal. Novemb. milites tecta atque hyberna spectarent, Duces à cura rerum gerendarum avocare videbatur. Itaque ne magis militum mollitia, quam eorum flagitium infame esset, quorum imperio parebant: mentione primum à Regiis facta, trium mensium induciae fiunt, cum decem dierum spatium *Florentinis* datum ad consultandum esset. Turpe quidem & flagitiosum consilium multis est visum, qui durissimo etiam anni tempore, minimè negligendam tantam oblatam occasionem, tamque ad res gerendas idoneam atque opportunam censebant. Quid autem minus agendum erat properantibus ad belli finem, quam in medio cursu victoriae consistere, perterritis hostibus quibus adversa omnia ita accidissent, ut de summa rerum desperarent? Nam asferre inducias victis, cum mora interposita, & reparare vires & instaurare bellum per otium possint, aut eorum est, qui nimium molliter cum hostibus bella gerunt, aut cum hoc perrarò accidat, ut quis inimico velit consultum, cum data facultas sit illius perdendi: esse indicio videtur, magis ipsos ignavia, quam vera virtute victos hostes esse: certè quaecunque illa est causa quae illos moveat qui ad hujusmodi consilium descendunt, ignorantium id uti victoria videtur. At civitas quae tot jam bellis gerendis affecta, otii atque pacis esset ferè oblita, ubi per induciarum tempus longo intervallo spes illius recuperandae affulsit: recenti malorum memoria quae passa erat quae mox impenderent, conjiciendo, cum eò esset eorum sensus acerbior, quò magis ex pacis bono quam essent belli incommoda detestanda intelligebat, palam jam pacis autores quærebat, & si qui belli mentionem facerent, de quo instaurando jam à principibus agebatur, eos oderat atque aversaba-

A tur. Querebantur enim cum exhausti privati tributis conferendis, atque exinanitum Reipublicae aerarium sumptibus faciundis esset, nullum tamen operae pretium civitati extare, contra, adversa illi semper omnia & tristitia accidisse. Sive autem inertia & metu, quod mitius malum, minus videretur iniquo animo ferendum: sive scelere eorum atque avaritia, qui rebus gerendis eo bello praefuissent, cum illis extraordinarii imperii vis, utilitati & compendio esset, militiam habentibus pretio addictam: praeter tot oppidorum amissionem, quorum jacturam permagno redimendam censebant, aversos atque alienatos optimos fidelissimosque socios. Quibus rebus ita foedè ac flagitiosè administratis, vix posset dijudicari, utrum detrimento majore civitas an ignominia & dedecore esset affecta. In castris ferocem militem, in acie imbellem: & cum majore eundem cupiditate atque avaritia ad praedandum, quam ad vincendum studio gloriae: tum magis in eadem ipsa partienda praeda contumacem quam in defendenda adversus hostem constantem. Duces quidem factos ad eorum ingenium, molles atque indulgentes, minus certè quam aequum esset, suum agnoscentes in protervos atque audaces imperium. Itaque inane esse nobilitatis nomen quod jactent: ut cum illiberales ipsi & sordidi sint, facile ostendant, nulla se alia re à gregariis militibus quam majorum imaginibus differre. Cujusmodi autem eorum virtus sit atque in re militari scientia & usus exitum tandem belli declarasse. Praedae aviditate incensos milites, propè justo praelio atque infestis utrimque signis concurrere passos esse. Mox cum pugnari cum veris hostibus oporteret, ubi animi vis praesens & robur praestandum esset, abjectis turpiter armis neque eorum expectato adventu, aequè malè partam defensamque praedam, simul cuncta quae sua essent, terroris & formidinis plenos praedae reliquisse. Alia nunc consilia videri esse ineunda: & qui bellicas artes non calleant, aut quoniam militiam habeant quaestuofam, neque animos neque vires afferant ad res gerendas pares, iis esse pacem qua fruuntur, & se dignum quaestum in urbano otio atque inter mensarios & negotiatores quaerendum. Qua re cum satis jam & domesticæ ignaviae, & externae virtutis factum periculum, ac magno id quidem Reipublicae incommodo sit: quod esse reliquum videatur, per pacis autores ac Reipublicae amantes cives qui minimè sint defuturi, an tantis malis finis ullus reperiri pace concilianda queat, tentandum denique experiundumque esse. Hæc non solum palam inter privatos, facile libera civitate impunitatem in maledicendo & petulantiam tuente, sed in consiliis publicis & quidem cum *Laurentius* & magistratus adessent, quem unum praecipuè peti apparebat, dicebantur: ut cum mentionem de bello instaurando facere instituisset: non defuerit, qui illo interpellato, defessam civitatem diceret gerendo bello atque aversam ab aliis consiliis pacem quaerere, neque mentionem armorum fieri pati ullo modo posse. Qua in rerum difficultate tanta cum parum in *Venetis* constitutum praesidii haberent, qui se bello alligari quod privatorum causa susceptum adversus Pontificem contenderent, minimè aequum censebant: in *Sfortia* & pupillo eodem, & domestico ac civili bello implicato magis voluntatem egregiam atque animi propensionem, quam vires ad se juvandos esse intelligerent, statuerunt omnino, cæteris omisis consiliis, de pace esse agendum. Una erat dubitatio reliqua cum de hoc conveniret, à quo duorum potius pacem peterent, ne quando frustrati sua spe alterum tanquam non prius conventum ubi ei alter praelatus esset, minus aequum facilemque invenirent. Ea brevi disceptatio discussa compres-

laque

saque est. Nemo enim dubitabat tametsi cætera paria haberentur, cum in altero belli summa, in altero accessio esset: quin & viribus firmior *Ferdinandus*, & constans magis in amicitia & societate tuenda, si animum ad pacem inclinaret, non esset *Xysto* præferendus. Nam ut minus etiam de Pontifice dubitarent homine iracundo & pessimo exemplo in summa potestate imperii, immoderata ambitione atque animi impotentia abutente: eam esse rationem animadvertabant societatis cum eo & foederis firmandi: ut dubium relinqueretur, quicquid cum eo transgissent, in alterius Pontificatu quam diu stabile esset ac firmum futurum. In Principatu enim qui non hæreditario jure, sed patrum suffragiis, atque ut fors & temeritas suadet sæpius deferitur: diversa ferè hominum studia solent voluntatesque animadverti: ut rarò admodum acciderit, quod præsens optimam etiam sequutus rationem instituerit, id ut ei qui successerit, probatum æquè diu ratumque fuerit. Natura enim hominum id fert, ut magis omnes suis studiis: atque ad eò iis quæ minus certa ratione possunt tueri, quàm alterius institutis tametsi eadem esse optima intelligant, parere velint. Sæpe autem videmus accidere, ut cum Pontificatus ac summi imperii potestas à vehementiore homine ingenio administraretur, omnibus semper formidabilis, cum in facienda injuria impunitas & licentia, in declinanda religio tueatur, ingentia mala in Christianam Rempublicam invehat. Qui enim semel animum induxit ut injuriam faciat, is cum ad voluntatem facultas lædendi atque impunitas accedit, & ferociam & contumaciam æquè addendo, facere eandem pertinacius perseverat. In præstanda fide rarò idem constans habetur si quando illam alteri obstrinxit, cum se legibus solutum à quo fidem præstari oportet, religione impeditum qui illam exigit, & propterea minus audacter suum jus persequi animadvertat. Itaque in Pontificis Maximi amicitia & societate, neque ubi res prosperè succedant, sunt communia victoriæ præmia, neque belli pericula quæ necessario subeunda sunt iis qui arma gerunt, ad eum pertinere videntur, quem tanta opinio hominum & religio in terris tueatur. Omnes enim in gratificando Pontifici pariter, & in eodem sublevando, si quando iis de suo jure decedendum sit, suæ religioni se & fidei consulere existimant. His rationibus animis confirmatis, *Laurentium Medicem* cum autor ipse ejus sententiæ esset, mittendum legatum ad Regem, qui iratum illius animum placare & conciliare quo ad ejus fieri posset civitati conaretur, censuerunt. Nam & videbatur magna opus esse autoritate, ad animum Regis à Pontificis societate avertendum, qui cum non foederis religione solùm, sed voluntate & studio etiam conjunctis haberetur: (id autem erat ferè necessariò futurum, ubi ille sibi persuaderi passus esset, ut novum foedus cum *Florentinis* feriret) & cum is quem unum peti eo bello fama erat, se ultrò illius arbitratui permisisset, vix erat dubitandum quin magnitudine animi ac virtute tanta, quantumvis barbarus animus, & deliniri & flecti tandem ad mitiora consilia & postulata æquiora posset. At *Laurentius*, nondum ad illum delata legatione, cum ut illustrius pietatis in patriam studium ostentaret, suscipere omnino rem decrevisset: civitate *Thomæ Soderini* fidei commendata, qui tum *Vexillifer* Reipublicæ præerat, Calendis Decembribus ex urbe proficiscitur, cum causam ejus adventus omnes ignorarent. Hinc *Pisias* profectus, jam antea ad magistratum literis scriptis, quibus profectionis suæ causam ac totius consilii suscepti rationem explicabat, audit sibi munus legationis quò majore autoritate rem gereret, mandatum esse. Adjectum autem erat

A decretum honorificentissimum, ut uni potestas fieret, quicquid is esse è Republica duxisset, sive foedus atque amicitiam ineundam, sive inducias faciendas existimaret, cum Rege transigendi. Per eadem fere tempora, quibus ea *Florentiæ* agebantur: *Ludovicus* & *Ascanius Sfortia Insubrum* agros populati *Dertonam*, *Romanorum* olim coloniam, occuparant. Quia verò non esse penitus à se aversos *Mediolanensium* animos audiebant, in magnam spem venerant, iis suo adventu confirmatis, ac si qui minus suis rebus faverent, largitione & præmio redemptis, fore ut suscepta *Sfortiæ* pueri curatione, non magno negotio Principatum invaderent. Adjuvabat plurimum fortuna eorum consilium. In magna enim caritate annonæ, armata multitudo, ita ut minimè quieturam appareret: autorem modò & ducem quærere ad seditionem videbatur: qui se à fame atque egestate vindicaret. Jam & illud ferebatur, quod in primis exulum causæ favebat, *Bonæ matri* & *Simonetæ* cujus consilia omnia agi existimabantur, magnam à plebe constatam invidiam: quæ quòd civitas rei frumentariæ angustis laboraret, culpam omnem in illos conferebat. Ita illi magna spe incitati, fore ubi propius ad urbem accessissent, ut à suarum partium hominibus sibi portæ aperirentur, magna usi celeritate *Mediolanum* properabant. Id cum scemina didicisset, quæ ab omni consilio inops ne quid sibi durius accideret in magna populi offensione vercebatur: usa illa quidem ut ad eò suo adverso tempore consilio minimè improbando (quod adducta necessitate & tempore erat factura) deferre ultrò *Ludovico* ipsa constituit. Quò autem mitius cum illo ageret, eò se illum æquiorum habitura arbitrabatur. Hujus consilii autorem illi fuisse ferunt *Antonium Tassinum Ferrariensem* quendam, cum ex humili fortuna traditus uxori ad cubiculi ministeria à *Galeatio* esset, sive illum sedulitate & officio, sive ingenii & morum elegantia, cui rei maximè ad Principum gratiam aditus patet, sive forma conciliatum id quod nonnulli suspicabantur. Brevi autem cum se penitus in interiorem illius amicitiam insinuasset, cæteris omnibus dejectis, ob minimè dissimulata in illum Principis studia, omnia suo arbitratu administrabat. Id cum alii ferebant molestè, qui tantam inuri ignominia notam *Sfortiæ* familiæ querebantur: tum unus erat *Franciscus Simoneta*, qui ob singularem hominum de illius prudentia opinionem, principem locum inter familiares consecutus, & hoc minimè æquo animo ferret, & unius hominis invidiosæ potentia, palàm fretus sua autoritate adversari auderet. Ea ex re gravi inter illos æmulatione orta, minimè quidem ex æquo loco, cum in altero vera virtus quæ contemnebatur, in altero sceminae studium & gratia conspiceretur, certabatur. At *Tassinus*, qui hoc non ignorabat, cum aspiraret ad majorem potentiam, & (quod sub sceminae imperio sperare non poterat) magis eandem firmam & diuturnam: semel tanquam loco motum adversarium arbitratus se ubi paulum admitteretur dejecturum: exules fratres, quorum illi potentiam auctoritatemque opponeret, statuit in civitatem esse revocandos. Eo confirmato consilio ita, Principem dolo aggressus atque hortatus esse dicitur, ut exposita illi temporis iniquitate, quæ ut nova omnino consilia postulare, ita deliberandi moram minimè pati videretur, concitata jam multitudine & armata, inimicis urgentibus, nullo firmiore præsidio in externis auxiliis constituto, facile illi persuaderet, ut *Ludovicum* & *Ascanium* proposita illis impunitate, reducendos, atque ubi vellent, sibi reconciliandos curaret. Omnino autem sibi futurum pollicebatur, quod *Ludovicus* satis intelligeret illius consilio & gratia se in urbem receptum, minimè eum sibi tan-

tanto obstrictum beneficio defuturum. Quod quidem ejus consilium, quanquam satis tectum atque occultum haberet, haud satis potuit *Simonetam* celare. Itaque homo prudentissimus, cum impendentem sibi calamitatem ab exulum reditu prospiceret, id quod postea evenit, *Tassino* prædixisse fertur: *Ludovicum* & *Ascanium* per illius gratiam & studium reditu impetrato, sibi quidem certum exitium: quod tamen fretus optimæ mentis conscientia aliquantò inimicorum opinione levius ferret, sed minimè dubiam ei ignominiam atque exilium, quod omni esset morte illi gravius futurum, si vir modò haberi vellet, allaturum. Quod quidem haud temerè ab illo prædictum brevi rei eventus declaravit. Nam *Ludovicus* simulatque accepta Principis fide, est in urbem receptus, facile in eum cujus unius consilio & auctoritate diu tantus principatus erat administratus, calumnia conficta, & damnari hominem & plecti capite curavit. *Tassinus* cum serò esset expertus, quantumvis parvam injuriam ægrè magno etiam beneficio atque illustri in viro principe obliterari consuevisse: brevi postea in exilium pellitur. Id *Bona* Princeps cum factum contumeliæ suæ causa ægerrimè ferret: tanquam sibi ea injuria non *Tassino* esset illata, irata *Ludovico* & filii tutelam qui illi erat prædæ futurus, & Principatus procurationem reliquit, atque ex *Insulribus* discessit. Jam cum *Laurentius Pisis* magistratus decreto accepto, *Neapolim* vectus longa navi ad legationem obeundam navigasset: præter omnium opinionem, quod civitas per induciarum tempus advocata à belli consiliis minimè hoc sibi esse timendum censebat, *Sergianum* Reipublicæ oppidum ab *Augustino Fregosio* prodentibus (ut ferunt) quibusdam oppidanis, occupatur. Id ad *Macram* fluvium situm, *Lunæ* ruinis crevisse fertur, urbis olim *Hetruriæ* nobilis. Atque oppidum quidem neque soli ubertate neque commercio aut incolarum frequentia celebre quod objectum *Liguribus* veluti propugnaculum, Reipublicæ fines ab ea parte tuebatur, magnopere amissum civitatem perturbavit. Neque verò solum tantum acceptum incommodum ex oppidi opportunissimi amissione homines movebat, sed multò magis etiam causa. Nam omnes ita existimabant quòd adhuc Regius exercitus in Reipublicæ finibus hæreret, non connivente solum *Alphonso* sed clàm etiam adjuvante, oppidum esse ab *Augustino* Reipublicæ interversum. Huic *Florentinorum* suspicioni occurrere cum non esse planè vanam apparet: suæ dignitatis esse atque exultationis *Alphonso* arbitratur. Itaque nihil sibi reliqui fecit, & literis æquè & legatis ad magistratum mittendis & omnibus aliis rationibus ineundis quibus hanc à se averti suspensionem speraret. Ac quanquam hæc ita ille agebat, *Florentini* tamen maximo metu afficiebantur: & quòd civitas ærarii angustii laborabat, exhausti jam sumptibus ad bellum faciendis, & quòd *Laurentius* aberat, quem unum maximè ut tantorum malorum autorem, ita etiam vindicem quærebant. Ita cum nemo superesse videretur cujus auctoritas, aut præsentibus malis obfisteret aut impendentibus obviam iret, jam penitus tanquam deplorata re, desperandum de communi salute censebant. Nam adversus Regem & Pontificem manebat adhuc integrum bellum, cui diutius gerendo minus pares se esse intelligebant: & cum jam neque in *Insulribus* (tanta facta commutatione rerum) neque in *Venetis*, his de causis quas superius demonstravimus, quicquam præsidii ostenderetur: erat magnopere verendum, nè *Genuensium* armis tanquam additamenti loco accedentibus ad bellum, Respublica in magnum rerum omnium periculum adduceretur. Una spes his malis sollicitis solatio erat, quæ tota esse posita in *Laurentii* prudentia & vir-

tute videbatur. Nam si is ex Reipublicæ dignitate (quod haud penitus diffidebant) cum Rege transegisset, non dubitabant, quin cætera etiam omnium expectatione mitiora civitati obvenirent. Jam verò ille secunda usus navigatione *Neapolim* appulerat ac civitate omni illius visendi studio excitata, à *Ferdinando* Regia magnificentia & comitate, cum illi *Federicum* filium, magna suorum frequentia comitatum obviam misisset, erat exceptus. Ac cum propius ad urbem accessisset: dicitur illi Rex minimè tanquam privato, qua in re decedere plurimum de suo jure videretur, obviam processisse: cumque ex Regiis equis unus adductus esset, quo vectus *Laurentius* unà cum Rege in arcem contenderet, non acutè minus quam falsè & venustè eum perstrinxisse ferunt: tum enim (inquit) sibi equo opus fore, cum à tanto Rege sibi facto æquiore pacem impetrasset, quo nuntio suis optatissimo ut citius civitatem impertiret, sibi esset celeritate utendum. Ad celebrem hominis famam ceperat animos tacita quædam admiratio: cum unus is esse diceretur cujus causa perniciosissimum bellum duo potentissimi *Italiæ* Principes patriæ intulissent: tantum autem in eò pietatis studium extitisse, ut animi constantia quadam invicta, cura omni propriæ salutis animo abjecta, ultrò patriæ servandæ causa, hostium se potestati infestissimorum permisisset. Quanti autem ea res esset æstimanda satis quidem in eo apparere: hostem enim, & quidem hostem acerrimum magnis jam & acceptis & illatis injuriis, subito ex animo simultatis omnis memoria obliterata, dignum illum duxisse, quem omni genere officii complexus atque adeò eadem cum Republica manente causa belli, privatim amicitiae jure atque hospitii devinctum apud se haberet. Atque post prima illa persoluta humanitatis officia, quæ adeunti primum Regem obeunda erant: cum primo congressu nihil aliud agi placuisset, quam ut lenocinio orationis & comitate quadam quæ in eo virtus dicitur planè Regia fuisse, facilem sibi aditum ad Regis benevolentiam compararet: diem colloquio constituit, quo die remotis arbitris, cum eo ageret de iis quorum causa missus erat. Qui ubi dies advenit ita illum allocutus fertur. Et sapientia tua (Rex) singularis, & animi magnitudo ac moderatio summa, agentem me gravissimis de rebus & maximis magnopere confirmat. Itaque sive ego adverso patriæ meæ tempore abs te pacem petere institui, facilitate quidem te ac lenitate pari in simulatibus ponendis esse intelligo, cujus nullæ præsertim satis graves causæ extant: sive autem communis salutis causa, id censeam mihi esse agendum pari eundem animi prudentia & consilio præditum, non dubito quin æquissimum habeam in communi salute procuranda: qui unus maximè quæ ex præsentis bello impendeant calamitates quasi ex altissima specula longe antea animo prospicias. Nunc cum ego utrumque agam: & patriæ meæ servandæ causa, cujus rei potestas in te uno summa est, & concordiae atque otii in *Italia* tuendi, qua in re & de tua dignitate plurimum & de hujus Regni salute agitur, nihil subesse causæ video, cur non ego te mihi hodie magna alacritate animi affuturum putem. Magni hominis est inimicitias ponere: sed quæ tamen in nemine cum laude, in Rege vix unquam sine gravi offensione hominum atque invidia esse diuturnæ possunt: amicitiam instituere, inimicitias positas, perrare alii possunt, at Rex semper & quidem *Ferdinandus* Rex debet. Quæ enim cum laude fiunt, facere debent semper qui ea agere & possunt & noverunt. Ita nemo facile privatum hominem reprehendet qui condonandis injuriis inimico se difficilem præbeat, meritò idem Regem qui in eo se minus exorari patiatur. Res autem una est quæ ani-

animi magnitudinem requirit, quæ virtus in privato admirationem habet, non habet in Rege laudem. Hujus enim est propria: in altero si adest, datur laudi, æquo animo eadem desideratur. At dignitati semper in agendo debet Rex consulere: quid cum dignitati est adjuncta salus? Pacem abs te *Florentini* petimus, si à Rege quidem certa impetrandi spe, si ab eo qui ut hostis sit se Regem esse obliviscatur (non verebor quæ sentio dicere æquitate summa fretus tua) tantò id laturo levius, quantò magis illum sibi infestum quam nobis relinquemus. Sed ut minus de hoc dubitem singularis tua virtus facit. Ita autem Regnum fortunæ debes ut virtuti plus debeas, quæ te Regno dignum effinxit. Verum id à te petimus quod nobis quidem necessarium, tibi salutare maximè futurum contendimus. Ac cum minimè hæc instituta à me oratio sit tui docendi causa, ita autem te patriæ meæ placandi, ut intelligam mihi cum lenissimo eodem Rege & mitissimo ingenio esse agendum: illud tantum modò, si potero, efficiam, ut cum tua sponte sis propensus ad meliora consilia, & quæ pariter probari nobis perspecta intelligas, nihil jam nobis sit in mora, quin pari contentione & studio, ad ea quæ meliora esse animadvertimus, contendamus. Itaque ea pars à me orationis omittetur, quæ aut iracundiæ tuæ in nos sedandæ, aut impetrandæ patriæ saluti esse comparata videatur. Minimè enim est verisimile tantum Regem ulla vi magis orationis permoveri, quam clementia, æquitate animi, studio gloriæ & laudis: in conservanda præsertim civitate cum in primis *Italiae* nobili & clara, tum (si modò hæc dici præsens nostra fortuna patitur, quæ tamen vera sunt & nemini obscura) cujus multa atque illustria semper in Christianam Rempublicam merita extiterint, & nisi quæ nobis iniqua obsistat & fatalis vis, videantur in posterum futura? Valeat hæc quidem ratio, aut apud homines imperitos, qui sensu magis quam ratione ducuntur, aut apud barbaros animos, qui summi beneficii loco haberi volunt, si flecti se precibus magis ad officium quam causa & ratione patiantur. Apud *Ferdinandum* Regem cum causa & ratio pariter, tum existimatio hominum & fama semper plurimi erit: ita quidem si non illa magis faciendis iis quæ præclara sunt, quam tuendis iisdem & conservandis comparatur. Sed ut hæc tandem omittam: quid minus in præsentia convenire nostris rebus videtur, (communem jam ego causam hanc faciam) quam eo in bello perstare, in quo æquè & qui victi sunt, & qui vicerunt, cum illinc vires deletæ penitus, hinc affectæ atque extenuatæ fuerint, necesse sit communi inimico & in hujusmodi occasionem servanti integras suas, prædæ relinqui? Duo enim in *Italia* Principes, quorum summa autoritas habetur adversus nos juncti fœdere estis: quibus ita Secunda multa & prospera evenerunt, ut tamen ipsi qui à vobis vincimur, conditione vobis simus paulò deteriores. Nam *Sfortie* Principatus in magna tutorum dissensione parum firmus, idem vigilantis hostis & potentis insidiis, quæ tectæ religione fœderis latent, expositus est. Unus *Venetis* Senatus est reliquus: cum integer ipse bello & nostro *Galeatii*que fœdere, satis tutus ab injuria, tum verò ex aliorum tempore ubicunque occasio vocare videatur, paratus semper, non invidiosa magis quam formidabilia omnibus arma inferre. Ac minimè vereor quidem ne quod ego mox sum dicturus, ita excipiat, quasi à me dictum sit jactantiæ causa (nihil enim minus præsentis nostræ fortunæ videtur convenire) sed tamen si *Veneti* magis suæ fidei consulere, quam insidiari nostro tempore voluissent: & meliore nunc loco nostræ res essent, & minore cum pudore, certè non ita afflictis & perditis nostris rebus, de

A pace tecum (Rex) ageremus. Sed hoc sanè fuit *Venetorum* consilium, quod ex veteribus ejus civitatis institutis conjici facillimè potest, ut cum utriusque nostrum fessi bello gerendo essemus: ipsi integri succedentes, tanquam jam rerum omnium arbitri constituti sibi gradum atque ascensum ad totius *Italiae* imperium patefacerent: quod quidem facile nisi quis Deus maturè eorum ambitioni occurrat, videntur esse facturi. Ac nemini sanè dubium est, quin *Veneti* propter magnitudinem imperii non sint omnibus *Italiae* Principibus formidabiles. Sed tamen, si quis spectare diligentius rem velit, nulli tamen æquè ac *Ferdinando* Regi timendi esse in *Italia* videntur. Ita enim illi superum mare perpetuò infestum suis classibus habent, ut non secus atque *Liburnorum* & *Illyrii* oram, quæ eorum parat imperio, littora *Apuliæ* legant, ac portubus quæ modò illis opportunum sit impune utantur. Quod quidem quam tutum *Neapolitano* Regno sit, non modò in aperto bello, sed in occulta simultate & dubia fide, nemo est ita imperitus rerum quin intelligat. Una est crescendi via hominibus proposita, quæ semper latissimè patuit, ut ex aliorum ruina & casu sibi facto gradu, quò minus possunt suis viribus eniti, ad altiora evahantur. Ita distractis olim per duos populos præpotentes viribus *Græcorum*, *Philippus Amintæ* filius imperium *Græciæ* invasit: & cum hanc ipsam *Græciam* tum *Philippo Demetrii* filio atque *Antiocho* expulso, duo maxima Regna *Macedoniam* & *Syriam*, multasque præterea civitates & provincias nobilissimas specioso titulo populos à Regum dominatione liberandi, suo imperio populus *Romanus* adjunxit. Unius quidem est hodie in terris potentia quam *Asiæ* atque *Europæ* populi omnes perhorrescant: faxit Deus immortalis, illi ulterius ne liceat sua arma atque terminos imperii proferre. At ita quidem per Christianorum Principum dissensiones vires auxit ad hunc diem suas, ut per hanc eandem occasionem, defessos illos magnitudine ac diuturnitate bellorum, integris ipse viribus adortus, & nullo eos negotio vincere & sibi stipendiarios facere, ac postremò maximorum Regnorum possessione sibi cedere victos coegerit. Quam quidem viam ita *Venetos* à parvis profectos initiis & propè contemnendis videmus instituisse, ut nemo jam non intelligat, opulentissimam civitatem & cujus tantum sit terra marique imperium, per urbium *Italiae* excidia ad tantam potentiam pervenisse. Nam quid de te statuere videantur, levissima illis orta de *Cyprio* Regno suspicio, cui te insimulabant per viduæ Reginae & filii nuptias insidiari, satis fidem facere in præsentia cuivis potest. Nunquam est hominum fida societas, ubi utrimque vires sint pares metuendæ. Quid cum societas nulla, magna animi offensio & simultas intercedat, in altero parum nervorum & roboris, integra & firma in altero omnia habeantur? Quid porro cum non pax modò sublata inter Principes sed adempta etiam spes omnis pacis sit? An verò fore aliquando speras, ut Pontificis tibi sint ad bellum præsto auxilia futura? Mitto equidem nunc illud quod te minimè præterit: cum eodem bello exhaustæ illius vires, quò afflictæ & debilitatæ tuæ, fractæ penè nostræ & perditæ sunt: ad subitos casus, qui nunquam hominibus non varii & multi in vita agenda manent, parum præsidii tibi in illo esse statuendum. Quod porro aliud auxilii genus, aut diuturnum minus, aut magis infirmum, videri hoc uno potest? Domone aliunde quæras, illustria tibi ea de re exempla subjiciuntur. Nam Regni tui initio studio partium elati summæ dignitatis & potentiae homines Regni principes cum à te defecissent: *Joanne Andegavensi* socio, eodem *Aragonie* familiæ perpetuo hoste tibi communi

Brutus.

M

con-

consilio intulerant bellum. Unus autem cujus est summa inter homines auctoritas, *Callistus* Pontifex cum ad tantam dignitatem *Alphonſi* Regis patris tui optimi & sapientissimi suffragiis esset euectus, ita Dux tanti belli auctorque erat: ut in nullo *Italiæ* Principum propter Pontificis infinitam potestatem tibi quicquam esset præsidii relictum. Atqui invicta virtute & felicitate illa tua, solus adversus vim tantam ausus consistere, tum inimici Pontificis morte consecuta, vincere hostes summa gloria, atque è Regni finibus postremò pellerè potuisti? Infirma ferè semper spes est in auxiliis Pontificum, nisi aliæ vires adsint, & dubia futura? cum non illa quidem in Pontificatu, sed in uniùs hominis vita, atque ejus quidem qui exactæ jam ætatis eam sit dignitatem adeptus, diu consistere haud possit, ut malè ferè semper cum eo agatur, cui non aliunde præterea auxilium suppeditetur. Nam, ut diu spem suam tueatur fortunæ, id est temeritati tribuendum, cujus videtur beneficio is longius vitam proferre. Sed ut rarò fortuna comes hominum, studia voluntatesque sequitur, eas præcipuè quæ ad rectum finem vitæ & laudabilem diriguntur, ita sæpius eadem cogitationes nostras & consilia, quæcunque illa finem propositum habeant, frustratur. Quæ quanquam minimè dubitare possum pro tua sapientia non summè tibi esse explorata, quod in principio statim meæ orationis præfatus sum: quò tamen foedere nos firmiores amicos tibi fore & socios in posterum polliceare (liceat enim quando ipsi mortales sumus æterna posteris nostris fœdera ominari) ipsi in dicendis pacis conditionibus, tanquam non victi prælio sed bello simus, integram tibi potestatem permittimus. Qua quidem in re cum singularis tuæ virtutis & moderationis fiducia nos magna confirmet, eò te fore æquiorè nostris rebus speramus, quò non id magis adversæ nostræ fortunæ indicium, quam propensionis & studii significationem, vel ex hac ipsa mea oratione habere animadvertis. His à *Laurentio* expositis, Rex qui minimè ea quæ diceret aut vana esse, aut contemnenda existimaret, cum spatium ad deliberandum sumpſisset, inclinato ad pacem animo quem ad bellum ulterius gerendum vires defecissent, cum *Florentinis* fœdus & societatem, quibus maximè voluit *Laurentius* conditionibus, iniit. Summa autem eorum hæc fuisse fertur: si cui eorum arma inferrentur, milite, pecunia, commatu perinde ac si de communi re ageretur, inter se juvarent. Quæ *Florentinis* oppida belli tempore essent adempta, ea Regi sive restituere illis sive minus vellet: integrum relinquere. Id datum gratiæ apparebat, quò *Ferdinandus* tanquam victor æquioribus conditionibus fœdus videretur cum *Florentinis* & pacem sanxisse. Ad hæc convenit, non invito *Laurentio*, quò sibi clementiæ opinionem conciliaret, ut qui è conjuratis *Volaterris* in arce asservabantur (in his erat *Gulielmus Patius* sororis vir) magistratus imperio primo quoque tempore è custodia dimitterentur: tum ut *Alphonſo* Duci *Calabrorum* pro impensis in bellum factis, pecunia ad certum tempus descripta, æquis pensionibus solveretur. His conditionibus pace firmata, *Laurentius* ea de re nuntios *Florentiam* præmisit, ut ejus lætitiæ fructum quoniam ipse erat præterea aliquot dies *Neapoli* futurus, multò antea civitas perciperet: simul ut si qui per illius absentiam (id quod jam audiebat) facti insolentiores ad nova consilia spectarent, cum qualis exitus legationis esset acceperant, à suscepto consilio detererentur. Nam perinde atque ad certam perniciem *Laurentius* contendisset, ita quidam divinabant, damnata hominis temeritate, simulatque Regi inconspèctum venisset, fore ut in vincula conjectus, id quod multorum memoria *Jacobo Picino* acciderat, à

A Rege crudelitate infami, & cui omnia sua fide potiora essent, necaretur. Quæ quidem cum à sollicitis de *Laurentii* salute dici appareret: eò tamen spectare videbantur, ut multitudinem desperato rei eventu cujus erat causa profectus, ad nova consilia impellerent. Namque eodem tempore *Florentini* exules & qui in his maximè auctoritate valebat *Dietesalvius Neronius*, tantæ oblatae occasione non deerant: ac Regem parum officii memorem ubi objecta utilitatis species animum moveret, omni ratione inducere ad *Laurentium* tollendum conabantur. Quibus ille rebus cognitis, cum inimicorum insidias diligentia summa atque industria superasset: voluntate etiam Regis aliquantò maturius, qui ejus captus consuetudine ægrè illum missum faceret, re quidem vera ut si quid novi consilii per illius absentiam iniretur Reipublicæ tempora explorando integra sibi omnia & ad pacem æquè & ad bellum reservaret, discidere omnino constituit: veritus & ipse ne qui novi exorti tumultus, Regis animum dubiæ hominem fidei ab instituta amicitia alienarent. Itaque *Neapoli* pridie Nonarum Martii amplissimis à *Ferdinando* honoribus affectus proficiscitur. Jam cum fama primum, atque eam subsequatæ multorum literæ & nuntii, initum esse novum fœdus inter *Ferdinandum* & *Florentinos* affirmarent: & de Rege Pontifex & de *Florentinis* Senatus *Venetis* querebatur. Ita enim superiore fœdere cavebatur, ut novam inire societatem, nisi consultis iis qui veteri fœdere tenerentur, neutri liceret. Itaque non solum propterea quod secus egisse videbantur quàm per leges fœderis licebat, violatam fidem esse ab illis censebant: sed illud etiam factum querebantur, ut qui bello gerendo socii fuissent (id autem præcipuè ad *Xystum* pertinebat) hi à novi fœderis societate per summam injuriam excluderentur. Horum querelæ *Florentiam* atque expostulationes perlatae, magnum motum in civitate excitaverunt. Jam enim non deerant qui *Laurentio* parum æqui & calumniari eam pacem ex qua novi hostes Reipublicæ exorirentur & nova consilia agitare parati essent. Hi perfecerunt, ut cum novi belli metus populo esset injectus, magistratus ne materia seditionis amplius multitudini præberetur (id quod accidere necesse erat, propterea quod conscientia eorum, quæ agebantur, ad plurimos pertinebat) novum consilium constitueret: ita ut cum septuaginta delectorum numero constaret, per eos, multitudinæ exclusa, de summa rerum decerneretur. Tum legatos ad Senatum *Venetum* legi placuit, quem si à civitate alinatum appareret, diligenter omnibus ejus circumspèctis consiliis, ad eas cogitationes suscipiendas, quæ digna ejus gravitate essent, revocarent. Simul alia legatio ad Pontificem decernitur, si qua modò esset reliqua spes iracundum hominem, & cuiusvis rei potius quam dignitatis suæ & muneris memorem placandi. Ac quò magis propensa civitas ad pacem videretur, qui eam legationem obirent, amplissimi homines atque honestissimi *Petrus Nasius* & *Antonius Rodulphus* deliguntur, data iis facultate quibuscunque conditionibus visum esset, pacem cum Pontifice faciendi. Non ignoro equidem hæc quemadmodum à me tradita sunt, alios tanquam adversus *Laurentium* facta retulisse. At *Nicolaus Valorius* omnia in eundem autorem, & quidem magna cum illius laude refert. Quin etiam illud ei attribuit, ut non solum foris cura belli, sed domi eodem tempore seditionis gravi metu Rempublicam liberarit. Cum enim civitas ob immanes sumptus in bellum factos, ita gravi ære alieno laboraret, ut ejus dissolvendi nulla ratio iniri posset, nisi magistratus pecuniam privatis imperaret: jam plebs tumultuari ad mentionem tributi incipiebat. Itaque cum is causam pu-

publicam simul & privatorum suscepisset, magnam tributum curam populo, seditionis metum omnem magistratui ademit: mentione facta hinc de minuendis sumptibus, quos minus necessarios vix posse ferre amplius civitas videbatur, hinc de augendis vectigalibus, cum iis locandis privatorum magis rationem haberi, quam Reipublicae appareret. Hæc hominis diligentia perfecit, ut & privatis nullo civitatis incommodo graviore ad suum pervenire & magistratui tueri publicam fidem, & iis ipsis qui civitati debebant, cum non facile essent solvendo, laxiore die impetrata, repræsentare cum fide debitum ad magistratus præscriptum licuerit. Quamquam jam apud omnes pervulgatum esset fœdus Regem cum *Florentinis* icisse: *Alphonsus* tamen adhuc castra in *Senensi* agro habebat, per causam (ut ipse ferebat) sedandi civiles discordias & dissensiones, quæ nunquam in ea civitate defuerunt, & eo tempore nondum tumultu belli sublato gravissimæ exardescere dicebantur. Atque eò quidem res erat adducta, ut postremo communi partium consensu in urbem vocatus, quò de privatorum controversiis, constitueret, ac pacem inter dissidentes conciliaret: jam plura etiam sibi fumeret quam civium libertati expediret. Nam & supplicio afficiendo alios, & in vincula alios conjiciendo, tum multos in varias partes amandando, non *Senensibus* modò, sed *Florentinis* novis sociis in magnam suspicionem civitatis occupandæ venerat. Itaque cum serò illos suscepti consilii, sed nequicquam poeniteret, qui tandem quò amentia & furore essent progressi, non ignorabant: *Florentini*, quò minus illius conatus reprimerent, fœdere impediébantur, quod cum *Ferdinando* patre, cupidissimè istum, omni sibi studio tuendum censebant. Tantum autem ex ea re metum civitati injectum ferunt, ut veluti esset ventum in rerum omnium discrimen, ita prorsus Regis fidei & voluntati diffisi, de summa rerum desperarent. Ita enim censebant, cum magna atque opulenta civitas (& quod caput est) sita in Reipublicæ finibus, accessio esset *Neapolitani* Regni, quibus viribus tantæ potentiae opponerent, planè Reipublicæ defuturum. His curis civitatem sollicitam, novi alati nuntii subito recreatam erexerunt. *Mahometes* enim *Turcarum* Rex iisdem temporibus *Rhodum* classe appulsa, cum se acerrimè *Rhodiis* defendentibus fœdè inde repulsus rejectusque esset: *Achomatem* unum è Regiis Præfectis impigrum atque audacem hominem, acceptam copiarum partem *Apollonia* trajicere *Hydruntem* jusserat, ac maritimam illam oram omnem depopulari: non sine magna opinione, cum deimproviso perterritis incideret, per eam occasionem aliquam ejus Regni partem, cui magnopere imminabat, posse occupari. Ita *Alphonsus* omni alia in præsentia sibi esse omittenda consilia, atque hanc sibi unam curam suscipiendam existimans, magno metu non *Senensibus* magis quam *Florentinis* liberatis inde castra movit. Hinc cum neque dies iter neque noctes intermitteret, peditatu subsequi jussu, cum delectis expeditisque equitum in Regnum contendit: At jam *Achomates* cum classè *Hydruntem* appulisset, quatuor millibus peditum lectissimorum, cum turma equitum expositis, urbem deimproviso adortus expugnavit: atque ad terrorem aliis inferendum direpta eadem & incensa, ad unum omnes ita ut neque ætati neque sexui parceret, interfecit. Hinc quà aditus à mari patebat, ne temerè peti ab ea parte posset, oppido munito: jam valido equitatu quem Regia classis advexerat, instructus, non solum ad vicina oppida, sed per universum *Salentinorum* agrum, ita ut neque ejus provinciae intima, & maximè mediterranea, satis tuta ab eorum vi essent, excurrere audebat. Ita

A cum res quæ quanquam satis magna per se erat, ut major tamen videretur, hostis tanta potentia efficiebat, magnopere *Ferdinandum* movisset: non avocandum modò filium à rebus *Hetruriae* sed excitandos adversus communem hostem omnes *Italiae* Principes censuit: ut videretur magno fortunæ beneficio in illius Regnum immisus immanissimus hostis, qui averteret ab *Hetruria* tantam illi independentem ab regionum armis atque insidiis ruinam. Nam & *Alphonsus* cum *Senis* exercitum abduceret, in Regnum rediturus, minimè obicere erat conquestus, fuisse parum semper sibi æquam fortunam: in propinqua spe potiundæ *Hetruriae*, adeò suo opportuno atque idoneo tempore: nimium sibi tamen adversam ressare visam esse. Hic tantus subito exortus in *Italia* tumultus, facile perfecit, ut Pontifex (cum unus omnium maximè abhorreret à pacis consiliis qui esse alii pacis auctor deberet) veritus ne diutius tantæ rei invidiam posset sustinere, de pace mentionem facientibus se æquiores præberet. Qui ejus animus cum minus *Florentinis* obscurus esset: aliam legationem, quando minus ex sententia superioris eventus processerat, longè honorificentissimam decernunt: ex principibus civitatis, qui munere legationis fungerentur, duodecim delectis. Atqui homo ferox, & immiti implacabilique ingenio, ne in remittenda injuria (quod sibi minus fore honorificum putabat) magis causæ quam temporis habuisse rationem videretur: non est passus antea se à legatis adiri, quamdiu per certos homines pacis conditionibus jactatis, invitos illos ad quas maximè vellet, durissimas atque iniquissimas perduxit. Tum victa hominis pertinacia, patientia atque obsequio legatorum: frequenti Patrum concilio iis potestate dicendi facta, unus ex his ita dicitur verba fecisse. Quando nihil minus convenire videtur, quam ut qui veniam victi pacemque petunt, causa cum eo ac ratione pugnent, à quo pax & venia petenda est: brevis sanè nostra oratio est atque explicata futura. Ut autem nulla est satis æqua ratio, quæ in causa etiam optima, adversus parentes liberos tueatur (vindicança enim horum injuria, nunquam non læditur pietas, cum ubi illa à parentibus proficiscatur, injuriæ semper nomen amittat) ita de eo jure decedimus, quod esse nobis nullum potuit, quamdiu cum Pontifice Maximo, Principe Christianæ Reipublicæ parente omnium qui in hac sanctissima religione censentur, gessimus bellum, atque nostram spem omnem in tua clementia (*Xyste* Pontifex) supplices collocamus. Quæ cum divina virtus in omnibus, Pontificis autem propria maximè sit: si illa omnibus hominum injuriis videri major debet, veniam *Florentini* petimus, non indigni qui illam ab eo impetremus, quem divina lex occurrere ultro resipiscitibus, quem ignoscere, quem misericordiæ arcem illam quidem munitissimam, quo se recipiant, referare jubet. Cætera quæ causa suppeditat, consultò omittimus. Ea enim si modò ulla in re nobis præsidio esse possunt, ut levior peccati causa videatur, possunt perficere: minimè inficiamur à nobis peccatum esse. Temporis ratio, concitata multitudo scelere improborum, imposita nobis necessitas (quod miserrimum est in liberis populis) aut dimicandi, aut serviendi, Pontificem nobis quidem æquiores reddat: ut videamur penitus culpa, carere modò poenitentibus haud desperanda venia sit, neque ipsi (inquam) quorum hoc maximè interest postulamus. Atque in eo tamen nobiscum agitur præclarè, quod non à judice, cujus nomen animadversiois severitatisque est, jus ullum petimus (quod etiam si esset, nullum agnoscimus) sed à Pontifice Maximo, quod ejus est proprium certumque munus, aut culpæ liberatio-

Brutus. M 2 nem:

nem, aut si nos ea magis tua clementia, quam causa liberat, eam ipsam clementiam, lenitatem, misericordiam nobis ut liceat implorare contendimus. Tamdiu autem divinam te in terris gerentem potestatem homines suspicient, quamdiu sceleribus hominum ignoscendo, clementiae, lenitatis, justitiae partes praestando, te verè Christi Pontificem esse, vicariumque ostendes. Ita neque causa, cui minimè confidimus, neque ullo nostro adverso tempore (levationem enim aliquam hoc culpae habet, excusationem non habet) neque alia re ulla superiores, cæteris vincimus. Postulamus ut nobis ignoscatur: sed ab eo hoc quidem qui citius se esse Pontificem obliviscatur, quam ut patitur à se ignoscendi facilitatem desiderari. At qui id postulamus? miseri, supplices, perditis atque afflictis nostris rebus, & quod caput est, qui & resipiscimus & culpam fatemur. Eo autem in loco supplices manus tendimus, qui amplissimus idem atque augustissimus semper facilis poenitenti portus ad salutem patuit: cum ea temporis ratio sit, ut una nunc omnium vox exaudiatur Christianos Principes adversus communes hostes excitantium, id quod nullo modo fieri potest, nisi sublatis antea discordiis ac pace ubique constituta. Nam si quid in nobis praesidii ac spei est: mutatione consilii, confisi doloris sensu acerbissimo, & (quo quidem nulla est nostra culpa major, ut maxima illa etiam sit) studio emendandi in posterum acerrimo, atque obliterandi adeò præteritis offensiones, magis te quid Pontificis Maximi persona, quam quid causae nostrae ratio postulet memorem futurum speramus. Cum ad hunc modum legatus perorasset: adeò iracundè & acerbè in universam Rempublicam Pontifex dicitur esse invecus, commemorandis iis quæ civitas adversus Pontificiam majestatem fecisse argueretur: nihil ut adhuc de veteri odio & similitudine remissum, reditum ita in gratiam constaret, ut datum id tempori non hominibus appareret. Quanquam (inquit) dubitari non posset, quin fracti hominum spiritus atque audacia armis magis quam poenitendi studio essent, se quidem cui supplicium preces & verba modò, non quo animo pacem à se precarentur, spectandum censeret, veniam se illis daturum: sed ea tamen conditione si animum inducerent, leges vitæ imponenti (ut æquum esset) nulla exceptione obtemperarent. Nunquam autem illos aut à salute sua longius, aut propius perniciem fuisse, quam cum majorum vestigiis insistentes, unius hominis, non dignitatis quidem aut salutis tuendae (mitius enim id malum videri potuisse) sed dominationis constituendae causa, æquè & perniciosum Reipublicae & nefarium impiumque bellum, cum Pontifice Maximo gerere essent ausi. Quæ quoniam minus viderent: ut furiosis hominibus & qui capti mente essent, certa victus ratio, quo citius ad sanitatem redirent, constitueretur: eas se illis pacis leges impositurus, quibus aliquando intelligerent, & viribus quibus maximè subnixi insolescerent, & libertate, quæ esse charissima hominibus deberet, non adversus Christianae Reipublicae moderatorem, quem illi fracta armis ferocia, parentum communem omnium agnoscerent, sed pro religione sanctissima, pro salute populorum, pro pace & concordia Italiae sibi esse utendum. Namque & in eo illos magnopere falli, qui peccandi impunitatem & licentiam qua elati superbiunt, tanti sibi faciendam putent: cum iidem non videant, libertatis præmium sibi, quam unius potestati atque imperio habeant addictam, hanc eandem impunitatem & licentiam esse. Facile autem intelligi posse, non eos liberos esse, quòd quæ velint impunè agant: sed quod gratis servire non queant, hanc illis mercedem à superbissimis domnis esse constitutam: opi-

A mam illam quidem quando libidinem peccandi quam improbi modò quærant communi habeant libertate potiore. Quæ sanè eò se libentius commemorare: quò magis etiam intelligant, non omnino illos sua opinione falsos esse, qui in principio suæ orationis parentis sibi personam imposuerint. Nam & parentis se & quidem parentis lenissimi munere in praesentia fungi, qui liberorum proterviae & contumaciae oblitus, non ferro domandam sibi eorum ferociam, sed verbis comprimendam esse statuerit. Itaque se illos magnopere (quod eorum in primis interesset) monitos velle, operam in posterum darent, ne per eorum audaciam atque insolentiam, victa sua lenitate, qua illi diutius, quam æquum esset, abusi viderentur, sibi ad ferrum esset & ad arma redeundum: quod in morbis gravioribus usu veniret, quibus cum lenior curatio minus procederet, remedia adhiberentur acriora. His dictis, curavit foederis conditiones, palam atque omnibus audientibus recitandas, quibus (etsi ea de re facta adhuc mentio nulla erat) tanquam non adhuc satis sævitum esset, addi præter omnium expectationem imperavit, ut *Thracio* bello, quamdiu hostis in *Italia* maneret, quindecim longas naves armandas suo sumptu, ac statim *Ferdinando* Regi mittendas quò illi usui ad propulsandam vim belli essent, curarent. Quod quidem durissimum civitati onus & gravissimum futurum, cum neque studio, neque gratia, neque precibus ullis, neque gravissimis denique calamitatibus commemorandis, quibus afflictæ Respublica ac perdita penè esset, ut demeretur de cæteris conditionibus pacis, impetrare legati potuissent: missus postea *Guidantonius Vespatus*, qui functus legatione ad *Ludovicum* Regem iisdem fortè diebus redierat, sive jam dies hominem, sive preces amicorum placassent, sive cum deferbuisset animi vis atque iracundia sua sponte collecto animo, hoc sibi esse agendum statuisset, & hoc ipsum facile, & multa præterea quæ reconciliati animi signa illustria haberent, impetravit. Ita ubique constituta pace, *Florentini* tempore *Ferdinandi* observato, eum quamdiu liceret, quando nullo neque officio, neque religione quam nullam agnoscebat, movebatur, ad æquiores omnino pacis conditiones perducere constituerunt. Ac minimè frustrati sua spe, ab eo quanquam & tergiversante & invito, oppida per belli tempus Reipublicae adempta extorsere: cum id illis quanquam integra res illius arbitratui permessa esset, minimè negare suo adeo adverso tempore auderet. Nam cum ea *Alphonfus* impositis in singulis praesidiis *Senensium* fidei commisisset: quos minimè omnium æquos *Florentinis* defensuros adversus eorum vim omnem sperabat: militem inde abducere ad bellum coactus, quamdiu spes erat ea accipi beneficii loco, petentibus non invitus concessit. Verebatur autem ne per causam eorum recipiendorum, inducto exercitu in *Senensium* agrum, transitu eos prohiberent, qui aut à Pontifice Maximo, aut ab aliis *Italiae* Principibus posito sibi in tanto rerum omnium discrimine, auxilio mitterentur: ut *Florentini* quidem id non illius fidei magis quam tempori, cui erat serviendum, acceptum referrent. Ita receptis oppidis, jam omnis adempta materia videbatur, *Laurentii* adversariis illius laudi obtrectandi. Tanquam enim & bellum pariter illius culpa malè gestum, & iniquis conditionibus parta pax esset: ita belli tempore in magnum discrimen illum civitatem conjecisse amittendae libertatis, & per induciarum tempus, quò sibi modò à periculo caveret (quæ hæc illum cura una urgebat) patriam Regi avarissimo & crudelissimo addixisse querebantur. Nunc cum hic rerum exitus, magis fortunæ beneficio, quam Regis voluntate aut cujusquam consilio

filio esset consecutus: læta multitudo, unum *Laurentium* tanquam divinum quendam hominem & delapsum è coelo, tantarum rerum autorem admirabatur: cum quidem nemo dubitaret non eundem deterrima conditione, quando casus magis & temeritas qualis esset illius consilii eventus, quam ratio ulla ostendisset, calumniæ atque obtreptioni inimicorum amplam fuisse materiam præbiturum. Quæ re non solum, quæ verè illius prudentiæ erant ascribenda, sed quæ fors temerè objecerat, illi laudi vertebant, cum finem rei gestæ magis homines imperiti, quàm rationem & modum in agendo spectarent, qui in fœdo etiam rerum eventu, temerariis consiliis debet atque inceptis anteferri, cum ea lætum finem consequantur. Quæ dum *Florentiæ* ad hunc modum geruntur: in *Salentinis Achromates* magno terrore jam non solum vicinis populis, sed universæ *Italiæ* illato, crebris ex *Thracia* nunciis certior fit, *Mahometem* mortuum, ac *Gemem* & *Bajacetem* ab eo liberos relictos de Principatus successionem inter se armis decertare. Itaque ne difficillimo tempore, magnæ vir autoritatis & potentiæ abesset, pactus cum *Ferdinando*, ut recepta *Hydrunte*, se abire inde incolumen cum suis pateretur, nactus idoneam tempestatem ex *Italia* solvit: cum metu quidem ingenti Regem, cæterosque *Italiæ* Principes ad quos *Ferdinando* victo, ejus belli flamma tanquam continenti incendio perventura videbatur, falsa omnium expectatione liberaasset. Et si autem belli principia fuerant minimè contemnenda, capta & direpta nobilissima urbe, & quæ ad classes recipiendas peropportuna videbatur: progressus tamen & multò magis exitus belli, ubi sibi eò viribus majoribus incumbendum hostis statuisset, timebatur: cum ille nunquam non ad internecionem gereret bella. Erat per id temporis ita universa *Italia* divisa, ut alii Pontificem Maximum & Senatum *Venetum*, qui jam fœdere coierant, cum quibus *Genueses* & *Senenses* aliæque *Italiæ* civitates sentiebant: aliæ *Ferdinandum*, *Florentinos*, *Ludovicum Sfortiam* cum is unus in *Insubribus*, ejecta *Bona Galeatii* matre, imperium moderaretur fœderis principes sequebantur. Quo quidem in statu cum res essent, *Veneti* bellum quod diu animis agitaverant, *Herculi Ferrariensem* Duci intulerunt. Querebantur enim cum Senatus beneficio, quicquid à *Rhodigio* oppido, intra *Padum* amnem & *Ferrariam* pateret, qui ager latissimus erat, ea lege possideret, ut & sale *Venetorum* importato certo vectigali perfoluto uteretur: & à Republica missum magistratum ad jus dicendum acciperet, quem *Prodominum* appellabant utrumque illum in præsentia facere reculare. Totius autem summa in eo vertebatur: ut cum *Hercules* contenderet, certum vectigali pendendo tempus ac magistratui accipiendo esse præfinitum, cujus jam dies abiisset: *Veneti* contra ita jus civitatis tuerentur, ut dicerent, quamdiu is in possessione ejus agri hæreret standum illi iisdem conditionibus esse, quibus in principio inter eos convenisset. Quæ gravis controversia cum minui nulla alia ratione posset atque omnino *Hercules* qui in possessione maneret se fœderis condiciones, quemadmodum Senatus postulabat, servaturum negaret: *Veneti* qui pertinere hoc ad civitatis existimationem censebant, cum aliam omnem disceptationem suscipi frustra appareret, quæ æquo jure definiretur, bellum illi inferre, ac publicum jus tueri armis constituerunt. Quo probato consilio, *Rubortum Sanseverinatem*, qui jam ex *Insubribus* *Ludovico* iratus decesserat, *Genua* evocatum copiarum Reipublicæ imperatorem legunt, jussis cæteris exercitus Ducibus, milites summo studio conscribere, ita uti ad certam diem præsto euntibus ad bellum essent. Iisdem

A temporibus Senatus *Hieronymum Riarium* in urbem magnificentissimo apparatu excepit, ac ne qua in re sibi quicquam reliqui faceret, quæ pertinere ad illius honorem videretur, & civitate & jure ferendi suffragii, qui honos apud illos habetur amplissimus, donavit. Hic tantus *Venetorum* apparatus suspiciosam civitatem magnopere movit, de Pontificis fide sollicitam quem semper pro temporis ratione & rerum suarum, consilia capturum non ignorabat. Magna autem hominum pars vereri videbatur, ne multò gravius bellum, & Reipublicæ perniciosius per belli *Ferrariensis* occasionem & Pontifex æquè & Senatus novo illi fœdere junctus ageret. Ita summo studio, pecunias cogere, comatus expedire, delectum militum habere, atque oppida præfidiis firmare instituunt, *Constantio Pisaventium* Regulo qui copiis Reipublicæ præfesset, delecto. Atque eodem tempore *Ludovicus Sfortia* qui in novo occupato Principatu sibi omnia esse timenda existimaret: factò à *Venetis* initio belli qui *Insubribus* confinia oppida permulta & munita habebant: *Federicum Urbinatum* Ducem cui bellicæ rei administrationem mandaverat, copias ad fines *Venetorum* adducere, atque adversus eorum vim, si quam parent inferre, ac defendere vicinas urbes diligenter jubet. Utcunque autem *Veneti* gerere bellum cum *Ferrariensi* statuisset: minimè expedire judicabat, ab ulla parte suos præfidiis nudatos, occasionem eos invadendi armatis præbere. At *Ferdinandus* præter cæteras causas quibus *Ludovicus* & *Florentini* movebantur, ob novam initam cum his amicitiam & societatem quod ita se non contemptum modò sed proditum etiam crederet, magnopere se Pontificem offendisse intelligebat. Itaque cum nihil ab illo præclari sibi expectandum sciret, satis illius consiliis superiore bello & rationibus exploratis: ut certiora omnia de illius in se animo haberet, simul ut cognosceret, utrum *Veneti* de illius sententia bellum *Herculi* inferrent, *Alphonsum* filium jussu exercitum conscribere in *Apuliam* præmittit. Quicquid autem ea de re statuisse Pontificem comperiat, imperat ut genero posito in gravi discrimine adversus *Venetos* opem ferat. Is cum ad *Truentum* amnem antecessisset, quo *Neapolitani* Regni fines à Pontificis ditione discriminantur, præmissis ad illum nuntiis, postulabat, ut per illius fines traducere copias liceret, quibus sororis viro auxilio esset: qui si liberum sibi transitum daret, sine ullo maleficio se iter facturum per illius provinciam pollicebatur. Ubi neque sibi facultatem dari itineris faciundi, ab inimico & irato neque quicquam posse impetrari æqui animadvertit, quod minus illius voluntate licebat, vi & armis tentare constituit: *Florentinis* ad bellum illi inferendum excitatis. Id autem facile se effecturum sperabat, non ignarus parum bona fide cum eo reditum in gratiam esse. Implicatum autem domestico bello non dubitabat quin à novis consiliis deterritus, suis rebus consulere atque à *Veneto* bello abesse cogere-tur. Id autem si assequeretur, plurimum profectum ad totius belli summam, quod erat gerendum, credebatur. Interea *Veneti* ubique *Ferrariensem* agrum depopulati. *Ficarolum* parvum oppidum, sed maximè ad cætera belli exequenda opportunum, sæpe frustra expugnare adorti, quod egregiè opere munitum erat, magno *Herculis* metu obsidebant. Quæ re crebris ad *Alphonsum* nuntiis mittendis, eum orare obtestarique non desistebat, ut omissa in præsentia cura *Romani* belli, quod jam ille minimè obscurè moliebatur, perditis propè ac profligatis suis rebus ferre opem ne cunctaretur. Non minus enim id ad Regni *Neapolitani* securitatem pertinere quàm ad suorum salutem docebat. Cui autem dubium videri, ubi

illi civitate opportunissima, ac latissimo & uberri-
mo agro augerentur, quin aut à supero mari *Apu-*
lorum & *Salentinorum* urbes, aut per *Apenini* juga
in *Heiruriam* sibi aditu aperto, *Florentinae* Reipu-
blicae oppida suo arbitratu adorirentur? Id illos fa-
cile adjutore ac socio Pontifice Maximo, male
semper in eam civitatem animato (utinam non
hortatore atque impulsore) effecturos. At jam in
Latium Alphonsus progressus, sibi *Columanenses* so-
cios ad bellum adjunxerat, Pontifici infensos, quod
is sibi *Ursinos* defendendos adversariarum partium
principes susceperat. His auxiliis auctus, latè bel-
li terrore fuso, jam Urbi universum agrum *Roma-*
num populatus, vicis castellisque omnibus aut va-
statis aut incensis quae deditioi facerent moram,
imminebat. Quae dum ab illo geruntur, *Florentini*
in *Tifernates* copiis ductis, qui haud meliore fide cum
Xylo in gratiam redierant, *Laurentio Vitellio* ejecto,
urbis imperium *Nicolao* tradiderant. Quibus malis
subito Pontifex oppressus, cum ad omnia incom-
moda sibi praestandum invictum animum censeret,
& dignitati quam gerebat parem, minimè succu-
buit. Itaque capto à virtute animi consilio, *Ru-*
bertum Malatestam clarum militiae gloria hominem,
qui adversus *Alphonsum* rem gereret, suis copiis
praefecit, atque ire confestim obviam advenienti
jussit: cohortatus ut memor ejus diei quo illi die
& Principis omnium Urbis & Pontificis Maximi
tuendi adversus impia arma cura tradita esset: tan-
to munere dignas cogitationes suscipere & tueri
ante partam gloriam virtute & magnitudine animi
vellet: hinc decedentem ab urbe & laetis omni-
bus & spe ingentium praemiorum prosequutus, de-
lectum militum urbanorum habere instituit, quos
in supplementum ad subitos casus *Ruberto* mitteret,
atque interim esse urbis praesidio juberet. In hoc
bello cum jam sensim hominibus, ut sit longo re-
rum usu, apparere coepisset, quam praepostera ef-
fet belli administrandi ratio, ubi quicquid virium
& roboris esset in equitatu, exiguus peditum nu-
merus haberetur: dicitur *Rubertus* Pontifici per-
suasisse, ut novo instituto, vires omnes ad bellum
& nervos in peditatu constitueret. Id fieri debere
ratione docuit, & veterum autoritate, qui belli
artes omnes multò praelarius (quod magnitudo
rerum ab illis gestarum comprobaret) quam nostri
homines, calluissent. Cum satis omnibus rebus
ad bellum instructus, neque equitatu esse *Alphonso*
inferior quem admixtis *Graecis* sagittariis firmissi-
mum paraverat, & aliquanto superior peditatu esse
Rubertus videretur, ire audacter obviam hosti per-
git. Erant in illius exercitu nobilissimi juvenum
sequeuti illum ad bellum voluntarii qui ignominio-
sum nomini *Romano* ducebant, hostes propè in
eorum conspectu praedas agere, atque impunè ad
urbis portas infecta signa inferre audere. Eorum
forti atque egregia opera *Rubertus* eo bello dicitur
usus esse. Cum *Alphonsus* vastando praedandoque
terrore omnia & formidine impleret: jam urbani
homines atque ii in primis, qui ambitione adducti
& studio honorum aulam sequuntur, ut sunt ho-
mines molliores, & minimè apti ad belli incom-
moda toleranda, de relinquenda urbe consilia agi-
tabant. Quod cum *Rubertus* minimè ignoraret,
ne quid mollius ex sua cunctatione & mora statue-
retur: ad metum urbanorum tollendum, simul ad
hostium minuendam audaciam, quadrato agmine
propius ad illos contendit: planè obfirmato animo
ubi primum illis in conspectum veniret, cum iis
manus conferere. Hoc animo cum esset, in agrum
Veliternum quò se *Alphonsus* receperat copiis du-
ctis, altero à castris hostium milliario plano atque
aperto loco confedit. *Alphonsus* illius subito ad-
ventu oppressum *Federici* fratris adventus praeterea
solicitem habebat, quem fama erat propediem

A cum novis auxiliis affuturum. Eo autem absente,
minimè virium faciendum periculum videbatur.
Cum aut turpiter sibi esse fugiendum minimeque
pro vetere fama & gloria belli, aut magno suo
suorumque periculo dimicandum intelligeret: ne
quid minus se dignum & patre Rege admisisse vi-
deretur, pugnare constituit. Ita deliberata re ac
concione advocata, ad hunc modum suos dicitur
hortatus esse. Cum vos veteranos & semper vi-
ctores adversus novum militem pugnuros ani-
madverto, & qui ex delectibus urbanis, quod con-
temptissimum genus hominum est, tumultus cau-
sa scriptus nunc primum adversus armatum hostem
B in aciem prodit, paucis vos mihi cohortandos esse
intelligo. Nulla est scientia rei militaris in eo,
nullus usus: ad primum hostium concursum, ab-
jectis armis, terga vertet. Itaque jam adesse vobis
optatum diem, animadvertitis ut quod semper glo-
riosum vobis apud posteros futurum sit, par-
ta de hostibus victoria (qua de re cum ve-
stram habeam perspectam atque exploratam virtu-
tem minimè dubitare possum) *Romam* Principem
olim totius orbis terrarum urbem, sacerdotum
luxuria, otio, languore, desidia perditam praedae
habeatis, praemium honestissimum vobis atque
uberrimum, pro tot militiae laboribus propositum,
C quibus superiores annos me Duce atque imperatore,
functi estis. Futurum brevi est, ut scelerum hu-
manorum vindex divina vis, sacerdotum contra-
natos mores, pium vobis & justum gerentibus bel-
lum, è Christiana Republica tollat, quae eorum
flagitio & scelere jam apud exterarum gentes gra-
vi ignominiae labe & turpitudinis nota infamis, pri-
scum omne decus, existimationem, dignitatem
amisit. Quid vero est quod magis à Pontifice ab-
sit, quam bellum, vis, arma, castra, acies, vul-
nere, caedes, populationes, incendia, urbium ex-
cidia, everisiones? Scilicet haec sunt eorum partes
qui Christi personam in terris gerunt, pacis auto-
ris, ut bella, discordias, dissensiones inter Reges
D Christianos & Principes serant. Quicquid cladium
unquam, quicquid malorum, quicquid calamita-
tum *Italia* passa est, id omne in Pontifices *Roma-*
nos autores est referendum: ex quo illi tempore
deficiscentes à sanctissimis Christi institutis, cupi-
ditati, avaritiae, ambitioni servire coeperunt. Ab-
utuntur enim divina potestate ad suos vindican-
dos è sordibus, & ad honores atque extraordinaria
imperia efferendos, quò nulla virtutis, probitatis,
pudoris commendatione evehantur. Itaque hoc
modò spectant ut in Pontificis Maximi sella, sub-
limi illo quidem & celsò loco, è luto & caeno
E emergentes homines, quò triumphum agens de
virtute fortuna spectetur, conspiciantur. Quae
cum vobis esse perspecta sciam, minimè dubitare
possum, quin vires vobis pro causa justissima pu-
gnantibus, animi robur, vis, audacia adversus ho-
stem inertissimum augeantur. Hac oratione mili-
tum animis confirmatis, illos è castris eduxit: eo
consilio ut pugnare volentibus facultas ne deesset.
At *Rubertus*, qui minimè arbitratus esset, fore si-
bi hostis temeritate ullam dimicandi facultatem:
ubi acie directa praeter suam spem paratum ad pu-
gnandum animadvertit: quod minus per militum
clamorem, qui pugnae signum poscebant, exaudi-
ri illius oratio poterat, tantum admonitis, ut ad-
F versus impios hostes qui Pontificem sanctissimum
& pro Christi causa arma gerentem, ultrò oppu-
gnatum venissent, alacritate & praesentia animi ute-
rentur: patriae memores, atque eorum quae in pa-
tria charissima sunt, conjugum ac liberorum in
hostem signis conversis ac clamore sublato inire
praelium jubet. Pugnatum acriter utrimque est
usque ad meridiem, cum neutrò victoria inclina-
ret: qua re *Rubertus* accepta; quà conferta magis ho-

hostium acie suos premi animadvertit, cuncto facto irrumpit, ac iussis ubique aliis in directos & stantes impetum facere, tandem eos loco movit, ac postremo cum audacius signa inferentes sustinere non possent, in fugam coniecit: cum minime *Alphonfus* dissimularet, non se victum magis militum virtute & peritia rei militaris, quam robore peditum & numero, quorum producta acies latiore spatio suos à latere aperto circuire atque equitatus usum suis inutilem facere potuerat. Pugna maxime memorabilis pro eorum temporum ratione dicitur fuisse, utrimque ad mille desideratis, quæ tum magna clades habebatur. Captivorum numerus major fuit atque in his, qui magnæ homines nobilitatis, *Alphonsum* gloriæ causa sequuti ad bellum erant. Ipse tectus *Turcarum* præsidio, quibus per varias occasiones à suis ad *Hydruntem* relictis, erat usus eo in bello voluntariis, ægre evasit. Hanc *Rubertus* adeptus victoriam in urbem triumphanti similis est invecus: cum mulierum ac virorum turba ingens illi obviam prodisset: patriaque illius virtute & felicitate servata, lætum illi militibusque ejus adventum gratularentur. Atque ejus lætitiæ fructus illi quidem brevis fuisse fertur. Nam cum (ut erat pugnandi labore fessus) in magna atque ardenti siti se immoderatus aqua explevisset: dysenterici morbo correptus in febrem incidit, quæ levis visa & contemnenda morbi initio, postremo eum magis Pontificis quam suorum opportuno tempore extinxit. Mortuum illum grata civitas extulit, cum nullo genere honoris abstinuisset, qui haberi summo homini poterat, & cujus merita illustra ac recentia essent. At Pontifex tanta victoria elatus, in eo verti rem existimabat, si quemadmodum hostes vicerat, ita præclare parta victoria, nihil de summa industria & celeritate remittendo, uteretur. Eo animo cum esset, *Hieronymum Riarium*, iis copiis illi attributis quibus paulò antea *Rubertus* præfuerat, ire in *Tifernates* adversus *Nicolaum Vitellium* & *Florentinos* jubet. Plurimum verò ad summam rerum pertinere arbitrabatur *Nicolaum Tiferno* pellere acerrimum hostem & magnæ autoritatis & potentiae. Sed aliaæ opportunitates in eo consilio inerant, minime contemnendæ. Neque enim id solum spectabatur, ut inimico pulso, civitas in fide ac per eam in suorum potestatem redactam, universa *Umbria* contineretur: sed magna ostentabatur spes *Arimino* potiundi: quæ urbs post *Ruberti* mortem nullo satis valido præsidio munita, relicta erat in foeminae tutela. Tantæ infamiæ tegendæ certa ratio Pontifici non deerat, quæ magna & gravis subesse videbatur, recenti meriti memoria quod adeò illius opportuno tempore insigne in illum *Rubertus* atque illustre constituerat. Infinitæ enim cupiditati jus Pontifici imperii obtendebatur, cum vindicandæ *Flaminie* urbes à *Tyrannis* viderentur, quæ jam à *Caroli Magni* tempore *Gallorum Regis* post devictos ab eo *Longobardos Romano* Pontifici adjudicatæ essent. Causa verior alia erat: *Tiferno* enim recepta, atque urbis imperio *Laurentio Vitellio* tradito: convenerat, ut is in *Flaminiam* per *Apenninum* profectus, *Ariminum* occuparet, cujus civitatis Principatus augere *Hieronymum Riarium* constituerat. Magna quidem hominum suspicio fuit, quò res facilius mortuo *Ruberto*, transigeretur, ætate illum & viribus vigentem, non minore invidia quam totius *Italiae* incommodo veneno ab ingrato Pontifice sublatum es-

A se. Nam *Rubertus* relictum parvum filium hæredem Principatus, ita uxoris fidei commendaverat, ut cum nullius præsidio majore niteretur, omnino confideret Pontificem de quo ita esset meritis, si quid durius puero accideret, illius defendendi curam adversus vim omnem atque insidias suscepturum. Hac usus Pontifex occasione sive illam quæfisset scelere, sive temerè oblatam non esse sibi negligendam censuisset, ex ejus urbis possessione non magno negotio se & foeminam & puerum ejicere sperabat. In altero enim ætas, sexus in altera contemnebatur, quæ imbecilla ad tantam vim tempestatis subeundam qua subito oppressa & circumventa erat, neminem habebat, cujus illam virtute prudentiaque moderaretur. Usa tamen (ut in subita atque improvisa re) non malo consilio, ad *Florentinos* atque ad *Laurentium* confugere constituit: quos quidem Pontificis consilia circumspicientes, minime passuros credebat, ut ex filii calamitate & ruina *Riarii* vires augerentur: quod erat verisimile futurum si ille ad cæteram potentiam, maritimam urbem, & in primis *Flaminie* opportunam suo imperio adjunxisset. Itaque illa postulabat, cum in obsecrationem & preces conversa magnopere omnium animos moveret, ut parvum filium ab iis proditum à quibus magis cum defensum oportebat receptum in fidem ab injuria & maleficio publica autoritate tuerentur. Se tanto viro orbatam, in contento cursu gloriæ hominum expectationem virtute præcurrente, adeò gravi casu & inexpectato afflictam, si qua filio calamitas nova incidisset, in uno se *Romano* Pontifice perfugium omne & solatium fuisse quæsituram. Si enim ulla animi religione moverentur ad quem magis accedere supplicem debuisset, quam ad Principem religionis, Christianæ sanctimonie moderatorem, cui uni misericordie partes, justitiæ, æquitatis tuendæ inter homines impositæ essent? Si ulla beneficii recordatione, si recentis meriti memoria, à quo certius sibi præsidium suis rebus afflictis fuisse expectandum? Cum nulla fides, nulla officii religio nulla existimationis & nominis jactura objecta à cupiditate animum atque à scelere deterreret: commendare se filii salutem eorum fidei, quos si minus majorum virtus probaret summo studio semper fidem, jus, officium coluisse, at illud in præsentia satis declararet, cum adeò immanem & barbarum hominem, perpetuò saluti suorum & libertati infestum habuissent. Non vereri autem illos debere, quin si adeò adverso suo casu infirmam pueri ætatem regendam susciperent, magnum atque uberem sui judicii fructum essent percepturi. Cognitis ejus postulatis, *Florentini*, minime sibi esse negligendas nobilissimæ foeminae injurias arbitrantur: non solum quod digna per se res videbatur, quæ à quovis opem atque auxilium impetraret: sed quod ad summam Rempublicam pertinere judicabant, ut *Hieronymo* se opponerent, quem si ex pueri oppressione, vires augere paterentur, ubi id illi ex sententia succederet minime quieturum, sed de invadenda etiam *Hebruria* cogitaturum censebant. Ita cum validam militum manum comparatam *Vitellio* subsidio in *Umbriam* misissent: facile conatus omnes ejus irritos fecerunt: magno metu cum *Vitellio*, tum foemina in primis liberata, cui magis infesta Pontificis cupiditas & *Hieronymi*, in sui & filii contemptione erat.



JOANNIS MICHAELIS BRUTI HISTORIÆ FLORENTINÆ

LIBER OCTAVUS.



DUM ea in *Hetruria* atque in *Umbria* geruntur, *Veneti* *Picaro*lo occupato, jam exercitum *Padum* traduxerant magnamque in spem venerant brevi *Ferraria* diligentia usi & celeritate potiundi. *Federicus* enim, quem unum *Hercules* missum sibi à *Ludovico* genero auxilio, summæ totius belli gerendi præfecerat, cum in adversam valetudinem incidisset, *Bononiam* lectica delatus decesserat. Accidit magno id *Herculis* & *Fœderatorum* incommodo, qui per unius hominis amissionem, in cujus summa virtute & consilio spem omnem conficiendi belli positam habebat, in desperationem etiam consequendæ victoriæ venissent. Quæ res cum ita esse *Ferdinandus* & *Florentini*, qui invisam *Venetorum* potentiam, atque opes habebant: omnia sibi esset agenda statuerunt quò properantibus ad belli finem minimè dubiam victoriæ e manibus extorquerent. Quicquid autem incommodi eo bello *Herculi* accidisset, id omne pertinere ad omnes *Italiae* Principes censebant, quorum arbitri *Veneti* futuri ea parta victoria videbantur. Cujus illos obtinendæ spe ita se depellere posse sperabant, si avocatum Pontificem ab eorum societate, ad novum fœdus cum cæteris incundum inducerent. Id facile se assequi posse sperabant, novi concilii metu injiciendo, quod unum telum acerrimum Christiani Principes habent reliquum, quod in *Romanum* Pontificem intendant. Opportunè autem tum *Basileæ* indictum iri fama erat, ut minimè vana eorum ostentatio facile eum posse abducere à suscepto consilio videretur. Cum ad ea quæ ipsi excogitassent, Cæsaris legati qui tum fortè *Romæ* aderant, suam auctoritatem interposuissent, tandem de pace cogitare atque *Italiae* quieti, atque otio prospicere (quam quidem rem agi videri volebant) est coactus. Ita præter *Venetos* qui non antea arma ponere statuissent quàm *Herculem* stare conventis, quicquid cæteri adversus illos conspirarent, coëgissent: pax inter omnes *Italiae* Principes, ita ut communi consensu bello *Venetis* illato eos à *Ferraria* averterent, conciliata novo inito fœdere est. Ac Senatui quidem potestas fiebat, fœdus cum cæteris intra certam diem faciendi, ea tamen lege, ut omnino *Hercule* & *Ferraria* abstineret. His ita constitutis, Pontifex, quod eas esse suas partes ducebat, illos primo quoque tempore ex agro *Ferrariensi* excedere atque ob omni in *Herculem* injuria & maleficio sibi in posterum temperare jubet. At *Veneti* jam universo agro potiti, inclusum *Herculem* urbis mœnibus videbantur propediem in potestate habituri. Cum hoc minimè fœderati ignorarent: atque jam in suburbano *Herculis* septo eos castra habere didicissent, quo is deliciarum causa ferarum varia genera alebat, re in extremum adducta casum, non esse amplius cunctandum, sed illi celeriter opem ferendam censuerunt. Quò autem omnia communi consilio administrata, magis ex sententia succederent, conventum Principum *Cremonam* indicunt: in quo quidem exploratis diligentius omnium sententiis, de ratione belli gerendi, & qua in parte ejus fieri initium placeret, statueretur. Eò certa conveniendi die atque illa perexigua edicta Pontificis legatus, *Ludovicus Sfortia*, *Hieronymus Riarius*, *Laurentius*

A *Medices*, *Alphonfus*, & si qui præterea iis temporibus magni nominis in *Italia* erant & militiæ gloria clari, conveniunt. Ante omnia constituunt, quò distractæ facilius citiusque *Venetorum* vires conficerentur, ut *Ludovicus*, aut in *Bergomatium* aut in *Brixianorum* finibus illis inferat bellum: id quidem per causam repetendi eas urbes, quas ab illis ereptas pertinere ad *Mediolanensem* Principatum contendebant. Eodem tempore alios viribus conjunctis, ad *Ferrariam* obsidione solvendam, alios ad *Bondenum* ad eorum classem opprimendam, quæ illic in statione erat, ire placet. Est *Bondenum* ad *Scultennæ* ostium positum castellum, quæ situm olim *Bondimajum* fuisse nonnulli arbitrantur. Ita fore sperabant, ut cum medii inter urbem atque hostium castra *Veneti* ancipiti malo urgerentur, eos ad quas vellent pacis condiciones perducerent. Hanc sententiam, cum tutissimam esse appareret, ita *Ludovicus* dividebat, ut quatenus *Herculem* & *Ferrariam* respiceret assensus, cætera magnopere improbaret: minimè enim æquum esse existimabat, id sibi bellum demandari, quod geri diutius sine magna suorum clade, brevi confici, nulla ratione & consilio posset. Cum *Venetis* nunquam, cujus rei sæpè à majoribus esset periculum factum, non ad se tuendos modò, sed ad laceffendos alios vires essent defuturæ. Cum is visus esset magnam occasionem adimere belli celeriter atque ex sententia conficiendi, tamen ne diutius disceptando tenerent tempus quod minimè per præsentem *Herculis* fortunam licebat, id unum omnibus esse agendum arbitrati, afflictis illius rebus opem ferre, eodem omnibus contractis copiis, constituunt. Celeriter delectu militum habito, atque equitatu comparato, cum ad constitutum diem omnes ad signa convenissent, ad hostes confestim ire pergunt. Erant in exercitu *Fœderatorum* equitum gravis armaturæ quatuor millia, peditum octo: *Veneti* peditum sex, equitum duo millia habebant. Ante omnia convenit, ut quemadmodum jactatum inter Duces erat: *Veneta* classis, quæ per eos dies in *Padum* inveccta, ad *Bondenum* (ut diximus) in anchoris erat, deprimeretur. Id quidem, cum famam gerendæ rei & nuntios celeritate sui adventus antecessissent, nullo negotio imparatos adorti perfecerunt: non depressa solum classe, sed etiam *Antonio Justiniano* magnæ homine nobilitatis, quem classi *Veneti* præfecerant cum aliis compluribus in potestatem redactis. Quancumque tanto consensu conspirasse adversus *Venetos* *Italiae* Principes videbantur, ac tanto illos in principio accepto detrimento, de pristina alacritate & studio aliquid remittere *Fœderati* existimabant, minimè illi tamen animos demiserunt: atque evocatum magnis jacturis & præmiis *Renatum Lotharingie* Ducem in *Italiam* devicti *Caroli Burgundi* gloria tum maximè florentem, copiis Republicæ præficiunt. Is ex novo delectu, militum numero auctus, cum Senatus docuisset si quid esset detrimenti acceptum sarciri studio id facile & celeriter posse, ad exercitum proficiscitur, validis præfidiis in omnibus urbibus impositis, quæ Senatus imperio parebant, quò minus expositæ hostium injuriis essent: simul datur negotium *Ruberto Sanseverinati*, ut *Abduam* amnem copias tradu-

ctas

Etas propius *Mediolanum* admoveat: non sine magna spe, quod jam *Mediolanenses* poenitere *Ludovici* principatus fama erat, aliquid illos per ejus adventus occasionem moturos. Quod tamen *Venetorum* consilium alium, atque ipsi speraverant, exitum habuit. *Ludovicus* enim ubi ad hostium adventum, armatos *Mediolanenses*, tumultum excitare conari, atque res novas multitudinem moliri animadvertit: quando metus jam domestici mali urgebat, quod antea sua sponte facere recusaverat, suas *Alphonfi* copiis adjungit, atque in *Insu-bres* movit. Cum praedandos ubique & populando, omnia infesta *Venetis* fecisset: jam quicquid agri in *Bergomatium*, *Brixianorum*, *Veronensium* agro erat, evastato, nihil illis integrum à suorum vi atque armis praeter urbium moenia reliquerat. Tanta autem erat ejus celeritas, ut venire simul hostibus & adesse nuntiaretur, nulloque in loco moratus, cum expeditum agmen duceret, facile quò visum erat excurrere & suos recipere, inspectante etiam *Severinate*, audebat. Eodem tempore *Hercules* adversus *Lotharingum*, crebris eruptionibus pugnando effecerat, ut nulla illi in re minus quam in armis ac vetere existimatione esse constitutum videretur. Cum ita belli fortuna & rerum gerendarum ratio commutata esset, *Venetique* in magno rerum discrimine, magis tamen sociorum destitutione, quam consilii inopia aut victoriae desperatione laborarent: jam hyeme appetente in hyberna magna Foederatorum infamia concessum est. In spe propinqua belli conficiendi, fractis penè hostium viribus, quæ instaurari atque augeri tempore poterant, bello insistendum atque fortunæ beneficio utendum, quamdiu licebat, videbatur. Maturius quam aut praesentis belli ratio, aut anni tempus postularet milite in hyberna deducto, cum quicquid profectum bello erat, corruptum militum ignavia atque indulgentia eorum esset qui exercitum ducebant: fortuna etiam, quò vera virtus & constantia vocabat, propendere est visa. Nam sub veris initium militibus edicto evocatis, qui variis de causis compectu à Ducibus impetrato, ab signis discesserant: in exercitu Foederatorum cum amissa semel vincendi occasione, nequicquam ad belli finem properarent, graves exortæ controversiæ inter *Ludovicum* & *Alphonsum*, omnia per turbaverunt. Ita grave per se bellum, ut cætera abessent, cum per multorum sententias, qui eundem finem spectarent, sed non eandem rationem ejus administrandi probarent, gereretur & foedum exitum illis & tristem *Herculi* futurum habuit. Intercedebat *Alphonso* cum *Ludovico* simulas, quæ aliquamdiu malè dissimulata magna cum multorum perniciæ videbatur in apertum bellum eruptura. Cum *Isabella Alphonfi* filia *Joanni Galeatio* (ut alibi diximus) patre adhuc vivente, nupsisset: virilis animi puella quæ cum ingentem fiduciam & spiritus è domo Regia afferebat, tum in causa optima multo majorem constantiam præ se ferebat, quam sexus aut ætas postularet: patrem viri ætati atque ingenio parum fidens, diu jam precibus fatigaverat, ut generi causa suscepta, eum tueri adversus *Ludovici* cupiditatem atque ambitionem vellet: satis enim illum parem administrando imperio, tristi tutelæ nomine teneri oppressum querebatur: cum ab omni muneris procuratione prohiberetur, cui assuescere Regum liberi à prima ætate consuevissent, atque id quidem tanquam *Ludovici* liberi, non *Galeatii* filius hæres, in spem esset successionis educandus. Hæc *Ludovici* injuria cum planè ab illo *Alphonsum* alienasset, ut minus per belli tempus *Herculis* rebus obsesset, *Federici Gonzagæ* interposita autoritas perfecerat. Cum is decessisset, tanta animi offensio quæ compressa magis quam tecta aut dissimulata videbatur, recru-

A descere atque progredi in apertam similitudinem coepit. Itaque ne quid inimicus novi consilii iniret, atque se minus paratum ab armis offenderet, clam agere de pace cum *Venetis* ac de faciendo foedere instituit. Qua re Foederati animadversa, cum jam convenisse inter eos atque initam societatem comperissent, magna quidem *Herculis* querela qui se à genere proditum, destitutum à cæteris, prædæ potenti inimico relictum intelligebat, & ipsi ad pacem inclinarunt. Nam & *Veneti* quò facilius distractas hostium vires labefacerent, atque *Alphonsum* ad sua tuenda averterent, aliquot longis navibus ad prædandam maritimam Regni oram præmissis, jam *Brundisium* & *Gallipolim* receperant, videbanturque propediem omnes *Apuliæ* urbes suæ ditionis atque imperii facturi. Ea res quò se faciliorem Rex pace facienda præberet, metu domestici mali fracta animi ferocia perfecit: quò minus digna res admiratione debeat videri, *Venetos* cum neque ad *Ferrariam* victi, & adversus *Ferdinandum* victores essent, in tractandis pacis conditionibus superiores extitisse. Nihil autem minus verisimile videtur, quam qui tanto consensu adversus illos conspirassent: eos sua sponte aut causæ, quam adeò infestis animis jam alterum annum oppugnarent, aut hominibus quibus cum ad internecionem gererent bellum, tribuere voluisse. Quod quidem minimè à me dictum ob eam causam videri velim, quod sit mihi ulla instituta contentio, cum iis qui hæc scripserunt, à quibus ita dissentio, ut censeam meæ fidei mihi rationem habendam, facile autem patiar eos (modò mihi fructus meæ diligentiae constet) suo ingenio uti. Sed tamen vix poterat sine stomacho præteriri, in *Italia* natos homines, in eam civitatem cui exteræ nationes omnes propter singularem atque excellentem virtutis opinionem præcipuè indulgeant, maledicendi occasionem cum minus à rebus possunt, ab ingenio querere atque ab animi morbo. Ita quanquam *Veneti* multa præclare sæpè terra marique gesserunt, multa cum iis adversa evenissent tulerunt forti, ac magno animo: scriptorum quibus sunt usi iniquis testimonio, cum ea elevare niterentur, neque in rebus secundis moderationis & æquitatis, neque in adversis fortitudinis & constantiæ laudem quam æquum erat, retulerunt. Nam hoc ipso scribendo bello, *Xyllum* (*Machia-vellius* ait) cum cæteris Principibus adversus *Venetos* coisse: propterea quod intelligeret, magnitudinem *Veneti* imperii *Italiæ* universæ exitio futuram. Ac cum de eodem foedere ageret: *Veneti* (inquit) pro majorum consuetudine cum bello victi atque armis essent: pace non diffidentes se superiores futuros, qua de re clam cum *Ludovico* egerant, foedus cum illo & societatem junxerunt. At quæ illis causa erat diffidendi? qui instructissimam ornatissimamque classem superò mari haberent: qui victores munitissimas hostium urbes expugnassent: qui quò tempore hostes altera illis depressa classe, multis illatis cladibus superbè insolèscerent, indices obsessos arctius vehementiusque urgerent, pacis mentionem nullam facerent, multò quam antea accuratius insisterent bello? Ita autem convenit, ut *Hercules Rhodigino* agro, & si quid aliud esset, cujus rei causa ventum esset ad bellum *Veneti* cederet: hi *Ferdinando* urbibus oppidisque omnibus, quæ aut in *Apulia*, aut in *Salentinis* occupassent: ita in posterum pax inter illos foedusque esset. His conditionibus, præter omnium expectationem, pax confirmata, ingentem procellam discussit, quæ subito exorta rem *Venetam* videbatur in magnum discrimen adductura. Satis hoc est documento futurum, cum aliis in rebus omnibus, tum bellis maximè gerendis, nullam rem æquè obesse atque multorum imperium, cum

Brutus. N eadem

eadem in omnibus autoritas, minimè aut fides eadem, aut prudentia sit. Inter hæc *Nicolaus Vitellius*, cum grave bellum sibi à Pontifice illatum sustineret, magnis erat in angustiis, *Florentinorum* auxiliis & maximis & fidelissimis destitutus: qui quidem, quò facilius Pontificem à *Venetorum* amicitia averterent, minimè opportuno illius tempore ab ejus societate desciverant. Quod quanquam ita esset, non ille tamen spem aut animum suu tuendi amisit. Ita autem crebris factis eruptionibus, vires hostium atque audaciam fregerat, ut magna accepta clade atque ignominia eos solvere obsidionem & decedere ex agro *Tifernatium* coëgerit. Cujus rei indignitate *Xystus* permotus, revocatum *Hieronymum Riarium* ad urbem, majoribus etiam quam antea viribus instructum erat ad bellum remissurus. Ferox hominis ingenium (quod odium suadebat atque animi impotentia) belli finem sibi hostis exitium non victoriam humano more propositum habebat. Verum ab hac cura illum, novus repente exortus *Romæ* tumultus avocavit, ac pacem cum *Vitellio* facere, quibus illi visum est conditionibus, coëgit. Superiore enim bello *Taliacotii* agrum, quod oppidum in *Marfis Classidii* veteris urbis ruinis ædificatum ferunt, *Ursinis* quòd erant in Pontificis partibus ademptum, *Columnnensibus Ferdinandus* adjudicaverat, usus eorum fideli fortique opera toto eo bello. Hinc rursus cum Pontifex & *Ferdinandus* novum fœdus fecissent, quo cavebatur ut quæ per belli tempus essent adempta pari utrimque fide restituerentur, *Ursinis* maximè urgentibus quorum id permagni intererat, Pontifex postulabat, ut *Columnnenses*, si modò stari conventis placeret, de *Ursinorum* agro decederent, ac pacis atque otii bono, quo se auctore homines fruerentur, minimè perturbare sua audacia atque ambitione vellent. Quam Pontificis denuntiationem, cum quicquid sibi esse agendum *Ferdinandus* statuisset, *Columnnenses* omnino contemnerent: *Xystus* iracundia incensus, quæ aliorum causa erat, in tanta sui contemptione, factam suam & ad se pertinere ac propterea sibi tuendam esse armis censuit. Eo animo cum esset, *Ursinos* jam per se incitatos, manus hominum cogere, reliquias veteris exercitus colligere, atque ex agris, quos homines possent armare, in eorum oppida impetum facere, agros vastare, *Romæ* ædes diripere atque incendere, ita ut à nullo maleficii atque injuriæ genere abstinere, imperavit. Atqui nondum eo tumultu sedato, qui quidem magis viribus deficientibus quàm studiis partium, cum utrique & accipiendis cladibus & inferendis, æquè fessi essent, conquievit: *Florentini Antonio Martiano* exercitus Duce ad *Sergianum* oppidum positis castris, omnia quo receptum oppidum *Reipublicæ* vindicarent, erant nequicquam experti. Ac ne quid usquam integrum in *Italia* esset ab armis, *Genuæ Baptista Fregosio*, quem superius diximus *Bonæ Joannis Galeatii* matris opera Principatum esse adeptum, capto per summum scelus atque in carcerem conjecto, *Paulus Fregosius Genuensium* Pontifex, cum illius cognatus & propinquus, tum facile inter amicos & necessarios princeps, auctore (ut creditur) *Ludovico* & consilii particeps, civitatis imperium occupavit. Quæ mala tanta cum viderentur Principum dissensione & odio indies fieri graviora, pax (ut jam dictum est) præter omnium spem atque opinionem exorta, tollere subitò visa est. Atqui ne ejus bono, diu *Xysto* frui liceret, quinto postea quam inita erat die, decessit. Cum vir acerrimus ambitione quadam non ferenda, in eodem fortunæ gradu quo temerè per paucorum hominum studia esset evectus, collocare suos constituisset: quod minus aliis rationibus licebat, vi atque armis assequi conatus, bella inter

A Principes, discordias in liberis populis inter privatos ferendo, perniciosum Pontificatum Christianæ Republicæ *Italie* in primis civitatibus sibi suisque parum honestum futurum perpetuo gesserat. Quæ una cura, ut viventem illum, & quidem magna cum illius invidia exercuit, ita cum bellum tandem pax sustulisset, quam ille aut sibi parum honestam esse aut minus certè conducere suis privatis rationibus arbitrabatur: tanquam jam nulla alia ratio superesset augendi honestandique suos, mœrore animi & dolore victum confecit. Cum *Roma* in magno tumultu relicta, *Ursini* & *Columnnenses* sumptis per eam occasionem armis, civitatis otium perturbare viderentur: *Hieronymus Riarius* qui mortui Pontificis invidia flagrabat, atque æquè & à certis hostibus & à dubiis sociis sibi esse timendum intelligebat, *Adriani* arcem occupavit. Neque enim dubitabat, quanquam magna totius ordinis offensione, per interregni tempus, cardinalibus invitis ad quos summa rerum mortuo Pontifice redire consuevit, se illam retenturum. Quod illi factum in sui contumeliam cum nullo modo sibi esse ferendum censerent, ne parum esse memores suæ dignitatis viderentur, illum extemplo arce, urbe, excedere intra certam diem jusserunt. Hoc ille imperio territus, ac meliore consilio arbitratus reddendum voluntate esse, quod vi retinere non licebat, arce tradita (ut jussus erat) *Roma* confestim, haud satis tutus futurus in magna hominum offensione & gladiatorum impunitate discessit. *Riario* ab urbe profecto, cum *Ursini* & *Columnnenses* in magno Urbanorum metu, quorum ingentem multitudinem *Romæ* comitiorum expectatio tenebat essent, in armis: Cardinales de summa rerum solliciti, ne quid detrimenti comitiorum dilatio importaret *Innocentium Octavum* Pontificem ex nobilissima familia *Genuæ* ortum, magno consensu legerunt. Hujus *Aruntem* patrem (quem *Aranium* alii appellant) à *Renato Andegavensi* Prorege *Neapoli* præesse jussum, cum *Alphonfus* Rex victor conservasset: magno in honore habuisse fertur. Quamdiu enim vixit, inter paucos adlectus, quos Rex de summa rerum consulere, suam fidem illi atque abstinentiam perpetuo in eo obeundo munere probavit. Quod quidem facit, ut satis mirari non queam, à quo fama emanarit, adolescentem *Innocentium* inter *Alphonfi* familiares, cum illi necessaria ad vitæ cultum deessent, aliquamdiu versatum esse. Cujus infamiae labe (si modo infamia habenda est) non *Innocentio*, quidem sed Regi hæsisset: qui parentis probata fide, in maximarum rerum administratione, non erat passurus, ut filius in Regia magnificentia, quæ in *Alphonso* virtus celebris fuit, nihil præsidii haberet. Itaque illud verius est auctum illum per Regis gratiam *Amalphitenfi* sacerdotio quod fidei præmium in patre, grati animi significatio in Rege esset, faciliora sibi cætera ad tantum honorem contententi, cum usus atque industria accederet fecisse. Cum *Innocentio* Pontifice renunciato, pax in *Italia* firmata & constituta planè videretur: uni *Florentini* quorum erat præcipua cura *Sergiani* recipiendi erant futuri in armis. Neque verò illos magis amissio oppidi tam opportuni movebat, quàm auctor tantæ agendæ rei. Itaque non erat facile judicare utrum contumelia major an detrimentum atque incommodum, quod illatum *Reipublicæ* querebantur, haberetur. Hoc unum statuentes sibi esse agendum *Genuensibus* denuntiant, ni civem suum cogant *Reipublicæ* oppidum restituere per fraudem ademptum, eam injuriam perinde atque sibi à civitate illatam sese armis persequuturos. Ac luculenter quidem in novo fœdere exceptum erat: quæ quique eo bello amississent, ubi minus disceptari æquo jure liceret, ea ut illis

vi atque armis repetendi facultas esset. At *Fregosius*, qui se privatis opibus tolerare *Florentinorum* arma diffidebat: quicquid juris in eo oppido haberet, collegio *Divi Georgii* attribuit, cujus summa in ea civitate autoritas & potentia habetur: ipse tanquam nihil amplius ea res ad se pertineret, è medio discessit. *Genuenses* post memorabile illud bellum ac diuturnum, quod cum *Venetis* ad *Fossam Clodiam* gesserunt, magnum æs alienum (id quod fuit necesse) gravi sumptu ad bellum tolerando, contraxerant. Id cum non facile essent solvendo, civitas ut præclare meritis civibus de Republica aliquo modo prospiceret, hanc sibi rationem censuit esse incundam, qua simul fidem publicam, quam minimo incommodo tueretur. Itaque iis portoria, ac vectigalia Reipublicæ quoad illis ad assensum esset persolutum assignarunt: potestate facta, quibus vellent redemptoribus illa & quanti visum esset locanda. Nam quò res commodius ac majore cum privatorum autoritate ageretur: publicas ædes ad urbis portas, quibus merces aliunde importatæ quoad pro portorio exigant, à scripturæ magistris asservantur, concessit: quò statis diebus convenirent ac communibus de rebus statuerent. Ac cum major res hominum studio & diligentia esset, neque privati facile ad suum pervenire sperarent, centum delectorum consilium constituerunt, ex quibus magistratum creari placuit, qui octo modo hominibus constaret. Eorum supremam auctoritatem in re communi administranda esse voluerunt: in primis ut quæ de consilii sententia acta constitutaque essent, exequenda unus & transigenda curaret. Pecuniis quidem creditis in singulas partes distributis, quoniam certus cuique locus erat descriptus, quo facilius singuli agnoscerent suos, locos placuit appellari: ut pro creditæ pecuniæ ratione plures paucioresque locos ii habere dicantur, qui rem cum illa societate contraxerunt. Jam quò honestiore ac sanctiore titulo collegium augerent, qua ex re fore credebant, ut major illi indies auctoritas conciliaretur, *Divi Georgii* nomine in cujus tutela & procuratione civitas est, denominandum collegium censuerunt. Tanta autem cura dicitur gesta res administrataque esse, ut cum nullo Reipublicæ incommodo privati magnis aucti opibus ditarentur (quarta enim centesimæ pars illis modò foenoris nomine solvebatur) in omnibus Reipublicæ temporibus compendio parvo admodum contenti, ingentem pecuniæ vim civitati commodarent. At cum privati usque eo credendo grandes pecunias provecti essent, ut quæ pro portoriis exigantur, minimè latas pecunias expensas exæquarent: jam oppida municipiaque omnia quæcunque in ditione Reipublicæ habentur, præter pauca admodum addicta illis hoc nomine adjudicataque esse dicuntur. Ita autem huic collegio Reipublicæ oppida sunt attributa, ut & privatorum opibus adversus vim externam defendantur, & eorum suffragiis, qui illa Reipublicæ nomine administrant, mandentur: & leges & jura ut alia jam Respublica videatur in Republica esse inclusa, perscribantur. Est quidem hoc magna dignum admiratione (illustre certè documentum habet quanta vis ad defendendam libertatem in magno consensu sit) quod mox sum dicturus. Quanquam enim in crebris mutationibus civitatis, varios sæpè Principes Respublica quorum nutu atque imperio cuncta administrarentur, & diversarum illos inter se partium agnovit: semper tamen inviolatum omnibus jus ejus collegii mansit. Cujus quidem rei causa hæc potissima est. Nam collegii jus consensus hominum mirificus, tantum omnium in communi causa consensum, privatæ singulorum rationes (quod quidem in hominum rebus videtur caput esse) facillimè tuentur. Cum enim longo

A spatio annorum probatum institutum mutari sine multorum offensione & injuria non possit, nunquam ea civitas est in unius potestatem & ditionem redacta: quin is, qui eam sibi parere coëgisset, coactus ipse sit institutis privatorum & legibus parere. Quare eodem sæpè tempore unius imperium & dominatio, & moderatissimæ civitatis species, optimaque ratio administrandæ Reipublicæ est in eadem civitate animadversa. Nostra quidem ætate cum libera civitas suis institutis & legibus utatur, eadem illis ratio & in privata re, & in publica admistranda manet. Cum hujus collegii cura esset, ut oppidum in fidem receptum adversus *Florentinorum* arma tueretur: aliquot longarum navium classe comparata, per lævam *Ligurum* oram militum firmam manum in *Apuanos* exportandam curaverunt: id quidem eo consilio, ut angustiis infestis quæ ex *Hetruria* *Sergianum* petentibus sunt adeundæ, transitu eos prohiberent, qui eà ad *Florentinorum* exercitum commearent. Sunt hæc quidem prope oppidum, quod incolæ *Petram Sanctam* appellant, ubi *Lucus* olim *Feroniæ* & *Fanum* dicitur fuisse, alii malle videntur *Herculis Fanum*, locum religionis celebrem habitum, nomen quod illi adhuc manet indicio est. Cum oppidum à *Lucensibus* olim ædificatum eo tempore *Genuensium* imperio pareret: ita opportunè situm inter *Pisas* & *Sergianum* videbatur, ut etiam si id receptum in fidem esset, perpetuò hostium injuriis per varias occasiones expositum, magnam civitati ad bellum materiam semper futurum appareret. Ergo in summa *Florentinorum* cupiditate & studio *Petræ Sanctæ* occupandæ, causa illos destituebat, ne viderentur adversus fœdus fecisse. Nam ita cum *Genuensibus* bellum gerebant, ut in privatorum injuria, quam sibi omnino esse vindicandam censebant, pax integra adhuc cum Republica maneret: ut si nulla laceffiti injuria oppidanis instituissent arma inferre, quin violatum jus gentium à se per belli occasionem videretur, inficiari haud possent. Diu re deliberata, hæc tandem ratio gerendæ rei inita est. *Pisis* præmissos qui commeatum ad exercitum importarent, modico præsidio quàm proximè poterant *Petram Sanctam* iter facere jusserunt: id quidem ut spe prædæ oppidani illecti in iter facientes impetum facerent, quod pro præjudicio violati à *Genuensibus* fœderis essent belli initium habituri. Quæ quidem illos opinio minimè fefellit. Simulatque enim illi ad oppidum appropinquarunt, qui in speculis erant milites, re animadversa, oppidanos spe prædæ excitant, atque ad invadendos illos cohortantur, cum rem parvi negotii esse, ac militum exiguam manum sequi præsidii causa affirmarent. Re minimè contemnenda visa, & cupidis hominibus & sua sponte malè in *Florentinos* animatis, multitudinis concursu facto, delecti juvenes atque impigri ex oppido egrediuntur: ac cum facile & numero inferiores & consulto cedentes fuissent: hominibus jumentisque in oppidum abductis, lætitia ingenti prædam inter se partiuntur: minimè illam satis æquam futuram mercedem eorum, quæ postea pertulerunt. Ita re ex sententia administrata, *Florentini* *Genuam* legatos mittunt, qui de hac tanta suis illata injuria conquerantur, eam si ab his negligi animadvertant bellum illis simul denuntiare jubent. Reversi re infecta legati cum *Genuenses* à pacis consiliis aversos ac bello parando intentos, pertinacius tueri factum docuissent: *Sergiano* relicto, ad *Petram Sanctam* copias ducunt, ac quò facilius certioreque ictu, tormentis è loco superiore muri verberarentur, totum collis dejectum qui in summo jugo oppido imminens leviter fastigiatus ad planiciem redit, præsidio, quod satis est, imposito occupant. At *Genuenses* dum ita *Florentini* oppidum oppugnare pa-

rant: classe ad *Vada* arcem appulsa, militem exponunt, atque exustis vastatisque agris, prædam ingentem hominum pecorumque agunt, magno ubique terrore injecto, nisi iis obviam mitterentur, qui eos à populatione effusa prohiberent, fore ut ab ea parte insignem aliquam cladem Respublica acciperet. His rebus cognitis *Florentini*, *Boniannem Janfilgiatum* impigrum hominem & perspectæ virtutis, cum equitum ala, & peditum aliquot expeditis, qui eorum impetum & ferociam comprimerent præmittunt. Is sæpè palatos nullo certo ordine atque imperio adortus, cum fusos ad naves compulisset: brevi perfecit, ut non ita impunè per Reipublicæ agros vagari ac prædas agere auderent. At illi minimè ea re perterriti ad *Labronis* Portum classe *Turrim Novam*, quam appellant, petentes, militibus expositis, cum omni apparatu urbium oppugnandarum, non sine aliqua spe proventus, quod se illos imparatos opprimere sperabant, oppugnare omnibus viribus adoriuntur. Atqui cum nequicquam oppugnatione tentata, sua opinione minus se proficere animadverterent, brevi discesserunt: rem, quæ longioris moræ esset, quod minimè in præsentia esse tutum videbatur, arbitrati in aliud tempus esse differendam. *Florentini* interea cum lentè admodum *Petram Sanctam* oppugnarent: oppidani ex hostium ignavia magna spe bene rei gerendæ concepta, cum nihil illi minus opinarentur ex oppido eruptionem faciunt, atque in eorum munitiones & opera invadunt. Hinc militibus, qui in præsidio erant, interfectis, atque eodem imperu aggere capto, quem ad verberandam arcem in ingentem altitudinem extruxerant, tantum metus ac trepidationis injecerunt, ut nisi à Ducibus & legatis confirmati militum animi essent, castris impedimentisque relictis, magna cum Reipublicæ clade suaque non levi ignominia prædæ fuerint ipsi hostibus futuri. Ac tamen ne parvam rem hostium etiam testimonio egisse oppidani viderentur, eos relictæ oppidi oppugnatione, quatuor millia passuum inde signa referre ac castra ponere coegerunt. Accessit ad hoc tantum acceptum incommodum, quo nondum. Autumno exacto, quod maximè tempus idoneum ad res gerendas atque opportunum habetur, in hyberna militem dimittere, tanquam hoc illi unum ad summam ignominiam relictum esset, tantam hominum inertiam nemine æquo animo ferente, constituerant. Cum tanti flagitii fama civitatem magnopere movisset: magistratus ne si malè susceptum, atque institutum bellum ita gerere perseverarent, graviores aliquam atque insigniorem cladem Respublica acciperet, novos legatos qui statim ad exercitum contenderent *Bernardum Nigrum* & *Antonium Putium* legerunt, quorum eximia virtus ac magnus usus in bellicis rebus habebatur. Horum adventu ad exercitum, cum milites cohortarentur ut audacter redire ad mœnia, ac se à tanto admisso dedecore & flagitio redimere virtute vellent, ægrè impetrarunt, ut receptis tandem à pavore animis, castra propius moveri ad oppidum paterentur. Ita repentè belli administratione, atque ratione gerendarum rerum commutata, militem ad aggerem recipiendum, qui hostium præsidio tenebatur, adducere constituunt: adniventibus maximè novis legatis, de quorum sententia omnia agere Duces jubebantur. Nisi autem ab ea parte oppugnatione instituta, propugnatoribus muros nudarent, vix unquam oppido se potiri posse sperabant. Ac quò majore studio rem aggredierentur, legati Duces cohortati, ut rem susciperent, quæ una simul tantum Reipublicæ illatum incommodum & inustam eorum nomini ignominiam delere posset, si quid dubitationis inesset sustulerunt. Eadem ratione milites blandè

A appellando, spe præmii, incendendo; nonnunquam dexteras dando, evicerunt, ut puderet tandem armatos hæc sibi præcipi à togatis, & qui consilio pugnare non armis cum hoste assuevissent. Itaque eorum adhortationibus incitati, per ardua quæque atque invia subeuntes, cum illos nulla loci iniquitas, nulla tormentorum vis retardaret, quæ jam ingentem hominum stragem edidissent, quò minus audacter in vestigio consisterent, omnibus difficultatibus superatis, in summum jugum victores evaserunt, ac dejecto præsidio, in recepto aggere Reipublicæ signa statuerunt. Ne solidum gaudium, re feliciter gesta, legati præciperent, *Antonii Martiani* mors perfecit, qui copiarum Dux cum strenuis aliquot militum, dum montem incautius subit, muralis tormenti ictu laceratus interiit. Jam belli fortuna variante, in oppido consilia de deditioe agitari & feri cum nostris colloquia de compositione incipiebant. Quare *Florentiæ* cognita: *Laurentius Medices* per quem rem maximè transigi placebat, ad exercitum mittitur. Eo ad publicam auctoritatem interponente suam, oppidani quin statim sese legatis dederent nullam moram fecerunt. Cum res in eo statu essent, varii in castris vulgati morbi milites pervaserunt: cum propinqua hyeme tempore anni minimè commodo, tum crasso atque humido cœlo ob circumjectas à mari paludes, difficilem etiam sub tectis hybernantibus faciente curationem. Ergo cum duo morbo sublatis interisissent, quorum erat magna auctoritas *Putius* & *Janfilgiatus*, dimisso in præsentia milite, atque belli gerendi cura in aliud tempus dilata, *Laurentius Florentiam* rediit. Lætam civitatem ob receptum tam opportunum oppidum ad summam belli conficiendam, præter duorum civium mortem, quorum maximè virtute & consilio victoriam partam credebant, in primis *Lucensium* legatio turbavit. Hi adito magistratu *Petram Sanctam*, majorum suorum Coloniam, ex fœdere repetebant: quam Reipublicæ olim à *Genuensibus* interceptam, *Florentini* armis invasissent. Ita autem in novo fœdere convenisse contendebant, quo illi quidem cum cæteris *Italiæ* Principibus includerentur, ut quæcunque oppida sociis essent per belli tempus ullo modo adempta, ea illis continuò, si ante initum bellum fuisse eorum juris & ditionis constitisset: restituerentur. Ad ea *Florentini*, minimè quidem se inficiari dixerunt, non aliquando illud oppidum *Lucensium* imperio paruisse: sed nullo tamen se, aut divino, aut humano jure cogi, ut iis possessione ejus oppidi cederent, qui ut cæteris maximè superiores essent, jure tamen repetendi suum cujus legitimum tempus præterisisset, excidissent. Sive autem id majores eorum certa adducti ratione & judicio, sive (ut fit) incuria, quod minimè verisimile videretur, neglexissent, ad se hoc minus pertinere judicare. Nam & illud ignorare se, cum civitas eo tempore cum *Genuensibus* de pace ageret, an ubi de ea convenisset: illis restituere per novum fœdus oppidum cogerentur. Quod quidem æquum esset, ut sibi integrum reservarent futurum: ut quanquam & pacis conservandæ & verò honoris *Lucensium* causa sua sponte id fuerint facturi, religione se tamen impediri dicerent, quò minus (quantum ad id pertineret) integra adhuc *Genuensium* re, quicquam transigi paterentur, quod faciendæ paci impedimento futurum suspicarentur. Atque, ut cætera possent æquo animo negligere præter magnum factum sumptum in bellum receptum oppidum magna militum clade ac suorum civium interitu, tum facile ut iis traderent possè animum inducere, si ullo modo satis pro his fieri æquè facile esset. Ita dimissis legatis, civitas tota ad pacis studium conversa, non diffidebat,

bat, per interpositam novi Pontificis auctoritatem, quod is *Genuesis* civis non videretur frustra rem suscepturus, quandoque se à volentibus *Sergianum* recuperaturam. Quæ tamen res quanquam per totam hyemem jactata, quicquid causæ extiterit, qua re minus gravis apud suos Pontificis auctoritas fuerit, transigi minimè potuit. Ac quò minus incunte Vere cœptum bellum cum *Genuesibus* instaurarent, & *Laurentii* adversa valetudo, & novum exortum bellum inter *Innocentium* & *Ferdinandum* prohibuit. Nam *Laurentius* præter artuum dolores, qui quasi hæreditarius morbus vehementer illum angebat, quod erat imbecillo & languenti stomacho ad veris initium ire ad *Roscellanas* Aquas constituerat. Ita cum per causam valetudinis curandæ diutius esset ab urbe absuturus, nihil interea quod paulò majoris momenti esset, agi placebat. Belli quidem hanc causam inter Regem & Pontificem fuisse ferunt. *Aquila* est in *Vesinis* satis nostris hominibus, atque exteris nota urbs, quod incolæ croci agrum fertilem colunt, cujus ingens vis quotannis ad longinquas terras asportatur. Ea ab *Amiterno*, nobili olim *Romanorum* Colonia quinque millia passuum, octo à *Forconio* æquè item nobili municipio, a vicinis populis cum utraque urbs diruta à barbaris, atque æquata solo esset, dicitur esse ædificata. Ita autem semper paruit *Neapolitanis* Regibus, ut diu suis legibus usæ, per Regium Præfectum, qui juris dicendi causa à Rege stato tempore mittebatur, & civium controversias minui & urbanas res administrari pateretur. In ea longè auctoritate excellebat *Montorii* Comes (id oppidum ad hunc diem in *Præcutinis* in *Carassæ* gentis ditione habetur) cujus præter merita multa in eam civitatem & insignia, virtus in primis & fides probabatur. Ex ea re fiebat, ut quanquam Regius Præfectus qui jus diceret *Neapoli* mitteretur, omnia quæ paulò majoris momenti essent, ad eum unum perinde atque ad civitatis principem deferrentur. Cum munitissima urbs esset, & propter ingentem hominum concursum, qui eò undique emendi croci causa commeari dicuntur, cujus magnam (ut diximus) atque uberem copiam ager effert, in primis ejus regionis opulenta, *Ferdinandus* eam facere penitus suæ ditionis constituerat. Eo animo cum esset, *Innocentio* Pontifice *Xysto* suscepto, *Alphonsum* filium ad *Truentum* misit, nomine ut tumultum sedaret, qui exortus iis in locis dicebatur, re vera ut si quam opportunitatem occasio ostentaret, ductis de improvviso ad urbem copiis, civitatem in potestatem redigeret, quam minimè parem ad subitam belli tempestatem subeundam existimabat. Eò *Alphonsum* profectus, quod nihil se effecturum sperabat, nisi *Montorii* Regulum per honestam in speciem causam ablegaret, eum in castra evocavit. Ratio eadem fallaci consilio æqua in primis obducebatur, ut illius auctoritate & gratia uteretur iis discordiis tollendis, quæ inter ejus regionis homines magna cum multorum perniciæ exerceri ferebantur. Paruit *Regulus Alphonfi* imperio, atque extemplo in castra ad illum profectus, continuo traditus vincitus custodibus & *Neapolim* ubi intentiore cura asservaretur, missus est. Ea res ad magistratum delata, cum tantam injuriam non magis *Regulo* illatam, cujus maximè studiosa habebatur, quam civitati universæ, minimè sibi dissimulandam statuerent, tantum tumultum concitavit, ut concursu facto ad Prætoriam domum, & *Antonium Concinnellum* Regis Præfectum, & si qui alii Regis partibus favebat, ad unum omnes interfecerint. Ad hæc ne deficientibus à Rege gravi affecto injuria, certa auxilii spes adversus *Alphonfi* propinquam vim deesset, Pontificis insignibus erectis, *Romam*, qui se illi urbem agrosque dederent, legatos miserunt.

A Iis imperant, ut Pontifici ad pedes advoluti, expositis defectionis causis, ab illo opem atque auxilium petant adversus crudelissimum Regem, qui fide ac jure gentium violato: eorum libertati, cui jam pridem insidiatus sit, eo tempore vim parere inferre. Ejus avaritiæ & crudelitati ne prædæ relinquantur, non solum illi eam causam esse debere quod Pontifex sit, cujus esse credatur proprium munus supplicum preces & miserorum non aspernari, sed quod se illi urbemque dedant: id quidem ut receptos in fidem majore studio sibi atque acriore cura defendendos suscipiat. Cognitis Pontifex *Aquilanorum* postulatis, ac re cum Patribus communicata, quod è sua fide esse & dignitate ducebat, minimè eorum sibi injurias esse negligendas censuit, qui afflictis suis rebus, opem à se atque auxilium implorarent. Id consilium ut Pontifici probaretur, cum ejus *Ferdinandum* odium efficiebat privatis de causis in illum susceptum, quas non est necesse commemorare, tum urbis ejus opportunitas, quæ in Pontificum *Romanorum* ditione, tanquam arcis loco *Neapolitanis* Regibus objecta, magnam facultatem ad illos in fide continendos perpetuò esset præbitura. Jussis legatis bono animo esse, ac civitate collaudata, quæ eò sibi perfugium quærendum statuisset quò se certa ratio atque officium duceret, brevi se perfecturum ostendit, ut quantumvis illi de sua fide sibi & voluntate polliciti essent, prolixè eorum se expectationi respondere non ignorarent. Cum hoc responso legatis dimissis, *Robertum Sanseverinatem*, qui eò tempore tanquam sua sponte exautoratus, in summa totius *Italiæ* quiete, otium ab armis ducebat, ac *Joannem Rovereum* urbis Præfectum suis copiis præfecit, cum Duces alios diligenter delectum habere militum, ac se conjungere cum iis jussisset. Eodem tempore *Neapolitani* Regni Principes, quos alieno à Rege animo jam pridem defectionem moliri audiebat, multis præmiis & pollicitationibus, ut deficere maturarent, atque in aliqua Regni parte motus ac belli initium facerent, induxit. In his qui principes auctoritate erant, *Hieronimus* & *Antonellus* hic *Salernitanorum*, ille *Bisniani* *Regulus* habebantur, justis de causis à Rege perfidia & crudelitate infami (id quod omnes tradunt) alienati. Atque hi quidem quò occultiora consilia essent, cum per causam affinitatis jungendæ, *Melphim* ad *Trojanum Caraciolum* convenissent, quem consiliorum participem habebant, conjuratione in Regem & *Alphonsum* certis legibus firmata, jant de ratione belli gerendi atque à quo fieri initium defectionis placeret, constituerant. Jam verò illi adhuc *Xysto* Pontifice vivente, sive ab illo, ut minimè otium pati poterat, sollicitati, sive sua sponte (ut diximus) in *Ferdinandum* malè affecti (quod satis compertum est) ea de re per nocturnos cœtus & occultas Principum coitiones contra Regem conjuraverant, ac jurejurando fide confirmata pecunia atque obsidibus inter se caverant. Res usque ad *Innocentii* Pontificatum perducta, cum fidem conjuratorum non ulla religio magis, quam immane atque inexpiabile in Regem odium inviolatam præstaret, ut tum maturaretur opportunè tanta oblata occasio perfecerat: quamdiu desideratam & nequicquam quæsitam cupidissimè amplexi uno consensu defecerant. Atque ad rem celerius conficiendam, *Alphonfi* minimè dubia suspicio accesserat, cujus immitte atque implacabile ingenium maximè horrebat. Is enim jam confecto *Ferrariensi* bello, domum rediturus, minimè quidem occultè aut dissimulanter, & cædem illis & exilium proscriptionemque bonorum, ut indicio esset aliquid ad illum de conjuratorum consiliis manasse, minitabatur. Ita illi metu territi, ac præter suam spem à Pontifice in foederis societatem vocati, cum eo

arma conjungunt, principio facto à *Francisco Coppula*, quem hominem magnis in rebus optimè de se meritum *Sarno* oppido *Ferdinandus* donaverat. Hos sequuti complures cum iis subituri eandem belli fortunam consilia & vires communicaverant. Ac quò graviore belli mole *Ferdinandus* premere-tur, *Ursini* propterea quòd *Columnenses* Regi ade-rant, pro Pontificis partibus cœperant arma, ut tantis subitò malis circumvento nisi aliunde sibi subsidium quæreret, esse penitus de summa rerum desperandum. Accedebat ad hæc omnia intesti-num malum, cum neque satis tectus esset à suo-rum insidiis, quorum præmiis sollicitata fides ho-stibus venalis erat: ut quæ ageret quæque admi-nistraret omnia, illis æquè ac sibi essent explora-ta. His difficultatibus anxium animum, una con-solabatur spes, quæ tota posita erat in *Florentino-rum* & *Ludovici* auxiliis, quos quidem ut sibi ad-versus tantam belli vim adessent & crebris nuntiis & assiduis precibus fatigatos sollicitare non desiste-bat. Ac *Florentiæ* quidem visa res in principio longioris disceptationis esse, aliquamdiu suspensos principum animos tenuit. Ita enim placebat Re-gi opem ferre, ut tamen parum honestum bellum atque opportunum civitati futurum esse cavendum omni ratione judicarent. Eo enim adversus Pon-tificem suscepto, nemo erat futurus, quin suspi-caretur studio ac morbo animi *Florentinos*, pro iis gerere arma, quos ille hostes bello persequeretur: ut minimè esset dubitandum eam hominum opi-nionem fore, haud illis cum Pontifice, sed (quod ferendum non videretur) cum Pontificatu susce-ptam contentionem esse. Quæ quidem infamia tanta quam esset perniciofa Reipublicæ futura, re-centem *Xysti* memoriam, qui cum civitati perpetuæ simultates atque inimiciæ intercessissent, sa-tis posse indicare. Nam & ea libera omnium que-rela, jactabantur: jam fessa multitudo gravitate malorum quæ movere quemvis facile possent: post tot bella infelicitè gesta afflictæ ac propè eversæ civitati pacem tandem divino ac singulari Dei im-mortalis beneficio quæsitam esse. Ea quidem, si magis certorum hominum salutem tueri, quam pu-blicam pergerent, novis semper bellis exorienti-bus, nunquam futurum ut frui permetteretur. Nam illud minimè dubium videri, cum aliorum *Italiæ* Principum insigne odium in *Ferdinandum*, tum inexpiabile *Venetorum* esse. Quod cum neminem præteriret, illud etiam suspicari omnibus licere, cum eadem *Florentinæ* Reipublicæ & Regis causa futura esset, *Ventos* novo foedere Pontifici con-junctos communi consilio adversus communes ho-stes bellum gesturos. Sæpius jam quam civitatis otio & quieti expediret, periculum esse factum quam grave & perniciosum Reipublicæ esset, cum *Romano* Pontifice inimicitias exercere: quid ti-mendum videri ubi Senatus *Venetus* cum illo arma conjungeret tantus hostis? Defecisse à *Ferdinando Neapolitani* Regni Principes, in quibus si illi esset gerendum externum bellum, omnes vires & ner-vos fuerit habiturus: eos contra Regem pro Pon-tifice in acie futuros. *Ursinos* esse in armis, ac sub Pontificis signis militare. Regni civitates, quæ perferre diutius non posse durum Regis imperium & atrox dicantur, quicquid illi in principio ad-versi contingat, non futuras in fide: ut semel in-felicitè gesta re, haud de Regno amplius *Ferdi-nando*, sed de salute dimicandum esse videatur. Quæ cum ita sint, mitius malum videri debere, *Ferdinandum* solum (utinam non illi quidem meri-tò accidere Reipublicæ nunquam fido socio, ali-quando infesto hosti) quam cum illo eadem ruina oppressam Rempublicam interire. Hæc ita præ-sente *Laurentio* dicebantur, ut diversam sententiam tuenti, cum magistratus imperio multitudinis ob-

A strepentis ferocia non posset coërceri: vix verba fa-cere liceret. Impetrato demum silentio, de ea re ad hunc modum dicitur verba fecisse. Non in eo statu res nostræ sunt, si quis eas ut nunc se habent, spe-ctare velit, ut si modò nobis, quod maximè Rei-publicæ expediat sit agendum, utrumvis nobis in-tegrum sit, siue honestam pacem & otium tueri, siue pace improbata, gerere bellum malimus. Nam ita nobis in præsentia ea licet & quidem parum honesta frui, ut illam paulò post, nisi ad arbitrium victoris Pontificis administrari Rempublicam veli-mus, necessarium & grave bellum, &, quod ca-put est, diuturnum (ut mox demonstrabo) exci-pere necesse sit. Bello in præsentia nec difficili, nec gravi defunctis certa ac diuturna pax est ma-ximè speranda. Fingite enim penes Pontificem victoriam esse, quod si pergitur cunctari planè est expectandum: quis est qui non videat illi con-tinuò *Neapolitanum* Regnum prædæ futurum? Quod quidem si accadat, non illud nunc spectari censeo oportere, quid sit nobis mali à Pontifice ti-mendum, sed quid à Pontificatu, quem sæpius *Xysti* quam *Innocentii* similes (libeat enim in præsentia bene de illo ominari) esse assequutos ani-madvertimus. Miti hominem ingenio & leni, Christianæ Reipublicæ imperium magis ex sua di-gnitate, quam ex suorum cupiditate & studio ad-ministraturum confidimus. Faxit Deus ne nostra nos hæc spes fallat. Sed tamen citius in eo qui non possit, cupiditatem dominandi tollas, quam in eo qui vires habeat non moderationem & æqui-tatem animi in proferendo imperio requiras. Ni-hil enim est facilius, quam animum continere à cupiditate, ubi ad ea assequenda quæ expetuntur, non suppetunt vires: illud est difficillimum & pro-pterea maximè proprium virtutis, ubi ex alieno incommodo, magni nobis emolumenti spes sit objecta, efferentem sese animum quem facultas ad agendum & vires sequantur, cohibere. Sit idem D *Romanus* Pontifex & tanti Regni moderator, sæ-pius nobis veniet in mentem, quibus tanta poten-tia est meritò pertimescenda, virium, quæ metum augeant, quam æquitatis quæ metum tollat. Quid possit unus *Romanus* Pontifex etiam si nullæ præ-terea accedant vires, experti paulò antea ipsi fu-mus in *Xysto*, in *Calisto* idem est patrum nostro-rum memoria Rex expertus, quod etiam plerique vestrum possunt meminisse. Sit igitur nobis *In-nocentius* amicus. At quamdiu ille sit futurus ami-cus nobis etiam cogitandum existimo. Quis no-bis faciat fidem ubi præsentibus opibus hæc tanta fit potentia adjuncta, parem constantiam illum in fide tuenda, atque vim & animum in augendo im-perio præstaturum? Nam ut mitissimum hominis ingenium sit: quis ignorat in Pontificatu, non grandem jam natu hominem atque exactæ ætatis, sed liberos, cognatos, necessarios, neque eos pro-bos semper & prudentes, haud rarò crudeles, im-puros, nefarios dominari? eosdem bella gerere? fœdera ferire? regna occupare? divinas atque hu-manas res omnes perturbare? Næ illi ubi in eorum ditione *Neapolitanum* Regnum sit, & *Hetruriæ* & *Galliæ Cisalpinæ*, atque adeò totius *Italiæ* impe-rium sibi animis spondebunt. Nunquam eodem vestigio ambitio consistit, sed pedem profert, & ad ulteriora semper ubi præsentia assequatur con-tendit: ut cum vires illam deficient, spe tamen at-que animo progredi conetur. Ita nunquam *Nea-politanum* Regnum Pontificis erit (non permittat hoc Deus immortalis, ut per nostram cunctationem esse possit) quin ille tanquam serie quadam rerum ductus, & continentes suis urbes, & provincias atque externa Regna petat. Satis est per se nobis Pontificatus formidandus, quid ut magis sit, no-stra procrastinatione & mora efficiamus? Non so-lum

lum enim, ut non sit Pontifex nobis hostis, sed ne quando esse possit, si maximè velit, est nobis laborandum. Ita enim natura comparatum videmus, ut qui est superior viribus, is tanquam in eo jus omne sit, æquum censeat eum sibi qui sit imbecillior parere. Sic nobis erit precariò libertas semper retinenda, atque quò illa fruamur, domino, atque impotenti domino sæpius, crudeli, immani id nos referre acceptum perpetuò oportebit. Quò quid durius aut acerbius, natis in libera civitate hominibus potest accidere? Hæc igitur vobis pax, hæc salus, hæc libertas præsentis hoc rerum statu speranda est: quam tamen, ut minimè etiam dubitari possit de hujus Pontificis in nos voluntate, haud fore nobis diuturniorem speramus, quàm est senis vita futura. Quis enim hoc vobis audeat spondere, quo in vos animo nunc *Innocentius* est, eodem anno proximis Calendis, suffectum illi novum Pontificem, non alio fore? At quid est tamen quod facilius evenire possit? Ergo aut certum & perpetuum bellum, aut si turpe magis inerisque otium præferri placet, dubia ac minimè firma pax, crescentibus in dies per vestram ignaviam Pontificis viribus, in posterum manebit. Nunc si in hac fortuna tuendum vobis Regem, erigendumque suscipitis, quanto illum vobis devinctum beneficio conservatis? Imò quid illum inquam? In eadem Regia paulò ante beatissima & florentissima, *Ferdinandum* ætate gravem, sed vigentem tamen animi & corporis viribus: *Alphonsum* filium, cujus quanta constantia & virtus fuerit in sociis tuendis, hostes ipsi periculum fecimus: tum hujus filium *Ferdinandum* regiæ indolis & virtutis puerum, vestro beneficio, cujus est hæres tertius ab avo in multos annos futurus, conservatis. Nam ut *Federicum* mittam *Ferdinandi* natu minorem filium, quem maritimo bello, quod adversus *Venetos* gessit, pater præfecerat: Reges *Hispaniæ* longè potentissimos, horum cognatos, nobis in perpetuum, socios atque amicos sanctissimo functi amicitia munere, retinemus. Ita quod initio dixeram, minimè diuturno ac difficili bello, sperandum nobis est, certam nos Reipublicæ firmamque pacem, & quæ æquè posteris nostris magno usui sit atque ornamento, comparaturos. At verendum est, ne *Veneti* terra marique gravi bello *Ferdinandum* circumventum, cogant de summa rerum & de salute dimicare. Est hoc quidem aliquid. Verùm ne hoc illis liberum sit, ita grave bellum à *Turca* civitati impendet, ut beneficii loco sint habituri, si quis illos quiescere atque otium in *Italia* ab armis ducere patiatur. Quamquam neque in continente, tuta omnia & pacata habent. Gerent enim *Rheticum* bellum cum *Sigismundo* Cæsaris fratre, orta de finibus controversia: cujus rei causa, jam eorum mercatores, qui in *Rhetis* negotiabantur, comprehensos ac dejectas operas quibus in *Alpibus* utebantur ad fodinas aperiendas à *Sigismundo* ferunt: quam tantam suis illatam injuriam minimè videntur neglecturi. Nam exules *Neapolitani*, quam sint Regi timendi superiore bello, & quidem multò hoc graviore docuerunt. Aderat enim illis *Jannes Renati* filius *Andegavensis*, qui terra marique *Genuensium* auxiliis instructus adversus illum rem gereret: & ut quidem hoc tempore *Innocentius*, ita tum *Calistus* Pontifex, non armis ille modò, sed quanta in homine divinam gerente potestatem esse poterat, gratia, autoritate, potentia formidabilis. Quæ omnia tamen novus idem Rex, & qui vix suas agnosceret, atque hostium vires, ita superavit, ut victi hostes non illius magis virtute, quamquam ea summa erat, quam sua inconstantia & levitate, illius maximè clementia, cum proprio ipsi scelere periissent, sint conservati. Quæ cum ita sint,

A non honestum solum bellum pro socio, atque amico Rege, quod necessarium nobis præsertim, atque utile in posterum Reipublicæ esse videatur, nobis censeo suscipiendum, sed omni id mora & cunctatione omiſsa, quò nostrum illustrius in Regem beneficium studiumque sit. Ita enim nobis in præsentia facile est, ex afflicta & depressa illum fortuna erigere, ut idipsum tamen beneficii summi loco acceptum, nulla sit unquam hominum ætas oblitteratura. Ad hunc modum ille locutus pervicit: ut *Nicolao Ursino Petiliani* Comite copiarum Duce, exercitus in *Latium* mitteretur, quò *Alphonſi* copiarum brevi conventuræ dicebantur. At B ille jam *Colummensium* validissimis auxiliis subnixus, in agrum *Romanum* moverat, quò exulum copias ab exercitu Pontificis qui cum se conjungere properabant, distineret. Cujus consilio cognito *Rubertus Sanſeverinas*, instructa ad dimicandum acie, illi obviam progressus potestatem pugnandi fecit. Commisso acriter prælio, cum hostium vim sustinere non potuisset, parum lætis auspiciis, adversus Pontificem iterum in *Latio*, ac cum *Ruberto* Duce, nomine minimè fausti sibi ominis congressus, fusus profligatusque esse dicitur, paucis admodum fugæ comitibus, qui è tanta clade supererant. Veritus ne in potestatem hostium veniret, qui cum C delectis equitum illum inſequebatur, non prius finem fugiendi fecit, quam procul ab hostium conspectu se *Politianum* recepit, oppidum *Senensis* agri: unde nuntios ad *Laurentium* de accepta clade, qui simul ab illo opem, atque auxilium implorarent, *Florentiam* misit. Re cognita *Laurentius*: ne victoria elati hostes bellum in *Hetruriam* transferrent, ab armis imparatam: non esse differendum auxilium arbitrabatur. Itaque & pecuniam illi extemplo & comæatus, ac cætera quæ necessaria videbantur bello instaurando, magna cum cura & sedulitate importanda ad illum curavit. Ad hæc miseratus hominis fortunam, quem D elatum olim secundis rebus, felicissimum sua omniumque opinione, ac florentissimum viderat, magistratui persuasit, ut legatum ad illum mitteret *Petrum Caponium*, magnæ nobilitatis hominem atque exploratæ virtutis, qui illum Reipublicæ nomine solatus, pro eo atque æquum erat, graviter ac molestè illius adversum casum civitatem tulisse significaret. Is conventum illum, & bono animo esse jussit, & magna in spe confirmavit, brevi futurum, ut firmioribus copiis & auxiliis auctus, tandem intelligeret, apud fortes fidelesque socios plus officium & fidem, quàm fortunam, & non minus in hominum calamitate humanitatis jura, quàm in prosperis rebus & ad voluntatem fluentibus, gratiam atque opes valere. Hoc in *Alphonsum* humanitatis officio *Laurentius* functus, ne qua præterea in re illi deesset, quæ suæ fidei esse dignitatisque duceret, statuit his de rebus omnibus Regem, quod permagni illius interesse videbatur, certiorum facere. Is magnopere de filii salute sollicitus, nihil de eo, propterea quod vix omnes obsessæ hostium præſidiis tenebantur, jam aliquot dies audiebat. Itaque (quod postea bello confecto) cognitum est, jam ille plane abjecto & demisso animo, ut ferè semper homines in dubiis rebus, videntur esse propensi ad ea sibi ominanda, quæ deteriora habentur, lugens suam & filii fortunam, se in Regiæ interiorem partem abdiderat, & quò præter summè necessarios, aditus nemini patebat. Ergo ad illius animum confirmandum cum esse commodissimum statuisset, ut literas ad illum mitteret scriptas filii manu, quod quidem propter itinera ab hostibus obsessæ difficillimum videbatur, hanc tandem rationem consilii inivit. Parva lamina è stanno codicillos involutos nondum cocto pane includit, atque uni

uni ex necessariis navo atque impigro homini, cui plurimum confidebat, cum rector eo involucro asandos curasset, *Neapolim* ad Regem tradit perfendos. Is literis acceptis, cum ad confirmandum errorem se mendicum atque egentem effingeret, pannosus ac situ & squalore oblitus, cum sæpè iter faciens in militum custodias incidisset, diligenter excussus ac stipe donatus, præter se observantium oculos incolumis *Neapolim* evasit, ac mœsto Regi & filii casum lugenti literas reddidit. Ad tam insperatum & lætum nuntium cum non *Alphonsum* modò superesse, quem mortuum suspicabatur, sed à civitate, pecunia eundem & novis auxiliis auctum didicisset: lætus (id quod vultus subita mutatione significabat) ac voluptate ingenti perfusus, equum conscendit: atque quò suorum perterritos animos confirmaret per urbem universam equitavit, nuntiis dimissis in omnes Regni provincias, qui *Alphonsum* filium vivere, ac *Florentinis* sociis instaurare bellum majoribus etiam, quam antea viribus, significarent. Hoc *Laurentii* consilio *Neapolitanorum* insolentia repressa, qui despecta Regis fortuna, quam secundam & lætam odissent, jam defectionis consilia agitabant, facilius in posterum *Ferdinandus* continere illos in fide atque in officio potuit. At *Laurentius*, re ita ex sententia administrata, ad aliud consilium animum adjecit, atque omnino sibi dandam operam censuit, ut à Pontifice *Ursinos* aversos *Ferdinando* conciliaret: quod si effecisset, cum non contemnenda virium pars de Pontificiis copiis detracta Regi accederet, in magnas illum angustias conjecturus videbatur. Id autem se facile ab his impetraturum sperabat, propterea quòd *Virginium* gentis Principem conjunctum non affinitate solùm, sed familiaritate atque amicitia habebat. Re deliberata, iis per certos homines demonstrat, quorum fidem cognitam, atque industriam magnis sæpè in rebus erat expertus, id quod non erat difficile, quantum periculi à Pontificum potentia imminet *Romanæ* nobilitati, si principes vetere instituto majorum pergant ferro inter se atque armis decertare. Fieri eorum discordiis, quas quidem Pontifices omni ratione semper & consilio foveant, quod dominari sperent impunius, eorum viribus attritis qui sunt illis impedimento quominus domesticam potentiam tueantur: ut jam ferri sacerdotum ambitio & cupiditas non possit. Ea si in *Romanorum* civium consensu minus materiæ ad sese efferendam inveniret, cui jam nulli orbis terrarum termini esse satis viderentur non cum populo *Romano* præclarius quam cum universa Christiana Republica actum iri. Ita in præsentia captata *Innocentium* occasione ex eorum contentione, *Neapolitanum* Regnum invadere conari, quod si adjungi ditioni Pontificum atque imperio paterentur, tum quidem illos serò, & cum id inutile esset futurum, de reconciliatione, de concordia de reditione in gratiam cogituros. His adhortationibus victis animis, non solum *Laurentius* impetravit, ut à Pontifice *Ursini* deficerent, sed etiam ut pro *Ferdinando* adversus illum fumerent arma, quod illi magnum momentum ad obtinendam victoriam, videbatur attulisse. Tametsi autem apparebat, defendendo illos *Ferdinando*, *Columnnensium* vires & potentiam stabilire, cum nemo dubitaret quòd priores jam gratiæ locum apud Regem occupassent, non semper illos gratia & auctoritate præsturos: in communi tamen incommodo depellenda, simultatis memoriam sibi ponendam in præsentia, atque eodem consensu adversus Pontificem sibi esse conspirandum censuerunt. Magno ea res honori *Laurentio* dicitur fuisse, multò tamen majore ejus virtutis opinione & fama, apud eos qui non tam eventum rei, quam hominis consilium & prudentiam, vel in cogitan-

A da re, vel in explicanda & perficienda animo complecterentur. Ad hunc modum *Ursini* Regi conciliatis, dolo aggredi Pontificem atque à bello & armis ad pacis consilia avertere constituit. Re excogitata, per certum è suis hominem quem spe ingentium præmiorum oneraverat, literas illi tradendas curavit, ita perscriptas ut à *Ruberto* ad hostes de proditione missæ, atque interceptæ viderentur. Literis Pontifex lectis, qui ut maximè erat mitis, & lenitatis summæ, ita, quod plerumque evenit in hujusmodi ingeniis, & suspiciosus nimis, & parum adversus insidias suorum cautus habebatur, alia (ut fit) ad confirmandam suspicionem addendo, planè se à *Ruberto* prodi existimavit. Ut autem non esse prorsus vana suspicio videretur, id unum maximè efficiebat. *Ruberto* enim sua sponte *Innocentius* pollicitus erat ubi è sua fide & dignitate bellum administraret, *Federicum* illius filium in Cardinalium collegium se adlecturum. Id ut necessariò sibi esse agendum Pontifex censeret, bellum trahendo, quod celerius confici liceret, poterat videri *Rubertus* effecisse. Hæc tanta hominis suspicio, quæ cum haud levi conjectura niteretur, penitus illius animo infidebat, *Laurentio* spem fecit, rem ubi paulum adniteretur & brevi, & ex sententia conficiendi. Adjuvabat illius consilium magna jam hominum concepta opinio de illius lenitate, quæ quidem cum tota esset ab ingenio fiebat, ut æquo animo sibi mentionem de compositione, & de pace fieri pateretur. Itaque usus administris insignis probitatis & fidei hominibus, quorumque magni esse apud Pontificem auctoritatem sciebat, curabat crebrò cum admonendum fatigandumque precibus, ut ab infami & turpi bello atque adeo Christianæ Reipublicæ perniciosissimo animum avocaret. Quibus audiendis quò se in dies faciliorem præberet, duo illa maximè fecerunt. Nam cum (ut diximus) diffidere fidei suorum cœpisset, quos communicare consilia cum hoste suspicabatur: destitutus *Ursinorum* auxiliis, magnam accessionem Regi fieri ad bellum gerendum intelligebat: cum ad ea omnia accederet *Florentinorum* foedus: quorum copiis Regiis adjunctis, fiebat ut magis etiam sibi de belli eventu dubitandum censeret. His tot difficultatibus, victa si qua erat, animi pertinacia, ad pacem faciendam cujus per se erat studiosus, animum induxit. Ingenti omnium lætitia, cum formidolosum magis bellum, quam grave, insperata atque inexpectata pax sustulisset: placuit novum foedus inter omnes *Italiæ* Principes iniri, à quo *Genuenses* uni excluduntur, & quod à *Joanne Galeatio* defecerant, quod superius à nobis demonstratum est, & quod *Florentinis* per fraudem & injuriam *Sergianum* interceptum abstulisse dicebantur: cum neque ut *Sfortiam* Principem agnoscerent, neque ut *Florentinis* oppidum restituerent posse animum inducere ulla ratione viderentur. At *Rubertus* cum facto secundo initio belli: cætera in primis adversa hominum fama administrasset: ne in hostium veniret potestatem à quibus sibi undique strui insidias audiebat, cum delectorum equitum ala, per *Apenninum* *Flaminiam* digressus, inde magnis itineribus *Citadellam*, quod est *Patavini* agri oppidum, contendit. Hoc illi oppidum *Venetis* tribuerant post confectum *Ferrariense* bellum, quo quidem gerendo, in *Insubribus* adversus *Ludovicum* & *Alphonsum* Senatus copiis præfuerat. Atque cum aliquando ibi delituisse, tandem *Rhetico* bello *Venetis* exercitus imperator, in transitu fluminis *Athesis*, cum malè gesta re se in castra recipere conaretur, cum fortissimis equitum interiit. Gravi bello & periculo confecto, *Ferdinandus*, ut novo foedere cautum erat, reductis *Neapolim* exilibus in præsentia ignovit: paulò post tanquam satis persoluta fide,

fide, conditiones pacis implevisset, de omnibus præter *Salernitanum* Principem & *Bisnianensis* liberos, victa foederis religione iracundiæ atque odii magnitudine, supplicium sumpsit. Nam *Salernitanus*, minimè se committere ausus dubiæ hominis fidei, cum ex injuriæ magnitudine & Regis ingenio conjecturam de illius animo fecisset, per literas ut sibi abesse liceret impetravit, atque assumptis cognati Principis liberis, qui comites fugæ essent, in *Germaniam* primum, atque inde in *Galliam* contendit, ubi usque ad *Carolus* Regem, qui *Neapolitanum* postea bellum gessit, permansit. Atque illi quidem ægrè matris summa solertia prudentissimæ & lectissimæ foeminæ, per *Columnensium* fines in agrum *Romanum* evasisse dicebantur: ubique à Rege crudeli, atque immani illi insidiis comparatis. Eò autem progressus furore, & crudelitate fertur, ut in *Joannem Antonium Martianum*, cum trigessimam jam & quartum annum vinculis constrictus nondum satis poenarum dedisse videretur, animadverterit: quibusdam cum parvis liberis parentum culpæ reis, qui prodicionis convicti & damnati essent, interfectis. At Pontifex pace firmata, totus *Laurentii* & *Florentinorum* cum aliis in rebus tum in primis eorum probata fide in Rege inimico adversus se juvando, quanquam homo *Ligur*, cum graves similitudines inter *Florentinos* & *Genuenses* intercederent, iustas odii causas habere adversus civitatem videbatur: posita subito, si qua erat, animi offensione atque odio in benevolentiam converso, in omnibus quæ pertinere ad civitatis commodum atque existimationem censeret, quæque reconciliati animi significationem illustrem habere, se illis æquissimum præbebat. Ex hac Pontificis propensione, magnam spem *Laurentius* cepit, id quod plurimum conducere ad familiæ amplificationem arbitratur, sibi illum privatim arctiori conjunctione obstringendi. Quæ res cum pari studio Pontifex teneretur, quod magnam spem augendi atque ornandi suos in *Laurentii* prudentia & autoritate collocaverat, non magno negotio transacta est. Ita *Francisco Cybo*, *Innocentii* filio unam ex filiabus *Laurentius* despondit, lætis in primis suorum auspiciis, quibus per eam affinitatem gradus atque ascensus ad maxima Regna, atque imperia comparabatur. Jam cum ea agerentur, Pontifex cum *Genuensibus* minimè obscurè *Florentinis* favens summo studio agebat, ut *Sergianum* Reipublicæ certis oblatis conditionibus restituerent. Neminem enim dubitare, aiebat, quicquid ab his tegendæ injuriæ obduceretur, quin injuria Reipublicæ *Florentinæ* oppidum ademptum à privato retinerent. Neque enim aut illos ullo gentium jure facere suæ ditionis, quod sibi per fraudem alteri ereptum comparassent, aut privato, qui malis rationibus in aliena invasisset, ea cuiquam pecunia accepta licuisse addicere: in quem si memores suæ constantiæ & moderationis essent, gravi jam & severa animadversio constituta, magnam ignominiae labem quæ in Republica hæret, à civitate avertissent. Quæ quanquam ita ab *Innocentio* agebantur, haud tamen apparebat, magni illius auctoritatem apud suos cives futuram: cum minimè illis certa ratio tuendi sui juris deesset. Nam rectè fecisse suum civem defendebant, qui oppidum opportunissimum in Reipublicæ finibus à majoribus conditum, quam tanquam objectam arcem exterorum injuriis haberent, patriæ vindicasset. Quod si *Florentini* antiquissimum quodque jus spectari iniquum censerent, de quo tamen nemo sua sponte, cui utrumvis liceret, vellet decedere, non sibi tamen privatorum injurias de quibus quererentur esse præstandas. Cognita quidem causa, cum illi non recusarent, quin summo jure experirentur, quod è sua fide & Reipu-

A blicæ dignitate esse censerent se de omni ea controversia constituturos. Priores illos vim intulisse, qui dolo & fallacia occasione quæsita è privatorum injuriis, bello quiescentes tanquam ita illud fore legitimum arbitrarentur, lacerassent. Ita *Petram Sanctam Genuensis* Reipublicæ oppidum, observato eorum tempore, cum essent ab omni re imparati per summam injuriam occupasse. Nam si *Sergianum* opponant: bellum illud non fuisse cum Republica *Florentinis*, sed cum privatis susceptum, quibus, legibus & moribus civitatis, quid agerent præscribi à magistratu non liceret. His rationibus cum jus publicum tuerentur: interea classe instructa tria peditum millia ad *Ericis* portum suos adducere, qua manu expugnationem *Sergianelli* tentari placebat, celeriter jubent. Ea arx posita in medio collis ascensu, qui objectus *Sergiano* imminet, à *Castratio* olim *Lucensium* Principe extructa, præsidio *Florentinorum* tenebatur. Nisi autem eam in potestate haberent, nunquam illis libera futura oppidi possessio videbatur. Jam verò frequentissimo ædificiis suburbio vastato, quod ab latere, quæ ad montes vergit, *Sergianum* pene attingit, aggredi arcis oppugnationem parabant. Quæ re *Florentini* cognita, in *Genuenses*, tanquam in pacis atque otii perturbatores, jam diis hominibusque approbantibus, bellum comparare instituunt. Ita copiis contractis, *Virginium Ursinum*, nobilitate & gloria rei militaris clarum hominem præficiunt, atque adversus hostes *Sergianum* mittunt. Interea eum apud *Innocentium*, tum apud cæteros *Italiæ* Principes de *Genuensium* injuriis expostulare, atque ab iis opem & auxilium implorare non desistebant. Ex his *Ferdinandus* sollicitus de *Thracio* bello, re vera quod se novo bello implicari nolebat, vix à superiore viribus collectis, quo quidem in magnas ærarii angustias erat conjectus, se illis auxilio esse non posse, quod ferret ægerrimè, querebatur. *Ludovicus* illos, propterea quod clam *Genuensibus* favebat, aliquamdiu spe propinqui auxilii ludificatus, cum temporis excusatione uteretur: simul cæteri Principes variis objectis causis, quibus se prohiberi dicerent, quò minus eos suis auxiliis juvarent, magna spe frustratos destituerant. Neque illi tamen ob id perculsi, sese animo demiserunt. Etsi autem ferebant iniquo animo, cum ab aliis, tum à *Ferdinando* adeò sibi malè gratiam relatam, cujus unius causa civitas in magno salutis discrimine versata esset: novum exercitum celeriter confecto in agris, atque in vicinis oppidis delectu, conscribi, ac *Jacobo Guiciardino* & *Petro Victorio* legatis qui copiis præessent adduci in *Apuanos* jubent. Ita illi summa celeritate usi ad *Meram* amnem (*Macram*, ut alibi diximus, incolæ appellant) copiis ductis, non procul ab oppido castra ponunt. Jam *Sergianelli* arx vehementissimè oppugnata, ac tormentis majoribus quassata, quorum magnam vim in castra advexerant, propediem in hostium potestatem ventura videbatur. Nam cum cætera minus procederent, quod quantum muri tormenta proruisent, celeriter milites, qui erant in præsidio, reficiebant, quod non erat illis difficile in non magno murorum ambitu, jam cuniculos agere instituerant, cujus rei obsessi cum non magnum usum haberent tueri diutius arcem non poterant. Cum legati quantis in angustiis obsessi versarentur, non ignorarent, propius ad illos castra movere, ac prælio rem committere constituunt: non esse iis differendum auxilium arbitrati. Ita utrimque in aciem copiis productis, ac dato militibus signo ad pugnandum, clamore sublato concurrunt. Pugna fuit pro numero militum acris, atque aliquamdiu immotæ acies steterunt: postremò cum *Genuensium* signa fluctuare ac perturbari ordines cœpissent, dissipatis instando *Florentini* eos terga vertere cœ-

Brutus. O gerunt.

gerunt. Victoria potiti hostium nonnullis interfectis, permultis vivis captis, in his *Ludovico Flisco* magnæ homine nobilitatis, arce obsidione soluta, totis viribus *Sergianum* incubuerunt, delendæ ignominiae cupidi, quæ *Genuensibus* obtinentibus oppidum Reipublicæ hærebat. Ita mota eò extemplo castra ac tormenta omnis generis ad muros verberandos cum omni apparatu urbium expugnandarum adducta. Quibus administrandis, quanquam summa militum alacritate uterentur, nihilò tamen remissius oppidani, quæ ad urbis defensionem, quæque ad tolerandam obsidionem pertinerent, comparabant. Quorum pertinacia *Florentini* animadversa, qui ubi paulum adniterentur, oppido se potituros non desperabant, *Laurentium* per quem bello finis imponeretur ad exercitum miserunt. Hujus adventu facta magna rerum commutatione: *Sergianenses*, desperata urbis defensione, deditiorem fecerunt. Cum ita receptum oppidum esset, per paucorum supplicium, quos fuisse autores defectionis constabat, multitudine culpa liberata, conservatum est, jussis militibus ab omni injuria & maleficio in victos abstinere. Iisdem ferè diebus, quibus ea ad *Sergianum* gesta sunt, *Ludovicus Sfortia*, ne planè videretur *Florentinis* defuisse, gravis armaturæ equites ad *Apenninum* præmiserat, qui inde in *Hetruriam*, quove illi postea juberent proficiscerentur. Eos cum accepisset propè *Sergianum* profectos, *Genuam* iter flectere, quod magnus ortus tumultus ac civitas esse in armis dicebatur, imperavit. Ita *Sfortiani* à suæ factionis hominibus in urbem accepti, facilè *Fregosis* dejectis, ut se *Ludovico* permitterent, obtinere potuerunt. Quæ dum in *Liguribus* geruntur, *Auximi*, quæ urbs olim in *Italia* quinta regione habebatur, gravis seditio præter omnium expectationem unius hominis temeritate atque audacia exorta, magnam rerum perturbationem ferè in *Italia* excitavit. Erat in ea urbe *Buccolinus* quidam homo popularis, perduto ingenio ac maximè rerum novarum studiosus, & sive gratia sive metu, ingentem inter suos auctoritatem consequutus. Hujus consilio civitas, à Pontifice, cujus in ditione erat, cum sacerdotum immite ac triste imperium non ferret, in maxima pace atque otio *Italia* defecit. Qua re Pontifex cognita, conscriptum raptim militem ad urbem obsidendam celeriter adduci jubet: minimè ignarus, ubi *Auximates* ferre id impune pateretur, majoris tumultus & defectionis hoc initium futurum. In primis suis imperat ut recepta urbe, defectionis autores in potestatem redactos, mittendos ad se *Romam* curet. Tentata autem oppugnatione urbis, cum irriti omnes conatus cecidissent, ac cum alii complures tum *Joannes Vitellius*, ut alibi diximus, dum temerè succederet ad muros, interfectus esset, obsideri est cœpta. At oppidani ultima omnia passi, quòd in tanti sceleris conscientia veniam desperarent, ad novum consilium animum adjecere, ac *Buccolino* autore, *Turcam*, cujus imperium, sacerdotum importunæ denominationi præferrent, accersere auxilio constituerunt. Ac ne tam audaci incepto minus eventus responderet: literas ad Regios Præfectos *Aulonam* mittunt, quibus sese urbemque dedunt. Id cum fama ad *Laurentium* perlatum esset, admiratus tam grave scelus cadere in hominis mentem potuisse, omnia experiri constituit, quò illum ab impio & nefario consilio deterreret. Itaque privato nomine *Auximum*, *Gentilem Aretinorum* Pontificem misit, virum (ut superius dictum est) insignis prudentiæ & virtutis, qui hominis desperati efferatum animum, lenire, atque ad sanitatem revocare conaretur. Dicitur *Buccolinus*, cum à *Gentili* esset conventus, cujus rei illi agrè potestatem fecisset, non antea passus esse cum ulla de re verba facere, quam id illi di-

A xisset: magno ei argumento esse debere, quanti à se fieret *Laurentii* autoritas, qui ex eo ordine ad se missum hominem, cui omnium esset infestissimus, colloqui secum atque sibi aded venire in conspectum permisset. Posita in præsentia sacerdotis persona, licere illi, omni metu vacuo animo, quæ in mandatis haberet, explicare: *Laurentii* honoris causa libenter se de suo jure atque instituto decedere, atque animum inducere, ut omnia agere, quæ illi grata esse & honesta sciret. Ita facilè transacta re, pactus incolumitatem, & ut oppidanis parceretur, cum præ se ferret se id *Laurentii Medicis* gratiæ tribuere urbis deditiorem fecit, ac *Florentiam* ad *Laurentium* concessit. Aliquamdiu in urbe moratus à *Ludovico Sfortia Mediolanum*, magnis illius pollicitationibus evocatur, atque supplicio afficitur. *Veneti* iisdem temporibus, *Rhetico* bello à *Germanis* superantur. Cum *Tridentum* copias admovissent, ejus urbis tentandæ causa, à *Georgio Petra Plana* qui à *Sigismundo* bello gerendo præfectus, illis agrestium comparata manu occurrerat, equitatu superato, victi ferè ad unum interficiuntur, cum (ut diximus) *Sanseverinas Veneti* exercitus Dux, in fluminis transitu interiisset. Interea impendente metu *Thracii* belli, cum *Venetis* terra marique Barbarus, *Sigismundo* ubi in *Austriæ* fines irrumperet, esset formidabili futurus, pax postulante *Innocentio* Pontifice æquis inter illos conditionibus conciliata est. Quæ dum ad hunc modum diversis in partibus *Italia* geruntur, *Hieronymus Riarius*, & *Galeotus Manfredus*, ille à conjuratis, hic ab uxore *Joannis Bentivoli*, patris consilio (ut fertur) sublatus interiit. Erat *Forolivi* *Franciscus Ursus* ob eximiam opinionem virtutis, magna apud suos cives autoritate: ea cum pari ingenio esset, ac prudentiæ adjuncta, gravem de eo curam & suspicionem *Riario* iniecerat. Itaque, cum nulla spes esset, beneficii magnitudine eum deliniri, quod servitutis præmium videretur: alia ratione continendum in fide arbitratus, sæpè exilii & mortis denuntiatione abducere à novis consiliis conatus erat. Quæ aliis terrori fuissent, ea homini acerrimo & magni animi, æquè & ad se vindicandum in libertatem, & ad patriam liberandam ab impotenti domino magna incitamenta extiterunt. Eo animo cum esset, ex familiaribus consilii participes & socios, delegit homines, magni animi & spectatæ virtutis, quorumque fidem in primis probatam habebat. Diem cædi constitui placuit, quo die nundinæ erant in urbe futuræ: quoniam autem verisimile videbatur magnum agrestium concursum nundinarum celebritate fieri, si quis casus posceret, eorum peropportunitam operam ad omnia fore conjuratis, apparebat. Consueverat *Hieronymus*, ut ferè omnes æstatis tempore & magnis caloribus, inclinante in vespere die, cœnam inire. Quo quidem tempore, cum quamdiu familiares cœnarent, solus ipse ageret: non magno negotio, ubi eò accessus pateret, opprimi posse censebant. Cum de hora convenisset, *Franciscus* eò cum cæteris profectus: seducto puero, qui ad cubiculi fores assistebat, se habere ait, quæ remotis arbitris cum Principe agere vellet. Potestate ingrediendi facta, cum dicere exorsus esset, intentum quò esset evasurus, multis confectum vulneribus interfecit. Quo facto ac simul puero interfecto, ne rei gestæ index familiam ad tumultum excitaret, arcis Præfectum, qui casu paucis comitatus Principem venerat salutatum, à cæteris conjuratis occidi imperavit. Quibus rebus celeritate summa administratis, abscissum *Hieronymi* caput, ex superiore adium parte in subjectam aream projiciunt: ac populum jam pridem *Riarii* dominationi infensum ad arma vocant, utque Pontificis insignia erigere, ac per suos cives se in liber-

bertatem vindicare vellent, adhortantur. His populus incitatus, ad studium libertatis erectis animis, cujus capeffendæ magna erat occasio oblata, in forum arreptis armis concurrat, atque immoderatis studiis & acclamationibus efferens conjuratorum nomina, tyranni liberos ad necem poscebat. Interea *Catherina Hieronymi* uxore magnæ audaciæ, atque animi fœmina cum liberis custodiæ tradita, à furenti multitudine, quæ jam direpta domo in illam sæviebat, subtrahitur. Id quidem ut per eam recipi arcem liceret, quæ satis valido militum præsidio tenebatur. Nam quicquid conjurati, aut vim & arma aut obsidionem intentarent, illi negabant se arcem tradituros nisi sibi ab ea imperatum esset. Id illa iussa facere, quæ quanta sibi occasio oblata esset ad rem agendam non ignoraret, se ita obtemperaturam recepit, ut sibi tamen ingredi in arcem & cum militibus colloqui liceret, quorum fidei arcis custodia tradita esset. Quod id minus agere dubitarent, liberos qui jam erant in eorum potestate obsidum loco asservari jubet. Hac spe illis injecta, obsidibus liberis retentis, facile illi potestatem ingrediendi ubi vellet fecerunt. Quare impetrata, jam è tuto loco, quamquam & conjuratos & tanto consensu multitudinem armatam ad arcem oppugnandam conspiciebat, eos minis deterrendo, ac mortem & quæ iis graviora essent supplicia denuntiando, arma ponere ac discedere è medio jubebat: brevi se ab impiis & sceleratis hominibus nisi parerent, pœnas expectitura. Nam cum illi nisi tradi arcem extemplo juberet, se liberos excruciatos, in ejus conspectu minarentur interfecturos, odio atque iracundia fœmina provecta, sibi verò liberos haberent, respondisse fertur: ita enim natura sibi esse prospectum, ut si quam jacturam liberorum faceret inimicorum injuria, facilis sibi ejus fariendæ ratio constaret. Cum hæc illa vigilantia summa & cura administrasset, ac facile sua autoritate milites, quod minus de arce dedenda cogitarent in officio continuisset: *Ludovicus Sfortia* patruus illi ex *Insubribus*, minimè dubia auxilia mittere ferebatur. Quæ cum ita essent, conjurati, qui ut certos se hostes habituros, ita nihil sibi præsidii (quod speraverant) à Pontifice affuturum animadvertent: dominum extinxisse minimè dominationem sustulisse, videbantur: quam ut effugerent, relicta urbe se in *Tifernates* receperunt. Cum *Catherina* consilio atque audacia amissum viri morte Principatum brevi recuperasset: multitudine etiam favente, quæ mutatione consilii redimere inconstantia crimen conabatur: de iis quæstionem habere instituit, quibus autoribus post virum interfectum, erat tumultus excitatus. Ad hunc modum variis in illos constitutis suppliciis qui comprehensi convictique essent, abentiumque bonis publicatis, acerrimè, ut se facturam prædixerat, viri mortem est ulta. Ex eo tumultu *Florentini* occasionem nacti rectè Reipublicæ administrandæ *Pancalduli* arcem ad *Santernum* flumen in Apennino positum castellum, ab *Hieronymo* olim civitati interceptum, recipiunt. Jam *Faventia* *Galeotum Manfredum* urbis Principem uxor (ut diximus) certis hominibus in illius necem adornatis, interfecerat. Is aliquot ante annis bello intestino quod cum *Carolo* fratre gesserat, victor Principatum occupaverat: homo præter militiæ gloriam, neque ineruditus, & quæ erat in viro principe, significatio virtutis, cum primis doctorum hominum studiosus. Eum uxor cum se gravi morbo correptam simulasset, in abdita cubiculi parte interfectoris collocatis, ad se invivendi causa advenientem, interficiendum curaverat. Causæ variæ ferebantur: alii id viri odio, quod nobilium fœminarum consuetudine liberius

A uteretur, quam matrimonii jura postularent, alii patris imperio, qui ejus urbis ditioni per generi mortem immineret, tribuebant. Cum quamquam illa unà cum *Astorre* parvo filio occupata arce, se acerrimè adversus concitatam multitudinem tueretur, *Joannes* pater qui intelligeret, non illam facile posse tanti sceleris invidiam perferre, fluctuante adhuc eo tumultu civitate, armatorum multitudine septus, illi auxilio venit. In his erat *Bergaminus* quidam, qui singulari virtute atque industria, ad honestiores militiæ ordines evectus, per ea tempora *Ludovico Sfortiæ* merebat. Jam cum *Faventiam Antonius Bosculus* venisset, *Florentine* B Reipublicæ Legatus, quod optimè semper civitati cum *Galeoto* convenisset, nondum etiam planè sedato tumultu, de statu civitatis constituendo communi consilio agebat. Id cum intentius fieret, novus tumultus repente excitatur. Ex *Lamonis* valle (ab *Anemone* fluvio dicta videtur, quo influente *Faventia* dirimitur) agrestes & montani homines, magna multitudine collecta, exciti ad urbem venerant: nomine ut Principis cædem ulciscerentur: re quidem vera, ad prædandas diripiendasque locupletum domos, quorum maximè erant nomini & causæ infesti. Ab his *Joannes Bentivolus* captus, *Modilianum* adducitur, quod C vetustum *Emiliæ* castellum *Mutilum* appellatum credunt, & custodiæ traditur. *Bergaminus* ac cæteri comites, se acerrimè adversus agrestium vim defendentes, cum multo numero inferiores essent, interficiuntur. Ea res cum esset *Florentinis* nuntiata, pupillo accepto in fidem, ac cura urbis & Principatus suscepta, sua autoritate obtinuerunt, ut *Joannes* cum filia vidua è custodia emitteretur, magno ille quidem vitæ periculo defunctus. Paulò post, id enixè *Faventinis* postulantibus, ejus urbis procuracionem *Veneti* susceperunt: qua ex re *Julius Secundus* Pontifex regendæ cupiditatis occasione arrepta, magno excitato in *Italia* incendio, *Europam* universam funesta belli face inflammavit. Iisdem ferè temporibus *Senæ*, cum post *Alphonfi* profectionem, ut jam antea demonstravimus, nihilò res quieriores fuissent: tandem victa plebs perniciosis civium contentionibus, iis civitatis Principatum ac Reipublicæ administrationem concessit. Nec multò postea *Pandolphus Petrutius*, mortuo *Jacobo* fratre grandiore natu, partim obsequio & indulgentia, partim largitionibus & muneribus sibi populi studiis conciliatis, neque magnopere contradicente nobilitate, quæ fessa magnitudine malorum otium & concordiam respiciebat, rerum potitus est. At *Florentini Ligustico* bello confecto usque ad *Laurentii* mortem (ea incidit in octavum Pontificatus *Innocentii* annum) jam illius autoritate & consilio pace in universa *Italia* parta, ut nunquam antea majorum memoria autoritate & gratia, inter omnes Principes *Italiæ* florebat. Nam ad civitatis statum & populi libertatem confirmandam, duo illa summo studio egerat: & ut æquabilitas in civitate, summa servaretur, nemine inter multos ita eminente privata fortuna, ut formidabilis civitati esset, ipse jam moderatione & æquitate superata hominum invidia: & ut *Hetruriæ* civitates junctæ foedere Reipublicæ F tanquam objecta propugnacula externis hostibus otium, & concordiam civium tuerentur. Ad hunc maximè modum, cum *Florentinorum* invicta potentia omnibus *Hetruriæ* populis, minus quietura ab armis videretur: *Lucenses*, *Perusini*, *Senenses*, *Tifernates*, *Bononiæ* ac *Flaminia* civitatum *Reguli* omnes, ira unius hominis autoritate & gratia in fide continebantur: ut si spem civium (quod probabile erat) illius vita æquasset, haud desperarent, tutam adversus vim omnem civitatem, atque invictam, concordia ordinum & con-

sensione futuram. A *Liguribus*, quorum magna erat potentia, utcunque in Rempublicam malè animati essent, nihil habebant, quod formidarent: jam bello victis, ac *Sergiano* & *Petra Sancta* duobus oppidis tam opportunis ad omnem eorum impetum & vim arcendam, illis ademptis. In mediis *Apennini* jugis *Florentiolam* castellum munierrant, quam tanquam arcem oppositam *Bononiensibus* haberent, si quid adversus Rempublicam per vim molirentur. In *Senensium* finibus (*Pogium* imperialem quem appellant) civitas cum instaurare cœpisset, ne qua ex parte Respublica præsidii nudata subitis hostium incursionibus pateret, maximè securitati suorum prospexisse videbatur. Quò rem minus inchoatam absolveret *Laurentii* mors fuit impedimento: quæ postea minimè, aut suo aut Reipublicæ tempore consecuta est. Atque hæc quidem foris: domi cum jam ob belli diuturnitatem (id quod necesse fuerat, in magna improborum hominum licentia) dilapsa omnia fluxissent: sensim oblitos homines otii & pacis artium, ad respiciendam magistratum auctoritatem, legibus & judiciis constitutis, revocavit. Ita egentium ac perditorum hominum audacia coerceri, & fides retineri, ab infinita hominum cupiditate vindicata, non magno negotio potuit, quæ in expectatione rerum novarum ferè concidisset. Nam ad belli sumptus perferendos, cum difficillimis Reipublicæ temporibus, sæpe privatorum cupiditas major esset patriæ charitate, inventi sunt, qui illius auctoritatem sequuti, quinquaginta atque eo amplius nummum aureorum millia civitati expensa ferrent. Tueri autem publicam fidem, hac inita consilii ratione instituit: ut cum ex mutuis sumptis pecuniis civitati suppeteret, quantum satis esset ad gerendum bellum: ex ærario cui administrando præerat, tantundem æquis pensionibus persolvendum curaret. Interea ne privatis beneficentia usis in civitate sublevanda, publica incommoda fraudi essent: quibus aut crediti nomine aut muneris & stipendii Respublica deberet, & propterea decoxissent, iis autor, ut ad diem solveretur, consequutus æquitatis & moderationis laudem prospexit. Mercaturam, cum longo usu rerum esset animadversum, ex eo tanquam uno capite & robur & nervos omnes in Rempublicam diduci: quamdiu per publica negotia licuit, quod magno præsidio præterea esset ad domesticam potentiam tuendam censeret, necessariò exercuit. Cupiditas enim ita latebat inter maximas virtutes, quas non eodem studio semper posterius excoluerunt in pari potestate atque imperio positi, ut si qua ex ea existeret offensio, ea muneribus & largitionibus redempta tolleretur. Quam rectè visus esset securitati suorum prospicere *Petri Medicis* filii te-

A meritas declaravit, qui fortunæ paternæ magis, quàm virtutis hæres, cum Regnum minimè obscurè in libera civitate exerceret, magno id quidem Reipublicæ incommodo, sed suo exitio & ruina, amisit. Supremo vitæ suæ tempore optima ratione mercaturam improbare visus est: magno ære alieno dissoluto, quod ipse culpa suorum contractum, illi effusis ejus largitionibus causabantur, quas domesticæ opes minimè animo pares non ferrent. Ad agros colendos ita animum convertit, ut superius institutum, planè tamen negligi à privatis noluerit. Itaque præter cæteras artes, quæ sunt vitæ hominum usui atque ornamento, lanæ & ferici textrinas, quibus maximè artibus in ea civitate alitur plebs, & auxit studio & gratia atque auctoritate provexit. Hinc ad conformandos civitatis mores conversus, liberalium artium instaurandarum curam suscepit, *Pisis* opportuna maximè civitate, quò plures suo beneficio comprehenderet *Gymnasio* instituto, ac claris hominibus sapientiæ studiis, amplis præmiis excitatis, qui juris civilis prudentiam, & Philosophiam ac cæteras liberales artes profiterentur. *Florentiam* præterea eruditos homines conduxit, atque in primis magni nominis, qui juventutem licentia vitæ & luxuria diffluentem instituendo, ad honestiores vitæ rationes revocarent. Ex quibus apud se magno in honore habuit *Christophorum Landinum*, & *Marsilium Ficinum*, quorum uterque exactæ jam ætatis cum *Cosmo* avo vixerat: tum *Demetrium Calchondylam*, *Angelum Politianum*, *Marullum Trachaniotam*, *Joannem Picum* adolescentem, præter generis nobilitatem, excellenti quadam eruditione clarum, qua sibi *Phœnicis* nomen consensu doctorum hominum quæsit. Hos quidem cum à Republica otium esset, solitus adhibere, cum de rebus aliis gravioribus, tum maximè de iis, quæ ad religionem colendam pertinerent, & ad vitæ institutionem differebat. Quicquid verò alii secus tradiderint, optimè de religione sentire visus est: usque eò ut eos quorum minus de ea recti essent sensus, aculeo etiam orationis perfringeret, minimè inquiring mirandum esse mortuos homines de animorum immortalitate, & de beata vita dubitare. Ita domi forisque *Laurentius* Republica constituta, decessit Pontificatus *Innocentii* anno octavo, Non. April. Multa illius mortem portendisse dicuntur, quæ *Hetrusci* scriptores, atque in his *Angelus Politianus*, parum necessaria illa quidem ad hominis excellentem virtutem significandam, diligentissimè colligit. Ea quidem tempora sunt illius mortem consequuta, ut (quod semel jam diximus) pax illius virtute & consilio parta in *Italia*, ejus morte extincta eadem concidisse videatur.

F I N I S.



I N D E X RERUM MEMORABILIU,

Quæ hisce octo libris continentur, quarum quæ aut ad institutionem vitæ,
aut ad Reipublicæ rectè administrandæ rationem pertinent, eas è
regione stellula apposita notatas animadvertes.

- A
- A** * Dversa fortuna sæpe est homini adjumento. 17. D
- * Adversam fortunam ferre tum facile est, cùm est virtutis, non nequitiae, testimonium. 160. D
- * Adversis in rebus non æquè est facile misericordiam invenire, atque in secundis invidiam. 102. D
- * In Adversis rebus tum magis fortuna favet, cùm magis sevit. 79. C
- * Emulatio facit, ut cum homines eadem sentiant, dissimulent sententiam tamen. 107. A
- * Emulatio iniquè judicat. 96. F
- * Emulatio gravissima inter eos qui dignitate sunt pares, & quibus de causis. 140. E
- * Aetas non æque viros efficit atque ingenium & animi vis. 105. F
- * Aetati sæpe ingenium præcurrit. 134. D
- * Affinitates & conjunctiones cum externis, & ornamento privatis, & adjumento Reipublicæ esse possunt. 44. A 45. D
- Alexander Sfortia in Veneto exercitu copiarum Dux. 86. D
- Alphonfi Davali virtus summa & laus. 84. B
- Alphonfus Calabrorum Dux plura oppida accepta in deductionem, Florentinis ademit. 170. E
- Alphonfus Calabrorum Dux agrum Romanum populat. 187. A
- Alphonfi oratio ad milites. 188. A
- Alphonfus prælio à Ruberto Malatesta victus. 189. A
- Alphonfi Calabr. Ducis & Ludovici Sfort. simulas quibus orta initis. 193. D
- Alphonfus à Ruberto Sanseverinate in Latio prælio victus. 205. B
- Aluminis fodinas inveniri in Italia veteres negaverunt. 119. B
- Aluminis fodinae in Volaterrano agro. 119. B
- Aluminis fodinae ad Forum Claudii in Faliscis. 119. C
- * Ambitio in pari contentione dignitatis gravem habet emulationem. 50. C
- * Ambitio nunquam eodem vestigio consistit, sed ubi præsentia assequitur ad ulteriora contendit. 204. E
- Angelus Acciaioli redire in gratiam cum Petro Med. conatur. 73. D. & E
- Angeli Acciaioli meritum in Cosmum M. 74. C
- Angeli Acciaioli literæ ad Petrum M. 73. E
- Angelo Acciaiolo Petrus Med. respondet. 75. B
- Angelus Acciaioli Romam proficiscitur. 75. F
- Angelus Acciaioli Medicum inim. cum Neronio & Pictio conjurat, & quibus de causis. 33. D
- Angelus Acciaioli Neapolim ad Ferdinandum Regem confugit. 68. A
- Angelo Acciaiolo Petrus Med. spem facit in patriam reditus. 97. D
- Angelus Acciaioli cum Petro M. in Casagiolano colloquitur. 97. E
- Angelus Politianus ludos equestres celebrat Hetrusco carmine quo Juliano Medici victoriam gratulatur. 36. A
- Angelus Politianus libellum de Patiorum conjuratione in M. scripsit. 146. B
- Antonius Tebaldutius à Laurentio conservatus. 72. C
- Antonius Laurentii filius Rodolphus pacis autor. 68. D
- Antonius Putius unus ex iis quorum consilio Laurentius Med. Republ. administranda utebatur. 106. F
- Antonius Putius legatus Florentini exercitus. 199. E
- ejus virtus. 199. F. 200. A
- Antonius Put. ad exercitum moritur. 200. C
- Antonius Martianus Dux Florentini exercitus. 195. E
- ejus mors. 200. B
- Antonius Tassinus Ferrariensis Bonæ Principi gratus. 174. C. ejus potentia. ibidem. Mediolano pellitur. 175. B
- Antonius Rodolphus legatus ad Xystum Pontificem. 180. E
- Antonius Justinianus Venetæ classis Præfectus captus. 192. D
- Aquilani à Ferdinando Rege ad Innocent. Pontificem deficiunt. 201. B. 202. A
- Aranius Cybo Innocentii octavi Pontificis pater Neapoli Prorex. 196. C
- * Arbitria esse declinanda, & qua de causa. 33. C
- * Arma justa esse putantur comparata ad propulsandam injuriam. 48. E. 63. A
- Afcianus Sfortia in exilium pellitur. 165. B
- Astorgius Jannus. 13. F. ejus laudes. 14. A & B
- * Audax inceptum ut conficiatur celeritate, ut confectum ne obsit, consilio indiget. 113. A
- * Audaciæ singularis insigne exemplum. 149. D
- * Audacia Buccolini Auximatis maximè insignis. 211. D
- Audax femina facinus. 213. D
- Averardus Medices audacia infamis, &c. 10. E.
13. A. 14. B. 16. A
- Averardus Medices Cosmi Patruelis. 7. D
- Auximatum à Pontifice defectio, autore Buccolino audacia homine insignis. 211. C
- Auximates Turcarum Imperium sacerdotum imperio præferunt. 211. E
- Auximum Pontifex recipit. 212. A
- B.
- B** Bartholomæus Coleonius. 79. C
- Bartholomæus Coleonius Dux cautus. 89. F
- Bartholomæus Coleon. magnam occasionem amittit potiunde victoriæ 90. A
- Bardus Altovitus Vexillifer sevit in Medicum adversarios. 92. D
- Baptista Fregosius tradita illi arce à Bona Jo. Galeatii matre, principatum Genuæ, ejecto Prospero Adornio, invadit. 165. F
- Baptista Fregosius à Paulo fratre Genuensium Pontifice Principatu ejicitur. 195. E
- Bellum ab exulibus Bartholomæo Coleonio Duce, Petro Med. & Florentinis illatum. 80. A
- Bello exulum narrando Ticinensi magis, quàm Machiavellio habenda fides. 80. B
- Bellum exulum aliquanto secus Sabellicus describit, quàm Ticinensis, Valorius & Machiavell. inter quos etiam parum convenit. 91. E. 92. B
- Bellum Florentinis à Xysto & Ferdinando illatum 157. C
- * Belli administratio non est iis mandanda, qui in pari potentia atque auctoritate, emulatione inter se atque odiis certent. 169. F
- * Bella diuturna, non magis eorum exitio qui victi sunt, quam qui vicerunt finiri solent: prædæ enim integris relinquuntur, viribus utrique affectis. 177. D
- Belli initium & causæ inter Innocentium Pontificem & Ferdinandum Regem. 201. A
- * Bene merendi ratio non in perficienda re solum, sed etiam in recto animi studio spectatur. 59. F
- O 3
- * Bene

I N D E X R E R U M

- * Bene merendi magna vis. 95. C
 * Beneficii qui facit, oblivisci, qui afficitur meminisse debet. 22. D. 32. B
 * Beneficium in malè affectos illecebra esse existimatur ad obducendam injuriam. 36. C. D
 * Beneficium saepe malè collocatum pecunia mutud danda. 27. C. D
 * Beneficii & injuriæ memoria perpetud viget in magnis ingeniis. 67. C
 * Beneficium magnum, eum quem perdere potueris conservare. 95. C
 * Beneficio omnes movemur. 95. D
 * Beneficium contemnendum, quod positum est in remissione injuriæ. 111. A
 * Benevolentia an metu summum imperium retineatur. 95. E
 Bernardus Guadagnius Medicum potentie oppositus audent de Repub. referre. 17. A
 Bernardus Lottius Vexillifer parum Medicibus æquus. 67. A
 Bernardus Nardus Pratum trahere ad defectionem conatur. 107. B. E
 — ejus odium in Medices. 107. E
 — Dietesalvium N. consulit de ratione agendæ rei. 108. B
 — Pratum occupat. 109. B
 — ejus oratio ad magistratum. 109. E
 — Prætozem suspendi jubet. 111. E
 — Potestatem Prætori facit secum colloquendi. 112. A
 — à Georgio Ginorio captus & Florentiam dimissus. 113. C
 — capite plectitur. 114. A
 Bernardus Bandinus vir singularis audaciæ, conjurat in fratres Medices. 147. D
 Bernardi Bandini insignis audacia. 149. A. 150. E
 Julianum Medicem interficit. 150. B
 Bernardus Bandinus incolumis fuga evadit. 152. A
 Bernardus Niger exercitus legatus ad Petram Sanctam. 199. E
 Bona Joan. Galeatii mater omnia Simonetæ consilio administrat. 164. F
 Bona mater Joan. Galeatii relicta Ludovico Sfortiæ imperii procuratore, Mediolano discedit. 175. B
 Bondenum ad Scultennæ amnis ostium. 192. A
 Boniannes Janfilgiatus Genuenses à Vadæ arce pellit. 199. A
 — ejus mors. 200. C
 Borsius Dux moritur. 110. C
 Borsius consilio cœlibem vitam egit & qua id de causa. 110. C
 Buccolini Auximatis odium in Sacerdotes. 211. D.
 audax & præceps consilium. 211. E. exitus & mors. 212. B
- C.
- C**æsar Petrutius collo laqueo inserto suspendi jussus à Nardo. 111. F
 — ejus audacia & præsentia animi. 111. F
 — cum Nardo colloquitur. 112. A
 — ejus oratio. 112. B
 — ei Nardus ignoscit. 113. A
 Cæsar Petrutius Vexillifer. 151. B. ejus fortitudo & præsentia animi. 151. D
 Camillus Vitellius Nicolai filius. 127. D
 * Calumnia in summa potestate facilem sibi aditum ad cujusvis perniciem aperit. 92. D
 Caroli Aquitaniæ Ducis mors Ludovici Regis fratris. 99. C
 Carolus Burgundio formidabilis Galeatio. 135. E
 Caroli Burgundionis vires, cupiditas, imperii magnitudo. 135. F
 Carolus Burgund. ab Helvetiis victus & interfectus. 139. A
 Carolus Pandulphinius, &c. 68. D
 Carolus Montonius territus Florentinorum denuntiatio-
 ne ex agro Senensium excedit. 132. B
 Carolus Vicecomes interficitur. 138. A
 Carolus Bratii filius Perusium obsidet. 168. D
 — ejus mors. 168. E
 Carolus Montonius Bratii filius Senensibus intulit bellum. 131. A. & B
 Castellinam oppidum Pontificii & Regii recipiunt. 164. B
 Catherine Riarii uxoris virtus, consilium, animi præsentia. 213. A. &c.
 * Causis rerum imperiti non moventur, sed eventu. 156. E
 * Civitatem quæ laborat intestino malo facile evertit quævis extrinsecus allata vis. 105. B.
 * Civium corrupti mores. 114. B
 * Civitates unius imperio an multorum rectius administrantur. 133. E
 — * inter vicinas civitates raro unquam convenit. Sive enim sunt pares viribus, contendunt de principe loco. Sive est altera imbecillior, eam habet odio, cujus sibi vires intelligit metuendas. 167. C
 * Clementia nunquam præmii expers. 95. C
 * Clementia Pontificis Maximi propria virtus. 182. D
 Columnenses magnis cladibus à Xysto Pontifice affecti. 195. C
 Columnenses & Ursini in armis. 196. A. &c.
 Conjuratioris in Petrum Medices initia. 29. E
 Conjurati adversus P. M. palam in foro concionantur. 47. A
 — Syngrapham exigunt ab iis, qui unà conjurant. 47. B
 Consultant de ratione agendæ rei. 47. C
 * Conjuratio inter quos vigeat dignitatis & potentie æmulatio, raro letum exitum habet. 52. E
 Conjurati in P. M. armantur. 55. D
 Conjuratorum studia in Petrum M. languent. 56. C
 Conjurati cum Petro Med. de compositione agunt. 61. B
 Conjurati Petrum M. domi conveniunt. 61. D
 Conjuratorum oratio in Petrum M. præsentem. 61. F
 Conjurati à Petro M. in exilium pelluntur. 67. F
 Conjuratore in Petrum M. scribenda Jacobus Cardinalis Ticinensis à Machiavellio dissentit. 69. E
 Conjuratioris in Galeatium Mariam Sf. initium & causæ. 131. E
 Conjuratorum in Galeatium Mar. Sf. fortitudo & constantia. 135. C
 * Conjuratioris in magnos Principes, cur raro letus eventus. 138. E
 Conjuratioris in Laurentium & Julianum Medices initia. 140. A
 * Conjuratio in multorum conscientia, tum est tuta futura cum celeritas conficiendi iis locum non relinquit ad mutationem consilii. 146. D
 * Conjuratio in magnos Principes ab iis, debet fieri, quos magis voluptas afficit in vindicanda injuria, quàm mortis metus si ea sit obeunda. 149. A
 In Conjuratos barbara populi crudelitas. 153. D
 Conjuratio Laurentio M. posito in magno discrimine amittendæ fidei, salutis fuit. 156. C
 Conjuratio in Hieronymum Riarium. 212. D
 * Consensum multorum in causa etiam optima æmulatio divellit. 107. A
 * Consilio qui præstant, non semper vires habent ad rem agendam. 56. C
 * Consilium non æquè facile iniri atque explicari potest. 56. D
 * Consilio qui non valent, iis parendum est meliorum consilio. 98. B
 * Consilii explicatio facilis, ubi cum paucis sit agendum. 103. C
 * Consilium optimum esse judicatur, ubi multi seorsum consulti eadem sentiunt. 107. A
 * Consilio inimica ambitio & fiducia sui. 143. C
 Consilio qui minus valet, proximam habet laudem, ubi rectè consulenti assentiatur. 164. F
 Con-

M E M O R A B I L I U M.

Constantia retenta in perditis rebus pertinacia affinis. 69. C
 * *Contumelia, fit incommodum gravius.* 143. A
Cornelia gens Venetiis & nobilitate & divitiis clara. 129. D
Cosmus Medices Joannis filius. 7. D
Cosmi Medicis laudes. 8. C. D. Ambitio. 8. D. Con-
junctio cum infima multitudine. 8. E
Cosmus Medices fundamenta posteris jecit domesticæ po-
tentiæ. 8. E
Cosmus Medices quibus rationibus cupiditatem tegebat. 9. A
Cosmi magnificentia summa. 9. B
Cosmus propensus in doctos homines. 9. D
Cosmus fortunatus, qui eo tempore floruit quo revivi-
scere literæ in Italia cæperunt. 9. F
Cosmi Medicis vitia insignia. 10. C
Cosmi vitia quid ita in multorum notitiam non mana-
rint. 10. E
Cosmi dicacitas. 11. D. dicta acerba in suos. 11. D. E
Cosmi potentia. 13. A
Cosmus Medices Lucense bellum producere conatur. 13. A
Cosmi damnatio, exilium. 17. A
Cosmo fortuna adversa magis, quàm secunda favet. 17. C
Cosmi reditus exitio Reipubl. fuit. 18. C
Cosmus à reditu in civitate rerum potitur. 18. D
Cosmi secunda fortuna, existimatio, autoritas. 19. C
Cosmi Medicis consilio & autoritate, Florentinæ Rei-
publ. auxiliis Francisco Sfortiæ, partum Insubrum
imperium. 19. D
Cosmus Medices cur belli suasor. 20. A
Cosmi Medicis largitiones in privatos. 20. B
— cur idem profusus in multos. 20. C
Cosmo Medici quæ adversa in vita acciderint. 20. C
Cosmus quot liberos suscepit. 20. D
Cosmi Medicis oratio. 21. C
Cosmi Medicis mors. 23. D
Cosmus qua injuria Angelum Acciaiolum à se alienarit. 32. C. 32. F
 * *Crescere homines sæpius aliorum ruina, quàm vera*
virtute consueverunt. 178. B
 * *Culpa sæpe proditur cum defenditur.* 121. B
 * *Culpe confessio sæpe veniæ facilitatem invenit.* 122. C
 * *Cupiditas facile cohibetur ubi animum vires deficiunt*
ad ea quæ expetuntur. 204. C
 * *Cupiditas spem auget eorum quæ expetuntur etiam*
cum dubia sunt. 59. D
Cypria Regina Venetiis orta ex Corneliorum familia. 129. D

D

* *D* *Eserere aliquem quis potest, qui haud tamen*
illum prodere dicatur. 71. C
Dietesalvius Medicum inimicus. 25. C
Dietesalvius Venetias exul concedit. 67. F
Dietesal. Neronius bello confecto Ferrariam ad Bor-
sium confugit. 91. D
Dietesalvius à Petro Medice consultus. 26. B. E
Dietesalvius Neronius & Joannes frater Florentino-
rum Pontifex. 25. A
Dietesalvii fidei Cosmus & suorum, & Reipubl. salu-
tem moriens commendaverat. 25. C
Dietesalvii Neronii laudes. 25. C
Dietesalvius Neronius adversus Machiavellii calumnias
& maledicta defenditur. 26. A. 27. F
Dietesalvii Neronii oratio ad Pitium. 31. D
Dietesalvius Neronius Ferdinandum Regem inducere ad
Laurentium tollendum conatur. 180. A
 * *Dionis filius prava educatione coactus est sibi manus*
afferre. 134. A
Discordia inter Italiæ Principes. 139. D
 * *Discordiis populorum & diuturnis bellis magna Re-*
gna, atque imperia externis quæsitæ. 178. C. &c.
 * *Diffensiones civiles quæ mala sequantur.* 72. A
 * *in Diffensione civium, qui neutram partem fovet, à*
victore nihil gratiæ, à victis odium refert. 72. A

* *Doloris sensum sæpe vultus prodit, quem occulit me-*
tus. 112. E
Donatus Acciaiolus legatus ad Ludovicum Regem Gal-
lorum ad fœdus & societatem renovandam. 166. F
Donati Acciaioi laus: mors. 166. F. 167. A
 E
E *Doardus Rex Angliæ Regnum recuperat.* 100. C
 * *Educatio quid possit.* 134. A
 * *Egestas & cupiditas magnum ad omne scelus incita-*
mentum crudelitati adjuncta. 154. D
 * *Eventu magis quàm causis rerum imperiti moventur.* 156. E
 * *Eventum rerum multitudo spectat.* 185. A
Euphrosinus Verrazzanius. 13. A
Exercitus Pontificis & Ferdinandi ingressus in Reipubl.
fines. 163. F
Exercitus Florentini Duces seditione laborant. 169. D
Expostulatio populi in Petrum Medicem. 28. C
 F
 * *F* *Amam non solum homines sibi comparant rectè fa-*
ciendo, sed tuendo rectè facta constantia. 177. D
Faventia urbs bello adversus Florentinos gerendo oppor-
tuna. 83. B
Federicus Feltrius Florentini exercitus Dux. 82. D
Federici Feltrii autoritas, nobilitas. 86. F
Federicus Feltrius Volaterras recipit. 124. F
Federicus Feltrius à Florentinis discedit. 129. E
Federicus Feltrius Bononiæ moritur. 191. A
Federicus Gonzaga Florentini exercitus Dux. 167. D
Ferdinandus Rex tueri adversus exules, Florentinos
constituit. 80. D
Ferdinandus Rex Sfortiæ autor ut Florentinos secum
suscipiat tuendos. 80. E
Ferdinandum Regem quæ causæ à Flor. alienarint. 68. A
Ferdinandus Rex cum Xysto fœdus facit. 118. D
Ferdinandus Rex Venetis eripere Regnum Cyprium co-
natur. 129. C
Ferdinandus crudelis in claros homines. 129. E
Ferdinandus Rex pacem & fœdus cum Florentinis facit. 179. D
Ferdinandus sollicitus de Ferrariensi bello avertere à Ve-
netorum societate Pontificem conatur. 186. E
Ferdinandi Regis angustia, mæror, solitudo. 206. E
Ferdinandi Regis barbara crudelitas & perfidia. 209. C
Ferdinandus Rex Catholicus. 139. C
Ferrariensis belli initia à Venetis gesti. 185. D
 * *Fidem in scelere obstringere est scelus.* 63. C
 * *Fides raro inter eos colitur in quibus par potentia vi-*
geat. 178. E
 * *Fidem in conscientia multorum celeritas conficiendi*
præstat & tollit mora. 147. C
 * *Fiducia sui inimica sanis consiliis.* 143. C
 FLORENT. *civitas adversus Pauli Jovii calumnias &*
maledicta defenditur. Præfat.
Florentia cur à principio discordiis intestinis laborave-
rit. 1. C
Florentinorum res gestæ memorabiles. 1. D
Florentinorum nobilitas. 1. D
Florentiæ discordiarum initium inter populum & nobili-
tatem. 2. A
Florentiæ triplex civium ordo. 2. B
Florentiæ coacta nobilitas leges à populo accipere. 2. C
Florentiæ nobilitas ab honorum petitione excluditur. 2. D
Florent. discord. sublati Reipubl. constituitur. 3. F
Flor. Artium. Collegia in quib. cives censebantur. 4. E
Flor. Artium discrimina. 4. E
Florentiæ pulsæ nobilissimæ familiæ Med. factione. 11. C
Florentini quo astu Galeatium curant ab exercitu remo-
vendum. 88. F
Florentia diffuens otio atque inertia magna bonorum
querela. 114. A. B
Florentini quibus de causis à Xysto alienati. 116. E
Florentiæ sumptuariæ leges ad populi mores corrigendos. 118. E
Florentinis Xystus & Ferdinandus bellum inferunt. 157. C
 Flo-

I N D E X R E R U M

- Florentinis à Xysto igni & aqua interdictum.* 157. D
Florentinorum oratio ad Laurentium Medicem. 160. E
Florentinorum in Xystum querela acerbissima. 161. D
Florentini in magna spe & propinqua potiunda victoriæ inducias cum hoste faciunt. 164. D
Florentini à Regum legatis sollicitantur ad pacem cum Pontifice faciendam. 166. C
Florentini ad Pontificem legatos mittunt de compositione. 166. D
Florentini parant bellum instaurare majoribus viribus adversus Pontif. & Ferdinandum. 167. D
Florentini Herculem Ferrariens. & Federicum Mantuanorum Principem bello adversus Pontificem gerendo præficiunt. 167. D
Florentini, exules pellunt à Pisano agro, atque amissa oppida recipiunt. 168. A
Florentini exercitus turpis atque infamis fuga. 170. B
Florentini bello fessi pacem petunt. 172. E
Florentini Sergianum amittunt. 175. C
Florentini aliam legationem de pace ad Xystum Pontif. decernunt. 180. E
Florentini tertiam de pace legationem ad Xystum Pontif. decernunt honorificentissimam. 182. A
Florentinis Ferdinandus coactus tempore, oppida illis belli tempore adempta restituit. 184. E. & c.
Florentini in fidem recipiunt Ruberti Malatestæ parvum filium. 190. D. & c.
Florentini exercitum Sergianum mittunt Antonio Martiano Duce. 195. E
Florentini Genuensibus bellum denuntiant. 196. E
Florentini omnia humanitatis jura in Ferdinandum Regem persolvunt. 206. E
Florentini bellum adversus Pontificem gerere recusant hominum invidiam veriti. 203. B
Florentini Genuenses ad Sergianum prælio vincunt. 210. F
Florentini Sergianum recipiunt. 211. A
Florentini pace paria Laurentii Med. consilio, maxime omnium in Italia autoritate & gratia florebat. 214. E
Fœminæ andax facinus. 213. D
Fœminæ scelus in virum. 213. F
** Fortis vitam inhonoratam statuit pretium vindicandæ injuriæ, si est mors appetenda.* 150. A
** Fortis vitam infamem horret: mortem ultrâ appetit, quæ est clara inimici exitio futura.* 150. A
** Fortunæ temeritas.* 73. F. 74. D
Fortuna in rebus adversis tum magis favet cum magis sevit. 79. C
Fortuna eò sevit vehementius quod magis favit. 102. D
** Fortuna magis invidiam invenit in rebus secundis quam in adversis misericordiam.* 102. E
** Fortunam adversam ferre homines debent æquo animo, cum est virtutis non nequitie testimonium.* 160. D
** Fortuna raro favet secunda hominum studiis, iis præcipue quæ recta habentur.* 159. D
** Fortuna sæpe hominum spes & consilia frustratur.* 179. B
** Fortuna sæpius de virtute triumphum agit.* 188. E
Franciscus Philelpus Cosmi inimicus. 10. B
Franciscus Philelpus quibus à Cosmo affectus injuriis. 10. C
Franciscus Sfortia Insubrum principatum Florentinis acceptum refert. 19. E
Franciscus Sfortia amicus Florentinis temporis causa. 22. D
Franciscus Sfortia utilia præfert honestis. 24. D
Franc. Sfortiæ turpis ac scelerata sententia. 24. D
Franc. Sfortiæ mors, atque ejus laudes. 37. B
Franciscus Sfortia ingratus in Florentinos. 38. E
Franc. Sfor. pretio Lucenses liberat à tyranno, & hostibus prodit. 38. E
Francisco Salviato designato à Pontifice Pisanorum Pontifici Florentini negant se possessionem daturus. 139. E
Franciscus Salviatus cum Franc. Patio in Laurent. M. conjurat. 141. C
Franciscus Salviatus affectus supplicio. 151. E
Franciscus Patius spreta Laurent. autoritate, audent pro Xysto spondere. 117. C
Franciscus Patius Romæ cum Francisco Salviato in Laurent. M. conjurat. 141. C
Franciscus Patius Florentiam citatus magistratus decreto. 141. F
Francisci Patii insignis audacia. 149. D
Julianum M. interficit. 150. C
Franciscus Patius gravi affectus vulnere. 150. B
Franciscus Patius supplicio affectus. 153. D. ejus constantia cum ad supplicium duceretur. 153. E
Franciscus Simoneta Calaber homo callidus summam imperii in Insubribus administrabat. 164. F
Franciscus Simoneta imminenti sibi calamitatem prævidit. 175. A. supplicio afficitur à Ludovico Sfortia. 175. B
Franciscus Tolentinus Pontif. copiarum Dux. 147. B
Franciscus Cardutius defenditur adversus P. Jovii maledicta. 212. C
Franciscus Ursus Forolivienensis autor conjurationis in Hieronymum Riarium. 212. E
Franciscus Ursus Hieron. Riarium interficit. 212. E
- G
- Galeatius Maria Sfortia Francisco patri in Insubribus succedit.* 37. B
G. M. S. legatos Florent. mittit de renovando fœdere. 37. C
Galeat. M. S. vitia notantur. 39. A
Galeatium Sfort. Florentini censent ab exercitu amovendum militiæ corruptorem. 88. D
Galeatii mollitia in castris. 89. D
Galeatius Mar. Sfortia Florentiæ invisus, ob nimiam jactantiam, atque ostentationem. 92. B
Galeatius M. S. jactantia & ostentatione Florent. à se alienat. 92. B
Galeat. M. filiam Riario spondet, tradita ei dotis nomine, Foro Cornelio urbe Flaminie. 117. A
Galeatius Maria Sf. Lucensibus suspectus Florent. venit. 114. E. suo exemplo Florentinos ad mollitiæ, & ad voluptates inducit. 114. E
Galeat. levitas & ostentatio. 115. E
Galeatii conspiratio cum Florentinis. 116. A
In Galeatium Mariam Sfortiam conjuratio. 131. E
Gal. M. immanis crudelitas, natura, mores, vitæ instituta. 133. A
Galeatius M. Sf. infamia interfectæ matris laboravit. 133. C
Galeatius cum Subalpinis gentibus bellum gerit. 135. E
Galeatii cædem multa portenderunt. 137. A
Galeatius Maria Sfort. interficitur. 137. D
Galeotti Manfredi laus. 213. E
Galeottus interfectus uxoris insidiis Jo. Bentivolii filie. 213. E
Gentilis Urbinas Laurentii Medicis adolescentiæ moderator. 33. E
Gentilis Urb. missus à Laur. M. ad Buccolinum Auxiliatem. 211. F
Genua & quæcunque oppida in illius ditione habentur à Jo. Galeatio deficiunt. 165. C
Genuæ Principatum occupat Baptista Fregosius, Prospero Adornio ejecto. 195. E
Genuæ Baptista Fregosius Principatu ejicitur à Paulo fratre. 195. E
Genuæ collegium Divi Georgii quando & quibus de causis institutum. 197. A
Genuensibus Florentini denuntiant bellum ni Sergianum dolo Reip. ademptum restituant. 196. F
Genuensium constantia in suo jure tuendo. 210. A
Georgius Castriotæ prosperè adversus Turcas res gerit. 24. E
Georgius Castriotæ delectus Imperator communi Principum consensu bello adversus Turcas gerendo. 24. F
Georgii Boemiæ Regis mors, Romani Pontif. hostis acerrimi. 100. C
Georgii Ginorii virtute & audacia Pratum Florentinis servatum. 113. B
** Grati*

M E M O R A B I L I U M.

* Grati animi officium quod. 22. D

H

Helvetiorum virtus & frugalitas. 139. A

Henricus Hispaniae Rex cum Isabella sorore bel-
lum gerit. 100. A

* Henrici Regis insignis infamia. 99. A

* Henricus Rex Angliae, puer Gallorum Rex Lutetiae
inauguratus, xxiiii. annum carcerem inclusus egit,
Regno idem restitutus brevi postea ab Edoardo victo-
re interficitur. 100. C

Hercules Aetolus Ferr. princeps. Ejus laus. 100. C

Hercules Aetolus Florentini exercitus Dux. 167. D

Hercules Ferrar. Dux auxilium petit à Ferdinando so-
cero. 186. F

Hieronymus Machiavellius. 31. A

Hieronymus Pictoriensis Platonis statuam à Græcia
avexit. 115. D

Hieronymus Oleatus in Galeatium conjurat. 133. A

Hieronymo Riario Forum Liviae & Forum Cornelii ad-
judicantur. 98. E

Hieronymus Oleatus affectus supplicio teterrimo. 138. C

Hieronymi Oleati in supplicio perferendo constantia.
138. C

Hieronymus Riarius inter Principes conjurationis in
Laurent. M. 141. C

Hieronymus Riarius magnificentissimo apparatu Vene-
tias à Senatu excipitur. 186. A

Hieronymus Riarius à conjuratis Forolivii interficitur.
212. E

* Honores expetendi qui potius habeant testimonium pro-
bitatis quam potentiae. 64. D

* Honor partus cum hominum offensione quanto magis
conspicitur, tanto est majori invidiae. 156. D

* Honor quibus rationibus sit partus, non quam faci-
le, debet spectari. 143. D

* Honoribus & potestatibus gerendis non semper se ho-
mines ut in privata vita gerunt. 104. D

Hydruntem Turcae occupant. 181. E

I

Iacobus Cardinalis Ticinensis à Machiavello dissentit
libello de conjuratione in Petrum Medicem. 33. C

Jacobus Cardinalis Ticinensis arbiter inter Floren-
tinos & Senenses. 126. A

Jacobus Cardinalis Lucae ortus. 126. B

Jacobus Minutulus Lucensis. 126. C

Jacobus Patius familiae princeps. Ejus autoritas. 140. B

Jacobus Patius in principio non patitur sibi persuaderi
ut cum Patiis conjuret. 144. A

Jacobus Patius cum fratris filii in Laurentium conju-
rat. 146. A

Jacob. Patius concitare in Medices multitudinem cona-
tur. 152. B

Jacobus Patius supplicio affectus. 154. B. Populi im-
manis & barbara in mortuum crudelitas. 154. E

Jacobi Patii virtutes atque vitia insignia. 154. F. 155. A

Jacobus Salviatus Francisci frater in Medices conjurat.
147. D

Jacobi Salviati duo affectus supplicio. 151. E

Jacobus Pogii filius in Laurentium M. conjurat. 147. D

Jacobus Pogii filius affectus supplicio. 151. E

Jacobus Guicciardinus exercitus legatus Regios ad Thra-
simum fudit. 169. A

* Imperia mereri est magni hominis ambire cupiditati
servientis. 64. E

* Imperium unius utrum sit multorum imperio prae-
ferendum. 133. D

* Imperiis administrandis, raro qui succedunt eorum
instituta, quibus successum est, probare consueve-
runt. 173. B

* Imperia magna populorum discordiis, qui sibi compa-
rarint. 178. C. &c.

Imperium multorum, cum in pari potestate non sit pru-
dentia par, perniciosum. 194. F. 195. A

* Imperare hominibus, & cupiditatibus parere turpe
est. 64. E

* Imperiti magis eventu moventur, quam causis. 156. E

* Improbi industriam oderunt, atque otium partum sce-
lere, solertiae quaestuosae & honestae praeferunt. 31. B

* Imprudentis est spem dubiam praesentis boni, malo im-
pendenti praeferre. 33. F

* Impunitas peccandi cum est servitutis praemium, ne-
que improbo homini expetenda est. 183. F

* Impunitas tempore alitur. 142. B

Incendium Florentiae, conjurationem in Galeatium &
in Medices portendit. 115. E

* Incommodum acceptum sit contumelia gravius. 143. A

* Ingenio magis, quam etate homines ad virtutem pro-
ficiunt. 105. F

* in Ingenii magnitudine usus mediocris excellit. 106. A

* Ingrati animi crimen. 23. B

* Ingrati quomodo tractandi. 71. D

* Inimicum vincere est felicitatis & consilii, conserva-
re virtutis tantum. 72. C

* Inimicus reconciliatus aliquando amico veteri prae-
ferendus. 72. D

* Inimicos, aut tollendos penitus aut conservandos, in-
ter haec duo nihil medium haberi. 67. C

* Inimici vires qui aut contemnit, aut ignorat injuriae
obliviscitur, quam fecit. 73. F

* Inimico qui ignoscit, hominem servat. 95. B

* Inimico qui parcat sibi consulit. 95. B

* Inimicus conservatus, nisi illi penitus ignoscatur vi-
tae beneficium ad vindicandam injuriam habet. 125. D

* Inimicus timendus si est mortis contemptor, etiam po-
tenti homini. 149. A. 150. A

* Inimicitias ponere est magni hominis, instituere ami-
citiam inimicitias positae est Regis, hoc est summae
virtutis. 176. E

* Inimicitiae in nemine sunt cum laude diuturnae, in
Rege magna cum infamia & dedecore. 176. F

* Injuria in magno homine, aut dissimulanda penitus,
aut morte ejus & exitio vindicanda. 17. F

* Injuria nulla levis in magno animo, & qua de causa. 67. C

* Injuria potest officio compensari memoria injuriae non
aeque officio tolli potest. 132. D

* Injuria quae sanguine & vita constat nullo genere of-
ficii satis expiari potest. 156. E

* Injuria quantumvis levis in magno Principe aegre
etiam illustri beneficio & merito oblitteratur. 175. B

* Injuria fit contumelia gravior. 143. A

* Injuria inter summum beneficium, & summam in-
juriam viam mediam nullam probari. 67. B

* Injuria qui leditur stadiis hominum superior inimico
ulciscendo est futurus. 143. C

* Injuria in magno homine, magis insignes. 72. F

* Injuriarum qui obliviscitur, aut contemnit, aut non
novit inimici vires: quorum alterum confidentiae, al-
terum imprudentiae est. 73. F

* Injuriae vindicandae est magis aptus, qui contemnitur,
quam qui cavetur. 74. A

* Injuriae dolor vires suggerit. 142. D

* Injuriae remissio contemptissimum beneficii genus. 111. A

* Injuriae memoria in eo qui est affectus alit vindican-
di studium, non item in eo qui affectu solitudinem
cavendi. 141. A

* Innocentia adversus maledicta pugnandum. 97. B

Innocentius octavus Pontifex ex familia Cybo Genuae
nobilissima. 196. C

Innoc. Pont. miti ingenio. 204. B. 208. A

Innocentius Pontifex animum ad pacem inclinat. 208. C

Innocentius Pontif. autor Genuensibus ut Florentinis
Sergianum restituat. 209. D

* Interficere alium audet qui mortem ipse contemnit,
potentem maxime. 149. A

* Interficiendi hominis deliberatio difficilis ei qui non ab in-
genio simul & vitae instituto audaciam adhibeat. 149. A

Joanna Neapol. Regina, virum interfecit. 3. C

Joannis Med. virtutes Hetrusci scriptores celebrant. 6. B

Joannis Med. insigne meritum in Plebem, & egentes
homines. 6. C

I N D E X R E R U M

- Joan. Med. conatur civitatem bello implicare.* 7. E
Joan. Medic. cur belli suasor. 7. E
Joannes Med. cupiditas & ambitio. 6. D
Joannes Medices moritur confectus mœrore. 8. C
Joannes Medices Cosmi filius magnæ spei adolescens. 21. E
Joannes XXIII. Pontif. Max. 19. E
Joann. Guicciardinus à factione Medicum oppressus & quibus de causis. 16. D
Joannes Neronius Florentinorum Pontifex Romam exul concedit. 72. B
Joannis Francisci Strozze exulis divitiæ. 78. D
Joannes Andræas Lampognanus in Galea. Mar. Sf. conjurat. 133. A
Joannes Andræas Lampognanus interficitur. 138. A
Joannes Vitellius Nicolai filius. 127. C
Joannes Tornabonius Laurentii Medicis avunculus. 116. D
Joanni Galeatio puero nubit Isabella Alphonsi Calabrorum Ducis filia. 99. A
Joannis Baptiste Montescici de Laurentio Medice judicium. 147. B
Joannes Baptista Montescicus partes interficiendi Laur. recusat. 148. I
Joannes Baptista Montescicus in Medices recusat conjurare & quibus rationibus. 144. B
Joannes Baptista Montescicus capite plestitur. 155. E
Joannes Canigianus unus ex iis quorum consilio Laur. in Rep. administranda utebatur. 106. F
Joan. Lascare Byzantinus. 115. D
Joannis Seristorii ad Jacobum Patium oratio. 152. F
** Iracundi dolo, atque fallacia capiendi.* 51. D
** Itali minimè omnium apti ad suorum dedecus & flagitium ferendum.* 134. A
** Judices æqui nostris rebus judicandis sumus omnes naturæ instituto.* 59. E
Juliani Med. Laurentii frater. 36. A
Julianus Medices habitus concordie, atque otii studiosus. 143. A
Julianus M. Laurentium fratrem reprehendit nimis in Patios contumeliosum. 143. A
Juliani M. ad fratrem oratio. 143. A
Julianum Bandinus & Franciscus Patius interficit. 150. C
Julianus M. populo probatus ob famam humanitatis singularem. 155. E
- L
- L** *Laurentius Medices Cosmi frater legatus ad Philippum Insubrum Ducem.* 13. B
Laurentii Medicis legatio suis civibus suspecta. 13. D
Laurentio Medici Petri filio Clarice ex Ursina familia nubit magna cum offensione Florentinæ nobilitatis. 34. B
Laurentius Medices equestribus ludis victor. 35. F
Laur. M. ut Petrus pater mitius cum inimicis ageret profecit. 72. B
Laurentius M. agit ei gratias quo erat usus interprete inimico conservando. 72. C
Laurentii Medicis, vita, mores, instituta. 99. E
Laurentius uno nomine avo præferendus, quod literas ipse coleret. 115. C
Laur. M. ad Xystum legatus. 116. B
Laurentius Medi. à Xysto ærario præficitur. 116. C
Laurentii Medicis à Xysto Pontifice alienatio. 116. E
Laurentius Medices Xysto infensissimus. 118. B
Laurentius Medices Volaterr. adversatur. 122. C
Laurentii Med. oratio adversus Volaterranos. 122. C
Laurentius M. Nicolao Vitellio amicus. 127. B
Laurentius M. pecunia publica & fidem foris & familiaris existimationem domi tuebatur. 142. B
Laurentius à Juliano fratre reprehensus quod nimis acerbe cum Patii similitudines exerceret. 143. A
Laurentii summa ambitio. 143. C
Laurentius inimico fidele consilium, & prudens consulenti dedit. 145. D
- Laurentius Castellanus Pontificiarum copiarum Dux.* 147. B
Laurentius M. in jugulo leviter vulneratus, ægrè mortis periculum effugit. 150. D
Laurentii M. oratio ad cives bello à Pontifice oppressos. 158. A
Laurentius impetrat à magistratu, ut sibi liceat militum præsidio uti custodiæ causa. 161. C
Laurentius M. autor magistratui ut finis & modus statuatur in conjuratos inquirendi. 155. C
Laurentius M. Alamanno Salviato ignoscit, ac Jacobo fratris filio Lucretiam filiam despondet. 155. D
Laurentius M. ad Ferdinandum legatus de pace. 173. D
Laurentio M. Neapolim advenienti Ferdinandus Rex obviam procedit. 176. A
Laurentii oratio ad Ferdinandum pacem petentis. 176. D
Laurentii Medicis mors. 214. E. 216. D
** Lenitas parum opportuna sceleri atque audaciæ coercendæ.* 123. A
** Legum autoritas debet esse in libera civitate immortalis.* 74. F
** Libere civitates plures semper extulerunt qui virtute & rectis studiis florent, quam quæ parent unius imperio.* 133. E
** Libere civitates sunt meliore conditione, quam quæ unius imperio administrantur.* 133. E
** Libertatem plebs, neque fert moderatè, nec modico amissam cupit.* 71. A
** Libertas nunquam futura diuturna in civili dissensione.* 105. A
** Libertatis pretium populo libertate charius.* 152. E
** Libertatem populum contemnentem nemo debet vindicare in libertatem suo periculo.* 153. F
Litere Florentinorum ad Galeatium. 88. E
Lucas Pitius Medicum potentie æmulus. 29. E
Lucæ Pitii autoritas & merita in Rempub. 30. C
Lucas Pitius adversus Petrum Medicem conjurat. 29. F
Lucas Pitius adversus Machiavell. defenditur. 31. A
Lucas Pitius à conjuratis deficit. Ejus oratio ad N. Sod. 58. C
Lucas Pitius honesto exilio prætulit vitam inhonoratam. 68. B
Lucas Pitius secum agi patitur de reditione in gratiam cum Petro Med. 68. E
Lucæ Pitio oblata spes de affinitate cum Petro M. jungenda. 69. B
Lucæ Pitii beneficio magno vitæ periculo Petrus Med. ereptus. 71. A
Lucas Pitius non solum à conjuratis defecit, sed pro Petro M. pugnavit. 71. B
Lucæ Pitii contemptio, indignitas, solitudo. 73. A
Lucensis belli Cosmus autor. 11. E
Lucenses liberati Pauli Guinissi tyrannide. 14. D
Lucenses virtute & consilio usi Florentinorum consilia frustrantur. 16. A
Lucensium constantia & virtus in tuenda libertate. 17. B
Lucenses à Florentinis Petram Sanctam oppidum repetunt. 200. C. D
Ludi equestres Floren. indicti. 35. E
Ludorum commissio Florent. 35. F
Ludi à Poliriano celebrati Hetrusco carmine. 36. A
Ludovicus Pannoniæ Rex. 3. A
Ludovicus XI. Gallorum Rex oppressus domestico bello à Carolo fratre Normannorum Duce, & Carolo Burgundo. 24. B
Ludovicus Gallorum Rex bello victus quod est bonum publicum appellatum. 24. D
Ludovicus Rex Gall. pacem cum Burgundo facit. 139. C
Ludovicus Gall. Rex recuperat, quæ tempore coactus Carolo Burgundioni concesserat. 139. C
Ludovicus Sfortia Simonetæ inimicus. 164. F. 165. A
Ludovicus Sfortia, Octavianus & Ascanius fratres & Rubertus Sanseverinas in exilium pelluntur. 165. A
Ludovicus Sfortia. Mediolani imperii procuracionem susci-

suscipit. 175. B
Ludovici Sfortia & Alphonsi Calabr. Ducis similtas
quibus profecta initiis. 193. D
Ludovicus Sf. ejectis Frogofis Genuam occupat. 211. C

M

Magistratum creandorum quæ ratio Florentia
 6. F. 7. A
 * Magistratus, armis tumultuante civitate rectè quie-
 scit, & quibus de causis. 60. E
 Magistratus crudelitas & scvitia in Petri M. adver-
 sarios. 71. E
 * Magistratus quæ agant notantur, quod sint positi il-
 lustris loco. 96. E
 * Magistratus calumnie expositus. 91. F
 * Magistratum contemptio perniciofa civitatibus. 122. E
 Mahometis Turcarum Regis victoriæ. 24. A. 25. B
 * Malefacta hominum aut dissimulanda penitus, aut
 vindicanda acerrimè. 122. E
 Mannus Temperanius. 68. E
 Marsilius Ficinus. 101. B
 Magistratum iis consilium detegit. 7. B
 * Martinus Luca Medicum affectator. 7. C
 Matthias Huniades victoria potitus de Turca ad Savum
 amnem. 139. D
 Medicum adversarii qua ratione à magistratum peti-
 tione removebantur. 8. B
 Medicum divitiæ quibus rationibus auctæ. 19. E
 Medicum divitiæ exteris fuerunt admirationi. 20. B
 Medicum procuratoribus Edoardus Rex Angliæ Regnum
 acceptum refert. 20. B
 Medicum adversarii cum iniquo judicio circumventi in
 capitis discrimen adducerentur, sua sponte in exilium
 abeunt. 71. F
 Medicum copiæ quando primum à populo conspectæ. 115. B
 Mediolanenses Galeatii M. avaro, & superbo imperio
 oppressi. 135. C
 Mediolani seditio. 174. A
 * Merita magna atque insignia insolentiam in malo a-
 nimo atque impunitatem alunt. 122. F
 * Merita hominum debent valere in deprecando suppli-
 cio, non in scelere tuendo. 122. F
 * Metu an benevolentia, summa imperia retineantur. 95. E
 * Militia in Italia patrum memoria infamis. 84. A. 87. A
 * Misero ne auxilio simus sepe ipse efficit sui exemplo.
 In ejus enim ærumna, discimus aliis negare quod no-
 bis sit adversus eandem imminentem subsidio. 91. B
 * Misericordia qui juvat suis rebus secundis, exemplum a-
 liis statuit juvandi sui in adversis. 91. B
 * Misericordia invidiæ victrix. 104. A
 * Misericordia citò obsolescit, cum non possit esse com-
 pendio miseroni si eadem sit impendio miserenti. 91. B
 Montorium oppidum in Præcutinis in Caraffæ gentis
 ditio. 201. C
 Montorii Regulus adversus datam fidem ab Alphonso
 comprehensus & Neapolim victus missus. 201. E
 * Morbi eò majores, quò imbecilliores qui opprimuntur.
 105. D
 * Mortem ultrò appetit vir fortis, quæ est clara inimi-
 ci exitio futura. 150. A
 * Mortem qui ipse contemnit audet modò alteri mortem
 asserre. 149. A
 * Multitudinis levitas, & inconstantia. 47. F
 * Multitudo mavult à domino ali quàm egens regnare. 48. C
 * Multitudo libertatem inutilem contemnit. 48. C
 * Multitudo letum exitum etiam si à mala causa pro-
 bat. 61. B
 * Multitudo tamdiu virum principem colit, quamdiu id
 sperat sibi usui fore. 72. F
 * Multitudo inconstans. 103. D
 * Multitudo cum libertatem propriam habeat venalem,
 facile aliorum quæstui habet. 103. D
 * Multitudo habet inconstantiam ab ingenio. 103. D
 * Multitudo tamdiu quiescit quamdiu materia ad sedi-
 tionem deest. 104. B
 * Multitudinis incerta studia. 104. B
 Multitudo non facile fert privatorum injurias. 120. D

* Multitudo unius imperio assueta vires amittit & au-
 daciæ. 138. F
 * Multitudo nulla re alia magis stabilis quam incon-
 stantia. 138. F

N

Neapolitanorum Principum à Ferdinando Rege de-
 festio. 202. C
 Nerius Caponius cum Nicolao Tinutio adversus Machia-
 vell. sentit. 14. A
 Nerius Caponius à Medicum adversariis Lucensi bello
 legatus exercitus delectus. 15. D
 Nerius Capon. constans in sua dignitate & Reip. tuen-
 da. 15. E
 * Neutri in dissensione partium qui favet, à victis plu-
 rimum odii, nihil gratiæ à victore refert. 71. D
 Nicolaus Uzanius potentiæ Medic. adversatur. 6. F. ab
 his petitus insidiis. 7. A
 Nicolaus Fortebratus. 12. E
 Nicolai Soder. Medicum inimici ingenium & mores. 32. C
 Nic. Soderinus Vexillifer. 51. A
 * Nicolai Soderini virtus invicta, oratio. 56. D
 Nicolaus Soder. conatur impellere ad arma Lucam Pi-
 tium. 56. E
 Nicolai Soderini postrema ad Pitium oratio & vatici-
 nium. 59. E. 60. B
 Nicolai Soderini fortitudo & constantia. 61. D
 Nicolaus Soderinus Ravennæ moritur. 91. D
 Nicolaus Tinutius, aut incuriæ, aut mendacii Machia-
 vellium arguit. 13. F
 Nicolaus Machiavellius mendacii arguitur tum à Ni-
 colao Tinutio, tum à Nerio Gini filio Caponio. 14. A.
 14. E. 15. B
 Nic. Machiavellius falsò affirmat Rinaldum Albitium
 Lucensis belli suasorem. 11. F. 12. F
 Nicolai Machiavellii in Pitium calumnia. 31. A
 Nicolaus Machiavel. ob privatas offensiones, L. Pitio
 parum æquus. 31. A
 à Nicolao Machiavellio diversa assert Jacobus Cardi-
 nalis Ticinensis de causa alienationis à Petro Medi-
 ce. 33. C
 Nicolaus Machiavellius Dietesalvio iniquus. 26. A
 Nic. Machia. reprehenditur. 52. B
 * Machiavellio non convenit cum Valorio de Petri ad
 urbem adventu. 55. A
 à Machiavellio diversa alii tradunt de conjuratione in
 P. M. 68. C
 Nicolaus Machia. diversa tradit à Ticinensi de conjura-
 tione in Petrum M. 69. E
 Nicol. Mach. bello exulum narrando non convenit cum
 cæteris. 79. D
 Nicolai Machiavel. lapsus. 126. C
 Nicolai Machiavel. incuria. 126. E
 Nicolaus Valorius vitam Laurentii Medic. conscripsit
 Hetrusca lingua. 36. B
 Nicolaus Fedinus P. Med. consilia conjuratorum prodit.
 50. A
 Nicolai Vitellii meritum in Xystum Pontificem. 118. A
 Nicolaus Vitellius à Xysto Pontifice deficit. 117. E
 Nicolaus Vitellius Laurentio M. amicus. 127. B
 ejus laus. Liberi. 127. C
 Nicolaus Vitel. etiam Florentinorum auxiliis destitutus,
 bellum à Pontifice sibi illatum egregiè defendit. 195. A
 Nicolaus Vit. cum Pontifice pacem facit. 195. A
 Nicolaus Urfinus Petil. comes Florentinorum exercitui
 præficitur. 206. A
 Nicolaus Vitellius spe auxilii à Florentinis ostentata co-
 natur Tiserni amissum Principatum recuperare. 168. D
 Nicolaus Vitellius auxiliis Florentinorum adjutus Prin-
 cipatum Tiserni recuperat. 187. B
 Nicolaus Montanus autor conjurationis in Galeatium
 M. S. 132. F. Cola Montanus, Lucensibus autor
 ut ab insidiis Galeatii caveant. 114. F

O

* Officio multi possunt deesse, qui non item sibi pa-
 tiuntur persuaderi ut scelus admittant. 71. D
 Brutus. P 2 * Offi-

* Officium homines utrum præsent alacrius spe præmii supplicii metu. 95. E
 * Officium debetur cum dedecore, persolvitur nulla cum laude. 96. E
 Oratio Silvestri Medices ad Populum. 5. A
 Oratio populi in Petrum Med. 37. E
 Oratio Petri M. fœdus esse renovandum & confirmandum cum Sfortia amicitiam censentis. 40. A
 Oratio Neronii ad Pitium. 31. D
 Oratio alia Populi in Petrum Medicem. 34. A
 Oratio adversariorum in P. M. autorem firmandi cum Sfortia fœderis. 37. E
 Oratio Populi in P. M. 46. B
 Oratio conjuratorum in P. M. arma & vim improbatum. 47. A
 Oratio conjuratorum censentium. P. M. tollendum armis. 47. D
 Oratio Neronii multitudin. in P. M. excitantis. 55. F
 Oratio Nicolai Soderini ad Pitium. 56. E. 59. F
 Oratio conjuratorum in P. M. præsentem. 61. F
 Oratio Pitii ad Soderinum. 59. C
 Oratio P. M. in conjuratos præsentem. 62. E
 Oratio exulum ad Senatum Venetum. 76. C
 Oratio legatorum Ferd. in Venetos apud Paulum Pontif. 81. A
 Oratio Petri Med. suos à crudelitate & scelere deterrentis. 93. D
 Oratio magistratus ad Petrum Med. 96. D
 Oratio Bernardi Nardi ad Pratensem magistratum. 109. E
 Oratio magistratus Pratenf. ad Nardum. 110. F
 Oratio Cæsaris Petrutii ad Ber. Nardum. 112. A
 Oratio Volaterranorum ad magistratum Florent. 121. A
 Oratio Laurent. Med. adversus Volaterranos. 122. C
 Oratio Volaterranorum in Florent. 123. D
 Oratio Patiorum in Medices. 142. A
 Oratio Laurentii Medices ad cives, bello à Pontifice oppressos. 158. A
 Oratio Florentinorum ad Laurentium Medicem. 160. E
 Oratio Florentinorum in Xystum acerbissima. 161. D
 Oratio Xysti in Florentinos & Laurentium Medic. 161. D
 Octavianus Sfortia in transitu Abduæ amnis interiit. 165. B
 Oratio Florentinorum recusantium bellum. 172. A
 Oratio Laurentii M. ad Ferdinandum Regem. 176. D
 Oratio legatorum Florent. ad Xystum Pontificem pacem petentium. 182. C
 Oratio Xysti ad legatos Florent. pacem petentes. 183. C
 Oratio Alphonsi Calabr. Ducis ad milites. 188. A
 Oratio uxoris Ruberti Malatestæ ad Florent. 190. B

P

 Palandrii in agro Pistoriensis factiosi. 107. F
 * Parentes oppugnandi nulla eorum quantumvis gravi injuria affecti liberi satis æquam causam habent. 182. D. Vindicandis parentum injuriis nunquam non à liberis læditur pietas. 182. D
 Patris crudelitas in filium. 138. A
 * Patriæ causa non est ab officio discedendum: non enim potest pietas coli qui officii sit parum memor. 82. A
 * Patientia qui semel obduruerunt in eos indices vehementius sævire. 142. B
 Patiorum affinitas cum Laurentio M. à Cosmo avo quaesita. 140. C
 Patiorum odii in Medices causa. 142. D
 Patii Medicum inimici florent gratia apud Xystum Pontif. 140. B
 Patiorum oratio in Medices. 142. A
 Pauli secundi Pontif. responsio ad Ferdinandi legatos. 82. A
 Paulus secundus Pontifex gemmarum studiosus. 116. C
 Patii Laurentii M. potentia oppressi. 140. E. & F
 Paulus Vitell. Nicolai filius. 127. E
 * Pax sæpe ab armatis & paratis dimicare conciliata, quæ fieri nulla alia ratione potuerit. 57. F. 58. A
 Pax inter Principes Italiae parta. 214. E
 Pax Innocentio Pontifice in Italia parta multorum scriptis celebrata. 208. D
 * Peccant quidam magis licentia & impunitate quam

scelere. 133. A
 * Pecunia mutuo danda sæpe beneficii genus infelix & fœdi exitus. 27. C
 Pecunia publica Laurentius domesticam potentiam tuebatur. 142. B
 Perusini à Carolo Bratii filio obsessi Florentini exercitus Duce. 168. C
 Petrus Medices Cosmi filius imbecill. 20. E
 Pestilentia Florentiæ orta. 170. C
 Petra Sancta oppidum à Lucensibus ædificatum. 198. B
 Petra Sancta Florentinis deditur. 200. B
 in Petrum Medicem principes conjurant. 29. E
 Petrus Med. quid ita suorum studia amiserit. 34. A
 Petrus Medices in magnam invidiam vocatur. 36. D
 Petrus M. de salute sollicitus. 47. A
 Petrus M. Sfort. orat ut mittat sibi milites auxilio. 50. F
 Petrus M. Laurentii filii consilio incolumis inimicorum insidias evasit. 55. A
 Petrus Medices armatus Florent. venit. 54. F
 Petrus Medices à conjuratis domi conventus. 61. D
 Petri M. oratio. 62. E. eadem reprehenditur. 62. E
 Petri Medices ferox animus. 67. B
 Petrus Medices deteriore conditione cum Pitio in gratiam redit, quo eum à conjuratorum societate avocaret. 68. F
 Petrus M. magno vitæ periculo à Luca Pitio ereptus. 71. A
 Petri M. ad Angelum Acciaiolum literæ. 75. B
 Petrus M. penè Romæ coactus fidem amittere exulum consilio. 76. A
 Petro M. inscio adversarii magna illius invidia crudelissimè plectuntur. 92. E. 93. B
 Petri Medices oratio ad suos. 93. C
 Petrus M. statuit exules reducere. 97. D
 Petri Medices mors, ejus ingenium, mores, vitæ instituta. 97. F
 * Petri Cardinalis, luxus, voluptates deliciæ, sumptus. 127. F
 * Petri Cardinalis convivium. 128. D
 Petrus Card. sperabat Xystum sibi Pontif. viventem cessurum. 129. A
 Petrus Delclarius in fortunarum, & vitæ discrimen à Medicibus adductus. 16. F
 Petrus Caponius ad Lucenses missus legatus, magnum vitæ periculum adiit. 167. A
 Petrus Caponius legatus ad Alphonsum Calabr. Ducem. 206. D
 Petrus Nasus, legatus ad Xystum Pontificem. 180. E
 Philibertus Allobrogum Princeps. 135. E
 Philippus Commineus majoris fidei & diligentiae, quam elegantiae in scribendo. 24. E
 * Pietati studere est viri boni, prudentis est præstare consilio, pietatis studium patriæ ne obsit. 74. F. 75. A
 Pistorium seditionibus laborat. 107. F
 Pius secundus bellum Asiaticum moliens Anconæ moritur. 23. E
 Platonis statua ad Laurentium Med. è Græcia allata. 115. D
 Plebs concitata à Silvestro Medice. 4. F
 Plebs libertatis jactura vindicem querit. 5. E
 * Plebs libertatem, neque partam moderatè fert, nec modicè amissam cupit. 71. A
 Pogibontii à veteribus Bonitium. 168. C
 * In Pontificatu, non unius solum sed multorum imperium perferendum. 204. E
 * Pontificis Romani auxilia, cum rarè esse ejus diuturnum imperium soleat, infirma & dubia habenda. 173. A. 178. F. 179. A
 * Pontificis clementia major injuriis omnibus debet videri. 182. E
 Populi in Medices querela. 46. B
 * Potentem hominem interficere eorum est, quibus major voluptas in vindicanda injuria, quam mortis metus, si sit obeunda. 149. A
 * In Populi studiis parum præsidii viro forti constitutum. 153. F
 Populus nullum modum habet, sive favere, sive sive

- vire instituit.* 154. E
 * *Populum qui sua sponte servit, nemo debet suo periculo in libertatem vindicare.* 153. A
Prælio committendo, militum summum dedecus. 170. A
 * *Præmii spe an mali metu, præstet in officio homines continere.* 95. E
Pratum à Bernardo Nardo occupatum. 109. B
 * *Principat. rectius administratur ab eo qui assuevit, quàm à novo homine, cum non dubitatur de fide.* 104. D
Principum Italiæ conventus Cremonæ adversus Venetos indictus. 191. E
 * *Proditionis infamia notatus etiam quibus est usui, invisus.* 58. B
 * *Proditor quicumque est deserit, non quicumque est desertor prodit.* 71. C
 * *Prudentes causis rerum magis quam eventu moventur.* 156. E
Putius homo callidus. 7. D. 10. F

R

- R**aphaël Riarius Cardinalis in magnum vitæ discrimen incurrit. 150. F
Raphaël Riarius Pisis juri Pontificio operam dabat. 148. A
Raphaël Riarius Florentiam à conjuratis deductus. 148. A
Raphaël Riarius Cardinalis è custodia à Florentinis dimissus. 163. D
 * *Rectis hominum studiis nunquam defuit Deus immortalis.* 95. A
 * *Rectè facere debent omnes qui & possunt & noverunt.* 176. F
 * *Rectè facere non solum homines debent, sed tueri rectè facta constantia.* 177. D
 * *Religio contempta animos efferat atque reddit ad scelus paratiores.* 149. B
Renatus Andegavensis in Italiam à Florentinis evocatus. 21. A
Renatus Lotharingæ Dux Carolum Burgundionem prælio victum interficit. 139. B
Renatus Patius cum cæteris recusat conjurare. 147. F
Renatus Patius supplicio affectus. 154. C
Renatus Lotharingus Dux Veneti exercitus ad Ferrariam. 192. F
 * *Reipubl. administrandæ quæ optima ratio.* 23. A
 * *Rerum publicarum conversiones raro non perniciosæ.* 104. A
Rinaldus Albitius Lucensis belli dissuasor & quibus de causis. 11. F
Rinaldo Albitio victoria certa & explorata de Lucensibus Cosmi consilio erepta. 16. D
Rinaldus Albitius adversus Machiavell. defenditur. 15. B
Romæ magnus terror illatus ab Alphonso Calabr. Duce. 187. E
Rubertus Leonius Vexillifer Medicum studiosus. 67. E
Rubertus Malatesta à Florentinis copiis Reip. præficitur. 130. A
Rubertus Malatesta Florentini exercitus Dux. 130. A
Rubertus Malatesta à Xysto præficitur bello adversus Alphonsum administrando. 187. B
Rubertus Malatesta Pontifici autor ut exercitus robur in peditatu constitueret. 187. C
Rubertus Malatesta moritur Romæ. 188. B
Rubertus Malatesta victoria potitur adversus Alphonsum Calabr. Ducem. 187. F
Ruberti uxoris oratio ad Florentinos. 190. B
in Rubertum Malatest. Pontifex ingratus. 189. D. & F
Ruberti uxor à Florentinis auxilium postulat. 190. B
Rubertus Sanseverinas copiarum Flor. Reip. Dux 113. D
Rubertus Sansev. ab Innocentio Pontifice bello adversus Ferdinandum Regem gerendo præficitur. 202. C
Rubertus Sansever. Alphonsum Calabrorum Ducem prælio vincit. 206. B
Ruberti Sansever. fœdus exitus. 208. F
 * *Rumoribus non est semper habenda fides.* 121. E

S

- S**alviatis Laurentius M. ignorit per Philippum Vælorium, ac cum iis affinitatem etiam junxit. 155. D
 * *Scelera hominum, aut vindicanda acerrimè, aut penitus dissimulanda.* 122. E
in Scelere tuendo nulla debent hominum merita valere, ut sint maximè illustra. 122. F. *Lenitas parum opportuna sceleri coercendo.* 123. A
 * *Scelus quidam ita admittunt ut illud prædicatione multò gravius efficiant.* 133. C
 * *Scelus neque in summa potestate diu satis tutum.* 138. D
 * *Secundis rebus raro fortuna moderata.* 66. A
Seditio Florentini exercitus qd Pogibontios. 169. D
Seditionis tollendæ causa Florentini distrabere exercitus vires coguntur. 168. B
Senensibus Florentini suspecti. 131. D
Senensium magna suspicio de Alphonso Ferdinandi filio. 181. A. & B
Sergianum Florentinis à Genuensibus ademptum. 175. C
 * *Servitutem homines parvo beneficio deliniti non ferunt.* 95. E
 * *Servitus ferri non potest, ubi est libertatis futurus vindex.* 94. C
Sfortiani fratres adjunctis Genuensibus exulibus Florentinis in agro Pisano inferunt bellum. 166. A
Sfortiani & Genuenses exules è Pisano agro rejecti à Florentinis. 67. F. 68. A
Sfortiani fratres exules restituuntur. 175. A
Silvester Medices civis factiosus. 4. F. *Vexillifer Reipubl. 5. A. ejus seditiosa oratio.* 5. A
 * *Societas parum fida ubi utrinque sint vires pares metuendæ.* 178. E
 * *Spe præmii an metu mali præstet homines in officio continere.* 95. E
Spur. Melius à multitudine desideratur. 48. E
Spur. Cass. à multitud. desideratur. 48. E
Stephani Mysie Regis miserabilis exitus. 24. E
 * *Successores in magnis administrandis imperiis raro eorum instituta probant, quibus successerunt.* 173. B
Supplicationum tempore & festo die magistratus de Medicum adversariis supplicium sumit. 72. E

T

- T**emeritas cum non admittat consilium in agendo, consilio eget tamen ut agenti non sit exitio. 112. F
Thaddæus Manfredus Forocorneliensis Regulus. 83. D
Thaddæus Manfredus dubiæ fidei. 83. F
Thomas Soderinus vir gravis & moderatus fratrem consilio fallit. 51. C
Thomas Soderinus pacis inter conjuratos & Med. autor. 68. E
Thomæ Soderino principem in Republ. locum sui cives deferunt. 102. B
Thomæ Soderini autoritas apud omnes Italiæ Principes. 102. C
Thomæ Soderini laus. 102. B
Thomæ Soderini oratio pro causa Medicum ad principes civitatis. 102. E
Thomæ Soderini virtuti Florentini Reipubl. salutem ferunt acceptam. 106. E
Thomas Soderinus Volaterranos defendit. 121. F. 122. A
Thomas Soder. Vexillifer. 173. F
Tifernum à Pontifice recipitur, & quibus conditionibus. 127. A
Tumultus Mediolani, orta discordia inter pueri Joan. Galeatii tutores. 165. F
Turcæ Hydruntem occupant. 181. E
Turcarum arma Ferdinando illata & Senensibus simul & Florentinis auxilio adversus Alphonsi cupiditatem fuerunt. 181. E
 * *Tyrannis parum septa adversus multorum consensum.* 96. A
 * *Tyrannus quod neminem velit se videri meliorem, non patitur coli à suis honesta studia.* 133. E. & F
 * *In Tyrannide quæ & quot mala perferenda.* 133. D

INDEX RERUM MEMORABILIU.

* Tyranno parens multitudo vim & audaciam amittit.

138. F

V

U Baldus Ruffulus primus Vexill. Flor. 4. D

Vannes Medices inter x. legatos quos civitas ad Ludov. Pann. Regem legavit. 3. D

Veneti Medicum familiæ irati, & quibus de causis. 67. F

Venetorum laudes. 76. C

Venetis qui Mediolani Principatum interceperint. 78. C

Veneti exulum causam suscipiunt tuendam. 78. E

Veneti Ferdinando Regi & Sfortiæ formidabiles. 80. C

Veneti palam auxilia mittunt Coleoni ad bellum gerendum. 85. E

Veneti omnium consensu vindices libertatis. 110. C

Venetis Ferdinandus Cyprium Regnum intercipere insidiis conatur. 129. C

Venet. universi Italiæ principes adversus Venetos conspiciunt bellum ad Ferrar. gerentes. 191. D

Venetorum classis ad Bonenum depressa. 192. D

Venetorum constantia in adversis rebus. 192. E. 193. C

Veneti pace facta conditionibus superiores. 194. B

Veneti adversus Machiavellii maledicta & aliorum defenduntur. 194. B. & C

Vitellotius Vitellius, Nicolai filius. 127. E

Umbri à Xysto Pontifice deficiunt. 117. E

Volaterræ directæ adversus datam fidem. 125. A

Volaterris dissensio inter privatos & civitatem. 119. E

Volaterranorum defectio à Florentinis. 119. A

Volaterranus ager habet aluminis fodinas. 119. C

Volaterranorum oratio ad magistratum Florent. 121. A

Volaterranorum causam Thomas Soderinus defendit. 121. F

Volaterranis Laurentius Medices adversatur. 122. C

Volaterranorum oratio in Florentinis. 123. D

Volaterrani in direptione urbis non minorem cladem à suis quam ab hostibus accipiunt. 125. A

Volaterrani duo in Laurentium Med. conjurant. 147. E

* Voluntas egregia, etiam cum vires non suppetunt, habet conatum, atque impulsus ad fortitudinem. 56. B

Ursinæ familiæ vires civitati formidabiles 196. C

Ursini à Xysto Pont. adjuti Columnensibus inferunt bellum. 195. D

Ursini Laurentii Med. consilio à Pontif. ad Regem deficiunt. 207. E

* Usus mediocris in magnitudine ingenii excellit. 105. E

Uxoris scelus in virum. 213. F

Vexilliferi in principio quod erat munus. 4. B

de Vexillifero non omnes eadem tradunt. 4. C

Vexillifer qui primus Florentiæ. 4. E

Vexillifer Florent. quando primum institutus. 4. B

* Victor Dux etiam si est mitis non potest uti in victos suo ingenio. 72. A

* Victores quæ à Duce non possunt à victoria petunt. 72. A

* Victoria facile in fortunas sævit cum vitam hausit. 72. A

* Victoria materiam ad serviendum in miti etiam ingenio invenit. 93. A

* Victoria quæ utendum in victos. 95. C

* Victoria potius ne victis ignoscat, magis eos meminit hostes esse quàm miseros. 93. A

* Victo æquiores conditiones pacis sperandæ, si armatus occurrit, quàm si abjecto animo arma ponit. 57. D

* Virtus sæpe ignavia vincitur, cum est armis munita. 164. E

* Vis nunquam diuturna & fortunata in multorum odio. 93. B

* Vires diu contemptæ ubi corroborantur tempore, contemnti perniciosæ fiunt. 77. F

Virginus Ursinus à Florentinis præficitur bello ad Sergianum gerendo. 210. C

X

Xystus factus Pontifex magis præter suam quàm aliorum expectationem. 98. C

Xystus non magis Pontificatu quàm cupiditate & animi ferocia formidabilis. 104. F

Xystus quibus de causis à Florentinis alienatus. 116. E. 117. A. 117. E. 118. B

Xysti querelæ de Florentinis. 118. B

Xysti Legatus apud Florentinos vix tutus à convitio & contumelia. 118. C

Xysti in Florentinos odium. 118. A

Xystus cum Ferdinando Rege fœdus facit. 118. D

Xystus creditus est conjuratos in Laurentium M. fovisse. 141. C

Xystus cum minus conjuratio processisset aperto bello Laurentium deturbare de principatu constituit. 157. A

Xysti in Florentinos & Laurentium Med. oratio. 162. D

Xystus de Ferdinando queritur quod fœdus se inconsulto cum Florentinis inierit. 180. C

Xystus ad pacem inclinat metu Turcici belli. 182. B

Xysti Pontificis ferocia. 182. B

Xysti ad Legatos Florentinos oratio pacem petentes. 183. C


Xystus moritur pace inter Italiæ Principes facta. 195. F

F I N I S.









209

ANTIQ
ITALIÆ

Γ 1 VI

P

106